

J - 7



IACOBI SADO-
LETI CARD. ET EPISCOPI
CARPENTORACTENSIS

VIRI DISERTISSIMI,

Opera quæ exstant omnia:

AD ELOQVENTIAM, PHILOSO-
phiam, ac Theologiam pertinentia.

NUNC PRIMVM E VARIIS
Bibliothecis simul edita & aucta.

ADHÆC ANTONII FLOREBELLI
Mutinensis Orationes III.

SERIEM SEQUENTES VITAM
paginæ exhibent. -



M O G V N T I Æ,

Ex Officina Typographica Balthasari Lippij,
Sumptibus IONÆ RHODII.

ANNO DOMINI M. DCVII.





REVERENDA
DIGNITATE ATQVE
EXCELLENTI DOCTRINA
PRÆSTANTISSIMO PATRI PETRO
WINÆO, Sacræ Theologiæ Doctori Col-
legij SOC. IESV Moguntinensis
Rectori Magnifico.
S. D.

IN tanta hodie & scriptorum & librorum non
copia, sed abundantia, quanta post literas natas
nata nunquam fuit, sæpe mecum ego de seculi no-
stri fertilitate dicam, an luxuria, in hoc genere,
tum contra de rebus ipsis & scribendi legitimis
argumentis soleo cogitare. De illa quid sentiam, & in futurum
quid ominer, apud me premere tacitus malo, quàm in vulgus pro-
movere, ne malorum augur & vates importunus habear, quem
multi non sine irrisu & cum sententia mea insecratione sint au-
dituri. Proinde de rebus ipsis & argumentis, quæ iure cadant sub
scriptionem, breuibus aliquid dicam. Omnium autem, quæ post
veteres tot ac recentes ipsos non pauciores scriptores scribi hodie
possint, & debeant deinceps, tria facio capita siue classes, quibus
nec puto fore quicquam ἀξίον ἐγείρειν quod non includatur. In
primo ordine statuo, qui aut noua prorsus inueniunt, aut vete-
rum inuentis addunt: in secundo, qui opiniones antiquorum in
artibus & scientiis quibuscunque, quocunque modo vel castigant
vel dirigunt, ipsas autem res meliore via & ad discendum accom-
modatiore tradunt: in postremo, qui scripta ipsa priscorum
omnis generis vel obscura illustant, vel emendant maculosa. Pri-

D E D I C A T I O.

mis nihil dignius : qui hos subsequuntur, nihil vtilius : quos ultimos feci, iis verò nihil magis necessarium. De omnibus latissimus dicendi est campus, si ingenio quis permittat expatiari, quod arctioribus habens ita moderandum hic mihi, ne magis, qua de re, quàm ad quem, & qua lege scribam, videar meminisse. Falcem enim aliena inferere mesi, deq; aliorum quibusvis scriptis temerè ferre sententiam prudens semper abstinui, quin potius omnium bonorum scripta atque labores summis laudibus veneror, ac quantum in me est, ab interitu vindico. Qui quidem mei conatus, maximum, vti spero, elucubrationibus insudandis præbent incentivum. Quorsum enim opus foret, tot curis, vigiliis, laboribus, nec sine maximo vt plurimum valetudinis detrimento, vt quisquam se maceret, si ipsius lucubrationes, quæ utilitati plurimorum inseruire possent, omnino sopirentur. Iniuriosumq; adco est, indoctorum virorum lucubrationes, quibus care omnino, citra barbarici metum, posteriora secula nequeunt, vt simus iniquiores; Vita enim huius seculi, si vnquam, vel hodie maximè, brevis, memoriaq; labilis admodum, ars verò longa, omniq; scientia, vt Aristoteles ait, infinita est, nec parare nobis doctrinam atque scientiam eadem via, qua didicerunt & docuerunt præci, possumus. Tollamus enim præcorum scripta, quid nobis relinquetur?

Atque hinc etiam factum est, vt maiores nostri per multa secula certos quosdam eosque probatiores, in qualibet scientia auctores, in quibus nimirum maximam vim rationis lumenq; veritatis animadverterunt, selegerint, eosdemque vt oracula scientiarum omni posteritati commendarint; ne videlicet scientiarum nauem inter scopulos erroris fluctuantem sine anchora certog; gubernatore relinquerent. Hinc Ptolomeum in Astrologia, Boetium in Musica, Euclidem in Geometria, Hippocratem & Galenum in Medicina, Ciceronem in Eloquentia, Platonem & Aristotelem in Philosophia & Dialectica pratulerunt, omniq; pro re nata, dubia ex eorundem scriptis deciderunt. Periculosum enim existimabant, Solis & Musarum vehiculum tot seculis sapienter ab illis gubernatum, vni Phaethonti temere gubernandum committere.

Sed

D E D I C A T I O.

Sed enim non carent nostra etiam secula ingenii maximope-
 è admirandis. Non dicam iam de felici multorum industria, qui
 n expurgandis veterum scriptorum prodigiis corruptionibus
 antoperè desudant; quo factum, ut hodie summa multorum
 um laude extent in optimis autoribus tam variae lectiones, tot
 ote, tot scripta critica, tot Aristarchorum de vera sententia
 oncertationum plena disputationes, tot monumentorum & co-
 licum manuscriptorum allegationes; quibus sane studiis exci-
 antur atque indies ad diligentiam maiorem studiumq; indefes-
 ium magis magisq; ingenia acuantur, nec defatigantur in extir-
 anda barbarie, nec finem faciunt, antequam vestigia eius nulla
 implius inueniant. Et quamvis magna subinde dubitationum
 nateries, in eo & fecunditas quotidie quasi subolescentium pro-
 umpat, dum oriuntur ex aliis aliae, quoq; plures tolluntur, hoc
 epullulare plures videntur, dubitareq; adeo necesse sit, pluresne
 ubitationes sublatae sint à prioribus, an posterioribus relictae
 ommentatoribus; de quibus vtrinque incertum, illanc plus olim
 egotij prateritis ingenii fecerint, an haec futuris deinceps assiduo
 int facturae; Nihil tamen arduum animo magno, nihil nimium
 mprobo labori existimantes, luctantur cum difficultate, capiunt-
 que spiritus ab ipsa rei mole, in qua vel adnissum esse, pulchrum,
 nec destituit fortuna conatum omnium, si quorundam minus
 diuuiat.

Tametsi verò ij quos iam dixi, de re literaria egregiè meren-
 ur, magis tamen eandem promouent, qui peculiare in quauis
 cienza materias tersiori eodemque eloquenti incunda lectionis
 lylo pertractant quippe cui semper maximus est bonos habitus,
 ributumque plurimum ijs, eodem qui excellere visi sunt. Et si
 nim nihil arti, nihil Eloquentiae Carneades tribuit, sed ita hanc
 ios esse in lucem prognatos contendit, ut & blandiri illis à qui-
 us aliquid petendum, & rem gestam exponere, & id quod in-
 endimus, confirmare, & quod contra dicitur, resellere, & ad
 extremum conqueri ac deprecari possimus; Eloquentiam tamen
 um politiori stylo coniunctam, adeoq; styli exercitationes cum
 anta verum praeclararum supellectile comparatam habere, ma-
 cinum est ad sapientiam assequendam momentum. Est enim, ut

D E D I C A T I O.

Cicero vult, Eloquentia copiosè loquens sapientia. Estq; oratoris graui nomine dignus, qui, Crasso si credimus, quaecunque res inciderit, quæ dictione explicanda, non modo compositè, ornatè, memoriter, & cum quadam actionis dignitate, verum etiam prudenter dicere potest. Eiusq; officium est, vt doceat, vt delectet, vt moueat: quorum nihil præstabit, si aridam, ieiunam, sterilem, exuccam, exanguem; non eruditam ac sapientem, nõ rerum ac sententiarum floribus conspersam, non doctrinæ notis illuminatam orationem protulerit. Et damnarunt semper veteres locutuleios ac loquaces, multum eloquentiæ, parum sapientiæ habentes; nihilq; tam furiosum esse statuerunt, quàm verborum vel optimorum atq; ornatissimorum sonitus magnos, nulla aut sententia aut scientia subiecta; inanem loquendi profluentiam, circulatoriam ac ventosam linguæ volubilitatem oderunt: in illam quoq; sedulò curam incubuerunt. vt omnium eorum, quæ ad hominum mores, ad virtutem, ad vitam, ad Rempub. ad alia pertinerent, cognitionem cum dicendi ratione coniungerent. Testis re huius locupletissimus est Demosthenes, qui, vt ex Hermippe Plutarchus refert, Platonis diligens auditor fuit: octies descripsit Thucydidem, indeq; plurimum adiumenti ad eloquentiam accepit. Testis Pericles ille, qui propter animorum motus fulminare ac tonare est iudicatus: dicendo excelluit, quod Anaxagora Philosopho Præceptore vteretur, non rhetoribus tantum aures præberet. Testis etiam est hic noster IACOBVS SVDOLETVS, qui non nature duntaxat vnitæte fretus, vel verborum suffultus copia ac ornatu, vel præceptorũ quæ in arte traduntur, nuda nixus scientia, sed præclararum quoq; rerum cognitione instructus, eloquentiæ operam dedit, indeq; multum opis atque auxiliij rebus humanis attulit; Estq; stylus ipsius ad illud absolutissimum Ciceroniane eloquentiæ exemplar omni diligentia conformatus. Vt interim nihil dicam, quanta sit in eo recondita sapientia, quàm variarum disciplinarum eruditio, quàm graues sententiæ; ad capeffendam virtutem & literarum studia amplectenda, mirabile in Iuuenum animis ignes elicientes; quibus artes, homine liberalius dignæ, omniaq; vitia tanquã fumi euanescere videantur.

Me quod attinet, pro meo benè de te merendi literaria voto a
studio.

D E D I C A T I O.

studio, in eam, aliquot hinc ab annis curam incubui, ut Autores, utilitate sese sua puritateque pra aliis commendantes vel ab interitu vindicarem prorsus, vel sumptibus meis recognitos, notis atq; castigationibus, aut alia etiam aliqua acceßione locupletatos Atticè & venustè perpolirem, typisq; imprimendos committerem. Vtut enim, hoc dum facerem, eorum subeunda mihi censura, voces audienda parum aqua commodeq; essent, qui nihil nisi ipsi quod fecerint, fieri rectè opinantur; plus tamen ponderis apud me momentiq; semper publica habuit, ut haberi meritò debuit, utilitas: magni iudicia eorum facienda; locum precibus relinquendum esse duxi, qui grato labores hosce meos sumptusq; eam in rem factos agnouerunt animo; utque propositum hoc deinceps quoque virgerem, autores mihi suasoresq; extiterunt. Quo etiam nomine factum est, facile ut eorum voluntati atque suffragio calculum meum adicerem, qui nec opera nec impense in recudendis IACOBI SADOLETI operibus, quae sparsim alioqui prostabant, parcendum esse existimarunt. Neque verò ad famam per sudores aliena virtutis enisor, nec inde lauream expectavi: vnuquam. Abunde mihi gloria est, abundè fructus, si & pubertati & paupertati, quator, tantis tamque iustu voluminibus emendis non est, qualicunque labore optimè prospiciam; quae in te si peccasse dicar, feram oportet id a quo animo, & potius sapienter cum sapientibus peccasse, quam cum stultis stultè ignorasse ac sensisse malim.

Ceterum, cum transmissis nuper ad me IACOBI SADOLETI operibus, de eorum & publicatione & dedicatione quamprimum cogitarem, amplexus eam sum rationem, quam cum animus ipse mihi suieciisset meus, amicorum etiam sententia videbam comprobari. Est hac illa, quae solennis hodie plerisque omnibus in isto genere scriptionis in vulgus nouitia videtur, & huius inuentum aeti, apud doctos antiquam esse constat, & veteribus etiam frequentatam. Singulis libelli singuli inscribuntur, cuius alius alia, nec una fortasse causa, mihi prater vnā hanc nulla, nisi vel amantibus mei vel benè iam meritis de me viris, amoris in eos contra mei gratiq; significationem aliquam ani-

D E D I C A T I O.

mi, publico eiusmodi monumento referre. Atque in ista quidem cogitatione multi sanè occurrebant, quibus officium hoc deberem. Obnoxium enim me quàm multis fecit humanitas ac benevolentia in me insignis illa, quam vestrales, cum Moguntia nuper essem, cumulatam omni genere comitatus explicarunt, ut istum in hominem ignotum antea vobis, prolixissimum affectum, de immerente merendi benignissimam non voluntatem, sed cupiditatem & mirarer vehementer, & cum mirari non possem satis, etiam venerarer. Itaque difficultas orta mihi magna in electione, cui cum discernere arduum esset, quos non liceret; tam metuendum erat, ne offenderem. quos necesse esset praterire. Et diu sanè anxius hic harebam, adeo ut fluctuare iam inciperem de toto consilio inscriptionis, nec aberam procul, ut damnarem, cum amici trepidantem confirmarunt vicissim & labentem crexerunt, ita mihi seridè magnaq; asseueratione, multa etiam suade sua vi dicentes, nullam esse causam hanc, ut ab incepto desisterem, neque fore in præiudicium aliis, si alios prætulissem, neque posse queri se neglectos, quos coactus essem posthabere. Tandem & ipse mecum cogitabam, si qui ægriuscule laturi essent, posse me iis deinceps ita satisfacere, ut solutionis huius moram vel in lucrum sibi sint deputaturi.

Te verò, Vir Venerande, præ ceteris hoc ipso tempore nec volui nec debui praterire, non quod opera hac S A D O L E T I nemini possint obtrudi, sed quia nemini magis volo; quem ut censerem inter primos mihi demerendum, plurima causa effecerunt, non omnes hoc loco exponendæ: quia & ipsi tibi audire pro modestia tua molestum sit, & alij dari auribus tuis suspicentur. Ac sanè famæ credebam antea, cui fidem nunquam abrogo de viris magnis: sed hanc superasti tu profecto apud me, qui præsens & agnoui quadantenus quæ predicasset illa, & quæ predicari ego quidem nec audieram, cognoui. Sed in laudes & has & alias tuas nolo hic diffundi. Ut gratum aliquo pacto pro humanitate singulariq; benevolentia mihi exhibitis, me videas, hac S A D O L E T I Opera impensiori quàm hætenus studio impressa tibi offero. Sicq; habeo: quo censura tua fuerit acrior, eò impensius tibi

DEDICATIO.


*sibi placuisse. Vtut autem placere illuc poterit, addictissimam
tibi voluntatem placituram omnino confido, quam lubens am-
plecteris & valebis, meq, habebis de meliori nota commenda-
tum. Francofurti, 30. Augusti Anno 1607.*

T. Magnif.

offic. colens

**IONAS RHODIVS, Ciuis
& Bibliopola Francofur-
tensis.**

)(5 ILLY.



ILLVSTRISSIMO
AC REVERENDISS.
D. ASCANIO COLUMNÆ S.
R. E. CARDINALI, & regni Aragoniæ
Pro regi DANIEL RANSTIVS
Senatorius Antuerp.
D. D.




MEMORIA teneo, Amplissime Cardinalis, duos insignes eloquentia Cardinales aureum illud Leonis X. Pont. Max. sæculum, (quo existere potissimum in Italia ac renasci litteræ, Barbarie dudum oppressæ, in exterasque gentes propagari cœperunt) extulisse: IAC. SADOLETVM, ac PET. BEMERVVM; Venerum hunc, & Poëticæ atque Etruscæ linguæ in primis studiosum. illum vero Mutinensem, quiq; Philosophiæ studio sacras etiam litteras, vt Præsulem decebat, adiunxit. Carpentoracti enim Episcopus omnes eo cogitationes vigilasque retulit, vt à fide religioneque maiorum aberrantes, ac depravatarum opinionum æstu abreptos, quoad eius fieri posset, salubri consilio in viam reuocaret, ad obedientiamque vni in terris Pastori, vno in ouili præstandam omni eloquentiæ vi hortaretur. Eius ego Scripta difficillimis hisce temporibus, quibus extincta pænè Pietas est, & hæreses magis magisque pro dolor, inualescunt, eo consilio in manus capere, colligere, vnoque fasce colligare cœpi, cum vt animi mœrorem temporum calamitate contractum identidem detergerem; tum vt salubres aberrantibus admonitiones inde haurirem. Hominis enim
piam

EPIST. DEDICATORIA.

piam Eloquentiam atque eloquentem Pietatem, cum à
 Ciceronis lectione discessero, iam inde à puero admira-
 ri, & admirando adamare animum induxi meum, sua-
 dente GASPARO CHARLÆO, Iureconsulto erudi-
 tissimo, propinquo meo, Ciceronianæ dictionis studio-
 sissimo; ut relictum eius nobis *Myrothecion Ciceronis*, gran-
 dius longe quam MARI NICOLII opus, testatur.
 Ut autem BEMBI opera pridem collecta circumferun-
 tur; sic & SADOLETI dispersa passim variisque in locis
 ac temporibus euulgata colligere placuit, ut Bibliothecis
 deseruirem. Eorum enim laudari video industriam qui
 vel auctoris eiusdem, bonæ sanè notæ lectuque digni,
 omnia coniungunt; aut saltem argumenti eiusdem ple-
 raque, ut ad manum sint. compingere consueverunt.
 Sed de SADOLETO nostro, vnum de sexcentis Elo-
 gium ad feram, cuius eius CAROLI SIGONII, bonæ
 DEVS viri quam disertus! Sic enim ad Ciceronis, qui in-
 tercidit, *Hortensium de Philosophie laudibus*. Nostra, inquit,
 ætate IACOBVS SADOLETVS Cardinalis, vir amplissi-
 mus, tum omnium litterarum cognitione clarissimus; cum argu-
 menti huius præstantiam animo cogitaret, dedit operam. ut
 quantum in se fuit, eo tractando Hortensii Ciceroniani deside-
 rium æquiore animo perferemus. Scripsit in libros duos, vnum,
 in quo Philosophia studium accusauit; alterum in quo defendit.
 Quorum virumque tanta cum ingenij ac iudicij laude, tanta de-
 mum verborum ac sententiarum copia est affectus, ut acriusne
 ab eo reprehensa, an ornatus laudata Philosophia sit, baud facile
 iudicare possis. Adiecimus hic & ANT. FLOREBELLI
 disertæ tres orationes, cum quia idem argumentum con-
 tinent; (ad concordiam enim fidei Germanos Britan-
 nosque inuitant) tum quia patria utriq; communis Mu-
 tina, studiorumque similitudo. Disertus enim vterque, &
 hic SADOLETO ab Epistolis VITAM eiusdem con-
 texuit. Cogitanti vero mihi, cuinam potissimum offe-
 rendus labor iste, hortante in primis AND. SCHOTTO,
 SOCIETATIS IESV Sacerdote, qui Te Salmantica, ac
 post

EPIST. DEDICATORIA.

post Romæ in oculis tulisset; ex omni nobilitate, tuum in primis nomen occurrit, qui Romane & dicere & loquentes Romane admirari soleas. Tu enim Salmanticæ Iuris Ciuilis studio incumbens in funere Annæ Austriacæ, Philippi Regis Hispaniarum coniugis, Pace augustæ pie defunctæ, dum Rex in Lusitaniæ expeditione versatur, sic in Academiæ totius conuentu perorasti, ut exinde omnium in te ora vultusque conuerteris. Post etiam Barcinone coram Rege ipso Latine disseruisti; & illustris viri M. ANTONII COLUMNÆ nauali prælio ad Echindas insulas, exercitus Pontificij ductoris ac victoris filius dignus es habitus: mox etiam amisso in Tarraconensi profectioe parente, in Purpuratorum Patrum Collegium merito es adlectus: deinde secunda Regis Catholici & incolarum voluntate Aragonici Regni Prorex honoris gratia renunciatus, eandem prouinciam feliciter administras. Quod tibi bene feliciterque euenire DEVM venerans precor. Vale.



IAC. SADOLETI CARD.

Operum Catalogus.

PHILOLOGICA, ORATORIA,
Philosophica, & Poëmata.

VITA IAC. SADOLETI per ANTON. FLOREBELLM MUTINENSEM.

Epistolarum libri XVI. & ad PAULVM SADOLETVM Episcopum. lib. vnus.

Epistola ad S. P. Q. Geneuensem.

Epistola consolatoria ac meditatio in aduersis ad IOANNEM CAMERARIVM Episcopum VVormatiensem.

ORATIONES.

De liberis rectè instituendis.

Phædrus, seu de laudibus Philosophiæ libri duo.

De Pace ad IMP. CAROLVM V.

De bello Turcis inferendo.

Ad Principes populosque Germaniæ exhortatio.

Accesserunt

ORATIONES III.

ANTONII FLOREBELLI MUTINENSIS.

De auctoritate Ecclesiæ ad SADOLETVM.

Ad Germanos oratio de Concordia.

Ad PHILIPPVM & MARIAM reges de restituta in Anglia Religione.

EIVSDEM SADOLETI

Poëmata.

De Laocoontis statua, quæ Romæ in Vaticano spectatur.

De C. CVRTIO Cos. An. V. C. 308. à quo CVRTIVS FLAVVS.

Ad OCTAVIVM & FREDERICVM FREGOSOS.

THEOLOGICA.

In Psalmum L. *Miserere mei Deus*, Commentarius.

In Psalmum XCIII. *Deus ultionum Dominus.*

In Epistolam Pauli ad Romanos Commentarior. Libri tres.

E L O.

ELOGIUM
IACOBI SADOLETI.

DOMO MUTINA. CARPENTORACTENS. IN GALLIA
EPISC. A LEONE X. P. M. POST PRESB. CARD. TIT.
S. CALISTI, MOX S. PETRI AD VINC. IN ESQVILIIS
A PAVLO III. CREATVS XI. KAL. IAN. ANN. CIO. IO.
XXXVI.

ORATOR prudens, & Philosophus, Episcopatum annos plu-
rimos in Gallia, non ingenio solum scribendi que facultate,
sed industria etiam & fide summa administravit. Magna purpu-
ratorum Patrum, hominumque lætitia & gratulatione in colle-
gium est adoptatus: nec à lucubrando cessavit: scripsitque sacra
plurima. *In Epistolam D. Pauli ad Romanos; in Psalmos aliquot; va-
riasque Homilias: & orationes de bello Hungarico; & de suscipiendo bello
adversus Turcas.* In Philologia verò ut erat inter doctissimos idem
eloquentissimus, *Epistolarum libros XVI. De liberis instituendis: &
De laudibus Philosophia.* ut Hortensij M. Tullij iacturam constan-
tius feramus. *Poëmata item exstant duo: Curtius, & Laocoon.* Vitam
eius accuratè ANT. FLOREBELLVS descripsit. Obijt Romæ se-
ptuagenarius. Fratrum filij hoc illi cenotaphium in æde S. Petri
ad Vincula, quæ curationis eius fuerat, fecerunt.

D. O. M. S.

IACOBO SADOLETO EPISCOPO CARPENTORACTIS
S. R. E. PRESB. CARD. VIRO MORVM GRAVITATE,
PRVDENTIA ET VITÆ INTEGRITATE PRÆSTANTIS-
SIMO, DOCTRINA ET ELOQVENTIA CVM IIS QVOS
MIRATA EST ANTIQVITAS COMPARANDO: PAVLVS
SADOLETVS EPISC. CARPENTORACTIS, ET CAMIL-
LVS SADOLETVS FRATRVM FILII MOESTISSI-
MI MVLTIS CVM LACRYMIS PA-
TRVO B. M. POSVE-
RVNT.

VIXIT ANNOS LXX. M. III. D. VI.

EPI-



EPITAPHIUM IVLII FRA-
TRIS IACOBI SADOLETI,

R O M Æ

In Templo S. Laurentij in Damaso.

D. I M M. S.

PIETATE ET MEMORIA IVLII SADOLETE
SACERDOTIS LAURENTIANI DE COLLEGIO CANONICORVM,
GRÆCIS ET LATINIS LITTERIS SINGVLARITER ERVDITE
OMNIBVS OPTIMIS ET DISCIPLINIS ET MORIB. ITA ORNATE
VT EIVS INGENIVM, COMITATEM,
LIBERALITATEM ET ANTE ANNOS PRVDENTIAM
NULLA SATIS ÆQVARE POSSIT ADMIRATIO
IAC. SADOLETVS FRATRI CONCORDISS.
ET SPE DE EO MAXIMA ORBATE
MULTIS CVM LACRYMIS POS.
VIXIT ANN. XXVI.



IACOBVS SADOLETVS. CARDINALIS.
*Ut Plato facundâ decoravit dogmata lingua.
 De priscâ Sophiæ dogmata sumpta sinu.
 Eloquij sic tu decorasti fūmine bāndo,
 De sacro CHRISTI dogmata sumta sinu.*

Bened. Arias Montanus



ANTONII FLORE-
BELLI DE VITA IACOBI SA-
DOLETI S. R. E. PRESBYTERI CAR-
dinalis Commentarius.

IACOBVS SADOLETVS Mutinæ natus est,
loco honesto, & vrbe Cisalpinæ Galliæ impri-
mis nobili. Parens ei Ioannes Sadoletus fuit:
homo ea vitæ ac morum integritate, eaque iuris ciuilibis
ac Pontificij scientia, vt iudicari haud faciliè posset, vtrū
melior esset, an prudentior. I. cū Ferrariæ, vbi apud
Herculem, eius ciuitatis Ducem, autoritate & gratia
multum valuit, ius ciuile magnis præmiis, maiore nomi-
nis sui celebritate & laude publicè doceret, filium suum
ijs disciplinis ac literis, quibus puerilis imbui ætas solet,
diligenter instituendum curauit. Erant tum in ea vrbe
omnium liberalium artium magistri ac doctores egre-
gij. In his Nicolaus Leoniceus, qui non scientia solum
medicæ artis excelluit, sed philosophiam etiam magna
cum laude professus est. Eum Iacobus penè etiam puer
Aristot. libros de morib. publicè interpretantem audiit.
Tantum n. iam propter admirabilem ingenij vim profe-
cerat, vt qua ætate cæteri laborare in linguis discendis
solent, ea Græcas ipse & Latinas literas egregiè callens,
nobilissimi omnium philosophi præcepta cognosceret.
Hunc tali ingenio præditum, atque ita institutum, pater
amplecti iuris ciuilibis stadium voluisset (plerunq; enim
hoc fit, vt parentes quibus ipsi artibus & studiis dediti
fuerint, eisdem liberos suos operam dare cupiant) sed ta-
men naturæ eum, & studijs suis obsequi passus est. Ete-
nim

nim egregius adolescens maiorum iam & grauiorum ar-
 tium studio tenebatur: eloquentiæ enim & philosophiæ
 amore exarferat. Itaque Ciceronem sibi, & Aristotelem
 penitus cognoscendos proposuerat: quorum ex altero
 philosophorum omnium principe, rerum cognitionem,
 ex altero Latinae eloquentiæ parente, orationis elegan-
 tiam & copiam hauriret. Nec verò non poetices etiam
 studiosus fuit: in qua quidē quantum excellere potuerit,
 si ei se studio penitus dedere voluisset, complura quæ ab
 eo adolescente facta sunt poemata declarant. Itaq; illud
 in primis, quod C Y R T I V S inscribitur: ex quo intelli-
 gi licet, grauē eum, & grandiloquum (vt ita dicam) poe-
 tam euasurum fuisse. Is cū ætate iam aliquantum pro-
 cessisset, & ipsam ætatem virtute ac doctrina longē an-
 teiret, patris voluntate Romam se contulit, Alexandro
 sexto Pontifice Maximo. Amplissimi tum Romanæ ec-
 clesiæ ordinis virtute atq; existimatione princeps & erat,
 & omnium iudicio habebatur, Oliuerius Carafa Nea-
 politanus: ab eo cupidissimè statim in fidem & cōtuber-
 nium receptus est: atq; hoc primum prudentiæ specimen
 ea in vrbe dedit, quòd ad eum se potissimū contulit, nō
 qui opibus & diuitijs maximè præstaret, (multi enim
 Romæ tum ditiores opulentioresq; eius ordinis viri e-
 rant, quorum illi omnium domus patuissent) sed qui in-
 tēgritate, qui prudentia, qui religione cæteris antecel-
 leret. In eius castissima domo multos annos ita vixit, vt
 & ad optimarum artium studia assiduē incumberet, &
 cū reliquis omnibus, tum illi grauissimo viro probatissi-
 mus esset: à quo etiā honesto in vrbe Roma sacerdotio
 ornatus est. Erat autem in eo iuene præter excellens in-
 genium, incredibilis quidam pudor, ac singularis mo-
 destia: quæ nō modò in eius sermone extabat, sed in vul-
 tu etiam ipso, & oculis eminebat. Cōmendabat eū præ-
 terea omnibus ijs, qui illum nossent, grauitas quædam,
 maior, q̄ quæ ab illa ætate postulanda esset, eximia hu-
 manitate temperata. Referta tum ea Vrbs erat erudi-
 tissi-

tissimis, & in omni doctrinæ ac literarum genere præstantissimis hominib. eos ille omnes celeriter amicitia & cōsuetudine cōprehenderat, ex quo celebre iam eius nomen, & principib. quoq; viris, ijs præsertim, qui eisdem studiis delectabantur, notum erat: quorū breui tēpōre omnium gratiam sibi & benevolentiam conciliauit: in primis autē Federico Fregosio Salernitano Pontifici familiaris fuit, viro cū genere ac nobilitate, tum virtute doctrinaq; præstanti: cuius etiam contubernio aliquandiu post Oliuerij Carafæ obitum, vnā cum Petro Bembo optimo & doctissimo viro vsus est. Horum inter se amicitia Romæ postea maximè illustris fuit. Er enim iam inde ab eorum adolescentia instituta, per omnes ætatis arque honorum gradus, vsque ad summam senectutem sanctissimè conseruata est: erat enim virtute, & studiorū similitudine, firmissimis animorū vinculis, iuncta & constituta. Iam quantopere Sadoletus eo tempore virtutis & eloquentiæ gloria floreret, ex eo facile iudicari potest, quod Leo Decimus, acerrimo ingenio, & grauissimo iudicio princeps, simul ac creatus est Pontifex Maximus, eum statim, & Petrum Bembum ex omni doctorū hominum copia delegit, quorum in conscribendis epistolis opera & ingenio vteretur: quod apud Romanos Pontifices munus longè honestissimum est. Is autem eo ita munere functus est, vt non ingenio modò, & scribendi facultate, qua nemo ætate nostra ad illam antiquorum scriptorum laudem propius accedere existimatus est: sed industria etiam, & fide principi illi maximè satisfaceret. Itaque apud eum auctoritate & gratia multum valuit: & ea re facillimè augere honestatem & facultates suas potuit: Verū vsque eò ab hac cupiditate remotus atque abhorrens fuit, vt (quod vix credibile vsum iri puto, his præsertim temporibus & moribus) nullum sibi vnquam sacerdotium à liberalissimo, & sui amantissimo Pontifice petierit: cum tamen amicis suis probis idoneisq; hominibus, &

alienioribus etiam, permulta & peteret & impetraret. Tanta idem abſtinentia fuit, vt cum pro loci eius quem apud principem tenebat autoritate, munera ei multa & ampla mitti ſolerent, ea ſemper repudiari. Hac ille cōtinentia ita delectabatur, vt pleriq; pecunia, aut elegantiore veſte ac ſupelleſtile delectari ſolent. Sua poſſo cōmoda negligentem, aliorum vtilitati inferuire, eum autoritatis & gratiæ fructum eſſe putabat maximum. Cum profeſtus eſſet, voti & religionis cauſa, ad Lau-
retanæ virginis templum, Carpentoraſtenſis eccleſiæ Pontificatus in Gallia vacauit: eum delatum vltro ſibi abſenti à Pontifice Maximo aliquandiu reſuſauit: cum interea eundem Leo flagitantibus alijs denegaſſet. Vt redijt, diutius illi eum reſuſare non licuit. Itaq; vt illud magni animi fuerat, tam honeſtum ſacerdotium vltro à Pōtifice Maximo delatum, à ſe reiſcere: ita hoc moderati & Chriſtiani, vocanti ad eiuſmodi munus Deo obtemperare. Hoc ille ſacerdotium adeptus, primò quanta maxima potuit abſens diligentia, commiſſam ſibi eccleſiam per idoneos homines rexit. Poſt cum ex hac vita Leo exceſſiſſet, ſtatim rebus Romanis relictis, Carpentoraſte migravit eo cōſilio, vt populis fidei ſuæ creditis boni & diligentis Epīſcopi officium præſtaret: neq; principibus amplius, ſed Deo vni, & rectiſſimis ſuis ſtudijs inferuaret. Exceptus eſt aduentus eius maxima læritia & gratulatione illorum hominum: tantam illis iam abſens de ſe opinionem, expectationem commouerat: cui tamen expectationi poſteà egregiè ſatiſfecit. Nam & rebus diuinis procurandis, & vitæ innocentia, & admirabili in primis quadam in eos homines charitate, optimi & religioſiſſimi Epīſcopi munus obijt. Vixit in ea vitæ quiete ac tranquillitate quoad Hadrianus Pontifex Maximus, qui Leoni ſucceſſerat, vixit. Creato enim poſt Hadriani mortem Clemente Septimo Pontifice Max. ab ipſo ſtatim euocatus, accerſitusq; eſt: quem cum eximie diligeret, multisq; & magnis eius officijs obſtri-

obstrictus esset: quin ei pareret, tam amanter & tam acriter euocanti, facere non potuit: neque adeò rectum, neq; fas esse existimauit, tam bene merito de se Pontifici, præsertim optimum in Christianum Rempublicam præ se ferenti, operam suam denegare. Itaque etsi inuitus fecit, vt ab ecclesia sua discederet, tamen ad eum se contulit: verum ea lege, vt ne plus triennium abesset: vtique eo exacto tempore, remigrare sibi Carpentoræ voluntate ipsius liceret. Romam igitur cum venisset, versatus est in intima eius Pontificis amicitia & familiaritate. Nec verò ingenio hominis solū Clemens, sed consilio etiam in administranda repub. vsus est. Ad deliberationes eas, quas habebat de maximis & grauissimis rebus, eum vnā cum aliquot alijs amicis adhibebat: curas illi omnes & cogitationes suas impertiebat: tantum deniq; eius fidei, tantum prudentiæ tribuebat, vt multa quæ ad Christiani nominis quietem, & ad morum ac disciplinæ publicæ correctionem pertinebant, eius potissimum admonitu & consilio sibi agenda constitueret. Atque vtinam is Pontifex ea quæ interdum præclaro quodam animi impetu agere meditabatur, ad exitum perduxisset: profectò cum vniuersa Christiana Reipublica meliore loco esset: tum ipsa Italia, atq; vrbs Roma, eas quibus postea afflicta oppressaq; es calamitates effugisset. Non enim in eo Pontifice rectum in Reipublica sensum requisuisses: cōstantiam potius, & perseverantiam maiore in bonis consilijs desiderasses. Itaque cum salutaribus Sadoleti consilijs sæpe vsurus esse videretur, flectebatur postea aliorum quorundam, qui longè plurimum apud eum poterant, oratione. Intimus erat Pontifici illi Maximo Sadoletus: amplificandę fortunę ac dignitatis suę facillimam rationem in manib. habebat: colebatur præterea, & magno honore afficiebatur ab omnib. pro sua tamen in Rempublicam voluntate, nullam cōmodorum suorum rationem ducens, ex ea temporum ac rerum perturbatione, maximo animi

dolore assidue tangebatur: qui quidem extremum, cum rem in eum locum adductam intelligeret, ut nihil benemonendo & suadendo proficere amplius posset: statuit, quando Reipub. prodesse iam nihil posset, suam saltem ecclesiam prospicere atque consulere. Itaque cum operam suam triennium iam Clemēti summa cum fide & integritate nauasset: etsi nonnulla cōcordia & compositionis spes inter eum Pontificem, & Carolum Imperatorem allata erat, iamque inter eos induciæ pacte fuerant: tamen in sententia permāsit. Nec verò non mouebatur animo, cum ab eo Pontifice esset discessurus, quem cum ob eximiam quādam eius humanitatem, tum ob perpetuam erga se beneuolētiā mirificē amabat. Sed cum cogitaret quanto ecclesiae suae officij ac necessitudinis vinculo obstrictus esset, cumque Carpētoractensis populi desiderium ferre diutius non posset, longiorisque in vrbe Roma commorationis causam ambitionem iam potius, quam officium visum iri suspicaretur, omnino sibi abeundum esse statuebat: cuius iustae voluntati, ac precibus, ad extremum Clemēs cedere coactus est. Comprobauit eius consilium is profectus qui intimos hominum sensus perspicit, neque vnquam non rectis bonorum voluntatibus fauet, Deus. Etenim tam opportuno tempore discessit, ut vix dies viginti ab eius discessu intercesserint, cum vrbs Roma, decepto à Caroli ducibus per inducias Clemente, absente ipso ignaroque (ut opinio fuit) Carolo, capta atque direpta est: ut is singulari Dei erga se beneficio horribili illi cladi substractus fuisse videatur. Tum verò, quanquam serò, intellectum est, quam & prudenter sentire Sadoletus, & fideliter monere solitus fuisset. Ille enim & initio dissuasor belli aduersus Carolum, & postea deponendorum armorum assiduus hortator, pacisque quibusvis conditionibus accipiendae auctor semper extiterat, qui quidem cum saepe aliàs, tum eo tempore, quo Christianis Principibus intestino bello implicatis, bellum à Turcarum Rege Pannoniae illatum est,

cum

cum regnum illud, quod Christianæ Reip. firmissimum ad eam diem propugnaculum fuerat, maximo in discrimine versaretur: honestissimè ab ipso Pótifice Maximo pacis mentionem fieri, & de deponendis ac potius abijciendis armis agi posse censuit: idq; cum admonere non destitit. Sed nimirum Deus nobis ob peccata nostra iratus atque infensus, cum illa vrbi Romæ ac sacerdotum ordini infligēda plaga, nos vt resipisceremus, admonere statuisset: eam illi Pontifici mentem minimè dedit: vt tam honestam constituendæ concordie occasionem arriperet. Clade hac cognita, Sadoletus eum quem par erat, dolorem cepit, cum vrbis longè omnium nobilissimæ direptione & vastitate vehementer doluit, tum varij & graues multorum clarorum virorum, ac sibi amicissimorum hominum casus, quos tempestas illa oppresserat, in primisq; ipsius Pontificis Maximi calamitas magnum illi mœrorem attulit. Non tamen angoribus sese deditit: sed cum Pontifici Maximo, ac multis præterea amicis tali eorū tempore literas amicissimè & prudentissimè scriptas misisset: tum ipse doloris sui leuamentum à Deo, & ab ijs studiis, ijsque actionibus, quæ cum Deo in primis gratis, tum etiam animis salutares sunt, petiuit: ad sacrarum enim literarum studia toto tum (vt aiunt) pectore incubuit: quæ post aliarum literarum & artium cognitionem à se vehementer culta temporibus quibusdam, propter occupationes remiserat. Nec vero legendo solum, sed commentando etiam & scribendo, tum sibi, tum alijs prodesse conatus est. Nam cum religionem videret seditiosorum quorundā hominum impietate magis, & ubique perturbatam: tuendæ eius studio incensus. Diui Pauli ad Romanos epistolam maxima religionis nostræ mysteria continentem & obscurissimis quæstionibus refertam, tribus libris non minus piè, quàm ornatè & dilucidè explicauit. Commisissis vero sibi populis ita præfuit, vt nullum in eos fortis & diligētis Episcopi munus prætermiserit: quos quidē quanti

faceret, nulla re potuit apertius declarare, quàm quòd
 eorum causa, amplissimi & potentissimi viri simultatem
 (qui eo tempore legatus, Auenionem, & finitima illi
 urbi oppida, quæ in fine ecclesiæ Romanæ sunt, rege-
 bat) homo in iniurijs perferendis quæ ipsi fierent, incre-
 dibili lenitate, ac nimia propè patientia, suscipere veri-
 tus non est. Multas enim ecclesiæ suæ iniurias inferri,
 multa tum à legato, tum ab eius magistratib. ac ministris
 iniquè decerni atq; agi, pro munere ac pro persona quā
 sustinebat, minimè sibi ferendum existimauit. Ac primò
 quidem illum ab eis institutis, hortando & amicè sèpi-
 us monèdo, detertere conatus est: sed cū nihil hac ratio-
 ne proficeret, cumque eius, quanquam absentis, Romæ
 magna apud Clementem Pontif. Max. esset autoritas,
 breui tempore perfecit, vt legatus sese colligeret, &
 eos quibus præerat populos, magna in posterum equita-
 re & diligentia regeret. Qua in re Sadoleti officium, ac
 pietatem potius adeò is aliquantò post amauit, vt non
 modò cum eo in gratiam redierit, sed ex eo tempore il-
 lum & vereri maximè, & patrem etiam appellare solit-
 us fuerit. Recreatis hac eius actione Carpentora acten-
 sibus & reliquis illis populis, altera ab eo actio non mi-
 nus pia nec minus illis grata ac salutaris suscepta est. Ma-
 xima iamdiu Hebræorum multitudo apud eos conse-
 derat: ij Christianos homines imperitos & incallidos
 circumuenire, & quibus petunias credidissent, eos fœ-
 noris grauitate, & renouandis multiplicandisque vsu-
 ris, ad extremum fortunis omnibus euertere solebant.
 Eorum quoq; auaritiam & fraudes, suscepta miserorum
 populorum causa, eaque diligenter apud Pont. Max. &
 magistratus urbanos per literas & procuratores acta, ma-
 gna ex parte repressit tandem ac coercuit. Quinetiam
 orationem in eos pro Christianis composuit, & eam
 quidem omnium, quæ ab eo scriptæ sunt, disertissimam.
 Alia præterea multa varijs temporibus in Carpentora-
 censes & rem eorum publicam officia contulit: qui-
 bus

bus planè declarauit, nunquam vnum cuiquam chariorem fuisse, quàm ipsi fuerit vniuersa eius ecclesia. Vt sapissimè venit, vt illi aut Pontifici Maximo, aut Gal-
lorum Regi, aut ijs qui plurimum apud eos poterant, commendandi fuerint: non dici potest: quo animi studio, ac potius qua solitudine id egerit, prorsus vt multò vehemètius, quàm si ipsius ageretur res, laborare eorum causà videretur. Eorum liberi parum idoneis antea doctoribus vsi fuerant: hoc quoque ad officium suum pertinere existimans, vt illi optimis & moribus & disciplinis imbuerentur: curauit, vt doctores semper egregij ad eos instituendos conducerentur, quibus ipse quò diligentius officio fungerentur, præter eam mercedem quæ eis publicè dabatur, non exiguam pecuniam contulit. In eo verò longè maximam curam ac diligentiam adhibuit: vt tam turbulentis temporibus, ecclesiam suam in fide, & recta erga Deum religione contineret. Itaque si quos in errorem impulsos, à recto itinere declinasse cognouerat, paternis eos admonitionibus in viam reducere studebat. Si cuiuspiam concionatoris fides & disciplina illi suspecta erat, is ne quem aut publicis concionibus, aut priuatis disputationibus corrumpere posset, providebat: denique eiusmodi concionandi munus illis mandabat, quorum pietas explorata ipsi esset & cognita: quos ipsos etiam attentè audiebat. Non continebat tamen illos homines in officio tantopere hæc eius diligentia, quàm ipsius innocentia, liberalitas, continentia. Non modò enim neminem vllā vnquam affecit iniuria: sed multorum ipse iniurias ita pertulit, vt eos patientia & lenitate sua ad extremum sibi amicissimos reddiderit. Duriore annona magnum hominum egentium numerum alebat. Patebat eius domus semper honestis illius præfecturæ ac vicinitatis hominibus. In alios præterea honestos ac pios sumptus, vestigalia sue sic solebat impendere, vt vertente anno par ratio esset accepti & impensi: neque enim quicquam tanto-

pere detestari solitus erat, quàm in sacerdotibus studium cogendæ & coaceruandæ pecuniæ. Erant ei omnino modica vel exigua potius vectigalia: sed frugalitate & temperantia in victu cultuq; domestico, assequebatur, ut eius liberalitati sufficerent. Hoc eius vitæ genere, hisque officijs fiebat, ut illi eum populi incredibili pietate & cultu prosequerentur, ac summam, uti parenti, fidem rerum suarum omnium haberent. Delecti quidem (hoc communis eorum consilij nomen est) ad eum de rebus omnibus publicis referre, eius sententiam imprimis sciscitari, & exquirere solebant: eius denique vnus monitis & consiliis nitebantur. Nec verò illis modò populis tantopere charus & probatus erat, sed omni ferè Gallia magnum eius erat nomen, magna virtutis & integritatis opinio. Itaque Franciscus Rex cum Lugdunum quodam tempore venisset: atq; ibi officij causa à Sadoletto conuentus fuisset: eum & comiter admodum atq; honorificè excepit, & ex colloctionibus aliquot, grauitate hominis prudentiaq; perspecta, si manere apud se veller, honestissimum illi in amicitia sua locum, & amplissima præmia detulit. At is cum Regi gratias egisset, de tam propensa erga se voluntate, exposuit quo consilio res Romanas reliquisset, petijtq; ab eo, ut se ad officium & munus suum redire pateretur: cuius consilio animoque collaudato, Rex eum amantissimè dimisit. Discessit autem illinc cū Regis iudicio probatissimus, tum collecta multorum ex amicis & purpuratis Regis gratia, quorum studia & benevolentiam erga se, varijs postea ecclesiæ suæ temporibus expertus est: velut eo tempore, quo Franciscus Allobrogum regulo bellum intulit: ea autem res ita se habuit: Per Carpentora ætensem agrum Regis exercitus iter faciebat: in eo exercitu Gulielmus quidam erat, qui magnam Germanorū manum ad regem adduxerat, homo iracundus & præceps. Accidit, ut cū aliquot eius milites Carpentora æte ingressi petulantius sese gererent, eorum

contru-

contumeliis & insolentia accensū commouerentur primò nonnulli opifices, deinde tota ferè (vt fit) ciuitas cōcitaretur: quo in tumultu vno alteròue ex Gulielmi militibus occiso, reliqui ex oppido expulsi, se ad ducē suum receperunt. Ears ille suorum eadem & iniuriam vlturus, cum ira exarsisset, copias suas continuò vnà cum aliquot tormentis bellicis Carpentoraacte adducere parabat. Hac re cognita Sadoletus, cum forrè tum extra oppidum esset, suorum periculo exanimatus, paratusq; eandem quam illi fortunam subire, properè accurrit. Ad eum statim concursus factus est, illum omnes intuebantur, quid agerent, quò se verterent nesciebant: Germanorum enim cohortes iam iam affuturas esse nuntiabatur. Is nuntios statim & literas ad præfectum regium pro ea quæ inter eos erat notitia mittit, ciuitatis periculum exponit, auxilium implorat. Præfectus autoritate hominis & precibus adductus, Gulielmum accersit, cum egrè ac vix placatum, incepto cogit desistere. Ita Carpentoraactentes cum iam propè de salute & fortunis suis desperarent, Episcopi sui beneficio ex ingenti periculo excepti sunt. Gesta autem ea res est mortuo iam Clemente Pontif. Max. cum Paulus ei tertius successisset. Huius quoque Pontificis accersitu Romam Sadoletus redire coactus est. Etenim is sui Pontificatus initio spem atq; expectationem omnium mirabiliter erexit: ostendit enim sibi in animo esse, nouis legibus solutam sacerdotum disciplinam astringere: & sublatiis eis, quæ à superioribus Pontificibus Romanis instituta, minus probarentur, sanctiorem gerendi summi Pontificis rationem instituere. Eius rei perficiendæ causâ è longinquis locis accersiuit, quos doctrinæ, integritatis, & prudentiæ maximam opinionem habere intelligebat: vt cum eis, cumq; alijs præterea quibusdam, quos exemplissimo ordine adhibiturus erat, tantarum rerum cōsilia communicaret: eorumq; admonitu ea quæ aut abroganda essent, aut sancienda, cognosceret.

pere detestari solitus erat, quàm in sacerdotibus studium cogendæ & coaceruandæ pecuniæ. Erant ei omnino modica vel exigua potius vectigalia: sed frugalitate & temperantia in victu cultuq; domestico, assequebatur, ut eius liberalitati sufficerent. Hoc eius vitæ genere, hisque officijs fiebat, ut illi eum populi incredibili pietate & cultu prosequerentur, ac summam, uti parenti, fidem rerum suarum omnium haberent. Delecti quidem (hoc communis eorum consilij nomen est) ad eum de rebus omnibus publicis referre, eius sententiam imprimis sciscitari, & exquirere solebant: eius denique vnus monitis & consiliis nitebantur. Nec verò illis modò populis tantopere charus & probatus erat, sed omni ferè Gallia magnum eius erat nomen, magna virtutis & integritatis opinio. Itaque Franciscus Rex cum Lugdunum quodam tempore venisset: atq; ibi officij causa à Sadoletto conuentus fuisset: eum & comiter admodum atq; honorificè excepit, & ex colloctionibus aliquot, grauitate hominis prudentiaq; perspecta, si manere apud se vellet, honestissimum illi in amicitia sua locum, & amplissima præmia detulit. At is cum Regi grâtiâ egisset, de tam propensa erga se voluntate, exposuit quo consilio res Romanas reliquisset, petijtq; ab eo, ut se ad officium & munus suum redire pateretur: cuius consilio animoque collaudato, Rex eum amantissimè dimisit. Discessit autem illinc cū Regis iudicio probatissimus, tum collecta multorum ex amicis & purpuratis Regis gratia, quorum studia & beneuolentiam erga se, varijs postea ecclesiæ suæ temporibus expertus est: velut eo tempore, quo Franciscus Allobrogum regulo bellum intulit: ea autem res ita se habuit: Per Carpentora ætensem agrum Regis exercitus iter faciebat: in eo exercitu Gulielmus quidam erat, qui magnam Germanorū manum ad regem adduxerat, homo iracundus & præceps. Accidit, ut cum aliquot eius milites Carpentora ætē ingressi petulantius sese gererent, eorum

contu-

contumeliis & insolentia accensū commouerentur primo nonnulli opifices, deinde tota fere (ut fit) ciuitas concitaretur: quo in tumultu vno alteroue ex Gulielmi militibus occiso, reliqui ex oppido expulsi, se ad ducē suum receperunt. Eam ille suorum eadem & iniuriam vlturus, cum ira exarsisset, copias suas continuo vnā cum aliquot tormentis bellicis Carpentoraacte adducere parabat. Hac re cognita Sadoletus, cum fortē tum extra oppidum esset, suorum periculo exanimatus, paratusq; eandem quam illi fortunam subire, properē accurrit. Ad eum statim concursus factus est, illum omnes intuebantur, quid agerent, quō se verterent nesciebant: Germanorum enim cohortes iam iam affuturas esse nuntiabatur. Is nuntios statim & literas ad præfectum regium pro ea quæ inter eos erat notitia mittit, ciuitatis periculum exponit, auxilium implorat. Præfectus autoritate hominis & precibus adductus, Gulielmum accersit, cum egrē ac vix placatum, incepto cogit desistere. Ita Carpentoraactenses cum iam propē de salute & fortunis suis desperarent, Episcopi sui beneficio ex ingenti periculo excepti sunt. Gesta autem ea res est mortuo iam Clemente Pontif. Max. cum Paulus ei tertius successisset. Huius quoque Pontificis accersitu Romam Sadoletus redire coactus est. Etenim is sui Pontificatus initio spem atq; expectationem omnium mirabiliter erexit: ostendit enim sibi in animo esse, nouis legibus solutam sacerdotum disciplinam astringere: & sublatiis eis, quæ à superioribus Pontificibus Romanis instituta, minus probarentur, sanctiorem gerendi summi Pontificatus rationem instituere. Eius rei perficiendæ causā è longinquis locis accersiuit, quos doctrinæ, integritatis, & prudentiæ maximam opinionem habere intelligebat: ut cum eis, cumq; alijs præterea quibusdam, quos exemplissimo ordine adhibiturus erat, tantarum rerum cōsilia communicaret: eorumq; admonitu ea quæ aut abroganda essent, aut sancienda, cognosceret.

sceret. Hi autem qui accersiti sunt omnino sex fuerunt,
 in quibus Iacobus Sadoletus fuit, qui tam grauem ob
 causam Pontificis Maximi literis euocatus, paruit ei, vt
 debuit. Agitata ea res fuit complures dies, Sadoletus &
 reliquis grauissimis viris nihil eorum rerum obtinenti-
 bus, quæ ad sedendam sacerdotum, imprimisq; summi
 illius sacerdotij inuidiam, pertinere videbantur: quo
 quidem tempore Sadoletus etiam eis de rebus aliquot
 orationes scripsit, quò Pontificis Maximi animum ad
 rem tam præclaram, tamque Reipublicæ salutarem,
 perficiendam acrius accenderet. Verum cùm tota ea
 res postea ob multas & magnas difficultates, & impe-
 dimenta quæ obijci videbantur, vel refrixisset, vel dila-
 ta in aliud tempus fuisset. Sadoletus non amplius Ro-
 mæ sibi terendum tempus existimans, de reditu cogita-
 bat: cùm repente vnà cum quibusdam optimis & præ-
 stantissimis viris in senatum Romanæ ecclesiæ à Ponti-
 fice Maximo cunctis illius ordinis suffragijs, magna bo-
 norū omnium lætitia & gratulatione delectus est. Tum
 is Carpentora cte spectans, & ad ecclesiam suam redire
 cupiens, cùm pristinam vitæ suæ rationem ea dignita-
 ris amplificatione obturbatum iri intellexeret, eum ho-
 norem recusare in animo habuit: iamq; hac de re episto-
 lam cōposuerat, quam ad Pontificem Maximum mit-
 tere cogitabat. Sed cum in eo accipiendi honore ami-
 corum consilio autoritatiq; cessisset, ita in Remp. ver-
 satus est, vt nihil præter ipsius Reipublicæ commodum,
 & sedis Apostolicæ dignitatem, propositum vnquam
 habuerit: ac sententiam suam ea qua decuit libertate &
 constantia semper dixerit. Huius adeo animi ac liberta-
 tis suæ magnum Reipub. pignus dedit, quo primum die
 sententiam in senatu dixit: planè enim declarauit, nihil
 sibi vnquam sancta illa maiorum nostrorum disciplina,
 mihi fide sua & officio futurum antiquius. Fortè eo
 die agebatur de amplissimi & nobilissimi cuiusdam ho-
 minis honore & commodo: erat autem Sadoletus non

lega eius recens solū, sed vetus etiam amicus. Itaque
 non poterat non inuitus homini, quem multis de causis
 amari faciebat, refragari: tamen cum causa esset eius-
 modi, ut illum honeste, saluis sanctissimis legibus, sen-
 tentia sua adiuuare non posset: illud quod boni & con-
 stantis senatoris fuit, fecit, ut legibus ipsis potius, &
 religioni suæ consuleret. Nec verò non eadem liber-
 tas & constantia usus est, quotiescunque accidit, ut
 eius ipsius Pontificis Maximi commodis, aut etiam hono-
 rageretur. Libertate autem uti sic solebat, ut neminem
 a iure posset offendere: leniebat enim illam eiusmodi
 rationis modestia, quæ cogebat eos ipsos, quibus aduer-
 retur, in optimam partem ea quæ is dixisset, accipere.
 Sed ut amicitiae & gratiae nihil dabat: cum id fieri eius
 ides minimè patiebatur: ita cum è Republ. esse cense-
 bat, quempiam in amplissimum ordinem ascisci, aut a-
 lio quopiam ornamento atque honore affici, cupidissi-
 mè ei ac studiosissimè faucebat. Itaque complures egre-
 gios & virtute ingenioq; præstantes viros, quò in sena-
 tum legerentur, aut alijs sacerdotijs ornarentur, Pon-
 tifici Maximo partim coràm, partim absens per literas
 cõmendauit: idq; illis sæpe inscientibus: non enim hoc
 ambitione adductus faciebat, sed studio Reipubl. Nec
 verò silendum est de illis officijs, quæ in quosdam Ger-
 manie Principes, ipsorum quidem etiam, sed multo ma-
 gis Reipub. & communis religionis causa contulit: sem-
 per enim illa tot Germaniæ populorum & principum
 defectione, ecclesiæ luctuosa, ipsis pestifera, grauissimè
 doluit: semper ut ij, qui & poterant & debebant, tanto
 illi vulneri mederentur oprauit. Sed cum sedulitate sua
 ipsi qui tam ab ecclesia & Pontifice Romano penitus a-
 lienati erant, prodesse nihil posset, enixè id operam de-
 dit, ut eos saltem qui sua sponte in recta religione per-
 manserant & sedis Apostolicæ amici erant, officijsq; suis
 aliquanto etiam amiciores & firmiores redderet. Itaque
 Georgium in primis, & Gulielmum, hunc Bauariæ, il-
 lum

lum Saxoniz ducem, omni suo studio officioque complexus est: quæcunq; ab eo proficisci potuerunt ad illos ornandos, & cohonestandos, profecta sunt: in eorum negotiis de quibus cum Pontifice Maximo agendum esset ipsorum procuratores, & legatos, opera, consilio, auctoritate sua semper adiunxit. Eius porro officia adeo grata illis fuerunt, ut & amicissimè ei scribere soliti fuerint, & gratias agere, & procuratoribus suis, ut eius potissimum opera & consilio vterentur, præscribere. In gravissimum postea morbum incidit, ex quo nondum planè sese confirmauerat, cum proficiscentem Paulum Pontificem Maximum ad reconciliandos Carolum Romanorum Imperatorem, & Franciscum Gallorum Regem, graue inter se & diuturnum bellum gerentes, secutus est: quo in itinere cum Placentiam venisset, de integro agrotauit. Ibi cum aliquot dies curandi sui causa substitisset, ut primum conualescere cœpit, festinans properansque optatissimè illi de pace actioni interesse, itineri se commisit: neq; destitit, quin Nicæam quò conuenturi illi erant Principes, perueniret. Tum verò tempus illud ratus esse, quo bonos omnes pacem urgere oporteret, ut ea fieret pro sua parte vehementer enixus est. Deinde cum ea minime conuenire potuisset, pactis Pontificis Maximi opera decem annorum induciis, cum is Pontifex Romam reuertetur, ipse concessu eius Carpentoracte, reficiendi & confirmandi sui, ac reuiscendæ ecclesiæ causa se recepit. Commoratus ibi est, ut rem familiarem planè cõstitueret, aliquanto diutius, quam se facturum ostenderat: ne tamen operam suam interea Reipublicæ nauare desineret, opus præclarum sanè, & Reipublicæ temporibus aptum aggressus est, de extructione catholicæ (ita enim inscribebat) Ecclesiæ: quod opus Ioanni Saluiato collegæ suæ desponderat, cum propter veterem eorum inter se necessitudinem, tum ob excellentem eius viri in sacris literis & cæteris disciplinis, quæ magno viro dignæ sunt, scientiam.

Verum

Verum propter itinera & occupationes, quæ illum a-
 lia ex aliis postea impeditum tenuerunt, nec tres, quos
 iam confecerat eius operis libros, perpolire, nec quar-
 tum, quem illi tanquam fastigium addere in animo ha-
 bebat, instituere potuit. Reuocatus enim Romam, vix
 dum ibi constiterat, cum renouato quibusdam de causis
 inter Carolum & Franciscum bello, & ob eorum discor-
 dias Republica Christiana iterum in maximum discrim-
 men adducta, quippe cum Turcicum bellum impende-
 re videretur: Paulus Pontifex Maximus per legatos cum
 utroque eorum de pace agendum esse existimauit. Ita-
 que delectus ipse est, qui legatus ad Galliarum regem iret:
 qui quanquam affecta iam ætate esset, tamen nullum
 pro Republica laborem aut periculum recusans, lega-
 tionem eam suscepit: adhibitaq; diligentia, quantâ ma-
 ximam ferre senile corpus poterat, maturè in Galliam
 peruenit. Talis viri autoritate regem permotum esse res
 postea declarauit. Nam cum ei Sadoletus Pontificis Ma-
 ximi mandata ac monita exposuisset, post aliquot con-
 gressus, animum eius, quanquam armati & viribus suis
 fidentis, ad pacem flexit. Itaque ex magna desperatione
 concordia, subito in spem compositionis ventum erat,
 si modò alterius legati qui in Hispaniam ad Carolum
 missus fuerat, felicior fuisset legatio. Non est autem o-
 mittenda illa in legatione singularis eius abstinencia:
 nam cum legatorum qui à Romanis Pontificibus mitti
 solent, quandiu extra urbem Romam sunt, varia & mul-
 tiplex sit potestas, & eam ob causam facultatem ha-
 beant magnæ conficiendæ pecuniæ, neque id propter
 inueteratam aliorum consuetudinem turpe habeatur:
 ea tamen potestate ipse ad quæstum abuti minimè susti-
 nuit, neque nisi graui ex causa usus est: ac ne comites
 quidem suos quicquam, præter mercedes pro scriptu-
 ra, aut huiusmodi quapiam opera debitas, quas ipsas et-
 iam imminuit, accipere passus est. Ut à rege autem dis-
 cessit, Carpentoracte venit, quò reliquam ibi hyemem
 nanc-

maneret, seq; ex assiduis laboribus reficeret: id enim ei Pont. Maximus, ætati hominis & valetudini parcens, permisit. Hoc quoq; Sadoleti integritatis exemplum sit, quòd cū extremo legationis tempore integri mens sumptum accepisset, atq; ante exactum mentem Carpentoraacte peruenisset: decem dierum sumptum (tot enim dies reliqui fuerant) referri utique ad quæstorem Pontificis Maximi, quanquam dissuadentib. amicis, & nimiam eius religionem accusantibus, iussit. Eodẽ tempore clientes domesticos, quorum opera strenua & fidei in legatione vsus fuerat, alium alio præmio, & quidem supra facultates suas remuneratus est. In sequenti ætate in Italiam non sine magno Carpentoraactenium dolore discessit. Eò cū venisset, interfuit colloquio Pauli Pontificis Max. & Caroli Romani Imperatoris, qui in agro Parmensi congressi sunt. Iter tum ex Hispania Carolus in Germaniam habebat: oblata ea occasione, Sadoletus magnum laborum quos in legatione pertulerat fructum captum iri à se exultauit, si illum quoque ad pacem hortatus esset. Redierat enim ex legatione Gallica, animumq; eius regis ad concordiam propensum cognouerat, vel ipse potius effecerat. Verū adeò Carolus dolore iraq; exarserat, quòd à Rege Galliarum bellum renouatum fuisset, ut neq; accurata Sadoleti oratio neque ipsius Pontif. Max. autoritas quicquam profecerit. Is tamen postea, lenita videlicet ira, post victum & in deditiõnem acceptum Sicambrorum ducem, qui regis partes secutus fuerat, & expugnata nonnulla Galliarum oppida, pacem cum eo rege fecit: qua ex re Sadoletus tantum lætitiæ ac voluptatis cepit, ut Deo bonorum omnium auctori, ab ecclesia sua meritum continuò honorem haberi iussit, & scriptam ipse orationem paulò post Carolum miserit, per quam illius sapientia & moderatione laudata, gratias ei egit suo & Christianorum omnium nomine: & ad ea quæ pro religione, & concordia, ac libertate Christiani nominis agenda restabāt, cum

cum accendere atque incitare conatus est: cuius optatis magna iam ex parte, optimi & fortissimi Imperatoris virtus pietasq; respondit. Fuit enim hic vir incredibili quodam in Rempublicam Christianam studio: vt ego quidem, qui pro diuturno contubernio sensus eius latis cognitos & perspectos habui, hoc de eo affirmare nō dubitem, plus illum doloris semper ex malis hausisse communibus, contraq; ex publicis commodis gaudij, quā rebus suis vel secundis latus sit, vel aduersis doluerit. Idem moribus fuit facillimis, animo aperto ac simplici, natura omnino ad iracundiam procliuior, sed eius comprimendæ assidua meditatione tantū profecerat, vt lentus potius esse videretur: ac si quando paulo esset commotior, tum maximè sedata & voce & oratione vteretur. Amicitias summa cum fide, & quibuscunq; potuit officiis coluit: familiam suam ea charitate est prosecutus, vt cum de suis minimum, de illius commodis plurimum laboraret. Patrem, iuuenis: matrem, senex ferè octogenariam amisit: ambos quoad vixerunt summa pietate dilexit & coluit. Fratribus, quicquid complures fuerunt, partem suam primo paterna hereditatis donauit, post aliis quoque eos beneficiis affecit. Ad iutor ad regendam Carpentoractensem ecclesiam, cum iam senex esset, vt sibi Paulus Sadoletus fratris patruelis filius daretur, à Clemente impetrauit: idq; non tam propinquitati à se datum dicere solitus est, quā adolescentis ingenio, atq; virtuti. In literarum studiis summa industria versatus est. Lucubrare autūmno inueniente benè mane incipiebat, hyeme verò multo etiam maturius: id tempus grauioribus studiis aut scriptiōi dabat: quod supererat tēporis, id totum literarum studiis reddebat. Haftenus ea quæ de vita eius memoriæ pròdenda esse visa sunt, scripsimus: nunc de eius obitu pauca scribemus: qui quidem vitæ eius integerrimè atq; innocentissimè actę, planè consentaneus fuit. Habitare trās Tyberim cœperat, in ædibus D. Mariæ templo, & iustis:

ibi autumnii initio in febrem incidit, quæ levis primò ac propè contemnenda esse videbatur: sed cū nunquā planè decederet, morbus ingrauescere cœpit. Tum is statim accersiri sacerdotem iussit: eo adhibito, ritè & summa cum religione, omnia quæ diuinitus ad expiandos animos & placandum Deum instituta sunt, seruauit: re quidem diuina coram eo facta, antequam sacrum illud & salutare Domini nostri corpus acciperet, cum CHRIS TV M Deum ac conseruatorem nostrum, subleuatus à suis, venerari, & supplicii quadam oratione affari cœpisset: tantam subitò lacrymarum vim profudit, vt eam precationem præ fletu ac singultibus absoluere vix potuerit: supremis propè vocibus ac mandatis Paulo Sadoletto, qui ei summa pietate assidebat, ecclesiam suam cōmendauit: ac paulo post magno suorum luctu, magno bonorum omnium mœrore ac desiderio, animam Deo reddidit. Doluit eius morte Paulus Pontif. Max. doluit senatus: à Ioanne quidem Petro Carapha Sabinorū Episcopo, quo primum die post eius obitum senatus habitus est, ea de illo habita est, magno cum assensu cū reliquorum patrum, cum ipsius Pont. Max. oratio: vt neq; vberius cuiusquam vita laudari, nec mors dolentius deplorari potuisset videretur. Laudauit eum item luculenta oratione, maxima honestissimorum cuiusq; ordinis hominum frequentia, in æde D. Laurentij, Iacobus Gallus, ciuis Romanus in primis honestus. Obijt annum agens Septuagesimum. Sepultus est sine vlla funeris pompa (ita enim ipse præscripserat) in æde quæ curationis eius fuerat, Diuo Petro in Exq̃titiis sacra.

F I N I S.



IACOBI SADOLETI
EPISCOPI CARPENTORACTI, S. R. E. CARDINALIS EPI-
stolarum libri sexdecim.

Nunc multò quàm antehac vnquàm diligentius recogniti,
atq; in lucem adiri.

EIVSDEM AD PAVLVM SADOLETVM E-
pistolarum liber vnus.

ALEXANDRO FARNESIO S. R. E. CAR-
dinali Paulus Sadoletus Episcopus Carpen-
toracti, S. P. D.



V M Sadoleti patrui mei obitus, amplissime Farnesi,
eum mihi luctum ac mœrorem attulisset, quem pa-
terna eius in me beneficia, meaq; perpetua erga eum
pietas postulabat: nullum doloris mei expertus sum
melius aptinq; solatium, quàm quòd extremo illius mandato,
& meo vnà officio, conor Deo infirmitatem meam adiuuante,
satisfacere. Nam cum is & saepe alias, & cùm iam penè animam
exhalaret, hanc mihi Carpentoractensem ecclesiam, quam ipse
presens quoad ei licitum fuit, summa cura & diligentia rexerat,
pro sua paterna in eam charitate, diligentissime commendasset,
meq; ut ab eius custodia nulla re vnquam auellerer, vehementis-
sime hortatus esset: nullam moram post eius mortem interposui,
quin ad parendum tam salutaribus praeceptis, & ad obcunda
tam sancti & praeclari muneris officia, me conserrem: cuius mei
consilium nunc indies fructum capio. Sed cum officii mei ratio,

& illa, quam sanctissima patrum memoria debeo, pietas, hoc
 praterea à me postulare videretur, ut illius scripta, & lucubra-
 tiones, quae penes me essent, ederem: ad eas me legendas, & accu-
 ratè considerandas (socio hac in re, & adiutore vsus Antonio
 Florebello) dedi: cum is ut summè gratus, officio suūq; est, vnam ob
 causam hanc, quod homini de se optimè meritò, cuiq; iure &
 charissimus, & probatissimus fuit, necum vna fidem suam offi-
 ciumq; praeferet, accessitu meo se ad me in Galliam contulisset.
 Atque eam quidem eius scriptorum partem, quibus locos ad re-
 ligionem & sacras literas pertinentes tractat: quanquam multa
 ab eo in hoc genere egregiè ac praeclarè instituta comperimus: ta-
 men edenda minimè putauimus. Non quin eadem in illis, quae in
 reliquis eius libris, qui eo vno exierunt, & pietas extet, & sa-
 crarum rerum scientia: quae & nos magnopere delectarent, &
 ceteris item iucunda ad legendum fore non dubitaremus. Sed
 cum ea quae aliquot hisce annis instituerat, propter crebras (quod
 tute scis) summi Pontificis interpellationes, multasq; & ma-
 gnas in vrbe occupationes, absolvere atque expolire minimè po-
 tuerit: satius esse duximus, non quia nos de illius scriptis probare-
 mus, sed quia ipse probaturus fuisset attendere. Cum verd oratio-
 nes quasdam, & magnum praterea epistolarum aceruum inue-
 nissemus, eas potius edendas esse iudicauimus: non omnes quidem,
 sed eas tantum, quae accuratius nobis scriptae esse videbantur. At-
 que orationes quidem alias. Hoc autem tempore epistolas in de-
 cem & septem volumina digestas, emisimus: quas utinam etiam
 ipsas patrum meus antequam diem suum obiisset corrigere ipse
 atque emendare potuisset. Sed etsi non dubito, quin illius corre-
 ctio, & (ut ita dicam) expolitio multum illis additura fuerit
 venustatis atque elegantiae: non propterea tamen sumi ab edendo
 deterritis, cum sperare mihi videar, studiosis eloquentia homi-
 nibus earum lectionem, neque iucundam, neque infructuosam
 fore. Eas autem idcirco ad te Farnesi amplissime, mittendas pu-
 tavi, quod mea singularis in te obseruantia, & gratæ animi vo-
 luntatis pro tuis erga me & patrum meum meritis, quae &
 multa sanè & insignia fuerunt, & abs te nuper praestanti tua
 erga me & fratrem meum liberalitate cumulata atque aucta
 sunt

EPISTOLA.

ant, signum ac testimonium aliquod extare volui: praesertim
am ad eas, quae in te elucet virtutes, hanc quoque laudem ac-
cedere intelligerem: quod tu etsi maximis & grauissimis occupa-
tionibus & curis, quas tecum auus tuus Pontifex Maximus, i-
lemq; princeps sapientissimus partitur, nunquam ferè non di-
tringeris: quod tamen interdum otii tibi & vacui temporis da-
ur, id in optinarum artium studiis libentissimè consumis. Quip-
te ex quibus praeterquam quod maxima cum animi voluptate
tecrearis, ad magnas res agendas & tractandas vehementius in-
strueris. Te autem cognouisse videor, huius generis scriptorum
patru mei delectari praecipue esse solitum: quod etiam libentius
feci, vt non eas modo epistolas, quae ad te scripta ab eo fuissent, in
tuo nomine aderem: sed vniuersas etiam, quae ad ceteros, ad te
mitterem. Equidem maiora tibi prestare pro tuis in me meritis
& cupio, & debeo. Sed tamen quando maioribus officiis non pos-
sum, hoc saltem munusculo meum summum erga ampli-
tudinem tuam studium declarandum esse existi-
maui. Vale. Carpent. 1549.



ARGVMENTA EPISTOLARVM
librorum XVII.

IAC. SADOLETI CARD.

LIBRO I.

- E**PIST. I. Narrat gesta itineris sui, gaudetque se liberatum à molestijs.
 II. Petit promissa sibi seruari.
 III. Agit gratias pro amico humaniter accepto.
 IV. Narrat miseras omnes, easque se fortiter ferre.
 V. Gratulatur amico de felici euentu, prosperamque fortunam suam narrat.
 VI. Doler amico non paruisse aditum, agitque gratias.
 VII. Hortatur amicum ad summa quæque.
 VIII. Commendat Franciscum Binum, eumque summo opere laudat.
 IX. Commemorat beneuolentiam cum amico suo, & eum seque solatur in miserijs.
 X. Refutat amici consilium.
 XI. Laudat summo opere amicum.
 XII. Suum erga amicum animum beneuolum commemorat.

LIB. II.

- E**PIST. I. Laudat librum amici Petr. Bembi Card.
 II. Iterum laudat amici librum, excusatque suum consilium amico dandum.
 III. Suadet amico bene sperare de quodam, laudatque eius institutum.
 IV. Literas frequentiores petit.
 V. Narrat quid egerit cum sibi commendato; errorem suum excusat.
 VI. Librum suum commendat.
 VII. Literas solidas experit.
 VIII. Laudat eum ad quem scribit, eumque hortatur, ut euoluat Aristotelis libros.
 IX. Congratulatur amico de dignitate quam adeptus erat.
 X. Laudat sibi commendatum, capratque beneuolentiam.
 XI. Scribit, quem dolorem hauserit ex discessu amici, eumque laudat.
 XII. Dissuadet amico accessum ad alias partes.
 XIII. Laudat Thomam Caietanum Card. a patientia in rebus aduersis.

XIV. Scri-

EPISTOL. ARGVMEN.

XIV. Scribit se scribendum de negotijs pacis, hortaturque Thomam Caetanum, ut ea de re ad se perscribat.

LIB. III.

EPIST. I. Inquit à Frederico Fregosio, quonam se conferret, ab eoq; literas expoit.

II. Congratulatur Frederico Fregosio de recepta valetudine, hortaturq; eum, ne maneat in Italia.

III. Caput consilium cum amico ad quem locum sint conuenturi.

IV. Narrat beneficia sua sibi collata à Frederico Fregosio, excusatque tarditatem literarum.

V. Scribit, quibus commentatorib. vsus sit in explicatione Ep. D. Pauli ad Romanos, exponitq; suam sententiam de Fide & operibus iustitiae, alijsq; Theologicis.

VI. Scribit de interpretationib. variorum locorū S. scripturae.

VII. Scribit quid sit tractaturus in rebus Theologicis & de futuro Concilio agit.

VIII. Desiderat videre librum ab amico compositum.

IX. Excusat se, quod minus frequenter scripserit, gaudetque Mattheum Gibertum libros quosdam edidisse, auerq; scire quando omnino absoluti erunt.

X. Agit gratias eidem Mattheo pro libellis, quos ab eo dono acceperat, & hortatur eum, ut libellos alios edat.

XI. Laudat hospitem suum, eumque commendat Mattheo Giberto.

XII. Laudat Aegidium Cardinalem à beneuolentia animi, & aliorum certior fieri desiderat.

XIII. Laudat Ioannem Picum Mirandulanum scribitque de libellis, quos meditatatur.

LIB. IV.

EPIST. I. Hortatur Erasmus, ut à contentionibus abstineat, opemq; adferat fidei Catholicae labenti.

II. Laudat Erasmus atq; eius interpretationem Psalmi.

III. Scribit de libello, quem meditabatur.

IV. Commendat quendam Desiderio.

V. Agit de suo libello, quem ad Erasmus mittit.

VI. Desiderat fieri certior ab Erasmo, in quo statu sit.

VII. Agit de sententia Bonifacij Amerbachij de coena Domini, agitque gratias pro dedicatione Basilij Magni.

VIII. Respondet gratulationi Germani Brixij.

IX. Excusat errorem commissum in commentarijs Epist. D. Pauli ad Rom. & nonnihil extenuat laudem suam, petitq; fieri certior a Germano Brixio de iudicio Theologorum de suo illo libro.

b 4 X. Ex-

X. Excusat tarditatem literarum; laudatque Episcopum Parisiensem.

XI. Congratulatur Gulielmo Bellaio Card. de valetudine prospera, laudatq; cum à constantia in aduersis.

XII. Commendat eidem Gulielmo Paulum Sadolerum, ei que congratulatur de nuptiis.

XIII. Petit à Pino Riurenfi Episcopo corrigi commentarium in Psalmum XC.

XIV. Agit gratias Aug. Grimaldo pro acceptis ab eo beneficiis.

L I B. V.

EP I S T. I. Petit à Ioanne Saluiato corrigi suum commentariū in Psalmum XCIII. commendatq; ei Paulum Sacratum.

II. Agit Ioanni Saluiato gratias de beneuolo eius animo, recipitque excusationem de commendato, hortaturq; vt de populo suo aliquam cogitationem suscipiat.

III. Non esse agendas sibi gratias, quod Ioannis Saluiati nomen scriptis celebrare sit aggressus.

IV. Solatur Albertum Pium in valetudine.

V. Agit Rudolpho Pio gratias pro misso indice eius librorum.

VI. Indicat beneuolum animum suum erga Franciscum Guicciardinum.

VII. Ostendit suam erga Paulum Iouium beneuolentiam.

VIII. Hortatur Franciscum Ripam ad librum edendum, ei que agit gratias.

IX. Agit gratias Lazaro Bonamico, suumq; ei statum indicat, ne de eius statu fieri desiderat certior.

X. Laudat Lazarum Bonamicum, quod susceperit curam instruendi iuuentutem, hortaturque vt pergat: desiderat & eum videre.

XI. Lazarus Bonamicus indicat Sadolero, se nullo modo constituisse deferere onus instruendi iuuentutem.

XII. Laudat Sadolerum à diligentia; redditq; cum memorem promissi.

XIII. Excusat se, quod Lazarum Bonamicum hortatus fuisset, rursusq; vt professioni literarum Philosophiam adiungat, monet.

XIV. Laudat Aonium Palearium, & suum fext de eius scriptis iudicium, & literas petit frequentiores.

XV. Laudat poemā Aonij hortaturq; vt in studiis poetices eo anno pergat, quo coepit.

XVI. Laudat librum Aonij de immortalitate animorum carmine conscriptum, rogatque Gryphium vt cum Vida & Actio Syncero typis excudat.

XVII. Philosophiam vel plurimum ad Theologiam ait conducere,

EPISTOL. ARGVMENT.

cere, petitq; a Galeatio Florimonte suum in Psalmum XCIII.
commentarium corrigi.

XII. Dicit de variis eruditis sui temporis hominib. suamq; ad-
uersam fortunā narrat, ponitq; causam discessus sui ex vrbe Roma.

LIB. VI.

EPIST. I. Commendat Paulum Sadolerum Ioanni Bellaio.

II. Agit gratias Ioanni Bellaio fratriq; eius Langæo pro acce-
ptis ab eo beneficiis.

III. Gratias refert Bellaio p beneficiis Paulo Sadoleto collatis.

IV. Narrat miseriam suam alienamq; congratulaturq; Anto-
nio Prato de adepta dignitate.

V. Commendat Antonio Prato Ioannem Fraxinum ad sacer-
dotium aspirantem, vt ei procuret munus aliquod Ecclesiasticū.

VI. Scribit Antonio de morte Cossinerij Aqueusis Præpositi, e-
umque summo opere laudat, petitq; ne se suosq; deserat.

VII. Agit gratias Antonio pro Paulo Sadoleto liberaliter ab eo
accepto, & quā cōmemorat de suo in Epistolas Pauli cōmētario.

VIII. Gratiam habet a Antonio Prato pro testimonio veri pro se
dato, suumq; erga regem animum commemorat.

IX. Declarat letitiam suam, gaudetq; D. Pauli Epistolas publi-
ce explicari, laudatque institutum.

X. Excusat tarditatem litterarum, congratulaturque Francisco
Turnonio de adepto honore.

XI. Testatur suum erga Franciscum Turnonium desiderium.

XII. Congratulatur Antonio Puccio Cardinali, quod successerit
in locum Laurentij Puccii patris sui, quē ēt summo opere laudat.

XIII. Commendat Paulum Sadolerum Ioanni Lotharingo.

XIV. Agit gratias Ioanni Lothoringio pro auxilio & ope Paulo
collata.

XV. Commendat suam beneuolentiam erga Lothoringium.

XVI. Scribit Ioanni Lothoringio se comiter excepisse Floren-
tium Volusenum eiq; eundem commendat.

XVII. Congratulatur N. Acromōtio de amplificatiōe dignitatis.

XVIII. Augustinum Trimultium laudat, iubetq; Pontifici scri-
bere, cui illum commendasset.

XIX. Congratulatur Aug. Triultio, quod populos quosdam
Pontifici commendauerat.

XX. Narrat quædam de negotiis publicis, petitq; ab Aug. Tri-
ultio, vt de eisdem rebus cum Pontifice agat.

LIB. VII.

EPIST. I. Suum beneuolum animum commemorat & congra-
tulat. Benedicto Accolto de dignitate quam erat cōsecutus.

II. Benedictus Accoltus offert Iac. Sadoleto operam suam in
quouis re, cumq; hortatur vt ad se veniat.

I A C O B. S A D O L E T.

III. Laudat predictum Accoltum à virtute constantiæ in amicitia, eiq; suam erga eum voluntatem commemorat.

IV. Petit à Benedicto vt Antonium Gornazanum procuratorem suum hospitio suscipere dignetur.

V. Agit gratias Benedicto pro beneficijs sibi ab eo collatis.

VI. Laudat Epistolas Benedicti Accolti à sermonis elegantia, eiq; congratulatur, quod ad tantam literarum doctrinam pertingerit: scribitq; de miserijs reipub. seq; apsum solatur.

VII. Narrat felicem successum pugnae Heluetiorum contra hæreticos, in quorum numero erat Zuinglius, qui eo pralio est interfectus.

VIII. Paul. Sadoletū constituit in socium & adiutorē suæ Ecclesiæ addiscere, declaratq; iudicium suum de publicis negotiis.

IX. Commendat Accolto Didacum Mendosam, vt cum in amicinam recipiat.

X. Solatur Accoldum in morte patris, atque congratulatur de rebus bene gestis.

XI. Commemorat beneficia & amorem sibi præstitum à Blofio Palladio.

XII. Excusat tarditatem literarum suarum, agitq; gratias Vbalino Bandinello, quod suæ provinciæ causam tam accuratè apud Pontificem egisset, eiq; indicat, quis sit præfectus statui provinciae suæ.

XIII. Congratulatur Laurent. Campegio de reb. bene gestis, indicatq; se bene sperare de tollendis & exterminandis hæreticis.

XIV. Laudat Hippolytum Medicem, quod Antonium Pulconem Burgium largo congiario profectus sit, quo Antonius nobiles filias suas nuptum daret.

XV. Respondet Hippolytus Medices laudibus illius dotis, easq; extenuat.

L I B. V I I I.

EPIST. I. Laudat Iacobum Sadoletum Polus Card. hortaturq; vt Paulum ad Theologiam promoueat, seq; in eadem scientia exerceat.

II. Laudat Reginaldum Polum, eiusq; monitis responder.

III. Reginaldum laudat, suumque erga eum beneuolum animum indicat.

IV. Reddit rationem, cur in artibus liberalibus & maximè in Philosophia tempus suum conterat.

V. Scribit se curasse librum suum typis exendi.

VI. Congratulatur Hieronymo Nigro de doctrina eius, narratq; quomodo tempus suum transigat.

VII. Congratulatur Sadoletto Nigro, quod à belli tumultu liber sit, suadetq; ei, ne domicilium mutet.

VIII. Lau-

EPISTOL. ARGVMEN.

- VIII. Laudat Hieronymi Nigri desiderium erga literarum studium, docetq; de morte Leonis.
- IX. Perit sibi a Nigro procurari professorem literarum.
- X. Curat quosdam ex suis amicis per Nigrum salutari.
- XI. Indicat consilium suum, quo decreuit ad Calendas Maias Patavium proficisci.
- XII. Reprehendit argumentum carminis Ludouici Pariseti.

LIB. IX.

EPIST. I. Congratulatur Paulo III. quod ad Pontificatum sit electus, eumque summo opere laudat.

II. Indicat Paulo III. Pont. Max. causas, cur Paulum suum ad eum miserit, Pontificemque laudat.

III. Agit Paulo III. Pont. Max. gratias pro beneficiis ab eo acceptis.

IV. Congratulatur Alexandro Farnesio de honore & dignitate, quam erat consecutus, hortaturque ut Pont. Max. Vidani imitetur.

V. Respondet hic monitis Sadoleti, petitque ut sibi in suis rebus auxilio sit.

VI. Laudat Epistolas Sadoleti ad Alexand. Farnesium missas, petitq; ab eo, ut subinde similes literas mittat Farnesio.

VII. Respondet literis præcedentibus Ioan. Petri Crassi.

VIII. Congratulatur Gasparo Contareno de fortuna prospera, eiq; gratias agit pro beneficiis sibi ab eo collatis.

IX. Commemorat suum beneuolum animum erga Contarenū agitq; de explicatione quorundam locorum Epistolæ D. Pauli ad Rom. in suis commentariis explicatorum, petitque a Contareno, ut curet ne suus liber Venetiis ante secundam editionem Lugdunensem imprimatur.

X. Agit de quibusdā Theologicis, cōmunemq; miseriam narrat.

XI. Extenuat laudem suam agitque gratias Archiepiscopo Capuæ pro beneuolo erga se animo.

XII. Teneri se desiderio Marij Massæi, laudem suam extenuat, petitque ab eo corrigi suum librum.

XIII. Agit gratias Grano Signia & Mario Aligero pro acceptis ab eo beneficiis.

XIV. Indicat se teneri desiderio Marij Massæi hortaturq; eum ut ad se veniat.

XV. Laudat Antonium Sutionum, quod defenderit suam innocentiam, beneuolentiamque complectitur.

XVI. Reddit rationē sui itineris ad ythē, narratq; quid ibi agat.

XVII. Commemorat mutuam amicitiam inter se & Benedictum Accoltum.

XVIII. Re.

IACOB. SADOLET.

XVIII. Respondet Cosmo Gereio, qui se ad hospitium inuitarat.

L I B. X.

EPIST. I. Narrat creatum se Cardinalem Herculi Ferrariae duci.
II. Idem epistola hac commemorat.

III. Agit idem sequentibus epistolis.

VI. Scribit de nouo suo statu, quo animo illum sit aggressus.

VII. Laudat Claudium Rangonum, eiusque gratulationi respondet.

VIII. Respondet gratulationi Francisci Bellencini.

IX. Laudat epistolas Bembi, narratque miseriam sui status.

X. Respondet gratulationi Andreae Alciati Iureconsulti miseriamque sui status commemorat.

XI. Respondet gratulationi Romuli Amasii, cuique gratulatur de doctrina.

XII. Respondet gratulationi Achillis Bocchii.

XIII. Respondet gratulationi Lazaris Bonamici.

XIV. Respondet gratulationi Augustini Beatiani.

XV. Respondet gratulationi Lili Gregorij.

XVI. Respondet gratulationi Hieronymi Vidae Poetae egregij.

XVII. Germanus Brixius Iacobum Sadoletum mouerat, ne in honoribus animum mitteret, cui respondet Sadoletus.

XVIII. Suum beneuolum animum erga Fredericum Nauseam commemorat: & sententiam de concilio habendo exponit.

XIX. Laudat literas Ioannis Bellai, dicitque se non futurum reipub. officiis.

XX. Suadet Ioanni Bellai, ut amicum locum deligat, in quo a statem transigat, redditque eum certiore de concilio prorogato.

XXI. Reddit Reginaldum Polum certiore de reipub. turbis.

L I B. XI.

EPIST. I. Petre adscribi in album amicorum Georgij ducis Saxonie.
II. Respondet Sadoletus Epistolae Georgij Ducis Saxonie, qui se in amicitiam assumpsit.

III. Respondet opinioni Georgij, qua putabat, statum reipub. non commodum regi posse, si qui praesunt & imperium obtinent, ij non singulari inter se coniunctione animorum sint concordantes: illam opinionem laudat, reddit eum certiore de concilio futuro, petitque ab eo consilio iunari.

IV. Narrat gesta consilij in vrbe Niczae; excusata primo tarditate literarum.

V. Amplectitur Iulium Pflugium in suam amicitiam.

VI. Laudat libellum Ioannis Cochlei; scribit quendam de Concilio; petit libellum Alberti Pighij, quem conscripserat de Ecclesiae principatu.

VII. Dubitat an & quomodo fiet concilium de Repub. laudat

Iulij

EPISTOL. ARGUMENT.

Iulij Pflugij benevolentiam; laudat iudicium Cochleij de sua oratione, eiusq; librum probat conscriptum in vefanas Lutheri declamationes.

VIII. Exponit dolorem suū de morte Georgij Ducis Saxoniz.

IX. Indicat dolorem de morte principis Georgij, suūque animū erga Cochleū declarat.

X. Petit a Gulielmo Bauariz Duce Stocamerum quo cum sua consilia communicet.

XI. Reddit causam, quare fuerit sollicitus.

XII. Excusat tarditatem suarum literarum, scribit quædam de publicis miseris, laudat Gulielmum Bauariz Ducem, suamque ei operam desert.

XIII. Laudat desiderium Gulielmi erga fidem tuendam.

XIV. Laudat Franciscum Fregepanum, eiusq; desiderium erga religionem.

XV. Lætat de confirmatione Ecclesiarū, & mutatis capitib.

XVI. Horretur Fregepanum in publicis miseris prouidendis officio suo non desit, eumq; solatur in voce populi, dicentis libertatem eius potius esse superbiam.

XVII. Excusat tarditatem literarum, & quod ad hæreticum scripserit.

XVIII. Narrat incommoda ex eo prouenientia, quod concilium non fuerit habitum, solaturq; Ioannem Archiepiscopum Vspalensem, qui miseris fluctibus iactabatur.

L I B. XII.

EPIST. I. Petit ab Alexandro Farnesio, vt Auenione aliquem constituat, qui vices ipsius agat, assidueque in ea vrbe commoretur.

II. Petit a Farnesio, vt pro se intercedat apud Paulum III. Pont. quo tempus absentiz suæ ab Vrbe prorogetur in proximum Aprilem.

III. Gratulatur Farnesio de ipsius familiaris aucta dignitate.

IV. Laudat Farnesium, qui in augendo honore Bembi assiduus fuit, petiq; suo nomine agi gratias summo Pontifici.

V. Petit a Farnesio excusari, quod Romam venire nequeat, exponit causas, quare Carpentoracti manere debeat; conqueritur, quod Iudæi ubiq; extollantur: pauperes Catholici deprimantur, censetq; illi rei esse occurrendum.

VI. Congratulatur Farnesio de itinere feliciter p̄sacto, gratiasq; agit, quod eius commendatione apud Pont. voti sit compos redditus.

VII. Exponit dolorem suū, quo erat affectus ex eo, quod Hieronymus Alexander Brundisius Cardinalatu defunctus erat, petiq; tacite a Pont. Max. eum in pristinam dignitatem restitui.

VIII. Ex-

IACOB. SADOLET.

VIII. Excusat se Pont. Max. cur nequeat Romam venire.

IX. Commendat Pontifici Pet. Bembum, vt eum in ordinem Cardinalium assumat.

X. Commendat Pontifici Max. Gregorium Cortesium Abbatem, vt eo numerum Cardinalium suppleat, vt accidit.

XI. Commendat Pontifici Hieronymum Capoferreum Nicensium Episcopum, & Thomam Campegiū Episcopum Feltrensem pro ordine Cardinalatus.

XII. Petir à Pontifice iuuari aliquibus subsidiis & bonis Ecclesiasticis, quod ijs summo opere egeat.

XIII. Solatur Pontificem in morte matronæ cuiusdam.

XIV. Gratulatur Pontifici, quod geminis pronepotib. ex Imperatoris filia & nepote eius in lucem editis spes pacis affulserit.

XV. Hortatur Guidum Ascanium, vt prouideat in negotio Iudæorum, qui Christianos suis priuilegijs vexant.

XVI. Excusat se de quibusdam, quæ scripserat Guido Ascanio, scribit de quibusdam improbis superiorib. deq; negotio Iudæorū.

XVII. Laudat Guidū, quod p suis populis in Iudæorū negotio laborant, ideoq; ei gratias agit, petitq; ab eo, si adhuc alicuius rei mentio incidat, vt ius populi sui contra Iudæos tueatur.

XVIII. Gratulatur Marcello Ceruino de adepto Episcopatu.

XIX. Congratulatur Hippolyto Eitenſi, quod in ordinē Cardinaliū sit assumptus, eiq; suum erga eum officium commemorat.

XX. Suum officium commemorat, laudatq; Polum.

XXI. Congratulatur Frederico Fregosio de Cardinalatus honore, quem erat consecutus.

XXII. Indicat Gregorio Cortesio Abbati suum erga eū officiū.

L I B. XIII.

EPIST. I. Cōmemorat miseriam Poli, suumq; erga Contarenū desideriū, cōmendatq; ei vt causas Ducū Bauariæ sedulò agat.

II. Ponit sententiam suam de iustificatione & caritate.

III. Commendat Contareno suos populos prouinciāq; suam afflictam.

IV. Mittit Contareno librum de ædificatione Ecclesiæ, quem corrigi petit, eiq; suos populos commendat.

V. Petir a Reginaldo Polo vt beneficia ei præstita verbis commemorare desinat, ei congratulatur, quod saluus ad urbem aduenit, negotium Iudæorum deplorat.

VI. Extenuat beneficia sua, quæ Polo præstiterat, & in se collata exaggerat, petit efficiat ne Romam renocetur.

VII. Responder Gul. Poieto scribenti Sadoletō mirari se, quod pecunia egeret, agit ei gratias regiūq; quod eorum beneficio in pace viuat.

VIII. Commendat Poieto Albertum Pighium.

IX. Offert

EPISTOLARVM EN.

- IX. Offert operam suam Poiero Regique.
- X. Congratulatur Poiero de bonis omnibus ablatiis ab eo iniuste & sine causa ei restitutiis.
- XI. Solatur Petrum Catafam in miseriis publicis.
- XII. Agit Francisco Quagnonio gratias pro beneuolo erga se animo, redditque causas cur ad urbem accedere nequeat.
- XIII. Laudat Dionysium mutuamq; amicitiam commemorat.
- XIV. Mutuam cum Dionysio Card. amicitiam commemorat.
- XV. Petit à Dionysio librum suum de ædificatione Ecclesiæ legi & corrigi.
- XVI. Commemoratur dolorem, quem perceperat, quod audisset Dionysium esse mortuum.
- XVII. Petit à Marcello Ceruino librum suum corrigi.

LIB. XIV.

EPIST. I. Laudat Polum & epistolam Ioannis Marij: quoddam tamen vitium in eo reprehenditur, quod nimis magnam iudicij sui opinionem haberet.

II. Veterem & mutuam amicitiam commemorat offertque suam operam Nicolao Rodulpho.

III. Reddit causam, cur rarius scribat ad Rodulphum.

IV. Mittit Saluato librum de extructione Catholice Ecclesiæ, scribitque se laboraturum sedulo, vt aliquam opem reipub. adferat.

V. Commendat Alexandro Cesarino patrociniū suorum populorum.

VI. Agit gratias Alexandro, q̃ populis suis patrociniatus fuerit.

VII. Mittit Iacobo Symonete orationem suam corrigendam, scribitque de oratione quadam ad amicos mittenda, sollicitum se esse ait, an Iacobus saluus Romam peruenerit.

VIII. Congratulatur Iacobo, quod saluus Romam peruenerit, & suorum populorum patrociniū commendat.

IX. Agit gratias Francisco Turnono, quod populū suum à milibus liberarit, etq; commendat Albertum Pighium.

X. Petit cognoscere ex Ambrosio Catharino quid agat, & quibus ipse rebus occupetur indicat.

XI. Laudat librum Ambrosij de originali peccato.

XII. Ponit iudiciū suū de libro Ambrosij Catharini de originali peccato.

XIII. Laudat librum Ambrosij Catharini de Iustificatione, eumque hortatur, vt cito edat librum de prouidentia & prædestinatione.

XIV. Declarat in publicis miserijs ad Deum esse confugiendum, habendumq; esse conciliū. Laudat librum Hermannii Archiepiscopi Coloniensis de sacramentis, suumq; iudiciū de eo ponit.

XV. Com-

XV. Commemorat mutuam amicitiam, suamque ei operam affert.

LIB. XV.

EPIST. I. Laudat Herculem Gonzagam, cui data erat Mantua regenda, cum instruit ad regendum probe; declarat Italiam modo in hac calamitate versari, quod malos rectores habuerit.

II. Indicat dolorem suum ex morte Laurentij Campegij Episcopi fratris; eumque solatur.

III. Gratulatur Ioanni Morano, qui Bononiensis legatus erat, ei, commendat Hieronymum Gratum.

IV. Mittit Gregorio Corresio librum suum, eumque corrigi postulat.

V. Ponit iudicium suum libri Sadoleti de Purgatorio; scribit animos omnium esse suspensos, quid publicis rebus fieri.

VI. Laudat Iacobum Sabellum, eumque eo firmum petit amicitiam.

VII. Petit ab Antonio Perenotto curari, ut sua oratio in manus Caesaris tradatur.

VIII. Indicat Ioanni Toletano causas, quibus detinetur, quod minus iussu Pontificis Romam venire queat; ei, illud negotium commendat.

IX. Laudat Ranutium Farnesium, eumque hortatur, ut in virtutibus pede certo pergat.

X. Dissuadet Ranutio Farnesio Cardin. ne eat ad ius, sed ad Theologiam, virtutesque eum hortatur.

XI. Respondet laudibus, quas ad se Christophorus Madrucius miserat.

XII. Solatur Christophorum Madrucium de morte fratris.

XIII. Commemorat benevolentiam mutuam, ei, commendat Ioannem Marsupium.

XIV. Scribit quid Romae existens ibi agat.

XV. Respondet gratiarum actioni Henrici Lusitani; hortatur ut desiderium erga fidem seruet: curetque ut frater ipsius rex idem desiderium non permittat interrumpi.

XVI. Laudat poema Georgij Caelij Lusitani.

LIB. XVI.

EPIST. I. Ponit iudicium suum de libro Alberti Pighij de hierarchia Ecclesiastica, suamque erga eum benevolentiam indicat.

II. locatur cum Lazaro, ei, commendat Paulum Sacratum ad eius scholas ire desiderantem.

III. Com-

EPISTOL. ARGUMENT.

III. Commendat Romulo Amasæo Iacobum Bordingum Medicinæ studium Bononiæ perficere volentem.

IV. Laudat Scipionem Blanchinum, quod Iacobo Bordingo auxiliatus fuerit: mutuam amicitiam commemorat.

V. Agit gratias pro beneficiis sibi collatis à Prospero Sancta-crucio, suam erga eum voluntatem exponit.

VI. Disputat hic utrum sit licitum homini in aliquo publico honore posito, (cum aduersis omnium voluntatibus videat se nihil proficere, quod ad Reipub. pertineat salutem, habeat autem idem domi & priuatim præclaras gerere actiones, in quibus versatur & se exercere eiusdem Reipub. commodo queat) dimittere curas publicas, & ad studia priuata se conferre: quæ nihilominus in publicam vtilitatem redire videantur.

VII. Agit Bernardo Feliciano gratias, quod suis honoribus insudârit.

VIII. Agit gratias Donato Rullo pro libro ad se misso.

IX. Commendat mutuam beneuolentiam: miratur cur ab Donato Rullo pridem non acceperat literas.

X. Scribit quid sentiat de rebus publicis.

XI. Commemorât quædam de suo libro de peccato originali, quem mittit Isidoro Claro.

XII. Gaudet quod Nicolaus Peitellius bene suum populum Carpentoracti instituat, eiq; agit gratias.

XIII. Hortatur Florentium Volusenum, ut Catholicæ religioni insistat.

XIV. Indicat dolorem suum ex morte Pet. Bembi, hortatur Florentium ut pergat, quo cœpit, pede.

XV. Scribit Francisco Mario Molsæ Poëtæ se pro eius causa apud Pont. egisse, petitque an sua commendatio ei profuerit.

XVI. Scribit Sadoletto, quid ex eius commendatione apud Pont. effecerit, laudatq; Sadoletum.

XVII. Commemorât suas misérias, & aliquorum vult fieri certior.

XVIII. Ponit iudicium suum de oratione Antonij Florebelli, eumq; hortatur, ut pede cœpto pergat.

XIX. Petit Antonium sibi comitem.

IACOBI SADOLETI EPISTOLAE ad Paulum Sadoletum.

I. Reddit Paulum memorem mandatorum discedentem; quid domi suæ agatur, ei nuntiât, petit ab eo sedulo laboret, ut literarum professorem inueniat.

Lati-

IAC. SADOLET. EPIST. ARGVM.

II. Latinum Iuvenalem, qui literas ad eum ferebat, in amicitiam recipi iubet.

III. Indicat Paulo, se laboraturum in causa Mutinensium, seque hominem literarum studia docendo aptum comperisse, responderq; variis eius literis.

IV. Mandat Paulo variis salutem impertiti: miratur eum politicum esse, se in lucem emissurum Commentaria in Epistolam ad Galatas; petitq; ut ex Pontifice quærat, quod ipse potissimum argumentum desideret.

V. Relinquit ei liberum vel Romæ manere, vel ad se redire.

VI. Respondet Sadoletto de variis amicis, qui eum salutant, eumque hortatur, ut reditum cautè instituat.

VII. Mittit Paulus Sadoletus librum patru sui Bembo, ab eoque petit corrigi, se redeuntem ad patruum Bembum visurum.

VIII. Commendat Rodolpho Pio, ut Molsam in amicitiam recipiat.

IX. Scribit quid Mutinæ agat, redditque Paulum quorundam certiozem.

X. Reddit Paulum certiozem eorum, quæ tum Romæ, tum Parmæ gesta sunt.

XI. Desiderat eum videre, iubetque ad se venire, reddit variorum certiozem.

INDEX, COMMONSTRANS, quis, cui scribat, & quoties.

Prior nota librum; posterior epistolam denotat.

A Chilli Bocchio	10, 12.	Alexander Casarino	14, 5. 14, 6.
Adamo ab Epistolis Ferdinando Regi	15, 13.	Ambrosio Catharino	14, 10.
Alberto Pighio Camp.	16, 1.		14, 12. 14, 13.
Alberto Pio	5, 4.	Andrea Alciato Iureconsulto	2, 10. 2, 11. 2, 12. 18, 10.
Alexandro Farnesio S. R. E. Cardin.	9, 5. 12, 1. 12, 2. 12, 3. 12, 4. 12, 5. 12, 16.	Andrea Gritto	10, 6.
Alexander Farnesium Cardin. Iac. Sadol.	6, 19.	Angelo Colotio	5, 18.
		Antonio Prato Episcop. Senonensi, S. R. E. Cardin.	6, 4. 6, 5. 6, 6. 6, 7. 6, 8.

Anto-

I N D E X.

<i>Antonio Puccio Card.</i>	6, 12.	<i>Francisc. Molsa lac. Sad.</i>	16, 16.
<i>Antonio Suriano</i>	9, 15.	<i>Idem Paulo Sadol.</i>	16, 17.
<i>Antonio Pulleoni</i>	9, 16.	<i>Frideric. Nausca</i>	10, 18. 11, 17.
<i>Antonio Florebello</i>	16, 19.	<i>Gabrieli Paleoto Bono.</i>	16, 14.
<i>Antonio Perenoto</i>	15, 7.	<i>Galeatio Florimont.</i>	51, 7.
<i>Antonio Palcario</i>	5, 14.	<i>Gaspari Contar.</i>	9, 8. 9, 9. 13, 1.
<i>Augustino Grassa</i>	4, 14.		13, 2. 13, 3. 13, 4.
<i>August. Trivultio S. R. E. Card.</i>		<i>Georgio Duci Saxon.</i>	11, 1. 13, 2.
6, 18. 6, 19. 6, 20.			13, 3. 13, 4.
<i>Augustino Beatino</i>	10, 14.	<i>Georg. Calio Lusitan.</i>	15, 16.
<i>Bonifacio Amerbacchio Basili-</i>		<i>Germanio Brixio</i>	4, 8. 4, 9. 4, 10.
<i>ensis</i>	1, 12. 4, 7.		10, 17.
<i>Benedicto Accolto Card.</i>	7, 1. 7, 2.	<i>Georg. Cortesio abbat.</i>	12, 22.
7, 3. 7, 4. 7, 5. 7, 6. 7, 8. 7, 9. 7, 10.		<i>Eidem Card.</i>	15, 4.
<i>Benedictus Accoltus S. R. E. Car-</i>		<i>Georg. Cortes. Sadol.</i>	15, 5.
<i>din. lac. Sadol. Episc. Carpent.</i>		<i>Guido Asca.</i>	12, 15. 12, 16. 12, 17.
7, 2. 7, 9.		<i>Gulielmo Bellaio</i>	3, 11. 3, 12.
<i>Blosio Palladio</i>	7, 11.	<i>Gulielmo Bavaria Duci</i>	11, 10.
<i>Christophoro Mardrucio Episc.</i>			11, 11. 11, 12. 11, 13.
<i>Trident.</i>	15, 11. 15, 12.	<i>Gulielmo Poietrio Cancellario</i>	
<i>Claudio Rangone</i>	10, 7.		13, 7. 13, 8. 13, 9. 13, 10.
<i>Cosmo Gerio</i>	9, 18.	<i>Henrico Lusitano</i>	15, 15.
<i>Desiderio Eras. Rot. 1, 11. 4, 1. 4, 2.</i>		<i>Herculi Gonzaga S. R. E. Card.</i>	
4, 3. 4, 4. 4, 5. 4, 6.			1, 8. 2, 8. 15, 1.
<i>Didaco Mendoza</i>	15, 14.	<i>Herculi II. Duci</i>	10, 1.
<i>Dionysio Cardinali</i>	13, 13. 13, 14.	<i>Herman. Episc. Colon.</i>	14, 14.
13, 15. 13, 16.		<i>Hieronymo Nigro</i>	1, 5. 8, 6. 8, 8.
<i>Domato Rullo</i>	16, 8. 16, 9.		8, 9. 8, 10.
<i>Egidio Cardinali</i>	3, 12.	<i>Hieron. Niger. Sad.</i>	8, 7. 8, 11.
<i>Federico Fregosio Archiep. Sa-</i>		<i>Hieronymo Vida</i>	10, 16.
<i>lerni</i>	1, 6. 1, 7. 3, 1. 3, 2. 3, 3. 3, 4.	<i>Hippolit. Medici</i>	2, 9. 7, 14.
3, 5. 3, 6. 3, 7. 12, 21.		<i>Hippol. Medices Sad.</i>	7, 15.
<i>Federicus Fregos. Archiep. Saler-</i>		<i>Hippolyto Estensi</i>	12, 19.
<i>nitian. lac. Sadol.</i>	3, 8.	<i>Iacobo Symoneta</i>	8, 5.
<i>Florent. Voluseno Sco.</i>	16, 13.	<i>Eidem Card.</i>	14, 7. 14, 8.
<i>Francisco Guicciardi.</i>	5, 6.	<i>Iacobo Sabello Card.</i>	15, 6.
<i>Francisco Ripa</i>	1, 8.	<i>Ioanni Matthao Giberto</i>	1, 1. 3, 9.
<i>Francisco Turnonio S. R. E. Card.</i>			3, 10. 3, 11.
6, 10. 6, 11. 14, 9.		<i>Ioanni Salviato</i>	1, 9. 1, 10. 5, 1. 5, 2.
<i>Francisco Bellencino</i>	10, 8.		5, 3. 10, 20. 13, 4.
<i>Francisco Fregepani Vngaro</i>	11,	<i>Ioanni Francisco Pico</i>	3, 13.
14. 11, 15. 11, 16.		<i>Ioanni Bellaio</i>	5, 1. 6, 2.
<i>Francisco Quignenio</i>	13, 12.	<i>Eidem Card.</i>	6, 3. 10, 12.
<i>Francisco Mario Molsa</i>	16, 15.	<i>Ioanni Nicolao Apt.</i>	6, 9.
			Ioanni

I N D E X

<i>Ioanni Ldtheringo Card.</i>	6, 13.	9, 13, 10, 4.	<i>N. Sena Theolof. prasidi</i>	1, 17.
	6, 14. 6, 15. 6, 16.		<i>N. Acrimontio Card.</i>	6, 17.
<i>Ioan. Petr. Crassus Episc. Viterbii</i>			<i>N. Arch. Capua Card.</i>	9, 12.
<i>Iac. Sadol.</i>	9, 6.		<i>Nicolas Rodolpho</i>	14, 2. 14, 3.
<i>Ioan. Petro Crasso</i>	9, 7.		<i>Nic. Peitello</i>	16, 13.
<i>Julio Veflugo</i>	11, 5. 11, 7.		<i>Paulo III. Pont. Maximo</i>	9, 1. 9,
<i>Io. Coclae</i>	11, 6. 11, 8. 11, 9.			2. 9, 3. 12, 7. 12, 8. 12, 10. 12, 11.
<i>Ioanni Gotto</i>	11, 18.			12, 12. 12, 13. 12, 14.
<i>Ioanni Caraffa</i>	13, 12.		<i>Paulo Iouio</i>	5, 7.
<i>Io. Huttardo Mendoza</i>	14, 15.		<i>Paulo Sadol.</i>	17, 1. & seq.
<i>Io. Baptista Speciano</i>	16, 6.		<i>Paulus Sadol. P. Bembo</i>	17, 7.
<i>Io. Bernardo Felic.</i>	16, 7.		<i>Idem Rodolpho Pio</i>	17, 8.
<i>Ioanni Morono</i>	15, 3.		<i>Petio Bembo</i>	1, 3. 1, 4. 2, 1. 2, 2. 2, 3.
<i>Ioanni Tiletano</i>	15, 7.			2, 4. 2, 5. 2, 6. 2, 7. 10, 2. 10, 10.
<i>Isidoro Clario</i>	16, 10. 16, 11.		<i>Idem Card.</i>	12, 19.
<i>Laurentio Campegio</i>	7, 13.		<i>Pino Riuenfi Episc.</i>	4, 13.
<i>Laurentio Grana Signia & Ma-</i>			<i>Prospero Sandacrucio</i>	16, 3.
<i>vio Aligero Rheatis Episcopis</i>			<i>Ranuccio Farnesio</i>	15, 9. 15, 10.
	11, 13. 10, 4.		<i>Reinaldo Polo</i>	8, 2. 8, 3. 8, 4.
<i>Lazaro Bonamico</i>	1, 2. 5, 9.			10, 21. 13, 5. 13, 6.
	5, 10. 5, 12. 5, 14. 10, 13. 16, 2.		<i>Reginaldus Polus Iac. Sadol. E-</i>	
<i>Lazarus Bonamicus Iac. Sadol.</i>			<i>pisc. Carp.</i>	8, 1.
	5, 11. 5, 12.		<i>Rodolpho Pio</i>	5, 5. 10, 4.
<i>Lilio Greg. Gyrardo</i>	10, 14.		<i>Romulo Amasao</i>	10, 11. 16, 4.
<i>Ludonico Pariseto</i>	8, 12.		<i>Sebastiano Gryphio Typographo</i>	
<i>Marcello Ceruino</i>	11, 18.			5, 16.
<i>Idem Card.</i>	13, 17.		<i>Scipioni Blanchino</i>	16, 4.
<i>Mario Maffao Volater.</i>	9, 12.		<i>Thoma Campegio</i>	15, 22.
	9, 14. 10, 5.		<i>Thoma Caetano</i>	2, 13. 2, 14.
<i>Mario Aligero Rheatis & Lau-</i>			<i>Vbaldino Bandinello</i>	7, 12.
<i>rentio Grana Signia Episcopis</i>				

IACO-



IACOBI SADOLE-
TI, EPISCOPI CARPEN-
TORACTI, S. R. E. CARDINALIS
EPISTOLARVM LIB. I.

Epist. I.

IAC. SADOL. EPISC. CARP. IOAN.

Matthæo Giberto Episc. Veronæ, S.P.D.



OST QVAM veni Carpentoraacte, has primas
exaravi literas, easque ad te, aliquanto serius,
quodd fueram sanè incommoda & gritudine im-
peditus: senseram enim ex itinere *duo* *tripas*, quo
morbo tamen releuari iam videor. Sed siue il-
lam mihi maritima iactatio contraxit, siue iter

te. *et* siue aliquid postea addidit ad illius morbi molestiam: omni-
no intelligo, me hac corporis imbecillitate iam non ad aliam
rem ullam, quàm ad ocium & quietem idoneum esse. Quod i-
psum videor nunc demum, tuo singulari beneficio, & summa
principis benignitate consecutus. Nos à porru Centumcellis Ni-
cæam vsque nauibus peruecti fuimus, nihil ipsi illa, quod appare-
ret, maris agitatione offensi: cùm ceteri omnes ferè, qui erant
mecum, graui nausea conficti essent, Nicææ duos dies mansi-
mus. Inde digressi à Valdemontio: cuius mihi humanitas magnæ
voluptati fuit, iumentis pretio coactis iter terra fecimus: septimo
die Nicæa peruenimus Carpentoraacte, ad diem 5. Nonas Maij,
læti, velut ex diuturnis fluctibus stabilem aliquando & desidera-
tam terram aspicientes, si lætitiâ nostram rumores de rebus vr-
banis non interpellassent: parum illi quidem constantes, sed ta-
men mihi molesti. Audieramus autem Labcone iam conscen-
dentes, Germanos milites, quos nos, ab Vrbe cùm proficiscere-
mur, pro pacatis reliquimus, animis commutatis, spectare denuo
ad arma: remque iterum adductam esse in discrimen. Hic mihi
merus, atque hæc sollicitudo ita hæsit in animo, vt postea eucl-

A

li non

linon potuerit: nec sum sedato animo futurus, quoad certum
 sciero, quid euenerit, & num salus nostra etiam nunc in-
 festa, an improborum & perfidorum consilia, vel ipsa per se
 se consenuerint, vel metu compressa sint. Equidem interim
 illa consolatione sustentor, quod video dies iam complurcis
 rumores illos conticuisse, non enim simile esset veri, si quid
 accidisset postea tumultuosius factum, tantas res tandiu silen-
 tiosiacere oppressas. Sed quoquo modo se se habet res, me me-
 us incredibilis erga summum Pontificem amor, neququam pa-
 titur curæ & angoris expertem esse. Qui si aliquo est adhuc
 proprio in periculo (quod utinam ne ita sit, atque in hoc Deus
 misericors nostras preces exaudiat) ne ego perquam doleo
 grauius, tum eius ipsius causa, cuius ego salutem semper ante-
 posui meæ: tum etiam mea. Viderer enim mihi ab officio qua-
 si defecuisse: si hoc tempore tali dominum deseruissem: atque e-
 um dominum, in quo ego amando, ornando omni pietate, at-
 que omnibus officiis colendo, neque virtuti ipsius vnquam; neq;
 meo studio satisfacere potuissem. Sed & tunc quid me angeret,
 quo esse vinculo Deo immortali obstrictus, quo denique animo,
 qua spe placationum rerum, ab eo digressus sim, ipse tu optimus
 es testis. Et nunc in his quoque locis ac terris ea mente sum, ut se-
 cundas res ipsius aliis fruendas libentissimè relinquam: aduerfa-
 rum non recusè esse particeps. Deum autem quæso, id quod a-
 cturus assidue & precaturus eum sum, ut pacem & otium aliquan-
 do afferat & Pontifici Max. & Italiæ: quod liberius ac diutius illius
 eximia virtute & humanitate frui omnes possumus. Sed hæc ha-
 tenus. De teipso, mi Giberite, aucto plurimum, & ex te cognosce-
 re: quem ego habeo autorem meæ tranquillitatis: cui vni benefi-
 cio alterum par nunquam reperietur. Itaque quantum tibi debe-
 am & ipse sentio: & dabo profectò operam, ut ceteri omnes in-
 telligant. Ego nunc quod maxime est necesse, recuperandæ vale-
 tudini studeo, quam cælum istud vrbæ valde mihi labefacta-
 rat: ut id quod agere festino, commodius deinde nauare possim.
 Rapior enim cupiditate incredibili, ad veram immortalitatis spem,
 quam videor mihi habere in manib. maximis Dei beneficiis, &
 mea summa voluntate incitatus. Itaq; & ad gerendum piè ac san-
 ctè sacerdotium hoc, animo sumus alacres, & ad artium honestis-
 simarum studia inflammati. In altero, ut ne isthinc obturber, tuæ
 & eximie autoritatis, & summi erga nos amoris præcipuæ partes
 lunt in altero mea fuerit culpâ, si non & tua, & cæterorum de me
 opinioni respondero: liceat modò per valertudinem. Efficiam n.
 profectò ut omnes fateantur, meam velegregiam operam, vel præ-
 claram certè voluntatem extitisse. Quo in genere, quid tibi rece-
 perim, quid Pont. Max. facrim pollicitus, optimè in memoria ha-
 beo.

beo. Tu ut me sicut confueuisti diligas ac tueare, te maximopere mi Giberite iocundissime rogo. Vale Carpentor. XVI. Cal. Iunias, M. D. XXVII.

IAC. SADOL. EPISC. CARP. LAZARO

Bonamico, S. P. D.

Si uales gaudeo. Post meum ab Vrbe discessum nihil adhuc omnino à quouāq̃ literarū: ac ne à meis quidem. Itaq; in desiderio sum, & de illis, & de te, & de cæteris amicis aliquid audiendis atq; utinam omnia ex mea sententia. Nos uenimus ad Carpentor. ad V. Non. Maias, summa horum hominum gratulatione, quorum auxilii lætitiā inopinatus noster aduentus. Itaq; quod semper optauimus, ex diuturnis fluctibus, uidemur tandem portum esse consecuti: modò vos isthic salui, summiq; Pontificis res cum teneant statum, quā maximè cupimus, nihil mihi ad spem beatæ uitæ non abundè uidetur affore. Nam & parum sat contēti sumus & in hoc honore piè sancteq; administrando quoad nobis datū diuinitus fuerit. Deo ipsi eidem deseruire contendemus: & in libris ac literis toti uoluerabimur: veterēq; ac diuturnam sitim optimarum artium nostro tandem arbitrio, in ipsis fontib. explebimus. In hoc genere toto, q̃ pertinet ad artes honestas, & ad nostra illa tibi ignota studia, video te unum maximo esse posse mihi adiumento. Nam & de ueræ doctrinæ ueritate hauriendum nobis erit, & bonorum librorum ex te copia requirenda. Quorum alterum tute mihi recepisti cum adhuc essem Romæ: alterum mihi semper paruissē intelligo. Sed de libris peto à te magnopere, ut promissa mihi perficias: ea in re impensæ parci nolo. Gratiam autem eam tibi referam, quæ maxime & tua uirtute & nostra amicitia erit digna. Ego ei nunc præuerti uolo curæ, ut ualitudini recuperandæ studeam, quam urbanum istud cælum non mediocriter labefactarat: & spero me oprati fore compotem. Te si rogem, ut pristinum tuum amorem erga me conserues, faciam & tibi profectò, & amicitia nostræ inintiam quod uidear quasi constantia tuæ dissidere. Itaq; non committam ut de hac re iure me accusare possis. Tantum à te petam, ut Vbaldinum, Sangani, Lælium, Pyrrhinum, Colotium, cæterosque, partim amicos, partim etiam discipulos tuos, saluere iubeas meis uerbis: nec pariaris hebescenti in eis igniculos beneuolentiæ, qua erga me uidebantur esse affecti. Imprimis uerò amplissimis uicis Campegii patronis tuis, & patri & filio, quibus ego mirificè dedi tus sum, idque eorum merito, salutem à me dicas plurimam. Vale mi Lazare suauissime,

& tibi persuade, te à me ualde amari. Carpent. XVI.

Calend. Iun. M. D. XXVII.

III.

IAC. SADOLET. EPISC. CARP. PETRO

Bembo S. P. D.

DIv est, quodd destitimus inter nos missitare literas: neque enim inueteratae amicitiae tanta coniunctio, talem operam ullam, aut oblectamentum requirebat. Alia porro non fuerunt, de quibus esset opus alterum nostrum ab altero certiore fieri. Sed cum tu in ocio atq; literis assiduus esses, ego maximis Romae curis & sollicitudinib. impedire, in longe dispari conditione vitae, pari tamen benevolentia inter nos iuncti semper fuimus. Nunc autem, postquam Dei immortalis admirabili beneficio ex illis turbulentis fluctib. me euolutum, & ad portum ociumq; traductum, ea excepit vita quam maximè semper appetueram: non existimaui nostra necessitudine, aut ipso tempore alienum esse, aliquid ad te literarum dare: praesertim cum tu mihi idoneam ad scribendum occasionem praebuisses. Cognoui enim ex Bini nostri literis, quas ille ad me Venetiis misit, vigere apud te benevolentiam mei absentis, & memoriam amicitiae nostrae cum fide conservari: cum is se ad te visendum accessisse, aliquorq; horas consumpsisse tecum sermonibus suauissimis confirmet: ea quae de te praedicet, quae & tuis plurimis maximisque virtutibus, & meo perpetuo de te iudicio consentanea sunt. Ac mihi quidem quodd intelligo me amari abste, non tam nouum nunc quidem, quam semper gratum atque optatum accidit. Quodd verò erga Binum ipsum egregia humanitate vsuses: eiq; & opem, & studium, & auctoritatem tuam detulisti, quodq; hoc etiam prolixius causa mea fecisti: de eo habeo tibi magnam gratiam. Certè enim is & diligitur à me, & per se dignus ipse est, quem tu quoque diligas: est enim summa modestia, & summa probitate praeditus: doctus praeterea, & elegans, & cum laude versatus in utroque genere scribendi. Sed hoc tu facile pro tuo singulari ingenio perspicere per te potes. De me autem ipso si cupis nosse qui noster status sit: Ego Carpentoraeti habito, quo vent ante diem V. Nonas Maias, id tandem assecutus, quod & meae quietis causa tantò ante optaueram, & Deo immortali iam diu debueram. Locus ipse ab omni terrore & tumultu liber: hominum secunda in nos voluntas: ocij iam non spes, neque desiderium, sed certa, & haud dubia possessio. Denique omnia eiusmodi, vt planè me in limine positum beatae vitae fuerim arbitraturus, nisi ad mea priuata incommoda Reip. calamitas quoque tanta accessisset. Nam quodd ego fortunis omnibus spoliatus, tanquam naufragio facto, nudus ad lictus euaserim: non tam graue mihi quidem est, iam vsu & ratione edo-

cto, se-

sto, ferenda esse fortiter vulnera fortunæ (etsi quod fuit grauissimum, libri quoque mei eandem calamitatem subierunt) quàm audire urbem omnium nobilissimam, domiciliū Imperiū ac dignitatis, sedem & patriam omnium nostrum, ita captam ac direptam: clades, cædes, strages tot, tamque inauditas, ab hoste immani & impio fuisse factas. In quibus & Pont. Max. quem ego incredibiliter amo, indigni casus: & multorum præterea charissimorum atque amicissimorum hominum mortes & exilia, me vehementer perturbant. In quo angore animi etsi ea requiro ex studiis doctrinæ doloris solatia, quæ mihi adiumento & leuationi esse possint: tamen haud ita multum usque adhuc profectum est. Omnē enim medicinam vincit dolor: nec sic possum studere constanter, ut obliuiscar humanitaris. Sed hæc Deus viderit: cui me rotum addixi. Ego si ab his difficultatibus quæ me plurimæ præmunt, & ab omni parte circumstant, respirare aliquando cœpero: efficiam profectū, ut aliquis studiorum meorum & oculi fructus appareat, in quo præclaram tuam voluntatem imitabor: ingenium & facultatem non assequar. De omnibus autem scito tuam iudicationem fore. Vale, & nos dilige. Nauagerio tuo, & M. Antonio Michaeli nostro, Nigrō, duobus Teupulis, cæterisque amicis (sunt enim utrique nostrum ferè communes) plurimam meis verbis salutem dic. Carpentor. III. Non. Nouemb. M.D.XXVII.

IV.

IAC. SADOLETVS EPISC. CARPENT.

Petro Bembo, S. P. D.

NON admirari, si & mea, & tua expectatione serius, meas habere dedi, ad tuas amicissimè atque humanissimè scriptas literas: morbo impeditus satisfacere officio non potui: quo tamē leuari iam videor. Itaque ut primum facultatem nactus sum, non commisi, ut desiderares à me hoc officium: vel ego potius ut desiderarem. Miro enim studio tenebar respondendi tibi: cum usque eo accuratè, & suauiter mihi rescripsisses, ut omnem amorem tuum erga me in illis planè literis inueneri liceret. Nam & iucundam memoriam vetustæ inter nos beneuolentiæ declarabant: & societatem doloris eius, quem ex communis Reipub. calamitatibus uterque nostrum suscepisset: & quod maxime tua virtute & prudentia dignum erat, leuationem à molestiis, quam & tu adhiberes, & mihi ipsi censesse esse adhibendam. Quorum alterum mansueti animi & misericordis, commoueri aliorum miseriis: alterum etiam sapientis, si quid ad te priuatim iacturæ perueniat, scire adhibere ea solatia, quæ ad continendum animum in officio, optatè esse videantur. Itaque ego, etsi mea sponte non admo-

di imbecillus, tuo tamen horzatu atq; exemplo fortior factus sum: nam me quidem non tam priuata meæ difficultates mouebant, (quæ, quanquam multæ, & magnæ, tamen non tam acerbæ, quia graues: quàm tolerabiles, quia non nouæ videbantur) quàm tot innocentium atq; amicissimorum hominū exitiis, tanta Latini penè nominis internicione, perturbabar. Præsertim cū & is Pontifex in crudelissimorum hostium venisset potestatem, quem ego summè amarem: & ea vrbs oppressa esset ac direpta, à qua ego essem & fortunæ meæ subsidia, & artium optimarum ornamenta (si qua modò sunt in me) omnia consecutus: quo etiam difficilior mihi erat ad consolandum ratio, quàm fuerit tibi. Tu enim quibus auxiliis summæ virtutis, & prudentiæ, ad confirmandum animum vsuses: ea ipse domo, atq; abs te ipso attulisti. Ego quæ solatia meo dolori adhibere cogito, ea ab vrbe illa ipsa accipi, cuius causa mihi maximè dolendum est: vt idem mihi doloris monumentum sit, quod debeat esse leuatio. Itaq; illæ ipsæ literæ, quas tu proponis nobis, & quarum certè nos ope & auxilio plurimum vti cogitamus, planè hærent in ancipiti & conturbatæ sunt. Si adsunt mihi, metuunt ne ingrætæ sint in illam vrbe, unde sunt profectæ: si desunt, ne parum sanctæ officio videantur. Sed, quomodo nunc se res habet, consoletur nos profectò tum ratio ipsa tum earum rerum, quæ postea securæ sunt vis ac natura: Pontifice iam liberato ex impiorum manibus, vrbe Roma reuiuisciente, arbore ea, quæ excisa fuerat, tanquam ab radicibus, de integro fruticante: nisi grauitèr pertimescerem, idque videre iam videret, ex tantis, & tam acerbis calamitatibus, quas per tot annos Italia passa est, gradum potius aliquem ad futura mala iam esse, quàm præteritis cumulum adiectum. Quòd si tu aliter sentis, habesque in alteram partem quod potius sequare: quæso me hoc metu quàm primum libera. Dices: Quid ergo? etiam si hæc ita futura sint, idcirco ne angoribus dedere nos debemus? Minimè hercule istud quidem: neq; enim est fortis viri pendere ex alienis euentibus. Sed tamen *φιλονομία* quædam est, quæ nos afficit: cogitque, vt vultum ex vultu, sic animum ex animis necessariorum nostrorum immutare. Quantum autem mihi & tibi cum Latio sit, quantum cum Italia, quàm arctum deniq; cum ipsa vrbe Roma vinculum intercedat, non solum coniunctionis, sed sanctissimæ cuiusdam quasi necessitatis, magis perspicuū est, quam vt commemoratione egere videatur. Quapropter, vt hanc orationē totam iam concludam, & ita fero fortiter cōmunes miseras, vt non obliuiscar humanitatis: & sic doleo aliorū vicem, vt putem mihi nequaquam propterea ab animi constantia desciscendum esse. Confugio igitur, te eodē hortante & suadere, ad literas, quarū nimis iam diu cōmercio & assiduitate cōsuetudinis carui.

Quo quidem ipso sit, ut tibi nihil possim ex eo genere in praesentia mittere quod lectione dignum sit: dies fortasse aliquid adferet & mea spes, commentationesq; non semper abibunt irritae. Sed abs te, quæ librum Urbinatæ te scribis confecisse, eū ego auidè expeto. Recordor n. primo illo fœtu cū eum recens peperisses, quantopere mihi is liber arriserit: quā mihi mirè placuerit & elegantia in eo sermonis, & copia, & gravitas ipsa, ac prudentia. Quæ cū ego tum plena iam & perfectæ esse arbitrarer: tu tamen homo lynceus, & acutius cernens, quā cæteri omnes, perspiciebas animo quiddam præstantius, quod nos ne cogitatione quidem aspirare possemus. Ita multorum annorū mora & lima, & verustatem illi ac dignitatem, & nobis desiderium legendi auxit. Quod si certos nactus fueris, qui deferant, (nam ut non tuto committas, minimè postulandum est) gratissimum mihi feceris, si eum mihi quā primum miseris. De Bino meo quod ista in illum voluntate es, & lator, & habeo gratiam. Scripsi ego ad eum statim acceptis tuis literis: sed ita acciderat, ut cū eæ mense Decembri datæ essent, mihi Martio deniq; redderentur: quo tēpore ille Venetiis iam excesserat, & ad Pontificem erat profectus. Vbi cūq; is erit, tamen magno illi honori & emolumento semper erit, tū domus tua ac familiaritas: tum apud cæteros autoritas & cōmendatio. Quod quidē eo cupidius manere illi saluum apud te opto, quod duriorē adhuc fortuna constitutus exitū suorum consiliorum etiam nunc nullū videt. Nos hīc vivimus in fortuna tenui, de reliquo sat contenti, nā & amœnis in locis sumus, & in amore omnib. quodq; cunctorum maximū est, quæcūq; pacem & tranquillitatem animi turbare possunt, omnia penitus ex animo ipso eiecimus atq; expulimus. Itaq; nullā iam cogitamus, nisi cū philosophia habere rationē, quo in genere ut alias scripsimus, te adiutore potissimū & duce uti meditamur. Egidiū Cardinalem minūs commodè valere mihi valde molestum est. Amo n. hominem maiore in modum. Nam cū omni eximia virtute & humanitate præditus est: tum & mihi, & tibi semper fuit amicissimus. In tanta autem penuria nostri temporis virorum talium, & amandus & colendus à nobis præcipue est. Ei ut plurimam dicas meis verbis salutem, itemq; nuncies, ad eum me scripturum fuisse, nisi valetudini eius parcendum esse duxissem, vehementer te rogo. Vale mi charissime & suavissime Bembe, nosq; ut facis dilige, communibusque amicis salutem à nobis dic. Vale Carpentoract. prid. Idus Maias, M. D. XXVIII.

V.

IAC. SADOLETVS EPISC. CARPENT.

Hieronymo Nigro, S. P. D.

A 4

Ex

EX eis literis, quas abs te IV. Idus Iulij datas, V. Calen. Septem.
 Acccepi, cognoui, quod per mihi gratum fuit, te ex illo acerbo
 & horribili calu, quo vrbs Roma, & totius ferè Italiae reliqua di-
 gnitas, immanis barbariae fluctibus oppressa est, amissis rebus ex-
 teris saluum ipsum atque incolumem in patriam reuertisse: quod
 & de te cognosce, & de aliis item nonnullis qui ob virtutem & a-
 micitiam mihi sunt charissimi, non mediocre mihi solatium in
 meis maximis doloribus præbuit. Quanquam enim, vt tute scri-
 bis, fortunis spoliari graue est, præsertim innocenti, cui nullo i-
 psius merito ista accidunt: grauius etiam amittere optimorum
 studiorum lucubrationes, multis vigiliis, & multo sudore diu col-
 lectas: tamen ea vis malorum, & tantus concursus omnium cala-
 mitarum fuit, vt non pessimè cum illis videatur esse actum, qui-
 bus libertatem in hoc tempore, & salutem tueri fuit licitum. Quod
 tibi & aliis plerisque tui similibus, meis familiarissimis, Dei im-
 mortalis ope & auxilio contigisse lætor. Nam quod ego sapien-
 tia quadam videar consecutus, vt abfuerim in tam acerbis rebus,
 atque temporibus: nequaquam id mihi arrogo, sed hoc eiusdem
 Dei erga me beneficium agnosco, gratiasque ago illi, quantase-
 quidem possum. Nam quas deo vt agam & referam, non mo-
 dò meæ, sed ne vilius quidem humanæ facultatis est. Cerrè enim
 si quid ego vidi, aut præmonui: si quid in me aut boni sensus in
 tanto rerum motu, aut providentis in posterum consilii fuit, to-
 tum id fuit à Deo: cui dum cupio dare eas operas, quæ à mea fide
 & à pietate mea requiruntur: quid mirum, si ita accidit, vt bonum
 consilium euaserit sapientia? Nec verò ego aliud mediis fidius
 statuo esse sapientiam, quàm meminisse vnumquemque, quid
 sui officii & muneris sit: idque cum fide & cum integritate præ-
 stare. Quod si hi fecissent, qui maximè debuerunt, (de summo
 Pontifice non loquor, cuius mihi virtus, clementia, integritas
 semper visa est non solum magna, verum etiam admirabilis)
 quod nunc ad omnium iniurias & contumelias proiectum est, in
 pristina sua veneratione maneret sacerdotium. Sed recordatis
 profectò reliquorum ordinum, morumque communium labem
 & confusionem: quos ego accusando non insequar: non quin
 causa fuerint vniuersæ calamitatis: sed quia non possum com-
 memorare sine dolore, quæ & vrbi omnium nobilissimæ & homini-
 bus multis mihi necessitudine iunctis, infanda & atrocia conti-
 gere. Illud dico, quod sentio. Deum hominesque contestans, cu-
 pisse optimum Pontificem mederi moribus perditis. Sed cum res
 ferro egeret, non malagmate: ipsius autem natura & lenitas à
 vehementioribus remediis abhorreret: vt in corporum solet mor-
 bis, sic in corruptis moribus, quæ intempestiuè adhibita est, auxil-
 ium morbum potius medicina quàm leuauit. Mihi quidem sepe sum-
 mi Pon-

mi Pontificis virtutem ac probitatem, beneuolum etiam aduersus ipsum me animum, egregiamque humanitatem, mecum reputanti, sic amore animus incenditur, non aliquo nouo videlicet, sed illo veteri & diu antè suscepto: vt interdum mihi peccare videar, quòd non præsèdè sim, tantarum illi miserationum & consolator, & comes. Quòd si non his vinculis sanctioribus detinerer, nec tanti munere officij Deo essem astrictus: aut si arbitrarer, posse me vnà cum Dei, & Christianæ Reipublicæ honore ac commodo, illius salutis, dignitatique: prodesse: crede mihi, quo minus me in omne demitterem discrimen, non periculo vllò, non vlla propòsita acerbitate deterreter. Sed rem intelligo adductà in eum locum, vt lugendum tantummodo nobis sit, nec meam vicem mihi quidem (quoquo enim modo se habet res, mea natis est in portu) sed humanitate vincor, & mollicia animi quadam, vt aliorum incommoda ducam pro meis. Nam me, etsi eadem, quæ tam multos pessumdedit, fortuna affluit: quod meis & meorum familiarium non tam fortunis, quàm reliquis veterum fortunarum amissis, omnes ad me nudi atque egentes conuolauerunt: tamen quoniam ferre hæc modicè didici, vel natura, vel consilio, vel etiam vsu planè doctus: viuo autem deoq; & in ea gente regioneque; terrarum, quæ pace & concordia in primis sedata est, & in eo obeundo munere quod mihi maxime congruens & honestum est: non meam vicem doleo, sed aliorum. Nam mihi quod ipse gratuler habeo potius, quàm quod lugeam. Eorum verò, quos amaui, amoque; incommodis quin mouear, fieri nullo modo potest. Habeo tamen spem, & rationem quandam, quæ mihi, vt in malis, non parum solatij affert: illam videlicet, quam ad Deum ipsum refero: quem scio, & noui, ita irasci solere peccatis hominū, vt sibi solui eas pœnas velit, quæ illis ipsis, qui deliquerunt, viles sint & salutare. Quam eandem rationem te reputantem (petis enim à me per literas, vt tibi aliquid consulam, quod sit leuamentum doloris tui) volo bene sperare de reliquis rebus. Cui enim castigatio fuit, eidem erit Deo salus nostra curæ. Porro ea magis ex virtute & religione, & probatis moribus quàm ex opibus multis & lauta suppellectili spectanda est. Quòd si multò minore in bono læsi fuimus, vt in eo quod maximum bonum est, augeamur, quis lugeat iure? neque; hanc felicitatem quandam potius, quàm calamitatem fuisse ducat? Sed de his satis. Ego te tuos labores, & studiorum vigiliis perdidisse, valde moleste fero: quod mihi idem accidit, casu propè mirabili, euentu tristiore. Cùm enim direptis rebus cæteris, libri soli superstites ab hostium iniuria intacti, in nauim coniecti, ad Galliz litus iam peruecti essent: incidit in vectores, & in ipsos familiares meos pestilentia. Quo merui permoti, quorum ad littora

navis appulsa fuerat, onera in terram exponi non permifere. Ita
 asportati sunt in alienas & ignotas terras: exceptisq; voluminibus
 paucis, quæ deportavi mecum huc proficifcens, mei reliqui illi
 tot labores quos impenderamus, Græcis præfertim tot codicibus
 conquiendis vndiq; & colligendis: mei tanti sumptus, meæ cu-
 ræ, omnes iterum iam ad nihilum reciderunt. Ex quo fat perſpe-
 ctum eſt, præter communes cū genere Italo hoc tempore inimi-
 citias, proprium aduerſum me bellum gerere fortunam. Sed nihil
 illa proficiet: maximum habeo in ſummo Deo, non paruum in
 æquitate animi perſugium. Non me tantum quotidiana illius
 iniuriæ conuellunt, quantum aſuefaciunt ferre hæc humana
 fortiter atq; conſtanter: atq; eò quidem fortius, quòd Deum mi-
 hi patronum non deeſſe intelligo: nullo hoc merito, nullis virtu-
 tum officiis fateor. Sed quid refert, ſi is a deſt tamen, meq; ipſe &
 protegit, & tutatur? cuius, quò minus ego illis dignus ſum, hoc
 ſunt maiora erga me & præſtantiora beneficia. Pro quibus vti-
 aliquando gratus in illum eſſe poſſim. adnitatur quidem certè, ma-
 iusq; etiam donum eius agnoſcam, ſi gratus fuero: quàm cætera
 cuncta pro quibus gratia debeat? Quid ergo eſt: hoc vulnere
 quo nullum grauius ſtudioſis hominibus inſigi poteſt, amiſſarū
 ſcilicet vigiliarum & lucubrationum, tu leuius multò percuſſus
 es, cui ingenium & ætas ſuppeditat, quàm ego: cui quantulum
 quaſo eſt reliqui? Sed tamen ne ſic quidem deſicio animo: tibi que
 autor ſum, eadem illa ſtudia acius repetendi: vt non plus detra-
 ctum fortunæ iniuria, quàm per diligentiam additum eſſe videat-
 ur. Illud fuit extremum in tuis literis, velut approbatio amoris
 erga me tui: quod ſcribis nihil tam oprabile tibi eſſe, quàm eſſe
 apud me, & hoc ocio frui mecum. In quo, ne viuam mi Niger, ſi
 tibi concedo, vt tu me cupidiùs appetas, quàm ego te. Amaui ſem-
 per plurimum ingenium, probitatem, ſedatum animum, ſpecta-
 tos mores: ſed inprimis tuum bene mihi perſpectum erga me a-
 morem. Quò minus autem, quod ſummè cupiebam, aliquod illu-
 ſtre ad te commodum atq; ornamentum ex noſtra amicitia pro-
 fiſciceretur: meministi profeçdò quæ res fuerit impedimento.
 Quod nunc quidem venit in bonum: ſi quidem minus malum
 eſt carere, quàm amiſſiſſe. Quæ autem ſunt in his locis, eiſmodi
 ſunt: vt animus ſi ſit æquus vacuusq; cupiditate, nihil fieri poſſit
 amœnius, &, ſi his rebus contentus eſſe poſſit, hoc eſt, paulò mi-
 nus quam mediocribus: ocii quidem & honeſtiſſimarum ac iu-
 cundiffimarum voluptatum affarim eſt: quodq; inprimis tibi eſſe
 gratum ſcio, ſumma noſtra in te conſtat beneuolentia. Sed de re
 tota tuum conſilium eſt, vtrum videlicet, & quando. Nos quidem
 tui ſumus. Lazarum queror ita noſtri oblitum, vt nihil adhuc
 ad me dederit literarum. Nec puto tamen ab eo me non amari,
 quem

quem ego mirificè diligo. Eum de hoc commonefacias velim, multamque & illi, & cæteris amicis salutem à medicas. Vale mi Nigèr, & nos amare persevera. Iterum vale. Carpentoracti, V. Id. Septemb. Anno M. D. XXVII.

VI.

IAC. SADOLETVS EPISC. CAR-
pent. Federico Fregosio Archiepiscopo Salernit.

S. P. D.

PAULUS ad nos reuersus, simul vt in me incidit, ipso primo aspectu & colloquio, statim interrogatus à me nunquid Lagduni tecum esset congressus, & te quod tantopere cupiebat, conuenire potuisset: Ego verò & conueni hominem, & multum cum eo vt essem, valde mihi ex sententia contigit: neque arbitror, inquit, alios dies mihi in vita illuxisse iucundiores, quàm hos, quibus frui tanta virtute atque humanitate fuit licitum. Tum multa de te, de moribus, de literis, de omni genere sermonum, consuetudinumque tuarum est locutus. Quæ cum ego audirem, meo perpetuo de te iudicio consentanea, non mediocriter lætabar, prædicationem veterem nostram huius quoque adolescentis asseveratione & testimonio confirmari. Qui (quod mihi credas velim) non paulò est, quàm vsus ferat, & quàm ætas illa postulet prudentior. Sed cum neque ille laudandi & prædicandi, neque ego percontandi finem facerem, is dies in sermonibus de te nobis totus consumptus est. Non enim satiare poteramus, eum quem ego amorem erga te diuturnum iam dudum & stabilem conseruarem, ille eo recente flagraret. Quod mihi quoque accidisse recordabor primis illis temporibus amicitie nostræ, ac familiaritatis: quibus ita eram studio tui, propter tuas eximias & maximas virtutes incensus, vt tum demum conquirerem animo, cum tecum essem: neque aliud tempus vllum gratum mihi atque optatum accideret. Eisdem nunc vestigiis Paulus ingressus, ab eadem virtute tua, quæ me cepit, ipse quoque arreptus est: vt in amore tui & obseruantia habiturus sis posthac non hominem vnum ex nostra familia, sed familiam cunctam. Sed quòd tu aliis occupationibus impeditus, quemadmodum constitueras, in hæc loca venire nequiveris: mihi (vt verè fatear) valde molestum est. Iam enim præceperam animo fructum eximie cuiusdam voluptatis, quem in te videndo & amplectendo perceperurus essem. Tum autem erat multarum rerum, consiliorum etiam multorum, inter nos communicatio facienda: in quibus & tu sententiam meam penitus cognouisses, & ego tuam exquisissem. Ita parati vterque nostrum (sicut ego opinor) vt vter consiliū attulisset melius, id am-
bobus

bobus ratum esset. Accidit autem eiusdem fortunæ iniquitatem
 quæ me semper eludere conata est, ut me hæc quoque expecta-
 tio summæ iucunditatis frustraretur. Quod si me procuratio Ec-
 clesiæ, & *δικηνοτες* meæ non tenuisset, quam hoc tempore obire
 more maiorum & explorare est necesse: nulla res mihi fuisset
 tanti, ut non ad te subito conuolarem: quod tamen sum, die
 quidem incerta etiam nunc, sed tamen aliqua facturus. Nam &
 longo intervallo te reuifere perquam opto: & quod propiores su-
 mus, hoc te careo ægrius: cui nostræ ægritudini tuo aspectu &
 colloquio subueniendum omnino est. Quibus autem de rebus
 ego cogitaram sermones inter nos conferri oportere: ex res par-
 tim ad Rempublicam & ad temporum horum, naturam condi-
 tionemq; pertinent: quod genus cum non satis tuto literis com-
 mittatur, prætermittere totum est satius: partim in ratione tra-
 ducendæ vitæ, & in omni genere studiorum literarumq; versan-
 tur. De quibus & communicare inter nos etiam absentes, & cre-
 bro epistolas mittere licebit. Quanquam in hoc genere quidem,
 & meorum consiliorum rationes Paulus ad te pertulit: & de tuis
 mecum vicissim est locutus. Atque ut perspicio, haud ferè dissen-
 timus. Nam quod tu Hebræas, ego potius Græcas secutus sum ti-
 teras: idem est spectatum ab utroq; nostrum. Quid enim inter-
 est qua quisque semita, dum eam tamen perueniat, quod venien-
 dum est? Sanè solum in eo paruula inest dissensio: quod tu ita
 sacras literas videris esse amplexus, ut alias omnes reieceris, & se-
 posueris: ego sic ad easdem propero, atq; contendo, ut tamen a-
 liarum comitatu velim accedere instructior. Sic enim intelligo,
 (quod idem omnibus patere arbitror) ut in hisce militaribus &
 bellicis studiis, quod quis fortior est vir, & imperatori suo acce-
 ptior: hoc armis & equis, & omni militiæ instrumento magis cu-
 rat ut sit instructus: sic nobis in hac coelesti militia summo omnium
 Regi & Imperatori Deo nosmetipsos exercentibus, nullum ex-
 ternum ornamentum, quod huic studio non officiat, esse repu-
 diandum. Sed de his, ut etiam dixi, & scribā ad te accuratius, cum
 sensum tuum omnem ex literis tuis cognoro, & ut ad nos planius
 ipse omnia perscribas vehementer à te postulo. Illud constare de-
 bet utriq; nostrum, quod conuelli nullo modo potest: in omni
 genere scriptorum, studiorumq; nostrorum, Latinam linguam
 præcipue à nobis excolendam esse, qua nec grauior vlla est, nec
 præclarior: præterquam quod nobis ab eis viris maioribus no-
 stris tradita est, quorum admirabilis incredibilisq; sapientiæ ne-
 minem potest omnino penitere, in qua quidem ego cum spero
 te atq; opto vnā cum cæteris artibus optimis, quibus mirifice de-
 ditus es, assidue versari, tum ego certè versor: hoc etiam commo-
 dus, quod tua bibliotheca gratissimo mihi munere copiosa est.

factus sum. Pro quo ago equidem tibi gratias: sed eas referre mallem quàm agere: cui rei occasionem aliquam aliquando dies allatura est. Tu ut valetudinem tuam diligenter conserues: nosq; quod facis, ames: & te à nobis plurimum amari scias, & si petere videretur esse superuacaneum, tamen abs te peto. Vale. Carpent. Idib. Maiis, M. D. XXVIII.

VII.

IAC. SADOLETVS EPISC. CARP. FEDE-
rico Fregosio Archiepiscopo Salerni, S.P.D.

QVòd cognoui ex literis tuis te valere rectè, memoriamq; mei absentis & benevolentiam conseruare, eo valde lætatus sum. Quod verò in eisdem literis erat ascriptum, te proficiscentem Lugduno illas ad me dedisse, id mihi nonnullam afferebat molestiam. Non enim possum non cum aliquo morfu doloris ferre: te, cui ego vni omnium hominum cupio esse coniunctissimus: dissi- gietiam magis à me, & ad remotiores regredi terras: cum ego te abeuntem, quem corde & animo amantissimo prosequor, pedibus consequi non possim. Nec videre mihi videor interdù, quid me retineat: cum multa tamen impediunt, quibus à spe propinqua videndi & conueniendi tui sum exclusus. Sed quod corpore non possum, id amore equidem & cogitatione facio, ut tecum sim: neq; hora vlla à contemplatione tui absentis mihi præterit vacua. Quòd si liceret vnà esse, ut ego te ad præclara illa studia, quib. aliquando simul fuimus dedici, excitarem: ut te non paterer siue dissidentia quadam, siue aliarum potius occupationum concursu, à spe præstantissimarum rerum relanguescere? Etenim visus sum perspicere tuis ex literis sententiam quandam eiusmodi tuam, quasi tu mediocritate contentus sis. Quod sanè nollem, ita enim natura factus es, ita institutus, ut summa ac prima magis spectare debeas. Atq; ego, qui te adhortor, non is sum tamen, qui autoritate multum valeam: aut qui sciam mihi id capere consilij, cuius tibi sum autor: quippe qui negligentia naturæ, vel imbecillitate quadà animi, quotidie multa constituens, nihil audeam aggredi. Verùm non qui ego sim, sed qui tu esse possis, tibi est cogitandum. Quòd si tempora impedimento sunt, rerumq; tuarum rationes ita te implicatum cum multis retinent, ut conseruandi officij causa necesse sit & sæpe te, & à multis perturbari: sustineat hanc etiam fortuna, cum plurimis aliis peccatis, iniquitatis suæ culpam. Nos autem id demus operam, de quo est in tuis literis præclarissimè scriptum, ut quotidie efficiamur meliores. Et est hæc vnà tamen omnium maxima præstantissimaq; doctrina, quam non Platoni, neq; Aristoteli, sed omnium doctori & creatori Deo

acceptam ferimus. Nam de ratione scribendi, utrum Latine inter nos oporteat, an secus, liberum sit utrique nostrum. Ego tuis literis, cuiuscemodi illæ fuerint, contentum me fore confiteor: modò accipiam crebrius. In quo peto a te, ut non inuideas hanc exoptatam voluptatem expectationi meæ. Nihil enim mihi potest esse iucundius, quàm de te crebrò, & ex te ipso cognoscere. Quo quidem in munere ego tibi præibo, ut tu me imiteris: sapius ad te scribam, ut eliciam tuas. Paulus in studiis remissior nunc quidem est: quem ego languorem libenter ascribo tempori. Nihil enim est, quòd nolim potius existimare in causa esse, quàm naturam, aut voluntatem adolescentis: qui si quo incredibili ingenio est præditus, totum intendere ad optimas artes amplectendas voluerit, nã ille non solum nobis, qui propinquiore sumus, sed alienioribus etiam magno futurus est ornaento. Nos ambo valeamus, reque valere plurimum optamus, & benevolentiam nostri conferre, sicuti à nobis quidem summa ea cum fide & constantia erga te conservatur. Vale. Carpent. XV. Cal. August. M.D. XXVII.

VIII.

IAC. SADO LETVS EPISC. CARPENT. HER-
culi Conzage S. R. E. Cardinali, S. P. D.

Ioannes Franciscus Bius, qui tibi has literas reddidit, vir est
leis virtutibus ornatus, quas cognoui semper & requiri à te, &
amari. Nam cum in scribendo literarum venustate ac manu om-
nibus, quos quidem ego adhuc viderim, facili antecellit: tum
verè in dictando, & lucubrando tanta facundia est, ut idoneus
fuerit habitus, qui mihi in eo munere succederet: quo, ut tu o-
primè nosti, Romæ non mediocri cum dignitate fungebar. Est o-
nim meæ disciplinæ alumnus: deditq; mihi aliquot annos non
mediocri meæ cum utilitate operas: tantumq; ingenio & labore
profecit, ut in Pontificis epistolis ac diplomatis, facili iam eius
scripta pro meis probarentur. Quodq; paucis admodum conti-
git, in utraq; lingua, & Latina, & vernacula, ea videlicet, quæ nunc
est Italiæ familiaris, pares progressus fecit. Adiunxit porro ad has
artes, quæ ingenij & doctrinæ sunt, illas quoq; quæ sunt bonorū
& virorum, & morum: iam & fide, & probitate, & omni diligen-
tiæ genere atq; assiduitatis, & mihi, & omnibus profus satisfecit.
Is, ut dicebam, cum locum honorificum apud summum Pontifi-
cem esset nactus: eumq; & testimonio meo, & suæ virtutis com-
mendatione, Principis summam gratiam ac benevolentiam ob-
tineret: eiusdem fortunæ iniuria, cuius iniquitate cetera cecide-
runt, è summa spe & honore pristino decusbarus est: te familiari
sua

sua, quod duxius etiam est, nec satis commodè antea constituta, & nunc penitus direpta. Quod quidem fato quodam meo illi accidit: qui cum se, & spes ac rationes omneis suas in meam fidem contulisset, vehementerq; ego cuperem illius consulere fortunis, & id sæpius conatus essem: non potui tamen assequi ut id ipse efficerem. Quod autem fuit proximum, id effeci, ut eum in eo loco constituerem, ubi & sperare vberiora, & adipisci posset. Nunc in his vrbis Romæ & totius Italiæ ruinis, quæ me & communis patriæ, & plurimorum amicorum ac necessariorum incommodis, & imprimis summi Pontificis, quem ego omnibus vnum antepono, causis, vehementissimè perturbant: eum ad humanitatem nihilominus pertinere arbitror, suscipere curam eorum quos & iudicio meo, & benevolentia sum complexus: existimaui, si res Romana ita cecidissent, & collapsæ essent, ut ex tanto, tamq; acerbo naufragio, ne renues quidem superessent reliquæ pristinae dignitatis, essetq; ipsi Ioanni Francisco feditus ad suum obeundum munus penitus interclusus: neminem esse digniorem qui potiretur hanc gloriam, tali viro opitulandi, quam te, cuius ego & amplitudini semper saui, & virtutem & liberalitatem naturæ sum admiratus. Quæ quidem hoc in te illustriora omnibus videantur necesse est, quod cæteris Italiæ luminibus extinctis, sola penè tua virtus & nobilitas relicta est. Itaque nequaquam quidem mirum est, si, qui suæ confidunt virtuti, fortuna verò duriorè vbi sunt, hoc tempore te intueri vnum, & in te spes suas constituere coguntur: sicut & Binus ipse constituit, & ego ut ita faciat, illi quoque autor sum. Sed quod ad commodum & utilitatem tuam pertinet, si hunc hominem amplecti tua benevolentia, & in familiaribus tuis habere institueris, eiusque operam & industriam in tuis rebus adhibere: parce mihi, & cautè de eo est dicendum: ne videar eum beneficium à te petam, potius afficere beneficio velle: cum præsertim quantum ex tali ministro commoditatis, opportunitatis, dignitatis, principi viro accedere possit, tu pro tuo ingenio & prudentia statuere optimè queas. Quod autem attinet ad me, qui in summo dolore, quem ex rebus publicis capio, hac quoque cura sollicitor, ut hominis mihi dediti, omniq; virtute præditi, quem ego summè diligo, tranquillitati & commodo consulatur: peto à te mi optime, & præstantissime Hercules, atque omni animi studio te maximo opere rogo, si quid mei amoris residet in te, & si communium studiorum coniunctio, quæ in amicitia vim habere maximam ad benevolentiam solet, me ex animo tuo effluere passa non est: mihi des hoc absenti, quod ego maximè expeto, voloq; ut hominem hunc, de manu mea, in manum illam tuam beneficam & liberalem acceptum, in familiariza-

tem & gratiam recipias, velisq; illi apud te esse locum, quò suo labore, industria, fidelitate, amorem tuum & iudicium emereri possit. Quod illum ita maturè itaque officiosè facturum esse confido, ut tu sis meo testimonio fidem habere, & mihi morem gerere animum induxeris, quod te equidem facturum non dubito, facile & quamprimum sis intellecturus, ad tua multa & fortuna & familiaria ornamenta, ex huius hominis familiaritate magnum quoque decus accedere. Me quidem tanto tuo beneficio deuinxeris, ut tibi perpetuam pro eo gratiam sim debiturus. Quod ut facias vehementer etiam atq; etiam rogo. Vale. Carpentoraeti, XI V. Calend. Iulij, M. D. XXVII.

IX.

IAC. SADOLETVS EPISC. CARPENT. IO.

Saluato S. R. E. Cardinali, S. P. D.

Nouem menses ferè sunt, cum ego Carpentoraete, ut meam ipse gererem & gubernarem Ecclesiam, me recepi: cum viginti ipsius diebus ante Roma essem profectus, quam illa acerba horribilisque clades urbi illi omnium clarissimæ & nobilissimæ incidisset. Qua mea illinc profectio, cum res illas libenter relinquere, ab vno Pontifice Maximo & clementissimo agrè fui diuulsus. Amo enim eum, & amaui semper: nec meo in illum studio & voluntate quicquam adhuc in vita expertus sum ardentius. Quo etiam maiorem ex illo grauissimo casu cepi animo dolorem: quem tamen scribendo non persequar, ne & meam ipse molestiam augeam: & te videat velle ad luctum illarum rerum mecum vnà reuocare. Quod autem ad meum officium & obseruantiam erga te pertinet, posteaquam huc veni, cogitaui iam sapius ad te scribere. Nō enim te fugit, dum Romæ fuimus ambo, te mihi semper propositum fuisse, quem præcipuè colerem: non solum amplitudinis & dignitatis tuæ causa (hoc enim tibi commune erat cum multis) sed multò etiam magis, quod tu mihi videbaris, in illo genere & ordine, vel solus, vel certè cum paucissimis, antiquæ illius virtutis exemplum retinere. Eram igitur tibi ex animo deditus: neq; tu id nescis. Quam meam opinionem & obseruantiam confirmabat, tum insignis beneuolentia, qua fui semper coniunctus cum patre tuo clarissimo viro: tum tua erga me perpetua præstantisque humanitas, cuius nullo tempore obliuisci possum. Cogitaui igitur scribere ad te. Sed cum nullum suppetere, (his quidem temporibus miseris, perditisque) argumentum, quod vel mihi scribenti, vel tibi meas literas legenti, esse aptum videretur, distuli vsque in hunc diem: nec mediis idius, quò nunc habeam magis quid scribam, quam habuerim antea. Sed quia quie-

quid

quid nunc demum scripſiſſem, id te puravi placatiore animo eſſe lecturum: cum non ſolum dies, id quod omnibus commune eſt, ſed etiam prudentia, quæ tua laus propria eſt, ſed aſſet in te animi moleſtias. Quanquam qui ſedari poſſint, non planè perſpicio. Non enim ſunt noſtra mala eiſmodi, vt ſi in vna parte offenſum ſit, in altera ſit proſperè actum. Sed cum vno interitu omnia iaceant proſtrata, vbi amplius ſpe nulla nitamur, non habemus: niſi ad eum ſolum reſpiciamus, qui altiſſimum poſuit refugium ſuum: quò videlicet, neq; mali flagellum aliquod, neq; fortunæ temeritas poteſt aſpirare. Quòd equidem oro, optoq; quotidie, vt ita fiat. Sed ſi cæteris non poſſim, mihi quidem ipſi conſulere potui: habeoq; conſtitutum, nequaquam amplius poſthac à ſummi Dei cultu ac ſamulatu me ſeuungere, cui vni ſum dicatus ac deditus: hoc arctiore fidei & deuotionis vinculo, quàm plerique: quod cognoui meam illi ſalutem & libertatem eſſe curæ. Itaque certum eſt, quod tempus vitæ reliquum mihi fuerit, id omne ad Dei immortalis cultum, & artium optimarum ſtudia conferre. Quod ſcribo ad te aliquanto libetius. Senſi enim, te nūquā abhorre à talibus conſiliis, quæ cum Deo coniuncta ſunt: quæ qui deludere & aſpernari ſolebant, cum opes & potentias nimium ſcætarentur, intellexerunt, ipſo euentu docti, falſo ſe conſilio à veris rationibus aberrari. Sed de hiſ haſtenus: neq; enim hæc eiſmodi ſunt, in quibus immorari admodum lætabile ſit. Ego quæ amore, quamq; obſeruantiam, erga te iam inde ab initio noſtræ coniunctionis ceppi, perpetuò ſum conſeruaturus. Tu me vt diligas, & in tuorum numero ducas, tibiq; deditiſſimum eſſe exiſti. mes, magnopere à te peto. Vale. Carpentoracti, III. Nonas Februarij, M. D. XXVIII.

X.

IAC. SADOLETVS EPISC. CARP. IOAN-
ni Saluato S. R. E. C. S. P. D.

TVis literis pleniffimis humanitatis & beneuolentiæ, quibus ad meas reſcripſeras, nihil adhuc reſpondere potui, morbo impeditus, non negligentia retardatus. Fuerunt autem illæ, vt quidem eſſe debuerunt, mihi iucundiſſimæ. Nam & memoria mei tua mirum in modum me delectauerunt: & in optimam partem accepi, tum iudicium, quod ipſe de me in illis faciebas: tum conſilium, quo cohortabare, vt nollem hoc tempore de eſſe reip. Cui tot annos ſumma cum fide & diligentia ſeruiſſem. De iudicio quidem, quòd tibi ego idoneus videar, in quo ſit aliquid opis & adiumenti reipub. (quando hoc ita accipio, vt id tui potiùs erga me amoris iudicium eſſe putem, quàm vllius meæ virtutis teſti-

monium) habeo tibi magnam gratiam. Talis enim viri benedictio-
 lentia satis mihi pro illustri testimonio est. Quod si verò aut mede-
 ceat, aut id vera & recta ratio à me postulet, ut referam me rursus
 in illos fluctus, ex quibus Dei immortalis incredibili benignitate
 semel ereptus sum: quanquam in omni genere prudentiæ pluri-
 mum tibi ex tuo, tamen in hoc planè quidem non assentior. Est
 enim meum mihi munus attributum, quod nec deferere debeo,
 neque ab hac mente, illius pie recteq; administrandi, ipsi deferri.
 quod quidem ego perspicere non possum, quo pacto absentes
 probè administrant, cum ego ipse qui adsum, attendoq; re expe-
 riar, hanc vnam omnium maximè laboriosam & diffidens esse
 provinciam. Sed ut hoc mutari conuelliq; possit: quis mihi pra-
 stitit, nè omnia deinceps in vrbe auctum sit: optimus quidem &
 iustissimus est Pontifex: sed cuiusmodi ceteri ordines? cuiusmodi
 tempora? Qui hominum mores? Nos verò qui satis diu satisque
 vehementer illis rebus dedimus operam, & at qua inferuendo
 res pùb. naufragia iam fecimus, aliquando litus portumq; nacti,
 obnixè illum teneamus. Equidem quod reliquum dabitur vitæ,
 id etià Deo & musis sic impendere totum deuoui, ut aliam nullà
 cum quoquam cogitem habere rationem: nec despero in hoc ipso
 quoq; genere vitæ, fore me & ipsi summo Pontifici, quem incre-
 dibili quodam amore prosequor, & ceteris amicis, ornameto
 aliquando ac voluptati. Tantum tenere mihi hanc pacem animi,
 & hunc fructum tranquillitatis, quo mirificè perfruior, ad diem
 vitæ vltimum liceat. in quo mens quidem mea perquam est con-
 stans, sed fortuna est ipsa pertimescenda, cuius tantis & tam varijs
 sunt ad lædendum conatus, aduersus quam illo perfugio uti me-
 ditamur, quod est vnum omnium certissimum & maximum, ut in
 Deo ipso omnis spes vitæ, omnia subsidia fortunæ constituamus:
 qui si fuerit nobiscum, quis contra nos erit? Atq; hæc pauca ad
 te, velut excusans opinionem meam, si non ea est omnino senten-
 tiæ tuæ consentanea: cum præsertim probè intelligas ipse, etiam
 si in me esset ingenium atq; eloquentia, quæ quidem perquam
 minima est, quàm nihil tamen illa profectura sit in tam auersis
 ab æquo & bono, cunctorum moribus tei & voluntatibus: quæ
 non modò nihil appetunt rectum, neq; honestum: sed ne in eo
 quidem ipso, quod perperam appetunt, habent certam & con-
 stantem rationem appetendi. Sed hæc fortasse plura, quam opor-
 tuit. Quod autem priuari iam tecum officij est: quod tu meam
 beneuolentiam & agnoscas erga te, & tuam mihi ipse vicissim
 tribuas, meque in numero ducas tuorum: vehementer (ut verum
 fatear) mihi gratum est: tibiq; confirmo, si quid aliquando tue-
 nerit, ut te ipsa declarandum sit, quo sim in te animor: me non
 solum æquaturum, sed (si licebit) superaturum etiam tuam de

me opinionem. Tu vt mei memoriam conserues, hominiquē omnibus ingenij & virtutis ornamentis prædito. Alberto Pio Carporum principi, plurimam vt dicas meis verbis salutem, te magnopere rogo. Vale. Carpentoracti, III. Nonas Maij, M. D. XXVIII

XL

IAC. SADOLETVS EPISC. CARPENT.

Des. Erasmo Rotcred. S. P. D.

Accepi tuas literas, Basileæ Calen. Octobris datas, in quibus erat manu tua ascriptum, alteras te eodem exemplo ante dedisse: quas non acceperam: Sed & hæc ardius huc allata sunt, medio enim Nouembri mihi sunt redditæ: Quas habui, mi Erasme doctissime, omni ratione gratissimas. Nam & effigiem tuæ erimæ virtutis, summæq; humanitatis, mihi ante oculos totam posuerunt, quam ego semper soleo & mirari, & amare: & tuæ erga me singularis beneuolentiæ fuerūt mihi fidelissimæ testes. Quod enim tantam de salute mea curam susceperis: atq; vltq; cō fueris sollicitus, quoad habueris certum, quid me factum esset: meq; in his locis constitisse cognoueris: amici nimirum animi, & egregie beneuoli, hæc magna est significatio, in qua ne viuam mi Erasme, si tibi concedo, vt in amando me sis superior. Multa equidem quæ in te sunt, atq; haud scio an multò plura quam in quocumque alio, dilexi semper & admiratus sum, ingenium, eruditionem, copiam: atq; illud imprimis, quòd tu ita tantæ doctrinæ ornamenta ad pietatis studium, & ad Christi celebrandū nomen contulisses. Huic verò tuo tanto in me ipsum amari, etsi animo ac beneuolentia sum par, verbis tamen & literis satisfacere non possum. Dum enim auidè cupio exprimere quàm me tibi deuinctum putem, mihi nec stylus, nec oratio suppetit: quòd tu per te melius poteris existimare. Sanè, quod ad me attinet, admirabilis Dei beneficio salus mihi tum & incolumitas est inuenta, cum viginti diebus ipsis ante miserrimum casum Romæ, ex vrbe illa exiui, iter habens ad Ecclesiam meam, & in ea residere, quod reliquū esse vitæ, constituens: quo quidem voto iam antea Deo eram obstrictus. Nec verò dubito, quin recta & grata Deo hæc voluntas, causa meæ incolumitatis extiterit. Nam mea reliqua eiusmodi sunt, vt mihi illius magis misericordia sit opus. Sed quòd ego minus meritis sum, hoc summi eiusdē Dei elementis & benignitati maior à me debetur gratia. Meas quidē fortunas omnes, acerba mihi vrbs fortuna eripuit. In his ipsam bibliothecam, quam ego Græcis & Latinis libris magna diligentia vndiq; comparatis, consereram: quæ omnium sunt, vt & tu existimas, & ipse sentio, ia-


Etura grauiſſima. Sed tamen omnia in partem bonā accipiendū
 ſunt. De Bembo meo nihil eſt quod labores. Is viro etiā tum ſe-
 ne, morbo coactus, ecceſi mutandi cauſa, contulit ſe Patanium ſibi-
 demq; conſedit, & nunc quoq; commoratur, totus literis & ſtu-
 diis deditus, omnemq; habens cum Muſis rationem: quem ego ar-
 bitror pangere profectū aliquid, quod ipſi laudi futurū ſit, ceteris
 non mediocri voluptati. Urbis Romæ caſum quem plurib. deſes,
 non alterius arbitror eloquentia dignè poſſe deplorari, quā tua.
 Incredibile eſt, quantū calamitatis & damni, ex illius urbis ruina
 omni humano generi inueſtū ſit. In qua etſi vitia quoq; nonnulla
 inerant, maximā tamen multo partem dominabatur virtus: do-
 micilium certè humanitatis, hoſpitalitatis, comitatis, omniſque
 prudentiæ ciuitas illa ſemper fuit: cuius excidio, ſi quī, vt ſcribis,
 lætari ſunt: ij non homines, ſed fera potius immanes ſunt exiſti-
 mandī. Quanquā hoc paucis vſu arbitror contigſſe, vt aut nō do-
 luertis horribiliſſimæ omnium & multū præſtantiſſimæ urbis elade:
 aut ſi ſurore quodam vſq; eō debacchari ſint, vt hoc illi exitij ma-
 liq; oprauerint, nunc ſaturatis odiis non aliqua furoris ſui peni-
 tentia, & viciffitudine rerum humanarum moueantur. Sed de his
 viderit Deus. Quos tu quod ſcribis, reſipiſcere iam cœpiſſe, cupio
 equidem vt ita ſit: idq; precari Deum nō deſinam: non enim odi
 illos, quin eos reuerti ad ſanitatē opto: ſed tamen Deus viderit.
 Ego quōd te habeo ſocium huius doloris, neq; parum ex eo me
 conſolor, & de tua optima mente atq; natura egregium iudiciū
 facio. Quod vtinā pacis & concordie communis aliqua aliquan-
 do ratio habeatur: quō melius conſolari noſmetipſos, & rectè ſpe-
 rare de omni repub. poſſimus. Nunc & tu prudentiſſimè ſcribis,
 & ego intellige, omni hac ſpe (nifi Deo aliter ſtatutum ſit) penitus
 ſublata, nihil neq; bonis literis loci, neq; ſtudiis pietatis, relictum
 iri. Nec tamē propterea deficere animo, aut deſatigari debemus,
 quia cuncti, qui artibus optimis habuit & inſtituti ſumus, ſubue-
 niamus pro ſua quiſq; parte huic tanto damno, comuniq; ia-
 cturæ: & in libris nauemus pacis & pietatis operā, ſi minus in re-
 pub. & in ceteris hominū poſſumus. In qua quidem actionē & ego
 elaboro, & te video tantam iam laudem conſecutum eſſe, vt non
 modò aſſequi te, ſed vix imitari quiſquā conſidat. Nam quæ nos
 multo cum labore, longo tempore rudia tamen & imperfecta fa-
 cimus, tu nullo negotio breuiſſimo in tempore, planè expolita
 abſolutaq; lucubraris: vt iam nō in te cura ſit, ſed natura, oratio-
 nis ille nitore, & verborum ſententiarumq; incredibilis veritas.
 Quo etiam minime mirum tibi videri debet, multos eſſe obte-
 ctatores tuæ laudis, & inuidos: eſt enim edita in altū laus tua, neq;
 omnes eiſmodi, vt magis eos virtus ad amorem, quā celebra-
 tas famæ ad maleuolentiā adducat. Qui tamen abs re conte-
 mnunt.

audendi & nihil faciendi sunt: non enim digni sunt, quorum vel habeatur mentio. Ego sicut & amor erga me tuus, meusq; viciissim erga te, & mea natura, & inprimis officium amicitiae postular, semper futurus sum, & tuarum clarissimarum virtutum fautor, & dignitatis ac nominis præcipuus amator. Vale. XII. Cal. Decembris, M. CCCCC. XXVIII. Carpent.

XII.

IAC. SADOLETVS EPISC. CARPENT. BONIFACIO Amerbachio Basiliensi S. P. D.

LEgi tuas literas, plenas benevolentiae, & officij: in quibus quod merita mea erga te tantoperè commemoras, facis tu quidem abundantia amoris: nam ego eiusmodi officia, quæ similibus tui viris probis doctisq; tribuuntur, magis honestare eos qui tribuunt, quam eos quibus deferuntur, semper arbitratus sum. Quamobrem si quid egi tui causa, non tam mihi te gratias, quam me occasione agere oportet. Atque utinam, qua in te voluntate sum, tantum mihi dedisset fortuna facultatis, ut magna aliqua in te meum animum melius perspicere potuisses: non te fessellisset opinio tua, si quam denata & moribus meis susceptam habes. Etenim cum sim virtutis atque doctrinae planè studiosissimus, recteque utraque earum plurimum valere perspexissem: iam ex eo tempore, quo te primum Auenione cognoui, amavi te perpetuò postea, nihilq; non tua causa mihi faciendum esse duxi: neq; mea semel suscepta in te benevolentia vnquam pernituit. Nunc verò, cum te ostendas tam memorem, tamq; gratum, humanissimisque verbis omne tuum studium mihi deferas, etiam amantius absentem studio suoq; complector. Quidenim faceres, si aliquo magno beneficio à me esses ornatus, cum pro tam prava re, tam magnam te mihi debere gratiam præ te feras: omnino omnino habeo causas diligendi tui. Quapropter velim hoc tibi persuadeas, paucos te habere, de quibus tibi atque, ac de me polliceri possis. Sed hæc factis libentius præstabo, quam verbis. Iterum tibi librum accepi, quod sanè mihi iucundum munus fuit: gaudeoque ea quæ diu abscondita fuerunt, nostræ ætate potissimum luci esse reddita. Ego assiduus in literis sum: cudo etiam nescio quid: quod si confecerò ex sententia, erit aliquid, credo, ad veræ pietatis studia protectum. Sed incredibilis in me est tarditas: in quo ego soleo Erasimum nostrum maxime admirari, eiusque ingenij vim, & orationis suspicere copiam. Cui tu plurimam salutem dic, tamen si eius quoque literis ipse referibo. Vale mihi Amerbachii, & nos dilige, omnesque istius viros, doctos, qui rectè



pieque sentiunt, meis verbis saluta. Carpentoraeti, XI. Calend.
Decembr. M. D. XXVII.

XIII.

IAC. SADOLETVS EPISC. CARP. N. SE-
natus Tholosani Praefidi S. P. D.

Cum venissem Carpentoraete ad V. Nonas Maias, mea Ec-
clesiae deseruendi, & Deo in ea operae efficiq; impendendi
causa, rebus Romanis aliquando penitus relictis, quod quidem
meum consilium, Dei eiusdem erga me benignitas, & secuti exi-
tus postea, comprobauerunt: quæsiui statim ex his quos scire pu-
tabam, quibus in locis esses, cupiens scribere ad te, & funda-
menta nostrae beneuolentiae iam pridem auspicato iacta (si qui-
dem optimum auspiciū virtus est) literis confirmare. Cum au-
tem mihi de te nihil certi responderetur, propterea quod negotiis
publicis à Rege assidue adhibitus, itineribus crebris distra-
herere, neq; diutius ferè vno in loco consisteres: & ob eam cau-
sam, & quod deinde tristibus nuntiis ex Italia multis allatis, &
priuata mea incommoda, & multò magis publicae calamitates a-
nimū meum non leuiter perturbauerant, vsq; in hunc diem à
scribendo fui retardatus. Nunc verò, depulsis nubibus illis mæro-
ris ac molestiae, quas mihi in animo tantorum malorū cogitatio
congregarat, cum (quod solet esse non difficillimum iis, qui in
summo Deo spes suas posuerunt) spretis humanis casibus ad fere-
nitatem animi, & ad constantiam me retulissem, statui has ad te
dare literas: quas vbicunq; esses, tamen speravi ad te aliquando
perlatum iri, per quas & officio satisfacerem (sum enim tibi pro
tuis multis erga me meritis iam pridem valde obstrictus) & reno-
uarem in te, quoad fieri posset, memoriam ac beneuolentiam mei
nominis. Ego iam ab eo tempore, quo primū ad senatū Tho-
losanū (cui tu maxima cum dignitate praees) causa Ecclesiae meae
fuit delata, cognoui meorum procuratorum, hominum proba-
tissimorum, testimonio, qui vir esses, qua integritate, qua pruden-
tia, quanta auctoritate praeditus: intellexi quoq; tum illud, te ita
esse studiis optimarum & artium & literarum deditū, vt in eo ge-
nere laudis & scientiae excelleres. Quod quidem ego maximum
in homine, si cum virtute innocentiaq; iungatur, statuo ornamē-
tum esse. Non enim si rarum est, idcirco desinit esse praclarum.
Quin ad splendorem & nobilitatem huius doctrinae, qua expoli-
tur humanitas, quæq; vna praecipue animos hominum ad veram
dignitatem honestatemq; instituit, addit quandam admirationē
etiam raritas. Magnum est enim & proflus admirabile, ita quæri
à quopiam in hoc tempore sapientiam, vt ea non ad quæstum vi-
lum

hum, sed tantum ad bene beatę; viuendirationem referatur. E-
 quidem his tot tuis ornamentis laudibusq; acceptis, susceperam
 iam erga te non mediocrem beneuolentiam: cum accesserunt offi-
 cia deinde tua erga me absentem, meosq; presentes, qui causam
 meam apud senatum istum defendebant, plena gratissima humani-
 tatis. Ostendisti enim illis, te (quod dicitur meae quieti & tranquillitati,
 quoad æquitas ferret, cuperes esse consulum) in tota ratione iuris
 administrandi, quod tu pro tua singulari iustitia potissimum ob-
 seruaturus esses, habiturum libenter rationem meam: ut, cum primum
 recte fieri posset, de te transigaretur atq; ego curis illis & molestiis
 omnibus liberarer. Quam voluntatem erga me tuam usq; adeo
 memini tum mihi accidisse gratā, ut nullum tantum onus gratiæ
 esset, cuius non me tibi debitorem putarem. Nihil n. est, quod me
 magis alliciat, vel rapiat potius ad amandum, quam amoris erga
 me significatio. Quæ cum in te non mediocri apparuisset, multaq;
 essent præterea, quæ ego in te non probarem solum, verum etiam
 admirarer: memini tum me ita constituere, tanti viri amicitia nil
 mihi esse debere optatius Itaq; & statim tibi de hac mea voluntate
 literas misi, & multis mandaui, ut coram eam tibi exponerent. Se-
 cuta sunt tempora, quib. tu, Regis tui de tua præstanti virtute, iu-
 dicio, ad gratiores res obeundas Tholosæ euocatus, ego in illis
 Italia fluctibus versatus, ambo grauib. curis negotiisq; districti,
 a scribendo cessauimus. Nunc autem, cum Dei immortalis incre-
 dibili beneficio, cui meā salutem cognoui fuisse curæ, ego in por-
 tum ex alto tandem peruectus sum: habeamq; constitutum, quod re-
 liquum vitæ est totum in eo munere fungendo ponere, quod à me
 eidem Deo maxime debetur: putavi conuenire beneuolentiæ in te
 meæ, te de aduentu nostro, omniq; statu facere certiorem: ut sei-
 res, me repudiatis pristinis illis vitæ actionibus, quæ, etsi à me non
 mediocri dignitate tractabatur, ad illa tam etiam aspiranti, quæ di-
 uina immortaliaq; sunt, impedimento magis erant, quam adiuven-
 to, reuolutum totum esse in eas literas, & ad ea honestissimarum ar-
 tium studia, per quæ nosmetipsos noscēdi, & ad Deū ipsum propius
 accedēdi, ampla nobis facultas parata sit, quā facillime consequemur,
 si cum studio veræ sapientiæ cultū puræ sanctęq; religionis in
 unū quasi complexū copulabimus. Quod sumus Deo adiuuante
 studiosè effecturi. Et quoniā te quoq; eadē voluntate ad hæc præ-
 clara studia propensum esse intelligo: andebo te hortari, non tam
 ambitione, quā beneuolentiā adductus, ut mōdas in sententiā, atq;
 inter publicas res administrandas, impertias huic etiā curæ aliquid
 temporis: quod & fructus ubertiores vitæ beatę percipias, & fias ad
 illa gerēda atq; tractāda, si fieri potest, etiā instructior. Ego quā se-
 mel erga te singularē suscepī beneuolentiā eam perpetuō & cū si-
 de cōseruabo. Tu si me vicissim, ut spero, & ut instruxisti facere, di-

lexeris, mihiq; aliquid aliquando literarum miseris, dabo operam
profecit, vt te ne vnquā nec iudicij de me tui, nec nostrae institutae
necessi. u. dinis pœniteat. Vale. Carp. K I. Cal. Nou. M. D. X. XVII.

IACOBI SADOLETI EPISC.

CARPENTOR ACTI EPISTOLA- rum Lib. II. Epist. I.

IAC. SADOLETVS EPISC. CARPEN-
toract. Petro Bembo, S. P. D.

SVBITVS discessus Pauli Sadoleti (qui fratris Pa-
truelis filius, mihi ad manum adolescens, non solum
summa spe atq; indole omnium virtutum, sed ipsius
iam virtutibus praeclatus, repentino nuntio de patris
morte coactus, à me proficiscitur) facit, vt conturbatiore animo
ad te scribam de tuo libro quæ scribenda sunt. Quem ego librum
tibi remitto, nactus idoneum hominem, qui perferret. De quo
ipso tamen accipe pauca. Lectus enim est à me per diligentem
rumq; in modum ea me lectio delectauit. Nam & charissimi a-
micissimiq; hominis præclara ingenij ac doctrinae monumenta
aspiciens, cum ipsum, quem maximè diligo, visus sum aspicere: &
ipsa oratio ac dicendi genus, cuiusmodi est, vt nihil nitidius, nihil
elegantius, neq; venustum magis possit desiderari, vel in delectu
cultuq; verborum, vel dignitate & copia sententiarum. Itaq; ego,
qui eas parteis in dialogo gero, quas tu me pro tua in me bene-
uolentia gerere voluisti, sumq; in illis testimonium illustre tui de
me iudicij consecutus, facile agnosco, in istis ipsis scriptis me mul-
tò disertius & commodius loqui, quàm soleam in meis: proq; eo
magnam tibi habeo gratiam. Quod enim maximo cum labore,
nequeo tamen assequi, id sum tua opera sine labore vilo meo per-
facile adeptus. Ac ad reliquas quidem suauitates, multas ac ma-
gnas, quibus me affectum sensu, illa accessit, cæteris non minor,
quod temporum nostrorum, veterumq; dictorum, ac factorum,
quæ nobis vnquam inter nos acta & communicata sunt, omnium
est mihi memoria ex illo libro renouata, tum cum erat nostra æ-
tas ad omnem alacritatem & animi hilaritatem longè aptior.
Habita quoq; est illustis mentio multorum fortium virorum,
quibus cum vniq; nostrum iucundissima fuit familiaritas: quo-
rum partem maximam mors nobis eripuit. Quo etiam tu maio-
rem officij & pietatis laudem es meritus. Quos enim iuuenis ap-
primè dilexisti, eos ætate iam prouecta eis honoribus externas,
per quos & virtusynæ eorum, & tui præstantis ingenij laus im-

mortalitati consecratur. Sed hæc hætenus. Etenim cum scribam negligentius, sumq; animo suspensior, verendum mihi est, ne tanquam omnia conans dicere, parum tamen dixisse videar de eo, de quo nihil satis pro dignitate dici potest. Itaque venio ad alteram partem. Contendisti enim tu à me per literas pluribus verbis, ut in corrigendo & mutando, quæ mihi mutanda esse viderentur, neu stylo parcerem, nèue vllam in eo amoris, aut indulgentiæ ducerem rationem. Ergo obtemperare tuis præceptis volens, annotavi nonnulla, hercule magis ut fidem tibi facerem diligentiae meae, quàm quodd valde necessarium arbitrarer. Sed malui tibi superstitiosus, quàm parum seruans religionis videri. Ea tu porro in optimam partem accipies. De reliquo, mi Bembe, aliqua semper inter nos: in quo te non desinam hortari, ut omiſſis alieniorib. scriptis, te ad hoc genus scribendi totum conſeras, in quo quidem facile tueri principem locum potes. Illustrabit, mihi crede, hæc tempora, & nomen simultuum Latina oratio, quæ & gratitatem maiorem habet in ſeſe, & vtilitatem ad omneſ res accommodatiorẽ. Quanquam & hoc, & omnia, multò tu melius. Federicus Fregosius his proximis diebus in Italiam profectus eſt, maritima ipſe morte euocatus. Ei ego miſi commentarium quendam, in quo de ſacris agitur reb. Venetiis imprimendum. De quo ſi tu quid audieris, (nam non ſum auſus hoc genus ſcriptorum ad tuum iudicium deferre tanquam à leuioribus ſtudiis alienius,) peto à te pro noſtra amicitia, ut aliquam curam adhibeas, quo ſine mendis edatur, hoc ſola auctoritate aſſequi potes: & ſi tibi oſtenderis gratum id futurum eſſe. Noſtris communibus amicis, & Colæ tuo, quem ego quoque non mediocriter diligo, plurimam dic ſalutem. Vale mi chariſſime Bembe, & nos ut facis ama, Carpentoraſti, VI. Cal. Iulij.

II.

IAC. SADOLETVS EPISC. CARPENT.

Petro Bembo S.P.D.

QVON excuſationem præponis in tuis literis, quamobrem libri tui non tam citò miſſi mihi fuerint: in eam accipio partem, ut tu potius humanitate tibi ſolita vraris, quàm quodd id fuerit neceſſe. Nihil enim tuum, vllò vnquam tempore, venire in ſuſpicionem negligentiae poteſt. Et illi quidem auide expeſtabantur à me: verum ut tamen, quoquo veniſſent tempore, gratiſſimi futuri eſſent. Sed, ut perſpicio, cortex it moram omnem liberalitatis tua: cum ſenore enim redditì nobis ſunt, accepimusque plus quàm ſperaremus, & quàm fuerat inter nos pactum. Itaque magis eſt cur tibi gratias agam, quàm quod de tuorum, ut ſcribis,

B s tardi-

tarditate querat. Ego verò illos & legi, & lego: tantumque exle-
 ctione eorum capio voluptatis: quantum verbis consequi non
 possum. Nam & sermonis nitet atque elegancia, & rerum, quæ
 inibi explicantur, vbertas, varietas, dignitas, & amicissimi homi-
 nis in eis imago ac monumentum, & meus mehercule erga te i-
 psam amor, omnia eiusmodi, ut miranda mea quædam sit in legē-
 dis illis delectatio. Nec multò secus in vernaculis. Non n. credo e-
 xistimare te, funditus me gustū omnem illiusmodi scriptorū et-
 iam perdidisse: facisq; nonnullam amicitiæ iniuriā, qui me in in-
 vidiam eam voces, tanquā illa sint non mei stomachi: sic n. scri-
 bis. Quasi non ego possim pronuntiare cōplura tua in eo genere,
 quæ olim à me memoriæ mandata sunt, cum Afulanis tuis ediscē-
 dis, operæ & temporis non minimum impendissam. Sed tu fortas-
 se conticis ex eo, illa mihi non placere, quod te auocare solebā ab
 illis literis. Faciebā ego id quidem, sed consilio, ut videbar, bono.
 Cū enim in Latinis maior multo inesset dignitas, tuq; in ea facul-
 tate princeps mihi longè viderere, non tam abstrahebam te illinc,
 quā huc vocabam. Nec studium reprehendebam in illistuum,
 sed te maiora quædam spectare debere arbitrabar. Quod si tu ea
 magnitudine ingenii es, ut præclare utrumque præstiteris, non
 mea ratio redarguenda, sed tua prædicanda, & ferenda in cœlum
 est virtus. Paulus quidem meus ita incensus est studio tua legendi,
 ut satiari non queat, quem hic nos habemus non iam discipulum
 nunc quidē, sed mirificum comitem studiorum nostrorū. Tantos
 enim progressus habet in literis, ut eius quoq; nos iudicio in no-
 stris scriptis libentissimè utamur. De Iouio quod scribis, gratū est:
 cognoui ego illum semper mihi amicissimum, & verè etiam tibi.
 Habet enim ille quod pauci, ut in eadem palæstra, in qua ipse se
 exercet, aliorum nihil inuideat industriæ: ex quo maiore etiā lau-
 de est dignus. Meum quidem consilium huc concedendi, & in his
 permanendi locis, cum semper mihi placuit, tū etiam magis mihi
 probatum debet esse, si tibi est: & illis, quibus cum te locutum Bo-
 noniæ, & illorum opiniones de me inaudisse narras. Quos gaudeo
 equidem in ea esse sententia, ut probent: sed tu vnus mihi multo-
 rum instar. Equidem ipse quod ad mei animi sensum attinet, ma-
 iorem indies capio ex eo consilio voluptatem. Non eram enim
 natus omnino seruiturū: & erat tempus aliquod nobis ad recolē-
 da nostra illa præclara studia sumendum. Tum ætas iam ad ociū
 senectutemq; deflexa, me ad quietem, & tanquam in portum
 inuitabat. Tum autem alia multa, Quanquam quid ego singula
 cōmemorem cum id ita ut facerem, suaserim mihi omnia: Egi igitur
 quod putavi esse rectum: quam sapienter, nescio: fortiter qui-
 dem, & feliciter certè. Ea enim sunt consecuta, ut qui etiam non
 ex ratione, sed ex euentis consilia hominum ponderant, meū fa-

Quia

Etum non sint aucti vituperare. Quare quoniam sumus in portu, teneamus stationem quam cepimus, & quod reliquum fuerit vitæ, honestissimis studiis atq; actionibus impendamus. Deus modò propitius sit, & commodè valere liceat: præstabimus, ut ratio exet orij nostri. Vnus nobis deest conspectus, vel potius congressus tuus, qui nunc quidem foret, ut tu suauissimè scribis, nostrum utriq; dulcissimus. Sed quoniam id non potest, sumus hac epistolarum inter nos collocaione contenti: quæ quidam prohibet quæso, ut ne sit crebrior? Amabò, te quando ad eam urbem es, in qua omnium ferè gentium negotia geruntur, perspice, quorum fide & opera optimè inter nos commeari possint literæ: equidem sequar constitutum tuum. Commentarium meū planè nolo Venenis imprimi, ab illo ~~degenere~~ duntaxat, qui commutatus fuit pluribus locis. Eum Lugduni imprimendum curauimus: cuius mittimus tibi volumen vnum, verius aliquantum nos quidè existimantes, non placiturū illum tibi, nec tui fore stomachi: nec tã me hercule, quod non præclarè in eo agantur res: sed quia barbara multa & obsoleta necessario aspersa sunt: nostri enim morè huiuscriptionis. Tu boni consule quicquid est, & nos amare perseuera, mi charissime atq; optatissime Bembe, amore illo fraterno, quo iam diu coniuncti inter nos sumus germanum in modū. Flaminium optimum adolescentem, & eundem deditum optimis studiis, Colamque item tuam, cuius ego fidem, diligentiam, virtutem, quotidie plaris facio, saluere iube plurimum verbis meis. Vale. Ex suburbano nostro Catpentor. XI. Cal. Aug. M.D.XXX.

III.

IAC. SADOLET. EPISC. CARP. PETRO

Bembe S. P. D.

GRATVM est mihi, quod video tibi curæ esse, quemadmodum crebro inter nos per literas colloquamur: quando quod potuit esse gratius, ut liceret nobis garrere coram quacūq; in buccam venissent (qui quotidianæ fructus familiaritatis vberimus esse solet, & suauissimus) nobis fato quodam est ereptū. Sed tamē ne huius quidè officii exercitatio despicienda est: est enim & iucunda & dulcis: modò literæ cursum haberent & secundum & facilem. Video enim tuas datas Ianuario mēse, mihi extremo Maio fuisse redditas, cum hæ prius ad aulam Regis peruenissent, & illinc demum, tanquā errore agnito, ad me se vix aliquando recepissent. Ego tamen in dandis literis sequar institutū tuum, ut Lugdunum nostram, vnde Venetias postea perferantur, ad Lazarum Baysum legarum Regis, hominē ut ego quoq; cognosce videor, & doctum & perhumanum. Qui cum ad me prior scripsisset, non existima-

tor, & ac
det, non existi-
uit

uit amicitiam petitis altè principis, & magno ambitu verborum conciliandam esse. Sed scripsit apertissimè & familiarissimè, ut ingenæ suæ naturæ illustre testimonium iam tum mihi dederit. Amo igitur eū, neq; id mediocriter. Porro accedet corollarium; mihi quidem non molestum, ut item ad illum semper aliquid deus, quod etiam meæ ad te commodius ferantur. Sed ad literas tuas, illæ verò, mi Bembe suauissime & optime, admirabile est, quanta animum meum voluptate affecerint: quod, utrum eloquentiæ in illis tuæ tribuendum putem, an amoris in me tuo, qui vndique in illis literis se ostendit, difficile est dictu. Eminent enim vero utrumque, meque ita delectat, ut nihil vnquam magis. Sed de genere orationis styliq; elegantia, vereor, ne si plura dicam, tibi etiam ipsi videar ineptus. Testatum enim iam diu apud omnes est, & qui tu sis, & de re ego quid sentiam. De amore ergo porius, quem tuum esse erga me tantum; quantum audeo optare, & video, & vehementer Hector. Itaque illa quàm suauiter scripta, de mea beneuolentia erga te, tibi planè perspecta, de fratrum nostrorum filiis, de studiis domesticis, de omni cura cogitationeq; rerum etiam intimarum? quæ tu tam amanter, tam fraternè singula commemoras, ut non tuas literas legere, sed te ipsum videat audire loquentem: quem ego absentem, tanquam præsentem, & audio medijs fidius, & quotidie intueor. Ac (si verum loqui volumus) hoc est propriè amare, communicare videlicet recondita consiliorum suorum: non id quod plerique facimus, cum nullo argumento proposito accedimus ad scribendum, verbis crebrò iactare, & quasi ostentare beneuolentiam. Sed ne viuam, si concedo tibi, ut plus me ames, quàm ego te amo: qui in hac ratione præsertim, debeam partes ferre potiores. Nam ut mittam initia & ortus familiaritatis nostræ, quorum semper mihi quidem incunda est recordatio, cum tu principio à me appetitus, dedisti mihi te promptum, & facilem, ac in omni genere elegantem ac perhumanum: vique reliqui deinceps temporis indicia tuæ erga me voluntatis præteream, quæ & magna & multa sunt: hoc tuo officio quid potest esse constantius, quòd eandem amicitie fidem absentem mihi præstas, quàm olim præsentem iam diu præstitisti? Namque ego, qui veteribus necessitudinib; relicto, ad nouas atque insolitas fortuna quadam translatus sum, si conseruo memoriam meorum familiarium, quid quæso, aliud facio, quàm id quod natura fert, scilicet ut leniam desiderium animi mei recordatione eorum quos diligo? Tu qui domi cum tuis charissimis remanisti, qui amicis abundas, cuius domus assidue floret copia lectissimorum hominum: cum me ipsum tanti absentem facis, in amoreque persistis, nec diuturna iam disunctione nostra quicquam esse imminutum de tua pristina voluntate significas, & be-

neuo.

Benolentia in te meæ facies subiicit: & tibi officii summam laudem vendicas. Quæ nulla re à me potest, nisi magnitudine amoris compensari. Sed quid ego? labor equidem longius: etsi enim hæc grata memoratu, minimè tamen necessaria sunt. Quapropter ea missa faciamus. Quid tuus in fratris filio instituendolabor non cum adhuc exitum assecutus sit, quem tu sperares: credas mihi hoc velim, non minus curæ mihi rem eam esse, quàm tibi ipsi. Quid enim interest, utrum tuus sit, an meus? Sed ego spe quadam adducor, ut confidam, fore tibi illum aliquando voluptati. Multum enim illum ætas, multum imitatio domesticæ exempli adiuuabit: nec boni seminis virtus faciliè est interitura. Quapropter suadeo tibi, ut neque spem de eo, neque studium deponas. Meus quidem, cum est uti ego maximè volo, Deo habeo gratiam. Is totum summè omnium colit: miroque afficitur desiderio, tum visendi te, tum arctius adhaerendi tibi: cui rei utique aliqua aliquando capietur occasio. De studiis nostris, in quæ præter expectationem suam, & cæterorum, uterque nostrum delapsus est, hoc de me tibi habeo dicere visum fuisse mihi, ista magis conuenire huic iam ætati, & huic personæ quam gero, esseque officio meo coniunctiora, quàm illa quæ lucis quidem habent ac laudis plus, sed utilitatis certè minus. Itaque in hæc iam totus immineo: perfectoque Hortensio, quem habeo nunc in manibus, etsi negotij eius magnitudo penè ut desperem facit, (est enim res præorsus maximi operis) sed tamen eo aut perfecto, aut abiecto, non faciliè aliud agere me, neque alibi vspiam, quàm in sacris literis versari cognosces. Tua verò susceptio conscribendæ historiæ, dignitatis plena est (ut ego iudico) non mediocris: nam & honorifico senatusconsulto ad hoc munus vocatum fuisse, existimæ tuæ est gloriæ: præsertim cum illud non ambitione expressum, sed sponte, & ipse iudicio senatus exortum fuerit: & tua summo opere laudanda ac prædicanda est pietas, non denegasse patriæ hanc operam, ut illius gestæ restuo ingenio potissimum, grauissimoque testimonio posteritati prodicerentur. Quare id cupio tibi bene & feliciter euenire. Quamquam non illud quidem tibi tam optandum est, quàm ut incolumis diu valetudine bona perfruare: cætera enim abundè adsunt, per quæ & tui ingenii laus, & Rei tuæ publicæ monumentorum memoria consecratur immortalitati. Tibi sane ea res cecidit non incommode: non enim necesse habuisti, id id quod mihi contigit, deflectere à veteri curriculo studiorum tuorum, & velut incognita in via imprimere nouas orbitas, siquidem hoc opus est, (ut ille inquit) omnium vnum oratorium maximè. Sed ne illud quidem assertior, visum in hoc tibi difficile, aut laboriosum: quid enim est, quod tibi, pro tuo isto ingenio, ista quæ doctrinæ, ac eloquentia, qua insigni-

ter præditus es, aut nouum accidere, aut difficile possit? Verum de his satis: Colam meum tantopere probari à te, & magnifici, neque miror, & vehementer gaudeo. De Flaminio idem sentio, quod tu. Lazarum Bonamicum audio tradere Patavij publicè doctrinam bonarum artium iuuentuti. Eum ego hominem maiorem in modum diligo: nequedubito, quin tibi iam factus sit per familiaris: summo est ingenio, excellenti quique doctrina. Sed virtus, & probitas, & in omni officio fides atque constantia, in primis in illo homine amanda & complectenda est. Eum tu saluere iubebis verbis meis plurimum. Credo te memoria tenere, confectam à me olim, cum Romæ etiam essem, orationem quandam in Iudeos, quam ego causam in duas actiones partiri institueram: sed prior fuit pars tantummodo absoluta, si tamen absolueret, quod parum pulchre efficiat: eam ego nunquam duxi edendam, neque hercule nunc in alia sum voluntate. Sed cum flagitanti iam sepius, & amicitia nomine vim quasi afferenti, Herculi Gonzage, homini & nobilitate virtutisque maiorum suorum, & suis ornamentis ac laudibus amplissimo, omniumque & cultu & amore dignissimo, resistere amplius non possim, illam ad eum mitto, (modò n. in fasciculum coniecta est) hac lege tamen, in quo multis precibus eum ago, ut ne cuiquam omnino copiam illius describendæ faciat, præterquam tibi, si id fortè petieris: & si damni nihil putaueris, bonas horas tuas in ea legenda consumere non bene. Quod tibi notum esse volui, ut cum de meo animo certior factus esses, quid tibi esset faciendum, ipse statueres. Vale mihi optatissime atque humanissime Bembe, & M. Anton. Michaëlem, quem ego vnice semper dilexi, quemque mei vicissim cognoui amantissimum, saluta meis verbis, etiam atque etiam. Carpent. XI. Cal. Iulij. M.D.XXXI.

IV.

IAC. SADOLETVS EPISC. CARPENT.

Petro Bembo, S. P. D.

CVM haberem plus aliquantulum tui quam tu, seruavi vetus institutum, ut Latine ad te scriberem: tametsi quacunque lingua scribatur inter nos, neutri quicquam accidere potest iucundius. De te enim sentio, item uti de me ipso, cui omnis tua epistola incredibilem semper quandam adfert voluptatem. Cepellus ille, quem tu mihi commendas, ad me ipse non adiit: literas tuas misit. Ei ego denunciari iussi, si quid opera mea vellet uti, omnia me tua causa, quæ is velleret, esse facturum. Orationem meam tibi tam placuisse, quam scribis, vehementer gaudeo: & si hoc mihi præter opinionem accidit. Semper enim ego de illa fastidiosius iudicaui: Sed tu amore fortasse inductus, quo erga me, & res omnem meas afficeris, honorificentius sentis de illa, quam res ipsa ferat. Quod si ita est,

ego tamen iactura nihil facio, quantum enim de fructu ingenij deperdo, tantum mihi ex amore tuo erga me voluptatis adici-
tur. Fregosiam nostrum futurum tecum aliquot menses, peream,
ni inuiderem tibi, nisi te tantopere amarem. Sed amabò mi Bem-
be suavissime, dato hoc mihi, ut de vestris mirificis sermonib. ali-
quid nos quoq; qui absumus, degustare possimus. Id perlepidè fi-
et, literulis ab utroq; vestrum familiariter ad me scriptis: quas ego
loco vestri exosculer, & in manibus assidue habeam, colloquarq;
cum iis: & quoniam in viuis capitibus non possum, in imagine ta-
lium amicorù, amori meo in vos incredibili aliquid oblectamèti,
& exoptare voluptatis dem. Equidem qui alioquin hic libenter
sum, cum fructus illos dulcissimos vestri congressus cogito, re-
legatus mihi videor. Sed obdurandù est: est n. quiddam, quò ego a-
spirare conor, quod utiq; esse statuo cæteris rebus præstantius: id-
que etiam facit, ut tuò amantissimo consilio, quo mihi præcipis,
quas partes in scribendo sequi debeam, minus facillè obtèperem.
De tuis scriptis atq; historiis, in quas ingressus es (ut antea tibi scri-
psi) mea summa est expectatio: neq; ea tamen maior ingenij tui
viribus. Itaq; tam videre mihi videor, patriam tuam, suis opib. flo-
rentem, tua vocis testimonio etiam futurà ornatiorem. A Lazaro
accepi literas, illisq; respondeo. Te quòd delectet veteris nostræ
coniunctionis memoria, haud mirandù est: nihil n. illa amantius,
neq; fidelius. Sanè eadè mihi ita iucunda est, ut non solum fructu
suauitatis, sed ornamento etiam non mediocris honoris me affi-
ciat. Quippe cū tibi me esse cordi, vim mihi in se magnam laudis
& iudicij habere videatur. Vale mi charissime atque optatissime
Bembe, Carpent. V. Idus Martias M. D. XXXII.

V.

IAC. SADOLETUS EPISC. CARPENT.

Petro Bembo S. P. D.

CUM Auilam tuam per se libenter vidi, hominè (ut tute scribis,
& ego semper cognoui) & prudentem, & probum: tum au-
tem, quòd veniebat a te, & è tuo sinu qualiterat profectus, nihil ac-
cidere potuit mihi illius aduentu colloquioq; optatius. Itaq; no-
li existimare, alios sermones biduum illud, quo nobiscum mansit,
cum eo mihi fuisse, præterquam de te: Omnia sum expiscatus, que
de homine coniunctissimo, omniumq; mihi lōgè charissimo, aut
querere nostra diuina iam diuinitio mihi suadebat: aut audire
amor erga te meus summus expetebat. Quæ quidè cuncta esse sic-
ut ego maxime cupio, teq; eū tenere statim, qui sic maxime ad
tranquillam & honoratam vitam appositus, & tibi gratulor, &
mihi summo opere gaudeo. Quoniam a. ij inter nos sumus, ut pro
fructu.

fraterna nostra necessitudine omnes nostri in vnum conspirent & consentiant sensus: ego in bonis tuis rebus me eundem statuo esse atque te, & eadem mihi videor frui fortuna, quando eadem, qua tu, perfruor voluptate. Sed ad reliquas quàm plurimas iucunditates, quas Aulæ aduentus mihi attulit, permagna mihi accessio fuerunt tuarum suauissimarum ornatissimarumque literarum quibus ego sæpissimè legendis non tamen satiatum sum: tantum in illis humanitatis, tantum officii, tantum incredibilis cuiusdam spirat beneuolentiæ. Atque hæc præterea, sic suauitate orationis omnia condiuntur, nihil ut mihi videar vnquam legisse dulcius. Me verò in illis cum valde delectauit iudicij tui testimonium, quod mihi de mea oratione das, plenum ut ego perspicio, & fidei & amoris: tum verò grauis illa & sapiens admonitio amicissimi mihi hominis imprimis visa est, qua à me requiris meæ pristinæ vitæ consuetudinem: eò quòd tibi videar in illum hominem aliquanto acerbius esse inuictus, quam moderati hominis natura postulet. Ego verò mi Bembæ, cum nil tuo iudicio statuam esse grauius, facile ita esse adducor ut credam, discedo in sententiam tuam, meque duco errasse, quando is tibi videretur error. Sed ego primum in oratione illa antiquum morem dicendi imitari conatus sum. Scis enim ipse, quàm asperè, quàmque vehementer in improbos inuehi soliti sint ij, quorum nobis ingenium atque eloquentia præcipue probatur. Sordes porrò & amentia, vel feritas potius quædam hominis illius, in quem inuehebamur, sustinere illiusmodi orationem videbântur, præsertim cum tractarem cum locum: nihil magis perniciosum esse Reipub. quàm principum auaritiam, & nimiam pecuniæ coaceruandæ cupiditatem. Is autem in quem scribebamus, infinitis in eo genere sordibus, non solum commaculasset famam sacerdotij: verum omnia omnino non æquitatis modò, verum etiam humanitatis iura conturbasset. Postremò, id quod mihi maxime fraudi fuit, non magis exiruram orationem illam putavi, quàm eas, quas nunquam scripseram. Quod quando contigit secus, si tamen contigit. (est enim illa penes amicissimos, qui sciunt me eam vulgari nolle) danda opinor nobis est opera, ut actionem alteram aliquando, hoc est corruptorum totius causæ conficiamus. Cuius rei cum tempus venerit, (nam, ut nunc est, aliis rebus occupatus sum) tunc te adiuvante, & suppeditante ingenium tuum lucubrationibus nostris, illa in manus hominum egredietur limatior. Verum de oratione hæcenus. Te procedere in conscribenda historia, iamque octo annorum res gestas complexum esse valde lætor: sum enim ea in expectatione, visuros nos, quod iure comparemus ac exæquemus antiquitatem. Ego in eis adhuc studiis versor, quæ tibi minus probari intelligo. Sed cum iam pridem opus quoddam incepissem, cui

perfi-

perfectiōe præstiteram hyemem eam quæ iam exacta est, in hoc tempus sum valetudinis incommodo reiectus. Quare æstatis quoque huius vacationem postulo: nam incunte proxima hyeme constitui omnino reuerti ad Hottensium, omnesque in eo absol- uendo adhibere & industrie nervos, & diligentia meæ. Lampri- dium tecum multum esse, hominem dignum eis studiis, in quibus semper magna cum laude versatus est, plurimum gaudeo: cui tu quod testimonium eximie virtutis apud me das, non fuerat id ne- cessarium: ego enim hominem satis bellè noui. Sed tamen mihi fuit iucundum: talum enim virorum mentione mirificè delector. Lazaro nostro Bonamico rescripsi: eas tu curabis reddendas lite- ras, cumulumque addes salutem illi meis verbis. Itemque Colæ tuo, & M. Antonio Michaeli, cuius mihi assiduè viuit memoria. Tuque imprimis mi Bembe, si nōs amaris, curabis valetudinem tuam diligenter, atque ista animi tranquillitate ocioque perfrue- re. Vale etiam atque etiam. Carpent. VI. Idus Maij, M.D. XXXII.

VI.

IACOB. SADOL. EPISC. CARPENT. PE-
tro Bembo, S. P. D.

COMMODYM recognoueram librum de liberis rectè institui-
endis, daturus illum librariis describendum, ad teque postea
missurus, ut antequam exiret in manus hominum, tuo imprimis
iudicio penderetur, cum mihi nec opinanti nuntiari iussit, homo
& laude virtutis & nobilitate præstans Reginaldus Polus, eras sta-
tim se Patauium proficisci, & si quid ad te vellem, me admonuit.
Eum ego in crastinum diem expectabam. Sed talem hominem
qui perferret nactus, quo meliorem, & certiozem ne optate qui-
dem potui, præcipiui libri descriptionem: neque vnus manu
fui contentus, totasque nunc sum in ea diligentia atque cura, ut
is absolueretur, (si modò assequi potero) ad teque deferatur. Quem
oro te mi doctissime Bembe, ita legas, ut persuasum tibi imprimis
habeas, me abs te opem expectare, non laudem. Scio quantum
tribuam & doctrinæ, & iudicio tuo: iure utrunque quidem. Quis
enim est hac nostra ætate te vno dignior, cui omnium bonarum
artium studiosi primas deferant? Sed amor ille tuus mihi perspe-
ctus & cognitus, quo me complecteris, interdum dubitare me
paululum cogit, ne indulgentius agas mecum, quàm mihi fortas-
se expediat. Hoc ego vellem, & hoc te etiam rogo, ut ad meam
hanc lucubratiunculam perlegendam, eo animo accedas, quasi
mihi studeas obrectare potius, quàm plaudere. Non enim du-
bito, si talem curam adhibueris, quin aliquot depræhensis subla-
tisque errorib. liber splendidior & limatior prædeat. Sed hoc ni-

miū vehementer te rogare, alienum esse videtur à fraterna nostra necessitudine: quæ ipsa per sese admonet utrumq; nostrum, ut ea inter nos officia tribuamus, ac expectemus vicissim, quæ veritatem amicitiae maximè confirmant. Equidem, si id tibi rectè fieri posse videbitur, ut aliorum quoq; doctorum hominum de cō iudicia exquiras, libenter concessero. Etiam ut describendum aliquibus des, si quis fortè extiterit, qui hanc & papyrus & operam velit perdere, quod non nolet fortasse Gonzaga noster vir bonarum literarum sitientissimus. Sed ego ita tibi hoc permitto, si menda prius sustuleris, non scriptoris magis illa, quam auctoris. Denique ut tuo periculo cuncta fiant. Nam ego in tua fide, benevolentia, humanitate, totus requiesco. Nigro meo dicas velim, accepisse me eius literas, quas dederas ad me ab vrbe discedens, & eleganter & amicè scriptas. Quibus quò minus adhuc respondeam, certa causa est, quam oportuno tempore expositurus sum. Interea quidem ut me diligat, seque à me apprimè diligi sibi persuadeat, ab illo meis verbis petito. Lazaro nostro scribam aliquid, quanquam & parum habeam temporis, & valdè sim occupatus: quæ res etiam facit, ut ad te quoque minùs accuratè nunc scribam. Vale, III. Nonas Septembris, M.D.XXXII.

VII.

IAC. SADOLETUS EPISC. CARPENT.

Petro Bembo S. P. D.

NON scribo tibi, sero me accepisse tuas literas, (te quoque enim scire video id ipsum) cum, prius quæ missæ fuerant, in itinere ipso deperierint. Has quidem, quas accepi, scribo mihi fuisse iucundissimas. Nec tam me hercule ob eam rem, quod fortasse suspicari possit non nemo, nempe quod te laudant, inquiens. Puto id quidem etiam aliquid esse: (non tam enim iudico verrecundi esse hominis, & ipsa moderatione animi temperati, quam & insulsi & stupidi, talis viri approbatione & testimonio, qualis tu es, non delectari) sed ego ad animi mei lætitiā palmarium esse in illis statuo, quod video te eorum sermonib. qui de me honorificè loquantur, non secus ac tuis laudibus, ut tute ad me scribis, gaudere & triumphare. In quo agnosco non amorem solum, sed planè magnitudinem animi tuam, qui nisi esses ipse omni laude cumulatus, non tam libenter faueres eorum famæ, qui quantavis ipsi laude virtutis floreat, te ipso tamen se contentur inferiores. Ego verò mi Bembe neq; quibus ornatus sim virtutib. scio: (nihil enim in me esse intelligo, quod magnopere spectandum prædicandumue sit) & de te sentio idem quod semper

per

pet sensu, nihil fieri posse tuo ingenio, eloquentia, virtute, humanitateque præstantius. Polus quidem noster, ut est blandus conciliator amicitiarum, voluntatumque conglutinator, non amantius profectò mihi testimonium apud te potuit dare, quam tibi sæpe tribuit apud me. Cuius ego tibi familiaritatem & quotidianum usum inuiderem, nisi & illum, & te in oculis gererem: amo enim utrunque vestrum. Itaque vereor, ne si quid mihi seorsum ab alterutro, ex vobis appetam, facere iniuriam amicitiae videar: quæ præscribit, ut amicorum commodis æquè gaudeamus ac nostris. Quòd si in Italia constituissem, certè nusquam me conferrem aliò quàm ad vos: in vestraque consuetudine potissimum, in vestris familiaritatibus & amantissimis congressibus conquirerem. Sed neque ea de re deliberare fas mihi puto, & meus reditus in Italiã, etsi munere hoc officii imprimis quod sustineo, tamen etiã voluntate mea mihi penitus præcisus est. Hic n. ita vivo, ut mori hîc ibidem velim: eademque terra, quæ vitam meam sustinet, corpus etiam ipsum, cum supremus venerit dies, contegat. Massiliam accessi, Pontificem salutatum, ut debui: illo enim officii vinculo me obstrictum esse in primis arbitrabar. A quo sic fui exceptus, ut nihil mihi in mentem venerit optare, in quo non eius benignitas, & singularis humanitas, mihi penè se obuiam obtulisse visa sit, usque eò facilem eum, & liberalem in cunctis sum expertus. Sed & multorum præterea, qui ex urbe venerant, egregiam erga me voluntatem studiumque cognoui. Ex quo valde lætus discessi illinc: non emolumentis præmiisque fortunæ, quæ iam apud me valent minimum, sed multis & claris testimonij amoris ac benevolentia, quæ ego maximi facio, à compluribus viris amplissimis atque ornatissimis honestatus. Quamobrem stemus in eo, quod iam dictum est, ut familiaritatis nostræ desiderium multitandis literis leniamus. Non enim est causa cur transmittendæ alpes, aut mare inferum cur pernavigandum sit: cum crebra inter nos scriptio, & suaves huiusmodi epistolæ, si non alternos nobis vultus, at effigiem certè animorum, & vim amoris totam ante oculos ponant atque constituant: in quo voluptas nostra præcipuè sita est. Neque eò dico, quin mihi te videre, atque inueri, foret dulcissimū: sed illud sperare, imprudentiæ est: optare temeritatis. Hoc quidem quod nostrum est, quod nostri arbitrii ac potestatis, in quo nulli ius sibi fortuna vendicat, præstemus uterque nostrum, ut fructum amicitia nostra, charitate, ac benevolentia, iucunditatem consuetudinis, epistolis representemus: quorū in altero fides, in altero voluptas a nobis est attendenda. Nigrum meū amo, ut debeo: ad eumque puto me daturum literas. De Lazaro aucto scire quid agat: nihil enim iam diu ab eo literarum, ac ne nuntium quidem ex quo

nosse potuerim. Colam tuum saluere plurimum iubeo, cuius & memoria mei, & beneuolentia delector. Te de meis capere eam voluptatem, quam capio egomet, & tibi prorsus credo, & mihi est pergratum. Certè quod ad ocium senectutis meae attinet, quæ aut iustar iam, aut admodum propinqua est, videor habiturus, in quorum pietate & modestia acquiescam. Ambo quidem literis mirificè dediti, & tui imprimis studiosi peramantesque sunt. Quod cum agunt, non se addere tibi quippiam, sed se ornare adolefcentiam suam clarissimi tui nominis cultu, & singulari obseruantia arbitrantur. Vale. VI. Idus Martiales, M. D. XXXIII.

VIII.

I A C. S A D O L. E P I S C. C A R P. H E R-
culi Gonzaga S. R. E. Cardinali S. P. D.

SUPERIORIBVS proximis diebus, cum tibi lucubrationem quandam meam misissem, neque ipse tunc propter valetudinem scribere potuissem: monui meos, ut me tibi excusarent, perpetuamque meam in tua amplitudine omnibus meis officiis colenda, tibi declararet voluntatem, qui se id diligenter fecisse, teque in optimam partem omnia accepisse, mi rescripserunt: insuperque te eis præcepisse, ut scriberent ad me: si quid haberem in præsentia elucubrati, aut quodocunque aliquid haberem, id ne grauarer communicare tecum: ne si secus agerem, grauior fieret a me amicitiae nostrae & veteri inter nos coniunctioni iniuria. Quo ego nuncio dupliciter delectatus sum: Nam & tui de me animi iudicium, & egregiam tuam cognoui ad optimas artes amplectendas voluntatem: quæ mihi semper in te omni digna honore, & laude visa est, hoc etiam magis, quod in tanta raritate & penuria eorum, qui nobilitatem cum virtute habeant coniunctam, tu vnus excellis: qui vtrumque ita adeptus sis, ut in tuis plurimis maximisque ornamentis, maior tamen multo virtutis tuae, quam fortunæ gratia habenda sit. Itaque recordor iam inde ab tua ineunte adolefcentia, me semper iudicasse, te fore vnum, aut certè præcipuum inter ceteros, in quo his temporibus perditis lumen veræ dignitatis illucesceret: qui omnibus & naturæ & fortunæ bonis instructus, nobilitatem & potentiam, non arma iniuriæ, sed instrumenta bonitatis esses habiturus. Postea verò quam ego in has sanè longinquas regiones me contulissem, tuque ad urbem accessisses, domiciliumque in ea fortunarum ac dignitatis tuæ constituisses, nunquam mihi inauditum fuit splendor tuus, & singularis in omni genere morum elegantia, & comitas. Quæ cum vna & constanti omnium voce laudaretur, non dici potest qua lætitia afficiebar: cum intelligerem,

ceterorum quoque hominum iudicia cum meis de te iudiciis consentire. Atque hæc quæ nobilitati & generi, & tuæ maioriq; tuorum dignitati debita erant, illustrius tamen abs te gerebantur, quam reliquorum usus ferat. Quid: illa quæ iam tua sunt & propria, quæ pauci isto loco attingunt, quanti tandem facienda sunt: quod bonas literas, quod optimas artes, omniaque honestissima studia ita consecraris, ut in honore ipso, non insignibus honoris, quibus solis plerique nituntur, statum tuæ dignitatis positum putes. Atqui ab his initiis viri illi oriuntur, quorum nunc consiliis maximè eger Respub. quæ, nisi me fallit, adducta est in id discrimen, ut vehementer nobis sit de communibus fortune extimescendum. Sed qui in secundis rebus comparant sese, ut possint aduersas & dubias, si quando inciderint, consilio regere, & virtute sustinere: hi omnia in se obtinent beatæ vitæ præsidia: ad quæ tute eximie paratus es. Facile enim & prudentiam in capiendis consiliis, & in dandis fidem, autoritatem in sententia dicenda, in omni vita constantiam & gravitatem, ista tibi optimorum autorum lectio suppeditabit, accedente præsertim usu atque ætate. Quorum quidem princeps Aristoteles, cuius libros, eos qui de moribus & de repub. sunt, habere te in manibus, & ego confido, & imprimis planè expedit: omnes enim in illis & prudentiæ, & doctrinæ scatent fontes. Sed ego fortasse ineptus, qui hæc ad te scribam, quæ tu melius scis, quam ipse qui scribo. Facit autem amor, non temeritas mea, me loquaciotem. Quapropter de his hætenus. Quod ad meas autem lucubrationes attinet: Ego illas orationes, quas requiris, neque confici, neque adeo amplius mihi conficiendas puto: alienæ enim videntur hac iam ætate, & hoc genere vitæ quod prostitemur. Vnâ earum quâ perscripseram, misissem tibi, ni veritus essem, ne quorundam offenderè animos, qui mihi necessarii in illa oratione nominandi sunt. Sed loco illarum mittam tibi cum primum probare cæpero, dialogum de optimo genere instituenda adolescentiæ, quem ætate proxima confeci: in quo multa, & magna complecti conatus sum: hoc labore maiore, operaq; difficiliore, quod neminè habui veterum, qui me adiunaret. Vnus omnium antiquorum (quod sciam) de hac eadem re Plutarchus scripsit: sed non in eum modum, ut mihi magnopere imitandus esse videretur. Nunc habeo in manibus de Philosophia librum, in quo illa à me defendenda est, grauitè vituperata à T. Phædro: etenim partes illas ei dedi, amico homini iam mortuo, per quas & ingenium illius, quod erat in eo summum, & natura prompta ad accusandum laceffendumq; commendaretur posteritati. Sed est opus arduum admodum, & perdifficile: Nam cum de rebus altissimis, & maximè remotis à communi hominum sensu, differen-

dum est: tum obscurissimæ res illustribus verbis & sententiis explicandæ. In quo alter est cogitandi & concipiendi labor, alter non minor, cogitata exponendi. Spero tamen fore, si ad calcem peruenero, ut maximis utilitatibus, quæ à Philosophia sunt, intellectis, & tota vi præstantissimæ disciplinæ cognita, multum posthac luminis dubiis hominum mentibus afferatur. Sed de his quoque satis. Extremum est, ut te orem, ut me tui amantissimum studiosissimumque & diligas absentem, & tuo patrocínio protegas, ac tueare. Vale. Carpentoracti, VI. Calend. Februarij, M. D. XXXI.

IX.

I A C. S A D O L E T V S E P I S C. C A R P E N T.

Hippolyto medici S. R. E. Cardinali. S. P. D.

QUANTAM voluptatem acceperim, & quo fructu lætitiæ ac iucunditatis fuerim cumulatus ex amplificatione dignitatis tuæ: peto à te, ut ne meis ex literis coniecturam facias, cum id facilius sit tibi existimare, quam mihi scribere. Certè ita lætatus sum, ut ex paucissimis, quæ maximè desideravi, hoc mihi imprimis gratum optatumque acciderit. Factum est autè Dei immortalis benignitate, ut nostrum gaudium omni ex parte fuerit expletum, bona iam valetudine Pontificis maximi patrui tui nobis nuntiata: in cuius salute & vita cum salus omnis mea reposita sit, cumque ego eum præter venerationem debitam, usque ad eò à me, semperque amauerim, ut neminem ardentius: nil mirum est, si ex vobis & vestro in vtranque partem statu, status omnis penderet & periculi & salutis meæ. Nam de te quidem ipso nominatim quid dicam? in quo ego statim ab ineunte pueritia, ea perspexi indicia ingenij, humanitatis, modestiæ, ceterarumque virtutum omnium, ut iam tum facile appareret qualis tu in ætate vir postea esses futurus. Cuius tamen ætatis legitimum quasi tempus expectare nolui: sed optimis artibus literisque diligendis, ac prudentiam hominum familiaritate adhibenda, perfecisti, ut virtutis in te cursus, quàm ætatis fuerit celerior. Gratulor igitur, & verè, ac ex animo gratulor, cum dignitati tuæ, tum illis eximjis virtutibus, per quas omni honore & amplitudine dignissimus es iudicatus. Et tum hoc gaudeo, tū etiam illud, quod ad eam sectam vitæ potiùs es conuersus, quæ & longè tutior, & ad beatam tràquillamque degendam vitam accommodatior multò est. Quamobrem, quod est omnis veræ gratulationis extremum, Deum immortalem supplex deprecor, ut tibi iste honos proprius, & quod in istum ordinem dignitatemque venisti, id tibi lætum, felix, prosperum, fortunatumque perpetuò sit: quod eiusdem

Idem summi Dei benignitate & clementia, tua adiuuante virtute, sic confido futurum esse. Et quoniam iam tu quoque harum gentium pastor & rector, & huius tuæ alterius patriæ, quam diuino iudicio es consecutus, patronus factus es: horum populorum causam, salutem, iura, libertatem, fortunasq; omnes tibi ita commendo, vt maiore animi studio commendare non possim. Egent enim maximè tua cura, patrocínio, fide, vigilantia, sicut quotidie ipse multis ex rebus cognosces. Illud item testabor, te in vicario pristino retinendo, multum & populi studiis, & ecclesiæ tuæ utilitati consuluisse. Est enim vir omni virtute integritateque præstans: ac, quod ad rem non parum pertinet, etiam aspectu & facie venerandus: affinis præterea summi omnium & maximi iureconsulti Ioan. Francisci Ripæ Auenione habitantis cuius egregiam operam & singularem utilitatem, in omnibus tuis rebus tibi paratâ & promptam experiere. Ego neq; incipsum qui iam dudum tuus sum, neq; mea studia atque officia tibi polliceor, ne videar quæ tua in potestate iam diu sunt, si ea de integro tibi deferam, noui quotidie muneris gratiam abs te inire velle. Vale, & nos dilige. Carpent. VI. Idus Febr. M.D.XXIX.

X.

IAC. SADOLETVS EPISC. CARPENT.

Andrea Alciato S. P. D.

NVN QVAM essem arbitratus accidere posse, vt ex amici hominis molestia aliquid veniret ad me voluptatis: sum n. si quisquam alius, officij in eo genere retinendi maximè cupiens. Sed nunc planè ex instituto meo depulsus sum. Quòd enim Medullionis Brixiaci controuersia tuas ad me eliquerit iucundissimas literas, mirificè (fateor) sum delectatus: cum ille præsertim ita scire ac eleganter scriptæ sint, vt singulare meum ac perpetuum de tuo ingenio ac virtute iudicium, non confirmarint solum, verum etiam vehementer auxerint. Quas quòd te tardius ad me dicis dedisse, parcentem occupationibus meis, vt ne meis studiis intempestiuus obstrepes: in eam partè accipio potius, vt tu de tuis studiis nolueris esse detractum: cum in omni genere artium optimarum tu excellenter & eximie, nos aliquantò etiam minus quàm mediocriter versemur. Sed vtut est, auderem vota facere, vt tibi quotidianæ ad me scribendi occasiones darètur: nisi vereretur, ne eodem tempore multorum lites & dispendia præcarer. Quare sic habeto: tuis literis nec fuisse mihi aliquid complureis hosce dies, nec potuisse esse gratius. Medullionè quidem ipsum cuius volo causa, hoc etiam diligentius cõmendauit iudici Symonætæ per literas: quòd perspexi eius causam à te

doctissimo homine probari, quem nollem mehercule quicquam negotii habere nec molestiæ. Sed quid id refert: *τὸ χρημ. τα ἀνθρώποις πριώτατα, δύνανται πλείον ἢ ἐν ἀνθρώποις ἔχει.* Igitur adiuvandus est, salvo tamen officio, quod te autore videor mihi rectè facere. Pro quo tu quoque quòd eidem Symonetae scriptum, maximè illius causæ profuturus es, *πάν γὰρ ἐξ αἰσθ. λόγος, ὃ καὶ σὺ καὶ πολλοῖων δέσσας εἶ.* Erit autem hoc grauior tua commendatio, quòd non solū amici in amicum studium, sed hominis etiam doctissimi & consultissimi, iudicium atque auctoritatem affert. Illa duo extrema sunt in tuis literis: vnum, quòd affirmas me egere non posse opera tua, cum ego ea semper egeam: quis enim potest talis & viri, & amici quotidiana opera non indigere? Alterum, quòd optas, vt in his studiis esse assiduus possis: atque incredibilis tua ingenii magnitudo facit, vt nequaquam optato opus sit. Quòd enim nos, & vnum tantum, & id spissius: tu idem celerrimè, & præterea alia plura comprehendis. Quapropter est magis, cur tibi ipse gratulere, quàm cur quicquam optes. Quòd si mei suffragii prærogatiua eam haberet religionem, quam in antiquis comitiis habere erat solita: in quibus nemo vnquam à prima centuria renuntiatus est consul, quin fuerit idem magistratum illum allecutus: peruellem te totum, quantuscunq; es, nostrum omnino esse, arcemq; & vitæ tuæ & doctrinæ, in his liberalioribus & vberioribus studiis collocare. Quod si contingeret, nullam profectò barbariam te socio atque adiutore pertimescerem. Et tamen sic etiam diuisus, & in alteram fortè partem propensior, maximo es & temporibus his, & rei literariæ, ornamento. Ego, quòd ad animum meum erga te attinet, tantum tibi tribuo, quantum profectò paucissimis: ita te amore complexus sum, vt omnia tua causa mihi videar debere. Quod si acciderit, vt opera id ostendendum sit, efficiam vt intelligas, maximam apud me rationem esse & amoris mutui nostri, & tuæ eximiae præstantisque virtutis, Vale. pridie Calend. Maij, M.D.XXIX. Carpent.

XI.

IAC. S ADOL. EPISC. CARPENT. ANDREA Alciato S.P. D.

CASTELLANVS noster legit mihi particulā literarum tuarum: qua rationib. tui discissus expositis, adscribis, si ea mihi probatae rationes fuerint, te satis habiturum: neque quid alii sentiant, aut loquantur, valde laboraturum. Quod ego ita accipio, vt agnoscam in eo tuum pristinum erga me amorē. Tantum enim iudicio meo tribuis, quantum ego mihi non arrego. Sed
quod

quod ad tui facti iudicationem attinet: ego, mi Alciate, tantum constituo in te ipso esse & virtutis & consilij, ut quodcumque agas, id mihi ab optimo animo & eximia prudentia semper proficisci videatur: causasque tui abitus existimaui iustissimas, quæ te virum talem ad novum capiendum consiliū impulissent. Sed quod me tangit privatim, quodque ego ex meo sensu loquor, nunquam profecto dissimulabo, discessum illum tuum mihi dolori non mediocri fuisse. Nec tamen velim te hoc ita accipere, quasi ego factum tuum aliqua ex parte reprehendam, non enim reprehensionis ille fuit dolor, sed mei in te amoris. Etenim si, cum in his locis esses, infinita penè commoda egregiasque utilitates mihi in te paratas esse intelligebam: quod & in natura tua comitatē, & in ingenio præstantiam, & in amicitia ingennè conseruanda fidem, & in omnibus partibus vitæ atque sermonis, humanitatē, elegantiamque experiebar: quid mihi privato his tot bonis, doloris accidisse ex tuo discessu putas? cum præsertim, quod pluris est quam cætera omnia, mihi quotidie versanti in eis literis, in quibus tu excellis, ubi laboris atque hæsitationis aliquid incidisset, paratum esset, te præsentē, perfugium optimi & amicissimi, & in omni literarum & doctrinarum genere longè præcellentis viri: cuius vel solo habitu vicinitatis, & animus, & vires meæ ad studia resiciebantur. Itaque (ingenue enim fatebor) quas in omni reliqua vita facio minimi, tunc opes non parum expetendas duxi. Non mea inehercule causa (turpe enim est id Philosopho, Christiano præsertim) sed quod eas tunc si possedissem, hoc tantum lumen hæc provincia non amisisset. Sed etsi gravis mihi iactura, & his populis omnibus tua decessione facta est: tamen quod audio dignum tua virtute & singulari præstabilique scientia, conditionem tibi esse delatam: reque in Biturigibus summa illorum hominum voluntate, & concursu maximo auditorum, ius civile tradere: mei animi molestiam tuæ virtutis dignitas consolatur. Hoc etiam magis, quod video id esse gratum homini omni honore & dignitate amplissimo Francisco Turnonio vestro Episcopo Biturigum: cuius ego multas eximiasque virtutes cum venerer: multis quoque illius erga me olim meritis, de quibus meis certior sum factus, obligatus vehementer sum, cogor illo ipso officio, quod ego præcipue in omni vita colo, ipsius voluntatem meis rationibus anteferre. Quem quod audio aucta & amplificata dignitate, in Cardinalium ordinem honoremque peruenisse, equidem maiorem in modum gaudeo & gratulor: sed tamē ut illi ordini magis aliquantum puteim, quam ipsi in hoc tempore ex eius honore splendoris & honestatis esse acquisitum. Ad eum ego cum cupere scribere & agere pro eius veteribus in me beneficiis gratias: illa ratione sum retardatus, quod prius scire exte volo, ecquid putes

nostras ad illū literas nō inopportunas futuras. Quod ipsum quæso scribe ad me, nosq; quod facis, dilige, ac valetudinem tuā conserua diligenter, tibiq; persuade, me, & mea omnia nō minūs tibi prōpta esse, quā mihī ipsi. Vale. VIII. Cal. Feb. M.D.XXX. Carp.

XII.

IAC. SADOLETVS EPISC. CARPENT.

Andrea Alciato S. P. D.

Literas tuas ad quartum Cal. Jun. datas, pridie Nonas Quintileis accepi: quæ me tui erga me amoris significatione vehementer delectauerunt. Magno enim argumento mihi est, me abs te diligi & magnifici, quod adis me cum fide, tuis de reb. consilium meum vnā atq; operam expetens. Quorum vtriusq; vtinam tantam haberem facultatem, vt & tibi & tui similibus abunde possem suppeditare. Sed de consilio mi Alciate, quod tibi respondeam parum admodum est: vel quod eius in teipso satis statuo esse, vel quod ipse quod feci, cum illa turbulenta & dubia (vt mihi quidem videbatur) reliqui, quod hæc multo quietiora confectarer: id indicio esse potest vnicuiq; quid sentiam. Quanquam enim noua hac pace videantur vetera bella Italiæ repente esse sublata: tamen recentibus etiam nunc vulneribus nondum cicatrix planè obducta est: animiq; iidem permanent mutuis exasperati odiis, & partium studio infecti. Quibus quantum sit confidendum, tuæ imprimis prudentiæ est existimare. Tibi autem ipsi, si in ea loca migraueris, vt contingant reliqua ex tua sententia, grauiora certè prælia excipienda erunt, vel obrectantium tuæ laudi, vel commoda tua oppugnantium. Nam quod te patriæ amor cō vocat, humanum id quidem est: sed & sapienter ab illo Poeta dictum legimus, Patriam esse vbicunq; sit bene. Verum de hoc, vt dixi, tuum consilium sit, meum est potius ad omnia quæ tu velis, operam tibi meam studiumq; deferre. Itaq; quod quæris, ecquem Bononiæ amicum habeam, qui tibi operam dare in tuo hoc negotio agendo possit, qui & mea causa velit, & autoritate ad agendum sit idoneus, vix videor habiturus. Omnes enim ferè quibus cum mihi fuit familiaritas, alio casu alius diem suum obierunt: vt de quo tibi pollicear nominatim habeam neminem: nisi fortè Bartholomeum fratris filium Cornelij nostri Voltæ, summi viri & nobis amicissimi, qui magno cum gemitu omnium, & de hac Prouinciâ nuper, & planè modò de vita decessit. Huius vt dico, fratris filius, et si ætate iuuenis est, propter virtutem tamen, familiarēq; dignitatem, & clarissimi optimiq; patris memoriâ, gratus est apud omnes. Eum ego confido suscepturū esse has partes, præsertim in causa illustri & honorifica. Habet enim hominis doctiss.

fami commendatio non mediocrem dignitatem. Sed ego, si tibi videatur ad legatum ipsum quoq; & ad quadraginta viros literas dabo, tribuamq; debitum tuæ virtuti testimonium: neq; solum hortabor, sed obsecro etiam, ut de tali viro atq; doctore accersendo studiosis iuris civilis, & suæ civitati esse consultum ac provisum velint. Hæ literæ quid profuturæ sint nescio: nihil obfuturas videor posse præstare. Sed ut ego ostendo tibi quid sim facturus, sic tuum nunc iam, quid placeat tibi & quid me agere velis, facere me per literas certiores: simulq; rationem aliquam inire, quod illæ celerius huc perferantur: ut tibi, cui valde cupio, non voluntate solum, sed diligentia etiam satisfaciam. Vale. Ex hortis nostris suburbanis, VIII. Id. Iulij, M. D. XXX.

XIII.

IAC. SADOLETVS EPISC. CARPENT.

Thoma Caietano S. R. E. Cardinali S. P. D.

Lætus sum, te Romam saluum atq; incolumem reuertisse: quod ut primum cognovi ex meorū literis, confestim scripsi hæc ad te cupiens tecum loqui per literas, quando (quod libentissimè facere solebam) coram amplius non possum. Non enim meus in te amor, & singularis observantia, qua te semper sum persecutus, aut spatio temporis, aut locorum intervallis diminuta est. Nec ego unquam obliuiscar, unum te semper extitisse, qui me ex animo dilexeris, fuerisq; mihi in rebus meis omnibus perpetuus propugnator & fautor. Pro quibus meritis ego tibi vicissim omne meum studium, omnem meam observantiam, cultum, honorem, benevolentiamq; dicaui: fuitq; tuarum maximarum virtutū, quas ego admirabar, apud ceteros prædicator. Nunc disjunctis nobis tanto terrarū & regionum spatio, & tuum nihilominus amorem erga me eundem manere confido, & de meo tibi planè pollicor. De temporibus autem his, deq; hac strage rerum omniū & ruina, per quam cuncta oppressa sunt, nihil sanè tibi scriberem in hoc tempore, neq; tantorū malorum acerbam memoriam refricarem, nisi intelligerem, quod ceteris dedecori & calamitati fuit, id ad singularem tuam laudem esse conuersum. Quodd enim aduersos casus patienter ruletis, fortunarumq; tuarum iacturam pro mininio habueris, præstiterisq; te in omni fortuna firmum atq; constantem, præclara laus, & docto homine sapienteq; digna. Sed tamen tibi cum quibusdam est aliis communis. Non enim defuerunt (quam ego coniecturā de meipso facio) quos bonorum suorum amissio de statu suo minimè dimouerit. Sed quod in tanto armorum strepitu tumultuq; bellorum, furoris hominum crudelissimorum atq; avarissimorum omnia perfrin-

gente, tam multis cædibus, direptionibus, incendiis, in pace & odio esse potueris, & ad literas sacras toto animo ita incumbere, ut utrumq; Instrumentum nostræ fidei sanctissimæ interpretandum susceperis, totumq; penè absolueris: nec te aut periculi tui metus, aut alienorum incommodorum dolor, ab ea cura & intentione animi auocare potuerit: hoc est, quod ego in primis novum & admirabile esse duco. Insolita ista virtus, & incredibilis quædā animi altitudo fuit, quæ effecit, ut in tantis communibus miseriis solus & placatus, & beatus esses. Quod etiam magis tuum hoc opus videre desidero: quod posteris quidē nostris tui excellentis ingenij, nobis verò etiā virtutis & admirabilis constantiæ perhibeat testimoniū. Equidem, quod ad me attinet, ipse quoq; in literis versor: sed conditione impari. Nam nec ingenio multū possum & animo sum infirmior: quanquam mei damni cogitatio me nunquā, plurimū autem afflictæ reipub. misericordia cōmouit: tum autem maximis hīc difficultatib. in re familiari sum conflictatus. Etenim mihi fuit necesse pro natura & instituto cōsuetudinis meæ, omneis meos & veteres, & novos recipere familiares, qui vndiq; egentes & nudi ad me confluxerunt. Sed de his satis. Ego, ut etiā dixi, amorem & observantiam, quam erga amplitudinem tuam semel iustissimis de causis suscepi, eam inuiolatam retineo, semperq; retenturus sum. Tu ut in me amando pari voluntate sis, tuumq; animum illum pristinum, quem ego multis rebus olim habeo cognitum, erga me conserues magnopere à te peto. Vale. Nouis Nouemb. M. D. XXIX. Carpentoracti.

XIV.

I A C. S A D O L E T V S E P I S C. C A R P E N T.

Thoma Caietano S. R. E. Cardinali S. P. D.

DE tua erga me beneuolentia sæpe mihi à meis scribitur: quam equidem non dubito firmam esse, idq; magnopere habeo gratū. Animus quidem meus erga te idem est, qui semper fuit, cum tibi mirificè deditus, tum tuarum præstantissimarū virtutum admirator & cultor: quas ego ab ineunte fermè adolescentia omni semper honore & observantia profecutus sum. Itaq; recordor, & me in philosophiæ studiis nō minima ex parte olim à te adiutū instructumq; fuisse, & tuam mihi nullo loco defuisse neq; opem & auctoritatem in publicis rebus, neq; in priuatis meis beneuolentiam. Sed quæ tua erga me plurima exrant beneficia, ea mihi fideli magis memoria conseruanda sunt, quam multis verbis iactanda & commemoranda. Quod autem est & tuæ summæ virtutis amplissimæq; dignitatis proprium, & idem aliqua ex parte etiam ad me pertinet, id ego ex te nisi quid impediât scire sanè

finē velim: Quem tu, scilicet, huius concilij, de quo tam multi sermones increbrescunt, effectum aut exitum futurū putes. Nam si res agatur seriō, spesq; aliqua sit latum iri auxilium bonis moribus & legibus, aduersus tot & tam graues, cū dissensiones in fide & religione, tum in communi vita corruptelas: optandum est omnibus nobis, & vehementer Deo supplicandum, vt bene ac prosperē procedat res. Egoq; quanquā imbecillitate valetudinis, & domesticis difficultatib. valde impeditus nullum discrimen recusaturus sum, quōd in eo interesse conuentu possim. Sin autē totum negotium fuerit simulatio, libentiū mansurus in statione mea sum: neq; eō venturus, vbi mea opera nemini vtilis, mihi autem ipsi incommoda vehementer futura sit. Hæc ego à te, si tua spectetur granitas & dignitas, tanquam à patre requiro: si excellens singularisq; doctrina, tanquam ab eo, qui non meus, sed omnium esse magister possis. Hoc quidem sic existimo, si saluo officio fieri posse decreueris, te nihil in hac re prætermitturum esse, quod ad me monendum, instruendumq; pertineat: etsi nulla maior mihi futura est instructio, quā exploratio iudicij ac voluntatis tuæ. Quod vt facere velis, deq; eo ad me scribere, magnopere te rogo. Ego hic in literis & libris assiduus sum: neq; intelligo iam, quid sit aliud beatē viuere, nisi quod prædicare solebar Solon, quotidie aliquid senescentem addiscere. Quod nos hoc melius facimus & præstantius, quod ea cōsecramur addiscimusq; per quæ ad noscendum fruendumq; ipsum Deum spe firma exoptatæ immortalitatis adducimur. Tu vt valeas, meq; absentem, quod facis, diligas, & patrociniō tuo tueare à te peto. Vale. Carp. M. D. XXX.

IACOBI SADOLETI EPISC.

CARPENTORACTI EPISTOLARUM Lib. III. Epist. I.

IAC. SADOLETVS EPISC. CARP. FEDERICO FREGOSIO Archiepiscopo Salerni, S. P. D.

POST tuum è Gallia discessum, adhuc nihil abs te accepimus literarum. Quod mirarer equidem, & tecum quasi expostularem, si hanc tuam culpam, ac non eorum esse arbitrarer, qui quas literas suscipiunt perferendas, eas aut negligentia, aut perfidia nō curant reddere. Nam quin tu iam aliquid scripseris, mihi persuadere nullo modo possum. Admonet enim me, cū ipsum spatium eius temporis, quod à tuo abitu ad hunc diem intercessit, mensum trium iam ferē in quo

in quo non scribere modò nobis, sed scriptitare etiam potuisti: tum verò tua illa mihi nota humanitas & insignis erga me benevolentia, verat me quicquam de officio tuo suspicari, quod aliter sit ac deceat. Etenim profectò memor non solum expectationis meae, sed tuae etiam promissionis: cùm Lugduno confestim iam decedens Italiam versus, literas ad me manu tua dedisti: in quibus erat scriptum, te cùm primum in Italia constitisses, curaturum, ut de omni tuo statu fierem certior: rationemq; initurum qui & tutò, & facilè commeari inter nos literæ possent. Ac mihi quidè, cur in expectatione non parua tuarum literarum esse debeam, causæ complures sunt. Primum, meus summus in te amor, qui nò fuit intermitteri apud animum meum cogitationem tui. Quapropter etiam de salute & incolumitate tua sollicitus, omnem euentum itinerum tuorum scire valde cupio: neq; solum ut valeas, sed quid agas etiam, acturusq; sis, & quibus in locis concessurus, Romæ ne, ut est nonnullorum opinio, an alibi certo aliquo in loco. Deinde de Psålmo meo aueo mehercule aliquando cognoscere quid sit factum: & si hæc quidem cura & cogitatio non minùs ad te, quàm ad meipsum pertinet, communis enim ex illo ambobus nobis est honos: si tamen ex illo aliquis honos. Sed mea præcipua erat expectatio, quod maximè in hoc tempore meis rationibus conducebat, illum iam esse editum. Hanc spem tardari, & differri in tam longũ tempus, sanè mihi quàm molestũ est, eritq; quousq; quemadmodum sese habeat res, ex tuis literis certum cognoro. Nam si ij, quibus liber imprimendus missus est, rem forlitan contemnât, neq; statuunt idoneam, in qua videatur esse elaborandũ, præcisum isthic quidem est omne negotium: sed citò id mihi oportuit significari: vel enim abiicissemus de eo curã omnem, vel ad Lugdunenseis tuos impressores conuersi fuissetmus. Sin est autem ut & probent materiã, & in scriptione vitium non reprehendant, quod equidem malim, permagni faciens hominum doctissimorum iudicia, quorum & copia, & gloria abundat illa ciuitas, quænam ista quaeso, & vnde exoritur tanta cunctatio? Sed ut sit in his rebus quæ ignorantur, quarum ratio certa conici nulla potest, sic mihi permulta de hac re cogitanti, vagari suspitione quã volo licet: firmo aliquo consilio consistere nò licet. Qua sollicitudine animi quiesci tum poterit, cùm tu me de re omni certiore feceris. Tertiũ illud est, quod ego expecto à te, ut sciam, quã, & per quos epistolas mittere tutò possim: mirũ enim me tenet desiderium sepius lacessendi & compellendi tui: cùm tu præsertim iam locis à nobis factus disiunctior, omnem spem oblationis meæ tecum, in literis solis reliqueris. Cuius ego discessu in hoc tanto regnò videor penè solus relictus: hoc etiã magis, quòd profectionem tuam propè continuo est Paulus noster con-

secutus. Is enim paternæ mortis subiro casu, & insperato compul-
sus incommodo; quod rem familiarem & pupillos fratres suos in-
uideret, constitueretq; res domesticas ante diem V. Cal. Iun. hinc
est profectus, cum tu octo dieb. ipsis antecessisses: cuius tamen
reditus nunc nobis in expectatione est, extremus enim Sextilia
erat reversioni constitutus: quam diem intelligis appropinquare.
Qui si tecum potuit in Italia congredi, quod quidem ipse & ma-
ximè experebat, & fieri posse nō diffidebat, planè ab eo fueris de
omnibus nostris rebus edoctus. Nos literas eius non habemus
ex ante diem X. Cal. Quintilis, neq; hoc sine aliquo animi nostri
scrupulo. Cogit enim nos vereri propemodū omnia, vel beneuo-
lencia, qua illum vt si filius esset vnicus, complectimur, vel poste-
ritatis cogitatio, cuius omnem spem & rationem in illo vno re-
posuimus: vel quodd gravi anni tempore, & insalubri ferè vbique
gentiū cœlo, omne corporis periculum videtur esse pertimescen-
dum. Sed tamen in spe bona sumus. Tu si nos diligis, quod profe-
ctō facis, ne me patiari obsecro, tamdiu in desiderio tuarū litera-
rum esse. Etiam pro tua humanitate curabis, vt aliqua volumina
ad nos libro impresso demum mittantur, quod possimus amicis
munuscula cum epistolis deferre. Vale, & ad nos quamprimum
scribe: Bembumq; nostrum mirificum hominem, omni summa
virtute præditum, eundemq; coniunctissimum viriq; nostrum,
aliquando nactus oportunitatē, meis verbis iube saluere quam-
plurimum. Carp. Idib. Augusti, M. D. XXIX.

II.

IAC. SADOLETVS EPISC. CARP. FEDERICO FREGOSIO Archiepiscopo Salerni, S.P.D.

Accepi literas tuas, ante diem XV. Cal. Ianuarij datas: ex qui-
bus cognoui, quando post meæ ad te perlatæ essent, quam
fuerant datæ: & quæ te occupatio moraq; tenuisset, quod minùs,
cupiebas, maturè ad nos scriberes. Ego verò cum tanto iam
interuallo nihil abs te accepissem, neq; adeo de te sollicitarer au-
tem non parum cupiditate cognoscendi, quid tibi & rebus no-
stris communibus contigisset (sunt enim inter nos omnia com-
munia) cum me præsertim in ea cura & cogitatione amor erga te
meus summus quiescere non sineret: fateor me diu in expectatio-
ne fuisse tuarum literarum: nonnullamq; cepisse admirationem
earū tarditatis. Sed tamen vt suspicarer potius alia omnia, quam
coniunctionem nostræ necessitudinis vel minima ex parte im-
minutam esse, quæ vel in amore apud te, vel quæ in omnibus of-
ficiis conseruandis fide ac diligentia. Nunc cum tu & valetudi-
nis incommodo aliquandiu constitutus, & molestissimis nego-

tiis distentus fueris: atq; ea nunc impedimenta partim Dei beneficio, partim prudentia tua à teipso repuleris: gaudeo primas eas fuisse literas, quæ mihi lætum nuntium attulerunt: quæ si citius venissent, molestia mihi fuissent. Tuamq; tibi recuperatam valetudinem, & sapiens consilium vitandæ urbis, vehementer gratulor: pristinam quoq; tuam agnosco animi magnitudinem. Vidi enim te olim cum viveremus vnâ, hæc ipsa contemnentem, quæ vulgus admiratur: tum scilicet, cum ea adipisci facillimè poteras. Et erant illa eiusmodi, vt haberent aliquam, si non veram dignitatem, at speciem tamen, & simulacrum quoddam dignitatis. Nunc verò: Sed quid ago? aut cur nequicquam sumo hanc operam? Ad nostra potius, De Psalmo cognoui, quo loci sit res. Sed ego ingenue tibi indicabo, cum iam desperassem isthic rem confici, nisi Psalmum Lugdunum, aliquot correctum locis, vt imprimeretur ibidem, quartodecimo admodum ab hinc die, hoc est ad IIII. Idus Decembr. vt intelligas me moderatum cupiditati meæ, quoad in spe fuerim isthic rem confectum iri, octauo mense videlicet postquam tu ex his locis discessisses. Nec tamen puto te existimaturum, me egisse aliquid quod sit contra officium. Nunc siue hic, siue illic, nostra utiq; de eo conquiescit cogitatio: nec tamen adhuc quippiam habebamus certi, quid fieret Lugduni. Sed de his satis. De te autem ipso, & de tuo discessu in Italiam, qui meus tum fuerit sensus nihil me attinet dicere: nisi illud quod proprium est amoris, profectionem tuam dolori mihi non mediocri fuisse. Causas equidem discessus, & graues, & iustas esse arbitrabar: quæ te hominem prudentissimum mouissent. Mansionem autem in Italia tuam, neq; ego probo, neq; te ipsum probaturum esse arbitror: quanquam enim ibi officio pio & necessario detineris: tamen cum tibi tantundem ferè in Gallia cum Deo negotij sit: & eadem te huc religio reuocet: quæ in Italiam euocauit: non video, peractis eis rebus quæ providendū consulendūque populis more & instituto maiorum inuentæ sunt, quid te sit in Italia diutius retenturum, quando cætera omnia, quod opinor te iam cognoscere, vsq; eò confusa perturbataq; sunt, vt nulla res in istis locis sit, quæ prudentem quempiam aut bonum virum possit delectare. Quare si tu idem senties, fuerisq; expertus, poteris me autore officium & munus præstandi Deo religionis, ad causam tuæ reditus, rectè interpretari. Ibi enim potissimum commorari debemus, vbi plurimum proficere nos posse sentimus: aliis quidem præterea etiam, sed non nihil & nobismetipsis. In quo ego disputarem copiosius, nisi te doctissimū hominem, & optime hæc ipsa videre mihi persuasissem: & vereretur ne tu fortasse magis ab amore meo erga te, & desiderio tui, quam a vero & integro iudicio huiusmodi orationem proficisci putares.

putares. Quamobrem hæc missa. Paulus nobiscum est: nec finit me diutius in expectacione sui esse: extremo enim Sextili ad nos rediit, estq; nunc totus in Græcis literis: quod si perfecerit studiū, non dubito, quin omnia deinde facilia sit habiturus. Nos nihil scribimus in præsentia, legimus autem libentissimè: multaq; & magnas iam parteis Aristotelicæ doctrinæ transegimus, imprimis *de metrâ & de quonâ*: in quibus visi sumus nobis non pauca subtilius & acutius comprehendisse, quàm antea. O te si haberē, quo cum communicarem nihil crede mihi fieri posset beatius. Hæc enim animi læticia, ac in studiis voluptas sociū requirit: sine quo non illa quidem manca est: sed esset ea medijsfidijs hilarior tamen, atq; vberior. Paulus nondum tantis rebus par. Tu maximo animo, præstantissimo ingenio, summa in me benevolentia, eximia scientia. Sed fortuna obstat, & quæ ipsam etiam fortunam vincit necessitas. Ergo id ipsum ferendum est. Tuum constitutum dandarum & militandarum literarum seruabo diligenter. Bembo meo ascribes, quoties ad eum scripseris plurimam meis verbis salutem. Tu vale, & nos dilige: quod te facere ita non dubito, vt nihil habeam tuo in me amore nec certius, nec iucundius. Vale. IX. Calend. Feb. M. D. XXX. Carpentoract.

III.

IAC. SADOLETVS EPISC. CARP.

Federico Fregosio Archiepiscopo Salerni, S. P. D.

CVM in Gallia esses, crebro commeabant inter nos literæ: quod sicut tum propinquitatē locorum & regionum (mihi enim magnis omnino & spatiis viarum & difficultatibus intercepti eramus) tum quod eorum qui literas perferrent, maior erat copia. Postea verò quam tu in Italiam profectus es, omnia hæc nobis spissiora & difficiliora facta sunt. Quod mihi lænè magna est molestia, etenim eiusmodi sunt tempora, & ea impendent res, vt si vniquam alais, nunc cum maximè tuum mihi consilium & benevolentia requirenda sunt. Quæ si vicinioribus in locis esses, parata mihi arbitrarer, quia abes longè gentium, nō illa quidem mihi etepta, nec adeo tamen in promptu adesse mihi intelligo. Sed quid me angat, sollicitumq; habeat, etsi te per te satis existimare arbitror, quod eisdem affici te puto in hoc tempore animi sollicitudinibus & curis, tamen aliquid tibi à me ea de re putauisse scribendum: vt quoniam amore & optima in rem Christianam voluntate coniuncti sumus, nostras quoq; cogitationes & consilia coniungamus. Increbrescit enim quotidie magis (vt tute scis) de concilio rumor: cuius habendi multæ quidem sunt causæ iustæ ac grauēs: ac si verè loqui volumus, etiam necessaria.

D

Sed

Sed ecquid sperandum ex eo boni sit, magnæ videtur esse considerationis: quæ fortasse ad nos nihil pertineret, nisi grauis officij onere premeremur. Quod præstare debemus, non tam hominibus quidem, quibus (si bene coniectura vtor) sancta & seueræ consilia haud ita multis placitura sunt: sed prepotenti Deo, cuius tantis aucti beneficiis, nihil habemus neq; in vita, neque in fortuna, quod non pro illius honore & nomine effundere simus parati. Hanc ego sententiam cum mihi tecum statuam esse communem, reliqua iam sunt communicanda inter nos: quod consilium sequi, & quemadmodum nosmet gerere debeamus. Nam si (vt dico) fructus est expectandus aliquis ex hoc principum Ecclesiæ & Episcoporum conuentu, qui sit Christianæ Reip. profuturus: non dubium est, quin conueniamus, quemcunque fuerit in locum concilium indictum, nec laborem vllum, discrimenque fugiamus: tamen si mihi ipsi, propter domesticas aliquot difficultates, imbecillitatemq; corporis, futura sit res molesta. Sin autem, quod magis vereor, propter inextricabiles difficultates temporum totum hoc remedium ad sedandas discordias, & ad morbos ex animis tollendis inane futurum sit, atq; irritum: est iam non parvæ deliberationis res, quid agendum nobis, & vtrum accedendum eò, an manendum domi in vigilia nostra sit, cum alterum fortassis consilium inutile, alterum planè honestum semper habeatur. Hæc ego si mihi metipso considerem, exquisita potius & explorata scriberem ad te: cum verò tantum tuæ prudentiæ confidam, quantum meum perpetuum de tuo singulari ingenio iudicium postulat: peto à te & pro amicitia nostra rogo, vt suscipias totius negotij deliberationem atque curam: & siue habes iam statutum, quid tibi faciendum sit, siue es deinceps constituturus, me omnis participem consilij & voluntatis tuæ facias. Ego enim eo sum animo, vt quicquid à te probatum fuerit, id vt sapienter sancteq; constitutum, ipse quoque secururus sim. Quare tu & de rumore ipso, totaq; re, & de loco, temporeq; conueniendi, si quid habebis indagatum & compertum, facies me (si videbitur) tuis literis certiorum. Imprimisq; hoc ita cogitabis, si veniendum aliquò sit, summò perè cupere me, quod sine incommodo tuo fiat, contubernalem tibi esse. hoc mihi gratius atque opratius accidere nihil potest. Vale. VI. Calend. Februarij. M.D.XXX.

IV.

IAC. SADOLETVS EPISC. CARR.

Federico Fregosio Archiepiscopo Salerni, S.P.D.

ET si quotiescunque literas tuas lego, toties sentio me noua quadam laetitia affici, ut nihil esse mihi possit earum lectione iucundius: tamē proximā literā tuā, quas ego Nonis Iulij abs te datas, tertio Nonas Septemb. accepi, mihi molestie aliquantum plura, quam volūptatis attulerunt. Nihil enim grauius accidere mihi potuit, nec quod minus ferre possent sensus animi mei, quam intelligere, te suspicari, aliquid mihi accidisse abs te, ex quo animus meus in te esset offensior: cum praesertim id agas tam multis verbis, ut verē de me nescio quid dubitasse videre. At ego contra, primum hoc dico, nihil me vnquam esse in te conspicatum, quod vel proprium esset tuum, vel mecum tibi in nostra amicitia commune, in quo non & admirabilis mihi tua virtus, & beneuolentia erga me, eximia visa fuerit. Et in utroque quidem multa mea extant, neque ea obscura, de tua virtute humanitateque testimonia. Sed non sumam mihi impresentia, cuncta ut commemorarem. Illa perstringam breui, quae tui amoris erga me propria sunt, quorum nunquam me quidem cepit obliuio. Sed commemorationem antehac verecundia impediuit, cuius tu nunc non praetermittendae necessitatem quandā mihi affers. Nam siue prima nostrae familiaritatis initia spectemus, quid tua tunc erga me comitate, liberalitate, beneficentia illustrius? siue haec postrema (nam media fortuna viuis, occupationibus maximis utriusque nostrum, & locorum disunctione, non tam testata esse potuerunt) quem ego possum afferre ex pluribus amicis, quos mea mihi officia quam plurima conciliant, qui maius erga me ostenderit sui animi studiū, aut cui tantopere salus mea curae fuerit? Veni in Galliā, nudus rerum omnium, tanquam ex naufragio in terram eiectus. An me oblitum putas illarum literarū tuarum, quas ad me prior misisti? in quibus cum esset suauissima recordatio veteris nostrae necessitudinis & declaratio amoris in me tui: nonne cum fortunas omnes tuas in communionem meorum temporum mihi obtulisti, tum humanissimis atque amantissimis verbis paria facta responderunt? Iuisti me opibus, instruxisti libris, quorum ego iactura (maximē enim feceram) non medioeriter angebar: omnibus & prudentiae, & liberalitatis tuae consiliis auxiliisque fomisti. Quae quidem tempore, cum cetera mihi ex te iucundissima acciderent, illud tantum sub moleste ferebam, quod maiora subire conabar is mea causa onera, quam ut meus pudor facile pati posset. Haec ego qui nosse debeam & in memoria habere, quid ita, quæso, sum a te iniuste iracundiae crimen vocatus? qui etiam iniustam aliquam haberem succensendi tibi causam, non possem id sine nefario scelere, & sine magna commutatione meae naturae ac voluntatis facere: quam ita iam pridem habeo institutam, ut nullas cognoscas iniurias, significationibus autē beneuolentiae maximē

obligetur. Vide quæso dulcissime Federice, ne in hoc me aliquis inconstantia & leuitatis crimine condemnes. Quod etsi molestum mihi foret tibi ita videri: mea me tamen conscientia confortaretur. Mihi enim ipse sum cognitus, & scio nihil à me commissum, quod ad nostræ amicitia fidē, vel minima vlla ex parte violandam possit valere. Quanquam ne tu quidem de me aliter sentis: non enim dubito quin me firmū & certum amicum esse constituas, potiusq; tua illa suspicio tota sit amoris: & nimirum ita est. Habet enim hoc illa animi affectio peculiare, vt quod maxime appetit atq; optat, eius amittendi suspicione maxime stimuletur. Sed tu si verē de me existimare volueris, & cogitare cum animo tuo, quis aut ego sim, vel cuiusmodi esse debeam, præsertim aduersus te, cuius tot & tanta erga me extant merita: cognosces profectō, nihil fieri posse in omni amore & obseruantia tui, studio meo & voluntate flagrantius. Nam quod iam diu non scripsi, primum, non fuit quod scriberem, nec per quos: neq; tu tamen in eo diligentior me fuisti. Deinde, nunquam ego in literis arbitratus sum indicium omne amoris & benevolentia consistere: vel eo argumento, quod tam diu antea cum nihil inter nos commeauit literarum, incolumem tamen benevolentiam seruauimus. Et tamen recordor me statim ad eas tuas rescripsisse, quas Auenione cum essem, acceperam: Psalmiq; impressi volumen vnum tibi misisse, cum si tum me aut tua Aristotelis reprehensio, aut cohortatio ad sacras literas commouisset, fuerim aliquod signum turbati animi tibi daturus. Ac cohortatio quidem tua mihi & sapientissimi consilij, & amicissimæ voluntatis semper plena visa est. Cum Aristotele verō nulla mihi est cognatio, nisi quod hominis illius acumen & doctrinam præcipue miratus sum: ac maximus mihi ille quidem & doctissimus Philosophorū semper est habitus. Sed quid tam liberum esse debet, quàm suum unicuique de re quaq; iudicium? opinionum porro inter amicos dissensio aliqua aliquando est, voluntatum nunquam. Quamobrem de his tu & quemadmodum voles ita senties, & hoc nos animo erimus, vt Philosophiam cum sacra doctrina nunquam non coniungendam esse arbitremur. Sed hæc satis, aut nimis fortasse multa. Ego his diebus accepi ex Germania, aliquot doctorum hominum, & in his Erasmi literas. Psalmū nostrum ibidem de integro impressum statim diuulgauerunt: vnum volumen miserunt ad me: rem mirabiliter probant. Erasmus quidem, vt sibi ipse displicere, & sua iam scripta contemnere videatur. Literæ scriptæ doctæ & copiosæ. Sed de doctrina nihil scilicet noui. De hominis probitate, ingenuitate, virtute, aliquid noui fortasse, vel enim nō tantum, vel non ita putares. Scito igitur ea in illius literis elucere signa integri animi, & probi, & alienam virtutem studiosè amplecten-

placētis: vt dignissimus sit, qui & ametur à nobis, & in honore habeatur. Cui ego me vt respondeam, paro: ne me humanitate & ingenuitate vinci patiar. Spes est aliquid in ea natione à nobis profectum fuisse: Quod si benignitate Dei fuerit factum, nā ego maximum, & maximē opratum mei laboris prāmium fuero adeptus. Sed alias de his. Tu vt me ames, teq; à me & diligentissimē coli, & constantissimē amari, vt certum atq; exploratum tibi habeas magnoperē à te peto. Vale. Pridie Idus Septemb. M.D.XXX. Carpentorac.

V.

IAC. SADOLETVS EPISC. CARPENT. FEDERICO FREGOSIO Archiepiscopo Salernit. S.P.D.

MAGNÆ mihi delectationi fuerunt literæ tuæ: quæ mihi te cum abundare ocio, tum autē id ocium consumere in optimis studiorū lucubrationibus significarunt: beneuolentiamque erga me tuam, cuius mihi semper gratissima est commemoratio, etsi non apertius quam antea, vberius tamen aliquantō mihi declarauere. Gaudeo te eum esse, qui & tibi ipse summum bonum in vita, scrutandis & recolendis scripturis sanctis reperis: in quibus certē, huius boni, quod non maximū modō, verū etiam solum est, cunabula sunt posita: & mihi cum animū in amicitia præstes, vt meæ tibi studia maximæ curæ esse ostendas. Quo quid potest esse amoris, officij, humanitatilq; significantius? Sed quoniam de his, quæ inter nos sæpe intercesserunt, officiis, deq; mutua nostra beneuolentia, & alias crebro à nobis fuit dictum, & vt arbitror, etiam dicitur: veniamus ad literas tuas. Ac primū illud à te deprecor, vt in meis quod prius fuerat scriptum, multa me inuenisse in Paulo, quæ fuerint prioribus seculis incognita, ne insolentia & elationi animi mihi attribuas: etsi piget me verborum illorum, quæ cum illas scripsi literas, minus animaduersa à me fuerunt: quod accidit festinatione quadam accelerationeq; scribendi. Etenim non ad te solum illo tempore, sed ad complures præterea alios literas dabam: in qua occupatione & turba, cura mihi recognoscendi, & perpendendi ex animo excidit. Non enim volui incognita dicere simpliciter, sed de quibus mihi non constabat veterib; ea seculis à quoquam fuisse tradita. Nam hoc quidem planē, libereq; testor, me in abstrusas quasdā Pauli sententias penetrasse scrutando: quas, quoad nosse potui, adhuc intelligo fuisse vel occultas, vel certe minus dilucidē explicatas. Nequid tamen meo ingenio, quod perpusillum est, sed diuino beneficio sine vlla hesitatione tribuo. Solet enim Deus ipse, fons bonorum omnium, sic interdum etiam indignis imperare bene-

ficia sua: ut & hi, qui iis fruuntur, & qui hos vident perfrui, non humanum in eo meritum ullum, sed tantum diuinam liberalitatem & gratiam admirentur. Sic igitur sese res habet: ut ex illo meo labore atque vigiliis, præferente lumen menti meæ sancto illo spiritu, qui in domo quamuis sordida suam tamen intactam & illibatam retinet dignitatem, sperem fore mysterium fidei etiam incredulis, & prius ista contemnentibus, si modò rationibus acquiescere constituerint, clarum atque illustre. Nam quod me admones, ut interpretes eos legam, in manibusque habeam, qui pie, & erudite in Paulum commenti sunt: consilium tuum mihi vehementer probum est. Quod quidem etsi mihi antea venerat in mentem, fueramque in eis libris, quos tu mihi proponis, diu & multum accuratissime volutatus: posthac tamen studiosius etiam faciam, quod tantopere tibi id placere intelligo. Veruntamen & Chrysostomus summius vir, atque eximius Pauli interpretes, magno mihi usus fuit: & ceteri simili pietate ac ingenio non parum opis mihi auxiliique contulere. Atque hic quidem, modò quem nominavi, lingua expositus, copia abundans, sententiis creber, genere quodam dicendi incitato atque denso, non docet solum nos ea quæ sunt fidei in Paulo, quod ipsum sane egregie, & perquam doctè facit: verum animos præterea quoque nostros usque: eò permouet, ut cum eum legimus, accuratèque attendimus: tum maximè probi & iusti cupiamus esse, imprimisque continentes. Augustini verò, cuius ego ingenium præcipuè soleo mirari, inchoatam in hanc epistolam ad Romanos scriptiorem tantummodò habemus: & quedam item epistolæ obscuriora loca quasi subcisiuis operis tractata. Origines redundat & effluit, maximi vir ingenij, excellentisque doctrinæ: sed cuius in tanta vbertate & copia, vix queas aliquid certi comprehendere. Huius sententiis imitari recentiores plerique haud ita multum deinde de suo, quod accipere debeamus, attrulerint. Ambrosius restrictus, & quasi refugiendo se ostendens, summa tamen doctrina & sanctitate vir. Laboriosus Thomas, idemque magis aliena sententiæ narrator, quam demonstrator suæ: qui tamen collectis omnibus iis propè, quæ ab aliis dicta sunt, & laborem minuit nobis inquirendi, & curam acuit diiudicandi. Hieronymus aliquanto demissior, (si tamen is Hieronymus) quàm videatur tantarum explicatio rerum postulare. Nam collectanea Græca quæ esse penes te scribis, (habeo enim ego ferè similia quædam composita ab Eunomio) nihil aliud, ut ego coniectere possum, quam Chrysostomi selecta & breuia dicta sunt. Unus est reliquus ex iis, quos mihi nominandos duxi, Theophylactus: bonus nimirum autor, idem nudus ac venustus, & qui verum & germanam sensum Pauli breuiter atque aptè totidem penè verbis, quod ille scripsit, persequatur. Habes quorum ego potissimum

subsidio & doctrina in hanc scribendi rationem ingressus sum: quibus tu, si habes alios meliores, aut quos mihi æquè existimes amplectendos, si eorum me certiores feceris, obediam, & parebo auctoritati tuæ: omniaq; te præmonstrante libenter exequar, quæ ipse consuleris, & ad quæ tu me fueris adhortatus. De quarum magnitudine, & difficultate, quæ in hac ad Romanos Epistola versantur, idem sentio quod tu: nihil esse illis implicitum, neque tamen excussum ac exagitarum magis: quas longo penè temporum intervallo sopitas, Lutherani rursus in contentionem & certamen deduxere. De iis quod sententiam meam exquiris, nō est id vnius Epistola negotium: & satis tamen in commentationibus nostris de eis rebus disputatum est. Breuiter tamen sic habero: Fidem à me distinguui, & secerni ab operibus iustitiæ iis, quæ per legem præcepta sunt: sine tamen iustitia quadam sua diuiniore multò & præstantiore, fidem nullam à nobis posse constitui. Nam quæ verbis tantum vocèq; vsurpetur, si non sit radix in corde prius validè defixa, similem eam esse ramis non cognatis cum arbore, sed hærentibus. Illa est fides Paulo, cum corde creditur ad iustitiam: sic enim demum ore confessio est ad salutem. Itaq; idem ipse Paulus ad Philippeneses scribens, cum iustitiam se legis libenter reliquisse, vt eam quæ ex fide est iustitiam adipisceretur, exponit: fidem profectò ab humana iustitia hac segregat, & in diuinam illam iustitia constituit. Quæ autem diuina sit iustitia, & quæ humana, & in libris nostris perscriptum est, & nos te ad illorum lectionem reiciemus. Neque enim fas tantis de rebus tam exiliter impræsentia scribere. De libero arbitrio, & de Gratia, quæ duo videntur inter se ita esse opposita, vt maximis olim concertationibus agitata in Ecclesia Dei fuerint, & nunc ab his recentibus hæreticis repetuntur. Ego & Pelagium grauius accuso, qui dari nobis præmium pro meritis nostris sine gratia voluit: cum nullum omnino meritum à nobis, nisi dono gratiæ prodeat, & proficiatur: & Augustino non vsquequaque assentior. Nimium enim extremè ex contraria parte is diuersam mihi causam videtur defendisse: cuius ratio si vera sit, in maximas difficultates, & impeditissimas actiones consiliorum ac voluntatiū, hominum mentes incidere necesse est: vt nequeant explicare, quid optimum sit factu. Ego verò illam nostri animi ac voluntatis assentionem ad arbitrium nostrū reuoco, qua præbemus nos Deo faciles & obtemperantes, vt is deinde nos singat & flectat quò velit: omnem autem plenam actionem, omnemque laudabilem boni operis fructū, & quicquid deniq; est in quo vis meriti insit, ad diuinam gratiam sine dubitatione villa refero. Atq; hæc non modò sic ponuntur à nobis, sed validis (vt puto) rationibus argumentisq; firmantur, auctoritate vbique scripturæ adhibita,

quæ commendet & corroboret rationem. Verum de Paulo satis,
 Quod scribis, damnari à me studiū Hebraicarum literarū tuum:
 non puto ea mente me ad te scripsisse, vt operam tuā in ea re da-
 mnandam esse dicerem: potius illud non tam reprehendi equi-
 dem in te, quàm desideravi, vt in Latinis & Græcis studiosius re-
 exerceres. In quo ego nō Hebraica studia contempsī, sed illis hæc
 anteposui: quæ sunt (meo quidem iudicio) ad id quod quærimus
 longè vtiliora. Etsi vereor, ne tibi videar arrogans, qui de inco-
 gnitis rebus audeam iudicare. Sed (quæso) audi quid moueat me:
 Primum salus nostra in Euangelio est: id autem est totum Græcè
 traditū. Deinde si ex vetere scriptura testimonia quærimus, quib.
 Euangelio fides addatur, parūne multa ex ea percepta habemus?
 At enim illa è fontib. haurire conducibilis multò est. Fateor: si
 possint haberi pura & liquida. Sed quid causæ est, quod omnes
 penè qui ad eam linguam se dedunt, tanquam ceteri nihil antea
 viderint, nouas conuersiones nominum ipsi reddere conentur?
 quod ipsum & in his libris cernimus, qui vim singulorum verbo-
 rum explicant, qui nullius fermè vocabuli significationē & sen-
 tentiam referunt, nō multiplicem. Cur Paulus summus legis do-
 ctor, nativæ linguæ peritissimus, cū sacros scripturæ citat lo-
 cos, eos semper non ab isto fonte, sed à septuaginta interpretibus
 accersit: Nam quod de semine mulieris & serpentis tu commodè
 exponis, non aliter video à septuaginta fuisse translatum. Duo
 cherubin, duo testamenta existere, perbellè interpretatum est, a
 numero videlicet coniectura ducta. Nam si vtriusq; testamenti
 vis exprimenda fuit, decuit alterum cherubin, tanquam inferio-
 rem & ministrū, alteri ancillari: qui ambo tamen penes arcā Do-
 mini pares effecti sunt. Vide potius, ne ministerium Angelorum,
 quod Deus in populo illo dirigendo vsus est, eo monumēto deno-
 tatum fuerit: qui duo statuti sunt, vt ab eo ordine vnitas, quæ sola
 est adoranda, remota esse intelligeretur. Quanquam ego in his
 non pugno: licitū enim est vnicuiq; suo modo interpretari: cū
 ad ea quæ ex Spiritu sancto perscripta sunt, omnes quæ ad pietatē
 faciunt, accommodentur sententiæ. Illud dico, esse quasdam
 prædictiones in sacris literis futurarum rerum, ita euidenter cla-
 ras & manifestas, vt nusquam aliò, quàm ad Christū referri pos-
 sint: sicut illa est inter homines venturi Messia diuersatio: mors
 quoq; eius & ignominia ab Esaia propè depicta, & Zacharia illa
 crux: & Iacob prophetia: conuocatio quoq; gentium, & sponsi
 sponsæq; connubium, quod in Psalmo quadragesimo quarto ita
 decantatum est, vt perspicuè appareat, duos esse, quibus ho-
 mines ibidem, & nomen Domini Dei attribuitur. Multa prætereo
 breuitatis causa, & quod tibi notiora esse arbitror, quàm mi-
 hi. Nomen quippe Dei omnipotentis, Tetragrammaton ad
 mira-

miracula patranda etiam valere, his qui illud nouerint, veteres existimauere: totamque eam scientiam appellauerunt Cabbala. Cuius vis quaecunque sit, (non enim scio, neque didici) maxima sit quidem per me licet: non enim volo à me cuiquam esse detractum. Quod tamen sentio id proferam. Primum, non egere nos huiuscemodi arte ad salutem nobis comparandam. Deinde, eos à me permultos, qui ex hac scientia non religionē, neque pietatem: sed aut vanas aut etiam impias superstitiones susceperint. Quod etsi accidere poterit, hominum, non artis vitio: tamen timiditas mea eiusmodi semper fuit, ut nunquam passus sim eius rei nomen, nedum cognitionem & studium, ad aures meas propius accedere. Quid ergo estimum nam reprehendo ego eos, qui ista consecrantur. Minime: omnem enim cognitionem & scientiam dignam homine libero iudico: nec si quid fortasse ex aliqua aliquando periculi impenderet, non tuam grauitatem & sapientiam superiorem omni periculo statuo: sed meam imbecillitatem vereor. Itaque aut non valenti mihi, aut non volenti, illa esse aliena & remota studia non admodum fero moleste. Quam etiam imbecillitate adductus, cum suasi tibi, ut Paulum assidue haberet in manibus: non id eò feci, quod putarem illum minus tibi familiarem esse: sed quod arbitrabar, quod plus in eo operæ studique poneret, in Hebræis autem literis minus, quantum temporis scilicet ex illis detraheret, ad Paulumque transferes, hoc melius & præstantius studiis tuis consultum fore. Quia in re, & in consilio coeiusmodi dando, si erratum à me est, peto à te, mihi ut ignoscas: pono quidem animo id feci, quamquam fortasse imprudenter: Sed æquum est nos inter nos & non agnoscere sæpe culpas, & beneuolentiam semper adhibere. Etsi hoc quidem posterius tu vnū facis, ego cum amore culpam aliquam interdum in meis factis adiungo. Nunc venio ad quaestiones, de quibus sententiam meam sciscitaris, quarum duæ locorum sunt, alteræ rerum. Quaris quod fuerit Tertium cælum illud, ad quod sublati sunt Paulus. In quo respondeo tibi: tertium ibi cælum à Paulo pro summo & ultimo poni, in quo non sydera, neque astra, sed diuina mens inhabitat: nam & Tertium illud superlacionis vim habet: & mox subiungit ipse, audiuisse se ibidem arcana verba, non contemplatum spectacula fuisse. Quamquam autem ista cæli mentio, non tam loci, quam rei significationem habeat: (non enim in loco habitat Deus, sed ipsa Dei virtus & potentia semetipsa contingitur: cuius arcana qui audiunt, à Deo edocti, ad domicilium Dei exolluntur) tamen etiam si ordinis & loci reddenda est ratio, congruè cælum istud tertium esse dicitur: quando primum ducto hinc initio, est acris & ignis circumiens, una cum cælo mundi inferior globus: qui non lo-

lūm vulgò, sed ab omnibus poëtis Cœli vocabulo nuncupatur
 est: vsque eò, vt ne alienam quidem à natura ignei elementi supe-
 riorum orbium naturam esse veteres existimarint. Quod idem
 & in Genesis principio videtur comprobatum: qua firmamen-
 tum quod nominat cœlum, inter aquas duplices constituit De-
 us: tamen si de hoc quidem non tam mihi liquet. Alterum porro
 cœlum astra signaque continet. Tertium est Deo, & cœlestib. il-
 lis mentibus attributum. Sed vt dicebam, non tam locum, quam
 rem notare voluit Paulus. Summum n. profectò cœlum illud est,
 ex quo hausta illi fuit diuina sapientia. Quod item de sinu Abra-
 hæ, in quo recumbebat Lazarus, intelligendum est: nusquam e-
 nim ibi locus, sed res tantum est descripta: cum is qui iacebat in
 miseriis, Lazarum vidit in beatitudine recumbentem. Aut si in
 eo locus quærendus est, sinus Abraham regnum cœlorum est. Sic-
 ut ipse Dominus alio loco, Venient multi, inquit, ex ortu, & oc-
 casu, & recumbent cum Abraham, Isaac, & Jacob in regno cœ-
 lorum. Filii autem regni eiciuntur foras. Felicitas igitur eo lo-
 ci, & miseria in euangelio est exposita: ea quæ morientes dispa-
 ri sanè exitu exceptura est, locorum autem propriè non est. spe-
 ctata ratio. Inter felicitatem porro, & infelicitatem maximum
 utique interpositum chaos est: quod etiam est impermeabile,
 iudicio Dei præmiis, & pœnisque constitutis. Hactenus de
 locis. Nunc de rebus est dicendum. Ac primò, Auaritiam, es-
 se idolorum seruitutem, non vno loco dixit Paulus: ea ratione,
 quod qui pecuniæ student, totius vitæ suæ spem & fiduciam con-
 stituunt in pecunia. Quod in alijs cupiditatibus non fit: nam cæ-
 teræ cupiditates singulares sunt, avaritia vna reliquas omnes
 complexa est. Quæritur enim ad eam rem pecunia, vt cupi-
 ditatibus omnibus suppedietur. Porro ponere vitæ totius spem
 alibi quàm in Deo, alium sibi esse Deum adsciscere, & adopta-
 re: quod in avaritia præcipuè quoque euenit, quando cupidi-
 tates aliæ subitis, ferè motibus incitantur: avaritia habet certum
 & constitutum consilium. Ita & vitulum, quem dimisso Deo Iu-
 dæi adorauerunt, non sine mystico sensu, avaritiam esse cul-
 tum Idolorum, legimus fuisse aureum. Alter locus est apud Lu-
 cam, quo Dominus rediens à nuptiis, seruis fidelibus, qui vi-
 gilauerint, mensam appositurus est, eisque ipse met ministraturus.
 Torquet enim te verbum illud Transiens: quòd non à trans-
 eunte, sed à permanente velles sanctis Dei & electis conuiuium
 exhiberi. Sed error est in verbo, non enim Transiens, sed Obi-
 ens, debuit transferri: id enim Græcè est *παράκλησις*. Obire au-
 tem præter oculos discumbentium multa necesse est, cum qui
 pluribus velit ministrare: estque verbum illud non abitus, sed
 sedu itatis. His sic expostis, dicendum tibi à me ingenue est:
 in qua

in quo vereor, ne tu aliena sententia sis, qui humanam putes sapientiam, bonarum artium & literarum cognitionem esse, eam videlicet quæ est inimica Deo. Non enim ita est. Humana est illa sapientia, quam refutat & aspernatur Deus, aduersusque eam in honorem Stultitiam adducit, quæ illa sapit & meditatur, quæ ad fructus rerum mundanarum comparandos apta, appositæque sunt: quam nos Prudentiam vulgo appellamus: Solertiam quædam accurate & cautè internoscentem molestias, & voluptates: eaque adhibentem, quæ opes, honores, diuitias, potestatesque sint allatura: contraria verò reiicientem, atque euitantem. Hæc enim ad diuersum longè finem à Deo, tota directæ est: & qui in hisce stultus est, hoc est, cui ista præ celestibus cordi non sunt, ille Deo præcipue gratus & probatus est. Artium verò liberaliū, & philosophiæ cognitio, in eximia parte veræ sapientiæ statuenda est: si sit ea ad Deum ascendere volenti tanquam gradus, non autem ad mundi fastum, præmiaque conuersa. Neque ego arbitror, quod audacter confirmare possum, quenquam in sacris literis, aut vlla denique in arte scientiæ satis vnquam instructum & eruditum fore, cui ignorata philosophia fuerit. Ad quam ego te adhortari pro coniunctissima nostra necessitudine non desino: ut quæ te in adolescentia tua aluit & produxit, eadem provec-tiore quoque ætate ornet & conietetur: tuque artis præstantissimæ & optimæ, cuius adminiculo & viribus theologia est innixa, vberiores inde fructus feras. Vale & nos dilige. Carpentora-ti, III. Nonas Aprilis, M. D. XXXIII.

VI.

IAC. SADOLETVS EPISC. CARP.

Federico Fregosio Archiepiscopo Salerni, S. P. D.

IN extremis literis tuis, quas abs te Nonis Iulij datas, ego tertio Idus Nouem. accepi, ratio à te reddita est, quare epistola tua sit longior, teque velut excusando exponis, non potuisse propter rerum copiam, & huius in scribendo muneris inexperienceiam, (sic enim loqueris) breuius & contractius scribere. Quod ego quam in partem proferas, constituere adhuc non possum. Et enim si mea id causa dicis, quod vereare, ne quid tuarum longitudo literarum offensionis mihi aut molestiæ afferat: arbitror fieri te nonnullam & mihi, & mutuæ nostræ coniunctioni iniuriam, si putas me offendi posse tuis literis: aut si suspicari de me in animum inducis, quicquam mihi accidere abs te posse, quod non sit mihi omni cum lætitia ac suauitate, & expectantem, & gratam. Imò verò tu, si quando breuiter scripturus sis, ad id tibi potius excusationem comparato: quasi inuideas mihi

lūm vulgò, sed ab omnibus poëtis Cœli vocabulo nuncupatus est: vsque eò, vt ne alienam quidem à natura ignei elementi superiorum orbium naturam esse veteres existimant. Quod idem & in Genesis principio videtur comprobatum: qua firmamentum quod nominat cœlum, inter aquas duplices constituit Deus: tametsi de hoc quidem non tam mihi liquet. Alterum porro cœlum astra signaque continet. Tertium est Deo, & cœlestib. illis mentibus attributum. Sed vt dicebam, non tam locum, quam rem notare voluit Paulus. Summum n. profectò cœlum illud est, ex quo hausta illi fuit diuina sapientia. Quod item de sinu Abrahamæ, in quo recumbebat Lazarus, intelligendum est: nusquam enim ibi locus, sed res tantum est descripta: cum is qui iacebat in miseris, Lazarus vidit in beatitudine recubentem. Aut si in eo locus quærendus est, sinus Abrahamæ regnum cœlorum est. Sicut ipse Dominus alio loco, Venient multi, inquit, ex ortu, & occasu, & recumbent cum Abraham, Isaac, & Iacob in regno cœlorum. Filii autem regni eiciuntur foras. Felicitas igitur eo loci, & miseria in euangelio est exposita: ea quæ morientes dispari sanè exitu exceptura est, locorum autem propriè non est spectata ratio. Inter felicitatem porro & infelicitatem maximum utrique interpositum chaos est: quod etiam est impermeabile, iudicio Dei præmiis iam, poenisque constitutis. Hactenus de locis. Nunc de rebus est dicendum. Ac primò, Auaritiam esse idolorum seruitutem, non vno loco dixit Paulus: ea ratione, quod qui pecuniæ student, totius vitæ suæ spem & fiduciam constituunt in pecunia. Quod in alijs cupiditatibus non fit: nam cæteræ cupiditates singulares sunt, avaritia vna reliquas omnes complexa est. Queritur enim ad eam rem pecunia, vt cupiditatibus omnibus suppediretur. Porro ponere vitæ totius spem alibi quàm in Deo, alium sibi esse Deum addiscere, & adoptare: quod in avaritia præcipuè quoque euenit, quando cupiditates aliæ subitis ferè motibus incitantur: avaritia habet certum & constitutum consilium. Ita & vitulum, quem dimisso Deo Iudæi adorauerunt, non sine mystico sensu, avaritiam esse cultum Idolorum, legimus fuisse aureum. Alter locus est apud Lucam, quo Dominus rediens à nuptiis, seruis fidelibus, qui vigilauerint, mensam appositurus est, eisque ipsemet ministraturus. Torquet enim te verbum illud Transiens: quòd non à transiente, sed à permanente velles sanctis Dei & electis conuiuium exhiberi. Sed error est in verbo, non enim Transiens, sed Obiens, debuit transferri: id enim Græcè est *παράδιω*. Obire autem præter oculos discumbentium multa necesse est, cum qui pluribus velit ministrare; estque verbum illud non abitus, sed sedu itatis. His sic expositis, dicendum tibi à me ingenuè esse: in quo

in quo vereor, ne tu aliena sententia sis, qui humanam putes sapientiam, bonarum artium & literarum cognitionem esse, eam videlicet quæ est inimica Deo. Non enim ita est. Humana est illa sapientia, quam refutat & aspernatur Deus, aduersusque eam in honorem Stultitiam adducit, quæ illa sapit & meditatür, quæ ad fructus rerum mundanarum comparandos apta, appositæque sunt: quam nos Prudentiam vulgo appellamus: Solertiam quædam accuratè & cautè internoscentem molestias, & voluptates: eaque adhibentem, quæ opes, honores, diuitias, potestatesque sint allatura: contraria verò reiicientem, atque euitantem. Hæc enim ad diuersum longè finem à Deo, tota directæ est: & qui in hisce stultus est, hoc est, cui ista præcælestibus cordi non sunt, ille Deo præcipuè gratus & probatus est. Artium verò liberaliū, & philosophiæ cognitio, in eximia parte veræ sapientiæ statuerenda est: si sit ea ad Deum ascendere volenti tanquam gradus, non autem ad mundi fastum, præmiaque conuersa. Neque ego arbitror, quod audacter confirmare possum, quenquam in sacris literis, aut vlla denique in arte scientiæ satis vnquam instructum & eruditum fore, cui ignorata philosophia fuerit. Ad quam ego te adhortari pro coniunctissima nostra necessitudine non delinno: ut quæ te in adolescentia tua aluit & produxit, eadem prouectiore quoque ætate ornet & comitetur: tuque artis præstantissimæ & optimæ, cuius adminiculo & viribus theologia est innixa, vberiores inde fructus feras. Vale & nos dilige. Carpentora, cti, III. Nonas Aprilis, M.D. XXXIII.

VI.

IAC. SADOLETVS EPISC. CARP.

Federico Fregosio Archiepiscopo Salerni, S. P. D.

IN extremis literis tuis, quas abs te Nonis Iulij datas, ego tertio Idus Nouem. accepi, ratio à te reddita est, quare epistola tua sit longior, teq; velut excusando exponis, non potuisse propter rerum copiam, & huius in scribendo muneris inexperientiam, (sic enim loqueris) breuius & contractius scribere. Quod ego quam in partem proferas, constituere adhuc non possum. Ecce enim si mea id causa dicis, quod vereare, ne quid tuarum longitudo literarum offensionis mihi aut molestiæ afferat: arbitror fieri à te nonnullam & mihi, & mutua nostræ coniunctioni injuriam, si putas me offendi posse tuis literis: aut si suspicari de me in animum inducis, quicquam mihi accidere abs te posse, quod non sit mihi omni cum læritia ac suauitate, & expectatum, & gratum. Imò verò tu, si quando breuiter scripturus sis, ad id tibi potius excusationem comparato: quasi inuides mihi

mihi eximiam partem meae voluptatis, cui iucundissima sunt scripta tua, eadem quae longissima. Etenim cum te ipso carere mihi necesse sit, tuamque optatissimam, & mihi certe spectatissimam virtutem, prudentiam, humanitatemque quotidie requirere in mentem veniat: quid magis solatio potest esse, & leuamēto, quam in tuis literis, in tuis sermonibus scriptis, quando viva voce frui non licet, in tui memoria & cogitatione acquiescere? Quae tunc me maximum in modum delectat, cum aliquid de te, vel abs te, recens ad me allatum aut audio, aut lego. Sin autem illud ipsum, scribere diffusè, & abundanter, tibi ipsi fortasse graue, odiosumque est, plusque in eo, quod multum scribis, laboris, quam quod ad me scribis, inest voluptatis: equidem tuo imprimis commodo esse consultum volo. Sed tamen scito tua ista sententia (si modo ea tua est) nil mihi accidere posse incommodius. Sed neque ut hoc tu ita sentias, persuaderi mihi potest: & ego initium tuarum literarum saepenumero degustans, in quo suavisimè atque amicissimè, tanquam deplorans disunctionem nostram, & quotidianos mecum congressus exoptans, scribis, postquam id nobis ereptum est, ut iam nequeamus esse vna, daturum te operam, ut sacris de rebus ac quaestionibus literae inter nos, & percontationes non conquiescant: cum faciliè adducor ut credam, te quoque ad me libenter scribere: tum id cerè tibi de me polliceor, & in scribendo ad te, & in tuas legendo, nullam à me percipi voluptatem, quae quidem mihi maior esse videatur. Sed de his satis. Neque enim dubitò, quin tu in amicitia nostra parè mihi & fide, & voluntate respondeas. Quod molestiam meam (sic enim appellas) tibi probatam esse dicis: gaudeo maiorem in modum, si quid fortasse imprudenter scriptum à me fuit, id à te in bonam partem accipi: plusque in hoc multò aequitati & humanitati tuae, quam meae modestiae & moderationi tribuendum est. Ego enim omnino scripsi inconsideratius: visusque sum pra me ferre, a quo cerè abesse longè cupio) iactantiam quandam verborum, & animi leuitatem. Neutrum horum quidem ex ingenio meo: sed tamen nescio quo pacto mihi illud excidit, cuius me quotidie magis premiteret (atque magis indies ac magis difficultati atque suscepti oneris ac muneris retardor) nisi in eum hominem incidissem, qui cum summo & singulari iudicio, summamque aequitatem & clementiam naturae habet coniunctam. Qui a propter si me amas, quantum profectò amas, aut illa de literis meis verba tollitor: aut ipsas potius concepto literas: ne apud alios non tam aequos homines, neque tam amantes mei un mihi dedecori erratum sit. De fide & Operibus, nec tuam, satis perspicere quini sententiam, nec meam tibi paucis perscribere: audeo, nisi etiam tu, cum has literas dabam, in eo ipso loco

& parte

& parte operis mei, in qua de Operib. legis agitur, recognoscenda, occupatus. Itaque in id tempus hæc tantæ quæstionis disceptatio reicietur, cum absoluto libro, aut illum integrum, aut saltem particulam istam excerptam ex eo ad te mittam. Responsiones meas tibi probari letor: etsi id te magis confirmandi mei causa, quam quod tua illæ approbatione dignæ sint, ita sentire puto. Certè quod providebam & expectabam, potuisses tu me in maximas difficultates conicere: si quæ finem Abraha: regnum intelligi cœlorum dixi, illud apposuisses, quærendo & percunctando, num ante aduentum & mysterium Christi quisquam omnino homo in cœlorum regnum introire potuisset. Scis enim his de rebus, quæ sit, & quanta contentio. Tertium autem cœlum sedem esse summi & præpotentis Dei, coniectura etiam magis, quam cognitione certa suscipimus. Nam quod ad omnia tu paratæ velis scripturæ esse sententias & autoritates, sit id copia & intelligentiæ tuæ: nos enim in toto isto genere ieiuniores sumus. Quod Hebraicæ linguæ tantum tribuendum putas, ego etsi in alia solitus sum esse sententia, non quod linguam illam vniquam improbarim, sed quod Græcis semper magis fui deditus: tamen cum tantum tuum iudicium sit, facili tibi assentior, rem ita se habere, ut tu dicis: hoc etiam magis, quod tu utriusque linguæ egregiè peritus & prudens, summam diiudicandi facultatem habere potes, mea quidem pigritia huiusmodi est, ut eo quod habeam, quamvis pusillo & tenui, cogar esse contentus: neque ad maiora illa aggredienda, aut animus mihi, aut vires suppetant. Quamobrem tu & tuam vicem, & meam, si in his elaboraueris, quæ tantopere nostræ religioni conducere existimas, mihi nil deperibit. Nam & utilitate eadem tecum perstruar, & tuam gloriam (si modò est spectanda in hisce rebus illa gloria) mihi quoque tecum statuam esse communem. In tali enim amicitia & coniunctione, cuiusmodi nostra est, nihil utriusque nostrum ab altero seiunctum potest esse. Deo Cherubin neque ego inficiatus sum duo testamenta rectè posse *ἀναγγεῖλαι*, & tamen ratio illa veritatis, quam in ambobus eundem gradum tenere vis, aliquantum mihi diuersa videtur. Nam & umbra verè sunt umbrae, & corpus verè corpus: interest tamen non parum inter umbrarum & corporis veritatem: utrunque enim æqualiter verum est, sed non æquale verum. Sic & cœlum scabellum pedum Dei, etsi de eo æque verè cœlum esse id dicimus, atque Deum esse: longo tamen differt veritatis intervallo à scabello suorum pedum Deus. Verùm hæc subtilioribus istis disceptatoribus relinquenda sunt. De arcana illa Hebræorum diuinaque scientia, quoniam nihil cognitum habeo, ne habeo quidem quicquam quod dicam: meam omnem sententiam ad tuum de illa iudicium ac-

conmu-

commodo. Quod mihi de ea submouerat aliquam suspicionem, & tibi ingenue prolocutus sum: & tu scelus ac culpam nonnullorum in eo genere conuictis insectatus es. Mihi, his dimissis, illud potissimum curæ est, vt in Euangelis & Paulo abstrusos & reconditos indagem sensus. Vtor autem interpretibus nullis accuratius, quam his autoribus ipsis, qui illa scripta diuinitus ediderunt, vt è fontibus magis, quam ex riuis hauriam. Itaque locum illum de duob. gladiis in Luca meo quoque sensu interpretatus rectè, an secus, vt tu queas diiudicare, misi ad te exemplum meæ lucubrationis, quam leges cùm tibi erit otii. Quin & illud, quod penè fueram oblitus, scito datum mihi negotium à Pontifice Maximo, quem nos visum & salutatam Massiliam accessimus, vt totum illum sermonem interpreter, qui est à Christo habitus cum Nicodemo, cap. III. Ioannis, si ritè recordòri in quo de Spiritu spirante vbi velit, & quanquam vox eius audiatur, ignorato tamen vnde veniat, aut quo vadat, obscura admodum & perdifficilis est narratio, tantis doctissimorum diffensionibus vt mihi videatur fieri posse implicatius. Item & alter locus in extremo Euangelio mihi exponendus est, quo Christus Magdalenam ipsum agnoscentem prohibet ab amplexu. Noli me tangere, inquit: nondum enim ad patrem ascendi meum. In his duobus locis explanandis si quid tu mihi afferes subsidij, atque opis, ac laborantem tuo præstante ingenio subleuabis: erit causa, cur hunc laborem mihi fuisse optandum putem. Quod obsecro te quidem vt facias, reque inspecta accuratè & diligenter participem citò me facias & sensus & iudicij omnis tui. Quid aliud tibi scribam? quid? illud nimirum, mihi esse molestissimum, quò vsq; eo tardè commeent inter nos literæ, quippe cùm recentes hæ tuæ quatuor menses ipsos in via moratæ sint: quòd si idem euenturum est in meas, quæ spes est, nos posse hæ iucundissima, & mihi multum exoptata consuetudine scribendi inter nos, curasque communicandi, perfrui? Quare si Lugdunum scripseris ad tuos vt studeant esse diligentiores, & illos credo expergefeceris, & mihi feceris gratissimum. Vale, Carpent. Idibus Nouemb. M.D.XXXIII.

VII.

IAC. SADOLET. EPISC. CARP. FEDE-
rico Fregoso, Archiepiscopo Salerni, S.P.D.

ACCEPI literas tuas, quas Bachij puer ad me attulit, à quo cùm percunctatus essem de te ea quæ volebam, atque is mihi omnia lata respondisset, alacriore animo conuersus sum ad lectionem literarum; in quibus recognoui animum tuum pristinum

num erga me; & plenam beneuolentiæ, atq; humanitatis voluntatem: qua nihil mihi accidere solet optatius. Hortensium meum valde tibi placuisse sanè gaudeo, cum enim iudicium tuum faciam tanti, quanti certè facio, tum verò homini amicissimo, omniumque grauissimo, probari labores meos maximum certè mihi fructum voluptatis & lætitiæ affert. Siquidem ea quæ agimus, ab optimo quoque maximè probari cupimus. Et sanè in hoc genere literarum nunc studiosius versor: philosophiæque magis inhæreo quàm antea. Recordor enim prudentissimum consilium tuum, quod quibusdam ad Paulum literis mihi das: Videndum nobis esse, qui sacras literas tractamus, quemadmodum eas in publicum proferamus: quòd tantum sit hominum fastidium in hoc tēpore, vt difficillimè reperiatur quod placere possit. Illarum verò tractatio etsi non hoc consilio a me erat suscepta, hominibus vt placerem, sed quoddam mihi officium iustum ac debitum suscipi videbatur: vt quoniam videbar mihi nonnullas Pauli sententias planius & diligentius declarasse, industria & vigiliarum mearum fructum communicarem cum aliis. Tamen cum videam rem secus euenire, quàm putarem: neque religionis, & pietatis studium, quod ego maximè spectaram, sed lites, & dissidia potius feri: abstinendum hoc quidem tempore opinor ab hac ratione scribendi, & ad philosophiam omnem operam conferendam. Quod sanè ego facio: iamque habeo mihi duo argumenta proposita, ad quæ, astas cum deluxerit, magno animo sum aggressurus. In quibus etiam religionis semina & inuitamenta quædam ita aspersam, vt appareat nos Christianos esse, cæterisque consilium in optima ratione agendæ vitæ cupere. Effugiemus enim hoc modo calumnias obrectantium, quorum argumenta atq; scripta si veram pietatem redolerent, animosque hominum ad amorem Dei accenderent: aut si denique ipsimet ea, quæ tanto strepitu spiritusq; prouoluunt, mente atq; intelligentia ita conciperent; vt scirent planè quid loquerentur: essent eorum reprehensiones & monita cum summo honore à nobis accipienda. Sed quo animo ipsi contendant, nouit Deus: quàm verò scienter agant ac petite, nos quoque possumus aliqua ex parte iudicare. Verùm his omisis, de Hortensio tibi respondeo, nullam mihi esse causam editionis festinandæ: cum & multorum sententias ex Italia expectem, imprimisque Bembi nostri, & ipse etiam accuratius librum sim retractaturus. Magnam enim rem, vt illa est, maiore fortasse animo à nobis susceptam, quàm consilio, volumus etiam atque etiam considerare. Quod quando facturi sumus, nondum habemus exploratum: & tamen cum nobis constitutum id fuerit, certiores faciemus. De consilio

verò scribitur ad me ex vrbe, rem decretam esse: ad annumque nos Mantuam conuenturos: quò veniam equidem, neque pro mea parte huic officio deero: etsi maximo meo cum incommodo hinc sum me commoturus. Veruntamen impius, atque ingratulus erga omnipotentem Deum essem, cui in corde meo purè servire cupio, nisi meas eius officii partes susceperem. Utinam modo agatur aliquid spiritu sancto dignum: nos quidem operam pro nostra exiguitate eam præstabimus, quam nobis præscripserit, & inspirauerit Deus. Quòd verò ibidem te visurum me confido, magnum erit id solatium meorum incommodorum. Itaque iam nunc tecum ago, vt tu, qui propius abes ab illis locis, futurusque es ad omnia expeditior, si tibi videatur, des operam, quòd vicinitate coniuncti esse possimus: maximeque vt librorum ad rem pertinentium copiam habeamus: quòd communi ambo & studio, & voluntate, quantum in nobis erit, consulamus Christianæ reip. Ac de his quoque latis. Paulus te & veneratur & obseruat, idque optimo iure facit. Is mihi adiutor in hac regenda ecclesia & successor datus est à Clemente VII. Pont. Max. eiusque rei diploma habemus. Massilia confectum, nobisque perliberaliter, & sine pretio vllò traditum, quod te scire volui. Auere enim videbare in tuis literis id cognoscere. Vale. VI. Calend. Iunii. M.D.XXXVI.

VIII.

FREDERICVS FREGOSIVS ARCHIE-
pisc. Salerni, Iacobo Sadoletto Episc. Car-
pentor. S.P.D.

QUAM vellem mutua tibi amicitia nostræ officia ex meis studiis præstare posse: & te quàm simillimo munere remunerari. Sed quando pares tibi referre gratias minimè possumus, eò maiores habebimus. Quapropter hunc ad te ex nostris contubernaliibus nuntium destinaui, vt esset cui tuò, ac sine viriusque nostrum sollicitudine liber tuus committeretur, & ad nos quam celeritè præferretur. Mira enim auiditate teneor tuorum scriptorum, dum ea non lego, & dum lego voluptate. Gratum tamen mihi admodum fecisses, si superioribus tuis literis libri argumentum significasses. Sed hoc te puto facere voluisse, vt vna tantum, sed ea maiore letitia persunderemur. Tuae autem prudentiæ erit sic librum involuere, & operimentis munire, vt à plumarum iniuria integer atque incolumis nobis reddi possit. Eum cum perlegero, sententiam de eo meam, atque iudicium diligenter perscribam: vt ex me cognoscere possis, quàm in tua scri-

pra atque in te ipsum iniquus sis iudex. Nemo enim est (mihi crede) à quo ea probari malle debeas , quàm à te ipso : nec grauius iudicium ad ea examinanda afferti potest , quàm quo in scribendo fuerint meditata. Scripseram ego quoque his diebus meditationes quasdam in duos Psalmos quàm breuissimos , in CXXX. & CXLV. feruenti sanè animi affectu , sed frigido atque inerti stylo : meo scilicet : quas ad te olim misissem , nisi & eadem librarium penuria ac tu , hîc laboraremus. Et (vt verum fatear) acrimoniam ingenii atque iudicii tui subueritus essem , ne tu ab aliis exigeres , quod præstare solus potes. Illudque veniebat in mentem , huic quid mihi cum tam severo iudice , qui cùm sua scripta cæteris probentur omnibus ac permagni æstimantur , solus ipse non probat ac reiecit. Sed si æquiores fore te in me iudicem , quàm in te ipsum sis , pollicitus fueris , fortasse mittam , & aliqua ratione eas describendas curabo : ea etiam conditione addita , vt nulli omnino eas legendas concedas , nisi planè intimus amicus tuus sit , ac propè domesticus : ne antequam adhortationibus tuis de atterendis Tullianis codicibus obtemperare cœpero , inertia ac tarditatis infamiam subeam. Misi eas tamen Ludouico Baiuensi episcopo , cuius iudicium non adèò reformido. In quibus eum vtinam affectum depræhendere posses , quo scriptæ fuerunt : minus enim essent ineptæ : attamen aliquantulum in sacris literis exercitationem agnosces. Sed de his nimis multa. Profectionem meam in Italiam ex primo vere in vltimam ætatem reieci. Quid etiam tunc facturus sim , mihi nondum planè compertum est , ita omnia mea consilia incerta atque implicata reddidere cæ calamitates , quæ ex Italia nuntiantur. Quicquid autem statuerò , quàm primum vt scias curabo. Illo enim suauis amicorum nostrorum conuictu atque consuetudine , ex qua summam voluptatem percipere solebam , vix tam diu carco , vitamque meam eo nomine acerbissimam puto. Hic verò nouos parare , qui loco illorum substitui possint , quos vel mors eripuit , vel fortuna disiunxit , mihi sanè est impossibile , his præsertim temporibus , his regionibus , his moribus. Fac vt valeas : & amicitiam nostram , vt literis mandas , ita etiam memoria conserues. Paulo verò nostro multam salutem. Diuione , pridie Non. Februarij.

IX.

IAC. SADOL. EPISC. CARPENT. IOAN.

Matthao Giberto, Episc. Verona S. P. D.

IAM diu est , cùm ego ad te nihil literarum dedi , quod accidit non obliuione tui mea , neque pigritia , aut negligentia nostræ :
sed

sed quod ipse meis occupationibus impeditus, dubitans de tuis, veritus sum ne mea sedulitas forsitan tibi molesta esset, si te a grauioribus & sanctioribus curis inanium lectione literarum auocasset. Et si inanes nunquam epistolæ esse solent, quæ ut aliud nihil afferant, testes tamen sunt amoris, & conseruatæ optimæ voluntatis. Verum hoc testimonium neque (ut ego arbitror) tu à me desideras: neque ego abs te requiro, satis enim nostræ vetus constansque amicitia testimonij vtrique nostrum præbet, esse nos inter nos quales esse debemus: amicissimo animo videlicet, & constantissima voluntate coniunctos. Ego ijs proximis mensibus audiui, impressos esse tua impensa, & opera, optimos auctores Græcos: quorum in sacris literis interpretandis egregia doctrina est & autoritas, quo nuntio valde sanè lætatus sum, animumque tuum pristinum recognoui propensum ad bene merendum de artibus optimis. Quarum tamen princeps ista est, quæ ad Deum, & ad veram felicitatem est directæ. Hoc si ita sit, quod ego confido esse, fretus tua animi præstantia & liberalitate, peto à te, ut me certiolem facias: ut, siue sit perfectum negotium, ipsis voluminibus & libris, siue in eo ut perficiatur, spe propinqui commodi oblectare possim. Nos hic commentarios in Epistolam ad Romanos scribimus: opusque difficile & arduum ita tractamus, ut in eo præcipuè laboremus, quo extare possis tibi, quod iam pridem sumus polliciti: obscuras ancipitesque sententias in ea epistola permultas nostra cura & diligentia dilucidiores fore. Magno in eam rem animo incumbimus: maiore etiam labore. Sed neque animus noster, neque labor, sine Dei ope quicquam potest. Ad eum igitur confugiendum est, omnisque verioris scientiæ illuminatio ab eo vno poscenda, ac flagitanda. De cætero, sat rectè nos valemus, tametsi ingrauescente iam ætate appropinquantis senectutis incommoda incipimus præsentiscere. Sed illa feremus forti animo. Tua mihi curæ est valetudo, quam cupio prosperam atque bonam tibi perpetuò esse. Et quanquam dixi paulò antè à neutro nostrum debere desiderari mutuum amoris & beneuolentiæ testimonium, quòd illud vtrique nostrum de altero exploratum est: tamen si quandoque ad me scripseris, de quæ tua erga me voluntate certiolem me feceris, nunquam non maximam capiam ex tuis literis voluptatem. Hoc si tibi erit difficile ipsi, poteris idem per duos. Omnis enim de te significatio, & de statu tuo atque incolumitate, de quæ recordatione nostræ necessitudinis, semper mihi gratissima, atque optatissima futura est. Vale, & nos dilige. Carpentoraeti, VI. Cal.

Nouemb. M. D. XXXI.

X.

IAC. SADOLETVS EPISC. CARPENT.

Ioan. Matthæo Giberto, Episc. Verona S.P.D.

LIBROS tuos accepi vna cū literis: quorum vtrum fuerit mihi gratius, constituere satis non possum. Nam & literæ tuæ beneuolentiam, qua me complecteris, mihi declararunt: & libri virtutem animi tui, illam ipsam pristinam, quam ego antea in te cognoui: per quam tu ad illustrandas, & in honorem prouehendas optimas artes semper fuisti propensus. Ac reliqua quidem duo volumina Damasceni & Enthymij mihi grata, illud verò in Pauli Epistolas Chrysostomi peroptatū etiam fuit. Quid enim mihi accidere potuit optatius, & rationibus meis magis accommodatum, quam cū in eadem me exerceam palaestra, in qua tantus vir tantopere insudauit, habere me cum & monitorem, & magistrum, cuius doctrinæ & autoritatis neminem possit pœnitere? Qui cū in omnibus operibus suis, quæ multa sunt, vel penè dicam innumerabilia, & fluens semper sit, & dulcis, & sine labore cultus, sine deliciarum suspicione nitidus: tum verò in hoc opere ad ea ornamenta orationis, quæ dixi, nescio quid plus grauitatis addidisse mihi visus est. Cui ego palmam in intelligendis, ac enucleandis scripturis sanctis, sine vlla dubitatione tribuo. Proximus huic mea sententia Augustinus: non ille quidem ingenij minor, nec ad scrutandum atque ad exponendum minus diligens. Sed Græcæ linguæ ignorat, qua imperfecta Augustinus utebatur, vim in eo maximi ingenij, tanquam virgultis & vepribus impeditam aliquoties detinuit. Habeo igitur tibi, atque ago, pro isto tuo munere, & animo erga me, maximas gratias. In quo enim me hortaris, vt in hæc præstudia incumbam, beneuolentiam tuam mihi ostendis, in qua verò opitulare, etiam liberalitatem. Ego verò magno animo operam do, vt quod opus inchoaueram, id ad exitum perducatur. Sed totis hic quatuor mensibus valetudine aduersa à scribendo fui retardatus, nunc valetudine recuperata, nō committam vt vllum mihi tempus vacuum à literis prætereat. Quòd te multa deterreant, quominus susceptam istam prouinciam optimorum autorum in lucem edendorum sustinere posse confidas: ego rem totam tuo iudicio examinandam relinquo. Illud tamen confirmo, nihil fieri posse præclarius, neque tuo nomini honorificentius. Meas epistolas tibi semper gratas accidere lætor: daboque operam posthac, vt & ad te scripius, & liberiore animo scribam. Vale, & nos dilige. Carpent. III.

Nonas Maij. M.D.XXXII.

XI.

IACOB. S ADOL. EPISC. CARPENT. IOAN.

Matthæo Giberto, Episc. Verona S. P. D.

REGINALDVS Polus ea virtute, nobilitate, & doctrina vir quæ tu optimè nosti, cùm reuerteretur in Italiam, pristinas (vt cōgō sentio) consuetudines doctōrum hominū, & tuum imprimis conspectum appetens, ad me diuertit: ostenditque mihi eas literas, quas tu ad illum sanè quam amicè, eleganterque scripseras. In quibus erat quæque mentio mei & honorifica, & multa, quæ cùm iudiciū tuū de me, tum multum magis studium beneuolentiæque declararet. Ego verò, & si subito penè aduentu illius, ac festinatione discedendi occupatus, nec temporis satis ad scribendum, nec animi habere poteram: tamen putauī esse nefas, illum ad te sine meis literis accedere. Itaque has continuò exaravi: non tam vt gratias tibi agerem, quòd me assiduè in memoria haberes, (etsi illæ quoque iure optimo tibi à me debentur) quàm vt indicarem tibi, summam me ex illis ipsis literis tuis cepisse voluptatem, quod me abs te intelligam amari. Quanquam hoc quidem minimè nouum mihi accidit, sed eius tum semper iucunda est commemoratio. In quo te arbitror existimare, me non posteriores in te amando ferre partes. Verū harum rerum affirmatio iam toties iterata inter nos, minus fortasse in hoc tempore necessaria est. Illud quod te magis auere scire puto, quibus ego nunc in studiis verser videlicet, quid mihi habeam propositum, ipse Reginaldus tibi exponere poterit, qui exiguum hoc tempus, quod mecum fuit, totum posuit in inquirendo, percontando, quæ mea studendi, aut scribendi ratio, qui animus, quod consilium esset. Cuius planè omnium mearum actionum cogitationumque rationem reddidi. Sed quod mihi in eo magnæ voluptati fuit, videor cognosse in illo, cùm summum ingenium, & excellentem in Græcis Latinisque scientiam: tum verò summam in moribus & congressu, elegantiam, atque humanitatem. Quem hoc etiam nomine pluris facio, quòd intellexi te ab eo incredibiliter amari: usque eò ille de te, & de tuis rebus omnibus & amanter, & honorificè semper loquitur. Eum igitur habebis tu scilicet, nosque in desiderio manebimus & ipsius, & tui, & aliorum multorum: quorum familiaritas, & amicitia, mihi & ornamēto erat, & solatio. Sed hoc feremus, vt poterimus. Illud tibi de nobis persuasum esse volumus, viuere apud nos perpetuò & memoriam & beneuolentiā tui, deque tua mutua erga nos voluntate nobis vicissim exploratum esse. Tu vt studia ea urgeas, quæ præclara & eximia maximo animo es aggressus, valetudini-
que

que seruias valde te & hortor, & rogo: nihil est quod maius, aut accommodatius ad beatam vitam facere possis. Vale. III. Nonas Septemb. M.D.XXXII.

XII.

IAC. S ADOL. EPISC. CARP. EGI-
dio Cardinali. S.P.D.

SI quantum ex tuis literis accepi voluptatis, tantum ipse meis literis exprimere posse considerem: nihil aliud agerem profecto hoc tempore, quam tibi miram quandam ex eis animi mei lætitiā, iucunditatēque perferiberem, per quam intelligeres, laboris tui fructum egregiè tibi constitisse, cum amicissimo tuo, eidemque tibi deditissimo, & vtilitatis tantum, & delectationis attulisses. Sed quoniam eo onere me oppressum iri planè video, si suscipere nitar, quod perferre non queam, ignosces mihi, si ne conabor quidem id aggredi, quod perficere posse desperem. Illud tantum scito, tuis mihi literis nihil accidere potuisse optatius: nec solū ex ea parte, qua ad ea quæ quæsiueram & doctissimè simul, & humanissimè respondes: sed etiam ex eo, quòd videre videor in illis omnem expressam imaginem amoris erga me tui: tanta in illis suauitas, tantum studium satisfaciendi mihi: tantus & verborum, quæ ad eam rem faciant, & optimarum electissimarumque sententiarum inest lepos. Itaque intelligo nunc quidem, atque experior, meum de tua præstanti eximiaque virtute, sapientia, bonitate, verissimum semper certissimumque fuisse iudicium. Nec quòd antea vnquam dubitarim, sed quia dies, res, euentus, quotidie id magis comprobant. Nam si à mediocri viro, & mediocri dignitate prædito, hæc amicitia officia præstarentur, laudandus ille vtrique quicumque esset, & in paucorum numero reponendus: rem enim vulgò haud ita multum vtitam in se ipso ostenderet. Ab homine verò amplissimo, & omnibus ingenii, eloquentiæ, honorisque ornamentis cumulatisimo, retineri hæc officia fidelis amicitia, & in absentem amicum nil beneuolentiæ humanitatisque prætermitti, hoc est mi Egidio vir maxime atque ornatissime, quod in te habet laudis admirationem, non cum aliorum laudibus comparandam. Quantum enim re ex æquis inferioribus amicis mansuetudine, beneuolentia, familiaritate, tantum altitudinem animi tui, virtutis gloriā exaggeras. Sed hæc hætenus, sunt enim maioribus theatris propolita. Quod ad ea attinet, de quibus te consulueram, satis omnino abs te mihi est factum, doleo tamen te tua in eo genere scripta desiderare: quorum venustatem & elegantiam vel ex hoc contingere possumus cuiusmodi fuerit, quòd illa barbaris idonea visa

sunt quæ dislicerentur. Illud & optarim scire, postquam adsciscunt Moyſis libros Maumethani, num & Prophetas suscipiant, multamque in veteri lege aspersam esse existiment futurarum rerum prædictionem: & an ipsi quoque Messiam aliquem expectent. Nam usum quidem vini cur interdixerunt, cum tantum vxoribus compluribus ducendis, pellicibusque habendis, libidini ab illis sit tributum? Si modo hæc vera sunt, de quibus cupio à te fieri certior. Ego, si mihi optata Deus concesserit, efficiam profectò, ut ne te pœniteat aliquantum hoc laboris mea causa cepisse. Sin autem (ut humana sunt) mea spes me fortè frustrata fuerit, tu tamen virtutis tuæ & officij fructum tecum auferes. Certè quod in obseruantia, omniq; amore, & meritorum tuorum memoria, præstari à me tibi, nomini, laudi, honoriq; tuo vsquam poterit, largè enimuero id & prolixè præstabitur. Vale. Carpentoraeti.

XIII.

I A C. S A D O L E T V S E P I S C. C A R P.

Ioan. Francisco Pico, Mirandula Comiti, S. P. D.

SVMMa voluptate affecerunt me literæ tuæ, recognoui enim Sin illis tuam pristinam virtutem coniunctam singulari erga me beneuolentia: quarum alteram semper in te colui, atque admiratus sum: altera cum me antea delectauit, tum verò præcipuè in hoc tempore delectat. quo ego absens liquidius possum de vniuscuiusque studio atque amore erga me, & de amicitia fide iudicare. Quam quòd in te egregiam esse conspicio, & cæterarum similem virtutum: tumque tu is vir sis, ut tuum de quoquo homine iudicium maximo illi ornamento sit quem diligas: meritò sit à me, ut ego omnium rerum charissimum habeam hoc testimonium tuæ erga me voluntatis. Quamobrem scito (iterandum est enim) nihil mihi potuisse accidere literis tuis optatius. Quòd autem scribis perhumanè atque amanter, te non parum mea tui memoria lætari: eosque reprehendis, qui tanquam expertes omnis humani sensus, his amicorum beneuolentia signis atque iudiciis non moueantur: facis iure tu quidem. Quid enim magis est hominis, quam amare velle, atq; amari? Aut qui omnino fructus communis vitæ est dulcior, quam conuietus & consuetudo cum præsentibus amicis, inter absentes muna recordatio: Sed ego memoriam tui, ne si velim quidem, dimittere vilo modo possum. Non enim leuiter fuit impressa: nec tu is es, in quo quid non insigne sit ad recordandum. Sed cum & velle obliuisci amici sit nefas: & tu inaudito quodam, & singulari genere virtutis communem laudem & vsitatam multum antecesseris:

non

non in memoria solum nostra, sed in ore & oculis, & in intimis sensibus assiduus hæres. Cuperem nunc hic commemorare, quæ res me impulerunt in admirationem tui, & quam grauibus de causis sum tibi deditus. Sed quoniam tu homo sanctus & seuerus hæc ipsa contemnis, moderabor ipse mihi, nec tibi oneri ero. Tantum dicam, hæc nostra ætate, his hominum moribus adhuc nusquam vidisse me in iis qui populis & cœtibus hominum cum imperio præsunt, vim cum iure, potestatem cum modestia, religionem cum armis, summam rerum atq; artium optimarum scientiam cum gubernandi labore atque cura, nisi in te vno esse coniunctam: ut qui te semel nouerit, idem si fiat postea tui immemor, facile etiam probare possit, esse se oblitum sui. Verum pauca hæc hætenus, quæ tamen vereor, ne tibi nimium multa esse videantur. De commentario meo incredibiliter gaudeo, & operam & studium meum tibi probari. Quapropter ego, etsi sponte mea satis in id studium animatus, tua tamen correctione, & monitis factus ardentior, enitar posthac, ut plura præstare possim. In quam cuestigio curam & cogitationem incumberem, ni haberem in manibus veteres quasdam lucubrationunculas meas, quas perficere constitui, ne omnis anteaactæ vitæ labor intereat. His quidem absolutis, quod breui fore confido, omnis mihi opera in sacris & rebus, & literis infunderetur, Deus modo propitius sit, conabor efficere aliquid, quod si non propter doctrinam, quæ in me perexigua est, neque propter vitæ & morum sanctitatem, à qua ego longissimè absum: at propter amorem & studium Christianæ religionis quo ego sum maiorem in modum incensus, afferre nonnihil luminis ad communem vitam & vtilitatis possit. Sed hæc Deus dixerit, is qui omnia vnus potest. Ego te mihi charissime, ac doctissime Pice, & amo coloquæ tantum scilicet, quantum cum mea fides, tum tua eximia virtus postulat, & me abs te amari vehementer gaudeo. Habeoque Gregorio Lilio nostro gratiam, qui occasionem hanc præbuerit, & tibi ut scriberes ad me, & mihi tibi rescribendi. Quem quod foues & sustentas in eius afflictis rebus, facis quidem quod te decet: neque ego habeo exemplum aliud quid deceat, quam te ipsum præstantius. Sed & mihi facis gratissimum, qui illum non mediocriter diligo. Erit igitur hoc quoque in numero tuorum optimè sanctissimæque factorum, Paulus meus, & idem tuus (te enim semper ferè habet in ore) mirificè literis bonis deditus est: quas etiam sequuntur mores boni. Itaque tantos progressus facit, ut mihi ipsi magistro iudicium eius in meis scriptis, non modo exquirendum, verum etiam extimescendum esse videatur. Eum ego confido (Deus ita conata adiuet) & meæ, & vestræ, qui illum ama-

tis, expectationi cumulatè satisfacturum esse, atque in eam partem maximè, quam tu pice rectè probas. Is tibi refert plurimam salutem. Vale, & nos dilige. Ex suburbano nostro Carpentoraeti, IX. Calend. August. M.D.XXX.

IACOBI SADOLETI EPISC. CARPENTORACTI EPISTOLARUM Lib. IV. Epist. I.

IAC. SADOL. EPISC. CARP. D. ERASMO
Roterod. S. P. D.



Nunc est, aut eo plus, cum binas abs te literas accipi eodem exemplo: quarum quæ posterius scriptæ erant, cum priores mihi redditæ fuissent, esset a te in illis tua de mea incolumitate, & opportuno ad meam ecclesiam receptu, gratulatio plena amicissimæ voluntatis: recordor me tum, ut noster amor ferebat, diligenter tibi rescripsisse. Post mihi allatæ sunt alteræ una cum Psalmo LXXXV. & tua eius interpretatione: cuius ego lectione fui mirificè delectatus, tuamque illam admirabilem ingenii vim, & copiam, in eo etiam recognoui. Sed quo minus tibi de eo tum aliquid scriberem, fecit occupatio, & par quidem meus labor: quem ego in interpretando Psalmo XCIII. paulo ante susceperam. Sed ne utquam par tuæ facultas neque æqua ingenii ac doctrinæ vis, per quam celeriter opus à me institutum absoluerem. Sum enim in hunc usque diem, ut vides, retardatus. Sed postquam tandem confecissem, nihil habui antiquius quam hoc quicquid esset quod elucubraueram, continuo ad te mittere: *χάλκιον ἀντιχρυσίου* videlicet. Sed tamen siue tibi id probaretur, ut singularem animi voluptatem ex hominis omnium doctissimi ac mihi benevolentis iudicio caperem, siue non probaretur, præceptis tuis atque doctrina in posterum melior fierem. Quorum utrum malim, & utrum mihi utilius sit, non queo satis constituere. Approbato forsitan iucundior sit, quæ sit ab amico fideli eruditoque profecta: emendatio certè utilior. Itaque te vehementer oro, atque rogo, ut si quid duxeris reprehendendum, aut quoniam erunt opinor multa, quæ tibi homini acutissimo minus placebunt, ne parcas agere mecum ingenuè ac liberè: fidemque amicitia, quam persanctè coli à te non dubito, in hac re mihi potissimum præstes: hocque sic statuas, tuum mihi iudicium in utramvis partem gratum atque expectatum fore. Ego de tuo Psalmo, ac de ceteris,
quæ

quæ in hoc genere plura, præclaraque edidisti, & quotidie edis, cum ingenium, & copiam, & facilitatem tuam mirari soleo: tum animi virtutem, atque constantiam: quod plurimis æmulis tuæ laudi obrectantibus, ab instituto labore minimè deterreris: studeſque quotidie magis, ut bonis & literis, & moribus per te conſulatur: in quo tua ſcientia & egregia voluntas maximis mihi videtur laudibus ad cœlum extollenda. Vnum eſt quod optarim, (quid enim me prohibet idem officium amici præſtare tibi, quod ego abs te requiro?) vnum eſt, inquam, quod velim, idque tibi vehementer ſuadeam, ut à contentionibus omnibus te auoces: & aliqua in ſcribendo prætermittas, quæ ut non ſint à verâ pietate abhorrentia, contra tamen inueteratas populi opinioniones, & quorundam hominum, ſiue etiam ordinum ſtudia tendunt: quibus ſe non opponere maioris arbitror fore grauitatis. Quid enim te cogit hominem in omni doctrina ſummum, cum longè imparibus quaſi altercando, & iurgiis concertare? cum præſertim ſacrarum ſcripturarum paratus campus ſit, latè in omnem partem patens: ubi te ad tuum arbitrium exercere, & omnes in eo ingenij tui diuitias explicare poſſis: quas admirentur homines, non de quibus litem tibi intendant. Equidem quicquid ſcribo, ſcribo animo optimo atque amiciffimo: & quod maiorem in modum cupio, tantam virtutem, quanta in te eſt, ab omni non dicam labe, ſed ſuſpitione labis etiam apud vulgus alienam eſſe. Verùm hæc tu melius. Nos, mi Erasmè, quantum poſſumus, vterque pro virili parte, ſeramus opem labenti fidei Chriſtiana, quæ ut vides ipſe, non ſolum vitiorum in hoc tempore dominatu, & multitudine facinoroſorum hominum, quibus omnia redundant, ſed externis domeſticisque hoſtibus, omnibuſque & bellorum & impietatis machinis oppugnatur: eſtque ad cadendum procliuſ, niſi eam, qui vnus omnia poteſt, fuſſerit & ſuſtinuerit Deus. Cui quidem Deo ac Domino ſi gratiam eam, quam debemus, conabimur referre, & beatam ipſi inueniemus vitam, & cæteris noſter non inutilis erit, neque inſtructuoſus labor. Quanquam tu quidem hortatione non indiges. Nos ut locum noſtrum ne deſeramus, debemus magis providere. Sed de his ſatis. Tu valebis, noſque diliges, tibiſque perſuadebis, eſſe nobis maximæ curæ & quietem, & dignitatem tuam. Vale etiam atque etiam mi Erasmè. Amerbachio noſtro plurimam ſalutem, à quo crebriores literas deſidero. Carpentoraſti, pridie Idus Feb. M. D. XXX.

II.

IAC. SADOLETVS EPISC. CARPENT.

Erasmio Roterdamo S. P. D.

TVum de meo Psalmo iudicium, tanquam profectum ab homine omnium doctissimo, & viro maximo, magna quidem animum meum voluptate affecit. Sed cum tui nominis auctoritas mi Erasme eiusmodi sit, ut brevis tua commendatio pro insigni laude ceterorum omnium valere debeat, facile perspexi, quod plus tu in laudes dixisti meas, quam quod mei ingenij tenuitas sustinere posset: tum id abs te amoris in me tuo fuisse datum, & tuæ præstanti eximieque humanitati, in qua tu mihi videris iam velle, sicut in optimarum artium tractatione & scientia, omnibus nobis antecellere. Etenim si meus frater germanus esses, quæ potuisti magis, aut ostendere lætitiæ animi tui, quam ex mei ingenij partu, qualicunque illo quidem percepisti: aut tuam erga me benevolentiam declarare: in quo ipso utique apparet & extat quædam rara omnibus seculis naturæ tuæ probitas, & singularis integritas, nullo infusata obrectandi studio. Quod tamen est veræ atque perfectæ virtutis proprium: cuius qui compotes sunt, cum ipsi sibi confidant, alienas etiam solent virtutes exosculari. Sed ego me indignum tuo isto de me testimonio arbitraturus sum, si tibi concessero, ut tu in me amando priores partes feras. Non enim aut ita tardo ingenio sum natus, ut non cognoscam, quid requirant præstantissimæ virtutes tuæ: aut ita ingrato, ut tuæ optimæ erga me voluntati non parem gratiam reddam. Sed quoniam hæc factis melius præstanda sunt, quam verbis: sed hætenus de eis dictum. Psalmum tuum mihi redditum, cum in prandio essem, & aliquot graues viri mecum vnâ essent, auidè perlegi, cursum videlicet, nec potui illum retinere quin mihi extorqueretur è manibus: tanta est cunctorum legendi tua cupiditas. Itaque expecto, dum eum de integro legam. Quantum tamen ex illo primo aspectu percipere potui, duæ me res in eo eximie delectauerunt. Vna, quod vbique ferè, & omnibus in locis, stimulis quibusdam pietatis, ac religionis ex verbis tuis animum meum pertentari sentiebam: ita dulcis, & pia, & omneis delinens sensus fluebat oratio. Altera, quod tu certè in hoc genere factus es constantior aduersus ineptorum hominum molestissimas garrulitates non tam refutandas, quam contemnendas. Quod ego te prioribus literis cum hortabar, ideo mi Erasme faciebam, quod tuæ me dignitatis studium & cura stimulabat. Quanquam enim (ut tu scribis) altius vitis dormientes inclamare asperius aliquando sit necesse: tamen id ita agere, ut non à stomacho neque ab iracundia illiusmodi reprehensio profecta esse videatur, si cuiquam, tibi profectò conuenit. Difficile omnino est, vel potius inusitatum, non commoueri, cum odiosè sunt, qui obstrepant: & quod ipsi aliquid sibi inanis gloriæ aucupentur, inutilibus disputationibus tanquam gladiis.

diatoriis libellis laceſſunt ampliffimos viros. Sed ad tuam cæterarum laudum omnium excellentiam hanc quoque accedere decorum tibi eſt, vt eos vel negligas, vel ſi obiurgandi ſunt, paterno quodam admoneas affectu, quando tu quidem in ſacris literis, ad antiquum decorem ſplendoremque reuocandis, & omnium noſtrum, & huius ſeculi es pater. Illud item cenſuerim, cum iam accepta vulgo quædam ſunt, quæ ſuapte natura ita redolent pietatem, vt ſolum in eis, quod nimium eſt, ſubaccuſare poſſe videatur (cuiusmodi eſt quorundam ſanctorum veneratio, & picturarum crebritas) non eſſe popularibus ſtudiis obſiſtendum. Non quia multò ſit rectius figere in Chriſto cogitationem ſummam: ſed neque iſta à fide noſtra aliena ſunt, & non queunt omnes ad ſublimiora illa facile aſcendere. Hæc ego temerè ſcribo fortasſe, & parum conſiderans quis ad quem. Sed ignoſce, mi Eraſme, audaciæ meæ. Summus quidam & incredibilis meus in te amor me cogit vt libertate in amicitia propè ad temeritatem: quanquam tu quidem pro tua ſumma benignitate in bonam partem accipis. Sed ego ne ſim ſaluus, ſi quicquam aliud ſpecto, niſi quietem, & dignitatem, & amplitudinem tuam: quam ſemper tutatus ſum, & quantum in me fuit etiam affectam præmiis, atque ornatam eſſe volui. Itaque recorder, me quondam Pontifici Maximo, ei qui nunc eſt ſuaſorem fuiſſe, vt tibi inſigne ſacerdotium quoddam in Germania traderet. Quod ille, quæ bonitate eſt & ſtudio erga homines doctos, erat facturus, niſi certi contradixiſſent: hæcque aduerſus te nixi calumniam, bonum animum Pontificis in aliam vertiſſent partem. *Stunicam* autem hominem doctum meditantem aduerſus te *αὐτοκρατορίας* quædam autoritate & precibus ab ea voluntate ſententiaq; deduxi: nec quoad ego manſi Romæ, quicquā ille in te ſcribere eſt auſus. Quid ergo eſt? ego quod in hoc recente Pſalmo duarum illarum rerum, quas notaui, alteram video penitus prætermiſſam, alteram leuiſſimè tactam, mirificè ſum tua moderatione animi & prudentia delectatus. Nam cætera tua in illo & admiranda, nec noua, orationis ſplendor, grauitas, copia, rerum quæ tractantur in eo, veritas ac dignitas, & quidem triplicata ſerie, vt perſpicuum ſit, orationis theſauros non exhauriri apud te, tanquam collectos, ſed ſemper ſcatere. Atque ego cum meum dicendi genus comparo cum tuo, aſpicio planè me ſerpere humi, & nimis familiariter illa diuina tradere, quæ tu *μυσικώτερον* eſſe facis, & ea in ſua veneratione grauitateque conſeruas. Et tamen quicquid ſumus ego & tu, à Deo ambo totum obtinemus: in quem grati eſſe, cuiusque honori & gloriæ perpetuò inferuire debemus. De Heſychio quod quaeris, habueram Pſalmorum Græcum librum, vetuſtate inſignem: in eo proœmium

Hesychij luculentè scriptum in eam sententiam, vt probare conaretur omnes Psalmos Dauidis esse. Is liber mihi cum cæteris omnibus perijt. Reliqua sunt apud me Græca collectanea in Psalmos incerto autore: scripta non tam copiosè, quàm eleganter: quibus præcipuè vtor. In iis interdum citatur Hesychius. Sed ego cum illa legi, & Latinorum aliquos de eorum numero quos prædicas: non tam illorum explanationem valde sequens, quàm Spiritui sancto permittens me totum, feror quacunque me ille vocat: cuius vtinam vt spiritualis in me homo, sic etiam corporalis templum idoneum esse posset. Sed crede mihi, mi Erasme, nostra nobis non parum adhuc obest infirmitas. Deus autem omnium potens, qui tibi labores, & solitudines, & affectam valetudinem dat: quis scit, an maiore tuo bono id faciat, quàm si quietem tibi & molle otium præberet: equidem confido ita esse, nihil laboriosa sollicita que vita, sed quæ cum Deo prorsus coniuncta sit, videtur reuera fieri posse felicius. Germanicæ nationi bene sit: amo enim gentem totam, dignissimamq; arbitror, quæ in vera tuenda ac propugnanda religione suorum maiorum gloriam consequatur: cui qui obstant, & contaminant patriæ suæ decus ad bonam eos mentem conuertat Deus. Tuæ in Psalmum meum annotationes mihi gratissimæ: itaque cogito magnam partem illorum mendorum tollere: nam aliqua sunt, quæ autoribus optimis nituntur. De me, mi Erasme, sic tibi persuadeas volo: quanquam ego tenuis sum, & magnis à fortuna detrimentis multatus: nihil me tamen habere, quod non tuum æquè velim esse ac meum. Neque in hoc solùm, sed in omni tua dignitate atque fama conseruanda hoc sum animo, vt sponte per me ipse, & abs te monitus, summam tibi fidem in amicitia ac beneuolentia semper sim præstiturus. Vale. XIV. Calend. Octob. M. D. XXX. Carpentoract.

III.

I A C. S A D O L E T V S E P I S C. C A R P E N T.

D. Erasmo Roterodamo S. P. D.

QVod literæ meæ ad te tardissimè perferantur, planè molestum mihi est. Cuperem enim illas maturè reddi: nec tam, vt te delectarent, quod tu humanissimè atque amicissimè fieri scribis, quàm vt meum tibi officium celeriter esset cognitum. Tuas quidem tertio Calend. Martij datas, ineunte Maio accepi. In quibus quod mihi de valetudine prospera gratularis, equidem libenter accipio hanc gratulationem tuam, tui amoris eximij erga me testem. Veruntamen scito à medio Nouembri vsq; ad Aprilē extremum minus me commodè valuisse. Itaque toto hoc

tempore & intermissa nostra studia conticuerunt, & ego nihil dignum viro potui exequi. Ad meam nunc tamen pristinam provinciam sum reuersus, de qua antè ad te scripseram, vt commentarios in Pauli epistolam ad Romanos conscribam. Quod opus etsi difficillimum omnium est, sicuti & tu sentis, & ego re ipsa experior; tamen animo non deficio. Vtinam sic euentum meorū consiliorum fortunet Deus, quemadmodum a mea parte nihil neq; laboris deerit, nec studij. Accidit autem mihi peropportunitè, vt nanciscerer diui Chrysostomi commentarios in omnes Pauli epistolas Græca lingua impressos: qui mihi domo ab Episcopo Veronæ missi sunt: quorum ego famam, vel volumen etiā ipsum ad te puto peruenisse. Cupio quidem certè, vt quod tunc tibi defuisse scribis, cū hoc idem opus esses aggressus, id nunc suppetat, si fortè tibi libeat quæ iam diu exorsus fueras, ea nunc pertextere. Frobenianam operam non repudiabimus, cū tempus erit excudendi: præsertim te tanto autore, vt res rectè geratur, curam adhibente. Sed mihi magis, mi Erasine, tuo iudicio erit opus, quod ego semper maximi feci, & facturus sum. Res ardua est, ego difficiliter & tardè scribo. Nouos etiam, neque eos paucos, inuenio sensus: qui boni sint, an secus (ego enim mihi ipsi non satis fido) talium virorum, qualis es tu (si tamen aliqui tales) iudicium exquirendum mihi est. Tuum certè imprimis, qui aut vnus, aut præcipuè in hoc genere scribendi non doctrinam modò, quæ in te summa est, sed copiam etiam & dignitatem orationis adhibuisti. Basilium magnum sua loquentem lingua exisse à te, & in manus hominum diuulgatum esse, vehementer gaudeo. Nam quòd mihi à te sit inscriptus, id maius est tui de me iudicij testimonium, quàm ego expectassem: aut quàm me dignū esse arbitrer. Sed tua humanitas & beneuolentia eiusmodi, vt nō quid me accipere, sed quid te dare oporteat, potiùs expendas. Equidem maximas tibi de eo gratias habeo agoq; etiam relaturus, si occasio fuerit. Te ita crebrò, & à tam multis peri, & mirum sanè mihi, & permolestum est: nec video quæ sit causa, nisi fortè ea, de qua iam pridem ad te scripsi: existimatio tua videlicet, quæ in tam alto sita est loco, vt omnibus flatibus inuidiæ proposita esse videatur. Nam qui in hanc Theologiæ palæstram nomen suum profitentur, quò sibi de principio commendationis aliquid in vulgus querant: nomen eligunt clarissimum, in quod inuehantur: auget deinde rixam ipsa contentio. Sed ego si isto loco essem, vna semel defensione, in vniuersum omnibus responderem: partim iuuentæ facta consiliaq; excusans, si quid fortè esset à me in illa ætate liberius scriptum: partim etiam modestè prudenterq; retractans, quæ eiusmodi essent: vt etiam si non verè, at saltē verisimiliter ansam aliquam possent præbere obtre-

stanti-

stantibus: quod summos doctores sanctissimos homines cernimus fecisse. Postremò verò, omnem sensum meum de fide Catholica ita exponens, ut non posset cuiquam esse dubium quid sentirem: hoc opere edito, perenne mihi silentium susciperem aduersus maleuolos, quorum insolentiam iniquasque calumnias, cum res ipsa & veritas, tum tua excellens fama, virtusque refutaret. Sed ego hæc non tam monendi tui causa loquor (non enim tu eges monitore) quam testificandi sensus & animi mei. Oecolampadium extinctum, utinam possem dolere iure. Sice enim literæ & doctrina hominis postulabant, nisi extitisset ille in alio genere perniciosus. Psalmum tuum auidè expecto, eumque perlegere cupio. Epistolarum tuarum volumen audio exiisse, Lugduniquè haberi: id ego misi qui mihi emerent. Tu interea, mi Erasme, si nos diligis, da operam ut valeas, & sustentens ætatem istam tuam iis, quibus soles, optimarum artium studiis, & conscientia rectorum consiliorum. Nos qui te plurimum amamus, nullo vnquam loco deerimus, nec famæ, nec laudi, nec voluntati etiam tuæ. Vale. Carpent. VIII. Idus Maij, M.D. XXXII.

IV.

IAC. SADO LETVS EPISC. CARP. DES.

Erasmo Roterodamo S. P. D.

IS qui tibi has literas reddidit, minus mihi sanè cognitus est: neque ego hominis mores, naturamque perspexi. Sed cum adisset ad me, diceretque se celebritate famæ, & amore quodam nominis tui commotum, velle ad te proficisci, ut sub te magistro lautioribus literis operam daret: non potui non probare hoc eius constitutum: nam & rem pulcherrimam, & doctorem præstantissimum appetere mihi visus est. Proinde petenti à me commendatitias literas, libenter conseruaui consuetudinem meam: & in his, quæ ad humanitatem pertinent, facilem ei me præbui. Commendo tibi eum igitur: sed ita, ut cum ipse de eo feceris iudicium, dignumque statueris, quem in amicitiam tuam recipias: tum eum sic adhibeas, & benignitate tua complectare, ut quod sine vllò tuo incommodo fiat, aliquem ipse fructum sui huius rectissimi studij consequatur. Ego posteaquam ad te proximè rescripsérā, biduo illo aut triduo accepi libellos tuos, quorum iam bonam perlegi partem: imprimisque sum tuis defensionibus aduersus illos obtrectatores tuos mirabiliter delectatus, summam enim illæ doctrinam, & illam, quam ego maximè probo, egregiè redolent animi moderationem. De Basilio ite-

rum

rum ego tibi etiam atque etiam gratias: quod me ad eorum numerum, quos tui ingenij monumentis illustrare voluisti, aggregare dignatus es. In quo si tibi non par opera rependetur a me, at mea æqua certe tuæ isti præstanti erga me voluntati reddetur voluntas. Vale mi Erasme, & Amerbachium nostrum meis verbis saluta. Iterum vale. Carpentoract. VII. Idus Iunias, M. D. XXXII.

V.

IAC. SADOLETVS EPISC. CARPENT.

D. Erasmo Roterodamo S. P. D.

NOLI amābo putare, mi Erasme, quicquam mihi esse, aus gratius tua erga me beneuolentia, aut iudicio grauius. Itaque & quicumque istinc veniunt, tuumque modò nomen, & nuntium de te aliquem ad nos perferunt, libentissimè à me accipiuntur: coque etiam magis, si quod afferunt monumentum tui præstantis ingenij, præclaræque in rem & pietatem Christianam operæ ac voluntatis, qualia sæpe multa à te profisciscuntur: ut tibi molestum esse non debeat, illos tenui & me munusculo affici, qui id laboris mea causa susceperem. Et de tuo iudicio (ita mihi diuos omneis opto esse propitios) in ea sum sententia, ut nihil meorum mihi probari possit, quod ad religionem quidem, & ad literas sacras pertineat, si non id antea tibi sit probatum. Quapropter cum confecissem commentarios in Pauli primam epistolam (quo labore, & quibus vigiliis, non dico: satis enim cognita tibi est illius Epistolæ obscuritas) statueram aliquot mensis quiescere, totumque me ab illa cura & cogitatione auertere: ut deinde recens, atque nouus ad meam recognoscendam, & accuratius expendendam lucubrationem accederem. Qui tamen mos & mihi consuetus est, & à viris doctis solet usurpari. Eratque mihi in animo, neminem omnino participem facere, antequam ipse probassem. Sed cogitans casus humanos, & quanto mihi mærori ac detrimento esse posset, si qua asperior fortuna, quæ in vtrunque nostrum protectò habet potestatem, commercium inter nos hoc literarium peremisset: librum è tribus primum, qui erat descriptus, dedita opera ad te misi, in quo maxima quidem sunt & pulcherrima fidei Christi mysteria. Quem peto à te mi Erasme & pro insigni ac mutua beneuolentia nostra rogo, eo animo ut legas: uti ita statuas, melius mihi abs te multò consultum fore, si reprehenderis in eo, quæ tibi reprehendenda esse videbuntur, quam si laudaueris, si qua erunt laudanda. Ausus

equidem

equidem sum, id quod videbis ipse, ab itinere cæterorum, iam diu trito atq; vſitato defletere: aliaq; quadam ingredi via, quæ mihi viſa ſit magis emergere ex fluctibus quæſtionum, fortiuſq; & ſplendidiuſ ad veritatem contendere: Deumq; vt mihi adſeſſet, ſemper precatus ſum. Sed falli tamen poſſumus. Quamobrem mi Eraſme, omnis in te ſpes mihi eſt, tuum iudiciuſ quod tu modeſtè imminuiſ, ego autem plurimi facio, idq; non iniuria, nunc mihi quidem ipſum perſugiuſ & portuſ eſt, & totiuſ mei laboris expolitio, egoq; in te vno, tuoq; in me amore, ac tua ſpectatiſſima virtute, & doctriſna acquieſco. Illud te nolo ignorare, deſſe non pauca in hoc libro, quæ tunc adiicientur, cùm opus totuſ acriuſ examinandum reſumpſerimus. Nam & multa in eo explicatiuſ diſſerenda ſunt, quàm nũc expoſita ſint: & collecta ex ſacriſ literiſ teſtimonta aliquot ſanè oportuna atque illuſtria tum ſumus addituri, cùm de vulgando opere cogitabimus. Nam nunc quidem huic parti, quam ad te miſimus, ne lectionem quidem adhibui: verituſ ne correctionibuſ ac lituriſ ante tempuſ implicarer, quando omnem eiuſmodi curam (vt dixi) in aliud tempuſ reieci. De impreſſione nihil malleſ, quàm id quod tu mihi conſuliſ, vt apud Frobeniuſ tranſigeretur reſ: certuſ enim ſum, nuſquam meliuſ: neq; ſumptu permouerer, ſed pudore quodaſ afficior propter bonitatem & modeſtiam Gryphij, qui mihi totuſ dedituſ planè eſt. Quanquam erit hac quidem de re ſpatiũ deliberandi. Illud te ſummè oratuſ volo, vt hanc partè commentarioruſ ita oſtendas cui voles, vt nemini omniſno deſcribendi copiam faciaſ: reſ enim nondũ plenè perfectã eſt. Ego & familiariter ago tecuſ, & me id tutò facere poſſe arbitror: ſumma enim mihi eſt & de tua humanitate opinio, & de integritate fideſ. Quamobrem ſi quid tibi oneriſ impono, id ea mente facio, quod tibi volo eſſe perſuaſiſſimuſ nihil tibi eſſe viciniuſ in omniſbuſ reſbuſ tuiſ, & opera mea, & beneuolentiã paratiuſ. Declarationeſ tuã, etſi magnoperè probauì prima illa lectione, vt ad te ſcripſeram, tamen de integro legam: nec dubito, quin ſuſ omnia in illiſ, quæ a te commutata ſuſt, meliora ex boniſ facta reſperturuſ. Legi commentariuſ in Symbolum, quo mirificè delectatuſ ſum. Oſ enim proſectò obſtructuſ iam eſt litigioſiſ hominiſbuſ, & ſibi iniuſtam laudem ex obtrectatione alioruſ quærentibuſ, quos tua excellenſ virtuſ & autoritaſ ſatiſ per ſe ipſa reſellit. Vale Eraſme, & noſtri memoriã retine, qui nuſquam tui eſſe immemoreſ poſſumuſ. Ad Amerbachiuſ noſtruſ do literaſ, cui lucubrationem meã vel imprimiſ

oſtendi volo. Iteruſ vale. Carpent. V. Iduſ

Iunij, M. D. XXXIII.

I A C.

VI.

IAC. SADOLETVS EPISC. CARPENT.

D. Erasmo Roterodamo S. P. D.

DIu est cum ego nihil de te, ne rumoris quidem, accepi. Quod si tu ades in eisdem locis, in quibus solitus es, tibi que com-
moda valerudo est, sicuti cupio equidem, & spero, nonnulla de
co me tener admiratio. Hominis enim πολυβουλία, & πολυγραφία non est yftratū hoc silentium. Sanē nos post librum il-
lum tuum de Concordia Ecclesiæ nihil aliud accepimus, quod
ab Erasmo scriptum esset. Itaque non sine aliqua sumus suspi-
cione, ne aut minus fortasse valeas, aut in Belgas tuos profe-
ctus sis. Videbare enim in literis tuis postremò ad me scriptis,
significare, te id cogitasse facere. Quod si ita est, mi Erasme, que-
so, vt certiozem me de tuo omni statu facias, qui pendeo animi,
donec exploratum aliquid de te habuero : nam mihi tua salus
& tranquillitas mirabiliter cordi est. Non dedit nobis fortu-
na, vt in eisdem locis viueremus: quod vtrique nostrū, arbi-
tror, mihi quidem certē fuisset optatissimum. Potuissem enim
apertius tibi, atque illustrius, omnem meum sensum & animū
declarare. Sed quoniam id prateriit, actum ne agamus, vt di-
citur, animos certē virtus dedit in amore consentientes: in qua
tu multò præstantior, maiores autem meæ partes sunt, te sum-
mum virum colendi, & diligendi. Tanquam igitur ad homi-
nem omnium tibi amicissimum; vt de tuis rebus omnibus inter-
dum scribas, vehementer te rogo. Mei in Paulum perfecti com-
mentarij sunt: itaque eos propediem cogito edere. In iis pluri-
mum mihi opitulata sunt correctiones illæ tuæ, quas in primum
librum adhibuisti. Vellem idem in reliquos fecisses, maximo
mihi emolumento ea res fuisset. Sed fortuna nobis dislun-
dis, multis meis & magnis inuidit iucunditatibus: cui quidem à
nobis non potest obsisti, ea enim summas frangit infirmatque
opes, nedum meas. Sed quod ad rem pertinet, potes perspicere
mi Erasme ingenij tarditatem & imbecillitatem mei: qui tan-
quam κακιστὸς diutino cursu cubitum vix processi, vt ex hoc
quoque maior tibi à r. incredibili nauitate & industria volu-
ptas pariat. Verum t. hastenus. Te mi charissime atque o-
prime Erasme oramus, vt semel anorem erga nos abs te sus-
ceptum constanter & perpetuò tueare. Carpentoraeti,
Calend. Nouemb. M. D. XIV.

VII.

IAC. SADOLETVS EPISC. CARPENT. BO-
nifacio Amerbachio Basiliensi S. P. D.

NOlo te vereri, mi Amerbachi, ne tuæ literæ mihi aut intem-
pestiue vnquam, aut minùs grata sint, cum eas ego liben-
tissimè legam, tuamq; in illis bene cognitam mihi modestiam
semper mihi iutueri videar. Quamobrem nulla te à scribendo
eiusmodi suspicio retrahat, dum id tibi commodum alioquin
sit: semperque ita existimes, te mihi quoties scribis, toties rem
gratam facere. Tuam de cœna Domini sententiam, & cognosse
mihi iucundum fuit, & eandem ego vehementissimè probo, il-
ludque præterea adiungo; Tot seculorum perpetuam consuetu-
dinem à communi Ecclesia vsurpata, non sine approbatione
Spiritus sancti tantum roboris habere potuisse: cum præsertim
tot ex illo numero sanctissimi viri extiterint, qui gratiam suam &
amicitiam cum Deo miris rebus & multis ita declararint, vt du-
bium de eo esse non posset. Qui certè impij, nefarijque fuissent,
& ab Deo penitus alieni, si panem pro Christi corpore, & rem
prophanam pro rerum omnium effectore sumpsissent sibi ado-
randam, atque colendam. Quibus ipse Occolampadius profe-
ctò nec sanctitate, nec doctrina fuit par. Atque is antequam ex-
cederet è vita, cum audisset parteis suas, hoc est, eorum, qui im-
piè de sacramento corporis Christi sentiebant aduerso prælio
afflictas, quod prælium non humana vi, sed numine omni-
potentis Dei confectum esse constaret: si conuersus est ad melio-
rem mentem, eius doceo mortè: doctus enim sanè vir, & bonis
literis apprimè erat ornatus, etsi ego nunquam illi magnam eru-
ditionem in Theologia tribui. Sin autem aduersus Deum per-
stiterit contumax, equidem nunquam cuiusquam malo lætabor
verùm non iniquo animo feram, sementem tantæ prauitatis
è medio sublata esse. Vtinam isti ciuitati, & ciuibus in ea o-
mnibus, rectus insideat in fide Catholica sensus: quorum ego
alteri, propter nomen & nobilitatem vrbs, alteris ex pietate
charitateque Christiana valde amicus sum. Qui si me audire vo-
lent, quod illis tu meis verbis (si videbitur, & si occasio dabitur)
licebit dicas maiorum suorum potius in tuenda vera religione
Christi laudem, quam temerè nouantium res bene constitutas,
insaniam pergent imitari. Opera quæ scribis Erasmi valde au-
dè exspecto, nec dubito cæteris futura dissimilia: hoc est, plena
doctrinæ & vbertatis. Quod mihi Basilius tantus autor fuent
inscriptus, habeo equidem magnam vobis gratiam: sed tamen a-
lius erat querendus potior, qui tali munere honestaretur: nam

ego ingenuè loquor, non huius mihi dignitatis conscius sum. Tamen tuam, & Eratini mei beneuolentiam agnosco; eamque gratissimam habeo: quam ego pari compenso voluntate. Carpent. VIII. Idus Maij, M. D. XXXII.

VIII.

IAC. SADOLETVS EPISC. CARPENT.

Germano Brixio S. P. D.

Superioribus diebus, cum per incertos tabellarios literas à te accepissem: in quibus neque locus unde illæ data, neq; dies erat ascripta, etsi ex orationis tuæ filo styliq; elegantia, tum etiam amoris significatione aduersum me, non mediocrem cepi voluptatem: tamen diu suspensio animi fuit, quidnam mihi in tali re faciendum esset, cum ad rescribendum quidem officium me impelleret: quod autem, aut per quem literas ad te darem, nullum consilium capere sat certum possem. Post verò diligentius mecum meditatus, & illam faciens coniecturam, tales viros, qualis es tu, Lutetia Pharrhisiorum libentiùs sapientiùque commorari: propterea quòd illa ciuitas amplissimum est doctorum hominum domicilium, literas eò misi: ubi si te illa reperissent, esset & officio meo, & animo satisfactum. Sin minùs ibi te offenderent, meque in eo opinio mea & coniecturæ ratio frustrata esset: per Budeum tamen ad te, ubicunque esses, mitterentur. Cui hoc mihi doctissimo arque optimo, tu simili virtute & doctrina præditus, incognitus certè esse non potes. Verùm quòd mihi in literis tuis gratularis, quòd me, quem diu antè mortuum existimasses, repentè non modò viuere, verùm etiam dignitate atque honore auctum esse audisses, gratulatio tua, ut quæ ab optimo proficiscitur animo, sanè mihi probata est. Sed tu si uiam illam esse mortem arbitraris, qua qui naturæ & mortalitatis conditioni satisfacit: planè nondum mortuus sum, neque supremum fati diem adhuc execurus. Si verò gramiorem & ueriores putas mortem, cum quis cogitur alieno viuere arbitrio, non suo: sanè & mortuus fui, & reuixi, posteaquam in hunc portum otij & tranquillitatis sum peruectus. Scito enim, me his quinque annis, posteaquam uidelicet Romanis relictis rebus, in meam Ecclesiasticam prouinciam me contuli, solis gustasse qui sint fructus ueræ uitæ, nihilque expertum fuisse postea quod poenitendum mihi esset. Quare tu si *uixisti* gratularis mihi, habes lætandi de amico & gratulandi causam. Sin autem vulgari consuetudine uerbi locutus es: en tibi amantissimum tui hominem non modò non mortuum, sed uiuentem nunc quidem beatiùs quam antea: cui ista ipsa dignitatis accessio, qua te

gaudere dicis, vtinam illa non magis oneri, quam honori esset. Sed tamen quoniam diuino numine in hoc loco positi, & in hoc honoris gradu locati sumus: demus operam, quoad possumus, vt nostra eidem Deo & opera parata sit, & voluntas. De te autem ipso mi Brixii, quando ex eorum hominum numero es, quos concolere & complecti studiosè soleo, dedisti quæ mihi per litteras & doctrinæ & humanitatis specimen: sic me existimare poterat, te esse dignissimum, quem omnes qui bonas artes sectantur in oculis assidue feramus, nihilque vicissim accidere mihi poterat, tua erga me beneuolentia gratius. Quæ quoniam (vt scribis) te suscepta iam diu est, ex quo me scilicet primum Romæ cognouisti: peto à te maiorem in modum, vt & veterem illam renouare, & si est augendi locus, etiam augere & amplificare ea velis. In quo tibi polliceor, me curaturum, vt in nullo amicitie officio, nec in voluntatis studio me vincas. Vale. Carpentoracæ. X. Calend. Iulij, M. D. XXXII.

IX.

IAC. SADO LETVS EPISC. CARPEN

Germano Brixio S. P. D.

NON potuit fieri commodius, nec magis vt ego vellem, quam quod meus liber tibi redditus fuit: primo quæ ipso in prelo vt aiunt, cum hominè disertissimo doctissimoq; congressi non dicam cum laude (abhorret enim mea mens ab eo qui insolentius videatur dictum) sed certè sine ignominia discessit. Quanquam tu quidem etiam illum laudas: in quo agere scio vel beneuolentiam erga me tuam, vel comitatem naturalem qua es præditus. Sed quod epistolam meam desiderasti, hoc quæ gereris officij quod in scribendis epistolis situm est, imprimis inter amicitie usurpam iudicas conuenire: verè tibi dicam. Subitus discessus & ramandi, qui me festinare valde coegit, tum autem hæc quedam mea, cum nec quibus in locis planè esses, nec quid regereres satis nossem: illudq; etiam valde vereretur, ne tibi hominem vehementer in literis occupato obiicerem laborem: adduxit ne vt statuerem per nuntios potius, quam per literas tecum agere esse: præsertim cum homini & amico, & prudenti, id negotij remitterem. Qui, quam mirificè functus officio sit, tum ex rebus ipsum autè tuo imprimis iudicio testimonioq; cognoui. Illud vero mihi pergratum accidit, quod meum consilium istuc mittere di librum & ad Theologorum vestrorum iudicium deferre tibi quoque esse intelligo probatum. Quod equidem, mi Brixie, ea ratione feci, quod Christianam illam humilitatem animi quam maxime in scriptis meis extollere, & in cælum ferre,

rissin

rissimis laudibus soleo: non solum verbis, sed ipsa re, quantum
 a me fieri potest, cupio semper mecum habere coniunctam.
 Cuius si ut nomen, ita veritas Christianis hominibus in cultu
 & in honore esset, tot hodie pestilentissimarum heresum erro-
 ribus, & hac religionis labe careremus. Sed quod scribis te cu-
 raturum, ut æquis iudicibus, & à politiorum literarum cultu
 non abhorrentibus, res permittatur, habeo tibi magnam gra-
 tiam: iamque id perfectum à te video. Scripsit enim ad me ex
 illis quidam sanè quàm liberaliter: ut mihi in mentem venerit
 letari, esse apud Theologos vestros Musis etiam locum, verum
 illis sanctioribus: quod tamen tibi & Budeo nostro acceptum
 ferendum est. Certe id quod sentis, est omnino verissimum: nec
 res tam præclaras barbarè atque absurdè debere tradi, & quæ à
 me scriptæ in Paulum sunt, sine Latina & Græca eruditione intel-
 ligi vix posse: aut ne vix quidem. Expertus enim sum ego, quæ
 subtilitas rerum, quantà & cuiusmodi altitudo maximorum in
 illis mysteriorum insit. Quæ tu quodd breui, & subita lectione
 tam accuratè perpenderis, non rerum facilitati, sed tui ingenij
 magnitudini est ascribendum. Quo nisi tu eximio præditus es-
 ses, crede mihi, impeditius multo iter ad illa percipiendâ & in-
 telligendâ offendifles. Dies tamen, & mora, & crebrior lectio,
 quovis die magis indicabit, nihil fieri posse rebus illis recondi-
 tius. Quod tibi hoc libentius scribo, quod te quoque video in
 eodem stadio currere. Non enim mihi ignota neque inaudita
 studia sunt tua: sed & ex pluribus cognoui, & legi ipse meo ho-
 milias illas Chrysostomi, quas tu è Græco sermone in Latinum
 vertisti, ea & elegantia verborum, & gravitate: ut non tam opu-
 lentissimum transulisse autorem, quam imitatus esse videre.
 Itaque expectabimus aliàs: gratumque mihi in eo feceris: si ut
 confectæ fuerint, mihi eas afferri quàmprimùm curaveris: etsi
 cum ad conciones erit ventum, grauior tibi labor videtur fore
 propositus. Nosti enim profectò quàm ardentè ille, quàmque
 incitaret solitus sit auditores non magis docere (mihi quidem
 videtur) quàm aut obiurgare, aut accendere: etsi utrumque qui-
 dem, idque cum magna cura. Verùm cum in multis interpre-
 tandis Pauli locis ab eius opinione dissentiam, ideo tibi vi-
 sus sum cum minus legisse. Ego verd in ipso legendò, expen-
 dendo, interpretando Paulo, cum omnium ferè interpretum,
 qui aliquo numero sunt, scriptis & commentationibus usus
 sum: tum verd Pauli eiusdem ope & doctrina plurimum adiu-
 tus: qui quidem suimet longè optimus est interpret. Noli enim
 putare, me ad primam illam, quæ Romanis inscripta est, epi-
 stolam exponendam accessisse, nisi prius perlectis, diuque volu-
 tatis, omnique animi attentione perspectis ceteris eiusdem do-

Actoris epistolis. Quarum assidua & acri lectione in eos diuine sapientiae fontes sum inductus, ex quibus si non hausisse purioris doctrinam, saltem leniter ex illis aspersus fuisse videat. Vnum est in quo miror, quod ita reprehendor a quibusdam; quasi desectere vel tantulum a verere translatione Pauli nephas sit. Cum tu rei, mi Brixi, qui vtramque linguam probe nosti, optimis poteris esse iudex. Mihi enim si quicquam in illis commentarius est, quod probetur; illud praecipue est, quod visus mihi sum verba e verbis expressa verè Latina reddere, quae antè nimirum alieniora pleraque erant, vt is Apostoli sententiaque obscuraretur. Ea si conatus sum illustria & perspicua facere; quod ordine, & proprietate Pauli verborum accuratissimè seruata factum a me est: quidnam, quaeso, ea in re admissum est culpa? cum praesertim gratus hoc etiam meum factum esse debeat, quod Lutheranis vt sua *paradoxa* faciliùs probent, imperitosque in fraudem inducant, ad ignoratam plerisque linguam sapientumero confugientibus, hic vtiq; campus doli & fallaciarum intercludendus fuit. Si tamen ego non sum hallucinatus; quod fieri nimirum potuit, homo enim sum. Alia quidem via commodius istis contortoribus scripturae sanctae occurrì, illorumque praestigias & machinationes redargui vix potuisse existime. Itaque & initio mei operis hac potissimum de causa illam me sumplisse enodandam epistolam sum testatus. Sed haec haecenus. Venio nunc ad eas epistolae tuae partes, quae partim me delectarunt mirabiliter, partim pudore etiam affecerunt. Nam quod meae lucubrationi tantum laudis impartis, quantum non tam à summo iudicio, quàm ab amicissimo animo profectum intelligatur: gaudeo equidem me abs te sic diligi, tuamque istam praestantem atq; egregiam erga me voluntatem permagni aestimo. Sed res ipsa planè vt erubescam me cogit. Etenim quis ego sum, quo ingenio, qua doctrina, quibus ornamentis praeditus, cui ab homine doctissimo atque optimo tantum laudis tribuatur? Si enim in eo laudandus sum, quod sum deditus optimis artibus & studiis: quam multi sunt nostra hac aetate, qui in eodem genere studiorum excellunt? nonne horum talium frequentia Italia, & Gallia, & ipsa quoque Germania nunc referta est? Si verè quod optimas tueor & sustineo partes, ab antiquiorumque scriptis atque decretis transuersum vnguem non discedo: non tam id laudi vili dandū est, quam vitio, secus si fiat, maximo. Nam quod in portum me ex urbanis illis fluctibus, & ex magna agitatione tranquillam in stationem recepi: ego sanè liberam & voluntariam vice agenda rationem obnoxius illis, & alienae sententiae addictis rationibus, ob eam primū causam longè praestuli, quod vni iam Deo liberius famulari, & commissae mihi ab eo

ecclesiarum officium præstare præsens possem. Deinde ut mihi cum Musis iam diu optatum habere liceret commercium. Cuius quidem vitæ suauitas & delectatio tanta est, ut non regem esse, sed regibus non egere, verè regaliter viuere, & ipsa verè beata vita sit. Quoniam hoc argumentum nequaquam in vulgus edendum est, ne ad eos quidem, qui aliquam speciem bonorum doctorumque præ se ferentes, eisdem nihilominus, quibus vulgus, honorum atque opum cupiditatibus iactantur. Sed ego tecum tanquam mecum hanc rationem puto. Non enim mihi plus assumo in huius laude consilij, quàm tibi ipsi tribuo: què & multis antea testibus, & tuis nunc ex literis planè intelligo in eadem mecum esse sententia: nisi quòd tua virtus hoc appareret illustrior, quòd ego multis diu curis, laboribus, vigiliisque vexatus, quas ad alienum arbitrium ferebam & suscipiebam, tandem radio fractus, in quietis locum me contuli. Tu tua sponte, solutoque iudicio, studiis ambitionis missis, in eundem portum es peruectus. De qua præclara animi tui moderatione, rectissimoque consilio, & eiusdem mecum societate muneris, & tibi gratulor, & mihi apprimè gaudeo. Nullo enim alio comite ornatior, aut hanc inire prius viam, quæ minimè populo nota est, iamque ob desuetudinem dumetis inhorruerat, & stirpibus, aut nunc tenere eandem possum. Sed de his quoque satis. Iulij fratris mei quòd mihi mentionem facis, eodem penè amore ac si frater ipsius germanus fuisses, veteremque tuam cū illo familiaritatem prædicas: peream mihi Brixii, nisi cum meum erga te studium ad summum creuisse crederem, maximus tamen hac de causa cumulus accessit: non enim existimaram nostram coniunctionem iam inde ab illius tecum consuetudine auspicatam fuisse. Neque verò aut te vrbani meminissem mihi videbar, aut post in Gallia tibi quicquam rei cum fratre fuisse meo noueram. Sed omnis tui cognitio principio mihi in Gallia oblata est, primum ex literis tuis, quas iam longo interuallo accepi iucundissimas. Deinde ex epistolis & Erasmi ad te, & ad illum tuis, illoque imprimis opere mihi sanè probato, quod conuertendo Chrysostomo lucubrasti. Postremò verò Lugduni, deindeque Massiliæ, cum ad summos principes salutatam accessissem, sermones cum pluribus permultos & habui & accepi de te: cum tua virtus & doctrina, maximeque ista animi æquitas, qua tu fortunæ & cupiditati tuæ modum constituissem, omnium vna & constanti voce laudaretur. Itaque cum plurimas iam haberem tui magnificendi causas: cumque hoc nouissimum studium, quod tu in meis exhibendis scriptis honoris mei causa suscepisses, vehementer ubi me obstringeret: illa tamen mei fratris cōmemoratio rā piè, tamquam inter abs te facta, prorsus effecit, ut te in illius penè loco.

diligam. Quam ob rem rectè feceris, idq; mihi erit gratissimum, si ira statueris, quæcunque à coniunctissimo fratre officia sperari, aut expectari possunt: ea tibi à me prompta esse & parata: ut si vltus venerit quòd memetipsum tibi patefacere penitus possim, non sis maiorem erga te benevolentiam cuiusquam, neque fidem in amicitia integriorem cogniturus. Illud te rogo, ut quid theologi vestri de meis scriptis senserint, certior me facias: cura etiam adhibita, ut literæ ad me diligentius perferantur. Nam quas mense Aprili dedisti, eas mihi scito extremo Iunio fuisse redditas: quibus ut debui, sine mora respondi. Tuis addubitationibus, quæ ad linguæ Latinæ rationem pertinent, altera seorsum pagella conor satisfacere. Vale mi doctissime Germane, & nos amare persequera. Carpentoracti, pridie Calen. Iulias, M.D.XXXIV.

X.

I A C O B. S A D O L E T. E P I S C. C A R P E N T.

Germano Brixo. S. P. D.

ET literæ tuæ, id quod aliàs quoque conquestus sum, tardissimè ad me perlatæ fuerunt: (datæ enim pridie Idus Februarias, post Nonas Aprilis denique mihi sunt redditæ.) Et ego quòd minus ad eas continuò responderem, valetudine firi aduersè impeditus. Scito enim me octauum iam mensem pituita vsque ad laborare, ut & odoratum penitus, & vim etiam gustandi aliqua ex parte amiserim. Qui morbus hyemis tempore lentior, eoque magis tolerabilis: quòd humoribus pigrè & leuiter se mouentibus, sensum in nobis mali obtusorem aliquanto facit. Vere nouo excitatur, & ad nocendum corpori acuitur. Itaque & febriem aliquot diebus tentatus sum, & nunc capite frequenter languéo: non tam dolore quidem, quam grauedine quadam occupatus, atque pressus. Sed mihi multis adhuc frustra remediis adhibitis, recuperandæ valetudinis spes, secundum Deum, reliqua est in appropinquantis caloris aduentu. Quæ si nos sefellerit, feremus humaniter, omneque Dei omnipotentis de nobis ipsis decretum in partem optimam accipiemus. Illud rei que præstabitur à nobis, ut ne qua culpa nostra morbus vim addendum, incrementumue accipiat. Habes causam meæ tarditatis. Nunc reuertor ad tuas literas, quæ mihi mediisfidius extiterunt gratissimæ: vel quòd beneuolentia erga me tua eas mihi gratas semper efficit, vel quòd de libro meo quid actum fuerit, cognoui: de quo ad id tempus nihil acceperam. Eram autem non minimum sollicitus, quo pacto ex eo afficiantur animi vel audientium, vel legentium. Et nimirum hoc tempore, hisque animorum opinionumque dissensionibus, nihil tam nobis pertimescendum, quàm calumnia est, quod

quod iam vulgare quidem videtur esse vitium. Sed mihi, ut concertatio omnis permolesta, sic animi æquitas turissimum est per-
fugium: quo sum uti solitus, si quis falsam mihi litteram aut iurgi-
um intendar: nam benevolis castigatibus vltro magnam gra-
tiam me debere confiteor. Quare quod mihi polliceris, vel poti-
us recipis, te acturum accurate cum theologis vestratibus, ut me-
um hunc animum æqui bonique consulant, id ego abs te non
mediocriter cum cupiditate expeto. Nihil enim malo, quàm & suū
illis honorem, & mihi meam pacem ac tranquillitatem incolumem
manere. Præterea faueo etiam ordini illi atque collegio, in
quo video firmissimam anchoram fluctuantibus (ut nunc est) fi-
dei nostræ rebus constitutam esse. Sed hæc hæcenus: neque enim
dubito, quin iam officio functus fueris: nihilque reliqueris loci
neque hortationi, neque admonitioni meæ, quippe qui non stu-
dium solum amoremque in amicitia, sed navitatem etiam, & di-
ligentiam asseras. Quo quidem nomine non mihi vni, sed prorsus
omnibus carus iure optimo atque amabilis esse debes. De E-
piscopo Parisiensi nostro istud idem sentio quod tu. Nihil illo
homine elegantius: nihil bonarum artium fieri posse amantius:
in quibus ille ita cæteris fautor est, ut præcipuam tamen laudem
ipse obtineat. Ei te gaudeo tam familiarem, quàm tu scribis, exi-
stere. Neque illud est *ἡμετέριον*, sed ad summum virum
vir ingenio & doctrina præstans eos aditus habet, quos germana
virtus illi patefecit. Eum ego etsi mirabiliter amo, coloque, idque
ipse non nescit: tamen mihi erit pergratum, si tu hoc idem in ser-
monibus crebro illi inculcaris. Cætera, quæ in tuis litteris plenissi-
ma amoris atque officii sunt, ideo à me prætereunt, ut ne
videar aut meis nimium oblectari laudibus aut tuas blandius sæ-
piusque commemorare, quàm ingenuitas amicitiae, & nostra fir-
ma iam atque constans necessitudo postulat. Illud habeto, tan-
tum tibi tribui à me, quantum & doctissimo homini, & in officiis
omnibus constantissimo, ab homine item officij doctrinæque
studioso & peramante debeatur. Cuius mei de te iudicij nunquàm
in profecto pœnitebit. Vale. Scriptis his litteris, venit mihi in
mentem requirere ex te, eequem tu forte isthuc haberes liberali-
bus institutum artibus, qui & Latinis & Græcis docendis litteris
idoneus esset, idque ipse profiteretur munus. Similem enim quem-
piam ego nactus, libenter cum huc sã bona (ut opinor) condi-
tione accerserem: quod civitas hæc nostra publico id, uti fieret,
decrevit consilio. Vellem autem cum maxime, qui in Ciceronia-
nis scriptis exercitatus esset, atque eruditus. Hæc in re si quid est
mihi quod præstare, & civibus in eo meis prodesse possis: peto à
te, ut ne gravere suscipere aliquam curam, & te in eam cogita-
tionem conferre. Certe enim si aliquid quod cupimus, ma-

gno nos omnes abs te affectos esse beneficio sumus arbitrari.
Iterum vale. Carpentoraeti.

XI.

IACOB. S ADOL. EPISC. CARPENT. GV-
lielmo Bellaio Langeo S.P.D.

CV u hosce plures iam menses vehementer de te & de tua sa-
lute sollicitus fuisset, quod ignorans ubinam esses, te in illis
Italia fluctibus etiam nunc versari arbitrabar: summam repen-
tè accepi lætitiā ex oprato nuntij aduentu, qui ex aula Re-
gis nuper huc profectus, saluum ac valentem te sibi visum esse
confirmavit. Quod si ita est, (vt ego spero & opto) cū mi-
hi ipsi gratulor, tum ago Deo immortalī gratias. Facit enim
incredibilis ille amor, quo te iam pridem sum complexus, vt ni-
hil mihi abs te neque secundarum, neque aduersarum rerum,
esse seiunctum possit. Quanquam quas tu secundas tibi esse res
putes nescio, præter Regis tui gloriam atque amplitudinem.
Vidi enim te in maximis illis miseræ Italiae turbinibus ac pro-
cellis, non ferentem modò omneis labores, & omnia pericu-
la constanter, ac fortiter: sed adeūtem etiam vltro, & plenè ex-
poscentem pro tui Regis dignitate atque gloria, vsque eò qui-
dem, vt nemo secundis suis rebus tam iucundè ad commodum
& vtilitatem suā perfruatur, quam tu in turbulentis & aspe-
ris alacri animo versabare, quod fidei tuæ officioque satisfaceres.
Quod etsi iure ac merito pro tanti honore Regis faciebas, ta-
men rarū nos in te, propeque inauditum fidei ac virtutis ex-
emplum conspicientes mirabamur. Nunc autem si in portum
peruectus es, instituiſti que commorari inter tuos, & ea artium
optimarum studia quibus a pueritia mirifice fuisti deditus, in a-
liquo otio recolere: nuncio tibi me futurum socium eiusdem
& voluntaris, & iudicij. Dedi enim me penitus & dicaui literis:
neque aliud quippiam iam cogito dies noctesque, quā quem-
admodum possim veram & dignam Christiano homine immor-
talitatem consequi: cuius rei iudicium, & fructum etiam aliquē,
velut otij mei primitias, celeriter, vt spero, in manibus es habi-
turus. Sed non audeo scribere de his nunc pluribus, donec scie-
ro, ubi tu sis, quid agas, ecquam meī absentis memoriā bene-
volentiamque conserues. Quod vt facias, mihi que aliquando a-
liquid de tuis rebus scribas, te vehementer etiam atque etiam
rogo: imprimis que tibi vt persuadeas, nullum vnquam tempus
fore, quo tuorum meritorum erga me, & nostræ mutæ insignis-
que benevolentie, memoria moriatur. Vale. Carpent. XV. Calen-
d. Martij, M.D. XXXVIII.

XII.

IACOB. SADOLET. EPISC. CARPENT.

Gulielmo Bellaio Langæo S. P. D.

NON puto te mei oblitum esse, id enim humanitas tua mihi perspecta & cognita, & mea constans erga te voluntas suspicari verat. Cum enim ego tantum te diligam, quantum literis exprimere non possum, quod meus in te amor omnem verborum vim, & orationis copiam longè vincit: non daco posse hoc acciderè in natura ingenua, & liberali, cuiusmodi tua est, ut posteriores in amando ferre partes velis. Quamobrem certus sum me tibi esse cordi, quemadmodum quidem antea semper fui. Quod autem laceffitus à me toties per literas, nullas mihi adhuc rescripseris, id occupationibus tuis totam attribuo: etsi vel versiculis abs te duobus, ut aliàs tibi scripsisti, poteram esse contentus: qui mihi amanti, cupienti, de te multum cogitanti, maximi muneris loco accidissent. Siquidem in illis imaginem & animi, & amoris erga me tui, complecti & osculari mihi licuisset. Sed quando id præterit, adest nova occasio, qua nauare mihi beneuolentiam tuam possis. Paulus Sadoler. fratris mei filius, is qui tibi has literas reddidit, adolescens est apprimè instratus artibus honestissimis, à meque in filij loco diligitur. Is iam pridem flagrans cupiditate visendæ Aulæ Regiæ, & ipsius Regis salutandi venerandique tam suo, quam meo nomine, hoc tempore à me potissimum dimissus est: quo mea quoque intererat, aliqua perferri ad Regem meis verbis: ex quibus ille pluribus suis beneficiis in me iam collatis, animum meum erga se & memorem & gratum cognoscere posset. Etenim iam dudum vereor mi Langæe, ne me rusticum hominem iam quendam, & parum vrbani esse existimetis, qui officium iustum me hercule & debitum, ad vos isthuc veniendi, & coram memet Regi offerendi tam diu distulerim. Sed eius me mei facti oppidò quam puderet, si aliqua in me resideret culpa, ac non totum hoc crimen fortiter sustineret. Quibus autem de causis usque adhuc retardatus sim, & quid potissimum velim in hoc tempore, cuncta ex ipso Paulo cognosces. Quem peto à te Langæe mi suauissimo, & teque magnopere rogo, ut omni tua humanitate, tua inquam illa præstante atque egregia, complectare. Nihil mihi omnino facere gratius potes, quam si in hoc adolescente quantu me facias, & quid mea causa cupias, ostenderis. Is à me habuit in mandatis, ut nihil omnino ageret, nisi de còsilio tuo. Quamobrem eum totum suscipias oportet: & non solùm illi introductor, sed monstrator etiam sis, & monitor, quomodo, & quando,

aut ad Regem adire, aut reliquas eum res agere & tractare conueniat. Hoc cum mihi feceris (vt dixi) gratissimum: tum tu virtuti & humanitati tuæ serueris, quemadmodum quidem solitus es: ipsumque adolescentem dignum & fide & beneuolentiâ tuâ etiam experiere. Nos hîc de nuptiis tuis nescio quid audiuius, easque plenissimas dignitatis esse intelleximus. Id si ita est, quod quidem cupio esse, tibi eam rem feliciter & prospere euenire oportet: ac Deum quaeso, vt eos ex te gignas liberos, qui tibi & voluptati, & generi tuo sempiternæ laudi esse possint. Vale mi Langæ, & me vt soles dilige. Carpentoraeti.

XIII.

I A C O B. S A D O L E T. E P I S C. C A R P E N T.

Pino Riuenfi Episcopo S.P.D.

DI v est, quodd nihil ad te dedi literarum: non obliuione amicitia nostræ, sed quod cum nihil haberem quodd scriberem tua lectione dignum, nullas volui potius, quam inanes esse meas literas. Nunc verodd cum se mihi occasio, & propedd dicam necessitas quoddam obtulerit scribendi ad te, libenter hac oportunitate sum vsus. Etenim quibus in rebus egere mihi videor cum eruditi hominis doctrina, tum amici fide, tu mihi statim occurris ad vtriusque aptus, cuius iudicium & integritas à me maximi testimetur. His diebus absolueram commentarium in Psalmum XC. sapedd maximo cum labore atq; cura, quodd mihi fered scribenti semper accidit, vt propter tenuitatem ingenij omnia difficillima esse videantur. Eum librum cum cuperem communicare tecum, & cum aliquot viris doctis, vt quam maximedd emendatus in manus hominum exiret, difficultate librarium fui retardatus, quoddum est incredibilis in his locis inopia. Itaque ad imptessores me necessariodd contuli, ne nunquam quicquam ederem quodd laude dignum esse posset. Nam cum non insistendum mihi in hoc vno opere sit, sed ad alia, Deo bene iuuante, progrediendum: visum est fore vtile maturedd intelligere, quidd quisque in hac lucubratione mea prima ex me requirat, vt ex his, in quibus iure nunc reprehendat, in alijs posthac cautior & sapientior fiam. Hac spe & fiducia libello extrin permisi, eumque cuestigio misi ad te: vt siue tibi probaretur, singularedd animi lætitiâ ex hominis doctissimi, atque amicissimi approbatione acciperem: siue minus probaretur, tua castigatione & monitis in posterum fierem melior. Quoddum vtrumus ita mihi gratum futurum est, vt vtrum malim nesciam. Vtile est reprehendi, cum erres: Inaudum laudari, præsertim à laudato viro. Sed si hi sumus, qui esse debemus, hoc est veri rectique cultores, potior esse debet voluptate utilitas.

Quamo-

Quamobrem a te peto, idque maiorem in modum, ut cum hæc nostra leges, reperiesque aliquid quod tibi non satis probetur, sensumque acris iudicij tui aliqua in re offendat, ne parcas monere & reprehendere me, fidemque amicitia, quam a te sanctissimè servari non dubito, in hac re mihi potissimum præstes. Ut enim dico, si minus in hoc volumine, quod iam editum est, ac in aliis ad quæ ego me paro, plurimum mihi & tua eruditio proderit, & autoritas. Tibi equidem hoc confirmo, me in hac scriptura & lucubratione mea, non tam meam spectasse laudem, quam eorum utilitatem, qui legent: si forè in hac tanta vitiorum vbertate, quibus hodie terrarum orbis laborat, aliquid ferre opis possum labenti iam, & graviter affecta religioni Christianæ. Quod optatum etsi maius multo est, quam ut conveniat meis viribus: per quos tamen vult, omnia quæcunque vult, & potest, & potuit semper omnipotens Deus: qui à pecore pascendo, & à sycomoro, reges populo suo & prophetas accersuit. Cuius nos honori, & nomini toto animo interuenientes, satis habituri sumus, si cui inter legendum nostra, aut Dei ipsius omnia intuentis timor solito maior, aut acrius desiderium rectè faciendi incesserit. Sed de his satis. Tu ut me diligas, tibi que persuadeas, te à me & coli summopere, & amari, magnopere a te peto. Vale. Carpentoracti, Calend. Martij, M. D. XXX.

XIV.

IAC. SADOLETVS EPISC. CARPENT.

Aug. Grimaldo Episc. Grassæ, S. P. D.

OMnibus in rebus tuus amor erga me semetipsum ostendit: quod etsi mihi est peroptatum, te & factis sæpius apparere quantopere tu me diligas: tamen quodd tibi nihil adhuc possum reddere præter benevolentiam, & memorem pro tuis iam pluribus officiis erga me voluntatem: aliqua cura afficior, ne cui indignus talis viri tanto erga me studio esse videar. Quod ego à te peto, ut ne ita credere animum inducās. Crebrior tibi, & felicior data est occasio bene merendi de me, & propter amplitudinem potestatis, & propter excellentiam virtutis. In quo verò & fides agitur, & officium, & fidelis amicitia firma coniunctio, mori milles malim, quam quoquam in eo esse inferior. Sed quorsum ista? Paulus fratris filius, quem ego mihi pro filio duco, nuper reuersus ad nos, mihi narrauit, quo pacto fuerit acceptus à te: ut non solum amorem, quo me prosequeris, sed humanitatem etiam, & liberalitatem tuam, quæ summa est, totam effuderis in eum: aliquotque locis ea de me præsentibus audientibusque compluribus dixeris, ex quibus perspicuè pateret, & quantum me amares,

amares, & quàm amicè de me atq; honorificè non sentiret ipse solum, sed alios etiam velles sentire atque existimare. Hæc tua recentia officia, quæ aliis iam plurimis accumulata sunt, si obliuisci aut dissimulare velim, ingratus & nefarius: si verbis compensare, ineptus sanè existimer. Sed in re difficili ad capiendum consilium & dubia, malui tamen scribere ad te aliquid, & gratias tibi agere, quàm omnino me videri mutum. Eas igitur tibi & ago & habeo quàm maximas, habiturusque sum semper, donec vita superabo mea. Et quoniam alia mihi non est de te bene promerendi facultas: illud quod sperare non nihil posse mihi videor, si hoc ocium quo nunc fruor, Deus mihi fortunabit, tibi polliceor, me omnem operam daturum, vt & tuæ eximie virtutis, & meæ erga te summa beneuolentiæ ac voluntatis, aliquod non obscurum iudicium prodatur posteritari. Sed & hoc parum est, & tu multò maioribus es dignus. Nos tamen id quod possumus libenter præstabimus, in quo animus tibi noster, non res ipsa est spectanda. Vale, & nos amare ne desine: tibi que persuade vicissim, te à me non amari solum, sed mirabiliter etiam obseruari, & coli. Carp. XV. Calend. Octobris M. D. XXIX.

IACOBI SADOLETI EPISC. CARPENTORACTI EPISTO- larum Lib. V. Epist. I.

IACOB. SADOLET. EPISC. CARPENT.

Ioan. Saluiato S. R. E. Cardinali, S. P. D.



COGNovi ex literis meorum, id quod mihi magnæ voluptati fuit, te saluum ad urbem, & ad Pontificem Max. reuertisse: atque vtinam vt virtus tua mihi planè perspecta & probata semper fuit, sic habeat locum his duris temporibus, quo Reip. & Ecclesiasticæ autoritati possit esse adiumento. Quod tamen confido fore, frater prudentia tua, & optimi Pontificis sapientia atque consilio. Ego cum tu etiam nunc in Gallia esses, memoria tenco, me tibi scripsisse, excudi à me nescio quid in sacris literis: quod simulac absoluissem, continuo tibi missurus essem. Id nunc initro, commentarios videlicet in Psalmum XCIII. aliquantò seriùs, quàm volebam: quod expectatio mea quoad scirem vbinam locorum constitisses, studium mittendi meum retardauit. Nam quin tibi in omni laude doctrinæ ac literarum plurimum tribuam, ne tu quidem dubitare quicquam potes. Nosti enim iam diu animum meum erga te, & perpetuum iudicium, quod ego cum de ingenio tuo, rum de præstan-

præstantissimis virtutibus, omniq̃ue tua integritate & modestia
 semper feci. Quæ hoc maiora ornamenta putanda sunt, quò ra-
 riora in hoc tempore cernuntur. Itaque gratum quidem mihi
 fuerit tibi probari lucubrationem meam, si tamen probanda
 sit. Verùm illud quoque gratius, me abs te admoneri, si quid
 inerit quod reprehensione dignum esse videatur. Tendenti enim
 mihi ad similia alia, admonitio tua præcepti in posterum, & do-
 ctrinæ apud me locum obtinebit. Sed de hoc satis. Reliquum est,
 quod ego nescio quam obrem hæsitẽ petere à te, cum à tali vi-
 ro, eodemq̃ue patrono ac defensore tum meo, tum meorum
 omnium, si qua opus sunt, audacter postulanda sint: neque ta-
 men (vt ego arbitror) mea modestia in petendo fines transli-
 liam. Habeo sororis filium de tuo Ferrariensi populo, Paulum
 Sacratum, bene ac liberaliter eductum, optimisque institutum
 & moribus, & literis: qui mihi cordi vehementer est, & propter
 necessitatem sanguinis, & multò magis, quodd ex indole bona
 virtutis ac ingenij spem de se maximam omnibus nobis affert. Is
 ecclesiasticam sectam secutus, dedit in sacram militiam nomen,
 & à me iam pridem sacerdotio quodam donatus fuit. Verùm pa-
 ter eius Ioan. Baptista, cuius tibi virtus, pudor, integritas, nota
 est, tam multorum liberorum onere premitur, vt nequaquam id
 illi subsidij satis sit. Quare cum ipsius Pauli egregia indoles, &
 optimarum artium ac literarum studium, tum domus illius ac fa-
 milia nobilitas digna est, quam tu tua humanitate ac liberalita-
 te complectaris. Ecce igitur rem tua virtute vehementer di-
 gnã, si sacerdotio alio quodam in ipsius patria illi deferendo
 eum inueris, quò & studiosius colere bonas artes, & patris fra-
 trumq̃ onera, quæ multa & magna sunt, queat subleuare. Quod
 ego à tua amplitudine vt efficiat summopere contendo atque
 imprimis, si tibi videatur, vt cum in illius Ferrariensis Ecclesiæ
 canonicorum, quos vocant, collegium ascribas. Erit hoc mihi
 ex multis tuæ erga me beneuolentiæ indicij maxime gratum,
 prorsusq̃ue honorificum. Tu verò cum illam familiam honesta-
 ris, in l. or. oq̃ statu collocaueris: tum egregiam illam, quæ de te
 est, & de tua singulari sapientia ac religione, confirmaris opinio-
 nem: tanquam sic statuas, sacerdotia, non ad reuerentiam & ar-
 bitrium effragitantium, sed ad ornandos homines idoneos, & ad
 bonorum mentes studio virtutis ac doctrinæ accendendas, dis-
 pensari oportere. Ego si hoc (vt spero) impetraro, maximo me
 abste affectum beneficio, & perpetua debitione gratiæ tibi de-
 iunctum esse arbitror. Vale mi Patrone, & patrem tuum
 charissimum virum meis verbis saluere iube
 quam plurimum. Carpent.

I I.

IAC. SADOLETVS EPISC. CARPENT.

Ioan. Saluiato Cardinali, S. P. D.

SÆpius mihi iam contigit, vt ad te scriberem, aliquos tibi commendans: quod & dudum in sororis meæ filio feci, cum petij abs te, vt quoad commodum tuo fieri posset, aliquo cum sacerdotio in patria sua honestares. Et proximè his literis, quibus commendavi tibi causam meorum populorum, quorum est mihi salus, & meæ fidei potissimum ab Deo credita. Sed verè hoc loquar, tuum in me studium, & præstans in omni genere humanitas, longè vicit expectationem meam. Sic enim ex meorum literis intelligo, nullum tibi dari locum declarandi amoris tui erga me, quin id ita apertè prolixèque efficias, vt faciliè appareat, tibi esse cordi & voluntatem, & commendationem meam. De quo gratias tibi ago quantas possum maximas, atque vtinam referre possim: eundem me re ipsa esse erga te experirere, quem oratione præ me fero. Sed crede mihi, si amor, si cultus, si obseruantia, si tuarum plurimarum, earundemque præstantissimarum virtutum prædicatio, aliquam partem obtinet referendæ gratiæ, te nullum meum officium desideraturum, quod proficisci ab homine gratissimo possit: daturumque me operam, quantum in me erit, vt quæ tua sit integritas, quod ingenium, quæ virtus, & in conseruandis ac tuendis clientelis, etiam absentiũ, & veterum amicorum fides, non præsens solũ ætas, sed etiam futura intelligat. Non enim parua laus, sed meo quidem iudicio omnium propè maxima: homini potenti, & maximis opibus prædito, charam præcipuè esse & humanitatem in omni agenda vita, & in tuendis amicis fidem: atque hoc maior, quò rarior. Verũ hæcenus de his: vberiore enim ea orationem desiderant. Quod ad sororis filium attinet, accipio excusationem tuam, & in seruandis promissis virtutem animi, constantiamque collaudo. Cũ autem poteris, cũ erit tibi commodum, tunc de eo cogitabis, si voles, & si tibi pro liberalitate tua, amplectenda probitas adolescentis, & ad optimas artes ad quas propensa est, adiuuanda esse videbitur. De meis quidẽ populis te rogo atque obtestor, vt cogitationem aliquam suscipias. Incredibile dictu est, quantopere eos diligam: in quo mihi ab illis refertur gratia. Non enim suam penè salutem mea ipsi salute habent chariorem. Sed tamen multis iam dudum incommotis affecti, & inter nationes externas quasi exemplum quoddam præferentes, quid sit sub æquitatè & ditione Romanæ Ecclesiæ viuere: digni sunt, quibus maiore cum indulgentia iuperetur. Itaque ego nec tot procuratorum

et iudicium missionem, nec minas formidinesque probo, quibus omnium mentes a voluntate obtemperandi potius abducuntur. Ecclesiastica mansuetudine agendum cum illis est: id quod tamen magis puto profuturum. De quo si tibi videbitur, ut cum immo Pontifice loquar, aliquidque ad me quam primum rescribendum cures, magnopere a te peto. De meo ad urbem rediā, quem tu iampridem exoptare videris, agnosco equidem benevolentiam tuam. Veruntamen confirmo tibi, si quis vispiam sit, quem sui status minime pœniteat, me eum esse. Nullam enim rem possum optare de eis rebus, quæ ad sedandum animum pertineant quam non mihi penè ultro diuina bonitas obtulerit. Abint opes a me, & eximij illi honores, & concursus hominum notiorumque: quibus ego in rebus nullam vnquam partem eam vitæ repositam esse putauī. At multa adsunt, quæ ego statuo esse potiora: pax animi & tranquillitas, & mens mediocrius contenta rebus, tum amor cunctorum qui circum me sunt: imprimis verò studiorum, & literarum voluptas, ac delectatio: hæc & maxima est, & latam & rectam ad immortalitatem munit tam. Denique si mihi vitæ ratio esset ex omnibus vna eligenda, a quæ maximè faceret ad fœlicitatem: non videor aliam fuisse lecturus, quam hanc quæ mihi singulari Dei beneficio nec opianti tributa est. Quamobrem redeundi istuc quidem meum ullum consilium est. Sed mens certè & voluntas summo Pontifici & Sanctæ istius sedis honori & auctoritati vehementer dedi, cuique imprimis peramans: quem ego patremque vna tuum irum clarissimum, atque vniuersam familiam vestram, omni imper studio & obseruantia sum profecutus. Quæ in sententiam quoad vitam permanebo: nec vllō vnquam loco, aut sedes a me apostolica boni Episcopi, aut vos amicissimi ac benevolentissimi hominis officium requiritis. Vale. VI. Calend. Martias M.D.XXXI.

III

IAC. SADOLETVS EPISC. CARP.

Iohanni Saluiato Cardinali S. P. D.

QVAM in omnibus dictis factisque, quæ tu pro me vnquam, aut mecum egisti: tum verè in his præcipue literis, quas promè accepi a te, omnis tua humanitas patefacta mihi est, plena amicissima erga me voluntatis. Nam & comprobatio tua mei le Paulo iudicij, vehementer grata mihi exitit. Et quod tu cum in amorem tuum, & in familiaritatem tam libenter receperis, id quoque intelligo meo amori te fuisse datum. Quamquam meum quidem de eo testimonium, illius actionibus, ingenio, mode-

stia, apud te confirmatum esse summè gaudeo. Certè enim nemo est, aut omnino perpauci, quibus meas actiones atq; consilia, æquè ac tibi probata esse cupiam: quem ego & propter insignem prudentiam, ac integritatem, omni honore cultuque; & propter animum eximium erga me incredibili quadam benevolentia prosequor, atque complector. Quod autem scribis gratum tibi à me fieri, quod nomen tuum meis scriptis conceleberrè sim aggressus: non est de eo cur mihi gratiam debeas. Ego enim id reputans quod verum est, ex tuo nomine & commemoratione clarissimi atque ornatissimi viri, omnique virtute præstantissimi, non parum luminis in mea scripta derivatum: suscepi negotium non tam tui (non enim virtus tua eget testibus) quam mei honoris causa: atque ut literæ meæ, quæ sua sponte obsoletiores sunt, tuæ & autoritatis, & laudis gloria illustrarentur. Nec me tamen oblitum existimes velim eius orationis, quam habui tecum, cum tu apud nos Carpentoracti esses. Non enim si in alio argumento nunc versor, illud propterea abieci, quod tibi ostenderam me suscepturum esse. Sed cum & difficilius illud opus, & longioris multò temporis existeret, nostra autem festinatio amoris mei erga te aliquo indicio tibi declarandi moram tantam non ferret: ad id elucubrandum me conuertere, quod videbatur maturè confici posse. A quo tamen ipso & hyemis asperitate, & tenuitate meæ valetudinis aliquandiu sum retardatus. Sed repetam cursum, ut opinor: hocque acrius instabo & conitabor, quod maior mea cupiditas perficiendi facta est. Tua in meæ sororis filium propensa beneficaque voluntas gratissima mihi est: eaque cumulum affert tuis erga me meritis, quibus iam plurimis tui sum obstrictus. Ego tuis literis serius respondi, quod cum te Neapolim profectum esse constaret, de reditu tuo ad urbem nihil ante hoc tempus audieramus. Vale. IV. Calend. Aprilis, M. D. XXXVI.

I V.

IAC. SADOLETUS EPISC. CARPENT.

Alberto Pio Carporum Principi, S. P. D.

NOLLEM te existimare, aut negligentia fieri mea, aut oblivione nostræ veteris amicitie, ut raras ad te dem literas non enim ea causa est. Sed tui sæpenumero summa cum benevolentia memoriam recolens, habeo tamen & temporis, & valetudinis tuæ rationem. Nam & duriores adhuc res tuæ, quam tu virtus & dignitas postulabat, me sæpè conantem scribere retardarunt: non habentem præferim opis atq; auxilii aliquid, quod tibi possem afferre. Et in valetudo tua ira mihi molesta est, ut

non tu

non tu interdum corpore grauius affecto sis, quàm ego tua causa perturbato sim animo. Quod cum communis humanitatis est, aliorum incommodis commoueri: tum verò beneuolentiæ proprium, atque ac suis. Sed te quamuis iactatum fortunæ iniuria, & valetudinis imbecillitate laborantem, tua tamen grauitas sapientiaque consolatur. Etenim multa tibi in te ipso præsidia sunt aduersus taleis casus comparata, literarum, ingenij, philosophiæ, atque in omni genere rerum agendarum, consiliorumque & capiendorum & dandorum prudentiæ, summaque auctoritatis. Quibus rebus sit, vt tu in aduersis multò maior appareas, quàm in secundis hi, qui existinationem bonam ab hominibus nec dignitate mereri, nec per virtutem consequi poterunt. Accidit, quod isti omnium maximo & præstantissimo Regi confido magna cura esse quietem & tranquillitatem tuam: qui vt liberalis ac benefici erga omnes, sic grati aduersus de se bene meritos summam iamdudum laudem obtinet. Sed vt hæc tibi possunt esse solatio, quæ à me dicta sunt, etsi quæ alia sunt iuuilmodi ad firmandum animum apta atque accommodata, ac te experiri non dubito, id quod ego quoque facio, in cunctis casibus humanis, maximum & certissimū perfugium esse Deum. In quo qui rationes & spes suas collocant, hi placatam in omni fortuna, & latam præcipuè degunt vitam. Equidem quod ad ne attinet, cum ipse quoque fuerim multis (vt tute scis) fortunæ iniuriis incommodisque affectus: patrioque relicto solo, in alienas & penè ignotas regiones me contulerim: tamen hoc non solatio semper maximè sustentatus sum, quod Deo certo reputans nostra cura esse, cætera ferenda omnia fortiter & patienter duxi. Quam quidem rationem & persuasionem meam si tamen persuasio, ac non certissima potius scientia appellanda est) vt ne sola cogitatione, sed scriptis etiam & literis usurpauim: confeci his mensibus commentarium quendam in Psalmum XCIII. sane quàm laboriosè, quò enim meum tenuius est ingenium, hoc mihi maior in scribendo cura ac diligentia adhibenda est. Sed cum viderer in Psalmo illo multa perspicere luminis iustitiæ & prouidentie summi Dei: ætatem autem nostram tuerer (dubitatione credò, & quasi dissidentia rerum diuinarū) tanta & scelerum & hæresum; ac propterea etiam calamitatum velut tempestate iactari: suscepi negotium vt quoad possem eo adiuvante, aliqua de ipsius altissimis consiliis explicarem: & quæ & veritas magis hominibus illucesceret: & qui iam aberrassent à via recta ad iter, si vellent, tutum conuerterentur. mi meus labor, quid aliis profuturus sit, ignoro: me quidam me non parum consolatus est, valdeque confirmauit. Tibi verò si quanquam domi tuæ ista iam trita sunt, vel vberiora etiam,

& præstantiora multò, quæ tu in tuis habes doctrinæ & sapientiæ thesauris recondita, tamen vnum volumen pro amicitia duxi esse mittendum: vt si fortè tu aliis curis impeditus, minus hæc ipsa cogitare in præsentia posses, mea sedulitate facilius admonerere. Sin hoc nihil fuisset necesse, ego tamē fungerer officio amicissimi ac beneuolentissimi: neque scriberem quicquā talium rerum, quod non ad tuum arbitrium iudiciumque deferrem. Vale, & nos tui amantissimos dilige. XV. Calend. Augusti, M. D. XXX.

V.

IAC. SADO LETVS EPISC. CARPENT.

Rodolpho Pio Episc. Fauentia S. P. D.

POST acceptas literas tuas, quas vnà cum indice librorum tuorum iam dudum ad me misisti, cum me ad respondendum pararem, grãtiasque tibi agere instituerem, quod laboris tantum mea causa suscepisses: factus interim sum literis amicorum certior, legationem tibi in Galliam decretam, teque primo quoque tempore itineris faciendi causa Roma exiturum esse. Quæ res me tenuit, quò minus ad te tunc darem literas, veritus scilicet, ne, si ad urbem misissem, te minimè ibi conuento, meus irritus labor & inanis diligentia existeret. Nunc cum arbitror, te (non enim certi quicquam postea hac de re cognoui) iam eò peruenisse quò fueris missus: eaque munera apud Regem obire, quæ tibi mandata sint: non existimaui hoc à me officium iustum sanè & debitum differendum amplius esse, quin & scriberem ad te, & tibi agerem pro tuo singulari erga me studio grãtias. Est enim tua in me beneuolentia cum aliis sæpe locis atque temporibus, tum verò in hac cura & cogitatione copiosissimi indicis mittendi mihi planè perspecta: cum ea præsertim illud quòque indicet, nihil in tua insigni bibliotheca sic tibi sepositum esse, quòd non idem mihi commune esse velis. Atque ego quidem hoc animo sum, vt liberalius mecum agi arbitrer, si quis mecum libros suos, quam si diuitias communicet, quanto scilicet doctrinæ & sapientiæ, quàm auri præstantior & preciosior est possessio. Itaque nullo maiore beneficio cuiquam homini possum esse obstrictus. Cuius quando mihi copia & facultas abs te parata est, utar equidem ea cum fuerit commodum, & cum tu ad tuos reuersus fueris. Interea autem quòd meæ gratissimæ naturæ memorisquæ voluntatis proprium est, & grãtias tibi ago, & me eodem nomine non mediocriter tibi deuinctum confiteor: huiusquæ meæ erga te voluntatis declarandæ, si res tempusque tulerit, occasionem vtrique non prætermittam. Et quoniam quæ cepisti erga me liberalitate, eadem agere vti pergas, cum mea spes de te,

tum

In tua imprimis virtus & constantia postulat: peto à te pro nostra amicitia, si in Regia es, inque illis negotiis iam versaris: cum hi ibidem agenda res quaedam sit, ad ius Ecclesiae meae maiore pertinet: hominem mihi ut comperias & exercitum, & fidelem, qui tibi notus aut familiaris etiam sit, & cui meum negotium committere tuto possim. Nam quominus lita opera hinc aliquem mittam, rei domesticae angustis sane prohibeor: & tamen confido, tua autoritate & gratia, quod cum, aequè commodè hoc modo posse consequi. Quod ut facis, mihi quae aliquid de eo rescribas, magnopere te, omnique tui studio rogo atque oro. Vale. Prid. Idus April. M. D. XXXV.

VI

LAC. SADOLETUS EPISC. CARPENT.

Francisco Garzciardino S. P. D.

TSI ego te semper antea amaui, tuamque industriam, consilium, animi virtutem plurimi feci: tamen cum modò venisset me Alfonso Sadoleus frater, multa quae mihi de te narraret, quae insignem tuam quandam erga praesentem eum, me absentem benevolentiam, tum autem optimum in nostram rem familiam animum declarabant. Crede mihi, amore eo te pridem diligebam, vehementius etiam sum inflammatus, naque meae opinioni accessio de te facta est: quod perspexi in amicitia, quae inter praesentes quoque raro admodum cur, eam à te erga absentes sanctissimè conservari: quo gloriae vix vllum meo iudicio reperiri maius potest. Atque cum aderam istic, vivebamque vobiscum, tuoque interspectu & sermonibus perfruebar, sauebam tibi maiorem odum, magnisque gerendis rebus hominem te imprimis idoneum esse arbitrabar: nunc altero hoc tuae virtutis & humanitatis claro testimonio confirmatus, habeo iam non quae laudem te solum, ac diligam, verum etiam magis quae admirer: pro scilicet maiore admiratione digna virtus ea est, quae primum bonorumque iudicio, quam quae popularibus laudibus auditur. Quod si in eisdem locis, eisdemque negotiis, quod antea faciebamus, versari vtrumque nostrum contingeret: rarem tibi profecto benevolentiam meam: omnibusque dictis factisque ostenderem, quam mihi chara esset & nequid nostra, & dignitas atque amplitudo tua: nullumque officium nec fidelissimi amici, nec coniunctissimi hominis erares. Sed quoniam longè abssum, magnisque locorum illis distracti inter nos sumus: cetera quidem amicitiae officii ex me prompta esse non possunt, quae coram praestari so-

lita sunt, & expectari. Illud vnum verò, quod vel præcipuum est & reliquorum omnium longè primum, a me cerè non deerit: quo tuum semper nomen in intimis sensibus geram, conseruemque memoriam tui, & te colam benevolentia sempiterna. Etenim cætera, amoris signa, & indicia quædam sunt: hic est ipse propriè amor, qui ea fide & veritate tibi à me præstabitur: ut nunquam tu, quæ in me atque meos studia contulisti, ea tanquam in indignos collata, sis reprehensurus. Ego tanquam procul absum a vestris grauioribus istis actionibus atque curis, quæ sonitum, atque turbam, & pompam quandam præ se ferunt: habec tamen & ipse hîc quoque delectationes meas, quibus tranquillo animo mirificè fruor: quod assiduus sum in stâdiis artium optimarum, & præclarissimarum: quæ me tanta iucunditate afficiunt, ut nihil omnino sollicitudinis neque molestiarum ad animum meum sinant introire. Quam ego vitam etiam si minus illustrem, aliquanto tamen beatiorē esse iudico. Sed de his aliàs. Reliquum est, uti te rogem, ut quam iam pridem erga me suscepisti, in eadem perpetuò mancas voluntate: meosque tueri tua benevolentia non desinas. Vale. Carpent. XIII. Calend. Aprilis, M. D. XXXIII.

VII.

IAC. SADO LETVS EPISC. CARP.

Paulo Iouio Episcopo Nuceria S. P. D.

ET mihi dubium nunquam fuit, quin abs te summo opere diligeret: tamen & literæ tuæ plenissimæ amoris atque officij, & ea quæ tuis verbis Polus ad me detulit, quæque ipse præterea commemorauit de te, plauis mihi ostenderunt, tibi esse cordi & quietem & dignitatem meam: atque ea quæ quotidianis ex lucubrationibus à me proficiantur, pluris à te estimari propter amorem, quàm fortasse digna sint. Quam ego tuam erga me voluntatem, ne viuam mi Paule, nisi omnium rerum habeo charissimam. Nam cum tu singulari doctrina, virtute, eloquentia præditus, is vir sis, ut tuum de quoque iudicium maximi fieri debeat: tum verò incredibilis illa comitas, & quædam rara iucunditas, quæ tibi à natura data atque insita est, facit ut nihil te fieri possit amabilius. Ex quo facile potest existimari, quantum ego mihi ornamentum in tua amicitia esse cōstituam: cum & propter ingenij ac doctrinæ præstantiam, me ornare, & propter humanitatem suauitatemque naturæ delectare etiam possis: non nolis autem utrumque: cuius quidem tui animi erga me plura habeo indicia ac testimonia. Sed accidit præteritis temporibus, ut cum & tu meam consuetudinem appeteres, & ego tuæ

in sitientissimus, potentioribus tamen concedere fuerit ne-
 z, qui te totum sibi arripuerunt: cum tamen inter nos salua
 per manserit amicitia coniunctio. Non enim ego vnquam
 nisi, neque permissurus sum, vt tu in amore me vincas. Multa
 adducunt, vt neminem te pluris faciam, paucos pari atque te
 euolentia prosequar. Sed eo nihil est ad meum vincendum
 num arctius, quod me à te amari intelligo. Eius rei duo signa
 eo certissima: vnum, quod locorum disunctio non immi-
 beneuolentiam: alterum, quod me tuis quotidie scriptis
 decoras. Quæ si hoc solum afferrent, vt testificarentur te de
 sepiissime cogitare, ferreus nimirum essem, nisi te amarem
 etiam, ferremque assidue in oculis. Cum verò scripta tua eius-
 li sint, vt immortalitatem mihi polliceantur: quid aut tuo
 in me officio maius, aut mea in te beneuolentia debet esse
 tantius: quam ostendam equidem tibi aliqua in re, mihi
 e: & si defuerint cetera, eodem te genere remunerabor: e-
 u fortasse impari, pari certe studio ac voluntate. Itaque & a-
 nciisper studia intermittam, sicuti tu mihi suades, & ad phi-
 siam me referam, quemadmodum idem tu mihi es autor:
 ibusque in rebus tuo iudicio atque consilio vtar libentissi-
 Vtinam liceret nobis esse vnà. Sed quando diuersis non so-
 locis, sed etiam opinionibus remoti absumus, quod ego in
 u libenter maneo, tu illis adhuc vndis & fluctibus delectaris:
 colis nassitandis inter nos assequamur, vt nunquam non esse
 videamur. Quod te oro mi Paule suauissime, vt in eo me non
 ras. Nihil mihi potest esse dulcius, quam aut loqui tecum,
 iam creptum est: aut tuas legere literas, in quo morem mi-
 erere tuæ est potestatis. Quapropter tu qui omnes venusta-
 que humanitatis articulos tenes, noli pari (obsecro) me hac
 & tam exoptata voluptate tuarum literarum carere. Vale,
 os dilige, tibi que persuade, te à me mirabiliter amari. Car-
 oracti.

VIII.

IO. SADOLETVS EPISC. CARP.

Io. Francisco Ripa Iurisconsulto S. P. D.

Va prestans doctrina, & summum ac singulare ingenium,
 quod non modò in hac iuris civilis laude ac scientia, sed o-
 bus bonis in literis artibusque excellit: faciunt, vt quicquid
 licifcatur à te, id non solum vtile & commodum, sed etiam
 bile omnibus esse debeat. Cum verò nuper voluminibus
 draginta editis, viginti interpretationum, totidemque
 consorum, omnem ferme civilem prudentiam explicare

& proferre in medium institueris: remque totam, qua nulla ferè subtilior, neque enucleatior excogitari possit, summo studio & cura, summis laboribus vigiliisque confeceris: diuque sub eadem expolitam lima adhuc compressam domi continueris: quid mirum mi doctissime Ripa, si ego, ut eam aliquando cederes, & ad publicam vtilitatem inuulgares, non hortator solum, verum etiam rogator accessi: cum de tuo præcellenti & admirabili ingenio sentiens id quod necesse est, non a quo ferrem animo, tam diu differri commune omnium doctorum & bonorum virorum commodum, cum præsertim ex eo egregia quædam laus & expectendus honor mihi ipsi quoque pareretur? Quo quidem nomine duplices tibi ago gratias: vnas cum cæteris hominibus commuiter, quod ipse quoque tuis eruditissimis laboribus & monumentis ad fructum meorum studiorum vsurus sum: alteras proprias iam & singulares, quod sum hoc tanto abs te & tam præclaro munere honestatus, quo meum nomen per tua scripta commendari immortalitati voluisti. Cui muneri si referri ea gratia posset, quam ego libenter redderem, crede mihi, cognosceres & expectirere, in hominem memorem & gratum tua te officia & studia contulisse. Sed in hoc etiam tua humanitas & fortuna illustrior fuerit, quod ea dare potuisti, quibus par recipere mihi posses. Ego tamen ad eam beneuolentiam, qua te semper maxima complexus sum, & ad id iudicium, quod de tuis ingenij & doctrinæ ornamentis eximium semper feci, adiungam vinculum officij & obligationis, qua tibi perpetuo deuinctus futurus sum: quanquam hæc quoque ipsa in vero amore & fideli amicitia, qua iam pridem copulati sumus, satis per se omnia insunt. De cætero quicquid ab utroque nostrum in alterum profectum fuerit, id non nouam constituere, sed veterem & mutuam beneuolentiam nostram declarare videbitur. In quo ut tecum omnibus officiis certem, ita adnitar, ut siue victor, seu victus, in eadem & pari laude vtrumque sim positurus, quando non vinci beneficiis, quibus plerumque tempus & fortuna occasionem dant: sed in amore, & fide amicitia inferiore esse, id probo viro maxime fugiendum est. Tu valebis, & perges quæ præclare instituta sunt, ea quamprimum emittere: meque amabis, si tamen te à me vnicè amari verè existimas. Vale, Carpentoracti, XVI. Calend. Octob. M. D. XXVII.

IX.

IAC. SADOLETVS EPISC. CARP.

Lazaro Bonamico S. P. D.

O Gra-

O Gratas tuas mihi iucundasque literas: quæ etsi tardissimè ad me perlatae sunt, (scriptæ enim V. Idus Maias, extremo ferè Octobri mihi sunt redditæ) tamen quoddam primæ mihi de te, & de tua nihil commutata erga nos voluntate optatissimum nuntium attulerunt, non dici potest, quæ à me lætitia & gratulatione fuerint acceptæ. Namque scito, has vnas mihi abs te post nostrum digressum ex vrbe fuisse redditas: perbreues illas quidem, sed plenas officij, suauitatis, beneuolentiæ: quibus etiam præsertim liber adiunctus fuit, & propter philosophiam gratus, & quoddam te profectus, est aliquanto gravior. Agnosco enim, prælicatione tua esse factum, ut ille mihi honos potissimum haberetur. Tu enim facis tuo grauissimo testimonio, ut nos aliquid esse videamur: cum ea sit de tua eximia doctrina, singularique iudicio apud omnes homines opinio, ut quem tu laude cohonestas tua, de eo non possit nisi honorificè & amplè iudicari. Age mihi gratias, si hoc non alienum nostra familiaritate esse existarem. Sed perinde sit atque si essent actæ. Ad Franciscum Alanum dedi literas, gratissimum mihi illius munus, multoque agis quod de me facit iudicium, fuisse significans: conaturum me, ut referam gratiam, si occasio fuerit. Quod idem illis te ipso confirmari, teque meæ naturæ memoris atque grata, iud illum testem, & si opus sit, etiam sponsores esse opto. De te autem, mihi suauissimum Lazare, sic habeto, nihil aliud iam mihi in optatis, quam quo pacto queam hoc, quod mihi reliquum temporis, totum in optimis artibus studiisque consumere. Multa adhuc me impeditum tenuerunt, quæ ego partim iam remissis curare cœpi, partim penitus abieci: ut tandem aliquando solutus & liber, in hanc vnam curam me conferrem. Itaque mihi ipsi defum: assiduè lego, scribere etiam sum ingressus nescio quid: quod quidem si processerit ex sententia, maiore animo ad qua sum perrecturus. O si te haberem, quos mihi spiritus tuus doctissimus sermo, & familiaris vultus excitaret: Paulus mihi studiis mirificus comes, rari alij, vel potius nulli: quanquam Aione est Alciatus, vir omni cultissimus doctrina, mihiq; amicus: nonnulli præterea, sed pauci: verum ut iam sint, qui mihi incipiant, & conentur idem facere. Cum Fregosio nostro strenuis nobis scribendi commercij, occupationibus distinemur, minus vnum in locum conueniamus. Hæc quod ad doctores hominum consuetudines attinet. Cetera sanè iucunda & amabilia. Ora hæc quam incolimus, ventis paulò infestior: cetero amabilis, & imprimis amœna est. Nos hortos suburbanos diligenter instruimus & ornamus, ut appareat, in illis spem ocij & oblectationis nostræ nobis esse repositam. Quos quando videris, reperies Quirinalibus illis nostris nequa-

quam inferiores: aquarum quidem abundantia, & vbertate pomorum etiam superiores esse: Habes statum nostrum. Tu de tua vt nos facias certiores, idque crebrius, magnopere à te peto. Nihil est enim mihi iucundius, quam & sæpe de te audire, & loqui. Bembum, Nigrum, Michaelem, Teupulum, cæterosque quos tute nosti esse amantes nostri, iube meis verbis saluere quam plurimum. Et tu salue ac vale mi charissime & optatissime Lazare: nosque amare persevera tui prorsus cupidissimos. Carpentoracti, pridie Calend. Nouemb. M.D.XXVIII.

X.

IACOB. SADOLET. EPISC. CARPENT.

Lazaro Bonamico S. P. D.

CVM iam diu ignorarem quibus in locis esses, propterea quod recordabar, te postremis literis tuis, ad me nescio quid de tua quadam peregrinandi voluntate scripsisse: neque hi, qui istinc ad me literas dederant, ullam tui omnino mentionem fecerant, accepi literas tuas, ex quibus te apud tuos esse, & memoriam nostri pristina cum benevolentia conseruare cognoui. Quæ quidem mihi iucunda cognitu fuerunt, sed illo nihil mihi iucundius, quod intelligo te ita gerere, atque augere rem literariam, vt tua eximia virtus atque doctrina, & tibi maximæ laudi, & plurimis utilitati emolumentoque sit. Etenim quid est (quæso) præclarius, quam videre florem collectæ ex omni Italia iuuentutis, incumbere ad optimas atque honestissimas artes: atque ad illud summum perfectumque contendere, in quo hominis virtus sita sit: Quod quidem facit, vt diis simillimi esse videamur: idque te doctore magistroque contingere, vt qui tuam eruditionem, ingenium, probitatemque cognoscimus, facile coniectura prospicere iam possimus, quantum de noua sobole doctorum bonorumque virorum sperandum nobis sit: quæ maximè his literis, & his studiis potest frequentari. De qua re tibi hoc etiam scribo accuratius, quod visus sum aspicere in literis tuis hæsitacionem quandam tuam, tibi ne in ea sententia permanendum, nec ne sit. Quæ me certè hæsitatio molestia afficeret, si putarem tibi, aut per tuum, aut per aliorum consilium, vt ab isto munere descisceres, licitum esse. Sed cum neque videam causam, cur te tam præclari instituti, non dicam poenitere, sed non summopere cupidum esse oporteat, & nihil sit quod agere melius possis: non est cogitandum tibi, quid in eo laboris insit, sed quantum reliquis commodi: cum præsertim munus nullum hominis magis sit proprium, quam sua bona communicare cum cæteris, plurimumque utilitatis & commodi ex se in alios profectum velle. Cuius generis

neris cūp maxima tibi facultas & à natura, & ab industria tua
 sit: non debes profectò desistere, nec defatigari, quoad plu-
 s per te Lazari Latinæ & linguæ & sapientiæ sublati sint. At-
 te ego qui te hæc adhortor, & moneo, non equidem consu-
 mihi spes enim mihi esset maior fruendi aliquando te ipso,
 cumque viuendi, si ista cura vacares: sed habeo fructus pu-
 blici rationem. Quāquam scribit ad me Niger, constitutum si-
 tecum esse huc proficisci, duosque menses mecum ponere.
 Quod utinam videam illum diem, quo vos complectar ambos,
 quantisperque expleat conspectu atque congressu duorum
 amicissimorum & coniunctissimorum hominum: quos ego
 non minus diligo, magniq; facio, quā ab iis sentio me & ma-
 nifestari, & diligi. Sed de his hæcenus, non enim animus meus ex-
 vos longa oratione mihi explicandus est, quando cum vos de
 stro expendere sat potestis. De consuetudine & conuictu Poli-
 stri tantum capere voluptatis, quantum scribis, & minime
 iror, & tuum de illo iudicium vehementissimè probo. Quid
 esse potest homine illo humanius, eruditius, sanctius? Eum
 o cū hac iter haberet, paucis illis horis vix degustare qui-
 potui: sed tantas tamen ab illo omnium ornamentorum
 utias tum mihi perspexisse visus sum, ut postea illum non a-
 ore modò, sed insigni quadam obseruantia semper sim prose-
 cutus. Nam cū illa mihi amabilia in eo sunt cognita, inge-
 um, probitas, literæ, in quibus ille non mediocriter excellit,
 id præterea admiratione summa dignum (quod ego primū
 tuo omnium) quod cum tanta generis amplitudine & nobili-
 te, tanta naturæ bonitas atq; humanitas iuncta sit. Itaq; quan-
 fieri à me putas, quod à te scriptum est, nomen sæpe mecum ver-
 in sermonibus vestris? Ego verò vobiscum, o amicissimi ho-
 mes, & animo semper & cupiditate illa sum, ut si detur facul-
 vobiscum viuere potissimum velim. Etenim si essemus. v-
 Deus immortalis, quantas, & quā varias caperemus su-
 rates? quæ studiorum coniunctio? quæ communicatio volun-
 tum? qui denique ardor existeret animorum? ut ad illa præcla-
 atque sancta Philosophiæ adyta copulari introiremus: in quo
 plus nobis non iniucundus esset comes: qui (aberat autem il-
 à me cū hæc scriberem, sed quod verè testificari de eo pos-
 sum) utrumque vestrum mirabiliter obseruat, & diligit. Sed
 oniam optare nobis ista licet, sperare fortassis non ita licet:
 incamū incolūem benevolentiam mutuam, stimulum au-
 n & sollicitudinem animi deponamus: quodq; est dignum vis-
 ximè quæ profitemur studiis, fidem amicitiae etiam absentes
 lamus. Sed de his quoque satis. Hortensium, de quo iustas,
 soluere adhuc non potui: sui enim maximis occupationibus
 impe-

impeditus, & id ipsum diu. Retuleram me autem ad eam cogitationem atq; curam, vt conficerem : sed iam calores me obturbant. Enitar tamen vt & fidei in eo meæ, & vestræ expectationi satisfiat. Partem eam literarum tuarum, qua te de literarum missione excusas, non duco dignam responsione, ne tuæ integritati & constantiæ videar diffidere, qua nihil est apud me certius, nec exploratius. Vale, & summis viris Bembo, Polo, cæterisque quos a me amari scis, plurimam meis verbis salutem dic. Carpentoracæ, Nonis Iunij, M. D. XXXIV.

XI.

LAZARVS BONAMICVS IACOBO SA-
doletæ Episcopo Carp. S. P. D.

IAM penè constitueram leuare me hoc impedimento verius, quàm onere, in quo biennium fui : cùm tuæ literæ perlatae ad me sunt, quæ summa quidem sententiarum grauitate, verborumque copia, admista incredibili quadam suauitate ingenij, excellentisque bonitatis tuæ, (quid autem dicam de beneuolentia, quæ nusquam tam efficax, tamque perspicua, quàm erga vos) vehementer ab hac ratione me reuocabant. Sed erat in his nihil quo cuperem mutare sententiam, quanquam omnia prudentissimè & amicissimè scripta non ignorabam. Nam quodd videbaris suspicari, me id velle, aut leuandi, aut fugiendi laboris causa : hoc tibi persuade, nihil tam alienum à me. Contra verò, hoc mihi semper animo insedisse: Homini turpissimum esse, labore frangi, industriæ debilitari, qui cæteris vsui ad virtutem esse, aut ipse magnam consequi præstantissimarum rerum cognitionem posset. Quæ ex causa cum nobis à publico negotio in otio esse licet, tum maximè in studiis bonarum artium toto animo versamur, multo quæ plus laboris toleramus. Cognosce igitur, & iudica, quam falsa fuerit suspicio de me. Tu putas me Patavinæ conditioni renunciare velle, laborem vt vitem: ego me cupere id scio vt plus laboris impendam. Nam quod proponis communem utilitatem, eam nunquam deferendam existimaui. Sed cum maiora onera in re literaria nonnulli ex amicis me sustinere posse crederent, id consilij dabant, vt leuiora relinquerem, maiora amplecterer: idque boni viri esse docebant, atque ipsum mihi me diffidentem impellebant, vt non viuientium solum, sed etiam posteritatis memoriæ consulere: quam rem in hoc publico impedimento nihil erat cur quispiam optaret. Video & tibi & his idem placere, vt utilitatib. hominum inuigilem, idque mihi persuasissimum est. Sed imbecillitas ingenij venit in dubium. Alteram utilitatem multò maiorem esse animaduerto: ad vtrâ minus ineptus
fin,

explicare non queo. Scio tamen in altera plus laboris & in-
ij inesse: quod ut perexiguum est in me, eoque deterreor: ita
ore nunquam impediri soleo, & propterea sum alacrior. Hæc
ut deliberandi causæ, cum ad te scribebam: sed non audebam
re scribere, quod erat scribendum aliquid de me ipso: quod
o perinuitus. Quamobrem multa prætermisi, quæ ab amicis
intur: falsa quidem illa, sed dicuntur tamen. Utinam hæc es-
t aut te illi, aut illos tu in tuam sententiam adduceres (si mo-
lia esset tua) te quæsitæ inter vos & disputatæ: de qua iterum
in audire quid sentias: hoc est, ad utram me hominum utilita-
potius cohorteris. In quo tuo iudicio, obsecro te, ut nihil du-
t, nos esse ad omnem laborem paratissimos. Scripsi proxime
Ippolytum Medicem Cardinalem carmen, nondum misit: id
hac epistola leges, raptim descriptum propter occupatio-
ne quo qualis sit, tuum, Paulique nostri iudicium valde scire
e: eo enim nihil politius esse arbitror, Bembus tuus tibi sa-
plurimam dicit. Vale, Parauij. VII. Calend. Septembr.
XXXIV.

XII.

ZARVS BONAMICVS IACOBO SADO-
leto Episcopo Carp. S. P. D.

NITAS naturæ tuæ omni ex parte se effert in iis literis quas
Nigrum scripsisti de querendo Græcarum & Latinarum
tum doctore & magistro. Nam tibi satis non est officio tuo
esse, ut summa cum religione, pietate, fide episcopatum
uum, & in omni Christiani muneris administratione cum
beas, qui charus sis omnibus, atque admirabilis: sed quæ a-
te esse debent, docendo, admonendo, cohortando, ut re-
c curentur, omni contentione elaboras. Commouisti pro-
n a studio pulcherrimarum literarum abhorrentem. Hoc
tum bonitatis fuit, sed cum sapientia atque eloquentia
ctæ bonitatis. Ego & quia rem honestissimam esse, & tibi
video, & sum ipse ad communes utilitates propensior, in-
ndo mentem & cogitationes meas figam. Mira est pauci-
um hominum, quod te fugere non arbitror: in ea tamen
extabit nostrum. De Hortensio caue ne longius tam præ-
opus ducas, quam in dialogo de educatione puerorum
fit. Turpe aliis, datam fidem non præstare: episcopo verò,
leto quidem episcopo, turpissimum: præsertim cum sis
us huius mendacij nostram ipsorum memoriam, atque
fiteritatem testem. Vide quanta cupiditate ardeam, qui
ea quæ ne suspicari quidem de te possum. Ignoscere au-

tem

tem mihi, tuæ propè gloriæ fauenti magis, quàm meæ. Hic de bonis literis bene mereri non desino: & in eo me planè nauasse operam intelligo, quòd vndiq; cõcurritur. In hoc numero si quis erit idoneus, & impetrari id poterit (quod tamen difficile iudico) cum ad te mittam. Vale. Paulo nostro plurimam salutem adscribimus, Patavij, XVIII. Calen. Sext. M.D.XXX.

XIII.

IAC. SADOLO. EPISC. CARPENT.

Lazaro Bonamico S. P. D.

PVPGERVNT me non nihil literæ tuæ VII. Cal. Septemb. Patavio datæ: meq; in eam suspicionem adduxerunt, vt viderer, ne quid à me antea imprudentius fuisset scriptum, quasi tu mihi in opinionem inertiae desidiaque venisses. Quod ego non modò eo animo scripsi nunquam, sed ne cogitare quidem potui. Quid enim minus, quàm quod nusquam quicquam est, i lique ego scio nihil esse? An te ego non noui: tuaq; mihi virtus, industria, nauitas parum perspecta est: aut quisquam omnium mortalium est, qui audeat affirmare, tuos sibi sensus melius quàm mihi, percipros esse, & cognitos? Crede mihi, mi Lazare, memetipsum turpissimæ inscitiae accusarem, si tibi ignauiae notam vllam attribuerem. Sed quod tunc scripsi me existimare, laborem illum docendi & tibi honestum esse, & alijs permultis fructuosum ac vtilem, nec videri mihi causam cur defugiendus esset: non scripsi iudicans te laborem omnem velle fugere: sed cum te in illo munere continere cuperem, iecirco illa à me tum suscepta cohortatio est: sic enim sentiebam, maximam laudem virtutis esse, prodesse quàm plurimis. Quod tu latius in posteritatem patere putas, quàm si tantum præsentī sæculo seruiatur: propterq; eam causam secreta & libera studia requiris: otiumque in illis, maiorem etiam laborem & maius negotium appellas: neque arbitraris vtrunq; abs te præstari posse, vt & priuatim tibi satisfacias, & ceteris publicè. Concedo: teque ad illa alta & magnifica philosophiæ studia aspirare planè video. Quid ergo, nonne commodè hinc poteras istam ipsam artem omnium nobilissimam publicè præstare: eoque instituere adolescentes, vel separatim, si tibi ita fuisset visum, vel etiam cum Cicerone, & cum eloquentiæ studijs coniungere? quam ego viam rationemq; docendi potissimam semper sum arbitratus. Hoc enim certè abs te si factum fuisset, vel etiam si nunc fieret, Deus immortalis, qui concursus præstantium ingeniorum, quantus amor sapientiæ in animis hominum existeret? Tu quæque qui nunc te quereris distrahi, coniungeres domestica studia cum forensib; & laborem vtrunq; in eisdem operas lucubratio-

brationesq; conferres. Sed ego tibi non præscribo, satisq; in te ipso statuo esse consilij. Hoc dico, quod habeo exploratum, te vtrò verteris, præclare id quod susceperis esse effecturum. Quæ mea de tuo ingenio, & eccellente doctrina opinio, non noua neque recens, sed iam diu antè mihi suscepta est. Legi carmen tuū, idq; admodū probaui: valde n. mihi graue & elegans visum est: vtrinam fructum eiusmodi afferat, vt quod de Pericle scriptum est, aculeos relinquat in eorum animis, ad quos maximè ista pertinent. Tuas a Ioan. Caracciolo viro clarissimo literas, de quibus in quadam epistola fueras conquestus, iam pridem accepi. Ille verò Brunus, doctus (vt ego conijcio) adolescens, scripsit ad me, se Georgio Selua Vaurenti Episcopo, regio istic legato, cōubernalem factū esse. Què hominem, mi Lazare rogo te vt nosse velis: talè enim offendet, ingenio, humanitate, probitate, doctrina, vt pluris tibi propter eū Gallia futura sit. Polus ad me scribit, vberissimis elegantissimisque literis, multa ille quidè digna illo ingenio & sanctissimis ipsius morib. Sed plurimū tamen & præcipuè de te, què ipse admodū cuperet ad Theologiæ studia iam aliquando animū adijcere. Quam ego cupiditatē eius vehementer probō, tibiq; suadeo, vt hanc diuinā imprimis facultatē & ad salutem nostram necessariam, diutius à tui ingenij thesauris ne habeas segregatā. Sed de his aliàs. Nunc tempus interpellat, luxq; & negotia instant, nam hæc manu mea scripsi ante lucē. Valebis igitur, & omnibus amicis, imprimisq; Bembo meo, plurimam à me salutem dices. Vale. IX. Calen. Decemb. M.D.XXXIV.

XIV.

IAC. SADOLETVS EPISC. CARPENT.

Lazaro Bonamico S.P.D.

EX tuis literis Idib. Martij datis, quas ego pauld antè Idus Maias accepi, illum facio quæstum, quod optimi & doctissimi viri Aonij Palearij amicitia auctus sum. Quem ego me hercule hominem plurimi facio, vel propter eius virtutē atq; doctrinam, in suoq; genere scribendi elegantia: vel quod ea sunt illius animi erga me indicia ac monumenta, vt nō modò amare, sed gratiam illi etiam habere sim cōpulsus, si tamen compellitur, qui libèter quid facit, & studiosè. Amo certè illū, & gratiam præterea habeo, quia de me ipse meritus est. Qui etiam si nullo suo officio me sibi euinxisset, propter ingenium tamen, propter optimarū artium scientiam mihi erat amandus. Nunc quid me facere oportet, cū tanto me obstrinxerit merito: Atq; is quod tuam commendationem intercedere voluit in nostra amicitia concilianda, quanquā illi verè ac constanter id esse opus negasti: tamè ipse non nihil videt.

vidit. Siue enim quòd ita iure fieri à me debere intelligit, siue quòd animum meum erga te habet exploratùm, sensit id quòd verissimum est, nullam esse tantam virtutis commendationem apud me, quæ non tuo testimonio multò fiat vberior. Itaque illum, quem sponte & per se iure quidem optimo antea dilexissèm, tua nunc commendatione habeo chariorem. Quid autem de eo, deque eius scriptis sentiam, scribo ad ipsum quidem copiosius: sunt enim illa à me diligentissimè perlecta. Sed tibi quoque breuiter dico, probari mihi mirificè cùm ingenium hominis, & in scribendo elegantiam: tum illud imprimis religionis studium, quod præ se fert: quòd quidem vbicunque adest, illa mihi & plena & grauià & pererudita videntur esse. Phædrum meum, quòd sis ad calculos iudicij & prouidentia tua denuò reuocaturus, valde lætor: magnamque in tua consideratione & diligentia eius expoliendi spem habeo. Tantum à te peto pro iure amicitia nostra, vt ne ambitiosè, nèue erga me nimium indulgenter eum corrigas. Marcum Fortiacum gaudeo tibi esse cordi: certè mihi magna voluptati est tuum de illo adolescente iudicium cum ea opinione quam semper de eo habui, conuenire. Eum tibi ne cõmendo quidem, video enim esse satis commendatum, vel ex eo quòd contubernio tibi coniunctus est. Paulus & te amat, & memoriam tui seruat quam debet, tuque crebrò in sermonibus nostris versaris, queis & consuetudo tua, & suauitas à nobis requiritur. Qua posteaquam carendum nobis necessariò est, tuas saltem optamus crebriores, mi Lazàre, literas: quòd iis desiderium tui nostrum aliqua ex parte leniri sentimus. In quo nobis vt morem gerere ne graueris, equidem te vehementer etiam atque etiam rogo. Vale, & amicis nostris communibus plurimam meis verbis salutem dic. VI. Calendas Iunij, M.D.XXXVI.

XV.

IAC. SADOLETVS EPISC. CARPENT.

Aonio Paleario S. P. D.

SERVS accepi literas tuas. Data enim illa III. Idus Februarias, mihi medio fermè Maio sunt reddita. Quibus perlectis equidem valde lætatus sum, cum tali ingenio, quale tuum mihi iam perspectum est, talem etiam animum erga me plenum amoris & desiderij, coniunctum esse. Quid enim est rerum omnino omnium, quòd mihi bonorum & doctorum beneuolentia videatur optabilius? Itaque cùm epistolam tuam primò legissèm, eaque mihi vehementer placuisset, (est enim & suauiter, & ornate, & perammanter scripta) ab illius statim lectione ad poema tuum me cõtuli, totumque perlegi triduo: singulis videlicet libris in singulos dies

dies collatis. De quo, ut tibi verè exponam quod sentio, hoc iudi-
 cij feciteorum, qui in eo genere voluerunt esse, sanè quam pau-
 cos, & nostra, & imperioe memoria, aequè eleganter scripsisse at-
 que tu: rudius certe neminem. In quo mihi illud mirificè pro-
 parum est, quòd hæc tua scripta non accersitis, fucosisque argu-
 nentis, neque quò magis poetica videantur, à fabulosa illi iusto-
 decorum veritate repetitis: sed sancta, & vera religione con-
 ita sunt. Ut quemadmodum vultus pacatus, & conitans in ho-
 mine, bene affecte mentis, & probi animi est indicium: sic tua i-
 a extima ergi Deum pietas, quæ sese in tuis scriptis primam of-
 rit: nos cogit de te, æque omni sensu animi tui, excellentèque
 eterna præclare existimare. At cætera quidem tuum carmen
 te mihi satis fecit: video enim quos imiteris, quid referre in tu-
 is, & exprimere conere: tibi que neque in eligendo iudi-
 cium, neque in conando finem huius laboris tui abesse intelligo.
 Precipio etiam verborum elegantiam, sententiarum acumen,
 serique apta & varia compositione delector. Sunt enim ista
 tu in te ita studio & cura elaborata, ut sint ubique nihilomi-
 ingenij luminibus lita. Illud vnum interdum (quanquam ad-
 dum raro) desidero: quòd cupissem nonnulla a te differi ex-
 titius, quibus nunc percipiendis mens nostra aliquantulum
 fat. Atque illa (ne forte mihi Lucretianum modum dicendi
 has) non sunt ex eo genere, quod difficultatè rerum quæ
 iuratur, suapte sponte obscurum propè necessariò sit, in quo
 iusta esse scribentibus exculatio: sed è medio quardam sum-
 ompressius abs te dicta sunt, quæ dilatarì, & patere melius
 sem. Neque ea tamen tam multa, ut pertimescas. Sed for-
 :modus robur, & ut nanus decus aliquando, atque orna-
 dchro corpori asferre solet: sic plerisque illa potuerunt vi-
 irco esse quæ sita: quòd cursus nostræ cogitationis, suen-
 cilitate orationis, aptè illis interdum, tanquam salebris,
 r. Quod quidem ad veras laudes egregiè compositi car-
 rinet, totum tibi ita tribuo, ut hoc planè confirmem,
 lus aliquot iam annis in eo genere editum legisse liben-
 que te iam ne horror quidem, ut quo minere instituisi,
 rro pergas. Satis enim tibi incitamenti, cum iudicium
 etatioque hominum, cum fructus ille ingenij suauissi-
 a pangendo maxime & in commentando percipitur,
 re. Qui etsi omnibus eruditis datus est, cum hi aliquid
 creant atque gignunt: vberior tamen adest poetis,
 ni ego te non poetam magis, quam oratorem esse sta-
 ei facio ex epistola tua coniecturam. Ea enim ita com-
 onici niter scripta est: ut facile intelligam, te utrun-
 is, & suscipere & polle præstare. De me verò, quem tu

tantopere in tuis scriptis erhas, eoque honore afficis, quo minime nemo afficere quenuquam potest, quid dicā, vix reperire mihi posse videor. Nam si eas in me laudes agnoscam, quas tu mihi tribuis, timeo, ne arrogans: sin repudiem planè atque rejctum, & reor, ne ingratus aduersus te sim, cum de tuo iudicio ipse dectham, eo ipso vnde sim ornatus. Quamobrem vt in difficili cuiusmodi causa, ad id me vertam, quod meo pudori maxime est consentaneum: vt tibi agam pro tua ista humanitate & erga me beneuolentia gratias, meque tibi hoc nomine obstrictum esse confitear. Quod facio equidem, & libens facio: tibi que persuasissimum esse cupio, te à me singulariter amari, vel ingenij, & virtutis, & probitatis tuæ causa: vel eius officij atque amoris, quo me ipse prosequeris: vel quod eorum & temporum, & hominum, in tuis literis mentio facta est, quorum meam & memoriam, & erga illos beneuolentiam, dies nunquam delere obliuione vlla potest. Vt præter id, quod tuo nomine tibi debeo, quantum etiam illos dilexi, totum in te persequar. Quo me in te animo esse, si uis venerit, re ipsa, experiendoque cognosces. Vale. Carpentorach, VI. Cal. Iunij, M.D.XXXVI.

XVI.

I A C O B. S A D O L E T. E P I S C. C A R P E N T.

Sebastiano Gryphio S. P. D.

SUPERIORIBVS proximis diebus, cum esset allatus ad me liber Aonij Palearij, de immortalitate animorum, præclara inscriptionem præ se ferens, eamque rem totam heroico catimine complexus, legere cum statim perquam auidè capere quasi tentaturus, an p̄misso satisfaceret, qui tam sublimem titulum operi suo præposuisset. Atque ibi video, id quod mihi primum summe volup̄tati, deinde penè incredibili admirationi fuit, rem tantam quanta altera nulla est, quæ quidem scriptorum ingenij proposita sit, tam grauitè tam crudite, tam etiam & verbis & numeris aptè atque eleganter tractatam esse, nihil vt ferè nostrorum temporum legerim, quod me in eo genere delectarit magis. Nam nec sententiarum orationisque vbertas, in tam difficili ac penè sp̄miosa materie, vlla desideratur, nec in exponendis rebus reconciliandis lux atque facilitas. Numerus porò carminis is est, vt videatur Lucretium velle imitari, redolet enim antiquum illud: sed et sapore humanitatis conditus est; vt asperitate dimissa, v̄t̄t̄tis tamen auctoritas salua remaneat. Atque hæc in vniuersum illa iam partium singularum propria, nihil non Latine dictum, nihil non accuratè, quoque iudicium & diligentiam adhiberi, sic non patet: multa que præterea vbi que ingenij & v̄t̄t̄tis multa.

iustatis luminibus, & quod ego pluri quam reliqua omnia fa-
 cio, Christiana mens, integra, castaq; religio, erga Deum ipsum
 honor, pietas, studium, in eo libro vel maxime, non solum doce-
 re mentes errantium, sed etiam animos incendere ad amorem
 purae religionis possunt. Sed quorsum haec, mi Gryphi? Primum
 volui dare testimonium apud te doctissimo viro, ut quid de eo
 sentirem, tu plane cognosceres. Deinde à te petere, id quod ipse
 quoque eius volo causa, & petit à te per literas, & summe flagi-
 tat, ut eius hosce treis libellos tuis formis exprimendos cures. In
 quo ille valde suo honori, ego meae cupiditati satisfactum fore
 ipsi te arbitraturi sumus. Noli enim putare non apud Italos co-
 nnes tuum esse nomen in magna gratia. Quicquid prodit ex of-
 ficina tua, id ita demum & rectum & probatum habetur omni-
 us, si in eo tuum nomen sit praescriptum. Nota est enim pro-
 ptas, & diligentia tua, nota eruditio. Quid igitur restat, nisi ut
 & bonis & anantibus tui morem libenter geras? Quod ta-
 men semper sponte tua facis, nunc mea etiam causa facere pro-
 ptius debes, qui meam fidem atq; officium in hac re agi iudi-
 cas. Sum enim, ut tu scias, in hoc ipse libro honorificentissime ap-
 pellatus, secundo (ut opinor) volumine, ut tibi haec opera mihi
 obque una cum Aonio, non ipsi soli praestanda sit: quandoquin
 tu me amore iam pridem, atq; observantia tua munifice es
 implexus. Negerit cur te poeniteat, hunc talem librum Actij
 ideri. Vide doctissimorum hominum, ac praestantissimorum
 tarum scriptis adiunxisse: cum quibus certè hic iure compa-
 potest. Nam & in eadem argumenti sententia sanctitateque
 illissime versatur, & philosophiae praeterea rationibus uberior
 structus. Sed hoc tu per te aequè bene cognoscēs. Illud utiq;
 versuatum habere debebis, quicquid in hac re ex mea & Ae-
 duntate effeceris, id utiq; nostrum fore gratissimum. Eadem
 re, quod eam magis mihi curae esse intelligas, meis verbis
 ager vit optimus, ac vetere mecum amicitia coniunctus,
 tas Serenius: sic enim ei a me mandatum est. Qui & ut in me
 per officiosus fuit, & pro eo studio, quo probos & erudi-
 mines sui similes prosequitur, non dubito quin diligenter
 functurus sit. Vale mi Gryphi. Carpentoracti. III. Calend.
 ID. XXXVI.

XVII.

OB. S ADOL. EPISC. CARPENT. G 4.

Leatio Florimonti Suffragano S. P. D.

s a te eodem tempore accepi literas: quarum altera et
 bio Ferraricensi, ut scribis, VI. Cal. Ianuarij erant datae:

H 2

altera

altera Baucis pridie Calend. Iulij, quæ me utraq; mirificè delectauerunt, multis enim sunt & amoris tui erga me, & ingenij ac doctrinæ significationibus referta: ac, vt verum tibi confitear, longè aliam personam mihi, aliud specimen ingenij obtulissent: sunt, ac priores fecerant: quibus fueram adductus, vt te admonendum putarem, vt omiſſis leuioribus illis studijs, ad grauioreſ arteis te conuerteres. Quod eſſi tunc à me optimo fuit factum animo, tamen nunc planè intelligo, non fuiſſe neceſſarium. Te enim id ita feciſſe, multumq; in omnibus artibus optimis profeciſſe ſentio. Sed quæ tu de ſacris literis, deq; earum ſummis doctoribus ad me ſcribis, ea mihi vehementiſſimè probantur. Omnis enim noſtra ſalus, omnis beatæ & immortalis vitæ ſpes, in illo potiſſimum ſtudiorum genere poſita eſt. In quo verò aſpernari videris philoſophiam, & grauiſſimos illius autores reiicere, id mihi tecum conuenire non poteſt. Ego enim cùm me ex illius ſtudio non admodum hebetem ſentio eſſe factum, tum verò ſic ſtatuo, non lapidem lapidi, neque parietem ſaſtigio vltum tam congruere, quam theologia & diuinis literis philoſophiam. Itaque illud ipſum quod induciſ tanquam illudens, tanti eſt, vt abſque eo perſuaderi quidem poſſit, & *ἡ ἀνδρῶν πᾶν τὸ καλὸν καὶ ὠφέλιμον ἐκ τῆς φιλοσοφίας*, exiſtimari eſſe Deum, ſciri autem nequaquam. Sed hæc hactenus: non enim huius ſunt ſcriptionis, & temporis. Tu quod videris vereri, ne tuæ mihi literæ moleſtæ ſint, facis mihi nonnullam in eo iniuriam: parum enim commodè de mea humanitate exiſtimas. Scito igitur, tuas mihi literas, & antea gratas extitiſſe, & in poſterum fore ſemper gratiores. Commentarios meos in Pſalmum XCIII. remitto tibi, quando me illius ſeſellir diligentia, cui primo negotium dederam. Facies autem tu mihi pergratum, ſi quando his ſtudijs apprimè deditus es, ſi quæ tibi non beſſe in illis videbunt ſe habere, de ijs me admonueris: hominisq; amici veriſſimo officio fueris functus. Quod vt agas, ſtudioſè abs te pèto. Vale. Carpentoraſti, X. Calend. Martij.

XVIII.

IACOB. SADOLET. EPISC. CARPENT.

Angelo Colorio S. P. D.

SÆPVS iam literis meorum certior factus ſum, viuere apud te & cæteros iſtic æquales noſtros, quos fortuna nobis reliquit: uos fecit, mei memoriam abſentis ſanctumque illud ſœdus amicitiæ, quo veruſto admodum coniuncti inter abſ ſumus, ſuam apud vos religionem obtinere. Quod mihi cogniſſe fuit iucundißimum: eſſi hoc verbum, propter eas tuas quib; oppreſſa ſum co-

moia, iam dudum ex visu atque animo nostro sublatum esse videa-
 tur. Sed tamen cum mihi scribitur (id autem fit ferè quotidie) te
 & Petrasanctam meum, cuius ego excellens ingenium & natu-
 ram liberam atque ingenuam dilexi semper, & Thebaldeum ma-
 gno honore ac laude dignum hominem: Curtium quoque no-
 strum, cuius plurimum extant cum literarum atque ingenij, tum
 amoris erga me atq; officij indicia ac monumenta: amanter se-
 de percontari de me, meamq; pristinam desiderare consuetudi-
 nem: profecto hominum cum mihi mea voluntate & iudicio
 harissimorum, tum sua virtute ac dignitate honestissimorum,
 vbera de me mentio, eisdemque plena amoris & desiderij maxi-
 mam mihi voluptatem affert. Nihil enim est homini cum fide ami-
 tias colenti, quo me ex genere hominum esse profiteor, pari-
 ticorum erga se voluntate optatius. Ac mihi recordanti spa-
 tium præteriti temporis, & vetera animò repetenti, cum & plu-
 cōuenire soliti eramus vnà, & erat ætas nostra ad omnem ala-
 citatem animiq; hilaritatem longè aptior: quoties venire in
 item putas eorum coetium conuiuiorumque quæ inter nos
 ordò habere solebamus? cum aut in hortis tuis suburbanis, aut
 iis Quirinalibus, aut in circo maximo, aut in Tyberis ripa
 Ierulis, alias autem aliis in vrbis locis conuentus ageban-
 locissimorum hominum: quorum vnumquemq; & propria
 s virtus, & communis cunctorum prædicatio commenda-
 ubi post familiares epulas, non tam cupedia multa conditas,
 multas salibus, aut poemata retitabantur, aut orationes
 iuriabantur, cum maxima omnium nostrum qui audieba-
 oluptate: quod & sanctorum ingeniorum in illis laus ap-
 at, & erant illa tamen quæ proferebantur plena festiuitatis
 istatis. Quo in genere recordor pressum & acutum Casa-
 i, Capellam letum sonantem, magniloquum Vidam, &
 hominem ad antiquam laudem carmen accederet: castiga-
 prædicentem Beroaldum: vberes autem & suauis Pierium,
 i, Marthalenum, Blosum, quosque complures nostra per-
 ta, partim carmine, partim soluta oratione eximios: cu-
 Nigrum nostrum Iulliana in dicendo grauitate: Anto-
 e Venantium, & Bium in vtraque contententem lingua.
 te in iudicando, & imprimis acutos, Vbaldium, & An-
 ni Compuriscæ cognomen est. Quo è numero multi in
 genere dicendi egregiam sibi laudem à doctis omnibus
 merunt. Nam illa ornamenta & lumina Romanæ lin-
 gus & Camillus Porcius, magno cunctorum incom-
 muni morte crepta nobis sunt: in quibus sedem sibi vi-
 ceti se eloquentia: Cuius nunc honorem atq; nomen,
 vbanorum omnium, retinet Paulus Iouius, & in-

scribenda historia grauis & elegans, & in omni genere literarum perpolitus. Quin & duorum summorum hominum me adiuuet recordatio, fuisse quoque eorum conuentu nostras aliquando cœnas atque epulas exornatas: quorum est vnus Petrus Bem-
bus, cuius in omni virtute laudeque eloquentiæ summa & singu-
laris semper fuit gloria: alter qui nuper in Hispania decessit ma-
ximo cum merore omnium quibus fuerat notus, hoc est pland
omnium, Balthasar Castilioneus, magnus vir imprimis, nec so-
lùm nobilitate & genere, sed magnitudine etiam animi, & omni
eximia virtute præstans: quique quod militari viro erat admi-
randum, omneis omnino artibus libero homine dignas, & omnia
doctrinæ genera comprehenderat: quem ego recordor sæpè at-
que hilarè nostris cœtibus interfuisse: & ipsum, & eum qui pau-
lo antè est mortuus, summa indole ingenij & spe maxima virtu-
tis, Ioan. Franciscum Fûrnium ciuem meum. Namque hos qui
modò secutus supremum in Gallia obiit diem, pari cum illis vir-
tute & nobilitate præstans, Andreas Nauagerius, tametsi no-
stris cœtibus minus sæpè interfuerat: propter excellentem ta-
men in literis & scientiam & gloriam, à nobis est perhibendus.
Lazarus autem qui nunc abest à nobis, cuius in Græcis & Lati-
nis singularis est eruditio, quique philosophiæ & sapientiæ stu-
dia non solum scientia, quod faciunt permulti, in quibus tamen
excellit: sed vita & moribus, & vera virtute complexus est: cre-
do equidem vobis in desiderio esse. itemque Marius Volaterra-
num, hominem grauem iam & dignitate, & annis: sed cuius ad-
mirabile ingenium, summamque optimarum literarum cogni-
tionem, nisi vrbs & urbana cura præpediuisent, plurimum lu-
cis allaturum nostro seculo non dubito fuisse: à quo potissi-
mum exultabantur cœnæ nostræ: cum & in lacescendo acute,
& in respondendo, omnes ex eius verbis atque vultu effluerent
lepores. Nam Marius Buccabellum quoddam audio esse incolu-
mem, maxime operè lætor: hominem cum omni virtute orna-
tum, tum mihi amicissimum. Atque inter hos tot & tales viros,
aliosque complures, quorum omnium nomina persequi non
huius est descriptionis, dulces quoque Corycij iracundias, & gra-
tas ineptias Donati spectare haud displicebat: quos noster Sa-
uotia homo omnium facetissimus & prouocare solebat studiosè,
& ridere. Nam de te mi Colori quid ego dicam? Cuius in ani-
mo, ac natura mihi videntur Musæ effigiem sui moris ac decen-
tis insculpsisse, vt esses pudore, virtute, liberalitate ornatissi-
mus: cuius pectus atque ingenium doctrinis omnibus, domus
autem ipsa tua omnibus doctis pateret. An est quicquam in rebus
ad conciliandos natum animos, quod meâ in te beneuolentiam
non decedat, præsertim cum me abs te tantopere intelligam

amari? Sunt quidem & multa præterea amoris causæ: vetusta necessitudo inter nos. Societas etiam eorundem studiorum, tum cum dabamus Græco doctori Carteromacho simul operam. Quo quidem ex tempore recordor nec meam tibi insignem beneuolentiam, nec tuum mihi studium vnquam defuisse: tum autem multa sæpe nobis communia, lusus, conuictus, deambulatio: par prope atque idem in amicis delectus, ex eisdem rebus delectatio. Sed quorsum ista? omnino longius sum lapsus, meque veterum & rerum & hominum cogitatio vltèrius prouexit, quam fuerat voluntas. Sed tamen illud intelligi à te volo, non vestrum solum, qui valetis & viuitis, (quorum quidem salus mihi ita iucunda est, vt mea sit vita propter vos mihi charior) sed eorum etiam, qui fato functi sunt, quorum maior longè est multitudo, memoriam cunctorum mihi in intimis sensibus inhaerere: quorum equidem omnium, (si hoc ocium, quo nunc perfruior, Deus mihi fortunarit) nomen non patiar apud posteros ignorari. Atque hæc tempora, & has vitæ iucundæ ac beatæ suauitates, infecuta clades & acerba fortuna reipub. disiecit. In quibus detrimentis, etsi maximum cepi ex vrbis graui casu, & vestrum omnium iacturis, quos illa calamitas oppressit, dolorem: tamen id mihi accidit non incommode, quod consilio & voluntate reliqui res Romanas, antequam illa me istinc tempestas extruderet. Direptæ meæ quidem omnes, dissipatæque fortunæ: idque non semel, sed bis, aut etiam tertio: quodque durius visum, libri vna erepti. At nihil tamen indignitatis, nihil scditatis in corpore passus sum. Nudus in has oras, tanquam ex naufragio sum compulsus, ac liber animi, & placatus tamen: vt pote cui iam non in his rebus externis, non in honore & gratia populari, non in diuitiis atque opibus: sed in alia quadam certa ratione viuendi, animi sit quies, & vitæ beatitudo reposita. Itaque facile patior, mecum constitutum procul ab vrbe manendi, vinculis iam ineluctabilibus constrictum esse, non solum voluntatis meæ, verum etiam necessitatis: cuius numini non repugnare ne Deos quidem ipsos vetere proverbio iactatū semper est. Etenim cum consilium cepi Roma exeundi, noli putare non multa extitisse, quæ me dehortarentur, & quæ animum meum quodam dolore flecterent: amor, consuetudo, spes honorum, amicorum & necessariorum lacrymæ, ornatissimorum hominum familiaritates: quibus ego (quod liceat sine arrogantiâ dicere) egregiè præter ceteros florebam: atque illi vt me ipsum, non vt fortunam meam appeterent. Dices, quid ergo: quæ te ad discedendum causa compulit? Illa, mi Colori, quod magna mihi vitæ parte in alienis rebus iam acta, ad ea quæ me attingunt propius, & in quibus mea salus & vera vita con-

fistr, mihi aliquando tandem reuertendum intelligebam. De-
 deram satis principibus, dederam satis amicis, dederam Reipub.
 mihi quando darem? si iam quinquagesimum attingens annum,
 non ex illis fluctibus in portum, & ab terrenis ad cœlestia & cu-
 ram & animum meum reuocarem? His ego de causis vrbi salu-
 tem dixi: non amorem & charitatem Christianam deponens, sed
 contactum rerum turbulentarum reformidans. Sed quod dice-
 bam modò, me vt absim ab vrbe, non solum voluntatis, verum
 etiam necessitatis vinculis constrictum esse, id eiusmodi est: Nul-
 li vnquam sua patria, solumque illud in quo quisque natus, & ali-
 tus, gratam incunabulorum memoriam secum perpetuò fert,
 tam charum fuit, tamque amabile, quam mihi vrbs Roma, & san-
 cti illi penates tot clarissimorum fortissimorumque hominum,
 quorù penè in passus singulos, cum per vicos & plateas vrbis va-
 debamus, aliquod in monumentum, aliquamq; in historiam pe-
 dem ponebamus. Cur autem tantum amarem, & vetustatis admi-
 ratio faciebat, & præsens ciuitatis maiestas: & me hercule etiam
 magis, quod quicquid est in me humanitatis atq; ingenij (si mo-
 dò est aliquid) omne hoc illi referebam acceptum. Hanc igitur
 Vrbem mihi dilectam & charam vsque eo, vt nihil in amore fieri
 possit ardentius, deformatam ruinis, exinanitam frequentia, plu-
 rimis claris viris, illustribusque orbatam, quorum in suauitate &
 benepolentia mei (quos pro repub. capiebam) labores requiesce-
 bant, vt videre velim, animum inducere non possum: iactaram
 præterea etiam nunc procellis, obiectam tempestatibus. Ita quod
 prius amore repugnante, iudicio tantum adductus faciebam:
 nunc eodem amore auctore firmiter facio: vt sedem mihi in his
 locis perpetuò domicilio constituerim. Si quidem amantis est
 non solum appetere congressum eorum quos amat: sed si quid
 illis accadat miseria & calamitatis, cui ferre opem ipse non pos-
 sit, non modò aspectum tanti doloris, sed mentionem quoque
 ipsam deuotare. Quamobrem immota hac quidem & in omnem
 partem stabilis est animi mei sententia, tempus reliquum vite
 quod superest, non in vrbe Roma, sed Carpentoracti: neque ad
 hominis vilius arbitrium, sed ad summi Dei honorem atque cul-
 tum, mihi impendendum & consumendum esse: ita, vt optimis
 artibus & literis suam partem sum daturus. Qua spe, & quò euen-
 tu, quoniam nihil magnum de me polliceri possum, eorum in
 aliorum opinionibus relinquo. Quod autem mihi vehementer
 cordi est, & de quo plurimum laboro, vt saluum maneat mihi &
 præcipuum ornamentum præteritæ vite, & futura solatiū hoc
 est, vt vestra erga me voluntas incolumis permaneat, quando ex
 vestro amore erga me, vestroque iudicio, omnis prope mei animi
 lætitia pendet: id vos vehementer oratos & rogatos esse volo, vt
 mei au-

mei absentis memoriam retineatis: quaque ego fide, quaque constantia, fidem veræ amicitiae conferuans vos in oculis atque in animo assidue gero: eandem vos mihi fidem beneuolentiamque praestetis. Quod non ut diffidens postulo, sed ut amans, & quod omnium rerum mihi est optatissimum, me ab illis diligere, quos cunctorum amore dignissimos, ipsorum virtus, & doctrina, & summa humanitas facit. Valete. Carpent. M. D. XXIX.

IACOBI SADOLETI EPISC. CARPENTORACTI EPISTO- larum Lib. VI. Epist. I.

IAC. SADOLETVS EPISC. CARP.

Ioan. Bellais Episc. Parisiensi S. P. D.



MOR meus erga Langerum fratrem tuum eximius & singularis, (quem ego propter eius multas & magnas virtutes diu ante susceptum, sanctissimè, fidelissimèque conferuo) fecit, ut simili in te quoque voluntate semper fuerim, eamque tibi beneuolentiam praestiterim, quam & fratris tui mihi perspecta, & tua saepe audita, omniumque in primis probata testimonio, virtus postulabat. Sed accidit in hac coniunctione nostrae amicitiae, ut vos essetis, quam ego multò fortunatiores. Cum enim nihil sit, neque natura ipsa praestantiùs aut clariùs, nec bono viro iucundiùs, quam benefacere: vos omnis vestrae liberalitatis exponendae occasionem in me saepe habuistis: ego autem ne semel quidem facultatem sum natura, quò fratris tui merita erga me paribus officiis compensare possem, & ostendere utrique vestrum, concedere me homini profecto nemini, qui maiore animo & ad promerendam & ad referendam gratiam, aut propensiore ad benefaciendum natura sit paratus. Sed tamen quoniam vos quoque imprimis digni estis, quibus instrumentum fortuna suppeditet vestra declaranda virtutis & bonitatis: sit sanè in hoc fors vestra felicior, ego ad ceteras causas diligendi tui, hanc quoque habeo non minorem ceteris, quod in eiusdem collegij munus atque officium à Deo patri vocati, huius sacri honoris societate cõiuncti sumus: quem & tu summa cum laude geris: & ego id adnitor, ut ne omnino improbandus sim. Haec cum ita se habeant, nulla iam apud me ratiō dubitatio, quin ego vicissim abs te diligar, quod tu quidem facere debes, vel fratris eiusdem tui causa, vel etiam tua. Conuenit enim natura & humanitati tuae, ut in amore respon-

deas his à quibus diligere. Quod cum ita esse mihi persuaserim, id à te institui petere, quod mihi hoc tempore maximum esset, maximeq; necessarium. Paulus Sadoletus mei filius fratris, adolescens institutus sanè quàm liberaliter, mihi iampridem à patre traditus, à me pro filio educatus est. Is affectus cupiditate ressenda aula Regis, & eius cognoscendi, ac meo etiam nomine venerandi Regis, de cuius plurimis ac maximis virtutibus quotidie & à me permulta, & à multis sæpè audit, istuc venit: quidam illi etiam expositurus, quæ à me mandata sunt. Eum ego & tibi, & Langæo fratri tuo potissimum commendo. Quanquam enim non ego aliorum amicorum & benevolentium copia, vel abundo etiam potius: tamen omnium hominū nemo est, quem ego malim adhibere in meis negotiis atque rebus, quàm alterutrum vestrum. In quibus mea omnis reposita est fiducia, vos fraternè & amanter curaturos, ut ea quæ ego volo, quemadmodum quidem volo, ita maxime fiant. Quid autem velim, & quamobrem istuc miserim, ex Paulo ipso cognosces. Ei porro mandavi, ut nihil omnino agere aggrederetur, nisi convento prius Langæo: quem fortè in aula si non offendisset, ad te adirer, omniaque gereret de vestra potissimum autoritate ac sententia. Quapropter peto à te, ut hunc adolescentem, mihi & charum admodum, & probatum, omni humanitate tua excipias. Ego si ea abs te officia expecto, quæ tibi vicissim si casus ita ferrer, libentissimè tributurus essem: non tibi id mirum videri aut novum debet. siquidem ex illis artibus literisque liberalissimis, in quibus instituti ambo atque educati sumus, sic didicimus, inter bonos agi liberè omnia, & familiariter oportere. Quorum verborum vim si attenderis, hoc profectò statues, & tuam mihi paratam benevolentiam semper præsto esse debere, & meam tibi: quod à parte tua sperare, à mea polliceri tibi possum. Vale, & nos dilige tui amantissimos. Carpentoracti, M.D. XXXII.

II.

IAC. SADOLETUS EPISC. CARPENT.

Ioan. Bellai Episc. Parisiensi S. P. D.

CVm aduentus Pauli summa me lætitia affecti, propterea quòd paterna illum iamdudum charitate complexus, eius ingenio, probitate, modestia, sic delector, ut omnia quæ parentibus à bene moratis liberis iucunda accidere solent, ab illo mihi accidant: tum verò cumularus sum maximo gaudeo, cum de tua erga me atque illum voluntate, dequæ omnibus officiis, quæ

quæ mihi abſenti in illo præſtitisti, ipſius teſtimonio & verbis ſum edoctrus. Quæ quidem non ſolùm illo exponente cognita mihi ſunt, ſed tuis etiam humaniſſimis & elegantiſſimis literis confirmata. Ego verè (ſic tua & mea ſalus perpetuò mi Bellai Deo cordi ſit) ut iſtam animum tuum erga nos, amorem, ſtudium, omnibus fortunæ præmiis & honoribus antepono. Non enim quicquam ducò in rebus humanis eſſe optabilius, quàm diligì ab his, qui propter virtutem & nobilitatem, digniſſimi ipſi ſunt ab omnibus qui diligantur. Quod quando mihi in te contigit, & tibi qui es mihi chariſſimus, ego quoque viciſſim (ut video) non inamabilis ſum: & mihi ipſe gratulor, & tibi gratias ago. Quod nobis tuam opem & operam paratam deſers, ſi quid mihi, vel Paulo iſtic fuerit opus, ego promiſſionem tuam neque contemno, & tamèn iſtam tuam voluntatem omnium promiſſionum exitu habeo chariorem. Te enim ipſum potiùs expecto exitumquæ in te bonum, & in Langæo fratre tuo mihi conſtitutum eſt, quos habeo ambos, quibus non beneuolentia ſolùm, ſed vero etiam iudicio ſim amiſſiſſimus. Quod quidem latiùs etiam manat, & in illum fratrem veſtrum, qui Lucetæ in ſenatum eſt cooptatus, & in vniuerſam domum familiamquæ veſtram. E qua cùm videam qui exoriantur viri, quibus ingenij & animi ornamentis præditi, de generis veſtri indole ac diſciplina id ſtatuo quod necèſſe eſt, eſſe illam in laude virtutis raram, in exemplo propè admirabilem. Quid enim veſtra iſta comitare, & in obſequendi ſtudio, diligentia, ſedulitatequæ ſpectariuſ? Sed hæc, quæ maiorem copiam orationis deſiderant, in aliud tempus differenda ſunt. Regi iſti maximo, ac præſtantiſſimo, ego iam pridem omni obſervantia & amore me addixi: cùm aliis quidem etiam de cauſis, vel quod ita debeo (ſum etenim illius iuri poteſtatiq. ſubiectus) vel quod ipſe humanitate, beneficentia, magnitudine animi, omnium cultum amoremq. demeretur. Verùm illa tamen præcipuè me induxit ratio, quòd ipſius animum propenſum erga bonas literas, dignum eſſe arbitror, cui ab eiſdè literis & artib. quas amat, honos & gratia referatur. Quarum ille artiùm cauſa cùm mihi nonnihil de ſua beneuolentia impartiatur, ut & tu ſcribis, & ipſe ex multis indiçiis cognoui: enitar, atq. contendam, quoad efficere poterò, ut tanti Regis nomen per me quoq. propagetur in poſteritatem. Omnino opus habeo in manibus vnum omnium diſciliſſimum: de quo (ut video) ex Pauli ſermonibus ſatis cognovi. Sed tamen in maximis conſiderationibus atriſſimarum quaſtionum, dabo operam, ut mea diligentia ac laboris fructus aliquis appareat: etſi, quod mihi per quam cecidit incommodè, quattuor iam menſib. valetudine aduerſa ab illo opere & cura ſui diſtractus. Sed & ego incipio ex morbo recreari, &

te depulso morbi periculo, tuam pristinam valetudinem recuperasse, vehementer lætor: neque me meam sperare propinquam salutem, quam te tuam adeptum esse iucundius mihi est. Verum de his hæcenus. Ego & tibi & Langæo fratri tuo pro vestris singularibus officiis maximas gratias ago: & par vobis studium, similemque voluntatem polliceor. Quod autem est fidelis veraque amicitia proprium, ut nunquam vestrorum exeat mihi ex animo memoria meritorum: id ita præstabo, ut vos nobis eiusmodi studia amorisque indicia tribuisse ne vnuquam poeniteat. Valete. Carpentoracti, X. Calend. April. M. D. XXXII.

III.

IAC. SADOLETUS EPISC. CARP. IO-
anni Bellaio S. R. E. Cardinali S. P. D-

Nihil quidem ad me nouum, sed tamen & optatum semper, & gratum ex vrbe rediens attulit Paulus, cum de tua erga presentem se, meque absentem humanitate, beneuolentia, comitateque, plurima commemorauit. Quæ ego audiens, meaque verera & perpetua studia erga te, & fratres tuos, animo recogitans, facile mihi persuadebam, quod tantum vobis honoris temper atque obseruantia tribuissem, quod tantum vos adamassem, omnibusque meis officiis vestram præcipue familiam ex omni Gallica nobilitate fuissem prosecutus, positam à me operam perbene, idque iudicium, quod de vobis fecissem, non tam vobis laudi, quam mihi ipsi ornamento esse intelligebam. Fortes enim viros, & liberales, eosdemque magni animi, etiam consilij, tum autem omnibus artibus ingenuis egregie institutos, florentes gratia, honore, nobilitate, cum amare coepi, non solum faui illorum virtutibus, sed meæ quoque laudi consului: cum ex eorum amicitia factus ipse sum honestior. Neque hoc tamen malitiose spectavi, ut ad meum commodum ista reuocarem: sed verò vestri memores, vestra virtus, vestra dignitas ad singulare quoddam de vobis iudicium adduxit. Et si (quod cum pudore quodam loquor) eos ex tua beneuolentia fructus percipio, ut quasi hoc ipsum ante prouidisse & spectasse quodammodo ridear: ut quod egisti proxime in altero illo fratris mei filio, quem in clientelam & domum tuam receptum, non solum opibus sustentas, quod ipsum per se magnum est: sed & (quo nullum signum amoris nobis illustrius præbere potuisti), consilium ipse dedisti Paulo, autorque fusti, ut eum potissimum familiaritate tua deuinciret: quod mores adolescentis, qui videbantur esse inconstantiores, tuæ grauitatis nuru coercerentur. Hæc res, etsi præter animi mei sententiam sic acta est (ego enim aliam quam

dam vitæ rationem adolescenti ipsi præscripseram) tamen postquam id ita uti fieret, tua gravissima intercessit auctoritas, debeo existimare, nihil non optimo à vobis factum esse consilio. Tantum a Deo peto, ut adolescens, quem ego certè diligo, dignum se tuo hoc beneficio, & insigni humanitate præbeat. Quod autem ego plurimi facio, quodque mihi ad lætitiâ animi, & ad voluntatem maximum est, habere tam illustre monumentum tui erga me amoris, de eo tibi optime atque amplissime Bellai, tantas habeo agoque gratias, quantas maximas & animus meus capere, & lingua verbis proferre ac nuncupare potest. Sed tu fortasse hos vocabulorum sonitus non postulas, animum meum requiris: quem tibi semper deditissimum, quotidie etiam magis magisque constrictum atque obligatum habiturus es. Qui quidem ita tuus est, ut ferè sine te, & sine dulcissima recordatione tui, mecum nunquam esse possit. Eum ego mecum unâ, cumque omnibus meis, qui omnes tui sunt, dedo tibi atque trado: teque oro, ut tuam istam voluntatem erga me, quæ est mihi rerum omnium charissima, conferues & tueare. Fratrisque mei filium, ætate etiam nunc & moribus adolescentem, ita tibi commendatum habeas, si se dignum patrocinio tuo præbuerit. Vale. III. Id. Martij, M.D.XXXVI.

IV.

IAC. SADOLETVS EPISC. CARPENT.

Antonio Prato, Episcopo Senonensi, S. R. E. Cardinali S. P. D.

Quo tempore Romam à summo Pontifice ex mea Ecclesia euocatus accesseram, eâ conditione eram profectus, ut constitutis rebus mei muneris (eram enim illi à consiliis, ut tu scis) liceret mihi ad meam Ecclesiam reverti, & in ea diu iam debitum, & nuper inchoatum Deo omnipotenti famulatum impendere. Quod & postea feci optima Pontificis voluntate, ita apto tempore atque opportuno, ut facili appareret iusta & recta cupientibus libenter Deum opem ferre. Viginti enim diebus ipsis ante sum elapsus, quam illa clades, horribilisque calamitas urbi Romæ incideret. Quæ etsi meæ quoque fortunæ omnes dissipare fuerint: salus tamen mea, & libertas, mihi incolumis retenta est. Mea igitur causa dolendum mihi non fuit, neque enim admodum sum iactura rei familiaris commorus, alienam autem vicem quin dolere humanitatis causa facere non potui. Graui itaque mœrore & acerbissimis animi angoribus ex multorum mihi amicissimorum, ac summi præcipue Pontificis incommo-

dis fui affectus: quem ego (Deum immortalem contestans) virum bonum, eundemque prudentem pacisque imprimis amantem esse semper cognoui: verum aliquorum minimè prudentiū consiliis parum felicem. Sed mihi ad meam ecclesiam iam reuerso tua amplitudo proposita imprimis fuit. Arbitrabar enim mei officij esse, meaq; perpetuè erga te obseruatiæ, aliquid a te scribere, ex quo & mea fidelis tuorum erga me meritorum memoria, & maximarum clarissimarumq; virtutum tuarum admiratio tibi significaretur: egoque quod diu antè cupiebam, amplificatè dignitati tuæ gratularer: cuius ipse quoque pro virili mea parte, si non adiutor (tua enim summa & præstabilis virtus atque auctoritas meo adiumento non egebat) at certè conscius, & diligens minister extitissim. Accidit autem propter mea plurima incommoda, maximasq; omnium rerum difficultates, vt ab hoc scribendi officio vsq; ad hunc diem fuerim retardatus. Gratulor igitur tibi, vereque & ex animo gratulor, quòd hunc istum amplissimū sacerdotij honorem ita es adeptus, non vt gratiæ ille datus, sed vt virtuti tributus fuisse videatur: vt in eo non fauor, sed meritum: non muneris, sed præmij ratio, non voluntas dantis, sed accipientis dignitas fuerit spectata. Qui quidem honor in te collatus, mihi ipse honestior atque insignior multò videretur esse factus. Nam quod ad honorem ipsum attinet, multi saepe indigni illum obtinuerunt. Sed habere vsum rerum maximarum, fugere infamias & turpitudines, abstinere alienis, iustitiam colere, negotiorum maximorum & curarum altissimarum autorem esse sapientem, ingenio, integritate, doctrinaq; præstare, veri hi honores, vera ornamenta sunt. Quæ cum in te mea sententia permaxima sint, magis honori ipsi propter te, quam tibi propter honorem dicimus gratulandum. Ille enim indicare tantummodo habet eius hominis, in quem collatus est, virtutem & dignitatem, in quo fallere sepe est solitus. Tu verò effecisti, non vt nunc demum verè indicet, sed vt plus in te etiam præstare, quam in aliis promittere posse videatur. Sed hæc clariora, quam vt multa egeant prædicatione, parcius attingenda sunt. Tantum à Deo immortali est postulandum, vt tibi istum honorem fortunet, & perpetuè felicitati iubeat esse: quod nos summa cum benedictione & amore erga te eundem ipsum Deum supplices deprecamur. De me autem ipso hoc tibi habeo dicere: cum tua etiam me vetusta merita grata mihi recordatione in animo semper vellentur, non posse me obliuisci quantum tibi debeam. Itaque laboro dies ac noctes, vt aliquo modo possim in te videri gratus. Et quoniam cæterarum facultatem rerum fortunà mihi ademisse, illud quod proprium est mihi ab Deo omnipotenti donum, quod ego sacris literis & præstantissimis disciplinis apprime deducere

lere scribendo, non nihil possum hominum de me & de ipsa virtute benemeritorum memoriam: totum tuar laudi & amplitudini deferro. Etenim hanc voluntatem meam si non fueris aspernatus, dabitur aliquando nobis locus, ubi memorem me tuorum erga me meritorum & tu ipse agnoscas, & ventura posteritas intelligat: Vale amplissime patrone, & tuo patrocinio nos fouere ne desine. Carpent. VII. Idus Sept. M.D.XXVIII.

V.

IAC. SADOLETVS EPISC. CARPENT.

Antonio Prato S. R. E. Cardinali S. P. D.

QVIA notum est meum erga tuam amplitudinem studium, & incredibili tui nominis obseruantia: ideo fit, vt quidam homines, de tua in me vicissim voluntate coniecturam facientes, cupiant tibi per me commodari. Quibus ego profecto hoc officium humanitati debitum non negabo: dum illud prius testeri, in cunctis quęcunque a te petiero, ita mihi cupere morem geri: si ea tibi & facilia factu, & æqua atq; honesta esse videbuntur. Ioannes Fraxinus, qui has literas tibi reddidit, ciuis est Auenionensis, imprimis honestus & bonus, mihi autem, & sua causa, & suorum necessariorum ac cognatorum, quos ego mirifice diligo, valde charus atque iucundus. Is ad nostrum hoc vitę genus, & ad sacerdotalem ordinem aspirans, cuperet ecclesiastica aliqua vectigalia consequi: quod difficillimum sibi putat fore, nisi sacerdotiorum in regno obtinendi aliquam facultatem inactus. Eam porro arbitratur se tua vnus ope atque auxilio consequi posse. Itaque eum tuę bonitati, beneficentię, humanitatiq; commendo: vt per te, perq; tuam gratiam ac benignitatem, optatum exitum votorum suorum consequatur. Quod facilius efficere poteris, quod & ipse mediocria postulat, & tua etiam limitandi ac definiendi futura est potestas. Igo, si hoc in illum beneficium mea commendatione adductus contuleris, non mediocri mei ipsum beneficiorum te affectu esse arrabor. Erit enim hæc significatio tuę erga me voluntatis, non modò honori mihi & ornamento apud hæc nationes, sed animo etiam meo præcipue grata: quippe qui fructum meę in te summę obseruantię summęque amoris non alium prorsus quero, quam amorem ipsum tuum: quo vt perperuo dignus sim, omnibus meis studiis atq; officiis diligentissime prouidebo: tuorumq; erga me meritorum memoriam grata semper recordatione prolequat. Tu vt nos diligas, habeasq; in numero tuorum, omni animi cura & studio abs te peto. Vale. Carpentoracti, XV. Calend.

Marij, M.D.XXIX.

IAC.

VI.

IAC. SADO LETVS EPISC. CARPENT.

Antonio Pra'o S. R. E. Cardinali S. P. D.

MEa tuarum maximarum occupationum cogitatio facit, ut minùs saepe ad te literas dem, quàm cuperem. Sed ubi nominis tui honor agitur, non puto me alienum ab officio facturum, si quæ tuæ dignitati convenire arbitrer, liberè ad te scribam. Sumus in maximo mœrore omnes, quibus rectus regendi ordo, & iustitia cordi est, ex Cossinerij Aquisanis præsidis viri clarissimi & sanctissimi morte. Qui his regionibus & populis abs te præpositus, tanquam è cœlo nobis missus, novæ integritatis & iustitiæ lumen quoddam omnibus ostendebat: suamque propè inauditam virtutem cum tua maxima laude, & istius regis admirabili gloria, labore & vigiliis suis, omnium hominum tempori & commodo expositam habebat. Qui alieno sanè tempore nobis ereptus est: suo ipse profectò non mediocri bono, sed cum nostro gravi incommodo. Quanquam ego cum de facie non noueram. Verùm ita se gerebat in eo munere, quod illi abs te commissum fuerat, ita æquitatem, veritatem, imbecillitatem, aduersus iniuriam, mendacium, violentiamque protegebat, ac tuebatur, ut quotidianis illius laudibus, & commemoratione clarissimorum operum calerent aures meæ. In quo egregia quædam iuncta erat commendatio nominis tui, cum incredibili cunctorum erga te benevolentia. Sic enim omnes iudicabant, ad tuas ceteras virtutes, quæ vno omnium ore celebrantur, prudentiam, gravitatem, integritatem, doctrinam, quæ ita in te elucet, ut solus propè omnium hominum tantis curis & negotiis, quæ gubernas, habere par, hanc quoque accedere laudem dignam sapientia tua, ut non solum per te, sed per alios etiam, velles populorum & gentium saluti ac tranquillitati esse consultum. Cùm enim cerneremus omnes, quam tu curam suscepisses, ut optimus nobis rector præficeretur, & tuam providentiam de nobis agnoscebamus, & in tuo amore incredibili accensi ferebamur. Ac nostra quidem erga amplitudinem tuam voluntas eadem futura est, eademque de tuis virtutibus opinio. Sed tu in quo spes nostræ sitæ sunt, cuius fiducia cuncti in tanto dolore aliquantulum acquiescimus: per Deum ipsum immortalem, qui hæc facta & opera imprimis intuetur, qui te merito voluit tanta potestate esse præditum, ut istam tuam mentem tot sapientiæ thesauris refertam, ad publici boni curam totâ conferres: ne deseres nos, eandemque adhibe auctoritatem & diligentiam, quam adhibuisti antea, ut tuis nobis præses iustus, ac gravis, tuæque imitator disciplina de

integro præponatur. Quod cum feceris, non magno tuo labore maximam es consecuturus apud Deum gratiam, apud homines laudem. Nos quidem qui tui toti sumus, & tuo nomini, famæ, honoriq; præcipue dediti: quantum erit in nobis, non sinemus huius tui tanti ac tam insignis beneficij prædicationem, neque nunc silentio tegi, neque apud posteros mutam esse. Vale. Carpentoracii, Pridie Nonas Iulij, M. D. XXXI.

VII.

IAC. SADOLETVS EPISC. CARPENT.

Antonio Prato, S. R. E. Cardinali S. P. D.

Quæ tua fuerit humanitas in excipiendo Paulo meo, cum is salutarum ad te meis verbis venisset: quanta declaratio eius beneuolentiæ, quam erga me susceptam habes, eo referente narranteq; cognoui. Pro qua, quid ego tibi dicam? Habere me gratiam tibi? habeo equidem. Sed quid istud est, tantis iam à te beneficiis acceptis? An me relaturum eam aliquando? Quis audeat hoc loqui? aut quis non intelligat, sicut ad solis lumen lychni igniculum, sic ad virtutem, ad amplitudinem, ad auctoritatem tuam, meas omnes fortunas nullius esse momenti? Sed ne ego planè ingratus sum, si non agnoscam, & cui, & quantum debeam, audebo nimirum agere tibi gratias, atque eas quidem quantas possum maximas: te vehementer deprecans, vt tua illa præstans atque eximia erga me humanitas, qua me tibi in perpetuum obstrinxisti, hoc etiam addat ad reliqua plurima beneficia cumuli, aut meam hanc gratiarum actionem in bonam partem accipiat: meumq; memorem, & gratum animum approbet, etiam si pares meæ voluntati effectus non sequantur. Id quod me à sapientia, & ab animi tui æquitate spero iam impetrasse. Ego hoc tempore versor in opere omnium difficillimo, vt diui Pauli epistolam interpreter ad Romanos. Cuius operis cum primum quoq; librum confecissem (nam in tres libros tota diuisa commentatio est) forte iter hac habuit amplissimus vir Collega tuus Franciscus Turnonius, cognitaq; meorum studiorum ratione, cum me multum vt perseuerarem hortatus est, tum illud petiit, vt simul atq; hunc primum perfecissem librum, ad eum statim mitterem: quod idem postea per literas non destitit postulare. Id ego nunc feci: misiq; ipsum volumen, examinandum omnium doctorum iudicio, qui inodò æquitatem animi cum doctrina habeant coniunctam. Nam quod ad me atinet, paratus ad vtrumq; sum, & probari, & reprehendi. Quæ etiã reprehensio si fuerit iusta, mihi futura est utilior: quando per il-

lam melior & consideratior fiam. Hæc ego ad te scripsi, magis ne quid mearum rerum tibi esset ignotum, quam vt audeam p
stulare vt hæc legas. Quæ etiam si non indigna, attamen inco
moda sunt tuis grauissimis & maximis occupationibus. Mihi t
salus, dignitas, amplitudo, ita est cordi, vt Deum optimum M
quod ista omnia tibi tueatur, quotidieq; ad secundiores prouect
euentus, rogare non desinam: quod sit virtuti, & bonis morib
ac legibus, sanctæq; fidei Catholica, cum tua insigni laude, co
modo semper atque emolumento. Vale. Pridie Calend. Octo
M.D.XXXII. Carpentoraçti.

VIII.

IAC. SADOLETVS EPISC. CARP.

Antonio Prato S. R. E. Cardinali S. P. D.

CVm Lugduni fuissẽm, speciemq; illam in te summi & pr
cellentis viri, de quo tam multa absens audieram, ipse
pluribus in rebus ita esse cognoueram, oculis mei præsens sub
cissẽm, fuissẽmque tam magna mea cum voluptate, nec mino
cum admiratione contemplatus: propterea quod voluptate
mihi meus in te perpetuus amor, singularisq; obseruantia, a
mirationem verò sapientiæ & virtutis tuæ magnitudo afferber
possum tibi confirmare, post meum illinc discessum, memoria
tui semper mihi in animo ita versatam esse, vt non dies, neq;
noctes, mea de te cogitatio, & cura aliquid conandi, quod p
tuis plurimis erga me beneficiis gratus in te esse intelligeret, v
lo modo requiesceret. Etsi enim superioribus temporibus tu n
quam destitisti de me bene mereri, tuamq; ego in meis reb
omnibus, quæ ope & auxilio tuo eguerunt, beneuolentiam e
ga me, humanitatem, liberalitatem sum expertus: tamen hoc r
cente facto, quo mihi dedisti præclarum apud Regem tui de m
iudicij test monium: idemq; detulisti, ac de optimi Regis ve
luntate mihi es pollicitus: si Regem, & Regiam colere, & s
ctari vellem, amplissima mihi fortunæ præmia non defutur
Hoc inquam tuo præstantissimo merito, quo nullum maius
tanto & tali viro ne optari quidem potest, ita sum ad omnem be
neuolentiam & studium colendi tui ac venerandi nominis inc
tatus, vt ne si vitam quidem pro te effundam, vel paruam partem
tuorum meritorum videar consecuturus. Quanquam enim d
est, quod ego amplitudinem tuam & colo, & diligo, omniq; d
nore, atq; obseruantia prosequor, multisq; tuis erga me bene
uolentiæ significationibus summè deuictum me atq; obliga
tum esse sentio: tum autem de grauitate, doctrina, sapientiâq;
tua ita existimo, vt nullum propè exemplum tale, hominis reru

molem maximam tanta facilitate prudentiaq; moderantis, ne antiquis quidem temporibus putem extitisse: tamen illud de te iudicium commune mihi cum multis semper fuit. Hoc verò quod præcipue ac proprie meum est, quo tibi sum tanta & tam insigni tua humanitate obstrictus, sic me & cepit, & incendit, ut proflus mihi necessarium confitendum sit, neq; ad referendam tibi gratiam aliquas opes meas, neq; verò ad commemorandam verba vlla suppetere. Et quoniam arbitror ad meum officium pertinere, ut tibi respondeam, de eo, quod tu mecum locutus es: agamque quoquo modo possum tamen gratias. Quorum alterum tunc propter breuitatem temporis mihi non licuit: alterum nunquam planè licebit sic facere ut debeo: de eo primum dicā, quod ad sectandum Regem pertinet: cui equidem sum toto animi mei studio addictus. Sed ut hanc vitam abiiciam pacatam, atq; tranquillam, in quam ego veluti in portum, ex magnis ipse quoq; negotiis, & agitationibus, tanquam ex fluctibus me recepi: non casu neq; fortuitu, sed consilio certo, dataq; opera: nequaquam id videretur aut constantie meæ, aut verioris vitæ utilitatibus conuenire. Non enim in opibus præcipue, nec in diuitiis nostra posita bene agendæ vitæ ratio est: sed in eis magis studiis & actionibus, quæ & præsentem nobis iucunditatem præbent, & futuram immortalitatem pollicentur. Quod tu summus omnium & prudentissimus vir, in te ipso facile potes recognoscere. Sed & si quieta vita hæc, illi alteri vitæ difficili & negotiosæ preponenda multum est: tamen cum incidunt interdum tempora, ut officium cæteris rebus sit antevertendum, nec possit aliter virtus & veritas ritè conservari, nisi labor aliquis negotiorumve suscipiatur: si quod eveniret tempus eiusmodi, quo magna res aliqua Regis nostri, magnæque gloria ageretur, si modò ei ego muneri viderer esse idoneus: & si ea res cum fide & dignitate tractanda esset: in quo utique video errare & decipi communem vitam, quæ versutas, & varias gerendarum rerum rationes, illis rectis & prudentibus actionibus anteponeit. Si talis, inquam, actio, ac tale offerretur tempus: non denegarem Regi nostro profectò operam & fidelitatem meam. Neque cum id facerem, viderem mihi ab hoc iam suscepto genere vitæ desciscere: id enim certè nunquam sum facturus. Sed officio tantisper me iudicarem fungi, unaq; alia in actione ei Regi deferuirem, cui me omni honesta ratione, & propter potestatem eius, & propter virtutem atque humanitatem esse subiectum decet. Sed neque hoc ut contingat, optandum mihi est. Cupio enim rationes & consilia omnia Regis ita faciles cursus habere, ut non sit opera aut industria cuiusquam admodumquirenda. Et tamen si contingeret, non tantam in me ingenij vim agnosco, ut non multos Rex habiturus sit, quam

ego sum, magis idoneos. Quamobrem hac tibi mente & voluntate mea satis exposita, redeundum mihi ad id est, quod est omnium longè difficillimum: quo pacto tibi agam gratias. Quòd si aut tua non tam ampla autoritas, aut merita erga me mediocria saltem forent, conarer aliquid profectò, & aliquam partem gratiæ exequi me posse confiderem. Sed cùm & amplitudo tuæ dignitatis, & benignitas in me tua omnem meam agendi loquendiq; facultatem longè superet: peto a te, vt meum amorem erga te, & fidem & pietatem, quæ nunquam posthac à tui mihi venerandi nominis assiduo cultu, incredibiliq; obseruantia abfutura est, pro aliqua parte gratiæ recipias. Quòd si ea studia, in quibus quotidie versor, aliquid fortè aliquando habebunt autoritatis: dabo operam profectò, vt quanquam tuum præclarissimum nomen meis ipsum scriptis multò plus luminis allaturum sit, quam ipsi mea scripta, meum tamen de te, tuisq; præstantissimis virtutibus iudicium apud posteros appareat. Quod non ideo scribo, quòd magnam tibi rem polliceri mihi videar: sed quòd tu magnam meam erga te intelligas esse voluntatem. Vale. Carpentoracti, V. Idus Iulij, M. D. XXXIII.

IX.

I A C. S A D O L E T V S E P I S C. C A R P E N T. I O -
anni Nicolao Apræ Iulia Episcopo S. P. D.

VEllem tantum dari mihi ad scribendum facultatis, vt exprimere possem eam, quam concepi animo incredibilem lætitiā, posteaquam audiui tua, & ceterorum Episcoporum, qui illic sedes & domicilia habetis, opera, autore & principe amplissimo legato, factum esse, vt diuinum illud Pauli epistolarum volumen publicè explanaretur: vosque vnā cum aliis multis, flagrantibus studio sacrarum lectionum, in illud adiutorium conueniretis frequentes. Certè enim si Christianus sum, charamque imprimis habeo omnipotentis Dei gloriam (quemadmodum quidem habeo vita ipsa mea longè chariorem) hoc nomine niximè læter necesse est. Non enim alia re magis illa illustratur, neque ipsius Dei maiestas, infinitaque bonitas melius ostenditur, quam cùm illius beneficia erga nos memorantur: plurima illa quidem passim & maxima, quæ omni humano generi ab eo tributa sunt. Sed quod ad fidem Christi, & adoptionem nostram in genus summi Dei pertinet, qua nos tanquam filij in hereditatem regni cœlestis vocati sumus, tale atque tantum, vt vix humana vlla cogitatione magnitudo illius beneficij possit concipi, cuius in vno Paulo sunt explicata mysteria: si verò legati summi viri laudi fauco, eiusque dignitatem cupio esse quam amplissimam: sicut

sicuti profectò omni cum beneuolentia facio: quid illo dignius? quid honori, nobilitati, nominiq. eius conuenientius, quam autorem esse tanti boni suis populis: suamq. tantam & tam beneficam in omneis homines ostendere voluntatem: ut quos patrocinio tegit, consilio gubernat, imperio & autoritate in pace & officio continet, eos etiam studeat non solum terrenis bonis, verum etiam cœlestibus florescentes sua opera fieri, ac beatos? Magna ista laus, & principe magno digna. Hoc ille nimirum suo facto, hac prouidentia, hoc insigni præstantiq. beneficio planè aperit animi sui naturæque magnificentiam: & dignissimū se demonstrat, in quem tam multa dona sint ornamentaq. fortunæ à Deo hominibusq. collata. Te verò, mi optime & iucundissime Nicolae, quibus efferam laudibus? cuperem de te omnia proferre quæ sentio. Noui tuam bonitatem, iustitiam, integritatem, sensus tuos noui plenissimos pietatis, animū quoq. optimis semper deditum & artibus & literis, quod sepe miratus sum. Atq. eò magis, quòd te ex maximis curis & occupationibus, quibus distinebare, aliquid semper videbam surripientem temporis, quod verioribus studiis impartires. Cuperem, inquam, hæc de te loqui, & enucleatiùs commemorare omnia. Sed vincit tua virtus studium meum, neq. est nostra tuis laudibus facultas ullo pacto par. Veruntamen etsi tu neq. nunc primum, nec unquam mediocriter, sed diu antè totus in optimis studiis fuisti: hoc tamen recepte tuo facto, quòd summi doctoris & præconis magni Dei lectionem prouehere, atque illustrare pro tua parte conatus es, sic me tibi deuinxisti, ut in vetere nostra mutuâq. beneuolentia, meus in te amor quasi nouo igni inflammator factus esse videatur. Itaque cum te magis magisque quotidie animo: tum verò fratres illos nostros, qui tibi honore pares, me autem ipso omni dignitate superiores multò sunt, & colo nunc denum & veneror, quantum equidem possum, non quantum illi meriti sunt: qui tecum in tam præclari operis societate consenserunt: qui ea quæ se digna sunt & fouent, & sectantur. Ex quibus ipsi quantum in animo suo lætitiæ ac veræ voluptatis, quantum apud homines bonæ existimationis comparaturi sint, ipsa re, si perseverauerint, experientur. Vrbi etiam isti Auenionensi gratulor: in qua si hæc vigere studia, & germinascere incipient, tantorum præsertim adiuta autoritate virorum: maximum illi ciuitati non modò ornamentum, sed etiam commodum accessurū est. Aperietur enim animis ingenuis, & altius quam pro vulgi captu sese attollentibus, via, qua non è terra senatos neque in terram versos esse intelligant, sed cœli dominos sese & cœlestium rerum intueantur. Non in litibus conterant ætates: sed ipsi cæcerorum litibus & controuersis apponant modum. Non igna-

uis, & abiectis, & vilibus curis, solitudinibusque rerum, & opum terrenarum tantopere deprimantur: quæ hominem cogunt sui obliuisci, & à se ipso deficere, atque in turpem quandam & penè monstruosam degenerare naturam: sed celsi, & erecti, ac veris diuitiis opibusque fidentes, incolumem statum retineant dignitatis suæ. Atque hæc ego confirmo hominum naturis & animis agnasci ex his literis, & ex hac tanti doctoris lectione præclara. Non de ieiuniis, nec de vigiliis, aut assiduitate orandi, aut paupertate profitenda nunc loquor: hæc enim quanquam sancta sunt, & cœleste præmium promerentur: tamen in alio quodam virtutis genere sunt spectanda. De illa vita dico, quæ posita in honoribus, referta diuitiis, in magistratibus collocata, animum secum affert ad ista omnia longè plus suis & propriis bonis, quàm his, quæ sunt fortunæ dona confidentem: quæ in negotiis & conuentibus hominum, in aulis, in conuiuiis, in omni sermone & familiaritate conuiuendi, ita voluptatem & lætitiā consecratur: ut à decore quodam suo, & specie præstantis viri non discedat: plena illa semper gaudij ac iucunditatis: nihil vnquam ferè molestiæ in se ac perturbationis admittens: cum hi, qui terrenis istis cupiditatibus rapiuntur, & omnia in pecunia posita putant, nunquam verè, nec ex animo lætentur: sed habeant vitam solitudinibus, scrupulis, auaritate, pœnitentiæque perpetuò infestam. Ad hæc tanta commoda, atque bona, quando inspirante summo Deo, maximi & clarissimi legati nostri sapientia ac liberalitate, vobis illius exemplum auctoritatemque sequentibus, aditus iam in ista ciuitate patefactus est: & gratiæ à nobis Deo agenda sunt, & ipse multum seduloque orandus, ut nobis omnibus, quibus hæc legati prouidentia ac benignitas vberrimos fructus verissimorum bonorum allatura est, felix & faustum hoc principium facere dignetur: ut bonis initiis meliores quotidie succedant exitus, & quæ bene incepta sunt, studiosius perficiantur. Sperandum enim est, hoc egregio opere perfecto, & cœlestis doctrinæ lectione inducta ac confirmata, adiecturum animum eundem ipsum legatum ad hanc tollendam confusionem, quæ in administrando iure nullum ferè iam vestigium veritati ac iustitiæ reliquum fecit: ut non sedandarum discordiarum causa, & ut ius suum unicuique tribuatur: sed malitiæ, perfidiæ, auaritiæque exercendæ gratia in forum atque vsum adducta videatur. Ex qua, magna cum clade detrimentoque multorum, neque hominum solum, verum etiam populorum, certum quoddam genus vnum depascitur, quod est ad aliorum consumendos labores praua iam consuetudine inueteratum. Hoc restat adhuc, hoc in expectatione est, quod ab optimi præsidis prudentia ac virtute pos-

sile-

stuletur : huius est muneris functio , & administratio reliqua : in qua tractanda , ordineque constituenda , quantum illi laudis ab omnium sermonibus peruenturum & commendationis sit , ex finitimo provinciali exemplo possumus intelligere. Atque ego , qui amplissimi legati honorem & dignitatem præcipuè expeto , ipsumque incredibili amore obseruantiaque complector , non sum quietum animum habiturus , donec eum videro hanc sibi etiam laudem , hoc apud homines clarum & celebre nomen comparare : præsertim cum si ipse tantæ adipiscendæ gloriæ occasionem prætermiserit , alius qui successerit (ita enim credibile est) libenter eam sit arrepturus. Quid ergo est ? non omnes omnia faciemus , ut is , quem maximè amamus , hac potissimum fama , hoc honore potiatur ? qui nostra omnia ad eum colendum contulimus , non hoc illi imprimis proponemus , in quo ipse suscipiendo suam longè adaugeat dignitatem , in ore omnium & laudibus cum admiratione versetur , illustre testimonium præbeat suæ eximiae virtutis & bonitatis , memoriam nominis sui cum æterna beneuolentia cunctorum in omnium animis relinquat ? Quid ipse ? Feret ne alium potius , quàm se , in huius boni possessionem accedere ? Patietur tantum ingenium , tanta nobilitas , tanta virtus , alios sibi occupare hanc gloriam ? & in tam præclara actione , quæ ipse dimiserit maiores sese illo , & animi præstantioris ostendere ? Non est ita existimandum. Equidem quod ad me attinet , cum illum conuenero , omnibus precibus obtestationibusque adnitar , ut se ipse det ad hanc curam , sua nobilitate prudentiaque dignissimam. Cæterum tu optime Nicolae , qui cum illo assiduus es , cuius ille fide & opera plurimum utitur , & amoris integritatiue maximè credit , (in quo quidem nil fallitur) enitere quæso , contendere , elabora , ut communem patronum nostrum , ad cætera plurima maximèque ornamenta , quib. à Deo insignis factus est , huius quoque facti clarissimi & præstantissimi , gloria videamus insigniorem. Sed ego fortasse verbosior sum , quàm opus sit. Id tu mihi ignoscas velim , & sic existimes , ab initio tantum voluisse gratulari , eum gaudium , quod ex lectione Paulina in honore publicè adducta conceperam , continere non possem. Postea verò ad alia hæc scribenda amore , quo legatum , & hosce simul populos prosequor , fuisse prouectum. In quo si quid à me peccatum est : tuæ est humanitatis , & erga me beneuolentiæ , in bonam partem accipere , atque errori meo veniam dare. Ego in te amando colendoque augebo potius semper , quàm vnquam diminuiam studium meum. Vale , & nos , quod facis ,

dilige. Carpenter. VII. Cal. Iul.

M.DXXXI.

X.

I A C. S A D O L E T V S E P I S C. C A R P E N T.

Franc. Turnonio S. R. E. Cardinali, S. P. D.

DIvest, quòd ego & amore incensus tuarum clarissimarum virtutum, & magnis tuis beneficiis obligatus, toto tibi animo fui deditus: tuamque amplitudinem omnibus meis officiis colendam mihi proposui. Sed hanc meam voluntatem quo minus tibi adhuc per literas declararim, id causæ fuit: quòd sperans aliquando congredi tecum, & coram tibi animum meum patefacere: reservabam me ad id tempus, quo præsens præsenti tibi & agerem pro tuis erga me beneficiis gratias, & totum me in potestatem tuam traderem. Sed cum hoc longius iam fieret, multæque me causæ & difficultates quotidie detinerent, quominus in ista loca & ad summi Regis conspectum, sicut constitueram, accedere possem: statui non esse amplius differendas has literas. Quæ si non totam vim amoris in te mei, quæ permagna est, tibi explicarent: nonnulla tamen me liberarent culpa: quæ vereor ne à me suscepta sit. Feci enim certè, quòd facere non debebam: ut nimis serò, quo animo sum erga te, tibi significaverim: commisi-que ut parum grati & benevoli hominis officio videar functus. In quo oro te, & quæ tua est humanitas, vehementer rogo, mihi ut ignoscas, nèue id negligentiae meæ, aut obliuioni tuorum erga me meritorum, sed inani potius spei & cupiditati visendi & alloquendi tui attribuendum putes. Quod cum confidam me à te pro tuæ naturæ benignitate iam impetrasse, accedam ad reliqua, quæ mihi scribenti in his literis proposita sunt. Primum, ut tibi de tuæ amplificatione dignitatis gratuler: deinde, ut pro acceptis beneficiis gratias agam. Gratulor igitur tibi, & valde gratulor, quòd istum gradum honoris amplissimi ita es consecutus, ut non laus tua in illo honore posita, sed fortuna virtutem tuam secuta esse videatur. Nec verò vili est verior, & magis te digna gratulatio, quam quòd tu is homo es, eis ingenij, virtutis, nobilitatis, prudentiæ ornamentis præditus, ut nullus sit tantus honor, qui tibi non ita debitus sit, ut tamen dignitati tuæ par esse non queat. Sed ut hæc mittam, quæ hoc etiam maiora in te ac præstantiora existunt, quòd omnis doctrinæ, & omnium artium optimarum comitatu ac scientia sunt instructa: illud in tua natura præclarum atque magnificentum, quòd opes, & gratiam, & auctoritatem tuam, quæ magna est, omnibus semper bonis vis esse adiumento atque præsidio: quanam id hominum laude, aut quibus tandem honorum insignibus potest compensari? Equidem de tuo honore ita sentio, ut eo omnes bonos magis quam te ipsum letari

lætari putem oportere. Siquidem illi fructus vberiores liberalitatis tuæ sibi in eo propositos esse sciunt: tu isti honori plus splendoris affers, quàm ipse honos tibi. Sed de his, quæ longiorem multo postulant orationem, tantum impræsentia dictum sit. Illud, quod mei priuati in te est officij, ingenuè aperteque confiteor, me tibi maximo tuo merito valde esse obligatum. Recordor enim cum ego essem absens, ac hominum litigiosissimorum ac violentissimorum iniuria meæ fortunæ in graue iudiciorum discrimen essent vocata: te ita suscepisse meas partes & fauendo & scribendo, & præsens ipse meam causam commendando, vt nullum prorsus officium prætermiseris, quod homini amico & patrono amplissimo posset tribui. Idque neque tu rogatus à me, neque vlla mecum familiaritate coniunctus: vt eo plus beneficium tuum, & naturæ tuæ bonitas sua sponte propensa ad me benefaciendum appareret. Quæ si studia voluntatis tuæ erga me, aut in memoria mea perpetuò non haberent, aut à me minoris quam dignum est æstimarentur, hominem ipse me non putarem. Sin autem rursus illis à me referri arbitraret posse meritam gratiam: nimis amplè ipse de me, & de meis facultatibus existimarem. Quæ cum ita sint, & cum tua beneficia in me amplissima, ego natura certè & voluntate gratissimus, opib. & fortuna tenuior sim, quàm vt possit à me tuis benefactis & meritis officium par referri: peto à te, vt qua liberalitatis animique præstantia, me tibi ab initio deuincire voluisti: eadem nunc & bonitate, & liberalitate, animum meum flagrantem desiderio satisfaciendi tibi, gratiamque referendi, pro relata gratia accipias: meque tuum totum & in tuorum numero imprunis habeas. Ego enim tibi polliceor ac spondeo, si eandem tu mihi beneuolentiam benignitatemque præstiteris, quam ab initio ostendisti, meque semel susceptum in clietelam perpetuò complexus fueris, daturum me operam, vt ne te huius de me iudicij, & tuæ amicæ erga me voluntatis poeniteat. Vale. Carpentoracti.

XI.

IAC. SADOLETVS EPISC. CARPENT.

Franc. Turnonio S.R.E. Cardinali, S.P.D.

SVAVISSIMAS tuas accepi literas, quas Lugduno in Italiam proficiscens ad me dedisti: librumque Budæi nostri cum his vna, cum ipsum mihi per se gratum, tum etiam gratiorem, quòd veniebat ad te. Quanquam ne id ipsum quidem tãti, quàm quòd illo modo, & cum illa diligentia veniebat. Dedisti enim mihi amoris in me tui insigne testimonium, cum tantam curam suscepisti, vt optatum illud donum ad me perferretur. De quo tibi hoc

I s conf.

confirmo, duplicem me cepisse voluptatem, & quòd materia digna est eruditis auribus, & quòd Regis nostri nomen talibus in scriptis celebrari gaudeo. Budæus vellem genere ipso orationis aliquanto esset lenior. Summum quidem illius ingenium, & incredibilem doctrinam, tum autem coniunctam his tot ornamentis innocentiam vitæ, & probitatem, & dilexi semper, & admiratus sum. Sed mi humanissime Turnoni, qui tam repentè nobis te eripuisti, quæso ad quod tempus te expectaturi sumus? omnino puto magnis te de rebus eò fuisse missum: tametsi rumoribus multa circumferuntur, quibus ego neque omnino fidem habeo, neque prorsus derogo. Verùm alia sunt, quæ magis puto ad me pertinere: vrgeo enim dies & noctes opus illud, cuius tu partem in manibus habes: à qua te lectione abduci laborib. itinerum ac legationis, & planè suspicor, & parum tamen te iacturæ in eo facere duco. Tuus mihi honos, & tua dignitas cordi est: atque, ut legatione prosperè feliciterque perfuncta, quod tamen ipsum cum Christianæ fidei & Reipub. commodo coniunctum sit: cum omnium laude & gratia ad tuos te, & ad nos, qui maximè sumus tui, primo quoque tempore recipias. Vale, & nos, quod facis, ama. Carpent. XII. Calend. Febr. M.D.XXXIII.

XII.

I A C O B. S A D O L E T. E P I S C. C A R P E N T.

Antonio Puccio Cardinali S. P. D.

CUM cognovissem ex literis meorum, Laurentium Puccium patrum tuum, virum amplissima dignitate & omni virtutis gloria florentem, cessisse à rebus humanis, teque in eius locum esse successum, qui eundem, quem ille, honoris & autoritatis gradum obtineres: sanè & dolui animo vehementer, & lætatus sum. Nam & illius amissi, quem in parentis loco semper habuissem, desiderio commovebar: & tuæ amplificatione dignitatis mirum in modum gaudebam. Qua in disceptatione doloris atque lætitiæ aliquandiu cum fuisset: rationibus utrinque perpenſis atque examinatis, tandè iudicavi æquius esse multò, tibi & dignitati tuæ gratulari, quam illius obitum decessionemque lugere: præsertim cum hoc à me erga te officium amicitia vetus nostra requirat: illi autem nihil omnino mali contigerit, quod sit luctu & lamentatione dignum. Nam si vitam illam cogitamus beatam & immortalem, quæ in cœlo his qui cum fide & pietate hîc vixerunt, post mortè à Deo est proposita: nihil omnino earum rerû, quibus illa comparatur, prætermisit Laurentius. Mitto nunc bonitatem, mitto liberalitatem, mitto innumerabiles ab eo, & prope infinitos assidue pro Republica susceptos labores, humanita-

tem

tem etiam, facilitatemq; præmitto, qua ille ad se adcurrentibus, & ipsius ope ac consilio uti volentibus, expositus semper fuit. Quid illa vel pietate & religione potuit esse illustrius, qua ipse erga Deum illius honoris studio incensus ferebatur: vel charitate, qua erga homines: cum nec monere errantes, nec erigere lapsos, nec solari desperantes ullo unquam tempore desisteret: omniaque sua cogitata, consilia, acta, eo potissimum conferret, ut sanctæ ecclesiæ honos apud omnes, & autoritas magna haberetur. Quod si illa etiam spectantur, quæ in hac vita nobis, qui superstites adhuc sumus, alienamenta doloris sunt: nullius unquam nomen nec clarius, nec frequentius, quam Laurentij toto orbe terrarum pervagatum est. Ille curiâ regebat, ille & civib. & exteris lumen præferebat sapientiæ suæ: erga pauperes comis, potenti- bus non infensus, bonis omnibus fautor: nulli unquam acerbus, maximis porro Pontificibus & consilio semper, & opera, & omni fide atq; amore coniunctus & cõsentiens. Itaq; non dubito, quin ista tanta vrbs, & ista curia talis viri tam benefici, & tam salutari- ris, morte sibi tota squallens & penè ornamentis omnib. spolia- ta esse videatur. Ego verò, in quem plurima illius beneficia exti- terunt, qui me in filij loco dilexerat, in quo ego patriam mihi sanctitatem & venerationem constitutam habebam, facere equi- dem non possum, quin graui & intolerando mœrore urgear. Sed tamen magnum mihi affert solatium, quòd intueor te, quem fraterno amore semper sum complexus, cuius patrui tui virtutes egregiè imitatus es, eiusdem factum esse honorum & dignitatis hæredem. Quod & ex animo lætor, & tibi & generi tuo Rei quæ publ. Christianæ bene id ac feliciter euenire cupio. Videor enim sperare debere, te talem patriæ & amicis futurum; ut exi- mias virtutes tuas ingenij, integritatis, doctrinæ, cum magno suo commodo Christiana imprimis religio experiatur: nosque, qui tibi amicissimi semper fuimus, tuorum ornamentorum, & laudum participes etiam simus. Ego quod ad me attinet, quem amorem & obseruantiam perpetuò erga te habui, & aucturus etiam magis, & conseruaturus sum, sicut & mea natura, & tua præstans dignitas virtusque postulat: tu ut me ope & patrocínio tuo, ubi vsus veniat, defendas ac tueare, magnopere te rogo. Va- le. Carpent.

XIII.

IAC. SADO L. EPISC. CARPENT.

Ioan. Lothoringio Cardinali S. P. D.

EX quo tempore primùm Romæ te cognoui, tecumq; aliquo- ties locutus, perspexi planè & virtutem tuam, & humanitatē
non

non inferiorem esse, neque nobilitate generis neque fortuna : a-
maui semper te plurimum, amplitudinemque tuam singulari ob-
servantia sum profecutus. Sed non contigit mihi ante hoc tem-
pus, ut redigerem tibi in memoriam illa initia nostræ familiari-
tatis, quod utrique nostrum & locorum disunctio, & occupa-
tionum ac negotiorum dissimilitudo, alias curas attulit. Et tamen
non dubito, quin sicut mihi hæsit in animo perpetua recordatio
tui, cum insigni benevolentia coniuncta: ita & tu aliquod vesti-
gium etiam nunc tuæ erga me pristinae voluntatis retineas. Hoc
si ita est, quod confido esse, tua animi nobilitate & ingenuitate
fretus: peto a te, ut has literas eo animo legas, quo legendæ sunt
ab homine amplissimo simul atque humanissimo, hominis amā-
tissimi ac deditissimi literæ. Paulus Sadoletus adolescens erudi-
tus sanè quàm liberaliter, mei qui fratris filius à me in filij loco
diligitur, isthuc profectus est & visenda ante Regiæ, & Regis i-
psiis meis quoque verbis conueniendi ac venerandi causa. Ei e-
go dedi in mandatis, ut ad te adiret potissimum, tuaque imprimis
gratia atque autoritate vteretur. Eum igitur tuæ fidei, humani-
tati que commendo: primum, ut eum ipse comiter excipias, dein-
de si ita opus esse cognoueris, ut præbeas illi faciles ad summum
Regem aditus. Quanquam hoc fortassis per alios poterit conse-
qui, veruntamen omnis tua amoris erga me significatio, magno
mihi honori poterit esse: quam ego abs te vehementer mediusfi-
dius expeto: nec tam ut apud cæteros honestus, quàm ut tibi ipsi
charus esse intelligar. Summæ enim mihi futurum est voluptati,
si intellexero, à tali viro, tantis ornato & ingenij & fortunæ bo-
nis, eodemque in omni dignitate principe, studium atque obser-
uantiam meam erga se parui non æstimari. Quæ etsi per se non
valde expetenda sit, propter tenuitatem videlicet fortunæ nostræ,
tamen quoniam nos ex eo genere hominum sumus, qui nunquā
amicis solent esse dedecori: susceptamque semel amicitia & ne-
cessitudinis fidem summa cum religione retinemus, poterit tua
quandoque amplitudo aliquantum etiam de me sibi polliceri,
qui eo animo sum, ut & nobilitati tuæ honorem, & virtutibus
laudem, & dignitati cultum, & humanitati ac benevolentia er-
ga me gratiam semper sim habiturus. Tu si hanc meam volunta-
tem gratam tibi esse acceptamque ostenderis, libenterque mihi
aliquod tui amoris impartieris testimonium: & studium meum
augebis colendi perpetuò atque observandi tui, & hoc di-
gnum ipso tuo genere, & maiorum tuorum, ac tua
virtute efficies. Vale. Carpentor-
raeti.

XIV.

IACOB. SADOLET. EPISC. CARPENT.

Ioan. Lotboringio Cardinali, S. P. D.

NON me fecellit, non minus esse in te humanitatis, quam nobilitatis. Præclara omnino ingenia, quæ hanc laudem confectantur, ut non plus patiantur in se ornamentorum & dignitatis à fortuna esse, quam à virtute: idque ego in te satis antea noueram. Sed tamen Paulus ad nos reuersus, ea mihi de te narrauit, hisque verbis animi tui egregias virtutes atque laudes est persecutus, ut ad summam meam tuæ liberalitatis & humanitatis opinionem addi iam nihil posse videatur. Equidem quod me habiturus esses in memoria, quod Paulo ipsi nullo loco defuturus, & speravi antea, & nunc re expertus sum. Sed quod tam studiosè, tamque amanter id esses factururus, vicit in hoc (ut verum fatear) tua excellens bonitas expectationem meam. Itaque quomodo tibi agam gratias nescio: cuperem equidem referre & dignas, & debitas. Sed hoc etiam fuerit præstantis animi tui, scire promereri de altero, quantum tibi reddi non possit. Ego verò non tam fortunæ, neque opum præmiis & honoribus, quam ista comitate naturæ, & significatione amoris sic obligor, ut nullum sit vinculum ad me deuinciendum potentius. Quo quando iam tibi ita obstrictus sum, ut solui eo amplius nec possim, nec velim: sic debes de me existimare, nullius tibi animum, nullius studium, nullius obseruantiam æquè esse paratam, ut meam. Et quoniam in gratia referenda nihil tibi possum de me polliceri, quod copiarum & opum sit, quibus tu pro tua & maiorum tuorum amplitudine ac dignitate honestissimè abundas, ego minus etiam quam mediocribus contentus viuo: id quod in me est, quoque solent viri magni, & præcellentes, ab amicis tenuioribus cōtenui esse, polliceor tibi & recipio, si mea digna fuerint studia quorum testimonio virtuti honos habeatur, gratiam me tibi aliquam in illis, & veri amici fidem operamque nauaturum. Paruum hoc quidem, & cuius penè me pudeat. Sed tu qua magnitudine animi nostram spem de te tuis officiis superasti, eadem summam in nobis voluntatem referendæ gratiæ pro relata gratia accipies.

Vale patronè noster, & nos tui studiosissimos tuo patrocinio semper tuere. Carpent. XVII. Calend.

Septemb. M. D. XXXII.

IAC.

X V.

I A C. S A D O L. E P I S C. C A R P E N T.

Ioan. Lothoringio S. R. E. Cardinali. S. P. D.

IN meo à vobis digressu, nescio quo pacto imago omnium vestrum, summiq; imprimis Regis, atque tua nō solum me discedentem prosecuta est, sed vsque adhuc in animo meo permansit: ac, vt se habet res, etiam permanfura videtur. Habet enim illa in me familiare sibi iam domicilium. Quod profectō euenit magnitudine quadam amoris, quo erga vos incensus sum. Iamdu- dum hoc quidem: etenim sat diu est, quōd mea & studia, & offi- cia ad vtrunq; vestrum colendum contuli. Sed mea hæc volun- tas etiam confirmatior facta est, posteaquam ego sum cum am- bobus vobis collocutus. Quo in congressu non tam potestas & amplitudo vestra, quæ quamquam permagna est, alios tamen & habuit pares aliquando, & habitura est: quam humanitas quæ illi amplitudini maximo est ornamento, & in qua vos singulares esse contenditis, fecit, vt vos ego præcipuè & colam & admirer. Itaque nil mirum, si vobis & amore, & obseruantia sum addi- ctus: quorum alterum virtuti vestræ iure ac merito debetur, al- terum potestati. Sed ego hæc cogitans, cū animi mei studium & beneuolentiam vobis declarare cuperem, vel potius ab amore ipso cogeret: ad Regem quidem non sum ausus, neque sanè con- ueniebat: ad te verō, cuius mihi comitas magis est in promptu, has dedi literas: nihil aliud postulans, nisi te illis interpretibus, quando coram non licet, & salutare, & venerari, & tibi memet- ipsum in memoriam redigere: petereque à te, vt me in numero tuorum habere pergas. Hoc cū mihi optatissimum est, tum vir- tutis proprium, & humanitatis, & nobilitatis imprimis tuæ. Vale. Carpentoracti, V. Idus Iulij, M. D. XXXIII.

X V I.

I A C O B. S A D O L E T. E P I S C. C A R P E N T.

Ioan. Lothoringio Cardinali, S. P. D.

ET: ita sunt curæ & occupationes tuæ in hoc tempore vt magis tu votis precibusque nostris apud Deum adiuuandus, quam literis interpellandus esse videaris: propterea quōd hæc de pace actio, præclaraque tractatio, tota tuæ fidei diligentia- que permilla, in alias cogitationes minimè deriuanda est. Ta- men cū veniret mihi in mentem, te cum esse, qui summam no- bilitatem tuam, quam à maioribus accepisti, virtute etiam & huma-

humanitate tua feceris ampliorem: ingenij autem tui magnitudinem nossem, qua tu obire simul multa, & conficere paratus es: non putavi molestum tibi me facturum, si cum hominem tibi commendassem, quem imprimis dignum tua beneuolentia esse arbitror. Florentius Volusenus, natione Scorus, elegantia morum, & literis Latinissimus, de quo homine sanè agendum paucis tecum est, quippe, qui tibi probè notus sit, & tuæ bonitatis ope ac subsidio, literarum studiis Lutetiæ aliquantum tempus operam dederit. Is eum superioribus mensibus vrbs Romæ visunda studio flagrans, de tua voluntate cum collega tuo Ioanne Bellaio, viro ornatissimo, in viam se dedisset, atque Auenionem vsque esset peruectus: ibi aduersa valetudine, & inopia rerum necessariarum subsistere est compulsus: pauloque post ad me se contulit: quem ego, quanquam pertenuis, & magnis rei familiaris difficultatibus affectus, iucundè tamen, comiterque recepi, cognitoque mox hominis ingenio, & natura ingenua liberalique perspecta, etiam in honore deinde habui. Etenim nihil est quod agam libentius, quàm vt opituler, quoad possum, doctis viris & eorum animos ita sustentem, vt ne eos studium suum in optimis artibus posuisse vnquam pœniteat. Quod si meæ huic voluntati fortuna benignius esset suffragata, nemo me (opinor) istam vel laudem, vel voluptatem bene de bonis promerendi, studiosius appetisset. Nunc in hoc meæ vitæ statu, qui, etsi multis externis rebus deficitur, eas tamen habet insitas animi iucunditates, vt mea maximè fortuna contentus viuam. Interdum tamen illud me angit, quòd non possum quemadmodum quidem cupere, bonis & doctis hominibus prodesse. Quod iccirco ad te scribo, vt tu, qui potes, & qui hanc liberalitatis ac beneficentiæ laudem libentissimè soles vsurpare, gaudeas isto tuo tam eccellente bono, hocque ita statuas, quod præclarè intelligis; Nihil esse beatius, quàm habere benè de multis promerendi facilitatem, cum istiusmodi natura, & magnitudine animi, & nobilitate coniunctam. Sed vt eò redeam vnde diuerii, Florentius mecum nunc Carpentoraçti est, maximoque animo, & incredibili assiduitate optimis literis, præsertimque Philosophiæ dat operam: mihi que in quotidiana consuetudine admodum iucundus & gratus est. Te porro dominum & patronum suum prædicat ipse, ac proiicitur: inque ea parte semper futurus est, quacunque tu iusseris. Eum ego tuæ fidei, bonitati, liberalitati que commendo: & abs te vehementer peto, vt quando ipse non minus hic studia doctrinæ persequitur, quàm si Lutetiæ esset, velis pro tua præstanti liberalique natura, eam mercedem annuam illi fiduam abs te esse, quàm iampridem cõstituisti. Hoc cum tua amplitudine, generis que tui, ac virtutis gloriâ maxi-

mè dignum est, tum mihi certè facturus es gratissimum: quia tua observantia, qua cœpi, te assidue prosequor: amoremque meum semel erga te, optimo quidem iure susceptum, fidelissimè conseruo. Deumque immortalem supplex oro, ut cum tibi salutem perpetuamque incolumitatem, tum fructum & laudem benè confecti istius muneris, in quo honorificentissimè & summa omniū cum expectatione versaris, præbeat & largiatur: ut tua ope, prudentia, labore, autoritate conciliata pax, nos non solum in otio, & in tranquillitate constituat: sed ab iis periculis, quæ mihi videntur multa & graua impendere, reddat tutos. Vale. 1536.

XVII

I A C. S A D O L E T V S E P I S C. C A R P.

N. Acromontio S. R. E. Cardinali S. P. D.

PAULVS meus, qui istuc ad salutandum maximum istum Regem meo iussu accesserat, in reditu suo ad nos, de tua virtute, prudentia, autoritate multa mihi narrauit: illudque addidit, singularem tuam quandam erga se & eximiam humanitatem in omnibus rebus se expertum fuisse: prætereaque cognouisse pluribus signis atque indiciis me ipsum quoque tibi esse cordi: paratamque esse, si quid incidat ut opus sit, & operam mihi & beneuolentiam tuam. Quæ ego ita accipio, ut ad agendas tibi meritas gratias, animi quidem multum, facultatis autem parum habere mihi videar. Talis enim viri neque testimonio ornatius quicquam, neque amicitia fieri potest optabilius. Sed ego, etsi tuæ amplificatio dignitatis in ea incidit tempora, quibus ego ab vrbe abfui: nominis tamen tui studio quodam etiam antea tenebar, quod non pauca de te, & de virtutibus tuis audieram, quæ nunc quidem apud me expressiora facta sunt, postquam tua hac recente humanitate, tanquam quodam adhibito lumine, apertius nobis sunt demonstrata. Ac quod ad gratulandum tuæ dignitati pertinet: non te arbitror dubitare, quin mihi sit honos tuus charissimus, & amplitudo præcipuè grata: cum tu præsertim istam ipsam dignitatem meritis antè sis, quàm obtinueris. In quo magis gratulandum mihi videtur, quod tu non minus splendoris ipsi honori afferas, quàm honos tibi. Sed tamen spectatam virtutem his etiam insigniri fortunæ ornamentis optandum est: quod ego in aliis facio & semper feci magis, quàm in me ipso. Nam cum cæteris qui benè essent meriti, omnia honorum insignia semper optauerim, mihi hanc delegi & fortunarum & vitæ mediocritatem, in qua beata præcipuè vita consistit, atque hoc animo ac iudicio ex vrbe Roma egressus, tanquam è magno mari, in hunc exiguum quidem, sed tamen tutum & tranquillum portum,

portum, me contuli: in quo sic viuo contentus, nullius fortunam vt anteponam meæ. Quanquàm hoc fortallè humilis animi sit, illud ampli & magni, virtutem æquare honoribus, quod in te factum esse mihi summæ voluptati est. Quare & honori tuo gratulor, & voluntati erga me máximas gratias ago: tibi vicissim pollicens, si quid acciderit, in quo mea tibi obleruantia & opera alicui possit esse voluptati, (nam comodo, aut ornamento, non ausim dicere) me sic amore, & studio, & vigilantia esse enixurum, vt tibi facilè pateat, te in homines non ingratos tua & officia & benevolentix indicia contulisse. Vale. Carpentoracti, XVII. Calend. Septemb. M. D. XXXII.

XVIII

IAC. SADOLETVS EPISC. CARP.

August. Triuultio Cardinali S. P. D.

Quanquàm tu paulò antè à nobis discessisti: tamen ne vi-
 quam, mi humanissime Triuulti, ni iampridem mihi factum
 esse videtur, cum te non vidi neque tecum collocutus sum. Ita
 sum captus tua ista præstanti humanitate, suauissimisque sermo-
 nibus: qui inter nos tales extiterunt, quales amantium inter
 se, & benevolentium esse solent, familiaritâte dulces, simplici-
 tate aperti. In quibus ego & animam tuam erga me perspexi
 plenum amicissimæ voluntatis, & tu de meo persuasissimus esse
 potes. Sed etsi tuus nimium celer, subitusque discessus, non me-
 diocre mihi desiderium tui reliquit: habui tamen in memoria,
 quæ tibi proficiënti facturum me receperam, dedi que ad sum-
 mum Pontificem literas, tuum hac transitum illi declarantes, &
 quantum tu in omnibus sermonibus consiliisque rerum aut ge-
 starum; aut gerendarum animo & cura mihi excubare visus es-
 ses: quo ipsius dignitas, & sedis Apostolicæ autoritas per te sem-
 per salua incolumisq. maneret. In quo debitum tibi tribui apud
 eum virtutis, & humanitatis, & prudentiæ testimonium. Hoc
 cum a me ita factum sit, scripserimque præterea non pauca ad
 huius statum præuinciae pertinentia: tuæ nunc partes sunt, cer-
 tiorem eum facere per literas, quid tibi de omnibus hisce rebus
 videatur, vt si fieri potest, tua autoritate ad nostros scribendi ro-
 gandi que labores accedente, maior ab illis habeatur horum lo-
 corum & populorum ratio, quam adhuc quidem habita est: &
 verè si cogitare volumus, habenda etiam est. Siue enim saluæ
 Italiæ res fuerint, quod opto, equidem vt ita sit, & Deum im-
 mortalem supplex precor, magnam sacerdotalis famæ & di-
 gnitatis in his regionibus est ornamentum: siue illæ excidio ca-
 lamitati que propinquæ, quod magis formido horreoque, hic

portus fortunis omnium futurus est tutissimus. Sed ego imprudentia labor, qui hæc te admoneam, cui non minus nota sunt, quam mihi. Quamobrem de his hæcenus. Illud silentio non præteribo, quod me meus erga te amor animo & lingua usurpare sæpè cogit, me tuum esse cum omnibus meis, atque ita tuum, ut qui te ex animo magis diligat, quam ego & diligo, & omni cultu observantiaque complector, habeas profectò neminem. Vale. Carpentoracti, V I. Idus Nouemb. M. C C C C C. X X X I.

X I X.

I A C. S A D O L E T V S E P I S C. C A R P.

August. Triuultio Cardinali S. P. D.

A C C E P I literas tuas, quas ex Vrbe ad me dedisti: in quibus recognoui animum tuum pristinum propensum in rem & dignitatem ecclesiasticam: tuamque erga me plenam amicissimi studij voluntatem: pro qua tibi me vehementer obstrictum esse sentio. Sed accidit mihi perincommodè, ut molestissimo morbo impediret, quominus, quod maximè cupiebam, crebrius ad te scriberem. Nihil enim fieri potest amore in te meo, & voluntate tecum per literas quasi colloquendi, ardentius. Quo è morbo si emergero, nullum à me officium beneuolentissimi hominis requires. Nunc ut se res habet, quanquam spem propi. quam optatæ salutis iam habeamus: sumus tamen admodum imbecilli. Quòd cum summo Pontifice diligenter egeris, populosque illi hosce commendaris, qui etiam sua sponte plurimum debent esse commendati, pertinuit hoc ad fidem quoque tuam, & ad amplissimi hominis auctoritatem: quæ tum maximè grauis est, cum vtilitati publicæ suffragatur: in qua quod te video & animo & cogitatione esse intentum, maiorem in modum tibi gratulor. Vera enim est laus, & meo quidem iudicio omnium maxima, dignitatem qua quis plurimum potest, & sapientiam qua est præditus, ad alienum commodum potissimum, & ad vtilitatem Reipub. conferre. In qua procuranda cum & mihi, & cunctis qui ad commune bonum contendunt, proposita sit & opera & prudentia tua: iure & tu magnus, & nos qui tua amicitia fruimur, florentes per te, atque honesti sumus. Sed quid in his locis nunc agatur, quod quidem cognitione dignum sit, quoniam & legatus missus est dedita opera, qui Pontificem de omnibus rebus edoceat, & idem meas literas meaue mandata ad te pertulit, si modo isthuc peruenit, nunc non est commemorare necesse. Illud tibi non dubium esse volo: in omnibus quæ gerentur, quæque contingent, tam publicis, quam priuatis meis & propriis, me semper in tua fide, patrocinio, beneuolentia, auctoritate, plurim.

plurimum esse praesidij atque opis mihi constitutum arbitrari.
Vale. III. Nonas Martias, M. D. XXXII. Carpentoracti.

XX.

IAC. SADOLETVS EPISC. CARPENT.

August. Triuultio S. R. E. Cardinali S. P. D.

NIHIL mihi accidere potest tua erga me beneuolentia gratius, quæ quidem quotidie magis apparet ex iis, quæ mea edusa dicis, aut facis. In quibus etsi patrocinium hominis amplissimi, atque omni honore laudeque dignissimi mihi peroptatum est: amor tamen tuus multò est iucundior. Sed quod ad postulata illa attinet, quorum tu exemplum mihi mittendum curasti, res mihi ipsa iam pridem fuerat nota. Nam & ille qui illas res petebat, diu antè mecum communicauerat: egoq; illi vehemens dissuasor fueram: non minus hercule quietis & utilitatis ipsius, quam publici boni causa. Videbam enim, id quod certè contigisset, si hæc oppida permutasset Pontifex, non sine magno tumultu rem futuram. Sed etsi minimè illius hominis consilia mihi probabantur: tamen quòd cogitationes suas commiserat mihi, fidemq; imprimis habuerat: cuiusdam religionè officij impediri me arbitrabar, quo illi minus obstarem. Atque ita etiam nunc interpretor: neq; existimo posse me fide integra quippiam aduersus eum moliri, aut scribere. Illud mihi quidem nouum & mirabile visum est, eum ipsum Regem, qui illum hominè alieno beneficio ornare conabatur: suis & maiorum suorum beneficiis, quæ ab regia liberalitate iam diu erant profecta, eum spoliasse, & priuauisse. Scito enim duo vel præcipua oppida fuisse illi adempta, & ad Regiam ditionem reuocata, quæ ipse & maiores sui tenuerant. Quanquã hæc lex non illi soli proposita est, sed omnibus ad quos quoquo modo Regû beneficia eiusmodi his ducètis annis peruenerunt: ut cogantur cuncta restituere, & quicquid illud est, quod ius aut nomen obtineat oppidi, id remittere regi. Quod utinam hætenus tentatum sit, neq; transeat ad sacerdotes. Quod si acciderit, non mirabor, quando qui istic regnant, nomen fortunasq; sacerdotum omnibus modis dilacerandas præbent. Qui enim sancti apud ceteros, & venerabiles esse possunt, si a tutoribus suis sic despiciuntur? Quòd repugnantiam epistolarum mearum fidemq; testimonij, quod ego vnus hominis reprehensioni primum, deinde laudi præbui, excusaris apud summum Pontificem, veramque rationem in excusando adiunxeris: non dici potest, quàm mihi feceris gratum. Nec in eo tamen humanitate solum & beneuolentia erga me usus es, sed summa etiam & singu-

lari sapientia. Nam aut necesse est, si hæc permittitur testimoni
mutatio, eos qui aliquando peccarent, nunquam rectè facere:
aut eos qui semel accusando scripserunt, non rebus, sed homini-
bus semper inimicos esse. Ego verò hominem quenquam odisse,
nunquam duxi esse sacerdotis. Rebus autem amicam aut inimi-
cum esse, prout illæ res bonæ malæve sint, arbitror esse hominis,
& Reipub. commodo, & suo officio consulentis. Itaque si (quod
nolim) aliquid accidat eiusmodi, quo mihi denuo testimonium
mutandum sit, non id facere verebor: neq; aliquam extimescam
culpam, ubi veritas mecum steterit. Quapropter te vehementer
rogo, ut repetito cum summo Pontifice de his rebus sermone,
seruam hunc animi mei totum illi aperias. Glauceriū nostrum,
hominem tua benivolentia dignum, quod benignè honorifice-
que tractaris: facis tu quidem semper quod virtus postulat tua,
naturaque plena humanitatis ac comitatis. Sed ego totum illud
tributum mihi intelligo, maximasque tibi de eo habeo agoque
gratias: quanquam hoc officio mihi sæpius utendum est, ita de
me assidue insigniterque mereris. Solum ex omnibus tuis dictis
ac factis aliquantum mihi molestum illud fuit, quod meis fami-
liaribus affirmasti, nescio quid te de me, & de honore meo cogi-
tare. Quæso humanissime atque optime Triulti, an nondum
cognosti mentem meam, qua ab omni mutatione fortunæ atque
status nihil est abhorrentius? Utinam mihi incolumitas hæc ali-
quandiu maneat, qua nunc diuino beneficio fruor: cæteris rebus
omnibus sum beatissimus. Nec de beatitudine illa, quæ maxi-
mè meæ professioni conueniret, si essem is, qui esse deberem: sed
de hac humana felicitate loquor. Quid enim mihi abesse potest
iucunditatis ac lætitiæ, qui hac conditione fortunæ in qua sum
positus, summè contentus sum? quin & in animo meo pacem, &
in populis mihi creditis benivolentiam, & in studiis meis admi-
rabilem voluptatem, & in omni parte actioneque vitæ auream
illam mediocritatem & consecutus sum, & quoad licet cōseruo.
Noli me, oro, in illos fluctus ex hoc portu reuocare, neque mihi
iniecere huiusmodi scrupulos, qui me (mihi crede) admodum
stimulant. Demus potius operam, ut illis præclarissimis honestis-
simisque artibus, in quibus elaborauimus vsque a puero, dignum
laborum præmium immortalitatem consequamur. In quibus
ego te absentem cogitatione mea complector: habeoque iam
paratum locum, ubi fidem illam citò præstem, quam cum C. r-
pentoracte discederes tibi dedi. Ad hæc tu me adiuua, & suscipe
causam hanc multò accommodatiorem mihi. Quod facies si n. e
amaris, & rebus omnibus tuerere, & quod præcipuum omnium
est, meæ tranquillitatis fueris patronus. Vale. Carpentora.

Idi, III. Nonas Maij, M. D. XXXII.

I A.

IACOBI SADOLETI EPISC.
CARPENTORACTI EPISTO-
larum Lib. VII. Epist. I.

IAC. SADOLETVS EPISC. CARPENT.

Benedicō Accolto S. R. E. Cardinali S. P. D.



COGNOVI ex literis meorum, qui in vrbe sunt, te, (quod magnæ voluptati mihi fuit) saluū & sospitem ab alienis oris, quò fueras horribili tempestate compellus, Romam reuertisse: neque solūm vrbi illi afflictæ & nuerenti lucem tuæ virtutis & dignitatis attulisse, sed nobis quoque qui longè absumus, declarasse, quā esset memor veteris amicitia, & quā propensius ad inseruiendum commodis & vtilitatibus nostris animus tuus. Sic enim mei ad me scribunt, te ita cum eis de me collocutum esse, nihil vt prorsus fieri potuerit amantius. Quod etsi nunquam dubitavi, quin ita esset, confusus constantia & humanitate tua: tamen nosse quotidie magis, reque ipsa experiri, saluū mihi esse præsidium amicitia apud eum, quem & dilexi semper præcipuè, & colui, mihi est gratissimum. Itaque quod ad patteis meas attinet, sic tibi velim persuadeas, ex his qui te observant & colunt, quorum maxima est pro tua amplitudine & liberalitate multitudo, nemini me concedere, neque in officio, neque in benevolentia, neque in recordatione pristinae necessitudinis, neque in tuarum præstantium virtutum laude & celebratione. Dignitati verò tuæ hoc minus multis verbis in hoc tempore gratulor, quòd & mea tibi est sat perspecta voluntas, & honor iste non certior in te, cūm tibi datus est, quā anteā, cūm speratus atque præuius. Et mehercule etiam, quòd tempora eiusmodi sunt, vt honori ipsi magis ex tua persona, quā ex eo tibi videatur esse gratulandū. Quapropter hoc tantūm dico: omnia quæ ad decus, & ad amplitudinem tuā pertinent, non minus grata atque optata accidere in te mihi, quā si in ipsum me collata essent. Quanquam habeo ego quidem id quod maximè semper expetiui, honestissimum otium, quod totum à me in regenda Ecclesia mea, & recolendis optimarum artium studiis summa cum animi voluptate consumitur. Tu si ista erga me voluntate perpetuò fueris, nosque absenteis tua fide & patrocinio tueri perrexeris, maximo me honore & præmio affectum esse arbitrabor. idque vt facias, te vehementer etiam atque etiam rogo. Vale, & patruum tuum amplissimum meis verbis saluere iube. Carpent. XVI. Calend. Iunij, M. D. XXIX.

K

3

BENE

I I.

BENEDICTVS ACCOLTVS S. R. E. CARDI-
nalis, Iacobo Sadoletto Episc. Carpentoracti S. P. D.

Nihil gratius, nihil iucundius accidere mihi potuit tuis li-
teris. Tum quòd eas legens videbar tecum esse, quem lo-
quentem audire semper mihi magnæ voluptati fuit: tum quòd
erant plenissimæ & officij, & humanitatis, cum præclara signifi-
catione tuæ erga me voluntatis. Quæ etsi mihi iam antea per-
specta erat, tamen quòd eandem illam absens ostendebas, quam
omni tempore præsens declaraueras, fuit mihi summoperè gra-
tum. Non quod de tua constantia dubitarem: sed illius comme-
moratione sum maximè delectatus. Ego autem, quod præclare
nosse debes, te ab ineunte ætate dilexi, fecique semper plurimi,
neque solùm excellentem illam doctrinam tuam, sed gravita-
tem etiam, & prudentiam sum admiratus. Et, quod iudicium
meum fuit de virtute tua, te vnum mihi in omni vita ab initio
imitandum proposui. Quòd si eò quòd tendebam, accedere non
potui: tuum tamen in me studium cum paterna benevolentia
coniunctum, in eo nunquam defuit. Quæ res ita in animo meo
resider, meque ita admonet, vt me tibi plurimum debere profi-
tear. Quod cum ita sit, persuasum tibi esse potest, omnia quæ-
cunque in me sunt, quemadmodum etiam dixi tuis, ad commo-
da & dignitatem tuam prompta esse, atque parata: meque nul-
lum vnquam officij genus prætermissum, quod vsui possit esse
tuis rebus. Tu quum perfunctis magnis laboribus, eò te recepe-
ris, vbi arbitrato tuo in literis, & cum dignitate viueres, non pos-
sum non probare otium istud tuum, quod & tibi honestissimum,
& nobis fructuosissimum est futurum. Sed scito, res nostras hic
te maximè desiderare: quibus profectò si adesses, plurimum opis
afferre posses virtute tua. Et mihi imprimis gratissimum faceres:
cuius ego quotidiana consuetudine, hominis omnium præstan-
tissimi, quam familiarissimè vti vellem. Sed viro prudenti non
audeo consilium dare. Patruus meus tibi salutem reddit. Vale, &
me quòd facis ama. Romæ XII. Calend. Iulij, M. D. XXIX.

I I I.

I A C. S A D O L. E P I S C. C A R P E N T.
B. Accolto S. R. E. Cardinali S. P. D.

Nihil recordor permultis hisce annis mihi accidisse gra-
tius, neque optatius, quam tuas nuper literas: plenissimæ
epistolæ fuerunt auctoritatis, suauitatis, officij. Quodque ad præclaram
iura sua

tam laudem tui præstantis ingenij pertinet, eo modo scriptæ, ut
 purius, aut elegantius, quod me legisse meminerim, habeam pro-
 fectò nihil. Itaque duplici ex illis gaudio affectus sum. Nam cum
 omnis tuæ erga me voluntatis significatio pergrata: tum verò
 orationis nitor, & verborum ac sententiarum venustas, quam in
 scribendo adhibuisti, mihi vehementer iucunda extitit. Simul
 enim intelligebam legens, & quàm tu de me amicè honorificèq;
 sentires: & in eo explicàdo, quàm tu existeres dignus, ut de te ab
 omnibus præclarè ac mirabiliter sentiatur. Nam illa tua dulcis
 commemoratio superiorum temporum, repetita propè ab vlti-
 mo, & perducta in hoc usque tempus, cum illustri testificatione
 tui de me iudicij, perpetuæq; opinionis, tantam mihi lætitiā
 attulit, & voluptatem, ut eam verbis consequi non possim. Planè
 enim perspicio, id quod his temporibus rarum est, in homine
 præsertim potente, firmam manere apud te amicitiae fidem, per
 quam amici, quamvis absentis, memoriam benevolentiamque
 conserues. Sed profectò illud verum est quod dici solet, cum qui
 bene à natura ad amplexandam laudem constitutus sit, omnes
 facilè in animo comprehendere virtutes. Quam ego ingenij in-
 dolem in te intuens, iam tum à primo, cum etiam penè puer me
 tibi adiunctum in amicitia esse voluisti: coepi sperare continuè
 magna, eaq; de te feci iudicia, quæ postea euentu ipso compro-
 bata sunt. Etsi in eo quidem omnes decepti fuimus, quòd spem
 opinionemq; nostram, tuamq; vnà ætatem, virtus ipsa in te lon-
 gè antecessit. Verùm hæc ad exponendum longius fortasse tem-
 pus & copiosorem desiderant orationem. Quæ autem sunt of-
 ficij, & exposita alias sunt, & nunc breuiter sic exponantur: ut
 scias, nihil mihi esse magis in optatis, quàm tibi persuasissimum
 esse, me inter tuos, qui pro tua dignitate & summa liberalitate
 permulti sunt, maximè omnium esse tuum. Id quibus aliis offi-
 ciis possit declarari, si sciuerò, non committam ut meum vllò in
 loco studium requiratur. Hoc quidem ipse per me præstabo sem-
 per: atque efficiam, ut neq; singularem tuarum laudum com-
 memoracionem, neque tuorum de me meritorum memoriam,
 quæ quidem hoc recente testimonio tuæ erga me tantæ volun-
 tatis cumulata sunt, illa vnquam mihi ex animo aut ex ore ætas
 deleat. Quòd si hoc otium, quo ego maximè delector, & quod
 tu (quanquam te consuetudinem meam desiderare præ te feras)
 non probare tamen non potes, Deus mihi fortunauerit: dabo
 operam profectò, ut me neque in amore, neq; in fide amicitiae,
 posterioreis ferre parteis aliqua in re intelligas. Vale, & nos
 absentes tuere. Carpentoracti, XVIII. Calend. Se-
 ptembris, M. D. XXIX.

IV.

IAC. SADOLETVS EPISC. CARP. BE-
nedicto Accolto S. R. E. Cardinali S. P. D.

NON putavi me contra officium esse facturum, si tuam benevolentiam & studium erga me, quod multis locis saepe sum expertus, ad omnes res, quæ ad me ipsum pertinerent, tua ope conficiendas, familiariter aduocarem. Nam neque est omnino quicquam, quod mihi ego de te non pollicear, & tua egregia præstansque liberalitas ea est, ut nos, qui te plurimum & obsequamur & colimus, iam pro nostro iure propè illa abuti posse videamur. Verùm id quod peto, huiusmodi est. Antonius Cornazanus, qui mea Romæ negotia procurat, vir probus & fidelis, & in omni officio retinendo imprimis diligens, mihi est propter virtutem & fidelitatem charissimus. Eum ego valde mehercule optarim reuerti ad nos, solitaque officia & munera obire mecum, quæ semper mihi ab illo grata acciderunt: quod etiam ipse non nollit. Sed cum propter causas quasdam vel notas tibi, vel certè non difficiles cognitu, eius ad nos reditus hoc tempore videatur esse interclusus, inque hac re, quæ sanè incommoda mihi est, illud tamen possit inesse commodi, quod in vrbe remanens, nostra obire negotia, & si quid mea interfuerit, quod vlti venire indies singulos potest, te ipso quidem patrono & defensore, id expedire ac transigere, plurimasque mihi in eo operas utiles atque oportunas præbere poterit: statui, quod necessariò erat faciendum, ad id meum quoque consilium & voluntatem adiungere. Itaque ei permisi, vel potius cum hortatus sum, ut Romæ domicilium habere institueret, nec apud alium tamen, quàm apud eum, cuius ego (si istic essem) domo & contubernio potissimum vterer. Apud te, inquam, tua ut esset in familia, mihi proponere cuestigio cœpi. Nam nec honoratiorem sibi dominum, neque maiore apud cunctos dignitate, in me ipsum benevolentia, quàm te, habere illum posse intelligebam: nec verò cuius & animus & autoritas meis rebus esset paratior. Quapropter cum res sic sese habeat, equidem quod mihi abs te petendum est, quo id pacto petam non satis reperio. Si peto audacter & liberè, timeo ne nimis confidens: si religiosè & prudenter, ne vltius animi esse videar. Ita alterum meus pudor, alterum tua liberalitas, & nostra videtur coniunctio repudiare. Sed si ego in omni vita præcipuum comitem mearum actionum, consiliorum, voluntatum, pudorem semper esse volui: nihilque mihi fuit antiquius, quàm cum retinere perdiligenter, in quo ornamentum totius vitæ mihi decreui esse positum: patieris tu, quæ tua est humanitas, te à me re-

me rogari atque orari: quod equidem ago studiosè, ac vehementer, ut familiarem meum virum optimum, quem ego multis de causis mirificè, diligo, tuum familiarem esse velis: statuasque eo apud te domi habendū, mei quoque absentis partem non parvam te habere: quippe cū crebrior multò futura sit, & tuorum beneficiorum instauratio erga me, & significatio meæ perpetuæ erga te voluntatis: quæ quidem illo interprete quotidie magis tibi declarabitur. Sed vereor ne quod modicè, & cum religione me rogaturum dixeram: id iam non rogare, sed efflagitare videar. Quare plura hæc fortasse quàm opus fuit. Illud tantū adiungam: si hominis opera & obsequio uti institueris, magnam te ex eius fide & diligentia commoditatem esse capturum. Mihi verò ita gratum facturum, ut tua quotidiana merita erga me, quibus ego tibi me devinctum esse confiteor, hoc etiam facto non parū cumulata futura sint. Vale. VIII. Calend. Octob. Carpentoracii, M.D.XXIX.

V.

I A C. S A D O L E T V S E P I S C. C A R P E N T.

Benedicto Accolto S. R. E. Cardinali S. P. D.

NON reperio verba, quibus tibi agam pro tua eximīa ac præstanti erga me voluntate gratias: quam tuis disertissimis literis præclare declarasti. Voluntate autem dico? quis unquam illustrius, & certioribus factis ostendit, alterius honorem sibi esse cordi, quàm tua erga me non dicam facta, sed merita iam complura sunt. Nam quòd fidem amicitiae mihi absenti præstas eandem, quam præsentī olim officiis omnibus præstitisti: neque officit animi tui quasi luminibus, altitudo & fortunæ, & dignitatis tuæ, quò minus me respicias, in eodemq; habeas loco, quo antea habere eras solitus: sit hoc virtutis, sit constantiæ, & animi magnitudinis tuæ. Quæ verò in ipsum me contulisti multa & magna non amoris solū indicia, sed summa etiam liberalitatis, quibusnam ipse verbis, aut quo dicendi genere satis exprimere possim? Quòd fauisti mihi videlicet ex animo semper: quòd mei absentis famam & nomen aduersus maleuolos homines & alienæ laudi libenter obtrectantes, studiosè tutatus es, quòd meis, & meorum amicorum, affinium, familiariumque negotiis, nunquam tuum patrocinium & auctoritatem deesse passus es, nemoque apud principem pro me aut sepius intercessit, aut vehementius: quæso, ista omnia quanti: præsertim a tanto viro tanta auctoritate, tanta eloquentia, tantis ornamentis honoris, fortunæ, ingenii ne pedito? Quibus tamen contenta temeritas mea non fuit: ausus enim præterea sum (quid enim mihi non daret au la-

cix bonitatis tuæ fiducia, & opinio tui erga me amoris) ausus sum, inquam, cum hominem vnum ex meis Romam mitterem, qui mea ibidem negotia gereret, collocare eum domi tuæ, & tanquam meo iure velle, ut is tuo sumptu atque impendio meis rebus deseruiret. Quam quidem meam temeritatem in eum modum tua liberalitas excepit, ut quod audacter feceram, sapientes fecisse visus sum. Nec solum tu opibus meis difficultates meas lenaueris, sed etiam virtutibus vitia obscuraris. Atque hæc cum ita sint, scribis tamen ad me amicitiam nostram summis a me officiis cultam, à te solum grato animo obseruatam fuisse. In quo admiratus valde sum nouam in te quandam atq; inauditam vim humanitatis, qui isto animo in amicitia colenda sis, ut cum beneficia tribuis, accipere te arbitrere. At ego hoc solum mihi reseruaueram ex omnibus officiis quæ sunt amicitix debita, ut cum tu me autoritate & patrocínio tuo, cum opera & gratia, opibus etiam tuis foueres & sustentares: ego qui in ceteris tibi par esse non possem, ista ipsa de te prædicans, & magnum obligationis vinculum, quo tibi teneor astrictus, ingenuè confitens aliquam partem gratiæ referre tibi viderer. Quam si tu quoque laudem ad partes tuas rapis, & commutatis nominibus rerum, bene mereri de altero, in te vis esse idem ac alteri debere: amabo te mi Accolte optime atq; humanissime, quam nobis partem reliquam in officij laude facis? Sed ego ne sum saluus, si non contendero omni mea ope, atque elaborabo, ut mea quoque officia & studia erga amplitudinem tuam, etiamsi minus propter status nostri mediocritatem, eximia magnaque fuerint: ab animo tamen amicissimo, & gratissima voluntate profecta videantur. Et si hoc ipsum quoque, ut mihi maius esset ac difficilius Rainerius meus fecit, qui nuper abs te reuersus, non destitit adhuc prædicare, nullum genus humanitatis liberalitatisque fuisse, quo tu non illum vberrimè atque amantissimè prosecutus sis. Quod ego totum mihi in illo abs te tributum esse sentio, agoque tibi propterea maximas gratias. Sed quæ ille ad me tuis verbis detulit de studio tuo & cura augendæ dignitatis meæ, id est eiusmodi, ut ista tua voluntate & in me beneuolentia nihil mihi quidem possit esse iucundius: rem autem ipsam cum ætas nostra iam ingrauescens, cum studium artium optimarum, in quibus omni tempore versor, facile patitur ad alios potius accedere, quibus ista magis cordi sunt, quam ad me, qui hisce rebus satis perfunctus sum, & nunc aliud quoddam genus vitæ consecretor (ut ego quidem statuo) aliquantò beatius. Ego in omni officio atque amore, tuæque amplitudinis obseruantia, eam tibi amicitix veritate, & id studiū animi grati polliceor, quod cum tua
excel-

cellens virtus ac dignitas, meritaque erga me plurima ac maxima, tum autem fides imprimis mea & natura postulat. Vale. Carpentoracti.

VI.

IAC. SADOLETVS EPISC. CARPENT.

Benedictio Accol. o S.R.E. Cardinali S.P.D.

TARDVS mihi redditæ fuerunt literę tuę: eas enim X. Calendas Septembris datas ego circiter Nonas Octob. accepi. Sed earum lectione mirifica, incredibile est quanta animi voluptate fuerim affectus. Quanquā quid primum de illis dicam, aut quid collaudem potissimum, nescio. Illud dico, nihil leporis esse, nihil venustatis, nihil omnino humanitatis, nihil benevolentia, quod non in illis literis præclarè eximieq; luceat: & cum singularem tuam ingenij ac eloquentiæ laudem, tum amorem tuum erga me perspicuum mihi ponat ante oculos. Sed horum vtro magis sim delectatus, satis adhuc constituere non possum. Iucundior forassis est amoris & voluntatis illa significatio: sed tua in scribendo subtilitas atq; elegancia multo certè admirabilior. In qua tantum te profecisse, vt ad summam laudem perueneris, nec iam cum nostri temporis hominib. sed cum antiquitate ipsa contendas: gratulor tua quidem mehercule imprimis: sed non nihil etiam nostra causa. Facile enim prospicio, cum extare iam incipiat, quis tu homo, quanti me facias, forè, vt hoc tuum de me iudicium magno mihi ornamento apud omneis sit. In summa tibi hoc persuasum esse volo, nunquam quicquam me legisse his literis tuis, quas proximè accepi, castius, purius, liberalius. Itaque te iam ne hortor quidem, vt omnia summa tibi proponas, atque ita statuas, dignitatem tuam, quam ego intelligo esse maximam, non minus ex his optimis & præclarissimis artibus, quam in omni honore & præmijs fortunæ existere. Tua enim excellens & eximia virtus hortatione non indiget. Sed ego, quod proprium mei amoris in te fuit, & optavi semper te intueri talem, qualem nunc aspicio, & mei optati ac voti compos factus, iure nunc triumpho atq; lætor. Habeo enim id quod maximè optandum homini est, amicißimum meū omnibus & fortunæ & ingenij bonis ornatissimum. Verū hęc hætenus. Nam nec pluribus agere verbis de eis necesse est, & tantum quantum in te est, non potest tamen explicari. Quod acceptorum beneficiorum commemorationes, actionesq; gratiarum, ac cetera eiusmodi amicitij verecūdiōris officia, auferri iubes ex literis nostris, libereq; inter nos & per familiariter agnoscō magnitudinē animi tuam, qui fructum liberalitatis tuæ in ipsa liberalitate constituas.

Nam

Nam si scriptioni & operæ parcendum sit, mihi consulitur vni. Meæ enim illæ erant partes agendarum gratiarum: meum munus, in quo nec par quidem tibi esse poteram: cum tu de me bene merendo, ego tibi gratias agendo, quotidie inter nos quasi certaremus. Sed ut tunc liberalitati & benignitati tuæ, sic nunc voluntati bonitatiq̃ue concedo: patiorq̃ue ea à me silentio præteriri, quæ alioquin prætereunda non esset: nisi hoc mihi tu pollicerere, quod tamen pollicereris, te animum meum gratum & memorem non secus habiturum. De publicis rebus vtinam aut tu mihi nunciare lætiora, aut ego his quæ graua impendent, aliquid opis ferre atque auxiliij possem. Voluntas certè mihi non deesset, neque ad eò etiam tibi. Nec verò tantum vllum esset periculum, tantus labor, quod nos pro salute & statu Christianæ Reipubl. defugere vellemus. Sed cum neutrius nostrum sit potestas, cum res eò deducta sit, ut omni cogitatione dignitatis iam dimissa, reliquæ salutis spem non in consilijs nostris, sed in incertis euentibus rerum totam reposuerimus: quid attinet solitudinem capere velle de his, quæ nec prouideri à nobis possunt ne accidant: nec cum acciderint vitari? Vna est ratio opitulandi reliqua: quæ sola mederi ijs incommodis queat: quam tu sanctissimè, & prudentissimè commemoras: si fortè Deum nostri miserum sit. Etsi de eo quidem non dubium est, quin ad miserendum sit paratus. Potius, si fortè bona fide nos aliquando ad illius opem & misericordiam studeamus confugere. Nam de ostentis & prodigijs, quæ multa scribis & mira Romæ inspecta partim, partim alijs ex locis nunciata fuisse, sanè ego quam minimum laboro. Quo enim portentorum significatione opus, cum quæ è talibus solent significari damna, mala, incommoda, quotidie sentiamus? quæ satis ipsa portentum sibi sunt: nec ab aliquo disiuncto monstro, sed ex se ipsis non magis portendunt, quam inferunt calamitatem. Nihil certè nouarum cladum iam expectamus, quod non antè fuerimus experti: nisi fortè vniuersus impendet interitus. Sed hæc Deus viderit, in cuius manu sunt omnia. Nos damus operam quoad possumus, ut domicilium ibi nobis præparemus, vbi tantum datur verè viuere: ne cum ex his locis fuerit migrandum, velut re noua atque inopinata perturbemur. Ad quod magna nimirum opus est non solum cura, verum etiam felicitate, & apud Deum gratia. Habemus multa ut homines, quæ nos interpellent, verum tamen adiutimur. Tu qui in illis fluctibus versaris, qui sunt ventis pluribus expositi, maiorem artem & constantiam adhibeas necesse est. Quod ipsum tamen tuæ virtuti præstanti & singulari futurum est non difficillimum. Quod reliquum est, ego meum in te amorem, insignemq̃ue obsequentiam summa cum pietate conferue. De tua voluntate

erga

erga me prorsus sum persuasus. Omnia tibi prospera & fausta evenire opto. Tuis opibus & facultatibus cum usus venerit, perinde utar, ut meis. Denique tibi confirmo, nec habere te quenquam, qui te magis diligat, quam ego diligo: & me cui plus confidam, quam tibi, reperire profecto neminem. Vale. Carpent. XVII. Calend. Nouemb. M.D.XXXI.

VII.

BENEDICTVS ACCOLTVS CARDINAL.

Iacob. S. adol. Episc. Carpent. S. P. D.

CUM mihi nihil soleat in hac disunctione nostra non solum iucundius, verum etiam utilius accidere, quam tuæ epistolæ: vereor ne illud mihi sæpius, penè quodam fato, accidat perincommodè, ut siue tabellariorum negligentia, siue meis occupationibus, serius quam ego vellem meæ ad te literæ perferantur: mihi quæ propterea fructu iucundissimo atque vberissimo tuarum epistolarum diutius sit carendum. Nam etsi nihil statuam esse tanti, ut cum his honestissimis sermonibus, quibus absentiae nostræ desiderium per literas suavissimè lenire consuevimus, sit conferendum: tamen ita negotiis quibusdam odiosis, atque adeò importunis, his diebus proximis distinebar, ut quod in superiore mea epistola tabellariorum culpa est commissum, ut tibi tardius redderetur: nunc planè sit effectum mea: qui ex illis molestiis non valuerim tantam demere temporis, quantum ad rescribendum ad disertissimam illam tuam epistolam plenam singularis tui erga me amoris, quam ad me XVII. Calend. Nouembris dedisti, satis esset. In qua tanti me à te fieri animaduerti, ut qualem me esse cupio, talentu illustribus quibusdam amoris notis, pigmentisque, lectissimis mirificè expresseris. Quod quamvis ab incredibili tua in me beneuolentia profectum agnoscam: amplissimum tamen istud, atque insigne tuum de me testimonium quanti à me fieri oporteat, quantumque ornamenti apud omnes bonos mihi sit allaturum, facile intelligo. Itaque cum tibi omnia me debere antea profiterer: nescio quo pacto magnus nunc (quod minimè iam posse evenire putaueram) innumeris singularibusque tuis erga me officiis, hoc etiam nomine sit additus cumulus. Atque utinam aut ea quæ tu de me amicissimè sentis, præstare possim aliquando: (dabo equidem in eo sedulo omnem operam) aut cæteri tibi tantisper allentiantur, dum mihi facultas maior ad te pro tua singulari eximiaque virtute, egregiisque in Christianam rem publicam meritis, ornandum atque augendum detur. Tunc enim in magnitudine mei erga te amoris immensa atque mirifica tibi declaranda plenissimè mihi ipsi satisfacere posse considerem.

Quod

Quod verbis, aut scriptione prosequendum non puto. Non solum quod eam esse volo animorum nostrorum coniunctionem, ut re & benevolentia, non verbis inanibus confirmetur: sed etiam, quod in ea summa voluptate, quam ex tuis literis capio, ita purissimis illis atque amplissimis admirabilis tuæ eloquentiæ splendoribus. mei ingenioli præstringitur acies, ut nisi ab illa tua in omnes, scotsumque in me insigni humanitate recreer, planè deterrear à scribendo. Verùm de his hætenus. De rebus publicis, est quod lætius quiddam tibi possim hoc tempore significare, ex eisdem enim qui hac æstate proxima nuntiabant maximum illum Turcarum motum, nuper accepimus, ea quæ ab illis nunc nobis impendent, multo esse commodiora. Nam scribunt, Turcas ipsos bonam illius bellici apparatus partem ad mare rubrum esse conuersuros: ut per illud oceanum Indicum validissima clade delati, impediant Lusitanos, qui ad Indos aromatum gratia soliti sunt commeare. Quod etsi nobis aliquid sit allaturum incommodi, summæ tamen Christianæ reipublicæ Dei Optimi Maximi immenso erga nos amore, ita consultum vides, ut cum è faucibus penè fari erepti ac planè conseruari esse videamur: tum etiam aliquid nobis supersit spatij in eas cogitationes incumbendi, quæ sint & tantis nostrorum temporum acerbitatibus. apertissimæ, & antiquo Christianæ pietatis decore dignissimæ. Quod utinam à nobis non prætermittatur, & his quæ quasi dormientibus nobis à diuina clementia sunt concessa, negligentiores non efficiamur: sed ad ipsius Dei Optimi Maximi opem (ut est in tuis literis) bona fide confugiamus. Cum enim nullum tempus pietati & religioni aptum non sit, tum id magis est necessarium, quo maior in nos illius elucet benignitas, ne ipsius misericordia frustra cadat: sed ad ea potius pericula, quæ premunt, leuanda alliciat. Aut si quid acciderit, nobis ad salutem tranquillitatemque perpetuam iter patefaciamus: neue quanto ille benignior fuit in nobis conseruandis, tanto sit in illis puniendis iratior, si quos tot tantaque beneficia pro maleficijs habuisse animaduertit. Nam cum sæpe antea ipsius Dei Optimi Maximi immensastrarum rerum cura extiterit: tum verò non dubijs significationibus (si modò ij erimus, qui esse debemus) sperare nunc possumus, illum non solum tantam malorum molem ab exterò hoste Turca iam pridem imminentem, à ceruicibus nostris esse remoturum: verùm etiam eas omnes, quæ nuper à domesticis proditoribus, quos hæreticos appellant, per vniuersum ferè Christianum orbem delubris templisque sanctissimis nefario scelere subiectæ sunt faces, ab ipsius præsentis numine restinctum iri. Quis enim non videt eà quæ superioribus mensibus ab Heluetijs qui Catholicam fidem nobiscum vnà retinent, aduersus reli-

quos

quos eius gentis pagos qui à recta religione descuerunt, duobus magnis praelijs sunt gesta, sine ope diuina geri prorsus non potu-
 isse: cum enim magna ipsorum pars teterrima illa impietatis la-
 be dudum esset contaminata, (Nam ex tredecim pagis, quinque tantum in fide permanserunt) decreuerunt illi, qui numero su-
 perabant, vi & armis ita cogere quinque pagos verè religionis a-
 mantissimos, ut illos suæ perfidiæ socios sibi adiungerent. Cum-
 que iam res (ut te audisse non dubito) ad manus deuenisset, pri-
 mo in praelio octingenti ex nostris maximo Christianæ pietatis
 studio inflammati, paulum extra aciem, quæ ex octo tantum ho-
 minum millibus constabat, primi procurrere, incredibiliq; vir-
 tute & fortitudine viginti hostium millia sunt adorti. Quos con-
 tinuò, occisis hominum amplius tribus millibus, & totidem ferè
 captis, qui proiectis armis mortè supplices sunt deprecati, in fu-
 gam cõiecerunt. Cuius victoriæ cursui quamuis nox magno fue-
 rit impedimento, præliumq; diuturnius: in eo tamen illud maxi-
 mè salutare accidit, & prædicandũ, quòd cū hostes rem esse in an-
 gusto animaduertèrèt, eos omnes quorũ opera & artificijs plebs
 fuerat concitata, in primam aciem coegerunt procedere. Quod
 ubi sine mora facere, vel ut suis adderent animos, vel quòd ita
 necessitas postulare videbatur, minimè recusassent: interfecti
 sunt notè ferè omnes tantorũ scelerum & perfidiæ autores, inter
 quos ceciderunt quàm plurimi sacerdotes, qui abiurato veræ re-
 ligionis cultu, sese in Satanæ famulatum coniecerant: repertusq;
 est multis vulneribus confectus Zuinglius qui primus ad Helue-
 tios attulit pestifera Lutheranorum dogmata: eisq; ob singula-
 rem, qua maximè inter Heluetios florebat, opinionem virtutis,
 doctrinæ, & sapientiæ, assiduè imperitorum animos imbuebat:
 cognitumq; postea est, pagum qui Tigurinus appellatur, quiq;ue
 omnium illorum infidelium habetur caput, ex CCC. senatoribus,
 ad septem tantũ, eo confecto praelio, esse redactum. In quo trigin-
 ta tantũ pedites à nostris sunt desiderati: relataq; sunt ex pugna
 ad pagum Lucernensem (qui itidem fidelium Heluetiorum est
 facile princeps) complura signa militaria: inter quæ fuit vexil-
 lum maximum pagi Tigurini, & tormenta muralia XIX. qua-
 dringentaq; castrensia. Hoc praelio inter hæreticos nuntiato,
 quanquam nulli erat dubiũ, quin illa omnia Dei Optimi Maxi-
 mi felicissimis auspicijs à nostris essent confecta, mireq; ipsius
 Zuinglij interitus hostes perterruiisset: multitudo tamen & nu-
 mero suorum cõfissi, iterum praelio decertare, rursusq; fortunam
 experiri decrevere. Itaq; breui redintegratis viribus delectisq;ue
 ex omnibus pagis, teterrimo illo scelere imbutis, & in vnũ lo-
 cum coactis, hominũ millibus circiter triginta: additisq; præ-
 terea Germanorum auxilijs, qui superiore praelio nõ potuerant
 inter-

interesse, in nostros castra mouerunt. Quibus cum nostri appropinquassent, subito & præter omnem spem hostium, concursu tam acri in eos impetum fecerunt, ut cum modò hostes ferre non potuerint. Itaque primum loco pulsi, deinde dissipati, uerſi terga verterunt. Quos nostri inſequuti, compluribus ca-
 ptis, magnum eorum numerum trucidarunt: multos quoque ex
 eis repentinus suorum terror, ac fuga, in qualdam locorum an-
 gustias compulſit. Quibus intercluſi, ex præruptis altissimisque
 rupibus, nostris urgentibus, se præcipitauerunt. Hoc prælio a
 nostris felicissimè confecto, tursusque hostibus proſtigatis, & in-
 ſigni clade affectis, cum Lucernenses, qui ut supra memorauimus,
 inter quinque pagos fideles in maximo habentur honore, ali-
 quot oppida ab hostibus occupata recepiſſent, ea qua Christiana-
 nos decuit uſi manſuetudine, ac lenitate, legatos de communi
 quinque pagorum concilio ad Tigurinos miſerunt: qui testaren-
 tur, se quacunque feciſſent, nullis priuatis inimicijs, sed tan-
 tum veræ religionis causa feciſſe: neque quicquam aliud petere
 ſuis armis, quam ut ad auitum ſacrorum morem rediretur. Quæ
 cum a quo animo Tigurini, Dei (ut ego arbitror) ira percuſſi,
 accepiſſent: omnes qui pertinaciores in eiuranda impietate
 ſunt uſi, conſeſtim è pago expulerunt, ſequæ Lucernensibus & a-
 lijs fidelibus adiunxerunt. His de rebus heri in ſenatu recitata
 ſunt, magna omnium lætitiâ, literæ Episcopi Verulani, quem il-
 luc Pontifex Maximus legatum miſerat. Quibus nobis magnam
 ſpem facit, cum vnus omnino ſit hic pagus Tigurinus, cuius au-
 toritate reliqui, qui à communi religione & Christiana pieta-
 te diſceſſerunt, contineantur: fore, ut breui diſſiſſa priſtina er-
 rorum pertinacia, cum pagis fidelibus ſe coniungant. Quod ſi e-
 uenerit, tanto futurum eſt Caſari adiumento in eo conuentu,
 quem pro ſua ſumma pietate & religionis ſtudio, ad abolendum,
 aut ſi id fieri non poterit, aliqua ſaltem ratione, reprimendum
 impium Lutheri ſcelus, aliæque hæreſum monſtra cõficienda, quæ
 ex letali illo, ac peſtifero fonte per omnem Germaniam longè
 lateque fluxere, ad Calend. proximas Febr. Ratisbonæ indixit, ut
 ipſum multò commodius, maiorique exiſtimatione & dignitate,
 tantis vulneribus Christianæ reipub. Deo bene iuante, mederi
 poſſe ſperandum ſit. De rebus urbaniſ nihil eſt quod ſcribam: nam
 & pleræque eodem loci ſunt, quo reliquiſti, & ſi quid præterea
 noui ſit, puto te ab alijs certiores fieri. Itaque venio ad poſt. re-
 m in epistolæ tuæ partem, in qua de vitæ tuo inſtituto grauissi-
 mè ſcribis. Qua perlecta in eadem opinione continuò fui: ea quæ e-
 non modò eximiam quandam, & ſingularem pietatem, religio-
 nemque præ ſe ferre mihi eſt viſa, verum etiam iucunda accidit
 & ſanctis. Cum enim ſemper iudicauerim hæc fortunæ mēbra,
 ciuitas,

diuitias, honores, dignitates, inania esse & caduca, magisque ad laborem & pericula, quam ad salutem valere: semperque statuerim, ipsius Dei cultum, & salutem animorum longè his esse praeuerendam; tamen vix dici potest, quam hæc mea mens tuo isto iudicio sapientissimo, monitisque grauissimis fuerit confirmata. Itaque dum ea mihi spes propterea non euanescat, quæ me mirificè sustentat: fore, ut habita (quod dudum oportuit) eximie multiplicisque virtutis tuæ ratione, huc ad nos quandoque redeas: egoque hanc vsus & congressionis tuæ intermissione, quoad mihi per tua tempora licitum fuerit, assiduitate & diligentia sarcire possim. Dum igitur spes ista non extenuetur, non solum approbo sanctissimum istud tuum propositum, quo solo ad æternam domum recta peruenitur via: verum quantum potero entar ipse quoque; atque à Deo Opt. Max. assiduis precib. contendam, ut tandè aliquando utar pacatis fluctib. quod mihi securus ad veram tranquillitatem muniaturs cursus. Interea si quid est, quod me tua aut cuiusquam tuorum causa curare oporteat, id tibi ne pollicendū quidem videtur, cum & voluntatē meam tibi satis notū esse intelligam, & ea quæ restant, re tibi magis quam verbis me probaturum confidam. Vale. Prid. Id. Decemb. 1531. Roma.

VIII.

IAC. SADOLETVS EPISC. CARPENT.

Benedicto Accolto S. R. E. Cardinali, S. P. D.

EG o humanitatis tuæ, & benevolentie erga me vberes quotidie capio fructus: velut ex his literis, quas proximè ad me ex Ioan. Piscie sermone misisti. Quam ille amanter scriptæ sunt: quam prolixo animo? quam (ut ita loquar) penè etiam ardent: ut omnis tua in illis mihi gratificandi, & in omnibus morem gerendi, voluntas se ostendit? Non possum tam loqui quam sentio: sed certè, si villo vnuquam tempore tuus aduersum me animus beneuolus atque constans, voluptati mihi fuit, his sum literis incredibiliter delectatus. E quibus illum tamen fructum vel maximum cepi, quod meam erga te beneuolentiam, & singularem in omni genere obsequantiam, tibi perspectam & cognitam planè esse intelligo. Etsi enim peroptatum mihi est, me abs te diligere, charumque haberi: illud tamen etiam optatius, meam voluntatem, pari in beneuolentia vicissim tibi reddenda, tibi quoque esse probatam & gratam, de qua autor sum, ut omnia ex me summa tibi pollicearis, non fallam existimationem tuam. Non enim minor voluptas est probis & constantibus, videri, amare, quam amari: præsertim cum id iure fiat: sitque in eo iudicii quedam etiam laus, nō amoris solum, & studij significatio. Quod quoniam

mihi in te contigit: moriar, ni operam omnem dederò, vt quòd te amo tantopere coloq̃ue non solùm tuæ erga me beneuolentiæ relatum, sed tuis multis eximijsq̃ue virtutibus etiam tributum esse videatur. De Paulo quod me hortaris, ego iam pridem istud ipsum commentor, vt eum mihi socium & adiutorem in huius ecclesiæ custodia adsciscam: qui mihi postea successurus sit. Sed veritus sum vsq̃ue adhuc ætatem eius: nam de Pontificis quidē maximi voluntate erga me, & de tua ope atq̃ue opera mihi parata, non dubito. Nunc verò cūm & annorum satis sit (agit enim ætatis quartum & vigesimū) & summu[m] eius ingeniu[m], optimi mores, ac singularis vitæ modestia exornet: maturè iam id videor posse facere. In quo (ita Deum velim propitiu[m]) vt hoc mecum de illo iudiciu[m], non tam consanguinitatis, & generi, (quanquam ne id quidē non spectatu[m] est) quam virtuti & meritis a me tribuitur. Sed de eo te ex alijs malo, quam ex me cognoscere. Illud quod mea valde interest, à te vehementer peto, vt cum nemine adhuc rem hanc communices, habeasq̃; eam tecū occultam & tacitam, quoad paratis rebus, tua mihi opera & auctoritas requireretur. Quod confidis in repub. meliora fore, quam quæ perimueramus, vtinam quidē ita sit. Ego quid dicam, aut quid expectem nescio: in summo timore verior: nihil parati ad succurrendu[m] video, quod quidē validu[m] firmu[m]q̃ue sit. Fortunę parum habeo fidei: nostris consilijs vt valeamus exopto. Sed hæc quoq̃; quando ea non sunt muneris nostri, Deo permittimus, qui vnus omnia potest. Ego superiorib. diebus, quanquam morbo graui impeditus, ex quo iam tamen conualecere incipio, dedi ad te literas, quibus ad illas tuas respondebam, quæ vberissime atq̃; ornatissimæ pridie Idib. Decemb. datæ, secundū multas & magnas amoris tui significationes, de Helueticis rebus me docebant. Quas quoniam vereor ne non tibi sint redditæ, eodem exemplo rescribi iussi, & ad te mitti: non ea me hercule gratia, quòd illarum iacturam grauitè ferendam putem: quippe quæ etiam scriptæ negligentius (vt ab egroto sunt) sed vt perspiceres, nullu[m] a me tuendi officij, neq̃. amoris mei tibi declarandi locu[m] prætermitti. Vale. Carpentoraci, V. Idus Martij. 1552.

IX.

IAC. S ADOL. EPISC. CARPENT.

Benedicto Accolto S. R. E. Cardinali, S P. D.

CVm iter hæc haberet Didacus Mendoza, qui tibi has literas reddidit: adolescens summo quidē inter Hispanos genere & loco, & summa nobilitate: sed ingenio etiam & moribus, quam maiorum suorum clarissimorum virorum splendore ornatior acci-

accidit, ut is mecum diem vnum esset, atque in sermonib. (ut sit) percontanti mihi, quod, & cuius rei gratia hoc itineris suscepisset: Romam inquit, ut bonarum artium studijs ibi operam dem. Quæ cum responsio mihi præter opinionem meam accidisset (non enim soliti sumus videre ex illis oris ad Urbem istius rei causa venientes) admiratus, petrexi interrogare reliqua. Tum ille mihi animum suum totum aperuit, ita inflammatum ad eas artes & literas, quas nos optimas appellamus, nihil ut fieri posset ardentius. Hic iam non te puto expectare, dum exponam, quo statim benevolentie studio in illum accensus fuim. Sum equidem semper propensus ad eiusmodi animos omni mea comitate complectendos. Sed tamen iuuenē hunc intuens, amplissimis fortunis, nobilitate eximia, cognationibus maximis, patriam in qua propè dominaretur, & penates suos relinquentem, peregrinantemq; in alienas & remotas regiones, nullius rei cupiditatis, præterquam bonarum literarum causa: crede mihi, sum nō mediocriter motus. Itaque tempus eius confirmandi & cohortandi non omisi. Laudavi consilium: hortatus sum, ut magno animo incumberet in studia, ad summa contenderet: facile cum si adniteretur, vel partes primas, vel proximas certè adepturum. Quod hoc maiore cum spe faciebam, quod videbam eū sine minore adhuc & magistro, suā ipsum sponte, sōlo naturæ bono, tantam iam adeptum iudicandi facultatē, ut Ciceronis imprimis scripta in manibus haberet, ijsq; præcipuē delectaretur. Sed cū ipse me rogasset, ut ad urbanum aliquem ex meis amicis hominem doctum literas darem, cuius ipse, ad Urbem cū venisset, familiaritate atq; amicitia uti posset: occurrissi tu continuo, vel ita doctus, ut excellens: vel ita amicus, ut tibi à me non fides solum in tuenda amicitia, sed observantia etiā debeatur. Itaq; cū eo de te multa locutus sum: dixi quæ sentio: offendi nusquam eo magis, quàm apud te, voti sui futurum compotem: propterea quod domus tua talium virorum & præstantium ingeniorum cōtinentu præcipuē celebraretur. Annuit gaudens: seq; ad te profecturum primum dixit. Qui cū hoc animo istuc veniat, ut tibi sit vsu quàm cōmuniſſimus, nihilque omnino aliud abs te præter benevolentiam tuam experat: peto à te mi optime accolte, ut hunc talē iuuenem sic recipias in amicitia tuam, ut omni ille tua humanitate, quæ profectō summa est, ad arbitrium suum, & quādocunq; illi fuerit commodum, perfruatur. Est omnino hoc tuum, & naturæ tuæ præstantis ac singularis, fauere bonis ingenijs, eaq; honoraria atq; honesta esse velle. Sed quod tua sponte faceres in complectendo atq; extollendo hoc adolescente, ut mea quoq; causa studiosè magis & significantius facias, id ego te etiam atq; etiā rogo imprimisq; ut illi eruditorum hominum benevolen-

tiam concilies, quorum frequentia & copia semper abundat domus tua. Quod cum feceris, nam facturum non dubito, videor tibi posse polliceri, tantam te ex adolescentis nobilissimi atque optimi necessitudine, obseruantia, familiaritate, voluptatem esse capturum: vt in quo melius tuam liberalitatem comitatemque adhibeas, non saepe sis reperturus. Vale. Carpentoracti, XI. Calend. Iunij, M.D.XXXII.

X.

I A C. S A D O L E T V S E P I S C. C A R P E N T.

Benedicto Accolto S. R. E. Cardinali, S. P. D.

EODEM tempore & de tuo reditu ad Pontificem Maximum, & de patru tui viri clarissimi, hominisque sapiētissimi, morte accepi. Quo ego nuncio variè commotus sum. Nam cum valde mihi lacerandum arbitrarer, in eis esse iam locis, in quibus tua excellens virtus & autoritas, & tibi celebritati atq; laudi: & nobis, qui in fide tua sumus, teq; vehementer colimus, vsui atq; emolumento esse posset: hanc tamen animi mei lēritiam obturbabat illa cogitatio, quod intelligebam te funere domestico, & in eo funere, in quo tecum vnā magnam ornamentorū & dignitatis suæ iacturam fecisset Resp. non priuatis solū incommodis, sed propē luctu publico commoueri. Talis enim vir profectō amissus est, vt non solū qui ex stirpe & genere eodem sunt, proprium illud damnum sentiant: sed & nos, qui vobis semper & vestrę familię dediti fuimus, & omnes boni, vniuersaq; ciuitas, communem hanc & suam ducat calamitatem. Etenim reuera vnus in interitu sua cuique pars incommodi & detrimenti inuecta est. Quis enim erat opis egens atque consilij, cui non esset in illius humanitate & sapientia paratum perfugium? quis in ciuili & pontificio iure ita hęsitabat, vt cum accepisset cognossetq; illius sententiam, non ea tanquam oraculo contentus, omnes scrupulos dubitationum ex animo suo eijceret? quod in illo inaudita quædam & propē singularis iuris scientia esse putabatur. Quę porro grauitas in eo? quę autoritas? qui cum propter summam amplitudinem ac dignitatem, omnib. publicis consilijs non interesset solū, verū etiam pręset: propter opinionem tamen prudentię atque consilij id consequeretur, vt non cū alijs multis vnus, sed propē solus gubernare Rempublicam, & eam suis sustinere humeris videretur. Itaq; & illius potissimum monitis ac prudentia nitebantur summi Pontifices, & omnis penē Italia Christianumq; nomen cunctum consilijs eius acquiescebat. Sed etiam tanto incommodo, meroreq; communi, vnus hominis mors omnibus lugenda est: nos tamen qui propiores illi existimus in
fami-

familiaritate atque amicitia, quique ab ipso primum pluribus beneficiis ornat, deinde à te proximo illi & coniunctissimo, omni humanitate accepti semper fuimus, haberemus grauiorem causam dolendi atque mœrendi, nisi nos tua præstans virtus consolaretur. Itaque ne illas quidem rationes diligenter mihi exquirendas puto, quibus coner quasi leuare dolorem tuum: cum te hominem egregia animi firmitate præditum, fidentem eis muneribus, quæ tibi & à natura, & ab industria tua donata sunt, nulla res molesta de statu tuo dimouere posse videatur. Illa potius commemorabo, quæ non tibi, sed nobis esse solatio queant: hominem eum, qui florentissimè vixerit, summos honores gesserit, summam fuerit gloriam virtutis, doctrinæ, omnisque prudentiæ consecutus, tum autem diutissimè nobiscum versatus sit, in senectute extrema, & in ea ætate decesserit, quæ iam nulli idonea voluptati, tantum ad labores, & ad miseras sit exposita, non esse descendum velut mortuum: cuius præsertim imago virtutis, & dignitatis, & autoritatis, in te ipso nobis relata sit: ut nihil in illo amissum desiderare possimus, quod non in te nobis reddendum cumulatè habeamus. Ac cæteras quidem rationes aptas ad consolandum, quæ ex Deo & religione, & ex illa altera vita cœlesti & immortali afferri possunt, tibi potius considerandas relinquemus, quàm ipsi nobis sumemus exponendas: cum nihil à quoquam in eam rationem tam accuratè dici possit, quin tu id multò melius scias, magisque promptum habeas, quàm quicuis nostrum. In eo nos potissimum insistemus, atque inharebimus, ut tibi in te ipso, & in eodem te, nobis omnis consolatio sit posita. Qui dum te habebimus, non sumus neque sine patrono nos, neque Respub. sine egregio suorum ornamentorum defensore futuri. Quare hoc officio, si non commodè atque ornatè, pie certè, & amanter per me, & illius mortui memoriæ, & nostræ inter nos necessitudini persoluto: licere mihi iam arbitror de illa altera parte, quæ tota mihi iucunda accidit, hoc est, de reditu tuo ad Pontificem, pauca verba facere. Etenim noli existimare, mi optime Accolte, tuam istam absentiam non mihi nimis diuturnam fuisse visam: quanquam de rebus præclare gestis, prouinciaqueritè & ordine constituta, cum omnium gratia, & laude, ad tuos reuertisse gratulor. Sed tamen non dici potest, quàm mihi videatur Reipub. esse vtile, te in hoc motu rerum, & tantorum congressu principum, ibi potissimum esse, vbi consilio & integritate tua res imprimis publica perfrui possit. Et si in hoc fortasse refero ad me aliquid, qui cum tu abes, carere mihi videor tutore vel præcipuo omnium fortunarum mearum. Verùm quanquam hoc non nihil forte est: illa tamen vehementius me adducit ratio, ut te optem istic esse, quòd scio quantum in tua virtute & elo-

quentia praesidij rebus communibus constitutum sit. Sed ne de hoc quidem longior mihi habenda oratio est: cum praesertim verear, ne tibi in maiore aliquo negotio impedito intempestivus obstrepam: tuasque gravissimas interpellem occupationes. Illud tantum addo, me de adventu tuo, & de laude gestae conservataeque provinciae tibi ita gratulari, ut cupiam quae de illis rebus ad nos perlata sunt, multorum celebrata literis & sermonibus tamen, quoniam confusè nobis significata sunt, singula melius nosse ex te, & enucleatius. Cuius rei cum erit tibi otium, ut facile prestare id possis, aliquam suscipies curam docendi me, certiorumque faciendi. Me quidem certè gloriae tuae fautorem, & laudem praedictorem amantiissimum ac fidelissimum semper habiturus es. Vale. Carpentoracti, XII. Calen. Februarij, M.D.XXXIII.

X I.

I A C. S A D O L E T V S E P I S C. C A R P.

Blosio Pallasio suo, S. P. D.

AMOR meus in te Blosi, qui etsi antea magnus semper fuit, nunc tamen ex hoc recente congressu nostro factus est ardentior, posteaquam diuturna absentia mea nihil de tuo summo erga nos amore detractum esse cognoui: non patitur ferre memoriam scribendi ad te, quin quamprimum tibi & salutem nuntiem, & Deum immortalem precer, ut vestra ista nauigatio omnibus vobis prospera & salutaris sit. Nam hic nos quidem eramus sollicito animo, quod ventos vobis adversos verebamur. sed in hac animi cura, & molestia, illa inerat consolatio: quod maritimo dimisso cursu, arbitrabamur vos iter pedibus facere constituisse. Hoc si ita est, nilque accidit vobis incommodi, est cur magnam Deo verè sospitali gratiam habeam. Nam mihi quidem nil evenire optatius potest, quam audire & nosse, incolumes vos & sospites domum revertisse. Sic enim a vobis digressus sum Massilia discedens, sic in his oris terrisque remansi: ut tamen mecum vestrum omnium memoria & acre desiderium consuetudinis vestrae manserit. Cognoui enim planè, reque ipsa sum expertus, nihil honestius esse, ut poeta inquit quidam, homine amico amicis. Etenim, per Deum immortalem, si vobiscum assiduus fuissim, nullaque intercapedo temporis usum & familiaritatem nostram diremisset, qui potuistis maius studium praeter vobis ferre & voluntatem gratificandi mihi? qui tantum mihi à vestra consuetudine iam diuulso tribuistis, quantum ego, si in vestris oculis semper habitassem, vix ausus fuissim optare? Et ego his a vobis officiis provocatus, pari vobis pietate & benivolentia non respondebo: aut posteriores in amando partes ferre me patiar?

mori

mori me milles malum, quam eiusmodi quicquam committere. Qui si ad referendam vobis gratiam parum idoneus fuero: ad commemorandam quidem certe & habendam, ero diligens. An ego optimi & maximi Pontificis tot beneficia erga me tacita sinam prætereire? pro quo si vitam sanguinemque profundam, vix ullam partem ipsius erga me meritorum assequar. Quid? tua tam multa officia, mi Blosi, quæ mihi à te tributa sunt, obliuiscine vnquam possim? quid aliorum tot hominum humanitatem & studiū? à quibus cū tam longè septem annorum interuallo abfuisse, vix debui existimare vel tenue vestigium recordationis de me in eorum animis residere: qui tamen omnia mihi recentis beneuolentiæ signa præstiterunt. Quibus equidem cunctis sum obstrictus: sed in exoluendis nominibus ita reddam vnicique, vt mihi tempus, occasio, facultasque suppeditarit. Nam tibi mi Blosi me totum iam pridem dedidi: tuumque istum amorem aduersum me non minore ipse charitate beneuolentiæque sum amplexus. In qua quidem mutua voluntate nostra vt perpetuò maneamus, neuter profectò nostrum ab altero rogandus est, (quid enim nobis in vetere amicitia nostra tuenda constantius?) ego tamen morem securus sic agendi, rogo te etiam atque etiam, vt me isto modo amare nunquam desinas: tibi que vicissim de me ita persuasum habeas, esse te mihi & fore semper charissimum. Vale. Carpentoracti, VIII. Calend. Decemb. M. D. XXXIII.

XII.

IACOB. SADOLET. EPISC. CARPENT.

Vbaldino Bandinello S. P. D.

PRIDIE eius diei, quo sum hinc Massiliam profectus, qui fuit dies tertia Cal. Octob. accepi tuas literas. Quæ etsi mihi gratissimæ fuerunt, declararunt enim planè tuum erga me amorem, eamque curam & diligentiam, quam tu in rebus meis agendis adhibuisses: tamen quoniam mihi tardiùs fuerant redditæ, egoq; tecum Massiliæ congressurum me arbitrabar, nullam tunc suscepi cogitationem respondendi tibi, cū ad id potius me parasset, vt præsens tecum de omnibus rebus colloquerer. At posteaquam illuc veni, primū id mihi accidit incommodi, quod mihi ibidem Pontifex duodecim dies ipsos expectandus fuit. Deinde cū ex eius aduentu eam certè voluptatem cepissem, quam meus in optimum atque humanissimum principem amor, totq; præterea hominum mihi amicissimorum insperatus conspectus attulisset: in tanta mea gratulatione illud accepi molestū, quod neq; te, neque alios quosdam mihi amicissimos ho-

mines in conuentu illo affuturos cognoui. Ac de te quidem ita audiebam, cū Pontificis missu in Hispaniam iter suscepisses, aliquotque iam dierum processisses viam, in itinere ipso agrum restitisse. Quo ego nuntio cū essem sanè perterritus, Binus noster, & is qui tibi & mihi est amicissimus Petrus Carnificius plenus officij atque humanitatis adolescens, affirmauit periculum nullum esse: seque certò existimare, antequam conuentus Malsilienſis dimitteretur, nobiscum te futurum. Id postea quàm non contigit, egoque tuo aspectu & colloquio fui priuatus, statui non amplius differendum esse officium meum. Itaque etsi Paulo mandaram Malsilia iam discedens, vt aliquid daret ipse ad te literarum: tamen aliena illa opera non contentus, vt primum reuerſi Carpentoraſte, has ad te scribere institui, quæ tibi nuntiarent, gratum te mihi fecisse, quod meam, atque adeò quòd provincie huius causam tam accuratè apud Pontificem egeris. Quanquam ille, qui fuerat huc missus, vt provinciam ſeditionibus quibusdam laborantem, pace concordiaq; placaret, non ſedator, neq; extinctor factionum, ſed concitator potius apparuit. Venerat enim huc partibus illis addictus, quas maximè timèbamus. Neq; ipse id diſſimulabat, neque animi ſui ſtudium tegere poterat. Sed cū cupiditate eſſet ita aperta, vt palàm omnibus pateret, quorum arbitrio geſturus eſſet magiſtratum, cumq; in cauſis paribus eorum qui rerum per ſe geſtarum rationes eſſent reddituri, non æquo iure aduerſus omnes, neq; eodem vteretur: complures hinc boni viri & nobiles concilio habito, primum quaſitoris huius libidini ſe oppoſuerunt: deinde re ad maximum Pontificem Malsiliam delata, facile ab eius clemencia & ſingulari iuſtitia eſt impetratum, vt pro homine parum his populis probato, alium nobis daret, in cuius virtute, & integritate, & prudentia requieſceret Provincie ſtatus. Quod & factum eſt, datumque negotium Paulo Capifuccio, homini eximia auctoritate atq; doctrina, quem nunc maximè expectat Provincia: Quæ ego tibi volui nota eſſe, vt intelligeres, neque tu me, cū tibi iſta exponebam, ſine cauſa laboraſſe: & quàm gratum putes mihi accidisse hoc officium erga me tuum. Nam quòd de ſtudiis meis cum eodem optimo Pontifice communicariſ, gaudeo maiorem in modum, meorum illi ſtudiorum rationem probari. Sed crede mihi, quantum literis potero, quantum ſcriptis, quantum hac mea ingenij mediocritate, & his facultatibus, quæ mihi à natura, aut à diligentia tributæ ſunt, omnia ſum ad eius ornandam atque illuſtrandam gloriam collaturus. Ita enim ille de me meritus eſt. Et hac in re, quod per me minus valebo, amor mihi ingenium & vires ſuppeditabit. Te quidem tacuiſſe cū illo id quo minime prolato fuit opus, & probo factum, & in eo etiam bene-

uolentiam tuam agnosco. Operam tuam in vrbe ita mihi pararam esse duco, vt meammet mihi. Sed mea istis pleraque parui momenti sunt. Quòd si acciderit, vt tua mihi gratia & ope sit vtendum, literis non parcam. Illud cuperem, de quo etsi tu Lugduni mecum modestissimè es locutus: tamen dolco vehementer, nec ex mea id sententia quam primùm confici: vt hominis florentissimi, ac liberalissimi, gratiam & beneuolentiam tibi reconciliares. Quem hominem ego summè diligo atque colo: arbitrorque id me iure optimo facere debere: quando & illius eximia virtus spectata omnibus, & beneficia erga me complura ac præclara extiterunt. De me meisque rebus, & de publicis, nihil ego ad te scribo. Nam & quæ propriè ad me ipsum pertinent, parum idonea sunt quæ scribantur: &, si quod publicè factum est, quod sit dignum scripture, plurimos earum rerum habiturus es & narratores, & testes. Tu vt valeas, nosque, quod facis, diligas, magnoperè à te peto. Carpentoracti, XII. Calend. Decembris, M. D. XXXIII.

XIII.

IAC. SADOLETVS EPISC. CARPENT.

Laurent. Campegio S. R. E. Cardinali S. P. D.

N I H I L mihi potuit nuntiari latius, quàm te ex Germanica legatione tua, saluum & sospitem, longo intervallo, ad tuos reuertisse, gratumque & optatum conspectum tuum summo Pontifici, collegisque tuis omnibus atque ipsi vrbi imprimis retulisse. Non enim dubito, quin tua eximia virtus & autoritas, in his tantarum agitationibus rerum, sæpius requisita & desiderata fuerit. Quanquam seruiuit illa quidem Reipub. magnasque & maximè ægras illius partes consilio & diligentia absens sustinuit. Sed tamen quemadmodum ea membra quæ cordi propiora sunt, plures & potiores habent in conseruando corpore functiones: sic summorum hominum sapientia & grauitas, proximè principem, & in ipso capite conciliorum statuenda est: vt latius in omnem partem illarum utilitas possit dimanare. Verum vt se cunque res habet, labores tuos eiusmodi fuisse, vt ea, quæ grauissimè laborabant, iamque curam omnem respuere videbantur, in commodiorem tamen statum per te deducta sint, valde & laudi tuæ, & publicæ utilitati gratulor. Atque vtinam aliquando finem eius mali aliquem videamus, cuius tanta extitit vis, vt non solum humanas, verùm etiam diuinas res & rationes peruertere. Nec verò nunc eius tollendi atque exterminandi non adest occasio, duobus summis optimisque principibus in vnum locum adductis. Qui si prudentia & facilitate perfecerint,

ut tertium hunc quoque cuius nos in regno vivimus, flagrantem studio Christianæ pietatis contra hæreticos tutandæ & protegendæ, in amicitiam & gratiam possint restituere: non metuo, quin clarius in cælo sibi monumentum servatæ religionis, quam in terra devictarum gentium sint constituturi. Sed ego fortasse studio inani feror, atque ea curo quæ minus ad me pertinent. Quæ etsi in studiis & voluntatibus omnium communia sunt, in potestate tamen paucorum sunt posita. Quid ergo? nonne mihi licitum est optare, ut pauci illi qui possint, etiam velint consilium Reipublicæ? Quanquam ut dixi, de optima mente principum istorum dubium mihi non est. Res forsitan impeditiores sunt, & durior ac difficilior earum rectè tractandarum ratio. Recordor enim quam sæpè cum ipse quoque, interesset rebus agendis, optima hominum consilia, gravis Reip. fortuna interrupperit. Sed tamen ut ex instituto hoc sermone honestius abeamus, Deum supplices precemur, ut quod humana vis nequit, ipse sua clementia & ineluctabili potentia velit providere. De te autem ipso, Campegi optime, atque humanissime, illud quidem mihi persuasum habeo, quod tuæ est naturæ & bonitati imprimis consentaneum, eos qui te coluerunt semper & amaverunt; nequaquam tuo ex animo elapsos esse: neque ullam esse posse tam diuturnam absentiam, quæ te obliuisci veterum amicorum cogat. In quibus ego si principem locum appeto & diligendi tui, & amplè atque honorificè de tua virtute existimandi: haud sanè mirum videri debet. Sed tamen meas esse duxi partes, redigere tibi in memoriam, me eodem animo & observantia erga te esse, qua semper fuerim: & simul hanc voluptatem scribendi ad te, & tecum per literas quasi colloquendi, capere properavi. Quia quoniam diu mihi carendum fuit, dici non potest, quàm fuerim sæpè angore quodam animi sollicitus: cum tua in longinquis partibus commoratio, tecum hoc mihi commercium literarum adimeret. Nunc posteaquam es reuersus (quod tibi benè prospereque ut eveniat opto) renouabo, si tibi non fuerit molestum, hoc officium scribendi: teque interdum meis literis appellabo. Tu quod proprium est constantiæ & virtutis tuæ, me, quem in fide tua semper habuisti, ut perpetuò tuare ac diligas, te etiam atque etiam vehementer rogo. Vale, Carpent. XII. Calend. Feb. M. D. XXXIII.

XIV.

IAC. SADOL. EPISC. CARPENT.

Hippolyto Medici S. R. E. Cardinali, S. P. D.

CUM ad me Roma scriptum esset, te viro optimo & homini prudentissimo, mihiq. vetere amicitia coniunctissimo, An-

tonio Pulleoni Burgio in magnis ipsius rei familiaris angustiis, tua ope & liberalitate auxilium tulisse, largoq; illum congiario profectum esse, quo is nobiles filias, quibus dotem aliter conficere non poterat, honestè atq; ex suæ dignitate familiæ nuptû daret: equidem cepi eam animi lætitiâ quam debui, plurimumque ambobus vobis absens sum gratulatus. Quod cum vtrumque singulariter amem, te verò præterea obseruem etiam atque colam: eadem tua benignitate & illum leuatum onere atque incommodo, & te gloria ac laude auctum esse cognoui. Etenim ea deum vera liberalitatis est laus, cum in illos confertur beneficium, qui sua dignitate donantis nomen illustrent. Ac quod ad illius virtutes attinet, exponerem libenter, quibus ille de causis & tuo & omnium amore dignus sit (quid est enim illius prudentia, quid temperantia, quid integritas, fideq; spectatius?) sed quoniam tu horum illi ornamentorum præcipuus testis es, quippe qui cum non iudicio solum tuo, quod à tanto viro satis magni æstimari debuit, sed opibus etiam tuis, & copiis, virtutis causa decorastis: supersedebam hoc onere, de illo narrandi ac prædicandi quæ sentio, & ad te vnum conuertar: qui mihi visus es hoc præclaro facto admonuisse ceteros, & docuisse, nihil esse tam proprium præstantis eximieque virtutis quam aliorum & fouere & honorare virtutem. In quo magna mehercule naturæ vis, & imprimis mirabile consilium exitit. Quæ cum duo virtutis genera constituisset, vt vna esset virtus ad iuuandum & commodandum se impartiens, altera idonea cui commodaretur: ita hunc complexum præclaræ societatis iugatum inter se & annexum esse voluit, vt altera sine altera suum explere munus ritè nequeat: nec quisquam habere laudem rectè faciendi possit, nisi is in quo rectè fit, hoc sit munere & beneficentia dignus. Præbuit igitur tibi Pulleo noster facultatem ex tua eximia virtute agendi, quod suis ipse meritis ac virtutibus magnitudinem animi tui prouocauit. Ille tibi à tua incunte ætate, egregia cum fide & beneuolentia deseruiuit, tuosque teneriores annos aluit instituitque ad virtutem: vt tu nunc vir effectus, erga optimum virum, qui parentis tibi loco fuisset, pietatis officia vsurpares. In maximis rebus summo omnium principum patruo tuo, opem illi & diuertnam & valde vtilem nauauit: vt tu tunc illius industria & integritate muneribus honestanda, & acuti in pendendis hominibus, & propensi in adiuuandis famam & gloriam tibi comparares. Difficiliter ille domesticorum incommodorum, patientiamq; paupertatis, nec sine dignitate, & cum modestia diu tulit: vt tu in eo subleuando nunc ac recreando, insignem liberalitatis ac magnanimitatis laudem consequerere. Ita in hac veluti æternæ quodammodo inter vos procuratione virtutem, cum illa

ita

ita separaret, atque excoleret, ut ad quamlibet magna promerenda beneficia esset aptus: tu excelsa & magno animo omnium merita tua liberalitate anteire contenderes: factum est id quod de-
cuit, ut tua tamen virtus existeret superior. Quantam enim inter regem interest, & inter ciuem, tantum distat inter gloriam dantis & accipientis. Itaque Pulleonis prudentiam, probitatem, modestiam, amantissimus & collaudamus omnes: tuam vero largitatem, beneficentiam, altitudinem animi summopere etiam admiramur. Tu enim hac tempestate unus, aut certe cum paucissimis, opum & diuitiarum instrumento, quæ tibi pro loco, pro nobilitate, pro familiarum gloria sunt amplissima, non ad explenda auaritiæ studia, quæ semper infinita esse solent: sed ad effundendam tuam bonitatem in plurimorum commoda & emolumenta uteris. Tu talem iam te, annis penè adhuc adolescentibus, & nobis & Reipub. præstas: quales ferè si essent hi, qui maturatione ætate, & multo usu rerum, honoribus & muneribus publicis præficiuntur, splendere melius hoc seculum omni eiecta sordè auaritiæ cerneremus. Quæ maximè una, altis & præstantibus animis atque consiliis infecta atque inimica est. Quæ facit, ut dignitatis, & honestatis, & amplitudinis, aut nullam iam, aut sanè quàm exiguam partem teneamus. Cuius quando labis maculam tu & natura tua voluntateq; abhorres, & contrario amore virtutis & liberalitatis es incensus, illaque species & forma diuinæ pulchritudinis animo tuo illuxit: quid est cur dubitemus (pro communi nunc sensu omnium te amantium loquor) locare in te præsidia spei nostræ, rationemque publicæ salutis ac dignitatis in tua potissimum virtute constitutam habere? cum quid à te expectandum firmioribus ætatis tuæ annis à nobis sit, obsidibus magnis iam edocti simus. Fortitudine tua superiore anno aduersus ferocissimos nostræ religionis hostes, & nunc benignitate ac beneficentia erga de te meritos. Quorum utrumque cum in ipso extremæ adolescentiæ tuæ tempore tanta cum laude gloriaque præstiteris, certissima spe sumus, percepturos nos vberissimam frugem ex matura postea tuæ virtutis segete. Quod ut ita sit, idque nostra ex sententia eueniat, & ex tua dignitate, saluumque te, & magnam, & florentem diu videamus, ego cum Deum immortalem supplicem rogo atque oro, tum tibi pro ista tua tanta humanitate ac liberalitate, & meo, & Pulleonis nomine, ago gratias tuæque præstantissimæ virtuti, ac tam egregiæ commemorandæq; naturæ, vehementer atq; ex animo gratulor. Vale. M. D. XXXIIII.

XV.

HIPPOLYTUS MEDICES CARD. I A-
cobo Sadoletto Episcopo Carpent. S. P. D.

SI vllius vnquam honestæ rei, actionisve, iucundissimum fructum mihi capere visus sum, hæc profectò ea est, de qua tu mihi per literas grauissimè & copiosissimè superioribus diebus gratularus es. In quibus dandorum recipendorumq; beneficiorum aded rationes omnes patefecisti, vt liberalis viri effigiem, quam optatissimè postea acutissimeq; verbis exornares tuis, te potius animo spectasse intelligam, quàm quod de te tam tenui ea sentias, quæ à te in hanc sententiam scripta sunt. Facis tu id quidem naturæ tuæ bonitate, vt si quid ab amicis rectè factum audieris, continuò id, qualecunque sit, in cœlum laudibus efferas: neque laudes solùm, sed admiratione ac plausu etiam prosequate. Ego autem ad hanc quam informandam suscepisti liberalitatis speciem, nihil adhuc (vt verum fatear) attuli præter exiguum quiddam vix inchoatum, ac planè rude. Quod tu, qui vberissimis exercitationibus, grauiorum artium locupletissimis præsidis, memoria nostra id assecurus es, quod vel paucis antiquorum contigisse videmus: vestitu orationis aded illustrasti, eò vt me redigas, vt non nihil existimationis accepisse tuo hoc præclarissimo testimonio non negem. Est igitur cur Puelloni gratias agam, cuius virtute ac probitate ea mihi de illo in animo opinio insederit, vt de augenda hominis utilitate & commodis ratio tandem iucunda fuerit, hocq; quasi æs alienum, quo illi infirmiores ætatis meæ gradus obstricti erant, dissoluendum. Ita factum est, vt dum ab officio non discedimus, non solùm pie id factum, & humanè homines interpretentur, sed aliqua ex parte in societatem quoque illius præstantissimarum laudum mihi deueniendum putent. Quod quoniam abs te probari sentio, tuo iudicio standum est. Itaque non pugnabo tecum, & omnia quæ de me scribis, deq; meâ humanitate, liberalitate, beneficentiaq; aduersus Puellonem eò pertinere arbitror, vt & tu quantum illum facias, & quanti rursus à me fieri velis, hoc tuo illustri testimonio testatum relinquant. Nam de superioris anni aduersus seuisissimos nostræ religionis hostes suscepta à nobis prouidentia, nihil est quod tibi respondeam. In quo quidem ea mihi tribuis, quæ sine temeritatis nota vix possum agnoscere. Desiderio cerè peracri, ac studio flagranti ad ea tunc arma accessimus: quæ si iterum nobis sumenda erunt, tantò Reipublicæ insigniorem operam nauare conabimur, quanto maior in nobis corroborata iam ætas, consilij maturitatem, & rerum usum attulit. Tu vero

verò mi Sadolere, quem à nobis maximarum & grauissimarum artium studia, in quibus iam pridem magna cum laude veritaris, abducunt, isto tuo sic fruiere ocio, vt cum te præclarissimis ingenij monumentis ab omni posteritatis obliuione vindicareis, nonnihil etiam memoriam nostri conseruandam putes. Vale. Roma Idibus Iunij.

IACOBI SADOLETI EPISC.

CARPENTORACTI EPISTO-

larum Lib. VIII. Epist. I.

REGINALDVS POLVS IACOBO SADOLETO Episc. Carpent. S. P. D.

GRATIAS tibi agam prius (ira enim rerum ordo, & mei officij ratio postulant) deinde ad mandata tua conuertar. Neque illa solum me ad agendum gratias impellunt, quæ tu in me presentem officia contulisti: cum me domo atque hospitio honorifice sanè lauteque acciperes, cum animum meum, cui congressus cupidissimum, crudito illo & pleno grauitatis sermone retineres & planè palceres: atque maximis de rebus quærentem & hesitantem, omni prorsus scrupulo & dubitatione liberares. Quæ quidem quoties in mentem reuoco (reuoco autem sepiissimè) quod de Platonis cœna dixit Timotheus: cum ab eo inuitatus esset, & eundem postero die vidisset, cœnas Platonis non modò in presentia, sed in posterum quoque diem esse iucundas: idem ego multò proximius de tuo hospitio dicere possum. Non modò in presentia fuisse iucundum, sed in aliquot menses iam fuisse, atque idem, vt spero, in multos annos futurum. At verò cum a tua consuetudine, cuius ego suauitatem tum primùm quasi gustare coeperam, tam citò dirimi, ac tanto locorum interuallo disungi, animo lanè inolestè ferrem, cum nec mihi tum integrum esset aliter facere, rationibus meis sic ferentibus, & in hæc loca penè trahentibus: ne huic quidem dolori meo defuisti. Inita enim a te ratio est, quemadmodum eo quo tantoperè delectabar, nō sive quæque priuaret. Sed vt te etiam absens aliqua ex parte fruerer, adiuncto mihi eiusmodi itineris comite, qui te mihi quotidie reddebat, qui iucundissimos tuos, & grauissimos sermones sine intermissione referebat, nec sanè intermori eam, quam ex consuetudine tua voluptatem cepi, vlllo pacto sinebar. Quis enim te

psum

plum melius exprimere potuit, quàm tu, quàm scripta tua, quàm liber ille tuus quem per me Bembo reddi voluisti in quo prudentia tua, gravitas, doctrina, quibus maxime delectabar, elucent. Hunc certe mihi comitis loco accepi, qui non modò mihi in breui illa & paucorum dierum via, quæ in Italiam properanti instabat, pro vehiculo fuit, quod de facundo comite dici solet: sed in longo totius vitæ cursu, in quo maxime, & periculosissime laboratur, & vehiculi, & ducis locum facile obtineret. Ex quo quidem hanc primo aspectu voluptatem cepi: quòd mihi cogitationem omnem de eo in quod ingressus eram itinere, impedito sanè & molesto, abstulit, meque totum in contemplationem præclari illius itineris abduxit, quod te duce & monstratore, adolescenti ad laudem & decus tendenti, certum & gloriosum proponebatur. In quo quidem valde delectabar, cum quasi oculis, sic animo cernerem, te gravissimum & prudentissimum senem, ut peritum gubernatorem, gnarum & locorum & maris, siderumque & tempestatum omnium, sic animo providum, sic omnia pericula longè lateque perspicientem, ut nihil non prædiceres ac præcaueres, quod vel impedire tam præclarum cursum, vel in periculum adducere posset. Qui non cuius adolescenti, in vulgi moribus educato, vulgaribus parentibus orto, & qui filiorum educationem in postremis haberent, te ducem profiteris: sed illi qui ab optimis parentibus, penè antequam in lucem puer ederetur, huic tam præclaræ expeditioni fuerit destinatus: cuius educationi natura non obistere, sed suas dotes benigne largiendo, se sauricem sponderet. Qui ab incunabulis sic educatus, sic literis & moribus formatus fuerit, quemadmodum est à te sanctissime & prudentissime præscriptum. Hunc verò talem cum tibi ipse oratione formasses, vel potius natura sic formatum, & parentum votis huic rei destinatum, cum Paulum tuum accepisses, quid non voluptatis mihi præbuit, præclarus ille quem recenseres, in eo insituendo apparatus? Deinde cum ex puerili institutione, tanquam ex angustis eum abduxisses, & in latum illud, quod adolescentis institutioni quasi pelagus patebat, adduxisses, tum sanè maxime delectabar, cum te secundissimo illo orationis cursu, plenis eloquentiæ velis, ita omnes artes doctrinasque percurrentem videre, ut cum nihil tibi tum aliud propositum esset, nisi ut earum artium sedes & loca, ubi ad tempus insistendum, atque ad maiora & ulteriora tendenti commorandum esset, monstrares: ea tamen sic oratione illustras, sic artium singularum vires & virtutes explicas, ut propè monstrando in earum iam possessione mittere adolescentem videaris, atque eas recensenda tradere. Hæc certe magna cum voluptate contemplantur. Sed quò magis me delectabant, eò sanè avidius expectabam,

quò

quò

quo tandem præclarum istum cursum, quem tanto apparatu instituisi, dirigeres: quem tibi portum proponeres. In qua expectatione statim se mihi in conspectum obtulit philosophiæ portus, quod te velis remisq; properare, atque illic paulò post alumnium tuum relinquere videbam. Præclarus ille quidem, & omnibus aliis portus præferendus, si antiquis illis Aristotelis & Platonis temporibus, vel etiam si recentioribus M. T. Ciceronis, hic cursus abs te institutus fuisset, aut si ij gubernatores adolescenti tuo contigissent: nec enim illi profectò alium elegissent, nec facillè tum alius tutior vel commodior reperiri potuit. Sed cum his felicibus temporibus cursum institueris tuum, quibus ut multi terrarum noui tractus, insulæque & portus antiquitati incogniti, inuenti sunt: pluribus eorum qui antiquitus celebres erant, vel mari obrutis, vel vetustate consumptis: sic etiam animorum portus multò tutior & tranquillior, Deo ipso, & eodem Dei filio duce & inuentore nobis apertus sit, quem antiqui ignorabant. Cumq; Sadoletus ipse, qui in hoc cursu gubernationis locum obtinet, etsi appulsus quidem ad antiquorum portum, tamen præteruectus sit, nec diutius ibi commoratus, quam ut necessaria sibi inde sumeret ad reliquum cursum perficiendum: in hunc tandem, qui a Deo filio monstratus sit se receperit, ubi nunc summa cum animi tranquillitate & securitate viuit: quid est cur non Paulus tuus meritò tecum conqueratur, si in alieno & infido iam portu eum relinquant, cum te ipsum in optimo & tutissimo collocaris? Ego certe illius verbis tecum exoptulare non dubitabo, si iuuenem omnibus vel naturæ dotibus, vel doctrinæ præfidiis tua opera instructissimum, & planè talem qualem tu parentum votis expectandum proponis, fluctuantem iam in philosophiæ portu reliqueris: quæ ne portus quidem iam nomine digna sit: sed ut de Tenedo dixit Poeta, Nunc tantum sumus, & statio male fida carinis. Atqui non nobis tantus iste in eo educando apparatus, nec præclara ista tua institutio, talem nobis promissit, qui præcepta tandem viuendi à Philosophis peteret, aut qui animi securitatis causa in illorum portum confugere necesse haberet: sed qui vel principibus ipsis Philosophorum, si iam requiescerent, notum & præstantius viuendi genus ostenderet, quo illi nunquam aspirare potuerunt. Sapientiam autem & animi tranquillitatem longè aliam, & aliunde quam à philosophiæ præceptis petendam, tantò præstantiorem & diuturniorem ea quam philosophia promitteret, quanto humanis præstabiliora diuina sunt. Quare age mi Sadolete, noli promissum tuo, in tali iuvene instituendo satisfactum putare: si cum ad philosophiæ limites perduxeris, aut etiam si philosophiam ipsam integram tradideris. Soluas inde oportet, neque vnquam defatigare, donec

in sacrum eundem portum, in quo tu ipse summa cum animi tranquillitate viuis, illum perduxeris. Nec enim conuenit tam præstanti educationi, & illi quem omnium opinione, heredem virtutis & sapientiæ tuæ es relicturus, in alio quàm quo ipse tabernaculum vitæ posueris, portu conualescere. Hæc ad te verbosius scripsi, vel tuo imperio obsequutus, qui me etiam de illo tuo libro, quem satis admirari non poteram, quid sentirem ad te scribere voluisti, vel meo in sacras istas Musas amoris satisfaciens. Quas abs te illaudatas & tacitas præteriri, cum reliquas omnes artes & disciplinas dignis præconiis ornatis, vix æquo animo spectabam. Vel etiam quod Langæo nostro, cuius liberis instituentis iste abs te labor præcipue sumptus sit, hoc imprimis gratum fore non dubitabam, si quod in philosophia & reliquis artibus facis, ut singularum laudes attingendo, ad earum studium adolescentum animos erigas, idem in Theologia facere non neglexeris: in qua reliquæ omnes, ut in oceano flumina, se immergere solent, & debent. Et certè conuenit, ut quæ te ipsum maxime ornat, & indies magis magisque ornatura est, cum de iis disciplinis sermo sit, quarum cognitio humanos animos colit & perficit: eius laudem laudquaquam silentio inuoluas: præsertim cum ad Langæum scribas, quem scio, quoties è negotiorum fluctibus, quibus in aula versantè iactari necesse est, emergere licet, in nullo libentius, quàm in Theologia portu conualescere. Sed tu mea loquacitati ignosces, qui cum sanctè adiurare possim, me his quatuor annis non tantum quidem Latine legisse, quantum nunc ad te scripsi, Theologorum libris auocatum, quos tamen in genere Latinorum scriptorum non pono: in hanc insolitam Latine scribendi loquacitatem erupi. Sed ut loquendi tecum, sic etiam scribendi ad te, quo cum absente quasi loqui videor, dulcedo quædam me longius ultra epistolæ fines prouexit. Cui tu pro tua humanitate ignoscas oportet. Nunc ad tua mandata venio. In quo ed breuior ero, quò pauciora mihi scribenda reliquerunt eorum litteræ, ad quos mihi mandata & literas dedisti: quas iam spero ad tuas rescriptas te habere. Omnes enim receperunt, post paucos dies, quibus id commodè facere possent, se tuæ voluntati esse satisfacturos. Bembi verò literas cum his ad te mitto: quæ cum Venetiis salutarem, eiq; tuas literas vnâ cum libro darem, quanto potè delectaretur de te, & de tuis studiis audire, pro vestra coniunctissima necessitudine, facilius est tibi existimare, quàm mihi scribere. Veronensi verò Pontifici, quem Verona salutavi, etiam tuas literas tradidi: qui me vnum diem apud se detinuit, cum nullus penè nobis sermo esset, nisi de te, & de tuis studiis: cum sæpe se valde dolere ostenderet, suauissima consuetudine tua, propter locorum intervallum, quo distanti es, se priuari.

Lazarum tuum Patauij offendi, cui etiam tuas literas tradidi, cum ad me salutarum humanissimè venisset. Omnes verò tibi de ista animi tranquillitate & ocio gratulantur: ex quibus tam præclaros fœtus oriri, & prodire in vtilitatem publicam vident. Quæ ut tibi perpetua sint optant. Egoq; imprimis, qui non minùs præclaros sciam te iam parturire, his qui à te iam sunt in lucem editi, hoc idem optare non desinam, partumq; felicissimum optari. Vale. Venetiis, IIII. Cal. Nouemb.

I I.

I A C. S A D O L E T V S E P I S C. C A R P.

Reginaldo Polo S. P. D.

IL L V M primum cepi ex literis tuis fructum, quod cognoui ex his manu tua scriptis, te valetudine bona iam vti: de qua fueram mehercule aliquot antea diebus non parum sollicitus, cum Thomas tuus ad me Auenione scripsisset, te in eum morbum quo hîc laborabas, Venetiis denuò incidisse: nunc tuæ mihi peroptatæ literæ omnem mihi huiusmodi de te metum & solitudinem meam penitus absterferunt. Confido enim (quæ tua temperantia est) hunc nuncium valetudinis tuæ, & lætitiæ quam nos ex eo capimus, diuturnam nobis fore. Alter autem fructus ex tuis literis non tam fortasse necessarius, quàm hic de quo dixi, sed certè ad voluptatem animi aliquantò vberior: quòd quantum tu me ames, & quàm de me honorificè sentias, ex eisdem planè literis perspexi. Etiam mehercule cuiusmodi tu sis, quàm doctus, quàm humanus, quàm elegans, quàm dignus qui ab omnibus his ameris atq; colaris, qui virtutem, & comitatem, & optimum sibi morem esse colendum putent. Sed quæ tu ad me de me ipso scribis, in quibus iudicium tuum est de me cum singulari beneuolentia coniunctum: omnia sunt eiusmodi, ut cuius intru-
enti facillè appareat, amantis illa esse hominis magis, quàm iudicantis. Etsi enim tu hac ingenij quoq; & sapientiæ laude mirificè ornatus es ut possis commodè iudicare de altero: tamen id quoq; tibi esse impedimento, quod plurimis officit, ut amore inducens amici bona carius æstimes, quàm quanti illa sunt, minimè mirandum est: præsertim cum naturæ humanitatem habeas ingenio & prudentia non inferiorem. Mihi quidem, cum ea quæ mihi tribuis, non continuò agnoscenda esse videantur, libenter illa refero & conuerto ad amorem: quo sanè dum charus tibi iucundusq; sim, satis tuo iudicio me ornatum esse puto. Non enim mediocris est operæ, neq; virtutis, tali viro qualis es tu, tantopere placere. De te verò, mi doctissime atq; humanissime Pole, si caderem xero quæ sentio, nunquid tu illa certo iudicio, ac beneuolentia

In te meæ es ascripturus? Vtinam quidem possem verbis omnia complecti, quæ mihi de te in animo insita, penitusq; affixa sunt: non vereretur nimium amantis suspicionem. Sed si hoc non queo, quod meos eloquendi, exprimendiq; conatus, tuorum ornamentorum copia obruit: illud quidem dicam quod in promptu est: usque eò me aspectu, sermone, sanctissimis tuis illis, & modestissimis moribus, fuisse captum: ut nunquam postea mihi ex animo nostri illius congressus memoria exciderit. Quanquam enim perspicendi tui penitus, ac fruendi exigua mihi potestas fuit facta, propter subitum à nobis discessum tuum, qui mihi mætoris non minus reliquit, quàm tuus lætitiæ aduentus tulerat: tamen vitæ cursum tuæ mecum ipse considerans, & summorum hominum testimonia, quæ tibi sæpe egregia apud me ab illis data sunt, cogitatione mea repetens, quibus præsertim testimoniis brevis illa mecum congressio tua apprime fidem fecisset: talem te in animo gerere cœpi, qualis protectò tu es. Neque aliter statuere potueram, quàm eum, qui & nobilitate domi, & fortuna amplissimus, cognatos, familiares, patriamq; reliquisset: & cùm flagraret studio atq; amore artium optimarum, ex ultimis orbis terrarum regionibus illarum adipiscendarum causa in Italiam se contulisset: ibique annos complures commoratus, ita se dedisset familiaritatibus amicitiiisque doctissimorum ac præstantissimorum hominum, ut illorum omnium iudicio imprimis dignus ipse haberetur, quem & propter fidem atque integritatem vitæ venerarentur omnes, & propter ingenium doctrinamq; colerent: hunc ego (inquam) existimare alium non poteram, quàm summum & singularem virum: hominemq; eiusmodi, cui nos ista qui pendimus & iudicare aliquid possumus, non beneuolentiam modò, aut honorem tacitū, sed omnia cultus & officij aperta & perspicua studia deberemus. Accesserunt literæ tuæ præclaræ testes ornamentorum tuorum, atq; amoris summi erga me tui: quæ me totum tibi addixerunt. Quàm illæ humaniter scriptæ: quàm eleganter? quàm argutè? nihil ut ingenij luminibus his quæ in eis plurima elucent, nihil ut præclara effigie pietatis tuæ, ac religionis erga summum Deum, quæ in illis expressa est, fieri possit illustrius. Et tamen tu is cùm sis, qui alicuius domum ingressus, intro tecum feras lætitiā hospiti tuo, atque honorem: agis mihi per literas gratias quòd te domi meæ libenter acceperim. Quasi non maximo mihi ornamento fuerit aduentus tuus, & voluptati sermo atq; congressus. Aut tu plus ex me, quàm ego ex te, & ex sermonibus tuis, adeptus fueris & suauitatis, & commodi. Ast ego tuum illud consilium fidele & sapiens nunquam è memoria depono: cùm tu mihi dubitanti, quodnam genus potissimum sequi studiorum deberem,

& quorum auctoritati atque opinionibus assentiri: quòd erant, qui alia mihi studia quædam, & diuersas scribendi rationes proponerent: fidenter & promptè consulisti, vt ea præcipuè lectaret studia, quorum fructus in hac vita non solum, sed in omni æternitate integri manere possent. Quo ego responso maxime adductus sum, vt me literis sacris totum dedendum putarem, ad quas eram iam quidem sponte mea propensior. Simulq; integritatem, & virtutem, & religionem tuam admiratus sum. Qui cum inter eos homines diu versatus esses, quibus hæc studia minus probantur: atque eis artibus ipse instructus, quorum videtur lepos, eruditio, elegantia, ab his rudioribus (vt existimatur) studiis abhorrere: bonitate tamen naturæ, & ingenij vi, ac ceteris, anteponenda studia duceres: quæ non præsentem modò suauitatem, sed multò magis rationem perpetuæ utilitatis habeant. Sed quid ago: maioris ista sunt opera & temporis longioris quam vt vna epistola comprehendi possint. Veniamus ad literas. In quibus quòd scribis, librum meum in via tibi pro vehiculo fuisse, valde medijsfidius id lector: quodque eum probas ac laudas, mihi vehementer gratum (quid enim dissimulare est opus) Sed illud gratius tamen est, quòd ex illo te intelligo memoriam & cogitationem mei crebrius aliquantò & diligentius usurpasse: quo nihil mihi quidem accidere potest optatius. Mandata mea, quæ abeunti tibi dederam, diligenter te confecisse, neque miror (nou enim fidem & integritatem tuam) & te de ea re plurimùm deamo. Accepi iam quidem à Bembo meo literas, cum vberes ad ea quæ ab eo requirebam, imprimisq; & elegantes & eruditas: tum omnibus refertas officij ac beneuolentiæ signis. Expostulationem tuam qua vteris mecum, quòd locum Theologiæ in enumeratione earum artium, quibus recta institutio adolescentiæ continetur, nullum dederim, sed in philosophia totum hominem constituerim: sic accipio mi Pole, vt in omnibus tuis dictis atque factis tua animi virtus, & Deo dedita voluntas vehementer mihi probetur. Sed ego primùm nominatim de Theologia nihil dixi, quòd ea in philosophiæ nomine continetur. Est enim Theologia (vt ipse nosti) apex quodammodo philosophiæ, & fastigium. Cuius tanquam magni cuiusdam corporis, cum plera membra sint, vt ab Aristotele est perspicuè demonstratum: illa quæ de Deo pars, & de principe causa pertractat, sola propè digna est quæ philosophiæ nomine censeatur. Quæ etsi aliter ferè tractata a nostris est, ac veteribus fuit: eam tamen philosophiam nunc appellari video à doctissimis & sanctissimis viris, Chrysostomo, Basilio, ceterisque. Deinde cum adolescentem sic instituas, vt cum duntaxat deducam ad annum ætatis quintum supra vigesimum, post id autem suo cum arbitrio permittam: non vi-

lum

sum mihi fuit conuenire, accuratiùs ad ætatem illam de Theologia verba facere: cùm hæc ars vna atque scientia senectuti maximè & sedatioribus annis apta sit. Et si præcepta suscipienda religionis necessaria etiam iuuentæ sunt, quemadmodum vtique sunt: satis illa à me in eo libro, quatenus quidem ad adolescentiam pertinet, sint tradita. Postremò, cùm in Hortensio distinctiùs de philosophia acturus sim, eamque in suas partes omneis distributurus, veluti de qua proprius ibi sermo habendus est: non duxi eius dialogi ornamentum, quod in laudatione Theologiæ vel præcipuum futurum est, in hoc priùs libro delibari conuenire: cùm id iucundius tum futurum sit, si ad hominum aures nouum atque integrum accedat. Habes rationem eius prætermissionis meæ, quam tibi cupio probatam esse. Certè enim ego quod iudicaui esse congruentius, id secutus sum. Et nunc quidem perdifficilis foret commutatio. Plura enim mihi inuertenda in eo libro, vel totus potiùs liber alio ordine pertexendus esset. Verùm de his satis. Te amari à me mirificè, & coli, valde tibi persuasum esse volo: neque me magis appetere quicquam, quam vt meæ erga te voluntati tua mutuo voluntas in me amando respondeat. Vale. III. Nonas Decembris, M. D. XXXII. Carpentoraetæ.

III.

IAC. SADOLETVS EPISC. CARP.

Reginaldo Polo S. P. D.

SE RIVS respondi tuis literis, quàm volebam: quod accidit Spartim imbecillitate valetudinis, quæ etsi grauitèr me non oppressit, fuit tamen mihi ad scribendum impedimento (destillationibus enim molestis diu sum tentatus) partim quoddam itinere necessariis aliquantum tempus consumpsi. Vt verò primùm oportunitas scribendi data est, nihil habui antiquius, quàm literis tuis respondere: præsertim tam modeste, & tam eleganter scriptis. Summus enim tuus in illis pudor, & summa ingenuitas apparet. Sed quod tu multis verbis in illis disputas, existimare te, eas laudes quas tibi tribuerim, vel ab amore profectas esse, quo meum iudicium fallatur: vel si aliquid in eis iudicio sit dandum, id eò intentum esse, vt non quia eiusmodi sis, sed vt talis fias, quo laudes illæ te digne esse videantur: iccirco illam à me prædicationem virtutis tuæ dicas esse susceptam. Facis hoc tu quidem quemadmodum cetera soles, vt omnibus in rebus quascunque agis, aut loqueris, mos tuus rectus & liberalis eluceat. Sed ego facile me ab omni illiusmodi disputatione eluoluo. Fateor enim

planè, quæcunque dixerim de te, omnia fuisse amoris: sed qui amor à vero & integro iudicio profectus fuerit. Non enim quia te amavi, talem te esse existimaui: sed quia talis mihi es cognitus, ideo amor ille à me susceptus fuit. Atque utinam mi Pole, tam facile mihi esset omnia explicare verbis, quæ ego de te sentio, quam facile est ea quæ dixerim, præstare. Verùm hæc hæcenus: non enim postulat mutua nostra benevolentia huius generis longam orationem. Illud mihi iucundissimum ex tuis literis accidit, quod cognovi tibi esse perspectum, te à me amari: quod quidem facere mihi necesse est, aut omnis penitus abiicienda est humanitas. Quod enim tantum in amando esse potest animi studium, ut non id virtus atque amabilitas tua longè superet: tuum quidem animum aduersus me, & benevolam plenam fidei & constantiæ voluntatem, ita contingant mihi ea quæ volo, ut omnium rerum habeo carissimam. Quare nil restat, nisi ut paribus utrinque officiis amicitiam excolamus, quod ego & de me, & de te æquè polliceri possum. De iniuria quam à me videri vis Theologiæ fuisse factam, satis me tibi esse purgatum arbitrabar. Verùm quia omnia instas denuò, & vrges, dabo operam, ut tuum ad arbitrium per me illi satisfiat. Tu modò, quod bonorum est & prudentium iudicium, ita tabellam suspendito, ut in re non liquida nullum innocentiae præiudicium asseratur. A Thoma tuo accepi literas, homine tua familiaritate dignissimo, & eis studiis in quibus quotidie versatur. Ei tu multam meis verbis salutem: itemque ceteris, quos nobis amicos esse scis. Paulus febri laboravit plusculos hos iam dies: ei tamen melius esse incipit. Itaque spe bona de illius salute sumus. Is si valuisset, non defuisset officio scribendi ad te, tui certè memoriam (ut debet) summa cum fide benevolentiaque conseruat. Vale mi Pole. Carpent. Pridie Idus Iulij M. D. XXXIII.

IV.

I A C. S A D O L E T V S E P I S C. C A R P E N T.

Reginaldo Polo S. P. D.

A C C E P I tuas plenas officij & humanitatis literas, omnemque in illis probi ac præstantis ingenij tui, & pristini erga me amoris imaginem penitus recognoui. Quorum utrumque quanti faciam, nihil attinet nunc me scribere. Vtroque quidem certè ita delector, ut nihil mihi accidere possit optatius, quam me abs te tali viro diligi. Sed quæ à te de prætermissione officij scripta sunt, quodque in eo videris vereri, ne aliqua abs te culpa suscepta fuerit, amabo te mi Pole, sint ea ex mutua nostra benevolentia penitus sublata. Non enim recipit amicitia nostra suspi-

suspiciones huiusmodi: nec tu peccare prætermittēdo officio potes, nec ego animum tuum aliter atq; est interpretari. Quem cum officiosissimum & amantissimum mei esse cognoscam, non ex uentis tua mihi voluntas, sed ipsa per se & sua sponte spectata est. Equidem desideravi nonnunquam tuas literas: neque id mehercule iniuria: quid enim est illis quod me delectet magis? Verum ira desideravi, ut ego illa me voluptate carere molestè ferrem: non ut te officio aut amicitia deesse arbitrarer. Cui tamen meæ aliquando intermissæ voluptati sentio nunc à te cumulatè satisfactum esse. Caue enim putes, quicquam mihi accidere potuisse tuis literis dulcius. Quæ cum totæ undique, tum illa me ex parte præcipuè delectarunt, quæ tu Socraticè nimirum & urbanè excusationem tibi non scribendi ab orationis inopia & exilitate repetebas: qui totus elegantis ironiæ locus, & vultum mihi & animum suauissima hilaritate aspersit. Obsecro istosne turuulos squallentes & aridos, aut tenui aquula interdū fluentis vocas? qui mihi ita currere visi sunt abundanter & largiter, ut appareat, non tenuē, sed vberrium & eundem perennē fontem illa fundere. Quanquam hoc quidem de te mihi iamdudum persuasum habui: te, quæ concupiuisses, omnia effecturum esse. Notū mihi erat ingeniū tuum, nota virtus. Ardor autem ille, qui animis præstantibus ad appetendas res magnas comes adesse solet, nihil mihi non de te vel maximū pollicebatur. Speraui itaq; fore, nec sum deceptus, ut tu ad istam ipsam, in qua nunc insistis, doctrinæ & eloquentiæ coniunctam laudem peruenires. Quapropter & gaudeo pro amicitia, & tibi gratulor. Illud aliquantū egre fero, quòd videre quasi videor, hæc à te ipso ornamenta contemni: quæ meo quidem iudicio tanta sunt, ut sine his constare ne illa quidē rectè queant, quæ tu omnibus anteferenda iure optimo putas. Quo de genere quoniam bis iam à te sum lacessitus, tempus non alienum videtur meam tibi sententiam breuiter exponendi. Sacrarum rerum studium, & disciplinam tibi placet rebus ceteris anteponi. Quod ego quoq; tecū vna confiteor. Cur ergo in artib. reliquis, & maximè in philosophia, tempus conterimus? Quia nequimus ad fastigium sine fundamento, & sine parietib. peruenire. Quid? ista quandiu curanda nobis sunt, ut non in vno illo ipso, quod optimum est, omnia nostra studia ponamus? Ad quod dicendum est, esse boni patrisfamilias totius domus tutelam & procuracionem, non vnus duntaxat partis gerere: verum ita totius, ut potissimè quæq; in ea diligentius curentur partes. Et quoniam de domo & de ædificatione mentionem fecimus: quis nō videat, Theologiam, quatenus inscientiæ ratione & genere reponatur, sine philosophia stare ipsam per se, & se sustinere non posse: vtrunque verò minùs aptè munus tueri suum, si à copia & facultate dicen-

di deferatur? At enim mundana ista sunt, & celebritatem ex hominibus quærant, vulgiq; rumusculos & laudatiunculas aucupantur. Sunt enim nonnulli vsque adeò rudes, vt hoc quoque studiosis bonarum artium hominibus conentur obijcere. Quasi verò merces externa ingenuos moueat animos, parumque in eo fructus voluptatisque sit, cum quis quid facit, vt id aptè ac venustè, & sine labe vlla maculaque efficiat. Nam laus quidem aduentitia res est, & in aliorum potestate sita: ad quam qui primò & præcipuè contendunt, ij non verè, neque ex animo bonis artibus, sed per simulationem dant operam. Omnis autem ingenij & virtutis actio præmium ipsa sibi in se continet, si ad perfectam speciem sui quæque generis perducatur: ipsaque rerum gerendarum pulchritudine contenti simus. Quòd si decor ab oratione remouendus sit, cur non idem etiam à moribus? non ijs dico quibus inest virtus, quæ ipsa quoque non alio fructu & emolumento, quam suo decore spectanda est: sed de eis loquor moribus, qui in gestu & omni motu corporis, ipsaque vocis atque vultus conformatione liberali, bene institutos homines ab agrestibus discernunt. An est quisquam qui reprehendere iure queat, quod seruus coram domino suo non modò fidelis atque frugi, verum etiam sine sorde, cultu honestiore corporis studeat apparere? At iam ista ad summi boni adeptionem minus necessaria sunt. Ne sint: adiuuant certè, hocque sæpe efficiunt, vt multi ad illud expetendum procedant comitatiores. Et sanè videndum est, si circumcidamus ampùtemusque cætera, & tantum quod summè est necessarium relinquamus: ne dum diuini volumus planè fieri, humanitatis partem nullam teneamus. Sit modò nobis hoc fixum, quod vtique esse debet, vt omnia, in nobis si qua meliora sunt, accepta Deo penitus referamus: eaque ad eundem vnius gloriam conferamus. Hoc animo qui fuerint, cum in ijs quas suscipient actionibus, rebusque quas gerent, summam sibi dignitatem operis proponent, summamque pulchritudinem, inque eam amore & studio incitati ferentur: tum non erit in his talibus pertimescendum, quod inani laudis cupiditate deducti, à summo bono deficiant. Itaque ego & liberalibus artibus, quoad in illis nos, quantum proficiamus, non pœnitet, & imprimis philosophiæ operam dandam puto, sine qua (vt dixi) nec Theologia quidem constat. In qua quòd scribis te ita tempus omne conuimere, vt ad cæteras artes atque scientias nihil spatij tibi ne respiciendas quidem relinquatur, non satis planè intelligo quid dicas. Patieris autem me pro nostra familiaritate, & meæ ac tuæ naturæ ingenuitate liberè agere tecum. Non intelligo, inquam, quid hoc tantum tuum sibi velit studium. Nam si ea tantum nobis percipienda sunt, quæ ad credulitatem nostram, & fidem faci-

enda

endam de Dei clementia & benignitate erga nos pertinent: ea sunt nobis, nec multis, nec obscuris, sed clavis & illustribus literis sat compendiosè tradita. Liber enim Evangeliorum omnem viam & rationem nostræ salutis continet. Si verò explicanda illa vberius sunt, & enucleatius tractanda: an te plus in eo tibi ab infinitis voluminibus istorum, qui ætati nostræ propinquiore, omnia refererunt inconditis libris, & litigiose scriptis, quam à Paulo, & lege veteri, & à prophetis opis latum iri existimas? Pauci libri sunt, (nisi forte me fallit) in hoc à nobis genere perdiscedis: sed quos magna cum cura & attentione animi legere debeamus, si ad diuinarum rerum cognitionem cupimus aspirare qui non modò spatium locumque dant lectitandis aliarum artium ingenuarum autoribus: sed ab ijs ipsi liberalibus studijs non exigua accipiunt suæ utilitatis & dignitatis adiumenta. Nisi forte existimamus, summos illos viros, qui primi hæc Christiana literis illustrarunt, sine comitatu optimarum artium tantos progressus in diuinis facere potuisse. Quo in numero Basilium, Chrysostomum, Augustinum, Hieronymum fuisse cognouimus. Sed de his satis, vel fortasse nimis multa. Lazarum meum, tuum contubernalem factum esse, morior, nisi mihi pergratum est. Quanquam enim corpore à vobis absum, animo tamen vobiscum excubo: ut videar mihi interdum quæstiunculas vobiscum vnà, & familiares sermones texere. Eum porro ego ad philosophiæ studia animandum nunquam censui: quippe quorum ipse studio & amore imprimis teneatur. De Theologia quidem tibi assentior, nunquam illum ad summum peruectum iri, nisi ad reliquas facultates & disciplinas, quas multas magnasque possidet, hanc quoque primariæ artis, nobilissimæque scientiæ cognitionem adiunxerit. Cuius ego tibi in Hortensio attexam laudationem, vti que quoad patietur ratio operis, in quo ego nunc me assidue vehementerque exerceo: speroque propediem copiam me vobis facturum, qui meas ineptias irridere possitis. Io. Petri Carasæ Theatis episcopi, doctrinam, sanctitatem, virtutem, notam habeo iam diu, eamque in oculis fero. Gasparum Contarenum amo coloque, nec de facie mihi cognitum: sed de animi virtute, & de eximia eruditionis fama. Tu mihi gratissimum feceris, si vtrique salutem meis verbis plurimam dixeris. Contateno hoc amplius dictum mihi fuisse hoc anno, cum essem Massiliæ, librum confectum ab eo, in quo de optimo ciuitatis statu grauitè doctèque disserterat: eum librum cupere vehementer me legere. Quod Superantius, homo ingenio & nobilitate præstans, cum discederemus Massilia, pollicitus fuit mihi se curaturum, ut exemplum ad me primo quoque tempore mitteretur: cum ego oblitum arbitror. Tu qui auctoritate & gratia plurimum polles, si

effeceris hoc mihi, ut quod sine onere aliquo tuo & sine incommodo fiat, cupiditati in hac re mos geratur meæ, magna me incunditate mediusfidius affeceris. Quod ut contendas & evitare, magis opere à te peto. Vale. IX. Calend. Decemb. 1534.

V.

I A C O B. S A D O L E T. E P I S C. C A R P E N T.

Iacobo Simoneta Episc. Pisauri S. P. D.

SEMPER cognoui singularem in te prudentiam. Amorem verò erga me plurib. iam rebus etiam expertus sum. Sed crede mihi, posteriores literę tuę vtriusq; rei certissimū testimoniū mihi attulerunt. Nam & cū benevolentia consilium, & in consilio benevolentiam erga me tuam omnem ostendēre. Itaq; ego, homo nimè timidus, qui ea quę scripseram, curaverā etiam ut viderent isti ipsi quos contra videbantur esse scripta, ut eorū iniquissimi in miserorum fortunas impetus magis refringerentur, cū me non periculi mei cogitatio, sed officium & pietas imprimis moverent. Ut primū literas tuas legi, statui esse nefas, non parere sapientissimi atque amicissimi hominis auctoritati: vetusque sustuli proœmiū, atque omne argumentum alia quadā ratione explicavi. Quod ipsum, librūque totū vnā inscripsi, atq; mihi homini summa virtute ac omni dignitate ornatissimo Federico Fregosio Archiepiscopo Salerni, quocū magnus mihi vsus, & omniū officiorū summa necessitudo intercedit, qui nūc in Italiam proficiscens, Venetijs imprimendum curaturus est. Quod si mihi librorum copia fuisset, libenter tibi illū antè legendum misissem, vsusq; essem tuo potissimum iudicio: cui plurimum profecto tribuo. Sed in summa inopia & difficultate eorū qui describerēt, feci quod necesse fuit: statuique esse cōmodius ad plurimorum manus eū celeriter deuenire, quā ad vnus serò. Quanquam vnus tu mihi pro plurib. sis semper futurus. Sed ignosces festinationi huic meæ, multis enim de causis properavi ut ille liber quā primum in publicū exiret. Tu tamen sic eum legito ut si res in integro sit. Multa enim alia paro ac meditor, quibus accuratè perpendendis atque examinandis opportuna semper mihi futura est doctrina & admonitio tua. Sed hæc hætenus. De honore tuo quod ad me modestissimè atque humanissimè scribis, scito me hunc ipsum honorē quo pręditus sum, multo grauiorē illustrioremque putare, posteaq; tu ad eundē es vocatus. Facit n. tua eximia virtus, & pręstans in omni iustitię laude integritas, ut nullus honor tantus sit, quem tu dignitate personę tuę ornare amplificareque non possis. Sed hæc quoque, quę longiorē desiderant orationē, in aliud tempus reiicienda sunt. Tu valebis, & nos diliges,

ges, tibiq; persuadebis, te à nobis verè fraterno animo amari & coli. Carp. XVI. Cal. Iunij, M.D.XXIX.

VI.

IAC. SADOLETVS EPISC. CARPENT.

Hieronymo Nigro, S. P. D.

Tvas literas accepi XV. Calen. Aprilis ex Vrbe datas: quibus mirificè sum delectatus, sunt enim tota rhetorum, nec solū diserrè atque eleganter, sed ab eo etiam scriptæ, cuius charissimam habeo erga mē voluntatem. In quibus quæ de vrbis & rerū vrbaniarum statu ad me scribis, sunt illa quidem acerba & misera, nec possunt non dolore animum tantę rerū commutationis misericordia commouere. Sed tamen debemus aliquando esse viri, & ea fortiter ferre, quæ mutare minimè possumus. Quamobrem alia agamus, & quæ magis ad nos pertinent. Est autem imprimis mihi Niger tibi gratulandum, quòd eum ex rectissimis studiis tuis affecutus es tuorum laborum & vigiliarum fructum, vt spe iam certa ad immortalitatem niti posses. Cuius diuino illo cupiditatis ardore qui semel correpti sunt, quid mirum, illis si deinde sordent ista omnia quæ vulgò habentur amplissima? & ad aliud vitæ feruntur genus? Obscurum in populo illud quidem: sed cœlesti vitæ imprimis accommodatum. Quod ego summa cum voluptate animi possideo & colo. Neq; verò arbitror maius mihi munus à Deo immortaliter potuisse tribui, quàm hunc animi sensum vitæque statum, in quo illa tantum procurans, quæ huius officii & muneris, quod sustineo, propria sunt: quod reliquum est tēporis, in eis studiis delectationibusq; consumo, quæ dignę sunt viro, qui quidem sit vir: hoc est, qui actionū consiliorumq; suorū non popularem iactationem & laudem, sed Deum veramq; sapientiam constituat sibi finem. Quocirca tibi facilè credo affirmanti, appetere te eandem vitam, mecumq; esse cupere. Noui enim omnes sensus animi tui cum propensos ad quietis studium, tum moderatione concordiaq; placatos, vt verè beatæ vitæ desiderium, ista in te cæterarum rerum non corrumpat cupiditas. Quod scribis autem quo minus ad nos, vt constirueras, accedere potueris, corporis morbum tibi prius, deinde itinerum pericula fuisse impedimento: sanè quàm molestè fero. Sunt quidem omnia (vt scribis) vbique ita perturbata, vt ignores planè quò in loco potissimum consistendū sit. Sed si quod vspiciam vestigium remanet etiam nunc quietis & ocij, in his certè est locis, in quibus homines natura magis quàm legib; ad sedatam & tranquillam vitā accommodati sunt. Vix audeo tibi exigua deferre, cuiusmodi sunt mea. Sed tamen qualiacunq; sunt, parata tibi semper non minus volui esse,

esse, quàm mihi: ut tibi habere hoc debeas persuasum, mansuram semper apud me & fidem, & constantiam semel susceptæ erga te benevolentia. Ego hîc habeo cum Mûsis rationem, verùm diuinioribus: iamque commentarium scripsi in Psalmum nonagesimum tertium: quem cùm legeris, cognosces, posse res sacras etiam Latinè, ornatèque perscribi. Non quòd id à me perfectum sit: sed eius rei certè simulacrum quoddam est à nobis & imitatio adumbrata. Hunc iam misi homini omni virtute & dignitate amplissimo, mihiq; vetere amicitia coniuncto, Federico Fre-gosio Archiepiscopo Salerni: qui nunc in Italiam proficiscens, librum Venetijs imprimendum est curaturus ab Ausulano nostro, cui hanc me debere confiteor gratiam, si modò hæc gratia, ac non onus potius & labor. Nam ipsius Federici nomini liber dicatus est. In his ego nunc versor cogitationibus. Literas colo præcipuè, ab his cùm relaxo animum, refero me ad agriculturæ oblectamenta. Habeo autem prædia quædam rustica, quæ vestrum quemuis, qui estis vrbani, delectare etiam possent. In his suburbanos hortos, viriditate, ornatu, copia tam aquarum quàm arborum lectissimarum imprimis nobiles. Hos ego inuiso frequens, capioque haustus amœnioris cœli. Hoc enim Sauonium est, sic didici ex eius schola. Quære ex eo, narrabit tibi quo id pacto fieri oporteat. Qui quòd viuit, quòd saluus est, quòd, sicut consuevit, Democritio more ridet & despicit omnia valde mihi hercule gratum est. Semper ille quidem amabilis. Sed nunc etiam magis, quod ex magna amicorum & iucundorum hominû turba nobis est penè solus relictus. Tu illi multam à me salutem: itemque cæteris, qui ex illa vetere nostra iucundissima sodalitate sunt reliqui. Tu vale, Niger, & nos dilige. Paulus mihi & in moribus, & in literis apprimè satisfacit. In quibus tantos iam habet processus, ut mihi ipsi magistro sæpe fiat monitor, *πολλοὶ μεγάλης κρείττονης διδασκαλίας*: hoc in eo oprimè quadrat. Ita confido, magno cum & familiæ nostræ, & amicis omnibus fore ornamento. Is tibi reddit salutem plurimam. Vale. Carpent. XVI. Calend. Iunij, M.D.XXIX.

VII.

HIERONYMVS NIGER IACOBO SADO-
leto Episc. Carpent. S. P. D.

SATI non fuerat, me è naufragio illo emersum, ad patrium Slitrus, adnataste, nisi ad spectandos deflagratæ vrbis cineres rediissem. Sed is est rerum status, atque ea totius Italiæ calamitas, ut nullus sit angulus, in quo non aut hostes sæuiant, aut Tyranni dominantur. Quare haud iniuria gratulandum tibi est, quòd

in re.

in tantis tempestatibus, sis propè vnus in portu: fructusque vitæ percipias eos, qui à sapientibus viris maximi, iucundissimique habentur. Quem sanè portum & exoptauit ipse semper, & tu, quæ tua est benignitas, communem mihi esse voluisti. At nescio quo pacto me ad istum aciem, cursumque dirigentem, resistentes venti repulerunt. Quum enim recuperata valetudine ad te proficisci statuissem, cognoui, mare Ligusticum hostili classe, Cisalpina omnem Galliam Hispanorum prædiis teneri. Omnes denique aditus aded armis occupatos, interclusosque esse, vt ne Dedalus quidem (quod aiunt Poëtæ) tutò istuc aduolare potuisset. Itaque Romam veni ad V. Idus Febru. adductus potius patriæ tædio, quàm desiderio Urbis: Multa enim erant illic, quæ me molestia adficerent, cùm priuata, tum publica. Nam etsi nostra illa regio & natale solum, loci natura, atque humana ope munitissima est: omniq; seditione, & ciuili vacat discordia: ad hæc nihil desiderat, quod ad commoditatem victus, & ad urbanæ vitæ splendorem pertineat: sustinet tamen diuturnū & grauissimum bellum, quod exinanito ærario, vestigalibusque diuenditis, priuatis ciuium fortunis geritur: nec ordini quidem nostro parcitur, nouo more, & ne quicquam reclamante Pontifice Maximo. Quod sanè incommodum nota tibi exilitas mei sensus ferre non poterat: præsertim quum rata non fuerint beneficia, quæ Pontifex Maximus in me olim te factore contulisset. Quamobrem diuertere huc, eo scilicet animo atq; consilio, vt cum primùm per tumultus bellicos istuc liceat proficisci, vtar liberalitate tuæ: tecumque fruar isto otio, nisi tu fortè de repetenda vrbe cogites. Quod quidem consilium nec mihi facile probatur, nec opinor pro tua prudentia tibi probatum iri. Quis est enim tam ignarus rerum æstimator, tam leuis, qui cùm quieti & honesto otio florentem urbem & amplissimum locum posthabuerit, mox euerse vrbi rebusque perditissimis, otium cum dignitate posthabeat? Nolo tibi ea commemorare, quæ vulgi animum mouent, amississe nos hominum frequentiam, splendorem, patentem omnibus fortunæ campum: quibus omnibus (vt tute sapientissimè ad me scribis) vtilius est carere, quàm abundare. Illud vnum quod permagni ipse semper æstimasti, non præteribo: amississe nos eruditorum virorum iucundissimam consuetudinem: qua sic caremus, vt vix vnum aut alterum inuenerim, qui cum Latine in Latio loqui possem. Omnes enim ferè aut naufragio illo perierunt, aut tempestate compulsi sunt in longinquas oras, mentionemque ipsam urbis haud immerito reformidant. Superest tamen ex sodalibus nostris Sauonorum Princeps, illo eodem vultu, atque animo, quo iam pridem fuit. Quem cùm fortè offendissem in via hilarem, & non minus curis dispoliatum, quàm fortunis:

tunis : continere risum non potui tanto in luctu & squalore ciuitatis. Utinam, inquit, cum philosopho ambulassem. Hispanus miles tractauit me pessimè. Hæc habui, quæ ad te confestim scriberem. Nam pueri tui mihi denuntiarunt, proxima nocte certum hominem in prouinciam istam discessurum. Clemens Pontifex Max. è morbo tandem conualuit. Quotidie in ore habet diuinum consilium tuum, de profectione ad Cæsarem, & de pace publica : quo quidem consilio si integris rebus vsus fuisset, non laboraremus. Cura ut valeas : & Paulo fratris filio meis verbis plurimam dic salutem. Vale iterum, & me ut facis ama. Romæ. XV. Calend. Aprilis, M. D. XXIX.

VIII.

I A C. S A D O L E T V S E P I S C. C A R P.

Hieronimo Nigro S. P. D.

NON mediocriter delectauerunt me literæ tuæ Idibus Aprilis datæ, quas ego ad XI. Calend. Iunij accepi. Nam & amoris tui erga me, vsitatū illud quidem, sed tamen semper optatum, & mihi iucundum testimonium attulerunt : & multa ut scirem effecerunt, de quibus audire antea auebam. Imprimis quæ de statu tuo, de quo quòd animo pacato & parato ad amplectendum otium es, & tibi valdè gratulor, & agnosco moderationem tuam : qui in illis fluctibus sic iactaris, ut fortunæ quidem nunc cedas, vel obsecundes potius, quando in altum dudum pronectus es : idque non tam iudicio tuo ab initio, quàm vi quadam & tempestate : veruntamen portum semper ex illis spectes, & tutam magis ac tenuem, quam periculis copiisque coniunctam sedem iam pridem expetas fortunarum tuarum : nihilque tantopere cupias, quàm toto animo vacare studiis honestissimis. Quæ voluntas docto & libero homine digna, si semper laudi fuit optimis etiam temporibus, quid censes perditis ? neque cò dico, quòd eam in qua nunc versaris, vitæ rationem esse improbandam putem : sed ut hanc illi multò antepoſnam quatenus ea saluo officio possit suscipi. Sed ut liberæ virtutis deligere id quod est optimum, ita occupatæ atque constrictæ consolari se spe bona. Quod tu cum facis, nō paruum iam nunc obtines eius tranquillitatis partem, ad quam totus propensus es. A Bembo meo acceperam literas paulò ante quam ad me essent allatæ tuæ. In his de illo senatusconsulto, & de suscepto onere conscribendi res Venetorum gestas multa mentio. Sed ut ipse rem arbitretur fore magni laboris, ut quæ delata inopinanti sit, neque vnquam antea in illa meditatione curaque versato : gaudeo factum esse iudicium sanè honorificum ipsius dignitatis eximiaque virtutis. Nunquam enim
profe-

profecto civitas illa æternam suorum monumentorum memoriam illi commendasset, nisi summi viri ingenio, atq; eloquentia, suas quoq; laudes illustriores futuras iudicauisset. De Leonico male factum. Optimū virum & doctissimum amisimus: quem ego amabam merito illius plurimum: neq; vnquam viderā hominem, nisi quod virtus, eximia præsertim, nunquam non cuius postum inspecta est. Quamobrem doleamus nostra id quidem magis, quam ipsius causa: qui, vt scribis ipse, ad certam & veram vitam immortalitate iam translatus est. Verū nostro quoq; dolori ea res fuerit solatio, quod expressam habemus imaginē præstantissimi viri in eis libris, quos ipse & plureis & scriptos egregiè reliquit. Hi illum nobis referent, neque eum lugeri patientur pro mortuo. Lazarum tradere Patauij optimarum artiū doctrinam iuuentuti, nec sciui antea, & nunc cognosce lætor. Dederam ego ad eum bis tēre literas, neq; vllum ab eo responsum. Quod mirabar, & quidem vsque eò, vt de illo nescio quid timerem. Nunc video causam hanc aduersus me silentij, quod cum discipulis illi plus satis colloquendū est. Equidem hominis eruditissimi, & mihi coniunctissimi, omni honore & commodo plurimum lætor: sed tamen me illi totum effluere ex animo, etiam molestè fero. Tu illi à me plurimam salutem. Quod Psalmum meum probas, gratū mihi. Ego perfecto Hortensio, in quo quidem nunc elaboro, s̄ tamē vt perficiam magnitudo rei patietur, totū me daturus sum ad sacras literas. In quibus & animi nostri voluptas plenior multò est, & cæteris utilitas paratior. Tu vt valeas, & nos perpetuò diligas, veteresque nostros necessarios salutes meis verbis, si qui in vrbe Roma reliqui iam sunt, imprimis à te peto. Vale. Carpentoraeti, III. Nonas Iunij, M. D. XXXI.

IX.

IAC. SADOLETVS EPISC. CARPENT.

Hieronymo Nigro S. P. D.

His diebus, cum minus commoda valetudine vterer, dedi negotium Paulo, vt scriberet ad te de eis rebus quarum & mea & tua intererat, te fieri certiore. Quod ab illo factum diligenter fuisse nō dubito. Nunc noua re oblata, in qua tua opera mihi expetenda esset, statui has ad te rursus scribere: petereque pro mutua nostra beneuolentia, vt quod imprimis cupio optoq;, quod tamen ipsum non ad meum illum priuatum commodum, sed ad officij nostri duntaxat & muneris functionem pertinet: in eo assequendo & operam mihi tuam, & studium præbere velles. Res porro ipsa sic se habet. Quo tempore veni mi Niger in hanc prouinciam, non vt peregrinaturus in ea, sed vt domicilium

vita constitutus: hominum quidem horum virtutem, mansuetudinem, comitatem, probavi statim ex initio, amareque occæpi. animumque induxi, ut quod mihi necessario per leges & religionem faciendum esset, id etiam à me prolixè libenterque fieret, hoc est, ut his essem quam maximè studio benevolentiaque coniunctus. Sed inter multa quæ mihi erant voluptati & delectationi, illud vnum ægro animo ferebam, quòd nullam in his nationibus bonarum literarum cognitionem, nullum inesse studium optimarum artium videbam. Nec verò id facile ego pati poteram: ut cum à me mei ratio postularet officij, ut quacunque re possem, populis meis commodarem: earum adeo rerum, quæ ad beatè ac beatè vitendum pertinerent, hanc vnam rem sic abire sinerem, in qua (ut mihi quidem videtur) vel beata præcipuè vita continetur. Itaque quoad potui, hortando, rogando, commonefaciendo, aliquos tandem induxi, ut suos cupiant liberos erudiri his literis, quas nos appellamus optimas. Nam antea nulli erat hic arti neque scientiæ quicquam loci, nisi iuris civilis peritiæ: quæ expetebatur ab omnibus, non ut discerent homines vivere liberaliter, sed ut lucro & arcæ consularent. Nunc videntur in animis aliquorum eiusmodi semina esse iacta, ut si sit doctæ is copia & facultas, ingenuas illas artes & disciplinas, quas nos vehementius probare soliti sumus, quòd animos illæ decent ac instituunt non deseruire pecuniis, sed ab omni illiusmodi cupiditate, vel labe potius solutos esse, in honorem adduci posse confidamus. Quanquam rei euentus in nostra potestate non est: exemplum certe introducere, & ordiri principium aliquod, rebusque bonis nec opera, nec studio, nec autoritate deesse, hominis est non sibi vni, sed & patriæ, ciuibus, & communi cunctorum utilitati seruientis: quam nos imprimis rationem vitæ voluntatemque instituimus sequi. Est autem in ciuitate hac conuentus quidam monachorum, quorum rector maximè cupiditate hac incensus est: Græcasque & Latinas literas cupit in familia sua propagari. Idemque vniuersæ provinciæ Narbonensis præest reliquis ordinis sui conuentibus: ut videatur huius præclari amoris stimulos in plures cœtus hominum esse disseminaturus. Sed (ut dixi) magister nobis deest & autor, & iuuenum quasi quidam moderator, huic idoneus muneri: quem si nancisceremur, spes foret, aspirante nostris conatibus Deo, aliqua hinc quoque excitatum iri ingenia, quæ ad nobilissimarum artium adipiscendam laudem egregiè apta existerent. Hunc nos magistrum & doctorem à vobis quærimus. Habetis enim istic (ut ego arbitror) talium virorum copiam. Sed eum esse huiusmodi oporteret, qui mediocribus rebus posset esse cōtentus. Nam ne nos quidem in optando admodum insanimus. Si Græcas nouerit probè literas, Latinas autem

autem mediocriter : ita tamen, ut vitia orationis promptè discernat : habeatque docendi, & instituendi planam ac facilem rationem, poterimus eo nos esse contenti. Merces sanè illi à nobis persoluetur, aurei nummi quotannis sexagiuta : victumque & rectum commodè ut habeat curabitur, ad eandem videlicet modestiam & mediocritatem. Nunc cum videas mi Niger quantæ hæc mihi curæ res sit, & quam sit recta & honesta ratio huius consilij mei : peto à te pro nostra summa coniunctione, ut curam & cogitationem aliquam suscipias, quo huic rectissimo studio nostro satisfiat : aliquemque nobis inuenire studeas, qui sustineat partes hac in re amoris & pietatis erga hosce populos nostræ, meamque optimam in meos voluntatem ipse re expleat. Quod si vnquam videro fieri, ut hi quos charitate nimirum Christiana in filiorum loco diligo, sectentur eas artes, quæ liberales sunt, auocantque ab omni sordida & inquinata cupiditate habendi : næ ego illi (crede mihi) cuiuscunque opera hoc assequar, planè me obstrictum, & in perpetuum obligatum esse profitebor : omni que studio diligenterque curabo, ut suum is huiusmodi officium non malè à se positum sit iudicaturus. Hac eadem de re ut Lazarum nostrum appelles, cum eo que accuratè colloquare, vehementer à te peto : mihi que ut primo quoque tempore rescribas. Vale mi Niger, & Bembo meo, summo viro, plurimam salutem verbis meis dic. Carpentoracti, IV. Nonas Maij. M. D. XXXIII.

X.

I A C. S A D O L E T V S E P I S C. C A R P.

Hieronimo Nigro S. P. D.

LE G I literas tuas, ad Paulum quas misisti, in quibus amor tuus pristinus erga me se ostendit : nouus ille quidem mihi nunquam, sed tamen semper & optatus, & dulcis : quem & feci, & facio mi Niger plurimi. Salus ad me per te missa à veteribus amicis, mihi iucundissima fuit. Nec quicquam est omnium rerum quod libentius faciam quam usurpare crebro memoriam eorum, quos charissimè semper constantissimeque dilexi, Esini, Colotij, Peti, sanctæ, Thebaldæi, Blossij nostri, etiam Sauoia mirifici hominis, quem audio magnis de Republica occupationibus impeditum, quotidie minus se vobis fruendum præbere posse, te verò, mi Niger amo ut debeo, abs te que peto, ut eos amicos a me resplutes, quos modò nominavi, & omnes præterea reliquos, quos antiquæ academix esse cognoueris. Contarenum patronum meum non amo solùm, sed etiam veneror : & cum hoc ei tribuo, ut neminem illi in optimarum artium cognitione præ-

N

penam

ponam: tum verò Deum immortalem, diuosque omnes constans, sic planè statuo, nec meliorem virum, nec sanctiorem hominem, nec amantio rem veritatis, pietatis, sinceritatis, reperi quempiam posse. Itaque tanto & amore & cultu illum prosequor, quantum tantarum & tam præstantium virtutum excellentia postulat. Me ad concilium affuturum esse, si id habebitur, dubitarène potes? Quanquam enim magno mihi ea res erit incommodo: tamen dare operam Deo, & illius honori ac nomine deferuire, quantum quidem in me erit, ita mihi constitutum est. ut etiam si sit vita mihi in illo opere profundenda, mecum præclarè iri actum putem. Tu vale, & nos ama, tibi que persuade, te vicissim à me singulariter amari. Ex hortis nostris suburbanis, IV. Nonas Iunii, M. D. XXXVI.

X I.

HIERONYMVS NIGER IACOBO

Sadoleto Episc. Compent. S. P. D.

ET si pudet me post diurnam cessationem nunc ad te scribere: tamen non dubito, quin pro tua in amore constantia, meæ (si qua fuit) negligentia benignus interpret sis futurus. Præsertim cum nihil esset priuati quod scriberem: publica verò omnia copiosè ab aliis ad te perscribi non ignorarem. Nunc autem cum decreuerim ex vrbe discedere: te, quem omnium consiliorum meorum, non modò conscium, sed autorem etiam sentiper esse volui, fas est protectionis meæ causas, rationesque cognoscere. Nec vereor, ne non consilium tibi probetur meum: qui me semper non solùm monitis, verùm etiam exemplo ad quietem & otium inuitaris: quiq; ex veteri meo instituto intelligas, me non opum, aut honorum cupiditate, sed officio ac beneuolentia ad urbem fuisse reuocatum. Cui quidem officio ac studio cum iam satis factum a me fuerit, viderer planè desipere, nisi quod reliquum est ætatis, mihi ipsi, hoc est meis studiis darem. Quamobrem constitutum habeo ad Calendas Maias Iatauium proficisci, nactus opportunam occasionem, quòd eodem tempore Cornelius meus Brixianorù Pontifex exire in prouinciã suam cõstituit. Erit autem otium illud meum, tui istius veri ac solidi otij simulacrũ quoddam: quòd tu in oris istis pacatissimis, omni vacuus molestia, cœlestem penè in terris vitam agis, mihi multa maximo futura impedimento sunt. Mitto rei familiaris angustias, quam etsi contempsì semper, tamen labores mei atque officia paulò æquiores facere debuissent. In quo mihi temporũ iniquitas est aecusanda: ne quid in eos grauius dicam, qui ea se ratione posse me perpetuis laboribus implicare, atque ab otio ad

ambi.

ambitionem transferre cogitarunt. Quod me vehementer vrges, imprimis est rei domesticæ cura. Vivit enim adhuc quidem pater, sed extrema iam ætate: sorores habeo domi nobiles: fratres extincti sunt omnes, præter eum quem iamdiu in Cypri insula degentem, nostri oblitum, rectè possumus inter mortuos connumerare. Itaq; mihi vni apprimè ad otium & tranquillitatē nato, quiq; ad hoc tempus in aliorū sedulitate ac diligētia conquievi, gravissimū iam onus gubernandæ familiæ subeundum est: spesq; illa mea tecum vivendi, quod maximè optabam, in aliud tempus reiicienda. Sunt hæc quidem magna incommoda, & à meo valde aliena constituto. Sed ea omnia veræ laudis atq; virtutis amor faciet leuiores. Quin maior mihi proposita est gloria, si tot circumfusus molestiis, in eum locum pervenero, in quem multi abundantes orio, atq; fortunis, pervenire minimè potuerūt. Quod an aliquando assecuturus sim, haud satis compertum habeo. Enitar certè, Deo hominibusq; bene iuvantibus. Proficiscar enim eò, ubi licebit veterum amicorum, doctissimorumque virorum perfrui consuetudine. Quæ quanti in studiis nostris momenti sit, tu maximè omnium nosti. Habebimus illic Bembum, Lazarum, Lampridium, Pierium, bone Deus, quo iudicio, qua eruditione homines? Nec dubitamus, quin & alios in dies habituri simus, pertæsos rerum urbanarum, atque huius urbis miserrimi status. Tu verò velim, qua consuesti fide ac religione, nostram inter nos amicitiam tuearis. Et quemadmodum ego te semper absentem oculis atq; animo requiram, ita tu benevolentia in te meæ memoriam apud te interire ne patiaris. Quod equidem adscribo, non ut timens, sed ut amans. Literas tuas ad Petrum Bembum, quas mihi dedit Antonius, reddam diligenter: multamque illi, & cæteris amicis salutem dicam tuis verbis. Illic otiosus plura ad te, literasq; ad Antonium, aut Binum mittam. Idem ipse si facies, sit mihi quàm gratissimum, atque ut facias oro. Vale omnium qui sunt, qui fuerunt, qui futuri sunt beatissimè. Valere etiam volo Paulum à quo literas accipere opto. Romæ. IV. Calend. Iaij, M.D.XXXII.

XII.

IACOB. SADOLET. EPISC. CARPENT.

Ludouico Pariseto iuniori S. P. D.

Egi tuum carmen: idque mirificè probavi: est enim quæcumque tuum ego possum iudicare, cum doctum & elegans, tum quoque ingenere esse vis, eius generis numeris omnibus absolutum. Sed us ipsius argumentum carminis aliquandiu me suspensum, atque ancipitem animi tenuit: dum nequirem satis cōiectura per-

spicere, quid tu in illo tibi propositum habuisses. Nam si ornatum & cultum reprehendis orationis, eosque obiurgas, qui electis verbis, grauibisque sententiis sua sensa exprimunt, idque nituntur, vel quæ ab ipsis emittuntur, prodeant limatiora: tute tibi laqueum tendis, tute ipse te implicas: eos enim accusantem, qui studium & operam poliendæ orationi dant, nō decuit ipsum politè & disertè loqui. Quod si ego is essem, qui mihi hanc styli elegantiam adsciscerem: responderem tibi id quod verissimum est, debere nos partus eos quos gignimus, optare nasci quam perfectissimos: nihil earum desiderantes rerum, quæ ad utilitatem & ad dēcorem, corpore, animo, vita contineantur. Hocque non solum in filiorum sēbole corporea, sed multò etiam magis in foetibus ingenij natura nobis esse dicerem insitum: neque unquam naturalem hanc in nobis cupiditatem iure fuisse a quoquam ut vitium obiectam, quæ non ad popularem famam primè & maximè, sed ad expletionem naturæ spectet atque pertineat. Sed quoniam meum negotium non agitur, viderint alij. Ego te illud pro artate & consuetudine mea non inuitus admonebo, ut ne te ab illa ratione falli sinas, quæ tibi fortasse bona visa est: siquidem existimas ita esse, ut scribis, nitorem, & copiam accurati sermonis, veritati fucum & falsum colorem obducere. Non enim ita se res habet. Nec qui in sacris literis disertius explanandis inuigilant, eiusmodi provinciam suscipiunt, ut patefaciant veritatem, quæ ex diuinæ legis oraculis apertè & perspicuè suapte luce clara est, neque eget ad demonstrandum ingenio aut interpretatione cuiusquam. Sed refrigeratos iampridem mortalium animos, ad pietatis studia rursus capessenda monitis & cohortationibus suis conantur accendere: quod sine vi aliqua dicendi verborum grandium, & aptè significantium copia, commodè fieri non potest. Quare meum iudicium est, & semper fuit, non solum licere Christiano homini, verumetiam convenire, atque adeo opus esse, si suo is ritè officio fungiverit, excolere orationem, quæ legentibus magis profutura sit, & magnifica præpotentis Dei opera vberius explicatura: laudemque ab hominibus (quæ modò princeps ipsa spectata non sit, eaque nobiscum vna ad Deum referatur) tanquam accessionem quandam non penitus aspernandam esse. Quod ego te quia facere mihi visus es, ut des te ad scribendum accuratè & subtiliter, & collaudo nunc quidem, & in posterum quoque in eo ut perseueres, vehementer hortor. Vale. Carpent. XVII. Calend. Decemb. M. D. XXXIV.

IACOBI SADOLETI EPISC.
CARPENTORACTI EPISTO-
larum Lib. IX. Epist. I.

IAC. SADOLETVS EPISC. CARPENT.

Paulo III. Pontifici Maximo S. P. D.

PRIMUM, sicuti debeo, sanctitati tuæ gratulor, quod ad dignam sua virtute & prudentia rerum administrationem vocata, amplam habitura facultatem est, sese in maximis humani generis utilitatibus & commodis exercendi. Quæ vna actio cum propria summi istius honoris, cum beatæ & iucundæ vitæ effectrix mihi videtur. Et cum hoc gratulor, tum illud maximi facio, quod sine ambitione vlla, sine mora, contradicente nemine, omnibus suffragiis statim renunciata est: ut renunciatio indicium fecerit dignitatis: ipsa verò celeritas renuntiandi, apertè ostenderit, tantam tantæque eximiam virtutem, quanta in te semper fuit, ad tantos motus rerum, quibus iactatur Respub. sedandos, & ad salutarem portum consiliis sapientibus dirigendos, quamprimùm & quàm maximè necessariam esse. Itaque & nomen, & virtus, & dignitas tua, tanta nunc apud omnes in opinione est: ita tua ad summum Pontificatum electio ab omnibus est accepta, ut non hominum consiliis, sed diuinitus facta esse videatur. Atque hæc quidem & populi huius in quo ego versor, & omnium Galliarum populorum ac principum est sententia. Audio enim multorum voces, & video vultus. Ut enim quisque hæc habet iter, ita ferè congregitur & colloquitur mecum. Non equidem possum tantum, quantum res est, præscribere. Sed hoc certè scribo, quod intelligo, & sentio, nunquam animos hominū latiores, nunquam prædicationes magis honorificas, nec crebriores laudes de vilo Rom. Pont. extitisse: ut iam non sanctitati tuæ me gratulari, sed Christiano nomini vniuerso magis conueniat. Et certè si res veritasque spectetur, boni & prudentis viri imperium procuratio est aliorum salutis: cuius fructus utilitasque ad alios, ad ipsum verò qui imperat, voluptas & lætitia rerum benè gerendarum peruenit. Habent igitur Christianæ nationes quod expetebant: Pont. Maximum integra fama, summa virtute, singulari sapientia præditum. Roma verò ipsa orbis terrarum caput, summi domicilium Pontificatus, præter gaudium de principe, quod commune omnibus est, qua præcipuè affici voluptate est existimanda? quæ ciue suo, & nobilissimo quidem ciue, quæ tanto munere Dei immortalis, tantis honoribus, tot præmiis ornata, au-

fla, condecorataq; est? In quam tuæ sanctitatis liberalitas con-
 tinuò se effudit: ipsoque statim Pontificatus initio civibus suis
 ostendit, quam beneuolo animo eos amplecteretur, quos habe-
 ret patriæ charitate, qua nulla est sanctior, sibi coniunctos. Sed
 ego, qui te quam plurimis ab hinc annis probè habeo cogni-
 tum, qui ad has populares tuas illustresque virtutes, illas etiam
 domesticas scio adiunctas esse, humanitatem, affabilitatem, co-
 mitatem: & quam ego plurimi semper feci, facioque bonarum
 artium omnium, literarumque egregiam scientiam: is sum præ-
 ter ceteros, qui omnibus debeo exultare lætitiis. Nam & mihi
 amantiſſimo Reipubl. optimi principis imperium maximo gau-
 dio esse debet: & virtutes veneranti, prudentissimi, & literis de-
 dito, doctissimi. Illud verò non minimum ad animi mei lætiti-
 am iucunditatemque augendam pertinet, quod inter sanctitatem
 tuam & me familiaritas aliquando aliqua intercessit: quæ etsi
 minus fuit quotidianis à me officiis culta, propter diuersa qui-
 dem utriusque nostrum vitæ studia, dissimilesque occupationes:
 tamen neque ego unquam tuam erga me benevolentiam deside-
 ravi, neq. sanctitas tua meam erga se obseruantiam nō cognouit.
 Quam nunc quidem familiaritatem & amicitiam ad alia voca-
 bula translata esse vehementer gaudeo. Non enim mihi post-
 hac ad amicum, & ad patronum: sed ad principem, & dominum
 cōfugiendum erit: ampliore eius potestate benignè mihi facien-
 di, si vñs venerit: eadem, ut spero, voluntate. Quapropter ago
 Deo omnipotenti maximas meritasque gratias, qui populo suo
 tam necessario tempore, talem Pontificem præficere est digna-
 tus. Tibique vnà & cuncto Christiano nomini iterum ac sæpius
 gratulor. Fore enim confido, ut tua dignitas, atq; gloria, cum sa-
 lute & maxima utilitate Christiani generis coniuncta sit futura.
 Quod verò ad me propriè attinet, quoniam nō habeo verba qui-
 bus sensum animi mei planè exprimam, sanctitatem tuā precor,
 ut pro sua prudentia expendere ipsa & considerare velit, quo me
 gaudio repletum esse oporteat, ex honore summo amicissimi vi-
 ri, doctissimi hominis, præstantissimi civis (siquidem ego quoq;
 iam pridem ciuitate Romana donatus sum) quodque imprimis
 & super omnia lætandum mihi est, optimi Pontificis, & pruden-
 tissimi, & liberalissimi: ut in tot causis lætandi & gratulandi,
 cum gaudium meum abundet, verba animi non suppetant, si tuæ
 sanctitatis interiorem voluntatem meam, ardentem studio at-
 que amore, non hæc externa voluntatis indicia, quæ in mea ora-
 tione frigidiora multò sunt, accipere & comprobare. Quod si il-
 lud quoque non me indiguum est, nec tibi ingratum, petere me
 à meo Principe quæ mihi opus sunt: cum ego Pater sancte iam-
 du me in hanc meam Ecclesiasticam prouinciā receperim, nec:

ambi-

ambitionis studiis, neque opum aut diuitiarum deditus cupiditati, vitamque in ea mediocritate traducam, quæ tantum ad propullandas necessitates idonea sit: vnam illam habeo curam, assiduamque in animo meo cogitationem, ut huic sanè tenui & pusillo gregi, qui tamen mihi pro mea paruitate nimis magnus videatur, mea industria & diligentia alicui emolumento ad Christianas virtutes agnoscendas, easdemque colendas esse possit. In quo sanctitas tua plurimum me adiuuerit, si iura quædam & facultates, quas mihi semper amabilis & commemorandus Pontifex Clemens septimus concesserat, ratas mihi & firmas esse iusserit. Quod ut faciat omni eum animi studio rogo atque deprecor. Deus sanctitatem tuam, Pater beatissime, incolumem nobis perpetuò conseruet. Pridie Idus Decemb. M.D.XXXIV. Carp.

II.

IAC. SADOLETVS EPISC. CARPENT.

Paulo III. Pontifici Maximo S. P. D.

CVM & ætas mea iam ingrauescens, eademque parum firma viribus: & ratio studiorum ac consiliorum meorum me detineret, quo minus (id quod ego maximè cupiebam, atque imprimis mihi conuenire arbitrabar) ad salutandam, venerandamque sanctitatem tuam ipsemet me conferrem: statui ad officium meum pertinere, aliquem pro me mittere, qui meam vicem ipse hoc munere fungeretur, meamque ad te obseruantiam benevolentiamque perferret: animumque omnem meum exponeret, cum virtutibus optimi Pontificis, tum gloriæ & laudi summi omnium principis vehementer deditum. Nec verò in conquirendo ac deligendo nuntio diutius dubitandum mihi fuit, quin hunc iuuenentissimum mitterem Paulum Sadoletum filium fratris mei: quem ego maxima cum cura ac diligentia educaui: & in quo quicquid vnquam ex literarum studiis, quicquid ex usu rerum multarum atque magnarum consecutus sum (si modò quicquam consequi potui) ita imprimere totum sum conatus, ut quòd hoc laborarim & studuerim, satisfactum in eo à me naturæ, & patriæ meæ indulgentiæ erga ipsum susceptæ, fuerit: quòd verò mei labores speratum atque exoptatum exitum assecuti sint, maximam hoc nomine gratiam Deo immortalī debeam. Certe enim si quid est quod ego præstare aut polliceri possim, audeo hoc palam commemorare & proferre, neque in bonis literis, neque in optimis & modestissimis moribus, neque in ea quæ ad gerendas res apta sit, fide, diligentia, taciturnitate, quicquam me esse ausum optare, in quo non huius mihi iuuenis, & ingenium, & voluntas cumulatè responderit. Quo quidem

etiam nomine, & spe maxima in eo virtutis adductus, meis etiam
 accedentibus precibus optimus Pontifex Clemens singulari be-
 neficio adiutorem mihi eum in huius procuratione Ecclesie, &
 successorem dedit. Sed ut ad prima redeam, Cause mittendi hæ
 fuerunt, primum ut frueretur ipse aspectu & vultu sanctitatis tue,
 oculisque presens perciperet eam voluptatem, quam ego absens
 cogitatione capere non desino. Deinde, ut coram tibi gratias
 meis verbis ageret, quod tui initio Pontificatus, mihi multa pe-
 tenti & postulanti, quæ ad meam & Ecclesie huius dignitatem
 commodumque pertinerent, nulla in re nec beneficentiam, nec
 liberalitatem tuam clausam volueris esse. Quam quidem ego san-
 ctitatis tue benignitatem erga me, ita inclusam in intimis meis
 sensibus habeo, ut sim omnino aliquando, si non gratiam (ab-
 horret enim mea tenuitas ab huiusmodi verbo) at similitudinem
 certe aliquam gratiæ relaturus. Postremo ob eam etiam cau-
 sam à me missus est, ut sanctitati tue, & meo, & suo, & Christia-
 næ Reipub. totius nomine, gratularetur. Quanquam hæc gra-
 tulatio, neque mea magis esse debet quam ceterorum omnium: &
 si quod priuatum meum in gratulando officium quaeritur, vi-
 deor illi aliis meis ad ipsam literis fecisse satis. Verum, Pater san-
 cte, in illis tunc spei, expectationi, quam de te omnes habe-
 bamus, sum gratulatus: nunc perspectæ, ac cognitæ virtuti
 tue gratulamur, & felicitati. Non enim obscuro est, nec la-
 tere iam quenquam potest, quo animo sanctitas tua Pontifica-
 tum gerat: quæ illis primis sui honoris diebus à liberalitate er-
 gaciues, à cura placandæ & ordinandæ Urbis profecta, statim
 orbis terræ vniuersam salutem animo complexa est, suamque de
 conuocando consilio voluntatem proposuit, cuius vel nomine
 ipso multorum antea animi terreri videbantur. Inque seditiosis
 & impiis, omnibusque iis qui dissidium & collisionem in Ec-
 clesia Dei quaerunt, videbatur hoc tutissimum esse impietatis suæ
 perfugium: ut cum castigarentur, cum monerentur, cum vel ad
 poenitentiam, vel ad poenam vocarentur, ipsi ad concilij nomen
 confugerent, illudque indici flagitarent, & poscerent. Quasi non
 minus terroris ex eo principibus Ecclesie Catholice allaturi,
 quam in ipsis formidinis atque vecordiae ex malæ conscientiae
 stimulis insideret. Atque hoc magnanimi Pontificis factum, se-
 cura illa est plena æquitatis & sapientiae in regendis hominum
 cœtibus ratio: quod pluribus iam rebus & exemplis cognitum
 est, placere sanctitati tue, idque imprimis tibi curæ esse, ut ius
 idem sit pauperi, & diuiti: ut ne potentia imbecillitatem oppri-
 mat: ut qui opibus plus possunt, iis illi ad iniuriam faciendam
 ne abutantur. Quod institutum conueniens præcipue, & dignum
 optimis principibus, sed iam desuetudine penè in obliuionem
 adu-

adductum, tua sanctitas modò in consuetudinem & honorem retulit. Hæc & his similia multa cum sanctitas tua ad summum Pontificatum euecta esset, sperantes tum gratulabamur, nunc gratulamur experti. Nec verò minùs iusta ad lætandum causa est, vidisse ea quæ pulcherrimè facta sunt, quàm sperasse futura: cum præsertim illud quoque accedat, vt hæc tempora, has actiones, hunc tuæ sanctitatis honorem atque statum, diuina liberalitas perspicuè comprobet. Quando enim tot iam seculis, tot conatibus, tot Pontificibus, maiorum nostrorum votis atque ætatibus datum est, id quod ætati nunc est tributum nostræ, vt hostes Christianæ fidei, nostrum iam nomen, nostra arma, nostras vires timere incipiant? qui antea liberè omnia depopulabantur, qui nos quotidianis damnis & cladibus affligebant, semperque finitima quæque sibi corripientes, nos angustis iam finibus retinebant inclusos: hi nunc summi atque clarissimi omnium principis Caroli Cæsaris virtute, sapientia, felicitate, tuæ sanctitatis copiis consiliisque iuuantibus, toto repente mari infero depulsi, parte Africæ primaria, & vrbe opulentissima Thunete spoliati, de sua reliqua salute pertimescere coguntur. Cum Christiani generis antiqua virtus, quæ iam dudum hebes facta & debilitata languebat, hoc præstantissimo duce & imperatore Carolo, non audeat nunc solùm consistere aduersus impios hostes: sed pestem etiam illis exitiumque minetur. Quæ ego cuncta cum animo meo cogitans, summoque meo quodam perpetuoque amore in Christianam Remp. incitatus, cum cuperem conferre cum sanctitate tua, & de his illi, & cum illa, Reipub. Christianæ gratulari, ipse verò in his locis iustissimis rationibus retinerer, nisi iuuenem hunc, tanquam me alterum, imaginem animi sensusque mei, qui eadem istuc perferret, coramque tuæ sanctitatis pedibus aduolutus, cum reliquis officij mei tibi debiti præstaret partes, tum de hac fortuna, de felicitate temporum, deque summis Dei omnipotentis erga nos beneficiis, quæ omnia cum laude sanctitatis tuæ coniuncta sunt, tibi & meo & suo nomine gratularetur. Quem ego natura penè filium, amore verò & iudicio verè vnicum mihi filium, rogo atque oro sanctitatem tuam, vt libenter atque humanè pro sua clementia excipiat atque audiat. Nullum ipse onus sanctitati tuæ est allaturus: nec quicquam de illius fortuna ad suæ vtilitatis fructum est allaturus: sumus enim ambo mediocribus rebus sat contenti. Humanitatem tantùm, & benignitatem tuam nobis expetimus, in qua vna nobis sunt omnia: atque vt faciles ipse aditus habeat, sitque illi & visendi, & adeundi, & interdum etiam alloquendi sui principis potestas. Nam quod ad ipsum quidem attinet, cum ego volo, perfunctum officio suo & munere, ista vrbe perspecta, moribus curiæ

cognitis, veteribus amicis nostris conuentis, & confirmatis, ad me protinus reuerti: quod eius pietate, & obseruantia, & fidelissimis officiis ad meæ subsidium senectutis vehementer indigeo. Quæ hoc mihi infestior impendere senectus videtur, quod studiorum assiduitas, à quibus auelli non possum, quotidie aliquid magis de meæ ætatis succo, & viribus corporis detrahit. Itaque illum abesse a me non faciliè essem passurus, nisi si qua occasio incideret huiusmodi, vt actione aliqua præclara ac laudabili, plenâq; dignitatis, illius mens operaq; occuparetur. In qua (quod considerem eum egregiè facturum) explicare ipse ingenium suum, declarare industriam, nauare suam virtutem & Christianæ Reip. & sanctitati tuæ posset. Sed hæc quæ meæ potestatis non sunt, ad Dei consilium nobis sunt reicienda. Illud quod mihi scribenti fuit propositum, rursus deprecor sanctitatem tuam, vt & animum meum erga se, summamque obseruantiam agnoscere, & huic iuueni de sua humanitate impartire aliquid velit: nosq; ambos habere in numero eorum qui sanctitatis tuæ salutis, amplitudini, laudi omni animi studio sunt dediti. Deus sanctitatem tuam custodiat, eiusq; rectissima consilia ipsi & Christianæ Reip. fortunet. V I. Idus Septemb. M. D. XXXV. Carpentoraëti.

III.

IAC. SADO LETVS EPISC. CARPENT.

Paulo III. Pontifici Max. S. R. D.

CUM Pauli reditus ad nos, magna per se lætitia me affecit, tum verò multò vberius gaudium meum factum est, humanitate earum literarum, quas sanctitas tua rescribere mihi dignata est. In illis enim non solum benefici Principis erga fideles suos studium, sed optimi parentis indulgentia quædam planè mihi esse expressa videtur. Itaque ego quemadmodum gratias sanctitati tuæ agam, non reperio. Nec enim ad magnitudinem illius beneficiorum par à me ingenij vis, aut verborum copia afferri vlla potest. Neque verò ipsa rescripsit mihi solum liberaliter: sed liberalius etiam mecum egit, nullasque meas preces irritas accidere auribus suis passa est. In Paulo autem ipso, quod maximè cupiebam, id mihi in omnem partem cumulatè præstitit, & vt illum ex meo testimonio benignitate sua libenter complecteretur, & illius mox ingenio probitateque perspecta, assensu suo grauissimo comprobaret in eo fidem testimonij mei. Ita si mihi liberalitas optimi principis quæsitæ est, nihil fieri potuit beneficentius erga me, quam à sanctitate tua factum est, si iudicium atque honor, nihil ego expectare potui.

hono-

honoratus. Atque hæc Pater sancte indicia tam perspicua voluntatis erga me tuæ, si mihi ita tributa essent, ut aliqua ex parte merito meo viderentur data: haberem aliquid fortasse, in quo mihi ipse iure gratularer. Sed cum nihil sit in me huiusmodi, per quod sanctitas tua ad tantum benignitatis adducta esse videatur, quantum esse onus illius gratiæ debet, quam ego sustineo? & quam conceptam & inclusam intus in animo gerens, nullis eam verbis neque factis aptè queo expromere? Sed quoniam & summo Principi decorum est, superare operibus suis hominum prædicationem, & nobis infimis hominibus non inhonestum, illius amplitudini maiestatiq; concedere: ago quidem gratias sanctitati tuæ quantas possum maximas, agamq; semper: nec quin eas studeam referre (quantum in me quidem erit situm) vlla me vnquam rei difficultas deterrebit. Sed si illæ minores & leuius fuerint, quam aut merita tua, aut gratissima mea voluntas postulat, quæso obtestorq; ut id non naturæ meæ, sed magnitudini tuæ, & beneficiorum tuorum attribuat. Cætera quæ Paulus mecum tuæ sanctitatis verbis egit, accurateq; collocutus est: etsi ea quoq; ab eodem fonte benignitatis profecta sunt, iniiciunt tamen mihi grauem curam respondendi, ne aut vendere operam meam iis, quibus debita iamdudum atq; obligata est: aut occultam aliquam in me ambitionem dissimulare velle videar. Sed opinor agam quod ingenuo & libero animo maximè dignum est, sicque sine omni furo purè respondebo. Ego pater sancte nullum grauius incommodum sentire possum, quam ex his locis auelli, in quibus sum & sanctissimo voto & perpetuo firmoq; animi iudicio non locatus solum, verum etiā affixus. Sed tamen ubi res & tempora postulabunt, gerenturq; ea & administrabuntur, quæ ad cōmunem Christiani nominis concordia cōsensionemq; spectantia, magis ex bonitate & prudentia sanctitatis tuæ, quam ex conditione temporum possunt expectari: non deero officio, nec dignitati meæ nullamq; operam, nullum diligentia, obseruantia & pietatis studium, neq; à Christiana Repub. neq; à sanctitate tua frustra desiderari ex me sinam. Extra hanc occasionem, cui rei possum valdè utilis esse, non video. Sed tamen si quid præterea fuerit ad sanctissima consilia de repub. Christiana pertinens, in quo mea opera & præsentia sanctitati tuæ necessaria esse videatur (quæ quomodo esse possit suspicari equidem non possum, totumq; grauisimo iudicio tuo permitto) sed si quid fuerit, ita ipsa de me merita est, ut & ad vocantem accedere, & imperanti parere prompto animo sim paratus. Confido enim eam pro sua æquitate & sapientia, sine magna, & maximè necessaria causa, me ex his locis non euocaturam. Vnum illud semper excipio mihi, & referuo, ut nullam in partem commutato meæ for-

tunæ statu, eis confectis rebus quæ mihi mandata fuerint, reditus mihi liber ad ecclesiam meam, exoptataque studia, & ad eam animi tranquillitatem pateat, quam ego omnibus opibus atque honoribus longissimè antepono. His de rebus ipsis, scripsi ad amplissimum virum Gasparem Contarenum Cardinali qui sanctitati tuæ omnem animi mei sensum copiosius exponet. Valeat, agatque omnia feliciter sanctitas tua: quam omnipotens Deus sua semper cura custodiaque tueatur. III. Id. Martij, M.D.XXXVI. Carpentoracti.

IV.

IACOB. SADOLET. EPISC. CARPENT.

Alexand. Farnesio S. R. E. Cardin. S. P. D.

QUo tempore primùm de tuo honore amplissimaque dignitate nuntius ex vrbe ad nos huc pervenit, etsi statim cogitans existimare cœpi, te, quanquam ætate adhuc esses adolescens, indolentamen virtutis, & commendatione ingenij dignum habitum esse, cui tantus honos inre committeretur: tamen quominus festinarem dare ad te literas, tuæque & præsentis, & speratae amplitudini gratulari, illa res effecit: quod neque naturæ meæ, nec instituti vnquam fuit, ita accurrere ad laudem & ad gratulationem, ut fortunam magis, quam iudicium secutus viderer. Itaque etsi te probè noueram, quo ex genere ortus, & in qua familia educatus esses, splendoremque & nobilitatem maiorum tuorum, in tuis iam nunc moribus & in tua indole ac natura lucere intelligebam: tum autem sæpe videram quo studio, quantaque cura ac diligentia optimus & maximus nunc Pontifex, tunc etiam & semper hoc principatu dignissimus, erga omnes suos optimis & studijs & moribus imbuendos uti solitus esset: ut te illius sanguine creatum, præceptisque eruditum, in eum virum quem speraremus, evasurum possemus iam confidere: tamen ne sic quidem properandum mihi duxi: sed expectare volui, quoad certius aliquid de te ipso ad nos perferretur. Postquam verò plurimorum literis ac nuntijs, unaque & constanti voce omnium, de tuo ingenio, tuaque modestia, deque optimis & liberalissimis moribus illaque imprimis admirabili comitate verè nobilitatis sociâ, qua tu probos & doctos præcipuè complecteris, fama ingens increbuit: egoque Auenione tuas quasdam legi literas diligenter scriptas, quibus cura & sollicitudo animi tui indicabatur: ut in ecclesia, quæ ad Deum, & ad cultum religionis pertinent, ritè atque integrè administrarentur omnia, quam ego virtutem omnium maximam esse iudico: tunc demum existimaui maturum esse scribere aliquid ad te, & tibi de tuis amplissimis ornamentis gratulari:

latitum iam non ad incertam amplius spem, sed ad firmam & fundatam de te opinionem, mea & lætitia & gratulatio dirigetur. Gratulor igitur tibi, & ex animo gratulor: quod tum honore isto quo es affectus, tum etiam spe quam de te eximiam summæ virtutis præbes, magnū in te præsidium simul & ornamentum, cum ætas nostra habitura esse videatur, tum Christiana vniuersa Respublica. Non enim tibi à tantis imitijs, talibusque protecto, exiguum quicquam aut mediocre spectandum est: neque opes atque imperia eò pertinent, vt augustis finibus vel actionum vel temporum, magnorum virorum animus includatur. Sed tibi de te ipso sic meditandum iam & constituendum est, vt ita te instituas atque appares, quò tua præstans virtus ac nobilitas, & publicè omnibus, & priuatim possit esse emolumento. Hæc enim vera dignitas est, veraque amplitudo, sic se exhibere cæteris, ingenij; & autoritatis opes ita expositas omnium temporibus habere, vt ad alios tuorum laborum fructus, ad te ipsum lætitia animi voluptasque perueniat. Quam rectè agendæ vitæ rationem qui secuti non sunt, ij non tam honore ipso, quàm vanis insignibus honoris habiti sunt ornati: sæpeque eos exitus habent, quos graue mihi est commemorare: tibi autem videre & intelligere in promptu est. Nihil enim stabile est in fortuna, neque perpetuum, quod prudentiæ, & æquitatis, imprimisque humanitatis & modestiæ quasi vinculis quibusdam constrictum non sit: & cui præpotens Deus fautor non accedat. Quo ab vno omnium bonorum & copia, & perpetuitas nobis est petenda. Atque hæc scire agere, atque suscipere, videreque quibus consilij quàm optimè & quàm rectissimè vita dirigatur, non minimum quidem ab ætate atque à natura, sed plurimum ex literis philosophiaque acquiritur. Est enim ea sola ars rectè viuendi. Quæ è fontibus viujs, non ex riujs haurienda est, non ad instituendum duntaxat animum, sed ad ornandam quoque orationem adhibenda. Sed quid ago? aut quomodo à suscepto gratulandi officio, ad quandam præcipiendi rationem delabi me sum passus? qua tu non indiges. Aut si ea tibi quoquo modo opportuna est, habes domesticum exemplum præstantissimæ virtutis, vnde formare te, & fingere ad omnem excellentiam queas. Tuus enim Maximus est Pontifex, tuus iste honos, & domus tuæ gloria: ex qua qui virtute & sapientia primarius semper fuit, idem impræsentia orbis terrarum est princeps. Sed ignosces ætati meæ, ei que amoris quo in te mirifico sum incensus. Is enim me non sine vlla sollicitudine esse sinis: nec de virtute tua quidem dubitantem, sed incredibilem de te hominū expectationem pertimescentem. Fecitque vt te admonerem, cum tu in hoc veluti theatrum publicæ de te lætitiæ & celebritatis ingressus sis, tantis diuinis muneribus ornatus, quanta vir optari

optari debere videantur. Et cum tibi natura excellens ingenium, fortuna insignem potentiam, maiorum virtus summam nobilitatem, domestica institutio morem honestum, consuetudinem splendidam, rudimenta artium ingenuarum perliberalia tribuerit: ut intuerere & cogitares, quid expectari putes a te, quid tu reddere maioribus tuis, quid omnium spei de te præstare debeas. In quo tamen confido, Dei primum immortalis ope & beneficio, tua deinde virtute cum annis una adolescente, eis te instruentibus literis quarum tu optima & præclarissima studia tibi delegisti, cunctorum te opinioni & votis planè satisfacturum. Quod ut ita eueniat, tibi que iste honos sempiternæ & laudi & felicitati sit, Deum eundem supplex omnibus precibus rogo atque oro. Vale. VI. Calend. Decemb. M.D.XXXVI. Carpentoracti.

V.

ALEX. FARNESIVS CARDINALIS IACOBO Sadoleto Episc. Carpent. S.P.D.

CUM de summis ac præclaris nostræ ætatis ingeniis sermo apud nos sæpius haberetur: audieram, Sadolete, ita virtutem laudari atque extolli tuam, ut te iam inde à pueritia mea, incredibili quodam modo diligerem. Postea verò quàm beneficio Pontificis sanctissimi atque optimi, sacerdotium mihi Auenionense est datum, eam intellexi amoris in te mei accessionem esse factam, quam & ætas iam adultior mea, & vicinitas sacerdotiorum nobis attulisset. Cum enim ad propinquas ac propè coniunctas administrationes electi essemus, videbam (id quod maximè utrique nostrum conueniebat) fore, ut amicitia quoque & amore singulari coniungeremur. Itaque dum in hac cogitatione versarer, atque instituissem scribere iam ad te, ecce mihi afferuntur à Paulo Sadoleto iuvene tui simillimo meique amantissimo literæ tuæ, prudentiæ, charitatis, humanitatisque plenissimæ. Hic me, quòd idem facere meditantem antevertisses, officioque vicisses, pudor quidam suffudit. Sed tamen literis tuis lectis, adeò grauitate ipsa, coniuncta cū summa facultate dicendi, sum delectatus, & illis optimis monitionibus tuis, ut cum vitæ cursum, quem tenendum mihi antea statueram, addito tuo hortatu, multo sim alacrius persecuturus: ac summum Pontificem, quemadmodum tu amicissimè & prudentissimè mones, semper mihi ad imitandum propositum habiturus. Quod quidem consequi ut commodius possim, gratissimum mihi feceris, si sæpe me ad eorum præceptorum memoriam reuocabis. Excusationem tuam, quòd gratulatio dignitatis meæ non tam sit

sic à te properata, quàm re probata, facile accipio: vel quia sic debeo tibi magis, vel quia literæ tuæ nunquam mihi non iucundissimæ esse possunt. Itaque de eo te amo plurimum, quod fecisti: non accuso, quod reliquisti. Honoris autem nostri, sic videbor fructum esse amplissimum atque optatissimum consecutus, si multis prodero, si sapè, si maximè: & si officii mei munerata partesq; tuebor. Qua quidem in re cùm omnibus in locis, tum verò istic, quòd ab ecclesia mea Auenionensi non longè abes, magno mihi adiumento esse potes. Nam & multa agi illic me absente, quæ necesse non esset, & multa omitti necessaria cùm putem: vnum te esse video, qui partim monendis ~~consultatoribus~~ meis, partim (quod commodo tuo fiat) scribendo ad me, valde ipsis rebus mederi queas. Quod vt facias, pro tua humanitate, & pro mea in te beneuolentia, etiam atq; etiam rogo. De me verò illud tibi persuadeas velim, nemini me vnquam esse, neq; studio in reb. tuis, neq; sanctitate amicitia concessurum. Vale. XV. Cal. Februarii, M.D.XXXVI. Roma.

VI.

IOAN. PETRVS CRASSVS EPISC. Viterbii Iac. Sadoletto Episc. Carpent. S.P.D.

VT primum literas tuas ad Farnesium nostrum scriptas legi, tali me ipsum beneficio tuo affectum putavi, vt gratias tibi omnino agendas duxerim. In hac enim prouincia, quæ Pontificis voluntate humeris meis imposita, meas vires longè exuperat, res adhuc nulla plus adiumenti conatibus meis attulit. Gratulationem enim quam institueras, ea prudentia temperasti, vt gratulationi immixta exhortatio, sapientissimis consiliis & nitidissimo ac dulcissimo genere orationis, quemuis alienissimum rapere atque inflammare ad summum virtutis amorem potuerit. Itaque nihil habui prius, quàm vt eas literas mecum assidue haberem, & ad omnem loci & temporis opportunitatem, auribus oculisque adolescentis offerrem. Quid enim regendæ custodiendæque adolescentiæ magis necessarium, quàm assidua virtutis commendatio: qua & illa boni honestique incognita oculis pulchritudo, menti atque animo proponatur: & extrema virtutum præmia, ingentia vitiorum damna, dedecora, exitia demonstrantur: præcipuè verò pietas ac religio sic altè inferatur, vt diuinum numen dictis, factis, cogitatis omnibus semper præsens esse intelligatur. Quid igitur talibus literis tuis opportunius? Ego quidem non magis tibi ob illas iam scriptas arbitror agendas esse à me gratias, quam te iam etiam enixè rogandum, vt si tali es, quali ostendisti, erga maxime spei &

adolefcentem, erga Pontificem ipsum animo: si CHRISTI ecclesi-
am, cuius vel præcipuo in præsidij loco hic adolefcentis positus est,
ita diligis, ut tua spectata virtus omnibus persuadet: ut subinde al-
iquid eiusmodi vel breuiter scriptum mittere perseueres. Et si e-
nim elegantissimo superioribus annis opusculo edito mirificè
studiorum & vitæ rationem formasti, multaque ac præclara in
eo non modò ad docendos, verùm etiam ad impellendos animos
posuisti: magis tamen apud vnumquemque valent, quæ priua-
tim ipsi, quam quæ publicè omnibus traduntur. Optima qui-
dem adolefcentis natura, & diligens adhuc educatio, & iam de-
gustata ~~libertas~~ præcipuè verò Pontificis voluntas & cura spem
nobis vel optimam asserunt. Sed item magno ut in metu simus,
lubrica ætas, corrupti publicè mores, & magna hæc ipsa fortuna
facit: quæ præter cætera hoc quoque habet incommodi, quòd ad
optimam fortunam pessimus quisque auidissimè conuolat. Has
nos quidem infastas aues, vndique quanta possumus vigilantia
excludimus. Sed ne frustra id à nobis & parum diu fiat, multò
magis animi ipsius, quam ædium aditus obseruandi sunt. Nec e-
nim aut diu arceri, nisi displiceant: aut displicere vitiosi possunt,
si vitia placeant. In hanc curæ ac sollicitudinis partem bonos o-
mnes libentissimè aduocarim. Quoniam verò huc te potissimū
vel amor tuus, vel publicæ causa utilitatis adduxit: patere obse-
cro te precibus meis eodem nec frustra reuocari, quo tu ipse primū
vltro venisti. Nemo vel ob doctrinam vel ob innocentiam, vel ob
nominis famam, plus hac in re autoritatis te vno habere potest.
Nec tu quicquam vel publicè utilius, vel Pontifici gratius potes
efficere. Ego certè quantuluscunque sum, quot similis argumen-
ti literas tuas videro, totidem me beneficiis maximis tibi deuin-
ctum putabo. Vale. Romæ, Pridie Idus Decembris, M.D.XXXV.

VII.

I A C. S A D O L E T V S E P I S C. C A R P E N T.

Ioan. Petro Crasso Episc. Viterbii S. P. D.

CVm ad Alexandrum Farnesium tuum dedi eas literas, qua-
rum tu in tuis mentionem facis, & ex quibus sumptam tibi
occasionem scribendi ad me præ te fers: equidem eo volui fungi
officio, quod non tam prudentia mihi, quam meus perpetuus in
illam familiam amor, & quædam mihi ingenerata voluntas c-
omnia honesta & recta cupiendi, præscribebat. Sed verè dicam,
subuereri mihi interdum veniebat in mentem, ne parum sap-
ienter id negotij attigissem, quod minimè omnium mihi videret-
ur conuenire. Quis enim ego sum, qui has mihi partes assumam
docendi, & commonefaciendi florentissimi adolefcentis, qui in
præter-

praesertim & domestica exempla, & optimi domi doctores ad omne studium virtutis quotidie erudiant? Ego autem & longe absim, & nulla insigni facultate ad id agendum sim praeditus? Sed (ut dixi) dedi illud magis ei benevolentia, quae mihi erga illum iam inde à maioribus ipsius suscepta est: quam aut euigilato consilio, aut ulli prudentia: satisque me honestè discessurum putavi, si in perfuntione amoris, temeritas tantum mea non reprehenderetur. Tu & comprobas factum, & saepius idem ut efficiam rogas. Fateor tuam apud me auctoritatem esse plurimi, ac iure id quidem. Etsi enim nulla familiari notitia coniuncti inter nos sumus: tuum tamen ingenium, ac excellens virtus, cum multorum saepe testimonio ad me perlata est, tum in hac recente epistola, quam ad me misisti, totam se mihi penitus patefecit. Non enim video quid potuerit scribi vel elegantius, vel grauius. Mouet igitur multum auctoritas mea: sed hactenus mouet, ut quod adhuc à me factum est, id (quando tu ita sentis, teque & auctore vtor, & approbatore) iam non imprudenter, neque temere videatur factum: simque animo a quo ea de te, de qua antea ne mihi dubitabam. Quod verò decere me arbitrer saepius ad idem reuerti, ne cadere quidem in cogitationem meam potest. Siue enim me vnum maxime statuo idoneum cui obtemperetur, fidesque habeatur: quid me arrogantius? Siue curationi vestrae ingero me, atque intrudo, qui iure optimo delecti ad id muneris esis: quid imprudentius dici, aut cogitari potest? Ex quo mihi in mentem venit, mirari vim & grauitatem literarum tuarum, quae me id videatur prudentissimè rogare, quod ego praestare salua prudentia non possum. Sed tamen mi optime Crasse, quando res magna agitur publica, ut tu disertissimè scribis, cuius partes vel praecipue commissae huic adolescenti sunt: demus operam omnes, quoad possumus, ut bonum illius ingenium, optimaque ad virtutem indoles, in regionibus officij contineantur. Quod summus Pontifex auctoritate atque exemplo, tu opera, consilio, assiduitate, egregie praeter ceteros efficere potes. Nulla pars est earum, quas in eo inchoatas, & tanquam pubescentes perfici optamus, quae non in te praecclare appareat, absolutaque sit: siue metam grauitatem quaesimus, siue optimarum artium scientiam. Enitere ergo, & elabora, ut in vno homine ornando, atque expoliendo, maximum a te beneficium habeat cuncta Respub. Nos quod in nobis est, studium tuum ac laborem, precibus votisque ad Deum subsequemur. Nec, si occasio fuerit, in eo quoque deermus, in quo tu operam nostram tibi aduocasti. Sed omnis spes in te est: quem ego cum antea diligebam, opinione virtutis, & multorum testimonio doctorum, proborumque: nunc meo certo

exploratoque iudicio ita diligo vehementer, magnique facio, nihil ut mihi neque tuis literis gratius, neque instituta benivolentia optatius accidere potuisse videatur. Quam ut tuare & conferres, abs te ita peto, si tu me mutuum facturum esse existimas. Vale.

VIII.

IAC. SADOLEPIVS EPISC. CARPENT.

Gasp. Contareno S. R. E. Card. S. P. D.

Si verbis multis, & illustribus tibi de recenti honore gratulari vellem: verendum mihi arbitrarer, ne in ea oratione nimium insisterem, & fortunæ munera aliquanto plus extollerem, quam fortassis æquum sit: & præstigiæ tuæ amplissimæ dignitatis, quæ ex virtute maximè pendenda est, viderer esse oblitus: dum gratulationem meam ad fortunam potius, quàm ad eam ipsam virtutem adiungerem. Cum verò tu is vir sis, ea virtute, ea doctrina, prudentia, integritateque præditus, ut omni honore longè iudicare superior: gratulor eadem tibi, quòd habiturus sis locum tui & ingenii & animi in Christianæ Reipub. utilitate & commodis vberius explicandi. Et eo magis gratulor, quod raro adhuc exemplo ad obeundum summum & gerendum honorem, nihil huiusmodi cogitans, alieno tantummodo iudicio fueris vocatus. In quo sanè testimonium amplum est tuis præstantissimis virtutibus redditum. De ipso autem honore si gratulandum sit, honori mediusfidius magis gratulabor, quàm tibi: qui quamvis splendeat, illustrisque admodum sit, tua tamen dignitate ipse effectus est ornatior. Sed ut quod sentio planè exponam, ego omni tua amplitudine & dignitate, Contarene optime, ita gaudeo & triumpho, ut nihil mihi sit optatius, quàm te videre autoritate & gratia prorsus florentissimum. Qui enim possum non incredibiliter lætari honore eius, quem ex ipsius scriptis doctissimum, prudentissimum: ex eis officiis, quæ in me ipsum ab illo collata sunt, quotidieque conferuntur, humanissimum, liberalissimum, meique imprimis amantissimum esse cognosco. Non essem dignus eis literis in quibus versor, non hac vita, non hoc spiritu, denique homo non essem, si aut præclarissimas tuas virtutes non agnoscerem, aut quenquam omnium pluri facerem quam te: & nisi te omni amore, studio, obsequioque complecterer. Ego cum tuam Rempub. a Superantio accepi, cognovimus primum quanti tu me faceres. Quare ex eo tempore mea benivolentia, quæ propter tuas eximias virtutes suscepta mihi in te erat, fieri coepit ardentior. Nam verò cum ex Pauli mei literis intelligam, quanta tu illum humanitate cari-

pias, quàm beneuolè tractes, quàm multa signa des summi tui cuiusdam erga nos amoris, quem in suscipienda rerum & negotiorum meorum cura magis etiam declaras: quas me tibi agere gratias, aut quibus uti verbis in meo tibi animo penitus patefaciendū oporteat, ego planè ignoro. Tu subueni, quaeso, huic hæsitationi meae, & ea verba, quæ apta sunt ad gratiam meritam commemorandam, vicem meam excogita: quando egi tanti officii onere oppressus, minus illa despicere, & inuestigare possum. Quæ cum tu pro tuo summo ingenio facilè & prudenter inueneris, omnibus me illis esse vsum putato. Certè nihil tam ample, nec tam copiosè explicare poteris, quod gratam animi mei voluntatem superet. De tua Republ. quid sentiam, scripseram iam ad Paulum, ex quo iudiciū meum potes cognouisse. Neque id tamen faciendum tam breuiter puto. Erit mihi locus ad hanc rem paratus, ut non solum tu, sed cæteri etiam intelligant, quantum tibi à me in omni genere virtutis sapientiæque tribuatur: ad quod tempus me referuo. Interea hoc affirmo, nihil me videre, quod in ea vera prudentiæ laude, quæ cum studiis doctrinæ coniuncta sit: inque eis actionibus, quæ sunt ab integro animo liberalique profectæ, quid vel ingenio tuo, vel in virtute, in institutis vitæ rectius aut splendidius requiri ac desiderari possit. Sed hæc hætenus. Ego & gratulor tibi, quemadmodum antè dixi: & maximas gratias ago: teque oro, ut tuum istum susceptum erga me amorem perpetuum mihi conserues: quo nil mihi charius neque iucundius accidere omnino potest. Vale, Carp. VII. Idus Nouemb. 1535.

IX.

IACOB. SADOLET. EPISC. CARPENT.

Gasp. Contareno S. R. E. Card. S. P. D.

TVa in literis causarum commemoratio, quibus tu iam pridem adductus ad me diligendum es, tantam mihi præ se ferre visa est & humanitatem simul, & erga me beneuolentiam, ut nil sit quod audeam optare prolixius. Quod eo magis gratum & optatum mihi accidit, quod tua ista eximia erga me voluntas, non amoris solum habet fructum, qui est in omni vita vnus suauissimus: sed iudicii quandam etiam dignitatem. Amari enim à tanto viro idem esse videtur prorsus, ac probari. Quanquam id tu quidem separatim etiam facis, ut de me commodè existimare te scribas. Sed ego id ita interpretor, ut in beneuolentiæ prorsus parte ponendum esse videatur. Mihi verò, qui te iam diu non diligo solum, (nam id quidem etiam mediocribus hominibus præstamus) sed propter excellentem tuam in omni genere

virtutis ac literarum laudem & scientiam mirabiliter colo, ut
 que adeo veneror: quantopere esset elaborandum, si id agere
 nunc vellem, ut meus animus erga te cuiusmodi ille est, pateret
 penitus, manifestusque fieret? Quod quoniam & longioris tem-
 poris negotium esset, & grauioris cura, supersedebō quidem hoc
 scribendi onere, meque ad commodius aliquod tempus referua-
 bo. A te verò impræsentia petam, teque plurimum precabor, id
 quod & ago maximè, & maximè impetrare a te cupio, vt tu me
 eo incensum erga te amoris studio esse existimes, quod ego nec
 literis satis persequi, nec verbis commodè queam exponere. Atq;
 hæc sensus quod ad amorem attinet. Quod verò tuam ad huma-
 nitatem, quæ illi potest quæso oratio par inueniri: cum præsti-
 tum tu ea me omnibus partibus epistolæ tuæ ita alliges, vndique
 atque constringas, vt respirandi locus non sit. Qui te primum in
 nostrum ordinem adscitum esse dicis, eamque rem auxisse bene-
 uolentiam in me tuam asseueras. Quasi verò idem sit eiusdem or-
 dinis esse, & multo superiore in loco atque honore esse positum:
 nisi tu cum omni mihi dignitate plurimum antecellas, humani-
 tate parem te efficere vis. Immo ego istud gratulor & triumpho,
 quod tibi tuisque clarissimis virtutibus meritis honor datus est.
 At quæ ille ita datus, vt plus tamē in te omnibus dignitatis, quam
 in honore ipso situm esse videatur. At ego si mediocre hunc cū
 tuo si conferatur honorem (qui tamen mihi nimium magnus est)
 non indignissimè gesserō, præclare mihi a Deo factum arbitra-
 bor. Nam quod fungar, eo vt oportet conueniensque est, ne ido-
 neus quidem ad cogitandum sum. Sed & hoc, & omnia ad Deum
 à nobis referenda sunt. Paulum meum quod amas & complecte-
 ris, mirabiliter gaudeo. Spero enim eum, quem optavi semper &
 optimum & rectissimis moribus ornatum esse, tua imprimis con-
 suetudine, summaque tuæ prudentiæ & grauitatis exemplo, fu-
 turum etiam meliorem. Quod labores non paruos mea causa
 susceperis, ago equidem tibi gratias. Sed (vt dixi) non magno-
 pere audeo aggredi, quod me perficere posse diffido. In his enim
 omnibus tua illa apparet extatque humanitas: quæ me ita con-
 cludit, vt neque vnde incipiam, neque vbi desinam, statuere satis
 possim. Quæ quidem in eo maximè clarissimeque se ostendit, te-
 que mihi præbet noscendum penitus & conspiciendum: quod tu
 tam ingenuè, tam apertè, tam familiariter quæ in meis scriptis
 desiderares exposuisti. Ex quo quidem ego vel maximum tuæ
 amoris erga me argumentum capio. Facie autem tua præstans do-
 ctina atque auctoritas, vt maximam mihi curam suscipiendam
 putem, quod tibi animi mei sensum penitus aperiam. Ego enim
 cum Epistolam illam Pauli mihi exponendam sumpsissem, ac in
 commentariis multorum interpretum diu essem volutatus: non
 mihi

mihi videbar assequi id quod cupiebam, ut in Apostoli sensum penitus introirem. Sed cum ingenium, & doctrinam, & pietatem illorum magnopere approbarem: erat tamen nescio quid in Paulo occultius atque abstrusius, quod illi vix dum mihi penetrasse videbantur. Itaque alium studendi & inuestigandi modum secutus, in Paulo ipso legendo, atque omnibus modis pensitando atque explorando, quam maxime me, & quam diutissime exercui: laboreque tamdiu & diligentia contendi, quoad ad eius intimum sensum peruenire mihi visum fuit. Verè, an falsò, nihil nunc ad rem: non enim aliud, quam quod visum est, loquor. Sed cum arcanas quasdam illius sententias, plurimum ad pietatem & cognitionem Christiani mysterij facientes, adeptum esse me arbitrarer: non putavi charitatis Christianæ esse, qualecunque id lumen esset, diutius illud inclusum continere. Itaque commentarios illos scribere sum aggressus: in quibus quod maxime obscurum mihi, & antea fide quidem acceptum & creditum, ratione autem ignoratum esse videbatur, mortis & crucis CHRISTI mysterium eorum aperire atque illustrare sum conatus: causasque & rationes exponere, quamobrem salus nostra necessariò requisivisset in mundum venire CHRISTVM: atque vti mortuus est, ita eum mori: quoque modo non exemplum solum in eo sic à nobis agenda vitæ, sed etiam mysterium nostræ vitæ & salutis existeret. Atque hoc feci Pauli sententias constantes sibi semper in hoc argumento (ut mihi quidem videtur) & verba ipsa persecutus. Quod autem parcior fui in præueniente Dei gratia explicanda, quam par esset: agnosco eum errorem, cum tibi ita videatur. Sed tamen & Græcorum. & Latinorum veterum exponendi morem secutus, à proposito Pauli argumento non discessi. Scis enim ipse, quam rara de hac re mentio ac distinctio à Chrysostomo in hac Epistola quidem habeatur: quam non multa à Theophylacto, & ab Euthymio, cui ego sententias Basilij, Chrysostomi que referenti, in Epistolis Pauli enodandis tribuo permulsum. Ambrosius quoque non admodum sæpè ad illam diuerit. Credo, quod satis illis videbatur, ad Dei gratiam omnia universè referre, quod in eorum scriptis creberrimè inuenitur: præsertim cum certamen nullum propositum haberent, quod eos rogeret rem tam tenuiter distinguere: quod fuit Augustino necesse bellum sanctum & salutare aduersus Pelagium gerenti. Veruntamen ego, quibus in locis Paulus ansam mihi dedit, ita sum de Spiritu sancto locutus, ut & principia & fines Christianorum virtutum illi omnium attribuerim. Sicut in illis verbis facio, quæ Paulus dixit, quod charitas Dei diffusa est in cordibus nostris per spiritum sanctum, qui datus est nobis. Quo in loco (quem te relegere & ponderare vehementer cupio) non solum à Spiritu san-

Et hæc omnia in nobis fieri: sed quemadmodum etiam hæc, atque ut Spiritum illum verè sanctum in nobis habeamus, ponere ante oculos omnibus conatus sum. Quam quidem evidenter, finis rationibus (ut puto) penè demonstrationem factam pictique interpretum cum ad eum locum venirent, collaudantes tantummodo (idq; iure & meritò) benignitatem summæ Dei, veluti scopulum quemdam refugiebant. Habes Chrysostomum, Theophylactum, Ambrosium, quos legere potes. Sed & illo in loco, quod Spiritum adoptionis habemus, in quo clamamus Abba pater: de hac Spiritus sancti item & vi in nobis, & gratia, loqui non prætermisi. Non sum equidem iisdem verbis usus, ut præuenientem subsequenterq; gratiam appellarem. Sed sensus tamen (ut opinor) idem est. De natura autem nostræ imbecillitate, quæ in peccatum & mortem ab Adam inducta est, plura in eo loco verba facio, quæ Paulus eandem rem de Adam & de peccati ab eo in omne humanum genus translatione loquitur. Et tamen illud tibi assentior, potuisse me opportunè aliquibus in locis de hoc ipso morbo naturæ nostræ, & de reparatione nostri arbitrij a Spiritu sancto facta disputare. Sed si id prætermisum est, alio loco Deo iuvante (ut tu prudētissimè consulis) reponetur: vel potius iam ut reponam, cogito. Scripsit enim ad me Lugduno Gryphius, se librum meum iterum impressurum esse. Faciam igitur interpositionem aliquam, per quam hæc res tota breuiter illa quidem, sed tamen apertè, & quod satis sit, declaretur. Quod si forte liber Venetiis esset imprimendus, de quo scripsit ad me Paulus nescio quid, cuperem magnoperè: idq; te etiam atque etiam rogatū vellem, dares omnem operam, ut ne ante hanc secundam Lugdunensem impressionem id fieret: quò exiret in manus hominum liber correctior & purior. Hanc rem tibi ita commendo, ut veriore animi studio commendare eam non possim. Nam & hoc plus erit in Lugdunensi libro, & nonnulla quoque alia, quæ (ut sit) à me vel mutata vel interposita sunt. De initiis bonarum voluntatum, & de eiusmodi genere toto, secutus equidem sum Græcos auctores libentius. Præsertim cum Augustinus non satis se explicare mihi videatur. Verùm & Latini veteres eadem quam Græci sententiam tenuerunt. Nec putaui hoc fraudi religioni nostræ fore, si aliquid in nostra voluntate nobis reliquerim. Neque item nunc puto, tantis & tam magnis auctoribus munus, dum illud modò ne sentiam, à quo animus abhorret, aliquid nos operibus nostris promereri, quod a diuina gratia profectum non sit. Et hætenus quidem Catholica Ecclesia nobis præferat, quantum ego scire possum, ne meritum ullum ex nobis tanquam ex nobis constituamus. De cætero Pelagianum esse non puto, in iustis aliquid retineamus, quod sit nostrum. Sed tamen quæ

nam in his nō humanam laudem quærimus, sed nostram & aliorum salutem, cedendum semper est maiorum auctoritati: idq; ratum habendum, quod doctissimus vir dixerit, hoc est, Gaspar Contarenus. Nam reliqua quidem obiecta hominis illius, facillimam habent responsionem. Non enim me attingunt: neque ego in meo libro aliud dico, quàm quod ipse disserit esse dicendum. Vnum graue erratum nuper commentarios meos relegens ipse deprehendi, quod nescio quo pacto mihi exciderit: est enim prorsus a mea mente alienum. De quo & Lugdunum statim dedi literas vt corrigeretur. Et ad Paulum scribo, tecum vt communicet, quando tu tanta benignitate, tantoq; studio eam de me curam suscipis, vt si frater tuus essem, maiorem suscipere non posses. Cui tuæ humanissimæ & naturæ & voluntati vtinam al quando referam gratiam: Conabor quidem certè: nec tu me vnquam ingratum aut immemorem iudicabis. Vale amplissime & doctissime Contarene, nosque semper dilige tui obseruantissimos. VI. Calend. Decembris, M. D. XXXV. Carpentora acti.

X.

IAC. SADOLETVS EPISC. CARPENT.

Gaspar. Contareno S. R. E. Cardinali S. P. D.

LONGVM iam interuallum est, ex quo accepi tuas humanissimas literas, quas tu ad quartum Calendas Ianuarij dedisti: quæ mihi in omni genere mirabiliter satisfecerunt. Nulla enim est res in illis prætermissa, quæ vel ad sapientissimum hominem, vel ad amicum officiosissimum, vel ad grauem & sanctum autorem Christianæ pietatis pertineat. Certè nunquam tuæ literæ ad me perueniunt, quin deferant secum effigiem eius viri, quem ego talem esse posse vir vnquam credidi: his præsertim moribus, & his temporibus. Itaque incredibili sum amore incensus, & nouo quodam inflammatus studio, tui colendi, amplectendi, in oculis ferendi. In quo habeo propositum mihi exemplar eius vitæ virtutisque imitanda, qua maximè beata vita contineri mihi videtur. Sed cum tu initio tuarum literarum tantum labores in excusanda tarditate responsionis tuæ, quam ad meas superiores literas distuleras, quæ in re quidem peccati nihil fuit: quid mihi nunc reo veri criminis agendum est? Faciam breue opinor, & ad tuam facilitatem clementiamq; confugiam: teq; orabo & deprecabor, vt mihi lapsio in hunc errorem veniam des. Nec tamen velim existimes me aut negligentia, aut obliuione tui, aut quoddam officij immemor sim factus, duobus iam mensibus rescribere ad te distulisse. Nihil horum est. Sed cum scripisset Paulus ad me, quædam te secum de me locutum, quæ vehementer ad me pertine-

rent, eaquē ipse nonnihil in literis significasset, vberius autem coram se communicaturum diceret: expectare illius aduentum antē volui, quam ad te scribere: ne si nihil ad te rescripsissem de illis rebus, aut tacere ingratē, aut dissimulare callidē viderer. Omnia autem quæ opus essent, scribere planē tunc non possem. Eò factum est, vt ad hunc diem vsque fuerim retardatus. Quæ verum idonea sit excusatio, necne sit, ego ignoro: vera quidem certē abs te accipienda, si tuæ singulari humanitati, eximieque arq̃uitati constare voles. Quod te facturū esse non dubito. Nunc eis partibus Epistolæ tuæ omisiss, quibus tu humanissimē simul & modestissimē meum de te iudiciū imminuis atque eleuas: tuum de me amplificas, atque auges: cū iam decretum & iudicium inter nos sit, quod ego abs te diligar, totum id esse humanitatis tuæ: quod verō ipse te colam atque admirer, tuis præstantissimis virtutibus omne deberi: veniamus ad ea quæ rem ipsam continent. In quibus illud primum de commentariis meis: qui quod missi aliquanto antē Lugdunum erant, quam inter me & hominem illum res conuenisset, ideo non fuerunt correctæ omnia loca, quæ ab eo adducta in controuersiam sunt. Sed quod tū me admonuisti, de eo missa est ad Gryphium additio. Et erant alia nonnulla, quæ ego sponte mutaueram. Neque tamen video in his ipsis quæ notata sunt, quid iure reprehensum esse videatur: cum verborum meorum sensus, id quod patet Latine intelligenti, in plerisque locis fugerit reprehensorem. Quod à me tibi duntaxat vni indicatum volo. Locum illum Esaiæ correxì libello misso ad Gryphium, cum iam liber ad exitum ferme adductus esset: cætera ferē eodem modo se habent. Et quoniam nunc de hoc genere rerum inter nos sermo est: cum scripsissem ad Paulum, me quadam in re leuiter à te dissidere, idque mihi dixerit, cupere te scire, vbi, & qua de re sit dissensio: primum tibi prædico, me in illa de libero arbitrio sententia non omnino assentiri Augustino: qui libertatem nostræ voluntatis perspicue aufert: dumque Dei gloriam maximē complecti vult, videtur mihi illi derogare aliquid potius, quam quod debeat, tribuere. Hæc si essemus vnā, librosque in manibus haberemus, facile me tibi probaturum considerem. Sunt enim in eo ipso, de quo loquimur, doctissimo nimirum sanctissimoque doctore, prorsus manifesta, quæ in illam extremam & remotissimam sententiam se contulit, odio hæreticorum & contentione disputandi (vt ego quidem arbitror) magis, quam considerata, & quieta rationatione adductus. Nec tamen si non consentio cum Augustino, ideo ab Ecclesia Catholica dissensio: quæ tribus tantum Pelagij capitibus improbat, cætera libera ingenij & disputationibus relinquit. De quibus ego meam sententiā in Commentariis protuli, nihil

mihi arrogans : (absit enim hoc à me) sed tantum ingenuè quid sentirent, exponens. Quod verò tu affers, moueri te verbis illis, quæ apud Paulum sunt, quæ ille ait, Deum vt notas faceret diuitias gloriæ suæ in vasa misericordiæ, quæ præparauerat in gloriam, & quæ sequuntur: hæc ego verba quemadmodum interpretor atq; explānem, ne longum sit epistola complecti, ad meam expositionem horum ipsorum verborum in Commentariis meis te reicio. Quæ quod abs te leguntur, gratum mihi est, sed tuis gratissimis studiis atque occupationibus parum arbitror accommodatum: cū præsertim fontes à riuis non mutuuntur: lege-req; te nostra magis mihi honorificum sit, quam tibi vtile. Sed tu vt voles. Ego quidem hoc labore & onere, quod propter tuam admirabilem humanitatem mea causa suscipis, prorsus te libero. Fratrem tuum mortuum, non noueram: sed quia tuus erat frater, cū præclarè de eius virtute ac natura sentio, tum illum nobis ereptum esse dolco, quem ego amo mediussidius etiam vita functum, Deumq; immortalem deprecor, vt illi ipse propitius & liberalis suæ cœlestis gratiæ sit. Tuam quidem animi firmitatem, sapientiam, religionem, & miror, & meritis laudibus in cœlum fero, qui tam mansuetè & patienter decreta Dei accipias. Verūm de his satis: responsum enim ferme est ad omne argumentum tuarum literarum. Nunc veniamus ad ea quæ pertinent ad me: pluribus mihi verbis exposita à Paulo, accurateque narrata. In quibus illud non nouum, quod tua insignis erga me beneuolentia omnibus locis se ostendit: cui aliquando vtinam referam meritam gratiam: Hoc nouum, quod tu de honore meo atq; ornamentis cogitans, id agis ac moliris, quo nil meis rationibus inueniri potest inimicitius. Ego enim vitam beatam in libertate animi, & in tranquillitate, eisq; agendis & suscipiendis rebus, quæ è libera nostra voluntate dependeant, positam esse duco. Cuius etiam generis facultatem quandam nactus, exerceo me in illa; quoad quidem possum quantulumq; mihi tenuitas mea, Dei adiuta ope, suppeditat & elargitur. Quæ ab hoc genere vitæ dissident alienaque sunt, tanquam aduersaria mihi & molesta multum abiicio atque repudio: neque vllum eorum appetitum atq; sensum ad animum meū introire sino. Quod ac fore etiam iudicio facere mihi videor, quod vtriusq; vitæ vim conditionemq; experietur, statuere facile possum, quantū hæc illi in omni ratione beatitudinis antecellat. At interest Reipub: (cognoui enim ex eodem Paulo rationes omnes & disputationes tuas, plenissimas nempe & pietatis & doctrinæ) O doctissime, & optime Contrarius: vtinam te ista spes nunquā deceptura sit. Tu enim ad huc quædam bonitate veraq; prudentia & integritate ad hoc sperandum adducis: cū quod optimum factum esse intelligis, &

illis ipsis salutare, quorum causa es sollicitus, id iam factum ita confidis, & existimas. Quod secus longè est, atque vrinam ne esset. An tu arbitrare, si esset spes aliquid praelare salutariterque agendi, quin ego memetipsum essem expositurus atq; oblaturus, non dico ad honores, (improbi enim illud hominis est & non Deo, sed sibi fauentis & inservientis) sed in mortem atque crucem, ut caput Apostolorum dixit: cum quicquid meo incommodo & damno Reipubl. paretur, ego maximum meum lucrum existimaturus essem? Sed (crede mihi) temporum horum vitia, & corrupta studia, istam probitatem sapientiamque non recipiunt. Caput (ut spero) egregiè probum habemus: hoc est Pontificem ipsum, cogitantem & cupientem ea quæ se digna sunt. Sed non plus ille potest, quam temporum peruersitas. Agrotat enim corpus Reipub. & eo morbi genere agrotat, quod præsentem medicinam respicit: magisq; esset longo circuitu ad partem aliquam sanitatis reuocandum: licet ipsum paulatim curriculo temporum in hanc tabem delapsus est. Multis (inquam) vigiliis, plurimis remediis, dissimulatisq; saepenumero cõsiliis, salus esset & dignitas Christianæ Reipub. restituenda. Ac quoquo modo res quidem successura sit, si conuentus is ageretur, de quo expectatio est: adero vnà vobiscum, nec deserā partes meas, quantula illæ cunq; sunt, meumq; officium pium & debitum, tum Deo atq; Reipub. tum isti Sanctæ sedi Apostolicæ præstabo: teque & videbo, & complectar ita libenter, ut nullam maiore lætitiā animo meo sum percepturus. Interea onus hoc feram, quod ab Deo mihi iniunctum atq; impositum est, si non aptè, & robustè, ut integrum & fortem decet, at certè non contumaciter. In quo pro mea parte sanè inserviam Reipub. cū meum pensum curabo. Aliquantumq; hīc tamen proficiam; qui si istic essem, nec proficere quicquam possem, & proprium meum munus curationemque relinquerem. Quamobrem si me amabis (quod profecto facies) consules huic otio & tranquillitati meæ. Quæ si mihi salua permanebit, vberius erga te potero esse gratus, quàm si in illos fluctus, & turbidas rerum agitationes me conicerem. Itaque rogo te atque obsecro, per fidem amicitiae nostræ, quam sanctè inter nos constitutam, ad extremum diem vsque inuiolatam perducaturus sumus, ut suscipias otij & libertatis meæ patrocinium: atque ab ea mente, de me quam suscepisti, desistas: incunisque hunc statum, qui mihi maximè cordi est, & quo vitam ipsam non habeo chariorem, saluum mihi præstes, atque incolumem: de quo plurimum spei in tua autoritate, & prudentia, & amore aduersum me, repositurum habeo. Ego de hac re ad summum Pontificem scribens, ingenuè illi quidem animum meum expono. Sed ut mi subsequare literarum mearum sententiam tuis amantissimis

verba

verbis atque consiliis (sic enim te facturum Pontifici pollicitus sum) peto à te magnoperè etiam atque etiam. Paulus tuus iam magis quam meus, nonnulla ad te meis verbis perscribit, ad rationes horum temporum spectantia: quorum vel supprimendorum, vel proferendorum tua erit potestas. Vale. III. Idus Martij, M. D. XXXVI. Carpentoracti.

XI.

IAC. SADOLETVS EPISC. CARP.

Nic. Archiepsc. Capua S. R. E. Card. S. P. D.

LITERAE tuæ perbreues, sed amoris humanitatisque plenissimæ, hoc mihi etiam fuerunt iucundiores, quòd manu tua scriptæ, illud ipsum testimonium de quo scribis nostræ perpetuæ & constantis amicitia, grauius multò faciebant. Et si illud in eis nimis liberaliter: quòd mihi ea honorum cognomina attribuis, quæ ego vobis summatis libenter facileque concedo. Nam mihi sanè paruitas mea est voluptati, quæ in tranquillitate animi, otioque literario posita lætatur. Florere autem amplis titulis, & honorum ea insignia obtinere, quæ cum magnis curis & negotiis coniuncta sint, magis in te, ceterisque amicis meis, quam in memetipso gratum mihi est. Vestro enim patrocinio, vestro labore & opera, nos viuimus pacatiore. Quamquam nullus quidem mihi amicus est te antiquior, ac ne beneuolentior quidem. Ita enim & ad me scripsit, quoad in vrbe mansit, Paulus: & reuersus ad nos illud idem vehementius confirmauit, nullum sibi à te studium, nullum indicium amoris, quod quidem optati poruerit aut debuerit, defuisse: cum & in deferenda ope tua, insignem in se beneuolentiam & in communicandis maximis rebus, summam fidem: & in omni sermone vsuque familiari, egratiam tuam comitatem se expertum esse, plurimumque adamasse testificetur: Quæ mihi omnia iucunda auditu, ipsa re pergrata, non quidem præter spem, sed tamen supra spem mihi tributa sunt: ut tantum tibi pro illis gratiæ debeam, quantum nostra amicitia patitur. Ea porro vult, ut animo magis quam verbis gratam memoriam officiorum comprehendamus: quod tibi quidem à me, & amplitudini tuæ nunquam deerit. Tu quando mihi omne tuum studium & auctoritatem & operam amantissimis verbis polliceris atque defers, summo me omnium beneficio afficies, si amorem istum tuum erga me conseruaueris.

Vale. III. Id. Martij, M. D. XXXVI.

Carpentoracti.

IAC.

XII.

IAC. SADOLETVS EPISC. CARPENT.

Mario Massao Volaterrano, Episcopo Ciuallicensi

S. P. D.

PAVLVS ad nos reuersus, tanta se abs te comitate, actam
 laurè & liberaliter acceptum esse narrat: eosque se lepôres
 in te perspexisse ingenij, vrbانيتatis, elegantiae, vt difficillimum
 omnium rerum sibi fuisse affirmer, istinc se auellere, & ad nos
 proficisci, cum in explicabili penè glutino admirabilis cuiusdam
 suauitatis teneretur. Quod ego, Mari, vsu illi venisse non miror:
 est enim hoc propriè tuum, & semper fuit, vt Syrenarum modo,
 non Murianarum illarum, quibus Sauoia noster illudebat (re-
 cordaris enim profectò & hominum illorum & temporum) sed
 earum, quarum ex ore Homerus mellitissimas narrationes re-
 rum gestarum manare dicit, homines captos tibi victosque de-
 tintas. Nam si ego cum Romæ ambo essemus, semper te appete-
 dam, assidueque tecum esse cupiebam, cum repellerer a te, &
 abstererer, omnibusque modis congressus meos deuirtares,
 quod natiuam illam tuam suauitatem sumpta ad tempus vocis,
 vultusque asperitas obscurare non poterat: quid nunc debuit e-
 uenire Paulo, cui tu non solùm omneis venustates tuas, quæ &
 plurimæ sunt, & amabilissimæ: sed animum, domum, penum o-
 mnem patefecisti? Etsi est in eo quiddam quod me mordet. Quo
 enim fato mihi infortunato contigit, vt te ita facili & hospitali
 non sim vsus? cum nemo vnquam fuerit alienis cœnis tantoperd
 addictus, vt ego eram tuis: quarum vnum illud condimentum e-
 rat potissimum, quodd te frui ipso, ac vesci tum maximè licebat.
 Itaque putasne me tantam iacturam lepôrum, omnisque amor-
 nitatis, æquo etiam nunc animo perferte posse, quibus tuarum
 fui paucitate cœnarum priuatus? Sed acta ne agamus. Quodd tan-
 tam humanitatem in Paulum ostenderis, valde mihi gratum: qui
 quidem tuus iam est magis, quàm meus: semperque in ore no-
 men tuum habet: neque loquendo, neque predicando de te, fa-
 ctum vnquam videtur. Ab eo etiam accepi tuas literas, amanter
 quidem scriptas, sed nimis festinanter. Video enim tibi propo-
 situm fuisse, vt citò te exolueres. Vtut est, gratia tamen est ha-
 benda, quodd abs te dignatus sum sonantibus illis vocabulis, in
 quibus me vsque eò reuereris, vt magnus esse homo videar: sed
 tantisper dum tuas legò. Nam vt a lectione earum digressus sum,
 statim irrideo ipse memet: nec tantam in me potentiam auro-
 ratemque reperio, vt tu tam graniter reuereri debeas. Sed omisso
 hoc. Ego mihi abs te familiarissimè scribi volo, atque ita, vt no-

Ara vetus coniunctio plena iucundissima libertatis etiam nunc, quoad potest, in literis redoleat. Phædri inscriptionem, quam modò ad te mihi gratam tibi esse gaudeo vehementer. Gratiarum actionem respuo, meum enim fuit relinquere aliquid monumentum amicitiae nostrae, mei quæ summi & perpetui erga te amoris: id quæ niti fecissem, magis agrestis, quàm cum id feci, officiosus debeo existimari. Sed tu agis mecum liberaliter, cum de iis gratias agis, quæ à me prætermitti saluo officio non possunt. Illud magis expecto à te, ut quando ego tantum tuo iudicio tribuo, quantum certè paucissimorum, ita legas librum, atque expendas, ut quoad eius fieri poterit, nihil obtrectatione dignum in eo relinquatur. Quod tuo imprimis acumine, & earum rerum præstanti scientia de quibus in libro agitur, me assidue posse confido. Quòd mihi extremis tuis literis gratularis, quòd dignum & benemeritum successorem mihi delegerim, id etiam ego feci bono (ut videbar) consilio adductus: tamen actiones meas tibi probari mirabiliter letor. Etenim tunc maximè nostris operibus delectamur, cum ea ab optimo quoque laudari intelligimus. Utinam Deus nostræ consilia fortunet. Nos certè id spectauimus, ut in ipso amore nostro & iudicio, maiores tamen virtutis partes, quàm consanguinitatis existerent. Sed hæc hæc. Ego & sat rectè, ut nunc est, me habeo: & tibi semper rectissimè esse cupio: peto quæ à te ut tibi certò persuadeas, te à me constanter & singulariter diligi. Vale. IV. Calend. Aprilis. M. D. XXXVI. Carpent.

XIII.

IAC. SADOL. EPISC. CARPENT.

*Laurent. Grana Signia, & Mario Aligero, Rheatis
Episcopis, S. P. D.*

Cum digressus à vobis, Romam versus iter facerem: eo quod citinere assidue ob animum vestra mihi virtus atque humanitas esset versata: simul ut urbem attingi, paululum quæ otij mihi datum est, nihil habui antiquius, quàm ad vos scribere, & facere vos de mea omni voluntate certiores. Verè enim dicam, cum venissem Bononiam, ac multa antea ipse de benevolentia in me vestra esset mihi pollicitus: te tamen ipsa expertus sum, superatam etiam opinionem meam vestris officiis: nihil quæ esse à vobis prætermissem, quod vel hospiti & peregrinanti officiosus homo, vel amicissimus amicissimo præstare posset. Itaque illo primo occursum congressuque vestro, omnis ea molestia quæ animum meum obsederat, probè depulsa est. Cum enim subinui-

ducendi, nisi tu dederis hoc vel amicitia nostra, vel humanitas tua, ut nos tibi visendos esse statuas, conferasque te aliquantisper in hanc urbem: quæ priuata conspectu tuo, cæteris quæ te diligunt, ornamento suo spoliata, mihi vni deserta & penitus derelicta visa est. Nā si in itinere, inanis illa de te cogitatio tantum potuit, ut meos omneis labores faceret leuiores: quid faciet viua vox, quid vultus, quid ista significatio amoris, si tunc causa adductus huc te retuleris? Credas mihi velim, non possum tantum exprimere, quantum mihi in animo est, vel studij, vel beneuolentia, vel ardoris, ut te tuaque & sperata & expectata consuetudine aliquandiu perfruar. Quod quidem minime longum futurum sit: statutum enim mihi est, secundum Martium mensem urbanas res relinquere, & vel proficisci Mantuam, si ageretur conuentus is qui indictus est: vel in Galliam reuerti, ubi iucundum habeo & studiorum meorum, & omnis mei otij ac tranquillitatis domicilium. Quæ res cum ita sese habeat, & hac occasione amissa, deinde facultas nulla futura sit, quæ sustentet animos vtriusque nostrum spe iterum congregiendi inter nos & amplectendi: quo me dolore affectum iri putas, si hæc me expectatio, ac spes, quam nunc penè in manibus habeo, fruenti tui, fuerit frustrata? qui te vnum omnium plurimum & dilexi semper, & diligo: tecumque cum sum, quod creberrimè sum expertus, nulla omnino molestia, neque grauiore solitudine soleo opprimi. Quamobrem Mari optime atque humanissime, erit non humanitatis solum tua, sed etiam eius virtutis & integritatis, quam in colenda amicitia semper adhibuisti, dare hoc nostris precibus, ut te hic presentem quamprimum habeamus: facilitateque tua efficere, ut quamuis mea animi incitatio longiorem orationem desideret, tua tamen natura propensa ad morigerandum, breuiore contenta fuisse videatur. In quo & tui ipsæ similis eris, & urbanis omnibus facies gratum: me quidem ipsum incredibili quadam læticia & summo beneficio affecteris. Vale.

V. Nonas Nouemb. M. D. XXXVI. Ex Vrbe.

XV.

IAC. SADOLETVS EPISC. CARPENT.

Anton. Suriano Patricio Veneto S. P. D.

CVM venissem ad Urbem; à Pontifice maximo (quod te non cignorare arbitror) accersitus: atque ibidem de tua erga me beneuola voluntate complurium & grauium mihi quæ amicorum hominum testimoniis cognouissem: faciendum mihi putari, id quod mea & natura & instituti est, ut scriberem ad te, atque tibi pro tua prestanti humanitate gratias. Verè enim

ubi

tibi confirmo, cum multa eueniant in vita, quæ hominibus gratia accidere solent, nihil tamen mihi contingere potuisse optatius, quam à te tali viro, omnibus & virtutis ornamentis, & fortunæ ac nobilitatis prædito, mei absentis famam innocentiamque defensam esse, cum essem iniustus criminibus appetitus. Quid enim à me alienius, quam velle defecere ab eis maiorum nostrorum sententiis, in quibus constanter & firmè retinendis salus & beata nostra vita consistit? Sed siue ille fuit quorundam error, siue religionis, ut videbatur, defendendæ studium: (non enim adducor, ut malevolentiam fuisse credam) tu mihi ea officia præstitisti, quæ vel frater fratri, vel filio præstare indulgens pater solet. Nam & testimoniis tuis meam integritatem commendauisti, & illas falsas quorundam de me suspiciones agerrimè ferre præ te tulisti. Quæ si aliquo meo erga te merito tributa mihi abs te essent, permagni tamen essent æstimanda. Cum verò tu nullis meis provocatus officiis, ita tamen parteis meas tutandas suscepis, ut si frater tuus fuisset: quo me studio gratiæ, quonæ obligationis vinculo tibi esse obstrictum putas? Equidem gaudeo te cum virum esse, cui optimo iure omnis honos debeatur, etiam si nulla fortè deberetur gratia. Quid enim ingenio & doctrina tua, quid prudentiæ & virtutis laude illustrius? Cum verò ad hæc tot tamque eximia in te ornamenta, illud etiam accedat, ut maximo tuo beneficio tibi deuietus sim: crede mihi Antoni Suriane optime atque ornatissime, inter eos qui te amant & colunt, quorum, cum tu talis, tamque benefica & liberali natura præditus sis, magnam profectò necesse est esse copiam: me ita prius appetiturum esse partes, ut nihil sis vnquam in me ipso quod in constanti & fideli amicitia requiratur desideraturus. Itaque & quantum virtuti debetur honoris, id tibi à me nunquam deerit. Et quantum beneficio gratiæ totum tibi à me ita paratum est, ut omnia mea officia & studia in te potissimum semper sim collaturus. Quod si aliqua mihi oblata fuerit occasio, qua me tibi gratum & memorem probare possim, agam id ipse per me: si a te fuero admonitus, efficiam ut intelligas, neminem te habere, cui aut fidentius imperare quæ velis, aut de quo plura tibi & maiora polliceri queas. Quæ quidem non ab opibus fortunæ, quæ tenues mihi sunt, sed ab amore & fide constantis amicitia possint proficisci. Interea iucundam nominis tui memoriam summa cum fide benevolentiaque conseruabo. Vale. IV. Non. Nouembris.

M.D.XXXVI. Romæ.

P

IAC

XVI.

IAC. SADOLETVS EPISC. CARPENT.

Antonio Pulleoni Siculo S. P. D.

IVCVNDISSIMAS accepi tuas literas XVIII. Calendas O-
 ctobris datas: quibus perspexi curam & solitudinem animi
 tui, quam de salute mea suscepisses, cum audiuiſſes (vt scribis)
 totum ferme id bellum, quod in Gallia prouincia gestum est, ad
 nos esse translatum. Quod autem adiungis in eisdem literis, gau-
 dere te, quod a summo Pontifice accersitus, honestissima ratio-
 ne ex illis periculis essem emersurus: equidem recognosco. am-
 rem tuam pristinum erga me, teq; in ea sententia esse plane mihi
 persuadeo. Sed profecto mi Pulleo alio ego modo metior pasto-
 ris & Episcopi officia, ac tu fortasse putas esse metienda. Non
 enim illi terrores aut pericula terrere me debuerunt, vt discedere
 illinc cuperem: sed magis gregis mei timor ac perturbatio, in cuius
 me custodia retinere, vt in vigilando & gubernando tali eius
 tempore essem attentior. Quod & feci: omnemque rationem &
 periculi, & salutis meae cum vicibus meis communiceui: nec ab
 illis cepi separatim vlium consilium, quod mihi vni praesidio esse
 posset. Itaque cum in medio ipso tumultu belli ac periculo literae
 Pontificis ad me essent allatae, quae me huc accirent: eo animo
 fui, vt nisi prius Ciues meos extra omne discrimen positos vide-
 rem, non fuero venturus. Sed Dei immortalis benignitate ac
 clementia haud ita multò post pacatis rebus paceq; illis region-
 bus reddita, non duxi teſgiuerſandum, quin me conferrem ad
 hanc urbem. Inuitus quidem & gemens, quod nil mihi magis
 contra animi sententiam potuit accidere, quam cogi, ut inque re
 studia & literulas meas in pace, in quibus antea bello fuſſem in-
 terpellatus. Verum tamen ea causa afferebatur accersendi mei,
 atque is mihi proponebatur optimorum consiliorum fructus, vt
 me impium aduersus Deum iudicaturus fuero, si non paruſſem
 eius mandatis, qui me ad praclarissimas actiones vocandū co-
 ſuſſet. Itaq; hoc animo è meis locis sedibusque egreſſus, Romae
 nunc sum: expectoq; quàm mox aliquid agatur, non modo di-
 gnum Optimi Pontif. virtute ac prudentia, sed etiam leuatore
 horum temporum calamitatibus necessarium. Eo enim statu
 (quod te non latet) Christiana est Respub. vt nisi aliquid noui re-
 medij adhibeatur, omnia omnino ruitura sint. Sed hoc Deus re-
 delit, cuius ego numini & voluntati totum me dedo permitto
 que. De me autem ipſo, meoq; animo erga te, sic existimare de-
 beo Pulleo (quod tamen te facere tua indicant literae) nihil te
 esse in amore amicitiaq; coniunctius. Nam & iudiciū quod

pet de refeci, cum de tua integritate, virtute, prudentia, honorificentissime iudicavi, permanet idem apud me: & in suscepta erga te benevolentia constantissime maneo: partim sponte, & consuetudine caritatis meae: partim verò maxime tuo in me perpetuo atque insigni amore prouocatus. Cognoui enim te in omni tempore mihi esse amicissimum. Itaque quam me putas cupere, ut tu nobiscum una hic adesses? atque his interesses negotiis (si modò vllum tractabitur negotium) cum intelligam tuam praestantem prudentiam magno Reipubl. posse esse adiumento? Quod si mea pondus haberet autoritas, contenderem & eniterer, ut tu vocare, tuaque nobiscum consilia conferres. Nunc optare id licet, sperare haud ita licet. Quamquam te honore & administratione honestissimi muneris a summo Pontifice ornatum esse tua causa vehementer gaudeo, tibi que eam rem laudi atque emolumento esse opto. Sane tuus aegrotabat cum ego ad Urbem veni, neque adhuc morbo satis leuatus est: itaque cum nec videre potui, nec alloqui. Quod sane mihi fuit incommodum: hominis enim & probi, & experientis, opera atque opportunitate cendum fuit: quem ego mediisfidius & tua & ipsius causa non mediocriter diligo. Paulus nobiscum est una, magnopereque me in rebus omnibus aliuat, particepsque est curarum consiliorumque mcorum. Is tibi praestat benevolentiam quam debet, nec mentionem tui ferè intermitte fuit. Nos ambo te singulariter amamus, saluumque & florentem esse cupimus: petimusque a te more tamen magis, quam quod necesse sit, ut solita tuam erga nos benevolentiam tueare, atque conserues. Vale. Idib. Nouemb. M. D. XXXVI. Ex Vrbe.

XVII.

IAC. SADOLETVS EPISC. CARP.

Benedicto Accolto Cardinali S. P. D.

NON potuit amantius neque liberalius scribi, quam scriptum est a te in eis literis, quas III. Non. Nouembris, ad me disti. Plane enim refertur illae fuerunt humanitatis, suauitatis, benevolentiae: & (quod in eiusmodi re mihi prope admirabile videtur) singularis etiam prudentiae. Video enim te, cum fortiter & inuictè feras casus humanos, in commemoratione tamen nostrae necessitudinis, & in amicitiae memoria remollescere animo, quod est bonitatis: molesteque ferre, quod me & videre, & illoqui praetercuntem non potuisses. Quo mihi quoque ipsi nil accidere potuit durius. Cum enim redirem ad eam urbem ubinuitus, unde, bonis etiam rebus meis, certo consilio discesseram: una illa consolatione sustentabar, quod reuirsurus eram.

amicos veteres, & in eorum congressu ac colloquio morororem omnem depositurus, quicumque mihi iucundissimum odum relinquenti, & in eosdem, quos prius, fluctus è tutissimo ac tranquillissimo portu me referenti, ad animum obrepisset. Quod etsi mihi aliqua ex parte contigit (certè enim multorum sima & vultu & animo amicissimo exceptus) te tamen vnum abesse, caput amicorum omnium, molestissime ferebam. Itaque te tanto intervallo videre amplectique incredibiliter cupio: quod appetente vere faciendum mihi est. Cōstitui enim in Vrbe hyemem hanc manere. Qua confecta, aut ad Conuentum publicum profecturus Mantuam sum, si modò ullus is ageretur: aut in Galliam, meam ad propriam stationem reuersurus. Istac vtrique iter facit, ut optatissimo conspectu & sermone tuo ad arbitrium meum perficiat. Quāquam nō diffido summum hunc pontificem, vti singulari bonitate & clementia, honoris tui, ac dignitatis rationem quandoque habiturum. Quod autem scribis ad me, iucundum tibi esse, me in pristina erga te obseruantia voluntateque permanere. Ego mi amplissime Accolte, si is esse volo qui debeo, colam te atque amem summo opere necesse est. Cuius enim habeo plura erga me amoris & liberalitatis indicia ac monimenta? Quid virtus tua? Quid humanitas? Quid iusta & crebra & vehementer repetita amoris tui erga me significatio? Quid doctrina? Quid litera? per quas suauissimo vinculo communium studiorum coniuncti inter nos sumus, parumne ista valent ad animum meum tibi obligandum, totumque in ditionem & potestatem tuam tradendum? De tua autem in me beneuolentia hoc velim tibi persuadeas, neque me existimare beneuolentius quicquam me assequi posse, quam abs te diligenter nec aliquid animo meo accidere posse iucundius. Ludouicus medicus tuus, homo (vt mihi visus est) & peritus, & prudens, idcirco studiosissimus tui, offendit me in via, cum lectica vehere quod nondum etiam eram ex recente morbo confirmatus. Cum eo sermonem habui de te, quem illum ad te petiuisse arbitror. Iter item mecum ad Vrbein faciebat Molsa, summo ingenio summa eloquentia vir, atque is quoque amantissimus rerum omnium tuarum. Sed est quod mihi ignosci a Ludouico penitus. Egi enim cum eo parum sanè humaniter: qui cum illi meos inter nos confereremus, sisti lecticam non iusseram. Cum me mei errati acriter postea poenituit. Conderanti enim per me mihi, nihil visum est agi potuisse magis rusticè. Sed siue corporis quidam mentis æque ingenij ex morbo (vt arbitror) contraxit, siue ipsa commemoratio de te, plena letitiæ partim, parum etiam doloris, ita consilium mihi excussit, vt quid tum deceret nequiorum perspicere. Huius meæ culpæ, cuius recordatio cum

nunc mihi molesta est, & abs te, & ab illo veniam peto dari, mihi-
que ignosci peto. Reliqua mea officia in te, atq; in omncis tuos
fidelissimè semper amantissimèque constabunt. Vale. XII. Ca-
lend. Decemb. M.D.XXXVLEx Vrbe.

XVIII.

IAC. SADOLETVS EPISC. CARP.

Cosmo Gerco Fani Episc. S. P. D.

LVDovicvs Beccadellus familiaris tuus conuenit me, mul-
tamq; tuis verbis salutem mihi nunciauit: adiunxitq; in ser-
mone, te molestè ferre, quod cum ego per ista loca ad Urbem
proficiscens iter facerem, tu istic non affuisses: cupereque te in
meo reditu, si eadem via iter facerem, videre me, & alloqui, ho-
spitioque excipere, quem iam antè in amorem & in beneuolen-
tiam tuam recepisses. Quæ cuncta mi optime Geri mihi abs te
iucunda & grata accidere. Nam cum de te iam pridem in eam
opinionem venerim, vt de virtute & humanitate tua mirificè
sentiam, multorum honorum testimoniis in hunc sensum addu-
ctus: tum verò hæc significatio tuæ erga me voluptatis & meum
pristinum de te iudicium confirmat: & facit, vt te etiam mihi
magis præcipua quadam beneuolentia diligendum putem: quem
antea communi illo studio, quod virtuti debetur, tantummodò
diligebam. Siquidem nihil est, quod me vehementius impellat
ad amandum, quam cum intelligo me amari. Quod quoniam
mihi abs te contigit, sic velim tibi persuadeas, neque in fide ami-
citiae, neque in beneuolentiae studio, quicquam a viro bono de-
siderari conuenire, quod tibi a me non promptum & paratum
futurum sit. Meque & tuam istam voluntatem, quam erga me
eximiam ostendis, maximi facere: & tuis tantum tribuere virtu-
tibus, vt existimem hanc modò inter nos initam amicitiam, mi-
hi non solum voluptati, sed honori etiam permagno fore. Quare
ita sentias & constituas volo, me tibi prorsus esse amicissimum.
De hospitio quodd mentionem facis: crede mihi, si te præsentem
istic ostendissem, perlibenter certè ad te diuertissem. Quid epim
mihi tuo aspectu & familiaritate occurrisset dulcius. Neque re-
gulo, si in reuerfione mea in Galliam per eadem ista loca transie-
ro, per quæ, vt nunc est, transiturum me arbitror: quin ad te rectè
me conferam, tecumq; & apud te diem & noctem sim. Sed & pue-
ri familiaresque tui, te absente eam mihi sollicitatem diligen-
tiamq; præbuerunt, vt facillè appareret ex disciplina domestica,
qui tu, & quam liberalis hospitem receptor esses. Nullum enim
certè officium prætermiserunt, quod tam breui tempore, & pe-
regino, & hospiti potuerit præstari. In quo declararunt, cum

me tam studiosè inuitarent & colerent, quantopere illud dñi gratum iudicaret fore. Quæ cum omnia redeant eodem, vt sint amoris erga me tui indicia atque signa: ne viuam, mi Gen. & concessurus tibi sum, vt tu plus me diligas, quam ego te diligo. Itaque & pro collegio & pro amicitia, paria tibi a me studia polliceor ac defero, atque illa sunt, quæ tu in me contulisti, & si fieri poterit, etiam ampliora. Sed de his satis. Ego genus tuum vitæ, consiliumq; in Ecclesia tua commorandi, vsque adeò probo, vt non desinam id & laudare summe, & admirari Deumque immortalẽ quæso, vt dignum tua ista virtute animiq; constantia futurum atque euentum consilio tuo largiatur. Vale. III. Cal. Decembris, M. D. XXXVI. Ex Vrbe.

IACOBI SADOLETI EPISC. CARPENTORACTI EPISTO- larum Lib. X. Epist. I.

IAC. SADOLETVS S. R. E. CARDINA-
lis Herculi II. Duci Ferrariae, S. P. D.

QUONIAM habeo te inter eos quos mihi eximio semper colendos, obseruandosque proposui: ideo putauì mihi faciendum esse, vt ad te mea manu scriberem, nuntiaremque id quod mihi contigit. Huius enim nihil cogitans, ac ne cupiens quidem, sed præter omnem opinionem meam creatus sum Cardinalis. Cuius honoris magnum onus & splendidum, meis tamen humeris perquam graue est: non enim videtur meæ fortunæ tenuitas id posse perferre. Sed tamen feram vt potero: & si copiis opibusque deficiat, in eo elaborabo, vt fide, integritate, amoreque in Remp. muneri meo satisfaciam. Tibi verò præstantissime Dux, cuius nomini clarissimæque familiar iam pridem valde deditus sum, ita mea summa officiaq; polliceor ac defero, vt tibi cupiam persuasum esse, et tibi imprimis præsto semper fore: meq; eorum nemini qui te amant & colunt, quorum pro amplitudine & nobilitate tua, magna copia est, vnquam concessurum: semperque ea libentissime futurum, quæ honori tibi & ornamento esse possint. Sed hæc, cum vsus venerit, re magis præstabo, quam verbis. Tu vt me diligas, habeasque in numero tuorum, vehementer a te peto. Vale. Ex Vrbe, X. Cal. Ianuarij,

M. D. XXXVI.

II.

IACOB. S ADOL. S. R. E. CARD. PETRO BEM-
bo, S. P. D.

NE QUAE hilariter possum, neque tristibus etiam verbis ad te scribere: quod in altero mihi animus meus repugnat, in altero hominum opinio atque iudicium. Quaecumque tamen id sit quod mihi accidit, scire te volo, me his proximis comitiis à Paulo III. Pont. Max. in amplissimum ordinem S. R. E. Cardinalium esse cooptatum. Quod sine letandis, necne sit, equidem ignoro. Scio enim me alias huiusmodi occasiones vitasse: & nunc quidem certe quod factum est, neque ex voluntate mea, & præter omnem expectationem factum est. Ac singularis quidem Pont. Max. voluntas declarata est aduersum me, qui iudicauit eo honore me dignum, quo forsitan non sum dignus: vel potius plane non sum. quis enim est tam arrogans, qui audeat ipse de se facere iudicium dignitatis? Sed quod ego sine ambiguitate & sine ullo errore iudico, onera quæ honorem cum consequuntur, mihi ita graua sunt, ut non videam quo pacto possim ea sustinere ac ferre. Te quidem rogo mi optatissime Bembe, ut me amare non desinas. Minor apud te sum factus, quam fuerim antea. Hoc enim & ego suspicor & te ipsa ita est. Sed noli hoc querere, meæ culpæ adscribere: potius fortunam accusa, quæ me compulsi in eiusmodi yada & cautes, ut aut fama omnis prudentiæ abiicienda mihi fuerit, aut libertas infringenda. Ego verò pudore & timiditate ingenua quadam malui constringi, quam stultus iudicari. Si lapsus iudicio sum, ignorantia id meæ tribuendum est. Si verò mea ratio habet aliquam rationem, eam tu si defendendam susceperis, potero sperare, me omnibus purgatum & probatum fore. Te quidem ego indies magis magisque diligo, plurimique facio. Lazarum meum meis verbis saluere iube: itemque ceteros: quos ferè habemus amicos communis. Me quo minus plura scribam, meæ molestæ grauesque sollicitudines, & cura rerum necessariarum auocat. Vale. Romæ, Calen. Ianuarij, M. D. XXXVII.

III.

IAC. S ADOL. S. R. E. CARD. RODVLPHO
Pio Carpenſi S. R. E. Card. S. P. D.

CUM me tecum una, Paulus Pontifex Maximus in amplissimum S. R. E. Cardinalium ordinem cooptauerit: non tam res ipsa mihi incunda accidit, propter prioris vitæ meæ (ut ego arbitror) beatioris desiderium, quam summi benignissimique Pontifi-

XII.

IAC. SADOLETVS EPISC. CARPENT.

Mario Maffeo Volaterrano, Episcopo Canallicensi

S. P. D.

PAVLVS ad nos reuersus, tanta se abs te comitate, ac tam laute & liberaliter acceptum esse narrat: eosque se lepores in te perspexisse ingenij, vrbauitatis, elegantia, vt difficillimum omnium rerum sibi fuisse affirmet, istinc se auellere, & ad nos proficisci, cum in explicabili penè glutino admirabilis cuiusdam suauitatis teneretur. Quod ego, Mari, vsu illi venisse non miror: est enim hoc propriè tuum, & semper fuit, vt Syrenarum modo, non Mutianarum illarum, quibus Sanoia noster illudebat (recordaris enim profectò & hominum illorum & temporum) sed earum, quarum ex ore Homerus mellitissimas narrationes rerum gestarum manare dicit, homines captos tibi vinctosque detineas. Nam si ego cum Romæ ambò essemus, semper te appetebam, assidueque tecum esse cupiebam, cum repellerer a te, & abstererer, omnibusque modis congressus meos deuiteres, quòd natiuam illam tuam suauitatem sumpta ad tempus vocis, vultusque asperitas obscurare non poterat: quid nunc debuit euenire Paulo, cui tu non solùm omneis venustates tuas, quæ & plurimæ sunt, & amabilissimæ: sed animum, domum, penum omnem patefecisti? Etsi est in eo quiddam quod me mordet. Quo enim fato mihi infortunato contigit, vt te ita facili & hospitali non sim vsus? cum nemo vnquam fuerit alienis conis tantoperò addictus, vt ego eram tuis: quarum vnum illud condimentum erat potissimum, quòd te frui ipso, ac vesci tum maximè licebat. Itaque putasne me tantam iacturam lepòrum, omnisque amicitia, æquo etiam nunc animo perferre posse, quibus tuarum fui paucitate coenarum priuatus? Sed acta ne agamus. Quòd tantam humanitatem in Paulum ostenderis, valde mihi gratum: qui quidem tuus iam est magis, quàm meus: semperque in ore nomen tuum habet: neque loquendo, neque predicandò de te, satiari vnquam viderur. Ab eo etiam accepi tuas literas, amantèr quidem scriptas, sed nimis festinanter. Video enim tibi propositum fuisse, vt citò te exolueres. Vtut est, gratia tamen est habenda, quòd abs te dignatus sim sonantibus illis vocabulis, in quibus me vsque eò reuereris, vt magnus esse homo videat: sed tantisper dum tuas legò. Nam vt à lectione earum digressus sum, statim irrideo ipse memet: nec tantam in me potentiam auctoritatemque reperio, vt tu tam grauiter reuereri debeas. Sed omisso loco. Ego nihil abs te familiarissimè scribi volo, atque ita, vt no-

stra verus coniunctio plena iucundissima libertatis etiam nunc, quoad potest, in literis redoleat. Phædri inscriptionem, quem modò ad te misi, gratam tibi esse gaudeo vehementer. Gratiarum actionem respuo, meum enim fuit relinquere aliquod monumentum amicitie nostræ, meique summi & perpetui erga te amoris: idque nisi fecissem, magis agrestis, quam cum id feci, officiosus debeo existimari. Sed tu agis mecum liberaliter, cum de iis grâtiis agis, quæ à me prætermitti salvo officio non possunt. Illud magis expecto à te, ut quando ego tantum tuo iudicio tribuo, quantum certè paucissimorum, ita legas librum, atque expendas, ut quoad eius fieri poterit, nihil obrectatione dignum in eo relinquatur. Quod tuo imprimis acumine, & earum rerum præstanti scientia de quibus in libro agitur, me assequi posse confido. Quod mihi extremis tuis literis gratularis, quod dignum & benemeritum successorem mihi delegerim, id etsi ego feci bono (ut videbar) consilio adductus: tamen actiones meas tibi probari mirabiliter letor. Etenim tunc maximè nostris operibus delectamur, cum ea ab optimo quoque laudari intelligimus. Utinam Deus nostra consilia fortunet. Nos certò id spectauimus, ut in ipso amore nostro & iudicio, maiores tamen virtutis partes, quam consanguinitatis existerent. Sed hæc hactenus. Ego & sat rectè, ut nunc est, me habeo: & tibi semper rectissimè esse cupio: petoq; à te ut tibi certò persuadeas, te à me constanter & singulariter diligi. Vale. IV. Calend. Aprilis, M. D. XXXVI. Carpent.

XIII.

IAC. SADO. EPISC. CARPENT.

Laurent. Grana Signia, & Mario Aligero, Rheatis
Episcopis, S. P. D.

CUM digressus à vobis, Romam versus iter facerem: eo quod citinere assidue ob animum vestra mihi virtus atque humanitas esset versata: simul ut urbem attingi, paululumque otij mihi datum esset, nihil habui antiquius, quam ad vos scribere, & facere vos de mea omni voluntate certiores. Verè enim dicam, eum venissem Bononiam, ac multa antea ipse de benevolentia in me vestra essem mihi pollicitus: re tamen ipsa expertus sum, superatam etiam opinionem meam vestris officiis: nihilque esse à vobis prætermisum, quod vel hospiti & peregrinanti officiosus homo, vel amicissimus amicissimo, prestare posset. Itaque illo primo occurso congressuque vestro, omnis ea molestia quæ animum meum obsederat, probè depulsa est. Cum enim subinui-

tus,

tus, & contra animi sententiam iter illud suscepissem, pietatem atque officium in eo, non vllum meum commodum secutus, celsè constanter id faciebam, quòd recti consilij nequaquam me premebat: tamen insidebat in animo quidam dolor, quòd studiis meis, atque ea tranquillitate viræ, quam ego maxime expeto amoque, vacare me aliquandiu necesse esse intelligebam. Incidi igitur in eos, qui & pruni, & præcipue illa me cura leuare poterunt. In vestris enim vultibus, vestrisque sermonibus plenissimis officij, suauitatis, beneuolentiæ, tunc primum conqueui: vidiq; & perspexi, quòd fidelis amicitia est proprium, mei nominis charitatem nequaquam apud vos ex diuturna absentia mea imminutam fuisse. Quo quid mihi potuit accidere opratus: Etsi enim alter vestrum vetusta mihi familiaritate, alter recente est copulatus: tamen eandem propè vim habet naturæ bonitas in noua amicitia conglutinanda, quam fides in vetere conseruanda. Ferme enim ad summum celeriter peruenit, quòd firmis & validis radicibus est nixum. Quo in genere virtus magnas partes obtinet. Quæ cum excellat in ambobus vobis, in me autem ipso non tam expressa illa quidem, quam quibusdam quasi lineamentis sit inchoata: quid mirum si & tu, optime ac doctissime Grana, perpetuò me constanterque dilexisti: & tu Mari suauissime vix dum de facie cognitum, amare tamen cœpisti? Quamquam huius quidem amoris erga me, omnisque officij quòd mihi tribuistis, causa in vestra singulari humanitate posita est. De qua habeo vobis magnam gratiam: neque recuso, nisi pari vobis beneuolentia respondero, quin me ex hominum non esse numero iudicetis. Respondebo enim certè, neque patiar me vllò in amicitia officio à quoquam vinci: cum id præsertim non tam in rebus atque factis, quæ plerunque fortunæ & occasionis sunt, quam in fideli & beneuola voluntate sit positum. Quæ nunquam vobis à me deerit, neque vlla vnquam efficiet dies, vt talium & virorum & amicorum memoria apud animū meum obsoleseat. Atque huius promissi animiq; mei quo beneuolentiam meam vobis dedo dicoq; has literas volui esse testes: vt intelligeretis, quæ studia in me contulistis, ea longè mihi gratissima accidisse. Reliquum est, vt vos rogem (id quòd minime videmini esse rogandi, sed tamen id more & consuetudine faciundum est) vt pristinum erga me amorem conseruetis, plurimamq; meis verbis sfortiæ nostro legato amplissimo nuntietis salutem: gratiasque illi agatis, quòd ab eo & humanissime acceptus, & hospitalibus illius donis, quibus me opiparè muneratus est, edoctus planè sum, meum illi aduentum & gratum & iucundum extitisse. Valere. VI. Nouembris, M. D.

XXXVI. Ex Vrbe.

IAC.

XIV.

IAC. SADOLETVS EPISC. CARP. MARIO

Maffeo Volaterrano Episcopo Cauallicensi, S. P. D.

CRIDO iam ad te esse perlatum, me accitum à Pontifice maximo, statuisse suscipere hoc iter: accedereq; ad eam Urbem, in quam a me olim certo consilio relictam, nulla alia ratio, præter eam quæ nobis proposita est, si fortè videlicet succurri per nos possit periculis communibus, me valuisset retrahere. Quanquam ad hoc quidem tanti ponderis negotium, mea & auctoritas tenuis, & ingenij facultas admodum exigua est. Sed sit hoc illius fortasse error, qui hoc de me iudicium fecit: mihi quidem optima adest voluntas, cætera ab aliis meliora querenda sunt. Nec tamen hoc mihi fuit propositum, vt de hisce rebus ad te scriberem. Illud meæ proprium argumentum est epistolæ, vt eum ego sine te, neque urbem hanc, neque eam quam viuo vitam, aut vitam esse, aut urbem existimem: quod omnis meæ suauitas, omne perfugium curarum molestiarumq; mearum, omnis deniq; animi mei lætitia in tuo mihi optatissimo complexu conspectuq; prorsus reposita est: te quidem orem atq; obsecrem, vt facias mihi tui presentis copiam. Etsi quid eius amoris adhuc resider in te, quem erga me sæpe ostendisti, ne grauius capere breuiusculum hoc iter, quod ego longissimum sum emensus, quantis meis incommodis & detrimentis non dico: illud tantum dico, in quo satis incommodi est, aduersus certè omnem animi mei sententiam: sed & officio seruiendum, & religioni fuit. Illud tibi confirmo, me toto hoc itinere incredibili quæ illa quam capiebam itineris molestia, te mihi vnum propositum semper habuisse, in cuius beneuolentia & suauitate omnem essem angorem & solitudinem animi depositurus. Itaque quoties reuocare me à tristioribus curis ad aliquam animi hilaritatem & lætitiā instituebam, ad te ipsum protinus cogitatione reuertebam: metusq; erat vnus in mente mihi & in sermone Marius. Ille consolator mœstitiæ meæ, ille animi confirmator: in hoc denique dulcissimo & mihi carissimo nomine acquiescebam. Postea verò quàm veni ad urbem, neque te hic offendi: quid dicam Mari: pudet me proferre, quàm perculsus animo & destitutus fuerim: vt mihi sordere & iacere omnia viderentur, cum tu deesses vnus: qui tamen mihi es pro omnibus. Et si cæterorum quidem officia amicorum mihi non desunt: sed illa mihi sic grata & iunctunda futura sunt, si sale condita fuerint venustatis tuæ. Itaque in maximo desiderio tui videndi & complectendi sum: neque aliam spem vllam habeo reliquam huius non longi temporis, quo Romæ sum mansurus, cum aliqua leuatione molestiæ tra-

ducen-

ducendi, nisi tu dederis hoc vel amicitia nostra, vel humanitas tua, ut nos tibi visendos esse statuas, conferasque te aliquantisper in hanc urbem: quæ priuata conspectu tuo, cæteris quæ te diligunt, ornamento suo spoliata, mihi vni deserta & penitus derelicta visa est. Nā si in itinere, inanis illa de te cogitatio tantum potuit, ut meos omneis labores faceret leuiiores: quid faciet viua vox, quid vultus, quid ista significatio amoris, si tu mea causa adductus huc te retuleris? Credas mihi velim, non possum tantum exprimere, quantum mihi in animo est, vel studij, vel beneuolentiæ, vel ardoris, ut te tuaque & sperata & expectata consuetudine aliquandiu perfruar. Quod quidem minimè longum futurum sit: statutum enim mihi est, secundum Martium mensum urbanas res relinquere, & vel proficisci Mantuam, si ageretur conuentus is qui indictus est: vel in Galliam reuerti, vbi iucundum habeo & studiorum meorum, & omnis mei orti ac tranquillitatis domicilium. Quæ res cum ita sese habeat, & hac occasione amissa, deinde facultas nulla futura sit, quæ sustentet animos vtriusque nostrum spe iterum congregiendi inter nos & amplectendi: quo me dolore affectum iri puras, si hæc me expectatio, ac spes, quam nunc penè in manibus habeo, fruendi mihi, fuerit frustrata? qui te vnum omnium plurimum & dilexi semper, & diligo: tecumque cum sum, quod creberrimè sum expertus, nulla omnino molestia, neque grauiore solitudine soleo opprimi. Quamobrem Mari optimè atque humanissime, erit non humanitatis solum tuæ, sed etiam eius virtutis & integritatis, quam in colenda amicitia semper adhibuisti, dare hoc nostris precibus, ut te hic præsentem quamprimum habeamus: facilitateque tua efficere, ut quamuis mea animi incitatio longiorem orationem desideret, tua tamen natura propensa ad morigerandum, breuiore contenta fuisse videatur. In quo & tui ipse similis eris, & urbanis omnibus facies gratum: me quidem ipsum incredibili quadam lætitia & summo beneficio atfeceris. Vale.

V. Nonas Nouemb. M.D.XXXVI. Ex Vrbe.

XV.

IAC. SADO LETVS EPISC. CARPENT.

Anton. Suriano Patricio Veneto S. P. D.

CV venissem ad Urbem, à Pontifice maximo (quod te non ignorare arbitror) accersitus: atque ibidem de tua erga me beneuola voluntate complurium & gratum mihi quæ amicissimorum hominum testimoniis cognouissem: faciendum mihi putavi, id quod meæ & naturæ & instituti est, ut scriberem ad te, agereque tibi pro tua præstanti humanitate gratias. Verè enim ubi

tibi confirmo, cum multa eueniant in vita, quæ hominibus gratia accidere solent, nihil tamen mihi contingere potuisse optatius, quam à te tali viro, omnibus & virtutis ornamentis, & fortunæ ac nobilitatis prædito, mei absentis famam innocentiam, quæ defensionem esse, cum essem iniustus criminibus appetitus. Quid enim à me alienius, quam velle desistere ab eis maiorum nostrorum sententiis, in quibus constanter & firmè retinendis salus & beata nostra vita consistit? Sed siue ille fuit quorundam error, siue religionis, ut videbatur, defendendæ studium: (non enim adducor, ut malevolentiam fuisse credam) tu mihi ea officia præstitisti, quæ vel frater fratri, vel filio præstare indulgens pater solet. Nam & testimoniis tuis meam integritatem commendasti, & illas falsas quorundam de me suspiciones agerrimè ferre præ te tulisti. Quæ si aliquo meo erga te merito tributa mihi abs te essent, permagni tamen essent æstimanda. Cum verò tu nullis meis provocatus officiis, ita tamen partem meas tutandas suscepis, ut si frater tuus fuisses: quo me studio gratiæ, quoniam obligationis vinculo tibi esse obstrictum putas? Equidem gaudeo te cum virum esse, cui optimo iure omnis honos debeat, etiam si nulla fortè deberetur gratia. Quid enim ingenio & doctrina tua, quid prudentiæ & virtutis laude illustrius? Cum verò ad hæc tot tamque eximia in te ornamenta, illud etiam accedat, ut maximo tuo beneficio tibi deunctus sim: crede mihi Antoni Surianè optime atque ornatissime, inter eos qui te amant & colunt, quorum, cum tu talis, tamque benefica & liberali natura præditus sis, magnam profectò necesse est esse copiam: me ita primas appetiturum esse partes, ut nihil sis vnquam in me ipso quod in constanti & fideli amicitia requiratur desideraturus. Itaque & quantum virtuti debetur honoris, id tibi à me nunquam deerit. Et quantum beneficio gratiæ totum tibi à me ita paratum est, ut omnia mea officia & studia in te potissimum semper sim collaturus. Quod si aliqua mihi oblata fuerit occasio, qua me tibi gratum & memorem probare possim, agam id ipse per me: sin à te fuero admonitus, efficiant ut intelligas, neminem te habere, qui aut fidentius imperare quæ velis, aut de quo plura tibi & maiora polliceri queas. Quæ quidem non ab opibus fortunæ, quæ tenuis mihi sunt, sed ab amore & fide constantis amicitie possint proficisci. Interea iucundam nominis tui memoriam summa cum fide benevolentiaque conseruabo. Vale. IV. Non. Nouembrii, M.D.XXXVI. Romæ.

XVI.

IAC. SADOLETVS EPISC. CARPENT

Antonio Pulleoni Siculo S. P. D.

IVCVNDISSIMAS accepi tuas literas XVIII. Calendas
 Octobris datas: quibus perspexi curam & sollicitudinem an-
 tui, quam de salute mea suscepisses, cum audiuissem (vt scribis)
 totum ferme id bellum, quod in Gallia provincia gestum est,
 nos esse translatum. Quod autem adiungis in eisdem literis, ga-
 dere te, quod a summo Pontifice accersitus, honestissima ratio-
 ne ex illis periculis essem emerisurus: equidem recognosco ami-
 rem tuum pristinum erga me, teq; in ea sententia esse plane mihi
 persuadeo. Sed profecto mi Pulleo alio ego modo metior passi-
 ris & Episcopi officia, ac tu fortasse putas esse metienda. Na-
 enim illi terrores aut pericula terrere me debuerunt, vt discedere
 illinc cuperem: sed magis gregis mei timor ac perturbatio, in cuius
 me custodia retinere, vt in vigilando & gubernando tali eu-
 tempore essem attentior. Quod & feci: omnemque rationem
 periculi, & salutis meae cum vicibus meis communicavi: nec a-
 illis cepi separatim vlium consilium, quod mihi vni praefidio es-
 posset. Itaque cum in medio ipso tumultu belli ac periculo literae
 Pontificis ad me essent allatae, quae me huc accirent: eo animo
 fui, vt nisi prius Ciues meos extra omne discrimen positos viderem,
 non fuero venturus. Sed Dei immortalis benignitate & clemencia
 haud ita multo post pacatis rebus paceq; illis regionibus reddita,
 non duxi tergiversandum, quin me conferrem ad hanc urbem.
 Inuitus quidem & gemens, quod nil mihi magis contra animi
 sententiam potuit accidere, quam cogi relinquere studia & literulas
 meas in pace, in quibus antea bello fuisset interpellatus. Verum
 tamen ea causa afferebatur accersendi me: atque is mihi proponebatur
 optimorum consiliorum fructus, si non paruis illius mandatis, qui me
 ad praeclearissimas actiones vocandum ceperat, fuisset. Itaq; hoc
 animo & meis locis sedibusque egressus, Romae nunc sum: expectoq;
 quam mox aliquid agatur, non modo dignum Optimi Pontif. virtute
 ac prudentia, sed etiam leuandum horum temporum calamitatibus
 necessarium. Eo enim statu (quod te non latet) Christiana est Respub.
 vt nisi aliquid noui remedium adhibeatur, omnia omnino ruitura
 sint. Sed hoc Deus viderit, cuius ego numini & voluntati totum me
 dedo permittitque. De me autem ipso, meoq; animo erga te, sic
 existimare debet Pulleo (quod tamen te fecere tua indicant
 literae) nihil esse mihi in amore amicitiaq; coniunctus. Nam & iudiciu quod te

per de te feci, cum de tua integritate, virtute, prudentia, honorificentissime iudicavi, permanet idem apud me: & in suscepta erga te benevolentia constantissime maneo: partim sponte, & consuetudine caritatis meae: partim verò maxime tuo in me perpetuo atque insigni amore provocatus. Cognovi enim te in omni tempore mihi esse amicissimum. Itaque quam me putas cupere, ut tu nobiscum una hic adesses? atque his interesses negotiis (si modò vllum tractabitur negotium) cum intelligam tuam praestantem prudentiam magno Reipubl. posse esse adiumento? Quod si mea pondus haberet autoritas, contenderem & eniterer, ut tu vocare, tuaque nobiscum consilia conferres. Nunc optare id licet, sperare haud ita licet. Quanquam te honore & administratione honestissimi muneris a summo Pontifice ornatum esse tua causa vehementer gaudeo, tibi que eam rem laudi atque emolumento esse opto. Sane tuus agrotabat cum ego ad Urbem veni, neque adhuc morbo satis leuatus est: itaque cum nec videre potui, nec alloqui. Quod sane mihi fuit incommodum: hominis enim & probi, & experientis, opera atque opportunitate carendum fuit: quem ego mediisfidius & tua & ipsius causa non mediocriter diligo. Paulus nobiscum est una, magnopereque me in rebus omnibus aliuat, particepsque est curarum consiliorumque mcorum. Is tibi praestat benevolentiam quam debet, nec mentionem tui ferè intermittere sinit. Nos ambo te singulariter amamus, saluumque & florentem esse cupimus: petimusque a te more tamen magis, quam quod necesse sit, ut solita tuam erga nos benevolentiam tuare, atque conserues. Vale. Idib. Nouemb. M. D. CXXVI. Ex Vrbe.

XVII.

IAC. SADOLETVS EPISC. CARR.

Benedicto Accolto Cardinali S. P. D.

NON potuit amantius neque liberalius scribi, quam scriptum est a te in eis literis, quas III. Non. Nouembris, ad me disti. Plane enim refertur illae fuerunt humanitatis, suauitatis, benevolentiae: & (quod in eiusmodi re mihi propè admirabile vim est) singularis etiam prudentiae. Video enim te, cum fortiter inuicte feras casus humanos, in commemoratione tamen nostrae necessitudinis, & in amicitiae memoria remollescere animo, quod est bonitatis: molestaeque ferre, quod me & videre, & loqui praetercuntem non potuisses. Quo mihi quoque ipsi nil accidere potuit durius. Cum enim redirem ad eam urbem binivrus, unde, bonis etiam rebus meis, certo consilio discessam: una illa consolatione sustentabar, quod reuirsurus eram.

amicos veteres, & in eorum congressu ac colloquio mororem omnem depositurus, quicunque mihi iucundissimum oſum relinquerit, & in eosdem, quos prius, ductus ē turissimō ac tūto quilibet portu me referenti, ad animum obrephisset. Quod et mihi aliqua ex parte contigit (certē enim multorum huius & vultu & animo amicissimo exceptus) te tamen vnum abesse, caput amicorum omnium, molestissime ferebam. Itaque te tanto interuallo videre amplectique incredibiliter cupio: quod appetere vere faciendum mihi est. Cōstitui enim in Vrbe hyemem hanc manere. Qua confecta, aut ad Conuentum publicum profecturus Mantuam sum, si modō vllus is ageretur: aut in Galliam, meam ad propriam stationem reuersurus. Istac vtrique iter factururus, vniuerso conspectu & sermone tuo ad arbitrium meum perfruas. Quanquam non diffido summum hunc pontificem, vnde singulari bonitate & clementia, honoris tui, ac dignitatis tuam nem quandoque habiturum. Quod autem scribis ad me, iucundum tibi esse, me in pristina erga te obseruantia voluntateque permanere. Ego mi ampliissime Accolte, si is esse volo qui debeo, colam te atque amem summo perē necesse est. Cuius enim habeo plura erga me amoris & liberalitatis indicia ac monumenta? Quid virtus tua? Quid humanitas? Quid illa & crebra & vehementer repetita amoris tui erga me significatio? Quid doctrina? Quid litera? per quas suauissimo vinculo communium studiorum coniuncti inter nos sumus, parumne ista valent ad animum meum tibi obligandum, totumque indigentiam & potestatem tuam tradendum? De tua autem in me lenientia hoc velim tibi persuadeas, neque me existimare hunc noscentius quicquam me assequi posse, quam abs te sic diligere nec aliquid animo meo accidere posse iucundius. Ludouicus nunc dictus tuus, homo (vt mihi visus est) & peritus, & prudens, idemque studiosissimus tui, offendit me in via, cum lectica viderem quod nondum etiam eram ex recente morbo confirmatus. Cum eo sermonem habui de te, quem illum ad te pertulisse arbitror. Iter item mecum ad Vrbein faciebat Molsa, summo ingenio summa eloquentia vir, atque is quoque amantissimus rerum omnium tuarum. Sed est quod mihi ignosci a Ludouico perlium. Egi enim cum eo parum sanē humaniter: qui cum leuiter nos inter nos confereremus, listi lecticam non iusserim. Cum me mei errati acriter postea poenituit. Conderant enim per mihi, nihil visum est agi potuisse magis rustice. Sed siue res quidam mentis atque ingenij ex morbo (vt arbitror) contraxit siue ipsa commemoratio de te, plena lœtitiæ partim, partim iam doloris, ita consilium mihi excussit, vt quid tum decessu nequissimū perspicere. Huius mei culpa, cuius recordatio etiam

nunc mihi molesta est, & abs te, & ab illo veniam peto dari, mihi-
que ignosci peto. Reliqua mea officia in te, atq; in omneis tuos
fidelissime semper amantissimeque constabunt. Vale. XII. Ca-
lend. Decemb. M. D. XXXVI. Ex Vrbe.

XVIII.

IAC. SADOLETUS EPISC. CARP.

Cosmo Gerco Fani Episc. S. P. D.

LVDOVICVS Beccadellus familiaris tuus conuenit me, mul-
tamq; tuis verbis salutem mihi nunciauit: adiunxitq; in ser-
mone, te molestè ferre, quod cum ego per ista loca ad Urbem
proficiscens iter facerem, tu istic non affuisses: cupereque te in
meo reditu, si eadem via iter facerem, videre me, & alloqui, ho-
spitioque excipere, quem iam antè in amorem & in beneuolen-
tiam tuam recepisses. Quæ cuncta mi optime Geri mihi abs te
iucunda & grata accidere. Nam cum de te iam pridem in eam
opinionem venerim, vt de virtute & humanitate tua mirificè
sentiam, multorum honorum testimoniis in hunc sensum adduc-
tus: tum verò hæc significatio tuæ erga me voluntatis & meum
pristinum de te iudicium confirmat: & facit, vt te etiam mihi
magis præcipua quadam beneuolentia diligendum putem: quem
antea communi illo studio, quod virtuti debetur, tantummodò
diligebam. Siquidem nihil est, quod me vehementius impellat
ad amandum, quam cum intelligo me amari. Quod quoniam
mihi abs te contigit, sic velim tibi persuadeas, neque in fide ami-
citiae, neque in beneuolentiae studio, quicquam a viro bono de-
siderari conuenire, quod tibi a me non promptum & paratum
futurum sit. Meque & tuam istam voluntatem, quam erga me
eximiam ostendis, maximi facere: & tuis tantum tribuere virtu-
tibus, vt existimem hanc modò inter nos iniram amicitiam, mi-
hi non solum voluptari, sed honori etiam permagno fore. Quare
ita sentias & constituas volo, me tibi prorsus esse amicissimum.
De hospitio quòd mentionem facis: crede mihi, si te presentem
istic ostendissem, perlibenter certè ad te diuertissem. Quid enim
mihi tuo aspectu & familiaritate occurrisset dulcius: Neque re-
gulo, si in reuersione mea in Galliam per eadem ista loca transie-
ro, per quæ, vt nunc est, transiturum me arbitror: quin ad te rectè
me conferam, tecumq; & apud te diem & noctem sim. Sed & pue-
ri famulantesque tui, te absente eam mihi sedulitatem diligen-
tiamq; præbuerunt, vt facile appareret ex disciplina domestica,
qui tu, & quam liberalis hospitum receptor esses. Nullum enim
certè officium prætermiserunt, quod tam breui tempore, & pe-
regrino, & hospiti potuerit præstari. In quo declarauit, cum

P

me tam

me tam studiosè inuitarent & colerent, quantopere illud tibi gratum iudicaret fore. Quæ cum omnia redeant eodem, valent amoris erga me tui indicia atque signa: ne viuat, mihi concessurus tibi sum, ut tu plus me diligas, quam ego te diligam. Itaque & pro collegio & pro amicitia, paria tibi à me studia polliceor ac defero, atque illa sunt, quæ tu in me contulisti, & si fieri poterit, etiam ampliora. Sed de his satis. Ego genus tuum vita consiliumq; in Ecclesia tua commorandi, usque adeo probo, ut non desinam id & laudare summe, & admirari. Deumque immortalem quaeso, ut dignum tua ista virtute animiq; constantia fuerit, atque euentum consilio tuo largiatur. Vale. III. Cal. Decembris, M. D. XXXVI. Ex Vrbe.

IACOBI SADOLETI EPISCOPI CARPENTORACTI EPISTOLARUM Lib. X. Epist. I.

IAC. SADOLETVS S. R. E. CARDINALIS
Herculi II. Duci Ferraria, S. P. D.

QUONIAM habeo te inter eos quos mihi eximie semper colendos, observandosque proposui: idcirco putavi mihi faciendum esse, ut ad te mea manu scriberem, nuntiaremque id quod mihi contigit. Hec enim nihil cogitans, ac ne cupiens quidem, sed præter omnem opinionem meam creatus sum Cardinalis. Cuius honoris magnam onus & splendidum; meis tamen humeris perquam graue est: non enim videtur mea fortunæ tenuitas id posse perferre. Sed tamen feram ut potero: & si copiis opibusque deficiam, in eo laborabo, ut fide, integritate, amoreque in Remp. muneri me satisfaciam. Tibi verò præstantissime Dux, cuius nomini etiam simæque familiaræ iam pridem valde deditus sum, ita mea studia officiaq; polliceor ac defero, ut tibi cupiam persuasum esse, etiam tibi imprimis præsto semper fore: meq; eorum nemini qui te amat & colunt, quorum pro amplitudine & nobilitate tua, magis propria est, vnquam concessurum: semperque ea libentissime faciarum, quæ honori tibi & ornamento esse possint. Sed hæc, cum usus venerit, re magis præstabo, quam verbis. Tu vero me diligas, habeasque in numero tuorum, vehementer a te peto. Vale. Ex Vrbe, X. Cal. Ianuarij, M. D. XXXVI.

II.

IACOB. SADOL. S.R.E. CARD. PETRO BEM-
bo, S. P. D.

NEQVE hilariter possum, neq; tristib. etiam verbis ad te scribere: quod in altero mihi animus meus repugnat, in altero hominū opinio atq; iudiciū. Qualecunq; tamen id sit quod mihi accidit, scire te volo, me his proximis comitiis a Paulo III. Pont. Max. in amplissimū ordinem S. R. E. Cardinaliū esse coopratum. Quod si ne latandum, necno sit, equidem ignoro. Scio enim me alias huiusmodi occasiones vitasse: & nunc quidem certè quod factū est, neq; ex voluntate mea, & præter omnem expectationē factum est. Ac singularis quidem Pont. Max. voluntas declarata est aduersum me, qui iudicauit eo honore me dignum, quo forsitan non sum dignus: vel potius planè non sum. quis enim est tam arrogans; qui audeat ipse de se facere iudicium dignitatis? Sed quod ego sine ambiguitate & sine vilo errore iudico, onera quæ honorem cum consequuntur, mihi ita graua sunt, vt nō videam quō pacto possim ea sustinere ac ferre. Te quidem rogo mi opatissime Bembe, vt me amare non desinas. Minor apud te sum factus, quàm fuerim antea. Hoc enim & ego suspicor & te ipsa ita est. Sed noli hoc quæso, meæ culpæ adscribere: potius fortunam accusa, quæ me compulit in eiusmodi vada & cautes, vt aut fama omnis prudentiæ abiicienda mihi fuerit, aut libertas constringenda. Ego verò pudore & timiditate ingenua quadam malui constringi, quàm stultus iudicari. Si lapsus iudicio sum, ignorantia id meæ eribendum est. Si verò mea ratio habet aliquam rationem, eam tu si defendendam susceperis, potero sperare, me omnibus purgatum & probatum fore. Te quidem ego indies magis magisq; diligo, plurimiq; facio. Lazarum meum meis verbis saluere iube: itemq; ceteros: quos ferè habemus amicos communis. Me quo minus plura scribam, meæ molestæ grauesq; solitudines, & cura rerum necessariarum auocat. Vale. Romæ, Calen. Ianuarij, M.D.XXXVII.

III.

IAC. SADOL. S.R.E. CARD. RODVLPHO
Pio Carpenſi S.R.E. Card. S. P. D.

CVM me tecum vnâ, Paulus Pontifex Maximus in amplissimum S. R. E. Cardinalium ordinem cooptrauerit: non rã res ipsa mihi iucunda accidit, propter prioris vitæ meæ (vt ego arbitror) beatoris desiderium, quàm summi benignissimiq; Pontifi-

eis tale de me iudicium, & iucundum, & gratum exitit. In quo auxit permultum animi mei læticiam, quod te socium, vel potius ducem habiturus sum in omnibus præclaris actionibus quæ per nos ad Dei omnipotentis gloriam, & Christianæ Respublicæ salutem, & suscipiendæ fuerint, & tractandæ: ut etiam si virtute nobis impar, voluntate tamen proximus sim futurus. Sed de his aliis. Nunc tibi ex animo gratulabor, teque videre quæ primum opto: ut mutua nostra benevolentia, quæ semper animo potius retenta, quam officiis inter nos usurpata est, propter dysfunctionem videlicet nostram, & vitæ, & locorum, nunc assiduitate consuetudinis, & communicatione consiliorum, uberiori multo amoris fructum nostrum utique afferat. Tu vale, & ignosce breuitatem meam: plura enim scribere meæ occupationes non sinunt. Iterum vale. Romæ, V. Cal. Ianuarij, M.D.XXXVI.

IV.

IAC. SADOL. S.R.E. CARD. MARIO A-
lgerio Rheatis, & Laurentio Grano Signia Epi-
scopia S. P. D.

CVM me nihil tale cogitantem, ac præter omnem expectatio-
nem meam, optimus Maximus Pontifex in sacrum collegium
S.R.E. Cardinalium coopraßer, non existimaui tantum mihi cu-
rarum & sollicitudinis ab ipso honore, qui certe maximis occu-
pationibus est impeditus, affertur oportere, ut officij obliuiscerer,
quo mihi videor ambobus vobis esse obstrictus. Tanta est huma-
nitas earum literarum quas mihi rescripsistis: adeoque vestram
propensam & beneuolam erga me voluntatem visus sum agno-
scere. Quod profectò gratissimum mihi accidit. Talibus enim vi-
ris, quales estis vos, probatum me esse, præcipuum pramiū mi-
hi videtur esse virtutis. Quæ quidem virtus si tantā in me existi-
ret, quanta à vobis magis prædicatur, quā à me ipso agnoscitur,
gauderem maiorem in modum iudicio doctissimorum & a-
micissimorum. Nunc etsi opinionibus de me vestris imparem esse
me sentio, amore tamen erga me vestro nihilominus lætor: facili-
terque patior, videri vobis maiora quæ benevolentia vobis deplu-
git, quā quæ veritas ipsa fert. Sed de his satis. Ego hoc honore
factus sum vobis non amicus melior, sed aliquanto ornatio-
r. Quod quidem honor magis mihi erit & optatus & gratus, si ex col-
cultas mihi affuerit, bene de vobis, & de vestri similibus prome-
rendi. Non enim alium ex illo fructum aut specto, aut percipio.
Vos si per istinam vestram benevolentiam erga me conser-
uabitis, & humanitati constabitis vestræ, & facietis mihi gratissi-
mum. Valete. Scriptæ erant hæc literæ, cum tuas eodem die Mar-
dochil

doctissime accepi literas, & simul alteras ad Paulum Græz nostrum, utrasque honori nostro gratulanteis: quas nimirum libentissimè legi. Gratulatio vestra optimi animi index mihi pergrata est. Utinam ego talem me præstare possim, qualem vos describitis. Conabor quidem certe: & si aliud nihil, egregiam utique voluntatem ad Christianam Remp. afferam: cuius salus atque amplitudo semper erit mihi mea vita charior. Vobis autem duobus hoc nunc habeo quod pollicear ac spondeam, vos neque constantiam in benevolentia erga vos mea, neque in amicitia fidem de desideratis. Sicuti quidem & virtus vestra, & mea vitæ perpetua consuetudo à me postulat. Iterum ac sapius valete. Roma.

V.

IACOB. SADOLET, CARD. MARIO MAF-
fæo Cavallicensi Episc. S. P. D.

ET si nihil adhuc abs te ad meas priores literas erat responsum, quibus ita flagitabam aduētum tuum, ut nihil fieri posset ardentius: tamen cum postea fato nescio quo, aut ne fato quidem, sed optimi ac præstantissimi Pontificis nimis beneuola erga me voluntate, ignarus, & incogitans, in sacrum ordinem S. R. E. Cardinalium cooptatus essem, non duxi prætermittendum, quin ad te literas hac ipsa de redarem: quanquam eram, quod te intelligere puto, maximis curis occupationibusque distentus. Sed tamen amor meus erga te, & officii ratio, eius quod nostræ amicitia debitum est, nullo impedimento teneri potuit, quin communicarem tecum hoc quicquid esset, siue gratulandum id sit, siue non gratulandum, ut ambo id vna communiterq; faceremus. Non enim quicquam à te seiunctum mihi esse potest: nec tu aliena tibi ea, quæ mihi accidunt, debes existimare. Sed cum iam diu mutuis inter nos amor animos nostros in vnum quodam modo conflauerit, debet uterq; nostrum in altero semetipsum æstimare & pendere. Ergo si ornatiores ego hoc honore factus sum, quam antea, horum mihi ornamentorum pars æqua tecum est: si minus ornatus, minorisq; faciendus, (nam certe liber minus, & minus beatus redditus sum) tu leuare debes onus nostrum, æqua oneris parte mecum subeunda. Sed quoniam res in præsentia ad iudicandum difficilis est, egetq; disceptatione maiore & tempore aliud utique scire interim te volo, si te præsentem hic habuerim, maximas partes lætitiæ & hilaritatis mihi fore restituras. Nā & enim cuius amore consiliisque requiescam: & nulla tam graminis sollicitudineque opprimar, quam aspectus tuus, & familiaris sermo noster non continuo tollat, atque auferat. Tu vna-

letudini tuæ seruias, mi suauissime Mari, & te huc aliquando conferre mea causa animum inducas, vehementer a te peto. Vale. V. Non. Ian. M.D.XXXVII.

VI.

IAC. SADOL. S.R.E. CARD. ANDREAE

Gritto Duci Veneror. S.P.D.

CVM accepissem Amplitudinis tuæ literas, & Laurentii Bragadeni, hominis virtute & sapientia oruati, legati vestri vobis audissem, qui suo sermone egregiè subsecutus est gravitatem earundem literarum: equidem non medioeriter sum lætatus, tale fieri iudicium de me abs te, & ab isto amplissimo senatu, in quo ego vestigia antiquæ dignitatis atq; autoritatis residere intelligo, ut me quoque non inutilem ministrum ad subueniendum Christianæ Reipub. esse existimetis. Verùm ista lætitia affert profectò secum maiorem etiam sollicitudinem. Magis enim video mihi laborandum esse, ut iudicio vestro respondeam, quàm lætandum, quòd sic de me vos iudicetis. Quòd si recta administratio huius honoris ac muneris, quod mihi nullo meo merito, sed quadam bonitate præpotentis Dei suscitantis de tetra inopem, & de summo pauperem erigentis, delatum est, à me ipso mihi speranda atque expectanda esset, diffiderem profectò, à vobisq; peterem, ut talem de me opinionem haberetis. Quid enim ego sum, si per me metipsum æstimer, nisi plebis abiectio? Sed quoniam ad clementissimum Deum toto animo conuersus, illius vniuersæ & benignitati confido, & opem expeto: cupioq; illi, quamquam peccatis oppressus, studio tamen bonæ voluntatis inseruire: spe teneor posse me diuino auxilio fretum, aliquando & Reip. afflicte, & bonorum de me expectationibus aliqua ex parte satisfacere. Præsertim cum hæc noua atque inaudita multis iam penè seculis summi pontificis Pauli tertii bonitas ac sapientia, & collegarum meorum præstantissimorum hominum, virtus ac religio, animū meum exciter atque erudiat: quorum ego vestigiis consecrandis, virtutibusque imitandis, errare minimè poterō. Quare in hoc mihi nouum vitæ genus hoc animo sum ingressus. Primum, ut Deo omnipotenti, eiusq; sanctæ fidei, omni studio, opera, labore, sanguineq; deseruiam. Deinde, ut sanctam sedem Apostolicam præsidemq; illius Paulum ita meritum de me, ut omnes ieiunent, quantum in me erit, in omni sua autoritate ac dignitate tueri, atque conseruem. Tertio loco, ut ea agam & mediter, quæ pro bis, & doctis, & amantibus mei, possint & honestati esse & commodo. Quo in genere gratias amplitudini tuæ agens, quod d me tam humane & tam amanter scripseris, & tibi & isti amplissimo

mo Senatui ita mea studia polliceor ac defero, ut quoad per me rectè fieri poterit, paucos mihi pares in amore & cupiditate vestrarum rerum secundarum sitis habituri. Vale. XV. Cal. Februarii, M.D.XXXVII.

VII.

IACOB. SADOLET. S.R.E. CARD. CLAV-
dio Rangono Comiti, S.P.D.

QUAS ad me & ad Paulum meum misisti literas, grata mihi maiorem in modum fuerunt. Recognoui enim in illis pristinam illam tuam erga nos beneuolentiam, quam ego amare tantopere sum solitus. Præsertim adiunctis maximis virtutibus & animi & ingenii, quas ego in te ab ineunte tua adolescentia prospexi, easdemq; ad frugem bonam postea perductas cognoui. Quod honore nostro latatus sis, tam faciliè tibi credo, quam mihi ipsi. Quod verò honos ipse magni æstimandus sit, disputas tu quidem & ornate & subtiliter. Sed, crede mihi, alia erant potiora, quæ quidem ego magno animo eram persecutus. Nunc veteor ne me ipso factus inferior sum. Sed si erit locus Deo inseruendi, nauandaq; Reip. fortiter atque constanter, maximo me honore affectum arbitror. Quod quidem aut hoc optimo prudentissimoque Pontifice gubernacula tenente sperandum est fore, aut nullo alio. Quotus enim quisq; in hunc altissimum honoris & dignitatis gradum iam dudum sublatus est, cui Resp. fuerit cordi: Sed hæc Deus viderit, cuius potestate & arbitrio reguntur omnia. Te ego amo, ut debeo, meq; à te amari vehementer opto. Imprimisque id cupio, ut de meo optimo animo & voluntate erga te persuasissimum tibi habeas. Vale. Romæ. XIII. Idus Ianuarii, M.D.XXXVII.

VIII.

IAC. SADOL. S.R.E. CARD. FRANCISCO
Bellencino Mutinensi, S.P.D.

AVDIERAM sepe ex Paulo meo, qualis tu vir, & quam mirifice deditus liberalioribus studiis esses, ad quæ ab iure Ciuili, in quo eras multis iam annis omni cum laude versatus, etiam cutam omnè animumq; transtulisses. Quod quidem erat apud me animi ingenui & præstantis indicium. Sed crede mihi, tuæ literæ non modò confirmantur opinionem de te meam, verùm etiam auerunt. Ita enim perfectæ atq; elaboratæ in omnem partem sunt, ut statuere sitis non possim, verum elegantius scriptas putæ, an amantius ita omnia in illis & ingenii luminibus & amo-

ris sunt lita. Ex quo gratulari mihi in mentem venit communi patriæ, quæ tot ingenia ex sese, & talia effere in hoc tempore, ut artium eam optimarum tanquam officinam quandam esse videamus. Quare quod mihi eloquentiæ laudem tribuis, feci equidem quod in me fuit, ut digitum intenderem in eam viam, per quam ad summum humanæ dignitatis gradum perueniri possem arbitratu, primus hanc ipse, aut certè cum paucis intrem. Sed nunc tam multi tanto cum studio in eam se iniiciunt, ut mirabilis concursus sit. In quo ego æquissimus spectator aliorum laudis, multos partim antecedentes iam me, partim etiam consequentes, mira cum voluptate conspicio, tuncq; impensius bonis ingentis. Quo in numero cum te vel imprimis constituam, debes exaltimare, gratum mihi accidisse istud studium quod præ te fers, & colendi (ut tu ais) & diligendi mei. Nam quod honorem mihi hunc notum gratularis, agnosco beneuolentiam tuam: sed magis iure mediushidius illam pristinam meam vitam mihi esses gratulatus: quæ ego beatiorẽ aliam nunquam indicavi repetiri posse. Ut nunc res se habet, quãdo in hunc locum euectus sum, dabitur opera a me Deo bene iuuante, ut noster honos neque inutilis Reip. nec bonis & doctis viris infructuosus sit. Quibus quidem si non re & fortuna, at opera certè & voluntate non deero. Nullumq; maius premium me assecutum esse putabo, quam si facultatem ero nactus, bene de illis quacunque ratione promerendi. Tu ut valeas, nosq; diligere pergas magnopere a te peto. Vale. XII. Cal. Aprilis, M.D.XXXVII. Roma.

IX.

IAC. SADOLETVS EPISC. CARPENT.

Petro Bembo S.P.D.

REDIT & à te breui tempore epistolæ mihi sunt duæ, quarum in vna honori nostro amicissimè gratularis, altera habet defensionem facti nostri, ita accuratam & grauẽ, ut summus in ea amor tuus cum singulari prudentia certare videatur. Sic enim occurris omnibus dubitationibus nostris, sic omnia quæ contra dici possunt, rationibus tuis diluis atq; refutas: ut animus noster ambiguus antea & vacillans, metuensq; ne quid admisisset in sese, quod a reliqua via me videretur discrepare, tua nunc auctoritate firmior, & in suscepta ratione constantior multo factus sit. Quanquam illa grauissima omnium ad consolandum est ratio: si mihi in hoc loco constituto, tribuerit fortuna facultatem bene de bonis & doctis promerendi: hoc si contigerit, cetera modè feremus. Nam quod ad ipsum me attinet, noli existimare, mi Bembe, non me aliquantum animo commoueri, cum conside-

rem qui fuerim, quàm beatè, & quàm meum ad arbitrium olim vixerim. Nunc autem ex illis amplissimis atque amoenissimis libertatis spatibus, in breuem gyrum seruitutis sum redactus: praesertim cum hic etiam honos non maiorem modò virtutem & sapientiam, quam mea est: sed longè opulentiorum fortunam requirit & postulet. Sed quoniam tuis præceptis constantia animi suscipienda est, & mollicies abicienda, sumus sanè in omni huiusmodi perturbatione fortes. Nostram perpetuam benevolentiam inter nos, amoremq; incredibilem ac singularem quo coniuncti sumus, equidem à mea parte tueor, tueorq; diligentissimè, citiusq; à vita deferar, quàm ut is vllum vnquam detrimentum apud me vel minimum pariat. Tu ut eodem animo erga me sis, quo semper fuisti, non equidem te rogo: (non enim vereor ut secus facturus sis) sed tamen nescio quo pacto, ut optem mihi in mentem veniri. Vale mi charissime atque humanissime Bembe. XV. Calend. Febru. M. D. XXXVII. Ex Vrbe.

X.

IAC. SADOLETVS S. R. E. CARD.

Andrea Alciato S. P. D.

PLENAS amoris atq; officij tuas accepi literas quæ & quoddam profectè a te, & quoddam amicè atque eleganter erant scriptæ, plurimum mihi voluptatis attulerunt. Gaudebam enim Alciato tibi tali viro honorem nostrum probari: quo cum iuncta quidem est repentina propemodum totius vitæ commutatio, & ea mihi molesta, nisi interdum sollicitudinem animi mei doctissimorum hominum atque amicissimorum, cuiusmodi es tu, gratulatio & lætitia leuaret. Etenim scis ipse profectò, quam vitam autem vivere eram solitus, quàm beatam, quàm liberam, quam omnibus iis fluentem rebus, quæ iucunde hominibus in vita accidere solent. Quibus omnibus nunc carere est necesse, longeq; diuersa & studia & instituta sequi. Sed si hoc mihi vni incommodum, cæteris fortasse vtile, ac Christianæ imprimis Reipub. futurum est, ut tu suauissimè atque amantissimè auguraris: subeat omne onus, & cuius iugo cervices subdantur. Quanquam nil video esse in me aptum publicis commodis, præter bene & rectè faciendi voluntatem: quæ mihi quidem nunquam aherit. Est enim non cura mea aliqua, sed diuino in nobis beneficio innata, quæ si sola, & eis nuda præstidius quæ ab ingenio & prudentia suppediantur, potest quicquam prodesse rebus communibus, opera quidem mea non desiderabitur. Cætera in potestate Dei erunt, ad quem nos omnia sumus relaturi. De te verò mi Alciato, nunquam dubitavi quin summam lætitiā esse caputurus quacumque ex

que ex re, quam mihi honestam & utilem fore arbitraretis. Noui enim animum tuum tum propensum erga me, tum suapte sponte bonis omnibus fauentem. Neque id me primum literæ docuerunt, sed hæc tamen iucundæ atque grata quod testes extiterunt, non beneuolentiæ solum, verum etiam memoriæ mei tuæ. Quas ego legens videbar tecum loqui, tanta in illis suauitas, tantaque declaratio amoris tui erga me inerat. Quare te etiam oro, ut interdum ad me, cum otium tibi erit, scribete ne graueris. Ego quod meæ voluntatis in te proprium est, sic te statuere, & tibi persuasum esse volo, qui te pluris quam ego faciat habere te neminem. Quamobrem quicquid ego sum, aut esse vnquam poterō, totum tibi confidas & tuis commodis paratum. Vale. XIV. Calendarum Februarij, M. D. XXXVII. Ex Vrbe.

X I.

IAC. SADOLETVS CARD. S. R. E.

Romulo Amasæo S. P. D.

NON erat opus mecum tot vti excusationibus: non enim vnquam dubitavi quin tu me diligeres. Sed tamen in te quodammodo excusando cum adhibuisti non mediocre diligentiā, simul & illud, quanti tu me faceres, ostendisti. Quo ego tuo vel de me iudicio, vel erga me animo mirifice delector. Virtutem tuam, quam amabam & excellens ingenium, quo es præditus, totum expressum vidi in tuis literis: quibus mihi elegantius nec eruditius legi à me potuit. Omnino egregie sustines nomen quod adeptus es. De quo tibi non minus gratulor, quam tu honori meo es gratulatus. Cui ego honori vtiā par esse possim, ut ne obruar expectatione eorum, qui magna a me postulant, & maiora quidem, quam queam præstare. Sed in hoc misericors Deus nos adiuuerit. Ego te diligo Romule, & de tuis virtutibus honestissime sentio: meque vicissim cupio à te amari, paratus, si quid fortè vti opera mea volueris, ea tibi præstare, quæ ab amicissimo homine iure expectanda sunt. Pompiliū tuum hic sæpè video, eiusque probitate, & ingenio, ac in meipsum obsequantia summopere delector. Vale. Romæ.

X II.

IAC. SADOL. S. R. E. CARDINAL.

Achilli Bocchio Bononien. S. P. D.

NVLLA fuit antehac mihi tecum familiaritas. Verum literæ tuæ, quas proxime ad me misisti, eam inter nos beneuolentiam conciliaverunt, quæ instar antiquæ necessitudinis haberi possit.

possit. Ita patuit mihi animus tuus, & verà visa est gratulatio, quæ ab optimo animo profecta est. Itaque te planè existimo hoc honore nostro vehementer esse lætatum. Qui quidem honos vti-
nam sit eiusmodi, ut ex eo ego, & Christianæ Reipub. (sicut tu sanctissimè atque amicissimè optas) prodesse possim, & doctis unà & probis viris, in quos mea semper fuit propensa & est volun-
tas. Sed vereor ne quod piè volo, id re præstare minus idoneus sim. Non enim ea virtus in me, neque ea est doctrina, quam tu fortasse arbitraris. Sed cum ad præpotentem Deum & tu omnia referas, & ego ad eundem confugiam; ipse est, si is nobis fauerit, fueritque adiumento, aliquid aliquando nos effecturos esse, quod ad illustrandam ipsius gloriam, & ad aliquod commodum Reip. pertineat. Verùm hoc, ut illi fuerit placitum. Ego & gratulationem tuam gratissimè accipio, & te in suscepta erga me benevolentia cupio permanere. Quod ut constantius facere debeas, pari ego te compensabo voluntate. Vale. Idib. Ianuarij, M. D. XXXVII. Roma.

XIII

IAC. SADOLETVS CARDINALIS

Lazaro Bonamico S. P. D.

BINIS abs te acceptis commendatitiis literis, iis quos mihi commendaueras, & vultu & verbis ostendi, quantum valeret apud me tua commendatio. Atque illi cum adissent me primò, responsumque tulissent, tua me causa omnia quæ ex me vellent, libenter esse facturum: cum reuersi postea non sunt. Credo, quod me vidissent, & sese noscendos mihi obtulissent, satis purasse impræsentia se esse consecutos: redituros, cum opus fuerit. Tu verò ita constitue de me, & tibi ita persuade, quicquid tua agere causa contigerit mihi, id gratius mihi semper futurum, quam tibi ipsi. Secutæ sunt postea tuæ gratulatoriæ literæ, qua Deus bonæ eloquentiæ? qua copia, quibus ingenij, & amoris refertæ luminibus? quæ cum mihi redderentur, casus interuenit mirificus. Eramus enim in senatu, & prope me amplissimi viri Contarenus & Polus: à quibus lectæ, laudatæque mirabiliter. Farnesio le-
ctissimo adolescenti deinde sunt traditæ, qui postridie domum mihi eas remisit. Ad eas quemadmodum debeam respondere ego planè ignoro. Video enim te tantum permittere amor, ut ex iudicij tui, alioquin recti & boni, regionibus, non parum egrediaris. Tunc tanti me facis, & usque eò de me bene existimas, ut statuas magnum aliquod ex me commodum Christianæ possi euenire Reip. Vtinam hoc ita esset. Essem enim & fortunatior mihi ipse, & certè amicus tibi ornatior. Quid enim est quod

magis

magis cupiam in vita, quam huic tali tuo de me iudicio satisfacere? Quod si tu de voluntate mea ita iudicas, nihil profecto falleris. Sin autem de facultate: quid, quaeso, tantum est in me virtutis & sapientiae, ut huic muneri obeundo, egregie aptus sim? Sed tamen cum voluntas saepe si acriter sit incensa, inuenire sibi viam ad res gerendas possit, dabo equidem operam, ut si non omnino at aliqua ex parte opinioni tuae industria mea respondeat. Quod de Paulo Tertio optimo maximoque Pontifice & sentis praclare, & praedicas: certe mi Lazare nouum hoc exemplum a praestantissimo Pontifice in Remp. introductum est, vel reuocatum potius ex ipso more maiorum, & longo intervallo repetitum: ut in mandandis honoribus non gratiae, sed virtutis ratio habeatur. Quod in meis Collegis maxime patet. Quis enim est eorum non singularibus atque eximius virtutibus ornatus & praeditus: quorum ego numero utinam adscribi dignus essem: constaretque tu me summi Pontificis iudicium, sicut in aliis constituit, qui item ab eo sunt in hunc amplissimum ordinem adlecti. Sed (ut dixi paulo ante) hoc diligentia utar maiore, quod ingenio imbecillior sum. Tibi porro quid ego scribam? nisi & agere me tibi gratias, qui tantopere meo honore gauisus sis, pristinumque tuum amorem erga me, omni mihi tempore probatum & perspectum, hac etiam in re totum exposueris atque ostenderis: & tibi polliceri, meam illam beneuolentiam, qua te semper mirifice sum complexus, non modo stabilem & saluam consistere apud me, sed factam etiam, quam antea, aliquantulo auctiorem. Siquidem magna ex parte spes laetius traducenda vitae in hoc ipso honore, qui mihi ceteroqui grauem seruitutem affert, in eo mihi posita est, si amicis & familiaribus meis, in quibus tu principem penè locum obtines, & laetitia potero esse & commoditati. Vale. XV. Ca. lend. Februarij, M. D. XXXVII. Roma.

XIV.

IAC. SADOLETUS CARDINALIS

Augustino Bentiano S. P. D.

ELIGANS tuum carmen mira quadam suauitate me demulset: vel propter lumina ingenij, quae in eo multa extant: vel ob memoriam nostrae mutuae beneuolentiae dulcissima quoque consuetudinis, quae nunquam mihi quidem ex animo lapsa est, si nunc grata recordatione repetitur. Quod gaudeas honore meo non mihi nouum est, neque inopinatum: eodem enim tempore tuo ipsius honore laetaris. Quid enim est amicitia, nisi communio rerum & secundarum, & aduersarum? Utinam modo haec secundae sint, per quas auulsam me a rebus mihi iucundissimis

deo. S

deo. Sed si quid hic boni erit, in eo inerit, si & Reip. & amicis ego vñui potero & ornamento esse. In quo dabo vñque operam, vt quæ didici in otio, in negotiis expromam. Potestas modò detur agendi aliquid, quod sit vñ dignum, meam constantiam & studium non desiderabis. Ego tuæ gratulationi ago gratias: maximeque opto, vt eadem quæ fuisti erga me voluntate, semper sis: de meque ita constituas neminem te habere, in amore tui superiorum me, paucos pares. Vale. Roma.

XV.

IAC. SADO L. S. R. E. CARDINALIS
Lilio Greg. Gyraldo, S. P. D.

GRATIA mihi tuæ literæ, testes tui perperui erga me amoris, qui semper mihi iucundus accidit. In quibus quoddam honori meo gratularis, agnosco eandem benevolentiam tuam: & in eo etiam magis, quoddam me existimas alicui vñ fore Christianæ Reip. quod vñ ita eueniat. Non enim tum me beatiorem vitam amisisse existimabo, quæ mihi in otio & tranquillitate posita erat: si aliqua via operis & negotij, eandem beatitudinem potero consequi. Non enim minus ad felicitatem labore honesto, quam quiete animi peruenitur. Cuius facultatis si dederit mihi Deus occasionem, non committam, vt frustra quisquam meam operam, & officium boni viri videatur requisivisse. Te cupio valere, & me à te diligi etiam opto, sicut ego quidem te diligo: quod re tibi declarabo, si acciderit, vt aliquando possim. Vale. ex Vrbe.

XVI.

IACOB. SADO LET. CARDINALIS
Hieronymo Vida Alba Episcopo, S. P. D.

GRATISSIMA mihi fuerunt literæ tuæ: quæ & veteris nostræ amicitie memoriam mihi renouarunt & declararunt, in te non parum adhuc amoris erga me ipsum residere: quo mihi nihil optatius, neque iucundius accidere potuit. Nam cum te semper ingenij & virtutis tuæ causâ plurimum dilexi: tum verò optavi vicissim diligi à te. Id rectè existimans, coniunctionem tecum meam mihi magnò honori semper fore: quoddam tum de quoque homine iudicium in vñque partem magnam vim haberet, neque solum in præsentia honorificum existeret, sed illuc esset in omnem etiam posteritatem. Quanquam hæc quæ notissima sunt, noua commemoratione mea non indigent. Venio nunc ad gratulationem tuam, quæ mihi magis propter animum

tuum propensum & beneuolum erga me, quam propter ipsam, de qua gratularis iucunda extitit. Gaudéo enim à te viro honorem meum comprobari: ipso autem honore non copere delector. Qui etsi magnus, & expectendus omnibus: tui mihi tamen boni multò plus abstulit, quam dedit. Ab enim otium, quietem, libertatem. Alia quædam reddidi nequaquam cum illa felicitate prioris vitæ, meo quidem iure erant comparanda. Sed quoniam oppressi subito optimi Pe beneficio, spatiij ad consulendum ac deliberandum nihil habemus: pareamus sanè Deo, qui nos huic subiectos oneri esset iuit. Illud tamen curemus, in eoque elaboremus, ut quoad nostram parte poterunt, hæc nostræ dignitatis accessio, Christianæ ab. & huic sanctæ Apostolicæ sedis possit esse utilis. Conabimur quidem certe. Quantum autem præstare efficere possimus, id iam ad Deum ipsum referendum totum est: quæciat nos idoneos ministros suæ voluntatis. Sed de his facis, te doctissime Vida & amaui semper, ut paulò antè dictum tuo præstantissimo ingenio, eximiaque doctrinæ plurimum bui. In qua etiam nunc & opinione eadem sum, & voluntate biq; hoc de me esse persuasum volo, si quem mihi aliquando locum tibi gratificandi dederis, magno me abs te affectum beneficio esse arbitraturum. Tu ut valeas, & me ut diligas, magnè a te peto. III. Februarij, Romæ.

XVII.

IAC. SADOLETUS CARDINAL.

Germano Brixio S. P. D.

SEMPER hoc ferè euenit in tuas literas, mi humanissime Sxi, ut longo interuallo postquam à te datæ sunt, ad me perferantur. Velut has, quas recens acceptas, plenissimas a ris, humanitatis, officij, summa cum voluptate perlegi. Scienim à te XIII. Calend. Februarij, octauo Idus Martias sunt redditæ. Credo, ut quò suauiores mihi & iucundiores hoc me diuturniore expectatione torqueant. Sed nihil agitur: cum enim tuas literas non habeo, neque lego, tui memoria cogitationeque delector: quæ ita mihi infixæ estis in medullis, ut auelli non possit. Neque verò ego fructu vera amicitia, qualis profecto nostra est, esse vberioremputo, quam habere amicos animo suo præsentem, quos loco longinquitas ab oculis distrahit. Hoc ego in te cum faciam, duc ac perdiligenter, quod te idem in me facere arbitror: vique videor mihi consequi, ut neque crucier tuarum literarum siderio: & cum eas accipio, vehementissimè gaudeam. Te qu

quibus quæso, putas me clarum esse lætitiis, cum eas legere quas proximè accepi, copiosas, grauis, suauissimè atque ornatissimè scriptas: quodq; pluris est quàm cætera omnia, ea indicia amoris præ se ferentes, ut iam non beneuolentiam erga me tuam uidear agnoscere, sed singularem quandam atq; eximiam charitatem? Quid enim prætermisum est in declarando amore tuo erga me, cum vel tantum de honoris nostri accepto nuntio latatum esse scribis, quantum uix alius quisquam? vel de me ita laboras, ut cum extimescas (timidus enim solet esse amor, præsertim in uiris prudentibus, & circumspectantibus omnia) ne meus hic mihi honos animu commutet, aliamq; personam, tanquam in scenâ induere me faciat hoc extremo iam uitæ meæ actu, atq; à principio indutus fuerim: non solum monitis, sed precibus etiâ agis mecum, ut me eundem præstare studeam in celebritate, qui fuerim in frequentia: & quem Romana ambitio florentiore ætate non mouerit, eadem deflexa iam, & penè exacta, ne moueat. Fateor hoc tuu consiliu, prudens, & imprimis fraterni animi à me existimari. Sed tamen mi Brix, res longè aliter se habet, ac tu suspicatus es. Non enim mihi adhuc uideris perspicere, qui sit status causæ meæ, & quâ mihi hac amplificatione dignitatis (sic enim populus fortasse existimat) non modò non latandum, sed etiam dolendum esse putem: qui à uerè beata & plena iucunditatum uita, me hac inani spe, graui ea quidem & molesta certè, distrahi sim passus. Quanquam non ego ita sum passus, ut me æquo animo duci permiserim. Sed cum ignarus omniu & nihil minus cogitans, nocte ea primum quæ antecessit comitia, certior Pontificis uoluntatis ipsius nuntio factus essem, nec temporis haberem ad deliberandum satis: animo autè incredibiliter æstuarem, quod neque res tota admodum mihi placebat: & tamen tantam uoluntatem Pontificis optimi erga me, illudq; quod de me faciebat iudicium repudiare atq; aspernari superbum existimabam, detuli rem ad amicos, non tam quidem de re, ut sententias illorum exquirere, (eram enim prorsus ad recusandum paratus) quàm ut recusandi modum honestiorem quærerem: quem ego animo perturbato uidere satis non poteram. Maxima autè afficiebat cura, ut me ita gererem, tractaremq; in recusando, ut & iustam penè iracundiam optimè meriti de me Pontificis ex repudiato illius beneficio, & famam stultitiæ ab omnibus hominibus uitare possem. Atq; hic illi qui à me consulti sunt, cum me grauer increpuissent, quod resistere conarer uocati me Deo: cuius ego consiliu & uoluntate sequi deberè, etiâ si quò illa tenderet minus perspicerem: cumq; sanctissimum mihi Reipublicæ Christianæ nomen opponerent, neque cōcederent ullo modo, ut meas priuatas rationes antepone-re publicis: fecerunt, & ego è meis pristinis cōsiliis, depulsus, ex

tranquillissima vita, & iucundissima rerum omnium libertate
 commoditateque, non in honorem amplitudinemque, cuius mi-
 nima cura mihi semper fuit: & si vlla fuisset, non difficile fuisset
 superioribus temporibus eadem hæc assequi, quæ ego tum sponte
 libensque fugi: sed in durissimam (vt ego intelligo) seruitutem
 prudens ac sciens conici me sim passus. Quæ ego iccirco ad-
 scribo, quod tu, qui vtranque vitam nosse deberes, & quid inter
 sit huic ab illa optimè callere, quippe qui vtranque es expertus
 addo etiam, cum tantum ingenio valeas, tantum literis atque do-
 ctrina: cumque probitate & religione erga Deum sis admodum
 præditus, eosque fructus ex te quotidie ingenij & studiorum tu-
 rum feras, quibus nihil dulcius neque vberius sentiri possit: debu-
 isti (vt mea opinio fert) potius ad me consolationem mittere, quam
 gratulationem: hortarique, vt ferrem forti animo, quod tot su-
 uitatibus pristinae vitæ, eiusdemque multò beatioris, essem priui-
 tus. Nam vt tu scias, quod iuratus tibi confirmo, vixisse ego mihi
 videor, non iam amplius viuere. Non enim appellanda vita est
 quæ tota ad alienum arbitrium ita degenda est, vt nihil tibi libe-
 ri, neque vacui temporis ad animo obsequendum tuo relinqua-
 tur. Quanquam potest ea quoque habere suas partes voluptatis &
 latitæ, alio tamen ex genere: si vsus fortè veniat, vt seruire Re-
 publicæ & satisfacere præpotenti Deo, & agere aliquid dignum
 viro possis: studiumque tuum ac industriam, adde etiam autorita-
 tem, si placet, in utilitatibus publicis collocare, quo genere actio-
 num maiores nostri sanctissimi homines, maximam sibi apud ho-
 mines laudem, apud Deum gratiam gloriamque comparauerunt.
 Quorum ego vestigiis insistere, factaque imitari summo opere cu-
 pio. Quanquam cæteris rebus omnibus longè impar, (agnosce
 enim imbecillitatem ipse meam) sed nemini tamen studio & vo-
 luntate concedo. Itaque hac mente nouam hanc viuendi viam sum
 ingressus, vt me à libera, vera, honestaque sententia, nihil vnquam
 omnino deflexurum sit. Sed studia interea nostra, mihi Brixi, quæ
 abierunt? illa inquam studia, in quibus & tu iudicas, & ego sen-
 tiebam, beatam verè vitam esse repositam? In hac tu vita sollicitudo
 fortuna, & misera propè dicam conditio rerum, etiam vereris
 ne quid arrogantiae mihi aut durioris ambitionis obrepatur? quæ
 sum quam antè fui, multò abiectior, & mihi metipse vehemen-
 tissimè displiceo: habeoque iam nihil in quo libenter acquies-
 scam. Sed etsi hæc omnia ita sese habent, amorem tamen tuum
 valde exotenculo: tibi que de prudentibus monitis tuis atque con-
 silijs gratias ago, habeoque pignus animi erga me tui. Nisi enim
 me summè diligeres, nunquam tantum de me curarum ac sollici-
 tudinis suscepisses. In quo mihi præstitisti id quod frater debet
 fratri, tamen in nostra coniunctissima voluntate & amicitia
 cum

cum fraterna ipsa charitas, tum omnia sanctorum necessitudinum nomina inclusa sunt. Quam quidem ego amicitiam & meam perpetuam benevolentiam erga te, sanctè semper atque inuiolatè conseruaturus sum. Tu ut idem aduersum me facias, etsi minimè rogandus es (quid enim te fieri potest constantius?) tamen consuetudinis causa, te mi doctissime Brixi enixè atque vehementer etiam atq; etiam rogo. Gratissimum quoque mihi feceris si eos omnes præstantes viros atque doctos, qui tibi de nostro honore gratulari sunt, meis verbis saluere plurimum iusseris. Vale, & scribe ad nos quam creberrimè. Ex Vrbe.

XVIII.

IAC. SADOLETVS CARDINALIS

Frid. Nauſea S. P. D.

CVM propter diuturnam absentiam meam ab hac Vrbe, minus mihi noti essent docti atq; insignes viri, qui in ista Germanica natione florerent: atque ego nuper Romam euocatus à summo Pontifice præter omnem etiam expectationem meam, in hunc sacrum ordinem S. R. E. Cardinalium adscitus essem: accepi tuas literas, plenissimas amoris, humanitatis, officij: quarum lectione mirificè delectatus (erant enim & piè & eleganter scriptæ) consului Antistitem Brundisium, quod is diu in istis locis versatus est, hominem, ut tute nosti, summi iudicij, optimi animi, excellentisque doctrinæ: atque eum de te accuratè percontatus sum, qui mihi ea de te narrauit, tuasque egregias virtutes tot apud me laudibus profecutus est, ut non solum tibi rescribere, sed gratias etiam agere, quod prior ad me scripseris, debere me confitear. Quid enim mihi optatius, quàm adipisci bonorum benevolentiam, vel ipsorum humanitate, vel meis studiis atque officiis erga illos, conciliatam mihi atque paratam? Quod quoniam mihi in te, atque adeò per te contigit (non enim vlla merita antecesserant erga te mea) crede mihi, mi Nauſea, ad te amandum non mediocriter sum accensus. Facit enim apud me hoc virtus, ut quod in cæteris vsus & longa effecit consuetudo, ea repente me ad eos in quibus ipsa inest, diligendos alliciat. Atque ego, qui ad instituendas cum bonis amicitias promptus & facilis sum, idem in eis tuendis solco esse constantissimus. Quare sic tibi volo esse persuasum, omnia officia, quæ ab amico vetere, & multis in rebus probato, iure expectari possunt, tibi & esse à me, & fore semper parata: quemadmodum re ipsa, si vsus venerit, cognosces. De cõcilio quod quaeris, Pontifex stat in sententia. Et quamquam permulta sunt, quæ nos hic retineant, imprimisq; discordiæ nostrorum principum, atque eius periculi suspicio, quod à

Turcis grauitèr impendet: quoque omnia itinera omnibus penè in locis infesta sunt, vt qui conueniant ad concilij diem futurum non sint, præter admodum paucos: sicut & vobis. Germanis patere ac perspicuum esse non dubitamus: tamen & de profectio-
ne Pontifex loquitur, & iam ad iter aliqua parare incipit: nosque sumus moniti, vt expediti ad tempus esse debeamus. Itaque p-
fore, vt exacto tempore ieiunij hinc proficiscamur. Vtinam mihi Nausea, auspiciis bonis, hoc est, fauente bonis cogitationibus Deo: quanquam ille quidem semper iis fauet. Sed tamen multa mihi veniunt in mentem, quæ tibi item venire certò scio, quam obrem de toto exitu rerum timendum magis mihi, quam sperandum esse videatur. Etenim partim mores hominum, partim etiam maiorum opiniones ita corruptæ sunt, vt medicinam nullam salutare inueniam, præteritum exasperatis animis & aduersum verum contumacibus. Quod tu malum, quoniam istic es, & errorum fontibus propius abes, facilius potes & sentire, & noscere. In quo tua quidem præstans atque eximia laus elucet: quod vir doctissimus, idemque concionator eloquentissimus, recta semper, firmaque tenuisti summi Dei, & sanctæ ac Catholicæ religionis vexilla: quo etiam nomine ego tibi plurimum debeo. Habe de concilio sententiam meam: quod si tu mihi scripseris, qui sint habitus animorum apud vos: & quid istic agant, & moliantur, quinouitates, & dissidia in fide Catholica querunt: & sint ne aequitatem animi modestiamque parati, necne sint: cum nos certe æqui, & faciles ad obsequendum, & indulgendum, quoad recte perscribet ratio, futuri sumus: dabis mihi materiam sæpius ad t-
feribendi. Quod quidem & libenter, & studiosè faciam: tecumque hanc societatem libentissimè inibo, vt ambo & coniunctè, & pro sua parte vterque huic tanto incendio, quantum nobis datum fuerit, subuenire studeamus. Sed iam de his satis. Tua mei honoris gratulatio gratissima mihi est, proficiscitur enim ab optimo animo, & studiosa mei voluntate: quam ego potiore ipso honore duco. Nam honor sæpenumero temere a fortuna datur: talia. utem studia talium virorum, qualis tu es, assequi solius virtutis est: cuius ego fructum cæteris rebus omnibus antepono. V-
le. VIII. Calend. Martias M. D. XXXVII. Ex Vrbe.

XIX.

IAC. SADO LETVS CARDINALIS

Ioan. Bellaio S. R. E. Cardinali S. P. D.

LITERÆ tuæ non minus scriptæ sapienter, quam eleganter dici non potest, quam valde me delectauerint. Habuerunt enim nō honoris huius, quo nuper affectus sum, gratulationem.

nim vulgare admodum & quorumvis hominum est) sed quod & tua prudentia acutissimè perspexit: & causa maximè postulabat mea, consolatione potiùs mecum es vsus. Vidisti enim omnium hominum ferè vnus, quid mihi extracto ex illo beatissimo orio, in quo cum omnibus artibus & studiis honestissimis dulcis mihi consuetudo, & commercium erat quotidianum: libertate præterea adempta, ad leuandam animi mei molestiam opus esset. Itaque tuum excellens ingenium, quod ego imprimis admirari sum solitus, eo potissimum adhibuisti, vt lenires dolorem meum, non vt augeres lætitiā: quæ nulla à me sanè suscepta est. Et si intelligo diuinis consiliis esse nobis acquiescendum, ea queres vna ad æquitatem animi me reuocat. In quo vsque adeo mihi profuerunt literæ tuæ, vt quoniam non datur mihi tui præsentis potestas, illæ tuam vicem mē & consolaturæ semper sint, & quemadmodum in hoc munere me gerere debeam, ad omne tempus erudituræ. Quanquam, quod tui in me amoris maximum argumentum est, videris mihi tu plus aliquantò tribuere, quàm ego agnoscam. Quòd me liberè atque integrè dicturum in senatu sententiās putas, in eo minimè falleris. Quòd verò aut mea eloquentia (sic enim scribis) aut apud summum Pontificem auctoritas multum sit profutura Reip. in neutra re video quid assentiri possim. Nam neque consilio & oratione tantum valeo; quantum fortasse esset opus: & si maximè valerem, tamen Pontifex optimus & sapientissimus non aliorum consilio in rebus agendis vritur, sed suo. Sed tamen vtcunque est: ego certè, quod partium est mearum, neque studio vnquam, neque fide, neque opera, neque perpetua mea vt rectè omnia agantur voluntate, Christianæ Reipub. deero. Vtinam haberem te autorem, & moderatorem consiliorum meorum: præclarè profectò inter nos conueniret. Sumus enim ambo ab eisdem propè disciplinarum fontibus profecti: tua & dignitas & doctrina longè est illustrior: sed certè animis non difficiles sumus. Verùm hæc viderit Deus, qui nos agit & versat, in quamcunque illi partem est placitum. Ego, mi præstantissime Bellai, de me tibi sic persuadeas volo: cum te antea semper coluerim atque amauerim, vt quem maximè: nunc in hac noua status mei conditione, amoris meo & obseruantia erga te, potiùs additum permultum, quàm quicquam detractum esse. Sicur tamen & tua eximia virtus, & ea qua me prosequeris beneuolentia postalat: à te peto, vt eadem sis voluntate erga me, qua esse consuesti. Vale. Romæ, M. D.

XXXVII.

XX.

IAC. SADOLETUS CARDINALIS IOAN.

Salutato S. R. E. Cardinali S. P. D.

IAM diu nihil literarum ad te dedi: quòd cùm non habere **I**fermè quid scriberem (quæcunque enim hîc agerentur, ad perferibi a tuis scribam) nobis te inanibus literis meis obtundere, & me hercule etiam id causæ fuit, quòd hoc nouo mihi vi genere a studiis meis abstractus, agrè ad scribendum referre poteram, & tamen quæ quotidie in senatu agerentur, ad meum meo ad te Antonius tuus scribebat: neque ea sanè multa, nisi enim ipse quam pauca nobiscum communicet Princeps. Nun prorogata Concilij die, & ea collata in Calend. Nouembris, h ad te duxi dandas esse literas: ut tuas elicerem, atque ex te scirem, quid constitutum haberes: rediturusne esses ad nos, an iste ubi es. aliòque quoptam loco per restatem mansurus. Alterum meæ cupiuntati tuæ videndi magis aptum est: alterum tuæ forsitan valetudini, cui tamen potius inserviendum est. Salubren igitur & amicum locum aliquem tibi deligas censeo, in quæstus tempus transigas: cùm præsertim de nostro aduentu istæ loca, animo iam possis esse ocioso. Ita enim prorogatum concilij tempus est, ut certus locus nullus ad conueniendum constitutus sit. Id accidit ex ea causa, quod Dux Mantuæ concursum tot aduenarum in urbem suam reformidans, hoc (ut scribit ipse) turbulento & suspiciosissimo tempore, Mantuam ad conuentum sine firmo militum præsidio commissurum negauit. De hoc præsidio actum bis in senatu, omniumque sententiæ decretum, nullum omnino militare præsidium esse dandum, nisi Lutherani, qui nos suspectos sibi esse nunc simulant, si intra arma & præsidia nostra venturi essent, verè atque ob rem id facere viderentur. Eius igitur loci spe adempta, alius erat nimirum constituendus locus, quod fieri commodè inconsultis Christiani principibus non poterat. Porro cùm adesset iam concilij dies neque ad eam diem de voluntate principum constare nobis posset, visum est necessariò concilium esse prorogandum. In hac sententiam discessere ferè omnes. Vna duntaxat Campani sententia, & mea, prorogationem dissuasit, cùm videretur nobis plus multò utilitatis in concilio habendo, quàm detrimenti in loci mutatione existere. Eligebamus autem ego Placentiam Campanus Bononiam: ille commodiorem nobis locum secutus, ego Germanis oportuniorem. Ita enim Placentia Caesaris est propinqua, qui armis atque exercitu in præsentia valent ut abitergere omnem metum eò aduenientibus Lutheranis possit Et

fit Et

fit. Etsi illi quidem disertè conuentu Smalcaldæ habito, negauerunt se venturos. Vterque autem nostrum in eo consentiebat, ut quem nobis locum non voluntas nostra, sed necessitas offerret, cum nos non statam concilij sedem, sed diuersorum tantisper vocaremus: quoad ibidem de cunctorum consensu eorum qui adessent, eorum agendi conuentus locum constitueremus. Altera non mediocris opinionum dissensio: quod ego in vrbe Pontificem retinebatur, legatosque mittendos esse censebam: ille cum ipsum quoque Bononiam extrudebat. Sed, ut dicebam, nobis frustra dissuadentibus, decreta nihilominus est prorogatio. Vtinam consilio bono, & prospero Christianæ Reip. euentu: vehementer enim extimesco, ne hæc procrastinatio nostra aliquod magnum malum sedi Apostolicæ pariat. Certè enim quos adhuc ex illa propè aduersa & alienata natione in officio retinemus, vereor ne amittamus. Sed nos fortasse Deus benignius iuuerit. Paulum Sacratum sororis meæ filium, propediem istie affuturum esse confido: quem & fidei commendo & liberalitati tuæ: ut quoniam semel nos omneis tua beneuolentia complexus es, mihi que recepisti te illius rationem, cum affuisset occasio, esse habiturum: meminisse velis, nos tibi ita obstrictos esse, ob tua erga nos merita, ut tu humanitati ac liberalitati tuæ, nos tibi ipsi omnia debeamus. Antonius tuus funebrem Christi Domini nostri orationem in delubro (ut mos est) ædium Vaticanarum habuit, sanè luculentè. Ea nunc oratio versatur inter manus, & summa cum laude ab omnibus legitur: in quo tui quoque absentis honorem & memoriam non mediocriter intelligo versari. Vale, Romæ, M. D. XXXVII.

XXI.

IAC. SADOLETVS CARDINALIS REGINALDO POLO S. R. E. Cardinali S. P. D.

POST discessum tuum, nihil adhuc ad te dedi literarum, quod de publicis rebus acta omnia ad te mitti sciebam. De tuis autem nihil mihi nominatim mandaras proficiscens, quod me tua causa facere aut sentire oporteret. Quod si fecisses, beneuolentiam tibi meam & præstitissem re ipsa, & literis sæpe declarassem: etsi ad meum tibi amorem testificandum, non opus puto esse literis. Hic nos in magno metu Turcarum assidue sumus: præsidia tamen adhuc nulla, quæ quidem appareant, comparata habemus: nisi illud vnum maximum nobis est præsidium, quod positum est in Principis consilio & sapientia: qui iam sæpius nobis confirmauit, se in comuni tuenda salute, animo excubare. Et tamen arbitror a rerum peritis dictum, nisi extremo Sexuli men-

se liberum ad nos cursum classem habere hostium non possi-
 Tuos conatus non cum habuisse exitum quem cuperemus, do-
 leo equidem vehementer. Sed hoc æquiore fero animo, quod in-
 fore præuideram. Tu modò saluum te nobis exhibeas, atque re-
 stituas: occasiones alia non deerant, non enim eundem tene-
 statum diu possunt, quæ tantoperè sunt commora. Nos hic
 fortuna tenui sustinemus tamen onus dignitatis, quoad possi-
 mus: rectam adhibemus voluntatem, reliqua Deo permittimus.
 Te amamus & colimus, ut debemus, amarique item abs te cupi-
 mus. Tu si quid forte mihi per literas mandaueris, efficiam, ut
 non frustra id fecisse intelligas. Episcopum Veronensem nostrum
 plurimum meis verbis saluere iubeas velim. Vale. Romæ, 4. No-
 lulij, M. D. XXXVII.

IACOBI SADOLETI EPISCO-
 CARPENTORACTI EPISTO-
 larum Lib. XI. Epist. I.

IAC. SADOLETVS EPISC. CARPENT.

Georgio Duci Saxonie S. P. D.

MIRABERIS fortasse, Dux præstantissime, quid mi-
 hi ego nunc volens, literas ad te dederim: qui neque
 vlla tibi familiaritate coniunctus, nec nomine ipso
 penè sim notus. Faterer mirandum hoc esse, nisi il-
 lud magis mirum futurum fuisset, cum nihil ad alliciendum a-
 morem virtute præstantius sit, si tua virtus insignis & spectata,
 tum excellens Christianæ pietatis studium, tua religio, non me
 & iam pridem in amorem tui impulisset, & nunc animum tibi
 meum, quando coram non possum, literis ut indicarem, sua-
 deret atque hortaretur. Non enim veritus sum, ne tibi ingra-
 tum officium hoc meum accideret: nec dubitavi, quin tu, qui
 virtutibus reliquis excellis, etiam humanitatis, quæ cæterarum
 decus lumenque virtutum est, maximas partes feras. Hac spe de-
 te fretus, quod facere sæpe cogitavi, ut & meum amorem tibi
 patefacerem, & tuum conciliarem mihi: id agere nunc aggre-
 dior, incensus cupiditate tecum incundi sanctissimi illius fœde-
 ris, quod Amicitiam appellamus: cuius inter nos auspex & con-
 firmator Deus futurus sit, quandoquidem ambo illi puro corde
 & religione integra seruire cupimus. Etsi in hac quidem coniun-
 ctione amicitia nostræ, tuam ego mihi duntaxat beneuolen-
 tiam expeto: ea enim mihi maximi muneris loco futura est: a-
 me verò tibi nō solum beneuolentiam deberi confiteor, sed sum

nam etiam observantiam & pietatem. Cur autem in hunc usque diem dilata sit mea hæc voluntatis erga te, & benevolentia significatio, patere, quaeso, rationem à me repeti aliquando longius: quo & ipse tibi notior fiam, & tu intelligas melius qua mente ad scribendum nunc sum adductus. Ego cum apud Leonem Decimum Pontificem Maximum (quod te meminisse aliqua ex parte arbitror) honestissimum locum tenerem : atque illo tempore exorta essent nova hæc & turbulenta Lutheranorum dogmata: aliqua hinc quidem etiam culpa, sed tamen maiore temeritate eorum, qui ab odiis hominum ad inimicitias Dei sunt progressi, ut qui essem Christo, & Christianæ fidei vehementer addictus, sanctumque & inviolatè servandum morem maiorum esse ducerem, maximo ex illis rebus afficiebat dolore: neque quicquam unquam vidi mea in vita tristius, quam illud factum esse inter nos dissidium, quo non religionis solum unitas atque concordia, sed salus tota Christiani nominis in discrimen vocabatur. Augebat dolorem meum, quòd multa quoque ab hac parte fieri videbam parum accommodata temporibus illis. Nam neque ea, quæ huic malo apta poterant afferri remedia, nulla afferebantur: nec vox audiebatur bene monentium & suadentium: ut quæ mansuetudine, & à quibusdam rebus abstinentia temperantiaque poterant vulnera sanari, ea ne ferro & asperioribus quasi medicamentis incrudescere cogerentur. Excessit è vita Leo, breuique interiecto Adriani tempore, successit Clemens: vir natura bonus, idemque colens recti atque honesti, si perpetuò constare sibi ipse, & in consiliis suis manere potuisset. Hoc ego Pontifice speravi modum repertum iri pacandis dissensionibus. Nam & ipse hoc maximè agebat, volebatque: & ego assiduus hortator illi aderam. Tunc agi cœptum est de conuocandis Episcopis ex omni regione orbis terrarum, quorum & doctrina emineret & integritas, ut eorum quasi opera atque consilio, sacerdotum mores, qui vehementer videbantur esse labefactati, in veterem statum redintegrarentur. Tunc cœpta iaci fundamenta sanctius colendæ & servandæ religionis, sacerdotiique ex sordibus & maculis extrahendi. Res denique procedere cœperat: cum bonus, & mitis & religiosus Pontifex, verum idem in suis consiliis retinendis aliquantulum imbecillior, quorundam artificis, qui nimio plus apud eum, quam Principi honestum sit, poterant: in bella & Principum inimicitias descendere, & à sanctis suis cogitationibus desciscere est coactus. Hic ego spe cœpta, posse amplius per me Reipublicæ consuli: priuatum autem meum commodum, neque in honore, neque in fortuna admodum quaerens, potiusque eligens, & Deo, & mihi, & peculiaribus populis meis satisfacere, transalpeis me meam ad Eccle-

siam

hiam Carpentoracte contuli, adiutus tum etiam singulari Dei be-
 neficio, quòd viginti diebus ipsis antè Roma sum egressus, quam
 clades illa horribilis ac direptio huic vrbi incideret. Iam quem-
 admodum in Ecclesia mea per decem annos manserim, quomo-
 do populos mihi creditos gubernarim, si non religione exem-
 plòque præstabili, at animo pio & beneuolo certè, quantope-
 optimis atque honestissimis cùm Philosophiæ tum sacrarum li-
 terarum studiis fuerim deditus, nil me commemorare nunc atti-
 net, cùm nec tua interfit ista intelligere. Illud commemorabo,
 quod huic temporì magis est appositum: me, cum animo obfir-
 mato constitutum haberem, nunquam amplius abire ex eis locis,
 in quibus essem Deo quasi consecratus, nec stationem illam re-
 linquere, in qua me volens ipse libensque collocassem: coactum
 tamen concilii nomine, & binis lvijs sapientissimi & optimi
 Pontificis literis ad Urbem me euocantibus, per causam quæ é-
 rat ascripta, vt tractarentur antè & deliberarentur ea, quæ mox
 in Concilio agi expediret. & vt tuorum ecclesiasticorum honesta-
 ti ac decori consuleretur, Romam reuertisse, mœrentem quidem
 & inuitum, si spectentur cætera hoc vno me consolantem, quòd
 tantæ causæ Dei omnipotentis pro mea parte non adesse, alienū
 mihi ab officio & pietate Christiana esse videbatur. Veni igitur,
 & imperio parui, atque ibi paucis illis diebus cùm essent comitia
 augendo numero S.R.E. Cardinalium facta, ego quoque inscius,
 & nil tale cogitans, iudicio tacito Pontificis Max. in amplissimū
 ordinem cooptratus sum. Habes seriem & rationem rerum mea-
 rum gestarum. Nunc ad ea quæ principio mihi fuerunt proposi-
 ta reuertar. Ego Georgi clarissime & optime, cùm semper tuum
 nomen, tuæque fidei Catholicæ propugnatio, iam inde ab initio
 temporum & dissensionum illarum omnibus in ore & in sermo-
 nibus esset, celebrarenturque aures quotidie meæ tuorum dicto-
 rum, factorum, consiliorumque ad vnitatem concordiamque spe-
 ctantium nuntiis & fama: cumque & splendorem nobilitatis tuæ
 intuerer, & reliqua in te cognoscerem nobilitati paria: illam au-
 tem constantiam, & virtutem, & magnitudinem animi tui vel
 i nprimis semper essem admiratus, quod in tantis Germaniæ mo-
 ribus, tantis defectionibus eorum qui excursum & licentiam suis
 cupiditatibus quærentes, sobrium illum & abstinentem morē ma-
 iorum aspernabantur passim & reiciebant, quorum etiam non-
 nulli honoribus tibi & propinquitatē erant coniuncti: tu tamen
 perpetuo in optima ratione constans, & in sanctis consiliis for-
 tissimus extitisses: tantum iam tunc erga te amoris obseruantie-
 quæ suscepi, nihil vt vehementius cuperem, quam aliquo tibi fa-
 cto meo posse, aut dicto, incredibile animi mei studium declara-
 re. Fecit autem discessus meus, & longum absentię nostræ inter-
 uallum

uallum, vt minus adhuc id agere, moremque in eo mihi ipsi gere-
re potuerim. Nunc autem non modo retractus in hanc Urbem,
quam sponte prius reliqueram, verum etiam in eo honore hoc
munereque affixus cum manendum mihi posthac in hac senatoria
quasi vigilia esse intelligam, tempestiuum duxi, scribere ad te
meque ipsum torum tradere tibi, atque dedere. Itaque, omni studio a-
nimi mei te rogo, si amor, si officium, si obseruantia erga te mea,
si par atque idem in utroque nostrum sensus, & religionis tuendæ
sancta conspiratio, si denique amicissimi & beneuolentissimi ho-
minis voluntas, in tua illa nobilissima mente, omnibus ornata, &
virtutis & humanitatis laudibus, locum reperire sibi aliquem ad
animum tuum mihi conciliandum potest: Primum, vt me in ami-
citiam tuam recipias. Deinde, quoniam nihil mihi magis est pro-
positum, quam fidem meam & operam Deo omnipotenti dica-
re, consiliis etiam tuis, & monitionibus iuues: mihique significes,
quid tibi per me agi suscipiue posse, ad subueniendum his affli-
ctis rebus, & perturbatis temporibus videatur. Polliceor enim ti-
bi, si ad me interdum scribere, & tui consilii prudentiam mecum
communicare volueris, me effecturum, vt appareat nullius vn-
quam hominis auctoritatem apud quenquam plus valuisse, quam
apud me tuam. Quod hoc fidentius tibi promitto, quod cum ha-
beamus summum Pontificem nil aliud cogitantem dies & no-
ctes, quam quo pacto ista, quæ dissidiis & alienationibus animo-
rum distracta sunt, in vnum rursus quasi corpus coalescant: eun-
demque consilio & sapientia singulari: hoc tanto munere Dei im-
mortalis, ad commune bonum Christiani nominis, omnibusque
nobis licebit. Extremum illud est: quod fidelis beneuolentiæ est
proprium vt omnia mea tibi officia ac studia, omnemque quantu-
la ea cumque est in me, auctoritatem deferam atque polliceor. Pro-
inde scito, nullo me abs te maiore affici beneficio posse, quam si
occasionem mihi dederis in tuis & tuorum commodis atque ho-
noribus operam, curam, laboremque omnem meum in hac vrbe
& curia ponendi atque impendendi, si quid scilicet acciderit, in
quo amici tibi hominis diligentia requiratur. Et si enim qui ma-
ioribus opibus, amplioreque gratia tibi affuturi sint, multos habi-
turus es: tamen qui pari amore ac studio id agat, habebis profe-
cto neminem, sicut tamen eadem probitas tua præstans & admi-
rabilis, meumque perpetuum de tuis maximis virtutibus iudicium,
requirit & postulat. Vale. Romæ, 14. Cal. Iulij, M. D. XXXVII.

II.

IAC. SADOLETVS CARD. GEORGIO
Duci Saxonie, S. P. D.

Quod

QUOD non tam cito tuis literis rescripserim, præsertim tam accuratè, tamq. prudenter scriptis, ignosce (quæso) mihi. Nô ea mea fuit culpa, sed cùm emergere cõpissẽm ex graui morbo, quo quatuor penẽ mentib. oppressus, periculũ vitę non semel adi, allatę eę mihi sunt, meq. summa & incredibili quadam voluptate affecerunt. In eis enim non solum recognoui tuam pristina virtutem, & sapientiam, quam semper antea sum admiratus: sed singularem etiam & nouam quandam humanitatem cognoui. Sic enim benignę atq. amanter me in amicitiam tuam recipis, vt mihi qui hoc summe semper concupiui, vt tibi aliquo amoris vinculo coniunctus essem, nihil accidere potuerit optatius. Non enim ego, Georgi præstantissime, diuitiarum aut pecunie amator sum, nec honores & potentiam magno studio requiro: sed amo viros animo & virtute excellentes, inque eorum amicitia & mutua erga me ben. uolentia incredibiliter acquiesco. Itaq. tu nunc erga me voluntate perspecta, crede mihi tanto in te studio sum accensus, vt nemini vnquam concessurus sum, qui aut ardētius te diligit, aut maiore cultu atque honore tuas præclarissimas virtutes persequatur. Quod si locis disiuncti, congregari vna & colloqui coram inter nos non possumus, literis tamen & crebris scripturionibus idem propemodum assequemur. Sed de rebus, quæ in tua epistola graues, & magnæ, & grauitè sunt, tunc tibi respondēdo, cùm summũ Pontificem fuero allocutus, atq. ipse quoque factus ero senior. Nunc cùm nec mente adhuc, nec corpore satis consiliam, accipe (quæso) breuẽ hanc epistolam, testem animi & amoris erga te mei. Cũ primũ facultas dabitur, vberius ad te scribam: nec te patiar officium in eo meũ desiderare. Tu vt valetudini operam des, nosq. diligere pergas, magnopere te peto. Vale. Romæ IV. Cal. Ian. M.D.XXXVII.

III.

IAC. SADOLETVS CARDIN. GEORGIO

Duci Saxoniæ S. P. D.

SUPERIORIBVS diebus, cùm accepissẽm tuas, non solum elegantissimẽ, verũ etiam prudētissimẽ scriptas literas: ipseq. e graui morbo nondũ recreatus, etiam tum nonnihil laboratẽm vt domo pedem nequirem efferre: non potui. ita cito illis vt cupiebam responderẽ, quanquam me & officiũ stimularẽt, & amor mihiq. eam curam iniiceret, vt sapientissimi Ducis, & optimam mihi beneuolentiam, qua inunus nullum maius a quocquam expectare potui, studiosẽ ac diligenter mihi tuendam præstareni. Sed, vt dictũ apud veteres est, necessitati ne Deos quidem ipsos repugnare, sic me corporis imbecillitas differre totũ hoc

neg

negotium coegit, maxima mea quidem cū molestia. Quid enim mihi iam opatius, quam quo vno modo fieri potest, per literas videlicet colloqui tecū? quem habeo propè vnum hoc tempore, de cuius virtute, sapientia, pietate, praestantissimū iudiciū faciam: & in cuius humanitate & benivolentia erga me, animus meus praecipue requiescat? Sed, vt dixi, vis fuit quae me impedit, quo minus quod summè cupiebam, facere id exequiq; possem. Quam tu vim, & quam meam tarditatē cunctationemq; in rescribendo, pro tua illa singulari naturae clementia aequi boni consules. Et si his paucis dieb. dedi ad te literas: breues illas quidē, sed tamen testes huius eiusdem & animi mei, & voluntatis. Post illas autē dadas, cū factus essem aliquando firmior, nihil antiquius habui, quam adire ad summū Pontificē, eiq; literas tuas ostendere. Quae, vt erant, sic illi videbantur planè accuratè scriptae, & persapienter. Neque verò ille taciturnus habuit, neque de tuis virtutib. non amplissimè est locutus. Sed cū maxima significatione sui erga te amoris, & commendatione laudum tuarum, totū penè curriculum vitae tuae mihi exposuit: Quid tibi ipse, quid sancta apostolica sedes deberet, quibus tu non operibus solum, sed etiam beneficiis cunctum Christianum nomen comprehendisses. Hec ego etsi vel omnia, vel multò maxima ex parte per me intelligebam: tamen non mediocri afficiebar latitia, cū audiebam summum virum, summi etiam principis voce & testimonio laudari. Itaq; hoc tibi planè confirmo, si qua sit res, quae tibi videatur ad commodū, aut honorem tuū pertinere, quam Pontifex ipse efficere possit: facile te apud eum, & autoritate & gratia, vel me ipso interprete, vel alio quouis valiturum. Non enim ipse minus gratus est quàm prudens. Et cū per prudentiam optimè discernat, qui sint de Republica meriti: tum autem bonitate & beneficentia erga eos est propensus. Sed haec haecenus. Nunc veniamus ad eas partes epistolae tuae, quae maximam curam in respondendo requirunt. quarum omnium praclare abs te positum illud fundamentum est, te semper existimasse, statum orbis terrae commodè regi non posse, si qui praesunt, & imperium obtinent, ij nō singulari inter se consensu animorum sint coniuncti. Praesse autem Pontificem Maximum ecclesiae, Imperatorem orbi, vt ambos necesse sit pia conspiratione ad salutem cunctorum esse copulatos. Haec ratio conspirationis & concordiae inter duos summos Principes, & mihi maximè probata est, & abs te verissimè affertur. nec dubitare quia valitura esset, idq; efficeret, quod tu potissimè optas, si talia semper essent Principū ingenia, quale tuum est, Dux sapientissime, quale eorum qui Reipub. bono non suis cupiditatib. addicti sunt, quorum minima semper, vt tute optime nosti, fuit multitudo. pauci enim omnibus extiterunt seculis,

culis, quibus potior esset publica, quam privata rei cura, qui singulari quidem sua cum gloria, & in veterum monumentis, & in nostris sermonibus adhuc viuunt. Sed tamen ille virtutis splendor, animis praua affectione corruptis, minimè notus est. Cum ergò aut Pontifex sui officii immemor, posthabita ratione recte atque honesti, priuatas suas utilitates persequitur: & vnde maxime eas se adepturum sperat, eò totus fertur cupiditate & studio aut Imperator libidine dominandi, Pontificibus metum appetitæ ecclesiasticæ ditionis iniicit: tum illa contingunt, quæ tu & pie & grauiter detestaris. Quæ quoniam vtrique sæpius facti sunt, & vt Pontifex priuatum sequeretur commodum neglecto publico, & Imperator nonnunquam Pontificium ius vendicare sibi contenderet: ideo exorta est tacita quædam cunctorum opinio, non posse ipsos inter se firma & fidei beneuolentiâ iungi. Quo quidem ex dissidio maximas tibi assentior Christianis populis inuectas esse calamitates. Sed quemadmodum vetera transacta sunt, ex antiquis Annalib. edocemur. Quid autem euenturum sit, nobis incertum est, nisi quod illud non tam explanandum nobis nunc quidem est, quam quodammodo significandum fore aliquando vt reperiretur remedium, si hæc consilia tua in medium proferre licitum fuerit, quæ meis in hoc genere planè sunt consentanea. Non enim si tu me, & cæteros prudentia vince, quod profectò facis: id tibi etiam concedo, vt religione & studio bene agendi vincas. Si ergo promere tales rationes, & eos qui audierint velle illis obtemperare rationibus contigerit: non dubitè fore locum sanctissimis optatis tuis vt & perpetua inter duos hocce principes concordia constituatur, & è Repub. mala omnia tollantur. Quanquam quod optamus, & de quo disputamus ad mirabili Dei beneficio hoc tempore videmur consecuti. Nam & Pontifex is est, qui nulla cupiditate extraordinaria se transuersum agi, neque ferri passus est: qui patrem se omnibus communem præbet: qui nullas partes dissentientium est securus. Et Imperator optima mente, summo consilio, ac studio in tuenda Christiana Repub. propè singulari, quodque imprimis ad rem pertinet ambo inter se coniuncti cum amicitia fide, cum eisdem penè studiis ad communem salutem & voluntatibus. Quorum confessionem & beneuolentiam mutuam, qui labefactare & conuellerent fictis suis sermonibus & iniquis delationibus conati sunt, illi suspitione freti, de qua dixi paulò antè, per quam inter eos existere posse amicitiam non putatur: ij non virtutem & voluntatem optimorum principum mutauerunt, sed magis improbitatem ostenderunt suam. Quorum talium vtiā aut minor copia, si ea minus idonea ad nocendum esset. Sed cum tui desiderii euentum iam bona ex parte videamur nacti, duob. his principibus

amicitia iunctis, bello tetro atque exitioso per inducias dilato, aut (quod ego malim) penitus sublato: spe pacis iniecta, quam avidissimè cuncti & ardentissimè expectamus: reliqua est cura & cogitatio conuentus publici: qui in vrbe Vicentia, loco opportuno & libero, omnibus qui in Christiana religione censentur, est indictus, post aliquas temporum prorogationes, quas necessitate fuisse expressas, qui sine cupiditate iudicant, possunt faciliè cognoscere. Eo in conuentu si concursus fuerit is, qui ad rem tantam requiritur, non diffido fore, quin ad iniustam cuiusdam potentiam, sed ad bonum commune consilia conferantur. Præferim si tu, & qui virtutum ac religionis tuæ imitatores sunt, concilio interesse studuerint. Nam Pontifex quidem noster optimo animo & summa temperantia præditus, multa vestro, & tuo imprimis consilio, recta existimaturus est, quæ nunc contrariis ex partibus disputantur. In quibus tua imprimis & cæterorum bonorum autoritas plurimum valitura est. Neq; ego sanctis & salutaribus Christianæ Reipublicæ consiliis vlllo loco deero. Sed est hic quiddam quod mihi à te petendum sit: scilicet consilio uti me iuves: quando nil fugere tuam excellentem prudentiam potest. Peto autè, non quidè quo pacto in concilio me geram: scio enim debere hoc me Deo, & huius meq; ut nihil in eo dicam, aut sentiam, nisi quod mihi rectū esse videatur: à quo ego proposito nunquam ne digitum quidem sum discessurus. Noui n. quid hæc professio nostra, quid sacerdotii munus, quid Dei omnipotentis timor à me postulet. Quæ si non essem literis & libris edoctus, in quibus omnem meam ætatem contriui, atq; consumpsi: negotia tamen, & rerum tantarum longus vsus, in quantis ego versatus sum, faciliè potuerunt me instruere & docere. Non igitur quaero, quo pacto in concilio me geram: sed quemadmodū erga aduersarios Lutheranos mihi agendum sit: qui primū dubito interfuturi sint concilio, necne. Quanquam si pax vobis diuino beneficio donata fuerit, Imperatore Carolo soluto à bellicis curis, faciliè (ut arbitror) cogi poterunt, ut intersint. Sed siue id fiat, siue non, anceps animi sum, quomodo cum eis agam: vtrum acriter ac vehementer, an mansuetè & comiter. Primum quàm malè processerit iis, qui via illa ingressi sunt, intelligo. Alterū ego cum experiri conatus sum, literasq; ad eorum nonnullos dederim humanè, ac satis etiam honorificè scriptas: sentio quàm malè sim à multis in ista Germanica natione acceptus, qui me aut scripsisse ad hereticos homines, aut illo modo scripsisse arguūt, ac reprehendunt. In quo ego si consilio lapsus sum, studio certè & pietate erga Deū non sum lapsus. Quid enim aliud ego quaesui, quam dum honorificè & comiter ad illos scribo, ut ipsi quoq; ad pacem moderationem & quandam etiam beneuolentiam mei in-

flecterent se, atque adducerentur? Quod si essem adeptus, spei
ui maiora me multò & commodiora ad spem concordie & rati-
nem publicæ utilitatis esse facturum. Quæ voluntas mea esse
reprehendenda non est. Nam de iudicio, & utrum id sapienter
me factum fuerit, an secus, tuum præcipuum iudicium Dux præ-
stantissime requiro: quod apud me maximum semper & grati-
sum futurum est. Tu enim mihi propositus es, qui & norma
filiorum meorum, & actionum omnium regula, quæ ad istius-
di res & negotia pertinebunt, futurus sis. Facit etiam amor
meus, & fides institutæ iam inter nos amicitie: ut meas abs te
tissimum actiones aut probari velim, aut corrigi: cum appro-
tio summam mihi animi voluptatem, correctio autem maximam
utilitatem sit allatura. Siquidem tuis castigationibus & moni-
tionibus melior. Summe pete igitur te rogo, ut de hac re scribas
mihi sententiam tuam. Nam si susceptum mihi hoc negotium
bendi ad Lutheranos, & cum eis humaniter agendi, ad quod
ego accedere cupi studio concordie & Christianæ consensio-
adducius, tu non improbaueris: pergam ut institui, & plures
genere officii comprehendere, ac mollire contendam. Sin-
tem hæc tibi tota inanis actio & minus honesta esse visa fue-
rit, tuum ego consilium potissimum sequar: nec unquam tam firmam
viam in opinione ero, (de his loquor opinionibus, quæ ad qua-
dianas rerum gerendarum deliberationes pertinent) quin tuum
iudicium anteponam meo. Verùm de his satis. Ego in amicitia
hac nostra, cum & officiosi animi tui, & optimæ erga me volun-
tatis, ea indicia habeam, quæ habere semper concupiui, da
profecto operam, idque meo incredibili erga te amore per-
tuaque & singulari observantia consequar, ut me tibi iunctum
amicitia esse nunquam te poeniteat. Vale Dux præstantissime. Ro-
mæ XVII. Cal. Februarii, M. D. XXXVIII.

IV.

IAC. SADOL. CARD. GEORGIO DVCI

Saxonia, S. P. D.

NON possum sine aliquo dolore animi scribere ad te, &
humanissimis ac prudentissimis literis respondere. Quæ
reddita mihi essent illo ipso tempore, quo mihi proficisci ex-
ire necesse erat, & summum Pontificem qui antecesserat sequi:
habui tum spatium quicquam rescribendi. Nec verò itingere
usque ad Nicæam, ubi principum congressus cum summo Pon-
te erat futurus, data est mihi facultas, non modò mandandi
ris cogitationes meas, sed ne cogitandi quidem quippiam: quod
& itineris molestia & difficultas, mihi ex superiore morbo n-

dum penitus recreato, & renouatus deinde Placentiæ morbus, qui me ad interitum penè perduxit, impedimento fuit, quò minus ad te, ad què maximè cupiebam, & quem mihi assidue anteo-
 oculos propositum habebam, literas darè. Cùm interim meus in te amor perpetuus atq; constans animū meum requiescere non siceret: inq; co mihi videret peccare, in quo non peccabam. Ita n. cogitabam tacitus, atque hæc menti meę subiiciebam: quid ille nunc talis vir, & Princeps, cuius tu amicitiam præstantissimis illius virtutibus permotus tam cupidè appetisti: si literas flagitate tuas, per teque potissimum de rebus quę aguntur cupit fieri certior, tuumque repentinum admiratur silentium literarum: quanta tu eius suspensionem de tua negligentia & tarditate excitabis: crede mihi Georgi clarissime atque optime, hæc animi mei sollicitudo ad morbum adiuncta, ipso mihi morbo aliquantum erat gravior. Etenim si quisquam est qui officium colat diligenter, & indulgeat amori, vbi eam semel erga quenquam suscepit: ego me illum esse existimo: erga omnes quidem, in quibus aliqua insunt causæ cur debeant amari: nihil enim est mea natura ad amandum, & ad fauendum bonis propensius in te ipsum verò hoc acrius ac vehementius, quòd nec dignior quisquam ab ullo vnquam hominū qui ametur delectus est: nec eis virtutib. ornatior, quos non solum officia beneuolentię requirunt, sed obseruantię etiā summęq; venerationis. Quæ cùm ita sint, cumq; ego tibi iam dudum meū omnem amorem, studiū, honorem, obseruantiamque detulerim: te rogo atque oro, vt hanc meam prætermillionem officii in eam partem accipias, quasi hæc culpa non mea sit, vt certè non est, sed fortunæ: quæ fecit, vt nec ego meę cupiditati ad te scribendi obsequi possem, & tu diutius, quam par erat, literis meis careres. Habes causam meæ taciturnitatis, quam tibi pro tua singulari bonitate & sapientia planè probatam iri confido. Nunc audi reliqua. Nicæam veni quomodo quidem potui, delatus letitica, omni ratione adnitens, vt interesset consiliis, in quibus de summa Republica agebatur: cùm tamen quotidie aliquot horas leui febricula laborarem, eadēq; inualidus: qua inualetudine adductus non sum vt desisterem a muneribus publicis. Non enim mihi corpus esse magnificiendū duxi, dum aliquam operā nauarem: tum ipsi immortalis & omnipotentis Deo, tum puræ illi sanctæq; Christianæ fidei, quam nos erga eundē Deum cōstanter retinemus. Cuius tu quidem fidei Georgi hoc rēpore præcipuus es, & propugnator, & signifer. Itaque in senatu, cū his haberetur, semper interfui: dixiq; de pace, de cōcordia, de statu Christianę Reip. sententias. Collaudaui summum Pontificem, bene institutam ab eo, susceptamq; pacificandi prouinciā vehementer comprobaui: precatus sum vt pergeret, instaret, rēurgeret. No-

sti iam cetera, quæ in hanc rationem dici possunt. Id quoque priuato officio, vt cum utroq; principum colloquerer, deq; eadem rebus cum illis agerem suaderemq; vt ciuilibus extinctis discordiis, Christiano nomini ob eorū dissensiones præcipue laboranti, & ab hostib. Turcis in extremū penè iam discrimen actō, coniunctis animis ferrent opē, hostesq; comprimerent. linquerent hanc tanti nominis tantēq; gloriæ hæreditatē libe suis. Quæ quidē hæreditas neq; iis qui illam reliquissent, neq; qui acceperant, vnquam esset interitura. Nam cetera quæ sunt fortuna, opes, diuitias, honores, imperia, omnia fluxa & caduca existere: neq; quenquam ea scire quandiu sibi aut suis mansurum sint. Hoc pietatis erga Deū specimen, hoc officiū verè Christianorū Principū, sine vlla controuersia fore sempiternū. In his sermonib. cum vterque Princeps apertè admodum mihi, atq; humiliter responderet, perspexi optimū animum Christianissimi Regis: satis autem virtutē & animi magnitudinem vehementer probaui. Post consecuta ea sunt, quæ tibi nota esse certò scio. Primū, quod ad inducias decem annorum attinet. Deinde quod ad colloquia ipsorum Principum, eorumq; inter se complexus, congratulationes, lacrymas: vt omnia optata à nobis & desiderata pacis non solum signa atque indicia, sed certissima etiam pignora habeamus. Quæ mihi cum sua sponte iucundissima sunt, (nihil enim vidi in vita quod lætius mihi, aut optatius acciderit) tum vix rō cumulat gaudiū meum cogitatione illa, qua te quoq; summo ob easdem res frui gaudio non dubito. Itaq; & sæpius relegens epistolam tuam hanc, quæ postrema ad me missa est, in qua in ego vera optimi Principis expressa cernitur: & ea memoria repetens, quæ sæpius à me tibi significata sunt, & mente & voluntate summi Pontificis à dissidiis aliena, de coniunctione eiusdem cum Cæsare, de rebus cæteris: valde sanè delector, & meam apud te constitisse, & ea quæ optando in literis tuis sanè finē prudentissimeque designas, ex sententia tibi atque eadem etiā mihi Dei immortalis incredibili beneficio feliciter cuenisse. Sed de his satis: etenim vereor ne hæc ipsa epistola modū suū exierit. Ego à Nicæa Carpentoraacte ad meam ecclesiam diuersorum locorum vicinitatem, & spem commodiorem ex morbo convalescēdi secutus. Vbi nunc sum, nec me hac hyeme in Italiam transiitum arbitror, vt postea melius confirmatus ad urbē proficisci possim, atq; ibi Reip. atq; amicis operas meas impendere. Nun tibi mitto oratiunculam quandam meam, quam ego Romæ confeceram ante discessum, modò Carpentoraacti relecta ea à me & aliquot locis commutata. Ea continet sanè modestam (mihi videtur) & cuilibet rectè iudicanti probabilem sanctæ Romanæ Ecclesiæ & totius sacerdotii defensionem, aduersus probrosos

penè quotidianas Lutheranorum vituperationes. De qua oratione aut continenda aut inuulganda tuū iudicium potissimum expecto, si eam vtilem, si profuturam existimas. Namque ego irritare neminem prorsus volo, nec ferere contentiones: hortator enim sum pacis & autor: id scribere opto, quod nec Lutherani iniquo omnino animo ferant, & Catholici accipiant æquissimo. Hoc tu Dux optime diligenter animaduertes, mihiq̃ sensum animi tui significabis, & tuadebis quid agendum sit. Te, & item Cochlaeum, & Iulium, tuos viros optimos, & optimè de Christiana religione meritos, quos ego quoque valde diligo, rogatos volo, vt antequam ad me quid sentiatis, rescripseritis, egoque vobis responderim, in alienas manus orationem meam ne exire patiamini. Vale. Carpent. XI. Calendas Octobris, M. D. XXXVIII.

V.

IAC. SADOL. S. R. E. CARDINALIS
Iulio Peflugo decano Misnensi, S. P. D.

NOLI mirari, si tuis sanè incundis mihi & suauibus literis serius respondeo, quam æquum fuit. Cū enim in illo ipso nostro ex vrbe Roma discessu, quo Nicæam omnes contendebamus, eas accepissem: neque tum spatium habui rescribendi, & toto illo itinere incertis febribus doloribusq̃: intestinorum grauissimè vexatus, vix vitam potui retinere: quæ certè fuisset amissa, nisi Dei summi bonitas & clemētia opem mihi tulisset. Quamquam vtrum mihi magis expediat vtiliusq̃ sit, viuere, an mori, ego nescio: neque horum alterutrum mea multum interest, idque ad Dei voluntatem totum reicio. Literis quidem tuis, vt primum commodè licuit, respondere non prætermisi: quas mihi scito fuisse gratissimas. Nam & ingenij tui specimen mihi detulerunt, & iudicium erga me non mediocri amoris. Quorum alterum facit, te dignum omnium beneuolentia iudicem: alterum, vt ipse quoque te diligam. Quod quidem ita necesse est, si is volo esse, quem tu tibi alias cognitum ita humanum & comem esse scribis. In quo profecto non aberrat a natura mea prædicatione tua: sum enim ad fauendum bonis mirificè propensus. Itaque quod meam in fidem & patrocinium contulisse te scribis, ego verò te Iuli charissime in ius & in amicitiæ fidem libenter recipio, vel tuæ virtutis, vel cognati tui hominis amplissimi collègæ mei causâ, quem ego & viuum dilexi semper, & mortuum eadem beneuolentia prosequor, nec vnquam illius eximias virtutes officiaque erga me è memoria deponam. Est & illa causâ, cur te debeam amplecti, quòd videre mihi videor in literis tuis pietatem eam qua erga Christianam Remp. es affectus. Sic enim quereris, sic

R 3

luges

luges rerum praesentium statum, ut appareat te meliora valde sperare. Cui cupiditati tuae, meaeque vna earundem rerum voluntati, vti nam praepotens Deus secundo aliquando exitus concedat. Sed haec haecenus. Ego in praesentia Carpentoraëti sum, à Nicæ huc digressus, quiescendi aliquandiu & valetudinem curandae gratia. Tu si quid opera mea indigeris, dum in his sum locis, litteras, cum Romæ fuero, ubi me vere proximo futurum esse habitor, praesens ipse ita te & res tuas tuebor, ut quoad eius fieri poterit, te aliquod in me praesidium tuis & rebus & fortunis constituisse nunquam poeniteat. Vale. Carpentoraëti, XI. Calen. Octobris, M. D. XXXVIII.

V I.

IACOB. SADOLET. CARDINALIS

Ioanni Cochlaeo, S. P. D.

TVA s litteras XVII. Calen. Augusti Misnae datas, ego Carpentoraëti VIII. Calen. Decem. accepi. Eas tu me Romam aut in itinere sperasti accepturum. Quae opinio non solum tu sed me ipsum etiam fefellit. Nam summum Pontificem ad conciliandos Principes Nicæam proficiscētem, ego ex urbe profectus, toto illo itinere Placentiae praesertim, grauius aegrotavi. Nam tamen destitui quin peruenirem Nicæam, illisque sanctis & salutaribus negotiis interessē. Post conuentu soluto, locorum vitiositatem, & coeli salubritatem secutus, Carpentoraëtem meam Ecclesiam me recepi, ubi etiam nunc commoror, nec ante proximum ver in Italiam rediturus sum. De his omnibus, deque inde exitu & compositione inter diffidentes antea inter se Principes tractata, scripsi superioribus diebus ad clarissimū virum Ducem tuum, quas ad eum litteras hoc tempore arbitror esse perlatas, & cuius vna oratiunculam quandam meam, quam ego Romæ eo scripseram antequam inde proficiscerer, ad haec ipsa negotia, videlicet, & Germaniae & Lutheranorū pertinentem. De qua oratione tum Georgij ipsius optimi, doctissimi, religiosissimi principis, tum tuum etiam iudicium exquirebam: edendane esset, an potius domi continenda: quod ut magis putem tu litterae faciūt. Scriptae enim sunt & accuratē, & prudenter. Videri enim (quemadmodum tute scribis) disceptatio ad vos, ad me autem iudicatio magis pertinere. Itaque ego, qui de tua & doctrina, & probitate, semper optimē sensi: nunc ex his litteris tuae cum voluptate est, addidi etiam aliquid ad opinionem praestantissimam. Non enim solum mihi doctē, verum etiam moderatē, leniter scribere videris: quam ego scribendi rationem & vi-

Imprimis probare soleo. Dederam sanè ego quoq; ad Sturmium literas, cum leniter obiurgans: quarum exemplum misi ad te, ut si tibi etiam viderentur inuulgandæ, tuo arbitratu statueres. Decet enim nos istorum insolentiam non exasperare conuiitiis, quo in genere maximè exultant ipsi: sed mansuetudine retundere, quod proprium officium Christiani hominis est. De concilio spem non amisi. bene enim sentio de Pontifice maximo. Hæc cerè postrema eius prorogatio, rogantibus & contendentibus ambobus principibus, facta est. Quare ego quoq; ad id temporis quo auspiciandum concilium est, in Italia esse cogito. Albertum Pighium, hominem meo quoq; iudicio doctissimum, audio ex te liberos edidisse de Ecclesiæ Principatu: quos equidem habere cuperem, libenter enim lego eius hominis scripta. Quòd verò in quibusdam tibi videatur nimis ille exaggerare summi Pontificis auctoritatè, idq; tamen si verè fiat, tamen in hoc tempore non nihil periculosum esse, noli ægrè ferre. Utinam tam mores nostri probati essent hominibus, quam est Pontificis potestas sine vlla dubitatione maxima. Neq; hoc nocere publicæ causæ (ut ego arbitror) potest. Reliquum est, ut à te petam, ut ad me frequenter scribas, faciasq; me de istis rebus Germaniæ quâ sapissimè certiorè: quò nihil gratius expectare à te possum. Mea & benenolentia & opera semper est tibi, & erit parata. Vale, & Georgium ducem præstantissimum omnium, meis verbis iube saluere quàm plurimum. Carpent. Pridie Calend. Decembris, M. D. XXXVIII.

VII.

IAC. SADOLETVS CARDINALIS

Iulio Peflugo, & Ioanni Cochleao, S. P. D.

COMMVNES ad vos dedi literas, quòd etiam multis occupationibus impeditus: vestras autem amborum & diligenter, & non sine aliquo animi dolore legi. Quæ statum mihi Germaniæ ante oculos posuerunt & infelicem, & miserum: & cui (ut perspicio) non à nobis, sed à summo Deo auxilia sunt petenda. Quanquam ego quidem pro mea parte nō deero. Sed quid possum vnus, aut cerè cum paucis? video enim omnino paucos quibus ista negotia sint cordi. Concilium futurum sit, necne, non possum affirmare cerè. Spe tamen teneor, Pontifici Maximo hanc rem fore curæ: optimè enim ipse & loquitur & sentit. Quo autem tempore aut quo Christiani populi commodo sit futurum, nō habeo quid dicam. Primum pender nō è Pontifice solum, sed Christianis etiā ex principibus, qui maioribus curis districti mihi videntur: præsertim tanto confiato aduersus Turcas bello. Alterum, quidnam euenturum ex cōcilio sit, nec satis scio, nec si sciam

ausim dicere. Maxima mihi videtur ratio fore cōstituenda Christianæ Reipub. si Pontifex vnus ad corrigendos mores Ecclesiæ incubuerit. Quod ipse tamen prædicat & promittit se facturum. In vestris porro literis quæ pietas in Christi rem & fidem mihi tu probata est, & beneuolentia erga me iucunda, neque ego propter virtutem tuam propterq; eum Principem, cuius tu cōtubernalis, ego antantissimus & studiosissimus sum, vllō vnqua loco sum defuturus. Tu verò Cochlae, nihil mihi gratius facere potuisti, quam me de illis in oratione mea partim meis, partim etiam librarij erratis admonere, quæ ego corrigi iussi. Hoc tu, me amabis, semper vt me admoneas facies. De oratione edendæ scripsi ad Clarissimum Ducem Georgium quid mei consilij si. Tu illas leges literas, & ages quod vtile tibi videbitur Christianæ esse Reipub. Librum tuum in illas vesanas Lutheri declamationes, legi summa cum voluptate, vehementerque probavi. Arbitror posse me affirmare, rarò adhuc vidisse in eo genere quicquam editum, quod distinctius mihi, & accommodatius scriptum videretur: atq; ex ea quidem doctrina, quam ego maximè probo: non spinosa & cauilliosa: sed plana, atque illustri, è puris sacrarum literarum fontibus deprompta. Quamobrem miror illum hominem impurissimum, ita ferreum os ad contentionum studia afferre, vt eum neque vitæ neque impietatis suæ poeniteat. Sed illum vlciscetur improbitas sua. Ego quodam alio in opere quod nunc cudo, habeoque in manibus, nonnulla insector Lutherani dogmata, eorum quæ maximè ad refellendam Christianam religionem intenta sunt. Rectene an perperam, tuum & aliorum erit iudicium. Mihi quidem voluntas bona est, & ad tutandam autoritatem Ecclesiæ animus paratus: sed vires interdum me deficiunt. Quicquam tamen erit à me, ad Dei gloriam & fidelis populi salutem totum erit. Tu vt scribas ad me crebro Cochlae, atque adeo ambo vt scribatis, vobisque persuadeatis me omnino cupere & velle vestra causa, à vobis peto. Valet. Carp.

VIII.

IACOB. SADOLET. CARDINALIS

Ioanni Cochlae, S. P. D.

BINAS à te vno ferè tempore accepi literas, quæ vti namque me nunquam fuissent allatae. Tristissimum enim mihi nuntium attulerunt, de Georgij morte optimi & sapientissimi Principis. Quem ego propter præclarissimas illius virtutes, æquitatem, religionem, integritatem, prudentiam, summo in honore habebam: eumque ita amabam, vt si fuisset eodem ex vtero geniti, neque maior meus erga illum, neque iustior potuisset.

amor. Itaque tanto dolore sum affectus, ut moderari mihi ipse non queam. Quid enim est quod me amantissimum & talium virorum, & rei Christianæ publicæ, maiore vulnere conficere potuerit, quam tanti Principis mors? quæ, ut ipsi forsitan matura, rei quidem publicæ exitit peracerba. Mihi verò tantum mœoris, tantumque luctus attulit, ut penè mihi solus in hac calamitosa conditione temporum videar esse relictus. Qui cùm die noctuq; de Repub. cogitans, in eo curas consumerem omnes meas, ut aliquando reconciliata Ecclesiæ unitate, in pace & orio debitum cultum Deo tribueremus: maximam eius rei spem in illo sapientissimo Principe repositam habebam. Quo nunc sublato, quid est quod sperare amplius, aut quod nostris conatibus & cōsiliis confidere debeamus? Quanquam solet Deus, cùm ad desperationem penè res ipsa nos deduxerit, subitas interdum spes & improuisa auxilia fidelib. suis ostendere. Quem equidem supplex omnibus precibus obtestor primùm, ut animæ illius præstantissimi viri clementiam & misericordiam suam tribuat. Deinde nobiscum ita agi permittat, ut ne cogamur eum nimis sæpe, nimisque acriter & dolenter desiderare. Etenim video pericula quæ impendent: tuque satis planè ad me omnia perscribis. Sed tibi mi Cochlæ, quantum in me est, quodq; meæ exiguæ fortunæ mihi concedunt, ita beneuolentiam meam polliceor, ut nulla sim vnquam in te tibi defuturus. Cum hæc ad te scriberem, aberam ab vrbe, de quæ meo illhuc reditu nondum quippiam certi cōstitueram: ut te non possem Pontifici Max. præsens commendare. Sed quod absens efficere possum, scribam ad amplissimum virum Gasparem Contarenum, ut is & suam & meam vicem in te commendando suscipiat: addatque ad amorem eum quo te ipse diligit, aliquid præterea mei honoris, & mea erga te voluntatis causa. Quod facturum illum nō dubito, tanta est virtus hominis, & in omneis bonos beneficentia. Ego, quæ meæ erunt partes, nomen & memoriam sanctissimi Principis mortui, charissimè semper diligentissimèq; custodiam. Tibi autem & Iulio ita ero affectus, ut plus quidem vos in me facultatis ad vos ornandos, amoris autem & studij nequaquam plus sitis desideraturi. Tu cura ut valeas, & in omni fortuna eam patientiam præsta, quam Christiana virtus postulat. Carpen. VII. Idus Iulij, M. D. XXXIX.

IX.

IAC. SADOLETVS CARDINALIS

Ioan. Cochleæ, S. P. D.

DOLORE non paruo affectus ex tuis literis, quas abs te me se Augusto datas, ego VI. Idus Nouembris accepi, statim

P 3 has ad

has ad te scripsi: non sine aliqua aduersus fortunam querela. Quod cum iam antea tibi, & illi præstantissimo Duci Georgio de mea ad Germanos oratione non vulganda rescripsissem: deinde ex binis literis tuis, primum de obitu filij, deinde de ipsius etiam morte certior factus, tibi quoque tum respondiſſem, illius religiosissimi Principis obitum, & simul Reipub. Christianæ calamitatem deplorans: intelligo nihil mearum ad te literarum alatum fuisse: cum tamē abiens adhuc & in Ecclesia mea manens Carpentoracti, meis qui in vrbe sunt, præcepissem, ut omnes meas ad te literas per Ambrosium Theutonem, quem tu mihi nominas in literis, ad te mittendas curarent, quod ita factum esse ab illis non dubito. Sed fortuna profectò mihi moerorem renouare voluit, quem ex Georgij optimi & sanctissimi Principis morte acceperam, cuius mihi mentio & nomen ita hæret in intimis sensibus, ut nunquam Deo pro mortuis supplicem, quin illum nominatim & imprimis diuinæ misericordiæ commendem. Sed hæc quæ ad priuatum officium pertinent, non tam nobis commemoranda, quam præstanda sunt. De te mi Cochlæ velim hoc tibi maximè persuadeas, eam me suscipere cogitationem, quā frater de fratre suscipere solitus est. Amo enim te, tum probitatis, religionis, doctrinæque: tuæ causā, quā ego magnifacio: tum etiam quod intelligo me abste amari. Itaque facultates meas, quantulacunque ear sunt, omnes tibi libenter defero. Si cætera te deficiant, quæ aliunde maiora & vberiora expectare potes, digna virtute & laboribus tuis, apud me quidem receptus tibi est, & communicatio fortunarum mearum: quæ etsi pertenuēs sunt, animis tamen à cupiditatibus liberis, & maioribus virtutis ac literarum subsidiis præditis, exiguæ opes ad bene viuendum sufficiunt. Si Romæ essem, plura polliceri tibi possem: nunc cum sim in his locis, neque illhuc (ut nunc est) me cōferre cogitem, causis & multis & necessariis adductus, ut Euangelij verbis vtar, quod habeo, mi Cochlæ, hoc tibi do. Tu certè nunquam in me nec fidem, nec officium, nec amicitia memoriam, nec beneuoli hominis animum desiderabis. Iulium tuum quem singulariter diligo, cupio tecum omnia habere prospera. Fauco certè utrique vestrum & vestro proprio, & communis religionis nomine. Quæ scribis ad me de Ecclesiis istis desertis à cultu Dei, de quæ concionibus aduersariorum nostrorum, periculisque omnibus quæ piis & probis hominibus impendent: ita mihi acerba & luctuosa videntur, ut non audeam ea, tanquam vulnera animi mei, verbis refricare. Deum supplex oro, ut aliquando ipse benignioribus oculis nos respiciat, non enim iam illis nostris in consiliis, sed in eo quo sunt omnia, ad quem spes nostras penitus habere conuersas debemus. Vale. Carp. Fridic Idus Nouemb. 1539.

X.

IAC. SADOLETVS CARDINALIS GV-
lielmo Duci Bauaria S. P. D.

CVM ab Carpentoracensi Ecclesia mea Romam rediissem Pontificis maximi iussu non modò euocatus, verum etiam compulsus, nihil habui antiquius, quam vt ad te literas darem: per quas testarer, illum ipsum amorem, illam insignem beneuolentiam simul & obseruantiam, qua te & fratrem tuum clarissimum virum, vniuersamque domum & familiam vestram semel sum, non casu, nec fortuitò, sed propter maximas virtutes, vestraq; in Christianam Rempub. egregia merita complexus: manere & perseuerare eandem, nec ob meæ absentie diuturnitatem quicquam ibi detrimenti, aut diminutionis accidisse: meq; eo esse animo, quo semper fui: vt vestro honori, commodo, dignitati, ornamentisque omnibus, incredibili animi studio sum addictus. Sic enim & summa virtus vestra nobilitasque meretur, & meæ constantie ratio postulat, & tempora ipsa præcipuè requirunt: in quibus turbato statu orbis terrarum, diuinis humanisque legibus penitus contemptis atque reiectis, vestra imprimis pietas, & sapientia, tanquam in tenebris lumen elucet. Itaque ego, qui ob propinqua pericula quæ instant homini Christiano atq; imminet, dies noctesque assiduè sollicitor, nec vllam partem capio quietis: vehementissimè quidem optarim habere Stocamerum nostrum, aut alium quempiam tuorum, qui cum ea quæ me angunt & sollicitant, communicare tutò possem. Profectò enim si cæteris auxilijs, opibusque deficior, quas si haberem, libentissimè tibi deferrem: non omnino monita, consiliaque mea tibi aut ingrata essent interdum, aut inutilia. Sed tamen ita Stocamerum habere velim, si id quoque reliquis tuis rationibus conducatur. Etenim scito, me grauiter angere, quòd video nos omnes in extremum iam ruerè discrimen. Quando ista auxilia apparatusque Germaniæ, qui feruntur, me quidem non confoleantur, sed perterreant. Quamobrem & quibus de causis, non est epistolæ committendum. Sed hæc hæcenus. Et quando iam Romæ, & apud Summum Pontificem sum, ita hic tibi operam, fidem, studium, beneuolentiamque meam defero atque polliceor: vt tibi hoc esse persuasissimū velim, neminem te vnquam repeturum esse, aut amantiozem tui, aut qui maiore studio & diligentia tuis rebus deferuiat. Vale. Romæ.

V. I. Idus Maij, M. D. XLII.

IAC.

XI.

IAC. SADOLETUS CARDINALIS GV-
lielmo Duci Bauaria S. P. D.

ACCEPI tuas Dux præstantissime literas, ex quibus duplici lætitia affectus sum. Nam & de tua, fratrisque tui clarissimi viri salute & incolumitate nuncium mihi optatissimum attulerunt, & vestram mei erga vos amoris memoriam declarauerunt apud vos vigere. Quorum utrum mihi iucundius acciderit, iudicare difficile est. Sed quod pertinet ad eas curas, & sollicitudines, quibus cum ad te scribebam, vehementer eram districtus, & ob quas Stocamerum hic adesse cupiebam: ut satisfaciam desiderio tuo, qui te cupidum cognoscendi esse scribis, quæ me res tantoperè sollicitum tunc habuerit scio me, cum dolerem vehementissimè & angerer, regnum Vngariæ ab immanissimo hoste nominis nostri Turcæ Christianæ Reipublicæ esse ereptum. Maiore quoque metu præterea fuisse, ne expeditio ista Germaniæ, & conatus vester regni illius recuperandi cumlaret potius clades & ruinas nostras, quàm leuaret. Cur autem ita pertimescendum putarem, has habebam causas. Primum videbam exercitum conflatum ex variis nationibus, non faciliè in vnum posse consensum conspirare: ut omnium prorsus eadem esset, & vis & voluntas. Deinde, intelligebam nullum esse certum nostri exercitus ducem eiusmodi, qui scientiâ rei militaris regere, autoritate & fama rerum antè gestarum, milites ad promptè alacriterq; parendum cogere & compellere posset. Tum autem territis altero iam, aut tertio aduerso prælio nostrorum animis, non magnoperè confidendum putabam. Postremò, ut essent tolerabilia cætera, videbam tamen in vno prælio periclitari fortunam totius Christianæ Reipubl. quæ, si fusi, fugatique essemus, (quod quidem Deus omen in suos hostes conuertat) nullum mihi videbatur præterea habitura præsidium, quo aut se sustinere diutius, aut vnde niti ad se vindicandam posset. Etenim quis non intelligat, si victus sit noster exercitus, Austriam continuò in hostium ditionem concessuram? Germanos Principes ut quisque proximus Austriæ sit, differendi supremi exitij causa, pactiones & fœdera cum Turcis quesituros? Maximum subito equitarum hostium in Italiam irrupturum: omnia denique terrore & tumultu completum iri? Atque hæc cum timerem, grauius etiam illa re exterrebar, quòd contra apud hostes omnia se habebant. Vnus Dux summa potentia, & autoritate, exercitus numero infinitus, concors inter se atque consentiens, idem consuetudinè vincendi ad pericula audax: equitatus præterea propè innumerebilis: quem quidem equitatum quomodo nostri sustinere possent,

sent,

sent, non facillè rationem inueniebam. Hæc cùm cogitarem, Dux optime, & perhorrescerem casum propinqui cerraminis, non immeritò (vt arbitror) quietem animo non percipiebam. Nunc pars mihi aliqua timoris adempta est, si Rex hostium (vt aiunt) ad exercitum non est venturus. Quanquam his paucis diebus contrarij venere nuncij: qui pertulerunt illum ad iter sese, & ad bellum accingere. Habes rationem angorum & sollicitudinum mearum. Sed de his satis. Ego tibi & fratri tuo, totique familiæ vestræ ita sum animo beneuolentiaq; addictus, vt nihil sit quod vehementius optem, quam & diligì à vobis, & meum vobis amorem omnibus in rebus præstare atque ostendere. Romæ. X. Calendas Augusti, M. D. XLII.

XII.

IAC. SADOLETVS CARDINALIS GVLIELMO Duci Bauaria S. P. D.

QVOD post reditum meum ad Vrbem, non continuò dederim ad te literas: nec veteris meæ erga te obseruantia beneuolentiæque memoriam renouarim: non mea negligentia, neq; adedò obliuione mutui nostri amoris: sed potius pudore quodam accidit. Cùm enim sæpius iam conatus essem, exoluere me his vrbaniis curis atque negotijs, & in Ecclesia mea Carpentoractensi Deo, & mihi, & populis meis duntaxat viuere, studiaque ea persequi, quorum & liberalissima est cognitio, & fructus iucundissimus, nescio quo meo fato siue iniqua potius, conditione fortuna (namque ego meas partes sedulò & accuratè egi) contingere tamen mihi non potuit, vt animo meo morem gererem: coleremque eam vitam, in qua qui doctiores & sapientiores semper existimati sunt, munia beatæ vitæ maximè posita esse censuerunt. Sum enim quotiescunque illuc me contuli, toties huius Pontificis Maximi, à quo etiam præsertim mihi assentiente, commearum obtinueram, iussu atq; imperio in hanc vrbem reuocatus. Quæ si meæ, ac non alienæ voluntatis commutatio varietasque extitisset, puderet me vehementer inconstantia meæ, neque auderem quicquam hoc ad te tempore scribere. Quid enim esset quod polliceri alteri de me possem, si mihi ipse & consilijs meis non constarem? Sed cùm, si qua in hac re culpa inest, ea certè mea non sit, potiusque tempori & rebus quotidie nouis, quam consilio cuiusquam aut voluntati illa sit attribuenda: peto a re Dux humanissime atque optime, vt quòd ego toties domicilium commutasse visus sim, id Pontificis voluntati tribuas: quòd suam ille voluntatem, id assignes tempori. Proxima enim causa illinc me extrahendi & Romam euocandi, concilij habendi necessitas

sue

fuit & cogitatio. Quod utinam consilium bonum ac prosperum Christianæ sit & religioni & Reip. Etsi Deum quidem considerare debemus tandem aliquando populis suis esse consulturum, sed tamen, ut se nunc res habent, quid spei certæ sequamur, non videmus. Illud quidem in hac tanta perturbatione temporum, singulari tamen nobis est lætitiæ & voluptati, quod apud omnes bonos tuum nomen in summa est gloria. Nihil enim tam celebre, neque tam commemoratum est, quam tuæ virtutis, constantiæ, pietatisque prædicatione: quæ una & consentienti omnium voce in cælum meritò fertur. Itaque ego qui tuam amplitudinem iam diu omnibus meis studiis officiisque sum complexus, quotidie non benevolentia quidem (nam ea ad summum iam peruenerat) sed meis dictis, testimoniis, scriptis, ad te colendum honestandumque sum propensior. Gaudeoque vehementer, & tibi gratulor, quod in reddenda tuis clarissimis virtutibus debita laude, ego qui tantum cæteris studio erga te amoreque antecoo, prædicatione tamen tuorum meritorum superior esse non possum: tantum est consensus omnium, de te omnia præclara egregiaque memorantium. In quo non magis homines, quam Deus ipse, cuius tu integram & veram religionem sustines, atque defendis, de tua fide & sapientia illustre testimonium fert. Sed hæc quæ theatrum maius & grauiorem operam desiderant, in tempus magis idoneum differenda sunt. Ego sicut tibi sæpe alias scripsi, quicquid in me est, quantulum id quidem est, ingenij, diligentiae, studij, autoritatis, totum tuis commodis & voluntatibus ita polliceor ac deferro, ut si quid vlu venerit, in quo tua causa mihi sit elaborandum, id sim alacrius multò, libentiusque facturus, quam si mea ipsius causa idem mihi conandum & suscipiendum esset. Quod cum acciderit ut agam, cura quidem & amore satisfaciam tibi: studium autem & cupiditatem meam satisfaciendi nunquam assequar. Nunciatum est nobis fratrem tibi decessisse ornatissimum, atque nobilissimum: quod mihi auditu sanè quam molestum fuit. Amaui enim illum semper tecum una, dignissimumque illo loco & honore iudicavi. Quod si de tua virtute & sapientia non eam haberem opinionem, quam certè habeo, aggredider fortasse aliquid ad te consolandum exponendisque rationibus, quare tu hunc casum animo æquo ferre deberes, leuare dolorem tuum adniterer. Sed cum tu aliorum consiliis non indigeas, magisque ipse ad consilium alium dandum sis paratus, superledebo hoc genere orationis. Tantum te hortabor, ut animum illum, illamque prudentiam, quam in cæteris rebus eximiam præstas, eandem in hac quoque re adhibere meditere: ut omnes homines intelligant, nihil tibi deesse, quò minus & in secundis rebus & in aduersis, par & perfecta vni-

diqu

alique & virtus sit, & constantia tua. Iterum & sæpius vale. Romæ,
XVII. Calend. Augusti, M. D. XLV.

XIII.

IAC. SADOLETVS CARDINALIS

Guilhelmo Bavaria Duci S. P. D.

CVM ex literis tuis multiplici sum ac varia animi lætitia & voluptate affectus, tum quod in extremis illis à te est positum, grauissimisque & ornatissimis verbis explicatum, id mihi maximè iucundum, & de tua singulari eximiaque virtute etiam admirabile accidit. Sic enim scribis, te hanc piam & sanctam Catholicæ fidei, & Christianæ religionis causam, quæ omnium bonorum Principum communis, & quorundam etiam magis propria esse deberet: nulla iacturæ & periculorum, quæ plurima iam adiisti, habita ratione, & amplexatum esse adhuc constanter ac fortiter, & ad vltimum vsque spiritum amplexaturum esse. Quibus tuis verbis quàm expressiorem habere desiderarèue possimus Principis optimi & præstantissimi imaginem, non video. Faxit ille ipse omnipotens Deus, quem tu in literis tuis omni cum fide & pietate inuocas: vt talem animum, dignamque omni ipsius gratia & beneficentia mentem, ea præmia consequantur, quæ & in cælo & in terra debeant iudicare maxima. Quamquam cui in hac vita pacatus cum Deo animus, & secum ipse concors, in altera domicilium beatæ immortalitatis est propositum, is semper maximis & verissimis præmiis à Deo affectus esse videatur. Sed tamen ne hæc quidem quæ in his locis expetissent, tibi defutura confido. In tanta enim rerum omnium confusione, quantam alia ætas nulla vnquam vidit, aberrantibus ferè cæteris omnibus, & propè mente dimoto, quibus harum rerum gubernandarum & regendarum potestas erat data: consiliaque sua non ad salutem publicam, sed ad propriam ipsorum (vt illi putant) vtilitatem, vt autem res indicat, & magis etiam quotidie indicatura est, perniciem conferentibus, stare & eminere vnum, in cuius animum atque virtutem, cum hæc temporum maladamnaque incurrunt, tanquam fluctus saxo, sic illa eius consilio sapientiæque frangantur: non solum his temporibus nouum quodammodo & penè inauditum est: sed apud bonorum iudicia imprimis admirabile. Itaque necesse est, posteaquam satis fuerint debacchari, qui ex incommodis publicis sua priuata commoda venari & captare soliti sunt: posteaquam dormierint sui erroris crapulam, & nihil inuenerint verarum diuiciarum in manibus suis: vt expectecti tandem aliquando & resipiscentes, cum stupore quodam maximaque admiratione

intueantur eos, qui in tanta iactatione tempestatis publicæ, sol-
tenere portum & voluerunt, & valuerunt. Quorum utinam qui-
dem magnam copiam haberemus. Sed tua insignis virtus arque
constantia, Gulielme præstantissime, multorum in eo nobis Prin-
cipum vicem præbet. Es enim tu & castæ integræque religionis
illustre exemplum populis Christianis omnibus, & in omni po-
steritate consequentium temporum, futurus es veræ sapientiæ
veræque virtutis egregium documentum. Quam cunctorum d-
te summam existimationem, non video posse fieri, quin aliquæ
terrena etiam, non modò quæ cælo sint, præmia comitentur.
Hac igitur ego tua laude & Christianæ pietatis summa gloria (v-
initio epistolæ scribere fueram orsus) præcipuè sanè delectatu-
sum. Cætera quæ scribis de tuo animo erga me amico ac bene-
uolo, de quæ ea cupiditate, quam præ te fers, factis mihi proban-
di qua voluntate in me sis: sunt mihi quidem gratissima & in-
cundissima omnia: sed vno (vt mihi videtur) amicitia nomine
cuncta continentur. Sic enim ego memetipsum donavi dicaui-
que tibi: sic tu me tua humanitate & benevolentia es amplexus,
vt quod iam bonorum virorum, & fidelis amicitia proprium est,
certare officiis inter nos debeamus. In quo ego quæ ad tuam
amplitudinem colendam & obseruandam pertinebunt, omnia
summa cum fide benevolentiaque præstabo. Tu si me dilexeris,
charumque habueris, maximum hunc me adeptum ex tua amici-
tia fructum semper sum existimaturus. Vale. Romæ, VI. Idus De-
cembriis, M. D. XLV.

XIV.

IAC. SADOLETVS CARDIN. FRAN-
cisco Fregepani Vngaro, Episc. Agriensi S. P. D.

ACCEPI tuas literas mihi gratissimas: in quibus illud per-
humanum, quòd mea erga te officia plurimi facere viderem.
Quasi verò non ego ita agere debeam: aut sit quicquam, quòd
me tuæ eximie virtuti & amoris erga me non debeat. Imò verò
quæcunque mihi dabitur tibi commodandi, & rem gratam fa-
ciendi occasio, sic ea vtar, vt eodem tempore beneficium me ab-
te accipere sim arbitraturus. Quid enim est, quod potius aga-
mus, quàm vt faueamus bonis, & virorum insignium virtutes
cuiusmodi tū profectò es, iustis honoribus afficiamus? præsertim
tanto amicitia fundamento inter nos iacto, quod non solum
benevolentia mutua, sed iure etiam hospitij sancitum sit. Nol-
enim putate me obliuisci posse illius humanitatis, qua tu addu-
ctus, Carpentoracte vt me inuises diuertere voluisti. Quo quæ-
dem tempore cepi fructum permagnum è conspectu & sermo-
nibus

nibus tuis. De quibus scripsi ad Pontificem ea quæ mihi videbantur: illud præcipuè spectans, ut si quid antea ille fortè in tua natura fuisset offensus, animaduerneret & sciret, inter relationem animi & libertatem plurimum interesse. Quod de Ecclesiarum dilatione confirmationis scribis, cum mihi tuæ literæ sunt redditæ, unà item Roma scriptum a Ioanne Marsupino tuo est, omnia esse iam transacta: præsertimq; quod ad te attinet, fuisse perfectum. Quo equidem nuntio valde gaudis sum. Illud tantum dolui, me non fuisse in senatu, cum mentio de te facta est: iustus enim & debitis laudib. dignitas & virtus non caruisset. Quanquam illa quidem sine cuiusquæ nostrum testimonio per sese splendida ipsa est. Ego illa verba in literis tuis maximopere probo: tibi quæ in primis conuenientia esse duco: quib. te confirmas nullis unquæ iniuriis ab honore & cultu sanctæ sedis Apostolicæ esse discessurum. Certè sic facere decet eos, qui Deum, non qui homines intuentur: quique, ut tu grauissimè & sanctissimè scribis, spectant ea quæ non videntur, non ea quæ oculis & sensib. subiecta sunt: in quibus homines falli & errare iam quotidianum est: Sed de his satis. Tuæ epistolæ longissimæ mihi forent suauissimæ. Nam quas accepi, perbreues visæ mihi sunt, tanta à me cum voluptate sunt lectæ. Qui si Romæ essem, lacesserem te crebrò meis scriptis. Nunc longè gentium abssum, neq; sanè mihi constat quod ad tempus sim in Urbem reuersurus; nam neq; quicquam adhuc video quod me illuc attrahat: & multa sunt hic quæ me detineant. Proinde scito, labare meum illud primum consilium Romam redeundi. Quicquid tamen egero, faciam te certiore. Tu me uti diligas, Regiq; tuo meam & fidem offeras & obseruantiam, Brodericumque plurimum meis verbis salutes, valde te rogo. Carp. VII. Idus Iulij, M.D.XXXIX.

XV.

IAC. SADOLETVS CARD. FRANCISCO

Fregep. Vngaro, Episc. Agricensi S. P. D.

ACCEPI tuas literas datas Viennæ extremo mense Iunio, ad me Septembri ineunte perlatas. Ex quibus cognoui, quod mihi fuit iucundissimum, te rectè valere, & apud Regem Romanorum esse Reipubl. causa: accepisseq; optatum nuntium de confirmatione vestrarum Ecclesiarum. Quæ diu antè debita, aliquot le causis dilata, postremò tandem a summo Pontifice facta est. Quæ etiam ego de te dederam ad te literas, quas te accepisse postea arbitror, & meam de omnibus tuis commodis letitiam, ex eis cognouisse. Etenim noli existimare optime Francisce, quicquam mihi posse euenire optatius, quàm audire taleis viros ad guber-

nacula Ecclesiarum deligi, & vocari: qui tantum onus & con-
 silio regere, & virtute tueri, & religione ac pietate illustrare
 possint. Cuius quidem generis hominum quibus penitus
 afflictis temporibus, utinam potius priuatis quam modis no-
 stris, quam publicis calamitatibus sentiremus. Sed de his vi-
 rit Deus, quem tantum orare atque obsecrare reliquum no-
 strum est. Quid autem geratur, quid paretur, quod tantis dam-
 natur obuiam, nihil dum cernimus. Sed ut ad propositum redeam
 ego honorem tibi delatum vel comprobatum potius, & tibi ho-
 nestum, & Reip. Christianæ utilem esse foreq; non dubito. Mihi
 quidem certè, qui te vehementer diligo proboq; iucundissimum.
 Qua eadem in causa Broderico etiam nostro gratulor: a quo
 habeo literas, quibus ille a me quiddam petit, nimirum Romam
 nunc esse suspicans. At ego nondum de Ecclesia mea decessi: vi-
 multas habeo commorandi causas, nullam adhuc aliā me con-
 ferendi. Quod si Romæ fuisset, & vobis id significassem, & nu-
 lum meum officium, quod ad vos quidem pertineret, desider-
 essem passus. Nunc absens, id quod quero, vos absentis amo. Vi-
 proficiscar ad Urbem, omnes meæ & operæ, & diligentia fructu
 vobis imprimis promptos atque expositos esse intellegitis. Ioan-
 nes Mar Lupinus tuus planè mihi satisfacit: est enim in scriben-
 dis ad me rebus vrbanis admodum diligens. Idem tibi apud
 maximas sæpe agit gratias, tuq; erga se beneuolentiæ & liber-
 litatis complura iam indicia non desinit prædicare. Quæ mi-
 quoque ipsi grata sunt, eaq; ut persequare a te vehementer peto.
 De rebus Turcicis nihil habeo quod placeat mihi ad te nunc fer-
 bere. Tu quod propior illi es, hoc melius nosse omnia potes. Non
 illud timemus (in quo utinam fallamur) ne iam de nobis ac Chri-
 stiano nomine actum penè sit: ita laboramus intestinis externis
 que malis, nec quicquam firmi auxilij paratum nobis esse vlla
 parte cernimus: nisi quod in Deo vno sunt omnia. Sed hæc hæc
 nus. Vina Gallicana te interdum optare, suaue admodum
 est intelligere ex tuis literis. Quod longè esset suauius, si te ill-
 rum possem facere participem. Non enim mihi bibere illa
 foret iucundum, quam tecum bibere. Quod forsitan Romæ
 quando licebit utrique nostrum. Regi tuo optimo & clarissim
 Principi, plurimam meis verbis salutem dic. Vale. Carpentor
 Et, IIII. Idus Octobris.

XVI.

IAC. SADOLETVS CARD. FRANCISC

Fregep. Episcopo Agriensi S. P. D.

ET si literæ tuæ tardissimè ad me fuerant perlatae, tamen cum esset occasio Romam scribendi, nolui præterire, quin ad eas responderem. Quanquam mutata temporum condicione, te iam extra periculum & timorem huius anni esse suspicarer. Nihil enim hostes adhuc mouerant, quod quidem fama ad nos pertulisset. Neque dum tamen pax inter vos dicebatur esse constituta. Cum autem præcipitante æstate, hyems antè videatur affutura, quam administrari bellum possit: spes est, aut discussum iri, aut in longius tempus collatum id malum, quod te pro tua pietate curaque Reip. sollicitat. Equidem video res Principum Christianorum ita contractas, vt nihil neque sperari boni possit, neque non metui mali. Sed erit ingenij, & virtutis, & providentiæ tuæ, primum agere omnia, quantum in te sit, quò imminentibus isti regno è Turca periculis occurratur. Id si autem nò poteris, neque erit tuæ facultatis providere: tum tibi ipsi parare aliquod subsidium, quo, si ita res cadat, sustentare fugam atq. exilium tuum possis. Quanquam quod ad nostram amicitiam & amorem mutuum attinet, ego memet tibi, & mea defero omnia, quantulacunque ea sunt. Sed tamen te tuis fortunis frui malo, quam alienis egere. Si tamen alienæ dicendæ sunt, quæ ab amicissimis hominibus libenter deferuntur. Id autem cum in potestate nobis non sit, videanturq. casu magis & temeritate, quam aut hominum consiliis, aut prudentia Principum regi, & pendere omnia: ego qui tutiores & ab omni periculo remotiores oras incollo, perfrugium habeo paratum eis omnib. quos & propter necessitudinem, & propter virtutem dignissimos statuo, qui à bene uis diligantur. Quo in numero tu mihi inter primos propositus es. Sed de his satis. Diplomata vestrarum Ecclesiarum nondū vobis esse reddita, & miror videoq. vbi resideat culpa. Est enim genus quoddam in nonnullis hominib. sapientiæ, quod quibus modis res geri tractantq. conueniat, penitus nescit. Itaq. etiam quæ bene facta sunt, sæpe ingrata accidunt illis, in quorum gratiam & utilitatem sunt facta. Sed tamen habebam ex vrbe à Marsupinis literas, Ius tibi, consecrationem, & Pontificatus (vt mos est) insignia accipiendi, esse datum. Quod idem valere debet, ac si ipsum diploma commendatæ tibi Agriensi Ecclesiæ testimonium habuisses. Quòd libertatem tuam homines perperam interpretentur: eamque magis velint superbiam existimare quam libertatem: noli mirari, Franciscæ optime, in tam corrupto seculo, tamque seruilibus moribus. Vnam verò semper apud nostros Principes libera vox valeret: cuius inopia & egestate est factum, vt aut nulla aut rara consilia inuentur, per quæ decus atque splendor, salus etiam & incolumitas Christianæ Reipublicæ restitui possit. Sed hæc quæ ab hominibus aut prodita, aut deserta sunt, diuinis

consiliis gubernabuntur. Te quidem sensisse hominū perfidiam, neque suis promissis steterisse eos, qui te in spem illam miserant, iccirco non ægerimè fero, quoniam nihil video quod sit expetendum in eo præmio, quod fuerat tibi ostentatum. Quin lætor magis, quòd magnitudinem animi tui agnosco: quam vehementer probò: magisque virtuti & constantiæ tuæ gratulandum à me esse arbitror, quam consolationem vllam adhibendam. Sed hæc hæctenus. Ego etiam nunc Carpentoracti maneo: nec cogitationem vllam habeo digrediendi ex his locis. Literæ tuæ, quanquam tristioribus curis refertæ, me quoque tecum in eandem penè sollicitudinem & societatem mœoris attraxerunt, tamen in eo mihi fuerunt periucundæ, quòd magnum mihi dederunt testimonium tui erga me amoris: qui me potissimum deligisti, cum quo omnia quæ te angebant, communicares. De qua re velim sic constituas, te neq; fideliozem deligere potuisse quenquam, neque amantiorem tui. Vale. Brodericum nostrum diem suum obisse molestum mihi fuit: amicum certè hominem, & eundem virum bonum prudentemq; amissimus. Iterum vale. Carpentoracti, X. August. M. D. XL.

XVII.

IAC. SADOLETVS S. R. E. CARDINALIS
friderico Nausea S. P. D.

TITVBANS, infirma manu, contra valetudinis commodum, hæc ad te mi Nausea scribo, vt succensere mihi desinas. Etenim scito, biduo post, aut triduo, quam accepi tuas literas, & illam eruditissimam orationem, qua me nihil vnquam delectare potuit magis, me in grauem morbum incidisse, & tribusq; vexatum & adductum fuisse, vt aliquando de mea vita desperatum sit. Quo tamen periculo Dei clementia liberatus, in ipsa remissione morbi nondum nec mente nec corpore satis confisto. Quòd si tu humanos casus considerare voluisses, omnia prius cogitare debebas, quam me neglecti officij accusare: etsi gratum id quidem mihi accidit. Video enim & beneuolentiam erga me tuam & desiderium literarum mearum. Ad hominem illum scripti, bono, vt mihi visus sum, consilio: sancto quidem, & pio certè. Neq; enim aliud quæsiui, nisi conciliare mihi eius voluntatem. Quod si ex sententia mihi successisset, credem mihi, aliquo præclaro munere Christianam Rempub. affecissemus. Cur autem, ex literæ tantoperè reprehendantur, causa certè non est: nihil enim est in illis, nisi priuata familiaritate præscriptum. Fortasse aliquando humilins, quam nostra dignitas ferat: sed ego inter homines grauitatem meam conseruo, in causa Dei depono. Si qui-

dem & David ante arcam Dei pietatis memor fuit, non dignita-
tis. Nam quod ego ad Lutheranos desciscam, quis suspicari ex ista
epistola potest? cum testificer in ea, me opinionibus ab eo dissen-
tire? Amo ingenium hominis, doctrinam laudo, sententias certe
non probo. Ex quo mirum mihi valde accidit, id quod tu scribis:
videri me iis literis & summum virum Symonetam, & totum col-
legium nostrum quasi perstringere. Hoc tu, quæso, quibus ex ver-
bis epistolæ meæ colligere potuisti? Ego collegis meis omnem
vbique honorem defero, & in Catholica veritate constantissi-
mus sum, erōq; quoad viam: potiusq; de vita, quàm de senten-
tia decedam. Cupiebam plura, sed languor animi corporisq; pro-
hibet. Cum valetudinem recuperaro, crebrius literarum tibi
satisfaciam. Interea quando in imprimenda epistola mea id agere
cœpisti, de quo ago tibi gratias, famam & existimationem meam
tibi commendo. Vale mi Nausea. Vale, & perpetuo dilige. Romæ.
X. Calend. Decembris, M. D. XXXVII.

XVIII.

IAC. SADOLETVS CARDIN. IOAN.

Archiepisc. Vspaliensi Gotto, S. P. D.

AD XV. Calend. Ianuarij cum essem in mea Ecclesia Car-
pentoracti, quò post discessum à Nicæa summi Pontificis
me contuleram, accepi tuas literas tertiodecimo Calend. No-
uembris Venetiis datas. Ex quibus cognoui iustissimam quere-
lam tuam, & dolorem eum, quem ex publicis incommodis, tuisq;
priuaris, non sine magna ratione susciperes. Itaque tuis literis ad
dolendum tecum vehementer permotus, optavi equidem esse
Romæ, quò tibi præstarem eadē officia quæ apud summū Ponti-
ficem antea præstitissem. Sed cum id fieri non possit, absūm enim
ab Vrbe passuum sexcentis amplius milib. nullum habens reme-
dium quo à me posses iuuari, cum sim ego quoque in angustiis
positus: has constitui scribere ad te literas, quibus de mea erga
te voluntate certior fieres: & quoniam operam meam non pos-
ses, animum saltem meum in te propensum beneuolumq; reco-
gnosceres. Quod scribis perniciosum fore fidei Catholicæ con-
cilium habitum non esse, nostrosque aduersarios ea de causa iam
insolentiores esse factos: nihil sanè mihi significas noui. Ego e-
nim & hoc prouidi ita futurum: & posteaquam contigit, ut con-
cilij habendi spes omnis exstingeretur, auctos animos eorum,
qui contra Romanam inuehuntur Ecclesiam, multorum nunciis
literisq; cognoui. Quin quotidie aliqua ad aures meas perueniunt
de opinionibus illorum hominū aduersus Deum impia, ob mul-
titudinem tum illis consentientium periculosa: neque adhuc

video quid nobis iam reliquum ad spem rerum meliorum esse possit. Et si Pontifex Maximus (quod ego scire tum potui) ad amittendum concilium non sua sponte, sed duorum summi principum consilio fuit adductus, qui negabant tempus idoneum esse tantæ agendæ rei, quæ & tranquilliorẽ Christianæ Reipub. statum & orium à Turcis ac fidei hostibus requirebat. Itaque eodem consilio vsus quo tu, pariq; dolore affectus de Christianæ Reipub. incommodis: optimum factu mihi constitui manere hoc portu, & in hoc meo exiguo gubernando grege Deo ac fide meæ satisfacere. Cùm præsertim in optimis & sanctissimis literarum studiis assiduus sim: Christi quæ fidem, quam auctoritate & opibus non possum, meis quoad licitum est scriptis meisque vigiliis in veterem dignitatem restituere coner. Aliam causam est, qui non portum tenes, sed tempestate iactaris, & fluctibus. Quod mihi quidem dolori est: eo quæ magis, quiddam quemadmodum tibi opituler non habeo. Sed si diligentius tecum ipsius scripturæ sanctæ documenta recolere volueris, intelliges, talibus potissimum qui propter defensionem veritatis & iustitiæ hominum impiorum odia insectationesque perpetuantur, regnum cælorum & promissum esse & paratum: in quod per arduas & huius vitæ calamitates oportet nos ingredi. Nō afferam scripturarum testimonia: quæ tibi nota sunt: illud dicam, Nullum mihi malum in ista tua misera afflictaque fortuna videri inesse, si modò tu is es, quem te mihi Romæ ostendisti. Cùm ego & scientiam tuam bonarum literarum artiumque ad amorem & constantiam animi in rebus aduersis laude prosequeremur. Nec verò ullum cuiquā malum dominari potest, cui Deus propitiatus, & suum in Deo summum bonum sit repositum. Sed hæc hactenus: non enim arbitror te egere nostris admonitionibus. Ego quoniam Romæ non sum: tibi quæ in ea vrbe operam nauare non queo, scribo ad Contarenum talem virum, qualem tu nosti, scientia, religione, integritate, omnibus præstantem: ut is causam tuam, & suo & meo nomine apud Pontificem agat. Ad quem si quoque dederis literas, measque hæc ante tuam profectionem in Germaniam acceperis: non dubito, quin aliquo genere subsidij à summo Pontifice tibi subueniatur.

Vale. Carpentoraedi.

IACOBI SADOLETI S. R. E.
CARD. EPISTOLARVM LI-
ber XII. Epist. I.

IAC. SADOLETVS CARDIN. ALEXANDRO
Farnesio S. R. E. Card. S. P. D.



VENIONE cū essem, adierūt ad me consules cum
multitudine honestissimorum ciuium: sacerdotum
etiam ordine adiuncto: vehementerque à me petie-
runt, vt cū ipsi scripturi ad te essent, & cū vir am-
plissimus legatus idem esset factururus, ego item scriberem, vt o-
mnes vno consensu te rogaremus, quo velles tam nobile & tam
illustrem ciuitatem ornatam esse abs te Episcopo, qui vicem tu-
am sacris præfesset, assidueque in ea commoraretur, quādo quem
eu huic curæ & muneri præfecisti, is & abest multo maximam par-
tem temporis, & rard Auenionem com meat. Accidunt autem fe-
rè quotidie multa in tanta vrbe, quæ egeant Episcopo: præter-
quam quod non mediocre sibi ornamentum deesse ciuitas putat,
si Episcopus præsens non adsit. Hac de re cū ipsi ad te accuratè
dant literas, tum ego quoq; optime Farnesi summo animi studio
te rogo, vt satisfacias florentissimæ ciuitati: præsertim quæ in te
vno spes suas omnes collocatas habet. Facies enim eis gratissimū:
meq; qui pro illis rogo, magno ornamento affeceris, si passus fue-
ris preces meas, illorumq; vnâ autoritatem, quæ certè parui non
facienda est, apud animum tuum, ad impetrandum quod peti-
mus, valere. Ego cū te semper optimo ingenio, egregiaq; natura
præditū esse cognoui: tū illud tibi imprimis curæ esse debere ar-
bitratus sum, vt istam felicitatē atq; fortunam, quæ te complexa
est, in iis præcipuè actionibus adhibeas, atq; exponas, quæ ad be-
neuolentiā hominum virtute ac beneficiis tibi conciliandam
sint accommodatæ, ne tibi postea vlla rerum temporumq; com-
mutatio nocere possit: tuq; iudicio & prudentia tua magnus sem-
per sis, non casu. Sed ego fortasse ineptus, qui hæc ad te scribam:
cū tu domesticis & admonitionibus & exemplis quotidie fias
doctior. Verū ignosces mihi, maiorē amoris mei erga te, quam e-
ius officii quod mihi conueniat, rationem nunc ducere. Quem
maximè apud se cupiant esse Episcopum, Auenionenses ipsi ad
te scribunt. Hortor & oro, vt eorum voluntati morem geras: &
tamen præscribas, quibus eum finibus vtī velis potestate, quem
sacris rebus tuo nomine tractādis agendisq; præficiēs. Quō maxi-
mè modo sine vllō honoris & famæ tuæ periculo, tuis p te popu-
lis & ciuitati nobilissimæ erit consultum, Sed hæc hætenus: non

enim vereor ne iustissimæ preces locum apud te non habeant. Summus Pontifex mihi mandârat, cum me in hæc loca ex Nicæ esset recepturus, vt curam & vigilantiam adhiberem, quod ad hosce populos in recta religione continendos pertinet: quod audiebat Lutheranos in his regionibus valde increbrescere: quod idem ego quoque multo tum literis cognoueram. Itaq; huc postquam veni, quid egerim & Carpentoracti & Auenione, quomodo insidias omnes eiusmodi rerum, suspicionesque compresserim, quàm nunc omnia composita sint & sedata, malo cum ex literis aliorum cognoscere quàm ex meis. Certè eam & voluntatem, & obedientiam, quam illius sanctitati debeo, perpetuam præstabo. Et quoniam vt hic maneam vsque ad proximum ver, & multas & necessarias causas video me coacturas: rogo te amplissime Farnesi, mihi que meritò charissime, vt in tuis cum Pontifice Max. sermonibus, interdum mei mentionem facias, neque memoriam mei apud eum intermoti totam sinas, habeasque tibi & fortunas & dignitatem meam apprimè commendatam, si tamen tua officia apud hominem gratum positurum te intelligis. Vale. Carpent. IV. Cal. Octob. 1538.

II.

I A C. S A D O L E T V S C A R D. A L E X A N D R O

Farnesio S. R. E. Card. S. P. D.

GRATÆ mihi tuæ literæ tantumne? imò verò & peroptatæ, & dulces: quæ aliquam mei memoriam residere apud te mihi indicarunt. Quod ego quanti faciam, non nunc scribo: aliud erit tempus ista commemorandi. Hoc dico, in tuis iucundissimis literis illud tamen offensionis fuisse, quod hæc tardissimè ad me perlatae sunt, scriptæ enim à te VII. Idus Septembris, tertio Idus Octobris mihi sunt redditæ: sexto & trigésimo die videlicet postquam tu eas dederas. Sed quod ad rem pertinet, vtinam Farnesi amplissime vobis vocantibus, quemadmodum quidem cupere subito parere possem: neminem profectò promptiorem ad obtemperandum vobis inueniretis. Sed quæ me impediunt causæ quominus statim accedam, scribo ad Pontificem Max. scriboque non tam sapienter, quàm ingenuè & liberè. Quod Pontifex ipse pio sua perpetua præstantique humanitate in bonam partem accipiet. Earum ego literarum exemplum ad te misissem, nisi illas communes tecum fore existimassem: quod certè ita futurum est. In iis ego peto atque oro, vt tempus meæ absentiae mihi prorogetur vsque ad proximum mensem Aprilem: quo tempore in Italiam reuerti mihi in animo est. Hac in re Farnesi optime, te mihi aduocatum esse cupio, vt facilius impetrem, quod æquissimè à

me petitur. Neque tamen recusato, si vos omnino ita statueritis, quin primo quoque tempore istuc veniam. Sed cum neque magni fructum ex me istuc percipere possitis, quod in tot sapientissimorum patrum consiliis, & prudentia, parum eminere opera mea potest: & ego magni mea interesse sentiam, aliquandiu hic manere: erit humanitatis & liberalitatis vestrae, faciles vos praebere in eo, quod vobis parum admodum, mihi autem plurimum profuturum sit. Sed de his reuicio me ad eas literas, quas Pontifici scribo, futuras (vt dixi) tibi etiam communes. Te quidem ipsum rogo, vt mei absentis famam atque fortunas in tua fide & patrocinio esse patiare: talemq; te mihi praestes, qualem ego animum erga te in omni tuo honore dignitateque tuenda, si res ita ferrer, plenum amoris & diligentiae asferrem. Vale. Idibus Octobris, M.D.XXXVIII. Carpent.

III.

IACOB. SADOLET. CARD. ALEXAN-
dro Farnesio S. R. E. Card. S. P. D.

SUPERIORIBVS his diebus tuis literis, quibus me Romam euocabas, respondi: reddidiq; rationem meam hic non modò iustae, verum etiam necessariae vsque ad certum tempus commorationis. Quod item aduersus summum Pontificem feci, cui mea acta atque consilia imprimis cupio esse probata. An verò mea excusatio in bonam accepta partem à vobis fuerit, nondum equidem sciebam: nullas enim ea de re acceperam literas. Sed tamen confidebam, vestrae naturae clementia & bonitate fretus, non frustra vobis oblatas fuisse preces & obtestationes meas. Itaque sedato eram animo, totus ad literas & studia conuersus, nescio quid excedebam, quod in hac perturbatione temporum alicui fortassis vsui esse possit. Postea venerunt ad me ex vrbe literae, omnia de vobis laeta nuntiantes, quà de nuptiis & affinitate Caesaris: quà de vestrae familiae aucta & amplificata dignitate: quod vtrunque mihi iucundissimum auditu fuit. Cum enim habeam summum Pontificem atq; tuum omnis mei honoris & dignitatis autorem, omnia ego vobis debeam necesse est. Itaque ex hac vestrae amplificatione fortunae tantum latitiae capio ac voluptatis, quantum ex mea aut meorum, si isto ego loco essem, profectò non caperem. Deumq; supplex oro, vt ista vobis rata & perpetua esse statuat. Et tamen, vt timidus est amor cogitanti mihi rerum vicissitudines, & temporum, atque in secundis & prosperis varia & dubia semper pertimescenti, videbantur vestra haec, siue fortunae, siue etiam humanae prudentiae premia, clauo vt dicitur trabali firmiter ad diuturnitatem temporum figi posse, si quam sapientiam

hoc tempore in amplificanda generis ac familiarum sue dignitate, summus Pontifex adhibuit, eandem ad religionem Dei reuocandam, sanctosque mores in sacerdotum ordine reuocandam, quemadmodum quidem initio agere aggressus est, usque ad præclarissimi operis affectum adhibuerit. Quod mihi sanè videtur non diuturnæ consultationis, sed magni animi & parati fore negotium. Ut enim naui aduersus vim & metum impendentis tempestatis duabus anchoris religari solet, quarum maior altera dicitur, altera minor: sic vos maiore anchora fortunarum vestrarum in ipso Deo iacta atque firmata, ab omnibus tempestatibus tuarum atque muniti, secundos semper cursus tenebitis. Sed ego ineptus qui ad ista progrediar, quasi verò aut virtus vobis desit, aut consilium: quod utrumque in vobis cernitur abundare. Illud meum est, Farnesi amplissime, ut & vobis gratuler, quod equidem libentissimè facio, & optem vestris secundis rebus perpetuitatem: quod semper animo amicissimo sum facturus. Vale. Carpentoracti, prædie Cal. Decemb. M. D. XXXVIII.

IV.

IAC. SADOL. CARD. ALEXAND. FAR-
nesio S. R. E. Cardinali S. P. D.

ET si aliquanto antè idem cognoueram ex literis meorum, quod tu ad amplissimum nostrum collegam Polū de amplificanda Bembi summi viri dignitate & præstantissimo erga eum Pontificis Maximi beneficio scripsisti: tamen omnia illa tuæ literæ multo haeciora, latioraque fecerunt, cum essent abs te ipso scriptæ, qui autor etiam tam præclari operis extitisses. Scito enim nos certiores esse factos, maxime insignem atque egregiam in illo ornando, operam tuam, auctoritatemque fuisse. Quod etsi tu liberalitati, nobilitati virtutique tuæ præcipue tribuisti: quo his initiis, & veluti fundamentis tua in posterum præcellens dignitas in immensum quasi cresceret, tamen quoniam eius beneficii magna quoque pars ad me ipsum peruenit, qui pro homine amicissimo, & fraternum mihi necessitudine coniuncto, amplius etiam quam pro me ipso egissem, & vehementius laboravi: sic habeto, maximas me tibi pro eo & agere & debere gratias, neque ex multis officiis, quæ tua mihi insita in animo & in memoria sunt, vllum me habere, cui iustius & libentius me obligatum esse confitear, quam istud ipsum, per quod, in Bembi mei honore me non mediocriter à te esse ornatum intelligo. Verum in his tua tibi virtus & liberale ingenium, etiam si minus gratiam nos referre poterimus, qui animo quidem sumus alacres, sed parum valemus opibus, maximum fructum & verissimè animi voluptatis, & singularis landis afferet:

nos certè id agemus, quod est gratorum hominum, vt beneficia vestram memoria & prædicatione nostra, pioq; animo semper proficiamus. In quo cum ego neque erga te, neque erga summum Pontificem facere satis animo & cupiditati meae possim, rogo te amplissime atque ornatissime Farnesi, atq; omnibus precibus vehementer oro, vt tu meam vicem Pontifici agas gratias: quantumque mihi sibi hoc nouo munere deuinxerit, quem tot iam vinculis habuerat antè obstrictum, explices & exponas facundia tua: quando ad magnitudinem rei mea vox satis virium non habet. Quod abs te gratissimum mihi, & simile futurum est tuorum omnium. Polus tuus, vir fortissimi animi, virtutisque non eximie solum, verum etiam admirabilis, (quod ipse & alias saepe, & nunc cum maxime, in hac iniquitate fortunæ, acerbisque suorum euentibus declarauit) summa mea cum voluptate nunc est Carpentoracti. Itaque ab omnibus colitur, & in honore habetur, vt non hominem nostri temporis, sed quasi è cælo demissum, aut ab antiquitate nobis redditum, videantur intueri. Tanta est is sapientia, modestia, humanitate, religione: quod quidem etiam in gloriam vestri nominis cedit: cum videant hæc nationes, cuiusmodi vos viros ad sedis Apostolicæ gubernacula acciendos esse putaueritis. Sed hæc notiora sunt, quam vt noua commemoratione indigeant. Tu valebis Farnesi optime, & nos gratia ac præsidio tuo tuebere. Vale. Carpentoracti, Calend. Maij, M.D.XXXIX.

V.

IAC. SADOLETVS CARD. ALEXANDRO
Farnesio S. R. E. Card. S. P. D.

TVVS subitus discessus, & festinatio Romam perueniendi fecit, vt quod maxime cupiebam, atq; optabam videre te & alloqui, id mihi fuerit creptum: tamen iudico te quicquam nisi bona adductum ratione fecisse: quod vel pietas tua erga tuos, vel desiderium rerum vrbicarum, quod sæpe ætate iam prouectis, nedum adulescentibus, magnum calcar affert: vel forte Pontificis imperium & voluntas appropere te coegit. Tamen in expectatione maxima tui videndi & complectendi cum essem, quod mea me spes frustrata est, non possum non colere. Qui si tuo inductus nuntio non fuisset, quo me Carpentoracti subsistere, & tibi hospitium parare iussisti: obuiam certè tibi Auenionem proeessissem: & si non omnem, at aliquam tamen partem cepissem sperata voluptatis. Nam & conspectus tuus mihi iucundissimus, & mea tibi obseruantia (vt arbitror) non ingrata extitisset. Nunc cum neq; hic, neque alibi conspicerem te potuerim, measq; tecum rationes

rationes familiariter conferre, cumque ciues mei, penè popul-
 riter, summa cum alacritate & lætitia obuiam tibi prodire, te-
 sumque diem agere aduentus tui constituissent: potes pro mo-
 ingenio existimare, fuisse nobis molestum, quod tu in alium re-
 pentè sensum, & aliud iter te conuerteris. Sed si hoc quod nobis
 accidit perincommodè, tibi idem cominodum atque opportu-
 num accidit: & si iter totum sic ex sententia confectisti, vt ad tuos
 saluus incolumisque redieris (quod ego & spero, & Deum qua-
 so vt ita sit) viscat sanè utilitas tua cupiditates nostras: sitque no-
 bis potior tua salus & voluntas, quàm omnes cæ rationes, quibus
 nos sperauimus ex congressu tuo gaudium nobis & lætitiā pos-
 se comparari. Nam quæ ego coram tecum eram acturus, parum
 sanè interest, vtrum ea voce, an per literas exponam. Quod verò
 summa voluptatis & lætitiæ ex tuo aduentu ad nos percipere po-
 tui, id amissum, sic animo æquo fero, si tibi id fuit gratius, atque
 optatius. Dabitur enim mihi (opinor) aliud tempus, meam tibi
 obseruantiam, & gratam in omneis tuos voluntatem declarandi.
 Nunc vt veniam ad id quod egī tecum, cū fuisti Auentione, de
 diuturniore mea mansione in his locis: id te oro atque rogo Far-
 nesi amplissime, vt in memoria habeas excusesque me apud sum-
 mum Pontificem, totumque me denique & tuendum tibi, & de-
 fendendum suscipias. Ego nec vllō parrono possum esse muni-
 or, quàm te, si modò dignus à te fuero iudicatus, qui in fidē & cli-
 entela tua sim: nec tu opinor, dedecus vllum ex tua erga me hu-
 manitate suscipies. Ita enim me geram; & eam operam dabo, vt
 te mihi præsidio adiumentoque fuisse ne vnquam porniteat. Cur
 autem istuc venire non possim, causæ partim necessariæ sunt, par-
 tim habent in se honestatem & laudem. Necessitas in consistendo
 nonnihil pudoris affert, ingenuis præsertim animis: quam tamē
 necessitatem vos intelligere, etiam tacente me, potestis. Nec ta-
 men propterea ambio à vobis quicquam, aut flagito. Sed si ego
 ea natura præditus sum, vt nemini velim sumptui esse, & oneri:
 decet vos quoque ea esse benignitate, vt me commodum meum
 sequi, & vestra liberalitatis insignibus ornatum, vbicumque sum,
 duplicem vobis habere gratiam patiamini, & maximi honoris
 ac beneficii, quod in me contulistis, & summa benignitatis, qua
 me morem mihi gerere, & meo obsequi animo indulgentissimè
 permittitis. Sed (vt dixi) necessitas verecundiam quandam ha-
 berihonestas est prædicabilior. Dico igitur, me hic manere non
 inuitum: quod & inter amantissimos mei versor, & multa quoti-
 die ex me commoda atque adiumenta his populis proueniunt:
 quod diurnis nocturnisque meis cogitationibus hoc consequar,
 vt & pace atque concordia eos contineam: & propulsem hinc im-
 pios, qui veritatem catholica religionis conantur euertere, qui-

rum, nisi ego huc venissem, magna iam copia in his locis existeret. Nunc meis vigiliis atque curis sit, ut illi non modò ad nos, sed ne ad vicinos quidem nostros se audeant conferre. Contingit enim peropportuna, ut cum apud populos etiam alieniores fides mihi non parua sit: cum verò senatoria consilia quæ Gallicanis præfunt provinciis, ut Aquense, ut Tholosanum, ut Grarianopolitanum, meo non minimum testimonio moveantur. Itaque cum his paucis diebus diploma ad me Pontificium esset allatum, quo datur mihi in Lutheranos inquirendi atque animaduertendi potestas: accepi equidem illud venerabundus, & gratulans: gratiasque de eo summo Pontifici egi, qui tantum mihi honoris suo iudicio derulerit: quas etiam à te Farnesi optime meis illi verbis agi, cupio, idque ut facias rogo. Sed quod ad usum istius potestatis pertinet, equidem si necesse erit, utar: dabo operam tamen ne sit necesse. Nam quibus ego armis libentius utor, ea ut leniora sunt ad opinionem atque aspectum, ita ad convincendos improborum animos longè sunt validiora: cum non terror ab illis, neque supplicium, sed veritas ipsa, sed & Christiana imprimis mansuetudo, confessionem erroris, corde magis quam ore prolatam exprimit. Est autem hoc loco quod vobis à me aperte iudicandum sit: de quo tecum habui si recordaris, mentionem cum tu in Hispaniam iter haberes: deque eadem re tecum postea, me absente amplissimus Polus collocutus est: cui tu, & mihi benignissimè es pollicitus, de Iudeorum negotio videlicet: quibus aliquando fratrum aliquod imponi profectò est necesse, si non illorum avaritiæ infamia, qua gens illa præter cæteras laborat, transferre ad nos totam volumus. Agam fortiter, utarque libertate, quam tribuit mihi Deus: neque cum Principem, cui omnia debeo, cuius eximiam laudem virtutis, probitatis, sapientiæ, vllis hominum sermonibus infringi aut imminui iniquissimo animo patior: falsis assentationibus in errorem inducam. Sed dicam apertè ut se res habet. Qui potest videri amore religionis in suis provinciis Lutheranos persequi, qui in eisdem provinciis tantopere sustinet Iudæos? Sustinet autem? Imò verò augeat, condecorat, honestat? Nulli enim unquam vllò à Pontifice Christiani tot gratiis, privilegiis, concessionibusque donati sunt, quot per hosce annos Paulo Tertio Pont. honoribus, prærogatiuis, beneficiis, non aucti solùm, sed armati sunt Iudæi. Ac cæteris quidem fidelibus & optimè meritis, noua iuris beneficia, ad propulsandam, si qua illata sit, iniuriam conceduntur: Iudæis solùm ad inferendam. Quanquam non est ista Pontificis optimi culpa, sed eorum qui ad suum ex Iudæis quæstum, Pontificis nomine abutuntur, de quibus honestius est vos existimare, quam me scribere. Iudæi quidem opibus referti, fautoribus insolentes, inter hæc plebes,

plebes, tanquam inter pecudes lupi grassantur. Oppida iam pridum pleraque vastata sunt, familiae plurimae exturbatae: laribus suis & extorres factae, dispersae inter finitimas nationes, quaeruntur horum conditionem temporum, & miseras fortunas suas: cum tamen quotidie Iudaei istinc ex urbe a praefectis arari, noua ad nos privilegia deferant. Et in his nuper duo, quae maximè valentia sunt ad euertendos Christianos, scilicet nutu ibi quod volunt consequuntur, nec est quicquam iam sanctius, & ad reconciliandam ecclesiasticam dignitatem, quae propè omnis iam pridem amissa est, vtilius, quàm fouere Iudaeos: quibus (quod omnibus seculis inauditum est) licitum sit solis tanta frui apud magistratus auctoritate & gratia, vt ad impetrandum omnia quae possint, eorum accusatio audiat sine reo, causa cognoscatur sine teste, sententia feratur sine iudicio. Ex hac vos tandem quomodo ab his trans alpes nationibus accipi existimatis, quarum in oculis & in conspectu posita sunt: Quae rationes carent omnes hac Iudaeorum peste, nec abominantur peius quicquam, quàm Iudaeorum nomen, quos tantopere vident istis in delictis esse. In tantane defectione animorum omnium iam a nobis gentium (plane enim dico omnium, quod ego ita esse intelligo: vos haud ita sentitis, propterea quòd aurib. vestris vulgò homines blandiuntur) in tantane inquam defectione omnium, & propè execratione auctoritatis ecclesiasticae, magno Reip. praesidio futurum putatis, si sic alueritis, sic extuleritis Iudaeos? fideles autem, & pauperes populos vestros sic lacerari ab illis, & diripi neglexeritis: Porro in haec loca, quod tu transiens nosse potuisti, prouinciae maximè concurrunt, Italia, Hispania, Gallia, atque Anglia: è quibus qui hac iter faciunt homines, conscios eos esse huiusmodi quarrelarum, easq; domum ad suos referre, sanè existimationi vestrae & communi saluti non expedit. Sed ego haec ad te verè quidem & libere, forsitan autè dolentius, quam necesse erat, scripsi. In quo ignosce mihi optime Farnesi. Pastor sum populorum horum, non mercenarius. Moueor, si quisquam alius, in improbos stomacho, erga pauperes misericordia. Fungor officio meo, & fungat. Si potero opem ferre & consulere meis, habebò Deo omnipotenti, & optimo maximoq; Pontifici gratiam: sin minus, totum hoc onus relictum in vos, qui principes pastorum estis. Vos & meam vicem & vestram, eidem summo Deo rationem reddetis, quando vestra, non mea, omnium rerum est potestas. Vnum, quod ad te ipsum propriè pertinet, (dat enim mihi aetas mea, non auctoritas quidem, neq; prudentia, apud te loquendi veniam) vnum inquam, te admonet: cum tu istis initiis nobilitatis, fortunae, honoris, ingenij, ad summam omnium hominum commendationem, & spem praestantissimam virtutis productus sis: si tales causas & hu-

iulmo-

iustmodi patrocinia susceperis, ostenderisque tibi curæ esse (id quod tamen facis, in quo nos admodum latamur) æquitatem, iustitiam, pacem populorū, & erga Deum religionem: quæ quidem res sanctissimæ, ac præclarissimæ, nulla re alia magis quam cupiditate lucri, auaritiæq; fœdantur, quam isti palam præ se ferunt, qui Iudæis tantopere studere se nō dissimulant, stabile (mihi crede) & firmum fundamentum in omnem posteritatem tibi subieceris ad dignitatem & gloriam nominis tui quotidie magis augendam, altiusque exstruendam. Quam nunc & magnam admodum, amplamq; esse vehementer lator, & maiorem indies futuram esse confido. Vale. Carp. IV. Cal. Augusti, M. D. XXXIX.

VI.

IAC. SADOLETVS CARDINAL.

Alexan. Farnesio S. R. E. Cardinali S. P. D.

ACCEPERAM ex Vrbe literas, te à summo Pontifice è Belgis Romam esse reuocatum: futurumque in via ad medium mentem Maij. Quod simul atque cognoui, statim misi Paulum meum obuiam tibi Lugdunum, & simul cum eo ad te literas, ut quoniam præsens ipse nō possem, illo modo te salutarem, & obirem absens meæ in te obseruantie munia, quæ, coram cum sum, libentissimè tibi præstare soleo. Accidit autem celeritate tua, & studio properandi, ut Paulo nōn fuerit necesse Lugdunum peruenire. Cum enim abesset ab ea ciuitate diei vnus iter, certior factus est amicorum literis, quibus negotium hoc fuerat datum, te repente ante omnium expectationem eò venisse, statimq; profectum: nec punctum ferè temporis Lugduni commoratum esse. Quocirca ille meis Lugdunum missis literis, quæ te, quod fieri posset, cōsequerentur, ad nos reuersus, hunc mihi nuntium retulit. Accepi dolorem scilicet, quodd cupiditas mea mei officij arque amoris tibi declarandi, bis iam conādi mihi, irrita cecidisset. Sed ramen me consolatus sum quod existimaui studium tuum perueniendi ad Vrbem, meo tui videndi studio anteponendum esse. Nunc rursus eum ad me scriptum sit, te saluum atq; incolumem ad tuos rediisse: magnamq; esse lætitiā ex tuo aduentu Romæ concitari, volui tibi his literis nō gratulari solum, quod faustum & fortunatū iter habuisses, multaq; ex sententia serua & aui tui Principis sapientissimi cum Cæsare cōfecisses, sicut amantissimo & dediuissimo animo tibi gratulor: sed etiam gratias quam maximas possem agere, quod tua commendatio rerum causarumq; nostrarū, hoc est prouinciæ huius, quam ex vrbe discedens apud animum Pontificis reliquisti, vsque eò nobis profuisset, ut simus omnia quæ volumus, quæ ad horū fidelium populorū fortunam

ac salu-

ac salu-

ac salutem potius, aduersus Iudarorum improbitatem ac fraudes
 tuendam, pertinebant, ipsius non solum æquitate & iustitia, sed
 summa etiam clementia & benignitate consecuti. Qua in re tuus
 consanguineus Ascanius Sfortia, singulari virtute & supra æta-
 tem prudentia præditus adolescens, dignissimus eis honoribus,
 quibus tecum simul fruitur, nobis amicissimè & constantissimè
 suffragatus est. Quapropter cum quoquo me verto, habeam ve-
 stigia ante oculos vestrorum plurimorum erga me meritorum:
 nihilque iam sit, quod non vobis debeam, vel in honoribus, vel
 in vita, vel in fortuna: potestis existimare, si me institutum opti-
 mis artibus esse cognoscitis, neminem vos habere, qui maiore
 studio, beneuolentiore animo, sanctiore obseruantia, vobis, &
 nomini, honorique vestro inseruire paratus sit. Sed hæc hæc-
 nus. Ego cum tecum postremo Auenione locutus sum, visus sum
 videre imaginem in te quasi florentem in ætate viridi, egregie
 grauitatis, eius videlicet, quæ maximè solet decere nobilitatem,
 quæ sit cum humanitate comitateque coniuncta. Itaque tum a
 te gaudij plenus discessi, nec destiti postea hoc de te & sentire &
 prædicare. Nunc Cæsar Triuultius Episcopus Comensis, vir do-
 ctus & prudens, reuersus è Gallia, idem ait & sibi & compluribus
 eorum, qui iudicare sciunt, in aula Regis, cum ilhæc iter fecisses,
 fuisse visum: magnamque opinionem & spem de tua futura vir-
 tutis amplitudine, in qua vera inest dignitas, in animis multo-
 rum conceptam esse. Cuius hæc oratio, & de te testimonium, pri-
 stinam illam animi mei lætitiā renouauit. Quid enim est, quod
 auribus meis accidere possit iucundius? Tu verò macte virtute,
 qui tam diligenter exprimas domestica exempla & prudentiæ, &
 grauitatis. Et nimirum nulla est species vsquam præstabilior,
 quam humanitatem cum grauitate ita habere temperatam, vt
 altera alteri non modò impedimento nulli, sed decori etiam &
 ornamēto potius sit. Difficilis omnino res, sed in quo ea inest,
 is diuino quodam spectaculo oculos, atque animos hominum
 cunctorum commoueat, necesse est. Cuius te ab ingenio, & a
 natura præclarissimi doni, compotem iam factum esse, vehemen-
 tissimè lætor. Sed de his etiam satis. Illud amabo te, mi Farnesi,
 suscipe, & supple quod mihi deest, vt quas ego dignè non pos-
 sum, tu Pontifici Maximo non meis solum verbis, sed tuo etiam
 nomine agas gratias. Nam quæ ad nos ab illo beneficia profecta
 sunt, ea tibi ab eo primum data, per te verò deinde ad nos trans-
 missa sunt. Quare tu quidem illi, ego ambobus vobis maximam
 gratiam debeo, quam equidem sanctam & inuiolatam per-
 petuo sum seruaturus. Vale, & nos dilige. Carp.

Pridie Non. Iulij, M. D. XL.

VII.

IAC. SADOLETVS CARDINALIS

Paulo III. Pont. Max. S. P. D.

COGIT me ratio temporum, & sanctitatis tue bona existimatio, quæ iam in animis omnium gentium & nationum insita est, eademque mihi omni alia re longè est charior: ut quoniam colloquendi facultas commoda nondum fuit, scribam ad te id quod animura meum stimulat: & quod ad tuam summam laudem, publicamque vtilitatem valde iudico pertinere: satis fidentem, te pro tua singulari humanitate & sapietia, libertatem hanc meam in optimam partem esse accepturum. Cum enim Pater sancte appetere iam incipiat agendi concilij dies, idque intelligam ab vniuerso terrarum orbe tantopere expecti, atque omni ratione flagitati, ut nullo pacto differri sine pernicië, aut graui saltem periculo posse videatur: nondum tamen benè parata aspicio ea arma, quibus muniti contra aduersarios esse possimus. Ac video id quoque, multa etiam forsitan impendere quæ hic nos retineant: sed aduersus ea, difficile illud quidem, veruntamen aliquod inueniatur remedium: propria enim hæc sapientiæ tuæ futura est consultatio. Ego tantum nunc de eo, quod ad concilij rationem attinet, munere atque officio loquor: in quo etsi spe bona sum Deum omnipotentem nobis & vera atque honeste causæ non defuturum: idque ego pro mea parte ut ita fiat contendam & elaborabo, ceterosque item pro tua spero esse facturos: tamen angit me, & sollicitum vehementer habet, quod vnum opportunissimum & imprimis vtile membrum nostri corporis video languere. Non vtar circuituionibus, neque obscure aut oblique tecum agam: sed aperte, atque ut veritas ipsa & fides mea fert. Incredibile est, Pater sancte, quantum dolorem acceperim, quod summus & doctissimus vir Hieronymus Alexander Brundusinus Archiepiscopus ab eo honore exciderit, ad quæ ego vocatus sum: quo adiutore & socio, ambobusque nobis, ut etiam apud Homerum est, studio locoque coniunctis, alacris animo eram, planeque Deo fretus, confidebam, nos non modò apertos impetus hostium, sed absconditas etiam insidias facile propulsaturos. Multa enim collecta sunt in eo homine magna atque præstantia, quæ in cæteris singula vix insunt, cæque omnia maximè & huic tempori, & huic causæ necessaria. Linguarum summa cognitio: conciliorum, rerumque quæ ad eam rationem pertineant omnium memoria, scientiaque admirabilis: vsus & consuetudo tum exteris nationibus, ac cum Germanica natione præsertim, in qua diu, & acriter, addo etiam feliciter, negotia Catholica fidei tractauit. Quid

ergo tantum bonum à nobis reiectum est? Nollem detrabere cuiquam, nō enim id naturæ, nec consuetudinis est meæ: sed tamen sedis apostolicæ amor, qui mihi penitus insitus est, vincet in hoc loco naturam. Etenim si cōfideat sanctitas tua res bene processuras horum Theologorū ope, qui in doctorib. istis recentioribus tantū exercitati sunt: credat mihi ipsa, in quo mentiri cupio, acerbioris dissidio, & multiplicatis hæresibus non ex concilio esse discessuros. Quamobrem & quomodo hoc futurum putem, aut alias dicam, aut res ipsa indicabit. Doleo igitur, & vehementer doleo, quòd Alexandrum comitem mihi fortuna inuiderit. Nam cū in me aliquid fortasse insit, quanquam exiguum id & tenue, at tamen publicæ causæ non inopportunum, id illo comite & adiutore amplius & valentius certè erat futurum. Omnino semper consilium tuum sapiens, nihilque nisi summa ratione abs te agi solet: mihi tamen & dolere, & timere necesse est, quòd vereor, ne sit non levis plaga publicæ causæ iniecta. Atq; hic Deum testor inspectorem cordium, me hoc testimonium de illo viro, neque gratiæ dare, neque vlli cupiditati meæ: sed vnam mihi veritatem, vnam utilitatem publicam, vnam rationem honoris eius & nominis quod tibi eximium & memorabile partum est, esse propositam. Neque tamen audeo à sanctitate tua postulare, id quod postulandum est, neque rogare quod rogandum: prohibet enim pudor meus, præsertim ab eo Principe, cui omnia debeo: ne temerarius à sapientissimo existimer, impudens ab optimè de me merito. Hoc solum affirmare non dubito: si sanctitas tua suam prudentissimam atque optimam mentem ad hunc honestandum hominem deflexerit, præter rei Christianæ commodum & tuam suam laudem, omnes & res & homines tale tuum iudicium atque factum summopere esse comprobaruros. Romæ, M.D.XXXVII.

V I I I.

I A C. S A D O L E T V S C A R D I N A L I S

Paulo III. Pont. Max. S. P. D.

A C C E P I ab optimo atque amplissimo Cardinale Farnesio literas, datas VII. Idus Septembris, mihi autem tardius sanè quam vellem, hoc est tertio Idus Octobris redditas: quibus ille me hortatur & admonet, ac sanctitatis tuæ verbis etiam mandat, vt iam exacto ferè eo tempore, quod meæ absentiæ abs te præstitum fuerat ad Urbem quam primum me recipiam: quò interesse eis consiliis possim, quæ iam dudum a sanctitate tua inita, Christianæ religioni commoda & salutaria, promere nunc decum atq; exequi tempestiuum ipsa indicat: dignamque molitur

virtute

virtute & sapientia sua, cum correctionem emendationemque presentium meorum, tum veteris innocentiae & integritatis in sacerdotibus, hoc est in Christiano populo vniuerso, reuerentiam. Ego vero his acceptis literis, cum insigni quadam letitia animi ac voluptate, tum non minore solitudine & molestia affectus sum. Nam cum latarer magnopere, & gauderem, quod intelligebam meum absentis nomen harere etiam nunc in memoria sanctitatis tuae, quo nihil mihi euenire optatius potest: illud tamen grauer molesteque ferebam, quod non videbam hoc tempore, quo pacto possem, id quod semper maximè cupio, mandatis tuis voluntatique parere. Itaque cum pararem ipse me ad scribendum sanctitati tuae, ut appropinquante iam exitu mei comineatus, longiorem mihi a te diem prorogari peterem: allatae ad me interim sunt Farnesij literae, quae me sanè admonent, ut id quod facere decreueram, faciam etià accuratius: ne qua aliena a mea erga sanctitatem tuam obedientia & voluntate animum tuum forte subeat opinio. Ego enim Pater sanctissime, cum semper apud sanctitatem tuam esse cupio, quam habeo autorem meae omnis dignitatis: tum huic etiam honori & muneri, quod mihi ab eadem commissum est, deesse profectò non debeo. Ut enim solum amore, qui certè meo in animo erga te flagrans & perpetuus est, sed ipso etiam viri boni officio appetere cogar, tum frui optato & desiderato conspectu tuo: tum senatoria opera muneraque obire: ea videlicet, quae ad bonum, & diligentem, & amantem Reipub. Cardinalem pertinent, quemadmodum certè mihi agere semper propositum est. Quocirca non ego hic quidem maneo inuitus, in tanta horum populorum omnium erga me beneuolentia & voluntate, tam salubri cœlo, tot etiam ex me actionibus ad fructum meorum populorum, & ad seruandam in his rectam religionem, quae oppugnabatur, prodeuntibus. Sed tamen sanctitatem tuam, urbemque Romanam assidue ante animum mihi propositam habeo: non quod meum priuatum aliquod commodum, aut maior istuc iucunditas me vocet: sed quia ratio officij, quae apud me semper plurimùm valet, desiderare me cogit, ut eo sim in loco, in quo & fident ac pietatem meam sanctitati tuae, & Reip. studium atque operam nauare commodius possim. Verùm mea haec voluntas, aliquot domesticis difficultatibus implicata, valdeque impedita est. quas quidem commemorare difficile est, & in tantis tuis curis occupationibusque ineptum. Tacere autem non licet, si me excusare verè, & is volo esse qui semper cupij, ut veritate & recta conscientia fretus, nihil subtriceam eorum, quæ res & causa postulat: quod ingenuo animo ac liberaliter instituto dignum semper duxi, ut nec falsas confingeret eius rei, quancunque agere statuisset, causas:

nec veras reticeret. Ergo quo minus sanctitatis tuæ imperio, ac mandatis ut ad ipsam me conferam, obtemperare statim possim, non iam valetudo prohibet, (satis enim planè mihi videor esse confirmatus) sed illa res magis, quod providendum mihi vehementer est, ne dum Reip. animo optimo deferuero, priuam in aliquod dedecus incidam: quod fidei meæ, quam habeo vita longè chariorem, macula & detrimento esse possit. Hæc me res adhuc hic detinet, quod facilius hic videor posse necessitatib. meis subuenire, & obuiam ire meæ famæ periculis, quam in Urbem facere possem: tanto tibi sumptu in omnibus ferè res necessario, tamque cinguis meis vectigalibus: quibus præsertim tertia ferè pars in Veronensi pensione detracta sit. Quæ tamen me libente quidem in optimos usus consumitur: hoc tamen efficit, ut mihi urbem Romam incolere nō liceat: hæc præsertim durissima conditione temporum, de qua multorum ad me literis nuntiisque perfertur. Nec verò hæc proferens, fortunam meam accuso, quæ mihi si locuples fieri vellem, maximas sæpè temporum opportunitates obtulit: in quibus ego magis officium & abstinenciam, & in omnibus homines comitatem ac liberalitatem, quam studium lucri aut perniciem sum secutus. Et sanctitati tuæ maximas gratias habeo, atque ago: quæ totiens iam mihi ferre subsidium ex pecunia sua largè ac liberaliter, annua etiam constituta mihi mercede voluit. Quod ego beneficium tuum erga me, ita amplum atque magnū, ut ei nunquam a me referri possit gratia, cum animo gratissimè accepissem, re ipsa tamen accipere recusavi. Non ob eam causam quidem ut minus tibi obligatus, sed ut mei magis essem similis: qui ita natus, ita institutus sum, ut neque pecuniam admodum concupiscam, & parum decorum esse arbitrer animis ingenuis & dignitatis veræ notionem aliquam habentibus, eiusmodi mercedibus & pecuniis quasi obstringi, nisi quibus à Principe onus aliquod imponitur, & eiusmodi mandatur administratio, quæ maiorem fortè sumptum, apparatusq; requirat. Tum enim legitima quædam sunt constituta præmia, quæ accipere non fas solum, sed perquam etiam honestum est. Neq; ego iudicium animi mei exponens, eos reprehendo, si qui fortè sunt, qui annuas & mensuras mercedes ex arario accipiant: fieri enim potest, ut illi multò sapientius hæc de re constituent, quam ego iudicem: sed tantum eam opinionem & sententiam, quæ mihi insita penitus & planè innata est, apud sanctitatem tuam fidenter profero. Solæa cupio vectigalia nancisci, quæ cum ecclesiastica sint, posita sunt in medio sacerdotibus dispendenda, habentque administrationē & procuracionem sacerdotiorum coniunctam: ad quæ meo iure nonnihil aspirare mihi posse videor: non ut rursum huc illuc, eorum adipiscendorum causa: neque ut ab aliis

Principibus ea obtinere contendam: sed meam spem duntaxat in tua optima aduersus me voluntate, quam mihi saepe benignissimis verbis ostendisti, & quam nulla adhuc occasio cōsecuta est, repositam habeam. Tranquillum equidem semper habent animum, & nulla sollicita expectatione suspensum, quod constantiam animi malo & modestiam retinere, quam plurimos fructus vespigalium ecclesiasticorum acquirere: vt in omnibus pudor meus mihi, non flagitandi importunitas prosit. Verum hac ego fortasse verbosus: cum sanctitate tamen tua, tanquam cum parente egi. Reliqua nunc agam, vt cum domino meo, vt cum Principe. Si iudicarem, Pater sancte, meam istic aut operam, aut praesentiam valde opportunam esse vtilitatibus publicis: nullo expectato tuo imperio, nulla ratione incommodi vllius habita, ad Urbem statim aduolassem: neque me aut valetudinis meae, aut etiam periculi cogitatio vsquam retinuisset. Cum verò in tanto consilio tuo, tantaque sapientia, adstantibus etiam tibi tot prudentissimis doctissimisque patribus, quorum tanquam orbis terrarum luminum abs te habitus delectus est, mei consilij autoritas parum, aut nihil elucere inter ceteros possit: sanctitatem tuam summè rogatam à me volo, vt cum bona ipsius venia commorari hic vsque ad ver proximum, quo tempore in Italiam & ad concilium omnino cogito: colligereque tantisper mearum fortunarum reliquias mihi liceat: in quo magnum in me collatum abs te beneficium sum arbitraturus. Sin aliter sanctitatis tuae sententia est, eaque me vult ad Urbem omnino accedere, si leui modò significatione hanc eius voluntatem cognouero, accurram, & appropinquabo: neque me causa, neque difficultas vlla detinebit, quo minus & tibi & ceteris ostendam, nihil omnium rerum mihi magis esse cordi, quam vt praesto sum, & paream iussis omnibus, ac mandatis tuis. Quodque hic manere aliquandiu cupiam, totum necessitatis cuiusdam esse: quod verò in Urbem & ad sanctitatem tuam accedere, ipsa iubente paratus sum, id esse propriae & perpetuae meae voluntatis. Vale. Carpentoracti, Idibus. Octo. M. D. XXXVIII.

IX.

IAC. SADOLETVS CARDINALIS

Paulo III. Pont. Max. S. P. D.

CVM huc esset allatus nuntius de creatione Cardinalium, quos sanctitas tua proximè in Amplissimum collegiū cooptauit: equidem de ceteris nihil mihi ad iudicandum assumens, quorum vitam moresque ignoro: satisque confidens abs te omnia & sapienter, & optima ratione fuisse acta: de Scoto illo vehemē-

menter probavi consilium tuum. Perspexi enim penitus cū al-
titudinē animi tui, tum vim singularis prudentiæ, per quam
pati non vis, impium Regem vacantem domesticis finitimisque
periculorum suspicionibus, impunē ac licenter in depopulanda
Dei Ecclesia debacchari, quod consilium simul & factum sancti-
tatis tuæ Deum immortalem fortunaturum esse non dubito. Id-
que uti ita eueniat, Deum eundem precor. Quod verò inter cæ-
teros vnum adhuc Venerum in ordinem legendum nostrum tibi
reseruasti, en Pater sancte occasio & locus, quo sanctitas tua po-
test clarissimo viro, & omni virtute, doctrina, eloquentiaque or-
natissimo, hunc honorem si detulerit, non tam quidem sibi no-
uam comparare gloriam præclari sui in hominibus diligendis
iudicij, quā veterem & iam partam confirmare: ut non solum
ab his, qui abs te honestantur, sed præterea ab omnibus qui in to-
to orbe terrarum coniectos habent in te oculos, cū laudibus
feratur in cælum tua virtus, animi magnitudo, sapientia: tum
maxima tibi & perennis gratia habeatur. Est enim omnium com-
mune beneficium, quod confertur in hominem, & bene de mul-
tis antea meritum, & paratum ad bene merendum. Qualis certē
Petrus Bembus est, qui hoc etiam magis beneficentia tua vide-
tur amplectendus, quod complures annos diligenter atque ho-
norificē Romanæ curiæ inserviuit. Quam vnam in me ipso ratio-
nem sanctitas tua secuta est: cū me nō aliis meis meritis, sed sua
incredibili benignitate ac liberalitate adsciuit in eum ordinem,
vnde mihi celebritas & bona fama magis etiam ex iudicio tuo,
quā ex honore ipso acquisita est. Pro quo amplo insignique erga
me beneficio, si me perpetuū adstrictum tibi, tuoq; cuncto gene-
ri & nomini esse sentio: cupio etiam à sanctitate tua intelligi, si
Bembum summum virum pari quodammodo eiusdem beneficio
collegam fuero nactus, non me vno & simplici vinculo, quar-
quam eo firmissimo & arctissimo: sed pluribus, & nunquam ex-
tricabilibus laqueis tibi obligatū fore. Deus omnipotens omnia
& cœpta & consulta sanctitatis tuæ ad optatum finem, & eun-
dem sibi gratum, acceptumque perducatur. Carp. Non. Ian. 1539.

X.

I A C. S A D O L E T V S C A R D I N A L I S

Paulo III. Pont. Max. S. P. D.

PRIMVM deprecor sanctitatem tuam ut mihi liberius fortas-
se quā humilitatem meam deceat, meum apud ipsam desi-
derium expromenti, ignoscere ne grauetur: deinde ut quod di-
cturus sum, pro sua sapientia examinet, & perpendat. In altero
enim singularis tuæ sanctitatis humanitas, in qua ipsa quoque vult,
quam

quàm in honoribus fortunæ esse excelsior, dat mihi fiduciam: alterum, quia cum utilitate Reip. & cum tua laude coniunctum est, dignum mihi videtur, quod & a me proferti, & abs te debeat diligenter considerari. Etenim Pater sancte ego tecum sapenumero recordans illa præclara initia gerendi Pontificatus, tum cum sanctitas tua correctione morum sacerdotibus indicta, multisque viris clarissimis & omni virtutis laude præstantibus, ad summos honores Ecclesiasticos vocatis, vniuersum terrarum orbem in spem meliorum rerum erexit (Deum immortalem testor) cupui ex eo tempore semper ut illa propria & perennis tua esset gloria: nèue eam vnquam in deligendis optimè meritis hominibus, aliqua adiuncta obscurior electio infuscarer. Memini enim quanta celebritate famæ, quibus hominum sermonibus, qua admiratione virtutis, prudentiæ, magnitudinis animi tui, illud egregium & memorabile facinus fuerit acceptum. Itaque ego, qui in colenda, amanda, venerandaque sanctitate tua, arctiore multo beneficii vinculo, quàm ceteri omnes, astringor: propterea quòd alij multum quidem habuerunt in se omnes & virtutis & meritorum, quamobrem beneficium tuum illis quodammodo debitum videretur: ego autem nihil: sed omnis meus honos, meæque dignitatis amplificatio, liberum fuit iudicium & propria liberalitas sanctitatis tuæ: sicut plus quàm ceteros tibi debere me intelligebam, ita maiore etiam quàm illi, in tantâ tua gloria & prædicatione amplissimæ laudis, animi lætitiæ & voluptate perfruebar: qua assidue quoque in posterum frui cupio. Nec mihi quicquam magis est in optatis, quam audire, sanctitatem tuam, non cupiditatibus huius, aut illius, sed suæ potissimum sapientiæ, & Christiani nominis utilitati inservientem: si supplendus ordo noster sit, quem suppletum iri fama nunciat, habere hominum dignissimorum, ut solita est, delectum: & optimos ac doctissimos in amplissimum collegium adsciscere. Namque Pater sancte præter communis Reipub. commodum quæ inclinata iam & propemodum corruens, talibus columnis maximè fulcienda est: hi præterea soli omnino sunt, qui fidem præstant suam honoris sui autoribus: quique eos & in ipsis, & in posteritate eorum, semper saluos, honestos, florentesque esse cupiunt: ceteris (ut sanctitas tua animaduertere sepe potuit) qui non ex virtute, sed ex ambitione lecti sint, studia & actiones suas, non officio aut honestatis decore, sed emolumenti compendio serè dirigentibus. Arque hæc quidem tuæ sanctitatis erit consideratio. Illud meum desiderium, de quo agere eram exorsus, ut in habenda Cardinalium cooptandorum ratione vnum tibi hominem nominarem, tua ut dixi, benignitate effectus, quem certè dignum omni honore arbitror, & in

quo ornando iudicium tuæ sanctitatis summam consecuturum laudem esse non dubito. Is autem est Gregorius Cortesius, Abbas, de quo nemo est profectò qui nesciat, quæcunque in magno & bono sacerdote postulanda sint, omnia in eo excellenter inesse, ingenium, consilium, eloquentiam, doctrinam, & quæ his quoque laudabiliora sunt, quoniam Christianis moribus sunt propiora, pietatem præterea, continentiam, religionem. Neque verò aliter de eo sanctitas tua iudicauit, tum cum eum vocandum in consilium maximarum rerum putauit. Hunc igitur ego in suppleendo Cardinalium collegio sanctitati tuæ vehementer cupio esse commendatum. Et eò magis, quòd Federico Fregosio tanto & tam præstante Cardinali nuper amisso, dolorem quem ex illius morte incredibilem accepimus, huius honore, si tua ita voluntas fieret, consolabimur. Atque ipse quidem nihil omnino huiusmodi rerum cogitat: ego autem laboro, qui & illum diligo, virtutis quidem causa, & imprimis tamen decus sanctitatis tuæ habeo mihi ante oculos propositum. Ad cuius insignem laudem si hoc factum redundaturum est: si consuevit ipsa nihilominus honores ecclesiasticos talibus viris libenter mandare: ne aspernetur quæsiò preces & obsecrationes meas: meque dignum efficiat, cuius voluntati suam rectissimam & benignissimam accommodet voluntatem. Equidem Pater sancte si hoc me beneficio, & Christianam mecum una Remp. affectam esse videro, qui sum plurimis iam tuis erga me meritis deuinctus, maximo me hoc munere cumulatam arbitror: tibi que perpetuas & agam, & referam, quoad licebit, habebo quidem certè & prædicabo gratias. Deum omnipotentem oro, vt sanctitatem tuam saluam & florentem diu nobis conseruet. Carpentoracti, VII. Calend. Decembris, M.D.XLI.

XI.

IAC. SADOLETVS CARDINALIS PAULO

III. Pontifici Maximo S. P. D.

FACERE non possum, vbi virtuti & dignitati, multisque præterea & magnis erga Sanctam sedem Apostolicam meritis, testimonium mei iudicij tribuendum est, quin id tribuam: partim natura in hanc erga bonos voluntatem adductus, maiore autem ex parte sanctitatis tuæ clementia & benignitate prouocatus. Quæ cum potestate & amplitudine cæteris hominibus omnibus antecellat: maiorem tamen vult suæ humanitatis esse, quam potestatis gloriam. Ea igitur fœtus, non possum tibi non commendare homines eos qui mihi tuo digni iudicio, dignitatem honore, qui fractus est iudicij, esse videantur. Cum ergo proxi-

mis Cardinalium comitiis, quæ instare iam iamque & propè
 adesse sermonibus hominum circumfertur, sit sanctitati tuæ lo-
 cus, suam, quemadmodum consuevit, liberalitatem & benefi-
 centiam in benemeritos exercendi: putavi ad meam fidem atque
 officium pertinere, duos tibi commendare, quos tibi ipsi non
 dubito esse probatissimos. Quod equidem facio, non illorum
 precibus efflagitatus, absunt enim ambo à me longè gentium,
 meaque huius cogitationis penitus ignari sunt: sed hoc officium
 atque operam, virtuti, & veritati, & amicitiae sponte tribuens.
 Sunt igitur quos ego dignissimos omni honore existimo, Hiero-
 nymus Capoferreus designatus Nicensium Episcopus, & Tho-
 mas Campegius Episcopus Feltren. Neque ego hos duos ita lau-
 do, ut cæterorum laudibus, si qui sunt, qui virtutibus ornati, Cu-
 riam istam sequantur, esse detractum velim: sed quia in his præ-
 ter eximia animi, & ingenij ornamenta, quibus uterque eorum
 præditus est, illa quoque insunt, quæ maximè mouere animum
 tuum & solent & debent, ut magnam tibi horum honoris &
 commodorum habendam esse rationem putes. Alter propè si-
 mulatque natus est, in fidem abs te & clientelam receptus, ubi
 accessit ætas, qua declarare animum atque ingenium illius pos-
 set, nihil aliud vnquam sibi propositum habuit quàm ut suas o-
 mnibus curas, omnibus voluptates, studia omnia in sanctitatis tuæ
 cultu, atque obsequiis figeret, & locaret. Multis in vrbe & ma-
 gnis muneribus ac negotiis abs te præpositus, extra urbem etiam
 maximos ad Principes sæpe, maximisque de rebus missus, nec fi-
 dem suam nec consilium, nec diligentiam vsquam passus est desi-
 derari: omniaque præstitit, quanquam penè etiam adolescens,
 quæ à viro prudentissimo, & ætatis vsu eruditissimo requiri atq;
 expectari solita sunt. Quodque in eo mihi peregrinum & com-
 memorabile imprimis vixim est, non ille suos labores, suas vigi-
 lias, sua & corporis & fortunarum dispendia, cum tibi inferue-
 bat, ad spem honoris & commodorum suorum direxit, aut retu-
 lit. Sed tantum illud spectauit, ut Domino, & Principi suo satis-
 faceret: fidemque & pietatem, non spem vllam propriam si-
 bi habuit propositam. Quæ si rara sunt, & omnibus propè sæ-
 culis in paucis animaduersa, singularem quoque ea promeren-
 tur à tua benefica voluntate ac natura, & honorem & beneuo-
 lentiam. Quid cætera commemorem, quæ in eo præclara insunt?
 ingenium, literas, humanitatem, comitatem, liberalitatem, il-
 lamque venustatem & elegantiam moris atque sermonis, quæ in
 rebus gerendis ita aptè vitur, ut non minus gratiosam se reddat
 iis Principibus, ad quos missus est, quàm illis à quibus missus? Om-
 nia sunt in hoc homine eiusmodi Pater sancte, ut ipsa per se, si-
 ne vilius commendatione & testimonio, vincere animum tamen

etiam furioris alieniorisq; Pontificis posse videantur. Quid mitissimi facient? quid liberalissimi? quid benevolentissimi: Non enim dubito virtutes Capoferrei sanctitati tuæ non notissimas modò esse, verùm etiam charissimas. Quare cùm de honore eius certus esse debeam, qui & de gratissima ac beneficentissima tua mente atq; natura certus sum, hoc officio perfunctus, ad alterum conuertar. Atq; hîc ego intelligo, obiici mihi posse nimîa quandam imprimis audaciam, vel temeritatem potius, qui tantis de rebus cum maximo & meo & omnium Principe, tam familiariter & tam liberè agam. Sed in hoc me tamen illa summa & propè incredibilis humanitas tua consolatur. Illud est difficilius, quòd ego quorundam hominum virtutes & merita sanctitati tuæ demonstrans, videor non satis intelligere, quo cum Principe mihi agendum sit, quàm sapiente, quàm sagaci: cuius acre ingeniũ, summum acumen, admirabilem perspicaciam, nihil est omnino quod fugiat aut lateat. Verùm hic mihi ignoscat quæso sanctitas tua, & patiatur me meo animo, & illi benevolentia qua optimos viros prosequor, morem gerere. Si enim de quoquam commodè sentio, si quenquam videor propter eius virtutes, & propter singularia partim erga me ipsum, partim verò maximam erga sedem Apostolicam studia atque officia diligere debere, Thomas profectò Feltrensis Episcopus, mei & amoris & iudicii, in his rebus omnibus primas partes obtinet. Quòd si ego solus ita sentirem, mea tamen apud te commendatio aliquid habere deberet, si non autoritatis, at certè excusationis. Sed ego mihi sic persuadco, eadem in talem virum & mente & opinione, cùm reliquos, tum te ipsum imprimis existere. Atque ego mitto in eo splendorem nobilitatemq; familiæ, quæ summo honore nuper in Laurentio Campegio eius fratre ornata atque florens, postquam ipso illo honore fortunæ & mortis iniuria spoliata est, videtur ea ab æquissimo clementissimoq; Pontifice in pristinum decus restitui debere. Quæ tua tamen plena bonitatis & prudentiæ consideratio in pluribus iam perspecta est. Mitto etiam literas, Iuris civilis Pontificiique scientiam, bonarum artiũ cultum, in Theologicis rebus vsum, intelligentiamque penè singularem. Illud est quod ego sanctitati tuæ potissimum in hoc homine cogitandum propono: quòd nullus eo in Rom. curia publicisq; negotiis laboriosius, fidelius, diuturnius, iustius, his quam plurimis annis versatus est: cùm interea in tanta varietate rerum gerendarum, nemo vnquam illius superbiam, nemo auaritiam, nemo negotiorum quæ is suscepisset neglectum, nemo ullam vel minimam suspensionem criminis in eo annotauit. Variis laboriosisq; munerib. diutissimè exercitatus, libellis postularisq; supplicũ aut subscribendis, aut referendis: causis litigantiũ com-

mitten-

mittendis, iudicibusq; dandis: regendo quoque & in officio continendo scribarum ordine: in quo horum munerum non egregiam fidem, prudentiam, abstinenciamq; præstitit? Tanta in audiendis hominib. mansuetudine, in expediendis negotiis diligetia, in rebus omnibus integritate & innocentia, ut præclarum in eo exemplum verissimi & optimi magistratus, ac sedis apostolicæ ministri, fuerit constitutum. Quod quidem exemplum Pater sancte abs te pro tua gratissima mente, admirabilique sapientia, merito honore afficiendum est. Et si enim caput ipse es totius orbis, tamen propius atque coniunctius urbis Romanæ es caput: in quo tuo præcipue corpore, membra quæ præstantiora sunt, beneficiis tuis ornare debes: ut inde animi voluptas ad nos, ad te bene iudicandi laus perueniat. Quanquam non his solum de causis Thomas Campegius sanctitati tuæ debet esse commendatus: sed ex eis quoque laboribus & operis, quas is peculiaries tibi præstitit. Toties abs te in legationes missus non solum difficiles & asperas, verum etiam periculosas: tam multis negotiis, curationibusque præfectus: quem laborem vnquam periculumue refugit, quo sanctitati tuæ tanquam illi addictus toto & corpore & animo deseruiret? cuius quidem ad mandata omnia peragenda, solitam suam secum ipse semper & diligentiam & integritatem: voluntatem autem vnus tuæ sanctitatis, non suam, extulit. Sed non omnia commemorabo, (nota enim tibi sunt.) Tantum ego alumnus amatorque Romanæ curiæ, illius honestatem atque decus cordi habens, orabo atque obtestabor ipsius curiæ Principem, & Principem quidem, non solum potestate, sed magis etiam omni illa quæ isthic plurimum potest, polletque, acie ingenii, electissimaque sapientia, ut in Felren. Episcopo, doctissimo, iustissimo, laboriosissimo, & nos omnes qui virtutibus faciemus, & ipsas virtutes, & Romanam imprimis curiam, proprium ac præcipuum corpus tuum, quæ illius honore ornari se arbitrabitur, hocque impensè ipsa poscit atque desiderat, tibi habeas commendatam. Dominus Deus sanctitati tuæ omnia semper prospera & felicia largiatur. Ex Feliciano Carpenteror. diec. VI. Idus Augusti, M.D.XLIII.

XII.

IAC. SADOLETUS CARDINALIS PAVLO

III. Pontifici Maximo S. P. D.

ACCERI sanctitatis tuæ literas, per quas illa dignum me duxit, a quaquam nullius admodum pretii hominem, perinde tamen ac si momenti aliquis futura sit presentia isthic mea, ob hæc Reip. tempora, ad urbem Romanam accersere. In quo quantum mihi offi-

hi officii onus impositum sit, sanè intelligo. Sed ego paucis ante diebus scripseram Amplissimo Cardinali Farnesio, rogans eum & obsecrans ut si quid tale accideret, ut vocarer: mihi ipse apud sanctitatem tuam testis esset, cupidum me quidem esse parendi, & obtemperandi: sed ob domesticas multas magnasque difficultates, hoc tempore nullo modo venire posse. Quem quidem, quae diligentia atque humanitate est, officio functum esse non dubito. Et si non videtur egere haec causa apud sanctitatem tuam testibus. Sed tamen quoniam saepe hoc iam contigit, ut vocarer: egoque maiorem in eivoluntatis tuae quam incommodorum & difficultatum mearum rationem habui, hisque propterea etiam magis nunc oppressus tencor: cogor nunc necessario omnem meam causam etiam sanctitati tuae breuiter exponere: audacius fortasse, quam aut humilitati meae, aut summae illius amplitudini conueniat. Sed opinor illa admirabilis humanitas, quae tuam maxime ornat augetque dignitatem, faciet, ut quod audacter agere videor, id nec temere, nec inopportune agam. Dico igitur non latuisse sanctitatem tuam meorum praeteritorum cursum omne temporum. Nemo enim te neque ad intelligendum acutior, neque ad iudicandum sapientior unquam fuit. Non latuit ergo te, cum fingerer negotioso & sat honorifico munere apud duos summos Pontifices, magnamque ex eo pecuniam magnasque diuitias honestè comparare possem: neglexisse tamen multoque maximam illius temporis partem gratis me Reipublicae & vrbani, aduenisque omnibus seruiuisse, quod in me nullam cupiditatem quaestus atque lucri natura ingenuerat. Pronuntiatus sum à Leone Episcopus cum essem absens. Hoc quoque meminit profectò sanctitas tua recusasse me illud onus quoad potuerim, & quietam ac priuatam vitam honoribus semper praeterre cupissem. Honores enim ego tum, non honores, sed tanquam compedes liberioris vitae esse existimabam. Non multis post annis veni ad Ecclesiam meam, cupidissimus in ea perpetuo manendi. Factus est Clemens Pontifex, is statim vehementer à me contendit, ut me ad eum conferrem. Itaque Romam reuersus sum. Non potui enim Pontifici optimè de me merito operam & obsequium meum denegare. Anno illius quarto in ecclesiam meam redi. Sic enim fueram cum illo pactus, in quo ille mihi egregie fidem suam pressit. Vrbis non multo post capta & direpta est: meae fortuna, & antea naufragio, & tum quoque iterum in vrbis calamitate omnes disperierunt. Adhuc quis fuit locus, ubi aliquod meum apparuerit studium, rem meam familiarem augendi & amplificandi? At ego dico, neque tunc me, neque unquam antea, neque adhuc etiam post, aut pecunia, aut veste, aut argento, aut lautiore aliquid perfecti vniuersum instrueri que fuisse, si nec des de-

misse me ista confirmo. Stultè fortasse, sed tamen solutum ani-
 mum ab his cupiditatib. habere valde me iuuabat. Tantum annis
 illis decem, quib. in mea ecclesia commoratus sum, redditus an-
 nuos meos quorundam integros expendebam ita, vt veniente an-
 no, nec deesset mihi quippiam, nec superesset. Non enim vllum
 vquam omnino coaceruanda pecuniæ studium me tenuit. Inte-
 rim sanctitate tua ad summum Pontificatus honorem meritissi-
 mum sublata, secundo opinor anno ab ea accitus sum: ad quam,
 vt debui, statim veni, continuoque sum ab ea in amplissimum or-
 dinem S. R. E. Cardinalium cooptatus, cuius sui iudicii rationem
 ipsa nouit. Equidem quod ad me attinet, nec meritis vllis, nec vir-
 tutib. meis dignum me tam honorifico eius iudicio, & tam exi-
 mio honore vquam arbitratus sum. Quo etiam maior tibi a me
 gratia debetur: ac prorsus tanta, vt si vitam pro tuo honore di-
 gnitateque profundam, ne minimam quidem partem eius bene-
 ficii sum consecuturus. Accessit cum ego ægrotarem, cognosset-
 que sanctitas tua multis rebus me egere, vt suo illo excelso & li-
 berali animo cominora, magnificentissimum donum mihi mitteret,
 præsentem pecuniam satis grandem, & præterea subsidium
 centenaum aureum nummum in menses singulos ex fisco suo cō-
 stitueret. Qua ego tam singulari & eximia benignitate ac libera-
 litate penè attonitus permansi. Atque hic est locus, Pater sancte,
 in quo ego aliquantum hæreo: qui tam duro & agresti animo rui
 fui, vt potuerim illud honestissimum, mihi quidem certè oppor-
 tunissimum & necessarium donum reculare. De quo etiam nunc
 rogo & deprecor sanctitatem tuam mihi vt ignoscat. Non enim
 profectò aut peruersitate ingenii, aut moris naturæue contuma-
 cia in id rusticitatis sum lapsus: sed quòd diu antè statuerā, meo-
 rum sacerdotiorum fructib. duntaxat viuere, nihil pecuniæ extra-
 ordinariæ capere, quodcunque, aut vndecunque, vquam mihi
 obuenisset. Itaque constantiam illius meę sententię retinere vo-
 lui. Quod siue rectè egi, siue perperam, certè nihil vquam post-
 ea sum assecutus, quod ad sustinendam molem huius tanti ho-
 noris, mihi auxilio esse posset. In hoc ergo statu meo, consulo i-
 psam sanctitatem tuā quid me agere par sit. Si habuissem à princi-
 pio subsidia huic tuendo honori necessaria, nunquam ego ab e-
 is latere discessissem. Non inficiabor equidem, si meum sit iudi-
 cium liberum, me hanc ociosam & literis deditam vitam, omni-
 bus honorib. & diuitiis antelaturum esse: sed amor, officium, i-
 psa que cupiditas referenda gracie, affixum me tibi semper te-
 nuisset. Nunc tenuibus fortunis, perexiguis facultatibus, re ido-
 nea nulla satis instructus, quomodo isthuc veniam, ne cogitare
 quidem possum. Quòd si tanti ipse me facerem, vt meam isthic
 operam, præsentemq; autoritatem vel mediocriter vtilè fore arbi-
 trarer,

traret, venirem utique quoquo modo possem: nec indignitatem, si esset perferenda: nec famem, si esset patienda: nec mortem, si esset obeunda, pro sedis apostolicæ & tuæ sanctitatis dignitate refugerem. Sed cum in tanto cœtu prudentissimorum, & doctissimorum patrum, mea opera potius superuacanea futura sit, ego autem impotens omnino ad veniendum isthuc sum: rogo, oro, obtestorque sanctitatem tuam, velit aliquando meatum difficultatum grauiumque detrimentorum aliquam rationem ducere. Si occasio dederit, ut aliqua eius liberalitate, aliquib. subsidiis ecclesiasticis subleuer, non expectabo donec acceriar. Ego met enim adero, meque tuæ sanctitati ita adiungam, ut nulla deinde ab eius conspectu & comitatu fortuna me vnquam separatura sit. Nunc si non venero, cum iter mihi iam toties per Italiam faciendum sit, inter tot notos & propinquos, & ad eam urbem accedendum, in qua apparatus, impensæ, domestica onera, meis pusillis facultatibus planè intolerabilia sunt: spero æquissimum animum tuum iustissimam excusationem meam boni consulturum, mihi que hic manendi veniam daturum. Quod si ad Consilium, si modò id futurum est, accedere me oporteret, quæ de re ad eundem Farnesium scripsi, nulla harum rerum & difficultatum me impediret. Nam & per ignotos liberum ac sine rubore iter, & in Consilio frugalitas laudi potius esset. Quod sanctitati tuæ puto accuratè esse considerandum. Nam si in Germania futurum est Consilium, verumque est id, quod à multis mihi nuntiatur, meum nomen apud illas gentes non omnino esse contemptui, cum suspicer magnos in sanctitatis tuæ, & sedis apostolicæ dignitatem, seditiosorum hominum fore impetus, possem fortasse illhic esse, Deo iuuante, idoneus ad prohibendum aliquid & moderandum, si eò sponte mea venirem, quò etiam alii Cardinales, Galli præsertim, priuato suo nomine ituri dicuntur. Sed de hoc, ut dixi, sanctitas tua, si videbitur, cogitabit: cuius voluntati omnes meas rationes cogitationesque permitto. Ego quicquid sum, quantulumque possum & valeo, Deo primum omnipotenti, eiusque sanctissimæ Christianæ fidei: deinde sedis apostolicæ & tuæ sanctitatis nomini, honori, dignitati que deuoueo totum ac dedico. Quo in eodem officio multos doctiores, grauiores, prudentiores habitura est sanctitas tua: fidelio rem quidem certè, & officiosiore rem quam me, nemi-

nem. Deus sanctitati tuæ omnia sua vota optataq;

secundet. Carpent. XII. Cal. Febr.

M.D.XLV.

XIII.

IACOB. SADOLET. CARD. PAVLO III.

Pont. Max. S. P. D.

HODIE cupienti mihi accedere ad sanctitatem tuam, coramq;
illi dolorem meum declarare, quem ex eius domestico mœ-
rore & incômodo accepissem, qui præsertim etiam ad me ipsum
mœror, propter eximias præstantissimæ illius scæminæ virtutes,
meamq; in illam & eius liberos obseruantiam, benevolentiam-
que pertineret: cum hoc ita esset responsum, nolle sanctitatem
tuam silentium & cogitationes suas interpellari: visum tamen
non alienum est, hoc quicquid esset mei sensus & animi, ad ipsam
scribere, & quod præfens non potui, id per literas efficere: vt ho-
minis amantissimi, & tuæ sanctitati deditissimi officio aliquo
fungerer. Quanquam hoc ipsum imprimis mihi dubitandum es-
se video: vtrum mœstitiam tuam lenire verbis, an constantiæ e-
iusdem, animiq; virtuti gratulari debeam. Cum enim amissa tali
filia, qualem tot & tam eximiis ornamentis præditam, virtutis,
ingeniû, humanitatis, prudentiæ, nostra nos alteram extulisset e-
sset, nos hesterno die sanctitatem tuam maximo dolore affectam,
& propè affictam esse arbitraremur, essetque ei tunc diuina res
facienda: nihil ipsa tanto vulnere retardata, in conspectû omni-
bus sese dedit, obiitque ea, quæ ad religionem & summum De-
um pertinebant: neque eorum colloquia, qui ab ea aliquid pete-
bant, deuittauit. Talem deniq; se omnibus in rebus præstitit, vó-
ce, vultu, sermonis animiq; firmitate, vt miraremur cuncti, mu-
tuoq; inter nos quæreremus, quónam telum illud abiisset, quod
tam validè immissum in tuum pectus à fortuna videbatur. Sed
profectò res ita se habet, vt nullum sit munimentû nec animi, nec
corporis, sapientia præstantius: qua sanctitas tua complures iam
annos socia, & adiutrice consiliorum actionumque suarum o-
mnium cum sit vsa, non est quodd vereamur, ne huic nouo vulne-
ri & dolori carissimâ amissæ filię cedat illa atque succumbat.
Quodd si tamen, quæ est & naturæ nostræ infirmitas, & humana-
rum rerû varietas, altius fortasse in animo tuo iste insedit dolor,
quàm vt facillè possit vel ratione comprimi, vel ea, quam adhibe-
re in omnibus rebus soles, sapientia tolli: putauî mihi esse faci-
undum, non vt te quidem docerem ea, quæ melius multò ipse
nosti, quam quisquam nostrum, nos omnes homines esse: ea con-
ditione natos, vt nullo habito delectu vel ætatis, vel generis, vel
fortunæ, in quemuis nostrum liberam habeat mors ipsa potesta-
tem: neque in re quæ certa sit, de incerti temporis euentu queri
nos oportere: si fortè maturius quàm expectaremus, accidit nobis

id quod casurum omnino sciebamus. Cum in hoc præcipuè *vis* prudentiæ maxima insit, ut ad ea quæ incerta sunt, nuntiaret se & præpareret, in rebus autem certis, natura, non prudentia, habeat dominatum. Non, inquam, ut hæc & his similia multa commemorem: quæ sanctitati tuæ & longo usu, & doctrina notissima sunt: sed ut tibi redigerem in memoriam, quæ nunc maximè instant, quæ aguntur, quæ premunt, hæc à me opera, coniuncta officio, meæque in sanctitatem tuam pietati est suscepta: si fortè animus tuus luctu impeditus, minus hæc nunc animaduertere. Quod tamen in tanta tua sapientia, tantaque animi virtute, minimè est credibile. Sed tamen in hac orbis terræ perturbatione, cum alienarum gentibus, insensis multis regibus, dissensione de rebus diuinis & humanis ubique ferè gentium excitata, atque commota, spes tota rerum meliorum in vnius sanctitatis tuæ auctoritate, prudentia, consilioque reposita sit: non decet profecto talem animum, qui maximis vulneribus Christianæ Reipub. medendis atque sanandis, Dei hominumque consensu idoneus qui præficeretur iudicatus sit, paruis ipsum ictibus fortunæ commoueri: & in quo Pontifice grauitas, & temperantia, & rerum omnium moderatio, sedem ac domicilium constituisse visa est: in eodem vulgares hæc & quotidianas animi imbecillitates, non inesse quidem (non enim nec veritas, nec mea vnquam opinio huic verbo assensura est) sed tamen tanquam insunt, ab ignavis rerum commemorari. Quæ quidem commemoratio mihi sanè quàm molesta est. Siue enim magno dolore (ut nonnulli prædicant) afficiare, non possum non propemodum æquè atque tu pro mea in te propensissima voluntate, & in illam mortuam beneuolentia dolere. Siue hoc ut cætera, moderatè agas, & perferas: molestum tamen mihi est, summi Pontificis virtutem singularemque animi magnitudinem in aliam ac debeat partem ab imperitis accipi. Sed ego, si rectè noui, (ut mihi quidem videor) quæ sit mens tua, quæ totius vitæ ratio, quæ cura tuendæ seruandæque grauitatis: & cum considero te optimè nosse, quid à te expectetur, qui sit in te oculorum animorumque nostrorum cōiectus, quàm omnia à nutu tuo & arbitrio pendeant: nullo modo dubito, quin posteaquam natura & amor exiguum quid dedaris, tantum videlicet, quantum & humanitas postulat, & ipsa plane sapientia nequit reculare, ad pristinam tuam animi magnitudinem reuersurus: & omisis his omnibus, quæ populi sunt & quorumlibet hominum communia, ad id quod in te est singulare & proprium nempe orbis terræ, & Christiani generis tutelam, regimen, procurationem, celeriter rediturus sis. Cum præsertim illi, quam lugemus omnes, nihil enenerit triste nec acerbum: Sed qua virtute illa inter nos versata est, cum & gratiam qua plurimū valebar,

valebat, & ingenium quo admirabili erat prædita, & opes quibus egregie florebat, ad subsidium impotentium, ad tutelam viduarum & pupillorum, ad gratificationem omnium qui ad eius opem auxiliumque confugerent, semper omnes conuerterit atque adhibuerit: eadem virtute sibi ad æternam fruendam beatitudinem muniverit viam, & velut de domo in meliorem domum, sic è terris in cælum, De illam clementia excipiente, migraverit: eiusmodi sobole filiorum relictæ, quam nostrum omnium spes atque opinio, ipsorum autem nota iam atque perspecta in plerisque excellens atque eximia virtus, tali dignos matre, tibi a quo suo iucundos, nobis omnibus gratos & venerabiles reddit. Quæ omnia Pater sancte tibi debent esse solatia doloris, firmamenta animi, monumenta diuinæ erga te indulgentiæ & bonitatis, ut cum hæc sanctitas tua meminerit, suisque cogitationibus proposuerit, referat se ad suam veterem atque perpetuam firmitatem animi atque constantiam, quemadmodum & nos precamur, & reipublicæ tempora imprimis requirunt & postulant. Vale. Romæ, VII. Calend. Iunij, M.D.XLV.

XIV.

IACOB. SADOL. S.R.E. CARD. PAVLO

III. Pont. Maximo S.P.D.

CVM multa sint indicia diuinæ erga sanctitatem tuam beneficentiæ, summaque liberalitatis: cum nullum est præstantius, quam quod eodem dono nunc Deus propagationem familiæ tuæ, & publicam pacem ac tranquillitatem est complexus. Geminis enim pronepotibus ex summi Imperatoris filia, & nepote tuo in lucem nobis editis: addidit ille quidem decus generi, ornamentum familiæ, subsidium nomini, cuius recens hic partus perpèruiatatem quandam denuntiat: sed in tanto priuato sanctitatis tuæ commodo, illa etiam maior in ipsius animo læticia insidet, quod omnibus iam suspicionibus penitus elisus, quæ nos sollicitos aliquandiu habuerunt, communi Italiæ paci & ocio a Deo est consultum. Duorum enim maximorum principum sanguine in vnum genus, vnâque prolem derivato, atque conflato, animos quoque eorundem in vnum sensum confluere necesse est. Qui sensus, si tuæ sanctitatis consilia valebunt, sicut certe valitura sunt, ad tranquillitatem publicam, ad quietem Italiam, ad confirmationem pacis, cuius ipsa tuâ ix semper fuit, sine dubio spectabit. Quare agimus quidem gratias præpotenti Deo, qui te hoc tanto, & tam eximio dono est prosecutus. Facit enim mea in sanctitatem tuam obsequantia, venihil tibi propositum & fortunatum accidat, cuius non sum ego particeps. Sed agimus etiam ob

eam rem maiores, quod cum tanto in te beneficio, publici quoque boni beneficium coniunxit. Nec verò dubium nobis est, quin sanctitatis tuæ lætitia, quæ in illius animo ex hoc expectatio atque exoptato partu iure meritoque exorta est, hac re longè ac cumulator: quod, quo ipsa ingenio, & qua prudentia prædita est, videt planè & prospicit, suum hoc priuatum gaudium cum publicis vtilitatibus esse coniunctum. Etenim habet obsides iam Respublica duos duorum præstantissimorum Principum liberos, qui vtrunque nobilitatem in vnum genus iungunt, qui spondent pollicenturque nobis omnibus immotam pacem, securum orium, animorum concordiam Romæ & in Italia fore: quibus quidem muneribus nullum nobis à Deo, in hoc præsertim tempore, accidere potest optatius. Quapropter gratulor equidem sanctitati tuæ, quod eius res, rationes, commoda, Deo immortalis curæ esse intelligo. Sed in hac felicitate magis etiam illi gratulor, quod non est ipsius commodum à publica vtilitate seiunctum. Quod si beneficia Dei immortalis erga te tanta iam sunt, ut videatur mens hominis nihil amplius posse desiderare: erit quoque tuæ curæ & providentiæ, ea quæ bene cœpisti, de tollendis hæresibus, de sedandis discordiis, de bonis moribus, castaque religione in Christianum nomen, ordinesque præsertim ecclesiasticos reuocanda: ita gubernare, regere, ad exitum deducere: ut quoad homini fas est, par tot diuinis & singularibus donis abs te gratia relata esse videatur. Deus in sanctitate tuâ suam benignitatem perpetuam conferuet, Romæ, IV. Calendas Sept. M.D.XLV.

XV.

IAC. SADOLETVS CARD. GVIDO ASCANIO Sfortie Cardinali, S P. D.

CVM tantum in te habeam fidei, quantum & tua præsens probitas, & ad omnem egregiam ac præstantem magni hominis facultatem expectata virtus habere me hortatur: egoque pro amore & obseruantia qua te prosequor, non me indignum ducam, cuius tu aliquam habeas & honoris & voluntatis rationem: his de causis adductus, suscipio onus populos hosce meos tuæ amplitudini commendandi. Quos ego quidem verè paternæ beneuolentiæ complector: proque eorum salute & commodis laboro, etiam aliquantoties, quam pro meis. Sed sine vobis, hoc est, sine auctore tuo optimo & sapientissimo Principe, & sine tua apud eum auctoritate & gratia, parum ipse per me prodesse illis possum. Ita confugiam ad vos necesse est: quos tamen non dubito fore ad omnia quæ æqua postulabuntur paratissimos. Acque

hi quidem populi legatos ad Urbem mittunt, qui advocatis sibi peritis iustitiae rerum Pontificem edoceant, quibus maximè rebus nunc egeat provincia. Quae quidem nullum grauius incommodum patitur, quam ex Iudæis: qui maximis priuilegiis, concessionibus, beneficiisque muniti, grauius hic vexant & populantur Christianos. Neque solum cladem & miseriam his populis afferunt, sed apud transalpinas etiam nationes ordini nostro & nomini infamiam non mediocrem: quod te ipsum ignorare certo scio. Non enim ingenna tua mens, & voluntas bonitate prædita, hanc tantam iniquitatem vlllo pacto ferret. Sed ramen quoniam tuum nomen in diplomatis præscribitur, ruq; videris esse indignæ huius rei autor: non putavi alienum à fide mea, eoq; officio quod tibi debere me intelligo, facere te de his rebus certiores: teque vel monere pro ætate, vel rogare pro summa mea in te obseruantia, vt hæc animaduertes, haberesque existimationis, & famæ, ac dignitatis tuæ rationem: nec tuum nomen in re tam inhonesta interponi sineres. Nam quid est turpius, quam tantopere suffragari Iudæis, idque contra Christianos: & eorum causam, æquitatem, vinculum religionis, pauperum iniurias, calamitatesque negligere? Cum præsertim pateat omnibus, & perspicuum sit, quid sit, quod Iudæos efficiat tam valde gratiosos. Ego, qui tuæ laudi tantum faueo, vt non plus certe mee, quique & spero ipse de te, & cæteris sum autor eadem sperandi, nos te in nostro collegio, & amplissimo ordine, magnum & grauem virum & omni præstantem autoritate viuros esse: cupio: ea abs te faci iuuentæ tuæ fundamenta, super quibus postea ampla dignitatis moles extrui possit. Quapropter hoc animo fretus, & liberius hæc ad te scripsi, & tamen non dubito, te in optimam partem omnia accepturum esse. Extremum est, vt te orem, vt horum meorum populorum commodis & salui tua benignitate & gratia faueas, & suffragare: quod mihi à te futurum est rerum omnium grauissimum. Præstantissimæ omnium feminarum matris tuæ, quam ego in summo honore habeo, ac mirificè colo, plurimam quaeso dic meis verbis salutem. Vale. Carpen. Pridie Non. Octob. M.D.XXXIX.

XVI.

IACOB. SADOL. CARD. GUIDO ASCA-
nio. Sfortia S. R. E. Cardinali, S. P. D.

IN eis literis, quas proximè à te accepi, quib. mihi de re & negotio Iudæorum diligenter respondes: sic imago tota virtutis, ingenii, & probitatis tuæ expressa est, vt ego, qui te mirabiliter diligo coloq; sepius in eam intuens, mihiq; de eo quod iam dudum

feci de te iudicio gratulans, tuas etiam atque etiam literas, & in illis te absentem, animo & beneuolentia sum excolatus. Video enim atque perspicio; quod mihi maximè in optatis est, id gentis, eamque familiam, cui ego omnia mea honoris atque vitæ ornamenta refero accepta, non solum florere virtute & prudentia maiorum natu, eorum videlicet, qui res summas administrant: sed habere etiam in liberis & adolescentibus paratam ceruissimam spem, nihil eos à parentum grauitate & sapientia esse deflecturos. Quod mihi, qui vobis non minus faueo, quam si ex meo sanguine elictis geniti: quique omnia mea officia atque studia vobis & laudi ac dignitati vestræ penitus addicta esse volo: non sperare solum de vobis, sed experiri iam, & reipsa nosse, iucundissimum est. Facile enim indicant literæ tuæ, verissimumque dicunt testimonium, cuiusmodi tu ingenio, & qua naturæ bonitate prædictus sis. Sed hæc & aliàs dicta sunt, & sapius, vt video, citentur. Quod ad rem ipsam & ad ludæos pertinet, noli quæso existimare, humanissime Sfortia, me quicquam illiusmodi rerū abesse: ipso vnquam profectum putasse: noui enim integritatem, & ingenuitatem tuam: nec sum tam iniquus, vt cuiquam vitio veritam id, quod ab illius abesse iudicem culpa. Alios quosdam suspicatus sum, neque nunc secus suspicor, ad suos, & sibi non insolitos quæstus tuo nomine fuisse abusos. Quod cum in aliquam notam recideret tui honoratissimi, & mihi charissimi nominis: pro meo amore erga te, proque ea qua tuam amplitudinē prosequor obseruantia, existimaui liberè tibi à me hanc suspicionem & querelam deferri oportere. Quare quem tu in meis literis stomachū, aut quam tecum grauiorem dicas expostulationem, non intelligo. Scripsi equidem commotiore animo: verum non iracundia adductus, quæ mihi nec ad modum vscata aut familiaris est: & in te certè semper existeret non iniusta solum, verum etiam inepta: quo vtroque a vitio plurimum me abesse cupio. Sed meum animum misericordia mouerat eorum, quibus non in pecunia & bonis, (nam id esset aliquo modo tolerabile) sed in libertate & corpore, ab hoc improbiſſimo hominum genere quotidianas inferri iniurias videbā. Porro quorum salus mihi ab Deo tanquam parenti & pastori est concredita, eorum me incōmodis & calamitatibus permoueri, mirumne cuiquam videri debet? Et quidem scio obsoleuisse iam magna ex parte hæc Episcoporum munera atque officia: plebium enim passim & gregis cura negligitur: aharum rerum maior ratio ducitur. Verum ego clara voce pronuntio atque testificor, me nunquam fuisse, neque adeo fore de numero eorum, qui hanc animi labem propè inexprabilem, in alterā illam vitam ante conspectum Dei secum deductam velim. Satis multis aiorum generum criminibus & delictis premor: ab hoc equi-

equidem crimine cāuebo; quantum Deo adiuvante potero consequi, ut qui meæ tutelæ & fidei erunt crediti, non eorum salutis & commodorum maiorem suscipiam curam, quam meorum. Nec vero huius me animi & sententiæ esse pœnitet: tantam experior in bene agendo, & in virtutis, atque officij ratione ducenda, ineffe voluptatem: quam nosse nō possunt, (crede mihi optime Sfortia, qui & ætate longè iam prouectus, & multarum ac magnarum rerum vñ dñi edoctus sum) non inquam nosse possunt hanc animi laxitatem, voluptatem, pacem, qui spirituali imperio populis præfessis, omīssa cura & diligentia consulendi commendatitius suis, ad suas potius priuatas opes, & ad hunc externum splendorem atque fastum studia omnia conuertunt. Quorum quidem cunctorum exitus atque casus, si commemorare nunc vellem, id quod & verè, & copiosè possem facere: equidem vererer, ne ex epistola tragediam viderer efficere. Quare ab hoc toto genere sermonis abstinebo: tantum te rogabo atque hortabor, ut quam spem & expectationem tuæ præstantis eximiaeque virtutis, tuæque futuræ summæ amplitudinis nobis excitasti: eam tu spem in nobis, & in cæteris omnibus, præclare semper agendo, & virtuti ac veræ dignitati seruiendo, tueri, augere, confirmareque non desinas. Quod tibi futurum est (ut alias etiam dixi) in omni & fortuna, & varietate temporum, maximum, tutissimum, iucundissimumque perfugium. Sed ut reuertar ad Iudæos, quod illi ferri & sustineri apud nos debeant, fateor Christianæ hoc esse humanitatis: estque ita nobis a sacris patrum decretis præscriptum. Qui si privilegiis etiam muniendi sunt, ne afficiantur ipsi iniuria: muniantur sanè: nihil ego in hac magnopere repugno. Non enim hominibus insensum sum, sed hominum illorum vitiis. Ut verò ad inferendas vltro iniurias, ad circumueniendos, euerrendosque Christianos, tot quotidie decretis concessionibusque instruantur, atque armentur: potestne hoc vllius hominis recta, & pretio ac pecunia non contaminata ratio, æquum esse arbitrari? Liberius tecum loquor, quod te expectem omnis omnino in hoc genere suspicionis esse non dubito. Quid enim mihi tua probitate, moderationeque perspectius? Sed habeo quos timeam, quos etiam facilius animo designare, quam exprimere oratione possum. At mos hic iam inueteratus est, talibus Iudæos privilegiis ornandi & fulciendi. Scio, & noui: veruntamen idem ego & video, & scio, propter huiusmodi morem, aliosque multos similes, orbis terræ populos, & prouincias iam permultas; ab istius sanctæ sedis nomine & fide defecisse, quas vnam cætera non sequantur, quod ne accidat, paruula modò aliqua mutatione Principum facta vehementer cogor perferre. Sed ne plura de his. Ego si in mea literis, aut prioribus,

bus, aut in his quas nunc scribo, aliquid inest dictum inconsideratus, quoque animo tuo minus accidat gratum: peto à te, mihi ut ignoscas. Non enim animo lacerandi quempiam, teque omnium minime, quem incredibili quodam amore & plane optimæ opinionis prosequor: sed studio subueniendi meis, quibus sum sanctissimæ necessitudinis vinculo obstrictus, liberius interdum cogor scribere. Quæ libertas si imprudentia appellanda est, non obstabo quin ita appelletur: dum ea cum pietate, & cum pastoris boni officio intelligatur esse coniuncta. Etsi tuæ quidem naturæ bonitas ut confidam facit meas preces & postulationes à te in meliorem partem acceptas fuisse: qui mihi liberalissime retribuis, te & daturum per te operam, & apud Pont. Max. curaturum, ut restrictius posthac & cautius cum Iudæis agatur, quam adhuc actum sit. Quam ego tuam promissionem in earum rerum numero repono, quæ mihi charissimæ & iucundissimæ sunt. Non enim ea solum mihi spem facit, forte tua ope & autoritate populis meis melius consultum: sed eadem id confirmat, quod ego de te & sentire & prædicare libenter soleo, magnum in te nostro ordini ornamentum, magnos ex te fructus aliquando ad Christianam Remp. esse venturos. Quorum utrumque nobis ut ex sententia eueniat, & tu operam dabis, & ego Deum assidue obsecrabo. Sed hæc hactenus. Meum erga amplitudinem tuam studium, meaque grata in omnis tuos voluntas, honosque præcipuus in lectissimam omnium scæminarum matrem tuam, perpetuo vobis constabit. Vale. Carp. Pridie Id. Ianuarij, M. D. XL.

XVII.

IACOB. SADOLET. CARDINALIS

Guido Ascanio Sfortia S. R. E. Cardinali S. P. D.

ET si acceperam ianipridem à te literas, quibus mihi significabas negotia huius prouinciæ, quæ pertinerent ad Iudæos, ita per te confecta, easque Iudæis esse viuendi leges impostas, ut nihil iam nos posthac, quod hoc nomine possemus iure conqueri, habituri essemus: tamen in maxima mea, quam ex eius literis cepi lætitia, assiduæque cogitatione tuæ virtutis, quæ mihi in animo semper infixæ est, ad eas adhuc nihil rescripti: non negligencia, sed valetudine retardatus. Nam cum tuæ essent eo tempore mihi allatæ literæ, quo contigit ut inius belle me habere postea verò quam melius mihi esse cepit, esset iam in expectatione legatorum reditus, qui harum rerum agenda causa Romam missi, de suo iam ex Vrbe discessu literis significarant, commodissimum duxi eos ante audire, quam ad te scriberem. Qui ut tandem aduenerunt, ad VII. Calend. Julij, omnibus rebus expostis

quas

quas in Vibe gesserant, diplomatisque prolatis, quæ ibidem obri-
nuerant, maximas apud suos ciues gratias egerunt: Primum
Pontifici Maximo, cuius iustitiam, clementiam, sapientiam,
summæ in cælum laudibus extulerunt. Deinde tibi, quo vno au-
tore adiutoreque potissimo perfectum esse dixerunt, multis con-
tra nitentibus, & pro Iudæorum causâ acriter pugnantibus, ut
aduersus æquum atque bonum, contraque commodum & salutem
Christianorum, nihil Iudæorum astutia, nihil importunitas, ni-
hil pecunia, nihil promissio donorum largitionumque valeret.
Quam ego laudem tuæ innocentia, rarissimaque virtutis, ista
præsertim ætate tua, hisque hodiernis moribus omnium hono-
ribus atque fortunis longè anteponendam iudico. Itaque mihi
credas velim cum magna voluptate afficerer, legatis talia com-
memorantibus, ex lætitia & gratulatione meorum ciuium, quos,
verè dicam, patrio animo & Christiana charitate amantissimè
complexor: tum illud mihi etiam magis ad nouam quandam &
singularem animi iucunditatem valuit: quòd te in cuius amore
& benevolentia ardens sum, quem colo atque observo, habeo-
que semper in intimis meis mihi propositum sensibus, iustissi-
mam videbam gloriam consecutum, non solum æquitatis & in-
tegritatis, sed singularis etiam constantia, eximiaque animi vir-
tutis. Etenim quid vel in bona ratione firmitus ea mente & volun-
tate dici aut cogitari potest, quæ honestate sibi dignitateque pro-
posita nullis hominum artibus & machinis à recto sensu se di-
moueri passa est? vel ea iracundia & permotione animi genero-
sus, quæ tu iure optimo incensus, eorum interpretationes & ad-
ditamenta, qui diplomatis sententiam ad commodum Iudæo-
rum detorqueri valebant, calamo sumpto obliterasti, omniaque
ad splendidam & veram rationem redigi voluisti: cum tu homo
adhuc adolescens, fortunæ quidem muneribus insigniter orna-
tus, sed naturæ bonitate ingenioque ornatior: senum morbos &
vitia, tuæ prudentia corrigeres: nec virtutis tuæ lumen aliorum
tenebris commaculari sineres. Ac, ut de ipsa ratione iuris aliquid
loquamur, si maioribus nostris, sanctis illis & diuinis viris, non
solum verum pietatis & religionis testimonium, sed etiam do-
ctrinæ & summæ sapientiæ tribuimus: viuatur legibus illis, quas
de Iudæis illis constituerunt. Quòd si quæ sunt præterea amplius
Iudæis data, concessa, permixta, facile ipsa se ostendunt quibus
& radicibus nata sint: cum perspicuum sit apud omnes, non fuisse
illa æquitate impetrata: sed nescio quo pacto, occultis certè
artibus, & tanquam cuniculis obiecta. Quid est, quòd isti tam dis-
sigerunt exquirunt mala iura Iudæis, qui in Christianis opri-
ma, perditæ, & profligata jacere patiuntur? Nequè tamen in
ego sum, qui antiquam illam continentiam seuerissimamque

rationem redigi omnia contendam oportere, planè enim intelligo hoc contrarium esse temporibus, nec facile mores nostros posse pati id quod plus diuini in se quam humani cōtineat. ideoque Dei misericordiae amplior apud nos est locus, quòd delicta seculi etiam crebriora existunt. Sed tamen modus omnibus in rebus, & modestia quædam seruanda est. Si sit dandum aliquid Iudæis, semper ita detur, vt ne apertè Christianorum commoda oppugnemus: vt pupillos, vt viduas, vt homines rusticos, & simplices, ceterosque item, qui cum labore corporis victum sibi, & liberis, suis manibus quarunt, vel egestate vel inscitia paratos decipi, ab eorum insidiis & circumscriptionibus custodiamus. Etsi hoc meum quidem opusculum seruum iam est: sic enim omnia hæc genera hominum oppressa hîc atque obruta ære Iudæorum sunt, vt nisi subsidio fuerit tua virtus, & Pontificis optimi sapientia, pecuniarum Iudæis debitarum exactio sine maxima clade & vastitate totius provinciae, fieri nullo modo possit. Quanquam & tu bona ex parte his malis prouidisti: & nos ad eundem Dominum & patrem, non modò nostrum, sed totius nominis Christiani confugiemus, vbi res postularit: cuius tantam benignitatem atque iustitiam in his ipsis curandis de quibus agimus provincie vulneribus paulò antè experti sumus. Nunc cum res hoc tempore in optimum locum Pontificis Maximi beneficio, & tuo simul adducta sit: populisq; hisce, dignis certè multas ob causas quorum magna habeatur ratio, vel ad remunerandum eorum fidelitatem, vel ad vestræ benignitatis exemplum, quo quidam circumiectas vndique huic regioni maximas nationes commoueri necesse est, optimè ac liberalissimè à vobis sit consultum: reliquum est amplissime, & mihi omni ratione charissime Sfortia, vt quæ bene acta & constituta sunt, nulla apud vos cuiusquam machinatione labefactarentur. Scio fore non paucos, qui Iudæorum pecunia conducti (nulla enim alia potest subesse tam iniquo patrocinio causa) hæc ipsa, quæ per vos nobis concessa sunt, conabuntur euertere: non solum obliquis viis, sed interdum etiam rectâ, & palàm: onera & tributa Iudæorum exponentes, eaque verbis & querimoniis adaugentes, quæ arario Principis ab illis inferuntur: quæ dependere, nisi habeant ipsi creditarum pecuniarum suo arbitratu exigendi facultatem, Iudæi nequaquam possunt: vt animos vestros nō splendore honestatis, qui apud vos præcipuè semper debet valere, sed vilitatis & lucri mentione commoucant. Quos contra dicendum est, Iudæos in his regionibus abundare non pecuniis solum, sed & agri etiam, & prædiorum, & horum bonorum quæ loco moueri non possunt, esse ditissimos, quæ bona ad publicum principis tributum persolvendum abundè sufficiant. Ad priuata fortasse tributa nonnullorum,

necessaria illiusmodi est actio, quæ utcum iniquitate & iniuria impunè fiat, iccirco ille clam aliquibus suppeditantur pecunie. Sed ne hæc impræsentia verbis pluribus disputemus: illud à vobis petimus, quod æquissimum est, si quid fortè aliquando venerit in controuersiam, resque aliquas rescindi aut commutari petitum fuerit: ut vos meis ciuibus vocatis, locum illis quoque suæ tutandæ causæ præbeatis. Quanquam non hæc nunc admodum nobis perimiscenda sunt, te patrono & defensore rectissimi iuris, qui & in præteritis rebus tuæ optimæ mentis dedisti documentum, & de futuris facis ut eadem confidamus. Nam per Deum immortalem, si nos excellens aliquod consilium, & magnam quandam sapienciam quærere studuissemus, quæ his populis rationem suæ expediendæ salutis ostenderet, qui potuimus maiorem, quam in te ipso reperire? Si fidem, virtutem, abstinentiam, integritatem tanta ea in te eluxit, tamque illustri in causa declarata est, ut laudis tuæ splendor, non contentus iam Italiæ terminis, ad nationes exterarum progrediatur. Quorum quidem alterum in tua ista ætate admirabile valde est, alterum in his moribus. Sed ut hæc missa faciamus, aut in aliud tempus ea referamus: ego de meo erga te officio pauca tibi exponam. Iamdudum enim est optime Sfortia, cum de indole tua & spe præstantissimæ virtutis prælatum iudicium feci: porro ea mihi de te quotidie magis duplicatur opinio. Non enim iam initia in te virtutis, sed virtutem ipsam intueor, & quidem expressam atque perfectam omnium bonarum artium & partium lineamentis, quæ verum tibi honorem & veram dignitatem semper allatura est. Nam opes hæc, & diuitiæ quæ extra nos sunt, si animus intus à bonis artibus vacuus sit, nihil omnino ad nos pertinent. Vna, & sola est virtutis integritatisque possessio, quæ nos faciat beatos. Quam te iam adeptum esse, in eiusque possessione consistere, & gratulor tibi, & pro tantis erga populos meos meritis debitas gratias ago: quas ut aliqua ex parte aliquando referam, iam nunc mihi magnò opere videndum & cogitandum est. Nos hic confecta mense consilium totius provincie conuocaturi sumus, vestraque beneficiæ in medium coram omnibus prolaturi: quo tempore dabitur à me opera, ut quam ad rem hæc gentes suapte natura & sponte propensæ sunt, meis etiam monitis hortationibusque excitentur, ut non obscuro videbunt aliquo indicio eorum grata erga vos voluntas, & memoria accepti beneficii appareat. Vale. Carpentoracti, Pridiæ Non.

Iulij. M. D. XL.

XVIII.

IAC. SADOL. CARD. MARCEL.

Ceruino Episcop. Neocastrensi, S. P. D.

SCRIPTVM mihi à meis est, te Pontificis Max. beneficio, Somnium bonorum consentiente lætitia, collegis meis amplissimis patribus libenter prompteq; sententias dicentibus, in eum ordinem cooptatum esse, qui maximè istam virtutem, prudentiam, integritatem, quæ in te est, requirit & postulat. Quo ego nuntio ita gaudisus sum, vt si germanum fratrem meum eodem honore esse affectum cognouissem, non maius ad me gaudium peruenire potuerit. Fauco enim virtuti: & si quisquam est, qui probos & doctos viros ad honores & publica munera prouehi lætetur, cum ego me esse confiteor. habeo enim arctam, & habui semper, cum bonis necessitudinem: nec plus valere apud me sentio sanguinis coniunctionem, quàm virtutis. Quæ cum tu ex mei animi iudicio egregiè sis præditus: cumque tui mores, pudor, ingenium, grauitas, semper mihi summè placuerint, quæ hoc etiam illustriora sunt, quòd artium liberalissimarum cognitione & scientia sunt ornata, non potui non magnopere, & episcopo- rum ordini gratulari, & Pontifici Maximo, Farnesioque nostro clarissimo & spectatissimo iuueni agere gratias, qui talem virum ad Christianæ religionis gubernacula induxerint: cuius similes quàm multos si haberet nostra ætas, non tam graui infamia atque odio apud omneis ferè nationes sacerdotum nomen laboraret. Vides ipse profectò (potuisti enim iter faciens multa cognoscere) quanta in inuidia sumus apud omnes, quàm malè quisque de nostris moribus sentiat. Cui quidem incommodo remedium est opportunissimum, si præstentur hi ecclesiarum administrationi, qui ad eas gerendas non cupiditatem quæstus, nec popularem pompam & iactationem: sed fidem, sed iustitiam, sed religionem afferant. Quod quidem Paulus tertius Pontifex maximè omnium, quos ego nouerim, Pontificum effecit. Est enim semper in cælum tollenda iustissimis laudibus præstantissimi Pontificis virtus & voluntas. Tantum cuperem, vt quod ipse per sese facit, cæteros quoque, qui habent nominandi facultatem, agere idem, atque obseruare cogeret. Sed ego in hæc paulisper digressus sum, vt intelligas Marcelle mihi charissime, quod in negotium, & quam in curam sis vocatus: quàm splendidam, quàm amplam, quàm difficilem (hoc quidem tempore) & penè insuperatam: etsi non eges tu quidem cuiusquam admonitione. Veruntamen amor in te meus suscipere me partes beneuoli ceteri, si minus necessarii monitoris coegit. Sed quod extremum est,

ego & tibi quod isti honori, quem iam pridem meritus nunc de-
 mum adeptus es, & Ecclesiæ tuæ Neocastrensi, quæ tam specta-
 tum præsidium sit hæc, valde ex animo gratulor. Deum quæ oro,
 ut ista res vobis bene feliciterq; eueniat: tuq; maioribus quotidie
 honoribus dignus existimere. Quod quidem factu perfacile tibi
 erit, qui & probitate, & prudentia instructus es: nosq; qui te a-
 mamus, tuæ nunquam laudi dignitariq; decimus. Quandoqui-
 dem sanctis honestisq; consiliis, cuiusmodi tua confidimus sem-
 per futura, Deus, & fortuna, & bonorum amor assidue suffraga-
 tur. Vale. Carp. X. Calend. Octobris, M. D. XXXIX.

XIX.

IAC. SADOLO. CARDINALIS HIPPO-
 lyto Estensi S. R. E. Cardinali, S. P. D.

POSTIA QUAM nuntium accepi de amplificatione dignita-
 tis tuæ, teq; in ordinem amplissimum S. R. E. Cardinalium
 magno omnium consensu coopratum esse cognoui, tantum cepi
 ex isto honore tuo voluptari, quantum & virtus tua, & mea peren-
 nis, ac meorum omnium, ab ultimis usque maioribus penè no-
 stis in familiam tuam obseruantia, & fratris tui clarissimi Prin-
 cipis aduersus me beneuolentia postulat: cuius ego ita multa si-
 gna amoris erga me habeo, ut ei me deuinctum non mediocri-
 ter putem. Maximum porò illud meæ in te obseruantia & vo-
 luntatis vinculum, quod sub ditione familiæ vestræ omnes me
 ferè & nati, & educati: neque solum hi qui nunc sunt, verum et-
 iam antea qui fuerunt, & suam ipsi fidem constanter atque in-
 tegre vobis præstiterunt, & à vobis ciuilibus sæpe honoribus &
 præmiis, virtutis causa sunt honestati. Quam ego necessitudi-
 nis memoriam & vetustatem sanctissime mihi conseruandam ef-
 se iudico. Atque huius mei animi cum Alfonso pater tuus opti-
 mus esset testis, si viveret, cuius ego temporibus, quantum sal-
 ua fide mea mihi licuit, omni in varietate rerum nunquam de-
 fui: tum fratrem tum arbitror non leuia mea huiusce volunta-
 tis signa indiciaque perspexisse. Sed hæcenus præterita. Nunc
 quod huius est temporis, cum tua virtus & nobilitas aditum ti-
 bi præstantissimo in honore, ad tuam declarandam animi ma-
 gnitudinem, eamq; voluntatem, quam erga Christianam Rem-
 pub. habes, aperuerit: quæ quidem Respub. si alias vnquam,
 hoc cum maxime tempore talibus & viris, & subsidiis egerit: pri-
 mum gaudeo, tibi oblatam occasionem, omnibus ostendendi,
 quo è genere, quaque ex disciplina, hoc est, quibus ex fontibus
 honoris, virtutis, nobilitatis, ad commendationem hominū, fa-
 maq; processeris: deq; eo tibi, & generi tuo, nostraq; cōmuni pa-
 triæ

ita vehementer gratulor. Deinde, polliceor tibi atque confirmo me in tua colenda amplitudine, ea semper officia tibi praestitum, ut nunquam me non tui cupidissimum atque obseruantissimum sis iudicaturus. Et quoniam diuino quodam consilio in eandem Reip. gerendae societatem ambo vocati sumus, si tu ad capeffendam Rempub. senatoriaq; munera obeunda dare te uolueris, quod tamen imprimis a virtute tua expectatur, estque in nostri ordinis hominibus ab Deo omnipotente praecipue propositum, ut sententiis in senatu dicendis recte & fortiter publica saluti consulamus: promitto me tibi in ea ratione gerendi honoris ita assiduam comitem futurum, ut praecunte semper prudentia & virtute tua, te meae quoque societatis, & optimae in Remp. voluntatis nunquam poeniteat. Vale. Carp. M. D. XXXIX.

XX.

IAC. SADOL. CARDINALIS PETRO

Bembo Cardinali, S. P. D.

P Vro esse iam maturum aliquid me ad te scribere: non gratulandi quidem causa, nam etsi tuae dignitatis amplificatio mihi atque grata & iucunda accidit, atque acciderit tibi, quo etiam nomine optimo Pontifici Paulo III. me obligatiorem factum esse confiteor: tamen quoniam multa insunt in ea, quae puram & liquidam laetitiam ad nos peruenire non sinant, ego ex mei animi sententia de tuo sensu iudicans, statui illo gratulationis munere mihi supersedendum esse. Idque etiam fuit causae cur nullas adhuc ad te literas dederim, quod nesciebam quo me potissimum uti argumento conueniret. Nunc dimissa mentione tui honoris atque status (quem tamen honorem Deum tibi & diuos omnes fortunare volo) fraterno nostro more atque instituto haec pauca ad te exarare constitui. Ex quibus nosse posses, valere me, haerereque mihi in animo perpetuam memoriam tui absentis. Nihilque mihi magis in optatis esse quam ut te florentem beneque valentem in omnes partes audiam saltem, si minus tam mature quam ego cupissem congregi, & de rebus nostris coram alloqui contigerit. Nam ego quidem partim caritate & penuria earum rerum omnium, quae ad victum pertineant, quo incommodo audio Italiam, & ipsam praecipue Urbem premi: partim domesticis meis difficultatibus impeditus (ut ea tantum commemorem in praesentia, quae necessitatem mihi in his locis consistendi afferunt) in Italiam hoc anno transire non cogito. Quod hactenus quidem mihi molestum est, quod multorum amicitiosorum & suauissimorum hominum familiaritate atque conuicio, mihi carendum erit, atque imprimis tuo. Nun-

tium

natum enim mihi est, te primo quoque tempore ad Urbem profecturum esse, atque ibi aliquandiu mansurum. Qui certe si adesse, & tua dulcissima consuetudine ipse fruerer, & tibi quoque ex me aliquas voluptates darem. Nunc hanc ægritudinem animi eis leniam commodis, quæ mihi hîc multa nec iniucunda suppetunt: præferam his quæ capio ex optimarum artium studiis, quæ me sola adhuc detinent: delectationibus cæteris aut consensuetudinibus omnibus, ut penitus iam extinctis. Quanquam quod ad suauitatem amicitiæ & familiaritatis attinet, multorum mihi amicorum vicem præstat vir clarissimus Polus, qui apud nos complures iam est menses: quo homine caue mi Bembæ quenquam existimes tam dulciorem in congressibus, aut fideliorem in consiliis, aut sanctiorem in omni parte vitæ optimisque moribus existere: præterea summæ ipsius doctrinæ, summique iudicii. Sed quid ago? tibi ego eum laudo, qui tibi ipsi melius notus est, quam mihi illud affirmare possum, hæc illius sermones mihi etiam graciosiores esse & iucundiores, quod in magna copia & varietate rerum, de quibus colloquimur, sæpe nobis de te in loquendo incidit mentio, in qua diutius commorari solemus. Priuulo præsertim tuo materiam & copiam sermonibus suppeditante. Florebellum meum tam humanè a te, tamque liberaliter tractari, gratissimum mihi est. Ego illum iuuenem non mediocriter diligo: summaque in spe sum, fore eum huic seculo & suis temporibus ornameto. In quo tua quoque laus non minima futura est, quod ex domo tua atque ex disciplina, tale ingenium prodeat. Is maximas tibi sæpenumero apud me per literas agit gratias. Quare eum tibi ne commendo quidem, video enim minime esse id necesse. Hoc te scire volo: quicquid in eum comitatus & beneuolentiæ tuæ contuleris, id me existimaturum in me abs te collatum esse. Vale mi charissime Bembæ. Carp. VI. Idus Septemb. M. D. XXXIX.

XXI.

IAC. SADOLETVS S. R. E. CARDIN.

Federico Fregosio Cardinali S. P. D.

PRIMO illo nuntio, quo te, quanquam absentem & totius negotij ignarum, præclaro tamen Pontificis Maximi de tua virtute & dignitate iudicio, magnoque consensu bonorum omnium, in amplissimum ordinem S. R. E. Cardinalium cooptatum cognoui, cepi equidem eam voluptatem, quam vetus nostra coniunctio, & insignis ac mutuus inter nos amor postulabat. Sed verè dicam, in ea animi mei lætitia & gratulatione, maiorem dixi rationem meæ commoditatis, quam aut utilitatis, aut digni-

dignitatis etiam tuæ. Nam tibi quidem ipsi pro tui nominis fama, & multarum ac magnarum celebritate virtutum, quæ ante elucet, non multum mihi afferre atq: aduere videbatur ista honoris accessio. Ego verò qui talem collegam esse nactus, locum in consiliis, coniunctum olim quidem in vita & in amicitia, nunc etiam in Repub. omni laude virtutis prudentiæque præstarem, charissimis mecum constrictum summæ beneuolentiæ vinculis, non potui non efferrî maximo gaudio: reputans identidem ipse mecum, spem fruendæ tuæ optatissimæ consuetudinis, quæ mihi quondam neq: dulcius quicquam fuit, neq: honorificentius, aut restitutam mihi denuò, aut certè ostentatam esse. Video enim, si ita res tulerit, ut mihi ad Urbem omnino sit redeundum, habiturum me tecum familiaritatem quidem eandem quam prius, vtilitatem autem in eo genere maiorem, quòd te optimorum in Repub. consiliorum non tam comitem, quam ducem habiturus sum. Quod utrique nostrum hoc etiam arbitror futurum esse incundius, quòd habebimus magnos viros, omnique præditos virtutis & religionis studio, integerrimos ornatissimosq: Cardinales, Contarenum, Polum, Bembum, aliosque sacis multos, qui de Republica optimè sentientes, & animorum concordia & inuicem conuictus nobiscum coniuncti erunt. Hæc igitur erant, quæ primo illo tui honoris nuntio ego cum animo meo tacitus agitabam, non tam de te, quam de me ipso cogitans: quæ quidem cogitatione non mediocriter oblectabar. Tibi autem ipsi ut nunc subito gratulafer, illa res effecit: quòd statuebam mihi prius expectandum & factum esse, & iudicium tuum. Anceps enim animi eram, neque certum habebam, quid esses facturus. Memineram enim superioribus comitiis, quibus nos adlecti in senatum fuimus, te vel recusasse quodammodo honorem eundem istum, qui ad adipiscendum facilis tibi fuisset: vel certè non curasse. Quæ ex te etiam magnam te laudem consecutum intelligebam. Sic enim tum omnes iudicarunt, te magnitudine quadam animi præditum propè singulari, plus in te: ipso & virtutibus tuis honoris, quam in externis istis insignibus repositum putasse. Nunc mutata tota ratio est. Ut enim magni tum animi id, negligere honores: sic nunc oblatos vltro repellere & Pontificis optimi liberalitatem aspernari, superbum certè extitisset. Quam te vitasse offensionem, & Deivocationi, ac Principis voluntati non resistisse, & mea, & tua, & Christianæ Reipublicæ causa rectè meenter gaudeo. At nunc tibi gratulor, idque ago & animo amicissimo, & incredibili cum læticia: serò totasse, si aterni & temporis ratio sola putetur. Sed huius tarditatis culpam immittas mea valetudinis sustineat, quæ me perdidit detinuit, ut illi ipsemet officio scribendi non possem. Nec tamen in gratulando

ero longior, quando nec tibi id magis, quàm Reipub. est tribuendum: & tu etiam me tacente animum probè nosse & perspicere meum potes. Illud, quod ad priuatum meum erga te officium pertinet, libentiùs commemorabo. Ego cùm te amaui semper, omnique honore & obseruantia dignissimum duxi: tum tuis plurimis beneficiis affectus atque ornatus, cui plus debere me confiterer, quàm tibi, habui vnquam neminem. Non enim oblitus sum perpetuæ tuæ erga me liberalitatis, & contubernij olim nostri: quo tempore domus & familiaritas tua maiori etiam honori mihi fuit, quàm commoditati. Quarum ego rerum memoriæ conseruo, & gratissima mente prosequor. Tulit autem posteriorum temporum fortuna, vt diuersis locis occupationibusque distracti, frui suauitate nostræ consuetudinis non possemus: cuius nunc repetendæ ac recuperandæ spes mihi est oblata. Quæ si mihi, vt cupio atque opto, sic ex sententia processerit, perficiam profectò, vt meæ in te obseruantia, summiq; amoris, tu fructus eos percipias, qui maximè vestra amicitia & tua amplitudine digni, tibi que præcipuè à me debiti sunt. Vale. Carpent. IX. Calend. Maij, M. D. XL.

XXII

IAC. SADOLETVS CARDINALIS

Gregorio Cortesio Abbati S. P. D.

FRUCTVS nostræ amicitia, qui ex vsu & congressu quotidiano, communicationeq; sermonum & cogitationum omnium, percipi vberimus solet, fuit ille quidem nobis multa & rerum varietate & temporum interruptus: quòd in simili & voluntatè, & natura, dissimilitudine quadam curarum atque actionum, & longinquitate regionum fuimus ferè disiuncti. Sed tamen & tua cùm virtus, præstansq; optimarum artium scientia, te animo meo præsentem semper constituit: & amicitia fides, (sicut ego mihi persuadeo) item me tuo: vt si absumus corporibus, animis tamen proximi, copulatiq; fuerimus. At nunc tanto intervallo literarum inter nos factio, quòd propter consuetudinem ad te scribam, ne forsitan mireris, ratio tibi à me mei facti reddenda est. Ego te, Cortesi optime, & doctissime, cùm talem iamdiu virum esse cognouissem, qualem omnes existimant, omnibus ingenij, humanitatis, doctrinae ornamentis præditum, amare ceppi ab initio non mediocriter: nec communi illi, quo omnes bonos diligimus: sed præcipuè quodam, & singulari amore. Quam animi mei propensionem erga te, secuta aliquot locis inter nos, brevis quia illa, sed iucunda congressio, confirmauit. Neq; verò postea memoriâ vnquam tui, quanquàm absens,

et cetera.

intemisi. Sed quod vsu venire interdum solet, vt acciderent res occasionalesque nonnullæ, quibus ad acriorem amicorum abentiu recordationem animus commoueat: id mihi nunc contigit, aduentu ad nos, vel reuersione potius, Anto. Florebello nostri. Quem & ipsum doctissimum inueniem, mihi que carissimum cum per se libentissimè vidissem: tum accessio ad eam voluptatem, quam ex eius aduentu cepi, non exigua fuit, quòd is de absentibus amicis ac necessariis meis, ea quæ icire cupiebam, exposuit mihi omnia: in quibus multus de te nobis sermo, isque iucundissimus. Faciebat autem & conditio temporum, & necessitas rerum communium: quas hodie videmus in graue discrimen adductas, vt in percontando de te diutius cominorarer: partim id mihi sumens ad animi solatium & oblectationem: partim, in eam sollicitudinem atque curam, quam pro Repub. capio, conuertens & referens. Ac mihi quidem in magno meo ac penè intolerabili dolore, quem ex Federici Fregosij, vtriusque nostrum, vt tute scis, amicissimi, summi præterea & singularis viri ac Cardinalis, morte acceperam: non mediocris leuatio erat tuarum insignium virtutum, & mutæ inter nos beneuolentiæ commemoratio. De Repub. autem ita cogitabam, cum ea tali suo tempore, ex tanti viri interitu grauissimè esset affecta, debere nos omnes, qui eam saluam & incolumem esse cupimus, dare operam, & elaborare pro sua quenque parte, vt ad ipsius gubernacula ij admoueantur, qui ferre illi opem, & subuenire periclitanti possint. Quo quidem è numero tu cum semper aptus, tum hoc tempore præcipuè præstans eximiusque iudicaris: cum reliquis tot iam luminibus extinctis, eluceat virtus, & doctrina, & integritas tua. His ego curis & cogitationibus excitatus, præter & meam & tuam expectationem, vt ad te scriberem, adductus sum: non memoriam tui & beneuolentiam, tanquam obsoletam renouans, quæ semper apud animum meum incolumis seruata est: sed hoc recens tibi consilium meum scribens, qui decreui, & statutum habeo, curare atque eniti quantum in me est, vt ab iis quos penes est potestas, tui hono:is ratio, & vtilitatis simul Reip. habeatur. Hoc si in vrbe & curia presens adessem, agerem fortasse accuratius & vigilantius. Nunc quando absum longè gentium, sicut ipse perspicis, ita contendam tamen, vt mea mihi teste animi conscientia, quam ego omnium rerum facio longè plurimi, nulum à me officium, quod sit vel amicitia vel Reip. debitum, pretermittatur. Tu interim, vt valetudini seruias, saluumque te nobis conserues, & Isidorum Clarum tuum, hominem doctissimum, virumque optimum meis vt saluere verbis iubeas, abs te peto. Carp. M. D. XLI.

IACOBI SADOLETI S. R. E.

CARDINALIS EPISTOLARUM
Lib. XIII. Epist. I.IAC. SADOLETVS S. R. E. CARDINALIS
Gaspari Contareno S. R. E. Cardinali, S. P. D.

POLVS collega noster, optimus atque amplissimus vir, dignissimus illa fortuna in qua erat natus, non hac quæ nunc illi obstat, grauitèrque infesta est, itet faciens in Hispaniam, Carpentoracte ad me diuertit: suoque mihi aduentu cum non mediocrem dolorem, tum magnam etiã artulit voluptatem. Videre enim & aspicere hominem eum, quem summè diligo, & affari præsentem, quem absentem desiderare sum solitus, insigni quadam lætitia me afficit. Audire autem ex eodem acerbos familiæ suæ casus, & nobilissimam immanitate terribini tyranni penè extinctam domum intelligere, sanè vsque eo mihi miserum & crudele visum est, ut nisi eiusdem Poli, cui erat illa calamitas inflicta, virtute & sapientia lenitus essem, modum meo dolori facturus non fuerim. Verùm ille, qua suis in rebus omnibus animi constantia & moderatione est, cum Deo semper se subiiciens, atque illius voluntati obtemperare paratus, de suis acerbissimis rebus, tanquam de alienis loqueretur: suum domesticum quidè incommodum fortiter ferebat: de publico verò Christiani nominis incommodo grauius commouebatur. Cui certè communi Christiano nomini ab impio Rege (si Rex est appellandus is, qui feritate animi & magnitudine crudelitatis iam ne hominis quidem appellationem retinet) noua atq; inaudita omnibus seculis iniuria allata est. Quod tamen ego diuina prouidentia fretus non diu illi insultum futurum esse confidò. Sed cum Polo nostro reliqui sermones habiti, qui sunt partim de Rep. rebusq; vrbani, partim de amicorum & familiarium nostrorū statu, gratia, autoritate, periculi nobis fuerunt. In quibus nimirum de te plurima mentio. Nam nec mihi percontandi, neq; illi commemorandi de tuis dictis factisq; omnibus satietas erat vlla: tanta est veriusque nostrum virtutis tue opinio, lure illa quidem à nobis suscepta. Quid enim tua prudentia, integritate, sanctitate est illustrius? Sed quò ista in te maiora præstantioraque sunt, hoc noster amor in eundem te ardentior, disiunctionem à te meam (de me enim præcipue loquar) molestiorem mihi facit videri. Itaq; quanquam hic multa sunt, quæ me non iniurum detinent: locorum amenitas, cœli salubritas,

earum rerum omnium, & quidem optimarum copia, quæ ad vitam victumque pertinent: tum autem vel imprimis amor horum populorum, qui ut à me diliguntur, ita me vicissim diligunt ipsi, omnesque in meo vultu atque in excubiis quodammodo meis acquiescunt. Tamen ut Romam interdum desiderem, vos, vos amici mei facitis: & imprimis tu optime Contarene, cui omnes mei sensus ita valde sunt consentientes, ut nulla nostram non fortuna, sed iudicio contractam familiaritatem, atque amicitiam, labefactura ætas sit. Sed nimis longè progredior in his rebus, quæ nec modum ullum, nec finem habent. Quæ enim meæ erga te benevolentia simul & observantia par inueniri possit oratio? Quare, ut in pauciora conferam, scito, me tui absentis memoriâ summa cum fide & benevolentia retinere. Heri vesperi accepi ab Urbe literas, in quibus mihi illud iucundissimum, quod mei certiorum me faciunt, te libenter meo rogatu recepisse causas Ducum Bavariæ summo Pontifici commendandas: quo nil mihi gratius efficere potuisti: neque item (ut arbitror) tuæ virtuti, auctoritatique conuenientius. Illi enim fortissimi ac nobilissimi Principes, & in causa Dei religionisque firmissimi, dignissimi protectores sunt, quorum ab omnibus nobis, quibus Christiana Respub. est curæ, honoris ac dignitatis ratio vel maxima habeatur. Quapropter abs te peto, ut & pro amicitia nostra, & pro constantissima fide tua, quod iam susceptum abs te est, in conuauiter persistas: remque ita geras, ut Duces illi intelligant, me etiam absente sibi non deesse in vrbe Roma optimorum & diligentissimorum Cardinalium patrociniū. Iisdem de rebus scripsi ad Ambrosium Gupenbergum, hominem usu multarum rerum præditum, ad te uti adiret, communicaretque tecum cogitationes quasdam suas & consilia, quibus commodissimè rationibus obuiam iri Lutheranis, & consuli eius nationis populis ac principibus possit. Quem tu pro tua singulari humanitate diligenter audies: reliquaque ages apud Pontificem maximum, quæ tibi Reipub. utilia esse videbuntur: imprimisque ipsum Ambrosium in fidem tuam uti recipias, & quoad honestè facere poteris, faueas illi tua auctoritate & gratia in eis rebus consequendis quas ipse optat, te amplissime Contarene rogo atque oro. Vale. Calend. Febr. M. D. XXXIX. Carpentoracti.

II.

I A C. S A D O L E T V S C A R D I N A L I S

Gasparo Contareno Cardinali, S. P. D.

TE & amici, & optimi atque integerrimi hominis officio apud summum Pontificem, & reliquos nostros collegas functura

etiam esse gaudeo. Id certe egisti, quod ab vno te potissimum, & à tua præstantissima virtute potuit expectari: cum idem tu & gratissimus testis, & verus amicus, & maximè peritus earum rerum, de quibus agebatur, existeres. Quare hoc quoque sit in magno numero tuorum erga me meritorum. In epistola mea ad Genevates, ea quæ notas legi per diligentem, totamque rem cum eruditissimo Polo communicavi. Quod in ea scripsi, visum esse Spiritui sancto & mihi, in eo nihil sum equidem elatum neque arrogans meditatus: quin etiam me deprimere volui, ne si tantummodo mihi visum id fuisse dicerem, plus mihi ipse tribuerem, quàm ferri posse videretur. Atque illud dictum tamen dupliciter tum interpretatus: nam & scripturæ sacræ morem loquendi imitari me dixi, & revera ita esse, ut quæcunque recto & pio erga Deum aguntur animo, ex Spiritu sancto cuncta sint. De iustificatione & iustitia, placet mihi vehementer tuarum rationum contextus & distinctio ex Aristotele sumpta. Sequitur enim certè charitas cûrsus illum antecedentem, quo ad iustitiam pervenitur: non tamen sequitur eadem charitas (meo quidem animo opinioneque) iustitiam, sed eam ipsa constituit: vel potius charitas ipsa est iustitia. Habet enim formæ vim charitas: forma autem est id quod ipsa res. Cum ergo acceditur præeunte illa præparatione ad iustitiam, acceditur una & ad charitatem: ad quam cum est perventum, tum iustitia per ipsam charitatem constituitur. Iustitiam voco, non vulgari, neque Aristotelico nomine, sed Christiano more & modo, eam quæ omnem virtutes complexa continet: neque id humanitus, sed instinctu influxuque diuino. Quam ipsam iustitiam quoddam talis ea & huiusmodi sit, hoc est Christiana atque diuina, charitas sola efficit. Hæc orationem fortasse longiorem requirerent, nec mihi fuit in aliis scriptis occasio ista explicandi. Sed quod ad rem nunc pertinet, scito me sentire tecum: ita tamen ut charitas non iam partem iustitiam subsequatur, sed formet ipsa & constituat iustitiam. Qua tamen in sententia tu quoque videris esse. Sed (ut dixi) pluribus hæc fortasse verbis essent exponenda, nec facile committi epistolæ possent: præsertim his qui iam flagrare incipiunt caloribus. In quibus mei suburbani horti hoc mihi amceniores iucundioresque sunt, quod eos interdum amplissimus vir Polus noster visere humanissimè, & mihi cupientissimo suavitatis suæ copiam facere non gravatur. Utinam, iterum dicere vtinam, tenobiscum una optime Contarene haberemus, discere simul profectò simul viuendo & latando quibus in rebus beata verè consistat vita. Sed hæc alias. Vale. XIII. Calend. Iunij, M.D.XXXIX.

III.

IAC. SADO LETVS CARDINALIS

Caspari Contareno Cardinali S. P. D.

POLVS noster, qui à nobis hinc discessit, ita magnum sui mihi reliquit desiderium, vt à cogitatione & dolore auocare a nimium non possim. Non solum enim beneuolentia erga illum moueor, verum etiam indignissima illius fortunæ misericordia, quæ talem virum tam acerbè opprimit, vt omnino virtuti inimicam se offerre videatur. Sed certè hos non illius tantum priuatos, sed publicos Christianæ Reipub. casus, quos principes nostri tam lentè ferunt, Deus sibi sumet & providendos, & vindicandos: atque vtiuam non iam cœpisset vlscisci. Ego enim quantum humana ratione assequi possum, non video quem exitum Principum consilia sint habitura: à quibus vtiuam aliquando optimus Pontifex noster se emergat. Pro cuius honore & salute excubo animo, gratiamque me illi maiorem habere iudico, quod de me optimè meritus est, si timeam ea quæ accidere multa possunt, quàm si præsentì illius fortunæ sim gratulatus. Sed quoniam de his aliud erit loquendi tempus, id quod mihi fuit in scribendo propositum, nunc potius exequar: vt tibi oprime & me amantissime Contarene, meos hosce populos omni studio commendem: in quos ego sum tanta beneuolentia affectus, vt parentum charitati erga filios non cedam. Ipsi legatos mittunt ad vrbem, qui de incommodis prouinciæ summum Pontificem edoceant: petantque remedia suis rebus necessaria. Præcipuè contra Iudæos, quorum est dominatus in his locis nō ferendus. Nam tot privilegiis istinc muniti sunt, vt planè domini Christianorū sine effecti, cum maxima quidem perniciē & tanquam strage horum populorum: è quibus quotidie aliquos cedere bonis, & suis familiaribus familiaribus emigrare cogunt. Quod nationibus finitimis omnibus, quæ carent prorsus hac Iudæorum peste, & mirabile viderit in sedis Apostolicæ imperio, & non sine graui infamia nostra est diuulgarum. Sed ego singula non colligam. Statum & salutem huius prouinciæ tuæ fidei, integritati, iustitiæque commendando: vt faueas, vt suffragere, vt te apud summum Pontificem interponas, quo ea quæ honestè petierint, facillè etiam consequantur. In quo quàm gratum mihi sis facturus, ne conabor quidem tibi exponere: cum tu id per te satis cognosse queas. Tuum equidem amorem, studium, diligentiam, si alia vlla in re, in hac permaximè flagito. Verum pluribus apud te vti verbis, nostræ fortassis coniunctissimæ necessitudini non conuenit. Quare hic finem faciam: de te id semper optans atque sperans, quod mihi

mihi ipsi sumo quantum possum: ut reposita omni in Deo nostrarum rerum spe, læto & iucundo animo vitam traducamus. Vale amplissime, & mihi charissime Contarene, etiam atq; etiam vale. Carpentoracæ. Prid. Nonas Octobris, M. D. XXXIX.

III.

IAC. SADOLETVS CARDINALIS

Gassparo Contareno Cardinali, S. P. D.

SUPERIORE anno confeceram quidem secundum meum de Aedificatione Ecclesiæ librum: sed non retractaueram, quod deinde astate proximè exacta feci: eumque describendum curavi: quem nunc ad te mitto, tuæ & prudentiæ & doctrinæ totum me permittens: teque enixius rogans, ut ea qua soles humanitate & beneuolentia, me & corrigere, & admonere ne graueris. Forsitan facio interdum temerè, qui sententias meas aduersus tuas argumentationes defendam. Sed debet hoc esse (ut ego iudico) in nostra familiaritate liberum: ne assentari inter nos, sed amicorum uti officio videamur: præsertim cum editio libri in longum tempus sit conferenda: & quoad is excuditur ac perpolitur, licitum sit nobis disputare & ambigere: nec refellere solum, verum etiam refelli. Nam cum edendi quidem dies aduenerit, nihil omnino sine tuo consilio faciam. Nec verò habeo in præsentia aut doctiorem quenquam, cuique magis confidam, quam ipsum te: aut amantiorem etiam mei. Atq; ego quidem obtundere te non desino, & in tua grauiora studia importunus irrumperè. Sed ignosce mihi, facere aliter non possum: ea est opinio mea de te, ea spes & expectatio amoris erga me tui, ut quicquid ego agam, quoquoue modo me geram, nihil omnino assequi mihi videar, nisi id & communicatum tecum, & abs te potissimum approbatum fuerit: Facit autem naturæ tuæ bonitas, humanitas, liberalitas, ut non liberius solum ad te adeam, verum etiam audacius. Sed ut ne de his plura (etenim vereor, ne hæc quæ dicta sunt, in tanta nostra coniunctione amoris & animorum, etiam nimis multa esse videantur) habes librum, quem ut perlegas totum, & accuratè excutias rogo. Multa sunt in eo de sacramentis Ecclesiæ conscripta contra Lutheranos: in quibus si non doctrina & ingenium, mea tamen voluntas in veræ pietatis studio egregiè constans apparebit. De quibus rebus omnibus exquiri iudicium tuum: idq; præterea te precor, ut cum amplissimis collegis nostris, & conuocissimis fratribus, Fregosio, Bembo, Polo, meâ lucubrationem communices. Neque vrgeas tamen, nisi tantum, quantum eos videris in legendo oneris atq; curâ libenter velle suscipere. Ne fortè dum ego meam utilitatem quaro, aliis mole-

stus sim: & præsertim iis, quorum ipse omnes sollicitudines & molestias meo labore atq; ærumna redimere paratus essem. Ad horum numerum addes Rodulphum Pium collegam nostrum, dignissimum (meo iudicio) qui in summorum & optimorum Cardinalium numero censeatur: eundemq; præterea amantissimum mei. Sed ne tibi præscribam omnia, ages in meorum scriptorum lectione & correctione, quod tibi ex fide tua & amicitia nostra æquum rectumque videbitur. Nos hic optimè valemus: in literis assidui sumus, nec in suauitate huius vitæ quæ mihi in his locis proximè accedere ad cœlestem illam vitam alteram videtur, quicquam habemus quod nos angat atque turbet: nisi interdum Reipubl. statum, quam video quotidie in deterius ferti. Quod si privatim quoque aliquid aliquando sentimus molestiæ, id omne nascitur ex eo desiderio, quo tecum & cum ceteris similibus tui nonnunquam esse, & viuere cuperemus. Sed hæc Deus viderit. Tu ut valeas tibi que ut persuadeas, me ex omni mente, & ex omnibus sensib. penitus esse tuum, à te optime atq; amplissime Contarene peto. Carpent. III. Calend. Feb. 1541.

V.

IAC. SADOLETVS S. R. E. CARDIN.

Reginaldo Polo S. R. E. Card. S. P. D.

QUANQUAM literæ tuæ, quas Idibus Nouembris Verona dediisti, seriùs ad me allatæ sunt: easque ego incunte Ianuario accepi: tamen quoniam in illis tuum nomen, & tua mihi perspecta, eademq; semper dulcis, insignis erga me beneuolentia se ostendebat: non illa semel à me, sed sæpiùs etiam atq; etiam perlectæ sunt, cum te mecum quasi loquentem in illis viderer audire: tuamque illam mihi non ignotam virtutem, humanitatem comitatem, in eisdem recognoscerem. Qua dum frui mihi fuisset, quamdiu videlicet mecum in his locis commoratus es, nihil meæ felicitati deesse existimabam. Nunc absentem ita animo requiro, ut in magno dolore diremptæ suauissimæ consuetudinis nostræ, tui tamen nominis memoria & recordatio matris nostri amoris, magnoperè me sustinet. Atq; ego quidem post discessum tuum cum sollicito diutiùs animo nuntium de te expectans tandem aliquando literis tuorum, quas Paulus acceperat, certior factus essem, te in eum locum, quod maximè optaras, hoc est Veronam, & ad vtriusq; nostrum hominem amantissimum, ipsum è dignissimum qui ab omnibus nobis ametur, Episcopum Veronensem, ruitò peruenisse: statim exhilaratus animo, literas à te dedi, quas tardiùs suspicor ad te fuisse perlatas: aut ne perlata quidem. Siquidem habeo Roma sat recentes, in quibus fate-

cu

culi nostri mentio nulla fit, cum tamen dierum ratio aperte indicet, literarum reddendarum tempus iam præterisse. Sed quicquid acciderit de literis, non est in chartis, neq; in atramento positus noster amor: sed in cordibus vtriusq; nostrum, non tam inscriptus ille quidem, quam iniustus, ut deleri non possit. Quod quoniam neutri nostrum de altero potest esse dubium, huius sane rei commemoratione omissa, ad ea quæ sunt huius temporis veniamus. Quanquã quod Simonetæ nostri mortem in tuis literis defles, nihil facis alienum humanitate tua: planeq; ego agnosco quantum mihi in eo tribuas. Scio enim te mea imprimis causa, illius summi viri casum ægrè ferre: quem mihi amicissimum, & tu esse intellexeras, & ego te ipsa quotidie experiebar. Sed etsi tu rationes affers, quare minus dolendum nobis sit: egoque & sapientiæ, & auctoritati tuæ assentior: tamen illud efficere non possum, ut meo arbitrato dolori moderer. Non sum equidem ita institutus, sed ita sum natus, ut quos amare semel cœpi, (quod multis de causis sæpe accidit: præcipuè autem eam ob causam, cum me amari intelligo mutuo) eorum amissionem molestius feram, quam videatur hominis in rebus fortuitis multum exercitata ratio postulare. Quamobrem facere non possum, quin desiderem illum mortuum: multisq; & magnis illius officiis virtutibusq; priuatus, non incòmodum meum lugeo (est n. id degeneris animi) sed familiaritatem hominis, sed integritatem, sed fidem, constantiamq; amicitia, quam ille mihi cumulatissimè præstabat, vehementius requiro: quod absque dolore animi fieri non potest. Ut enim illi nihil euenerit mali, quod quidem ira esse persuasus sum, cum audio eum cum sua pietate, cum Dei fratrum bonitate & clementia, non solum alacriter, verum etiam libenter è vita excessisse: habet tamen amor aculeos quosdam, quos difficillimè vitare viri boni possunt: qui me pungunt & stimulant, & in recordatione faciunt dolorem. Sed opinor his nos modum constituemus. Simonetæ memoriam & nobis ipsi seruabimus, & in precationibus eam Deo subiicemus: quod vnicum iam est fidelis nostræ amicitia officium. De te ipso mi Pole, quod Romam saluus peruenieris, quod ipso primo in introitu in duo lumina nostri ordinis incideris, Contarenum & Bembum, quod fueris ab optimis, amicissimis, præstantissimisque hominibus summa cum lætitia & hilaritate acceptus, & gratulor tibi, & mihi plurimum gaudeo. Videor enim mihi quasi vobiscum vnà adfuisse. Et enim quid tandem interest, utrum gaudeas ipse an lætantibus amicis simul gaudeas? quin maior etiam (meo iudicio) voluptas est, gaudere gaudiū amicorū, quam suum. Siquidem ubi plus officii sit, ibi maior esse animi lætitia solet. Vos ergo inter vos congressu complexuque vestro, ego absens auditu vestra iucundissi-

mae congressionis latatus sum. Si tamen ego absens, qui & ipse per me suspicor, & ex tuorum literis intelligo, plurimum vobis inter vos sermonem de me fuisse: cum in ore trium optimorum, atque omnis penè memoriæ, honore, ingenio, innocentia, doctrina ornatissimorum hominū, meum nomen versaretur. Quos ego iure iamdudum treis elegi, in quibus mea studia omnia & officia collocarem: quos haberem in amore & in obseruantia omni eximios. Hic est tibi Pole videndum, ne, quod in literis tuis facis, ut mea erga te officia verbis magis augeas, quàm illa merita sunt, facias idem apud alios: ne ea in te, quæ cæteris in rebus abundat, in hac re vna duntaxat prudentia requiratur. Quid enim ego egi, quod sit vel minima laude dignum, aut quod non tibi multo maius a me officiosiusque deberetur: Si communia quædam officia, quæ in mediocreis etiam homines conferri solita sunt, in vnum omnium præstantissimum virtute, nobilitate, dignitate, contuli: iccirco ne videbor magnum quid egisse, quodque tu tam gratis & amantibus verbis prosequaris: Imò ego, qui te certè amo colloque mirabiliter, rusticitatis tamen me ipsum condemno, quod nesciui quemadmodum voluissem, & quemadmodum tua excellens dignitas postulabat, benevolentiam in te meam tibi declarare. Quare cum tua commemoratio meorum erga te officiorū ruborem mihi potius incuriat, quàm vllam afferat causam, in hoc genere quidem, bene de me ipso existimandi: quæso obtestorque, ut conseruato inter nos necessitudinis vinculo, quo ad æternam (ut ego statuo) amicitiam & benevolentiam coniuncti sumus, reliqua alter alterius officia, non tam efferramus verbis nos quidem, quam cum opus erit, mutuo requiramus. In quo tuæ semper partes ampliores futurae sunt, & gratificandi, & beneficiis afficiendi: cum non ego solum, sed mei hi populi omnes, in tua ope, autoritate, patrocinio, magnam spei suæ partem repositam habeant. Quicquid porrò meis commodatur, mihi certè cōmodatur, qui illorum causa nunc cum maximè laboro. Etenim ut tu scias, dilatio data debitoribus Iudæorum, cuius tu vel imprimis extitisti auctor, ad exitum iam adducta est: neque quicquam vltra iam in expectatione est, nisi ut secundum hoc biduum, compleatur carcer hominum miserorum, & ad soluendum impotentium, durissimo tempore anni, annona carissima, pauperibus pessimè affectis. In quo magnus quamplurimis luctus, mihi animi dolor paratus est: cum tamen interea actorem Prouinciæ satis pridem in vrbe habentes, nihil adhuc humanitatis & misericordiae potuimus consequi. Id credo sit summi Pontificis occupationibus, propter quas fortasse aditus ad eum non fuit. Nam illud quidem mihi persuadere non possum, tam sapientem Principem, si cognouerit incommoda suorum populorum, non opem illis & remedium

dum allaturum. Nos interim patiemur acerba, & (vt ego iudico) minimè æqua: sed sunt qui contra putent. Verùm suus cuique sensus, suaq; existimatio est. Apud nos minimum vtilitas, plurimum semper valebit officium atque fides. Nullaque erunt bona veritate & virtute nobis potiora. Sed hæc hæctenus. Habeo à Bembo suauissimè scriptas literas: quibus impræsentia valetudine impeditus, accuratè respondere non possum. Epiphora enim tentor, eaque mihi in dentes & gingiuas dolorem iniicit: qua etiam molestia coactus sum aliquot hosce dies studia intermittere, hæcque ad te literas negligentius scribere, quàm voluntas mea ferret. Quin Paulus quoque leniter egrotat: verùm id perbreue futurum est, omniaq; iam illi sunt ad salutem explorata. Ille verò & Paulus alter vnà, vel tota potius nostra domus, quæ tua eadem est, eiusmodi & tui & tuorum memoriam conseruat, nihil vt fieri possit, neq; in amore, neq; in desiderio vehemètius. Tu Contareno, & Bembo, Ludouico item, & Priulo tuis, plurimam à nobis omnibus salutem. Legi sanctissimæ & prudentissimæ sceminae Victoriæ Columnæ ad te literas, in quibus illa mei mentionem facit, videturque hic nostram stationem approbare, quod ego incredibiliter gaudeo, mea consilia tantæ esse & virtuti, & sapientiæ probata. Te quidem rogo vt operam des, quòd hæc illa ex te, meamque præterea in se obseruantiam beneuolentiamque quam primum intelligat. Nos hîc audiuius quæ comitia habita sunt, ad quæ tu tempore ipso aduenisti: nil dum tamen earum rerum quas cupimus, cognouimus: quæ vbi singula ad nos certius & distinctius fuerint allata, tum constituemus, quid nobis etiam agendum sit, & quibus, quatenusque gratulandum. Tu valebis, & nos diliges, etiam atq; etiam. Vale. Carpent. XVI. Cal. Febr. M. D. XL.

VI.

IAC. SADOLET. CARD. REGINALDO

Polo S. R. E. Cardinali S. P. D.

TVrs literis mense Februario ex Vrbe datis, quòd adhuc non responderim, iusta mea hæc apud te erit excusatio, quòd minus commodè valui. Multa enim pituita & alui fluxionib; diu cōfictatus, laboraui morbo, nō tam periculoso illo quidem, quàm molesto: abfuit enim febris. Sed tamen & meæ vires debilitatæ, & corpus vsque eo fuit extenuatum, vt non esset certa, neque explorata mihi ratio salutis. Nunc cum Dei benignitate melius mihi sit, iamque ad literas & studia mea pristina reuerti cœperim: non putauim mihi prætereundum esse, quin ad te primo quoque tempore literas darem. Scito igitur tuas mihi fuisse iucundissi-

mas. Etsi enim constituta amicitia, & amore mutuo perfectio, studium scribēdi videtur esse superuacaneum, nisi si quid sit eius modi, quod absentiu amicorum scire atq; intelligere intersit: tamen omnis semper cōmemoratio beneuolentiæ munda est, etiam si non sit necessaria. Priulum quidē meum concertasse tecū, causamq; meam tueri & defendere conatū esse, quemadmodum mihi scribis, ita credo. Sed tamen vereor ne magis suum ipse ostentare ingenium, quā ius meum tutari voluisse videatur. Solent enim magni isti patroni, qui suæ eloquentiæ plurimum confidunt, suscipere interdū non bonas causas, vt cū iudicio vicerint, non iuris veritas illis suffragata, sed ipsi ius sibi fecisse, & veritatem causæ appinxisse videantur. Qui si in disputatione quam habuit tecum, me amantissimum tui esse dixisset, nec sine aliqua sollicitudine animi fuisse, quoad tuis de rebus certior fierem: verē illa egisset, etque dixisset, quæ mihi vsu certē euenerunt. At non hoc fuit satis ingenioso homini, suamq; dicendi copiam ubiq; ostendenti. Iam enim illa non vera, te culpam admisisse, mea multa & magna erga te officia extitisse. Quorum primum in tuam naturam virtutemque non cadit, alterum ego non agnosco. Quicquid enim egi tua causa, si quid modò egi, inferius id multo est, quā tuæ præclaræ virtutes postularint. Nec verò video me egisse quicquam, nisi quod prætermitti sine scelere non potuit. Quin interdum memetipse rusticitatis arguo. Tali enim à me viro, qualis es tu, non animus, neque domus, quæ cōmunia sunt, sed salus ipsa & vita debuit esse exposita. At tu, quantum, quæso, honoris mihi habuisti? quantum etiam fidei? qui temihi potissimum & meis tectis coministi? quod tuum testimonium meæ integritatis, atque officii, cū mihi vehementer honorificum fuerit, si id cogitasset, & sibi proposuisset Priulus, non ille te in me negligentem, sed me in te potius minus gratum discepuisset. Sed tamen, quando amore mei adductus, fauere mihi voluit, & quodammodo assentari: diligam hoc nomine etiam hominem necesse est, & amantius complectar, quod meas absentis partes defendendas suscepit. Quare tu illi plurimam à me etiā atq; etiam dices salutem. Dialogos de me cum summo Pontifice à te habitos libentissimè legi, tuamq; pristinam erga me beneuolentiam recognoui: cui nunquam parem gratiam referre poterō. Hæc enim ea sunt officia, quæ me vehementissimè obligant. Illud mihi accidit optatissimum, quodd de me reuocando verbum ab eo nullum. Ad quod, quæso incumbe mi Pole, vt mihi viuere in honesto ocio liceat: quando ista negotia placere mihi non possunt. Qui si nosset quæ nunc sint rumoribus hominū peruulgata, etsi ea fortasse scis, (non n. obscura sunt, sed passim in circulis angulisq; omnibus instantur) dolore animi mecum vna

tabesceres. Erumpunt porro omnia in illius caput & nomen, quem nos & veneramur, & diligimus, & cuius beneficiis maxime obstricti sumus. Quæ ego non commemorabo, ne & augeam dolorem meum, & tibi molestiam afferam. Illud certe patet & perspicuum est, quicquid eueniat in Repub. Christiana aduersi atque inuali, de eo statim homines culpam in nos, & crimen conferre paratos esse, ut occultari dissimularique non possit, quæ sit omnium mortalium de nobis & de moribus nostris planè iam existimatio. Sed abeamus ab his, quæ præter modum molesta sunt. Contarenius noster valdè humanè egit mecum, qui me voluit absente nihilominus participem esse earum pecuniarum, quæ nostro ordini attributæ, distribui solite sunt duntaxat inter præsentēs: quod ego profectò nec cogitavi vnquam, nec postulavi: quò etiam illius benignitas erga me eminentior. Nam quod a Casulano mentio fuerit facta, ille sponte sua hoc egit, nullo admonitu meo. Nò enim meum est aucupari lucra, nec ea quæ mihi non debeantur flagitare. Sed & Casulanus vir optimus, qui me admodum diligit, mei commodi curam, me etiam inscio, sibi habendam putauit: & apud illam præstantem atque eximiam Contareni nostri virtutem, humanitatem, integritatem, video monitore nihil fuisse opus, per se enim ille propensus ad me iuuandum, & omnibus beneficiis afficiendum assiduè est. Cui utinam aliquando referam meritam gratiam: habebo quidem semper. Nam etsi mihi nullum emolumentum, nullaque utilitas ita est cordi, ut vel minimum velim de mea dignitate propter eam deperdere: tamen habere hæc indicia amoris à summis viris, maximam ego arbitror esse dignitatem. Quapropter abs te peto, ut illi & meis, & tuis etiam (si tibi videbitur) verbis agas gratias. Prouinciales hinc nostri te maximum in modum diligunt, atque colunt: suamque tibi salutem referunt acceptam. De meis studiis nihil possum tibi impresentia polliceri: instat enim æstas, quod ego tempus consumere in mansuetioribus literis soleo. Librum tuum magna ex parte legi, animumque in eo tuum magnum atque præstantem, copiamque vna & eruditionem, imprimis verò studium pietatis ac religionis vehementer probaui. Da operam ut valeas. Carpent. IX. Cal. Maij, M.D.XL.

VII.

IACOB. SADOLET. CARDINAL. GVLL-
elmo Poieto Cancellario Gallia, S. P. D.

ACCIPERE literas tuas tertio Idus Nouemb. Lutetia datas, plenissimas amoris, humanitatis, prudentiæ, quæ meum, quod ego diu ante de tua præstanti virtute & dignitate feceram iudicium.

non modò confirmarunt, verùm etiam auxerunt. Ita enim scripti sunt, vt nullum omnino in illis officium, quod vel à sapiente homine expectandum sit, vel benignitati & amicitiae debitum esse videatur, abs te sit prætermisum. Quodque me mirificè imprimis delectauit, omnia in tuis literis sic aptè, ornatè, grauiterque explicata, tum verbis, tum sententiis, vt mihi videaris, id quod magnorum quidem virorum est, sed tamen non tam valde occupatorum sicut tu, cum rerum gerendarum prudentiæ, elegantiam quoque orationis vt coniungeres, non mediocriter laborasse. In quo genere laudis (dicam enim quod verum est) expectationem meam longè superasti. Cognoram equidem antea excellens ingenium tuum, & in arduis rebus agendis atque administrandis consilium, diligentiam, industriamque perspexeram. Non enim mihi tuus animi sensus, & ad laudem impetus fuerat ignotus. Sed re vera in tanto cumulo pondereque negotiorum, quæ tibi maximis curis occupationibusque districto, quotidie affluant, & superfluant necesse est: quòd aliquam quoque partem cogitationis tuarum & temporis liberalibus studiis impertires, non mihi veneratione de te existimare. Quod quoniam nunc habeo ex tuis literis exploratum & cognitum, si quid ad eam addi beneuolentiam potest, qua ego te iam pridem singulari sum complexus, erit hæc etiam causa vnà cum reliquis & sancta & grauis, quam obrem tu à me plurimum videre esse faciendus. Sed hæc quæ longiorem desiderant orationem, in aliud tempus differenda sunt. Venio nunc ad ipsas literas, in quibus mirari mihi visus es, quod ego in graui meæ dignitatis & libertatis dispèdio, tantula de re (ita enim scribis) tantopere laborarem. In quo si pecuniariae iacturæ causa id laboris & molestiæ suscepisse me existimes, obsecro te Poirere charissime vt me hac tam graui infamia desinas onerare. Nihil ego turpius esse iudico, quam moueri pecunia: & quidem moueri in vtranque partem, vt vel adducta nobis magnam lætitiā afferat, vel ablata molestiam. Et tamen recordor scripsisse me tibi, pecuniam mihi leuissimam, honestatem autè grauissimam semper esse. Quare desiste, si me amas, hoc tam iniustum de me facere iudicium, quod alienum certè & meæ natura, & nostra necessitudine est. Si verò, quod meam læsam dignitatem apud te sum conquestus, id leuius à me factum arbitraris: quæso, quid apud te futurum graue est, si leuis fuerit dignitas? Sed ego hæc quæ nunc loquor, non ita accipi volo, quasi doleam hæc à te mihi fuisse scripta, non enim ita est: sed quia cupio doctis & sapientibus viris, cuiusmodi tu es, meam & cognitam, & probatam naturam esse, ac voluntatem, quæ ab hisce vitiis illiberalitatis & sordium longè profectò aliena & abhorrens est. Ac ne ad ea quidem respondebo, quæ à te scripta sunt de potestate eorum iudicium,

qui-

quibus vos ecclesiasticas causas & iudicia commisistis. Satis enim in literis prioribus sum testatus, existimare me, nihil neque à te, neque ab isto præstantissimo Rege, sine magna ratione & consilio factum esse. Ad id potius me conuertam, quod & huic temporis est aptius, & meæ naturæ certè convenientius: ut & tibi, & nostro optimo maximoque Regi agam gratias, quod meæ & quietis, & dignitatis, pro vestra singulari bonitate rationem habueritis. Tamen si intelligo, eas nequaquam à me satis digne agi posse: vincit enim & Regis beneficentia, & tuum erga me officium, facultatem in hoc genere meam. Ago tamen quantas possum maximas, meque huius vestri erga me beneficii memoriam perpetuo seruaturum polliceor. Quanquam nec ad meam in summum Regem obseruantiam quicquam videretur posse accedere: nec ad eam quam erga te iamdudum suscepi voluntatem. Sed tamen, siue in hoc portu, in quo me locatum per literas gratularis, & quidem iure, (in eo enim diurnis nocturnisque commentationibus rerum, ut ego arbitror, altissimarum simul & sanctissimarum sum deditus) siue in negotiis & fluctibus actionum, in quos me redire fortasse erit necesse, (non enim ego illam conditionem vitæ asperner, si mihi ea offeratur, quæ in rebus cum virtute & cum prudentia religioneque tractandis, futura sit occupata) siue ergo hic, siue illic, ego meam omnem operam, studium, fidem, amorem, diligentiam, auctoritatemque, quæcunque ea in me fuerit, & nostro Christianissimo Regi, & tibi optime Poiere defero atque dico. Cui quidem Regi quod meum interdum te nomen in memoriam redacturum polliceris, est hæc tua mihi gratissima voluntas: idque uti facias, te vehementer rogo. Quid est enim quod malim, quam me illi Regi in memoria esse, cui propter altitudinem, nec tam fortunæ quidem, quam ipsius virtutis & humanitatis, vel notum duntaxat esse, summus honor censendus est? Et quidem imprimis ac maxime illius erga me beneuolentiam quaero: hac mihi nihil potest euenire optatius. Cetera quæ ab illius liberalitate possunt proficisci, quæ à me ut fluxa, & caduca negligi scribis, non eo quidem sum animo ut mihi negligenda esse videantur: sunt enim bene institutis mentibus egregia instrumenta bonitatis & liberalitatis: non tamen per ambitum & cupiditatem iudico esse perenda. Itaque ego, qui hæc quæ obtineo, quantula ea cumque sunt, aliena sponte omnia, non mea cura & contentione sum consecutus, si quid mihi quandoque eo modo deferatur, magis iudicio Principis, quam meo commodo lætor: ob eamque etiam causam bene de me merentibus maiorem gratiam habeo. Sed de his etiam satis: Tu mi doctissime Poiere me amabis, & totum tuum duces: dabisque operam, ut valeas: hoc mihi facere gratius nihil potes. Vale. Carp. XV. Cal. Ian. 1540.

V I I I.

I A C. S A D O L E T. S. R. E. C A R D I N.

Gulielmo Poieto S. P. D.

C V M neminem habeo ad quem libentius scribam, quàm ad te: tum verò id libentissimè facio, cum quis & tua dignus beneuolentia & mea meis tibi literis commendandus est. Quod si aliàs vnquam mihi accidit facere vt deberem, nunc profectò maximè debeo: quòd eum tibi còmendo, cui aut neminem, aut paucos certè, in omni laude doctrinæ & literarum iudico esse pares. Nec tamen dubito, quin tibi Alberti Pighij nomen sit auditum: tanta id & celebritate est omnibus penè in gentibus, & eruditionis fama. Nos quidem qui complura eius ingenij monumenta legimus, non solum probamus scientiam hominis, & doctrinam, quæ multiplex in eo, & varia, & referta est: sed etiam propositum animi, & insignem Christianæ pietatis cultum. Incredibile est enim quantum hic vir de fide Catholica, & Christiana religione sit meritus. Is ergo istuc veniens, vt saluet ac veneretur nostrum Regem, agatque cum eo quibusdam de rebus suis tum sponte sua (est enim tui nominis amantissimus) tum suaserit etiam meo: magnam spem habet in te suorum negotiorum bene expediendorum positam. Quæ ne cum spes fallat vehementissimè te rogo. Multa sunt mi Poiete, quæ præclara & egregia facere potes: dedit enim tibi summum ingenium natura, fortuna etiam facultatem. Sed certè nihil videris facere posse præclarius, quam tales viros in fidem & patrocinium recipere: eisque adesse ubicunq; sit opus, opera, gratia, beneuolentia, autoritate. Quòd nisi tua præstans humanitas mihi esset perspecta planè & cognita, vterer verbis pluribus. Nunc tantum dico, quicquid in Pighium contuleris officij & studij, id à bonis omnibus in eam partem acceptum iri, vt si tu id, non in hominem, sed in virtutem ipsam & doctrinam contulisses: tantum nos & ipsius eruditioni tribuimus, & tuæ laudi gloriæq; fauemus. Illud extremum erit, vt te velim id quoque existimare, si eum amanter, comiterque mea etiam causa exceperis, mihi in ea re gratissimum te facturum. Vale. Carpentoracti, Idibus Nouembris. M. D. X L I.

I X.

I A C O B. S A D O L E T V S S. R. E. C A R D.

Gulielmo Poieto S. P. D.

P V T o te audisse, nos omneis qui de Cardinalium collegio sumus, summi Pontificis literis ad Urbem esse accitos. Ita-
que,

que, etsi agere ab ecclesia mea diuellor, mihiq̃ue cū hoc iter, tum verò in Vrbe mansio in omnem partem incommoda futura est, tamen quando excusatio, qua vsus fueram, accepta non est: ea quæ huic itineri necessaria sunt, comparo: meq̃ue his viginti circiter diebus, profecturum hinc arbitror. Memor autem nostræ mutæ insignisq̃ue beneuolentiæ, statui mecum ad officium pertinere, scribere hæc ad te, & tibi, si vnquam aliàs, nunc quidem quam maximè, meam operam, studium, beneuolentiãq̃ue deferre. Futurus enim sum in eis locis, in quibus, quo sim in te animo, multo illustrius tibi declaraturus sum, quam declarare potuerim in his, in quibus ad hoc tempus fui. Itaque quæ de laude, de honore, de virtutibus tuis mihi agenda, & commemoranda erunt vel in nostro senatu, vel ad Pontificem, vel apud reliquos ordines, agam ipse per me: nec expectabo de ea re literas & admonitiones tuas. Si quid præterea erit, quod tu meam operam diligentiamq̃ue requiras, si me feceris literis tuis certiore, dabo operam vt intelligas, te id non frustra fecisse. Vnum est, quod ego multo vsu rerum & obseruatione præteritorum euentuum edoctus, animaduerti à vobis, & in memoria haberi cupio: id porrò est, vt sedis apostolicæ honorem & auctoritatem, coniunctionemq̃ue cum ea, vobis cordi esse omnibus signis ostendatis: hoc enim si fiet, omnia vobis profectò erūt faciliora. Sed sapienti pauca, vt dicitur. Illud etiam à te mi humanissime Poiete postulo, vt omne quicquid ego sum, aut esse possum, regi nostro meis verbis pollicear & deferas. Parum latè fortasse & prudentia mea & auctoritas patet. Sed certè quæ ab integerrima fide, & summo amore postulanda sunt, ea illi à me non deerunt, si quid vsu venerit, in quo gloriæ illius & maiestati inferuire possim. Extremum est, vt meas absentis, & meæ ecclesiæ res, negotia, iura, itemq̃ue huius patriæ mihi charissimæ salutem & tranquillitatem, tuæ humanitati, fidei, virtutiq̃ue commendem: abs teque petam, quod tibi pro tua præstanti auctoritate agere facillimum est, vt ne quid aut mihi absenti aut meis hîc præsentibus oneris, molestiæ, iniuriæq̃ue à vestris inferatur. Vale, & nos mutuo diligite. Carpent. XIII. Calend. Martij, M. D. XLII.

X.

IACOB. SADOL. S. R. E. CARD.

Gulielmo Poieta S. P. D.

ET ijs quæ tibi dudum aduersa euenerunt, pro nostra amicitia vehementer dolui: & nunc, quod audio te tibi esse atque tuis restitutum, pro eadem nostra coniunctione gratulor: etsi videntur fortunæ tuæ aliquid fortasse detrimenti accepisse. Sed
in tanta

in tanta tempestate, & maximorum periculorum procella, quam tibi inimici & invidi tui concitarent, cum & caput, & fama, & fortunæ tuæ essent in discrimen adductæ, saluo capite quoquo modo euadere, magnum profectò fuisset visum: nisi illud etiam maius multò esset, quòd in tantis inimicitiis potentissimorum hominum, tot insidiis, tam multorum contra te concordi & consentiente calumnia, ad extremum tamē innocentia ipsa tua, exitum sibi ac viam ad salutem intuerit. Quam ego tibi maximam eorum incommodorum, quæ cepisti, consolationem esse non dubito. Quid enim nobis est interius, magisque coniunctum, & quo lætari magis iure debeamus, quam conscientia cuique suæ bene actæ vitæ? quæ in quocunq; inest, is & in aduersis rebus interitus, & in periculis fidens, & contra omnem calumniam fortissimo animo est: quemadmodum quidem te fuisse ipsa res est indicio. Equidem nunquam ipse de tua virtute ac fide dubitavi. Sed ut vulgus est hominum, apud quos Principum longè pollens & gravis est autoritas, ut quisq; in crimen, & in iudicium vocatus est, ita statim non Regi, sed reo criminis culpa infertur: quasi ipsi Reges errare non possint. Quam nunc de te hominum suspitionem, si quæ fuerat suscepta, hæc rebus omnibus diligentissimè excussis, post longam & grauem disquisitionem, tui liberatio penitus extrinxit. Itaq; qui antea virtutis tuæ lumen non bene perspexerant, postquam illa prodire in publicum, & certare palàm cum iniuria & cum iniquitate coacta est, vicitque tandem ipsa fraudem & improbitatem, non solùm videant illud, sed laudent etiam, & admirentur necesse est: ut maior nunc quidem apud omnes vir appareas, quam paulò antè fuisti, tum cum in illa occupata & negotiosa vita, tamen eras maximus. Sed illic invidia, & æmulatio, & iniquorum fraudes plus potuerunt, quam integritas tua. In hoc autem otio ad quod es compulsus, fœlici (ut ego quidem iudico) & optanda calamitate, cum tantum valeas ingenio, quantum mihi optimè notum est, sisq; non iuris ciuilis, scientia duntaxat, sed optimis etiam & liberalissimis artium ingenuarum studiis instructus, quæ tibi maxime iucunda atq; grata in tali tuo tempore esse possunt: teque (ut antè dixi) & casus tui, & ipsorum inimicorum tuorum de te iudicium, ab omni iam indigna suspicione vindicet: debes (opinione quidem mea) non solum pacato ferre animo ea quæ acciderunt: sed gaudere etiam & lætari, quòd ex turbulento & agitato tot ambitionum ac insidiarum fluctibus mari, in tutum & tranquillum portum aliquando sis peruectus. Quòd si (ut decet virum fortem magnūque) & sentieris ita & egeris, cum meam pristinam de tua virtute opinionem confirmaris, tum istius tuæ firmitatis atque constantiæ vberem apud omnes fructum laudis feres. Ego, sicut fides mea, &

nostra

nostra mutua beneuolentia postulat, cum tibi defero quicquid in me est, aut opis ad leuandum, aut ingenij ad consolandum incommodum tuum, tum tibi imprimis hoc esse persuasum volo, neminem te habere fortasse, qui tui amantior, quam ego sim, esse possit. Qui verò fidelius aut constantius amicitiae memoriam tueatur, habere te quidem certè neminem. Vale. Roma, V. Idus Nouembris, M.D.XLVI.

X I.

IACOB. SADOLETUS S. R. E. CARD.

Ioan. Petro Carafe, S. R. E. Cardinali S. P. D.

MAXIMA cum animi mei læticia legissem tuas literas (significabant enim humanitatem & beneuolentiam erga me tuam, quam in alleuando fidei meæ onere adhibuisses: quod ego tuum imprimis erga me officiū à tua virtute & prudentia postulauerā) nisi eadem ad me literæ detulissent querelam quandam multarum molestiarum, quas sustines, & non obscurum iudicium doloris tui, quē video tibi in animo exortum propter temporum calamitates, quibus & intus & extra sic premimur & vrgemur, vt consolationem vllam vix possit quisquam, quamuis sapiens, inuenire. Sed ego qui ad dandum tibi consilium aptus non sum, tamen confido te, cum temetipsum respexeris, nec exijs quæ extra te, sed quæ in te ipso sunt, expenderis, multas reperiturum ad te cōsolandum vias. Omnino cuncta & ab imperu hostium infesta, & seditionib. ac sectis, quæ inter nos ipsos ardent, grauitè vexata sunt: animis præsertim hominum, qui vbiq; sunt his temporibus ac moribus vehementer infensis. Sed tamen in quo culpa nostra non est, id animo æquo omnes ferre debemus. Sed nō ingrediar ad disputandum, neq; tibi meam sapientiam ostentabo, quæ prorsus nulla, magisq; ea mihi abs te est mutuanda. Quod partiū est mearum & mei muneris, id facere conabor: vt tibi agam pro tuo erga me singulari merito gratias, quas equidem habeo agoq; maximas: teq; obsecro: vt quæ restant ad res illius monachorum ordinis, qui meæ fidei crediti sunt, constituendas, eodem quo instituisti consilio prudentiaque gubernes: quo quidem nihil mihi accidere potest gratius. Vale. Carpent. II. Nonas Septemb. 1539.

X I I.

IAC. SADOL. S. R. E. CARD. FRAN-

cisco Quignonio Cardinali sanctæ Crucis S. P. D.

QUAS postremas accepi à te literas, eis non respondi, quoniam tu ex Vrbe per ætatem in alia loca salubriora secess-

seras. quod mihi idem facere fuit necesse. Et sanè ipsis in calori-
bus difficilis esse solet scribendi, & quippiam accuratius agendi
ratio. Nunc æstate exacta, cùm frigidiora tempora etiam matu-
rius aliquanto aduenerint, quàm soleant, egoque ad intermissa
mea studia reuerti cogitem, nihil mihi prius faciendum putavi,
quàm vt ad te darem literas: primumq; gratias agerem de omni
significatione tuæ erga me voluntatis, quam ego mihi beneuo-
lam pluribus in rebus iam expertus sum: quas quidem tibi & ha-
beo & ago maximas. Deinde etiam tibi amantissimè suadenti, vt
aliquando ad Vrbem me referrem, eas dicerem causas, quæ me
hic retineant: vt neque tuo prudentissimo consilio, neque meæ
tibi obtemperandi voluntati satisfacere tam citò possim. Nam
cùm mea istic præsentia aut nullius omnino, aut parui certè mo-
menti in rebus publicis sit: eadem hic his populis non solum
commoda est, verùm etiam salutaris. Quod enim vel ad veram
religionis normam, vel ad pacem concordiamq; inter ipsos per-
tinet, non leue habet pondus mea apud eos hortatio & autori-
tas. Deinde multa alia sunt pastoris boni officia, quæ hic præsens
melius quàm absens exequi possum: imprimisque hac caritate
annonæ, cùm impendere fames videatur, compluribus egenis
ferre opem potero. quod, Romæ si essem, facere certè non pos-
sem. Vectigalia enim ecclesiæ meæ, quæ per sese magna non sunt,
dabunt tamen hic mihi aliquid ad aliis subueniendum faculta-
tis: quæ si in Vrbe domicilium haberem, ne meæ quidem ipsius
familiæ necessitati sufficerent. Quod etiam ipsum per se conside-
randum est, quomodo Romæ in hoc tanto honore, sine idoneis
vitæ adiumentis, quæ in re familiari & vectigalibus annuis posita
sunt, retineri dignitas possit: præsertim cùm alienis opibus viue-
re prorsus indignum ducam. Hæc me Pater amplissime, & opti-
me, adhuc hic detinent. Nec tamen hæc cùm ego narro, ambio,
aut flagito à quopiam quicquam: non enim meus hic mos, nec
mea vnquam flagitatrix fuit natura: sed eius fortunis quæcun-
que ad manū sint, bene & liberaliter vti, semper magis proprium
viri esse existimaui. Pontificem porrò maximum, cui me totum &
debeo & iamdudum tradidi, video ipsum carere hac distribuendi
ecclesiastica vectigalia facultate, principibus omnia ad suum ar-
bitrium trahentibus: quibus me subiicere, & ad eorum accedere
fores, consilium non est. Nec tamen ita vrgeor cupiditate ha-
bendi, vt non hoc statu, in quo sum, possim esse contentus. Viuo
enim inter hos populos & diligens eos patria charitate: & (vt vi-
dere mihi videor) ab eisdem etiam dilectus. Quæ amoris mutui
consensio vitam beatam facit: præsertim cùm est ad Deum, & ad
summum bonum relata. Quos ego nunc populos tuæ commen-
dem fidei, iustitiæ, integritati, est necesse. Illi enim ad Vrbem
nuntium

nantium mittunt, quò doceant summum Pontificem de incommodis prouinciæ, quibus illa premitur. Eos igitur tuæ aequitati & sapientiæ ita trado atque commendo, vt maiore animi studio commendare non possim. Quicquid certè in illos beneficij, patrocinijs, auxilijs, contuleris: id mihi sic futurum est gratum, vt ex tuis plurimis erga me meritis, hoc vel maximū semper omnium sim iudicaturus. Vale. Carpentor. pridie Nonas Octob. 1539.

XIII.

IACOB. SADOLETVS S. R. E. CARD.

Dionysio Cardin. Sancti Marcelli, S. P. D.

AD eam voluptatem, quam acceperam ex amplificatione tuæ dignitatis, (quòd iste honos cū similibus tui, hoc est doctis viris prudentibusque defertur, gaudere semper soleo) accessit suauitas literarum tuarum, quæ me ita affecit, cū commemoratione tui pristini erga me animi, tum declaratione præsentis voluntatis: vt ego, qui te antea tacito potius quodam de tua virtute iudicio, quā aperta amoris significatione diligebam, quòd nulla admodum inter nos intercesserat consuetudo: nunc ex literis tuis, tam amanter, tamque honorificè de me scriptis, non amem solū, sed tanquā amicissimum, & familiarissimum, omni animi mei studio & beneuolentia te amplectar. Equidem sentiebam optimè de te, nec tam mea sponte, (non enim fuerat notitia inter nos, egoque multis & magnis meis difficultatibus abstractus, diutius in Vrbe esse non potui) sed eorum testimonio, quos ego vehementer cū probarem, intelligebam ab illis te quoque probari. E quibus vir clarissimus, & mihi quoad vixit amicissimus Symoneta, multa mihi narrare de te solitus erat. Sed iam nullum amplius quæro de te testimonium: tuæ enim virtutis, tui ingenij, tuæ humanitatis, satis mihi graues & certas literæ tuas misisti testes. Quæ ita scriptæ sunt, vt neque ornatus in verbis, neque in sententijs prudentia desit. Quanquā in eis mihi tu quidem plus tribuis, quā ego intelligo me posse sustinere. Sed hoc amor in me tuo assignandum est, & illi, de qua modò locutus sum, humanitati. Quod autem ad amicitiae fidem pertinet, quæ iam inter nos & pro collegio, & pro similitudine studiorū debet esse instituta, atque cōiuncta, primū de isto honore, qui in te iure ac meritò collatus est, tibi gratulor, deque eodē mihi gaudeo: si quidē omniū rerū inter amicos cōmunicatio esse debet. Deinde memetipsum tibi, & mea omnia studia, omnemque beneuolentiam ita defero atque trado, vt sim gratissimū habiturus, si tu in eis, à quib. te diligis putas, me Principē locū velle obtinere duxeris. Quæ ego animū cū cæteris tuis virtutib. & ornamentis debeo, tum ei præcipuè,

quam singulariter præ te fers, beneuolentiæ tuæ erga me, & voluntati. Vale. Carpentoraeti, Idibus Februarij, M. D. X L.

X I V.

I A C O B. S A D O L E T V S S. R. E. C A R D.

Dionysio Cardin. Sancti Marcelli, S. P. D.

ALTERAS habeo iam à te literas, similes prioribus & humanitate & beneuolentia: quæ mihi fidem prorsus faciunt me abs te diligi. Quod cum ita sentiam, certoque opinor: debes existimare, si me arbitrare dignum eis studiis, quæ ambobus nobis communia, & ad integritatem morum ingenuitatemque naturæ animos informant, in quibus ego & ætatem meam cōsumpsi, & tū eccellente, ut video, ingenio versaris: non tibi me concessurum, ut in amore, aut ullis in officiis me vincas. Nam si quoties mihi datur occasio, favere soleo doctis viris, idque mea sponte, nulla intercedente nec re, nec familiaritate, quod vno tantum doctrinæ nomine ad eos amandum & complectendum adducor: quid facere debeo erga te, à quo sum prouocatus? præsertim cum & tua præstans doctrina, compluribus aliis virtutibus, & virtus summo honore præclaroque omnium hominum, Pontificis imprimis maximi, & totius nostri ordinis de tua dignitate iudicio, non comprobata modò, verum etiā ornata, illustrata, & in altum edita sit? Quæ res etiam effecit, ut ad cæteras mutui inter nos amoris causas, Collegij coniunctio, & sanctissimæ necessitudinis vinculum accederet. Sumus enim vterque nostrum diuino quodam nuntio, in sociotate bene gerendæ Reipub. nō solum eiusdem munere officij, sed animorum etiam, & studiorum consensione copulati. Quæ cum se res ita habeat: nec iacta solum inter nos amicitia fundamenta, sed ipsa super extructa, & planè iam confirmata amicitia sit: dabimus operam vterque, ut in amore omnibusque officiis, alter alteri satisfacere cōtendamus: in quo erimus semper fide & beneuolentia pares. Cætera ut fors feret, aut ego te factis ipsis atque officiis vincam, aut æquissimo animo à te vincar. Illud quidem prior faciam, in quo tuæ partes iam apparebunt superiores, te vti rogem, ut meam absentis dignitatem, ubi optis erit, defendas & tueare. Vale. Carpent. IX. Cal. Maij. M. D. X L.

X V.

I A C O B. S A D O L E T V S S. R. E. C A R D.

Dionysio Card. Sancti Marcelli S. P. D.

NON mihi opus esse arbitror longo tecum proœmio vti, & laborare in ipso scribendi principio, quod tua mihi beneuolentia

lencia concilietur. Satis enim ea mihi, non meo quidem merito, sed tua humanitate parata & quaesita est. Cum enim ad me binas literas misisti, obsequia tua erga me benevolentiae & voluntatis: tum tu te ipse mihi dedidisti: tum te obligasti, quasi ex pacto & conuento, nihil quod amicitiae & officio deinde deberetur, te mihi negaturum. Itaque fidenter accedo ad te, non minus te mihi obligatum ex literis illis, & fide viri boni esse existimans, quam si te omnibus sponsonum verbis obstrinxisses. Sed grauius ne aliquid expectes aut vereare: scito id me petere à te, quod & mihi ad petendum honestissimum sit, & tibi ad tribuendum largiendumque facillimum. Id porro huiusmodi est. Annus hic agitur tertius, ex quo ego, cum me Carpentoraëte retulissem, aggressus sum opus laboriosum sanè, atque magnum, ut de aedificatione Catholicae Ecclesiae conscriberem: illud mihi precipue propositum habens, ut quoniam haec quae nunc est, & nominatur Ecclesia, vehementer labefactata est, nec potest (ut ego ex omnium gentium aduersus nos odiis, & graui apud cunctos inuidia nominis nostri, magnum in timorem venio) ab extremo suo periculo longè abesse: ego pro loco, & pro pietate, qua Deo conseruatori meo sum obstrictus, exemplum eius incolumis atque integre, quoad per me posset, absolutum & perfectum in literis expressum relinquerem. Quo liceret uti, si quis attendere animum vellet vel ad hanc fulciendam reparandamque Ecclesiam, quae iam ad procumbendum vehementer prona est, & inclinata: vel ad nouam & firmiorem aliam, super idem tamen fundamentum, constituendam. Hoc ego animo erga Christianam Remp. affectus, sumpsi onus huius laboris atque officij, maximè id conuenire honori & professioni meae reputans: iamque instituti operis duos libros absolui, & tunc in tertio lucubrando versor: neque laboribus in eo, neque vigiliis parco. Contendo denique, atque nitor, ut habeat hoc à me Resp. cum boni & amantis ciuis sacerdotisque officium, tum testimonium meae perpetuae sententiae & in se voluntatis. Sed horum duorum qui confecti sunt librorum, prior anno superiore à me ad Urbem missus, in manus tuas (ut opinor) non incidit, neque habeo impraesentia idoneum eius exemplum quod ad te mittam: idque cum habebo, certè sum missurus. Nunc cum secundum mitterem ad amplissimos viros, mihi que & Reip. imprimis amicissimos, Contarenum, Fregosium, Polum, Bembum: mandavi isthic meis, ut postquam illi legissent, meum ipsi librum continuo ad te deferrent: quem, te oro atque rogo Dionysi doctissime, ut attentò animo perlegas: meque tibi monendum, & ubicunque opus sit (erit autem opinor in multis) etiam reprehendendum & corrigendum suscipias. Nam ego quidem hoc corrigendi reprehendendique officio, modò id ingenuè & beneuolo animo fiat, nul-

lum ab amico homine nec gratius possum expectare, nec optatius. Quid enim est reprehendi, nisi alieno labore fieri meliorem? Et sanè is ego sum, qui in meis scriptis, præsertimq; recentib. minimum mihi confidam. Itaq; audio libenter cunctorum opiniones: iactariq; in manibus doctorum hominum mea scripta, atq; excuti cupio: quo deinde ex omniũ iudiciis atq; dictis, quod melius sit, & verius mihi eligatur. Interea quidem (id quod me impetrare æquissimũ est, petere & precari ab omnibus soleo) vt ne quis ex meis scriptis, quoad illa sunt sub alienum iudicium subiecta, quicquã decerpat, in quo se putet quasi consignatam ratamq; habere meæ sententiæ autoritatẽ. Etenim qui se submisit aliorũ iudiciis, nihil adhuc ipse habet decreti & iudicati. Qui verò non expectato idoneo tempore, res etiam nunc dubias, tanquã certas recusant, & in earũ autores inuchuntur (quo à genere hominum & mihi est nonnunquam, & multis sæpe probis negotium facessitum) hi profectò magis malevolentiam suam iudicant, quam alterius innocentia labem & detrimentum afferunt. Sed hæc aduersus aliquos fortasse necessaria: tecum quidem, mi Dionysi, neq; oportuna, neq; apta est oratio: nisi quatenus querelam & dolorem horum temporum conferre cum amico, & communicare iucundum est: quod ego sanè tecum & amanter, & liberè facio. In quo verò & mei optati ac postulati ratio, & tuæ virtutis atq; humanitatis vis tota consistit te obtestor atq; oro, vt legere accuratè meum librum, meq; admonere & docere audacter omnibus de rebus velis: vt quoniam ego & in doctrina, & in benevolentia tua maximam spem repono, id per tuam fidem ac diligentiam consequar, vt ex fontibus scientiæ & eruditionis tuæ, mei tenues riuui vberius irrigentur, tuæq; opera & ope fluant pleniores. Cui ego tuo officio, magnam profectò gratiã, & eam perpetuam debiturum me confiteor. Vale. Carpent. X V I I I. Cal. Aprilis 1541.

X V I.

I A C O B. S A D O L E T V S S. R. E. C A R D.

Dionysio Card. Sancti Marcelli S. P. D.

C O N T R I C I T mihi in te, quod haud scio an nemini, vt cum te luxisset mortuum, repentè nec opinato nuncio tuæ salutis & incolumitatis, ex summo dolore ad summam lætitiã traducerer. Sic enim fuerat ad me scriptum, te contracto in Hetruria morbo, in oppido Luca opinor, grauiter agrotum, delatum Florentiam, post aliquantum temporis diem extremũ tuum obiisse: quæ res animum meum valde perturbabat. Nam cum propter insignem benevolentia, qua te sum complexus, & quæ est cum amicitia nostræ, tum tuis virtutib. debita: tum verò etiã, quòd breui

ten. po-

tempore post meum à vobis digressum, multis ex nostro ordine clarissimis viris, eisdemq; mihi amicissimis & me & Remp. fortuna spoliavit: mihi tua mors cumulum maximum attulisset doloris, nisi meliora Deus de utroq; nostrum constituens, & tibi salutem, nobis quidem peroptatam, reddidisset: & mihi molestiam, ac merorem absterfisset. Cui quidem Deo omnipotenti & immortalis maximas (vti debeo) & meritis gratias ago. Nunc mi Dionysi, quoniam saluus & sospes nobis es restitutus, tuæ erit posthac virtutis & diligentiae, dare operam, eniti, efficere denique vt valetudinem bonam tuearis & custodias: nosque qui te diligimus, lætis de te nunciis quotidie afficias: quod erit nobis abs te omnium rerum gratissimum. Illud quidem arbitror à me peti non oportere, vt conserues memoriam nostri: non enim dubito, quin par mihi in officio & in omni fide benevolentiae esse velis. Tantum te rogo, tibi vt persuadeas, me & percupidum & peramantem esse tui. Vale.

XVII.

I A C. S A D O L E T V S S. R. E. C A R D I N.

Marcello Cernino Cardinali S. P. D.

C R E D O amorem nostrum mutuum non egere testib. Et si enim non admodum magno inter nos usu & familiaritate coniuncti fuimus, propter occupationes quidem vtriusque nostrum, quæ impedimento fuerunt: tamen neq; ego vnquam de tua erga me benevolentia dubitavi, neq; tu potuisti dubitare de mea. Itaq; & cum de te, tuaq; virtute, modestissimisq; moribus, optimum semper iudiciū fecissem, lætatus sum maiorem in modum incremento & amplificatione tuæ dignitatis: & posteaquam in istum locum atq; honorem sublatus es, quo esses erga me animo liquidius etiā cognoui: optimo videlicet atq; amantissimo: quemadmodum & Ludouici Beccadeli, hominis officiosi & prudentis, sepe literæ, & tua in meis meorumq; negotiis opera ac benignitas aliquoties iam declarauit. Quare cum constitutam habeamus inter nos eam amicitiae necessitudinem, quæ ex morum, & studiorum, & (vt opinor) etiam sententiarum similitudine maximè stabilis & sancta existere solet, mutuaque illam & pari inter nos voluntate tueamur: æquum est, vtrumq; nostrum alterius ope atq; consilio, in his quæ usu quotidie veniunt, ita vri, vt eiusdem amicitiae officia non verbis tantum, sed factis etiam & rebus ipsis usurpemus. Ac vt breue faciam, quod abs te postulo, id huiusmodi est. Cum esses anno superiore in Gallia, legisti primū meum de Aedificatione Catholicæ Ecclesiæ librum. Sic enim ad me scripsit Triunphus noster: id fuit mihi nō mediocriter gratū,

verum gratius etiam fuisset, si idem fecisses quod ille, ut me de his, quæ tibi visa essent minus commodè in eo libro à me scripta, admonuisses. Soleo enim ego hoc maximè à doctissimis expectare, ut eorum labore & annotationibus lucubrationes meæ fiant meliores: neq; arbitror alia in re magis elucere officium id, quod amicitiae debeatur, quàm in hac sollicitudine atque cura, quam quis suscipit, quò alterius famæ & existimationi bene sit consultum. Hoc ego à te & tunc desideravi, & nunc expeto: ut tu ingenuo quidem & beneuolo animo, sed tamen audacter libereque reprehendas, quicquid tibi videbitur in meis scriptis esse reprehendendum. Ego enim cum aliorum opiniones & sententias audio, cum mea in manibus iactata scripta, & multorum obiectionibus veluti excussa sunt: tum colligo memetipsc, habeoq; deletum, & quod probabile mihi ac verum visum sit, id sine vlla priuata cupiditate in meas lucubrationes libenter transfero: multoq; facile sententiam, si rectius esse videatur. Veruntamen antequam hoc fiat, diuq; mea scripta sub alienum iudicium subiecta sunt: non arbitror esse rectum, ex meis dictis, si qui fortè in illis error aut non bona ratio sit deprehensa, de me ipso iudicari: qui enim aliorum iudicium expectat, nondum utitur suo. Quare iniqua est eorū ratio, qui scriptorem accusant de iis rebus, quæ ipsi illi qui scripsit, nondum sunt probatae nec ratae. Sed tu non eo de numero es, qui natura ingenua, & liberali doctrina, & singulari temperantia ac bonitate es præditus. Cum igitur mitterem ad urbem secundum mei illius operis librum ad Amplissimos collegas nostros, Contarenum, Polum, Fregosium, Bembum: mandavi meis, ut posteaquam ij legissent, illum ad te deferrent. In quo oro te atq; rogo mi optime Marcelle, ut hanc eius perlegendi operam, siue etiam molestiam, non grauati accipias meæ utilitatis causa: tribuasq; hoc cum amicitiae nostræ, tum humanitati etiam tuæ: ut tuo labore, cura, diligentia, meus liber efficiatur correctior: primum in his, quæ ad integritatem religionis pertinent: quam ego sanctè, atq; piè semper per me esse cultam volo. Deinde, ne mea fortè in scribendo libertas cuiquam molesta esse possit: præsertim eorū, quibus omnia me debere & nunc confiteor, & semper professus sum. Nam quod ego Christiano animo cupiam videre emendatiorem Ecclesiam, quàm ea nunc sit, nunquā certè inficiabor. Quòd verò huius præclari operis gloriam atq; fructū ad eos optarem potissimum peruenire, qui à me summo honore & obseruantia coluntur, Deum immortalem testor, nihil me unquam cupisse ardentius. Et fuerat quidem ab initio egregium susceptum iter, sed postea nescio quo pacto aliquantum de via declinatum est. Nec tamen video, quid ad illam præclaram & sempiternam laudem, firmamentum non nominis solum atque famæ,

famæ, sed posteritatis etiam & generis, horum mortalium & terrenorum bonorum possit comparari. Sed de his satis. Fac mihi Matcelle humanissime ut valeas, nosq; tui amantissimos ut diligas. Vale. Carp. 17. Calend. April. M.D.XLI.

IACOBI SADOLETI S. R. E. CARD. EPISTOLARVM LIBER XIII. Epist. I.

IAC. SADOLETVS S. R. E. CARDIN.

Ioanni Maria Montio S. R. E. Cardinali, S. P. D.



ADVENTVS huc Poli amplissimi collegæ nostri, & magnum mihi dolorem attulit, ut tu quoq; futurum videras, & non minorem etiam voluptatem videre enim hominem amicissimum vtriq; nostrum, summa ipsum virtute, summa temperantia, modestia, sanctitate vitæ præditum, sanctè iucundissimum mihi fuit. Eundem autem videre tot appetitum iniuriis, atq; alienæ impietatis & crudelitatis scelere, in tantas, & tam graues coniectum calamitates, certè nō mediocriter mihi molestum accidit: cum præsertim non amici solum in eo incommoda, sed Christianæ etiam Reip. vulnera, vno & eodem tempore, dolere & miserari cogerer. Atq; ipse quidem, quo animi robore, & qua erga Deum pietate munitus est, ferebat res aduersas fortiter atq; constanter. Ego verò qui nequaquam simili virtute præditus sum, cum me affluctarem in eius acerbis casibus, illo ipso consolatore subleuatus sum, cui me afferre solatiū magis oportebat. Atq; is vnum diem apud me cum fuisset, ita a me discessit, ut præter pristinam meam de illo opinionem, nouam etiam admirationem suæ spectatissimæ virtutis in animo meo relinqueret. Sed quo mea tamen in eius aduentu lætitia foret vberior, tuæ suauissimæ & mihi iucundissimæ literæ fecerunt: quas cum auidè legerem sic familiariter scriptas, ita mihi Deum propitium esse opto, ut omnes meos sensus intimos incredibilis quædam voluptas pertentabat. Videbar enim mihi tecum tunc esse, & in tuo illo familiari vultu requiescere: cuius si mihi præsentis facultatem fortuna tribuerit, crede mihi eos exigam fructus, quos nescio quo pacto olim a me prætermissi sunt, cum tua ista dulcis amabilisq; natura nondum se mihi totam patefecisset. Illud nollem, quod in Epistola tua mihi nimis magnum imponis onus iudicij & testimonij tui. Et si verum audire vis, is mihi visus est in tua simplici, & aperta scribendi comitate, quasi quidam natus interuenire: quod a nostris familiaribus epistolis abesse debet. Nam si de eo, in quo me laudas, respondendum a me tibi sit,

Y 5

nihil

nihil ego video esse in me, quod non idem in te multò sit præstantius. Alia præterea multa tibi egregia adsunt, quæ ego commemoraturus impræsentia non sum nec commissurus, ut à quo te genere scribendi abstinere cupio, in id ipse genus incidam. Quare agamus inter nos, ut cœpimus, cum liberè, tum amantè: ad quod (ut mihi intelligere videor) uterque nostrum natura propensus est, quanquam aguntur à te omnia venustius. Ego meum in Italiam reditum, nisi Pontifex isthuc, aut ad concilium venerit, usque in mensem Septembrem differre cogito. Deque ea re dedi ad summum Pontificem literas. Hic non desino & legere, & scribere: quid effecturus operis sim, nescio: meditor certè præclara. Sed non ut volumus (inquiunt) verum ut quimus. Quicquid egero, utar tuo quoque iudicio. Tu ut valeas mi Monti suavissime atque amplissime, totumque me tibi addictum esse persuasum tibi habeas, amoremque istum tuum erga me mihi perpetuum conserues, te etiam atque etiam rogo. X. Calend. Aprilis, M. D. XXXIX. Carpent.

I I.

I A C O B. S A D O L E T. C A R D I N A L I S

Nicolao Rodulpho Cardinali, S. P. D.

NOLI putare, me, quod ad te adhuc nil scripserim, tui immemorem factum esse: non sic virtus tua nec mea natura postulat. Nostra autem inter nos vetus necessitudo cum summa mea erga te observantia coniuncta, etiam illud exigit, ut colam te cum præsens, tum absens, præcipuo quodam officio & insigni benevolentia: quod facturum semper sum, abs teque vicissim peto, ut quem mihi amorem tuum multis in rebus præstitisti, eundem pro tua præstanti humanitate conserues: meque absentem omnibus rebus, quibus fuerit opus, defendas & tueare. Ego si quid usu venerit, quo tuum patrocinium mihi sit expetendum, confugiam ad te, nisi tibi id molestum futurum sit: non propter naturam quidem, sed propter occupationes tuas. Nam illa semper in te plenissima humanitatis fuit. Occupationes verò efficiunt interdum, ut non sit novis curis & cogitationibus locus. Sed tamen in tuis assiduis studiis, procurationeque Reip. non nihil mihi loci vacare in tuo animo vehementissimè cupio: quo sit mihi receptus ubi ad tuam fidem confugiendum erit: quod potest in dies singulos contingere. Non sum oblitus, nec verò unquam obliuiscar, quibus me officii & benevolentiae significationibus prosecutus fueris, cum proximè Romam veni: quo quidem tempore non prius penè pedem in Urbe, quam in tuis beneficiis posui. Cura enim potissimum ac diligentia tua domum egregiè in-

structam atque ornatam ipso meo in ingressu statim sum nactus. Quæ tua bonitas ac liberalitas altius mihi tum hæsit, quam ut facile sit verbis explicare. Non enim ego is sum qui meum commodum magis, quam ipsius commodi autorem amem. Fontem enim beneficiorum magis specto, quam ipsa beneficia: qui quidem fons amor est. Eundem igitur in me animum tuum si conservaueris, Rodulphe humanissime; gratissimo omnium & optatissimo beneficio me affeceris. Sed ne multis, totum me tibi & tuæ fidei benevolentiaque dedo, atque commendo. Vale Idib. Ianuar. 1539. Carpent.

III.

IAC. SADOLET. S.R.E. CARDIN. NICOLAO Rodulpho Cardinali, S.P.D.

NON obliuione mutua beneuolentia nostra, rarius ad te deliteras, quam forsitan usus veteris nostre coniunctionis postulet: sed pudore quodam id fit potius: quod vereor, ne tuis grauioribus curis intempestius obstrepam. Nam mihi quidē otium est (ut tute scis) absenti a negotiis publicis: si tamen in tantis calamitatibus Reip. otium cuiquam aliquod esse potest. Sed tamen ex alterius voluntate non dependent actiones meæ, quas ipse mihi ad meum arbitrium comparo. Itaque mihi ad scribendum tempus suppeditat, & soleo ego amicos libenter salutare literis. Sed ea (ut dixi) ratione deterreor, quod metuo, ne occupationibus illorum molestus interueniam: tuisque præsertim, qui publicis negotiis priuata etiam tua & domestica addidisti. Non enim tu, ubi a senatu dimissus es, refers te continuo in otium, aut ullam partem temporis desidia & cessationi das: sed Reipub. curas, illa domi præclara artium optimarum studia excipiunt, in quibus ætatem tuam rectè collocandam putasti. Est autem hoc tempore non modò prudens hoc consilium, verum etiam vnicum propemodum & solum salutare: parare sibi quenque domi ad bene beateque viuendum copias. Cum enim videamus quanto labantur in deterius quotidie rationes publicæ, cur non domesticis bonis nos ipsos muniamus? quorum bonorum (ut tu optimè nosti) caput omnium est, cum ceterarum quidem liberalium artium, tum Christianæ imprimis Theologiæ scientia. Quanquam vos quoque arbitror, sub sapientissimo Pontifice aliquid isthuc opis atque auxilii cadenti Reip. esse reperiuros. Equidem qui lætis rebus, & ex sententia fluentibus à strepitibus istius Urbis & curiæ ab honoribus & pompis æquo animo absum: idem si quid durius increpuerit (quod quidem Deus omen in barbaros hostes conuertat) promptissime accurrat: nec tam ut præsens consilio vos iuuet, (istud enim in me exiguum sanè, & parui

parui admodum momenti est) quàm ut pietati meæ erga Rempublicam satisfaciam. Sed ut ad id quod primo proposueram reuertar, cupio maiorem in modum, doctissime humanissimeque Rodulphe, ut me, siue loquentem tecum per literas, siue etiam tacentem, manere tamen semper in eodem amore & obseruantia erga te, tibi planè persuasum habeas. Vale. Carpent. VII. Calend. Decemb. M.D.XLI.

IV.

IAC. SADOLETVS CARDIN. IOANNI SAL-
uiato, Cardin. S.P.D.

NE me fortè putes tui oblitum esse, & quoniam de gloria librum, quem tuo nomine scribendum susceperam, non sum persequutus, in alias me curas & cogitationes remotas a nostræ amicitie memoria aduersum esse: accipe argumentum multò gratius, (ut ego arbitror) & utriusque nostrum personæ accommodatius: quod ego de Extructione catholicæ ecclesiæ exorsus sum, tuoque id nomini dicaui, ut quoquo modo possem, tuis erga me meritis gratiam aliquam referrem. Huius ego operis duos iam libros confeci: sed cum prior liber aliquanto videretur esse limatior, non duxi procrastinandum, quin mitterem eum ad te, ut perspicere primò quoque tempore posses Saluiate amplissime, quam in intimis meis sensibus fortiter inhæreret. Videbantur duo adhuc restare libri, quos ut absoluiam atque perficiam, maxime quidem mihi curæ est. Sed omnino magnitudine rerum impediabatur vis ingenii nostra: etsi animo quidem sumus alacres, sed copiis haud ita firmi. Est autem quòd Deo habeatur a nobis gratia, quod hoc otium, quod oblatum fuit nobis quasi fortuitò, ita fuit expetendum, ut nobis diuina quadam sorte donatum fuisse videatur: quo in hisce curis, & splèdidissimis (ut ego iudico) animi mentisque agitationibus, traducere tempus possemus. Quamquam non desunt in hac quoque licet exigua meæ ecclesiasticæ diocesis procuratione, occasiones honestissimæ, quæ virtutem prudentiamque requirant: quam utinam nos præstare sic possemus, ut ea & sæpe à nobis, & vehementer exquiratur. Sed tamen cum illam animi iucunditatem, quæ ex rectè factis suauissima percipitur, præcipuè nobis propositam habeamus, Deo bonis (ut scribitur) mentibus occurrente: nihil est quod non illius ope & auxilio freti, in nostro munere obeundo, & suscipere posse, & agere confidamus. Quod ad studia bonarum artium pertinet, quando quidem nec mihi in otio consenscendi consilium est, & nihil nunc præstantius propositum est quod agamus, potes existimare, Saluiate, me & diurnis & nocturnis lucubrationibus ac vigiliis,

assiduam operam daturum esse, quo laboranti Christianæ Reip.
si non subsidium per me repugnantibus temporibus, ac subueni-
endi tamen cupiditas, & boni sacerdotis officium præsto esse vi-
deatur. In quo duplicem assequar fructum. Nam & religioni præ-
stabo pietatem quam debeo, & multorum à me insignium præ-
stantiumque virorum, quorum mihi & virtus & dignitas est cor-
di, nomen ac memoria literis mandabitur. Verùm hæc posterius.
Illud te rogo, ut cùm liber satis apud te fuisse videbitur, Romam
postea illum ad Contarenum nostrum remittas: ad quem ego hæc
de te scribo, ut ibi quoque tanti viri gravitate & scientia, & eo-
rum quos ille adhibuerit iudicio, diutius perpendi & omni ex
parte excuti diligenter possit. Quando quidem quæ de religione
scripta sunt, non erratis solum, sed etiam omni vel minima erro-
rum suspicione carere debent. In quo nos libenter doctorum ho-
minum iudicia reprehensionesque subire semper parati sumus.
Tu valebis. Optime Salutate, & nos quod facis diliges. Carpent.
V. Idus Decemb. M.D.XXXIX.

V.

IAC. SADOLETVS CARDINALIS ALE-
xandro Cesarino Card. S.P.D.

NON sum ausus dare ad te antehac quicquam literarum, quòd
cùm res non esset vlla digna quæ scriberetur, inanem sermo-
nem literarum tibi iniucundu fore putavi. Etsi me quidem ad scri-
bendum sæpius stimulabat cùm mea insignis erga te observantia,
simul & benevolentia: tum illud iudicium quod ego de tuis exi-
miis virtutib. præclarum iam pridem feci: posteaquam cognosce-
re cœpi in senatu tuis audiendis notandisque sententiis, quæ tua
esset in Christiana Rep. mens, quam rectus sensus: ut prudens, &
apta consiliis explicandis, ex tuo ore manaret oratio. Verùm, ut
dixi, veritus occupationem & gravitatem tuam, nihil adhuc ad
te scripsi. Nunc cum & magna res mea agatur, (siquidem nihil
mihi ab his populis qui in fide mea sunt, esse disjunctum potest)
& in tua non solum auctoritate & gratia, quam ego permagni fa-
cio, verùm humanitate etiam & bonitate, magnam mihi spem
habeam propositam, ea consequendi, quæ huic provincie salu-
taria esse possint: constitui scribere ad te, & tibi vel imprimis cau-
sam populorum meorum commendare: omni te animi studio de-
precans, ut quanquam mea erga te merita nulla admodum sint,
quæ cuperem equidem permulta esse, quo meum erga te studium
atque animum cognoscere potuisses: tu tamen nobilitate & libe-
ralitate naturæ tuæ adductus, suscipias horum patrociniū po-
pulorum: atque in eis rebus obtinendis, quas ipsi iustas honestas-
que

que petierint, fautorem illis & patronum apud summum Pontificem præbeas. In quo non mihi solùm rem gratissimam feceris: hancque tibi gentem in perpetuum obligaris: sed consules etiam officio & dignitati tuæ. Nam & nobilitatis est, plurimos homines beneficiis comprehendere: & horum populorum in istam sanctam apostolicam sedem ea est fides, tam insignis constansque obedientia, ut non videam qui illis in hoc genere virtutis & fidelitatis pares habendi sint. Itaque quicquid illis datur, id sedi apostolicæ & ecclesiasticæ autoritati datur. Quapropter eorum etiam atque etiam fidei, benignitati sapientiæque commendando. Quid postulent, & quas querimonias deferant, ipsi te per legatum & suarum rerum actorem edocebunt. Nec tamen graviore malo premuntur, quàm Iudeorum, qui, incredibile est, quantis & quàm variis hanc totam provinciam damnis iniuriisque afficiant. Quos ita ferre, vel ita fouere potius, non solùm his plebibus perniciosum est: sed nomini etiam nostro apud transalpinas nationes turpe. Verùm tu hæc melius pro tua summa prudentia considerabis. Ego pro officio meo, & quòd hos populos verè paterna charitate complector, tantum capio de commodis & rebus eorum omnibus curam, ut maiorem certè de meis capere non possim. Quo etiam maius tuum erga me hoc beneficium futurum est, quàm si pro meo ipso aliquid laborasses: cùm horum hominum susceperis defensionem, quorùm mihi salus & tranquillitas in intimo corde penitus infixæ est. De hac eadem re dedi ad sacrum collegium nostrum literas: quas tecum iussi antea communicari, ut cum iudicasses reddendas, tum redderentur. Vale amplissime Cæsarine, & mei absentis tibiq; deditissimi, res (ut præcipuè decet nobilitatem) tibi habe commendatas. Iterum & sæpius Vale. Carpent. Pridie Non. Octob. M.D.XXXIX.

VI.

IACOB. SADOLET. CARDIN. ALEXANDRO Cæsarino Card. S.P.D.

QUA virtute, qua autoritate & constantia, causam horum populorum in Vrbe tutatus esses, fuerat mihi quidem à meis scriptum, inprimisq; à Carolo Gualteruccio, qui & mihi amicissimus est, & tuæ amplitudinis (ut multis ex rebus cognoui) studiosissimus. Sed nouissimè legatus provinciae huc reuersus, aperitius omnia & certius explanauit: idemque demonstrauit Cuius suis, quòd vetera iura & beneficia Romanorum Pontificum, quæ huic nationi, pro singulari eius erga istam sanctam sedem fide, & obedientia sæpius concessa, tributaque sunt, noua Pontificis approbatione firmata fuerint: tua id potissimum autorita-

te &

te & gratia fuisse effectum. Quam legati orationem commemorationemque maximi abs te accepti beneficii, summa ab his populis laus & summa beneuolentia consecuta est. Itaque nomen hic tuum in magna nunc gratia & gloria est. Nos autem cogitabamus, ut primum esset messis facta, conuocare totius prouinciæ consilium, facereque omnes, earum rerum, quæ in Vrbe essent gesta, participes. Quod cum fiet, si bene ego horum hominum animos perspectos habeo, non commissuros puto, ut in ingratos tantum tuum donum collatum esse videatur. Nec tamen ultra progredientur, quam ut de fructibus prouinciæ aliquid in istam Urbem mittant, quod patronis & defensoribus suis optimum suum animum possint declarare. Sed hæc quæ alienæ potestatis sunt, parcius a me sunt prædicanda. Quod autem propriè ad me ipsum pertinet, cum intelligam, te in hoc patrocinio populis meis præstando, magnam honoris mei habuisse rationem: & ad tuam præstantem beneficamque naturam aliquid momenti & ponderis addidisse eam beneuolentiam qua me prosequeris: vellem equidem, sed non inuenio apta verba, quibus tibi agam meritas gratias. Sed tamen quas oratione exponere non possum, ut tibi aliquando rebus ipsis referam, omni amore, fide, studio, diligentiaque curabo. Quapropter hoc officium in tempus aliud magis commodum reiiciamus. Ego, quod semper maximo opere optavi, posteaquam sum tua bonitate consecutus, ut in fidem tuam clientelamque reciperer: te rogo atque oro Cæsarine præstantissime, ut eodem erga me animo esse perseveres. Principia mei absentis tuendi, atque fouendi, à tua nunc libera voluntate profecta sunt: fuerunt enim tota humanitatis & liberalitatis tuæ. Nunc legem tibi ipse benignitatis constantiaque tulisti: qua quidem lege summi viri, & nobiles, & magnitudine animi præcellentes, libenter astringi solent. Quorum tu similis & par, etiam hoc genere virtutis atque officii nemini futurus es secundus: ut qui se tibi semel addixerunt, eos tu semper tua gratia auctoritateque protegas. Ego quæ meæ erunt partes, operam assidue dabo, ut neque de tua erga me beneuolentia, neque de mea in te obseruantia rubore vnquam vlllo afficiare. Vale. Carpenteror. Prid. Non. Iulij, 1540.

VII.

IAC. SADOLETVS S. R. E. CARD. IACQ-

bo Symoneta Cardinali, S. P. D.

ACCIPILITERAS tuas, datas XVIII. Calen. Septemb. cum tu Vincentiæ id temporis esses: quibus summa cum mea voluptate, non semel, neque bis, sed sepius lectis, in mentem mihi venit cogitare.

gitare, quid tu tibi tandem appetens, cum multarum iam scientiarum gloria laudeque floreris, nostras etiam artes nobis ereptum veneris: in quibus nos, qui etatem in illis consumpsimus, cedamus iam necesse est tuorum scriptorum vbertati & elegantiae. Ita enim scriptae literae tuae grauiter, ita ornate, ita copiose sunt: ut non quae in iuriconsulto, sed quae in summo requiritur oratore copia facultasque dicendi, ea in te omnis insit. Sed profecto verum est quod dicitur, qui egregio ingenio sit praeditus, cum ad omnes artes, omnia disciplinarum genera, facilem aditum introitumque habere. Quod tibi doctissime Symoneta contigit: qui cum inter iureconsultos nostrae aetatis habere omnium iudicio consultissimus: non contentus vna laude, ut ceteris quoque in literis ingenuis & liberalibus eminere, studio tibi omni esse elaborandum putasti. Verum mittamus haec quae satis sibi ipsa perhibent testimonium, meo ut testimonio nihil indigeant. Ad illam tuam eximiam praestantemque humanitatem conuertor. Tantum ne, quaeso, amor tuo erga me indulgere potuisti, ut eis me laudibus afficeret, quae longe iustius conueniunt in te, quam in ipsum me? Etsi ego quidem illa legens, quae tu mihi in tuis literis tribuis, gaudio quodam afficiebar penè singulari. Non ea quidem in me cognoscens, sed de tua in me tam insigni beneuolentia mihi ipse gratulans. Quanquam eo quidem me esse animo non inficior erga Remp. quo tu praedicas. Sed multa nimirum me deficiunt, ut illi possim & utilitati esse, & ornamento, quae ego a te petam, cum usus fuerit: teque ducem mihi & autorem rectorum consiliorum tam in ipso senatu, quam in ceteris rebus propositum habebo. De oratione mea sic volo te existimare monita mihi omnia valde tua placuisse. sed accidit casus sane mihi molestus: ut in ipso motu rerum, cum Roma migrandum nobis esset, iterque Nicæam versus ingrediendum, schedula illa deperierit, in qua annotationes tuae perscriptae erant, cum saluas tamen literas tuas mecum extulissem. Quare postea orationem meam relegens, quantum consequi memoria potui, correxi ea omnia quae tu minus probaras. Si quid fortè a me tum obliuione praetermissum est, si quando edenda erit oratio, iterum ad te meam lucubratiunculam mittam, ut de integro abs te corrigatur. Eius ego orationis vnum tantum exemplum adhuc in Germaniam misi, ad Georgium Ducem Saxoniae: sapientem & pium Principem: nullo meo inscripto nomine, magno opere rogans, ut ea contineatur domi, quoad is de suo ad me omni iudicio perscripserit. Alterum cogitabam Patavium mittere ad meos familiares doctissimos homines: sine titulo tamen, & sine inscriptione: ut (qui meus est mos) amicorum iudiciis mea scripta submitterem. Sed de his quoque satis. Te Romanum incolumem peruenisse, nondum quidem mihi erat audi-

tum:

tum: sed tamen confidebam, te iam venisse: itineris tui rationem dierum mecum ipse supputans, quomodo ea a te in literis tuis scripta est. Sum tamen in aliqua animi solitudine, & cura: quoad certò cognouerò, ubi sis, & num rectè valeas: quod mihi profectò maximè (ut debet) curæ est. Ego in his locis hyemem hanc commorabor, cum sponte mea, tum tuo etiam amantissimo consilio adductus. Sed cum Farnesius summi Pontificis verbis atque iussu, me per literas euocarit, ad quas ego me excusans respondi: te vehementer rogo, ut causam meam apud Pontificem agas, meamque hic mansionem tranquillam & liberam, ad diem usque concilii, tua mihi autoritate præstes & tueare. Vale. Carpentoracæ, VI. Cal. Nouemb. M.D.XXXVIII.

VIII.

IACOB. SADOLET. S.R.E. CARD. IACO-
bo Simoneta Card. S.P.D.

IVCUNDISSIMÆ mihi literæ tuæ. Iucundissimè solùm? immò etiam salutaris. Quodd enim te saluum mihi & sospitem nuntiarunt, per eas mihi quoque incolumitas est restituta: de qua re, & tibi gratulor, & mihi gaudeo: Deumque supplex oro, ut te in optimo statu diutissimè valere iubeat. In iis quodd tuam mihi opem & benevolentiam paratam semper ostendis, iamdiu est cum ego ita iudico, neminem me habere neque amicum nec patronum, ad quem fidentius omni meo in negotio, quàm ad te ipsum confugere possim. Quanquam facis tu quidem secus, quàm ceteri omnes. Alii enim prius pollicentur, quam quicquam præstant: tua beneficia liberalisq; natura bene mereri antè incipit, deinde etiam verbis benignitatis officia prosequitur. Sed hæc & mihi aliàs dicta sunt, & suis dicentur locis. Curam quam adhibes in conualescendo, laudo atque probo, teq; vehementer horro, ut nullum tibi studium sit salute tua potius: quæ ipsa quoque nobis tui amantissimis communis tecum est: & in ea tamen est fons studiorum officiorumque omnium. Signandorum libellorum ius, dandorumq; iudiciorum, quodd ultro tibi à Pontifice Maximo delatum sit, non ego miro in hoc factum optimi Pontificis: cui ita facere, si suæ sapientiæ constare voluit, fuit necessè. Quis enim te peritior in eo munere sustinendo? quis iustior? quis iuriconsultior? Nec tuo commodo gaudeo, res enim plena est solitudinis & laboris: sed communi hominum utilitati & commoditati gratulor. Ad eum enim hominem ea collata est potestas, qui & sciat, & velit ius unicuique suum tribuere. Quare tu quidem eadem & integritate, & prudentia hoc munus tractabis qua cetera solitus es. Sed mihi accidit peropportunè, ut quod

facturus fueram omnino, nunc propensius faciam: quando & pro amicitia, & pro æquitatis patrocinio, quod tibi cum semper antea, tum nunc maximè susceptum est, (siquidem factus es magister æquitatis, qui eras antea fautor) confido fore, ut me hi abs te populi facilius & melius, quæcunque equa postularint, consequantur. Quos notum tibi esse arbitror, quanta benevolentia, & quo amoris studio, iam inde ab initio, cum Dei voluntate meæ fidei & curæ concrediti fuerunt, amplexus sim: verè ut parentum in liberos charitati mea in illos benevolentia non cedat. Hiergo nonnullis incommodis publicè oppressi, maximeq; iniquitate & perfidia vexati Iudæorum: quos nimium multis istinc honoribus, privilegiisq; insolentes, eorum calida crudelisq; auaritia huic hominum generi perniciosos reddit: mittunt legatum ad urbem, à summoque Pontifice, & à sede apostolica remedia suis sanandis vulneribus querunt. Quos ego tibi quibus verbis commendem, nescio: cum illud te scire velim, multò plus, in eos si beneficia tua contuleris & si eorum causas ut cognoscas & defendas fueris adductus, quàm si in me ipsum eadem contulisses, me tibi deuinctum, obligatumq; futurum: quanquam fortasse non est novæ iam in me obligationi locus. Sed tamen sic habeto. Ex omnibus tuis in me meritis, quæ plurima sunt, hoc me vel imprimis magnum existimaturum. De rebus suis ipsi te edocebunt, neque ita manente, tua imprimis ope auxilioque nitentur. Eos ego tuæ iustitiæ fideique commendo. Dedi etiam ad sacrum collegium nostrum super hac re literas: quas tu leges & perpendes, & tuo omnia arbitrio sapientiaque moderabere. Polus amplissimus vir, certe incredibili quadam virtute animi & sanctitate vitæ præstans, totus tibi deditus est, plurimamque tibi reddit salutem. Is in viam se daturus est hodie, aut cras, ut proficiscatur ad vos: cuius ego abeuntis desiderium non sine magna molestia perferam. Vale, & me, quod facis, dilige. Carpentoraeti, V. Calend. Octob. M. D. XXXIX.

IX.

IACOB. SADOLET. S. R. E. CARDINAL.

Francisco Turnonio Cardinali, S. P. D.

PRIMUM tibi ago maximas (vbi debeo) gratias, quòd tua opera & autoritate est factum, ut nos hic qui hybernis militum gravissimè pressi eramus, Regis clementia & benignitate leuaremur. Quod tuum in meos hosce populos beneficium hoc mihi accidit gratius, quàm si in me ipsum propriè collatū fuisset, quòd plus apud me ratio officii valet, quàm commodi. Certè enim nihil est homini optandum, quod ego malim meum esse, quàm eorū qui
me

meritæ fidei & custodiæ ab ipso Deo crediti & commendati sunt. Sed grati animi nostri erga te declarandi alius dabitur locus. Nunc instat occasio ut eandem tuam humanitatem requiram, quam erga me propensam sæpe iam expertus sum. Albertus Pighius, cuius tibi quoque nomen propter virtutis & doctrinæ excellentiam, auditum esse arbitror, istuc venit, aditurus Regem aliquot de causis. Hunc ego tuæ fidei humanitatiq; diligentissimè commendo. Amo enim hominem, idq; maiorem in modum. Nec solum amo, verum etiam admiro. Facile enim intelligo, idque audacter non dubito confirmare, eorum qui ex cæteris nationibus doctrinæ & literarum nomine ad cognitionem meam pervenerint, neminem neq; doctiorem, neq; variis scientiis instructiorem atque ornatorem, quàm hunc, mihi notum fuisse. Accedit, quodd Theologiæ scientiam, qua mirabiliter est præditus, ad eos usus converterit, qui maximè sancti & salutares populo Christiano sint. Semper enim fidem catholicam, & ecclesiam Romanam nostram acriter & inuicta propugnatione, plurib; egregiis voluminibus editis est tutatus: ut hoc quidem nomine noster illi ordo plurimum debeat. Quocirca cum ita se habeat res, tuæque in huiusmodi homines propensa semper & benefica extiterit voluntas: oro te amplissime Turnoni, & omnibus precibus rogo, ut hominem in fidem & patrocinium tuum receptum, tua apud Regem gratia, quæ maxima est, foveas & tucare: atq; ad eam benignitatem, quam tua sponte illi esses præstiturus, aliquid quoque præterea mea causa addas, quo mihi facere nihil gratius potes. Illud tibi confirmo, si hominem hunc humanitate tua & liberalitate fueris complexus: maximam gratiam ab omnibus iis, qui vbiq; terrarum optimis artibus dediti sunt, initurum te esse. Vale. Carpentoracti, Idib. Nouemb. M.D.XLI.

X.

IAC. SADOLETVS S.R.E. CARDIN. AM-
brofio Catharino Polito, S.P.D.

NON potui perferre diutius desiderium tui, quin sciscitares: ex te per literas, quid ageres rerum, quomodoque valeres: quod tamen æquius fuerat me cognoscere ex tuis literis: tuæque in illis erga me benevolentia habere testimonium: nec tamen puto me totum tibi ex animo affluxisse. Etsi enim habes patronum eiusmodi, præ cuius ingenio, virtute, elegantia, nos tibi fortè sordere videamur: tamen ut ille præstantia & gravitate dignitatis suæ superbum te aduersum nos reddere potuit: sic humanitate idem & comitate, qua singulari est præditus, docere te debuit, non esse absentium amicorum memoriam deponendam. Sed

iam serio, mi Catharine: cupio vehementer audire quid agas. In studiis te esse arbitror: quod enim iam aliud tibi est negotium? Veruntamen si mihi aliquando indicasses, quæ tibi opera nunc sint in manibus, valde mihi rem gratam mediusfidius fecisses. Ego hîc quanquam familiaribus curis grauiter implicatus, quod multa necesse habeo extricare, quæ antea contraxi: tamen scribendi & elucubrândi curam non desero: volumenque contexo, quod si Deo bene iuuante ex sententia processerit, nonnihil certe arbitrabor esse actum. Habeo autem propositum argumentum, vt tu scias, de ordinib. & constructione catholicæ ecclesiæ: reliqua iam tu nosti. Magna res est, meisque viribus longe superior: sed tamen quoniam semel suscepta est, non est per ignauiam abiicienda. In tanta re vtar ope & consilio tuo cum opus fuerit. Nunc velui te fieri participem consilii mei, vt videres & animaduerteres, me ne in otio quidem otiosum esse posse. Otium porro est vbi Roma non est. Sed hæc hætenus. Tu vt me diligas, quemadmodum quidem soles, valetudinemque tuam diligenter tucare, à te etiam atque etiam peto. Vale. Carpent. V. Idib. Decembris. M.D.XXXVIII.

XI.

IACOB. SADOLET. S.R.E. CARDIN. AM-
brofio Catharino Polito, S.P.D.

MAXIMA mea cum voluptate eum accepi librum, quem ad me de peccato originis misisti: in quo vt inscriptiones tituli que indicant, sunt & alia præclara multa. Sed huius loci planè cognoscendi summa quidem cupiditate sum affectus. Itaque quanquam solennibus occupatisque diebus (hodie enim dominicæ mortis memoria recolitur) tamen cum hæc pauca scriberem ad te ante lucem, iam bonam partem disputationis tuæ, non tam legeram quidem, quam eram helluatus. Tantam titulus ipse in me legendi cupiditatem excitarat, cum tuam præsertim lucubrationem scriptoris autoritas & doctrina mihi magnopere commendaret: & sanè omnia mirabiliter placebant. Sed ego ad aliam accuratiorem & attentiolem lectionem me referuo. Quod tamen hætenus perlectum mihi est, & subtiliter & perdocte mihi videtur scriptum. Tu quod facis, vt perpetuò facere possis, Deum immortalem quaeso, vt te diu nobis incolumem conseruet: multa enim profectò tuo isto singulari ingenio, quæ in obscuritate diu iacuerunt, poterunt illustrari. Vale.
& nos dilige. Carp. XXV. Apr.

XII.

IAC. SADOLET. S. R. E. CARDIN.

Ambrosio Catharino Polito. S. P. D.

ACCEPI literas tuas plenissimas amoris: quibus à me petis, ut de tuo libro, quem de originali peccato edidisti, & quem penè totum maxima mea cum voluptate, impeditisimis diebus illis, me quasi deuorasse ad te scripseram, proferam tandem quid sentiam & sensum meum tibi explicem. Addisque humanissimè, si quid insit, quod minus mihi placeat, te mihi aut ratione, aut emendatione satisfacturum. In quo agnosco equidem æquitatem & facilitatem tuam. Sed non est de hoc controuersia, quid mihi in tuis scriptis placeat, aut secus: cùm omnia mihi tua perplaceant, siue ingenium in illis, siue in dicendo lepos & copia, siue ipsa rerum, quas tractas, enodatio subtilitasque pendatur. Illud est, quod tibi à me indicandum esse puto, cùm perlegissem librum tuum, visum quidem mihi esse, tuam opinionem, & sententiam refelli, reiciique non posse: tanta est vis in argumentis, tantus & tam inter se aptus rationum contextus, tantum acuminis & probabilitatis in dicendo. Sed ut solent qui victi sunt, habere quidem constrictum corpus, & ad eius nutum necessariò paratum qui eos constrinxerit: quosdam tamen motus inchoatos & imperfectos ejusdem corporis sibi retinere, quibus frustra & inaniter nitantur: sic mihi, cùm mea mens & cogitatio tuis argumentis capta & colligata esset, restabat tamen adhuc in animo nescio quid dubitationis & scrupuli. Itaque cum tuum librum bis iam legissem, ad tertiam ejusdem lectionem me parabam: quòd tibi postea liquidius totum animi mei sensum cogitarumque exponerem. Sed scito hac mutatione rerum, quæ incidit in his locis, Legato superiore vita functo, nouoque suffecto, tantum mihi laboris & negotij contractum esse, ut non modò legendi, aut scribendi, sed ne consistendi quidem vllò certo in loco fuerit potestas. Cogor enim homo omnium quietissimus, meorum interdum populorum causa, hoc est, eorum qui meæ fidei & curæ crediti sunt, non mediocreis arumnas & sollicitudines capere. Quòd si aut mihi dabitur otium, aut tu fortè aliquando in has regiones te contuleris, aut scriptis inter uos, aut coràm communicabimus ea quæ de hoc ipso originali peccato, vel dubitanda nobis, vel comprobanda videbuntur. Nunc tibi hoc significo & nuntio: nec tuo mihi libello doctius aut ingeniosius quicquam, nec eo argumento quod tractas difficilius uideri posse: & superesse tamen adhuc quiddam, quod mihi à te cupiam diligentius explicari. Nam speculo illo tuo hereticorum (tertium enim li-

brum de vera iustificatione nondum legi, eisdem, de quibus dixi angoribus animi impeditus) possum tibi confirmare, nihil me vnquam nec eruditius legisse, nec quod cum singulari eximia-
que doctrina, plus etiam prudentiæ & veræ religionis coniunctum habeat. Vale, & nos dilige. XIII. Calend. Iunij, M.D. XLI. Carpentoraci.

XIII.

I A C. S A D O L. S. R. E. C A R D. A M-
brofio Catharino Polito, S. P. D.

V T primum otium & tempus scribendi nactus sum, duxi esse rescribendum eis literis, quas ego abs te superioribus diebus mihi iucundissimas accepi. Atque eo magis duxi, quod cum legissem iterum tuum de perfecta iustificatione librum: atque eodem ferme tempore binæ ad me ab Vrbe essent allatæ schedæ, in quibus erant perscripta capita, de quibus in conuentu Ratisbonensi inter Theologos nostros & aduersarios conuenisse dicebatur: facile intellexi tuam sententiam ab illiusmodi concordia discrepare. Qua in re mea semper opinio tuæ rationi, quæ in scriptis tuis sese ostendit, suffragata est. Nunquam enim mihi persuaderi potuit, fidem solam per se sine operibus bonis ad adipiscendum regnum Dei idoneam censi debere. Tu videlicet & doctius & explicatius ista disceptas. Sed mihi tecum eadem rei summa est, vt iudicem, ad veram iustificationem fidem cum operibus coniunctam esse oportere. Et scripseram quidem ipse quoque ad Urbem quid mihi sentiendum in hac causa esse videbatur: cuius meæ pagellæ misissem ad te exemplum, ni omnia in tuo libro multò diligentius enodata declarataq; reperissem: qui liber mihi mirifice probatus est. Misi autem earum exempla pagellarum, quæ ad me ex Vrbe perlatae sunt: vt videres, & animaduerteres, cequid ea concordia Christianæ rei utilis & salutaris haberi deberet. Verum tu hæc considerabis diligentius. Ego tuam de providentia & prædestinatione lucubrationem summopere expecto: spero enim hausturum me inde nitidissimas aquas, quibus mea diuturna sis, & illarum rerum aviditas cognoscendi, summa mea cum voluptate aliquando expleatur. Tu, quæso, da operam, vt illam primo quoq; tempore accipiamus: quod facile tibi erit factum, propterea quod inter bibliopolas Lugdunenses & Parisienses frequens est harum rerum commercium. Ego vt scripsi ad te antea, à literis aliquandiu feriatu fui, & nunc æstiuis caloribus impedior, quo minus (quemadmodum vellem) ad earum consuetudinem me referam: quod tamē paulò post videor esse facturus. Tu quod Lugduni commorari annū hunc statueris, mihi valde gratum:

ram: spei enim non nihil habeo fore ut interdum nos (quod commo-
modo tuo facere possis) inuisas. Illud me pupugit in extrema tua
epistola, quod optimum & coniunctissimum collegam meum
Nicolaum Gaddum, laborare febricula scripsisti: quo nihil mihi
potuit accidere molestius. Incredibile est, quâti ego illum, quan-
ti summam illius humanitatem, mitissimos mores, imprimisque
notam mihi & perspectam erga me beneuolentiam faciam. Qua-
propter si me amas, uise cum quamprimùm meo nomine, meis-
que uerbis amantissimè saluta: & horrare etiam atque etiam ut
omnem euram & diligentiam ad conualescendum adhibeat. Abs-
te autem peto, quâsoque ut primo quoque tempore facias cer-
tiorum. Vale. Ex suburbano nostro Carpentoraetensi.

XIV.

IAC. SADOLET. S. R. E. CARDIN.

Hermanno Archiepisc. Colonienfi, S. P. D.

CUM legissem commentarios, quos tu de concilio episcopo-
rum prouinciæ tuæ, more maiorum per te habito actoque,
de corrigendis moribus sacerdotum, deque ecclesiæ sacramentis
cruditissimè scriptos, in lucem edidisti: equidem commotus ad-
miratione tui præstantissimi consilij, eiusque actionis, qua nulla
maior hoc tempore, nec Christianæ Reip. utilior suscipi potuit:
auxi maiorem in modum beneuolentiam erga te meam, quam
aliquor de causis conceptam antea habebam: teque & magnum
virum & optimū antistitem, omniq; honore ab omnibus dignis-
simum iudicaui. Non enim solum tu primus aliquot iam seculo-
rum spatio eam ad ritè & sanctè gerendum sacerdotium tuum,
uiam tibi aperuisti, quæ antea ob diuturnam desuetudinem, tan-
quam impeditissimis stirpibus penitus erat obsepta: sed etiam
cæteris exemplum illustre præbuiisti, ut te imitarentur, si qui uel-
lent, & si quorum in cordibus pietas & religio Christiana locum
aliquem haberet. Nec tamen omnibus hoc liberum forlasse, nec
par atque eadem cunctorum conditio est. Vidi enim ego, cum in
Urbe essem, & cum in senatu nostro hæc de communi omnium
Episcoporum concilio habendo, causa ageretur: multa reuera
ostendi impedimenta, quæ Pontificis Maximi studium retarda-
rent. Sed tamen ego & tunc ita sensi, & nunc sentio, aut una hac
ratione concilij ritè congregandi, subueniri posse his tot incom-
modis quotidianisq; detrimentis, quib. urgetur & ad interitū agi-
tur Christiana Respub. aut si hoc remedium non sit profuturum,
nullo alio hominū consilio à peste summi exitij Remp. posse pro-
hiberi. Non enim si conciliū castè legitimeq; habitū non prode-
rit, alia erit expectanda medicina quæ opè ferat. Sed illud certè ab

omnibus nobis existimandum, Deum inensum delictis nostris, repositentemq; à nobis scelerum & peccatorum pœnas, quæ ipse ad summum intelligat esse perducta, supremum iam decretum de interitu nostro fecisse. Quapropter occurrere illius iracundiæ nos oportet, & precibus atque operibus quæ à vera humilitate in nobis, vera religione, vera pœnitentia veterum malefactorum, nouaque insequentis vitæ integritate & iustitia proficiantur, anteuertere vindicantis seueritatem, cuius lenitatem tolerantis tamdiu despeximus. Hoc enim si egerimus, & confugerimus ad ipsius misericordiam, gemitusque eos ediderimus, quos acer peccati dolor à nobis expresserit: flectetur ipse, & vt bonus est infirmè, ac misericors, conuertetur ab ira sua, simulac nos conuersos à peccato senserit. Quo nobis reconciliato atque placato, cessabunt continuò ista quæ nos domi forisque perturbant, non solum hostilis arma crudelitatis, sed etiam venena domesticæ perfidiæ. Verùm hæc reconciliatio nullo alio prorsus pacto vniuersa & integra commodè fieri potest, nisi generalis concilij quodam quasi feriendo fœdere sanciat. Nam si vniuscuiusque arbitrio (id quod ferè nunc fit) suæ vitæ correctio permittatur: primum, haud ita multi sunt, qui sua sponte moueantur ad piè religioseque viuendum. Deinde, quàm multos esse existimamus, qui iter rectum nesciant: quàm multos, qui in hoc vitiorum regno, quæ nostra hac ætate plurimum pollent vigentque multa sibi arbitrentur licere, quæ tamen improbanda & reprehendenda sint. De quibus etsi possunt à sacris literis, & earum gnaris ac peritis doctoribus admoneri: tamen in hoc penè communi generis humani ad vitia consensu, obstrepit bonis & veris admonitionibus mala consuetudo, magisq; plerique mores suos ex prauis eorum qui præsunt moribus, quam ex eorundem proba oratione effingunt: cum præsertim seuera lex nulla sit, quæ homines à delinquendo coërceat. Quamquam non desunt quidem leges seueræ, & graues: sed earum fidi custodes profectò desunt, defueruntque iamdiu: ita vt non prauis solum, & vitia ipsa consultò sectantibus: sed etiam cæteris, quos bona disciplina fortasse, si esset adhibita, efficere bonos potuisset, ampla præbita sit occasio, vel illecebra potius, corruptè, inquinatæque viuendi. Quibus omnibus damnis & detrimentis, diuinæque vnâ aduersum nos iræ mitteretur sine vlla dubitatione Concilium, quod & ritè indictum esset, & ex fide bona ageretur, si in id non solum à Rom. Pontifice, & à nobis, verùm etiam à reliquis Christianis principibus conueniretur. Quod enim publicæ utilitatis causa comparatum est, omnium debet assensu & comprobatione firmari, præsertimque eorum, qui opibus & potentia antecellunt, quorum cæteros possit autoritas permouere. Tale igitur si haberetur, celebrare-

turque concilium, non dubium est, quin aspirante bene coeptis rebus Deo, hominum studiis consentientibus, misera & infelici presentis nostri status conditione demonstrata, facilis esset & parata in Christiano nomine malorum morum emendatio: quod & veteres leges sanctæ & salutare de integro sancirentur, & nouæ promulgarentur: maliq; pœnarum & ignominiarum metu, ceteri exemplis doctrinaque sacerdotum ad veræ pietatis & religionis erga Deum officia redigerentur: totaq; consentiente in laudem Dei, & in correctionem Christiani populi catholica ecclesia, ex multis personis, ut est ab Apostolo Paulo dictum, multiplices preces & gratiæ referrentur ad summum Deum. Quod si hoc modo coire fortasse Concilium non possit (video enim tempora, video difficultates) multum sit omnino de spe nostra detractum. Sed tamen si qua reliqua ratio iniri queat, non tam confirmandæ nostræ quidem nec stabiliendæ, quam ad tempus aliquod sustentandæ salutis: ea mihi in isto potissimum concilio videtur esse posita, cuius tu initium in tua prouincia fecisti, remque omnium pulcherrimam & Deo acceptissimam es auspicatus. Sic enim statuo, post Christi Dei nostri aduentum ad nos, missio-remq; ab eo Apostolorum ad exterarum gentes, nulla magis re creuisse, amplificatamq; esse Christianam & religionem & Rempublicam quam his prouincialibus Episcoporum conuentibus, qui per nationes & prouincias anniuersarij fiebant. Qui mos iam pridem vnâ cum plurimis aliis optimis & probatissimis, penitus extinctus, magis desiderare nos cogit verusta tempora, quam hodiernis confidere. Hunc igitur sanctissimum omnium & præclarissimum more, quod tu in lucem & vsum reuocare conatus es, tuæq; virtutis & religionis exemplo, tanquam quodam altè sublato lumine, aut ostendisti, aut certè in singulos dies es ostensurus, qui sint in Christiano sacerdotio Archiepiscopi aut primates illo honore & loco digni, & qui secus: verè tibi dicam, Hermanne optime, & sapientissime nulla mihi laus videtur cum tuo isto facto posse comparari. Et si non his quidem rebus & actionibus laus hominum quaeritur, sed ad Deum sunt directæ huiusmodi consilia: qui vnus nostra merces, nostrum præmium est: & cuius in sancto nomine quæ geruntur, ea sola & recta & gloriosa sunt. Cuius quidem Dei immortalis & omnipotentis remunerationi atq; iudicio quoniam sunt bona hominum opera referuata, æquum est, ut nos hic de illis parcius commemoremus. Venio nunc ad sacramentorum librum, quod tu Enchiridion appellas, cuius sum lectione incredibiliter delectatus. omnia enim quæ pro Dei causa, & catholice fidei ac religionis propugnatione, aduersus illius inimicos & obrectatores afferri possunt, sunt a te in eo libro accuratissime collecta: talibusque explicata cum verbis, tum sen-

rentijs, vt cum summa rerum in illis diuinarum cognitione, sedatus planè animus, & in docendo redarguendoque singularis modestia coniuncta appareat. Quæ scribendi ratio verè Christiana est. Non enim tantum in verbis pietas, sed etiam in moribus multò magis requiritur: in quibus verior quoque Christi est imitatio: cui cum malediceretur, ipse nemini contra maledicebat. Proinde sit hæc aliorum propria insolentia clamare, maledicere, conuitia iacere, & inuehi petulanter: atq; vtinam ne sit quidem: à cunctisq; potius & animi æquitas, & studium amplectendæ veritatis adhibeatur. Nos sanè mansuetudinē & Christianam charitatem teneamus, quæ à te mirificè in tuo libro retenta est. Itaque mihi non solum admirari & laudare doctrinam tuam, sed etiam morem diligere necesse est. Es enim tu, quod hoc tempore rarum est, non solum scientia, sed etiam vita Christianus: quam nobis imaginem præstantis & virtutis & eruditionis tuæ, tua scripta repræsentant. Atque hæc hæctenus. Vnum tantum in tuo libro est, quod ego desiderarim, quodque mihi percontatione dignum visum sit. Sum enim tacitus mecum nonnihil admiratus, quod tu capite eo libri tui, in quo de sacramento pœnitentiæ verba facis: vbi ad tertium illius membrum, quod satisfactio est, venitur, nullam prorsus in eo mentionem purgatorij facias, cum & hoc maximè locus ille requirere videatur, & nos cum Catholica Ecclesia vnà teneamus, illa satisfactionis opera non tam ad declinandas temporarias pœnas, quas in hac vita à nobis pro peccatis nostris Dei seueritas reposeit, quàm ad leuandas illas & mitigandas, quæ in altera vita nobis purgandis proponuntur, vim habere. Nisi hoc fortasse tu eodem modo intelligis, in pœnasq; temporarias etiam eas includis, quæ subeuntur in purgatorio igne. Est enim temporarium, quicquid non est æternum. Veruntamen (vt mihi videtur) oportuit in eo loco aliquam purgatorij fieri mentionem: ne aduersariis in hac re fidem Catholicæ Ecclesiæ impugnantibus, quasi quodam silentio victoria traderetur: qui iniuste certè & sine ratione insimulant Ecclesiam. Nam si remissa nobis culpa à misericorde Deo, pœna tamen aliqua restat, quæ soluenda sit, vt tu quoq; piè religiosèq; confirmas: non potest huiusmodi pœna ex his tantum huius vitæ temporalibus incommodis censeri. Primum quia hæc incommoda Christianis hominibus non semper mala sunt, sed habent plerumq; virtutis in se & patientiæ exercitationem: vt sæpe à Paulo repetitum legimus, sæpiusque bonis inferuntur à Deo, quàm malis. Siquidem oportet Christi sectatores multa in hoc pati seculo, vt confirmet erga se promissiones Dei, quemadmodum scripturæ sacræ multis in locis testatur. Deinde multi, qui grauia & improba multa admiserunt, postquam redierunt ad cor, & ex pœnitentia in gratiam sunt restituti,

pœnas

pœnas tamen hæc in hac vita effugerunt: in quo esset quædam quasi iniustitia summi iudicis, si nullas usquam hi soluerent peccatorum pœnas, & nimirum nisi pœnæ in purgatorio abeuntibus his ex hac vita, quanquam a culpa absolutis, sint propositæ, (si tamen pœnæ appellandæ sunt, quæ non puniunt, sed purgant) videatur vacillare Dei severitas, & iustitia: cuius ratio reddi idonea nulla potest, quamobrem ex eodem scelere hic in hac vita à Deo puniatur, ille impunitus euadat: nisi, quod & impium est ita de Deo cogitare, & in purgatorio æqua sit omnium compensatio. Deinde, cuius esset erroris accersere sibi quæpiam præsentia corporis incommoda, ut futura in hac eadem vita deuitaret: ieiunare, algere, sudare, bona sua elargiri: ut paupertatem in posterum effugeret, ut ærumnam, ut vigiliam, ut famem, præsertim quæ forsitan non essent euentura, sicut non omnibus qui peccarunt, eueniunt? Non cohærent ista, si effugiendarum huius tantum vitæ temporalium pœnarum causa pœnas quasdam nobis in satisfactione, voluntarias adisceremus. Sed hæc opera satisfactionis suscipiuntur omnia, primum obedientiæ & humilitatis causa: Deo enim & sacerdoti sic præcipienti obtemperamus: deinde, ut aliquo nostri hic corporis incommodo aut tollamus omnino, si fortè datum sit, aut cerè minuamus alterius vitæ purgatorias pœnas: earumque aut magnitudinem, aut longinquitatem contrahamus. Quæ potior mihi ratio ex sententia Ecclesiæ semper visa est, quare nobis sacerdos confessis peccata nostra, opera illa satisfactoria post absolutionem imperet: quæ etsi valent, aptaque sunt ad nos in bono more recteque pieque agendi, magis confirmandos, quod & confiteor, & tecum una, cumque Ecclesiasticis cæteris doctoribus sentio: tamen id potissimum in illis spectatum est, ut quoad possumus, post extremum diem, semper abundante erga nos Dei misericordia, aut nulla aut leuia purgatorij ignis cruciamenta perferamus, cum eorum iam nonnullam in hac vita eiusmodi operibus subierimus partem. Hæc habui Antistes optime & præstantissime, quæ tibi à me putarem literis esse declaranda: qui & eximii tuis virtutibus mirabiliter fauco, omni que tibi cultu & beneuolentia sum deditus, & in qua re aliquid à te prætermisum putem, ingenuè de eo tecum & liberè loquendum arbitror. Tu si meum erga dignitatem tuam studium amoremque singularem pari tua in me voluntate exceperis: efficiam profectò, occasione oblata, ut neminem tui amantiorem quam me facile reparias. Vale. Carpentoracii, III. Calend. Decembris,

M. D. XLI.

XV.

IAC. SADOLETVS CARDINALIS

Ioanni Hurtado Mendoza S. P. D.


IACOBYs, & Martinus Monachi Hispani, duo (quantum Iego ex breui cum illis sermone perspicere potui) religiosi homines, & egregiè prudentes, cum à superiore vsque India in has nostras regiones, adeundi conuentus causa, qui ipsorum ordini in Italia indictus est, se conferrent: mandatum sibi abs te esse dixerunt, vt hac haberent iter, mihiq; salutem tuis verbis dicerent, & de tua erga me insigni beneuolentia narrarent: quam quidem non solum ex eorum sermonibus testimonioq; cognoui, sed ex tuo erudito & pereleganti carmine, quod ad me misisti, aliquantò etiam luculentius. Vidi enim & perspexi ex ipso poemate tuo, & quàm ingenio valeas, quàmq; sis liberalibus artibus instructus, & quantum me, quanquam tibi de facie minimè cognitum, diligas. Quorum alterum facit, vt tu & mea, & omnium beneuolentia dignissimus meritò iudicare: de altero ago tibi atq; habeo magnas gratias. Non enim mediocrem animi voluptatem capio, cum sentio, me à tali viro, qualis es tu, & probari, & diligì. Quòd si me non indignum his studiis, quibus vterque nostrum deditus est, existimas: debes hoc tibi persuasissimum habere, me non concessurum tibi esse, vt in amando sis superior: sed quod & communis humanitas, & mea natura imprimis postulat, omnia me facturum, si oblata fuerit occasio, quamobrem tu de mea erga te voluntate nō minora indicia habere possis, quàm ego habeo de tua. Quare, quod iudem Monachi mihi exposuerunt, cupere te quandam tuam lucubrationem à me perlegi, & meum de ea iudicium tibi indicari: vti nam quidem aptus sum ad id præstandum quod tu requiris. Sed certè quicquid in me est vel ingenij, vel facultatis: etsi est exiguum, tamen ita tibi totum promptum & paratum est, vt eius ad tuum omne arbitrium reuocandi, & quocunque libuerit tibi, conuertendi, summam habeas potestatem. Hunc ego animum cum nobilitati debeo & præstanti virtuti tuæ, tum ipsi præcipuè amorì, quo iam tibi in perperuum sum deuinctus. Vale. Carpentoracti, XVIIL

Calend. Aprilis, M. D. XLI.

IACOBI SADOLETI S.R.E. CARDINALIS EPISTOLA- rum Lib. XV, Epist. I.

IAC. SADOLET. S.R.E. CARDINALIS

Herculi Genzaga S. R. E. Cardin. S. P. D.



VM esset nuntius ad nos allatus de morte præstan-
tissimi viri, atq; omnibus nobis charissimi, Federici
fratris tui, equidem eum cepi animo dolorem, quem
& meus perpetuus erga vos amor, & ratio ipsa tem-
porum, conditioque afflictæ Italiæ postulabat: quæ aliis com-
pluribus incommodis detrimentisque affecta, hoc quoque nunc
amisit præsidium, quo videbatur in aduersis rebus nonnihil
posse subleuari. Itaque luxi non propriam tantum familiæ ve-
stræ, sed communem Italiæ calamitatem, à qua si noster hic
dolor disunctus esset, cætera sanè ferenda nobis modicè es-
sent. Non enim mihi conueniret, neque tibi, qui spes in Deo
nostras collocatas habemus, quiq; optimè nouimus, non esse
hanc nobis valde expetendam vitam, quæ mortalitate fragilis,
& semper infesta est: sed illam alteram potiùs optandam beatam
& immortalem, ad quam nos pietas & Christiana religio dedu-
cit, vnius hominis morte tantoperè commoueri: de quo præfer-
tim spe bona nixi essemus, aditum illi in cælum, atque iter diui-
na clementia esse patefactum. Non igitur, inquam, id me maxi-
mè permouit: quod esset fratris tui, non extincta illa quidem,
sed translata in melius commutata vita. Cogitabam enim pri-
mum, nihil illi ipsi omnino mali accidisse. Deinde videbam, do-
mum vestræ paratum in tua virtute, sapientia, amplitudineq; sub-
sidium: populosque eos, qui vestra ditione imperioque regun-
tur, sine ullo penè rerum commutatatum sensu, in eadem erga
vos fide officioq; mansuros. Atq; in omnibus his rationibus & ar-
gumentis appolitis ad consolandum, amor tamen ipse tanquam
stimulus quosdam doloris admouebat: quos tibi tecum statuo
fuisse communes, quanquam tu vnius hominis morte moeres:
ego & eadem morte, & tuo insuper dolore non mediocriter mo-
ueor. Non enim mea erga te vulgaris est benevolentia: sed & ma-
gna, & multis de causis, iustissimisque suscepta. Etenim pati-
re nunc tu quidem me meum de te liberè proferre iudicium: non
enim blandiendi causa loquar, sed verè de te dicam quod sentio.
Ego paucos homines mihi vidisse videor, quanquam quid dixi
paucos? vtinam alter mihi facilè veniret in mentem, qui tecum
videretur esse comparandus. Sed tamen paucissimos esse iudico,
qui

qui tanta in nobilitate, tantam mansuetudinem: in tam amplis domesticis copiis, tam modestum earum usum: in tam corruptis horum temporum moribus, tantam æquitatem, temperantiam, moderationem animi præstent atq; exhibeant: quanta in te mihi cognita iam pridem, atq; perspecta est. Sunt alij insignes viri, atq; in Collegio præcipuè nostro, omnium virtutum laudibus excellentes, quibus suus honor, & sua debita laus tribuenda est. Sed tua ista præstans eximiaque nobilitas, consociata pari adiunctaque virtuti, omnia facit maiora atque illustriora. Accedit id, quod maximum est, & quod ego pluris facio quam reliqua omnia, quòd timorem illum Domini, quem initium sapientiæ vocant sacræ literæ, qui autem eas literas subtiliter & piè interpretati sunt, ex illo non inchoari modò, verum etiam perfici sapientiam disseruerunt (non enim cum ex eo genere timorem esse, quem eiiciat foràs atque expellat, sed quem augeat magis & cõfirmet ipsa charitas) hunc timorem inquam, qui est robur animi nostri, & fortitudo, per quem Deum nobis ante oculos ponimus, arbitrumq; cum, & iudicem omnium nostrarum actionũ constituimus: in tuo versari animo atq; hæere semper sensi. Quo non maius mihi, neque certius argumentum confirmatæ in te ipso virtutis, egregiæq; in Christianam Remp. voluntatis, vllum offerri potest. Sed quorsum hæc? Non enim sine causa hæc suscepta est in præsentia tuarum à me virtutum commemoratio. Dabit porrò mihi vel ætas mea, vel tua potius humanitas, fiduciam & libertatem, quæ visa fuerint, loquendi. Non enim aut non vera, aut non cum maxima tui charitate loquar. Ista in te peregrina quæ dixi, faciant vt veniam in rerum pulcherrimarum spem: abs teque requirere & postulare audeam: vt omnium oculos hoc tempore in te pures esse coniectos. Certè enim impositum tibi est regere Mantuæ ciuitatem, illosque vnà populos, qui familiæ vestræ fidei, curæ, vigilantiaque commissi sunt. Sic enim fraternæ necessitudo, & tutoris nomen tuaque imprimis dignitas postulat. In quo videndum tibi est, Hercules optime & præstantissime, in quem & rerum statum, & temporum, tuum hoc munus incurrat. Habemus patriam omnes Italiam, quam vt charissimam parentem diligere debemus. Ea porrò hac ætate quemadmodum perditæ afflictaque sit, nec solum domesticis malis, sed externis etiam periculis terroribusque concutiat, obscurum nemini est. Patet enim, neque oculos solum ea res nostros, sed intimos etiam sensus, & cor ipsum vulnerat. Quid ergo est: omnes qui illius sumus alumni, officio fungi ac pietate debemus: & tanquam parenti optimè merita opem pro se quisq; & auxilium afferre. Nec tamen imminetibus aliunde & extrinsecus malis obuiam verè vnquam ibitur, nisi prius domestica fuerint emenda-

ta, at-

ta, atque correcta. Quibus utinam inderi viriufq; noſtrum poſſet, vigeret ſumma inter nos profectò ſalutis & dignitatis publicæ conſtituendæ concordia. Quod etiam non leuiter tentatum quandoque eſt, vt videremus quid proficere poſſemus. Nunc quando ego penitus excluſus ſum, tuq; in eum locum adductus, vt ſi non re tota, neque vniuerſa poteſtate, at præclaro tamen rectè imperandi beneque regendi exemplo, plurimum opis ferre laboranti patriæ poſſis: ego tibi exponam breuiter, quæ in hac re dicenda meo animo concurrunt, & tu plura etiam, & meliora pro tua ſapientia cogitabis. Omnium malorum, exitiorum, calamitatum, quibus per hoſce annos vexata Italia eſt, & nunc cum maximè ad interitum prolabitur, ſons & origo (mea quidem ſententia) ex praua ratione gubernandi populos manauit: quibus ad eum modum principes imperant (de iis loquor qui in culpa ſunt) vt illos non in numero hominum, ſed in gregibus videantur habere mancipiorum. Ad ſemetipſos enim in gubernando omnia referunt: non (quæ vera eſt principatus ratio & via) ſalutem ſuorum & commodum ſpectant populorum. Ita fit, vt nec ipſi iam qui imperant, dignos imperio vlla ex parte gerant animos: & quibus imperatur, hi aſſiduitate onerum & acerbitate exactionum exhausti, oppreſſi, lacerati, tanquam omnia iam deſperantes, lucem quodammodo fugiant, omnemque virilem animi motum atque ſenſum abijcere cogantur. Nam dum omnibus rebus, & fructibus, & operis, & aduectionibus, atque euectionibus ipſis etiam itineribus, & viis, paſſim veſtigalia imponuntur, nominaque conquiruntur tributorum indicendorum, nihilque tam tenue, neque tam vulgare, neque tam ſordidum eſt, quod ſuo onere portorij permittatur vacare: ſitque ita quotidie, nec in cogendis quacunq; ratione pecuniis tempora diſcernuntur: ſeruitque iſta exactio deliciis, non neceſſitati: primùm illi qui ſic imperant, mergunt ipſi ſe in curas ignobiles & contemptas: fractumque minutis illis & quotidianis ſolicitudinibus animum, nullam ad rem ſplendidam, & principibus dignam viris queunt attollere. Non enim idem laudis & ſordium domicilium eſſe poſteſt: neque in qua mente pecuniarum ſummulæ, ſubductiones, ratiunculæ, omnibus penè verſantur horis, in ea mente licitum eſt conſiliis præſtantibus, non modò ſedem ſuam, ſed ne veſtigium quidem ponere. Nemo igitur, huiusmodi iam populorum rectores amplum aliquid de Repub. & de ſua dignitate cogitare exiſtimat: & vnde lumen aliquod poſſit miſeræ Italiæ, atque extrema metuenti, melioris ſpei ſalutisque illuceſcere. Quid? qui ſeruiunt hiſ, & ſubiectioni ſunt, ſic tractati, exinaniti, & vexati, afferentne vnquam animos ad laudis ſpem & ad cupiditatem gloriæ erectos? vt eorum aut in pace conſiliis, aut fortitudini in bello poſſit

possit acquiesci? Minimè istud quidem. Itaque quod accidere te sequi talia in gubernando consilia necesse est, omnia & in moribus hominum nostrorum, & in voluntatibus, hac quidem ætate, vsq; eò sunt inquinata, peruersa, corrupta, conturbata, nullum ut antiquæ illius virtutis & præstantis disciplinæ, in genere hominum suapte natura nobilissimo eodemq; fortissimo, vestigium appareat, quod totum ex praua & imperandi consuetudine, & parendi vsu, euenire cernitur. Et sunt qui merentur, cur generosos illos spiritus, & magnificos animos, quorum apud maiores nostros tanta redundauit copia, iam diu parere & procreare. Italia destituerit? Quasi verò non videamus, etiamsi indoles & natura seminis bona sit, praua tamen cultura, & præpostera educatione eam corrumpi. Esset eadem nimirum Italia, quæ iam fuit, si eadem qua quondam, disciplina, eisdem item consiliis institutisque regeretur. Cuius ineunda rectè gubernandi rationis & viæ, cum Principum virorum sit potestas: iccirco paulò antè dixi, licere nunc tibi diuo quodam (ut arbitror) consilio, præclarum imperij & populorum gubernationis exemplum, tua ipsius virtute atque prudentia, ante oculos omnium ponere & constituere, quod imitentur, si qui fortè erunt, qui semetipsi, & ancipitem ac dubium suarum fortunarum statum, exitumque impendens parenti nostræ Italiæ respicere velint. Quæ tibi profectò facilis (si bene vim ingenij & altitudinem animi tui habeo cognitam) imperandi, & moderandi populos ratio futura est. Nam & laxare eos angustis tot illis & concisis exactionibus oportebit, locumque illis & spatium respirandi concedere: eaque tantum vestigalia retinere, quæ non ad domesticas delicias, superuacaneosque apparatus, sed ad continendam & vincendam communem vtilitatem pertineant. Homines autem eos qui tibi sunt subiecti, pro cuiusque genere, institutis, & vita, appellare liberaliter, excipere, adhibere: a plebe propulsare famem, atque iniurias: laurioribus ciuibus communem te affabilemque præbere: aduocare tibi interdum in consilium eos, qui ingenio & rerum vsu politiores cæteris esse videantur: castigare verbis errantes: honestis studiis & actionibus deditos laudare, atque extollere: & si incidat ut commodè fieri possit, beneficiis etiam eos tuis munerari: quod his maximè modis & rationibus in hominum animis inseritur, & quasi ingeneratur, amor ille virtutis, & cupiditas acrior quædam comparanda sibi laudis & gloriæ. Quæ quorum insedit in mentibus, & accensa est; hos illa fortes, & fideles, & ad omnia adeunda pro suo Principe pericula paratos facit. Quo maximè hominum genere & nostra ætas, & communis patria Italia indiget. Atque hi qui sic reguntur & instituuntur, qui temporibus tranquillitatis & orij liberè agere res

vrba-

urbanas suas, & soluto animo rusticari possunt: neque illis semper exactor, semper tributum, semper crux aliqua ante oculos est proposita: idem ubi tempestas & periculi terror intonuit, non opibus solum, sed studiis etiam suis, & animis, ad propulsandum tanquam commune incendium alacres concurrunt. Sed ego loquor igitur labor, præsertimque tecum, qui abundas ipse per te confisi so: nec mea aut cuiusquam admonitione indiges. Quod mihi ignoscas sanè velim, non enim te docendi, sed & benevolentiae meae erga te declarandae, & mei sensus atque animi, quem in Rempublicam habeo, testificandi causa, ulterius fortasse quam decuit, aliquantum sum prouectus. Et tamen arbitror omni hac mea descriptione esse patefactum, quid de tua eximia excellentique natura ego sentiam: & quam ea abs te expectem, quae nisi à viro fortissimo, & ab homine sapientissimo non queunt expectari. An ego, cum viderim (quod sanè sum non leuiter admiratus) honorem hunc quo vterque nostrum sacra collegij necessitudine coniunctus est, maximum illum quidem, & in Ecclesia Dei amplissimum (quem cæteri ferè omnes tanto sibi ambitu expetere consueuerunt, non spiritualium ornamentorum, ad quae institutus est, sed terrenae, & mundanae dignitatis consequendae causa: atque ut oculos hominum fulgore purpurae, non animos religionis & continentiae vitae permoueant) cum inquam, viderim, hunc honorem ipsum, in quo tibi præcipue tanta in familia nato, concedi posse videbatur, ut altior ex eo atque honoratior inter homines incederes: tamen à te intra suos fines ita esse reuocatum, ut istibi, quemadmodum quidem debet, pietatis erga Deum monumentum assiduum sit, non instrumentum ambitionis: idem ego verebor expectare à te, aut petere, ut errorem alterum seculi nostri, in re quidem dispari, ex ipsa tamen ignorantiae cæcitate parem: quo terrena ista dignitas, non exercitatione prudentiae, nec consiliis consequendae laudis, sed voluptatibus & deliciis, & exquisito corporis ac cubiculorum cultu, imprimisque bene plenis ac refertis nummariis thecis penditur, corrigas, atque tollas? cum rei huius aut perficiendae, aut certe tentandae, & ad limitandum cæteris proponendae, magna tibi facultas oblata sit: tuque in ea opinione apud nos omnes sis, ut cuncta ampla atque egregia à tua virtute requiri debere videantur? Certè si te hanc curam, Hercules Gonzaga, actionemque contraheris: tum tu præclaras, perpetuoque memorabiles in Dei hominumque conspectu, exequias fratri tuo duces: nosque tui amantissimos maximo gaudio cumulabis: ipse vero vberissimum tuarum virtutum fructum, sempiterno beatitudinis in cælo: in terris, & famæ, & celebritatis premio diuinitus consequere. Vale. Carpentoracti, VIIII. Calend. Octob. M. D. XL.

II.

I A C. S A D O L E T. S. R. E. C A R D I N A L I S

Tho. Campegio Episc. Peltrensi, S. P. D.

VE I L E M posse ad te hilariore animo scribere, cuius mihi amor hæsit in intimis sensibus: longo ille quidem tempore antè iam conceptus, sed ex eo amplificatus & auctus, cum tu mihi a summo Pontifice Romam accersito, disciplinæ publicæ corrigendæ, & meorum imprimis vrbanoꝝ causa, amicissimo ac fidelissimo animo præstò fuisti: & qui in vrbe assiduus fuisses, me post annos decem tanquam postliminio in eam redeuntem, diligenter & studiosè, pro tua in Christianam Rem pub. voluntate, docuisti: quæ tibi vel soluta à veterè disciplina, vel à bonis moribus detorta, vel mala consuetudine deprauata, contaminata, corrupta, egere nouis remedijs, aut restitutis antiquis legibus videbantur. Quæ ego tua tum admonitione factus sum ad dicendas illis de rebus sententias patator. Noli enim existimare, mi optime Campegi, tuum id studium atque officium non mihi in animo hære: cuius quidem officij, quoad ego viuam, nulla vnquam obliuio me capiet. Sed quò minùs ad te familiariter & iucundè (vt cuperem) scribam, mors Laurentij fratris tui viri clarissimi facit. Quæ me quidem ita conturbauit, vt vobis, qui illi sanguine eratis coniuncti, in deplorandò tanto communi incommodo non cedam. Etsi nulla quidem maior potuit esse coniunctio, quàm ea, quæ inter me atque illum fuit: qui amicitia primùm, post collegio, deinde consensione animoꝝ & voluntatum, in capiendis de Republica consilijs, sic copulati eramus, vt videremur ad salutem & vtilitatem Reipub. vno propè sensu & eodem spiritu duci. Quare pro me quidem ego tristi illo nuntio ita sum affectus, vt consolari ipse me non queam. Quo etiam minùs sum ad vos consolandum accommodatus. Difficile enim est, eum qui sibi moereat, aliorum opitulari mororibus: & qui animo ipse perturbato sit, ex aliorum animis turbidos morus eiecere. Sed cum meo ipso in dolore, amor item ille meus emineret, quo te, quo Alexandrum Episcopum Bononiensem, quo reliquam omnem Campegiorum familiam semper complexus sum: non duxi alienum necessitudine nostra, pauca ad vos verba facere: quæ si non solarium vobis, at mihi certè aliquam à dolore aberrationem: etsi non prudenter me ex iudicium ad vos, at significationem optimæ voluntatis afferrent. Dico ergo, vos qui non minùs similitudine virtutum, quàm cognationis vinculo, summo illi viro adiuncti eratis, debere illi quoque fortitudinem & patientiam imitari: qui in tanta imbecilli-

cillitate corporis, tam graui morbo, tam asperis omnium ar-
 tuum doloribus, nihil vnquam egit, neq; dixit, quod indignum
 esset illa gloria, quam ex multis & maximis virtutibus sibi com-
 parauerat. Qui si est à vobis ereptus, magnumque in eo orna-
 mentum vestræ familiæ ablatum: tamen id amisistis, quod per-
 petuum vobis esse non potuit. quod verò neq; ipsi illi mors, neq;
 etiam vobis potuit adimere, id semper retinebitis: vt illius hono-
 res, magistratus, publica munera, legationes, summam in iure
 ciuili & Pontificio scientiam, summam integritatem, summam
 auctoritatem, præterea animum in Christiana religione præstan-
 tem & integrum, nulla ex animis hominum deletura sit obliuio.
 Et quoniam quæ voluntate & numine præpotentis Dei sunt,
 commutabilia non sunt, estque hic euentus omnibus proposi-
 tus, qui in hanc lucem nascimur, & ad vitam non stabilem, sed
 caducam producti sumus: non est grauiter dolendum de eo,
 quod omnibus communiter accidit. In quo verò singularis atq;
 eximia vestræ familiæ laus posita est, quòd talis vir potissimum
 in vestro genere sit natus: id cum vobis, tum mihi, qui mirabili-
 ter faueo vestris ornamentis & laudibus, etiam cum aliqua ani-
 mi lætitia sæpius recolendum & commemoratione vsurpandum
 est. Et nunc is quidem sublatus in eas cœli regiones, quæ piis &
 probis mentibus propositæ sunt, fruitur præmiis pietatis & inte-
 gritatis suæ, quibus, per Dei præcipuè clementiam & benignita-
 tem, dignus effectus est. Ego verò, qui hoc animo sum erga colle-
 gas meos, vt quoniam in eadem tempora incidimus, & in eodem
 orbe Christianæ Reipub. versando, & moderando, sub optimo &
 prudentissimo Pontifice vnà exercemur, arcto me omnibus illis
 vinculo amoris atq; obseruantia esse obstructū sentiam: non pos-
 sum non affici dolore & desiderio, quòd talem atq; tantum, non
 collegam solū, verū etiam amicum, & defensorem veterem
 amiserim. Cuius interitu, nō orbus quidem senatus, multis sum-
 mis viris ordinem eum ornantibus: sed res certè publica nō me-
 diocre detrimentum passa est. At nobis priuata forsitan res vestra
 nunc quidem curæ est: quod ego non reprehendo: est enim hu-
 manitatis domesticis suis incommodis angit. Sed tamen ex eo eo-
 solari vos potestis, quòd tibi in fratre, cæteris qui ex familia ve-
 stra sunt, in suo cuiusq; aut patre, aut patruo humanis rebus ex-
 empto, quicquid contigit damni, id commune omnibus etiam
 alienioribus contigit: tanti autem viri famæ laudisq; perpetuitas,
 propria ac perennis vestra futura est. Sed ego longius prouehor,
 amore videlicet impulsus: nec satis animaduerto, me ad viros
 fortes, & artibus optimis, disciplinisque instructos, nec conso-
 lationis à quopiā egentes, orationem habere. Quare sine faciam.
 Tantū te admonebo mi Thoma, id quod mea erga te beneuolē-

tiae est proprium, amisisse te quidem in fratre tuo, quod maximè in eo fuit, & quò nos aspirare non possumus, summam virtutem nimirum summamque autoritatem, quæ in illo vtraque peregregia fuerunt. Amorem autem & charitatem erga te nequaquam amisisse, quandoquidem ego illi in te amando par, & in reliquos omneis tuos, qui genere ex eodem sunt, simili animo atque erat ille, & eadem voluntate affectus sum. Quod tu illis & denunciabis à me omnibus, & mea fide pollicebere. Studium tuum, & cura quam suscepisti, quo pars illa ædium Vaticano- rum, quam frater obtinebat tuus, mihi assignaretur, gratissima mihi fuit: sicuti cætera omnia, quæ pro me facis, aut dicis. Sed ego habita ratione temporum, non duxi esse tentandum, quod non confidebam posse obtinere. Quem tamen morem omnibus in rebus teneo. Si enim mihi mea dignitas, & pudor meus non prodest, extorquere & eripere Principis beneficia non postulo. Quæ si minùs crebra ad me perveniunt, idque mihi à nonnullis tribuitur inertiae, quam mitiore vocabulo, nimiam illi molestiam appellant: scio ego quid agam. Nam & extra competitorum certamina, atque contentiones, quæ molestiarum plenæ, & grauium offensionum sunt: extraque periculum repulsæ, qua ingenuis & liberis animis nihil accidere potest acerbius: placatus interim, atque tranquillus vitam ago. Quique meæ fidei & gubernationi populi commissi sunt, & quarum mihi rerum administratio est tradita, in ea ita me gero: studiisque præterea in talibus artium optimarum & præstantissimarum versor, ut alia quadam via, & quidem certiore ea multò, ac magnificentiore, in hominum benevolentiam & bonam existimationem me vindicem. Vale. IIII. Calend. Septemb. M. D. XXXIX. Carpentoracti.

III.

I A C. S A D O L E T V S S. R. E. C A R D I N.

Ioan. Morono Card. Legato Bononia S. P. D.

TE honorifico Pontificis maximi, totiusque Apostolici senatus consensu atque decreto electum esse, qui Bononiensi civitati præfesses, partem Italiae vel florentissimam regeres, & legatione illa nobili fungerere, summo perè & tibi gratulor, & mihi ipsi gaudeo. Quòd enim video honorem esse habitum virtuti atque prudentiae, quam ego in te semper eximiam esse iudicaui, laetor duplici de causa: & quòd homini amicissimo præmium meritum persolutum est, & quòd ego memet in illo simili pene honore affectum arbitror. Etsi enim impari laude, neque eodem fructu, ego easdem arteis semper secutus sum, in quibus tu excellis: tamen quicquid virtuti datur, quoniam ego eius perquam studio-

studiosus sum, id mihi quoque ipsi dari & tribui puto. Sed meus quidem à me iam penè ætatis cursus confectus est: tu viridi etiam nunc ætate, cum tam maturè in tantas laudes ingressus sis, quò te sperare debemus esse peruenturum, & existimationis, & amplitudinis? Equidem pro mea summa erga te benevolentia hunc legationis honorem, & hanc summam hominum de tuis clarissimis virtutibus opinionem, Deum tibi fortunare, & quotidie magis augere cupio. Hoc doleo, me tibi non potuisse præsentem gratulari: cognosces enim apertius quo in te animo affectus sim. Atque utinam suauissimam tuam consuetudinem diu antea mihi experitam, deinde breuiter, & quasi in transitu ostentatam, tum cum ego Roma in Galliam legatus proficiscerer, continuare diu inter nos potuissemus. Neque ego humanitatem tuam, nec tu meam erga te obseruantiam desiderasses: tum autem de nostris inter nos rebus ambo familiariter & liberè colloqui fuisset. Sed posteaquam id non contigit, sumusque non regionibus locisque solum, sed dissimilitudine etiam actionum consiliorumque distracti: erit tuæ integritatis & fidei, idem facere erga me, quod ego me tibi præstaturum esse polliceor: ut nunquam nomen tuum, neque ea benevolentia qua te iam dudum sum complexus, ex animo & ex sensibus egrediatur meis. Atque hæc hæcenus. Nunc aptum atque opportunum mihi visum est, patefacere fores benignitatis tuæ, ut per eas homini omni virtute doctrinaque ornatissimo mihi charissimo, ad tuam ipsius amicitiam & benevolentiam sit aditus. Is est Hieronymus Gratus ex ista ipsa ciuitate cui tu præfectus es, & ex nobili in ea genere familiaque procreatus: qui primo ætatis suæ tempore, cum ad iuris ciuilis disciplinam se contulisset, media fermè in adolescentia, omnium consensu promeruit, ut ad id docendum, quod licet præmaturè, tamen præclarè videbatur didicisse, se dederet. Itaque conductus honestissima mercede, ius ciuile aliquot annos in patria sua docuit. Post querendum sibi nomen atque famam in externis nationibus existimans, sanè forti animo patriam suam domesticosque penates liquit, & huc in transalpinam Galliam peruectus est: ubi celeriter cognitus, habitusque in honore & admiratione, Valentia diu magno stipendio, & maiore sui nominis fama, iuri ciuili docendo, & consulentibus respondendo qui undique ad eum penè certatim confluebant, insignem operam dedit. Itaque charus his gentibus, egregieque probatus, cum de eius augendis commodis mercedeque amplificanda quotidie ab eis cogitaretur: repenè decreto ciuium suorum & seuerò & reuerenti in patriam reuocatus, istuc parat proficisci, reuersus quidem patrios lares libenter, sed tamen magnum desiderium sui his nationibus relinquens, quo ipsius quoque animus non

potest non commoueri. Eum ego aduenientem, ut tu humanissime Morone omni tua comitate & beneuolentia amplectare, quanto animi possum studio te vehementer etiam atque etiam rogo. Quanquam de isto quidem fortasse non es rogandus: Quid enim tibi familiarius, quam tales complecti viros, & amore & beneficiis tuis? præsertim qui sint ex eo genere hominum, qui tue fidei & curæ commissi sunt. Sed ego ad illam tuam solitam erga bonos humanitatem, liberalitatemque accedere aliquid abs te insignius mea causa opto: ut Hieronymus ipse cognoscat re ipsa & experiatur, valde sibi profuisse commendationem apud te meam: scq; propterea amplius quiddam & maius assecutum quam communis tua bonitas & natura cæteris largiatur. Hoc ego à te ita expecto, ut nihil sit quod possim expectare gratius, aut optatius. Vale. Carp. IX. Calend. Iulij, M. D. XLIII.

IIII.

I A C. S A D O L E T V S S. R. E. C A R D I N.

Greg. Cortesio Cardin. S. P. D.

MV T V A nostra vetusque beneuolentia, quam sanctè & fideliter ab utroque nostrum cultam esse intelligo, facit, ut in meis maximis rebus, quæ nunc quidem in sacrarum literarum studio omnes mihi constitutæ sunt, tuum imprimis amorem, tuamque eximiam excellentemque doctrinam, mihi requirendam esse putem. Cum enim (ut tute scis) commentarium quendam de peccato originis iam pridem confecissem, hacq; maxime te & ratione, facultatem in has regiones reuertendi à summo Pontifice essem consecutus: quod me (quoad possem) otium & tranquillitatem nactum, literis & scriptis sanctam fidem Catholicam, decusq; & auctoritatem Apostolicæ Ecclesiæ defensurum pollicitus essem: statui mihi, ut primum huc me retuli eundem esse librum accuratius retractandum. Quod cum diligentissime fecissem addidissemque non pauca, quæ mihi ad rem vberius explicandam idonea visa sunt: illum tanquam meæ diligentiae testem, Pontifici ipsi maximo auctori mei otij mittendum putavi: scripsiq; ad amplissimum Cardinalem Farnesium ut eum quibusdam ex collegio nostro, tibiq; imprimis legendum & considerandum traderet. Quod factum fuisse, etsi certi nihil dum scio, ut confidam tamē adducor. Nunc alter *ὑπομνημα* iam elucubratum, in manibus habeo: nondum illud quidem expolitum, quemadmodum & res ipsa, & mea diligentia postulat: sed tamen eiusmodi, ut ex eo, quanquam imperfecto, intelligi possit, quid ego habeam de purgatorio persuasi atq; certi: quæ res una omnium maxime, hoc perturbatissimo tempore, ab Ecclesiæ (ut scis) hostib.

oppo-

oppugnatur. In quo ego catholice suffragor ecclesie: quod sanctè mihi in omnibus meis & curis & actionibus semper est propositum. Eum ego librum statui mittendum ad te esse, ut tu mi optime doctissimeque Cortesi, pro tua in me benevolentia, proque ea fide quam ego tibi habeo summam, laborum meorum multarumque vigiliarum partem aliquam mecum subeas: meque adiutum velis opera & sapientia tua. Primum, ut quæ scribuntur à me, ea sanctè, & rectè, & ex integra veraque religione scripta sint: deinde, quæ pertinent ad politiores literas, quando utriusque facultatis summum tuum est iudicium, de his etiam me admoneas: neque patiaris quæ aptè & ornatè imprimis oportet scribi, ea me barbarè & inconditè scribere. Quanquam hoc leuius fortasse est. Illud gravissimum, ut ne quid prorsus à nobis effluat, quod cuiquam bene intelligenti, queat vel minimum aliquem spiritum peruersæ religionis afflare. Etsi enim ego in hoc quidem affirmantissimo sum animo, ita ut corpus & vitam potius, quam studium veræ pietatis amittere paratus sim: idemque cum Catholica Ecclesia arctissimè sum coniunctus: propter tamè imbecillitatem ingenii mei, tenuitatemque doctrinæ, diffidere mihi cogor, & doctiorum, ac sapientiorum quam ego sim, hominumque præsertim nostri ordinis iudicia implorare. Quo è numero cum mihi præcipuè occurras qui consulendus sis: mihi que iamdiu persuasum sit, te & yelle mea causa, & pro singulari doctrina, qua es præditus, posse plurimum mihi opis & subsidii afferre: omni animi studio te obtestor, ut quicquid futurum est negotii & laboris in legendis duabus hisce nostris lucubrationibus, eisque acriter expendendis, id ne te pigeat summo tuo in me beneficio suscipere ac perferre, cum honoris mei, tum aliorum etiam utilitatis causa: cum omnes qui in hoc gradu tanti honoris locati sumus, hæc aut agere ipsi, aut agentibus adesse favereque debeamus. Vides tempora, vides hominum mores: ut quisque nostrum aliquid edit in publicum, quod aut contra falsas religiones, aut pro veris scriptum sit: non modò qui palam aduersantur nobis & repugnant, (nam hi fortasse minus pertimescendi sunt) verum etiam qui nostrarum ipsarum sunt partium, quasi ex insidiis repente egressi, circumfistunt, accusant, inuehuntur: veluti proditoris insinulat: nec quicquam hoc tempore periculosius est, quam de rebus bonis sanctisque disserere. A quo genere scribendi si abstinere velimus, cautiore forsitàn sapientioresque iudicabimur: iustiores certè, & meliores non erimus. Non enim qui talentum condidit sub terra, sed qui id exercuit, fructumque ex eo quesivit, is à Domino in Evangelio laudatus est. Quem quidè ego negociatorem bonum studeo imitari: ita animo paratus, ut omnibus iis qui me redarguant, mea que mihi errata indicant, modò ut ipsi

sine contumelia id agant, non solum non succenseam, sed magnarum etiam illis gratiarum debitorem me confitear, neque enim quicquam facere erga me possunt, quod mihi accidere queat vel utilius, vel gratius. Quamobrem mi optime Cortesi, cum ego & iudicio tuo plurimum, & voluntati erga me omnia tribuam: simque ipse (ut tute nosti) semperque fuerim tui cupidissimus & amantissimus: da mihi hanc operam quaeso, & in hac re officio verae amicitiae inserui: ut meae lucubratiunculae tuae sint doctrina & lima emendatiores. Vale, & nos dilige. Ex Feliciano Carpentora Aenensis dioecesis, V. Idus Iunii. M.D.XLIV.

V.

GEOR. CORTESIUS CARDIN. IACOBO
Sadoletto Cardin. S. P. D.

ET si ratio officii postulabat, ut post tuum à nobis discessum crebras ad te literas darem, quibus & de rebus publicis, & de privato rerum mearum statu fieres certior: (hoc enim & constitutae inter nos amicitiae, & maximis beneficiis in me tuis fuisset consentaneum) nescio tamen quo pacto factum esse dicam, ut cum dies nullus esset, quo non id facere cogitarem, omnes tamen re (ut ita dicam) infecta elaberentur. Cum verò tandem me diurni silentii suppuderet, constitui semque omnino in posterum eiusmodi negligentiae maculam epistolarum frequentia delere: repente redditus est mihi à te fasciculus, in quo non solum ad me, & ad complures amicos literae fuerunt: sed elegans etiam de Purgatorio loco libellus: cuius (ut facile intellexi) maxima apud omnes expectatio iam antea concitata erat: quod dum tu Bononiae esses, nescio quid de ea re & doctis, & tui amantissimis fuisses pollicitus: visum est nobis nihil opportunius accidere potuisse. Quod enim prius, cum nihil haberem quod scriptione magnopere dignum esset, facere cogitarem, ut ad te scriberem: nunc tali proposito argumento longè facilius mihi videor esse facturus: et si adhuc quidem accidit incommodissime: tanta enim fuit flagitantium molestia, ut vix semel libelli legendi, & id ipsum cursim, facultas nobis data fuerit. Qui enim literas tuas reddidit, nescio qua ratione intellexerat, librum in eundem fasciculum fuisse coiectum: cumque id ex eo cognitum fuisset: non potuit à me, amicis postulantibus, diutius denegari. Ex eo tamen quod primis, ut aiunt, labris gustare licuit, intellexi maximè obscurum locum, & à nullo antea satis diligenter tractatum, & nescio an omnium qui nunc praecipue in controuersiam venire, longè difficillimum, à te & tractari commodè, & luculentissime explicari. Qua de re tamen, non solum quid ego sentiam, cum ex amicorum manibus

librum

librum recuperauero, sed & quid ipsi iudicauerint, summa fide & diligentia te faciam certiores. Nunc ea tantum de causa ad te scripsi, ne fortasse, ut nunc sunt tempora, suspicareris, literas tuas ad nos non peruenisse. Quod ad publicas res attinet, scito, omnium animos de rerum euentu hinc magnopere esse sollicitos: nec quieturos prius quam ad huius miserrimi belli exitum peruentum fuerit. Etsi enim non magnopere adhuc Romæ tumultuatum est, summi Pontificis consilio singulari & prouidentia: cum tamen omnia armis undique circumsonent, vix fieri potest, ut ex aliorum calamitatibus, non cogamur de propriis periculis cogitare. Tu, quando honestissimum orium nactus es, & in eo potissimum oppido, in quo & tui sacerdotii munera præsens obire potes: & quod cæli clementia, & amœnitate locorum, maxima te potest afficere iucunditate: partem velim credas magnam felicitatis te esse assecutum, præsertim cum propè omne tempus infamas in opprimenda extinguendaque perditorum hominum impietate: qui non iam, ut antea, occultis cuniculis: sed apertè arcem ipsam caputque totius religionis inuasere. Vale. Et recuperato ab amicis libello, longiores à me literas expecta. Romæ, Calend. Iulij.

VI.

IAC. SADOLETVS S.R.E. CARDINAL. IACOBO Sabello Cardin. S.P.D.

ANTONIVS Florebellus, maximus laudator & obseruator tui, ex Italia reuersus ad nos, cum multis aliis de rebus me docuit, quæ in istis locis publicè gerantur: tum ea de meis priuatis amicitii ac necessitudinib. mihi nuntiauit, quæ ego maximè audire expecebam. In quibus id mihi fuit gratissimum, quod eorum quos ego diuturno iam amore & fideli beneuolentia prosequor, animum mutuum erga me, & parem voluntatem esse declarauit. Quo equidem nuntio nihil vnquam possum audire optatius. Nam cum natura mea eiusmodi semper fuerit, ut omnem propemodum meam delectationem vitæ in bonorum & doctorum amicis habuerim constitutam: nunc cum vna hæc mihi, cæteris aut iam planè amissis, aut certè extenuatis exolescentibusque voluptatibus, remaneat iucunditas, quod in amicorum cogitatione & memoria suauiter acquiesco: cum de eorum officio ad me persertur, nihil est ex quo læritia affici maiore possim. Ac ille mihi de aliis quidem multa, de te verò Sabelle optime atque humanissime ea mecum locutus est, quæ ego cum in te etiam tum adolescente multis primò mihi nuntiantibus, deinde breui illa consuetudine nostra, tanquam florescentia perspicere cœpissem,

gaudeo ferre illa nunc eos maturitatis fructus, ut iam non sperare, sed admirari tuas eximias & singulares virtutes debeamus. Amabam equidem nobilitatem & animi & generis tui, elegantiam morum, in congressibus humanitatem, in dictis factisque constanciam. Sed illa me res præter ceteras delectabat, quod videbam, quæ voluntate in publicam rem Christianam esses, quo studio erga optimas artes, quæ mente ad cupiendum ut rectè omnia fierent mouerere. Quæ tibi egregia & summa animi bona, primum à natura insita, deinde educatione disciplinaque firmata, Dei primum omnipotentis, deinde etiam bonarum artium literarumque auxilio, ad eam nunc frugem perducta sunt, ut habeamus in viridi etiam nunc tua ætate, quam cum grauissimis & probatissimis ordinis nostri patribus conferamus. Atque hæc ornamenta animi ingenique tui, etiamsi mihi tecum nihil unquam fuisset, si non te amore eo prosequeretur, quo iam pridem mirifico sum complexus: tamen me ad te amandum non inuitarent solum, verum etiam inflammarent. Cum verò de homine mihi & virtutibus suis, & amicitie nomine charissimo, tales ad me nuntii perferantur, statuere ipse potes, quanta ex eo lætitia & animi iucunditate afficiar. Sed me cogitantem de te, & penè ante oculos imaginem tuam habentem, etsi ut persistam diutius quasi in colloquendo tecum, beneuolentia hortatur: retinet tamen modestia, aptius enim & liberius de tuis laudibus cum aliis (ut solco) loquar, quam cum teipso. Quare finem faciam, si duo hæc prius precatus fuero: vnum, ut tibi ea fortuna sit, quam ista virtus probitasque meretur. Alterum, ut in nostra amicitia coniunctioneque tuenda, quo ego in te animo sum, tu similem mihi in me diligendo voluntatem præstes. Quo quidem munere nullum à te præstantius accidere mihi potest. Patri tuo clarissimo viro, quem ego omnibus de causis iure facio plurimi, cupio salutem per te plurimam meis verbis nuntiar. Vale Carpent. V. Idus Iunij, M. D. XLIV.

VII.

I A C. S A D O L E T V S S. R. E. C A R D. A N T O -
nio Perrenoto Epist. Atrebatensi, S. P. D.

Cum scriberem ad patrem tuum clarissimum virum, non putavi mihi prætereundum esse, quin ad te quoque aliquid literarum darem: cum & te non mediocriter diligam, multis quidem de causis, ingenii, doctrine, humanitatis tuæ adductus, & de tua in me vicissim beneuolentia persuasus sim. Scribendi autem causa hæc fuit. Ego post pacem factam, qua nullum maius neque præstantius hoc tempore beneficiū à summo Imperatore Carolo in Christianam Remp. potuit proficisci, secutus maiorum exempla,

qui

qui testimonium laudis & iudicii sui, optimè meritis principibus libenter dabant: exaravi oratiunculam, qua gratias Cæsari communi Christianorum populorum nomine agens, illum præterea ad eas res gerendas suscipiendasque adhortor, quas maximè illius amplitudo & dignitas, rei que publicæ salus videtur ab eo postulare. Quo genere scribendi veteres summi & doctissimi viri egregios Principes decorare soliti sunt: sicut multorum declarant orationes, ad Philippum, ad Alexandrum, ad C. Cæsarem, ad Traianum, ad Constantinum, ad plures alios scriptæ. Idem igitur ego, his quidem omnibus ingenio & facultate impar, sed dignitate causæ aliquanto superior, instituo suadere Cæsari, ut in eas se conferat curas & cogitationes, quæ illius admirabili prudentia & maxima auctoritate præcipuè sunt dignæ. Quod tute nosse ex mea oratione, si eam modò duxeris legendam, faciliè poteris. Cû ergo hanc ipsam orationem ad fortissimum virum Ferrandum Gonzagam per eum tradendam Imperatori miserim, amicitiam secutus, quæ mihi cum illius omni nobilissima familia permagna est: rogavi patrem tuum per literas, ut adesse in tradendo, aut si Ferrandum forè aliqua res impederit, ipse eam per se reddere Imperatori velit. In quo mi charissime Perenote, tuam quoque operam & benevolentiam mihi aduoco. Si erit non indigna lucubratio mea quæ agatur, maximum me existimabo laboris mei fructum esse adeptum: quiddam laudem optimi Principis, coniunctam cum ea spe, quam de illius virtute, animiq; magnitudine, Christianæ Reip. futura salutari, iam concepimus, meis literis ornatam illustratamq; videbo. Sin ea sordebit, ego tamen hoc assequar, ut meo exemplo, doctiores alii in eandem curam & studiû scribendi se dedant. Sed de his rebus mādavi tabellario huic meo, ut meis verbis tecum accuratius loqueretur. Ego quod ad me attinet, amorem cum conseruo, quem iam ab eo congressu quo ad Nicæam primum vnâ fuimus, erga te suscepî: in quo meæ in te amando constantiæ plurimum tuarum virtutum recordatio suffragatur. Tu si pari erga me voluntate fueris, non solùm meæ expectationi satisfacies, sed humanitati etiam constabis tuæ. Vale. Carpent. V. Idus Nouemb. M.D.XLV.

VIII.

IAC. SADOLETVS S.R.E. CARDINAL. IO-
an. Tolerano Episc. Burgensi. S.R.E. Card. S. P. D.

LONGVM interuallum est, cûm literas ad te dedi nullas. Quod accidit, non remissione obseruatæ in te meæ, nec obliuione virtutis, & humanitatis, & benevolentie erga me tuæ: sed quia multis & molestissimis occupationibus impeditus, fratrem etiam

mei

et filium

mei mihi charissimi morte, qua grauius affectus sum, omnes meas curas ad luctum mœroremque reuocante, alia quoque officia permulta deferere coactus sum. Nunc cum tempus venerit, quo tempore, si alias vnquam, tua mihi & beneuolentia & autoritate maximè sit opus: fretus tua virtute & bonitate, causam omnem meam tibi imprimis exponendam commendandamque putavi. Pontifex Maximus me per literas ad Urbem vocat: quod ego facturus sim libenter, vocantiq̃ue obtemperaturus, si mihi id per meas rei familiaris angustias, & maximas difficultates facere liceat: eaque habeam facultatum subsidia, quibus & itineris sumptum, & urbanas illas impensas sustinere possim. Video enim quid mei officii sit: quid postulent sedis apostolicæ tempora: cui si non ingenium atque prudentiam, quæ in me aut nulla, aut sanè quam exigua est: at animum certè bonum, & fidelem operam præstare debeo. Sed ita omnium ad iter sumptumque necessarium rerum inops atque egens sum, ut ab omni istuc veniendi & voluntate, & conatu, desistere cogar. Et quoniam te æquum iudicem & sapientem nactus sum, si hoc non alienum tua gratitudine existimas, audi quæso breuè meorum præteritorum temporum rationem, & sermoni meo benignitatem tuam accommoda. Ego olim honestissimum locum apud summos Pontifices Leonem, & Clementem obtinens (ut te scire arbitror) cum magnos ex illius autoritate loci, bona & vsitata ratione, quæstus facere possem, & ad opes facilè diuitiasque peruenire, abstinui tamen: neque me studium coacernandæ pecuniæ ullum vnquam tenuit: sed gratuitam omnibus tam urbanis, quam aduenis, operam meam ac diligentiam assidue præbui. Postea voti causa ad Lauretanum Diuinæ virginis templum profectus, cum absens à Leone Episcopus pronuntiatus essem, ut primùm in urbem redii, onus illud à me quoad potui, excutere conatus sum. Non enim huiusmodi honores mens mea vnquam appetierat: liberamque ego vitam magis sequebar. Atque harum rerum grauissimos amplissimosque collegas nostros, Saluiatum, Rodolphum, Gaddum, testes tibi exhibeo: & si qui alii sunt, quibus illorum temporum res acta curæ fuerit cognoscere. Postea Leone mortuo, in meam hanc Carpentoractensem ecclesiam adueniens, cupidissimus in ea perpetuò manendi, factò Pontifice Clemente, statim ab illo euocatus sum. Cui optimè antea de me merito, fidem operamque meam negare non potui. Hoc cum eo tamen pactus, ut operam illi meam triennium nauarem: quòd reliquum vitæ meæ tempus, non iam hominibus, sed vni Deo in ecclesiæ meæ custodia tribuere statuissem. Quod ille, ut erat natura bonus, & mihi pollicitus est: & præstitit. Roma igitur profectus, viginti diebus ipsis antequam Vros cõperetur, eo animo Carpentoracte redii, ut hic domiciliũ

non

non solum corporis & fortunarum, sed omnium rationum consiliorumque meorum: totius denique meae vitae perpetuum collocarem. Itaque & literis iis quae huius maximè loci sunt & muneris, tum me penitus dedidi: & quod solent hi qui frugalitate & rebus exiguis delectantur, nec veste, nec argento, nec suppellectili lauta, domum meam ornare atque instruere vnumquam curavi: tantum meos redditus annuos in eos sumptus qui obtingebant integros erogabam, ut verrente anno nec deesset mihi quicquam, nec superaret. In hac mihi iucundissima & verè beatissima conditione vitae, cum decem annos ferè exegissem: repente ab hoc summo Pontifice Romani accersitus, in sacrum vestrum istud Collegium, nihil tale suspicans, cooptatus sum. Cuius quidem tanti beneficii gratia à me huic Pontifici maximo debetur sempiterna. Sed magnus honor, & meis longè superior viribus, infirmis admodum & imbecillis ad sustinendum humeris meis impositus est. Ego enim qui nec pecuniam vnumquam numeratam possederam, & instrumento omni honestiore carebam, meosque fructus annuos, qui mille ferme & sexcentos aureos efficiunt, (tot enim ad me omnibus deductis possunt peruenire) vniuersos expendere etiam solitus: nouis subito & magnis oneribus sumptibusque oppressus, magnum aes alienum contrahere necesse habui: nec mihi postea rem familiarem meam explicare licitum vnumquam fuit. Accesserunt tot itinera, tum multae & crebrae vltro citroque praeuersiones, ex Vrbe in Galliam, & ex Gallia rursus ad Urbem: ut nunc plane omnibus consumptis, atque detritis, non solum equis, mulis, veste, instrumento ad hoc iter idoneo nullo munitus sim: sed ne spem quidem videam aut rationem ullam reliquam instruendi mei, cum nihil omnino sub caelo habeam quod meum propriumque sit, quodque si sumendae mutuae pecuniae sint, (quod tamen ipsum in hac iam aetate est miserum) creditoribus pignori & fiduciae esse possit, praeter vnam tantummodo vineam, quae mihi in Vrbe est, quae ne ipsa quidem à creditoribus est libera. Has meas difficultates ipse summus Pontifex non ignorat: qui mihi etiam saepe ostendit, se meis commodis consulturum, idque aliquo ecclesiastico reditu: nam alio genere subsidij non delector. Quod cum ille adhuc non fecerit: non voluntate quidem, quae optima certe illius erga me est: sed difficultate temporum impeditus: aequum erit mihi ignosci, si necessitate cogente, cui diuina etiam cedere veteres Philosophi dixerunt, ad Urbem me conferre non potero. Etenim voluntas quidem mea prompta ad parendum est, sed facultas penitus mihi crepta. Quamobrem peto a te, precorque Ioannes amplissime, ut pro tua autoritate, quae merito maxima apud omnes est, curare, ubi opus esse videris, & causam & famam clientis tui: neque meum factum in aliam partem, quam

quàm ut à me tibi res est exposita, accipi, impetrariue patiare: si tamen iure & rectè te id facere posse existimas. Namque ego qui mearum rerum satis mihi conscius sum, cum, qui magis etiam est conscius, Deum omnipotentem testor, & inuoco, me non videre, quemadmodum possim ita in Vrbe domicilium constituere, ut illas impensas urbanas sustineam: præsertim qui nec petitor vnquam, nec flagitator, nec sacerdotiorum auceps esse animum induxi. Sed semper his fui contentus, quæ aliena sponte, non meo flagitu delata mihi fuerunt. Summa hæc est: cum omnes meæ facultates & fortunæ, tenues ipsæ per sese, æri etiam alieno multisque aliis oneribus hoc quidem tempore impeditæ sint: egoque præterea & a pecunia, & ab omni itineris instrumento imparatus sim, atque nudus: nullo modo honestè me posse de meo aduentu ad Urbem cogitare. Quòd si aliqua in hoc motu rerum, & expectatione propinqui (ut homines fuerunt) concilij, opera mea requiritur, (quanquam ego in tanto cœtu sapientissimorum & doctissimorum patrum infimus sum omnium) tamen & per amplissimum Cardinalem Farnesium antea Pontifici maximo, & denuo per meas literas paratum me esse ostendi, ad concilium ipsum (si ei videatur) ire: etiam priuato meo nomine, si ita magis placuerit. Eaque ibi, quantum mea infirma & tenuis auctoritas patietur, officia & studia sanctæ Apostolicæ sedis, & summo ipsi Pontifici præstiturum: ut mea & integra & grata in eius sanctitatem maximè extet voluntas. Etenim potero commodius illò, quam ad urbem accedere. Propterea quòd quæ in vrbe Roma ordini nostro indecora sunt, illic arbitror fore honorifica: tenuitatem, frugalitatem, comitum paucitatem, & omnium rerum humilem summissamque modestiam. Habes causam meam, quam totam tuæ fidei, virtuti, humanitatiq; commendo. Tu quicquid in me studij, officij, beneuolentiæque contuleris: persuadeas tibi velim, te in hominem gratissimum, & tui obseruantissimum esse collaturum. Vale. Carpentoracti, XIV. Calend. Februarij, M. D. XLV.

I X.

I A C O B. S A D O L. C A R D I N A L I S

Ranutio Farnesio Card. S. P. D.

QUÆ in hanc Urbem de tui ingenij, summiq; ad omnem liberalem percipiendam doctrinam studij, fama & laude perlatæ sunt, eademq; vno & constanti omnium sermone confirmata: tantum mihi ea voluptatis attulerunt, ut id literis satis explicare non possim. Fuerunt enim & eximia, & noua, atque eiusmodi, ut non modò lætitiâ omnibus qui te diligunt, verum etiam ignotis

ignotis & alienis, amorem erga te, & admirationem potuerint excitare. Sic enim dictum, & percelebratum est, te ista ætate, quæ nec dum matura ad cognoscendam percipiendamque vim scientiæ & virtutis esse solet: & ista fortuna, quæ cum amplior atque opulentior facta est, præsertim in pueris & adolescentibus, sapius ad optimas artes capellendas est impedimento: tantos tamen fecisse in virtute doctrinaque progressus, ut nihil eruditius, nihil à quòquam viro ingeniosius, ne in moribus quidem totiusque vitæ modestia, compositius possit expectari. Quod magno in conuentu amplissimorum hominum, magnis de omni literarum genere disputationibus, cum omnium admiratione declaratum in te aiunt esse atque perspectum. Quam ego tuam non iam spem, neque indolem, sed præsentem laudem vberemq; fructum eximie virtutis, cum te pro mea in vniuersam domum & familiam tuam perpetua singularique & voluntate & obseruantia in filij loco diligam, ad magnum quoque animi mei fructum duco pertinere. Siquidem non minus fruimur aliorum bonis, cum ex ea te gaudemus: quam illi fruuntur ipsi, qui ea bona obtinent. Quod hoc etiam mihi in te cumulatius contigit: quod non vulgaribus tuis, neque communibus bonis: sed summis & singularibus gaudeo atque lætor. Atque in ista tua admirabili progressionem ad virtutem, in qua longè ætatem tuam ipsa industria superat, agnosco quidem vim generis, virtutem sanguinis, fortunam familiæ tuæ, quæ semper istiusmodi viris atq; ingeniis fuit referenda. Etenim quis hominum vnquam tuo auctore sapientior, quem ad summum in orbe terrarum sanctissimi honoris principatum, ipsa sapientia prouexit? Quis fratre tuo Alexandro probior, liberalior, moderatior: qui cum & fortuna, & dignitate, summis antecellat: humanitate tamen omnibus vult esse par: Non commemorabo cæteros: sunt enim omnes ex eadem stirpe & sanguine procreati. Ad te ipsum reuertar, in quo virtus & nobilitas generis tota relata planè, & præclare expressa est: teq; , quod mei iam in te amoris est propemodum paterni, hortabor & rogabo, ut hoc cursu quo cœpisti, ad summam laudem sic contendas & enitare, ut statuas, tibi hominum expectationem, quæ magna & incredibilis de te excitata est, non modò explendam, sed omnibus partibus & numeris absolutissimæ virtutis etiam superandam esse. Quod etsi perquam difficile videtur esse, tuis tamen ingenij nervis, & tuæ naturæ præstantia dignum est: optimeque id & commodissimè fiet, si bonorum morum velut firmo fundamento substrato, studia deinde & genera doctrinarum ita super extrues, ut in eligendis, quæ opportunissimæ sint, & in addiscendis quatenus possunt esse viles, non solum cura atque consilio, sed diuina etiam sorte quadam adiuuere.

iuuere. Qua de te dabitur aliquando nobis tempus inter nos colloquendi. Nunc quod à me breuiter significatum est, non id docendi tui causâ à me est susceptum (non enim tu ingenio neque optimis monitoribus indiges) sed volui mei etiam beneuolentiæ erga te, & voluntatis, aliquod ad te testimonium peruenire. Vale. Romæ, V. Calend. Octobris, M. D. XLV.

X.

IACOB. SADOL. CARDINALIS

Ranuccio Farnesio Card. S. P. D.

CAPRO non mediocrem curam debitam illam quidem egregiæ indoli tuæ, & ei opinioni quam ego de te iamdudum maximam concepi: vt quæ commota est hominum expectatio (cùm ferè omnes in te & oculis, & mentibus conuersi sint) ea cùm ingenij tui laude, tum virtutis & probitatis gloria expleatur. Quod etsi difficile videtur esse, quod nihil à te expectatur aut vñtatum aut mediocre, tamen proprium est generis & præstantis animi tui, eò velle conñiti, quò nemo alius non modò peruenire, sed ne aspirare quidem posse videatur. Mihi quidem pro mea summa erga te beneuolentia, sepe desideranti congressum atque conspectum tuum, & ob hanc causam te in Vrbe videre cupientem, illa leuatio desiderij semper proposita est, quòd intelligo, te dum abes à nobis, id agere tamen, & ei rei operam dare, vt cum Romam tibi fuerit reuertendum, maior multò ad nos atque ornatior redeas. Sic enim nobis de te pollicentur eximie illæ artes & præclara studia, in quibus tu, consentiente omnium fama, noctes & dies assidue versaris. Etsi (quòd mihi magnæ fuit admirationi) nouus quidam hominum sermo percrebuit, auum tuum, & dignitate & sapientia omnium principem, tibi iam autorem esse, magnopereque suadere, vt omissis his liberalioribus studiis, ad ius ciuile perdiscendum te dedas. Noua res, & mihi inexpectata: sed tamen, si ille ita vult, & si hoc illi statutum est ac deliberatum, nil contradico: parendum est summæ auctoritati, summæque potestati: præsertim cùm nihil ille sine maximo consilio, maximaque ratione facere existimandus sit. Sin autem, quod magis puro, magisque credibile est, non ille imperantis modò, sed veluti tentantis, & quasi communicantis, hac de re tecum locutus est: videlicet, vt eliceret sensum animi tui: existimaui mei officij esse, quid in hac re mei sit iudicij, breuiter ad te perscribere. Nam si tu natus in fortuna tenui, exiguis ad magnam dignitatem assequendam prædiis munitus esses, laudarem ipse etiam huiusmodi consilium, tibi que vt ad ius ciuile te conferres, autor existerem. Est enim apta & omnibus patens via, ijs qui humilitate ge-

tate generis, & rei familiaris angustis laborant, ab studio iuris civilis atq; scientia ad magnos sæpe honores opesq; perueniendi: neque aliam ob causam ius civile discitur, nisi ut per illud ad aliquam cognitionem hominū, & meliorem fortunæ conditionem veniatur. Tu verò qui illustriore multò ratione, nempe Dei immortalis beneficio, & virtute maiorum tuorum, in excessu & fortunæ & honoris gradu iam constitutus es: eaque adeptus sine ullo labore, ad quæ iurisperiti tantis contentionebus aspirant: quid tibi nunc constes, si in eas istam viam, quæ te eò deducat, quod felicitate quadam iam dudum es peruectus? Non ergo tibi est ius civile percipiendum eorum adipiscendorum præmiorum causa, quæ illi studio præmia proposita sunt. Habes enim illa & possides, neque tibi, ut ea quæ extra te bona sunt, consequare, iam est laborandum. Quod ergo tuum studium? quæ debet esse animi tui contentio? Nempe mihi Ranuti, ut ea addiscas, concipias, meditare, quæ te ipsum maiorem, quàm tua fortuna est, efficiant. Alio enim tu neq; diuinis de te ipso iudiciis, neque hominum expectationi satisfacere potis es. Consistit porro vera hæc & propria hominis magnitudo duabus potissimum in rebus: quarum una est, ut te ipsum iustitia temperantiaque exornes: altera, ut ceteros consilio & prudentia tua regas. Atque harum rerum neutram ius tibi civile, utramque tradere & largiri philosophia potest: modo ea sit ingenuè ac liberaliter, non inchoata solum, sed ad fastigium usque sacræ Theologiæ, & veræ Dei cognitionis perducta. Etenim si verum est, quod sæpe dictum est, & quotidie dicitur, talem quemque fieri hominum, quales sunt res, & qualia studia, quibus ille delectatur & ducitur: quid potest à iuris scientia magnum præclarumque existere? in qua primum tennes sunt res & minutæ: in quibus tractandis animus occupatus, frangitur ipse quoque & comminuitur, ita ut vix amplum quippiam aut magnificum concipere postea possit. Deinde, id quod magis etiam animaduertendum est, civile ius totum ad eam unam rem præcipuè intentum est, ut de pecuniariis controuersiis, quibus maxime tumultuatur atque agitur hominum genus, iudicia reddantur, quo in genere qui versantur, vel iudicando, vel causas agendo, cum vident tantum hominū pecuniæ vel quærendæ, vel retinendæ studium, ipsi quoque vehementiore aliqua pecuniæ cupiditate sæpe numero tanguntur. Quod vnum ad adipiscendam animi virtutem maxime homini infestum atque aduersum est. Et sunt tamen ex numero iurisperitorum clari aliqui & præstantes viri, quales in senatu nostro non paucos cernimus, aptos ad populos ciuitatesque regendas: verum illi bonitate ingenij, & naturæ præstantia, non iuris civilis studio tales effecti sunt: præsertim si ad legum scientiam, id quod plerique eorum fecerunt, optimatum

quoque artium cognitionem addidere. Illud quidem certè non est inficiandum: probi iurisperiti munus humano generi esse perutile: quòd legum imperio & providentia, cohibita vi fraudeque, hominum inter ipsos societas conseruatur. Sed tamen legum tota vis in re familiari sua cuique conseruanda, non in homine ipso ornando magnificandoque consumitur. At philosophia relictis eis sollicitudinibus atque curis, quæ ad compendium & quæstum pertinent, atque illis prorsus pro nihilo habitis: ipsummet suscipit hominem formandum sibi atque expoliendum: ut ex hac extractum communi infirmitate, quoad eius fieri possit, similem Deo constituat, nihil sibi quod externum & fragile sit, auidè appetentem: consulentem libenter cæteris, omnia sua bona in virtute posita ducentem. Quæ quidem virtus gratuita sit, nihilque foris quærat, quodque omnium summum & præstantissimum est, omnibus in rebus, quid deceat, intelligentem: quæ est una omnium difficillima generi humano scientia. Ille enim decori splendor, quo ad Dei proximè imitationem accedimus, usque adeò hoc tempore oppressus & perturbatus est, auaritia, ambitione, cupiditatibus cæteris, quæ tenebris & caligine animos hominum infuscant, ut ne minimam quidem partem luminis sui videatur obtinere: qui tamen è philosophia bonis ingenijs inserendus atque insinuandus est: si qui videlicet sunt, qui verè magni viri, & in seipsis perfecti homines cupiant euadere. Nam quod ad regendos & moderandos alios pertinet, nulla est scientia, nulla ars omnino, ad hanc docendam prudentiam, quam philosophia, præstantior. Illa enim cum in consiliis præpotentis Dei vestigandis atque indagandis quotidie versetur, quibus ille hunc mundi complexum, tamque immensam molem, & constituit ab initio diuina quadam sapientia & assidue continet, vegetat, moderatur: verendum erit credo, ne nos parum doceat, quæ sit ratio optima gubernandi: & quemadmodum hominum cœtus, quas ciuitates appellamus, regendi à nobis sint: cum præsertim in eo genere nil melius agere possimus, quam ut omne nostrum consilium ad illa præcella & sempiterna Dei consilia referamus: qui ex illis bonis, quæ nobis suppeditat, nullum sibi ipse appetit: sed suis quibusdam maioribus multò, longeque eximiis contentus est. Quam præclarissimam rationem nostræ virtutis, ac prudentiæ in gubernatione populorum exercendæ, sola philosophia tradere nobis & docere potest. Quemadmodum est de Pericle Atheniensis scriptum: qui cum illam Remp. quadraginta annos continuos rexisset, mirarenturque homines qui potuisset populum illum, suapte natura admodum insolentem, & fastidientem crebrò rectores suos, tam longo tempore gubernare: intellectum est, ea id ratione accidisse, quòd Pericles Anaxagoræ in Phyticis auditor, & in illa re-

rum na-

tum naturalium scientia, percipiendis naturæ consiliis exercitatus & doctus, animum quem summis rationibus erudierat, prudentiamque quam maximam inde compararat, ab illis altissimis rebus, ad hæc inferiora tractanda agendaque transtulisset. Sed quid ago? epistolam institueram scribere, ea autem crescit in volumen. Finem igitur faciam: teq; & orabo & hortabor, ut (quod aui voluntate fiat) ita ad philosophiam animum tuum applices, ut statuas, ex illa, nec aliunde usquam, veram tibi laudem, veramque dignitatem acquiri oportere. Vale. Romæ, XII. Calend. Octob. M. D. XLVI.

X I.

IAC. SADOLET. S. R. E. CARD. CHRISTOPH. MADRUCIO Episc. Tridentino S. R. E. Card. S. P. D.

AD eum amorem, quem antea erga te susceperam, & ad eam observantiam quæ tuis plurimis magnisq; virtutibus à me tribuebatur, incredibile est, quantum accesserit ex eis literis, quibus proximè ad meas respondisti: plenissimis amoris, officij, humanitatis, elegantia: denique talibus, quales à doctissimo, & liberalissimo; omniq; dignitate & prudentia ornatissimo homine debuerunt proficisci. Quibus ego certè ita sum delectatus, ut nulla te vnquam magis. Nam si diligì & probari à summis viris, homini non inhumano solet esse iucundissimum, quid est in tuis literis, hoc quidem in genere, quod abs te mihi tributum non sit? Potuine aut amantius scribi, quàm scriptum est, aut honorificentius sentiri de me, quàm abs te est factum? Quanquam ego de iudicio ipso, quod tu de me facis, multum tibi remitto: de amore quidem nihil. Nam amari à te cupio, & volo: idque quàm maxime: nec est quicquam quod mihi euenire possit optatius. In quod etiam enixurus sum, ut merito id meo à te fiat. Non enim neque in amore, neque vllò in officio tibi sum concessurus. Tanti verò fieri à te, quantum tuæ literæ declarant, neque postulo, neque me admodum esse dignum arbitror. Sunt in me fortasse umbræ aliquæ virtutum magis, quàm virtutes. Sed hæc tenues, & subobscuræ, nec illustribus facis ductæ lineamentis: quas cum tantopere ipse auges atq; ornas, facis tu quidem quod natura tua, & candor animi eximius postulat. Sed in eo bonitatem, & liberalitatem, & virtutem tuam magis ostendis, quàm illustras meam. Quod enim me cum Polo meo, tua opinione sententiaq; cōiungis, homine summa eruditione, summa pietate, summa prudètia prædito: optasq; denos utriusq; nostrum similes, si fieri possit, existere: quorum fide, vigilantia, consiliis afflicta Christianæ Reip. subueniatur: est quidem hoc & tuæ probitatis, ac religionis argumentum maximū: &

eius opinionis, quàm de me habes conceptam, indicium insigne. Veruntamen scito, cum iamdiu sit, quòd ego virum illum & colo, & admiror, nunquam me optare esse ausum, ut cum eo compararer: tantum sat mihi duxisse, si illius modò persequi vestigia, vel procul observando atque imitando possem. Itaque habeo cum & in vita, & in disciplina, & in omnibus forensibus, senatoriisque actionibus, ducem ac magistrum. Quem quòd tu quoq; tam studiosè laudas & probas, periucundum id mihi est: propriumque eiusdem præstantis animi tui, de quo iamdudum loquor. Pares enim cum paribus (ut est in proverbio) facilè coniunguntur. Sed mihi sæpe in mentem venit optare, qualem vos ambo Christianam Rempub. esse cupitis, talis ut ea, si non hominum opera, at diuino tandem aliquando beneficio constituatur. In quo tua auctoritas, & erga Deum religio, aliæque complures animi ingenisque virtutes, plurimum eidem Reip. profuturæ sunt. Sed de his satis. Ego quod mei iam privati erga te officij est, & maximas tibi gratias ago, habeoque, quòd tantam, & tam beneuolam voluntatem erga me susceperis: & tibi vicissim spondeo atque polliceor, qui maiore cum fide, ardentiore studio, fideliori obseruantia colat te & diligat, te non alium facilè esse reperturum, quòd si venerit usus ut re ipsa declarandum sit, me tui cupidissimum semper esse cognosces. Vale. Romæ, XIII. Calend. Februar. M. D. XLVI.

XII.

I A C. S A D O L E T. S. R. E. C A R D I N.

Christoph. Madrucio S. R. E. Card. S. P. D.

CUM huc allatum esset, fratrem tuum Aliprandum, virum clarissimum, diem suum obiisse: etsi ego quoque hoc nuntio grauitè eram perturbatus, quòd & illius mortui virtus, & meâ in te beneuolentia communem mihi eam calamitatem faciebat: tamen non alienum duxi amicitia esse & coniunctione nostra, quæ mihi venirent in mentem ad tuum dolorem leuandum, aliqua ad te perscribere. Non quòd dubitatem, quin à te ipso commodè & sapienter id fieri posset: sed quia forsitan dolore impræsentia impeditus, minus illa perspiceres. Atque ego, cum te ipsum absens intueor animo & contemplor, cumque de virtute tua, de usu rerum maximarum, de optimis artibus, quibus es egregiè & liberaliter instructus, cogito: vix videor posse credere, te cedentem fortunæ oppugnationibus de statu discedere grauitatis tuæ. Rursus, cum mecum reputo quem virum amiseris, cuiusmodi tibi frater sit ereptus, quo & quàm insigni lumine atque ornamento orbata sit domus & familia tua: cogor ignoscere hu-

mani-

manitati, & veniam dare, si mollius fortasse aliquanto fers, quam constans & firma ratio magni hominis postulet. Sed tamen si quid tibi rei nouæ accidisset, quod apud ceteros esset inusitatum & insolens, posses iure tu quidem propriam aduersus te fortunæ iniuriam accusare. Sed si hoc omnibus planè est propositum, vt moriendum sit: neque vllum in eo inter claros & obscuros, senes & adolescentes, bonos & malos, omnino discrimen est: cur moreremur illius obitu, qui expleuit suæ ætatis cursum, si non annorum numero, at certe rebus gestis, & magnitudine honorû, quos summa cum laude est adeptus? At non vides & cogitas, non modò in longa, sed mediocri etiam in ætate, omnibus propè mortalibus vsu hoc venire, vt circumfusi strage amicorum & beneuolorum, quos variis casibus amiserint, desertam propè à prioribus necessitudinibus, quæ maximè solent esse iucundæ, reliquam vitam degant? Quod mihi quidem hoc tempore præcipue & præter ceteros accidit: qui & multis antea partim cognatis, partim hominib. amicissimis & iucundissimis, & proximè duobus propè animi mei pignoribus, Bembo meo, & Victoria Columna, sanctissima, atque omnium animi, tum ingenij laude præstantissima scæmina, priuatus sum. Sed quis finis lugendi sit, si cunctos quos amauimus, velimus amissos mœrore diutius & lacrymis persequi? Nos verò tollamus potius animos ad immortalitatis spem: & illud cœleste regnum quod nobis Deum in CHRISTO ritè colentibus, ab eodem Deo oblatum propositumq; est omnibus nostris virib. studeamus adipisci: intelligamusque, nos ad agendum res præclaras, non ad plorandum esse natos. Sicut & ipse frater tuus optimè intellexit: qui in omnibus vitæ suæ consiliis & actionibus, non vt diutissimè viuere posset, sed vt fortem & illustrem vitam ageret, semper est meditatus. Quem nunc ablatum nobis, & in eam vitam quæ multò melior est multoque præstantior, cum suarum virtutum merito, tum diuina imprimis benignitate translatus, laude quidem debemus & pia commemoratione, non autem lamentis & complorationibus persequi. Qui si vixisset, teque, quod potuit accidere, ante se vitæ functum lugere necesse habuisset: nonne vides, qua ille in te fuit pietate & beneuolentia, quam duram & asperam fari conditionem subiisset? qui nunc ab omni eiusmodi cura periculoque solutus, in summa gloria felicitateque versatur. Atqui si illum amabas, vt profectò amasti, patere quæso meliorem hoc esse illius conditionem, quam tuam, quòd ille in vera perpetuaque lætitia, tu inani nunc in dolore positus. Quem tamen dolorem dies tibi ablatura est, etiam si ratio & virtus tua cessauerit. Quapropter vide quid tibi sit necesse: omnes de te ita opinamur, & sentimus, vt de fortissimo & constantissimo homine sentiendum est. Qui si tuis tot aliis egre-

gijs ornamentis, hanc vnam deesse virtutem senserimus, patientiam in rebus aduersis, & in retinenda animi firmitate constantiam: non nos quidem mirabimur, humanum enim hoc, & commune est peccatum: veruntamen non magni illius est viri, quem & tu præstare te debes, & nos optare vt talis ab omnibus esse cognoscaris. Ego beneuolentia erga te inductus, hæc ad te pauca scribenda mihi duxi: quibus multò plura & meliora, & ingenium tuum, & quibus semper operam dedisti, doctrinæ studia tui suppeditabunt. Quòd si aliquid erit à me his literis effectum, quod valeat vel ad mitigandum dolorem tuum, vel ad virtutem animi excitandam: habebo amicitiae nostræ magnam gratiam, quæ me hoc vt facerem non solum suaserit, sed etiam impulit. Sin autem tua prudentia ista non requirente, ego minus necessario officio fuero functus: tu tamen pro tua humanitate & bonitate, hæc nostra ab optimo animo & propensissima erga te voluntate profecta accipies. Reliquum est, vt tibi redigam in memoriam, me ab eo tempore quo te amare cœpi, tuis humanissimis literis prouocatus, mansisse semper in amore, & mansurum esse: atque ita, vt dies potius allatura semper aliquid incrementi sit, quam quicquam de mea in te singulari beneuolentia detractura. Vale. Romæ, III. Idus Martij, M. D. XLVII.

XIII.

I A C. S A D O L E T V S S. R. E. C A R D. A D A-
mo ab epistolis Ferdinando Regi Rom. S. P. D.

I O A N N E S Marsupinus, homo ea comitate, eoque ingenio, quod tibi quoque video esse notum, atque idem in rebus gerendis summa fide, diligentia, assiduitate præditus, sæpius olim ad me cum Roma abessem, de tuis virtutibus permulta scripserat: taleque tibi testimonium apud me dederat, vt ego te cum virum doctum atque grauem, tum verò etiam imprimis prudentem, & iure isti clarissimo Regi gratum atque probatum esse iudicarem. Posteaquam autem & idem ascripsit, & ego ad Urbem paulò antè reuersus, ex eis quas ad eum dedisti literis ipse perspexi, te non solum mei amantissimum, sed scriptorum etiam meorum persudiosum esse, quæ abs te vndique conquirentur, vt quàm plurimum mecum quasi colloqui posses. Dicam id quod res est, in tantum tui studium & amorem adductus sum, vt continere me non potuerim, quin has statim ad te exararem literas: tibi quoque & animum meum totum, & sensum patefacere. Nam si quisquam est, optime & suauissime Adame, qui aliqua significatione alterius erga se beneuolentia capiatur, ego me cum esse confiteor: cui nil accidere possit optatius, quàm à bonis viris, & tui similibus diligi. Nec
verò

verò fructum vllum in agenda vita maiorem aut vberiore per-
cipi posse arbitror, quamprimum quidem mereri: deinde etiam si
non ita planè mereamur: tamen adipisci aliquo casu, vt chara sit
prudentibus vīris atque bonis, non modò salus nostra, sed etiam
memoria. Quod quando non tam meo quidem vllō merito,
quàm tua præstanti humanitate consecutus sum, vt abs te tanto-
perè diligar, tantiq; fiam: nisi par tibi in omnibus officiis bene-
uolentiæ existero, hominem ipse me non putabo. Quamobrem
velim sic tibi persuadeas: habeasq; certissimum, neminem esse
qui tui amantior, quàm ego sum, esse posthac possit: omniaq; &
studia & officia amicitiae, in quibus ego seruandis ac retinendis
admodum sum diligens, tibi ita à me prompta esse & parata, vt
gratissimum sim habiturus, si mihi occasionem aliquam obtule-
ris, per quam mea erga te voluntas, & animus amicissimus per-
spici liquidò possit. De meis scriptis nihil sanè erat quod tibi pol-
licerer. Habebam equidē inchoata nonnulla, sed nihil erat per-
fecti: nisi fortè orationem libenter lecturus es, qua ego Cæsari
pro pace Christiano nomini concessa superioribus mensibus
gratias egi. Eius ego orationis describendæ, si id voluerit, faciam
Marcupino nostro potestatem. Atq; ipsum Ioannem Marcupinū
prorsus amantissimum & studiosissimum tui, etsi minimè opus
esse arbitror, tamen ita tibi commendo, vt maiore studio, ma-
gisue ex animo, neminem cuiquam commendare possim. Amo
enim iuuenem hunc mirabiliter: cū ingenio ipsius, & singulari
probitate, tum plurimis erga me eiusdem officiis adductus. Qua-
re sic existimes volo, quicquid in illum studij & beneuolentiæ
tuæ contuleris, totum id abs te in me collatum me esse iudicatu-
rum. Vale. Romæ, V. Idus Iulij, M. D. XLV.

XIV.

I A C. S A D O L E T V S S. R. E. C A R D I N.

Didaco Mendoza S. P. D.

AB eo tempore, quo tu me primū Carpentoracti vidisti, &
cū illac iter in Italiam haberes, apud me inuitatus fami-
liarissimè diuersatus es: ego iam tum cognita & virtute & huma-
nitate tua suscepi cum amorem erga te, quem etiam nunc summa
cum fide tueor: neq; mihi longinquitas temporis quod postea
intercessit, neq; locorū distantia, quibus seiuncti fuimus, de meo
iudicio quicquā beneuolentiāq; imminuit. In qua te eadē putō &
amoris constācia erga me mansisse, & voluntate. Secuta sunt tem-
pora quibus vterq; nostrū ad varias deinde & curas, & actio-

nes vitæ distractus est. Ego in hanc urbem bis, tēre accersitus,
 quanquam ægerrimè à studiis artium optimarum diuelleret, vi-
 tamque illam pristinam plenam suauitatis & otij commutare
 nollem: tamen Pontificis maximi imperio subire senatorij huius
 muneris onus, & publicis negotiis me dedere compulsus sum. Tu
 Imperatorem Cæsarem secutus, cuius magnitudo plurimas or-
 bis terræ & Christianæ Reipub. partes complexa est: probata illi
 fide, industria, & vigilantia tua, magnis ab eo sæpe rebus & ne-
 gotiis præpositus es. Itaque ego vt proximè redij in hanc ur-
 bem, à qua aliquot abfueram annos, cū cognouissem te lega-
 tu n esse apud Venetos Cæsaris, munusque illud egregia quadam
 cum dignitate & gratia sustinere: cogitani ilico scribere aliquid
 ad te, & renouare illius primæ congressionis nostræ per literas
 memoriam: vt si tu vinculum illud initæ tunc inter nos amicitie
 firmum retineres, ipse quoque tibi ostenderem, me non esse tui
 neque nostræ coniunctionis oblitum. Sin te fortè graues alie
 occupationes atque curæ ab hac de me cogitatione abduxissent,
 vt insinuarem rursus me tibi, antequā totus planè ex animo tuo
 effluerem: Scito igitur me nunc Romæ esse, implicitum quidem
 his sollicitudinibus atque curis, quas & rerum omnium perturba-
 tio, & durissima tempora Reip. ferunt. Quanquam in hac occu-
 patione animi, atq; molestia nitor cum tenere cursum, vt non in
 sermonibus solū communibus qui quotidie incidunt: sed etiā
 sententiis in senatu dicendis meus in Reipub. sensus, meumq; iu-
 diciū appareat. Non enim desino hortari & monere, rectè iam
 agi necesse esse omnia, si saluam Christianam Rempublicam fi-
 stere velimus, & veterem illam sanctitatem Christianæ religionis
 in mores & studia hominum reuocari oportere: in qua imprimis
 sententia Pontifex ipse Maximus est. Itaque datum ab eo est & le-
 gatis qui præsident, & concilio patrum qui conuenerunt, nego-
 tium, vt consulant ipsi & considerent, quæ videantur esse corri-
 genda, quod eorum monitis atque consiliis ipsius diligentia &
 autoritas minimè defutura est. Quamobrem venio magnam in
 spem, bene actum iri cum rationibus publicis, si & Cæsar tuus
 vnā cum Pontifice in hoc incubuerit studium, vt in reparanda re-
 ligione Christiana & Reipub. communis quoque pacis, & omniū
 dignitatis ratio habeatur: quod sublati odiis dissidiisque, il-
 laque æquitate animi moderationeque suscepta, quæ Christianis
 principibus maximè digna est, ipso iuante imprimis & opem
 ferente Deo, si tum nos piè deprecati fuerimus, non difficiliter
 poterit obtineri. Verū hæc ad eiusdem Dei præpotentis arbi-
 trium summumque concilium reicienda sunt. Quod autem ad
 priuatum nostrum officium pertinet, ego te mi Didace, non so-
 lum diligo, quod iam pridem facere institui, sed etiam in oculis
 fero,

fero, quoddam meis optatis de te tua virtus atque industria mirifice respondit. Petoque à te, ut quoniam propiores iam sumus, quam fuimus, facilisque est inter nos missio literarum, ne me tuarum rerum inscium atque expertem esse sinas: scribasque interdum ad me, fructumque hunc vel amoris, vel humanitatis tue mihi tribuas, ut ex literis tuis intelligam me tibi esse cordi. Quanquam, (quod mihi fuit molestissimum) audiui te laborare quartana febris. Sed fretus prudentia tua, & verni temporis auxilio, quod iam appetit, confido tibi celeriter futurum quemadmodum cupimus: nempe ut valeas, firmusque sis. Quod ex sententia tibi & tua & nostra ut contingat, Deum rogo supplex atque oro. Vale mi Didace. Romæ, M. D. XLVI.

XV.

IAC. SADOLETUS S. R. E. CARDIN.

Henrico Lusitano S. R. E. Cardinali, S. P. D.

ACCEPI literas tuas, plenas humanitatis atque officij: in quibus quoddam mihi gratias agis, quoddam te mea sententia in sacrum collegium nostrum cooptandum duxerim, eiusmodique cooptationem non differendam in aliud tempus: quæ antequam locus mihi dicendi datus est, in senatu sententia valere videbatur: sed statim & in præsentia declarandam censuimus: facis tu quidem grato animo, agnoscoque in eo humanitatem tuam. Sed ego in ea opinione sum, quæ claris & præstantibus viris officia tribuantur, ea non tam gratia ab iis qua tributa sunt, quam gratulatione ab omnibus celebrari convenire. Ego cum de tuis plurimis magnisque virtutibus, quæ & ad doctrinam, & ad religionem pertinent, multa sæpe audissem, quæ mihi penitus infederant in animo: essesque tu præterea eius regis frater, quem nos penè unum verè Christianum Regem hac nostra ætate possumus appellare: purum atque integrum ab omni Christiani sanguinis macula, fidem Christi sanctissimam longè lateque propagantem: quid mirum, si omneis meas curas, omneis contentiones, omnia studia ad augendum honorem & amplitudinem tuam contuli? præsertim cum is sim, qui erga tales animos incredibili quodam studio benevolentiaque afficiar. Quamobrem quod ego feci, id summo vestro merito à me factum est. Quod tu autem agis, ut mihi ex eo gratiam te debere agnoscas, magis id bonitati tuæ, quam ulli meo merito æquum est assignare. Sed de his satis. Illud quod est in literis tuis scriptum, quodque ego plurimi facio, imprimisque expecto à te ut præstes. Scribis enim te & fidei Catholicæ, & sedis Apostolicæ autoritati, quarum vtraque magnis in hoc tempore procellis tempestatibusque iactatur, para-

tum esse vel tuo sanguine subuenire, si ita res ferat: conaturumq; id facere omnibus tuis opibus, hoc maiore animo, quò iste honos, atq; istius amplissimi sacerdotij dignitas maiorem tibi facultatem eius rei agenda videtur allatura. Iste animus tuus, Henrice optime, tuaq; præstans atq; eximia in Christianam Remp. voluntas, ea est profectò, quæ te superiorem omni honore facit. Tu verò subuenies (mihi crede) tuaq; opera plurimum & autoritate Remp. adiuuabis. Quid enim est quod tanta virtus non queat efficere, præsertim tot ornamentis fortunæ & nobilitatis adiuta? Sed initium tam præclari operis, nisi ego fallor, tibi inde ducendum est, ut frater tuus, clarissimus Rex, veterem suam & suorum maiorum omnium in hanc sanctam Apostolicam sedem observantiam: quæ vestræ regię familiæ & nomini vestro maximam semper laudem attulit, nullis hominum insidiis, nullisq; machinationibus patiatur interrumpi. Quod non scriberem, nisi mihi quædam intuenti, nonnulla extimescenti, tu opportunissimo tempore visus esses vocatus ad eum honorem diuino propè consilio, in quo tuæ partes præcipuè futuræ essent pacis & amicitie stabilis retinendæ. Quod quide a tua virtute atq; prudentia maximè expectatum est. Sed de his quoq. plus etiam satis. Extremū est, ut tibi omnia tua studia mihi pollicenti, non solum agam, uti debeo, gratias: sed pari voluntate & benevolentia ita respondeā, ut amicitie fides, & bonorum virorum mos & natura ipsa postulat. Quare sic habeto, me & permagni facere amorem erga me tuum, & in omnibus rebus quæ ad dignitatem tuam pertinebunt, ea semper acturum esse, eaque sensurum, ex quibus meus vicissim amor in te summus, & singularis observantia appareat. Vale. Romæ, XII. Calend. Septemb. M. D. XLVI.

XVI

I A C. S A D O L E T. S. R. E. C A R D I N A L I S

Georgio Calio Lusitano S. P. D.

L I T E R A E tuæ, quas mense Septembri Vlixipone datas, ego ad tertium Idus Aprilis accepi, summam quandam mihi atque incredibilem voluptatem attulerunt. Vidi enim in illis & perspexi, non solum qui tu vir esses, quo ingenio, qua doctrina, qua etiam eloquentia præditus: sed etiam quantoperè me diligeres: quo munere atq. honore, a tali viro præsertim, nihil habeo quod vel optare possim præstantius; quanquam tu in me laudando aliquantò es effusior. Sed ut ego eas in me laudes non agnosco, sic benevolentiam tuam erga me amicissimè complector, parq; in me amoris & voluntatis studium referto tibi, atq; reddo. Poema tuū (quod patere omnibus necesse est) omni ex parte elabor...

boratum & elegans, magnopere me delectauit: nihil enim video te subterfugisse in eo, quod ad mundiciem Latinæ linguæ, omnesque in ea lepores & venustates pertineat, quas apud nos propè iam intermissas, & quasi obsolescentes, tu homo non in Latio natus, tam diligenter consecretaris & exprimis, vt aut mutata hominum, locorumque conditio, aut Latium hinc ad vos videatur esse translatum. Sed vt cætera in tuo carmine digna approbatione, sic illud maximè laudandum extollendumque est, quod veræ atque incorruptæ religionis patrocinium præstas: quæ religio in hoc tempore calamitoso, oppugnata vndique, atque vexata, quod pauciores habet à quibus & legitime & fortiter defendatur: hoc magis ipsa suorum defensorum & nomen & memoriam tueri debet: & cum illis præmia apud Deum immortalia parata sint, humanos quoque honores impartire. Quorum quidem in numero te egregias tenere partes, præclara illa Christiana patientia, quam carmine tuo tam accuratè illustras, vel in primis ostendit. Sed hæc hætenus. Ego & benevolentiam erga me tuam magni facio, & meam tibi non minorem polliceor: tibi que hoc sic persuasum esse volo, me in omnibus officiis, quæ fidelis amicitia requirat, nec studio, nec voluntate tibi vnquam defuturum. Vale. Carpent. V. Non. Maij. M.D.XL.

IACOBI SADOLETI S. R. E. CARDINALIS, EPISTOLARUM Lib. XVI. Epist. I.

IAC. SADOLETVS S. R. E. CARDINAL.

Alberto Pighio Campensi, S. P. D.

Vos libros de Hierarchiæ ecclesiasticæ principatu cum legerem, plurimæque in illis inuenirem, quæ tua cura & diligentia in lucem è tenebris, quasi vetustatis prolata sunt: scateretque ibidem omnia optimis & sententiis & autoritatibus cernerem: equidem ingenium, & doctri-
nam, & notitiam tuam rerum antiquarum sum admiratus. Probrietatem autem & religionem illa mihi res etiam in te ostendit, quod vidi & cognoui, te opimo animo & consilio adductum, quod Christianæ Reipublicæ tot malis detrimentisque affligeret, opem pro tua parte ferres, tantum negotii & laboris suscepisse. Quæ res, & mea simul propensa in doctos probosque homines voluntas, effecit, vt has ad te instituerè dare literas, quibus tibi indicarem, cum mihi vehementer tua scripta probentur, pietatem tamen, & voluntatem tuam, multo etiam magis probati

bari. Itaque quod solet sequi necessariò, ut cum de quopiam bene existimamus, illum etiam diligamus: scito, me tantum suscepisse beneuolentiæ erga te, ut si quid extiterit, quod tibi ex me commodum aut honorificum possit accidere, neminem qui me vincat in amore & studio tibi gratificandi sis habiturus. Ego Romæ non eram cum has scribebam literas: sed in ecclesia mea Carpentoracti, quò Nicæa veneram, ut ex longo & difficili morbo perditam propè valetudinem recrearem: quibus in locis hyems me oppressit. Nunc in Italiam & ad Urbem cogitabam: quò cum his paucis mensibus, ut spero, peruenero, (si mihi id Dei benignitate saluo facere licuerit) ita memoriam tui, & meritorum tuorum apud summum Pontificem Collegasque meos sanctæ Rom. Ecclesiæ Cardinales excitabo, & calefaciam: ut & ipsi, & cæteri omnes intelligant, doctis & excellentibus viris, quanquam alienigenis & absentibus, magnos tamen fautores in vrbe Roma non deesse. Nec tamen prætermittam, quin interea dem ad Põtificem Max. literas, debitumque impertiam tibi & virtuti tuæ apud illum testimonium: quòd hoc triduo omnino sum facturus. Sed quod ad priuatas meas cogitationes attinet: scito Alberre doctissime, me ex tuis libris in maximas angustias & sollicitudines animi coniectum esse. Versabar enim in eisdem planè studiis, & in eodem argumento elaborabam: iamque confeceram bonam partem lucubrationis meæ, cum tui ecce libri mihi inopinanti aduenerunt. Nunc quo me vertam nescio: si pergo atque infisto, videbor omnia abs te esse mutuatus. quid enim tu cuiquam reliquisti, quod is tanquam nouum aut inexpectatum possit dicere? Si desino, durum erit frustra à me susceptos fuisse tot labores. Quid igitur agam? quid? opinor id, quod veteres etiam philosophi & iureconsulti faciebant, eisdem de rebus, alio modo. In quo hauriam de fontibus quoque tuis: nec me tantum scriptorum tuorum excellentia deterrebit (quanquam deterret illa quidē, & ut quiescam suadet) quantum adiuuabit copias quæ facit, ut maiore etiam animo quam antea, & minore meo cum labore, confidam, spatiū me curriculum meum, in quod ingressus sum, bene & celeriter esse cōfecturum. Vale, & nos tui amantissimos dilige. Carpentoracti, III. Calend. Martij, M.D.XXXIX.

II.

IACOB. SADOLET. S.R.E. CARDIN. LA-
zaro Bonamico S.P.D.

ADVENTVS ad nos Florebulli nōstri, cum mihi per se magnæ voluptati fuit: tum eò etiam gratior, & iucundior, quòd & tuas, is mihi attulit literas, & percontationibus meis quas ha-
bui

bni de te, periculisimè respondendo, omnia tua diligenter est per-
 secutus. Quo quidem sermonis genere, in quo videlicet Lazarus
 meus, is & amicus, & vir, quem ego & iudicio animi, & studio,
 & benevolentia complector propè singulari, vltro citroque ver-
 satur, nullum facile possum reperire suauius. Illud cupiissem, vt te
 tuar occupationes non detinuis- sent, quo minus ad me longiorè
 epistolam mitteres. Non enim dici potest, quàm libenter tuas e-
 pistolas legam, & quidem longissimam quanque libentissimè: vt
 illas legens, tecum mihi videar loqui. Quòd si olim in colloca-
 tionibus nostris, illud inerat & vsitatum, & dulce, quòd liberè, &
 sine cura vlla, sine cautione inter nos efficiebamus quæcunque in
 buccam venerant, quam nobis licentiam familiaritas dabat: qui
 nunc conuenit restrictos esse in scribendo, cum liceat eadem fi-
 ducia & libertate loquendi literas conficere, qua sermones con-
 ferebamus? Sed tu vereris fortasse, ne tibi in epistolis tuas facun-
 dia opes explicanti, postea cum è suggestu iuuentutem doces,
 contra cauidicos desit oratio: quorum tu, quanquam optimus
 dialecticus es, captiones tamen vitare nequiuisti. Quid vis fieri?
 sua cuique hominum generi sophismata sunt, quibus caprent ad-
 uersarios, & in laqueum inducant: quanquam capitaliora fortas-
 se quæ aurum, quàm ea quæ mentem ex suis educant locis. Sed
 quid ago? cum ad iocandum minimè idoneum tempus sit: & ego
 id non cogitans, ad vetetem inter nos consuetudinem sic garri-
 endi relapsus sim. Nam si verum scire vis, mi Lazare, ego cum has
 scriberem literas, & in maxima eram sollicitudine de Repub. quæ
 vides ipse profectò quo in statu, vel potius quo in motu posita sit:
 omnia quidem vt aduersa in ea, & aspera horrere debeamus. Et
 tantum doloris acceperam ex morte summi viri, mihi collega, o-
 mnibus & amoris, & officii vinculis coniunctissimi, Federici Fre-
 gosii, vt adhuc animus illo vulnere æger, ex mœrore & tristitia
 recreari non posset: cui tamen vulneri paulum quid medicamē-
 ti lenioris induxit tui absentis recordatio. Nunc reuiuisceret do-
 lor, nisi eum ego ab huius argumento epistolæ penitus exclusum
 vellem: præsertim cum alia quadam mea lucubratiuncula tanti
 viri obitum satis sim lamentis prosecutus. Eam schedam ad te
 perferet Paulus Sacratas meus, quem ego cupientem iamdiu ve-
 strum istud gymnasium Parauinum inuiserè, & in eo dare operam
 non studii solum artium optimarum, sed studiorum etiam in dis-
 putando & cum æqualibus differendo exercitationibus, libenter
 ad vos dimisit: tua frater imprimis humanitate, & in nos beneuo-
 lentia: non enim dubito, quin eum tu sis eodem loco habiturus,
 quo ego habere soleo. Itaque illum ne commendo quidem: satis
 enim tibi nostra amicitia commendat. Tuam ad Donatum Rullū
 epistolam legi perlibenter, non solum quia disertè & eruditè scri-
 pra

pta est, ita ut accedat ad antiquitatis laudem: sed etiam, quia ad hominem cum missa est, quem ego mirabiliter diligo, tum virtutibus eius, tum etiam officiis erga me, vel beneficis potius provocatus: cui ipsi, quæso meis verbis dicito, si nos dignos statuerit, quos aliquando in hæc loca veniens inuisit, permagnum me ex aduentu eius, & ex conspectu lætitiā esse capturum. Vale mi Lazare. XII. Cal. Octob. Carpent.

III.

IAC. SADOLETVS S.R.E. CARDIN. ROMULO Amasæo, S.P.D.

VENIENTI isthuc Iacobo Bordingo, qui Scholæ Carpentorænsi triennium præfuit, optimo viro, & Græcis Latīnisque literis eruditissimo, non potui nihil ad te literarum dare: tum ut commendarem tibi hominem, quem mediusfidius ego singulari beneuolentia complector: tum etiam, tu ut agnosceres, memoriā me tui cum summa item beneuolentia retinere. Is ea de causa Bononiam proficiscitur, ut quoniam dedit aliquot annos medicinæ operam, id studii & laboris in ista vrbe perficiat, doctorumq; iudicio statuatur dignus, qui ipse quoque possit eam ciuibus suis artem & scientiam profiteri: quod illud magna cum ingenii & doctrinæ laude adepturum esse confido. Nunc, etsi non dubito mi Romule, quin quem à me, & diligi & probari intelligis, eū sis tuis studiis atq; officiis omnibus prosecuturus: tamen sic volo te existimare, vix quenquam inueniri posse, in quo tua mihi officia accidere possint gratiora, quàm in Bordingo, cui omnibus de causis meritò amicissimus sum: cupioq; eum quam maximè & celebrari & ornari. Quod tu præter cæteros egregiè mihi præstare potes, qui præes Bononiensi iuuentuti, & elegantib; ingeniis dominaris, in ea vrbe natis, è qua eruditio, & optimarum artium disciplina, in has transalpinas nationes dimanasse creditur. Postò autem hæc sunt quæ ego te posco: Primum ut diligas hominem ipse, & charum habeas: deinde, ut eidem doctos isthic viros concilies, reddasque eum, & meo, & tuo testimonio omnibus notum. Postremò, ut cum publicè iudicium de dignitate Bordingi per doctorum collegium fiet: tu cum tuis omnib; vestro eum comitatu frequentiaque honestetis. Quanquam summa postulatorum meorum hæc est: te uti ita geras aduersus Bordingum, amore, studio, diligentia: ut intelligat ipse, meam hanc sibi commendationem apud te plurimum profuisse: egoque in hoc homine experiar, id quod tamen iam pridem scio, me abs te non solum diligi, sed etiam vehementer amari. Vale mi Romule. Carpent. IV. Cal. Octob. M.D.XL.

IV.

IAC. SADOLETVS S.R.E. CARDIN.

Scipioni Blanchino, S. P. D.

BORDINGVS meus suis literis, quæ tamē ad me tardissimē sunt perlatæ, de eis rebus scribens, quæ isthac ipsi honoris sui comitia obeunti, valde foeliciter & ex sententia processere: cū multa multorum erga se officia commemorat plena amicissimi in me, qui illum absens meis literis commendaram, studii & beneuolæ voluntatis: tum tibi dæ præcipuè, summæ erga se humanitatis, & præstantis cuiusdam liberalitatis testimonium: coactūq; tuo diuersatum se esse apud te, & domo tua, tanquam sua comiter ac iucundè vsum esse perscribit. Quod ego mi Blanchine in ean. partē accipio, vt quanquam tu omnium doctorum virorum & fautor, & obseruator sis: tamen hoc mihi in ipso Bordingo honoris abs te atque officii tributum esse non dubitem. Non n. sum oblitus, cū ego olim isthac iter facerem, Bononiamq; venissem: te mihi ad hospitium publicum præsto fuisse: inuitasseq; domum tuam studiosè, & omnia signa egregii cuiusdam amoris mihi ostendisse. Qua ego tua tum humanitate cū non essem vsus, quodd mihi iter instabat præproperum ac necessarium: recordor tamen, perinde me habuisse, ac si & lecto, & opibus tuis ex labore viæ planè recreatus fuissem. Neque verò postea (vt sum natura factus) ex animo vnquam excessit meo, illius tui facti officiiq; memoria, nūc in Bordingo ipso renouatum per te, factumque est excitatus: quod non obsoleuerat quidem in mente mea, sed se ad occasionem aliquam tempusq; reseruabat, studium meæ quoq; tibi vicissim beneuolentiæ aliquibus tibi signis indicisq; declarandæ. Quod quoniam propter diurnam absentiam meam te ipsa efficere difficilius videtur esse, & spissius: ideo has ad te interim dare institui literas, quib. tibi significarem, animum tuū istum erga me, & mihi perspectum iam pridem, & nuper in Bordingo apertiore etiam factum fuisse: quem tu honoris mei gratia tam honorificè amanterq; tractaris. Quodd si locum mihi fortuna præbuerit, vt possim, quanti te faciam, & quid tua causa velim, quemadmodum quidem cupio atq; opto declarare: perficiam vt intelligas, te homini gratissimo, & similiū tui amantissimo, præstitisse ea officia, quæ non ideo solū permagni æstimanda sunt, quodd à beneuolentia & amore proficiuntur: sed etiam quodd gignunt ipsa & præerant summam beneuolentiam: quam iam inter nos mutuam constatam esse, & à mea parte conscius mihi sum, & à tua cōfido. Tu mihi Blanchine da operam vt valeas: nosq; fac absenteis vt diligas. Matthæum Curtium medicum apud nos insignem,

signem, & doctissimum hominem, Romulum, totamque simul Campegiorum domum, qui omnes in Bordingo suum mihi animum & amorem patefecerunt, meis diligentissimè ut salutes verbis, gratiasque cunctis hoc nomine agas, etiam atque etiam à te peto. Carpentoracti.

V.

IACOB. SADOLET. S. R. E. CARD. PRO-

spero Sanctacrucio S. P. D.

MA G N A me voluptate affecerunt literæ tuæ: ex quibus perspexi, vigere apud te, & memoriam amicitiae nostræ, & studium propensæ erga me voluntatis: quam ego habui semper carissimam, ab eo tempore usque, quo tu Patavii optimis artibus operam impendens, nonnulla iam illhinc ad me tui amoris indicia misisti. Quò quidem tempore memoria teneo, me dupliciter ex te latari esse solitum: cum ab eisdem testibus cognoscerem, & quantum tu mihi tribueres, & quantum cæteris ipse æqualibus, qui tunc in eodem versarentur cursu, industria & omni laude ingenii antecelleres. Secutū est tempus, cum fuimus Romæ: omniaque ea quæ inter nos intercesserant tanquam elementa & semina futuræ familiaritatis, congressu nostro mutuisque sermonibus alta, educta, confirmataque sunt: nostraque coniunctio in eum statum adducta, ut & tua mihi observantia, & meus tibi animus amorque patuerit. Sed quorsum hæc? Ut intelligas, mi carissime Prosper, ea quæ tu scribis in literis tuis, de tuo studio & benevolentia erga me, deque ea fide ac diligentia quam in causis meorum sis præstaturus, etsi iucundissima mihi fuerint legenti literas, tamen etiam sine literis, animo mihi præcepta, ac minimè dubia fuisse. Carolum quidem meum optimo iudicio usum esse video, qui te & Aragonium nostrum patronos populis meis asciuerit. Quid enim mihi utriusque vestrum fide, doctrina, benevolentiaque exploratius? Equidem laboro meorum civium causis: idque me & iustè & piè facere iudico. Agitur enim illorum res: meum autem officium: quod ego ita sanctè diligenterque tueor, ut nihil sit omnino quod habeam antiquius. Quòd si in humanis actionibus & negotiis, valuit semper apud me ratio officii plurimum, quid facere debeo in divinis? Ex Deo enim est hæc, non ex hominibus, quæ mihi cum his populis necessitudo contracta est: quam ego dum integrè casteque custodio, si minus servio commodis & utilitatibus meis: illos tamen fructus multò vberiores consequor, quòd pacatus intus, & totus mihi concors, optima cum spe vivo. Cum igitur mei huius laboris atque officii bona pars ad vos delata vel potius mihi communicata sit vobiscum: peto am-

bobus

bobus à vobis, vaeiusdem etiam mecum & studii & curæ participes esse velitis. Quamquam non tam hoc petere, quam me vobis gratias agere oportet: tanta mihi satisfaciendi voluntas in literis est declarata. Cuius ego certè memoriam perpetuò conseruabo. Vale mi Prosper, & tibi ita persuade, me si facultas & occasio affuerit, fautorem semper fore & amplificatorem tuæ dignitatis. A ragonio plurimam dic meis verbis salutem. Carpentoracli, Prædie Idus Ianuarii, M.D.XL.

VI.

IAC. SADOLET. S.R.E. CARDIN. IOAN.

Baptiste Speciano S.P.D.

SICUT mea & natura & consuetudo erga amicos postulat, facio hoc & sæpe & libenter, ut absens te absentem meis cogitationibus proponam: gratamque recordationem usurpem, cum virtutis tuæ, tum mutæ beneuolentiæ nostræ. Quin illum quoque diem, quo postremò fuimus vnà, sermonemque totū, quem contulimus inter nos, in memoria semper habeo: cum tu mihi Carpentoraclite redeunti ad portam Mediolani in diuersorio præsto fuisti: mecumque primo amicissimè conuestus, quod non introissem in urbem: quod nec tuo, nec summi viri fortissimèq; ducis Alfonso Daualii hospitio essem vsus: cum tibi mei facti atque consilii rationem attulissem, consuluisi boni: ad eaq; officia mihi tribuenda conuersus, quæ maximè tempus illud meum, & itineris ac periculorum quæ impendebant, ratio requirebat: nihil prætermisisti, quod vel in me adiuuando, studium tuum atque amorem vel in docendo & commonefaciendo, prudentiam desideraret. Quo quidem tempore illud mihi fuit iucundissimū, quod vidi, ubi quoque quem ego alieniorem ab huiusmodi sententia fore arbitrabar, meum relinquendi res propemodum perditas, & in solitudinem abeundi consilium, probati. Habebat autem non nihil cōtrouersæ & disceptationis res: vtrum liceret homini hoc honore prædito, partesque eas in Republica obtinenti & auctoritatis & scientiæ, quas longa iam ætas, & vsus rerum plurimarum mihi attribuerat, discedere a consiliis publicis, & ad priuatas cogitationes se referre. Quamquam, hoc quidem modo re proposita, nulla videretur esse exculatio, quæ me vindicare à culpa & peccato posset. Quo quid homini, ea quæ gerat, rectè atque ordine gerere cupienti, posset accidere grauius: Exponamus igitur causam alio modo, & ita quæramus: vtrum licitum sit homini in aliquo munere publico & honore posito, cum aduersis omnium voluntatibus videat nihil se proficere posse, quod ad Reip. pertineat salutem: habeat autem idem domi & priuati præclaras genere

actiones, in quibus versari & se exercere commodo eiusdem Reipub. queat: dimittere curas publicas, & ad priuata studia se conferre quæ præsertim nihilominus in publicam utilitatem reditura esse videantur. Sic enim proposito statu causæ, faciliior erit explicatio veræ rationis, & mei facti defensio. Nam si ego operam meam utilem esse Reipub. existimans, subtraherem me a negotiis publicis, & otii fruendi ac desidii causa Urbem curiamque relinquerem, ne me ipso quidem iudice, a maximi criminis culpa essem absolvendus. Etenim quid cogitari potest iniustius, quam si quæ habeas animi aut ingenii bona, quæ in communi hominum utilitate elucere possint, ad eaq; exhibenda, tui honoris munere atq; officiosis obstrictus: non illa ad publicæ emolumenta conuertere, sed querere tibi ipsi priuatim otium, cum tuus labor proficere ad plurimorum hominum fructum & commoditatem possit: Vera hæc est ratio, neq; excusationem habet huiusmodi voluntas. Sed si, quod res collapsæ in suum ordinem & locum restituerentur, veraque regendi & gubernandi ratio à principibus nostris iniretur: neq; temeritati, & fortunæ, cupiditatibusq; inconsultis permitterentur omnia, multa sæpe à me & dicta & tentata sunt: nihilq; prætermisissimum, quod vel ad docendum, vel ad cohortandum vel ad rogandum etiam valeret: porro autem nullæ meæ sint in Republica præterquam sententiæ dicendæ, & consilii explicandi partes: quid facere debui, postquam omnia conatus, nisi me frustra, & laborare intellexi? An contra fluctum statumque (quod aiunt) nauigio tenui, remis velisq; contendere? Quod si spes aliqua tamen extirisset melius fore aliquando: & si isti, quorum imperium summum est & potestas, non præcipitanter prorsus & præruptè, sed cum timiditate tamen & cautione aliqua in ea consilia se conicerent, quæ sunt & ipsis perniciosissima, & Reipublicæ potuissent aliquandiu forsitan dolorè pati, potuissent occasionem expectans dissimulare, quoad veniret tempus, in quo ex mei animi sententia, quæ certè in hoc genere rectissima & sanctissima est, possem opem ferre auxiliumq; Reip. cū conatus meos, & labores omnes, quos pro illa susceperem, fore illi subsidio, nec casuros irritos existimare. Cū verò nostri principes, qui maxime tueri & regere Christianam Remp. deberent, nihil videatur sibi habere proposuissè, nisi exitiū & euersionem earum ipsarum nationum, quarum præcipuè salus a præpotente Deo illorum est fidei commendata, & credita: cumq; ea illi sola consilia exquirant, & appetant, quæ sibi ipsis, omiſsa consideratione Reip. arbitrantur utilia: (in quo falluntur quidem sed doctorem monitoremq; nō recipiunt) seseq; ita gerant, ut quasi mercede à Barbaris hostibus Christiani nominis conducti, operam illis ipsis in proſtiganda re Christiana strenuam studeant nauare: quid me tandem agere cō-

suleréue oportuit? Spectatorémne me communium miseriarum constituere? Et essem tam ferreo animo præditus, ut atrocitatem illius spectaculi perferre possem? Qui enim mœror meus in calamitate tot populorum, qui animi dolor esset? qui non mihi corporis vel asperimus cruciatus, leuior tamen illa acerbitate accideret? An cum in hoc communi tanquam nominis & generis nostri incendio, omnes ferè non ad auxilium, sed ad direptionem conueniant, ego quoque particeps aliqua ex parte illius prædæ esse debui? At mihi prius millies mors acerba eueniat, quam ut illiusinodi culpam labémue vllam suscipiam: de qua ne cogitari quidem posse sine scelere & parricidio ab homine vllò puto. Ergo id, quod fuit reliquum, atque solum, sumpsi mihi, & constitui: concedendum mihi esse in ea loca, quò nec Pelopidarum nomē, neque facta meas ad aures perlaberentur. Quod etsi non omnino assequor, multas habeo tamen & iucundas à molestissimis hisce curis & sollicitudinibus animi auersiones, quas mihi potissimum præclara artium optimarum studia suppeditant. Et si verum scire vis: ego cum viderem multis & variis modis ac impugnationibus labefactari rem religionemque Christianam: habereque eam hostes & externos & domesticos, qui hoc etiam deteriores perniciosioresque existunt, quòd illi externi, bona hæc terrena sua sponte caduca per seque interitura, nobis eripiunt: hi cœlum, & patriam illam beatam atque sempiternam conantur eripere: quæ ad vim hostilem reprimendam idonea sunt arma atque consilia, ea principib. terrenis à Deo permissa sunt, si illi nutum & voluntatem summi Dei voluerint attendere, quibus verò prauæ huiusmodi opiniones, quæ in CHRISTI fidem veramque & puram Dei religionem, magno cum omnium salutis beateque vitæ amittenda periculo, non diu antè irruerunt, coerceantur & retundantur: illa ego mihi sumo, & ad hoc opus saluberrimum atque sanctissimum studium, operam, laborem, curam, diligentiamque meam omnem polliceor atque profiteor. Itaque si meis operatis Dei benignitas affuerit, opera ea sum effecturus, quæ si nō magnitudine & numero, ac perspicuitate & intelligentia, certè multa fidei in CHRISTVM nostræ mysteria ita apertam in lucem proferent, ut velut magno illato lumine, facile sit futurum unicuique, qui animū modò æquū attulerit, ad cognoscendū, inter verum atque falsum discernere & iudicare. Quod meum consilium cum maximè ad commodum & summam Christianæ Reipub. spectet utilitatem, eiusque ad partem illam tuendam fovendamque pertineat, quæ præcipuè ægra, eademque nomini Christiano maxime salutaris sit: ego qui ex illis fluctibus in hunc portum merecepi, & in eis commoror nunc locis, vbi plurimum illi opitulati & prodesse queam, non deseruisse curam cogitationemque

nemque de Repub. sed illam nūc demum verè & vtiliter suscepisse sum existimandus. Sed, vt ad prima redeam: cū antea te dilexisset, & virtutibus tuis multis, & etiam officiis erga me prouocatus: tum verò extremus iste congressus noster, prudentiam maximè mihi tuam & aequitatem animi probitatemq; aperuit. Vidi enim, vidi, te & lugere eodē Reip. casus, quibus ego afflictor: & eodē animo appetere honestum otium, quo ego id sum confecturus. Quod et si felicius mihi obuenit, quam adhuc fortasse tibi: magnum tamen præ se fert probi & sapientis animi indicium, illa eiusmodi mens, quæ rædio malè rerum contractarum, & exitum sibi, & facultatem fruendæ libertatis quaerit. Quod solè accidere fermè iis, qui optimo ingenio & natura ingenia in lucem editi, postquam diu versati in principum negotiis, aliquando perspexerunt, quàm illa aliena a tranquillitate animorum, vel potius inimica beatæ & iucundæ vitæ sit viuendi ratio: quippe quæ tota angoribus assiduis, maximisque sollicitudinibus, tanquam sentibus & spinis, intestinos sensus nostros lacerat atque cruentat: aut è vestigio si possunt, aut saltem pedetentim & cautè, illis sese laqueis & compedibus conantur exoluere. Quæ cum in utroque nostrum similis volūtas sit, eodēque ambo studio, optimis & artibus & literis dediti sumus, ad multas & graues nostræ conjunctionis mutuèq; beneuolentiæ causas, hæc quoq; similis sensus & communium studiorum ratio, tam magni momenti pondus affert: vt ego amorem quem erga te suscepī, quoad vixero perpetuum sum seruaturus. Quod vt de me tibi polliceor, sic mihi vicissim de te persuadeo. Tu, si eiusdem tibi erga me animi cōscius es, id mihi literis tuis si declaraueris, facies rem mihi vehementer optatam atq; gratam. Alfonsum Daualum, cuius ego virtutē, nobilitatem, magnitudinem animi, mirificè & cultu & beneuolentia mea prosequor, vt saluere iubeas meis verbis, summeq; me ab eo cupere diligi illi vt confirmes, magnopere a te peto. Vale. Carpentoracti, Idib. Septemb. M.D.XLIII.

VII.

IAC. SADOLET. S.R.E. CARDIN. IOAN.

Bernardo Feliciano S.P.D.

ET si in summa expectatione eram, post Rulli mei literas, quibus ad me de Appiano Alexandrino scripserat, illius libri habendi, meeq; in eo legendo explendæ cupiditatis, qua diu fueram huius egregii (vt ego sentio) scriptoris ipsius lingua cognoscendi, non mediocriter accensus: tamen non exiguum tractum eius moræ, quæ mihi afferebatur, tuas accepi literas: quæ, & qui tu vir es, & quam beneuolentiam erga me suscepisses, planè mihi indica-

dicarunt. Sunt enim amanter prorsus, & perdifertè scriptæ. In his quodd tarditatem negotij tantopere excusas, tua quidem diligentia mihi vehementer grata: sed excusatio non ita necessaria fuit. Facile enim intelligo, ea quæ aliena fide operaquæ gerantur, non admodum sepe respondere votis eorum, qui suum in iis rebus officium agi putant. Quod tamen officium magis à te ex humanitate tua susceptum est, quàm quodd ego de te vlla in re bene sim meritis. Sed tamen quicquid est, quod abs te actum est mei honoris causa, id mihi prorsus non modò accidit gratissimum: sed magnam etiam curam attulit, vt si fuerit occasio, coner te compensare non impari munere, præsertim cum videam quanta cum diligentia & literarum elegantia scriptus liber, idemquæ à glutinatoribus quam aptè & composîtè concinnatus sit: in quo amoris & liberalitatis primas Rullo partes, tibi secundas sine dubitatione defero. Agoquæ propterea ambobus vobis magnas gratias. Tibi autem, qui me in tuis literis eis laudibus exornas, quas ego non agnosco: totumquæ id refero amorem ad eundem, qui tuus erga me mihi iam perspectus est: his meis Feliciane literis hoc respondeo: te, etsi nequaquam antea mihi fueris notus, tamen hoc recente officio ita animo insedissem meo, vt quidem te posthac in meorum amicissimorum numero habiturus sim. Neque id solùm, verùm etiam optaturus, locum & tempus aliquod mihi dari, quo tu me item tui amantissimum esse intelligas. Vale. Carpentoracti, Idibus Iunij, M. D. XLI.

VIII.

IAC. SADOLET. S. R. E. CARDIN.

Donato Rullo S. P. D.

SAT longum intervallum factum est, ex quo ego tuas literas Sacepi, XII. Cal. Aprilis Venetijs datas: Quæ etsi summam significationem tui erga me amoris habebant, erantquæ ita scriptæ, vt nihil illis suavius, nihil ingenui animi liberalisque naturæ significantius fieri posse videretur: tamen quoniam habebant Appiani Alexandrini mentionem, tequæ adhibuisse diligentiam, vt is liber Græcè describeretur, mihi quæ mitteretur, indicabant: non puravi mihi quicquam rescribendum, quod certum scirem, quod allatus ille liber, & cuius indei ac diligentia mihi reddendus commendatus fuisset. Nihil enim erat de hac re in tuis literis scriptum: neque valebam coniectura assequi, vnde illum mihi, aut quo pacto accersendum putarem. Quod cum longius duceretur, egoquæ in maxima expectatione tui mihi optatissimi muneris essem: recordor scripsisse ad Priulum, talem virum, qualem tu quoque existimas: hoc est, omnibus ingenij, officij, virtutisque

ornamentis præditum: ut is re explorata, quamprimum hac me expectatione liberaret. Qui cum ad me ipse scripsit, tum misit etiam Ioannis Bernardi Feliciani (hominis docti, & ut perispexisse videor, mei quoque studiosi & amantis) literas: ex quibus dupliciter latatus sum, quod in eis luculentum inerat testimonium & tuæ singularis benevolentiae erga me, & item suæ. Neque tamen statim liber tunc unâ cum literis, sed post aliquot dies, mihi tandem redditus est. Quem ego, mi suavisime Rulle, ea cum animi lætitia accepi, qua solent, qui magnum honorem aliquem aut regnum concupiuerunt, ad sui desiderij exitum peruenire. Nam mihi quidem regnum atque honos literæ sunt: in quibus ita versor, ut non ex illis lucem aut gloriam, sed moderationem animi, & regulam quandam vitæ pacatius traducendæ, mihi sumendam putem. Porro autem hunc autorem semper imprimis admiratus sum, prudentiamq; in eo penè singularem cognoui: etsi cum Latinum legerem, neque verba satis in eo, neque sententiæ constabant: perspiciebam tamen in eius scriptis nescio quid, quod se mihi extollere super communem usum cæterorum scriptorum, præsertimque Græcorum videretur: quod nunc tuo insigni mi Rulle beneficio melius & liquidius diiudicare poterò. Totum enim scriptorem hunc planè penitusque comprehendam, & perscrutabor: ad quod me adiuuabit, quod ita & scriptus, & gloriatus liber est, iisque & literarum intus, & extra pegmatis illustratus: ut nō solum utilitas, verum etiam voluptas me ad legendum vehementer sit allectura. In quo video tuam summam diligentiam, cum summo amore, quem in me habes, certasse. Quare gratias tibi equidem ago pro tua erga me liberalitate, & habeo maximas. Sed in quo etiam gratius mihi es factururus, si me diligis, & si hominem esse me existimas non indignum eis studiis, in quibus ambo educati sumus; persuasissimum tibi habebis, nunquam tui huius officij elapsuram mihi memoriam ex animo: nec modò me adductū beneficio, verum etiam imprimis benevolentia erga me tua, curaturum omni studio, ut aliquod aliquando mei in re amoris & gratissimæ voluntatis indicium appareat. Vale. Ex Feliciano Carpentoractensis diocæseos, Idibus Iunij, M. D. XLI.

I X.

IAC. SADO LETVS S. R. E. CARDINAL.

Donato Rullo S. P. D.

QUINTVS hic agitur mensis; ex quo tempore ego in hanc urbem me retuli: non mea sponte quidem neque voluntate huc adductus, sed inuitus, ac dolens Pontificis Max. imperio literisq; compulsus, cum mihi in otio studiisq; meis honestissimè simul

simul ac libentissimè commoranti, hoc sanè iter perincommodum, & valde contra animi sententiam accidisset. Sed ut primum Romam attigi, fuitq; cum quo de meis rebus loqui familiariter, & liberè possem: id quod & tua erga me officia meritaq; postulabant, & mei animi grata fidelisq; memoria mihi suggererebat: statim de te & de tuo omni statu percontatus sum. Noli enim putare mi Rulle non mihi insidere in animo perpetuam memoriam illius liberalitatis tuæ, cum misso ad me transalpis vsque optatissimo libro, non solum consulisti studiis meis: sed quo tu esses erga me animo, qua benevolentia ostendisti. Neq; hoc tantum: verum illud etiam perspicuè declarasti, singulare quoddam tibi esse ingenium, summumq; iudicium in perspicendis hominum voluntatibus & desideriis: tuaq; liberalitate ad illorū vsum tempusq; accommodanda. Cum id mihi, homini etiā tum tibi ignoto, muneris destinasti, quo nullum nec tibi in dando conuenientius, nec mihi in capiendo honestius esse potuit. Quæ res fuit ea quidem mutue initiū benevolentia nostræ. Sed ego longius, pro mea natura, progressus sum. Ex eo enim tempore ita te amare coepi, ut nullum vnquam studium erga te amicissimi hominis intermiserim. Itaq; Romæ ut primum mihi consistere datum est, tu mihi ferè occurristi primus, de cuius statu & incolumitate amicos sciscitarer. A quibus cum id quod maximè optabam mihi esset responsum, te scilicet valere in omnem partem, pauloq; antè visendæ rei pulcherrimæ, hoc est publici Christianorum conuentus spectandi causa Tridentum accessisse: laudaui equi sem & animum & ingenium tuum, qui nunquam ab ingenuitate tua, & solita tibi probitate discedas. Etenim videre mihi videor, quàm tu sis cupidus rerum bene restituendarū: quàm in eiusmodi studio & voluntate flagrans: ut te angat & sollicitum habeant ea, quæ quotidie afferuntur impedimenta. Sed de rebus illis Deus viderit. Nos quidem optamus, & assiduè vota facimus, ut quàm rectissimè omnia agantur: verum tamen quid sperare debeamus, incertum est. De te ipso autem, id quod ad me nunc pertinet, estq; mei in te summi amoris proprium, nonnulla mihi, Donatè, incidit suspicio, & metus quidem, ne ex animo tuo penitus elapsus sim. Quid enim est? quinquēne iam menses sunt, fluxitque tantum temporis, neq; dum mihi abs te quicquam, ne salus quidem, aliorum saltem literis, tuis verbis nunciata? tantōne tibi labor scribendi aut monendi molestior, quàm mei absentis fuit appellatio iucunda? Quomodo ergo hoc lues? opinor si & literas mihi miseris, & doctissimorum hominum contubernaliū tuorum, Aloisij, Priuli, & M. Antonij Flaminij acta aliqua ad me perferibes. Nisi fortè omnem tuam mentem, cogitationemque rerum cæcitarum, illa prope immensa suauissimi huius tui comitatus

voluptas sic obruit, vt despiciere in partem aliam non queas: præsertim, omnium hominum longè & virtute, & comitate, & prudentia præstantissimo, Polo, tuos oculos animumque complente. Quod si est ita, ignosco tibi equidem, neque te amplius vllò crimine accersio. Sed in magno meo desiderio retinendi tui, illa me res tamen plurimum consolatur, quòd intelligo, plus semper apud me officij ac diligentia in tuenda amicitia memoria relidere. Quare si me amabis, & ipse ad me scribes; & hæc præterea efficies, vt te internuntio, sodales tui & me sui amantissimum esse cognoscant: & ego illos memores intelligam mei. Quod probè eueniet, si illi mihi salutem ex tuis literis dixerint. Quam ego vt illis plurimam à me nunties, vehementer abs te etiam atque etiam peto. Vale. Romæ, IX. Calend. Octob. M. D. XLV.

X.

I A C O B. S A D O L E T V S S. R. E. C A R D.

Isidoro Clario Abbati S. P. D.

C O M M O D V M emergeram ex tertiana febris, cum tua mihi Callata sunt literæ, data XVI. Calend. Augusti Tridenti: aliquanto autem serius, quam dierum & itinerum ratio postulabar, tabellariorum negligentia nobis reddita: quibus in literis facile & amorem tuum erga me, & memoriam veteris nostræ consuetudinis recognoui. Sed quominus ad eas tum celeriter responderim, partim imbecillitas corporis, partim etiam publica hæc negotia, quæ nos hic anxios & sollicitos admodum habent, aliquandiu retardarunt. Video enim Isidore, id quod tu quoque in literis tuis significas, rem communem nostram, hoc est, causam Christianæ religionis (quid enim est quod magis nostrum esse possit:) eò deductam esse, vt grauissimorum concursum periculorum metuere debeamus: spe præsertim concordia penitus sublata, qua antea sustentabamur. Nam qui antea, cum à nobis & ab Ecclesia Catholica grauiter dissentirent, omnia sua tamen concilio se esse permitturos pollicebantur: nunc posteaquam indictum conuocatumque concilium est, cum retractent promissionem suam, plurimaq; dent indicia, non solum non commutati pristini animi sui, verum etiam in prauis opinionibus vehementius pertinacis: qua spe possumus niti, vt turba hæc, quæ omnia diuina humanaq; permiscuerunt, aliquando pace consensioneq; tollantur: Atq; utinam, quod tu videris cōsidere, mea opera atq; industria aliquid prodesse posset Christianæ Reip. nos hoc damnum violatæ perturbatæq; religionis, vel nostro ipsorum sanguine libenter redimeremus. Sed cum neq; ingenio multum, & autoritate nihil possim: quòd tantum mihi tu tribuis, id ego amoris tuo

erga me, nō illi quo ceteris in rebus plurimum vales, iudicio esse assignandum puto. Verū quoquo se modo habeant Christianæ res, illa est spes nobis in Deum coniicienda firmior, quod is pro sua summa perpetuæque benignitate & clementia populos suos servabit ab interitu: neq; gentem delectam ab sese nonnullorum scelere atq; perfidia dari in exitium volet. Quam ego vnam consolationem, nec aliam præterea ullam, his tot malis reperio. Sed de his satis. Quod scribis, iucunda isthic multorum cōsuetudine, imprimisque eorum qui legationis munere apud vos funguntur, amplissimorū, sapientissimorūq; hominum, comitate erga te, summaque liberalitate levāi molestias tuas: facile adducor in eam sententiam; ut tibi ista peregrinatio non defugienda fuisse videatur. Nihil enim potest esse dulcius, quam cum doctis, cum probis, cum tui amantibus versari. Quibus quidem legatis, quos ego omnes summo cum honore colo obseruoque, plurimam ut salutem verbis meis nunties, nō rogo te solum, verum etiam flagito. Lucianum, sodalem & contubernalem tuum, vidi Ferrariæ, sumque cum eo bis collocutus, & quantum illo brevi tempore iudicare potui, eius excellens ingenium, singularemque doctrinam summo opere probavi. Eum tu, & item contubernalem tuum Chrysostomum, quem testimonio tuo, & amare cœpi, & virum egregium esse arbitror, meis verbis saluere iubeas velim. Fac valeas, nosq; mutuo diligas. Romæ, Calen. Septembris, M.D.XLV.

XI.

IACOB. SADOLETVS S. R. E. CARD.

Isidoro Clario Abbati, S. P. D.

ACCIPERAM tuas vnā & Luciani nostri literas, gratas mihi vrasque: sed cum illitum aliqua rescripsissem, distuli scribere ad te, quoad haberem absolutum meum de peccato originis librum. Quem nunc tibi mitto, correctum aliquot in locis: non quæ mihi viderentur ab integra in Deum fide esse aliena: sed ut cōtentiones fugerem quas studio omni semper deuero, si tamen id mihi aliqua ratione concedatur: est enim sæculum hoc, si quod vnquam aliud, ut tu quoq; scribis, ita paratū ad insidias omnium scriptis lucubrationibusque tendendas, ut transiri nusquam sine periculo possit. Sed si virilis animi nō est, deterreri metu ab actionibus honestis: ne meum quidem erit, si quid sit in quo prodesse possim fidei Catholicæ, quam ego sanctissime & constantissime colo, desistere a conando hominum contentiosorum causa. Ego pro mei captu ingenij (quod sane quā exiguum est, sed cupiditate incensum indagandæ veritatis) conatus sum, quoad potui, aperire rem obscurissimam: & hoc originis peccatū, quod sem-

Cc 5

per ad.

per adhuc mihi latuisse visum est, in conspectum hominum lucemq; proferre: si id tamen sum assecutus. Quod iam nō meum, sed aliorum erit iudicium: & imprimis tuum, Isidore charissime, comitumque tuorum vnā Luciani & Chrysostomi: quos ego scio non certandi studio, sed animo cognoscendi, amice & ingenue mea scripta lecturos. Habes igitur librum, in quo legendo quedam à te peto: primum, vt attento animo cum perlegas, deque tota materia nō antè quicquam statuas, quàm illa tibi bene percepta & cognita fuerit: habet enim (vt opinor) subtiliores nonnullas considerationes. Deinde, vt cūm legeris, remque cum familiaribus tuis communicaueris, si qua offendes in eo, quæ aperte videātur à Catholica fide discrepare, mihi antè nunties, quam cuique notum facias: vt possim, id quod maximè opto, non solum probus esse ecclesiæ filius: sed etiam videri. Equidem laboraui, & adnixus sum: omniaque circumspexi, ne imprudens inciderem in sententias reprehensione dignas. Nam de industria in eas incurrere perquam impium est: neque id vnquam sinat me Deus. Inscium autem & oscitantem labi aliquando, & errare, est humanum. Sed tamen, vt admonitu beneuolorum error statim tollatur: quo ego mediusfidius sum animo, vt & auditurus sim libenter errores meos, & illos studiosè emendaturus ac correcturus. In quo mi Isidore tuam imprimis operam beneuolentiamque requiro. Si ergo erit quippiam eiusmodi, me quàm primum certiorein facies: reliquos celabis: donec tibi à me fuerit responsum. Cūm reliquos dico, tuos comites excipio: quorum ego permultum, & confido probitati, & tribuo doctrinæ. Sin autem nihil fuerit quod Christianæ pietati sit aduersarium: erunt autem aliqua, quæ disputationibus trahi in diuersam partem posse videantur: ijs posthabitis atque neglectis, librum communicabis quibuscum voles. Nam certè res ipsa & veritas se ipsam tutabitur. Aut si quid erit fortasse, quod nequeat defendi: tarditas mei ingenij accusabitur, non in Deum fides: quorum primum tolerabilius est, alterum ferri nullo modo potest. In conferendo autem & communicando, rogo te vt habeas potissimum Ambrosium Catharinum: omniaque ita agas & tractes, vt tua in me beneuolentia, & mea erga te mutua postulat. Quanti momenti sit, & quantopere conducat hominibus Christianis, cognoscere hoc originis peccatum, qua in te consistat, & ad fidei nostræ mysteria intelligenda quam habeat vim, discerem pluribus, nisi te optimè id nosse scirem: quamobrem supersedebo hac parte orationis. Tantum te orabo atq; obsecrabo, vt suscipias hunc laborem non inuitus, mei honoris causa: tuamque solitam humanitatem & beneuolentiam sæpe mihi perspectam, in hac re potissimum exhibeas mihi & præstes: quod ego summum à te officium &

indiciū animi amicissimi sum habiturus. De prædestinatione quid statuam, & quā cum Luciano mea mens consentiat, ex hoc meo quoque libro poteris habere compertum. Vale. Romæ, XIII. Calend. Febr. M. D. XLVI.

XII

IACOB. SADOLET. S. R. E. CARD. NICOLAO Peirellio, S. P. D.

PAVLVS ad me scribit, in eo obeundo munere, quod rogatu meo suscepisti: te & Carpentoractensibus ciuibus vsq; eo satisfacere, vt in sacris illis concionibus, quas ad populum habes, nec religionis studium ardentius, nec rerum copia vberior, nec orationis subtilitas maior desiderari posse videatur. Itaq; admirabilem ad te audiendum hominum cuiusq; generis, ætatis, ordinis, concursū fieri, vt prorsus nunquam istic quisquam maiore hominum vel frequentia, vel admiratione, eius generis conciones habuerit. Quod mihi quidem, qui præstantissimum ingenium tuum, pari vitæ integritate ac pietate coniunctum, istic cū essem, facile perspexi, minimè mirum visum est. Non possum tamen faciliè verbis consequi, quā id gratum mihi & iucundum acciderit. Nihil enim vehementius studeo atque opto, quā illos homines, quos fidei meæ commissos, paterno planè amore prosequor, his tam turbulentis temporibus, quibus multi quotidie à vera religione abducuntur, in recta erga Deum fide atque officio manere. Itaque cū tu ad eos continendos, tam fidelem, tamq̃ue egregiam operam mihi absenti naues, incredibili quadam voluptate afficiar necesse est. Tibi verò eo nomine tantum debere me intelligo, quantum equidem vix posse vnuquam videor persolvere. Sed tamen, & is primū, qui pias hominum actiones cœlestibus præmiis remuneratur Deus, cui tu in primis deseruis, tam præclari officij tui amplissimam tibi mercedem reddet: & ipse non desistam, quin tibi pro tantis tuis in me, meosque ciues meritis, aliquam aliquando gratiam referam. Tu vt ciuitati isti pergas rectam, quemadmodum facis, salutis & immortalitatis viam ostendere: meq̃ue apud Deum precationibus tuis iuues, vt mihi ad Ecclesiam meam regendam redire illius benignitate contingat, abs te vehementer peto. Vale mi Peirelli. Romæ,

M. D. XLVI.

IAC.

XIII.

IAC. SADOLETVS CARDINALIS

Florentio Volufeno Scoto, S. P. D.

EVm, qui superioribus diebus tuas ad me attulit literas, testimonio tuo adductus, libenter vidi: opemque illi & studium meum detuli, vt multum apud me valuisse commendationem tuam facile intelligere potuerit. Nec te tua sanè, quam de me habes, opinio fefellit. Sumus enim, semperque fuimus, ad bene de doctis & probis hominibus merendum, si minùs opibus & facultatibus instructi, at certè natura studioque propensi ac parati. Te quidem, quem & optimis artibus eruditum, & in his de religione dissensionibus optimè sentientem semper iudicauimus, eo quo debemus studio & amore prosequimur. Itaq; quodd sententiam exquiris nostram, quam viam cum in patria tua constiteris, in qua maximas de religione contentiones esse scribis, insistere debeas: nos id tibi consilij dabimus, quod & amore nostro erga te, & virtute ac pietate tua dignum sit; quod tamen à te iam pridem captum esse minimè dubitamus. Nam cum & sacra nos litera, & rerum euentus ipse docuerit, Ecclesiam Dei turbulentis hominum seditioforum consiliis perpetuò infestam esse, & obnoxiam nimirum permittente Deo, quò hic bonorum exploreretur fides atque constantia: profectò dubium esse non potest, quin quod sanctissimi viri huiusmodi dissidiis & contentionibus exortis, semper fecerunt: vt Ecclesia partes sequerentur, eique tanquam firmamento veritatis inniterentur: id hoc quoq; tempore optimus & grauissimus quisque facere debeat, & sanctissimam parentem omni pietate & studio constantissimè tueri atq; defendere. Etenim summa sit non dicam imprudentiæ, sed amentia, Catholica relicta ac deserta Ecclesia, eiusque perpetuo consensu, & tot sanctissimorum patrum autoritate contempta, eorum sectam sequi, qui impulsio odio, & furore quodam spiritus tam temerè ac nefariè ab Ecclesia desciscere, eamque vexare atque oppugnare ausi sunt. Quos vt corrupti sacerdotum mores grauissimè offenderint, nequaquam ea tamen, aut alia omnino vlla, turbanda patris & commouenda seditionis causa iusta esse potuit. Quamobrem te quidem nec consilio, nec cohortatione mea egere arbitror. Sed tamen quando me, quomodo gerere te in patria tua debeat, consulendum putasti, credo quo autoritate mea consilium tuum confirmaretur: suadeo, horror, & moneo, vt maiorum nostrorum vestigiis insistas, atque ea quæ statuit, decrenit, & tot iam seculis obseruauit Ecclesia: tanquam Spiritus sancti, qui illi custos & veritatis omnis doctor perpetuò adest,

decret

decreta & instituta sanctissimè seruanda esse censeas: utque hæc quæ tibi a Deo data sunt, ingenij, doctrinæque munera, ad eos quibuscum viues, in fide & vera religione (quantum in te erit) continendos, sedulo vt Christiano homine dignum est conferas. Hæc profectò vna rectissima ad æternam salutem via est: hanc qui insistant, Dei & Ecclesiæ præceptis ac legibus obtemperant, ad illam quæ Christianis hominibus propolita est felicitatem sine vllò errore perueniunt. Sed hæc vt voluntati tuæ obsequer, non quò te putarem de his rebus non optimè & sentire, & tecum statuisse, iam attingi. Tu velim beneuolentiam erga me tuam conserues: tantumque de animo & voluntate mea tibi polliceare ac spondeas, quantum virtus & probitas, & vetus tuum erga me studium postulat. Vale. Romæ, M. D. XLVI.

XIV.

IAC. SADOLETVS S. R. E. CARDIN.

Gabrieli Paleoto Bononiensi, S. P. D.

ACCEPI literas tuas, testes cum eius ingenij quod ego in te summum esse audio: tum etiam officij atque amoris, quem erga optimum & clarissimum virum mortuum, quemque in me ipsum habere te ostendis: quorum vtrumque nequaquam mihi quidem præter opinionem accidit. Cognoui enim semper vestram familiam cum ingenij & literarum laudibus, tum probitate & in amicos obseruantia, in ista ciuitate facillè excellere. Quæ penè propria & domestica ornamenta tui generis in te ipso non relatum solum, sed etiam cumulatam iri confido atque opto. Quod autem scribis in literis tuis, te arbitrari, collega mei, vel fratris charissimi potius Petri Bembi Cardinalis, importunè morte me grauiter afflictum, & prostratum iacere: non fallit in eo te opinio tua. Nihil enim mihi potuit euenire acerbius, quam diuelli ab eo, cuius ego amicitiam fraternamque coniunctionem quatuor & quinquaginta annos inuiolatam tenueram: quem propter ipsius præstantissimas virtutes, summamque humanitatem, probitatem, suauitatem, singulari quodam & penè inaudito amore prosequabar: quo cum eram omnibus & studiorum eorundem, & voluntatum, tam in familiaritate & consuetudine nostra, quam in ipsa Repub. vinculis & necessitudinibus astrictus: vt eo mihi nunc erepto, solus planè, & ab omnibus mihi desertus esse videat. Ex quo non possum non dolere casum meum. Nam illum quidem lugere non esset fas. Caue enim putes quenquam vnuquam vlla in gente, vllò tempore, vixisse tam beatè, quam Petrus Bembus est mortuus, siue diuinæ in eum beneuolentiæ indicia spectentur, siue humanæ. Quæ magna quidem
mibi

mihī est consolatio: sed nequaquam adhuc mœrori meo par. Verum dābimus operam, quoad Deo adiutore poterimus, ut dolorem minuamus, qui est imbecillitatis: memoriam autem talis viri, id quod ad fidem amicitiae, & ad illius virtutum gratā commemorationem pertinet, assiduam retineamus. Tu mihi Balcore perge, ut cœpisti, atque ita te confirma, ut ei expectationi, quae magna de te concitata est, speique tuorum cumulātē facisfacias. Fratribus tuis humanissimis ac suauissimis, Galeatio, Camillo, & Astori, plurimam à me dic salutem. Vale. Romæ, V. Nonas Februarij, M. D. XLVII.

XV.

IAC. SADOLETUS S. R. E. CARDIN.

Francisco Mario Molsa suo S. P. D.

COGITANTI mihī ad te rescribere, commodū allatæ sunt ex Vrbe literæ, quibus certior factus sum, summum Pontificem in Urbem ingressum esse, teque cum Farnesio tuo optimo ac liberalissimo iuvene esse assiduū: eos quoque, de quibus nonnullam ad me detuleras querelam, quasi illis abiens, quibus minimè debebas, esses contempnū, tecum nunc adesse, teque illos planè habere in potestate. Quæ res breuiorem mihi in scribendo facit: res enim tuas in tuto positas, teque iam mea nec consolatione egere, nec consilio, nec cuiusquam ope amplius arbitror: cum sitiens, ab ipsis fontibus reslinguere sitim tuam nunc facile possis. Ego sanè cum essemus etiam tum Nicææ, de tuis difficultatibus exponens, commorā Pontificis animum: optimūque principem sua sponte fauentem tui similibus, hoc est, doctis, & bonis viris, etiam magis ut tibi consuleret atque opitulareretur, mihī ut visum fuit, accenderam. Secuta est postea (ut tute scis) distractio omnium nostrū: cum me huc ut conferrem, valetudinis ratio non modò me hortata est, verum etiam cœgir. Nec tamen dubito, quin mea illa opera, aut tibi attulerit iam fructum, aut certè allatura sit: cum præferam tua virtus, excellensque ingenium, omnibus sit amabile. Id si factum est, aut certè cum fiet, ut mihī literis tuis significes, planè tibi mando. Epistolas omneis tuas, quas & ad me, & ad Paulum misisti, legi summa cum voluptate, vehementerque probavi. Nec vixquam sanè dubium mihī fuit, quin qualescūque tu ad res ingenium tuum applicuisses, dummodo in tua ratione vnoquoque genere scribendi commoraret, futurus fueris omnium longè primus. Sed hæc tu melius. Nos hic conualescere iam cœpimus: omnino sumus adhuc imbecilli, sed spe nitimur bona. Nostrum ad Urbem reditum aliquot menses necessariò differemus. Vale.

ini Mol-

mi Molsa, & cum erit otium, nos tuis literis sepiculè appella.
Garpentoracti, VIII. Calend. Septemb. M. D. XXXVIII.

XVI.

FRANCISCVS MARIVS MOLSA,

Iacobo Sadolero S. R. E. Card. S. P. D.

QUIBUS me absentem officiis complexus sis, Pater amplissime, ex Pauli Sadolerti tui epistola, accuratè admodum ac peramanter scripta, certior factus sum. In quibus cum iucunda multa acciderunt: tum illud iucundissimum fuit, quòd a nemine nec leuiter quidem admonitus, me tamen Pontifici Max. his verbis commendaueris, vt mihi singularis cuiusdam beneuolentiæ indicium, ac iudicij testimonium, quo nihil grauius esse potuit, impertieris. Quanquam subuereri venit mihi in mentem interdum, ne maiorem tua prædicatione de me expectationem (quæ tua scilicet in amicis tuendis est diligētia) excitaris, quàm ego sustinere possim. Vtrunque certè eo studio es persecutus, vt amoris erga me tui, rationibus meis consulendo: iudicij verò de ingenio bene sentiendo, egregiam significationem dederis. Amori cerè quoad eius fieri poterit, respondebo, tuorumque erga me meritorum memoriam studiosissimè diligentiſſimeque seruabo. Iudicij verò si minùs satisfecero, mihi ignosces, imò etiam tibi, qui me ad eam laudem vocaueris, eaq; de me fortasse receperis, ad quæ consequenda, cum vires omnes animiq; cogitationes, operam, diligentiam, ceteraque omnia quæ in mea sunt potestate, attulero, si minùs fidem tuam liberabo, omni tamen culpa prorsus sum vacaturus. Quod ad Pont. pertinet, vix dici potest, in eius liberalitate quàm nihil propemodum spei mihi ponendum iudicem: qui eo ingenio est, vt si etiam velit, ita ramen frigide ac cunctanter velit, vt ei qui illius arcæ confidat, priùs sit conturbandum, quàm subsidio aliquo subleuetur, necessitate eius subueniatur. Iraque statuo ipsius liberalitatem afferendo æri alieno multò apriorem esse, quàm dissoluen-do. Quicquid ramen inde commodi ad nos peruenierit, id totum à te profectum iudicabo. Meas interim angustias (quod nunquam futurum putassem) amare incipiam: quæ mihi causam harum literarum dederunt. Optabam siquidem iam pridem Sadolere vir omnium sanctissime, atque doctissime, te meis literis compellare: idq; ob eam vnam causam vt tuas elicereim literas. Cur enim ego cupiditate non ardeam, vt aliquo in loco scriptorum tuorum nomen interi possit meū: cum ea eloquentia præditus sis, vt si in veteres illos Crassios, Antonios, addo etiā Cicerones, etas tua incidisset, eam multis tamē nunquā numeratus fuisset. Ea verò do-
strina,

ctrina, vt nemo illorum temporum neque vberioribus floruerit artibus, neque eloquentiam grauiorum disciplinarum instrumento ditauerit. Huius ego rei cum nullum exitum repentem, propterea quod te ista dignitate, grauitate, doctrina, interpellare me posse non videbam sine maximo scelere: praestò tandem fuit, adiunxitque hunc animi mei ardorem, egregia tua ac singularis erga me pietas: qua factum est, vt eam iuandi meique ornandi actionem cogitationemque susceperis, quae silentio praeteriri non possint. Itaque sum consecutus, vt non modò omnes nihil mihi tam paratum esse intelligant, quam operam & auctoritatem tuam. Sed etiam scribendi ad te occasionem (quod maximè cupiebam) nactus sum: quam mihi oblatam nullo pacto dimittendam censiui. Huc accessit, quod is qui me in scribendo impediēbat, tui interpellandi metus, eò minùs nos commouit, quod te laboribus senatoriis muneribus liberatum, Carpentoracti vestro illo familiari in loco oblectari iam puto. Quod et si nobis perincommodè cecidit, qui aduentum tuum audiissimè expectabamus: non tam merendum tamen nostra causa, quam latandum tua arbitratus sum: quod te in domesticam illam sedem receperis, vbi & valetudini tuae commodè inseras, & honesto otio ac oprato perfruire. Dum id sic tibi sumas, vt tantisper ibidem manendum putes, dum efferuescat calor, tuque cum meliusculè tibi erit, id est, cum planè confirmatus fueris, dare te via velis, ac Romam redire, quae virtutis tuae semper aptissimum domicilium fuit. Haec scripsi paulò verbosius, timens, ne ad eum vitae cursum relatus, à quo Reipub. causa inuitus aliquantum deflexisti: veterem viuendi libertatem tibi sequendam statuas: qua te adeò delectari solere non sum nescius, vt ab ea via digredi posse mihi persuadeam. Neque verò est, quod me in his literis facilitate tua abusum existimes. Non enim eius generis sunt officia tua, quae gratiarum actionem non desiderent: neque ego is sum, qui nisi aliquem mihi splendorem aliunde arcessam, eo non sum penitus cariturus. Vale. Romae, Pridie Non. Iulij, M.D. XXXVIII.

XVII.

FRANCISCVS MOLSA, PAVLO

Sadoletto, S. P. D.

PVT ABAM ego post tuum & Sadoleti patrum tui ab Vrbe discessum, maximam mihi Quirinales vestros hortos obeundi facultatem datum iri: quorum amplexitate cum tui desiderium, loco ipso admonente, lenirent: cum me ipsum maximis sollicitudinibus pene confectum colligerem, ac interdum aliquid etiam

com-

commentarer, quò tibi cùm redieris, orti mei fructus extaret ali-
 quis: cuius rationem diligentius, cùm discederes, exacturum
 confirmasse te memini. At quam me frustra spes ea consolata sit,
 accipe. Non modò ego ad illos nullus accessi, sed P. Paulus etiam
 vester, quasi edicto pratoris prohibeatur, ne vidit quidem. Obse-
 cro te, quid est hoc? Tantane illum, quem vos praefecistis, parsi-
 monia in rebus alienis uti, ut eos etiam quos vobis sciat esse cha-
 rissimos, non admittat? Vinitorem, nauum ac industrium homi-
 nem quem à vobis sibi commendatum in finem receperit, vexet?
 nam quòd eius superbiam ferre non possit, illum discessisse mi-
 hi videor exaudisse. At fructuosas res sibi habeat: Gallina abun-
 det, abundet olea, malo, fama, & rerum rusticarum gloria se du-
 ci prae se ferat: horum nihil impedio. Nobis qui animi, vitandi-
 quæ caloris causa, illuc conuenire consueuimus, umbram, apri-
 cationem, ac ne me deliciis omnibus bellum indixisse putes, ro-
 sam non inuideat. Liceat Curtio, liceat Bino, Sauoirque etiam
 nostro, mihi quæ ex condito olusculis cernere, ac tui nominis
 memoriam nostris colloctionibus tueri, donec tu cùm aduene-
 ris, nos apparationibus (ut soles) epulis accipias: draconem quæ
 istum, qui tuos hortos circumplicatus, nobis omnibus aditum
 obstruxit, exturbes, expellas, extermines. Extra iocum mi Sado-
 lere, P. Paulum gallica illa simplicitate ac libertate imbutum, val-
 de commotum vidi, quòd eius puer, hortorum aditu esset prohi-
 bitus: cùm nihil tamen aliud petiturum ireret, quàm λευκοία, qui-
 bus herilem mensam ac puluinum inspergeret. Verùm custodes
 illi diligentes sanè ac fideles, λευκοία timuerunt, de quo illi
 cùm recepissent, me per literas te facturum certiorem paulisper
 requiescere est visus. De meo negotio, nihil est quòd ad te scri-
 bam amplius, in quo Deos omnes mihi iratos planè video. Nam
 quid minus ferendum, quàm me Mortam etiam ipsum deseruisse,
 hominem mihi cùm multis officiis, tum amicitiae vetustate
 coniunctissimum? Quòd etiam eo indignius videri debet, quòd
 literis Calend. Maiis datis, nos in spem summam adduxerat, bi-
 duo aut summum triduo, se perfecturum, ut tandem hac solici-
 tudine liberaremur. Hoc non modò non effecit, sed neq. ullam
 literam ad me: cùm Romam quotidie epistolas mittat, easq. etià
 inanes, ac nugarum plenas. At qua tandem in re tantoperè labo-
 ramus? num ut principem locum, aut honorem aliquem publicum
 tuear? num ut abacos complures auro argento quæ eclato exor-
 nem? num ut exquisitioribus epulis mihi quotidie mensa exten-
 datur? nihil nobis alienius. Tantùm illud laboro, ut ea quæ vsui
 sunt ad vitam, non omnino incommodè agendam suppetant:
 nèue his qui me malè oderunt, despiciatui sim, ac ludibrio. Nolo
 commemorare quibus angustiis premar: hoc tantùm assero,

D. d. uel.

nullum genus incommodi reperiri posse, quo ego non vrgear. Quod si in eam me expectationem Motta literis suis nō vocasset, aliquid certè noui consilij capere potui. Nunc eò res est deducta, vt nec Roma exeundi, nec (quod peius est) remanendi ratio vlla iam proponatur. Aduerſes tu saltem, minùs multum profectò laboraremus. Hæc nō eò scribo, quòd te his meis angustiis aliquo pacto mederi posse confidam: (nam si id per te fieri potuisset, esset iam planè factum) sed ne hoc quoq; ad summum incerorem addatur, mihi deesse, qui cùm liberè omnia communicem, ac quasi mecum colloquar. In quo tuam aliquot iam dierum cessationem ægrè ferrem, ni Sadoleti patruī tui valetudo, cui tamen melius esse intelleximus, eius omnem causam sustineret. Nam literas nostras ad te non proferri quā putem, cùm eas semper in fasciculum eum coniiciam, qui à tuis Cardinali ipsi inscriptus, tabellariis ad vos perferendus datur? Quòd si olim rescribendi aliqua tibi sese occasio obtulerit: scito, te nobis satis non esse facturum, ni tuas epistolas quodam quasi cumulo addito, ponderosiores effeceris: quò nos scilicet de Regum congressu, deque pacis conditionibus (modo inter eos conueniat) certiores facias, idque *remedium*, ne nos omnino abfuisse videamur. Hæc ego scribam nono Calend. Iunij maximo imbri, ac Ioue tonante: vtinam etiam approbante: quo quidem tempore si rectè itineris illorum tempora disposuimus, rem satis calere arbitrabamur. Nonnihil tamen de vobis adhuc suspensio animo eramus: nec dum satis constituere poteramus, vtrum vos profectos pro certo haberemus, an potius alicubi istorum locorum concedisse, ob patruī imbecillitatem arbitraremur. Quapropter cùm primum poteris, hic quoq; scrupulus nobis tuis literis eximendus erit. Vale, & me ama. Romæ.

XVIII.

I A C. S A D O L E T V S S. R. E. C A R D I N.

Antonio Florebello suo, S. P. D.

ET prius epistolam tuam libenter legeram, & post oratione tua huc ad nos allata mirificè eius sum lectione delectatus. Est enim ornatè atque amplè scripta, teque ipsum mihi ante oculos constituit: cuius ego ingenium & copiam admodum semper probavi. Pauca sanè quædam adnotaui in ea, quæ haud magni momenti sunt. De quibus mandaui Paulo, vt certiores te faceret. Nunc mi Antoni, quando eos cursus cepisti, qui ad summam laudem deducere te possunt: perge porro atque enitere, vt spes nostra de te indies fiat erectior, magnumque ex te accedat nostræ communi patriæ ornamentum. Non egres tu quidem hortatione: sed tamen amor meus non patitur à me prætermitti, ne hoc officium

officium quidem: ut te hortor & admoneam, ut instare atque virgere tantam gloriam ne cesses. Ego ita fauceo tibi, ut filio: ita in tuis laudibus acquiesco, ut illis me quoque existimem ornari. Quare si hoc animo fueris, ut & meam & tuam vicem tibi conandum atque elaborandum esse putes: non dubito, quin ad summum honorem huius facultatis sis peruenturus. Vale. Ex hortis nostris, IIII. Non. Iunij, M. D. XXXVI.

XIX.

IAC. SADOLETUS. R. E. CARDINALIS

Antonio Florebello suo, S. P. D.

UPERIORIBUS proximis diebus dedi ad optimum virum Ioannem Nicolaum patrem tuum mea manu scriptas literas, quibus cupiditatem illi meam tui reditus ad nos, non mediocrem significabam: magnopereque eum hortabar, ut is quamprimum te de nostra huiusmodi voluntate faceret certiore. Quæ literæ satisne fideliter perlatae sint, ignoro: nullum enim à te ad eas adhuc accepi responsum. Cum autem res ipsa, & tempus meum postularer, ut instarem & virgerem, quod tua, aut alicuius tui similis, (si tamen alij similes) opera, fide, industriaque vehementer egeo: statui mihi ipsi scribendum esse ad te, cum neque haberem quemquam, quem pro meo iure fidentiùs atque amatiùs, quam te ipsum possem accersere: & si multi essent ad nutum nobis parati, quem præferremus tibi, neminem tamen inueniremus. Ac ne mirere, unde hæc nostra tui euocatio tam incitata & vehemens nata sit: scito Paulum tuum, qui mihi in meis omnibus curis, studiis, actionibus, vigiliis, summa cum fidelitate & diligentia præstod semper fuit: suoque labore, & in omni genere excellenti virtute operaque effecit, ut te tantisper abesse à nobis æquiore animo ferremus: nouo nunc magistratu impeditum (huius enim Provinciae rector constitutus est) non ita multum esse iam nobiscum: neque eam, quam solus est, operam posthac nauare nobis posse. Cuius ego etsi honore laudisque virtutis vehementer lætor, & quod in eo munere tractando, ad quod est vocatus, ita se gerit, ut cum maxima laude omnium summaque & prudentiæ, & æquitatis fama, & suam & nostræ familiæ dignitatem reddat illustriorem: tamen non queo mearum rerum priuatarum non sentire incommodum & pristinam illius consuetudinem utilitatemque non desiderare. Quapropter cogor alium quempiam sufficere in eius locum: qui & mearum cogitationum particeps, & fortunarum socius existat. Eum ego te esse opto, mi Antoni, & præter ceteros expeto. Tu enim solus, aut certe optime omnium, & desiderium nostrum hoc lenire, & sarcire incommodum tua

Dd 1

præsen.

presentia potes. Nam cum de tuo ingenio, doctrina, probitate, singulare iudicium semper feci: tum te habui proximum, quem æquè penè atque illum ipsum diligerem. Præterea te mihi obstrictum fide & promisso esse arbitror: Discessisti enim a nobis me concedente & permittente, cum Parauini es profectus, ea lege & conditione, vt simul atq; inclamasses, opusq; esse durissem, reuolaturum te reciperes. Quare cum tui accersendi tempus venerit: egoque te non vocem solum, verum flagitem etiam, atque expetam: tuarum nunc partium est, tuique etiam pudoris, & eius ingenij, quod optimum in te cognitum & perspectum mihi est: non solum operam dare, vt restituas te nobis: sed vt confestim & sine vlla mora restituas. In quo ipse volo tibi persuadeas, te à me non modò in consuetudinis & familiaritatis consortium, sed in omnis fortunæ, tum dubiæ, tum secundæ, societatem vocari. Has ego cum scriberem literas, cupiebam vehementer tibi eas citò reddi: vt tu primo quoq; tempore, quid de hac re statutum haberes, facere me posses certiore. Si enim tua consilia (id quod opto & spero) cum expectatione mea consenserint, ad iter statim te parabis. Sin autem fortè (quod vix fas esse arbitror) alieno fueris a nostra voluntate animo, nosse aucto tamen, idque quamprimùm, consilium omne tuum: vt si mihi præcisa spes tui aduentus fuerit, alium alicubi quæram, qui mihi & ad manum & ad curarum communicationem præsto sit: quem tamen neque alium, quàm te esse velim: & potissimum omnium te fore confido atq; auguror. Vale, & rescribe. Ex Feliciano nostræ diocæscos, XVI. Calend. Septemb. M. D. XLI.

FINIS LIBRI DECIMISEXTI.

IACOBI SADOLETI EPIST.

AD PAVLVM SADOLETVM

Lib. Epist.

IAC. SADOLETVS EPISC. CARP.

Paulo Sadoleto S. P. D.



LITERAS has ad te scribo literas, prouocatus tuis, quas Viglania proficiscens dedisti. Nam cum primas meas scriptas ii. Cal. Octob. ad 8. item Cal. Auentione misissem, vt celerius illæ ad te perferrentur: postidic vesperti redditæ mihi sunt cæ: in quibus mihi illud peritundum, quod te asperiozem itineris tui partem sine detrimento villo emensum esse cognoui. Et quidem cum hæc scriberem, in illam opinionem coniectura ducebar, vt te putarem iam venisse.

Muta-

Mutinam: erat enim sextus hic dies & decimus tui discessus: ut etiam si diem vnum Mediolani, alterum Parmę ponere instituis, commodum tibi tamen fuerit eò peruenire. Ego verò non solum prosperum & fortunatum tibi iter, sed facile etiam & expeditum imprimis cupio: si rediturus es ad nos, mea etiam causa: sin id minus, utique tua, quod tamen ipsum mea maximè interest. Nihil enim est tuum, quod pro paterna mea erga te indulgentia, mihi non meis omnibus aliquantò coniunctius sit. Sed quoniam Mutinæ iam mentio facta est, tamen si ego in accuratione diligentiaque tua magnam spem habeo rectè à te omnia & circumspectè gestum iri: nihilq; te prætermitturū eius officij, quod ad nos pertineat: tamen vellem tibi ἐμψαλίσκωτερον mandasse, quod ad Ferrariensium ducem attineret. Quem cum tantum & colamus & diligamus, quantum illius dignitas, & erga nos beneuolentia postulat: tum etiā non mediocrem illi profectò debemus gratiam, quod is amorem suū erga nos, signis & rebus iam multis patefecit. Quem ego ipsum nunc abs te, nec conueniri tuo commodo, nec præteriri saluo officio posse video. Quare etsi hæc in me non iam suo tempore incidit cogitatio, me tamen illa sollicitum vehementer habet. Quod nisi (ut dixi) in tua prudentia huius quoque rectè obeundi muneris spem maximam ponerem, penderem animi multò magis: sed me ipse consolor, quod tibi consueisse hæc venire in mentem certò scio. Negotia Murinensia quod tibi cæteris difficiliora ob animum versari scribis, non video causam cur ita esse debeat. Facilis enim est negotiorum gerendorum ratio, iis qui fideliter illa atq; integrè tractant. Quod si aliqui sunt aliquando, qui rationi bonæ recusent assentiri, in ipsis culpa resideat: τὸ δὲ καλὸν μὲν οὐ, cuius tibi potissima semper sit cogitatio. De rebus nostris hic nihil est sanè noui, quod cupias scire: res in eodem statu sunt, quo reliquisti. Nos victus totam rationem domi commutauimus: compulsi enim grauibus periculosisque distillationibus, cœna abstinemus, cui solebamus libentiùs indulgere: ad prandia sumus conuersi: idq; facimus palam, tricliniumq; sterni in maiore aula iubemus. Quod sentimus familiæ mirè esse gratum: celebratur enim domus, & simul absentia tua mœror hac ratione etiam magis lenitur. Coniux assidui Verotus, & Augustinus, alijq; præterea quos interdum fors obtulit. Quin habemus materiem sat bellam hilariùs nos habendi. Medicus est quidam subrufus, brevis statuta, oculis disiectis, quem tu nosse fortassis potes, haud enim ita diu est quod se contulit in hanc urbem: de eo mihi cum esset dictum, acutum hominem esse, & Philosophum, iussu ad prandium vocari. Aderat Stephanus Ruffus, & cum eo cæteri ordinis illius nostri (ut tute scis) in disputationibus concertatores: Ilhardus nobiscum vnà. Lacesiiui hominem,

minem, cum se excitasset: Ruffus noster suscipit negotium. Diutius ducta contentio est. Ego spectator attentus: quid enim dicam auditor, cum omnis non audiendi, sed spectandi fuerit voluptas? Quamquam ille quidem in disserendo & argumentando non imperite se habuit: sed corporis vultus, oculorum eiusmodi agitatio, ut nihil videretur ridiculosius posse reperiri. Itaque hominem sepius vocaturus sum. Nam quod ad valetudinem attinet, videor iam non nihil hoc nouo more, mihi quae insolito, esse consecutus. Virgeor enim minus, & caput non tam infestum habeo quam antea. Verum de his dies ipsa exploratius iudicatura est. Nunc ades ad parandum. Recordor enim in mandatis hoc tibi à me vel praecipuum fuisse datum, ut magistrum huic iuuentuti erudiendae quaereret. In qua te obtestor Paule, ut laboris & diligentiae reliquum mihi facias, quo nostri optati compotes nos efficiamur. Nihil est hac curatione neque honestius nobis, nec ciuibus nostris utilius. Quorum quidem causa cum cupiamus omnia, cur non in hoc potissimum officij honestissimo genere, omnibus neuis contendamus, ut & illis, & nobis ipsis satisfiat? Antea castigare illos solebamus, quod ad suum tantum bonum minus essent attentis: nunc vicissim illi me appellant, atque urgent: neque dies ferè ullus est, quin ad me accedant eorum aliqui rogatum. Quibus respondeo, tibi susceptum esse hanc provinciam: neque te quieturum, quoad idoneum repereris: cum hac spe dimitto illos. Et si quaeris, maximo eos studio in hac re ferri video. Proinde enitere atque elabora, ut talem aliquem inuenias, qualem nos cupere nosti: hoc mihi gratius facere nil potes. Plana hodie à legato reuersus, multam mihi salutem illius verbis nuntiavit: eaque mihi de eo retulit, quae certè mihi iucunda sunt: perbellè illum valere, gratissimumque habuisse, quod ego illi iussissem nuntiari: si qua in re tua in Vrbe opera uti vellent, te ei & studio omni & benevolentia praestò futurum. Egit gratias: nil se de nostro animo dubitare dixit: usurum cum res posceret, affirmavit, & quod intelligere facillè queas, habuit certè gratum. Atque ego hoc egeram dedita opera, ut suspicionibus nonnullis occurrerem, de quibus ad te scripsi Crucianum mecum locutum fuisse, & tamen simplici animo ac sincero omnia à me geruntur. Quid enim minus homine ingenuo dignum, quam aliud in corde gerere, aliud habere promptum in lingua? Sequamur igitur vera rectaque consilia, à quibus deflectere nullam in partem possumus. De rebus urbanis (ut antè ad te scripsi) tunc & quaerendum mihi abs te, & ibi praecipendum putabo, cum te Romam peruenisse cognoro. Nunc, ut serēs habet, illa cogitatione superlegendum est. Mutinensia acta expectabo interim, quae in manibus sunt: cetera ut dies afferet, & fortunā dispensabit, sic mihi deinceps

ceps literis facias notā. Nos hīc fructibus annuis condendis, non parum laboris molestiæque suscipimus, è quibus decumæ vini vsque edē fuere vberes, vt eas nullæ neque cellæ neque apothecæ capere potuerint. Itaque necesse est, lacus eos ipsos, in quibus musta ferbuerunt, doliorum instar adhibere: quibus a summo munitis compactis asseribus, & ad omnem introitum externi aeris probè obstructis, confidunt ista qui norunt, vinum incolume nos seruatu- ros. Ego hæc non tam quidem intelligo, quàm quæ peculiaris mea curatio est. Hortos suburbanos ita pulchrè habeo instructos omni huiusmodi copia, vt optimè prospectum in æstatem proximam sit: ad quod tempus te expectabimus: &, nisi erit maior isthic manendi causa, etiam perersemus. Vale mi Paulle, & si nos diligis, valetudinem tuam cura diligenter. Florebello nostro & cæteris salutem. VI. Cal. Octob. M. D. XXXV. Carpen- toracti.

II.

AD EVNDEM.

LATINVS Iuuenalis, homo & ingenio & rerum vsu præstans, mihi iam inde ab adolescentia notus, hæc iter faciēs Auenio- nem versus, rerū illarū quæ ad ecclesiam Auenionensem spectāt constituendarum gratia legatus à Pontifice: mecū erat plurib. de rebus collocutus, de quibus aliis literis scriptum est à me tibi per- diligenter. Verū cū is tum à me discessisset, tanquam alio iti- nere rediturus ad urbem, neq; me amplius visurus: nihilo minus mutata sententia, heri vesperi huc se retulit, amanterq; est à me hospitio acceptus. Sumus enim per diu iam familiares. Cogitabat autem ipse hodie cum prima luce proficisci, (nam hæc ego scribe- bam ante lucem) & cum eo aderat Raymūdus Vitalis noster. Has ei literas daturus sum ad te perferendas, quas cū acceperis, fac vt conuenias hominem, cūq; tibi in amicitia adiungas: probū enim virum, & integrum, & magni animi, & bonorum amantem, fautoremq; cognosces. Plura ad te scribam cū tuas aliquando accepero quas auide expecto: neque enim citiores iis habebam, quas ad Tarum dedisti. Vale.

III.

AD EVNDEM.

LITERAS tuas pridie Nonas Nouembr. vesperi, & ipsis Nonis postridie manè, cū in prandio iam discubuissem, essentque mecum vnā Casarista, Cusanus, Oppeda, Vellarenus, multi juges accepi, & Florentiæ, & Viterbij, & in ipsa vrbe iam bis datas:

Dd 4 quarum

quarum sum mirifica cura & copia delectatus. Ac primum illud gaudeo, te itinere toto acto ex sententia, incolumem ipsum atq; ceteros Romam peruenisse: ibique fuisse acceptum ut maxime volebamus. Sed quoniam mihi ad omnia rescribendum est, seruabo ordinem, ut priorib. prius respondeam. Quod ergo ad negotia Mutinensia pertinet, matrem & fratres mihi commodè valere, peropratum mihi est: teque ab illis amanter fuisse acceptum. De pere alieno matris fratrisque demortuo, habeo iam rationem atque consilium quo illos expedire ab omni difficultate possim: quare audacter promitto, eam rem ut rectè agatur fore tibi curæ, annuo enim ab utroque nostrum spatio sumpto, quod in tempus facultas soluendi caderet nobis possit, aureos trecentos numerabimus. Puerum quidem ipsum penes me habere cupio, si est talis, ut spes de eo nobis esse possit, in eum virum euasurum, quem querimus, & quod de fratre tuo iam confidere cœpimus, facile nobis ductu futurum, ut fingamus in eo formam illam, quæ sit maxime ad decus & ad dignitatem idonea. Doctorem huic iuventuti & magistrum ab te queri non puto fore amplius opus. Narrabo enim tibi, simulque tu agnosces, quanto plus sæpe fortuna polleat, quam hominis consilium. Receperam me forte in bibliothecam nudius quartus, cum esset iam nox: ibique attentius libros quosdam voluebam: cum cubicularius nuntiat, esse qui me conuentum velit. Rogo quis homo? Togatus inquit. Iubco intromitti. Accedit. Interrogo quid sibi velit, quia illa hora adeat ad me. (cupiebam enim absoluerè ocysus hominem, & ad studia me referre.) Tū illè repetito altius principio, ita aptè mecum, ita accuratè & modestè locutus est, ut mihi curam iniecerit cognoscendi interius, & percunctandi. Itaque clauso libro, ad eum totus conuersus, sciscitari incipio, cuius sit, quam disciplinam profiteatur, quid sibi querens in has regiones venerit. Ac ille: Scotus sum, inquit. Ex ultimane, inquam, orbis terræ natione? Etiam. Vbi ergo disciplinis liberalibus operam dedisti? (quod ideo interrogavi, quia eius sermo & Latinitatem, & ingenium redolebat.) In patria primum inquit, complureis annos philosophiæ operam dedi: deinde Lutetiæ sum eruditus, ibique Eboracensis Card. fratris filiū in disciplina mea habui. Post cum patris mors à puero illo nos distraxisset, ad Bellaium Parisiensem Episc. me contuli, eamque cum illo Romam profecturus, nisi morbus me grauis in itinere ab eo disunxisset. Quid ergo tibi hinc expetis: inquam. Cupiditas, inquit primum tui visendi, quod maxime optabam, huc me cōpulit. Deinde cum Auenione esset mihi dictum, te alicuius hominis indigere, qui iuventutem tuam hanc erudiret, si forte ego essem illi negotio apius, offerendum tibi ego me duxi: non tam onus illud appetens quidem, quam tibi gratum facere studens: &

fin. u'

simul intelligens, fore mihi laudi quodcunque munus apud te, & tuo iussu, hortatuque suscepissem. Quid quæris? vsique eò mihi placuit, vt primo mane Glocerium consulem, atque Heliam accersierim: exposui de homine quid sperarem, & quæ mihi in eo egregiè complacita essent, omnia narraui. Certè enim eiusmodi modestiam, prudentiam, compositionem oris atque vultus, vix in Italo homine talem expectare potueramus. Neque hoc contentus, ad prandium inuito, cum Florentium ipsum, (hoc enim illi est nomen) tum medicum nostrum, de quo scripseram ad te antea: itemque Heliam vnà cum consulibus. Post prandium, statim disputationes me cohortante inductæ sunt: argumenta physices assumpta: certatum a medico nostro acriter, oborto vultu, magnisque anhelitibus. Ille alter, modestus, placidus, nihil non ad rem, nihil non accuratè & sobriè, sanè quam peritè omnia, & intelligenter. Quin cum ego concludissem argumentum quoddam aduersus medicum tortuosum ac difficile, in quo erat enodando magnus illi labor: iste petita venia, solutionem protulit quàm maximè fieri potuit doctè, atque accommodatè. Quid quæris? accensi omnes desiderio sunt retinendi hominis, consulesque eū seuocauerunt. Res pacta est aureis nummis centenis: tanta cum voluptate quum, sicuti ego audio, vt omnes nouam quandam felicitatem huic vrbi esse exortam putent. Quin circumferuntur sermones, quos cum consulibus habuit, ita liberales atque ingenui, vt nil possit supra. Quamobrem spero huic negotio & muneri optimè prouisum fore: & spero adhuc, tamen nondum completum habeo. Sed videbimus reliqua. Habet autem iste, quod mihi maximè voluptati est, Græcarum etiam literarum quod pueris imbuendis sis satis. Quocirca tu de eo sine cura esse potes. Mutinenses ciues nostros rectè habere se, tibi que officia præstitisse quæ in vtrunque nostrum benevolentiam significarent, maximè lætor. Quæ ad Quirinales hortos pertinent, à me tibi missa, hæc me scribente tibi iam accepta esse confido. Erat enim hic vndecimus dies, quo tabellarius qui attulit, discesserat. Respondi literis Florentinis, nunc venio ad Romanos: in quibus hoc primum lætor, binas iam te ibidem meas accepisse. De Capisucco gratissimum mihi est, & Romæ eum commorari, & habere locum quem virtus eius meretur, quanquam non vt meretur quidem, est enim vir summis honoribus dignus: qui quod tui amantissimū se ostenderit, non est aliena illius naturæ & humanitati, hæc comitatis exercitatio. Eum ego maiorem in modum diligo, & diligam semper: summasque eius virtutes, atque imprimis humanitatem illam qua singulari est præditus, omnibus meis officiis complectar. Eum tu meis verbis & salutes centies, & amplexere etiam velim. Quod Iudæorum mentionem intulisti: in causa illa omnes

nunc laboramus : itaq; rogatus sum à Delectis huius præfecturæ, quorum de numero sunt qui heri mecum in prandio fuerunt, ut cum ijs vnà ad legatum accedam : quod libenter annui. Dies dictus est accedendi ab hoc die tertius, quò etiam propero magis, ut ad te antea scribam: ne negotio illo hæc opera distrahatur. Propter quam causam etiam habiturus es literas inaccuratas, atq; illepidè scriptas: non enim est otium describendi. Sed ut de re: cum essent conditiones Iudæis latæ à Delectis, quibus noua illorum iura restringebantur: easq; illi recusassent: interuenit Latinus Iuuenalis, ad quem est aditum à nostris, idq; meo consilio: peticūque ut æquitatem concessionū Iudaicarum inspiceret, ad Pontificemq; referret. Nō recusauit laborē, vocauit Auenionē Iudæos: parteis ambas audiuit. Correxit ipse nonnulla, quæ nos heri proposuimus Iudæis, interrogauimusq; , nū illis stare animum inducturi essent. Tempus postularunt ad respondendum. Biduum datum est, ut perendie, qui dies erat futurus VI. Idus, mane responderent: decretumq; inter nos, ut responso quocunq; habito, ad legatū statim profisceremur. Atq; hoc à nobis de industria factū est, ut si repudiassent illas conditiones, Latinum inimicum sibi redderent, cuius auctoritatem tam parui fecissent: quanquam intempestiuum nunc quidem est de Iudæis scribere. Amicum illum nostrum, nondum inuenisse exitum reb. suis magnopere miror: eiusque actiones minimè probo, in quo tu quoque potes animaduertere Paule, quàm popularis hæc quæ videtur sapientia, à vera viuendi ratione, verisque prudentiæ consilij aliena sit. Sed hæc missa. Ego versor in studijs languidius, & de gloria quidem aliquantum processi: sed nescio quo pacto piger magis quam sum ad scribendum, quàm solebam: legendi voluptate ducor: sumque reuersus ad Aristotelis scripta, quæ quotidie mihi maiora, præclarioraque videntur. Prooemium de gloria miseram tibi, quod postea mutauī aliquot locis, neque nunc velle Saluiato lectum. Sed ego hoc confecto de gloria libro, optimum illum principem omnino sum explicaturus, si impedimento nullo fuero tardatus? Cum hac à me peruentum esset, sustinui scripturam, si quid forte mihi in mentem venire posset, quod præterea esset scribendum. Interim conuertam animum ad literas Contareno scribendas, si & tempus & ingenium mihi suppeditaturum sit: quod sanè diffido. Ad Contarenum non succedit quod scribo, quare in aliud tempus differamus: & sanè sum aliquantum *mutus*, scriptio autem ad talem virum ab animo vacuo & soluto petenda est. Tandem confeci ad Contarenum literas, quas quoniam examinare, ut soleo, non possum, neque ingenium ad iudicandum attendere, tibi Florebelloq; permitto, ut nisi duxeritis idoneas, ne reddatis. Vale, & salve mi Paule: imprimisq; animaduerte, neque frequens

tua ad primores accessio aliquam indignam nobis ambitionis suspicionem exciter. Gallieis sanè quidem illa moribus, quam Romanis est congruentior. Quocirca temperato tibi ab ea, & lōgiora spatia intermittito. Iterum vale. 8. & 7. Id. Nouembr.

IV.

AD EVNDEM.

CVM venissem Auenionem ad XV. Calen. Decemb. ob causam publicam aduersus Iudæos illuc euocatus, protinus mihi ex equo descendenti, literas tuas Vitalis obtulit, 3. Non. Nou. scriptas: quas non mediocri cum voluptate legi. Delectabat autem me in illis cum summi Pontificis de te opinio, tot iam signis iudicijsque declarata, quam tibi & honori & ornamento fore confido: tum veterum amicorum nostrorum, summorum hominum, erga me voluntas non solum non extincta diuturnitate nostræ disunctionis, vt mihi ex literis tuis conspexisse videor: verum etiam beneuolentior facta, postquam tu tuis officiis, tuaque diligentia actiores quodammodo faces illorum animis adhibuisti. Sed præter omnia maximè mihi iucunditati fuit Contarenus: cuius ex epistola dici non potest quale de eo iudicium fecerim. Et re vera exemplum mihi illa attulit humanitatis eius, probitatis, benignitatis, prudentiæ. Primum, quod ad me prior ipse scripsit. Obsecro, hoc quærit: Deinde, quod illo modo, quod tam ingenuè, tam fraternè, tam amantèr scripsit: & cū pro me omnia summa fecisset, non tacuit etiā in literis: in quo me sibi visum ieiuniorè arbitrareretur. Crede mihi, amo hominem, & tanquam alterum me esse iudico, quando ita sumus consentientib. sensibus, vt simplicitatem illam, quam ego tātō opere amplector, & quam tibi amplectendam semper magnopere prædico, ambo eodem quasi induti spiritu, tenemus. Ac de magistro quidem lætor, & eum illū nō esse quem fueramus suspicati, & de omnibus controuersis inter nos conuentum esse: quem iam diligere incipio, tuo imprimis testimonio adductus. Proinde, etsi stigmata adhuc in fronte gerimus eius dedecoris, quod mihi ab illo vel per illū iniustum est: facile tamen & libenter obliuiscimur pristini doloris, atque ad fraternam beneuolentiam animum nostrum conuertimus. Ad Cōtarenū rescribo, cui cū reddas meas literas, de meo in ipsum animo, deq; maximis obligationib. quib. illi sum obstrictus, tu quoque ea loquere, quæ ex mea fide & natura esse scis. Bellaio etiā a ges meis verbis gratias: ipsiusq; erga nos voluntatē neq; vnquam mihi incognitam, & semper optatam atq; gratam ostendes esse. Nam quod hortatur vt in Epist. ad Gal. commentèr, satis tibi exponere non possum, quā a scribendo nunc abhorreat animus,

etsi

etsi hoc fortasse brevis desidia sit. Verum si scribendum maxime sit, num tu ad sacrarum rerum commentationes me hortare; quarum scriptio tot insidiis & calumniis est infesta? Illud me morder, Pontifici te esse pollicitum: quanquam hoc fuerit bonitatis. Te autem existimare, breui à me tempore elucubrari quicquam posse, quod lectione dignum sit, id sane in te vehementer sum admiratus: qui nosse tarditatem, & cunctationem meam maxime omnium debeas: qui crebro me desperatione suscepta opera penè abiicientem videris. Tibi ne venisse in mentē, menstruo spatio posse aliquid a me confici? Ne tu in hanc opinionē de me discesseris vnquam: neue tibi persuaseris, eum esse me semper, quem tu interdum expertus es, hoc est in potestate & arbitrio: vel (vt nonnulli dicere solent) in numerato semper orationis copiam habentem. Sed quoniam promisso satisfaciendum est, tuaq; fides exoluenda, quam Pontifici adstrinxisti: magnopere velim te expiscari & indagare, quo ille argumento potissimum laturus sit: atque vtinam ipsemet mihi præscriberet: fierem enim attentior illo mihi admoto veluti stimulo. Quid autem? quicquid dummodo ne de conciliis: quod in eo genere & permulta scripta sunt: & volo fidei meae testimonio derogari, si fortē in concilio quid sentirem de his rebus, esset mihi expromendum. Poterit igitur, si cum eo familiarius loquendi tibi potestas fuerit, sciscitari de comet, quid sibi maxime placeat. Ad Farnesiū composui gratulatorias literas: serius fortasse, q̃ expectarit: sed ita accurate, vt nihil mihi in ea re videatur potuisse scribi grauius. Florebllum summo opere diligo, & quanquam mihi illius absentia incommodo est, atq; vt prisco utar verbo, diuidiæ: tamen florere eum in celebritate magis opto, quam mecū in silentio, & quasi in solitudine vivere: idq; adeo illius causa, quem ego dignum omni honore statuo. Gratum ergo erit mihi intelligere, esse eū eo loci positum, vbi spem magnam capere suæ liberaliter fortunę cōstituendę possit. Nos hīc sat belle habemus: asperiores aliquanto sentimus hyemem, quā in his regionib; solita sit: annona & reliquis fructib; abundamus. Frater tuus quotidie magis & morib; honestis, quod videmus: & literis, quod speramus, proficit. Sacratius in officio est, commodamq; mihi præbet operam. Amici & familiares valent. Reliqua si qua sunt, à domesticis ad te scribi copiose puto. Carpent. VI. Cal. Decemb. M.D.XXXV.

Nigrum meum saluere plurimum iubeas velim: quem ego amo mediusfidius, & in medullis habeo: eius literis non rescripsi,

satī spatii non habens: & tamen nullam ei epistolam arbitror te internuncio futuram

gratiorem.

V.

AD EVNDEM.

SCRIPSI literas ad te speciosas, quas Pontifici ostendere posses: in quibus de tua istic mansione, redituque ad nos, consilium illud do, quod unum in huiusmodi re visum mihi est dari tibi oportere. Nunc scribo has familiariores alteras, ut etiam hoc addam, quod mihi maximæ curæ est. Nam cum ego prius quietiore animo essem, in reditum tuum expectans ad eam diem, quæ fuerat dicta: hoc est, circiter mensem Aprilem, postquam tu non semel, sed bis iam scripsisti ad me, cupere te anticipare illam diem, & primo quoque tempore ad nos reuerti, magna sum incensus cupiditate videndi tui. Sed tamen, quod est mei paterni animi erga te proprium, semper commodum & utilitatem tuam meæ voluntati præuerti volo: ut si habiturus sis splendidam occasionem istic commorandi, agas quod animo tuo lubuerit, quemadmodum tamen in alteris literis, quæ ad speciem factæ sunt, consilium meum tibi de hac rota re explicatum est. Illud tantum te admo-neo familiarius & propius, ut ita statuas, idque habeas exploratum, si semel in illam nallam te inieceris, liberum tibi posthac inde exitum non futurum. Nos enim ipsi, id quod tu scis, nisi diuino potius quam humano certè consilio, emissi ex illis vinculis, tanquam è custodia fuissetus, adhuc impediti & constricti hæ-re-mus. Neque ego te impedio, nec deterrere te volo, quo minus istic maneas, si commodum tibi sit. Sed utrumque putauimus esse, & quod faceres approbare, & quod sentirem id verè expro-mere. Confeci etiam ad Pontificem epistolam, quam omnino conueniet reddi: est enira scitè (opinor) satis & grauius scripta. Quam quidem ut conscriberem, illa me res præcipuè impulit: quod nosci ab eo, & à cæteris omnibus volo, firmum animi mei propositum, huius qua nunc fruor, retinendæ tranquillitatis, & libertatis meæ, usque ad extremum spiritum conseruandæ. Amicos nostros quidem omnes, sed imprimis, ac præcipuè Blossium meum omni a me salute & charitate complectero Vale.

VI.

AD EVNDEM.

BINAS à te acceperamus literas, datas mense Nouembri: nunc accepimus trinas ipso natali Dei & domini nostri die. Respondebo igitur ad omnes. De tua cupiditate, ut sis mecum, & mihi audire gratum est, & te video postremis tuis cognouisse iam de co-sententiam meam: nempe te non minus auidè expectari à me, quam

quam desiderari me tibi : quamobrem ages quod quandoque tibi videbitur. Illud tantum te admonitum volo , vt cautè iter facias. cùm propter anni tempus , est enim hyems : tùm quòd cum non maximè comitatus sis , sisque per ea loca , eosque homines transiturus , quorum mos & natura mihi valde est suspecta : non sine animi sollicitudine esse possum : neq; soluto animo de te cogitare. Quare fac vt omnem adhibeas cautionem & diligentiam , quòd te nobis saluum atque incolumem sistas : fidosq; habeas & comites , & viarum duces : in quo neq; opera , neq; pecuniæ parci à te volo. Et quoniam vno aliquo egemus qui a pedibus sit , Fabricium eram desideraturus. Sed is retinetur a Florebello , cuius commodum facilè antepono meo , alium adduces quemlibet , quem tu idoneum & fidelem esse iudicaris. Cæsum Cardinalem & amaui , coluique semper , (quemadmodum tute scis) & valde bene de eius ingenio , prudentiaque iudicaui : meque ab eo diligere etiam sensi : quod est caput meæ in eum obseruantiz , eximijque amoris. Qui quòd tibi se comiter amiceque dedat , habeatque nonnunquam de me mentionem : gratissimum mihi est : teq; illi meis verbis & agere gratias , & mea in illum perpetua officia polliceri , planè volo. Lapidem autè illum quin ferat causa nulla est : quare nisi iam fecisti , facias illi primo quoque tempore eius auferendi , & sibi habendi potestatem. Marium nostrum aucto scire quid agat , & quo animo prociuium nostrum acceperit : tu si ab eo aliquid , continuò facies me certiozem. Gambarum conuentum à te , & meis saluere verbis iussim , admodum lætor : illudque magis , quòd tibi visum scribis fuisse , me ab eo diligere. Quod ego non parui facio : eius enim de ingenio , & de nobilitate animi , summaq; humanitate , semper existimaui bene : quapropter item meis verbis ages illi de hac eius voluntate erga me gratias. Petrum Lambertum meum , optimum sanctissimumq; virum , eundemque omni virtute atque humanitate præditum , sic non amo solum , verùm etiam colo ac veneror , vt nullius hominis amplitudini & dignitati plus tribuam , quam eius vnus integritati ac virtuti. Qui quòd me , teque diligit , suamq; omnibus in rebus ostendit aduersus nos beneuolentiam , tam gratè accipio , vt nihil supra. Sed quando tot eius erga nos meritis referetur à nobis gratia ? vtinam veniret mihi in mentem , qua re possem me illi exhibere , agereq; aliquid , quod tali viro accideret optatum , testimonium meæ ardentis erga illum voluntatis. Sed , si omnia ad gratiam ostendendam nobis reliqua sunt clausa , testimonium certè tantæ virtutis ac benignitatis pro virili nostra in posteritatem propagauimus : est enim mihi ille semper in intimis medullis infixus. Tu ei a me milles salutem , vel centies milles potius : nemo est cui me magis charum & cõmendatum esse cupiam. Quòd autem ille tibi

ille tibi suadet, vt munus consecrationis, vel facultatem potius eius muneris accipias, idem ego & probo, & te hortor. Moroni Episcopi Mutinensis nostri virtute & dignitate plurimum lætor: teq; iniuisse cum eo amicitiam valde laudo. Caluum habeo in memoria, fuit enim semper mei amicissimus: ipse certè (quod nosse de illo potui) ingenio animoq; erectior quàm videretur illius fortuna postulare: quem salutes velim à me: ei que dicas, gratum illum mihi facere, quoddam memoriam mei non intermittit: petereq; ab eo me, vt hoc assidue faciat. Capisuccum meum, talem tibi beneuolentiam ostendere, tantumque impartire amoris, quantum scribis, incredibile est quantopere gaudeam, & certè nihil fieri potest illius virtute præstantius, humanitate lenius, familiaritate dulcius. Et ramen hæc in eo antea etiam cognoram: nunc verò, quod tantam fidem præstet amicitia, quod ita memor sit eorum à quibus ipse mirifice diligitur, quanquam longè absentium, hoc prope singulare est & summum in hac ætate optimi viri indicium: cui ego toto corde & animo penitus sum addictus. Illud doleo, quod cum ipse facultatè amplam habeat crebro nobis amorem suum ostendendi, nos nihil simile aduersus eum agere possimus. Sed aliquando poterimus: aut ipse eadem virtute, animiq; ingenuitate, qua nos officiis omnib. prosequitur, nostram voluntatè erga se pro relata gratia accipiet. Quòd eius omnib. in rebus ope & consilio vteris, facis rectissime, idq; vt semper facias tibi potissimum mando. Ad Gonzagam amplissimum virum suades vt scribam. Enimverò quid? præsertim cum ascribas occupatissimum illum esse. Videtur tibi rectum, vt obtundamus eum inanibus epistolis? Ac delectatur stylo & genere meo dicendi. Primum, nō video cur delectari debeat, quid enim est in meis scriptis egregiū, quodq; non imprimis humile & serpens humi sit? Deinde, si maxime delectetur, iuuenile est summos viros literis lacerare, quæ nil afferant aliud, præter animi delectationem. Imò verò habeat ille hoc pignus nostræ summæ erga eum obseruantia, maximiq; quo illum prosequimur honoris, quod vacuas rebus & negotijs literas ad eum dare erubescimus. Quæ quod scribis omnia summa officia Accolto nostro in illius grauissimis incommodis præstitisse, lætor virtute & laude amplissimi ac nobilissimi hominis: multumq; ego quoq; hoc nomine illi debere me intelligo. Gratum & id mihi, quod de Vbaldino nūcias, esse eum cum Accolto in amore & gratia, hominemq; se in illius aduersis reb. præstitisse. Laudo virtutè, officiumq; diligo. Sed de eo ipso est quod expostulem. Tandūne, cum in Vrbe assiduus fuerit, nihil ad me literarum, ac ne per alios salutè quidem? at tu illi à me plurimā. Cui indicabis, etiam si ipse me minus diligit, summè tamē eum à me & amari & semper amari iri. Hortos nostros Quirinales scripsi vt redimeres:

nunc

nunc si tibi videtur commodius sinere eos uti sunt, ea ratione, ne si ab vno auellantur in aliquem potentiorcm incidant, à quo non tam facile postea possint auelli: facies quod iudicaris rectum, totum enim hoc negotium tibi permitto. Latinum Iuvenalem amo maiorem in modum, meque ab eo amari opto: tu me illi & mea omnia, & res provinciarum huius commendabis. *Æmilius* quodam me petit, neque facile id factum est, & certe alienissimum nostræ integritatis. Nos officia amicitiae illi praesutimus, quoad licitum fuit: sinat nos nunc officij nostri habere rationem. Nam ut nos cogitationibus urgendis, & aduersarij persona suscipienda, lites prosequamur, neque honestum, neque decorum nobis est: longeque remotum à more & professione nostra. Libellum hinc retinebimus, quoad ipse inueniat qui rem sequendam curet: quem ex provincia ipsa esse oportet: & tamen magnus numerus eorum hominum solet in Vrbe esse: ut futura sit ei alicuius copia, qui id agat sedulo & diligenter: quando quidem ad talia genus illud hominum est aptissimum. Si qua re honesta *Æmilius* meam beneuolentiam erga se expectet, experietur semper me amantissimum sui. Ain tu Romae esse *Hieronymum Alexandrum*? quem ego abesse longè putabam: audieram autem esse eum Venetijs: gaudeo mediisfidius, datam tibi facultatem, hominis omnium doctissimi & noscendi, & visendi: quem quoddam scribis mei esse peramantem, moriar nunc eo nuntio mirabiliter sum delectatus. Hic de illis *Paule* est, quos ego imprimis mirari soleo. Incredibile propè est, quae sit hominis scientia, memoria, cognitio rerum plurimarum, de quo saepe equidem tecum locutus sum. Sed nunc cum nactus occasionem es, complectere hominem omnibus officiis, & te illi insinua: abibis enim semper ab illius latere & colloquio doctior: quem salutari à te meis verbis studiosissime volo. Tantum utrumque nostrum ab amplissimo viro *Con-tareno* amari, quantum tu scribis, summa mihi voluptati est: utinam ille modò habeat iustas causas id agendi. Ipse quidem illi omni obseruantia iure optimo sum addictus: cuius legi adnotationes, & tamen est quiddam, in quo leuiter dissentimus: in quo tamen meis rationibus allatis illius sententia potissimum staturus sum. Sed oporteret nos colloqui: quod aut faciemus coacti concilio, si modò unquam cogetur: nam ego quoque *Christiano* illi negotio pro mea parte non decro. Aut si facultas ea non dabitur, & desperaro posse nos congregi, per literas accuratius & sciscitabor sententiam eius, & explicabo meam: quam ob rem tota ista res in id tempus differatur. Mendum illud in libro meo, quod ipse quoque corrigi debere dicat: probeque in eo opinionem meam, quae tamen eadem semper fuit, neque quo pacto in verbis illis fuerit immutata scio, nec miror, & tanto magis

dari à te operant volo, vt in omnibus libris, quotquot fieri poterit, error ille tollatur. Ad postremas venio literas: Saluiatum & Campegiuin, & Symonetaui, quantum colam tu optimus testis es: qua autem illi in rebus nostris beneuolentia vtantur, cognoui ego ex tuis literis. Agito igitur illis maximas à me gratias, omnemque meam obseruantiam, officium, amorem, eisdem deferro: quod commodissime facies, cum comineatui petes ad nos reuertendi gratia. Hortensium laetor bonis ingenii probari Octauio Pantagatho optimo atque eruditissimo viro, cuius officium gratissimum habui, meam item gratiam esse & memoriam eius officij, & erga ipsum voluntatem gaudeo. A Steuco accepi literas humanissime scriptas, quæ me maiorem in modum delectauerunt. Quoddad Fregosium scripsisti, laudo. De pensione illa tua petere à rege vt eam autoritate sua comprober, indignum est. Nostra erga illum officia eiusmodi sunt, vt si fortunam sequeremur, maiora ab illo expectare deberemus. Nunc cum è fortuna non pendeamus, infringere in re parua magnitudinem animi nostri, ne cadere quidem in cogitationem nostram debet. Si pensio per Pontificem potest roborari, honesta est actio, & petere non indecorum. Si ad Regem confugiendum est, non est tanti pensio, cur hanc demissionem animi alienam à moribus & natura nostra subeamus. Nihil est quod te pigeat reddidisse primò Farnesio literas, & eius opem & gratiam implorasse: non enim dubito, quin negotium suscepturus ex animo, idque quod volumus à Pontifice impetraturus sit. Quod si etiam fiat serius, semper tamē futurum est his populis gratum. Non te oblitum arbitror, quod tibi discedenti de Alfonso fratre in mandatis dederim. Id tamen, quoniā (vt debet) magnæ mihi curæ est, repetendum his literis duxi, vt iustes contendasq; apud Pontificem Maximum, quod magistratus ei aliquis illius virtute dignus mandetur, in quo possit & doctrinam suam, & integritatem exercere. Non enim diffido optimum Principem, pro sua clementia & erga nos voluntate, habiturum rationem rogationis nostræ: nobisq; ea præbiturum, quæ communia ferè sunt: cum nos, qui nihil magnum neq; insigne quaerimus, ac ne optamus quidem, neque ob eas res aures Principis nostri obtrudimus, hoc simus qui parua & vulgaria imperemus digniores. Ages igitur cum illo nostris verbis, & diligenter, & audacter: vt habere velit fratris mei rationem, & docti, & prudentis viri: cuius iam probitas, iustitia, & integritas, in aliis magistratibus, quos alias perhonorificos gessit, magna cum ipsius laude præstata est. Causas celerioris reditus tui, vel quod iuste sunt, vel quia ego rei ipsi faueo, habeo sanè quam probatas. Tantum te non eo iterum atq; iterum, vt cautissimè iter facias. Iulium puerum hoc tempore vitæ committi nō placent: primo vere curabitur

ut tutò & commodè veniat. quod etiam eius deducendionus Nicolaus Capellus sibi ait impositum a mulieribus fuisse: qui cum illhuc cupiat redire, comitum penuria etiam nunc detinetur. Literas meas ad Pontificem maximũ, quas poscebas, cum hæc scribam ad te, perlatas esse arbitrabar, teque illis iam vsum eo quò vtendum putasses. Accoltũ doleo excedere ex ea vrbe, in qua ego maximè cum morari vellem: vt erim nobis est amicissimus, ac pluribus rebus nauare nobis possit beneuolentiam suam. Sed ferenda humana. Quas quidem ad eum scripsi literas, non minore motu animi a me scriptæ sunt, quàm ab illo fuerint lectæ. Claudium opto mecum esse, tamen si ego in scribendo & lucubrando factus sum segnior: itaque scito, nihil à me hac hyemè compositum fuisse, quod momenti alicuius sit. De gloria inchoaueram, sed citò intermisi: habeo tamen in animo opus illud persequi, in quo Saluiato, cui tantum debemus, referatur aliqua ex parte à me gratia: quod etiã per te illi volo exponi, & declarari. Tu semper de Blossij Palladij nostri humanitate, comitate, beneuolentia erga nos aliquid ad me scribis: tibi autem quid ego rescribam? nisi illud, quod solenne & fixum est, eum à me scilicet incredibiliter amari. Quod cum summè faciam, non tamen tantum mihi videor posse facere, quantũ illius erga nos officia postulant. Vellem scripsisses ad me, ecquid habeat gratum, quod ego illum in meo Hortensio intexui: & certè habere debet: non tam, quod magnum aliquid propterea sit assecutus, quàm quodd ego illi in conspectu propemodum pono vniuersam imaginem illorũ temporum, in quibus nostræ vtriusq. iuuentutis desideria illa ardentia ferbuerunt, quorum est recordatio vtriq. nostrum iucunda. Eum tu meo nomine amplectere, & salutem illi plurimam dices. Florentium magistrum huius iuuentutis quotidie magis probo: nisi quod videtur mihi facilius taciturnior, & solitudinis amantior: in quò mihi est admonendus, (quod facere cogito) vt caueat, ne hoc sit *μελαγχολίας* vitium non animi iudicium: omnique modo ad hilaritatem est prouocandus. Ei stipendium publicè constitutum est satis amplum. Cuius tertia pars illi a nobis solueretur, quæ a modum cum tu etiam adesses, etamus ciuib. polliceri. Frater tuus mihi admodum satisfacit, seque exhibet & facilem & cupidum obtemperandi mihi: & certè (vt ætas illa est) mihi aut admodum raro delinquit. Spero de eo optime. Sacratius in suis studijs est assiduus: ceteri familiares bene habent. Nos hic in suauissimo otio viuimus: copia rerum abundamus (præterquam pecuniæ) penè omnium. Multum mihi tæx ad Bembum placuerunt literæ: vt, si homo es, magno animo dedere te debeas ad hoc Latine scribendarum epistolarum genus. Ad postremam tuas literas nihil est quod rescribam amplius. Satis enim ad omnia arbitror esse re-

esse responsum. Tantum Iacobaccio humanissimo viro ut gratias agas meis verbis mando, atque ut eidem omnia nostra commendes: meque confirmes memorem semper & ipsius officiorum erga nos, & patruorum eius futurum, quos ego vehementer amavi dum viveret, neque desisto diligere etiam mortuos. Adscribam hoc quoque: nisi ex tuis literis fecerò coniecturam, diutius te isthic, quam nunc facturum te ostendis, commoraturum esse, nullas amplius literas me ad te scripturum: sed tempus & curam omnem positurum in sacrarum literarum studiis: quæ narrare tibi nequeo quantopere me delectent. Tu ut eo animo ad nos venias, tanquam te in eadem studia totum immerisurus sis, omnino facito. Vale etiam atque etiam. Durando cubiculario summi Pontificis multum intelligo me debere: suis enim in te officiis egregie promeruit, ut ego quoque illi deinceps essem: quamobrem ages meis etiam verbis ei gratias: meque totum suum ut existimet, admonebis. Iterum vale. V. Cal. Ianuarij, M. D. XXXV. Carpent.

VII.

PAUL. SADOL. PETRO BEMBO.

EX eis literis, quas ad Lazarum nostrum Papia proficiscens dedisti, me in Italiam venisse, Romanumque iter habere, & quæ professionis nostræ causæ, quæve consilia essent, cognovisse te arbitror. Illud quidem certe cognovisse te non dubito, quod ei nominatim ut te edoceret mandaveram, deferre mecum me patruum meum de laudibus philosophiæ librum, quem is paulò ante absoluerat: atque ab illo mandatum habere, ut simul ac constitissem, statim eum describendum, & fideliter ad te perferendum curarem: mirifice enim eum cupere, ut tu illum primo quoque tempore, atque omnium princeps haberes: cum eius amicitia, quæ inter vos intercedit, causa, (præsertim cum tu illum ab eo librum tantopere efflagitalles) tum verò ut lucubrationem suam ad iudicium tuum deferret, tuæque imprimis opera, cura, diligentia, fide, in illa exponenda videretur. quod ipsum etiam, posteaquam ad Urbem veni, diligentius mihi per literas mandare, meque ut approperearem urgere nunquam destitit: facile ut appareat, quanquam magna quædam in eo libro se esse conatum existimet, non tamen eum illi librum antè probatum iri, quam is gravissimo atque acutissimo iudicio tuo fuerit comprobatus. Quamobrem Matthæo Dandulo civi tuo, eidemque tui nominis (ut mihi perspicere visus sum) studiosissimo, mihi ex Contareni Card. familiaritate cognito, & propter eius virtutem atque humanitatem vehementer probato: cum in isthæc loca proficisceretur, ipsum describendum ad te librum dedi, eique quam maxime potui commendavi: quem effecturum non dubito, ut is fidelissime ad te celerissimeque

perferatur. Nunc te Bembe optime ac praestantissime, patrui mei verbis etiam atque etiam rogo, fidemque a te amicitiae, quam nobis omnibus in rebus diligentissime praestare consueuisti, in hac te potissimum imploro, ut ad eum legendum eo animo accedas, non ut si quid laudandum in illo, sed ut quidquid reprehensione dignum sit, tibi id notandum atque animaduertendum putes: utque ita statuas, nos a te non tam voluptatem ullam ex laudatione tua, quam maximam ex correctione utilitatem expectare. Id porro optime fiet, si in legendo iudicis partes susceperis, amici deposueris. Subuereor enim interdum, ne te nimius amor nostri in fraudem inducat, tibi que omnia quaecunque a nobis proficiantur, arridere faciat. Quare eum tu Bembe amore in iudicium ne adhibueris, sanctiusque apud te sit religionis atque officij nomen, quam vlla amoris ac familiaritatis ratio. Quanquam quod certius ac proprium magis esse censendum est amici munus, aut quis ex amicitia capi vberior fructus potest? quam ut quisque doctrina, ingenio, magnarum rerum usu quam maxime excellit, ita ea illum omnia ad amici voluntatem atque arbitrium summo eius tempore, quam libentissime conferre? ijs praesertim de rebus, quae & iam in manus hominum venturae sunt, & ad posteritatem etiam ipsam forsitan peruenturae? ut opera ac fides tua a te nobis ita debeat, ut eadem etiam pertineat ad vniuersos. Illud te admonitum volo, posse legi librum, itemque ab amicis nostris doctissimis viris describi, Polo, Lazaro, Lampridio, quorum item quod de eo iudicium sit, valde auemus scire, imprimi vero atque edi nequaquam posse: vult enim patruus ampliore temporis spatio facultatem sibi esse, mutandi & corrigendi, si quid ex tuo praesertim iudicio, emendatione dignum videbitur. Verum eadem haec patrum per literas tecum egisse confido. is enim ad me proximis literis scripsit, se literas a te, Iulio (ut arbitror) mense datas, tunc demum accepisse, atque ut ad eas responderet, se parare. Tu cum scribere ad nos voles, censeo huc ad Nigrum, qui vtriusque nostrum amantissimus est, ipsas literas mittas, qui eas mihi, quamdiu hic ero, cuestigio reddet: postquam autem discessero, Carpentoraeti etiam nobis eas curabit reddendas: sic enim optatissimae tuae literae, quanquam paulo longiore erratione, certius tamen, ac plerumque etiam celerius ad nos peruenient. Quod autem ad me ipsum attinet, ego cum in Italiam venire constituissem, ita peregrinationis meae partes distribueram, ut statuerem, te isthic in reditu meo inuisere, quem ad mensem Aprilem coniciebam fore. Te autem icecirco videre omnibus votis cupiebam: primum, ut summum meum erga te studium, singularemque obseruantiam qua te iam pridem sum complexus, coram tibi declarare conarer: fueretque exoptata voluptate videndi atque allo-

quendi eius viri, cuius virtute ac monumentis nostra hæc ætas illustrior, & ad posteritatem commendata futura est. Deinde, ut etiam ex tua aliquorum dierum consuetudine, aliquid ipse ad usum meum transferrem, quod ad optimum atque honestissimum vitæ cursum mihi constituendum valeret. Nam cum hæc sola ferè causa sit, quamobrem hanc à me urbem, quæ semper domicilium virtutis atque prudentiæ optimo iure habita est, visendam atque inspiciendam putarim, ut scilicet in meis vitæ rationibus prudentior ex eo, atque moderatior fierem: meque ad præstantium virorum, qui in ea sunt, exemplum atque imitationem conformarem, quantopere mihi tuus Bembe aspectus exoptandus est, qui mihi vnus totius urbis esse instar potes? Quare statuebam (ut dico) te videre antequam in Galliam me referrem: maneoque etiam nunc in sententia: modò stet illud quod diximus, de tempore, ad quod cogitabamus reuerti. Nam si expectabimus Aprilem mensem, te omnino videbimus. At si quis interuenerit casus, quo hyeme cogar reuerti, id quod potius formido, aliud erit mihi commodius atque expeditius iter suscipiendum: atque ita, ad molestum sanè itineris, atque hyemis laborem, illud etiam mihi grauius accedet incommodum, quod tuo mihi optatissimo congressu carendum erit. Quicquid autem ceperimus consilij, te de eo certiore faciemus. Vale. decimo Calend. Decembris M. D. XXXV. Roma.

VIII.

PAVLVS SADOLETVS RVDOLPHO

Pio S. R. E. Cardinali, S. P. D.

DE CIMVS circiter mensis agitur, cum ego & F. Molsa noster, Io. Fr. Fallopius ciuem nostrum iuuenem honesto loco natum, ac liberaliter institutum, amplitudini tuæ diligenter commendauimus: à reque omni studio ac precibus contendimus, ut eum mihi licet cupidum ac sitientem familiaritatis tuæ, velles in fidem ac familiam tuam recipere: multaque addidimus, quamobrem & ille tantopere id cuperet, & tu nolle non deberes. Atque hoc à nobis (quod te meminisse non dubito) quodam die factum est, cum ad prandium apud te, certo consilio, ego atque Molsa venissemus: cumque à te laute ac peramanter accepti, loquendo (ut fit) ac deambulando, in angustam quandam ac penitissimam bibliothecæ tuæ partem soli tecum vnà pertinuissemus, opportunum sanè locum, ut non inde tu facile, nisi ea quam à te petebamus, venia nobis elabi posse viderere. In quo illud mihi sanè gratum atque imprimis iucundum accidit, quod præclarum eo die specimen vidi etiam cuiusdam liberalitatis atque humanitatis tuæ.

Ecce 3 Nam

Nam cum à nobis vehementius premerere: ac tibi quominus cupiditati nostræ, quemadmodum voluisses, obsequi statim posses, rei familiaris tuæ non paucæ (vt tute affirmabas, id quod nos etiam agnoscebamus ipsi) difficultates obstarent: vidi te tamen mente sæpius hesitantem, vtrum maior tibi cōmodi tui ratio habenda esset, an studij ac voluntaris nostræ: quasi tibi durius esset, nobis quippiam abs te petentibus non satisfacere, quàm contra rei familiaris tuæ rationes atq; commoda facere. Itaq; ea tunc ab amplitudine tua imita est ratio, quæ & rebus tuis commodior, & æquæ nobis futura esset grata. Petisti enim à nobis, vt certos aliquot, 4. opinor menses, Fallopiū ipsum sustinere se, ac commodum tuū expectare iuberemus: quo tempore domesticas tuas difficultates explicari posse sperabas, auctis per eos dies ex Gallico sacerdotio vectigalibus tuis. Tum enim demum te illi, nobisque tantopere pro eo laborantibus morem esse gesturum. Quod cum Fallopio renuntauissimus, magnū se quiddam per nos adeptum esse arbitratus est: ac cum magnas nobis, tum amplitudini tuæ maximas apud nos gratias egit. Sibi enim facile aiebat fore, quādiū tu velles expectare: vt qui nulla necessitate, nullaue inopia ad tuā exoptandam familiaritatem adduceretur: sed sola ea fama ac hominū prædicatione, quæ de tua virtute, & animi magnitudine, summaq; humanitate incredibilis pene est, studio atq; amore tui accensus & inflammatus, cuperet ei vito cultum atq; operam suā dicare, cuius ipse ex nomine & familiaritate fieret ornatior. Accidit, vt tu breui interiecto tempore, à summo Pont. ad Galliæ Regem legatus de pace mitterere. Et paulò pōst secuta est ipsius Pōtif. nostraq; cum ea vna ab Vrbe profectio: tantāq; deinceps res, te imprimis interprete ac administro, inter maximos principes acta tractataque fuerunt, vt nihil de eiusmodi priuatis rebus, ne cogitandi quidem daretur loci. Nunc autem cum sedatis illis urbanarum rerum agitationibus, & publica re bene constituta, vnumquemque ad priuatas suas rationes, atque ad instituta vitæ cōsilia reuerti liceat: admonet nos perpetui sui optati Fallopius, sibi que nunc demum post decimum mensem, patere aditum ad familiaritatem tuam petir: meque & Molsam sponsores suos appellat. Nos verò, præstantissime Rodulphe, fidem illi nostram præstare non possumus, nisi benignitate ac liberalitate tua adiuuemur. Itaque Molsa quidem qui isthic adest, communem hanc causam nostrā apud te ager pluribus. Quem etsi sciebam, propter ipsius suauitatem excellentemque doctrinam, apud te apprime gratiosum esse, nec verò minus cum valere eloquentia grauitateque verborum, quàm gratia: vt vbi ille præsens esset, mea vox ac commendatio nō magnopere desideranda esse videretur, tamen vti ego quoque meam fidem ac diligentiam hominū amicis sumis

probarem, has ad amplitudinem tuam dedi literas: te etiam atq; etiam rogans & obsecrans, vt æquum te ac facile postulatis nostris præbere, hominemq; imprimis honestum & probū, necnon singulari quadam industria atque artificio præditum, qua de te tecum alias sum locutus, benignitate tua amplecti atq; in tuis esse velis: præsertim cū ille non casu, vt pleriq; faciunt, ad familiaritatem tuam appetendam delatus sit: sed vnum te ex vniuerso amplissimorum isthic virorum numero, sibi iudicio certo delegerit, quem patronum totius fortunæ constitueret suæ. Hunc si ad te admiseris, atq; in familiam tuam receperis: equidem tibi audeo polliceri, magnam te ex illius fide ac solertia voluptatem esse capturū. Mihi sanè cū illud gratissimum erit, propter amici mei commodum, cuius ego causa vehementer cupio: tum etiā intelligo, quā honorificum apud municipes meos Mutinenses mihi futurum sit ac gratiosum, tanti videri esse apud summos viros commendationem meam, vt illorum beneuolentiam ac gratiam ciuibus meis conciliare, eosq; opera ac diligentia mea iuuare possim. Quod si vides mihi amplum esse, ac penè gloriosum: existimare debes, me tibi, cuius bonitate ac beneficentia eā apud meos fuerō laudem assecutus, quam maximam ac perpetuā gratiam pro tali tuo beneficio habiturum: & ad multas eas & graues, quas cum Patruo meo communes habeo, tui amandi ac omnibus studiis colendi causas, maximam etiam ex hoc tuo in me priuatim ac propriè collato beneficio cumulum accessurum esse. Vale. VII. Calend. Nouemb. M.D.XXXVII. Carpent.

IX.

IAC. SADOL. PAULO SADOL. S.P.D.

DECIMO OCTAuo die postquam à te discesseram, Mutinā veni, Idib. ipsi Maii: ibi Alfonso fratrem offendi valentem, & salua cætera quæ quidem domesticas ad res pertinent. Sed illi penè inopinatus fuit aduentus meus. Etsi enim imperium nouerat, quo ego accersabar, de mea tamē voluntate fuerat dubius: itaq; affui quasi improviso. Nostri quidem ciues officiosè atque amanter visum ad me & salutatum frequentes adierunt. Ego illo triduo Florebællum Bononiā misi, & ad Farnesium literas, nihil dissimulans de moestitia mea, & simul exponens, quā mihi graue extitisset venire in Italiā, & alienissimo meo tempore iter illud suscipere. Petebam autem vt transacto cum Cæsare colloquio, liceret mihi Carpentoractē reuerti, quod iam vnum atq; solum à summo Pontifice expeterem beneficium. Erat & illa excusatio in literis, me non continuè Bononiā profectum esse, quod de via fessus, aliquot dierum quiete, reficiendi mei causa

indigerem: me tamen quod ipsi imperassent esse facturum. Responderunt, posse me Mutinæ ipsorum voluntate residere, donec vocandi abesset opportunitas. Quo ego nuntio accepto, in Corlianum nostrum me contuli, ubi sextum diem iam ago, nuncs quoad possum, reficere animum: eumq; reuocare ab his solitudinibus, quæ me præter consuetudinem vehementer agitant, quod literarum imprimis beneficio bona ex parte consecutum me arbitror: tamen si libris careo, neq; habeo præter duos aut tres. Sed tamen & perfeci librum illum de peccato originis, ut is iam exire in manus hominum me concedente possit: & alia commentor, quæ si res mihi facultatem dederit, in lucem editurus sum. Illud quidem mihi sentio usu venire, ut nunquam ex studiis literarum tantum voluptatis ceperim, quantum hoc tempore: vel quodd nullam aliam habeo suauitatem, in qua acquiescam vel quodd maior in morbo medicina vis apparet. Hic rumor erat ortus (ut dicebat) Bononiæ mihi legationem illam a Pontifice esse decretâ. Sed sine capite hic rumor: nihil enim habebat certi nec constituti: tantummodo sermonibus hominum res iactabatur. Quod quoniam mea neutram in partem interest, utrum magis velim planè nescio. Ego, si mihi detur optio quid expetam, domum cupio, & reuerti ad vos, & agere vitam cum meis amantissimis. Quod si procul à meis tanquam in exilio vitam ducere necesse est, reliqua est deliberatio, mihi ne expediat habere legationem: Sed de his satis. Aduentus Cæsaris adhuc in expectatione est, nihilq; de eo certi ad nos allatum. Dicebatur tempestatibus retentus conficere cursum non potuisse: & tamen sunt qui nuntient, peruectum eum ad Insulas quæ supra Massiliam sunt. Quod si est ita, citò Genuæ illum habituri sumus. Nostum quidem illud inuentum ad concordiam pertinens, quod tu quoq; tantopere probabas, scito non suppressum modo fuisse, sed sicubi fuit illius enuntiandi necessitas, alio atq; erat modo interpretatum: verum ista viderit Deus. Ego post discessum isthinc meum, nec literas à te nec nuntium ullum accepi, quod mihi molestum est: nihil enim vehementius opto, quam de te audire ea, quæ mihi iucundissima sint, ut rectè valeas: ut in magistratu te geras: quid ciues mei, quid reliqui omnes agant, quorum nobis & salus & memoria est iucunda. Tectum Felicianum absolui volo. Viaticum huius itineris, pro ratione dierum qui in itinere consumpti sunt, nisi ad Carolum nostrum Gualterruccium vii peteret: res æqua & legitima nihil habuit difficultatis: trecenti statim numerati sunt, in quo opera Ardinghelli eximia & amor erga me singularis. Illud ex hac mea postulatione, mihi accidisse gaudeo, quod desierunt mirari ac reprehendere, quodd ducentos illos reddidissem, posteaquam viderunt me trecentos poscere. Non enim iam illa morositas

mea.

mea, sed religio iudicatur. Adhuc hæc erant quæ tibi ex me nota esse vellem. Si quid ampliùs euenerit, curabo uti scias: & vel ipse ad te mea manu scribam, vel delegabo Florebello. Catherinum, Glocerium, Verotum, & reliquos familiares nostros saluere iubebis meis verbis. Curabisq; præ cæteris rebus omnibus, ut mihi à te literæ crebrò longissimæque reddantur. Vale mi Paule, & Deum precare ut redeamus. Iterum & sæpiùs vale. Ex Corliano, VI. Calend. Iunias, M. D. XLIII.

X.

I A C. S A D O L. P A V L O S A D O L. S. P. D.

DA TIS ad te literis illis, quas in Corliano scripseram, hæc secuta postea sunt. Ego cum angerer animo, diremptum me ab eis optimarum artium studiis, in quibus beata mihi vita erat reposita: & reliquisse tamen cum illis vnà, cum eos homines, qui mihi essent charissimi, tum eas regiones, in quibus mihi summa cum libertate animique iucunditate, meo arbitrato, viuere erat concessum: tentandum & conandum esse duxi, si quo pacto possem me hinc explicare, & ad vos, quibus cum esse maximè cupio, primo quoq; tempore me referre. Itaq; cepi consilium opinione mea solers plenumq; summæ rationis, si tamen ratio omnibus in rebus locum haberet. Scripsi enim literas, quarum exemplum tibi misi: & ad eum scripsi, qui maximè mihi suffragari mea voluntati posse videbatur: idq; ipse non nolle, quando eodem his studio mecum, eodemq; erga literas animo est coniunctus. Qui mihi post triduum rescripsit, omnia se summa egisse: longum habuisse cum Pont. sermonē, visumq; sibi illum animo erga me propenso & beneuolo: certum tamen responsum meis postulatis in propinquum colloquium reservatum esse. Et simul eisdem literis me admonuit, ut cum primū commodo meo possem, Bononiam me conferre m. Erectus eram in spem, ut nō diffiderem aliquid posse fieri eorum quæ cupiebam: nec tamen planè confidebam. Res ipsa & postulatorū æquitas me ut sperarem, hortabatur. Cur enim difficilis deberet esse Pontifex in ea re mihi concedendā, quæ sine ullo onere ipsius proprio, & laudem illi & genus quoddam honestissimæ utilitatis esset allatura? Rursus conditio temporū, & impendentes quotidiani penè vndiq; metus, ab ea spe me abducebant: nonnihil enim in persona mea ad subueniendum tantis præsentibus Reip. fluctibus hominum iudicio videbatur esse positum. Anceps igitur animi, & dubius, quid casurum esset, Bononiam perrexi Nonis ipsis Iuniis, diuersti ad Paleotos, quorum vetus hospitium nobiscum, hac noua familiaritate renouatum est. Postidie mane Pontificem summum conueni. Acceptus sum

ab eo perbenignè: laudauit operas nostras legationis Gallicæ, at-
 uentum nostrum ad sese sibi imprimis gratū esse affirmauit: oste-
 dit sibi curæ fore commoda nostra, idq; breui nos re ipsa intelle-
 cturos pollicitus est. Egi gratias, commemoratisq; causis, quibus
 ad veniendum effectus fueram difficilior, insiti repetere eadem
 quæ in literis scripserā: nihil me malle in hac iam mea præcipita-
 te ætate, quā in otio viuere, & quib. me donis Deus ornare (si ta-
 men ullis ornauit) voluisset, ea ipsa dona ad illius laude gloriāq;
 conuertere: esse mihi in animo laboranti fidei Catholicæ ferre o-
 pem, si quam possem: præsertim quæ tam multis oppugnantibus
 labefactata atq; vexata, paucos qui se defenderent, iam haberet.
 Hoc autem dicebam, quod de duorum doctissimorū hominum
 morte, Alberti Pighij, & Ioan. Egchij nuntij huc peruenerāt. Pro-
 inde rogauit vt mihi rediū concederet in ea loca, in quibus hoc
 optimè fieri a me & commodissimè posset. Respondit in præsen-
 tia nihil se de hac re constituere posse: videre me statū periclitan-
 tis Christianæ Reip. in ea reg. n. la egere se ope multorum atq; cō-
 filiorū in eoq; nō nihil mihi subblanditus est. Hoc sermone habito,
 dabatur enim eo die senatus Episc. Geneuari nuper in Card. colle-
 gium allecto, tum primum ad Pōtificem venienti, sessum omnes
 concessimus. Postridie, qui fuit dies 6. Id. Iunij, senatus iterum vo-
 catus est: causa conueniendi fuit, quod cum superioribus diebus
 fuisset de consilij sententia decretum, si Cæsar Bononiam venire
 recusaret (properare enim dicebatur, nec spatiū habere tam lon-
 gè ab itinere declinandi) vt ne vltius procederet Pōtifex, sed vel
 illum Bononiæ exciperet, vel si id nō contringeret, in appellatū
 abire pateretur: cū tamē si quid in congressu agendum esset, id
 mittendis nuntiis facillè posset sarciri. Ratio autē ita decernendi
 fuerat, quod videbatur hoc dignitati & grauitati sedis Apostolicæ
 maximè conuenire: simulq; ætatem Pontificis pergrandem tot
 itinerum laboribus obijci non placebat. Ergo hæc eadem res ite-
 rum abducta erat in disceputationem: placeretne vltius obuiam
 procedi necne. Nam Cæsar quidem Parmæ se ostenderat Ponti-
 ficem libenter conuenturum: hic quinq; ante me rogati, in sen-
 tentia pristina manserunt: cum exceptione tamen, nisi certa spes
 aliqua de pace esset oblata, quæ iter luaderet: tum enim iri opor-
 tere censuerunt. Ego rogatus, contrariam sententiam dixi de va-
 letudine & incolumitate corporis ad Pontificis iudiciū reieci,
 Dignitatem in eo dixi positam, si quæ vtilis & commoda Rei-
 pub. Christianæ essent, agerentur: hanc vnam me agnoscere, ne-
 que aliam præterea vllam in Ecclesiasticis hominibus dignita-
 tem. Inquirere certam spem in eis rerum euentibus, quos suæ
 potestati Deus reseruasset, non esse nostrum: velle & conari b-
 22, quod in nobis esset, ad nos id pertinere: me tamen sperare,

cum Cæsar & tempus anni, & Pontificis ætatem laboresq; cõspexisset, habiturum illum officij rationem, & ad pacis consilia si nõ promptè (quod tamen ipsum a tanto Principe expectandum nõ esset) attamen, inductum pudoris stimulis, facilius de se daturum, in hac quidem re suadenda plus effecturum esse præsentem Pontificem, quam si absens per nuntios hæc eadem ageret. Postremo vel hac vna ratione necessariò dixi proficiscendum, vt rumores hominum comprimerentur. Erat enim sermo latè dissipatus, ortas esse Pontifici cum Cæsare similitudines: quarum, si fuisset colloquium deuotum, non sine periculi alicuius suspitione alius hominum mentib. opinio infudisset. Hac a me sententia dicta, ab omnibus deinceps in eandem est discessum. Itaq; Parmam venimus, herique Pontifex ingressus urbem est: cras verò aut perendie Cæsarem expectamus. Is porro si venerit, poteritque a nobis conueniri, quod dabimus operam vt fiat, & spatium cū eo habuerimus colloquendi, non deero officio & pietati in Rempublicam meam: animo equidem sum optimo, sed diuina imprimis benignitate est opus. Illud mihi admodū molestum est, quod non potest persuaderi hominib. ex hoc congressu aliud quippiam queri, nisi priuatū aliquorum comodum. Itaq; mira lætantur in vulgus, quæ vobis quoque audita esse arbitror. Ego quoque animò fuerint alij, integrū me quidem a labe omni seruabo. Hæc scribebam, 16. Cal. Iulij, cogitans cras conuenire Farnesium, agereque cū eo de ijs rebus, de quib. tu ad me scripseras, vt commendem illi causas populorum suorum, qui non voluntate, sed propè necessariò magistratibus imperio minus audientes fuissent. Nec diffido iuuenem illum, vt est clementia insigni & bonitate præditus, ad omnia æqua descendurum. Iam sum cum Farnesio locutus, gratū habuit consiliū nostrum: omnia vti herent, quæ ego suadebam, præcepit: negotium datum Andringhelo est, homini prudenti (vt tute seis) & erga nos imprimis officioso. Tu rem totam quomodo se habeat ex Florebello cognosces. Ego in hac molestia & dolore animi, quem ex publicis rebus capio, hoc tamen me consolor, quod cetero ipse omni culpa, & quæ mihi aut monenda aut accusanda videntur esse, libera voce pronuntio: sumque hanc libertatem perpetuò seruaturus. Omnib. quidem ex locis terra marique aduersæ res audiuntur, itaq; mihi impendere videtur iā exitremū. De Cæsare adhuc incertū, sit ne, necne Parmam venturus. Incidunt enim quotidie nodosiora quædam, quæ explicatu perdifficilia sunt, cum enim hodie aut cras expectaretur, a nobis, in X. Calend. reiecti repente sumus. Utinam mihi liceat aliquando redire ad vos: cui meo optato si fortuna, vel Deus ipse potius faueris, nunquam istinc viuis amplius exiturus sum, mea me suauissima studia, & studiorum æterna diuersoria, imprimis

que libertatis tranquillitatisq; cupiditas, & vigilante & in formis
semper ad vos rapit: vnumq; iam meum est desiderium, cum ho-
minib; istius prouincię mei amantissimis, vicissimq; mihi carissi-
mis, & habitandi, & viuendi, quos tu omnes quidem, precipueq;
Carpentoractenses meos, & priuatim & publicę meis salutabis
verbis: eximieq; eos quos scis a me valde diligi, quanquam in a-
more quidem pares habeo cunctos, in familiaritate non ita. Io-
anni Francisco & ceteris nostris contubernalibus salutem dic: i-
psūq; imprimis hortare, vt ad me & crebro & copiose scribat.
Si res meas constitutas haberem, statuerem quid agendum mihi
esset, quod pertinet ad eum & ad ceteros. Adhuc nihil habeo nisi
verba, quibus in Septimum vsq; annum iam sum productus. Sed
hęc Deus viderit. Tu mi Paule vale, & nos amanter expecta.
Parma, XV. Cal. Iulij, M.D.XLIII.

XI.

IAC. SADOLET. S.R.E. CARDIN. PAV-
lo Sadoletto, S.P.D.

ACCEPI nudiუს quartus tuas, & Ioan. Francisci literas, ex quib;
illam lætitiā primo aspectu cepi, quod de vtriusq; vestrum
valetudine quę maximē optabam, ea mihi attulerunt. Quin et-
iam cumulus additus est, quod in suis sacris literis Ioan. Franci-
scus de tua quadam egregia in se fouendo & subleuando cura sic
studiosē loquitur, vt salutem suā prorsus tibi acceptam videat-
ur referre. Reliqua quę scribis de Nicolao Peitellio nostro, quod
is mirifice tibi & in concionibus & in vita moribusq; satisfaciāt,
ea mihi iucundissima fuerunt: nec eū tamen tantopere abs te lau-
dari miror: summam n. ego quoque cū isthic essem, in eo probi-
tatem, summam modestiam, excellentem eū linguarum, tum o-
ptimarū artium scientiam eruditionemq; cognoui. Eius verō cō-
cionandi genere nihil arbitror fieri posse, nec sententiarū pieta-
te sanctius, nec rerū ordine distinctius, nec oratione elegantius
atque subtilius. Qui quod tam egregiam nobis, ac tam fideli
operam apud ciues nostros nauauerit, eis in recta & a maioribus
nostris tradita religione ac fide continendis, & dolis insidiisque
hæreticorum hominū aperiendis, ac tanquam sub aspectum po-
nendis: dici non potest quantopere illi me in perpetuū hoc no-
mine obstrictū esse intelligam. Ei te maximas volo meis verbis a-
gere gratias: quas vt etiam reserā maximē mihi curę est: et si
hanc eius remunerandā rationem propter summam hominis ab-
stinentiam, de qua tu sepe ad me scripsisti, difficile fore video:
cū is nullum huiusmodi spectari vquam a se laborū suorū præ-
mium præ se ferat. Sed quo ille moderatior, hoc onni a nobis ho-
nore

more & remuneratione est dignior. De tuo aduentu ad nos, quod
 te paratum ad veniendum ostendis, mihi valde gratum. Farnesius
 mihi certè confirmavit, se tibi successorem hoc Septembri men-
 se omnino missurum esse: quapropter Octobri in viam dare te
 poteris. Equidem auidè te expecto, cum propter alia multa, tum
 ut de committenda tibi Ecclesia summum consilium capiamus.
 Ego enim Paule iam nec honores, nec diuitias, nec vllum statum
 vitæ in quo splendor sit aut dignitas, sed tantum quierem, & silē-
 tium, & otium his meis extremis annis peto. Quod non possum
 quidem adipisci impræsentia, ob ea impedimenta quæ tu nosti.
 Veruntamen non absum longè ab hac spe, consultum aliquando
 fore rationib. meis, quæ ad hoc genus vitæ cunctæ respiciunt: qua
 de re tota, cū veneris, deliberabimus. Etsi id quoq. mihi est con-
 cedendum, ut frui aliquādo tuo optato aspectu, & in ei animi sen-
 sus mihi conferre tecum liceat. Quam communicationem no-
 stram sermonum & voluntatum, tibi quoque olim solitam videri
 suauissimam recorder. Quod quæris, vtrum malim per Fortiam
 an per Olgiatum accipere hic ex permutatione pecunias: iam te
 puto intellexisse ex literis Florebelli nostri, conditionem Olgiati
 multò esse potiorē, quod neque intertrimentum vllum cum eo
 sit, & nummos anticipare aliquantum antè est potestas: cuius nūc
 commoditatis non pretermittendæ longè opportunissimū tem-
 pus est, cū annum penu totum simul est congerendum. Itaque
 tenendus quidem est Fortia, sed tamen quoad licebit hac libera-
 litate Olgiati vtemur. Hactenus heri scripseram. Hodie ad me fu-
 it Olgiatus, dixit se habere literas à socijs suis Pantiaticis Lugdu-
 no, V. Cal. Iunij datas, quib. illi eum faciunt certiorē, se nummū
 adhuc nullum de quadringentis accepisse. Porro biduo pōst Co-
 lybum futurum esse Lugduni, hoc est ad tertium Cal. Iunij: ad qui-
 diem si nihil esset solutū, socios non parum detrimenti esse factu-
 ros. Sanè dolui, non tam rem meam quàm fidem in discrimen vo-
 cari. Nam quod iacturæ hi facient, si modò quicquam facient, æ-
 quum id quidem est refarciri per nos. Quod verò conductor ve-
 ctigalium nostrorum fidem meis literis non habuerit: fuit itque
 veritus, ne fortè ego bis eandem pecuniam acciperem, & hic, &
 istic, visusque sit integritati meæ diffidere, id sanè mirū mihi ac-
 cidit: quod is me, quem optimè nosse debeat, nō ex proprio quo-
 dam meo genere, sed ex communi & quotidiana horum hominū
 qui hodie sunt, conditione existimet. At ego tibi dico etiam atq;
 etiam me non cū Fortia, sed cū Olgiato pecunias semper permu-
 taturum, quoad scilicet licitum erit. Quamobrem si ad diem di-
 ctam pecunia non soluta est, saltem curato ut sciamus quid factū
 sit iacturæ, ut satisfacere socijs possimus: quando fides mihi qui-
 dem quam vita, nedum quam pecunia longè est carior. De locis
 sacris

sacris violatis, quòd perperam fuerit huc scriptum, gaudeo rem
 ut scribis ita esse: fugio enim contentiones. Sed eo tamen animò
 sum, ut temeritati eorum, qui ad hæc audenda facilè adducuntur,
 nihil sim vllò pacto concessurus. Factos Coss. optimos & iustissi-
 mos viros, quorum sub tutela & custodia florebit ciuitas, summæ
 mihi & voluptati: & amo equidem omnèis, sed cum duobus He-
 lia & Papio, scis magnum mihi vsum magnamque familiaritatē
 semper fuisse. His igitur tu plurimam meis verbis salutem. Nam
 quod de sacro tecto diui Siffredi templo præstando decreuerint,
 tu continuò ad me scribes. Honorati Ebredunensis hospitis no-
 stri valetudinem magnæ tibi curæ fuisse, vehementer mihi gratū
 est, gaudeoque homini sanitatem esse restitutam. Eum ego bo-
 num semper vitum cognoui, & amantem nostri, & dignum cuius
 causa laborem libenter suscipiamus. Omnino hæc humanitas,
 qua utimur erga omnes, cum laudanda per sese est, tum cum in
 bene meritos de nobis confertur, non solum laudem habet, sed
 mirificam etiam quandam animi voluptatem. Nec verò, cum
 multa sint mea, quæ tu expressa in tuis moribus refers, quicquam
 mihi accidere in te potest optabilius & gratius, quam ista benefi-
 cia & liberalis erga notos ignotosque, quam adhibes, voluntas.
 Prolegatum arbitror in hortis nostris abs te bene fuisse acceptū:
 eius ego nuntium comiter hic excepi, multa que dixi, quæ ad me-
 am in illum declarandam beneuolentiam pertinebant. De te
 quidem ipso ita cum eo actū est à me, & antea etiam à Florebello,
 ut ille in hanc totus opinionem discesserit, se a te non mediocri-
 ter diligi. Annibalem quæsisse nouas nuptias non reprehendo, af-
 finitatem probo. Doleo de Nicolao. Eorum vtrunque saluere
 meis verbis iubebis. Nunc, ut de me ipso aliquid tibi scribam. Ego
 inuitus quidem in hac vrbe maneo, longè alieno loco à meis a-
 gendæ vitæ consiliis. Sed tamen firmo animum ad perpetiendum,
 & ferendum, quoad offeratur mihi occasio honestè hinc discedē-
 di, quam prætermitturus non sum. Neque eò dico, quòd me quæ-
 ri fiam ab hoc populo, & ab hac curia pœniteat. Sed nihil mihi
 iam dulce est, præter solitudinem & silentium. Itaque nec Car-
 pentoracte, nec Felicianum, neque hortos iam quosuis tam mihi
 propono, quam locum aliquem solum vbiuis gentium, in quo
 mihi deponere omnes harum rerum & temporum curas & solici-
 tudines liceat. Qua etiam de causa cupidius te requiro, quòd mi-
 hi non videor quicquam agere rectè sine assensu tuo, & sine com-
 municatione tecum omnium rerum posse. Ego hoc ipso tempo-
 re, quo hæc scribebam, habitabam in adibus quæ adiunctæ sunt
 templo diui Petri cognomine ad vincula. Eæ enim mihi cum ti-
 tulo vnâ obuenerunt: & est earum tamen prospectus, quam op-
 portunitas, commodior: vnum enim tantum ordinem cubiculo-

rum habent, inter se peruium totum, tanquam longam lineam omni letitudine carentem: sed hoc inest commodi, quod in contiguationibus quatuor, quibus domus in excelsum sublata est, in medio duo sunt ordines cubiculorum, alter alteri superpositus. infimus locus culinis cellisque deseruit: summa omnium est ambulatio longè lateque prospiciens: frons ipsa ædium ad Septentriones conuersa: itaque salubris locus existimatur, & matutinis deambulationibus accommodus: habetque hoc præterea boni, quod vinea nostræ Quirinali propinquus est. Quæ quidem vinea etsi a me satis accurate excolitur, te tamen, longè studiosiorem quàm me, & meliorem sui cultorem expectat. Hæc scripsi dans operam purgationibus, non enim satis belle me habebam, & hoc ipso die mane potionem acceperam. Hoc autem scribendi genere vsurus tecum sum sapius, si per calores & valetudinem licuerit. Nostri omnes in officio sunt. Canillus noster pudore, modestia, & pietate erga me, egregiè mihi satisfacit. Is te eximie diligit, ac tuum aduentum auidè expectat. Sperat adolescentem magnæ nobis voluptati fore. Tu fac ut valeas, omnibusque amicis salutè nuncies, præcipueq; Catharino nostro, quem ego hominem facio quotidie puris, magisque & magis diligo, quemadmodum mihi videntur ipsius optimi mores & virtutes eximie mereri. Iterum vale. Romæ, VI. Idus Iunij, M.D.XLVI.

F. I. N. I. S.

Philo-



Philosophica

CONSOLATIO-
NES, ET MEDITATIO-
NES IN ADVERSIS: IACOBI
SADOLETI CARDI-
nalis.

*IOANNI CAMERARIO DALBURGIO,
Pontifici Vormaciensi, Iacobus Sadoletus, cubicu-
larius Apostolicus, S.*

DOSTEA QVAM certior factus sum, de lugubri atque
acerbissimo tuæ Matris obitu, feminæ sanctissimæ, &
singularis exempli Matronæ, nec minus ob alia tibi
charæ, quam quod mater erat: non potui, mihi amantis-
sime pater, non vehementer commoueri animo, ac grauius mo-
lesteq̃ue ferre. Quicquid enim calamitatis incommodiq̃ue tibi
acciderit, pro ea, qua inuicem iuncti conglutinatiq̃ue sumus be-
neuolentia, mihi quoque ipsi commune vt existimem, necesse est.
Quod autem nihil hactenus ad te scripserim, doloremq̃ue tuum,
quod inprimis erat officii mei, non sum consolatus, id potissimam
causâ fuit: Quia cûm Matrem amiseris, quam tum humanitate
tua, tum propter eius vitæ sanctimoniam, reliquasq̃ue innumeras
corporis animiq̃ue dotes egregias, non tantummodo matris, ve-
rûm etiam numinis cuiusdam salutaris haberes loco: Illa autem
iam te non solum diligeret vt filium, sed etiam vt patrem & ob-
seruaret & veneraretur: ac propter huiusmodi grauem atque a-
cerbam calamitatem, consternatum fractumq̃ue animo esse te
non mediocriter, audirem: sub ipsum mortis tempus, recentiq̃ue
mœrore vexatum, interpellare adhortariq̃; vt æquo & patienti a-
nimo quicquid acciderit ferres, & importunû & ineptû videba-
tur. Quin potius tecum simul dolere, angiq̃, non mediocriter, co-
tempo-

...F...dore

dore deposito, non erubescerem, sed aliquando auderem, beatam Latinorum copiam experiendo, & ex felicibus quondam Græcorum syluis aliquid eruendo, tandem securior perspicacissimi & sublimis iudicii tui censuram, vel potius expertæ benignitatis indulgentiam, subire. Hanc enim semper amavi: alteram verò, tantquam acerrimam, ab incunte adolescentia semper non modò mihi non valde pertimescendam, qui parùm industria, parum ingenii acumine & arte dicendi valeo: sed etiam doctissimo cuiq; quātumvis diserto aut eloquenti, non immeritò existimavi plurimum reformidandam. Reliquum postremò consilium fuit, haud omnino temerè hac in re nostram explicare sententiam, ut si mihi in presenti, amicus aliquis, aut familiaris antiquus, imbecillior, & prudentiæ inferioris, communiter esset consolandus, si quidem illum quasi me alterum diligerem & secundùm te observarem: aliqua ratione tibi, quàm cuiquam alteri, prius constare posset, palamque fieret, quæ id ego maximè via tentandum efficiendumque fortassis putarem.

Hoc itaque primum & maximum sic habeto: cum multa sint affectuum genera, quibus hominum animus & perturbatur & afficitur, nullum immoderato effrenatoque dolore gravius, acerbius, perniciosius, quodq; minus hominem deceat, natum esse. Multos enim propter dolorem in amentiam & insaniam, quosdam in morbos non curabiles incidisse: aliquos verò sibi ipsis manus intulisse, apertius est, quàm ut exemplis, quæ plurimà supererunt, agere necesse sit. Hac enim sunt quæ poetis argumenta, & maxime Tragicis, amplissima in scenam subministraverunt. Nullo tamen pacto existimes velim, cum hæc de dolore ad te scribo, putare me ideo non dādam esse tibi veniam, quod Matris tuæ mortem graviter molesteq; feras: quin potiùs affirmo, dolorem, quæ ex familiarium nece concepimus animo, non in nobis ipsis esse ac constare: sed à natura ipsa originem sumere. Omnes mortales ita non instituti sed nati sumus, ut eorum, quibus cum diutissime vixerimus, præsentia & consuetudine latemur, absentia verò & peregrinatione contristemur.

Nam pia mens nobis, molli nec pectore sanæ

Est animus, duræque rigent præcordia ferre:

ut Calypso ait apud Homerum. Neque sum ita inhumanus, ut censeam eos esse probandos, qui in familiarium & propinquorum mortibus, agrestem & ferinam potiùs quam virilem, seu duritiem seu asperitatem, magnopere commendare solent: cum præterea ea & naturam nostram excedat, & non modò nulla in re nobis conferat, sed, quod deterius est, non mediocri afficiat detrimento. Hoc enim modò è medio tollitur ac dissolvitur ea, quæ ex eo, quod inuicem & amamus, & amamus, constata est multa benevol-

entia: quam præ cæteris rebus conseruari augeri que necesse est. Effertur autem extra mensuram, doloreq; tanquam torrētis cuiusdam impetu, rapi, ac luctus augere, contra naturam, esse & fieri ex stulta falsaq; , quam nobis persuasimus, opinione, omnino videtur. Quapropter ut asperitas illa nimia, ita hæc mollities, utpote damnosa & vana, virisq; studiosis minimè conueniens, abiicienda: mediocritas verò, quam cum omnibus in rebus, tum maximè in dolore auream appellauerim, amplectenda. Cupiamus enim ut rectè Academicus Crantor monet, ne vnquam ægrotemus: ægotantibus verò, sensus doloris adsit: cum nostri pars vel incidatur vel euellatur. Hæc namque corporis & animi (ut ita dixerim) indolentia, non sine ingenti mercede ac pœna innascitur homini: cum omnino necessarium sit, in hac quidem posteriori animum, in illa verò superiore corpus efferari. Quamobrem eos qui prudentes sunt, neque omnino immobiles esse ac huiusmodi calamitatum genere non affici: rursus verò eos mœrore ac molestia confici non debere: ratio ipsa dicit & præcipit. Ut enim illud asperum immire ac ferinum, ita hoc molle dissolutum effeminatumque est. Qui autem in huiusmodi rebus terminos finesque proprios non transgreditur, optima cum ratione, quæcunque accidunt in vita, siue bona siue mala sint, modestè commodeq; ferre ac tolerare potest. Quemadmodum enim in Republica vsuenerit, ubi magistratus sorte traduntur: & eum, cui sors euenit, imperare: qui verò assequi non potest, non molestè sed patienter ferre fortunam suam decet: sic & in vita quodcunque eueniat, benignè ac facile toleratè, nec fortunam accusare, sed sequi, ei que obedire necesse est. Qui enim facere hoc non potest, idem quoque bona in fortuna felicitateque non mediocris, sed insolens superbusque omnino futurus est. Quamobrem benè Tragicus quidam: Neminem felicitate fortunaq; aliqua, plus iusto efferri aut gloriari debere: nec rursus infortunio aut casu remitti delictique: sed utrobique fortiter manendum, & tanquā in igne aurū, ita conseruandam esse in calamitatib. constantiam, præcipit. Est n. benè instituti & prudentis viri officiū, generosè ac fortiter seruire modū in rebus, tum secundis tū aduersis: ad hocq; præcipue ratione sese parabit, confirmatusq; erit: ut quod Oratius scribit, ut ipse ait, Jupiter: ut ego, Deus: modò tranquillitatem, modò informes hyemes reducat: Vt umq; esse Homericū illud putet: Deos hominib. non omnia simul concessisse: Cumq; aliquid in vtramvis euenit partem, statim ratione ac prudentiā monente considerabit, nullū omnino esse mortale felice: & id, quod fieri necesse est, non fieri, penitus impossibile. Quemadmodum enim in planis & segetib. aliquando fructuū prouentus vberes, aliquando steriles: sic et in animatis reb. generationes modò, mo-

dò corruptiones fiunt, utq; in mari partim tranquillitas est: partim verò tēpestas horrida omnia confundit & turbat: sic multæ variæq; revolutiones, hominē in contrarios casus & euentus circūducunt. Quos si diligenter consideremus, non ab re quod Agamemnoni dicitur in Tragediis, nobis item ipsis dicere possemus: Nos non, ut bonis omnibus fruermur, natos: sed, velimus nolimusue, necesse est, postquam mortales sumus, modò gaudere, modò dolere. Quamobrem diuinē admodum, ut pleraq; alia Socrates in Phædone: Quā miranda, inquit, res, socii, esse videtur, id quod appellant homines suaue ac voluptuosum, quāque admirabiliter ex sui ipsius natura ingenitum est, ut cū eo, quod omnino cōtrariū eius existimatur esse, insuauis scilicet ac luctuoso, cōcors pacificumque sit. Ambo etenim simul nullo pacto, apud eundem hominem, eodemq; tempore, diuertere volunt. Sed si quis ex his alterum sequatur & assequatur, eundem quasi semper necessitate vrgeri, cogiq; ut recipiat etiam alterum: quasi vtrisque ab eodem vertice ac principio simul iunctis, cū tamen duō sint. Hæc Socrates: à quib. Tragicum illud fluxisse videtur: Nulla fors longa est: dolor & voluptas inuicem cedūt: breuior voluptas. His quoque nec dissonare videntur ea, quæ clarissimus comicorū Menander prudentissimè ait: Nullū esse animal quod celerius in luctum & miseriam ex felicitate mueretur quā homo. Quod quidem non absq; ratione summa euenit. Cum enim aliis omnibus natura debiliores infirmioresq; nos simus, maximis tamen rebus nos donat fortuna. Quas cū postea ipsi reperere visum est, tanquam ex præcipitio quodam deiectis plurima illa & maxima bona nobiscum deliciuntur & coneruntur. Quæ considerans poëta quidam Græcus, licet iocosè, non absurdè tamen in epigrammatib. ait: Hominum vitam nihil aliud esse, quā luctum, alcamq; fortunæ ludentis: ut per hoc instabilitatem eius, indice quodammodo demonstraret. Cū tamē hæc ita se habeant: quidam stultitia vel insolētia sic afficiūtur, si quodammodo eis arriiserit fortuna, ut elati & insolentes effecti, diuitiis, vel imperio, vel honoribus, humiles & abiectos contemnere ac despiciere audeant. Contra quos Latinorum poëta clarissimus quodammodo exclamare videtur his versibus:

Nescia mens hominum sati fortūq; futura.

Et seruare modum rebus sublata secundis.

Si n. cogitarent animo humanarum rerum infirmitatem atq; instabilitatem: quāque celeriter sublimia humilia fiunt: & rursus infima, & ut ita dicam, terrestria, pernicipibus & velocibus fortunæ mutationibus subleuantur: non ita profectò efferrentur. Quapropter manifestum est, eos qui stabile aliquid in rebus instabilibus quærant, nō rectè aut sincerè iudicare. Rota enim cur-

rente, ac circumeunte, modò vna, modò altera pars superior est, vt ait Græcorum prouerbum. Firma igitur ac potissima ad ferendas constanti fortique animo huiusmodi alternationes & varietates, medicina est, ratio ipsa. Per eam namque prudentis viri animus, ad omnes humanæ vitæ mutationes & confirmatur & munitur. Oporret enim cogitare hominē non solum ipsum mortalem esse natū: verum etiam quod res & bona sortitus est mortalia. Vt enim humana omnia & mutabilia, & quotidiana & vana sunt: ita etiam effectus, felicitates, generaliterq; omnia, quæ in vita nostra reperiuntur, fragilia, caduca, & mortalia sunt. Quæ si vitare consilio aliquo, vel effugere posse speramus, magno in errore versamur. Quippe qui, vt Pindarus ait, Ferreæ necessitati subiecti sumus. Quamobrem rectè & prudenter Demetrius Phalærus, dicente in Tragœdia Euripide: Felicitatem non stabilem, sed quotidianam rem quandam esse, quodque & vna dies sæpenumero, & alta deiecit, & humilia subleuauit: optimè ait, omnia potèram dixisse: veruntamen melius fuisse, si non vnam diem, sed punctū temporis indiuisibile dixisset, quò humana verterentur. Cum igitur omnia nostra talia sint: nihil tamen homine ipso magis fragile, magis caducum, quodq; infinitis subiaceat casibus, inueniri potest. Quam rem significare volens Pindarus: Hominem nihil aliud esse ait, quàm vmbra somnium: artificiosè mediū fidiū & significanter, hyperbolisq; efficacibus, quæ qualisque esset vita hominum, expressit. Quid enim debilius est vmbra? vmbra verò ipsius somnio, inferius aliquid non solum non dici, sed ne cogitari quidem posset. Quæ Crantor, vt Plutarchus refert, imitatus, in oratione qua Hippoclem de filiorum morte consolatur, scribit in hanc sententiam. Et si nihil eorum quæ antiqua sanctaque Philosophia fieri iubet, ac præcipit, nec probaremus nec recipere: at saltem hominum vitam, vt ipsa docet, multis modis laboriosam valde difficilemque esse verissimum est. Quamuis enim ex sui ipsius natura neque calamitosa neque misera sit: tamen cum erroribus nostris, tum etiam fortuna quadam obscura & incerta, quæ de longinquo, & quodammodo à principio nō boni alienius nostri causā nos insecuta est, effici videmus, vt ad tantam nequitiam & corruptionem veniatur. Quapropter benè dicitur, statim natis hominibus immisceri malum fatum. Mortalia enim semina statim cum hac causā communicant: ex qua latenter obrepere & serpere videntur, primū animæ nostræ hebetudo & quasi ineptia: deinde morbi ac dolores: postremò innumerable mala, quæ homines impeditos alligatosque quasi tenacibus vinculis tenent. Hæc Crantor. Quæ ideo hic apposuimus, vt scire possemus, non esse nouum aut inusitatum, si homo in miseras & calamitates incidat, infelique sit. Sed iisdem ca-

sibus, iisdemque mutationibus, quicumque nati sumus, & obligamur & subiicimur. Fortuna enim non ad certum aliquem locum aut scopum, sed ubicunque libitum est, sagittas dirigit, acculaturque, ut Theophrastus ait. Aptissima namque est, a nobis, sine ullo certo aut constituto tempore, ea quæ magnis laboribus vigiliisque acquisiuimus, auferre, delicerique nos ex umbræ hac felicitate nostra. Quæ omnia cum cuilibet bene sentienti, tum tibi, viro prudentia & doctrina non mediocri prædico, non solum cogitare in animumque traducere per teipsum facillimum est: verum etiam audire antiquos illos sapientesque viros, eadem sentientes, licet. Quorum primus & maximus Deus ille poetarum Homerus est, dum ait:

*Cum generet variis animalis multa figuris,
Qua vel humo serpunt, viridique sub aquore simunt,
Quæque secant liquidum stridentibus æthera pennas,
Nil magis infirmum nutrit pulcherrima tellus
Debilisq; homine, cui cum Fortuna secunda est,
Disque fauent, nunquam aduersos putat ipse futuros.
Sed mala cum dederint superi casusq; sinistri,
Non animo fortis, tristis sed corde labores
Inuitusq; feret. Quoniam mortalibus agri
Instabilis mens est: talisq; in pectore sensus,
Qualis Fortuna est, tribuit quam Iupiter ipse.*

Et alibi dum Glauci Lyciorum Regis congressum cum Diomede narraret, Diomedemque cum, qui & ex quibus esset, interrogantem induxisset: Glaucum ei respondere facit in hanc sententiam:

*Cur genus à nobis Tyride maxime queri?
Quod folius simile est frondentis in arbore ramis:
Viq; notus frondes ad terram decit imam.
Post alas viridis produunt vertice sylva,
Dum roseo tellus floret pulcherrima vere:
Sic genus humanum rursus crescitq; caditq;.*

Quam sententiam ipse idem approbare videtur Homerus, ex eo, quod in sequentibus Apollinem, quem Deorum omnium prudentissimum existimabant antiqui, dicentem inducit: Stultum esse, si Dii immortales inter se ipsos inimicitias & discordias exercent, mortalium hominum causa, qui similes foliis modò corpore viridi & robusto sint, modò quasi desiccati & corrupti, consumuntur ac pereunt. Simile quoque his illud est, quod Lyricus Simonides, Lacedæmoniorum Regi Pausaniz, dixisse fertur. Cum enim a Simonido irridendo perisset, ut aliquid sapiens in medium afferret: Tunc ille, qui Pausaniam propterea, quæ cum Medis terra antiquæ gesserat, insolentem

superbumque esse sciebat: Consulo tibi, inquit, Rex, ut te hominem esse memineris. Quod quidem non ab re monuisse ex eventu postea compertum est. Paulò n. post, cum venisset in suspicionem, quòd Regi Persarum Graciam prodere vellet, ne ab Ephoris insequentibus caperetur, in Sacellum fugit: in quo obseruatus, & custoditus, in omni rerù inopia magna; ignominia mortuus est, deditq; omnibus documentum, quàm fragilis caducaq; esset humana conditio, quæ modò in hanc, modò in illam partem verteretur. Quamobrem Philippus Macedonum Rex, cum triplicis ei felicitatis nuncius eadem die venisset: primùm Olympiis quadriga vicisse: quodque præfectus eius Parmenio, Dardanos pugna superasset: tertium verò vxorem filium peperisse: sublatis in cælum manibus dixisse fertur, O dii, mediocriter aliquod infortunium tot tantisq; felicitatibus meis opponatis oro. Sciebat n. prudentissimus Rex, contra humanam conditionem esse, ut homo in eodem statu ac tenore diutius permaneret: timebatq; fortunæ inconstantiam, quæ magnis felicitatibus inuidere solet. Huic quoque Macedonis sententiæ astipulari viderur Amasisis Ægyptiorum Regis opinio. Qui cum Polycratem Samiorum Tyrannum, eius imprimis amicum intellexisset omnium fortunatissimum esse, nihilque ei, ad illud usque tempus, molestum accidisse, ad eum scribens: Quamuis mihi, inquit, iucundissimum sit, virum & familiarem & hospitem, esse beatum: tuæ nihilominus magnæ felicitates mihi non placet, ô Polycrates, quippe qui sciam quàm sit fortuna inuida. Malo n. me, omnesque quorum habeo curam, partim quidem felices, partim verò infelices vitam ducere, & quasi permutationem quandam facere potius, quàm omnino beatos esse. Neminem namque ex eis vnquam audiui, qui omnibus in rebus felices beatiq; fuissent, ut non misere & calamitose, quasi cadicitus euulsi, perierint. Quòd quidem verissimè Amasis de Polycrate vaticinatus est. Non multo enim post tempore, à Darij præfectis felicissimus ille omnium, cruci affixus, assequi non potuit, quod etiam infimo cuiq; conceditur, ut saltem post crudeliss. genus mortis, non sub sole sed humi putresceret: credo non volente fortuna: ut cum, tanquam trophæum quoddam suum, omnibus gentibus ostentaret. Theramenes Atheniensis quoque vnus è numero triginta Atheniensium Tyrannorum cum domus, in qua simul multi cum ipso coenabant, subito conuulsa, ac cæteris omnibus elisis & suffocatis, præter spem solus euasisset, ab omnibusque felix & beatus præterea appellaretur, inter huiusmodi gratulationes altissima exclamans voce: O fortuna, inquit, in quòdnam tempus me referuas? Et, tanquam casum suum, qui postea euenit, præuideret animo, cum ea que sus est, Etenim a locus, & collegis Tyrannidis,

discerptus, & crudelissimè vexatus, miserrimè vitam finivit. O-
mnium verò maximè ideam consolari nos videtur Homerus, dum
facit Achillem, alloquentem Priamum, qui ad eum venerat, ut
corpus Hectoris redimeret. Cumque Priamus humi sederet mœ-
stus, ac puluere deturpatus, eum Achilles inuitans, ut in thro-
num regium se reciperet, consolatur his versibus:

*Nunc agedum sedas Throno, sauosq; dolores
Ponamus, mœsti quamais, lachrymîq; madentes:
Nunquam etenim luctu sine viuere possumus atro,
Sic voluere truces voluunt qua stamina Parca,
Ut miseris gemitus semper mortalibus adsit,
Solâq; cœlestium natura beata quiescat,
Quos neq; sollicitat luctus, nec cura remordet.
Nam duo celicolum seruantur Regis in aula
Vasa, quibus bona sunt donas qua Iuppiter ipse,
Et mala, discretisq; cadis hac porrigit orbi.
Cuiq; pater miscet gemino de vase Deorum,
Per varios casus vita iactabitur, & nunc
Latitiam fortuna feret, facietq; beatum,
Nunc varios gemitus lachrymans feret atq; vicissim:
At cui non mixtos dederit pater ipse liquores,
Infelix hic semper erit, peruersaq; fama
Hunc ager, imperio Diuum, fatisq; sinistris,
Errando & quamuis totum vel circuat orbem,
Illum non homines non Iuppiter alius amabis.*

Hesiodus quoque Homerum imitatus, licet fabulosè, & ut
poëta, seruiens argumento suo, perpulchrè tamen ac verissimè
conditionem humanam expressit. Ait enim Iouem Prometheo
ac generi humano iratum, quòd is Prometheus ignem cœlestem
à superis furatus esset, communi Deorum consilio mulierem ex
luto finxisse, eamque Pandoram appellasse, ex eo, quòd Dij
omnes ad eam faciendam aliquid de suo contulissent: tradidis-
seque Mercurio, eam hominibus deducendam. Quam cum acce-
pissent, statim miseras calamitatesque omnes mortalibus acci-
disse. Habebat enim secum hæc mulier dolium malis omnibus
refertum ac plenum. Quod cum aperuisset, per omnes homines
mala huiusmodi statim dispersa esse. Versus autem, in quibus
hæc narrat, hi sunt:

*At Pandora cadum manibus detexit, & inde
Tot mala dispersit miseris mortalibus, una
In medio sed spes fundo constructa remansit.
Nam cœtus mulier, iam iamq; exire parantem
Hanc tēnis, fortisq; seram cenamine clausit.
At alia pestes numero quam dicere non est,*

*Nunc mare, nunc terras, celeri petiere Solam.
Hinc mortes, morbiq, truces, lachrymaeq, dolorq,
Improvisi adsunt nobis, quos nulla potestas
Effugere est: quoniam Divum pater atq, hominum Rex,
Abstulit his vocem, & clam dedit esse nocentes.*

Ex his itaque omnibus manifestum est, cum quid in vita molesti aduersique acciderit nobis, si grauius id ferimus, & lugemus immoderate, tum inique tum stulte nos facere: quippe qui legi, secundum quam nati educatiq; sumus, non obtemperamus, speramusque luctu & lachrymis nostris calamitates lenire ac leuiiores facere, quae potius ab eis nutriuntur & augentur. Vt enim Comicus prudenter ait: Si lachrymae gemitusque dolores nostros leuare possent, conueniens esset ut lachrymas auro permutaremus. Verum cum mortalia omnia, seu lugeamus, seu non, eadem omnino non incedunt via, nihil amplius lugendo proficimus. Dolor namque, tanquam arbor aliqua, lachrymas pro fructu habet. His quoque non dissimilia dicere videtur apud Tragicum Dictys, ubi Datem, de nece filij muliebriter dolentem, consolatur his verbis:

*Deos ne surdi credis inferni, tuos
Curare luctus? quos roges licet gemens
Nunquam redibis natus in lucem tuam.
Ergo quiescens luctibus modum feris
Regina ponas, namque si casus graues
Hominum reuoluas, quisque quot ferat mala,
Viros castrensis quot malus carcer premat,
Orbi senescant prole quot senes sua,
Fortuna regum quot vel abstulit potens
Quondam beatos, nunc qui sunt prorsus nihil,
Modos querelis hic eris forsitan tuus.*

In quibus versibus animaduertendum etiam illud est, non absque ratione moneri Datem, ut aliena cum suis compareret mala. Nihil enim est quod aequè ad animi nostri molestias sanandas faciat, quam si aliorum hominum calamitates ponderemus, ac trutinam quodammodo cum nostris expendamus. Semper namq; alienas miseras aut maiores, aut certe pares, inueniemus. Hocque maxime modo leuia & non grauissima perpeti nobis ipsis persuadebimus. Quo genere consolationis usus esse fertur Antimachus poeta. Mortua enim eius vxore, quam afflictim amabat, elegiam, cui titulus est, Lyda ex coniugis nomine, composuit. In qua antiquas & heroicas omnes calamitates diligenter enumerans, aliis infortunijs dolorem suum mitiorem fecit. Quam rem significasse etiam Socrates artificiose ac philosophice multum videtur. Existimabat enim, si Deus aliorum omnia infortunia

num in locum congereret ac cumlaret, humano deinde generi ex æquo ea diuidere velle se diceret, libentiùs vñumquemque hominum propria contentum calamitate discessurum fuisse. Quod quidem sapientissimi Philolophi dictum nos instruere videretur, quòd is qui dolorem consolaturus est, si ostenderet, huiusmodi calamitatem communem & humanam esse, multisque ante cum aliis accidisse: exemplis ex historiis & ætate nostra repetitis doceat: multò minorem calamitatem, quàm antea existimabatur esse, dolenti persuadebit.

Ex hac exemplorum congerie, cum multa scribenti mihi ad te suppetere succurrerentque animo: ideo in præsentia enumerare plura supersedi, quia prudentiæ ac doctrinæ tuæ merito, per te ipsum ea facillimè inueniri posse, non ignorabam: ex quibus te ipsum consolari, animaduertereq; poteris, vt cum aliis hominibus antea, itidem nunc tecum egisse fortunam. Si verò mihi fortasse dicas, Præsul doctissime: id quod ego tamen, à summa religione & sapientia tua cum alienissimum sit omnino, minimè te facturum mihi persuadeo: te non tantum Matris discessu angere ac dolere, quantum morte ipsius concurbari: vt pote quæ omnibus mortalibus formidolosa sit: ideoque parum commodè cum genitrice tua actum esse existimas quod vitam cum morte commutaret: quasi omnium malorum mors ipsa supremum atque vltimum videatur: ac eius propterea mortuæ tanquam miseræ ac calamitosæ vicem doles: possum tibi cum Æschylo poëta respondere, qui optimè videtur eos, qui necem malam existimant, reprehendere dicens:

Non iussit mortem nempe mortales timens,

Qua tanta Vita finit ac leniat mala.

Quem imitatus etiam videtur Euripides, dum ait:

Io mors, quietis portus Es salus, Venus,

Veni mederis sola qua nostrum malum.

Et certè ita est. Quapropter quid in morte aut difficile aut malum sit, non video. Ea etenim quæ in moriendo accidunt nobis, quoniam consueverunt, & quodammodo nobiscum simul nata, nescio quo pacto misera ac calamitosa nobis esse videantur. Quid enim miserum est, si id quod incidi potest, inciditur? si liquebile liquefit? si combustibile comburitur? si corruptibile corrumpitur? Quando fuit tempus aliquod quo homines non morerentur? aut potius quod non tempus fuit, quo in nobis ipsis adhuc spirantibus non sit mors? Nam, vt Heraclitus ait, idem est viuens & moriens, vigilans & dormiens: iuuenis & senex. Estque in nobis vicissitudo quedam & communicatio. Ac quemadmodum ex luto seu cera, potest quis animalia fingere: deinde ea inter se confundere: aliaque ex eisdem, ex eodem luto instaurare inces-

incessanter: ita etiam parens natura, prius quidem progenitores nostros, ex eadem materia, ac successione continuata patres, deinde nos produxit: postea quoque alios & alios, quasi in orbe ac rota quadam currenate formabit. Nec unquam generationis nostra amnis, qui continuò fluit, arefcet. Et rursus è contrario, alter corruptionis fluuius, seu Acheron, seu Cocytus à poetis appellatus, non deficiet. cum hac etenim conditione in lucem editi sumus, cum hac solem & sidera ipsa suspicimus, vt cum fatalis dies aduenerit, eorum nobis aspectus auferatur. Cuius rei vt quotidie admoneremur, prudentissimè natura prouidit, vt continuatis vicibus, modò dies, modò nox esset: modò somnus, modò vigilia: ex hac mutatione ostendere nobis volens, vitæ mortisq; alternationem. Quamobrem rectè dicitur: vitam nobis à natura usurariam esse concessam, eamq; precario quodammodo nomine nos accepisse. Quod, cum natura ipsi suum repètenti reuocare libuerit, si facile ac sine dolore aliquo reddiderimus, boni viri officium faciemus. Est enim æquissimum, tam diu liberalitate hac nos uti, quam diu natura voluerit: cum verò ei reperere placuerit, non molestè, sed æquo & patienti animo ferre. Cuius tamen rei contrariū omnes penè facimus, statimq; ad ipsum mortis nomen ita exhorrescimus, vt quiduis potius facere ac perpeti, quam mori velimus. Ac propterea existimo, naturam ipsam, cum animaduertèrit hac in re humiditatem nostram, voluisse, vt incertus & incognitus esset dies mortis. Si enim eum prauideremus, dolore ac metu mortis multi perirent, qui antequam moriantur, morerentur. Quod profectò non faceremus, si vitæ nostræ incommoda, si miseriæ, si calamitates, versarem animo: quæ tot ac tales sunt in vitâ, vt multi ex clarissimis philosophis affirmant, nemini omnino expedire vt viuât. Hominiū enim, vt Simouides inquit, parua admodum ac tenues sunt vires, inutiles & vana cura, ac in eorum breuissima vitâ infiniti labores, nouissimèq; capitis nostris imminet inuitabilis mors, cuius partem boni ac mali iuxta sortiti sunt. Cum igitur talis hominum sit vitâ, vt isti aiunt, & nos, si rectè cogitamus, oculis quodammodo videmus: nonne conuenientius est, vt eos, qui huiusmodi seruitute liberati sunt, felices planè ac beatos existimemus, potius quam dolore & lachrymis, tanquam miseros prosequamur? Quod vulgares plerique ob ignorantiam faciunt. Ac Socrates, Delphici Apollinis oraculo sapientissimus omnium iudicatus, adeò, cum nihil mali putaret esse in morte, eam contempsit, vt neque patronum quaesuerit ad iudicium capitis, neque iudicibus supplicauerit, sed magno & forti animo coram ipsis disputarit: nihil omnino mali esse in morte. Similem enim aiebat esse eam, aut profundissime somno, aut peregrinâ,

tionem cuidam longinquam, ac multi temporis: vel tertio, corruptioni animæ & corporis. Quodcumque autem ex his fuerit, per vnumquodque procedens, nullo modo malum esse affirmabat. Si enim somnus quidam est mors, per immortalem Deum, quidnam mali potest esse in ea, cum dormientibus nobis mali aliquid prorsus non sit? Cum potius nihil dulcius aut suavius esse, quam profundissimus somnus, qui pacatissimam quietem afferat, manifestum est hominibus. Quod quidem etiam Homerus ipse testatur. Vbi cumque enim dicere vult, aliquem optimè quicuisse, dormisse ait somnum morti maximè similem. Quem imitator eius Virgilius noster, ad verbum interpretatus inquit:

Dulcis & aëta quies, placidaq; similissima morti.

Ac sæpe idem Homerus, germanum Lethi, soporem dicit. Verumque idem prudentissimus vates, somni necisq; similitudinem ostenderet ac significaret, eos alibi non fratres, sed geminos appellauit, ac eodem partu editos. Gemini enim, maximè sunt similes etiam aspectu ipso. Rursus, ut etiam insensibilitatem, quæ in morte est, nos docerèt, mortuum quendam dormisse ait ferreum somnum. Quod & Virgilius æmulatus inquit:

Olli dura quies oculos & ferreum erget

Somnus.

Huic quoque haud dissimile est illud Cynici Diogenis. Cum enim proximus esset morti, in somnumq; ut fieri solet, incidisset, excitanti medico, interrogantiq; Nunquid nam mali haberet? Nihil inquit. Frater enim fratrem suscipit: sopor scilicet necem. Quapropter non absurdè, mediis fidius, dicere possemus: inter somnum & mortem nihil interesse: sed eodem modo ad inuicem se habere, quo apud Athenienses quondam Eleusina sacra, quæ parua & magna dicebantur. Et quemadmodum parua in vrbe: ita etiam somni mysteria in vita celebrari: rursus verò, ut magna extra urbem, ita mortis ceremonias extra vitam exerceri. Si autem, quod secundum erat, similem peregrinationi cuidam mortem esse dicamus, neque sic malum, cum magis hoc modo, mors optimum quoddam est. Solui enim ac liberari corpore, eiusque affectibus ac perturbationibus, à quibus animus noster diuulsus ac turbatus, diuinitatem suam mortalibus illecebris coinquinare atque inficere cogitur, fortunatum beatumque planè existimo. Infinitas namque occupationes ac impedimenta nobis, propter eius necessariam curam & alimentà, præbet corpus, ut Plato ait. Quam rem sensisse Homerum etiam videtur, cum ait:

Nil magis est miserum divi quam extra laborq;

Ventris, cui non præbere alimenta necesse est.

A ventre, id est à parte, totum corpus, more poetico, nuncupavit.

pauit. Affectus quoque, ac agrotationes, quotidie corporis cauta nos aggredientes, abstrahunt diuelluntque ab illa summi boni contemplatione, ad quam noster animus, vrpote ab illo fluens, suapte ipsius natura fertur: ac è contrario, vanis quibusdam cupiditatibus, & inanibus timorum amorumque imaginibus, nos replens, adeo, ut quod aiunt, nihil vnquam prudenter nobis cogitare per corpus liceat. Quid enim circa ipsum est aliud, quam pugna, seditiones, ac bella? Ex quibus oriuntur pessimæ omnium cupiditates. Cuncta namq; bella pecuniæ solum comparandæ causâ, suscipiunt homines, ad quam tanto impetu ferimur, nullam ob aliam rationem nisi vt per eam, corporis nostri cultui seruamus, ex quibus omnibus necesse est, vt philosophiæ cognitione omitta, circa ipsius corporis vacemus curam. Quodque omnium maximum est, si quando per eam, quod raro euenit, orium nobis agere licuerit, conuersique fuerimus ad altiorum aliquam contemplationem, nihil est, quod magis ad eius assequendam cognitionem nos impediat, quam corpus. Circumquaque enim, animi nostri diuinitatem crassitudine ac terrestreitate (vt ita dicam) sua obruens, tumultum ac perturbationem ingenerat nobis, adeo, vt nunquam veritatem, propter eius impedimenta, cernere possimus. Quapropter luce clarius est, si cuius magnæ rei cognitionem putam, sinceramq; habere voluerimus, necessarium omnino nobis esse, vt animum quam longissimè à corpore ad seipsum euocemus. Quod quidem fieri perfectè non potest, nisi cum summus ille rerum opifex Deus, qui nos in corporis carcerem detrusit, idem quoque nos soluerit. Tunc enim licebit nobis, purâ & immaculatâ mente atq; anima, contemplari omnia. Tunc assequemur id, quod maximè omnes homines, & cupimus & amamus, veram scilicet cognitionem ac sapientiam. Quod viuentibus nobis, corporisq; nexibus alligatis, fieri non posse, nisi prius ab eis liberati simus, manifestum est. Si enim omnino in corpore existentibus nobis, nihil purè cognoscere licet: de duobus alterum vt sequatur, necesse est: aut nunquam sapientiam, quæ est diuinarum humanarumque rerum scientia, nobis assequi, aut certè, mortuis permixtum est. Igitur demus operam, vt, quantum fieri potest, viuentes, à corporis contagiis puram immaculatamque animam conseruemus, tumq; summus ille parens ac Deus noster, iusserit nos demigrare, cum eo firmiter esse possimus, eiusq; claritatem, purâ mente nostra contemplari. Quam quidem rem, si lutulenti ac sordidi illius accederemus, facere nullo modo possemus. Impuro enim & conquinato rem puram nitidamq; aptare atq; coniungere nefas omnino est, vt Plato ait. Quapropter ex his omnibus manifestum esse arbitror, quamuis dicamus mortem transmigrationis.

grationem in alium quendam locum esse, neque sic formidolosum, miseri, calamitosum in se aliquid habere. Quin potius felicem ac beatam rem propemodum esse, Plato ipse in Phædone ac apologia demonstravit. Quamobrem diuinè admodum Socratem dixisse ad iudices, qui eum morti condemnauerunt, idem Plato refert, in hanc ferè sententiam: Nihil aliud est, inquit, ò iudices timere mortem, quam eum qui non sit, putari sapientem. Quippe, qui existimatur ea scire, quæ nunquam cognouit expertusque est. Nullus etenim viuentium hominum, qualisnam sit mors, scire potuit. Quæ cum humanarum rerum supremum & maximum bonum sit, ab omnibus tamen ita vehementer cauetur, tanquam si reuera cognoscerent, eam supremum ac maximum malorum esse. Cui non dissonare videtur poëticum illud:

Nemo necem timeat, qua curas atq; dolores

Soluit, & humanis est medicina malis.

His quoque ascripulari videntur Deorum & oraculorum testimonia. Plurimos etenim scimus, propter singularem pietatem, ac religionem in Deum, morte, tanquam omnium excellentissimo munere, donatos: quorum multos, ne modum excedat oratio, numerare supersedeo. Eos tantum, qui maximè clarissimi fuere atque in omnium linguis & ore versantur, nominabo. Ac primum ea, quæ de Argiuis adolescentibus, Cleobi scilicet ac Bitone, clarissimus historiarum scriptor Herodotus refert, in medium afferam. Ait enim eorum matrem, Iunonis Argiæ sacerdotem, cum ad solenne statumque sacrificium itura esset extra oppidum: ad quod curru vehi, religio erat: iamque in templum ascendenti, vt sacra perficerentur, cum iumenta, quibus ad plaustrum alligatis veheretur, in tempore non adessent, iuvenes, ne piaculum committeretur, corporibus oleo vinctis colla materno iugo supposituisse, eoq; modo à filiis adductam in templum sacerdotem, rem diuinam perfecisse. Ipsam verò filiorum religione mirum in modum gauisam atque exhibitam, Deam precibus petiisse, vt illis præmium daret pro tam insigni pietate, quod maximum hominibus dari posset à Deo; post, epulatos cum matre adolescentes, quiesci se dedisse, manè inuentos esse mortuos, quasi nihil maius aut melius morte, quod eis in religionis remunerationem daret, haberet Iunone. Simili quoque precationis genere vsos Trophœiū & Agameden Pindarus refert. Qui cum Delphis, templum illud pulcherrimum atque ornatissimum, Apollini adificauissent, venerantes Deum, pro mercede laboris ac pietatis sur, id quod homini habere optimū esset, rogauerunt. Quibus se id traditurum Deus spondidit, post eius diei diem septimum. Interea corpora curare, herosque conuiuari iussit. Eos verò, postquam id quod mandatum erat, fecissent, septima de-

mum nocte somno se dedisse, nec amplius surrexisse. Ferunt etiam ipsum Pindarum, cum Legati Boëtiarum, ad consultandum Apollinem mitterentur, iussisse, ut Deum inter cetera interrogarent, quidnam esset homini longè optimum? Cui vates respondit: neque ipsum Pindarum id ignorare, si ea, quæ de Trophonio & Agamede scripta essent, re vera illius, & non alterius sunt, sin experiri quoque cuperet, haud multò post ei manifestum fore. Quæ cum audisset Pindarus, coniectasse dicitur: Deos mortem existimare optimum. Paruo deinde tempore interiecto, cum caput dormiens in sinum pueri deposuisset, suauissimè vitam finisse. Ea quoque, quæ de Euthynoo adolescente Italo referuntur, non parua sunt, ad fidem faciendam: nihil mali esse in morte. Hunc enim, parcia Terrinacum, Elysi cuiusdam, qui primū nobilitate, diuitiis & gloria, ibi teneret locum, filium fuisse aiunt, ac immatura morte surreptum decessisse, incerto obscuroque genere morbi. Itaque, Elysiū suspicatum fuisse, quod facile quis alius cogitasset, cum fortè veneno interemptum. Erat namque vnicius patri, diuissimo tum agri tum pecunia. Hunc igitur Elysiū, dubitantem, quonam potissimum modo, de filij nece, questionem ageret, venisse ferunt ad psychomantium quoddam, ac de more, post sacrificium quieuisse. In somnis visum sibi aduenire parentem iamdiu mortuum. Cum igitur eum vidisset, statim, quid filio suo accidisset, narrasse, rogasseque mirum in modum, ut simul cum eo daret operam, si quo pacto filij ac nepotis interfectorem possent inuenire. Cui parens, propter hoc solum, inquit, ad te venio: sed potius ab hoc suscipe, quodcunque tibi fert. Sic enim manifestè scies, id quod tu, tanto cum more ac lachrymis, queris. Esse autem, quem demonstrabat, adolescentulum ponè insequentem, Euthynoo simillimum, facie ac ætate quam proximum. Cumque eum interrogasset Elysius, quisnam esset: Ego, inquit, sum genus ac Damon filij tui, & cum dicto porrexisset ei tabulam quandam: quam, cum Elysius aperuisset, tres huiusmodi versus inscriptos reperisse, quos Cicero sic conuertit:

Ignarus homines in vita mentibus errant.

Euthynoo petitur factorum munere lato.

Sic fuit scilicet finiri ipsiq; tibiq;

Hæc itaque ex antiquorum historiis collecta, Socraticam illam distinctionem adiuuare videntur. Cuius tertium erat membrum, quanquam mortem dicamus corruptionem esse, corporis animique, nec sic quoque aliquid in se mali continere. Hoc namque modo, erit mors, insensibilitas quædam, ac liberatio curæ, laborum, humanorum. Ut enim, si animus cum corpore interiret, nihil boni esse posset in morte, ita etiam nihil mali. Ac quemadmodum circa id tantummodò, quod subsistit ac reuera est, bonum

bonum aliquid fieri natum est, eodem modo etiam malum. Nul-
lum etenim illorum suapte natura coniungi posse cum his quæ
non sunt, manifestum est, adeò, vt probatione non indigeat.
Quapropter si hoc certum, si verum esset, eodem loco essemus
ac condicione vita functi, quo eramus antequam nati. Quem-
admodum enim nihil ad nos pertinebat, priusquam nascere-
mur, siue bonum siue malum id esset, ita etiam nec post mor-
tem. Ac sicut res ante nos, nihil ad nos, eodem modo nec ea
quæ post nos. Vt enim est in prouerbio, non tangit illos mortui
corporis dolor. Idem namque status est hominibus ante genera-
tionem, qui post mortem. Quòd si quis differre aliquid existi-
mat, id, quod nunquam fuerit factum, ab eo, quod postquàm fue-
rit, deficiat: idem quoque intelligere poterit, quid inter domum
ac vestem, post corruptionem intersit, & tempus, quo hæc
nondum suta, & illa non fabricata erat. Itaque si in his nulla est
diuersitas: manifestum est etiam, nullam esse post tempus mor-
tis, cum eo quod ante nos fuit, differentiam. Hæc, & his similia,
Socrates paulò ante mortem dilleruisse fertur. Quibus simile est
illud Arcefilai, qui urbanè admodum, hoc, inquit, malum quod
mors appellatur, solùm ex omnibus, quæ ab hominibus existi-
mantur mala, præsens quidem nullum dolore molestiæ affe-
cit vnquam, absens verò atque expectata vehementer cruciat &
affigit. Reuera enim multi propter timiditatem huiusmodi,
quod etiam superius diximus, ne moriantur, moriuntur. Bene
quoque ac sapienter Epicharmus de homine mortuo locutus
est, cum ait: Concretum & discretum est, rediitque ad eum lo-
cum vnde prius venerat, terra scilicet in terram: spiritus verò
ad superiora, quorum nihil difficile ac malum est. Non minùs
quoque præclarum ac generosum Laconicum illud tetrastichon
memoratur in primis, quod Lacedæmoniorum adolescentes in
choris saltantes canebant:

Quondam alij, nunc nos, subito crescentq; minores,

Quorum nos stirpem suta videre negant.

Hæc sunt, mi sapientissime pater, quæ, vt eximè nouisti, de
morte antiquiores illi & clarissimi viri, philosophari sunt. Ex qui-
bus cuius persuaderi posse arbitror, ne dicam tibi, eminentissi-
mo Præsuli, & literarum studiis optimè instituto viro, mortem
non tanquam summum malum, fugiendam execrandamue esse.
Quam ob rem non est quòd doleas, quòd te afflictes, aut mace-
res, si dulcissima & illustris mater tua a nobis discesserit. Quin
potius, mihi crede, illi gratulandum est, quod ex vitæ nostræ tur-
binibus ac miseriis, ea profundam illam quietem felicitatemq;
euolauerit. Nisi te illud fortasse angit & excruciat, quod adhuc
firma constantiq; corporis valetudine, ac mente integra, cæris-
que

que sensibus, nondum resolutis aetate longæ tua in totum annis, tanquam adhuc (ve nimirum pro eius frugalitate, continentia, & singulari, & nature compaginatione mirabili, videri poterat) satis immaturo interitu, aut inopinata repentinaque decessione, Mater tua è medio sublata est. Hoc enim maximè commouere plurimos homines ad lachrymas solet, hoc gemitus infinitos penè concitare. Quod quidem an grauissimum sit, & immoderatè ferendum, præclare ac diuinè nos docere videtur, ex Græcis Comicorum quidam, qui dolentem de immatura morte consolatur his verbis:

*Si tu sciebas, illi quod sequens bonam
Transisset aetas, & beatè viueret,
Dolenda mors est, qua nimis fuit repens.
Potentis ut cùm fata quid ferant Dei
Incerta sit spes, & latent sequentia,
Vtrumne vitam sorte vixisset miser:
Benigna mors est, flenda nec nobis diu.*

Ex quibus Poëtæ verbis admonemur, minimè debere nos in tempestiuus nostrorum mortibus commoueri: utpote cùm sit omnino incertum, obscurumque quid nobis vel illis expedierit, vita ne an mors. Illudque omnium maximè hac in re oportet expendere & cogitare, non omnia quæ vana inanique persuasione decepti, per eos sperabamus, assequi nos posse. Aded enim nihil certum, nihil stabile in rebus hominum est, ut sperare aliquid in his, non prudentis, timere autem, sapientis omnino sit. Animaduertendum etiam nobis illud est, vitam quamuis longissimam, non esse humanis in rebus optimam: sed eam, quæ sine calamitatibus & miseriis, in inquisitione virtutis consistat: eandem etiã longè omnium felicissimam, quamuis breuissimam. Vt enim non qui plurimum sagittis ac cithara vitur, bonus Citharædus vel Sagittarius, sed qui optimè, quamuis semel, vtrumuis fecerit, peritissimus existimatur: ita etiam non quantum, sed quàm bene ac feliciter, quispiam vixerit, inspicendum est. Ac propterea felix beatusque, & quem maximè amarent Dij, antiquis & heroicis temporibus esse existimabatur ille, qui vitam breuem glorioso clausisset exitu:

*Stat (enim) sua cuique dies breue & irreparabile tempus
Omnibus est vita: Sed famam extendere factis
Hoc virtutis opus.*

Quamobrem, summos & clarissimos heroum, quos Diis genitos & nutrios ferunt, omnes penè vitam reliquisse antiquam senescecent, Poëtæ fabulari sunt:

*Ille etenim quem vel magnus dilexit Apollo,
Cuiq; Deum summos genitor concessit honores,*

Ante diem placida consumptus morte quiescit.

Nec tremula diu limen calcare senectæ

Huc dabitur: Et Homerus ait.

Quæ omnia illuc tendunt, potius in vita spectandam esse uem cum virtutibus iuuentam, & ætatem vitæ intermedium quam sine ipsis longam & maturam senectam. Quod quidem his quoque in rebus nobis vsuuenit. Nam & eas arbores optimas, quæ paruo in tempore plurimum fructum afferant, & marinus: & ea animalia, plurimum nobis in vita utilitatis afficiunt. Quod si rectè & prudenter considerare uoluerimus extremam ipsam, nullum penitus modici magnæque temporis discrimine inueniemus. Quid namque non paruum est, si ad eam inxerimus? non modò ætas nostra, quæ incredibile celeritate succedat, ac labitur, sed urbium quoque ipsarum, quæ antiquitate gloriatur, longissima secula, nihil omnino iungunt. Multa enim (ut clarè admodum Simonides ait) annorum millia, eius respectu indiuisibilis puncti speciem, seu rectius breuissimæ ipsius partem instar habent. Quomodo enim aliter appellari potest id, quantumcumque longissimè diuturnèque vixerit & durauerit, tamen minima quidem pars eius infiniti temporis sit, quo non vixit aut superfluit. Quemadmodum igitur, si bestiis quæ in toto, apud Hyppani ostiū, mane gigni, meridie iuuenescere, vixisse autem senescere ac mori dicuntur, mens ratione aliqua humana, non lugendum aut lachrymandum esse, quilibet sensus mentis existimaret, sed si qua vel ante vel circiter meridiem periret, quippe quæ paucis post horis interitura esset omnino, rursus eam quæ occidente sole moreretur, quod in extrema senectute decederet, felicem beatamque esse putarem, utpote cuncta vita brevis & circumcisa firi: ita etiam non est quod in morte breuitate vitæ queramus doleamusue, qui paulò post oritur finituri eramus: nec è contrario longitudine latemur emimusue, cuius quantumcumque fuerit incrementum, non minus distet à nihilo. Quapropter voces illæ atque exclamationes, quæ vti plurimum in huiusmodi casibus audiri solent, finitæ vanitatisque plenæ existimandæ sunt. Non decebat quærentem, non iam dico adolescentulam, aut in medio ætatis formosam, sed, ut eorum verbis utar, ne adultam quidem ac nimè venerabilem summamque authoritatis, & in ipso vitæ autem matronam, id est, in ipso primo limine senectutis matrem familias, cui saltem nullo negotio, in tanta rerum felicitate, tot meritis, tot vitæ meritis ad quintuplū & vigesimum usque annum stri causa commodè spatium viuendi prorogari poterat, videlicet vitæ statu, in quo maxime homines animi vi polle-

Incipiunt, reſtinctis affectibus, vera ſapere, non decebat, inquit, talem tali tempore rapi extinguiſque. Quis noſtrum ſcire poteſt, quod non deerer? Multa quoque, quæ nos prauo & corrupto iudicio, fieri non debere putamus, prius facta ſunt, & ſiunt quotidie, ſicutq; ſæpenumero velimus nolimusue. Non enim vitam hanc ingreſſi ſumus, vt tanquã Magiſtratus quidam perinde leges ferremus, ſed vt potiùs providentiæ ac factorum edictis, quæ nobis Deus ille optimus maximus, omnia ſapientiſſimè gubernans & moderans, promulgauit, obediētes eſſemus. Libenter itaque ego eos qui luſtu affecti, tantoperè deſunctos morēnt, interrogauerim, ſiue ipſius cauſſa, an deſunctorū lugeāt? Quod ſi hoc facere dixerint, proprio ipſorum incommodo, vt pote cum ſe, vel voluptate, vel præſidio eorum, qui paulò antè viuebāt, priuatos ſentiant: huiusmodi lachrymas & gemitus non amoris ingenui occaſione naſci, ſed ſeruilis quodammodo lamentationis ſpeciem præ ſe ferre, quilibet bene inſtitutus nonne iudicabit? Non enim mortuos puro mentis affectu lugere, ſed ſuarum rerum cogitatione moueri dicuntur, quod eorum ſcilicet morte magnis, quas ſperabant, vtilitatibus fruſtrati ſint. Si verò, quod ſecundum erat, illa res cruciat eos, quod mortuorum miſerias lugeant, cum rectè animaduertent, nihil mali eſſe in morte, vt ſatis iam diſſerimus, dolorem citò ponent: antiqua & ſapienti quadam ratione perſuaſi, quæ nos monet ac præcipit, ea quæ optima ſunt quàm maxima facere ac exaltare, rursus mala & peſſima, quantum fieri poteſt, cohercere atque humiliare. Quamobrem, ſi luſtus ac dolor bonum eſt, cum in infinitum producamus, omnis in lachrymis gemituque vitæ noſtræ conſumatur dies, ſine mœrore ne temporis quidem particula tranſigatur. Si verò, quod omnes conſentent, & re vera eſt, omniū quæ ſunt in vita longè miſerrimum calamitoſumque cognoscitur, cur nō potiùs operam damus, vt eum quàm breuiſſimum faciamus, & ad nihilum redigamus, deleamusque, quantum fieri poteſt a nobis. Quod quidem facile eſſe, cum multis aliis, cum ex huiusmodi conſolatione manifeſtum eſt. Aiunt enim ex antiquis philoſophis quendam, cum ad Arſinoem Reginam, filij necem moleſtiſſimè ſerentem, introiſſet, tali uſum oratione. Fuit quoddam tempus, inquit, ò Regina, quo Iuppiter Dæmonibus & Diis honores diſtribuebat. Luſtus verò, qui tunc aberat, paulò poſt ſuperuenit, iam tunc omnibus diſtributis. Cumque inſtaret apud Iouem, ſibi quoq; honorè decerni: Deus autem dubius animi eſſet, quænam potiſſimum ei traderet, cum iam omnes inter alios conſumpti eſſent, tandem tribuiſſe honorem, qui in hominū mortibus & funebus adhiberetur, lachrymas ſcilicet ac dolores, dicitur. Quemadmodū igitur ait, ò Regina, omnes homines Dij ve-

hementer amant, qui eos prosequuntur honoribus ac sacrificiis, nec ab illis discedunt, talem quoque esse luctum censeas velim. Nam si eum non honorabis, nullo pacto adharebit tibi. Si vero à te coletur diligenter, ut facis, doloribus & lachrymis, quæ in portionem datæ sunt ei, te & amabit & amplectetur, semperq; tibi tale aliquid preparabit quo continuo eum honores. Præclarissima medijsfidijs fabella, & quæ non minus veritatis quàm Pythium oraculum contineat, quæ mulieri demonstrasse videtur prudentissimus ipse Philosophus, & dolorem posse depelli, & apud eum, qui blandiatur ipsi, libenter manere. Posset etiam hoc modo aliquis ad lugentem dicere: Vis ne unquam luctibus finem ponere, an potius deliberas, vitam omnem tuam in miseria ac lachrymis, continuoq; squalore ducere? Quod si mororem sequeris, te numero viventium eximes, tibiq; ipsi perpetuam calamitatem ac miseriam præbebis, & acerbissimam vitæ tuæ infelicitatem indices, nullam aliam ob causam nisi animi tui mollicie atque humilitate. Sin diuturnitate omnino inuraberis, quæ maximos luctus vetustate tollit & remouet, cur iam te ipsum non eximis è miseria? Cur non eadem ratione, quæ procedente tempore dolor, quamuis acerbissimus, effluisset, cur non, inquam, te calamitate ac molestia liberas? Cum præsertim optimum sit affectibus corporis, quantum fieri potest, celerius liberari. Quod itaque in gratiam temporis paulò post facturus es, cur non prudentia consilioque anteuertis & præripis? Quando magis doctrinæ, & grauitati tuæ conuenit, & rationi, sine luctus facere, quàm expectare consuetam illam & peruulgatam temporis medicinam, quæ mulieribus quoque communis est. Quod si aliquando in memoriam veniret nobis, homines nos esse ista legematos, ut fortunæ imperio subiecti mancipatiq; essemus, nunquam profectò, eum quid aduersi accideret nobis, frangeremur animò. Ac propterea in huiusmodi calamitatibus ut plurimum vociferamur, exclamamusque: Nunquam speraui, me hoc passurum fuisse, nunquam expectaui, decepit me fortuna. Nunquam expectasti? At si hominem te esse meminisses, expectare omnino, & quicquid tibi euenire poterat mali, proponere animò debebas. Bene etenim apud Euripidem Theseus ait: scia sapientibus institutum vitis didicisse, homines ut plurimum iactari curis & calamitatibus in vita, atque ideo in animum induxisse sibi ipsi, omnes humanas misérias ei euenire posse, exilium scilicet, mortesque immaturas suorum, & mille talium malorum. Quæ si animo non præuidisset antea, tanquam nouum aliquod insuetumque cum accidisset, affligereturq; doleretque. Quam rem si nos quoq; sepe nuncerò faceremus, nunquam imparatos nos & incautos, tanquam subito irruentibus hostibus, fortuna reperi-

ret & caperet. Quod quia non facimus, cū vulnus aliquod infixē nobis, utpote tyrones atq; inexercitati, lugemus maceramusque. Quidam etiam adeo rudes & inconsiderati sunt, ut tanquam furōre quodam perciti & bacchantes, ad extremas miseria calamitatesque conuerſi, proprium corpus, quod sine culpa est, mitis & inanditis affligant modis, & ut Acheus poeta inquit, quod sanum est, simul dolere cogant. Quapropter bene ac sapienter monuisse videtur Plato, in huiusmodi aduersitatum principiis, oportere quietem agi, cogitareque nos lachrymis & miseria nihil profecturos, sed consilio & prudentia dolorem abici posse, verumtamen docet. Et quemadmodum in lusu alex, secundum iactum disponere oportet ludum, ita etiam in aduersitatibus dolorem sedandum esse, eo maxime modo, quo ratio ipsa optime fieri posse suadet ac dictitat. Non enim decet, cū quid aduersi acciderit nobis, tanquam pueros vociferare, ac turpes eiulatus edere, doloremque amplecti, & quodammodo deosculari, sed statim recipere animum oportet, ac querere genus aliquod medicinæ, quæ ægrotantes deiectosque curret & releuet. Præclare mehercule apud Latinos olim tulisse quidam legem dicitur, qua præcipitur ciuibus, cū in lachrymis & squalore versantur, ne muliebres induti vestes hoc faciant. Quod quidem fecisse videtur prudentissimus legumlator, ut ciuibus suis ostenderet, luctum proprie mulieris affectum esse, quodque minime ornatos ac bene institutos viros deceret. Re enim vera est animi effeminati, ac imbecilli, ignobilisque officium, lugere. Eamque ob rem scemina magis quam viri luctus amant & colunt, minusque afficiuntur erudita gentis homines quam barbari. Ipsorum quoque barbarorum non hi qui generosissimi sunt, Scythæ aut Galatæ, ceterique animo præstantiore nati, sed molles & effeminati Syri, Aegyptijque, ac Lydi, omnesque his similes, quorum, ut Virgilius ait:

Et tunica manicæ & habent redimicula mitra,
in luctu & mœrore volutantur. Quosdam enim ipsorum, memorie proditum est, serobes & foramina intrantes, multos dies ibi manere, nec Solis lucem videre sustinentes, quoniam scilicet mortui, quos lugent, ea priuari sint. Alij quoque ex eis partes quaidam corporis abscindunt, aures & nares, eorumque dehonestantes corpus existimant propterea mortuis gratificari. Verū cū hæc ita se habeant, licet quidam fateantur, non omni nec lugendum: tamen immaturas adolescentiorum, & adhuc ætate florentium mortes, æquo animo ferendas non putant: ea scilicet ratione, quod vita suauitate priuari sint, utpota nuptiis, solatio prolis, institutione, præfectione, honoribus, magistratibus, repub. Hæc enim maxime sunt, quæ dolore afficere solent eos,

qui insperatos, immaturos, intempestiuosq; obitus lugent. Videtur enim sublata ereptaque ea spes, quam de illis conceperant animo. Quibus illud respondendum arbitror: Nihil interest, quantum ad hominum naturam, intempestiuane sit mors, an matura. Cum enim necesse omnino sit, omnibus ad eam, tanquam communem patriam, peruenire: quidnam differre dicamus, si quidam perueniunt celerius, quidam tardius aliquantulum sequuntur? Omnes tamen in eundem locum confluant, nec plus assequantur qui tardius, quam qui celerius appulerint. Quod si per seipsam mors immatura esset malum, acerbiora, eodem modo, puerorum funera: acerbissima verò eorū qui sunt in cunis, existimare deberemus. At contrā, eorum mortes faciliè, ac sine molestia ut plurimum ferimus, adolescentiorum verò & florentis ætatis hominū iniquissimè toleramus. Quod quidem nullam ob aliam rationē, quam propter inanes, quas nobis promittebamus, spes vsuuenit. Quippe qui expectaremus, cuncta, quæ sperabamus, bona omnino, si vixissent, euentura. Quapropter, si ab immortalī Deo, vita hominū longissima, nec viginti numerum annorum excederet, constituta esset, eius, qui decennio tantum vixisset, non immaturam mortem, sed conuenientis ætatis mensura impleta decessisse putaremus. Qui verò viginti annorum expleuisset numerum, beatissimū esse existimaremus, quod felicem & perfectissimam vixisset vitam. Sin ducentorum esset annorum vita humana, eius, qui centesimo anno decessisset, obitū intempestiuum omnino esse iudicantes, ad gemitus lachrymasq; conuerteremur. Quamobrem cuius manifestum esse arbitror, mortem non ideo esse dolendam, quod ante tempus venerit, cum parui temporis accessio nihil esset profutura, neque etiam quod his, quæ in vita iucundissima existiment, commodis, ab ea priuari sint: quin potius à malis, quæ communi humanæ conditionis sorte eis impendebant, abduxisse putanda est: In quæ si ad senectam vsq; durassent (tanta est humanæ vitæ fragilitas, quod superius demonstrauius) fortasse incidissent. Aptissima est enim hominum natura:

In pectus rueret, ac retrò sublapsa referri.

Atque ideo præclarum illud Callimachi poëtæ dictum memoratur imprimis, multò sepius Troilo Priamum lachrymâsse. Qui si viuus filius, incolumi regno, & florenti ætate, decessisset, non in ea, quæ postea euenerunt, mala incidisset. Quæ quot, & qualia essent, ipsemer enumerat apud Homerum, dum Hectori filio persuadere conatur, ne cum Achille singulari certamine dimicare velit, eumq; ingredi urbem hortatur:

Ergo agetum subeas muros, seruare ruentes

Vi valeas Troas. laudem neu nate superbo

*Pelida, dulcis prius aetate flore iuventa,
 Donec: mox miseri lachrymas luctusq; parentis
 Et spirantis adhuc miserere inopuq; senisq;
 Quem pater omnipotens extremo in fine senecta
 Non prius (heu) dura spoliabit lumine vite,
 Quam mala multa oculis cernam lachrymanq; gemensq;
 Omnia crudeli videamq; ruentia fato.
 Hunc natus bello furis & sorte peremptos,
 Inde trahi natus thalamis, nuncq; modestas
 Spesq; mei generis, paruos dulcesq; nepotes
 Allidi terra, saxiq; tremenda membra.
 Heu sanis manibus dominur, belloq; nefando.
 Me quoq; post cunctos lacerabunt dentibus, eheu
 Quos alui, mensaq; canes, dormibusq; recepi,
 Postquam aliquis Danaum saeuo vel cornu idu,
 Emmisit aut iaculo, vitæ spoliabit inerti.
 Hac Priamus: canos & tollitq; a vertice crines.*

Eum igitur, qui hæc mala ob vitam longiorem perpeffus est, nonne melius fuerat, ante senectutem vel potius adolescentiam mori? Si etiam his, quæ in vita bona existimantur, caruisset, non etiam in tot miseras calamitatesq; incidisset, quarum vel minima quibuscunque vitæ bonis opponenda est. Possum infinita Regum, & magnorum virorum exempla in medium ducere. Non est enim angustus hic locus. Si circumspicimus omnes historias, paucos inueniemus, in quib. nõ aliquid fortuna inmiscuerit aduersi. Qui si antea decessissent, a magnis, quæ postea insecuta sunt, miseriis liberati essent. Quorũ plurimos, ne modũ excedamus, omittere visum est: paucos tantũ ex Atheniensiu, & Romanorũ historia, si adduxerimus, reliqua prosequemur. Primus ex Atheniensibus occurrit nobis clarissimus ille Miltiades: qui Datin Regis Persarum præfectum, innumerabilesq; eius copias, profigauit in campis Marathonis, primusq; docuit Græcos, non esse barbari Regis, ut antea existimabant, insuperabilem potentiam. Quid igitur illo felicius, quid beatius, quid gloriosius dici excogitariue poterat? Si celeberrimo illo pugnae die pro patria occubuisset, vel saltem paulo post mortuus esset, cum recentem adhuc eius victoriam, in theatris vrbs tota cantaret: cum non solum Athenienses, verũ etiam tota Græcia, eum admiraretur, & heroicis honoribus prosequeretur. At exigui temporis adiectio, quid ei contulit nisi omnem calamitatem & infamiam? Paulò enim post ille, qui de barbarorum cede ac fuga, gloriosissimum trophæum fixerat, inimicorum inuidia in teterrimum coniectus carcere, marcenti & foetido corpore mortuus est. Themistocles quoque, si post pulcherrimam omnium quæ sub Sole fuerunt naualem de

Xerxe victoriam, cum Græcia omnis conseruatorem suum & faceretur & prædicaret, vitam cum morte commutasset, nonne beatus fuisset & fortunatus? Non enim qui paulò ante conseruator Græciæ fuerat, eiusdem prodendæ autor ab inimicis suis insimulatus esset: non patria exul tot vrbes cum periculo capitis circumsisset: non Moloisorum Tyranno, quem toties spreuerat, supplex fuisset: non deniq; barbari Regis, quem paulò ante omni potentia spoliatum Græcia expulerat, tanquam Dei cuiusdam genibus volutatus esset. Quo quid scèdus? quid turpius excogitari potest quam Themistoclem Xerxis beneficio viuere? Nonne melius etiam cū Demosthene Oratore actū fuisset, si eadem, qua coronatus fuerat, die obiisset. Qui enim, toto inspectante Atheniensi populo, & approbante, virtutis & beneuolentiæ fideique erga Remp. causa, dignus corona existimabatur, paulò post maxima inimicorum flagrauit inuidia. Quam si quis ideo in malis eius non ponendam censeat, quòd superior fuerit, idem tamen non negabit, si eadem hora decessisset, quòd non eas, quæ postea ipsi calamitates inciderunt, vidisset, patriam suam, quòd maximè abominabatur, à Macedonibus subactam, se verò, ne ab hostibus ludibrio haberetur, vix potione venenata vitare potuisse. Cn. verò Pompeius si, cum Neapoli egrotabat, extinctus esset, non præclare cum eo actum esse diceremus? Nonne indubitatus Populi Rom. princeps defunctus esset. At quia vixit, cum Socero (vt ait Cicero) bellum gessit, imparatus arma sumpsit, urbem Italiamq; fugiens coactus est linquere, vidit senatum & legiones, floremq; totius Italici sanguinis, in conspectu suo caesos & trucidatos, nudus denique in feruorum manus & ferrum incidit, sacrosanctam, ac reuerendam etiam inimicis faciem Eunuchus Ægyptius impuris & incestis manibus pertractauit. Eius etiam socer, C. Cæsar, si, cum totam Galliam vincendo lustrabat: cum impetum eius neque illarum gentium ferocitas, neque Oceani profunditas, continere posset, cum plures quàm Romanorum cuiquam supplicationes, ob res gestas in eius honorem decernerentur, si eo, inquam, tempore mortuus esset, Scipionibus & Camillis fortitudine ac iusticia prælatus decessisset. Verum quia superuixit, Tyranni, & oppressoris patriæ libertatis appellationem subiit, eiusque res, licet magnæ, tamen Reip. perniciosè iudicatæ sunt, interfectoresque, tanquam boni ciues, & Tyrannicide, cum Græcis tum Latinis historiis honorantur. De M. autem Cicerone quid opus est dicam: cum ipsemet fateatur, si ante obiisset, calamitatibus & miseriis potuisse liberari. Quòd si hæc dicebat, cum adhuc tamen tolerabilia essent quæ acciderant, quomodo exclamasset: quomodo deplorasset suam ipsius senectutem & cum strictos in senatorum & ciuium capita mucrones, diuisaque latronibus

bus clarissimorum virorum bona, ac proscriptionē illam omnium nefariam & crudelissimam vidit? Mediūsi dius existimo eum saepenumero poenituisse, quod Catilinā sicam vnquam deirāisset, à quibus eum fortuna liberāsse videbatur, & pro vno, tantum Catilinarum cerneret. His atque aliis huiusmodi exemplis docti & moniti, considerare debemus, non paucos morte liberari malis, quā, si diutius vixissent, omnino experti fuissent. Atque ideo non benefacere illi existimandi sunt, qui extra omnem mediocritatē & naturam, ad luctus ac dedecores lachrymas conuertuntur, putantes hoc maximē modo gratificari defunctis, eosque amare: ignorantes amorem ac beneuolentiam non in eo constitutam esse, vt quis se ipsam affligat & cruciet, sed vt amatum beneficiis adiuet. Beneficium verò mortuis est honor, qui eis maximē omnium gratus est, cum eos dulci memoria veneramur & colimus. Etenim cum boni omnes non lachrymis & mœrore, sed laudibus & hymnis, non luctu & gemitu, sed gloriosa & celebri memoria, prosequendi sint: omnium tamen præcipuē defuncti, qui soluti à corporis seruitute diuiniorē quandam vitam sortiti sunt, semoti à curis & miseriis, quas necesse omnino est nobis ferre ac perpeti, donēc vitæ spatium, quod Parce, secundum poetas, necuerunt, expleamus. Quod quidem non æternum dedit natura, sed vnicuique particularim dissectum ac diuisum distribuit, quē admodum leges æternæ factorum voluere. Quamobrem (quod superius diximus) prudentes viros dedecet, infinitis & barbaricis luctibus macerari, illudque quod multis saepenumero vsuuenit expectare, vt prius vitam quā luctus dimittant. Quos quidem homines admonendos censeo Virgiliano versu:

Nosruit interea nos flendo ducimus horas.

Cut ergo tam breue spatium vitæ nostræ non potius aliis porioribus rebus, quā luctu & mœrore consumimus? Expectamusne, vt eodem sepulchro corpus & miseras nostras claudamus? Quod si dolorem æternum esse speramus, in magno sumus errore ac ignorantia. Licet enim totis viribus teneamus, licet ei libentissimē inhæreamus, tamen renitentibus etiam nobis, atque inuitis, aliquando relaxabitur & remitteretur. Nōne quotidie multos videmus, qui impatientissimi calamitatum, luctuosissimiq; videbātur etate ipsa & tempore mitiores aliquantulum factos? Qui cum paulò ante suorum nece quodammodo efferati, perennes gemitus ederent, manibusq; pectora tunderent, nunc conuiuuiis, cantibus & lyra, cæterisque rebus lætis, libenter diffundi atq; exhilarari. Quamobrē furentis quodammodo esse videtur, existimare ac periuadere sibi ipsi, luctum semper nobiscum sedere, aut stare posse: sapientis verò, considerare tempus illud, quod lachrymis & dolori concedimus, frustra teri atq; consumi. Quicquid e-

nim factum est, vt eleganter Pindarus ait, infectum reddere neq; omnium Deus Iuppiter posset, verum huius remedium obliuio est. Quod etsi præter spem opinionemq; euenerit nobis, ipsis tamen rebus cognoscere possumus, circa nos fieri, quod omnino in hominum natura consuevit. Nonne superius disseruimus, mare & terram, malorum omnium plenam refertamq; esse, quodq; vt faber lapides, ita etiam mala super malis fata hominib. imponunt? Ac propterea non nuper, sed iam diu, à sapientib. quibuldā viris vita humana defleta est ac deplorata. Inter quos Alcidas, Rhetor antiquissimus, & Cyrenaicus Egeſias, præcipui sunt. Quorum Egeſias prohibitus esse dicitur à Ptolemæo, ne illa in scholis disputaret: quoniam multi his auditis, mortem sibi conscuerūt. Idem & Cicero in eo libro, quo seipsum consolatur de morte filia, fecisse se diligentissimè scribit. Qui omnes vno quodammodo fatentur ore, vitam nostram pœnam miseriamq; nobis esse, maximamq; hominis calamitatem, natū esse. Quod & ipse Plato manifestè sensisse videtur, in eo dialogo, qui Euthydemus, vel de anima, inscribitur. Ait n. in hanc ferè sententiam: Tradita est nobis opinio quædam, fama; inter omnes peruulgata, cognita nō noua, sed omnium quæ didicimus aut audiuius antiquissima, quod scilicet optimum sit homini, nunquam nasci: deinde melius esse mori quam viuere: multisque, hoc ita se habere, à Diis immortalibus demonstratum est. Quod etiam Midas, Phrygiarum Rex, comperisse traditur. Cū enim Silenum in venatione cepisset, eum quidnam esset hominibus longè optimum, quodque maximè optandum, interrogasse dicitur. Qui primò Silenus, nihil respondere voluisse, sed vocem continentissimè pressisse fertur. Postquam verò omnes machinas artesq; vt ad loquendum alliceretur, adhibuisset Rex, vix tandem coactum hæc postea locutum esse: O Damonis laboriosi, ac pessimæ fortunæ quotidianum semen, Cūnam me cogitis ea patescere, quæ ignorare vos melius erat: Vita enim vestra, si mala propria nesciretis, minus in se doloris habitura erat. Hominib. autem longè optimum est omnino non nasci: proximum autem optandum esse, quamprimū mori. Hæc Plato. Quæ etiam est sententia in Chresphontē vsq; Euripides, cuius versus sic Cicero interpretatus est:

Nam nos decebat catas celebrantes domum

Lugere, vbi esset aliquis in lucem editus,

Humana vita varia reputantes mala.

At qui labores morse sinisset graues,

Hunc omnes amicos laude & lætitiâ exequi,

Ex his igitur manifestum est, antiquiores & clarissimos, cū potestas tum philosophos, tum oratores, existimasse: melius esse mori quam viuere. Possemq; insipita & innumerabilia eorum afferre testi-

testimonia, nisi modum excederemus orationis. Quamobrem non oportet eum adolescentiorum tum maiorum ætate mortem lugere, quod vitæ bonis & suauitate præti sint: cum incertum sit, ut sepe iam diximus, utrum a bonis, an potius a malis discesse-rint, maxime, cum nobis sæpius hæc quàm illa eueniant, utpote cum: longè plura numero sint mala, quàm bona, & hæc magno cum labore vix assequi liceat: mala verò facillimè, nolentibus etiam nobis & ignorantibus, occurrant. Aiunt enim ea rotunda esse ac continua, multisq; causis & modis inuicem connexa: bona verò disjuncta, & quæ difficulter in idem vsque ad vitæ finem concordent & maneant. Hoc etiam imprimis hæc in re animaduertere debemus & cogitare: nihil proprium possidere nos, sed quæcunq; habemus in vitâ, dignitatem, diuitias, affines, parentes, germanos, non tanquam nostros sed commodatos tenere. Est enim *notandum* illud verum: nos tanquam colonos ea quæ deorum sunt, non nostra colere, quorum nobis illi gratis vsum fructum relinquunt, cuius tempus tanquam Domini temperant & arbitrantur. Non igitur dolendum est, si ea, quæ nobis vrenda concesserunt, repetunt, sed ea reddere appellatos sine conuictio decet. Neque enim argentarii, ut depositum reddant interpellati, molestè ferre consueverunt, si modò boni equiq; sunt: alioquin his, qui non facillè ac libenter exsolunt, iure meritoq; dicere quispiam pollet, Non rectè facis, qui depositum abnuas: an oblitus es te accepisse ut redderes? Quod etiam mortalib. omnib. dicere conueniens est. Habemus namq; omnem vitam, tanquam depositum quiddam Dei, cuius reddendi nobis non conditio, non modus constitutus est, quemadmodum etiam nec argentariis, sed incertum omnino est, quando à nobis exacturus sit. Quicunq; igitur id, aut moriturus ipse, aut morientibus suis, grauiter molestèque fert, nonne eum sui ipsius ac humanæ conditionis oblitum dicemus? quod scilicet & ipse homo, & sui homines nati sunt. Non est profectò sapientis viri officium, ignorare se mortale animal esse, quod ut desiceret ac moreretur natum est. Maxime omnium, quæ Delphis in templo scripta sunt, præclara, & vitæ nostræ necessaria memorantur: imprimis duo illa: Te ipsum nosce: &, Ne quid nimis. Ex his enim dependent cætera quoque omnia. Ipsa verò ad eò sunt inter se conuenientia & concordia, ut in altero alterum ostendi ac declarari videatur. Nam & in sui ipsius cognitione continetur, Ne quid nimis: Rursus quoque in hoc suuissus cognitio versatur. Ideo Poëta eleganter dicit: Nosce te ipsum, verbum facile, ac breuissimū dictu esse, re autem atq; opere præstare, adeò rerum omnium difficillimum, ut omnes Dij id, præter Iouem, ignoret. Cui simile Satyricū illud est: E cælo descendit, *prodi oscurus* Pindarus quoq; sapietes, inq; viri, hoc verbū, *Ne quid nimis*, maxime semper

semper probauerunt. Et Comicus Terentius, hoc apprimè arbitror in vita esse vtile, vt ne quid nimis. Hæc itaque duo, tanquam cœlestia & diuinæ præcepta, quicumque in animo semper habuerit, facîle poterit se ipsum ad omnes humanæ vitæ casus accommodare, ipsosque modestè ferre. Hoc etenim modo naturam suam respiciens, in rebus lætis ac felicibus extra lineam non effunditur, aut superbus aut insolens erit: neque rursus cū quid aduersi acciderit, humiliabitur, aut seipsum deiciet, nec ad gemitus lachrymasque propter fortunæ animæ debilitatem conuertetur: Illud denique constantissimè, quod Pythagorei præcipiunt in aureis versibus, retinebit:

Quam tibi tribuerit partem fortuna malorum

Hanc habere, neu Diuos irata voce lacessas.

Hoc enim stultissimi viri esse perhibetur: in calamitatibus irasci: Qui verò necessitati cessit, hic & prudens inter homines, & erga Deos, vt Euripides ait, pius religiosusque iudicatur. Vulgus verò, quod incertum & indoctum appellauerimus, cum quid eis præter spem opinionemque eueniat, continuò amentes & consternati, Deos mali causam existimant: atque ideo in omnibus dolentes gementesque fortunam suam accusant & detestantur: cū non Deus calamitatum causa, sed ipsimet sint per ignorantiam & stultitiam, quæ innascitur eis ex indocilitate. Propter hanc itaque vanam falsamque opinionem decepti omnino morti succensent. Quomocunque enim acciderit, causas dolendi & lachrymandi inueniunt statim. Si quando etenim aliquis in peregrinatione decesserit, subito gementes inquirunt:

Infelix, non te genitor, non te optima mater

Condet humi.

Si verò domi præsentibus suis, lugent affligunturque, quòd in oculis omnium, ex manib. ex sinu parentum ereptus sit. Si sine voce mortuus est, nihil aliud dolere se dicunt, quàm quòd verbum emiserit nullum, quòd mandata non dederit. Si aliquod extremū faucibus euolauerit verbum, huius continuò tanquam doloris igniculi meminerunt. Cū celeriter obiit, tanquam citò raptū dolent. Cū morbi genere longiori, cruciatibus tantum de longioribus moueri ac conturbati dicunt. Omnis denum occasio sufficiens est, ad eorum luctus concitandos augendosque. Quod, vt sæpius diximus, ideo euenit, quia non cogitant se esse homines, sed quodammodo immortales seiplos & felices semper futuros putant, atque ideo in propinquorum mortibus Deos atque æstra vocant crudelia: Quæ tamen benignius nobiscum agunt, quàm nosmetipsi consuleremus nobis, si id potestate arbitrioque nostro disponderemus. Quis enim scit, an forsitan ille mundi arbiter, & gubernator Deus, non Domini aut Regis, sed parentis vice, hu-

manū generis curam gerens, cum diuinitate sua prouideat ea quæ
 omnino euentura fuerant, mala, quosdam propterea, quod in ea
 incidissent, et vita, ut nos credimus, intempestiue, ut ipse iudicat,
 maturè abducit: Quamobrem existimare debemus eos nihil mi-
 serum calamitosumque pati. Nihil enim graue mortalibus quod
 necessarium est, neque eorum quæ rationabili causa, neque eo-
 rum quæ consequuntur, accidunt. Cogitare quoque nos decet, ut
 plurimum necem ante multa, quæ impendebant, mala venisse:
 quodque pluribus neque unquam nasci, quibusdam nasci tantum,
 & simul mori, aliis adolescentiam usque, nonnullis pauld' ulte-
 rius ad senectutem prouehi, utile ac commodum erat. Omnes igitur
 huiusmodi mortes, æquo animo ferendæ sunt: præsertim
 cum sciamus eam nullo ingenio aut arte nostra euitari posse. Est
 etiam docti & bene instituti viri officium, in mente illud habere,
 ac identidem cogitare: Quod hi, quos putamus maturè decessis-
 se, non diu nos (si quid tamen diu mortalibus est) sed potius breui
 temporis puncto præcesserunt, ac citò secuturos dimiserunt.
 Quod quidem usque adeò non cogitant, nec animaduertunt
 mulieri, ut prius eos, quos sic muliebriter fleuerant, insecuti sint,
 quam luctum & miseriam deposuerint, nullam ex huiusmodi af-
 flictione lachrymisque leuationem calamitatum suarum inue-
 nientes, ac frustra, seipsos tantum mœrore cruciantes, mortui
 sint. Quod insipientes nos, eorum exemplo moniti, id breuissi-
 mum tempus quod nobis concessum est, non dolentes continuè
 transeamus, neque miserrimò luctu & gemitu nos ipsos corrup-
 pimus: sed, quantum fieri potest, modeste humaneque toleremus
 & perferamus, demusque operam, ut viros inueniamus, non qui
 nobiscum simul doleant, sed illos procul à nobis expellamus,
 quemadmodum Euryali matrem incendente luctus, Ilionei
 monitis Troiani, fortesque & constantes viros quæramus, qui
 graui generosaque consolatione miseras nostras leuent & con-
 solentur. Quòd si fecerimus, vano inanique mœrore liberati, hoc,
 quantulumcunque vitæ nostræ tempus futurum est, sine tumultu,
 ac perturbatione animi, quietè feliciterque agemus. Optimum
 etiam ad dolorem sedandum erit, si venerint in mentem nobis
 ea, quæ sæpe numero in similibus calamitatibus, tum amicis, tum
 affinis nostris diximus, & consuluimus: Neque in hoc (ut Ser-
 uius ait) imitemur malos medicos. Vtenim illi alienis in morbis
 profitentur senere se medicinæ scientiam, ipsi se curare non pos-
 sunt: itidem etiam nobis ipsis, iisdem quibus alios consolati su-
 mus verbis, nihil ad leuandas animi molestias proficere videbi-
 mur. Quos quidem, si quis taliter affectos videat, non absurde
 notissimo Comici versu, paucis immutatis, irridere poterit: Fa-
 cile hic, cum valebat, recta cōsilia agrotis dabat. Quod ne nobis
 eueniat,

eueniat, diligenter cauendum cenſeo. Quin potius animi non
 moriorem, Pharmaco rationis curemus, quantum fieri poteſt.
 Ierius, nec lenti aut negligentes eſſe debemus in huiusmodi cu-
 ratione, ſed peruigiles ſine intermiſſione aliqua vulneris ſanitate
 quærere. Nam cum omnis rei dilatio noceat, vt Heſiodus in-
 omnium maximè periculofa, plurimumq; detrimenti afferre
 cenda eſt poena, cum grauiffimi animæ affectus & morbi, do-
 riſq; ſanatio in aliud tempus differtur. Proponamus etiam non
 oportet clariffimorum virorum exempla, qui magno & forti a-
 mo ſuorum mortes tulerūt, aded vt ea quæ omnes alij aſpera e-
 ſtimant, magnanimitate animi ſui lenirent placidè ferendo. I-
 ter quos præcipuus memoratur Anaxagoras Clazomenius, qui
 de rerum natura cum amicis quibuſdam notisq; differentem,
 runt, cum filij mors ei nuntiata eſſet, quierūt ſe continuiſſe: Pa-
 lo enim poſt conuerſus ad præſentes, Sciebam, inquit, fili mi
 genuiſſe mortalem. Quem imitatus fuiſſe dicitur diſcipulus ei-
 Pericles, Athenienſiſ in repub. princeps, Olympius, propter ſi-
 gularem prudentiam & fortitudinē animi, cognomento appo-
 latus. Cum enim duos, octo dierum ſpatio, filios, & adoleſcentes
 optimos, Paralum & Xanthippum amiſſet, nihil tamen in opo-
 nato caſu turbatus motusq; eſt, quo minus poſtera die, de patri-
 ſue conſuetudine ac more, veſte alba indutus, coronatusque
 concionem veniret, Athenienſiq; populo prudentiſſimè de to-
 belli gerendi ratione conſuleret: aded conſtanter & fortiter,
 omnis cum populus & admiraretur & coleret. Xenophon etia
 Socraticus, cum rem diuinam faceret aliquando coronatus, a-
 diſſetq; filium, Grillum nomine, quem vnicum habebat, in exp-
 ditione deceſſiſſe, corona ſtatim depoſita interrogauit, quonam
 genere mortis obiiſſet? cumque intellexiſſet eum generoſè for-
 terq; pugnantem, magna prius hoſtium ſtrage ſacta, ſtrenuè co-
 cubuiſſe, dolorem ratione frenans & continens, paruo poſt ho-
 ſpatio, & coronam capiti repoſuiſſe, & inceptum ſacrificium pe-
 feciſſe dicitur: locutusq; ad eos qui nuntiauerant: Deos, inqu-
 rogaui, vt filium mihi non immortalem, neque longamū dare-
 quippe qui, an hoc ei expediret, ignorarem, ſed vt optimum, p-
 triæq; amatorem, facerent: quod me impetraſſe video, ideoq;
 voti compos gratias illis debeo. Dionem quoq; Syracuſium. Pa-
 tronis familiarem, domi ſedentem cum amicis, ferūt magno ſub-
 toque tumultu & clamore facto inter familiares, cauſam requiri-
 miſſe. Vtq; intellexit filium, quem habebat puerū, quod ex alio
 loco ceciderat, mortuum eſſe: nihil morum turbatum, ne ma-
 daſſe mulieribus corpusculi curam, vt ſecundum patriæ leges
 peliretur, dicunt: ipſum verò ad amicos conueſum, ea, de quib;
 ante conſiderabat & loquebatur, non reliquiſſe. Hos quoq; viri

ammiratus esse videtur Demosthenes orator: qui filia, quā vnicam
 habebat, amissa, septimo die indutus albis vestibus, coronatusq;
 processit in publicum, Dijsq; solenni more sacrificauit & gratias
 egit: quod Æschines, eodem orator, eius æmulus, postea publicè
 obiecit, in huius animum durumque appellans Demosthenem. Sed
 profecto laudenti accusandiq; cupiditate adductus Æschines, nō
 vidit, quod per ea quæ probro dabat, eum magnopere laudare vi-
 debatur: Ostendens, quod caritate patriæ atque amorem, dolori
 quem de filia morte cōceperat, prætulisset. Rex verò Antigonus,
 audita filij Alcýonei morte, qui dimicans magno animo medijs
 in hostib; occubuerat, aliquantulum tacitus stetisse fertur. Dein-
 de ad circumstantes versus, paulumq; turbatus, O Alcýoneu,
 inquit, tardius quidem opinione mea cecidisti, scio: audacter in
 hostem impetum faciens: vt neque salutis tuæ, neque admoni-
 tionum mearum curam habueris. His clarissimis viris, fortitudi-
 ne animi non inferior memoratur apud Romanos Horatius Pul-
 uillus Pontifex Maximus: cui templum Iouis in Capitolio dedi-
 canti, cum mors filij esset renuntiata, nihil tam inopinato casu
 permotus, cœptum sacrificium perfecit, solemniaq; carminis
 pontificalis verba, non luctuosa & gementi, sed clara & constanti
 voce concepit. Vt verò domum redijt, filium luxu aliquantulum,
 curatoque funere in Capitolium reuersus est, lato atque hilari
 vultu. Paulus etiam Æmilius, qui deuictis Macedonibus, specio-
 sissimum & nobilissimum triumphum egit, duos septem diebus
 filios continuatis funeribus extulit, nec tamen animo consterna-
 tus fractusque est. Cumq; in forum, qui paulò antè duobus na-
 tis latus vtrinque fulcientibus veniebat, solus orbatusq; descen-
 disset, stente Po. Ro. immotus stetit, concionatusque est: Deos se
 rogasse prefatus, vt si quid propter immodicas felicitates inuidiæ
 apud superos Respub. contraheret, id potiùs suo quàm publico
 damno solueretur. Quod cum impetrasset, gratias dixit se ma-
 gnas Deo habere atque agere. Nec L. Bibulus, C. Cæsaris Dicta-
 toris in consulatu collega & aduersarius, prætereundus est. Cuius
 duo filij, per omnem rerum verborumq; contumeliam ab Ægy-
 ptio milite prius habiti, postea crudelissimè necati sunt. Idem ta-
 men postridie eius diei, quo geminum fñus renuntiatum est, in
 forum senatumq; processit, ad solita & publica officia obcunda.
 Ipseq; C. Cæsar, dum in Britannia militaret, audita nece Iuliae fi-
 liæ suæ, Pompeio Magno nuptæ, quam primùm vt filiam, deinde
 tanquam potentia suæ causam instrumentumque diligebat, eam
 tamen satis existimauit honoratam, si triduo luxisset: atq; ita in-
 tra tertium diem finito luctu, se militum conspectui reddidit, im-
 peratoriumq; munus strenue obiit. Eius etiam nepos, & per ado-
 prionem filius, Diuus Augustus liberis, nepotibus, & omniū su-

rum Cæsarum turba, exhaustus orbatusque, cunctorum mortes fortissimè tulit. Dignissimus etiam est, qui in hoc fortissimorum virorum numero referatur clarissimus vir M. Fabius Maximus, ex ea familia, quæ toto Latio, in ipsa denique vrbe Terrarum Dea gentiumque Roma, semper sapientiæ domus, militarisque disciplinæ habitaculum, & dicta & habita est: cuius singularem constantiam fortitudinemque animi, ætate nostra incredibilem vidimus. Huic aliquando negotium publicum gerenti, eo in magistratu, qui senatori proximus ædilitas appellatur, nuntiatum est vno eodemque die, primo ædium ruina obtritani uxorem, singularis pudicitia feminam, formæque dignitate conspicuam: deinde quam vel sola senectus (erat enim annosissima) venerabilem inuiolabilemque fecisse poterat, Matrem carissimam, pari calamitate, ac ingenti mœrore animi, simul repente extinctam: cuius ille prudentia, præcipuoque & supra naturam muliebrem consilio, summam in rebus tam publicis quam priuatis laudem autoritatemque ab ipso Magistratus sui primordio, primo ætatis flore fuerat allecurus: quam nemo erat qui non putaret propter auitam incorruptamque eloquentiam, & certè ob quandam quasi prisce Sabinarum grauitatem, vel nostri sæculi alteram Hortensiam, aut Gracchorum matrem Corneliam. Postremò autem allatum est, filium adolescentem optimæ spei, quem vnice ac mirè humanissimus pater non minus etiam propter morum elegantiam diligebat, proximè in Vmbria, cum ex agro Piceno reuerteretur, decessisse. Cuius nuntii acerbitate læchrymabili & propè inaudita, commoti consternatique, qui circa illum erant, collegæ ac familiares cum lugerent: ipse solus, commotis omnibus, vultum non flexit, nec a negotio publico conuersus est. Hos itaque viros ut plurimum homines propter animi magnitudinem verbis & laudant & admirantur, re autem atque opere imitari, propter animæ imbecillitatem non possunt, quæ, ut iam diximus, ex ignorantia eis innascitur. At viri docti, optimeque instituti, his, quas superius enumeravi, causis rationibusque adducti, facillè præstant. Quorum multos cum ex Græca tum Romana historia numerare possem, nisi hos paucos ad rem nostram probandam sufficere putarem. Hos te, ut facis, imitari pro tua prudentia & doctrina decet, eorumque vestigia sequi potius, quam communi vulgari hominum errore duci: cogitantem id quod superius etiam diximus, eos, quos Deus maxime diligit, siue sint adolescentes, siue ætate intermedia, aut adhuc constanti & viridi senectæ vigentes, ut plurimum tunc, cum ab illo diliguntur, mori. Quorum è numero suauissima dulcissimaque generix, & proculdubio sancta, mater tua existimanda est: Quæ cunctis matronalibus sancta officiis, omnibusque naturæ atque fortunæ muneribus

bus eximie adornata & prædita, superstribus florentissimis filiis, te amplissimo pontifice, & fortissimi animi viro germano tuo, trenuo milite, domiq; & foris nobilissimo Duce, ætate penè sua, suoq; tempore, læta gaudensq; decessit, dilecta amataq; omnib. & in summo venerationis honore semper habita, & culta, cum ob vitæ sanctitatem, tum propter morum elegantiam ac suauitatem. Fratri tuo utpote filio obsequentiissimo, in cuius præclara & adulta iam sobole, crescentiq; & summæ spei prole, paterni generis splendorem & maternæ stirpis gloriam agnouit, clemens & pia. Tibi autem, quem parentis loco amabat, venerabaturq; pietissima, & summè officiosa. In cuius n. admirabili ingenio, facundiaq; cælesti, decus Imperii & Maiestas Romana, præco superiorum ætatum laudatissimorumq; principum sæculo, nō cessit, sed lacertos mouit, & vigorem antiquæ virtutis Germanorum ostendit: multum illa sibi complacuit. In cæteros verò tum benigna tum affabilis tum humana. Seniores quidem honore obseruantiaq; que singulari, ipsamet venerabilis & obseruanda, religiosa quadam pietatis imagine prosequabatur. Equales autem, & sui stemmatis socias, illustres Rhæni & ciuitatis suæ feminas, amore atq; affabilitate dulcissima complectebatur. In hospites quoque, ac cōciues & subditos, comis & liberalis, aded vt eam ciuitas tota & amaret & laudib. prope diuinis prosequeretur. Quod etiam extremo eius funere declarauit. Eam enim in omnibus pietatis officiis, quæ mortuis exhiberi possunt, decorauit, nomenq; eius in omnium ore ac linguis, non sine magna virtutis eius ac morum cōmemoratione, vel potius stupore, versatur. Fuit hæc vnicæ splendidissimæ domus tuæ Domina, & Regnatricem inaudita mansuetudine, gravitate, vigilantia, exemplo, disciplina, vt ad summum nata imperium videretur. Ad hæc virtutes alias vt præteream, quæ difficillimè in illo sexu, perpetuo tenore ætatis, simul coniungi posse putantur, doctrinam, eloquentiam, pudicitiam, modestiam, omnibus hæc illis ita sæculo nostro præstitit, vt iam toto vitæ suæ tempore non amplius mortalis, sed perennis, & cuidam Deæ cælesti, æternæq; numini similis futura crederetur. Quibus de rebus summo semper honore habita nomen sibi clarissimum peperit, famamq; de se posteritati immortalem reliquit. Huius igitur matronæ & clarissimæ feminæ mors, cui omnia, quæ merebatur, officia pro insignibus virtutibus & vitæ & mortuæ, tributa præstita sunt ab omnibus, mediocriter toleranda. Quin potius ei gratulandum reor, quod ex hac fragili caducaq; vitæ, ratiūm è symposio, priusquam in ebrietatem, id est, decrepitæ senectutis molestias incidisset, libera sit. Quod si Poëtæ clarissimi aiunt, & Philosophi docent, nos verò a sanctissimis religionis nostræ parentibus instructi, & moniti, certissima & inconcussa fide tenemus, eos

qui religioſè pieq; vixerunt, in cælum enolare, vbi felices beatiq; perpetuo tuo fruuntur: Optimè ſperare te de matre tua decet, eam quoq; cum taliter vixerit, in eorū numero futuram omnino.

Hæc ferè ſunt mi amantiſſime & veneratiſſime Pater Ioannes, quæ in mentem mihi, diesq; noctesq; de te cogitanti, & dolorem meum cum tuo comparanti, venerunt; quibuſq; adhortari poſſe mihi viſus es ad leuandam moleſtiam angoremq; animi tui. Quæ tecum communitaui, vt amici ac beneuolentiſſimi officio fungerer, non ſine commemoratione aliqua laudum virtutumq; ſuauiſſimæ, tantiq; nominis faminae, Matris tuæ. Quaram pro tempore memoriam feci, aliàs latius, pro arbitrio tuo & amicitia noſtra, id facturus, vt ſaltem, quantum in nobis eſt, quæ breuiter tibi nec ſaris diu vita, gloria ſibi quàm longiſſimè viuat. Rectè itaque atque prudenter facies, ſi generoſi fortisq; viri, è tali matre geniti, officium præſtes: Si animum tuum ad te reduxeris: ſi te ipſum ex ſqualore ac miſeria leuaueris: ſi ad priſtinam viuendi cōſuetudinem reuerteris. Da hæc mihi, amico & familiari tuo, roganti monentique: Da propinquis: Da etiam ſuauiſſimæ omnibuſq; ſæculis celebrandæ faminae Marti tuæ: quæ, in quacunq; cæli parte ſeder, dum luctus lachrymaſq; tuas percipiet, quo erga te amore ac pietate ſingulari fuit, non libenter afflictum audiet: Da hoc illibatis intemeratiſq; Virginib; noſtri ſæculi integerrimis: quæ aſſidua & nunquam intermorſitura beneficiorum eius recordatione, die noctuq; ſacris operantur, rerum omnium opifici & liberatori Deo, cuiuſq; filio, cælorum Regi, in Hymnis & Canticis iugiter præſallunt: Da hoc honeſtarum mulierum cœtui, & ſanctę viduarum conſocietati, quæ tuæ parentis opibus, quàm ſibi deſunctam ſatis luxerunt, vtiq; viuunt, & beneficentiæ illius memores inuicem ſanctimonialiter ſuſtentantur: Da hoc venerabili & aagusto Eccleſiæ tuę collegio, in quo tot nobiles & clariffimi homines conſpiciuntur, tot generoſi erudiſſimique viri te præſule ſapientiſſimo gaudent & perfruuntur: Qui licet omnes per vniuerſam propè Germaniam, pia inter ſe animorum concordia, & perpetua in te veneratione & obſeruantia, vbiq; ſint noti, ac probatiſſimi cenſcantur, reliquis tamen in prouinciis & nationibus, te optimo Antiftite, quietis fundatore, alumno religionis, & optimarum artium amplificatore, ſummoq; virtutum præſide beati, pro tuorum inſignis ornamentorum, omnino celebriores habentur: Cuius fama cælum penetrat completq; que. Cuius æterna geſta ſparſa ac diſſeminata ſunt, in laudis præconiorum memoriam ſempiternam: Cuius dignitas in arduis & grauiffimis adminiſtrandi totius orbis terre conſiliis, Diuo Cæſari & inuictiſſ. Imp. Maximiliano, æterno principi (cuius nutu ſola terrarum ſanctiſſimæ, iuſtiſſimæ ac clementiſſimæ reguntur & temperantur) dies & noctes

noctes semper affra, vir potest vel tempora subcisiua recreandis viribus corporis transmittere. Et tamen ex admiranda tui altissimi ingenij abundantia, cui nihil est ignotum, cum omnium admiratione circumfusus vndiq; negotijs, tanta sapientia, & claricelsiq; animi altitudine, vbiq; magnus occurris, vt omnes omnium gentium oratores, omnes nationes te suspiciant, obseruent, & admirentur, quodq; admodum paucis euenit, vnioc diligant, singulariter & vehementissime ament; mirificisq; laudibus ad cælum effertant. Quo tibi celerius luctum censeo deponendum. Da hoc etiam populo tuo fidelissimo, id potissimum precanti & requirenti. Totus enim, quæadmodum amplitudo tua nouit, ex te vel maxime dependet. Da hoc vrbi tuæ, & clarissimæ ciuitati, cui te Deus ad salutem Reip. Christianæ, & generis humani commodo, præfecit. Postremo da hoc fratri tuo, qui rerum tuarum admirator, & certissimus imitator, cum sit hoc tempore communi gemitu non mediocriter exasperatus, non est pietatis erga eum tuæ luctu incendere, tristioremq; tua tristitia facere. Quod etiam antehac fecistis, ita vt vobis nihil, sublata è medio matre (cui vos viuenti ambo eratis tanquam duo lucidissimi oculorum eius radii) quantum ad pietatis officia pertinet, nisi numerum, quem illa triplici beneuolentiæ nexu, & mutuo amoris vinculo, suæ corporalis præsentis ternarium reddere solebat, omnino deesse sentiatis. Vale Romæ, ex palatio Apostolico VII

Kal. Nouemb. Anno salutis nostræ.

M. D. II.

F I N I S

Hh

IACO.



IACOBI SADOLETI
ROMANI CARDINALIS
EPISTOLA AD SENATVM PO-
PVLVMQVE GENE-
uensem;

Qua in obedientiam Romani Pontificis eos redu-
cere conatur.

*IACOB, SADOLETVS EPISCOPVS
Carpentoracti, S. R. E. Tituli Sancti Calixti Presbyter
Cardinalis, suis desideratis fratribus Magistra-
tui, Concilio, & Ciuibus Guben-
sensibus.*



CHARISSIMI in Christo fratres, pax vobis & no-
biscum, hoc est cum Catholica Ecclesia matre omni-
um nostrum atque vestrum, amor atque concordia, à
Deo patre omnipotente, & vnico eius filio D. N. Iesu
Christo, Sanctoque simul Spiritu, quæ est vnitas in tribus perfe-
cta, cui laus est & imperium in omne seculorum æuum, Amen.

Arbitror, fratres charissimi, aliquibus vestrum esse notum, me
nunc degere Carpentoracti: quod veni ab Niccæ, summum illuc
Pontificem, ad pacificandos Reges ex vrbe Roma proficiscentem,
prius prosecutus. Amo enim Ecclesiam & ciuitatem hanc, quam
mibi spiritualem & sponsam & patriam Deus esse voluit: popu-
losque hosce meos verè paterna charitate complector: disiungi-
que me ab illis valde ægrefero. Quod si honos iste Cardinalatus,
qui mihi inopinanti & inscio delatus est, Romæ me coegerit redi-
re (vt certè coget) quod in ea vocatione in qua sum vocatus ibi-
dem Deo seruiam: non is tamen meum animum atque amorem
ab his populis auocabit, quos habiturus sum in medijs cordis

mei penetralibus semper infixos. Igitur Carpentoracti cum essem, audiremq; multa quotidie de vobis, quæ partim quidem mihi dolorem, partim etiam spem nonnullam excitarent: ut non diffiderem, nos & vos, qui fuimus quondam in recta erga Deum religione unanimis, eodem Deo benignius nos respiciente, ad eundem consensum cordium esse redituros. Visum est Spiritui Sancto & mihi (sic enim scriptura loquitur) & ceteræ quæcunque integro & pio erga Deum geruntur animo ex Spiritu Sancto omnia sunt. Visum est mihi, inquam, scribere aliquid ad vos, & eam adiungi curam ac sollicitudinem, quam pro vobis capio, literis vobis declarare. Non enim, charissimi, noua est hæc mea erga vos suscepta & beniuolentia & voluntas. Sed cum ab eo tempore quo ego Dei voluntate Episcopus Carpentoractensium factus sum, annis ab hinc tribus ferè & viginti, propter commercium, quod vobis cum meis his populis frequens est, multa de vobis absens & de moribus vestris cognouissem: amare iam tum cœpi nobilitatem vrbs vestra, ordinem formamq; reip. dignitatem ciuium, & illam imprimis vestram laudatam ac probatam apud omnes, erga externos homines & aduenas, humanitatē. Et quoniā vicinitas quoq; non exiguam sæpe partē ad diligendum affert, sicut in vrbe propinqua domus: sic in orbe finitimæ provincie amoris inter vicinos conciliatrices sunt. Non contigit ante hoc tempus, scilicet, ut vos huius mei erga vos animi aut fructum perciperetis, aut aliquod signum indiciumq; haberetis: non enim opera vspiciam eguistis mea, quæ vobis profecto paratissima fuisset: verum nulla sese adhuc nobis obtulit occasio. At nunc quidem ceterè non contigit solū mihi, verum etiam necesse est, ut quo in vos animo sum affectus; vobis demonstrare adnitar: si fidem meam erga summum Deum, & Christianam illam in proximum charitatem retinere mihi cupio. Etenim post quā fuit ad aures meas delatum, homines quosdam astutos, inimicos Christianæ unitatis & pacis, id quod in altis antea nonnullis fortissimæ gentis Helueticorum oppidis & pagis iam fecissent, item in vobis & ciuitate vestra mala discordiæ semina iecisse: Christi quæ fidelem populū a via patrum maiorumq; suorum, & a perpetua Catholica Ecclesiæ auertisse sententia, omniaq; dissidiis & seditionibus implese. (Qui tamen mos proprius eorum semper est, qui auctoritate Ecclesiæ oppugnanda, nouas sibi potentias & nouos honores querunt.) Testor Deū omnipotentem, cum ipsum qui nunc intimis meis cogitationibus præsens adest, me & indoluisse grauius, & duplici quadam misericordia affectum fuisse: cum ex vna parte viderem mihi audire gemitum plorantis matris nostræ Ecclesiæ & lamentantis, quæ tot & tam dilectis filiis vno tempore esset orbata: ex altera, vestris, o charissimi, incommodis & pe-

culis commoueret. Sciebam enim ego, tales viros nouatores veterum & bene constitutarum rerum, tales turbas, talia dissidia, non solum animabus hominum pestifera (quod tamen malum omnium maximum malorum est) sed rebus etiam & priuatis & publicis perniciose existere. Id quod vos quoque ipso euentu rerum edocti, cognoscere potuistis. Quid ergo est? cum meus erga vos amor, & mea in Deum pietas me cogat, ut tanquam frater fratribus, & amicus amicis, intimum omnem animi mei sensum vobis liberè exponam: vos plurimum rogatos volo, ut bonitatem illam vestram, qua semper uti consueuistis, mihi quoque in presentia, meis non ingratis accipiendis & legendis literis prebeatis. Spero enim, si quis modò mentibus hæc quæ scribo attendere volueritis, vos, si non consilium meum, at animum certe rectum & simplicem, & vestra imprimis salutis cupientem, non minimè probaturos: neque me quæ mea sunt, sed quæ vestra commoda atque bona, querere intellecturos. Neque ego tamen spinosas & subtiles ordiar disputationes: quam philosophiam beatus Paulus vocat, & fideles Christi semper monet, ne se per eam patiantur decipi: per quam isti quidem vos circumduxerunt, cum inter imperitos obscuram quandam iactarent scripturæ interpretationem, fraudemque & maliciam, præclaro illo quidem, sed falso atque alieno doctrinæ & sapientiæ nomine honestarent. Ego ea proponam, quæ clara sint atque illustria, quæ nullam in se erroris latebram, nullum fraudis & fallaciæ habeant diuerticulum: cuiusmodi tamen semper est veritas. Ea enim & in tenebris lucet, & nemini non perspicua est, & a doctis iuxta atque indoctis facillimè percipitur: præcipueque in Christiano genere doctrinæ, non syllogismis, nec verborum captionibus: sed humilitate, sed religione, sed erga Deum obedientia est subnixæ. Viuidus est enim sermo Dei & efficax, & concidentior omni acuto utrinque gladio, penetratque ad iuncturas spiritus atque animæ, & ad intima compaginum ac medullarum, neque animos illaqueat impeditis argumentationibus: sed cœlesti quodam interueniente cordis affectu, planum sese & parentem mentibus nostris offert: ut non tam humana intus ad intelligendum ratio, quam ipse ad se qui nos vocat, operetur in nobis Deus. Quem ego Deum patrem omnis rectæ intelligentiæ supplex precor, ut & mihi ad dicendum & vobis ad percipiendum, ea adiumenta suæ benignitatis præbeat, per quæ possimus iterum in vno corde erga ipsum, & in vna mente consentire. Atque ut inde initium capiamus, vnde maximè opportunum esse ducimus: Ego, fratres charissimi, sic existimo, me & vos, & reliquos præterea omnes, qui in Christo spem & fidem suam posuerunt: id ea vna de causa ita facere & fecisse, quod salutem sibi atque animabus suis, non hanc mortalem & cito interituram, sed illam sempiternam & immort-

mortalem quærere, quæ in cælo solum verè obtineri, in terris autem nullo modo potest. Est quidem ita dispensatū hoc officium nostrum, ut iacto primum fidei fundamento, hic deinde laboremus, quò illuc quiescamus: in terra semen iaciamus, quod in cælo postea possimus demetere: & quib. hic in operibus, quib. sue in studiis nosmetipsos exercuerimus, similes deinde atq; dignos operum & laborum nostrorum fructus in altera vita adipiscamur. Cumq; via Christi ardua, & ratio degendæ nobis secundum eius leges & præcepta vitæ petidifficilis sit: propterea quòd animos nostros ab omni terrenarum iucunditatum contagione auocare, & in eo ipso vno, ligere: despiciere præsentia bona quæ in manibus habemus, & futura quæ non cernimus, appetere iubemur: tanti est tamen unicuique nostrum sua & suæ animæ salus, ut nihil recusare asperum, nihil laboriosum non pati, animum inducamus, quò tandem aliquando vna nobis spe salutis nostræ proposita, per arumnas multas, & per sollicitudines, (præeunte semper actionibus nostris Dei clementia & misericordia) stabilem salutem illam & perpetuam consequamur. Hac spe Christus annunciator veri boni, quondam ab orbe terrarū tanto consensu & studio omnium acceptus fuit: hac ratione a nobis adoratur & colitur vereq; agnoscitur Deus esse, & Dei veri filius: quòd vnus ipse ab initio omnium seculorum animos hominum Deo omnipotenti, in quo solo vita est, mortuos ac huius quidem mundi fallacibus & caducis blanditiis paulum temporis viuentes, mox prorsus & ex omni sui parte ad interitum condemnatos, a mortuis, hoc est, ab hoc maximè pernicioso mortis genere excitauit: primusque ipse semet, salutem & liberationem & doctrinam nostram esse volens, morte carnis accepta, & paulò post vita non iam amplius mortali recuperata: suo exemplo nos instruxit & docuit: ut contraria longè ac prius consueueramus via, mundo huic & carni, hoc est peccato mortui, Deo deinde viucremus: spesq; in eo nostras bene ac beatè perpetuè viuendi poneremus: quæ est propria, & verè digna Dei omnipotentis gloria & maiestate, nostrorum omnium a mortuis suscitatio: qua non vnus aut alter homo, sed cunctum hominum genus à terra & funesta animæ morte, ad veram & cælestem eiudem animæ vitam reuocatū est. Hanc huiusmodi a mortuis suscitationē sibi proponens Paulus, maximumq; in ea intuens diuinitatis Christi argumentū atq; indicium: Separatus ego in Euangelium Dei (inquit) quod promiserat per Prophetas in scripturis sanctis de Filio suo, genito quidem ex semine David, secundum carnem, determinato autē & declarato filio Dei in potentia per Spiritum sanctitatis: hoc est, in potentia spiritali, quæ propria Dei potentia est: quòd nō corpore Deus, sed spiritu mirabilia sua agit. Imperare enim vëris,

& cæcis verbo lumen reddere, & mortuos excitare: non corpora, sed spiritali, quæ eadem & diuina est, fiebat potestate. Declaratur igitur Christus Dei filius ex hac spiritali potentia, quæ sola diuina est. Et quod subiungit Paulus, ex suscitacione a mortuis: non tam ea quidem qua corpus Lazari, aut filium viduæ, aut principis Synagogæ filiam (quanquam ista quoque opera Dei erant) vei um ea etiam suscitacione magis, qua Mariam Magdalene à demoniis septem, Martha à telonio, multos à terrena & mortibunda vita, omne denique genus humanum à peccato & peccati morte, & à potestate huius mundi tenebrarum, ad celestem appetendam atq; sperandam & cognationem & lucem excitauit: demersosque in luto terræ hominum animos, erexit ad cælum, atque extrulit. Atq; hoc maximum Iesu Christi erga nos beneficiū, præcipuumque in eo ipso diuinitatis argumentum, idcirco & institutum à Deo in missione filii sui, & ab ipso filio susceptum, & suo nobis tempore per eum datum tributumque est: vt omnibus & diuinis & humanis in vno Christo consiliis, auxiliis, virtutibusque adiuti, nos animas Deo nostras saluas sistere possimus. Tanta est nobilitas, tam insigne precium, tam grandis æstimationis huiusce rei, quæ anima hominis est: vt quod ne ea perderetur, sed & Deo ipsi & nobis lucrificet, conturbatis penitus rotis naturæ legibus, atque ordine rerum permutato, & Deus descenderet in terras, vt fieret homo, & homo erigeretur in cælum, vt esset Deus. Credimus ergo in Christum (vt dicebam) omnes, quod salutem animabus nostris, id est, nobismetipsis vitam inueniamus. Quo nullum optatum vehemētius, nullum bonum interiorius, nec magis coniunctum ac familiare nobis adesse potest. Quantum enim sese diligit vnusquisque, tantum ipsi salus chara est sua: quæ si negligatur, & abiectatur, quod tandem erit præmiū quod possit par acquiri? Quam enim dignam accipiet homo compensationem pro anima sua, inquit Dominus; aut quid proderit homini, vel si vniuersum mundum lucretur; animæ autem suæ iacturam patiat? Hæc igitur tam ampla, tam chara, tam preciosa possessio, quæ nostræ animæ salus vnicuique nostrum est: omni vi & conatu nobis retinenda est. Siquidem cætera bona omnia quæ appetimus, externa atque aliena nobis sunt: hoc vnum bonum conseruata animæ nostræ, non solum nostrum: sed verè nosmetipsi istud ipsum bonum sumus. Quod qui neglexerit atque amiserit, is ne bonum quidem aliud habere vllum poterit, quo fruatur: quippe cum ipse ille qui debuisset frui, iam se primum perdiderit. Assequimur porro bonum hoc nostræ perpetuæ vniuersæque salutis, fide in Deum sola & in Iesum Christum. Cū dico fide sola, non ita intelligo, quemadmodum isti nouarum rerum repertoires intelligunt: vt seclusa charitate, & cæteris Chri-

fiantz mentis officiis, solam in Deo credulitatem & fiduciam il-
 lam, qua persuasus sum in Christi cruce & sanguine mea mihi
 delicta omnia esse ignota. Est hoc quidem etiam nobis necessa-
 rium, primusque hic nobis patet ad Deum introitus: sed is tamē
 non est satis. Mentem enim præterea afferamus oportet, pietatis
 plenam erga summum Deum, cupidamque efficiendi quæcun-
 que illi grata sunt: in quo præcipue Spiritus sancti vis inest. Quæ
 mens, etiam si interdum ad exteriora opera non progreditur: ipsa
 tamen ex se ad bene operandum iam intus parata est, prom-
 ptumque gerit studium, ut Deo in cunctis rebus obsequatur: qui
 verus diuinæ iustitiæ in nobis est habitus. Etenim, quid aliud si-
 gnificat, aut quam aliam nobis offert intelligentiam & notio-
 nem nomen hoc ipsum iustitiæ; si non respectus in ea ad bona
 opera habeatur? Dicit enim scriptura, Quod misit Deus filium
 suum, ut faceret sibi populum acceptabilem, sectatorem bonorū
 operum. Et alio loco, Ut ædificemur (inquit) in Christo ad bona
 opera. Si ergo missus est Christus, ut bene operantes, per eum ac-
 cepti Deo simus, atque ut in eo ædificemur ad bona opera, certe
 fides, quæ in Deum nostra per Iesum Christum est, non solum ut
 confidamus in Christo, sed bene in illo operantes, operariue in-
 stituentes, ut confidamus, imperat nobis ac præscribit. Est enim
 amplum & plenum vocabulum fides, nec solum in se credulita-
 tem & fiduciam continet, sed spem etiam & studium obediendi
 Deo, & illam, quæ in Christo maxime perspicua nobis facta est,
 principem & dominam Christianarum omnium virtutum chari-
 tatem: qua in charitate proprie & peculiariter Spiritus sanctus
 inest, vel potius ipse est charitas. Siquidem Deus charitas est.
 Quam obrem sicuti sine Spiritu sancto nihil nostrum, neque gra-
 tum, neque acceptum Deo est: ita neque esse sine charitate po-
 test. Cum ergo dicimus fide sola in Deum & Iesum Christum sal-
 uos nos esse posse, in hac ipsa fide charitatem vel in primis com-
 prehendendam esse ducimus, quæ princeps & potissima nostræ
 salutis est causa. Sed ut abeamus a disputatione, & reuertamur eo
 unde sumus digressi: Ostendimus vobis, fratres charissimi, vel
 ostendere potius conati sumus (non enim æquat magnitudinem
 rei oratio nostra) quanti momenti sit, quantopere ad nos perti-
 neat, nostræ nobis animæ eiusque salutis procuratio, qua nostra
 in anima nosmetipsi toti sumus: bonumque hoc proprie & uni-
 cum nostrum est, cetera bona, aliena nobis omnia atque disun-
 cta: quibus ne ipsis quidem frui ullis possumus, si ex hoc principe
 & verè nostro excedamus. Pro quo sibi tuendo & conseruando
 animæ bono, tot quondam Christi gloriosissimi martyres, mor-
 talem hanc vitam prompto animo posuerunt: tot sanctissimi
 doctores nocturnis diurnisque sudoribus ac vigilijs, quod nos in

viam rectam inducerent & constituerent, sibi elaborandum esse statuerunt: tota olim tam multas & tam graues ab impijs tyrannis & præsidijs gentium iniurias & calamitates pertulit Ecclesia. Quæ ideo omnia & à præpotente Deo permissa, & à fortibus illis viris, Christi verè cultoribus suscepta, tolerata, decertataque sunt: vt per omne experimentorum & probationum genus, plurimis veluti malleis excusa, multo igni purgata, tantis sanctorum ærumnis atque laboribus conflata, consolidata, expressa, & maximam apud Deum gratiam fidelitatis suæ Ecclesia obtineret, & summam apud homines auctoritatem. Hæc nos Deo Ecclesia in Christo regenerauit, hæc nos aluit, confirmauit, instruxit quid nos sentire, quid credere, in quo spem ponere, qua via in cælum tendere nos oporteat, ipsa eadem edocuit. Nos in hac communis Ecclesiæ fide incedimus, nos illius leges & præcepta retinemus: & si quando fragilitate & incontinentia victi ad peccandum prolabimur (quod vtinam saltem rarò ac non nimium sæpe in nobis accideret) in eadem tamen fide Ecclesiæ exurgimus, quibusq; illa expiationibus & pœnitentiis & satisfactionibus peccatû nostrum ablui, & ad integritatem pristinâ, clemente erga nos semper & misericorde Deo, nos restitui docet: eas expiandi & satisfaciendi rationes suscipimus & adhibemus. Idque ita cum facimus, confidimus nos veniæ & misericordiæ locum apud Deum inuenire. Non enim præter sententiam & auctoritatem Ecclesiæ arrogamus nobis quicquam, nò plus nos sapere, quàm oporteat sapere nobis ipsis persuademus: non superbiam afferimus ad contemnendum Ecclesiæ decreta, non animi elationem, neque ingenium inter populos nostrum, aut nouam quandam sapientiam ostentamus: sed (de probis & rectis Christianis loquor) in humilitate ingredimur atque in obedientia: & ea quæ per maiorum nostrorum sanctissimorum hominum, sapientissimorumq; auctoritates tradita nobis & constituta sunt, tanquam per Spiritum verè Sanctum dictata atque præcepta, omni cum fide suscipimus. Etenim nouimus & scimus quantum habeat viriû, quanti sit momēti, quanti ponderis apud Deum humilitas, quæ vna virtus imprimis Christiana est, eamq; semper maximè Christus Dominus noster & monitis, & præceptis, & factis atq; operibus suis præ se tulit, paruulisque solis, id est humilibus propositum dixit esse regnum cœlorû. Non enim refert, corpore: ne parui an magni simus: sed illud plurimum refert, vtrum animo sumus humili, an-ne superbo: superbia quæ angelos deiecit de cœlo, hominibus eadem iter in cælum impedit. Vnde cœleste animal Angelus, propter superbiam expulsum est, eò terrenum animal homo, propter humilitatem extollitur: vt appareat planè, constitutum esse nobis in humilitate potissimum, & adiumentum perpetuæ

salutis

salutis nostræ, & huius beatæ ac iucundæ spei, qua ad cœlum tendimus, firmamentum. Quæ cum ita sint, charissimi fratres, cum nostra salus nobis, cum vera vita, cum æterna felicitas, cum nosmetipsi denique nobis ipsis imprimis & maximè cæterarum rerum omnium chari esse debeamus: cum si nosmetipsos perdiderimus, nihil vspiam nostrum, id est quod iuuet, aut quod pertineat ad nos, minus amplius reperiri: cum nullum gravius damnum, nullum excrucians malum, nulla acerbior calamitas amissione & iactura animarum nostrarum accidere nobis possit: quanto, obsecro, studio, qua animi cura & sollicitudine providere debemus, ne in hoc tantum periculum salus & vita nostra coniciatur? Dabitis vos profecto mihi & concedetis, nihil perniciosius neque funestum magis evenire nobis posse, quam amissionem animæ vnicuique suæ. Dabitis ergo etiam illud, opinor, nihil esse à nobis maiore diligentia & studio, quam ne id accidat, præcauendum. Cuius enim mali fors, si ea in nos incidat, omnium malorum est deterrima: eiusdem mali periculum maximè omnium nobis esse formidolosum debet. Etenim quanta est in malo moles, tantus in periculo mali, necesse est ut sit timor. Atque ut qui horrent & metuunt in pelagus præcipitari, hi ne ad præruptam quidem & imminentem pelago rupem audent accedere: sic qui terribile illud Dei & damnatorii iudicium perhorrescunt, ab eo fugiunt imprimis periculo, quod sempiternæ illi miseriæ maximè finitimum proximèq; adiunctum est. Neque ego hoc in hoc dico nunc loco, non omnes peccare homines, non omnes nos quo ad hanc vivimus vitam, in periculo semper esse (sumus enim planè, & aberramus, & offendimus, & labimur, interdum omnes, sæpius, rarius, prout cuique sua & ex Deo insita ad se cohibendum virtus inest) verumtamen peccata cætera, præsertim quæ non iudicio stabili, sed per fragilitatem admissa patrataq; sunt, ad summi Dei misericordiam facilem reditum habent. Illud autem peccatum horribile & pertimescendum, quo prævè colitur Deus, qui redissimè debet coli, & quò falsa de illo sentiuntur, qui est summa solus veritas. Illud, illud inquam est peccatum, quod non solum in proximo periculo æterni mali nos constituit: sed spem propè etiam & conatum declinandi & fugiendi eiusmodi periculi nobis aufert. Nam reliquis nostris in peccatis tanquam in vitæ fluctibus, illa tamen anchora nostræ navis salva est, quæ nos prohibet à scopulo & naufragio: quod cogitationes interdum nostras in Deum conicientes, & stimulis dolorum propter peccata compuncti: tacitis suspirijs, & confessione iniquitatis nostræ, illius misericordiam imploramus. Atque ipse, ut bonitatis & clementiæ plenus est, restituit statim ad ignoscendum: moreque pij patris filiorum suorum preces placatus admittit. At in hoc truci,

truci, horribilique peccato præpositæ falsæque religionis, nec Deum nobis, nec anchoram amplius relinquinus. Quapropter hoc præcipue periculum, fratres clarissimi, si salui esse volumus, accuratissime & studiosissime vitandum nobis est. Potest hic dici, cum vel corruptæ vel integræ religionis varia sint iudicia, & diuersa hominum, in hoc præsertim tempore, sententiæ, aliusque hoc modo, illo alius interpreteretur: satis videri debere, si vnusquisque ad id quod primum occurrerit credendum, sincero animo accedat, suumque iudicium submittat hominum se doctiorum & peritiorum iudiciis. Fateor, fratres charissimi, has esse voces hominum simpliciorum, & quorum ingenia natura hebetiora sunt: quos qui detorquent & abstrahunt à via recta, maius illi multo in se peccatum habent: nam peritis quidem & callidis, oratio ista non conuenit. Sed vt nunc temporis causa confitear, omnibus ista & doctis & indoctis incerta esse (quod tamen est seculus) habet enim Catholica Ecclesia certam regulam, qua à veris falsa discernat. Verum esto, concedamus dubia esse: nonne quoniam de periculo nostræ salutis agitur, quoniam animas nostras, hoc est, nosmetipsos plurimi facimus: nec nunc in discrimen aut fortunarum, aut valetudinis, aut etiam corporis & mortalis huius vitæ venimus (quorum omnium iacturam viri fortes pro Christo & pro sua anima constanter sæpe pertulerunt) sed de nobis id decernitur, vtrum sempiternè miserimi, an beatissimi simus victuri: circumspicere, considerare, perpendere diligenter nos oportet, vt eo nos constituamus in loco (de re loquor veluti dubia, quæ tamen non est) vt ibi inquam consistamus, vbi minus multò nobis timoris atque periculi, longæque plus spei & alacritatis ostenditur. Nemo hoc, credo, negaturus mihi est, quin in re ancipiti & dubia (in qua præsertim summa agitur vitæ & salutis nostræ) id potius capere & sequi consilij debeamus, quod ratio nobis suaserit, quam quod fortuita obtulerit temeritas. Videamus igitur vitæ in parte, & in vitæ secta maius sit, à Deo longius nos remouendi, & ad perpetuum exitium propius nos admouendi periculum. Quam rem ita agam & proponam, quasi habeam vos adhuc deliberantes, nec dum animi certos: quorum potius aut voluntatibus obsequi, aut consilijs credere debeatis. Disceptatio est, vtrum vestræ salutis magis expediat, gratiusque Deo vos facturos existimetis: si ea credideritis, eritisque sequuti, quæ Ecclesia Catholica cunctum per orbem terrarum annos iam mille & quingentos amplius, aut (si claram certamque rerum gestarum memoriam & notitiam quarimus) annos iam amplius mille & trecentos, magno consensu comprobat: an hæc quæ vasti homines, atque, vt sibi ipsi videntur, acuti, aduersus tot seculorum vsum & contra perpetuam Ecclesiæ auctoritatem, his annis

quinque & viginti innouauerunt: qui certè ipsi Catholica non sunt Ecclesia. Est enim Catholica Ecclesia (ut breuiter definiamus) quæ in omni anteaeto & hodierno tempore, omni in regione terrarum, in Christo vna & consentiens, vno Christi spiritu vbiq; & semper, directa est, in qua nullum potest dissidium existere: omnis enim ea inter se connexa & conspirans est: quod si quid accidat dissensionis & dissidii, magnum quidem corpus Ecclesie idem permanet: sit autem apostema, quo corrupta aliqua caro, ab animante corpus cunctum spiritu diuulsa secernitur, nec de substantia vterius corporis Ecclesiastici est. Non ego hic deueniam ad singulas rerum disputationes, neque aures vestras copia verborum atque argumentorum onerabo: Tacebitur à me nunc de Eucharistia, in qua nos verissimum Christi corpus adoramus. Isti sanè parum gnati quemadmodum in vnoquoque genere doctrinæ adhibere argumenta & rationes oporteat: ex alienis & longè diuersis dialecticæ inanisque philosophiæ rationibus, Dominum ipsum vniuersi, & diuinam in eo spiritualemque potentiam (quæ prorsus libera & infinita est) in angulos corporis naturæ, quæ suis cancellis circumscripta est, conantur includere. Non loquar de confessione ad sacerdotem peccatorum: in qua, quod maximum est nostræ salutis fundamentum, vera Christiana humilitas, & à scriptura demonstrata, & ab Ecclesia præcepta ac constituta est: quam isti humilitatem, & per calumnias eludere, & per arrogantiam abijcere studuerunt. Silebo de precibus, aut sanctorum pro nobis apud Deum, aut nostris, pro mortuis: quas iidem isti cum aspernantur & irrident, easque nullius penitus esse momenti dicunt: quid tandem sibi volunt? numnam animas arbitrantur vnà cum corporibus suis interire? & nimirum id videntur innuere, quod agunt etiam manifestius, cum libertatem sibi vitæ ab omnibus Ecclesiasticis solutam legibus, & licentiam cupiditatum comparare adnituntur. Si enim mortalis anima sit, edamus & bibamus, inquit Apostolus, paulò post enim moriemur: sin autem sit immortalis (ut certè est) unde, queso, tantum & tam repente factum est corporis morte dissidium; ut & viuentium & mortuorum animæ inter se nihil congruant; nihil communicent; omnis sint cognationis nobiscum, & communis humanæ societatis oblitæ? Cum præsertim charitas, quæ præcipuum Spiritus sancti in Christiano genere est donum: quæ nunquam non benigna, nunquam non fructuosa est, & in eo in quo inest, nunquam inutiliter consistit, salua semper & efficax in vitæque vita permaneat. Sed ut relinquam controuersias, easque ad sua tempora referuem, excuriamus id quod prius est propositum: ut videtur & queratur, quid nobis magis conducatur, factumque rectius sit, quid ad gratiam summi Dei obtinendam magis sit ac-

sit accommodatum; sentire-ne cum vniuersa Ecclesia; eiusque
 decretis & legibus & sacramentis cum fide obtemperare; an al-
 sentiri hominibus dissidia & res nouas quærentibus: Hic locus
 est, charissimi fratres, hoc illud est biuium quod diuersa duo in
 itinera scinditur: quorum iter alterum ad vitam, alterum ad
 perpetuam mortem nos deducat. In hoc discrimine & delectu
 agitur salus animæ cuique suæ, aguntur pignora futuræ vitæ:
 vtrum videlicet nos æternæ felicitatis, an miseriæ infinitæ si-
 mus futuri compotes? Quid ergo dicemus? Fingamus hic duos,
 qui ex vtroq; genere, hoc est, vtroq; ex itinere, ante illud terribile
 summi iudicis tribunal sint constituti: quorū causa cognoscatur
 & expendatur, quò vel damnatoria in eos sententia vel salutatis
 iure ferri possit. Interrogabuntur fuerintne Christiani? Fuisse se
 ambo dicent. Rectène crediderint in Christum? vtriq; pariter re-
 spondebunt, Næ. Quid autem crediderint, aut quo modo credi-
 derint cum explorabuntur (nam hæc de fide recta cognitio, illam
 quæ est de vita & moribus antecedit) cum igitur ab eis exigetur
 rectæ fidei confessio: dicet ille quidem qui in Catholice Ecclesiæ
 gremio & disciplina fuerit educatus. Ego cum institutus essem à
 parentibus meis, qui & ipsi à patribus suis & auis acceperant: vt
 cunctis in rebus Catholice Ecclesiæ essem obsequens, eiusq; le-
 ges, & monita, & decreta, tanquam à teipso, Domine Deus, lata,
 obseruarem & colerem: cumq; omnes eos ferè, qui in Christia-
 no nomine cehserentur, quiq; & nobiscum, & ante nos, longè &
 latè per orbem terrarum tua signa essent secuti, in eadem senten-
 tia esse & fuisse animaduertere in: vt cuncti matrem fidei suæ hanc
 ipsam Ecclesiam agnoscerent & veneratèr, & ab eius præceptis
 constitutisq; discedere sacrilegij instar putarent: in hac eadem
 fide, quam Catholica seruat docetq; Ecclesia, probare tibi me
 studui. Et quanquam venerant homines noui, scripturas multum
 in ore & manibus habentes, qui noua quædam commouere, vete-
 ra labefactare, Ecclesiam redarguere, obedientiam quam illi nos
 omnes præbebamus, eripere nobis & extorquere conarentur: in
 eo tamen constanter manere volui, quod à patribus meis, & à cõ-
 muni sanctissimorum doctissimorumque patrum consensu, iam
 inde antiquitus in Ecclesia fuisset & obseruatum & traditum: ceteri
 multorum quidem præsidum hominumq; Ecclesiasticorū, præ-
 sentes mores essent ij, qui mihi stomachum mouere possent, qui-
 bus tamen nō sum à sententia deductus. Ita enim constitui, corū
 præceptis, quæ certè sancta erant, obtemperare me debere (sicuti
 tu Deus in tuo Euangelio præceperas) vitæ autem & gestorum re-
 ynum iudicem esse oportere. Præsertim cum ego quoque, his tot
 peccatis, quæ in hac mea fronte en tibi manifesta sunt, commi-
 natus atq; infectus, aliorum dignus iudex esse non possem, Pro
 quibus

quibus nunc adsto ante tribunal tuum, non seueritatem tuam, clementissimè Deus, sed misericordiam potius & placabilitatem implorans. Dixerit hoc modo iste causam suam: Citabitur alter, comparebit. Imperabitur illi vt dicat. Hunc habebit exorsum orationis sue. Singatur enim de illis vnus esse qui sunt aut fuerunt dissensionum auctores: melius enim credo turabitur iste causam suam, qui se doctorem cæteris ad deficiendum ab Ecclesia fuerit professus. Mihi, inquit, ô summe Deus, intuenti mores hominum Ecclesiasticorum vbique ferè corruptos, & sacerdotes nihilominus religionis gratia, in honore omnibus esse cernenti, opesque illorum iniquo animo ferenti: iusta (vrpuro) iracundia animum inflammavit, vt me illis aduersarium constituerem: cumque respicerem meipsum, qui tot annos operam literis & Theologiæ dedissem, non tamen habere cum in Ecclesia locum, quem labores mei meriti essent, multos autem indignos ad honores & sacerdotia extolli perspicere: ad eos (fateor) insectandos me contuli, quos tibi quoque ipsi minimè placere & satisfacere sum ratus. Et quoniam eorum potentiam reuellere non poteram, nisi obterrerem prius leges ab Ecclesia latas: populi magnam partem induxi, vt ea Ecclesiæ iura contemneret, quæ diu antè rata inuiolataque fuissent. Quæ si in conciliis vniuersalibus fuissent decreta: conciliorum auctoritati non concedendum esse dixi. Si instituta à priscis patribus & doctoribus veteres patres vt imperitos & bonæ expertes intelligentiæ sum criminatus. Si per Romanos Pontifices, eos sibi astruxisse tyrannidem, & falso nomine vicarios se Christi dicere affirmavi: omnibus denique modis contendì, vt hoc tyrannicum Ecclesiæ iugum, quæ cibos interdum prohibet, quæ dies seruat, quæ confiteri nos vult peccata nostra sacerdotibus, quæ vota impleri iubet, quæ homines in te Christe liberos tot seruitutis vinculis alligat, à nobis cuncti qui te colimus, excuteremus: solamque fidem in te, non etiam bona opera, quæ maximè extolluntur & prædicantur in Ecclesiis, iustitiam nobis & salutem parere consideremus. Cùm tu præsertim penam pro nobis pependisses tuoque sancto sanguine cunctorum delicta & scelera deleuisses: vt nos hac vna fide in te freti, liberius deinde agere quæcunq; nobis libuisset, possemus. Scripturas etiam ingeniosius sum persequutus quam veteres illi: ac tum quidem maximè, cùm aliquid querebam in eis, quod contra istos detorquere possem, quæ etiam doctrinæ & ingenij opinionem, apud populos famam & existimationem nactus, totâ quidem Ecclesiæ auctoritatem euertere nō potui: magnarū tamen seditionū in ea, & scissionū fui auctor. Hæc vbi iste dixerit, & verè dixerit (neque enim mentendi apud illum ecclestē iudicem est locus) tamen multa idē de ambitione sua, de auaricia, de studio po-

pularis gloriæ, de fraudibus & maliciis intestinis, quæ intus ipse agnoscat, in sese reticuerit, quæ tamen illi, prima ipsa in fronte apparebunt inscripta: Quod tandem, ô Gebennenses fratres mei, quos ego in Christo, & in Christi Ecclesia vnanimis mecum habere opto, non solum de his, sed comitibus affectatoribusque eorum, iudicium fore existimatis? Nonne hic certè qui Catholicam Ecclesiam fuerit secutus, nullum suum erratum in hac re afferet? Primum, quia non errat, neque aded errare potest Ecclesia, cuius illa publica & vniuersalia decreta atque concilia Spiritus sanctus assidue gubernat. Deinde etiam si errasset eà, aut erraret (quod tamen creditu & memoratu est nefas) nullus huic quidem suus exprobraretur error, qui sincero animo, & propter Deum humili, maiorum fidem suorum & auctoritatem esset persecutus. At iste alter suo innitens capite, neminem habens veterum sanctorum patrum, ac ne generalium quidem ex omnibus Episcopis conuentuum, quem honore lignum putet, cui inducat animum cedere & obtemperare, omnia sibi arrogans, ad obtestandum magis, quam ad discendum, docendumue paratus: cum à communi Ecclesia desciscit, quem respicit portum fortunarum suarum? quo propugnaculo confidit? quibus apud Deum aduocatis fretus est? vt non grauitèr debeat metuere, electum se iri in tenebras exteriores, vbi erit fletus & stridor dentium, hoc est, vbi miseras suas perpetuò desleturus, & contra semetipsum dentibus increpiturus sit: quod cum posset, si id studuisset, illam acerbissimam vitare calamitatem, id facere neglexisset. Quàm porro infausti & incommodi comites traducendæ vitæ sint mœror & furor, vnus per sese quisque satis potest intelligere: præsertim cum illiusmodi mali atque damni nullus futurus vnquam finis sit, nulla determinatio, nunquam ibi plorare, nunquam desinatur irasci. Atqui si reliqua istorum omnia aliquo tamen pacto perferri & tolerari possent, hoc quemadmodum ferretur (in quo mihi videtur ne ad ignoscendum quidem illis, locum vllum veniæ & misericordiæ apud Deum dari posse) quod sponsam hi Christi vnicam discerpere sunt conati; quod vnicam illam Domini, quam prophani milites diuidere noluerunt, isti autem sunt, non diuidere solum, sed lacerare? Quot enim iam, istis initium facientibus, sectæ Ecclesiam disciderunt; neque cum istis congruentes, & ipsæ inter se discordes? quod manifestum esse falsitatis indicium, omnis doctrina confirmat. Veritas enim vnica semper est, varia autem & multiformis est falsitas: & simplex quod rectum est, multisidum quod obliquum. Sed huiusmodi scissionem, huiusmodi sanctæ Ecclesiæ dilationem, potestne quisquam Christum agnoscens & confitens, & cuius aliquando mentis atque cordi Spiritus sanctus illa erit,

non intelligere, Satana, & non Dei propriam operationem esse? Quid imperat nobis Deus? quid præcipit Christus? Nempe ut vnum omnes in ipso simus. Quod datum est nobis è cælo atque Deo illud singulare & præcellens charitatis donum, quod Christiano duntaxat generi, non cæteris gentibus diuinitus infusum est? Nonne ut omnes vno corde & ore Dominum confiteamur? An arbitrantur isti Christianam religionem aliud omnino esse, quam pacem cum Deo; & cum proximo concordiam? Videamus quid ipsemet loquatur in Ioanne Dominus, patrem suum pro discipulis deprecans. Pater sancte, serua eos in nomine tuo quos dedisti mihi, ut sint. Cum sicut & nos: non pro his autem rogo solum, sed & pro eis qui credituri sunt per verbum eorum in me, ut omnes vnum sint, sicut tu pater in me & ego in te, ut & ipsi in nobis vnum sint, ut credat mûdus, quod tu me misisti: & ego gloriam, quam dedisti mihi, dedi eis, ut vnum, sicut & nos vnum sumus, ego in eis & tu in me, ut sint perfecti in vnum. Videtis, fratres charissimi, & in clara Euangelij luce discernitis, quid sit verè esse Christianum, cum fides in Deum nostra, cum Dei omnis gloria, quæ & ipse apud nos, & nostra apud eum esse possit, in hac sola inter nos vnitatem consistat: cum hoc vnum requirat & postulet à patre de nobis Christus, isque suos in hoc labores, suas arumnas, suam susceptam pro nobis humani corporis fragilitatem, suam crucem, suam mortem, sic fructum allaturam sibi putet, & ad gloriam patris, quam maximè exoptabat, & ad salutem nostrâ, pro qua erat moriturus: si nos inter nos, & in ipso fuerimus vnû. Atqui hoc semper laborat, hoc adnititur Ecclesia Catholica, ut sit consensus nobis, & in eodem spiritu vnitatem: quosque homines aut spatia disjungunt terrarum, aut interualla temporum, quod coire in vnum corpus omnes non possunt: eos vnus tamen spiritus, qui vbique idem semper est, & foueat & regat. Qui quidem Ecclesiæ Catholicæ & Spiritui sancto, hi se aduersarios è regione profiteatur, qui vnitatem frangere, qui varios spiritus immittere, qui consensionem soluere, qui tollere concordiam de Christiana religione conantur, tanta cupiditate, tanto studio, tot machinationibus & artibus: ut eorum solitudinem & anxietatem nulla satis dignè exprimere oratio possit. In quos ego quidem id non imprecabor, ut disperdat Dominus vniuersa labia dolosa, & linguam magniloquam: neque item, ut addat iniquitatem super eorum iniquitatem: Sed ut conuertat eos, & ad spiritum bonum deducat, Dominum Deum meum simplex rogabo, sicuti rogo. Vosq; & oro, & hortor fratres mei Gebennenses, ut, discussis aliquando ab oculis mentis vestræ erroris nebulis, & patefacta luce, ad cælum illud oculos attollentes, quod perpetuam patriam vestram, si in vnitatem Ecclesiæ manseritis, proposuit vobis Deus: re-

dire in concordiam nobiscum, & fidele obsequium præstare matri nostræ Ecclesiæ, colereque Deum in vno nobiscum spiritu iam velitis. Nec si mores nostri vobis fortasse displicent, si quorundam culpa splendor ille Ecclesiæ, qui perpetuus & incontaminatus esse debuit, aliquando fit obtusior: vestros id animos moueat, aut in diuersam & contrariam trahat partem. Odisse forsitan personas nostras potestis (si id ab Euangelio conceditur) doctrinam certè & fidem habere odio non debetis, scriptum est enim, Quæ dicunt, facite. Neque verò nos aliud dicimus, quàm quòd nostram vestræ salutis cupiditatem vobis indicamus. Quæ si à vobis, Gebennenses charissimi, in bonam partem fuerit accepta: si me amantissimum vestri gratis animis audieritis: non poenitebit vos profectò, & apud Deum recuperatæ pristinae gratiæ vestræ, & apud homines laudis. Ego quæ meæ partes sunt, & quod beneuolentia erga vos me mihi præscribit, assiduus ero ad Deum pro vobis deprecator: meo quidem ipse indignus vitio, sed forsitan charitas efficiet me dignum. Tum autem quicquid valeo, possumque, etsi id quoque paruum admodum est, sed si quid est in me ingenij, consilij, autoritatis, diligentia, id ita vobis totum & vestris opportunitatibus defero: ut pro magno meo commodo habiturus sim, si vos aliquod ex me commodum fructumque meæ operæ & laboris & in diuinis rebus & in humanis percipere potueritis. Extremum est, ut vos orem, ut cum nuntium quem ad vos cum his literis misi, ea comitate ac benignitate accipiat: quam & humanitas vestra, & ius gentium, & in primis Christiana mansuetudo postulat & requirit: quod vobis honestum, mihi autem vehementer futurum est gratum. Deus vos dirigat, & propitiùs tueatur, fratres charissimi. Carpent. XV.

Calend. Aprilis, M. D. XXXIX.

F I N I S.

IACO.



IACOBI SADOLETI DE LIBERIS RECTE instituendis LIBER.

*IACOBI SADOLETI AD GV-
lielmu Bellaium Langaum, De liberis rectè in-
stituendis LIBER.*

EVRIPIDIS est, in Andromacha opinor, non tam formam fœminæ, quam virtutes esse quæ delectent coniugem. Te verò Gulielme Bellai, optime amicorum omnium, quanta oportet affici voluptate: qui eam vxorem nuper duxeris, cuius ad egregias animi virtutes atque dotes species ac forma adiuncta sit, digna electissimis moribus: quos habuit quidem illa vnde diceret, nata in familia nobilissima, & in eis educta quotidianæ vitæ consuetudinibus, quæ splendorem & elegantiam optimi generis apprimè redolerent. Sed tibi certè contigit ex tui animi sententia, vt talem haberes, qualem semper optasti. Nam cùm etiam tu antiqua nobilitate, & claris maioribus procreatus, plura, ac multò præstantiora ornamenta tibi ex virtute acquisiueris, iis quæ à natura & à fortuna multa ac magna accepisti. Sanè fuit equum, vt sociam thori, atq; vitæ eam tibi adungeres, cuius ingenium & virtus tuis humanissimis moribus responderet. Maximè autem in hoc laudanda FRANCISCI Regis nostri sapientia est, & consiliu summo principe dignum; qui quod cæteri ferè in equis & canibus, ipse præcipuè in viris facit, vt providentiam omnem adhibeat, quò ex spectatis vtrunque generibus electi in hoc sanctum fœdus matrimonij conueniant, vt ex bonis parentibus nascatur progenies, quæ postea & Regi, & patriæ possit esse utilis. Etsi in eo præterea necessaria esse disciplina quædam videtur, quemadmodum domi ali atque institui debeant pueri atque adolescentes. Quo de genere nos, cùm nuper nescio quid conscripsissemus, viam patri-

li bus,

bus, & rationem ostendere conati, qua bene atque ingenue erudire liberos possent, statuimus tibi deferre hoc munus, quod futurum esset monumentum nostri in te amoris: & si tu minimè omnium huius quidem præceptionis indigeas. Quis enim est, de instituendis rectè liberis scribere aliquid volens, qui non plura & præ tiora domi vestræ huiusce generis documēta reperiat, quàm ipse ad instruendum alios possit afferre: In quo sepe solitus sum mirari parentis vestri felicitatem, an virtutem, an verius dicam utrumque: qui cùm plures sustulerit, alueritq; liberos, sic eos omnibus æqualiter artibus optimis, & præclarissimis moribus expoliuit, ut cuncti ex eadem quasi forma humanitatis, simul ac dignitatis conflati, & quodam modo excusi esse videantur. Sed tamen non inacceptum tibi fore hoc animi mei studium sum arbitratus, quod & iucundum amicitia, & opportunū recens tuum coniugiū facturum sit: E quo Deum immortalem precari non desino, ut te gignere prolem eam contingat, quæ paternam & auitam virtutis imaginem in omni posteritate possit prorogare. Verùm ut ad ipsum iam sermonem de liberis rectè instituendis veniamus: Cùm federem olim in meridie domi ociosus, nescio quid tum de meis studiis cogitans, accessit ad me Paulus Sadoletus, adolescens sanè quàm deditus studiis honestissimis, quem ego fratris filiū, traditum mihi à patre, in filij educans loco, omnibus cum instituere contendebam & literis bonis, & moribus. Quem tamen laborem leuem mihi & iucundū faciebat, cùm summum eius ingeniū, tum voluntas natura & consuetudine iam ad omnem optimā partem, rationemq; propensa. Is tunc cùm introiisset ad me aliquantum temporis quàm solebat (erat enim tempus diei certum constitutum, quo audiebat quotidie de me Aristotelis Ethica) Sic cum interrogare ingressus sum. I A C O B V S. Quid est Paule, quod te huc tam maturè? num te fefellit hora? aut aliud quid fortè apportas noui? P A V L V S. Nihil quicquam magnoperè Patruæ mi, aut si non tam huius quæ in corpore sit, quàm sanctioris in animo generationis & meæ pietatis erga te propriū nomen queritur, longè iustius mi Pater. Sed ego ad te accessi prudens aliquantò maturius, nō ipse aliquid apportans noui, sed expectans potius à te. I A C. Quid istuc quod expectas? age, exprome, nihil enim recto studio tuo abnuet vnquam voluntas mea. P A V. Scio ego istuc, etiam te tacente, mi Pater: facile enim mihi declarat res ipsa. Sed modò percunctanti mihi cùm cubicularius dixisset ocium tibi esse, non inopportunum sum arbitratus petere à te, ut de instituenda rectè a dolescentia ea mihi in vnum præcepta componeres, quæ sparsim & intercisè sepe edere es solitus: cupio enim habere mecum tanquā commentarium præceptionum huiusmodi, è quo ipse me conformare ad virtutē possim, ut talis sim, qualem tu me esse

esse vis. Sed hoc nisi molestum est, & si nō aliud quid anteuertendum putas. I A. Mihi molestum? aut aliud quid anteuortam? an est quicquam omnium rerum quod malim, quā te & optimum, & doctissimum esse? Sic enim puto te hoc querere, ut quod & ad bonos mores attinet, & quod ad literas bonas, totum tibi id à me explicari cupias. P A. v. Istud ipsum est quod ego cupio. I A. At qui Paule si rem tractare, & exequi ordine suo volumus, ab ipsa pueritia exordiendum est. Nemo enim institui recte potest adolescens, qui nequiter fuerit eductus puer: nā ut radix indolem ingeniumque arboris, sic bene moratam & compositam adolescentiā pueritia ipsa producit. Hoc primū tempus ætatis, quod imprimis lubricum est, atq; anceps, minimē est omnium legibus, his quibus nunc utimur, animaduersum atq; tractatum, neq; adhibita cura, ut id publicē excolatur, cū maximē in eo vno ciuium boni morē & ciuitatum salus constituta sit. De actionib. & controuersis inter sese ciuiū accuratē iura constituta sunt: in quo autem fermē sunt omnia, de genere vitæ eligendo, de educatione liberorū, de officio parentum, de virtute, de moribus, quas quemq; sequi artes, & quas rejicere conueniat, mirum silentium est, præterquā si qua sunt Pontificio iure ad doctrinā virtutis ac religionis præcepta iuuentuti, vel generi potius certo, iis videlicet qui sacris initiati sunt, nec tamen ea ordinatim, neq; à pueris, ut pater inuulsi præclara quædam, quā diligenter exposuisse videantur. Græci diligentiores: nec tam in agendo præcipiendoq; ea quæ sunt virtutis: (in hac enim laude nulli omnino nationi neq; generi præci illi maiores nostri concessere: quod veterum rerum monumenta perspicuē indicant) quā in conseruando & tradendo posteris ea quæ optimē essent statuta. Cū apud nos & x i i. tab. lex totius æquitatis ac iuris seminarium, & vetera omnia plebiscita, S. consulta, magistratuum edicta, nouorum iurisperitorum infinita quadam vbertate & redundantia iam diu offusa & obliterata sint. At mehercule apud Græcos non modò Draconis ac Solonis veteres quamplurimæ leges, verū etiam Lycurgi rhetra, ut illi appellant, conseruata perquam diligenter sunt. Quod eō est miserabilius, quod ille bonam partem legum suarum, non in tabulis, sed in mentibus atq; animis ciuium suorum inscripserat, ut vsu, non scriptura perdiscerentur. Redeo ad Solonem, cuius legibus sic ad vnguē & propē curiosē omnia perscripta sunt, quod ad educationem quidem attinet puerorum, nihil ut omnino, quod ad eam spectet rationem, omissum sit. Est enim ille quæcunque etiam minima tenuissimē persecutus, quæ de gymnasiis, quæ de pedagogis, quora diei hora, quosq; ad ludī magistros veniendum esset, quo etiā vesti. u. & comitatu incedendū: ac ne illud quidem prætermisissimū, ut cū procederent in publico, intra pallium ma-

truci, horribiliq̃ue peccato præpostera falsaq̃ue religionis, nec Deum nobis, nec anchoram amplius relinquimus. Quapropter hoc præcipue periculum, fratres charissimi, si salui esse volumus, accuratissimè & studiosissimè vitandum nobis est. Potest hic dici, cum vel corrupta vel integra religionis varia sint iudicia, & diversa hominum, in hoc præsertim tempore, sententiæ; aliusque hoc modo, illo alius interpretetur: satis videri debere, si unusquisque ad id quod primum occurrerit credendum, sincero animo accedat, suumque iudicium submittat hominum se doctiorum & peritiorum iudiciis. Fateor, fratres charissimi, has esse voces hominum simpliciorum, & quorum ingenia natura hebetiora sunt: quos qui detorquent & abstrahunt à via recta, maius illi multo in se peccatum habent: nam peritis quidem & callidis, oratio ista non convenit. Sed ut nunc temporis causa confitear, omnibus ista & doctis & indoctis incerta esse (quod tamen est secus) habet enim Catholica Ecclesia certam regulam, qua à veris falsa discernat. Verum esto, concedamus dubia esse: nonne quoniam de periculo nostræ salutis agitur, quoniam animas nostras, hoc est, nosmetipsos plurimi facimus: nec nunc in discrimen aut fortunarum, aut valetudinis, aut etiam corporis & mortalitatis huius vitæ venimus (quorum omnium iacturam viri fortes pro Christo & pro sua anima constanter saepe pertulerunt) sed de nobis id decernitur, vtrum sempiternè miserimi, an beatissimi simus victuri: circumspicere, considerare, perpendere diligenter nos oportet, ut eo nos constituamus in loco (de re loquor veluti dubia, quæ tamen non est) ut ibi inquam consistamus, ubi minus multò nobis timoris atque periculi, longeq̃ue plus spei & alacritatis ostenditur. Nemo hoc, credo, negaturus mihi est, quin in re ancipiti & dubia (in qua præsertim summa agitur vitæ & salutis nostræ) id potius capere & sequi consilij debeamus, quod ratio nobis iuaserit, quam quod fortuita obtulerit temeritas. Videamus igitur vtra in parte, & in vtra lecta maius sit; à Deo longius nos remouendi, & ad perpetuum exitium propius nos admouendi periculum. Quam rem ita agam & proponam, quasi habeam vos adhuc deliberantes, nec dum animi certos: quorum potius aut voluntatibus obsequi, aut consilij credere debeatis. Disceptatio est, vtrum vestra saluti magis expediat, gratiusque Deo vos facturos existimeris: si ea credideritis, eritisque sequuti, quæ Ecclesia Catholica cunctum per orbem terrarum annos iam mille & quingentos amplius, aut (si claram certamque rerum gestarum memoriam & notitiam querimus) annos iam amplius mille & trecentos, magno consensu comprobat: an hæc quæ vasti homines, arque, ut sibi ipsi videntur, acuti, aduersus tot seculorum usum & contra perpetuam Ecclesiæ auctoritatem, his annis

quinque & viginti innouauerunt: qui certe ipsi Catholica non sunt Ecclesia. Est enim Catholica Ecclesia (vt breuiter definiamus) quæ in omni anteacto & hodierno tempore, omni in regione terrarum, in Christo vna & consentiens, vno Christi spiritu vbiq; & semper, directa est, in qua nullum potest dissidium existere: omnis enim ea inter se connexa & conspirans est: quod si quid accideret dissensionis & dissidii, magnum quidem corpus Ecclesiarum idem permaneret: sit autem apostema, quo corrupta aliqua caro, ab animante corpore cunctum spiritu diuisa secernitur, nec de substantia vltterius corporis Ecclesiastici est. Non ego hic deueniam ad singulas rerum disputationes, neque aures vestras copia verborum atque argumentorum onerabo: Tacebitur à me nunc de Eucharistia, in qua nos verissimum Christi corpus adoramus. Isti sanè parum gnari quemadmodum in vno quoque genere doctrinæ adhibere argumenta & rationes oporteat: ex alienis & longè diuersis dialecticæ inanisque philosophiæ rationibus, Dominum ipsum vniuersi, & diuinam in eo spiritualemque potentiam (quæ prorsus libera & infinita est) in angulos corporis naturæ, quæ suis cancellis circumscripta est, conantur includere. Non loquar de confessione ad sacerdotem peccatorum: in qua, quod maximum est nostræ salutis fundamentum, vera Christiana humilitas, & à scriptura demonstrata, & ab Ecclesia præcepta ac constituta est: quam isti humilitatem, & per calumnias eludere, & per arrogantiam abijcere studuerunt. Silebo de precibus, aut sanctorum pro nobis apud Deum, aut nostris, pro mortuis: quas iidem isti cum aspernantur & irrident, easque nullius penitus esse momenti dicunt: quid tandem sibi volunt? numnam animas arbitrantur vnà cum corporibus suis interire? & nimirum id videntur innuere, quod agunt etiam manifestius, cum libertatem sibi vitæ ab omnibus Ecclesiasticis solutam legibus, & licentiam cupiditatum comparare adnituntur. Si enim mortalis anima sit, edamus & bibamus, inquit Apostolus, paulò post enim moriemur: sin autem sit immortalis (vt certe est) vnde, queso, tantum & tam repente factum est corporis morte dissidium, vt & viuentium & mortuorum animæ inter se nihil congruant, nihil communigent; omnis sint cognationis nobiscum, & communis humana societatis oblita? Cum præsertim charitas, quæ præcipuum Spiritus sancti in Christiano genere est donum: quæ nunquam non benigna, nunquam non fructuosa est, & in eo in qua inest, nunquam inuoliter consistit, salua semper & efficax in vtraque vita permaneat. Sed vt relinquam controuersias, easque ad sua tempora referrem, excutiamus id quod prius est propositorum: vt videatur & quærat, quid nobis magis conducatur, factumque rectius sit, quid ad gratiam summi Dei obtinendam magis sit ac-

sit accommodatum; sentire-ne cum vniuersa Ecclesia, eiusque
 decretis & legibus & sacramentis cum fide obtemperare; an af-
 fecti hominibus dissidia & res nouas quærentibus? Hic locus
 est, charissimi fratres, hoc illud est biuium quod diuersa duo in
 itinera scinditur: quorum iter alterum ad vitam, alterum ad
 perpetuam mortem nos deducat. In hoc discrimine & delectu
 agitur salus animæ cuique suæ, aguntur pignora futuræ vitæ:
 verum videlicet nos æternæ felicitatis, an miseræ infinitæ si-
 mus futuri compotes? Quid ergo dicemus? Fingamus hic duos,
 qui ex utroq; genere, hoc est, utroq; ex itinere, ante illud terribile
 summi iudicis tribunal sint constituti: quorū causa cognoscatur
 & expendatur, quò vel damnatoria in eos sententia vel salutaris
 iure ferri possit. Interrogabuntur fuerintne Christiani? Fuisse se
 ambo dicent. Rectène crediderint in Christum? utriq; pariter re-
 spondebunt, Næ. Quid autem crediderint, aut quo modo credi-
 derint cum explorabuntur (nam hæc de fide recta cognitio, illam
 quæ est de vita & moribus antecedit) cum igitur ab eis exigetur
 rectæ fidei confessio: dicet ille quidem qui in Catholicæ Ecclesiæ
 gremio & disciplina fuerit educatus. Ego cum institutus essem à
 parentibus meis, qui & ipsi à patribus suis & auis acceperant: ut
 cunctis in rebus Catholicæ Ecclesiæ essem obsequens, eiusq; le-
 ges, & monita, & decreta, tanquam à reipso, Domine Deus, lata,
 obseruarem & colerem: cumq; omnes eos ferè, qui in Christia-
 no nomine censerentur, quiq; & nobiscum, & ante nos, longè &
 latè per orbem terrarum tua signa essent secuti, in eadem senten-
 tia esse & fuisse animaduertere in: ut cuncti matrem fidei suæ hanc
 ipsam Ecclesiam agnoscerent & venerarentur, & ab eius præceptis
 constitutisq; discedere sacrilegij instar putarent: in hac eadem
 fide, quam Catholica seruat docetq; Ecclesia, probare tibi me
 studui. Et quanquam venerant homines noui, scripturas multum
 in ore & manibus habentes, qui noua quædam commouere, vete-
 ra labefactare, Ecclesiam redarguere, obedientiam quam illi nos
 omnes præbebamus, eripere nobis & extorquere conarentur: in
 eo tamen constanter manere volui, quod à patribus meis, & à cõ-
 muni sanctissimorum doctissimorumq; patrum consensu, iam
 inde antiquitus in Ecclesia fuisset & obseruatum & traditum: etsi
 multorum quidem præsidium hominumq; Ecclesiasticorū, præ-
 sentes mores essent ij, qui mihi stomachum mouere possent, qui-
 bus tamen nõ sum à sententia deductus. Ita enim constitui, eorū
 præceptis, quæ certè sancta erant, obtemperare me debere (sicuti
 tu Deus in tuo Euangelio peccoperas) vitæ autem & gestorum re-
 ynum iudicem esse oportere. Præsertim cum ego quoque, his tot
 peccatis, quæ in hac mea fronte en tibi manifesta sunt, commu-
 culatus atq; infectus, aliorum dignus iudex esse non possem, Pro
 quibus

quibus nunc adsto ante tribunal tuum, non severitatem tuam, clementissime Deus, sed misericordiam potius & placabilitatem implorans. Dixerit hoc modo iste causam suam: Citabitur alter, comparebit. Imperabitur illi ut dicat. Hunc habebit exorsum orationis sue (ungatur enim de illis vnus esse qui sunt aut fuerunt dissensionum auctores: melius enim credo turabitur iste causam suam, qui se doctorem ceteris ad deficiendum ab Ecclesia fuerit professus) Mihi, inquit, ô summe Deus, intuenti mores hominum Ecclesiasticorum vbique ferè corruptos, & sacerdotes nihilominus religionis gratia, in honore omnibus esse cernenti, opesque illorum iniquo animo ferenti: iusta (utpote) iracundia animum inflammavit, ut me illis aduersarium constituerem: cumque respicerem meipsum, qui tot annos operam literis & Theologiæ dedissem, non tamen habere eum in Ecclesia locum, quem labores mei meriti essent, multos autem indignos ad honores & sacerdotia extolli perspicerem: ad eos (fateor) insectandos me contuli, quos tibi quoque ipsi minimè placere & satisfacere sum ratus. Et quoniam eorum potentiam reuellere non poteram, nisi obterrerem prius leges ab Ecclesia latas: populi magnam partem induxi, ut ea Ecclesiæ iura contemneret, quæ diu antè rata inuolataque fuissent. Quæ si in conciliis vniuersalibus fuissent decreta: conciliorum auctoritati non concedendum esse dixi. Si instituta à patribus & doctoribus veteres patres ut imperitos & bonæ expertes intelligentiæ sum criminatus. Si per Romanos Pontifices, eos sibi astruxisse tyrannidem, & falso nomine vicarios se Christi dicere affirmavi: omnibus denique modis contendere, ut hoc tyrannicum Ecclesiæ iugum, quæ cibos interdum prohibet, quæ dies seruat, quæ confiteri nos vult peccata nostra sacerdotibus, quæ vota impleri iubet, quæ homines in te Christe liberos tot seruitutis vinculis alligat, à nobis cuncti qui te colimus, excuteremus: solamque fidem in te, non etiam bona opera, quæ maximè extolluntur & prædicantur in Ecclesiis, iustitiam nobis & salutem parere consideremus. Cùm tu præferam penam pro nobis pependisses tuoque sancto sanguine cunctorum delicta & scelera deleuisses: ut nos hæc vna fide in te freti, liberius deinde agere quæcumque nobis libuisset, possemus. Scripturas etiam ingeniosius sum perscrutatus quàm veteres illi: ac tum quidem maximè, cùm aliquid querebam in eis, quod contra istos detorqueere possem, quæ etiam doctrinæ & ingenij opinionem, apud populos famam & existimationem nactus, totâ quidem Ecclesiæ auctoritatem euertere nō potui: magnarū tamen seditionū in ea, & scissionū sui auctor. Hæc ubi iste dixerit, & verè dixerit (ut enim mentiendi apud illum cœlestē iudicem est locus) cæteri multa idē de ambitione sua, de avaricia, de studio popu-

pula.

pularis gloriæ, de fraudibus & maliciis intestinis, quæ intus ipse agnoscat, in sese reticuerit, quæ tamen illi, prima ipsa in fronte apparebunt inscripta: Quod tandem, ô Gebennenses fratres mei, quos ego in Christo, & in Christi Ecclesiâ vnanimes mecum habere opto, non solum de his, sed comitibus affectatoribusque eorum, iudicium fore existimatis? Nonne hic certe qui Catholicam Ecclesiam fuerit securus, nullum suum erratum in hac re afferet? Primum, quia non errat, neque aded errare potest Ecclesia, cuius illa publica & vniuersalia decreta atque concilia Spiritus sanctus assidue gubernat. Deinde etiam si errasset ea, aut erraret (quod tamen creditu & memoratu est nefas) nullus huic quidem suus exprobraretur error, qui sincero animo, & propter Deum humili, maiorum fidem suorum & auctoritatem esset persecutus. At iste alter suo innitens capite, neminem habens veterum sanctorum patrum, ac ne generalium quidem ex omnibus Episcopis conuentuum, quem honore dignum putet, cui inducat animum cedere & obtemperare, omnia sibi arrogans, ad obtestandum magis, quam ad discendum, docendumue paratus: cum à communi Ecclesia desiscit, quem respicit portum fortunarum suarum? quo propugnaculo confidit: quibus apud Deum aduocatis fretus est: vt non grauitur debeat metuere, electum se iri in tenebras exteriores, vbi erit fletus & stridor dentium, hoc est, vbi misérias suas perpetuo desieturus, & contra semetipsum dentibus increpiturus sit: quod cum posset, si id studuisset, illam acerbissimam vitare calamitatem, id facere neglexisset. Quàm porro infausti & incommodi comites traducendæ vitæ sint mœror & furor, vnus per sese quisque satis potest intelligere: præsertim cum illiusmodi mali atque damni nullus futurus vnquam finis sit, nulla determinatio, nunquam ibi plorare, nunquam desinatur irasci. Atqui si reliqua istorum omnia aliquo tamen pacto perferri & tolerari possent, hoc quemadmodum ferretur (in quo mihi videtur ne ad ignoscendum quidem illis, locum vllum veniæ & misericordiæ apud Deum dari posset) quoddam sponfam hi Christi vnicam discerpere sunt conati, quoddam tunicam illam Domini, quam prophani milites diuidere noluerunt, isti autem sunt, non diuidere solum, sed lacerare: Quot enim iam, istis iniuriis facientibus, sectæ Ecclesiam disciderunt: neque cum istis congruentes, & ipsæ inter se discordes: quod manifestum esse falsitatis indicium, omnis doctrina confirmat. Veritas enim vnicâ semper est, varia autem & multiformis est falsitas: & simplex quod rectum est, multitudine quod obliquum. Sed huiusmodi scissionem, huiusmodi sanctæ Ecclesiæ dilanationem, potestne quisquam Christum agnoscentem & confitentem, & cuius aliquando meruitque cordi Spiritus sanctus illa retine-

non intelligere, Satana, & non Dei propriam operationem esse? Quid imperat nobis Deus? quid præcipit Christus? Nempe ut vnum omnes in ipso simus. Quod datum est nobis è cælo atque Deo illud singulare & præcellens charitatis donum, quod Christiano duntaxat generi, non cæteris gentibus diuinitus infusum est? Nonne ut omnes vno corde & ore Dominum confiteamur? An arbitrantur isti Christianam religionem aliud omnino esse, quam pacem cum Deo; & cum proximo concordiam: Videamus quid ipsemet loquatur in Ioanne Dominus, patrem suum pro discipulis deprecans. Pater sancte, serua eos in nomine tuo quos dedisti mihi, ut sint cum sicut & nos: non pro his autem rogo solum, sed & pro eis qui credituri sunt per verbum eorum in me, ut omnes vnum sint, sicut tu pater in me & ego in te, ut & ipsi in nobis vnum sint, ut credat mûdus, quod tu me misisti: & ego gloriam, quam dedisti mihi, dedi eis, ut vnum, sicut & nos vnum sumus, ego in eis & tu in me, ut sint perfecti in vnum. Videtis, fratres charissimi, & in clara Euangelij luce discernitis, quid sit verè esse Christianum, cum fides in Deum nostra, cum Dei omnis gloria, quæ & ipsius apud nos, & nostra apud eum esse possit, in hac sola inter nos vnitate consistat: cum hoc vnum requirat & postulet à patre de nobis Christus, isque suos in hoc labores, suas ærumnas, suam susceptam pro nobis humani corporis fragilitatem, suam crucem, suam mortem, sic fructum allaturam sibi putet, & ad gloriam patris, quam maximè expetebat, & ad salutem nostrâ, pro qua erat moriturus: si nos inter nos, & in ipso fuerimus vnû. Atqui hoc semper laborat, hoc adnititur Ecclesia Catholica, ut sit consensus nobis, & in eodem spiritu vnitas: quosque homines aut spatia disiungunt terrarum, aut interualla temporum, quod coire in vnum corpus omnes non possunt: eos vnus tamen spiritus, qui vbique idem semper est, & foueat & regat. Quidem Ecclesiæ Catholicæ & Spiritui sancto, hi se aduersarios è regione profitentur, qui vnitatem frangere, qui varios spiritus immittere, qui consensionem soluere, qui tollere concordiam de Christiana religione conantur, tanta cupiditate, tanto studio, tot machinationibus & artibus: ut eorum sollicitudinem & anxietatem nulla satis dignè exprimere oratio possit. In quos ego quidem id non imprecabor, ut disperdat Dominus vniuersa labia dolosa, & linguam magniloquam: neque item, ut addat iniquitatem super eorum iniquitatem: Sed ut conuertat eos, & ad spiritum bonum deducat, Dominum Deum meum supplex rogabo, sicuti rogo. Vosque & oro, & hortor fratres mei Gebennenses, ut, discussis aliquando ab oculis mentis vestræ erroris nebulis, & patefacta luce, ad cælum illud oculos attollentes, quod perpetuam patriam vestram, si in vnitate Ecclesiæ manseritis, proposuit vobis Deus: re-

dire in concordiam nobiscum, & fidele obsequium præstare matri nostræ Ecclesiæ, colereque Deum in vno nobiscum spiritum iam velitis. Nec si mores nostri vobis fortasse displicent, si quorundam culpa splendor ille Ecclesiæ, qui perpetuus & incontaminatus esse debuit, aliquando fit obtusior: vestros id animos moueat, aut in diuersam & contrariam trahat partem. Odiosæ forsitan personas nostras potestis (si id ab Euangelio conceditur) doctrinam certè & fidem habere odio non debetis, scriptum est enim, Quæ dicunt, facite. Neque verò nos aliud dicimus, quàm quòd nostram vestræ salutis cupiditatem vobis indicamus. Quæ si à vobis, Gebennenses charissimi, in bonam partem fuerit accepta: si me amantissimum vestri gratis animis audieritis: non poenitebit vos profectò, & apud Deum recuperatæ pristinae gratiæ vestræ, & apud homines laudis. Ego quæ meæ partes sunt, & quod beneuolentia erga vos me mihi præscribit, assiduus ero ad Deum pro vobis deprecator: meo quidem ipse indignus vitio, sed forsitan charitas efficiet me dignum. Tum autem quicquid valeo, possumque, etsi id quoque paruum admodum est, sed si quid est in me ingenij, consilij, autoritatis, diligentia, id ita vobis totum & vestris opportunitatibus defero: vt pro magno meo commodo habiturus sim, si vos aliquod ex me commodum fructumque meæ operæ & laboris & in diuinis rebus & in humanis percipere potueritis. Extremum est, vt vos orem, vt eum nuntium quem ad vos cum his literis misi, ea comitate ac benignitate accipiat: quam & humanitas vestra, & ius gentium, & in primis Christiana mansuetudo postulat & requirit: quod vobis honestum, mihi autem vehementer futurum est gratum. Deus vos dirigat, & propitiùs tueatur, fratres charissimi. Carpent. XV.

Calend. Aprilis, M. D. XXXIX.

F I N I S.

IACO-



IACOBI SADOLETI DE LIBERIS RECTE instituendis LIBER.

*IACOBI SADOLETI AD GV-
lielmu Bellaiu Langaum, De liberis recte in-
stituendis LIBER.*

EVRIPIDIS est, in Andromacha opinor, non tam formam fœminæ, quàm virtutes esse quæ delectent coniugem. Te verò Gulielme Bellai, optime amicorum omnium, quanta oportet affici voluptate: qui eam vxorem nuper duxeris, cuius ad egregias animi virtutes atque dotes species ac forma adiuncta sit, digna electissimis moribus: quos habuit quidem illa vnde diceret, nata in familia nobilissima, & in eis educta quotidiana vitæ consuetudinibus, quæ splendorem & elegantiam optimi generis apprimè redolerent. Sed tibi certè contigit ex tui animi sententia, vt talem haberes, qualem semper optasti. Nam cùm etiam tu antiqua nobilitate, & claris maioribus procreatus, plura, ac multo præstantiora ornamenta tibi ex virtute acquisueris, iis quæ à natura & à fortuna multa ac magna accepisti. Sanè fuit æquum, vt sociam thori, atq; vitæ eam tibi adiungeres, cuius ingenium & virtus tuis humanissimis moribus responderet. Maximè autem in hoc laudanda FRANCISCI Regis nostri sapientia est, & consiliu summo principe dignum; qui quod ceteri ferè in equis & canibus, ipse præcipuè in viris facit, vt providentiam omnem adhibeat, quò ex spectatis vtrunque generibus electi in hoc sanctum fœdus matrimonij conueniant, vt ex bonis parentibus nascatur progenies, quæ postea & Regi, & patriæ possit esse utilis. Et si in eo præterea necessaria esse disciplina quædam videtur, quemadmodum domi ali atque institui debeant pueri atque adolescentes. Quo de genere nos, cùm nuper nescio quid conscripsissemus, viam patri-
li bus,

bus, & rationem ostendere conati, qua bene atque ingenue erudire liberos possent, statuimus tibi deferre hoc munus, quod futurum esset monumentum nostri in te amoris: & si tu minimè omnium huius quidem præceptionis indigeas. Quis enim est, de instituendis rectè liberis scribere aliquid volens, qui non plura & p. tiora domi vestra huiusce generis documēta reperiat, quàm ipse ad instruendum alios possit afferre: In quo sæpe solitus sum mirari parentis vestri felicitatem, an virtutem, an verius dicam utrumque: qui cū plures sustulerit, alueritq. liberos, sic eos omneis æqualiter artibus optimis, & præclarissimis moribus expoliuit, ut cuncti ex eadem quasi forma humanitatis, simul ac dignitatis conflati, & quodam modo exculti esse videantur. Sed tamen non inacceptum tibi fore hoc animi mei studium sum arbitratus, quod & iucundum amicitia, & opportunū recens tuum coniugiū facturum sit: E quo Deum immortalem precati non desino, ut te gignere prolem eam contingat, quæ paternam & avitam virtutis imaginem in omni posteritate possit prorogare. Verū ut ad ipsum iam sermonem de liberis rectè instituendis veniamus: Cū sederem olim in meridie domi ociosus, nescio quid tum de meis studiis cogitans, accessit ad me Paulus Sadolerus, adolescens sanè quàm deditus studiis honestissimis, quem ego fratris filiū, traditum mihi à patre, in filij educans loco, omnibus cum instituere contendebam & literis bonis, & moribus. Quem tamen laborem leuem mihi & iucundū faciebat, cū summum eius ingeniū, tum voluntas natura & consuetudine iam ad omnem optimā partem, rationemq. propensa. Is tunc cū introiisset ad me aliquantum temporius quàm solebat (erat enim tempus dici certum constitutum, quo audiebat quotidie de me Aristotelis Ethica) Sic eum interrogare ingressus sum. I A C O B V S. Quid est Paule, quod te huc tam mature? Num te fefellit hora? aut aliud quid forte apportas novi? P A V L V S. Nihil quicquam magnoperè Patre mi, aut si non tam huius quæ in corpore sit, quàm sanctioris in animo generationis & meæ pietatis erga te propriū nomen queritur, longè iustius mi Pater. Sed ego ad te accessi prudens aliquantò maturius, nō ipse aliquid apportans novi, sed expectans potius à te. I A C. Quid istuc quod expectas? age, exprome, nihil enim recto studio tuo abnuet vnquam voluntas mea. P A V. Scio ego istuc, etiam te tacente, mi Pater: facilè enim mihi declarat res ipsa. Sed modò percunctanti mihi cū cubicularius dixisset ociū tibi esse, non inopportunum sum arbitratus petere à te, ut de instituenda rectè a dolescentia ea mihi in vnum præcepta componeres, quæ sparsim & intercisè sæpe edere es solitus: cupio enim habere mecum tanquā commentarium præceptionum huiusmodi, è quo ipse me conformare ad virtutē possim, ut talis sim, qualem tu me esse

esse vis. Sed hoc nisi molestum est, & si nō aliud quid anteuertendum putas. I. A. Mihi molestum? aut aliud quid anteuortam? an est quicquā omniū rerum quod malim, quā te & optimum, & doctissimum esse? Sic enim puto te hoc querere, vt quod & ad bonos mores attinet, & quod ad literas bonas, totum tibi id à me explicari cupias. P. A. v. Istud ipsum est quod ego cupio. I. A. A: qui Paule si rem tractare, & exequi ordine suo volumus, ab ipsa pueritia exordium est. Nemo enim institui rectē potest adolescens, qui nequiter fuerit eductus puer: nā vt radix indolem ingeniumque arboris, sic bene moratam & compositam adolescentiā pueritia ipsa producit. Hoc primū tempus ætatis, quod imprimis lubricum est, atq; anceps, minimē est omnium legibus, his quibus nunc vtimur, animaduersum atq; tractatum, neq; adhibita cura, vt id publicē excolatur, cū maximē in eo vno ciuium boni more, & ciuitatum salus constituta sit. De actionib; & controuersis inter sese ciuiū accuratē iura constituta sunt: in quo autem fermē sunt omnia, de genere vitæ eligendo, de educatione liberorū, de officio parentum, de virtute, de moribus, quas quemq; sequi artes, & quas rejicere conueniat, mirum silentium est, præterquā si qua sunt Pontificio iure ad doctrinā virtutis ac religionis præcepta iuuenturi, vel generi potius certo, iis videlicet qui sacris initiati sunt, nec tamen ea ordinatim, neq; à pueris, vt p. A. us inuisc se præclara quedam, quā diligenter exposuisse videantur. Græci diligentiores: nec tam in agendo præcipiendoq; ea quæ sunt virtutis: (in hac enim laude nulli omnino nationi neq; generi prisci illi maiores nostri concessere: quod veterum rerum monumenta perspicuē indicant) quā in conseruando & tradendo posteris ea quæ optimē essent statuta. Cū apud nos & x i r. tab. lex totius æquitatis ac iuris seminarium, & vetera omnia plebiscita, S. consulta, magistratuum edicta, nouorum iuriconsultorum infinita quadam vbertate & redundantia iam diu offusa & oblitterata sint. At mehercule apud Græcos non modò Draconis ac Solonis veteres quamplurimæ leges, verū etiam Lycurgi rhetra, vt illi appellant, conseruata perquā diligenter sunt. Quod ed est miscrabilius, quod ille bonam partem legum suarum, non in tabulis, sed in mentibus atq; animis ciuium suorum inscripserat, vt vsu, non scriptura perdiscerentur. Redeo ad Solonem, cuius legibus sic ad vnguem & propē curiosē omnia perscripta sunt, quod ad educationem quidem attinet puerorum, nihil vt omnino, quod ad eam spectet rationem, omisum sit. Est enim ille quæcunque etiam minima tenuissimē persecutus, qua de gymnasiis, qua de pedagogis, quora diei hora, quosq; ad ludi magistros veniendum esset, quo era vestitu & comitatu incedendū: ac ne illud quidem prætermisum, vt cū procederent in publico, intra pallium ma-

nus continere deberent. His, ut mea opinio & coniectura fert, nequaquam indigentius maiores nostros illos veteres accurauisse, quæ ad disciplinam iuuentutis facerent, existimandū est: nam & illæ in campo quotidianæ exercitationes hoc declarant, & tempus militiæ præscriptū, & gerendi murandiq; vestitus diuisa tempora, cum a prætexta ad togam puram, inde ad togam virilem transitus esset, quæq; huiusmodi multa, non tam ex antiquis legibus, quarum scriptura interiit, quàm ex annalium monumentis & rerum gestarum historia seligere licet: quibus promptū est cognoscere, ex illis disciplinæ bonæ seminibus, atq; illa tanquam noualium ægrorum, sic recentium animorum diligente cultura, eas virtutum & morum optimorum fruges fuisse effusas, quibus præfata ætas redundauit. Nos ista contemnimus scilicet, curamque penitus liberorū parentū permittimus arbitrio. Ast quotusquisque est qui sapiat rectè? & aut liberos studeat effici quam opus sit, aut etiam si id velit, nouerit tamen modum & viam instituendi? nonne ignaris plerumq; hominum mentibus lumen à legibus præferri oportuit, quo & volentes docerentur, & cogerentur inuiri? Nunc in hac perturbatione vitæ atq; morum, mihi venit in mentem canticum illud quod usurpatum olim apud vereres, cum esset laus iam præscorum temporum vnà cum Rep. & libertate Pop. Rom. prærogata, nostra ætate instaurari video. P A V. Quodnam id est? I A. Aetas parentum peior auis, tulit nos nequiores, mox dāturos progeniem vitiosiores. P A V. Iam memini Horatianū. I A. Iam illud maximum vinculum in legibus Solonis, ad continendos patres in officio, atq; uti liberorum curam secundū præscriptum legis gererent. Quandoquidem, si prætermisissent, & vel auaritia vel scelere compulsi violassent sententiam legis in educandis atq; instituendis liberis suis, propositæ erant pœnæ, & grauis iudicii metus, ad quod eos adduci a quolibet volente, & nomē deferri illiusmodi patris licebat: legitima quoq; illis adempta, quæ naturæ lege quadā atq; humanitatis patri debeat filius: nam neq; colere illum talem cogebar, nec reuereri, nec sustentare suis opibus egentem aut debilem. Deniq; qui parentis boni officio in filium vsus non esset, in eum noluit lex vllum à filio pietatis & grati animi officiū sua autoritate extare. Illud vnum excepit, sanè quàm humanè, ut defuncto eiusmodi patri, iusta tamen filius faceret: cum in eo nō vllum commodum ageretur parentis. Sed illa pietas naturæ, ipsiq; humanitati debita redderetur. Sed quorsum hæc? ut intelligas Paule magnam huiusce primæ ætatis curam rationemq; ducendam esse, à sapientissimis fuisse iudicatum: ut quæ vestibulum quodammodo vitæ sit, totamq; annorum consequentium quasi formam quandam & ædificationem præferat. P A V. Sanè persuasum mihi habeo optimo hæc ab illis consilio insti-

insti-

stituta fuisse, quæ & rationem bonâ in sese habeant, & egregiam
 cæteris omnibus utilitatem asserre videantur: quod etiam magis
 cupio explicari mihi ea à te, & sub vnum quasi aspectum pue-
 ritiam cum adolescentia constitui: non enim mihi hoc soli, sed
 pluribus fortasse erit emolumento. I A c. Bene ominaris Paule,
 itaq; est faciendum: & quoniam omnium rerum bonarum prin-
 cipia ab Deo immortalis ducenda sunt, ambo cum venerantes ob-
 secremus, vt volens & propitius adsit nobis, sibiq; grata, & reli-
 quis vtilia iubeat à nobis proferri. P A v. Sic agamus. I A c. Est igitur
 huius nostræ præceptionis ratio in duas diuisa partes. Altera in
 moribus pars, altera in literis tota consistit. Mores pertinent eò,
 vt quodcunq; fieri dicetur, habeat in sese modestiam quandam,
 ordinemq; agendi aptum & conuenientem, in quo splendeat de-
 corum illud, quod non animos modò prudentium, sed imperito-
 rum etiam oculos delectet, moueatq; necessariò in admiratione
 sui. Literarum verò & artium earum, quas vocamus optimas, ea
 vis est, eaq; natura, vt quod caput in nobis est, atq; adeò quod ve-
 rè & propriè sumus ipsi, id tanquam inchoatũ & rude acceptum
 à natura, ad summâ ipsæ dignitatem perpoliant, exprimantq; in
 eo formam diuinæ illi similem. P A v. Par est præclarum mediussu-
 dius mi Pater, si quidem altera ex parte facit vt similes Deo simus,
 ex altera vt videamur. I A c. Atq; Paule hoc tibi imprimis & ma-
 ximè animaduertendum est, hoc penitus tenendum & compre-
 hendendum, nò esse nos quod oculis cernitur hoc corpus, & hanc
 compactam ex ossibus & neruis molem carnibus contextam, cure
 vestitam: neque hunc vultum nostri primam imaginem, in quo
 notare signa interiorum sensuum solemus, atq; animum pene i-
 ipsum in eo noscere. Sed quo sapimus intus, & cogitamus, vnde o-
 mnis est nobis ratio atq; consilium, hoc nos homines esse, factũ
 ipsum quidem ad imaginem effectoris sui Dei. Sed obscurum per
 se & languens, nisi scientiæ & literarum lumen accendat. Iam
 quod dicebamus rectam educationem in literas & in mores dis-
 tributam esse, rursus alia diuisione secandum est, quatenus qui-
 dem pertinet ad mores: nam literæ continenti ferè cursu gradus
 habent suos, quorum ex alio ad alium transitus fiat: mores diuisi
 nec ratione solum, verum etiam tempore. P A v. Quo pacto? I A c.
 Non est eorum vnum genus, neq; simplex tractatio: Aliud enim
 in moribus profectò est, quod aliena cura & ratione imprimitur
 in nobis. Aliud quod à domestica mente atq; consilio nobis ipsi
 consciscimus. P A v. Quid amborũ vt diuisa tempora sint, nò ne
 vna ac eadem est ratio? I A c. Quorũ alterum cum ratione est, alte-
 rum nullam continet rationem, non potest amborum vna atq; ea-
 dem ratio esse. P A v. Cupio mihi hoc fieri planius. I A c. Conabor
 equidem, quod melius vt possim, simile tibi proponam, in quo

intueri imaginem meæ rationis possis. Dic ergo tu mihi, vidistin? Rome Apollinē illū, qui in xysto positus ad hortos Vaticanos, anteriorem illam ambulationem, & omnem gyrum viridiorum exornat, cui proximum est Laocoontis simulacrum, ea qua sci-
mus omnes artis præstantia & nobilitate? PAV. Amplum illud signum dicis & procerū, facie augusta hominis plus paulō quā adolescentis: quod tanquam sagittam emisit ex arcu, diducto gestu brachiorum, videtur expectare, an quō intentum fuit telū eō perueniat in quo lenes illi conatus motusque corporis, atque oris eximia pulchritudo, summam & opificis artem, & opus gloriā demonstrant. IAC. Illud ipsum. PAV. Et vidi sæpenumero, & contemplatus sum. IAC. Quæro ergo ex te, si ipse Iouis Apollo filius illa prorsus facie sit, ab eoq; in lapidem omnia descripta sunt, oris, & corporis linamenta, gressus quoque & motus, nec non voces, sonique verborum, ita ut nihil fieri possit similius, mētis verō & cogitationis nihil omnino intus sit, dixerisne tu vnam eandemq; rationem Apollinis in Deo & in marmore esse? PAV. Agnosco *ἐμὴν ὄψιν*, & simul venit in mētem imaginis illius, quam Nube caua tenuem siue viribus umbrā in faciem *Æneæ* finxit, nō tam Iuno suis manibus, quā carmine maximus omnium Poëta. IAC. Optimum isthuc quidē, & ad id quod dicebamus etiā appositiū: cuius ego in memoriā si rediissem, non habuissem necesse certare cū Polycleto, & tanquā addere conari quæ ipsius statuariæ arti deessent ornamenta: cum multo præstantior ille Polycletus simulacrū cuiusmodi quærebamus, omnibus absolutum & perfectum artis ornamentis, nobis effinxisset, sed simulacrum duntaxat, hoc est, quod non mente & voluntate sua, sed imitatione quadam solum moueatur: quod ego te arbitror non eiusdem modi, neque vnius generis cum vero ipso *Ænea* existimaturum esse. PAV. Minimè verò existimem: iamq; intueri mihi videor, quæ sit vtriusque moris distantia, alter enim extrinsecus inductus est, & aliena ratione impressus, suæ expertis rationis, tanquā inanimatus mos, veri moris simulacrum, & quædam quasi penicillo in aliena tabula ducta similitudo. Alter quem sua & propria ratio gignit formatq; consulto istud agens, gnara muneris sui atq; officii eademque continet, quod in priore illo genere non accidit: ira hoc veritas est, illud veritatis adumbratio. IAC. Nunc mihi tu sapi-
sis, & veram insistas rationem, non enim in puero, neq; homine pueri simili, qui sit mentis suæ & consilij inops, illa extrinsecus inducta moris imitatio; aut certi ordinis vim, aut virtutis proprium nomen habet. PAV. Assentior. IAC. Quin & vocabulis quoque ac nominibus rem distinctam esse video, quod extraneum illum morem disciplinam vocamus, proprium autem & nostrum, virtutem. PAV. Quid ita? IAC. Disciplina est, assuescere ad alienæ virtu-
tis

tis imperium: virtus, ad sua. PAU. Iam intelligo. Sed quid tandem isto more opus, ac non sua potius ratio ad informandum optimis moribus hominem in vnoquoque expectatur? IAC. Rem iacis Paule difficilem cognitu, iuuenibus praefertim, quos nondum dies, & usus, & rerum multa cognitio edocuit, quanta sit consuetudinis, & quam propè ineluctabilis vis, quo etiam non conuenit, neque potest cadere in ætatem istam exacta illa & subtilis virtutis notio, quam etiam senecta ætate qui consequuntur, beati iure appellantur. Sed vobis pueris vel etiam adolescentibus scientiæ & cognitionis loco persuasio quædam tradenda est, vt credatis & pareatis maioribus natu, quos tamen existimatione hominum probati intelligitis: nihil enim in laude hominum, bonaque opinione versari diu potest, quod abhorreat ab æquo atque vero. Quantum autem afferat ad virtutem consuetudo, vel ex eo patet, quòd quæ de virtute philosophia pertractat, ea non a consilio, neque a scientia, sed ex more ipso appellata est moralis: non enim magis corpus tenerum in membris manu fingitur, atque componitur, quam animus purus atque recens in eum discedit morem, in quo instituitur. Quemadmodum enim in stirpibus, sic in hominum animis, quam diu molles hi sunt, atque tractabiles, quævis facile inducitur forma: quæ si postea vis & die callum obduxerit, fit propè immutabilis. Cum autem illud incommodè natura paratum esse videatur, vt tantò ante in animis nostris cupiditates rationem anteueniant, omni ope curandum est, vt extraneæ interea cogantur obedire rationi, dum sua & domestica aduenter ratio, cuius tanquam legitimæ dominæ imperia libentius deinde exequantur: nam si quoad illa abest, nullius cura coercitæ, regnum sibi in animo vindicare conatæ fuerint, & quæ libuerit omnia ad voluntatem gerere, nã frustra post reclamabit, & aduersus illas necquicquam contendet ratio. Ac vt tunc, quanquam adhuc penè puero (annum enim modò ætatis vndevigesimum attigisti) aliquid tamen aperiam de opere ipsa, consilioque naturæ, quando studium me tuum & ingenij bonitas inuirit. Sic habeto, duas in homine esse animi partes, dissimiles naturæ inter se, & fermè repugnantes: vnâ rationis, alteram cupiditatis: harum partium ratio perspicax ex sese est, & luminis particeps, mentisque habet oculum cernentem clarissimè atque acutissimè omnia: cæca, & luminis penitus expertus est cupiditas. Porro harum partium vtrique consiliarij sui adsunt binij: in suadendo vnus, in dissuadendo alter. Rationi quidem ipsi atque menti, honestum & turpe: Cupiditati, iucundum & molestum. Hi cuncti numero quatuor, cum cõubernales sint, & in vnis cõmorentur adibus, si non cõsentiant & congruant inter se, sed sint turbulentiorque discordes, quas tu ibi rixas atque pugnas, quos

perturbationum motus, quantos fluctus seditionum inesse putas? cum aut tanquam turpe repellit ratio, quod sibi iucundum cupiditas adsciscit: aut cupiditati molestum est, quod ratio iudicat honestum: clamores intus assidui scilicet, tumultus, praelia. Quæ est igitur vera ratio bene viuendi? hæc nimirum, ut sese ex-quet cupiditas, & componat rationi, suumque iucundum cum illius honesto, & cum turpi molestum coagmentet, & construat: quod assuescendo maxime, & agendo, commode fit: nihil enim tam iucundum, quam illud in quo assueueris, esse potest: hoc tu in tuis sodalibus ac socijs, nec non in eis locis in quibus es alius, studijsque quæ pertractas facile per te potes Paule existimare, a quibus si quis te auellat, conuertatq; ad familiaritates alias, & ad alia studia, moleste accipias, quod insolitum & inusitatum morem odiosum ducas: ad consuetum verò cum voluptate delabare. Quod tantum habet consuetudo & inconsuetudo virium, ut altera effectrix iucundi sit, molesti altera. Cum itaque se sic habeat res, contendendum est omni studio parentibus, ut liberos à reneris rectè doceant assuescere. Quanquam enim mos iste aliena cura impressus, non vera virtus est, sed simulacrum imitatioq; virtutis: tamen, quemadmodum de Pygmalionis muliebri statua in fabulis traditum est, processu temporis euenit, ut Deorum aliquo beneficio, in spiritum & vitam veræ virtutis transeat. P A V. Ni te à primo aliud percontatus essem, libenter paterer te hunc diem totum in his sermonibus ponere: ita cum perpulchra sunt ista quæ narras, tum mihi quidem vehementer iucunda. I A C. Atqui iucundiora multò tibi erunt Paule, cum re ipsa experieris ita esse, & quæ nunc auribus & cogitatione tua concipis, etiam vsu intelligentiaque percipies, à quibus tamen ingenium tuum iam propius abest, quam ætas: finxit enim te natura ad studia virtutis aptum. Cura etiam accessit patris tui primùm, deinde nostra. Proinde iactis præclare adolescentiæ tuæ fundamentis, tu reliqua est contentio, ut spei laborique nostro, aliorum quoque expectationi, quæ multa de te excitata est, studio & diligentia & omni virtute respondeas. P A V. Incensus amore sum mi Pater, cum sponte mea, tum tuis imprimis monitis & hortationibus incitatus, ac magis etiam aliquantum, postquam sum à te in Græcæ linguæ cognitionem, & philosophiæ studia inductus, ex quibus quidem dici non potest, quot & quantæ ad animum meum perueniant voluptates. I A C. Macæ virtute, talis enim animos haud est difficile rectè instituere, tanquam autem si omnes ceteri eodem animo sint, sic nos ad educationem pueritiæ prius, ac deinceps adolescentiæ aggrediamur. P A V. Quid si non sint eodem pater, & naturam difficilem, minusq; aptam afferant? I A C. Meministi, opinor, quod à tuo Poëta de labore est dictum. P A V.

Qua

Qua ille labore improbo vinci omnia affirmant, id fortasse dicis. I A C. Dico enim uerò: verum & illud quoque quod in communi proverbio fertur, vsum fieri alteram naturam. P A V. Fertur quidem, atque imprimis. I A C. Veruntamen sic habeto, si natura minus idonea sit, posse quidem euinci labore atque industria, ut is quicumque ille fuerit, sub disciplinam bonam datus, minus incommodus euadat, nulla insigni re ad turpitudinē notatus: preclaram autem illam speciem, decusque eximia virtutis, nemo potest omnino sine initiis naturæ, & naturalibus quasi seminibus acquirere. Quæ cum ita sint, nobisque id optandum sit in puero, in quo naturæ est potestas, non nostra, ingenium bonum videlicet, quid obstat ut non id optemus quod sit commodissimum, quod item de genere, & fortuna, & conditione eius quem instituturi sumus est dicendum, ut sit honesto genere, bonis parentibus, locuplete familia, legitimo coniugio procreatus: non quod cæteris, quibus cuncta ista non adsunt, sit interdicta ad virtutem via: sed quoniam his certè qui à talibus principiis proficiſcuntur, magis expedita sit & planior. Prudenter enim Græcus Poëta, cum crepido generis non bene statuta sit, fermè progeniem inhonoratam prædicat sequi: & reuera illud altum & fideus & liberum in animo, contrahat sese & minus audeat necesse est, cum est generis sui probri in parentibus ipsis notatum. Nato igitur puero, nam quoad materna aluo continetur infans, & si quædam de exercitatione corporum, ac de quotidiani victus disciplina matribus præcipi non inutilia possunt, tamen quoniam ventrem non omnes æqualiter ferunt, suntque aliæ alijs magis imbecilles, naturæ illius temporis sit cura potius, quam patris. Natum quidem infantem curare protinus debet pater, ut vberibus mater præcipue, suis alat, & propter cognationem sanguinis, & quod ea res non mediocriter vinculum adiungit amoris: in quo enim plus laboratur, id cum perfectum fuerit, plus etiam diligitur. Verum si aliquo casu nutrix fuerit adhibenda, deligere oportet unam, quæ sit moribus casta, ingenio providens: ut enim affici animum etiam nostrum, non corpus solum, eis cibis cœnimus, quæ à nobis quotidie sumuntur: sic lac ex eo corpore haustum, quod temperato regitur animo, animi ipsas illas qualitates in infantis naturam non minimum defert. Prouidere autem oportet, ne aut asperior in puero tractando nutrix sit, nèue rursus quam fuerit æquum, blandior: obrepit enim mos ex illo usu non quotidiano solum, sed singularum penè horarum & punctorum etiam temporis, in naturam pueri, ut vel asperitate perterritus demittat animum, atque illiberalem quandam timiditatem contrahat: vel si blandimentis nimius fuerit corruptus, non queat deinde diutius in una voluntate consistere. Sed cum

omnes

omnes ipso initio vitæ protinus nati ad fletum & vagitum simus, quasi præfagiente natura fortunam humanæ conditionis, quæ miseriarum plena est, non dubium est per oculos & aures infantium, tanquam rudes rerum omnium, & penitus insuetos, sensationes adlabi ad animum etiam in somnis, quæ eum concutiant & terreant: quod, ut iam diximus, omne inusitatum ferme molestum accidit, atque inde illis assidui fletus excitentur: cui rei remedium est assidua vectatio, & nutricum cantus, atque ut in vultibus & in affectibus familiarium infans assuescat. Ac vectatio quidem maximè in omnem partem est salubris: nam & confirmat corpus, & animū illis terculamentis liberat: motu enim externo interiorem illam motum, umbratilemque vincente ac dissipante, sensationum impulsiones illæ hebetantur: ob eamque causam & cunæ repertæ sunt, quasi natura ipsa commonstrante quid conueniat agi, & gestatio in vlnis puerorum assidua. Quare danda opera est, quoad eius fieri potest, ut quæ pueros foeminae alunt, habitent tanquam semper nauigantes. Cantus verò eam vim habet, ut non modò turbatos sedet animos, sed sæpe etiam furentes, sicut in Corybantibus fit manifestum. Iam cum ad id ætatis fuerit ventum, ut puer concipere iam verba, & auscultare attentius loquentium sermones incipiat, tunc maxime patrem attendere oportet, & circumspicere familiæ disciplinam, ne quod turpe verbū, aut impium erga Deum ad aures pueri allabatur: neue quis gestus obscenior in oculos incurrat. Ac matris tum quidem etiam præcipua est curatio, illi enim in sinu, atque in vultu præcipuè hæret infans, ingredique ab ea & fari discit. Quapropter dūctare eum ipsa, ac gestare debet, ad templa, ad res diuinas, ad familiarium matronarum colloquia atque conspectus, ut cognatos affinesque diligere iam puer, & eos discernere, atque distinguere non de facie solum, sed in ipsis nominibus queat: nec eum tamen vllam in domum introduxerit, in qua non casta, & grauis sit disciplina, vndique enim tanquā à locis circumcirca salubribus salutes auræ, sic ab integris & sanctis ex omni parte moribus, afflatus bonæ disciplinæ in animum pueri influendus est. Procedunt anni, sitque indies puer & animo & corpore vegetior, ut tanquā idoneo in solo iam feri aliquid possit: nullumq; semen est aut prius aut præstantius, nec quod vberiores ex sese fruges, aut vtiliores ad beatam vitam efferat, quā inijcere illi in intimos animi sensus & nomen, & cogitationē præpotentis Dei: ut eum incipiat & amare, & reuereri, a quo sibi omnia dari atque donari quotidie audiat, quod commune iam est vtriusque parentis officium: quem enim ipsos viderit adorantes, & cui agentes pro benefactis gratias, eiusque opem atq; auxilium in rebus dubijs implorantes supplici vultu atque gestu, de eo iam ipse eam opinio.

opinionem concepiet, tanquàm quiddam sit, hominum, quos ipse nouit, & potestate & natura multò maius: præsertim si, vt sit, cum quid puer appetuerit quod sibi flagitet dari, aut bullam, aut prætextam, aut quippiam simile, quod ad ingenuitatis & familiaris nobilitatis pertineat cultum, quotienscunq; dabitur, totiens Dei illud esse donum atque munus puero inculcetur, vt de principio amare discat, quem necesse est etiam timere, non timore illo seruli, is enim neque gratus Deo esse potest, neque ad innocentiam, veramque virtutem quicquam proficit. Sed ipso eo, qui cum amore ita coniunctus est, vt nequeat auelli: De quo diuinitus scriptum est in sacris literis: Timorem domini omnis sapientiæ initium esse. Et verè cuius in animo infederit iste Dei siue amor, seu timor, quando vtrumque in vtroque mixtum & copulatum esse dicimus, de eo nunquàm extimescendum est, quòd ad malas vitæ rationes, quisquis ille est, penitus se dedat: quod in puero potissimum conandum est, vt hæc bona radix ad beatam vitam fructicans, in eius animo quàm maturissime, & quàm solidissime pangatur, dum vacuus locus est, neque alienis aut etiam contrarijs animi conceptionibus propter nouitatem naturæ, atque ortus, mens etiam nunc occupata: cum quæ primo & spatiose deposita sunt semina firmiter comprehendunt, nec stirpium adhuc multarum sylua in angustum coguntur. Atque humana quidem eiusmodi sunt, vt errare & labi quandoq; sit necesse: verumtamen si ista pietatis erga Deum puræq; religionis tanquam arbor intus ad oleuerit, sicut inutiles herbas vmbrosis in locis nasci fortasse & vixere contingit aliquandiu, maturescere quidem certe, & frugem ferre commodè non contingit: Sic omnia vitia quæ capitalia fuerint, hac demum religionis velut vmbra necabuntur. Atque hoc quod de Deo, & de religione in Deum dictum à nobis hoc loco est, sic primum est in puero & ante omnia curandum, vt nihilominus intelligatur in omnem id vitam pertinere debere: omnis enim profectò virtus, omnis dignitas, omnis vitæ iucundæ ac beatæ spes, in hoc vno studio præcipuè posita est, vt Deum & amare & vereri non desinamus. Sequitur altera puerilis animi cultio, posterior ea quidem illa quam modo diximus, sed cæteris longè antecedentior, vt pater qui filium suum alere atque educere ad laudem excellentis viri cupiat, talem sese illi ostendat ipse, qualem cum effici vult: non enim vlla hac esse potest præstantior disciplina. Neque hoc edò dico, quòd non multa sint quotidie vitæ ornamenta ad augenda in pueris, quæ in parte fortasse non sunt: vt literarum, verbi causa, atque artium illarum quæ optimæ nominantur studium atque cognitio, aut iuris ciuilis. Pontificij iuc scientia, belli quoque & militiæ, si id ita contingat, exercitatio atque usus, fieri enim potest vt pater horum
omnium

omnes ipso initio vitæ protinus nati ad fletum & vagitum sumus, quasi præfagiente natura fortunam humanæ conditionis, quæ miseriarum plena est, non dubium est per oculos & aures infantium, tanquam rudes rerum omnium, & penitus insuetos, sensationes adlabi ad animum etiam in somnis, quæ eum concutiant & terreant: quòd, ut iam diximus, omne inusitatum fermè molestum accidit, atque inde illis assidui fletus excitentur: cui rei remedio est assidua vectatio, & nutricum cantus, atque ut in vultibus & in affatibus familiarium infans assuescat. Ac vectatio quidem maximè in omnem partem est salubris: nam & confirmat corpus, & animū illis terriculamentis liberat: motu enim externo interiorem illam motum, umbratilemque vincente ac dissipante, sensationum impulsiones illæ hebetantur: ob eamque causam & cunæ repertæ sunt, quasi natura ipsa commonstrante quid conueniat agi, & gestatio in vlnis puerorum assidua. Quare danda opera est, quoad eius fieri potest, ut quæ pueros fœminæ alunt, habitent tanquam semper nauigantes. Cantus verò eam vim habet, ut non modò turbatos sedet animos, sed sæpe etiam furentes, sicut in Corybantibus fit manifestum. Iam cum ad id ætatis fuerit ventum, ut puer concipere iam verba, & auscultare attentius loquentium sermones incipiat, tunc maxime patrem attendere oportet, & circumspicere familiæ disciplinam, ne quod turpe verbū, aut impium erga Deum ad aures pueri allabatur: nec quis gestus obscœnior in oculos incurrat. Ac matris tum quidem etiam præcipua est curatio, illi enim in sinu, atque in vultu præcipuè hæret infans, ingredi que ab ea & fari discit. Quapropter ducere eum ipsa, ac gestare debet, ad templa, ad res diuinas, ad familiarium matronarum colloquia atque conspectus, ut cognatos affinesque diligere iam puer, & eos discernere, atque distinguere non de facie solum, sed ipsis nominibus queat: nec eum tamen vllam in domum introduxerit, in qua non casta, & grauis sit disciplina, vndique enim tanquam à locis circumcirca salubribus salutare auræ, sic ab integris & sanctis ex omni parte moribus, afflatus bonæ disciplinæ in animum pueri influendus est. Procedunt anni, fitque indies puer & animo & corpore vegetior, ut tanquam idoneo in solo iam feri aliquid possit: nullumque semen est aut prius aut præstantius, nec quod vberiores ex sese fruges, aut vtiliores ad beatam vitam efferat, quàm iniicere illi in intimos animi sensus & nomen, & cogitationē præpotentis Dei: ut eum incipiat & amare, & reuereri, a quo sibi omnia dari atque donari quotidie audiat, quod commune iam est vtriusque parentis officium: quem enim ipsos viderit adorantes, & cui agentes pro benefactis gratias, eiusque opem atque auxilium in rebus dubijs implorantes supplici vultu atque gestu, de eo iam ipse eam

opinio.

opinionem concepiet, tanquam quiddam sit, hominum, quos ipse nouit, & potestate & natura multò maius: presertim si, ut sit, cum quid puer appetuerit quod sibi flagiter dari, aut bullam, aut prætextam, aut quippiam simile, quod ad ingenuitatis & familiaris nobilitatis pertineat cultum, quotienscunq; dabitur, torrens Dei illud esse donum atque munus puero inculcetur, ut de principio amare discat, quem necesse est etiam timere, non timore illo seruili, is enim neque gratus Deo esse potest, neque ad innocentiam, veramque virtutem quicquam proficit. Sed ipso eo, qui cum amore ita coniunctus est, ut nequeat auelli: De quo diuinitus scriptum est in sacris literis: Timorem domini omnis sapientiæ initium esse. Et verè cuius in animo infederit iste Dei siue amor, seu timor, quando vtrumque in vtroque mixtum & copulatum esse dicimus, de eo nunquam extimescendum est, quòd ad malas vitæ rationes, quisquis ille est, penitus se dedat: quod in puero potissimum conandum est, ut hæc bona radix ad beatam vitam fruticans, in eius animo quam maturissime, & quam solidissime pangatur, dum vacuus locus est, neque alienis aut etiam contrarijs animi conceptionibus propter nouitatem naturæ, atque ortus, mens etiam nunc occupata: cum quæ primo & spatiosè deposita sunt semina firmiter comprehendunt, nec stirpium adhuc multarum sylua in angustum coguntur. Atque humana quidem eiusmodi sunt, ut errare & labi quandoq; sit necesse: verumtamen si ista pietatis erga Deum puræq; religionis tanquam arbor intus adoleuerit, sicut inutiles herbas vmbrosis in locis nasci fortasse & virere contingit aliquandiu, maturefcere quidem certe, & frugem ferre commodè non contingit: Sic omnia vitia quæ capitalia fuerint, hæc demum religionis velut vmbra necabuntur. Atque hoc quod de Deo, & de religione in Deum dictum à nobis hoc loco est, sic primum est in puero & ante omnia curandum, ut nihilominus intelligatur in omnem id vitam pertinere debere: omnis enim perfectò virtus, omnis dignitas, omnis vitæ iucundæ ac beatæ spes, in hoc vno studio præcipuè posita est, ut Deum & amare & vereri non desinamus. Sequitur altera puerilis animi cultio, posterior ea quidem illa quam modo diximus, sed cæteris longè antecedentior, ut pater qui filium suum alere atque educere ad laudem excellentis viri cupiat, talem sese illi ostendat ipse, qualem cum effici vult: non enim vlla hæc esse potest præstantior disciplina. Neque hoc eò dico, quòd non multa sint quotidie vitæ ornamenta adaugenda in pueris, quæ in parte fortasse non sunt: ut literarum, verbi causa, atque artium illarum quæ optima nominantur studium atque cognitio, aut iuris ciuilis, Pontificij siue scientia, belli quoque & militiæ, si id ita contingat, exercitatio atque usus, fieri enim potest ut pater horum omnium

omnium expertus parentum suorum culpa, vel etiam fortunæ existat ipse, quæ tamen in filio procuranda sunt: commune enim est & à natura inditum in omnium animis parentum desiderium, ut filios relinquant meliores & clariores se, quod euenit amore quodam naturali, neque magis filij, quam sui ipsius in vnoquoque, propter insitum & innatum studium perpetuandæ vitæ, quoad cupiditatem rapimur immortalitatis: pater enim in filio ipse viuere, & transferre semetipsum in suam imaginem sibi videtur. Sed ut aliqua in parte desint, ad quæ non amplius iam illa est ætas, fundamentum tamen omnium in ipso est, bonus rectusque mos videlicet, & cōstans ac grauis domi disciplina, de qua summatim nobis dicendum est, & hic locus totus continenti oratione breuiter comprehendendus: quandoquidem quæ ad literas & ingenuas disciplinas attinent ordine paulò ante proposito, in secundum locum dicendi reiecta sunt. P A V. Et rectè quidem, nō enim difficile postea fuerit reuerti ad annos & pueritiæ primordia, si sic fuerit opus: & ego nunc quidem hæc parentum virtutis, & quasi quadam in filiis delineatione valde delector. Sine quod est egregia & digna animaduersione ista res, siue quòd horum maximam partem ego quoque in memet à vobis, qui me aluistis, ac produxistis, expertus sum. I A C. Sit igitur hæc prima parentibus proposita lex erga cos liberos, quos ipsi volunt ad virtutis optimam frugem producere, ut quales eos effici student, tales ipsi eis videantur. Neque hoc tamen quod præcipitur à nobis facile factum admodum est: quod ei qui velit assequi, noscenda & tenenda est in rebus mediocritas: cuius vsus difficilimus, fructus præclarissimus semper fuit. Verum si quis forte fuerit pater qui minus ipse regendo filio idoneus, illum tamē cupiat in virum magnum adulescere, requirat magistrum aptiorem, cuius in disciplinam filium suum committat: satius est enim externis moribus probum, quam domesticis degenerem filium educari. Et hoc tamen factitatum sæpe à summis viris non legimus solū, sed perspeximus ipsi: nisi forte Philippi regis Macedonum consilium reprehendendum est, qui cum Alexandrum filium haberet ea spe atque indole maximæ virtutis, quam res deinde ab illo gestæ comprobauerunt. Tradidit eum a puero summo Philosophorum Aristoteli instituendum. Sed nos quidem sic nunc ponamus, tanquam parens ipse ad puerum instituendum atque erudiendum aptus sit, quod & sæpe animi ardore quodam efficitur, ut etiam si antea minus cogitauerit quæ ad eiusmodi vitam moderatam atque grauem pertineant, amore filij incensus in eam curam totum se conferat. Adhibenda igitur, ut diximus, est mediocritas, sine qua nihil vel specie præclarum, vel vsu iucundum verè esse potest: cuius etsi integram, plenamque notionem sola philosophia præbet, a:-

bet, attamen qui natura bona præditi, atque ingenio bono, laudem sibi adipisci ex virtute contenderunt, etiam absque philosophia aliquam aliquando in se imaginem huius omnium virtutum dominæ mediocritatis haud ignobilem expressere. Hoc ex genere hominum sit pater: natura moderatus, virtutis ac dignitatis studio præcipue flagrans, qui se totum in animum ingeniumque pueri per oculos & aures illius infundere studeat. Statim enim coniecit oculos puer in patrem familiæ, vt primum valere cogitatione incipit: attentiusque omnia illius dicta & facta intuetur, vt magnopere sit prouidendum, ne quem fingere ipsi atque formare ad omne virtutis decus cupimus, aliquo ex nobis eum de honestamento potius inficiamus. Quoniam verò sensus oculorum sensum audiendi antecit, priorque adhibet vim sibi a natura traditam, ponenda primum ante oculos filij species in patre est grauis viri, quæ in amictu, & omni motu corporis animique consistit, inque his rebus omnibus quæ domi geruntur quotidie, in quibus pater seruare vestitus consuetudinem eam debet, qua populus maxime vitur, ita vti neque nimis vestimentis laurus, quod leuitas: neque rursus plebeius sit, aut sordidus, quod aliquando negligentia, sæpius autem ascribitur auaritiæ: motus verò animi sui atque imperus, qui ab iracundia, ab aliqua molestia, ab amore, ab odio, à spe, ab inopinato gaudio, ab alicuius mali & calamitatis metu, à subitis tristitum rerum nuncijs, à cæteris cuiusque modi affectibus, intestinisque pulsionibus ferunt animos & quatiant, & de statu eos demouere conantur, ita sustentet & regat, vt appareat intuenti, motus illos animi quamuis incitados & celeres, expectare tamen & morari rationis imperium: nec excurre-re audere, nisi cum, & quoad illa præstituerit: quo spectaculo quidem nihil cerni in rerum natura potest diuinius. Quid enim oculis hominum tam præclarum, tamque magnificum, atque in omni pulchritudinis dignitate tam eminens accidere potest, quàm virtutem animi intueri moderantis motus, & cupiditates suas, easque ad rationis normam apte dirigentis: quæ consuetudine si à primo imbutus puer in parente ipso fuerit, nam ille egregiam sementem in animo conceperit futura in se præstantissimæ virtutis. Sed hanc modestiam & temperationem animi sequitur corporis in omni motu ac gestu quædam quasi tarditas: non ponderis illa, neque sentitudo, id enim plerumque ignauia, & desidæ potius est, aut etiam stultitiæ interdum, & stoliditatis. Sed quæ se ad illam interiorem grauitatē accommodet, eisdemque & astringatur habentis, & laxetur, quibus regitur animus, vt cum eueniat interdum vt acius aliquid agendum contendendumque sit, manuum, pedumque celeritas, & vultus, vocisque acrimonia, non interdita nobis à natura, sed ab ratione intrus atque consilio ad vsus necessarios

sarios reservata fuisse videatur. Hoc, ut dixi, quod est ipsius vite quasi decorum quoddam, ornans illam totam atque illustrans, nosse quid quacunque in re deceat, & quando & quatenus, maxime quidem comprehenditur & perficitur ex philosophia: quæ una facit, ut sit ipsum sibi undique, & in omnem vitam semper consentiens: sed plurimum etiam ætas, & rerum multarum usus affert, & in humanis euentibus quid plerumque acciderit, & accidat, diligens animi aduersio, quæ & philosophiæ ipsi materiam instrumentumque suppeditat, & sola sine philosophia in homine acuto natura, atque probo, speciem potest effingere viri sapientis: plenam autem ac perfectam sapientiam nequaquam potest. Debet autem paterfamilias cum semper animum suum habere in potestate, tum verò cum præsentis filio aliquid eiusmodi contingit, in quo videatur debere commoueri, aduocare meminerit cõsiliū rationis: neque solum quod conueniat, agere id atque exequi: sed cum quadam etiam dignitate, ut quam maxime fieri potest, in animo pueri illæ præclaræ species insinuentur, & insideant, quæ ubi sedem sibi, locumque in eo constituerint, usumque & auctoritatem domicilij fuerint nactæ, nullo postea modo passuræ sunt dedecorosas alias, deformeisque species prope se accedere, aut diutius considerare. Sit itaque pater ab hoc vitæ instituto pius ac reuerens erga Deum immortalem, cum æqualibus comis, maiorum absque allentatione & venditatione sui obseruator: in seruos verò ac domesticos mitis potius, quàm asper: verum ut retineat gravitatem imperij, sibi que ad nutum omnis præsto esse instituat, utaturque domi breuiloquio, voce leni quidem, atque placata, sed verbis valentibus: neque seruorum congressus & colloquia nimis sæpe appetat, adeuntibus tamen, & aliquid exoptulantibus, semper sit comis, respondeatque summam quod sit æquum & bonum. Ut autem ipsi inter se sint concordēs & pacem colant, nemini que fiat iniuria: atque uti inopia laborantibus, vel etiam morbo oppressis ipse subueniat cum quadam cura, significationeque beneuolentiæ, verbis quoque & factis aliquantò benignioribus: hoc patri utique familias non in ultimis habendum est, si eos continere in amore sui, & in magno metu suæ amittendæ familiaritatis velit, quam illi sic tractati, sæpenumero vita sua habent cariorem: & inest tamen in hoc toto genere gravitas quædam & auctoritas imperij, specimen dignitatis eximium demonstrans, quæ ad magnificentiam animorum exaggerandam pertineat: ingenerandum est enim in animo naturaque pueri excessum illud & rectum, quod nec in potentioribus obseruandis gravitate careat, neque in regendis humilioribus mansuetudinem deponat, cuius uti pulcherrima, sic difficillima est tractatio: & tamen eius prima lineamenta ducere in animo filij, sui imitatione debet pater, quæ

post: 2

postea in eo aetas illustret, usus confirmet, philosophia perpoliat. Atque hæc nos sermone percurramus, non ut instruamus familiaræ patrem, maius enim id negotium & maioris operæ sit: sed quantum ex eo manare ad filium boni moris quadam specie virtutis ac dignitatis imitanda potest, id ut quasi pincillo leui ducamus, & describamus in animo recente & tenero, quo tanquam in arbuscularum molli adhuc cortice incise literæ: sic hæc virtutis in puero descriptio, tempore demum aucta & confirmata obcallescat. PAV. Optime istuc quidem, nam nec difficile fuerit, meo quidem animo, ubi tales parentes extiterint, filios probos & prudenteis existere. IAC. Rectè sanè: sed ego illud abs te existimari Paule volo, cum virtutis omnis doctrina aut in exemplis constituta sit, aut in præceptis: hoc est, ut vel oculis, vel auribus in animo concipiatur, maiorem propè habere vim hæc quæ quasi prætereundo, & non dedita opera fieri videntur, tantumque exemplo mouent oculos ad informandas puerorum ad virtutem mentes, quam quæ ad hunc eum ipsum finem palam intenta sunt: inouet enim illa admiratio paternæ virtutis, quæ in quotidianis moribus clucet, pueriles animos ad voluntatem imitandi, præclaroque spectaculo inuitat, ut fieri cupiant similes: cum præsertim videant eos qui circum sunt, cum silentio & veneratione patrisfamilia imperia exequi: obuersant enim illis ante oculos & in intimos sensus obrepit, nec vigilantibus solum, sed sæpe etiam in somno, decorum & pulchrum illud, quod est solum per se, suæque sponte spe stabile: cuius aspectus & admiratio prompta est, eaque omnium communis. Scientia verò paucis concessa, atque in hoc quidem genere tacita magis, quam vocalis patris eloquentia ad instituendum filium proficit, ea videlicet quæ ipsis factis loquitur: nam verbis agere, & dare ea vitæ præcepta filio, quæ pater ipse sibi non sumplet, idem est ac profiteri se itineris ducem esse in eum locum, a quo ipse longè diuersus abscedat. Quod si talem ut queat gerere personam, aut à natura non accepit patrem, aut sibi ipse studio & meditatione fingere non potuit: cum, ut iam diximus, hominem requirat, cui rectè in disciplinam filium possit tradere. Verum nos, ut cœpimus, in parte insistamus, qui aut esse talis debet, aut ut sit, optandum certè est, qui præeundo filium possit ipse in iter rectum ad virtutem deducere. De quo nondum a nobis dictum est, quod est maximum, & ab hominum usu fortassis atque opinionibus longè remotissimum. PAV. Quod nam queso istud est: magnum enim esse profecto, quicquid sit, necesse est, quod ad tot res, tam præclaras, quot iam strictim oratione percurse sunt, aliquam accessionem queat asferre. IAC. Hoc maximum est, in quo vitæ communis tanquam in scopulo erroris aliditur, quo homines pene homines diuitias purant & magni-

dinem pecuniæ ad vitam benè ac lautè agendam, maximum simul adiumentum, ornamentumque existere. Atque hoc fortasse non usquequaque falsum est, magna enim commoda atque adiumenta hominibus, non ad vitam solum, sed ad usum etiam exercitationemque virtutis, à pecunia parata atque à domesticis opibus sunt. Sed hac opinione & sententia longius ductos, nescire sibi constituere finem, & modum ignorare tam quærendi quidem, quam etiam vtendi: nullam hac ego statuo pestem in humano genere perniciosiorem incidere potuisse: per quam quod patet scilicet, & perspicuum est, hominum inter se societas & fides iampridem sublata penè, & de vita tota exterminata est. Ast ego contra contendo, domum eam quæ diuitiis, pecuniæque redundet, necessariò omnis recti moris, & propter eam causam vitæ quoque pacatæ ac iucundæ expertem esse. Neque ideo dico, quòd paupertatem & inopiam è contrario addiscendam putem: facili enim assentior Regi sapientissimo Deum obsecranti, vt nec diuitias sibi, nec paupertatem, sed tantum ad degendam vitam donet necessaria: quam item sententiam, pater ille philosophorum, noster Plato comprobat. Sed cum flagitia hominum & scelera maiora quædam sint, alia minora, suscipiendum est, maioribus nimiam rerum copiam fontem originemque esse, minoribus inopiam causam asserre. Ego verò malim eius familiæ, è qua ingenuum puerum, adolescentemque instituimus, sic opes domi, & fortunas esse constitutas, vt dominus quæstum nullum faciat, sitque domesticis vestigalibus contentus, quæ potissimum consistant in fructibus prædiorum, ea portò suppeditent ad usum cultumque quotidianum, non modò commode, verum etiam liberaliter: sed quibus dispensandis frugalitas adhibeatur: nam luxum, & opulentiam, & varietatem supellectilis, multiplicisque domi ornatus, atque cultus, tanquàm vitæ venena imprimis fugienda esse duco: frangit enim, & conterit vim totam virtutis, animumque prorsus dissipat illa ab eorum, mancipiorum, gemmarum, tabularum pictarum, vestisque stragulæ elegantia, ac varietas, sui que inani in admiratione detinet: vt vanissimis studiis homines occupati, ad ea quæ sunt virorum industriæ peruos & continentia nequeant intendere: ac tunc minime, si in quotidianis epulis, & ijs quæ epulas sequuntur, ludis, iocis, cantibus, festiuis lepidisque dictis, omnis & vitæ & pecuniæ fructus reponatur. Hoc enim ex genere vitæ, & assiduis domi delitijs, vini, cibi que affluentia, ac quotidianis quodam modo lustris, cum dies, & horæ, & tempora in aliqua semper voluptate consumantur, non modò feroces, & infesti, & arrogantes animi adolescentium fiunt, sed immoderati etiam, & effrenati, & crudeles, atque in omni genere deprauati: vt in naturam mentemque tyrannicam

tam euadant, nihilque iudicent rectum, nisi ipsis quod libererit: ceteros autem homines pecundam ac iumentorum instar sibi seruire statuant oportere: ut consistendum planè sit, qua in domo, atque adeo qua in ciuitate huiuscemodi vigeant mores, sementem in ea omnium malorum & calamitatum esse iactam: nec fieri posse, ut status illius reip. aut diu quietus, aut in vniuersum diuturnus sit. Atqui hanc vulgus liberalem vitam appellat: falsò istud quidem, uti alia multa: quippe cum ex hac potissimum consuetudine viuendi, his profusis & luxurie si sumptibus, auaritiam existere necesse sit, illam violentam & rapacem dico, per quam nationes urbesque, eueruntur. Sed quoniam de his rebus subtilius discernendi non est in præsentia locus, sic patrifamilias præscribamus (sit modò is qui liberos cupiat in viros fortes, industriosque euadere) frugalitatem domi, & temperantiam, ac in omni cultu vitæque parsimoniam illi retinendam esse: quæ tamen absit à forte, nec minui angustique animi indicium præferat: quod fiet, si quotidiano & penè statò apparatus, mensis mûdis potius quam locupletibus, non obsonium parçè præbitum, sed conquisitio & varietas fuerit repudiata: videtur enim in hac moderatione vitæ ratio inesse splendida & liberalis, vitium in vtraque partem deuigans, digna sapiente patrefamilias, cuius quod ad liberos educandos pertinet, in hac parte quidem peculiæ curatio est: nam matres ferè & foeminae omnes indulgentiores sunt, itaque infarciendo & suggerendo quodcumque expetitur, corrumpunt mores puerorum, neque aduersus eorum voluntatè vel ipsæ quicquam moluntur, aut dicunt, vel alios patiuntur loqui: quo vno maximè regnum in anima cupiditarum, & Tyrannis ipsa alitur. An non attendisti his diebus Paule, cum Persarum res gestas legeres (me enim autore & Cyrum Xenophontis, & Herodoti historias Græcè amplexus es) quantum ex diuerso cultu institutioneque puerili, diuersæ Regum illorum naturæ, & contrarij inter se mores existerint? Cyrus ex patre nobili ille quidem & imprimis clæro apud Persas, sed tamen in illis moribus educato, quibus panis & aqua cibis, obsonium autem nasturtium herba, aut si carnibus vellent vesci, illæ erant labore & sudore, nec sine vitæ interdum periculo in syluis & à feris expetendæ, magnus extitit Rex, natus ad res gerendas, laudem & gloriam in imperio amplificando vnam præcipue spectans: cuius erga populares comitas atque æqualitas, in bello victas nationes clementia, atque iustitia effecit, ut non magis eum carum haberent ciues sui, qui semper amauerant, quam deuicti hostes, qui antea illi grauiter offensi fuerant: nomen quidem illustre est, & sempiternâ laudem virtutis ad posteritatem consecutus. Hic Cambysem filium, quæ heredem nominis, atque imperij relicturus erat, aliis ipse videlicet negotiis occu-

parus, alendum mulieribus permisit: non enim virtutis vim, neque rationē ē philosophia, quæ vna facit, vt illa sit sibi in omnem partem consentiens, sed à natura tantum acceperat: ergo dignum inuenit in progenie sua muliebris disciplinæ fructus: omnibus enim in delitiis, & mulierum blandimentis educatus Cambyfes, & assuefactus à puero, nihil offendere quod esset suis cupiditatibus obuium, postea Rex appellatus, ad eam intempericm animi amentiamque progressus est, nihil vt cum neque saturare, quod vltimum esset, neque quod legitimum delectare posset: ita ad cædes multorum, & in his fratris sui germani, furorē quodam amentiaq; inductus, cum etiam Deorum immortaliū numini illuderet, ad extremum sibi manibus allatis, & semetipsum vna & totam Cyri domum pessundedit. Delatum est postea ad Darium Persarum regnum, spectata nobilitatis inter Persas, sed cuius tamen domi cultus atque fortuna longe à regalibus delitiis absuisset. Is porro ad imperandum non eandem fortasse animi magnitudinē quam Cyrus, parem quidem iusticiam atque humanitatem attulit: quare eius quoque opera regnum Persarum maius effectum est: ē quo genitus Xerxes ab eadem atque Cambyfes educatione muliebri, paternaque negligentia, Persas honore & laude cumulatōs, graui ipse dedecore & calamitatibus plurimis affecit. Atque hæc iecirco memorata sunt à me, tibi Pseule, vt appareat quod pluribus verbis fuit necesse dici, nullum esse obicem ad virtutem adipiscendam maiorem, quam delicias domi, & conquisitiores, quam moderata ratio postulet, rerū apparatus: quorum studio si captus fuerit parens, nil est quod contendat fortem & strenuum, & idoneum magnis rebus post se filium relinquere. Quid ergo est? placet mihi seueram & castam domi esse disciplinam: neque eam tetricam tamen, sed conditam libetali quadam comitate, vt domestici nullius rei indigeant, amici autem & hospites intro libenter commeent: ad quorum aduentus, intitationesq; paterfamilias splendorem conuiuij, & hilaritatem vultus ac sermonis maiorem aliquantō illa quotidiana adhibeat: lautius quoque accipiat, & elegantius, nec tamen profusis sumptibus (hos enim semper abesse à bene constituta dōmo volumus.) Quin in ipsis epulis & vino tacita poterit inesse exploratio & obseruantia quædam, quo se nam pacto filius gerat: num patriæ disciplinæ ac moderati vsus memor, pudorem in conuiuiō modestiamque retineat; nouernque sibi ipse in poculis temperare: hoc enim documentum capi in pueris atque adolescentibus imprimis conducere censet Plato, ad speculandum quæ sit natura cuiusque: neque id nos repudiamus, etenim consilium est periculo vacuum, præditum vilitate, in quo si satisfecerit adolescens, iusticiamque conuiuij hilaritate potius & sermone liberam, quam

quàm palato & gurgure metiendam sibi duxerit, nã de eo non nequequam sperare licitum fuerit, talem cum fore, qualem quique debet vnus suum optare filium vt sit pater. Sed vt nostrã in hoc genere præceptionis summam faciamus: debet is paterfamilias, qui in ingenua disciplina ac liberali, eademque casta & moderata alere liberos suos vult, sic habere constitutam domi quotidianæ impensæ rationem, vt & parsimoniam sciat tenere sine sorde, & splendorem ac liberalitatem adhibeat, cum venit vsus, sine profusione & luxuria: ab omni quidem parua & concisa cogitatione rei cuiusque vel minimæ curandæ prorsus refugiat, quæ omnis plaude eijcitur ex animo ingenuitas, & virtutis indoles obsolescit: hoc enim ex genere morosi, & difficiles, & molesti homines efficiuntur, nec cæteris solum, sed sibi ipsi infesti, omnia quasi semper desperantes, iidem lueifugi, pusilli, vbi in cætus se dedere, ridiculi, siti prope in angulis, nihil latum & liberum in animo comprehendentes: oppleri mentem sordibus, & minutissimis occupationibus, quo quid virtuti, grauitati, dignitati, altitudini animi fieri potest inimicius? Sed, vt ab hoc aliquando genere abeamus, habes Paule in patre formam eius exempli, effigiemque dignitatis, cuius ego aspectum & contemplationem propositam velim filio ei, qui ad magnas spes alatur, ad imitandum atque assequendum: quæ quidem in oculorum sensu posita sit, quorum interdum muta speculatio non minus proficit ad virtutem, quam aurium auditus vocalis, de quo ipso posthac dicendum nobis est: hic enim sensus disciplinæ est & doctrinæ & omnis sapientiæ peculiaris ac proprius, vt qui animum solus cernat, quem nequeunt oculi intueri. Itaque Socrates ille Græciæ sapientissimus, oraculo quoque Delphico sic iudicatus, cum adolescentem quendam facie honesta ac liberali diutius contempleretur, illeque adstaret tacitus, dixisse fertur: Tandem vt te videam aliquid loquere adolescens: videlicet ille hominem esse ipsum animum, animi autem cognitionem & perspicientiam nõ oculis, sed auribus attribuebat: neque id iniuria, hauriunt enim aures vocem, quam format & distinguit oratio, quæ cum sit simulacrum cogitationis atque mentis, vehiculum sensuum intestinorum, ex animo ad alium animum viam sibi faciens, perfert meditationes & commenta illius mentis, vnde ipsa profecta est, per aurium meatu ad alteram mentem, legationeque opportunissima & maximè vtili fungitur, vt quæ in arcanis mentium penetralibus occulta alioquin laterent & abdita, hæc auditus vocisque ministerio, cum tota humanorum animorum nobilissima atque acutissima gente communicentur. P A V. Et si quæ de visione oculorum dicta à te sunt, quatenus per eos species quædam magnifica atque grauis transmittitur animo, cuius ille exemplo

& imitatione sit ornatior, summopere me delectauerunt: tamen expecto non minorem ex aurium sensu voluptatem: quippe cum earum ope, illa ipsa quoque quæ de oculis dicta sunt, ad animum meum grata iucundaque peruenerint. Namque & tu ad hunc ipsum sensum ornandum ac commendandum ijs verbis usus es, ut non mediocri mihi sit in te audiendo facta expectatio. I A C. Agemus hoc loco Paule id quod tu paulò ante dixisti facto opus fore, si accideret usus, ut reuocemus orationem ad priores annos, quos noster sermo erat prætergressus, perueneratque ad quandam metam, hoc est ad terminum eius ætatis, quam nos tribus septennijs, & quarti dimidio admodum intendimus definire: illo enim institutionis genere, quod exemplis & moribus maiorum intuendis vitam virtutis imitatione exornat, tota modo à nobis adulescentia comprehensa est. Cum verò ad ea referri orationem oporteat, quæ in præceptis & monitis, assiduisque parentum vocibus erga filios posita sunt, quò illis non solum proponatur, sed exponatur etiam ipsa virtus, Principium fuerit nobis ad hoc quintus ætatis annus: nam & is dimidium ferè staturæ conficit, quod ad mensuram corporis pertinet, quantum alterum tantum videlicet, auctioris & incrementi viginti cæteri anni addunt consequentes: & eo vertente anno, primum puer qui in potestate mulierum totus antea fuit, ad curam patris bona ex parte traducitur: Iam enim & proloqui expedit, quæ ipse intus concepit omnia, & planè intelligere alios loquentis potest. Ergo ab eodem initio & fundamento, quo prius omnem nostræ ædificationis substructionem de integro coagmentantes, ab religione inquam, & ab Dei immortalis amore atque cultu, principia iterum nostræ ducamus orationis: non enim si solem quotidie oriri & reuerti iucunde cernimus, propter excellentiam claritatemque maximi syderis, cuius splendore & lumine exhilarescunt omnia, minus debet ad animum volupatis accidere, cum de Deo sapius eadem repetimus, atque adeo multò plus, quando omnis pulchritudo, & fulgor, & varietas cælestium astrorum, ab eius ipsius summi Dei infinita pulchritudine, tanquam exiguis riujs deducta est. Primum igitur & ante omnia curare debet pater, ut animum pueri illo timore Dei imbuar, de quo antè dictum est, qui timor solus ad inuictam fortitudinem animi aduersus humanos omnes casus firmandam & constituendam maximè facit: quod erit si vim illius, & vbique præsentiam, immensamque maiestatem, non tam rationibus quidem, quas nondum capere potest filij ætas, quam exemplis, & narrationibus rerum earum, quæ diuinitus inire acciderunt, exposuerit filio: in beneficijs quoque eiusdem Dei commemorandis, quibus & priuatim ipse ab illo, & omne genus huma-

humanum communiter affectum est, & assiduus fuerit & diligens: in quo mysteria nostræ religionis continentur, quæ sunt tradenda & insinuanda penitus, neque hac informatione filij ad pietatem & religionem, quicquam habendum est antiquius. Quod præclare fiet, si quæ sancte & pie filio de rebus diuinis monstrauerit pater, ea non verbis ipse tantum, sed factis & operibus usurpabit. Secundum Deum autem Diuosque omnes, quos aut bonitas Dei statim ab initio, aut post præclaram ipsorum in terris merita, & honestissimè acti dies in cælum sustulerunt, quorum utique debet præcipuus vigere honos, & immortalis apud mortales gloria, parentes suos cuique maximè docebit esse honorandos, & reuera cum ferè omnia parentibus debeantur, ortus enim noster & vita, lux quoque ipsa hæc diurna, quam ore, oculis, naribus, totius denique corporis contactu volutatuque libenter & iucundè percipimus, ipsis accepta referenda est: tum autem labores ab eis causa nostra suscepti, pleni curarum & sollicitudinis, quos illi ut alant nos, & producant, sistantque honestè in cœtu ciuium, atque aequalium nostrorum, non modò non refugiunt, sed appetunt ultro, & consecretantur: digni profecto sunt, ut illis omnis, à liberis gratia debeat, quæ pietate potissimum, & cultu eximia cuiusdam venerationis reddenda est: quæ sequitur procuratio illorum vitæ ac salutis, & ut eorum necessitates, atque incommoda, labore, ac diligentia nostra depellamus: suppeditemus egestati, infirmitatem sustineamus, omnes domi forisque molestias, quæ undecunque inferantur, ab illis propulsemus. Etenim si bene Hesiodus, qui iubet pari mensura reddere beneficium, quod ab alieno acceperis, aut cumulatione etiam, si queas, quantum tandem erit parentibus impendendum, quorum beneficijs par nulla est gratia quæ possit reperiri? nec verò etiam quamuis infirmi, decrepiti, depositi, vnquam inutiles filijs parentes sunt. Sed ut Diuorum imagines, & simulacra colimus, ob memoriam beneuolentiamque eorum, quorum vultibus assimulandis illa efficta sunt, & quòd arbitramur ipsos illos Diuos propterea ad benigne nobis faciendum propensiores fore: sic nullum Dei immortalis simulacrum apud nos, quàm in patre & matre potest esse præstantius. Atque his ita erudiendus est tener animus filij in honore cultuque parentum, ut pater matrem filio, mater patrem, vtrumque autem domestici ac familiares colendum ac venerandum puero proponant. Neque in solis tamen parentibus hic a liberis honos insistere: Sed ad auos, reliquosque maiores, si forte superstites adhuc sint, progredi etiam debet: cum in illis omnium quæ à parentibus accepimus causa videatur etiam esse antiquior. Porro ab hac in patres auosque reuerenda, hocque honore pio ac debito, reliquos quoque iste

honor & communis cultus, qui senibus, & grauibus, & ætate affectis hominibus impenditur, tanquam ex alueo pleno pudoris & probitatis exuberat: iustus ille quidem, neque illi ætati non congruens, quæ sibi patrium non immerito nomen vindicat: nam & de principio pueri quos nondum subtiliter & exquisitè ex oris vultusque lineamentis possunt discernere, illo aspectu senili admoniti, cunctos vocant patres: & deinde postea cum aequalibus consuetudo propè fraterna coniunctioque amoris præbet in patribus eius nominis communionem. Iam illa ætate quicunque est, si non generatione, at consiliis potest puero atque adulescenti fieri pater. Quam ob rem rectissime Romulus, siue ille Numa extitit, quorum alter vrbis, alter iuris & religionis Romanæ fuit parens, hac senectutis cum nomine paterno cognatione adductus, summum consilium Ciuitatis Senatum, ipsos autem Senatores Patres nominauit: statuitque, senioribus decedi de vi, caput nudari, & assurgi aduenientibus ab iunioribus debere: quod maximè ac diligentissimè Lacedæmonie obseruatum fuisse literis traditum est: mirum enim quanto in honore habita fuerit semper in illa ciuitate prouectior ætas. Ex quo extat illud: ab homine Spartano falsè ac doctè Atheniensibus exprobratum. Ludis enim Athenis cum Lacedæmoniorum legati in gradibus orchestra honorifico sanè loco assedissent, postque aliquantum pleno iam theatro ingressus senex, innixus baculo, homo sanè haud magni pretij, circumiret quærens locum, neque eum festum reciperet quisquam: vt venit ad Lacedæmoniorum legatos, illi confestim ob ætatis reuerentiam honorificè assurgentes, superiore illi subsellio concessere: propter quod eis cum esset maximo plausu ab vniuerso theatro gratulatio facta, vnus eorum non illepidè, Ergo probè, inquit, norunt Athenienses quid facere rectum sit, sed id facere ipsi negligunt. Formandus itaque parentum præceptis & diligentia est puer, vt honorem senibus, & maioribus natu habere condiscat, habeatque eos penè in parentum loco: proficit enim huiusmodi obseruatio cultusque maiorum ad omnem vitæ modestiam adolescentibus plurimum, quod & pudorem in animis eorum ingenerat, & multos illi actorum dictorumque suorum constituit testes, vt nullam in partem ipsi audeant extra honestum & rectum se commouere. Dum enim quos verentur & colunt, eorum magisterium (vt ita loquar) & malam de se reformidant opinionem, difficilem habent magis rationem peccandi, deprehensique erubescunt: unde à verendo dicta est verecundia, quæ est actus ipsè pudendi atque erubescendi, in vultu peccatum pingens, & liberalem ferens criminis commissi multam: vadem boni ingenij tamen, & expectata in puero virtutis, vt sanè appositè videatur dictum,

etiam, Erubuit, salua res est. Nam pudor ipse habitus est cauendi, & prouidendi, ne quid tale contingat vt sit erubescendum, omni quidem aetati congruens, sed ornamentum præcipuum adolescentiæ: quem si amotorem flagitiorum, & propugnaculum continentis virtutisq: dixerimus, haud sanè falso eum appellauerimus nomine. De quo suaserim equidem parentibus, quibus nostra non leuis futura est autoritas, vt hanc pudoris stirpem in ingenuis animis satam à natura, omni ipsi ope fouere ac propagare in liberis non postmittant: fructus ex ea vberes suorum laborem percipuri. Quamuis enim non sit pudor idem planè quod virtus, firmamentum est tamen præcipuum virtutis: malæ enim de se opinionis atque infamiæ est timor, in quo seueræ est & diligens virtutis custodia. Itaq; qui pudorem diuinum timorem esse dixerunt, huius vim affectionis melius denotasse sunt visi. Solus enim pertimescit ne id amittatur à nobis, quod vnum obtinemus honore ac dignitate propemodum diuinum, decus atque honestatem videlicet. Ac ceteros mortis & periculorum pauores, metus, formidines, qui animos abijciunt ac propè exterminant, cum plerunque vanos atque inutiles, tum semper turpes esse meritò existimamus, quorum etiam species ipsa indecora & illiberalis sit, nam & lurido pallore os, & tremoribus membra concutunt atque deformant: quod accidit animo refugiente ad arcem vitæ quæ in corde est, & omnia illuc subsidia vndique aduocante: vt quasi deseruisse exteriorem mœnium ambitum, & cecidisse hosti loco videatur: pudor verò occurrit foras, extra enim est periculum, ab opinione scilicet, atque oculis, & ruborem in vultu, tanquam personam ad peccatum opponens, se calatum cupit, in quo ipse sese indicat, nec tamen magis deliquisse sese, quam vti in animo, quod deliquerit, ostendit: idque ita venustè facit, vt cum videatur fateri peccatum suum, in eo ipso deceat in quo fateretur. Sed quoniam de his satis multa, redeamus ad id quod dicebamus, illud idemque de integro sepiusque dicamus, huius affectionis vim atq; naturam quæ timorem alit in animis ignominie, atque propagat, ab eis patribus, quibus recta liberorum educatio est cordi, studiosè in filiis inferendam, colendam, ad augendamque esse, vt quæ quoad vera ratio & philosophia ipsa adueniet, bonam in eis mentem, opinionemque custodiat: in quo aliqua non leuis à parentibus diligentia & cura est adhibenda. P. A. V. Quæ mi pater? incredibile est enim quantoperè audire cupiam. Nam & si acceperam à vobis, qui me aluistis, atq; instaurastis, honorandos esse parentes, & maiores natu colendos, idque ego pro mea parte vt agerem, essenique vobis dicto audiens, studiosè enitebar: nunc tamen cognita utilitate vestri consilij, & quantus inde pudoris existat fructus intelligens, quod

niam multa cadunt in hanc ætatem, quæ sunt interdum vitio propiora, quam virtuti: quod quidem necessarium videtur ita esse, propter efferuescentiam cupiditatum, tum maximè, & quod nondum adulta in pueris & adolescentibus est ratio, quæ postea quam bene confirmata est, vix etiam videtur posse senes, & ætate prouectos homines, ab omni errato & culpa coercere: diligenter videndum est patri, vt ad regendam & gubernandam lubricam ætatem filij multum æquitatis & patientiæ afferat, acutèq; dispiciat, si quid sit commissum virtuti alienum, atque officio: num id ex eo genere crimen sit, quod ad bonum morem corrumperendum valeat, an quod ab ætatis & adolescentiæ quasi fermento quodam fuerit profectum. Horum nos criminum genera in præsentia non distinguimus, alienus enim de his differendi est locus. Sed tamen sunt nonnulla, in quibus pater dissimulare & pati, & aliquid permittere adolescentiæ poterit, dum teneant illa aliquem modum, neque habebit necesse omnia pro suo iure exequi. In quibusdam autem acrior, & vigilantior sit necesse est, nec patefieri aditum sinat ad ea insinuanda vitia, quæ cum ætate postea accrescunt simul, indolemque statim ab initio, si inualuerint, virtutis, mox & rem, & omnem bonam famam eijciunt: cuiusmodi alexæ, ganææ, atque impotentes illi amores sunt, quos tyrannos animi præclare describit Plato. Ac in superiore quidem illo genere, quod mitius est, minusque periculosum, si euenerit vt non possit, aut ne debeat pater dissimulare, adhibeat filium, leniterque eum obiurget, suam de illo curam, sollicitudinemque, & suum illi ipsi errorem detegens, oret, obtestetur, vt ne patris & propinquorum spem, suamque ipse laudem speratæ, atque exoptatæ dignitatis contendat ire perditum. Nec multa erunt opus, si ritè ego coniecto, & superiora prudentis disciplinæ præcepta constabunt: grauior erit patre improbator sui facti ipsemet filius, minusque sibi ignoscet, magnoque cum dolore feret preces & mōnita charissimi parentis. Sin autem (sed nollem tristius aliquid ominari, cum in hac familia, & in his moribus nihil videatur accidere posse secus, quàm velimus) Sed tamen si quid deterius fuerit factum, vehementer quidem agendum erit a patre, & verbis grauioribus: non tamen vsque eò, vt ad trucem illam iracundiam se rumpat, quæ cum vocem vultumque perturbet, gestusque omnes impediat loquentis, nunquam non de grauitate detrahit, & spectato viro semper indecora est. Sed imitabitur senem illum Terentianum, sat seuerè, vt videtur, obiurgantem filium. Hem tibi, ne hæc diutius licere speras facere me vitio patre? Amicam vt habeas propè iam vxoris loco? Erras, si id credis, & me ignoras Clīnia. Ego te meum esse dici tantisper volo, Dum quod te dignum est facies. Sed si id non facis: Ego, quod me in re sit fa,

fit facere dignum, inuenero. Videntur ista permotura quemuis corruptum filium: hoc magis si fuerint ab ea disciplina, & ex eiusmodi patris, qualem supra formauimus, ore prolata: cuius nullo exemplo in paternæ culpæ similitudinem filius deductus sit. Erit item remedio, si grauitas rei postulabit, ad quod tamen extremum decurri placeat, si pater à filio videbitur factus alienatior, nec cum amplius ut conuenerat, adhibebit, paulatimque pristinam suam in illum indulgentiam, & antea solitam restringet liberalitatem: vel enim proderunt ista, vel aliud erit agendum. Verùm quod nos prohibemus in filio, ne eum pater uerbibus celet, nec ingenuam naturam ad seruilem detrahat conditionem, id in seruo & operatio homine facillè permittimus: cuius ea sit natura, quemadmodum de Phryge uetus prouerbum est, ut plagis fiat melior: quod etiam erit studiosius faciendum, si quod peccatum in filio ægrè ferat pater, id contingat in seruo delicto simili ut sit puniendum: ut omnibus modis intelligat filius, mentem ab sese patris, quamdiu ipse illiusmodi fuerit, & à similibus factis vehementer abhorre. Verùm hæc nos uaticinamur, & nequicquam tanquam accidere possint pertimescimus: à quibus omnis natura abhorret, non enim nec suspicandum quidem est, quos talis aluerit, institueritque disciplina, & ad rectum iter uirtutis induxerit, ut eorum possit natura & uoluntas ad praua studia conuertere. Reliquum illud tantum videbit pater, & in eo quidem intendet animum curiosius, ut perspiciat, & animaduertat cuiusmodi sint qui de familia aut ex iuuentute, multa familiaritate atque usu adhibebunt filio: uigilandum est semper, multæ sunt insidiæ bonis nostris, inquit Ennius: & profectò uix datur spatium diligenti patri ullius capiendæ quietis. Sed ut illis sollicitudinibus & curis, si bene locatæ sint, nihil fieri possit dulcius. Ac de familia quidem breue præceptum est (quanquam sui cuique domestici debent esse noti) ut omnes æqualiter colant, honorentque filium, & aliquid mandanti dicto audientes sint: quotidianum autem obsequium, & cultum circa eum hi gerant, qui sunt hominatum præfecti à patre. Si quis uero extra ordinem insinuare sese in comitatum & consuetudinem nimis studeat, is tanquam aliquid malitiosè cogitans repellatur. In iuuentute maius periculum est, nam & maior sepe in magna copia sodaliū dissimilitudo inest morum, & sunt inter eos aliqui natu grandiores, uel etiam annis longius prouecti, qui ex illa ætate simplici atque lubrica uariis suis cupiditatibus pactum quarunt, quorum impruui pernitiosa ingenuis moribus est consuetudo: qui quidem omni & sono & strepitu, tanquam insidiosæ aues, ab grege mansuetarum perterrendi sunt. Iuuenem autem à iuuenū æqualium congressu, & consuetudine acere equum non est. Igitur ad

omnia huiusmodi pericula remedium iam antiquitus usitatum, pedagogorum cura atque industria: qui cum assidui comites sint adolescentibus, continent in officio, & aliquid prave ceptantibus obuiam eunt: quos maxime probatos, & sibi fideles eligere debet pater. Sed etsi horum studium ac diligentia non nihil aliquando proficit, nullum tamen fortius est in adolescentibus virtutis praesidium, quam pudor, de quo antè diximus, & illa ordine directà ac sibi bene constans disciplina familiaris, patrisque imprimis sapientia & grauitas, quam cum usu quotidiano imbiberit filius, exemploque illo domestico & praeceptis patriis imbutus, praeclaras decori honestique imagines, quae in animo illius penitus infederint, detulerit secum in forum, & se cum ceterorum moribus studiisque composuerit, tum incipiet notare atque discernere, quid inter se atque eos intersit, qui nequaquam simili à disciplina profecti sunt: nec tantum habuerunt Deorum immortalium beneficium. Tunc suis fortunis gratulabitur, gaudebitque experiri, & quotidie aliquid agere ex illo ingenuo more atque modo, cuius fructum percipiet non solum in animo suo letitiam, sed ab aequalibus honorem, & a senibus admirationem, ab vniuersis insignem quandam beneuolentiam: eoque velut stimulo amoris & laudis ad vltiora semper incitatus, fiet quotidie in omni bona parte usu confirmatior, benignitatemque imprimis exercebit, iuuabit quos poterit, omnibus erit comis, molestus nemini: probos & bonos arctiore sibi vinculo familiaritatis adiunget, reliquos non aspernabitur: ita aget dicetque omnia, ut in verbis & in factis existat dignitas, non seuera illa & grauis, quae maioribus natu consentanea est, sed quae cum hilaritate modestiaque coniuncta maxime deceat adolescentiam. Denique omnem illam paternae virtutis ac dignitatis, optimorumque morum similitudinem nondum plane robustam, sed veluti cum aetate secum vna pubescentem, in coetum aequalium & comitum suorum domo transferet, ut multi qui intuebuntur ex eodem loco, eademque aetate, quosque illa egregia & peruenusta species virtutis commouerit, videantur fore eo animo, ut conentur imitari: ex quo potest coniectura capi, quantum ciuitati & toti reip. euenturum sit boni, si haec recte instituendae adolescentiae disciplina aliquando publice coletur, cum vnius interdum exemplo intelligamus cunctam penè iuuentutem ad imitationem virtutis facile accendi posse. P A V. Ita afficior mi pater, cum te haec audio loquentem, ut letitiam meam ipse vix feram: quippe qui Dei immortalis maximo dono adeptus sum, ut & hac voluntate ad consecretandam virtutem, & in hac disciplina altius essem, ex qua fructus iam aliquos capere incipio ex his qui a te modo numerati sunt: sed cum in hunc vitae statum & virtutis usum perductus est adolescens,

quid

quid nam queso illi amplius deest, quo minus felix sit ac beatus? I A C. Totum id Paule quod est maximè necessarium, virtus ipsa videlicet, cuius umbram rectū esse morem iam totiens diximus: nobis verò vestigandum & tenendum corpus est, ne tanquam in somno visis manibus decepti, sed vigilantes, & reuera summi boni efficiamur compotes. P A V. Iam intelligo te velie philosophiam dicere. I A C. Volo inquam verò: illa enim est vna, sine qua nullius hominis vita (diuinam semper excipio sortem) suapte certè ipsa consilio, nec sapiens vnquam, nec beata esse potest. P A V. Cur igitur non quamprimùm ad illam tertiam partem nostræ institutionis tendimus? in qua, vt arbitror, philosophia ipsa inest: cuius tota est, vt dicis, virtutis expositio. Etsi enim me summo perè hæc delectant quæ dicta sunt & dicuntur, tamen ad ipsius fontem & caput omnium virtutum cupio accedere. I A C. Vnum etiam restat Paule, de quo à nobis aliquid dicendum est, quod cum honore atq; vtilitate primarium sit, propter quandam tamen opportunitatem in oratione à nobis factum est postremum: nullum enim adhuc verbum de veritate fecimus. At ea est præcipua non solum bene morare, sed etiam verè beatæ & sapientis vitæ procreatrix, sine qua nihil neq; probum, neq; prudens, neq; liberale, neq; magnificum verè potest existere. Quis enim mentiri & fallere non dico assuefactus (monstrum enim illud hominis potius quàm homo est) sed vel paululum modò inducens animū, licet aliud sentire aliquando, aliud loqui, & habere linguam a corde discrepantem, in numero eorum ponendus est, in quibus species à nobis futura eximie dignitatis constituitur? P A V. Videretur verò repudiandus quisquis ille est: nec mihi venerat in mentem, cum tamen iam quotidie magis ex te, & in Aristotele ipso, quem te hortante ac præmonstrante in manibus habeo, possim incipere nosse hoc tantum & tam eximium bonū veritatis. Sed cur de ea mentionē in hoc extremo, vt tute inquis, loco faciendam tibi reseruaueris, id ego audire ex te expeto. I A C. Quia anceps est in vtramq; partem, & cum in omne genus doctrinæ scientiæq; diffusa, tum ad bonum morem etiā pertinens: quoniam autem de more & disciplina domestica, qua imprimis assuefaciendus ad omnia recta & honesta est adolescens, dictum à nobis fuit: non quin plura alia possint dici, sed quia hæc futura sunt satis. Nunc autem ad ea tendimus, quæ non tam consuetudinis, quam certi consilij, & suapte scientia ac ratione directæ voluntatis sunt: veritatem in vtroq; genere instituendi præcipuam & primas ferentem parteis, in hoc potissimum loco constituiamus, vt cum vna eademq; dominetur vtrobiq; vna quoq; & morale illud ac molestum facileq; monenti rectè, obtemperans cogat agmen, & hoc sapiens eruditumq; ducat. P A V. Quasi veri-

veritatem vinculum dicas, quo ambo genera ista contineantur. I A C. Imò lumen à quo ambo & creantur & illustrantur, hoc quidem diurno sidere tantò potentius, quòd sol iste oculis, veritas mentibus lucem & diem affert, atque hic facit ut res, quales sunt, tales etiam cernantur: illa, ut quod sunt, id illud ipsum sint. Sed hoc lumen & propriè & proximè philosophia ipsa sectatur: omnemque suam curam, omnem operam studiumque impendit in eo, ut huius luminis percipienda veritate fiat compos, quod cum apprehenderit, suumque & proprium tenuerit, iam ipsa in luce & in veritate habitans, attollit in altum circum circa errantibus, ut communicatione lucis illi admoniti, minùs ruant in tenebris, minùs perturbentur: in quo maximus est concursus omnium mortalium, maxima varietas: hi enim quanquam luminis aliqua ex parte participes, umbris tamen plurimis impediti atque impliciti, quæ quò longiùs absunt ab editiore lumine, hoc volitant maiores, sæpissimè falluntur in eo quod appetunt, & pro bonis mala amplectuntur: cumque se pedem tutò ponere existimauerint, labuntur præcipites: hoc lumen, quod est sua cuique ratio, certissimis scientiis ac doctrinis illuminata, & sibi ipsa in omni consilio actioneque prægrediens, neque alieno indigens ductu, philosophia ipsa continet: ad quam quod sit rectum iter tertia mox nostræ institutionis pars indicabit. Sed ut in hoc lumine summè & maximè veritas est, sic in illo genere posteriore virtutis, quod disciplina & monitis diximus comparari, quemadmodum luminis, ita & veritatis radius quidam inest: non principem, sed accersitam insinuans lucem. De quo nobis restabat aliquid dicendum, antequam de moribus & disciplina sermonem totum completemus: Ideoque servauimus in hunc locum, ut à radio ad lumen, & ad veritatem ipsam à veritatis simulacro propinquus transitus foret. P A V. Commodè sanè & ita fuit faciendum. Sed quis est qui ista considerans, non ad amorem & studium philosophiæ totus rapiatur? I A C. Deberet hoc quidem ita esse: Sed tamen non desunt Paule, qui illam contemnant, atque adeò vituperent, & in inuidiam ad populum adducant. P A V. Iniquos homines narras: estque propterea iam dudum à te suscepta philosophiæ defensio aduersus vituperatores huiusmodi, quam ut perficias, atque aliquando edas, cum alij sæpe multi, tum verò duo doctissimi & tibi amicissimi homines Paulus Iouius, & Lazarus Bonamicus te quotidie flagitant: quorum de virtute & doctrina quid sentias crebrò ex te audire soleo. I A C. Quid ni audias de hominibus cum amantissimis nostri, tum dignissimis ipsis qui ab omnibus amentur, quorum magnum in utroque nostræ ætati positum est decus? Nam Iouius non solum medicinæ scientia, in qua excellit, tam cognitione artis, quam

vili-

utilitate ex ea & obsequio erga amicos, verum omnibus ingenuis & liberalibus disciplinis instructus, imprimisq; eloquentia, & dicendi genere quodam magnifico contulit se ad scribendam historiam, in qua veterum optimorum scriptorum & fidem & gloriam in nostram ætatem refert. Lazari verò in Latinis & Græcis literis, præsertimq; in hac de qua loquitur philosophia, tanta est eruditio, eaque præstantis ingenij vis, ut ipsum cum audimus, nullius ex antiquis aut nouis doctoribus, aut scientiam maiorem, aut copiam requiramus: quod quidem in eo speciosius existit, quod ita viuit, & ita factus ipse est, ut in omni virtutis & humanitatis officio; philosophiam habuisse videatur, non dicendi magistram, sed faciendi. Quibus quidem ambobus hoc quod dicis a me desiderantibus, quippiam negare esse arbitror nefas. Sed qui scit an diuino quodam consilio hic illi noster dialogus fortè præpositus fuerit? P A V. Quid ita? I A C. Ut per gradus, & velut planiore via, ab his præceptis, & rectè consuecendi disciplina, ad illa altiora philosophiæ consilia, & ipsum apicem virtutis ascendantur. P A V. Verisimile hoc quidem, nam & bene cogitantibus semper adest Deus. I A C. Redeamus Paule ad partem illam veritatis, quam moralis huius disciplinæ esse diximus, aut potius quod melius hæc veritatis diuisio intelligatur, sic agamus. P A V. Quo pacto? I A C. Falsum, natura quædam est maxime contraria & inimica veritati. P A V. Ita est. I A C. Huius partes sunt duæ. P A V. Quæ? I A C. Vna pars cernitur in eo cum ipsi nosmet ipsos decipimus, & praua aliqua opinione inducti, aut captiosis rationibus argumentisque constricti, quæ cum aliquam cupiditatem valentem in nobis suffragatricem nacta sunt, maximam habent vim ad mouendum & persuadendum, scire nos arbitramur, quod nequaquam scimus, hæremusq; in eo, & restamus confidenter: quod accidit, cum vel id quod est, non esse, vel quod non est, esse, aut cuius est generis, rationis, qualitatis, efficientiæ, id non illius, sed alterius modi esse suscipimus. P A V. Intelligo. I A C. Hoc falsum Paule quod est erroris, mendaciæ, & totius ignorantie caput, Dīs mediussidius & hominibus est inimicissimum, quanquam in diuinam naturam non cadit falsitas, neq; error: verum tamen tanquam è regione illi sempiternæ veritati oppositum, non solum hominum mentes quotidie, sed & illas cælestes, & incorporeas potuit olim pervertere: nec verò grauiore vlllo malo, acerbiorē atq; exitiosiore alia vlla peste vita nostra consistatur & perturbata est, quam huius labe ignorantie, quæ sibi ipsa scientia esse videatur: hinc superbia, hinc contumacia, hinc illa immoderata atq; infinita cupiditas, hinc nimius suipsius amor, & iniuriæ atq; iniuriæ parum æqua descriptio: ex qua deinde illa in vitam tot incommoda dimanant, iræ, inimicitie, bella, cæ-

des, vrbium & nationū funditus euersiones, vnicuique se cum, non solum aduersus alios, semper ferè dissensio, & cū popularib. cum ciuib. cum affinib. cum cognatis grauis saepe discordia: denique omnis hominum ad homines societas, quæ naturæ sordere ipso & conciliata & sancta est, huius tanti perniciæ mali iamdudum violata, conuulsa, & in totum pene dissipata est. PAV. Magnū in commodum prædicas ignorantia, mihi pater. IAC. Quid mirum, cum illa lumen animi nostri mentem ipsam extinguat, & falsis persuasionibus tanquā clauis excæcet, si erroris & temeritatis & variarum offensionum plena sunt omnia. Sed hoc tantum malum sola philosophia se ablaturam esse pollicetur: idque adeo præstat, si ritè tractetur, sitque ad Deum & summum rerum omnium bonum tota cum fide & religione conuersa. Quod nobis verum Deum & filium Dei colentibus, vnus assequi diuinitus est concessum. PAV. Sanè præclarum est hoc & philosophiæ, & Christianæ religionis donum. IAC. Res ipsa indicio fuit ita esse, sicut dicis Paule: Sed quoniam non est huius temporis insistere in his diutius, ad alteram partem falsi, quo de agimus, accedamus. PAV. Equidè te in his morari diu vellem: nec est quicquam quod audiam iucundius, rursusq. philosophiæ amore incendor. Sed vereor ne mea ignorantia mihi quoque ad illam adipiscendā impedimento sit. IAC. Nequaquam Paule, nec tu istam ignorantiam pertimueris, quæ ad discendū, & accipiendū parata est, tanquā vacua domus & patens, utq. honesta supellectile instruat expectans. Illam tu mihi ignorantiam præsta ut caueas, quæ falsis opinionibus referta, in eisq. pertinax, cum orichalcum pro auro ipso amplexa fuerit, veras amplius opes nil moratur, aderit tempus, vel potius adest, cum explebis cupiditatem istam tuam, & nobilissimorum amorum fies compos: quorum iam gustū aliquem ex Ethicis Aristotelis, ad quæ paulò ante es ingressus, percipere potes. PAV. Sic faxit ille summus nostri generis conditor, idemque post eiusdem per vnigenum filium suum contaminari & perditum liberator effectus, cui me tota mente atque omni corde deuoueo IAC. Atqui hoc sentire & sic facere Paule, & prima & summa est philosophiæ veritas. Nunc attende de altero illo falso quid rei sit. PAV. Dic modo. IAC. Hoc falsum tanquā virgultum & propago ab illius prioris falsi radice proueniens, consistit in eo, si quis non se ipse fallens nec mentiens sibi ipsi, sed callidus & gnarus apprimè, quid agatur, alterum velit circumuenire & fallere, ut in errorem inducat, ut aliud illi pro alio obiciens, longè cum abducatur & dimoueat a vero: iecirco autem proficiscitur a primo hoc alterum falsum, quodd nequaquam circumuenire & fraude irretite alterum conaretur quispiam, nisi esset ipse prius praua illa opinione captus & circumuentus, querendum esse

esse quod quomodo auaricia, libidini, aut cuiq; cupiditati passum. Sed hæc consuetudo atque exercitatio fallendi alterum, & mentiendi, his quibus hodie viuunt moribus, sic in omnes ferè vitæ sectas ac quotidiana vitæ officia effusa est & dimanauit, vt angustum admodum inter homines locum veritati & fidei reliquisse videatur. **Pav.** Ferretur vulgò quidem ita se rem habere. **Iac.** Quid ni feratur quod extat ante oculos, quod eminet. Quis enim est vel paulum modo in hæc communis vitæ studia ingressus, qui cum commercia hominum inter ipsos viderit, qua fide gerantur, non intelligat quemadmodum gladio in præliis milites ad decidendum capiendum ac hostem, sic fraude plurimum & mendacio uti homines, qui quidem malitiæ quasi gladius est, ad proximum constringendum, vt supplantato altero, ad sua quisq; optata facilius perueniat. Sed quamuis desueta iam hisce moribus ac temporibus, quamuis neglecta atq; posthabita, tamè quò rarior, hoc clarior est & preciosior fidei possessio. Licet qui vafri sunt, astuti, versipelles, cuiusuis precij homines ducantur, hisq; a populo plaudatur interdum, & qui callidè circumuenire aliquem, aut lepide norunt imponere alicui, omniaq; ad gratiam & ad voluptatem agere, in aulis etiam principum, magni habeantur: tamen nec vnquam eruta, & semper ipsis turpis, alius etiam pernitiōsa horum est ratio vitæ, atq; exercitatio: nihil enim potest esse decorum neq; splendidum, neq; idem sibi fidens, aut sat munitum aduersus casum, atq; fortunam, vnde absit veritas, quæ cuius insedit in animo, & sancto cum illo fœdere copulata, omnium eius dictorum atq; factorum sit particeps, admirabilem quandam illi auctoritatem & speciem præbet inter homines, tanquam mortalis Dei. Debet igitur pater huius posterioris falsi (quando ad illud maius, quod a philosophia ipsa depellitur, ætas adhuc nō est adulescentis) culpam omnem & labem a filio propulsare: monereque & præcipere diligenter, vt ne vnquam inducat animum aliud sentire intus, aliud loqui. Sed in puero facilis est præceptio, neque enim multum malicia illa ætas peccat: cum adolescente iam factō, accuratius est insistendum, vt animaduertat, sibiq; persuasum habeat, neq; virtutis vim, neq; exemplum optimi moris, nec verò honorem illum qui ab æqualib; expetitur, nec dignitatē ad quam omnia consilia diriguntur, sine fide & integritate cuiquam constare posse: vt assuescat abhorreere a mendacio, & linguam habeat semper cordi consonantem: nec solum in verbis & sermonibus ad alteram, secta, vera, simplicia discat loqui: sed in consilijs & factis nihil fictum, nec fallax, nec simulatum habeat: quo enim facta verbis potiora sunt, hoc magis in ijs quā illis mentiri decipereq; est dedecorosum: mentiuntur autē qui versutiloquis (vt ille ait) malicijs, honestam speciem virtutis parum honeste præten-

honor & communis cultus, qui senibus, & grauibus, & ætate affectis hominibus impenditur, tanquam ex aluelo pleno pudoris & probitatis exuberat: iustus ille quidem, neque illi ætati non congruens, quæ sibi patrium non immerito nomen vindicat: nam & de principio pueri quos nondum subtiliter & exquisitè ex oris vultusque lineamentis possunt discernere, illo aspectu senili admoniti, cunctos vocant patres: & deinde postea cum æqualibus consuetudo propè fraterna coniunctioque amoris præbet in patribus eius nominis communionem. Iam illa ætate quicunque est, si non generatione, at consiliis potest puero atque adulescenti fieri pater. Quam ob rem rectissime Romulus, siue ille Numa extitit, quorum alter urbis, alter iuris & religionis Romanæ fuit parens, hac senectutis cum nomine paterno cognatione adductus, summum consilium Ciuitatis Senatum, ipsos autem Senatores Patres nominauit: statuitque senioribus decedi de vir, caput nudari, & assurgi aduenientibus ab iunioribus debere: quod maximè ac diligentissimè Lacedæmone obseruatum fuisse literis traditum est: mirum enim quanto in honore habita fuerit semper in illa ciuitate prouectior ætas. Ex quo extat illud: ab homine Spartano falsè ac doctè Atheniensibus exprobratum. Ludis enim Athenis cum Lacedæmoniorum legati in gradibus orchestrae honorifico sanè loco assedisent, postque aliquantum pleno iam theatro ingressus senex, innixus baculo, homo sanè haud magni pretij, circumiret quærens locum, neque cum seorsum reciperet quisquam: ut venit ad Lacedæmoniorum legatos, illi confestim ob ætatis reuerentiam honorificè assurgentes, superiorem illi subsellio concessere: propter quod eis cum esset maximo plausu ab vniuerso theatro gratulatio facta, vnus eorum non illepidè, Ergo probè, inquit, norunt Athenienses quid facere rectum sit, sed id facere ipsi negligunt. Formandus itaque parentum præceptis & diligentia est puer, ut honorem senibus, & maioribus natu habere condiscat, habeatque eos penè in parentum loco: proficit enim huiusmodi obseruatio cultusque maiorum ad omnem vitæ modestiam adolescentibus plurimum, quod & pudorem in animis eorum ingenerat, & multos illi actorum dictorumque suorum constituit testes, ut nullam in partem ipsi audeant extra honestum & rectum se commouere. Dum enim quos verentur & colunt, eorum magisterium (ut ita loquar) & malam de se reformidant opinionem, difficilem habent magis rationem peccandi, deprehensique erubescunt: vnde à verendo dicta est verecundia, quæ est actus ipse pudendi atque erubescendi, in vultu peccatum pingens, & liberalem ferens criminis commissi multam: vadem boni ingenij tamen, & expectata in puero virtutis, ut sanè appositè videatur dictum,

Etum, Erubuit, salua res est. Nam pudor ipse habitus est cauendi, & prouidendi, ne quid tale contingat vt sit erubescendum, omni-quidem ætati congruens, sed ornamentum præcipuum adolescentiæ: quem si amotorem flagitiorum, & propugnaculum continentis virtutisq; dixerimus, haud sanè falso eum appellauerimus nomine. De quo suaserim equidem parentibus, quibus nostra non leuis futura est autoritas, vt hanc pudoris stirpem in ingenuis animis satam à natura, omni ipsi ope fouere ac propagare in liberis non postmittant: fructus ex ea vberes suorum laborum percepturi. Quamuis enim non sit pudor idem planè quod virtus, firmamentum est tamen præcipuum virtutis: mala enim de se opinionis atque infamiae est timor, in quo seueræ est & diligens virtutis custodia. Itaq; qui pudorem diuinum timorem esse dixerunt, huius vim affectionis melius denotasse sunt visi. Solus enim pertimescit ne id amittatur à nobis, quod vnum obtinemus honore ac dignitate propemodum diuinum, decus atque honestatem videlicet. Ac cæteros mortis & periculorum pauores, metus, formidines, qui animos abijciunt ac propè exterminant, cum plerunque vanos atque inutiles, tum semper turpes esse meritò existimamus, quorum etiam species ipsa indecòra & illiberalis sit, nam & lurido pallore os, & tremoribus membra concutunt atque deformant: quod accidit animo refugiente ad arcem vitæ quæ in corde est, & omnia illuc subsidia vndique aduocante: vt quasi deseruisse exteriorem mœnium ambitum, & cecidisse hosti loco videatur: pudor verò occurrit foràs, extra enim est periculum, ab opinione scilicet, atque oculis, & ruborem in vultu, tanquam personam ad peccatum opponens, se cælaturum cupit, in quo ipse sese indicat, nec tamen magis deliquisse sese, quam vri in animo, quod deliquerit, ostendit: idque ita venustè facit, vt cum videatur fateri peccatum suum, in eo ipso deceat in quo fateretur. Sed quoniam de his satis multa, redeamus ad id quod dicebamus, illud idemque de integro sæpiusque dicamus, huius affectionis vim atq; naturam quæ timorem alit in animis ignominia, atque propagat, ab eis patribus, quibus recta liberorum educatio est cordi, studiosè in filiis inferendam, colendam, ad augendamque esse, vt quæ quoad vera ratio & philosophia ipsa aduenter, bonam in eis mentem, opinionemque custodiat: in quo aliqua non leuis à parentibus diligentia & cura est adhibenda. PAV. Quæ mi pater? incredibile est enim quantoperè audire cupiam. Nam & si acceperam à vobis, qui me aluistis, atq; instruxistis, honorandos esse parentes, & maiores natu colendos, idque ego pro mea parte vt agerem, essimque vobis dicto audiens, studiosè enitebar: nunc tamen cognita utilitate vestri consilij, & quantus inde pudoris existat fructus inrelligens, quod

antea non animaduertebam, ero posthac in parendo, & perse-
rando etiam constantior: quod quidem mihi præcipue præter
ceteros conuenit: quando ceteri a singulis, ego ex binis paren-
tibus ad venerandos, colendosque maiores productus sum. Iac.
Lætor Paule non inaneis fuisse operas nostras, quibus te ad phi-
losophiæ studia applicare cepimus, iam enim mente concipere
te intelligo, quantum ad rectum morem verâ ratio & scientia ip-
sa firmamenti afferat. Sed quod de pudore in liberis alendo &
conseruando dicebam, id cuiusmodi est, ut patres quos iste amor
filiorum ad decus & ad dignitatem instituendorum, dignus pa-
trina charitate indulgentiaque, cepit, suscipiant negotium cum leni-
tate & mansuetudine, nec vllam asperam, ac perterrificam (ut
vetus Poëta inquit) erudiendi atque instituendi ineanant viam: ve-
rùm facilitate, clementiaque, nitantur: verùm ut in omnibus serue-
tur semper grauitas: non enim vsq; eò demittere se debet pater,
ut familiarem se, & veluti sodalem constituat filio: ex quo oritur
in puero patris contemptio, & fiducia quædam sui ipsius, ut tan-
quam nulla astrictus lege, quodcunque libuerit, præfractius id
concupiscat: neq; rursus ita austerus esse & pertinax, ut non mul-
tum comitatis atq; humanitatis filio impertiat: viuamq; imagi-
nem sui, qua nihil est parentibus in omni vita dulcius, non ardore
quodam beneuolentur foueat charius atq; amplectatur. Sed ut
moderandum est amori, ne nimia indulgentia corruptus puer,
exuat metum & reuerentiam sui patris: sic a præcipiti & præru-
pta asperitate vehementius etiam abstinendum est, quæ amorem
& idit ex animo filij, cumq; in id voluntatis & studij adducit, ut
quæcunq; patri placere in se cognouerit, habeat ipse odio: & vel
ad illiberalem animi timiditatem se abijciat, vel si fuerit natura
contumacior, nitatur in aduersum, & detrectando imperium
patris, quotidieq; deterius aliquid faciendo, quasi paternas iniu-
rias sibi videatur vlcisci. Hæc intuens qua fuit sapientia & quo
vsu rerum maior ille Cato, imprimis ferre, & habere in ore sole-
bat, Non minus pollui, & detestandos esse patres familias, qui cõ-
iugibus & liberis, quàm eos qui delubris Deorum immortalium
manus attulissent. Et verè si cogitare volumus, cum nemini ex-
pediat metu contineri in officio, minimè conuenit liberis, quo-
rum præsertim animos ad decus & ad honestatem cupimus in-
formare: infirmus enim & debilis virtutis custos merus est: quem
qui adhibere in filiis volunt, audiant Terentium è communi vita
huiuscemodi patres commodè admodum obiurgantem: Et errat
longè mea quidem sententia, qui imperium in liberos grauius &
stabilius esse putat, vi quod sit, quam quod amore adiungitur.
Sit igitur hoc patri imprimis propositum, ut se amari & magni-
ficari velit à filio: quod assequetur, si neque morosus, neque
asper,

asper, neque singula curiosius inspectans, nullamque in partem immitis fuerit, & truculentus, præbueritque se facilem & indulgentem filio, gravitate tamen ubique retenta: id autem erit, si ita facta dictis temperaverit, inter seque miscuerit, ut in his quæ erunt studij alicuius & voluptatis (quæ quidem sit concessa atque ingenua) nihil aut parum verborum interponens, largiter, cuncta suppeditaverit filio, siue equis ille oblectetur, seu canes ad venandum appetat, vestitu etiam indulserit liberali & splendido, neque nimio tamen: ac deinceps hisce omnibus ut vocare æquales suos, hospitesque accipere domi, munerare etiam interdum aliquem ex sodalibus suis possit: hæc enim pater si nihil prius gartiens cum filio, neque ineptis colloctionibus iocum & hilaritatem querens, graviter atque magnifice, ac tanquam consilio certo vrenda, agenda, regendaque concesserit: mirum quantus in animo illius infundebit, & ad amorem, & ad reuerentiam, nihil ut audeat, ne cogitare quidem filius, in quo displiceat patri. Rursus si in his quæ erunt virtutis atque officij, quæ ad modestiam, quæ ad continentiam, quæ ad comitatem cum æqualibus pertinebunt, humanitatem cum inferioribus, erga superiores cultum, atque honorem, pater orationi præceptisque non pepercerit, fueritque in monendo & docendo assiduus: Porro autem in rebus ipsis atque factis, in quibus recta disciplina cernitur, nihil gratiæ causa permiserit filio, neque fuerit ut suo ille arbitrio, ac non ex præscripto patris, præceptisque virtutis quicquam gerat, agatque: nimirum hoc modo maxime, illa pudoris fertilis virtutum & frugifera radix, idoneos nata cultus, ad summam dignitatem in puerorum animis adolescet: neque illis solum metum ignominie, sed amorem etiam injiciet & cupiditatem incredibilem adipiscendæ laudis: altitudine quoque animi & celsis rectisque voluntatibus illos adornabit, ut abhorreant omnem sordem indignitatemque: optimus enim artifex pater atque is qui refert ad dignitatem omnia, cum se & propter indulgentiam suam amari a filio, & propter gravitatem metui obtinuerit, facile illius ducet animum in quamcumque volet partem, nec ullum semen in eo virtutis frustra iaciet. Itaque se ille primum cupiet a patre & laudari & probari, laudato ipso (ut Hector ille Newianus inquit) viro: deinde ad æqualium familiaritates & consortia ita se dabit, ut cum splendore vitæ, & morum nobilitate illis antecellat, humanitate tamen velit esse par. Sic vira erit, noster inquit Terentius, facile omnes perferre ac pati cum quibus erit, cumque vna his sese dedere, eorum obsequij studiis, aduersus nemini: nanquam præponens se illis, ita ut facillime sine invidia laudem inuenias, & amicos pares. At noster iste aliquantum plus: præter laudem enim atque amicitiam novam, etiam admirationem summæ virtutis obtinebit. Sed quoniam

niam multa cadunt in hanc ætatem, quæ sunt interdum vitiis propiora, quam virtuti: quod quidem necessarium videtur ita esse, propter efferuescentiam cupiditatum, tum maximè, & quod nondum adulta in pueris & adolescentibus est ratio, quæ postea quam bene confirmata est, vix etiam videtur posse senes, & ætate prouectos homines, ab omni errato & culpa cohercere: diligenter videndum est patri, ut ad regendam & gubernandam lubricam ætatem filij multum æquitaris & patientiæ afferat, acutèq; dispiciat, si quid sit commissum virtuti alienum, atque officio: num id ex eo genere crimen sit, quod ad bonum morem corrumpendum valeat, an quod ab ætatis & adolescentiæ quasi fermento quodam fuerit profectum. Horum nos criminum genera in præsentia non distinguimus, alienus enim de his differendi est locus. Sed tamen sunt nonnulla, in quibus pater dissimulare & pati, & aliquid permittere adolescentiæ poterit, dum teneant illa aliquem modum, neque habebit necesse omnia pro suo iure exequi. In quibusdam autem acrior, & vigilantior sit necesse est, nec patenti aditum sinat ad ea insinuanda vitia, quæ cum ætate postea accrescunt simul, indolemque statim ab initio, si inualuerint, virtutis, mox & rem, & omnem bonam famam eiciunt: cuiusmodi aleæ, ganæ, atque impotentes illi amores sunt, quos tyrannos animi præclare describit Plato. Ac in superiore quidem illo genere, quod mitius est, minusque periculosum, si euenerit ut non possit, aut ne debeat pater dissimulare, adhibeat filium, leniterque cum obiurget, suam de illo curam, sollicitudinemque, & suum illi ipsi errorem detegens, oret, obtestetur, ut ne patris & propinquorum spem, suamque ipse laudem speratæ, atque exoptatæ dignitatis contendat ire perditum. Nec multa erunt opus, si ritè ego coniecto, & superiora prudentis disciplinæ præcepta constabunt: grauior erit patre improbator sui facti ipsemet filius, minusque sibi ignoscet, magnoque cum dolore feret preces & monita charissimi parentis. Sin autem (sed nollem tristius aliquid ominari, cum in hac familia, & in his moribus nihil videatur accidere posse secus, quam velimus) Sed tamen si quid deterius fuerit factum, vehementer quidem agendum erit à patre, & verbis grauioribus: non tamen usque eò, ut ad trucem illam iracundiam se rumpat, quæ cum vocem vultumque perturbet, gestusque omnes impediatur loquentis, nunquam non de gravitate detrahit, & inspectato viro semper indecora est. Sed imitabitur senem illum Terentianum, sat seuerè, ut videtur, obiurgantem filium. Hem tibi, ne hæc diutius licere speras facere me viuo patre? Amicam ut habeas propè iam vxoris loco? Erras, si id credis, & me ignoras Clinia. Ego te meum esse dici tantisper volo, Dum quod te dignum est facies. Sed si id non facis: Ego, quod me in re

sit fa,

sit facere dignum, inuenero. Videntur ista permotura quemuis corruptum hlium: hoc magis si fuerint ab ea disciplina, & ex eiusmodi patris, qualem supra formauimus, ore prolata: cuius nullo exemplo in paternæ culpæ similitudinem filius deductus sit. Erit item remedio, si grauitas rei postulabit, ad quod tamen extremum decurri placet, si pater à filio videbitur factus alienatior, nec cum amplius vt consueuerat, adhibebit, paulatimque pristinam suam in illum indulgentiam, & antea solitam restringet liberalitatem: vel enim proderunt ista, vel aliud erit agendum. Verùm quod nos prohibemus in filio, ne eum pater verberibus exalat, nec ingenuam naturam ad seruilem detrahat conditionem, id in seruo & operatio homine facillè permittimus: cuius ea sit natura, quemadmodum de Phryge vetus prouerbiū est, vt plagiis fiat melior: quod etiam erit studiosius faciendum, si quod peccatum in filio ægrè ferat pater, id contingat in seruo delicto simili vt sit puniendum: vt omnibus modis intelligat filius, mentem ab sese patris, quamdiu ipse illiusmodi fuerit, & à similibus factis vehementer abhorrere. Verùm hæc nos vaticinamur, & nequicquam tanquam accidere possint pertimescimus: à quibus omnis natura abhorret, non enim nec iuspiciandum quidem est, quos talis aluerit, institueritque disciplina, & ad rectum iter virtutis induxerit, vt eorum possit natura & voluntas ad praua studia conuertere. Reliquum illud tantum videbit pater, & in eo quidem intendet animum curiosius, vt perspiciat, & animaduertat cuiusmodi sint qui de familia aut ex iuuentute, multa familiaritate atque vsu adhærebunt filio: vigilandum est semper, multæ sunt insidiæ bonis nostris, inquit Ennius: & profectò vix datur spatium diligenti patri vlliū capiendæ quietis. Sed vt illis sollicitudinibus & curis, si bene locatæ sint, nihil fieri possit dulcius. Ac de familia quidem breue præceptum est (quanquam sui cuique domestici debent esse noti) vt omnes æqualiter colant, honorentque filium, & aliquid mandanti dicto audientes sint: quotidianum autem obsequium, & cultum circa eum hi gerant, qui sunt nominatim præfecti à patre. Si quis verò extra ordinem insinuare sese in comitatum & consuetudinem nimis studeat, is tanquam aliquid malitiosè cogitans repellatur. In iuuentute maius periculum est, nam & maior sepe in magna copia sodaliū dissimilitudo inest morum, & sunt inter eos aliqui natu grandiores, vel etiam annis longius prouecti, qui ex illa ætate simplici atque lubrica variis suis cupiditatibus passum quaerunt, quorum impiiū pernitiōsa ingenuis moribus est consuetudo: qui quidem omni & sono & strepitu, tanquam insidiosæ aues, ab grege mansuetarum perterrendi sunt. Iuuenem autem à iuuenū æqualium congressu, & consuetudine arceere æquum non est. Igitur ad

omnia huiusmodi pericula remedium iam antiquitus usitatum, pædagogorum cura atque industria: qui cum assidui comites sint adolescentibus, continent in officio, & aliquid præceperantibus obuiam eunt: quos maximè probatos, & sibi fideles eligere debet pater. Sed etsi horum studium ac diligentia non nihil aliquando proficit, nullum tamen fortius est in adolescentibus virtutis præsidium, quam pudor, de quo antè diximus, & illa ordine directæ ac sibi bene constans disciplina familiaris, patrisque imprimis sapientia & grauitas, quam cum vsu quotidiano imbiberit filius, exemploque illo domestico & præceptis patris imbutus, præclaras decori honestique imagines, quæ in animo illius penitus infederint, detulerit secum in forum, & se cum ceterorum moribus studiisque composuerit, tum incipiet notare atque discernere, quid inter te atque eos intersit, qui nequaquam simili a disciplina profecti sunt: nec tantum habuerunt Decorum immortalium beneficium. Tunc suis fortune gratulabitur, gaudebitque experiri, & quotidie aliquid agere ex illo ingenuo more atque modo, cuius fructum percipiet non solum in animo suo lætitiâ, sed ab æqualibus honorem, & a senibus admirationem, ab vniuersis insignem quandam beneuolentiam: eoque velut stimulo amoris & laudis ad vteriora semper incitatus, fiet quotidie in omni bona parte vsu confirmator, benignitatemque imprimis exercebit, iuuabit quos poterit, omnibus erit comis, molestus nemini: probos & bonos ætiorè sibi vinculo familiaritatis adiunget, reliquos non aspernabitur: ita ager dicetque omnia, ut in verbis & in factis existat dignitas, non seuera illa & grauis, quæ maioribus natu consentanea est, sed quæ cum hilaritate modestaque coniuncta maximè deceat adolescentiam. Denique omnem illam paternæ virtutis ac dignitatis, optimorumque morum similitudinem nondum planè robustam, sed veluti cum ætate secum vna pubescentem, in cœtum æqualium & comitum suorum domo transferet, ut multi qui intuebuntur ex eodem loco, eademque ætate, quosque illa egregia & peruenusta species virtutis commouerit, videantur fore eo animo, ut conentur imitari: ex quo potest coniectura capi, quantum ciuitati & toti reip. euenturum sit boni, si hæc rectè instituendæ adolescentiæ disciplina aliquando publice coletur, cum vnius interdum exemplo intelligamus cunctam penè iuuentutem ad imitationem virtutis facile accendi posse. P A V. Ita afficior mi pater, cum te hæc audio loquentem, ut lætitiâ meam ipse vix feram: quippe qui Dei immortalis maximo dono adeptus sum, ut & hac voluntate ad consecrandam virtutem, & in hac disciplina alius essem, ex quo fructus iam aliquos capere incipio ex his qui a te modo numerati sunt: sed cum in hunc vitæ statum & virtutis vsu perductus est adolescens,

quid

quid nam queso illi amplius deest, quo minus felix sit ac beatus? I A C. Totum id Paule quod est maximè necessarium, virtus ipsa videlicet, cuius umbram rectū esse morem iam torrens diximus: nobis verò vestigandum & tenendum corpus est, ne tanquam in somno visis inanibus decepti, sed vigilantes, & reuera summi boni efficiamur compotes. P A V. Iam intelligo te velle philosophiam dicere. I A C. Volo inquam verò: illa enim est vna, sine qua nullius hominis vita (diuinam semper excipio sortem) suapte certè ipsa consilio, nec sapiens vnquam, nec beata esse potest. P A V. Curigitur non quàmprimùm ad illam tertiam partem nostræ institutionis tendimus? in qua, vt arbitror, philosophia ipsa inest: cuius tota est, vt dicis, virtutis expositio. Etsi enim ine summo perire hæc delectant quæ dicta sunt & dicuntur, tamen ad ipsiū fontem & caput omnium virtutum cupio accedere. I A C. Vnum etiam testat Paule, de quo à nobis aliquid dicendum est, quod cum honore atq; vtilitate primarium sit, propter quandam tamen opportunitatem in oratione à nobis factum est postremum: nullum enim adhuc verbum de veritate fecimus. At ea est præcipua non solum bene morare, sed etiam verè beata & sapientis vitæ procreatrix, sine qua nihil neq; probum, neq; prudens, neq; liberale, neq; magnificum verè potest existere. Quis enim mentiri & fallere non dico assuefactus (monstrum enim illud hominis potius quàm homo est) sed vel paululum modò inducens animū, licere aliud sentire aliquando, aliud loqui, & habere linguam à corde discrepantem, in numero eorum ponendus est, in quibus species à nobis futura eximie dignitatis constituitur? P A V. Videtur verò repudiandus quisquis ille est: nec mihi venerat in mentem, cum tamen iam quotidie magis ex te, & in Aristotele ipso, quem te hortante ac præmonstrante in manibus habeo, possim incipere nosse hoc tantum & tam eximium bonū veritatis. Sed cur de ea mentionē in hoc extremo, vt tute inquis, loco faciendam tibi reseruaueris, id ego audire ex te expeto. I A C. Quia anceps est in vtramq; partem, & cum in omne genus doctrinæ scientiæq; diffusa, tum ad bonum morem etiā pertinens: quoniam autem de more & disciplina domestica, qua imprimis assuefaciendus ad omnia recta & honesta est adolescens, dictum à nobis fuit: non quia plura alia possint dici, sed quia hæc futura sunt satis. Nunc autem ad ea tendimus, quæ non tam consuetudinis, quàm certi consilij, & suapte scientia ac ratione directæ voluntatis sunt: veritatem in vtroq; genere instituendi præcipuam & primas ferentem partem, in hoc potissimum loco constitutimus, vt cum vna eademq; dominetur vtroque, vna quoq; & morale illud ac molestum facileq; monenti rectè, obtemperans cogat agmen, & hoc sapiens et iudiciumq; ducat. P A V. Quasi veri-

veritatem vinculum dicas, quo ambo genera ista contineantur. I A C. Imò lumen a quo ambo & creantur & illustrantur, hoc quidem diurno sidere tantò potentius, quòd sol iste oculis, veritas mentibus lucem & diem affert, atque hic facit ut res, quales sunt, tales etiam cernantur: illa, ut quod sunt, id illud ipsum sint. Sed hoc lumen & propriè & proximè philosophia ipsa sectatur: omnemque suam curam, omnem operam studiumque impendit in eo, ut huius luminis percipienda veritate fiat compos, quod cum apprehenderit, suumque & proprium tenuerit, iam ipsa in luce & in veritate habitans, attollit in altum circum circa errantibus, ut communicatione lucis illi admoniti, minùs ruant in tenebris, minùs perturbentur: in quo maximus est concursus omnium mortalium, maxima varietas: hi enim quanquam luminis aliqua ex parte participes, umbris tamen plurimis impediti atque impliciti, quæ quò longiùs absunt ab editiore lumine, hoc volitant maiores, sæpius falluntur in eo quod appetunt, & pro bonis mala amplectuntur: cumque se pedem tutò ponere existimauerint, labuntur præcipites: hoc lumen, quod est sua cuique ratio, certissimis scientiis ac doctrinis illuminata, & sibi ipsa in omni consilio actioneque prægrediens, neque alieno indigens ductu, philosophia ipsa continet: ad quam quod sit rectum iter tertia mox nostræ institutionis pars indicabit. Sed ut in hoc lumine summè & maximè veritas est, sic in illo genere posteriore virtutis, quod disciplina & monitis diximus comparari, quemadmodum luminis, ita & veritatis radius quidam inest: non principem, sed accersitam insinuans lucem. De quo nobis restabat aliquid dicendum, antequam de moribus & disciplina sermonem totum completeremus: Ideoque seruauimus in hunc locum, ut à radio ad lumen, & ad veritatem ipsam à veritatis simulacro propinquus transitus foret. P A V. Commodè sanè & ita fuit faciendum. Sed quis est qui ista considerans, non ad amorem & studium philosophiæ totus rapiatur? I A C. Deberet hoc quidem ita esse: Sed tamen non desunt Paule, qui illam cōtemnant, atque adeò vituperent, & in inuidiam ad populum adducant. P A V. Iniquos homines narras: estque propterea iam dudum à te suscepta philosophiæ defensio aduersus vituperatores huiusmodi, quam ut perficias, atque aliquando edas, cum alij sæpe multi, tum verò duo doctissimi & tibi amicissimi homines Paulus Iouius, & Lazarus Bonamicus te quotidie flagitant: quorum de virtute & doctrina quid sentias crebrò ex te audire soleo. I A C. Quid ni audias de hominibus cum amantissimis nostri, tum dignissimis ipsis qui ab omnibus amentur, quorum magnum in utroque nostræ ætati positum est decus? Nam Iouius non solum medicinæ scientia, in qua excellit, tam cognitione artis, quam

utilitate ex ea & obsequio erga amicos, verum omnibus ingenuis & liberalibus disciplinis instructus, im:imisq; eloquentia, & dicendi genere quodam magnifico contulit se ad scribendam historiam, in qua veterum optimorum scriptorum & fidem & gloriam in nostram ætatem refert. Lazari verò in Latinis & Græcis literis, præsertimq; in hac de qua loquitur philosophia, tanta est eruditio, eaque præstantis ingenij vis, ut ipsum cum audimus, nullius ex antiquis aut novis doctoribus, aut scientiam maiorem, aut copiam requiramus: quod quidem in eo speciosius existit, quod ita viuit, & ita factus ipse est, ut in omni virtutis & humanitatis officio; philosophiam habuisse videatur, non dicendi magistrum, sed faciendi. Quibus quidem ambobus hoc quod dicis a me desiderantibus, quippiam negare esse arbitror nefas. Sed qui scit an diuino quodam consilio hic illi noster dialogus fortè præpositus fuerit? P A V. Quid ita? I A C. Ut per gradus, & velut planiore via, ab his præceptis, & rectè consuecendi disciplina, ad illa altiora philosophiæ consilia, & ipsum apicem virtutis ascenderetur. P A V. Verisimile hoc quidem, nam & bene cogitantibus semper adest Deus. I A C. Redeamus Paule ad partem illam veritatis, quam moralis huius disciplinæ esse diximus, aut potius quò melius hæc veritatis diuisio intelligatur, sic agamus. P A V. Quo pacto? I A C. Falsum, natura quædam est maximè contraria & inimica veritati. P A V. Ita est. I A C. Huius partes sunt duæ. P A V. Quæ? I A C. Vna pars cernitur in eo cum ipsi nosmet ipsos decipimus, & praua aliqua opinione inducti, aut captiosis rationibus argumentisque constricti, quæ cum aliquam cupiditatem valentem in nobis suffragatricem nacta sunt, maximam habent vim ad mouendum & persuadendum, scire nos arbitramur, quod nequaquam scimus, heremusq; in eo, & restamus confidenter: quod accidit, cum vel id quod est, non esse, vel quod nō est, esse, aut cuius est generis, rationis, qualitatís, efficientiæ, id non illius, sed alterius modi esse suscipimus. P A V. Intelligo. I A C. Hoc falsum Paule quod est erroris, mendacij, & totius ignorantie caput, Diis medijsfidijs & hominibus est inimicissimum, quanquam in diuinam naturam non cadit falsitas, neq; error: veruntamen tanquam è regione illi sempiternæ veritati oppositum, non solum hominum mentes quotidie, sed & illas cœlestes, & incorporeas potuit olim peruertere: nec verò grauiore vlllo malo, acerbiorè atq; exitiosiorè alia vlla peste vita nostra conficitur & perturbata est, quàm huius labe ignorantie, quæ sibi ipsa scientia esse videatur: hinc superbia, hinc contumacia, hinc illa immoderata atq; infinita cupiditas, hinc nimius suis ipsius amor, & inris atq; iniuriæ parum æqua descriptio: ex qua deinde illa in vitam tot incommoda dimanant, ira, inimicitia, bella, cœ-

des, vrbium & nationū funditus euerſiones, vnicuique ſecum, non ſolum aduerſus alios, ſemper ferè diſſenſio, & cū popularib. cum ciuib. cum affinib. cum cognatis grauis ſæpe diſcordia: denique omnis hominum ad hominē ſocietas, quæ naturæ ſœdere ipſo & conciliata & ſancta eſt, huius tanti perniciæ mali iamdudum violata, conuulſa, & in totum pene diſſipata eſt. P A V. Magnū incommodum prædicas ignorantia, mi pater. I A C. Quid mirum, cum illa lumen animi noſtri mentem ipſam extinguat, & falſis perſuaſionib. tanquā clauis excæcet, ſi erroris & temeritatis & variarum offenſionum plena ſunt omnia. Sed hoc tantum malum ſola philoſophia ſe ablaturam eſſe pollicetur: idque adeo præſtat, ſi ritè tractetur, ſitque ad Deum & ſumum rerum omnium bonum tota cum fide & religione conuerſa. Quod nobis verum Deum & filium Dei colentibus, vnus aſſequi diuinitus eſt conceſſum. P A V. Sanè præclarum eſt hoc & philoſophiæ, & Chriſtianæ religionis donum. I A. Res ipſa indicio fuit ita eſſe, ſicut dicis Paule: Sed quoniam non eſt huius temporis inſiſtere in his diutius, ad alteram partem falſi, quo de agimus, accedamus. P A V. Equidē te in his morari diu vellem: nec eſt quicquam quod audiam iucundius; ruruſq. philoſophiæ amore incendor. Sed vereor ne mea ignorantia mihi quoque ad illam adipiendā impedimento ſit. I A. Nequaquā Paule, nec tu iſtam ignorantiam pertimueris, quæ ad diſcendū, & accipiendū parata eſt, tanquā vacuā domus & patens, utq. honeſta ſupellectile inſtruatur expectans. Illam tu mihi ignorantiam præſta ut caueas, quæ falſis opinionib. reſerta, in eiſque pertinax, cum orichalcum pro auro ipſo amplexa fuerit, veras amplius opes nil moratur, aderit tempus, vel potius adeſt, cum explebis cupiditatem iſtam tuam, & nobiliſſimorum amorum ſies compos: quorum iam guſtū aliquem ex Ethicis Ariſtotelis, ad quæ paulò ante es ingreſſus, percipere potes. P A V. Sic faxit ille ſummus noſtri generis conditor, idemque poſt eiſdem per vnigenum filium ſuum contaminati & perditī liberator effectus, cui me tota mente atque omni corde deuoueo I A C. Atqui hoc ſentire & ſic facere Paule, & prima & ſumma eſt philoſophiæ veritas. Nunc attende de altero illo falſo quid rei ſit. P A V. Dic modo. I A C. Hoc falſum tanquā virgultum & propago ab illius prioris falſi radice proueniens, conſiſtiſtē in eo, ſi quis non ſe ipſe fallens nec mentiens ſibi ipſi, ſed callidus & gharus apprimē, quid agatur, alterum velit circumuenire & fallere, ut in errorem inducat, ut aliud illi pro alio obiciens, longè cum abducatur & dimoueat a vero: ideo autem proficiſcitur a primo hoc alterum falſum, quodd nequaquā circumuenire & fraude irrette alterum conaretur quiſpiam, niſi eſſet ipſe prius praua illa opinione captus & circumuentus, quærendum eſſe

esse quoquomodo avariciæ, libidini, aut cuiq; cupiditati pastum. Sed hæc consuetudo atque exercitatio fallendi alterum, & mendiendi, his quibus hodie vivitur moribus, sic in omnes ferè vitæ sectas ac quotidiana vitæ officia effusa est & dimanavit, ut augustum admodum inter homines locum veritati & fidei reliquisse videatur. *Plac.* Fertur vulgò quidem ita se rem habere. *Iac.* Quid ni feratur quod extat ante oculos, quod eminet. Quis enim est vel paulum modo in hæc communis vitæ studia ingressus, qui cum commercia hominum inter ipsos viderit, qua fide gerantur, non intelligat quemadmodum gladio in præliis milites ad deliciendum capiendum ac hostem, sic fraude plurimum & mendacio uti homines, qui quidem malitiæ quasi gladius est, ad proximum constringendum, ut supplantato altero, ad sua quisq; optata facilius perveniat. Sed quamvis desueta iam hisce moribus ac temporibus, quamvis neglecta atq; posthabita, tamè quò rarior, hoc clarior est & preciosior fidei possessio. Licet qui vasti sunt, astuti, versipelles, cuiusvis precij homines ducantur, hisq; a populo plaudatur interdum, & qui callidè circumvenire aliquem, aut lepide norunt imponere alicui, omniaq; ad gratiam & ad voluptatem agere, in aulis etiam principum, magni habeantur: tamen nec unquam tuta, & semper ipsis turpis, aliis etiam pernicio-sa horum est ratio vitæ, atq; exercitatio: nihil enim potest esse decorum neq; splendidum, neq; idem sibi fidens, aut sat munitum adversus casum, atq; fortunam, unde absit veritas, quæ cuius infedit in animo, & sancto cum illo fœdere copulata, omnium eius dictorum atq; factorum sit particeps, admirabilem quandam illi autoritatem & speciem præbet inter homines, tanquam mortalis Dei. Debet igitur pater huius posterioris falsi (quando ad illud maius, quod a philosophia ipsa depellitur, ætas adhuc nō est adole-scentis) culpam omnem & labem a filio propulsare: monereq; & præcipere diligenter, ut ne unquam inducat animum aliud sentire intus, aliud loqui. Sed in puero facilis est præceptio, neque enim multum malicia illa ætas peccat: cum adolescente iam facta, accuratius est insistendum, ut animaduerrat, sibiq; persuasum habeat, neq; virtutis vim, neq; exemplum optimi moris, nec verò honorem illum qui ab æqualib; expetitur, nec dignitatē ad quam omnia consilia diriguntur, sine fide & integritate cuiquam constare posse: ut assuescat abhorre-re mendacio, & linguam habeat semper cordi consonantem: nec solum in verbis & sermonibus ad alterum, secta, vera, simplicia discat loqui: sed in consilijs & factis nihil fictum, nec fallax, nec simulatum habeat: quo enim facta verbis potiora sunt, hoc magis in ijs quā illis mentiri decipereq; est dedecorosum: mentiuntur autē qui versutiloquis (ut ille ait) malicijs, honestam speciem virtutis parum honestè præten-

dunt cupiditati, neq; ad veritatem referunt, neq; quia ita decet neque quia ita rectum est, sed inclinant & vergunt ad alterum aliquem finem: quæ quidem ementita virtute nullum vitium est monstrosius. Atq; horum quidem illa obstructio simulationis neque diuturna est, & ab acutioribus statim perspicitur, dant enim manus, oculi, vultus, celeriter aliqua signa: nec vnquam vsq; eò oculi & abscondi potest veritas, vt non emergat aliqua, atq; appareat: vbi verò deprehensi sunt, & persona detracta producti in publicum, maiore in vituperatione ignominiaque versantur, quàm si vitium palam ex initio fuissent professi. Atqui ex fide bona adolescens studuerit virtuti, decusque & ornamentum vitæ à veritate sibi duxerit, nullum vnquam locum simulationi & mendacio in moribus suis esse sinet: nisi ioci interdum causa: cum non fraus fuerit, sed lusus, atque id tamen parè & molliter, vt ne lædat eum cui vult illudere: scitè enim & aptè scire hoc agere, condimentum est nonnunquam sodalitij & familiaritatis: nec nos austerum, aut tetricum, aut difficilem esse adolescentem volumus, sed hilarem, & comem, descendentem ad omnia quæ illa ætas natura fert, modestiam tamen & mediocritatem secum deferentem. In eandem quoq; mendacij & simulationis affinitatem transit imitatio: quid enim aliud est imitari, quàm capere similitudinem eius quod non sis? Sed hoc si fiat in eam partem, vt effingas imitando quæ recta honestaq; sunt, vt si eius gestum vultumque imitère, qui dolorem corporis fortiter tulit, aut in voluptate fuit temperans, aut amissam iam aciem restituit, referas eum voce, motu, corpore, laudabilis est imitatio, nec veritatem reiiciens illa, sed aduocans: quemadmodum etiam nostra hæc de qua differuimus, probata domi disciplina, verè virtutis dicta est imitatio. Si verò imitationem conuerteris ad deteriora, & aliquos mimorū motus, vultusq; scurrarum, eorumq; dicta & facta, captandi risus gratia, volueris imitari: nihil est hoc genere ludendi illibera- lius, nec quod pudori & modestiæ magis contrarium sit: extreme enim impudentiæ est, adde etiam si vis stultitiæ ac leuitatis, velle deridiculum esse: nec aliquid bonæ indolis residere in eo potest, qui id agit ipse vt rideatur. Sed vt hoc turpe & sordidum lusionis genus reiicimus, sic multas relinquimus adolescenti lætitiæ & hilaritatis vias. Decet enim adolescentem, hunc, quem nos instituimus, ita studere præstare cæteris in omni ornamento honoreque virtutis, vt ad illa, quæ sunt adolescentium communia, cum paribus suis æqualiter se dedat: currere, saltare, ludere, eos vtiq; lusus, quibus corpus exerceatur: choreas ducere interdum, conuiuium habere, cachinari aliquando liberius, iocis & dictis hilaritatem accersere, sed vt seruet in his quem sæpius diximus modum: in quo ipso inest id quod decet: quod non erit illi diffici-

difficile notare ab illis patriis institutis, disciplinaq; domestica: per quam sensum illa diuina decori species moribus eius adlita & insinuata fuerit: Consequitur autem ex his, ut cum propter facilitatem, humanitatem, comitatemque naturæ plurimum cum sui æquales diligant, tum verò propter virtutem, integritatem, elegantiam morum, etiam cum quadam illum admiratione veneratione: summamq; habeant illi omnium rerum fidem, & propè voluntarij illius sese imperio subijciant, multi etiam ut studeant imitari: & quidem omnes ferè ex quotidiana consuetudine atque usu, aliqua ex illo virtutis lineamenta in suos mores transferent: nonnulli verò accedent propius, & similes fieri conabuntur, ut quod alijs liximus, & dicendum sepius est, perfacile possit iudicari, quantum sit bonum euenturum ciuitati, primum si puero- rum recta educatio publicè excolatur: Deinde ab vnus sæpe bene instituti adolescentis imitatione atque exemplo. Quod potuisti modò in te expertus commodè existimare Paule, cum epim in te vnum spectet iuuentus nostræ ciuitatis, cunctaq; sese ad te applicet & familiaritate tua maiorem in modum gaudeat, potuisti reprimere paulò antè maledicentiam, quæ increbuerat in iuuentute tam promptè de altero & tam libenter detrahendi: quo more cum pro natura tua abhorrens ipse, comiter ab iis petiisses ut abstinerent, facta est iuuentus tua opera modestior. P A V. Equidem quid egerim nescio, nec si quid etiam ago, id mihi pater tribuendum est, sed tibi: veruntamen illud & cognosco & fateor, plurimum in eo fore ornamenti & commodi ciuitati, si iuuentus bene instituta sit: quod ut contingat, vtinam ea omnes, quam tu mihi modò præscripsisti, vtantur disciplina: quicumq; ille quidem extiterit sic educatus atq; alius, hic maximum habiturus est profectò Deorum immortalium erga se benevolentiae testimonium. I A C. Nimirum ita est Paule, orandusq; Deus, ut quamplurimos velit suæ huius benignitatis esse participes. Verum nos hoc transacto bonorum morum & disciplinæ rectæ curriculo, rursus alium cursum veluti reprehendentes ad caput & pueritiæ principia iam tertio redeamus. P A V. Nempe ut quæ literarum iam & doctrinæ sunt, artiumque earum quas vocamus optimas, eorum ornatu & ordine instituas adolescentiam; I A C. Næ: atque ut vbi vera residet virtus, non vbi imitatio agitur virtutis, eam illuc deducamus. P A V. A Diis penatibus ad Apollinis & musarum velle. I A C. Quid si ad eam sapientiam potius, quæ è capite patris progenerata, & eodem amoris spiritu cum patre ipso nexa atque concors, ad omnem mortalium illustrandam vitam olim egressa est, & cum nihilominus permaneret in patre, ad nos se contulit, ut abiectos homini, & nil sublimè meditantes, ad cælestium bonorum, & certam immortalitatis spem excitaret? huic enim de-

betur quodcunq; perfectum est, quod in trinitate potissimè est spectandum. P A V. Sic quidem oppidò melius, sed ego latino more locutus sum. I A C. Quod quidem ego minimè reprehenderim Paule: dare enim aliquid stilo & consuetudini eius linguæ, in qua velis loqui, concessum sanè est: Sicut & nos ubi de diuinis nominatim non agitur, figuras illas & modos Latinæ dictionis ad illuminandam orationem nō inuiti adsciscimus: ut mehercule interdum dicamus, mediustidius, Deos etiam immortales plurimum numero nonnunquam proferimus, non sensum ex his verbis vllum, sed sonum duntaxat querentes, atq; ut splendidior & fortior, nec abhorrens ab ipsa antiquitate procedat oratio: quando ea quidem suis ornata atq; instructa dotibus, ad docendum quid verum, sanctum, rectumq; sit, & ad impellendum in id quod conveniat agi, maius multò pondus & maiorem quandam vim affert. P A V. Nauiter studendum est igitur orationi, & stilo, ut te intelligo loqui. I A C. Et maximè quidem si quid agere aut perficere vis quod sit egregium: nam philosophia, & quam præcipuè quarimus, virtus ac sapientia, si tibi tecum viuendum esset soli, forsitan se vna contenta foret, neq; requireret quicquā ampliùs. Cū verò tibi in cœtu hominum, & cum plurimīs viuendum sit, omniumq; studiorum, utilitarum, officiorumq; & tuorum cum illis & illorum tecum communicatio facienda, ad hanc humanæ vitæ societatem aptè commodeq; gerendam, nullum instrumentum est oratione præstantius. Itaq; & facio sæpe, & facturus sum, ut te adhorter imprimis ad hæc studia, quibus dicendi egregia & præstans ratio comparatur: hoc etiam studiosiùs, quòd me quantum proficias, & quid mihi spei præbeas nil pœnitet. P A V. Faciam equidem quod meum est, ut labore & diligentia tibi satisfaciam mi pater: quantum verò effici per me possit, totum tuo iudicio permittam. I A C. Dabitur hac in re opera ab utroque nostrum Paule, ut rectè sit. Sed nos aliud initium nostri sermonis facientes, redeamus ad eandem pueritiam de qua totiens iam iterauimus loqui: ut eam alio quodam itinere, alia semita ad indagandum melius virtutem deducamus: nam quæ adhuc de virtute dicta sunt, etsi verissima ea sunt, creduntur tamen a iuvene, non intelliguntur. Hic autem tertius quasi actus nostræ deductionis reliquis perfectior, in eum locum adducet adolescentiam, vnde nō alienos imitari gressus, sed ipsamet cernere quò & quā vandum sibi sit tanquam è specula poterit, suiq; erit consilij domina & voluntatis. Igitur puerum ut primum fari commodè, & verba disertè proloqui poterit, aliquosq; ingenij cœperit igniculos iacere pueriles, studiosè inducat pater in opinionem & desiderium addiscendarum literarum: quod perquam aptè fiet, si accersendis masculis pueris, qui iam aliquantum in legendo profecerint,

& illis

& illis auscultandis, laudauerit praesente filio rectè recitantes, exosculatusq; fuerit, aliquid etiam dederit muneris ac praemij: mouebitur enim animus filij ad eadem emulanda studia, in quibus alterum sic probari perspexerit: ipse q; vtrò peter, ipse flagitabit easdem sibi tabellas, & eandem exercitationem dari. Quæ dandæ erunt, cum ornata ipsæ & concinna per sese, tum illustribus scriptæ literis, ut omnibus rebus, quibus capi potest illa ætas, ad amorem & cupiditatem legendi perliciat. Semper enim prouidendum diligenter est, ut literarum desiderium ita antecedit in puero, ut nunquam satietas nimia consequatur. Sed etsi pater ciuili ouis sit, ut omni ius ipse optimis artibus literisq; eruditus, docere possit filium, & praeclare eum in omni doctrinae genere instituere, consuevit tamen idoneum illi magistrum esse eligendum, qui huic vni vacet negotio, nullaq; omnino re alia, neq; occupatione teneatur, sed sit in hanc curam erudiendi filij totus intentus, a qua patrem saepe familias, tam forensibus quam domesticis negotiis necesse est auocari: hanc nostram de addiscendo liberis magistrum sententiam M. Cicero comprobatur, qui cum ea esset ingenij, literarum, & omnis scientiæ gloria, ut locupletasse ipse & ornasse potius eloquentiam, quam vlla ab ea ornamenta sumpsisse videretur, in erudiendo tamen filio alienis magistris usus est: verum hoc quod facile est præceptum atq; imperatum, re ipsa & experiundo vehemèter sit difficile. Rari enim sunt, utinamq; adeo rari isti, aliqui tamen essent, qui comprehendissent animo, quid sit verè sapere & vinculum illud quo omnes humanitatis artes inter se continentur, ad cuius vnius sapientiæ spem & alimus & constituimus filium, quale sit, tenerent: neque ij aut ostentandi sui causa, aut lucri faciendi, aut popularis auræ colligendæ, ad singulas addiscendas sese dederent artes: si tamen addiscere est ignorare, quem ad finem percipiendum sit quod addiscas. Sed quoniam de hoc errore vulgato & propè cõmuni in nostro de laudibus philosophiæ libro satis est dictum, & alibi sepe dicitur, reuertamur ad puerum cum quem in manibus habemus, magistrumq; illi præficiamus è literario ludo, cuius mores probauit sint, & diligentia in docendo cognita: qui ita quotidianum pensum legendi & scribendi a puero exigar, ut nulla in re sit asper, nec minis, aut violentia utatur: summo perè enim cauendum est, ne eas literas odisse incipiat puer, quas nondum potest ipsarum causa diligere: spe ille potius & laude prouocandus est, interdumq; ex pacto agendū, ut cum plures horas sibi ipse sumpserit ad pueriles obeundos lusus, vnā aliquam præbeat magistro. Legendi ergo & scribendi prima præceptio est pueritiæ, & primum rudimentum: quod promptè & celeriter facere debet puer, ac sine vlla dubitatione vel minima nosse literas.

vel ipsas per sese, vel in syllabis dictionibusque coniunctas: nec nosse solum, sed pronunciare commodè sono vocis simplici rectoque, literis neq; oppressis nimium, neq; expressis: itemq; perlegere cursim quicquid scriptum oblatum fuerit: idq; & prorsus & rursus retrò contraq; revolvare: hæc enim quamvis minima videntur, tamen quoniam fundamenta sunt cæterorum, firmitus sunt statuenda, immorandumq; in his aliquantò diutius, quoad planè resideant, atque comprehendant. Quod autem de literis, vel de literarum potius elementis ac notis dictum est, non de Latinis tantum, sed de Græcis quoq; volumus intelligi: harum enim utramq; linguarum ab eo volumus addisci, qui ad eximiam spem summæ virtutis alatur: utriusque enim maximi & doctissimi auctores sunt, omniaq; doctrinarum genera in utraque egregiè sunt tradita: tum autem prudentiæ, sapientiæ, eloquentiæ utrobique summa vis, & ita nexa inter se, ac mutuò se continens, ut qui alteram sine altera perceperit, debile quiddam & mancum esse adeptus videatur. Ad utramq; igitur & Græcam & Latinam orationem legendis & scribendis literis statim de principio imbuendus est puer: in quo illud primum admodum occurrit laudabile, quod est in more positum, ut simul cum literarum notis, elementa quoque Christianæ religionis in puero insinuentur: nam, ut dictum est, nec virtus, nec doctrina, nec spes honestæ aut beatæ agenda vitæ vlla est, qua non pertinet, nec comes est religio: gravesq; tum sententiæ summorum auctorum proponendæ illi sunt, ad sanctitatem vitæ, & ad exemplum fugiendarum aut expetendarum rerum pertinentes, quas animus tener bene apprehendat, deferatque secum in omnem posteriorem vitam. Sed hanc consuetudinem legendi iam scribendiq; familiariter sequitur continuò grammaticæ ars: cuius nomen ductum quidem à literis, tenuem videtur habere appellationem, sed est eius facultas vberior: non literas enim solum, & nomina, verbaque, ac reliquas omnes orationis partes, sed poetarum quoq; & oratorum cognitionem ita complectitur & pertractat, ut parum in iis relinquere videatur velle aliis artibus quibusdam locum: quod meo est animo non tam grammatices proprium, quam eorum qui ad suam ex aliis generibus facultatem doctrinamq; ostentandam, huius artis nomine abuti voluerunt. Scripserunt enim de ea complures docti viri, cum Græci, tum Latini: sed alij alio modo, pressè castigateq; nonnulli, multi abundantius: nisi fortè necessariò credimus tria millia librorum amplius a Didymo in arte grammatica fuisse scripta. Apollonius in Græcis, & Herodianus probatiores: magnam laudem apud nostros meruit Donatus, & qui illum Servius æmulatus est: tum deinde multi. Sed nostrum non est enumerare scriptores: potius illud videamus, quomodo & quatenus gram-

grammaticæ tradenda puero est: neque vim artis totam, sed caput ætatis illius consideremus: nam si qua sunt in illa arte difficilia & ardua, non tam necessariis quàm subtilibus implicata disputationibus, reiciantur in id tempus, cùm aliis pluribus disciplinis instructus adolescens, otium conterere in huiusmodi quæstionibus poterit: quæ tunc vltro sese illi offerent, & ex aliena quadam facultate acutius disceptabuntur: tenerum quidem pueri animum onerare his difficultatibus, nullius consilij est. Quid enim illi proderit nosse cōtrouersiam, vtrum participium sit pars orationis, an redigatur sub verbo: & vtrum vocabuli an nominis in rebus appellandis potior vsus sit: & similia multa, quæ ne intelligentiis quidem admodum vsui esse possunt? Potius mihi is ad illa aperte & simpliciter perdiscenda ducatur, quæ necessariam habent vtilitatem, vt literas distinguat, aliasque nouerit vocales, quæ purum ex se proferant sonum, alias consonantes, quæ cum illis iunctæ & compositæ sonent, rursusque ex consonantibus semivocales, quatum sonus incipiat a vocali: cæteras mutas, in quibus vocalis sonus tantum desinit. Intelligat etiam bissonas, quas *διφθόγας* Græci, ex duabus vocalibus esse compositas: tum his adiungat omnibus pronuntiationem congruam. Ad dictionum verò syluam ita traducatur, vt sine vlla ambiguitate addiscat octo illas peruulgatas orationis partes: quarum singularum proprietates, & quasi insignia quædam, debet cognoscere, vt sciat internoscere: vt verbi causa, Nomen esse quod rei naturam aut qualitatem denotet in suo statu manentem, idque casibus deflecti, speciebus diuidi, numeris mutari, generibus variari, figuris distingui. Verbum esse, quod rem in motu aliquo signet vel agendi vel patiendi, in quo pro casibus sunt temporum flexiones. Participium, quod affine vtriq; & verbo & nomini: tempus & motum accipiat a verbo, in reliquis sequatur nomen. Pronomen verò quod vicem præbeat nominis, in ijs nominibus scilicet quæ propria sunt, & certam personam aliquam indicat. Aduerbia porro & præpositiones illa, quod nisi verbo adiuncta vim habent nullam, hæc vel nominibus separatim appositæ, idque fere semper præcedendo atque antecedendo, vnde nomen nascitur, vel etiam cum his & cum verbis in compositione copulatæ augment, vel minuant, vel vertunt sensu eorum, quibus cum componuntur. Coniunctiones verò, quod superiores quinque partes orationis binas trinæque adhaerescendo coniungant. Interiectio- nes è contrario, quod cursum & sensum clausulæ interpungunt aliqua voce humani affectus indice interposita, quæ habeat spem, lætitiâ, metum, dolorem, alacritatem, admirationem, & similia quædam. Sed hæc, quæ in puerili disciplina commodius traduntur, perstringenda tantummodo nobis sunt. indicamus eni m

iter duntaxat, non disciplinam ipsam tradimus. Sequuntur sectiones quatuor primarum partium orationis, quarum tres casibus, verbum ipsum temporibus tantum inclinatur, quæ probè & penitus memoriæ mandandæ sunt: earumque varietas facillimè est & familiarissimè discernenda: tum autem qui cuique verbo casus subsequatur, quæ antecedit, hæc enim summa est meo quidem animo grammaticæ facultas, scire ita struere & contexere orationem casibus, numero, genere, temporibus, vt nihil sit perturbatum, nihil non concors, nihil non inter se aptè coherens & consonum, quod tam in versibus, quam soluta oratione tenendum grammatio est: est enim & huius artis propria quantitatis syllabarum notio, & quis cuique carmini pes conueniat, nam verborum & nominum quæ communi analogiæ prauaricata sunt, & discrepantes a consimilium cæterorum ratione inducere formas, vsus & cognitio, non tam scrupulosis auxiliisque præceptis, quam ex bonorum autorum crebra lectione percipienda est: quod idem de rectè scribendi scientia, quæ Græcè orthographia est, dicimus: hanc enim onerosam & difficilem pueris ad noscendum, si per regulas præceptaque tradamus, assiduus legendi scribendiq; vsus melius confirmat, & in vniuersum tota grammaticæ ars plurimum communi consuetudine loquendi, & veterum doctorum autoritate nixa est: cuius extremum & finis est scire aptè construere, & coagmentare orationem, vt nihil discors in ea, neque præposterum sit: idque tum fusa oratione, tum carmine, in quo syllabarum præterea quantitas expendatur. Hoc cum efficere poterit puer promptè & paratè, atque vt in agendo nihil hæsitet, est enim propterea quod hæc ars fundamentum est, & veluti solum reliquarum artium, vt si ea debilitèr comprehensa sit, omnem superextruccionem nutare oporteat, diligentius in ea elaborandum, optimè vt teneatur. Cum inquam fuerit hæc puero benè percepta, & cognita, tum audentius quicquid libuerit oneris est illi imponendum: nam & ipse his nodosis & minutis difficultatibus expeditus, quæ laborem animi in puero non mediocrem, delectationem habent propemodum nullam, tanquam equus modo domitus gestiet in campos procurrere liberriores, & suarum virium, sui que ingenij aliquod periculum facere: Ita quæ sequuntur iam non laboriosa illi, sed grata iucundaq; erunt. Igitur è vestigio ad exercitationes & præcepta artis rhetoricæ traducendus est: cui eadem quidem quæ ipsi grammaticæ subiecta est materia, nominum & verborum videlicet, & omnis formandæ componendæque orationis, verum alio modo. Illa enim, vt diximus, sat habet struere aptam inter se & congruentem personis temporibusque orationem, aut carmen suis pedibus & numeris integrum componere, eoque functa officio quiescit,

scit, nec habet causam ulterius progrediendi. Rhetorica verò hoc quidem accipit ab illa, tanquam sibi necessarium, sed nulla est in necessariis dignitas. Itaque sic excolit acceptum atque exornat, ut illo apparatu instructuque orationis nihil fieri possit admirabilius. Hac de arte plura dicenda essent, quippe è qua tantum sit humanæ vitæ ornamentum, nisi in Cicerone præclarissimè expressa essent omnia: quem & meo hortatu, & voluntate tua assiduum in manibus Paule geris: hic enim tibi & nunc, & postea, & semper legendus est: nec legendus solum, sed omnibus intimis sensibus & modis deutorandus: nulla est enim laus prudentiæ, nullum lumen orationis, nulla sententiarum dignitas, nulla verborum, nullus in dicendo lepos, nullum acumen ingenij, nulla vis animi, quæ non in eo non dicam appareat atque extet, verum ita emineat, acrisque ad permouendum vehemensque sit, ut torrente quodam omnium suauitatum obruat sensus animosque legentium. Sed et si in hoc vno omnia insunt, quæ ad huius præclari generis facultatem videntur esse requirenda: prætereaque & doctrinæ & sapientiæ maxima cum his coniuncta vis: tamen ubi te ad huius imitationem conformaueris, neque colorem solum, sed succum etiam & habitum illius orationis fueris nactus: tum legendi cæteri quoque tibi sunt autores Latini, Græciq;e, tum oratores, tum etiam poëtæ. Est enim huic ætati, in qua tu es Paule, & verò etiam consequenti magno ornamento simul & emolumento, videre multorum ingenia atque scripta: quòd & multa addiscuntur à multis, quæ ad vsum & manû quotidiè opportuna accidere possunt: & lectio varia ac multiplex iudicandi vim prudentiamque confirmat: quæ si in vno duntaxat genere versetur, nec habeat qui cum quid compareret, non delectu villo ad id se applicuisse, etiam si sit optimum, sed casu & fortuna in illud solum incidisse videatur. At nos delectu volumus & iudiciò valere vel maximè eius adolescentis naturam, de quo iamdudum insistimus loqui: quanquam non est adolescenti indicare, vigere ingenio illi ætati potius conuenit: portò autem ingenij est cum percipere celeriter id quod tradatur, tum verò arrepto à demonstrante principio, præcurrere aliquantum, & ex paucis statim plura aliqua intelligere: quod quidem eximium, imprimis optabile Deorum immortalium in nobis donum est: iudicandi autem ipsa vis, non tam celeritatem, quam pondus habet, neque in præuidendo magis, quam in circumspiciendo est posita: ex multis enim circumcirca sese offerentibus eligat illud oportet, quod maximè sit accommodum: quod quidem fieri sine comparatione plurium non potest: quam nobis probandi & addiscendi potiora facultatem vsus rerum

multa.

multarum, & in hominum consiliis, fortuitisque euentibus longa agitatio, imprimisque lectio erudita & varia affert: neque tamen absque illo naturæ munere, quo bono ingenio præditi in lucem venimus: nam si ingenium absit, pro nihilo cuncta sunt: ut naturam ubique præcipue dominari appareat. Sed etsi non est iudicatio propria adolescentiæ, eis tamen armis, & eo cultu comitatuque rerum illa ornanda ætas est, ut cum maturum fuerit, acutè queat & rectè iudicare: in quo maximam partem literarum scientia adiuuabit, & cognitio vetustatis, & lectio quamplurima summorum probatissimorumque autorum, quorum nemo est aspernandus ex his, quos iniuria temporū de multis reliquos nobis fecit: nec solum egregia utilitas, sed maxima quoque delectatio ex illorum lectione varia percipietur. Iuuabit cognoscere ac mirari unā vim illam incredibilem vehementiamque Demosthenis: cuius oratio sic sensus inter se, quasi hamis, conferta esse mihi videtur, ut si literam unam tollas, seriem totam labare sit necesse: ita quidem est pugnax, ut semper vincere: ita plena ac referta, ut obruere: ita arguta, ut nunquam non decipere aduersarios possit: quàm crebra præterea in ea prædicatio antiquitatis, qui delectus verborum ac sententiarum, quàm multæ ad laudem & ad decus sumptæ ex tempore & ex causa cohortationes? ut merito huius viui principis in dicendo gloria Græciæ gentis eloquentia nitatur. Huius inimicus & in repub. aduersarius Æschines toto genere omisior, canorum tamen habet quiddam & profluens. Subtilis Lysias & verbis maximè proprius. Nam Isocratis eloquentiam probatam alioquin, nimis concinnitates, & quedam quasi delitæ, ut minus videretur virilis efficere. Horum & cæterorum, ut dico, crebra lectio non solum voluptate afficit cognoscendis summorum hominum ingenijs ac dissimilitudinibus, sed auget etiam facultatem inter dissimilia & varia genera dijudicandi. Quod idem de rerum gestarum scriptoribus est dicendum, quorum nostris mehercule non minor est quàm Græcis aut elegantia aut copia: atque in his aliquantò etiam expressius apparet, quod ad confirmandam prudentiam hominū pertinet: veterum enim ducum, & eorum qui in gubernatione rerum publicarum floruerunt consiliis actisque perdiscendis, & quid cauendum in vita, & quid sectandum sit ex euentis illorum facillè intelligitur. Quid de Poëtis dicam? quorum cernis profecto & quæ in utraque lingua copia, & quanta non solum ad demulcendos, verum etiam ad impellendos animos nostros vis sit: atque hoc genus sanctum, & Dijs amabile semper habitum est: non enim tam studio humanæ cogitatione, quàm spiritu quodam diuinitus inhaui, videntur illa effundere, quæ sonis numerisque constructa aures sensusque corripunt: & ad permiscendos

animos

animos nostros tanquam illiquefacta funduntur : ut in quam-
cunque impalorint partem, non videatur posse obfisti. Quo et-
iam ex illa Platonis repub. quam is in libris perfectam condidit,
poetae exire iussu sunt, ne si ad suum arbitrium, & quodcunque eor-
um animis libuisset scribere ac diuulgare aggressi essent, quod in
communis liberum erat Græcia, ciuium suorum mores facillimè
corrumperet : & genera plus est in hac facultate momenti, quam
quisquam forte suspicetur, tum ad frangendos, atque eneruan-
dos voluptatè, aut cæteris permotionibus animos, tum rursus ad
eosdem virtute & constantia corroborandos. Sed quoniam hæc
videtur esse communis Musica officium, cuius pars vel præcipua
poëtice est, eaque adeo sedes & basis, qua tota ars Musica collo-
cata est & sustinetur, de ea est aliquid dicendum, si quid nobis ve-
limus hoc cursu & hac commemoratione artium ingenuarum, &
quem ad finem contendamus prius exposuerimus. P A V. Equi-
dem pendeo animi quo tu loco statuas esse Poetas, & illam Pla-
tonis sententiam pertimesco : sed tamen cum recordor me te au-
tore cum illis viuere iamdudum familiariter, eosque sæpius in
manibus habere, consolor ipse me, nec vereor ut tu mihi illam vel
oblectationem & requiem à seuerioribus studijs, vel etiam ut ego
exerior non mediocrem vtilitatem ad linguam & vitam exco-
lendam, adimas : nam si quis mei ingenij captus est ad ista expen-
denda, in quibus tamen quotidie versor, nec intelligo quid Ho-
mero vberius aut magnificentius legere possim, nec quid Virgi-
lio diuinius : qui duo cum sint non singulorum sæpe hominum
studiosolum, sed ipsarum nationum contentione inter se com-
parati, utri dandus sit in hac laude principatus, soleo crebrè vsur-
pare sententiam tuam : qui sic dicere es solitus, plurima esse in
Homero quæ in cælum tolli, nihil in nostro quod melius possit
optari : ab illo tamen tanquam fonte & patre omnium doctrina-
rum cæteros veluti riuos fluxisse putas. Nam quod comædiam
sæpe affirmas priuata vitæ & ciuilis cõsuetudinis esse magistram,
speciem habet, ut ego arbitror, hos quoque poetas non repudian-
tis : quorum Terentius ceu sedatus amnis quemadmodum fluat
pure & leniter, nihil secum turbidum neque fucatum deferens :
utque se accommodet ad omnia quæ incidunt, apte, scite, ele-
ganterque & narranda & respondenda, quis legens non cum qua-
dam animi delectatione miretur ? in quo mihi videtur habitare
ipsa modestia : sic enim cauet ab obsceno spurcoque, ut inter-
dum quid quamque deceat personam parum attendere videatur.
Plautus fortasse licentior : sed tamen quid eo ad locupletandam
latinam orationem & facilitatem sermonis copiamque verbo-
rum, potest esse vtilius ? De poëtis cæteris non loquar, quorum
est & Græci & Latinis festiua copia : plura enim genera poëta-
rum ha-

rum habentur, quod in oratoribus fortasse non ita est. Sed hoc dicam communiter de vniuersis, cum sit aliquid in vnoquoque quod excellat in aliqua ingenij parte, & in plerisque laudabilia permulta, non videri hoc genus ab institutione bonorum morum & a studiis doctrinae eius quam expetimus repellendum esse. Quod si fortunae & temporis iniquitas aut nobis in vetustis conseruandis autoribus tragicædram reliquisset, aut non ademisset Græcis comædram, magnam opinor voluptatem ex Græcorum & Latinorum inter se scriptorum contentione caperemus. Sed quando hoc nobis bonum ereptum est, siue hæc hominum iniuria fuerit, siue temporis, ex alternorum tamen lectione licet animaduertere, quæ sit vtriusque generis vis, quanquam tragicædia fortè turbulentior, & ad concitandos diuersis affectibus animos non parùm certè potentior. I A C. Polite ista admodum & perquàm commodè Paule: itaque gaudeo tua ista in expendendis scriptoribus Græcis & Latinis attentione ac diligentia, in qua specimen nobis eximium tui ingenij præbes: mihi quidem non paruum laboris partem ademisti in discernendis & dijudicandis poëtis, nam hos modo quos commemorasti, & alios ferè horum similes non legendos solum, sed habendos tibi perquàm familiareis puto: nec vsque eò Platonis illud interdictum horreo, vt non putem bonum morem potius poëtis, quàm poëtas bono mori legem esse laturos. Sed tamen neque ille in eo statuendo non aliquid securus est: & nos te nolumus in numero ducere poëtarum sotadicos istos impuros versificatores, qui ad omnem petulantiam progressi, omnia scurrilibus probris referferunt. P A V. Nequaquam mi pater, intelligo enim quos dicas, nisi si quando illi legendi sunt, vt excellentium & grauium poëtarum virtus & sapientia magis eluceat. Sed quod de Musica te velle dixisti dicere, id ego audire sanè aueo. I A C. Quippe qui in hac arte patris tui cura apprimè à pueritia instructus fuisti. Sed ego non ea dicam quæ huius vulgaræ & triuialis Symphonix sint, cuius auribus tantum suauitate demulcendis omne est lenocinium, & quæ in sola penè vocum flexione ac modulatione ipsa consistunt: hanc enim velut bonis moribus inimicissimam iure & ab repub. sua exclusit Plato, & in suas ciuitates Aegyptij nunquam admisere. Sed dicendum est de vera Musica, cuius animis ab agresti illo rigidoque sensu ad urbanitatem reflectendis, & eisdem rursus ne mollitia nimia perfluant, virtute & constantia vincendis, totum officium est: & quoniam diximus esse quiddam quod anteuertendum primo nobis videretur, sic habeto: cum, quemadmodum in stadio fieri solet, nos in hoc disciplinarum & artium ingenuarum veluti decursu quasi è caecis deducamus adolescentiam, vt eam in loco vbi est præmium

mium certaminis positum sistamus: summum esse illud & extremum quo tendimus, ipsam illam de qua rotiens iam locuti sumus, perfricem naturæ humanæ ac rationis & beatæ vitæ largitricem philosophiam: ad quam cum fuerit peruentum, constituenda in ea sedes est, & omnium consiliorum collocandum domicilium: quippe cum nec quod ad salutem nostri, tranquillitatemque pertineat, nec quod ad sani animi plurimas capiundas voluptates vile sit, quicquam ibi possit deesse: porro exorsus huius nostræ deductionis grammaticæ ipsa exitit: è qua cum tantum institutoris in ea quantum fuerit necesse, ad ornandam & excolendam, alia quadam arte & doctrina orationem discedendum est, cuius imprimis necessariæ & maximè præclaræ facultatis studium in omnem reliquam deinceps vitam pertinere debere diximus: tanquam sine qua magnus vir quispiam, & inter cæteros gloriæminens nec domi, nec verò etiam belli existere facile possit. Verum etsi hanc exercitationem grauiter, distinctè, ornateque differendi, qua de re cunque fuerit propositum comitem adollescenti, in omnem ætatem tradimus, ut cum vnâ cum eo ad philosophiam tanquam ad mare fluuius peruecta fuerit, coalescat cum illa in vnum quasi corpus & confluat: sic eam volumus aliarum artium ac disciplinarum, tanquam aquarum & fluminum accessu, vberiore fluere. Itaque nulla est earum artium, quæ liberales sunt, & ingenuo homine dignæ existimantur, non suscipienda adollescenti quatenus commodum sit, hoc est ut tantum in vnâ quaque ponatur temporis, quantum fuerit satis, nam neque erit negotium difficile, & illæ tamen societate & consensu quodam nexæ inter se & colligatæ sunt, ut qui in vnâ penitus intrarit, facilem sibi aditum patefaciat ad cæteras. Itaque antiqui illi Græci, qui hæc curiosius & in maiore otio quam nostri tractauerunt, cum cernerent ad perfectam summamque sapientiam, quam illi in gubernatione rerum publicarum: & in excellendo ac præstando cæteris hominibus consilio ac eloquentia positam arbitrabantur, iter esse per huiusmodi artes, præceptores quidem dicendi simul & sapiendi quos illi Sophistas vocabant, quasi ciuilis prudentiæ magistros, impenso conducebant pretio liberis: ut affixi illis semper, ab eorum latere nunquam discederent: ad alios verò doctores Geometras, Musicos, Astronomos, filios tanquam deambularum iubebant duci: apud quos tamen aliquid reperirent quod operæ pretium esset addiscere. Sed cum ætas puerilis & paulò etiam magis adulesces plurimo igni citata & viuida, quiescere nullo pacto queat, semperque in agitato motuque sit, nec garriendi, cursandi, clamandi constituat modum, quas putauerunt artes regendæ illi ætati & temperamēto quodam fingendæ idoneas potissimè esse,

cas pri-

eas primas adhibuerunt, gymnasticam videlicet & musicam, quarum altera corporis in puero motus, altera animi, effusos ipsos per sese & immoderatos, sub leges quasdam redigeret: ut cum suos naturæ cursus imperusque permisisset, assingeret tamen quiddam ex arte & disciplina, quod cum venustatem omnibus illis motionibus, tum corpori valetudinem, animo modestiam præterea posset asferre. Ac quod ad corpus quidem & eius exercitationes attinet, permulta ex illo antiquo usu contraria consuetudine sublata sunt: non enim nos neque frequentibus balneis utimur, neque quotidie lauamus, quod illi studio faciebant: nec oleum iam diu aut palæstram ullam nouimus: tantum quæ erant Romanæ exercitationis propria in nostris moribus remanserunt, pleraque, equitare, currere, pila ludere, iaculum mittere, certare rudibus, & si qua eiusmodi sunt ad laborem corporis valetudinemque spectantia, quæ non tam sunt artis, quam studij: & in quibus decor omnis accersendus est, non à præceptis magistri, sed ab ipsius ingenio & modestia adolescentis. Vnum etiam reliquum est commune gymnasticæ & musicæ agitando corporis artificium, quod in choreis situm est, & in ipsa arte studioque ad fidium sonitum cithariumue saltandi. In quo ipso tamen musice prioræ partes obtinet, ad quam, quoniam de gymnastica satis est dictum, eis coloribus quos probauit antiquitas in puerorum animis depingendam iam transeamus. P A V. Quam vereor, ne hoc quicquid ego didici musices, ex eo genere sit, quod tibi minus probandum esse videatur, quamquam ego iam dudum ab illo propè desueui, & ut tu videre potes, minus minusque eo quotidie delector, & ad hanc grauiorem & nobiliorem musicen, quam conspicio in poetis, libentius me dedo, quæ animum meum illis numeris & dignitate ac grauitate sententiarum propè in cælum rapit. I A C. Quod didicisti Paule de vocibus & tonis (sic enim vos appellatis) aut tollendis in acutum, aut rursus in graue depressendis, itemque de certis, falsisque voculis, nec non de eo quantum integer tonus, quantum dimidiatus pendat, quæ sit in diapason vis, quæ in diapente, qui gradus vocum numerique & ipsorum inter se permutationes, quæ cui voci cum voce quaque consonantia, & si qua sunt talia musici ludi documenta, non inficiabor ea abs te & rite & necessario percepta esse. Sed harum rerum cognitio est non difficilis: illud videndum, ne malò usu ars sine dubio ad hominis naturam imprimis accommodata, si corrupta ea sit, mores deinde quoque & animos nostros ipsa corrumpat: etenim nihil est profecto ad obligandum & comprehendendum animum numero potentius, nec quod se magis illi insinuet, aut normam legemque præscribat, quemadmodum cum velit moueri & affici: declarat hoc tacita ipsa sæpe lectio oratorum &

rum & poetarum, quando in utrisque numerus modique sunt, & mensurae intervallaque verborum, & si in poetis id multò est expressius: sed tamen hos cum legimus, sentimus non intus affici, & qua numerosa illa vis sese inferat, cum hac vna ferri, & in omnem partem pertrahi sensus nostros. Quod si vox cantusque accedat illi compositioni accommodatus & congruens, vix vllum animi robur obtineat, quin det manus, & se ducendum tanquam adductum praebeat. Quid ergo est: quò plus in hoc genere est actionis & vitium, hoc magis providendum erat, quod tamen nequaquam sit, ut ne cuique liberum esset, quemadmodum quisque vellet musicae modos & variare & flectere, sed statim quibuscumque & publice probatis omnes cogerentur vii: quod quidem antiquitus Lacedaemone usque eò severe fuit observatum, ut Timotheum Citharædum nobilem imprimis magno concursu artem Sparta proficentem, quod chordam vnam addidisset in cithara, tanquam soluentem leges, & labefactantem iuvenum disciplinam, illa civitas exterminandum curaverit. Quod si quaeratur qui modus sit in musicis tenendus, hæc ego omnia attendenda esse puto: cum constet chorus ex tribus, sententia, rythmo (hic enim numerus nobis est) & voce, primum quidem omnium & potissimum sententiam esse, utpote quæ sit sedes & fundamentum reliquorum, & per se ipsa valeat non minimum ad suadendum animo vel dissuadendum: numeris autem modisque contorta penetret multò acius: si verò etiam cantu & voce fuerit modulata, iam omnis intus sensus & hominem totum possideat. Videndum est igitur acutè vel civitati, si quæ forte aliquando publicè huius rei suscepit curam, vel privato civi, qui benè & pudice erudiendi filij certè sit curiosus, ita ut addiscatur hæc ars, ut quod subiectum materiesque est artis, verba videlicet & sententiae, ex genere eo sint, quod ad optimos conservandos alendosque mores valeat plurimum: quod idoneè fiet, si aut laudes clarorum virorum, eorumque dicta & pronuntiata ad virtutem pertinentia, aut diuinæ res, & de Deo ipso ea prædicabuntur, quæ habent illius bonitatis, benignitatis, clementiaeque commemorationem, cum maxima nostra vilitate beneficiisque coniunctam: cuiusmodi primum scripsit in originibus Cato, usurpatum fuisse apud veteres Romanos, ut postepulas ad tibiam sortium virorum laudes, & præclara in patriam merita canerentur: altero interdum utuntur poetae, ut apud Virgilium Iopas, de sole, & luna, & celestibus rebus illic canens: apud nos verò sublimius multò atque sanctius, qui sacris numeris diuinæ potestatis, & erga nos beneficiæ mysteria cecinerunt: quod & nuper multis omnibus approbatibus fecit homo ingenio & eloquentia & Christiana pietate in omni poetica facultate præstans Actius

Syncerus: hac quidem basi supposita & collocata, adhibendus
 iam deinceps numerus est: qui nequaquam poterit profecto fluidus
 esse, & mollis, & inconstans, si dignitatem illius sententiae
 aptè debeat modulari: sed habebit suauitatem austeram & virilem
 necessariò, grauesque confectabitur modos: non enim aut
 natura ipsa fert, aut nostra potest pati expectatio, ut factum egregium
 Mutij Scruae si quis narrando astringat, numeris celeribus
 id iambis debeat euoluere: festinationis enim & audiratis, &
 turbati iratique animi pedes illi sunt, non constantis inuictaeque
 virtutis: neque item deuotio illa Deciorum, & in medios hostes
 procursus, cum se illi pro patriae salute ad certam proiecere mortem,
 mollibus elegis aut fluentibus dithyrambis vincendus est:
 sed heroum querit carmen, ut dignitatem rerum par numerus
 consequatur: Porro sententia & numero consonantibus non poterit
 vox illis solidum & virile tenentibus ipsa infracta & muliebris
 esse, qui iam erit concentus non solum ad bonos mores & disciplinam
 utilis, sed etiam, ut mea fert opinio, iocunditate ipsa, & amicitate
 longè superior: non enim dulci quodam veluti decocto satietatem cito
 afferet, & sensus fastidio abalienabit, sed suauitatem autoritate
 condiens tenebit diutius, atque in adolescentium animis insinuans
 præclarum illud fœdus honestatis cum voluptate, quod caput esse
 bonorum morum diximus, idoneum erit id & conciliare in animo, & conseruare.
 Hanc ego musicam & tibi Paule & omnibus adolescentibus, qui virtutis
 volunt esse studiosi, & sectandam cupide, & firmiter comprehendendam
 præcipio: quanquam tu quidem nostra mouita tuo studio antecedis.
 Nam ista quæ nunc vulgò & passim celebris est musica, quid habere
 in se potest recti ac decori, quæ aut nulla verborum fermè & sententiarum
 sede suffulta sit: aut si etiam habeat subiectam aliquam sententiam,
 illius tamen sensum ac notionem concisè fractis ac vibratis inter
 fauces vocibus infuset & impediat: quasi verò iccirco reperta
 musica sit, non quæ mulceat temperetque animos, sed quæ auribus
 tantum deferuiat & imitetur volucrum ac bestiarum cantus, quatum
 tamen similes esse nollemus: at hoc est corporeū animum efficere, &
 minimè compotem sui: à quo iure optimo cum abhorreret Plato, huic
 esse tali musicæ in sua ciuitate noluist locum: namque ubi molles,
 infractæ, voluptariæque sententiæ paribus numeris, & simili vocum
 molamine proferuntur, vel ad libidines fluxæ, vel in doloribus
 languentes, vel ad subitos turbidi animi motus præcipientes, &
 concitantes, quam tu ibi labem virtutis, quam bonorum morum
 vastitatē fieri putas? Et nimirum hoc modo primum pristinum
 suum morem rectum & laudabilem corripuit Græcia theatris, &
 scenis nimirum frequenrandis; chorisque illis impruvis alicui
 scendis,

scendis, qui suauitate aures, animos autem maximè affectioni-
 bus varijs permouissent: inde in urbem Romam deucta illa per-
 niciēs, nequos antiquæ grauitatis perfrēgit, & discidit: nostra au-
 tem hæc ætate quid sperari debeat boni ex huiuscemodi musica,
 promptum est cognoscere, cum videamus quibus moribus sint
 hi, qui eam tradunt & profitentur. Quamobrem non illa hæc est
 digna homine libero, sed quam paulò ante protulimus, laudabili
 sententia, grauibz numeris, voce virili ad studium virtutis ani-
 mum accendentem: cui si adiungatur præterea motus agitatioq;
 corporis ad sonum numerumq; conuersa, iam saltatio exoritur,
 & choreæ ipsæ, quantum nos vsum non penitus interdiciamus ado-
 lescentiæ, rarò modo illæ & sobriè exerceantur: nò inutiles erūt
 exhilarandis animis, & ex studiorum labore & contracta illa cu-
 ra reficiendis: verùm missas eas facere celeriter oportet, & salta-
 tionem totam deferere: maturè enim sit inepta, neq; potest cum
 grauitate virili, sedatiōibusq; moribus vllò pacto in vnum locū
 tempusq; conuenire: paulatim deinde quoque cantus & vocis
 modulatio relinquenda est, vt ne vtamur ea ipsi, non vt ne audia-
 mus vtentes alios. Nam auditio cuiusq; ætati concessa sanè
 sit, etiam senectæ, & vltimæ, dum modice fiat, neq; nimis dedita
 opera exspectatur. Rhythmos quidem & sententias numeris astri-
 ctas ex illo genere graui, siue in legendis poetis, siue in carmini-
 bus interdum etiam pangendis, omnis vitæ comites volumus es-
 se, habent enim amœnum iuxta atque opportunum a seueriori-
 bus sæpè studijs & publicis curis occupationibusq; diuerso-
 rium. PAV. Percepi planè mi pater, & quid tu adsciscas, probes-
 que in musicis, & quid repellas: dabo operā igitur vt tibi in vtro-
 que ac veritati ipsi satisfaciam. IAC. Ne Arithmetica quidem
 Paule non aduocanda est in cæterarum consortium disciplina-
 rum, quæ est ipsa ars & scientia numerandi: cuius vsus ita no-
 bis necessarius est, vt videamur absque ea ne quot digitos qui-
 dem habeamus in manibus, aut quot oculis intueamur scire pos-
 se: quod ridicule videtur accidisse priscis hominibus aut Pala-
 medem, cuius hoc inuentū apud Troiam fuisse fertur: quo qui-
 dem tempore neque Agamemnon tantæ exercitus dux, neque is
 qui in consilijs excellere ab Homero dictus est Nestor, neque
 verò Vlysses mortalium omnium versutissimus, numerum ea-
 rum nauium, quibus appulerunt ad Troiam, potuissent dicere.
 Sed fabulis missis, huius artis scientia atque exercitatio ado-
 lescentibus tradenda est, quatenus quidem expedit: principia
 enim certè præcipienda sunt, & introrsum nonnihil penetran-
 dum, vt numerorum differentias, parisque & imparis vim, ac
 ipsorum inter se multiplicēs ac varios intelligamus nexus, re-
 sponsusq; propè mirabiles referentiū certis internallis & spatijs

plius requirat : nec suæ tranquillissimæ voluptati populati extrinsecus plausu velit obstrepi. **PAV.** Dij immortales torné & tanta nobis cognoscenda esse præcipis, præsertim properantibus ad philosophiam ? quæ videantur singula vnius ætatē hominis distingere facile posse : etsi tibi ego assentior, fateorquæ debere omnia percipi, si etiā potis est, ad eamq; rem sane alacris animo sum : sed audio tamē saepe permultos accusantes breuitatem hominū vitæ, & difficultatē, ac magnitudinem huiuscemodi artium verbis exaggerantes, quasi earum finis nulla capi possit. Itaq; habent illud Theophrasti identidem in ore, qui moriēs accusasse naturā dicitur, quæ brutis animantibus, volucribusque nonnullis per longa viuendi spatia tribuisset, cum eorū nihil illa res interesset : hominem verò qui esset ad intelligendum & contemplandum natus, tunc potissimū extingueret, cū in is mente & ratione bene vii vix cœpisset : quorum de opinione quid sentias, itemquæ ad philosophiam percipiendam quam præcipue sectamur, ecquam in istis, quas commemorasti, artibus opportunitatem esse constituas, audire si placet sanè velim. **I A C.** Maximam **Paule**, vt tibi ad posterius tuum respondeam prius : neque eam simplicem & vniusmodi, sed multis rationibus vtilem & accommodatam : nam cum omnis cognitio & scientia est liberalis, tum autem artes hæ, de quibus iam dudum loquimur, illius ipsius quam appetimus philosophiæ, tanquam vnius magni corporis quasi membra quædam sunt : quicquid enim in rerum naturis tractandis noscendisquæ, quocunque illæ è genere sint, & in illarum vero intuen-do versatur atque inhaeret, totum sub ditione philosophiæ est, ac lumine illius, tanquam veritatis radio illustratur : porrò in philosophia quædam sunt quæ cæterorum maxima præstantissimaquæ habentur : qualis est de summo omnium bono cognitio, dequæ eo quod summum est, quodquæ cæteris causam vt sint præbet & si qua sunt alia eiusdem modi naturæ illius eximie & principis cognata atque affinia : ad quæ intelligendā, quoniam in excellissimò mentis loco posita sunt, per huiusmodi studia & disciplinas, tanquam per cliuos gradusquæ scanditur : multaque adhibentur ex hisce ipsis facultatibus mentem animumquæ adminicula, quæ in sublime tollunt : sine quibus labare atque errare ferme esset necesse, vt harum in hac quoque parte egregia ætium opera vtilisquæ reperiatur : verum illa palmaris, quod auocant animum à sensibus, ipsumquæ docent, per semetipsum quæ cōsideranda sunt, ea seorsum à sensationum corporearum strepitu, solum in semetipso considerare & cernere, quod est maxime certū & proprium philosophi munus : nam cum naturas rerum omnium, & illud ipsum quod sunt, vel summouerit procul natura à conspectu nostro, vel quas etiam obtulit, & tradidit nobis pendere con-

ubernales, tantis eas tamen inuolueris contexerit, ut aures, oculos, ceterosque sensus permoucant modo, menti autem ipsi, conanti apprehendere illud quod quidque est, offundant tenebras: non fuit mediocritis operæ, neque exigui laboris, facere animum ipsum sibi met viam per mediam turbam, concursioneque sensilium, & illud ipsum integritate, quod quæque res una est, unum ipsum scilicet idemque semper, neque tempore ullo, neque mutatione variabile. Quod quoniam nullo pacto fieri potuit, nisi coercitis & reiectis sensibus, ac illis etiam imaginum similitudinibus, quæ ex sensationibus rerum exterarum introductæ in animum atque impressæ volitant vagæ, contemplantiisque obstrepunt, silere penitus iussis: idcirco ut quæque ars sic se gerere animum, atque a sensibus quoad potest discedere, redireque in sese maximè docet, ita maximè ad philosophiam utilis ea, atque opportuna est, quod in his numerandi metiendiisque disciplinis præcipuè licet cernere: illæ enim menti ea tractanda cogitandaque proponunt, quæ a motu, quæ a sensu, quæ a tempore, quæ a varietate, a discrepantia, a contrariis pulsionibus penitus remota, alienaque existunt, perpetuamque obtinent & immutabilem in se ipsis constantiam ac veritatem: quæ cum sit familiaris philosophiæ facultas, mathematicæ istæ artes & sciëntiæ, vel quod animum sic erudiunt ut solus ad speculandum sua vi niti & considerare consuecat: vel quod ipsæ quoque philosophiæ partes & membra quodam modo sunt, ad illam ipsam aspirantibus noscendæ quadam tenus, nec sine honore debito sunt prætereunda. Nam quod magnitudo earum deterreat nonnullos, & desperare penè sibi cogat, non est hoc artis nec difficultatis ex arte, sed imbecillitatis, & desidii vitium: equidem non eo inficias, esse in artibus ipsis non difficultatem mehercule, neque operositatem (ut ita loquar) abhorrer enim res a natura verbi, sed subtilitatem potius, & abstrusionem quandam rerum intelligibilium, nequaquam expositam populo, nec patentem hebetibus tardisque ingenijs, quæ tamen acutorum, & valentium ingeniorum aciem non effugiat, quo illa parte ductu exiguaque: monstratione intenta tam facile tamque celeriter penetrant, non ut alienas & inhospitas peragrate regiones, sed uti in suo regno dominari videantur: est enim permagna hominum ingenijs innata vis, in quibus illa hominibus ab natura benè locata & constituta sunt: atque ita magna, ut neque numero rerum, quas concipiunt, apprehenduntque, vineantur, neque amplitudine & mole opprimantur, nec tenuitate acumineque frustrentur. Sed quemadmodum oculi, quibus a natura vegeti & perspicaces sunt traditi, facili lenique conuersu in quam se cunque dederint partem, celeriter omnia & sine labore quæ volunt conueniunt: Sic mens benè instituta & subornata a natura ad omnia comprehendenda, in quæ intenderit, est perspicax.

rum habentur, quod in oratoribus fortasse non ita est. Sed hoc dicam communiter de vniuersis, cum sit aliquid in vnoquoque quod excellat in aliqua ingenij parte, & in plerisque laudabilia permulta, non videri hoc genus ab institutione bonorum morum & a studiis doctrinae eius quam expetimus repellendum esse. Quod si fortunae & temporis iniquitas aut nobis in vetustis conseruandis autoribus tragœdiam reliquisset, aut non ademisset Græcis comœdiam, magnam opinor voluptatem ex Græcorum & Latinorum inter se scriptorum contentione caperemus. Sed quando hoc nobis bonum ereptum est, siue hæc hominum iniuria fuerit, siue temporis, ex alternorum tamen lectione licet animaduertere, quæ sit vtriusque generis vis, quanquam tragœdia fortè turbulentior, & ad concitandos diuersis affectibus animos non parùm certè potentior. I A C. Polite ista admodum & perquàm commodè Paule: itaque gaudeo tua ista in expendendis scriptoribus Græcis & Latinis attentione ac diligentia, in qua specimen nobis eximium tui ingenij præbes: mihi quidem non paruum laboris partem ademisti in discernendis & dijudicandis poëtis, nam hos modo quos commemorasti, & alios ferè horum similes non legendos solum, sed habendos tibi perquàm familiareis puto: nec vsque eò Platonis illud interdictum horreo, vt non putem bonum morem potiùs poëtis, quàm poëtas bono mori legem esse laturos. Sed tamen neque ille in eo statuendo non aliquid securus est: & nos te nolumus in numero ducere poëtarum sotadicos istos impuros versificatores, qui ad omnem petulantiam progressi, omnia scurrilibus probris referferunt. P A V. Nequaquam mi pater, intelligo enim quos dicas, nisi si quando illi legendi sunt, vt excellentium & grauium poëtarum virtus & sapientia magis eluceat. Sed quod de Musica te velle dixisti dicere, id ego audire sanè aueo. I A C. Quippe qui in hac arte patris tui cura apprime à pueritia instructus fuisti. Sed ego non ea dicam quæ huius vulgaris & triuialis Symphoniae sint, cuius auribus tantùm suauitate demulcendis omne est lenocinium, & quæ in sola penè vocum flexione ac modulatione ipsa consistunt: hanc enim velut bonis moribus inimicissimam iure & ab repub. sua exclusit Plato, & in suas ciuitates Aegyptij nunquam admisere. Sed dicendum est de vera Musica, cuius animis ab agresti illo rigidoque sensu ad urbanitatem reflectendis, & eisdem rursus ne mollicitia nimia perfluant, virtute & constantia vincendis, totum officium est: & quoniam diximus esse quiddam quod anteuerrendum primo nobis videretur, sic habeto: cum, quemadmodum in stadio fieri solet, nos in hoc disciplinarum & artium ingenuarum veluti decursu quasi è carceribus deducamus adolescentiam, vt eam in loco vbi est præmium

mium certaminis positum sistamus: summum esse illud & extreme quo tendimus, ipsam illam de qua totiens iam locuti sumus, perfectissimam naturam humanam ac rationis & beatæ vitæ largitricem philosophiam: ad quam cum fuerit peruentum, constituenda in ea sedes est, & omnium consiliorum collocandum domicilium: quippe cum nec quod ad salutem nostri, tranquillitatemque pertineat, nec quod ad sani animi plurimas capiundas voluptates vtile sit, quicquam ibi possit deesse: porro exorsus huius nostræ deductionis grammaticæ ipsa exitit: è qua cum tantum institutoris in ea quantum fuerit necesse, ad ornandam & excolendam, alia quadam arte & doctrina orationem discedendum est, cuius imprimis necessarie & maximè præclaræ facultatis studium in omnem reliquam deinceps vitam pertinere debere diximus: tanquam sine qua magnus vir quispiam, & inter cæteros gloriæ eminens nec domi, nec verò etiam belli existere facile possit. Verum etsi hanc exercitationem graviter, distinctè, ornateque differendi, qua de re cunque fuerit propositum comitem adolenti, in omnem ætatem tradimus, ut cum una cum eo ad philosophiam tanquam ad mare fluvius peruecta fuerit, coalescat cum illa in unum quasi corpus & confluat: sic eam volumus aliarum artium ac disciplinarum, tanquam aquarum & fluminum accessu, vberiore fluere. Itaque nulla est earum artium, quæ liberales sunt, & ingenuo homine dignæ existimantur, non suscipienda adolenti quatenus commodum sit, hoc est ut tantum in una quaque ponatur temporis, quantum fuerit satis, nam neque erit negotium difficile, & illæ tamen societate & consensu quodam nexæ inter se & colligatæ sunt, ut qui in unam penitus intrarit, facilem sibi aditum patefaciat ad cæteras. Itaque antiqui illi Græci, qui hæc curiosius & in maiore otio quam nostri tractauerunt, cum cernerent ad perfectam summamque sapientiam, quam illi in gubernatione rerum publicarum: & in excellendo ac præstando cæteris hominibus consilio ac eloquentia positam arbitrabantur, iter esse per huiusmodi artes, præceptores quidem dicendi simul & sapiendi quos illi Sophistas vocabant, quasi civilis prudentiæ magistros, impenso conducebant pretio liberis: ut affixi illis semper, ab eorum latere nunquam discederent: ad alios verò doctores Geometras, Musicos, Astronomos, filios tanquam deambulatorum iubebant duci: apud quos tamen aliquid reperirent quod operæ pretium esset addiscere. Sed cum ætas puerilis & paulò etiam magis adulescentia plurimo igni citata & viuida, quiescere nullo pacto queat, semperque in agitato motuque sit, nec garriendi, cursandi, clamandi constituat modum, quas putauerunt artes regendæ illi ætati & temperamento quodam fingendæ idoneas potissimum esse,

eas pri-

eas primas adhibuerunt, gymnasticam videlicet & musicam, quarum altera corporis in puero motus, altera animi, effusos ipso^s per sese & immoderatos, sub leges quasdam redigeret: ut cum suos naturæ cursus impetusq; permisisset, affingeret tamen quiddam ex arte & disciplina, quod cum venustatem omnibus illis motionibus, tum corpori valetudinem, animo modestiam præterea posset afferre. Ac quod ad corpus quidem & eius exercitationes attinet, permulta ex illo antiquo usu contraria consuetudine sublata sunt: non enim nos neque frequentibus balneis utimur, neque quotidie lauamus, quod illi studio faciebant: nec oleum iam diu aut palæstram ullam nouimus: tantum quæ erant Romanæ exercitationis propria in nostris moribus remanserunt, pleraq; equitare, currere, pila ludere, iaculum mittere, certare rudibus, & si qua eiusmodi sunt ad laborem corporis valetudinemque spectantia, quæ non tam sunt artis, quam studij: & in quibus decor omnis accersendus est, non à præceptis magistri, sed ab ipsius ingenio & modestia adolescentis. Vnum etiam reliquum est commune gymnasticæ & musicæ agitandi corporis artificium, quod in choreis situm est, & in ipsa arte studioque ad fidium sonitum tibiariumue saltandi. In quo ipso tamen musice priores partes obtinet, ad quam, quoniam de gymnastica satis est dictum, eis coloribus quos probauit antiquitas in puerorum animis depingendam iam transeamus. P A V. Quam vereor, ne hoc quicquid ego didici musices, ex eo genere sit, quod tibi minus probandum esse videatur, quamquam ego iamdudum ab illo propè desueui, & ut tu videre potes, minus minusque eo quotidie delector, & ad hanc grauiorem & nobiliorem musicen, quam conspicio in poëtis, libentius me dedo, quæ animum meum illis numeris & dignitate ac grauitate sententiarum propè in cælum rapit. I A C. Quod didicisti Paule de vocibus & tonis (sic enim vos appellatis) aut tollendis in acutum, aut rursus in graue deprimendis, itemque de certis, falsisque vocalis, nec non de eo quantum integer tonus, quantum dimidiatus pendat, quæ sit in diapason vis, quæ in diapente, qui gradus vocum numerique & ipsorum inter se permutationes, quæ cui voci cum voce quaque consonantia, & si qua sunt talia musici ludi documenta, non inficiabor ea abs te & rite & necessario percepta esse. Sed harum rerum cognitio est non difficilis: illud videndum, ne malo usu ars sine dubio ad hominis naturam imprimis accommodata, si corrupta ea sit, mores deinde quoq; & animos nostros ipsa corrumpat: etenim nihil est profecto ad obligandum & comprehendendum animum numero potentius, nec quod se magis illi insinuet, aut normam legemque præscribat, quemadmodum cum velit moueri & affici: declarat hoc tacita ipsa sæpe lectio oratorum &

rum & poetarum, quando in vtrisque numerus modique sunt, & mensurae intervallaque verborum, & si in poetis id inultò est expressius: sed tamen hos cum legimus, sentimus non intus affici, & qua numerosa illa vis sese inferat, cum hac vna ferri, & in omnem partem pertrahi sensus nostros. Quod si vox cantusque accedat illi compositioni accommodatus & congruens, vix vllum animi robur obsisterit, quin det manus, & se ducendum tanquam addictum præbeat. Quid ergo est? quò plus in hoc genere est actionis & virium, hoc magis providendum erat, quod tamen nequaquam sit, ut ne cuique liberum esset, quemadmodum quisque vellet musicæ modos & variare & flectere, sed statis quibusdã & publicè probatis omnes cogerentur vti: quod quidem antiquitus Lacedæmone usque cò seuerè fuit obseruatum, ut Timotheum Citharædum nobilem imprimis magno concursu artem Sparta proficentem, quod chordam vnã addidisset in cithara, tanquam soluentem leges, & labefactantem iuuenum disciplinam, illa ciuitas exterminandum curauerit. Quod si quærat, qui modus sit in musicis tenendus, hæc ego omnia attendenda esse puto: cum constet chorus ex tribus, sententia, rythmo (hic enim numerus nobis est) & voce, primum quidem omnium & potissimum sententiam esse, utpote quæ sit sedes & fundamentum reliquorum, & per se ipsa valeat non minimum ad suadendum animo vel dissuadendum: numeris autem modisque contorta penetret multò acius: si verò etiam cantu & voce fuerit modulata, iam omnis intus sensus & hominem totum possideat. Videndum est igitur acutè vel ciuitati, si quæ forte aliquando publicè huius rei suscepit curam, vel priuato cini, qui benè & pudice erudiendi filij certè sit curiosus, ita ut addiscatur hæc ars, ut quod subiectum materiesque est artis, verba videlicet & sententiæ, ex genere eo sint, quod ad optimos conseruandos alendosque mores valeat plurimum: quod idoneè fiet, si aut laudes clarorum virorum, eorumque dicta & pronuntiata ad virtutem pertinentia, aut diuinæ res, & de Deo ipso ea prædicabuntur, quæ habent illius bonitatis, benignitatis, clementiæque commemorationem, cum maxima nostra utilitate beneficiisque coniunctam: cuiusmodi primum scripsit in originibus Cato, usurpatum fuisse apud veteres Romanos, ut post epulas ad tibiam sortium virorum laudes, & præclara in patriam merita canerentur: altero interdum videntur poetæ, ut apud Virgilium Iopas, de sole, & luna, & celestibus rebus illic canens: apud nos verò sublimius multò atque sanctius, qui sacris numeris diuinæ potestatis, & erga nos beneficiæ mysteria cecinerunt: quod & nuper multis omnibus approbâtibus fecit homo ingenio & eloquentia & Christiana pietate in omni poetica facultate præstans Actius

Syncerus: hac quidem basi supposita & collocata, adhibendus
 iam deinceps numerus est: qui nequaquam poterit profecto flu-
 idus esse, & mollis, & inconstans, si dignitatem illius sententiæ
 aptè debeat modulari: sed habebit suauitatem austeram & viri-
 lem necessariò, grauesque confectabitur modos: non enim aut
 natura ipsa fert, aut nostra potest pati expectatio, ut factum egre-
 gium Mutij Scævæ si quis narrando astringat, numeris celeribus
 id iambis debeat evolvere: festinationis enim & aviditatis, &
 turbati iratique animi pedes illi sunt, non constantis inuictæque
 virtutis: neque item deuotio illa Deciorum, & in medios hostes
 procursus, cum se illi pro patriæ salute ad certam proiecere mor-
 tem, mollibus elegis aut fluentibus dithirambis vincendus est:
 sed heroum querit carmen, ut dignitatem rerum par numerus
 consequatur: Porro sententia & numero consonantibus nō po-
 terit vox illis solidum & virile tenentibus ipsa infracta & mulie-
 bris esse, qui iam erit concentus non solum ad bonos mores &
 disciplinam utilis, sed etiam, ut mea fert opinio, iocunditate ipsa,
 & amœnitate longè superior: non enim dulci quodam veluti de-
 cocto satietatem cito afferet, & sensus fastidio abalienabit, sed
 suauitatem autoritate condiens tenebit diutius, atque in adole-
 scentium animis insinuans præclarum illud fœdus honestatis
 cum voluptate, quod caput esse bonorum morum diximus, ido-
 neum erit id & conciliare in animo, & conseruare. Hanc ego mu-
 sicam & tibi Paule & omnibus adolescentibus, qui virtutis vo-
 lunt esse studiosi, & sectandam cupide, & firmiter comprehen-
 dendam præcipio: quanquam tu quidem nostra monita tuo stu-
 dio antecedis. Nam ista quæ nunc vulgò & passim celebris est
 musica, quid habere in se potest recti ac decori, quæ aut nulla ver-
 borum fermè & sententiarum sede suffulta sit: aut si etiam ha-
 beat subiectam aliquam sententiam, illius tamen sensum ac no-
 tionem concisè fractis ac vibratis inter fauces vocibus infuset &
 impediat: quasi verò iccirco reperta musica sit, non quæ mulceat:
 temperetque animos, sed quæ auribus tantum deseruiat & imite-
 tur voluerum ac bestiarum cantus, quarum tamen similes esse
 nollemus: at hoc est corporeū animum efficere, & minimè com-
 potem sui: à quo iure optimo cum abhorreret Plato, huic esse
 tali musicæ in sua ciuitate noluit locum: namque ubi molles, in-
 fractæ, voluptariæq; sententiæ paribus numeris, & simili vocum
 modulamine proferuntur, vel ad libidines fluxæ, vel in doloribus
 languentes, vel ad subitos turbidi animi motus præcipientes, &
 concitantes, quam tu ibi labem virtutis, quam bonorum morum
 vastitatē fieri putas? Et nimirum hoc modo primum pristinum
 suum morem rectum & laudabilem corripit Græcia theatris &
 scenis nimirum frequentandis, chorisque illis imprimis adici-
 scendis,

scendis, qui suauitate aures, animos autem maximè affectionibus varijs permouissent: inde in urbem Romam deucta illa perniciēs, peruos antiquæ grauitatis perfrēgit, & discidit: nostra autem hæc ætate quid sperari debeat boni ex huiusmodi musica, promptum est cognoscere, cum videamus quibus moribus sint hi, qui eam tradunt & profitentur. Quamobrem non illa hæc est digna homine libero, sed quam paulò ante protulimus, laudabili sententia, grauib. numeris, voce virili ad studium virtutis animum accendentem: cui si adiungatur præterea motus agitatioq; corporis ad sonum numerumq; conuersa, iam saltatio exoritur, & choreæ ipsæ, quarum nos vsum non penitus interdiciamus adolescentiæ, rariò modo illæ & sobriè exerceantur: nō inutiles erūt exhilarandis animis, & ex studiorum labore & contracta illa cura reficiendis: verum missas eas facere celeriter oportet, & saltationem toram deferere: maturè enim sit inepta, neq; potest cum grauitate virili, sed atioribusq; moribus villo pacto in vnum locū tempusq; conuenire: paulatim deinde quoque cantus & vocis modulatio relinquenda est, vt ne vtamur ea ipsi, non vt ne audiamus vtentes alios. Nam auditio cuiusque ætati concessa sanè sit, etiam senectæ, & vltimæ, dum modice fiat, neq; nimis dedita opera exspectatur. Rhythmos quidem & sententias numeris astrictas ex illo genere graui, siue in legendis poetis, siue in carminibus interdum etiam pangendis, omnis vitæ comites volumus esse, habent enim amœnum iuxta atque opportunum a seuerioribus sæpè studijs & publicis curis occupationibusque diuersorium. PAV. Percepi planè mi pater, & quid tu adsciscas, probèsq; in mulicis, & quid repellas: dabo operâ igitur vt tibi in utroque ac veritati ipsi satisfaciam. IAC. Ne Arithmetica quidem Paule non aduocanda est in ceterarum consortium disciplinarum, quæ est ipsa ars & scientia numerandi: cuius vñs ita nobis necessarius est, vt videamur absque ea ne quot digitos quidem habeamus in manibus, aut quot oculis intueamur scire posse: quod ridicule videtur accidisse priscais hominibus, aut Palamedem, cuius hoc inuentū apud Troiam fuisse fertur: quo quidem tempore neque Agamemnon tantæ exercitus dux, neque is qui in consilijs excellere ab Homero dictus est Nestor, neque verò Vlysses mortalium omnium versutissimus, numerum earum nauium, quibus appulerunt ad Troiam, potuissent dicere. Sed fabulis missis, huius artis scientia atque exercitatio adolescentibus tradenda est, quatenus quidem expedit: principia enim certè percipienda sunt, & introrsum nonnihil penetrandum, vt numerorum differentias, parisque & imparis vim, ac ipsorum inter se multiplices ac varios intelligamus nexus, responsusq; propè mirabiles referentiū certis intervallis & spatijs

priores in numeris antecedentibus affectiones ac notas posterio-
rum semper numerorum, ac si quæ sunt alia eiusdem modi, quæ
cum ingenua oblectatione nescendæ artis liberalissimæ, ad a-
cuendum excitandumq; ingenium præcipuè idonea sunt: men-
temque præterea à corporeis abstrahunt rebus, & ad meliorem
suimet vltimū conuertunt: ut sua vi nixa, neque sensibilibus re-
rum diuerberata, cogitationibus in illa æterna & immobili veri-
tate intuenda firmitus hæere possit, id quod scientiæ hæc habet
imprimis: est enim numerorum ea natura & vis, ut nullo aut mi-
nimo commercio cum fluxis rebus, & nunquam in eodem statu
manentibus, implicata sit, sed tanquam pura & simplex, & sibi
seposita virgo, non aduentium oculis, nec manibus, sed castis
tantummodo mentibus attrectetur: quo etiam deterius sibi ex
illa & suæ vitæ auspiciū faciunt, qui illam eius partem, quæ in
subducendis & colligendis summis posita est, quam ratiocina-
tiuam appellamus, conferunt ad quæstum, neque emolumen-
tum ex ea sibi met ipsis, sed arcæ & loculis suis appetunt: & si
enim huic quoque ministerio apposita est, non alio fini tamen
rectè vsurpatur, quàm ut belli & domi benè geratur respub. &
priuatæ quoque rationes ordine administrentur, quæ sine hoc
studio teneri ritè non queunt. Ac quæstus quidem ingenuis ani-
mis turpis semper & sordidus est: recta autem communis rei pri-
uatæque gubernatio sapientis hominis propria. Quid quod ab
istâ arte cæteris omnibus artibus, quas mathematicas vocamus,
principia traduntur, nec sine hac illæ suum munus obire possunt?
Quid enim sine notione numerorum Musica? Quid Geometria?
Quid ipsa cœli & syderum specularix Astrologia potest efficere?
Quæ cum artes ab hac arte numerum tanquam animū accepe-
runt, vestiunt deinde illum ipsæ, & de suo aliquid quasi corpus ad-
glutinant: ut verbi causa unitati, qua nihil est in natura rerum
simplicius, neque in seipsa contractius, & ab omni omnino alie-
na re absolutius, situm & positionem Geometria addit, Musica
sonum, visum etiam & motum adiungit Astrologia. Quid Geo-
metriam, quibus verbis honestabimus? cuius vis disciplinæ latius
etiam permanat, & in omnes artes penitus opificiæque humanæ
vitæ diffusa est? enim enim puncti sit linearum, superficiem, fi-
gurarum tam in plano, quam in solido sententia, certissimisque
nixa rationibus & fundamentis, nusquam labatur, nusquam ti-
tubet cum admirabiles præbet in tuenda veritate animis volu-
ptates, cum omnibus apta rebus non solum atque apposita, ve-
rum in primis etiam & maxime necessaria est: illud enim quod
vnum continet omnia quæ arte & manu effici solent, libratio
ipsa & collocatio, & vnus ad alteram proportionē facta com-
mensio Geometrica tota est: neque starent cœta urbium & mœ-
nia, il-

nia, illaque amplæ & præclara operum monumenta, quæ in templis, theatris, formicibusque vetustis Romanæ urbis adhuc conspicimus, non tanta admiratione nos afficerent, nisi geometricis fuissent elaborata mensurionibus. Quid columnæ, porticusque? Quid belli instrumenta, & machinæ? Quid fingendi, pingendi, & aut ex ære, aut ex marmore cudendi tantis opificum ingenii nobilitata quondam & solis ingenuis permixta ars? ipsaque tota nauigatio, & locorum, orarum, regionum, littorum ex geographia sumpta descriptio? agrorumque dimensus, & aquarum derivationes? ac denique, ne singula memorem, quicquid vel oculis spectabile & magnificum, vel ad vñs vitæ commodum ac necessarium est, huius omne est artis & Geometricæ facultatis inuentum. Quamquam quid nos manu facta recensemus, cum ipsa hæc coelestia quæ supra nos, circumque torquentur: quorum & species & utilitas nulla est oratione explicabilis, ipsaq; item leuis & gravis in inferiore mundo & commutabili connexio librataque patibus momentis æqualitas, qua diuersæ res, & plurimum inter se repugnantes, ita ligantur & vinciuntur vnâ, vt cum se alternæ maximè fugiant, sic maximè contineantur, ratione geometrica quidem, sed ea diuina, fabricata sint. Hanc tantam huius artis vim & potestatem cum intelligeret Archimedes, qui vnus fuisse traditur in hac scientia longè omnibus præstans, dicere solitus erat, confidere sese, si alter inuentus foret terrarum orbis, hunc posse ad illum applicare & adiungere: & sanè ea ille de se indicia perhibebat, vt non id loqui temerè, neque inaniter, & falsò gloriari videretur: ponderum enim & mensurarum rationes, quibus reguntur, dirigunturque omnia, cum ex Geometria optimè calleret, intelligebat earum vim nō quotidianis modo his instrumentis subsidiisque communis vitæ, sed maximis etiam voluendis & moliendis rebus idoneam esse. Atque hic tantus vir, qui patriæ suæ obsessæ contra exercitus Romani vim, & maximi imperatoris virtutem, propter Geometriæ & ponderum scientiam vnus fuit auxilio, reprehensione tamen non caruit, quod scientiam hoc ipso in primis nobilem, quod à sensibus oculisque remota, sola mentis vi intelligentiaque nitatur, quasi direpro honore produxisset in publicum: etenim apud illos eruditos Academiæ pulchres, vbi ista quondam liberalius tractabantur, porior quædam & magis occulta expendebatur huiusce artis vis, fructusque pernebatur alendis atque ornandis bonis ingeniis multo æbenor, qui non in oculis & admiratione vulgi, sed in ipsius veri contemplatione artisque speculamentis, quæ theorematum Græci vocant, positus esset, quæ perpetua serie aliud ex alio, tanquam ora tractaque, sic subtiliter verè perspicueque monstrantur vt illa cognoscendi suauitate contentus animus, nil am-

plius requirat : nec suæ tranquillissimæ voluptati populari extrinsecus plausu velit obstrepi. PAUL. Dij immortales totne & tanta nobis cognoscenda esse præcipis, præsertim properantibus ad philosophiam? quæ videantur singula vnius ætatē hominis distingere facile posse : etsi tibi ego assentior, fateorque debere omnia percipi, si etiā potis est, ad eamq; rem sane alacris animo sum : sed audio tamē saepe permultos accusantes breuitatem hominū vitæ, & difficultatē, ac magnitudinem huiuscemodi artium verbis exaggerantes, quasi earum finis nulla capi possit. Itaq; habent illud Theophrasti identidem in ore, qui moriēs accusasse naturā dicitur, quæ brutis animantibus, volucribusque nonnullis perlonga viuendi spatia tribuisset, cum eorū nihil illa res interesset : hominem verò qui esset ad intelligendum & contemplandum natus, tunc potissimū extingueret, cū is mente & ratione bene uti vix cœpisset : quorum de opinione quid sentias, itemque ad philosophiam percipiendam quam præcipue sectamur, ecquam in istis, quas commemorasti, artibus opportunitatem esse constituas, audire si placet sanè velim. IAC. Maximam Paule, vt tibi ad posterius tuum respondeam prius : neque eam simplicem & vniusmodi, sed multis rationibus vtilem & accommodatam : nam cum omnis cognitio & scientia est liberalis, tum autem artes hæ, de quibus iam dudum loquimur, illius ipsius quam appetimus philosophiæ, tanquam vnius magni corporis quasi membra quædam sunt : quicquid enim in rerum naturis tractandis noscendisque, quocunque illæ è genere sint, & in illarum vero intuen-do versatur atque inhæret, totum sub ditione philosophiæ est, ac lumine illius, tanquam veritatis radio illustratur : porro in philosophia quædam sunt quæ cæterorum maxima præstantissimaque habentur : qualis est de summo omnium bono cognitio, deque eo quod summum est, quodque cæteris causam vt sunt præbet & si qua sunt alia eiusdem modi naturæ illius eximie & principis cognata atque affinia : ad quæ intelligenda, quoniam in excelsissimo mentis loco posita sunt, per huiusmodi studia & disciplinas, tanquam per cliuos gradusque scanditur : multa-que adhibentur ex hisce ipsis facultatibus mentem animumque adminicula, quæ in sublime tollunt : sine quibus labare atque errare ferme esset necesse, vt harum in hac quoque parte egregia artium opera utilisq; reperiatur : verum illa palmaris, quod auocant animum à sensibus, ipsumq; docent, per semetipsum quæ cōsideranda sunt, ea seorsum à sensuum corporearum strepitu, solum in semetipso considerare & cernere, quod est maxime certū & proprium philosophi munus : nam cum naturas rerum omnium, & illud ipsum quod sunt, vel summouerit procul natura a conspectu nostro, vel quas etiam obtulit, & tradidit nobis penè con-

tuber-

subernales, tantis eas tamen inuolucris contexerit, ut aures, oculos, ceterosq; sensus permoucant modo, menti autē ipsi, conanti apprehendere illud quod quidque est, offundant tenebras: non fuit medioeris operæ, neq; exigui laboris, facere animum ipsum sibi met viam per mediam turbam, concursiōemq; sensilium, & illud ipsum inuenire, quod quæq; res vna est, vnum ipsum scilicet idemq; semper, neque tempore vllō, neque inutatione variabile. Quod quoniam nullo pacto fieri potuit, nisi coercitis & reiectis sensibus, ac illis etiam imaginū similitudinibus, quæ ex sensibilibus rerum exterarum introductæ in animum atque impressæ volitant vagæ, contemplantiq; obstrepunt, silere penitus iussis: idcirco ut quæq; ars sic se gerere animum, atq; à sensibus quoad potest discedere, redireq; in sese maximè docet, ita maximè ad philosophiam utilis ea, atq; opportuna est, quod in his numerandi metiendiq; disciplinis præcipuè licet cernere: illæ enim menti tractanda cogitandaq; proponunt, quæ à motu, quæ à sensu, quæ à tempore, quæ à varietate, à discrepantia, à contrarijs pulsionibus penitus remota alienaq; existunt, perpetuamq; obinēt & immutabilem in se ipsis cōstantiam ac veritatē: quæ cum sit familiaris philosophiæ facultas, mathematicæ istæ artes & sciētia, vel quod animum sic erudiunt ut solus ad speculandum sua vi niri & confidere cōsueat: vel quod ipsæ quoq; philosophiæ partes & membra quodam modo sunt, ad illam ipsam aspirantibus noscendæ quadam tenus, nec sine honore debito sunt prætereundæ. Nam quod magnitudo earum deterreat nonnullos, & desperate penè sibi cogat, non est hoc artis nec difficultatis ex arte, sed imbecillitatis, & desidii vitium: equidem non eo inficias, esse in artibus ipsis non difficultatem mehercule, neq; operositatem (ut ita loquar) abhorret enim res à natura verbi, sed subtilitatē potius, & abstrusionem quandam rerum intelligibilium, nequaquā expositam populo, nec patentem hebetibus tardisq; ingenijs, quæ tamen acutorū, & valentium ingeniorum aciem non effugiat, quo illa paruo ductu exiguaq; monstratiōe intenta tam facile tamque celeriter penetrant, nō ut alienas & inhospitas peragrate regiones, sed uti in suo regno dominari videantur: est enim permagna hominū ingenijs innata vis, in quibus illa hominibus ab natura benè locata & cōstituta sunt: atq; ita magna, ut neq; numero rerum, quas concipiunt, apprehenduntque, vineantur, neq; amplitudine & mole opprimantur, nec tenuitate ac umineque frustrentur. Sed quemadmodum oculi, quibus à natura vegeti & perspicaces sunt traditi, facili lenique conuersu in quam se cunque dederint partem, celeriter omnia & sine labore quæ volunt contuentur: Sic mens benè instituta & subornata a natura ad omnia comprehendenda, in quæ intenderit, est perspicax.

An si hoc esset difficile, tantopere plurimum artium scientiæ & copias se instruere, tot olim è scholis Græciæ doctissimi homines prodissent: illamque magnificam & gloriosam (ut cum quidem videbatur) promulgassent vocem, sese paratos esse omnibus quacunque de re quis quæreret statim respondere. Quod primus scilicet traditur Leontinus Gorgias: cui quidem ob eam rem tanti honores a communi Græcia habiti sunt, ut ex omnibus vni non inaurata Delphis, sed aurea statua collocaretur: quæ tamè nouæ ostentationis professio principio in admiratione habita, postea turba & multitudine idem facientium, prosternentiumque cuiusque: atque alij tamen suo ingenio & studio ostentando artium istarum, quas liberales dicimus, & bonarum literarum regionibus se tenuerunt. Hippias verò qui in olympiorum celebritate totius Græciæ multo maxima non solum ingenuas omneis disciplinas callere sese, earumque idoneum cuius autorem & magistrum se fore professus sit, sed palam audiente Græcia, etiam annulum quem in digito haberet, soccos quibus indutus, palliū quo amictus esset, ab sese factos & fabricatos gloriatus est, nōne declarat nullam esse artem quæ effugere hominis ingenium aciemque possit? quanquam iste quidem fortassis nugator, & cæteri cum illa gloria non ferendi. Ad illos te reuoco, qui summam vim & gloriam perfectæ sapientiæ sine vlla ostentatione consecuti sunt. An tu putas quicquam fuisse in rerum natura, aut in vilius artis scientia, quod aut amplitudinem, prudentiamque Platonis, aut acumen ingeniumque Aristotelis, aut vbertatem Theophrasti, aut Polemonis, Arcesilæ, Chrysippi, Carneadis copiam diligentiamque præterierit? quanquam horum quidem talium & multitudine & gloria redundauit vetus Græcia, ut singulos nominare non sit necesse. Nostri in hoc genere infrequentiores, quod accidit fortunæ vitio. Vix enim aperto ad philosophiam aditu, primus M. Varro veterum omnium doctissimus, deinde flumen illud aureum eloquentiæ Cicero eo se inmiserat, Romanaque ingenia secum pertraherat, cum repente commutato reipub. statu, barbari & mores & literæ silentium optimis artibus indixere. Sed ut ab illis antiquis seculis ad nostra tempora deueniamus: non te puto arbitrari eum quem maxime miraris, quem semper in manibus habes, quem assidue legis, Petrum Bembum, sine multarum disciplinarum cognitione & scientia ad tam eximiam laudem eloquentiæ totiusque sapientiæ peruenire potuisse: in quo quidem homine maximum est ornamentum ætati nostræ constitutum, & mihi singularis ex eo lætitia, quando nos inter nos sanctissimo foedere amicitiam inde ab adolescentiâ cōiuncti, nihil germanis fratrib. in amore mutuo concedimus. Quid de Hieronymo Aleandro? Quid de Desiderio Erasmo dicā, hominibus doctissi-

doctissimis & omnium artium ac doctrinarum cognitione, vsu, memoriaq; celebratissimis? Quid de Andrea Alciato nostro? ac ne longius abeas: tuus Paule Gregorius Lilius, cuius tu primo cum pace tua etiam dum cum esses, autoritate & diligentia bonis literis imbutus es: nonne complurium doctrinarum scientiâ sine difficultate tanta affecutus est? Nam is quo cum ipse assidue viuit, quem nos quoque admirari soliti sumus, vir clarissimus & nobilissimus Ioan. Franciscus Picus, cuius tandem scientiæ aut disciplinæ experti vlli vnquam visus est? qui cum haberet domesticum exemplum quod imitaretur, hominis omnium in omni virtute & doctrina maximi, Ioannis Pici patris sui, suo ingenio diligentiaque perfecit, vt non illum desiderare iam mortuum, sed cum in huius ipsius eodê sanguine procreati, doctrina & moribus recognoscere possimus. Verum ne sit infinitum numerare omnes, qui studio acuatque ingenio præditi in pluribus artibus facultatibusque riguerunt, sic in præsentia concludamus. Cum hæc quæ in ingenuis & præclarissimis artibus posita sunt, habeant quandam in dissimilibus generibus, consimilem tamen ad quærendum & inuestigandum viam, per quam tanquam vno eodemque spiritu omnia contineantur: facile patere ea bonis & acutis & vigilantibus ingeniis, iisque ad comprehendendum parata expositaque esse: tardis autem, atque hebetibus, & imbecillitate desidiosaque corruptis apparere difficilima, verissimè vt dictum esse videatur, aut citò ea percipi, aut nunquam: quod non varietatis in illis, neque artium difficultatis, sed ingeniorum & voluntatum omne sit discrimen. Nec si qui extiterunt, extantque quotidie, qui singularem aliquam ex his artem cum sibi tractandam cognoscendamque proposuissent, omnem suam ætatem in ea contempserunt, id sanè mirandum est: quod idem potest contingere nauigantibus, vt cum sibi portum aliquem proposuerint, quo velint proficisci, capti fortè inter nauigandum alicuius loci amenitate, dimisso pristino cursu, resideant ibidem, & suæ omnia componant: properantibus quidem ad philosophiam, vt tu modò dixisti, in qua est portus nostris fortunis constitutus, hæc tanquam diuersoria capienda sunt, commorandumque in his quoad expedit, & cognitioni satis sit, quæ hætenus esse debet, vt locorum situm & mores, cultusque hominum non tanquam ciuis & incolæ, sed vt curiosus viator inspezisse videat: vt cum eodem fortasse redeundum tibi fuerit, non itineris monstrator querendus, sed notum & familiare hospitium sit ineundum. Sic in disciplinis & artibus cæteris, per quas gradimur tendimus: quæ ad philosophiam, ipsa artium principia & fundamenta cognoscenda sunt, capitaque illa rerum & quibus omnis postea ad singulas tractandas & confirmandas res argumentatio ducitur,

cipienda penitus, & in memoria sunt constituenda: aliqua etiam singulares noscendæ quæstiones, neque omnes tamen, quæcunque in illa arte colligi & concludi possunt: id enim iam infinitum est, & in quo complures viri boni tempus omne suum atque ocium disposuere, capiti illecebra desidiosa cuiusdam delectationis: parit enim ex sese semper aliquid atque gignit ipsa in vnaquaque arte assidua volutatio, quod cum voluptate contempleretur, dum res cunctas minutatim obire vult, quæ sub illius artis cadunt notionem: nec modum sibi facit, nisi se euoluat & explicet qui quemadmodum Vlysses maiore vi ad se eiciendum nixus est, quam ut ad Sirenarum cantus possit adhærescere. Illud possum ego confirmare & polliceri audacter, si quis per hæc facultates & disciplinas contenderit ad philosophiam, & illarum cognitione doctrinaque mediocri non tam instructus quam imbutus, huic omnium scientiarum domina totum sese dediderit, fore uti postea cum usus acciderit, ad illarum vnam quancunque rediens, & aliquid in ea nosse tractareque instituens, multo id & facilius agat & melius, quam si expertus philosophiæ in illius vnius studio atatem totam contriuisset: reuertetur enim ex opibus copijsque philosophiæ & animo & ingenio multo paratior. P A V. Iam intelligo mi pater & facilitatem illam quam dicis, & modum, & ordinem quem tenendum putas, prorsusque ita agi oportere persuasus sum. Sed quod sæpius iam mihi te loquente accidit, ut amore quodam ferretur ad philosophiam, eo nunc vehementius me inflammari sentio, quod nihil vsquam præclarum neque appetendum esse video, quod non ex illa, aut propter illam sit. Ecquis igitur mihi ille erit dies, cum in tanti possessione boni Deorum immortalium summo, & tuo pater beneficio positum esse me cognoscam? IACOB. Et breue est quod tibi viæ etiam nunc restat, & omnia futura sunt tuo isti animo facilima: ac moralis quidem philosophiæ initia iam attigisti, ad summas autem & altissimas philosophiæ partes ac rationes certa semita est, qua ego te deducam, cum curriculum hoc confeceris, quod tamen totum penè percucurristi: cæteris enim liberalibus disciplinis à te perceptis, Geometriæ aliquantum plus & Astrologiæ quoque studij ac temporis est impendendum: quod tamen utrunque vna ætas effecerit, atque ita ut omnia è Græcis scriptoribus petas, quando latina percurbatius scripta sunt. Et quoniam de Astrologia adhuc nihil diximus, ne ea quidem silentio videtur prætereunda esse, quæ est cælestium non tam naturarum & corporum (id enim philosophiæ munus est) quam motuum illorum totarumque tantorum, & diurnarum ac nocturnarum concursuum circuituumque tam in vniuersis globis continentibus omnia, quam in ipsis stellis sideribusque scientia: cuius non omneis partes,

res, neque singula articulatim membra nosse necesse est, nisi si quis illam artem velit profiteri: scire quidem quantum satis est, ad philosophiam tendentibus, & quod in facultatis illius principijs consistit addiscere, certe humanum est. Quis enim est tam agrestis animo, & tam auersus auris suas ab ipsa voce naturæ, qui non spectaculo & contemplatione tantorum luminum, ad aliquam eorum considerationem moueatur? aut qui non studeat nosse locum in quo siti sumus, medius, infimus, an summus ille sit: ortus quoque signorum & obitus, solisque & lunæ, & cæterorum errantium conuersiones, tum dispare inter se, tum suis tamen vnā quāque spatijs & temporibus solennes atque staras: astorum quoque ipsorum vnus ad aliud accessus, & plerumque antecessus, subitos etiam interdum recessus: defectus item (vt poeta inquit) Solis varios, Lunæque labores, Cur tantum oceano properent se tingere soles Hyberni, vel quæ tardis mora noctibus obstat, & cætera eiusdem modi, quæ qui percipere animis suis contemnunt, non vt philosophiam ijdem percipiant, sed vt homines esse existimentur magnopere est illis elaborandum. PAVL. Vere ita est, nam si orta est ex admiratione cura cognoscendi & percipiendi, vt te sæpe audio loqui, nihil est profecto rerum istarum quæ in cælo sunt contemplatione admirabilis. IAC. Hoc quidem cursu Paule cōfecto (quoniam ad tuæ ætatis spatia iam accessimus, nihil enim tibi, aut paulum quiddam adhuc deest ex his quæ supra dicta sunt) intrandum demum est in philosophiæ campos latos atque patentes, cœdemq; feraces & frugiferos rerum omnium, quarum ad alendam beatissimam vitam vsus esse aliquis atque opportunitas potest: quod nos quidem facere in te cœpimus, qui te admouimus ad Aristotelis Ethica: qua ex lectione intelliges quæ tibi in moribus recta atque ingenua sunt, vsu & disciplina comparata, non ipsam virtutem esse, sed simulacrum imaginemque virtutis: cui tamen, vt alio loco diximus, spiritum atque animam philosophiæ infusura, & simulacrum exanime ac mutum, vitale simul ac vocale effectura est. Verum huic philosophiæ studio dialecticam esse adiunctam oportet, quam eandem & logicam appellamus: cuius artis partem eam, in qua de figuris & modis argumentandi traditur, iam pridem te docuimus, quarum ipse argumentationum multis iam rebus vsu vtilitatemq; cognosti: sed restant multa atq; ardua, quæ si intractata imperceptaq; sint, labare mentem nostram in maximis inuestigandis rebus ferè sit necesse: est enim certa quædam via & persubtilis ratio explorandi in vnoquoque genere quo de quæratur aliquid, quid sit illius generis cognatum imprimis & proprium, vnde ad cōcludendū & demēstrandum

strandum firmissimè res argumentationesque ducantur, quod hoc enucleatius scire, nosseque oportet, quod infinitæ penè sunt aptæ ad fallendum & in se quidem ipsæ longè alienæ a vero, sed veri tamen similitudinem præ se ferentes rationes: quæ non imbutos modò mediocriter, sed sæpe homines doctissimos eruditissimosque pervertunt, stantesque deijciunt, & circumueniunt cautos: quibus nisi arma dialecticæ scienter periteque tractentur: minimè possit obfisti. Sed quoniam & hæc ipsa quæ nunc de dialectica dicimus & totam illius vim & potestatem paulò post in ipsis Aristotelis libris nobis monstrantibus cogniturus es, non attinet plura loqui, nisi id tantum monere & præcipere, quoniam in ipso iam limine philosophiæ constitutus es, ut optimos auctores scientiæ præstantissimæ, tibi semper legendos volutandosque proponas: Platonem imprimis, & Aristotelem: quorum quidem duorum cœlestibus ingeniis admirabilique scientia, iure se omnibus gentibus anteponit Græcia, tum autem Græcos potissimum interpretes: nam hos qui latinam scriptionem professi, barbara omnia, pollutaque reddiderunt, & inquinatis literis, præposterisque quæstionibus, magnas offuderunt philosophiæ tenebras, magnoperè tibi vitandos & fugiendos esse sentio: nihil enim afferunt ingenui neque recti: sed cum veram ignorent philosophiæ vim, & rationes nothas, quas Græci sophismata vocant, pro legitimis & veris rationibus consecuntur, ad clamandum quidem & litigandum valde robusti sunt, in doctrina verò, & in ipsa sapientia prorsus sunt imbecilles: qui etiam vanitate quadam ingenij ignorantiaque inducti, in eis rebus populi aucupantur famam, quarum eos rerum maximè pudere deberet: sed horum turba ineptiisque reiectis, tu Paule sic philosophiam amplexator, ut eam intelligas artem esse bene beateque viuendi: nec intelligendi solum, sed etiam agendi, faciendique magistram: hæc tibi constantiam & firmitatem in bonis moribus allatura est: hæc copiam & vbertatem pulcherrimarum rerum ac sententiarum orationi tuæ suppeditabit: hæc te optimis instituet & consiliis & voluntatibus, fideique tibi erit & officij & integritatis semper magistra: hæc efficiet ut illud excelsum & erectum & liberum in animo, in quo inest dignitas, nunquam cedat fortunæ, non secundis illis rebus, non aduersis permoueatur. Quod si qui huc peruecti & vberibus philosophiæ aliquandiu aliti, ad alia vitæ studia deinde se conuerterint, siue ius civile voluerint exequi, siue reipub. curam domi bellique, siue quamcunque aliam artem sectamque earum quæ cum honore laudeque suscipiuntur, sciant illi ad quam se cunque dederint partem, & facilitatis multò plus in assequendo, & in agendo prudentiæ atque industriæ esse se-

cum

eam delaturos. Qui verò in philosophia perpetuum vitæ suæ domicilium constituerint, eos Dei patris similes, quàm ex communi hominum more ac natura iudicandos esse. Quorum quidem de numero te imprimis cupio esse Paule, ut tua ad virtutem indoles, nostrumque desiderium optimo ac præclarissimo fini terminetur. Egoque, qui nullos refugio ut te erudiam & instigam labores, hac potissimum in te posteritatis spe consolationeque sustentet.

F I N I S.



IACO.



IACOBI SADOLETI EPISCOPI CARPENTO-

RACTI S.R.E. TITVLI SANCTI

Calixti Presbyteri Cardinalis PHÆDRVS, seu
de laudibus Philosophiæ libri duo.

CAROLVS SIGONIVS NOTIS
ad HORTENSII Ciceroniani Fragmenta.

NOSTRA ætate IACOBVS SADOLETVS Car-
din. vir amplissimus, tum omnium literarum co-
gnitione clarissimus, cum argumenti huius præstantiam
animo cogitaret, dedit operam, ut quantum in se fuit,
eo tractando Hortensii Ciceroniani desiderium æquiore
animo perferremus. Scripsit enim libros duos, unum,
in quo Philosophiæ studium accusavit, alterum, in quo
defendit. Quorum utrumque tanta cum ingenii ac iu-
dicii laude, tanta demum verborum ac sententiarum
copia est affecutus, ut, acriusne ab eo reprehensa, an or-
natius laudata Philosophia sit, haud facile iudicare
possis.


Commendat & auctor ipse Philosophiam Epistola-
rum lib. V. Epist. 13. & Epist. 17. ut Theologicis studiis
necessariam.

IACO-

IACOBI SADOLETI
EPISC. CARPENTORACTI

S. R. E. Tituli S. Calixti Presbyteri Cardin. ad Ma-
rium Mafficum Volaterranum de Philosophia,
lib. I, qui inscribitur PHÆDRVS,

In quo accusatio Philosophiæ continetur.



MNIS, Mari Volaterrane, quæ ad bene beateque
vivendum pertinet doctrinæ institutio, ducta pri-
mum mihi quidem à Philosophiæ præceptis videtur
esse: atque ab eius facultate disciplinæ, quæ in con-
templatione rerum naturalium, & moribus ad virtutem singen-
dis, constituendisque cernitur. Post autem his literis, quæ quem-
admodum sunt, sic etiam vocantur sacræ: in quibus vera Dei
percipitur cognitio, cum aucta & corroborata, tum ad extre-
mum ex variis fluctibus iactationibusque vitæ, quas nostra imbe-
cillitas fert, ad stabilem certamque spem immortalitatis conuer-
sa, atque translata. Ac nos, qui (ut tu ipse optimus testis es) harum
artium vitamque adamauimus semper, & nunc quidem iam in al-
teram hanc, quæ nostræ & personæ propria est, & religionis, tan-
quam in portum vela desectere, & pleno cursu contendere co-
gitamus: adhuc tamen in Philosophia magis exercitati, quod in
illa plurimum operæ, & quantum ab occupationibus publicis,
quæ nos diu & multum districtos tenuerunt, disungi licuit, antè
actæ ætatis consumpsimus: duximus non alienum, nec nostra
dignitate, nec eorum, quos ad virtutis studium atque amorem
genuit ipsa natura, utilitate, nos facturos, si quæ de hominibus
doctissimis, Græcis præsertim, quorum in hac laude sine vlla du-
bitatione excellit industria, accepta à nobis fuissent, ea Latino
sermone conscriberemus: primumque gratia hac debita ea qui-
dem & merita Philosophiæ reddita, toto deinde pectore, ut dici-
tur, matrescentibus etiam annis ad illam cœlestem scientiam
incumberemus. Atque hoc ita agere id studiosius etiam sumus
meditati, quod in hoc tempus Latinis quidem literis desiderari
videtur Philosophia: non quin & apud veteres, & nostra etiam,
ac patrum auctorumque memoria extiterint docti viri, qui eam
velut incertis sedibus peregrinantem & vagam, & maxime quidē
posteaquam eiecta è Græcia est, in hanc urbem adsciscere & po-
tuerint, & parim etiā conati sint: sed ita serente casu quodā bo-
nis artibus in lecto, & qui voluerunt variis plerumque rationibus im-
pedi-

pediti, in medio spatio restiterunt: & qui potuerunt non ferē
 sunt ad eam voluntatem adducti. Ita illa necessariō penes barba-
 ros morata, tanquam iuris nostri morisque expert, caruit hono-
 re & nomine ciuitatis. Ac ut illum omnis doctrinæ & eloquen-
 tiæ parentem potissimum nominemus, M. Tullius Cicero etiam
 professus fuit hoc se populo exhibiturum, ut Græcē tum loquen-
 tem Philosophiam ad Latinam sermonis consuetudinem addu-
 ceret: quem ego vnum maximē statuo incredibili quadam ma-
 gnitudine ingenij, qua & omnes longē vicit superiores, & poste-
 ris spem penē sui imitandi ademit, cumulatē quod susceperat,
 præstare potuisse. Verū siue infinitis nouæ Academiæ (sic e-
 nim appellabatur orta ab Archesila, à Carneade, confirmata dis-
 ciplinæ ratio) disputationibus impeditus, quarum illa contra
 omnia dicendo nunquam terminauit modum: siue quōd pro-
 pinquo & celeri cū suo tum Reip. fato, illius per vim nefariā
 fuit interrupta industria, minus aliquantō nobis præbuit, quam
 aut optaremus, aut ab illa diuina mente potuit expectari. Mora-
 lem partem Philosophiæ persecutus est, eamque carptim separa-
 tis quæstionibus: in physicis quidē nihil attingit: nec verō de ea
 parte, quæ ad differendam tota est, literam omnino fecit vllam.
 Quōd si ille tum hoc conatus est, in quo illi non animus aut in-
 genium, sed ex parte quadam fortuna defuit, ut Philosophiam ē
 lingua nobili, & inprimis memorata transferret in Latium, ali-
 quantumque ei splendoris & dignitatis se adiuncturum à Roma-
 na facundia existimaret: quid nos tandem, & nobiscum vna cæ-
 teros omneis, quibus cordi Philosophia est, agere contemnit aut
 quanto elaborare studio, ut tendentem nobis vltro manus, si-
 demque & opem nostram implorantem, pro sua parte & facul-
 tate quisque à barbarorum incitiis & moribus in Latinitatem
 vindicemus? Etenim quid est quod æquo minus queat animō
 ferre quisquam institutus liberaliter, quā caput artium opti-
 marum, ornatricem vniuersæ vitæ Philosophiam possideri ab
 iis, qui ut acutē forsitan aliquando moueri videantur ad differen-
 dum de ea, inaniter tamen & id agunt & orationem afferunt ine-
 ptam, & horridam, turbantem cogitata tum deblaterantium i-
 psoꝝ, tum eorum qui audiunt: nihil ut ex ea proprium, nihil
 ut dilucidē significans percipi possit? Ex quo factum est non ut
 in exquirenda veritate, quod est vnum munus Philosophiæ ma-
 ximē proprium, sed ut in verborum, & inanium quæsiuū vti-
 libus controuersus omnis iam pridē ab his suscipiatur contem-
 ptio. Sed ut in veteri proverbio est, Balbi balbos, sic istos sui & a-
 gnoscunt & probāt. At nos, quibus expetenda illa semper, & præ-
 cipuē colenda vtilis est, quæ sapientiæ cum eloquentiā naturalis
 est societas, quique mentis simulachrum ducimus orationem, ut

ex huius forma & pulchritudine, illa quoq; quæ intus est spectari
 animi dignitas & elucere fecere solis possit: demus operam, si modò
 assequi possumus, ut Philosophiam iam pridem laborantem bar-
 barix nomine Latius literis illustremus. Quod profectò admi-
 temur, eo ingressi animo, ut nisi vitam vis aliqua presserit, aut
 autoritas maior occupauerit, omnem ipsam Platoniam, & Ari-
 stotelicam formam disciplinæ non interpretis munere, sed ordi-
 ne & iudicio nostro nostris hominib. tradere parati simus. Quod
 maiore etiam cum spe, lætitiâq; aggredimur, quod intelligimus
 non solum in Italia, quæ semper omnium bonarum arrium pa-
 rens iure existimata est: verum etiam trans alpes in Galliis, Ger-
 manisq; quam multam iam existant, qui se ad politiores dedant li-
 teras: quia hæc ipsa, quæ nos reprehendimus, minimè probanda
 putent: etiam iniecerint eorum infantiam, qui audeant præclaras
 & Philosophiæ sententias, sermonis ruditate, tanquã cæno aliquo
 inquinare. Qui quidem tali ingenio præditi, barbari certè non
 sunt. Non enim quos à nobis aut montium excelsitas, aut latitudo
 æquorum disunxit, sed qua cum veræ religionis cultu non pera-
 grauit humanitas, & arrium amor ingenuarum, ea certa, & sola
 est barbaria. Atqui horum ope atq; auxilio, aliorumq; multorum,
 quos similiter ad indicandum, agendumq; idoneos ingenij doti-
 bus natura ipsa subornauit, si plures in hanc præclaram volunta-
 tem consenserint, haud dissidendum sanè est, quin celeriter e sor-
 dibus omnibus se emeritura Philosophia, & dignitatem ad quam
 spectat, obtineant esse videatur. Quibus cum aut nostra commu-
 nicabitur laus: aut si prior nostra fors in hoc certamen exierit,
 non dubium est futuros, qui eandem petessant gloriam: à quibus
 non certari modò nobiscum, sed vinci etiam nos æquo pati ani-
 mo sumus parati. Quippe qui non tam singularem nostram lau-
 dem, gratiamq; deposcimus (etsi ne ea quidem, cum bonorum cõ-
 sensu rectè factis tribuitur, à præstantibus animis repudianda est)
 quam bene de ciuibus nostris promereri studemus. Quod si in eis
 actionibus, quas huius optimi ac maximi principis beneficio
 cum aliqua autoritate tractauimus, innocentiam & fidem pro-
 bauimus nostram, nostraque foris acta consiliaq; omnia non ad
 priuatos questus, sed ad beneuolentiam hominum nobis omni-
 bus officiis conciliandam, & ad communem bonorum utilitatẽ
 spectauerant: erit hæc iam intra domesticos parietes cum cura
 præstantior, cum labor etiam multis utilior, si qui nostris horta-
 tionibus vel excitati, vel firmati, nihil sibi magis expectandum in
 vita, quam virtutem & abstinentiam, & studium veræ sapientiæ
 duxerint. Sed quoniam antequam de Philosophia quicquam, de
 ipsa Philosophia aliquid est dicendum: cique iusta & debita laus
 tribuenda, hinc qua nihil quicquam verè esse laudatum potest:

cum præsertim non desint, qui petulanter in eam quacunque de causa, etiam hoc studiosius inuehantur, quod se putent ea gratiam à vulgo & ab imperitis hominibus inuituros, visum fuisse faciundum, ut eam edereimus eius defensionem, quam habuimus Mari, nos quidem aliquot ab hinc annis in Iacobi Galli suburbanis, cum à T. Phædro affine tuo, homine (ut mecum esse facile possumus) cum docto & copioso, tum parato ad laceffendum, respondendumque, esset vituperata. Nam cum Floralibus manè ad Gallum in hortos, quos ille vir, ut tute scis, in omni vita politissimus, in campo fœniculario secundum Adriani molem sibi fere communes, & doctis omnibus parauerat, conuenisse mus ego & F. Citrarius, homo cum studiorum similitudine mecum, tum multis amicitiarum officiis coniunctus: offendimus ibidem, qui paulò nos anteuenerat, cum ipso Gallo sermocinantem T. Phædrum. Igitur cōgressi amicè & comiter, salute data acceptaque in hyppodromo (id erat decumano limiti nomē) manus cōplexi inter nos, ut mos amicorum est, in ambulare cœpimus. Tum Gallus: Quidnā hoc esse dicam, inquit, nobis à natura datū, ut tantum boni in eorum, quos familiariter diligimus, congressu & colloquiis experiamur esse, ut sine iis nullam integram voluptatem ad animum nobis accedere sentiamus: velut mihi nunc accidit, qui etsi hoc loco vehementer delector, quod & amœnus satis est, & solent vnicuique sua, in quibus quis elaborauit, valde iucunda existere: tum autem hac hodierni diei tranquillitate aëris, & nitore cœli exhilarari animos necesse est: nec solum nostros, sed cæterarum etiam animantium. Siquidem, ut à Vergilio scriptum est, vertuntur species animorum, & pectora motus. Nunc alios, alios dum nubila ventus agebat, cōcipiunt: vnde etiam volucrum cantus, & lætitiā pecudum, & insolitam quandam in animis dulcedinem ait exoriri. Requitebam animo tamē nescio quid: neque tam animaduerebam primò quid illud esset, quod mihi abesse quasi videretur, quam postea quam vos aduenistis: sentio nunc demum meam expletam, cumulatamque esse lætitiā: ita ad societatem illam ad quam à natura facti sumus, qua homini ad hominem naturalis est applicatio, accedit ista ex delectu amicitiarum incredibilis quedam iucunditas: quam qui non norunt, ij mihi videntur ex alieno quodam genere homines esse, nō tam mente præditi, quam forma humana. Tū Phædrus: Rectè sanè loqueris Galle: repugnat enim hoc naturæ, ut qui sint, quos tantū in rebus humanis bonū non afficiat: & tamen experimur interdū nonnullos, qui ita aut animo sunt agrestes, aut moribus ad omnem inhumanitatem assuefacti, ut non modo neminem ex univērsis charum habeant, sed acerbè oderint omnes, tanquam communes cunctorum inimici: Sicut de Tuncius ille Græcæ loquuntur historię: quem etiam ferunt, cum ille erat se-

cum in cœna similem sui prolixis, & inhospitalitate (non enim mihi nunc succurrat, quo alio nomine appellem *περιεργὸν παρτίον*) & moribus Apemanturum atq. ille ea solitudine delectatus, dixisset, Pulchrum Hierocle nostrum hoc conuiuium, o Timon: respondisse, Atqui pulchrius multò futurum erat, si tu non adesses. Tales ergo nonnulli, sed contra naturam tamen: atque vt hoc fortasse rariùs, sic vñam non multa quotidie in nobis ab eadem natura optimè inchoata, consuetudinis vitio deprauantur. Sed dese, vt videret quisque, nos, qui liberaliter sumus eruditi, de nobis ipsis ita sentiamus, vt vitam sine conuictu & consuetudinibus amicorum nullam ducamus esse. Atqui Galle, inquit Cicerarius, quantum tu bonorum amicitia, omniq. humanitati tribuendū statuas, res ipsa palàm facit, neq. indiget id nostra vilius oratione: nemo est enim qui non oculis cernat, quanti sint ad te hominū, aliqui ingenij laude splendentū, concursus fieri soliti, atq. vt ornatissimorum hospitem & amicorum quotidianis conuentibus floreat domus tua. Quod profectò haud ita foret, nisi tu, si quicquid aliq. vnquam, honestissimorū, optimorūq. amicitia, ac familiaritatib. delectarere. Verū quod est modò à Phædro nostro dictū, rariùs vsu hoc venire, vt quis amicitia dulcedine non tangatur, vñā id quidem ita esset, atq. ea vna esset in causa, quæ ab eo exemplo etiā Timonis commemorata est, natura quedam quasi feritas, sed latius pater hoc malum, & quod maximū venenū fidelis beneuolentiæ est, simul vt quis nimium sibi deseruit, ita minime fidē in amicitia tueretur. At huiuscemodi hominum innumērabilis est multitudo. Quis enim est studiosus pecuniæ præsertim, & cui vt Terent. verbis riat, nihil præter lucrum dulce sit, qui vllum vel tenuem possit habere gustum huius ex amicitia iucunditatis, quam tu modò Galle narrabas? quicque sublata vilitate, quæ contineat necessitudinem, nō continuo nunciū remittat amicitia? Plena horum vita est, rariūq. illud potius, vt cui cognita appetitaque sit simplex illa, & vera, & per se, suaq. sponte amabilis ex amicitia voluptas, quæ ab amico proficiscitur, & in eo ipso veritur, nihil querens extra, nec cupiens, cuius amor fructus maximus, vñus optima conciliatrix est. Sed quò rariùs istud, hoc præstantius. In quo genere, optimò te excellere iure, Galle, fecisti tu quidem omnibus iam fidem. Nam, vt ille, quicumque hostem feriet, is mihi fuerit ciuis: sic tu amicos ex vna virtutis commendatione continuo probas: non ex eis ad te vt referas aliquid, sed vt ubi illi nihil magis promptum esse intelligant, quàm te, domumq. tuam, operam, gratiam, pecuniam, auctoritatem: quæ cunctis etiam hoc gratiora ex te accidunt, quod tua ista incredibili humanitate conduntur: quam tibi in verbis quidem & vultu, omnique corporis motu insculpsit ipsa natura. Sed ea fa-

etis, & in experiundo fit illustrior. Itaq; es assecutus, vt non magis vnum vnus, quàm te diligant vniuersi. Quam ob rem, quod paulo antè dixisti, nullam te integram sine congressu amicorum percipere voluptatem, & de eo tibi assentior: & (vt pro cæteris etiam loquar) experimur idem in nobis omnes erga te aliquantò etiam vberius. Sumus enim hac tua fruenda humanitate, hoc ingenio, his optimis & suauissimis moribus, in mutua nostra beneuolentia propemodum beati. Tum Gallus: Gaudeo sanè Cirtari, inquit, præclaro hoc, quod mihi tribuisti, vel iudicij tui, vel, vt ego potius interpretor, amoris testimonio. Atqui, inquit Phædrus, Galle, vtrumque est, & iudicium, & amor. Sed quando de amicitia aliquid omnes, quid Sadoletus? Et ego: Quid inquam Phædre? nisi me vehementer hoc vestro sermone esse delectatum: ac sentire quidem vobiscum vnà, nihil esse in vita præstabilius amicitia: quæq; in Gallo nostro, laudibus extulit Cirtarius, verissima confiteri. Sed quod vnum vel præcipuum ab eo video prætermisum, idem me referri, & commemorari debere puto: non enim natura solùm, & propensione animi quadam, aut fortuito euentu lapsus in hanc rationem Gallus, ad liberalitatem, & beneficentiam, veritatemq; amicitia totù se contulit: sed aliquando magis acceperit à Philosophia, vt ista eadem recto iudicio & constanter ageret, in quo quidem vno est posita virtus. Nouit enim quemadmodum de stans Dædaleis à doctissimis proditum est, eas cum præclaro opere perfectæ & eximie pulchritudinis existerent, nisi tamen aratissimis vinculis, constringerentur, dilabi facile, & perfugere solitas, quòd earù incerta esset, & lubrica possessio: hoc optimum quènq; morè, nisi ratione & præceptis Philosophiæ fuerit confirmatus, stabilem sua sponte nò esse. Est igitur ad hæc philosophiæ studia, in quib; à prima adulescentia admodum se exercuit, longo intervallo nunc reuersus, & quidem animo maiore quàm vos fortasse aspiciamini: quod ego nosse possum, propter quondianum vsum, quo cum eo assiduus sum. Quamquam illi quidè haud ita multù ad legendum otij à forensi opera relinqueretur, sed est totus in querendo & percontando: me quidè quem in his literis maximè videt occupatù, audiendi aliquid videlicet, & disputandi causa, sepius mihi vt laceffat: Quod ego pergratè accipio, vel quòd obsequor studiù optimi & amicalissimi viri, vel quòd illius acuro, & acuti ingenio meù quoq; ad discendum excitatur ingeniù. Hoc loco Phædrus, vt erat natura vehemens, & Philosophiæ multis iam signis habebatur infensus. Præclarè mehercule laudem, & in primis commemorandà, qua te isti affecte conuincit Galle, cum te tanquàm puerum nobile sub pedagogo, sit à Philosopho aliquo admonitù, nihil nisi expressimptore rectè agere posse voluit: ac ne quid desit, manum etiam sub ferula, vt dicuntur, ad-

dignum illud quoque quod virtutem in vna statuunt Philosophia:
 Quo quid dici impudenter potest? quando enim Philosophia
 quidquam omnino fuit cum virtute, cum amplitudine, cum digni-
 tate commercij aut quos ex eius ipsius sinu prodire conspiciamus
 ad ullam rem gerendam aptos, quæ quidem digna sit viro? Imo verò
 tu, inquit, esto nobis Galle & naturali virtute, & tuo ipsius consi-
 lio instructus, quæ magno homini conveniunt. Siquis ista
 propria, & peculiaris laus, non Philosophia, quam summus ille vir
 tuus novus hospes & amicus P. Bembus, cuius tanta fertur apud
 omnes virtutis & literarum gloria, iure sanè in te contulisse mihi vi-
 sus est, cum ita diceret, urbem hanc tot antiquorum monumentis,
 tanta etiam vincthorum temporum magnificentia ornatam: sibi ta-
 men maiorem atque ornatorem fuisse visam, quod te in ea civem
 esse contigisset. Hoc de te ille ita ut sentiret non tu, opinor, pro-
 missa barba esse secutus, nec tunica pulla, nec trito pallio, nec in-
 epta, & intempestiva loquacitate, sermonibus per omnes circulos
 conferendis: longè enim hæc aliena graui viro, Philosophis verò
 quotidiana sunt: sed liberalitate & prudentia, & quod quum te
 multi fortuna & copiis in hac urbe antecedant, nemo est tamen,
 qui ad bene de probis & doctis hominibus merendum te vno sit pro-
 pensior. Nam quod ad Sadoletum attinet, quem ego & amo me-
 dius fidius, & florentem esse cupio, non possum non molestia affici,
 quum illum video subducentem se amicorum & familiarium coe-
 ribus, in hac squalente & sordida Philosophia tabernaculum penè
 vitæ suæ collocaisse, doleoque meam tam parui apud eum fuisse au-
 toritatem, ut ipsius ab hoc errore nequiuierim adhuc ad consilia gra-
 uiora trahere. Atque ad me conuersus, In mentem venit mihi, in-
 quit, ea proferre aduersus te, quæ in Euripide Zethus ad Amphio-
 nem fratrem protulit, quorum equidem sententiam, non numerum
 recordor. Negligis o frater, inquit, ea quæ te oportet diligere, na-
 turamque animi tuapte sponte nobilem, puerili quadam concinnas
 forma: & neque in iudiciis commodè loqui studiū tibi est, inquit: us
 cernere quod æquū idoneumque sit: neque alios iuuare consilio po-
 tes tuo. Adde tuo quidè, inquit, ingenio quid sentiam, mihi ipse
 conscius sum: quantum autem te diligam, tu optimus es testis. Sed
 quod tibi soli seorsum sæpe dixi, in quo frustra à me consumpta
 opera est, idem nunc his audientibus ut dicam, moneamque, te aliquot
 annis minorem nam audacter, idem amor me cogit. Vereor enim,
 vel potius formido certò, ne istam tuam ingenij animique indolem,
 qua te ad grauiiores res tractandas idoneū semper iudicavi, hoc
 Philosophia studio penitus corrumpas: in quo si esset ipso aliqua
 fortasse liberalis oblectatio: quæ tamen in tanta vanitate illius
 scientiæ esse qui potest: tibi tamen videndum arbitraret in ciuitate

ram occupata, in qua honores & præmia nō otiosis, sed industriis hominib. proponuntur, quī factū tuum p̄b̄ari illis posset, qui scirent de vita cuiusq; & institutis iudicare. Inquiritur enim in viā tuam, mihi crede, curiosius quā tu fortasse existimes: Nā cum à primo cōmosses animos malorū expectationē quadā, nunc te velut inertia defedis, nō possunt non mirari homines, idq; non reprehendere: cū in popularibus stūdiis, & his quæ frequentat ac celebratis sunt, sine in foro malis, siue ad principes viros, vindicare te in aliquā laudem possis: illa tamen quæ silentij, & solitudinis sunt, malle persequi. Quorū profectō opinionī & iudiciis inferuias oportet, si aliquo numero esse optas, aut si eam verē assequi vis, quā tibi falsō promittit Philosophia, sapientiā nūc te in tenebris abdas, cū facile in hominū oculis quæas, & in luce consistere. Quæ cū ille dixisset aliquantō commotus, quod eum ad hanc rationem concitationemq; dicendi & voce, & motu corporis, & animo flagrāte, ac subitō natura formauerat, summūq; illi præterea ingenium, summum in pronunciando leporem addiderat: Citrarius, O amœnum diem hunc, inquit, & mihi diu, ac Gallo desideratam opportunitatem, aliquando te Phædre in vniuersam inuehentem Philosophiam audiendi: Equidem inter fui sæpe, idq; locis pluribus cū carperes Philosophiam, in quo ego potissimū attendere solitus sum acumen ingenij tui, & facetissimis dictis delectari. Sed de ea tota quid haberes dicere, percontandi ex te; cū id maximē auerem, ante hunc diem facultas non est data: quā nunc oblatam libentissimis nobis, nostra fuerit culpa, si amiserimus: aut si non ex te omnia, quæ volumus de tuo in Philosophiam animo ac iudicio, audiēdo fuerimus consecuri. Imō, inquit Gallus, & hic locus maximē apertus est, & tempus idoneū: nec est quicquam, in quo iucundius hunc consumamus diem: quā ob rem da hoc nobis Phædre, vt te de vniuersa Philosophia quid sentias audiamus. Audieris, inquit, sed hac conditione, si omnibus sum facturus gratum. Hic ego arridens, Mihine, inquam, esse gratum potest, in tantum discrimen venire Philosophiam? Quid ita, inquit Citrarius, non tu eam dicere es solitus veritatis patrocinio sat tutā esse? Siquidem, inquam, veritate, non eloquentiā causa pendetur. Pendetur, inquit Gallus, & bono es animo: non enim hic imperitæ multitudinis concio, ad quam in intrudiam facilē, & in suspicionem Philosophia adducitur. Sed animum concentus, & florum tanta hæc varietas ac copia, huius orationi coronam factura est. Atquē, inquam, Galle, huius orationi (siquidem ea in vituperanda Philosophia futura est) animum iste concentus obstrepat sanē velim. At non tu hosce flores, qui tantam nunc odorū amœnitatem nostris aspirant, & mox auritos, & postea etiam vocaliores tō

re petas, quam esse possit ipsa illa, de qua nunc dicebas, imperi-
ta multitudinis concio? Sane, inquit, hoc est, quod ego gaudeo:
intelligo enim præter voluptatem, quam audiendo percepturus
sum; huius mei præterea suburbani precio permultum ac-
cessurum esse, quod quidem disputatione vestra hac celebrati-
us multo futurum est, quam aut peregrinis arboribus, quæ in
hunc ipsum locum, undique accersitæ sunt: aut nobilitate eius
picture, qua est superior porticus exornata. Quin tu, inquit
Phædrus me intuens, veritatem finito venire in certamen, tu-
met silentium cetero. Age, age, inquam Phædre (video enim te
in proximis esse, pugnæ anidum) illud moneo, parcius: ne si v-
no hoc prælo penitus Philosophiam obtinueris, non habeas de-
inde quicquam, in quod ita studiose, & libenter inuehare. Nul-
lum est periculum de fore, inquit ridens, dum quidem tu exite-
ris, qui ab ea auelli nulla ratione potes. Quod quum dixisset, o-
mnes ad audiendum animos ereximus. Tum ille, Videntur mihi,
inquit, priscilli veteres, qui primi semetipsos sapientes, & artem
eam, quam profitebantur, sapientiam appellauerunt, aut callido
consilio quæstule in vulgus celebritatem: aut errore quodam
puelli decepti fuisse. Etenim si cum scirent, & intelligerent ipsi,
inane eam esse, quam habebant in manibus, scientiam: appel-
latione tamen præclara illam adducere in honorem studuerunt,
ceterisque persuadere id, quod ipsis neuiquam de ea erat per-
suasum. Astuta illorum ratio, & callidum impruvis consilium
fuit sed ita, vt sæculi illius ingenijs nihil iudicarent esse rudius.
Sic autem & eandem ipsi fidem habuerunt de sapientiæ discipli-
na, & ceteris facere conati sunt, puerorum mihi morem viden-
tur fuisse imitati: vt enim pueri imagunculas sæpe nacti ligneo-
las, aut è cera: easque charius amplexi, veste atque auro exor-
nant, Deorumque, quorum libitum fuerit, imponunt eis nomi-
na, denumque longius propecti credulitate puerili, quasi rem
seriam agentes, rei ludicre diuinos honores tribuunt: Sic Philo-
sophi isti vestri (me autem intuebatur loquens) quos solos penes
est sapientia, quique eam ipsam ab se vni peti atq; addisci vo-
lunt, tanto pueris leuiores, quanto illis ætas ludum suum conce-
dit, his alienum stultitia: inane discipline simulachrum splendi-
dissimi nominis appellatione honestauerunt, quo non possunt
quid non allici aliquando & inquirari nonnulli, vt insistant ali-
quantum, cupiantque interiora cognoscere. Quod n. sapientia nec in
celo, nec in terra quicquā est præstantius, idcirco ipso nomine
cōmon. accenduntur ad cupiditatem aliquā cognoscendi. Sed si
qui haurire paulo ingenio ingressi fuerint, maturè vi abalienen-
tur. Ex quo illud Neoptolemi apud Ennium, philosophandū sibi
esse, sed paucis: nā omnino, haud placere. Credo homini milica-

ri ex bellica virtute verioremeditanti gloriam, conueniens fuisse visum, quid isti profiterentur, agnoscere: quæ verò minutius superstitiosiusque tractarent, & in quibus frustra contererent rartem, ea ceu veræ sapientiæ repugnantia, penitus despicerentque contemnere. Et nimirum magna, eximiaque professi, in minimis ferè versantur. Quòd si splendore nominis remoto, rem ipsam introrsum magis aspexeris, totamque istam artem, quæ se magistram tradendæ sapientiæ profitetur, in manus sumptam diligenter expendere: non tu in ea quidem sapientiam ullam, quæ sit verè & solidè sapientia, sed imaginem potius in æcem quandam deprehenderis sapientiæ, sine corpore, sine mente, ipsius illius sapientiæ operib, atque muneribus sola voce resonantem. Nam cum rerum gerendarum, sit sapientia, imperij gubernandi, dignitatis ac potentiæ sibi comparandæ, Philosophia pro his maximis, maximeque expectendis rebus, tanquam immunitatem laborum in beneficij loco illi tribuens, eam in verbis pensitandis, & argumentorum conclusiunculis arte astringendis, rebusque his, quæ nihil pertineant ad nos, accuratius indagandis, festiuo opere occupat: ut suarum virium & gravitatis oblita, à cœtu hominum, atque ab regendis ciuitatibus, ad solitudinem, inertiamque tradatur. Atque huic arti tamen sapientiæ nomen est datum, in quo primū istorum est arrogancia reprehendenda. Quis enim illis hoc concessit: aut quo nam iure fuit ab ipsis usurpatum, ut artem suam, cuiusmodi ea cunque sit (nondum enim de hoc dispuo, post videro) in ipso statim ortu atque initio, inscriberent Sapientiam? cumque necdum planè perspectum, cognitumque esset, hominumne vitæ utilis futura esset illa, necne esset, tamen tanquam ratio absque ea recte, ordineque viuendi cunctorum iam confessione constare non posset, ita summum rerum humanarum titulum illi præscriberent? Verum fuerit hoc vitium superiorum illorum, & qui septem dicti sunt, quos tradunt cunctos in Græcia Delphis primum conuenisse, Athenis prætorè Damaso: iterum deinde Corinthi: cum eos Periander Corinthiorum tyrannus hospitio accepisset, circiter quadragesimam quintam olympiadem, quo tempore Romæ L. Tarquinius Priscus regnum obtinebat. Atqui hi isti ipsi, si sua sententia se appellauerunt sapientes, indusserunt sibi profectò, quàm par erat, vehementius. Sin autem populorum suffragio vocati sunt, habent egregiam sui cognominis, & quo iure gloriantur, auctoritatem. Siquidem ad imperitos & stultos delatum fuit de sapientibus iudicium, & si video non istos solum, sed alios complurcis, si fama & opinione vulgi sapientia censeatur, nulla illustri de causa passim habitos sapientes: simul ut quis enim in illa rude indoctaque vetustate vel dixerat aliquid, vel egerat concinnius, ita ascribebatur ad numerum, &

nomen

nomen sapientis. Quo ex genere maternus auus Thesei Pittheus, quum versibus pangendis sententiolas quasdam cōplecteretur, in primis iudicatus est sapiens. Lycurgus verò eundem nominis honorem iustus est assecutus, quòd enim confusam & perturbatam, ac (vt Herodoti vtamur verbo) *ῥυνησμένην* Lacædæmoniorum Rempublicam legibus satis constituerat, ferendisq; laboribus, & periculis alacriter adeundis, ciues ad fortitudinem, & ad omnia bellimonia apprimè erudierat, comparata sibi autoritate & gloria, sapiens merito existimatus est. Sed vt ab hoc magno sane viro abeamus, quid quiquam esse tunc potuit in sapientiæ nomine gloriosum, cum Homerus, cuius dicta pro decretis habenda sunt, etiam fabris attribuat sapientiam? Ac ne quis illorum septem, quos & nos nimium iam saepe in medium adducimus, & negat Dicearchus auctor haud ignobilis, nec Philosophos nec sapientes fuisse, vllam alio ex genere putet fuisse sapientiam, quàm eam, quæ dicta in Pittheo: Primùm potèta plerique, itque aded perfidiosi: deinde argutulis quibusdam, vt sibi videbantur, sententiis, multitudinis plausum captantes. Quid enim Chiloni Lacædæmonio (vt de eo potissimum loquar) trianc dicta sapientiæ laudem asferre debuerunt? At ea in foribus templi Delphici sunt inscripta. Quid tamen non enim qui inscripsit, aut qui insculpsit (opinor) faber sapientior fuit? Ne quid nimis: rectè hoc quidem, & sibi ille admodum constitit paucissima enim locutus, multam sibi parauit sapientiæ famam. Sed quid illis sapientibus fiet, qui suis libris, atque scriptis omnia referserunt? Nossè verò se quēque, quantum habeat, si ab hoc communi atque vñtato sensu abieris, ipso illo interprete qui edidit, censeo esse quærèdum. Nam illud quidem inopinatum ac nouum, & nescio vnde erurum: nemini enim vnquam in mentem venire potuisset, Comitè esse æris alieni miseriam: Quid? hęcine solus vadimonium deferere coactas fuerat, cuiusq; bona proscrip̃ta fuerant? Sed quoniam in singulis non est immorandum, & vñus tamen exemplo ceteri noti esse possunt, ratio concludenda est, Sapientium nomen, ab ipsis usurpatum, plenum arrogantix esse: a populo delatum, inani- tatis. Corripit errorem hunc veterem Pythagoras, imminuitq; inuidiam nominis, quòd primus Philosophiam pro sapientia instituit appellari: in illa sua peregrinatione, in qua, vt de Vlyssè scribit Homerus, multarum gentium mores & instituta perspicillatus fuerat, cum peragraret in reditu veterem Græciam, atq; illo itinere venisset Sicyonem, ibiq; cum Leonte Sicyoniorū tyranno congressus, interrogatus ab eo esset, quem nam ipsum se proferretur, num sapientem? respondit soli Deo congruere nomen sapientis, se verò Philosophum esse: hoc est, studiosum, & cupidum sapientiæ. Graue responsum & dignū moderatissimo viro.

nihil sibi arrogauit, nihil subitarius de se locutus est, tantum-
 am cupiditatem, quæ cuncto generi humano è natura insita est,
 sapientiæ adipiscendæ, in se aliquando fortassis actiorem inesse
 significauit. Plena igitur grauitatis oratio: neque ipse non ido-
 neus, cuius auctoritatem ceteri sequerentur, si in eadem porro
 sententia constitisset, neque dissensisset postea à sese, ceterisque
 rebus non iam se moderatum & grauem, sed flagrantem ambi-
 tione importuna præbuisset. Nam quid illa iactatio popularis &
 Græciæ omnibus in locis, ubi cœtus celebrari erant soliti, sui o-
 stentatio? Quid nudatio femoris aurei Olympiæ, quum ad lu-
 dos solennis cuncta adesset Græciæ: aliud in eo indicant, quam
 speciosum illud sapientis nomen, quod ipse paulò antè ab ho-
 minibus cunctis abiudicarat, & Deo vni tribuendum cen-
 suerat, quum conaretur apparere ipse Deus, usurpare illum
 confessione reliquorum, & ad semetipsum vertere, tanquam
 prestigijs quibsdam, voluisse? Quanquam femoris quidem au-
 rei illa nudatio, ignarum forsitan vulgus commoueret: ijs, qui ho-
 minem nouerant, meminerebantque ex aurificina paulò antè ad
 Philosophiam egressum, miraculo esse non potuit. Quid quodd
 ad Italiam se contulit & Metaponti sedem, ac domicilium statu-
 it fortunarum suarum? qui conueniebat homini Samio, præfer-
 tim cum plus honoris, quam satis opus esset in germana Græciâ
 paribus illius haberetur? Sed, opinor, occupatis ibidem populo-
 rum animis opinione, & fama superiorum sapientium, cum eum,
 quantum assequi posset, celebritatis pœniteret: nouas illum se-
 des, & vberiorem segetem suæ propagandæ laudis, vacuis et-
 iam tum à Philosophia harum gentium animis, in Italia quæsi-
 uisse. Quibus in locis disciplinæ sectam eam condidit, quæ Pytha-
 gorica est appellata; magistra illa taciturnitatis. Hoc confite-
 rer commodè, si vt in addiscendo sic etiam ad docendum adhi-
 bitum silentium fuisset: huius enim molestiæ parte iam carere-
 mus. Porro apud eum mos iste tenebatur, vt qui se huic dicassent
 disciplinæ, obmutescerent integrum quinquennium, doceren-
 turque primò communia quedam, velut elementa artis: deinde
 secretiora & quasi mystica: neque id à magistro: ille enim abdi-
 tus & semotus ab oculis, nemine se communicabat: sed responsis,
 & tanquam oraculis erudiebat iuuentutem, donec tandem per-
 spetto ingenio, motibusque probatis, qui iudicati fuerant digni,
 admittebantur ad conspectum magistri, commerciumque fer-
 monis. Quod qui assequebantur, confestim domum ad necessa-
 rios suas litteras, nuntiosque gratulandi causâ mittebant, tanquàm
 eximium quiddam & optandum adepti. Hanc vitæ, morisque eius
 insolentiâ secuta illa arrogantia est, quod vnus ferè Philosopho-
 rum omnium dictum & auctoritatem ipsam sanctam haberi insti-

tuit pro ratione. Vnde enim celebre illud *αὐτὸς ἴψα*, usurpare soliti erant, quæuebantur Pythagoream sententiam, si quando (ut fit) in disputando premerentur, ut delirescerent in sapientis magistri auctoritate & nomine? At hoc ne tyranni quidem in oppressis civitatibus facere soliti sunt, tùm quid de pristino statu volunt dimouere, non aliquam proponant causam & rationem voluntatis suæ. Sed de egregijs autoribus tanti nominis, artisq; huius appellatione ac titulo, dicta hæc sint. Quæ vna si disciplinam proficeret sapientiæ, ridiculè arrogans est: sin studium duntaxat, & cupiditatem, sicut ipsa vis vocabuli declarat, nihil habet eximiũ præ cæteris, nec quò tanto pere gloriatur præter cæteras. Quis enim est quocunq; ex studio, quacunque ex disciplina, qui nō maxime cupiat sapientem esse se: aut cui quicquam omnium rerum videatur sapientiæ esse diuinius? Illud nunc videamus, quæ auctoritate, prodierit in lucem, fueritq; iam inde ab initio accipientibus cōmendata: est n. profectò aliqua ex origine etiam & generis stirpe censenda nobilitas. Ut n. in editione in lucem, ac procreatione liberorũ, nisi parentũ distinguant nomina, & gentes, pares principio censeantur esse clari obscuris, ingenui seruis: propterea quòd nihil nunc demũ oriens, habere potest ex sese in pòpulum nobilitatē. Ita Philosophiæ prima cōmendatio a suis inuentorib. & tanquam parentibus, repetenda est. Vtris igitur tandem tanti inuentionem boni assignatis? Græcis, annè Barbaris? Video magnum esse certamen: habetq; pars utraq; fortes aduocatos, veruntamen ipsorum etiam confessione Græcorum superiores Barbari. Itaque & Ægyptij suum Osirin iactant: Vulcanumq; Nili filium aperuisse Philosophiæ principia annis prope innumerabilibus, antequam in Græcia de his ipsis rebus mentio vlla haberetur, & Gymnosophistas apud Indos, Druidas apud Gallos, vel ipsa esse Græcia, magnam sapientiæ famam video consecutos. Druidam quidem nomen in summa ut tũ habebatur diuini humaniq; artis notitia, non solũ Græcis literis celebratũ, sed & ipsi Græcò vocabulo *Semnorhei* sunt appellati, propter scientiam colendorum Deorum videlicet, & celebritatem religionis: atque eisdem de rebus occultissimis primi non pauca ad cognitionem hominum attulisse existimari sunt: magno sanè munere insignique beneficio, tanquam parum multa essent in oculis omnium posita, & in conspectu, quæ ingenium diligentiamq; requirerent. Perdidit Zalmoxis Thraces, quem ex abdito specu responsa sapientiæ percontantibus edentem, nuncq; velut euanescentem ab hominum oculis, rursus autem sese in conspectum dedentem, induci, deceptiq; prestigijs, diuinitatis honore donatũque popularis: itaq; & sacrificia illi solennia hæbita, & epulæ institutæ sunt. Adstantem laudib. Lybes ferunt: ob imitationē n.

cœlestium circularum in sphaera lignea relatum, quodam quasi sapientiae præmio, ipsius humeris cœlum sustineri nimirum simplex illa memorauit antiquitas: ut illum suæ artis: si modò sapit quicquam, necesse sit pœnitere, siquidem ob eam tanto oneri ferundo perpetuo addictus est. Ochum habent Phœnices: auctorem sapientiae suæ: ait Phœnicas Græci, neque hi solum, sed gentes ferè omnes: literarum enim vsum, sine quibus nimirum sapientia non constat, omnium consensu Phœnicibus acceptum latum fuisse legimus: ijdem isti, quod quidem sapientiae partem aliquam attingit propius, ad maritimos cursus dirigendos, atque ut non iam fortis esset, sed consilij nauigatio, minorem Vrsam notauerunt, eandem Cynosuram, quæ haurit duce nocturna Phœnices in alto, quæ hoc etiam certior dux est nauigantibus, quoddam gyro interiore breui conuertitur orbe. Quid dicam de Chaldeis, Magisque, quorum alteri spectandis syderibus, & cœli conuersione intuenda cum statos illic, solenneisque motus deprehendissent, solisque & lunæ, cæterorumque errantium ordines, concursiones, momenta perpendissent, quæque, quæque die in cœlo euenire necesse esset, aliquanto antè prædicerent, scitum quiddam in vita comperisse visi sunt, idque populare, atque plausibile. Sed illud in eâ arte cæteris fallax, ipsis illis fructuosum, quod per vanissimas prædictiones fatalium euentorum, animis imperitorum superstitione implicatis, viam sibi ad quæstum inueniunt, & ad dignitatem. Magi portò iam inde à principè illo Zoroastre eadem penè via ad similem honorem in Persis sunt euecti: factis enim & cerimonijs Deorum procurandis, cum de naturalibus quoque principijs nonnulla differerent, adiungerent præterea diuinationem ex alio certo genere, ac Chaldei, animos & regum, & gentium illarum, captos admiratione sui, tenuerunt. Atqui ab his, quos memorauimus, alijsque præterea quam multis, quos nostra nunc prudens prætermittit oratio, antiquius prodicium est fuisse orta Philosophiæ principia: barbari quoque omnes ferè, qui in huius laudis contentionem vocati sunt: quorum si inuentum sapientia ista vestra est, atque ab eis, tanquam à principibus, auctoritas est huic arti tribuenda. Primum quo nam abierit Græciæ infinita illa & intolerabilis gloriatio, omnia sibi vindicantis, & quæ omnium artium laudatarum initia, progressus, fines cum ab sese ortos, tum apud se perfectos vult: Deinde si uero enim ego quoque hoc ioco quidem Græcis) esto, sit tanti, quanti esse vos vultis, Philosophia. Quid aut elegans ab indoctis, aut humanum a feris, aut politum a rudibus, aut denique eximium & nobile à barbaris potuit proficisci? Si verò Græciæ adscribendus est iste honos, id quod me hercule malim, si per ipsos liceat, ac nisi domesticis testibus, ijsque admodum probatis, his secundum aduer-

aduersarium datur, erit aliqua fortassis in origine Philosophiæ commendatio, propter ingenium, famamque Græcorum, sed tamen perextinguitur, atque inſimpē a paucis poſitum eſt, primis harum rerum iuuentutibus Lino memoratas eſſe Thebas, Muſtro Athenas, qui etiam primus Deorum generationes fertur tradiſſe: quod equidem miror filio datum, cum Eumolpi patris inſtitutum Athenis fuerint myſteria. Attamen ſive hiſ, ſive illis hoc tantum humano generi munus ferendum acceptum eſt, cum illud diceatur, quod tamen etiam ante dictum eſt, coarguendam eſſe eorum temeritatem, qui artem nouam atque incognitam in lucem modo prædeuntem rei eiſce titulo nuncupauerunt, in qua perueſtiganda, atque in conſtituendo ecquid nam ſapientia ſit, ecquid in ſe contineat, et poſtea eſt ſeculis, tantis & ingentis, & ſtudio elaboratum: tam idem hoc iſtis ipſis, qui huic arti tantum tribuunt, reſtibus confirmabitur, quod in progreſſu reprehenderant ipſi ſeſe, timoremque & clarionem nominis aliquantro recrudius uſu ipſo & tractatione admoniti, in Philoſophiæ appellationem ſubſidere voluerūt. Quod ſi illi hoc fecerunt medio in curſu, cum rem eam, quam aſſidue tractabant, habere iam notioſam crepillerent, ut imminuerent aliquid de prioris appellationis gravitate, & nomine: nobis non licebit in ipſa penē calce conſiſtentibus, & iam plandē doctis, quam puerilis ars tota iſta Philoſophiæ ſit, diripere illi quod reliquum eſt auctoritatis, camque handquaquā ſibi debiti honoris inſignibus nudatam, è ſuggeſtu, ſed & principum, in ſcholarum angulos, & homunculorum inſerticulorum diſceptationes eiſcere: quæ præſertim tam ſeruida, & hellenarrix, ut nullis certis finibus contenta, in omnia omnium conetur inuadere. Præclarum quibuſdam videtur eſſe celeſtis contemplari: arrogat hoc ſibi in primis Philoſophia: Moderari politias, ne in hac quidem parte cuiquam relinquit locum: Scire agere vitam prudenter, & nauiter: hoc verò præcipuum ait eſſe munus inſtructi ab ſeſe ſapientis: Aprē, & cōgruenter temporibus loqui, vnumque ſacundia excellere inter multos: huius quoque huius artis, ſive peritiæ, viam a ſe prædicat, & rationem eſſe perendam. Sunt etiam ſubtiliores, & minimē populares artes, ſcilicetque Mathematicorum, in quas temere irrumper. Quæ (malum) iſta tanta cupiditas, quæ impudentia eſt? Quoquo modo cerē ea non ferenda, ſuique tandem aliquando hinc procaci Philoſophiæ ſunt conſtituendi termini, ne ad libidinem eaſgeretur, depaſcaturque omnia omnium: neue ex alienis opibus inſumelſcat: in quo tamen quantus (ô Di) error eſt eorum, qui illi omnia in ſuum ſtudent congerere: dum enim eam in omneſ regionē, graſque diſciplinarum deductam eſſe cum imperio volunt, ſtabilē ei nullam relinquant ſedem, ubi tamē

quam

quam in paterno regno, & auito dominetur: sed semper illi etiam hospite litigandum sit: quam nos litem sic dirimamus, si placet: Si vna quæque ars suum & certum habet nomen, quo appellatur, separatimque, & seiunctè denoteretur a cæteris, neque potest vnus certæ artis duplex æquè esse nuncupatio: non erit Astrologia, Philosophia, non Geometria, non Musica, non Arithmetica: habent enim singulæ hæ scientiæ appellationes suas, in quæis & suæ cuiusque artis vis, facultasque comprehenditur, & cæteris ea seiungitur. Itaque si Erasistratum suæ artis, & professionis nota indicare voluerimus, appellabimus (opinor) medicum, & Hipparchum astrologum, & Aristoxenum fortasse musicum: Philosophi autem nomen ab vnoquoque horum segregabimus. Si verò ad proprias artium cunctarum appellationes commune omnibus nomen accesserit Philosophia, iam non magis fuerit in Astrologia sapiens Eudoxus, quam in statuaria arte Phidias, nec minus sapiens pictor Apelles, quam Philosophus Plato. Quod idem in reliquis etiam vulgares, & mechanicas artes, vel Homero teste, deductum, efficit id, quod antea dixeramus, ridiculam esse horum professionem, qui sibi soli doctrinam arrogant sapientiæ. Quare si sententiam tueri & existimationem volunt suam, tanquam eximium quiddam minimeque vulgare adepti, contrahant Philosophiam necesse est intra fines suos, neque eam liberè ita depopulari sinant aliena, ne si aditum ad prætorum sit, improbitatis damnetur, alienoque cum ignominia reddendo, suas ipsa etiam fortunas, si quas modò habet, multa nomine abijciat. Subijcere igitur Philosophiæ suæ maualtis sapientiæ, certam rem & propriam, quasi materiam quandam oportet, in qua sola ipsa dominetur, neque in ea admittat consortium reliquarum. Quæro ergo, quam? Hic tibi aliquis verborum credo amplitudine nos deterrere posse postulans, Philosophia est, inquit, rerum diuinarum humanarumque scientia. Agnosco Ioniæ, pompamque verborum, certi in te nihil video. Quis hunc non irideat tanto cum strepitu tam timide se inferentem? Ecce alter de transuerso festinam affert collectionem. Si vt quis in quaque arte excellit, inquit, in ea ipsa arte sapiens perhibetur: verbi causa Phidias, si in suo opificio summus est, in eo etiam est sapiens, item in pictura Apelles, in fundendo ære Lyllippus, sapientium nomen propter egregiam in arte suæ cuiusque præstantiam sunt meriti, quod idem valet in reliquis: erit ipsa per sese simplex & absoluta sapientia, rerum in mundo præstantissimarum scientia. Huic cyarchus multis dandus fuit, valde enim credo laborauit, vt quid denique esset sapientia, haberemus exploratum. Num non videtis ex his quidem definitionibus nihil afferentem quod clarè & dilucidè de se polliceatur, falso modò in popu-

populani opinionibus aucupatricem esse Philosophiam? Verum
 his omissis, requiramus potius terminos, quos peregere ij, qui in
 ea auctoritate sunt consequuti, Platonem dico, & Aristotelem:
 hos enim video à vobis in toto genere hoc constitui principes.
 Hi ergo partitionem Philosophiæ trimembrem esse voluerunt,
 ut triplex eius munus esset, tria functio: vna pars in rerum coe-
 lestium contemplatione, causis, effectibusque naturæ indaganda
 versaretur: Altera amores, leges, instituta, virtutes, vitiaque
 hominum cõstitueret: Tertia differendi rationem, dijudicandi-
 que quid verum esset in disputando, quid falsum, quid consenta-
 neum, quid repugnans contineret: ita in treis partes omnis diuisa
 Philosophia est, Naturalem, Moralem, Dialecticam, quam ean-
 dem, si Latinis malumus uti, quàm Græcis (etsi Græca quoq; ipsa
 nominatam in consuetudinem nostram adsciimus) rationalem
 forsitan rectè possumus appellare, quod idem est, & Logicā. Hæc
 diuisione constituta congregiamur propius, atq; ita ut ne vibra-
 re arma tantummodo, & quosdam edere morus, sed ut manum
 etiam conserere, & prælium videamur inire voluisse: singulasq;
 hæc partes, quid vnaquæque earum ad sapientiam valeat, consi-
 deremus: ut si vniuersæ artis inutilitatem & ignauiam quodam-
 modo (sic enim dicendum est) potuerimus demonstrare, multo-
 rum animos hoc errore liberatos a superstitionis & inanibus cu-
 ris, ad illustres & serias occupationes transferamus: nisi quid ad
 hæc vos. Quid nam? Citrarius inquit, nisi nos in magnâ audien-
 di expectatione esse: ut experiamur, Phædre, tua ista singularis
 eloquentia num nam queat in maxima causa stabilem & fixam
 multorum de Philosophiæ virtute labefactare opinionem. Nec
 tamen ego is sum, qui bellum illi habeam indictum: nec tamen
 reprehendendam & abiectendam Philosophiam, quàm modum
 in ea querendum puto, in quo sentio Phædre, aliqua ex parte to-
 cum, probòq; Neoprolomy sententiam, quæ mihi cum Sadoleto
 meolus est dissensio. Ille enim (ut vides ipse) operâ omnem in ea
 locari, & nihil aliud in vita rectum putat. Sed tu perge quæso,
 & in hanc partem potius incumbe tamē: nam qui amplius æquo
 collaudant Philosophiam, nimium sæpe multi, & mihi molesti
 sunt. Atqui, inquit Gallus, mihi contra modò mirari veniebat in
 mentem, cum Philosophiam venerer etiam summo perē, non so-
 lum diligam, qui possem non æquis auribus modò, verum etiam
 studiosè audire eam vituperantē Phædrum. Sed profecto sic est,
 ut dicunt: Nil tam iniquum, quod non dicendo æquum videri
 queat. Cum enim catus in hoc homine lepos sit, ut me illius qui-
 dem sententia, sed & alios omnes sæpè mirabiliter delectet oratio:
 rum vis ingenij tanta, ut in quam se cunquē incitet partem, alio-
 rum se cum stultia perturbat, & utinam quodammodo affectat sensibus
 audien-

audientium, itaque vereri iam ipse cœpisssem, ne quid de mea p
stina voluntate erga Philosophiam dimitterem, nisi me con
maret expectatio defensionis, quam Sadolerus postest est ha
turus: quod ipsum illi quidem non difficiliter futurum est, qu
tecum nunc non adest is, qui esse semper vñd soler, nec a te
quam, Phædre, discedere, alterum lumen vrbana huius facund
Camillus Porcius. Hic ego; Hoc Galle, inquam, quod mea fi
cia teipsum confirmes, vide ne in fraudem potius te deduc
namque ego quis sum? aut quid possum per me denique? Sed
quid fuerit, quod vtriam aliquid sit, bonitas causæ suppeditat
mihi facultatem aliquam respondendi: & tamen Phædrum r
strum paratiorem esse video, quam expectaremus, quam enim
bi accusandam & refellendam assumpsit Philosophiam, ab
ipse arma videtur mutuatus, quæ in illam ipsam demum ora
rijs viribus, & nervis intorquet. Equidem vellein Marius Vo
terranus adesset, amicissimus omnium nostrum, homo qui
acerrimi ingenij, tum omni quidem ille liberali doctrina, sed
his Philosophiæ studijs in primis exercitissimus, quem n
omnes audiuius sæpe quacunque esset de questione propo
rum, in vtriusque partem differentem ita copiose atque aimp
ut quemadmodum de Carneade dictum reliquit Cato, quod n
posset eo dicente discerni quid verum esset, & quid falsum: qu
incredibili quadam ingenij & orationis copia audientium mo
res obruebat. Sic huius sit & sublimibus sententijs, & acutissim
argumentis referta disputatio: in extenuando verò, & ampli
cando, tanta vis, ut nihil illo laudante humile, nihil vituperan
videatur excelsum: haud sanè ille nunc pateretur desertam
oppugnatam iacere Philosophiam: præsertim in eam impetu
faciente Phædro, quo cum ille semper fuit cunctorum opinio
quasi comparatus: summum in vtroque ingenium, summa e
ditio, salis & facierum vbertas par, verum ille Philosophiæ a
quantum & studio, & amore coniunctior. Phædrus hanc pop
rem orationis laudem magis est sequutus, qua nunc frater, si ip
iudice populo vti posset, ut ille causam, ut ego arbitror, par
æquam, haud difficiliter obtineret. Sed bene agitur cum Phi
sophia, quod à populari disceptatione remota est: quam obr
ede nobis Phædre ea, quæ aduersus eam nunc primum tu q
dam, neque leuiter, sed & diu antea, & perquam accurate es n
ditatus. Tum ille, Faciam equidem, inquit, atque hoc tibi s
diosius nunc morem geram, quo sis in metu postea aduersar
lenior: Nec tamen mihi interdictum purabo, quin si ad pau
iudices me perculeris, ad populum mihi parata sit prouocatio
Hic cum arripissemus, Videtur, inquit, ordo rerum & natura
stulare, ut prius describamus sapientiæ formam: quæ, mea q

dem sententia, cum aprior ex seipsa sit, tum ad vitam splendide, & cum laude degendam accommodatior: qua posita, facilius postea fuerit, qui ab hoc signo, tanquam nauigantes ab Arctico polo, aberrauerint, eorum errorem, insipientiamque coarguere. Quoniam igitur sapientem eum esse volumus, non qui in solitudine, neque cum paucis ineptis, sed qui in cœtu, conciliisq; hominum vitam agat: communesque cæterorum voluntates & studia secutus, referat ad se omnia, quæ quidem sint expetenda, siue adeo quæ expetantur: expetitur enim idem, & expetendum est, quod opinione plurimorum iudicatur dignum, ut in eo adipiscendo omnis cura, industriaque ponatur: erit sapientia, earum rerum comparandum scientia, quæ ab eo genere hominum, quo cum verberis, & æstimentur plurimi, & maxime expetantur: hoc definitione breuiter comprehensum, oratione est dilatandum. Tria sunt (ut mihi quidem videtur) in quibus omnis humani consilij desiderijque, & ratio vertitur, & appetitio, eaq; veteri etiam pro uerbo notata, quo sic distinguitur: Optimum esse bene valere, honorari pulcherrimum, iucundissimum frui eo, quod quis maxime cupiat, ita salutis, gloriæ, iucunditatis præclara esse videtur & expetenda adeptio, nec verò quenquam esse omnino omnium mortalium reor, qui non hæc sibi cuncta adesse maxime velit. Sed voluntas nullam habet laudem: libera enim est omnibus, & tardis iuxta, solertibusque communis. Scire autem inuenire sibi ad potiunda hæc aditum: & cum vniuersa in hoc certamen tanquam in cursum, aut luctum descendat multitudo, præripere vnum cæteris palmam adipiscendi, aut certe inter paucos suum locum & partem obtinere: hoc iam proprium illius sapientiæ est, cuius nos iudicationem non vni, aut alteri, sed frequentissimo consilio permittendam statimus. Nam si quis singulari quadam opinione præditus, diuersos longe à populi iudicio, aliam sibi nescio quam nocturnis lucubrationibus in silentio & cubiculo effingit sapientiam (ut nunc taceamus alienam eum quandam & deuiam, longeq; aberrantem à communi prudentia, ac plenam vanitatis sequi rationem) quid, quæso, aliquid is ut efficiat, quam erit amplum illud atque magnum, in quo neminem ille omnino æmulum, nullum rivalem est habiturus? An ignoramus contentione certantium, ac veluti licitatione quadam, augeri rerum pretia, atque æstimationes? certoque indicio esse iacere eas res, & penitus abiectas esse, in quæis nulla inter se contra licentium studia consistantur? At hoc minime vult sapiens: verum quod maximi & est, & habetur, in eo maxime conatur excellere. Ad multitudinis igitur iudicium acta sua præcipue consiliaque accommodat. Ut enim habitum corporis, atque vestitum: ut ædificationis formam, domiciliorumque: ut lauandi, cenandi, loquendi mo-

rem: sic actiones, & consilia totius vitæ ad populi iudiciū spectare, dirigereque debemus: porro illa temporibus reguntur. Est ergo primum sapientis munus seruire tempori, & semper in eo quodcunque plurimū fuerit, præcipuas suas partes, & principem autoritatem esse, postulare. Iam ne cernitis totius sapientiæ intelligentiam, quam Philosophi suam esse volunt, populum si potiore iure vendicare? Et sanè æquius multo est, vnum concedere sententiis plurimorum, quam vnius plurimos. Desciscere autem ab opinione & decreto multitudinis, aut arrogantia non ferendæ, aut leuitatis irridendæ. At populus nunquam diu in eadem sententia permanet. Quid tum? Turpe est sapientiam variare decreta. Quid tu postulas sempiterna esse hæc, quæ generata sunt mortalia? vt enim Valerudo non ex eisdem semper, sed ex alijs, & alijs retinetur cibis: sic sapientiæ consilia non perpetuū vnā sunt, sed ad tempus se accommodant, & ad fortunam cuius præcipuum est, in humanis rebus posse dominari. Nec tamen etiam si non semper sibi multitudo in eadem opinione consistens est, sed aliōd aliās, & tanquam fluctu quodam fertur ad iudicandum, iccirco de honore detrahitur sapientiæ. Sed haud sciaman vegetior hac re quidem, & semetipsa solertior, quodammodo sapientia ipsa fiat: ac vtī faciem motus, sic illam mutatio, & variatio accendat. Vt enim si idem mos perpetuū tenendus esset, consuetudo eadem, facile esset vnicuique inueteratam vtu, & per manus traditam, vitæ sapienter degendæ retinere disciplinam. Sic quoniam mutandæ sæpe opiniones, ferendæ vicissitudine studia in diuersam partem conuerrenda, prioris vitæ ratio omni atque descriptio sæpe etiam repente denuo fingenda est, habet munus sapientia non minus difficile, quàm præclarum, in variis sese formas crebrè commutandi: vt ad omnes euentus rerum varietatesque temporum promptam solertiam afferat. Floruit in gubernatione Reip. P. Scipio Nasica Pont. Maximus: neque ea solum sapientis viri laudem, sed optimi etiam cognomen natus iudicio, matre Idæa Pessinunte hospitio accipienda, moritur. Atque is ipse cum subitis seditionibus turbata esset Respublica lenitatem illam suam pristinam, odio inimicorum incrudescere passus est: nec minus dissidentibus factionibus victores suos contempsit, quàm antea tranquillo Reip. statu, ornatos florentesque voluerat. Lælius verd eodem illo tempore etiam proprio cognomine dictus est Sapiens: quia cum agrarijs prius legibus fauerem se præbuisset, simul ac præsensit multorum se odia in caput suum concitaturum, desistit ab incepto, transiitque ad eam partem vt locupletes transferret in agrorum possessione esse retinendos. Flexit horum vterque consilia & actiones suas ad id, quod expediebat, quodque tempus ferebat: egere Sapienter. Quid

lenitatem Scipio, constantiam Lælius tenuissent, præceptis for-
 sitan huius vestra paruissent Philosophia: sapientium quidem
 nomine, & laude caruissent. Vnus est ex omni antiquitate, quem
 maximè admitter, C. Iulius Cæsar: cuius tanta animi virtus, tan-
 tum ingenium fuit, ut angustius theatrum gloriæ suæ orbem hunc
 terræ, quem incolimus quàm ipse meritus sit, habuisse videatur.
 Hic nō ad vnam, alteramue laudem, sed ad omnia summa natus:
 cum etiam tum adolefcens probari in foro eloquentiam videret,
 adhibuit studium, in ea nemini ut esset secundus: ex bellica por-
 rō virtute gloriam sibi meditatus, & potentiam: magnitudine
 animi perfecit, & industria, ut non solum gentium omnium victor,
 sed naturæ etiam esset, Oceano domito, atque eo toto summo-
 ris nationibus, nō solum inuestigatis, verum etiam bello armisq;
 subactis: fluminibus, quæ neuriquam permeabilia viderentur,
 iugo pontium deuinctis: infinitis spatijs terrarum celerius cur-
 su, quam fama peragrat. Atque hic idem, domi & in patria, ubi
 intellexit priuatim quæri opes, Rempub. in mediō prædæ omni-
 bus esse: operam dedit, ut cunctorum existeret princeps, impe-
 riumque sibi acquireret: ad salutem illum quidem, non ad per-
 nitiam ciuitatis, si per homines impios ea quæ constituerat effi-
 cere situs esset. In hoc ego homine maximam vim sapientiæ fuisse
 duco: & certè talem statuo esse debere, quem iam dudum effin-
 gere conor sapientem, alto animo, acutum, sagacem, industrium,
 longè providentem in posterum, suam virtutem impartientem
 omnibus, sibi præcipua & maxima appetentem, opes, imperium,
 auctoritatem, gloriā: non enim obliuiscitur sui sapientia, nec
 luorū penitus commodorum curā abiecit, sed refert ad se omnia
 sapiens, consultitque sibi potissimum: nec putat digniorem esse
 quengquam, qui commodis vitæ honoribusq; fruatur: habereque
 illud in ore, opinor, Pacuij, Sapientē qui sibi prodesse nequeat,
 ne quicquam sapere. Hanc ego artem, & disciplinam agendæ vi-
 tæ sapientiā voco, ciuilem quandam popularemq; philosophiā,
 erigentem homines ad facta tum splendida, tum in multitudinē
 gloriosa: eosq; magnos, potentes, nobiles: atque, ut vno verbo
 cōplectar omnia, principes deniq; efficientē. Conferentūc istam
 vestram, si placet, quam in scholis quotidie declamitatis Philoso-
 phiam, ut hæc ab illa quid intersit, dijudicare possimus. Ac pri-
 mum, tanquam vestibulo amplo, atque excelsō ornare illam cu-
 pientes, præponitis rerum cœlestiū contemplationem & occul-
 tarum rerum, causarumque indagationem: ea enim est Physice,
 quæ primū tota incerta est, minimeq; comprehendibilis: deinde
 etiam si comprehendatur, prorsus hominum vitæ inutilis & su-
 peruacanea. Quid enim poterit gloriari se adeptum esse, qui illa
 cognouerit, cum nō sua, sed aliena cognouerit? verum cognosci

non possunt. An ille mundi effector, & fabricator tanti operis Deus, tantis locorum intervallis à semetipso nos disiunxisset, si suas sedes, arcanaque consilia nobis nota esse voluisset? Quid est aliud bellum indicere Dijs, more gigantum, quam illuc niti ascendere, quò nobis aditus omnis penitus est interclusus? Atqui mihi videntur veteres illi haud illepidè de gigantibus fabulati, quò horum insolentiam, temeritatemque arguerent: quòd ea re firmitus adducor, ut credam, quòd ut illi montibus tribus tanquam gradibus, sic Philosophi trimis, antea à nobis memoratis Philosophia partibus, in altissima loca moliantur ascensum: Ter sunt conati imponere Pelio Ossan, Scilicet atque Ossæ frondosum inuoluere Olympum: ter pater extructos disiecit fulmine montes: Scripsit diuinè, ut omnia, poëta omnium maximus: nec tam ille ut gigantum, qui certè nulli id egerunt, quam ut hominum suis ingenijs nimium confidentium arrogantiam refelleret. Quanquam non ingenij est, sed dementia, quæ nullo intelligi pacto queunt, in ea nihilominus mentis aciem ad intelligendum intendere. Nam isti quidem ingenium si habuissent, primum quidem sciri ista non posse vel ipsi cognouissent, vel doctissimis hominibus, ac principibus disciplinarum suarum affirmantibus credidissent. Deinde ea omnino nihil ad se pertinere. Postremò quas ad res ingenium adhiberi, & prudentiam oporteret, ad eas res adhibuissent, in cœtibus hominum videlicet, & conciliabulis ciuitatum, ubi non in umbra, & cubiculo, sed in sole atque campo: non in argutijs & conclusunculis, sed in agendo & regendo sapientia ipsa cernitur. Verum ad hoc genus vitæ præstabile atque eximium, tanquam abortu nature quodam cum minimè idonei nati essent, confugientes in otium & solitudinem, ignauia culpam & tarditatis, ad cœlestis scientiæ laudem transferre tentauerunt: cœlique res, rationes, causas, freti ocij abundantia, formam, motum, materiam ex qua constet, opificem à quo sit factus, finem quo intendat, inquirere: quum terrena, & quæ in manibus, quæque ante oculos erant, percipere non potuissent. Quod est ante pedes nemo spectat, cœli scrutantur plagas. Antiquus versus in hosce factus: sicut Thaletem vnum è septem illis argutè lusum ab anicula legimus, qui quum domo semel antelucanus egrediens, ut siderum quorundam annotaret cursum, in subiectam pedibus foueam, quam non animaduenerat, cecidisset: quid, inquit anus ancilla acutè procax, à te expectandum Thales est, ut nobis de remotissimis rebus perceptum tradas, cum ante pedes quæ sunt, ea minimè intueare? Acris in illum obiurgatio, sed valet in reliquos. Omnes enim qui huic arti se, & studio dediderunt, aut desperatione ducti, posse se inter ceteros suum locum & statum obtinere,

huc

huc sunt compulsi, aut vanitate quadam ingenij, leuitateque naturæ friuolam oblectationem hanc, & aridentem otio, desidiaque disciplinam serijs occupationibus antetulunt. Huiusmodi homo Anaxagoras fuit, qui percontanti cuidam, Quonam esset natus: Ad cœlestium contemplationem, inquit. Si oculis intruendam, nihil ille habebat, quam cæteri homines plus. Si mente, & scientia comprehendendam, ne Anaxagoras ad rem nullam natus, siquidem ea sequebatur, quæ non poterat assequi, haud secus multo, ac mens ipsa illa, cuius idem ipse repertor fuit, quam infinito antea tempore cessantem, tandem admovisse manus tradidit, ad minutissimas particulas corporum naturalium in vnum confusas secernendas: quæ infinita & interminabilis secretio, non tam Anaxagoream mentem arguit frustra suscepti laboris, quam Anaxagoram dementiæ: atque hic ipse, quod liberius hæc commentitijs rebus vacaret, nèue aliam in partem cura vlla abduceretur, agros quos fructuosissimos habebat, incultos dicitur reliquisse, nequaquam laboriosam mentem illam, quam tantopere adsciscibat, imitatus: cum non laborem ipse modo, sed cogitationem quoque effugeret laboris. An hoc conuenire sapientiæ existimauit, quum laborem mentis tantis præconijs efferreret, se nihil laborare? & quum mens alieni tantam curam gereret, sua ipsum negligere? Quanto sapientior eius auditor Pericles, hæc maturè dimissa disciplina, ad regendam Remp. se contulit: in qua per quadraginta fuit annos, non Athenis solum, sed in tota Græcia ferè princeps. Atque hæc sententia, nulla sublimium rerum atque occultarum nec sciri posse à nobis nec percipi, si autoribus nobis nunc demum prodijisset in lucem, non dubitaremus eam sanè cum asseuerare constanter, tum etiam rebus & argumentis confirmare fortiter. Verum si qua eius tamen inuidia apud aliquos est, nihil prohibet opinor, quin eam à nobis depellamus, & ad eos ipsos, quos contra dicimus, reiciamus. Etenim, quod sacræ testantur literæ, à Rege superbissimo extractam turrim, cuius apex & celsitas in cœlum finienda esset: tum Deum ad disturbandum opus varietates linguarum, & versiuocales sonos, discrepantiasque verborum immisisse, vt aliud petentibus, aliud accipientibus ijs qui fabricæ instabant, ab opere desisteretur: idem mihi optimè quadrare in Philosophos videtur, quorum Deum quum misereret potius, quàm his iratus esset (nescit enim diuina bonitas irasci) de summis rebus acerrimis illos dissensionibus inter se concitauisse, vt alius alium redarguendo, omnes ineptam curam deponerent. Enimuero quem primum restem ab istorum parte, contra istos eos ipsos excitabimus? Opinor illum, quem vos principem, quæ authorem, quem parentem Philosophiæ dicitis, Socratem. Quid ergo is, quid as-

ferre: Se scire hoc vnum, quod nihil sciret: atq; hanc vnā sibi adesse sapientiā, quod in certa pro certis nō duceret. Nec verò sensit hoc solū, sed palam quoq; omni tempore prædicauit: nec prædicauit modo, verū etiā re ipsa sequutus est. Quum n. Archelai in Physicis discipulus fuisset, eius, qui Anaxagoram audierat, totā eam penitus abiiecit, contempsitq; scientiā, tum quodd certi in ea nihil inesset, tum quodd minimum conduceret (vt ipse dicebat) ad beatam vitam, in qua vna conquirenda potissimū homini esset elaborandum. Neq; adeo leuius ille Anaxagoram accusabat, quā nos eundem paulo antè reprehenderimus: quodd (sic enim eū loquentem inducit Xenophon) altum quiddā, & supra se sapiens, Deorū opera patefacere tentasset, quæ illi operta esse voluissent. Empedocles verò cuius elegans de rebus naturalibus poemā, plus ingenij & venustatis, quā sapientiæ profectō continent. Interdum quasi furore incitatus, nihil posse percipi, ne sensibus quidem exclamat: nihil nos cernere, omnia in abstruso penitus abdita esse. Idemq; ait, ad rem præsentem quidem, & quæ occurrerit, consiliū homini adesse: mutatis autem iis rebus, in quas antè intuebatur, mutari & hominis sensum ac consiliū: vt videatur Protagoream rationem, quæ pōst exorta, & copiosius defensa est, his paucis verbis innuere: cum quo sentiens Parmepides vetustus autor & nobilis, Quo quisque membrorum temperamento præditus est, inquit, sic habet mentem temperamentum illud sequentem. Extat enim responsū Anaxagoræ, Talia esse cuique quæ occurrant, qualia ab eo concipiuntur. Tanta enim mobilitas, & quasi fuga rerum cunctarum à veteribus illis animaduvertebatur, vt negaret Heraclitus bis nos in eodem lacuari flumine: quod idem est ac negare, bis eadem nos verè vti posse ratione. In quo faceretur illud Eratylī, qui quum Heraclitum reprehendens, ne semel quidem id fieri posse censeret, iam oratione in rebus enarrandis nihil vtebatur, quodd negaret rem expectare moram dictionis posse: sed tantummodò sublato digito, capiteque reiecto actum non esse agendum indicabat. Democritus verò naturæ veluti succensens, obuoluta dicit esse omnia, & in profundo penitus à nostris aspectibus reclusa. Quāquam hic quidem, quod melius crēdo, illa cerneret, oculis se dedita opera dicitur priuauisse: quum iam Empedoclem idem furor, ne diutius is frustra in querendo operam sumeret, in crateras Aethnæ præcipitem iecisset. Vt singulis testibus, iisque spectatis: quorum si authoritati fides adiungenda est, nihil est cur inanem hunc laborem in Physicis, illis ipsis desperantibus, nos subeamus. Neque enim aliud est veritatem inquirere, vt ait Aristoteles, quam volentia sectari: hoc est, ea quæ comprehendī non possunt, captare cupere. Sin autem deroganda, hi

da, his præclaris autoribus imprimis, nixa in lucem prodiit Philosophia. Quid secta vna Philosophorum, & quidem ea nobilis Academia, siue ea verus, siue noua sit, nonne hoc dogmate vniuersa, & tanquam fundamento nititur, nil percipi certo posse, nec rei cuiquam assentiendum esse? Quum enim visa (ea Græci phantasmata) quibus mens pellicitur, & ad iudicandum adducitur, talia proflus à falso esse possint, qualia sunt a vero, non esse regulam, qua liquidò demonstretur, altera ab alteris quicquid interesse. Huius sententiæ princeps fuit, ut mihi quidem videtur, Plato, atque ab ipso illo Socrate: sed hic primus rationem hanc dubitandi in scriptis prodidit, effinxitq; Socraticum morem, cuius admirabilis eloquentia mihi omni Philosophia videtur præstantior. Sanè ergo is non tantoperè Socratis *imago*, illam, nos sustinentiam, si placet appellemus, nihil pro certo affirmandi, literis persequutus esset, si non eandem ipse sententiam tenuisset. Hanc a Platone acceptam, aliquot annis post Polemonis auditor renouauit Arcelilas: Quintus deinceps ab eo Carneades etiam actius defensioneuit. Hæc me labore hoc leuat, vel inuidia potius. Quod enim est a me positum, causas rerum occultas, & scientiam cælestium non posse percipi, hæc non modò suscipit defendendum, sed dilatat etiam: & quidem amplius aliquantò quàm velim. Tollit enim præterea etiam iudicia sensuum, neque relinquit omnino quicquam, in quo possit assensio nostra consistere. Quamobrem relinquamus hanc qua ex parte fundit se latius, & suam litem facit, eam ipsam quoque manifestò insipientem: quod enim percipi non posse sentit, id ipsum illa vehementer, ut percipiat, elaborat. Quatenus verò nobiscum facit, cum præsidio quidem utamur illius, tum autem non minùs eorum, qui perceptionem admittunt, atque scientiam: quos inter si tot iam seculis conuenire potuisset, ut de omnibus, aut saltem de primis atque præcipuis sentirent eadem, esset aliquid fortasse, in quo nobis quoque acquiescendum putaremus. Nunc quid de occultis rebus, atque obscuris dicam, quum in clarissimis tanta sit dissensio? Sole hoc quid lucidius esse potest? unde omne lumen, omnis claritas, omnis in cælo & in terra est radiatio: atqui hunc ipsum, cuius aspectus maximè implet oculos nostros, non modò quid sit, sed ne quantus quidem sit, horum adhuc concordì sententiâ potuit definiri. Epicurus bipedalem eū esse, aut nō multò plus, vel minus, scilicet hic omnia suis oculis indulgens, quorū ut saluum teneat, in columeq; iudicium, audet negare etia impudenti mendacio, sibi vnquam cū torulisset aciem, duas ē lychno flammulas vibrare visas. Mathematici duodecimari paribus maiorem quàm terram: Nū hæc exigua differentia est? Creuit impudentia: centū enim & sexaginta

partibus sunt, qui velint terram à sole superari. Adhibeamus Architectum peritum quæ horum septem-peda controuersias cõ-
 cecit: verum non metiendo; opinor, sed cædendo. Nam qua
 ex materia, quòue ex corpore factus sit, ausus solus est Anaxago-
 ras dicere: ferrum esse illum igne penitus candens, veritus credo
 ne si ad secernendum hunc quoque mens illa sua manus ad-
 mouisset, solem in mundo non haberemus. Hoc fortassis De-
 mocritus neglexisset: Anaxagoras pertinuit: itaque munivit
 & duritie ferri, & ardore ignis: atque ne illum parum forsitan
 profecisse hac sententia existimeris, hoc nomine ab Atheniensib-
 us impietatis est damnatus. Quid nobis omnibus magis esse po-
 test persuasum (nam perceptum non audeo dicere) quam cælum
 circumcirca nos torqueri: terram in infimo mundi iacere immo-
 bilem? Exitit tamen Philosophus Syracusanus Nicias, qui stare
 cætera cuncta censeret, solaniq; rerum omnium terram circum-
 axem moueri, ex eoq; fieri, vt eadem apparerent omnia, quæ cir-
 cumuerso cælò eueniunt: Huic vt defuerit sua ratio, temeritas
 certè pro ratione affuit: adeò nihil tam absurdè dicitur, quod
 nou aliquo autore defendatur Philosopho. Iam cœlestium orbiũ
 numerus num adhuc satis peruestigatus est: sinem equidem video
 nullum fore, si quod vsque adhuc factum est, singulis propriè se-
 culis nouis aliquis orbis præterea adiiciatur. Nam de epicyclis
 atra ferentibus, ac de orbibus à medio mundi dimotis, quos ec-
 centricos ipsi vocant, sintne, necne sint, digladiantur per me li-
 cet cum Philosophis Astrologi: quorum alteri statos fieri motus
 sine his, alteri cum his naturam stare posse negant. Atq; hæc tam
 perspicua in mundo & manifesta quæ palam feriunt oculos, auer-
 sosque etiam in aliam partem, rerum pulcherrimarum spectacu-
 lo ad contemplationem sui trahunt, si ignorata sunt, & impercep-
 ta, quid erit de obscurissimis rebus, & à sensu nostro absconditis
 dicendum? Omittamus de Diis loqui, quò in genere nos Deum
 vnum agnoscimus, tribus personis, eadem mente, eodem numi-
 ne, eadem natura, eadem potestate in absolutam & simplicem v-
 nitatem redeuntem: non enim hoc à Philosophia, sed ab ipso
 met Deo, & Dei filio accepimus: irrideamusque in hac re tanta
 Philosophorum ineptias: delicias videlicet Epicuri monogram-
 mos Deos constituentis, sine corpore, sine farto, sola circumcir-
 ca lineata descriptione, humanæ figuræ similes. Stoicorum quo-
 que anum illam fatidicam contemnamus: Illud strictum attinga-
 mus, quod sanè non concesserit nemo: principio incognito,
 quæ ex eo principio gignantur nequaquã posse cognosci. Quod
 ergo non est rerum naturalium principium? num aqua, quod
 Thales posuit? quanquam ille veluti diuinans, quod sit atque
 assu esset moriturus, conciliare sibi tanto honore curauit aqua:

An aer,

An aër, ut placuit Anaximeni? vel ignis, quod Heraclito? item finitum principiumne, an infinitum? mobile, an immotum? Video maximas dissensiones. Nam atomi Democritica innumera-
 biles: quotidie mundos fortuitis concursibus efficientes, con-
 sumuot cogitationes nostras immensitate regionum, quas per-
 vagantur, & turba copulculorum. Materiam porro sua Aristote-
 les, quam sine forma, ita, & sine ratione esse voluit, unde cognos-
 sci posset: quomodo ipse cognouit? Longum est enumerare sin-
 gula: & parere tamen arbitror, ignorari Physica illis autoribus,
 quibus tractata sunt: quorum simul ut quis sententiam suam
 dixerit, non mecum ille quidem, sed, cum cæteris Philosophis
 futurum sit negotium, clamore ac iurgio pro contraria parte
 tendentibus. Sapientiae quidem in hac parte Philosophiae tantum
 abest, ut aliquid insit, ut contra sapienter deliberet, qui hæc tan-
 quam ingenii nostris longè exuperantiora omitrenda penitus
 ducat. Non enim profectò tantis sese à nobis spatiis Deus abiun-
 xisset, neque tot aliud supra aliud circumduxisset, tam vasta &
 diffusa elementorum corpora, igne quoque postremò commu-
 tabilem mundum hunc vallasset, superinduxisset irrequietos am-
 bitus cælestium orbium tot, atque tantorum, cursuque eos im-
 menso, ac inenarrabili in gyrum concitasset, solidissima & fir-
 missima compactos materia, si à nobis homunculis humi stratis,
 & in infimum locum deiectis percipi hæc omnia, & comprehen-
 di voluisset. Sed fac cognosci: quid tandem quasi nostra interest?
 Chreme, tantumpe ab re tua est otij tibi, aliena ut cures, ea ad
 te quæ nihil attinent? Iure igitur Socrates scientiam hanc reie-
 cit, vel ut obscuram, vel tanquam non necessariam. Philosophiam
 quæ peregrinantem procul à nobis, & in cælo errabundam, cre-
 do hospiciū quærentem deduxit quasi manu in ciuitatem, ver-
 sarique inter homines assuefecit, ei que præfecit muneri, ut de
 bonis rebus & malis ad vitam potius pertinentibus inquireret.
 At enim ingenua est, & homine libero digna hæc speculatio: cur
 non curiosa potius, & ei ipsi molesta, cui te nimium studeas in-
 sinuare? An ego si quæ domi ago, & in cubiculo, ea curiosius
 quis perscrutetur, feram molestè: neque verum arbitrer pati, ut
 meis intimis rebus speculator immineat? & Deum persuasum
 nobis habebimus hac inani nostra curiositate delectari? Nam
 de principibus quid narrem? quorum ad Deum propius accedit
 imitatio? Regis Persarum ferunt speciem, & maiestatem eiusmo-
 di esse, nihil ut illa augustius, nihil spectabilius nec cogitari qui-
 dem possit. Ipsum quidem Suis, aut Ecbatanis se continentem,
 abditum à multitudine oculis, habitare regalem domum admi-
 rabili opere perfectam, cuius parietes ex omni parte auro, ebo-
 re, electoque persfulgeant: vestibula porro domus multa ex-
 tare,

tare, amplaque, septis distincta pluribus, aliquot inter se stadio-
 rum interuallo, muris præaltis, & æneis foribus munita, quorum
 custodes sint eximie dignitatis viri: è quibus principes & summa-
 res qui sunt, duces, dynastæ, satrapes in primo proximè regiam
 assident vestibulo, cæteri deinceps ordine suo succedunt, omnes
 magnifico cultu pro honorum scilicet & dignitatis ratione. Iani-
 tores deinde cum his, & qui oculi auresq; régis appellantur Græ-
 co vocabulo *apra* coagmentatione *σπασσαι*, quorum visu ac mi-
 nisterio & videat rex cuncta, & audiat. Tum autem dispositi suis
 locis, quæstores, scribæ, familiarum & venationum duces, quiq;
 adeuntium dona recipiant, quorum quidem donorum innume-
 rabilis quoridie ad regem confluat multitudo. Denique operum,
 negotiorumq; cunctorum quæ ad gubernationem regni neces-
 saria sint, sui cuiusq; muneris curatores, atq; præfæcti: ipsam au-
 tem vniuersæ Asiæ dominationem terminatam ab Occidente
 Hellesponto, ad Orientem Indis, per regna & nationes & satra-
 pias tributam, præsidibus esse ornatam suis, qui se seruos ma-
 gni regis cuncti confiteantur: tum infinitam multitudinem
 existere cursorum, tabellionum, speculatorum, nuntiorum, ac
 montanorum præcipuè ignium, quibus rerum nouarum signa,
 si quæ de improviso res accidunt, & procul & propere dari pos-
 sint. Quorum quidem omnium tantus sit ordo, & ea celeritas,
 ac diligentia, ut quod in vltimis oris imperij nouarum sit, id eo-
 dem ipsomet die, succedentibus sibi inuicem nunciis, ignibus-
 que, Susis, aut Ecbatanis à Rege intelligatur. Ad hunc talem,
 tantumque Regem, inq; eius aulam, secretumq; cubiculum si
 quis aspirare conetur, rimando & speculando singula curiosius,
 vtrum ab eo initurus gratiam, an offensionem contracturus esse
 videatur? Quæ ergo audacia est, nihil vereri Deum in eadem
 causa, in qua pertimescimus regem? & rimari ac indagare eius
 arcana conari, quæ ne si oculis quidem intueamur, quæ & quan-
 ta sint, capere animo possimus? An non diuino oraculo est pro-
 ditum, Cælum cæli Domino, terram verò homini esse datam?
 ut cum eos fines, quibus circumscripti sumus, agnosceremus,
 extra hos egredi, & ad sublimiora euolare velle non contender-
 emus. Sed de huius scientiæ inutilitate, necnon vanitate, impu-
 dentiaq; eorum, qui tantum sibi ex ea arrogant, etsi plura pote-
 rant dici, tamen quoniam satis multa diximus, transeundum ad
 mores est, in qua parte maximè Philosophorum se iactat oratio,
 audent enim (quid est autem quod non audeant?) palam de se
 prædicare, idq; cum sermonibus, tum in scribendo asserere, ciui-
 tates ab sese constitutas, leges humano generi datas, artemque
 totam, rectè & ordine viuendi à Philosophia & inuentam, & per-
 fectam fuisse. Habeo hisce gratiam, magno enim errore sum libe-
 ratus:

ratus: quod enim antea ignorabam Philosophum fuisse Romulum, qui hanc urbem, quam incolimus, omnium sine controuersia maximam, & multo prestantissimam, condiderit: id nunc horum beneficio scio. Velim tamen audire, si commodum est, quam in Philosophia sectam fuerit professus Romulus. Atqui huius aetati longè dispares septem illi, quorum nomen in Græcia floruisse diximus: necdum Philosophiæ vox vsquam gentium fuerat audita, quum Romulus singulari quadam, & penè diuina sapientia præditus, ex eo videlicet sapientiæ genere, non quod isti, sed quod nos supra descripsimus, anno, ut est literis traditum, septimæ Olympiadis primo, Charopo Archonte Athenis, non solum condidit hanc ciuitatem, sed etiam optimis exornauit & legibus, & institutis, taleque studium virtutis iniecit, ut ab eo primo inductu, cetera aqua percussit in circulos solent, usque ad ultimos orbis terrarum terminos imperium populi Romani fuerit propagatum. Et quoniam argutè verba isti captant, in quo vno studio illorum omnis opera consumitur: teneamus stabilem distinctionem illam, rationemque veræ sapientiæ, quam nos antea edidimus, distinctam ab horum inani, sutilique sapientiæ: ne similitudine verbi aberremus, nèue quum quid sapienter factum dicimus, id intelligamus philosophicè (ut sic loquar) esse factum: sed prudenter, sed strenuè, sed naniter, ad laudem honorificè, ipsi illi qui fecerit, commodè & utiliter. Conantur isti quidem vno sapientiæ verbo inuoluere omnia, sed resistendum impudentiæ est, atque è duabus diuersissimis vnius vocabuli sententiis, sapientia nobis ipsaprehendenda est, illis sapientiæ vox quadam relinquenda: qui primum quum de moribus ordiuntur dissertationem, hoc veluti fundamentum scientiæ suæ subiciunt, virtutem in actione esse: neque intelligunt homines stultissimi damnari ab se primo statim inceptu artem suam. Si enim virtus in agendo consistit, quid attinuit tot voluminibus ediris, quum de eisdem præsertim rebus plures scribant, reuocare eam ad verba, & pro ipsa virtute, picturam quodammodo virtutis amplexari? Scribis de virtute, diuidis in partes, species singulas defini: disputas in utramque partem, remque positam in factis & in vigore quodam animi naturali, ad conclusiunculas, & syllogismos traducere vis: atque idem dicas virtutem non in ratiocinando cerni, sed in agendo: qui potes magis rectum ipse pugnare? Tibi itaque ergo credamus affirmanti, virtutem abs te petendam esse, qui non virtutem recte ipso te, sed simulachrum quoddam in tabulis descriptum obtines virtutis. An Ulysses, cui tantoperè laudi datur ab Homero, quod mores hominum multorum vidit & vrbes, si nationes easdem, quas peragrandò obuiat, eadem maria, in quibus toties rari fa-

eta periclitatus est, ex descriptione orbis terræ in tabula depicta
 contemplatus fuisset, moresq; & ritus variarum gentium aliquo,
 narrante didicisset, ipsam illam haud iure esset laudem a summo
 poeta assecutus: & nobis persuadebimus, ex verbosis volumini-
 bus istorum, tanquam ex pictura, virtutis officium & laudem
 nos posse consequi? Atque hæc ego perinde loquor, ut si isti ta-
 men aut de virtute rectè sentiant, aut in eo quod sentiunt inter
 se sint concordēs: neutrum horum est, & utrumq; nobis breviter
 perstringendum. Virtutes volunt esse mediocritates: Quæro er-
 go, quæ sit ista mediocritas? huius enim stabilem & certam si as-
 ferre queunt rationem, afferant aliquando, figantq; terminos,
 ac locum ipsum signent, ut ubi sit, & in quo consistat virtus, possi-
 mus ad punctum constituere: sin autem mediocritatem istam
 suam inconstantem & vagam, cœu nauem fluctuante salo, ancho-
 ris quidem alligatam ne illidi ad litus possit, medio autem in
 spatio huc illuc decursantem, variari moribus, temporibus, opi-
 nionibus volunt: nec eandem ubique, neque vnâ semper esse:
 quid nobis dat explorari atq; percepti, horum volubilis de virtu-
 te definitio? Sic enim, si rectè recorder, inquirunt: temperantem
 esse, verbi causa, qui his oblectetur, quibus oportet, & quando o-
 pus est, & quemadmodum decet: atq; hanc virtutem mediocri-
 tatem esse intemperantiæ ex vna parte; ea enim est, quæ se in o-
 mnes passim ingurgitat voluptates: stupiditatis ex altera, qua sen-
 sus hominis ad omnem gustum voluptatis penitus est obtusus.
 Quibus autem oporteat temperantem uti, & quando, & quomo-
 do nihil certi nobis præscribunt. At hoc est illud, quod maximè
 querebam: quo sine (autore te) nec vsus virtutis vllus, nec ratio
 constare potest. Item quum liberalem in medio statuunt auari,
 atq; prodigi: fortem, qui ignauo, & audaci sit interiectus: quid me
 docent de fortitudine, de liberalitate, de cæteris partibus, mem-
 brisq; virtutis? me dixi? quid alium quenquam, qui quidem sit il-
 lorum scriptis & oratione ad virtutem parator: Nam si rogem
 eos, amabo hoc mihi expedire, utrûmne sentitis virtutē sine Phi-
 losophia obtineri posse, necne? Quid respondebunt? Possē an-
 nuent? confecta res est, profligatum negotium: quo enim nobis
 iam erit Philosophia opus? Negabunt? Quid fiet tot clarissimis
 duceb; optimis fortissimisq; ciuib; quorum egregijs testata
 operibus, nominis gloriam virtus, cum ipsa penè æternitate adæ-
 quauit? Horatius Cocles eum libertati ciuium suorum, quam nu-
 per expulso Tarquinio rege comparauerant, vim fieri à Porse-
 na indigne ferret, ingruentem exercitum Hetruscorû in primo
 ponte sublicio sustinuit solus, tam diu, quoad pons rescissus à ter-
 go, aditusque hosti ad vrbis mœnia interclusus foret: quo facto,
 proiecit se in flumini, & vulnere accepto incolumis tranauit
 ad suos.

ad suos. Quæ ergo, num ille hac definitione fortitudinis à Philosophia inductus, tam memorabile facinus effecerit? an insita magnitudo animi & constantia naturali? Paulò post eiusdem regis Portenna castra ingressus est Marius, dissimulato habitu, ut cum hostem, quem Respub. vniuersa non poterat, ipse vnus ferro à ceruicibus patriæ depelleret: cuius inuictam mentem cum elussisset fortuna, scissa pro rege obruncato, quasi repetens ab sese erroris admissi penas, dextram foculo iniecit, vrique immoto corpore est passus: hic quoque in laude, & in virtute non mediocre profecto aliquid, nec ex itorum disciplina, sed omnia summa spectauit. Quid Marci Curtij illa de memorabili pietate dicam? qua còmpulsus in terræ hiatus ingentem, præcipitem se iecit, ut oraculo obtemperans labentem patriæ salutem morte sua sisteret. Est ea quidem accuratè à te & grauius laudata, Sadoletis, hexametris haud ita multis versibus: quorum lectione ira delector, ut memoriæ pleraque mandatum: nec venio serè ad eum locum, vbi ille consecrat sese, deuouetque Dijs inferis, salutem patriæ excipiens, quin misericordia fortissimi iuuenis mihi animus deliqueat. Sic enim sacris ritè peractis, inducis ipsum ad illum terræ discessum horribilem, tanquam ad aram victimam vitro accedentem:

*Ille autem (nam fata premunt, longaq; recitant
Ferte moras) coram vacuum progressus in aquor,
Vt fleuit abrupta titubato in margine ripa
Pallidus, inq; atrum deiecit lumina noctem,
Retulit os rursusq; caelo, sublatq; tendens
Brachia, in has supplex exoluit pectora Voces.*

Cernitis constantem & certum, ne ea quidem metuentem, quæ supra captrum humanæ fortitudinis esse videantur. Audiamus quid preceatur:

*Dij patrij, quorum auspiciis stat maxima Roma,
Es pater omnipotens, & nostri sanguinis auctor
Bellator Maior; Vulcane, paterq; Quirine,
Vestalesq; sacri, Ianiq; biuertici ora,
Audite hæc, sanctumq; precanti aduersite nomen.*

Deos testes innocat, ad quos paulò post ab hominibus est discessurus. At quid nam est, quo inuocet?

*Si qua (nefas) Virtutem odit crudelis Erinys,
Ad penamq; Vocat, fraus hinc communis abesto,
Vnuq; ego haud segnis dextra, ne frigidus armis,
Hanc animam inferno umbrarum regi, & Stygii Dijs
Deuotus Iucentiq; Solens, auramq; relinqua.*

Quid ira Marce Curi? aut quid tibi hac capitis deuotione expetens?

petens? num domesticum aliquem utilitatis fructum? Nequaquam, inquit:

*Tantum dura mei fugiant discrimina cines,
Hanc spem, quam patria incolumis dant fata, sepulcri
Et mortis comitem posco, ac metum ire sub Umbra.*

Ergo hæc te spes vna consolatur morientem, quod patriam relinquis incolumem. Quid Dijs inferis, quam in te esse potestatem vis? Exequamur deinceps, ut videamus nihil esse tam asperum, quod frangere bene a natura constitutam, & maiorum disciplinam, non dictatis Philosophiæ, corroboratam animi fortitudinem potuerit:

*Tum vos insensimanes, quem Romula Virtus
Displicet, invidiamq; mouent ingentia facta,
In me omnes conferite iras. & quicquid acerbum est
In caput hoc quodcumq; atro exsauiumq; parastis,
Vertite ab excidio patria exitioq; meorum,
Ipse luam. -----*

Dignus cuius Iouem ipsum spectantem è Capitolio caperet misericordia: etsi ei tum iter illud non ad exitium, sed ad immortali-
tatem erat, sequitur enim:

*--- Simul hæc dedit, simul assitit olle
Conspicuumq; auro, & Massylæ pelle leonem
Accepromens bellator equum, quo tendere in hostem
Primum, & obiectans in id surripere turmas
Suetus erat, subitq; acies turbare procella.
Hunc ubi terga premens, dorsoq; exceptus amico
Impulsi, & notis habilem tremefecit habenis,
Nil mortale putant, animiq; interitura heros,
Vise hominis maior facies, præcurre refulget
Sanguineo galeæ, & flammæ rutila arma coruscant.*

Ptochus longius ille cebra carminis: itaque redeundum ad institutum est. Hanc præclaram imaginem pietatis & fortitudinis, num è Philosophorum scholis putatis esse deprectam? Deprompsisse te dices, Sadolere: quanquam ego te arbitror ex poetica facultate potius. Verum ille quidè iuuenis fortissimus harum rerum rudis, patrij mortis peritus erat, quo omnis omnium erat ad virtutem & laudem contentio. Non disputo hæc loco quam sapienter manifestam in morte se obiecerit: imperus fuit in illo animi ad gloriam singularis, cuius fructum nullum viuis erat percipiturus: pie quidem & fortiter certè. Quanquam huius similes per multos quondam tulit hæc ciuitas: quos si Philosophorum oratio, ac non habitus naturæ præclarus, atque diuinus patriis legibus obtemperans, ad virtutem animasset, ne haud vnquam hic locus orbis terræ imperio domicilium præbuisse. Quo ergo nos

Et nos adiunxit horum ea, & de qua iam dudum loquimur, medio-
 critasque acinuultis est, quod incerta: aut irridenda, quia nul-
 la. Quid nōne nosmetipsi commemorare soletis, Stoicos nobi-
 lem in pannis vestra etiam existimatione, vestroq; iudicio, Philo-
 sophorum sectam, subtilius certe creditam, velut ad examen, per-
 pendite singula. Aut fuisse funditus omnem istam mediocritatē
 magnisq; clamoribus a Philosophis reliquis dissentire? Atqui hi
 cum strepitus euellunt ex animis nostris omnes affectiones, quod
 illis nulla ex parte volunt perturbari sapientem: adimunt profectō
 virtuti campū hunc a veteri Academia datum, in quo metando,
 capere medium sibi ipsa locum, & ita demum proficere se virtu-
 tem possit. Etenim si nullus existerit animorum motus, nulla
 iracundia, nulla formido, nulla molestia: si nullus flagrauerit
 ardor cupiditatum, intestinorumque appetitionum: sed con-
 stanter & simiter ab omni vel tantulo motu partis in animo
 ratione carentis, auersa semper erit & aliena ratio, mensque sa-
 pientis: neque ea magis impulsu perturbationū huiusmodi, quā
 saxum fluctu commouebitur: nihil erit omnino in virtute, quod
 ex mediocritate spectari debeat: sed in alia quadam facultate &
 ratione exister virtus. Si verō & hos ad animum sapientis perti-
 nere motus, ac in eis ipsis mediocritate temperandis consistere
 virtutem, & Peripateticis, & veteribus Academicis fidem haben-
 dum: alia tamen commodior, alia hosce certior flagitanda defi-
 nitio est: ut si doctrinam sibi sumunt virtutis instituendę: sumant
 utquequaq; nosq; certis vestigiis quasi manu deducant ad cogni-
 tionē perfectam: virtutemq; istam mediocritatē ratione aliqua,
 tanquā vinculo cōstringant: ut minimē illis obscuris, sed claris
 & constantib; notis ea comprehendī a nobis possit: neque eam
 rejiciant ad tempora, & ad occasiones, quarum nunquam est si-
 milis neque eadem observatio. Sin autem quę sit in vnaquaq; re
 tenenda mediocritas, suo cuiusq; consilio statuendum permit-
 tant: verendum credo, erit, ne qui naturę bono & ingenij sui vi-
 ribus perspicere poterit quid sit in quaque re tenendum, & qua-
 tenus: idem non intelligat fugienda extrema esse, difficileq; sta-
 tuar ieiuniatem, vitare & crapulam, cum (in quo inest virtus)
 quod medium inter utrunq; est, elscis & potionibus uti ad corpo-
 ris valetudinem optimē sciat. Et tamen si tanti ista est mediocri-
 tas, eaq; ab his & nō inducta, & optimē percepta: cur ab ea tantū
 ipse verborum & loquendi profuentia discesserunt? an cetera-
 rum quidem rerum modum, loquendi fines nullos esse volue-
 runt? At ego nil video neque sententijs sapientium, neq; cōmu-
 nibus proverbijs, loquacitate notatum magis esse: quorum enim
 est, Multiloquio inesse stultitiam: nōne horum istorum,
 qui sapientia verbosius tradenda committunt in decretum ipsi
 suum?

suum? Sectemur Philosophos, virtutis ab his usum & disciplinam peramus, inque eorum libris euoluendis tempus omne conteramus: ut quum verba pro factis, virtutem pictam pro vera fuerimus amplexi, tum in eo ipso, quod turpissimum est (quid enim est graui & sapienti viro garrulitate foedius?) ne in nostris quidem definitionibus insistamus: simulque asseramus mediocritatem, simul ipsi nimij simus: ut quod & verba sunt, & verborum modus nullus est, utraque re à virtutis praestantia, & grauitate desiccamus. Atque hac definitione labefactata, quae tanquam atræ est totius horum scientiar, corrumpere quidem virtutes ceteras exstructas super mediocritate illa praelata cernimus. Sed de ipsa iustitia seorsum aliquid est dicendum: non enim hanc fortitudini, similiter & temperantiae volunt esse mediocritatem: sed mediocritatis potius in alio esse stricticem: ut si quis inferenda iniuria in superiore loco factus sit, multa dependenda ad æquum redigatur. Hic enim uero breuiter & expedite quæro, iustum naturane sit, an in legibus hominum duntaxat, & in opinionibus ac disciplina: si enim à natura est, quæ fuit multorum in Philosophia principum sententia, atque opinio, quodque idem in primis sensit Pindarus, Legem, inquit, reginam mortalium omnium, & immortaliū, agere ius violenter præpotenti manu: ea te facere se coniecturam hanc, quod Herculem legerit, nec emptas, nec donatas Geryonis boues abegisse. Si inquam præstantioris è natura est in inferiorem dominatio, & ad eius qui plurimum possit, arbitrium iuris tota ratio sectenda ac moderanda est: qui primum erit, quæso, iniuriæ locus? ut quæ iniuriarum dabitur actio, quæ uis reuulsio? vi enim dominante, omnis euectigio iuris regula, iniuriæque sublata est: deinde sequetur illud quoque, ut legibus scriptis parere ratio nulla sit. Quid ita? quia quod è natura est idem semper & uniusmodi est: leges uero cum variae, & commutabiles, tum plerumque inter se contrariae: dissidentes igitur à iustitia si iustitiam naturalem tenere uoluimus, quæ quidem uere his & propriè erit iustitia, ius Quiritium legitimum, ac ciuile omne negligemus. Non ergo in hac humana societate, neque in his urbium cœtibus, quos nos legibus sæpe latis, eisdemque & correctis, & immutatis, & antiquatis, & denuo sæpe rogatis, regi, gubernarique perspicimus, uersabitur istiusmodi iustitia: sed alios extra requirit homines, alias ciuitates. Nos uero qui iure scripto æqualitatem illam ciuilem retinemus, à uera procul iustitia, cuius exemplum in natura querendum est, alieni erimus? & hoc Philosophus dicere audebit: ac euertere ciuitates, quas à se potissimum uult esse constitutas? Iure ergo Athenis capitis sæpe damnati, sæpe acti in exilium, & antiquitus aliquot senatusconsultis ab Italia summo sunt Philosophi. Si uero id, quod uis & uita

magis

magis comprobatum est, iustum nihil habet omnino cum natura commercij, sed opinionibus totum & consensione plurimum in iustum eorum coeuntium conficitur: expeditior tuerit quidem de iusto & iniusto ratio. Sed huc nihil Philosophiam concernit: alijque nonnulli ad hanc querendam agendamq; iustitiam definitiones aut precepta Philosophorum, sed suę cuiq; civitatis leges & patri ritus erunt cognoscendi. In hac sententia Aristippus fuit princeps Cyrenaicę sectę, nihil omnino natura esse iustum, iustum, curpe, honestū: sed hec expendi omnia & effici opinione. Sensit hoc idem Archelaus Socratis doctor: cui in Physicis consummato, atq; perfecto fides habenda est, tanquam nullam in natura, quam proferre posset, iusticię speciem intuēti. At eiusdem Socratis discipulus Aristippus: ut eandem de iusto iniustoque sententiam veritque interiectum tenuisse Socratē possimus suspicari: quum quod alteri tradidit, ab altero rulerit acceptum. Quamquam si Philosophiæ cum legibus, quod quidem communis utilitatis inter sit, facienda est contentio, quid simile? ut fortem virum exempli causa constituamus, definire fortitudinē esse habitum animi ferentem aspera, & difficilia constanter, quatenus docet, & quando, aliaque similia multa, & legis iussa attendere. Milites qui sacramentum iustum dixerit, ad signa frequens esto imperia servato, acie ne excedito iniussu imperatoris: neue locum ab eo assignatum deserito, nisi teli petendi, aut hostis feriendi causa: qui harum rerum migrasset, mors poena esto. Nonne à lege hæc vobis fortitudo, à Philosophia oratio fortitudinis videtur tradi? Eodem modo in ceteris. Est enim gravitas legis & auctoritas in iubendo, atque vetando: Philosophiæ vaniloquentia in hisce rebus omnibus ad disceptationes & verba reuocandis, quo esse nil potest à vera virtute alienius. Marcus Cato ille sapiens, qui etiam ex sapientia hoc cognomen inuenit, antequam in hanc esset urbem Philosophia perlata, cum Carneadem, & Diogenem Philosophos legatos ab Atheniensibus in causa Otapi missos ad senatum, rem huius civitatis audisset orantes, perturbatus eorum oratione, quam primū censuit dimittendos, iuuenientem enim à studijs militiæ ad eos audiendos conuertam esse, simulque intonuit, velut oraculo quodam, Tunc orbis terrarū imperio civitatem hanc spoliaturū iri: quum in ea esse honos Philosophiæ cepisset. Neque ille opinione falsus elyomnes tunc postea huius præstigiatrix, & tanquam venefici iussu in urbem, industria nervi, & disciplinæ soluti sunt: nec ante desit à virtute agere quisquam, quam de ea loqui didicisset. Sed quoniam nos quidem præclarissimum nomen hoc virtutis à cognitione hominum & disciplina nō remouemus, quod cōi communis vitæ, tanquam sole è mundo sublato, necdum agendi

splendide, sed ne loquendi quidem, via & ratio vlla parere possit: quod antè fecimus de sapientia, vt exponeremus, quidnam ea esset, sententiam nostram, idem nunc conabimur de virtute: nec tanquam à Philosophorum schola, quorum ego nec probavi, nec penitus noui artem, ab ipsoq. primo lumine tum noui atque absurdis sententijs eorum tum iurgantibus inter se, rixantibusque clamoribus fui repulsus: sed tanquam homo in hac urbe diu multumque versatus, in qua quod omnibus assentientibus verè dixerim, tota mihi & agendi ritè, & iudicandi ratio cum inuenta fuisse videtur, cum tractata semper, atq. perfecta. Hanc igitur urbem ipsam si vere, si iure, si merito laudibus efferebant, praestitisse eam cunctis nationibus; cum consilij & sapientiae gloria, tum virtute atq. factis existimamus: rectè cunctis fuerit ab illa in nostram disputationem & sapientiae, & virtutis species describenda. Vt enim si quis fingendi artem aut ezlandi comparare esset meditatur, melius credo & facilius a Ioue Phidiae Olympio mentiones, cōuenientias, lineamentaq. deduceret, quàm ex vllius statuariaj, si opus ab illo nullum proferretur, possit oratione: Sic nobis ad indagandam, vel intrucendam potius virtutem ac sapientiam, non Philosophorum inanis sermo, sed simulachrum nobile praestantissimae ciuitatis debet esse propositum. Quod igitur vrbs Roma, vel ciuitas potius, quae hunc murorum cinctum, quam urbem dicimus, incolebat, de principio sibi orbis terrarū imperium designauit, quarumq. rerum, atque artium vsu, atq. exercitatione illud poterat comparari, eas res omneis artesque adhibuit in disciplinam, legibus consecuit, honore aluit, praemijs corroborauit: idcirco nos sapientissimae ciuitatis exemplum imitati, sapientiam eam descripsimus, quae esset earum rerum scientia comparandarum, quae communi aestimatione hominū maximi penderentur: eas porro res diximus opes, potentiam, imperiū, gloriam: quam in vno fortasse imperio insunt omnia. Sed quia nō semper perueniunt ad summum, in quoto quoq. virtutis & sapientiae gradū insistere exoptandum est. Quoniam verò non in vna sapientia opis tantum est, vt a semetipsa efficere omnia ea possit, cunctaq. reque explere, & consequi beatissimam vitam, nisi ad eius opus, minusq. quod in prospiciendo est ac praespeculando, cum finem quo intendit, tum vias atque itinera, quae ad eum finem praecurrunt, natura aeris & vegeta adiungatur effectrix consilio, quae fuerint deliberata ratione: idcirco ad suis omnibus & partibus eam, & numeris instruemdam, quemadmodum in corpore oculis manus, sic virtus in animo sapientiae necessariò cōmès & adiutrix data est, vis & efficientia quae in animo cuiusque, quā quidem licet res gerendas natus, vigorque & diligentia naturae, hanc Graeci *σύνεσις*, nos Latine, & quidem aliquando nisi

gnifi-

significatur, dominatam possimus appellare, in istam illam inducitur tam potestate unipigrè prudentie decreta: cuius cum ingenii, consiliique lumine societas & conspiratio, nimirum illa hominum inter se explicet, consensumque virtutem, quærum Philosophi dant, etiam multa, vni fortes rem esse usque nouere. Nam ut sese prouentus naturasque coniunctè vel ad labores, periculaque dedunt, vel ad voluptatem, vel ad pecunie vsum & tractationem: ita illa in quoque genere exsistit, elucetque virtus, tum liberalitas, tum fortitudo, tum temperantia. Ac ut in eodem exemplo instamus, non fac fuisset profecto urbi huic, nec videre, summe omnium esse expetendum cæteris gentibus imperare, nec verò quibus id rebus commodissime agi & cõfici posset, etiam prouidere, nisi uirtutem, hoc est, nauitatem, & industriam ad agenda que uideret, adhibuisset: quam quod adhibuit, & quidem ciuitatibus extensumulto magnificentiis, iccirco cunctarum sibi gentium peperit dominatum: imperioque constituto, atque opibus omnium suæ potestatis factis, sinem naçta quo intendebat, effudit demum ipsa ex sese plurimas, & maximas in omne genus hominum uirtutes. Siquidem ex loco & solo hoc, ex his ipsis moribus, non tam substructione murorum, quam antiqua maiestatis glorio & religionis honore munitis, omnis humanitas, omnis prudentia, leges, iura, ritus sacrorum, cultusque uirtutum, omnes denique optimæ atque honestissimæ artes in orbem longe & late terrarum inundauere. Hac descriptione a nobis facta, quæ iam uerè virtus sit, quodue ea spectet, tanquam ad finem quidem, & quid sibi porro expetat, arbitror uobis esse patefactum. Nam quem isti finem uirtuti statuerunt, si modo serio id agunt, neque stultum expectationi nostræ, est sanè causa quæ dimoueamus: autem enim uirtutis finis, ipsam esse uirtutem. Quomodo hoc narrantur, non enim facis quid dicant intelligo: ut uirtus sibi ipsa finis sit, hoc est, ut querat ea, & appetat se in eam ipsam. Qui fieri potest, aut cur se iam naçta, vel agat quicquid, vel molliatur ob adpropinquandum: neque potius iam contenta, & plena conquiescat: ut prius nulla a uirtute, si ita se habeat res, proficiatur actio? Nam quid ab se egrediatur aliquid opere laborisq; propter se suscipiens: aut cur e complexu diuellatur suo, quo rursus deinde redeat ad se, cum iam in seipsa posita & locata sit? Nam quos non illi fines proposuimus, non illi quidem idem sunt, quod uirtus: sed bonæ affectiones, præmiaque uirtutis, ad quæ duce & comite uirtute peruenitur. Imperiū, & potestas, & autoritas, & gloria, opesque, multa cæci cupiditatum, quas in istas in natura hominis, ad eum modum gubernat ratio, ut sine damno, dedecoreue operata nobis suppediant, uitæ iucundam & beatam efficiant. In hac aciem & lumen mentis omno intendit prudentia. Iustitia uerò, sit

subtiliter tota & penitus introspeciat, nihil aliud agit profectò, quam ut comparata sibi inter homines auctoritate atque fide, honoribus ultro, & præmijs cumuletur. Nam temperantia voluptatibus adhibet modum: non odio quidem, aut contemptu ne voluptatum: sed ut sanitatem in corpore, tranquillitatem consuevit in animo: quorum altero assequimur ut de voluptate ipsa liquidius iudicemus, quod ipsum ad gustum eius & iucunditatem conducit plurimum: altero, ut diutius illa, & suavius perfruiamus. Vna est virtus fortitudo, quæ declinare aliquantum à lege sapientiæ, & laboribus quandoque tolerandis, periculisque alacriter subeundis, parum commodi sui rationem ducere videatur: verum tanta est lux eius illius gloriæ, quam sibi habet propositam, ut quemadmodum in solis lumine colores ceteri discerni non facile possunt, sic splendor laudis perstringat sæpe non solum fortunarum, sed salutis etiam & capitis cogitationem. Nec verò Philosophi non in fine ipso turbauerunt: idem enim virtutis finem, virtutem: idem beatam vitam virtuti, ut finem, statuam voluerunt: quod quidem probabilius dictum est: aliud enim necesse est finem, aliud eam esse rem, cui is sit finis. Sed de beata ipsa vita quid sit, aut ea in quo consistat, quid est tandem ab his communi omnium sententia quasi feritatis lege sancitum, in quod intrantes dirigere eodem rationes omnes nostras, & consilia totius vitæ conferre debeamus? O consulam & perturbaram disciplinæ rationem, quæ veritatis notionem professæ, in maximis errorum tenebris versatur: & artem bene ac beatè degendæ vitæ se tradituram pollicens, non modò nihil certi dat, nec explorat, verum si quid a nobis vel communibus animi conceptionibus, vel vi ipsa naturæ, quæ omnibus profectò in rebus valet vna plurimum, comprehensum est, atque perceptum, id totum contortis quibusdam rationibus, & fallacibus plerumque argumentis conuellit ultro, & labefactat: ut neq; vnde deducti simus, neq; quò progrediamur possumus vllam in partem constituere. Quid inquam est ab his in re vna omnium maxima, constituendis vitæ nostræ finib; hoc est, viuendi iure, lege, more, ordineq; tradendo, fixum, firmum, ratumq; statutum, quod sequamur, quod & actionib; nostris, & cogitationib; anteponentes, ritè recteq; viuendi officium omne expleamus? At quanta in finibus disciprandis tumultuantium certamina Philosophorum sunt? quanti ipsi tumultus: quomodo variè & dissidentes, & controuersi sententiæ? Voluptatem finem posuit Aristippus, & eam quidem, quæ sit corporis: quòd cum dulci aliquo, & iucundo motu in sensib; perfundantur, summum tam in eo existere hominis bonum. Idem voluptatis nomen in fini statuenda secutus est Epicurus, sed aliqua in re ipsa tamen est dissensio. E contratio graue, & seueram honestatem oppo-

opposuit Zeno, eamq; dixit beatæ dominam esse voluit: spreuit
autem penitus & abiicit voluptatem. Neque tantum inter hos-
ce contrarium partium duces acris pugna est, sed promouet ut-
terque acies suas, Cyrenaicas ille, Zeno autem Stoicas: nō vt dis-
ceptandum numero causa definiatur, sed vt clamores & iurgia
augeantur. At Calipho tanquam iudex blandior, litis fugitans, &
se vtrūq; vendicare cupiens, voluptatē coniunctam cū honestate
statuit esse finem: vacuitatē cum eadem doloris Diodorus Peripa-
teticeus nam Theonem Rodij sententia cauta mihi magis, quam
fortis videri solet. Ille enim vna indolentia summi boni nomine
honestanda, non tam adipisci bonum, quam vitare studuit ma-
lum. Tribus autem tanquam finibus contineri beatam vitam, &
veretres Academicæ, & princeps Peripateticæ sectæ Aristoteles vo-
luere: utinamque ab illis genera bonorum inuenta, quæ animi es-
sent, & quæ corporis, & quæ fortunæ. Contrà Euclides Megaren-
sis, ipse quoq; a Socrate, è quo Megarici Philosophi, summum
bonum esse quod esset ipsum, & simile, & idem semper: nec tamē
illud quod nam esset, satis explicauit. Quid aut imparitilitatem
Pythionis (eam Græci *ἀπαρτησία*) aut scientiam Hierilli, aut in-
differentiam Aristonis: aut mentem, aciemue mentis, qua verum
cerneretur, quam Menedemus intulit, & ab eo qui sunt Eretriaci
appellati in ponendis finibus commemorem? Qui quidem fines
innumerabiles penē Philosophis sunt: iidemque direpti sæpe
Philosophorum inter se contentionibus, sæpe vltro citroque
statui, nunciusque commutari, neuiquam adhuc finium regundo-
rum suble iudicium, nec certam mensurionis notam tenuerunt:
quoque magis tantas istorum insanias misere, possessione neque
verbi, & ea admodum illigiosa: at ita fuisse eorum & discre-
pantes, ac fere ad modum contentionis studio, de his ipsis fini-
bus bonorum effarite sententia, vt nemo mehercule sic, neq; ita
orbatus animo, neque oculis vsq; aded captus, atq; conuiuens,
qui in quameunq; partem temere fortuitoq; se mouerit, non in-
currat aliquam earum, quas de summo bono tractat Philosophi,
opinionem atque sententiam. Quæ igitur grauitas, qui ordo,
quæ constantia: quid in Philosophia ista vestra tale atq; ciuino-
di, vt in ea accuratius versari, aut quietiores animo, aut consul-
tiores iudicio atq; scientia, moribus ornatiores, sapientia instru-
ctiores simus? Et hæc ea est (si Dijs placet) quæ nos se erroribus o-
mnibus erepturam, in viam veritatis inducturam, ad bene beate-
que viuendum erudituram pollicetur. Simile verò est eximere er-
roribus, & his maxime inuoluere: offerre dubitantibus lucem ve-
ritatis, & clarissimis vltro rebus omnium tenebras dubitationum
offundere: tradere vitam beatæ rationem ac regulam, & in ipsa
constituenda beata vita, summa cum miseria, & pertinacia, tur-

pillimis altercationibus, & maximis contentionibus conficiari.
 Quæ quoniam me bona ex parte vobis demonstrasse arbitror cu-
 iusmodi sint, & quam inania ab his, qui se magistros volunt, &
 doctores sapientie esse, non suscepta solum, verum etiam incon-
 stanter, leuiter, contentiose, nequiter & disputata & tradita: deq;
 parte hac, quatenus quidem pertinet ad mores, satis est dictum:
 quæ reliqua sunt breui iam sermone percurramus. Restat enim
 pulchella & concinna, non iam illa matrona, sed meretrix Diale-
 ctica: De qua quid est cû iam multa dicamus? Etenim ea si cor-
 pus suum haberet, & propriam subiectam huic arti materiem in
 rebus & in natura positam, in qua se versaret, formamq; sibi inde
 alicuius certe excederet disciplinæ, esset forassis aliquid, quod
 contra eam serio dicere possemus. Nunc autem quid agamus?
 suscipit illa iudicis, disceptatricis q; personam, cuius munere de-
 currit? Nullius: neq; enim in albo prætoris vlla meritis, & susci-
 pit tamē, verum impudenter, neq; adeo huius indignitate impu-
 dentia stomachum vt hominibus, sed vt risum moueat: veri se &
 falsi ait esse disceptatricem, & de ea re laturam iudiciū. Qgos in-
 ter: num Medicos, si quid incidat (vt assoler) controuersia de
 genere morbi, & num mittendus sanguis, aut aliud ducenda sit?
 hic verum illa dijudicabit, aut falsum. Quo pacto? aut quid ad
 eam attinget de medicina loqui? An inter Mathematicos? quid
 eius vllam in partem interest, puncta, numeros, lineas, sonos, mo-
 tus, interuallaque cognoscere? nam cum duabus cæteris, quas
 nos paulò antè perstrinximus, Philosophiæ partibus, si quid ha-
 beret communis, aut commercioj, nequaquam esset illa ab his
 partis suæ proprijs insignibus, & ipso nomine discreta. Quid er-
 go est? nudata rebus omnibus, exclusaq; doctrinis, vt est nimium
 ambitiosa, & in numerum procedere cupiens, format sibi ipsa at-
 que fingit articulum quandam verborum scilicet: & eorum no-
 dorum, vt aliquid saltem hoc pacto esse videatur: terminos, pro-
 positiones, syllogismosque fabricans, & syllogismorum figuras,
 tum simplicium, tum (vt vocat ipsa) connerorum: quas etiam
 memoriæ videlicet, & docilitatis causa carminibus comprehen-
 dit, sicut quàm lepidis. Atqui videamus quam rem agat: Omne
 animal est substantia, omnis homo animal. Quid ad te Dialecti-
 ce, homo animal sit nec ne? hoc Physices est, & eius disciplinæ,
 quæ rerum naturalium profiteatur notionem. Nihil inquit: sed
 exempli causa infero, vt argumenti vis intelligatur. Ergo tu serias
 res exempli causa affers, vt frivolas amplectare? Agam, inquit,
 alia ratione. Omne b, est a: Pulchre: Omne c, est b: Probè:
 ergo omne c, est a: Admodum. O libidinem effrenatam gar-
 rendi: tanti nec est hæc perplexa vestra cognoscere: quorum per-
 ceptio difficilior est propter nouitatem nominum nimium: &

contor-

conuersionem argumentorū, quam sit cuiuslibet alterius scientia integra disciplina. Similia sunt illa: Si est a, est b: non est, b: non est ergo a. Ne sit sanè. Quid enim quoniam quidem à ludo literarum discessimus, nostra quasi refert: Verum tu grauis planè iudex, veri disceptator & falsi, quid habes dicere, cur tua ista ars aliquid veri nos doceat, quum sit inanis tota, nec habeat quicquam naturarum rerum cōsistens, quo tanquam fundamento niti possit falsi vitandi, qui nos efficiat cautos, cum si quid tamen agat, illud potissimum agat, ut capciosi & fallacibus conclusionibus, si em quid perceptum est, & comprehensum, id inuito, ingratisque extorqueatur? Vnde enim Sorites? vnde mentiens? vnde illud Corientem, præclara sophismarum, & cauillantium argumentorum nomina? nam ignauam rationem (*ἀργὴν λόγον* vocant Graeci) optime in hos conuenire non negarim, veluti è qua omnis eorum vita dependeat. Sed quæro, numi statutum etiam nunc nauis illa 30. remorum in portu Athenis, qua vectum in Cretam Theseum Minotauro interempto, septem illos nobiles pueros in patriam reduxisse incolumes fama narrabat, sit ne ea ipsa, quæ fuerat Thesei: an prorsus alia? cum quod ex ea vetustate deperierat, deinceps fuisset refectū? Quin & alia hæc consentanea: Est ne tacentem loqui? nequaquam: at cum lapidem loqueris, tacentem loqueris, acutè, quid ergo retat lapidem esse te, cessi loquaris tamen, sed quæ lapidibus digna? Item illud, Est ne sanctè iurantem peierare? nihil minus: atqui iuratus se peieraturum, ubi peierauit, sanctè iurauit: igitur tu, qui veri tibi arrogas iudicium, horum testium, qui vt sanctè iurent, libenter peierabunt, idem dicto adiungendam putabis? Nam me hercule illud festiuum: Quo Coriscum verberari vidisti, hoc Coriscus verberabatur: Na, at vidisti oculo Coriscum verberari. Cernitis vt pueri omnia inæptiarum sint, nihilq; ab hac disciplina solidum, nihil sit humum: neque aliud quid tamen, quod in vsum prudentiæ aliquem, aut scientiam nos inducat, sed in ea laqueos tantummodo & tendiculas confici captandis ingenijs adulescentulorum: quibus si qua antea ordine statuta sunt, mox destruantur: vt Penelopem celam suam ferunt quantum texuisset interdiu, caurandem nocturno opere retexentem. Eadem quum essent nomina rerum causa indicandarum reperta, primum ipsa rebus omnino prætermisiss, in ipsis nominibus versandis, ac citro vitroque insequendis operam omnem sumit. Deinde etiam alia sibi fingit, tanquam ex argilla, & luto, quæ non rerum nomina sint, sed nominum. Tum autem toto isto in genere vsque eò illudicè iocundè, atque ambigudè, vsque eò sibi in eo vehementer placeat, si quem inexpectatò, & præter concessorum sententiam opinionibus includat, inopinantem quæ irretiat, vt ca-

sum pro casu, genus pro genere, tempus pro tempore, nomen pro nomine permuetet sapē, & apertissimē atque impudentissimē canilletur, puerilemque sibi ex hac re gloriolam & laudem intempestiui acuminis quærat. Quapropter melius Zeno, quamquam & hic Philosophus, arctamen ille melius, quam aut Menedemus, aut Stilpho, ipsi quoque probati in Philosophia & clari, quorum in his sophismatis & argumentorum fallacijs omnis industria consumpta est. Etenim Zeno, quum dialectico argumento esset ab adolescente quodam laceratus, atque uti responderet efflagitaretur: Amabò noli, inquit, ad studia me puerilia reuocare. Stilpho autem tantum in his nugis posuit, ut capta per vim patria, quum admoneretur a propinquis, si quid de bonis suis seruarum veller, extra urbem ut efferret, responderit, omnia se bona sua secum ferre. Quanto hic arti suæ plus autoritatis contulisset, si illaqueasset argutijs Demetrium regē, ne quod ille instituerat, Megaras urbem opulentam militibus diripiendam permetteret. Nam Menedemi fertur illud in primis: Alterum ab altero alterum est: prodesse alterum à bono: igitur prodesse non bonum. Dignus cui Rex Macedonum Antigonus, qui in hunc Philosophum plurima contrulit, nunquam quicquam prodesset: ut quod non erat bonum, eo illum ne afficeret. Sed hæc friuola, eaque innumerabilia, quippe in quæis tota ista ars & studium est frum, prætermittenda nobis sunt: finisq; faciendus, cum quòd satis iam de tribus partibus Philosophiæ disputari est, omniumque inutilitas & vanitas demonstrata: tum ut ne in idem ipsi vitii garrulitatis incidamus, quod in his reprehendimus. Reliquum nunc est, idque extremum ut videamus quid afferant, non dico isti, qui Philosophiæ palam omnem honorem tribuunt, qui sine illa arbitrantur nullius esse momenti viuere: nam hi quidem sua stultitia dupliciter mulctati sunt, & quòd ineptissimis in rebus tempus omne suum, & studium disposuerunt, & quòd ne hoc ipsum quidem intelligunt, se oleum (ut dicitur) & operam perdidisse. Sed qui cum tantum Philosophiæ non deferant, affirmant tamen non esse illiberale hæc ipsa cognoscere: scientiam enim omnem in partem bonorū esse: ita Philosophiæ studium, ut nihil magnoperè prosit, tamen nihil obesse: Qui mihi videntur non ea loqui, quæ sentiunt, sed quia si plena manu collaudent Philosophiam, sibi lum metuunt, cum cupiant dissimulare, vereri ne ipsi quoque ad Philosophorum numerum irrisione vulgi aggregentur, si qui præsertim prouectiore iam ætate hoc faciunt, nam pueris & adolescentulis (dicam enim ingenue quod sentio) hæc quidem concessa sit potestas Philosophos tamisper sectandi, omnis enim illam ætatem decet ludus, quòd non grauitas ab ea, non consilium postulat: quin habet aliquam indelem

dolet ingenij, aliquod specimen ingenuitatis ista ipsa in pue-
ris, ut balbutiendi, sic etiam Philosophandi grata intuentibus
naturæ: inchoatos verum ubi grauiorē anni accedunt, diesque
ipsa aliam vitam affert, alios mores postulat, perseuerare in his re-
bus, & iudicare exercitantiunculis serias res posthabere, summæ
non solum ignauit, verum etiam amentit est. Etenim nobis po-
sita est ante oculos vita communis, quæ nos incendere habeat
studio, & cupiditate earū rerum assequendarum, in quibus cun-
ctorum studia & cupiditates flagitare cernimus: Sunt honores,
qui specie ipsa pulchritudinis & dignitatis alliciunt ad sese ani-
mos nostros, & aduocant: Sunt imperia in quibus constituti qui
sunt, cum Deorum quasi similitudinem videantur referre, fruun-
tur cultu multitudinis, & magnitudine potentie suæ: Sunt opes
atque diuitiæ, subsidium vitæ, ornamentum otij, virtutis atque
prudentiæ necessaria supellex, solatium in laboribus, auxilium
in periculis, quarum qui potiuntur, ij neque vllam ipsi frustra
suscipiunt cupiditatem, & ceterorum quoque cupiditatibus li-
beraliter interfueri, studia sibi hominū, & voluntates ad quod-
cumque libenter perficiendum, adiungunt: Est auctoritas, atque
coactio, quam qui in ciuitate sua obtinent, fide sibi apud
omnes comparata, facilius & rutilius, tanquam inobseruatis vesti-
giis, quo intenderint, possunt peruenire: Et denique tota illa
diuina splendida, in foro illustris, ad populum gratiosa, in senatu
gratis ratio vitæ, atque descriptio: quæ cum sibi in omnes par-
tes congrua & consentanea fuerit, cumque ea se ingenij, & for-
tunæ munierit apparitione, ut beneuolis gratiam, inimicis me-
ritum possit afferre: neque aut propter debilitatem animi in ad-
uersis rebus succubuerit, aut propter insolentiam in secundis im-
moderatus fuerit elata: sed eum semper tenorem, eam constan-
tiam adhibuerit, ut neque animo vnquam labesiat, nec consilio:
admirabilem quandam speciem proferat summi & excellentis viri,
qualem nos omnes iam dudum sapientiæ laude decoratum esse
volumus. Atque hæc tot atque tanta, quæ qui hominis prima &
principua esse negant, homines mihi non videntur ipsi, cum opta-
bilis ipsa per se, & apte vi experenda sunt: tum hoc magis in-
flammanz mentes nostras ad appetitionem sui, quod omnium stu-
dijs atque votis vehementissimè conquiruntur, incitatur enim
omnes profecto similitudine & emulatione quadam ad id certa-
tum agendum, in quo videamus ab omnibus certari, ut in eo ma-
xime prout vi natura eluceat. Quis enim in stadio currentibus
subito ceciderit, non continud ipse animatur ad cursum, ut etiam
si se teneret, nec nilominus venæque turgescant, & tan-
quam signum expectantes pulsi vegetiore ad prosiendum con-
citantur? Quis aut in lachrymis circumstantium siccos, aut in

plausu & laticia merentes tenuit oculos: cui quamuis timido & insolenti sonitus tubarum, & Martius ille clamor praelium poscentium militum, non perfudit animum alacritate quadam, ut ad eadem arma tractanda cupiditate tacita inuitaretur? Quem aut proximorum metus ad formidinem, aut fiducia ad spera non iniecit: ac ut breui comprehendam, id quod in fidibus lyre videmus accidere, ut si contentæ duæ eisdem tonis fuerint, alterno pulsu resonent inter se: sic cum in omnib. rebus, quæ natura eadem communicant, eum autem in hominum genere, in quo precipue, tanquam in pitheirimo & nitidissimo speculo natura cernitur, magna vis est similitudinis, eaq. maximè naturalis: cui qui repugnare conantur, nec eodem cursu ferri, eadem cum populo opinionum atq. sententia se permittunt regi: ij Philosophiam non sapientiam, ut veritas ipsa conuincit, sed amentiam & peruersitatis amplectuntur rationem. Quod si hæc ipsa, quæ modò numerauimus, eximia atq. ampla, iusu quandoq. & temeritate fortunæ non ad industrios & laboriosos homines, sed ad delides meretq. deferuntur, non tantam tamen asserunt iucunditatem, ut si sint eadem studio & labore quaesita: mirabile enim est quantum opere his delectemur, in quibus ipsi elaborauimus: & quam omnis magis nos afficiat voluptas, quam aliqua molestia antecessit, & sollicitudo: vel quia omnis boni maliue, suavis ac molesti iudicatio, in comparatione quadam est: vel quod bona nostra, quæ industria nostra affecit sumus, chariora multò nobis ipsis sunt, quam quæ à fortuna accepimus: nihil quidem natura ut sit fructuoso labore iucundius: sed quem in hac tanquam acie populaci, in tanta varietate & copia rerum amplissimarum, quibus quidem intermixte sint difficultates non mediocres, odia, pericula, contentiones, inuidiæ, aptè & nauiter versari oporteat: profectò cernitis cuiusmodi eum esse necesse sit, acrem, firmum animi, consilio cautum, celeres motus habentem, non solum mentis atque ingenij, sed corporis etiam atq. oculorum: ut rectus ipse & ab omni parte munus, quatenus quidem expediat, inimicis pericula, amicis comoda creare possit. Protrahamus nunc medium in forum consuetudinemq. communem Philosophos istos vestros, ut quam Philosophia debeant gratiam ab ipsa institui & alii possumus coram constituere. Ac primum hos non tanquam ex quo Troiano claros duces, sed uti narrantes esse, qui sub terram aliquandiu fodiendis metallorum venis detenti sunt, squalentis & horridos, sordida barba capilloq. cadauerosa (ut ille inquit) facie esse reperietis, qui primo sui aspectu moueant admirationem, ut percontentur homines inter se, illudque Plauti habeant in ore, vnde est ista uis? Et hercule, quoniam quidem autum mentio facta est, non maiores ad nos quam mirantium

anici-

enicularum quantum ad hos barbaros concursus vulgi sunt. Ex-
 clatur itaque ab his nouum aliquid & inusitatum simile habitus
 & coloris, & eius quam gerunt frontis, ac supercilij. At illi tan-
 quam modo de tenebris extracti, ne rectis quidem oculis diem
 & lucem intueri valentes, perinde ac cunctos paulò antè habue-
 rint participes inanum curarum & commentationum suarum,
 effundunt enclitico aliquid, aut de scientiarum varietate inter
 indoctos, aut de prudentia inter fatuos, aut de iustitia inter eos,
 quorum auium futurum est iuris partem illam administrare:
 & haec enos quidem feruntur, quod ad vultum quidem attinet,
 atque vocem nam odore corporis non sunt ferendi: verum vbi-
 plis vicissim aliquid earum rerum tractandum est, quas vita pos-
 sibilis communis, usque ad apparent absurdum in omni genere atque
 incompotibile, tantosque risus concitant, ut conuerso quodam, &
 preposuero modo, quæ paulò antè Philosophi species contra-
 dictionem animi & iustitiam denunciabat, ea nunc rursum pro ri-
 diculo & defectu mentis omnibus sit. Quapropter mirari satis nò
 queo, quid Platonem in mentem venerit, Socratem doctorem suum
 hic vituperare: siquidem in Gorgia quasi gloriam videretur Socra-
 tes, quod cum tribus sua prerogatiua ferret, atque ipsi sorte
 conuinceret, ut custos esset suffragiorum, punctorumque numerum
 ad consilium deferret, se quod apertè id facere nesciuisset, totius po-
 puli risum concitauisse. Atqui riserint sanè tunc illi haud iniuria
 inscientiam ineptiasque Socratis: ego quod ipse de se hoc prædicet, &
 velut gloriano commemoraret, nò solum risu, sed maxima irrisio-
 ne dignum puto. Quanquam quid in vno insistimus Socrate,
 cum turbam legamus Philosophorum tantum sibi assumpsisse li-
 centiam, usque adeo a pudore, a modestia, a communi usu hominum,
 ad ipsa lege prescriptioneque natura abfuisse, ut sine vilo rubore,
 velut animo abalienati, capalam in foro ipso, in cœtibus homi-
 num facere & perpetrare auderet, quæ nos in conclusis, & semo-
 tissimis cubiculis vix audeamus: quæ ne apertè commemorari,
 (equidem pudore impediatur) quin illi homines plañe lauri atque
 munda in portectis digitis ratiocinando concluderent, nihil esse
 reuera turpe, nec cum rubore agendum, quod necessitatem vel
 etiam causam haberet naturalem: ita quorum nos prope parietum
 ipsorum ac noctis conscientiam formidamus, in iis illi & popu-
 lum, & lucem volebant habere testem. Verum sit hoc genus
 quoddam ineptum, & rude Philosophorum, qui sine mente, sine
 ingenio, lingua tantum volubili & concitata, nec quando, nec
 quantitate, tanquam qui in tenebris vixerint, nec verò quid, aut
 etiam quod quos penitus quiesquam ducentes, ludos se maximos
 reddunt hominibus, eundem omnium præda & contumelia ex-
 positus, quod quidem non iam liberi hominis, sed apiculisissimi

mancipij est existimandum. Sunt alij odiosiores, qui dum volunt concinni esse, atque urbani, primum isti ipsi Philosophia (cuius modi ea cunque est) non verè, neque ex animo, sed ostentationis causa dant operam: domi otiosi & desides, in campis lectio- ni dediti, semper aliquid librorum in manibus habentes, com- mürmurantes ipsi secum, & tanquam ad ea quæ legunt actius ani- mum attendant, nunc collum subrigentes, frontemque & super- cilia conduplicantes rugis, tanquam scopulo in legendo, sic am- biguitate aliqua offensi, mox continuè exhilarati, nunc signifi- cantes quod obstructum aliqua difficultate fuerat, ingenio esse patefactum: interdum constrictis & compressis buccis admira- tionem in vultu deformantes, quasi præclarum aliquid inuene- rint tum maximè atque diuinum: sæpe cogitatione tacita in ob- tectum oculorum delixi, suffurantes interim oculis, si qui fortè prætereuntiū obseruet se, & diligentius intueatur: ijdem in cir- culis & corona, vbi ad disceptandum aliqua de re est ventū, con- tentione pertinacitantis rem agentes clamoribus, vt facilè appa- reat, nihil esse tam diuersum, neq; tam discrepans, quàm à vita Philosophorum orationem: Hi ipsi cum se ad familiaritates ho- minum, præsertimque locupletum, & ad conuiuia sodalitiarum dodiderint, tanta in vitroq; intemperantia feruntur, vt nec poscen- di vquam modum, nec ligandi finem statuunt: sæpe etiam madidi vino & semisomnes è conuiuio auferantur: atque dum se urbanos volunt ostendere, quod nulla salis neq; facietiarū norunt condimenta, aut apertè & asperè maledicunt abscentibus, aut in præsentibus turpiter & conuitiöse intuehantur: nec verò lucello aliquo oblato non omnia perpeti animum inducunt, quæ sedis assentatoribus, & leuibus parasitis sæpè sunt propolita: vt non obliros vultus solum, colaphorumq; messem perferant vberem: sed aulas quoq; interdum, quemadmodum poeta ait quidam, in caput suum commeare patiantur. Horum nimirum turba fores Dionysij tyranni repleta fuerūt, quum ille nescio quibus propo- sitis pecuniolis, Philosophorum vindique greges atq; examina, & in his tanquam regē apium Plaronem ad sese illexisset: vbi tum, quæso, erat virtus, vbi continentia, vbi illa tantopere laudata & expedita libertas? quæ prodebant vltro ipsi profecto, quum se ex Sophocleo carmine in domum potestatemq; tyranni, hoc est in seruitutem dabant: nempe tota in libellis relicta domi, in quæis omnis semper Philosophorum sapientia fuit: nullam eius partē in animo, nullam in vita gerebant: itaque per abusum contem- ptumq; tyranni, adigebantur subire ea, & perpeti, quæ ne liberis quidem mulierculis ducerentur tolerabilia: vt & procumbere in faciem adorantium gestu, & in conuiuijs nudi, vel muliebri- bus stolis induui saltare cogerentur: quanquam erant ex eo ni-
mero,

meto, qui locis & cauiis eleuare conarentur tantam illam im-
 positam Philosophiæ contumeliam. Tertium genus est eorum
 qui ingenuo acutior, animo aliquantum sublioriore à natura
 instruitur, quum se de principio vel parentum culpa atque insci-
 tia, vel fortuito casu aliquo ad Philosophiam contrulerint, mul-
 tumque in ea temporis, optimamque partem ætatis consumple-
 rit, nec sapientia sibi ex ea comparata, quod verbis & syllogismis
 sapientia non traditur: nec vsu, more, studiisque hominum satis
 percipitur, propterea quod in illo inani studio occupati, seriis
 rebus operam dare nequuerunt: vbi tanquam è somno exper-
 gecti, res recte instituant sese ad civiles occupationes, consuetu-
 dinisque communes, profundunt ex se subito agmen veluti o-
 mmium cupiditatum, furentesque ambitione importuna, ac
 summum in locum quoquo modo ascendere instituentes, non
 calide neque dissimulantes (non enim astute apereque consilia
 exequuntur, aut artem vllam nouerunt, aut modum) sed vastè, at-
 que perfractè pertrumpunt omnia credibus, incendiis, rapinis:
 nulli que sibi faciunt reliqui, dum ad eum perueniant, quem cu-
 piditatum diuitiarum exactionum causa appetierint principa-
 tum: ut quidem nulla vsquam maior, quàm ab hoc genere ho-
 minum perniciēs atque calamitas liberis ciuitatibus & Reipub-
 lica nocetur. Declasant hoc veteres Græcorum historiz,
 quæ ex eorum numero multos, quos sapientium nomine insi-
 gnes fuisse diximus, ciuitatibus suis cladem & seruitutem prædi-
 cant intulisse: Quorum imprimis vnus è septem Periander Cy-
 pæli nobilissimam ferè totius Græciæ urbem Corinthum
 cuius tunc tyrannide tenuit oppressam, vt posteaquam credes ci-
 uum maximas fecisset, matronas palam die festo atque solenni
 omni mundo muliebri perornatas dispoliallet, sacra profanaque
 omnia ad suum commodum libidinemque conuertisset, miserum
 ad extremum nauim onustam puerorum nobilium, qui execan-
 di donabantur, nescio ad quem barbarum regem: quæ postrema
 minimum ciuitati illi calamitas incidisset, nisi eos ipsos pueros
 in nauigando Iunonis Samiæ numen, & religionis illius cerimo-
 niis liberasset. Quid illas deplorem omnium artium ingenuarum
 potentissimas Athenas, quæ cum è satis amplo potentiz & digni-
 tatis gradu in humilem locum essent deiectæ, quum multas do-
 ctissimas nationes, multos exterorum hostium incurtus, plurimas ini-
 morum regum & suorum Philosophorum iniurias
 perirent, nunquam tamen adeo grauiter affectæ, neque tan-
 to maiori exercitiis & calamitatibus afflictæ, & perditæ, quàm quum
 ab A. hoc Philosopho in acerbissimam seruitutem fuerunt re-
 ductæ, qui homo sceleratus & impius, omni que belua longè im-
 mior, quum Cupris, & vi nefaria omneis ferè familias nobiles
 deho-

dehonestauisset: ciues qui virtute atq; ingenio praeſtare videban-
tur, exilio partim, partim credibis ſuſtuliſſet, omnium bona at-
que fortunas praedam ſuam duxiſſet, permiſiſſet ſeruis Thraci-
bus & barbaris poſſidendam urbem, ad extremum obſeſſusſſet
exercitu Romano, L. Sylla duce, maluit ciuitatem omnium cla-
tiſſimam interire ſecum direptione, & que incendio, quam vnus
ipſe cedendo liberam incolumemq; relinquere. Haec ſunt pre-
clara, atque eximia Philoſophiae iſtius vestræ documenta: ſic ab
ea virtus hominibus & ſapientia traditur: tales ab ipſius cura
atque lacte prodeunt alumni, qui nec rectam ipſi viuendi ratio-
nem vllam tenent, nec ſi ad poteſtates & ad imperia efferantur,
ceteros ſinunt tenere. In hac deniq; ars eſt, & ratio, & conſilium,
& autoritas bene, beateq; viuendi: de qua qui progrediuntur, &
ſe dant in conſpectum, aut tarditate ignaviaq; perſidiculi ſunt,
aut ſcelere atque malicia nobilitantur. Quanquam quid ego de
viuendi ratione Philoſophiam inſector: quum ipſa ſe mortis
commentationem eſſe dicat: vltimam quidem eſſet, ſicut in Cle-
ombroto Ambraciota fuit, quem ferunt lecto Platonis libro de
immortalitate animi, vale ſoli dicentem (vt in Graeco Epigram-
mate eſt) in mare ſeſe ex altis rupibus praecipitaſſe: eandem viam
tenerent ceteri, neue commentatione, tam diuturna indigerent,
diſcederent aliquando e medio nugaces iſti, ſuaq; nos obtunde-
re loquacitate deſinerent. Sed forte expectant illud eis dum ob-
ijeiam, in quo maximè gloriari ſunt ſoliti, inſectam in primis &
inimicam religioni eſſe iſtorum artem: Quod mediuſſidius non
faciam: neq; vllam in hos exariſſatq; templis, ſed ſuis ipſorum,
& propriis ex criminibus inuidiam colligam: ſimul locum haud
praebeto oſtendendi ingenij, inque eo gloriandi, quaſi longe &
multò plus videant ipſi, quam nos faciamus, qui maiorum inſti-
tutis & legibus facile acquieſcimus: idcircoq; ob eam rem impe-
riti ab his, & idiotæ appellamur. Sed per deos immortales, eſſe
ne aliquis ad ſpes magnas inſtitutus, qui in hac vaniſſima, incerti-
ſimaq; ſcientia atatem rectè conſerui putet, qui veras artes, ſtudia
grauia, occupationes illuſtres, quibus ad comoda vitae, & ad di-
gnitates aditas ſit, poſſiderendas eſſe ducat licitis & commentitiis
iam non illis rerum, ſed volitantium quarundam opinionum ſi-
mulacris: ſora relinquat, vt domi ne deſet conſuetudinis vi-
uentium careat, vt cum mortuis fabuletur: ea quæ ſunt, & quæ
extant in promptu, ingenio indiſtriq; parata, contemnat om-
nia, dum quæ vel nuſquam ſunt, vel ſi ſunt, vtilitatem tamen ali-
quam hominibus aſſerre non poſſunt, inani ſtudio conſectetur.
Quæ ego omnia tibi in primis, Sadolete, prouidenda eſſe cenſeo:
illudq; maximè videndum, ne in tua iſta Philoſophia, quam ceu
ſororem oſculari vnanimem videris, longius progrediare, quam

vt pe-

ut pedem postea referre facile queas. Non ornat ea homines, sed contamina: nec instituit ad virtutes bonum ingenium, sed corrumpit. Quod si tu neque amicorum monitis, neque eis, quas supra aduersas eam attulimus, rationibus facile cedis: etiamne spernitorum, quæ in te vno posita, & opinionem principum virorum, quæ de templo suscepta est, falli omnino sines? Habes repinum, & clarissimum virum patrem tuum Iohannem, qui quæ ingenij memorieque gloria, tum iuris ciuilis singula, & quadam scientia quàm præstet omnibus, haud profecto tantum in te erudiendo studij & laboris impendisset, neque te à se diuelli fuisset passus, nisi huius vrbis, & ciuitatis commercio, honores domum te, & fortunæ præmia referre voluisset. Habes patronum, ad quem te applicuisti, summa grauitate, summa sapientia, genere, honore, existimatione, copis, sacri senatus principem Oliuerium Catapham Pontificem Neapolitanum, qui admirabili quæ est præditus prudentia, docere te possit, quæ sit via ad nomen & ad decus in ciuitate obrinendum maximè accommodata: vè tibi exemplum degendæ vitæ idoneum querenti, grauior non sit actor requirendus: quæ si valere cuncta apud animum tuum sines, neque sanis eorum, qui te diligunt, & fidelibus consiliis obstrues aureis tuas, & auguror mecum certus, & tibi spondere non dubito, magnum in te ornamentum domui & familie tuæ, magnum amicis commodum, ciuibus tuis presidium paratum fore. Hic ille finem quum fecisset, nosque aliquandiu admiratione defixi silentium teneremus. Gallus, Quid est, inquit, Sadoletæ, & quid tibi Phædrus videtur, non subita neque improvisa, sed & accurata & præmeditata oratione ad euertendam Philosophiam accessisse? Quantum in illo copie, quantum neruorum fuit? Equidem intelligo magnum tibi onus respondendi esse impositum, neque adeo, quod tam difficile sit pro Philosophia, quam contra Phædrum dicere: sed tollendum id tamen, ne & nostra summa, quæ nunc pendet cum maximè, per te destituatur expectatio, & tu eam, cui te totum dicasti, quamque ego etiam te autore complexus sum, hoc maximè necessario tempore prodas Philosophiam ac deseras. Tum ego, Id, inquam, Galle, tacitus mecum nunc meditabar: nam si alius vnquam in dicendo fuit aliquid Phædrus, hodie mihi vitus est se ipso longè fuisse superiorem: nec verborum solum vberitate, & sententiarum, quibus omnis eius referta & locuples redundante oratio: sed quod earum Philosophiæ partium, in quas inuectus est, orationum mihi vitus est esse peritissimus. Itaq; aut desistamus atque contra, aut longius nobis spatium ad cogitandum sumamus. Minime, inquit Citrarius, neq; ego a te patiar decerpere in locum, quam nunc sit, Philosophiam tuam deducere
quæ

quæ si tua hac subita dictione defensa, & aduersus torrentem orationis, qui modò ab ore Phædri profuxit, stabilis & firma tentata fuerit, erit causa, cur de illius grauitate & præstantia amplè existimemus: sin aliquid offenderit, ascribetur temporis & inapparitioni culpa, non Philosophiæ. Quamobrem aggredere quæto, & da te in certamen, in quo tibi, vt ego quidem sentio, nec turpe est vinci, & perhonestum vincere. Conandum nobis est, inquam, quandoquidem vos ita vultis. Volumus, inquit Gallus, neque est aliud quicquam, quod velimus potius. Sed quoniam æstus increbrescit, nec satis iam nobis aduersus solis vim in harum arborum vmbra præsidij est, ad villam censeo reuertendum: ibi inferiorem ad partem spatium est, locusque opacior, & exædra, huic dici, temporis, & nostro valde oportuna sermone. Hoc sic omnibus cùm placuisset, paucis sanè passibus ad villam nos recepimus.

IACOBI SADOLETTI EPISC. Carpenteraci S. R. E. Tituli sancti Calixti Presbyteri Cardin. ad Marium Maffæum Volaterranum de Philosophia Liber II.

NON me præterit, Mari Volaterrane, fore non paucos, qui, cùm ego tantum laboris, tantumque operis in optimis artibus & studiis ponendum putem, plusque statuum multò in his, quam in ambitione honorum, & in conquirendis opibus esse elaborandum: grauitè hoc meum consiliū institutumque reprehendant, ad eamque me curam acque cogitationem potius opinione sua vocent, vt quum in foro, atque curia versari cum aliqua auctoritate ceperim, tamque à summo principe consiliis factum interioribus adhibitis: eam vitæ sectam studiosius persequar, per quam ad spem honoris, ac fortunarum munitur via, adirusque facilis ad amplissimam dignitatem comparatur. Quæ quidem horum reprehensio vehementius me moueret, si non aut ab leuissimo autore proficisceretur populo: aut si viderem, id quod minimè intueor, eos qui ita egerunt, ac popularibus hisce opinionibus obsecuti, per summos labores, maximasque contentiones ad concupiscas sibi honores tandem euecti sunt, cum eodem populo in gratia & in estimatione bona esse. Nunc autem quum intelligam id quod omnibus est apertum, quid de istis sentiant homines, qui dum splendorem honoris duntaxat sibi ante oculos proponunt, ad eumque vnum studio omni inflammati feruntur, illud nequaquam attendunt, quod erat hominibus vni honoris cupidis in a-

ximè

rimè animaduertendum, quanta indignitas sit, quanta abiectio animi, ac leuitas in affectando, & ambiendo: non est causa, opinor, cur magnopere conturber vulgi sermonibus, aut cur de ea animi constantia firmitateq; decedam, per quam neq; pecunie augendæ, neq; honoribus consecrandis volo esse addictus. Non dico hoc loco quod mihi & cæteris, qui accuratè voluerunt attendere, perceptum planè, obseruatumq; est: eos esse plerunque horum ambitiosorum exitus, vt neminem vel paulò temperatiorem, mediocrius status sui, minusq; inuidiosa fortuna pœniteat. Quanquam fortibus quidem, & bonis, & sapientibus viris, qui in quoque honore gradu collati sunt, & positi, nullam maculam vult asferre oratio mea: sed tamen illud euenire fermè cernimus, vt nullorum sit quàm istorum, qui domesticæ inanes & vacui dignitatus, externam aliam quandam & aduentitiâ dignitatem tantoperè expetunt, cum angoribus amicorum, tum volubilitate, inconstantiaq; opinionum ac voluntatum, vita perturbatior. Mihi verò aliò rationes meas dirigenti, semper id verissimū esse visum est, quod est à sapientissimis proditum: re scilicet familiaria antea commodè constituta, eisq; paratis fortunæ subsidis, quæ & ad subueniendum necessitatibus vitæ idonea sint, & ab inuidia omni infamiaque remota, maiorem quandam nobis tum demum & longè diuiniozem sequendam esse vitæ rationē, per quam adniteremur, non vt honorum insignibus è turba emineremus, sed vt ad Deū proximè adiungere nos possemus: quod tamen nobis natura est ita insitum, vt qui in aliam partem ac rationem sua studia contulerunt, optimum hi sibi hominis statum inuidisse videantur. Etenim quis est (modò idem sit qui ingenio vegeniore à natura præditus, animum quoque habeat ab his terrenis sordibus liberum) cui quum cælum in conspectu sit, & hæc coelestia, quæ tanta mente ordineq; geruntur, vt eorū solennem, æquabilemq; in summa varietate constantiam, nulla hominis ratio arte imitari queat: non præclara ipse cupiditate accendatur ad cognoscendum, & considerandum: quumq; rursus aciem animi in hæc humana deslexerit, tumultumq; aspexerit vagæ huius, ac fluctuantis, & cum tempestatibus omnium perturbationum cœu consistantis vitæ, nō alium sibi potiorem viuendi ordinem, alia consilia rerum gerendarum esse ineunda putet: quod quidē iam est proprium sapientiæ munus, cuius adipiscendæ Philosophia sola magistra est, aut nullo alio pacto ad eā potest perueniri. Quanquam de his quidem quæ ad philosophiæ officium pertineant, acq; eius artis diuinæ ac præcellentis utilitate, atq; præstantia, satis à me explicatum esse arbitror in hoc secundo libro, in quo illa à me defensa est, quum esset oppugnata, & reprehensa à T. Phædro. Quem quidem ego hominem, Mari, valde

dilexi semper, idoneumque existimaui, cui hanc potissimum personam imponerem, atque eas tribuerem in sermonibus nostris partes, ut esset ille disciplinæ nobilissimæ accusator. Etal enim (ut ante nosti ac optimè omnium quidem: quippe quilli & municipio, & propinquitate, nonnunquam etiam contubernio solebas esse coniunctus) ad obtrectandum dictis, & lacerandum aliquantum inclinatio: nec tam malivolentia ille quidem, mihi ut videbatur, quam ardore quodam animi, & celebritate ingenij: quibus rebus fiebat, ut nullum paulò facetius, idemque asperius & mordacius dictum facillè posset continere: cæteris quidem partibus officij, suauitatis, diligentia, cum oprimis quodque erat comparandas. Quapropter nos, quando ipse agnosci ex suis scriptis haud ita iam potest: quæ etiam multa egregiaque confecit, orationibus maxime pangendis, quas antea pronuntiasset: illa tamen nescio quo pacto effusa post mortem eius, distractaque euauerunt: iucundum etiam nunc nobis amici nomen, ab obliuione hominum vindicare sumus conari. Quod idem, si vita suppetet, de eis omnibus studiosè faciemus, quorum nobis in amicitia ipsorum, ac familiaritate & virtus animi cognita, & spectata erga nos voluntas fuit. Genus quidem orationis, Phædrique consuetudinem dicendi, quantum assequi potuimus, in his libris expressimus: Quos ad te, Mari, potissimum ut mitteremus, quum ingenium tuum, ac virtus, excellensque scientiæ artium optimarum, tum suauissimi mores tui, dulcisque illa cõiunctio & studiorum, & animorum, quæ summa inter nos beneuolentia nos astrictos reddit, suaserit mihi vehementer atque hortata est: amo enim te in germanum modum, tuoque in nomine libentissimè acquiesco: teque inprimis habere cupio meorum studiorum & cognitorem, & participem. Quare attende quæso, num tibi in his libris Philosophiæ vis ac potestas satis diligenter à nobis videatur esse exposita. Ut enim ad porticū sub villa peruenimus, atque in Xysto, loco sanè anteno id temporis & salubri, aduersi confedimus omnes, cæteris in me vnum intuentibus, sic ego exorsus sum: QVÆ fuerit Phædri nostri in accusanda Philosophia dicendi vis, qui orationis cursus, quæ copia, nil me referre nec commemorare attinet, ipsi vos paulò antè iudicium fecistis: quippe quæ eius orationem non voce, laudeque verborum, quod ipsam admodum iam vulgare & vlitatum, sæpe etiam temporis causa suscipitur & simulatur: sed admiratione potius tacita fuistis prosecuti. Nam, ut laus illorum sit quæ quamuis rectè atque concinnè, ex communi tamen, & penè quotidiano more sunt: sic admiratio eorum, quæ hominum usu, ac facultatibus videntur superiora. Sed quæ huius vel oratio plenior, vel ingenij vis ac

cior,

etior, & vehementior vobis visa est, hoc mihi grauius onus respondendi est impositum. Ad eas enim partes repente defendendas accedere me sentio, quas hic vt oppugnare atque euertere facilius posset, assidua iamdudum commentatione se instruit: in quo neque ingenium illius apparationi defuit, nec tempus ingenio: quum ego vtroque horum nunc quidem deficiam. Nam & tardior sum ad excogitandum, quæ sint accommodata causæ, & propter subitam, improuisamque dictionem imparatior. Accedit illud præterea incommodum, quod ei succedo statim orationi, quæ non præteruolauit aureis vestras, sed in vestris animis & mentibus penitus insedit. Vt enim Corybantas ferunt numine illo percitos, etiam posteaquam tibiæ canere desierint, gerere vsque tamen illarum in auribus concentum, & ad earum modos incitari. Sic non dubito, quin quamuis tacente iam Phædro, tamen eius ipsius in intimis mentibus vestris & vigeat adhuc, & loquatur oratio. Hanc vim dicendi fuisse in Pericle, qui princeps Græciæ habitus est, æquales temporum illorum poetæ deprædicant: vt quum concionaretur, non solum tonare, fulgere, ciete fulmina, sed post dictionem etiam aculeos relinquere in animis auditorum putaretur: quid ergo est: prodamnè causam, & deferam? Minimè istuc quidem, non enim viri foret boni, & eius qui se iam diu Philosophiæ addixerit, idque certo iudicio & explorato fecerit: subito ab illa discedere atque eam summo illius tempore destituere. Sed sequar officium, opinor, vestraque vna auctoritati, qui hoc me deposcitis, obtemperabo: quum præsertim sperem, atque confidam, vos onus hoc mihi quod imponitis, eosdem etiam esse subleuaturus. Nam si in aliqua populi concione, aut corona cuiusque modi, dicendum mihi contra Phædrum esset, næ ego verbo hiscere non auderem, non quod diffiderem causæ, quid enim verius, quam & laudare & defendere Philosophiam, cuius vltus atque tractatio Deorum vitæ est similima? sed quia concitatos iudices extimescerem. Nunc vobis duobus doctissimis, prudentissimisque iudicibus in pace & silentio suum obtinebit locum veritas. Itaque Phædro nostro eloquentiæ palmam dabimus, vt suum veritati honorem non negemus: Est enim veritatis tum noscendæ, tum agendæ etiam atque nauandæ studium profectò sapientia. Vtemur enim hoc in Philosophia verbo, tamen si in eo Phædrus faceret nos admodum, & crebro eluserit. Sed qui duas hasce res arcta naturæ cognitione inter se coniunctas, eloquentiâ dico & sapientiâ, quando vtraque res perfectio quædam, & altera mentis virtus est, altera orationis, diuellere primus & separare est ausus, siue Leontinus ille fuit Gorgias, siue alius quis: maximam is profectò sementem malorum omnium in humano genere iecit. Primus enim

docuit, id quod omnium rerum est deterrimum, mentiri virtutem: aut si omnino virtus mentiri non potest, nec falsam eiusmodi personam sustinere, instrumentum certè primarium virtutis, ipsam interpretem animi & mentis orationem, falsos suscipere vultus coëgit, ut quum a vera sapientia non esset profecta, assimulatione tamen imagineque sapientiæ, quam plurimos in fraudem & in errorem induceret. Ex quo linguæ cordisque dissidio, ingens hæc, quam cernimus, in omni vita sequuta est perturbatio. Fraudes enim & malitiæ omnesque fallendi & ementiendi artes hinc exortæ, hinc sese in hominum studia, moresque profuderunt, omnis inquam hinc falsitas, omnis circumscriptio, & insidiæ omnes, ab hoc primo erroris fonte manauere. Nam cum ex duobus inter se quasi de regno decertantibus, alterutrum in nobis dominum constituere nos oporteat: siue factionem velimus tanquam aliquem Deum, siue cupiditatem veluti belluam quandam: non tantum in eo mali est (quanquam nec mediocriter illud est malum) veruntamen non usque eo id pollet ad pestem perniciemque communem, oppressam plerumque & perditam meliorem iacere partem, insolentem autem cupiditatem in animo dominari, quam illud est & horribile, & exitiosum, linguam sæpe instructam cupiditatu fallaciis, perferre foras mandata legationesque: perinde ut à sancto & legitimo intus rege, ac non ab improbissimo tyranno, ipsa videlicet cupiditate, missa sit: quæ æquitatis & veritatis fucatis coloribus, callidas suas machinationes depingat, quo labefactatis bonorum consiliis, eorumque fracta & imminuta autoritate, aditum sibi ipsa ad omnium fortunas patefacere possit. In quo mirari satis non queo, non intelligere eiusmodi homines, quum tantum virtutis simulatione proficere se putent, quantum se plus arbitrarentur vera virtute esse profecturos. Sed ut ad naturam redeamus, nil potest esse tam copulatum inter se omni necessitudine, vinculoque naturæ, neque tam consentiens, quam aut cum affectionibus animi vultus, aut cum voluntatibus sermo: ut enim lætitiis mæroresque, intestinos frons atque oculi, sic voluntates & consilia lingua continuo refert, quæ si officio fungi ritè atque legitime, suumque planè illud munus tueri velit, non solum verè & incorruptè consilia mentis, atque decreta reddat necesse est, sed qualia etiam illa intus sunt talia ea foris proferat, atque exponat: quod in utro defecerit, dedecus ibi statim existit, & claudicatio: hoc est, non integrum illa, sed mancum sui officij munus assequitur. Itaque & ampla magnificè disserere illa debet, & copiosa largè, & alta sublimiter, tenuia subtiliter, misera dolenter: denique, ut quo habitu intus ornatus animus, & quibus copis instructus fuerit, talem cum extrà efferat, & repræsentet oratio. Hanc speciem eximia perfectæ absolutæque sapientiæ, quæ

quæ in potissimis vitæ nostræ ducibus, mente, orationeq; videlicet, & in eorum inter se concordia, conspirationeq; consistit, si quis facilem esse & in promptu omnibus putet, nempe ille fallatur: Omne enim præclarum rarum, & quæ communia cunctis esse possunt, nunquam in magno honore sunt habita. Sed est tamen in ea consecranda, & adipiscenda ordo quidam, ac modus: ut si ad summum perueniri non possit, in eo quod quisq; adeptus fuerit, cum quadam prudentia, moderationeq; versetur: neq; se amplius ostentet, quam quoad idoneus est præstare. Hoc enim qui sic egerit, ut totam sapientiam non possideat, non minimam is tamē illius partem fuerit consecutus: intelliget enim quid sit illud, quod in quaq; re est decere: quod vnum est præcipue sapientiæ omni propositum: nosse enim, & tenere quid in quaq; re deceat, maximè proprium putatur esse sapientis. Qui ergo ad summam sapientiam omni studio contendens, aliquo in inferiore gradu restiterit, & mediocritatem in ea fuerit assecutus: vel cum in alterutra illius parte se exercuerit, alterius factus sit expertus: ut si quis in cogitando quidem eruditus ac prudens, idem in eloquendo infans atq; imperitus sit: aut contrà, quum abundet orationis copia, magnarum tamen rerum cognitionem non teneat: is si finibus se suis continuerit, nec in ea parte studuerit se iactare, cuius sit imperitor: sapientis ille laude & existimatione non carebit. Non enim exiguas in sapientiæ laude possidet partes illa virtus, quæ a temperatione, & modo, præclaro quidem vocabulo, est appellata modestia. Ac ut in ædibus atq; templis, etiam si magnificentia absit, sæpe tamen opere in paruo decor nihilominus elegantiaque artis apparet: Sic angustioribus interdum hominum ingenij, exiguisq; facultatibus, sapientiæ aliquis radius potest illucellere. Si qui non maximis fuerit ingenij opibus præditus, is cohibuerit semetipse, nec ultra id quod potuerit, progredi erit conatus. Verùm ut horum numerus existat aliquis, qui mediocriter effecti sunt sapientes: ad illam quidem summam & absolutam laudem accedere sapientiæ, paucis adhuc est datum: quorum nimirum nomen colimus tanquam consecratum immortalitati. Ac ut omittamus de eis loqui, quos non ex ipsorum scriptis, sed aliorum testimonio cognitos, & Græcæ, & Latinæ nobis indicant literæ: ut de parente totius Philosophiæ Socrate, de Anaxagora, de Empedocle, Democrito, Pythagora, Varrone, Nigidio, alijsq; compluribus: isti ipsi quos nouimus, quos mirantes legimus, quos in manibus semper habemus, Platonem dico, Aristotelem, Theophrastum, Ciceronem, & reliquos, qui ad horum principum æmulationem studia sua contulerunt: quales tandem nobis hi, & eiusmodi videntur? nonne eximij, nonne admirabiles, nonne vndique atque in omni parte summi, atque per-

fecisti? An aliquid est in illis præterea, quod requiramus? quorum ut tabulæ egregiè pictæ luce atque die, sic istorum incredibilis rerum prædientia, orationis lumine longè sit illustrior: qui ita implent sensus, animosq. legentium docendo, & disputando, ut neq. ad intelligentiam rerum quicquam mens nostra, neq. ad iucunditatem animi ampliùs auris requirat. Sed ut cœperam dicere, qui ad hoc fastigium ascendere nequiverunt, si iidem, in suo genere quisque, modesti prudentesque exitere, non caruerunt parte meritæ laudis. Qui verò quum totam sapientiam persequi neglexissent, & ad captandas magis opiniones vulgi, quàm ad veritatem doctrinæ se exercuissent, maiores tamen quam erant, videri studuerunt: hos video fermè in duo genera esse distractos. Alij enim rerum omissa & posthabita cognitione, in verbis tantum ipsis, & in quodam loquendi artificio elaborauerunt: Alij præ studio percipiendæ doctrinæ, excolenda oratione minùs sunt exercitati. Quorum utrorumque non mediocri error, & ad inspiciendam sapientiæ vim, obtusa atque hebes mens eorum exitit: quanquam priores quidem illi malitiæ, inscitiae posteriores magis sunt arguendi: hi enim non tam astuti mediussidius, neque tam vasti, qui diuinarum rerum atque humanarum notitiam profecti, à cultu & elegantia sermonis longissimè absunt, quàm incomptè & ridiculè in liberaliores cœtus sese dent, ipsi videtis: in eo quidem admodum nobis odiosi, quod libris quotidie edendis, & conscribendis, semetipsos nobis, & opinionibus nostris intrudere conantur, vinque quodammodo sensibus student afferre, quò de illorum bene ingeniis existimemus: in quo imprudentia labuntur: non enim unquam mihi, neque cuiquam præterea (ut ego quidem arbitror) ingenuè instituto persuadere poterunt, ut cum barbara & lutulenta utantur lingua, genusque scribendi adhibeant inconditum, & illiberale, iudicari debeant Græca aut Latina eruditione esse præditi: quum neque id, quod sapientiæ proprium esse diximus, videre in re quaque quid deceat, in ipso primo aditu sui conatus intelligent. Nam quæ horum ista esse sapientia potest, quæ prima egressione è penetrabilibus suis, ut primum in conspectum hominum proditura est, turpiter sese in oratione ipsa dare, progredi que indecorè animadvertit quidem? Atque hi tamen, cuiuscumodi ipsi sunt, minùs multò sunt nocentes, atque malefici, quàm illi, qui ex ornatu solo, copiaque verborum, doctores se sapientiæ populis sunt profecti: maiore enim ij perfidiæ instrumento ad euertendas hominum fortunas parati accessere. Rursusque hi dupliciter: aut enim cum se ad Rempub. gerendam contulissent, propter vbertatem elegantiamque sermonis, fide sibi prudentiæ atque virtutis in populo falso comparata, ciuitatibus suis plerique exitio fuere.

Quo

Quo in primis malo, & rhetorum orba veris sapientiae dotibus eloquentia, non illa modo tot praestantium ingeniorum educitricis Athenae, sed cuncta olim Graecia planè concidit. Aut qui non tantum habuerunt roboris, ut se regendis & moderandis hominū cœtib. iudicarent idoneos, ij fordidiorē etiam fallendi & decipiendi artem secuti sunt: ut cū per omnem vagarentur Graeciā, adolēcentes ad se vanis pollicitationibus allicerent, quod his se noticiam gubernandarum ciuitatum, & illam praecipuē artē dicerent tradituros, per quam scirent illi & tenerent, quemadmodum causa inferior (sic enim loquebantur) dicendo fieri superior posset: hoc est, quemadmodum falsitas veritatem, & aequitatē autē atq; iusticiam iniuria ipsa superaret. Sophistae hī nominabantur: quorum quondam multitudine & cœtib. vetus Graecia abundauit, nomenq; eorum aliquandiu in magno honore est habitum. Sed quum iidem illi ciuiliū rerum peritiā, virtutisq; & viri proficerentur notionem: ipsi verò moribus atq; vita à contemptissimo quoq; nil differrent, spreti postremo ab omnibus, atque illuſi, dederunt locum Philosophiam vituperare volentibus, ut id maximè secundo populo facere possent: in quos extrema in oratione, me quidem perlubente, inuectus est Phœdrus: qui si has huiusmodi Philosophias falsa appellatione in nomen sapientiae ternere inuadentes, sumpsit sibi vituperandas, adscribat, licet ad iudiciū suū opinionem etiam meam: sin autem id molitur, & agit, ut omnino abijcienda sit, & repudianda Philosophia, nō est nobis committēdum, ut desertam illam & indefensam relinquamus. Nanque hēreule, inquit ille, hoc etiam restat, ut plureis iam pro vna Philosophias habeamus. Non ita res sese habet, inquam: nec tu istam multitudinem artibus ipsis attribueris, sed facultatibus potius eorum, qui dissimiliter illas tractant, atq; suscipiunt: omnis enim ars vna in sese, simplexq; semper & eiusdem modi, non eodem tamen modo adhibetur ab omnibus: quod ne longe abeas, in tua ipsius arte potes, Phœdre, perspicere: quum enim te oratorem nobis praebes grauem, atque magnum, quod idem facere nituntur in hac ciuitate permulti, quid causa est, quod te dicente concurrimus omnes vndique, attendimus, admiramur, tamq̃ue eloquentiae fulmina quasi extimescimus: quod sentimus idem vsu venire nobis in Camillo Porcio: est enim ille ex tua & disciplina, & amicitia tibi in hac laude geminus, ac prope par. Laurentium autem Colaianum, & hunc stultissimum omnium hominum Pionem, qui obſoletis & horridis confectandis vocabulis, laudem in his dicendi se affecuturum putat, etiam eludimus, atque aspernamur. Num tu hanc varietatem & discrepantiā arti, ac non hominibus ipsis attribuis? Omnis ars, Phœdre, quae quidem di-

gna hoc nomine sit, vna ipsa in sese, & sui vndique similis, dissimilitudine illorum, quicam tractant, dispares aliquando suscipere videtur formas: quum ita, vt sit, variè ex ea ingonia afficiantur, ab aliisque rectè exerceatur illa ars, ab aliis perperam: & in his munus ipsa egregiè tueatur suum, in illis minùs id possit. Quod quum similiter in principe artium Philosophia eueniat, quid obstat, quin tollatur omnis controuersia: & quum ego Philosophiam veris laudibus extulero, tu malos Philosophos iure redarguendos ducas? Nequaquam hoc sic abierit, inquit: ego enim illam ipsam accuso, quam tu necessum est confitere, tot huiuscemodi nebulonum & nugatorum esse veluti matrem. Hostis, inquam, Philosophiæ es Phædre, aspereq; nimium exeres inimicitias. Sed quoniam video te nullam omnino vocem æquis auribus admittere, quæ nomen modò Philosophiæ cum honore aliquo pronunciet: aggrediar ad defendendum, si pauca antè de meo officio fuero præfatus. Etenim ego quum plurimum te amo, idq; merito tuo: multa enim signa vicissim tu mihi, neq; ea obscura, amoris tui erga me tribuisti: & in iis hoc recens, quod Curtianum meum carmen humanissimis verbis profecutus es: tum mihi illud in te vsu venire experior, quod vilius vnquam vix familiaritate æquè sum delectatus ac tua: nihil enim fieri te vno aut amabilius potest, aut falsius: quod si ita non esset, tuum tamen excellens ingenium, tua egregia virtus, humanitas, literæ, non solum meam, sed omnium tibi beneuolentiam faciliè conciliarent. Quod autem me sæpe & multum monuisti, vt dimisso Philosophiæ studio ad grauiiores res tractandas me conuerterem, probasti mihi in eo tu quidem studium & voluntatem tuam: consilium verò & iudiciũ non ita: non enim si tibi omnia amicitie officia præstare debeo, quod faciã equidem semper, & faciã sedulo, iccirco tuis etiã opinionibus annuere sum obstrictus: assentatoris esset, nõ amici sic agere, tibiq; ita obsecundare, vt cum meã rectè ac commodè tutari possem, tuã potiùs sententiam sequeretur atq; amplexarer. Illud cum dolore aliquo fero, quod video esse in hac causa necessariũ, vt mihi tu oppositus sis, quem refellere coner, in quo tu meliore multò conditione vsus es, qui tibi Philosophiam quam oppugnares, nõ me ipsum proposuisti. Quamobrẽ si redarguendi causa acrius agere interdum fuero coactus, quæso vt bona tua cum venia facere id mihi liceat: non enim tui refellendi, sed eius confutandæ rationis gratia, quæ ex ore tuo modò Philosophiam vt euerteret, equis virisq; connixa est: vehementius mihi nonnunquam erit agendum: quod tu in bonam partem accipies, mihiq; pro veritate, tanquam pro patria propugnanti, hanc curam, & hoc studium etiam adscribes laudi. Illud item peto, si contigerit aliquo loco, vt mihi de te quapiã interrogandus sis, id

sis, id quod vides in tam graui causa fore faciendum, facilem te mihi in respondendo, & clementem præbeas, Interroges licebit, inquit, sed parcus; nam ego audire continentem orationem malo. Geram tibi morem, quoad poterò, inquam. Sed ut nonnunquam opus est in ea disputatione, quæ ex contrarijs partibus defendatur, inueniendi veri causa interrogare, & interrogari, refellere, & refelli, quod aliter sæpè nihil expediri, nec ad exitum commode deduci potest. Sic illud non solum Philosophia, verum hominis etiam mediocriter eruditi prudentia indignum, utrumuis istorum cum iracundia, aut cum pertinacia efficere. Enimvero unde ego nam potissimum ordiar? aut quod initium meæ orationi sumam? an ab eo sapientiæ verbo, in quo tu omni cum sale, cum piteos illos septem, tum Philosophiam omnem eludendo exagitasti? in quo et si nos mirabiliter delectasti, vel varietate rerum earum, quæ à te ipso proferebantur, vel lepore sententiarum; tamen, quod pace dixerim tua, fluctuare interdum, cursusque magis & copię, quam aut distinctionis aut ordinis cupida, ferri tua mihi torrēs videbatur oratio. Quid ita, inquit: aut quæ nam sūt ista fluctuatio? Quia, inquam, quum temeritatem illorum, & arrogantiam reprehendebas, qui primi sapientium sibi nomen & professionem usurpassent sapientiæ, nimiumque sibi eos, & quod ferri non posset, appetisse dicebas, ea re quidem, quod (ut aiebas ipse) nihil sit omnium rerum neque in cœlo, neque in terrâ sapientia diuinius, mirabilem quandam rem profecto, & cæterarum omnium longè maximam, huic sapientiæ verbo constituebas subiectam. Rursus ubi eorundem leuitatem & insciam irridebas, qui professionis suæ titulo inflati, & tumidi, præstare cæteris se arbitrantur, propter illud vnum sapientiæ nomen, quod in reliquis omnes etiam abiectas & ignobiles conueniret artes, fabrorumque sapientiam in eo & Homerum testem adducebas, nihil huic voci relinquebas subiectum quod æstimatione vlla videretur dignum. Ita quum duabus disunctissimis in rebus, vna eximia atque primaria, altera porò abiecta atque ignobili, eodem sapientiæ nomine uterere, quid mirum si fluctuare mihi oratio tua, nihilque stabile & firmitum in animis nostris constituere videbatur? Atqui ignosco equidem: sunt enim ista rhetorum: pompam quaerunt & gloriam, nec tam exactam in audientium animis earum rerum scientiam, quas tractant, quam exigui temporis postulant opinionem: non enim docere propositum illis est, sed mouere. Itaque nullis certis in dicendo finibus continentur, quoque fusiores, & abundantiores semper sunt, ut hîngiosi vicini terminos, sic isti vocabula, rerum notas cōfundunt: cumque vnius verbi inuolucro plura complectentis, in quam commodum est, vti fuerint partem: tum vbertate & copia, nu-

metoquē bene compositæ & iucundæ orationis in auditorum animos influentes, vim sæpenumero afferunt veritati. Contra hæc omnia Philosophia, rem ipsam aperit, ambigua distinguere vult, involuta euoluere: hoc ipso tamen imbecillior, quod ut ferè acerrimæ inter sanguine coniunctos eueniunt dissensiones, sic ista ab ea, cui germanitatis vinculo coniuncta fuerat eloquentia, deserta, non modò minus habet splendoris ad illustrandam, virtutum ad confirmandam virtutem: sed eius ipsius eloquentiæ inimicissimos impetus vix ab sese potest propulsare. Quo utique dissidio, ut antè dixi, magna hæc, quam cernimus, in omni vita exorta est perturbatio, quod si mea vox vnquam quicquam habuerit autoritatis: omni ope adnitatur, ut omnib. suis partib. & numeris perfecta, integrâq; sapientia, ingenuis mentib. restituarur. Ergo in nomine sapientiæ ambiguus Phædrus: Quid in ipsâ res Descripsit enim ipse sapientiæ quoque formam verè illius atque eximiam. Audio: Sed tamen eam totam è vulgi iudicijs esse aptam voluit. Vnde tantum repente in vulgo autoritatis? Nam & hoc loco quæro, Dixeras illos septem, si populorum suffragio dicti essent sapientes, non habere eos causam iure gloriandi, propterea quod stultorum de sapientibus iudicium nullum existeret. Quo pacto igitur qui de sapiente nec iudicare quidem possunt, horum iudicijs niti & opinionibus, ea sola iudicabitur ritè sapientia? Sic enim (si memini) positum abs te est: Quicquid in bonis numerarit populus, & quæ studia cunq; magni fecerit, in his necesse esse apprimè versari sapientem, si velit esse sapiens: nec cum à populi studijs, & voluntariis vel tantulum discrepare. Quid habet igitur præclari ista sapientia, si nil aliud ipsa sit, quàm vulgi opinio? Nam nos quidem cum notionem sapientis, quâ in animis nostris natura inseruit, ipsa nominis voce excitati, cogitando pertractamus: proponimus nobis longe præstantius quiddam, quàm quod assequi, quòue aspirare vulgus ipsum facile queat: speciemq; eam in animo informamus, in qua nihil temeritatis insit, nihil festinationis, nihil inconstantia: quæ quidem vulgi & populorum vitia sunt notissima. Neque est quicquam versatus inter homines, & qui ipse modo sibi notus sit, qui aliam formam sapientis mente concipiat, quàm hominis grauis, atque firmi, nequaquam pro temeritatibus vulgi sua studia regentis, sed ipsius vltro moderantis, vltro cohibentis populum, si populus autore eo uti ad capessenda rerum gerendarum consilia velit, sin minus, sententiam tamen suam præstantis, non populi. Quod de Phocione claro Athenis viro memoriæ proditum est: qui cum reclamante populo Athenienti, dissuasor fuisset eius belli, quod post Alexâdri mortē aduersus Antipatrum & Bætopios, duce Leosthene, gestum est; resque initio prospere Athenas renun-

renuntiarentur, essetq; ob eam rē in lætitia & gratulatione ciui-
tas interrogatur ecquid illa sic cecidisse moleste ferret, quæ con-
tra eius sententiā suscepta essent? Nequaquam, inquit, verum tan-
tamen ego in sententia mea nihilominus permaneo. Satis declara-
uit eo responso vir prudens, non ex fortuitis euentibus sapientiam,
neq; ex leuitate iactationeq; populari, sed ex grauib; certisq;ue
consilijs pendendam esse. Et sanè quidem illius exitus belli Arthe-
mensibus exitit calamitosus. Atqui talis nobis ob animi versa-
tur sapiens, qui frenis sæpe quibuldam quasi contineat populum
temere ruentē in ea, quæ concupiuit: nō qui conuellatur vltro
ipse, & auferatur a populo: quæ specie quidē in sapiente, nihil nec
cogitari potest indignius. Tu cōtra, nouo de sapiente iudicio vte-
ris, nihilque neque rectum, neq; graue existimas, quod non a po-
pulo prius probatum, adscitumque sit: vt tibi in hoc paulisper as-
sentiar (nam quid verius sit, mox videro) Agē sanè, sit munus pri-
marium sapientiæ studia vulgi persequi. Rationem atque tem-
pus huius fungendi muneris quæro: non enim semper, vt tu ipse
inquirebas, modo eodem conuenit: Quid ergo quam vulgus
semper varium incertumq; sit, atque vt in euripis & fletis vnda-
rum assidua est confictatio, fluctusq; fluctum idētidem & im-
pellens, & reuocans, sic temeritas populorū incitata & volubilis,
contrarijs veluti æstib; frangat sapenumero, inpediatq; seneti-
psam: quod erit populo tempus, iudicij faciendi, ferundq; de
sapiente viro sapientiaque sententiæ? Tum ne, cūm repentino
aliquo studiorum motu incitatus, ad appetendum aliquid tere-
tur effusus: An pōst, cūm reprehensō errore, vel etiam sola mobi-
litate penitens, repudiabit illud quod paulō antē intenderat: In
hac inquam varietate, & in his errantib; populi opinionib; & stu-
dijs, utrū tandem quasi æstum sequens sapientia, ius suum & no-
men ritē obtinebit? vt de Q. Fabio Maximo legimus, eo qui bel-
lum cum Annibale gessit. De quo Ennius,

Vnum qui nobis cunctando restituit rem;

Non posuit enim tumores ante salutem:

Ergo magis magnatq; viri nunc gloria fulget.

Atqui gloriam ille istam fuerat adeptus, quod à populi voluntate
dissentiens, fortunam Reipub. in discrimen prælij non adduxerat,
ob eamque rem ab eodem postea populo sapiens est iudicatus.
Quæro igitur, quando sapiens? quum populi & militum inci-
tatis ad pugnandum studijs obfistebar, & quia minus illorum cu-
piditati obsequeretur, suæ famæ & dignitatis detrimentum ac-
ciperebat? At non hoc modo pendeat è vulgi opinionibus sapien-
tia: An pōst, cūm cunctorum voce & concursu maxime laudatus
est, quod leuia vulgi iudicia contempsisset, suumq; ipse iudicium
fortiter retinisset? At hoc posteriore populi iudicio, id quoque

est

est ab eodem populo iudicatum, nequaquam esse sapientis imperitæ multitudinis studijs obsequi, nec consilia sua ex populi opinionibus moderari. Ita inanis in omnem partem sapientiæ iudex est populus: minimeque idoneus, cui hoc tantum munus committatur, atque id decretis non solum grauium atque prudentum, verum etiã suis. Verùm hoc fortasse haud ita vult Phædrus, neque omnibus ipse populi scitis sapientiam adiungit, sed ea sola in hanc laudem recipit, quæ non mobilia & vaga, sed firma, constantiaque sunt, nec vlla vnquam vicissitudine permutantur: ac ne multis, ad ea bona nos reuocat stabilia atque rata, quæ semper populus maxima iudicat bona, diuitias, honores, imperia, voluptates. Huc enim conuersam omnem vult esse sapientiam, ac in his potissimum appetendis, cum populo eam ait consentire oportere: munusque sapientis præcipuum esse, vt referat is ad sese omnia quæ concupiscat populus, partesque suas in ijs longè principes esse studeat, neque alium esse arbitretur, qui illis potiat, se ipso digniorem. Quod si ita sit primum, qui conuenit, eundem populum, quem temeritatis & inconstantia plurimarum rerum arguas, atque condemnas, repente vna certa in re, & ea quidem maxima, idoneum statuere sapientiæ autor? Quis hoc sic diiudicauit? Quis distinxit? Quis has veluti prouincias sic partitus est? vt ex eodem autore quæ prodeunt, horum partim sapienter decreta existimari debeant, partim stulte. Deinde, si hæc semper fixa de diuitijs & voluptatibus populi est opinio: quomodo tu non frustra illam nobis imaginem ante oculos effinxisti, qua paratum ad subitos excursus sapientem constituebas: cum quidem eum veluti Scytham aliquem, aut Nomadam, cui nullum vsquam certum domicilium esset, tanquam in rheda collocasti, ad profiliendum attentum: vt simul atque populus nouo æstu aliquo cupiditatis efferuescens, delabi quopiam, consequereque cœpisset, eodem ipse præcurrere & aduolare niteretur? Quid inquam opus fuit hac mobilitate, & hoc tanto excubandi, vigilandique negotio? & cur non protinus sapientem in ipso opum & voluptatum regno constituisti, fruentem pacato animo eius rebus, in quibus fructus sapientiæ præcipuè cernitur, nulla eiusmodi ancipiti cura distractum, tanquam rescisurus aliquando populus decretum suum, & de huiusmodi bonis sententiam mutaturus sit? Iam illud quidem, quod maximè ad rem pertinere arbitror, querendum in primis mihi statuo, Vnde tanta sit æstimatio huius bonis: Ex ipsis ne? hoc est, ab ipsorum condicione atque natura, vt sint ipsa per se & sua vi æstimanda? An à populo? eò quòd populus illis hoc tantum autoritatis attribuat? Si ab ipsis, quonam sapienti opinione populi multitudinique iudicio fuerit opus? An dubium id est, quin ipse melius & consideratius

multè,

multò, quàm imperitum vulgus soleat, de eo quod bonum est, constituturus sit, & iudicaturus? quippe cùm sapientiæ in primis sit, non aliena eam subsequi, sed sua ipsam iudicia proferre, quæ alij potius sequantur: aut ne nomen quidem suum ipsa retineat, si in iudicando alijs concesserit. Si verò bona illa magni necesse facienda sunt, quod eadem plurimi sunt à populo, nullum erit illorum veritate neque natura, sed tantum vulgi opinionibus bonum: ita in bonis existimatis & opinatis, non in ijs quæ verè bona sunt, egregia ista popularis sapientia enitebit. Quid ergo illa, quæ vera bona scèstatur, & in illis apperendis vitur iudicio non vulgi, neque imperitorum, sed suo: quo tandem nomine fuerit appellanda? Num ea quæso indignior habebitur, quæ sapientiæ nomen obtineat? & ideo eam popularis sapientia anteibit, quod hæc veritatem bonorum amplectitur, illa ipsa duntaxat opinionem? nisi fortè nullum omnino re & veritate est bonum, omnisque boni ratio ex sola opinione existit. Quod si ita esse suscipiatur, iursus Protagorea ratio inducatur necesse est, nihil re ipsa videlicet, neque natura verum, neque bonum esse: sed quale cuique quid videatur, id illi tale existere. Quæ positio Sophistæ in primis (vt tum habebatur) nobilis, diu & multum in Græcia iactata, ad extremum doctissimorum disputationibus fracta, atque conuicta est. Etenim tum perspicuè est demonstratum, si ita se res haberet, primùm, contraria in eodem & repugnantia simul conueniunt esse, quod nullo modo fieri potest: quippe quum contrariè diuersis de quaque re videatur: deinde artem omnino nullam neque scientiam habere locum posse: nihilque interfuturum esse inter doctissimos, & imperitissimos, neque inter eos qui omni rerum prudentia vsuque se excoluissent, & eos qui nunquam animum omnino ad augendum quippiam aut considerandum appulissent: Ita omni omnium rerum penitus sublato delectu, omnibus consilijs iudicijsque peremptis, fore planè nihil quo res rei ulli momento aliquo antecelleret. Sed nos illis disputationibus omissis, quæ latiores sunt, quam vt angusta & breui oratione concludi possint: ad ea quæ nobis sunt propiora redeamus, idque dicamus, quod reticentibus etiam nobis necesse est intelligi: si boni verique ratio opinionibus duntaxat pendenda sit, populum ipsum iure vnum appellari conuenire sapientem, Quippè quum plurimum concursus consentiensque opinio, singulorum sententijs sit anteponenda: Populus itaq; solus sapiens. Qui ergo nobis constamus ipsi, dum hoc communi loquendi more errorem, inconstantiam, vanitatem populis ascribimus? verbaque stultitiam & temeritatem significantia, in genere sapientissimo usurpamus? Num aut maiore fortè nostri aberrauerunt hi, qui rebus imponere nomina: aut nos illa ipsa nomina perpe-

perperam præpostereq; accipimus, alienaque prorsus loquimur, cum ordinem, grauitatem, constantiam, ceterasque huiusmodi virtutes ab errore leuitateque disunctissimas, vnanimes comites sapientiæ attribuimus? At enim æquius multò est vnum concedere sententijs plurimorum, quam vnius plurimos: sic enim dicebas: Quid cum plurimi ex contrarijs partibus dissentiunt, multitudinesq; ipsæ inter se sunt discordes: numero ne semper, nunquam autem pondere grauitateque disceptantium lis dijudicabitur? Quid cum non hominibus solum, sed populis vniuersis diuersæ sunt sententiæ? Lacedæmone furari ingenuis adolescentibus est permissum, Athenis nihil minus. Contra, Atheniensibus lege otij erat mulcta, at liberale vel maximè id apud Lacedæmonios. Ex quo illud legati Spartani dictum, qui Athenis quendam damnatum otij duci cum videret, quæsisse fertur perstudiosè, quis esset ille, qui tam liberalem subiisset mulctam. In dissimilibus ergo duorum principum populorum opinionibus & sententijs, vtram tandem veriore & sapientiæ congruentiorem dicemus esse? aut si non facile id est iudicatu, tuam scilicet, Phædre, sapientiam adficientibus: cõstituemus quidem hoc certè, quod est necesse, hominem vnum atque eundem Lacedæmone sapientem, Atheis stultum fore: vt cum secum foras extollere domesticam sapientiam nequiuert, in alienam ciuitatem, quemadmodum hospes, sic etiam insipiens introiisse dicatur. Verum vt congregiamur propius, ac de eo ipso genere bonorum, quod Phædri ista in primis aspirat sapientia, de diuitijs inquam, ac voluptatibus verba faciamus, quando horum bonorum iudicium omne ipse attribuit populo: si varia existant, hac quoque dere populorum decreta, quid erit tandem statuendum? Lacedæmone durissimis Lycurgi legibus, quoad illæ vigerunt, neq; ad pecuniam, neque ad delicias aspirauit quisquam. Nemo igitur illis tot seculis in ea ciuitate sapiens: ne Romæ quidem, qua tu è ciuitate exemplum omnis sapientiæ & virtutis in nostros animos transferibebas, primis illis CCC. LXXXIII. annis diuitijs admodum in vsu, aut in honore vllò fuere: neque publicè id aded, neque priuatim. Ac publicè quidem, Q. Fabio Pictore, L. Quint. Consl. nummus in hac vrbe primum argenteus signatus est, annis quinque ante primum Punicum bellum: cum antea graui ære, inepto ad coaceruandum, ac seponendum, omnes vitentur, priuatim verò qui argentum possidere comperti essent, hi neque legum pœnas, neque censorias notationes effugerent. Ita in hanc urbem aditus omni illo tempore sapientiæ interclusus fuit: nisi forte tum populi Romani opinione & iudicio, ex alieno quodam genere sapientiæ extitit, nõ voluptatis & copiarum, vt nunc est, sed abstinentiæ, singularitatisque magistra: cuius ta-

men moris ac disciplina temporibus optimis Pop. Rom. non poenitebat, cum cum ab aratris accerserentur homines, quibus magistratus, curationes, imperiaque mandarentur, totaque Respublica committeretur regenda: quorum quidem consilijs, fortitudine, iustitia potissimum effectum est, ut hæc ciuitas ex minima, ad summum rerum humanarum fastigium perueniret: nam ab hac quidem populari sapientia quoruscumque est, qui ad gubernacula Reipub. translatus, officium suum, atque operam valde prober populo? Quod si populum quoque velim in hac ratione defendere, nonne id dicam, quod ab omnibus concedi necessesse sit? non hocce cupidus & ad omnia progredientes, quibus omne in pecunia, & in ambitione honoris positum bonum est: quique quod plurimum in sua ciuitate possint, anxij semper, atque solliciti, omnes intendunt machinas, omni via moluntur: sed abstinentes, sed moderatos, sed graues, eos esse, qui a populis præcipue & probentur, & diligantur, quorum se fidei libens multitudo ipsa committat. Videtis campum, in quo exultare possit oratio mea. Sed mittamus: sitque sanè & Phædro, & populo teste, opum & iucunditatum confectatrix sapientia: Illud quæro: in quo vim & facultatem istius sapientia ponitis? Vtrum si adipiscatur commoda fortuna hæc, quæ vos tantopere extollitis: an si viam, rationemque commonstret adipiscendorum? Hoc est, Vtrum in euentu adipiscendi, an in consilio duntaxat insit sapientia? Si in euentu, atque ut adipiscatur, qui iam distinguemus fortunatum à sapiente? aut cur non idem atque vnum fortuna ac sapientia fuerit? Et quidem hanc honorem in scena & à Comœdia cernimus Fortunæ datum, Centum doctorum hominum consilia hæc vna deuincit Dea Fortuna: atque hoc verum est, perinde ut quisque ea vitur, ita præcellat, atque exinde sapere cum omnes dicimus. Bene ubi cui discimus consilium accidisse, hominem cautum eum esse declaramus: stultum autem illum, cui vertit malè. Nostis carmen profectò, quo, scenæ, vulgique iudicio, in sede sapientia fortuna constituitur. Et ridiculus Pacuuius, qui de Fortuna secus sentit: Fortunam insanam, & cæcam, & brutam perhibent Philosophi, fatique instar globosi prædicant volubilem, qui enim ea poterit volubilis atque insana esse, si cum sapientia semper coniuncta sit? Quanquã Pacuuius (quod ita Phædro videatur necesse est) nequaquam satis idoneis testibus Philosophis, fortunam in erimen & in vituperationem videtur accersere. Sed persequamur, ut cœpimus, hocque urgeamus: si in adipiscendo & potiundo vitæ commoda sapientia tantummodo sit, nihil inter eam, interque fortunam interfuturum esse, casuque & fortuito quenque effici posse sapientem: ut enim ad honores quis & ad diuitias euectus fuerit, ita sapientiam euecti-

euestigio fuerit consecutus. Vbi circumspectio igitur, vbi consilium, vbi illa accurata & diligens consideratio, quæ habita est semper propria sapientis? qui se nunquam in præcipitem locum committit, cæteraque ratione dirigens appetitiones suas, diuitiis & potestates sæpenumero prætermittit, quod se bona existimatione in populo communiens, veras vitæ voluptates, quæ ab honestate & innocentia seiunctæ esse non possunt, tranquillo animo consequatur: nihilque vnquam molitur, in quo subdactis calculis non plus consilij & rationis insit, quàm fortunæ. Quod si non tam in adipiscendo, quàm in acute acriterque peruestigando, quibus ad fortunæ præmia itineribus veniatur, sapientia magis elucescit: equidem non negarim hoc sapientiæ munus magis congruere. Adest enim iam consilium & cogitatio, quæ sunt cognata & familiaria sapientis. Sed quid, si, omnia ipsa cum egerit, vehementerque elaborauerit (quandoquidem euentum atque fortunam præstare nemo potest) spe & conatibus suis fuerit decepta, retinebitne sic elusa atque irrita, sapientiæ nomen, necne retinebit? Si non retinebit, falsum erit in explorando, & indagando spectari sapientiam: rursusque omnis sapientis approbatio à calu, & à fortuna erit repetenda. Si retinebit, poterit iam certè esse aliquis sine fructu vllò & sine emolumento sapiens. Quod neque tu Phædre ita vis, & ego maximè alienum à sapientia statuo. Quid enim, rem ne vnam omnium pulcherrimam & maximam, ad quam nostra vota & desideria præcipue contendunt, possideri sine fructu, atque adeò sine maximo fructu, in animum inducere poterit quispiam? nõ cadit hoc in cogitationem hominis, nostræque id mentes penitus respuunt: potius quicquid vitam exornat atque excolit, facitque ut pacatè & splendide, & cum voluptate viuamus, totum consilio & sapientiæ referatur acceptum, ut cui sapientia ipsa adsit, ea illi inutiliter & sine maximo fructu nequeat adesse. Relinquitur igitur ut iunctum vtrumque & copulatum, sapientiam constituat: hoc est, ut vera germanaque sapientia sit, cum potiri fortunæ bonis, tum studio ipsius nostro industriaque potiri: quod sic recorder abs te fuisse positum, iucundiora esse munera fortunæ, quæ aliquis labor antecesserit & molestia, quam ea quæ sua sponte nec opianti adueniunt, propterea quod voluptas omnis ex contentione ipsa molestiæ percipitur vberior. Si inquam ita sit, suauioraque sentimus, quæ cum labore quodam & sollicitudine animi, nobis ipsi expugnauimus, quam quæ vltro accepimus oblata: opanda est mala valetudo, ut eius prosperæ atque bonæ lætitiæ amplior nobis adueniat. Falso igitur est in communibus votis uterpatum, rem esse opandam nobis, nõ partem labore, sed relictam. Quamquam ista quidem lætiora sunt: illud porro graue, grauiorque animad-

animaduertendum. Quod si ab industria coniunctè & à fortuna efficiatur sapientia, neque alia conditio quæpiam, modusque alius apponatur: hoc est, quo cuique ordine, qua temperantia, qua etiam à malis facinoribus abstinencia, ad opes & imperia peruenire sit licitum: nil causæ fuerit, quin quæ ad quæstum maximè, & ad pecuniam appositæ fuerint artes, ex potissimum nomine sapientiæ ornentur. Erunt igitur fœneratores in hanc laudem vocandi, erunt circumscriptores, erunt testamentarij. Denique quotquot sibi periurio, & fraude, & malis artibus rem aut potentiam quærunt, modò assequantur id quod concupierint, prouidi hi, & solertes, & sapientes esse iudicabuntur. Quid ergo? hancine placet constitui sapientiam, & talem eam in hominum conuictus, commerciaque produci, quæ populatoribus humanæ societatis non solum impunitatem, sed gloriam etiam nominis sui proponat? nonne plurimum intererit, quo pacto quisque ad opes, honoresque perueniat, & qua ad fortunæ bona nitatur via? Nam qui iustè & castè id egerit, idem quæta fuerit constantia præditus, ut maius sibi bonum in virtute atque honestate, quam in voluptatum, opumque affluentia constituat, eum sanè nos virum bonum appellabimus, maximamque illi fidem rerum omnium habebimus: sapientem verò etiam, si cum integritate vnà & cum iustitia, metis præterea, ingenijque acumen habuerit coniunctum: quod omnino sapientiam in actione mentis, & quasi ingenij vigilia quadam constituimus, quæ si à virtute & innocentia disiuncta sit, suisque propriè consilijs absque iustitia veritateque nitatur, non iam sapientia, sed malitia sit nominanda, ut quæ celeres quidem animi motus, & ad videndum quid expediat acutos: sed eoldem prauos & inconstantes & perfidiosos habeat. Quapropter decuit abs te, Phædre, sapientem tuum ex hoc genere constitui, qui polleret quidem mentis intelligentiæque consilijs, verum idem omnia tam in ad virtutem æquitatemque referret. Quem tu nunc cuiusmodi, quæso, & quo ex genere nobis effinxisti? occultum quendam & cautum designasti artificem simulandi, dissimulandi que, qui cum specie quadam splendida & liberali oculos nostros quasi perstrinxisset: intus autem copi pectore (ut ille inquit) arcana continuisset studia malitiæ suæ, tum ut sese vlla aperiret occasio, reiectis inuolueris dissimulationis, ad illa fortunæ bona prorumperet, quorum adipiscendorum gratia, nec violare ius fasque, nec ceteros supplantare indignum arbitraretur: qui si non vastè ac præruptè, ut de Philosophis ipse dicebas, at elegantiore quadam improbitate magisque concinna præriperet ceteris adipiscendi palmam. Vastum inquam nobis hominem & astutum, plenumque doli ac perfidiæ descripsisti, atque eum qui cum nullâ veram specie sapientiæ nosset, virtutemque ac dignitatē vilitate sola me-

tiretur, præstare semper arbitraretur pudere magis, quam pigrescere multoq; plus doletet non adeptus, quod concupivisset, quam in impuritate aliqua facinorèq; deprehensus verecundaretur. Detorquebas interdum tu quidem, & splendidis ac sonantibus verbis vmbra illi appingere virtutis contendebas. Sed facillè patebat, totamq; se indicabat oratio tua. Dum enim inobseruatis vestigijs aiebas curaturum esse sapientem, ut quò intendisset expeditius perueniret, non mediusfidius lucem neq; diem, sed noctem & tenebras quærebas sapientiæ. Quod si huiusmodi sapientiam esse placeret, quæ eos, quibus æmulatur, tyrános imitetur: ut quemadmodum illi segregatos ab sese habent omnes bonos, servorum autem, & facinorosorum, & barbarorum circum se comparant manum: sic ipsa veris virtutibus eiectis, fraudum insidiarumq; comitatu, ad opes sibi acquirendas stipata incedat. Nimirum nobis præterea nihil est dicendum: quando quidem non parte aliqua, sed tota sapientiæ ratione dissentimus. Nam ego illam ex alieno longè genere, potiusque contrario esse statuo. Hic Gallus, Nequaquam hoc vereare Sadolete, inquit, ut quisquam nostrum (nam pro Citrario tibi etiam spondeo) sapientiam cum scelere, & cum perfidia puter iungi: neq; verò Phædrus hoc perspicuè posuit: videbatur quidem interdum oratio eius abundans & concitata, labi hæc, atq; effluere. Sed nosti Rhetorum morem mihi quidè ratio illa vehementer probatur, nec sine veris germanisq; virtutibus sapientiam, nec sine sapientia virtutes ipsas existere: sapientiamq; ingenij & mentis actionem, nò fortunæ euentum esse ducendum. Sed quid si iccirco plurimi sapientia sit, quodd ea nobis bonæ fortunæ effectrix, atq; administra est non malis insidiosisq; artibus, ut tu modò improbabas, in quo tibi planè assentior, sed virtutum choro nixa comite, fidemq; & veritatem ad omnia adhibens, ut sapientis sit honestis rationibus vitæ copias consequi, sapientiæq; effectus fortunata vita sit, nū hoc quoq; fuerit eiusmodi, ut alienum gravitate sapientiæ esse videatur? Mihi quidem notio illa, quam in animo insculptam de sapientia gero, hac ratione etiam pulchrior, magnificentiorque occurrit, si sapientem omnibus subsidijs fortuna florentem atq; ornatū esse videamus, addet enim hic externus copiarum apparatus, illius profectò decori dignitatique permultum. Dicuntur ista, Galle, speciosè inquam, & aliqua ex parte etiam probabiliter, sed videndum tamen est, ne conturbemus. Etenim si hoc ita intelligatur, ut sapientiæ fructus omnis in fortuna sit, & cum fortunam adepta erit sapientia, tum demum nomine illo digna censeatur: aut nihil ipsa omnino per sese fuerit: aut, quoniam fortunam præstare nemo ne sapiens quidem potest, sine illo commodo & emolumento adesse nobis sapientia potest hoc cunctis

tu ita

tu ita vis? minime, inquit. Sed ego cum maximas per se utilitates in ipsa sapientia inesse statuo, tum arbitror vberius illam fore ornata, si fortuna quoque, benignitas accesserit. Facile hoc tibi concesserim, inquam, dum ne illud ita sentias, omnem vim sapientie huc torrent esse, ut fortunæ ea nobis conciliatrix sit. Sequitur quidem ferme fortuna sapientiam: rarumque, admodum, & difficile factum est, ut sapiens idem & infortunatus sit. Ex quo dictum ab antiquis, Sui quæque fortunæ sibi fabrum esse. Sed tamen fortunarum consecutio appendix quædam honorum consiliorum est: modicaque, semper est, citè æstimantibus, ad sapientiam fortunæ accessio. Namque ipsa sapientia maiores sibi multò opes, & præstatiores ex genere in se paratas habet: neque ex alienis generibus bonorum, sed ex se, & sua vi commendat nobilitatem suam: quæ si domesticis fructibus non contenta, alienis opibus perficere se cogatur, non iam neque libera ipsa iuris sui, nec ullius compos dignitatis fuerit: seruiet enim necessarii fortunæ, totamque sese ad illius nutum finger, atque conuerter, ut suum bonum, quod habet in illa repositum, illius ipsius beneficio possit consequi. Quare si huiusmodi sapientia sit, quibus ea quæso, ornamentis dignitatis, aut quo honore libertatis poterit esse prædita? Nam ut seruire hominem homini dicimus, non eum solum qui emptus pecunia & mancipio acceptus sit: verumetiam illum, qui cuius ipse rei egens est, eam rem cogitur ab alio ambire, & mendicare. Sic cum propter fortunam sapientia expetenda sit, iam non ipsa domina rerum, sed pedissequa fortunæ existimanda est. Etenim quicquid amatur aut appetitur propter aliud, id non ipsum appetitur per se, sed omnis illi dignatio provenit ex eo, ad quod hoc tanquam intermedio itur atque contenditur: ut postea finem, atque extremum quod optabamus consecuti, horum quæ adhibuimus tanquam adminiculorum ad potiundum & consequendum, iam ne reminiscamur quidem: corum enim consumpta opportunitate, nulla reliqua in ipsis remanet dignitas, quæ nostros animos teneat. Sed nostrum omne bonum in illo summo agnoscimus, ad quod de principio iam tum tendebamus: sicut portu adepti, nauigio non amplius opus est, & victoria constituta, arma depouuntur bellica: Sic fortunæ opibus comparatis, inanis de cætero sapientia est. Igitur in hoc ordine, & tanquam curriculo quodam interuenientium rerum ad aliosque fines properantium, sapientia si constitutur: non ea spoliata solum suo decore, seruiat & ancilletur fortunæ necesse est: verum quum fuerit ad fortunam peruenitum, nullam iam ulterius partem commodi, neque æstimationis obtineat. Quod est rursus illa sapientie notitia indignum, quam in animis nostris natura ipsa descripsit. AGE agè, Gallus inquit, cogor enim tibi hæc ratione assentiri, fortunam non esse sapientiam.

tiæ dominam: quæ videretur fore, si ad eam unam sapientia tota
 pertenderet: Sed quin sit sapientia ex comitatu bonæ fortunæ
 spl:ndidior, hocne inficiari quisquam, & deterere dicendo ex ani-
 mis nostris poterit? Quid possit, inquam, alio loco videro? Nunc
 hoc sic habeto, Si acri acie mentis naturam rerum intueri volue-
 ris, te non difficiliter animaduersurum, in tanta varietate & artū
 & operum, quanta hominum labor atq; industria quotidie effi-
 cit: nihil in eis rebus inesse dignitatis, quæ ad propulsandum in-
 commodum duntaxat, & ad necessarios vitæ vsus repertæ sint:
 quod huiusmodi quæ sunt, seruiunt omnia necessitatib; ha-
 bent in se quicquam soluti, & liberi: sed alienis astricta legib; te-
 nentur. Quod enim fugere incommodum atq; malum à natura
 ipsa cogimur, idcirco sunt ista vi & necessitate expressa, vt naturæ
 præstō sint, vitamq; ac salutem hominis custodiant. Nihil autem
 coactum suapte natura est laudabile. Vbi ergo existit dignitas? vbi
 laus? Nempe in his, quæ necessitatis soluta vinculis, ipsi nostræ
 voluntati sunt libera: Nam quoad laboramus & tendimus, vt
 subsidijs fortunæ conquirendis fulciamus & tueamur vitam no-
 stram, quoniam id non ipso, sed naturæ lege atq; imperio fa-
 cimus, hætenus sumus & laudis, & criminis expertes. Quod enim
 alieno gerimus coactū, neutram id in partem attribuendum no-
 bis est, quandoquidem nulla in hoc animi nostri neque ex virtute,
 neque ex vicio declaratur affectio. At cum superesse incipit ne-
 cessitatibus nostris diuitiarum copia, & fortunæ quasi quædam
 vberitas, materiemq; habemus ampliorem, in qua liberè versa-
 ri voluntas nostra, & suo se arbitratu gerere in ea possit: tunc si
 rectam rationem, consiliumq; bonum administrandis fortu-
 næ facultatibus adhibebimus, ornabit quidem fortuna sapien-
 tiam: sed propter eam causam ornabit, quia ipsa autē à sapien-
 tia fuerit ornata: omnis enim illa directio, & prudens aptaque
 dispositio, tractatioque opum & fortunarum, sapientiæ tota est:
 atque eadem sapientia ea est, quæ in potestatibus & opibus, o-
 mnibusq; bonis, muneribusq; fortunæ lumen illud accendit
 pulchri atque decoti: cuius non solum oculi hominum ad aspe-
 ctum, sed mentes etiam ad admirationem conuertuntur. Nam ip-
 sa quidem fortunæ bona, si per se illa spectes, quid habent in se
 præclari atque magni? quæ iacerent penitus inanimaduersa &
 mortua, nisi actum tanquam animam à ratione viuentis accipe-
 rent: perinde autem vt quis vititur, ita efficiuntur & laudis parti-
 cipia, & vituperationis: si enim ordine & ratione disponuntur,
 nihil spectabilius, si per inconsultam, cæcamque cupiditatem ef-
 funduntur, nihil fieri potest turpius: vt cum ad homines indignos
 delata sunt, augeant potius & cumulent illorum indignitatem,
 quam quicquam illis splendoris aut ornamenti afferant. Igitur
 quic-

quicquid ex fortuna est, quod superfluat, vltraque vsus vitæ necessarios sit, totum supellex est, & instrumentum liberæ voluntatis, particepsque hæcenus & virtutis & vitij, ex alio genere vtile, quam quomodo ea sunt, per quæ necessitatibus vitæ subuenitur: illa enim ad incolumitatem duntaxat vtilia sunt: hæc ad amplitudinem, ad gloriam, ad dignitatem: cuius quidem pulchrioris, præstantiorisq; vtilitatis amore & studio, libere in primis mentes & ingenia excitantur: plusq; multo sibi statuunt in honestatis decore, quam in salutis incolumitate esse repositum. An vos aliam esse causam, & rationem putatis, quam obrem non solum erectioribus animis qui sunt, verum ignauiores etiam alij & demissiores, nisi illi similia brutis mancipia omnino sint, flagrent nimis acriter interdum studio rerum gerendarum: seseque adhibendi in aliquod opus illustrius, sui que ingenij periclitandi cupiditatem habeant insitam: nisi quod amplitudinis splendore illo ad amandum arrepti, cupiunt sese in illa luce constituere, & nobilioris fieri naturæ participes? vegetiore verò qui sunt animo, vt quietem nullam inueniant, vt tanquam cestro quodam exagitati & perciti, Themistocleo exemplo, nihil aliud noctu interdumque cogitent, quam quemadmodum queant maiores atq; honoratiores cæteris existere: atq; ardorem animi sui, quem compressum atq; reclusum ferre non possunt, in illustribus actionibus exponere, ac patefacere: hinc honorum ambitus, hinc magistratum, hinc omnis opum pecuniæq; cupido, suscepta quidem illa primo honesti decoriq; causa, vt in oculis hominum splendidi incedamus, vt aliquid ipsi esse videamur: verum post ob inscitiam veri boni, erroremque ignoræ mentis, ad inanem oculorum ostentationem, improbioreque exaturandas cupiditates, quasi- ta atque translata: quam nunc quidem sectandæ sapientiæ rationem, frequentiore nimirum magisq; in populo vtitam, Phædrus omni sua oratione communiuit. Sed nos qui ex eo genere hominum volumus esse, quod rarius quidem est, verum multò præstantius: quodq; amore diuinæ pulchritudinis incensum, dignitatem sibi præcipue proponit: ferturq; omni studio ad illud potiundum bonum, quod naturæ ipsius instinctu ferè omnes, certo iudicio sanè quam pauci nouerunt niti. Si Philosophiam nobis ducem adhibemus, quæ se effecturam ampliter pollicetur, vt sine errore vlllo, sine offensione, optatum animi nostri valeamus consequi: quis hoc nobis iure ascribet vitio, ac non laudi potius ducet, quod in cupiditate tanta, nos tamen ita contineamus, vt non impetû animi, nec quicquid statim nobis expetendû occurreret, sed certam consilij & rationis regulam, cuius quidem sola Philosophia magistra est, in dirigendis nostris opinionibus persequamur? Hic Cicerarius, Probe loqueris, inquit, & continea-

mus sanè nos, si modo quod pollicetur, præstare idonea Philosophia est, cuius tantam hanc vim iamdudum expecto nobis ut patefacias. Tempus admonet, inquam, & res ipsa eò iam me vocat: nam adhuc quidem velitati magis inter nos sumus ego atq; Phædrus, quam iusto prælio congressi. Nunc quoniam legibus iam, & ritu Philosophorum disserendum mihi est, qui captiones verborum excutiant, nihilq; obscurum neque ambiguum in oratione esse patiuntur: nomen mihi primò sapientiæ nō definiendum nunc quidem (alius enim erit magis aptus ad id faciendum locus) sed in qua ponatur res, peculiariter est indicandum. Etenim cum duo sint à veteribus illis verborū & linguæ repertoribus facta vocabula, quæ ad duas res in tota hominis natura multò præstantissimas, significandas valeant, prudentia videlicet & sapientia: equidem non abnuerim horum duorum vocabulorum usum ab optimis interdum autoribus promiscuè fuisse sumptū: quod (ut mihi videtur) & sæpius, & liberius facere solet Plato. Aristoteles quidem, & proflus cæteri omnes ubi ad germanas & proprias rerum declarationes fuit veniendum, sic distinxerunt: ut prudentiam eis rebus humanis præficerent ratione consilioque gubernandis, quæ in motu & in varietate semper essent, nullamque certam haberet in se, quapropter hoc magis, quàm illo modo euenturum quicquam esset, causam aut necessitatem, quam illi partem rerum opinabilem omnem vocant, habitumq; animi illis imperantem & moderantem, prudentiam. Alteram verò partem diuinarum rerum & immutabilem, quarum perpetuus semper & vniუსmodi esset status, sapientiæ voluerunt esse subiectam, ut in ijs cernendis contemplandisque duntaxat, nullo alio munere, districta sapientia teneretur. Hac diuisionis & nominum ratione, Græci eos nominauerunt prudentes, qui autoritate in publicis rebus & consilijs florere: quæ in illis locis magis valuit nominatio, ubi minus roboris in legibus, & in communibus moribus minus firmitatis, maior autem vis in subitis populorum scitis, quæ sophismata appellant Græci, extitit. Quæ de causa plures Athenis prudentes fuisse memorantur, quàm fuerint Lacedæmone: quod validæ illic leges Lycurgi, atque firmæ, minus ingenio loci & callidis consilijs dabant. In rebus autem incertis, & variè se habentibus, maximè existere videatur prudentia. Quod etiam Phædrum nostrum similitudine induxit, ut consiliorum hanc varietatem, mutationemq; actionum sapientiæ ascriberet. Sapientia porro est, ut ex communi hominum sententia constituamus hoc nomen, siquidem verborum usus & significatio à populo, rerum autem intelligentia à sapientibus est petenda. Sapientia inquam est, ex qua eos etiam, qui huius, quam diximus, prudentiæ expertes & essent, & haberentur, in astrorum cœlique & rerum il-

larum

Iarum sublimium ac mirabilium aspectu, contemplationeq; ver-
 satos, sapientes nominandos Græcia censuit: cuiusmodi septem
 illos consensu populorum vocatos fuisse, literis proditum est:
 prudentem autè Periclem, & eum, qui fluctum Barbariæ è Græ-
 cia expulit, Atheniensem Themistoclem: Quà nos eandem ser-
 monem nostro patrio rerum nominumque distributionem, acce-
 ptam à Græcis, secuti sumus. Quod si ratio quoq; reddenda huius
 distinctionis sit, nimirum ea esse intelligatur, quæ etiam est in
 communibus hominū sensibus posita, decreui enim, quoad qui-
 dem potero, non difficiles aliquas vobis neque contortas, sed è
 medio sumptas, proponere rationes: ad quas percipiendas, non
 exquisita quadam doctrina, sed parua tantummodo admonitio-
 ne opus sit. Est hoc igitur in omnium ferè hominum opinionib;
 insitum, ut unus sese quisq; ad res gerendas autorem esse ido-
 neum arbitretur: sibiq; persuadeat, si ad lectionem Reipubl. ipse
 adhibeatur, facile se & magnitudini rerum, & expectationi ho-
 minum satisfacere posse. Itaque nemo est ferè tam imbecillo
 animo, tamq; abiecto, qui non aliquam partem prudentiæ, sua
 sibi ipse opinione arroget: usq; ed quidem, ut in genere illo non
 facile alteri cedat: & si alium viderit honore atque autoritate in
 administratione rerum publicarū sibi antecellentem: felicitate
 quadam, non ingenio, se ab eo putet vinci & superari: qua rursus
 populari consuetudine existimatione, in idem videtur fortuna &
 prudentia convenire. Ac de prudentia quidem, ut videtis, sic sen-
 tiunt omnes: animiq; habitum hunc communem & vulgare esse
 putant, hoc est, in communibus quasi principijs naturæ omnibus
 hominibus insinuatum & traditum. Sapientiam verò, cuius est
 nomen positum in altissimis rebus, quarū rerum cognitio à vul-
 go est longè semota, cuiusmodi cæli illa, & cælestium rerum in-
 dagatio est: illis attribuerunt, qui in sola mentis atq; animi exer-
 citatione versati, res in natura abditas, ad quas populus ne aspi-
 rat quidem, investigare sunt conati. Itaque sapienti unusquisque
 de populo, in facultate illa & cognitione rerum sublimium facile
 cedit: prudenti, & perito rerum gerendarū haud ita cedit. Quo-
 niam autem ars ista indagande, speculandæq; naturæ in suo mu-
 nere occupata, curam rerum gerendarum non sæpe admodum
 appetit, suisque oblectationibus contenta, quas & plurimas sem-
 per, & maximas habere solet, in hos populares ætus ambitionum
 & cupiditarū se ne committit quidem: ideo & totum sapien-
 tiæ studium tanquam inane, atque iners à Phædro conuitijs agi-
 tatum est: & præcis item temporibus, sapientes in societa-
 re hominum, & rebus publicis inutiles, instructuosque sunt
 existimari. Ex quo & Thales ab anicula, & Socrates ab Athe-
 niensi populo, Crates quoque, Anaxagoras, Democritus à

suis ciuibus iure lusi videntur. His sic demonstratis, accedamus
 propius ad declarandam Philosophiæ vim: quæ cùm harum dua-
 rum rerum præstantium & singularium, sapientiæ, prudentiæque
 videlicet, siue eas facultates quasdam, siue scientias, siue habitus
 animi præclaros atque diuinos, velimus intelligere, noticiam &
 adeptionem, si se sequi velimus, daturam nobis polliceatur: dili-
 genter inspicienda ipsa à nobis est, & vndiq; excutienda, in quod
 proficitur, præstare parata sit. In quo sensum tamen nobis & con-
 sideratè est progrediendum: vt quoniam excelsum fastigium cõ-
 struere volumus, habeant fundamenta soliditatem stabilem. Ac
 vt, quemadmodum cœpimus, ab insitis in animis nostris notio-
 nibus ducamus exordium, quas in nobis penitus hærentes, sed
 longa perstitan desuetudine obscuratas, aliquantũ opus est exter-
 gere, & illustrare, quò facilius mentibus nostris illucescãt: agno-
 scimus sic natura comparatum esse, vt omnium rerum, quæ gi-
 gnuntur, & fiunt, præstantior semper sit vsus, quàm cuiusque rei
 effectio. Exempli causa: Fabrica araria, quæ lebetes, & cacabos,
 & labra, vasaque eiusmodi plurima efficiat, cuidam alteri arti de-
 feruiat, & famuletur, opus est, quæ vasis illis vtatur: siue ea ars co-
 quinararia, siue balneatoria sit, atque vsque eò quidem deferuiat, vt
 suum in excudendis illis iudicium ipsa adhibeat nullum, sed tan-
 tummodo eius quæ his vsura est artis lege ac præscripto mouea-
 tur, formam enim ab altera arte & modum efficiendi accipit:
 neque hoc solum, verum id quoque euenit, vt si aneis vasis, ars
 quæ vtatur nulla existat, ne arariæ quidem fabricæ in natura re-
 rum sit locus: tanta est vis & potentia ipsius vsus, non solum vt
 præcipiat, & imperet efficienti arti: sed in numero etiam rerum
 vt illa sit, tribuat: quod vna in arte demonstratum, valet idem
 in cæteras. Etenim si non sit qui maritimis cursibus vtatur, quæ
 sese ars pangendis nauigijs addicet? Et si equitandi peritia nulla
 sit, quis frænorum & ephippiorum fuerit artifex? Denique vt in
 vniũ omnia comprehendamus, perspicuè intelligi arbitror: artes
 efficientes, earum quæ vtantur nō solum ancillas existere, sed hoc
 ipsum omnino, quod sunt & in natura locum & partem ipsæ ha-
 bent, ab illis totum obtinere. Hoc similiter & eodem modo in
 natura rota est, in qua nihil est non ad aliquem actum vsusque
 creatum: sed est fortasse consilium naturæ in plerisque obscurius:
 reuelemus igitur illud quoad potest & proferamus: atque ita, vt
 planè queat conspici. Etenim si esset aliquid in natura rerum,
 quod nihil ageret, neque vllum sui exhiberet vsum: cùm causa
 fuisset nulla cur gigneretur, ne genitum quidem fuisset: Siqui-
 dem nil absque causa aliqua gignitur! quocirca esset id omnino
 nihil. Cur quicquam autè gignatur, causa ea est, quæ in fini extre-
 moque generationis, vel gignentis arti, vel naturæ ipsi est propo-
 sita:

sita: Vt si dicamus, baccas arborum propter eam causam geni-
 tas à natura, vel vt ex illis pastus animantibus sit, vel vt arbori-
 bus plantisque ad perpetuandam speciem suæ cuiusque naturæ
 sit progressus, verè quidem dicamus alterutrum, & vtrumque
 etiam simul, nam & ad propagandum genus cuiusque suum, &
 ad animantium vitam sustentandam, fruges & poma à natura
 creata sunt, sed hic tamen est finis naturæ aliquanto remotior,
 quod sic intelligi volumus, vt naturæ quidem consilium & pro-
 creandi ratio, ad hæc vltiora extremaque perueniat, labor au-
 tem & operatio eiusdem non perueniat: vt enim primum ad spe-
 ciem suam quæque res à natura perducta, & naturalem faculta-
 tem agendi ex sese, & operandi nata est: tunc conquiescente ibi-
 dem naturæ opere, suaui ipsa, & sua sponte deinde cætera moli-
 tur: quod in feris manifestissimè cernimus: hæ enim catulos
 cum genuerunt, eosque nutritu, & multa assiduitate confoue-
 runt, vsque ad eum terminum, quoad illi per sese niti, & sibi con-
 quirere vitæ subsidia possint: tum deserunt ac derelinquunt il-
 los, atque ad alia ipse sibi naturalia munera conuertuntur. Ex quo
 patet, naturam, cum in quaque re speciem illius rei propriam fin-
 xeritque, insignierit, ad peculiarem aliquam agendi facultatem
 finxisse rem illam & genuisse: quæ si nullum sui vsum præstaret
 res aut haberet proprium, vel nulla ipsa specie insignita, nullquam
 etiam locorum existeret, vel illud frustra retineret insigne. Quid
 ergo referret, esset ne insignita, necne esset? volo enim per hoc
 insigne accipi, illud suum cuiusque & singulare, quò differt à cæ-
 teris, vniq; & naturam habet sibi vni congruentem: quod si nul-
 lam ad peculiarem actionem natum sit, quid, aut quale sit, ne co-
 gitari quidem potest. Quemadmodum de materia intelligimus,
 illa vltima loquor, in quam & intereunt omnia, quæ dilapsa oc-
 cidunt, & ex eadem cuncta rursus efficiuntur: hæc enim quod nul-
 la specie propria insignita est, ne sentitur quidem vspici esse, nul-
 lamque suam habet actionem propriam: sed tantummodo effi-
 cientibus causis parata est, vt ex ea concretescat aliquid, atque gi-
 gnatur: vbi verò aliqua iam impressa forma, suum & certum ge-
 nus in numero rerum accepit, statim ad actiones conuertitur suæ
 naturæ proprias, quod omnis est vis, omnis actio, omnis nitendi
 aliquid, operandique facultas, ex specie cuique rei sua peculiari-
 ter insita. Quamobrem, hoc quoque constituto, quicquid crea-
 tum & genitum in natura rerum sit, ad aliquem vsum esse geni-
 tum, tumque rei semper effectione potiorē existere, ipsumque
 in causa esse, cur quæque res & gignatur, & fiat: videamus de-
 hinc, inter ipsos vsus num discrimen aliquod sit, & differentia
 eiusmodi, vltimus alio debeat duci præstantior: quod quidem
 dupliciter necesse est ita esse: nam & rebus vti nobilitate impari-

bus, ad eandem actionem possumus: ut ad procuracionem rei & priuatæ & publicæ, vel liberis hominibus, vel seruicis: ad militiam aut tyronibus: in quo, non usus, sed res adhibita ad usum, discrimen habet dignitatis & indignitatis: Et sepe in ipso usu per sese, cum res illa, qua utimur, eadem unaque sit: ea differentia inest, quod & bene uti & male eadem re possumus: sed quoniam nihil est neque ab arte, neque à natura ad eos fineis effectum, ut peruersè & preposterè in usum adhibeatur, sed ut aptè & conuenienter: sit, quod paulò antè dicebamus usum rei effectione semper præstantiorem esse, nunc hoc nobis interpretatum, ut de laudabili & recto usu dictum intelligamus: hoc est enim id ipsum, quod contendit natura, & in eo vim suam omnem positam agnoscit: ut quodcunq; gignitur ab ea, atque sit, id ad exequendum munus sibi congruens sit procreatum, atque factum. Quod si & rei, qua utimur, nobilitas, & usus illius rectus id efficit, ut quæ illo modo aguntur & geruntur, bene, præclare, sapienter, utiliter dicantur geri: nulla nobis potest esse præstantior actio, neq; ad naturam vitamq; accommodatior, quam nobismetipsis, qui in ordine rerum, summum propè & nobilissimum genus sumus, rectè & commodè & conuenienter uti: in quo & naturæ nostræ perfectio maximè inest, & vera vitæ felicitas. Ac nos quidem vocabulis abutimur, si quid fortè pronuntiamus in rerum natura se ipso posse uti, nisi quod ratione prædictum sit: nam quæ inanimata sunt, nullo modo ipsa se ipsis, sed illis alia utuntur: quæ autem vitæ & sensus sunt participia, ut videantur utentium imaginem quandam habere, utuntur enim & baccis & frugibus, & latibulis, & semetipsis ad conseruationem sui volucres, atque feræ: itemque in aquis quæ demersa animalia sunt, suos rerum sibi congruentium vius habent: non tamen usus illiusmodi laudem recipiunt, aut vituperationem, propterea quod non a soluto, & libero animi iudicio, sed tantum ex instinctu naturæ proficiscuntur. Quæ etiam de eausa, eodem semper propemodum sunt modo: non enim visis & imaginibus rerum, quæ occurrunt atque offeruntur, resistere bruta possunt: sed permouentur & cedunt, eoque necessariò feruntur, quod appetitus ea traxerit. At nos, qui rationis dono diuino atque mirabili, à natura ipsa locupletati sumus, non in appetitu potissimum insistimus, quærentes quid vel delectetur duntaxat, vel prosit, quæ duo nobis cum brutis communia sunt: sed sequentes nostræ naturæ diuinum ducem, ad illa expetenda in primis ferimur, quæ sunt ipsorum vel præcipua bona Deorum, ut decus, ut laudem, ut dignitatem, ut amplificationem quandam nostrum, & quasi ex hominibus in Deos conuersionem, potissimum persequamur: quorum quidem bonorum, neque participes nobiscum villo pa-

Eto bellæ sunt, & nos in his versando ac proficiendo, id certe assequimur, ut perficienda ac perpolianda natura nostra, cognationem nostram cum Dijs arctiorem faciamus. Proprium igitur naturæ nostræ munus cum maximè obuius ac fungimur, cum ad ea quæ sunt laudabilia & honesta, usum nostrum adhibemus. Et est hic quidem rectus nostri usus, ad quem sumus facti à natura atque geniti. Sed quoniam ea ipsa ratio, quæ ut tanti boni consequendi facultatem habeamus, vim nobis præbet, eadem etiam dat menti nostræ libertatem, & consecrandi huius boni, & aspernandi: neque vllâ ad alterutrum necessitate nos astringit, itcirco ad vtram partem nos dederimus, iure nos insequitur laus, aut viruperatio. Quorum neutrum, si ad alienum præscriptum agere omnia nobis esset necesse, ad nos ipsos pertineret: sed eò potius refertur, unde illa nobis inuenta esset necessitas. Quamobrem ut concludamus, quum in solis nobis iure possit pronuntiari & asseri, nos esse vnos, quibus conueniat nobis uti, quod soli ex libera voluntate id agamus: sit autem vna quæque res nata ad id agendum quod ipsi est rectissimum: vel in primis confitendum est, nos ad usum nostri rectum & laudabilem esse natos. Verum ista laus non simplex, neque vniformis, sed in duas partes principes distincta: suos deinde vnius cuiusque partis & varios habet gradus: nõ enim in ijs quæ ratione recta geruntur, pulchrum & conueniens in omnibus idem est, sed plurimum interest, ut semper consilio mouearis & ratione, quos sineis tamen tibi proponas & intueare, finium enim diuersitas, differentiam quoque actionum facit: in quo illud accuratè est animaduertendum omnium rerum quæ sint, fiant, atque gerantur, bonum in fini atque in extremo esse positum, quod cum peruenierit, res quæque conquietur. Porro bonum cum dicimus, id volumus intelligi, quod cuique naturæ potest esse optimum: siue illud splendidis & magnificis verbis exponendum sit, ut quod pulchrum, decens, honestum, siue commodis & voluprabilibus, vel salutare, iucundum, vtile: sunt enim omnia hæc vocabula cum bono ipso tanta cognatione constricta, ut diuelli non possint. Sed ad nos ut reuertamur. Pulchrum & bonum eorum, quæ recta à nobis ratione geruntur, in fini semper inest. Interest igitur, cuiusmodi sit ipse finis, qui prima, ut dicebamus, diuisione est duplex, quod aut extra nos, aut in nobis ipsis est situs. Etenim cum quid suscipimus & molimur, si alterius cuiusquam rei extra nos efficiendæ causa id agimus, nõ in nobis, sed illa ipsa in re quæ affecerimus, bonum omne habebit, si verò nostra actio nihil spectabit externum, sed in se ipsa cõuersa, finem suum & vltimum intus cõtinebit: tunc & mus nos ipsos qui agimus, totius boni ac decori compores.

Supe.

Superioris generis artes ferè sunt omnes, quæ in subiecta aliqua materia, corpore & manu operando versantur, cuiusmodi statuarum est, & ædificatoria: quarum quidem artium & similium cæterarum, facultas omnis & apparatus, non seipsa finita est, sed ad aliud extra se tendit, & elaborat extremum, in quo suum bonum positum sibi sentit. Quæ verò ex virtute geruntur, & ex animi quadam moderatione, quoniam se ipsis terminata sunt, suo ipsa, & eo insito fruuntur bono, neque id in alio, quid sit à se diuersum, exponere coguntur, approbat hoc tacito suo, parum quidem in vulgus notato animaduertensque iudicio natura ipsa, quæ in templis & ædificijs magnificè structis, simulachrisque affabre factis, facit nos, nec opinanteis, oculos mentemque defigere, opusque ipsum intueri, ab eo verò qui fuerit operis artifex auertere, atque amouere: quod ratione ea fit, quia bonum artis in opere ipso, tanquam in extremo & fini, non in artifice inest. Incredibile autem est, quantopere nos & amore boni natura ardeamus & aspectu delectemur. Itaque nemo vnquam fuit, qui non Iouem Phidiæ multò magis, quam Phidiam ipsum sit admiratus: at ubi actum aliquid est magnanimè, temperatè, prudenter, fortiter, cuiusque hominis talibus actionibus referta vita sit, in quibus præsertim adhibita fuerit constantia, quod non subiti animorum impetus, sed liberum consideratum, perpetuumque iudicium factis tribuit dignitatem. Tunc, quoniam bonum omne in eo ipso inhaeret, qui sese in his sæpenumero probauit, concursus in eo fiunt, & spectationes, & admiratio eiusmodi, illa ut dicatur, Hic cine est Telamon ille, quem spectabant, cuius ob os Grai ora obuertebant sua? Themistocles quidem post explicatâ maximis è periculis, & suo vnus consilio liberatam Græciam, quum ad Olympia accessisset, ac multitudo, quæ ad ludos frequentissima conuenerat, dimisso certaminum spectaculo, ad eum vnum inueniendum conuersa omnis esset, maximum tum se laborum suorum præmium percipere dixit. Et reuera, auersis etiam nobis, & aliud cogitantibus, tacitè insinuat ipsa natura, ut eas potissimum actiones appetamus, quarum splendor & dignitas in autore ipso permanet: non in alio extrâ opere quopiam est spectanda. Sed quorsum hæc tot & tanta? Nempe huc ut veniremus, quod iam breuiter comprehendendum est: summâ esse hominis præstantiam ac nobilitatem, rectè semetipso uti, ad eos quidem vsus, ex quibus decus, & dignitas, & pulchritudo: non in externa aliqua re, sed in eo ipso, qui vitur, hæreat & constituta sit. Hoc si aliena lege præscriptoque gereretur, & ad tenendū vitæ ordinē hunc atque cursum, sine errore vilo natura sola sufficeret: non esset opinor, causa, quæ disciplinā aliquā agendæ vitæ quaereremus: principiis enim naturalib. abunde suppeditati, superuacaneis laboribus &

curis

curis non implicaremur. Si verò hoc lumine obscuro atq; occulto, naturæ quidem ipsius instinctu, ad magnas quasdam res appetendas agi stimulari nos sentimus: quæ verò illæ res & cuiusmodi, quæ in loco posita, & constituta sint, propter ignorantiam minimè læpe animaduertimus: nobisque tanquam in tenebris errabundis, aliud pro alio frequenter accipitur: ex quo offensiones, & peccata, & præcipientes lapsus, scopuli denique vitæ penè innumerabiles existunt. Amabo si qua est ars, aut scientia, quæ se nobis caliginem hanc ab oculis erepturam, iterque rectum demonstraturam polliceatur, & ad eos sineis nos deducturam, qui maximè è natura sunt, & in quibus summa & absolutio vitæ nostræ contineatur: eritne quisquam tam abhorrens ab æquo & bono, qui ad hanc vocem occludere aureis suas, tantique promissi magistrum despiciatui ducere, & præterea exagitare contumelias audeat? Atqui hoc promissum, hoc munus, hoc officium Philosophiæ est: illaque nobis hanc doctrinam pollicetur, ut nobis quam optimè uti, & dirigere actiones nostras sine errore villo possimus. Quid ergo est? Nihilne hoc vobis videtur: an cæterorum omnium longè maximum? nam reliquis quidem rebus quum utimur, agro, veste, ædibus, equo, mancipio, neque omni tempore illis, & cum eis una nobis quoque ipsis utimur: nostri autem usus, cum plurimus ubique est, tum nullo unquam vel minimo temporis momento intermittitur: siue enim laboramus, siue requiescimus, siue rusticamur, siue sumus urbani, siue publicam agimus rem, siue priuatam, siue cum aliis, siue soli nobiscum, siue in lœtis, siue in ludicris sumus: nulla unquam est intercapdo temporis, quin assidue, perpetuo, sine intermissione vlla nobis ipsis utamur: quod, quum in omnem prorsus vitam permanet, atque pertineat, si prauè perperamque agatur, miseram meretricule & infelicem necesse est à nobis degi vitam: contraque si bene, ac prudenter, beatam atque felicem. Hoc eorum igitur est, quod Philosophia proficitur: daturam se nobis viam & rationem, qua nobis ipsis quam rectissimè utamur: quod cum promittit, eadem nobis opera beatam vitam se daturam promittit. Atque hæc est illa una omnis sapientia, quæ nos similes Deorum immortalium, & eorum vitæ æmulatores esse facit: quæ sola constituit beatam vitam atque confirmat, si nobismet ipsi aptè, decorè, commodè, semper utamur. Quam quidem ad excellentiam cognitionemque diuinam, nisi lumen nobis Philosophia præferret, non modò aditum non inuenire, sed ne vestigio quidem villo duci ad indagandum possemus, ita ut sine sensu, sine gustu, sine sapore villo præstantissimæ vitæ, futuri semper fuerimus, nisi ducem nobis ad viuendum adhibuissimus Philosophiam. Declarat hoc, & magis quidem quam vellem, commu-

delicet naturam, quæ non solitaria simplæque sit, sed ex pluribus quasi rebus conflata consistat, genus habere suum, propriamque generis appellationem, ex illa parte sui, quæ in quaque re eiusmodi princeps sit: quod in coniunctione plurium, vni semper naturæ traditus principatus est. Quod cum ita sit, & in nobis longè dominetur ratio, principatumque ipsa teneat: quicquid sumus ipsi, totum id accipimus & posidemus è ratione, ut sit ratio illud ipsum planè, quodcunque est homo: Sequitur dein reus, ut distinguamus quæ harum partium cuiusque vis, quæque facultas sit, seorsum primum & per se, deinde in iugatione cum aliis partibus copulatuque exposita: Etenim aliud est, quod unaquæque animæ pars per se singulariter agere nata est: aliud, quod in aliarum partium comitatu & coniunctione: quod naturæ simplicis, simplex est actio: constare, mixtæque coniuncta. Sed de mixtis mox, nunc simplicia illa munia, atque officia singularium animæ partium videamus. Ac illius primum quæ sine cura vlla nostra, sine rectione vivit in nobis ac viget, quam vegetabilem animam nominamus, ea enim est quæ alimur & sustentamur, & extenuamur, & augetur, accipimusque habitum hunc, & figuram corporis quæ in nobis est, & fingimur carnibus, ossibus, nervis, cute, sanguine, & ad gignendum quod in eodem genere simile nobis sit, natura promi sumus: cui sunt animæ quædam membra attributa, quæ sine nutu nostro, & confidunt, & excitentur, eaque est vna fundamentum & stabilitas animarum reliquarum: quæ nisi adesset, neque sensus in nobis, neque ratio esse posset: & tamen ipsa ita est necessaria, ut sit reliquarum longè infima. Atque hætenus ferè huius animæ pertinet potestas. Illa verò sentiens, quæ aliquo iam cognoscendi iudicio prædita est, vim habet sibi peculiarem videndi, audiendi, tangendi, olfaciendi, gustandi: atque inter hæc sensilia differentias notandi, contrariaque in suo cuiusque sensili genere distinguendi: nec non rerum motus, figuras, magnitudinesque percipiendi, oculis quidem & aspectu quàm maximè, sed cæteris quoque sensibus nonnihil. Eiusdem est animæ officium, ea quæ sensibus semel comprehensa sunt, etiam posteaquam illa abierint è conspectu, interiore nihilominus animi facultate quadam, imaginibus repræsentare, & tanquam in thesauro in memoria recondere, aliquantulumque ibidem temporis spatium custodire: quod illis formis, & imaginibus, ad inquirendum maximè aliquid, & ad declinandum, animalia moveantur. Tertia est ratio peculiaris generis nostri, quæ nullo alio in genere animantium cernitur: per quam nos omnibus mundanis rebus præfati sumus, cuius munus proprium & primaria facultas est, intueri quidem illud primo, & per se, quod semper idem est, atque eodem modo se habens, quod

necesse

necessarium immortale est, atque diuinum, in eoque tanquam in fa-
 miliari & cognato genere versari, veritatisque ibidem palci cibo,
 suauiore multo, quam ambrosiæ & nectaris. Quandoquidem in
 eis solis, quæ sibi perpetuo constant, & usquequaque immutabi-
 lia sunt, habitat ipsa veritas, eodem in fluxis & continenter laben-
 tibus, tanquam simulachris & similitudinibus illuditur. Sed si ad
 hæc quoque, quæ non vniulmodi semper sunt, ipsam conuerti
 rationem oporteat, in iis eius sit officium præscribere, ordinare,
 dirigere, imperare: quod huius naturæ præcellentis ac diuinæ
 solus est imperandi, & præcipiendi potestas. His singulatum de
 vnaquaque partium animæ a nobis sic expositis, veniendum dein-
 cept est ad functiones eas, quæ ex partium coniunctione inter
 se, copulationeque existunt: quarum medius silius incredibili est
 multitudo, nec numero ea solum, sed modis etiam, & conditio-
 nibus, multiformis, ac varia. Sed nos genera dumtaxat ipsa per-
 stringemus: ad minutissimas partes explicandas non accedemus.
 Ex parte igitur sentiente, & vegetante, ambarumque inter se iun-
 ctione, atque complexu, primum cura & studium custodiendæ
 salutis, deinde voluptas, molestiaque exoritur. De ea voluptate
 nunc loquor, quæ maximè sentitur in ipsa coniunctione mole-
 stiæ, ut sitientis est ideo cum voluptate bibere, quia cum mole-
 stia sitiat: cuius quidem molestiæ ea est vis, ut cum primum de-
 fierit sitis, simul item desinat bibendi delectatio: hoc genus vol-
 uptatis (nam est aliud quoddam purius, atque præstantius, quod
 nulla omnino admixtum molestia est, de quo alio loco fiet men-
 tio) hoc inquam mixtæ voluptatis genus, quod etiam vehemen-
 tius videri solet, propter appositionem, adiunctionemque con-
 trarij, dicimus ex hac copulatione sensibilis & vegetabilis ani-
 mæ primo nasci, ut in ipsa quidem vegetabili situm, fundatum-
 que sit, a sentiente autem percipiat & iudicetur. Verum habet
 id terminatas in animantibus cæteris varietates, in homine verò
 si rationalis anima huic curæ se submisit, & ad sectandas huius-
 modi voluptates sic conuerit, crebrius idem multo, & multipli-
 cius factum, innumerabiles illas gignit cupiditates, quas volitare
 in anima ipsa passimque discurrere ac tumultuari sentimus:
 hinc iræ, hinc reconciliations in gratiam, hinc amores, hinc
 odia, hinc lites, hinc ambitus, hinc suspiciones, obrectatio-
 nesque, hinc alienitates, consternationesque animorum, & quæ
 quæque sunt omnium huiusmodi perturbationum sunt, spes, me-
 tus, letitiæ, dolores. Sed nos his breuiter percurtis, ad illam alteram
 complexiorem, temperationemque rationalis animæ cum
 reliquis duabus naturis, accedamus. Ex qua quidem copulatione
 non pauciores profecto quam ex cæteris effectus proueniunt:
 etli ex alieno huiusmodi sunt genere. Namque ipsa ratio, quæ supra

sit per se atque simplex, in eo, quod idem semper est, contemplando, perpetuè inhereat, neque sponte se vsquam a diuina illa disjungat veritate, indidem huc euocata, atque huic corpori nodo inextricabili, quoad in his fuerit locis adstricta, comitatu importuno sensuum, & cupiditatum, desceiscat a semetipsa necesse est: & ad hæc infirma, instabiliaque consideranda torqueatur: quorum primo obtutu tanquam caligine occæcata atque conuulsus, ut quæ ex illo illustri æternæ veritatis loco, in tenebras repente venerit, aduocare sibi cogitur communes quasi administratos & suos & sensuum, per quos item commune opus cum illis vnâ peragat, atque exequatur, fidem, opinionem, consilium, cogitationem: quorum fides quidem mentis animique est assensus, assertioni credentis, quæ sine ratione quippiam confirmet: opinio autem intus concepta existimatio est, non sine ratione quidem, sed tamen infirma ratione subnixæ: quæ rem aliquam arbitratu aut esse, aut non esse, aut huiusmodi eam, aut alio modo consideret: in his duobus ratio consistit tamen, & requieta est, quod eo est contenta, quod quoquo modo sibi fuerit oblatum, in illo autem altero pari, consilio, cogitationeque, iactatur adhuc, positaque est in motu, necdum eò peruecta, quò affectat & tendit: est enim consilium, quasi itineris & viæ inuestigatio quadam, conquisitioque adiumentorum, quibus id queamus, quod designauimus consequi, cogitatio verò eiusdem fermè modi est indagatio: verum non ea efficiendi quidem quippiam, sed tantum intelligendi causa suscepta. Hactenus informata nobis sit, & tanquam leui ducta penicillo agnitio nostrimet, quæ etsi propria Philosophiæ consideratio est, nō maxima tamen videtur indigere admonitione ad spectandum & percipiendum. Nunc hoc rationale animal, quod vocatur homo, tribus ex naturis coherens atque constatu, quod fungi debeat actiones, & singularum naturarum proprias, & omnium communes: fungiq; ratione & ordine, si vitam eam velit degere, quæ felix & beata sit, tradamus Philosophiæ instituenti, ac pollicendum: vtrideamus si dictis eius atque promissis, facta etiam consentiant. Quid promittit illa autem? nempe scientiam se & facultatem homini præbaturam, qua is semetipso commodè uti & ad omnia rectè exhibere se possit. Atqui nihil omnium rerum melius, neq; præstabilius profectò est, neq; ego solus hoc dico, sed tu quoq; Phædre, & quicumq; educlti liberalius sunt: nemōq; potius omnium mortalium tam abiecto animo, tamque infirma & sordida conditione vitæ est, quin si diligentius consular semetipsum, & cogitationes suas expendat, hanc huiusmodi scientiā omnibus anteponat opibus, atq; fortunis: quippe qui ex ea se affecuturū omnia optata sua confidat, & ad suorum votorum summā perueniturum. Veniat igitur in medium promissum hoc magnificum,

cum,

eum, & graue, vt excusatur à nobis, & consideretur, in quo sic primum ordietur Philosophia. Etenim singamus sibi illi a nobis & commendari, ac de manu in manum (vt aiunt) tradi hunc eum ipsum, quem cepimus huius tam eximie facultatis, & præclaræ suimet vius fieri compotem: illa enim, credo, vt primum aspexerit adolescens; m, nostrosque sermones audierit, hac initio statim oratione utetur: Equidem præstabo (inquit) quod pollicita sum, viamque bene & beatè viuendi sine vllò errore tradam: sed opus est animo non repugnante: quanquam hoc fortasse non satis sit: ingenium adsit oportet, & veluti oculi in corpore, sic in mente luminis acies, ad intuendam formam veræ pulchritudinis à natura parata: quam postea ego quocumque fuerit opus, meo arbitrari dirigam, atque conuertam. Sed quod dixi de non repugnantia, ob eam causam dixi, quòd ferè ad me qui accedunt, afferunt præuas secum è vulgo opiniones, quas nulla nostra ratio potest euellere: aut enim in aliqua populari sententia statuti atque firmati, velut expetendas præcipuè esse opes, honores ambiendos, voluptatem sequendam, ad omnem deinde vocem veritatis obsurdescunt: aut etiam si rationi se præbeant dociles, vno aliquo vitio, nonnunquam etiam pluribus contaminati atque imbuti, permulta secus faciunt, quam vera illis dicet, ac præcipiat ratio. Ex quo neque illis magna ex me utilitas, & mihi grauis ex ipsis calumnia constat. Videor enim postea ob hanc præcipuè causam, sapientiam tradere, non rerum, sed verborum: quod tamen secus est: mea enim disciplina institutio, ad res potissimum, & ad facta ipsa spectat: formatrix autem orationis hætenus quoque sum, vt sine fūco & fallaciis, cum optimis eam moribus, & cum præclaris animi cogitationibus velim congruere. Quòd si tu (ita enim profectur ad adolescentem conuersa) ita ad nos paratus venis, vt te nobis totum sis permittendus, eijcias è te ipso oportet omnem opinionem alienam constantis & firmæ rationis: animumque tuum mihi purum & purgatum præbeas, quo possi n ego in teo diuinam illam speciem, quæ à me vna fingitur, atque exprimitur magnanimi viri, & verè præstantis inscribere. Quid respondebit adolescens? primum pudore credo deijcet oculos: post nouis quibusdam ardoris stimulis, ad spem magnarum rerum intrinsecus excitatus, quod de Alcibiade scriptum reliquit Plato, sēns sese & salutem suam Philosophiæ commendabit. Sequetur itaque primam illam nostrimet, quam diximus, cognitionem, altera præceptio: vt consideremus attenteque, intueamur, quum trium illarum partium, ex quibus constituti sumus, singularum proprij & sui fines sint, in quæis cuiusque earum sit positum bonum: nos ex naturis illis omnibus in vnam rem confatos, non posse vnus tantum partis

extremo & fini contentos esse: sed quemadmodum tres animæ habitus & facultates obtinemus, ita tria nobis habere proposita bona, quorum singula partibus singulis, coniunctæ autem omnia vniuersitati ipsi conueniant. Per se quamur enim uerò, quod cuiusq; partis extremum atque idem bonum sit: quò melius deinceps queamus iugum illud, & vinculum totius communione aspicere. Illi igitur parti & animæ inferiori ac ignobiliori, per quam sustentamur, & alimur, seu finis & vltimum incolumitas proposita est quæ eadem salus & vita est intelligenda, genusque illud boni, quod utile appellatur, in hoc genere animæ præcipue est fundatum: utile enim potissimum id vocamus, quod ad salutem & incolumitatem vel dandam, vel conseruandam, vel restituendam etiam pertinet, quod inter reliqua bona maxime necessarium est: et eum est cæterorum tanquam solum, fundamentumq; bonorum, quo subducto, atq; sublato, reliqua non videantur bona vsquam posse consistere. Atq; huius quidem etiam boni participia illa sunt, quæ omni carent sensu: vestirpes, arboresq; & cætera eiusdem modi, quorum est natura in toto animanti genere longè subiectior: nihilq; in se continens, nisi quod necessitatis sit: ideoq; honore nullo, nec nobilitate prædita. Altera est natura iam sentiens, viuq; & facultatem habens huiusmodi instam, ut affici quodammodo rerum appulsionibus, idq; ipsa sentire, ac propterea moueri ad appetendum, vel ad aspernandum, possit: cuius finis & proprium bonum intelligitur voluptas: et tunc enim nisi aliud quid præsit, quod moderetur, & corrigat, semper ut ad suum summum, summeq; experitum bonum, sensus ad perfruendam rapietur voluptatem. Tertium porro animæ genus, quod rationis particeps, vel ea ipsa potius est ratio, cœleste atq; diuinum: cuius præ nobilitate ac præstantia, reliqua genera aut nullius quodammodo, aut certè ita parui sint momenti, ut nec comparanda quidem sint: finem suum & vltimum propositum sibi habet, si ipsum per se solum spectes, scientiam & veritatem, si cum reliquis coniunctum, decus atq; honestatem. Est enim honestas, quam eandem dignitatem, decentiam, amplitudinemq; appellare iure possumus, si acutè inspiciamus, nil aliud profectò, quam veritas, cum reliquis aliarum partium finibus, utilitate videlicet, voluptateq; coniuncta. Ut enim luminis naturæ candens ipsa per se, & suo quodam splendore lucida, si illustrandis rebus admisceatur, colores eos excitat, qui varietate & pulchritudine decentes sunt: Sic veritas adiuncta hominum studiis & affectionibus, cum in agendo, regendo, communicandoq; exprimitur, illam in primis gignit, quam ingenue mentes tantopere mirantur, conuenientiam rerum omnium, & dignitatem. Atq; his tribus finibus propriis etiam partium iam cognitum, in quorum vnoquoque suo

suam cuiq. parti bonū est: videamus nunc totū hoc complexum
 & copulatū, quod est homo, quos ad fines à natura directū fir, &
 quam vitā agere debeat, quoq. modo semetipsum in vltimū sui ad-
 hibere, si ad extremū & vltimū suæ naturæ bonum sit peruen-
 turum. Atq. horum quidem trium, primū illud Philosophia dū-
 taxat docet, reliqua autē dūto præterea etiā tradit. Quid est autem
 quod doceat? Nempe sicut nos cōiungim. & temperari ex trib. na-
 turis sumus, sic tria illa bona in vnū miscenda nobis esse, & capi-
 enda, si beatari, & expletam suis omnib. numeris vitā velimus, cōse-
 qui. Quid ais Zeno? Quid nouas verborum contechnationes im-
 plicas, quib. nos capere, & illaqueare coneris: Bonum esse quod
 honestum sit: Assentior, & ex præstantissimo quidē genere consi-
 teor esse bonū: At id solum bonum, prorsus nego: nisi aut vnicum
 tantammodo bonorum genus in natura rerū sit: quod cuiusnam
 quæso queat pbari? cūm omnib. reb. natura & specie inter se plu-
 rimum differentibus, suum cuiq. earum in fini atq. extremo sit
 positum bonū, quod esse idem diuersorum nō possit: & ni ita sit,
 frustra pleraq. creata à natura, & nullos ad fines effecta intelli-
 gantur. Aut si alia quoq. bonorum genera sint, quoniā de homi-
 nis bono nominatum nunc querimus, ex vnica natura nos, hoc
 est, mente dūtaxat & ratione, oporteat esse factos. Acqui alia
 præterea naturas in nobis obrinemus: Vbi ergo repente deseri-
 mus illarū bonum? quod si assequi possimus, intelligamus id cer-
 tē ad aliquam partem nostri pertinere: Nisi fortē reliquarū par-
 tium bona stare, atq. coniungi cum rationis bono nō possint: q.
 vsq. ed falsum est, vt in illis p. cipue sibi accommodandis, & cō-
 cordibus secum faciendis, enitescat & elaboret nostra ratio. Su-
 mus ergo ad ista tria bona & appetenda, & cōs. quenda à natura
 facti: quorū quidem communitio bonorum, in ipsa partū nostra-
 rum cōiunctione spectatur. Sic n. debemus exquirere, & cōsecrari
 singula, vt ad communitatem tamen omnia referamus: atq. hic
 illud peruidendum est, vsq. ed congruere tria hæc inter se bona,
 & velut consata esse, vt quanquam vnumquodq. illorum suo, &
 proprio genere censeatur, societatem tamen cum reliquis gene-
 ribus, & naturalem quandam intelligatur habere cognationem:
 nam & quod vile cui est id suapte etiā natura conueniens illi est,
 ac inuendū: & honestas suam vtilitatem ac iucunditatem secum
 adiunctam habet: & cūm voluptate, quæ è natura sit, sua est utili-
 tas, conuenientiaq. coniuncta. In quo perspicue natura contra
 Stoicorum rationem decernit, illud verē perfectum, & cumulātū
 hominis bonū esse, quod sit ex his trib. in vnum quasi temperatū,
 atq. mixtū. Sed nos cūm suos cuiusq. naturæ fines appellauimus,
 illis hominibus singulos indicauimus, quæ præcipuam, & principem
 in vniq. natura rationem boni declararent, ad quam cetera

atque vnguibus, vel asperæ rei altius fricatione, & attritu. Ponite vobis nunc ante oculos formam atque imaginem huius præsentis: videtis ne ut miserè ipse se exerceat, mixtamque ex voluptate & ex molestia, indignantis simul & lætantis exhibeat faciem? cumque intrare eò digitis plane non possit ubi maximè fodicat, & stimulat vis morbi, quemadmodum cutem suam dilaceret, vocibusque inconcinnis obganniat, anhelitus efflet graues, & mirandum in modum corpus, vultum, membraque iacēt, atque distorqueat? qualem hunc, quatio, & quo ex genere hominem esse statuetis? Atqui talis ferè est, attente si inspexeritis, vniuersa corū vita, qui se potissimum dicant, & dedunt corporis voluptatibus: alij enim in epulis, & ebrietatibus hoc idem efficiunt: alij in congressionibus corporum, turbitudineque libidinum: nonnulli etiam sitim medicamentis colligunt, ut sit potandi maior quædam iucunditas: plures sine fame & siti, & sine vehementi aliqua cupiditate, sola recollectione suauitatis adducti, vino, gulæ, libidineque interiuunt: qui semet etiam inuitant ipsi excitantque languentis: nihilque prorsus præterire earum rerum volunt, quas aliquando nouerint afferre delectationem solitas. Quod quidè proprium & præcipuum falsæ atque corruptæ in nobis rationis malum est: idemque non necessarias suscitans cupiditates: Nam cætera animantia quoquo pacto se gerant, cum contrariis molestiis ad appetendas illiusmodi voluptates compulsa sunt, naturæ tamen pierunque finibus continentur. Homo solus corporis voluptatem, non necessitate (nam ea quidem faceret sibi ipsa modum) sed ratiocinatione falsa demetiens, in eiusmodi genere cupiditatum, insatiabilis prorsus, & infinitus efficitur. Atque horum duorum generum quæ memorauimus, auari illius dico, huiusque voluptarij, tanta est a ratione recta animi & voluntatis auersio, ut nulla bestia sit, quàm vtrunque est istorum, aduersus vocem veritatis agrestior: nam neque castigatores ullos hi perferunt, & rectè suadentibus semper sunt inimici: ipsi verò vltro eludunt etiam cæteros, suæque cuique alibi studia, quàm in corporis voluptatibus collocanda esse negant, propterea quia quicquid non manu & corpore teneatur, inane id totum, & supernacaneum iudicant esse. Sunt alij, nimis cupidi illi quidem, & studiosi voluptatum, sed tamen in eo vicio aliquanto leniores, qui voluptates potissimum eas coniectantur, quæ sensuum propriè sunt: nec ita magnam habent cum illa corporea parte contractam rationem, ut qui musicis & cantibus assidue dediti, personare aures suas vocum, & tidium, & tiliarum cantu semper volunt: aut qui oculis rapiuntur in omnem cupiditatem, ut signorum, tabularum pictarum, argenti vestisque stragular, gemmarum quoque & margaritarum studio propè infinito ducantur, domos autem suas ita re-

feras

fertas habeant atque exornatas, vt nihil festiuius, neque concinnius ne cogitari quidem possit. Sunt etiam qui odoribus præter modum delectentur, & eorum innumerabilem vndique conquirant varietatem. In quæ tribus sensuum voluptarius generibus, luxuria præcipue ea inest, quæ etsi libero homine putatur esse dignior, frangendis tamen & vici, & virtutis neruis, vim permagnâ habet. Restat vt de genere illo tertio & præcellente dicamus, quod si peculiari suo solum munere fungatur, & in vna contemplatione veritatis positum ad reliquas partes aspectum nullum retrahit homines efficiet squallenteis & mæstos, nil ferè habentes cum humanitate commercij: & ad omnia quæ occurrunt quasi obstupescentes. Sin autem cum sensibus sociatum atque mixtum, illis vt ministret, & subseruiat, adductum fuerit: eo maxime aduertetur, vt popularem gloriam, & potentiam in primis affectuorum vimque aliquam vehementiorem nactum, vrbes, populos, regna sepe numero euerter. Sin autem animo fuerit infirmiore, & tenuioribus opibus, ad illa conuertetur, vt nimio vestitu cuiusque corporis, aut alio quodam ostentationis artificio, cogat se spectari. Sed quid ago? sanusne sum, qui tantam errorum molem quantam omnis vita fert, euoluere me posse atque explicare sim ratus? Hic Citrarius, Imo fecisti tu planè operæ prætium, inquit, qui ista nobis ante oculos adduxisti, ex quibus faciliè deinde sit ad reliqua coniectura accedere: Video n. iam planè; & cum animo meo cogitans intueor: non hos solum, qui in vnius partis lini præcipue insistant, sed istos etiâ qui cunctarû fines parui, atque extrema consecretantur, nisi apto cõmentu quodâ, & bene exanimata ratione id faciant, inæqualem eos, & confragosam vitam ducere consueq; semper solitudinibus & molestijs: vt non minutissimis corpuseculis Democritum iuane, quam huiusmodi disciis & conflictationibus animorum, refectior vita sit: quibus quidem rebus lamen afferri, atque ordinem, præclarissimam rem esse, intelligere mihi videor: si tamen hoc præstari à Philosophia ipsa possit. Atqui, inquam, pollicetur illa hoc quidem: Sed illud quoque Citrari, intelligere te puro, ordinem istum, atque lamen, de quo narras, sine cognitione certa earum rerum, ad quas adhiberi nosmetipsos sumus, haberi planè non posse. Quid ni intelligam? inquit: an quisquam rerum earum, quas minimè nouit, prudens director esse potest? Quid si, inquam, homo eiusmodi est, vt si se totum præstaturus sit, cuius rei disciplinam, vt antea diximus, Philosophia proficetur, omnia illa intelligat, & noscat necesse est quibus cum, commercio, aut vsu, aut cognitione aliqua est implicatus, num tibi videbitur quicquam in rerum natura penè esse, quod non illi cognitum, & perceptum esse debeat? Vix videor hoc posse inspicari, inquit. Atqui consiccare hoc quidem

Superioris generis artes ferè sunt omnes, quæ in subiecta aliqua materia, corpore & manu operando versantur, cuiusmodi statuarum est, & ædificatoria: quarum quidem artium & similium cæterarum, facultas omnis & apparatus, non seipsa finita est, sed ad aliud extra se tendit, & elaborat extremum, in quo suum bonum positum sibi sentit. Quæ verò ex virtute geruntur, & ex animi quadam moderatione, quoniam se ipsis terminata sunt, suo ipsa, & eo insito fruuntur bono, neque id in alio, quid sit à se diuersum, exponere coguntur, approbat hoc tacito suo, parum quidem in vulgus notato animaduersoquæ iudicio natura ipsa, quæ in templis & ædificijs magnificè structis, simulachrisquæ affabre factis, facit nos, nec opinanteis, oculos mentemquæ defigere, opusquæ ipsum intueri, ab eo verò qui fuerit operis artifex auertere, atquæ amouere: quod ratione ea sit, quia bonum artis in opere ipso, tanquam in extremo & fini, non in artifice inest. Incredibile autem est, quanto opere nos & amore boni natura ardeamus & aspectu delectemur. Itaq; nemo vnquam fuit, qui non Iouem Phidiaz multò magis, quàm Phidiam ipsum sit admiratus: at vbi actum aliquid est magnanimè, temperatè, prudenter, fortiter, cuiusquæ hominis talibus actionibus referta vita sit, in quibus præsertim adhibita fuerit constantia, quod nõ subiti animorum impetus, sed liberum consideratum, perpetuumquæ iudicium factis tribuit dignitatem. Tunc, quoniam bonum omne in eo ipso inhaeret, qui se in his sæpenumero probauit, concursus in eo fiunt, & spectationes, & admiratio eiusmodi, illa vt dicatur, Hic cine est Telamon ille, quem spectabant, cuius ob os Graij ora obuertebant sua? Themistocles quidem post explicatam maximis è periculis, & suo vnus consilio liberatam Græciam, quum ad Olympia accessisset, ac multitudo, quæ ad ludos frequentissima conuenerat, dimisso certaminum spectaculo, ad eum vnum intuendum conuersa omnis esset, maximum tum se laborum suorum præmium percipere dixit. Et reuera, auersis etiam nobis, & aliud cogitantibus, tacitè insinuat ipsa natura, vt eas potissimum actiones appetamus, quarum splendor & dignitas in autore ipso permanet: non in alio extrà opere quopiam est spectanda. Sed quortium hæc tot & tanta? Nempe huc vt veniremus, quod iam breuiter comprehendendum est: summam esse hominis præstantiam ac nobilitatem, rectè semetipso vti, ad eos quidem vsus, ex quibus decus, & dignitas, & pulchritudo: non in externa aliqua re, sed in eo ipso, qui vtitur, hæreat & constituta sit. Hoc si aliena lege præscriptoquæ gereretur, & ad tenendū vitæ ordinē hunc atquæ cursum, sine errore vilo natura sola sufficeret: non esset opus, causa, quur disciplinā aliquā agendæ vitæ quereremus: principijs enim naturalib. abunde suppeditati, superuacancis laboribus &

curis non implicaremur. Si verò hoc lumine obscuro atque occulto, naturæ quidem ipsius instinctu, ad magnas quasdam res appetendas agi stimulari nos sentimus: quæ verò illæ res & cuiusmodi, quòque in loco positæ, & constitutæ sint, propter ignorantiam minimè sæpe animaduertimus: nobisque tanquam in tenebris errabundis, aliud pro alio frequenter accipitur: ex quo offensiones, & peccata, & præcipientes lapsus, scopuli denique vitæ penè innumerabiles existunt. Amabo si qua est ars, aut scientia, quæ se nobis caliginem hanc ab oculis erepturam, iterque rectum demonstraturam polliceatur, & ad eos fineis nos deducturam, qui maximè è natura sunt, & in quæis summa & absolutio vitæ nostræ contineatur: eritne quisquam tam abhorrens ab æquo & bono, qui ad hanc vocem occludere aureis suas, tantique promissi magistræ despiciatui ducere, & præterea exagitare contumelias audeat? Atqui hoc promissum, hoc munus, hoc officium Philosophiæ est: illaque nobis hanc doctrinam pollicetur, ut nobis quam optimè uti, & dirigere actiones nostras sine errore villo possimus. Quid ergo est? Nihilne hoc vobis videtur: an cæterorum omnium longè maximum? nam reliquis quidem rebus quum vitamur, agro, veste, ædibus, equo, mancipio, neque omni tempore illis, & cum eis una nobis quoque ipsis vitamur: nostri autem vsus, cum plurimus vbique est, tum nullo vnquam vel minimo temporis momento interimitur: siue enim laboramus, siue requiescimus, siue rusticamur, siue sumus urbani, siue publicam agimus rem, siue priuatam, siue cum aliis, siue soli nobiscum, siue in seriis, siue in ludicris sumus: nulla vnquam est intercedendo temporis, quin assidue, perpetuò, sine intermissione vlla nobis ipsis vitamur: quod, quum in omnem profus vitam permanet, atque pertineat, si prauè perperamque agatur, miseram meretricule & infelicem necesse est à nobis degi vitam: contraque si bene, ac prudenter, beatam atque felicem. Hoc totum igitur est, quod Philosophia profiteretur: daturam se nobis viam & rationem, qua nobis ipsis quam rectissimè vitamur: quod cum promittit, eadem nobis opera beatam vitam se daturam promittit. Atque hæc est illa una omnis sapientia, quæ nos similes Deorum immortalium, & eorum vitæ æmulatores esse facit: quæ sola constituit beatam vitam atque confirmat, si nobismet ipsi aptè, decorè, cominodè, semper vitamur. Quam quidem ad excellentiam cognitionemque diuinam, nisi lumen nobis Philosophia præferret, non modò aditum non inuenire, sed ne vestigio quidem villo duci ad indagandum possemus, ita ut sine sensu, sine gustu, sine sapore villo præstantissimæ vitæ, futuri semper fuerimus, nisi duce nobis ad viuendum adhibuissimus Philosophiam. Declarat hoc, & magis quidem quam vellem, commu-

nis hominum vita: quæ vulgo ignara suimet, seseq; in vsum quem admodum adhibere debeat, parum attendens: in tantis versatur errorum, & ignorantia tenebris, vt nō incredibile modò sit, tantam vim mentis atq; ingenij, quantam in hominibus natura inseruit, cæcæque, & propè amentem aberrare rationem: verum etiam miserandum. Quotus enim quisq; est, ex eo genere etiam hominū, Phædre, qui sapientia illius tuæ præceptis instructi, diuitias & potestates sibi potissimum asciscunt: qui quum sibi optimè consulere credat, dum bonum illud occulto naturæ instinctu appetit, cuius formam & faciem propter ignorantiam nesciat, nō ruat præceptis in aliquod dedecus: eosq; æstus animi, atq; angores contrahat, qui vitam efficiunt amarissimam: Neminem nominabo, neq; sane necesse est: obruimur enim exemplorum copia. Sed certè communis vita vsq; eò veris bonis, & recta viuendi regula, ac ratione orbata est, vt neq; in cupiditatibus modum, neq; in aduersis secundisue modestiam sciat retinere. Cuius quidem erroris tam latè diffusi, tamq; vniuersi, correctionem, sola Philosophia pollicetur, si qui reperiantur, qui se illi curandos instruendosq; permittant. Sit igitur hæc à nobis, tanquam primis ducta linea mentis, simplex adhuc, & inchoata Philosophiæ descriptio: esse eam scientiam videlicet, semetipso rectè conuenienterq; vtendis atq; ita vèdi, vt totius hominis vsum, & vniuersam in homine rationē ipsa complectatur. Nam cæteræ artes atq; scientiæ, quæ nominatum alicui certo generi addictæ præfectæq; sunt, & in eo vno versantur, non sunt hominis propriæ vt homo est, sed talis hominis, puta geometræ, aut statuarij, aut musici. Philosophia autem totum illud ipsum quod est homo, perficit, atq; exornat: id potius integrum quiddam est, & vniuersum, è quo cœu fonte ex amplissimo, deducti riuuli, in singulares deinde: & limitibus certis circumscriptas diuiduntur artes: in quas singulas tantum de homine ingreditur, quantum de ratione, quod multò quidem contractius, angustiusq; est, quàm totus homo, & tota ratio. Quare quæ vniuersam rationem scientiam perpolit, ea meritò ars artium nominanda est, & scientia scientiarum. Sed quando primam Philosophiæ quasi formā delineauimus, ducendi nunc colores sunt, singulaq; illustranda: & omnes eius pulchritudines, quæ innumerae penè sunt, in suo lumine collocandæ. Diximus Philosophiam scientiam esse bene & laudabiliter semetipso vtendi: in eoque munere, si quis id aptè ritèq; exequatur, beatam vitam præcipuè contineri diximus. Nunc istud ipsum munus præclarum atq; eximium, quibus ab initiis nascatur, intelligi nobis oportet: nempe enim rectam nullius rei vsum tenere possumus, nisi prius cognouerimus, quid illa res sit, & quam vim habeat, quasque ad res agendas à natura sic parata. Itaque primo inceptu, statim ad præce-

præceptum illud reuocatur, quod in foribus Delphici templi inscriptum, quia superius ingenio videbatur esse hominis, vni omnium Deo prudentissimo est attributum : Nos videlicet ipsos ut noscamus. Et nimirum si commodè uti nobis ipsis volumus, ab hac cognitione proficiscamur oportet : qui enim poterimus rectum tenere iter, si neque naturam nostram ipsi, nec quæ naturæ consentanea sunt, præcepta habuerimus? Noscendi igitur nobis nosmetipsi, & in id curriculum vitæ inducendi, in quod natura ipsa nos immittit. Quæ sanè nostrum cognitio, non ab exquisitis & abditis primò rationibus, sed a communi hominum intelligentia petenda est : sit enim postea inextinguibile studio, & progredientibus rationibus, ut nostri nobis ratio in dies reddatur certior. Quæ ex his quidem in præsentia quæ sunt in promptu, & omnibus patent, explicanda nobis est, in conspectuque ponenda. Perspicuum enim est, idque plane extat, treis esse in hoc inferiore mundo animantium naturas, quorum partim viuunt duntaxat, idque alieno munere, nihil ipsa afferentia ex sese, quam ob rem hoc magis, quam illud sequi, & appetere velle videantur : quam vitam degunt cuncta ea, quæ tenentur solo infixæ, eamque vegetabilem vitam appellamus. Partim iam sensibus prædita, & suum aliquod nactæ viuendi iudicium, vim habent à natura insitam discernendi quodcunque oblatum illis fuerit : idque vel appetendi, vel aspernandi, vel inscquendi, vel fugiendi. Tertium porro genus & reliquum est, quod cum ambo ista contineat in sese, ut & viuat, & sentiat : habet præterea præpositam hisce omnibus, & antecellentem honore, atque imperio, rationem, supra quam nullus iam est vlllo ex genere vitam hic degentium, nobilitatis ascensus. Atque hæc tria simul copulauit in genere humano, intexuitque natura. Sed duo hic animaduertenda sunt, vnum quod patet ex se, manifestumque est, in his tribus scilicet naturæ quasi generibus, quod maxime necessarium ad vitam sit, id cæterorum esse insignissimum, maximeque ignobile : quod iam cum superioribus nostris sermonibus congruit, quibus dignitatem à necessitate nunquam non segregatam esse diximus : & reuera seruulo semper est natura id, quod obnoxium necessitati est : liberum enim ias suum nullum id habet, sed ad alienum imperium præstò est semper, nec vlllo dignitatis suæ honore censetur : hoc itaque vnum non tam nunc quidem positum à nobis est, quam à natura omnibus propositum, animam illam quæ vitæ soli sit attributa atque addicta, quam vegetabilem appellamus, in toto animali genere longè subiectissimam atque ignobilissimam esse, infimumque eam locum obtinere. Alterum vero duorum, quæ diximus, diligentius aliquantò nobis est attendendum : omnem videli-

delicet naturam, quæ non solitaria simplèxue sit, sed ex pluribus quasi rebus conflata consistat, genus habere suum, propriamque generis appellationem, ex illa parte sui, quæ in quaque re eiusmodi princeps sit: quod in coniunctione plurium, vni semper naturæ traditus principatus est. Quod cum ita sit, & in nobis longè dominetur ratio, principatumque ipsa teneat: quicquid sumus ipsi, totum id accipimus & possidemus è ratione, vt sit ratio illud ipsum planè, quodcunque est homo: Sequitur deinceps, vt distinguamus quæ harum partium cuiusque vis, quæque facultas sit, seorsum primum & per se, deinde in iugatione cum aliis partibus copulatuque exposita: Etenim aliud est, quod vnaquæque animæ pars per se singulariter agere nata est: aliud, quod in aliarum partium comitatu & coniunctione: quod natura simplicis, simplex est actio: constare, mixtæque coniuncta. Sed de mixtis mox, nunc simplicia illa munia, atque officia singularum animæ partium videamus. Ac illius primum quæ sine cura vlla nostra, sine rectione viuit in nobis ac viget, quam vegetabilem animam nominamus, ea enim est qua alimur & sustentamur, & extenuamur, & augeſcimus, accipimusque habitum hunc, & figuram corporis quæ in nobis est, & fingimur carnibus, ossibus, nervis, cute, sanguine, & ad gignendum quod in eodem genere simile nobis sit, natura promissum: cui sunt animæ quedam membra attributa, quæ sine nutu nostro, & confidant, & excitentur, eaque est vna fundamentum & stabilitas animarum reliquarum: quæ nisi adesset, neque sensus in nobis, neque ratio esse posset: & tamen ipsa ita est necessaria, vt sit reliquarum longè infima. Atque hætenus ferè huius animæ pertinet potestas. Illa verò sentiens, quæ aliquo iam cognoscendi iudicio prædita est, vim habet sibi peculiarem videndi, audiendi, tangendi, olfaciendi, gustandi: atque inter hæc sensilia differentias notandi, contrariæque in suo cuiusque sensili genere distinguendi: nec non rerum motus, figuras, magnitudinesque percipiendi, oculis quidem & aspectu quàm maximè, sed cæteris quoque sensibus non nihil. Eiusdem est animæ officium, ea quæ sensibus semel comprehensa sunt, etiam posteaquam illa abierint è conspectu, interiori nihilominus animi facultate quadam, imaginibus representare, & tanquam in thesauro in memoria recondere, aliquantumque ibidem temporis spatium custodire: quod illis formis, & imaginibus, ad inquirendum maximè aliquid, & ad declinandum, animalia moueantur. Tertia est ratio peculiaris generis nostri, quæ nullo alio in genere animantium cernitur: per quam nos omnibus mundanis rebus præfati sumus, cuius munus proprium & primaria facultas est, intueri quidem illud primo, & per se, quod semper idem est, atque eodem modo se habens; quod

necesse

necessario immortale est, atq; diuinum, in eoq; tanquam in familiariori genere versari, veritatisq; ibidem pasci cibo, suauiore multo, quam ambrosiae & nectaris. Quandoquidem in eis solis, quae sibi perpetuo constant, & vsquequaque immutabilia sunt, habitat ipsa veritas, eadem in fluxis & continenter labentibus, tanquam simulachris & similitudinibus illuditur. Sed si ad haec quoque, quae non vniatimodissemper sunt, ipsam conuerter rationem oporteat, in iis eius sit officium praescribere, ordinare, dirigere, imperare: quod huius naturae praecellentis ac diuinae solius est imperandi, & praeciendi potestas. His singulatim de vnaquaque partium animae a nobis hic expositis, veniendū deinceps est ad functiones eas, quae ex partium coniunctione inter se, copulationeque existunt: quarum medius sicut incredibile est multitudo, nec numero ea solum, sed modis etiam, & conditionibus, multiformis, ac varia. Sed nos genera dumtaxat ipsa perscringemus: ad minutissimas partes explicandas non accedimus. Ex parte igitur sentiente, & vegetante, ambarumque inter se iugatione, atque complexu, primum cura & studium custodiendae salutis, deinde voluptas, molestiaque exoritur. De ea voluptate nunc loquor, quae maxime sentitur in ipsa coniunctione molestiae, ut sentientis est ideo cum voluptate bibere, quia cum molestia sitiat: cuius quidem molestiae ea est vis, ut cum primum desierit sitis, simul item desinat bibendi delectatio: hoc genus voluptatis (nam est aliud quoddam purius, atque praestantius, quod nulla omnino admixtum molestia est, de quo alio loco fiet mentio) hoc inquam mixtae voluptatis genus, quod etiam vehementius videtur soler, propter appositionem, adiunctionemque contrarij, dicimus ex hac copulatione sensibilis & vegetabilis animae primum nasci, ut in ipsa quidem vegetabili situm, fundatumque sit, a sentiente autem percipiatur & iudicetur. Verum habet id terminatas in animantibus ceteris varietates, in homine vero si rationalis anima huic cura se submiserit, & ad sectandas humilissimi voluptates sit conuersa, crebrius nem multo, & multiplicius factam, innumerabiles illas gignit cupiditates, quas volitare in anima ipsa passimque discurrere ac tumultuari sentimus: Hinc irae, hinc reconciliationes in gratiam, hinc amores, hinc odia, hinc libidines, hinc ambitus, hinc suspiciones, obrectationesque, hinc alienitates, consternationesque animorum, & quae quasi capita omnium huiusmodi perturbationum sunt, spes, metus, laetitia, dolores. Sed nos his breuiter percursums, ad illam alteram complexionem, temperationemque rationalis animae cum reliquis quibus naturis, accedamus. Ex qua quidem copulatione non pauciores profecto quam ex ceteris effectus proeueniunt: ceteri ex alieno huiusmodi genere. Namq; ipsa ratio, quae supra

fit per se atque simplex, in eo, quod idem semper est, contemplando, perpetuò inhercat, neque sponte sevsquam à diuina illa disjungat veritate, indidem huc euocata, atque huic corpori nodo inextricabili, quoad in his fuerit locis adstricta, comitatu importuno sensuum, & cupiditatum, desciscat a semetipsa necesse est: & ad hæc infirma, instabiliaque consideranda torqueatur: quorum primo obrutu tanquam caligine occæcata atque conuiuens, vt quæ ex illo illustri æternæ veritatis loco, in tenebras repente venerit, aduocare sibi cogitur communes quasi administratos & suos & sensuum, per quos item commune opus cum illis vnâ peragat, atque exequatur, fidem, opinionem, consilium, cogitationem: quorum fides quidem mentis animique est assensio, assertioni credentis, quæ sine ratione quippiam confirmet: opinio autem inuis concepta existimatio est, non sine ratione quidem, sed tamen infirma ratione subnixa: quæ rem aliquam arbitratur aut esse, aut non esse, aut huiusmodi eam, aut alio modo existere: ac in his duobus ratio consistit tamen, & requieta est, quod eo est contenta, quod quoquo modo sibi fuerit oblatum, in illo autem altero pari, consilio, cogitationeque, iactatur adhuc, positaque est in motu, necdum eò peruecta, quò affectat & tendit: est enim consilium, quasi itineris & viæ inuestigatio quædam, conquisitioque adiumentorum, quibus id queamus, quod designauimus consequi, cogitatio verò eiusdem ferme modi est indagatio: verum non ea efficiendi quidem quippiam, sed tantum intelligendi causa suscepta. Hactenus informata nobis sit, & tanquam leui ducta penicillo agnitio nostrimet, quæ etsi propria Philosophiæ consideratio est, nō maxima tamen videtur indigere admonitione ad spectandum & percipiendum. Nunc hoc rationale animal, quod vocatur homo, tribus ex naturis coherens atque conflatum, quod fungi debeat actiones, & singularum naturarum proprias, & omnium communes: fungiq; ratione & ordine, si vitam eam velit degere, quæ felix & beata sit, tradamus Philosophiæ instituendū, ac poliendum: vt videamus si dictis eius atque promissis, facta etiam consentiant. Quid promittit illa autem? nempe scientiam se & facultatem homini præbaturam, qua is semetipso commodè vi & ad omnia rectè exhibere se possit. Atqui nihil omnium rerum melius, neq; præstabilius profectò est, neq; ego solus hoc dico, sed tu quoq; Phædre, & quicumq; educti liberalius sunt: nemoq; potius omnium mortalium tam abiecto animo, tamq; infima & sordida conditione vitæ est, quin si diligentius consulat semetipsum, & cogitationes suas expendat, hanc huiusmodi scientiā omnibus anteponat opibus, atq; fortunis: quippe qui ex ea se assecutus omnia optata sua consulat, & ad suorum votorum summā perueniatur. Veniat igitur in medium promissum hoc magnificum,

cum, & graue, vt excutatur à nobis, & consideretur, in quo sic primum ordietur Philosophia. Etenim fingamus fuisse illi à nobis & commendari, ac de manu in manum (vt aiunt) tradi hunc eum ipsum, quoniam cupimus huius tam eximie facultatis, & præclaræ suimet vltus fieri compotem: illa enim, credo, vt primum aspexit adolescentem, nostrosque sermones audierit, hac initio statim oratione vteretur: Equidem præstabo (inquit) quod pollicita sum, viamq; bene & beatè viuendi sine vllò errore tradam: sed opus est animo non repugnantem: quanquam hoc fortasse non satis sit: ingenium adfir oportet, & veluti oculi in corpore, sic in mente luminis acies, ad intuendam formam veræ pulchritudinis à natura parata: quam postea ego quocunq; fuerit opus, meo arbitratu dirigam, atque conuertam. Sed quod dixi de non repugnantia, ob eam causam dixi, quod ferè ad me qui accedunt, afferunt prauas secum è vulgo opiniones, quas nulla nostra ratio potest euellere: aut enim in aliqua populari sententia statuti atque firmati, velut expetendas præcipuè esse opes, honores ambiendos, voluptatem sequendam, ad omnem deinde vocem veritatis obsurdescunt: aut etiam si rationi se præbeant dociles, vno aliquo vitio, nonnunquam etiam pluribus contaminati atque imbuti, permulta secus faciunt, quam vera illis dictet, ac præcipiat ratio. Ex quo neq. illis magna ex me utilitas, & mihi grauis ex ipsis calumnia constatur. Videor enim postea ob hanc præcipuè causam, sapientiam tradere, non rerum, sed verborum: quod tamen secus est: mea enim disciplina institutio, ad res potissimum, & ad facta ipsa spectat: formatrix autem orationis hæcenus quoque sum, vt sine fūco & fallaciis, cum optimis eam moribus, & cum præclaris animi cogitationibus velim congruere. Quod si tu (ita enim prosequetur ad adolescentem conuersa) ita ad nos paratus venis, vt te nobis totum sis permittiturus, eiicias è te ipso oportet omnem opinionem alienam constantis & firmæ rationis: animumque tuum mihi purum & purgatum præbeas, quo possi ne ego in teo diuinam illam speciem, quæ à me vna fingitur, atque exprimitur magnanimi viri, & verè præstantis inscribere. Quid respondebit adolescens? primum pudore credo deiiciet oculos: post nouis quibusdam ardoris stimulis, ad spem magnarum rerum intrinsecus excitatus, quod de Alcibiade scriptum reliquit Plato, sens sese & salutem suam Philosophiæ commendabit. Sequetur itaque primam illam nostimet, quam diximus, cognitionem, altera præceptis: vt consideremus attentèq; intueamur, quoniam trium illarum partiū, ex quibus constituti sumus, singularum proprij & sui fines sint, in quæis quæque earum sit positum bonum: nos ex naturis illis omnibus in vnam rem conflatos, non posse vnius tantum partis

extremo & fini contentos esse: sed quemadmodum treis animæ habitus & facultates obtinemus, ita tria nobis habere proposita bona, quorum singula partibus singulis, coniunctè autem omnia vniuersitati ipsi conueniant. Persequamur enim uerò quod cuiusq; partis extremum atque idem bonum sit: quò melius deinceps queamus iugum illud, & vinculum totius communionis aspicere. Illigitur parti & animæ inferiori ac ignobiliori, per quam sustentamur, & alimur, seu finis & vitimum incolumitas proposita est quæ eadem salus & vita est intelligenda, genusque illud boni, quod uile appellatur, in hoc genere animæ præcipuè est fundatum: uile enim potissimum id uocamus, quod ad salutem & incolumitatem uel dandam, uel conseruandam, uel restituendam etiam pertinet, quod inter reliqua bona maximè necessarium est: etenim est cæterorum tanquam solum, fundamentumq; bonorum, quo subducto, atq; sublato, reliqua non uideantur bona uspiam posse consistere. Atq; huius quidem etiam boni participia illa sunt, quæ omni carent sensu: ut stipes, arboresq; & cætera eiusdem modi, quorum est natura in toto animanti genere longè subiectior: nihilq; in se continens, nisi quod necessitatis sit: ideoq; honore nullo, nec nobilitate prædita. Altera est natura iam sentiens, uirgq; & facultatem habens huiusmodi insitam, ut affici quodammodo rerum appulsionibus, idq; ipsa sentire, ac propterea moueri ad appetendum, uel ad aspernandum, possit: cuius finis & proprium bonum intelligitur voluptas: certè enim nisi aliud quid præsit, quod moderetur, & corrigat, semper ut ad suum summum, summeq; expetitur bonum, sensus ad perfruendam rapietur voluptatem. Tertium porò animæ genus, quod rationis particeps, uel ea ipsa potius est ratio, cœlestis atq; diuinum: cuius præ nobilitate ac præstantia, reliqua genera aut nullius quodammodo, aut certè ita parui sint momenti, ut ne comparanda quidem sint: finem suum & ultimum propositum sibi habet, si ipsum per se solum species, scientiam & ueritatem, si cum reliquis coniunctum, decus atq; honestatem. Est enim honestas, quam eandem dignitatem, decentiam, amplitudinemq; appellare iure possumus, si acui inspiciamus, nil aliud profectò, quam ueritas, cum reliquis aliarum partium finibus, utilitate uideat, voluptateq; coniuncta. Ut enim luminis natura candens ipsa per sese, & suo quodam splendore lucida, si illustrandis rebus admisceatur, colores eos excitat, qui uarietate & palchritudine decentes sunt: Sic ueritas adiuncta hominum studis & affectionibus, cum in agendo, regendo, communicandoq; expromitur, illam imprimis pignit, quam ingenuæ mentes tantopere mirantur, conuenientiam rerum omnium, & dignitatem. Atq; his tribus finibus propriis trium partium iam cognitis, in quorum unoquoque

suum

suum cuiq; parti bonū est: videamus nunc totū hoc complexum
 & copulātū, quod est homo, quos ad finē a natura directū sit, &
 quam vitā agere debeat, quodq; modo semetipsum in vltimū sui ad-
 hibere, si ad extremū & vltimū suā naturā bonum sit pertinen-
 turum. Atq; horum quidē tritum, primū illud Philosophia duntaxat
 docet: reliqua autē duo præterea etiā tradit. Quid est autem
 quod doceat? Nempe scire nos cōiunctū ē, & temperari ex trib. na-
 turis sumus, sic etiā illa bona in vnū miscenda nobis esse, & capiē-
 da, si beatari, & expletam suis omnib. numeris vitā velimus cōse-
 qui. Quid ais Zeno? Quid nouas verborum contechnationes im-
 plicas, quib. nos cōptare, & illaqueare coneris? Bonum esse quod
 honestum sit: Assentior, & ex præstantissimo quidē genere cōfiteor
 esse bonū: At id solum bonum, prorsus nego: nisi aut vnicū
 tantummodo bonorum genus in natura rerū sit: quod cuiam
 quæso queat pbari? cū omnib. reb. natura & specie inter se plu-
 rimum differētib. suū cuiq; earum in fini atq; extremo sit
 positū bonū, quod esse idē diuersorum nō possit: & nī ita sit,
 frustra pleraq; creata a natura, & nullos ad finē effecta intelli-
 gantur. Aut si alia quoq; bonorum genera sint, quoniā de homi-
 nis bono nominatum nunc querimus, ex vnica natura nos, hoc
 est, mente duntaxat & ratione, oporteat esse factos. Atqui alias
 præterea naturas in nobis obtinemus: Vbi ergo repente deserui-
 mus illarū bonū? quod si assequi possimus, intelligamus id cer-
 tē ad aliquam partem nostri pertinere: Nisi fortē reliquarū par-
 tium bona stare, atq; cōiungi cum rationis bono nō possunt: q;
 vsq; ed falsum est, vt in illis p recipiē sibi accommodandis, & cō-
 cordibus secum faciendis, emulcat & elaboret nostra ratio. Si-
 mus ergo ad ista tria bona & appetenda, & cōf. quenda a natura
 facti: quorū quidē communio bonorum, in ipsa partū nostra-
 rum cōiunctione spectatur. Sic n. debemus exquirere, & cōf. singula,
 vt ad cōmunitatem tamen omnia referamus: atq; hic
 illud peruidendum est, vsq; ed congruētē tria hæc inter se bona,
 & velut cōstata esse, vt quāquam vnumquodq; illorum suo, &
 proprio genere censetur, societatem tamen cum reliquis gene-
 ribus, & naturalem quādam intelligatur habere cognationem:
 nam & quod vile cui est id suapte etiā natura cōueniens illi est,
 ac iucundū: & honestas suā vtilitatem ac iucunditatem secum
 adiunctam habet: & cum voluptate, quæ a natura sit, sua est vtili-
 tas, cōuenientiaq; cōiuncta. In quo perspicuē natura contra
 Stoicorum rationem decernit, illud verē perfectū, & cumulātū
 hominis bonū esse, quod sit ex his trib. in vnum quāsi temperatū,
 atq; mixtū. Sed nos cū suos cuiusq; naturæ finē appellauimus,
 illis hominib. singulos indicauius, quæ præcipuam, & princi-
 pem in vnaquaq; natura rationem boni declararent, ad quæ cō-

cetera adiuncta bona pro accessionibus ducerentur: quemadmodum
 in sequentibus fiet manifestum. Etenim notatis iam, & constitu-
 tis finibus ad quos hominis vita, naturaq; contendit, aperiendus
 dehinc est communis penè cunctorum hominum error: quos ig-
 gnaros, quatenus quicquam conveniat, illamq; partium in nobis
 consensionem violantes & distrahentes, stultitia in vita quasi fu-
 ria quædam, incitat, atq; perturbat: ut neque placati sibiipsi, ne-
 que cum ceteris concordēs esse possint: quos cum ab hoc tanto
 malo se abducturam Philosophia polliceatur, & in possessionem
 summi boni inducturam, perspiciamus, quæso prius aliquantum
 magnitudinem mali: ut quantum deinde illi beneficium debeat-
 ur a nobis, melius agnoscamus. Etenim si quisquam est, cui hæc
 tanta communis vitæ confusio curam aliquam inijciat noscendi,
 & contemplandi, unde illa & quibus quasi radicibus exorta, quo-
 tidie magis fruticetur, & ingrauescat: is reperiet primum ignora-
 tionem sui in vnoquoque, deinde pravam usum, qui nec rectus es-
 se ignorantem semetipsum potest, hanc tantam errorum sylvam pro-
 fudisse, per quam exclusa luce veritatis, totum ferme vitæ iter no-
 bis impeditum atq; cæcum factum est. Nam ut fines eos, ad quos
 natura generati sunt, nequaquam homines mente, & intelligen-
 tia comprehendentes, feruntur fortuito, & temerè: & ut ad vnum
 aliquod studium, quasi fluctu, delati sunt, ita inhaerescunt in eo,
 ceteraq; nosse & vestigare contemnunt: ex quo statim diuellitur
 in nobis naturæ illa consensio, maiorq; pars nostri neglecta à no-
 bis inaccurataq; relinquitur: Aut qui pluris finis tenere consti-
 tuunt, ignari quid postulet illorum unusquisque, & quantum cuiq;
 tribuendum sit: inepta & dispari compositione, non illos concili-
 ant inter se, sed committunt: ex quo seditiones graves, & prælia
 in animis intus excitari necesse est. Ac ut rem exemplis notio-
 rem faciamus, diximus utilitatem, voluptatem, dignitatem, humano-
 rum esse desideriorum ultima, copulata ipsa inter sese, quando &
 nos conflati ex triplici natura sumus: ut cuiq; naturæ suum vlti-
 mum sit, non illud quidem abiunctum omnino, & separatum à
 cæteris, sed proprium tamen cuiusque, atq; præcipuum. Quid er-
 go: Nunc cernimus ex hominum numero nonnullos, qui quum
 utilitatem nimis admanerint, quoddam ad eam sunt, aut consuetu-
 dine diuturna, aut propinquorum imitatione atq; exemplo, ut
 æqualium hortationibus adducti, parvam voluptatis eius, quæ
 alieno ex genere sit, nullam omnino dignitatis ducunt rationem:
 sed ambo hæc genera reliquæ in vna sibi utilitate constituentes,
 vni illi seruiunt vitæ, quæ animantibus quoq; reliquis & stirpibus
 communis est, cuius fundamentum & stabilitas in parte animæ
 ignobilissima consistit: reliquas verò naturæ partes, deserunt, at-
 que despiciunt. Itaque rei faciendæ maximè additi & mancipi-
 ti, nuli-

fi, nullum sordidum neq; turpem iudicant quæstum, unde ad vitam utilitas aliqua perueniat: ex quo infinita in illis quotidie magis pecuniæ cupido adnascitur. Atq; hi sunt, qui solliciti semper & anxij, minutatim & pauxillatim omnia expendentes, nati esse videntur ad omne perferendum dedecus: litigiosi, difficiles, scrupulosi: qui ne irrisi quidem, & ludibrio habiti, animaduertere possunt, quam misera conditione vivant, tantumq; illud pertimescunt, ne quid ab iis petatur, aut auferatur: itaque & fugiunt bonorum cœtus, & a consuetudinibus hominum abstinere, nec audent quicquam facere, aut dicere vnquam fortiter. Hos tu homines esse statuas, infimæ illi vitæ, & ignobilissimo generi bonorum addictos, ac tanquam spongas lapidi, sic ipsos auro affixos & pecuniæ. His è regione alij, nulla neq; vitæ, neq; utilitatis habita ratione, ad voluptatem vnam toti sunt delati: in eaq; exquirenda vndiq; ac perscrutanda, summam sibi vitam constituunt: cuius quidem voluptatis, eius nimirum quæ populo & nota & nominata est voluptas, regnum in parte naturæ sentiente constitutum est: nam neq; voluptas est, nisi sentiat, sensusq; perfundantur & deliquescant ex ea. Et memoria præteritorum, expectatioq; futurorum, quæ ambo in solis sentientibus sunt, productas tempore & spatio, facit sentiri voluptates, quas sola instantis breuitas temporis inanimaduertas & imperceptas transire cogeret. Ergo ad voluptatem qui sunt omni studio conuersi, cum genus eius nullum repudient, nec prætermittant, in eo tamen genere plurimum adhærescunt, quod ex sentiente ac vegetante anima coniunctum est: quando id quidem omnium est acerrimum, & ad concutiendum totum hominem maximè vehemens: est autem id positum in eo, ut cum pars illa vitalis & vegetabilis, quæ cæterarum partium rudis & corporea maximè est, defectionem naturæ suæ, & maiorem aliquem discessum à temperamento patitur, in quo molestia iam inest, & quasi naturæ tristitia quædam non mediocris: si subleuetur, ad naturamq; restituatur, incredibili quadam videatur sibi perfui suauitate: quod ut in comparatione nigri color albus, sic in adiunctione molestiæ voluptas acrior sensibus nostris appareat. Atq; hæc huiusmodi in primis plebeia & sordida sunt voluptates, quæ ab hominibus nequam atque ignauis possimum expetuntur, quarum vim conditionemq; cunctarum, in vna si placeat specie, eademq; notissima, parumper consideremus. Est enim motus vulgaris sanè, & omnibus notus, quem psoan Græci vocant, nos vertimus scabiem: cum sanguis intus biliosus & aciescens, spartum è cute conatur erumpere, & quacunq; funditur, propter acumea stimulis pungit, inficitq; corpus, & inficiendo pruritus æreis ciet, qui sunt quasi fermenta quædam & nuncij appropinquantis doloris. Huic malo, & molestiæ subuenimus scalpione

atque vnguibus, vel asperæ rei altiusvis fricatione, & attritu Ponite vobis nunc ante oculos formam atque imaginem huius prœcens: videtis ne vt miserè ipse se exerceat, mixtamque ex voluptate & ex molestia, indignantis simul & lætantis exhibeat faciem? cumque intrare eò digitis planè non possit vbi maximè fodiat, & stimulat vis morbi, quemadmodum cutem suam dilaceret, vocibusque inconcinnis obganniat, anhelitus esset graues, & mirandum in modum corpus, vultum, membraque iacēt, atque distorqueat? qualem hunc, quales, & quo ex genere hominem esse statuetis? Atqui talis ferè est, attente si inspexeritis, vniuersa eorū vita, qui se potissimum dicant, & dedunt corporis voluptatibus: alij enim in epulis, & ebrietatibus hoc idem efficiunt: alij in congressionibus corporum, turbitudineque libidinum: nonnulli etiam sitim medicamentis colligunt, vt sit potandi maior quedam incunditas: plures sine fame & siti, & sine vehementi aliqua cupiditate, sola recordatione suauitatis adducti, vino, gulæ, libidinique interciunt: qui semet etiam inuitant ipsi excitantque languentis: nihilque potius præterire earum rerum volunt, quas aliquando nouerint asserre delectationem solitas. Quod quidè proprium & præcipuum falsæ atque corruptæ in nobis rationis malum est: idemque non necessarias suscitans cupiditates: Nam cætera animantia quoquo pacto se gerant, cum contrariis molestiis ad appetendas illiusmodi voluptates compulsa sunt, naturæ tamen pierunque finibus continentur. Homo solus corporis voluptatem, non necessitate (nam ea quidem faceret sibi ipsa modum) sed ratiocinatione falsâ demetiens, in eiusmodi genere cupiditatum, insatiabilis prorsus, & infinitus efficitur. Atque horum duorum generum quæ memorauimus, avari illius dico, huiusque voluptarij, tanta est à ratione recta animi & voluntatis auersio, vt nulla bestia sit, quàm vtrunque est istorum, aduersus vocem veritatis agrestior: nam neque castigatores illos hi perferunt, & rectè suadentibus semper sunt inimici: ipsi verò vltro eludunt etiam cæteros, suæque cuique alibi studia, quàm in corporis voluptatibus collocanda esse negant, propterea quia quicquid non manu & corpore teneatur, inane id totum, & superuacaneum iudicant esse. Sunt alij, nimis cupidi illi quidem, & studiosi voluptatum, sed tamen in eo vitio aliquanto leniores, qui voluptates potissimum eas conspiciunt, quæ sensuum propriè sunt: nec ita magnam habent cum illa corporea parte contrariam rationem, vt qui musicis & cantibus assidue dediti, personare aures suas vocum, & sidium, & tibiarum cantu semper volunt: aut qui oculis rapiuntur in omnem cupiditatem, vt signorum, tabularum pictarum, argenti vestisque stragular, gemmarum quoque & margaritarum studio propè infinito ducantur, domos autem suas ita re-

tentas

feras habeant atque exornatas, ut nihil festiuius, neque concinnius sic cogitari quidem possit. Sunt etiam qui odoribus præter modum delectentur, & eorum innumerabilem vndique conquirit varietatem. In quibus tribus sensuum voluptarius generibus, luxuria præcipue ea inest, quæ etiam libero homine putatur esse dignior, frangendis tamen & viri, & virtutis nervis, vim permagnam habet. Restat ut de genere illo tertio & præcellente dicamus, quod si peculiari suo solum munere fungatur, & in una contemplatione veritatis positum ad reliquas partes aspectum nullum referat: homines efficiet squallentes & mæstos, nil ferè habent cum humanitate commercij: & ad omnia quæ occurrunt, quasi obstupescerent. Sin autem cum sensibus sociatum ac ne inunctu, illis ut ministret, & subseruiat, adductum fuerit: eo maxime aduocetur, ut popularem gloriam, & potentiam in primis adsequatur: vimque aliquam vehementiorem nactum, vrbes, populos, regna sæpenumero euerteret. Sin autem animo fuerit infirmiore, & tenuioribus opibus, ad illa conuertetur, ut nimio vestitu cultuque corporis, aut alio quodam ostentationis artificio, cogat se spectari. Sed quid ago? sanusne sum, qui tantam errorum molem quantam omnis vira fert, euoluere me posse atque explicare sim ratus? Hic Citrarius, Imo fecisti tu planè opera pretium, inquit, qui ista nobis ante oculos adduxisti, ex quibus faciliè deinde sic ad reliqua coniectura accedere: Video n. iam planè, & cum animo meo cogitans intueor: non hos solum, qui in vnius partis fini præcipue insistant, sed istos etiam qui cunctarum fines partiū, atque extrema consecretantur, nisi apto cōmentu quodā, & bene examinata ratione id faciant, inæqualem eos, & confragosam vitam ducere consicij: semper sollicitudinibus & molestijs: ut non minutissimis corpulculis. Democritum iuane, quam huiusmodi discitijs & conflictationibus animorum, refertior vira sit: quibus quidem rebus lumen afferri, atque ordinem, præclarissimam rem esse, intelligere mihi videor: si tamen hoc præstari à Philosophia ipsa possit. Atqui, inquam, pollicetur illa hoc quidem: Sed illud quoque, Citrari, intelligere te puto, ordinem istum, atque lumen, de quo narras, sine cognitione certa earum rerum, ad quas adhibitori nosmetipsos sumus, haberi planè non posse. Quid ni intelligam? inquit: an quisquam rerum earum, quas minimè noit, prudens director esse potest? Quid si, inquam, homo eiusmodi est, ut si se totum præstaturus sit, cuius rei disciplinam, ut antea diximus, Philosophia profiteretur, omnia illa intelligat, & noscat necesse est: quibus cum, commercio, aut vlu, aut cognatione aliqua est implicatus, num tibi videbitur quicquam in rerum natura penè esse, quod non illi cognitum, & perceptum esse debeat? Vix videor hoc posse inficiari, inquit. Atqui conficere hoc quidem

necesse est: omnia enim prorsus illi noscenda, & comprehendenda sunt: veruntamen modo quodam singulari atq; suo. Est enim duplex rerum cognitio: Altera, quæ in partibus explicat se, atque dissipat: Altera, quæ in genere summo, atq; vniuerso est collecta. Primam illam artes & opificia, & circumscriptæ terminis limitibusq; scientiæ: secundam verò cognitionem Philosophia sola complectitur: atq; vt dicebamus, talem præstare hominem, aut talem, huius esse, vel illius artis: ipsum autem hominem præstare: quicquid ipse est, proprium esse Philosophiæ. Idem dicimus nunc in cognitione talem esse rem, aut tantam, aut huiusmodi ad scientias artesq; peculiare: id autem ipsum simpliciter, quod res quæq; est, ad Philosophiam vnā vt cognoscat, pertinere. Quid est ergo quod vehementius homines in errorem inducat & fraudem, quam inferioribus niti notionibus, superiores autem illas & primas non tenere? Vt puta, diuitias sibi bonum arbitrari, cum quid bonum sit, & quæ sit eius rei vis ac natura, in vniuersum non intelligatur. In quo quidē vno principe bono atq; summo, eiusque cognitione & scientia, omnium deinde bonorū, quæ ex illo effluunt, posita & collocata est veritas. An tu alium fontem bonorum vllum & noscendorum & tenendorum existimas esse, quā veritatem? Veritas est lumen illud atq; ordo, quem modo adhiberi rebus aiebas oportere. Quod cum animi oculus cognitione, intelligentiaq; comprehenderit, idq; & actionibus suis proponere, & prætere sibi ipse ceperit: tum tutò vestigia ponere, tum vanos illos terrores, inanesq; blanditias falsarum opinionum, quæ totam improvidam vitam perturbant, deprehendere, atq; discutere, & se in arce veri boni poterit constituere: Veritas enim est, quæ instruit nos & docet, quid quæque res, quantiū sit, & quantum eadem nobis conferat ad viuendum. Veritas est, quæ nos nostrimet gnatos & prudentes esse facit: nec solum primam illam & inchoatam, quam supra diximus, sed absolutam, & integram nobis dat nostrum cognitionem. Veritas, cum res nobiscum, nosq; cum ipsis rebus comparat, atque componit, modum ipsa vna & dimensum illum tradit, per quem res nobis, nosque met rebus ipsis ita applicamus, & adiungimus, vt neque obruamur nimia copia earum, neque remanemus ipsi viciam inanes. Quid est, quod verorum bonorum & intelligentiam monstrat nobis, & adipiscendorum tradit facultatem? Quid nos ipsa via & explorato itinere ad optatos fines ducit? Quid potissimum facit, vt sine metu, & sine poenitentia rectis consilijs vsi, pacatam, ac iucundam traducamus vitam? Nimirum omnium huiusmodi bonorum, & aliorum etiam maiorum ac præstantiorum, quæ à notione vulgi magis remota sunt, origo nobis, & caput, & stabilimentum, est ipsa veritas. Vt ambulare in tenebris

nebris sine lumine, sic periculosum, & præceps est peragrate, & conficere vitæ viam sine veritate: & mehercule, si alterutrum è mundo tollendum sit, multò minore incommodo diurno fidere, quàm veritatis luce careamus. Quis enim falso bono potiri voluit aliquando: aut quis vnquam exitit, qui duos, & graueis in vita cum exantlasset labores, eo ad extremum præmio cõtentus esse posset, quod inanis & falsa utilitas attulisset? Quapropter, Phædre, cùm sapientiæ omne indicium ad multitudinis opinionem contulisti, haccine spreuisti Philosophiæ vocem, quæ veritatis studium primum esse omnibus vult: rectasque etiam opiniones, si quæ aliquando absque certa veritatis cognitione existunt, cæcis comparat, casu rectum iter insistentibus: an est quod proferri indignius possit, quàm sapientiã nescire se ipsam, sed tantummodo quadam opinione de se niti? Quis hoc è vulgo infirmus homo non facit? Ergo satis erit nobis, non quidem scire beatè viuere nos, sed solum opinari viuere nos beatè. Quot multos enim uero hominum, quotidie ista opinio decipit? Non est hac opinione contenta, non in hoc nostra conquiescit Philosophia. Scire nos id ipsum ac nosse apprimè vult. Itaque tradit vias noscendi, & intelligendi, neque beatam vitam, nisi sciens illa animaduertatur, & agnoscat, vilius nobis ad iucunditatem animi, esse momenti putat: non plus quidem, quàm stipiti aut arbori, quæ ramis pomisque insigniter adornata, suam ipsa viriditatem feracitatemque non attendat. Quod si veritas quoque definienda est, & tanta res tam paucis in conspectu quasi ponenda: Dicimus, veritatem aliam in ipsis rebus inesse, aliam autem in nobis. In rebus veritas est, primum illud ipsum, quod quæque per se res est, quod tantum habet vnaquæque res de natura, quantum habet de veritate. Deinde, si rerum ipsarum inter se consensio & concordia, quum responsus quidam in his sit, aptaque compositio, secunda quodam modo naturæ veritas est, orta illa quidem ex superiore illa, & simplice: sed nobis, qui ab humilioribus scandendo ad alta nos attollimus, anterior & primò obuia. Ad has porro naturæ percipiendas veritates, cùm se applicat nostra intellectio, ad easque sese componit, atque exequat, tunc naturalis illa veritas, tanquam in speculo, relucens in anima nostra, imaginem diuinæ nobilitatis in nobis constituit, si & noscamus opera, atque consilia præpotentis Dei, & quoad homini licitum est, in consilijs item nostris illa imitemur. Ac vt præclaro hoc ab auspicio, & veritatis tanquam fundamento, proficiscamur ad reliqua: percipiendum vobis illud est, trinas illas in nobis facultates animæ atque partes, ex quibus nostra omnis natura compacta sit, non posse ritè præstare commune omnibus munus, nisi in suo quæque peculiari munere prius.

priuatim prius instructa & erudita sit: quod in illa infima parte
 statim est manifestum: ea enim sola a ceteris partibus abiuncta,
 opus tuum suum potest: in sensibus quidem, quis non videat, non
 posse hoc albi attrahere, quod ad functiones vitæ pertineat, ap-
 peti aut vitari: nisi prius atrum cognoscatur, arg; album? Quan-
 quam de ceteris minus negotij fortasse sit, ratio quidem nostra,
 quæ illud ipsum est, quod lumus nos, domina & rectrix humanæ
 vitæ, per quam habemus atque obtinemus, non quod viuimus
 duntaxat (id enim potuit vegetabilis pars, quæ infimi generis &
 muneris est, præstare) neque verò etiam illud, quod cum volu-
 ptate & suauitate viuimus. Est enim sensilis in nobis facultatis in
 primis hæc oblectatio: Sed quod decoram, & splendidam, & cum
 dignitate agimus vitam, præcipuum est in communitate rationis
 munus, atque officium. Hæc igitur inquam ratio, nosse ipsa prius
 & apprime tenere debet, quid pulchrum sit, quid honestum, quid
 splendidum, antequam illud in commercium reliquarum parti-
 um deferat. Et denique princeps omnis veritas rerum illi perci-
 pienda est, antequam eam exprimat, ac referat in veritate actio-
 num. Quæ cum totam ratio vitam hominis contineat, partesque
 illi ceteræ pareant, eamque consequantur: nimirum de ea nobis
 potissimum sermo habendus est, ut videamus primum, qui rectus
 illi vsus fuisset per semetipsam & separatim a reliquis sit, deinde
 qui in reliquarum partium comitatu & coniunctione. Quod his
 duobus rite expositis, euertam vim Philosophiæ, ut opinor, ex-
 plicatam, & perspicuam habituri sumus. Est igitur rationis, cuius
 nomen à rato deductum est, discernere ea, quæ rata esse debeant:
 hoc est, verâ, firmâ, constantiâ quam facultatem profecto in his
 mortalibus & fluxis reperire ipsa nequit. Quocirca ad ea conuer-
 tat se, & cõferat oportet, quæ sunt perpetua & immortalia, quod
 si etiam in his, quæ gignuntur passim, & intereunt, aliqua imago
 existeret perpetuitatis, qualis fortasse in ipsis generibus inest,
 quorum vniuersum semper permanet, indiuidua quotidie dila-
 buntur: in optima tamè & constantissima parte nature illa quæ-
 renda est, ut vbi maximè lucet, ibi potissimum veritas exquiratur.
 Est enim eiusdem scientiæ & facultatis, cum tractare de re, quæ-
 cunque illi res subiecta sit facultati, tum de ea summa absolutis-
 simaque tractare. Quom igitur peculiare officium rationis sit,
 indagare veritatem, in diuinis autem & sempiternis maximè exi-
 stat veritas, diuinorum indagatio in primis rationi est propo-
 sita. Hic me recens ista academia non permouet, quæ percipi & com-
 prehendi negat posse veritatem. Neque enim illi ne istud quidem
 ipsum esse perceptum potest. Non est omnino de singulis argu-
 mentandi locus. Tantum contra dico, si ita res se habeat, quem-
 admodum autumat illa, & perstrept, frustra & in nobis, & in na-

tura ipsa factam & constitutam esse rationem. Vt enim supra demonstrauimus, quod usum sui nullum habet, id non modo frustra est, sed neque vilo pacto esse potest omnino. Vt si intellectio non sit, ne ratio quidem exsistat, cuius officium quum sit intelligere, solum autem quod verum est id intelligatur: adempta veritate intelligendi, funditus tollitur & natura, & exterminatur ratio, cui conclusioni constanti & firmæ, quam multa incommoda, abiectione sequantur, profecto intelligitis. Sunt alij agrestiores, negantes vtilem homini esse diuinorum cognitionem: quos patet nullam vtilitatem agnoscere, præter eam, quæ tactu & corpore percipitur. At ea maximè bruta, & aspernabilis præstantibus animis iudicatur vtilitas. Sed vt redeamus, vnde digressi fuimus: Ratio semetipsa volens vti, & separatim exequi munus suum intuendæ veritatis, sensiuum quidem adminiculo primum nixa est: initium enim illi primum animaduertendi, deinde percontandi, ac paulatim altius erigendi se, atque attollendi à sensibus factum est: ex admiratione enim eorum, quæ in natura sensibili maximè spectabilia sunt, primum orta esse dicitur Philosophia: post verò vbi satis his instructa & adminiculata ratio esse cœpit, cum ad principes naturæ causas, illasque generales notitias, terumque rationes inuestigandas se datura esset, ne simulacris sensibus distraheretur, quæ varia & multiformia, sæpeque inter se repugnantia, mentem cogitationemque obturbant, necesse habuit subsidio sibi aduocare artes alias quasdam, tanquam puriores exercitationes suimet: quarum visu tractationeq; assuefacta, posset paulatim extollere se, atque eminere, vt Arithmeticam, omnemque Mathematicam cognitionem: cuius ea vis est, eaque exercitatio, vt mentibus nostris rerum in corporibus inuentium, atque insitarum, naturam, speciemque proponat, sine vlla corporis mixtione. In primis autem & maximè adsciuit Dialecticam, quæ ars nulli nominatim rei naturæ præfecta: ipsas tantummodo ratiocinationes per sese, & mentis quasi ex vno in aliud transitiones ac peragrationes, metiri, & perpendere, & estimare nata est: quæ cui videlicet ratiocinationi ratiocinatio conueniat, aptaque sit: quam quæ antecedit, aut consequatur: quid sic repugnans in illis, & ambiguum: quid distinctum, & illustre, quæ sit plurius inter se ratiocinationum contextio, aut etiam disparatio: & quorundam infociabilitas, aliarum ita arctè hærens contextio, vt diuelli nō possit: his enim ipsa ratio in se prius examinatis, ac perpenfis, vbi vires suas domi iam perpexit, exploratasque habere cœpit, tum demum sic egredi in aciem, & ad contemplationem naturæ tuto ausa est accedere. Ac primo quidem ortu Philosophiæ antiquitas (sicut monumentis literarum est mandatum) exterum illa consuetum aspectu excitata ad cupiditatem

tatem cognoscendi, cum Solis & Lunæ, et tantumque syderum, nec non eorum quæ semper cælo inhaerent, motus, formas, pulchritudinesque spectasset, vicissitudinesque notasset anniuersarias, & cum admiratione maxima tantarum descriptiones rerum contemplata esset, ex ratis ordinibus eorum, perperuisque cursibus, eadem semper interualla lege certa seruantibus, suspicari coepit, esse autorem & principem huic mundo quendam, cuius imperio & nutu mouerentur cuncta, & regerentur: Neque sola hac suspitione contenta, ad peruestigandum se dedit, si quid posset de eo firmi, certique concipere. Amoto igitur oculorum sensuumque adminiculo, ipsum motum in sese, ipsumque tempus, & quæ horum duorum considerationi adiuncta sunt, infinitatem diuisionum, æternitatem seculorum, diuersitatem naturarum, inquirere est conata: quumque videret nil tam cognatum esse cuique naturæ, quam motum proprium illi & congruentem, quoddam in eo primum natura rei cuiusque ostenditur: perspicere coepit, ex dissimilitudine naturalium motuum, dissimiles item rerum naturas indicari: itaque cælum propterea ex alio genere esse intellexit: atque ista inferiora corpora sunt quatuor, quæ generationi suppeditant: quoddam illud orbiculari motu deferatur: ipsa hæc recto. Et cum orbicularis motus perpetuus esse possit, rectus autem nequaquam: distincta à terrenis cælestia mortalitate esse, & immortalitate intellexit. Porro autem cum motus omnis aliquid quærat, quod non habet in se: idque cupiat assequi, ex quo omne quicquid moueatur, haud planè perfectum nec cumulatum omni bono esse intelligatur: ipsum autorem & principem vniuersi, unde omnis ista tantarum rerum, motuumque descriptio ortum atque ordinem suum obtinet, vnum & sempiternum, eundemque præpotentem & prorsus immutabilem necessario esse cognouit: Ad quem intelligendum, riteque comprehendendum, quandoquidem eundem siue eo nec veritatis, nec ordinis, nec cōuenientiar vllius, ipsiusque decori notio vlla firma & stabilis haberi potest: quum in primis vocet nos, & acuat Philosophia: vtinam eo tam facile aspirare possent mentes nostræ quàm nos id auemus, & cum ardore maximo expetimus. Sed si minus nominatim & directè, aliqua tamen circuitione, & exemplo, informanda nobis nunc est præclara hæc, & admirabilis Dei summi cognitio: cuius similitudinem in ea re capiemus, quæ sensibus nostris vna omnium maximè aperta patensque est. Siquidem hoc Sole, qui fons diurni luminis est, nihil nec cogitari potest illustrius. Quoniam autem sicut omnis cognitio mente atque intelligentia nobis est comprehendenda: sic sensuum quendam habemus, qui simili ferè modo naturam luminis percipiat: noscenda huius ipsius sensus vis, actioque est, vt eam deinceps cum mente & actionibus mentis com-

patemus. Nam quum omnium sensuum facultas, ad ea quæ cuiq;
sensui subiecta sunt, percipienda, nata sit in omnibus reliquis la-
tis est adesse subiectam rem vt sentiatur: in oculo & visione non
est satis: tertiam enim quandam naturam adesse oportet, & eam
quidem multo præstantiorem, splendoris, luminisq; videlicet,
quæ ad hanc rem eam ipsum facta, creataque est, vt visioni ipsa sit
adiumento: tantò fabricator ille cunctorum sensuum Deus, vim
videndi cæteris pretiosorem finxit: iugauit enim facultatem &
videntis rei & visæ, vt ad videndi actum veniri posset splendidissi-
mo naturæ genere: nisi fortè vile & abiectum est in natura quod
nominamus lumen: At qui huius tam ampli, tamq; præclari mu-
neris, quod lucere est: itemque eius, quod effluit, manatque ex
isto, quod est cernere, atque cerni, vnum in cælo dominum au-
toremque agnoscimus, per quem optime ista, perfectissimeque
fiunt: quem nuncupamus Solem: nempe quia solus cælum at-
que terras lumine suo compleat: reliquaque ab eodem astra mu-
tuentur lucē eam, quam possident: porro oculus ad Solem, tan-
quam ad suum bonum natura est conuersus: non quodd oculus
quidem nec quodd ipsa visio efficiantur Sol: sed quia sensus hic
vnius maxime est solaris, visq; ea omnis, quæ ad videndum sit, ex
hoc sidere tota hauriatur, & persuat, vsq; eò quidem, vt & quodd
intuemur Solem eum ipsum, & quodd præterea reliqua cernere
omnia possumus, totum ab illo cælesti lumine teneamus. Hunc
igitur ipsum Solem, diuinæ illi essentia: & vnitati, quæ cunctorū
summa, & princeps causa est, fonsque bonorum omnium, & ve-
rum ipsa solumque suapte vi bonum, imagine quadam comparati-
mus, similemque ostendimus: vt eodem modo illa in intelli-
bili loco: Sic enim conuertimus, quod Græci νοῦς. Et sanè ne-
cesse est, fidentius vti verbis in summis rebus explicandis, & de-
clarandis: quod etiam modo factum à nobis est, cū essentia
nomen, Græco nomini, quod νοῦς est, Latinum reddidimus: fa-
ciemusq; in eo quoque, si necesse fuerit, vt verbum infinitum, si-
ne persona & tempore, nominis loco ponamus: quod cū Græ-
cis ipsis per quā vñtatum sit, videtur quoq; nobis interdum esse
concedendum: Sed vt dicere cœperamus, ita illa alta & longē
eminens rerum omnium ratio intelligibili in loco, ad mentem
habet se, & ad ea, quæ mente percipiuntur, quemadmodum in
hoc visibili sol sese habet ad oculum, & ad ea quæ oculis com-
prehenduntur: oculi enim si ad eas intuentes res conuersi sint,
quarum colores non diurnum sidus, sed nocturnæ luces offun-
dant, hebescent quodammodo, & retunduntur: similesque
sunt cæcipientium, & hallucinantium oculis, ea re quidem,
quodd pura ipsi visione minimè tunc fruuntur: Si verò eò se
moueant & intendant, qua sol illustrat: tum & clarè, liqui-
doque

doque cernunt, & eadem quoque claritas in eis ipsis inest. Igitur in anima eadem proportione est nōscenda ratio, atque attendenda: Dum enim anima ad id percipiendum intendit se & admittitur, in quo veritas & ipsa esse ē regione refulget: quod est, ut lux a Sole, sic istud ex Deo intelligibile quasi lumen: intelligit id plane atque nōscit, mentemque sibi ipsa habere in se & possidere rum videtur. Cūm verò eō se cōuertit, ubi tenebræ admittæ sunt: in id quod generatur scilicet, & quod corrumpitur, quodque similitudinis & fictis obrunditur imaginibus: tunc hallucinatur nimirum, & quasi somniat: variisque vltro ac citro lætata opinio- nibus, mentis sibi ipsa, ac intelligentiæ videtur inops. Hoc igitur finime præcelsi ac diuinum, quod & rebus cognitis præbet veritatem, & cognoscentibus viam cognoscendi: caput ipsum natura totius, & absolutissimam speciem omnis boni, in Sole nobis similitudine propinqua, representari cernimus: quod idem omnis scientiæ & veritatis est causa: veritatis, inquam, in rebus quidem factis, quatenus illas ut sint facit: nostra autem in anima, quatenus eam lumine illo intelligibili, & ex sese, & ex rerum essentis ab eodem ipso manantibus, informat, atque illustrat: quā- tidem ex veritate generatur scientia, quæ est rerum eodem modo semper se habentium firma mentis intelligentiæque comprehensio. Sed ut in natura visili, oculum & lucem, solares quidem virtutes, & facultates conuenit appellare: Solem autem nequaquam, quod Sol vtriusque his multo præstantius quiddam, atque eminentius in sese habeat: sic in intelligibili genere, scientiam & veritatem, res nimirum bonas atque diuinas, non tamen Deum ipsamque illud supremum bonum existimare debemus: quippe quod admirabili quodam intervallo virtutis, amplitudinis, potestatis, his omnibus antecellat: magnificentiusque multo sit, quam ut veritatis, & scientiæ finibus possit includi. Atque ut pergamus etiam ad vltiora, in eadem tamen similitudine insistentes, Sicut Sol ijs, quæ cernuntur, nō solum facultatem hanc præbet, ut queant cerni, sed generationem etiam, & accrementum suppeditat, & educationem: quod horum omnium generis rebus atque alius, Sol causa est, neque ipso tamen uspiam est generatio: sic his quæ cognoscuntur & intelliguntur, non hoc tantum ab summo adest nature bono, ut intelligantur, sed ut sint ea etiam, atque existant, & ut suam quodque illorum obineat essentiam. Sed ut aliquando abeamus a similitudinis comparatione, quam præsertim vel leuiter indicasse assatim vobis sit, dico hoc munus esse menti nostræ peculiari ipsius officio attributum, ut in intelligibili percipiendo genere, & inquisitione veritatis se exerceat: quam si in æternis, & tibi semper constantibus nō perspexerit, neque in illis veritati familiarem se effecerit: nā illa in

his va.

his variantibus semper & diffluentibus, nunquamque in eodem permanentibus statu, frustra venari illam, & indagare conabitur: infirmisque semper nutabit assensionibus, & ambiguis opinionibus distraheretur: viam vitæ certè nullam unquā inibit, qua æquo animo vsque ad extremum pariatur se deduci: sed reuocabit crebro se & retexet, sæpeque in poenitentias graueis, & mæiores, tanquam in scopulos saxaque delata, faciet veterum suorum consiliorum naufragium. Quod in illis magnis & præpotentibus viris, qui in hac vrbe & Rep. quondam, alijsque item in ciuitatibus ac populis, autoritate & gloria rerum gestarum florere visi sunt, ferè omnibus contigit. Sed vt sint, qui hanc præcipuè summæque veritatis absolutam notionem ad cōmunem hanc peragendam vitam, haud ita multum esse necessariam putent, in quo etsi imprudentia labuntur, habeant tamen paratam ex hominū quotidianis moribus & studijs erroris sui defensionem. Nos qui veram hominis præstantiam ac dignitatem è Philosophia quaerimus, summumque ex ea bonum nitimur consequi, si rerum altissimarum cogitatione nos esse instructos volumus, num sumus propterea iure reprehendendi? Atqui dicimus planè, sine ijs, ordinem rectè viuendi teneri nullo modo posse: nisi enim prius ratio ipsa explicauerit semet, totamque perspexerit, & domestica sui primum, æternæque secum veritatis scientia erudita, tum demum accesserit ad considerandum hæc humana, eaque tractandum ac dirigendum, ars benè viuendi perpetuo constare nulla poterit. Sed cum rerum earum, quæ in mundo & natura sunt, causarumque quibus illæ effectæ in lucem prodierunt, indagationem omnium & curam cognoscendi Philosophia profiteatur, singularum est explicatio in suis libris atque locis, cum ab autoribus cæteris, tum verò in primis ab Aristotele petenda, non enim propositum est in præseptis singulas res persequi. Illud propositum, vt quoniam ratio nostra nō ad intelligendum solum, quod ipsa per se & seorsum facit, verum etiam ad agendum atque imperandum, quod est illi in communitate cum cæteris partium officium genita factaque est: istud ipsum, in principe & moderatore omnium rerum Deo, consideret prius, & intueatur, quod regere est & imperare: vt illius deinde exemplo, & imitatione erudita, diuinam quandam illinc magnificentiam, & administrandis rebus facilitatem, ad hæc humana & inferiora transferat: quod est totum illarum actionum, quæ posita in concilijs sunt, non in operibus manu factis: quarum quidem actionum splendor omnis, & pulchritudo hæret in ipso homine, penitusque insita est. Etsi enim cœlum hoc, totusque iste mundi ornatus, pulchritudine & decore præclarissimus sit, diuinique ordinis congruentiam & venustatem, cum admirabilitate maxima, mortalibus oculis ostendat.

ut quod vndiq; effulgeat pulcherrimorum luminum distinctione & copia, cursibusque propè immensis, & non enarrabilibus torqueatur, vsq; ed quidem, ut satiari mentes humanæ non queant spectando illud, atq; mirando: tamen pulchriora multo sunt & magnificentiora Dei consilia, quib. editū id in natura, & eiusmodi factum est. Videndum est igitur hoc consilium, & tantæ gubernationis ratio est noscenda, quod nos, qui participes esse diuinitatis cupimus, ad rationem eandem deinde, simileq; consilium, nostra & cogitata & acta accommodemus. Nec verò dubium esse potest, quin decor, & dignitas, & pulchritudo, in summo Deo, omnibus rebus ortum causamq; præbuerit. Est enim pulchritudinis, maximè conciliare amorem, appetitumq; gignere cōgrediendi, & potiundi: quo quidem appetitu ex illa Dei specie honestissima in natura excitato, cūctus iste mundi, & corporū omnium apparatus, ad conquirendum Deum, ut suum bonum, se erexit. Pulchrum porro est, quod semetipso decens est, & commodum, atq; utile cæteris. De illa pulchritudine nunc loquor, quæ mente intelligentiaq; comprehenditur, cuius vmbra quandam fert, hæc quæ in corporibus descripta est pulchritudo, tantam ipsa quoq; vim possidens, ut non absurdè de illo rege videatur dictum, speciem primū dignam esse imperio. Sed ut ad pulchrum princeps, illud quod est rationis, & intelligentiæ, redeamus. Nemo vnquam veriore, digniore, appositiore pulchri ac decori speciem rationemve expresserit, quàm hanc quæ sit in eo, quod est prodesse cæteris, sibi sufficere, & continens esse, quod vtrunq; in pulchro inesse est necessarium. Nam ut in corporum formis videmus, quarum omne oculorum est iudiciū, si qua pars corporis à cæteris partibus sui dimensus portione discrepet: non verè illū, in quo insit vitium hoc, formosum posse appellari, propterea quòd species in eo à conuenientia discessit, egetque alio quopiam, ut expleatur & perficiatur: ita & amabile minus est, & minus appetitur, quod neque delectare admodum potest propter incongruentiam, neque adiuuare propter egestatem: eget enim & ipsum aliunde adiumento: sic illud simplex, & menti propositum pulchrum, quod omnes congruentiæ honestatesq; in se continet, nulla ipsum parte sui imminutum, nec indigens, contraq; omni bono ac decore cumulatū, atque completum, cōcursus omnium rerum excitat ad obsequendum, & obediendum sibi, ut quælibet res ad nutum præsto sit cupiatq; illi nauare operam suam: quippe quæ experiatur & sentiat pro eo, quantum illi se dederit, & ad accipienda illius imperia se subiecerit, tantum se & iucunditatis, & commodi ad suam explendam naturam esse reportaturam. Hæc igitur imperium ratione Deus, & hæc facilitate regit vniuersa ac perimouet, quod

sem.

semper agis id, quod se ipsum primum deceat: deinde sic vtilis
 exteris: & cum alijs bonum vtilitatis impatiuerit, ipse suum re-
 tinet, quod est decori, dignitatis, amplitudinis bonum. Quod
 etiam sic, vt in effectiōibus naturæ & operibus, nulla verior ra-
 tio, neque constantior reddi possit, quam ob rem quicque sic ef-
 fecerit Deus, quā hęc, quod ita eum facere decuit, & quia rei
 effectus illud fuit optimum, vt & a dignitate illius qui agit, & ex
 eius, quod agitur, emolumento ac commodo, valida in primis
 fortisque sit argumentis conclusio. In quo tamen ipso vbique &
 præcipue, decorum illud elucet, quod præclarum in se atque mu-
 nificum, duplicique hac de causa amabile exteris, facit, vt facile
 imperium sit in volentibus, nulloque nisi conatūe laborioso,
 omnis rerum molitio gubernatioque transfigatur. Et hactenus
 quidem Philosophia hominis rationem in suo & proprio mune-
 re continet, vt in speculandis naturæ operibus illam exerceat,
 eaque tam edoceat, in quibus origo est, & sedes, & domicilium
 veritatis. Quæ quatenus in summis & sempiterna immutabili-
 tate constantibus versatur rebus, iure ac merito dicta est sapien-
 tia: fontes enim in illis sunt & scientiæ omnis, & prudentiæ.
 Quæ verò ad mutantia genitabiliaque confertur, scientia natu-
 ralis, eadem Græcè Physicæ est appellata. Moralis autem, quum
 humanis dirigendis actionibus adhibetur. Quæ trine mbri diui-
 sione in Philosophia exposita atque monstrata, præclarè illa de-
 finitur rerum esse scientia, & diuinarum simul, & humanarum.
 Nunc quando iam satis, quod ad præsentem quidem nostram
 disputationem pertinet (nam ad rem ipsam pleniorēque do-
 ctrinam non satis) de officio seorsum & per se humanæ mentis
 est dictum: quod in prioribus duabus illis Philosophiæ partibus,
 sapientia videlicet, & naturali scientia, positum est: Restat com-
 muni totius hominis, non iam partis in eo separati alicuius
 actio, atque exercitatio, moralis scientiæ propria: ad quam cum
 nunc Philosophia deductura est: rectumque sumet in eā vsum,
 ita illum eductura, vt nulla neque virtutis, neque officij pars,
 quæ ad beatam consequendam vitam pertineat, in hoc quoque
 genere prorsus relinquatur. Etenim ab illis altissimæ veritatis
 consilijs, & rerum æternarum speculandis rationibus, in qui-
 bus tanquam cognata illarum, atque eiusdem cum illis nobili-
 tatis consors, semetipsam mens præcipue agnoscebat: frue-
 baturque cum vero, & suæ naturæ munere, & sapientiæ no-
 mine: deflecta ad animaduertendum conditionem necessitatis
 suæ, quod quum alienis & longè dissimilibus sibi generibus
 constata, permulta obire simul cum ijs, atque vnā agere co-
 geretur: primò quidem aspectu vehementer perturbata est:

assueta enim tranquillitati, & ordini rerum sibi constantium, & nusquam ab eo, quod idem est, digredientium: ut vidit motus sociarum partium incertos, & varios, nullum neque modum, neque ordinem suapte sponte retinere, eosque cum importunos sibi, ac saepenumero molestos, tum inter se ipsos quoque rixari dissentientes: descendit quidem illa primò conditionem status sui: quòd à beata illa cura fruendæ, & contemplandæ veritatis directra, in turbam sese & in factionem impediuiſſet: veruntamen celeriter ad officium conuersa, cum intueretur consilium & voluntatem summi Dei, non solum æquo, sed alacri etiam animo ad obediendum illi se dedit. Quid enim faceret secus, in illa serie rerum, ex quibus nexus est mundus, exercitata atque alita? quarum admirabilis, continensque complexus, paratus vbiq; ad obediendum Deo, apprimè eam instruere potuerat, suum cuique rei bonum, in ordine & obedientia huiusmodi, maxime querendum esse. Igitur in hanc deliberationem se contulit, ut quos diuina fors sibi dedisset comites, cum eis statueret pacatè & concorditer viuere. Atque, ut in re perdifficili & ardua, ad Philosophiæ, quo solebat, confugiens opem admonita ab ea ipsa est, ut agitatioris & incertioris agendæ vitæ disciplinam, ab eis rebus acciperet, quas stabiles & certas in natura cognouisset: regendique & imperandi ordinem totum atque exemplum, illinc huc transferret. Quod quidem sic agere constituit: primumq; illud animaduertere cepit, expressam esse in sese, & in corpore eo, quod ipsa rectora esset, imaginem quandam tum præpotentis Dei, tum eius mundani operis, quod creatum factumque à Deo, eiussem etiam imperio & numine regeretur: ut quemadmodum Deus in summo omnium consistens, rebus incitatis & mobilibus imperat, immotus ipse, & semper permanens in eodem, globisq; corporum celestium alias præponit mentes, quæ in eum ipsum inuidentes, ac nusquam ab eius lege & ordine deflecentes, moueant ceteriora corpora: ipsas verò varias & multiplices elementorum excursionis, confictus, illisiones, quoniam minutatim sub ordinem certum redigere non licebat, illa vniuersa lege cœquitur, qua paribus omnia liberata ponderibus, & vim inter se æquam obtinentia, suis se suis singula continent: neque aliud alijs supergredi, aut viribus & potentia præponderare est licitum. Sic mens ipsa tanquam alter in corpore humano Deus, stabili veritate semper nitens, reliquas animæ partes mouendo corpori appositas, suapte sponte ordinis finiumque expertes, ad intueendum eum ordinem, quem vera in sese descripiſſet ratio, reuocaret: formamque illis decori pulchriq; offerret: qua specie diuina illecta illæ ad amorem, studioq; accensa eiussem imitandæ pulchritudinis, & participandæ, cum suum etiam præferunt in eo

commo-

commodum sentirent, atque experirentur, facili rationi imperiū,
 & nulla impedimentum controuersia, relinquerent. Itaque mens sti-
 pata egregio comitatu illarum cognitionum quas in contem-
 plandis rebus æternis antea percepisset, sapientiam primum de-
 uocauit de cælo, eamque nonnihil hæc quoque inferiora ut ani-
 maduerteret, compulit, vocauitque eo nomine prudentiam: quod
 hoc uerbum a peruidendo ductum, uoce ipsa indicat, in res ob-
 scuras & suapte natura perspicuæ lucis expertes, aciem esse inge-
 nij, & mentis intendendam. Porro autem sapientia in eo aliquā-
 diu commorata, ut cupiditarum, & affectionum, omniumque ea-
 rum appetitionum, quæ multiplices, ac variæ in animis nostris
 concurrant, causas, sineis, naturamque cognosceret, cum uideret
 eas temeritate quadam præcipites, subitasque ferri, & ad ea expe-
 tenda, aut refigienda, quæ per sensus interpretes, letabilia for-
 midolosæ oblatæ essent, sine modo discurrere: intellexit harū
 rerum causam esse comitatum illum, quo sentiens anima, cum
 vegetante coniungitur: quod ex huiusmodi coniunctione plus
 illi parti abicetæ & ignobili, ab alijs sæpe partib. tribuatur, quam
 sit æquum. Itaque prudentiam, quam ab se instructa consilij, &
 rationibus ad res gerendas iam adhibebat, rectionemque illi re-
 rum humanarum in diuinis ipsa resistens, per manum quasi tra-
 debat: admonuit, ut notaret, animumque aduerteret, primam
 directionem humanæ uitæ, & fundamentum uiuere salutis, po-
 tissimum in eo consistere, si singulæ in homine animæ partes,
 suum unaquæque & pensum, & pretium obtineret: neque alteri
 altera de eius quicquam iure, honorèue decerpet, hoc enim uno
 modo demonstrauit, concordiam & pacem in animis constitui,
 viamque ad beatam uitam posse inueniri: si, quæ regendis, & in
 unitate continendis ciuitatibus, in primis necessaria est, prima in
 ipso homine iustitia extitisset: quod ea uirtus uirtutum est sedes,
 & fundamentum reliquarum: per quam quisque suarum rerum
 diligens curator, atque custos, aliena minime appetit: neque mu-
 nus interruptit alieni officij: quod ubi fit, ibi tum læticia, &
 cum tranquillitate maxima uita degitur. Hoc igitur primum
 suscipiens prudentia, idque exprimere ac proferre in agendis
 rebus studens, pensatis cunctarum in homine partium condi-
 tionibus & metis, statuit parti illi vitali & infimæ tantum esse
 tribuendum, quantum ad uitam, & ad incolumitatem sat esset:
 cumque ea pars consilio omni orba, legem, lumenque rationis
 non modo nullum habeat ipsa in se, sed ne aliunde quidem pos-
 sit accipere: quo etiam nomine contemptissima est partium reli-
 quarum, & obscurissima: quandoquidem, quod nec sua, nec alie-
 na splendet ratione, ordinis & elegantia totum est expert: ta-
 men quia necessaria ad consistendum est, stabilitatemque; &

veluti solum, reliquis partibus animæ præbet, non mediocri studio à nobis conseruanda est: vt illo tanquam firmamento innixi, ad posteriora obeunda vitæ officia nos attollamus. Quam ob rem primum illi tempus, & prima curatio suppeditandis vitæ necessitatibus attribuitur. Quo nomine ea etiam sit alicuius honosis particeps: vt si nobilitate cæterarum postrema est, anterior sit tempore: vsque eò mirabilis ille prudentiæ contextus, in temperando, ac constituendo concordia homine, omnia inter se vinculis amabilibus illigat atq; constringit. Sentientem verò animā, quæ nō omnis penitus necessitate deuincta est, sed habet aliquid in se liberale & splendidum: nam & voluptatibus fruitor purioribus, & intelligibilem pulchritudinem illam, in aspectabiles oculis species, & sensilia simulachra quodammodo transfert: eadem mens à prudentia instructa, vt sociam, æqualemque complexa, eius rationis quam ipsa in se insitam, atque innatam continet, & veritatis eius, quæ ex intelligentia rerum semper in eodem manentium, illi percepta est, participē facere conatur. Quæ ex communione mentis atq; sensus, ritē & ordine per prudentiam facta, dignitatis species illa, quæ vna omnium rerum humanarum pulcherrimum est oculis præclarissimumque spectaculum, in vitæ & moribus & actionibus hominum exprimitur. Vt enim alio loco me recordor dixisse, in copulatu & compositione rerum pluriū, consensus ille, atq; ordo, & æquabilis omniū inter se convenientia, intelligentiæ atq; menti veritas est: oculis & sensib. pulchritudo ac dignitas, vt dignitatem definire si velimus, rectē sic dicamus, translatam illam ad sensum & ad oculos, esse veritatē: quæ dignitas aspectibus subiecta, quū tantos amores sui in omni hominum genere concitet, cunctumq; orbem propē terrarum irrequietum & sollicitū semper habeat: intra eos lineis est ingenijs liberalibus permittenda, vt ne vnquam prodar, neq; deferat veritatem: hoc est concentum & concordiam animæ partium ne diuellat, in quo & ambitioni & populari gloriæ, & huic imperandi cupiditati, qua homines proiectē nimirum, & præter modum effertuntur, posita lex erit. Vult igitur mens, partem hanc sensilem ita suis frui voluptatibus, vt aliena commoda non præterumpat: & neq; illud inferius animæ genus, suis defraudet vtilitatibus, neque rursus menti ac rationi ad constantiam, & veritatem omnia reuocanti intempestiujs suis interpellationibus officiat: eademque ratio, quæ totius hominis rector est, quum ad sua munera fungenda ipsa se confert, habet tamen semper alieni quoq; temporis, & opportunitatis rationem: vt, vbi socijs, & cognatis partibus optimē prospexerit, tum libera & vacua, diuinis illis iucunditatibus sese impleat: ita æquatis omnium officijs, perpenfisq; munetibus, quū vnicuiq; datur parti quod est illi contentaneum,

neque

neque alia de alia pars parte quicquam detrahit: regnatque, quod ad regnandum natum est: paret, quod ad parendum: cum iustitia primum in interiore homine per prudentia existit. Deinde ex iustitia oritur temperantia, ordo quidam vitæ, & ornatus, ac moderatio appetitionum omnium, non voluptatum illa penitus contemprita, sed ingenuis ex eo genere, & liberalibus voluptatibus modeste dedita. Quarta verò & difficillima omnium virtus, quæ est fortitudo, oritur quidem illa ex superioribus, sed non tam optabilis ea viro forti est, quam interdum necessaria: non enim labores, ærumnæ, pericula, mortes, ipsa per se appetuntur: neque libens quispiam vitam & salutem proijcit, sed ubi in discrimen venit, ut aut ista suscipienda sint, aut honestas amittenda, sine cunctatione vlla vir magnus atque præstans, honestatem sibi mauult, quam vitam retinere. Quod contingere nequit, nisi in animis, ita & virtute, & disciplina constitutis, ut in illis maxima sit autoritas rationis, quæ quum præscripserit aliquid, quod rectum esse, ac decere decreuerit, iusseritque id agi, reliquæ ad obtemperandum partes præsto sint, imperiumque rationis nanctes exequantur. Verum quum virtutes omnes reliquæ, tum in primis hæc, de qua loquimur fortitudo, maximè alitur & corroboratur æternarum scientia & cognitione. Nam, nec qui infinitatem temporis mente comprehendit, is ob cupiditatem vitæ paululum propagandæ, aliquid indignum forti viro admittet, nec qui immensitatem mundi, orarum, regionumque fuerit animo peragatus, regnum vllum tanti æstimabit, ut eius allequendi causa, iusiurandum violare arbitretur esse fas: denique pulchri ac decori illa cognitio, cui firmè & probè fuerit mente concepta, hic coelestibus opibus scientiæ & veritatis locuples factus, atque (ut heros noster Plato inquit) nativum in anima aurum possidens, nunquam profecto pecuniæ gratia sordidum quicquam, & illiberale efficiet. Ex quo intelligi potest, virtutum omnium semina, quæ à natura in animis nostris sata sunt, ex vna ritè ali, excolique Philosophia, neque sine ea vnquam ad bonam frugè posse adolescere, cum qui naturalibus virtutibus tantummodo, aut etiam more opinionisque comparatis, nixi sunt: hi, ut vnâ in partem aliquam præclare se dederint, in alia tamen parte non mediocriter sunt prolapsi. Plena exemplorum est historia: sed mihi properandum necessarium est, inclinatur enim iam ad vespertinum dies. Talis ergo iste vir, quem Philosophia instituerit, recteque eum semetipso edocuerit vti, constitutis per prudentiam partium singularum terminis, ut aliam alia pars non supergradiatur, nec opprimat: regnum civile & patrium obtinente iutus ratione: placatus sibi ipse atque concors, tranquillam & felicem deget vitam, diuinamque illam regendi artem adhit edit,

quæ quidem omnium est potentissima & maxima, ut quod in co-
 præstat, eminetque, mens & ratio videlicet, suum decorum ipsa
 in rebus omnibus agendis, præcipue atque semper, alienum au-
 rem procuret bonum. Quo vno modo potissimum, & inferiores
 partes sua sorte contentæ, tranquillè se habebunt: & propter de-
 cori illius in principe parte pulchritudinè, amore summo & stu-
 dio ad parendum adducentur. Verùm ita institutus hic quidem
 homo est, ut secum solus ipse possit, aut cum familia sua commo-
 dissimè viuere: qui iam in publicum producendus est, & in com-
 munes consuetudines deducendus: non commentatus antea in
 tenebris, ut modò Phædrus dicebat, sed in lumine illo cœlestium
 veritatum, & ad exemplar illarum conformatione suimet exerci-
 tatus, atque prudens: Qui cùm dictante ratione, & gubernatio-
 ne illa summi rectoris Dei sic monstrante, intellexerit, non se sibi
 soli natum esse, sed & patriæ præterea, & ciuibz suis, partemque
 sui non minimam cognato quoque, ciuili generi & esse debitam:
 cumque se ipse sociabile in primis esse animal attenderit, virtutem
 videritque eam, quæ maximè naturam hominis contineat,
 siue exercitatione, atque opere imperfectam existere: neque ef-
 ficere posse beatam vitam, si non promatur ad res gerendas, &
 adhibeatur: quod iam & homines, quibus cum versetur, & in-
 strumenta ad agendum, quibus utatur, requirit ac postulat: in
 quo nonnulla pars nimirum attribuenda est Fortunæ. Cùm, in-
 quam, ista omnia noster Philosophus cognouerit, sine tergiversa-
 tione vlla ad obtemperandum rationi sese dedit: prudenter-
 que, & accuratè omnia circumspiciens vbique præuenire eius
 consilij Philosophia, instrumentum primum conuiuendi &
 communicandi, quo prima interni hominis effigies oculis spe-
 ctantium obijciatur, atque proponitur, formabit apertè & compositè
 orationem: eamque tanquam alteram personam perinde exco-
 let, ut si totum sese in illa sit expressurus. Curabit igitur ut com-
 modè, ut distinctè, ut propriè possit loqui, verbisque utetur lectis,
 ex communi quidem sumptis loquendi vñ: sed tamen vididis
 magis, quam sonantibus: copiam autem orationis haftenus ad-
 hibebit, ut apertè, & rotundè sensa animi sui, cum significatione
 mediocri interiorum motuum, explicet atque exponat: nam ora-
 torios quidem illos animorū imperus, forensibus causarum pa-
 tronis derelinquet: ipse verò sedatè, & grauitè, leni gestu atque
 vultu, omnia persequetur: Atque ab hoc aditu talis & animi, &
 in agendo prudentiæ atque virtutis, ad conuictus hominum, ad
 commercia, ad consuetudines intromissus: quum quacunque se
 intulerit, quicquidque gesserit, illud in semetipso exemplum sum-
 mi & præpotentis Dei secum deferat, ut custodiat semper deco-
 rum suum, & alienum procuret bonum: quare à vobis, & abs te in
 primis,

primis, Phædre, num huiusmodi cū sit, videatur ceteris hominum regendis, & gerendæ. Reip. autor fore idoneus: cū præterea ipse quidem optimè se rexit, per Philosophiam autem insperet, quod in vnoquoque hominum diuersis ex naturis & partibus constat, est, idem notari in ciuitate & distingui posse. Quam igitur vim prædientia edoctus à Philosophia & in illis altissimis causis eruditus, in semetipso prius exercuerit, eandem transferet ad hominum, vrbiumque rectionem, ac plebem quidem infamam, quæ maximè necessarias in ciuitate obit partes, vt versetur in agris colendis, oneribus vehendis, materia cadunda, opere faciundo infima illi in homine parti genitabiliq; collatum, pastu contentam, & coniugio, procreationeque liberorū: curabit, vt sit suis oportunitatibus instructa, omnemque ab illa iniuriam remouebit, diligentia adhibita, vt ne illa vnquam opere tamen vacet, sed tempestiuus aliquibus semper laboribus distingat. Eademque ratione, si quid illi fortè exuberare senserit, & superfluum, relicto semper quod satis sit, reliquum in publicas vtilitates conuertet, neque secius tamen vigente aliqua calamitate, eidem egenti atque oppressæ, de publico opitulabitur. Genus autem alterum ordinis medij, quod sensili in nobis animæ comparatum est, vt magis honoratum quamprimū, liberalis quidem habebit, & cunctis participisque consiliorum ac dignitatis, quo ad licebit, efficiet. Sed tamen quoniam sensilibus id oblectationibus maximè est addictum, inter quas dominantur hæ, quæ oculorum sunt, in externas illud & peregrinas mittet regiones: quod varias in illis species rerum intiendo, mercesque cœmendo, patriam, vrbemque suam, rerum spectabilem, & ceterūdem viliū, commoditatibus refarciat, luxuria tamen semper, præcipueque amputata: ne fortè sublatum studiis inanibus insolensque effectum, dum suis finibus egredi, & in alienos conatur inuadere, veriores impediat vtilitates consensionis publicæ. Nobilitatem verò, hoc est, ipsos optimates, qui non tam ex fortuna sint aut genere, quam ex virtute pendendi, mentis in homine & rationis instar, vniuersæ ciuitati præficiet: quorum erit curatio, providere ac præcipere, vt omnia gerantur in Rep. rectè atque ordine: partesque in societate & concordia teneantur, nihilque cuique desit, quod necessarium sit ac legitimum: quos vbi vacare ipsos operibus publicis contigerit, tum eos maius illud in se bonum atque præstantius quod obtinent, in rebus item præstantioribus collocare disponereque præcipiet: vt mentem, animūque videlicet, ad diuinarum rationum speculationem: opes vbi ingens, autoritatis, fortunæ, conferant, & conuertant ad liberalitatem ac beneficentiam: omnibusque modis nitantur & elaborent, vt virtutem vberimè atque amplissimè exerceant.

in cuius vnus studio atq; vsu, fructus beatæ vitæ, nec solum princeps illa & propria optimatum ordinis dignitas, sed vtilitas etiam honestiore multò ex genere, & voluptas ea quæ purissima, est omnium voluptatum ac suauissima continetur. Atq; hæcenus quidem illa in Deo præstans, & eminens diuini rectoris effigies à Philosophia cognita, in homine impressa, in cunctam postremò ciuitatem inducta, & translata est. Sed, vt ad eum, quem Philosophia hoc modo instituit, docuitq; semetipso rectè vt reuertamur: aliquandoque peroremus: Cernitur profectò quicquid in natura est, quod sit pulcherrimum, ac magnificentissimum, id totum in hac vna specie hominis verè Philosophi mentibus vestris expositum esse. Nam primò diuinum illud & longè dominans, quod vnitatis, & veritatis & sapientiæ summæ est compos, exstat præclare in hoc Philosopho, æque cernitur: vnus enim & iste quoq; concordia, & conspiratione suarum partium omnium, & in eodem sibi semper constans, diuinarumq; rerum veritatibus instructus, nunquam à sapientiæ consiliis deseritur, nunquam varietate opinionum distrahitur: sed quæcumque se infert, regulam illam rectè agenda vitæ: id est, veritatem, tanquam lumen de cælo libatum, præ se ferens: res quantumuis obscuras ac dispersas, & in lucem producit, vt videri: & in vnitatem colligit, vt mente comprehendi possint. Quodq; in Principe & Rege totius naturæ Deo maxime præcellit, eximiumque est, quod ille diuinis bonis omnibus confertus, ac redundans, neque alienas opes fortunæ expectat, & suas ipse in aliorum largè effundit commodum: suæque id solum interesse iudicat, vt quicquid agit, maxime ipsum deceat, cæteris idem iucundum vtileque sit: quod in hac pulchri & decori perfectæ absolutæq; specie, omne imperium, omnis maiestas, omnis veræ dignitatis atq; potentia inest ratio. Similiter id in nostro, qui cœlestium diues bonorum, menteq; insignibus, donis veritatis illustratus, nulla effrenata cupiditate animi ad ea fortunæ bona appetenda proripitur, quæ præter subsidium necessitatemque naturæ, extraordinariis præterea cupiditatibus sunt proposita: magisque id sibi studio & curæ habet, vt aliis sit ipse adiumento & commodo, quam vt aliorum opibus augeatur: solum autem suum & proprium bonum ipse id existimat, quod est aptum, conueniens, decorum, pulchrum. Ac quemadmodum propter decori eiusdem dignitatem atque præstantiam, facile est Deo in omnem naturam imperium: vt illi, sponte sua ac volentes, cœlestes primùm globi, siderumque, & stellarum æterni ignes: deinde propiora quoq; nobis elementa, stirpiumq; & animantium cuncta genera, sedulo, libenter, enixeq; obediant: quod amore pulchri illius incensa atq; correpta, quod in Deo præstantissime elucet, proximè

ic ad

se ad eum conantur adiungere, illiq; quoad licitum est, cupiunt inherere. Item hominis ratio pulchritudine simili prædita, nempe quoad imitatio illi equi primigenum & summum exemplar potest. Eiusdemq; honesti ac decori Philosophiæ beneficio particeps, primum interioris animæ partes studiosè sibi habet obtemperantes: ut amoris imperio, quod fortissimum est, & vehementissimum, non vi, neque metu, infirmis imperij custodibus, facillimè omnia et regat, & tucatur: deinde in commercia & societates hominum translata, ubi Rempub. & civilem statuerit ad se pertinere (non enim Philosophum nos patre operario, neq; rursus ex stipite aut lapide natum esse volumus: sed ex eiusmodi sanguine, in quem liberalium artium cogitatio, & studia humanitatis videantur aliquando cadere potuisse) quònam progressus vobis videtur habitura? Nōne qui ab hac præclara disciplina profectus fuerit, ut primum agere coeperit secus, quàm ab egregia illa Phædri sapientia est præceptum, ut non sequatur, nec imitetur populum, nec se inconsultis ferri opinionibus sinat: tantumq; ab sit, ut præcipiat aliis opum adipiscendarum palmam, quòd rueribus, tumultuantibusq; cæteris, solus ipse stabili, & quieto animo permaneat: neque se vlla cuiuscemodi cupiditate permittat trahi: conuertet in se primò aspectus populi, deinde multorum sermones excitabit, mirantium & percontantium, quònam sit; & vnde, qui tam robusto, & alto sit animo, ut non eisdem rebus ipse, quibus vulgus, moueatur: quòd si quos etiam eorum, qui ad rapiendum & congerendum, mala cupidine incitati se proiecerant (ut sæpe fit) spes aut fortuna grauior se felle rit: nōne hic, qui se continuit ac repressit, plura multum vidisse, quàm cæteri, sagaxq; in primis & prouidus esse existimabitur? Et quoniam vita fæta, rerumq; & temporum exigunt inclinationes, ut periculum cuiq; sui, ex natura, & instituto suo faciendum sæpe sit, qui hanc constantiam rectè, ordineq; omnia agendi, quam Philosophiam nominamus, ad omneis res adhibuerit: nec enique rei plus minùsue quàm quantum par sit, æquumq; tribuerit: fidem & veritatem sanctissimam habuerit in vita, nihilquæ ab eo, quod deceat honestumq; sit, discesserit: eorum qui ad ipsius curam, fidemq; pertinebunt, commoda in primis, ornamentaq; prouiderit, maximum ipse sibi ornamentum retinuerit dignitatem: postremò in tota vita, in suis dictis, consiliis, factisque omnibus, similis sui vndique, & semper sibi congruens, æquabilisque constiterit, quòd nemo planè, nisi idem sit, qui è Philosophia sit eruditus atq; instructus, probè potest & ad amissum facere, verendū credo erit, ne nō omniū in se amores, atq; studia, omniū mentes animosq; conuertat. Admonebuntur, (michi credite) homines specie illa honesti, quæ in graui viro & consi-

dera.

derato eximia est: commouebuntur, impellentur: primum vt oculorum animorumque contuitus in illum vnum cuncti conijciant: deinde, vt ament: postremo, cum tota illius vitæ iam ratio deliberatioque patuerit, ac perspecta fuerit, vt se & sua omnia illius fidei, vigiliæ, providentiæque studiosissime permittant: qui enim poterunt agere secus, quum viderint illum nil meditari aliud in vita, neque præ se ferre, quam vt Deum, præclara imitatione, in seipso referens, suum decorum, honestumque perpetuo custodiat: alienum autem procuret bonum? Species hæc inquam præstabilis, planæque diuina, semper hominum mentibus atque animis dominata est: semper voluntates omnium in potestate habuit. Quid deinde autem, quid eueniet? Tantumne tu putas, Phædre, sapientem tuum per astutias & simulationes, vastamque illam gerendarum rerum calliditatem, honoris & fortunarum adipisci posse, quanta hunc fortunæ & honorum præmia, non dico consequentur, sed planè obruent? Etenim quæ vsquam natio est tam immanis, & barbara: quis tam crudelis, impiusque tyrannus, qui non specie tali istius viri commouetur: vt etiam si eum diligere fortasse non possit, propter insitam animi feritatem: hac tamen percussus tam eximie forma dignitatis, incidat in admirationem necesse est. Et qui sensu humaniore præditi homines sunt, summi, infimi, ciues, externi, nequaquam vili profecto se & sua fidentius commendabunt, quam isti ipsi: nec quenquam cupidius ad suas fortunæ regendas accersent quam hunc, quem viderint in aliorum bonis commodisque procurandis, suum ipsum omne bonum & commodum constituentem, itaque omnia suscipientem ac gerentem, vt suorum laborum & operum, ad ceteros utilitas, ad ipsum autem fructus virtutis atque officij qui maximus in vera vita & vberissimus est, perueniat. Coletur igitur, honorabitur, amabitur, ipsiusque consilio & auctoritate gerentur plurima: neque ipse tamen alienis negotiis se offeret, neque expetet admodum publicis procurationibus se distinguere: sed quicquid eiusmodi ager, atque suscipiet, totum officio dabit atque humanitati: ipse verò in illa beatissima cura rerum celestium & diuinarum permanebit, quoad poterit, contemplandarum: vitamque eam in primis amplectetur, quæ maximè è natura est, maximèque hominis propria. Si quidem non corpus, neque animus reliquus, sed mens sola est id illud ipsum, quod est homo. Quapropter veras idem etiam ac proprias hominis consequetur voluptates: non illas animæ infimæ, quæ & brutæ maximè, & eadem fallacesque ferè sunt: neque rursus eas, quæ in sensibus consistunt, vagæ & errantes, & varietate ipsa semper instabiles: sed cum has vtrasque modo rationeque finitas, cum illas plenè & cumulatè, quæ acerbè,

& com-

& compressè, & peculiariter attingunt hominem, inque cum ipsum penitus se infundunt, & illiquefaciunt, suntque menti, & as, quæ ex mentis officio geruntur, agnatae maximè & familiares: quæquam ut verissima, atque purissima, sic iucundissima & suavissima est perceptio. Quocirca homo præceptis Philosophiæ edoctus, ac semper in omnem partem rectè vrens, similem se se (quoad fas est) efficiet Deo, tum in vitæ ratione, dum quo ille modo omnia agit, eodem iste modo cuncta & ager, & exequetur, ut deceat sibi, semper pro sit aliis, tum in perpetua animi læticia ac voluptate. Qui si præter has communis Philosophiæ rationes, quæ similitudinem & imitationem præpotentis Dei insinuat nobis atque proponunt, illa quoque præterea maxima atque amplissima eiusdem Dei beneficia in genus humanum cognoverit, quæ uni tantum generi nominique nostro, qui Christum filium unigenum Dei colimus, & profitemur, propriè ac singulariter data sunt: quod in hac vna religione, & salus hominibus est, & vera beatitudo in terris, ratio, in cælo immortalitatis adeptio: nedum per Philosophiam, à pura & integra religione non deflexerit, quemadmodum tu, Phædre, dudum calumniabare: sed magis in ea etiam statuetur, & confirmabitur, ad eos enim amores, qui communibus beneficiis Dei summi debentur, accedant alij magis peculiare & proprii, per quos fortissimè cum Deo esse colligatus. Non enim de leuibus sophistis in præsentia, neque (ut opinor) de futilibus hominibus quibusdam, sed de consideratis & integris & constantibus est sermo, qui omnia merentur consilio & probitate, neque à maiorum suorum, de quorum integritate, & sapientia optimè sentiant, decretis atque scitis vilo pacto recedunt: sed quo ingenio hominis, atque doctrina perueniri non potest, de eo patiuntur Dei immortalis numine, & veterum auctoritate sanctissimorum hominum, facili sibi persuaderi. Hic paulum quum requiessem, Exposui vobis, in qua, quemadmodum quidem potui, & vim utilitatemque Philosophiæ, & eius viri qui ritè ac legitimè philosophentur, speciem atque formam. Quæ mea expositio vniuersè facta, satisne responderet Phædricolunniæ videatur, vestrum iam est iudicium. Mihi quidem & magnitudo rei, & breuitas temporis, & mehercule, rem, si quo modo ea est, fateri volumus, mei etiam ingenij ad tantum tollendum pondus exilitas, vehementer obstat, quominus vobis omnia, quemadmodum quidem cupissem, potuerim exprimere: in quo non recuso, quin mea tarditati culpam, non Philosophiæ ipsi assignetis. Hic Gallus, sanè quam probasti tu mihi, Sado, etc. defensionem tuam, inquit, nec video, Philosophia quid possit esse diuinus. Itaque ego, qui in eam antea propensione animi ferebar, nunc planè illius amore totus ita ardeo,

ardeo, ut non sim eam vnquam & complexu meo dimissurus: illud
 eneo quàm maximè, & quàm primùm, ut ista quæ sunt a te disputa-
 tata, in commentarium referantur, quo ocyus quædam exemplum
 Vrbinum mittere ad meos amicos, taleis viros, quales tu quo-
 que in primis existimas. SVM MOS & singulareis dicis, in qua,
 quorum conuentu apud lectissimam omnium fœminarum HE-
 LISABETAM reginam Vmbria: illa ciuitas atque adeo Italia
 omnis ornata est. Vero, nec iniuria, inquit, non enim vspiam ali-
 bi terrarum, neque nostra, opinor, neque antiquorum memo-
 ria, tot & taleis principes ingenij ac literarum facile vho in loco
 quispiam possit nominare, quot nunc Urbini præclarum cœtum
 constituunt: quippe cùm illic adsit & Petrus Bembus maxima ce-
 lebritate & nomine vir: quem præter eximiam omnis virtutis &
 humanitatis laudem, verè parentem, cùm Romanæ veteris, tum
 recentis hulus Italæ eloquentiæ possumus appellare: & duo fra-
 tres Italiæ vel præcipua lumina, Federicus & Octani: nus Fregusij,
 nobilitate, dignitate, prudentia, literis maximè illustres: itemq;
 spectatum ac nobile par Baldasarus Castillioneus, & Cæsar Gon-
 zaga: qui militaribus ambo & bellicis virtutibus insignes, ad il-
 lam fortitudinis laudem, optimarum quoque & literarum, & ar-
 tium, non inferius decus, addidere. Quanquam ne singulos col-
 ligam, illam ego urbem hoc tempore, non hominum cuiusque
 modi domicilium, sed Musarum diuersorium esse puto. At ego,
 inquit Citrarius, habeo statim quæis cum communicem, familia-
 reis hos nostros, quorum quotidianis cœtibus domus tua, Galsæ,
 celebrabatur, Camillum Porcium, & Blossum Palladium: quo-
 rum ingenijs, spectabiliq; morum & sermonis elegantia soliti
 sumus omnes apprimè delectari: Etsi, quanquam vterque vtran-
 que, tamen alter eorum oratoriam magis laudem, alter poëti-
 cam est prosecutus: Tum autem Camillum Paleotum, & Philip-
 pum Beroaldum, hunc iuniorem dico: Nam ille senior haud sanè
 vsquequaque doctorum iudicio idoneus est qui probeatur: hi au-
 tem duo suis ingenij & virtutum ornamentis, non municipio
 Bononiensi modò, vnde oriundi sunt, sed huic vrbi tantæ, non
 exiguum decus potuerunt afferre. Nam Euangelistam Mathale-
 num, tuum familiarissimum, Sadoletæ, quemq; nos omnes plu-
 rimum ipsius merito, & quanquam doctus admodum vir est, ho-
 manitatis tamen ac liberalitatis causa præcipuè diligimus: quo
 ego gaudio sublatum iri puto, cùm te operam habere nauale Phi-
 losophiæ laudemq; ex eo consecutum esse intelliget: Vtinam
 quidem inquam, talibus ingenijs, mea hæc opera & voluntas iu-
 re probata sit. Sed quid ait nobis Phædrus? Egone, inquit, te ali-
 eno quodam in hominum genere tuum istum sapientem, tan-
 quam

quam in somnijs constituisse. Nam his quidem hominibus, quibus cum vivimus, mea sapientia ad manum sumper futura est paratior. Quæ quum essent dicta, surreximus omnes, aliquotque deambulationibus vltro & citro factis, reliquum convivio, variisque sermonibus, Phædro inprimis multa facetè, verbaniterque dicente, hilarem & lætum consumpsimus diem.

F I N I S.



IACO-



IACOBI SADOLETI

ORATIO DE PACE AD

IMPERATOREM CAROLVM

Cæsarem AVGVSTVM.

VIVS tanti, & tam diffusi gaudii, quo pace per te, Imperator Cæsar Carole Auguste, Christiano nomini data, omnium mortalium mentes incredibiliter exultant, vñam possemus, quemadmodum cupermus, in agendis tibi gratiis magnitudinem verbis exprimere. Sed cum eam capere nec animis nostris vascamus, nulla erit professio oratio, que aut tanto tuo in omnes homines merito, aut tantæ nostræ voluptati, & lætitiæ par, atque idonea inveniri vñquam possit. Non enim nostræ fortune duntaxat, quæ legibus extinctis, & æquo iure sublato, insolentum ubique hominum licentiæ, & detrimentis diurni belli fractæ erant, & dissipatæ, per te nobis redditæ, & constitutæ sunt: neque ipsa salus, vitæque nostra, quæ corporis incolumitate continetur, cum nūquā tutum antea neque commorandi locum, neque progrediendi haberet, per eundem te, à metu, à periculis, ab exitiis omnibus servata, & liberata est. Neque verò in liberis, fratribus, consanguineisque nostris, quorum sepe salus nostra nobis vita est charior, à discriminibus præliorum, à metu quotidianarum cediū, ab iniuria, libidine intemperantium hominum, salvis iam, & incolumibus nobis restituendis, tua liberalitas consistit: sed quod maximum horum omnium multoq; magnificentissimum est, cælum, cælum hoc ipsum inquam, portum laborum, arum, periculorumque nostrarum: quod religione Dei immortalis, aut contaminata ubiq; ferè gentium, aut interempta iam dudum amiseramus; id nunc tuo divino, & singulari beneficio, Imperator, recepimus. Atque hæc tua tanta, & tam eximia dona, quibus Christianas gentes universas es complexus, si per ipsa separare pendenda essent: cum nulla videatur esse æstimatio, quæ ad pondus earum, & dignitatem posset aspirare: tum hoc nobis maiora, chariora, optabilioraque fuerunt, quod inopinato, nec expe-

expectantibus vobis, in ipsa penam extrema rerum omnium desperatione sunt collata. Sic enim iacebamus afflicti ante, & perditici: sic omni calamitatum genere premebamur, ut nullam iam omnino spem melius aliquando nobis fore retineremus, ut miseræ illius & interitæ vitæ finem non alium, quam miseriorem etiam mortem expectaremus: cum te, ô clementiss. & optime Imperator, bellum quidem urgente fortiter, atq; feliciter: sed nihilo minus pacis: consilia tacitis tuis cogitationibus fouente, quod te nostrorum malorum, quotidianarumq; calamitatum iampridem erat miserrum: nos exanimis, stupèfacti, oppressi nuncio pacis, tuæq; bonitatis, & sapientiæ lumine nobis oblato, statim à caliginosa, & turbulenta vita ad serenam, atq; tranquillam, à desperatione ad spem, ab infinito omnium rerum mœrore ad iunnam alacritatem, & lætitiâ consurreximus. Quid ergo esse potest, vel in diuinis muneribus, vel in humanis, quod non secundum Deum quidem, & secundum illius immensam ineffabilemq; bonitatem tibi acceptum referre debeamus? qui vitam, qui salutem, qui libertatem, qui leges, qui hominum societates, qui humanitatis iura, qui pignora naturæ, domesticæq; charitatis, & sanguinis, qui agros, qui familias, qui vrbes, qui domicilia, pacem, ocium, tranquillitatem, concordiam; qui spem denique cœlestium bonorum, & illius beatæ optatæque immortalitatis, quæ tantum fide Deo piè, sancteq; atque ita uti à maioribus nostris præscriptum est, habenda, retineri à nobis potest, tuo ipsius munere incolumem obtinemus. Quæ omnia prorsus erant nobis ablata, nisi bonitas tua illa restitisset. Equidem dolebam, & pro mea constante, ac perpetua erga Christianam Remp. voluntate sepius hoc cogitans angebar, quod inter te & inter Galliæ Regem Franciscum, quos probitas, & virtus, eademq; erga Deum religio; tum autem sanctæ necessitudinis vinculum maxime coniungere, & vniânes efficere omnibus in rebus debebat; tantum, & tam atrox bellum incidisset. Cuius belli quidem auctores, & hortatores qui fuerint, tacendum mihi esse arbitror: quæ verò, & quanta ex eo bello Christiano nomini damna, atq; exitia inuecta sunt, quis potest tacere? Nam si vllum vnquam fuit bellum gestum à barbaris, quod vel asperitate odiorum, vel cupiditate vlciscendi, vel etiam innata quibuldam gentibus crudelitæ, cladem, & vastitatem intulerit nationibus, inter necionem populis, omniaq; humana, ac diuina, impetu suo, incursumq; peruerterit. Hæc omnia vidimus efficere istud bellum, quod tamen inter duos optimos, atque humanissimos principes gerebatur: cum alter indubres sibi creptos, alter subalpinas gentes quereretur: depolseret autē ita uterq; id, quod iactaret suum, ut reddendi mentionem non faceret. Neque tamen fuisset ea disceptatio



IACOBI SADOLETI

ORATIO DE PACE AD

IMPERATOREM CAROLVM

Cæsarem AVGVS TVM.

MIVS tanti, & tam diffusi gaudii, quo pace per te, Imperator Cæsar Carole Auguste, Christiano nomini data, omnium mortalium mentes incredibiliter exultant, vix iam possemus, quemadmodum cuperemus, in agendis tibi gratus magnitudinem verbis exprimere. Sed cum eam capere nec animis nostris valeamus, nulla erit profecto oratio, quæ aut tanto tuo in omnes homines merito, aut tantæ nostræ voluptati, & lætitiæ par, atque idonea inueniri vixquam possit. Non enim nostræ fortunæ duntaxat, quæ legibus extinctis, & æquo iure sublato, insolentum vbiq; hominum licentia, & detrimentis diuturni belli fractæ erant, & dissipatæ, per te nobis redditæ, & constitutæ sunt: neque ipsa salus, vitæque nostra, cæ, quæ corporis incolumitate continetur, cum nusquam tutum antea neque commorandi locum, neque progrediendi haberet, per eundem te, à metu, à periculis, ab exitiis omnibus seruata, & liberata est. Neque verò in liberis, fratribus, consanguineisque nostris, quorum sæpe salus nostra nobis vita est charior, à discrimine præliorum, à metu quotidianarum cediû, ab iniuria, libidine intemperantium hominum, salvis iam, & incolumibus nobis restituendis, tua liberalitas constitit: sed quod maximum horum omnium multoq; magnificentissimum est, cælum, cælum hoc ipsum inquam, portum laborum, acrimiarumque nostrarum, quod religionem Dei immortalis, aut contaminata vbiq; ferè gentium, aut interempta iam dudum amiseramus; id nunc tuo diuino, & singulari beneficio, Imperator, recepimus. Atque hæc tua tanta, & tam eximia dona, quibus Christianas gentes vniuersas es complexus, si per ipsa separatè pendenda essent: cum nulla videatur esse estimatio, quæ ad pondus earum, & dignitatem posset aspirare: tum hoc nobis maiora, chariora, optabilioraque fuerunt, quod inopinato, nec

expe-

expectantibus nobis, in ipsa pene iam extrema rerum omnium desperatione sunt collata. Sic enim iacebamus afflicti ante, & perdituri: sic omni calamitatum genere premebamur, ut nullam iam omnino spem melius aliquando nobis fore retineremus, ut miseret illius & infelicis vite finem non alium, quam miseriores etiam mortem expectaremus: cum te, o clementiss. & optime Imperator, bellum quidem urgente fortiter, atq; feliciter: sed nihilo minus pacis consilia tacitis tuis cogitationibus fouente, quod te nostrorum malorum, quotidianarumq; calamitatum iampridem erat miserrum: nos exanimis, stupescit, oppressi nuncio pacis, tuæq; bonitatis, & sapientie lumine nobis oblato, statim a caliginosa, & turbulenta vita ad serenam, atq; tranquillam, a desperatione ad spem, ab infinito omnium rerum mœrore ad summam alacritatem, & læticiam consurreximus. Quid ergo esse potest, vel in diuinis muneribus, vel in humanis, quod non secundum Deum quidem, & secundum illius immensam ineffabilemque bonitatem tibi acceptum referre debeamus? qui vitam, qui salutem, qui libertatem, qui leges, qui hominum societates, qui humanitatis iura, qui pignora naturæ, domesticæq; charitatis, & sanguinis, qui agros, qui familias, qui vrbes, qui domicilia, pacem, otium, tranquillitatem, concordiam; qui spem denique cœlestium bonorum, & illius beatæ optatæque immortalitatis, quæ tantum fide Deo piè, sancteq; atque ita ut à maioribus nostris præscriptum est, habenda, retineri à nobis potest, tuo ipsius munere incolumem obtinemus. Quæ omnia prorsus erant nobis ablata, nisi bonitas tua illa restitisset. Equidem dolebam, & pro mea constante, ac perpetua erga Christianam Remp. voluntate sapissimè hoc cogitans angebar, quod inter te & inter Galliarum Regem Franciscum, quos probitas, & virtus, eademq; erga Deum religio; tum autem sanctæ necessitudinis vinculum maximè coniungere, & vnanimis efficere omnibus in rebus debebat; tantum, & tam atrox bellum incidisset. Cuius belli quidem auctores, & hortatores qui fuerint; tacendum mihi esse arbitror: quæ verò, & quanta ex eo bello Christiano nomini damna, atq; exitia inuecta sunt; quis potest tacere? Nam si vllum vnquam fuit bellum gestum à barbaris, quod vel asperitate odiorum, vel cupiditate vlciscendi, vel etiam innata quibudam gentibus crudelitate, cladem, & vastitatem intulerit nationibus, internecionem populis, omniaq; humana, ac diuina, impetu suo, incursumq; peruerterit: Hæc omnia vidimus efficere istud bellum, quod tamen inter duos optimos, atque humanissimos principes gerebatur: cum alter Insuabres sibi ereptos, alter subalpinas gentes quereretur: depolceret autem ita uterq; id, quod iactaret suum, ut reddendi mentionem non faceret. Neque tamen fuisset ea disceptatio

tanti, facileq; iniri ratio concordia aliqua potuisset, si non suspiciones, si non animorum offensiones, si non dicta utrinque factaque nonnulla, quæ speciem iniuriæ videbantur habere; iras, & animos ad perseverandum inflammassent. Quamquam si verior huiusce mali causa proferenda nobis est, insensû hominû peccatis, & scelcribus Deus, cum suum nomen negligi, suasq; passim pollui religiones videret, hoc calamitosissimo bello penas à nobis sui violati numinis expetiuit. Nam quid aliud credi, aut existimari potest, duobus talibus inter se dissidentibus principibus, quorum vterq; mitis, clemensq; natura, ab huiusmodi stragibus hominû, & ab effundendo sanguine Christiano vehementer abhorreret: nisi Dei occulto, iustoq; iudicio hoc bellum inter amicas, & eisdem legibus coniunctas nationes, tanta obstinatione animorum, quantum experti sumus, tam multis annis, tanta cum pernicie Christianorum populorum, & susceptum fuisse, & gestum, & continuatum? Cuius tamen belli si qua nonnunquam interualla fuerunt, vel tacitis induciis, vel consensione factis: quod quidem in tam longo tempore aliquando fuit necesse, defatigatis manibus, mentibusq; eorum, qui vñ armorum assiduo sua corpora contriuerant: id tu tibi tempus, maxime Imperator, non ad præteritorum tuorum laborum requiem, sed ad nouorû gloriam iustius adipiscendam sumpsisti. qui magnis sæpe exercitiibus comparatis, maximis classibus instructis, & adornatis, contra nostræ religionis hostes toties iam bella terra, mariq; mouisti. Ex quo patere rectè iudicantibus potuit, re, cum arma sumeres aduersus Christianos, necessitate sumere; cum aduersus barbaros, voluntate. Itaq; ad Viennam primum Austriæ urbem, quæ in fratris tui clarissimi Regis Imperio, & ditione sita est, cum ad eâ oppugnandam innumerabiles barbarorum copia conuenissent, & quod præsidium in vrbe nō satis firmum esse videbatur, vi eam expugnandi magnam spem cepissent; quòd eo deinde tanquam Germaniæ, Italiæq; euerso propugnaculo, liberos sibi excursus quascunq; in oras, & regiones vellent, fore intelligebant: tu qui tum fortè in Italia, & locis Galliæ Cisalpinæ remotioribus eras, re audita, confestim subsidio accurristi, manusq; multæ fortium virorum te eodem securæ sunt. quorum aduentu, tuaq; in primis fama, & nominis tui auctoritate hostes deterriti, consilium fugæ statim iniierunt, neque putauerunt, cuius absentis nomen sustinere non possent, eius presentis, armaq; vibrantis vocem, & vultum se laturos. Itaq; & tibi Imperator tum iucundû vñ fuit, & nobis auditu cerè mirabile, illa infinita hostium agmina (nam ad sexcenta millia armatorum in obsidionem illam conuenisse constabat) nullo audito tubæ sono, nulla aduersæ acie prospecta, nullis signis collatis, tantummodo rumore, & fama, aduentus tui, fusa,

fusa, dissipata, fugata, velut apum examina, subito evanuisse. Quo quidem tempore nos cum maximis in cælum laudibus virtutem tuam tolleremus; tum salutem quoque Italix acceptam tibi referre non dubitabamus. Secuta est maritima expeditio in Africam; quod tu cum copiis cum traiecisses, Tinetum opulentissimam urbem primariam totius Africæ sobolem, atque genus magnæ illius, & vicinæ, desertæque Carthaginis, possessam à piratis, & barbararum gentium armis, copiisque ita refertam, ut capi non posse videretur, vi tamen, & virtute recuperavisti: maximosque Numidarum exercitus, qui obsessæ urbi auxilium ferebant, prælio collatis signis profligasti, partaque illustri victoria, & rebus compositis, cum dominatum omnium gentium illarum retinere tibi posses, urbem illam nihilominus, & totum regnum pristino Regi suo, qui illinc antea expulsum, in fidem, & patrocinium tuum confugerat, reddidisti. Eoque memorabili facto ostendisti, non virtutem solum tuam bellis invictam, sed fidem hostibus etiam sanctam esse. Quid dicam de classe illa maxima, & ornatissima, quam tu, & qui tecum præclaro fœdere tum coniuncti fuerunt, Paulus III. Pontifex Maximus (cuius semper mens, & cogitatio ad hoc sanctissimum contra barbaros bellum aspiravit) & Veneti, quibus paulo antè perfidus Turea fœderibus ruptis insignem iniuriâ apud Corcyram fecerat, comparaueratis? nonne cum opposita hostium classe navali prælio iamque esset dimicandum, tua classis iudicio omnium, & armis, & animis longè tum superior habita est? Quæ tam subito aduerso coorto vento, ad littora Epiri coacta est desistere. Cum nemini dubium esset, si prælio res potuisset decerni, quin se ad tuas partes victoria fuerit deditura. Nam illam alteram tuam contra Algerium urbem Mauritaniæ maritimam expeditionem in fortunæ casus consecuti sunt: ut videatur illa cum summi Imperatoris virtute, & sapientia venire in certamen, & pro laude, ac victoria pugnare voluisse. Cum enim illa urbs loco, manuque munita sedes esset, & receptaculum omnium prædonum, qui ex ea exire ad populanda littora Italix, & Hispaniæ, & eodem se referre omnibus è locis solebant: tu delendæ huius maculæ, & periculi Christianis nationibus depellendæ cupidus, eam cum maxima, & instructissima classe celeritate incredibili transmisisti: continuoque expositis in terram militibus, incenia adortus oppugnare coepisti. Cum pugnantibus fortissimè tuis, te ipso nulum locum consulendi, adhortandique prætermittente; iam pars montis superior, quæ oppido imminet, fugato præsidio hostium a cohortibus tuis teneretur, dissiderentque piratæ, & oppidani vim tuâ amplius posse sustinere, repente obducto densissimis nubibus ætælo, magnaque coorta tempestate; cum ingentibus

procellis maximi effusi imbres; reuocare te milites tuos ab oppugnatione, & quoddam classis nondum satis erat subducta; etiā compingere in naues coegerunt. Quo in tumultu cum perturbatē omnia agi esset necesse: caelo tonante de super: omnia conuolvente vento: pluuiis obruentibus, quis ignorat quā admirabilis tum virtus tua, quam cōstans animus, imperturbatusq; existerit? Cum tu discurrens in omnem partem milites tuos vndiq; colligeres, eosq; verbis consolare, & ad cōscendendum ante te cōpelleres. Quō illis tuta à tergo omnia tuo periculo, & diligentia pręstarentur. Quis tum non vidit? quis non cognouit? in illo infesto casu, qui pręter naturam illorum, consuetudinēq; locorum inopinatus acciderat, magni Imperatoris, Ducisq; virtute, acius etiam explorati in aduersis rebus, quā in secundis? Si is non armis deterritus hostium, non circumuentus consiliis: sed ea habens aduersaria, quibus vis humana obistere non potest, æquitatem nihilominus animi erga Deum, aduersus hostes fiduciam, in rebus turbidis consilium, iudiciūq; retineat? Quā omnia tum Cæsar tibi ita affuerunt, vt nullius spectatior vnquam virtus Imperatoris in victoria, quā tua fuerit in illa offensione. Nec verō ea in contentione tibi quidquam fortuna eripuit, pręter victoriam, quam tu de hostibus tuis propemodum partam iam habebas. Illud quidem in te eadem perfecit, vt perspicuum omnibus fieret, maioris esse roboris fortunā sapientia, quam armatos hostes prælio superare. Sed quorsum hæc: quorsum? nempe Imperator, vt rerum præclare à te, fortiterq; gestarum memoriam vsurpantes innouemur ad pristinam illam spem, quam de tua eximia in Christianam Remp. voluntate iam antē suscepimus: quā vna spe soliti eramus nitī. Sed eadem post nobis multarum concursu calamitarum, quas diuturnum istud, atroxq; bellum, quod tibi cum Galliæ Rege intercessit, populis Christianis inuexerat, fueratq; ablata, cum virtuti quidem tuæ, animoq; non dissideremus: sed de infelicitate nostra conquereremur, tamen si culpa erat illa nostra potius, quā infelicitas. Cur enim non apertē, planeq; confitemur? Cum innumerabilibus peccatis, & malis facinoribus, quæ in Christiano genere iam diu vigerunt, offensa Dei omnipotentis voluntate, & illius nos clementiam à nostrā prouidenda salute auertissemus; & tuam ille à commodis nostris procurandis facultatem. Neque enim hoc tu Cæsar ita voluisti, nos miserī vt essemus, nec tua ista pręstans natura humanitas, animique probitas hoc pari potuisset, sicut nec ad extremum quidem passa est. Sed tamen (etsi pręter voluntatem tuam) hoc tum nobis ex isto bello euenerat, nihil vt iam superesset, quod vel in vita, vel in fortuna, vel in ipsa Dei præpotentis religione tutum vsquam, aut stabile, aut integrum tenueramus. Iacebant

diuturne

diurno bello percussa, & prostrata omnia, quibus cultus vi-
 ræ, & humanæ societatis iura continentur: neque erat quis-
 quam tantum mali omnino expers. Italia, Germania, Gallia, Hi-
 spania, quæ solæ propemodum nobis, hoc est, populo, nomi-
 nique Christiano à furtis Turcarum verius dicam, quàm ab ar-
 mis (quid enim illi vñquam sua virtute potius, quàm dissensio-
 nibus nostris sibi pepererunt?) reliquæ erant factæ; gemebant,
 & afflictabantur vniuersæ: populi vbique exhausti: multæ, &
 magnæ vrbes direptæ; aliæ incendiis, aut deformatæ, aut euer-
 sæ; militaris ætas bellorum longinquitate consumpta, huma-
 nitas ex animis hominum assiduo vsu crudelitatis deleta. Et
 quod erat malum reliquum, quod in calamitatibus nostris non
 inellet? nullum certè videbatur. Cùm ecce perperuus ille hu-
 mani generis prædo, & acerrimus hostis, Satan, qui nunquam
 finit nos requiescere liberè, qui semper fraudes, semperque in-
 sidias nostræ vitæ, salutique molitur, amplam nactus occasio-
 nem inimicitiarum inter nos, discordiarumque nostrarum; &
 quodd in bonis terrenis nimium occupati, illa cœlestia haud ita
 appetebamus; genus quoddam hominum nouum excitaui-
 t, quod nouo item quodam crudelitatis genere Catholicam Chri-
 sti fidem, integritatemque nostræ religionis inter Christianos
 ipsos labefactare contenderet: & ad cætera tot, tanta, tamque
 intolerabilia mala; quibus hæc mortalis vita nostra premeba-
 tur, illam etiam, illam omnium teterrimam pestem adijcerent:
 vt spe cœlestium præmiorum exclusi, cùm hinc discederemus;
 quod omnibus in morte necessariò est faciundum, ne in Dei
 quidem misericordia, qua is propitius peccantibus nobis, sed
 implorantibus tamen veniam fieri solet, perfugium haberemus.
 Atque huius mali semina primum orta in Germania, deinde im-
 punitatem simul, & audaciam præbente hominibus cupidis re-
 rum nouandarum, hac tanta orbis terræ perturbatione, longè,
 lateque dispersa, Christianas ferè omnes provincias sic occu-
 pauerunt, vt ea fruticari vbique largiter, & maiora quotidie obsi-
 dere spatia oculis propè cernantur. Et ego, qui ita eram natus, &
 ab initio ita institutus, vt, cùm vitam omnem meam liberalibus
 primò studiis, deinde etiam sacris, religiosisque dedissem, illa po-
 tissimum valere semper cuperem, quæ de Deo, Dei que filio cre-
 denda à nobis, & sentienda, quæque item in legibus bonis, & ho-
 nestis moribus seruanda, & custodienda, sancta Ecclesia nobis di-
 uino spiritu edocta præstiuisset; cùm viderem illa contemni pas-
 sim, & repudiari, quo in mœrore eram? quàm grauiter fortunam
 communium temporum lugebam? quantis animi doloribus af-
 flictabar? Erat omnino tam varia, tantaq; acerba omnium malo-
 rum facies, vt quare potissimum angerer, statuere vix possem. Ca-

des siebant quotidiana; has meæ naturæ humanitas vehementer abhorrebat: direptiones, incendia, rapinæ; quid poterat cogitari atrocius? populorum oppressiones, pauperum hominū dispersiones, quibus præsertim opitulari non posses, tanquam vulneribus animum meum fodiebant. Neq; hæc oculis magis hauriebamus, quam auribus: nec spectata maiorem nobis dolorem inferebant, quam audita: præsertim cum vndique, & omnib. horis tristes istarum rerum nuncij ad nos perferrentur. Erat etiam noua species auxilij (si id auxilium, ac non initium exitij grauioris existimandum est) classis Turcarum velut ad præsidium Gallici litoris missa, speculatrix illa quidem nostrarū miseriarum, quæ non alterū ē vobis contra alterum adiutū, sed utrosq; perditos, & exterminatos cuperet. Nam quid aliud possumus de illarum impiarum, & barbararum gentiū crudelitate, perfidia, cupiditateq; sentire? Sed tamen in tam immensa mole malorum omnium, quib. Christiana Resp. premebatur, nullum neq; grauius me, neq; vehementius angebat, quàm fidei Catholicæ, & Christianæ religionis tanta perturbatio: quippe quæ illam etiam extremam spem, & expectationem pacati apud Deum, felicisq; perfugij nobis auferbat. Nā cæteris in rebus, quamdiu hanc in terris vitam degimus, gradus permulti sunt, quorum ex vno si excidas, queas in alio consistere. Fortunæ amissa sunt, nō desunt amici, qui te suis opibus, beneuolentiæq; sustentent. Hi quoq; si euauerunt, habes domestica pignora, quæ tibi in rebus aduersis tamen sint solatio. Enimuero tibi ista etiam, vel natura denegârît, vel fortuna eripuerit, cum incolumi sis corpore, potes noua tibi subsidia alicubi comparare. Morbo, & corporis doloribus, quod extremum iam incommodū est, iaceas oppressus: tibi sic affecto ipsa mors medicina putanda est. Quid? mortis ipsius, vitæq; amissionis, quam tamen summum malum complures nominauerunt, ecqua sunt solatia? reliquum vnum est duntaxat, & maximum omnium id quidem. Sed prorsus supremum, & vltimum, quodq; nisi obtineatur, tota res planè desperata est, quod ius, qui piè, & cum religione vixerunt, Christianeq; erga Deū fidem, sanctè, constanterq; retinuerunt, cœlum perpetuæ domicilium felicitatis est propositū. Vbi hi cum Deo omnium bonorum, & gaudiorum largitore, cumq; eius mundissimis, & præclarissimis comitibus, qui vel ab initio ortus sui in illa cœlesti regione constituerunt, vel ē terris postea Dei benignitate, suæq; ipsius innocentia, ac integritate in eadem loca sublati sunt, beato, & sempiterno æuo perfruantur. Hanc spem, leuamentum malorum, incommodorumq; omnium, quæ plurima hæc mortalis vita cunctis hominibus affert; quæque præcipuè nostra hac ætate innumerabilia, & maxima præpter iniquissimam conditionem temporum in nostrum caput fortuna coaceruauit; tu mihi

mihi nouator rerum, religionumque eripias? & cum labore, ac diligentia maiorum nostrorum, sanctissimorum hominum, qui ab Apostolis usque in hæc propinqua nostris temporibus sæcula continuata serie deueniunt, munita nobis, & plantata in cælum sit via; tu alios nobis calles, alias semitas communis? per quas, & breuius, & tutius ad eundem locum dicas posse perueniri? Primum qui es tu, qui hoc nobis proponere, & polliceri audeas? qua auctoritate vir? qua grauitate? qua doctrina? qua castitate vitæ? vt tibi noua quædam, & insolita inducenti, assentiri facile? & acquiescere debeamus? deinde noue omnibus apertum, & perspicuum est (id quod ne tu quidem vnquam tegere, aut dissimulare potuisti) te non quia de religione a nobis dissideres inimicum nobis esse factum: sed quod inimicitias antea aduersus nos suscepisses, ideo post dissidere de religione coepisse: vt non salutis communis studio, neque intelligentia verioris boni: neque verò ob eam causam, quod hominibus suaderes, quæ putares esse sanctiora; sed iracundia; sed contentione; sed odio nostri ordinis, cupiditateque detrahendi, ad tantas in fide Catholica seditiones excitandas compulsus sis? In quo fatendum, ac ingenue est, quod negari nec potest, nostra tibi vitia, variaque peccata, quæ in natione sacerdotum permulta iam increbuerunt, ansam, facultatemque præbuere, vt eis coarguendis, & in inuidiam apud populos, crimenque vocandis, populariter agere, & alienare animos hominum ab honore sacerdotij posses. Quod tu non tamen ex Christiana charitate fecisti: neque piis in eo præceptis Christi paruisti, cum, si eius leges, & mandata seruare voluisses, probi sacerdotes amandi tibi fuerint, improbi potius docendi; ipsum autem sacerdotis, quoquomodo quidem cætera se haberent, sancti, & inuolabile apud populos retinendū. Quod si etiā aliquo non magno discrimine, neque nostræ æternæ vitæ, salutisque periculo notaretur aliqua res earū rerum quidam, quæ ad veritatem religionis pertinet, possemus forsitan dissimulare, & tacere. Nunc, cum veritas nobis in iis rebus vitā, falsitas verò mortem cum miseria æterna afferat, ego ne perpetuū tot sæculorum consensum, tantam auctoritatem Catholice Ecclesiæ deseram: tibi v absentiar, qui neq. in vita, neq. in doctrina eximium quicquid, aut singulare possides, quod etiam si possideres, nunquā tamen tanti cuiusquam auctoritas esset, vt en auctoritati Ecclesiæ deberet se opponere. Semper n. qui legib. Ecclesiasticis subiecto animo paruissent, doctiores hi multo, & sapientiores habiti sunt, quàm qui nouis institutis, inuertisq. doctrinis peruertere illam, & commutare sunt conati. Nam, si in hoc continenti mille & quingentorum annorum circulo, ex quo Dei filius humanum corpus assum-

psit, Catholica perpetuò Ecclesia eundem sensum, eandemque fidem de diuinis rebus seruante, ac retinente, quamplurimè òn-
 storum coetu, ipsius præceptis Ecclesie instituti, aditum sibi in
 cælum inuenire meruerunt; quid est, cur nos ab illa tuta, & iam
 explorata via discedere nunc debeamus? Sin autem nemo adhuc
 exiit, qui causam rectè cognosceret religionis, eamque nunc pri-
 mum isti ostendere nobis, aperireque coeperunt; est ne quod cogi-
 tati possit indignius, quòdue magis impium, quàm senatorem
 nostrum Iesum Christum, mentem, consilium, & sapientiæ sem-
 piterni patris sui Dei, tantò prius, quam oportuerit, quamque
 humano generi expedierit, in crucem sublatum, & mortem per-
 pellum esse? Cùm hoc diuinum illius in omnes mortales benefi-
 cium, qui morte eius vitam ipsi adepti sumus, tam multis dein-
 ceptis sæculis sterile sui fructus fuerit futurum? At primi id optimè
 senserunt; nos prolapsi sumus: non in decretis quidem, non in
 sententia fidei, non in opinione, assensuque veritatis. Aliqua
 fortasse in moribus labes facta est, cui decuit alia subueniri ratio-
 ne, alio provideri consilio: omnia quidem certè agi ita oportu-
 it, vt Christianæ tamen vnitatis vinculum inter nos ne descin-
 dereur. Sed hæc, quæ clariora sunt, quàm vt ambiguitatem reci-
 piant, omittamus: ad illa redeamus, quæ nobis à principio
 fuerant proposita. nempe quòd cùm tam misero esset in statu
 Christiana Respub. nec illi extremum vix spiritum trahenti, alia
 re vlla, quàm pace vestra inter te, Cæsar, & Regem Gallie ferri
 subsidium posset, repentè, nec opinato clemens, & misericors
 Deus res desperatissimas, animosque amborum vestrum dissen-
 tientissimos ad pacem, ad concordiam, ad pristinam intervos
 beneuolentiam, charitatemque adduxit, vt cùm spem omnem sa-
 lutis nos penitus abiecissemus; tum maximè sperare, & erigere
 animos inciperemus. Et solent quidem huiusmodi esse Dei om-
 nipotentis dona, opinionibus inexpectata, temporibus oppor-
 tuna, magnitudine immensa: vt nobis tum præcipuè, cum viri-
 bus nostris, consiliisq; diffidimus, bonitas diuina subueniat: quò
 omnis ei à nobis gratia, omnisq; nostra salus accepta referatur.
 Sed, quoniam id quoque fuit necesse, vt amborum Regum men-
 tes diuinis sponte inspirationibus consentirent: iisq; ambo con-
 sensere: est quidem vterque vestrum egregiam laudem meritus:
 sed tua, Cæsar, in hac re præcipua fuit gloria. Tu enim pacem,
 & bellum in potestate habebas, & viro te dedisses, eò te fortunam
 sequi Reip. erat necesse. si bellum maluisses, vt semper esset mis-
 era: sin ad pacem te inclinasses, tum vt suorum ornamentorum (si qua
 ei tamen reliqua adhuc sunt) retinendum, aut etià recuperan-
 dorum, quæ plurima illi sunt amissa, spem aliquam concipe-
 ret. In qua ancipiti futuri euentus expectatione cùm vehemen-

ter animi penderemus, essemusque tamen ad metuendum, quàm ad sperandum propensiores; aut si id, quod res est, apertius est dicendum, timor plane in eo spes nostras obrueret, subito, & inexpectato Dei immortalis munere, tua te ad hanc optimam partem, Carole Cæsar, inducente prudentia, pietate, virtute, laxissimus confectæ pacis nuntius per omnes oras, regionesq; Galliar, Italiar, Germaniar, Hispaniarque cucurrit. Quo nuntio excitati animi cunctorum sunt: & ad cælum omnes cum voluptate intuendum vultus suos erexerunt: quos antea timor, & omnium verum desperatio in terram illis delixerat. Atque ego non dubito, quin tu hac semper mente, & voluntate fueris, ut per te potissimum velles communi Christiani nominis saluti esse cõsulturn. Quid enim aliud tua illa inuicta toties iam arrepta contra hostes fidei Christianæ arma nobis indicabant? quid classes? quid exercitus? quid tantum ipsius corpus, terra, atque mari omnibus sæpe periculis expositum à te, atque obiectum? nisi te ea semper cogitare, moliri, agere, quibus maximam gloriam tuam cum summa Reip. utilitate coniungeres? Quanquam, quod dixi non dubitare me, rectius nunc dico, mihi plane fuisse cognitum, cum non coniectura mihi res pendenda sit; sed isti tuæ optimæ, præclarissimæque voluntati penitus sim conscius. Qui quidem tecum, & Niceæ bis: cum tu eò, & Rex Galliar Franciscus, Paulo Pontifice Maximo vocante, ob causam agendi de pace convenissetis: & Bullæ semel in Placentino agro: quò te eiusdem Pontificis rogatu contuleras, congressus, in varijs, multisq; sermonibus facile perspecti, nihil te habere consilijs tuis magis propositum, quàm exactionem barbarorum, restitutionemque veteris Imperij, & Christianæ religionis propagationem. Quarum rerum pulcherrimarum, atque amplissimarum conatum, atq; curam, cum magno quidem tuo cum dolore, hæc tibi cum Rege Gallorum dissensio suscepta impediret; recordor me cum multa tibi suavisse, quæ pertinebant ad pacem; tum hoc imprimis dixisse, constanterque affirmasse, non posse mihi persuaderi, quin te vnum Deus ex tam multis principibus, qui tot antè fuere sæculis, legisset, per quem vellet honorem sui nominis, & inter Christianos sanctis moribus reducendis, & inter barbaros impietate excidenda, ubique propagari: cum is tantam Imperij potentiam, cum tanta in te, & magnitudine animi, & prudentia copulasset: neque credibile esset rebus Christianis, & extrinsecus, & intra iam profligatis, & prope perditis, quin meditatum, & paratum iam afforet ab ipsius Dei provida, & misericordi mente, in te, & in tua virtute, auctoritateque præsidium. Quamobrem te hortabar, ut ne tempus amitteres: & cum noßes hoc tam præclarum de te Dei omnipotentis iudicium, cum eo Rege bello ne contenderes, quo cum

tibi arcta affinitas iam esset: summæ autem benevolentia, summæq; necessitudinis charitas facile coire inter vos, & conciliari posset: in eos autē hostes tua arma conuerteres, quos nec amicitia tibi adiungere propter illorum impiam contra sanguinem, & nomen nostrum crudelitatem: nec fœderibus obligare, propter eorundem perfidiam posses: & qui præcipuè te ipsum proprijs iniurijs sæpius iam lacessissent. Quibus tum meis suasionibus, & precibus inemini te Imperatoria illa tua gravitate decentem leniter admodum, & sedate respōdere: Cum hæc diceres, summum quidem tuum studium, summamq; cupiditatē semper fuisse bello barbaros, & Turcas insectādi, eiusq; tui animi satis multa te existimare signa, atq; indicia Christiano nomini abs te fuisse data. Sed tamen nō posse in præsentia pati dignitatem tuā, cum te Rex Galliaë imparatum, & absente, & propter inducias, quæ inter vos fuerant dictæ, nil tale suspicantem, improvise bello lacessisset, nonnullaq; tuæ ditionis oppida subito adventu suo occupavisset; ut tu eam iniuriam placato animo ferres. Cum si id ita faceres, quasi vlciscendi, & vindicandi tibi non esset facultas; & inimici tui animos aucturus, & in tua existimatione maculam contrahaturus esses. Multa præterea dixisti, cur tibi tunc firmam, & veram pacem cum eo sperare non liceret. Quæ ego audiens quidem diluere conabar, veneram enim à Gallica Legatione recens, quōd me Pontifex Maximus pacis suadenda gratia ad illum optimum certè, & omni humanitate ornatissimum Regem miserat: illius animum perspexeram: à studio pacis cum non alienum intellexeram. Quæ cum commemorate, & persuadere cuperem, necesse mihi ad extremum fuit orationis gravitati, & firmitati tuæ voluntatis cedere: tantum discedens tibi dixi, dolere me quidem pervehementer, quōd exoptatos fructus præstantissimæ virtutis tuæ istis sociales inter vos discordiæ nobis interrumpere: sed tamen, quōd spe certissima tenerer non frustra te à Deo talem, & tantum Principem nobis tributum esse, sed ut esset qui Christianos populos à barbarorum iniurijs, contumelijsque defenderet: facturum me (quod in me esset) ut assidue dies, & noctes omnipotenti Deo pro vita, & salute tua supplicarem. Quod feci, Imperator, & facio, tantoq; posthac amantius, & studiosius facturum sum, quanto intelligo, pace inter vos constituta, & meorum exitum votorum quotidie magis, & tuæ in nostra salute stabilienda speratae laudis appropinquare. Sed, quod dicebam; cum abissem a te moerens, mihiq; ob animum tua durior quidem illa, quam tum tibi debere esse videbarur, belli cum Rege Galliaë gerendi deliberatio versaretur: non tamen vidi, id quod si videre, & perspicere potuissem, non ego humano, sed divino quodam ingenio fuisset præditus: parq; (quod optandum est magis, quam sperandum)

randum) tuæ incredibili sapientia mea mens exiitisset: non vidi (inquam) involucrium abstrusum, & multiplex, prudentissimarum cogitationum tuarum, quæ cum eodem omnes intenderent, quò nos cupiebamus: cum tibi hoc unum esset maximè semper propositum, ut propugnationem populi Christiani aduersus Turcas susciperes, itinera tamen, atque vias, quibus ad illius consilij exitum posset perueniri, tu solus acutissimè cernebas: nos ignorabamus. Fateor, Carole: non dissimulo: lauit me altitudo, & consilij, & animi tui; quæ ne nunc quidem mihi satis perspecta esset, nisi eam exitus ipsi rerum patefecissent. Itaque quod solebamus sæpe, aut cum alijs loqui, aut per nos ipsi sentire, cum de te, deque tuis rebus gestis mentionem haberemus, quod in omnibus fere cõgressibus, & circulis contingebat, donatum esse a Deo nobis Principem, cuius similem alterum vix vlla vnquam habuisset ætas: consilio præcellentem, belli armis inuictum, nihil animo concipientem, nisi quod altum, quod insigne, quod gloriosum existeret: tum humanitate, continentia, cæteris virtutibus singulariter ornatum: quæ quidem summum Principem virtutes, Imperatoremq; deceant, quique magna iam indicia virtutis suæ, & erga Deum pietatis populo Christiano dedisset, pro cuius Dei nomine, honoreque tutando, tot iam aduersus barbaros bella suscepisset; toriens mare transisset: tam præclaras domum victorias reportasset: Constantinum illum primum, aut Theodosium, aut illum etiã ipsum, qui vestri generis, & nominis fuit auctor, Carolum Magnum videbamur tantquam de cælo nobis redditum, & restitutum in te possidere: quin etiam maiora de te sperabamus, quàm de illo accepimus. In hac tanta commemoratione laudum, virtutumque tuarum inerat tamen quiddam, quod desiderabatur. Nosti enim, Cæsar, hominũ mores, atque ingenia: quò plura, & maiora in quopiam ornamenta conspiciunt; hoc magis ad requirendum, si quid abest, conuertuntur. Nec vero in tanta luce laudum tuarum, quæ te circumfulgebant, quicquam poterat esse non apertum, quod dissimile esset paruum cæterarum. Lenitas quædam in te maior, & clementior animus ad deponendas offensiones requirebatur: ut cum sociales discordias Reip. condonares, ad gerenda sanctiora, & magis necessaria bella expeditior fores. Cuius quidem communis pene nostrum omnium opinionis de te, & iudicij nunc me vehementer pudet. Clementiam ne in te nos, & placabilitatem quærebat? aut hæc eximia virtus in tuis tot cæteris ornamentis te vna deficiebat? Tu ista natura, isto genere, isto animo, ista sapientia ferus, & implacabilis esse posses? quid essent, Cæsar, reliquæ tuæ virtutes tantæ, & tam multe, nisi tu eas humanitate, clementiaque condires? Nam arma quidem trahita-

re fer.

re fortiter, gerere res constanter, terribilem esse hostibus, inuictum in rebus aduersis, acrem, & persequentem in secundis, complures veterum ducum, atque Imperatorum, & studuerunt, & valuerunt. Illud, illud in paucis fuit admirabile, illud laudandum, si qui extiterunt, qui in magna fortuna mite ingenium, & moderatum animum potuerint retinere. Cuiusmodi fuisse illos accepimus, quos paulo ante ex tam magna copia tam paucos commemorauimus. Ex quibus præcipue Carolus, cuius tu & nominis, & Imperij hereditatem, tot sæculis post assecutus es, tanta & pietate erga Deum, & benignitate aduersus omnes, qui ad eum adibant, fuisse dicitur: ut cum plurima, & maxima bella Christianæ propagandæ religionis causa confecisset, plures gentes tamen propter humanitatem eius, quam propter potentiam ad fidem Christi confiterentur se esse conuersas. Hunc igitur cum habebas specimen, & exemplum vitæ bene dirigendæ, immitis tu, & inhumanus esse possis? res ipsa indicauit, cuiusmodi fueris: qui cum intulisses Galliæ bellum, longèque introrsum cum tuis copiis in eam penetrasses, ad Lutetiæ Parisiorum mœnia propius accessisses, magnis iam rebus gestis, compluribus munitissimis oppidis, vi, & oppugnando in tuam ditionem redactis, inquam Francisco Rege singulari virtute, ac vigilantia omnibus tuis conatibus obistente: tamen cum a spe victoriæ tua opinio non abhorreret, ut primum tuæ existimationi satisfactum esse dixisti, sensistiq; tempora Reip. hoc postulare, nec commune Christianarum gentium salutem vestra huiusmodi dissidia amplius perferre posse: præter omnium mortalium spem, & expectationem repente pacem cum ipso Rege Galliæ, hoc cupiente, & optante complexus es, atque eiusmodi pacem, per quam non vetus modo vestræ necessitudinis sanctitas renouata, sed magnis accessionibus charitatis, & amicitiae aucta etiam, & cumulata esse videatur. Quid ergo est? cur hoc idem cum posses, de principio non egisti? cur tantum moræ, tantum formidinis, tantum malorum, & periculorum intercedere passus es? in quo nobis orantibus, & supplicantibus, ut pauld ante dicebam, videbaris esse durior? Patere, obsecro, Cæsar, tuas a me cogitationes explicari, & illa alta, magnificaque consilia, quæ in intimo pectore admirabilis tuæ prudentiæ inuolucris tegebas, in lucem proferri: si tamen hoc, nec tua Maiestate indignum, & fructuosum cognita omnibus futurum est. Neque enim est vlla disciplina præstantior, quam ea, quæ ex optimi Principis consilijs, atque factis, non solum homines ingeniosos, & bonos, sed ipsum etiam vulgus erudit. Ita igitur cogitasti. Cum talis esses, tantusque Princeps, & is, qui amplissimam tuam potestatem magnitudinis semper animi, fortunam virtute superauisses, non posse dissimulari

abs te,

abste, inultumque dimitti, quodd te Rex Gallia inexpectato bello lacerasset. Quid ergo : ita ne vindicare parabas, ut sanguinem, & vitam Regis necessarii peteres ? Minime. An illo expulso è Regno, & exurbato, ex calamitate illius crescere, & opes tuas amplificare volebas : ne hoc quidem tibi fuit tum propositum. Quæ igitur causa, quæ ratio tam implacabilis dissidij : Cum Paulus Summus Pontifex, missis ex nostro amplissimo sanctæ Romanæ Ecclesiæ Cardinalium ordine ad te, & ad Galliæ Regem Legatis, ad pacem utrunque vestrum hortaretur, egoque tum Legatus ad Christianissimum Regem venissem, animumque illius ardentem dolore, & iracundia, quodd legatos suos contra fas (ut aiebat) à suis interfectos querebatur : eamque sibi causam capiendorum armorum fuisse dicebat, multis tum rationibus ad studium pacis, concordiaque flexissem, in quo (dicam enim libere id quod cognovi, & senti, nec laudibus maximi Regis fidei meæ testimonium denegabo) visus est mihi Rex ille, ad summum, excellensque ingenium, quo largiter à Deo, & à natura est instructus, summamque omnium rerum peritiam, quæ res vel ad pacem, vel ad bellum pertineant, tantam adiunctam habere probitatem animi, & erga Deum veram, certamque religionem, ut dignissimus illo regali fastigio, indignus ea dissensione, & discordia, quæ illi tecum erat, ab omnibus iudicandus esse videretur. Cum igitur ex una parte res essent paratæ, Rexque Franciscus pacem æquis conditionibus non respiceret, quarum ille conditionum Pontificem Maximum arbitrum, & moderatorem esse volebat. Cum ego proximo hoc tuo in Italiam aduentu, tecum congressus multis verbis suavissem pacem, cunctique te rogarem, omnesque & noti, & ignoti hoc idem à te peterent, nec videretur Christiana Respublica multatam lacerata, atque vexata immanium Turcarum non virtutibus, sed furis, sine pace vestrum, & sine concordia posse consistere : tu tamen celans animi tui arcanum, quodd salutare, & commodum Reipublicæ Christianæ ipse intelligebas, te inexorabilem cunctis præbuisse, omnium preces tua perseverantia oppræssisti : confirmasti te bello iniurias tuas persequiturum : confluxisti maximos exercitus : armasti, cum omnes tuam lenitatem requirerent, illamque vim, & imperum incitati animi tui in Turcas potius confluxerit omnibus votis expotere. Quem tamen eundem finem tu te tibi, neque alium prorsus ullum, in illis armis, delectibus, totoque apparatu bellico proposueras. Non enim bellum contra Galliam suscipiebas, ut nationem illam & religiosam, & sortem funditis euerteres : nec iniurias tuas eo animo ultum ibas, quodd eas isti sanguine Christianorum velles, sed quodd nominis tui ingens, ampleque auctoritas, si contumeliam lento animo tulisses, in suspicionem humilis, & demissi animi videbatur venire, præ-

sertum

sertim apud Turcas, qui insolentiam, & iactationem, fructumque
 altioris fortunæ cum statuunt; hanc Christianam mansuetudi-
 nem, & placabilitatem, sanctæque cœlestis doctrinæ præcepta
 non agnoscunt. Quod igitur aduersus illos terribilior exurgeres,
 cum hi viderent te nulla vi, nullo periculo, nullo labore frangi,
 quominus hostes tuos omni ope, omni que opera, nunquam de-
 fesso animo persequerere: iecirco Gallica expeditio à te suscepta
 est, non oblectamentum iracundiæ tuæ, sed firmitamentum au-
 ctoritatis. Atque hoc illud fuit, in quo nos decepti sumus. Non
 enim tam profundè nostras cogitationes immerimus, vicit que
 in eo sapientia tua omnium hominum prudentiam. Nam nos
 pace tibi cum Christianissimo Rege facta, cum paratas copias,
 & omnia tibi prompta ad gerendum barbaricum bellum putare-
 mus; tu altiore multo, abtusiore que consilio, si studium tuum
 ad nostra studia tunc accommodasses, maximum tibi bellum in-
 strumentum, & certissimum pignus futuræ victoriæ, auctori-
 tem absutram intelligebas. quæ certè iacturam, & diminutio-
 nem esset passa, nisi & nos, & ceteri, & omnes denique homi-
 nes, ipsique in primis Turcæ ipso euentu rerum docti perspexis-
 sent, quicumque tuam dignitatem violasset armis, eum de Impe-
 rio tecum etiam, & de vita esse dimicaturum. Hanc auctori-
 tem igitur, ut ea tibi salua, incolumisque maneret, omni cum cu-
 ra prouidisti, præsidiumque fortissimum tuæ potentia, dignita-
 tis, nominis, asserre aduersus hostes tecum voluisti, sine quo ni-
 mirum res magnæ geri non possunt. Nam quod ad potentiam
 attinet, imperas tu quidem, Cæsar, fortissimis nationibus, cæ-
 que prouinciæ, quæ semper viris, semper animis excellere iudi-
 catæ sunt, Italia, Germania, Hispania, tibi dicto sunt audientes:
 ex quibus, legere optimos milites, quales ex reliquo orbe terra-
 rum non queant legi; magnosque ex illis conficere exercitus:
 possidere clasibus maria: suppeditare copias, & commeari pos-
 sis. Veruntamen ista, nisi tua insigni prudentia, consilioque re-
 gerentur, ad bellum per se gerendum non satis essent idonea.
 Animo enim opus est, qui ista omnia gubernet; & prouido, & sa-
 piente: quibus tanquam acies gladio, sic ille copijs, apparatus,
 potentia, vim, & acumen præbeat. Ipsa vero prudentia, quæ se-
 me domina est rerum cæterarum, & quæ, in quocumque Principe
 inest, magnū cum bonis, & venerabilem, formidolosum impijs,
 atque improbis hominibus facit, quam in te Imperator summam
 esse, & singularem cernimus: quæ quamuis polleat vehementer
 in omnibus rebus humanis, tamen ea quoque interdum fortunæ
 subiecta est: præsertim si cum audacia, & cum temeritate veniat
 in certamen: quod sæpe in bellis accidere est necesse. Non enim
 raro consideratissimi Duces à proiectis, & præcipitibus superati
 sunt:

sunt: & sunt tamen aliquando apud Barbaros nonnulli, qui sua consilia nostris consilijs opponant. At vero hæc, de qua iamdudum loquor, auctoritas, quæ est de tuo insuperabili ingenio, de quæ insatigabili in contentionibus omnibus animi virtute, cum magna celebritate, & gloria tui nominis, in animis gentium impressa opinio: hæc inquam ea ipsa est, quæ te non inuictum solum, sed terribilem vltro hostibus tuis facit. Quam tu, quod reiecis superiore anno precibus omnium nostrum, consilijs, quæ de inuicenda cum Rege Gallorum concordia tibi proponebantur, posthabitis, gerendo potius bello seruare tibi incolumem voluisti: nimirum plurimum vidisti, maximumque propugnaculum tuæ existimationis, & nominis nõ restituiti modo, verum etiam audius, muniusque reddidisti: cum tamen iniurias tunc acceptas commemorans, & obstinatum animum vliscendi præ te ferens, asperitatem quidem in verbis, atque vultu, in animo autem clementiam, & humanitatem contineres. Quæ fuit ratio (vt antea dixi) nobis quidem omnibus abscondita: sed tua, Cæsar, insigni prudentia vehemèter digna. Non enim Christianam Rempublicam sedebas, vt quibusdam forsitan videbare: sed pro Christianæ Reip. salute seueritatem illam suscipiebas, maiorisq; boni nobis conciliandi causa; minus illud bonum tunc negligendum ducebas. Et reuera nullum neq; maius, neque præstantius Christianæ Reip. potest esse bonum, quam auctoritas, Cæsar, tua, & iste animus, quo eam totam conferre in barbarorum excidium, & restitutionem veteris Christianæ dignitatis vis. In quo opere profecto sancto, & commemorabili, illa tibi futura est & acies fortissima, & exercitus robustissimus: non enim vnquam auctoritas vincitur, nec potest ipsa non vincere: quippe quæ vel procul, & antequam veniat aduersarijs in conspectum, ipso rumore, & nomine bella conficere soleat, eripiatque hostibus, & consilium, & audaciam: vt cum audierint armatum incedere contra se Principem illum, Imperatoremque, quem sciant eo animo bella suscipere solere, vt aut vincere ipse, aut omnia abicere sit paratus, qui sibi confidat, nullum noscat timorem, concedat omnino nemini, fortunæ ipsi non succumbat: atque hæc non temeritate, nec subita concitatione, sed consilio agat, sed sapientia, sed magnitudine animi, sed longo vsu bellorum, in quibus iamdiu sit multis, & magnis non expeditionibus solum, sed victorijs eruditus: concidant statim animis, orbentur omni consilio, casumque propinqui periculi sui vehementius perhorrescant. quos nunc sic affectos tua ingens auctoritas, paxque cum Christianissimo Rege, maximo in nos omnes Dei omnipotentis dono opportunissime facta, sine ulla dubitatione tibi traditura est. Quamobrem, Carole Cæsar, honore Imperator, virtute verè Auguste,

cogita

cogita iam ipse, quid tibi deinceps sit ad deliberandum; & ad gerendum reliquum. Quanquam quid, ut cogites, peto? quid, ut ipse tuimet memor sis, postulo? quod enim vnam consilium magnanimum, & sapiens à tua ista mente, & cogitatione abfuit? Sed, quo solemus modo agere erga Deum, cum quid illum iam certum quid facturus sit, cum precibus tamen, & cum pietate poscimus: eodem agimus erga te; ut Christianæ Reip. extremo illius tempore, & extrema pene iam necessitate subuenias. Hoc quidem ipse ita cogitas: hoc habes propositum tibi, & constitutum: sed tamen liceat nobis implorare opem tuam: liceat commiserari dolores nostros: liceat vulnera detegere, quibus afflicta Resp. & lacerata est, nec tu ea non cernis: quis enim acutius, aut altiore ex loco prospicit? sed ideo nos illa proferimus, quò tu in illis vindicandis non solum spectes gloriam tuam, sed salutem etiam nostram. Et sane in primis sanctæ religionis causa à te est suscipienda. Cuius moderatur quidem, & arbiter Romanus Pontifex esse debet: qui suam huiusce rei voluntatem etiam bis indicto Christiani nominis concilio est testatus. Sed sine præsentis ope tuâ; sicut re ipsâ perspicuum factum est: nihil neque institui rectè, nec ad optatum exitum perducere potest. Huc igitur in primis animum tuum conferas, & conuertas oportet. Hæc enim causa ea est, in qua (nisi fallor) ceteræ quoque causæ, quæ ad communem salutem constituendam pertineant, cunctæ complexæ sunt. Averso enim à nobis propter istas innumerabiles dissensionem, quas ipsi de eius religione habemus, siue dubio Deo, qui vnitatem, & consensum præcipue à nobis postulat, quid potest reliquis in rebus remanere apud nos inuiolati, atque sancti? Itaque & ius iamdudum è moribus hominum exterminatum est, & iniuria introducta, tantisque simulationibus, odijs, suspicionibus, insidijs referta hominum vita est; ut eius bene agendæ, neque ordinem rectum iam, nec modum inueniamus. Quæ tot mala, tamque pernitiola, si vere, & sancte, sublati dissidijs religio constituta fuerit: neque ea solum in rectis opinionibus, sed in bonis etiam, ac ipsorum præsertim sacerdotum moribus restituta, sicut nebula oriente, & se attollente Sole, sic illa Deo ad nos clementibus iam oculis, & serena fronte conuerso, è vestigio dissipabitur: lucemque nobis integram, puramque relinquent. Neque tu hoc tibi, Cæsar, graue, & laboriosum esse duxeris. nō est in disceptationibus, nec in controuersis, omnia, quæ ad veram Dei notionem, verumque cultum pertinent (in quo quidem vno nostra perpetuo salus sita est) singulari maiorum nostrorum prouidentia, & Spiritus sancti ope, qui semper Catholica Ecclesia comes affixus est, sanctissimis decretis, & præclarissimis legibus sancta sunt. Qua ratione nos gerere, quod ceteris exemplum

vita bene, pieque agendæ in nobis ipsis constituere: quæ de Deo sentire, & de diuinis rebus debeamus, iam diu est nobis diligentissime, ordinatissimèque præscriptum. A qua præscriptione qui discesserunt, miseri ipsi & errantes, qui agunt, & egerunt, ut alij quoque discederent, ii impij merito semper sunt iudicati. Nec verò in altercationibus, & dissidijs inter nos: sed in charitate, mutuaque benignitate, beata à Deo nobis, & immortalis vita est proposita. Quam ob rem non erit hic tibi mora, aut durior aliquis labor, quominus recipere te celeriter ad bellicas curas, & cogitationes possis. moribus enim correctis, sacerdotumque potissimum, quorum inuidia tot, & tam perniciosè vbique turbæ, præcesque seditiones concitatae sunt, omnibus fiet iam discordijs, & dissensionibus finis. Et qui nunc acerbè admodum, & pertinaciter inter se dissident, in vnum omnes sensum, vnamque voluntatè conspirabunt: quæ vera, & propria Christiani nominis est professio. Atque huius quidem præclari muneris, atque operis Romanus Pontifex, dux, & auctor futurus est, pro loco, pro honore, pro ea auctoritate, qua ab Deo est munitus: sed tua quoque voluntas, Cæsar, & Galliarum Regis tecum, vehementer est necessaria. Vos epim duo ij estis, quos populo suo Deus gubernatores potissimum præfecerit, & magistros: quorum Imperium, & auctoritatè reliquos Christianus orbis sequatur: qui antea vestris discordijs omnia perturbabatis, iidem nunc in vnam sententiam, vnamque mentem conuenientes, tanquam conflatis amore, & beneuolentia animis, omnia estis in integrum restituturi. Quid enim aliud nobis polliceri debemus ex ea pace, quam siue dubio inter vos, non vlla humani consilij, aut ingenij vis, sed Deus ipse, ipsemet (inquam) Deus, salua dignitate vtriusque vestrum constituit? Non ne futuram eam, & stabilem, & sanctam? non ne communia vobis consilia, quæ ad salutem publicam spectent, omnia futura? non ne animos vestros (quod ex magnis inimicitijs accidere interdum solet) sicut paulo ante vehementibus odijs arserunt, sic pari nunc beneuolentia, & munus flagraturos? præsertim cum Deus ipse suum opus, suum munus, suum beneficium tutaturus sit: cum nihil posthac videatur posse accidere, sublatis omnium iam discordiarum causis, quod dissidium inter vos, contentionèmue commoueat: cum tu, Cæsar, plabissime, & certissime, pro tua admirabili prudètia iam nunc illigas, quanto expeditior, & paratior ad illa tua magna consilia exequenda futurus sis, adiuncto tibi per amicitiam Christianissimo Rege, quam eodem odijs, dissensionibusque seiuncto. Qui quidem Rex iam etiam tecum, non vno, neque simplici, sed pluribus vinculis copulatus sit, affinitatis olim, nunc etiam & fœderis, & sententiæ, & fortunæ ornatissimus Rex. Credas mihi hoc velim,

Cæsar, non enim res mihi ignotas profero, quæ etiam si dubie essent, nequaquam à me pro certis commemorarentur, sed vidi, sed interfui, cum mansissem apud illum aliquot mensibus Pontificis Maximi, sedisque Apostolicæ Legatus, hancque ipsam pacis actionem cum eo, causamque tractassem: ille (inquam) mihi mirabiliter satisfaciebat. Habebat tum arma in manibus, viribus suis fidebat, dolore aduersus te, & ira commouebatur: & tantam sibi à tuis contumeliam in suis Legatis impositam nimis retulisse negligenter conquerebatur. Sed tamen in illo tanto motu animi, & iracundiæ impetu sæpe flecebatur ad audienda consilia pacis. quam ego nactus opportunitatem Regis rationi magis, quam iracundiæ obsequentis, illius ingenio, & prudentia fretus, quæ is insigni, & magna præditus est, eò tandem rem deduxi, vt ille ad extremum Pontificem Maximum arbitrum iuris sui, & omnium controueriarum, quæ inter vos essent, iudicem, moderatoremque statueret. Sed in quo intimos eius sensus ego penitus perspexi, posteaquam non alienus à studio pacis esse cepit, quotiens ille inter suos de hac pace vestra, & reconciliatione pristinae gratiæ loquebatur? quotiens cum gemitu declarabat dolorem suum? quod vestris illis tunc odijs, & discordijs in vltimum discrimen Christianæ Reipub. prope salus decidisset? quantopere optabat, quam cupiebat: vt ambo vnâ animis, studijsque coniuncti, depositis inimicitijs ea gererentis, eaque susceperentis, quæ essent vestra quidem potentia, vestraque fortuna: sed multo magis honori, nomini, virtuti que consentanea? quod nunc ira factum esse, vestrasque mentes in vnum, & eundem sensum amore, concordiaque coisse, & Deo immortalis meritis, debitasque gratias, quantacunque à nobis concipi, & haberi possunt, & tibi, Imperator, maximas habemus. Et si enim Christianissimi Regis grata nobis voluntas, & animus est probatissimus, tibi tamen, in quo pacis, & belli summum arbitrium inest, quod saluos fore nos possumus iam sperare, referimus acceptum. Tuum est enim hoc beneficium, Cæsar, tua gratificatio, tuum munus: tua in omnes populos nunc se clementia, & bonitas effudit, quod pacem Christianis populis præbuiti: qua non solum homines, sed nimirum pecudes, agri, rectaque lætantur. Quod si tui es, qui magnitudinem animi tui spacijs, regionibusque terrarum; nominis autem famam tempore aliquo definires: & satis multa iam extarent tuarum clarissimarum virtutum indicia, ac monumenta; & nos hoc singulari pacis per te nobis redditæ beneficio contenti in presentia essemus. Communi enim salute (quod ad tollendas inrestinas discordias attinet), per tuam nobis prouidentiam constituta, cetera, quæ supersunt gratia illa quidem, atque magna, Dei consilio, & futurarum rerum cunctibus

eibus permitteremus. Sed cum nec tuus iste animus plenus maximarum, pulcherrimarumque cogitationum conquiescere possit, donec ea pariat, quæ iamdudum illi cōcepta sunt. & tua semper consilia spectauerint æternitatem, nec se ullis temporum curricula circumscribi passa sint, quid est iam, Cæsar, quod tibi aut nos subijcere, aut tu per te capere, & deliberare possis: nisi illud extremum tanquam portum, ut navigationum, sic præteritarum actionum omnium tuarum, ut terminos Imperij. & magnitudinis tuæ, in Turcarum, & Barbarorum regna promoneas, quæ ita tuæ virtuti, atque laudi cum nostra omnium spectum Dei providentia reservata sunt, ut de diuino consilio certè dubitare non debeamus. Quid enim fuit, quod illius Imperio, & ditione inter nostrarum occasiones discordiarum ijs aliquot iam annis vehementer auctis, Ægypto ad veteres eorum opes adiuncta, Persis summotis, Illyrico vexato, victis, & subactis Pannoniorum fortissimis gentibus, quas armis suis sæpenumero ante lacescitas, neque vnquam domitas, audita pridem Cæsar, te penè inspicente, ante oculos (inquam) propemodum tuos, non victoria, sed occasione oppressere: cum tu Gallico bello distractus, auxilium illis tum ferre non posses: quid fuit (inquam) quod, cum insultarent maximè, cum vrgerent, cum in nostro sanguine, nostrisque cladibus insolentius quotidie, crudeliusque debaccharentur, repente ista pax ex tantis, & tam implacabilibus inter vos (ut videbatur) iris, atque discordijs, velut insperatum de cælo lumen effulsit? Nōne hoc nobis indicauit Deus, & voce sua quasi festatus est, velle se eum, quem haberemus precipuum tutorem, & defensorem Christiani nominis, à cæteris curis, & impedimentis liberare: quod is neruos omnes suos consilij, fortitudinis, potentia, quibus firmissimis, & validissimis est præditus, in hanc vnā cogitationem, & studium belli sanctissimi apparandi conferreret? quid? in eodem te ab eodem Deo, nōne diuina illius mens, & voluntas nobis est significata? cum Christianis nationibus in plures principatus, variaque imperia, nō tam diuisis paulò ante, quàm fractis, ob eamque causam armis Turcarum resistere minus valentibus, quod in difficili consensione nostrorum illi vno capite, & vno corpore consentientes ingruerant, tu ab eo ipse Deo in tam multis sæculis vnus electus es, in quem mirabili quadam, nō fortuna, sed eiusdem Dei providentia, inopinatis quidem certè rerum euentibus, totū Christiani nominis robur conflueret: qui summum honoris in toto orbe principatū pari fortuna, & sapientia cumulares. Ergo hæc tibi, Cæsar, omnia ab Deo, & data, & parata sunt, quod aditus apertos ad res gerendas maximas haberes. nunc tibi videndum ipsi, quid sis facturus. Pendemus de te omnes, qui Remp. saluam esse cupimus. ea porro

nequit esse salua, nisi Turcarum vires, animique frangantur: ex-
 que ab illis provincia repetantur, quas ipsi in amenibus discor-
 dijs nostris insidioso bellandi genere nobis surripuerunt. Tu
 vnus ad hanc actionem tantam, tamque præclaram idoneus no-
 bis diuinitus donatus es. Non ne ergo tua mens cum Dei omni-
 potentis iudicio de te, menteque consentiet? Omnibus es muni-
 tus, Cæsar, instructusque præsidijs, quæ ad huiusmodi bellum
 aggrediendum sunt requisita; virtute, potentia, consilio, magni-
 tudine animi, scientia bellorum gerendorum; quodque ad rem
 non medioeriter pertinet, plurimumque in bellis valere solet,
 militum etiam robore, & fortissimorum Ducum vsu bellandi, ac
 peritia. Namque hoc tamen commodi ex præteritis Reip. ma-
 lis, incommodisque accepimus, quod maximas manus veterano-
 rum militum paratas, armatasque habituri sumus. Quid res ge-
 stæ tuæ? quid tuus inuictus animus, neque solum aduersus ho-
 mines, sed contra ipsam etiam fortunam, omnesque casus huma-
 nos immobilis, atque constans, quem satis hostes nostri specta-
 tum habent, & cognitum? quid nomen? quid auctoritas? quæ
 tanta in te est, quanta in omnibus Romanis principibus, post
 Theodosium, Carolumque non fuit? parum ne illa hostes tuos
 deteritura est? qui quidem paulò ante, dum tu Gallico bello
 implicatus tenerere, tot, & tam magna timoris de te sui signa de-
 derunt: maximas classes in auxilium Galliarum miserunt: Italia, &
 Sicilia litora depopulati sunt: Viennam vibem tuæ, fratrisque
 tui clarissimi Regis ditionis obsidione tentauerunt: omniaque
 contenderunt, quod tu domesticis malis dífutissime impeditus, ad
 eos accedere, & conuertere in illos iusta arma ne posses. qui te,
 cum tantopere formidauerint impeditum; solutum, & liberum
 quoniam modo pertimescent? An tu præter pietatē etiam tuam,
 præterque munus officij, quod Christianæ Reip. Imperator præ-
 factus sustines, etiam illorum in te ipsum iniurijs, grauiusque
 contumelijs non commouebere? non illas ultum ibis, cum is sis,
 qui omnia potius perpetienda tibi ducas, quam vllam vel mini-
 mam violationem dignitatis tuæ? Tu, qui paulò ante duobus
 potentissimis principibus resistebas vnus, cum & Gallico bello
 occuparerē, & eodem tempore Turcarum arma propulsares;
 nunc Rege Christianissimo, nouo tibi fœdere, nouaque beneuo-
 lentia adiuncto, qui antea quoque fraterna tecum erat necessi-
 tudine coniunctus; nouis, magnis, firmisq; auxilijs auctus; cum,
 quod contra te erat, id pro te futurum sit, teque vehementer ad-
 iuuat, quod antea impediēbar, nudatas spe, & occasione, qua ma-
 ximè nitebantur, Turcarum vires non despicias? At permagis
 illi valent equitatu, quo in genere tamē numero se magis, quam in
 virtute ostentant. non est omnino hoc de ijs singillatim rebus lo-
 quen-

quendi, & deliberandi tempus, quod tum erit aptius, cum iam decreto bello, aut voluntate tua, Imperator, perspecta, ista suis locis venient in consultationem. Sed tamen, si aliquid est a nobis aduersus hanc famam hostilis equitatus dicendum: nos, tamen si equites etiam nobis sunt, quos virtus potius commendat, quam numerus, non ne legiones præterea fortissimas: non ne exercitissimos in armis pedites obtinemus? quibus carent illi, & in quibus præcipuum exercitus robur, spesque, & ratio victoriæ certior locata est: Nam equitibus quidem multæ formidines, & mortæ, multaque obijci impedimenta possunt, vel locorum, vel fluminum, vel militariū etiam inuentorum: quibus freti quondam populi Romani Duces, nunquam sibi ad committendum prælium cum hostibus, multitudinem equitum impedimento fore putauerunt: propterea quod facile perturbatur id copiarum genus. Nam equi nec ratione doceri, nec cohortationibus confirmari queunt, ut stent, ut confidant, ut ne vlla obiecta formidine terreantur. Quibus de rebus memoria teneo tecum me, Imperator, ad Niceam esse locutum: cum ego tibi non nulla huiusmodi commenta, quæ ad turbandos equitatus hostium idonea esse viderentur, exponerem: tu verò plurà multo, & meliora prospiceres. Igitur indociles equi: at peditum ad omnem nutum & paratus animus; & ad vincendum pertinax est contentio. Nam quod ad copias, & commeatus, & ipsas pecunias attineret, quos neruos belli plerique vocauerunt, potest ne esse dubium, quin ciuitates, populi, Christianæque nationes, quæ in hæc seculalia bella inuictissimæ contulerunt, in hanc sanctam, & salutarem omnibus expeditionem libentissime sint, non tantum opes suas, sed corpora etiam, & liberos collaturæ? quanquam & bellum alere se ipsum solet, si ratione, & ordine sit administratum: quæ quidem ratio, visque prudentiæ in te, Carole, summa est, si in vilo vnquam fuit. Quamobrem aggredere (quæsumus) hoc opus pulcherrimum omnium, & maximum, & cui tua magnitudo par sola est. Non est illud Imperatorium, neque Regium (crede mihi) contentum esse terminis, qui à maioribus sunt relictī, aut proferre eos conari ex sociorum detrimentis, atque damnis: quasi parum multa sint in conspectu Barbarorum regna, parum multæ hostiles nationes, in quas iure inuadi, & quibus sancte bellum inferri possit: nec rursus dedere se delictis, & voluptatibus, id quod à tua mente semper abhorruit. Non enim tu ad otium, nec ad desidiam, sed ad maximas semper res agendas, & cogitandas natus es, nullam habet maiorem iucunditatem virtus, quam recordationem rerum pulcherrime gestarum. nihil est animis præstantibus propositum ad diligendum, & cupiendum, quod finem terminis sit. Caduca sunt enim, & fallacia omnia,

quæ spatijs circumscribuntur: animos magnos, atque excelsos in immensum excurrere oportet, cum regionum, terrarumque Imperio, tum fama, & laudis in posteritate, tum vero beatitudinem, & felicitatis in illo cœlesti, & immortalis regno *. Ad quod Pægnum, Carole Cæsar, & ad quæ præmia, decreta, & constituta illis, qui diuinis muneribus ornati, ad eiusdem Dei gloriam cohonestandam vsi sunt, tua te laus, atque virtus, tuus iste longè præstans, atque eximius animus, tua natura, tua summa prudentia, tuus ille notus immortalitatis amor, tuæ curæ, tui tot antea à te suscepti pro Rep. labores, tuus honos, dignitas, existimatio: in primis autem in Deum, & Christianam religionem tua pietas vocat: ipsique nos cuncti (pro omnibus enim loquor) eundem te, & vocamus, & flagitamus: vt, cum gratias tibi tantas pro hoc exoptatæ pacis opportunissimo dono per te nobis concessio, datoque debeamus, quantas persolvere non possumus, eò te sublatum gloriæ, amplitudinisque videamus, quò nostra desideria aspirare vix possint: &, cum omnia omnes egerimus, quæ vel in gratulando tibi, vel in gratias agendo, vel in celebratione tuarum maximarum laudum, vel in commemoratione rerum à te pulcherrime gestarum effici à nobis poterunt; nunquam tamen tam alte officijs ascendere valeamus, quin diuina tua in nos, & in Christianam Remp. merita semper multo sint superiora.

FINIS.

IACO.



IACOBI SADOLETI
 EPISCOPI CARPENTO-
 RACTENSIS, DE BELLO SVSCI-
 piendo contra Turcas ad Ludouicum Christia-
 nissimum Galliarum Regem,
 ORATIO.

I QVIS antea fuit, LVDOVICVS Rex, qui maximis nationibus præpositus, & in hanc celsam honoris sedem sublatuſ, fortunæ locum illum, ſingulari hominum beneuolentia, & ſumma virtutis exiſtimatione tueretur, cum te eſſe arbitror hoc tempore, in quem ita omnium honorum ſtudia incubuerint, vt cum multa ex rebus domi, & militiæ geſtis, cum animi tui, tum conſilij documenta ceperimus: quibus ad incredibilem erga te amorem conflagrauiſmus, arduū admodum ſit conſtituere: Vtrum ornationibus iudicij magnitudinem tuam, an votis amantioribus ſalutem proſequamur. Sed quo propenſior noſtra eiſmodi voluntas ſit, illa etiam ratio in cauſa eſt: quod eandem hanc virtutem, quam egregiam in te & præſtabilem eſſe cognoscimus, communi quoque Reipub. & Chriſtianæ religioni imprimis ſperamus fore ſalutarem. Quantum enim longo iam interuallo, partim crudeliſſimorum hoſtium iniurijs, Turcarumque contumelijs: partim temeritate & negligentia ſuperiorum Principum, amiſit fides noſtra, tum auctoritatis, tum dignitatis, tantum videris tu breui tempore referre Reip. poſſe: Si quantum in te poteſtatis fortuna eſſe voluit, tantum tu ſtudij impendere in communem ſalutem inſtitueris, Ac nos quidem cum bellicorum operum tuorum monumenta intuemur, planè intelligimus, non aliunde potuiſſe illa, niſi ab optimo conſilio & animo maximo proficiſci, quia enim rerum gerendarum pægo ab interioribus fontibus prudentiæ deducta eſt, iccirco neceſſe eſt, vt quid egregiè geſtum ſit, antea fuerit præclare cogitatum: cum vero animi tui præſtantiam & magnitudinē tenemus, certam in ſpem ducimur, tanto maiore laude tuendæ religionis

tibi proposita, quanto illustrius est publicæ utilitati consulere magnum Regem, quàm priuatæ, te non minora dehinc tuæ pietatis pignora Reip. daturum, quàm antehac dederis fortitudinis. Neque huic nostræ opinioni atque sententiæ humana tantum consilia adspiciantur, sed multo magis diuino numine erecti & confirmati sumus. Quis enim animum referens ad ea bella quæ gessisti, victoriasq; quas es adeptus, tuamq; in illis, non solum administrandis vim animi atq; fiduciam: sed etiam in consiliendis celeritatē cogitans, non intelligat Deorum immortalium nutu ac voluntate, ad functionē pulcherrimi operis, te & vocatum, & instructum esse, vt sis sanctæ Christianæ religionis speratus ille, diuq; exoptatus votis omnium, cum auctor resurgens, cum vltor violatæ atq; punitor: cum illi omnibus cœlestibus beneficijs in te conferendis, non solum te ornasse ad tuam laudem decorandam: sed etiam armasse ad suam religionē defendendam iudicio ac liberalitate sua videantur. Quod si in hominum vira atq; victu: & in ea societate communi, quæ cognationis quasi vinculis quibusdam, & naturali ipso iure continetur, ij præcipuè existimantur officij retinentes homines: omniumq; benenolentia digni, qui accepti beneficij memores, quā possunt auctoribus suorum commodorū alacri animo gratiam persoluit: Quanto tandem te studio, quanta alacritate decet summi ac præpotentis Dei & beneficia agnoscere propter prudentiā, & gratiam referre meritis, ppter pietatē: præsertim cum quid ille abs te repetat, quoq; operam tuā flagitet, propè voce testetur, clara enim hæc est Dei immortalis vox & oratio: suos à te hostes se vinci velle & deprimi, cum tuos tibi vt superares concesserit: nec est vlla insignior appellatio pietatis atq; officij, quā declarare beneficio cuiusmodi reposes gratiā. Quamobrem ille Regū Dominus constitutorq; Principum Deus: cuius benignitatem & tu sensisti, & ceteri per te expectant, cum suo quodam diuino occultoq; iudicio, quod nos cogitatione aspirare non possumus, tibi amplissimos fines: tibi innumerabiles populos, tibi regna, tibi laudem, victoriam, triumphumq; contulit, non tibi profecto soli ista detulit, sed etiam reip. nec vno in homine fidem beneficiorū suorum constituit, sed per vnum hominē statuit vbertatem cœlestis beneficentiæ in vniuersos homines infundi oportere. Ergo & hæc tibi Ludouice pro maiestate & amplitudine tua Christianæ fidei suscipienda propugnatio est: & illud enixè contendendum, vt in maximis rebus aggrandiendis ac perficiendis, dignus & salutis hominū auctor, & diuinæ liberalitatis minister esse videare. Nobis porro qui tot iam annis in summa desperatione omnium rerum ita iacuius, vt offusa nostris mentib. sempiterna nox videretur, hæc primum ē cœlo spes bonæ salutis illuxit, quam ijdem dij immortales in te nobis propo-

propositam esse voluerunt, ob quā erecti atq; excitati, te meli-
 oris fortunæ, quasi signum extollente, nosmetipsos, res, rationesq;
 nostras, omnemq; spem incolumitatis ac salutis, in tua vnus vir-
 tute firmis ac locauimus. Tantam enim animi magnitudinem,
 tam insignem admirabilemque prudentiam, tantos ac tam pro-
 speros fortunæ & inaudita felicitatis cursus, certè ad vtilitatem
 publicam incitatos esse arbitramur: nec persuadere nobis pos-
 sumus, nec aliter sentire atque existimare, cum in rebus inchoan-
 dis, tantam laudem assecutus sis, quantam omnes gentes com-
 memorando celebrare non desinunt, te, ad ea quæ restant, longè
 maiora ac vberiora, non eandem tuam illam vim virtutis & sa-
 pientia esse conuersurum. Atque hæc nostra cupiditas & expe-
 ctatio, vt tibi opes tuas, cum fortunæ, tum consilij atque aucto-
 ritatis in salutem Reip. collocare libear, & si plurimum nostris
 rationibus accommodata est, quibus optabile est, diuque votis
 ac precibus efflagitatum, aliquando tandem à continuis pericu-
 lis detrimentisque conuiescere: tamen non minùs perspicua
 habet in sese testimonia communis in te amoris, & iudicij, quam
 desideria salutis. Quid enim aliud est oprando deligere ex omni-
 bus vnus, à quo te vel ornari vel conseruari cupias, quam illius
 quem deligas & gloriæ fauere, & de virtute præclare existimare?
 Atqui hæc sententia omnium ac voluntas si tibi honorifica est,
 pertinetque ad laudem tuam, teq; in excelsum loco auctoritatis
 atque existimationis communi opinione statuit: est profectò
 & tuæ humanitatis, hominum studiosissimorum, cuiq; amantissi-
 morum salutem conseruandam suscipere, & summæ virtutis præ-
 stantisq; sapientia iudicia omnium gentium, quæ maxima de te
 ornatissimaque sunt facta, Turcis frangendis atque à ceruicibus
 Reip. summonendis, sanctissimoque bello pro communi reli-
 gione suscipiendo comprobare: vt illi qui te ad tantam laudem
 flagrant, nec repudiati in beniuolentia, nec decepti in iudicio
 esse videantur. Quanquam quidem huius de te opinionis non
 nos soli participes sumus: nec proprium nostrum est hoc iudi-
 cium, sed nobis cum ipsis hostibus commune, non enim minùs
 verè & grauius illi de te iudicant, quam nos iudicemus: nec tua
 ista imperij & auctoritatis amplificatio maiorem nobis letitiam
 attulit, quam illis formidinem: ac illi metu nunc perterriti atq;
 exanimati rumore tui nominis, tot victoriis illustri, ad extremas
 nationes peruagato, cum ita reformident aduentum tuum, vt
 ad omnem mentionem tui perhorrescant: id profectò facere exi-
 stimandi sunt, quod in tali re atque periculo fieri passim solet, vt
 ante Deorum suorum imagines (quos illi peruersè admodum &
 superstitiosa ritu colunt) procumbant supplices, precibus obre-
 stentur, impenseque obsecrent, quo tu ab huiusmodi præclara

voluntate abducare. Quod si tu in medio cursu felicitatis ac victoriarum iam usque eò progressus, unde promptum atque expeditum iter est ad peragenda quæ restant, te ea quidem vberiora, ad gloriam: ad opus vero & laborem leuiora, repente conuulteris, te represseris, tantamque lucem dignitatis amplitudinis, & ipsius (vita dicam) immortalitatis, aut non aspexeris propositum, aut reliqueris vltro atque contempseris sese offerentem, nimirum id quod cum nostra, tum vero honoris tui abominamur causa, & hostibus tuis infestissimis insperatam læticiam, & socijs amantissimis inopinatam calamitatem importaueris: Itaque illi frustra se perituisse, falso de te iudicasse se arbitrabuntur, inanemque suam de tua virtute opinionem irridebunt, iactationibus effrentur, lapsum & quasi ruinam laudis auctoritatisque tuæ, suæ auctoritati existimationique fortitudinis ascribent: impunitatemque sibi præteritarum iniuriarum, non solum donatam putabunt, sed etiam licentiam nouarum: nos vero quorum erat saluti, & fortunis per te consulendum, omni spe orbati desolatique auxilio, miserabimur grauiter conditionem nostram, perpetuoque lamentabimur: plus illorum ad multa & irrita Decorum simulachra, supersticiosas preces, quam nostras veras læchrimas, iustosque dolores apud Dei omnipotentis animum valuisse: & cum ipsorum illis Dij propitij esse non possint, cum Regem qui nobis possit, qui que in nostra spe & salute retinenda, vicariam propemodum habeat Dei immortalis potestatem: pro hostium potius votis, contra dignitatem suam, quam pro salute sociorum ex amplitudinis suæ gloria egisse. Quod eò etiam erit indignius ferendum, quod illorum vota nihil aliud spectant, quam facultatem inferenda nobis iniuriæ ac calamitatis: nostra ad vnâ rationem intenta sunt, recuperanda honestatis. Quapropter est hoc omnino tua Maiestate dignum, hoc debitum excellentiæ tuæ, hoc proprium tanti Regis, hoc & ijs rebus quas gessisti & ei expectationi, quam concitasti imprimis consentaneum, vt te in huius præstantissimi facili cogitationem dedas, Turcarumque imperium, quod nostra cum pernicie, & Christianæ religionis, unde tu clarissimum cognomen accepisti, labe atque ignominia auctum adhuc & cumularum est, tollendum funditus atque exinguendum tuæ virtuti felicitatiq; assumes. Nam quod aliud munus est regnandi, quam in his rebus medirandis & gerendis, quæ Rempublicam utilitate beneficioque comprehendant, & alienæ commoditati elaborare & suæ laudi. Sane est hoc ita agnatum regib. & quodammodo affixû, vt qui ab hac præclarissima mente descuerunt, neq; nomê regiû, neq; dignitatem vnamquam potuerint sustinere: sed falso quidem usurpauerunt regum & principum nomen, rem autē ipsam repudiarunt penitus atq; con-

temperant. Magna est species, magna grauitas, magna maiestas principatus: quam qui non in purpura, non in opibus, non in insignibus & comitatu, sed in virtute, sed in iustitia, sed in animi magnitudine, sed in sapientia positam esse putauerunt, ij reuera principes: neque hoc tantum, sed optimi & clarissimi principes fuerunt: qui ad commoditatem eorum qui suae fidei commissi concēditūque essent tuendam: & ad communem generis humani vtilitatem procurandam se esse natos existimauerunt: qui ita constituerunt: propterea quidem, quod Imperium nihil aliud intelligebant esse, nisi curam alienae salutis, exercitationem propriae virtutis, studium commodi publici, negligentiam priuati, se potestatem quandam ad Dei similitudinem inuentam obtinere: idque operis sibi incumbere vt generi humano beneficii imprimis & salutare reperirentur. Quo etiā eorum est nomen magis ab omni memoria detestandum, qui in tam celsum gradum honoris sublati, potestate, quam habuerūt, non ad vllam illustrem rationem, sed ad priuatos quęstus & libidines sunt abusi: horum nimirum scelere atque importunitate nos affictos & perditos, pluresque à gremio sanctę religionis prouincias dolemus esse distractas: Sed illi qui in flagitiis atque in omni libidinum genere suis cupiditatibus morem genere studuerunt, ab eis rebus quas tantoperē amplexi fuerant, direpti morte, atque diuulsi, æternis nunc, & meritis suppliciiis exerceantur: nos verò eorum culpa in extremum discrimen adducti, hoc maiore sollicitudine animi & labore, tuam & fidem, & diligentiam imploramus: vt laboranti Christianę Reipub. subuenias, superiorumque temporum ruinas tua virtute & pietate fulcias. In quo vide quam in opinionem de te discesserimus: magnum verē iudicamus Regem, qui subditorum suorum salutem consulit: estque hoc ita proprium Regis, vt sine eo nec munus regale, nec officium constet: Igitur cum te ad orbis terrarū vniuersi salutem deposcimus: quę recta religione communicanda victis ac victoribus futura vna & eadem est: cum inquam te ad hanc rem tantam glorię celebritatisque plenissimam idoneū putamus, nōne dignum qui omnibus gentibus imperes arbitramur? Enimuerò ex tuis rebus gestis, multa habuimus in te ipso virtutum documenta maximorum: nam & prudentiam in consiliis, & fortitudinem in periculis tuam cognouimus, & vehementiam in agendo, celeritatem in conficiendo, clementiam in ignoscendo: quę sunt omnes imperatorię virtutes maximi ducis proprię, bellicę quę laudis & victorię comites: quibus condocimus te ad sanctissimi belli, quo te adhortamur, expeditionem, copius, & omni facultatis genere esse instructissimum: sed vna eius rei voluntas ac deliberatio te Regem omnium præstantissimū

num declaratura est: hoc vnum ad summam amplitudinem nominis tui reliquum est: hic restat actus, in quo omnes quidem elaborare debent, qui in Regnis & Imperiis sunt. Sed tu imprimis ac vehementissimè, qui cognomen Christianissimi à maioribus omnium, quæ vnquam virtus cuiusquam, aut fama appetiuit: maximum clarissimumque obtinuisti: nam Regem quidem esse, humane dignitatis est, Christianissimum verò, diuini honoris: & in vtroque tamen Christianæ Reip. curam & quasi procuracionem cernimus tibi esse commissam: ex quo intelligitur, quò te res ipsa, quò fortunæ fauor, quò merita Deorum, quò singularis illa nobis perspecta maximis in rebus & in admiratione habita animi tui magnitudo vocet: cum quale munus tibi, & cuiusmodi exercitatio suscipienda sit, nominibus ipsis commoneare: quod si illi, qui tecum aliis rationibus coniuncti, & iuris, & religionis, & quandoque Societatis, hac vna tantummodo causa, atque hoc iustissimi belli prætextu, quod nimis cupiditate in alienos fines imminere videbatur, victi abs te atque redomiti: nihil aliud appetierunt, nisi vt potentiam tuam infringerent: terminisque imperij tui summouendis, suos ipsi vt promouerent: fidem autem, & religionem, nec offensam vnquam, nec violatam esse voluerunt: quos tamen non solum vi atque armis, sed felicitate, & Deorum immortalium nutu ab imperio & de auctoritate pristina depulisti. Quid tandem tibi suscipiendum animi est aduersus eos, qui natura barbari, feritate crudelès, scelere impij, & tibi, & nobis, & vniuerso nomini Christiano sempiterni hostes extiterunt? qui fidem sanctissimam, qui diuinam religionem, qui illam alteram partem tuæ amplissimæ dignitatis, quæ quidem & ad veritatem potior est, & ad commemorationem famæ certè gloriosior, quam tu Christianitatis nomine consecutus es, foderunt; diripuerunt, omni semper immanitate & inaudito furore lacerarunt? Profectò si fuit magni Ducis eos qui arma contra ferrent, virtute, & consilio, & militari robore retudisse, est optimi mediusque, & Christianissimi Regis, quæ tua maior atque illustrior laus est, nomen sanctissimæ religionis, salutem populi fidelis, contra nefarios hostes defendendam recipere: neque committere vt hæc orbis terræ spes & expectatio, quam incredibilis omnium erga te beniuolentia aluit, tuæ virtutis opinio confirmauit, Deorum eximia aduersum te beneficia corroborauerunt, ratio & necessitas Reip. sustinent, frustra esse commota videatur. Ac mihi quidem ad inuicti generis tui præclara sanè atque illustria animum & cogitationes meas referenti, videntur maiores illi tui, qui primi regnum Gallie sua virtute constitutum posteris tradiderunt: hac vna re potissimum, quod fidem Christi cupidissimè ac religiosissimè acceptam, per finitimas nationes

propagare sunt nixi, auctoritatem sibi, & firmamentum, ac ro-
bur imperio comparasse: quorum Pipini duo, & interiectus inter
hosce Karolus Martellus, Pipini primi filius, posterioris pater,
cū etiam tū barbaris & idolatris redundaret Gallia, Germa-
niæque magna pars auersa a religione, fidei nomen, non solum
odio, sed etiam armis persequeretur, in hac vna cura omnes, &
virtutem & vim sapientiæ suæ posuerunt, vt superstitione omni
ex eis regionibus extirpata, verus Dei cultus vbique consereretur.
Itaque Germani ab illis domiti, Phrixones subacti, Saxones in fi-
dem recepi. Quæ integræ & validæ nationes iugum idem & ve-
stri imperij, & sanctæ religionis vnâ subierunt: ex quo profectò
intelligere possumus, quantam illis gloriam victoria dederit,
cum victis calamitas attulerit salutem: Karoli autē Magni sum-
mam, inauditam, incredibilem, ac penè diuinam animi magni-
tudinem, pietatem, virtutem, quibus adhuc laudibus celebra-
mus, quo honore prosequimur, quæ beniuolentia complecti-
mur? qui cū multa bella gessisset, partim tuendorum finium
causa, partim inductus propagandi imperij cupiditate, quæ ple-
runque excellentibus animis innata est: habuit in ceteris causam
veliustam, vel necessariam: quæ verò pro Repub. Christiana ges-
sit, Sarracenis, qui latissimè se effuderant vltra Bethin summotis:
Hispanis ad fidem adductis, Saxonibus non minùs religione,
quam armis subactis, in tanta sunt gloria, vt illius nomen cha-
rissimum nulla vnquā ex animis hominum deletura sit obliuio:
nulla diuturnitas illius laudes obliteratura, nullius vnquam vox
illius clarissimas virtutes sit tacitura: quod si illi domesticis sem-
per seditionibus impliciti, bellumque intra fines perpetuum ge-
rentes, tantum tamen virtute, & diligentia perfecerunt: vt idem
terminus esset eorum propemodum & nominis, & imperij, vt
nusquam arma mouerint, vnde victoriam non reportarint: nul-
lam gentem vicerint, quam non & clementia sua, & veritatis do-
ctrina conseruauerint. Quid tandem est abs te requirendum? qui
cū virtute illis (vt speramus) par: tū verò opportunitate certè
es superior. illi enim regno constituendo, finitimisq; nationibus
adiungendis, tanquam gradus tibi construxisse videntur, quibus
te nunc in cælum possis attollere. An verò tibi nō dispar longeq;
dissimilis horum ipsorū videtur, quos modò nominauimus, for-
tuna: atq; aliorum conditio Galliarū Regum, qui nequaquam sibi
in simili laude elaborandum esse putauerunt? Intuere paulisper
animo, quæ tam oculis non potes, longum ordinem Regum eo-
rum, qui te antecesserunt: & cogitationes tuas ad spatium recor-
dandum præteriti temporis reuoca: nōne ipsi illi fidei propu-
gnatores, quæ Reges Christianissimi, non solum nomine, sed etiā
veritate se esse voluerunt: stare tibi videntur in immensa diutur-
nita-

nitate, insignes atque conspicui, tanquam ad sempiternam virtutis, & gloriæ vitam erecti: verustate inuicti: ac indies potius magis efflorescentes: cæteris prostratis atque abiectis: neque solum morte, id quod communis infirmitatis est, sed etiam, quæ inertiae peculiaris poena est, obliuione oppressis: mihi mediisfidius videntur illi elucere tanquam lumina: & cum longinquitas temporis sensim rebus obducere obscuritatem soleat, omnem caliginem verustatis clarissima luce nominis sui vincere. Quos cum cæteri Reges atque Principes diuerso ex genere, remotissimis in terris proponere sibi ad exemplum rerum bene gerendarum soliti sint: tu domesticis exemplis non accendere? Non foret hoc animi, non ingenij tui: ne nostræ quidem spei atque opinionis, quam de tua sapientia concepimus: Illud potius tuæ & eximiae virtutis, & excellentis animi magnitudinis efficere: ut cum illi in maximis difficultatibus, regno nouiter instituto, finitimis omnibus ad arma contra eos euntibus, tantum labore & diligentia exiit sint, ut latissimè fines & imperij, & religionis extenderent: tu in summa rerum, quæ ad hoc bellum idoneæ sunt, facultate & copia, in amplissima auctoritate, in robore exercitus inuicti, tot & tam magnas oportunitates, tanta virtute excipias, ut illi minùs multò præ te virtute, quam occasione valuisse videantur. Nam quid ego de cæteris dicam ex eadem, vel familia, vel patria maioribus tuis? tulit enim, tulit hæc terra duces plurimos, cum ex bellicis laudibus illustres, tum animo in religionē prestantes, nonne Karolus Tertius eodem itinere suscepto, quod maiores suos institisse ad summam laudem viderat, eorum vestigia magna cum cura est persecutus: cui quidem Normanni, gens ferò armisque indomita, quod credunt Deum verum, quod cognoscunt, quod in spem salutis & æternitatis eduntur in lucem, atque educantur, totum acceptum referunt. Quid illi, qui hoc ipsum idem bellum, cuius ubi nunc & cupiditatem, & victoriam votis & desiderijs nostris adoptamus, singulari felicitate & gloria consecrunt? Gothifredus, Balduinus, Vgo, Roberti duo, quæ tandem in celebritate famæ, & quam grata commemoratione omnium gentiū versantur? Quos, cum neque regnum obtinerent, neque summam haberent potestatem: tamen in sanctissimam expeditionem proficiscentes, innumerabilis ex Gallia multitudo fortium virorum consecuta est: atque illi signis aliquotiens collatis, maximis exercitibus aduersariorum fulis atque fugatis: urbibus munitissimis expugnatis, omnia à Bosphoro & Propontide, ad usque Aegyptum armis perdomuerunt: cum eorum virtutem, cælestibus præidiis armatam, nulla hostium tela, nulla obiectæ altitudines, nulla vis opposita retardare potuisset. hæcque illorum tunc opera & regnum Hierosolymis constitutum est, & barbaræ nationes

riones edoctæ, nobis ad hostes retundendos, violatamque religionem persequendam, non vim plerunque aut facultatem, sed curam abesse: quod grauissimis intra nos dissensionibus distracti, temeritati potius & iracundiæ, quam sanis consiliis adheremus. Neque hoc barbarorum fefellit astutiam, qui virtute nunquam nobiscum, temporibus semper pugnaverunt: nam tum pulsi penè omni Asia, aliquot quiescere annos, dum nos ad nostram anteniam & fatalem quasi calamitatem rediremus: cuius mali simulatque signum a nobis cecinit, continuè in nostras seditiones ac discordias impetus ab illis factus est. Qua in clade periculoque nostrorum, duo maximi fortissimiq; Galliarum Reges, diuersis tamen temporibus, laboranti in his locis populo Christiano succurrere sunt conati, Philippus, & is qui ob eximias doctes fidei, pietatis, continentiarum in diuorum numero relatus est, Ludouicus sanctus, cuius quidem laus hæc propria est, quod in Asia primum, mox in Africa, barbaris atq; infidelibus bello confectandis, integram consumpsit ætatem: verè magnus ille Rex, qui semper & Regiarum dignitatis officia, & Dei immortalis beneficia ante oculos proposita habuit: verè ad hominum salutem natus & tutelam, qui cum eas contentiones refugit, quæ ad Christianorum perniciem, tum ea bella suscepit, quæ ad hostium etiam liberationem pertinerent: meritò igitur ille ac iure optiatio felix fortunatus, cuius inter homines nomen, in cælo spiritum ad æternitatem vitæ cernimus consecratum. Porro autem te ipsum tantæ circumstant nocte & interdiu maiorem tuorum auctoritates, vt domesticæ laudis recordationem intermittere non queas: his tu exemplis, his documentis præstantissimæ virtutis, quæ domi tibi nata sunt, omnibus quidem proposita ad imitandū, tibi verò vni insita ac penitus affixa, atq; ab his initis generis, virtutis, dignitatis, potentiarum: quod nam tandem appetere fastigium gloriæ debes, tanto altiore ex fortuna, cum illi aliquantò inferiore ex loco ad summam laudem nihilominus contenderint. At enim bellum graue est, & periculosum, hostesque ij qui & manu, & copiis, & omni apparatu bellico maxime sint formidabiles. Primum si ita esset, quod est longè secus, tamen esset magni regis, non aduersariorum potentia deterrefieri, sed virtuti suæ confidere: tantoque maiore cupiditate incendi ad inferendum bellum, quanto esset victoria, potentissimis hostibus deuictis, futura illustrior. Deinde ne hoc quidem spectandum semper est, vt ne potentioribus bello lacessendis, in discrimen status & salutis nosmetipsos conijciamus. Etenim si hoc cautū perpetuè atq; obseruatum fuisset, nunquam atq; magna imperia concidissent: neq; multæ resp. ab exiguis in-
 bruiq;

firmisq̃ue principiis ad summam amplitudinem fuissent elata: Sed homines animo valentes, consilio prouidi, cum hoc animaduertent, omnes res humanas, cum infirmas & instabiles, tum præcipuè regna atque imperia assiduis conuersionibus, & crebris fortunæ varietatibus esse obnoxia, sæpenumero pro augenda, vel conseruanda dignitate, pericula adeunda sibi putauerunt. Neque hoc Turcæ ipsi nostri æterni hostes non viderunt, qui cum primò à Scythiæ tenebris erupissent, Albanosq̃ue conterminos Rom. Imperij, quod etiam tum latè patebat, aduentu subito oppressissent, ex eo deinde loco, assiduitate & diligentia, & nostris intra nos dissensionibus aucupandis, latrocinando potius quàm bellando vniuersam Asiam prouinciam occupauerunt: atque horum ipsorum si esset, vt etiam dixi, non infidiis & latrocinis, quemadmodum est, sed virtutè & viribus exaggerata potentia, tamen ad tuam tantam existimationem virtutis pertineret, eos appetere hostes, quos & piè laceffere, & cum dignitate superare posses: præsertim cum tuo ipsi exemplo te docerent, non esse in suscipiendis bellis alienam potentiam pertimescendam, sed suam fortunam periclitandam. Verùm ad facultatem conficiendi negotij hoc percommode cadit, quod non vllam habent potentiam virtute fundatam, sed tantum falsa opinione earum gentium, quas nunquam maiores nostri bellis idoneas esse iudicauerunt. Quid enim imbellius Asia? quid illis populis mollius? quid ad prædā & direptionem expositius? qui incursionibus libitis, atque eo genere pugnandi, quod fugæ magis quam prælij simile est, aliquid fortasse valent aliquando: robur autem nostrorum exercituum, vimque fortissimorum militum, non modò vnquam non pertulerunt, sed ne expectare quidem, aut aspicere sunt passi. At quomodo tantos imperij & fortunæ successus habuerunt? Equidem si occultam esse decoris nostri causam existimarem, dissimularem & ipse vtique, nec in maximis incommodis detrimentisque nostris verecundiam quoque facendi sustinerem. Sed quoniam & eius rei ratio ita exposita ac patens est vt celari nullo modo possit, & ad rem maximè pertinet, intelligi omnia alia, potius quàm vim virtutemq̃ue hostium causam nobis calamitatis fuisse: proferendum est opinor, intestinas nostras cupiditates, amentesq̃ue discordias, & hanc vnā quasi fatalem nostri generis pestem, quod lociorū iniurias acerbiores habuimus semper quàm hostium: & facultatem illis summam inferendæ iniuriæ, & impunitatem factæ tribuisse. Quo quidem in malo illud tamen inest boni, quod id quod ad nostrū dedecus, turpissimum videtur esse, ad spem recuperandæ dignitatis est apertissimum. Nam si aperta hostium vi, & virtute, fracti superatiquè essemus, minus quidem turpiter cecidissemus, quod

enim dubius belli Mars, ancipitesque praeliorum solent esse exitus. Icarco qui honestè calamitatem subeunt, misericordia potius quam desperatione digni iudicantur: sed in reliquijs retentæ honestatis, omnes salutis reliquias amisissimus: nec solum reintegranda veteris fortunæ spes extincta in nobis fuisset: sed etiam vitæ obtinendæ ratio funditus sublata: quis enim & hostium, & victorum, aut fordiditudo rursus laceßere, aut crudelitatem effugere valeret? Nunc maiore in macula nostri nominis atque labe, quod culpa lapsi, non fortuna putamur, & amentia nostræ contractam, non hostium viribus inustam turpitudinem ferimus, amplius nobis ad bene sperandum aditus est: si à sociali-
bus inimicis & simultatibus conuertere animum ad arma pro summa religione honestius tractanda voluerimus, facillimam nobis rationem refarciendæ dignitatis fore. Aque hæc, ut non tam verbo posita, quam ratione firmata videantur, breuiter est, quemadmodum res processerint, à nobis perstringendum. Bizantij sedes fuerat imperij: non dicam hoc loco, quam prauo ac pernicioso consilio illius, qui urbem Romam ea Colonia exhaustæ: imperium diuiserit: vires populi Romani distraxerit: unitatem & concordiam de principatu sustulerit: hoc dicam, cum Vrbs illa ob crebras mutationes Principum atque imperatorum, intestinis seditionum fluctibus ageretur propè quotidie, Turcis occasionem inter eorum discordias ad occupandam Asiam fuisse patefactam. Dissensit postea Græcia à nobis: nec tantum odio, quo semper illa gens nostros homines persecuta est, sed etiam de summa fide & religione: cum homines illi ingenij existimationis cupidi, Latinorum sapientiæ cedere: auctoritatemque sanctæ Rom. ecclesiæ grauissimam habere animum non inducerent. Itaque hæc quoque nobilis terrarum pars à corpore Christiani imperij abrepta atque diuisa est: Thracia: Pontus: Maxima Illyrij pars: vicinæque prouinciæ complures, eisdem dissensionibus debilitatæ, cum qui finitimorum armis impares fuissent barbarorum auxilijs vterentur: eodem perfidiosissimorum hostium iugo sunt oppressæ. Accidit enim ut quasi fatali quadam vecordia obsessis eorum, qui in eis regionibus imperabant animis, finitimi semper reges dum inter se atque hostem aliqua gens & natio intercederet id se temporis tantisper lucrifacere arbitrari, auersiq; penitus cæcitate & amentia, continente mox incendio, eadem periculi flamma corripenterentur. Restabat lumen orbis terrarum: caput omnium prouinciarum: domicilium imperij: sedes veræ religionis Italia: quæ & ipsa multitudine Regulorum ac principum discordijs in plures partes dissecta: quod integrum vnus corporis robur non habebat, nefarijs hostium excursionibus aliquotiens vexata est. Dicam equidem, & dolenter dicam, id

quod sine magno gemitu animi loqui non possum, cum inter Principes Italiae, atque inter eos qui se suarum nationum Reges aut Duces appellari volebant, tantus versaretur furor: tanta & tam acerba odia intercederent, ut alius in alium, non tanquam in socium, aut in ciuem, aut ex eadem lingua & genere, aut denique tanquam in hominem, sed tanquam in acerbissimum & teterrimum hostem alieni generis contrariae religionis: dissimilis naturae: inhumano odio: inusitatoque ferretur: neque irae modum ullum: neque inimicitiarum constitueret: sed scelus erupisse quorundam, ut ad vlciscendas finitimorum iniurias, & iracundiam suam sanguine ciuili explenda barbarorum Christi hostium auxilia, aduocauerint, & quoad eorum fuit, in praedam illis & seruitutem Italiam obiecerint. Quid haec re crudelius & sceleratius dici, aut excogitari potest? Adeone apud homines impios nihil sanctum: nihil legitimum: nihil fas valuisse: ut quos illis natura genuit hostes, cum eis ipsis nefariam societatem coierint: qui vero essent plurimis necessitudinibus coniuncti, & iuris, & religionis, & patriae, eos interneciosum hostium loco habendos duxerint? patriamque & suam, & communem fidelium salutem: orbisque terrae statum ob hanc vnam causam, ut ipsi inimicorum incommodis videndo fruerentur, in periculum extremae calamitatis adduxerint? Verum haec quae grauiorem querelam desiderant, in aliud tempus reiicienda sunt. Illud autem quod fuerat nostrae orationi propositum clarescere iam arbitror: Turcas his semper artibus, his insidiis vsos, tantum terrarum Christiano nomini per discordiarum nostrarum occasiones interceptisse: quantum nos cupiditatibus & seditionibus auersi dimissimus. Ac si diligenter rem expendere: & de eorum successibus verè existimare voluerimus: reperiemus Turcarum imperium non vlla ipsorum fortitudine propria, non exquisitis consiliis, & inaudito quodam genere prudentiae: non terrestribus maritimisque victoriis, in quibus aperta, & veritate illustris virtus enituerit: sed nostris dissidiis: nostris furoribus: nostra auaritia, & institutum fuisse, & auctum, & confirmatum. Quid enim illi vnquam agere fortiter, aut cum virtute facere potuerunt? qui neque exercitus habent statarios: neque acies pedestribus copiis firmas, in quibus praecipuum robur militiae consistit: neque cataphractos equites, qui pro muro in praелиis esse solent ad propulsandos hostium impetus, suorumque immittendos: Sed tantum leui ventur equitatu, apto ad excursus, si nihil obstitit: si nemo arma contra moueat: sin autem aliquis fuerit obiectus terror, aptiore ad fugiendum: ut cum in conferenda cum illis manu dubium vehementer sit, vtrum plus periculi in fuga, an securitatis sit in virtute, haec se maximè animos

animos nostrorum militum confirmatura in pugnando sit, fortitudinemque excitatura: numero quidem sunt infiniti, sed bene instituta militaris disciplina semper fuit, qua nostri valent plurimum, virtutem inueni, multitudinem contemnere: Quis enim vquam magnus imperator ad præclaras res gerendas, turbam hominum & multitudinem potius, quam robur, & scientiam præhendi requisivit? Atque hæc ita à nobis disputantur, quasi ut cognoscamus quid illi facere potuerint: illustrius est commemorare quid fecerint. sic enim facilius intelligemus falsam esse de illorum potentia opinionem, quæ ignaras mentes nonnullorum occupauerit. Hic ego antiqua omnia prætermittam ea, quæ vetustioris memoriæ fuerunt: neque illa reuocabo oratione mea, quæ maiorum tuorum laudem cum exemplo pulcherri-
mæ virtutis habent coniunctam: Non narrabo hoc loco Gothifredos, Balduinos, Ludouicos, Philippos: non dicam hæc in Asiam transmittentibus, & per omnes orientis provincias fidei vexilla inferentibus, quotiescunque signa cum Turcis collata sunt, quæ sæpissimè cerè fuerunt, quotiens vrbs aliqua nobilis obsessa, quotiens aut in campis, aut pro muris prælio decertatum, totiens fractos hostes, & tandem caesos, quoad manus nostræ sufficere ad laborem potuerunt, cum illorum aliquid numerus, non ipsorum virtus texisset, transitum nostris ad Aegyptum vsque per suorum cadavera corporum præbuisse: hæc ego omnia prætermittam, & si quæ alia eiusdem modi, quæ remotioris temporis sint: pauca tantum recentia, atque omnibus nota commemorabo: quæ nuper facta sunt, quæ vel ipsi vidimus, vel proxima ætas sensit. Clara adhuc Mæthie Regis incliti memoria extat, atque omnibus grata: qui cum Pannonius præesset, regnumque obtineret: opibus tenuis: copus non ita firmum: solitudinibus propè desertum: perpetua nihilominus cum Turcis finitimis bella gessit: quorum inimicitias vsque adeo appetiit, ut in eis persequendis gratam se rem Deo facere: fidem defendere, honori suo consulere se arbitraretur: robur autem eorundem & audaciam, ita non extimuit, ut cum sexaginta milibus equitum suum regnum quandoque ingredientibus, ipse non amplius quam duodecim militum milia ducens, Marte collato prostrigauerit: vitroque in eorum fines sæpe intrauerit: omnia populationibus & rapinis infesta reddiderit: quibus illi rebus territi, magni atque intus (ut ipsi aiunt) Asia & Thraciæ dominatores: legatos ad Mæthiam regem miserunt: qui perpetuam pacem ab eo & sædus æternum postularent: qui tamen re inexorata, domum remis-
si sunt: cum Rex ille fortis atque magnanimus, dignus illo loco, & nomine, bellum illud, non periculo sibi, sed saluti, atq; illo-

rum inimicitias, non vexationem quietis suæ, sed alimentum gloriæ esse existimaret. Hic ego te, LVDOVICVS Rex, non solum ad considerandam hostium ignauiam, sed ad intuendam virtutem fortissimi Regis voco. fuit ille tibi nomine regio par, dignitate inferior, opibus, & potentia nequaquam conferendus: virtus porro vtriusque vestrum, maximis in rebus perspecta & cognita: sed illius adhuc quidem ad communem beniuolentiam aliquantò gravior, propterea quòd in iis rebus gerendis versata est, quæ ad Deum, & religionem, & salutem cunctarum gentium pertinebant. Tu vicisti populos auctoritate graues, copiis repletos, ditione præpoilentes, longa & diuturna imperij dignitate memoratos. Sed tamen id bellum confecisti, quod exitum habuit illustrem, causam non iucundam: quis enim vnquam bono consilio præditus, fidelium arma contra fideles sumpta comprobauit? Et sunt tamen quandoquæ necessarii sumenda: vt tibi fortassis fuerunt: neque nos bellum susceptum reprehendimus: sed de necessitate belli conquerimur. Itaque virtutem & consilium & clementiam tuam laudamus, quod non solum scisti vincere, sed etiam parcere: pietatem requirimus, hoc est, in Deum gratam voluntatem: vt cum ea quæ ad dignitatem & cautionem tuam pertinere putasti, ipsius Dei auxilio confeceris, nunc quæ ad illius dignitatem amplificandam, religionemque pertinent, suscipienda tibi putes: cum præsertim & ij hostes sint, qui non sint pertimescendi, & ille Rex eos sæpe vicerit, qui tibi nequaquam par vlla in re, vel facultate habitus sit. Nam quid ego illam ad Belgradum Pannoniæ oppidum contra eosdem barbaros nostrorum victoriam commemorem? quæ eiusmodi fuit: vt cum de paucitate nostrorum militum audiremus: vix credere possemus, vel infirmam manum aduersariorum ab eis potuisse superari, cum de infinita barbarorum multitudine intelligeremus, vix vltos maximos exercitus illis potuisse resistere arbitramur: nõne tunc illius exitu prælij, & nostrorum virtus, & hostium ignauia demonstrata est? quod si occurratur, illam nobis victoriam Deorum immortalium munere fuisse donatam, quorum nusquam vllò in prælio, aut periculo, neque fauor apertior, neque beniuolentia in nos manifestior fuit: quandoquidem inermi homine præeunte, crucis tantum vexillo illato atque obiecto, stupefacti hostes, & diuino numine attoniti sese in fugam & stragem præcipitauerunt: quidnam est, quod aut gratius accipere: aut libentius consistere debeamus, quàm Deos immortales, qui sua vi, & potestate omnia gubernent, placatos nobis atque propitios, ad Græciam, atque Asiam in diuisionem nostram redigendam, suam opem & auxilium polliceri? An si pauc-

rum audacia ad tam præclarum facinus peragendum, Deorum numine instincta, innumerabilem barbariam fundere, & profligare potuit, tui fortissimi exercitus robur, legionesque totidem ferè victorias, quot præliis exercitata, ducibus eisdem Diis immortalibus, ignauissimos hostes, magisque ad fugam, quam ad pugnam paratos, ferre vim suam & grauissimam impressionem sustinere permittent? Quid illa Rhodiorum vrbis oppugnatio, quam clara ad homines fuit, quam animaduersa apud Deos: quanta clade hostium, atque ignominia notata? quæ Vrbis inuictissima, Deoque & sanctæ religioni fidelissima, cum ad omnes barbariarum fluctus, tanquam scopulus opposita sit: eorumque immanes & furibundos impetus elidat sæpe, & reprimat: non ita multis annis, maximis Turcarum exercitibus terra marique obsessa est: quo quidem in tempore tanta Rhodiorum equitum virtus: tanta eius populi constantia & fortitudo fuit, ut cum hostes ter magna vi irrumperere conati essent, ter essent repulsi atque cecidi, maximo suorum numero interfecit: aut capto: reliqui salutem sibi fuga querere sint coacti. Hic etiam dicent credo, quo de nostrorum laudibus detrahaunt, non hominum fuisse, sed Deorum illam victoriam, quod fulgore insolito cœlitus ad confirmandos nostros apparente, plerique Turcarum in acie sine vulnere, sine sanguine, sine ulla aperta vi concciderint: quasi verò quicquam sit, quo nos magis iure gloriarī possimus, aut non ipsi citius impietatem suam nuncient, quam nostram laudem minuant: Nulla præstantior virtus est, quam quæ Deorum immortalium iudicio est probata: nec ullorum laus ad celebritatem insignior, quam quibus laudem Dii ipsi immortales tribuere. Verum nunc non de nostra laude, sed de illorum ignavia, & falsa opinione fortitudinis disputamus: qui in dissensionibus nostris locum insidiando, ac latrocinando sibi inuenerunt: qui pleraque omnia dolo & furtis subtraherunt: nunquam autem frontes nostras & nostrorum militum vim & impetum sustinuerunt: horum nos hostium, huiusmodi nos Barbarorum iactantiam, & minas, & crudelitatem perferemus? Hos diutius insultare capitibus nostris: hos agere, ferre fortunas nostras: ab his contemni Deum: ab his despici fidem: ab his sanctam religionem lacerari patiemur? O indignitatem non tolerandam: quid enim minus ferri, aut dissimulari potest, quam fortes viros ab inertibus impugnari, sanctos a sceleratis, fideles a perfidis? At enim hæc nostrarum rationum argumenta sunt, quid: illi quoddam de se iudicium, & de sua virtute fecerunt? Operæpretium est cognoscere, ut intelligamus quantum illis terrorem nostra arma iniectura sint, cum cognouerimus eos armorum fama & solo rumore no-

sui exercitus penè de imperio fuisse depulso. Primus ad Italiam, nostra memoria trans alpes cum exercitu accessit Carolus Rex ante te Gallie: accessit ab iis qui salutem suam illius presidio munitionem fore putauerunt: venit armatus: bellum plerisque principum intulit: tantos autem, & tam incitatos cursus habuit vincendi, ut illum non vlla vis hostium bellica, non rupes inuia, non munitissimæ vrbes, sed oppositum mare, & alterius natura elementi, fluctus denique ipsi retardârunt: quid tum igitur, quid audiebamus? Quid erat certissimis nunciis & literis allatum: nonne id quod etiam nunc recordantes tantam occasionem è manibus amissam fuisse querimur? Regem videlicet Turcarum meta percellum & territum, relinquendam sibi Epirum & Græciam putasse: præsidia ex oppidis omnibus deducta: copias omnes Byzantium fuisse reductas: classes ad Hellespontum adesse iussas: eum non iam de obsidione perferenda: aut de vlla ratione resistendi: sed de fuga & traiectione in Asiam cogitare. Quod indicium de illorum timiditate certius querimus, quam quod ipsimet de se ediderunt? Illi Gallie copias: illi Gallie impetus sustinere ut possint, qui fama: qui nomine: qui rumore appropinquantis Gallici exercitus, in fugam sunt traiectioni? An tu Carolo Rege vlla re es inferior: num virtute: num auctoritate: num felicitate: num prudentia? Ille Italiam cursu peragrauit: tu imperio comprehendisti: ille resistente nemine, quacunque voluit, iter fecit: tu validissimos exercitus, qui obstare conati sunt cedere tibi loco coegisti: nihil serpsit illi, nisi fortuna: tu pleraque assecutus es consilio: itaque illius extremi rerum exitus parum felices: tui adhuc quidem clari & secundi: sed si ad huius belli curam incubueris, quod certò de voluntate Deorum præuidemus futuri etiam gloriosi: quod si Regis illius aliquantò inferioris aduentum, vel inanem potius aduentus famam, Barbari hostes usque adeo extimuerunt, ut de relinquendo imperio cogitauerint, tua ipsius signa, qui auctoritate quidem illi, potentia omnibus præstas: tuos non auditos, sed visos exercitus, certe non ferent. Sed quid ista reperimus? aut cur tam longè argumentamur, cum quantum tu barbaris infidelibus omni facultate belandi præstes, clarissimū documentū in manibus habeamus: Domuisti Venetos, urbem præclaram, atque omnibus rebus insignem, cuius diuinam potentiam, magnis sussultam copiis, omnes mirarentur profecto, tam repente, tamque præter expectationem, vniū offensione prælij, in quo abs te victi & superati sunt, concidisse, nisi eodem tempore, & de tua incredibili virtute, & de Deorum immortalium voluntate indicaremus. Verum ista ciuitas, grauius antea & firma, multis iam seculis cum Turcis bella gessit:

Cum est periculum vtrorumque potentia, & maritimis sæpe, & terrestribus præliis: cum mari superiores semper Veneti essent: in terra itale gererent, vt ab illis non vincerentur: id certe inter prudentes homines & bellorum gnaros constare intelligebam, nisi Venetæ suspicionibus distracti, & finitimorum inimicitijs abducti ab ea cura fuissent, inque id bellum animo integro, & ab alijs occupationibus soluto intendissent, facile fuisse illos ex omni contentione barbarorum superiores discessuros: qui tamen tuæ virtuti felicitatiq; cesserunt: nec tuam tuique fortissimi exercitus vim perferre potuerunt: Turcas verò pluribus sæpè præliis terra mariq; vicerunt: qui si Venetis victis abs te & profligatis, pares bellando non fuere, tuumne illi vt nomen, tot victorij nobile & memoratum, tuam & præsentis maiestatem & instantis vim ac grauitatem, vocem denique tuam, vultusque impetisque tuos vt sustineant: non est credibile, non sperandum, ne fieri quidem posse existimandum. Quæ igitur mora & cunctatio huius belli reliqua esse debet: cuius facilitatem in vincendo hostium ignauia, gloriam eorum imperij latitudo, victoriam tuas tibi & fortis & victor promittit exercitus? Enimvero hæc honoris & amplitudinis tuæ augendæ propria sunt: quid illa quæ infamiae propulanda? An grauior Regi clarissimo causa videri debet ignominia vitatio, quam laudis spes? Veruntamen hoc vltimo inter Turcas & Venetos bello, cum Veneti abs te quod fœdere tecum coniuncti erant, auxilium petiissent, idque, tu & amicitiæ & religioni tribuisses, classemque omnibus rebus ornata misisses: factum est in maritimo illo cursu & navigatione, vt pauca naues tuorum, cæterarum comitatu destituta & derelicta, ad Lesbum appelleret: nec ita multi milites egressi, ad urbem antiqua & nobilem Mitilenas vsque, quod nullam apertam hostium vim propter fiduciam virtutis metuebant, prædando discurrentes: qua te animaduersa hostes, quod aduersis occurrere non audebant, ex circumuentione & insidijs, atque ex locis superioribus, qui mos semper pugnandi hostibus fuit, incautos oppresserunt: ita fortissimi milites non virtute, neque aduersariorum vi, sed fraude & dolis interfecti, atque omni immunitate sunt necati: hic tu si publicarum iniuriarum vltor esse recusaueris, priuatas non persequere? Hic te dolor non tanget? hæc te iniuria non stimulat? vt parentare militibus tuis, fortissimis viris, supplicio hostium, tuamque offensam existimationem vendicare contendas? Nam per Deos immortales quid putas illos miseros (quamquam miseri esse non possunt, qui cæcum sunt adepti) veruntamen hoc vno miserie & calamitatis participes fuerunt, quod non ita, vt decebat fortes viri à fortibus,

sed ab ignavis & timidis strenui necabantur, quid inquam illos putas, cum iugulum hosti dare cogerentur, cum non solum ensibus & gladiis, sed probris & contumeliis omnibus impeterentur, doluisse aliud, nisi ignominiam tuam? non mortem illi suam deshebant, quæ pro mortali conditione vitæ æternitatem illis esset allatura: non de exitio, non de sanguine, non de laceratione sui corporis conquerebantur, quam sibi non modo toleranter ferendam, ut à fortibus, sed etiam alacriter subeundam, ut à Christianis intelligebant: sed sui Regis maiestatem, tuam inquam auctoritatem, splendoremque nominis tui, minui care, & violari, atque offendi illis in se acceptis contumeliis cruciabantur: hic vnus erat gemitus: hæc vna doloris vox & lamentatio, quam ab illis non mortis timor, sed in suum Regem beniuolentia exprimeret: ita cum ceteris mors summæ acerbitatis sensum afferat, milites tui mortem quidem illiusmodi optandam, sed labem & vituperationem nominis tui grauiorem sibi morte putauerunt: quorum te per fortunas extremæ illæ preces, & crebræ implorationes tui ad suscipiendum animum Regis maximi moueant: ut gratus in fide tuorum, in calamitate misericors, in tua ipsius existimatione vindicanda acer esse videare. Quod si tu tuorum, id quod tamen in tanta clementia naturæ fieri nullo modo potest, misericordia non tangeris: anne illa quidem barbara insultatio hostilesque contumeliæ, animum tuum iusta iracundia inflammabunt? Noli enim Ludouice existimare, vllas in vllis dissimilibus feris, tam acerbis inimicitias natura esse genitas, quàm tibi est genus illud impium, infestum, atque inimicum: tum propter nobilissimum tuum hoc cognomen, quod ita præ te fers, ut defensor videre eius veræ religionis, quam ipsi auribus & animis non solum respuunt, sed etiam abominantur: tum propterea quòd potentiam tuam & formidatam habent & suspectam: quippe qui habere in fatis dicantur & in antiquorum vatum prædictionibus, imperium suum à Rege olim Galliæ extinguendum esse: itaque neminem peius te neque grauius oderunt. Quapropter in illo graui tuorum casu, occasione sibi exercendæ crudelitatis oblata, nihil sibi reliqui ad expromendum odium suum aduersus te fecerunt: cum in illis fortibus viris, militibus tuis, ferro conficiendis, atque omni immanitate lacerandis, se contrucidare dignitatem tuam, se abolere nomen tuum, se Galliam ipsam mactare exitio arbitrantur. Quas tu illorum tunc in te absentem minas, quas illusiones fuisse putas: est hoc omnino abiectorum hominum, metuque pusillanimum, ut in periculis timidi sint, de reliquo insolentes: itaq; iidem illi barbari, qui tibi ita insultauere absenti,

vt iactationis & insolentia: finem non facerent: si modò tua signa, & tuorum pilorum cuspides procul aspexerint, aut certe armorum, & equum strepitum exaudierint, in fuga & in metu moderari sibi non poterunt. Hic tibi profecto videndum Ludouice est, ut labem hanc nominis tui eluas: teq; in orbis terrarū opinionem vendices: nec iniustam hanc tuarū maiestati vituperationem esse velis: nam cum omnis contumelia grauis, tum illa quæ perferretur, cum vindicari possit, habet non solum in te ipsa miseriā, sed multo magis in ferendo turpitudinem: videtur enim qui contumeliam patienter accipit, non solum alieno facto condemnari, sed etiam iudicio suo: itaque ingenui homines, ac liberali loco orti nullam vnquam fortiorem ad excitandos animos necessitatem, quā metum ignominia: putauerunt: vnus enim vel certe præcipuus dignitatis atque honestatis vindex pudor est: quem qui diligenter tenuere, ij in laude semper hominum, & in omni virtutis officio excellentius sunt versati. Iam regia huius potestatis atque præstantia:, num quem maiorem fructum putas, quā quod in eo loco constituta est, ut iniuria attingi, neque impune videatur posse violari? Quod si homines mediocri loco orti contumeliam omnem atque iniuriam quocunque modo queunt, de fama, de nomine, & ab existimatione sua propulsant: Tu cuius potentiam cognoscimus: cuius felicitatem miramur, cuius nomen ad socias nationes illustre, & amplum est, ad exterarū terribile: quem armis: quem opibus, quem fortitudine: quem prudentia orbis Christiani longè principem omnes gentes populique confitentur: in quo ad summas res extollendo, fortuna videtur consensisse virtuti: cuius neque vim potentissimi hostes: neque consilium sapientissimi sustinere potuerunt: tu inquam ab hac auctoritate: ab hac amplitudine: ab hac sapientia, violatam existimationem tuam: nomenq; maximi Regis in vituperationem adductum, ab ignavis & barbaris hostibus patiere? Adde quod illorum res cum statum nunc tenent, ut nunquam nec imbecilliores, neque procliuiiores ad delapsum fuerint: nam & is quid omnibus præest vnus, ceterisque imperat barbaris tyrannus, ita & senio & valitudine confectus est, ut neque mente iam, neque animo consistat: itaque eius auctoritas in constitutis quidem rebus, & inueterato more gubernandi, ad homines dicto parere solitos, alicuius fortasse momenti est: Siquid verò noui periculi & perturbacionis accesserit, nec pondus vllum prorsus, nec grauitatem est habitura. Liberos habet, eosque nec numero paucos, & ætate firmos: quam ego rem si prudentia adsit, & æquitas inconiuncta amore voluntatibus, magnum imperij eorum munimentum fore non negem, sed illorum hominum & generis illius proprium semper fuit, ut quia singulares in imperio qui re-

rum potiuntur esse volunt: id quod antiquitus ab illis ferè est usurpatum: ceteros necessarios ut quisque sanguine coniunctissimus est, ita hostium loco ac numero habeant: eosque quacunque via possunt è medio tollendos curent. Quamobrem ipsi iam fratres inter se exulceratis, vel suspitione, vel metu, vel etià cecatis cupiditate regnandi animis, nequaquàm fraternis vultibus atque oculis intuentur: nec huic tanto eorū malo quod remediū adhiberi possit ullum reperitur. Quid enim eos in officio & pudore contineat? mos ne maiorū, at eo ipso instituti atque formati, versari in clade & exitio propinquorum: haurire sanguinem suorū, nō solum licere sibi putant, verum etià oportere. An patris auctoritas & obsecratio? at is fratrem germanum suum adductus eadem obtestatione regni & familiari usu crudelitatis, usque eodem persequi armis non destitit, quoad illi necessitatem attulit, ad nos quos inimicissimos atque infestissimos sibi hostes rebatur, exagitato fraternis armis odijsque confugere: cum is hostiles animos placatores sibi multo quàm fratris fore existimaret: qua in re intelleximus quanta in opinione apud eas gentes & auctoritate sit Gallia, cum is qui prudentia & fortitudine excellere inter barbaros dicebatur, dignitate certè erat, & nobilitate maximus, ceteris principibus Christianis omnibus pratermissis, ad vnum Galliae Regem se contulit: illiusque potissimum opem & potentiam imploavit: quem suis maximè sciebat formidini & terrori esse. At enim si hæc parum valida eorum benivolentiæ & conspirationis præsidia fuerint, res eos communis, & periculi salutisque coniunctio, discrimenque eorum status, & imperij concordia atque amicitia illigabit: qui fieri potest? cum hoc ita reputent, & hanc rationem subducant, bello suscepto atque contracto, si qui eorum a nostris partibus steterint: suaque cum nostris arma consociaverint: maximam illis partem dignitatis propositam esse: Si vero ad vnum quemvis eorum res omnis & imperij summa redierit, vllam ijs ne fieri quidem spem reliquam salutis: ita quod magnum hostibus præsidium fore videbatur, liberum Regionum ætas & multitudo, id contra in nostra causā vel præcipuum reperitur esse adiumentū. Reliqui sunt provinciarum præsidēs & militaribus copijs præfecti, homines ut barbarorum opinio fert, spectati bellicis in rebus: Sed si quid earum rerum peritis credimus, nequaquam ceteris in hac laude præstantes: verumtamen isti ipsi, ut hominum est genus dominandi cupidum, quod perpetua imperia non tenent, & in spem successionis liberos tollere, gentemque constituere non queunt, ingratis Regis honoribus & beneficijs utuntur: ut coniecturam vehementem habeamus, si qua illis ostentata spes fuerit perpetuandæ possessionis, statusque

& imperij in familias propagandi, esse eos & superstitionē suam, & præsens fidem officij, nostræ & religioni, & amicitia post-habituus. Quid dicam de populo, qui cuncta Græcia atque Asia ferè sunt nostri: rectam enim fidem cognoscunt: diuinis legibus obtemperant, barbarorumque & hostium communium neque imperia pati possunt propter crudelitatem, neque commercia propter superstitionem, ac illi incertas quaidam antehac, & nescio vnde inuentas spes aluerunt, recuperanda aliquando salutis & libertatis: ita tamen vt omnes semper suas ad Galliam cogitationes retulerint, Galliam vt desiderijs: Galliam vt votis, Galliam vt voce ipsa & appellatione vsurparint. Sciunt enim Galliam in expeditionibus Asiaticis semper fuisse felicem: nec solum de virtute illorum hominum, sed etiam de opinione virtutis apud hostes quanta sit intelligunt. Nunc verò hisce rebus auditis, & celebritate tuæ victoriæ cognita, alacriore ipse resecti atque erecti, expectant quàm mox de tuo aduentu ad eas nationes aliquid optati rumoris afferatur. cupiunt enim tibi esse præstod: operamque suam sentiri aliquam in tanta laude clarissimi operis volunt: neque diffidunt singularem tuam virtutem, quæ in his rebus, quæ ad fortitudinem pertinent, egregia de se documenta præbuerit, in eas dein quæ ad pietatem & religionem spectant maiore cum gloria se daturam. Atque his tot hostium incommodis & quasi vulneribus eorum reip. adhuc secundæ res obtentui mirum immodum fuerunt: quod enim aduersarios non habuerunt: neque in certamen de imperio sunt adducti, iccirco minus contrectari à nobis illorum vlcera, & læsæ partes cognosci potuerunt. Sed vt in corpore humano, si sanitas, & recta valetudo adsit, membrorum vitia dissimulantur facile atque occulantur: si autem morbus inuaserit, singula quoque affectæ suo loco respondent partes: si quid luxatum fuerit: si quid contortum: si quid aliqua re aut ratione læsum: sic si quod incendium in barbarorum fortunas conflatum, & periculum intentatum illis fuerit, erumpent occulta vitia, nec solum virtute nostrorum, qua ipsi egent, sed etiam domesticis malis, quibus abundant, opprimuntur. Quid: illud quanti? quod & si vulgo minus animaduersum est, in prudentium tamen consilij, & in ipsa veritate est positum: quod eorum imperium auctum ad hunc diem atque ita acernatum, vt ad fastigium hæserit, vertatur iam retro & ruina quadam cōcidat necesse est: præsertim quod nullos progressus virtutis habuerit, multos ac magnos fortune & temeritatis. Nam cum illa cōmuni mortalitati lex edita sit, conditioq. imposita, vt ne quid omnino humanis in rebus stabile aut perpetuū teneatur: tum ne diuturna quidem esse imperia queat,

quæ

quæ non validis hominum & Deorum beniuolentiæ præsidij
muniuntur. Opinor enim vt tectorum firma fundamenta, sic vir-
tutem ac religionem imperijs fundamento esse oportere: Hostes
autem ipsi viro minus valeant, fortassis est dubitandum, qui neq;
virtutis laudem vnquam tenuerunt, & propter superstitionem
Deo sunt infesti. Quid igitur in eorum rebus firmamenti, quid
roboris inesse potest: qui neq; concordiam habent, aut sapien-
tiam principum: neq; fida imperia Ducum: neque vim & virtu-
tem militum: neque beniuolentiam & studia populorum: Dei
autem immortalis iudicio & humanarum rerum vicissitudine,
ita ad occasum sunt vicini, vt eorum vires etiam sine aduersarijs
infringi iam ipsæ per se ac debilitari, nec vltra in eisdem vestigijs
mansuræ videantur. Hanc igitur occasionem tantam, tam para-
tam, tam expeditam cum tuæ virtutis materiem, Ludouice, esse
cupimus, vtum te ad dubiam periculi aleam, an ad certam victo-
riæ laudem cohortamur? Etenim sic, quæso, considera tecum ipse-
& de tota ratione summam fac. Tua te & virtus & fortuna in edi-
tissimo auctoritatis loco, ex prouidentia Dei constituerunt: o-
mnium oculi in te sunt coniecti: liquidò pater, atque omnibus
constat, ex illiusmodi potentia fastigio, quocunque te miseris,
nullam vim, nullas difficultates, nullos obices, tibi moræ atq; im-
pedimento futurum: quod omnia vi atq; armis perirum pere-
paratus es: hostes sunt ij, quos relinquere iniquum ac pestiferum
est, opprimere, non solum sanctum, verum etiam necessarium:
atque ij ita imbecilles reuera ac infirmi, vt minore aduersario cas-
suri facile sint: Tu in omni facultate tantus, vt grauiores longè
hostes valeas superare: reliqui socij atque amici, quorum per te,
& fortunis, & salutis est consulendum. Vident porrò omnes hoc
interesse inter casum, atque virtutem, quod qui auctore casu ma-
gna assecuti sunt, illi quæ reliqua sunt ad tuendam, vel amplifi-
candam laudem, nec cogitare sciunt, propter imprudentiam, ne-
que exequi valent, propter inertiam: quibus autem virtutis splen-
dorem attribuit, ipse perfectum nihil videtur esse, si quid etiam
nunc restat quod sit faciendum: ita tui arbitrij est, vtum malis
cunctarum gentium iudicio, ea quæ hætenus gessisti maxima &
præclarissima, per fortunam tibi collata, an per virtutem adepra
existimari. Quid dicam de nobis, qui quoddam salutarem fore Re-
gem credimus, singulari in te beniuolentia consagramus? Noli
enim putare, Ludouice, Gallicas nationes te amare, teq; in oc-
ulis ferre, Italas autè in alia esse voluntate: fuere quondam vtræ-
que gentes, vt locis disunctæ sic voluntatibus: discrimenq; al-
pes faciebant non minus animorum, quam terrarum: nunc &
amicicia, & commercijs, & legibus coniuncti omnes sumus: o-
mniaque eiusmodi discrimina sanctissimæ religionis ingo. atque

hac vna fide, quod Deum, Dei filium venisse in terras nostræ salutis causa recepimus, sunt exæquata: hoc cœlesti vinculo illigati inter nos, & vincti studijs eisdem, & beniuolentia conspirauimus. Quare cum illum habemus verum legitimumque principem, quocumque ex genere sit, quacumque è regione, qui subditorum suorum commoda, & saluti studet, qui populorum beniuolentia muniendam sibi regnum suum putat, tum regem de cœlo missum arbitramur: qui ad tuendam religionem, quæ nobis multo vita nostra est charior, & animo sit, & copijs armatus. Itaque quæ patet nostra religio: quæ diuina fides est cognita, omnes terræ: omnia maria: omnes gentes: nationes: principes populi: ipsæ etiam littora: insulæ denique omnes tuum vnius nutum intuentur: teque ad hoc præclarissimum bellum expectant, & flagitant: de potestate tua sciunt: de voluntate sperant: non enim iam vlla in te facultas externa aut fortuita requiritur: non magis idoneū tempus operatur: non Dux præstantior ad communem salutem expetitur. Sunt ista tam largiter & in pramptu, vt facile appareat, non humano consilio, sed diuinitus tantas opportunitates in vnum locum, in vnum hominem, in vnum tempus collatas fuisse. Verum hic totius rei nodus est: in hoc salus & summa Christianæ reip. consistit, vt tu eam qui potes seruare etiam velis esse salutem. Cuius igitur opem ad tantam rem tamque difficilem obtinendam implorabimus? cuius opera vtemur? quæ nobis hoc vel fortuna contulerit? vel tempestas aduexerit? aut quæ consilia hominum expedient, vt tu ad istam voluntatem adducare? Rem enim postulantur difficultate grauem: consuetudine inuētatam: magnitudine laboriosam: imò vero quæ nulla facilius sit, nulla paratior: tui enim arbitrij est, non alienj: quæ ita ad laborem facillima est, vt tamen ad laudem sit maxima. Etenim vel temp. seruare, totum virtutis est: posse autem, fortunæ: quod si illa quæ alienæ potestatis fuerunt, ita in te cumulata sunt & coacturata, vt nemo te inter Christianos Principes, aut nobilitate sit, aut auctoritate, aut latitudine regionum, aut numero populorum, aut robore exercituum, aut firmitate imperij, aut denique omni copiarum genere abundantior. Tu id quod in te situm est, & in tuo solo ntu positum, quod totum virtutis est & pietatis, deliberationem videlicet, & curam, ac voluntatem sanctissimi belli religionis causa suscipiendi non adiungas? reliquasque opes tuas totaque tantas, quæ suapte natura fugaces, lubricæ, caducæque sunt, in vtilitate publica disponendo, ad æternitatem nominis tui non demittas? Equidem nihil intelligo subesse causæ, quo minus studijs desiderijsque nostris voluntas tua consentiat: non enim te fugientem laboris, non insolentem armorum nouimus: non inertem: non segnem: non quietis potius & tranquillatis,

litaris, quam & celebritatis, & famæ appetentem : quæ quondam
 cause multos ab hoc illustri munere, & omni reipublicæ cura de-
 duxerunt : sed sortem, sed acrem : sed animi maximi : consilij sa-
 gacissimi : cuiusmodi exiteret alias fortassis nonnulli, qui egregie
 facti à natura ad omnem excellentiam fuissent, nisi propensâ
 illis in Deum & religionem mens defuisset : hæc vna voluntas
 cœlestibus consilijs dedita, discrimen semper fecit inter impro-
 bos Reges atq; probos : inter fortes & segnes : inter grâves huma-
 no generi & gratos. Enimvero cum per hosce annos totiens
 traductis in Italiam legionibus, Insubres primùm : dein Ligures :
 postremò qui validissimi florentissimiq; fuerunt, Venetos bello
 appetiisti : maximisque facinoribus editis, fortitudinis & sapien-
 tiæ, Cisalpinam Galliam armis subactam, ad tuum imperium ad-
 iunxisti, quid consilij aut rationis securus es? Quæro enim hoc lo-
 co : Iniriâsne ire ultum aliquas voluisti : an in tuo iure armis ven-
 dicando, tuq; etiam & posterorû tuorû securitati prospicere tan
 imperiû, an, qui fructus imperij maximus est, cōparare gloriam?
 Omnino video aut aliquod horum, aut omnia tibi fuisse propo-
 sita : atque illud vnâ sentio, quæ cause tibi huius belli socialis i-
 doneæ visæ fuerint, eas multo iustiores esse in barbaros expediti-
 onis. Ac de iniurijs quæro, vtrum maiore odio fuisse aduersum
 te putares, eos qui & maximis abs te beneficiis affecti aliquando
 fuerunt, & nonnulla ipsi in te sua merita queunt commemorare,
 an eos quibus cum tibi grauissimæ semper inimicitie, nullæ vn-
 quam, non modò fœderum conditiones, sed ne induciarum
 quidem intercesserunt : eos qui propter aduentitiam, vel cupidita-
 tis causam, vel suspitionis aduersarij tibi exiterunt, an eos
 qui ita natura tibi hostes geniti sunt, vt nulla omnino causa ad
 vllam beniuolentiæ coniunctionem possint adduci : eos qui par-
 tem aliquam tuorum finium diripere voluerunt, quam tamen
 haberent ipsi, non quam perderent, an eos qui ita crudelitate &
 sanguine delectantur : vt quicunque de nobis ceperint non tue-
 ri, sed cruce & flamma delere gesticiant? Denique eos qui semel
 tantummodo contra te exercitus eduxerunt, an eos qui & clas-
 sem tuam tormentis, & fortissimos milites vulnerib; & te ipsum
 contumelijs absentem appetierunt : qui in maioribus olim tuis
 Asia expellendis, nullam acerbicatem odij neq; iniuriæ omiserunt?
 grauiorque & generi tuo, & clarissimo cognomini noxam scdita-
 tianæ religionis inusserunt, cuius tu propius ac legitimus
 defensor esse existimare? Profecto si illorum voluntas, qui tibi
 obesse conati sunt, id quod tamen non perfecerunt, merito po-
 nienga tibi visa est : horum non solum voluntatem, vel effera-
 ram potius rabiem nocendi tibi, sed & veteres & perpetuas
 illas iniurias non est tua maiestas relinquere impunitas. Nam

de iure quidem status & regni vendicando, quis dubitare vel minimum possit, quin non dicam equidem iustius, sed illustrius multo ac magnificentius, tui iuris sit Asia quàm Gallia Cisalpina? Primum quod Regis Christianissimi propria est earum rerum recuperatio, quæ ab hostibus Christianitatis iniquissimè detinentur: Deinde quod Asiam bello subactam à maioribus tuis, & pluribus annis obtentam atque possessam, ad eum vindicare pertinet potissimum, cui hæreditas, non solum Gallici imperij, sed & æquæ virtutis auctoritatisque venerit, ut non vana appellatione titulorum, quæ quandoq; perridicule à nonnullis iactata atq; usurpata est, sed summo iure ac æquitate patrimonium idem tuum sit, & maiorum tuorum dignitatis, & veteris Asiæ possessionis. Quod si in eis rebus quas gessisti, id caput consilij tui fuit, ut vicinis grauius sum mouendis, tuæ & posterorum tuorum quieti tranquillitati que prospiceres, finibusque tuis me tum alienæ seruitutis depelleres: non dico tota ratione aberrasti, sed ad breue tempus fortassis non nihil, ad longinquum certe parum profecisti: Etenim si Veneris, qui per te debilitati admodum, atque enervati sunt, vel crebris lacerationibus consumptis, vel repentino impetu oppressis, Turcæ sese ad te propius admouerint: locumque sibi aliquem in Italia ad vexandam orbis terræ nobilissimam partem munerint, id quod futurum omnino est: nisi tu illorum vigilantiam, & insidiosos conatus, tua virtute anteuerteris, quid venturum est? Non dicam Regni tui finibus: qui quotidianis hostium incursionibus erunt exposti: non successoribus tuis, qui non se ornatos abs te beneficio, sed oppressos periculi onere arbitrabuntur: sed omnino nomini ac memoriae tuæ? Quæ in invidia nomen tuum? quantis in omnium gentium luctibus & lamentis commemoratio tui versabitur? Quo autem dolore ardebunt animi populorum? cum sentient unde tutelam sibi ac salutem expectauerint, inde vastitatis & miseriæ causam processisse. Sane vniuersi siquid incommodi euenerit, quod summe Deus auerte quæso omen & detestare, cum lachrymis & gemitu diuinæ severitatis acrimoniam obtestabuntur. Tu vero quocunque in loco tunc fueris, plorantium medius fidius execrationes, & procellas querelarum ferre non poteris. Namq; ante hosce annos, quotiescunque barbari ad Italiam furore quodam & crudelitatis studio rapti sunt, totiens illis arma eorum, quos tu vicisti, & anaximæ Venerorum vires oppositæ obstiterunt: ut si horum cupiditas sæpe finitimis infesta, diligentia certe nonnunquam salutis Italiæ fuerit. Nunc continens imperium tuum ad barbaros, parua tantummodo linea distinguitur: nihil inter te, atque illos intercedit mediū, quod alicuius moræ sit aut momenti: an hoc nō videris? an hoc nō cogitas? q̃ tibi nō solum animo insitum: sed

sed in oculis propemodum debet esse fixum? qui vñquam longius se abesse à periculo arbitrati sunt, quam aut Græci cum ad Ponti & Thraciæ fines à barbaris pugnaretur? aut Bulgari cum ad Græciæ? aut Pannonij cum inter Turcas & Bulgaros certamen verteretur? Atqui propter eorum omnium negligentiam, improbam spem propriæ salutis, alieno labore & periculo defendendæ, omnia in eandem calamitatis ruinam sunt detracta: nunc in ratione haud absimili sumus: hoc nos etiam periculo propiores, quod tunc ad remotiorem quamque gentem transitus Turcis per loca & syluis & armis impedita, vi ac manu faciendus erat: nunc vna velificatione classium: aut paucorum dierum excursu per Istriam, & Carnos equestres barbarorum copiæ ad nos videntur peruenturæ: quæ præsertim vastandi ac depopulandi studio, non minore prope celeritate in imparatos tendunt, quam paratos fugiant. Hoc loco omnes quibus Italiæ salus, & religionis dignitas cordi est, tuam LVDOVICI, prudentiam non requirunt solum, sed etiam obtestantur: vt te in hanc curam & cogitationem conferas. Communis fuit nostræ tuæ felicitatis & victoriæ gratulatio: Tum propterea quod virtuti tuæ fauimus, tum vel maximè quod te duce & religionis signifero, in spem venimus honestatem pristinam recuperandi. Verùm (dicam enim quod sentio, id quod volo in bonam partem accipi) nisi tu vera animi magnitudine, & fidei, ac pietatis studio adductus, cursum hunc tuum virtutis, atque fortunæ ad Asiam vsque pertenderis, cœlestisque victoriæ trophæa Hierosolymis in illo sacro atque edicto colle constitueris, nec tu regno & posteritati tuorum satis prospexeris, & opinione ipsi, ac iudicio tuæ virtutis nos deceptos cōquereremur. Est igitur sapientiæ tuæ, cū illud videre, Turcas qui nunc terrore tui nominis, & inuicti Gallici exercitus metu, finibus suis se continent, simulatq; te in diuersam curam aliquam occupationemve contuleris, continuo oecasionē nobis nocendi arrepturos: tum ne id accidere possit providere: armaq; ea, quæ ab illis in nos & caput nostrum impendent, aduersus illos antè capere: vt fructus diuini beneficii tui, non ad posteros tantum tuos, & regni tui stabilitatem ac tutelam, sed in omne genus hominum gratus integerque perueniat. Iam imperij atque gloriæ, si hosce tuarum dimicationum fines attendisti, ea vis est, eaque natura, vt alterum tibi dissuadendum non sit: alterum etiam magnoperè alendum ac vehementissimè corroborandum. Nam cum appetitio dominatus excellentibus viris a natura ita insita sit, vt auelli nullo modo queat, tum gloriæ cupiditas sic cum animi magnitudine est coniuncta, vt qui studio laudis non ducuntur nullam indolem virtutis ad maximas res idoneam videntur posse retinere: Veruntamen si amplitudo imperij te delectat,

paruamne tibi accessionem tuarum rerum proponimus Græciam atque Asiam: Quarum regionum altera propter nobilitatem quondam ingeniorum famamq; sapientiæ tanta etiam nunc apud doctos auctoritate est, ut maximo tibi fore ornamēto tuis finibus adiecta videatur. Alteram ob copiam rerum omnis generis quæ ad vsu vitæ aptæ accommodatæque sunt, & magnitudinem vectigalium, veteres semper Reges potentissimique populi vel adiungendam sibi, vel adiunctam omni studio conservandam putauerunt. Neque enim vnquam controuersia fuit, quin & cultu hominum, & frequentia ac celebritate urbium, & feracitate soli, & vectigaliū copia, & abundantia earum rerum omnium, quæ hominum commodis importari atq; exportari solitæ sunt, omnibus terris Asia antecelleret: eadem præterea tanta amplitudine est, ut dimidium orbis terræ suis spacijs comprehendere putetur, tanta ad vincendum facilitate, ut non natiuis gentibus parata, sed innuentibus semper fuerit exposita. Iraque & Galli antiquius domo profecti, cum non iustis exercitiis, sed tumultuaria quodammodo manu in eas terras peruenissent, vniuersam tamen occupauerunt: pacisque conditionibus & legibus toti Asiae latis: locum sibi ex vberissima copia in finibus Paphlagoniæ ad habitandum delegerunt: & rursus propinquioribus nobis seculis maiores tui clarissimi viri, Gallico exercitu in eas oras adducto, eandem Asiam derentam à Turcis atq; oppressam non minus fortiter quàm feliciter sibi & fidei nostræ recuperarunt: ut viroque ex facto & vetus illius terræ ad resistendum Gallicis copiis imbecillitas, & presentium hostium ignauia demonstretur. Sunt igitur tibi ad amplificationem imperij tui propositæ Græcia atque Asia: quæ ambæ regiones si vetustatem spectes nobilissimæ existunt: Si copias, opulentissimæ: Si vero causam iuris tui in eas tractare volueris, inuenies vtrasque, ut etiam diximus, proprias & tuas esse, eo utique iure quod optimum semper fuit, iure, inquam, virtutis, iure religionis, iure hereditatis. Nam illud quidem nequaquam dici hoc loco potest quod ad causam vitandi laboris ab inertibus animis prætendi est solitum: satis tibi amplios regni fines, satis iustam imperij magnitudinem esse: es tu quidem omnino & regionum spacijs & copiarum opulentia maximus ac potentissimus Rex, id quod ita perspicuum est, ut in oculis omnium sit. Veruntamen celsis semper ingenijs eminentibusque animis quantæ vis opum & fortunarum accessiones, non tam cumuli ad præteritam potentiam fuerunt, quàm gradus ad futuram: præsertim si qui ex regnis & potestatibus, non imperium ipsum finem, opusue imperandi, sed laudis & nominis celebritatem spectauerunt. Ac si verum sentire volumus, quod ego si rectè animi tui magnitudinem noui, postremum à me di-

etiam, primum tibi arbitror propositum fuisse: finis rerum gerendarum, torque & tantarum quas adiisti dimicationum, non aliis tibi fuit quam gloria: hæc laborum tuorum solatium, hæc periculorum incitamentum fuit: hæc virtutis maximum verissimumque præmium. Quæ quidem nunc adsit, ubi tandem istuc latet præclarum atque magnum, quod ex regnis atque imperijs tantopere querendum esse videatur? quo per fluctum & flammam, ut aiunt, contendamus? Quid est aliud Sisipheo more saxum tollere, quam in ijs rebus tantum laboris ponere, quæ propter infirmitatem & instantiam labuntur continenter & fluunt? Quis autem non intelligat regnorum conditionem cum semper incertam esse, tum nullo modo constitui posse sempiternam? Maxima olim & florentissima imperia quæ fuerunt, nulla iam sunt, & quæ nunc stare pulcherrime videntur, erit quando non erunt. Nihil enim est aut manu factum, aut hominum consilij diligentia provisum, cui non finem & exitium afferat aliquando temporis diuturnitas. Itaque clarissimi olim reges summiq; imperatores, qui in rebus gerendis, non solum animo magno, sed etiam consilio sunt versati, cum orbem terrarum victorij, & suarum virtutum monumentis complerent, successione semper imperij, ut incertam, & caducam fortunæ dimiserunt: in quam verò fortuna ius non haberet, possessionem gloriæ sibi retinuerunt. Itaque illorum labores & opera perire, fama non interijt. Hunc eundem finem æternitatis, te quoque, *LEONARDUS*, & voluisse imprimis, & spectasse arbitramur, fuit enim hoc tuum: fuit sapientiæ tuæ: Non enim credo imperium ipsum nudum concipuisti, quod nunc gloriæ adsit iucunditas, oneri potius, & labori esse solet quam voluptati, sed ab imperio virtutis exercitationem & fructum laudis appetuisti, quod cum excellentium animorum propriam semper fuit, tum tui maximi ac præstantissimi esse debet. Huc igitur si contendisti: idque potissimum à te elaboratum est ut in posteritatis fama versare: Dij immortales quæ occasio honoris, quæta gloriæ opportunitas, quam alias inaudita, quam nemini unquam concessa, tibi vni fato quodam diuino, & singulari, peculiariter tradita, prompta tibi sese offert atque expedita? Et enim cum illam potissimum virtutem gloria comes sequatur, quæ ita sese exercet ac gerit, in eoq; vim suam explicat, ut vniuerso generi humano commoda sit, & maxime salutaris, quo opere nullum neque magnificentius, nec Deo similis reperiri potest: veteres illi ex omni antiquitatis memoria fortissimi duces, qui ad celebratam nominis omni studio contenderunt: partim quidem quod volebant sunt assecuti: partim verò maximam à proposito veræ laudis itinere aberrauerunt. Suas enim resp. imperio ut augerent conati sunt, id quod perfecerunt: at alienas resp. deuastarunt:

tunt: at suos ciues dignitate honestauerunt: at alijs hominibus
libertatem ademerunt. Ita illorum virtus paucis grata, pluribus
incommoda & exitiabilis fuit. At verò in nouo quodam ac mira-
bili, & prorsus inusitato ducibus vincendi more, ad eos hostes de-
bellandos deposceris, quos si intactos relinquo, vehementer time-
eis noceas: Sin autem eos armis & victoria domes: & ipse illis
& noxiam sempiternam salutis afferas: qui nisi à te lassi fuerint,
salui esse non possunt: neque ad gustum veræ felicitatis, nisi ab
incommodo & calamitate peruenire. Atque illi qui nunc tibi &
nomini tuo infestissimi sunt atque inimicissimi, teque asperissime
grauissimeque oderunt, antequam vlla in te violati per te atque
offensi sint: iidem si mox illos victos atque percussos ab imperio
deturbaris: vique & metu subactos de nefaria superstitione ad
pietatis cultum adduxeris: tunc secundum Deos nomen vene-
rabitur: teque æterna laude & beniuolentia prædicabunt & co-
lent: tibi gratias agere, te salutem suam appellare immortalita-
temque veræ ac beatæ vitæ, ad quam per te instructi, & edocti fue-
runt, tibi acceptam referre venturis vnquam temporibus non ces-
sant. quod si victi hoc in te animo futuri sunt, quid facient vi-
ctores? Quid vel optari in salute vel sperari in dignitate: vel in
omni ratione honorum ac commodorum excogitari amplum &
præclarum potest, quod non ijs qui tecum vicerint, per te sit vber-
rime cumulatiflimeque deferendum? Quanquam (mirum enim
fuerit quod dicam, arramen verum) ipsa per te victoria ius suum
incredibili quodam modo, & conditionem solitam commutatu-
ra est: cuius cum ea natura sit, vt diuersarum partium alteram la-
titia & gratulatione compleat: alteri perniciem afferat & cala-
mitatem, tua ista omnibus commodis atque bonis, quæ in spem
& cogitationem hominum cadere possunt, ad tuum & tuorum
arbitriū translatis, plus tamen aliquanto victis contulerit, quam
victoribus addiderit: Siquidem & gratius ad memoriam multo
est, & præstantius ad salutem, liberari summo malo, quam secun-
dis rebus augeri. O admirabilem & imprimis commemorandam
victoriæ conditionem, quæ cum victoribus summam gloriam de-
derit: cum victis felicitatem est allatura: in qua non minus glo-
riari ipsi hostes deuicti calamitate sua poterunt, quam nos pro-
speritate: nec minus ab illis belli offensio optanda, quam nobis
victoria fuerit querenda: hi sunt fontes veræ gloriæ, tibi parati
& in promptu, si penitus intrare in illos volueris: antiquis duci-
bus clausi, qui veritatis lucem non aspexerunt: à nostris non
animaduerſi, propterea quod plerique parua ambitio & iniquæ
cupiditates, animusque ad lociorum iniurias paratior, quam
hostium in malis causas & detestandas cum ciuibz contentio-
nes abstraxit. Ciues namque omnes sunt: qui si minus eiusdem

ciuitatis mœnibus, at certè quæ sanctior necessitudo est, eisdem religionis legibus coniunguntur. Atqui multos legimus, vidimus nonnullos è principibus nostris, qui cum in castris & in bellis, & in omni labore militari fortitudinem suam probarent, tamen quod fidelibus populis & Christiano nomini, id quod minime ab illis expectandum fuit, infesti immitesque fuerunt, nec virtutem suam, nec consilium probauerunt: tantumque abest vt id quod tantopere quærebant sint assecuti, vt illos à commodis voluptatibus vitæ mors: ab omni verò laude & beniuolentia hominum, ipsorum nefariæ cupiditates, & mens seditiosis consilijs dedita abstraxerit: non enim omnis est laudanda victoria, sed illa commemoranda, cuius initia æquitatem habuerunt, extrema religionem. Neque tu *LVDVICA* hoc etiam dum adeptus es vt tui nominis commemoratio futura ad posteros in amore & laude videatur: paratum te quidem & armatum intelligimus ad maximas occasiones assequendæ gloriæ: gloriam autem ipsam nondum consecutum. Siquidem gloria est celebris & grata ad æternitatem prædicatio, maximè alicuius virtutis in humani generis utilitate beneficioque versatæ: tua verò gesta, quæ adhuc vidimus (dicam enim verè) si per se ipsa spectes, non vsque quaque grata, si ad hunc finem sanctissimi in Turcas belli intentæ fuerint, etiam habenda sunt gloriosa. Sint igitur illa tibi ex maximis clarissimisque victorijs tanquam gradus quidam ad tanto insigniorem victoriam facti & instituti, quanto quidem est & in inuicto duce præstantius communes hostes superare quàm proprios: & in optimo rege magnificentius, publicas utilitates priores ducere quàm priuatas: cum tamen & publicis periculis propria pericula tua: & commodis communibus tuorum quoque commodorum ratio contineatur. Nec verò mihi procrastinandum videtur esse, nec in longiorem diem conferendum: sed occasio ipsa arripienda: dum recens est terror: dum formidolosa hostibus tua virtus & auctoritas: dum feruens amore laudis & consuetudine vincendi apud ac tibi fidens tuus exercitus: dum denique cursus felicitatis tuæ, & celer & secundus. An tu hostium ipsorum rationem aliquam habendam putas: quasi verò cum eiusmodi aduersarijs res nobis sit, quos ex vetustæ societatis fœdere in aliquam cupiditatem & iniuriam prolapsos, ad sanitatem consilij reducere, potius quàm armis vlcisci intendamus. Quid enim per Deos illi nōne ij sunt qui insidijs freti & fraudibus & maioribus olim tuis Asiam abstulerunt: & tibi occupauerunt: qui nomen tuum odijs semper omnibus atque execrationibus dilacerauerunt: sanctissimū verò nobilissimūque cognomen nouis perpetuo ignominijs & acerbissimis iniurijs dehonestauerunt: qui fortissimos milices tuos non solum vulneribus & ferro: sed illusionibus &

contumelijs miserum immodum mactauerūt? cum in illis tuam quoque maiestatem iugulare se, & annihilare dignitatem arbitrentur? qui classem tuam defensoribus nudatam, nō sine nominis tui macula atque labe domum remiserunt? qui sanctam & diuinam religionem, in qua omnes spem nostrā sempiternā salutis repositam habemus, inaudito furore & immani quadam crudelitate vexauerunt, scdauerunt, conculcauerunt? cum interea tot iam seculis illi, tot rapinis, tot populationibus, neque auaritia lux famem explere direptione fortunarum nostrarum: nec crudelitatis sitim sanguine nostro potuerint exaturare: qui iidem, nisi per te huiusmodi Hydra extincta, & capita serpentum recisa fuerint, annorum aliquot processu in tuos fines irrupturi sunt: teq; vel posteros tuos: vel memoriam certe nominis tui, scdum immodum habituri, & in graue, vel salutis, vel laudis amittende discrimen sunt adducturi: vt prater honoris & dignitatis tuā causam, quā in hoc praeipue consistit, vt tu tantus, & tanta opinione virtutis ac fortitudinis Rex, communem religionis causam suscipias, nominisque tui & amplissimi cognominis existimationē inuolatam esse velis, maiorumq; tuorum vestigijs consecrandis hereditatem eorum, non minus gloriā quam imperij cernas, & in iure tuo Asiatici imperij armis reperendo, perpetuisq; injurijs persequendis, contractam iamdudum nomini tuo maculam eluas: prater inquam, hanc laudis causam & amplitudinis, quā semper honestis mentibus idonea visa est, quamobrem labores atque pericula minimē viderentur esse fugienda, necessitas tibi quoq; illa imponatur, si incolumem regni tui statum esse vis, praeipere illis nocendi occasionem, & pericula inferre potius quam repellere. Atq; hae tot & tanta causae mihi quidem ad curam & deliberationem tuam inferendi iustissimi belli, tanti ponderis videntur, vt si in humanis tantummodo rationibus insistere velimus, nihil quicquam sit praeterea requirendum: quibus enim causis vnquam permouebuntur, qui his moti non fuerint, quae pertinent ad salutem, pertinent ad dignitatem, pertinent ad securitatem? Verum nos qui semper terrenis coelestia antetulimus, & vnde benefactis nostris vberima & maxima praemia expectamus, eō quoq; potissimum consilia & cogitationes nostras referimus, vna religionis & gratiae in Deum voluntatis causam, maximē grauem ac prorsus necessariā iudicandam arbitramur, ceteris dimissis, & praevnica pietatis ratione nullo penē in numero ductis: nam vt nullus sit honos: nullus periculi metus: nulla laudis appetitio, vt existimatio contemnatur, benivolentia hominum repudietur: iudicia gentium, tot & tam egregia de te omnia reprehendantur: vt hae inquam omnia praeterrmittantur, & quae summa sunt fingantur esse nulla. Illud quonā modo ferri,

aut per negligentiam haberi potest: quod tu simulatq; in cœlum oculis sustuleris, & Regis illius altissimi diuinam erga te liberalitatem recognoueris, exemplo cogites necesse est, te tantis propterea ab eo esse ornatum muneribus, vt sis ad referendam illi aliquanto illustriorem & vberiorem gratiam, non solum voluntate paratus, sed etiam omni armatus atque instructus facultate. Sane sumus omnes ab illo rerum omnium capite atq; fonte ita in naturam & in lucem editi, vt penes quenquā magnitudo diuini beneficii remunerationis locū non habeat: sed sumus tamen dispari conditione atq; fortuna: neque omnibus par atq; idem officij munus est iniunctū: communis porro summis ac infimis est fides: cōmunis innocentia, cōmune pietatis, integritatis, & continentie studium. Sed ad has artes atq; virtutes in quibus sese quisq; pro virili sua agendis Deo gratijs versare debet ac exercere, vt imperia & opes, nō necessariō requirūtur: Propterea quod sine ijs partes ipsæ frugalitatis & tēperatiæ haberi facile possunt: Sic quib. illa etiam vltro sunt tributa, ij non sibi tantū probi, sed & omnib. præterea cōmodi: nec solum quod ad ipsorum salutem pertineat attenti, sed et in eo quod omniū saluti opus sit, debent esse vigilantes: vt quantū in illis diuinę liberalitatis & beniuolentiæ redundarit, tantū appareat in suos ac debitos, tanq̃ altioris officij & pietatis gradus esse distributū. An verō tu in memoria non retines, id quod ex ore tuo, atq; verbis, in omnes terras diuulgatum, cunctōrū tibi studia & vora conciliauit? Cū ita assenerates, te inter ceteras causas, quib. bellum Venetis indicendū putares, hac potissimum adduci, quod his tanq̃ impedimentis ē medio dimotis, vnde quieto animo finitimus nemo, & suarū rerū tranquillo, propter cupiditatē Venetorum esse posset: & quodammodo obiebus ac repagulis sanctissimi in Turcas belli diffractis atque reuulsis, liberos tibi & patentes aditus in perpetuos hostes fidei & religionis esse velles. Quid ergo, quid actum est? num surdæ Dei visæ sunt aures? num tibi ille vltro in loco aut periculo defuit? num benignitatem suam aduersum te clausit, quantum tu quidem ad rationem dignitatis tuæ ausus es optare? Quid est aliud voti damnatum esse, atque conuictum, quam propter quam causam quid à Dijs immortalibus postulandum duxeris, eo impetrato atque obtento, reliquum te deinde, cuius causa priora illa flagitata sint, iam Dijs ipsis immortalibus debere? Atque ego non dubito quin is, qui ex illis excelsis & peramplis cœlestis oræ regionibus, omnis suæ liberalitatis fontes tuis honoribus, & conimodis effudit, ab eisdem omnia illustrantibus, atque omnia prospectantibus locis, tuam nunc mentem obseruet: animūque speculetur, quemadmodum in tantis cœlestibus beneficijs ad referendam gratiam te gerere studeas: an tot diuinis muni-

neribus pietas tua respondeat: nisi forte existimamus non esse Deo nostras res curæ: id quod impium est: aut si illum rerum omnium factatorem, & earum quæ fiunt faciundæ sunt, auctorem consitemur, euentus tamcū bellicæ victoriæ decusq; triumphī, ab illius cura & potestate seiungimus, quæ ornamenta tanti sunt consensione omnium, vt non in consilijs hominum posita, sed in quadam diuinā sorte videantur esse constituta. Quanquam vel sine ijs mihi in ipsam regalem fortunam & dignitatem animo intuenti, in mentem venit existimare, neminem profecto fuisse nostri generis regem, ita cupiditatibus obsequentem suis: sic auersum à religione, & in omni vita crudelem ac nefarium, qui tacitis aliquando suis cogitationibus: aut in somnio aliquo monitus vel periculo: cum ad hanc meditationem accederet, quantis diuinis ornamentis honorū, & imperij affectus esset: quam ipse ingratus in Deum, ac cœlestis beneficentiæ negligens fuisset: quod se in fastigio excelsæ potestatis constituto, illius terrestre Hierosolymorum regnum seruire perfidis nationibus, pro sua parte sueretur, quem ipse auctorem sui regni haberet: nemo, inquam, tam sanus: tam impius: tam detestabilis Rex in hanc curam & cogitationem lapsus est, qui non exhorreret animo: non cunctis artibus contremisceret: Scilicet sedeat ipse in solio, sceptrumque manu teneat, auro amictus & purpura: abundet opibus, circumfluat delitijs, voluptates vndique conquirat, quibus suas possit libidines explere: seq; & metui velit, & ab omnibus vsque quaque coli: cum interea ipse ille, cuius munere hæc omnia possidet, Deus summus & omnipotens, non solum ab impijs gentibus contemptus, illusus, in contumelijs habitus: sed vetere etiam regno sanctæ ciuitatis, atque aded orbis terræ imperio, propter huiuscemodi regum negligentiam, spoliatus, ne sepulchrum quidem corporis sui à barbarorum spurcicia inuolatum retinuerit: Et is se regem à suis coli, & salutari volet, qui monumentum sui, & omnium Regis, scdatum atque pollutum pro se pati non recusat? aut se dignum, qui multis gentibus imperet arbitrabitur, cum Dijs ipse immortalibus nolit obtemperare? aut denique hominum merito fuerit dominus, qui cupiditatem sit seruus? Quod si quis vel tanta importunitate nature existerit, vt cum hæc videat ipsa, penitusque animo recognoscat, rapi se tamen in diuersa omnia, & salutis cogitationem presentibus cupiditatibus superari permittat: vel tam duro, & pessimis in rebus obfirmato corde, vt in illius pectus illabi hæc cura, & pietatis cogitatio penetrare ad intimas sedes animi nullo pacto queat, ultimus vitæ dies, & extremi illi imminente iam morte concitatus, aliquanto grauior animi quam corporis expectant: cum omnia vitæ commoda relinquenda, & ad for-

midolosum illud tribunal adeundum: quo iniquos reges, cætus scelerum: & horribilis comes malæ actæ vitæ, pœnitentiæ, metusque infiniti supplicij consequetur: quo tum vultu aderit ante iudicem? aut quam malè miser trepidabit, qui cœlestium beneficiorum Rex dum viveret oblitus, cupiditatum & vitiorum greges, quos in vitâ charissimos sodales habuit, altare circum se acerrimos atque inimicissimos aduersarios, tanquam proditorum circumuentus intuebatur? hiscere medijs fidius præ metu, & in terrorem diuinæ seueritatis attollere oculos nō audebit, quod si huc in tantam pœnæ ultionisque formidinem rei citantur reges, qui nomen tantum regale, nudamque cæteris ornatibus regiam ipsam potestatem tenuerunt: quid existimandum est, maximis præterea accessionibus adiunctis auctoritatis, felicitatis, victoriæ? Quo tibi, Ludouice, vehementer contendendum est, vt cum alijs in partibus & muneribus vitæ constantiam perpetuò, & æquitatem & clementiam, & optimi regis virtutes, reliquasque rationes rectè, & ordine administrandi imperij seruaueris, hac quoque in causâ religionis defendendæ, gratum te Deo præstes. Cæteræ enim virtutes suas habent vnaquæque singulasque laudes, pietatis autem gloria complectitur vniuersas: & omnem in se continet humanam dignitatem, quod spectat ad diuinam: vt tibi in salute Christianæ Reip. constituenda maximè sit elaborandum, ne quod in te facultatis & potentie redundat, suis partibus officij vacare videatur. Nam quid ego dicam de occasione? quæ tanta est, vt si nuncius aliquis delapsus è cœlo mandatum tibi cœleste attulisset capeßendæ huius expeditionis bellique in barbaros commouendi, non signis certioribus, atque adeò clariore voce non vteretur, quam hæc est tam paratæ opportunitatis vox quasi imperantis Dei appellatio: velle sese in hanc ampliandæ religionis curam te totum discedere, cum tuos ipse scrupulos omnes ex animo tibi extraxerit: omnes suspiciones: omnes discordas: omnes finitimorum regum inimicitias, quæ tibi cum illis acerrimè intercedebant, sedauerit: omniaque ad pacem & ad concordiam traduxerit: te non solum tranquillo ex omni obtreccatione domestica, sed firmissimis insuper præsidij finitimorum munito. An tu in hac ipsa re noua medijs fidius ac mirabili, imperium Dei immortalis non exaudisti? aut providentiam non intellexisti? Quid enim vnquam tam alienū ab omnium spe & expectatione fuit, quam tot potentissimos inimicissimosque inter se Reges, veteres & diuturnis odiis exacerbata simulacra deponere: deposuerunt: amicitiam etiam coire & societatem? coierunt: in commune consilia & rationes conferre? contulerunt. Quid tam incredibile, quam quas iniurias vleisci multi non cupiebant solum, verum etiam sperabant

eas derepentē & nouis fœderibus, & liberalitati suæ remississē
 ira remiserunt, vt eædem illæ iniuriæ causam coniunctiori ne-
 cessitudini dedissē videantur. Quid verò tam vel ipso rei exitu
 nouum, vel celeritate inauditum, quàm tot disiectos animos,
 tam infestas inter se, dissidentesque voluntates, ita subito ad
 vnitatem reconciliatas fuisse, vt prius penē tractatum audire-
 tur quam tractatum? sunt hæc omnia, quanquam diligentia
 hominum administrata, tamen per prouidentiam Deorum con-
 stituta. quod si ante actis temporibus, qui laborem huius sanctæ
 & memorabilis pro Deo & religione militiæ detrectabant, hac
 vna causâ inertiam suam tegere nitebamur, quod odiis ac simul-
 tabus finimorum circumfusi, liberam non haberent bene de
 rep. cogitandi facultatem: profectò qui hanc causam, tanquam
 impietatis & negligentiae latebram remouerunt, id poscere aper-
 tē Dij immortales, & flagitare videntur, quòd quò minùs antea
 fieret, ea vna causâ allegabatur impedimento: non enim impe-
 diunt iam qui antea impedire fortassis fuerant parati, sed etiam
 vtrò ac studiosissimè adiuuabunt. Atque huius rei effectum iam
 cognoscimus. Sentio enim ego ab vicinis terrarum finibus cla-
 rissimum regem ita in hanc curam sanctæ expeditionis, animo
 & desiderio intentum, vt apparationem belli quotidianis penē
 literis & nunciis vrgere non desinat, vt virtutis laudem nullam
 putet, nisi in qua se Deo & religioni exercuerit: quòd enim ali-
 quot iam bella in fidei salutem confecit: nonnullas prouincias
 ad Christianam temp. adiunxit: gustu veræ beatitudinis semel
 percepto, inducias eius honestissimæ cupiditatis nullas habere
 potest. Ego te ad eandem industriam & pietatem adhortor & vo-
 co, cum Deorum beneficio, florentibus fortunis tuis, nihil cir-
 cumcirca sit quod suspectum habeas. Hic ego regem neminem
 nominabo nisi Cæsarem: qui tibi & locis proximus, & in hanc
 expeditionē maximè potest esse utilis. Is fortissimus Rex & sum-
 mus Imperator, qui tecum ex maximis inimicitiiis, in gratiam ira
 reconciliatus est, vt non maiores antea dissensionum causæ fue-
 rint, quam nunc amoris & necessitudinis sint: nec pluribus iam-
 dudum suspicionibus animi abalienati, quàm hoc tempore be-
 neficiis sint conglutinati: communicare tecum in hac laude præ-
 stantissimi facti volet, nedum vt te vlla ex parte conetur impedi-
 re: cuius tibi beniuolentia & coniunctio, vt summo consilio
 quæsitæ est, sic constanter est retinenda. Nihil enim nec gratius
 Deo, nec ad animi fructum & tranquillitatem, hominumque
 famam efficacius, quam cum in magno rege, & animi faculta-
 tes quærantur & consilij, esseque & debeat non minis lenitare,
 quàm virtute spectandus, mansuetudinem aduersum eos qui le-
 gibus & religione coniuncti sunt exercere, virtutis autem & pr-

rentia exercitationem inter ipsos hostes religionis querere: Nec
 verò absunt huic occasione ceteræ, quæ ad comparandos retinen-
 dosq; exercitus copię sunt opportuna: de quib. disputarem equi-
 dem subtilius, nisi tibi totam eius rei descriptionem explicatam
 esse considerem: nunc tantum id dicam: cum omnis conficiendi
 & alendi exercitus ratio, & genere ipso militum confet, & fa-
 cultate stipendiorum: alteram partem quæ plus habere videatur
 difficultatis, quæ in arario & pecunia posita est, largiter tibi & à
 vestigalibus tuis, quæ & pro amplitudine imperij maxima sem-
 per sunt: & pro ratione belli tum fient vberiora, & decunis sa-
 cerdiorum binis etiam, ternisue, prout tempus ipsum postula-
 bit: voluntarijsq; præterea ciuitatum priuatorumque collatio-
 nibus suppeditaturam: nam cum hoc fuerit egregium ciuitati-
 bus publice tali casu, & apparatione sanctissimi belli, communē
 ciuium, & in Deum immortalem animū, & in suum regem beni-
 uolentiam declarare: tum nemo erit tam auaro ingenio priuatus
 modo bona ad religionē mente sit præditus, qui familiaris opes
 & facultates suas, potius suis cōmodis condere, quàm in fidei &
 salutis subsidium malit depromere. Quod verò ad milites exer-
 citusq; pertinet: sunt tibi victrices tuæ legiones robustissimorum
 peditum, quæ aspicijs tuis exercitatz prælijsque affuefactæ, e-
 undem semper euentum & pugna, & victoriæ cognouerunt: neq;
 sciunt quid sit aliud conferre signa, nisi vincere, sunt alæ frequen-
 tes nobilissimorum equitum, qui perpetuis stipendijs tuis sacra-
 mento obligati, virtute perficiunt, vt tua in illis retinendis libe-
 ralitas & prudentia commenderetur: erit eo tempore numerus nō
 mediocris euocatorū: vt n. quis animo & nobilitate præstabit, sic
 ad imperium tuum tibi erit præstō: iubentisque auctoritatem vo-
 luntate præcurret: atque ad has militares copias tui inuicissimi
 exercitus, quas Turcæ ipsi & barbari, quo pacto sustinere vel in-
 tuendo possint, ne adhuc quidem comminisci rationem vllam
 queunt: accedet tibi cū summa facultas delectuum habendo-
 rum, supplementique instituendi, ex strenuissimis maximeque
 gnavis ad prælia Gallicis nationibus: tum externa quoque &
 gratuita auxilia convenient fortissimorum virorum: qui qui-
 dem complures numero, virtute & genere præcellentes, iamdu-
 dum in speculis sunt, animoque cupidissimo contemplantur, ce-
 quis alicunde extet qui huiusce belli classicum aliquando canet:
 ecquis magnus Rex & Imperator patrociniū salutis publicæ &
 religionis causam suscipiat: cupiunt enim eam vitam, quàm mors
 suspectam perpetuo & meticulosam facit, opesq; diuino sibi be-
 neficio datas, ac donatas impendere in vilitatem reip. qui quod
 & frequentes sunt, & fortitudine præstant, non solum numero
 cohortes tuas, sed etiam virtute victorias adaugebunt: vel enim

certo mortis periculo proposito parati sunt animo libentissimo donare religioni, quod omnino debent necessitati: quod si locus in tuis castris omnes capere voluntarios milites posset, crede mihi Ludouice, id quod tamen vides ipse, non tu multitudinem & copiam, sed modum quærendo laborares: appropere-
rent enim omnes vndique, qui aliquam animi & virtutis possessionem retinerent: neminem liberorum charitas, neminem domesticum ocium, neminem priuata prædia, neminem via difficultas & labor à tam præclaro studio retardaret. Etenim quis vnquam votis, ac desiderio illuc perueniendi suspexit in cælum? aut quem cupiditas pulcherrimæ laudis assequendæ extimulauit? Quis denique summi Dei in nostrum genus merita, aduentum in terras, ortum, obitumque hominis facti, labores, sollicitudinesque nostræ salutis causa susceptas, grata & pia cogitatione recordatus est? Quin hac tali opportunitate oblata, occasionem sit arrepturus, & gratiæ Dijs immortalibus referendæ, & nominis perpetuandi, & cæli adipiscendi? Ac illud quoque manifestum, ad hostium loca perueniendi duplicem tibi itineris rationem esse propositam: Siue enim terra exercitum ducere institueris, tuto tibi id facere amicissimis Germaniæ ac Pannoniæ regibus licebit. Sed erit longitudo eiusmodi viæ propter difficultates terrestres, aliquanto fortasse laboriosior: siue classe duxeris transmittendum, id quod probari à peritis & prudentibus video, præsertim cum & maritimæ opes tuæ dominantur, & hæc quoque ad belli gerendi opportunitatem navalis tota ratio necessaria sit, promptum tibi fuerit quodcumque ad littus appellere volueris, eo in littore castris locum munire: exploratisque hostium consilijs decernere: Vnde potissimum exordiri bellum placeat: & quamprimum in partem virtutis tuæ impetus immitteri. Quæ tibi deliberatio, tutis à tergo & placatis omnibus ob sædus & amicitiam coniunctissimorum Regum: aut si qui nunc populi tibi sunt offensiores, ijs tum aut virtute tua perditis: aut clementia conseruatis, & ad beniuolentiam traductis: hoc etiam erit procliuor, quod ne suspicandum quidem est, hostes ipsos terra, mari-
lie suas tibi acies esse opposituros: quod enim copijs parum ad præliandum idoneis, minime autem animi virtute valent: Iccirco nec imperium: nec salutis euentum suæ in ancipitem prælij fortunam sunt commissuri: quod ego tibi, & militibus tuis fortissimis viris molestum fore puto. Virtutis enim proprium est, & fortitudinis, eam appetere victoriam, non quæ per hostiū ignauiam oblata, sed quæ labore videatur esse parata. Veruntamen barbari, non signis conferendis, sed itineribus tuis insidiandis: subitisque terroribus ostentandis: eandem viam & periculi tui, & salutis suæ tentare aggredientur. Quorum tu fraudes, pruden-

tia tua, incurfus constantia refutabis. Qui verò nodus in omni peregrina militia rei frumentariae, & reliquorum comaeatum, vel difficillimus videtur esse, cum tibi partim Graeciae & Thraciae populi expedient, qui imbutis Christiana religione animis, omnes tibi futuri sunt praesto. Partem verò maximam suppeditante Italia: provinciis sumministrantibus, classe tua fortissima atque instructissima legente semper oras propinqui litoris, exercitusque tui vestigia observante, omnium rerum copia in tuis castris constabit. Quid dicam de sublationibus ciuitatum in eis regionibus, seditionibusque populorum? qui aura propinqua libertatis à tuo exercitu eis afflante, ibunt ad arma profecto contra eos quorum nefarium dominatum tot iam annis perferre sunt subacti: ut Turcis consistendi nusquam locus, facultasque respirandi libera nulla futura sit. Vnam illis rationem resistendi in obsidionibus perferendis video esse reliquam, si neque signa conferre, remque fortuna permittere audebunt, quod prope exploratum nobis est: neque insidiis tendendis, comaeatibusque intercludendis quicquam proficiet: quod nos cum ad prudentiam consilij tui respicimus, penitus vereri desinimus. Verum in hac ipsa re quanta illos incommoda cōsecutura sint animaduerte: primum animos ipsi tuos demittent, nostros exaugebunt: Deinde genus latissime vagari solitum, qua vna in re tota eorū virtus & disciplina militiae constat, inclusum muris & penè constrictum, ne insolitam quidem pugnandi rationem conabitur exercere: postremo ut & velint ipsi, & audeant insistere in moenibus munitionesque tueri, cum paucissima habent loca manu munita, in quibus spem salutis suae si constituerint, de reliquis profecto desperasse intelliguntur: tum ne ipsa quidem illa tuorum militum virtutem, vimque tormentorum sustinere sunt idonea. Vna est vrbs Constantinopolis, quae propter amplitudinem ciuitatis, moeniumque & loci situm, multitudinemque propugnatorum, aliquantum morae & difficultatis videatur habitura: Si animus videlicet barbaris ad resistendum suppeditauerit. Hic tibi, inquam, fortassis quid tua possint imperatoriae virtutes fuerit experiendum, & id tamen tuus animi ardor, tuorum militum fortitudo postulatura est. Sed ego quid planè velim satis constitutum non habeo: optem tibi leuem eius vrbs expugnationem: nimium hostibus tribuere, & tuae virtuti non planè videbor cupidere: difficilem cupiam esse & laboriosam: tuae virtutis laudem illustriorem optauero, at salutis communis cursum retardauero. Tamen si ex veritate res, non ex fortissimorum virorum & cupiditate pugnae flagrantium desiderio iudicanda est, ne eius quidem vrbs oppositis celeritatem victoriae tuae remoraturus est. Nam cum milites illiusmodi ex illo eque-

Astri & fugaci pugnandi genere, minimè defendendis mœnibus sunt apti, tum crebris transfugijs Ducum, qui vel pristinae religionis stimulo, vel praesentis periculi metu adducti, extremam belli fortunam non expectauerint, & amissione omnium rerum debilitatis remanentium animis, nec vires barbaris, nec consilia constabant. Adde terrores intestinos Christianorum civiū: quorum vrbs refertissima est, omnia ad seditionem & tumultum vocantium. Adde vehementissimam impressionem ingruentis extræ exercitus tui, quæ diuina ope & virtute incitata, viam sibi latissime perrupta est: quandoquidem etiam non dubitamus Deum omnipotentem, astantem in illo sanctissimi laboris opere, & fauentem suis fonitibus de cœlo, si opus fuerit & frequente fulminum iactu in illorum ora vultusque: qui adesse in mœnibus defendendi causa instituerint, tormentorum tuorum ruinas accumulaturum. Etenim si Hispaniensibus bellis quæ aduersus Mauros pro religione gesta sunt, & in illis Belgradi ac Rhodiae civitatis oppugnationib. praesens Dei numen affuit semper, victoriamque nostris concessit & adorem, num verendum est ut non adsit in illo amplissimo labore & certamine, in quo summa religio & cœlestis reip. dignitas versatura est? Igitur Byzantio recepta, & hoc obice reuulso ac deiecto, reliquus iam tibi nō ad vincendum labor, sed ad peragrandū Asiam cursus superfuerit. Quæ quidem provincia nō arma tibi & aduersos exercitus, sed pompas & celebritates, & festivos dies aduētus tui sacra obuium est. In quo tuæ iam sapientie est, cogitatione antecapere illius temporis, quam fore tibi gloriā & gratulationem putes. Nam si ex hac recenti victoria, qua Veneti imperio per te & vetere fortuna euerſi sunt, tantum hilaritatis & lætitiæ ad animū tuum peruenire sensisti, ut tibi pulcherrimus ille dies, & totius vitæ fortunatissimus sit visus, in quo iure imperij tui armis vindicato fortitudinis & felicitatis laudem aliquam meruisti, pietatis nullam: Quid tuæ spei propositum esse debet ab illa victoria, quæ tibi orbis terræ imperium, & gratulationes omnium gentium collatura est? in qua virtus tibi tua, veræque animi magnitudo & felix conscientia auctæ restitutaque religionis: Deus deniq; omnipotens & summus gratulabitur? Huc igitur te, huc inquam te, cum & dignitas tua, & optimi Regis munus deponat cognomenq; Christianissimi, cum omnium gentium desideria atque vota, cum iniuriæ hostium veteres & acerbæ, cum salutis securitatisque ratio, cum ius, cum æquitas: cum maiorum virtutes: facta, exempla: cum imperij amplitudo: laudisq; splendor & gloriæ: cum imbecillitas hostium: robur tuorum exercituum, occasio temporum: opportunitas omnium rerum ad orbis terræ regnum tibi & sanctissimæ fidei subiungendum te vocet, cum deniq; Deus ipse im-
 mort-

mortalis signis, indiciiis, victoriis, imperio propemodum & voce, tuam ad hoc bellum virtutem voluntatemq; requirat. Tu quidnam afferre causæ in hac cura subterfugienda, & tanto Deorum hominumque consensu repudiando, in qua tandem latere excusatione queas? An quod liberos non habes? (Sic enim iactari interdum audio) qui si adessent, impedimento tibi potius quam incitamento essent: patria enim indulgentia & charitate victus, perdifficiliter à tuorum liberorum conspectu & complexu diuellere: nunc heres tibi quidem non deest imperij: nominis autem tui & virtutis heredem posteritatis memoriam repulsiat: non est profectò sapientie tuæ. An te itinerum difficultates, & tenuitas valetudinis tuæ deterret? quasi verò aut tibi tanto Regi parum commoda leuandi laboris ratio, & fatigatio viæ valde molesta esse possit: aut cum perspicuum sit infirmitatem humani corporis tortuosis semper casibus & periculis obnoxiam esse, non magnæ virtutis sit singularisque prudentiæ in iis potissimum rebus eam exercere, quæ cum mortem longissimè fugant, tum verò accersunt & pariunt immortalitatem. Nam si te, id quod tamen in magno Rege simile veri non est, tanquam perfectum rebus amplissimis laboribusq; maximis: domus iam ipsa aspectusq; tuorum: & ocium reliquæ ætatis: pax: quies: tranquillitasq; delectat: eisq; iucunditatibus, quæ tibi in regno tuo suppetunt, cogitas esse contentus. Primum nec expectationi nostræ cumulatè, nec tuæ laudi satis adhuc fecisti. vt enim sæpe iam diximus, virtus tuâ priuatas hactenus utilitates persecuta est, nondum attingit publicas: est autem summa virtutis, verèq; animi magnitudinis, nò tantum quæ propria sunt attendere, sed in commune potius consulere. Deinde hæc fruendarum voluptatum meditatio, a nomine, & laude optimi regis abhorret: non fructus est imperij voluptatum conquisitio, non otij desidria: non inertie studium: non vacatio operæ & cessatio: Sed labor: sed splendor: sed publica salutis cura: sed exercitatio virtutis cultusq; religionis. Ac eiusmodi quidem voluptates: quæ per quietem & inertiam subiiciuntur, fallaces penitus ementitæq; sunt: quibus dolor comes est: quas subitum fastidium corrumpit: quæ breuem habent suauitatem, perpetuam poenitentiam. Virtutis autem & pietatis fructus sempiternus. Quod si voluptatis studio tantoperè duceris, num tu maiorem eius ipsius vsum vlla ex re percipi putas posse, quam ex virtutis operibus, & defensione religionis? Etenim attende, attende Ludouice: percipe animo veræ voluptatis gustum: quam tibi non mortalis vlla oblectatio, sed instar sempiternæ in cælo beatitudinis is dies expresserit, quum tu tantis regionum spatiis terræ mariq; emensis, tot vrbibus & gentibus in eadè receptis, orbe terræ ad imperium tuum adiuncto, immortalitate comparata, rebus his gestis quas

quas laudare pro dignitate poterit vnquam nemo, imitari ne sperabit quidem maximus omnium Rex: qui sint, fuerint, futuriue sint, in finibus ipsis sanctæ ciuitatis vestigia impones, eminentiaque procul tecta & Hierosolymorum turres aspicies. Quæ tibi tum diuinæ species occurrêt fidei cœlestis qua conseruati sumus, quasi incunabula ipsa intuenti? quàm omnes præteriti labores pro nihilo in contentione tantæ iucunditatis æstimabuntur? Milites porro tui, quibus tum clamoribus per vniuersum agmen sublati Hierusalem salutaturi, quo steru excitato urbem sanctâ sunt adoraturi? Conflagrabit studiis. Urgebunt signiferos, inferent gradum: Sua quenque pietas, suus ardor stimulabit. Nihil illis longius videbitur, quàm dum in illis religiosissimis templis sanctissimisque delubris corpora sternere, & exoptatis amplexibus, iucundissimisque lachrymis satiari conceptam religionē animi sui possint. Tu verò inter militares illas conclamationes, & gratulantium inter se gaudentiumque lachrymas, inflexo ad sensum pietatis animo, inaudita quadam alacritate, & pio religionis horrore perfundere. Quid quum circumfusus corona procerum, regali que habitu insignis & equo, ad portas & mœnia Hierosolymorum conspicuus accedes? Crucemque manu inferes? Crucem, quam nunc gementes & prostrati suppliciter deprecamur, vt tibi voluntatem huius belli victoriamque contineat, tunc patto iam triumpho ouantes adorabimus? Crucem inquam, quæ quondam humano generi salutem peperit, tunc ipsa vicissim per te seruata videbitur. O felicem & semper commemorandum illum diem, quem qui præsentibus oculis hauserint, Deorum vitam fuerint consecuti: O iucunditatem non antea cognitam: O gratulationem non enarrandam. Quis enim tanto ingenio, tanta eloquētia, qui explicare verbis, atque adeo completu cogitatione queat celebritatem spectaculi illius, quum tu armatus & victor, nondum absterge tineris puluere & sudore: neque enim ardor tuæ cupiditatis siuerit, ante sanctissimum Domini nostri sepulchrum prostratus, & humi hærens, amplectendo, exosculando, pios gemitus edendo expleri nequiueris: tantò maior & excelsior Rex, quantò te summo illo Rege minore profitebere. Quod tuum tunc erit gaudium? quæ communis omnium lætitia: quantus & quam incredibilis fluxus lachrymarum quum infinitum amorem & beniuolentiam et ga te, vimque illam summi gaudij animi hominum capere non poterunt. En cur nos reges esse optare debeamus: & cur fortunæ non nihil deferendum putemus: non vt falsas voluptates consecretando, quæramus libidini prædam & cupiditati, sed vt ad potentiam & copias magnitudinis animi pietateque adiuncta: hos fructus veræ iucunditatis: hæc premia eternitatis, vigilando pro communi salute & reli-

religione laborando, alit̃ semper spectando consequamur. Nam ceteræ quidē quæ temerariis opinionibus alunt̃ humanae spes & sollicitudines, plenæ somnii & umbrarum simillimæ sunt: una extat religionis procuratio quæ ad immortalitatem adipiscendam veritate expressa est. Atque ego qui natus in fortuna reui, & in his temporibus versatus virtuti infestis, nec opis in me aliquid, nec in mea auctoritate præsidij doceo esse reip. & eod̃ etiam magis, quod ita meæ fidei sanctissimæ amore ardeo, quæ mihi salutem dedit, vt libenter gladiis vitam obtulerim, si meo sanguine redintegrari vetus dignitas religionis queat, omnib. qui aliquo in numero esse volunt, vel a fortuna locati, vel per industriam constituti, in hoc ipso munere iuandæ religionis magnopere suadeo esse elaborandum. Non sumus ad ocium facti: nec ad desidiam: nec nobis curriculum huius vitæ solutum a metu & cura est. Sed omnibus dies dicenda est ab illo naturæ rege: quem qui indulgentissimum parentem non agnoscunt, seuerum iudicem experientur: nec idem tamen postulatur ab omnibus, facultatum gradus distincti sunt, operæ esse debent: vt tamen ab inæqualibus fortunis, æquam vnusquisque voluntatem in communionem publicæ vtilitatis conferat. Ac si ingenium & literæ affuerint, cohortando: Si auctoritas, admonendo: si vis, exequendo: omnibus hic præclarissimus labor Christianæ reip. nauandus est, vt propter quem ipsi honesti sumus præpotentis Dei honorem potissimum habeamus. Quamobrem cum hæc ita se habeant, Ludouice: cum virtutis laus: officij ratio, pietatis meritum constare tibi melius nusquam possit, quàm in communis salutis patrocinio & tutela religionis: respice aliquando ad tei & ad facultates tuas virtutesque animi tui, ad omnium nationum desideria accommoda: Recognosce qui sis: vnde ortus: in qua fortuna positus: quid à te præstari reip. quam gratiam Deo referri conveniat. Plane videmus omnes tantis te affluere fortunæ ornamentis, quanta nullum adhuc regem ab antiquitatis seculis circumsteterunt. Sed illud quoque intelligimus, nihil in eis reip. præclarum esse atque magnum, nisi iudicium & sapientiam dispensantis, quis autem ad res perpendendas rectum consilium adhibens, vagam & inconstantem semper, volueremque fortunam non laboraret neccere eis vinculis quæ æterna sint: qui quæ non malit his tanquàm exterioribus adminiculis nixus, tendere ad immortalitatem quam auctoritatis peculiū: quodammodo & potentie in breuissimos vsus mortalis vitæ consumere? An non animaduertis, quos adhuc beniuolentia nostra celebramus clarissimos illos veteris memoriæ duces, nequaquam tantis ab radicibus quantis tu niteris, ad orbem tamen terræ suis victoriis illustrandum sola cupidine gloriæ fuisse excitatos? Iulios Pompeios: Scipiones:

Traianos: qui cum nequaquam parem tibi causam secuti fuerint: neque ad cælestem finem aspirauerint: Tu tanto nobiliore & fini, & causa non illis par omni virtute fueris: Tu tam præclaram occasionem non agnosces? Tu omnium gentium iudicia refelles: Te tua & tuorum salus: Te conscientia intimæ voluntatis: Te ipsa obtestatio laborantis reip. Te tui nominis sempiterna prædicatio ad Christianum genus in libertatem pristinam asserendum non vocabit? Minime: minime: non id esset magni ducis: non Christianissimi regis. Quin excute tandem aliquando temetipsum. Magnitudinem animi tui excita. Exurge in hanc excelsam laudem: Ad immortalitatem contento cursu nitere: Deo immortali obtempera: Amplectere orbem terræ imperio: Cælū animo: Eternitatem gloria: Humanum genus beneficio: ut nos, & qui post nos futuri sunt, quiq; in longa posteritate inerunt, virtutis tuæ merito honestati, laboribusq; conseruati, perpetuam nostram salutem, & dignitatem tuæ semper laudi & memoriæ acceptam referamus: Tu verò quantum terrarum spaciū ad imperium tuum adieceris, tantundem tibi ad fructu-
dam immortalitatem loci in cælo
compares.

F I N I S.

A22

IACO-



IACOBI SADOLETI

SACRÆ ROMANÆ ECCLE- SIÆ CARDINALIS, AD PRINCIPES populosque Germaniæ exhortatio grauissima, vt desce- rit & abiectis pestilentissimarum hæresium infa- nijs, in gremium Catholicæ & Apostolicæ Christi Ecclesiæ redeant.



AXIME erat optandum, Principes populi que Ger-
 mania, vt nos cuncti, qui Christianam fidem profite-
 mur, atque in ea vna, spem nostræ salutis perpetuæ
 repositam habemus, vno ore atque corde eadem
 sentiremus, quodque inprimis à Domino nostro Iesu Christo
 nobis est imperatum atque præscriptum, omnes in ipso Iesu, &
 in eius patre summo Deo, sicut ipsi inter sese vnum sunt: item
 nos, & in illis vnum, & inter nos essemus, Que recta & vnica ad
 salutem nobis est via. Sed quoniam prauis hominum cupiditati-
 bus omnia miscentibus ac perturbantibus, facta est in Christia-
 no populo magna dissensio, cuius isthinc ortus atque initia deri-
 uata in ceteros, maximis tamen incrementis in Germania au-
 cta sunt, neque solum a Christianæ disciplinæ moribus, sed a vete-
 re etiam sanctæ religionis instituto variè discessum est. Visum est
 mihi, Deo adiuuante, pro eo amore quem erga istam sortem in-
 uictamque nationem semper habui, multis multa scribentibus, no-
 silere, tanto meo in dolore, tandiu, sed pro mea virili parte, in me-
 dium aliquid proferre, quod ceteris vtile esse possit, mihi autem
 ipsi apud summanum Deum, partem misericordiæ, locum atque me-
 ritæ & facilitatis ad ignoscendum meis peccatis pariat. Quod
 mihi ab diuina illa bonitate & clementia contingere ita opto,
 si animo bono, si mente integra, si tantum studio concordie at-
 que vnitatis adductus, nulla affectione improba, nullis cupidita-
 tibus deuijs, nulla vllius præmij spe contaminatus & corruptus,
 ad hunc scribendi laborem me confero. In quo vos Germani
 Procures & populi, qui ab optimis partibus statis, qui constantie
 & pie-

& pietatis vestre clarissimū lumen ceteris errantib. præferre non
delinquitis, quorum virtute & sapientia & religione, veritas atque
unitas fidei Catholicæ in istis oris nondum etiam dissipata est,
neq. (ut spero) dissipabitur, Oro atq; obtestor, ut & mea verba li-
bentibus animis audire, & piam meam hanc voluntatem cõpro-
bare studiis atq; autoritate vestra velitis. Ego enim eisi sum,
qui nulla eximia animi virtute, nullis præstantibus ingenij orna-
mentis præditus sum: tamen in hac mediocri & dignitate & do-
ctrina, quæ à Deo Opt. Max. mihi donata est, profiteor hoc assi-
duè & præ me fero, nihil mihi magis cordi esse, quam unitatem &
pacem, nulla me studia, nullos amores, nullas utilitates ei cogita-
tioni & curæ anteferre, quæ de concordia reconcilianda sit, & ad
tutandam ac propugnandam Catholicam fidem pertineat, quæ-
que alternis querimonijs expostulationibusque extinctis, faciat
eorum animos qui Christi sanctum nomen semel agnouerunt,
in vnum rursus convenire. Hac voluntate cum sim, cumque me-
us amor erga vos Germani, plurimis iustissimisque de causis diu
ante susceptus, appetere me & optare dissidij aliquando finem,
pristinæque fidem & communionem benevolentia desiderare
compellat: dignus certè sum, cuius a vobis non spernatur neque
repudietur oratio. Præsertim si ea quæ dixero, plena æquitatis &
summi in vos amoris visa fuerint. Amo enim vos, quod qui-
dem ne temerè & sine causa facere videar, exponam vobis breui-
ter amandi & Germanum nomen magnificiendi causas. Ego
enim (ut vetera omittam) quæ antiquorum monumentis no-
bis sunt tradita, in quibus de maiorum vestrorum fortitudine,
de vita atque factis, de rebus gestis, de hominum multitudine at-
que frequentia, de ingenuitate morum, de seruanda fide, si qua
à vobis data esset: de cæteris rebus per multa scripta sunt, quæ ad
eximiam laudem generis vestri pertineant, quodque eo tem-
pore Romani Principes, qui orbem terræ imperio complecte-
bantur, vestre semper amicitia & societatis erant appeten-
tes: neque quemadmodum ipsi ex vobis crescerent, sed quem-
admodum vos firmos in amicitia tenerent, præcipuè labora-
bant, Quippe qui & externa bella vestris iuprimis auxilijs, &
virtute vestra conficiebant, & in ciuilibus seditionibus, suum po-
tissimum corpus vestre committebant fidei, ut perspicuè appa-
reret, quid illi iudicij de vobis facerent, tam in virtutè animi,
quam in fidei constantia. Ut hæc, inquam, omittam, quæ qui
legerunt & didicerunt, non possunt aliquam non in admiratio-
nem de vobis ac Germanicæ nationis benevolentiam adduci.
Quæ sunt nostrorum temporum atque etiam multo superio-
rum affinia, libentius commemorabo. Vos enim Germani, cum
primum Christi nomen inter vos palam prædicari cœpit, est

quod quidem factum est duobus Romanis Pontificibus Gregorio & Zacharia, maximè procurantibus, Bonifacio Episcopo nominatim ad id negotium misso, homine & pietate & doctrinam insigniter ornato, ut ei, quæcunque ille agere aut suadere insisteret, & Dei omnipotentis gratia, & hominum prompta ad obediendum voluntas adesset: cœleste fidei sanctæ lumen, & veritatis doctrinam protinus admisistis, viamque in spem salutis æternæ regenerati, & de integro nati, quæ ab illo viro sanctissimo atque optimo, eiusque deinde successoribus, huius sanctæ sedis Apostolicæ documenta vitæ atque præcepta quasi per manus vobis tradentibus, didiceratis, ea inuiolata, atque rata fidelissimè custodistis. Erant quidem etiam ante nonnulli, qui in vestris oris & regionibus de Christo aliquid audierant, eiusque fidem atque nomen suos inter necessarios familiaresque confitebantur: Verum ij tum pauci atque dispersi, tum nihil quicquam publicè magnèpere audentes. Quod autem nomen illud sanctissimum, in quo vno salus nobis consistit, neque aliud vllum in cœlo aut infra cœlum est, in quo spem ponere possimus, vobis patefactum, declaratum, & in cordibus vestris per fidem inscriptum est: hoc Romanis Pontificibus acceptum referre debetis, quorum (ut in vetustis annalibus legimus) cura atque industria in vobis conservandis fuit singularis, ut si beneficium hoc magnum sit, quod quidem tantum est, ut eo maius nullum, non modò ab hominibus, sed ne ab ipso quidem omnipotente Deo possimus expectare, gratia de eo aliqua in vestris animis remaneat necesse est, ut si quibuldam etiam Pontificum posteriorum infensi estis, quod iniurias ab eis cepisse vos arbitramini, ipsum tamen Pontificum nomen colere, huiusque Apostolicæ sedis auctoritatem, gravem atque sanctam habere debeatis, è qua vestra perpetuæ salutis initia, vitæque diuinitus agendæ documenta in vos profecta sunt. Sed ut redeam ad causas mei in vos amoris, Quid gratius homini verè Christiano (qualem me ego esse etiam si sapius vitæ à professione discrepet, ipsa tamen voluntate & fide profiteor) quid optatius quàm videre, audire, legere, gentes magnitudinem animi inuictas, multitudine innumerabiles, moribus & studijs à consuetudine ceterorum alienas tam subito & tam facile audito nomine Christi, manifestecere, & quos nulla vnquam hominum vis, nulla minæ, nullus terror, ad parendum & obediendum compellere potuisset, eos statim audito Dei verbo, vnius hominuli oratione captos, colla cœlesti iugo supponere atque subijcere. Quæ vestra laus Germani pendè est propria. Nam ceteræ gentes ac nationes, quæ ad fidem & ad Deum conuersæ sunt, non generatim neque vniuersæ, sed partibus temporibusque diuisis, ad veritatis notionem sunt adductæ, vos simul atque intel-

ligere

figere cœpistis, quid vobis proponeretur, regnumque Dei & vitæ melioris præcepta auribus & mentibus vestris concipere, non pauxillatim, sed cæteruatim, Spiritu sancto afflante corda vestra reiectis vitæ superioris studijs, ad Deum & ad Dominum Iesum Christum vos contulistis. Quæ vestra bonitas & facilitas, cui quæso Dominum eundem Iesum Christum pio animo colenti, non amanda sit & complectenda? Atque hoc etiam magis, quod cum patrefactum tum fuerit, quo vos præpotens Deus amore competeretur, qui vos suos facere & sibi tantopere studuit conciliare, necesse est, quos Deus tantopere diligit, eosdem a nobis qui Deum timemus & colimus, non diligi solum, sed plurimi etiam fieri. Quanquam illa Dei in vos benevolentia, admirabilis quedam providentia fuit rerum futurarum, vidit enim ille & prospexit, nominis Christiani, quod præcipue constituere ipse idque sibi proprium adoptare volebat, quodque iam tum in orbe ferè terrarum per nationes erectum increbrescere passim & frequentari cœperat, vos præcipuum quondam robur & fundamentum fore, quorum fortitudine præstantique pietate, Catholica Ecclesia & aduersus hostiles imperus tuta, & à domesticis factionibus eorum qui illam concerpere & lacerare conarentur, incolumis esset retinenda. Tale ergo Germani de vobis & tam honorificum iudicium fecit Deus, quod ipse æternò è principio cognitum sibi habuit, nos deinde comprobatum iudicij hominū perspeximus. Nam cum imperium Romanum, quod ex Oriente in Galliam fuerat translatum, & Carolo Magno summo atque inuictissimo Regi, qui tamen è vobis originem ducebat, per Rom. Pontifices Adrianum, Leonemque delatum, secundum Ludouici tempora, qui Carolo successerat, imminui vehementer & labefactari cœpisset, neque ullam certam iam haberet domicilij sedem, sed regulorum in Italia contentionibus huc atque illuc traheretur: Videntes postero Rom. Pontifices, nullam esse in ijs qui tanti honoris nomen sibi usurpabant, excellentem dignitatem, imperium autem ipsi stabili in loco atque honorifico constituere cupientes, ut esset vnde aduersis in rebus præsidium, vel Italia Barbarorum aliqua incursione laboranti, vel vexatæ atque oppugnatæ sanctæ Rom. Ecclesiæ, afferri posset, vestram illi potissimum Germani nationem, vestros Principes, vestros Duces delegerunt, quos idoneos iudicarent, quibus maximi in orbe terrarum honoris, & dignitas simul & procuratio committeretur. Itaque decretum a Gregorio V. Rom. Pontifice factum est, quo Cæsaris Regisque Romanorum creatio soli Germanicæ nationi tradita, & ex Principibus Germaniæ perpetuò permissa est. Quo quidem decreto ad hæc usque tempora, annos amplius septingentos, diuina sic constitutæ sapientia Rom. Pont. & huius Apostolicæ

sedis beneficio ius summi imperij & dominarum orbis terre vos obtinetis. Quod etsi consilio optimo tum ex ipso Deo, tum etiam ab hominibus factum est, quandoquidem vos soli, propter virtutem animi, magnitudinemque regionis, & Principum vestrorum nobilitatem ac frequentiam, capere tantum hoc nomen, & ius firmare imperij perpetuumque in vobis stabilire poteratis: Tamen vnde hæc in vos profecta sunt, vnde vobis donata & tradita, sanctam hanc Rom. & Apostolicam sedem, quæ piæ matris officio erga vos functa est, pro naturæ certè vestræ clementia & bonitate habere in honore, gratosque vos illi ac memores ostendere debetis, neque perferre tam negligenter, ac pati, ut quorundam illa factionib. apud vos tantopere oppugnetur. Sed quoniam de his alius erit nobis conquerendi locus: redeamus ad ea quæ cum de virtutibus actionibusque vestris, tum de meo iure suscepto erga vos virtutis causa amore constituta mihi ad commemorandum sunt: Vidimus enim præclarum Dei omnipotentis de vobis iudicium: Vidimus Rom. Pontificum egregia erga vos merita, qui & salutis æternæ vestræ, de Principio, & post summi etiam inter homines honoris auctores extiterunt. Nunc videamus, ecquid tantis honoribus & iudicijs virtus vestra responderit, ecquem nos fructum ex vobis vilitatemque senserimus. Atque hic, ut perstringam vetera, quoties videlicet à nobis bellum illarum Turcis & trans mare traectum sit, quod factum est Urbano II. primum Pont. Maximo procurante, annis ab hinc circiter quadringentis & quadraginta, cæterisque deinceps Pontificibus instantibus atque adiuvantibus, vos vestras partes in illis expeditionibus eximias & graues semper esse voluisse, cumque Itali & Galli magnam quoque ipsi laudem ex prælijs illis reportarent, vos non minora virtutis & fortitudinis in eo bello opera edidisse, vestros deinde Duces, vestros Imperatores, suo nomine separatim ad id bellum esse profectos, Barbaras nationes non paucas, quæ vobis finitimæ existerent, armis per vos devictas ad Christi fidem accipiendam fuisse adductas. Plurima denique per vos gesta, quæ & ad terrorem valuerint hostium, & ad salutem confirmationemque sociorum: ut hæc inquam vetera non obliuiscamur, hoc quod recens & postremum accidit, quod astate nostra factum est, in quo nos omnes, cum actum primo de nobis & de salute nostra existimarentur, virtute mox vestra Germani, vestraque fortitudine, ac inuictissimi Imperatoris vestri Caroli singulari providentia atque consilio ex iummo timore ad summam hilaritatem & læticiam scimus traducti. Quibus tandem explicare verbis, aut quæ digna laude prosequi illustrareque possumus? Venerat hostis superbus & insolens Rex Turcarum, cunctumque orientem secum, nec non & Gre-

cia, Thraciæ atq; Illyrio maximas manus adduxerat, trecenta milia equitum habebat in exercitu, totidem ferè peditum, Pannonas legibus suis obstrictos seruos magis suos, quam hostes numerabat. Viennam appetebat. Vrbein vestri nominis florentem atque amplam, quo capta ea, vt confidebat, atque oppressa, ac tanquam perfractis Italiæ repagulis, in nostras deinde oras irrumperet, illaq; colluione maximi exercitus premeret vniuersa atq; obrueret. Ipse gloriabundus & præferox, quoad inter suos fuit, suarum magnitudine copiarum inflatus omnia sibi superaturus & facile prostraturus esse videbatur. Erat summus omnium nostrum timor, summa expectatio, quo nam euaderet tanti periculi ingruentis tempestas, cum ille ad Viennam accessit, quam antea etiam, nec quicquā obsidione tentauerat. At posteaquam cognouit Imperatorem ibi Carolum adesse, quem virtutis & sapientiæ gloria, pacisq; & belli artibus consiliisque insignem, ipse grauiter reformidabat, magnasq; manus Germanorum conuenire, subsidij ferendi causa, intellexit, percussus subito Germani mentem animumq; vestræ virtutis, & in bellicis rebus fortitudinis fama, concidit totus, neque solum vestra arma non expectanda, sed ne ora quidem vultusque vestros sibi inspiciendos esse statuit. Itaque fecit similem fugæ discessum: quiq; tanto cum exercitu, tanta cum audacia, superbiaq; venisset, nullis conspectis aduersariorū signis, nulla acie visa, terrore tantū nominis vestri, meticolosus atq; pauens, turpiter in regnum suū est reuersus. Hoc factū vestrum Germani, cum omnibus nobis stabilitatem & salutē, vobis cum salute, præstantissimā etiam gloriā conseruati Christiani nominis attulerit: erit credo quisquam tam auersus à Deo, tam inimicus & patriæ & suorum, qui non salutē suam vobis acceptam ferat? qui nō agat pro virili sua facultate gratias? qui virtutē vestram charissimō animi affectu nō prosequatur? Equidem, quod ad me attinet, cum omnium officiorū in primis colens sim: cumq; eas mihi leges vitæ agendæ iam diu præscripserim, vt semper gratus in bene meritis, in eos qui virtutis laude antecellunt, propensius ad fauendum & diligendum sim. Quid est tandem gratiæ, aut eximij cuiusdam amoris quodd vobis à me non debeatur? Quos optime sæpe de Christiana Rep. meritos, & in omni bellica ciuiliq; virtute ab antiquis vsq; temporib. intelligo fuisse præstantes. Atq; hæc publica gesta, atq; facta, priuati quoq; vestri mores antea comprobauerunt. Sic enim ex multis audio, idq; mihi persuasum iam pridem est, Germanos ante hæc turbulenta tempora, q̄ aliāquā profectō splendori vestræ nationis offuderūt nebulam, eis insistentes morib. fuisse, nihil vt illis humanius, nihil erga hospites aduenasq; liberalius, cōmemorari posset, pace autē & concordia inter se, religione erga Deū, in qua omnes vni atq; idē sentiebāt,

id scilicet quod à sancta Ecclesia Catholica eis præceptum esset & demonstratum, vsque adeò fuisse deuinctos, vt qui peregrini & conuenæ per Germaniam iter facerent, templum quoddam pietatis & officinam hospitalitatis, vbique videre se & experiri farentur. Audiebam sapenumero multos, qui isthic aliquandiu inter vos commemorati in patriam deinde erant reuersi, Italos atque Gallos, de vestris moribus mira quadam memorantes, quos ego libens auscultabam: ea enim narrabant, quæ mihi pro mea perpetua in vestrum genus beneuolentia, maximè erant iucunda atque grata: Cum illi ita dicerent, se ægrè atque inuitos à vobis discessisse. Nullam gentem esse, in qua pacatius & tutius viti posset. Fidem sanctam apud Germanos, hospitij ius inuiolabile haberi, peregrinos & aduenas tanta comitate excipi, vt nō propensiores Germani videantur esse in suos, quàm sint erga externos. Furtis & rapinis non esse apud eos locum. Ciues pace & concordia inter se contineri. Dolos, fraudes, malitias ab Germanica natione ita explodi & rejici, nihil vt grauius illi & vehementius auersentur. Contra bonitatem, integritatem, fidem, innocentiam, maximo apud eos in honore & haberi & coli. Deo autem & Ecclesiæ, & Christianis cultibus ac ceremonijs ita esse deditos, vt in orando obsecrandoque Deo, seruandis Ecclesiæ præceptis, templis fanisq; rei diuinæ visendæ & audiendæ gratia, frequentandis, nullisq; illis, neque religionis studio, neque humanitatis cultu, facile æquari possit. Hæc ego Germani sapius eadem audiens, flagrabam non studio solum & amore erga vos, sed tacito quodam etiā desiderio aliquando ad vos proficiscendi, isticque inter vos manendi atque degendi, quod isthæc mihi vita maximè ad naturā est, eosque qui illam degunt, inprimis felices & fortunatos esse existimo. Et nimirum, quid est quod possit cogitari beatius, qui vester ille tūc status? cuiusmodi vita? quanta & quā secunda felicitas? quæ animorum iocunditates, quæ delitiæ? An est quicquam præterea, quod amplius optari a bonis & prudentibus possit? Equidem nihil videro. Illa mihi videtur esse summa consiliorū cogitationumque nostrarum, si sapienter & beatè vitam traducere velimus, vt habeamus pacē inter nostros, laudem apud alienos, vt simus cum Deo fide, & pietate coniuncti, vt aduenas humanitate, bonos etiam hospitio comprehendamus, & nec versutia fraudibusque obtreptatorum diffidia scerentium, in aliquod ipsi iniustum odium adducamur, neque tamē eludi nos contemnuere sinamus. Hanc quæ capere vitam exequi; potuerunt, hi mihi videntur verè beatam vitam, quoad scilicet homini concessa illa est, fuisse planè adepti. Quæ vobis Germani omnium gentium penè solis domestica & familiaris aderat. Vos enim armis semper instructi, cum cæteris omnibus terribiles nationibus essetis, vbi tamen primum arma posita.

posita, statim ad studia clementiæ atq; humanitatis, & ad proborum hominū officia redibatis. In quo erat spectaculum mētibus hominum prudentium iucundum & admirabile, nempe videre homines eos, qui modò armati nihil terribile neque formidolosum extimuisser, eosdem armis, vel victoria positis, vel pace dimissis, mansuetudine domi & humanitate erga omnes imprimis esse pacatos. Hæc fuit vestra din peculiaris laus, hoc præstantissimum bonum, si tamen id perenne & proprium tenere potuissetis. Cōrigit enim nostra hæc ætate misera plane atq; infelici (etenim sicuti modò de vestris laudibus loquēs, alacritate animi & insigni lætitia quadam affici me sentiebam, sic nunc argumento mutato, cum de calamitatibus nostrorum temporum dicendum mihi sit, graui & intolerando dolore afficior atq; opprimor) contigit inquam proximis his & superioribus annis, vt ea de vobis Germani videremus, quæ videre sanè rati numquam essemus. Pacati antea & concordēs inter vos viuebatis, nunc nulla vsquam atrocior est in vobis dissensio: Deū & Diuos omnes summa cum pietate colebatis, nunc pietate extincta, studia veræ religionis apud magnā partem vestrorū obsoleuerunt. In eis legibus continebamini, quæ ad sobrietatem & abstinentiā à maioribus nostris, sanctis illis viris & antiquis patribus latæ, omnium deinceps seculorum obseruantia acceptæ fuerant & comprobatæ. Nunc prostratis legibus, rerum discrimine sublato, remissis continentię frenis, omnia vobis libera & soluta voluistis. Summam apud exterarum nationes modestiæ & religionis laudē obtinebatis, eam ipsam amisistis. Quāquam ego hæc quæ loquor, non vniuersè de Germanis dicta esse volo, sunt enim & erunt in ista fortissima invictissimaq; natione, qui sustineant veræ religionis causam, qui tueantur morem maiorum, qui à Deo & veritate se abduci nō sinant. Neq; verò tu aliter & præpotens & bone Deus, Pater summe omnium nostrum, permittas & patiare. Sunt in quā, multo maxima ex parte, qui & nobilitate & potentia & magnitudine animi, & pietate erga summū Deum præditi, optimam rationem & foueant & tueantur. Quos vtinam nominare & meritis laudibus cunctos efferre liceat mihi esset. Sed quoniam id esset infinitum, & eorum eximia præstansq; virtus, etiam sine me, & cuiusquam oratione, debitam gloriam possidet: Ego ad vos Germani, vniuersos etiā quidem, sed tamen præcipuè ad eos ex vobis qui aberrauerunt, & odio iracundiaque potius quàm vlla honesta ratione incitati, Christianum nomen, & populos Dei fideles, tot & tam grauib; referserunt seditionibus, rebus mea deinceps orationemq; conuertam. In quo id primum exponere conabor, Si tamen potero, quid sibi volentes, & quo sua consilia referentes, qui nouas opiniones in Ecclesiam Catholicam inferre conati sunt, nouisq; moribus tam in vitam

quàm in religione volunt esse distincti, minimè laborant, si propter ipsos, cuncta acerbis dissidijs, tanquam incendijs correpta misceantur. Hoc enim primo adieci ad causam patefacto, facile deinde erit, ut arbitror, eorum dictis & rationibus respondere. Qui ergo a more maiorum, a vetustis Ecclesiæ & sententijs & ritibus, a seculorum consensu, sese abseindunt & amouent, aliqua id ratione suscipiant necesse est. Porro nulla communior, neque ad speciem honestatis ratio accommodatior est, quàm dicere & præ se ferre, id, quod omnes isti præ se ferunt, & dicunt, sese scripturas sanctas diligentius considerantes, habere in eis quædam ad salutem nostram pertinentia loca certius sibi nunc & planius cognita, in quibus maiores errore fuerint decepti, hoc est, ut eandem rem de integro præferam, sese melius intelligere scripturas, quàm tot sanctissimi patres, virique doctissimi, tot Dei acceptissimi homines, neque singuli solum per se, sed sæpe in vnum locum, maximis conuentibus coacti & congregati perceperint atque intellexerint. Cum tamen illis antiquis diuinisque doctoribus tot sæculorum series, quantum videlicet à Christo temporis annorumque defluxit, tanta, & tam multa, tamque acuta ingenia, quæ intercurrerunt, dent veritatis & sapientiæ & solidæ pietatis testimonium. Hos verò nouarum opinionum repertoires nemo facile accipiat, nisi idem simplex quispiam & imperitus sit, aut odio aliquo & prauis animi affectionibus impeditus: nemo inquam est, æquum modo ad cognoscendum afferens animum, qui plus huic tribuere possit, quàm tribuat veteribus illis, qui tot ab hinc sæculis Christianæ fidei dogmata constituerunt. Qui cum excellenter ingenijs, scientiaque præstarent, flagrarent autem studio & pietate erga summum Deum, non suo instinctu solum, sed Spiritus sancti numine afflari, diuinas posteris leges declarauerunt, quas tueri & custodire vnica nostra salus est. Quibus quidem tanta cum cura & diligentia in labore scribendi, quo nos rectè instituerent, viamque nobis cælestis vitæ aperirent, versatis, tanquàm parentibus multo potioribus, omnia pietatis officia debemus, nedum ut veniat quispiam & dicat illos ignorasse de sanctis scripturis, quæ ipse melius certiusque habeat explorata & cognita. Est enim cæteris in verbis sententijsque scripturæ, licitum est cuius ingenium periclitari suum, & noui quotidie aliquid inuenire ac præferre. Quod tamen sit in literis sanctis ita positum, ut Christi primum Domini nostri auctoritate & decreto, deinde Apostolorum scriptis atque sententijs, post sanctorum patrum generaliumque Conciliorum iudicijs ac interpretationibus, ad fundamenta fidei constitutum sit, ac definitum, id attingere & violare omnibus modis est nefas. Quid ego hic commemorem vetera Christianæ religionis vulnera, Arios, Nestorios, Euticeres, Eunomios, reliquosque

liquosque quam multos, qui dum suo plus ingenio, quam bene
 sententiarum monitis consiliisque nituntur, ad grauem impieta-
 tem lapsi & præcipitati sunt. Etenim iste ipse, quisquis est, qui se
 melius intellexisse dictitat, quam veteres sancti, doctique viri fece-
 rint, cedit cuius nititur consideratione & iudicio: suone At nemo
 in sua causa iudex esse æquus potest: propterea quod amor sui,
 qui omnibus natura inhitus ingeneratusque est, quod cuique
 suum exoptatumque est, id etiam verum facillimè facit vi-
 deri: In quo est fons errorum falsarumque opinionum omnium.
 An si suam sententiam mulierculis hominibusque aliquot rusti-
 cis probauerit, idcirco magni sese faciet: permultumque ipse si-
 bi videbitur adeptus? Sed quis non intelligat ab homine, fictam
 speciem grauis & religiosi viri præ se ferente, non esse magni
 operis, rusticos & mulierculas & similes his homunculos, in
 fraudem induci? Quod quidem magno illius sit scelere qui de-
 cipit, & maiore etiam malo. Sed tamen illa decipiendi circum-
 ueniendique facilitas, nequaquam ingenij aut exquisitioris
 doctrinæ est testis. Quid amentius Manichæis? Quid furiosius
 Donatistis proferri aut commemorari potest: qui cum literas
 sacras penitus ignorarent, peruersè autem & præposterè om-
 nia loquerentur, nullo ingenio, nulla constante, atque aded
 probabili ratione freti: discipulos tamen & sectatores inuen-
 runt. Etenim quædam est apud leues homines, aut etiam sæ-
 pe malitia præditos, nouitatis voluptas, quæ his quidem qua-
 stus spem & inanis gloriolæ falsum honorem subijcit, leui-
 ores verò facillè tollit & suadet, vt commutationem sententiæ
 sapientiam maiorem putent. Sed quorsum hæc? Nempe vt in-
 telligatur, eos qui in suo ingenio tam confidenter insistant, vt
 cæterorum ingenia, præsertim doctissimorum & probatissimo-
 rum rejiciant, atque aspernentur: hos aut mentis ratione or-
 batos, aut ceterè superbix inflatu tumidos & arrogantes exi-
 stete, qui etiam ita dicant vetustos illos sanctos errare potuis-
 se atque falli, quasi verò ipsi naturam nacti sint, omnis omni-
 no erroris vacuum atque expertem. Porro superbia, cuiusmo-
 di erimen sit, quam inimicum, quam infestum aduersus Deum,
 ille nos docuit qui primus in oris cælestibus pulcherrimus no-
 bilissimusque creatus, hoc ipso bono concidit: quo omisso Deo,
 ad sui ipsius superbam admirationem est conuersus. Etenim
 nos, qui Christi nomine signati & salutaribus sacris ab Eccle-
 sia imbuti sumus: non in superbia neque in arrogantia, sed in
 humilitate summissioneque animorum regnum cæleste obtine-
 mus. Hæc virtus propria est Christiani nominis & generis: hanc
 qui non amplectuntur, nec adiscunt: necesse est vt fatean-
 tur, se Christum frustra confessos esse. Non debemus nobis ipsi

usque eò fidere, vt ceteros contemnamus. Ingrata sunt Deo no-
 stra omnia, quæ non ex imitatione sui dilecti filij, in nobis ex-
 stant. Ille cum humilitatem & patientiam & tolerantiam omniũ
 incommodorum nos docuerit, non solum verbis & præceptis
 nos admonens, sed multo etiam magis re atque factis, suoque i-
 pius exemplo nos instruens, nos quantum ab humilitate & pa-
 tencia eiusmodi discimus, tantum Christo nos remouemus.
 Quamto ergo satius est, non sibi vni omnia tribuere, non obte-
 rare antiquis viris, non reuocare in dubium, quæ sanctæ & piæ
 constituta sunt, non se nouarum rerum audorem facere, quod
 maximæ sæpe seditiones & perniciosæ inter populares bella sequi
 solita sunt. Sicuti quidem in Germania sunt secuta. Non enim
 stragem illam hominum clademque inuectam populis Germa-
 niæ, hanc vnã ob rationem, quod extiterunt, qui nouare res,
 tam in fidei doctrina, quam in consuetudine bonorum morum,
 concupierunt, possumus adhuc aut obliuisci, aut non grauiter
 dolere. Atque hæc perinde loquor, vt si isti ipsi qui suas intru-
 dere doctrinas auribus atque animis vestris Germani studuerunt,
 antiquatis atque abrogatis omnium superiorum seculorum au-
 thoritatibus & doctrinis: id tantum egerint confidentia inge-
 nij, aut ambitione adducti, hocque solum spectauerint, vt pe-
 riciores cæteris apud vos & doctiores haberentur. In quo esset vt
 dixi, vel amentia quædam vel superbia reprehendenda. Non illi
 propterea in hoc genere peccant, scio enim non parum multos in
 eo numero existere, qui & ingeniosi sunt, & bonis literis eruditi:
 quodque ad laudem non mediocre Germaniæ cederet (si reli-
 qua modò salua salutariter constituta essent) non mediocri elo-
 quentia præditi: Quos fraterno equidem animo complecti cu-
 pio, neque mihi quicquam foret opratius, quam vt liceret no-
 bis conferre & communicare inter nos alternas rationes cogita-
 tionesque nostras: Verum non certandi studio, sed animo veri-
 tati acquiescendi. Neque hoc quod nunc facio, vt fidem & fidei
 fundamenta, aut si qua etiam fundamentis adiuncta sint, tutari
 & sustinere conor: ad vllam cuiusquam vel minimam contume-
 liam referri volo. Mihi enim necessitas imposita est sic agendi, si
 Christum rectè professus sum, si ab ea spe nolo deiici, quæ mihi
 æternæ vitæ & salutis præposita est: Quæ maxime tum amitti-
 tur, si vel nos aduersus Ecclesiæ Catholicæ decreta constitutaq;
 consurgimus, vel si insurgentes alios, illaque oppugnantes, pro
 nostra virili parte non repellimus. Conuicia autem & contume-
 liæ, & omne genus maledicti, abhorret a mea natura, alienumq;
 est, nisi, si cubi id exprimat pertinax malè sentientium iniquitas.
 Quod interdum quoque a Domino nostro Iesu Christo omnis
 clementiæ & mansuetudinis fonte, necessariò legimus esse fa-
 ctum.

Rum. Sed ut dicere incipiebam: non isti qui nouare omnia & permutare concupierunt, sola ambitione & studio acquirendæ laudis sunt adducti, peruersa enim illa esset via & longè in diuersum duceus. Neque istud ipsi nesciunt, sed multos illorum iracundia: plures auaritia: non paucos etiam cupido illa, excita- uir quod vinculis legum Ecclesiasticarum exoluti, obsequium amo suo, & quæcunq; eis venissent in mentem iucunda & volup- taria, ea persequi posse sine metu & cura poririq; voluerunt. At quomodo hoc cognoscitur? Quomodo ex fructu us congru- scitur arbor (ut scriptum est) quomodo ex gestis & actionibus homo, quomodo ex frondibus & foliis propinqua ætas. Hi enim cum se ad eò Evangelicos esse prædicent, atque vni sese Eu- angelio fidem habere esseq; addictos profiteantur: quid tan- dem agunt hac sancta Euangelij prædicatione dignum? Qui pri- mum concordiam vtriusque Ecclesiæ discere & lacerare ausi sunt, cum scriptum sit in Euangelio, precante Domine, Pa- ter sancte serua eos in nomine tuo, quos dedisti mihi, ut sint v- num sicuti & nos, Qui vult ergo nos esse vnum, & similia quidem vnitatem, atque ea quæ Deo patri suo cum filio est: qui potest pro- batos eos habere, qui tantarum in Ecclesia dissensionum velint esse authores? Nisi fortè isti à Deo patre Christo dati non sunt: nec in numero eorum, qui Christiana appellatione digni ha- beantur, repositi. Neque verò his hoc licet dicere, sese veram & Catholicam Ecclesiam existere magisque conuenire cæteris, ut ad ipsos se conferant, quàm sibi, ut ad alios. Dicunt eorum non- nulli istuc quidem, quod & impij Donatistæ facere solebant, ut sese prædicarent veram esse Ecclesiam. Sed non tam errore hi, quàm impudentia feruntur. Norunt enim, aut certè faciliè nosse possunt, constitutis iam rebus, & publica firmata re siue ea hu- mana sit, siue diuina, qui miscere & nouare res studuerunt, eos semper turbatores pacis & concordie fuisse habitos. Quod si in hominum rebus publicis iure ita fertur & iudicatur: quantò plus Catholica in Ecclesia, quæ non humanis consiliis, sed diuina providentia iam inde de principio constituta est, eademq; tam multis sæculis corpus suum syncerum solidumq; retinuit, cor- rupta membra reiecit, optimo iure dicendum & sentiendum est. Nonne qui ab ea disungunt se & auellunt, hi viuifico illo Spiri- tu Christi, quo corpus totum sustinetur, sunt priuati? Nihil ergo est cur Euangelium iactetur, si maximum mandarum Euangelij præceptum inprimis est, ut omnes in chari- tate simus vnum: nullo enim pacto seditiosos, turbatoresq; concordie admittit charitas. Sed, ut dicebam, non omnibus am- bicio, verum permultis eorum iracundia, nonnullis auaritia ani- mi aequitatem & vim rectè iudicandi eripuit. Quorum quidem duorum

duorum, iracundia probabiles interdum videtur habere causas sese excitandi, & acrius omnia inflammatusque agendi, etli ne hoc quidem sapientibus, ac multò minùs Christianis est permiffum. Charitas eniù (vt scriptum est) omnia suffert. Avaritia verò, tum apud eos qui Deum verum nunquam agnouerunt, quam apud nostros, qui ex Deo ipfo sunt regenerati atque nati, quas quafò iuftas aut probabiles potest habere rationes, cur fuisqueftus & emolumenti causa omni penitus dimiffa æquitare, per factiones & discordias in aliena inuadere licitum fibi effe arbitretur? Sed vt veniam ad ea commemoranda, quæ occasionem dederunt res turbare volentibus, & tanto incendio tanquam faces fubiectæ sunt. Confiteor ego Germani atque fufpiro, facerdotij splendorem multorum culpa dedecoreque pollutum: resque Romanas, è quibus omnia omnium virtutum & omnis temperantiæ lumina in vniuerfum orbem, & dimanarunt quondam, & femper fluere dimanareque debuerunt, nunc tanquam fuligine vetuftatis oblitæ, atque id quod natura in omnibus ferè fert rebus, fpatio temporis fenefcentes, dimiffoque veteris abftinentiæ fanchitatisque curriculo, ad ftudium conqui- rendæ pecuniæ aliqua ex parte conuerfas: plerisque bonorum ftomachum iracundiamque mouiffe. Quod quidem Germani præcipuè veftra in natione contigit. Vos enim pro veftra animorum acrimonia, pro ingenuitate naturæ, pro ftudio veftræ tuendiæ libertatis, non modo veras nulla ratione iniurias: fed ne fpectem quidem iniuriæ ferre facile poteflis. Atqui vt confitear nonnulla in hac vrbe fieri, quæ minùs fanchè, minùsque temperatè fiant (non enim mihi malas res defendere in animo eft, neque agere id poffim vllò pacto, neque debeo: femper enim mea natura faulrix iuftitiæ & æquitatis fuit) vt confitear inquam nonnulla apud nos minùs bono more committi, quæ bonorum animos non fine causa offendant. Idem ego ramen affirmo, multò plura effe, quæ tum optimo iure fufineri, tum commoda & falutaria Chriftiano orbi debeant exiftimari: quibus etli non condonari ea quæ fecùs fiunt peto: nulla enim ratio eft tolerare alicubi quæ fiant præuè, quoniam in eodem loco eademque ciuitate bene gerantur: Tamen ita vniuerfè accertere omnes atque omnia in crimen, quod qui fe abfciderunt a communi Ecclefia affiduè faciunt, omnibusque paffim rebus quæ gerantur fceleris notam inurere: ac propterea populos concitare ad feditionem, clamare, vrgerè, partem in peiorem cuncta interpretari, maledicta congerere, nunquam vt opinor, neque Chriftiani hominis, neque vel mediocriter fapientis viri habitum eft. Cuius quidem rei indicium fæpius iam vos feciftis Germani: Qui in cõuentibus publicis, quos, communis Germanicæ rei ftatuen-

dz & ordinandæ causa, habere estis soliti: & in quibus plurimi
 nobilissimiq; Principes, ex ordinibus item cæteris electi viri con-
 ueniunt, cum grauamina quædam, sic enim appellatis, in mediũ
 proponeretis, quibus ab hac sancta Apostolica sede vos ledi arbi-
 traremini: aliquoties iam moderatè admodum & persapienter
 de totius consilij sententia decreuistis, vt earum rerum expositu-
 latio cum Rom. Pontifice fieret: petereturq; ab eo omni cum re-
 uerentia & modestia, vt grauamina eiusmodi aliquando tollere,
 & patria indulgentia satisfaccere vestris desideriis velleret. Quibus
 ego grauaminibus, siue adeò postulatis in conuentu publico Au-
 gusta, annis ab hinc 10. circiter editis: cum ego tunc abessem ab
 hac vrbe, atq; in Ecclesia mea residerem: post reditum hũc meũ,
 legi responsiones, summa cum æquitate & significatione bene-
 uolentiæ, à Clemente VII. siue eius Legatis & Procuratoribus
 datas. In quibus non pauca vobis conceduntur, atq; in gratiam
 vestri remittuntur. Reliqua quæ ex bono & æquo retineri possunt,
 retinet & sibi seruat Apostolica sedes: verbis tamen humanissimis
 affert rationes, cur ea sibi seruanda & retinenda esse ducat: equi-
 dem vt mirer, quod ad concordiam & consensionem in postu-
 latis pertinet, rem adhuc non conuenisse, neque esse transac-
 tam. Quodd si Pontifice Clemente, res ad maximam æquita-
 tem, & ad studium gratificandi vobis iam erat inclinata atque
 propensa: quanto eadem propensior & inclinatio futura est,
 Paulo III. Pontifice: qui nihil sibi magis habet propositum,
 quam vt Pontificatum gerat eo maxime modo, quo vnois ge-
 ri cum dignitate & cum iustitia potest. Itaque & solus omnium
 nostræ, superiorisque ætatis Pontificum, a factionibus Princi-
 pum armisque tractandis abstinuit: Quod maximo quidem in-
 dicio omnibus esse potuit nihil eum extraordinarium neque ap-
 petuisse neq; appetere, & quod anteriores Pontifices iam dudum
 ausi non sunt, Conuentũ publicum totius Christiani nominis,
 eumq; liberũ primum edixit, in quo agi de eis rebus, quæ ad fidei
 integritatem, & ad bonorũ morum præsertim in sacerdotib. res-
 titutione spectent, audacter ab omnib. & liberè liceret. Hoc Põ-
 tifice Germani nō solum bono, verũ etiã persapiente & graui,
 in vos quidem certè patria quadã animi beneuolentia affecto o-
 mnia quæ vobis, vos obtinebitis, æquitatem modò animi affe-
 ratis vobiscũ, rationeq; dare æque & accipere sitis parati: Quod-
 cumq; proparũ fuerit ratione atq; concludium, vestris in eo postu-
 latis & voluntatibus Pauli Pontificis benignitas iustitiãq; nō de-
 erit: Neq; ego vos, si vestram animi virtutem & nobilitatẽ rectè
 noui, aliud arbitror esse postulaturos, quam quod honestum ius-
 tumq; fuerit: enim semper hoc proprium generis nominisq; ves-
 stri, vt iustitiam & iniquitatem odio haberetis, veritatem atque
 iusti.

iustitiam amore complecteremini, nec minùs abstinere ab inferenda iniuria, quàm abhorreretis ab accipienda: Quid igitur obstat, quò minùs, cùm hæc ita sint, cùm & vos ab æquitatè & eo quod rectum sit in vestris postulatis recedere non cogiteris, & Pauli I I. Pontificis Max. benignitas erga vos sit propè, res tota conveniat, pacatiquè & concordè animi cunctorum sint? nisi quo propinquo in conventu Vincentiæ indicto, cuius iam apperere incepit dies, omnia hæc agenda, tractanda, conficiendaque sunt, ut quod publicè propè in concilio orbis terræ factū fuerit, id plurimorum conscientia teste, & ætioribus legum vinculis inuiolatum & stabile teneatur. Sed quo argumento vti institueram, cùm vos Germani in vestris publicis conventibus, in quibus (ut dixi) tot & tam eximij Principes, tam frequens nobilitas, tam multi ex omnibus ordinibus viri spectati & graues, omnesque penè Germaniæ honestates dignitatesque interesse solitas sunt: consilio compluribus diebus habito, rem multum examinata atque perpensa, actoribus auditis, de totius ferè Germaniæ sententia, petere Romano a Pontifice summa cum temperantia ac modestia, & quod ad postulata vestra attinet, rogare eum atque obsecrare, ut consulere paci & tranquillitati omnium vestrum velit, consueueritis: cùm hic mos moderatus atque constans summisque in cælum laudibus efferendus, domesticus fuerit nominis Germanici, ut omnibus videremini in rebus, non impetu animi, nec cupiditate ferri, sed æquitatè ac sapientia. Deceit ne? fuit ne rectum? priuatos homines, quibus insigne nihil adesset, neque ad auctoritatem, neque ad prudentiam, sola iracundia & calore animi percitos, totum eum morem penitus abjicere: & quæ vos publicè omni cum modestia agitis, priuatim eadem ipsos & alia multò plura grauioraque immodestè admodum & valde petulanter agere? Qui primùm verbis turpissimis aduersus sanctam hanc Apostolicam sedem inuehi non desinunt. Deinde cùm scripti aliquid edunt, quod quidem quotidie apud illos sit, tot infarciunt ingeruntque sacerdotali ordini contumelias, ut statim appareat rectè iudicantibus, non eos exponenda rei causa, qua de re acturos se in inscriptione libri polliciti sunt: sed saturandæ iracundiæ, odij expromendi, & maledictorum gratia coaceruandorum, eam scribendi provinciam assumpsisse. Quodque mirabilius etiam, & ab homine non stultissimo longe est alienum, hoc ipsi tum maximè faciunt, cùm in eas commentantur literas, quæ a Spiritu sancto diuinitus dictatæ, hoc vnum semper præscribunt nobis atque præcipiunt, ut alter alterius onera portantes, iniurias obliuiscantur, bona promalis referentes, unitatem & concordiam inter nos teneamus. Quid igitur potest habere auctoritatis ad docendum illiusmodi

sacrarum literarum expositio, quæ plena stomachi & inimicæ voluntatis sit: quæ non ad pacem mansuetudinemq; suadendam, sed ad infringendam unitatem Ecclesiæ, populosq; iracundia & seditione concitandos, imprimis sit suscepta? Non isti se norunt? Nōne intelligunt facere se repugnantia? Non in eo ipso, cum animo suo commouentur, tum corpore etiam perhorrescunt, si quicquam ex sancto codice sunt interpretati? Illæ enim cælestes literæ, illi sensus, illa Dei omnipotentis oracula, admonent profectò eos & tacitè coarguunt, agere illos contra quam tum profiteantur. Non enim patientiam intoleranter, neq; humilitatem arrogant, neq; clementiam ac misericordiam Dei atrociter esse interpretandam, neq; verò cætera quæ in sacris literis aut præcepta nobis, aut ex Dei benignitate ostentata sunt atq; promissa, ita esse exponenda, ut etiam si linguam fortassis ad ea explicanda eruditam, mentem tamen immitem & immisericordem afferas. Quid ad hæc responderi potest? aut quid respondent isti? nisi id, quod iactatum diu, & identidem commemoratum est, sese indignitate plurimarum rerum, & sacerdotum prauis moribus commotos, Pontificiæ tyrannidis (sic enim appellant) iugum amplius ferre non potuisse. Quippe qui viderent quotidie & experirentur, Apostolicam sedem, vnā cum his qui in ea essent præfecti, quam piam in ætrem antea Christiani populi existimassent, nunc charitatis præstinz oblitam, nulla filiorum ducta ratione, quæstus sibi vberis ex eorum incommodis & conscientiæ suspicionibus instituisse: Quæ & olim leges perquam multas edidisset iubendi quidem aliquid aut vetandi causa, & alias nouas quotidie ederet, quibus populus teneretur, non ut legibus illis salutare quippiam efficereetur, sed ut animis hominum superstitione implicatis, quicunque legibus illis solui cupissent, id sibi licere pecunia grandi redimerent. Hæc & alia multa his similia posteaquā commemorarunt, eaq; conuiciis refererunt & execrationibus, tum ad fontem omnium malorum illas, quas vocant indulgentias, reuertuntur, quibus Leonis Christi Pontificatu tota Germania perturbata est, Quas ego indulgentias, atq; aded potius indulgentiarum illarum ministros, neq; nunc defendo, & tunc cum deceter illæ atque publicatæ sunt, recordor me & contradixisse, pro illo honore & gradu in quo tunc eram, & cum mea sententia nihil profecisset, vehementissimè doluisse, non quòd ignorarem indulgentias a Rom. Pontifice concedi, & eorum quæ peccatis nostris debeantur, suppliciorum spatia ac tempora, & contrahi posse ab eodem & penitus tolli: cum clauium coeli potestas & administratio summo Pontifici Christi Vicario, diuinitus in Apostolo Petro sit data: Sed quia in indulgentiis tribuendis is modus seruandus est, qui nunc ab optimo Pontifice Paulo III.

summa cum cura diligentiaque seruatur: vt indulgentiæ gratis concedantur, nullaque in iis fiat pecuniæ mentio: & vt Dei benignitas & misericordia ære non ematur, aut si quid tamen interdum sit erogandum, id in pietatis studia erogetur. Quam ob rem vitio iam omni quo offendeabantur mentes hominum ex indulgentiis, sublato atque exempto, de reliquis aliquid etiam dicendum est. Ego, vt paulò antè sum testatus, quæ in hac vrbe minùs rectè sunt, defensusus ea non sum, & quidem non inficior, aliqua multa esse à veterè curriculo innocentie & integritatis in sacerdotibus non mediocriter deflexa, quæ correctionis indigeant: quod cùm Pontifices aliquot sæpius iam tentârint, euentu tamen seueritatis suæ sunt frustrati. Nam & Clemens V. Viennæ, & Gregorius XI. Auenionæ, & Pius II. Mantuæ, aliq; aliis in locis, leges de sacerdotum moribus in meliorem cultum restituendis, aut renouârunt veteres, aut nouas constituerunt: quibus ipsis etiam tunc auctoribus viuentibus, celeriter quod constitutum fuerat, obseruari desitum est. Non enim facilis res est, mores eòs qui inueterauerunt, repente velle vertere & commutare, vbi enim multitudo ad vitia est consentiens, & difficilis semper, & interdum etiam periculosa est emendatio. Quin autem bonorum morum corruptrix avaritia, in hac alma vrbe sensim obrepserit, resque ab initio aliquot sanctissimè ad salutem hominum vtilitatemque institutas, longius aliquantùm quàm oportebat progrediens, paulatim peruerterit: neque ego inficior, & res ipsa per se sat manifestum facit. Sed videndum tamen est, vtrum hæc calamitas, Romani tantùm nominis aut cuncti etiam Sacerdotij, quemadmodum exprobrant multi atque obijciunt, propria sit: an omnes ordines, omnia collegia, omne hominum genus penè iam comprehendat. Qui enim locus in orbe terrarum ab hac peste intactus relictus est? quod munus, quæ procuratio, quod officium, quæ potestas, non omisis iis propter quæ instituta fuerat, iam ad quæstum omnis intenta est atque conuersa? Qui porro hi sunt, qui cùm aliena tam facilè reprehendant, sua ipsi & domestica minimè respectent, stipulamque ex alterius seculo extrahere volentes, trabem non animaduertant, qua oculus eorum totus oppressus est? At enim turpior est in sacerdotibus, quàm in cæteris, avaritia. Quis negat? sed tamen in hoc Sacerdotali ordine, multi sunt sancti, & graues, & spectati viri qui criminis huius omnino sunt expertes. At in cæteris ordinibus item multi. Nempe, verum tamen exemplum ad vtilitatem cæterorum in Sacerdotibus est illustrius. Sed, vt his omisis, concludamus quod concludendum est: confitemur nosmetipsi & concedimus aliqua fieri in hac vrbe, quæ meritò reprehendenda sunt: non pauciora tamen esse affirmamus, quæ summe

sint laudanda : Nusquam enim charitas, nusquam amicitia & familiaritatis fides, nusquam in egentes misericordia, neque sanctius colitur, neque maiore studio curæ exercetur. Ipsa verò erga Deum pietas ac religio hic maximè sancta & semper sincera est. Sunt quidem vitia his intermixta permulta, quod necesse est, ex omnium penè gentium conuentu conflata hac ciuitate. Sed tamen in turba & colluuiatione viciorum, multorum eximie virtutes elucescunt, quibus æquum profectò fuit parci ab iis, qui omnes & omnia in crimen atque in inuidiam vno nomine vocant. Etenim cum Deus pollicitus fuerit Abraham, si in Sodomitis & Gomorritis, & in omni illa natione, decem soli boni viri extitissent, reliquis omnibus eorum causa veniam se daturum : Quid faciendum fuit his, ad quos cum neque attineat (non enim ipsis data est correctio rerum, rei que publicæ procuratio) neque ipsi suis puri atque mundi ab omnium criminum maculis sint : solum hi tamen, vna vituperatione, Sacerdotium, caputque Sacerdotij Romanam Ecclesiam, proleindere & lacerare non sunt veriti, cum & aliis in locis probi quamplurimi grauesque sacerdotes : & in hac præcipue vrbe permulti sint, qui hoc sanctum Sacerdotij nomen, quæque sunt huic nomini apta & consentanea, summa cum innocentia religionisque custodiant. Et tamen in hac vrbe, his quoque vrbaniis vitiis, præsertim auaritiæ, in qua maximè populus offenditur, reprimendis ac moderandis, & ad vererem morem, castum illum ac modestum redigendis : accessiti sunt ab hoc sapientissimo & optimo Pontificis ex variis orbis terrarum locis electi viri, iidemque in summo honoris gradu positi ab eodem & collocati, quo maiore præditi autoritate curam hisce rebus & diligentiam adhibeant. Et res quidem adhuc variis disputationibus extracta (non enim desunt, qui diuersas partes tutantes & propugnantes, aliquid aliquando boni & æqui dicere videantur) ad extremum appropinquanti iam conuentui, & in eo summi Pontificis consultissima, vna cum concilio, deliberationi referuata est. Sed ut aliquando veniam Germani ad ea, quæ ab istis qui se a communi Ecclesia disiunxerunt, odiumque & inimicitias contra Apostolicam sedem sunt professi, tum nobis obiecta sunt, tum etiam ab eis ipsis sunt ac perpetrantur : Vos primum, id quod æquissimum est, rogatos volo, ut verba mea attentè audiatis. In quo verò gratia præterea ac beneficium quoddam a vobis per me petitur, summioperè vos obtestor atque obsecro : vt donec animus meus erga vos fuerit perspectior, & planè vobis cognitus : quem res diesque ipsa quotidie magis magisque declarabit, aliquam de me interrim vsuram bonæ opinionis suscipere velitis, inque aman-

rissimum nominis Germanici, studiosum vestra laudis, pacis &
 concordiae cupidissimum conciliandae, promptum ad ea omnia
 pro vobis & sentienda & suadenda, quae pro loco hoc, pro ho-
 nore quem gero, agi & tractari & persuaderi per me poterunt,
 credere atque existimare. Quae si de me opinio vos unquam fal-
 let, tum tu Deus optime max. qui omnia cordium arcana nosti
 & perspicis, ita iubeto & agito, ut me quoque spes illa quam de
 tua erga me misericordia & benignitate habeo, decipiat atque
 fallat. Non ego is sum Germani, qui alios decipere velim, in
 quo ipso me maximè in primisque decipiam. Didici enim vere-
 ri, & rectè colere Deum: à quo se maximè disjungunt, qui
 alios maximè circumvenire student. Equidem sum ipse gravi-
 bus delictis pro humana fragilitate coopertus & penè oppres-
 sus, sed tamen in his omnibus abest à me malitia, & studium
 ac voluntas quempiam decipiendi: proximo enim meo ita sum
 affectus ferè ut mihi ipsi. Itaque quanto me affici dolore putatis
 ex his dissidiis ac dissensionibus, quae tam perniciose & graues
 in Christiano nomine excitatae sunt? nostra illa quidem nonni-
 hil etiam culpa: sed tamen multò maiore eorum, qui odium
 acerbum & inexaturabile contra nos cum cepissent, quo pro-
 iectis iracundiae frena laxarent suae, omnes & diuinas & hu-
 manas leges, omnes veteres mores, omnes superiorum atque
 inferiorum ordinum distinctiones, curationes, gradus miscere
 & confundere sunt conati: quantis vestris Germani detrimen-
 tis atque damnis, quibue Germaniae malo, vos primi experti
 estis: nos paria nunc propè & similia inuecta ubique penè per
 hos eosdem ipsos omnium bonorum morum legumque con-
 temptione sentimus. Qui primum ita dicunt: Rom. Pontifici
 non conuenire, neque id rectum æquumque esse, ut is quisquam
 accipiat emolumenti & commodi exiis, in quibus vel soluit legi-
 bus homines, cum illi sibi hoc concedi & indulgeri iusta de
 causa petunt: vel qui prius in leges commiserint, eos ad pri-
 stinam gratiam integritatemque restituit. Quam ego qua-
 sitionem saepius Germani ita vidi agitari, atque in vitamque par-
 tem tot argumentis disputationibusque defendi: ut nondum ex-
 iam planè constitutum videam, quid iudicandum sit. Quòd si
 in eam ego partem fortè propensior sum, ut in soluendo legi-
 bus maior mihi cautio adhibenda esse videatur: in restituendo
 quidem & in integrum reconciliando eos, qui contra leges fe-
 cerint, eritne quisquam tam iniquus ipse, qui neget esse æ-
 quum aliquam his multam poenae nomine imponi? Nam quod
 de dimidiis partibus fructuum couqueruntur, quas in confe-
 rendis sacerdotiis Pontifex sibi referuat, nullam in eo profecto
 intelloigo esse iustae querelae causam. Quid enim summus Pontifex
 qui

qui hunc locum atque honorem ita sustinet, ut sit cunctorum
causis precibusque audiendis & priuatim & publicè quotidie
expositus: à quo omnis omnibus petitur, aut leuatio, si quis
onere conscientie se oppressum videat; aut consolatio, cum
ad spem æternæ vitæ quispiam, quam crimine suo amiserat,
restitui sese per eum ipsum cupit, quem scit vnum in terris hæc
cœlesti potestate præditum esse, qui fauet ingeniis, qui virtutes
ornat (de vero & probò Pontifice nunc loquor) qui circumspi-
cit omnia, attenteque considerat, ne qua ex parte integritas fi-
dei Catholicæ, in qua potissimum salus nostra consistit, alicuius
culpa & scelere etiam in aliorum perniciem lædatur: qui om-
nibus beneficus, omnibus est salutaris: Iste inquam, qui la-
borat assidue & vigilat, quò Christiana res in suo honore offi-
cioque contineatur, nullis ne commodis, nullis ne præmiis ab
his eis ipsi quos tutatur ipse atque consequar, dignus est iudi-
candus? Quis vaquam muneri vlli publico curationis sue præpo-
situs est, quis in magistratu locatus, cui non de publico stipen-
dia sint constituta? cum nemo suo ære militare cogatur, cum
qui altari seruit, & eodem altari debeat viuere, & si spiritua-
lia seminamus (ut verè diuinus ille doctor gentium inquit) num
indignum est, ut metamus ea quæ ad victum cultumque corporis
pertineant? Quòd si de fructibus sacerdotiorum, in quos
magna est summi Pontificis potestas & iurisdictio, nonnulla ra-
men quorundam est querela, quid tandem isti Romano Ponti-
fici quo decus ille & amplitudinem suæ auctoritatis retineat, esse
indulgendum aut concedendum putabunt? At contrà ego
dico, minùs grate multò minusque liberaliter à populis agi,
gentibusque Christianis erga summum Pontificem quàm con-
ueniat certè iustumue sit: cum appareat quid Iudæi Deo præci-
piente (quòd tamen præceptum ad nos quoque peruenit) suo
Pontifici tribuere sint soliti. Qui primum decimas omnium
suorum fructuum, quos annis singulis ager extulisset, ad sacer-
dotes suos & Levitas qui suæ cuiusque tribus essent, fideliter o-
mnino atque integrè deferrebant. Urgebat enim in eo præce-
ptum Dei graniter minitantis, si qui fraudem vllam aut dedu-
ctionem in decimis fecisset. Tum deinde collectis & coacerua-
tis decimis, ex omni ea summa, decima rursus pars Iudæorum
summo Pontifici erat assignata: Et præter hoc decumarum ve-
tigal sanè pergrande & ad retinendam Pontificatus honesta-
tem idoneum, victimæ præterea, & quæcunque dona templo
offerebantur, quæ & opulenta admodum, & quotidiana penè
erant, summo Pontifici sacerdotibusque cedeabant, ut meliore
illi aliquantò conditione, inchoata religionis atque adumbræ
fuerint auctores, quam nos perfectissimam saluberrimamque

administremus. At habet Pontifex terrenum multorum populorum dominatum, ex quo viuat, & vnde honestè dignitatem tueatur suam. Quid ciues qui patrimoniū suum privatim possident, cum ad rectionem Reip. sunt vocati, num ideo minus publica mercede sunt honestati? Quod quidem optimo iure fit. Quia enim curate aliorum res, omisiss suis coguntur, iccirco illis premium publicè est constitutum, ne duplici damno afficiantur: sollicitudine animi videlicet in rebus alienis, detrimento in suis. Quare Pontifici quoque max. huius ipsius gerendi Pontificatus nomine, aliquid profectò vel imprimis tribuendum est ab iis ipsis, qui eius vigilantia diuināque potestate, pacem amicitiamque cum Deo, & ad illius gratiam adiutū habiueros se cōfidunt. Nam quodd dimidia illar partes ad bellum instruendum contra Turcas, decretae olim sunt, fuit quidem illa ratio decernendi, Quod verò minimè in id bellum erogentur, sed scribis & confectoribus diplomatum sunt assignatae (hoc enim aliquos audio queri) primū quia non omni tempore occasio est bellandi, tantisper illa pecuniae in turo posita sunt, neque id absque utilitate & emolumento publico: Deinde quoties bellum illud necessariò susceptum est, num quando Romani Pontifices sumptui & labori suo pepercerunt, quo communem rem Christianam eo in bello adiuuarent? Atque ego de antiquioribus Pontificibus nihil dico, torumque hoc ad illarum rerum scriptores reijcio: mea quidem arare, quod ego scire possum, propterea quodd intimus fui duorum Pontificum consiliis, autem numerum trecenta amplius milia in id bellum scio erogata fuisse, cuius quidem erogationis commodum magna ex parte Germania sensit: quam cum his proximis annis, inuāita propè cum manu & robore maximi exercitus Turcarum Rex appeteret, vestra quidem ille imprimis Germani vi atque virtute, sed magnis quoque submissis ab hac sancta Apostolica sede auxiliis, turpiter est repulsus: ut nemo de dimidiis illis partibus iure iam conqueri possit, quasi illa alios in vltus auerſe sint, ac non eò quodd instituta fuerant conuerſe. At mali quidam Pontifices fuerunt, qui & his ipsis vestigalibus & omni diuina humanaque potestate deterrimè sunt abusi. Tu ergo, qui te à communi Ecclesia separas, & à Christianarū charitatis veritate desciscis, argue illos si ita videatur, qui inprobè se gesserunt, in quo nostrorum quoque permultos habebis fautores, qui te collaudent & probent, inreque malos abs te reprehendi fateantur. Ipsum autem honorem summi Pontificatus, ipsam ecclesiam diuināque potestatem per quam cuncta certè Eui opa, (ut de reliquis orbis terrar partibus nunc taceam) tuaque imprimis Germania, ad spem nequaquam ambiguum beata in cœlo ascen-

quon-

quendæ immortalitatis olim erecta edoctaque est, iusta veneratione prosequere. Hoc enim sic agendo, & virili dolore permotus, & Christiana simul charitate videre esse prædictus. Propter odium autem quantumvis iustum aduersus quosdam, qui malè præfati rebus diuinis, deterius etiam illas administrauerunt, velle eripere Pontificibus suum honorem, eosq; in ordinem cum cæteris Episcopis redigere, pugnareque vt eximatur è Catholica Ecclesia Principatus, quo vniuersus fidelium cætus in fide & in officio erga Deum continetur, nunquam Christiani hominis habitum iri puro, cum tamen, quicquid dicant peruersi homines & pacis cõcordiæque inimici, Petrus huius terre Ecclesiæ fundamentum solus sit. Est enim illi peculiariter dictum, Tu es Petrus, & super hanc Petram ædificabo Ecclesiam meam, quod etiam in græca lingua planius atque lucidius intelligi potest. Non enim differt in ea, Petra a Petro, sed vtrumque verbum eadem significatione Petra est. Cum ergo Dei filius Simoni commutauit nomen, eumque Petrum voluit appellari, id illi nomen tribuit, quod maximè aptum & accommodatum fundamento est, quo neutiquam nomine ceteri Apostoli sunt vocati. Petrus itaque vnus Catholice Ecclesiæ fundamentum est, super quo tota consistit ædificatio, neque ea verba in Euangelio, quiscumque vnquam Pontificiæ potestati obtrahens, aliter poterit interpretari, sic licet ille ingeniosus, sit astutus, sit vaser (quemadmodum quidem esse multi concupierunt) nunquam inquam, ita adornabit interpretationem suam, vt in ea æquis & eruditis mentibus satisfaciatur, sunt alia quidem loca in Euangelio complura, quæ hoc ipsum confirmant & corroborant, quod etiam orbis vniuersus ab initio generis nominisq; Christiani perpetuò cõprobauit: sed nos oratione, non disputatione teximus: & vnus hic locus ad demonstrandum satis est, esse Rom. Pontifices apud Christum idem illud ipsum, quod apud eundem fuit Petrus: si quidem non vnus homo à Christo Pontifex factus, sed in homine vno instituta Pontificia potestas est. Quod & in Saule factum legimus, in quo non hominis vnus honor sed regnum ipsum deinceps est ludæorum nationi constitutum. Quæ cum ita sint, fuit ne æquum (vobis ego loquor, qui diuersa sentitis) Romanos Pont. tot onere conuictijs, & tam multa probra in eos iacere, vocareque Antichristos, qui Christi ipsius certissimi Vicarij sunt? quorum sumores aliquorum parum vobis erant probati, debebat tamen vel Pontificatus dignitas, vel vestra moderatio, vel charitas Christiana, vos ab istiusmodi insolentia reuocare: cum præsertim in his quæ ad veram fidem, verumque Christi cultum maximè pertinent, in quo præcipuè salus nostra est posita: nunquam P. nos, ex Max. impie sentisse, aut aliena

& praua statuisse intelligatur. Verum, esto, concedatur vobis, malos maledictis & verborum licentia esse conscindendos. Quid prohi? quid innocentes? quid religiosi? eisdem ne conuictis videntur onerandi? Qui verò nunc gerit Pontificatum & sustinet, hortator pacis & compositionis publicæ Paulus III. qui armis semper abstinuit, quæ ex superioribus Pontificibus nonnulli (ne grauius quid dicam) satis incommode tractauerunt, inque eo ipso ostendit, se nullis factionum præmijs contaminatum esse, nulla extraordinaria cupiditate transuersum agi, qui edixit commune omnium gentium Christianarum Concilium, quod vos maximè petere & flagitare solebatis, nunc posteaquam indictum & constitutum est, fugere illud maximè & declinare conamini, quem ad numerum vobis videtur esse aggregandus? Quem etiā, cum causas in medium adduceretis, quamobrem ad concilium non essetis venturi, reum vos facere velle professi estis: & illud verbum inhumanum & insolens, à quo quidem verbo maximi quondam Imperatores, & summi in terris Reges proferendo semper abhorruerunt, vos nequaquam eius autoritatis homines, inconsiderata quadam mentis temeritate protulistis. Quanquā, quid ego dispuem quo animo sitis erga Pontificium nomen, cū videam leges & decreta, quæ à summis Pontificibus, quoquo tēpore facta & promulgata sunt, omnia à vobis vno ordine repudiata esse & abiecta? Et quò vestrorum animorum moderatio, Euangelijque disciplina, quam sequi vos prædicatis, magis apparet, in concione gregalium vestrorum ignibus etiam tradita. Quibus tamen legibus & decretis, multa ad abstinētiā, multa ad frugalitatem, plurima ad seruandam integram atque incorruptam in Deum fidem præcepta erāt & constituta, per quæ nos illa cum custodissemus, & in hac vita sobrii atque casti, & ad beatorum numerum in altera possemus esse ascripti. Atenim sobrietas ista & continentia minimè vobis placuit. Alios saltem ne corrupissetis: nunc vestro exemplo, vestra imitatione, vestris suasionibus, plurimi proruptis & conculcatis sanctis legibus, ad multa intemperantiæ genera se proripuerunt. Est enim facilis vulgi inductio ac deceptio. Cum sub falso religionis nomine, cupiditatibus libertas & licentia proponitur. Quo in genere decipiendi ac circumueniendi, vos nimirum assidui & perdiligentes fuistis. Iam ista sollicitatio vestra & curiositas fallaciæ plena atque insidiarum, quo procliuior vobis atque explanatior esset, dogma illud in primis, rāquam propugnaculum causæ vestræ proposuistis: SOLA in Deum fide homines effici iustos, ad iustitiā in nobis conficiendam bona opera nil referre. Qua quidem voce per populos promulgata, auctoribusq; auditis: quis non intelligat, maximos motus animorum, id quod factum est, necessario fuisse con-

citandos? Cum enim credere in Deum facile sit: difficile autem cupiditates suas temperare: nemo paulo mobilior atque imperitior esse potuit, qui non exiguo illo credendi negotio, liberam suis cupiditatibus inserviendi facultatem redimere sibi veller. Quod sanctè à vobis vassè & maliciosè factum est: vidistis enim si maneret concordia in Dei Ecclesia, si status Germaniæ pacatus esset, si bonis artibus ad aliquam dignitatem esset accedendum: Vos (de primis illis auctoribus seditionum loquor) non cum fortasse locum quem cupissetis, habituros. Itaque in nouandis rebus, in patria gente vestra nationeq; perturbanda, omnem prorsus operam & industriam vestram posuistis: quòque frequentiores ad vos eòcursus hominùm imperitorum fierent, solius doctrinam Euangelij populis estis professi, sancta ô summe Deus præclaraq; professione, si tamen vobismet ipsi non repugnaretis. Nunc nihil Euangelicū cognoscimus in vobis, præter ipsam vocē, siquidè sanctum Euangelium, vnicam Dei sponsam & immacularam vult esse Ecclesiam, at vos & vnitatem ab ea & pudicitie omne decus vestris multis pbris & conuijs abstulistis: irè vult nos còcordes in vno corde cunctos, & in anima vna esse, at vos odijs atque dissidijs omnia repleuistis: vult quoq; Christianū genus vno Christi corpore totum comprehensum esse, at vos corpus istud ipsum eruenta in frustra iam complura, miseraq; fragmenta discidistis. Etenim quot à vobis iam errantium sectæ, neq; Ecclesiæ Catholice consentientes, & à vobis quoq; ipsis alienæ, prodierunt? Quod quidem non iniuria accidit: vbi enim semel ab vnitatem Ecclesiæ & ab vnius in ea rectoris autoritate discessum est, non est præscripta cuiquam neq; firma & rata lex villa viuendi. Sed vt redeamus ad Euangelium vestrum: cuius vnius sectatores vos esse affirmatis. Fuit ne Euangelicum, tot ferere dissensiones, rerum atque hominum ordines conurbare, dare arma plebibus aduersus rectores suos, totam Germaniā tumultu, discordia, direptione, cede miscere & inuoluere? Nisi fortè illud vel maximè Euangelicū est, (audite vos qui talia perperrastis, maxima enim cum attentione & diligentia à vobis est curatum) quod bona Ecclesiarum diripuistis, possessiones occupastis: templa Deo immortalī consecrata, solo æquastis, scilicet vt Dei ipsius omnipotentis non veneratio solum, verum etiam memoria in illis locis moreretur, quo solutione animo vos ex manubijs non hostilibus, sed diuinis, vestra avaritiæ & cupiditati suppediraretis. In quo fuistis etiam Turcis hostibus crudeliores: Illi enim templa vero Deo dicata si quando vi & armis ceperint, in alterius ea vsum religionis conuertunt: falsæ quidem quis negat? sed tamen etiam si veritatem culæ amittunt, nomen tamen Dei & religionis retinent. Quod vos ipsum quoq; funditus sustulistis: nihilq; magis cupere vos

Stenditis, quàm ut memoria hominum de ea re factòq; vna vestro
 omnis extingueretur, nempe ut obliuiscerentur cuncti aliquàdo
 & nescirent, loca illa quondam Dei sacra fuisse, agros, possessio-
 nes, ædificia, prædia quæ à pijs olim verèq; Christianis hominib;
 ad victum ibidem deseruientium Deo, & ad impensam quoridia-
 ni sacrificij assignata fuerant, per Euangelicos viros, scilicet ut
 Euangelio aliena rapere iubenti, ab ipsis obtemperaretur, fuisse
 interuersa, atque horum malorum, aliorumq; complurium (ut dixi)
 origo & fons inprimis fuit vestra egregia illa positio, quam iac-
 tare ac proponere omnibus soletis, Fide videlicet in Deum
 SOLA, iusticiam nobis, non etiam bonis operibus acquiri. Hæc
 propositio aditum vobis ad commouendos simpliciorum ani-
 mos, hæc occasionem diripiendi patrimonij Ecclesiastici præ-
 buit, à vobis simulatè & fallaciter iactata, à plurimis propter im-
 peritiam atq; etiam ob licentiæ solutionis cupiditatem alaeriter
 suscepta. De qua quidem positione nobis dicendum est, ut quan-
 tum cum Dei ope poterimus, quibusdam malitiæ fraudisq; tegu-
 mentum, alijs falsæ errorem opinionis auferamus. Eri sunt in-
 ter vos nonnulli modestiores, qui temperatius agunt, atq; ut ego
 intelligo, etiam eruditius, qui bonis operibus aliquem relinquit
 locum, & ea tamen opera à iustitia seiungunt. Quibus cum po-
 tissimum agendum mihi est, quod enim antea effusè prius &
 petulanter, primis ab auctoribus huiusmodi dissensionum, in
 populo proferebatur, fidem in Deum SOLAM iustos nos effi-
 cere, opera nobis bona ad iusticiam nil prodesse, vel potius ea
 omnium peccatum esse, id isti cautius & modestius tractant, bo-
 naque nobis opera necessario suscipienda esse dicunt, quò sic
 præcipienti Deo in illis per nos obediat. Ea tamen negant ad
 iusticiam in nobis vilius esse momenti, quippe cum fide SOLA
 iusti facti iam fuerimus: quam ego conclusionem, quo pacto
 confirmari & sustineri possit non video. Primum ita quæro: Si
 quis opera non bona sed mala efficiat, is ne fide SOLA erit ius-
 tificatus? Non accidet hoc, inquit, fidem enim ipsam bona o-
 pera consequuntur. Atqui istud ipsum quæro: Sequantur ne fi-
 dem opera bona necessario, nec ne sequantur? Si necessario se-
 quuntur, quid attinuit ab ea iustitia quæ per fidem imprimatur,
 opera bona seiungere? cum ea ita complexa & cognata ipsa cum
 fide sint, ut simul cum ea adsint, & simul cum ea iustificent, tan-
 quam ad rationem fidei substantiamq; pertinentia. Quod enim
 stare per se sine altero non potest, habet illud certè quò sine non
 potest esse, ad naturam suam penitus adiunctum: simile ergo
 esset, dicere fidem SOLAM iustificare, ut si diceret Iudæus, le-
 gem Moysis SOLAM iustos nos efficere. Quod pronuncia-
 tum plures haberet intelligentias, vel enim significaret, extra
 legem

legem Moyſis neminem poſſe iuſtum eſſe, quod nos de fide Chriſti veriſſimè dicere poſſumus, extra quam qui ſunt, tantum abſunt à iuſtitia, quantum à veri Dei & eius filij notione: vel cum proferret legem, totam intelligeret, totamque ab ea nobis iuſtitiam aſſeueraret dari, cum videlicet non ſolum vnum Deum coleremus, ſanctumque ipſius nomen veneraremur: ſed cum parentibus pietatem, cum proximis humanitatem, cum omnibus innocentiam, cuncta denique decalogi præcepta cuſtodiremus. Quam nos ſententiã eandem in fide Chriſti ſequimur. Eſt enim fides amplum nomen & ſecundum, quod in ſe continet permulta, quæ & in credendo Deo & in agenda noſtra vita ſeruari nobis præcepta ſunt, quæ ſi compleamus, tum meritò iuſti per fidem efficiamur, ita fide ſimul, bonisque operibus iuſti ſumus. Quòd ſi Iudeus ubi dixerit lege iuſtos nos fieri, non de vniuerſa intellexerit, ſed vnam aliquam ex ea decerpere voluerit partem, verbi cauſa, primum decalogi præceptum: & aſſirmauerit, ſi vnum tantum Deum coluerimus, nos tunc ſtatim iuſtos: hic ab ipſamet lege euſtigio redarguetur, quæ extremis in execrationibus, quas cælo & terræ, Deo & hominibus, auctor ipſe legis, ſiue adeo miniſter Moyſes vult eſſe manifeſtas, eos omnes execratur, qui non vnum tantum hoc mandatum, quanquam præcipuum id & maximum, vt vnum Deum colamus ſolum, ſed qui non omnia ad vnum præcepta legis cuſtodierint. Quæ execratio eam vim habet: vt quiſquis quanquam vnum Deum colens atque agnoſcens, in alio legis mandato offenderit, hic non modo non iuſtus, ſed legis totius violator eſſe cenſeatur. Sic iſtos SOLA ex fide iuſtitiam in nobis conſtituentes, hoc eſt delibantes ex Euangelio partem illam, quæ ſolum in credendo & Deo ipſi conſidendo ſita eſt, quaſi in ſanguine & cruce Jeſu Chriſti filij ſui Domini noſtri Deus nobis omnia peccata noſtra ignouerit: & ex hac noſtra in Deum credulitate & fiducia iuſtitiam nobis, ſubito agnaſci aſſirmantes, ipſum Euangelium pluribus quidem in locis redarguit, quæ loca a multis quotidie ſactata & peruulgata nos in præſentia breuitatis cauſa omittimus. Vnum tantum ex Euangelio afferemus locum, in quo apertiffimè maximeque appareat, quantum ad vim rationemque iuſtitie in bonis operibus ſitum intelligatur: etenim hoc arbitror efficit in nobis iuſtitia, quæ eadem in ſacris literis bonitas & innocentia, & erga ſummum Deum pietas, in proximum fides, humanitas ac miſericordia eſt, vt per eam digni cœleſtibus præmijs reddantur. Quid enim aliud eſt iuſtificare, quam facere iuſtum & bonum, in quo ſimul cum fide erga Deum ſanctitas morum & omnis actio recta continetur? Cum ergo dominus Ieſus ſupremum illum in Euangelio denuntiat iudicij diem, quo

omnes

omnes omnino homines, quicumque sumus, fuimus, erimus, ante illud horribile tribunal constituemur: qua se voce usurum, postquam iudicium fecerit, profitetur? Nonne ad bonos quidem & electos ea, qua opera illorum misericorditer facta collaudans, regnum se illis propterea perpetuum dare pronunciat: quia cum me videritis esurientem, inquires, pane vestro recreastis & panis: cum nudum, vestistis: cum in vinculis positum, vestro ad me accessu consolationeque fouistis. Ad impios autem, immiseriores contraria. Si ergo iustitiae in nobis effectus, remuneratio regni est, atque id regnum, testimonio Iesu Christi operibus bonis est destinatum: quis erit tam auersus à vero, qui opera ad iustitiam bona conducere non putet? Quod si opera bona non necessarium fidem consequuntur: & ea sunt tamen propter mandatum Dei suscipienda (haec enim erat altera diuisionis pars) occurro statim, itaque insisto, cedo hominem igitur credentem quidem in unum Deum & per Iesum Christum sibi ignotum putantem, licentius hoc autem & liberior cupideratibus obsequentem suis, quod nihil omnino de iustitia quam per fidem acqviserit, detractum iri per mala sua facinora putat, Quod tum monstrum statim, quod prodigiū mihi dederis: Quamquam huiusmodi quidem monstra permulta iampridem constata in vestra Germania sunt. Atqui hoc quod ego peto, facile sanè est, idque accidere quotidie potest, si quidem non est necesse opera bona cum fide omnino esse coniuncta. Tu verò qui iustitiam in fide SOLA constituis: si hunc cum talis sit, qualem ego descripsi, fide ex SOLA reputas iustum, nonne honorem sancti nominis iniquitati & intemperantiae intelligis te deferre? At enim plura sunt elogia in sacris literis, quae hoc ipsum disertè enunciant. Iustitiam fidei videlicet ab operibus seungi: quod princeps ille omnis Christianae sapientiae Paulus saepenumero repetit; Arbitrabatur, inquires, hominem iustificari fide, non operibus. Et alio loco: Gratia seruari estis per fidem, idque non ex vobis, Dei donum est, non ex operibus, ne quis gloriatur. Item quia scribit, quod iustitia nunc Dei sine lege facta est manifesta, ea iustitia scilicet, quae sine legis operibus iustos nos facit. Quod magis ut confirmet, subiungit, omnes qui peccauerunt, & indigent gloria Dei, iustificantur gratis per ipsius gratiam, per eam redemptionem quae est in Christo Iesu. Haec ego elogia & verissima esse assentior, & à tanto Apostolo diuinitus iudico fuisse scripta: Non tamen ex eis ut concludatur, fidem seorsum ab operibus bonis, nos SOLAM iustificare. Ac quod opera quidem sine fide, quaecumque illa sint, nihil nobis conducant ad Christianam iustitiam, & confiteor planè, & pleno ore pronuncio. Quod autè fides SOLA, nulla omnino habita ratione operum, iustos nos efficiat, id mihi videtur

eidem

eidem Paulo & scripturæ esse contrarium. Christus dixit: Amici vos mei tunc eritis, si egeritis ea, quæ præcipio vobis. Et alio loco: Veniet filius hominis, & reddet unicuique quod suis operibus quisque fuerit meritis. Et Paulus: Gloria, & honor, & pax omni operanti bonum. Et alio item loco: Nos spiritu ex fide spem iustitiæ expectamus, ubi fides spem creat iustitiæ, non statim iustitiam ipsam. Quanquam quid testimonia in hanc operum partem colligo? cum cuncta nos ad bona opera adhortetur scriptura, tanquam nobis necessaria ad salutem, cui quidem parti operum consulendum etiam fuit, tum ut veritati satisfaceret, & conscientiæ, tum ne spoliatis hoc decore rectis actionibus nostris, quasi ex minimè ad iustitiam sint utiles, illicitum improbis imperitusque daretur, non ex præcepto & lege, sed suo cuique arbitrata vivendi. Nunc ineunda nobis ratio concordia est, illudque demonstrandum, alterna elogia ex scripturis nequaquam inter se esse contraria. Quod ut peripicue magis pateat, ab aduersario nostro confessione faciemus initium. Vos fide ex SOLA iustitiam nobis insinuari exponitis, ea re quidem, quod ubi quis ad credendum hoc accesserit, neque ad credendum solum, verum etiam ad confidendum, quod Deus omnipotens pater omnis misericordiz, in sanguine filij sui & morte, quam is pro nobis ut satisfaceret, nostraque deleteret peccata, perpassus est, delictis nostris veniam dedit, remissioque in nobis peccatorum est facta, statim per Christi meritum una hac fide, quæ non credulitatem nobis tantum, sed fiduciam etiam absolutionis nostræ & cum Deo ipso reconciliationis afferat, nos effici iustos. In quo ex vobis quæro, utrum charitas cum hac fide iuncta sit, & societate iustificandi cum ea coeat: an hoc in officio à fide sit seiuncta? vos quidem eam repellitis, & ad alia opera illam rejicitis, cum hoc absurdum protinus eveniat, charitatem, quæ maior fide sit in effusione iustitiæ, quæ nullum opus dari potest præstantius, nullam partem in nobis neque vim obrinere. Illud præterea docto homine indignum: quod, cum istam ipsam fidem, in qua una hæretis, à spiritu sancto nobis conceditis dari, non videtis eam in amore & charitate esse datam. Quid enim aliud Spiritus sanctus est, quam amor? Quod etiam ut prætereat, eum fidem esse fiduciam affirmatis, quæ certo confidimus nostra nobis peccata à Deo per Christum fuisse ignota, spem, quamvis imprudentes, in hac fiducia inseritis: non enim sine spe potest esse fiducia. Quod si spem, profecto etiam amorem, sic enim confidimus nostra peccata nobis condonari, ut non modo id speremus, sed etiam amando optandoque expectamus ut ita sit: quoniam omnis ratio speciatque fiducia, quæcumque versetur in re, amore rei illius nixa est quam nos esse adeptos aut adepturos confidimus. Ita in fide vera

spes, & charitas sic implicita est, vt nullum eorum possit diuelli. Quomodo igitur opera cum fide simul necessariò cant: cum sæpe absque operibus faciat SOLA fides iustitiam in latrone fecit, vt in alijs multis, quos ex historijs Ecclesie possumus colligere? Nempe, Quia habitus iustitiæ, quo a operandum propensi efficiuntur, fidei ipsi ab initio statim per amorem & charitatem est annexus, vbi enim amor Dei in vera illa fide protinus elucet, simul illa subito adest pro animi & cogitatio: esse in actionibus rectis amoris non Deum, & Deo ipsi satis faciendum, admonenti vos illi & tunc diligamus eum, vt mandata eius seruemus. Hic iustitiæ habitus, non conflat ex operibus & actionibus, sed cum ipsa fide charitateque coniunctum diuinitus non pressus, is ille ipse est, qui iustos nos facit. Et sanè conueniens est, vt a iustitia iusti, quam a fide nominemur. Tamen (vbi omnia hæc in vnum connexa sunt & coherent. Hunc habitum præclare exprimit Paulus diuinis illis verbis, quibus ad Epistolam scribens: Gratia seruati estis per fidem, idque vobis, Dei donum est: Non ex operibus, ne quis gloriari in vobis, enim ipsius sumus effectio, edificati in Christo Iesu ad opera bona, quibus præparauit Deus in illis vt ambulemus. Ad itaque per Christum accedenti, statim ad rectè faciendum præparata facilitas quædam & voluntas bona agnoscitur. Porro iustitiæ habitus tunc absolutè in nobis perfectus est, cum exerceat sese, & exeat in sanctas actiones: exercitationemque conuenientem iustitiæ cum ipsa exercendi voluntate coniunctam. Ipso fidei initio, aut cum spatium non est rectè faciendi, licet perfectionem iustitiæ non teheat, idem tamen nobis per salutem quod absoluta plenaque iustitia. Quam quidem distinctionem, alio loquendi modo scriptura ipsa denotat cum loquitur de Abraam: Quòd credidit Abraam Deo, & imputatum est illi ad iustitiam, hoc est, perinde habitum in eo, ad iustitiam totam iam impleisset. Quod idem Paulus, creditur, in eum qui iustificat impium, fides hæc ea ipsa reputatur ad iustitiam. Quibus ex omnibus patere planè iam arbitror, bona cum fide ad iustitiam constituendam in nobis ita necessaria, vt nihilominus Deus propter abundantiam bonæ misericordię suæ, solo in nobis interdum iustitiæ habitu ipsemet in nobis effunderet, etiam nullis consecutis operibus contentus esse soleat. Hac controuersia immixta (mihi vt videtur reliquas quæ supersunt, quæ sanè plures existunt & variationem earum non est huius temporis tractatio; præsentis definitioni, si quando congregari cum aduersarijs dabitur, referam relinquam. Nunc hoc dico, hanc positionem, quam vos,

fuit seditio, quàm patriæ vestræ quies iucundior, in medium protulistis, atque eam passim inter homines iactandam diuulgandamque curastis, videlicet ex fide SOLA iustitiam, non etiam ex operibus bonis constitui: facem extitisse tantorum incendiorum, quibus hoc tempore, instigatoribus vobis, correpta omnis Europa est. Quid? vos nè fortè pœniter tantæ authores in Christiano nomine calamitatis fuisse? an si quando oculos in cœlum attollitis, atque illa regna diuina & immortalia quæ Christianis hominibus & cuncto generi nostro, a Deo parata & proposita erant, multis per vos interclusa atque erepta cogitatis, nulla animos vestros attingit consideratio, non posse cœlum parere vobis ipsis, nisi per pœnitentiam fueritis restituti, quod cæteris per vos sit obleratum & clausum? Quid est quod grauius ferat pater omnium nostrum præpotens Deus, quam esse astutos homines, quæ sui quæstus, aut alicuius acquirendæ potentie causâ, aut quò iracundiæ, aut quò intemperantiæ suæ seruiant, simpliciorum animos inducant in fraudem: eosque à præmijs ecclestibus auertant, quæ præmia talibus maxime prompta & proposita sunt? Legite Euangelium vestrum, in eo Christus vos docebit quod discere certè debuistis, quanti hoc ponderis scelus, quanti ad iram Dei excitandam momenti crudelitas ista sit: si tamen vestrum est Euangelium, quod vos ad peruersè interpretandum legitis, ad decipiendum alios proponitis, ad pertrumpendum leges omnes, tanquam machinam quandam adhiberis, factumque est per vos fundamentum salutis nostræ, perpetui iam multis exitij instrumentum. Nunc plebes Germaniæ, multi que item ex illis, quos longe erat honestius suorum virtutem imitari moremque maiorum, quàm à pristina sui generis nobilitate religioneque deficere, quàm in præcipitem locum per vos sunt deducti? Quis iam confidat, quis sibi habeat persuasum, esse aliquod iter verè in cœlum nos ducens? si circumferendi sumus omni vento doctrinarum, vt Apostolus inquit, si nouis quotidie opinionibus & commutationibus rerum vetustarum, imbuendi animi sunt? Atque ea quæ maiores nostri sanctissimi viri, iidemque doctissimi, de vita Christiana, de moribus, de ieiunijs, de abstinentia ciborum, de pietate, de misericordia, de humilitate animi, de votis quibus Deo obstringimur, de cæteris virtutibus diuinitus scripta, posteris prodiderunt, nouitijs quibusdam auctoribus reprehendentibus illa, & quæ sensibus nostris magis blandiantur, in medium proferentibus; a nobis sunt repudianda? Nisi fortè credibile est, paucis truibus, iracundis, impetu magis ad omnia quàm ratione delatis, in hoc extremo tempore, adesse Spiritum sanctum; qui tanto seculorum puero non affuerit tot patribus sedatis, grauib; rerum

diuina.

diuiinarum scientia & sanctitate vitæ præclaris. At enim neminem vobis omnia sic peruertendi, sacerdotum corrupti & Romana vitia præbuerunt (ferè enim semper huc reue & prætextum facinoribus vestris ex aliorum culpa & facinorosis sumitis.) Ego sacerdotium non exigua ex parte his tem contaminatum esse fateor, & Romana vitia non probatamen ad curandum dico esse faciliora, quàm iniquitarum, qui, vt hominibus detrahant, ipsa etiam diuina inesse non sinunt. Etenim huic sacerdotum morbo, quæ est à vobis allata medicina? qui si reprehensores vos morum rectores vitæ sacerdotibus esse profitebamini, debebatis sine vitio vlllo & sine reprehensione esse. Nunc neque novllam in partem adiuti & subleuati sumus, & quæ manet huc in Germaniæ populis virtutes, humanitas, patientia, stia, quibus quidem virtutibus cum religione coniunctis, ximè datum est rapere cælum & possidere: hæ multis percreptæ penitus, aut certè magna ex parte turbatæ & labuntur. Quo enim nos eramus (vt vos dicitis) auariores, rum virtus humaniter ferentium, magis erat admirande morum correctione agendum est, propè adest concitæque appetere incipit, ad quam nos interfuturi publicoventu sumus, easque & vitæ & auaritiæ noxas, quæ nobisbrantur, iudicio æquo subiecturi. Quod item vos facere, vt veniatis, vestrasque de nobis querimonias coram ex quo accusatores veri & integri, non falsi calumniatores deamini: quod hoc commodius facere poteritis, quod si cepturi perhumanè & comiter. Non enim odio ferimur iuriarum memores sumus: donamus ista omnia & per Deo, vestram salutem communem, concordiam, honorumania, publicum Christianæ Reip. bonum expetimus. Admodum nos suscipimus & confitemur aliqua multa est vrbe, quæ in his confectionibus diplomatum & concessum sacerdotiorum antiquitus rectè instituta, paulatim postestis passibus ad nonnullam culpam sunt prolapsa, quod tium & hominum & temporum semper est commune, erranda & refecanda, vetustumque ad morem redigenda cuius in primis sententiæ, summus ipse Pontifex est: Si dum quidem nobis esset, sed tamen dolorem hunc modum rimus, quod vos omnia passim nostra, vlllo absque discrimine culpam & crimen vocanda existimatis, cum (vt antea diximus) in vrbe Roma vitijs multo sint potiores, & vos non magnis vestris virtutibus fretos, aliorum vitijs tantum insultare. Expilari quotannis Germaniam, & in hanc vram transmitti, vociferamini. Quis inquam interdixit

bus hoc commercium, ut quo quæque gens egebat, cum aliunde id expeteret, deferret ipsa vicissim quoque aliud quiddam ad illos indigentes vnde sibi suppeditabat? Et tamen nummus (ut ego prædicari audio) sponsor est rerum omnium quæ ad hominis vitam necessarie sunt. Aurum ex Germania quotannis Romam? Quid ad ceteras Prouincias in quibus Germanica natio negotiatur? num ibi inueniunt gratis Germani quod secū in patriam mercis & emolumenti reportent? quanquam non eadem nec vniusmodi omnis est negotiatio. Etenim videtur hæc querimonia pertinere vel ad dimidias partes fructuum ex sacerdotijs vacantibus, ut paulo ante dictum est, de quibus qui queruntur, queruntur iniuria, vel quod isti elamitant, quoniam in consecrationibus expeditionibusque diplomatum circumuentiones & onera indies grauiora petitoribus sacerdotiorum imposita esse dicuntur, quæ ego ignoro cuiusmodi sunt, multos certè de ijs audio queri, neque nunc repugno, quin esse aliqua possint: iam enim falsus sum, nonnullorum auaritatem curriculo temporum longius progressam aliquantum quàm decebat, cui nunc retundenda atque in legitimos finès coercenda, & consilia capiuntur à summo Pont. & concilium indictum est. Circumuentores verò, si qui sint, ij. non publicè, sed priuatim improbi sunt, & fraudulent. Quod utinam genus hominum ex Christiano dispereat. Nam quod a vobis etiam prædicatum, & sexpenumero palam iactatum est, leges omnès pontificias, non virtutis neque continentie in populis informandæ, sed quæstus gratia fuisse latas. Leges illæ ijs temporibus latæ sunt, quibus nulla omninò erat in Pontificibus auaritiæ suspicio. Etenim, qui Pontificatum ita tum accipiebant, ut illum esse scirent pignus sibi certissimum ad cruciatū & mortem pro Christo perferendam, valde illi videlicet pecuniam concupiscebant, quam etiam cum haberent, in pauperes statim & in egenos erogare erant soliti. Quorum si beatissimæ & constantissimæ in testimonium Christi & fidei mortuorum famæ obrectatis, quid tandem esse potest, quod laudando comprobetis? leges illi condiderunt, quæ non ipsis emolumento, sed omnibus salutem esse possent & felicitati. Non enim cælum, ut videmini vos existimare, voluptatibus corporis acquiritur, nec per libertatē carnis cœlestis vita obtinetur, sed compressa carne, cum libertas spiritus eminet & reuincta est, tum est via nobis ad scandendum in cælum ardua quidem illa semper, sed tamen facilior expeditis & magis parata, quam illæ viam nobis leges munierunt: neq; aliud sanctissimi illi viri spectauerunt, quam ut carnalibus desiderijs, quæ vos deprimunt in terram, amputatis & recisis, planius iter in cælum & solutus haberemus. Eas leges vos posteaquam proieciatis, & veluti cœnum pedibus conculcastis, libertati Christianæ

vos restitutos gloriamini. Nempe, veruntamen ei lib
 carnis est, & non spiritus libertas, & propterea etia
 Christiana. Et tamen cum hæc molimini & permisceri
 profitemini esse Evangelicos, Scilicet nos profani, vo
 Deum minus rectè colentes, vos veram illius colendi
 vni habentes: à nobis scripturarum sensus abscondit
 tus idem vobis & manifestus. Nos, qui veterum sente
 stituta sequimur, & Catholicæ Ecclesiæ decretis obe
 norumque mille & quingentorum documenta à tot
 sanctissimisque patribus accipimus, quomodo, scilicet
 uendum sit, quid omnibus in decretis fidei, & si qua
 pendices decretorum illorum sint, tenendum ac sentie
 id spiritu sancto autoritate facimus, sed temerita
 ignorantia, quandoquidem in vos solos spiritus sanct
 est. Quod utinam ita esset, non in solos quidem, sed
 sanctum in vobis haberetis, qui idem amor & charitas
 probris profectò nos, non tam grauibus acerbisque mal
 tres in Christo vestros quotidie insectaremini? Quid e
 ritate & spiritu sancto est alienius? Quapropter, cum
 libellos quotidie in vulgus spargitis, cum inuidiosas
 de nobis habetis, cum leges sanctissimas ea vna de cau
 la per Rom. Pontifices inuenta sunt, promulgata, lata
 hominum inimicas vociferamini, num id ex Euangeli
 doctiq; facitis? At in eo dictum est: Quicumq; dixerit
 fatue, reus est gehennæ. Et nos tamen omnia hæc pati
 mus, non contra execramur, non maledicimus: nou
 præcipuam in Christianis virtutibus esse, animi humili
 vt omittamus cetera, quid sibi ista tanta vestra curios
 sollicitudo, tamq; assidua & tam acris diligentia vult?
 de loco superiore in omnibus populis, omnia loca per
 singulos aditis, appellatis, corrumpitis, componitis scri
 plurima, atque ea in nationes disseminanda curatis, in
 ferta, & inexpiabili odio: quod quidem legentibus
 indicat, nec facit æquis & prudentibus hominibus fi
 gus tantum ad iram & odium nostri inflammat. Cui e
 rando & acrius cōmouendo, falsas fabellas, & eas lugu
 fingitis, eorum quos a nobis iniquè, atque iniuriöse d
 se damnatos: cum tamen illi & iure optimo damnati,
 potissimum patribus auisque fuerint. Fuit enim iudic
 in Germania & per Germanos factum, cui vos iudicio
 rima affingitis. Sed respondere queso mihi, qui vos
 Evangelicos, num talia ista sunt & charitate? Cur e
 Paulus? Charitas tolerans est, charitas benigna est, ne
 non temere agit, non inflatur, non querit quæ sua sunt

citatur, non accipit in partem malam, omnia contegit, omnia
 sustinet. Si vos nihil omnino horum quæ charitatis sunt, adhi-
 bebis aut agitis, etsi contraria omnia potius persequimini, an vos
 cum sustuleritis & vitæ charitatem, Euangelicos vos rite potestis
 appellare: cum plus etiâ in Euangelio charitati tribuatur, quàm
 in celestibus regionibus ipsi Soli. Vt igitur, si quis è cælo Solem
 deieceret, minime esset ipse cælestis, sed cælo potius infestus &
 inimicus: Sic vos, ablata ex Euangelio charitate contrarios Evan-
 gelio vos potius statuite. Quanquam maior etiam in his eorum
 est culpa, qui se Euangelicos eodem modo prædicantes, maiore
 quadam potentia præditi, Ecclesiarum bona corripuerunt. Illi
 enim vos summittunt, & vestro ministerio, vestrisque operis ad
 suam obregendam iniquitatem, aburuntur, nempe intestino me-
 tu pertecti, qui iniqua perpetrantibus assiduus esse comes so-
 let, nisi quando pax pristinaque religio locum & authoritatem
 suam recuperare cœperit: ipsi, amissa præda quam malè pepere-
 runt, cogantur ultro reddere suorum malefactorum rationem.
 Itaque permiscerunt omnia & confundunt, istamque labem vitia-
 tæ religionis, quàm plurimos in populos contendunt propaga-
 re. Sic enim statuunt & iudicant, quod plures secum socios assen-
 soresque habuerint, & quod plura fœdera cum similibus suis coie-
 rint: hoc altior e vallo, aduersus minas iuris atque legum, fore se
 munitos. Qui tamen nihil agunt. Etenim vos credite mihi, qui
 templa Deo dicata & consecrata diruistis, qui agros & possessio-
 nes Ecclesiasticas retinetis, qui pacem & solatium fidelium mor-
 tuorum ad vestras iniustas cupiditates transfulistis, etiam si ab
 hominibus timendum vobis non sit, vos Deum tam in vindicem
 non euitaturos. Ille vestris mentibus, ille vestris animis serupu-
 los eos immittet, vosque angoribus ijs curisque extimulabit: ut
 non sit futurus vobis, ad quiescendum locus. Nullæ enim ho-
 minum excubiæ quicquā valent aduersus Deum, nulla est auda-
 cia, nulla animi firmitas, quæ ubi vulneribus occultis conscientie
 labefactata est, nō agitur assiduus terroribus & sollicitudinibus
 angatur: Mala illa facinora, quæ conscis animis occurrunt, &
 sese illis ostendunt formidolosè & minaciter: tanquā faces qua-
 dam furiarū ardentes sunt, quibus exagitetur animus, grauiterq;
 perterreatur. Et nūc qua vos ex estimatione ac fama apud cunctas
 nationes esse existimatis, cum pateat omnib. & planè perspicuū
 sit, vos non religionē, sed auaritiā, ut nouas quæreretis religiones,
 adductos fuisse: Quod si illa delubra & sacra loca ab indignis te-
 nebantur (soleis enim causam hanc auaritiæ vestræ prætere)
 quæ nam in eo fuit vestra iudicatio? Detulistis querelam ad le-
 gitimos iudices: Institissetis ut corrigerentur, quæ fuit hominū &
 proborū & nobilū, cum verò illorū possessiones vos occupau-

ritis, & Deo dicata deuotaque bona, domum vestram a
 Quis non intelligat, vos non indignitate possessorum
 lendos illos, sed amore prædæ compulso fuisse? Qu
 expelli eijci que debuerunt, contra fas omnino contra
 leges, non tamen bona illa ad vos, sed ad egenos
 fuerunt deferenda, quorum inprimis causa alendorum
 diuitias possidet, quæ si minus interdum suo officio fur
 rum videlicet culpa qui præsumunt, non ornamentis pro
 spolianda, sed ad id præstandum quod debet requirere
 ut (his omissis) aliquando ad vos Principes populique
 niæ redeam, qui Deo melius obtemperantes estis, qu
 gloriæ maiorum vestrorum in vera pietate & religion
 responderis, doleo vehementer & mærore quodam
 mea perpetua erga vos beneuolentia vexor atque confid
 ista inuicta natio, quæ splendore quondam suo cæter
 rium maculas eluebat, nunc aliquot ipsa maculis inu
 scata est, non bonorum quidem culpa, sed eorum qu
 mere nimis que licenter in vestris regionibus, conuiue
 nis impune debacchati sunt, duoque sunt præcipue me
 conati: ut & religionis integritatem, & sanctæ Apost
 infringerent auctoritatem. Ac Deus quidem, cuius di
 testatem & sapientiam effugere nemo potest, requirit
 quoque, tempore idoneo, sua cuiusque vitæ consilia a
 Sedes autem Apostolica à vestris popularibus tam ve
 exagitata, & in inuidiam adducta: ad vos confugit Ge
 stramque fidem & memoriam suorum erga vos benefic
 plorat. Quæ si loqui per se posset, hæc profecto diceret
 Germani, cum ab initio Christiani nominis atque gen
 rem à vero Deo auersos, falsis obsequi Dijs, & cultu
 strum impendere, eamque rem vobis exitio & perpetu
 tioni esse animaduertentem, maximam cæpi curam, v
 tem & ad salutem vos ipsi reciperetis: Quo per Dei or
 tis gratiam, nostra assiduitate & industria, munere per
 ra nostra fuit cura, ut rationem vitæ bene traducendæ
 moribus & sanctis legibus teneretis. Quibus dum esti
 vestra inprimis laus, & Germanici nominis gloria, in
 populos & nationes floruit: Eadem ego deinde, cum
 meam spem stabiliendæ ornandæque Christianæ Reip.
 in virtute vestra reposuissem, qui potuit summus in te
 honor, cum vobis potissimum habendum curavi, R
 Imperij potestatem, & præstantissimam terrenis in rel
 ritatem, in vestro genere locare & constituere nō dubi
 ex honore maximo atque amplissimo plurimi deinde in
 nores & dignitatum gradus, orti & distributi sunt. Qu

potui pro vobis efficere, quàm feci? quæ & aditum vobis in cœ-
 lum, & orbis terræ principatum, largita sum, complura præterea,
 procedentibus sæculis, in vos à me beneficia, & priuatim, & pu-
 blicè, profecta sunt, pro quibus profectò non commerui, vt hæc
 tam mala gratia mihi referretur. Nunc si quorundam ex illis qui
 mihi præfuerunt, vel inscitia gubernandi, vel etiam avaritia, ali-
 quid aliquando incommodi perpessi estis, quæ mea fuit culpa?
 cur ego pro aliorum criminibus atq; peccatis rea subijcior? quæ
 semper eodem animo affecta sum, cupiens vt rectè vbique & or-
 dine omnia gerantur: atque inprimis vobis vt Germani cuncta
 ex me honesta & iucunda eueniant. Amore enim vestri iam diu
 sum correpta, inque augendis vobis & quàm maximè ornandis,
 semper elaboravi. Quam voluntatem conseruo & seruatura sum,
 quinimò illos ipsos, qui me tam iracundè & tam crudeliter op-
 pugnant, totque mihi immeritè ingerunt contumelias: & resi-
 piscere cupio, & materno complecti affectu animi sum parata.
 Illud postremum Germani vos rogo, & obtestor: vt si hominum
 iniurias à nobis propulsare negligitis, Dei saltem honorem, &
 veritatem Christianæ fidei, è qua vna, vt ea à maioribus tradita
 est, vestra dependet salus, stabilem & inuiolatam custodiendam
 curetis. Hæc inquam Germani, si sancta Sedes Apostolica vobis
 loqueretur, & vobiscum sic ageret, nōne ea diceret, quæ, si æqui
 esse velletis, profectò comprobaretis? verum ego neque de vir-
 tute ac integritate vestra Germani dubito, & vos similes maio-
 rum vestrorum semper fore confido. Deum tantum supplex oro,
 ac deprecor, vt qui & dissentiant à nobis & vestri nominis gloriæ
 his dissensionibus officiant, in vnum cor nobiscum, & in Germa-
 nitatem vnā copulentur. Quod cuncti vnā coniuncti in eodem
 pacis & Christi Domini Spiritu ac penè conflati, debitum Deo
 honorem, vnitatem Catholicæ Ecclesiæ, Germanico generi
 suam gloriam, cunctis qui in Christiano nomine censcen-
 tur, concordiam & tranquillitatem, diuina
 ope redditam & restitutam
 gaudeamus.

F I N I S.



ANTONIVS FI
REBELLVS DE AVCT
TATE ECCLESIAE, AD AMP
virum Iacobum Sadoletum, Episcopum Ca
toractensem, Sanctæ Romanæ Ecclesiæ
Presbyterum Cardinalem,

QUOD optare Sadolete antea, & precari à
Max. solebamus, ut huius proximi socialis
ge omniū calamitosissimi, in quo & mœsti
per cognoui tuam, & meæ mihi ipse sum co
nem aliquādo videremus, id superioribus diebus admi
beneficio, incredibili & nostra & omniū læticia factum
cum id bellum nō modo extenuatum diuturnitate tem
set, sed maiore etiam animorum contentione, quan
antea, gereretur, iamque occasus Christiano nomini
plane impendere videretur, incumbētibz etiam ad
nostram externis, eisq; potentissimis & crudelissimis
repente præter spem atq; expectationem nostram;
gum inter se dissidentium animos ad consilia pacis & c
flectente, tanti, tam diuturni, tam longe lateq; diff
dij scintillam reliquam nullam vidimus. Cuius diuinæ
tatis erga nos magnitudinem quæ tanta ingenij præsti
fit, aut tanta orationis vbertas, & dicendi vis assequi
enim hoc Dei erga nos beneficium ad res tantummo
nas, ad bona, fortunas, domicilia, ad libertatem, ac
ad incolumitatem nostram obtinendam spectat, sed,
tim prudentissime iudicasti, ad religionem constituere
æternam, quæ inde pendet, omnium salutem immortal
pertinet. Quis enim ignorat intestinas hæc Principu
stianorum discordias, tanquam alimenta fuisse alteri
miserioris belli, quod cum sacrosanctis mysterijs, cur
cerimonijs, cum Dei Ecclesiæ à turbulentis hominibz
prum est? Quis est, qui nesciat illud ea re auctum esse,

tantum malum aut exortum opprimere, aut latius serpens reprimere potuissent, & profectò nō noluisent, bello grauissimo implicati, has de religione contentiones neque pro potestate discutere, neque Concilio ex auctoritate Pont. Max. conuocando sedare potuerunt: quos nunt cum abiectis armis reconciliatos inter se, nec solum sanctissimo fœdere, sed etiam nouæ affinitatis pactione coniunctos esse videamus: quis dubitet, quin Deus, cum bellum quod inter homines gerebatur, extinxerit, hoc sit etiam, quod cum ipso geritur restincturus? Ac mihi quidem sæpe ac multum non sine maximo animi dolore, de his Ecclesiæ dissidiis cogitanti, illud minus mirum videri solet, extitisse seditiosos quosdam homines, qui ocium & pacem Ecclesiæ perturbarent. Habuit enim ille perpetuus humani generis hostis paratos semper eximios aliquos, quibus ad excitandas seditiones huiusmodi, & homines a vera religione abducendos administris & adiutoribus vteretur: neque ignoro, qui mores hominum sint, & quam graui iam pridem sacerdotum ordo inuidia laboret. At verò illud multò magis admirari soleo, quod cum isti nullam innocentie & sanctitatis opinionē haberent, non doctrina, non eloquentia excellerent, perinde tamen, ac si sanctissimi, doctissimi, eloquentissimi essent, quamplurimos deceperint. Quod ipsum tamen non tantoperè admirandum videretur, si leues tantum & imperitos quosdam homines induxissent. nunquā enim imperita multitudo constans, nunquam considerata, nunquam non & voluptatum appetens, & studiosa rerum nouarum fuit. Sed quod non paucos etiam, ex his, qui doctiores & grauiores esse videbantur, corruerint, atque ut ipsis potius, quam Ecclesiæ assentirentur, adduxerint: hoc verò multò admirabilius videtur, quod tamen ipsum, cum memoria vetera repeto, & humanorum iudiciorum infirmitatem considero, admirari desino. Quid enim mediocriter eruditos homines labi mirum sit, cum vel sanctissimi viri, & longè omnium eruditissimi nonnullis in rebus errauerint? Aut quando vllx in Ecclesia excitatæ seditiones sunt, quin earum aliqui docti quidem homines, sed doctrina ipsa infusi & humanæ gloriæ cupidi, auctores extiterint? & ad eas augendas alios item non indoctos homines adiutores habuerint? Verum & si hoc non ita mirandum, tamen magnoperè dolendum videtur, eos, quibus præstantiora quam multis aliis ingenia & maiorem rerum cognitionem Deus donauerit, diuinis abui muneribus: cum meminisse deberent, se a Deo bonorum omnium largitore accepisse ad defendendam ipsius Ecclesiam, nō ad oppugnamdam: ad augendam religionem, non ad minuendam: ad frangendo infirmiores fide & officio continendos, non ipsorum exemplo & auctoritate corrupendos. Ipsi quidē, & si quod

ad vitæ rationem, & præceptorum Dei observationem peccare nos persæpe, & de recto curriculo deflectere nemo: cum tamen nunquam non nostrorum nos delictis niteat, tamen quod ad fidem spectat, hoc gratissimo animi Dei erga nos beneficium agnoscimus, quod in sinu parentis Ecclesiæ sinu & complexu ita inhaeremus, ut iuste vi inde dimoueri atque abstrahi. Illa nos in lucem cepit, in illius gremio & viuere, & mori deliberatum ac est. Atque utinam quanto studio & pietate erga sanctam parentem incensi feruimus, tantum aduersus hostes eius li ac subsidij ferre in hoc tempore possemus. Sed tantum fortissimo propugnatore munita est, eo, qui est ex Dominus, cuius præsidium & misericordia nec superioribus defuit, nec hoc tempore aut in posterum defutura est: Deinde multi ætate nostri viri, pietate, eloquentiaque præstantes, tecum una pro illa fortissimè cant: quibus ego etsi ingenio ac doctrina longè inferior, non perexigua in me sunt) studio tamen & voluntate. ipse quoque Ecclesiæ propugnationem suscipere, pro morrem etiam, si ita accadat, oppetere dubitet? cum parum, sit mortalem vitam cum immortalitate commutari præclaro & glorioso certamine, etsi multi, ut dixi, strenui & fortem operam nauant: tamen ut in præliis etiam viribus dispares sint, non propterea tamen qui infirmiores ociosos se spectatores præbere reliquorum debent. pugnantium: ita in hac dimicatione non vitæ quidem, nec bonorum terrestrium, sed æternæ salutis regni agitur, nec me, nec alium quenquam à pugnando & laborando terrere debet aliorum maius ingenij robur, auctoritatis instantia. Atque ego quam opportuna sit, & quam firmam quam arx auctoritatis Ecclesiæ mecum reputans, sic ita & diligenter muniatur, & fortiter defendatur, nullum minus, nullum tutius ad omnes seditiosorum hominum propugnaculum opponi. Nam alterum, quod eis ob sacrarum literarum munimentum, id captiosis illi intertibus tanquam cuniculis solent suffodere, neque ullius testimonium diuinorum librorum, tanquam telum torquere, quin illud declinatione quadam effugere solent, nihil est enim hoc hominum genere captiosius, nihil ingendi & elabendi ratione agilius. At verò si hoc consteteneatur Ecclesiam nunquam labi, nunquam in errorem posse, semper eam à diuino spiritu regi & gubernari, esse de re sermo disputatioque incidat, non possit du quid Ecclesia ipsa aut obseruet, aut sentiat: Ita & obser

eius amentia facillè conuincatur, & institutorum sanctitas, veritasque opinionum defenderetur. Hoc igitur præsidium, Deo iuvante, munire instituimus, quoad quidem facultas nostra feret, eo consilio, ut cum Ecclesiam minimè errare potuisse constiterit, ne rudes quidem homines, ab istis, qui omnibus locis occurrunt, ad circumferendum & decipiendum parati, facillè corrumpi, & in errorem induci possint. Quem librum in tuo Sadolere nomine edendum putauimus. Ad quem enim iustius hoc, quicquid est lucubrationis nostræ mitteremus, quàm ad eum, quem & propter summam vitæ integritatem, excellentemq; virtutem admiramur, & propter eximiam ac perpetuam erga nos beneuolentiam, singulari quodam amore, obseruantiaq; prosequimur? A quo non indigni habiti, cuius & intima familiaritate fruemur, & præceptis institutisq; formaremur, ut alia tua erga nos merita sileamus, tantum tibi eo nomine debemus, quantum commemorare vix possumus. Huc accedit, ut de Ecclesia liber, ei iure optimo fuerit mittendus, qui cum in illa honore ac dignitate antecellat, eius auctoritatem non minore studio & pietate, quàm doctrina & eloquentia solitus est defendere. Id quod scripta longè grauissima declarant tua, quæ partim emissâ iam à te, circumferuntur, partim nondum edita accuratius limantur. Et si autem intelligo omnibus numeris absoluta esse debere, quæ ad te mittantur, tamen si in hoc minus iudicium meum tibi, at grata certa, ut spero, voluntas erga te, & animus erga communem omniū nostrum parentem, pius probabitur.

SED antequam Ecclesiæ causam agere incipiam, illud ab iis, quorum ad manus hæc nostra peruenient, deprecor, atque obsecro, ut tantisper dum ea perlegant, æquorum disceptatorum & iudicium personam induant, animi attentionem in cognoscendo, æquitatem adhibeant in iudicando. Neque enim leui de re agitur, sed nimirum omnium grauissima: quippe ex qua vel maximè salutis nostræ, & vitæ æternæ ratio apta atq; suspensa est. Nihil porro inquirendæ atque indagandæ veritati tam aduersarium est, quàm obrectandi cupiditas, quàm contradicendi pertinacia, quàm altercandi voluptas. Nam qui animos ad cognoscendum afferunt his motibus perturbatos, qui antequam contrariæ partis rationes cognouerint, iudicium fecerunt, & in eo pertinacissimè perstare constituerunt, eos nullius omnino quamuis grauis auctoritas, nullæ quamuis probabiles, quamuis summa; quamuis certæ rationes de sententia possint deducere. Hebetat enim eorum aciem iudicii contentionis studiū, & mentis, ut ita dicam, lumina obstruit illa refellendi, quicquid contra, quamuis probabiliter dicantur, peruersitas, quæ si in minimis rebus vituperatur, tanta in re non turpis modò, sed etiam pernicio-

ciosa est. Neque est, quod quenquam à dimittenda, quæ
 te probauerit sententia pudor deterreat, si ratio eam, si
 conuellerit. Quid enim unicuique aut veritate potius, aut
 & incolumitate sua antiquius esse debet? Equidem me &
 aduersariis, quod ad hunc locum attinet, disputari solè
 cognouisse arbitror, & tam perspicuas rationes allatur
 spero, vt Ecclesiæ causam omnibus me probaturum esse
 dam, nisi si qui obstinatè cum illa bellum gerant, &
 tias inexpiabiles exerceant. Atq; hunc à me laborem sus
 profiteor, non magis eorum causa, qui concordia animo
 te nobiscum in Ecclesiæ communione permanent, qui
 rum, qui ab aduersariis decepti, se a nobis remouerunt.
 nim vllum ob eam causam in eos odium concepimus: sed
 propter memoriam præteritæ necessitudinis, tum ob spem
 concordia non & eos diligere & de ipsorum salute labo
 solliciti esse non possumus. Sed iam rem ipsam aggrediamur
 inde ordientes, vnde omnis disputationis initium duci de
 mum quid sit Ecclesia videamus. Ecclesia græcum voca
 est, cui latinum nomen concio respondet. Significatur au
 nomine populus alicuius sciendæ atque accipiendæ le
 ob aliud aliquod negocium publicum vocatus, atque v
 locum congregatus: Nostri autem illud, sicuti alia multa
 cis mutuati, & ad religionem nostram aptissimè transfe
 eorum multitudinem qui à Deo vocati, summi legum
 Christi religionem & disciplinam asciuerunt, Ecclesiam
 nârunt. Ea commodè ita definiri potest: vniuersitas ho
 recta fide Christum colens, concordiam seruans; terrar
 be diffusa, successione perpetua. Fides autem est constan
 ma mentis assensio eis omnibus, quæ hominibus sunt i
 salutis causa diuinitus tradita. Huius sanctæ & religiosæ
 tis originem non alienum est ab eo, de quo agitur, paul
 repetere. Nam cum primorum parentum nostrorum cul
 Dei præcepto minimè obtemperârunt, in omnem postea
 propagata, humano generi nō solū immortalitatis spe
 tudinisq; præcidisset, verū etiam summas in hac vita æ
 post mortem autem grauiora etiā, eaq; æterna supplicia
 tasser; Deus pro sua summa clementia hominib; statuit tu
 mune illud natiuumque peccatum, tum reliqua delicta
 condonare, adeoq; placabilem se & lenem præbuit, vt qu
 gnosceret, filio suo non pepercerit. Ergo is eum redimend
 ris humani maturitas fuit, & sinu patris in terra delapsus, a
 mana natura diuinitati suæ mirabiliter copulata, in te
 quandiu versatus, discussa perniciosorum errorum, supe
 numq; caliginē, salutarē hominib; vetæ religionis lucem.

& viam consequendæ immortalitatis demonstravit, atq; ad extremam morte sua peccatis illorū expiatis aditū eis in cælum patefecit. Quare omnes qui vel ante aduentum Christi diuinitus edocti, illum generis humani conseruatorē fore cognouerunt, eique tanto ante salutem suam cōmendarunt, vel postquam is homo factus est, hoc tam admirabile diuinæ clementiæ beneficiū grato animo acceperunt, & liberatori suo rite initiati sunt, in hanc diuinam ciuitatē sunt ascripti, cuiuscunq; generis, nationis, ac gentis extiterint. Hæc n. ciuitas cū ortu, tum diuturnitate par mundo ipsi atq; æqualis est, neq; vt reliqui hominum conuentus, murorum quodam ambitu circumscribitur, ac ne alicuius quidē regionis finibus terminatur, sed ab ortu ad occasum pater, a meridie ad septentriones pertinet. Sæpe enim sacræ testantur literæ nō hos magis quā illos homines gratos Deo acceptosq; esse. Omnes illum saluos esse cupere, omniū salutis causa Christū esse mortuū. Nos tamen breuitatis causa testimoniū vnum alterūque duntaxat ex sacris literis proferemus. Est igitur apud Malachiam sic: Non est mihi voluntas in vobis dicit Dominus exercituum, & munus non suscipiam de manu vestra. Ab ortu enim solis vsq; ad occasum eius magnum est nomen meum in gentibus, & in omni loco sacrificatur & offertur nomini meo oblatio munda. Item Esaias de ecclesia loquens: Latere sterilis, inquit, quæ non parit. Erumpe & clama, quæ non parturit: quoniam multi liberi desertæ magis, quā eius, quæ habet virum, dicit Dominus. Dilata locū tentoriij tui, & pelles tabernaculorum tuorum extende. Ne parcas, longos fac funiculos tuos, & clauos tuos consolida. Ad dexteram n. & laeuam penetrabis, & semen tuum gentes hereditabit, & ciuitates desertas inhabitabit. Atq; has quidem sanctissimorum varum prædictiones ipse rerum exitus comprobauit. Cum n. discipuli Domini, quibus de predicando omniū gentibus euangelio præceptum fuerat, prouincias inter se partiti essent, factum est, vt quas quisq; eorum gentes ac nationes adijisset, eas à simulachrorū cultu ad veram Dei religionē & Christi fidē pari felicitate conuerteret. Atq; vt reliquos omittā, quorū hic ad Indos, ille ad Æthiopes, alius ad aliam gentē se contulit. Vnus Paulus Arabiam, Iudæam, Samariam, Syriam, Asiam, Macedoniam, Græciā, Epirum, Illyricum, ipsam denique prouinciarum tum reginam Italian, & urbem Romam totius fere terrarum orbis imperij domicilium Christi religione gloriaque compleuit. Longum est enumerare singulas nationes, quæ postquam Christi nomen incipere & celebrari cœpit, eius religione ascita in Ecclesiam confluxerunt. Illud tamen silentio minime præteriri potest, quod patrum nostrorum memoria contigit, ex quo vel maxime Dei bonitas & clementia in proferendis ecclesiæ sue finibus perspicienda & declaranda.

declarata est. Nam quas nationes maiores nostri non
quam adierant, sed ne fama quidem cognouerant, ad
pridem Christi euangelium & religio diuinitus pen-
populi moribus barbari, superstitione impij, multitu-
merabiles, locis remotissimi luce veritatis oblata, ad
colendum conuersi ecclesiam auxerunt. Neq; aut regi-
ginquitas, aut intericcti oceani vastitas, aut ventorum
statum magnitudo, aut insolita nauigandi ratio obsti-
nus illi quoq; cœlesti doctrina erudirentur, & diuinorum
beneficiorum participes. Sed quamuis tam antiqua sit
ge lateque pateat Catholica, quæ dicitur ecclesia, m-
tericctis populis, qui aut Christum nondum colunt,
corrupta & sincera fide colunt, minime coherere vide-
ea multiplex tamen, sed singularis atq; vnica: de quo
illi Pontifices, qui ad Nicenum conciliū conuenerunt
consenserunt, vnā esse confelli sanctam ecclesiam c-
Et sane cū ecclesia Christi corpus sit, & caput Christi
vt vnus ea capitis est corpus, ita vnus caput ille corp-
cesse est. Quemadmodum autem ciuitas ex plurimis co-
lijs, quæ ad res suas obtinendas iure sunt ac legibus c-
ita conuentus omnes hominum, vnū Deum, eundem
quamuis regionum locorumq; interuallis distent, co-
ter se vnus fidei religionisq; vinculo, hanc diuinam
constituunt: quæ hoc terrestre domicilium incolens, t-
altera parte respondet illi cœlesti beatissimarum me-
cilio, eisque postquam hoc humili tanquam diuerso
rit, ascribi, consociarique expetit, sicuti quidem qu-
qui pie, sancteque vixerunt, in eum sunt iam pridem
beneficio ac munere recepti. Atque vt illius cœlestis
multifariam distributi vnus princeps, moderator, a-
est summus ac præpotens Deus, ita ecclesia hæc, de o-
cum in plures ordines descripta sit, singulorum illa q-
num præfectos eos habet, quos à speculandi & custodi-
nere Episcopos appellamus: sub vno tamen tanquam
maus exercitus imperatore meret Iesu Christo, eiusq;
cum infestissimo hostium genere, libidinibus, volup-
norum, diuitiarum, opum cupiditatibus, reliquisque
vitijs, quæ animis nostris interitum afferre possunt, c-
bellum gerit: quo bello quicumque fidelem & strenu-
nauarit, ei salutis æternæ & immortalitatis præmiun-
est ac paratum. His de ecclesiæ præpositis, iam de ei-
re differamus, quo nullus fructuosior, neque hoc tem-
necessarius locus tractari potest. Exortī enim quida-
stra sunt, qui ecclesiæ auctoritatem & consensum in-

temerè aspernantur, atque repudiant. Etenim peruulgato more eorum, quicunque ab ea dissentire vnquam ausi sunt, illam iampridem in maximis erroribus versatam esse confirmant, & veritatem ex densissimis tenebris sua ipsorum opera erutam atque in lucem prolatam fuisse gloriantur: quos contra accurate à nobis differendum est, vt Ecclesiæ auctoritatem aduersus ipsorum calumniam obsecrationemque tueamur, & eorum disciplinam prauam ac perniciosam esse doceamus. Nos enim maiorum nostrorum vestigijs insistentes, quos longe istis meliores & sapientiores fuisse non dubitamus, sanctissimam parentem nostram ea, qua decet, pietate veneramur, illi nos permittimus, illi credimus, illam audimus, illam secundum Deum ipsum veremur, quæ de diuinis rebus ipsa sentit, sentienda, quæ de humanis præscribit, facienda, quæ vetat, vitanda esse sine vlla dubitatione censemus, ab istis longe dissentientes, qui perinde ac si de anu aliqua delira, & superstitiosa, ac non de sapientissima Christi sponsa loquerentur, eam non modo errare posse insimulant, sed per multa etiam secula errauisse audent dicere. Qui primum bis impie faciunt. Etenim de Deo ipso, non solum de ecclesia detrahunt. Huius enim auctoritatem imminuunt. Illius clementiam, sapientiam, iustitiã omnem tollunt. Nam quid tam alienum fingi potest à cura & prouidentia Dei, qua rebus ille humanis consulit? quid tam disiunctum cogitari ab illa eius admirabili clementia & misericordia; quæ extremis mundi temporibus humanum genus filij sui sanguine redemit, quam vt tantæ hominum multitudinis, quanta per hosce mille annos exiit, salutem neglexerit? Quid est porro, quod in Dei sapientiam minus cadat, quam inconstantia? quam mobilitas? quam consiliorum indies mutatio? Cuius autem inconstantia fuisset, cum hominẽs summis superstitionum erroribus liberauisset, & ad veram religionem conuersos adoptauisset, in tanto eos insistentes honore atque gratia repente sine causa destruere ac deserere, & quasi liberalitatis ipsum & beneficentia suæ poenitere cœpisset, pati eos rursus diuelli à se, rursus perniciosorum errorum caligine inuolui, rursus in malorum daemonum potestatem dominationemque recidere? Postremo quid eodem iniustius, quid iniquius esset, si nos hoc demum tempore per istos interpretes tantarum rerum mysteria edocuisset, quæ patres & maiores nostros tam diu celatos voluisset? Nos illis videlicet probiores, nos innocentiores sumus? nos tanto Dei beneficio ac munere digniores? Quænam ista opinionum portentosa sunt, quæ non solum res humanas permisceant, verum etiam Deum ipsum conuertant atque alium fiant, ex iusto iniquum, ex constante mobilem, ex benigno immisericordem efficiant? Ille vero contra atque isti cum videri volunt, & summe semper iustus est,

est, & summe sapiens, & summe misericors: neque ecclesiam
lurem unquam negligit, neque consilia indies mutat, neque
gis, quam illos diligit, nulli, qui summe bonus est, invidere
saluos esse & beatos studet. Sed ut pressius ad hunc locum
mus, quid est cur cum euangelij sine ulla dubitatione
dum sit, non par Ecclesiae fides habeatur? Num Christus
lia scripsit? num ut scriberentur ab alijs mandauit? Illi
literam ipse ullam reliquit: praecpta enim & instituta si-
minum animis inscripsit, ut ab Hieremia praedictum erat
tabulis consignauit, neque ut literis disciplina sua man-
sed ut concionando praedicandoque per totum terrarum
diulgaretur, Apostolis suis, discipulisque praecipit.
quidem illi libri statim sub eius ascensum in caelum scri-
sed multis annis post, alijs alij & temporibus, & locis, ac-
muni quidem Apostolorum consilio, sententiaque conf-
Quae quidem argumento sunt, etiam si euangelia scri-
fuissent, manente tamen Ecclesiae consensu, sicuti quide-
satio mansurus fuit, ipsam quoque Christi religionem
plinam mansuram fuisse: quemadmodum ad quoddam
ante eorum librorum confectiorem viguerat. Atqui si
clesiae consensus tantum habuisset auctoritatis & pot-
la desideranda fuerit scriptura, cur editis euangelij mi-
auctoritas existimeretur ecclesiae? cum praesertim quantum
eius fide imminuerit, tantum sit de ipsorum euangeliorum
ritate detracturus. Cur enim de rebus tam inopinatis, ta-
randis, tam non modo sensum, sed etiam intelligentiae, & co-
nis humanae vim effugientibus, quatuor omnino eorum lib-
ctoribus assentimur? cur neque falso quicquam ab eis scriptum
postea seculis affectum, detractum, immutatum ab alijs susp-
nisi quod, ut Augustinus ait, ecclesiae nos ea probantis mi-
ctoritas? Quod si ipsi euangeliorum scriptores pauculis il-
lis uniuersa religionis nostrae mysteria, omnes ritus, om-
monias, cuncta sacrorum mysteriorumque solennia compl-
persecutos esse testificati fuissent: istorum causa ecclesiae co-
negligentium aliquanto probabilior videretur. Nunc aper-
nes admonuit nos, & testatum reliquit paucis illis literis
attigisse se potius, quam sigillatim enarrauisse Christi
nostri acta. Est n. in extremo eius euangelio sic: Sunt aut-
multa, quae fecit Iesus, quae si scribantur per singula, nec ip-
dus caperet eos, qui scriberentur, libros. Testificatur quae
consulto a se fuisse praetermissa, quae non modo egisset, sed
locutus esset Iesus. In eius n. sermonibus & concionibus m-
prodendis, multo plus operae, quam in factis commemoranda
fuit. Sed quid Ioannis testimonium profero? nonne Chri-

aperte testatus est, multa se spiritui diuino reliqua fecisse: cum ita dixit: Adhuc habeo multa vobis dicere, sed non potestis portare modo. Cum autē venerit spiritus veritatis, docebit vos omnē veritatem. Num potest igitur dubium esse, quin illis euangeliorum libris minime contineantur vniuersa, quę ad constituendā Ecclesiam, quę ad fidem, quę ad religionem, quę ad ritus, cerimonias, quę pertineant: cum Christus ipse discrete neget se veritatē omnē docuisse, sed venturum Spiritum sanctum esse: cuius afflatu Apostoli reliqua edocerentur omnia, quę ipsi, eorumq; deinceps successores per manus, vt ita dicā, ecclesię traderent. Atqui vbi illa tam multa per scripta sunt, quę a se prętermissa Dominus, & spiritui diuino referuata esse dixit? Num eo cōmentariolo, quia acta Apostolorum inscribitur: At is non modo non reliquorū Apostolorum, sed ne ipsius quidē Pauli, de cuius vnus rebus gestis scriptus videtur, omnia acta complectitur. Num ergo pauculis illis Pauli, & Apostolorum aliorum quorundā epistolis continentur? Primum quis id plane cōpertum atq; exploratum habet: Nulquā n. Paulus, nusquam reliqui eorum auctores hoc scriptum reliquerunt: neq; se epistolas illas eo consilio scripsisse sunt testati, quo omnia, quę edocli a diuino spiritu fuissent, illis epistolis consignarent. Deinde quis ignorat, illas scriptas fuisse ad corrigendos conformandosq; eorum mores, qui Christo initiati ianserant, & quę ipsos credere & sentire oporteret, acceperant: ad stabiliendā in illorum conuentib. amicitiam atq; concordiam: deniq; in eam potissimum sententiam conscriptas, quā ipsorum, ad quos mittebantur, temporis ratio postulabat: vt si quę inter eos altercationes, cōtrouersię, emulationē suę excitatę fuissent, sedarentur: si minus honeste & sancte viuerent, castigaretur: si a pseudo-prophetis abducti ac decepti fuissent, ad rectā fidē reuocarentur: Si ad fungenda charitatis officia seigniores essent, incitarentur. Huiusmodi n. fere sunt illarum epistolarum argumenta. Scriptę enim sunt vt dixi, ad eos, qui iam Christo crediderant, & quid credendum ac sentiendum esset tenebant. Id quod intelligi licet ex ipsis epistolis: tamen si multa quoq; vel dicā plurima, in illis recōditiora attingi solent. Sed quę illis literis significabantur interdum potius, q̃ explicabantur, ea ijdem Apostoli, quum cōuentū aliquē Christianorum hominum adijissent, vberius docere, & alia pręterea multa tradere, iua, vt dici solet, voce, consueuerant. Id quod indicat ille ex epistola Pauli ad Thessalonicenses locus: Itaque fratres stare, & tenere traditiones, quas didicistis, siue per sermonem, siue per epistolam nostram. Quibus verbis significat, illis se tradidisse nonnulla, quę non scripsisset. Idē ad Corinthios ita scribit: Cetera, cum venero, disponam. Et alio loco: Laudo autem vos fratres inquit, q̃ per omnia mei memores estis, & sicut tradidi

tradidi vobis, instituta mea tenetis. Timotheo vero scripsit, inquit, mi fili confortare in gratia, quæ est in Christo & quæ audisti à me per multos testes, hæc commendare hominibus, qui idonei erunt & alios docere. Ea certe, Thessalonicensi Ecclesiæ se tradidisse significat, tum ipse, cum Corinthum venisset, ac traditurum Corinthiis, scripta nusquam sunt: sicuti ne illa quidem, quæ ab ipso accepisse scribit, neque omnino aliquid eorum multis ab se peragratis locis docuerat, constituerat. Quod vero Timotheo præcipit ut illa, quæ ab ipso didicerat, neos homines edoceat, alijs eadem deinceps traditur ex eo intelligi licet multis de rebus, quæ literis mandarent, edoceri ab Apostolis recentem illam Ecclesiam fidei Apostolorum successores Episcopi ab eis accepta ipsi successoribus suis Ecclesiæque tradiderint? Id quod cum Iulianus vir sanctissimus, in eis libris, quos aduersus hæreses contra tum alij locupletissimi auctores multi testati sunt: nestolos in ecclesiæ tanquam thesaurum, diuitias congelatæ suæ doctrinæque cœlestis: vnde perpetua succedere deinceps Episcoporum dispensatione omnis veritas præsertim itaque doctrinam illam institutionemque Apostolicam veritatis regulam Apostolus & fidei normam contra ab ea institutione recedi prohibuit, etiam si angeli ceteri docerent. Sic enim ad Galatas scripsit: Ceterum etiam si angelus de cœlo, prædicauerit vobis euangelium quod prædicauimus vobis, anathema sit. Quemadmodum diximus, & nunc iterum dico, si quis vobis prædicauerit aliter quam id, quod accepistis, anathema sit. Non dico vos docuerit, aliter quam Matthæus, aut Lucas, aut Marcus, aut Ioannes scripsit, scripturus uero est, aut aliter quam ipsi scripsit. Nullius scripti ille euangelij, nullius epistolæ mentio. Quid ergo ait: præter id, quod prædicauimus vobis, aliter quam coram vos docuimus, & concionando tradidimus: & præter id, quod accepistis, hoc est audiistis, & didicistis a nobis. Si igitur Christus cum discipulos suos in permulta reticuit, quæ spiritui sancto reseruanda putauit, omnia quidem, quæ illos docuit, literarum monumentis sacris historiæ scriptoribus sunt mandata: si ne Apostoli quæ aut à Christo acceperant, aut a spiritu sancto illis scriptura persequi singula curauerunt: sed ex illis, quæ diuina quadam sine scripto aliquæ ecclesiæ tradiderunt: non quæ in sacris literis aut omnino prætermissa, aut certe reposita forent, assentiri nos Ecclesiæ, eiusque testimonio, tum Christus, tum Apostoli diuino afflati spiritu v

Nam si futurum erat, ut ecclesia ea, quæ accepisset, non fideliter retineret, cur non aut Christus disciplinam suam mandari literarum monumentis iubebat? aut Spiritus sanctus Apostolos monebat, ut scribendo potius, quàm concionando ecclesiam eruditent? Nonne negligentes euangeliorum scriptores fuerint, inconsiderati Apostoli, Christus improvidus, Spiritus sanctus futurorum ignarus si istos obrectatores ecclesie audiamus? Quod si quis etiam pertinacius contendet, nihil in sacris libris omnino prætermissum fuisse, quod ab homine Christiano sentiendum atq; tenendum sit: is tamen concedere cogetur aliquem esse eorum librorum interpretem oportere. Etenim si aut eorum scriptores adhuc viverent, aut illi vocales essent, ac seipso quotiescunq; aliqua de re altercatio oriretur, explanare possent: alium profecto interpretem nullum requirerent. Nunc auctoribus mortuis, vel potius meliore & beatiore vita frucentibus, nullam illi libri possunt explicandi sui causa vocem mittere. Muri enim atque clingues sunt, quare interpretem & tanquam lumen desiderant: ut quæ obscure posita in eis sunt, declarentur, quæ ambigue, distinguantur, quæ præcise & nimis breviter, dilarentur: postremo ut quæ pugnare nonnunquam videntur, consentire ea inter se & congruere perspicuum ac planum fiat. Hoc autem interpretandi & explanandi munus non erunt profecto tam impudentes aduersarij, qui Ecclesie id eripere conentur, etiam si ad Pontificem Max. eiusq; consiliū pertinere negauerint: quippe qui ut reliqua fere huiusmodi hominum genera, hostes se illius sanctissimæ sedis profiteantur acerrimos. Atqui frustra hoc munere Ecclesia fungatur, nisi Spiritus sanctus ei semper adsit, qui illam errare nunquam sinat. Non est autem consentaneum Spiritum sanctum, qui minime labi patiatur ecclesiam in sacris interpretandis literis, pari eandem tamen superstitione opprimi, & vanis ac diuinorum librorum sententiæ repugnantibus opinionibus imbui. Non n. hic illo minus turpis, nec minus perniciosus Ecclesie error sit. Ita eo, quo minime volunt, reuoluentur. Sequitur enim, ut etiam si quid Ecclesia teneat, quod non sacrarum literarum testimonijs confirmari posse videatur, eam tamen hallucinari nequaquam putandum sit. Nefas n. id profecto est suspicari: neq; dubitandum est, quin sententiam illam Ecclesia ab Apostolis ipsis veritatem omnem diuinitus edoctis acceptam retinuerit. Quam multa enim sunt, quæ minime in controuersiam vocantur, cum tamen de eis nulla profertur ex sacris literis possint testimonia. Vbi enim scriptum est Spiritum sanctum ex patre simul & filio procedere? Id tamen nec Lutherus quidem aut quisquam alius ex aduersarijs in dubium reuocauit. Quid? Mariam sanctissimam Domini nostri matrem post caelestem illum partum, nullos liberos genuisse, virginem perpetuo mansisse æquo loco scriptum est: nullo profecto. Id tamen

Ecclesia credit, neq; ab ipsius consensu hac de re isti a
sentire. Quid? infantes pueros Christo initiari posse
scriptum est? ne hoc quidem: eos tamen Ecclesia initia
uit, ipsis etiam approbantib. aduersarijs, qui de hoc
maxime cum Anabaptistis dissident. Quid? eos quos sem
per prauis de religione opinionib. infecti, & ea re ab Eccle
sia Christo initiauerint, iterum initiari non licere? nullum
quidem habetur in sacris libris. Quod si confessione i
n uersariorum constat, & hæc & alia multa, quæ homin
ibus suscipienda atq; credenda sint, minime scripta esse
terti coguntur standum esse iudicio & consensu Ecclesie
non omnes illius opiniones & decreta perspicuis di
ctorum testimonijs comprobentur: Aut si errare illa
stimant, cur tantis de rebus fidem illi sine dubitatione
dam putant? Quid? quod si hac Ecclesia conditione
possit, omnium conciliorum acta & decreta infirme
ruant: Quid enim afferri potest, cur si Ecclesia errore
non illi etiam sacerdotes, qui ad ea concilia conueniunt
& de rebus ad fidem ac religionem pertinentib. non so
lutionem Ecclesie, perperam statuere, & iudicare
Nihil igitur actum fuerit Nicæno illo trecentorum
cto patrum concilio, nihil Chalcedonensi, nihil ijs, qui
Constantinopoli, tot alijs in locis fuerunt habita
ti, totius Christiani nominis communia extiterunt: pa
uper nationis propria: partim ex medio quodam gene
re actis in dubium reuocatis, quæ, bone Deus, eccle
siæ quæ nox, quæ tenebræ offundentur? quippe omnes
iam inde ab excessu Christi fuerunt, impiorum & turb
arum hominum disciplinæ, illorum conciliorum decretis &
re refutata atque extincta reuiuiscere poterunt: atq; a
lijs temporib. reuiuiscunt: cum nunquam leues & sedi
nes defecturi sint, qui commutationem rerum cupidi
vel honoris vel gloriæ opportunâ, & eorum quorum d
uideant, inutilem fore sperent. Existat igitur aliquis, qui
gma defendens patrem filio maiorem esse dicat. Quid
solum homini respondebis? Num illum ab eo furore N
auctoritate concilij deterrebis? at ille nihil sibi illius
etoritatem, aut decreta dictitabit: & in eo sese veheme
bit, quod, cum vniuersa Ecclesia errare possit, multo
sacerdotes, minima Ecclesie particula, labi fallitq; pot
est etiam Christi secum facere dicet, quib. patre maiore
fessus est. An distinguēs, & quæ si illorum verborum
docebis? At is ea verba mordicus, ut aiunt, tenebit: in
terpretatione esse opus: plana, aperta, perspicua esse

tur. An proferendis alijs ex sacra historia locis illum refelles? At nullum proferre poteris tam apertum, tam facilem ad intelligendum locum, qui ille sese explicet, eiusq; loci sententiam captiosa aliqua & callida interpretatione nihil aduersari contendat opinioni suæ. Nihil est enim hoc hominum genere pertinacius, nihil plerumq; versutius, & captiosius. Nec vero vllum prauum alicuius dogmatis auctorem tam sacrarum literarum imperitum, ac tam rudem accepimus fuisse, qui non aliquibus cum aliorum diuinorum librorum, tum ipsorum euangeliorum verbis impiam opinionem suam confirmare, & vt ita dicam, fulcire conareretur. Equidem nemini diuinorum librorum vel nomen sanctius, vel auctoritatem grauiorem, quem mihi videri arbitror: neque hoc, quod timide sum dicturus, ita accipi velim, quasi aut eorum fidem eleuare, aut homines ab illorum lectione velim detertere. Non sum tam impius, ne tam imprudens quidem. Tamen hoc dico, nisi verissima eorum librorum interpres existimetur Ecclesia, siq; eius in illis enodandis explanandisq; auctoritas, vt debet, grauissima, nihil fide nostra futurum instabilius, nihil opinionibus mutabilius. Etenim sacræ, quæ vt sunt, ita appellantur literæ, sunt illæ quidem ab hominibus diuino ipso exceptæ dictante spiritu, neq; illis quicquam esse potest auctoritate grauius, veritate sincerior: ad quas si quis intelligendas interprete ac duce vtatur Ecclesia, offendere ac labi nunquam possit. Verum si quis vastum hoc & scopulosum, vt ita dicam, mare infirmo confusus ingenij sui nauigio ingrediatur, & in Ecclesiam tanquam in clarissimos septentriones minime intuens, cursum se ex sententiâ confecturum, & in portum perueniturum esse confidat, is modo ad scopulos appellatur, modo ad vada & breuia adherescat. Nihil eo est mari specie tranquillius, nihil temere ingredienti reuera periculosius. Neq; alia profecto causa est, cur iam inde ab ortu religionis nostræ tam multi non modo illiterati homines atq; hebetes, sed summi ingenijs, & summa doctrina præditi naufragia fecerint, & horum studiorum tanquam gurgitibus voraginibusque demersi sint: nisi quod ingenia sua magnopere mirantes, auctoritatem Ecclesiæ contemnentes, non vt meliores fierent, sed vt maiorem sibi eruditionis & sapientiæ gloriam cōpararent, ad hæc se studia conferebant. Sed vt eo referat se, vnde est digressa, oratio, si, quæ concilijs omnibus acta, decreta, dijudicata fuerint, in cōtrouerſiã vocabuntur, si ea firma, si rata non erunt: quod certe futurum est, nisi grauis Ecclesiæ habeatur auctoritas, nōne obscura omnis, cōtrouerſa, dubia, incognita, incerta erunt? Nonne refractis tanquam impietatis claustris repente seditiosorū hominū agmina in Ecclesiam erumpent: noui eā inuadent Arrii, noui se inferent Eunomij, noui existēt Macedonij, noui exoriētur Pelagij,

noni Sabellij volitabunt. Quid igitur istorum opinionem
 ipsa magis impium, vel exitu magis periculosum fingi po-
 Ecclesiam errare posse tam temere imprudenterque con-
 Qui si humanis rationibus conuinci se, & refutari min-
 entur, ne Christi quidem & Apostolorum auctoritate, de
 praua impiaque sententia depellentur? An non Christus
 discipulis suis, hoc est vna cum Ecclesia se commoraturum
 mansurum usque ad consummationem seculi spondit
 idem discipulos suos paulo ante obitum suum hac est
 consolatus? Ego rogabo, inquit, patrem, & alium parach-
 bit vobis, ut maneat vobiscum in æternum, spiritum
 Quod cum discipulis suis promittebat, non illis duntax-
 na cum eo discubuerant, promittebat, sed cunctæ nimirum
 in illius versabatur animo, pollicebatur Ecclesiæ. Illi enim
 ad tempus victuri. Hæc autem usque ad consummationem
 xit, seculi erat permansura. Quid ille gentium Doctor, e-
 vas, euangelij tuba, columnen Ecclesiæ Paulus, qui in ce-
 cerat, quæ in terris expromeret: nonne priore ad Timo-
 pistola tantam Ecclesiæ auctoritatem attribuit, ut eam fi-
 tum & columnam veritatis appelleret? Cuius igitur in scien-
 sciæ autem? immo vero cuius impietatis, fidem Ecclesiæ
 licæ abrogare, eamque insimulare iam pridem erroribus
 tam, & anilibus infectam superstitionibus fuisse: quam
 nunquam deserit, nunquam relinquit? quam Spiritus
 spiritus inquam veritatis afflare, fouere, vegetare nunqu-
 nit? quam Apostolus columnam, firmamentum, robur
 nominare non dubitat? quæ si iam diu errauisse, aut om-
 rare posse censeatur, non solum de eius auctoritate, sed
 euangeliorum fide, de diuina clementia, sapientia, iusti-
 hatur: euangeliorum auctores, Apostoli, Christus ipse, &
 sanctus culpam grauissimam non effugiant: omnium
 conciliorum actis rescissis, summa disciplinæ, religionis
 torum, perturbatio: summa diuinarum & humanarum
 mnium confusio consequatur? His rationibus testim-
 conuicti aduersarij concedant profecto necesse est num-
 rore duci posse Catholicam Ecclesiam. Verum aliam e-
 ipsi commentitiam Ecclesiam, cum à vera descuerint, in
 milem illi ciuitati Platonica introducunt. Ex quibus si
 sciretur, quænam ea sit, & quibus regionibus tam diu abs-
 cognitaque latuerit, nonne ipsos pudere commentorum
 oporteat? Negarunt eorum nonnulli illos, qui delinque-
 in Ecclesia numerandos: quo quid imperitius dici potest
 infra omnium animis Ecclesiæ notione alienius? Quis es-
 Ecclesiam dici audit, non ceterum omnium Christo inuit

intelligatur sicut in eis plurimi non iusti plane, non continentes, non integri. Etsi, quotus enim quisque non interdum delinquit? non aliquando ab religione officij declinat? nunquā in hoc tam lubrico, siue mortalis curriculo, plabitur? Si dixerimus inquit Ioannes, quoniam peccatū non habemus, ipsi nos seducimus, & veritas a nobis non est. Quid? ecclesia non quotidie Deū precatur, ut sibi debita, hoc est peccata sua cōdonet ac remittat? & quidē illa precandi formula ab ipso est Christo Domino nostro cōposita. Quid? Paulus, non ea epistola, quę est ad Corinthios, Corinthiorum Ecclesię mores & vicia, seuerissima oratione reprehendit, cum eam tamen epistolam Ecclesię Corinthiorum inscripserit? Quid? ea, quam ad Hebreos scripsit, nonne cū illa verba ex Deuteronomio protulisset, Dominus iudicabit populum suū, adiunxit: horrendū est incidere in manus Dei viuentis? quos autem terrebatur quib. metū iniiciebat? nonne delinquentib. atq; improbis? eos tamen ipsos quoq; Dei populū appellat. Quid sibi autē illę Domini nostri similitudines volunt, regnū cōclorū (sic n. appellare solitus est Ecclesiā) modo decē virginib. partim fatuis, partim sapientib. comparatis: modo verticulo pisces bonos & malos cōtinentium: modo segeti tritico lolioq; permixtę? Quid aliud intelligi voluit, nisi eam ex duob. hominū generib. constare esse, & cōstitutā, vno eorū, quos electos vocamus: altero eorū, quos reiectos dicere possumus, qui scelerū suorū æterna sunt supplicia depensuri: quos tamen, quoad viuunt, non ex hac Ecclesia sua eiicit, non exterminat mitis & misericors Dominus: sed retinet, & ut ad recte viuendū pręceptisq; suis obtemperandū conuertantur, exorat. Is est n. qui dixit, nolle se mortē peccatoris, sed ut conuertatur & viuat. Quo ergo tēpore boni separabuntur ab improbis? quando hic delectus habebitur? Tū, quum summus ille & extremus dies venerit, quō iudiciū de vniuerso genere humano futurū est. Tum n. omnes vitę & factorū suorū rationem dabunt. Tum lolium a tritico secernetur. Tū fatuę virginēs segregabuntur a sapientib. Tū pisces nequam a suauib. discernentur. Tum paleis, ut Ioannes inquit Baptista, cōbustis triticū ipsum in horreo recondetur. Quod si ex solis electis Ecclesia constaret, ne infrequēs admodū esset? Multi n. ut est in sacris litteris sunt vocati, pauci vero electi. Deinde nulla satis certa nota agnosci posset, quo enim signo i. qui salui futuri sunt, ab eis internoscantur, qui sunt propter ipsorum scelera ad inferos detrudendi? cū nec simulata vitę sanctitas facile diiudicetur a vera: & eorū, qui impure ac flagitiose ad quoddam tēpus vixerint, nonnulli ad bonam se, ut dicitur, frugem decipere soleant, atq; ex pristinis vitijs diuino auxilio ceteri, continentie specimen possit, & integritatis existant? contraq; qui per infestę aliquādiu vixerint, non raro immurentur, & antea

vitam retexant? Atqui Ecclesia non eiusmodi esse debet, & aspectum ac sensum effugiat: sed aspectibus omnibus nota: quo concilia conuocari atque haberi possint, quibus Ecclesie postulanti. quo omnes, qui saluos esse se communem parentem, quoniam ea, & ubi sit, nouerint, congregare, cui consentire, cuius auctoritatem sequi, pro quod stare commotis dissensionibus. debeant: id quod tanti respectu priano, & alijs viris sanctissimis credimus, ut qui ab ea sit, quamuis pie atque integre viuere, quamuis constantem fortiter pro Dei religione emori videatur, tamen saluum esse nequeat. Quid, quod si vniuersa ecclesia ignota sit, qualis eam nonnulli finxerunt, ne singulares quid sit, & notas esse, & quibusdam ex causis nonnunquam adiri ipse nos docuit. Si peccauerit inquit, in te frater tuus, & uide eum inter te, & ipsum solum, si te audierit, lucratum tuum. Sin autem te non audierit: adhibe tecum adhuc unusquisque: ut in ore duorum, aut trium testium consistat omne verbum: si non audierit eos, dic Ecclesie. Quod si Ecclesiam non audierit, tibi velut Ethnicus & publicanus. Cuiusmodi Ecclesie deferenda querelae causa Dominus noster iubet? ignorat aliquam, atque incognitam, & eiusmodi, quae ex innocentia exeat, aut certe electis hominibus constet? At ad eam, quae non quo pacto aspirare quisquam possit: quae puram inquit disciplinam & instituta retineat: optime. Verum fac imperpiam ac rudem hominem consilium cepisse deferendi a querimoniam suam. Qui statuere poterit, num pura istius disciplina ab illo ceterum retineatur suo? Nam qui hoc verum perpendere, vel explorare iudicare possit: is nec mediocriter, & valde sapiens sit necesse est. Quid igitur agat? quid accipiat? Nepe conueniendus illi prius, & consulendus est ex istis verissimis, ut sibi videntur, euangeliorum interpretibus erudiatur, & discat, ea ne, quam adire velit, Ecclesia vera, & communis sit. Fac tanti esse ad quos potissimum tanta disciplina causa se conferret? neque, nisi inter se de hac puri sentiant: sed vehementer digladiantur & pugnant, dum puriores nimirum & doctiores videri volunt: quae de ipsa dissensione alio agatur loco. Nunc concedant necesse est de illa Ecclesia minime locutum esse: quam ipsi sibi inuentione depinxerunt: sed de ea quam omnes nouerint, quae certo sistat, quae cogi, quae adiri possit: ex qua ne illi quidem compellendi & eiiciendi sint, qui interdum peccant, & iniurias fratres suos. Nam quod ecclesia Catholica, sancta, ut est, non tri solet: admonendi sunt imperitiores homines, eius

verbi vis sit, ac significatio. Nam primis illis Ecclesiæ temporibus sancti vocabantur, quicumq; Christo nomen dedissent, eiusque Ecclesiæ ascripti fuissent. Indicant id verba illa ex extrema Pauli ad Philippenses epistola: Salutate omnem sanctū in Christo Iesu. Et illa ex inscriptione prioris ad Corinthios epistolæ: Ecclesiæ Dei, quæ est Corinthi sanctificatis per Christum Iesum vocatis sanctis. Sanctos vocat Apostolus, qui Christi cultum ac religionem asciuerant: tamen ex illis multi minus sancte integreque vivebant: id quod ex grauissimis eius licet obiurgationibus intelligi. Idcirco autem tum a Paulo, tum ab alijs antiquis auctoribus Christiani homines hac insigni appellatione honestabantur, quod semel certe cum se Christo deuouerant, remissis sibi & condonatis omnibus sceleribus & peccatis, quæ ante sanctissimum illud cœlestis militiæ sacramentum commiserant, iusti & sancti effecti erant. Ecclesia item vacare macula, & ruga dicitur: non quia peccatorum sordibus inquinati in ea permulti insint: sed quod eorum fides nulla prauarum opinionū labe aspersa infectaq; est. quanquam illo vniuersi generis humani iudicio facto proborum illud hominum electorumq; concilium, omnibus delictorū sordibus expiatis expers macularum omnino rugarumq; futurū est, de qua nimirum tam casta, tam pura, tam munda Ecclesia Paulus ea, quæ est ad Ephesios epistola mentionē his verbis facit: Viri diligite vxores vestras, sicut & Christus dilexit Ecclesiam, & semetipsum exposuit pro ea, vt illam sanctificaret mundatam lauacro aquæ, per verbum, vt adhiberet eam sibi ipsi gloriosam Ecclesiam, non habentem maculam aut rugam, aut quicquam eiusmodi: sed vt esset sancta & irreprehensibilis. Verum nos de ea in præsentia loquimur: quam Christus tum reti in mare iacto cuiusque generis pisces inclusos continenti: tum decem virginum choro, quarum quinque fatuæ erant, totidem sapientes: tum tritici segeti lolio distinctæ similem esse dixit: de ea, quæ nondum aut pro fide & rectè factis præmium accepit: aut pro delictis supplicium, ac pœnam subiit: quæ in hac mortali vita stipendia merere: quæ in acie stare, quæ pugnare dicitur: quæ fidei vinculo longè arctissimo capiti suo Christo annectitur. Cuius fidei tanta vis est, ac tanta dignitas: vt ne eos quidem, qui delinquere soleant: quibus illa modo insit, Spiritus ille diuinus indignos ducat, quibus munerum & donorum suorum vtatur dispensatoribus: quorum opera, & ministerio vel peccatis homines liberet, per aquæ primum salutis immersionem, iterum & sæpius per solemnem delictorum confessionem: vel cœlesti cibo reficiat: vel afflatu suo corroboret ac confirmet: vel matrimonij fœdere sociatos non dissolubilibus vinculis astringat: vel affectos morbo sacri vñctione olei lustrat atque expiet. Quod

si propter ministrorum indignitatem diuina essent in-
 inania munera : nimis iniqua profectio & dura Ecclesiæ
 statueretur : neque id esset magis sacerdotibus ipsis , q-
 quis , captiosum . Constituta igitur nō humanis solum a-
 ris , sed diuinis etiam testimonijs auctoritate Catholi-
 siæ , quam nec errare ipsam vnuquam posse , nec alios i-
 impellere demonstratum est : omnes , quæ cuiquam offe-
 sent , errorum tenebræ facile discutiantur & euanesceant
 do animus & mens semper ad columnam illam & firmam
 veritatis Ecclesiæ referatur . Vt enim lydio lapide auro
 ratur , & probum ab adulterino facile internoscitur : ita
 de syncerum , quid instituto rectum sit , quid contra , et
 sensu , consuetudineque intelligitur , ac sine vilo errore
 tur . Cum enim quid illa sentiat , & quæ instituta teneat
 uertitur : quid probandum , aut faciendum : quid rursus
 dum , aut fugiendum sit : obscurum nemini esse potest
 perfacilis hæc observatio atq; animaduersio videtur : ta-
 nouarum disciplinarum auctores homines fere esse sole-
 astuti , callidi , ad decipiendos incautos & credulos homi-
 gulari quodam artificio eruditi : ac modo religionis , mor-
 probitatis , beniuolentiæ etiam , in eos , quos inducere
 mulatione se insinuant : modo eloquentia , & disputan-
 tatione , & sacrarum literarum locis captiose interpretan-
 ciant , vt probabilia eorum dogmata , & ad reprehende-
 ficilia videantur : ad eorum dolos , insidiasque vitanda
 culi magnitudine animo paratum vnuquemque : & in
 se oportet . Non enim fortunas illi nostras nobis erep-
 non hac terrestri patria eijcere nos conantur : non ex-
 ni , non honori , non libertati , nō huic mortali vitæ in-
 parant : quæ tamen si nobis eripere conarentur , eorum
 consilijs obuiam iremus . Verum non ea perunt : at mu-
 ra & veriora bona perunt . Id agunt , id moliantur , vt ex-
 nos Christi Dei nostri & conservatoris abducant : vt ex
 ctissimæ parentis Ecclesiæ auellant : vt ex cœlesti dor-
 turbent . Agitur fides : agitur religio : in qua spes omni-
 æternæ salutis , immortalitatis , felicitatis nostræ sita &
 Agitur , vtrum Dei filij , fratres Christi , mentium beatorum
 confortes , cœli incolæ simus : an tam ingentium atq;
 lium bonorum spe allequendorum deiectione æternæ aperi-
 impiorum supplicia subeamus ? Quamobrem aduigila-
 dere , adesse animo oportet : si qua in re ad credendum
 tiendum minimè procliuem esse conuenit : id quod
 pientis est habitum , in hac longe omnium maxima ca-
 consideratissimi esse debemus . Sed quo aduersus frau-

los callidissimorum & maximè insidiosorum hominum munitiores & cautiores simus: illa semper Domini nostri oracula in animo nobis & in intùis sensibus hærere, & infixæ esse debent. Is enim de salute nostra sanctissimo suo sanguine redempta sollicitus futurum prospiciens: ut in Ecclesia sua pseudoprophetae & pseudoapostoli omni tempore existerent, sedulo nos diligenterque pramonuit, ut ab hoc hominum genere caueremus: ne nos simulata eorum pietate induci, ne apposita ad fallendum oratione decipi sineremus: ne illis fidem haberemus: ne si mirabilia quidem facinora ac præter naturam efficerent: Tunc si quis vobis, inquit, dixerit, ecce hic Christus, aut illic, nolite credere. Surgent enim pseudochristi & pseudoprophetae, & dabunt signa magna & prodigia: Ita ut in errorem inducatur, si fieri possit, etiam electi, Ecce prædixi vobis. Si ergo dixerint vobis, ecce in deserto est, nolite exire: Ecce in penetralibus, nolite credere. Pseudochristos & pseudoprophetas Dominus appellat turbulentos homines commentitiorum dogmatum auctores, & prauarum disciplinarum magistros: qui cum à Christo defecerint, eius tamen Apostolos se, & spiritus diuini interpretes esse ementiuntur: quorum furori obnoxiam fore Ecclesiam prædicit. Tunc si quis, inquit, vobis dixerit, ecce hic Christus, aut illic, nolite credere. Quam apte, cum imitatus eorum orationem est, tum etiam arrogantiam expressit? Semper hic eorum mos & consuetudo fuit, ut Christum alibi negarent esse, quam ubi eum ipsi monstrarent, ac docerent: ut se verius sentire, quam vniuersam ab ipsis dissentientem Ecclesiam dictarent: ut etiam si vno tempore quamplurimi existerent quam maximè distracti inter se opinionibus ac sententijs, vnus tamen quisque eorum disciplinam suam reliquis omnibus rectiorem, sanctiorem, cum Christi disciplina iustisq; coniunctiorem, & sibi ipsi persuasum haberet, & cæteris persuadere conaretur. An non nostris quoq; temporibus animadvertere licet huius generis hominum spiritus atque insolentiam? Quid enim Lutherani? uónne certos se esse Christi inter-nuncios, veros Euangeliorum interpretes gloriantur? Solis sibi Christum notū, solis singulari atq; eximio Dei beneficio omnia, que maiores nostri ignorauerint, cognita atq; comperta? Nónne iam diu latentem atq; abditam veritatem sua ipsorum opera patefactam atq; illustratam dictitant fuisse? & humanum genus plurimis & inueteratis erroribus liberatū? Hæc illi quidem gloriari reliquorum more pseudoprophetarum solent. At vanæ ipsorum & subdole orationi Dominus assentiri nos vetat: Nolite inquit, credere. Num verbis tantum? imò ne ostentis quidem atque prodigijs. Sequitur, Ecce prædixi vobis, hoc est, pramonui vos: nempe ut ab eis caueretis: ne vos magnificis & speciosis co-

rum dictis, neu admirabilibus factis in errorem & frangi pelli patiamini. Addit, si ergo dixerint vobis, ecce in deserto nolite exire: ecce in penetralibus, nolite credere. Quater, quam accurate præcipit, atque inculcat nobis, veterum & insidiosa oratione moueamur: ut ipsum necidine ac desertis locis latitantem: nec in tenebris atque abstrusum credamus esse: sed in clarissima luce assidue, Ecclesiæ suæ frequentia cōmorantem? Quid hac admiratione Domini amantius? quid prædictione porro verius dicere? Nonne simul ac ille in cœlum remigravit, ea quæ de nouissimis auctoribus vaticinatus fuerat, continuo euenerunt? primum Simon ille Samaritanus exortus est, quod prodigium Deus? quod portentum? qua superbia? qua arrogantia etiam summum Deum existimari voluerit, & artium præstigijs beneficijsq; perfecerit, ut complures deceptiolum afficerent honoribus. Hic princeps Ecclesiæ nonne constitutam vexare cœpit, & tanquam fax seditionum marum fuit. Huic enim nec arrogantia, nec impietas discipulus eius successit Menander, à quo Menandrian hæresis. Ex eodem fonte manarunt Saturniniani ille Antiochensis sectatores Saturniniani sunt vocati, & Alexandrinus, qui cum nouarum ipsi quoque sectarum principes essent, noua opinionum portenta commenti sunt. His Gnostici signi admodum titulo successerunt, quorum auctor fertur Carpocrates, quorum disciplinam memoriæ proditum est flagitiosam: nomini minimè congruentem fuisse: quæ sunt, qui Gnosticos à Carpocratianis separent. In eadem niana hæresi post Cerinthus fuit: tamen noua is quædam maxime impia dogmata introduxit. Huius autem & summorum omnium absurda & detestanda commenta Valentinus verbis fabulisq; confectis innouauit. Cuius ita inuentor Ptolemæus & Secundus fuerunt, ut nonnulla ipsi quoque pepererint. Existerat autem iam ante illa impiorum secta, quæ sibi à Nicolao vno ex illis, qui ab Apostolo fuerunt diaconi, nomen imposuerat: cum eum tamen illius disciplinæ nequaquam auctorem fuisse quidam reliquerint. Fuerant etiam Hebionitæ auctore Hebione propter inopiam & imbecillitatem mentis illa fertur maxime conuenisse. Inde alix exortæ sunt hæreses, quorum auctores Cerdon, & qui huic successit Marcion Ponticus cionis discipulus Apelles fuerunt, quorum sectatores doniani Marcionistæ, Apellitæ nominati. Secutus Irenæus, Encratitarum, ut quidam putant, auctor hæresis cum Iustini Martyris doctissimi & sanctissimi viri

fuiſſet, tanti doctoris diſciplinam dedecorans, Cerdonis & Valentinii dogmata renouauit. Poſt hunc Montanus exortus eſt, quo nullum terrius monſtrum fingi potuit. Is fidem & auctori-
tatem ſuperioribus omnibus derogans, ſpiritum illum ſanctum ſe eſſe predicare auius eſt, quem Chriſtus venturum, & diſcipulis ſuis omnia, quæ ipſe reticuſſet, enunciaturum promiſerat. Ita-
que inuenta ſua non mediocriter commendare conabatur: quip-
pe quæ Spiritus diuini oracula exiſtimari volebat. Atque illa ta-
men oſtentatione tam ſtolidi, non multos modò ab Eccleſia ſe-
gregauit, ſed funeſtis ſacris ſuis vel maximum piis omnibus o-
dium infamiamq; conſlauit. Fecit Montani tam inſignis & pla-
nè incredibilis arrogantia, vel dicam infania, vt præ eius ſecta
illi ignobiles admodum & contempti fuiſſe videantur, Quinti-
tiliani, Artotyritæ, Alogiani Heleheſeitæ, Theodotiani, & qui
auctore Nouato Nouatiani dicti ſunt: quanquam ne hi qui-
dem mediocriter arrogantes fuiſſe videri poſſunt, qui ſibi inſi-
gnem Catharorum, hoc eſt mundorum titulum vendicarunt,
& qui Cathariſ ſplendore nominis inferiores eſſe noluerunt, A-
potholici. Cùm tot tamque impiæ ſeditioſorum hominum fa-
ctiones Eccleſiam vexauiſſent, ac tandem aliquando eam con-
ſtitui & conqueſcere oporteret, noua excitata ſeditio eſt. Exi-
tit enàm Perſa quidam, cuius ſectam ſecutiſ Manichæorum no-
men ex eorum auctore inditum eſt. Is diſciplinam quandam
ex infanis nefariſque commentis temperauit: quæ partim ipſe
conſtruxerat, partim à ſuperioribus acceperat. Huius quoque
terreſtrimi monſtri furore per diu infecta Dei ſuit Eccleſia. Præ-
tereo Sabellium, Paulum Samolaſenum relinquo, & Paulia-
næ diſciplinæ Phorinum deſenſorem acerrimum. Omitto Ne-
ſtorium atque Eutychem, illum Neſtorianæ, hunc Eutychie-
næ ſectæ principem. Ad Arrium venio, qui maius etiam quàm ſu-
periores omnes in Eccleſia incendium excitauit: quod quidem
non Alexandriam & Aegyptum modò, verùm etiam Aſiam, Bi-
thyniam, Thraciam, Græciam, & magnam occidentis par-
tem corripuit: cùm illius impias opiniones non ſolàm maxi-
matum quarundam & primariarum ciuitatum Epiſcopi com-
probarent: ſed Romani quoque Imperatores Conſtantiuſ, &
poſt eum Valenſ acerrimè pertinaciſſimeque defenderent: adeò
vt diſſentientes Epiſcopos, proſcriptionibus, vinculis, relega-
tionibusque mulctarent. quo factum eſt, vt vniuerſa Eccleſia
diuulſimè omni crudelitatis genere vexaretur. Diuſa poſt tam
turbulenta & frequenſ Arrij ſecta eſt. Succedentes enim Arrio
Eunomiuſ, Macedoniuſq; Conſtantinopolitanuſ Pontifex, &
Aeriuſ, illius diſciplinam variè immutata ſtudioſiſſimè deſende-
rūt. Ita nouæ ſeditiones atq; hæreſes Eunomiana, Macedoniana,

Arriana, illis sunt auctoribus concitata. Ex eodem fonte impietatis vberissimo Apollinaris quoque suam habuit nefariam impiamque sententiam. Nec verò præceduntur ociosi illi & desides Eucheræ, propter insignem implicatam superstitione crudelitatem: quos ferunt narrata, ut oportuerat, habuisse orandi Deum, agendi quæra: sed sine intermissione vlla ne de quotidiano quæ laborantes, precari Deum solitos fuisse: quem illis error superstitionem potius quam Christi & Apostoli verè rectè intellecta attulerant: quibus credulitate nimia præerunt, qui nudis semper pedibus ingredi sunt soliti, cum præceptum fuisse accepissent. Donatus initio se ab Ecclesiâ taxat separarat. Post multis quoque erroribus imbutus suam in Africâ maximè frequentavit, cui Catholica nomen non dubitavit imponere. Priscillianus inde in Gnosticorum & Manicheorum portenta permiscuit: & eadem de suo attulit. Ita disciplina quedam varia, multiplex & confusa conflata est. Multæ & variæ post Hieronymi, Augustinique temporibus, Ioviniano, Luciferio, Vigilantio, Helvidio, Pelagio ducibus impiorum hominum factiones Ecclesiâ serunt: ex quibus Pelagiana factio tum ob frequentiam etiam propter Cœlestij, qui illius tanquam signifer & signem doctrinam atque eloquentiam, maximè nobis ad quas propulsandas, duo illi summi & sanctissimi viri, Hieronymus, Augustinusque, nervos omnes ingenij & eloquentiæ tenderunt. Ex his igitur iam tot ac tam turbulentis, quæ Ecclesiâ extiterunt, seditionibus, satis opinor intelligitur munus illud Domini nostri de futuris pseudoprophetiis ostendisse. Nos quidem per paucas commemoravimus, plures prætermittendas putavimus: non solum ut satietati lede curreremus: sed etiam quod propè infinitum videbatur recensere. Id quod vel ex eo conjici licet, quod Augustinus, quem de hæresibus scripsit, centum propè hæreses narrat quæ ad illud tempus post Christi in cælum ascensum extiterant: autem anni tum circiter quadringenti inter ortum, & illam, qua Augustinus vixit, ætatem. Cum ante & quingenti iam amplius anni ad hæc tempora, à Christi intercesserint, existimari hinc licet, quanto plus pseudoprophetæ seditionum concitatores extiterint inter centum amplius annos, quorū ab Augustini ætate ad hoc præterierunt: præsertim cum tantum iam pridem de ratione pietate erga Deum remissum atque imminutum sit, quæ in illis quadringentis annis pubescentis (ut ita dicam) sit, quibus usque eadem religio viguit: ut cum homines à Ch-

ru, omni calamitatum & suppliciorum genere persape deterrerentur, invenirentur tamen non dicam aliquam multi, sed agmina interdum hominum cuiusque generis, ætatisque maxima, quæ certatim ad exquisita supplicia subeunda concurrerent potius, quam à Christo desciscerent. Quod si hæc Ecclesiæ conditio fuit, ut omni ferè tempore huiusmodi in illa dissidia & seditione existerent: quid est, quod quisquam miretur hanc ætate nostra turbulentam tempestatem nonnullorum furore excitatam fuisse: cuius quæ causæ ut commoveretur, extiterint, paulò post exponemus. Nunc illud confirmare non dubitamus, huiusmodi Ecclesiæ perturbaciones probis & constantibus hominibus propè exoptandas esse. Ut enim cùm ab iis, qui apertè hostes sunt religionis nostræ, Ecclesia oppugnatur, qui minis suppliciisq; propositis minimè exterrerentur, eorum fortitudo & virtus à Deo cognoscitur & probatur: ita commotis huiusmodi tumultibus intestinis, & vexata domesticorum hostium dolis turbulentisque consiliis Ecclesiæ, qui prudentiam in cognoscendis insidiis, consilium in cauendis, constantiam in tuenda Ecclesiæ causa, quamvis multis ab ea deficientibus adhibuerit, is à Deo facile in optimam partem cognoscitur eius virtus, gravitas, fides: quo perturbatior est Ecclesiæ status, hoc cùm insignis magis, tum ipsi est Deo gratior atque acceptior. Itaque Paulus epistola ad Corinthios: Oportet, inquit, hæreses esse, ut probati manifesti fiant in vobis. Sed ut ad hanc (quæ temporibus nostris exorta est) Eutheranam hæresin veniamus, repetat unusquisque memoria obsecro illa verissima Christi Domini nostri auguria de pseudochristis & pseudoprophetis futuris, & ipsius amantissima præcepta recorderetur. Ita subdola istorum oratio & speciosa vocabula plus valebunt ad detegendas insidias, quàm ad occultandas. Deinde reminiscatur & cogitet ante hos à Lutherò concitatos tumultus, quinam esset status Ecclesiæ. Erat enim si non à bellis vel socialibus, vel externis, at ab huiusmodi certè seditionibus & turbis tranquillus maximè & quietus, confutata enim impietatisq; damnata Constantienti illo concilio Ioannis Viclei, Ioannis Husi, & Pragensis Hieronymi, trium turbulentissimorum hominum disciplina, sedatisque eis discordiis, quæ diu Ecclesiam perturbabant: Omnes iam occidentis & Septentrionum Ecclesiæ Italia, Sicilia, Hispania, Britannia, Gallia, Germania, Pannonia, Sarmatia, Noruegia, Gotthia, Suetia mirabiliter inter se consentiebant. Nulla omnino inter eas erat dissensio, nulla controuersia, nulla varietas, de mysteriorum vi atq; numero: de sacrificio: de tertio animorum receptaculo ad expianda delicta constituto: de ratione confitendorum peccatorum: de venerandis iis, qui cœlestium concilio ascripti fuissent:

de co.

de eorum imaginibus: de vita cœlibe sacerdotum: de p
& iure Sedis Apostolicæ, omnes vnum idemq. sentieba
etiam vniuersa Græcorum gens, & Asiaticæ Ecclesiæ s
stinis controuersis ad Sedis Romanæ auctoritatem r
quod idem Armeniorum natio fecerat. Non solum a
clesia constituta concordia coaluerat: sed iam etiam p
moria, vt suprà demonstrauimus, augeri propagariq
cùm quidem dissanctissimæ gentes eam terrarum ora
incolentes, quam maiores nostri ne habitabilem qu
putauerunt: Christi religionem, & ipsam Ecclesiæ Rom
plinam diuino instinctu spiritu al. iussent. Hic Ecclesi
tus, hæc tranquillitas, hæc quies: cùm exortus est Lut
tantam Christiani nominis pacē turbaret, consension
meret: qui elatus superbia (quæ omnis mater impiet
impulsus odio: quod iam diu in Pontifices Romanos co
continebat, repente suæ venenum impietatis euomit
bulentam impiamq. disciplinam cum vitæ licentia, qua
etatoribus largitur: tum verò ordinis sacerdotum grau
terata inuidia studiosis rerum nouarum hominibus co
uit. Nactus est autem tempus ad excitandam in Ecclesi
nem opportunum atq; idoneum, propter intestinas reg
cipumq. discordias. Inuentorum porro suorum eos hab
los, consiliorumq; adiutores, qui non modò illius auct
& impietatem assecuti: quod tamen vix fieri posse vide
runt etiam superârunt. Ita repente Christianâ disciplin
mutare atque dissoluere, Pontificum Romanorum leg
gare, maiorum instituta conuellere, diuina denique &
omnia miscere, perturbare, confundere aggressus est, Ch
pus Ecclesiam discidit, ex Christiano populo concordia
lit, Sacerdotum inuidiam inflammauit atque auxit, G
maximam partem à piorum concilio separauit, reliqu
nes sollicitate non desit. Hæc ne obsecro cuiquam san
eo auctore accidisse possunt videri, qui, vt Apostolus in
cis est non dissensionis Deus? cui nihil quiete grātius, n
cordia acceptius, nihil mutua populi sui inter se charite
uolentiaque iucundius. Potest ne dubium esse, quin p
Ecclesiæ hostis Satan, per hos satellites & administ
has tantas turbas seditionesque commouerit? D. qu
si quis etiam dubitet, num dubitare diutius poterit
mun retulerit ad eas calamitates, quæ propter tu
Lutheri consilia fortissimæ illi, & quondam maxim
tioni inciderunt? Etenim cogitet, quoties eius gent
ob hæc dissidia ad arma ierint: quoties inter se colla
dimicârunt: quoties campi humani sanguinis effusio

dirint: memoria repetat reliqua ciuiliū diffensionū damna ac detrimenta, incursiones, vastitates, depopulationesque agrorum, oppidorum direptiones atque incendia. Veniant illi in mentem immania illa facinora, quæ non ad hominū iniuriā, sed ad ipsius Dei contemptiōem à religiosis hominibus edita atque parata sunt. Sanctissima templa & continentes illi sacerdotum domus compluribus in locis ab impia illa Lutheri manu primū expilatæ atque direptæ, post aut inflammata, atque à fundamentis dirutæ, aut certe fugatis inde interfectisque sacerdotibus peruastatæ: virgines Deo dicatæ aut expulsæ, aut ex sanctissimis adytis ac penetralibus abstractæ ad nefandas libidines, incestasque nuptias. Quæ ego vidi teterrimi belli & barbarico quodam furore gesti vestigia, cum proxima ætate per Heluetios iter facerem? quo mœore sum affectus, cum oculis passim ruinæ templorum atque adium sacrarum occurrerent? cum imagines d-uorum omnium delectas: cum illius sanctissimæ crucis, quæ Christum pro salute nostrā morientem sustinuit, monumenta fracta vbique, prostrata, contulcata, conspicerem? quo horrore perfrusus sum, cum animum vicissem, & templum quoddam pagi Tigurini primarium, si illud templum nominari fas est, sustinuissem me ingredi, vt oculis subijcerem ea, quæ credere audita non poteram: quæ tum mihi species? quam terra? quā horribilis obiecta est? cum diu contemplans nusquam vllum aræ vestigium aspicere potui, nullam vestem, nullum ornatum, nullum lumen, nihil denique templi simile, præter tectum ac parietes, & pauca subsellia, vt ipsa etiam barbararum efferrarūq; gentium delubra maiorem religionis speciem habere non dubitem. Nihil horum, ita Deus mihi propitius sit, à me fingitur, nihil oratione maius sit, quā quantum re ipsa sit. Nota hæc sunt & peruagata & illustria, neque aut testimonium cuiusquam desiderant ad probandum, aut orationis copiam ad augendum. Quo enim pacto illa augeantur? quæ ne pro rerum quidem atrocitate satis dignè deplorare quisquam possit? Erit ne igitur quisquam tam stultus, tam a sanitate alienus, qui tantorum malorum, tam grauium calamitatum, tam impiorum inauditorumque facinorum recordans illud sibi diutius speciosis nominibus veritatis & doctrinæ Euangelicæ patiatur? non facta verbis potiora ad iudicandum existimet? vereatur ne Spiritus sanctus Lutherum ad has commouendas diffensiones impulerit? Quæ portò istorum impudentia est? qui tantorum facinorū sibi conscij, tamen conuenticulis suis Catholicæ audent Ecclesiæ nomen impondere? Vt omittam illa, quæ gesserunt. Quid Ecclesiam Dei terrarum orbis angulo inclutam & abditam esse censent? Vbi igitur

nira: Illud quero, quenam hæc Luthero astipulantium turba fuerit: cur non dominant: cur non proferunt: Deinde, si singuli Dei beneficio ipsi minimè errabant, vtrum animaduertebant errare alios, an non? Si non, igitur ipsi quoque errabant, (nam si ipsorum idè & vitæ instituta aliorum dissimilia fuissent) ex eo ipso profecto, quantopere errarent ceteri, cognouissent. Ergo ne ipsi quidem ex cætu piorum erant: ita funditus Ecclesia extincta ac deleta erat, quo nihil magis nefandum atque impium dici potest. Sia autem id animaduertebant, cur non errores suos exerti indicabant: Quid, eo ex grege nemo nunquã prodire, nunquam veritatem patefacere, nunquam indicare præclaram illam disciplinam ausus est: Cur non humano generi tam inueteratos errores eripere curauit? Cur hoc venturi Lutheri beneficium esse maluit, quàm suum? Si gloriam contemnebat, tam erat durus, tam immisericors, tam malevolus, tam contemptor & negligens præceptorum Domini, vt nõ fratrum suorum curam posset, saluti consuleret? vt eos perniciosis superstitionibus oppressos esse negligeret? Si inuidiam metuebat: tam ineticulosus erat, tam timidus, tam dissidens Deo: vt vllò periculo deferretur officium defereret: Dei & religionis causam suscipere atque agere non auderet: Sin in Deum culpam conferat, vt fere faciunt, cum exitum reperire non possunt: præclara erit & pietatis plena defensio. Rursus igitur quero, vbi Dei bonitas? vbi rerum humanarum prouidentia? vbi beneuolentia? & misericordia erga humanum genus? cur veritatem tot & tantarum rerum per tot secula ignorari & latere voluit? hæc demum ætate Martini Lutheri opera inuestigare & percipi voluit: cur tantam hominum multitudinẽ interire est passus, cum veritate patefacta & cognita possët conseruari? Age si Ecclesia illa sine nomine, quam isti Catholicam dicent, fuisse, sibi quiescendum putabat: quid ita opposita illi astra, quam impietatis & inueteratae superstitionis insimulant, etiam ipsa quiescebat? Cur Romani Pontifices, quos tyrannos fuisse videri voluit: qui cerè iuris ac dignitatis suæ semper retinentes fuerunt, tam æquo, vel potius iusto patiebantur animo illum hominum cœtum, cum Romanis, cui ipsi præsidebant, Ecclesia dissidere? Cur non ob eam causam concilia conuocabant? Cur de concordia nõ agitant? Quando enim vllum hominum genus aut tam numero exiguum, aut tam locis dispersum ab sede Apostolica dissonat: cui non Romani se opposuerint, Pontifices & aut aduersariorum annos Dei auxilio sanauerint: aut in sententia perstiterint manentes, grauitatis eos decretis confixerint? Summa ista sunt, ridiculaque commenta fuisse superioribus seculis Ecclesiam, usque quam, quam nominare non possunt, nec

docere: ex quo hominum genere constiterit: quem
 descripta fuerit: quam orbis terrarum partem incol
 cum disciplina, fide, mysteriis Lutheranam Ecclesiam
 & concordare, quæ si vlla vsquam fuisset, aliquid de e
 proditum, aliquid annalium monumentis mandatum
 quæ eius alicubi reliquæ superessent: aut suo illa ipsi
 aut aliorum inuestigatione deprehensa fuisset, ac cogn
 non similia atq; his temporibus, tum quoq; inter Ecce
 las extitissent certamina. Quod si hoc, quo aduersarij
 defensionis genus probabitur: si ad eleuandam Ecclesi
 licæ, & Christianorum populorum contra ipsos stantio
 ritatem & fidem, licebit eis ad Ecclesiam quandam
 modò inauditam, sed ipsis etiam incognitam confuge
 esse Catholicam Ecclesiam dicere, illam esse quæ a di
 ritu regatur, quæ minimè errare possit: cuius vnus gra
 etoritas debeat. hanc verò nostram, quam nos, patres, a
 nostri, ac tam multorum seculorum antiquitas Cathol
 xerit, errare ipsam, & errauisse iam pridem: neq; Christ
 Antichristi Ecclesiam: si in hac inquam commentitiæ
 calumnia delitescere eis licebit, ne apertè impij ac furi
 mentur, si sine dissimulatione vlla ab Ecclesia Catholi
 tiant: de concordia, de pace, de otio, de quiete, de tran
 Ecclesiæ in perpetuum actum est: non hoc modo tem
 in posterum etiam seditiosissimus quisq; ad arbitrium
 Ecclesiam perturbabit. Nihil est, quod quisquam sper
 diis illam & contentionibus conquietescere vnquam po
 ex alijs dissensiones orientur, sine vllò earum remedio
 nim turbulentos homines ambitione, ira, odioque per
 instinctu Satanae concitatos, à vexanda Ecclesia deterre
 impediet, quò minùs ut cuiq; eorum libitum fuerit, sec
 tumultusque dogmatis, alicuius nouitate commouen
 rum ne literarum testimonia? At sacris ipsis literis alic
 clesia sentiat, interpretandis, quis ignorat solere hoc
 genus summa cum pertinacia suorum dogmatum un
 tueri acque defendere? Quid enim Arius: quid Mac
 quid Eusebius: quid Sabellius: quid Eutyches: quid E
 quid Helvidius: quid Iovinianus: quid illi Cerdones: V
 Manichæi: quid tot aliarum sectarum principes: ad con
 das impias opiniones suas, quibus tandem alijs vili di
 librorum nixi sunt testimonis? An verò sanctorum patri
 peis & auctoritate refellentur? At illos ipsos veteres lo
 quantumvis licet doctrina, & vitæ sanctitate excelluer
 ctis, explicandis literis, ac dijudicandis fidei controuers
 rinatos esse contendunt. Illorum sententiam Catholic

bunt Ecclesiæ consensum fuisse. Num ergo ad concilium vocabuntur? Enimvero concilio habito ipsi omnes, qui ab eis dissenserint, ac eorum disciplinam improbarint: iniquos iudices iurabunt: perperam iudicatum fuisse: circumuentos se & iniuria damnata ipsorum dogmata clamare, & vociferari non desistent, Pontificem Maximum eiusque legatos, qui illi Concilio maiorum exemplo præfuerint: Episcopos, qui conuenerint, negabunt numerandos esse Catholicæ Ecclesiæ sacerdotes: eoq; minimè mirum esse, si errauerint: negabunt sacras literas rectè ab eis interpretatas atque enodatas fuisse: vt aliud habeatur Concilium, & ipsorum causâ de integro cognoscatur, postulabunt. In quo si illis mos geratur, in infinitum res serpet. Semper enim de Concilij superioris actis, seditiosis hominibus postulanti- bus, nouum habendum erit Concilium. Ita nihil explicari nec transigi vquâ poterit: neque quid de quaque recedendum sit, constitui ac destinari: tantumque aberit, vt conciliorum auctoritate veteres discordiæ tollantur: vt etiam nouæ de ipsis Conciliis futurae controversiæ. Reliquum igitur erit vt huiusmodi hominum temeritati atque imprudentiæ, Catholicæ Ecclesiæ per terrarum orbem diffusæ opponatur auctoritas. At illi fatebuntur quidem grauem ipsis esse auctoritatem Ecclesiæ Catholicæ. Verum si illius auctoritas eis obstitit: veram illam esse, & Catholicam minimè concedent: & istorum exemplo commentitiam quandam Ecclesiam inducent: illam secum facere: cum illius fide & institutis dogmata sua congruere affirmabunt. Hic si quis, quænam ea Ecclesia sit, ex ipsis requiret: & vt ea sibi commonstretur, postulat: operam perdet, quorum ea hominum sit, scire se negabunt: aut certè aliquam impiorum hominum sectam iam pridem damnatam extinctamque proferent: quam veram & germanam defendent Ecclesiam fuisse. Quid igitur fide nostra incertius? quid institutis mutabilius? quid Ecclesiæ statu futurum est perturbatius? si dimissa vera Ecclesia, indicatur commentitia: si pro ea, quæ nota sit, asciscatur incognita? Quid Origene porro, quid Tertulliano, quid Ireneo, quid Augustino, quid Hieronymo, quid aliis tam multis, tam doctis, tam sanctis viris fuerit insipientius, qui impiis temporum suorum hominibus nihil magis, quam Catholicæ Ecclesiæ consensum opponendum putauerint? Næ illi facile, ac nullo negotio poterant repellisti eam, cuius auctoritate ipsi tantoperè nitebantur, veram esse aduersarij Ecclesiam negauissent. Hoccine defensionis genere isti vterentur: & hanc inane ac nugatoriam Ecclesiam inducerent, si ex animo concordie studerent: si quietam in posteri Ecclesiam esse cuperent: cum ea defensione leuissimo cuique aditus ad illam vexandam, oppugnandâ, perturbandâ patefiat: cū illa suscepta

commentitia Ecclesia, nihil inuestigandæ veritati, nihil interpretandis literis, nihil tollendis dissidiis loci, nihil Ecclesiæ ad tuendam dignitatem suam præsidij relinquajiciendum igitur, aspernandum, respuendum est à priorum animis atque auribus Ecclesiæ huius incognitæ eorum: quo nihil nec vanius, nec ad commouendas & alleditiones aptius fingi potest. Quid ergo dixerit aliquis, superioribus temporibus quenquam intuentum fuisse, dogmata Lutheranorum defenderet ac probaret. Ego verò hoc do, & concedo. Fateor permulta istos à variis variis dogmatum auctoribus transtulisse. Neque enim tantum & solertia valuerunt: ut excogitare omnia ipsi, & componuerint. quiddam à Berengario didicerunt: multa ex Viclefii eiusque discipulorum fontibus deriuauerunt. Non iam atque adeò multum Patavinus illos Marsilius adiuenim mira hominum facilitas in inuentis perditissimi & sibi in cuiusque approbandis: diligentia in transferendis ego extitisse quenquam arbitror multis abhinc seculis tantemptum atque ignobilem prauæ alicuius sententiæ auctuius ex scriptis summa diligentia perquisitis non istialicercperferint. Nec tamen parum multa ipsi suo ut dicitur, modificitarunt & reppererunt: ne si omnino alieni fuissent, tardo videlicet extitisse ingenio viderentur. Verum neque satis est, id quod neminem arbitror negaturum, hoc docu alterumue, aut plura etiam dogmata ex his, quæ Lutherique sectatores defendunt, vni fuisse alicui hominum quando probata. Ut enim partem aliquam istius disciplinuerit, modò non omnem: nihilominus ab Ecclesia alienet illa, quam tantoperè iactant, & verbis defendunt, cunlant: illa, inquam, Evangelicæ doctrinæ vniuersa necessario hominum cœtu retenta fuerit, quo is vera existimetur, sia fuisse. Nominent igitur nationem aliquam, si possunt: quæ istam Lutheranam istam disciplinam probauerit, quonidem eandem illam, atq. Evangelicam esse contendunt: quam eadem, quæ Lutherus, senserit: quod ad ritus, quonimonias, quod ad sacra, quod ad instituta, quod ad mystinet: nulla de re omnino dissenserit. nullum, non dicam lignus, sed ne singularem quidem hominem, poterunt non. Sed quæ nam ab aliis isti acceperunt, videamus: ac primsanctissimo Christi corporis mysterio agamus. Exstititignis abhinc circiter quingentis Berengarius quidam. Is eunioribus omnibus seculis, ex eo tempore, quo Christus orrat: tot, tamque impiorum, & audacium hominum greguissent: nec tamen quisquam tam præc. ps. tam perturbat

Ecclesie cupidus inuentus fuisset, qui illud sanctissimum mysterium, vel verbo violare ausus esset: cumque panem illum & vinum, post consecrationem non iam panem & vinum, sed verum corpus, & sanguinem Christi esse sanctissimi viri, auctoresque locupletissimi in diuersis orbis terrarum regionibus commorari vno ore consensissent ac scriptum reliquissent: Cyprianus, & Augustinus in Africa: Hilarius in Gallia: Ambrosius, Leo, Gregorius in Italia: Chrysostomus in Thracia: Theophylactus in Mœsia: Ioannes Damascenus in Syria: Origenes, Cyrillus & Athanasius in Aegypto: ex quo illum haud dubie vniuersæ Ecclesiæ consensum esse intelligi liceret. Cumque Christi verba illud instituentis mysterium aded perspicua & aperta essent: vt neque auctoritatem cuiusquam, neque interpretationem requirerent: repente furiosissimus Satanae administer opponere se grauissimis auctoribus, repugnare consensui Catholicæ Ecclesiæ, aduersari sacris Euangeliorum verbis coepit: & panis illius ac vini naturam contendit post consecrationem minimè mutari. Non manarat tamen malum istud longius. Nam & doctissimi viri statim hominis amentia obuiam ierant: & post eiusdem furorem concilia quædam damnauerant. Extiterunt aliquot post seculis Ioannes Viclefus, eiusque astipulatores, Ioannes Hussus, & Hieronymus Pragensis, tres seditiosissimi homines, qui alia quadam ratione violare mysterij illius sanctitatem ausi sunt: quibus tum quoque Catholica se opposuit Ecclesia: frequentissimoque Constantiensi Concilio eorum impietatem condemnauit. Eis potentis tantò post successit Lutherus: qui Constantiensis Concilij auctoritatem repudians, perpetuumque totius Ecclesiæ consensum pro nihilo putans, incredibili temeritate omnes populos, gentes, nationes, Italos, Hispanos, Gallos, Germanos suos, vniuersam denique toto terrarum orbe diffusam Ecclesiam ausus est simulachrorum cultus, ac summæ superstitionis arguere. Hic trium seditiosorum hominum Lutheranae impietatis suffragatorum commemoratio, vtrum ad istam disciplinam commendandam valebit? an ad condemnandam? assentiendum Luthero erit, quia Viclefi, Ioannis Hussi, Hieronymique Pragensis impiam sententiam reuocârît? an non potius ob eam ipsam causam dissentiendum, quòd eos huius sui dogmatis auctores laudet, quos vniuersa iam pridem Ecclesia condemnauit? Nonne cum illi damnati sunt, vno eodemque tempore in Lutherum lata sententia est? isque impius hostisque Ecclesiæ est iudicatus? Quid aliud est Christum in deserto loco, in solitudine, in penetralibus querere? nisi cum in Hussitarum grege, in Valdensem conuentibus, in huiusmodi sectarum latibulis vestigare? Nam quòd moderatissimus homo & concordia pacisque aman-

tissimus, vniuersam Ecclesiam in rectores à Deo constituit, citare, populos regesq; Christianos seditiosissimis & seditiosis concionibus inflammare in Romanos Pontifices, eorum sedem Apostolicam, hoc est, fundamenta Ecclesiae labatq; euertere conatus est, in eo furorē audaciamque Marfilij renouauit. Ille enim quo se in Ludouici Bavarie insinuaret cum Pontifice Romano graues inimicitias gerit, ut ex obtreccatione Pontificum Romanorum cresceret edidit, quem pacis defensorem inscripsit: quo libro egre- cis defensor, quantum in ipso est, Romanos Pontifices circū- bjet, & cum diuinis decreteris, tum humanis legibus concilia iura extorquet: atq; omnem illi augustae sedi dignitatem temq; detrahit. Quod verò Lutherus, & quidam eius discipuli, omnia fato & necessitate fieri: nihil in potestate nostra agi nos, non agere à principio dixerunt, cum idē senserunt nonnulli quoq; veteres Philosophi: tum Viclef illius sui- tijiq; Vallengis opinionem impiam & humano generi pernici- sam reuocarunt: huius tamē postea impietatem dogmatem eam intelligebant nimis apertam atq; inuidiosam fore, ex parte correxerunt. Ex quo ipsorum disciplina inconstans aduersa est. In ea tamen sententia perstitit, ut ne libertatem nostram esse, quod ad recte agendum, & diuinis preceptis obtemperandum attinet, liberam. Ita cum in maximis & ad salutem animarum necessariis libertatem nobis eriminis & ad rerum caducarum administrationem pertinet relinquunt. Quod contemnuenda esse docent auctoritas scripturae abstinere nos statis diebus quoddam ciborum genere ieiunium huius impietatis auctorem secuti sunt. Quod tollunt: quod negant orari Deum, nec rem diuinam fieri re pro mortuis, quadam ex parte Arianam illam, cuius summi- mus, haeresim excitauit. Quod sacerdotum peruenit neq; sacerdotum ordinem ab reliquis, qui sacris initiis separant: in eo non Acrij quidem amentiam inuouant: sed profecto vehementius insaniunt. Ille cum sacerdos esse pontificatus, quem concupierat, assequi potuisset: repul- re factus, ut Augustinus significat, Arianus, sui credo co- di causa, repente disputare & confirmare coepit, nihil in- scoporum & reliquorum sacerdotum ordinem ac dignitate- teresse: idq; non ut pontificiam dignitatem abigeret, sed ne- notum sacerdotum extolleret. Isti verò non Acrij modo, sed etiam illius impietate superata, sacerdotum cum o- minino prophanis hominibus communicant. Ita sacrosan- ctum honorem multo etiam vehementius violant, atque dede- De imaginibus porro eorum, qui propter sanctitatem

nocentiam vitæ, in cœlestium concilium sunt relati, ipsam Iconomachorum tot sæculis post hæresim sunt secuti: cū tamen eam non ignorarent primū frequentissimo Romæ habito ob eā causam concilio, deinde Nicæno posteriore esse ipsum illud dogma confutari atq; damnari. Atq; hæc, & alia non pauca (q̄ breuitatis causa omittimus) dogmata, ab alijs impiarum disciplinarū magistris accepta & iampridem explosa retulerunt. Ista vero eorum peculiaria, & vt ita dicam, sunt vernacula: quod negant sacerdotium, negant matrimonium, negant confirmationem, quæ dicitur, habenda esse mysteria: extremam vero sacri olei unctionem etiam verbis petulantissimis irrident. Ita ex septem illis sacrosanctis mysterijs, quæ iam inde ab Apostolorum temporibus vsq; ad nostra tempora sancta Catholica summa cum cerimonia semper vsurpauit Ecclesia, sublatis quatuor, tria omnino reliqua faciūt: de quibus tamen ipsis ne cum ecclesia quidem prorsus consentiunt: ne nimirū credo, ecclesiæ consensui tribuere viderentur. Tantū eos rerum nouandarum studiū inuasit: tanta Christianæ disciplinæ cōmutandæ cupiditas: tanta obrectandi & aduersandi ecclesiæ Catholicæ libido tenet: novos quosdam ipsi ritus tū initiandi homines Christo, tū agendi salutaris illius instituti à Domino nostro conuiuij: nouam rationē confitendorū peccatorū imperitæ multitudini gratam admodum, & plausibilem inducunt. Quinetiam multæ eorū (o inauditam impietate) sacrificiū ipsum quotidianum ad colendum, orandum, placandum Deum, atq; vsurpandam grato animo assidue Christi pro salute nostra in cruce immolari, memoriam, comparatum, omnibus locis summa cum cerimonia semper factum: quod tanto antequam Christus nasceretur, Deus ipse Malachiæ ore testificatus est, tantopere gratum sibi & acceptum fore: illam inquam puram & mundam (sic enim Malachias appellat) oblationem, vt rem prorsus inuilem & superstitioni affinem repudiant. Præterea epicurei theologi improbant sacerdotum, & aliorum, qui sacris initiati sunt, vitam cœlibem: hoc etiam Iouiniano illo, cuius supra meminimus, intemperantiores, quod is cū vitæ cœlibi matrimonij equaret, tantū illud tamen vitæ genus Deo esse non negauit: atq; etiam ipse vixisse cœlebs traditur. Isti vero nec valere quicquā hanc vitæ rationem ad cōciliandū nobis & placandū Deum asseuerant: sicuti ne vlla quidē alia recte facta: & tantū absuit, vt cœlibem vitam degere voluerint: vt eorum plurimi doctorem suum Lutherum imitati, cum sacerdotes fuissent, & se cœlibes perpetuo victuros esse vouissent: sine vlla religione ductis vxoribus fidem Deo datam obstructamque violarint. Itaque fodalitates, eorum: qui Deo sua ipsorum deuotione consecrati quasi in familijs diuorum quorundam numerantur, illis ipsis Apostolorum temporibus inter-

turas, vel maxime hoc nomine vituperant: quod illis ascrip-
 paupertatis & obedientiæ: tum etiam vitæ coelibis, perpetu-
 continentie votum suscipere soleant. Et quod vitæ gen-
 filius, Chrysostomus, tot alij sanctissimi viri vel maximis
 bus extulerunt: vel etiam sunt secuti: ipsi Basilio, Chrysost-
 videlicet sapientiores vehementer damnant atque impro-
 Sunt quidem aliæ quoque non paucae propriæ eorum pec-
 que sententiæ: nos tamen eas breuitatis causa prætermittimus
 quanquam horum quoque ipsorum, quæ commemoramus
 dogmatum nonnulla videri possunt a Ioanne illo. Videlicet
 cille: quem tamen temeritate, audacia, impietate superare
 sunt. Sed quid plura de eorum arrogantiâ & cupiditate no-
 rum rerum commemorem: qui nunquam in illud summum
 si tribunal ascendissent: ita quaestiones exercent iudicii
 non singulares homines, sed gentes vniuersas Ecclesia
 stultitiæ, superstitionis, impietatisque condemnant: non
 modo nationes, Italos, Gallos, Hispanos: sed suos etiam
 maiores, atque vno verbo vniuersam Ecclesiam à Christi-
 pridem descivisse pronunciant: ad arbitrium suum omni-
 cant: præscribunt ac decernunt, quæcunque eorum fere-
 Leges veteres antiquant: novas sanciunt: totius Christiani-
 nis consensum repudiant: conciliorum auctoritatem, al-
 tiorum sanctissimorum virorum vetustissimorumque auctor-
 vant testimonia: Nouam ipsi Ecclesiam, novos ritus, nouas
 monias, noua sacra, novum sacerdotum genus introducen-
 credendum, quid sentiendum, quid agendum sit, tanqu-
 cum Apostolo in eorum rapti fuissent, ita se certissimè, comp-
 exploratum habere proferunt & dictant. Quis statueret
 vitrum impudentiores detestabilioresque sint, quod dog-
 liorum impietatis iam pridem conuicta & explosa reuocata
 quod ausi sint noua ipsi, & post hominum memoriam i-
 portenta confingere. Et cum tam multa defendant, quæ
 etulima antiquissimaque concilia summo & perpetuo
 Christiani nominis consensu damnauerint, non hoc ipsi
 quæ eorum disciplinæ fidem abrogabit: aut quisquam
 cors erit, tam a mente consilioque alienus, ut quæcunque
 finxerint, ea Spiritus ipsius sancti oracula esse censeat: quæ
 celeberrima frequentissimaque concilia Spiritu sancto in-
 decreuerint, quæ grauissimi auctores memorie hærentis-
 derint, quæ Catholica Ecclesia semper secum ipsa continen-
 concors sentiat, ea præ viuis Lutheri, eiusque sectatorum
 mentis despiciat atque contemnat. Ac si inter se tamen co-
 rent: minus aliquanto manifesta eorum impietas tenebitur
 non hominum magis, quam ipsi inter se digladiantur & d-

quo nullum afferri certius argumētum eorum impictaris potest. In quo illis nimirum idem viū venit, quod alijs sectis huiusmodi contigisse non paucis memoria proditum est. Sic ille Simonianæ tanquam fons hæresis in multos riuulos dimanauit : sic Arriana secta in Eunomianā, Macedonianā, Acrianā sectam est discerpta. Pari igitur ratione impiorum & sediciosorum hominum in Germania factio, in Anabaptistas, Lutheranosque diuisa est. Quæ duæ inter se manus non disputationibus tantum, altercationibusque certantur : sed armis etiam & prælijs dimicant. Nec vero Lutherani diutius in vna constiterunt eademque sententia. Ausi enim quidam sunt à Luthero haud leuiter dissentire ipsorum magistro ac principe. Itaque auctore Oecolampadio & eius subscriptore Zuinglio, ea rursus scissa est factio. Atque vt exempli causa rem vnā imprimis maximam & grauissimam proponam, de qua inter se dissentire cœperunt : Lutherus, & qui ipsum secuti sunt, censuit in pane naturam veramque panis & veri corporis Christi post consecrationem coniunctam esse. Oecolampadius vero, & qui ab eo fuerunt, Christi corpus negarunt ad naturam panis accedere : sed panem illum etiam post illa solennia verba effecta nihil aliud quam panē esse censuerunt. Ita vna eademque de re, & ea quidem longe grauissima in magna sunt varietate & dissensione constituti. O disciplinam mutabilem, variam, inconstantem : modo hoc, modo illud defendunt. Atqui hæc sunt falsæ eorum impietque rationis, non obscura, non adumbrata, sed expressa signa ac perillustria. Veritas enim haud quaquam esse multiplex potest sed vt spiritus diuinus est vnicus, ita verum, quod illo docente cognoscitur, singulare atque vnum est. Quid ergo, si quispiam ab eorum causa minime abhorrens, illis se in disciplinam tradere cogitet, quo nam eorum utatur doctore ac magistro? ad quem se coarctet? quem cæteris anteponat? Lutherum ne? Istius ille quidem cum dissensionis auctor, tum præclaræ disciplinæ magister fuit, princeps ille ætate nostra, vt gloriari solet, ista enuntiavit & patefecit iam pridem ignorata incognitaque mysteria. At ab illo discipulum abduxerint Oecolampadius & Zuinglius, neque passi fuerint probabiliorē Lutheri sententiam videri quam suam. Quantas igitur illi misero offuderit tenebras istorum inter se distractio, & opinionum dogmatumque varietas? Nonne ergo ex hac quoque sententiarum dissimilitudine disciplinæque mutabilitate quicuis intellexerit, quā isti à vera Ecclesia longe absint? Nunquam enim ea à se discrepat, nunquam dissentit, ac ne accidere id quidem pacto vllō potest. Cum n. firmiter illa & columna sit veritatis, vt diximus, nec plus vno verū, sicuti ne plus vno quidē rectum esse possit, semper sibi ista necesse est constet, mirabiliterque consentiat. Isti vero tantum abest, vt

diutius inter se congruere potuerint: ut eorum plerique rebus alias aliter senserint. Euenit igitur eis, quod usu vectoribus solet, si quando ab recto itinere aberrarint. Ut n. illi alijs semitas ingredientibus vagantur nullum securi periculum ducem. Ita isti dure Ecclesia carentes, quam reliques de recto fidei religionisq; curriculo temere decesserant, alijs diuerticula impietatis ingressi sunt: neq; vlla alia fere si sentiendi contra atque Catholica Ecclesia sentiat, permanent. Itaque vna aliqua de re eorum opinionem red & prauam esse falsamq; doceas: non illi in Ecclesia transeant: sed continuo pro ea, quam refelleris, aliam ne absurdam reprehendendamq; substituunt, hanc quoq; infirmas ac reprehendas: ne Ecclesia quidem ita conuictant, sed ut sunt in comminiscendo ingeniosi, atq; ut falsas vna eademq; de re possunt esse coplures: cum veritas simplex sit: aliud quoddam statim portentum excogitet. Denique anfractus & tramites quamuis arduos deuotissq; peritur potius, quam in rectam & planam viam deducere Ecclesiant. Quamquam quid est, quod quisquam eos miretur cum pertinaciter pugnare: quibus ne ipsis quidem inter se videuenire? Sed tamen vis est magna veritatis. Hec illos tantarum obstinatione sibi obistentes nonnunquam rapit: & ratione sui reluctantes attrahit. Velut in ea questione, quae est, & adeptione iustitiae, aduersarij initio ducem & doctorem Lutherum secuti, & quicquid ille effutisset, Pythagoreos defendentes, iustos per fidem solam nos effici persuasum. Fidem autem is intelligi volebat, per quam consideremus ti nobis a Deo peccata omnia: & in eius gratiam nos recipere propter mortem, & satisfactionem Christi. Non ille animi charitatem erga Deum, non detestationem superioris vitii studium seruandi diuina praecepta in posterum requirebamus: na illa confidentia, & summa securitate animi totam fidei iustitiae nostrae rationem locabat. Eam vnam qui afferre illum, & pium, & sanctum effici dicebat: atq; ab omni lege & liberum ac salute accepta, ut eius verbum, futurum, & quae postea recte faceret: ita facere, ut nihil omnino de fide amplius sollicitus esset, atque anxius. Nec mirum, si recta fidei peruaanea ducebat: cuius hoc decretum fuit inopinatum atq; admirabile, omnia recte facta re vera esse peccata. Atamen in ea definita fide minime sibi consistit, sed ut est in & varius: cum multos variosq; libros ediderit: alibi eam aliter scripsit: cum in definitionibus eius magna ars non verum solum (nam id quidem ferendum esset) sed, quod turpissimum sententiarum etiam varietas. Is in hanc sententiam im-

inciderat ipse : & sectatores suos adduxerat : propterea quæ quod aliquot huiusmodi sententiæ in sacris literis occurrunt, fidem fuisse, quæ alicui salutem attulerit : credidisse quempiam, & ea re iustitiam fuisse, & Dei gratiam assecutum. Quamquam ipse existimauerim potius vastrum hominem, cum nosset homines natura propensos esse ad voluptates corporis, & ad vitæ luxum atque licentiam : & simul intelligeret, quam maximè recte facta, piæque cogitationes & cõsilia nostra abiicisset : tam maximè visum iri Dei largitatè & misericordiam extolli eiusmodi excogitauisse dogmata quod ab improbis & flagitiosis hominibus, propter viuendi licentiam libenter susciperetur : Ab imperitis & rudibus inconsiderate propter speciem quandam modestiæ probaretur. Repugnabat huic eius decreto apertissimus ex epistola Iacobi locus, quæ scriptum est, nõ ex fide tantum iustificari nos, sed etiam ex operibus. Homo impudentissimus, cum nullam excogitare capiosam eorum verborum interpretationem posset : totam eam rejiciebat ab vniuersa Ecclesia omni tempore comprobata epistolam. Erat hæc opinio de adeptione iustitiæ absurda, falsa, perniciofa. Omnibus enim fere locis sacrorum voluminum scriptum est, seruari oportere præcepta, si quis saluus esse, & vitam æternam assequi cupiat. Deum unicuique aut pro peccatis supplicia, aut pro rectè factis præmia redditurum : nequaquam satis esse Christo credere, cum ipsi etiam credant & contremiscant Dæmones : etiam si quis fidem omnem habeat, charitatem autem non habeat, nihil cum esse. Cum his, & alijs huiusmodi sententijs & cohortationibus ad rectè viuendum, & Dei præceptis obtemperandum Evangelia, epistolæ, sacri libri omnes plenè referri sint : non potuerunt isti tot diuinorum testimoniorum pondus & grauitatem diutius sustinere : ne tam aperta eorum impietas, summa inscitia coniuncta fidem reliquæ ipsorum discipline abrogaret. Itaque in nostrorum sententiam transierunt : & fidem per quam iusti efficiamur, vitam esse, hoc est cum charitate iunctam oportere confessi sunt. Non est omnino hic huius enotanda atque explicanda rei locus. Tantum eos, qui hæc nostra legent, admonendos putauimus, vt præter certissima illa sacrarum literarum testimonia Catholici Ecclesiæ sententiam cum Lutherana illa sententia conferant, & vitæ earum ad correndas hominum cupiditates, ad refrenandas libidines, ad exprimendam iniustitiam : eosque, vt castè, vt modestè, vt pie vitam incutendos, accommodatior sit, atque aptior : diligenter perpendant atque considerent. Sic enim vitæ earum cautior sit, vitæ probabilior, & verior, facile iudicabunt. Atqui Lutherus fidem inanem duxerat, ac potius confidentiã quandam requirens, hoc sentit (neque enim ne nunc quidè, qui in eadem sunt opinione, hoc

dissimulant) cum, qui semel per eiusmodi fidem iustus
 effectus, & à Deo in gratiam receptus sit: quamvis &
 graviter postea usque ad supremum vitæ diem deliquit,
 quam tamen ex iusto amplius iniustum effectum iri-
 dem omnino quamvis atrox ab eo admissum scelus, e-
 atque exitiosum fore. At hoc quibus hominibus persua-
 haud dubie ad turpiter, obscure & flagitiose viuen-
 tur, atque alliciat: quippe qui utcumque vixerint: salu-
 & beatos futuros esse non dubitent. nec vero eos delictis
 rum vere, atque ex animo poeniteat: qui se illorum im-
 ac licentiam adeptos esse confidunt. At vero Ecclesia
 ociosam, & solitariam: sed cum spe & charitate, præ-
 dam societate copulatam, atque connexam, semperque
 meditantem: quæ Deo grata, acceptaque sint, ut iusti-
 requires, eiusmodi nobis vitæ licentiam omnem præci-
 pore, securitatemque excutit, certa enim est, & sapie-
 diuina nos clementia & lenitate abuti: sed Apostoli-
 rum memores. esse vult admonentis, ut cum timore
 saluti nostræ consulamus: & ut qui ex nobis stat, videat.
 Ergo segnes, ignavosque & desides homines Lutheran-
 gma ad rectè agendum reddit: ad delinquendum vero
 tatibus obsequendum non intemperantes solum, sed
 qui modestiores sunt, incitat. Ecclesia contra a virijs,
 & suppliciorum metu nos deterret: ad vitam piæ hon-
 que uti à Domino nostro præscriptum est, degendan-
 rum spe allicit, ut dubitari minimè oporteat: quin Lu-
 plina quam perniciosa, tam falsa sit: Ecclesia vera, &
 Nam quod boni quidam viri verentur: ne si paululum
 stris rectè factis tribuerimus, in Pelagianæ arrogantia
 cidamus: minimè id quidem verendum est. Etenim
 ipsi omnia gratissimo animo Deo ipsorum auctori acce-
 rimus: quippe sine cuius instinctu atque auxilio nihil
 nobis, ac ne institui quidem posse persuasum habem.
 rectè viuendo æternam vitam promereamur, non id vi-
 ra ipsa nostrorum rectè factorum præstat: sed diuina be-
 ris abundantia, piæ actiones & voluntates nostras, qu-
 cunque sunt, tanto præmio compensantis. Sed alias for-
 locum subtilius vberiusque Deo iuvante, tractabimus.
 Lutherum reuertamur. Is primo censuit atque edito li-
 mauit, esse terrum illud animorum receptaculum: in
 morum sordes ac macula expiantur: in quo quidem &
 cæ consentiebat Ecclesiæ; & grauissimis verissimis
 ribus Origeni, Eusebio, Cypriano, Augustino, multisque
 sentiebatur: tantetsi de poenæ & cruciatus genere non

dam cōmouebat: vt facile appareret, ne piè quidem sentire eum sine impietate posse. Nunc an ipse sententiam mutauerit, ignoro. quamquam hominis leuitas facit, vt mutauisse existimem. Certè eius discipuli de hoc vel maxime ab Ecclesia dissentiant. Quid ergo istorum disciplina instabilius? quid decretis mutabilius? quid tota ratione inconstantius dici potest? Nunquam fere in vna eademque sententia permanent. Huc & illuc eorum mentes vagantur & fluctuant: ab Ecclesia dissident: a magistro saepe deciscunt: ne inter se quidem cōgunt, aut si ad quoddam tempus congruere se simulant tegendæ dissensionis suæ causâ, paulo post tamen altercantur & pugnant. Vnde hæc tanta inconstantia? vnde hæc tanquam fluctuum, sic opinionum tam crebra mutatio? Si diuini Spiritus internuncij sunt atque interpretes, vt videri volunt, selecti ab eo, ad hæc humano generi fundenda oracula: cur in decretis suis tantopere vacillant? cur tantis de rebus tam variè & scribunt & sentiunt? Sin illo minimè afflati sunt, vt res ipsa indicat: quid eis arrogantius dici potest? qui commentis suis maiorem quam perpetuo Ecclesiæ Catholicæ consensui fidem haberi velint. Hanc eorū vt dixi, disciplinæ inconstantiam, & sententiarum opinionumque repugnantiam, ac summam varietatem, qui diligenter secum considerarint: quod illustrius & grauius illorum impietatis indicium ac testimonium requirent? Quod si vel maxime inter se consentiant: parum ne ex his, quæ discerimus, perspicuum est, quid de vniuersa eorum disciplina sentiendum sit? Primum enim docuimus Ecclesiam, à qua isti dissentiant, nunquam errare posse, sed veritatis eam & Religionis magistrā vnam esse certissimā. Tum ostendimus, cum Lutherus pacem ex Ecclesia sustulerit: inimicitias, odia, dissensiones in gentibus, in ciuitatibus, in singulis propè familijs constare: tumultus domesticos, ciuiles seditiones, socialia bella excitare: eadium vbiq̃, rapinarum, incendiorum, sacrilegiorum, nefandarum libidinum, atque impurarum licentiam, & causam attulerit: horum illi perditorum consiliorum, nefariarumque disciplinæ nequaquā clementissimum Deum auctorem extitisse. Satanæ illum malorum omnium facinorum impulsori ad ministrum se, & venturo Antichristo satellitem præbuisse. Deinde eo rem deduximus, vt aduersarij alterurrum defendere cogantur, aut ante Lutherum Ecclesiam defecisse, aut vbi ea latitaret, & ad quos reducta esset, obsecrum atq; incognitum fuisse: quorum vtrum dixerint, falsum ac nugatorium futurum, ac ne accidere quidem potuisse. Postremo demonstrauius, id quod ad rem vehementer pertinet, de maxima Lutheranorum dogmarum parte iam ab Ecclesia iudicium iudicatum esse, falsa illa & praua & impia indicata, & multorum conciliorum iam pridem auctoritate

tate condemnata. Reliquum est ut ex Lutheri persona quidnam de eius disciplina existimandum sit, coniectetur. Inuitus me hercule in hac oratione versabor. Tantopere abhorret à natura ac moribus meis, quam etiam si lacessar, etsi id & iure possim & verè facere. Verum cum suscepta sanctissimæ parentis Ecclesiæ & communis salutis studium hoc postulet: ut & de a perniciosæ disciplinæ aliquid dicatur, officij ratio me, petulantia suspicione vindicabit. Nec tamen de hoc dicam: tantum omnes admonebo, ut quoniam ad faciem permagni refert, quis cuiusque dogmatis auctor vitam moresque considerent. Scurrilis enim hominis & incredibilis arrogantia ex omnibus eius scriptis facit perspici. Illæ vero eius innuptæ nuptiæ, nefariæ calumnistestis, iam pridem peruagatæ & omnium sermonibus celebratæ sunt. Tum cogitent, nunq. eo graues & in Dei pòpulo defecerint: ut neminem spiritus sancti potiorum nec magis idoneum inuenire poterint publicæ correctorem, veritatis magistrum, oraculorum interpretem? Num adeo effœta fuerit Ecclesiæ, ut neminē Italia, Gallia, Hispania, Germania ipsa tot alijs in prout illo castior, modestior, probior, at certè minus impudens, minus improbus superesset? Qui si etiam egerratus, & summe sanctus atque innocens fuisset, continudæ æternæ cuiusque salute agatur, fides illi habenda: propter vnus hominis auctoritatem desiscendum ab cōtinuo patres, maiores nostri, tota antiquitas summa da superstitionis atq. impietatis fuit: præsertim cum nrem alteramue mutaret, sed totam Christiani hominam perturbaret, omnium animis insitas, & penitus inuersiones euelleret, vetustissima instituta deleret, pontifices rescinderet, conciliorum decreta infirmaret, vniuersam Christi Ecclesiam vnus oppugnaret homuncio? Non venit, quanta sit humanorū ingeniorum infirmitas? quā summa sanctitate homines & pari doctrina præditi, tamen etiam antiquis errauerint? Quis ex antiquitate omnimorari potest, Cypriano pietate sanctior, auctoritate doctrina eruditior? Is tamen tantis tamque excellens non minima errauit. Quantum Tertullianus ingenium eloquentia, quantum defendendæ religionis nostræ stiterit, illius grauiissima, quæ erant, scripta declarant: e nonnullæ iure sunt reprehensæ improbatæque sententiæ. Origenis illius Adamantij, quam admirabilis ingenij do? quanta cum reliquarum disciplinarum omnium

Num in primis sacrarum literarū fuit? quanta porro apud omnes
 propter insignem eius vitæ sanctitatem, & propter innumerabi-
 lia pene ingenij monumenta, auctoritas? quanta nominis cele-
 britas extitit? Ne is quidem tantus vir non in errores aliquot
 gravissimos incidit? Atque ut multos alios omittam, quem Au-
 gustino vel ex græcis, vel ex latinis auctoribus acutiorem pro-
 fectere doctioremue possumus? Is tamen tanta vel ingenij præ-
 stantia, vel vitæ sanctitate vir & se errare posse ingenue est confes-
 sus, & sua ipsemet errata multa correxit. Quod si illi tot & tam
 clari Ecclesiæ proceres labi & errare potuerunt, sicuti quidem
 eos erravisse non est dubium, quis seditiosissimum hominem,
 vita ut fertur, impurissimum, ingenio certe & eruditione nequa-
 quam cum illis summis & clarissimis scriptoribus comparan-
 dum, minimè errare potuisse existimet? Forsitan quærat aliquis,
 quid ita tamen multi ab eo inducti atque decepti sint? Cuius rei
 causas supra attingimus: quas tamen repetere hoc loco non alic-
 num videtur. Nam mihi quidem consideranti, cur tam multi il-
 lius dogmatū æmuli & sectatores inuenti sint: tribus id de cau-
 sis potissimum accidisse videri solet. Nouitatis studio, viuendi li-
 centia, sacerdotum inuidia. Primum enim disciplina: suæ splen-
 didissimum prætereunte cepit nomen doctrinæ, ut ipse dicebat,
 Evangelicæ. Veritatem gloriabatur se ex densissimis tenebris
 eruisse. Maiores nostros nullam sacrarum literarum intelligen-
 tiam habuisse dictitabat, quarum ipse videlicet perfectam esset
 cognitionem singulari Spiritus sancti beneficio consecutus. Est
 autem hæc humani ingenij natura, ut cum speciosis facile deci-
 piatur vocabulis, tum rerum nouitate maximè capiat. Id adeo
 cum multis alijs ex rebus intelligi, tum vel ex eo maximè iudi-
 cari potest, quod superioribus seculis nemo vnquam tam absur-
 da, tam inaudita, tam apertè sacrorum librorum testimonijs
 repugnantia, tam à communi hominum notione ac sensu ab-
 horrentia dogmata, potuit fingere, & comminisci, quin aliqui
 disciplinam eius non modo probauerint, sed tanquam diuinitus
 excogitatam suspexerint. Quæ enim illa Cerdonis? quæ Valenti-
 ni? quæ Manichæorum? dogmata ne dicam, an somnia, fuerunt?
 quæ tamen tantum abfuit, ut continuo exploderentur, ut etiam
 plurimi diuina illa esse arbitrantur oracula. Quid hoc in sacra-
 rum literarū studio duntaxat vsu venit? ac non cum in alijs disci-
 plinis, tum imprimis in ea, quæ est de natura rerum, philosophia
 contigit? quæ enim cogitari sententia tam absurda, ac tam ino-
 pinata potest, cuius non aliquis & extiterit auctor & plurimos
 ad stipulatores ac defensores inuenerit? Quid enim tam cōmen-
 titum, quam illa Anaxagoræ homöömeriæ, hoc est, particulæ
 similes, & Sphærus (sic enim ille diuinam mentem appellauit)

in eis discernendis occupatus? quid tam incredibile, & inoeriti corpuscula individua; eaq; varia & multiformium concursione mundi conflarentur innumerabiles alij occiderent, alij orirentur. Quid tam inopinatum, mens singularis Auertoris, quæ omnium cogitationibus præsto esset? Non est necesse antiquorum philosophum absurda opinionum commenta, de Deo, de mundo, de dijs, de animi natura, de bonorum ac malorum finibus rebus cognitione dignis persequi. Fuerunt enim propèrabilia. Nec tamen deluerunt, qui illa quamuis aperte irridenda, & verissima esse existimarent, & summo studio acaciaque defenderent. Ex quo intelligitur, quam promines sint, & plerumque præcipues ad assentiendum disciplinarum & sententiarum auctoribus. Ergo nouita Lutherana disciplina suffragata est. Huc accessit vitæ tumque licentia, cuius imprimis appetens atque avida rita hominum multitudo. Itaq; cum Lutherus & eandem uendi licentiam cõcupisset, & sectatoribus suis proponere maiorum nostrorum leges tolleret: quæ sunt de ieiuniorum ac ciborum quorundam statis anni diebus ab ad coercendam carnis lasciuia constitutæ, & illas quæ tum ordini & reliquis Deo consecratis uiris ac fœminis monio interdicunt: cumq; rectè facta omnia pro nihilo in vna fiducia ac securitate animi omnem salutis notionem positam & constitutam esse assereret: grauissimum erat seruitutis iugum hominum Christianorum ceruiciteret: sectam suam hac in re Maomethis calliditate propter has sensuum illecebras & delinimenta frece. Cum vero in Pontifices Romanos & eundem sacerdotem, quem iam pridem odio inuidiaq; flagrare intelligebulentissimis scriptis & concionibus diuacissimus honoretur: nihil eius inuentis plausibilius, nihil disciplinae lius videbatur. Quamobrem tum rerum nouarum stuporitis hominibus natura vel maxime insitum, tum licpeditas, tum Pontificum & reliquorum sacerdotum iam pridem opes, offensaque propter multorum vitatio, plus apud multos valuit, quam maiorum auctoritatis consensu Ecclesiæ, quam vetustatis vis, quam pontificiorumque maiestas. Verum hæc ipsa, quæ vulgus ad tum dum impulerat, prudentes & graues viros horari ad tum debent. Primum disciplina istorum ob tam ipsa quod nota est, pijs debet & consideratis hominibus tum mouere, ne non probanda sit. Maiores enim, non nos sed etiam istorum, quorum nos auctoritate nitimur, ca-

illis orriscos impiè reprehendant, longe profecto plus viderunt, & maiore erga Deum religione præditi fuerunt. Est autem arrogantium hominum, maiorum suorum auctoritatem aspernari, & se illis vel ingenio, vel sapientia anreponere. Quod si in ijs ceteribus, quas ciuitates discimus, seditionibus excitatis, eorum, qui rerum nouarum consilijs abhòrrentes, præsentem statum Reipublicæ defenderunt, merito semper fuit laudata constantia: nonne in Ecclesia quoque, qui simili gravitate atq; constantia ocio, quieti, & concordie consulunt, meliores iudicandi sunt, quam quibus statim turbulenta ratione commutant? Nam quod à Luthero maior voluptatum fruendarum potestas sectatoribus suis persequitur, id tantum abest, vt sapientes homines allicere debeat, vtenam maximè debeat deterrere. Non enim illa animorum simul & corporum immortalitas ac summa felicitas oblatione sensuum & viuendi licentia, quam isti falso libertatem vocant Christianam, paritur: sed continentia, sed frugalitate, sed vigilijs, comparatur. neque illud tam eximium præmium Dei misericordia ignavis & cessantibus, sed currentibus, laborantibusque largitur. Inuidia vero ratio sicut magnam ad animos imperitorum inflammandos vim habet: ita ad grauium & moderatorum hominum mentes impellendas infirma & imbecilla esse debet. Hoc enim ipsum, quod isti faciunt, quàm maximè Pontificum Romanorum & sacerdotum inuidiam augentes: indicat eos, quod eausæ suæ minimè cōsidant, ad hoc perfugium non minus necessario, quàm libenter descendere. In quo minimè oratores astutos & callidos imitantur: qui si quando causam minus bonam defendendam susceperint: odio, inuidia, & huiusmodi animorum motibus excitandis, iudicibus imperitis errorem obijcere conantur. Nihil autem minus in sapientem virum cadit: nihil tam ab eius gravitate & cogitata ratione alienum est, quàm vlla animi motione perturbatum ad iudicandum impelli. Aliud vero est sacrosancta religionis nostræ mysteria tollere: aliud corruptos sacerdotum mores reprehendere. Aliud leges optimas antiquare: aliud eorum vitam, qui legibus minimè pareant, vituperare. Aliud denique Pontificum aliquot Romanorum, qui potestate à Christo permessa forsitan aliquando abusi sint, factum damnare. Aliud eos summos fuisse Pontifices, & summam potestate præditos negare. Hæc secerni, distinguere oportet, quo minimè error obijciatur. Ac ne quis, quæ reprehensione & correctione digna sint: aut non animaduerti à me, aut etiam probari existimet: non faciam, vt sigillatim enumerem instituta, quæ magnam neque omnino iniustam sacerdotum ordini inuidiam cōsulerant. hoc in vniuersum de sacerdotibus, dolenter quidem, sed tamen ingenuè dicam & fatebor: factum esse mul-

torum virijs & peccatis, ut cunctus iampridem ordo
 & deesse putetur officio ac dignitati suæ. cum tamen
 quidem memoria pauci in illo ordine insint, probi &
 quibus nullam oratione mea labem aspergi volo. Ita-
 menter à Deo optandum est: ut corrigenda sacerdotu-
 na, hæc pars Reipublicæ Christianæ, ægra conuale-
 Deo iuvante, bonis adniventibus, futurum esse minime
 dum est. Non enim hanc morum & disciplinæ correc-
 uersarij magis verbo efflagitant, quam optimus quisq;
 reuera experit. Neque ego istos eo nomine reprehend-
 seculi nostri vitia minimè sibi reticenda & dissimulan-
 rint. Id enim proborum & ingenuorum hominum,
 publicæ consulentium fuisset: si ea modo, quam opo-
 lis adhibita fuisset moderatio. Sed quod tanta verborum
 citate id egerint, tam petulantibus maledictis, tam
 Sedem Apostolicam & cunctum sacerdotum ordinem
 lijs, sine ullo bonorum, improborumque discrimine,
 stia, sine gravitate: hoc vero magnoperè reprehend-
 conquerendum videtur. Quod vero ob eam causam &
 ipsi ab Ecclesia: & alios ad defectionem sollicitare, & diu-
 atque humana miscere instituerunt: cuius id tandem
 cuius temeritatis fuit? quo id bonorum & pruden-
 rum exemplo factum? quo Christi? quo Apostolorum
 pto? Equando Christus præscripsit, ut in Ecclesia sua
 rentur? commoverentur tumultus? seditiones ex-
 Equando iussit, ut oves Pastorem ab ipsomet imposi-
 serent? illum insequerentur? illum oppugnarent? Quo
 quam accuratè? quam sedulo nos admonuit, ut paci-
 pore studeremus? ut concordiam & mutuam charitatem
 mus? quo studio Deum patrem est precatus, ut unus
 inter nos, quemadmodum ipse & pater unus sunt? Cum
 principi Apostolorum oves suas pascendas summa cum
 regendasq; commisit, & in eius persona summum pot-
 instituit, quo quiungerentur, ipsius essent Vicarij: nõ
 toperere parendum eis, atque obediendum esset, apertè
 Quæcunq; enim scripta sunt, ad nostram, inquit Apo-
 strinam scripta sunt. Cum igitur Ecclesia illæ Judæi-
 mulachrum & forma Ecclesiæ Christianæ fuit, unus pri-
 tum princeps sacerdotum, tum summus sacerdos & pre-
 cebatur: cumq; ij, qui amplissimo illo sacerdotio præ-
 nunquam ita viderent ut eorum mores nequaquam tu-
 ne congruerent: num Christus eos ex illa sede detur-
 eiecit, ubi privari sacerdotio voluit? Ille vero discipulus
 ferre mandavit, ut etiam talibus pontificibus obtem-
 perarent.

cathedram Moysi, inquit, sederunt Scribæ & Pharisei: omnia
 ergo quæcumq; dixerint vobis, seruare & facite: secundum opera
 vero eorum nolite facere. dicunt enim & non faciunt. Quod si il-
 lis adumbratis Populi Hebræi Pontificibus, etiam si Scribæ &
 Pharisei essent, tantam auctoritatem tribuit, tantumq; ipse, cum
 Dei filius esset, honorem habuit. quid nos, quanto opere tandem
 domini ac Dei nostri Vicarios, Petri successores, vniuersæ Eccle-
 siæ principes, audire & colere debemus: præsertim cum omnis à
 nobis habitus illis honos, Christo, cuius personam sustinent, ha-
 beat: neque sperni possint, quin is à quo constituti sunt, sum-
 mus Deus & præpotens, contemnatur. Nulla est homine Chri-
 stiano dignior virtus, nulla Deo gratior, quàm modestia, & hu-
 militas, ac demissio animi, quæ dicitur. Hac virtute affectis, bea-
 titudo à Christo, qui fidem fallere non potest, & domicilium
 cœlestis promissum est. Beati, inquit, pauperes spiritu, quoniam
 illorum est regnum cœlorum. Quid? illius vita, quam in terris
 vixit, quæ nobis ad imitandum est proposita, nōne huius virtu-
 tis specimen atque exemplum fuit? Cuius enim animi humilita-
 tis fuit, hominem fieri, qui Deus esset? seruum, qui omnium do-
 minus? infimis hominibus parere, per quem reges ipsi impera-
 rent? Atqui si qua in te hæc modestia cernitur, in obtemperando
 Magistratibus, & superiores colendo, maximè cernitur: quibus
 quidem vt pareamus, cum alibi Paulus, tum ea quæ est ad Roma-
 nos Epistola, præcipit. Omnis anima, inquit, potestatibus super-
 eminentibus subdita esto. Non enim est potestas, nisi à Deo.
 Quæ vero sunt potestates, à Deo ordinate sunt. Itaque quis-
 quis resistit potestati, Dei ordinationi resistit: qui autem resi-
 stent, ipsi sibi damnationem accipient. Quod si cuius potesta-
 ti, cui subiecti sumus, obtemperare & dicto audientes esse de-
 bemus, summum sacerdotem, cui cuncta Ecclesia commissa &
 commendata est, negligamus? Mores eius non fero. At Deus,
 & illum fert, & te, fortasse ipso deteriorem. Eius institutis of-
 fendor. Quid? Deus tu virijs & delictis tuis magnopere dele-
 ctari putas? Collocauit ille ea sede sacerdotem, qui moribus
 præsser tuis. Non à quo turationem vitæ arroganter reposce-
 res. qui tibi quæ agenda essent præscriberet. Non cui tu ad ar-
 bitrium tuum imperares. Quis es tu, qui seruum tam arrogan-
 ter iudicas alienum? Domino suo ille stat aut cadit: ei que vni
 vitæ suæ & pontificatus commissi rationem debet reddere. Ve-
 rum vixi, alia morum ratio est, alia religionis. Aliud est sacer-
 dotum & pontificum vitam accusare. Aliud fidem & auctori-
 tatem Ecclesiæ derogare. Neque ego cuiusquam vitia defendo: ve-
 rum inique & impie facere eos censeo, qui propter corruptos ho-
 minum mores cum sanctissima parente nefarium bellum gerant.

Scelus est: parricidium est, eam violare matrem, quam
 cem ediderit. quid? illam, quæ editos in spem cœlesti-
 ris iterum generauit: quæ tot diuinis beneficijs orn-
 auxit: quæ Deo nos vero patri nostro restituit: quæ
 scelus ac parricidium est oppugnare & deletam extin-
 pere? Quam autē isti spem habent? quid se profecti
 Non vident cœci: non ex diuinis oraculis, non ex re-
 intelligunt, se eam impugnare aggressos esse, quæ
 quidem, & vexari ad quoddam tempus potest: tamen
 atque opprimi non potest. Apud Esaiam enim Domini
 clesia dicit: Sicut in diebus Noë istud mihi est, cui iu-
 ducere aquas diluuij vltra super terram: sic iuravi,
 scar tibi, & non increpem te. Montes enim commou-
 colles contremiscent: misericordia autem mea non re-
 & fœdus pacis meæ non mouebitur, dixit miserator
 nus. Christus vero apud Matthæum: Super hanc inq-
 ædificabo Ecclesiam meam, & portæ inferi non præua-
 uersus eam. Et alio loco apud eundem auctorem ait:
 cum sum omnibus diebus vsq; ad consummationem sœ-
 igitur hominum consilijs deleri Ecclesia potest: cui
 misericordia præsto est: quæ ita Apostolicæ inhæret
 dini: vt nihil aduersus eam portæ valeant inferorum?
 sti sponsi sui præsidio sultra atque munita est? Quid N-
 quid Domitiani, quid Diocletiani, quid Decij, Roma-
 peratorum crudelitas obfuit? quid Constantij furor
 lentis impietas? quid Iuliani perfidia nocuit? Nō
 immanissimi tyranni vehementius in eam seuerunt
 celebrior, splendidior, amplior, effecta est? Vbi nunc
 Macedonij? vbi Nouari sectæ? vbi tot aliz domestic-
 stium factiones, tam infestæ? tam frequentes? Nō
 ac superatis illis victrix egit Ecclesia Dei gloriosissim-
 phos? Atqui vt ex omnibus superiorum temporum
 Lus incolumis euasit: profecto in posterum quoque
 te, salua permanebit: nec quæ tot alia portenta vic-
 ruit, vnus Lutheri furori audaciæque succumbet. Qu-
 omnes, qui ab illo corrupti deceptique sunt: etiam
 obsecro, considerent, quam reliquerint, quem sequan-
 ponant vnus hominis temeritati, auctoritatem totius
 quam errare potest, Ecclesie. Anteponant Lutheri disc-
 ctissimos illos Patres auctoresque grauissimos, Basilio-
 stomos, Athanasios, Leonēs, Gregorios, Hieronymos
 nos, Ambrosios, Cyprianos, & quoniam labi ac decipi
 est, redeant iam in viam, redeant in sinum & complexu
 sinæ parentis: ad quos illa excipiendos summo cum

passis manibus occurrit. Non agitur, ut saepius admonui, de huius
 mortalis vitae subsidij: non de opibus contenditur: non de for-
 tunis disceptatur. De immortalitate animorum & corporum, de
 sempiterna felicitate, de illa coelesti sede domicilioque decerni-
 tur: quae omnia rectè viventibus ita sunt proposita, si in Ecclesia
 permanserint. Ab ea vero seiunctis segregatisque nulla reliqua
 est spes nec beatitudinis, nec salutis. Ut enim quo tempore terra-
 rum orbis eluione est obrutus: qui extra nauem illam Noë fue-
 runt, eorum saluus & incolumis esse nemo potuit: ita qui Eccle-
 sia temerè exierunt, nequeunt nisi in eam redierint, conservari:
 nec potest Christo Ecclesiae capiti annexus esse, qui sit ab Eccle-
 sia ipsius corpore separatus. In quo ut omnes qui ab eo diuisi
 sunt, iterum coniungantur: & constituenda concordia
 omnes contentiones ac dissidia tollantur: sup-
 pliciter Deum, omni animi studio
 oro atque obsecro.

F I N I S.



Fff 3

ANTO-



ANTONII FLO BELLII MVTINENSIS GERMANOS ORATIO de Concordia.

Cum pro mea summa pietate erga Christiana-
pub. Germani, vehementer de belli, quod ac-
gerebatur, euentu sollicitus essem, atque an-
que me hercle magis extimescerem aduersa
sperarem secundas: repente percussus sum atrocissimo
Ferdinandi regis Romanorum copias ab hostibus circum
atque deletas: oppidum Budam, & totam inferiorem
tam esse Pannoniam. Quæ Reipub. ac sociorum clades
mihi luctum, tantum inextremum attulit, ut nihil mihi ipsi
suis, nihil acerbius accidere potuerit. Ego enim is sum,
ni, qui communibus periculis, & calamitatibus, præcipi-
dam animi dolore & sollicitudine afficior, atque angor.
bito, quin item vos tanto Reipub. detrimento vehemen-
culsi, & commoti sitis. Est enim hominum, Christiana-
rem colentium, in rebus suis aduersis, atque asperis, adhe-
nè animi æquitatem, atq; constantiam; communibus ve-
ferijs, & periculis, vehementius commoueri. Equidem
moria repetens superiores Reip. calamitates, quæ multa
imprimis graues fuerunt, hanc duco omnium esse maximam
que grauissimam. Ut enim hominum sæpè & grauiter ac-
tium posterior morbus solet esse superiore periculoso-
omnium, quas vnquam Respub. accepit, recens hæc cla-
uissima iudicanda est: eoque grauior, quod ad superiore
ferit. Proxima enim quæque hostium victoria quantop-
rum spiritus atque opes ad Rempub. oppugnandam aug-
topere animos nostros viresq; ad defendendam imminui-
est autem, qui non intelligat, quantum ea hoc tempore, &
græue acceperit vulnus, amisso maximo non solum orna-
dignitatis suæ, sed etiam præsidio salutis. Erat enim Pan-
regnum ita hostibus obiectum, ut eius oppositu, tanquam

quodam & aggere sepra esset, ac munita. Ea porro fuit omni tempore Pannonum virtutis in re militari, fortitudinisq; præstantia, is in Reip. animus, antequam bellum inter Ferdinandum, & Ioannem reges existeret, ut nullum vnquam pro salute & religione communi periculum recusarint: Bellum continenter fere cum hostibus nostris, & quidem magis animo parati, quam opibus, & facultatibus instructi gesserint: sæpe ingentibus eorum copiis parua manu superatis & fuis, clarissimas Deo opt. max. iuuante, nobilissimasq; victorias reportarint. Atq; hanc ego impendentem Reipub. ac sociis nostris tempestatem, Germani, tanquam ea, quæ oculis cernuntur, multò antè vidi, atq; prospexi. Nec verò quisquam tam rerum imperitus est, qui hoc, quod factum est, non poruerit futurum esse, prædicere. Quid enim erat, quod quisquam dubitaret, cùm attenderet, quantæ, quam diuturnæ, quam propè inexpiabiles inter nos dissensiones essent, quin hostis eam, quam semper captare consueuisset, arrepturus occasionem esset vexandæ, & lacerandæ Reip. Nunc pro vestra prudentia intelligere debetis, cùm salus omnium Christianorum hoc tempore summo in discrimine versetur, vestram tamen præcipuè salutem, ac libertatem agi: quippe cùm hostis tanta victoria sublatus, & ferox, occupato finitimo regno vobis immincat. Vos tamen minime opponet, propter quos reliqui Christiani fortiores esse debent, ipsos ob hanc Reip. plagam, quanquam sit grauissima, animo deficere: sed patriam virtutem, ac verè Germanum animum capere debetis: & cùm fortiter hanc calamitatem ferre, ut magnos ac fortes viros decet, tum consilium inire, quo pacto fortissimorum virorum militum & sociorum vestrorum necem vlcisci, iniustam vestro nomini ignominiam delere, salutem & libertatem tueri, aras, sacra, templa ex imminente periculo eripere, & cōseruare possitis. Et quoniam salus vestra cum cæterorum omnium Christianorum salute coniuncta est, æquum est, quicunq; vobis consultū voluit, eorum vos studium minime aspernari: sed quid afferant, benignè ac diligenter audire. Nam de me sic habetote, Germani, Me, quæ dicam, non sine summo vestri omnium amore, & vestræ salutis ac libertatis cura esse dicturum. Amaui enim vestrum ego nomen omni mediushidius tempore maiorem in modum: vosque & imperio, & omni laude, atque honore dignissimos iudicaui: ea fuit maiorum vestrorum in rebus bellicis gloria, cæterum gestarum amplitudo: tanta cùm in vniuersos Christianos, tum in Pontifices Romanos beneficia; ac merita: tam honorifica atque ampla ipsorum Pontificum de principibus vestris, ac tota ista natione decreta atque iudicia. Nec verò virtute, ac magnitudine animi, vos non maiorum vestrorum similes extinxistis, quos etiam optimarum artium studii, atq;

omni liberali doctrina superastis. Equidem negare non
 (vos appello, qui Christianam disciplinam commu-
 nis) non possum inquam negare, quin vos paulò fu-
 tiores optauerim: loquar enim ingenuè, ut natura
 mea postulat. Sed & si vestra non omnino con-
 sentias approbo, ita à vobis tamen dissentio, ut vos non
 rim, nō maledictis, non conuiuiis infester. Quin etiam
 ex nostris hominibus paulò fuisse doleo intempe-
 ribus etiam si mentem eorum optimam agnoscam
 tamen illam, Christiano homine maximè dignam, re-
 quiro, atque desidero. Nihil enim arbitror homini
 alienius, quàm petulantiam, quàm verborum im-
 nem, quàm contumelias, quàm maledicta, quàm
 ut ad vos redeam, quod ego & vos antea de fide, de
 de sacris, de cerimoniis idem omnino sensimus,
 iam si plurimis maximisque de rebus dissentimus,
 & eundem Deum colimus, vnum Christum seruamus
 agnoscimus & veneramur, Christianam disciplina
 parte eandem tenemus, magnaque in spe sum, ro-
 tatem & moderationem delabentibus, breui nos e-
 ros: propterea vos in fratrum loco diligo, Deumque
 ut mihi ipsi placatum esse cupio, atque propitium.
 his, & reliquis Germanis, quos pari studio & bene-
 sequor, id consilij dabo, quod cum vnuerse Reipub-
 licæ vobis non solum honestum esse intelligo, sed
 re. Nam ego vestrarum magnitudinem virium, Germani
 ipse considerans, gentem hodie in terris aliam esse
 co, quæ hostem victoria exultantem magis comprip-
 tus eius, ac ferocia frangere, ac debilitare possit. Si
 vestros intueor, regionum magnitudine sunt latissi-
 oppidorumque frequentia celeberrimæque gentis ho-
 & natura est, & exercitatione robustum ac bellicosum
 cogito, & copias, cum publicè, tum priuatim præter-
 res dites, atque opulenti estis. Vnum est, quod prætere-
 ut & vestram salutem ac libertatem tueri, & Reipub-
 possitis: quod si aberit, non est sanè, cur magnopere
 affluentia, aut virorum multitudinem, aut rei militari
 fidatis. Quidnam illud est? Consensio, Germani, ar-
 dia. Etenim vobis consentientibus, & ad repellend-
 nem hostem communi consilio, & ope mutua parati
 re audeo magis esse posthac illi de tuendis imperij fru-
 de proferendis: de salute sua, quam de nostro exi-
 dum. An ego verear, ne quæ gens una ex omnibus
 num nationibus aduersus populum Romanum illu-

morum regum, maximarum & bellicosissimarum gentium vi-
 ctorem tanta nominis sui laude & gloria libertatem suam desi-
 derit, quæ Romanas sæpe legiones bellandi arte, atque usu præ-
 stantissimas superârît: quæ a tot, tantisque Imperatoribus po-
 puli Romani nunquam subigi tota, & pacari potuerit: ea colle-
 ctissios, & maiore ex parte Asiaticos Turcarum formidet exer-
 citus? equidem quantaslibet copias penè inermium, peditum
 quamvis magnam, sed imbellem multitudinem, ac tumultua-
 riam, paucas denique illas cohortes prætorias, quæ robur ho-
 stilium copiarum esse censentur, luxu & delitiis effœminatas
 minimè sustineat? & quorum magnos exercitus Pannonibus an-
 tequam intestinis dissensionibus vexarentur, sæpe fuderint, iis
 Germani nec virtute, nec rei militaris disciplina Pannonibus in-
 feriores, numero autem, atq; opibus longè superiores, pares esse
 non possint? Ego verò consensui vestro ne orbem quidem terrarū
 arbitraret posse resistere. Sed me vestræ Germani intestinæ discor-
 diæ, vestræ similitates, vestra terræ dissidia, & cùm de vestra, tum
 de Reip. salute vehementer anxium, & sollicitum esse cogunt. Iam
 pridem dissideris inter vos, dissideris nobiscum: maius vobis &
 Reip. à vestris dissensionibus, quàm ab hostium multitudine pe-
 riculum impendet. Hostis perattentè discordias nostras observa-
 re, & speculari solet: his gaudet, his confidit, has sibi opportuni-
 simas ad totam, quod iam pridem animo agitât, subigendam Eu-
 ropam iudicat. Quare sic sentio, Germani, cùm vestra salus & li-
 bertas, è qua vniuersæ Reip. salus pendet, in summū, ac planè ex-
 tremum discrimen adducta sit, nihil esse tam necessarium, quam
 ut istæ, quæ vos à vobis, & à nobis distrahunt, dissensiones & dis-
 cordiæ tollantur. Nihil enim profecto eis potest vobis & Reip. es-
 se perniciosius. Id aded ex superiorum temporum calamitatibus
 licet intelligi. Etenim quascunque superioribus temporibus cla-
 des, & calamitates accepimus, propter nostrarum pertinaciam
 dissensionum accepimus: quæcunq; regna, quæcunq; Reip. pro-
 pugnacula, quæcunq; præsidia communis salutis amisimus, pro-
 pter nostras discordias, si rectè ratiocinari volumus, amisimus.
 Victi, quod dicere pudet, victi, non magis hostium viribus, quàm
 nostris contentionibus sumus. Amissa est Constantinopolis Gre-
 corum sedes imperij. Quid ita? nempe quia inter se Græciæ prin-
 cipes dissidebant, & cui hosti, si inter se, ut debuerant, consensis-
 sent, coniuncti haud dubiè resistere potuissent, singuli pares esse
 minimè potuerunt. Amissa paulò post Græcia, Epirus, Mæcedo-
 nia, Mœtia. Nempe quia, quos reges callidissimus hostis vniuers-
 sos superare non poterat, eorū discordiis observatis singulos op-
 pressit, reliquorum auxilio destitutos. Amissa nostris temporibus
 Rhodus insula. Nempe quia amissa est, quia regibus Christianis

inter se dissidentibus eius occupandæ occasio hostibus
 est. Quid? patrum memoria principibus ac ciuitatibus
 ter se pugnantibus, nonne Turcæ Hydruntem oppidum
 num Calabriæ occuparunt? quo quidem tempore, ni
 esset Rex mortuus, hodie Turcarum imperio pareret Ita
 verò hac in re, singulari fato nostra fuit Respublica,
 hoc idem contigit rebus publicis, semperq; continget, vt
 intestinas dissensiones in maximas incidant calamitates,
 tremum etiam corruant. Quid enim aliud causæ fuit, tur
 simæ & clarissimæ Græciæ ciuitates priscis temporibus cæ
 aduersus innumerabiles Persarum copias tam fortiter tu
 rant, libertatem amitterent, & sub Philippi atq; Alexan
 cedonæ regum imperium ac ditionem redigerentur, ni
 inter se bella, atq; discordiæ? Quid? Romanos toto penè
 orbe subactos, cum nulla iam vi externa superari posse vide
 nonne bella ciuilia, & intestinæ ipsorum dissensiones affli
 & florentissimam omnium, quæ in terris vnquam fuerat
 maximè memorabilem Remp. euerterunt? Possem multas
 ciuitates, multa regna proferre, quæ tum antiquis temp
 rum memoria nostra propter intestinas discordias labefac
 funditus euerfa sunt. Sed in re perspicua nihil attinet plu
 empla colligere. Quid est autem, quòd miremur rerum p
 rum venenum ac pestem esse dissidia, cum etiam priuatas
 feruet, augeatq; Còcordia, pessundet, euertratq; discordia
 si quis tam stultus atq; amens est, vt vllum aut regnum, au
 publicam discordiis perturbaram, ac seditionibus stare po
 stimer diutius, is illud quoq; nimirum opinabitur, nauig
 tis & inter se, & cum gubernatore pugnantibus, nihil om
 fludibus ac tempestatibus ereptum iri, eoq; què cursus
 incolume peruenturum: quo quid cogitari potest ament
 non, vt exercitus, militibus imperio ducum modeste pare
 ipsi ducibus inter se consentientibus, facile hostilem vim
 petum sustinent, xilium autem & ducum seditionibus
 negotio vincuntur: ita Respublicæ summa principum,
 quorum ciuium concordia gubernatæ facile salutem & l
 rem tuentur suam, dissensionibus labefactantur, & conc
 Quòd si cui vnquam ciuitati, aut nationi summo studio
 tinenda concordia: quibus, obsecro, studiosius ea fuit,
 nobis, qui Christiani & esse, & haberi volumus, consen
 Quid est, quod aut nobis sit dignius, aut Christo nostræ &
 auctori, & appellationis acceptius, quam pax? quàm fra
 quidam, & mutui inter nos amor? quàm summa sententia
 omnium, voluntatumque consensus? Pacem ille in ore ha
 semper, cum in terris nobiscum versaretur, & præcepta

atque exempla degendæ vitæ, & consequendæ immortalitatis daret: Pacem, quamcunq; in domum introibat, ut eximium quoddam, & summè optandum bonum, ei domui precabatur: Pacem discipulos & sectatores suos, ut & ipsi retinerent inter se, & ceteris retinendam præciperent, diligentissime monebat. Et sanè quid dici tam absurdum potest, quam cum ecclesiæ tanquā corporis vnius caput Christus sit: nos, qui eius membra corporis esse dicimur, simultatibus inter nos, ac dissensionibus diuulsos, atque disunctos esse? Fieri posse censem, ut membra, nisi inter se iuncta, atque connexa sint capiti apte cohæreant: aut in discordes animos, & odio ac similitate suffusos, Spiritus ille diuinus illabatur, & influat? Atqui, si memoria vetera repetamus, nullum vnquam fuisse tempus reperiemus (magno hoc dicam dolore) quo maiores quàm tempestate nostra, in Republica dissensiones extiterint. Nam ut bella ciuilia, quorum adhuc finem nullum videmus, omitram, tametsi inducijs inter duos maximos reges in aliquot annos Pauli Pont. Max. consilio & auctoritate factis Respub. paulisper conquiescit. Fuit quidem hoc ei propè dicam fatale, ut varijs extiterint temporibus, qui varias de fide ac religione controuersias excitarent, multaue ob eam causam à maioribus nostris viris sanctissimis ac religiosissimis habita scimus esse concilia, quo eis dijudicandis Remp. constituerent, atque componerent. Verum antiquis illis temporibus vna, aut altera de re, paucis certe de rebus, controuersia & altercationes oriebantur. Nostra autem ætate quàm multis, bono Deus, & quàm magnis de rebus ambigi cœptum est, & summa contentione disceptari? De enuntiandis coram sacerdote peccatis, de sacramento, de baptismo, de ritibus, de sanctorum virorū, qui consecrati sunt, cultu & imaginibus, de expiatorum post mortem peccatorum locis, de fide & recte factis, de ieiunijs, de sacerdotum officio, potestate, cōnubijs, de sacerdotijs, de iure ac dignitate pontificū Romanorū: quid multa? verè hoc mihi videor esse dicturus, in cunctis temporum superiorum concilijs tot, ac tantas res agitata non fuisse, quot, & quantæ res, ætate nostra in controuersiam sunt vocatæ: de quibus etiam, quod meminisse horret animus, sero iam aliquoties, sero inquam, & instructis vtrinque copijs, maxima hominum Christianorum strage, sed multo maiore Christiani nominis dedecore, acerrime dimicatum est. Quo spectaculo quid sol vnquam vidit indignius? Quis igitur tot, tantasque cōtentiones, quibus ecclesia dissipata atq; discepta est, diutius ali, atq; inuetera scere, non, quam hostibus optabile, tã vobis & Respub. fore perniciosum videt? Etenim per Deum immortalē, Germani, quo in statu sitis, & quanto in periculo exterorum quidem etiam Christianorum, sed maxime vestra salus versetur,

tur, quæso diligenter attendite. Turcarum rex Christianis non voluntate solum, sed etiam natura hostis a quo nulla est fides, nulla humanitas, nulla clementia noster, quam nostræ religionis hostis atque prædatorum equitum & peditum multitudine Pannoniam inter vos in concilio concertatis, dum de sacris, de cetera maiorum institutis altercamini, dum attentiores ceteros refellendos, quam ad hostes repellendos estis, quando regi optimo quidem in Remp. animo & excellenti sed haud magnis viribus, ea quæ debebatis, auxilia, facili illius exercitum oppressit, & eam sociorum stragem edidit, quam sine summo animi dolore, ac memorare non possum. Buda oppido munitissimo, riorum Pannonia, per causam ferendi regulæ auxilij, in suam contra fœdus & pactionem redacta, aditum silicet niam patefecit: eum recenti victoria, & perpetuo rerum cursu, tum vestris dissensionibus spes eius subiecta est. Etenim quos consentientes formidaret, necesse esse laceßendos putaret, dissidentes sanequam despicit. Ferdinandum regem toties à se victum, tunc exutum, non de renouando bello amplius, sed de fugâ cogitare: vobis eadem, liberis vestris seruitutem, contumelias, agris depopulationem, ac vastitatem, oppidum atque inflammationem minatur. Vestras de sacris concertationes non decretis, neque sententijs nostrorum, sed instituto suo sacerdotum interemptionum spoliatione, atque incendijs se dijudicaturum credit. Per Deum immortalem utrum ego desipio, an peius nobisque imminens maius etiam multo est quam à me esse dicitur? Ut superiorum calamitatum obliuiscere recenti clade magnum documentum cepimus, quid nobis res, atque certamen sit? vel potius, quo cumque prodigio: qui quocunque peruat cum illa in finem nationum barbararum colluie tanquam rapidissimum aut incendium ventorum vi diffusum, longe, lateque sterit ac proterit. O miseram Christianam rempublicam non tam propter magnitudinem virium suarum, quam pertinaciam contentionum nostrarum vexarunt omnes ac lacerarunt. O nos amentes, quos innumerabiles pericula nondum etiam admonuerunt, quam hostis nobis inuicti exitialesque discordiæ. O stultos, qui Deum nostrum fiducia nostra iratum, infestumque esse minime sentiamus, verò stultissimos ac dementissimos, si cum id intellegimus in contumacia perseverantes illum posthac in

tem, ac non multò seueriorem, & vehementiorem existimamus futurū. Nunc vos appello Germani, qui studio corrigendę Christianę disciplinę (sic n. prę vobis fertis) cum reliquis Germanis & nobiscum discuntis, quęso me studio Reip. & vestri amore compulsum, paulo vobiscum seuerius agere sinite, & ea quę dicam, in optimam partem accipite. Externis bellorum tempestatib. concussa est iā pridem, & vehementer labefactata Respub. Cur eam, quam salcare vestrum erat, vestris contentionib. pergitis labantē, & proclinatam impellere? Quid non intelligitis, si ea (quod Deus omen auerrat) collapsa erit, nullos amplius fore sacerdotes, quorum mores & disciplinam corrigatis? nulla maiorum instituta, nullas ceremonias, nullas leges, quas abrogetis: nullam, quę commutetur, Remp. Vos deniq; qui cōmutetis, nullos fore Ruerē & penite vobiscum hęc omnia mauultis, quā cum reliquis Germanis, ac nobiscum consentientes, vno animo, & communi ope atq; auxilio tueri salutem, tueri fortunas, tueri libertatem communem? Deniq; aras, templa, Christi seruatoris nostri religionem ruunt. Quanto est sapientia vestra dignius, quanto vobis gloriosius, excitatum incendium, antequam latius serpat, extinguere, quam committere, vt vestris contentionibus augeatur, eoq; paulo post rota conflagret, ardeatq; Germania? Quod quidem mihi credite futurum est, nisi cum fratrib. vestris omni contentione, & similitate deposita, in gratiam redeatis. Fratres n. & consanguinei vestri sunt, qui similitudine morū, atq; institutorum, qui religionis & factorum cōmunionē, qui omnis & diuini & humani iuris societate vobiscum sunt coniuncti: qui eundem, quem vos in cōlo patrem habent, qui deniq; eodem Christi sanguine in spem æternę ac cōlestis vitę iterum sunt generati, atq; orti. Turcę vero communes omnium nostrum hostes, qui pręterquam quod speciem hominum habent, ceteris rebus omnibus nobiscum distindunt, disciplina, studijs, moribus, institutis, legibus. Nos libertati nati sumus. Illa barbaries seruituti. Nos ex rebus humanis fidem: ex diuinis iusurandum sanctissimum putamus. Illa gens fallax, perniciosa, periura, fœdis fraga est. Nos Dei filium Christum seruatorem humani generis colimus, ac summa religione veneramur. Illa Christi religionem ex mortalium animis penitus euulsam cupit. Nostri reges erga populos suos benigni atq; clementes sunt. Eorum rex superbissimus omnes, qui sub eius imperio ac dominio sunt, seruatorum loco, & vilissimorum mancipiorum habet. Nostri reges bello victis non patriam, non agros, non libertatem eripiunt. Illę captos plerunq; omnibus supplicijs affectos necat. Deditis modò vnā cum libertate patriam & fortunas adiutis, modò patrijs sedibus exturbatos in longinquas solitudines, tanquam pecora, abigit, ac traducit. Illius cetera n. atq; immanissimura

nissime belluæ superbissimum dominatum nōne etia
viuere liceret, tamen qui & liberi, & Christiani nati si
præoptaretis effugere? Atq; is vestris nunc mirum in m
tatur, exultatq; discordijs, quas quam maxime sperat, e
se diuturnas. Contrā fratres vestrā diuturnam ab se ab
nem iniquissimo animo ferentes, vt sibi primo quoq;
conciliemini, votis omnibus expetunt. Vósne hosti po
fratrib. salutis, libertatis, gloria vestræ cupidissimis, ob
nimum inducetis? Ille id optat, quod vobis turpe, quo
quod exitiosum est. Fratres, quod honestum, quod salut
pium. Plusne apud vos hostis oprata nefaria valebunt,
trum preces iustissimæ: obsecro vos, obtestorq; per I
Dei nostri I E S V Christi mortem, quam propter vitam
mitatem nostram æterno Dei patris decreto & volunt
natus obiit, consentite cum reliquis Germanis, consi
biscum, subuenite Reip. comuni saluti, libertati, reli
currice. Si qua facta est propter diuturnas dissensiones a
vestrorum offensio, eam Christo seruatori nostro libent
tite, & condonate. Postremò quoniam commune Chi
concilium conuocari placet, atq; adeo necesse est, & qu
mo quoq; tempore, siue illud in Italia, siue in German
tur, neq; n. debet hac de re esse contentio, modò is loc
tur, quò tutò & commodè accedi possit, ad id vos non e
nis cupiditate commoti, sed studio reconciliationis, st
cordiæ adducti conueniote. Confido tantam fore in a
ecclesiæ Romanæ senatu gravitatem, atq; virtutem, t
pontifice maximo moderationem ac sapientiam, tant
rolo Imperatore maxime religioso ac pio, reliquisqu
principibus cōpositionis cupiditatem atq; concordia, v
conuentura Respublica. Quod quidem faxit Christus, c
plexprecor, vt vestras, & principum omnium Christian
tes ad studium reconciliationis impellar, & ecclesiar
difficillimo, ac miserrimo tempore pro sua sum
ma clementia, misericordiaque
conseruet.

F I N I S.



ANTONII FLORE-
BELLI MUTINENSIS, AD
PHILIPPVM ET MARIAM REGES,
de restituta in Anglia religione
Oratio.

QUOD bonorum omnium votis maximè expetebatur
Optimi & Religiosissimi Principes, & abs te Regina,
simulac regnum adeptæ es, cœptum fuerat, cùm nō-
dum Maximo huic & Clarissimo Regi nupta esses: id
iam pari amborum studio ac pietate perfectum videmus. Nobi-
lissima hæc Anglorum natio, quæ nefarijs eorum consilijs à qui-
bus oppressa tenebatur, ab Ecclesia Catholica fuerat seiuncta, &
à verâ religione deducta: cùm singulari Dei beneficio ac miseri-
cordia, tum vestris consilijs, curis, laboribus, auctoritate sublato
dissidio, ad pristinam pietatem reuocata est. Post tot, & tantas
Christianæ Reip. calamitates, tot populorum defectiones, tãtam
diuini cultus diminutionem factâ, hoc primùm Ecclesiæ vulnus
sanatum est, hic primùm est restituta religio, hi primi populi ad
Ecclesiam Catholicam sunt reuersi. Inueterauerat izm hoc ma-
lum, & ita corroboratum fuerat, vt actum hîc prorsus de religio-
ne, actum de huius gentis salute videretur. Dolebant boni o-
mnes verâ lucem religionis ereptam huic nationi, quæ ab a-
lijs olim ipsa gentibus maxima sua cum gloria, impietatis
tenebras depulisset. Lugebat Ecclesia è suu suo abstractos
tot quondam adedò pios, & sibi obsequentes filios. Acerbissi-
mè verò sedes Apostolica ferebat, hos populos, quibus Christi
cultum & religionem ipsa tradiderat, quosque non solû propter
ipsorum erga se pietatem, sed etiam ob sua in eos beneficia exi-
miè diligebat, à se alienatos fuisse. At vos simulatque inter vos
matrimonio iuncti estis, nihil antiquius habuistis, quàm vt in re-
gno, quod à Deo accepissetis, ipsius Dei religionē instauraretis,
& hos vestre fidei ab illo commissos populos, ad matrem ipso-
rum Ecclesiam reduceretis. Cùm tantâ ad rē perficiendam multa
vobis pponerentur difficultates, & magna obstarēt impedimētæ
nullæ

nullis nec laborib. retardari, nec periculis deterreni à p
 sanctoque consilio potuistis. Hæc cura vna maximè vest
 infixæ fuit: hæc de re inter vos estis multos menses assidu
 rati periculorum vestrorum immemores, memores ve
 rum erga vos beneficiorum, memores Regij muneris, in
 que cognominum. Itaque non antè conqueuistis, qu
 pratum exitum adducta, suus in regno hoc vestro fu
 sto cultus, suæ Ecclesiæ filij, sua Christi vicario auctorit
 ta. Habet hoc grati animi vestri testimonium Deus opt
 pietatis erga se signum. Ecclesia, hoc pignus obseruan
 Romanus Pontifex: postremò hoc gentibus omnibus
 dedistis vestræ sapientiæ, virtutis, atq; constantiæ. Vest
 in Christianam Remp. beneficium cum per se maximum
 hoc etiam maius, quod iam sperare videmur fore, vt
 Principes ac liberi populi tam insigni exemplo com
 colligant, & suæ saluti aliquando consulant, atq; prosp
 edò magis, quod iam experti sunt, quantas ipsis calamit
 xerit perturbatio religionis, & ab Ecclesia Catholica
 Quod quidem si fecerint, quemadmodum sanè & op
 mnes, & à Deo precamur, vestrum ed latius beneficium
 sin saluti simul & quieti suæ consulere, ac veterem pi
 dem recuperare neglexerint, vestri tamen pulcherrima
 & memoria nunquam interibit. Et si enim vos quide
 stianis Principibus dignum fuit, vnius Dei gloriam, &
 ris salutem spectauistis: tamen vt Lucij Regis nomen i
 celebratur annalibus: quo auctore Britannorum natio
 hanc insulam incolebat, omnium prima publicè Chris
 religionemque suscepit: ita qui res gestas horum temp
 ris mandabunt, religionis in hoc primum regno, post d
 dissidium vestra opera restituta, cuiusmodi vobis prof
 monium dabunt, quod nulla poterit nec diuturnitati
 obscurari, nec posteritatis obliuione deleri. Quos enim
 omnibus iam in locis sermones haberi: qua prædicatio
 laudibus vos in cælum ferri? quas hoc nomine Deo
 putatis à pijs omnibus? Ipsa profectò templa, quæ in
 sunt, & lætari videntur, & vobis gratias agere conari
 ipsis sanctitas, suæ imagines, suæ ara, sua sacrificia fuer
 ta. Quid illos beatos cœlitum choros atque ordines
 gaudio: qua exultare læticia? quos hymnos Deo canen
 Etenim si vel vnius hominis causa, quem peccatorum
 nituerit, tantam in cœlo gratulationem fieri, Christus
 noster dixit: quid tanta natione ad pristinam pietate
 quantopere tandem cœlum exhilaratum putatis, &
 gratias Deo agentium vocibus personare? Præclare ig

estis tum Catholicorum Principum, tum Fidei defensorum officio; quæ cognomina, ut omnes augurabamur, & ut res declarauit, inter vos non sine diuino quidem consilio comunicata sunt. Preglare & pierari vestræ constitistis, & eorum, à quibus orti estis, laudibus respondistis. Nam ut de patre, & maioribus tuis prius loquar Rex clarissime: Equis plures pro Christiana Rep. labores suscepit? equis pluribus pro religione periculis caput suum obiecit, quam parens tuus Carolus Imperator? Ille Turcarum Regis impetum, cum innumerabili equitum & peditum multitudine Pannoniam superiorem petentis, repressit, ac turpiter cum suis se in fines recipere coegit: Ille Arriadeno Turcarum duce una cum ingentibus Afrarum & Numidarum auxilijs in Africa deuictus, ac Tuncero recepto, viginti & eo amplius Christianorum milibus libertatem restituit. Ille iterum in Africam traiecit, ut Argieram urbem maritimam, firmissimum hostium aduersus Christianos præsidium expugnet, cuius urbis propè iam captæ oppugnatione desistere coactus propter sæuissimas tempestates, & repentinum illud nauium incommodum, tantam tamen in illa offensione magnitudinem animi declarauit, ut plus ferè auctoritatis ipse ex aduersis rebus adeptus sit, quam ceteri soleant ex secundis. Postremo ille ut Germanos Ecclesiæ reconciliaret, plurimum semper laborauit: ad extremum autem cum nihil proficeret, grauissimum ob eam causam susceptum bellum, & si felicissime Deo iuuante confecit, tamen non sine maximo gessit & regnorum suorum, & capitis discrimine. Quid proxi cui Ferdinandi Regis Hispaniæ? quid eius uxoris Elisabethæ? quæta, & quam illustria in Ecclesiæ merita extiterunt: qui non in Hispania modò religionis nostræ fines protulerunt, verum etiam gentes ab his, quæ notæ sunt, orbis terrarum partibus, vastissimo Oceano diuisas, & in alterum cœli verticem spectantes, nobiscum religionis & sacrorum communionem iunxerunt. Quid Lusitanæ reges Ioannes & Emanuel illè auus tuus maternus, hic proauus? nonne missis usque in ultimas oras Indiæ classibus, & Christi illuc religionem aduecta perfecerunt, ut contrario itinere sol iam alter ex his occidentis partibus in orientem, & quidem multo splendidiore, & salutariore commearit: Nam qui l de te ipso dicam? qui tam pie, tam religiose iam inde à puero vitam instruxisti: tantum diuini cultus studium, omnibus dictis & factis præ te tulisti: tanto denique sacerdotes in honore semper habuisti, ut catholici cognomen non tibi à maioribus traditum, sed a te ipso inuentum & partum esse videatur. Nihil tu igitur pietate tua alienum fecisti, nec pati à maioribus tuis minus, quam ab eis acceperis, gloriæ reddidisti, nisi forè minus bene de Ecclesiâ mereri censendus sit, qui amissas provincias ei restituit, quam qui nouas

adiungat: aut Ecclesiæ minùs intersit, hæreses, quæ
 mis exitium & interitum afferunt, extingui, quam
 corporibus tantùm nocere possunt, resisti: aut Chr-
 nibus minùs optabile sit ex satanæ faucibus eripi, q-
 num vinculis liberari. Quid verò tu Regina? nō
 sanctissimæ Reginæ? nōne eorum quos modò
 Hispaniæ Regum, à quibus ipsa quoque orta es,
 primis ipsius similis fuisti? Quis ignorat, quam tu
 vera & sincera Christi religione, & hinc erga vicari-
 seris ex eo tempore, quo Romanorum Pontificum
 penitus auctoritas, Christi vero non commutata fu-
 ra, & funditus eversa religio: eorum iussu, qui tum
 qui quidem postea meritis impietatis suæ pœnas, de-
 centissimi homin- s cuiusq; generis atq; ordinis, qu-
 recusabant: tanta illa in Deum & homines scelera,
 cium rapiebantur, alij conijciebantur in vincula. O-
 oculos versaretur illorum sanguis pro Christo mori-
 squalor in carcere habitantium: cū tibi ipsi (d re-
 custodes apponerentur, tamen nullius te periculi
 contumeliæ, nulla interdicta à vera religione & pr-
 tua deducere potuerunt. Quin etiam ad eisdem sub-
 si tantū illi facinus in te ausi essent, paratā te fore o-
 passuram te potiùs ipsam Deo immolari, quàm tibi
 illud à Christo institutum sacrificium eripi. Vt Chr-
 in tuo castissimo pectore semper inclusum habebas
 custodibus præsentem eum in Eucharistia, & summa
 gentia in cubiculi tui pariete asseruatam, sanctissim-
 tu vno in calamitatibus tuis, & ill. indignissima ve-
 fugio atq; solatio vtebare. Itaq; cū illo turbulento
 gij virgo generis, antiquam & veram religionem tan-
 & fortiter retineres, non minùs tu quidem vel Chri-
 lustrabas, vel bonorum animos confirmabas, quar-
 vinciri se, & perpetuis mandari tenebris malebant, q-
 probantibus Sacramenta tolli Christi amoris erga
 & diuinæ misericordiæ pignora, aut præcidi sibi capi-
 tur, ne suum Ecclesijs Angliæ caput abscissum videre
 cuit autem tibi tuum pro Christo sanguinem profunde
 te nimirum si viad hæc ipsa tempora reseruabat, vt
 nomen rebus secundis redderetur illustis, quod ia
 fuisset aduersis. Atque hoc Dei fuisse consilium, ter-
 pertissimè declarauit. Iam miris rerum euentibus &
 tio is ad te detulit, & idem postea conseruauit: que qu-
 bilia eius in te beneficia inuat pia non modò memori-
 iam oratione prosequi. Quis n. aperiùs quam tu vnq-

et constitutus fuit, & in regali solio propè ipsius manu collocatus? Venerat aduersus te simulac frater tuus est mortuus, Dux Northumbriae, qui regnum istud viuo etiam nū fratre tuo, ipse deuorauerat. Magnas secum copias equitum & peditum adduxerat. Maximimos aditus intercluserat, non modò vt ne qua ad te ex Belgii auxilia mitti possent, sed vt ne effugere quidem tibi ex Insula liceret. Habebat secum plerosq; Angliae principes, quos in verba sua mirare coegerat: qui & si causam tuā probabant, & hominē ob impotentem eius dominationem, atq; intolerandam arrogantiam oderant, tamen nefarijs eius conatib. aduersari nec poterant, nec audebant, tantus ob eius potentiam timor omnes inuaserat: tenebat ararium, tenebat urbē hanc regni sedem atq; arcem. Quis non actum de regno, & de salute tua existimasset, cum & sola esses, & a rebus sane omnibus imparata? Qua tum boni omnes de te sollicitudine: quo timore: qua cura afficiebātur? quae vota faciebant? cū salus tua & religionis causa simul tanto in periculo versaretur. At tu in tanta rerū omniū incipia, tantoq; discrimine, praesidium ab animi tui magnitudine petijsti: & regnum quod armis recuperare nondum poteras, literis ac nuntijs in omnes regni partes dimissis, tibi, vel Deo potius repetere, ac vindicare minimè dubitasti. In primis verò ad ipsum Deum supplex confugisti, multis eum cum lachrymis testata, quò tua consilia spectarent. Iam ea, quae secura sunt, eiusmodi fuerunt, vt hostis ipse superbus, Deū te stare planè senserit, & temeritatis eum suae serò poenituerit. Cum enim excitato illo incredibili populorum erga te studio, maxima vndiq; ad te cuiusque hominum generis auxilia confluxissent, subitò desertus ab omnibus, & captus vnā cum liberis, in potestatem tuam venit. Ita sine vlla non tuā tum modò cade, sed ne aduersariorum quidem, quos ipsos seruare, non perdere cupiebas, recuperato regno, urbem hanc regiam victrix maximo plausu & gratulatione omnium ingressa es: Quam vquam admirabiliorem victoriam? quem clariorem triumphum? quam vilius Regine speciem pulchriorem accepimus? O rem omnium annalibus & literis celebrandam: ò insigne diuinæ seueritatis in improbos, benevolentiae in pios homines, testimonium? Quam illustri atq; mirabili exemplo, Deus docuit in sua esse potestate regna atque victorias: consilij suis nullas posse humanas opes obistere: impiorum res secundas, fluxas esse: irrita consilia, spes inanes: seruos verò suos à se nunquam deseri: curā sibi eorū esse non salutem modò, verum etiam dignitatem. En, qui tantas nuper opes & copias habebat, qui tantum consilij, tantum affarationibus, tantum clientelis suis confidebat, qui tantum auctoritate valebat apud exteros, cū opere verò ab omni Anglia metuebatur, ab interna virgine deuotus subitò ira concidit, vt eius no-

men eodem, quo corpus tumulo fuerit obrutū ac sepul-
 verò iola, quæ calamitosa, quæ ab omnibus nuda præsid-
 nis erat, in tam alto repente honoris ac dignitatis gra-
 Deo est collocata, ut nullius iam Regiæ sit toto ter-
 be nomen illustrius. At quantam in rebus tam secundi-
 tionem animi adhibuisti? Alij Reges deuictos hostes
 à quibus adducti in summum capitis periculum fuiss-
 me vlti essent, idque sibi & diuino & humano iure he-
 massent: tu ut in periculo fortis, ita clemens in victoria
 cepto enim tanti sceleris principe, duobusque alijs,
 supplicium sumptum fuit, & quidem multo lenius, quod
 commeruisse faterentur, omnibus qui contra te arm-
 maximo, & regio verè animo pepercisti, neminem in-
 um ex tot hominum milibus interfici passa es, nemine-
 bi, neminem vlla omnino in re violari, quin etiam
 rum, qui Northumbriæ ducem secuti fuerant, in gra-
 miliaritatem tuam receptos, honoribus ac benefi-
 quorum postea strenua sanè & fideli opera vsa es, quæ
 futuram in illos, qui in officio ac fide mansissent, decl-
 in illos, qui contra te steterant, tam mitis, tam miseri-
 ricors autem? imò verò tam benefica fuisses? quam
 Deum grata, quæ hominum iniurias beneficijs repe-
 que hoc loco, silentio præterire non possum tuam
 lebratam vocem. Nam nonnullis, quibus consili-
 aperueras, optimum illis quidem animum tuum laud-
 men quoddam eos amor videlicet timere omnia, & de fa-
 citos esse cogebat, ut cautiùs ageres, & ut nescio qua
 maturitatem expectantes hortantibus respondiisti, ut I-
 nimè cunctatus esset in custodienda salute tua, & reg-
 dendo, ita nec tibi in sua illi restituenda Religione e-
 dum, neque timidè & diffidenter eius causam suscip-
 tuam tam apertè defendisset: o commemorabilem
 responcionem, testem pietatis tuæ, indicem constan-
 non procrastinasti, non moram vllam interposuisti. S-
 omni animi impetu, & tota mente ad instaurandam
 religionem eius & cultum incubuisti. Cuius rei præ-
 damenta iecerat, cum perpetuus ille humane salu-
 diuina gloriæ obrectator, excitato in Cantio per au-
 hominem tumultu, tam sancta salutariaque cons-
 conatus est. Erat res in maximo discrimine, cum &
 propinqui essent, & eorum in dies numerus augeretur
 tibus plurimis, quos rerum nouarum studium & pe-
 ditas rapiebat: nec verò paruum periculum a con-
 cys imminiebat, qui remotiori & regni partes peruen-

lis in locis alios vno tempore tumultus excitarent : ipsa autem sanequam imparata eras, cum id præter opinionem omnium accidisset, nec mirum : quis enim tanta nuper abs te patra victoria, sublato Northumbria Duce, reliquis omnibus partim clementia tua, partim liberalitate deuinctis, cum iam regnum summo omnium consensu obtineres, futurum quenquam tam audacem, tam amentem, tam furiosum existimasset, qui nouas turbas commouere conaretur ? Itaque in maximum rursus boni omnes timorem de te, & solitudinem adducti erant. At tu ceteris tam repentino tuo periculo perturbatis, animo ipsa minimè fracta ac debilitata es, sed ita te gessisti, ut omnes & prudentiam tuam admirati sint, & animi magnitudinem agnouerint. Nam & celeriter tanta præsidia, quanta temporis patiebatur exiguitas, comparasti : & populum hunc graui & illi tempori apta oratione confirmasti. Appropinquante verò huic urbi iam hostium exercitu, cum tui te hortando & obsecrando urgere non desisterent, ut in arcem te reciperes, ne tum quidem vllum timoris signum misisti, non tam copijs tuis nimirum, quam Dei freta præsidio. Neque verò spes is tuam fefellit, neque obscurè te ex tanto periculo eripuit, fuis illa memorabili pugna, cæsisque hostibus, capto eorum duce, reliquis coniuratis antequam moliri, & turbare quicquam possent, repentino tuorum aduentu oppressis, ex quibus is qui & opibus, & auctoritate præstabat, de rem penè incredibilem, ferarum indicio captus est, ad quarum latibula confugerat. Tanta enim causæ tuæ pietas fuit, ut illi feræ etiam ipsæ fauerint, & hostes tuos, quos verbo indicare non poterant, latratu prodiderint : latebræ verò non ad occultandos eos valuerint, sed ad derinendos. An erit quisquam tam cæcus, ac potius tam impius, qui Deum tibi manifestò adfuisse non videat ? qui aut tantam coniurationem tam celeriter patefactam, aut tantum tumultum tam feliciter sedatum fuisse, sine diuino auxilio & numine existimet. Ecquo in bello Deus populum olim Hebræum ab ipsius hostibus apertius, quam te hac tempestate aduersus tuos tutatus est ? Agnouisti sanè ipsa gratissimo animo cœlestis amorem Patris erga te, quidquid a te postularer, tam insigni beneficio ipsius admonita intellexisti. Itaque ad opus illud, quod iam institueras, absoluum & perpolicendum, curam omnem & cogitationem tuam contulisti. Ac primum cum pro tua summa prudentia intelligeres nihil esse tam populis salutare, quam bonos & idoneos illis præesse pastores, maximam in eo diligentiam adhibuisti, ut Ecclesiæ quæ in regno tuo sunt, à pijs & doctis Episcopis regentur in eorum locum, qui aut decesserant, aut ex Pontificijs legibus abdicare se illo sacrorio coacti fuerant, suffectis ex Pontificijs Maximi auctori-

tate viris spectatae pietatis, & sacrarum literarum
stantibus. Cùm autem tui te assidue hortarentur
idque & à populis, qui sub imperio tuo sunt, deside-
regni quieti; tum etiam Religionis causæ expes-
quod seditiosi homines ad res novas moliendas
incitarentur: tu & si expertem nuptiarum viran-
gisses, ut DE O liberius seruites: tamen quod f-
us DE I honori, & commissorum tibi ab eo popu-
pacique consuleres, socium tibi & adiutorem tua-
marum actionum, hunc potissimum Regem asciuis-
nem sanè vel pietate, vel iustitia, vel probitate, v-
tui similiorum deligere potuisti. Quas nuptias
ctiores? quas à DE O magis approbatas fuisse cen-
quas Religionis amor tantummodo, & publica-
dium conciliauit & iunxit? quo autem ex matrimo-
vestrae parem, ac similem ortam esse accepimus? ex a-
nuptijs corporum filij nascuntur. Vos, quot homine
clesiæ reconciliastis, tot Religionis filios suscepis-
lius quidem, quamvis sanctæ virginis gloria
coniugij fecunditate conferenda. Quamquam p-
stra DE VS Optimus, dignam quoque profecto v-
dabit, cui regnum hoc sitis, postquam illi vos diutis-
rius, tradituri. Iam beneficij vestri erga nationem
tudo, ex miserijs, in quas propter suam ab Ecclesia
s TI vicario alienationem inciderat, facile potest in-
enim à CHRISTI corpore, quod est Ecclesia: & ab
qui Romanus est Pontifex, seiuncti fuissent, à CHRISTO
quoque seiuncti erant, & ea re omnibus eius be-
bant. Nihil ergo illis CHRISTI mors, nihil
ta mysteria, nihil vlla omnino ipsorum rectè fact-
tantumque aberat, ut qui ex hac vita decessissent,
iam hereditatem possent cernere, ut æternas ad
ipsum dissidij pœnas luerent. Quid hoc eorum
us, quid hac vitæ conditione horribilius dici aut e-
fat. At nunc Ecclesiæ iterum adscripti, atque ita cun-
eius capite coniuncti, omnia CHRISTI benefici-
recuperarunt. Nunc ex CHRISTI morte, nunc
mis Sacramentis, nunc ex pietatis officijs, fructum
que percipiunt. Nunc illis DE VS pater est, quon-
matrem ipsi Ecclesiam agnoscunt. Nunc illis de-
in cœlum pater, quoniam ei reconciliati sunt, cui ab
s TO, claves cœli traditas fuisse, quomque eius in-
carium vniuersa semper consensit Ecclesia. Nón
iure ac merito parentes vos suos appellarint, quand

tudine nulla maior est inter homines, neque sanctior, quibus
 plus etiam quam ipsis debent parentibus? Ab illis enim ea acce-
 perunt, quæ eum caduca sunt atque fragilia, tum in eorum, qui
 superioribus annis in hoc regno dominabantur, erant sita libi-
 dine; quemadmodum quidem varij & luctuosi plurimorum ca-
 sas, & indignissimæ calamitates docuerunt: quorum alijs liber-
 tas, alijs bona, alijs patria, alijs vita per acerbissimos crucia-
 tus erepta est. At iam non ea modò securi vobis Regibus obti-
 nent: & si qua præterea suo ipsi labore pepererunt ut honores ac
 dignitatem, verum alijs verioribus & multò maioribus bonis
 beneficio vestro perfruuntur. Per vos enim illis Deus reconcilia-
 tus atque placatus est: per vos cœlestis illis ciuitas reddita: per
 vos omnia illis diuina restituta sunt munera: per vos denique ita
 renati sunt, ut qui a parentibus genui sunt & mortales, & maxi-
 mis miserijs obnoxij, iam immortalem & beatissimam vitam
 sibi possint comparare. Quibus vos tantis honoribus prosequi?
 quibus tam præclaris decorare monumentis poterunt: ut vel pro-
 minima tot & tantorum erga se meritum parte, satis gra-
 tum in vos animum queant declarare? O felicem te Angliæ, cui
 ex tot nationibus ab Ecclesia segregatis, vni post diurnas te-
 nebras tanta diuinæ misericordiæ lux affulsit: & post illa mis-
 errima & calamitosissima tempora, Rex & Regina a Deo dati sunt,
 tanta pietate præditi, & salutis tuæ tantopere studiosi? Vos ve-
 rò beatissimos Optimi post hominum memoriam Reges, qui-
 bus hanc mentem & facultatem Deus dedit, ut tantum in hos
 populos beneficium conferretis. In quo maiore nimirum Deus
 benignitate ipsi vti estis, quàm cum regnum istud eiusdem estis
 munere consecuti. Non modò enim Angliæ regnum, quamuis
 nobile & amplum, atque opulentum sit, sed ne totius quidem
 terra tum orbis imperium cum hoc, quo functi estis, erga Deum
 simul & homines, officio est comparandum. Nam regno-
 rum quidem possessio, item ut ipsa hominum vita, brevis &
 fluxa est, multasque secum molestias & curas affert. At verò
 istius officij fructus æternus est, & sempiternæ efficiens beati-
 tudinis. Etenim si maxima illis merces est proposita, qui vel
 vnum hominem ab impietate ad religionem & cultum Deui tra-
 duxerint: quod tandem præmium vobis in cœlo paratum esse
 censeatis, qui innumerabili hominum multitudini, quæ in hoc
 regno est, ad veram pietatem reuocare, salutem pijs vestris
 consilijs attulistis, neque eos modò conseruastis, qui sunt hoc
 tempore: sed posteritatem eorum omnem beneficio vestro com-
 prehendistis? Quorum igitur Regum, Imperatorumque res ge-
 sit tam amplè vnquam ac tam magnificè & gloriose fuerunt,
 ut sint cum vestra huius actionis pietate, amplitudine, gloria.


comparanda? Admirari solent plerique vel maxime Res à C
 tifredo Boëmundo & Balduino clarissimis Ducibus gestas,
 cum ingentibus olim copijs ex his occidentis partibus in A
 profecti, victis ac superatis Christiani nominis hostibus, urb
 Hierosolyma, & sanctissimum illud Christi liberatoris nostr
 pulchrum receperunt. Et sanè illi optimè de Christi Repub
 riti fuerunt, neque aduersus hostes res vlla vnquam à Maior
 nostris gesta est gloriosior, atque præclatior. Verum meo quid
 iudicio factum vestrum gloriosius est, atq; præstantius. Illi en
 Christianis hominibus, siqui peregrinari Religionis causa
 lent, ad Christi sepulchrum iter patefecerunt. Vos tanta huius
 tionis aditū ad cœlestem patriam & ad CHRISTVM ipsum
 ruistis. Illi loca illa, quæ fuerunt tanquam nostræ Religionis
 cunabula, Ecclesiæ reddiderunt. Vos Ecclesiæ, magnam ipsi
 nobilem in primis partem, quæ amissa fuerat, reddidistis. Po
 modò illi res eas maxima Barbarorum quidem illorum, sed tan
 hominum cæde gesserunt: vos hosce populos, qui propter i
 rum ab Ecclesia disunctionem iam perierant, ad vitam reuoc
 stis. Et si autem tantam rem sine exercitu, sine vi, sine armis,
 rate tantum, & consilio, atque auctoritate perfecistis: tan
 maximam à vobis & à bonis omnibus laudem merentur, tur
 tissimi homines cuiusque ordinis, qui communi huius ge
 consilio à vobis conuocato interfuerunt, quod tanto studi
 instaurandam religionem consenserint, & ius suum arque au
 ritatem sedi Apostolicæ ac Romanis Pontificibus reddider
 tum amplissimi viri, quorum consilio in administrando re
 vtimini: qui non solum consilia vestra, vt primum hac de re
 eis communicastis, approbarunt, verum etiam egregiam pe
 vobis operam pro sua fide nauarunt. Nam Iulij quidem Rom
 Pontificis ea in vos studia fuerunt: ea paternæ erga hos pop
 voluntatis signa, vt nulla sanè maiora esse potuerint. Qui vt
 mium in spem venit huius regni sibi & Ecclesiæ reconcilia
 omnem mentem, curam, cogitationem suam in hac sancti
 actione fixit ac locauit, neque vllum optimi Pontificis mu
 prætermisit, vt & Christi, cuius in terris locum obtinet, hono
 vestræ quibus maxime fauet, gloriæ, & huius quæ à Rom
 Pontificibus semper eximie dilecta fuit, nationis salutem cont
 rer. Itaque vt, quod sibi de pietate vestra pollicebatur, effici
 præstare possent, & nuptias vestras auctoritate sua studiosiss
 comprobauit, & omnem in hos populos sententiam suam benign
 tis effudit. Legatum verò cum potissimum ad vos misit, cuius
 credibilis pietatis in Deum, amoris in patriam, fidei in te Rep
 viginti & eo amplius annorum exilium, & acerbissimi suo
 calus, ac nobilissimæ familiæ euerchio testis esset. Tantum e
 illi

illi animi robur à Deo, tanta fuit data constantia, ut illo turbulentissimo tempore, quo nefaria consilia inibantur contra religionem, contra Romanos Pontifices, contra te Regina, non modò proximis, quæ sibi proponebantur, amplissima, à fide officioque deduci non potuerit: sed & patriam, & fortunas, & matrem sanctissimam sceminam, & fratrem eximia pietate atque virtute, & fratris liberos sibi incundissimos amiserit, omnesque acerbitates pertulerit, ne causam tuam, causam patriæ, causam Religionis defereret, ac proderet. Cuius in fungendo huius legationis officio curam, studium, laborem, industriam, diligentiam commemorarem (etenim harum rerum testis sum optimus) nisi & ipse videret, ne hæc illum offenderet oratio, cuius omnia, facta, dicta, consilia ad Dei honorem referuntur, & vos ipsi alijs testes esse possitis. Quem nunc post tam diuturnum exilium, post tot, & tam graues calamitates, tot pericula, cum tanta omnium lætitia, tam honorifico vniuersi Anglorum concilij decreto, tanto vestro studio reductum in patriam videamus, & reductum ob eam ipsam religionis causam, propter quam discesserat: nonne præter alias res quamplurimas, quæ in hoc regno contigerunt, quibus vim & prouidentiam suam Deus apertissimè declarauit, vel hoc maximum, & in primis perspicuum est, ipsius prouidentie signum ac testimonium? nonne hoc quoque vel maximè omnium bonorum studia debet accendere, ut quibuscunque rebus possint, eius honori consulant, à quo videant bene de Religione ipsius, Ecclesiæque merentium non modò custodiri salutem, verum etiam augeri dignitatem? Quid verò illum vos? quo studio flagrare censeatis, ut & Deo, à quo tot beneficia accepit, gratum se præstet: & cum vestræ, qui tantam in eum beneuolentiam declarastis, laudi, tum patriæ, à qua tam honorificè & amaretur exceptus est, commodis semper inferuiat? quæ quidem omnia præstare facillè poterit, si modò, quoniam hac legatione iam functus est, ad illam alteram fungendam, quæ pertinet ad extinguendum maximi & calamitosissimi belli incendium, quod inter Cæsarem & Regem Galliarum tam diu geritur, vobis, ut sperat, adiutoribus utatur. Quamobrem pergite Clariss. Reges Dei honori seruire, ut omni tempore fecistis: pergite cum de his populis, cum de vniuersa Christi. Repub. quàm optimè mereri: videris quanto illa in periculo versetur propter bellum tam graue, tam diuturnum, tam longè lateque diffusum. Non quæro, utrius causa sit melior: non quæro, uter initium belli fecerit, & alterius fines prior inuaserit. Hoc dico, Christianæ Reipublicæ opes quotidie magis exhauriri, vel potius iam esse exhaustas atque consumptas. Rursum eam, nec diutius stare posse confirmo, nisi à vobis, qui & potestis & debetis, celeriter ei subueniatur. Subuenite

per Deum immortalem, per Christi mortem, per illam famam crucem, in qua is pro salute nostra pependit, subuli, vestram fidem, vestram opem atque auxilium implorabit profectò apud Cæsarem optimi filij voluntas, & preces. Valebit apud Regem Galliae, duorum tantorum auctoritas. Reliquum hoc opus est, quod à vobis efficiendum & quidem id vel maximè conuenit huic rei, quam gelliquemadmodum dissidium, quod inter hanc nationem & siam erat, per vos sublatum fuit: ita bellum hoc, quo conChristiana Respublica, vestra auctoritate & opera comp

Quod si perfeceritis, vt hæc natio à vobis conseruata
ita vniuersæ Christianæ Reipublicæ salutem
omnes vobis acceptam re-
ferent.

F I N I S.





P O E M A T A

IACOBI SADOLETI

CARD. DE LAOCOON-

TIS STATVA, QVÆ ROMÆ

in Vaticano spectatur.



*P*oce alio terra è cumulo, ingentiq; ruina
Visceribus sterum reducem longinqua reduxit
Laocoonta dies: aulis regalibus olim
Qui stetit, atque tuos ornabat, Tite, penates.

*Diuina simulacrum artis, nec docta vetustas
Nobilis spectabat opus, nunc celsa reuulsi
Exemplum tenebris rediuisa mania Roma.
Quid primum, summumue loquar in miserumne parentem
Es prolem geminam? an sinuatos flexibus angues,
Terroris aspectu candaq; ira, draconum,
Vulneraq; & veros, saxo moriente, dolores?
Horret ad hac animus, mutaq; ab imagine pulsas
Pectora, non paruo pietas commixta tremori.
Prolixum bins spiritus glomerantur in orbem
Ardentes colubri, & sinuosis orbibus oram
Ternaq; multiplices constringunt corpora nexu.
Vix oculi sufferre valent, crudele tuendo
Exitum, casusq; feros: miscet alter, & ipsum
Laocoonta petit, totumq; insi, & supraq;
Implicat, & rabido tandem ferit illa morfu.
Connexum refugit corpus, torquentia sese
Membra, latusq; retro sinuatum à corpore cernui.
Ille dolore acris, & laniatu impulsus acerbo,
Dat gemitum ingentem, crudosq; quellere dentes
Connixus, laeam impatiens ad terga Chelydri
Obucit: intendunt nerui, collectaq; ab omni
Corpore vis frustra summis conatibus instat,
Ferre nequit rabiem, & de vulnere marmore aubelum e?*

At serpens lapsu crebro redeunte subintrat
 Lubricus, intortoq; ligat genua infima nodo.
 Crux tumet, obsepto surgens vitalia pulsu,
 Liuentesq; atro dissendunt sanguine Venas.
 Nec minus in natos eadem vis effera sauit,
 Implexuq; angui rapido, miserandaq; membra
 Dilacerat: iamq; alterius depasta cruentum
 Pectus, suprema genitorem voce cientis,
 Circumflectis orbi, validoq; volumine fuleit.
 Alter adhuc nullo violatus corpore morsu,
 Dum parat adducta caudam diuellere planta,
 Horret ad adspæctum miseri patris, heret in illo:
 Et iam iam ingentes fletus, lachrymasq; cadentes
 Anceps in dubio retinet timor. Ergo perenni
 Quis tantum statuis sis opus iam laude nitentes,
 Artifices magni (quanquam & melioribus actis
 Quæritur æternam nomen, multoq; licebat
 Clarissu ingensu Ventura tradere fama)
 Attamen ad laudem quacunque oblata facultas,
 Egregium hanc rapere, & summa ad fastigia niti.
 Vos rigidum lapidem viciu animare figuris
 Existit, & viuos spiranti in marmore sensus
 Inferere afficimus, motumq; iramq; doloremq;
 Et parè audimus gemitus: Vos extulit olim
 Clara Rhodos, Vestra iacuerunt artu honores
 Tempore ab immenso, quos rursus in luce secunda
 Roma vider, celebratq; frequens: operuq; vetusti
 Gratia parta recens. Quando præstantius ergo est
 Ingenio, aut quouis extendere fata Labore,
 Quam fastus, & opes, & inanem extendere luxum.

DE CAIO CVRTI ET CVRTIO LACV.

IR E per æternos aui Genientis honores
 Conspicuum meritis & ingi viuere fama
 Fas illum est, quem fata vocant, cui pectore præsent
 Excubat, a tque æquum calo adjicit ignea virtus:
 Cuius sape sagax trepidis prudentia rebu
 Vestigauit opem, docuitq; haud sera deuitum:
 Sive armis ille & dextra, seu morte cadentem
 Seruauit patriam, atque hostes in sinere vicit,

Nec tamen est decorum tantorum maxima merces
 Laude hominum, aut positis trivis spectanda trophæis,
 Quamvis longa datum struerent in sæcula nomen:
 Verum illuc melior spes evocat, & de receptis
 In lucem sumus, ac patrios revocamus ad ortus,
 Cum cælum superosq; lares, axemq; serenum
 Suspiciamus, rapido circum qui sidera flexu
 Torquet, & immensos ætæ ciet orbibus orbes.
 Hunc pater omnipotens alterna luce micantem
 Constituit, nec vos pulchra in spectacula clavis
 Ignibus & multo stellantem insignit auro
 Dignam sedem animis præstantibus illa Deorum:
 Illa domus nobis patria est. hic nobile magna
 Accipiunt pretium, regnantq; per æthera mentes.
 Sed fuit hoc olim, superas evadere ad arces
 Regia tellus Deum, cætu meruere frequenti,
 Magnanimi heroes, præcis quos extulit annis
 Tunc, cum larga ducum fundebat semina tellus.
 At nunc (quandoquidem hac turpi consumpta veterno
 Jam priam infelix, inhonoratq; tabuit ætas,
 Et cecidit decus & dominatum more sinistro
 Electum ingenium, virtutq; facessere iussa est)
 Nos veterum facta haud segnes repetamus avorum
 Fortia, & ad præsum curam hanc vertamus honorem
 Qua fortuna fuit, quantum est concessa facultas.
 Sitq; prior, quem non metus, & gravis ira Deorum
 Terruit, abyssæ nam monstra immania terra,
 Quin factæ egregie infernis se tradere aris.
 Nam siue infensis Capitoli, arcisq; Lyæa
 Præsidibus superis, clausi seu turbinis æstu
 Mota loco tellus spatii discrimine vasto
 Abstulerat, medioq; foro patefacta vorago
 Abrupta in præceps, immensa, oriq; profundi
 Summotas referans fauces (trepidabile visum)
 Tartaream ad noctem, ac sedes penetrat auernæ,
 Intuleratq; diem, cælusq; refuderat umbram.
 Prodigium horrendum, cæu nigro abducentur hiatus
 Tæmara, Cumæaq; domus latebrosa Sibyllæ
 Extemplo exciti monstro populusq; patresq;
 Concursu appropèrant magno, & de collibus alius
 Densi adspectantes, Stygis & potentia sepulcri,
 Atq; atram videre lucem, rimosaq; circum
 Aequora, & immani tam iam & rupta barathro,
 Percussu stupère animis, tum frigidus ætus

Concussit tremor, & subito per membra cucurrit :
 Nec iam stare gradus, aut tumultus sublimibus audere
 Sub pedibus laie scindi, infidumq; labare
 Omne solum, collesq; ipsi subsidere in ima
 Tartara, & obscura mergi sub nocte videntur.
 Iamq; metu trepidos, subitaq; redire volentes
 Inde supra fallis conatus, agria receptum
 Genua negant : gelido concesso sanguine fibris
 Nec vires membris nota, nec vox sonat ore.
 Ac veluti si quando truci sub imagine somni
 Declini è scopulo ripane horremus ab atra
 Praecipitem casum : refugit calor ossibus omnis
 Et voces & membra cadunt : non anxia vocem
 Verba sonant : pressos sopor, & timor alligat artus
 Haud secus Aeneada gelida formidine tardos
 Implicere gradus, nec vis sua tollit euntes,
 Spe lantesq; fugam, prorsusq; extrema trementes.
 Tandem ubi gliscenti grauis est mora visa periclo
 Incubuitq; malum violentius, & metus alter
 Excessit stupidos, ac mentis reddidit &sum :
 Quirere opem rebus summis & uisier omni
 Auxilio, raptimq; cauas exple, e latebras
 Aggere proelio, & congestis molibus instant.
 Incassum labor omnis, & irreparabile damnum
 Humanam contemnit opem spes una superstes.
 Si quis apud diuos Venia locus, ergo per omnes
 Ire aras pueri & matres, timidaq; puella
 Supplicibus votis certatim exposcere pacem
 Numina sancta Deum, caeloq; extendere palmas
 Nec minis interea Tyrthene gentis aruspex
 Fata aperit, sic diuinis monstrantibus exta
 Ore canens. O Dardani spes melita Iuli
 Mars pater, astriferogenus & cui nobile caelo,
 Et vntuic fidem, & praestantibus astruit armis,
 Non hac cœlicolum graue, & implacabile numen
 Nunc portenta nouat, sed hianti luridus orco
 Eueniensdum dolor & rupta discordia terra
 Insigni redimenda bono, quo maximus & sue
 Imperii ad columen, fama, sequentis honorem.
 Hunc facti obscuram vocem, monitusq; Deorum
 Concilio exceptos, non vni mentibus omnes
 Accipere : ambigui sensus, diuersaq; patrum
 Murmura, nec cunctis eadem est sententia linguis.
 Acer erat bello, & primis spectatus in armis

Curtius eductum Curibus quem antiqua Velustis
 Nobilitas laude, Et serie decorabat aurosum.
 Namque ferunt, Verbu saceret cum prima superba
 Fundamenta, pater, captusq; ex arce Sabini,
 Femines Ultiores raptus, tam Valle subirent,
 Conferrentq; aciem, atq; anceps fortuna duelli
 Ambigeret: facinus clarum longeque fuisse
 Egregiam laudem, Et nomen memorabile Curti.
 Ipse diem, postquam ad pacem versa arma ducesq;
 Imperis iunxero fidem, dextrasq; dedere
 In partem merito patria Et praelara Vocatus
 Præmia, nec studio deinceps, nec defuit Usu
 Romulidus, longamq; dedit descendere prolem.
 Tali ortus genere, Et prociuit nominis heres
 Curtius ardens saepe in certamine Victor
 Quæsieratq; manu decus, Et Virtute tenebat
 Exuperans animi iuuenis: sine arduum alio
 In pugnam se ferret equo, sem Marte pedestri
 Aduersum exciperet collatus ictibus hostem
 Huc pater ætheriam superi conuersor Olympi
 Immisit subito mentem, referatq; latentes
 Fatorum ambages, ipsumq; in funera posci
 Submanet, Et dubia qua sit Via recta saluta.
 Ille ardet, largosq; alii bibit ætheris ignes
 Diuinum sperans: nec tam mortalia cordi
 In patriam quippe Et pietas Et funera atri
 Enequia laudum æterna, multumq; suorum
 Virget amor: tandem Velut acris concitus æstro,
 Irrumpit mediis testatæ numina diuum.
 Nec mora, pro patria inferni se destinat aris.
 Arceba mentes cunctorum, omniq; recessit
 Pectoribus timor, Et cæca lux reddita rebus
 Magnanimi iuuenis fato inferiūq; propinquis.
 Curritur, effusiq; senes, Et vulgus inundant,
 Agglomerantq; foro: Et si qua de spectus in unum est
 Aedesq;, tumulosq; Et culmina Pallantæa
 Tarpetiāq; arcem, Et diuum fastigia lætè
 Conuentu cunctant pleno, audientiq; coronas.
 Iamq; adest longa senior cum Vasse sacerdos
 Funerem moriens vitæ: sacrumq; litabat
 Plutoni Stygo: uti alii nigrosq; iuuenes,
 Et furuas ingulant pecudes: ipse cræne vota
 Nutupat Et inue- em spargit fluminalibus undis,
 Voco creni triplicemq; fœderat, magnamq; parentem,

Tergeminorūq; Deos: tum numina dira precatur
 Eumenidum, populūq; graui depellit Erynny
 Stant taciti circum, linguisq; silentibus Unum,
 Vnum omnes fixi obtutu, innotūq; tueritur
 Armatum extantem, atque arata luce coruscum.
 Ille autem (nam fata premunt, longasq; recusat
 Ferre moras) coram vacuū progressus in aquor.
 Vt fletit abrupta titubato in margine ripa
 Pallidus, inq; atram desecit lumina noctem:
 Rettulit os vrsū cælo, sublataq; rendens
 Brachia, in hæc supplex exsoluit pectora Voces:
 Dii patris, quorum auspiciis stat maxima Roma
 Et pater omnipotens, & nostri sanguinis auctor
 Bellator Mauors, Vulcanapaterq; Quirino
 Vestalesue fori, Ianiq; binertū ora,
 Audite hæc, faustumq; precanti aduertito numen.
 Si qua, nefas, Virtutem odit crudelis Erynny
 Ad penamq; Vocat: fraus hic communis abesto.
 Vnus ego hand segnis dextra, nec frigidus armis
 Hanc animam, inferno ōbrarum Regi, & Stygiis
 Deuoueo, lucemq; Volens, aurāq; relinquo:
 Tantum dura mei fugiant discrimina ciues.
 Hanc spem, quam patria incolumis dant fata sepul.
 Et mortis consistem posco, ac mecum ire sub ōbras.
 Tum vos infensi Manes, quæis Romula Virtus
 Dissplicet, inuidiamq; mouent ingentia facta:
 In me omnes conferta iras, & quicquid acerbū est
 Vertite ab excidio patria, exitūq; meorum:
 Ipse luam. simul hæc dixi simul abstetit olli
 Conspicuisq; auro, & Massuli pelle leonis
 Arce fremens bellator equus, quo cedere in hostem
 Primus & obstantes incursu rumpere turmas
 Suetus erat, subitaq; acies turbare procella.
 Hunc ōb terga preuiens dorsoq; exceptus amico
 Impulit, & notis labilem tremefecit habenis
 Nil mortale putans animūq; interitus heros:
 Visa hominis maior facies, procul arex exfulget
 Sanguineo galea & flammis rutila arma coruscant
 Interea cælo superius Rex magnus ab alto
 Urbem Dardaniam aspectans, sanāq; superhūm
 Contemptiorem animam mortuū, dubat inclēta facti
 Præmia, secum animo voluens, curāq; fovebat:
 Cum lacrymas promptūq; ferens, magno ore dolore
 Tristis sic medio cælo super axe Quirinus

Alloquitur: O cuncta pater, qui fata gubernas,
 Aeternumq; regis: in quo spectata tuorum
 Incidit, aut quali damnetur funere virtus.
 Non hac exultis olim spes summus animis,
 Cum sedem hanc terra regno, externusq; triumphus,
 Romanumq; tuo sancibus sedere nomen:
 Atq; ante hostili virtutem opponere ferro
 Vnam epum, & labor unus erat, pretiumq; laboris
 Imperium patriae, aut lethi fors clara ferebas.
 Nunc iam quid superest, aut quam fortuna finis spem,
 Si manes rigidus etiam, & fera tartara contra
 Bellandum est? num dicta retrò mutata recurrunt
 Fata tibi? aut capti piget, & sententia versa est:
 Et nunc iste quidem iuvenis capite improba rerum
 Detrimenda luit, unusq; immittitur Orco
 Iustus Vilius culpa sic digna rependus
 Praemia, virtuti genitor hac gratia prompta est?
 Si quod conceptum est, in te facinusve, scelusve
 Aeneadi generiq; meo, te verius ipsum
 Tela dare & septem repetitis ictibus arces
 Fulminis dejicere, ac sedes abolere nepotum
 Sin autem & casta sunt res nec iustus Vlla
 Religiona, pater coleris, sub numino semper
 Roma tuo, puerosq; tibi meditatatur honores:
 Parce tuis, pacemq; refer: sic Romulus orsus
 Tum pater aethero pellit qui nubila Vultu,
 Talibus it contra; Nec te dolor iste timentem
 Sollicitet, mea progenies, neve aspera tingas
 Fata tibi, & captos animi dimitte labores.
 Urbis Romulea lato debetur abortu
 Quicquid ad occasum rerum iacet, & Vaga quicquid
 Terhys obit, refluxoq; adlustrant aquora ponto,
 Stas fixum hoc nec fluxa retio sententia mutat.
 Quin iam aderit, cum tu Romana in sceptris videbis
 Hesperiamq; omnem & gentes transire remotas,
 Imperiumq; genusq; tuum, ne triste querare
 Supplicium egregii iuvenis. non ille sub umbras
 Tartareas. Manesue cadens descendit ad imos.
 Hunc animum, has mentes, hac corda excelsa tuorum
 Esse velis, fratrosq; sua virtute Quirites
 Et conferre manum Fortuna, & temerem mortem
 Sicilem via sideras qua ducit ad arces
 Et fama meritum steterit decus. his ubi mastrum
 Lenois omnipotens dictis gemitumq; repressit,

Reddita mens, celoque dies oblata sereno est:
 Emora extemplo cura, cunctique reuerti
 Ereptum ad iuuenem sensus. Viridis subit aera
 Digna Deum potius Genia, fatique secundis,
 Et decor, et mores placidi: tum chora recurant
 Factis animis, tantaq; recens pietatis imago,
 Verbaq; supremaq; preces: quo funere certus
 Occideris, patriaq; cadens seruauerit arces
 Vltro moris obita, et pallentes missis in oras.
 Cum tamen hanc miserum spes desolata parentum,
 Coniugis et cara fletus, natiq; docerent:
 Dilecti ad curam laris antiquosq; penates,
 Tantum illum patria et generi tribuisse suorum,
 Ut sese exitio et fatu communibus vnus
 Traderet. hac inter linguentia pectora dulcis
 Stringere amor, lacrymaq; sequi et crebrescere Voces
 Laudantium, ac sortem miserantum mortis acerbam.
 At iam confusum diverso ex agmine murmur
 Atollit magis atq; magis: iam sparsa solutis
 Turba ruit cuneis: fremitu tenet arduus aether
 Ceu quondam in siluis leuiculus flumine primum
 Offensa crepitant frondes: et lenta susurrant
 Murmura: mox valido si turbine fortior auster
 Incubuit, stragemq; dedit, strepit omne tumultum
 Confusum nemus, et populata cacumina saetant,
 Consternitq; solum ramis: is strider ad auras
 Imq; patres primiq; ducum, lectiq; senatus
 Fasorum augurio proceres, quique alii gerebant
 Imperia, aut sacros ornabant Vellere canes
 Incessu tacito coruunt ad ossia terra
 Adueniunt, cinguntq; lacum: tum caetera circum
 Turba premit, catusq; implet stipata profundos
 Et nunc hac, rursus hac impulsam fluctuat agmen,
 Dant fruges tumulo latas, et munera prima
 Apponunt, pars incensis altaria flammis
 Constitunt, peraguntq; preces et rite sacros
 Describunt fines lituo, frontemq; latuq;
 Vltimaq; et meritos gnati testantur honores,
 Certatim effusi in laudes: hinc nota frequentant
 Militia decora, et murales saepe coronas.
 Defensumq; manum cunem, sociosq; receptos,
 Indomitumq; animi Volscenti vel communis ense,
 Eminas aut iaculo atque irarum vindice dextra
 Prestitulum, spolia indecantis astantia tellis:

Ut non consilio inferior quàm fortibus armis
 Sape locum insidiis deprenderit, ad iuga, sape
 Inclinatam aciem turbataq; signa suorum
 Acutus intulerit pugna, turmasq; morantes
 Vi iuncta virtutis equosq; obnixus ab alto
 Impulerit: tu nos hostili cade repentes
 Sternere agros, nos magnanimum praeferre trophæis
 Martia dona ducum, laudis metamq; modumq;
 Esse tua decorumne sis: tu sacra refutas
 Portenta, & Strygium praefata morte furorem
 Te diri stupere amnes: te sancta cadentem
 Concilium ad superum, cernentis & omnia celi
 Extulit & pietas, & vite prodiga virtus.
 Salua certa salus patria: tibi praemia millo
 Sideris collata locis: nec plura mereri
 Fas homini est, aut si fato quis maior eodem
 In terram Deus ille alto demissus Olympo.
 Et tamen humana quantum tibi reddere laudes,
 Quantum animi linguaq; valent, non gratia decet
 Non amor officio decus: celebrare grati
 Voce aui, generisq; tui servator & Urbis.
 Nec minus interea locus hic quem sumere magno
 Implesti moriens facti immortalis honore
 Perpetuum sanctumq; tuum & memorabile nomen
 Proferet, aeternaq; aram virtutis habebit.

AD OCTAVIVM ET F DERICVM FREGOSOS, GENVENSES.

Dili, vobis grates refero & pro numine vestro
 Supplicibus veneror palmis caelestia templa,
 Quod me ad fallaces fortuna mobilis auras
 Vela expandentem dudum, & malefida legentem
 Cum populo vada nausfragis repetissetis ab unda
 Servatum in portus & salvo ex aequore raptum.
 Scilicet banditanti est disces, vel carpere ramos
 Extremorum Arabum, flantisq; insistere arenis,
 Hermus vbi, aut multo qua circum turbidus auro
 It Tagus, ut tantos aestus durosq; labores
 Et motus varios animantium in pectora dira
 Exacuant cura, penitusq; Cupidine ceco

Inconsulta abeat sacris fugientibus atas:
Et dirum inuergat capiti nox atra soporem:
Hac est en potior quanto & magè tuta periculis
Vita coli? modico & contentum viuere paucis:
Hac est & Diis & votis comitata secundis.
Si non regifcos incendit purpura cultus
Bis saturata ostro, Tyriis bis mersa Genenis,
Nec matutino regalia limina circum
Concursu innumeros ingens capis aula clientes,
Ampla nec Inachis insurgunt tecta columnis
Nec domus est luxu thalamisq; ornata superbis
At tutam dulce est crebrò oblectare quiescem
Secessu placido, & Viridantis gramine ripa.
At nescire dolos, & nullos nosse tumultus,
Armaq; nec tepido spumantes sanguine campos.
Absunt hic fraudes periura, artesq; nocendi,
Insidia, & simulati actus, & liuida cura:
Conscientia, hand molles excludunt pectora somnos.
Atque equidem sic euentus felicia ducant
Numina fortunentq; meos, primum ardua nitat
Astra sequi, & causas rerum explorare latentes:
Quis superum rapidis discreuerit orbibus axem
Ingens ingentem & passim consperserit auro:
Atq; idem immensos quo concitat agmine motus,
Pude per obliquum contra elatantia tendant,
Et septem imparibus discurrant sidera signis:
Qui terris statas, & restius qua exuberet humor,
Qua Ventis ratio ac nebulis, nec adire pigebit
Ortusq; rerumq; obitus, Virasq; animantium.
Quin iam nunc amor est incundis pascere curis
Spem tantam, & captis instare. Eia omnis abesto
Causa mora vocat en flagrantis regia celi
Diuiasq; aures complet sonor. O & bi celsis
Sideribus qui me, & lato deducat olympto
Singula mirantem circum spectacula, quiq;
Suadeat insectas terrai exscindere pestes,
Et purum aethera mentis inscriber ignem?
Felix ille operam longè, egregiusq; laboris
Et decoris, qui non ignauo pondere pressus
Corporis euscit molem, culpasq; morantes
Reppulit, atq; illum diuum indulgentia maior
Excepitq; polo, & nitidis superintulit astris.
Hanc vitam veteres olim tenuisse parentes
Crediderim, studiisq; agisse in talibus animum:

Cum primum terris hominum praelara propago
 Extulit os, posuitq; pedem post Lemnia furti,
 Vulnificosq; ignes, fœdumq; insigne Prometheus
 Ille quidem et nostros glebaq; et flumine cultus
 Finxerat effigiem ad diuum, Tritonia Pallas
 Assuit et generosa artum mirata laborem
 Iuvit Apollineis simulachra accendere flammis
 Qua simulac contactu ignes hausere supernos,
 Flagrantemq; animam, subito (mirabile dictu)
 Contremere et trepidare novo spirantis motu.
 Atq; oculis primum vigor extitit: inde per omnes
 P. ulatim rigidi descendere corporis artus,
 Ossaq; corripere, et membris inferre teporem:
 Hunc homines mundo immixti, quos stirpe recentia
 Progenites, similesq; Deum volucresq; feraq;
 Ipsi amnes, ipsa obstupuerunt aquora ponti.
 Cœu reges generata suos: tum Dadala tellus
 Nilivæ versa iugis nec duro exercita ferro
 Sponte sua in Cere rem campis se effudit apertis
 Dulces suffellura cibos. Verum oculus illi
 Ut libo facili, aut pendentibus arbore baccis
 Naturam explerant, et puri fluminis unda
 Vertebant orbis oculorum ad sidera, et alto
 Mentem affectabant cœlo propè litora rubra
 Tethyos, aut fuso qua Nilus adastuat amne,
 Et patria memores recolant nemina gentis,
 Astorum incessus varios, Solemq; potentem
 Constantesq; vias, solennesq; ordine motus,
 Ipsumq; æthereum regem omnipotentis Olympi.
 Huc me et iam stimulus nimio praestansibus altum
 Parnassi ad iugis sub rupibus, aut quaquam
 Sit via, et ereclis hinc atq; hinc ardua saxis:
 Tum pondus graue me Colles detrahet ad imas.
 Primaq; pane ipso titubet fiduciagressu,
 Huc tamen ignea vis animi rapit, et cupidum ingem
 Urget amor, aderti Cyrrha Latens ab alca,
 Colluctosq; astus lymphaq; umbrarq; leuabit.
 Sin hac nos molles mi abdicant sterna Parca.
 Meg, labor primo subigit desideratilius
 At ego tē huius illa euillantem fraude locorum
 Adspiciam Fedetico, alacrem perhadere, et omnes
 Exuperare moras, arcemq; possidet altam:
 Cui noua me Virtus sacris, insignita profect
 Dulcis acq; iustis sociatum fœdera sancto

Addidit o cordis merito pars maxima nostri,
 O gentis Fregusa decus, & spes digna tuorum,
 Affice qua coeant tibi numina: Cynthia auctor,
 Pieridumq; chorus, Dryades, Nymphaq; sorores
 Dona ferunt, violaq; & purpureis hyacinthis
 Spiras huius: sed enim ante omnes Iouis inclita Virgo
 Attonsa solis inuertit tempora olim,
 Dilectumq; sacra permutat ab Aegide pectus.
 Porro ego inspicies insignem latus amicum
 Gratabor, festosq; dies hoc nomine ducam.
 Ipse legam Paphias vicino a litore myrtes
 Aut capiti decus, aut umbram: Viridesq; Naxae
 Nobis illaudato reuocabo ad carmina cantu.
 Fortunate animi, largo cui prodigus aether
 Munere diuitias mentis indidit, & bona magnis
 Intellecta dies, populo ignorata nocenti.
 Fortunate animi (neq; enim est obscura premisq;
 Fama fidem) non te ventosi gloria vulgi
 Abtulit, in praeceptisq; dedit: non terrea somnos
 Rupit auaritia atq; auri custodia pallens.
 Accumulant alii questus, preciosq; superbos
 Innadunt fascies, aliena ad litora tendunt.
 Mille sub insaniis freta peruoluentibus Euris.
 Hic bellum & subitas accendit in arma cohortes,
 Non dextra memor, & iurati numinis olim.
 Plausum aliis plebiq; aurai meditatur inanes,
 Hic Varios sumit vultus, dominoq; potenti
 Blanditur, grauius hos cura, & crudelius adurit.
 Ambitus inuidia stimuli torquentur amaris,
 Et tacito optatas inhiant in pectore mortes.
 Interea non fas solenne, suumq; pudori
 Dignus tenos: gaudent superante libidine ferri,
 Et nescire modum, finesq; habuisse reflexos.
 Qualis saepe noua nimium dulcedine captus
 Inuictus curru biuigo, ut dimisit habenas
 Auriga, atq; ardens nota bis voce Vocatus
 Atq; acres animas equos, illi agmine raptim
 Profiliunt, spatisq; ingentibus aquora aperta
 Per vacuum nunc sublimes nunc pectore prona
 Corripunt, certantq; fuga post linquere Ventis.
 Acrimo hostis stimulis agitator feruidus instat
 Insignemq; adigit currum: non ille periculi
 Fortunaq; metor, nec iam sudoris anhelus:
 Donec fraude soli scopulq; offensus iniurio

Præcipientes proturbat equos: cadit alter & alter
 Continuo confors, lapsus correptus eodem:
 Corpora humi fœda impellunt: rusticiq; axis,
 Et curvus super, atq; rota vertere gementes:
 Fit sonitus, crescit sublatius in æthera clamor,
 Ipse volutus agro cupida temerarius arvis
 Non plausus iam, nec laudes vocesque faventem,
 Sed passim effusus risus inimicaque sentit
 Sibilas: quam vellet prensis nunc parcere habenis,
 Adductosque manu melius frangere iugales?
 Non sic qui casus rerum & Rhamnusia secum
 Fata agit, metuitque cauens aduersa secundis.
 Nam quem non strepitus vani, fortunæq; blanda
 Fluctuagæ solido traxerunt litore in undas?
 Diu terris geniti, ac magno pietatis honore
 Euecti ad superos, tuque o sanctissima Virgo
 Sape humiles nostrum solita exaudire vocatus;
 Hunc iuuenem seruate pii: sunt omnia in illo
 Si prorsum egregia ingratis male cognita sacris:
 Et date inoffensos annorum extendere cursus
 Fratrem etiam: neq; enim Octaul' nos maxima fratri
 Esse salus cura debet, mortalia quando
 Ille animo factusq; supra: quis nobile & altum
 Virtutis decus, atque viri præstantia corda
 Nesciat? ac dignos laudum non reddat honores?
 Utque fidem sanis stabilem inuictamque periculis
 (Testes Umbra, arces, flumenque insigne Metaurum)
 Præbuerit: tantis est nullius gloria facti.
 Cum ferus Ausonia prædo, cum raptor Iberum
 Ferrum ignemq; ferens euerteret oppida muris,
 Regnaq; concuteret bello, stragesq; cerneret
 Infandas: primum imparibus se obiecit in armis
 Octaul' dolor, absenti tutatus amico
 Spem rerum extremam, & montis iuga celsa Feretri
 Nec metus hostilesq; mina, morbiq; famesq;
 Visque infida intus mentem domuere, nec ipsa
 Fœdatiua oculos crudeli funere mater,
 Mater qua misera è Gallo captiva tyranni
 Tendebat nato palmas: steris aspera contra
 Omnia & ipsa suo tenuit se robore virtus.
 Quid narrem solio (indignum) & surbatus anito
 Aduersos placide casus gerat: illa virorum
 Genua ferax, pelagiq; potens ingaunia tellus
 Magnus & æris qui præspicit adæ Monachum

Nunquam animum talem claras sub luminis auras
 Effudere sibi hic non se sed cinibus ortum
 Esse suis putas, & patria praeferre salutem
 Ante suam manu: nec regni insignia tantum,
 Quantum iustitiam ac veras sibi poscere laudes,
 Maeste ambo virtute noua, concordia fratres
 Peiora, qui dulcem inter vos spiratus amorem.
 Sicut Amycleos vulgata est fama gemellos
 Confociasse animas: quorum cum Cistor adempta
 Luce grauem traheret stygiis sub vallibus umbram
 Regna in amena habitans inferniq; atria Ditis,
 Fratrem animi totas septem per densa lunas
 Errasse in solis siluis: non luminis ille
 Phaebe aspexit radios, non sueta relegit
 Arma manu: squalent desertis castris arida,
 Nec catui pugilum cursusq; agitantur equorum.
 Tantum homines, lucemq; auersus, & immemor auras
 Phetis indulgebat, & tu carissime frater,
 Te surgente die, te sera nocte vocabat,
 At quoties illum secreta in valle cientem
 Ex alto gemitus, quoties suspiria rupta
 Turbantem lacrymis tacito cum flumine lapsus
 Audist Eurytas: questu nocturna refulgent
 Taygeta, & late vicinia mactata Terapnes.
 Quin crebat enim penitus praecordia mæror)
 Ante Iovem tales fertur fuisse querelas.
 Hunc ne mihi pater, hunc visa immortalis honorem
 Ingratum tribuisti, Et fratris acerba viderem
 Funera nec tantos finire morte dolores?
 Et nunc quid iam optem iucundum aut dulce sine illo?
 Solus ego tendam terras & bis vulnere praesens
 Hauseram, & assiduus tractem? post sedibus addar
 Calicolum, ille absit stygiis diuersus in oris
 Vnuminui? quid me ante tuo de sanguine cretum
 Profuit? aut qua digna mali solatia tanti
 Das nato pater omnipotens? heu iungere curas,
 Nec capere affas alternane verba licebit
 Amplius? issem imas fratri comes ipse sub umbram.
 Non me tantus edat victum dolor: aurea iuro
 Sidera non ullam valeo sperare quietem,
 Quod te per genua atq; tuum venerabile numen
 Per si qua est lacrymis mens non aliena precantum
 Obsecror, nati genitor miserere, mihiq;
 Aut fratrem redde aut (hanc si via nulla finis sperem)

Ne permitte solo: paribus da occumbere satis.
 Dixit & in gemitum ac fletus prorumpit amarus,
 Multa querens, crebroq; appellans nomine fratrem
 Qua motus pietate, & magno visus amore
 Iuppiter à tenebris fratrem reuocauit Auerni:
 Sideraq; amborum celestibus addidit oris.
 Qua non tantum aether, sed pontus & alta sonantia
 Æquora Neptuni norunt: quos saepe videntur
 Opportuna polo, Si tempestatis & atro
 Turbine deprexis praesentia lumina nautis.

F I N I S.



IAC



IACOBI SADOLETI
EPISCOPI CARPENTOR-
ACTIS, INTERPRETATIO
in Psalmum, Misere mei DEVS,
S. M. M. T.

IACOBVS SADOLETVS EPISCO-
pus Carpentoractis, Ioan. Matthao Giberto,
Episcopo Verona, S. P. D.

SÆPE in sermonibus nostris, quos amicissime, & sua-
uissime inter nos habere soliti sumus, incidit mentio
de literis sacris, quibus tu, pro tua præstanti in res
Christianas voluntate, mirificè deditus es: cumque
laudares vehementer Psalmorum volumen, deque eo ita senti-
res, nihil esse virtuti religionique conducens, quod non in illo li-
bro præclare scriptum & præceptum esset: memini assentiri me
tibi, iacereque præterea significationem eiusmodi, cupere me, si
vnuquam orium essem nactus, interpretari volumen illud, & com-
mentarios conficere, in quibus commouendis legentium animis
ad amorem rerum sacrarum & studium veræ pietatis, omnem
meam curam & diligentiam ponere cogitarem. Quibus te meis
verbis recorder commotum suspirasse aliquanto contentius, at-
que vt facile tua proba mens & animus erga Deum propensus ap-
pareret, instituisse petere à me, vt si minus omnes, saltem psal-
mos aliquot in præsentia sumerem interpretandos, quò tibi ma-
ximè sumentis eorù, quæ in his inclusa & abdita sunt, mysteriorum
meam opinionem & sententiam aperirem. In quo, etsi vincebar
omnino amore tui, tuæq; voluntati non parère nefas ducebam,
tamen quòd tibi mea occupatio ipsa denegabar, reieci te ad scri-
ptores veteres sanctissimos homines, quorum plures ac varix in
id opus lucubrationes extant egregiè scriptæ, ex quibus posses
intelligentiæ haurire tantum, quantum velles. Quos omnes tu
cum

cum optime haberes cognitos, dixisti, probare te quidem scillicet illorum & maximi facere, sed quod eorum nonnulli ieiunabant, quam tantarum rerum videatur explicatio postulare, dam propositis sententiæ finibus egressi, alieniora quandoque ligant, cupere te in alteris quidem aliquanto plus vbertatē alteris minus redundantia. Suscepi igitur tuo iusto desiderio beneuolentia adductus, vnius Psalmi munus, non tam interpretandi nunc quidem, quam exempli in eo edendi: ad quod quidem iudicio, omnem huiusmodi interpretationem tractoporteret, non eadem fortassis vbique copia, sed eundem addum, quod sensa illa mystica & diuina, non solum scrutantibuterere possent, sed adhiberentur animis quoque ad amorem. Dē huius celestis scientiæ cultum accendendis. Nam qui in vniuersis sunt litera, aut qui moralem sensum duntaxat, quique mēcum, allegoricūve suscipiunt, ij mihi videntur in eo corpore quod tractandum totum est, sectiones facere minimē necarias: vt si in Phidiæ statua, cum integrum simulachrum cognoscere aueremus, basim ipsam tantummodo, aut aliquod seorsim membrum niterentur demonstrare. Neque ego hoc, quod omnia putem confundenda. Qui enim id liceat, in tam immensa Spiritus sancti copia, cuius momento in vniuersa permeant est. Sed quod vt captus erit intelligentium, vtiliora quæque præclariora statuam non oportere postponi. Verum de hoc iudicio, tuum mihi Giberte doctissime, futurum est iudicium. Elegi autem Psalmum hunc, qui mihi maxime & meis fortissimè aptus est, qui in his vitæ mortalis fluctibus enauigandis obruplanē, infirmo admodum & debili meæ virtutis remigio, nimirum misericordiam Dei tanquam ad portum meæ spei & salutis receptum haberem: ad quam quidem poscendam atque imploendam, hic proprie Psalmus ordine quinquagesimus, videtur factus. Hanc verò ipsam lucubratiunculam, tibi potissimū & mihi tuo dedicaui, multis quidem de causis, vel doctrinæ tuæ virtutis, vel summi inter nos amoris. Nam cum nullum parvulus nobis in hac ciuitate amicitia est coniunctius, tum tua viciusmodi est vt penē incredibili & inaudita laude, neque multarum multitudine occupationum de bonarum literarum dijs aliquid imminuat, nec propter literas quicquam patiarur gortijs esse detractum, fructus quin ipsos etiam doctrinæ ac scientiæ, præclaros & vberes, ad res gerendas transferat. Adde quod vel caput est necessitudinis nostræ, quod eidem Pontifici immo ambo operam nauamus, cuius mens præcipuè ad res sapientia propensa est. Qui cura, labore, consilio, sapientia ad fulciendā Christianitatis ruinas à domino Deo electus, tam admirabiliter præstat integritatem ac diligentiam, vt in hoc vno, illa lo-

emin

minuens, & cæteris multum prælata pontificia dignitas, virtute ipsius tamen ac religione valde inferior esse videatur, cui dum inferuimus, satis nos beatos esse iudicamus. Sed hæc hæcenus. Tu vt munusculum hoc à me grætè accipias, magnoperè à tæmi Giberre iucundissime pcto. Vale.

IN PSALMVM, MISERERE,

Argumentum.

DAVID Isai Bethleëmitæ filiorum natu minimus, decorus & pulcher aspectu, cum quotidie greges patris sui ducaret ad pascua, muniente iam Domino ad liberationem humani generis viam in Christo Iesu filio suo ex sanguine Dauidis: eodem Deo Samuelem Propheam ad id operis legante, inopinantibus omnibus, inunctus in Regem est. Quæ vnctio erat certissimum indicium futuri principatus: Reges tunc palam in populo suo Israël creante Deo, quod nunc in omni natione facit occultè. Itaq; haud multò pòst accersitus in aulam Saulis Regis, ac deinde ad exercitum factis fortibus cognitus, nobilitatus fama, diuinò etiam consilio de eo diuulgato, pro successore Regis haberi vulgo cœpit: ob quæ suspectus primo infensusque Regi, atque eodem sepe reconciliatus alterna nunc gratia, nunc inuidia, postremo quæri ad mortem ab eo cœptus est. Ita sepe insidijs & periculis agitatus, ac quândoque penè circumuentus, Deo tamen inimicorum consilia aduersus seruum suum ad nihilum redigente, incolumis seruatus est, donec Saule & filio Saulis Ionatha à Philisteis in prælio interfectis, regnùm Iuda primum, pòst totius Israël obtrineret. Quod cum administraret virtute quadà egregia, gereretque sese aduersus Deum piè, erga homines prudenter: præsentì quoq; Dei auxilio, & magnis promissionibus confirmatus, qui perpetuaturum se Dauidis semen in Regni æternitatem spononderat, auxit, & stabiliiuit imperium, hostibus finitimis circumquaque perdomitis, re & gloria domi parta. Verum, vt sunt hominum ingenia procliuia ad delinquendum, quorum sepe virtutis neruos secundæ res dissolunt, quos aduersè intendant, in facinus & scelus, ab alienato à Deo animo, libidine cæca lapsus est. Obsidebat ea tempestate Rabba oppidum vicinæ Syrix, duce exercitus Ioab Saruix filio, ipse domi manens: vbi forè die quosore, cum inambulare in perula excosso & circumprospectante loco, aspexit repentè è regione mulierem honesta facie & liberali, Bersabcam nominatam, vxorem Uriæ viri fortis, & tunc in exercitu pro Regis fama & victoria dimicantis. In ea

subitò

subitò commotus Rex, accersitam compressit, gruidaque fa-
cum cerneret periculum illi à viro, à cæteris ignominia in pri-
ptu esse, missis ad Duces suos literis, Vriam hostibus prodens
in prælio, & interficiendum curauit, ipse Bersabea positus
Non tulit hanc iniquitatem iustus Deus, missoque Propheta
than, denuntiavit ultionem Dauidi à domesticis stupris & ca-
bus, ab ipsius fuga, filiorum morte. Percussit ilico Regis animæ
peccati deformitas, & pristini status momordit recordatio, c-
cogitaret iam confusus mente ac perterritus, in quem locum
se imprudens demisisset, & è quo diuina gratiæ gradu præcep-
abruptum vitiorum datus esset. Igitur urgente vi poenitentia
horrore sceleris insuper instigante atque etiam desiderio rec-
cilianda Dei voluntatis augente dolorem, in huius sancti & v-
salutaris Psalmi gemitum prorupit: peccatum quod sedulò
cultarat, apertè confitens, supplicium quod comminatus fuit
Deus, non recusans, ipsius tantum misericordiam & peccati
remissionem & veteris quoque gratiæ restitutionem implorat
Qui Psalmus cuncto generi humano peccatis flagitijsque con-
minato præcipue conuenit. Sed is nunc nobis ex Dauidis per-
na interpretandus est. Qui etiam Latinis & Græcis, in finem
scribitur, quoniam sensus eius & prophetia ad vltiora tra-
tempora.

MISERERE mei Deus, secundum magnam misericor-
diam tuam: Et secundum multitudinem miserationum
tuarum, dele iniquitatem meam.

Statim de principio apparet facinoris grauitas, & poeniten-
vis, ac doloris magnitudo, magnam enim continuo implo-
misericordiam. Prætermisit autem narrationem culpæ, quam
miserat, vel tanquam aduersus Deum, cui omnia aperta esse
telligebat, vel secutus effectum communis naturæ, quod sole
qui aliquo intolerabili malo ita oppressi sunt, vt necessitas au-
lij non recipiat moram, demissis cæteris, illud ipsum vnum ite-
reclamando, quod efflagitant. Sic Dauidi maximum erat ma-
rum, & morte longe peius, alienum à Deo esse. Itaque miserie-
diam protinus implorat, excutere, quippe à se conatur pone
peccati, quo deprimebatur, vt redire possit cum Domino in g-
riam, vnde vnius criminis culpa fuerat repulsus, ac deiectus.
in Dauidem quidem hæc geminata, & vsque aded vehemens di-
næ misericordiæ efflagitatio declarat, vim doloris, poenitentia
criminis. Populo verò in captiuitate posito, & nobis miserè ac-
ctis, quodammodo necessaria est: qui non vno crimine conui-
sed vno vix, aut altero in vita rectè facto continuata scelera
stinguentes, hac spe sola diuinæ misericordiæ salui esse possunt.

Ne

Neque expetimus eam tamen, & obstinati pergitur, ceu fluctum ex fluctu, sic peccatum ex peccato inuenientes. At magnus ille David ita paulò ante apud Deum gratiolus, vt maximi promissi ab eo dignus habitus esset, quiq; ipso utebatur Deo & patrone & consiliario, nunc prostratus & gemens, Miserere mei Deus, inquit. Tantumne? imo, secundum magnam misericordiam tuam. Nam magnum suum intelligebat peccatum: ad vulneris porro magnitudinem, par medicinae vis adhibenda erat. Itaque oleum coelestis misericordiae totum in se effundi orat, & omnibus miserationum fontes immergi, vt deleantur penitus criminis sui vestigia. Cui si tanta vis miserationis necessaria erat, quae satis erit nobis? nisi quòd Dei misericordia infinita est, infinitum est quod offendimus peccando, doleamus modo hoc ipsum nos peccare, infinitum est quod parcit miserendo.

Et secundum multitudinem miserationum tuarum, dele iniquitatem meam.

Multiplex peccatum non vna miseratione contentum esse potest, & sanè multis modis deliquerat David. Nam & libidinosus, quòd non suam: & iniustus, quòd alterius toro castis nuptijs illigatam mulierem violauerat: & crudelis, quòd innocentem sanguinem mandauerat effundi: & ingratus, quòd homini de se bene merito, cruentam mortem obtulerat: quam excetram tot delictorum ab vno libidinis facinore prouenientium, multatudo quoque diuinarum miserationum debuit extinguere. Multae sunt, inquit alio loco, miserationes tuae domine: quae nisi valde multae essent, nec ita multis ignosceretur, nec ita saepe, neque ita multum. Tanta autem & tam multae sunt, vt si in vnum locum conferantur, omnium hominum quot sunt, fuerunt, erunt, iniquitates & peccata, quarum multitudo nullo contineri numero videtur, longè tamen sint plures miserationes Dei. Proinde nemo in diffidentiam cadat, sed ad multitudinem iniquitatum suarum tollendam imploret multitudinem Dei miserationum, & paucas secum lachrymas symbolum humilitatis & verae poenitentiae afferat. Sit quantumuis coopertus iceleribus, sit & peccatis obrutus: tamen immensum illi è vestigio pelagus diuinarum miserationum ad ablucendum, delendumque peccata patebit.

Amplius laua me ab iniquitate mea, & à peccato meo munda me.

Amplius. Quid est hoc amplius? num parum fidei Deo dilecte David, te ipse esse misericordiam coilectum? atqui eius in potissimum qui cum familiariter prope versatus es, naturam nosse
Dei po.

Dei potes, plenam clementiæ & miserationis. Dedit iam tibi ne verere, veniam deprecanti: & peccatum tuum transiit in animum & studium tribuit deprecandi. Sed pudebat optare Regem vlceris sui: vlcus enim animæ, peccatum est, quod capitale non sit, si vel periculo iam euasit, vel ad periculum accessit, fœditate tamen sua & purulentia odiosum est. Hucus, quod mortiferum modò vulnus Dauidi fuit, cœlesti medicina misericordiæ in spem certam sanitatis reuocatur. toris adhuc multum, horrorisque retinebat: propter quam ipse displicens Dauid, etiam atque etiam, laua me, inquit, a quitate mea. Licet enim hæc sceleris mei plaga, Domine tua misericordiæ dono ad mortem non sit: est tamen ad mortem, à qua mundare me velis, atque eiusmodi in me omnes abstergere, vt in conspectu tuo mundo prodire liceat. sanè quo emersus iam è barathro ad Dei lucem & pulchritudinem magis appropinquat, hoc eum offendit magis peccatorum formitas. Orat igitur se ab iniquitate lauare, quod homicidium est, & à peccato mundari, quæ libido est, vt ne signum quod admisi criminis appareat. Ac nimirum pristinam Dei gratiam appetit, quæ mundis datur, qua fruebatur ipse in primis, quam tanto errore inuolueretur. Ad hanc anhelat, huc suspirat nec qui nuper ex illius gratiæ fructu beatus fuit, sola nunc cina, quæ ad salutem sit, potest esse contentus: aliud enim ignosci errori, aliud, honorem haberi fidelitati.

Quoniam iniquitatem meam ego cognosco, & peccatum meum contra me est semper.

Publicanus qui orabat in templo, nec audebat oculos arde in cœlum, cum ita precaretur, Deus ignosce mihi peccatum non ex illo gestu, aut illa deiectione oculorum, neque in oculis, quæ ore proferebat, verbis, iustificabatur: sed quia in corde suo se peccatorem agnoscebat atque indignum se iudicabat. Non enim in eo quod loquimur, sed in eo quod sentimus iustificatio est. Sic Dauid verbis quidem ad obsecrandum mentibus, misericordiam Dei suppliciter deprecatus est. Sed illa catenus valent, quatenus indicia & notæ intestini doloris sunt, quæm dolorem contrahit peccati recognitio, & eundem præmit in sermonibus humilis delicti confessio. Vbi ergo ille? Quoniam iniquitatem meam ego cognosco, inquit, & peccatum meum contra me est semper. Ista iam sunt cordis verities, quam oris, & quidem eadem vera arma sunt, quibus murmur iram Dei, & ab eo misericordiâ extorquemus. Sit ille tumuis iratus, quantumuis furore ardens, quantumuis a se uiuiscendum & paratus, vt iam distinxerit gladium seu

suar: agnosce peccatum tuum, & illud tibi aduersarium consti-
 tue, omnem subito Dei iram & impetum perfregisti. Dixi confi-
 tebor aduersum me iniustitiam meam Domino, & tu remisisti
 impietatem peccati mei. Et ipse Dominus in Euangelio: Iudica
 te ipsum, inquit, & non iudicaberis. Et Paulus: Si nosmet-
 ipsos iudicemus, non utique iudicemur. Vnde obsecro tanta
 vis huius est cognitionis & iudicii, quo quis aduersus se senten-
 tiam fert? nempe ex eo, quod qui seipsum condemnat iusto iudi-
 cio, iustus iam sit, ut si prior iniquitas pœnam commerita erat,
 posterior hæc iustitia, suo non sit præmio fraudanda: vel eò et-
 iam magis, quod pœnam illi iniquitati hæc iustitia attulit: hæc
 enim illam condemnauit, hæc pudorem & pœnitentiam & do-
 lorem prioris admissi dedit: passa est iniquitas aliquod suppli-
 cium: quis nunc mercedem reddat æquitati, nisi illam Deus in
 se benignitatis gremium recipiat? Utinam nunc omnes nostra
 ipsorum seueritate condemnemur, ne inexorabili ad extremum
 Dei iudicio puniamur. Miserere ergo mei ô Deus, David inquit,
 effunde super me omnem misericordiam tuam, amplius laua me &
 munda ab iniquitate mea. Magna est comprecatio, & quidem er-
 ga magnum Deum. Sed hætenus est rogantis. Quod verò sequi-
 tur, cur impetrare debeat, iam etiam est cogentis. Quoniam ini-
 quitatem meam ego cognosco, inquit: Si enim propter crimen
 damnandus sum, ego ipsum me condemno: si pœna inferenda,
 & daturus sum, & do in præsentia pœnarum satis, dolore oppri-
 mor, verecundia flagro, dissidium tuum non fero, & quotidia-
 num, perpetuumque supplicium à peccato mihi aduersante exi-
 gor. Noli obsecro tu Deus potenti manu tua augere hæc, & gra-
 uiora facere: habent ista per quod fiant. Non conuenit naturæ
 tuæ, nõ consentaneum est omnipotentie, ut contra folium quod
 vento rapitur, ostendas potentiam tuam, & stipulam siccam per-
 sequare. Tu fac ea potius, quæ nemo potest, nisi tu. Miserere tu
 Deus, quia alius nemo est qui misereatur. Dele omnem iniqui-
 tatem meam, quod facere alia nulla potest, nisi cœlestis tuæ mi-
 sericordiæ medicina. Laua & munda me, quoniam tua hæc est, &
 non alterius potestas: solus enim tu, ex immundo facere mun-
 dum potes. Ego enim iniquitatem meam cognosco. Quid ista
 cognitio? quod spectat? ut fiat iustum, seuerumque iudicium. At
 non intulit mentionem iudicii, ea re quidem, quoniam idem est
 cognoscere peccatum & condemnare: non enim cognoscit, qui
 sub aliqua nihilominus boni specie id admittit. Nec verò sensus
 ceteri, si quid illis asperum & noxium offeratur, sentiunt illud si-
 mul & refugiunt, & mens tanto sensibus nobilior, ubi id cogno-
 uerit, quod eam maximè corrumpit, non reiecit illud a se & re-
 pudiat: nam nec sensibus illa ipsa, quæ fugiunt, nocentiora sunt,

quàm peccata animabus. Subiunxit autem quod ex iud. damnatione peccati sequitur, Et peccatum meum contra semper. Infestum enim, aduersarium, inimicum maximè tum sit, postea quàm illud tibi displicere cœpit: nam antea dum tibi blandiebatur, dum assentabatur, dum te vitiis inescabat voluptatibus, gerebat inimicitias nihilominus occultas, & te proditione nefaria oppugnabat. Laruatum erat, præ se ferebat faciem blandi ac venusti, intus verò horribilis effigies erat. Postea verò quàm agnitum à te & repudiatum est, quasi direptis laruis, quæ iam nulli vsui sunt, ad aperta versum omnem suam tibi offert monstruosam infortitatem, terret, angit, quo te cunque verteris, obuertitur, teque vigilantem, nec in somnis patitur requiescere. In quo tanquam agere atque arumna constituti, qui verum in Dei clementiam fugium non nouerunt, temeritate quadam inconsiderata in ipsum irruentes, quod fugere debebant, desperationi sese dederunt. De quibus trophæum miserum atque infelix, à peccato à patre potius peccati Diabolo est constitutum. Qui verò non sibi consuluerunt, opem atque auxilium petierunt ab inuito peccati, videlicet Deo: nam nihil inimicius est, nec magis inimicum inter se, quàm peccatum & Deus: ut nullo pacto possint vnum conuenire. Peccatum tecum est, contra te est Deus: accusatus te est peccatum, Deus tecum est. Donet ergo ille nobis semper esse peccati, ut sub ipsius excelsæ dexteræ patronio possimus & securi degere, & beati.

Tibi soli peccaui, & malum coram te feci, ut iustificeris sermonibus tuis, & vincas cum iudicaris.

Hic locus valde anxios habuit expositores, & multæ quædam ac variæ interpretationes sunt. Sed quæ apte cohareat, non reperietur. Sunt enim qui ex prophetico spiritu, longe præ se in posterum & Regem Dauidem ad Iesum dominum faciunt, quentem, cui soli peccatum est, quia solus ille sine peccato iustificatus autem in sermonibus suis, vel quia dolus ac mendacium non est in eo inuentum, vel quia venerat vocare peccatores, inique iudicatus & damnatus morte sua mortem & mundum. Pia hæc & vera sententia, sed neque tota inter se coherens loci huius: quomodo enim cum his coniunctum est peccatum Dauidis, & dictio illa, ut, quomodo quasi causam significat iustificatus sit & vicerit iudicatus? Alij propius ad verba loci accommodantes inquirunt, iustificatum fuisse Deum in sermonibus suis quando seruauit Dauidi, quod fuerat pollicitus, licet mines arbitrarentur propter scelus commissum, mutatam Dei voluntatem, quod quasi iudicium de Deo fieri videretur.

Sed in hac quoque sententia scrupulus idem est, an idcirco David peccauit, ut iustificaretur Deus. Quem scrupulum nonnulli effugere volentes, dixerunt, subintelligi oportere: peccaui, ignosce mihi, ut iustificeris. At & de ignoscendo iam saepius rogatus fuerat Deus, & non fuit Davidi difficile, id planius ipsum hoc quoque explicare in loco, ut ignosceret quo iustificaretur. Alij magis in vniuersum accipiunt peccasse Dauidem, & ad poenitentiam peccati conuersum fuisse, ut iustificaretur sermo Dei dicentis: Nolo mortem peccatoris, sed potius, ut conuertatur &c. Quacunque hora ingemuerit peccator, non recordabor amplius eius omnium iniquitatum. Vera ista sunt, sed ubi est iudicium? aut quis vnquam exprobrauit Deo, non esse apud eum peccatori veniam? Graeci alio modo: Ut iustificeris, inquiunt, in sermonibus tuis, & vincas cum indicaris. Positis enim in contentionem & quae tu erga me benignè fecisti Deus, & quae ego impiè atque ingrare aduersum te egi, in comparatione & velut iudicio hoc elucet magis & splendet iustitia & benignitas tua: ut iudicium accipiat cum perpenditur quantum quasi intersit inter bonitatem Dei, & hominis prauitatem. Hoc ut laboriosius asstruant, negant, ut, hoc loco esse iudicium causae: non enim ut iustificetur Deus à Davide peccatum est, sed quia peccauit David, iustificatus est Deus. Nos hunc locum ex ipso historiae textu, & verbis sacri codicis proprijs intendimus interpretari: illud primo asseuerantes, in his verbis maximae humilitatis & verissimae poenitentiae, ac incomparabilis amoris erga summum Deum, certissima signa atque indicia Dauidem dedisse, cuius pietatis merito continuo ad veteris gratiae fructum, & futurorum prauidentiam coeperit vocari. Tibi soli peccaui, & malum coram te feci. Vera & indubitata expositio est, solum fuisse Deum conscium Davidici criminis: Primum quia ipse solus maximè cordium inspector est, & quibus vis & ratio & tanquam substantia affluit peccati. Quod dominus in Euangelio: Ex corde veniunt, inquit, cogitationes malae &c. Ut penè dicere verò possimus, omnium criminum Deum vnum esse verè cōscium. Deinde peccatum certè Davidis occultum hominibus fuit, ac adulterium quidem Bersabee, pauci fortassis Davidis familiares & domestici quorum ipse ministerio necessario utebatur, suspicari magis, quam cernere potuerunt. Credem autè Vria quis nouerat à Davide profectà? Populus non: bellici enim casus culpam hanc sustinebant. Duces ad quos fuerat scriptum, imperium quidem Regis executi fuerat, sed suspicati sunt iusta aliqua de causa Regis iram fuisse concitaram. In summa, ordo, & series, & peccati ratio obsecuta omnibus fuit, praequam soli Deo. Ab hac sententia alieni qui sunt, sancti & graues viri, audiant quid per Prophetam

suum dominus Dauidi minitando nuntiet: Dabo, inquit res tuas proximo tuo, & dormiet cum eis in oculis solis huius enim fecisti in abscondito, ego autem faciam verbum illi in conspectu omnis Israël. Manifesta igitur a Deo poena occrimini Dauidis per Prophetam est nuntiata. Hoc nunc tum profiteatur & inuulgar ipsemet Dauid: Tibi soli peccatum malum coram te feci. Quod hic coram, paulo supra, TRA: & peccatum meum contra me est semper. Græcè utrobique est, *ἐναντίον*, cui par Latinum est, aduersum: & cimen aniborum affinis significatio. Hic autem & si rectè, non nihil tamen etiam, contra: nullum enim peccatum contra Deum. Ut iustificeris in sermonibus tuis, & vincas cum caris. Videamus nunc de Deo iudicium, & quomodo iustus Deus, in quo incredibilis quædam huius magni Regis sumptio, & in conspectu Domini humilitas deprehenditur. Quod enim non solum nota erat, sed etiam in populo celebris potentis Dei in Dauidem suum beneuolentia, quodque eum gregibus & pascuis ad regnum vocauerat, omnium illi primum victoriam donauerat, finitimos in ditionem subiunxeratque nomen eius illustre & gloriosum in omneis nationibus & quod multò maius hisce omnibus erat, sponderat ei perpetuitatem generis, æternitatem principatus, gentiumque ditionum hereditatem omnium. Quoniam inquam hæc cuncta nota erant, & diuulgata, atque exitu ipso rerum bona ex comprobata: idcirco successuris paulò post contrariis ad idum signis & euentibus, quod & filij aduersus Dauidem eranturati erant. & eius vxoribus vim allacui, populi ab officio de descituri, ipse extorris & profugus latibus suis, & vrbe de Hierusalem cariturus: omnia deniq; illi, quæ comminatus erat Deus, tanquam sectiones & cauteria abolendo carcinomæ peccati euentura, miraturæ procul dubio erant ignaræ gentes & emissuræ vocem cuiusmodi: Quid ita sumum Dauidem iudicatur Deus? quæ hæc eius mentis aut consilij mutatio? huius poenitet eorum quæ fecit illi, aut quæ pollicitus est: Hæc per admurmuratio quodammodo Deum vocatura in iudicium cum inquirerent in eum mutationis consilium, & causam, tanquam dicere cogerent. An hoc nos non quotidie facimus nonne ubi quid euenit nobis minus ex sententia, Deum iudicium quodammodo insistimus reum facere, tanquam iudicium causæ ditionem intendentes? Quid ita mihi hoc? cur ista tempestas? unde hæc vis morbi? veluti succedentes non esse consilia nostris stultis opinionibus accommodata. Ignauimur, ut si lutum contra figulum exurgat, & dicat opertori suo; non intelligis, irascimur ineptè serui aduersus d

num, mancipia contra regem, vermes ante summum Deum. Quod autem in admurmurationem & inquisitionem huiusmodi aduersus Deum venturus erat populus, audiamus ipsummet Dominum loquentem Salomoni, posteaquam ædificatum & sanctificatum esset templum: renouatis enim erga illum promissionibus, quas patri ipsius Dauidi fecerat, si modo esset paterna iustitia & veræ pietatis ac diuini cultus vestigia persecutus: mox si diuertisset à recta semita, atque ad alienos deos colendo se contulisset, cum alia multa & aspera, tum amissionem regni, generi eius, ac templi illius ipsius desolationem minitatus est: Dominus, inquiens, hæc erit in exemplum: omnis qui transferit per eam, stupebit & sibilabit: & dicet. Quare fecit sic dominus terræ & domui huic? Ecce iudicium in quod vocatur Deus, cum ex eo ratio facti queritur: & respondebunt, quia dereliquerunt dominum Deum suum, cuius tot habebant beneficia, & secuti sunt deos alienos. Ecce iustificatio, ut iam in eiusmodi iudicio Deus victor factus sit. Simile ergo in se euenturum Dauid videbat, ut in disquisitionem vocaretur Deus. Quapropter qui & verus amicus Dei, & seruus fidelis erat, quiq; Deum & dominum suum, Dei que honorem & nomen, sibi honori que suo & nomini anteponebat, ut iustificaretur in sermonibus, & in iudicio vinceret Deus: Tibi soli peccaui, inquit, & malum coram te feci. Quid autem? num ut Deus iustificaretur, peccauit Dauid? Nequaquam: sed ut iustificetur & vincat Deus, peccatum suum aperte profiteretur. Quasi ita dicat: Peccaui equidem tibi soli, & malum coram te feci: sed hoc ipsum testor palam, & confiteor peccasse me, ut omnes intelligant iustum supplicium mihi abs te illatum fore: ut tui sermones quibus mihi tot ærumnæ & calamitates nuntiata sunt, iustificentur. Causam enim illis, non tua mutatio, sed scelera mea tribuerunt. Et vincas cum iudicaris: vel, ut ex Hebræo est, iudicaberis. Ut cum inquireretur in te, quid me tam acerbe insequare, pateat omnibus, non hoc repente abs te factum, sed mihi aliquanto antè denuntiaturum. Denuntiaturum autem idco, quoniam grauissimè aduersum te per me esset peccatum. Pateat, inquam, omnibus me iniquum esse, ut tu cognoscaris iustus: me multò asperiora meritum, ut tu intelligare non acerbus. Tanta pium hunc regem Dei honoris cura & sollicitudo detinebat, ut vellet afferri ac publicari suam ignominiam iniquitatemque, quò magis ac magis splenderet Dei iustitia & misericordia. Quid huic addi humilitati potest? quid cum hoc amore erga Deum comparari? Num supplicium suum recusauit? num poenam deprecatus est? num quò iram Dei ostenderet iniustiore, peccatum suum leuius fecit? Imò contrà, in medio ipso metu & horrore imminentium acerbicatum, de Domini sui, eius ipsius à

quo tam grauitur pleſtebatur, honore & fama ſollicitus quid ei per populum ſtultum & imperitum detrahatur. Memorandam omnibus ſeculis verè amanti Deum pietati militatemque: quàm illa eximia in tanto rege fuit, quoquam etiam inſimo homine quandoque eſt mediocrius: nimis irum eſt diligere dominum Deum ſuum ex toto corde & ex tota anima, & ex omnibus viſceribus ſuis: hoc illi cum cetera omnia, tum ſemetipſum poſthabere. Hac ſubne animi, & in ipſum Deum omnipotentem amore, nulla tanta iniquitas peccati, nulla ſceleris enormitas, quæ non nudò aboleatur. Hæc illa eſt humilitas, quæ in cælum uſque miſſis radicibus innititur, quæ Deo coniungitur, quæ in ſis honoratur, cuius mercedem Dauid è veſtigio vberem eſe ſecutus: interpoſita enim excuſatione neceſſaria, ad occurrendam ſapientiæ contemplanda, & ad fruendum gaudium per erga ſe gratiæ Dei ſtatim ſublatus eſt.

Ecce enim in iniquitatibus conceptus ſum, & in peccatis cepit me mater mea.

Non matrimonium accuſat, nec coniugalem matris ſuorum, legitima enim iſta ſunt, & ſanctiſſimis ceremonijs contracta: ſed primordia peccati arguit, quæ ab Eva in omnem poſtèritatem dimanarunt. Propterea matris facit mentionem; quia coniunctio matri cum filiis eſt. Gignit enim in ſemetipſa eruatque magis in illos ſanguinis & carnis peccatum. Quam & Adam vxoris ſuaſu in idem erratum incidit. Ab illis ceteris noſtri parentibus, vniuerſo generi humano patefacta relinquendum via eſt, eaque deinceps uſu commecantium frequentiſſimo trita, & quaſi radix & procliuitas peccandi, in poſteritate propagata. Niſi enim illi ſic deliquiſſent, non eſſet vitijs, morbisque, animorum obnoxium genus hominum autem ſubiunxit ad ſuperiora Dauid, ut quoniam quod propter & ſuum ſcelus fuerat, humilitate & pœnitentia aboleuerat, aſpiranti ad priſtinam Dei gratiam oſtendat obſtare non debere quod ex eo genere ſit, quod ad peccandum & ad delinquendum eſt procliue, cuius procliuitatis à primis parentibus prodita propria cuiuſquam ſit, ſed generis culpa communis: ſic quaſi argumentatur: Ecce ego quidem cum hac naturæ inſirmitate conceptus ſum, & generatus ab ijs, qui eadem inſirmitate debilitate laborauerunt, ut in decliui ſemper ad delinquendum pendeamus. Quod tu Deus cum optime noſſes, comcaſti nihilominus mihi arcana conſiliorum tuorum, & tu teſtis beneficentiæ fontes aperuiſti, ex quibus in omnem poſtèritatem meam, æterna tuæ liberalitatis gratia eſſet diman-

Hoc tu, qui verax vnice es, cuius verba non præterfluunt, quando iam mihi pollicitus es, si peccatum meum proprium, partim tua magna misericordia remisisti, partim iustis suppliciis es expiaturus: ne te, quæso, auertat & abducatur à promissionibus tuis, hæc nostræ infirmitatis culpa communis: sed te in illis potius veritas tua confirmet.

Ecce enim veritatem dilexisti: incerta & occulta sapientia tua manifestasti mihi.

Iam fruitur gratia, iam alto illo prophetiæ spiritu in abyſſo diuinorum consiliorum lætus immergitur, peccati tantisper & doloris oblitus. Nam quò ista pertinent, rogo, nisi ad ea quæ tot sæculis postea secuta sunt, & in Christo Iesu terminata: quæ enim est sapientia patris, nisi verbum: quod consilium Dei est, idemque filius: per quem omnia facta sunt? Quid porro occultius, magisque obscurum? Nam illud, *INCERTA*, obscura melius, vt in Græco est, ἀδηλα, & si verbo verbum reddere volumus, immanifesta. Quid inquam occultius, obscurius, immanifestius, quàm id quod ne postea quidem quam esset factum, vlla humana mens potuit penetrare? Cùm enim vertex Apostolorum Petrus respondit Iesu: Tu es Christus filius Dei viui: Meruit audire à Domino: Beatus es Simon Barionā, quia caro & sanguis non reuelauit tibi, sed pater meus qui in cælis est. Si ergo iam facta atque præsentia reuelatione Dei patris indigebant, vt cognoscerentur, quantò magis immanifesta sunt etiam nunc futura? Et hæc tamen Dauidi patefacta fuerant: nam & propter honorem, quem vni Deo inuiolatum perpetuò habuit, nec eius cultui ob alienos Deos vnquam præuaricatus est, dignus est habitus, quem inprimis diligeret, & conseruet Deus. Et quia ad eum maximè pertinebat, quod ex eius semine hic cælestis omnipotentia Dei partus, redimendo ab interitu mortis ac peccati humano generi in lucem hanc nostram producendus erat, merito diuinorum arcanorum factus est particeps. Hæc Dei arcana & consilia antea intelligens, & Prophetæ spiritu ad futurorum præscientiam illuminatus, mox ab illa arce felicitatis & beatitudinis suæ, peccati violentia deturbatus fuerat: in quo casu præcipiti & periculoso, offensionem summi Dei tanquam saxo impactus, velut mente dimotus, in obliuione & cæcitate aliquandiu commoratus est. At vbi resipiscere cœpit, & damnum suum recognoscere, tot repente circumuallatus angustiis, horrore sceleris, pœnitentia peccati, dolore amissæ Dei gratiæ, expectatione pœnatum, quæ acres illi & asperæ denunciatae fuerant, ad certissima subsidia confugit, humilitatis in se, veritatis in summo Deo: cuius vtriusque adminiculo iam restitutus in gratiam,

& ad priorem participationem sapientiæ Dei reuocatus, nunc sua voluptate, quo fructu iucunditatis in illa præscientiæ specula, unde ventura tam longè contemplerisistere existimandus est: Perseuerat igitur quid ad eum venisset, ex his quæ præclara & mirabilia tanto antè cernebat memorando & postulando a Deo repetens.

Asperges me Domine hyssopo, & mundabor, lauabis super niuem dealbabor.

Hoc haud dubiè ad baptismum spectat. Nam quod aliu lauacrum, quod purificet & abluat, & candidius niue faciat, baptismus? Hac se baptismi vnda vult David lauare, & huiusmodi fonte optat purificari: ut illud ipsum quod paulò antè rauerat, de fragilitate humani generis, & protopatrum peccata eleuatur in se: quò niue purior & splendidior factus, in Deo re stabilius roboretur. Complectitur tamen vtriusque leueteris, & nouæ mysteria, ac præsentibus futura coniungi peculiare est prophetiæ donum. In veteri enim lege, aliquando hyssopum aspersiones fiebant, ad quas mysticè sanè adhæretur hyssopus, cuius quoniam propria naturæ vis est, cutem bilem & bene coloratam continere, ut tumoribus & inuenosis ægritudinibus minus obnoxia sit: transfertur ad animam internam & ad virtutis constantiam ista significatione. Itaque & leprosis præcipuè aspergio ex hyssopo adhibebatur baptismum autem infunditur perfectæ gratiæ & munditiæ. Ita David præsentia quidem & præterita non contemnit, multò etiam vehementius expetit futura: quorum quidem præsentia ex ipsis optantis verbis satis aptè indicata est. Quam nimis interest inter aspergere & lauare, inter mundare & candidius niue facere, tantum inter veteres expiationes, & nouum interest baptismi sacramentum. Haec tam efficacis sacramentum & præuidebat David, & sperando cupiendoq; ad eum veniebat, optabatq; denuò audire ex Deo, quæ sibi & generi suo mirifica & mirabilia iam pridem audierat euentura.

Auditui meo dabis gaudium, & letitiam, & exultabis super humiliata.

Nihil certè iucundius auditu, nihil lætabilius cognitum suis poterat percipere David; quàm si audiret Dominum suum promissiones, quas antea fecerat: quando per eundemathan Davidi sic locutus est: Suscitabo semen tuum post te egredietur de utero tuo: & firmabo regnum eius: Ipse ædificabit domum nomini meo, & stabiliam thronum regni eius, sempiternum. Ego ero ei in patrem, & ipse erit mihi in

paulò pòst: Et fidelis erit domus tua, & regnum tuum vsque in æternum ante faciem meam. Dicant quæso hunc Domini sermonem, hanc prædictionem mirabilium tantorum, in quo velint ratam factam, & euentu ipso comprobaram, perfectamque fuisse, qui Christianæ veritati detrahere conantur: qui non idem sentientes quod Petrus, Christum Iesum Dei filium inficiantur esse. Nam quo in alio regni æternitas? in quo fidelis perpetuatio veræ gloriæ Dei, de quo dedit testimonium pater? aut quis se patris filium esse alius testatus est? cui dedit alij in hæreditatem Dominus gentes & regna? Nam domus, & ædificatio, & templum, & thronus, figuram quidem corporis in veteri lege habuerunt, sed re vera in spiritu intelligenda sunt. Quomodo enim alioqui possunt esse æterna, vel quomodo potius fuerunt? Nónne quæ corporis extitere, prostrata, consumpta, ad nihilum redacta sunt, spiritus autem permanet in æternum? At etiam dum venturus est, in quo tam magnæ conquiescant promissiones. Sic enim occurritur a Iudeis, quibus ingenitum est pertinaciam amplecti libentiùs, quàm veritatem. Cur ergo iam in ipso Iesu Christo completæ sunt, cuius nomen & fidem orbis propemodum terræ vniuersus, eo animorum & voluntatum instinctu, atq; adedò impetu secutus fuit, vt liquidò appareret, diuinum illud esse quod operabatur, non humanum? Cur hic qui venturus est, tam graue præiudiciũ autoritati suæ, & tantò antè inferri passus est? Patriarchæ porrò sui Iacob prophetiã quomodo tuebuntur? qui in ipsa morte filiorum euenta prospiciens, vt venit ad Iudam: Nō auferetur, inquit, regnum de femore Iuda, donec veniat, qui mittendus est. Atqui regnum quidem ab Iuda ablatum iam diu est: nec dum apparuit si quis expectandus est, his quidem impiis & peruiacibus, & fide menteq; orbatis. Nam nobis iam dudum apparuit, attulitq; secum & Dei patris promissa omnia, & salutem humano generi, ac liberationem. Hæc diu antè spiritu Dei edoctus Dauid prædixerat, beatamq; illam spem inenarrabili cum gaudio intrus in animo continens, easdem pollicitationes iterari sibi nunc cupit, spem suam renouari, gaudium confirmari, promissiones illas gloriosas & admirabiles petit instaurari: Auditui meo dabis gaudium & læticiam, inquiens, & exultabunt ossa humiliata. Hic per ossa intelligit metaphorica quadam locutione firmitatem pristinæ fidei & amoris, quem habuit erga Deum, quam infregerat tamen peccatum. Vnde hic ex Hebræo vertunt quidam: Ossa quæ confregisti, quæ dicit humiliata, hoc est, ad infimum redacta. Alij per ossa indicari volunt illud, quod in nobis maximè asine terræ est, & propterea ad delinquendum paratius. Verùm quocunque modo accipias: tanta erit vis diuinæ huius gratiæ, quam audiendo & experiendo hauriet, vt non solum spiritum

& animam, quæ cœlestibus coniunctiora sunt, verum etiam terrestria maxime, & in ipsam humum prona, cuiusmodi ossa sunt ad gaudium & claritatem possit excitare. Atque ut est Spiritus sanctus, cuius ipse David largo haustu factus erat particeps, omnia statim & usque ad extremum permeans, hoc loco Lectores mystico sensu corporum nostrorum resurrectionem commemorari volunt, quæ una cum animabus in altero Christi aduentu in ratam partem resurgent, vel gloriæ, vel poenæ. Haurient tu gaudium & laetitiam, qui audito tubæ illius ad ultimum iudicium cientes sono, tuti ac fidentes conscientiæ suæ, quam si atque abstinentia, quoad fuerit datum, à noxiarum labevitiorum immunem custodierint: aut per repudiationem peccatorum fructumque poenitentiae mundauerint, resurgent alacres, & ante conspectum iudicis festinabunt se offerre.

Auerte faciem tuam à peccatis meis: & omnes iniquitates meas dele.

Mordet eum rursus peccati recordatio, quippe quod nondum per supplicia debita fuerat expiatum: & illud quoque et timefcit, bene iam cognita, & magno malo perspecta fragilitate sua, ne rursus ei peccandi & contra Dominum delinquendi adnasceretur occasio: quod quidem post curricula temporum etiam factum est. Restincto enim huius prioris criminis incendio, in cuius poenam magnis periculis & detrimento affectus fuit, ac penè regno & sinibus extorris actus, recuperata mox pretestate & auctoritate pristina, in elationem superbiæ prouectus est. Voluit enim haberi censum vniuersi Israël, & capitum numerum ad se referri, ut magnitudinem imperij sui & vim potestatis sibi ipsi gratularetur. Quam eius insolentiam statim Dominus ultus est, immissa in populum pestilentia, quæ septuaginta amplius hominum milia paucis diebus absumpsit: ita eo ipso, in quo peccandi inuenerat occasionem rex David, grauius eum Deus puniit, ut videret & intelligeret, Domini esse orbem terrarum, & qui habitant in eo, non autem regis. Qui ergo iam & in graue erratum aduersus Deum inciderat, & ne rursus caderet, pertimescebat, iterum ad orandum & obsecrandum Deum conuertitur, alternis versibus: tum ut deleat peccata sua omnia, tum ut spiritum in eo rectum & sanctum innouet, atque constituat: cuius munitus presidio, perpetuam innocentiam possit retinere. Quam cautionem & stabilitatem virtutis, non à nobis ipsis possumus, sed à Domino Deo debemus postulare. Ea est humana fragilitatis cōditio, ut nullo modo valeamus (nisi admirabilis virtus Dei nobis astiterit) nostram fluxam & labilem

tem ad delinquendum naturam iustitiæ & temperantiæ vinculis coercere: nam habet hoc nostra mortalitas, ut in vnam partem obicibus bonæ voluntatis coercita, sepe more aquæ fluentis in alteram erumpat. Auerre faciem tuam à peccatis meis. Nequaquam à me, inquit, sed à peccatis meis. Si enim non auerrat faciem a peccatis Deus, subsequetur illud quod alibi inculcat: Vultus Domini super facientes mala, ut perdat de terra memoriam eorum. Et omnes iniquitates meas dele. Vetera enim delere necesse est, ut vitiorum fibras omnes euellere, stirpes elidere, semina flagitiorum extinguere, antequam de integro sementem facere & virtutes inferere, atque conferere in animis hominum pias & sanctas rationes queas. Quamobrem rectè subiungit David:

Cor mundum crea in me Deus, & spiritum rectum innoua in visceribus meis.

Et hæc quoque omnia solus baptismus efficit: vtrunque autem orat saluum & incolume à peccati labe conseruari, & corpus & animum. Non enim eum latebat, quæ futura esset in resurrectione nostra animæ & corporis communio ad pœnam eandem, vel gloriam. Cor quippe corporis principium est, spiritus verò animi: quorum vtrunque innouari in se vult, tanquam prioribus per contagionem peccati infectis & contaminatis, vi vehementiore cœlestis sacramenti ad innouanda ea opus sit. Qui vtiq; Baptismus est: illo enim hæc omnia verè reparantur in nobis, cor mundum, spiritus rectus, æternæ beatitudinis firma spes, diuinitatis participatio. Siquidem per baptismum, filij Dei efficiemur, qui serui nati sumus.

Ne proicias me à facie tua, & Spiritum sanctum tuum ne auferas à me.

Hic perspicuè apparet Spiritum sanctum Dauidi, hoc est, spiritum prophetiæ, qui a Deo est, iam fuisse restitutum, neque expectatum finem orationis, quæ in hoc Psalmo coram Deo effusa est. Non enim suppliciter Dominum precantibus, illius benignitas ad annuendum, indulgendumque est cunctantior. Sed quem iam recuperauit, eo rursus ut ne spoliètur, obsecrando postulat, & nimirum tota hæc comprecatio, non tam ad prioris peccati veniam implorandam, quàm ad munimentum futuræ stabilitatis omnipotenti Deo porrecta est. Ne proicias me à facie tua. Proiecit eum à facie sua Deus, cuius tutelam, custodiamq; dimittit: quod quidem malorum extremum est: cui enim id accidit, in eum irruit statim malorum omnium turba. Proiecit à facie sua Deus, non ipsum quidem Iob, sed substantiam & liberos illius, non multum tempus est extrema perniciēs ac calamitas illorū interitum

teritum remorata. Proiecit post urbem totam Hierusalem, & ipsa filium Dei a sese proiecerat. Quid illi infelici, atque ranoſe ciuitati, miſerie & calamitatis abſuit, quod ſi abſuiſſet fortunatior vllam in partem & calamitoſior dici poſſet? Hoc quoque intelligamus ipſi ad nos pertinere, cum malis multum gemur inuiti, cum vel inconmoda ea ſuſtinemus, quæ in ipſo animo ferimus, vel ad ea ipſa viam per longè deteriora & notiora commoda, luxum videlicet & auaritiā, nobis facimus ei nos à facie Dei, vt cauſas illas amoueamus, per quas preſumimus: & diſcedamus a ſcedere peccati, ac ſalutare cum Deo ineamus. Et ſpiritum ſanctum tuum ne auferas a me. Iam nim ſemel eum a me abſtulisti: quod iure quidem factum eſt. Vizio enim meo, tanto bono ſacram priuatus: nunc quod per gratiam & clementiam tuam reſtitutus ſum, ne quaſiſſem Domine in id ruſus infelicitatis, vt & facie & ſpiritu quibus ego viuificor ſolis, merear ſpoliari.

Redde mihi letitiam ſalutaris tui, & ſpiritu principali firma me.

Et hic locus altioreſem habet intelligentiam: itaque placet ſanctis viris eſt, per ſalutare Dei intelligi Chriſtum Ieſum, à ſalus eſt omnis & omnibus. Spiritum autem quoniam terminus continentibus verſibus nominatum, annuntiatam in tanquam figuratam eſſe diuinam trinitatem: ita vt ſpiritus ſanctus, filius ſit, circumſcripta tamen hominis perſona, quod ſpiritus corpus non eſt: ſpiritus verò principalis, ſignificet eternam ſpiritum ſanctus ſuo vocabulo aperte eſt demonſtratum. Hæc ſententia vt vera ſit, ſicuti quidem eſt, & his quoque veris ſpiritu ſancto comprehenſa: quoniam per eius infinitam intelligentem omnia, innumerabiles res eodem prolatu verum & mentiū conceptu quæ ab eo ipſo inſpiratæ ſint, cõpreſendi poſſunt. Nos tamen quæ planiora ſunt & propinquiora communem intelligentiam, & adſciſcimus libenter ipſi, & ſis proponimus. Nam ſicubi ſenſus ipſe verborum recta viatorum enarrationem nos deducit, inſiſtimus in eo potiſſimum vt paulò ſuprà fecimus, de occultis ſapientiæ Dei, de Iauacripſini, de reſurrectione corporum. Illic enim Propheta reſus ad Dei gratiam, & ad præuidentiam venturarum rerum, ſcul omni dubitatione inſiſtente ſpiritus ſancti, ad extremum quæ præcurrens, ſit eius ipſius felicitatis præſciendo & præuidentia particeps: ad quam deinde experiendo, poſteri per Dei ſermini Ieſu Chriſti beneficentiam vocati fuere. Hoc autem commodius nobis videtur contexere præſentia proxime præſentis, vt perſeueret Dauid id petere, ac deprecari a Domino.

quod sibi ad fruendam ipsius gratiam maxime intelligit esse necessarium: stabilitatem videlicet in recta voluntate, & in operibus iustam actionem. Hoc ille alternis versibus facit: nunc auersionem vultus Dei a peccatis suis, & iniquitatum suarum abolitionem: nunc innouationem recti & incontaminati spiritus, ac firmitatem constantis in Deum voluntatis exposcens. Sed uti planè constet & appareat, quoties innouari & rectum dari spiritum, imperiumque rationis in se petit confirmari, toties & denotare eum, & appetere sacrosancti Baptismi ve. è cœlestem gratiam, per quam maximè omnipotenti Deo, depulsa labe peccati, quod ex origine primorum patrum traximus, in amicitiam atque aded in affinitatem iungimur. Redde mihi læticiam salutaris tui. Hoc salutare verè & propriè iustitia est, & eius maxime illa pars quæ directæ est erga summum Deum, quæ eadem pietas & religio est, in hoc toto iustitiæ genere ira princeps, ut sit etiam sola. Qui enim tribuunt Deo quod suum est, nullam in se partem iniquitatis possunt accipere. In Psalmo item cxxxr. cum alia multa postulans a Domino Dauid, tum hoc quoque deprecatur: Sacerdotes tui, inquit, induantur iustitia, & sancti tui exultent. At Dominus paulò post annuens postulatis, & concedit benignè cætera suo Dauidi, magnasque illas & diuinas confirmat promissiones, & de sacerdotibus ira respondet: Sacerdotes eius induam salutari, & sancti eius exultatione exultabunt. Totidem verbis, quod supplicatum fuerat, suo omnipotenti nutu supplicata roborans. Petita autem fuerat iustitia, datur salutare: atqui hoc loco idem est salutare, & lætitia hæc illam refert exultationem. Nonagesimo quoque Psalmo & VII. Notum fecit dominus salutare suum, in conspectu gentium reuelauit iustitiam suam. Et paulò infra: Viderunt omnes termini terræ salutare Dei nostri. Quanquam in altero hoc Psalmo apertè & perspicuè de Christo significatum est. Quid autem iam reconciliato in gratiam Dauidi, iam reuocato ad cœlestia Spiritus sancti dona, & in præscientiam futurorum testamento, nondum reddita fuerat huius salutaris lætitia. Certè nondum. Hæc enim lætitia, & hoc salutare, non ex vno, aut ex altero pietatis opere percipitur: sed in continente & perpetuato habitu pie semper agendi posita est. Quam constantiam habitus in Dauid, quoniam grauis delicti atrocitas perfregerat, iam experimento doctus, & minus sibi ipsi fidens, Deum rogat, ut firmitatem, ac stabilitatem rectæ voluntatis, ac sanctorum operum sibi largiatur. Quo pacto etenim poterat læticiam possidere salutaris Dei, quam & perpetrati sceleris dolor, & bene iam in se notæ fragilitatis metus corrumpebat? Reddi igitur sibi illam orat, quam si obtineat, vniuersum genus iustitiæ planè est possessurus: quando huic parti diuinæ, ac excellenti pars etiam iustitiæ hu-

mana famulatur. Dare enim honorem Deo, velle illius magis & gloriosum nomen, vereri ipsius potestatem, agnoscere potentiam, coram eo humilem & summissum se gerere; illi eundem toto pectore amare & venerari, vera hæc & summa iustitia est, verum salutare, quod intelligere, sola sapientia est, se virtus, nauare & perpetuare vnica & æterna beatitudo. Sapientia & virtuti, diuina illa & admirabilis, quæ omnem suum exuperat, omnemq; in comparatione sui offuscat voluntatem, lætitia agnata est. Quam qui potiuntur, humanas iustitias quin conferuent, dubitandum non est: nisi amouente quodamque dextram suæ protectionis Deo, incursum subitæ & vehemens cupiditatis à mente, consilioque dei ciantur. Quod interpretatur diuina prouidentia, vt non in nobis ipsis, sed in eo fauorem reponamus, vt sit fidentibus metus, laborantibus auxilium, fidelibus spes, lapsis reparatio: atq; vt magnitudo misericordie omnibus ostendatur. Itaq; nec Dauidem continuit ruentes graue scelus, nec Simonem Petrum immunem à peccato & negatione filij Dei conseruauit. Nisi n. peccarent aliquando & sancti viri amici Dei, quis esset de populo peccator, quin sperata venia negligeret confugere ad misericordiam Dei, quod nullam esse putaret: Et spiritu principali confirma me: Spiritus principalis, ratio est: cuius finis intelligendo veritas, in agendis iustitia est, vt huius virtutis nomine, reliquas quoq; virtutes comprehensas intelligamus. Statui porro in agendo quid bonum nequit: nisi in speculando cognoscatur, quid verum: vt aduersus animam quantum possint actionibus suis confidere, qui verum igno- rant. Habet autem ista ratio imperium animi, eademq; cœlis & moderatrix appetitionum omnium est, & hoc naturæ vero etiam vlti, moreq; imperet: nec contumaciam sentiat, ne conditionem aduersantium sibi in animo cupiditatum. Hoc iam omnium humanorum operum longe maximum & difficilimum est: quod nauare soli possunt, quibus a Domino Deo data gratia, & vis maior, quam imbecillitatis nostræ possit esse, tributa est.

Docbo iniquos vias tuas, & impii ad te conuertentur.

Rectè & ordine firmari se in habitu virtutis & iustitiæ petiit, vt deinde possint alij per ipsum vias Dei edoceri: aliter enim docentis autoritas nulla est, si quos retrahere à virtutibus prestat, eorum ipsæ æquæ est vitiosus. Itaq; dominus: Qui sic fecerit, inquit, & docuerit homines, is erit maximus in regno Dei. Bene ergo qui fecerunt prius ipsi, deinde alios docuerunt. Quod n. qui assere quod minus possumus, qui vacillamus ancipites, & incertissimi inter bonam quandoq; voluntatem & prauam consuetudinem, saltem secunda linea id agamus, vt edoceamur, atque ita

intelligamus viarum Domini multiplicem doctrinam esse, per quam iniqui corriganur, & conuertantur impij. Aut n. continuantib. peccata, proponitur metus pœnæ, & acris denuntiatio seueri iudicij Dei, quod crebris in locis scripturæ sacræ vehementer expressum est: Aut, si voluerint, qui in viam se dederint peccatorum, omisso exitiabili vsu delinquendi, redire ad pœnitentiam, & ad clementiam Dei confugere: paratū illis ostenditur Dei misericordiae græm, quo ille veterū offensioſū penitus immemor, humane & gratanter excipit se recipientes ad bonam frugem, neminemque benignitatis & misericordiae suæ expertem patitur discedere. Hoc vtrunque Dauid ex semetipso docere & demonstrare poterat, cuius peccati facinus non impunitū existerat, sed pœnitentia ad misericordiam non solum Dei, sed ad pristinam etiā gratiā fuerat admissa. Tertia autem via Domini longè præstantior, sed vsu & celebritate rara, & commeantium itineribus infrequens: in qua ipse Dauid per diu insisterat, vt eius illam demonstrantis habitura esset auctoritatem oratio. Diligentibus enim Dominum Deum, & ad illius honorem ac laudem omnia referentibus, quā ampla præmiorum merces, quis fructus beatae vitæ propositus & paratus sit, ipse propemodum vnus ad id temporis poterat edocere. Qui vero animus nec suppliciorum metu frangitur, & misericordiae ac veniæ sp̃e oblata non flectitur, tantorum quoque præmiorum atque honorum, quæ piè Deum colentibus promissa sunt, desiderio non vincitur: is plane ex eo impiorum numero est, de quibus est scriptum: Non sic impij, non sic, sed tanquam puluis, quem proijcit ventus à facie terræ, qui non resurgunt in iudicio, neque apparent in iustorum concilio.

Libera me de sanguinibus, Deus Deus salutis meae: & exultabis lingua mea iustitiam tuam.

Sunt qui referant ad Vriæ cadem & aliorum, qui occasione illa interempti fuerunt, quod nunc precatur Dauid, vt de sanguinibus liberetur: & hoc confirmant esse peccatum, quod is dixit contra se esse semper. Alij de domesticis cadibus volunt intelligi, quas denuntiabat Dominus per Nathan, dicens: Nō receder gladius de domo tua in æternum. Sed neq; de primo sanguine liberari iam poterat: patratū enim facinus illud erat, & quantum ad ignoscenſiā & veniam, à Domino fuerat iam de eo liberatus. De venturis verò cadibus, nullum in tota oratione hac deprecandæ pœnæ causa verbum cernitur emisisse: Nam cum decretum Dei omnipotentis iustum & debitum præsertim immutabile esse intelligebatur: cū de integratione & gratia apud Deum laborabat suus, quā me deo assequeretur, nihil sibi acerbu, aut triste ducebat,

Quare

Quare ea potius adsciscenda sententia est, ut petat liberari sanguinibus, hoc est, de vitij fragilitatis nostræ, quorum origo causa, caro, sanguisque sunt. Nam neque caro & sanguis quicquam possunt sublime ac supernum, suntque in terrarum per prona: & Apostoli quoque testimonio, caro & sanguis Dei non possidebunt, dum erunt morti & corruptioni subnoxia. Sed postea cum induerint ex mortalitate immortalitatem, & ex corruptione incorruptionem, possidebunt regnum Dei cum spiritu & anima, si modo ad tantam & tam nobilem conditionem fuerint electa. Quo quidem euentu, erit laus Dei ipsorum in secula seculorum, amen. Hæc cum prævideret Iacob & se comitem electorum iam faceret, totusque exultaret illa & cogitatione: quod ferè reliquum est Psalmi, ita prætemperat, ut quæ sibi in rem esse putat, præsentia postulet quidem, verum illa tamen non separet a futuris. Itaque libere de sanguinibus postulat, hoc est molliciem & facilitatem peccandum, quo caro prona est, quo sanguis effluit, vincula operis & gratiæ frenari, ac coerceri: & si hoc fuerit factum, tunc non solum misericordiam Dei est laudaturus, sed iustitiam etiam exaltaturus, hoc est, cum lætitia & gratulatione celebraturus. Nam adhuc quidem nequaquam implorauit iustitiam summi Dei, sed clementiam. Ut autem habeat suam laudem, mentia, gaudium & exultationem cerè non habet, neque lætando, exultandoque, sed lachrymis fundendis & gemitibus mittendis, quos peccati dolor expresserit, Dei clementia & clementia sit impetrabilis. At si frenatis & compressis Dei cupiditatibus, quæ ex carne & sanguine referuescunt, placet tranquillitas in posterum, ac perturbationibus liber præceptis custodierit fructu suæ pietatis percipiendos, laxabit linguam in exultationem laudis iustitiæ Dei, cuius sibi dona iure tribuerunt tanquam immaculato, & innocenti. Et quidem omnium diuinorum munerum hoc esset maximum, si liberaret nos sanguinibus Deus, & à peccati periculo redderet securos: quod postulati magnitudinem ut declararet, ingeminauit appellatus Dei, & salutem suam in hoc potissimum consistere significans Deus, Deus salutis meæ, inquit. Cur enim non his appellationibus tanta de causa, quem eadem ratione ter rogauit Iacob? Nam & ille de sanguinibus ut liberaretur, dominum precatur quando legem in se carnis sentiebat repugnantem legi ordinis institutæ mentis. Sed & quod petit Dauid nunc in corruptione præuidet sibi mox datum iri in incorruptione, cum a supplicio Dei ad immortalitatem & gloriam, sine contaminatione peccati, ipse quoque confurrexerit.

Domine labia mea aperies, & os meum annuntiabit laudem tuam.

In illa etenim resurrectione suprema cum corporibus, etiam immortales erimus facti, & dominus labia ipsius aperiet, & os eius annuntiabit laudem Dei, cuius & exultabit lingua iustitiam: proprium enim hoc & maxime peculiare erit illorum, qui resurgent in gloriam. De eis enim scriptum est: Beati qui habitant in domo tua Domine, in secula seculorum laudabunt te: proprie quoque illorum labia aperiet Deus. Nam hic quidem dum sic sumus, & corruptibilem vitam viuentes seculi huius tempestatibus agitamus, affectionibus propè infinitis animorum, tanquam fluctibus, ventisque obnoxij: aut clausa tenemus labia nostra, ad annuntiandum laudem Dei, quippe obligante linguam peccato, opprimente vocem, obturante os: aut si aperiantur ea aliquando ad proferendum nomen Dei, non tamen illa aperit Deus, sed vel spes aliqua nostra, vel desiderium, vel dolor, vel metus. Cum autem opem Dei, aut clementiam, aut in periculo præsens auxiliû, aut in optatis assequendis benignitatem imploramus: ita aperiantur quidem nonnunquam ad Deum labia nostra, sed non ea aperit Deus. Quando ergo illa aperientur à Deo? tunc cû de sanguinibus liberati: & fluore carnis ac labilitate cõpressa immortales restituti, nihil habebimus propositû desiderijs nostris præter solum Deum: cû ille vnus amor erit nobis, vnus lætitia, vnus beatitudo, cû in illum vnum vota, oprata, cogitata nostra, & referetur omnia, & in eo ipso consumentur. Neque erit tû quicquam, quod oculos nostros in partem aliam diuertat, aures auocet, palatum alliciat, nares inuiter, transmoueat tactû, mentem & intelligentiam impleat, nisi solius gloria & pulchritudo & infinita maiestas summi Dei. Quæ quidem nobis ita ingeret se largè atque abundanter, vt non modo omneis angulos, tum omneisq. inanitates sanctæ illius & beatæ tuncque maxime hiantis cupiditatis nostræ expleat ac referat: sed vltro etiam addat vires & robur, ad cupiendum, capacioresq. efficiat: quo satiari affatim diuinæ illius voluntatis æterna & inenarrabili lætitia possimus. Nostra igitur tunc verè ora aperiet Deus, cum & ab eo aperientur, & in eo, & ad eum: cum ille vnus erit nobis omnia, & cuncta extra eum nihil, soloq. eo beati & contenti erimus: quod vtinam dono illius assequamur, ac sua faxit ipse bonitate, vt ad tanti boni participationem electi ab eo, & prædestinati simus. Qui quanquam indignè desideramus istud, quanquam peccatis sæpe auertimur, & ab eo quasi deficimus, multitudine quoque delictorum, & tanquam mole cooperiti, oppressiq. sumus, credidimus illi tamen, spemque salutis nostræ vnicam in ipsius benignitate & clementia reposui-

mus. Aperiat quæsumus nunc, Dei ipsius dono, ora nostra de
pro nostris secleribus dolor, ut imploremus eius misericordiam
quod postea in gratiam recepti, & in regni cœlestis societate
sciti, apertis ab eo labijs nostris possimus prædicare & annu-
re illius laudem. Hoc iam tum David adesse sibi cupiebat
tum Spiritus sancti edoctus prævidentia, Christiana myster-
telligebat, atque in eis spe certa & expectatione insistens, per
lis repudiabat iam & parui faciebat Iudaica, satis gnarus, in
vmbra esse, in nostris veritatem.

*Quoniam si voluisses sacrificium, dedissem: utiq; holocausta
non delectaberis.*

Petita à Deo liberatione de sanguinibus, quam solus, &
idem in hac vita vix cuiquam, in futura verò ijs quos sibi ipse
gerit, daturus est Deus, postquam repromisit David in tan-
necij gratiam se exultaturum iustitiam Dei, & ipso aperten-
bia sua, laudem eius annuntiaturum: subiungit daturum etiam
quidem id quod in eo erat, sacrificium & victimas fuisse: Sed
nam huiusmodi sacra & hostias aspernetur Deus, dare sese
dicare verum & iustum sacrificium, quod est spiritus humilis
& cor contritum, quod vnum sacrificium gratè & libenter
mnibus accipiat Deus. In quibus quidem verbis ita perspicue
ut hesitationi locus non relinquatur, utriusque legis & veteris
& novæ ceremoniæ, ac mysteria comprehensa sunt: ac reperta
quidem Iudaica, Christiana verò & significata, etiam ad
Nam in illis multum sacrificijs & holocaustis populus in-
bat Hebræorum, magnoque apparatu & studio, eiusmodi
era cruenta plane, plenaque turbe & tumultus procurabat.
gis illa opes offerentium indicantia, quam opem Dei promissa
tia. Quæ quanquam præcepta fuerant ab ipso Deo, & per
seruos instituta Moïse, & Aaron, tamen tanquam cortex
eorum, quæ illis inuolucris contexta, spiritu & veritate m-
continebantur. Populum autem illum durum atq; tardum
tractabat & erudiebat Deus, ut si minus occultorum myster-
multorum atque magnorum existeret capax, teneretur tantum
nihilominus in cultu & veneratione vnius Dei, ut ne ad falsos
& eementitos elaberetur Deos. Ad quod quidem transfug-
mobilitate quadam animorum, pronus erat. Neque desistit
tamen quandoque per ora prophetantium denuntiare palam
significare id quod requirebat. Vnde enim illud? Misericordiam
volo, non sacrificium. Et in proximo XLIX. Psalmi: Non
piam de domo tua vitulos, neque de gregibus tuis hircos.
Nunc quid ego manducabo carnes taurorum? ac paulò post
ens quid velit: Immolâ Deo sacrificium laudis, inquit, & red-

tissimo vota tua. Quenam votatiuste, caste, integreque viuendi. At qui tale nos sacrum, talia vota offerimus, & habemus quidem ipsi quoque hostias, verum cœlestes, quæ ab ipsâ iustitia & castitate disiunctæ dari non possunt. Non enim tantum aut hircum, sed filium patri in altari offerimus, Deum Deo, omnipotentē omnipotentī, qui cum patre & Spiritu sancto non duo, vel tres, sed unus est Deus: atque is quoniam ex hominis persona caput nostrum est, nosque ipsius membra coalita cum eo & coherentia, nisi peccatis reglutinari diuellamur, in oblatione capitis nostri, nos quoque ipsos Deo omnipotentī offerimus, idque in Spiritu sancto, in puritate & cōstantia fidei, in ardore charitatis, in spe futuræ beatæ immortalitatis. Hoc inducto vero & aducto sacrificio, ac veluti nucleo legis reiecto cortex abiectus est, umbraque & simulachra veritati concessere. Hæc igitur in lege veteri apud vulgus occulta, prudentibus tantum viris & sanctis patriarchis illis ac prophetis reuelabantur: ex quibus præcipui istam apud dominum gratiam tenuere Abraham & David. Qui quidem David, quanquam ipsum illum corticem & ritus patrios sacrificandi etiam tum more & usurpatione retineret, voluntate iam tamen (ut ex verbis hisce apparet) ac sententia repudiabat, totumque sese ad hæc nostra & Christiana conferebat: Neque aut in sacrificijs cum mactatur ante altare Dei victima, aut in holocaustis, cum flammis hostia tota adoletur, spem suam reponebat, sed in vero & acceptabili sacrificio, quod est,

Sacrificium Deo spiritus contritus, cor contritum & humilium Deus despiciet.

Spiritus contritus fides est, per quam planè credimus in Deum, præceptisque ipsius obtemperamus & libenti animo paremus, eiusque institutis ac legibus facile acquiescimus, sapimusque non plus quam oportet, sed sapimus ad sobrietatē. Nam qui ingenijs arrogantibus præditi, altius & liberius volunt euolare, ac sibi metipsis confidunt, ij non spiritum contritum, sed vagū & tumentē in se possident, maximoque sunt in periculo constituti, ne velut in fabulis Dædalus pennis cera compactis ex alto in præceps corruant. At illud Deo gratum, acceptumque sacrificium est, quod in fide pura illi offertur, & in animi humilitate: nec tamen quidquam est huius tā conficiens humilitatis, quā fides. Quis nō fidem habet, & facile alij credit superbus? Ac pars quidē hominis potior mentis & rationis, cuius spiritus substantia est, vivit ex huiusmodi fide, per eam enim maxime Deo coniungitur. Altera autem posterior pars, quæ sensus & cupiditates omnes continet, quorum cor fons est & origo, ut totum hominem indicet sacrum Dei esse, & totum illi offerri oportere, per poenitentiam & dolorem pecca-

torum conteritur, ac sub obedientiam Dei & ordinem ratur. In quo quidem sacrificio, grato atque placabili, humilis nostræ expressa conditio est, qui nulla carnis aut sanguinis necessitate compellimur, quo minus fidem integram & stareneamus, spiritumque erga Deum contritum, hoc est, non non contumacem, non repugnantem illius legi. Ab eadem carne & sanguine imbibimus (de illis non loquor, si quos Deus hac vita præpotenti manu sua à labe perniciosorum criminum læsos conseruat) ut simus ad delinquendum proni atque prociuius tamen erroris emendatio est, delicti pœnitentia. Itaque quidem contritus subiectionem fidei & voluntatem facili ac solutam ad credendum indicat, quæ nulla obdurefcit a suis Deum contumacia. Cor vero contritum & humiliatum dolorem facinoris admissi coarguit, quod salutaris expiatio, quo nullum Deo gratius, nec minus despicabile à est sacrificium.

Benigne fac Domine in bona voluntate tua Sion, & concentur muri Hierusalem.

Dixit de sacrificio, nunc loquitur de loco sacrificij, sed quemadmodum verum sacrificium non in tauris & victimis in spiritu & corde esse voluit: sic verum sacrificandi locum in Sion & Hierusalem intelligat. Nam quid spiritui cum rebus & operibus manu factis potest conuenire? ac consona dem historiarum temporum hæc extrema orationis huius conuatio. Non enim a Dauide, sed à filio Davidis Salomone constructa mœnia Hierusalem, atque vrbs illa trino murorum armata cincta fuit. Templum quoque domino mirabili opere fuit constructum, quod eius condendi potestas ablata à Dauide fuerat propter bellorum vndiq. imminantium impetus, atque ut omnino adificationem, opus pacis esse apparet. Sed ut ista quæ optaret tunc & designaret Dauid, quem sæpe iam diximus inferè Psalmo hoc, ita describere præsentia, ut multo magis crearet futuris: quod quemadmodum rerum index oratio est, in illis erant tanquam imagines & argumenta meliorum lōgè venturæ erant, rerum: ut inquam desideraret Dauid muniri Hierusalem: templum extrui, adorationes & sacrificiationes & sacrificia ibidem celebrari, tamen in illis corporum simulachris, morri & ruinæ obnoxia intelligebat, non immorabatur, proposito fini, sed longius spe ac desiderio progrediebatur, ad hæc perfectæ iam & vera atque æterna contendebat, spiritus sacrificium, ad spiritalem Sion, & Hierusalem referebat. Quod sensum eius prophetico spiritu tanto antè futura prospiciens Christus Iesus in Euangelio, ipso exitu rerum iam comprobata de

declarauit: cum Samaritanę mulieri, apud fontem Iacob percon-
 stanti verum ibi, an in Hierusalem adorari Dominum oportet,
 his verbis respondit: Mulier, crede mihi, venit hora & nunc est,
 quando neque in monte hoc, neque in Hierosolymis adorabitis
 patrem, sed veri adoratores adorabunt patrem in spiritu & veri-
 tate. Nam & pater tales quęrit, qui adorent se. Spiritus est Deus,
 & eos qui adorant eum, in spiritu & veritate adorare oportet. En
 veram Sion, veramque Hierusalem. An magis possunt congrue-
 re ista inter se? aut maius testimonium quęrimus, Dauidem pro-
 nuntiasse futura, quę iisdem propę verbis Dominus noster de-
 monstrat facta. Ille sacrificium & victimas Deo aspernabiles esse
 inquit: hic patrem eos quęre, qui adorent in spiritu. Ille spiri-
 tum & cor, verum & gratum Deo esse affirmat sacrificium: hic ve-
 ros adoratores adorare Deum in spiritu & veritate. At enim Chri-
 stus Iesus & montem & templum respuit, quę ille sibi optat. Sed
 & Dominus repudiat corporeum: & ille adsciscit & designat spi-
 rituale. Benigne fac Domine in bona voluntate tua Sion. Sion,
 si corpus quęras & materiam, mons est, in quo Iebusei ciuitas
 condita fuit, quam David sibi in regale domicilium electam vo-
 luit esse Hierusalem. Si vero intelligentiam, atque mysterium,
 Sion, speculatio est: Hierusalem, visio pacis: Muri porro Hierusa-
 lem spes, fides, charitas. Bona autem voluntas verę illa est pręfer-
 tim in Deo, quę ad benignę faciendum immutabilis & perpetua
 est, quam illi ex cęmentis & materia constructę Hierusalem,
 profectō cernimus non contigisse. Benignę ergo fac Domine in
 bona voluntate tua Sion, & ædificentur muri Hierusalem: isti
 quidem etiam mortales & interituri, staturi & ipsi tamen quoad
 licebit, quoad tua voluntas tulerit: verum illi multo magis æter-
 ni & incorruptibiles, qui excitabuntur ex spiritu, per quos cœle-
 stis tua & vere spiritalis ecclesia muniatur, in qua nomen sanctum
 tuum in spiritu & in veritate adorabitur. Cuius ecclesię funda-
 menta atque initia, consecranda sunt sanguine filij tui vnigeniti
 à nobis quoque oriundi: qui ex semine quidem nostro humanita-
 tem accipiet, ex te vero æterno patre semper habuit diuinitatem,
 ac per diuinum illud & incomparabile sacrificium augurato con-
 denda, ad immortalem gloriam tui nominis sempiterni. Cui tu
 Sion, & cui Hierusalem maxime benigne facies, cum filium tra-
 des tuum, in quo peccatum non erit, pro illis qui peccarint, in a-
 ra crucis immolandum: vt illius morte & sanguine redempti o-
 mnes, & à graui iugo captiuitatis liberati, quo domiti antea &
 subacti, principi tenebrarum exitialis militię nefarium sacra-
 mentum dixerant: ad sancta & legitima munia cœlestis militię
 reducantur, vasque eodem pręeunte filio tuo edoceantur, & ve-
 ritatis, & salutis, & immortalitatis.

Tunc acceptabis sacrificium iustitiæ, oblationes, & holocausta facient imponent super altare tuum vitulos.

Constructis mœnibus Hierusalem, & ædificato templo, non quidem Iudæa, atq; ad eam ex limitibus quoq; nationibus fluebant, qui Deo sacra facere & immolare hostias instituta eratq; celebre & frequens multitudo adeuntium, in templum sacrificium. Sed hæc paulò antè sacra, hæc holocausta diuinit, neq; illis delectatus est Deus. Quo pacto igitur ea acceptaturus? aut quomodo loquitur David non repugnans? Animum aduertamus, quæso, & cum Propheta ipso intelligamus, quanam sacrificia acceptaturus Deus sit: ac quantum nobis tam est, ea illi, & corde & opere offeramus. Nam si soltan simpliciter sacrificium dixisset, erat ratio & locus dubitandi: autem, sacrificium iustitiæ: quo verbo, omnis ambiguitas lata est. Non enim errat Spiritus sanctus, non labitur, non dicit & pugnantia essatur. Iustitiæ sacrificium est, sine tauro & victima. Taurum autem & victimam, & in vniuersum illi dei sacrificia aspernatus fuerat Deus. Sacrum verò iustitiæ potest aspernari? Accepit ille id semper & appetit, & odor sentit suauitatem. Illud videamus, vtrū magis in Hierusalem, vtrū in templo sacrificium illi iustitiæ offeratur. In illa enim reali & corporea, an hac, quam Christus Iesus extruxit, cœlesti spirituali. Nam si vetusta Iudæorum sacrificia attendimus, nemus in illis non iustitiam, sed simulachrum quoddam & vestigium leuiter impressum iustitiæ extitisse. Quæ enim ratio, aut quod est equitatis argumentum, vt tu grauiter delinquantem & morte victima plectatur? blandiri hoc est, & assentari non potest. Quid commertuit ouis, animal sine fraude doloque, vt in verbis vtar, si tu facinus commisisti? aut qua spe putas, cum tuo damnum aut contumeliam feceris, posse te scelus illud farum cruore victimarum expiare? Proxus nil veræ, absque iustitiæ in sacrificijs talibus inesse potest. Quid ita a Domino instituta fuerunt? diximus iam, vt populus per sacra in vnius Dei cultu teneretur. Primum enim vicin deinde etiam contubernio, Ægyptiorum moribus assuescit, vel etiam in ipso humani generis primordio, cum altiorum dum mysteriorum capax esset, ab Deo ipso edoctus, cum sacrificijs deditus esset, iustius vtrique Deo viuenti sacrificaret, cunctis & mortuis dijs. At cur cum quoque morem sancti prophetæ, quibus arcana Dei reuelata fuerant, sequebantur non erat fas? quod præceptum omnibus & multo maximis causa statutum erat, paucos declinare, singularesque colendarum religionum habere velle. Atque illi tamen quæ

sacrificij vim & rationem ac futuram spiritalem Sion nouerant, venerabantur illam iam animo: cumque vsum communium sacrificiorum populo concederent, veritatem & intelligentiam sibi retinebant. In illis itaque Iudæorum sacrificijs, non in ipsis quidem, sed eatenus, quoad legi scriptæ & maiorum obtemperabatur auctoritati, iustitia erat, vel iustitiæ potius imago, atque vmbra quædam. Cum enim quis peccatum commisisset, quod mortem pœnam reposeret, dabatur quidem mors, sed per sophismata quodammodo & deceptionem, non hominis qui deliquisset sedouis aut hirci, qui nihil commeruisset. Illud vnum verè sanctum in eo sacrificio atque iustum, quod in honorem Dei viuentis immolabatur, & illius nomini gratiæ tamen agebantur. In nostra verò spirituali Hierusalem, in qua solum adoratur Deus in veritate & spiritu, non modo iustitiæ sacrificia assidue offeruntur, sed ea ipsa iustitia proprium Deo est sacrificium. Non enim deriuamus pœnas delinquentium in ignaras delicti & innocentes hostias: sed illud ipsum mactamus & immolamus Deo, quod peccauit. Siue enim exarsit libido, ieiunio & continentia illam iugulamur: siue iracundia incitata est, frangimus eam diuinæ offensionis metu. Tumorem quoque animi & arrogantiam, & effusas omnium generum cupiditates æquanimitatis & temperantiæ legibus coercemus: atque harum veluti belluarum, si quæ paululum modo perfractis vinculis, ac ruptis obicibus modestiæ, ad facinus aliquod proruperint, legisque ac rationis imperium violauerint, adest continuo vltrix perpetrati sceleris pœnitentia, quæ illas oblatas ante altare Dei hoc sacrificium iustitiæ maximè volentis pio & debito mactet supplicio: quarum cruor, lachrymæ sunt: balatus, Dei misericordiæ imploratio: mors ad immortalitatem se recipiens, vita. Hoc iustitiæ sacrificium verè acceptat Deus, hæc illi grata, hæc propitiabilis est victima, quam Iudæi in externa imagine & simulachro, nos in spiritu & veritate offerimus. Ac ut in omnibus rebus appareat, illos vmbas rerum: nos res ipsas complexos esse, illi sæpenumero falsis inanum deorum opinionibus deprauati, quas pecudes & hostias Deo debebant offerre, fictis dijs offerebant: quodque vnum in sacris suis iustum & salutare habebant, honorem videlicet & nomen omnipotens Dei, id vltro ad perniciem & ad iniquitatem conueriebant. Nos in intestino sacrificio vero & spirituali, si Dei honori & nomini victimas illas deferimus, nihil sanctius, nihil iustius, nihil salutarius. Vim enim totam pietatis & iustitiæ prorsus assequemur. Si verò hominum existimationi & laudi, & vel ambitioni nostræ, vel emolumento, atque vtilitati immolamus, ut illud Deo gratissimum sacrificium: sic hæc pessima & exitiabilis est idololatria, tanto Hebraicis illis aureis vitulis, Dijs gentium, deterior, quanto

magis impium est corrumpere ipsammet iustitiam, quàm siue
 Iachrû iustitiæ pervertere. Hoc in Davide Spiritus sanctus opti-
 me providens, non solum oblatum iri sacrificium iustitiæ Deo
 dixit, idque Deum grate acceptaturum, sed oblationes etiam ad-
 didit, quæ sunt Græcè, *ἀναφαι*, quasi dona, quæ propter virtu-
 tem quidem & in præmij loco hominibus deferuntur. Sed ab eis-
 dem postea ad Deum referuntur, postibusque in sacris ac parieti-
 bus figuntur, ut sicuti ex virtutis merito, & quod cupiditates sua
 egregie vicerit, laus ab hominibus tributa est, ad eam ipse non
 modo ut ad finem non contendat, neque ipsi in virtute nauanda
 elaboret, sed illam quoque præterea ante Deum suspendat, tan-
 quam coronam & præmium publicè acceptum, secum vnâ Deo
 bonorum omnium largitori consecrans. Et holocausta, holo-
 causta, inquam, vera sunt, cum correptis mentibus nostris amore
 erga summû Deum & voluntate eodem studio inflammata, tan-
 tum ex ignibus illis charitatis flagrat incendium, ut cupiditate
 quoque amissa contumacia & tanquam lasciuienti consumpta
 viriditate, eisdem flammatarum globis & verticibus hauriantur, &
 in amorem Dei omnes penitus conuertantur. Tunc imponen-
 super altare tuum vitulos. Quoniam veræ iustitiæ partes dua
 sunt: vna amor, & cultus, honorque summi Dei: altera beneuo-
 lentia, & curatio proximi. Perfecta parte priore, & verè cœlesti
 sacrificio ex ea Deo oblato, quando ex holocausto nihil omnino
 relinquitur, quod Dei honori consumptum non sit, non omisi-
 etiam posteriorem, quæ amore & charitate in proximum tota
 continetur: ut sacrificium iustitiæ plenum, atque perfectum pe-
 nitus haberemus. Cuius quidem iustitiæ posterioris vsus, atque
 exercitatio tam sæpe, tantoque opere, in nouo & veteri testamen-
 to præcipitur, tantisque condecoratur laudibus, ut facile appa-
 reat, hæc vna re potissimum, & charitate erga propinquos, di-
 gnos effici, qui Deo esse curæ & cordi debeamus. Dimittimu-
 enim debitoribus nostris, si volumus nobis dimitti: & misericor-
 diam impatimur, ut misericordiam impetremus; terrenamque
 opem egentibus impendimus, ut vili sanè pretio, atque exigua
 opella cœlestem illam ipsam opem demereamur. Vituli quippe
 veluti delitiæ armentorum & exuberatio quædam est, unde be-
 nignè alijs faciendi copia suppeditat: his videlicet qui oppressi
 paupertate atque inopia, subsidio indigent quotidiano: quibus
 admirabili dispensatione magni Dei idcirco sæpe necessaria de-
 sunt: ut tu, qui diuitijs abundas, sumministrando illis, & victui
 incolumitati que eorum suppeditando, liberalitatis & humanita-
 tis, & eius quæ omnium virtutum caput est, charitatis, meritum
 & fructum consequare: tum etiam ut ij qui alienam opem ex-
 dare coguntur, virtutû vnâ maximè perfectricem patientiam

melius

melius adipiscantur. Præclarum quidem esset, & ipsis angelis penè par, largiri ipsa etiam armenta, omnemque prorsus substantiam & corpus integrum patrimonij in pauperes erogare, solo Christi nomine & amore contentum, negligentem in semetipso partem eam, quæ lutea, fragilisque est: illi m verò perpetuam, ac spiritalem vnam attendentem, illi vni vacantem, atque inseruientem, per quam, si rectè ea curata nobis sit, supra hominem euehimur, & similes Deo euadimus. Sed si in tam diuerso vsu, & vsque adeò distractis à sensibili mundo opinionibus, hæc durior vitæ plerisque videatur esse conditio, saltem quæ exuberant tibi, saltem quæ superfluum, quæ à te in delitijs & ad redundantiam habentur, illa inquam saltem pauperibus tribuantur. Habes armentum, hoc est patrimonium, quo omnes à tuo capite necessitates, omnes propulsare difficultates potes: quid amplius opus est? Certa tibi vestigialia & vitæ adiumenta non desunt: da egenis atque inopibus superflua. Verum ita da, vt in altari Domini vituli abs te imponantur: vt prædixit Propheta Dauid, id est, vt apud Deum gratia, fructusque meriti huius non apud homines ponatur. Da, inquam, quærens Deo vni, non vlli humanæ affectioni, nec carni aut sanguini satisfacere. Neque id ex tristitia aut necessitate: Ob quod etiam vituli nominati sunt, tanquam iugo adhuc nullo domiti & subacti, sed sicut sponte destinati in corde tuo & in propria voluntate: Hilarem enim datorem diligit Deus, cui hoc oblato iustitiæ minoris sacrificio, gradum nobis facile extruimus ad apicem & fastigium diuinioris etiam iustitiæ perueniendi: quam cognoscimus nos quidem, laudamus, expetimus, admiramur: facultatem quoque nobis dari eius assequendæ intelligimus: nec beatius quicquam reputamus, quàm Deo penitus esse & amore & studio coniunctum. Quo minus verò id agamus, & operam nauemus, quod nauandum esse comprehendimus intelligentia: quænam obsecro causa, aut vis est, quæ nos auertit & abstrahit? Qui obex, quod impedimentum, quæ intus, & in animo inclusa seditio? Cur ego, sana mente cum sim, & iudicio integro, non ago sæpe ea tamen, quæ sani hominis & rite iudicantis esse videantur? Quomodo iniquitates meæ supergressæ sunt caput meum, & sicut onus graue grauata sunt super me? Pueruerunt & corruptæ sunt cicatrices meæ à facie insipientiæ meæ? Vsque eò ne prolapsus sum, vsque eò ne relangui & defeci in memetipso, & ab omni viri virtute, constantiaque discessi, restare his tandem quæ decreui ipse sæpe, quæque à me toties constituta sunt, nondum etiam possim, nec Deo meo, meo, inquam, vni bono adherere? O beates qui poruerunt, felices qui adhaeserunt. Quando ego vos ô sancti & beati, non laudabo solum, verum etiam aliqua ex parte imitabor? Dolet: dolet cordi

meo, cum intelligo qui sim, & quis nimirum essem, si Dei in
 dona recognoscerem, atq; eius singularibus beneficijs, mea g
 ta & constans debita pietate voluntas responderet: quæ velle
 men hoc agere videtur, sed quod vult, nequaquam efficit: p
 pter importunas quidem reclamaciones, & dissidia intestina c
 luctantium cupiditatum, quibus adhuc pares esse non possum
 Circumuenti, circumuenti, inquam, ab illis fuimus, siue ig
 ab initio quid ageretur, siue etiam negligentes. Quarum nunc
 acerba & tristi obsidione, vt nosmetipsos eximere & liberare p
 simus, non a nobis ipsis, sed ab eodem Domino Deo auxilium
 nobis est præsens expetendum. Domine ante te omne desiderium
 meum, & gemitus a te non est absconditus: qui si vero dolo
 expressus est, si hæ lachrymæ solent tuâ inenarrabilem cleme
 riam ad ignoscendum miseris & ad iuuandum commouere, vt
 læ peccatum commissum lauent: etiam in me obsecro arque c
 testor omnipotentiam tuâ, semen ipsum peccati & totum pla
 rarium impuræ conscientiaæ meæ proluant, vt omni mala st
 pe radicitus euulsa, semen verbi tui sanctum & salutare fructu
 in animo meo cum sexagesimo, aut quando benignitatis tuæ m
 dus non est, etiam cum centesimo possit. Ac posteaquàm mis
 rus mei secundum magnam misericordiam tuam fueris, po
 quam peccata mea dilueris, meque vltro etiam spiritu princip
 confirmaueris, docere possim iniquos vias tuas, & laudem tuam
 pleno ore annuntiare, ac illud tibi offerre sacrificium iustit
 quod supra omnia in conspectu tuo gratum, amabile, accepta
 le, desideratumque est: per quod & salus nostra perpetua, &
 tua sempiterna gloria apud nos constituitur. Qui
 vivis & regnas in æternum, & vltima,
 Trinus, & Vnus, Amen.

F I N I S.

IAC



IACOBI SADOLETI EPISCOPI CARPENTO-

RACTIS IN PSALMVM XCIII.

Deus vltionum Dominus ; Inter-
pretatio.


*IACOBVS SADOLETVS EPISCO-
pus Carpentoractis FEDERICO FREGOSIO
Archiepiscopo Salerni S. P. D.*

QUOD diu ac multum optaueram, Federice Fregosi,
ut mihi exoluto Reip. curis, & eis occupationibus,
qua me nimium diu in Romana aula, apud sum-
mos pontifices districtum tenuerunt, aliquando li-
ceret in ocio esse, & sacrarum literarum, omniumq; artium o-
ptimarum studio, ac vera delectatione perfrui: id nunc demum,
Dei immortalis beneficio propè singulari, videor consequutus:
atque cuiusmodi diuina dona esse solent, nihil fermè habeo am-
plius, quod requiram. Nam quum in his locis constitutus sum,
in quibus me maximè esse conuenit, vel officij Deo praestandi gra-
tia, vel pacis & tranquillitatis in animo retinenda: in Ecclesia
mea videlicet, quam mihi cœlestibus nuptiis copulatam, omni à
me ope ac studio curari & consoueri est debitum: tum verò ca-
tera cum mea ista voluntate sic omnia consenserunt, ut facile
appareat, non solum integrorum atque innocentium, sed eorum
etiam qui labe aliqua peccati infecti sunt, quorum de numero
ipsi sumus, piè tamen in ea spes suas collocantium, salutem & li-
bertatem Deo esse cura. Quanquam quod ad ipsius Dei infini-
tam atque immensam bonitatem pertinet, maior nostra esse de-
bet,

ber, quàm ut huic orationi & tempori conveniat, predic-
 de hominibus aliquid dicendū est, quorum mihi ad ocium &
 teras properanti, benignitas simul & iustitia est suffragata:
 rum equidem nomen atq; memoriā grata recordatione sen-
 prosequar. Nam quum Roma (ut tute scis) interiorib. consil-
 Clemente V I I. Pont. Max. adhibitus, summā illius erga me
 manitatem, summā benevolentia obtinerem, meamq; ille in-
 mis fidē operamq; probaret: tamē quod diu antē intellexerat
 ad hoc ocium, & solius iam Dei servitutē aspirare ut vidit, ca-
 honoribus pramiūq; posthabitis, quae mihi ab eo multa para-
 rant, in sententia nihilominus permanentē, non est ad extre-
 voluntati mea aduersatus, precibusq; concessit: agrē ille quid
 amorem ut cognosceres, sed concessit tamen. Atque ut est in-
 dibili quadam animi moderatione praeclitus, qua omnes
 appetitiones, omnia desideria sub leges aequitatis & temper-
 tie redacta esse vult, maluit se opportunitate opera mea, quae
 me optato euentu consilii mei carere: cuius ego etiam nunc
 neuolentia & liberalitate sic fruor, ut patris in eo indulg-
 tiam, cum maximi principis iustitia ac providentia quoti-
 absens experiar. Restabat altera molestia, & alterum mea quae
 impedimentum allatum, quod vetustis quibusdam agris at-
 fundis, noua nonnullorum iniuria ac violentia, mea Eccl-
 ereptis, id quod maximē à meis moribus abhorret, ire mibi
 litem tamen fuerat necesse. Quae quum in senatu Tholosano c-
 sa ageretur, remq; aduersarii variis calumniis extrahere
 non est passum diutius illud grauissimum sapientissimumq; c-
 silium, veritate causa perspecta, me meo iure, Ecclesiam suis
 sensionibus fraudari: fidemq; suam, & insignem iustitiam, quae
 omnibus paratam exhibet, mihi quoque illam imploranti, h-
 grauatae praestitit. Quapropter ego his tot Dei & hominum
 neficiis, pacem animi iam & ocium adeptus, ingratus plane
 sem, si non reliquum tempus vitae quod superest, in agendis
 omnipotenti gratias, & in hominum bene de me meritum
 memoria ac laude recolenda, omne consumerem: nec ad eas con-
 terer potissimum actiones, per quas gregi meo primum, & po-
 lis mea fidei creditis, deinde ceteris omnibus qui hac modo ex-

tenda ducunt, aliqua ex meis studiis atque vigiliis utilitas pareretur. Qua ut cunctis abundantior venire possit, egoꝝ in eo præcipuè elaborem, quod & mihi honestissimum, & reliquis possit esse fructuosissimum, ad meditandas atq; explanandas scripturas sanctas sum conuersus: in eis enim maxime fontes illi cælestes scatere non desinunt, è quibus quantum vnusquisque vult, tantum ad cognitionem Dei atque sui, & ad beatam sibi vitam alendam atque irrigandam potest deriuare. Igitur quum superiorib. proximis diebus commentariū in Psalmum XCIII. confecissem, quumq; iam edere ac vulgare opportunum visum esset, statui Federice Fregosi, nostra insigni amicitia & vetusta familiaritate dignum tibi huius lucubrationis opus & tanquā oculi nostri primitias deferre. Noui enim te in his sacrarum literarum studiis ita intentum dies & noctes, ut alium cultum vite sine his nullum esse ducas. Mihi porro ex eo tempore quo Roma mansimus vnā velut vnanimis, eodem conuictu, domicilio studiūq; coniuncti, annis ab hinc, si rectè recordor, ferme septendecim, ita inbasit in animo tuarum præstantissimarum virtutum admiratio, & iucundissima consuetudinis memoria, ut quanquam postea vsus noster multa varietate temporum interruptus, & internallis locorum etiam distractus fuerit, manserit tamen idem amor, & à mea parte castè integreꝝ, seruatus, & ab tua signis iam pluribus declaratus. In quo ego & si plures & grauiores causas semper habui colendæ & complectendæ tui, quodd excellentem tuam virtutem, quodd prudentiam, quodd moderationem animi conspiciebam, religionem autem erga summum Deum etiam venerabar: tamen tu, qua semper fuisti humanitate pradius, parem meam conditionem tecum in nostra amicitia esse voluisti, statuistiq; eodem honore & loco esse debere, & virtutem ipsam & bonam ac propensam ad virtutem voluntatem. Accedit quodd ambo grauib. fortune iniuriis sepenu-mero agitati detrimentisq; multati, alacres tamen animo sumus, eademq; spe & fiducia nitimur, quam habemus directam erga summum Deum, cuius munere & beneficio, quum maiorum multo veriorumq; honorum possessio nobis sit donata, & in quibus nullam iam fortuna habet potestatem, eorum egregiam vili-

utilitatem & diuinos illos vberes opulentosq; fructus ex his
 tiffimū libris literisq; percipimus, quæ vti sunt, sic nomi-
 tur sacra, in quibus & tu summa cum laude versatus es, &
 totum dedere me cogito: verū alia quidem alias. Nunc hu-
 interpretationem psalmi, nisi me fallit, ad communem vi-
 non minimum accommodatam, eo animo accipies, quo omni-
 nostra solitus es accipere, amico beneuolū, videlicet: nosq; an-
 re & studio tuo iuuire non desines, ut quæ ex me in hoc gen-
 exitura sunt, talia sint, per quæ omni recto mori, & fidei sa-
 etæ, Catholicæ, nil vnquam detrahatur: sicut & ego in-
 primis propositum mihi habeo, & tu fideli tuo consilio,
 prastanteq; doctrina mihi plurimum prodesse
 semper potes. Vale.





IACOBI SADOLETI EPISCOPI CARPENTO-

RACTIS, IN PSALMVM NO-
nagesimumtertium Interpretatio.

MVLTA incumbunt, & grauia onera, in ceruices no-
stras, qui Ecclesiasticis administrationib. præsumus:
præclara eadem, & vitæ beatæ efficientia, rectè si
gerantur: si secus, nihil esse illis potest perniciosius:
neque nobis tantum, sed cunctis populis, & nationibus, non so-
lùm fidei nostræ commissis, verum etiam in nos vndecunq; in-
tuentibus. Sumus enim nos sacerdotes ad exemplum & normam
viuendi omnibus hominibus proposti, vt quales nos fuerimus,
tales reliqui efficiantur, moresque suos de moribus nostris con-
forment, & ad imitationem nostri instituantur. Quo autem quis
honore & ordine est antecedentior, hoc magis in eam curam
& cogitationem debet inuigilare, vt non suam solùm præstet,
sed alienam etiam exigit, quantum in eo quidem est, & mode-
stiam, continentiamq; vitæ, & erga Deum religionem, ac fidem.
Hæc vna ratio, verusque viuendi modus, quamdiu quidem va-
luit ac seruatus est, tam diu fausti dies, fortunata tempora, fe-
lices rerum omnium euentus in Christiana Rep. simul florere:
duces enim tum erant ad bene beateque viuendum sacerdotes.
Iidem, vt quisquis in populo peccasset, tanquam peccatum ipsi
in se recipientes, multis ad Deum precibus, lachrymisque inter-
cedebant. Extorquebant sæpe irato tela de manibus, pacemq; &
veniam ab eo hominibus impetrabant. Ergo hos, tali virtute &
sanctitate præditos, principes gentium, & reges reueriebantur:
ceteri ab illis tanquam à sanctissimis parentibus omnium bono-
rum morum, omnis puræ veræq; religionis exempla sibi expete-
bant: erat cum Deo in amore & gratia humanum genus, & ter-
rena cælestibus charissima necessitate deuincta erant: Illamque
tanti, & tam beati fœderis societatem, non vlla impia vis labe-
factare, non hostis æternus noster, palàm iam distrahere ampliùs
attemptabat. Postea verò quam leonis facie dimissa, in qua parum
profecisse sibi visus erat demon, idem insidiosus, & versutus;
& sal-

& fallax, quemadmodum de Proteo in fabulis narratum est, mam & fraudem draconis est indutus, arteque agere cœpi venenum clām spargere, quod sine violentiā, necem tamen ferret, delinitis & captis paulatim intestinis cupiditatibus er molliiri & flecti ratio cœpit, tanquam per causam humanā becillitatis non omnia voluptatibus denegari possent, sed t vt seruaretur quidam modus: sic enim videbantur illa ipsa luptates nos cogere, vt modicè sumptæ cū essent, & si ne quam iustam causam peccandi habuissent, haberent tamen istam ignoscendi: hætenusq; laberemur tanquam homines non penitus vt deberemus Deo affixi, atq; inherentes, attā non omnino diuisi ab eo, neque seiuncti, & quibus ad me nam pœnitentiæ confugientibus, misericordia Domini fa esset parata. Pōst autem, crescente vitiorum dominatu, cum doris & religionis repagulis dimotis, quæ voluptatibus ipsis peditaret, quotidie magis pecunia quæreretur, isq; in homin mentibus quasi auaritiæ morbus increbresceret, diuitiarum finita cupiditas secuta est, quæ & turbaret ordinum coniund nem, & omneis bonos mores, velut pestilentia quadam depo laretur: Ita qui homines antea Deo & pietati apprimè deo sacerdotes ipsos in amore, in honore autem sacerdotium ha bant, mox tanquam genere diuisi, studiis dissentientes, odio micitiāq; dirempti, machinari contra illos, inque vicem ab metuere sibi, cauereq; cœperunt. Ex quo factum est proo temporum, vt timor Domini, quod est omnis virtutis sap tiæque principium, sensim de cordibus hominum dilapsus, que & humanæ societatis fides, sacerdotalis quoque autorit veneratio tota ferè sublata sit: in quo tanto malo, & si com res semper fuerunt è numero sacerdotum, iidemque hor sapientiāq; præstantes, qui hominum cupiditates intra fine ficij ac modestiæ cohercitas esse vellent, decusque & san ctem sacerdotij, quoad possent, ruerentur: aliis tamen ad cor riam vitæ partem magis inclinantibus, & sibi suisq; volun bus nihil ob stare cupientibus, tantus omnium penè mortal mentes inuasit furor, eaq; rerum secuta est perturbatio, vt e natis hominum cupiditatibus, & inflammatis habendi rap dique studiis, non lex, non mos, non ratio, non patriæ char non Dei omnipotentis metus posset modum imponere: non gitatio suæ perpetuæ vitæ ac salutis, non Christiani nominis recundia. Quin vidimus ipsi pontificem maximū, eum qui n est, voluntate & natura eximè propensum ad publici boni uidentiam, cū corrigere mores prolapsos, pacemque relig & reuellere tela è corpore Christianæ Reipublicæ summo conaretur, quæ varia multorum culpa infixæ erant, cūqu

plures ex ordine amplissimo, & cæteris deinceps ordinibus doctrina prudentiaque insignes assisterent, nos quoque ipsi tunc adessemus, ablatum tamen, hominum pacem aspernantium tumultu atque turba, suorum optimorum consiliorum exitus nullos reperire potuisse. Quo quidem turbine, & bellorum & temporum, vrbs Roma, Italiaq; omnis, ita nuper oppressa est, ut huius quoque humanissimæ maximeque hospitalis, & imprimis fidelis Deo & Christianæ religioni Gallicæ nationis multa ex eo incommoda, & grauiâ detrimenta sentire potuerimus. His nos tantis communibus damnis, quicunque sacerdotio, & sacro illo honore sumus præditi, omnes ferre opem pro virili nostra debemus, ordinemque eum, propter quem ipsi honesti volumus esse, nostris quoque operibus & meritis decorare: custodire in populis nostris charitatem, docere mandatorum Dei obseruantiam, omnem ipsi auaritiæ suspiciõnem fugere, propulsare hominum iniquorum arrogantiumque iniurias, aut si id minus potestatis nostræ sit, gregem tamen nostrum, quoad possumus, in patientia, & bona erga Deum spe continere debemus, & consolando singulos, & cum illis æquè mœrendo: ut quemadmodum in Ose Propheta scriptum est: Si fornicaris tu Israel, non delinquat saltem Iuda. Duplex est porro in hoc genere doctrina & consolatio: aut enim eos qui suis incommotis anguntur, feruntque ægrius, tanquam immerito suo illa patiantur, docere, & commonescere oportet, ista homini bono esse: Dei consilium & providentiam, qua ad salutem hominis referatur, in his sæpe consistere: his non plerumque adigi & compelli, ut omne perfugium salutis nostræ, in Dei ope atque auxilio melius constituamus: aut quos hominum impiorum secundæ res in aliquam de Deo & providentia Dei injiciunt dubitationem, hos vehementius etiam reuocare ab hoc errore necesse est, illudque demonstrare, longè miserrimam esse eorum vitæ conditionem, qui prosperis rebus elati, tanquam nil planè cum Deo illis sit, nullaque eos lex, nullius iudicii metus teneat, ita in omne facinus, & quò libido traxerit, dant sese præcipites, in quò sæpe acris vitiorum obiurgatio aduersus improbos ipsos necessariò suscipienda est. Quibus rebus omnibus, cum ex volumine psalmorum, diuino illo atque præclaro, psalmus nonagesimustectius nobis maximè appositus esse videretur, eum sumptimus interpretandum: omnes enim dolore aliquo animi, ægitudineq; laborantes, atque eos præsertim, quicunque in fide nostra sunt, & docere & consolari cupimus, ac nosmetipsos quoque pressius & coniunctius ad Deum applicare. Quorum in utroque probè recteque cõficiendo, quoniam nostra nobis plurimum indigiras, & propria peccata obstant, ipsique nihil omnino sumus,

veniant qui aliqua ærumna, aut dubitationis scrupulo sunt, vel suarum rerum aduersarum in animo, vel secum quæ prauos comitantur, in cogitatione & fide, ut copiosius procidamus & ploremus coram Domino, qui fecit quia ipse est Dominus Deus noster, nos autem populus oues pascuæ eius: psalmumque illi nonagesimum tertium tenemus, qui quam vim habeat & consolandi & confirmandi iam non nostra, sed spiritus sancti dictata nobis expone sunt, ex sacra illius lectione magis operæpretium est cognoscere.

DE v's vltionum Domine: Deus vltionum ostendere

Hoc est manifestum vltorem te fac, aperte age. Si & Aquila Hebraicam vocem Græco verbo interpretatus *φάνη*. Sanè congruentius, & magis apto sensu, quam quæ vulgata additione circumfertur, liberè egit. Et hoc idem germana ex Hebræo in Latinum translatione, Hieronymus probat. Hic Psalmus apud Hebræos *אנא יעקב* fertur, sine historiæ & temporis argumento. Sunt qui cum Moyses, nos Davidis esse nil hesitantes credimus, secuti sententiam, qui omnes psalmos, quos Ecclesia sancta nit, attribuunt Davidi, præter paucos, qui nominibus aut suorum prænotati sunt, ut Moyses, ut Anna. Nam Asaph & re, & socij, quorum in psalmis quandoque præponuntur, na, cantores fuerunt, illis continendis ante Deum in tabernaculo a Davide constituti. Alios quidem aliorum psalmorum autorem esse reor, sed in obliuionem temporum abiectos, tunc eos, tunc quoque scripta & opera, præcipuos autem Davidis permanere, nam & egregius ipse fuit psalter, ut sacra de eo loquuntur hic & primus illis in Ecclesia decantandis ordinem autoritatem constituit: suosque tradidit legendos, & pauculos quosdam suorum temporum: Ita qui secuti postea sunt psalter minorem eandem vim spiritus habere potuerunt, nec similem suis populo approbandis autoritatem. Omnino quidem, & in regis virtute, & in Dei veri honore atque cultu, & in gratia eundem Deum, & in sapientia, & in spiritu, scientia ac propere ante alios præcipuus fuit David: Idque singulari Dei potentia, quando ex illius semine fuerat promissus, qui orbem suum his omnibus virtutibus, & celestibus donis impletum foret: cunctosque secum vna ad fruendum regnum Dei, iustitiam imbutos, vocaturus, cuius natiua ex Deo patre generata non excluderet aliorum filiorum adoptionem, nec ipse suam hereditatem minui esset arbitraturus, si eam cum plurimis communicasset: quem liberatorem suum Iudæi etiam nunc expectant nos nostrum iam pridem & omnium agnouimus. Merito

David, in hac quoque psalmodia, cæteris antelatus est: nam quum hoc genus scripturæ valeat ad vtrumque, & ad hominēs optimis moribus, veraque erga Deum religionē imbueudos, & ad futuras res prouidendas, ac prænunciandas, neque præcepti vtilitas ab vllō potuit maior, quā ab rege esse, neque futurorum prædicatio certior, quā ab eo, qui esset ipse eorum quæ præmonstraret quasi radix quædam, seminariumque futurus. Quapropter nos psalmum hunc Dauidi, cui item cæteros omneis attribuiamus. Quod verò velut *anxiæ* receptus sit, id nos quoque; historiam temporum perpendentes, facillè intelligimus, argumento non carere. Est enim à Dauidē tunc confectus, quum eum insequens Saul, qui fugientem illum receperant, quanquam ignaros & innocentes Achimelech sacerdotem, & alios cum illo quatuor & octuaginta item sacerdotes, ferro iussit interimiri: Nobe autem sacerdotalem ciuitatem, cum omni populo, nullo ætatis aut sexus habito discrimine, ira & crudelitate incitatus, vniuersam ad interitum dedit. Hæc nimirum iniqui regis tanta atrocitas, Dauidem, qui suæ etiā vitæ vim atque insidias ab eodem quotidie intentari intelligebat, ad pangendum psalmum hunc compulsi: quo se primum, deinde reliquos omnes hortatur, & confirmat, vt improborum iniuriis agitati, Deū nobis vltorem affore confidamus: ipsumque humana omnia intueri, curamque gerere de omnibus non dubitemus, vt ne nos concurrent prosperæ aliquando hominum impiorum res, eorū autem contra qui boni sunt, habentur, nimirum asperæ interdum, atque acerbæ: Deum enim iudicaturū & correcturum esse omnia, quietemque his qui laborauerunt, gaudiū qui doluerunt, impiis autem & sceleratis, quorum est in vitio & iniquitate tota exultatio, multiplices ærumnas penasque redditurum: sepe quidem & in hoc seculo, in illo autem altero atque æterno, certo & inuitabiliter. Si quidem apud Deum nullum habet locum, nullam sedem iniquitas: quem profectō haberet, si non per eum fieret iusta & æqualis omnium cōpensatio. Atque hæc psalmi huius sententia est: Qui etiam canebatur apud Hebræos quarta sabbati, nec id absque mysterio, ad cuius intelligentiā nos multa cogitatione peruenimus: cantabatur hic in Ecclesia illa vetero psalmus feria quarta, in hebdomadis medio, quod erant vices & tempora, tum eorū qui in templo sacerdotes & cantores statis diebus deserviebant Deo, quotidianasque illi laudes & gratias celebrabant: tum eorum etiam, quæ concinebantur: quæ suis quæque diebus distributa accommodabantur ad Dei opera, quæ quoque die constitueret Deus. Huius distributionis & ordinis non omnes psalmi indicium præ se ferunt, quod multa sunt in eis die ipsa & veritate deleta: in quibus autem etiam nunc extat, hi perspicue indicant,

hoc pacto serem habuisse, ut verbi causa, in psa lmo vigesimo: Domini est terra, & in nonagesimosecundo, Dominus gnauit, decorem induit: quoniam in his sit præcipua de e terra mentio, ambo prima sabbati cantabantur, quæ Deo condita fuit terra. Hic autem noster, quem habemus nobis, in quartam sabbati descriptus est, nempe quod fuit tempus inductum in rebus, & institutum. Porro autem huius utilitas & ægrotantibus medicina à tempore & peritia ducta est, expectare enim iubemur tempus quo Deus manibus iniquorum vindicaturus est, ipsis autem impiis iniquis mercedem suorum scelerum cumulatè relaturus.

Deus ultionum Domine: Deus ultionum ostendere.

FOR TASSÆ videatur parum conuenire homini pietatem colenti, instare apud Deum tam acriter, ut se dat in impios ultorem, & eum, tanquam cunctantem, erastinantem, excitare. Sed hæc precatio rectè accipienda non enim illud, nec precatur Dauid, nec precandum est, ut improbos ita vlciscatur Deus, quemadmodum homines ira & odio incitati, suos sæpe vlcisci inimicos solent, sed diuino more modoque puniat. Est autem Dei ultio plerumque malorum medicina: nostra verò, interitus aliquando erianorum: Ideoque verè Dominus ultionum ipse solus est. Nam nos quum poenas sumere de inimico nos putamus, locum & opinionem nostram fallimur. Quid enim nobis corpus in obfuit: in quo tamen malè mulctando, si contingat, omni stras acerbiores expromimus. Quod te læsit, affectitque dicitur aut ignominia, animus fuit inimici. quem tu apprehendere non potes, potest autem Deus: solusque ita potest nullo modo possit vim Dei & potestatem animus deuitare. tumuis sit subtilis & velox, & ad elabendum paratus: quoque fert, in manus Dei tamen incidat, necesse est. Ipsi igitur vindictam, & ipse retribuet: Quod sibi ut permitramus, nos est cohortatus, ne si vindices ipsi velimus esse dolorum nostrarumque nostrarum, noceamus nobis meritis aliquantulus, quam inimico: illum enim cum vlciscimur, quo vile est, minuique pretij, corpus illius scilicet affigimus, laemus: in parte autem nostri optima & preciosissima, hinc in animo, aliam contrahimus labem, quod virtute inde, lenitateque exempta, culpas interdum in eo expiabiles suscipimus. Quapropter oretur Deus, ut ipse nostrarum iniuriarum ultor qui solus rectè scit potestque vlcisci: atque ita sit ultor, ut ipsum tantum quod nocuit, plectatur. Avarus aliquis per te circumduxit, puniat in eo auaritiā: Superbus con-

liam irrogauit, occidat superbiam : Flagitiosus attulit in domum tuam dedecus, exstinguat illi libidinem. His pessimis animi & rationis consultoribus sublatis ac peremptis, mentem & rationem ipsam in diem & lucem veritatis restituat. Hæc est vindicta dignissima a Deo quæ exerceatur, à nobis quæ postuletur: quamdiu tamen in animo delinquentis aliqua etiam nunc bona remanet materies, quæ mereatur conservari: dum est adhuc in peccando doloris aliquis morsus, & facinoris poenitentia: dum non eodem modo semper agitur, habenturque alterna recte & prave faciendi intervalla, & iuxta propheticum illud, Quum ceciderit, confurgit : quum sederit in tenebris, Dominus lux eius est: aliqua enim etiam tum residet spes in delincente sanioris apud Deum clementiæ. Vbi verò ventum ad extremum est, omnibusque vitiis & omni intemperantiæ imperio ratio tota iam consensit, eaque in naturam & vim improbae cupiditatis commutata est, alienosque induit vultus, nec sese quid ipsa esset amplius respicere voluit, hoc homine, vel non homine potius (Quidenim in eo iam hominis reliquum est?) quid faciendum sit, videat Deus. Nos id tantum oremus & omnibus precibus obtestemur, ut ab horum talium furiosa dominatione, si fortè plebibus aut populis præsidere iussi sint, fideles suos liberet dominus. Hoc item David precabatur & postulabat, non Saulis sanguinem, nec cruentam mortem. Quis huic illius voluntati testis? Ipsemet. Etenim videamus quid egerit, quando facta certius testimonium perhibent, quàm verba: habuit Saulem persecutorem suum, & eundem autorem illius cordis crudelissimæ, postea bis in potestate, semel in spelunca, quo in loco illi se incoxanti partem paludamenti abscidit: iterum in tentorio suo dormientem, vnde cum hasta & poculo regio est regressus, libera ei utrobique illum interficiendi facultas, & sese ab illius infesto odio & quotidiano vitæ suæ periculo eximendi : illum ipsum tamen, quem sibi hostem implacabilem, Deo & hominibus insensum, inuisumque esse intelligebat, traditum sibi ab eodem Deo in manus, non sustinuit occidere: quem maxime formidabat, contra quem paulò ante huius oratione Psalmi Deum ultorem tam vehementer aduocarat, quem si interemisset, erat ipse non solum ab omni errore & fuga conquieturus, sed ad regnum aspiraturus, cum ipsum inquam, non modo non occidit, sed nec maliquicquam attulit neque noxiæ: Quin incitantibus qui cum eo erant, & ut sumeret de hoste infestissimo poenam adhortantibus, hoc respondere perseverauerit. Non sibi, sed Deo tale iudicium continere. Ergo illo facto David suum hunc Psalmum egregie ipse interpretatus est, cuius nos moderationem animi quoad possumus imitantes, eundem Deum contra impios cum pietate

inuocemus: ne si acerbitatis illi velimus esse suafores, re-
primus in nobis, quod iure asperius debeat vlcisci.

Exaltare qui iudicas terram: redde retributionem supe-

Hic iam fidei Christi & aduentus eius ac iudicij eluce-
steria. Etenim sciendum est, eos Prophetas omnes quos
sanctus impleuerat, habuisse propositum mentibus suis a-
rum Christi Domini, mortemque illius & gentium libe-
nem, tantoque ante prospexisse concursum omnium nati-
ad meliorem fidem amplectendam, regnumque Dei illud,
iam non circumscriptum tempore, sed æternum futurum
constituendum: Quum hæc cuncta animo præuiderent
de magno illo Dei iudicio, quo orbis terræ & plenitudo
omnium, in veritate & in æquitate & iustitia erat iudic-
non solum cognoscebant, sed crebro & palam & passim
bantur, vt ex omnibus scripturæ veteris locis promp-
gnoscere. Hæc illi cuncta præuidebant, sed vt solent quæ
aliquid intuentur, aliquantò obscurius, quanquam erant
magis etiã clarè dilucideq; cernerent, quod iustiore, vt dixi
Dei dono assequebatur noster Dauid. Ac quod contingit
dum, valde aliquid desiderantibus, vt earum rerum, quarum
expectatione sunt, quamuis eas nouerint longè post futura
pian tamen sibi lætitiã & commodum representari, et
que illas votis precibusque exposcant: & tunc cum maximè
sus veniat, vt admodum opportuna & necessaria esse vide-
Sic (alij alibi) hoc loco noster Dauid, exaltationem Domini
aduentum eius, vimque & potestatem iudicantis adesse
iamque atq; instare postulat: ad refrenandam Saulis crue-
tem, & ad populum ab illius truci dominio vindicandum
querendum hic primò, quæ rogetur Deus vt exalteretur in
qui Dominus est terræ, quæ: eam continet vnus & conser-
sit in ea semper ipse solus altissimus: In quo dicendum, Di-
plitudinem illam quæ in ipso infinita est, in cælo & in terris
per eandem esse, in his verò quæ extra ipsum quodammodo
in cælis quidem perpetuum & immutabilem statum retinet
in terris aliquando minui. Maximus semper in seipso est
item in cælo maximus apud illos beatos regni æterni incol-
terra autem tunc magnus, quum qui penè Domini terra
hoc est vicem Dei gerentes homines, mandata ipsius præce-
custodiunt, debitosq; illi habent, & perpetuos honores. Tran-
fer hoc idem in regem aliquem, & eum statue virtute & sap-
prestantissimum, cuius tamen imperium & voluntas habet
leuior: erit ille in se magnus, in populo multò minor. In
orbe terrarum quum vitia dominantur, quum luxuria exulta-

extollitur superbia, quum populatur & diripit omnia avaritia, tū minor efficitur Deus, neque illius eminet tribunal, neq; ampla & gravis autoritas habetur: si vei o ipse attollat sese, exurgatq; in altum, & se conspiciendum vindicem formidandumq; ostendat, sicut spirare incipiente Aquilone, contrarij venti noxij & insalubres, necnon nebule nubesq; omnes, & quicquid prius turbidum aut corruptum erat, facessit continuo è medio, purgaturq; in serenum aera, & integram lucem intaminatamq; relinquit, Sic in sublime efferente se Deo, vitia peccataq; confidunt, improbi homines metu comprimuntur, plerique etiam pœnitentia purgantur, inferni tenebrarum rectores prodire palam non audent: lux, iustitia, veritas, mansuetudo charitasque dominantur. Hanc exaltationem domini & iudicationem terræ cum precabatur Damiid, habebat ille quidem recentem in Saulem iracundiam, qua aduersus illum, vt dominum invocaret, fuerat incitatus: verumtamen non tam stricte, nec tam angustis finibus iudicium terræ & sublimationem Dei circumscribebat: sed animo & spiritu spectabat aliquid amplius, illudque iudicium, & illam exaltationem potissimum intuebatur, quæ illi maxime in animo lucebat, ad quam omni desiderio ipse astuabat: parua enim terrarum portio Iudæa est: nec si in ea, aut pro ea tantum exaltetur Deus, idcirco sit in orbe terrarum sublimis, nec Iudæam iudicare, iudicare terram est, contraque potius vniuersi iudicij, & in toto terrarum orbe Dei exaltationis Iudæa futura erat accessio. Itaque illud est visum spectatumque iudicium, illa exaltatio efflagitata, qua Deus filiū suū aliquot post secula tanquam signū sustulit, vniuersis nationib; ad vitam & salutem æternam omnib; ostendendam. Quo tēpore dominus Iesus de seipso dixit, Quum exaltatus fuero a terra, omnia traham ad me: Atque idem de iudicio ira est loquutus, vt tunc maxime mundi iudicium fieri, tunc principem mundi exturbari foras diceret. Et is quidem tempore illa vsque adeo fuit exturbatus, vt aliquibus seculis expulsa impietate, repressisque omnibus vitijs, per quæ maxime Diabolus oppressum mundum tenebat, fides & veritas omnia obtinerent, tantiq; essent concursus cunctarum gentium ad Christi fidē veramq; religionem, & prioris vitæ errorisque pœnitentiam, vt liquido pateret, diuinum illud consilium diuinam vim esse. At enim reditum est postea in eadem quæ prius, & deteriora etiam mala: ergo alterum iudicium, alteraque Dei sublimatio orbi terrarum proposita est, quæ quidem pōstrema futura est, nec erit vltra quicquam quod iudicetur. Quam quidem Dei sublimationē, quodq; iudiciū, quo animo expectēt qui vitio & scelere periti, vni tantū seruiant libidini & cupiditati suæ, æquitatē autē & iusticiā, & omne fas rectūq; puerunt, prorsus intelligere nō quomodo forte

hoc ita fore non credunt, de quo alio loco erit disputandum. Nunc nos, qui ea futura certo credimus, agamus Deo & domino nostro Iesu Christo gratias, quod exaltatus fuit, & iudicauit, cesque & vota Davidis prophetæ sui, sua benignitate esse secutus: illa prima exaltatione videlicet, & iudicio, quo vult homine culpæ totius reo, in crucem secum affixo, nos noui, ui perpetuo esse possemus, accepimus facultatem: Et quæ maior superbis retributio fuit, quam humilitatis patientiæ doctrina? Nam & ipse dixit, Discite à me, quia mitis sum, & humilis corde. Quis porro magis idoneus ad docendum, quam Dominus? Quis grauior autor? Quis magister melior? quam is, qui omnium natura summus, sponte sua ac volens vsque eò effectus humilis, vt proposita sibi humani generis salute, graues iniuriarum indignissimas contumelias perpessus sit, mortem denique ipsam in suo corpore exceperit: quò nos doceret, quæ gradus nobis cœlum, & ad gloriam faciat, non superbiam eam esse, sed humilitatem; regnumque mundi quod dicitur, superbiæ esse: quod Dei, humilitatis. Huc David sua vota & desideria intendebat enim expetebat Saulis sanguinem, sed illius vim & iniquitatem reprimi, populumque ab iniusto illius dominatu cupiebat liberari. Itaque profecquitur & instat.

Vsquequo peccatores Domine, vsquequo peccatores gloriantur?

Hæc verborum geminata pronuntiatio, ad indicandum mihi interiorem motum vim magnam habet, & ad aliorum animos concitandos, præsertim cum est interrogando facta: vnde mens est enim interrogatio, eademque animos audientium hinc attentos facit, propterea quòd eodem temporis puncto quid tu quæras intelligunt, & quid respondeatur expectant. heu mentis igitur David commotus, nec tam peccatis imprudens (interdum enim peccare humanum est) quàm perseuerans in peccando, & quod extremum malorum omnium est in gloriatione in peccatis, quasi instat Deo, & nimiam illius patientiam inculcat, quòd ferat & toleret tam diu istorum insolentiam: Atque idem ipse, qui eum fortem, & patientem, longanimum, & misericordem laudare, & prædicare erat solitus, nunc ipse ad festinandum incitat: hæc nimirum de causa, vt quam multum de populo in vias impii abeant, & discedant, quæ multum rudinem ipse cernebat iam collectam circum Saulem, ruptam domini imitatione & exemplo, vt Doëch Idumeus complures alios: ergo vrget & instat, vt auferatur impijs potentia & gloria, vt ne dominantur, vt ne potentiam obtineant, quam viaticum in vberibus suæ iniquitatis: atque huiusmodi

nationem quid mali sit, magis etiam enucleare ostendere est exequutus.

Quousque peccatores Domine, quousque peccatores gloriantur?

Loquentur, & predicabunt iniquitatem: loquentur omnes qui operantur iniusticiam?

Hæc est gloriatio, quæ in tota mole vitij summum locum obtinet: Loqui enim voluntatis est, operari potestatis, gloriari autem his præterea quoque, iam fastigium est, & intemperantiæ, ac vitio extrema manus apposita. Igitur his duobus adminiculis, & velut substructionibus, tota subnixæ est prauitatis ædificatio: nam & qui loquuntur gloriantur, neque gloriarentur nisi facerent: Quæ ambo cum coniuncta sunt, nihil abest vitio, quin plene & cumulare sit vitium: sin autem diuisa & separata sint, leuius vtrumque multo, & minus graue efficitur. Nam qui loquuntur, ea mala quæ facere ipsi non possunt, hi stolidi porius & leues, quàm scelerati ducuntur: Qui vero faciunt, & à prædicatione abstinent, mali illi & improbi, non tamen extrema iniquitate cumulati sunt putandi: retinent enim adhuc pudoris & modestiæ aliquod vestigium: Vbi vero vtrumque adest, & super vtroque erecta & exaggerata gloriatio: Vbi expugnatio alienæ pudicitie, non tam grata est, quamquam fuerit ea multo studio elaborata, quàm prædicationis exhausti laboris & operis: Vbi auarum & rapacem non magis raptus, quàm fraus in rapiendo adhibita delectat: Vbi iniqua iudicia fiunt, fidesque venalis habetur: vbi fas confunditur, ius violatur: vbi intemperanter & luxuriose viuunt, atque insuper hæc omnia in laude & in gratia glorando ponuntur. Quis yllam inde abesse partem sceleris, improbitatis, & impudentiæ putet? Quid præterea quid agit ista gloriatio? Nónne cinicitatem donat vitijs, virtutibus exilium indicit? Nónne non solum pudicitiam corrumpit, sed pudicitie nullum relinquit locum? Nónne non modo ipsa rapit & furatur, sed implet omnia furibus & raptoribus? Quorum proh, sancte Deus, quantos interdum greges conspiciamus, atque hos quidem nos huiuscemodi homines, in hominum numerum ponere vix videmur posse: qui si non essent, aut non fuissent, dispersi multis in locis, vel omnia prope modum sæpe obtinentes, O fides Christi, quæ æternæ salutis viam omnibus credentibus aperuisti: O sancta illa & mundo toti salutaria Iesu Dei præcepta, sanctæ leges, sanctæ institutiones: quæ si rite seruata, & diligenter fueritis, atque vt fuerat, cœptum in honore habita, vberiora multo fructu cœlestium bonorum semina sparsissetis: quanto

esset vobiscum, & cum humano genere præclarior actum: quibus bonis abundaremus? Quantarum cladum fuisset expertes? Nunc vobis spreto & contemptis in quæ præcipitauerimus mala dicendum non est: Illud dicendum, & sedulo rogandum, ut à prauorum & impiorum hominum potestate plebes suas liberet Deus. Illis vero ut pœnam inferat, & damnationem? Nequaquam, sed ut lucem eis potius suæ clementiæ, si capere ipsi possint, offerat, atq; ostendat. Atq; ut appareat necessario rogari Deum, ut populos suos eripiat ab illis, videamus quantum agant malorum, cuiusmodi scelera committant.

Populum tuum Domine contriuerunt, & hereditatem tuam vexauerunt.

Vidua & aduenam interfecerunt, & pupillos occiderunt.

Ex historia à Saule hoc in Nobensem ciuitatem perpetratum facinus est, in qua nullius vitæ omnino pepercit iracundia regis, neque vlla fuit, quò minus omnes ferro trucidati occumberent, ætatis, aut sexus aut generis facta distinctio. Sed ad omnes illiusmodi rectores & impios præsides extenditur, non enim arcetur angustijs Spiritus sanctus, neq; terminos habet intelligentiæ suæ, nec regionibus circumscribitur, sed permeat in omnia: hocque in sacro volumine, quod ipsomet dictante, totum è cælo, & celestibus diuinæ doctrinæ consilijs haustum, & expressum est, plura & longe maiora comprehenduntur, quam quanta capere potest hominis mens: quæ propterea tamen abistere non debet, nec spe intelligendi dehci, sed niti potius scrutando, inuestigandoq; ut quotidie accipiat aliquid amplius. Paululum n. quicquid percipitur, quantulumcunq; sit, non paruum momētum ad beatam vitam affert. Quod de beato Pambo, in Ægypti solitudinib. Deo inferuenti, literis est traditum: qui cū accedens ad Doctore, ut librum psalmodi ab eo addisceret, audisset primum versiculū psalmi XXXVIII. Dixi Domino, custodiam vias meas, ut non delinquam in lingua mea: eo contentus versiculo, discessit, annisq; triginta ad vitam recte instituendam illa vna sententia est usus. Igitur aduersus Saulem ista quidem potissimum intenta est expositulatio: Sed valet aduersus similes ceteros. Atque is quidem, quum ira & crudelitate incensus, vniuersum populu illum militū gladijs trucidandum dederet, per causam, quod receptum Danidi primo, mox exitum ad fugam præbuisent: Quid poterat dicere, quamobrem id esset, non dico iure (nullum enim ius suffragatur crudelitati) sed mediocri saltem iniuria factum? Si illos egisse maliciose, odio vel contemptu sui existimabas, cognosceret eam,

nam,

sam, daret spatium iræ, quoad nocentes ab innoxijs segregaret. Sed fac ciues omnes fuisse nocentes, qui tamen neuiquam erant, num etiã viduas, & aduenas, & pupillos oportuit occidi? Qui profecto mileri, ab omni non modo culpa, sed etiã suspitione culpæ remoti erant, & omnes tamen eandem acerbissimæ mortis subierunt pœnam, contra omnia & Dei & legis Mosaicæ præcepta, in qua his maxime generibus hominum humanitatis officia impendi iubentur. Ita quibus ira etiã hostilis, vrbibus in bello captis per vim, parcere solet, eis non pepercit in pacē iniusta iracundia Saulis. Iam hic mos est animi effrenati & consuetudine excitati, impetu ferri in id quod collibuerit: hæc improbarum cupiditarum vis & natura, vt satietatis in se finem non inueniant, eatenusque excurrant, quatenus non tam ipsa etiã voluptas, quàm cæca quædam temeritas prouocat, & qua defatigatio, non voluntaria illa interspiratio constituit terminum. Hoc tum Saul in crudelitate: Quid in auaritia, quid in intemperantia quàm multi? Quid in iniustitia & iniquitate? præferim si qui in imperio & iurisdictione constituti, vim illam muneris ac potestatis suæ, non ad tranquillitatem & commodum populorum, sed ad suas explendas cupiditates conferunt. Hi sunt domine, qui populum tuum conterunt, qui diuexant & lacerant hæreditatem tuam. Tua enim hæreditas, tuum dilectum & charum patrimonium, fideles populi sunt: in quorum bonis moribus diuitiæ tuæ, in quorum pietatis & nominis tui cultu, clara est & opulenta possessio tua. Qui quum in pudore & pudicitia corrumpuntur, quum ad intemperantiæ studium exemplis turpibus prouocantur, quum exagitantur iniquis iudicijs, iniquis imperijs, iniquis direptionibus, in eis tum nimirum hæreditas tua vexatur. Arque vt hæreditatem alieno ære mersam, qui ex testamento aut ab intestato successuri sunt, facile solent spernere & recusare adire: sic vehementer verendum nobis est, ne tu quoque Deus hanc tuam hæreditatem, culpis & vitijs contaminatam, multa penè desperatione à te ipso alienatam, recuses cernere. Sed miserere Deus, miserere, & auerte iram tuam a tuis, in eosque potius conuerteris, qui nec tui & ipsi volunt, & alios, vt ne sint, abstrahere conantur, conteruntque plebem tuam: non vt publicis rebus consulant, non vt aut iustum bellum inferant, aut refrenent hostium ingruentium impetus, non vt statum & dignitatem suam tueantur: hæ enim causæ in summis regibus ac principibus, nunquam optandæ illæ quidem, sed aliquando necessariæ, semper ferendæ cum modestia & patientia sunt. Verum isti suam vt expleant auaritiam, vt suppeditent intemperantiæ, vt seruiant ambitioni. Qui si etiã tales interdum sunt honore potestateque videlicet, vt illis æquiritatis omnisque ab-
 stinent.

stinentiæ ac integritatis curatio fuerit demandata, ea vero lo-
 poris ad contrarios effectus recidunt. Hi sunt domine, qui
 solum conterunt populum & vexant hæreditatem tuam, se-
 quadam maiore crudelitatis & iniquitatis viduas & aduenas
 terficiunt, pupillosque occidunt, in re quidem & corpore: qu-
 ut quis minus est ab ope propinquorum auxilioq; munitus,
 magis est istorum iniuriæ cupiditatisque expositus: & quæ p-
 simum valere causæ ad excitandam fidem & diligentiam præsi-
 solent, orbitas, viduitas, peregrinatio: hæ turpes maxime infla-
 mant cupiditates, ut tanquam ad paratiorem prædam se conu-
 rant. In anima autem & mysterio, videamus quæ sit ista tanta
 duarum & pupillorum internecio: Vidua, anima est, quæ aut
 tionem nullam, aut eam imbecillam & inconstantem habet:
 enim animæ ratio est, aut si est masculino nominis genere ut
 dum, quando Græce dicitur *ἀνὴρ*, nos dicamus tantisper con-
 lium. Est igitur consilium vir animæ, quod si absit, aut infirmum
 debileque sit, vidua anima est. Quid enim interest ad viduita-
 naturam, habere virum inutilem, aut omnino non habere? V-
 runtamen huiusmodi animæ, quo per se ipsæ imbecilliores su-
 hoc magis rectoribus & prædibus sunt, ac fidei eorum commit-
 data & concreditæ, ut quod non habent domi, illorum pro-
 dentia accipiant, quotidianum videlicet adiumentum salutis su-
 ut in integritate virtutis, & in bonorum morum bona valetu-
 neteneantur: Quæ si cōtra exemplis turpibus corruptæ, ac ve-
 imbecilles, facile abductæ in viam interitus, tetram peccati o-
 cant mortem: tibi o quicumque & ubicumque inique præses,
 duarum huiusmodi adscribitur interfectio: tibi occisio aduer-
 rum & pupillorum: maiore etiam crudelitate, quàm si eorum
 bona & fortunas diripuisses, quanquam sit quidem sapius utro-
 que, sed graviori multo in hanc partem scelere: Nam ad id
 exemplum aduenæ sunt, qui ignari morum & hominum, cum
 aliquod conferunt habitatum, nouæ patriæ moribus institueret
 se student, qui ad præclaram certe perueniunt tuæ disciplinae
 gulam. Pupilli vero hi, quos tu flectas & singas quemadmodum
 velis, in quibus genitus tui moris & voluntatis formam impo-
 mas, quos habeas deinceps, quibus confidas maximè, tanquam
 filios vero orbatos patre, te patrem iniquitatis suæ unum agnos-
 centes, quos statuas in omni tua libidine & cupiditate emul-
 rios. Hos tu interlicis & mactas vniuersos, his ferrum ipse & p-
 gam & interitum affers: Quod non faceres, aut certè non
 effuses, neque tam passim faceres, si Deo existimares ista esse cu-
 Nunc quæ nam ista est ratio & intestina cogitatio tua? Legam
 prophetam, tua arcana consilia nudantem, tuas absconditas
 gitationes in lucem proferentem.

Et dixerunt, non videbit dominus: nec intelliget Deus Iacob.

VIDEN' VI deprehensus es nefaria cogitare? Et nimirum radix, & origo omnium vitiorum est, falsa ista & longe mentiens de Deo persuasio: tanquam aut nullus sit, aut si sit Deus, nihil curet omnino res humanas. Duplex hic error, & quidem re duplex: quanquam verbo videantur qui alterutrum ponunt, de altero non contendere, necessario tamen in utroque offendunt. Nam qui curare hæc nostra negant Deum, verbo Deum esse confiteri videntur, quod est longe secus: Qui vero ex omni cum natura penitus collunt, non habent necesse dicere Deum inferiora ista non curare, quod tamen re ipsa astruunt: non enim oratio apta est, quum de eo quod nusquã est, ira dicatur, quasi quædam sint, quæ illi non sunt curæ. Sed Deum nihil omnino esse, paucissimi disputauerunt: quorum vnus, nescio qui, & etiam dictus est: Aufert enim omnibus hominibus sensum & conatum sic censendi & cogitandi, Lux ista diurna, & nocturnorum luminum aspectus, tantusque, & tam admirabilis ordo rerum pulcherrimarum, quæ dum alternis temporum interuallis occurrunt, & redeunt semper ad idem, vicissitudinesque illas conficiunt, per quas salus continetur vniuersi, neque vel tantulum ab præstitutis semel cursibus moribusque defleunt, ipsæque diuersæ inter se, & plerumque repugnantes, in vnum tamen concentum, & vnam concordiam omnes finiunt, declarant profecto & prædicant altius quiddam esse, idque summum omnium atque vnum cuius omnia lege & imperio moueantur: quod & vbique, & in sacris literis præcipue, nominatur Deus. Cæli enarrant gloriam Dei, & opera manuum eius annunciat firmamentum. Hæc vox naturæ, Deum esse clamantis, tanto quoque versum sonitu diffusa est, ut omnium gentium aures, omnium mortalium mentes, cordaque impleuerit, etiam nolentium & reluctantium: ut si tantummodo animum aduerterint in cælumque suspexerint, esse quendam Principem & Dominum naturæ totius fateantur. Quare Deum nihil omnino esse nemo aliquo præditus sensu planè potuit affirmare. Ignorari autem ab eo, aut certe negligi res humanas, tam multi sibi ipsis persuaferunt, ut horum multitudine terrarum orbis laboret. Hi dicunt in cordibus suis, inquit Sophonias propheta, Non faciet bene dominus, & non faciet male. Hæc est persuasio, fons scelerum omnium, incitamentum flagitij, atque totius intemperantiæ & iniquitatis: a qua qui decurrunt, quin in omne flagitiū, omnemque cupiditatem præcipientes ruant, nihil habent peniti, neque moderati: quorum quidem est deterima & perniciosissima natio: Primum, quia multitudine ipsa est robustior, nam illi Deum vspiciam esse negantes, improbi sanè, &

pæna.

na.

pœna magis, quàm verbis refutandi, attamen aliquot sæculis fere sunt singulares: Deinde, illi ingenij iactandi gratia agere id videtur, isti intemperatiæ & iniquitatis potius exerceende. Postremo, illi & rari aut nullos habent assensores, & ab ipsis diuinis operibus facile refelluntur: isti cum sui imitatione plurimos corumpunt, tum præbent suis factis & operibus occasionem de Dei providentia ac iustitia aliquando dubitandi: Ac si penitus magisque introsum istorum impietas inspicienda est, hi sunt, qui aliquanto etiam efficacius Deum auellunt e rerum natura, quàm superiores illi, quum tamen cum verbo relinquerè videantur, quod factis aduersus eum, non oratione pugnant. Qui enim quæso relinquis in natura Deum, si illi adimis providentiam? An tu rem ullam, nedum rerum omnium principium & caput, statuis esse posse in natura expertem eius muneris & functionis, quæ rei illius propria sit? Fieri hoc nullo modo potest, ut sit, ut stet, ut locum habeat: ut enim, si ignem des quidem, & concedas in natura esse, eum autem neges calefacere, simul illi & actum suum, & naturam, hoc est, totum ipsum ignem e rebus tollas? sic qui providentiam & iudicium Deo auferunt, Deum ne esse quidem in rebus patiuntur: nec tamen in hoc fini insistant, ut quasi cognitionis duntaxat & disputationis causa videantur iustitiam Dei e rebus tollere, sed fenestram sibi ad omnes libidines, & omnia scelera patefacere nituntur. Visne videre rem ita se habere? Accipe ex eisdem sacris codicibus oraculum, Dixit insipiens in corde suo, non est Deus. Hoc est, nobis non est, neque mortalium ullis, non inspector, non punitor facinorum nostrorum: Nam hoc & insipienti illi sat erat, & quoposito tamen, sequebatur etiam id quod modo diximus, Deum omnino nusquam esse: Verum ille non tam id quærere subtiliter laborabat, ad tactum, & gustatum, & corporea oblectamenta properabat, quibus ut posset frui liberius, hoc vno erat contentus, Deum sibi non esse. Itaque alio loco hoc idem ostendens de impio Psalmiographus, Non est Deus, inquit, in conspectu eius. Et item, Dixit in corde suo, oblitus est Deus: auertit faciem suam, ne videat in sinem. Quæ persuasio tam habet vim, ut omni obice pudoris & religionis emoto, vniuersum vitiarum flumen irrumpat. Ergo simul ac dixit insipiens in corde suo non esse Deum, quid sequitur? Quid? Corrupti sunt, & abominabiles facti sunt in iniquitatibus suis, non est qui faciat bonum. Igient effectus istius persuasionis, omnis corruptio & abominatio est. Etenim non possent, qui se totos sceleri & intemperantiæ dedunt, tota mente in id vātere, si Deum curare ista, & vindicare arbitrentur. Quapropter illo sese primum metu liberant, quoad tamen possunt: nam qui i allequantur, alio loco fortassis erit disputandum. Conantur quidem certe

se liberare, ac exoluere. His nunc hoc animi morbo vehementer affectis, & vel suo scelere & intemperantia, vel alienæ improbitatis exemplo in hanc pestiferam opinionem demersis, ex huius Psalmi saluberrima lectione affertur medicina, si capere eam velint, & sapientiori credere, Deo ista esse curæ: retractemus prius morbum, ut aptius post possimus apponere medelam.

Et dixerunt, non videbit Dominus.

DIXERVNT, de eo quem nos Dominum habemus, ipsi vero non habent: Qui enim habeant pro domino, cui esse curæ familiam negant? Dominus enim esse sine domo non potest, porro domus est, non tam domicilium ac tectum, quàm ipsa liberorum atque seruorum sub vno rectore & magistro ordine instituta collectio.

Non intelligit Deus Iacob.

DAVS Iacob, Deus verus est, ceteri Dij gentiū, ficti & ementiti. Quid si verus Deus hæc nostra non intelligit, ceteri quomodo intelligant? Et simul attende omnem omnino Deo auferri cognitionem, quando & sensus illi, & intellectus eripitur, neque solum in præsentia, sed in posterum etiam auferri: non solum enim non intelligere, sed nec intellecturum affirmant Deum, quod idem est, ac dicere, eum ad intelligendum facultatis nihil habere, ut sicut dicit Apostolus, peccatum peccantius sit, duplexque maledictio duplicato proferatur, & in re geminata, & in tempore. Quid? Isti videntur ne aliquid Deo in natura rerum præter cassam vocem & nomen inane relinquere? Vidimus grauem morbum. Nunc ad medelam morbi, yna cum Psalme nostro, Deo freti, conuertamur.

Intelligite insipientes in populo, & stulti aliquando sapere.

HÆC vehemens increpatio cum indignatione prolata, magni præceptoris indicat auctoritatem, estq; ad vtilitatem doctrinæ namque, eorum qui errant & falluntur, suscepta. Facit enim attentos, & ad expectandum aliquid magni, aures & animos audientium erigit. Sanè increpat utrosque, & eos qui de populo, hoc est, de simpliciore hominum genere capti inductique sunt, ut propter felices impiorum successus, & sæpe contrarios piorum, existiment ab harum rerum gubernatione & cura abesse Deum, & qui ipsi impietate & scelere principes erroris & prauæ opinionis sunt: Prioribus illis attribuit insipientiā, quæ est ignoratio, doctrinæ non repugnans: Posterioribus his stulticiam, quæ est ignoratio, doctrinam omnem repudiā. Insipientes sunt, qui ita nesciunt, ut si quis eos doceat, possint iam scire, quæ

antea

antea ignorauerunt: Stulti sunt, qui ita nesciunt, vt sciri optime, & callere omnia videantur: qua quidem scientiæ persuasione inflati & tumidi, aditum amplius ad se vera scientia non relinquunt. Hæc ignoratio, capitis & orbis oculi oculis, comparata est: illa prior, conniuentibus. Igitur cur pellauit insipientes in populo, & inuitauit ad intelligendum unus hominum vocauit, quod simplicitate potius, quam. lio, in dubitationis scrupulum de Deo, & diuina providentia hæssisset, nec sponse sua, sed imitando alios, multa que boni moris & ordinis expertia intuenso, semetipsum quocandem foueam erroris demississet, & esset adhuc tamen dinabile. Qua autem est, Et stulti aliquando sapite: illos impuit, quorum est prope salus & correctio desperata, qui habiam & callum teterrimæ ignorationis induxerunt: propeque verbum apposuit, Aliquando, quod idem valet ferè fieri potest, si vlla reliqua spes est, si quod à vestra voluntate nere iam nequitis, aliquando à die & tempore accipiatis.

Qui plantauit aurem, non audit, aut qui finxit oculum, considerat?

RATIO physica est eadem cum interrogatione, tanquam lum contorta, vt vim habeat ad refutandum maiorem: de nos breuiter quidem, sed aliquanto accuratius differemus. Spiritu sancto nos adiuvante, aliquod lumen possumus ostis philosophiæ errantibus attollere, per quod, omnia in rem & intelligentem Deum, ipsi quoque intelligant. Sæ tota huius argumenti est, maiorem effectorem, eo quod estur esse. Quod si tu quum non abs te ipso, sed aliunde sis, hæque autorem tui & effectorem Deum, his facultatibus tam viribus præditus es, videndi videlicet, audiendi, cæterarum omnium: quid ita non putas easdem potestates & habere Deum & melius quàm te præstantiusque habere? An quod oculi in Deo non sunt, iccirco ab eo vim videndi segregas? At non modo Iob, qui cum Deum optime videre sentiat, carnem & oculos separat ab eo. Quum enim sic interrogat, Num oculi carnei sunt tibi: aut sicut videt homo, & tu vides? Idem fert, ac si diceret, non sunt carnei, neque ita vides, sed æ multo, & præstantius vides. Et recte ille quidem: Nam oculo caro ad id potius valet, non vt videatur, non enim vbicuius oculus est, ibi statim est visio: sed vbi oculo adest visus, contracte & finitè videatur: Nam videre ipsum per se si in ratione spectes, amplum in immensum se pertinens est. Vnde rem oculus quisque terminum habet, quo summum in modo potest peruenire, alius alio vegetior & magis prospiciet.

omnes tamen in hac facultate finiti, vt insistant alicubi in viden-
do, nec vltra progrediantur, quam quatenus spatijs & terminis,
quæ est corporum omnium natura, eorum vis & potestas sit cir-
cumscripta. Illud autem ipsum quod est videre, sua ratio videli-
cet ac videndi essentia, nullo impedita corporis, & propterea im-
becillitatis vinculo, in ea mente profecto tota est, vnde in hos
singulares oculos continenter est accersita: eademque infinita,
hoc est, nullis omnino huius facultatis intersepta terminis, quæ
nihil earum prorsus rerum, quæ sub sensus illius notionem ca-
dunt, vlllo modo potest præterire, aut effugere: nihil vllis insu-
scatur aduersus eam tenebris, nihil corpore obtenditur, nihil in-
teruallis & spatijs absconditur: corpus enim non est in Deo, cui
alio corpore obstrui, aut quod terminis possit circumcludi, sed
vis mentis, omnium effectricis & dominæ, ab omni mole corpo-
rea absolutæ: ideoque omnia facillimè administrantis & regen-
tis, in qua cunctarum facultatum & virium, quæ in rebus factis
insinuatæ sunt, tanta est abundantia, tam infinita, inexhausta-
que vbertas, vt non solum omnibus & oculis, & auribus, & ani-
mis inde suppeditetur, quod illis satis superque suarum faculta-
tum sit, sed si infinities totidem prodeant in natura rerum, quor
prodierunt antea, vel post prodituri sunt, abunde tamen para-
tum omnibus, quod illinc hauriant, sit futurum. Ille ergo, qui
totam vim videndi, & id ipsum quod purum & absolutum est vi-
dere, in se continet, quum illud dispersit in tot oculos, tantam-
que artem & rationem adhibet in fingendo & collocando: quid
agat ipse, profecto videt, semperque vidit: neque est bono ædifi-
catore inscientior, qui quas opportunitates in domo bene ædi-
ficata disponit ipse arque aptat, habuit in mente & ratione sua
prius, & exactius etiam habuit. Siquidem descriptionibus, men-
surisque rationis non possunt corpora ad amussim respondere.
Atque hic mortalis & imbecillus est, non Deus, sed Dei similitu-
dinem gerens, qui tamen ex ea arte, quam intus habet, & ratione
illa ædificatoria, si corporis natura, implicatioque non obster,
afferatque difficultatem, innumerabiles quotidie domos possit
extruere. Quid ille summus, & æternus, & omnipotens, nullo in-
toluero corporis irretitus, & propterea vocans ea quæ non sunt,
tanquam ea quæ sunt, in quo omnes omnino rerum omnium rati-
ones, quæ sunt ipsæ essentia ac naturæ, & hæ absolutæ, perfe-
ctæ, vniuersæque insunt, quæ innumerabilibus ex sese rebus for-
mandis & constituendis semper sufficiunt: quæ quum proman-
tur quotidie, non exhauriuntur, quum delibentur, nunquam ta-
men decerpuntur. Quid ille inquam existimandus est? Non vi-
dere ne? qui visum cæteris præbeat: aut non audire, qui donet
audium? An verò alio sensu vlllo, intellectuque cætere est puran-
dus,

dus, quem quæ sentiunt cuncta, quæque intelligunt effectum sensuum suorum, & creatorem confitentur? At enim ut fortè, inquirunt, & intelligat hæc inferiora, nihil ea curat. Quando quidem si curaret, quum eius vim & potestatem res effugiat, suo cuncta ordine, rectèque gererentur, quæ agi plurima, & fieri perpetam, nullo ordine cernimus. omnium fontemque malorum, prauam hanc & perueram Deo opinionem: quas illa strages in humano genere, quæ das & rapinas quotidie agit? Cui si primo hæc responsio curramus, falso istis ita videri hallucinariquæ eos in hisce præue & perturbate geri videantur: Deum autem recte cogitare & disponere suo ordine omnia: quid tandem contra profectum Audeantne sese & visionem suam cum Deo comparare? Aut contendere, rectius se quàm Deum de hisce iudicare? Non enim, sint usque adeo impudentes: De illis dico, qui se donunt, qui fortuito, non certa sententia in errorem hunc decurrunt. Nam illi alteri, ne primas quidem huius orationibus, in animum suum patiuntur introire. Nondum Christus arma capimus ad refutandum: Adhuc in communi conscientiamur, Prophetæque verbis & sensis inhæremus. qui quærit, Qui finxit oculum non considerat? Mito profectio considerationem à visione non disiunxit, ut si conuincitur videre Deum, eundem considerare cogerebatur facere. enim est visio, si non consideres? sine quo oculis sæpe apertis vigilantibus, si quid offeratur & occurrat, ne cernitur quæ ut appareat animi esse, & non oculorum videndi iudicium porro attentio animi & consideratio, si curam cogitatione non affert, quo pacto munus suum officiumque tueatur? Quàm non in Deo eodem modo, quo in nobis, sed illaborat eo, & expedita est. Neque hoc argumento ad refellendum tentus David, prosequitur amplius, & instat.

Qui corripit gentes, non arguet: qui docet hominem tiam.

DVPLEX hic curæ & providentiæ Dei modus: aut enim monet edocereque quid sit faciendum: aut declinantes à preceptis corripit & castigat: qui utrumque horum agit, eum & providere quicquam qui negat, profecto ipse quid sentiat nihil omnino vider: Atqui utrumque manifestè agit Deus. Agimus primum communiter ad nationes, deinde ad electos Dei, singulos conuertamur. Est enim eò intenta hæc ratio, ut si quas munus quadam scientia erudit gentes, eas tamen aberrantem corripit: multo id magis in nobis sit facturum, quibus edoce præter leges, præceptaque nature, etiam peculiarem doctrinam.

propheticae legis, & semetipsum postremo doctorem exhibuit. Videamus igitur, quæ sit ista scientia, quam communiter omnes homines edocet Deus: atque ut planius de ea loqui possimus, similitudinem primò illius in oculo exponamus: Dicimus enim necessariò munus, functionemque videndi docuisse nos Deum, propterea quòd quum in nobis oculos effinxit ad videndum aptos, & ea quæ hoc sensu visionis percipienda erant, proposuit ante illos clara ac illustria, lucemque adhibuit, quæ colores, varietates, distantias, motusque cunctorum patefaceret: nos eadem sæpius intuendo, artem videndi & peritiâ quandam acquireremus, per quam quid esset iam, & quid valeret id quod cerneremus primo ipso iactu oculi motuque admoneremur. Item fecit in animo hominis Deus, longèque in eo præstantiorem constituit mentis oculum, ad intelligendum aptum, cui cuncta quæ fecerat, & semetipsum cognoscendum proposuit, ut ministerio sensuum primo nixus, deinde per semetipsum gradus sibi instruens, atque ab alio ad alium sublimius semper se erigens, in cælum tandem se inferret, ac diuina illa & immortalia contemplatus, ubi illorum considerasset ordinem, Deumque effectorem omnium adorauisset, tum rediret ad sese, conaturque, quantum quidem in eo esset, ad illorum exemplum & imitationem semetipsum formate, atque instituere. Hanc nimirum scientiam omnes homines docet Deus, non humano sermone eos erudiens, sed voce illa, quam alio loco cecinit Dauid Propheta, Cæli enarrant gloriam Dei, & opera manuum eius annuntiat firmamentum: Dies diei enunciat verbum, & nox nocti indicat scientiam: Non sunt loquelæ istæ, neque sermones, quorum non audiantur voces eorum: In omnem terram exiit sonus eorum, & in fines orbis terræ verba eorum.

Vides ergo, & intelligis, homines à Deo scientiam esse doctos. At quam scientiam? Hoc enim iam demonstrandum est, quæ sit ista, & cuiusmodi scientia, cuius doctorem Deum meruerit habere humanum genus. Nec tamen dubitandum diutius est, quin **IUSTITIA** ea sit: Lex naturæ videlicet perpetua & immutabilis, per quam quod suum est unicuique custoditur, ita præclare in cælo descripta, in cæteris rebus impressa, ut qui eam non inde in suos animos hauriunt, animum non habere, aut ne homines quidem esse videantur. Porro suum cuique tunc custoditur, quum non solum locus, honos, officium, munus, functio denique sua unicuique integrâ inuiolataque seruat: Sed etiam ubi lapsus aut ricubatum aliquid fuerit, & vel oppressione subsederit, vel accretione intrinuerit, quum id in statum & ordinem pristinum reuocatur, præmiumque & merces sua cuique pro operibus &

factis digna rependitur. Illud primum, in æternis & inco-
 bilibus locum habet: hoc alterum, in fluxis & caducis. H-
 Iustitia, quæ in Deo consilium, & sapientia, & providen-
 est, quod quidem postremum nomen Iustitiæ imprimis
 rum est, & familiare: neque enim vlla est iustitia non pro-
 eadem si eam tanquam sponsam de thalamo progredien-
 coetum hunc præclarum tot rerum, tantarum, & tam va-
 deducas, ipsamque ad illas applices, & in illis constituas,
 illa ordinis & nomen & ratione adipiscitur, ut iustitia nor-
 tat. Est enim ordo nil aliud, quàm in rebus collocata & i-
 ra iustitia: Quæ simul atque enituit, in creatis rebus, &
 minus in ipso Dei consilio menteque permanens, radium
 turis in omneis res explicuit, ordinemque distinxit: tun-
 rabilis iste ornatus emicuit tam superiorum corporum qu-
 ferorum: suisque partibus & muneribus distinctus totus
 que dispositus, complexum hunc mundi constituit inge-
 numque circumcirca in globi speciem tornavit: nimirum
 ea forma, quoad corpori sas est, ad similitudinem sui ef-
 proxime accederet. Quo etiam magis intelligitur & a l-
 ctus, & illius providentia perpetuo conservatus. Eade-
 que effectrix, eadem inspectatrix est creationis suæ, Dei b-
 & iustitia, & providentia: conservatque quod creavit, or-
 que tuetur in primis: qui si deficeret, aut permisceretur,
 hæc, quæ tanta mente perfecta sunt, ad inane omnia ex-
 conciderent. Ordinem igitur præcipue & maxime diligit
 eoque teneri cuncta vult, nec potest vacuus esse voluntas
 Proinde & iustitiam productricem ordinis, in omneis æ-
 adhibet: Non enim in eo accidit, quod interdum in homi-
 imbecilla facultate præditis, ut hunc ipsum ordinem, h-
 Iustitiam in magnis rebus adhibeat, in parvis negligat: S-
 quaque arte & facultate, eiusdem est rationis, quæ sub il-
 tem facultatemque succedunt, pari cuncta studio, minui-
 diocria, maximaque curare: nec medicina ars id agit, ut co-
 put hominis, thoracemque curaverit, minora cetera m-
 partesque alias negligat, sed omnibus æquam & similem ad-
 diligentiam curationis suæ. Structoria vero aptandis co-
 tandisque lapidibus, sic parvos una cum magnis compon-
 texerit, ut neget alteros sine alteris probum opus & firmu-
 cere posse. Item de Deo necessario est intelligendum, qu-
 sit inlimitæ potentia & sapientia compos, quum omne qu-
 aut etiam esse potest, illius numini & voluntati præsto s-
 nem autem ipse, in primis Iustitiæ filium diligit, quo pa-
 tandus est cum quidem ipsum ordinem in summis & m-
 adhibere, in inferioribus alijs negligere? Quod si facere

tam ordinem ille, quàm res quasdam adamaret: neque tam illi ordo, quam confusio esset in rebus accepta: nisi fortè propter desidiam & inertiam ab huiusmodi cura vacare, aut propter inuidiam curare nolle, est existimandus: quorum vtrumque quum vitium sit, ab immensa Dei bonitate longe abesse necesse est. Curat igitur, & prouider, & suo ordine omnia regi vult Deus. Sed non omnium parem conditionem esse voluit. Itaque in cœlestibus ordo iustitiæ ita præclarus est, atque constans, vt quamuis corpora illa numero multa sint, effectiõibus diuersa, motibus contrariâ, nihil tamen vnquam ibi titubetur, nihil peruertatur, nihil dissentiat. In his autem quæ inferiora & corruptibilia sunt, alio quodammodo elucet diuinæ iustitiæ & prouidentiae ordo. Nam vt medicinæ ars bisariam diuisa est, & vna sui parte ad conseruandam bonam in corporibus valetudinem accommodata, Altera ad eandem, si amissa aut labefactata sit, restituendam: Item in Deo effectrix illa & cõseruatric ordinis Iustitia, aut eum ipsum ordinem perpetuo & immutabiliter continet, in ijs quæ ita facta & apta nata sunt, vt alienam naturæ suæ constantia mutationem nullam recipiant: aut si varietati & mutabilitati sint obnoxia, quod deprauatum est, semper corrigit, & omni ratione amissum restituit: Mutabilitatē autem illam, & fluctus, ætusq; quodammodo reciprocos, quotidianasque seditiones rerum corruptibilium, etiam ad bonum iubet redundare vniuersi. Itaq; & elementorum rixa inter se, alternaque populatio, huius mundi inferioris vegetatio est: & plantarum animantiumq; genera, quæ ignobiliore loco, & honore inferiore constituta sunt, ita in singularibus indiuiduisque corporibus commutantur, vt saluo in vniuersum semper genere, pro qualitate subiectæ materiæ, iustitiæ & ordinis in illis quoq; lumen appareat: magno illo præcipue Dei prouidentiae argumento, quod quæ illorum ad nocendum armata sunt, rara in natura, & infrequentia existunt: quæ vero innocentiora, maiore multo numero genus suum frequentat. Homo restat vnus, in quo maxime desideratur & queritur hæc diuinæ prouidentiae ac iustitiæ perspicua monstratio: Nam & quum sint & numero hominum complures, qui confuso in semetipsis & turbato ordine, eum vbique & in cæteris omnibus confundere ac perturbare maxime nituntur, abesse ab his profecto cernitur illa ordinis seruatrix Dei iustitiæ ac prouidentiae ratio. Quum vero etiam præterea impijs & nefarijs secundi euentus rerum permittuntur, potestasque vltro & autoritas attribuitur, qua liberius possint & copiosius flagitijs, & improbis suis cupiditatibus indulgere, inde quoque correctrix illa, & emendatrix prauæ factorum Dei Iustitia procul abesse creditur: hic, vt opinor, totius difficultatis nodus est, hæc maxima dubitatio, ad quam, quan-

rum nobis inspirante Deo licitum fuerit, dissoluendam (quoniam hæc à nobis doctrina populo Dei, multis vbiq; affecto incommodis & difficultatibus sumpta est) accedere non grauabimur. Hic illud primum affirmabimus, non dici posse, quippiam esse in rebus omnibus, quod non possit Deus, est enim omnipotens: nec ordini eum & iustitiæ non fauere: est enim bonus infinite, & sapiens: neque vero propter desidiæ arque sequitiam ab ijs quæ illi grata sunt prouidendis illum abstinere, quum sit omni omnino summa virtute præditus, atque omnis idem contrarij vitij penitus expers. Ex altera porro parte, haud ita quaquam de homine est sentiendum, tanquam ex eo genere rerum sit, quod propter inutilitatem ignobilitatemque videatur esse contemnendum, est enim in toto ordine rerum factarum propè nobilissimum ac præstantissimum: nec, quod si in eo diuini ordinis, prouidentiaque ratio non insit, minimum propter id iacturæ ac damni vniuerso eueniat. Ordine enim ab hominum genere ablato, ipsum primo hominum genus, deinde totus penè terrarum orbis, & omnia ferè reliqua animantium genera confundantur, & conturbentur necesse est: quod hæc reguntur ab homine, ille colitur & illustratur: & si hominis cultus curaque absit, illa interire plurima & corrumpi, hunc syllescere & inhabilem ac inaccessum esse necesse est. Nec verò in hominem, tanquam in alienum, curam & prouidentiam suam non conferet Deus, quum sit Deo homo similitudine cognatus: nec tanquam in ignarum, quum intelligens: nec tanquam in ingratum, quum sit idem Deo, vbi recte institutus est, omni studio honoris ac pietatis maximè deditus. At enim cur iustitiam suam ac prouidentiam illam, conservatricem dico, quam adhibet in cælo, ab hoc tantq; & tam præclaro genere amouit? Quare eum declinare & ruere in diuersa passus est? Quia, ut inquit Salomon, reliquit eum in manu consilij sui: quia hominem non seruum voluit esse, sed liberum: Quia ipse honoris & dignitatis maiorem multo, quàm cæterarum rerum, rationem duxit. Nam posteaquam direxisset Deus ornassetque cuncta ordine sapientia suæ, posteaquam legem posuisset aquis, cæteraque lege vallasset abyssos, æthera firmasset sursum, terram autem & montes in infimo mundi loco graui mole constituisset, atque hæc omnia suis animantium generibus intolisque referisset, ultimo demum loco ad creandum & faciendum hominem est conuersus: quod extremum manuum suarum opus esse voluit, siue quèd perfectius, magisque nobile cæteris futurum erat, quod omnis in ipso fini perfectionem quaerit actio, siue ut ostenderet sese rerum omnium esse finem, qui fuisset & principium, quando post cæterarum productionem rerum, quæ longius ab eo

vide-

videbatur dissimilitudine discedere, ad semetipsum postremo, & ad suam similitudinem in ultimo suo opere exprimendam est reuersus: seu etiam quod cæteris creatis à se omnibus, quam legem ipse ordinis iustitiæque edixisset, quum eam idem esset perpetuo actu prouidentia suæ in illis conseruaturus, vt nulli omnino generi à præscripto semel ordine & diuinæ legis præcepto decurrere aut recedere liceret: hominem, quem omni huiusmodi necessitate solutum voluit esse & liberum, æquum fuit post cætera, quæ continent serie necessitatis vinculis astricta essent, vltimum præcreare: Quem effecit vnum potentem arbitrij sui, vt necessitate nulla, sed suo potissimum iudicio moueretur, liberæque omnium rerum voluntates haberet. Itaque quum cætera omnia ferreis vinculis contineat Deus, hominem vnum aureolis habenis regendum sibi instituit, vt suasionem quidem apud eum vtatur, vim autem nullam, nec asperum ac vehemens imperium adhibeat: Ac tanquam beneficiis vincere eum aggressus, præfecit etiam inferiori mundo, vicesque suas illi tradidit, alterumque penè Deum, & alterius orbis constituit conditorem. Hunc in tanta insistentem gloria, contemplatus alio loco Propheta, in admirationem illam prorupit, Quid est homo quod memor es eius, aut filius hominis quoniam visitas eum? Minuisti eum paulò minùs ab angelis, gloria & honore coronasti eum, & constituisti eum super opera manuum tuarum: Omnia subiecisti sub pedibus eius, oues & boues vniuersas, insuper & pecora campi: Volucres cæli, & pisces maris, qui perambulant semitas maris: Domine Dominus noster, quàm admirabile est nomen tuum in vniuersa terra? Ex his enim, & Deus, quæ in nostrum genus tot & tanta tuæ beneficentiæ dona contulisti, crescit maximè & eminet tui nominis admiratio. Nequaquam ergo mirum est, si tuæ conseruatricis prouidentia vinculo constricti non sumus, quum vim propriam ipsi, & intelligendi quid rectum sit, & id agendi custodiendique teneamus, si modo voluntati nostræ te habeamus propositum, si tibi placere, si morem tibi gerere studeamus. Nam si secus sumus animati, quando ad vtrumlibet paratum est nostræ voluntatis arbitrium, in eas pestes incidimus, quas abominabile est referre. Et tamen ista hominum ordini libertas ipsius bono est data, vt scilicet maior seipso, & prestantior effici possit: quod vsuuenire non poterat, nisi eodem se etiam fieri posset deterior. Nam quum cætera genera, id quod sunt, necessario semper sint: homo vnus, si libertatem voluntatis suæ fixerit in Deo, angelis par efficitur: si eandem in inferna deiegerit, impiam coit cum spiritibus immundis, & studiorum, & naturæ, & ordinis societatem: horumque mauult, quàm celestium illorum nobilitatis ac dignitatis esse particeps. Ià igitur

apparet ratio, & perspicua est, quamobrem illa conservatio
 Dei providentia in homine est interrupta: nempe, quoniam ab
 ea potest homo suo arbitrio solus declinare, ac delicere. Restat
 altera, & alterum iustitiæ munus, quod ad corrigendum quæ de-
 prauata sunt, & collapsum ordinem in rebus restituendum para-
 tum debet esse: Videtur enim, simul ut quis ed est iniquitatis in-
 temperantiæque lapsus, ut facto & exemplo ladat, populum, ex-
 templo cum diuinæ iustitiæ gladio feriri oportere, quod & tan-
 tum quamprimum è medio tollatur malum, & ceteri eiusdem
 diuinæ ultionis metu finibus modestiæ atque officij contineantur.
 Hoc poscunt homines, qui conquerruntur Dei iustitiam à nostris
 rebus abesse: hoc requirunt, nec alium Dei ipsius intelligunt cõ-
 siliū. Accedant ergo ad cor altum, & exalteretur Deus: hoc est,
 nos quidem cuncti ascendere nitamur, Deo adiuvante, quoad
 possumus ad intelligendum ipsius cor Dei: Verum ita agnosca-
 mus, quantumuis altè ascenderimus, Deum tamen inde altius &
 sublimius se sublaturum: Ut nullo unquam pacto ad illius sum-
 mum cor, altissimumque consiliū valeamus penetrare, & ta-
 men ea quæ sunt nobis inspirata, loquamur. Omnes hi, quos in
 honoribus superbos, in licentia intemperantes, in potestate ra-
 paces, in ceteris vitis flagitiisque exultantes, poscit populus, &
 eos conquiritur nimium diu impunitos manere, dant cuncti
 pœnas improbitatis suæ. Sed non hoc multitudini satisfacit, non
 enim intelligit eas pœnas, quæ intus in discordibus animis lon-
 gè quidem grauiiores & acerbiores insunt, illas postulat, quæ im-
 pellunt oculos, quæ iram exaturant, quæ obsecundant crudeli-
 tati. Itaque illud poeticum, ut ille saxis vspiam affixus asperis,
 euisceratus pendeat, spargens saxa tabo, sanie, & sanguine atros:
 hoc volunt & flagitant, atque huiuscemodi supplicij putant fa-
 cinora impiorum ab Dei iustitia vindicari oportere: illis enun
 opibus & familiis, illis tricliniis & comellationibus, illa stru-
 gula & varia veste, argento, mancipiis, cantibus symphonia, ce-
 terisque rebus inducuntur in errorem: neque putant qui sic vi-
 uant, eos miserè & infelicitè vivere. Esto, concedatur hoc illis,
 nihil in eiusmodi vita incommodi & mali esse, quando ad hanc
 sapientiam non omnes perueniunt, neque illud pomum, per
 quod boni maliq̃ internotio data est, tam accuratè gustaue-
 runt, fateamur aliud supplicij genus, atque aliam pœnarū atro-
 citatem requirendam esse. Quid ergo: quot ex isto hominum
 numero incolumi salute ac honore ad senectutem accedere pa-
 titur Deus? ut non omnes ferè offendant in cursu, & aut seuerit
 Dei hominumue iudiciis, aut acerba morte, aut graui ignomi-
 nia, aut fortunarum amissione, truces pœnas luat improbita-
 tis suæ: aut certè (id quod nos ipsi in maximis semper versari re-
 bus

bus planè cognouimus) perpetuo metu sollicitudinèq; suspensi, & demum ad desperationem adacti teterrima morte conficiantur. Non allegabo exempla, innumerabilia enim sunt: neque ea ex libris & monumentis veterum repetenda, sed quæ nostra vidit ætas: in quibus ita manifestè apparuit Dei ira, & præsens sceleratorum hominum ultio, tamque atroces pœnæ ab illis expetita sunt, ut iidem homines, qui antea vehementissimè oderant, ad misericordiam post commonerentur: quanquam iustis quoque & probis nonnihil quandoq; allatum est incommodi, quod in capite Ecclesiæ nuper accidit, & in quibusdam partibus, quo eas, tanquam aurum igni, sic ærumnarum grauitate purgatas in splendorem maiorem daret Deus: namque nefarii & impij non ea ratione ad supplicium vocantur, ut boni fiant, sed ut pereant malè. Habet igitur, habet illa Dei vltrix correctrixq; Iustitia in his quoque locum: At non semper habet, sunt enim aliquando aliqui, qui hanc Dei animaduersionem tamen effugiunt, & in lectulis suis senes pacatiq; moriuntur. Quid ergo? Num nam equum est, quoniam hoc vsuuenit in paucissimis, idcirco illam Dei providentiam, illam Iustitiam, quam obeuntem & dirigentem cuncta, & ea quæ sunt lapsa restituentem agnouimus, mancarn putare esse & minùs perfectam, ut grauem patiatur ipsa iacturam muneris sui, neq; in omneis omnino res pertinere existimetur? Nonne illud æquius, te existimare & credere, quòd rari hic quidem homines nocentes, sed tamen aliqui impuniti dimittantur, altiore id Deum consilio facere, non quòd propter imbecillitatem conficere nequeat hæc pauca, qui potest vniuersa, sed ratione: ut animum aduertas atque intelligas, alium esse locum, aliud tempus, aliud tribunal, quò ista omnia deferri atque vbi iudicari & puniri sit necesse. Siquidem ineluctabilis Dei Iustitia est, nec potest vitari, nihilq; omnino est vel magnum vel paruum, quod illius examen animaduersionemq; effugiat, eademq; in se absoluta atq; perfecta, ut in hoc diuinæ iustitiæ, & summæ veritatis lumen intuentibus appareat immortalitas animorum nostrorum: quæ ex hoc impiorum, hic pœnas non pendentium, argumento, per quod maximè diuinæ iustitiæ obtrectari videbatur, aperte est, & perspicuè collecta atq; confecta: aut enim immortales nostros animos, aut Dei providentiam ac iustitiam oportet imperfectam esse. Quod si in Deo nulla omnino est imperfectio, in nobis necessariò est immortalitas. Igitur ita iudicia hæc sua attemperauit Deus, & moderatus est, ut maiorem multò partem sceleratorum hominum in hac vitâ puniendo, adimat tibi causam de ipsius providentia prauè sentiendi, partem autem aliquã, quamuis parua, in aliud tempus rejiciendo, det etiam occasionem de immortalitate cogitandi. Hanc scientiam, & hæc naturæ vitæq;

leges omneis nationes, & omneis homines edocuit Deus, cui
 modò dociles esse voluerunt, duasq; tabulas perdiscendas pro-
 posuit, quarum vnã in cœlo, alteram autem descripsit in terra:
 vt superiora illa, atque immortalia contemplantur, ad eorum si-
 militudinem ac imitationem nosmetipsos conformaremus. Hanc
 ipse legem iustitiæ & ordinis in magnis Dei operibus elucens
 David cantu magnifico est prosequutus: Lex hic Domini in-
 quiens, immaculata conuertens animas: testimonium Domini
 fidele, sapientiam præstans paruulis: iustitiæ Domini rectæ, legi-
 ficantes corda: præceptum Domini lucidum, illuminans oculos.
 Et quod ex huius legis ac præcepti cognitione consequitur, Ti-
 mor Domini sanctus permanet in seculum seculi: Iudicia Domi-
 ni vera, iustificata in semetipsa: desiderabilia super aurum & lapi-
 dem preciosum multum, & dulciora super mel & fauam. His di-
 uinæ sapientiæ iustitiæq; indicis, vetus illa & nobilis gentium phi-
 losophia, & inducta primò in notionem hominum, & post ma-
 ximis doctissimorum ingenijs planius perscripta & demonstrata
 est: quam nos ita non repudiamus, vt ad beatam vitam tradu-
 cendam magni momenti esse etiam experiamur. Non quin satis
 sit CRUX, & lignum illud quod Dominum sustinuit, ad enau-
 gandos huius vitæ fluctus, & illum cœlestem portum capellen-
 dum, si illi prorsus recteque innitatur, & si eo vno confidamus.
 Sed vt sine cruce inutilis philosophia, sic si cum ea sanctum illud
 fœdus, quod pura fide continetur, ipsa coierit, pioq; ministerio
 sese illi vtendam regendamq; tradiderit, dat potestatem tam in
 hac vita, quæ cum morte semper coniuncta est, cœlestem illam
 vitam immortalemq; viuendi, nosq; postremo illuc introducit,
 ad fruendum Dei lumen longè paratiores. Nec solum hanc na-
 turalem communemq; scientiam iustitiæq; legem homines edo-
 cet Deus, sed eam etiam corrumpentes ac transgredientes pœnis
 afficit, nec singulos solum, sed vniuersas nationes. Quot enim
 iam regna, qui populi, quam multæ opulentiæ, illustresque natio-
 nes, quod à cultu iustitiæ defecerant, imperio, libertate, sedibus
 suis expulsi atq; exterminati, miserrimas pœnas dependerunt
 temeritatis suæ: luberem legi historias, nisi tantum nobis exem-
 plorum suppeditaret nostra ætas, vt aliud non sit querendum.
 Sed qui gentes & homines communibus tantum legibus, & na-
 turali scientia instructos arguit tamen aberrantes & corripit
 Deus: Quid nobis facturus est? & ipsis Iudeis quoque, in quos Da-
 uid inuehitur, quum vtrumq; populum nò contentus docere cõ-
 munitè, peculiaribus etiã legibus, sanctionibus præceptis, omni-
 busq; suæ beneuolentiæ indicis argumentisq; erudierit: tot tan-
 tisq; præterea affecerit beneficijs, vt semetipsum illis ducẽ ad ac-
 quirenda terræ regna, infinitasq; difficultates, quæ obstabant, per-
 sum-

Sumpendas atq; amouendas: nobis vero multo diuiniore dono er-
 iā comitem primo, ac demum præcursores ad possidendum cœlū
 præbuerit, regnumq; patris sui omnipotentis, de IESU CHRISTO
 Dei filio Domino nostro nunc loquor, illamq; æternam & so-
 lam oprandam hereditatem, quæ ad eum vnum tota pertinebat,
 nobiscum sic fraterne & liberaliter est partitus: quoque nos à
 morte acerba liberaret, vitam suam ipse nobis condonauit. His,
 his ille tantis donis, his beneficijs, his summi erga nos amoris in-
 dicijs & significationibus effecit, vt durior nostra, si ingrati & im-
 memores pergamus esse, futura sit conditio: ac Iudejs quidē mer-
 ces digna suorum scelerum ac impietatis, iamdudum à Deo red-
 dita est: nobis vero ne quid simile eueniat, aut in grauius aliquod
 etiam exitium, si fieri potest, cōeidamus, eheu quam pertimescē-
 dum est. Quid enim sibi aliud ista perpetua iam arma, quid discor-
 dia implacabiles, quid cædes, quid rapinæ, quid populorum & vr-
 bium interneciones volunt, quid diuinarum humanarumq; re-
 rum sublatum omne discrimen, ipsius Dei & eius mandatorum
 contemptus, boni rectiq; perturbatio, iustitiæ exilium, domina-
 tus iniquitatis, quid inquam aliud agunt ista & moluntur, nisi vt
 quam in calamitatem Iudæos cernimus venisse, in eandem ipsi
 incidamus, hoc etiam acerbius, quod ex maiore Dei indulgentia
 erga nos, quandoquidem ingrati sumus, maiora à nobis suppli-
 cia repossuntur: O male nos paratos, & ad vniuersum excidium
 prolabentes, nisi tu nos fulseris & sustinueris o Deus. Et tamen
 populus tuus sumus Domine, & oues pascuæ tuæ. Nunquid in æ-
 ternam proijcies nos: aut non appones, vt cōplacitior sis adhuc?
 Aut in finem misericordiam tuam abscondes in generatione &
 generationem? Aut obliuisceris misereri? Aut continebis in ita
 misericordias tuas? Ne memineris quasumus Domine iniquita-
 tum nostrarum antiquarum, cito anticipent nos misericordie
 tuæ. Adiuua nos Deus salutaris noster, & propter gloriam nomi-
 nis tui Domine libera nos, & propitius esto peccatis nostris pro-
 pter nomen tuum. Hanc itaque tantam Dei seueritatem, omneis
 scrutantem peccatorum latebras, omnia abscondita cordium
 nostrorum in iudicium palam & ad poenam euocantem, erunt
 etiam qui requirunt: & iustitiam eius desiderabunt: ac prouiden-
 tiæ detrachere conabuntur: neq; intelligent stulti, eam etiam acri-
 us ac vehementius, quam cuiquam oprandum sit, apparere: quum
 alios vltia iam sit, alijs mox impendeat. Iam qui hoc sibi paraue-
 runt suorum flagitiorum scelerumq; perfugium, vt Deum negent
 quicquam horum mortalium curare, suisq; interea cupiditatibus
 seruiunt, quum circūsonare omnia bellorū strepitū, ruinisq; vr-
 bium & populorum audiant ac videant, quumq; intelligāt vbi-
 que gentium homines serē fame inarescere, pestilentia vastari,
 quid

quid habent firmi in sua spe, aut muniti: vt non ingruens hæc turbinum procella eos quoque peruerfat: Nunquid se latere Deum, aut suas se habere probe exploratis & sibi reconditas cogitationes existimant? Atqui scrutator cordium ille est, & omnium abditissimarum cogitationum intimus inspector.

Dominus scit cogitationes hominum, quoniam vanae sunt.

Non solum videt, audit, nouitque omnia quæ in aperto, palamque sunt, quæ patent, sed ad intimas, penitusque abstrusas hominum cogitationes illius facile penetrat cognitio: vanitatemque humanarum opinionum intelligit: finxit enim ipse singillatim corda hominum, & intelligit omnia opera eorum. Quid ergo? Num vanæ omnes sunt hominum cogitationes? Vanæ, si in homine insistant, & humanis rebus finiuntur: illæ porro neutiquam vanæ, quæ tendunt ad summum Deum, & illum sibi finem signumque constituunt, quod & desiderijs & studijs & votis omnibus ferantur. Hæ enim iam non hominis, sed Dei cogitationes sunt: diuinæ inquam, non humanæ, si quidem ab extremo suo atque fini omnis & nomen & rationem acquirit sibi actio. Reliquæ non vanæ solum, sed si aduersus Deum faciunt, si contra eius præcepta, mandata, legesque suscipiuntur, impiæ etiam, & exitiabiles. Etenim quis est tam occultus & reclusus, qui illum vehementem, omnia incuentis Dei oculum latere, aut tam sibi fidens, qui eiusdem vim posse se fugere confidat: quum ille ubique præsens adsit, idque omnibus, & semper non solum spectator eorum quæ aguntur, quæque cogitantur omnium, sed vindicator etiam & iudex. Videt ille te, ô avarè, quum pauperem circumuenis, quum pecuniam malis fraudibus comparas, obscurus sis quamlibet & cautus, tuasque illas iniquas pactiones, falsas promissiones, veras circumscriptiões tenebris omnibus inuoluas tam rerum quam verborum, videt ille & perspicit: nec solum quæ sunt aut quæ facta sunt, sed illos ipsos primos exortus cogitationum tuarum, illa fraudum diuerticula, malitiæ argumenta, simul vt existerè coeperint, astans continuo spectat & intuetur: nec quicquam prius in animo intus productum, quam in Dei oculo subito est infixum. Videt te si fuder, qui fidem venalem & iurandum habes, qui iura præsto, non æquitatè describis, qui veritatis & iustitiæ administrandæ facultatem, occasionem tibi ad quæstus nefarios esse existimas, labemque eam in animo concipis, quæ abluï postea nunquam possit: non enim sordida aut lutulenta aqua, sed sanguine pauperis penitus est infecta. Videt te inquam, & maxime atque ætèrime contra te commouetur: etenim illo ipso quoque iudicandi munere, illo officio gloriatur. Itaque festè & gèrrime,

quod sibi ipse reservauit tanquam eximium, & in quo terribilis ac præpotens in fine seculorum est appariturus, a te id seruo nequam & homunculo improbo corrumpi interim & contaminari: nec si non statim atque euestigio distringit contra te seueritatis sue gladium, idcirco te euadere est passurus: sed maiore tuo malo profert pœnam, vt vehementior deinde illa & suo tempore grauior in te recidat: interea sanè frui præda egregie parua, & cruentis illis manubijs, quas ex sudore pauperum & lachrymis comparasti, vt quotiescunque illas videris, toties tibi tuorum scelerum & peccatorum veniat in mentem. Hos vero qui rapiunt etiam propalam, qui omnium bona & fortunas prædam suam putant, num non videt Deus? Atqui vultus eius super facientes mala, vt perdat de terra memoriam eorum. Quid ni autem videat? quum ita sint aperti, vt maiore prope voluptate ex odio hominum, & ex rumore infamiae, quàm ex rebus ipsis iniustis affici videantur. Vider ista, & intuetur, & in libro sui monumenti, vt sacrae literæ inquirunt, omnia describit Deus: res, homines, cogitationes, opera, momenta, tempora, omnibusque iustus & sapiens, & prorsus inexcusabilis adest iudex, partim laturus iamiamque sententiam, partim in illum supremum diem dilaturus: quò qui reiecti sunt, hi cumulatam recipient mercedem, vel integritatis, vel iniquitatis suæ. Vanæ igitur hominum opiniones, & cogitationes vanæ, quæ Deum ista non videre, aut saltem non curare, & negligere opinantur, atque adeò impiæ illa quoque: cuius impietatis auctores hi sunt, qui quò suam liberius expleant intemperantiam, prouidentiam Dei è medio conantur tollere. Nam qui istorum deinde flagitijs sceleribusque permoti, aliquid de Deo perperam sentiunt, accedunt quidem ad vanitatem impietatemque, nondum in ea tamen penitus sunt infixi. Videamus quid ad utrosque loquatur Deus, & discrimen aliquod interesse inter eos intelligamus: Ac primum ad hos mitiores ex Malachia propheta. Hi sunt qui laborare faciunt dominum in sermonibus suis, in eo quod dicunt, omnis qui facit malum, bonus est in conspectu domini, & tales ei placent: aut certe, vbi est Deus indicij? Et rursum, Vanus est qui seruit Deo: & quod emolumentum, quia custodimus præcepta eius, & quia ambulauimus tristes in conspectu domini exercituum? Ecce nunc beatos dicimus arrogantes: Si quidem edificati sunt, facientes impietatem, & tentauerunt Deum, & salui facti sunt. Quid ad hos Dominus, prosperis improborum curribus turbatos, & propterea lapsos in ha litationem, adhuc tamen medicabiles: Conuertimini ad me, inquit, ne recedite, & videbitis quid intersit inter iustum & impium, & inter seruientem Deo, & non seruientem: Ecce enim accedam ad vos in iudicio, & ero testis velox maleficis, & adulteris, & periuris, & quicquid

talumniantur mercedem mercenarij, viduas, & pupillos; & opprimunt peregrinum, nec timuerunt me. Nam illis improbi-
bus ex Amo propheta grauius multò comminatur, Auaritia in
capite est omnium, & nouissimum eorum gladio interficiam:
Non erit fuga eis, fugient, & non saluabitur ex his qui fugerint
quisquam: si descenderint vsque ad infernum, inde manus mea e-
ducet eos: & si ascenderint vsque in cœlum, inde detrahā eos:
Et si absconditi fuerint in vertice Carmeli, inde scrutans asse-
ram eos: Et si celauerint se ab oculis meis in fundo maris, ibi mā-
dabo serpenti, & mordebit eos: Et si abierint in captiuitatem eo-
ram inimicis suis, ibi mandabo gladio & occidet eos: ponamque
oculos meos super eos in malum, & non in bonum: Quoniam e-
go dominus, & non mutor. Hunc igitur dominum tantū, & tam
omnipotentem, eiusque oculos lustranteis, & perspicienteis o-
mnia, reuereantur potius qui sapiunt, & eius iusticiam præsentia-
mque reformident, nec in falsas de eo opiniones inducantur:
sed ubi aliquod peccatum intestina cogitatio cœperit parturire,
illum statim adesse, & intueri occulta haud quaquam vana per-
suasione existiment, dicantque cum Psalte nostro, Si defecero a
te, si in leges tuas commiserō Deus, si voluntatem tuam laesero:
Quò ibo a spiritu tuo? & quò a facie tua fugiam? Si ascendero in
cœlum, tu illic es, si descendero in infernum, ades: Si sumpsero
pennas meas diluculo, & habitauerō in extremis maris: Etenim
illuc manus tua deducet me, & tenebit me dextera tua: Et dixi,
forsitan tenebræ conculcabunt me, & nox illuminatio mea in
delicijs meis: Quia tenebræ non obscurabuntur a te, & nox sicut
dies illuminabitur, sicut tenebræ eius, ita & lumen eius. Vane
ista non sunt, nec cogitata, nec dicta, sed quæ verissime confi-
teantur nulla nec spatiorum intervalla: nec mœnium aut ca-
strorum munimenta: nullas aut cauernarum, aut gurgustiorum,
aut noctium latebras, nullam altitudinem, profunditatemque:
nullam vim nec potentiam, nulla nec belli arma, nec fraudum &
maliciarum machinamenta, aut Dei oculis subducere, aut pote-
stati illius eripere nos posse.

*Beatus homo, quem tu erudieris Domine, & de lege tua do-
cueris eum.*

Qui enim abs te fuerit eruditus, & de lege tua edoctus, nequa-
quam ille in prauas de te opiniones discesserit, nequaquam iusti-
tiæ & providentiæ tuæ detraxerit, sed erit ex eo numero, quibus
dicitur, Timeat Dominum omnes sancti eius, quia nihil deest ri-
mentibus eum. Quibus autem nihil deest, hi certe beati sunt. Est
enim beatitudo omnium bonorum cumulata possessio, quorum
tamen cunctorum Deus est caput, vel vnus ipse potius omnia, qui
ab his

ab his tenetur, à quibus pie colitur. Hoc loco Dauid, qui erat ipse à Domino eruditus, & in lege Dei eximie doctus, quanquam in angustijs & periculis versareretur, appetitus toties inimicorum insidijs, agnoscens cum beatitudinem suam, & quoddam internum suum gaudium illa externa incommoda non corrumpabant, suo exemplo commonet ceteros, vt huius velint esse beatitudinis studiosi, cuius dum fidem habuerint Deo, & eius præcepta custodierint, omnes compotes fieri possunt: Itaque reprehensis supra conuictisque illis qui Dei curam atque iustitiam ex humanis rebus exterminabant, conuertit se ad alteram scholam, vt eos in fide patientiaque confirmet: qui iniurijs, damnis, concumelijsque vexati, quum nihil horum sibi meriti esse videantur, in indignatione quandoque de Deo cogitationes, & asperiores voces solent prorumpere. Qui probi quidem sunt, sed interdum cedunt iracundie, succumbunt fragilitati: Quippe qui habent instigantem Satanam, suum semper negotium gerentem, & cupientem trahere illos ad sese, qui sedulo molitur & instat, vt augeat crebris imaginibus eorum malorum quæ perpetiuntur indignitatem, & cogitationibus illorum subijciat se esse ab Deo, quo vno maxime confidebant, in media turba malorum planè derelictos. His admodum necessaria est Dei eruditio, & diuinæ legis disciplina, illa propior videlicet strictaque magis, quæ aequitatem animi, & bonam in Deo spem, non solum docet, sed etiam facit. Etenim triplex est ab summo Deo generi hominum eruditio ac doctrina: Vna communis, qua omneis homines gentesque edocuit Deus, lege in celo, vt supra diximus, proposita: in terris imitatione transcripta, ordinem iustitiamque imprimis colendam esse. Qua lege qui erudiebantur, vitam in terris quidem tranquilliorē ornatioremque debebant, ad Deum autem ipsum possidendum, qui solus prima & vera est beatitas, spe & cupiditate nulla erigebantur. Altera iam restrictior, quæ non passim, nec vniuersis, sed delectis nationibus, Iudæis primò, mox Christianis, ab ipsomet Deo & scripta & data est: per quam magis de propinquo, præceptisque expressioribus, ad colendum vnum Deum, amandumque vterque populus inuitaretur: Quanquam longo & benevolentia Dei & pramiorum interuallo. Nam Iudæis quidem, mandata Dei seruantibus, terræ felicitas, nobis cœlestis beatitudo est promissa. Illos Deus per Moysen & Aaron sapientes homines quidem, & pietate summa præditos, seruos suos tamen: non per filium vniogenitum, qui idem esset & Deus, voluit esse edoctos: Vt perspicue pateat huius secundæ legis, quam Deus peculiaribus suis nationibus instituendis adhibuit, inchoatam in populo Iudaico, in nobis absolutam eruditionem fuisse. Sed qua lege tamen non cunctis datum sit, omneis quincere intestinos animi motus & immundatos penitus se-

custodire ab hoc seculo. Etenim acres multa repugnant, & varix cupiditates, obstant dolores, prohibent iracundia, ipsa blandissima meretrix Voluptas, nobis corrumpendis sedulum ministerium domino suo Saranae semper praestat. Quibus in tantis animorum nostrorum fluctibus, tantisque agitationibus, quum petamur semper alicunde, omnibusque insidijs; & quotidianis praelijs exposita sit vita nostra, difficile est, vel impossibile potius (nos enim quod Graece *ἀδύνατον*, Latine sic conuersum non repudiamus) aduersus inimici tela, omni tempore, atque adeo temporis puncto, fide & patientia semper esse munitos. Ergo tertia Dei doctrina, lexque accedit suis electissimis seruis, quos ex utroque populo praecipuos delegit Deus, in quibus hanc admirandam vim suae virtutis potentiaque ostenderet, ut essent constantia & firmitate ceteris superiores: Qui in illo coetu veteris legis sat frequentes, in CHRISTI autem populo infiniti innumerabilesque existerent, quos non ocium, non delectatio, non voluptatum appetentia: rursusque contraria acie, labores, contumeliae, vincula, cruciatus, nece, non modo non mouerunt, ut villam Deo aduersariam susciperent cogitationem, aut ad impatientiae vocem laberentur, sed firmarunt etiam magis, ut cum laetitia & gaudio gratias agerent Deo, quod se tanquam aurum igne, sic illis doloribus & tormentis pertentatos explorare voluisset, an esset eorum fides & constantia ipsius amore digna. Beati ergo hi, vereque & maxime beati, qui Deum communem omnium Doctorem, peculiarem magistrum habere meruerunt. Sed ut hi beatissimi, sic nos qui CHRISTI populus sumus, si euangelicam & apostolicam eruditionem feramus in pectore, eiusdem beatitudinis bona ex parte possumus esse participes. Legamus modo scripturas & diuina illa sensa perscrutemur, voluntateque & studio ad obediendum parati simus, sapiusque intra nos, & cum animis nostris cogitemus, ista quae nos maxima ducimus mala, filium Dei sponte instituisse pati: dolorem videlicet, contemptum, contumeliam, mortem, ut falso nos ab errore eriperet, exemploque suo edoceret, neque aliquod recte bonum à nobis desiderari, nisi solum Deum: neque aliquod malum iure, nisi alienationem à Deo euitari: Cetera bona malae, ut in seipsis fortasse gradus varietatesque habeant, si ad alterutrum horum respiciendum sit, esse inter se omnino paria. Non dubium erit, quum sanctam illam etatem respexerimus, & illa brachia aperta, quae complecti mundum omnem, non solum parata, verum etiam cupida sunt, quum cernitem domini delectam, oculos clausos, latus vulnere apertum, quin ita ratiocinemur in nobis ipsis, quin aliquo dulci cum suspensio ita proferamus: Ille quidem Dominus omnium summus & omnipotens, cuius ad nutum mors & vita praesto sunt, qui vnus continet omnia, ita se tractari,

tractari, ita lacerari sustinuit, quum verbo virtutis suæ posset suos inimicos disperdere, vt mihi ad immortalitatem aditum, patientiæ & virtutis exemplo patefaceret: Ego, quia pecunia mihi ablata, quia ius iniquum est dictum, quia contumeliam sum passus, aduersus Deum effera, & iniquo animo tolerabo: Deique iustitiam ab improborum pena abesse contestabor? Imò vero habeat quicumque vult pecuniam sibi iniuria partam, exerceat iniquitatem, mergatur voluptatibus, in omne genus sceleris intemperantiaque se inuoluat, ego Deo læsæ meo me consolabor, documentaque patientiæ ab eo ipso petam, spemq; illam confouebo, si in illo firmiter hæsero, fructus mihi letitiæ & felicitatis, sicut ipse pollicitus est, vberimos post prouenturos esse. Hæc lex domini, & eruditio ac doctrina, vel communi & prorsus ad omnia aspera fortiter ferenda animum, vel saltem valebit.

In leniendo eum à diebus malis, donec fodiatur peccatori fovea.

Minus enim ægre feret, certe & spe bona nitetur, & suæ leuandæ calamitatis, & alienæ improbitatis aliquando ab Deo cohercendæ. Atq; hic iam versus totam vim ferè huius psalmi indicat: & quamobrem in quartam sabbati canendus Domino erat descriptus. Affert enim ad consolandum rationes ab expectatione & tempore, dum iubet leniter ferre nos, legem Dei interea meditantibus, iniquorum hominum & improborum iniurias, donec fodiatur peccatori fovea, & quoad iustitia cōuertatur in iudicium: Atque vt in medio ferè operum suorum creatis cœli & siderum errantium motibus, tempus induxit Deus, sic pro portione, loco penè eodem, in hoc medio psalmo ex ratione temporis inducta est consolatio. Magna enim profecto vis est temporis magnum opus, magnum mysterium, per quod Dei omnipotentis virtus & sapientia, quæ in se infinita & vniuersa consistit, in rebus factis explicatur & tenditur. Dei enim consilia, quæ in semetipsis æterno ex principio, atque aded omne ante principium rata, firma, stataq; sunt, tempore ad nos euoluuntur: Dei beneficia in nobis tempore collocantur: Nec si Deus immensitate virium & potentia suæ omnia vno momento potest efficere, etiam nos sine spatio & tempore capere illa possumus. Quapropter suis interuallis & locis omnia dispensat tempus, idq; operatur & efficit, vt quæ ante acerba intempestiuq; acciderent, suo iam tempore matura concocta que proueniant. Cuius tamen temporis, & momentorū in eo omnium vis atque oporunitas ad quasque res, in actum & naturam introumittendas apta, nobis quidem aliquando ex aliqua apparet parte, Deo autem soli plenè & penitus est nota. Nemo sit ergo tam præceps ad iudicandum, tam præfestus ad Dei

ferè semper cadentiũ in præceps nefariorum hominum, etiam in hac vita, aspiciunt ruinas: nã in illa altera, quã in æternæ damnationis cadant foueam, dubiũ esse non potest. Sed nō sepe in diem extremũ illum reijciuntur, hic dant facinorum & sufferunt graves pœnas: Sic enim de his est scriptũ: Qui malignantur, exterminabuntur, sustinentes autem dominum, ipsi hereditabunt terram. Et adhuc pusillum, & non erit peccator, quæres locum eius, & non inuenies: inimici enim domini mox vt honorificati fuerint, & exaltati, deficientes quasi funis deficient. Et rursus: Expecta dominum, & custodi viam eius, & exaltabit te, vt hereditate capias terram, quum peribunt peccatores videbis: Vidi impium superexaltatum, & eleuatum sicut cedros Libani: Et transiit & ecce non erat: quæsiui eum, & non est inuentus locus eius. Atque hæc quidem ex scripturis sanctis, & vetusto codice. Quæ quemadmodum à comuni vita quotidie comprobentur, non grauaremur explicare, nisi inane videretur studium, Dei testimoniũ humana fide astruendi, & tamen è medio exempla quæ perantur proposita omnibus sunt. Proinde nos expectemus Dominum, agamusq; viriliter, & confortetur cor nostrum, sumus enim & erimus plebs sua illi curæ.

Quia non repellet dominus plebem suam, & hereditatem suam non derelinquet. Quoadusque iustitia conuertatur in iudicium.

Hic iam de secundo aduentu Domini loquitur Propheta, in quo iustitia ipsa Dei, quæ cum Deo eadem, & idem quod Deus est, conuertetur in iudicium, quo extremo tempore videlicet, omnes à CHRISTO Domino & viui & mortui iudicabuntur. Est enim iudicium actus ipse iustitiæ extra se progredientis, & in alijs speciem dignitatis suæ atque ordinis imprimantis: tunc quum corrigit distorta, penitus autem corripit, & deprauata abijcit, infimoq; & foedissimo loco, vt a rebus bene constitutis procul absint, iacere perpetuo iubet: ibi est fetor & stridor dentium. Illa vero quæ honorem sui generis, decusq; naturæ conseruauerunt, ac quantum eis fuerat datum, per virtutem ac bonorum operum gradus & adminicula applica e se ad Deum, atq; illi diuinæ iustitiæ inhaerere studuerunt, collocabit penes se, atque in splendidissima rerum naturæ parte, felicitate sempiterna præcipiet collocare. Quoad igitur hoc eueniat, quod statuto apud Deum tempore omnino euenturum, CHRISTVS ipse denunciavit. Propheta præuiderunt, prædicauerunt Apostoli, omnis scriptura sancta crebro commemorat: nequaquam interea populum suum repellat Deus, dum suus velit esse, dum ab eo non desiscat, neque

pravis de Deo opinionib. aut cupiditatibus iniquis contra Deum
 offeratur: sed inter ipsos mundi huius fluctus & æstus, quamquam
 iniurijs aut infortunijs agitatus maneat tamen in patientia in
 partemq; bonā accipiat: & expectet beatam spē iustitiæ, & provi-
 dentia summi Dei, quæ illū postremo neuiquam deceptura est:
 Atque hæc quoque ad consolandum ac confirmandum ratio val-
 de opportune a Dauide est apposita. Poterat enim occurri à plebe
 Dei, & sic dici: Non recusamus credere iudicem cunctorū Deum
 fore, iam pridem illi huius rei fidem, ac cæterarum habuimus. Ve-
 niet, referet vnicuique & præmij & pœnæ pro eo quantum quisq;
 fuerit meritis. Esto, hæc nobis certa & firma est expectatio. Sed
 tamen longum fortasse ad illud supremum tempus iudicij inter-
 uallum est: Ac quandiu quidem hæc permanet vita, & sic eorum
 forè qui nos diuexant & læcerant deterior causa sit, in quo tibi d
 Dauid hæc assuerant credimus, nostra tamen non admodum o-
 ptanda est conditio: Illi enim cupiditatibus effrenatis distracti
 præcipites aguntur, nos in angustijs & metu arctati sumus: illi
 quotidiana conscientia vulnera perpetiuntur, nos ex illis grauiora
 detrimenta sentimus: In infamia illi & odio omnium hominum
 constituti sunt, quod ne floccifaciunt quidem, nos sanè obscuri
 atque abiecti viuimus: sua illos mala mens & voluntas, nos aliena
 improbitas exagitat: deniq; ita illi misere plerumq; & infelicitè
 tetram obeunt mortem, vt nos quoq; in eiudē mortis plagas ta-
 men incidamus. Veruntamen sit adhuc aliquod inter nos discri-
 men nostræque in eo potiores partes, quod nos legem Dei & pro-
 missa attendentes, a quietiore animo, & meliori spe viuimus: Quid
 inter obitum mortis, & diuini iudicij statum illum diem, nonne
 medium quod intercidit tempus idem ambobus & par est, idq;
 corquat bonos & malos, vt nihil tum inter se differre videantur?
 Minime vero hoc vtiq; inquit Dauid, nec vllō vnquam tempore
 plebem suam ab sese, & ab ope sua repellet Deus, nec heredita-
 tem suam derelinquet, quoniam post ea quam semel adiit & creuit,
 suæ iam diuinæ constantia ac immutabilitatis iudicat eam per-
 petuo tenere & conseruare: nec bono patrefamilias est indiligen-
 tior, vt quæ semel in bonis numerauerit, patiatur illa post incuria
 negligentiaque corrumpi. Illud ipsum tempus quod inter mor-
 tem iudicijque diem interfuturum est, suo bonos & pios honore
 non fraudabit Deus, nec rursus debito impios supplicio: Sunt e-
 nim in eius domo mansiones multæ, ad varias hospitiū receptatio-
 nes accommodatæ. Ac quemadmodum humanis institutis & mo-
 ribus, in quibus quod recte ordineq; sit, cœlestium institutorum
 & diuini ordinis est imitatio, qui capitis summiq; supplicij da-
 mnandi sunt, retro cuncti per asseruantur carcere, vt mala rem mi-
 seri, priore spe anteueniant: Quibus autem honos & dignitas est
 decreta,

decreta, hi dum comitiorum adueniat dies ameno interea loco, honesto comitatu lectissimorum hominum diuertantur, sic tempus illud, quod secundum mortem, vsque ad iudicij diem intercesserit, plebem & hereditatem suam Deus non solum non derelinquet, sed accurabit etiam indulgentius: dabitque in splendorem & pulchritudinem, quo tibi postea cum maxima gloria, & in omni sua maiestate ad iudicandum viuos & mortuos venienti, insignior multò ac exornatior occurrat. Confidant igitur omnes qui seruiunt domino, & qui custodiunt mandata eius: Quoniam nouit Dominus dies immaculatum, & hereditas eorum in æternum erit: Non confundentur in tempore malo, & in diebus famis saturabuntur: Quia Dominus amat iudicium, & non derelinquet sanctos suos, in æternumque conseruabuntur. Cæteraque omnia probis & iustis à Domino fient, quæ sunt in Psalmo XXXVI diuinitus enunciata. Quocirca in omne tempus & vitæ & mortis, perpetua erit Deo cura seruorum fidelium suorum: quoad vsque iustitia conuertatur in iudicium. Quid autem quum factum iudicium fuisse, num tum demum derelinquentur a domino? Imò animum quaeso omnes aduertant, qui testimonia CHRISTI ex sacris codicibus indagare nituntur, & attendant, quam apte & quam perspicue paucissimis verbis Deum hominem effectum, eumque iudicaturum viuos & mortuos David monstauerit. Est enim acris dubitatio, Non deseret Deus hereditatem suam, quoadusque iustitia conuertatur in iudiciu. Quid postea facto iudicio, num tanquam tuto in loco iam constitutam tandem deseret? Accipe quam amplo & sempiterno honore eam est profecturus.

Et continentés illi omnes recti corde.

Sic enim Latine reddi necesse est, & non quod vulgatum est: Et qui tenent eam omnes recto sunt corde. Græce enim ex Hebræo expressum à Septuaginta, quibus nos maximam fidem habemus: Quanquam enim in paucis quibusdam, quæ reuelato post CHRISTI mysterio apertiora facta sunt, nonnulli plus aliquando viderint, certe isti quod & linguam vtramque probe nouerunt, & singula verba accuratissime perpendentes, de consilij sententia omnia conuerterunt, qui summam inter omnes obtineant auctoritatem sunt digni. Est igitur ab illis hoc modo Græce scriptum.

ὅτι ἐξ ὧν αὐτῶν πάντες αἱ ἀγαθὴν ἡγεμονίαν.

Hoc est Latine,

Et continentés illi omnes recti corde.

Hæc tunc, inquit, ab illo supremo iudicio summa erit bonis met-

ces, & maximum honoris ac beatitudinis præmium, quod simul cum eo ipsi erunt qui iustificabit, ita copulati illi perpetuò, atq; adherentes: ut aliena natura medium nihil interueniat. Continentia enim sunt, quæ ita se assequuntur, suntque inter se coniuncta, ut extremitates suas habeant coherentes: Continua vero, quorum extrema vnum & idem sunt: sicut Græce *ἑξῆς καὶ συνεχὴς*. Quod igitur continuum facit in corpore, continens facit in ordine, continentesque sunt, qui cum eo prorsus coniuncti sunt cui continentur. Quid autem ista iustitia: nonne ipse est Deus? aut quid aliud indicatum est per hæc verba: Quoadusque iustitia conuerteretur ad iudicium quam quoad Deus conuerteret se ad iudicandum. Ad exerceendum inquam iudicium illud se conuerteret Deus, quod in scripturis sanctis tam sepe, tantaque voce & admiratione pronuntiatur, ut videantur iam nunc aures nostræ, iudicis illius aduenientis strepitu ac tumultu maximo personare: de quo quidem iudicio dignatus est Dominus Iesus planius nobis explicare multa, cuiusmodi futura sint: & secundum IESVM vas delectum ab ipso, quod Spiritu sancto impleretur Paulus, de eodem iudicio non pauca loquutus est. Sed nos in scriptura veteri nunc insistamus, per quam hæc, quæ nondum facta erant, futura tamen prædicebantur: porro autem in ea nihil omnium est, neque tam frequenter, neque tam grauius prædicatum ac proclamatum, quam est illius iudicij expectatio, & venientis iudicis maiestas. Ac ut de aliorum testimonijs & prædicationibus prophetarum nunc scileamus, in hoc ipso Psalmorum libro, quoties est, & quam præclate ac magnifice, ab Dauid nostro huius iudicij celebratio decantata: passim illa ferme & in omnibus locis. Sed in V. VI. VII. supra XC. psalmis etiam illustrius: Vbi enarrata grauissimis verbis ac sententijs maiestate summi Dei venientis ad iudicandum, iudicium orbis terrarum futurum in iustitia, & populorum in acquitate, veritateque describit: quo iudicio quin omnes viui mortuique, iudicandi sint, nulla reliqua in quoquam re fidet dubitatio. Huic igitur tanto & tam præcelso iudicio omnes recti corde tunc continentur eunt, & in ordinem vnum cum eo & in vnam conuenientiam copulati. Quod quum homines nos simus, ipse autem Deus, in tanto intervallo, tantaque inæqualitate naturæ atque præstantiæ, nequaquam vnquam fieri potuisset, nisi homo item uti nos sumus, ipse factus esset Deus. Nam nobis quid non licebat fieri dijs, non id nostrarum virium, non nostræ potestatis, infimi enim ad summum, ignobilis ad summe nobile nullū germanitatis vinculum, nullam coniunctionis tam arctæ applicationem habere poteramus, per quam illi contineremur: qui si etiam in honore habiti fuisset, & in eius conspectu ac regno collocati, non fuisset tamen illi continentes: multi enim ordines,

multa angelorum agmina inter nos & Deum intercessissent, quæ abruptissent textum continentix: locisque honoratioribus, & magis propinquis ad Deum captis, nos longius ab eo ac remotius constituerent: ut ergo congermanesceremus, ut contineremur, ipse qui omnia potest tanquam vnus è nobis homo factus est, mutatusque a nobis humilitatem & mortalitatem nostram, donauit nobis ipse postea quod proprium ipsius est, naturam immortalitatis, atque immutabilitatis: & ut cum eo in vnum quasi corpus coalesceremus effecit: cuius quidem ipse corporis esse caput, nos vero eiusdem corporis membra in CHRISTO IESU Domino nostro. Atque ut magis appareat quanta cum Deo homine iam effecto, eodemque futuro orbis terrarum iudice nobis futura sit coniunctio, quam arctis vinculis necessitudinis & continentix illi astricti futuri simus, eo ipso recte de quo iam dudum loquimur CHRISTO IESU: non solum erimus illi in cælo & regno continentes, sed in ipso munere honoreque iudicandi, sedes nostras proxime ad illius sellam constitutas habebimus, illud idem iudicium nos quoque pro parte nostra exercentes, tanta germanitatis cum Deo, & consanguinitatis fiducia, ut non homines solum, sed quemadmodum prædicat Paulus, angelos etiam ipsos finis iudicaturi. Hunc tantum honorem, hoc tam excellens & incomparabile præmium daturus est illis Deus, qui recto fuerint corde. At qui nam hi sunt? Est enim operæ præuium & de his intelligere: Recti corde sunt, qui cor suum dirigunt & intendunt ad solum Deum: qui siue quid faciendum est, siuorum factorum rationes & fines ad illum referunt, siue quid credendum aut existimandum, vnus eius maxime credunt auctoritati. Nam qui de Deo & diuinis rebus, quemadmodum ista se habeant, ex humanis quærunt rationibus cognoscere, si nihil in illis inueniunt, aberrant à Deo semper, abeuntque in diuersa: si inueniunt, & ex illis postea ad Deum reuertuntur, non tamen recta a principio, sed sinuosa & angulosa tendunt via: neque recto corde feruntur ad ipsum Deum: ita fide maxime opus est, & credulitate, quam ipse Dominus maxime & semper exigere erat solitus, sibi enim credi volebat, nihil credenti difficile, fidei virtutem maximam omnium esse assidue prædicabat, qua vel montes in mare transmoueri possent: quum tamen ipse diuinitatis suæ, quam præcipue volebat credi, miracula tanta æderet, atque argumenta, ut nō modo fidem suadere, sed necessitatem ad agnoscendum Deum afferre videretur. Recto igitur corde Abraam fuit, quod statim & persacile credidit Domino, reputatumque est ei ad iustitiam, & tanto honore dignum habitū, ut in eadem credendi Deo pura & sancta simplicitate, omnes tanquā patrem Abraam recognoscerent nationes: proinde qui Deo fidem habuerunt,

qui missis ab eo, & inspiratis diuinitus hominibus crediderunt, & quæ hominum syllogismis & argutis ratiocinationibus nequeunt concludi, ad animum suum tamen, & ad persuasionem admiserunt, hi vere recti sunt corde, digni cum eo qui contineantur, cui summam habuerunt omnium rerum fidem, iustitiaque & charitate in primis colenda, illi dicto fuerunt audientes. Hic iam cernimus, quot & quanta mysteria fidei nostræ, his paucis verbis à Davide comprehensa sint, quamque ea arte & significanter: non enim loquebatur perperam Propheta, non aberrabat: sed illustratus & monitus à Spiritu sancto, quæ præuidebat futura, diu ante testabatur: neq; aliter tamen poterat supra memoratæ dubitationi occurrere: At dixit aliquanto compressius, nempe quodd alijs Prophetia data est, alijs ab eodem Spiritu sancto sermonum interpretatio. Et David quidem oraculorum more locutus est, nos autè ad excutiendum scripturas, & ad **CHRISTVM IESVM** Dominum in illis inuestigandum, quantum ipse nobis donat, debemus esse diligentes: neq; ita prorsus, vt omnia vetera facta atque dicta huc obtorquæmus, sed ubi emicat Spiritus sanctus, ubi seruet mysterium, ubi parturientis scriptura est conceptio, ibi obstetricum more animum & curam adhibeamus, reuelemus quæ inuoluta sunt, partumque præclarissimæ diuinitatis pio & sedulo officio in lucem educamus: neque enim si non omnia omnibus aperientur, non erit tamen unicuique pie indaganti aliquid patefactum. Sed vt ad eos reuertamur, è quibus digressi sumus, Agnoscant & intelligant, qui premuntur angustijs in hac vita, & qui iniquorum iniurias graues perferunt, si in Deo spes & voluntates suas constituerint: ipsique fidentes vni, sua animi solatia ab illius iustitia & providentia duxerint, quæ, quot, & quam ampla eos præmia consequantur. Primum in hoc seculo licet fluctuentur, anchora tamen iacta suæ salutis & firmitatis in Deo, pessimi ire non possunt: quum aspiciant eos qui ventis & remis omnibus (vt dicitur) vellicantur nefarijs suis cum cupiditatibus, in scopulum sæpe ignominie & clauitatis impingere: deinde morte obita, quam ipsi semper bona cum spe, scelesti vero & impij cum desperatione acerba, semper oppetunt, omne illud tempus, quod ad supremi iudicii intercesserit diem, cum Deo eos fore, ab eo nunquam derelictum iri: magnū iam tum fructum illos suæ patientiæ probitatisque percepturos esse: Deinde posteaquam factum iudicium, & omnium fors iam fuerit decreta, maximum honorem & præmium adepturos: vt cum eo ipso Deo omnia iudicante, vnus ipsi ordo, vna societas sint, coniuncti cum eo, & planè coherentes, vno corpore, vno regno, vna immortalitate, vna gloria, in qua tamen **CHRISTVS** caput sit futurus: vt si hæc subiecerint cogitationibus suis, & ani-

mo ac spe sæpius contrectauerint, præ tanti honoris ac præmij expectatione & gaudio, omnia sibi humana pacate & leniter ferenda esse arbitrentur.

Quis consurget mihi aduersus malignos: aut quis stabit mecum aduersus operantes iniquitatem?

Hæc iam ambigua sunt, & quadrant ad vtramque partem: Siue auxilium petat ad reprimendum crudelitatem inimici regis, siue suæ vitæ ab illius iniuria defendendæ postulet præsidium, & in vtroque tamen Dominus adiutor recte inuocatur, verum in posteriore magis: iustius enim est salutem suam, quàm poenam aliorum domino commendare: Quam ob rem nos ad hanc partem potius interpretationem nostram adiungemus. Igitur hæc trepidatio, & in aduersis rebus circumspectio, si quid opis alicunde & auxilij appareat, ex affectu communi humanæ conditionis apte est expressa. Est enim natura sic constitutum, vt quum in aliquo vitæ, aut honoris, aut rei alicuius charissimæ amittendæ periculo positi sumus, circumspectemus animo & oculis in omnem partem, si qua nobis forte auxilij affertur aura, si sidum aliquem comitem, aut si quod perfugium tutum inueniamus: simulque præterita animo recolentes, vt quemque aliquò in periculo nobis recordamur opitulatum fuisse, ad mentionem illius suspiremus, eumque nobis optemus tunc potissimum dari. Hoc tunc ipsi Dauidi vsu veniebat, qui redactus in angustum, obsessus, penè circumuentus, cum sanguinem suum ab infesto rege quæri, vitam ad supplicium peti intelligeret, simul ex illa Nobensium calamitate inexpiabile eius odium erga se pendens, formidabat maiorem in modum, ne destitutus omnium ope, in inimicas manus incideret. Itaque qui magnis antea multorum amicitijs & familiaritatibus erat ornatus, & dum valeret apud regem gratia magnas sæpe militum manus sub signis duxerat, prælia multa confecerat, victorias reportarat, in exercitu honore & autoritate antecesserat: Is nunc illa omnia repetens animo, & secum tacitus implorans amicorū & commilitonum fidem, requirit opem ab absentibus, postulat auxilium ab ijs, quos suis benefactis plurimos sibi arbitraretur debere esse deuinctos: quos omneis tamen, vt res humanæ sunt, mutata regis aduersus Dauidem voluntas, & ad contrarium odium conuersa, secum auerterat: solus illi filius regis Ionathas egregiam amicitia præstitit fidem: nec partem tamen potuit, quanquam omnia conatus, ab illa praua voluntate deducere: Ac erat tum quidem cum Dauide militū manus strenua atque fortis, ducem eum secuta, cupiens rerum nouarum, quæ spes & rationes suas in eo collocauerat: sed neque ea sat pollens ad tantum periculum propulsandum, & formidanti

ac suspicienti omnia, nihil vsquam satis fidum, neque tutum
 terat videri: Atque haecenus communi more, & humana im-
 cillitatis vitio trepidabat, & conturbabatur, vt auxilia homin-
 desideraret ac peteret: sed quum ad veram rationem & mentem
 se referebat, certissimum perfugium intelligens solum Deum
 tanquam naus paulisper fluctu & vento agitata, cum ratio
 in proximo, celeriter ad litus portumq. refugiebat. Hæc no-
 documento esse debent, hæc exemplo, vt vitæ nostræ præsidia,
 in opibus hominum, aut principum gratia & familiaritate,
 in Deo, & virtute constituere debeamus: Illa enim fallacia,
 brica, incertaq. sunt: firmum autem & perpetuum præsidium
 est Deus. Recte ergo admonent scripturæ, Non in principibus
 neq. in filiis hominū, sed in Deo rationem salutis esse, & vitæ
 statuendam: Ad quem ex omni quidem turba ac periculo con-
 gium habent paratū, qui non suo crimine, sed aliena culpa &
 lere opprimuntur. Qui verò suis nefarijs vitijs atque factis mi-
 atq. infortunio digni efficiuntur, qui fodiunt sibi ipsis fouear-
 dum in potestate sunt, ius, æquitatem, misericordiam, non ab
 solum & ab animo operibusq. suis, sed ab omnibus qui circa
 eos sunt: & ab omni publico munere reiiciunt, & amoluntur
 rebus cōmutatis, quod quam crebro accadat debemus cōfide-
 re, quod tandem habent solatium, aut leuamentum calamita-
 suæ? Licet pertentent omnia, licet experiantur, frustrantur ta-
 in omnibus: Atque vt in vetustis parietibus putres iam structi
 solent eos qui se apprehenderint nitendi adminiculandiq. ca-
 non solum non sustinere, sed insequi etiam & obruere vltro:
 quodcumq. isti comprehenderint ad opitulandum, id illis ma-
 re malo obest, obstruente præsertim consiliorum exitus domi-
 & inopinatos casus inferente: sicut in Amo Propheta scriptū
 Quod adueniente die Domini, qui tenebræ est illis, & non lux
 fugient a facie leonis, & venient domum, & ibi illis vsus occu-
 ret: A quo vt euadant, innitentur manū sua super parietem, &
 manum coluber mordebit: Nunquid non tenebræ dies illa
 mini, & nō lux: caligo & non splendor: Quid autē Esaias? V-
 inquit, qui condunt leges iniquas, & scribentes iniustitiā scrip-
 runt, vt opprimerent in iudicio pauperes, & vim facerent cau-
 humilium populi mei: vt essent vidux præda eorum, & pupil-
 diriperent. Quid facietis in die Visitationis & calamitatis de lo-
 ginquo venientis: Ad cuius cōfugietis auxilium? & vbi derel-
 quetis gloriā vestram, ne incurruamini sub vinculis, & cum in-
 fectis cadatis: Ac tales quidem isti suarū improbissimarū acti-
 num spectant exitus, carmenq. hoc, angore, periculo, metu r-
 eragirati, repetunt: Quis cōsurgat mihi? quis stabit mecū? &
 imperfecte, non enim opem postulant: contra iniquitatē, sed p-

iniquitate: in quo non modò populus, sed qui illis antea familiarissimi coniunctissimiue fuerunt, confurgunt & astant: verum non vt tueantur, sed vt prosternant illos, cum plausu & lætitia illorum sceleratam ignominiamque spectantes. Non sic enim uerò Dauid, nec qui Dauidis similes pietate, meruerunt, vt iure confiderent Deo: ad hos pertinent enim ea quæ sequuntur.

Nisi quod Dominus adiunxit me propemodum adhabitaſſet inferno anima mea.

MAGNA in his tribus deinceps continetibus versiculis fidei quoque nostræ mysteria, magna sacramenta denotata sunt: quæ quanquam Iudæi etiam ex parte aliqua cognoscebant, inchoate illi tamen, nos autem perfectius & plenius obtinemus: & ea hic spiritus sanctus non tam verbosè, quam peripicuè indicat: gradu ille quidem posito primum in affectibus humanis, sed inde statim ad altiora diuinaque sublatus: neque enim per hominem & ex homine enuncians, fermè omnino finit sine humanis cœlestia existere. Iam qui ipsi ad tantum munus gratiæ delecti erant, vt ventura viderent, populisquæ & regibus tantò antè prædicerent, aliquo prius spectaculo earum rerum, quæ tum gerebantur, permoti atque excitati, quum argumentum illinc dicendi Dei instinctu arriperent, siue conquerendum & redarguendum esset quippiam, siue gratulandum, humano dato initio, post volente spiritu, ad remota, sublimia, futuraque prouehantur: Quorum & si ipsi non auctores, sponte neque prædicatores, postea tamen conscij & memores etiam erant. Atque vt aues grauiore corpore antequam efferre sese in sublime, & volatu capeſſere summum aëra possint, cursu prius per d ium, alarumque agitato se incitant: sic in hominibus illis, superna diuinaque consilia ex humanis plerunque affectibus excitabantur. Hoc ipsi Dauidi tunc contingebat, qui in illo terrore & fuga, quum pericula multa adiisset, plurimas animi molestias & sollicitudines graues excepisset, in omnibus præsens Dei auxilium expertus, dat testimonium illius erga se benignitatis: sed ita dat, vt non magis profectò præsentium sit testimonium, quam futurarum rerum diuinarumque mysterium. Nam prior hic versiculus, illud planè demonstrat, omnis omnino virtutis, omnis salutis atque incolumitatis effectorem nobis Deum esse. Alter verò & tertius insequentibus, ipsum poenitentiam completum sacramentum, sicut manifestum fiet procedentibus. Ita humilitas ac poenitentia, quæ Christianorum hominum aut primariarum sunt virtutes, aut expiatione criminum reditus ad virtutem, his tribus versiculis expressa sunt.

Nisi quod Dominus adiuuit me, propemodum adhabitaſſet inferno anima mea.

Ad hunc enim modum transferendum potius fuit ex Græcis codicibus, & ex Septuaginta: est enim ab illis ſic ſcriptum,

εἰ μὴ ὅτι κύριος ἐβοήθησέν μοι, παρέθεχεν παράκτος τῷ ᾧ ὁδῷ ἡ ψυχή μου.

Et ſanè aliud Adhabitare, aliud Inhabitare eſt. Adhabitât, qui in proximo ſunt: Inhabitât, qui in eodẽ incolunt domicilio: quorũ priores vicini, hi domeſtici iam, aut contubernales nominantur. Volens igitur David Dei beneficia erga ſe recensere, & illi ferre acceptũ, quod ſaluus & ſolpes eſſet, prædicat niſi ab illo fuiſſet ipſe adiuutus, ſe adhabitaturũ inferno fuiſſe: hoc eſt, ad infernum proximè accẽſſurum. Et hic quoq; ambigũ eſt: aut enim corporis & vitæ ſuæ incolumitatem acceptã Deo fert, aut animæ & cõſcientiæ: Ac corporis quidem, quod quum cum Saul ſæpius interficere eſſet conatus, etiam antequam apertas indiceret inimicitias, lancea in eum bis tẽrue coniecta, & ruſſum capto ad eum interficiendum die, quo tempore Ionathas filius regis ope & conſilio ſuo Dauidem ſaluum emiſit, omnium illorum periculorum ſuorum amotorem & propulſatorem conſitetur fuiſſe Deum: Animæ verò, quod palãm iam oppugnatus & expulſus, omnibusq; viis appetitus ad mortẽ, quum diſcillimam haberet rationem ſuæ cuſtodiendæ ſalutis, non tamen propterea in deſperationem vllam, aut prauam cupiditatem lapſus eſt: nõ ad cẽdes & rapinas intendit animum, non vaſtitate & interneccione hominum eſt delectatus, non cuiquam immerenti fuit exiitio, non denique cum externis & hoſtibus populi Iſraelitici vllam aduerſus populares ſuos coiuit ſocietatem: ad quæ omnia facienda, quum & animo & viribus eſſet aptus, iniuria etiam inimicorum, crudelitateq; impelleretur, tamen integrum ſe ab his, & innocentem conſeruauit, Deo illum in omnibus & ſouente & dirigente. Vtroque igitur illi modo perfectum à Deo eſt, vt ne adhabitaret inferno illius anima, ne in propinquis ad infernum locis incoletet. Quamquam videri poſſit fortalſe, ſi fuiſſet occiſus, non adhabitaturus inferno, ſed in eo inhabitaturus potiùs fuiſſe: quod tamen non ita eſt, neque carent verba myſterio: illis enim Patriarchis & Prophetis etiam morientibus, infernus (hoc enim ex ſcripturis vtimur vocabulo) receptaculum non erat: vt infernum capiamus inalogum demonum domicilium, & ſedem, vnde reſgreſſus iam non eſt: Sed loca quẽdam inferno propinqua, in quibus poſiti aduentum expectarent extrahuri eos illinc, & reſtituturi Deo, CHRIS T. Ita illi ne mortui quidem ad infernum introibant, ſed adhabitabant inferno.

Vluen.

Viuentes verò, qui sunt corrupti & contaminati vitiis, quo pacto
 adhabirent inferno, & nisi Deus adiutor assisteret, quemadmo-
 dum humana omnis illuc delaberetur mortalitas, paulò altius à
 nobis est exponendum. Omnis natura hominis, vt sacra pluri-
 bus locis historia testatur, vsque eò prona & procliuvis ad malum
 est, vt sine Deo ex nobis boni nihil, Apostolo affirmante, ne co-
 gitare quidem valeamus. Ac ante diluuium quidem ipsemet Deus
 hoc generi humano sceleris & malitiæ probrum obiecit: pro-
 pter quam causam etiam ad abolendum ac extinguendum illud
 illuione aquarum iratus adducitur. Post illam autem stragem
 & vniversum cunctorum interitum, solo Noë, homine iusto, &
 eius familia ad propagationem generis conseruata, quum in-
 crebresceret denuò hominum genus, & frequentaret orbem ter-
 ræ, populiq; & nationes de integro constitissent, lege ab Deo
 per Moysen lata, iudiciis Prophetisq; missis, regno Israelis
 stabilito & aucto, quum omnibus lumen diuinæ bonitatis allu-
 cere iam posset, nunquid pœnituit homines culparum veterum
 suarum, per quas tam atrox antea supplicium erant meriti? Imò
 reuoluti ad peiora vsque eò sunt, vt ne vnum quidem ex eis ini-
 quitatis immunem seligere liceret. In quo Paulus insistens ad-
 uocat scripturæ testimonium: Dominus prospexit de cælo su-
 per filios hominum, vt videat si est intelligens, aut requirens
 Deum: Omnes declinauerunt, simul inutiles facti sunt, non est
 qui faciat bonum, non est vsque ad vnum. Idem & Hieremias,
 quum Dominum inducit ad populum sic loquentem: Quid vul-
 tis mecum iudicio contendere? Omnes dereliquistis me. Igitur
 hoc tanto recidiuo morbo, quo orbis totus agrotabat, ne ad
 summum interitum peruenirent homines, filius Dei carnem
 nostram assumpsit, susceptaq; in se veterum omnium pecca-
 torum nostrorum pœna, pro nobis hostia, & placabile sacri-
 ficiu Deo patri suo oblatu est: cuius quidem rum mysterij ac
 diuini erga homines beneficij tanta vis fuit, vt quod nunquam
 antea fuerat visum: Fides, & Charitas, & Innocentia, & omnium
 virtutum chorus imperium orbis te trè diu obrinuerint. Paulatim
 rursus deinde dilabi Dei ille amor ex cordibus hominum, & ve-
 ritatis ac iustitiæ deferi cultus cœpit: quum tamen diuina non
 defuit prouidentia, ad sustinendos aut renocandos sponte sua
 in imum prolabentes homines, alternis nunc pœnis, nunc be-
 neficiis, sanctis etiam & ab se inspira tis hominibus per interual-
 la temporum ad arguendum, monendum consolandumq;
 missis: Vt planè constet, genus hominum, nisi Dominus aliquo-
 ties auxilium iam tulisset, procliuitate sua, qua fertur ad peccan-
 dum, adhabitaru inferno fuisse: hoc est, in maculis & sordi-
 bus peccati inhabitaru: vnde ad infernum postea propin-
 quus

quus transitus est: Atque hoc in commune. Quid in singulis? Nonne eadem est ratio: Nisi enim Dominus adiuvet nos, adha-
 bitat inferno anima nostra. Ope enim Dei privati ac destituti,
 peccatorum & vitiorum sentina sumus, servituti diaboli addicti,
 atque in proximo illi adhabitantes: Quod qui faciunt qui sibi il-
 las sedes eligunt ad domicilium; iam nunc viui, & onus etiam
 corporis portantes, eandem penè vitam, eosdem & dolorum &
 voluptatum sensus cum daemonibus ipsis suscipiunt vna, & ex-
 periuntur: quanquam vna his sola est & prapostera voluptas,
 quòd peccato delectantur, maximumque tunc experiuntur fru-
 ctum, si plurimos sui similes possunt efficere: de reliquo quidem,
 quid est quod verè sentiant iucundi aut grati? Breves hilarita-
 tes, & eas inanes, aliquando capiunt: At longos mœrores, ac a-
 nimi morsus assiduos, ac fastidia presentium semper voluptatū,
 desiderium absentium, vagationem quoque mentis, instabilita-
 temque, sepe etiam amentiam: malas spes in animo continent,
 terroresq; simul & seditiones: omni strepitu perturbantur, omne
 lucem reformidant, omnium hominum liberorum aspectu voce-
 que exterrentur, ipsi in animo incerti dubiq; semper, nihilq; ha-
 bentes quo nitantur firmum atq; securum, præbent se impoten-
 tibus cupiditatibus distrahendos: Hoc statu qui sunt, verè adha-
 bitant inferno, qui sedem sibi propè ad infernum constituerunt,
 iam commercium mutuum cum daemonibus habentes, ad illos
 post paulò in totum migraturi: iidemq; viuentes, nec adò mi-
 nùs quam daemones humanæ societati exitiabiles atque incom-
 modi. Nam ut illuc ad infernum propè interdum etiam accedant
 p̄tobi & electi, errore & peccato compulsi aliquo, sedem tamen
 non statuunt, domicilium non collocant, celeriterque ad suum
 larem primum & ad viciniam cœli reuertuntur. Mirabile illud
 est & propè diuinum, ut quis non aliquo labore vitio, etiam
 eorum quæ perniciosiora sunt: summoque Dei beneficio affi-
 citur, cui puritas ista tanta donatur: sed in peccatis qui nec ia-
 cere in sorde, nec volutari in turpitudine latentur, qui cupiunt
 emergere, qui ad Deum manus precesque tendunt, ut subleuen-
 tur, ut adiuvantur: qui in ea commissa incidunt, quæ videatur ab
 eis non voluntatis & naturæ prauitas, sed mortalis potius fragi-
 litas expressisse, habent hi paratum, vbi volunt, veniunt & indul-
 gentiæ apud Deum locum: confidunt illi modo, & ipsam suam in
 eo collocant, iacentq; lachrymis & orationibus, conatusq; suos
 quòd liberari cupiant, & salutem suam quum fuerint liberari,
 totam ab illo agnoscant: adierit Dominus sic coram eo se ab-
 jicientibus, ac prosterneutibus, & ad ipsum vnum expectanda
 ope conuersis, gratumque sibi & celsitudini conueniens suæ in
 illorum humilitate contusuet tabernaculum: quam quidem vni-
 versi

militatē virtutum saluberrimam, in veteri lege adumbratam, & in Euangelio clarius expressam, amplectamur præcipue omnes qui firmis deorsum radicibus actis, in cælum volumus melius faciliusque consurgere.

Si dicebam, motus est pes meus, misericordia tua Domine adiuuabat me.

LVCAT iam hîc & apparet confessionis sacramentum, Spiritu sancto, vt diximus, futura præsentibus coagmentante, quæ cuncta ipsi præsentia tamen sunt: Quid enim hoc ad periculum illud propriè Dauidis? Quid ad misericordiam in eo Domini pertinebat? cuius cùm implorabat Dauid auxilium, non ita opinor, necesse habebat loqui, & sic exprimere, Motus est pes meus, offendi, inpegi: vt hoc cùm dixisset, Domini illum misericordia continuò sustineret: potiùs hunc versum sic pronunciaret & scriberet: Si motus erat pes meus, misericordia tua Domine adiuuabat me: Vt quum in omnem vitam & tempus illud totum periculi subsidium petiisset, tum vt aliquis calus inciderat grauior, in singulas res, singulare sibi a Deo adfuisse testaretur auxilium: quando etiam congruentius de auxilio, quam de misericordia loqueretur. Auxilium enim à Deo aduersus alterius peccatum & iniquitatem, non suo peccato misericordiam postulabat. Quòd si in altèrum sensum inèns Propheta interpretanda est, quando iam diximus ambiguas esse horum versiculorum sententias, & ad vtramque partem valere, siue Deo det testimonium suæ ab eo conseruatae salutis in corpore, quòd non est inimicorum crudelitati ipsius vita donata: siue in anima, quòd Deo illum rectius dirigente, nequaquam ipse est ardore iracundiæ & studio vlciscendi ad vllam iniquitatem crudelitatemque prolapsus: planius etiam in hoc posteriore sensu confessio est significata: Etenim hoc modo loqui, Si dicebam, motus est pes meus, misericordia tua Domine adiuuabat me, apertè est dicere, confessionem proprii erroris ad prouocandam misericordiam Domini maximam vim obtinere: vt perspicuè appareat, Dauidem a peculiari sua causa, ad generis humani communem, & à corporeis offensionibus, ad spirituales, præeunte Spiritu sancto digressum esse: Cuius tamen in confessione, totaque pœnitentia veri mysterij sensum nos Christiani soli plene retinemus: Nec dubitamus, quia non in animæ solùm abluendis expiandisque maculis, sed in corporum etiam periculis, diuina opè deuitandis, magnum momentum nobis afferat confessio: per quam a peccati vinculo soluti, & Dei gratiæ ac beniuolentiæ restituti, illo patrono & defensore melius confidimus. Hanc confessionem quicumque explodere, & ex hominum

cordi-

cordi-

cordibus ac moribus delere voluerunt, hi vinculum pudoris & continentiae dissoluere conati sunt. Querit enim pudorem quandam, verecundiamque non seruilem, sed homine libero dignam, in proferendo crimine confessio, in qua satis poenae insit ad abluendum peccatum, & misericordiam Domini promerendam, quod voluntariè suscepta est, & est tamen proborum, & non alienorum a virtute, illa pudoris affectio peculiaris. Neque enim nobis, ut Iudeis, terrore multo, gravitateque poenarum, ac diritate execrationum, lex est à Deo compolita atque perscripta: sed amor, pudorque propositus: ut quum præcipue nos diligeret Deus, conciliaret sibi, non necessitate seruos, sed benignitate filios: pro quolibet autem magno peccato, paululum supplicij sat est patri. Ac peccatum quidem ipsum per se etiam, in improbis & nefariis hominibus, morsum doloris interiorum habet: stimulantur enim & punguntur necessariò qui peccant: quod suum malum intus, & maximum detrimentum, non potest non sentire anima: nec tamen ex eo vllum iudicium aperitur, melioris eam frugis in posterum fore. Vbi ergo elucet pudor, vbi probitas, vbi ingenij bonitas & natura? Tum, quum is qui peccauit, onus illud terens grauiter, peccati querit in confitendo & communicando medicinam, adhibetque intercessorem, quo sibi ad Dei conspectum, quem læserit, prodire cupienti, aditus sit fidetior. Est igitur signum imprimis euidens salui intus animi, & prauitate nulla adhuc corrupti, hæc commissi erroris voluntaria prolatio: indicat enim inuitum eum peccasse, qui fuerit lapsus, & nolentem in morbum incidisse, qui morbo remedium volens querat. Quod quidem tantâ vim habet, & semper habuit, quod populi quoque gentium, qui optimas leges condidisse existimati sunt, quum hæc sancta & mystica nihil dum cogitarent, ipsa admonente impellenteque natura, latis legibus sanxerunt, eum qui seipsum criminis alicuius vltro detulisset, aut omnino aut magna ex parte liberatum à supplicio dimitti debere. Atque ut est ingenui animi & recti, confiteri peccata sua, & errores agnoscere, querereque aperiendo & communicando medicinam, sic qui illa occultare, & abdere in tenebris student, fugiuntque: quoad possunt ex confessione & communicatione remedium: hi non tanquam filij bono ingenio præditi, sed velut serui nequam, fouere & alere peccatum intendentes, malitiamque & simulationem veritati obtendere, dignis serui suo ingenio poenis afficiendi sunt. Quocirca rectè & ad Christianum verumque sensum Salomon, Qui abscondit scelera sua, non dirigetur, inquit: qui autem confessus fuerit, & reliquerit ea, misericordiam consequetur. Enimverò illa abscondi Deo non possunt: ergo vult Salomon ea ad hominem necessariò proferri. Item & alio loco David, Di-

xi confitebor aduersum me iniustitiam meam Domino, & tu remissisti impietatem peccati mei. Atque ut non confessionem solam sine homine, quæ a Iudeis etiam nunc confitentibus usurpatur, sed hanc Christianam & nostram, quæ sacerdotem nobis adesse scimus significaret, protinus addit: Pro hac orabit ad te. omnis sanctus, in tempore opportuno. Pro hac inquit, iniustitia, orabit, ut mihi abs te Deus ea dimittatur: Quo autem pacto orabit sanctus, si cum eo non fuerit communicata: Nam si ad Deum solum est confitendum, quid est sermone in confitendo opus, aut quid refert verbis exprimere animi sensa: quum Deus statim cognitor cordis sit? Quod si confessio ore prolata & verba id faciunt, ut resellatur magis redarguaturque peccatum, sanumque consilium in animo, & mens antè impedita melius expeditur, hoc maxime præstat in confessione sacerdos. Deinde, quis condat certò, sua sibi peccata penitus esse cognita, quum sit scriptum: Delicta quis intelligit, ab occultis meis munda me? Quæ quum adhibetur, sacerdos quo cum & quæ aperta claraque sunt, & quæ occulta aut dubia omnia communicentur, vel nihil latere eorum, quæ animaduertenda sunt, vel si quid etiam lateat, humilitate ipsa & diligentia Deo est satisfactum. Itaque ipsemet, Vbi duo fuerint vel tres vestrum in nomine meo congregati, statim in medio sum, dixit Dominus. Digredis igitur tu confessione facta, non tua persuasione, quæ fallere te potest, sed sacerdotis fide absolutus: quam si ipse minus rectè præstiterit, peccatum tuum transfert in se, pro teque obstructus Deo relinquitur. Ac ne illius quidem questionis laqueis Iudei, & qui Iudeorum in hoc genere sequuntur sententiam, non implicati strictique tenentur: Quod non possunt rationem reddere, quam obrem cum cetera sacrificia omnia, quibus expiare semetipsos, & placare Deum instituerint, per manus sacerdotis Deo offerant, hoc unum confessionis sacrificium, imprimis sanctum, maximeque expiabile, existiment ritè se Deo sine sacerdote offerre. Nam & a Davide suo sic expressum est: Sacrificium Deo spiritus contritus, cor contritum & humiliatum Deus non despicias. Quo quidem in sacrificio tantam inesse vim ad placandum Deum, David idem confirmat, ut nunquam id non Deo gratum acceptumque sit, spiritus sæpe etiam & repudiatis ceteris sacrificiis. Iure igitur & pie, ac necessario ad salutem ritum, sancta nobis confessio, a Deo & ab Apostolis indicata, à communi Ecclesia constituta, à Christianis fidelibus semper usurpata est. Cuius vim gentes, natura ducè, cognoscunt, Iudei lege & more quadam ex parte amplexi sunt, nos plenè ac perfectè totam obtinemus. Quam ut ostenderet non solum purgandis animi morbis, sed corporis etiam & vitæ periculis propulsandis utilem & hospitalem esse,

Spiritus sanctus, idcirco Dauidem de quotidianis vitæ periculis tunc maximè dimicantem, in hac Christianæ confessionis & salubris aduersus omnia mala remedij proferenda verba compulsi

Si dicebam, motus est pes meus.

Qvov ad liberandum à periculis attinet. Si indicabam tibi, qui me circumstaret & obsideret terror, quò incautius essem progressus, vbi me in plagas & retia inimicorum dimissem, tua statim Domine misericordia me adiuuabar, & in tuto per te steterbar. Quanquam hoc minus propriè videatur dictum, nam nec indicare illa dicendo opus erat Deo, cui cuncta patebant, aderatque ipse præsens Dauidi aduocatus: & in periculis eiusmodi praesidium potentiae magis, quam misericordiae summi Dei aduersus iniquam vim intentantes conueniebat implorari. Sed tamen declarari voluit spiritus sanctus, ex confessionis Sacramento, propugnaculum nobis diuinæ misericordiae aduersus omnia mala ac pericula præcipuè paratum esse. Sin autem ex illo altero sensu, quò minus ipse in aliquam iniquitatem & crudelitatem incideret, ad quam animi impetu quodam & furore iracundiae interdum ferebatur, Dei misericordiae Dauid acceptum referebat: planius est iam nobis, & magis recta via indicata confessio. Sanè pedem morum esse, apra similitudine est in eiusmodi peccata incidere, quæ ambulanti in hac vita obuiam necessario habenda sunt, ardentq; ab initio vitam ingressis, & suauitate sua, antequam dijudicatrix & expultrix aduenter ratio, ita sese adlinat, ut post vix multo studio & labore, nec sine Dei ope queant elui: sed quæ tamen misericordia digna sunt. Itaq; & illa lauandis discipulorum pedibus releuit Dominus. Nam si non pes, sed caput sit permotum, ipsaq; dominatrix animi ratio ac voluntas, a recto ira demota, ut non tam fragilitatis sordibus, quam clavis atque vulneribus avaritiæ, iniquitatis, superbix tota confossa sit: Quid sperari possit de misericordia Domini, incertum est: Illud non dubium, ab insequentis versiculi intellectu ac fructu, per quem iucundæ bonorum spes, & beata etiam in periculis ac laboribus vita indicatur, huiusmodi homines repullos esse.

Secundum multitudinem dolorum meorum in corde meo, consolationes tue lassificauerunt animam meam.

Dvo genera doloris intus in animo oboriuntur, & ex utroque genere dolores penè innumerabiles. Vnum genus est, quod à natura & veritate nobis est inuectum, quum peccandis committendisque criminibus naturam intus animi ac præstantiam violamus: quæ in eum modum natura est constituta, ut sit domi-

na ratio, reliquæ illi cupiditates omnes seruiant. Hunc ordinem quum perturbamus, itaque peruertimus, vt præficiamus cupiditatem rationi: quod tunc euenit, quum quæ sequi obtemperareque debebant, trahunt ipsæ, & trudunt iam rationem affectiones, non solum loca & munera partium animi commutamus, sed naturalibus illius actionibus sublati, & aliò versum transductis, ipsam etiam eius naturæ confundimus substantiam, quæ in recto illo ordine præcipuè elucebat: vt videatur serè animus desinere esse animus, aut certè ex humani animi nobilitate ac specie, in alteram effigiem quandam abhorrentem ab homine, & monstri potius affinem transeat. Quod quum accedit, naturalis quidam euestigio simul emergit dolor, tanquam naturæ suum casum deplorantis, multumque se afflicta, quod se eat perditum, & lumen suæ præstantiæ veritatisque amittat: Atque hic dolor longè maximus omnium & grauissimus est: est enim veritate subnixus, & verè maximi mali compos. Siquidem deficere & discedere à semetipso omnium rerum cuique est miserrimum: sed hunc dolorem acrius illi sentiunt, qui rarius peccate & difficilius sunt soliti: qui partes longè plurcis sanitatis quàm morbi in animo intus possident: nam & fructum ac lætitiâ animi bene se habentis, & sani integriq; diutius hi perceperunt, vt ipsa ex comparatione magis admoneantur, & multò plus in se retinent quod vim ad sentiendum vegetam habeat, quàm quod oporteat sentiri: Etenim quod corruptum est, neq; seipsum, neq; quod integrum est, agnoscit, ipsum autem ab integro incorruptoq; agnoscitur. Ita hic, quod animus intus efficitur corruptior, minus minusq; suum ipse malum & detrimentum intelligat: abire enim ad corruptionem, quam omnis dicimus sui ipsius sensus expertem esse: in qua & si aliqua etiam nunc radice naturalis substantiæ animus teneatur, fructus tamen suos ornatusque, & omnem suæ dignitatis speciem, omne decus amittit. Sed & si non sunt tam acres doloris morsus in impio, qui iam diuturna peste peccati & tæbe totus disputruit, quàm in probò & pudente esse solent, qui sanus etiam nunc, multò maxima ex parte acerbius sentit doloris ex peccato, non morsus, sed vulnera: tamen grauius in impio illud ipsum malum est non sentiendi, quàm si asperissimè dolores eos sentiret: conclamatum enim de eo esse iam indicat stupor ille animi, terribilissimum suum malum minimè agnoscantis. Quod item accidere in morbis corporum videmus, in quibus pessimè affectæ valitudinis signum est, vim morbi non sentire: nec minus miseret nos eorum, qui ab alienato sensu in morbo graui læti etiam esse videntur, quàm qui lætæ iactationibusque se afficiant. Quantum enim interest inter oblanguentem iam demoriètemque, ac eum qui fortis adhuc & validus, cruciatibus inge-

miscat, quod hic etiam nunc sentiat quæ dolet, ille est iam mor-
 bo confectus, atque victus: tantum inter planè nefarium, & pu-
 doris adhuc ac probitatis interest retinentem. Atque hoc genus
 doloris primum & certum maximè est, quod ex summo proce-
 dit malo: estque hic verè & nauiter dolor, non falsa aut vana
 opinione susceptus, sed veritate naturaque inductus. Alterum
 verò doloris genus, persuasionis & opinionis fermè totum est.
 Quum enim externa fortunæ incommoda, & corporis damna
 detrimentaque dolemus, propter eam causam dolemus, quod
 mala illa esse opinamur, quæ plerunque mala non sunt, sed bo-
 no nostro a Deo nobis data atque inuenta: Quid enim mali es-
 se in eo potest, quod si animo æquo accipiat, partem in no-
 bis optimam efficiat meliorem? Aut si sit ea contraminata gra-
 uiter & corrupta, spoliet eam tamen vitiorum instrumentis: Et
 tamen familiarum ruinas, filiorum orbitates, molestias morborum,
 discrimina mortis, existimationis pericula, ceteraque damna
 & detrimenta iure deuitemus. Nempe visque eò, quoad illa sub-
 tertugere officio non repugnat. Quod si in eum locum res ad-
 ducatur, ut alterutrum duorum, mortem vel dedecus suscipi sic
 necesse, qui veram vim boni constantius tenuerunt, vitam po-
 tiùs quam honestatem, non dubitauerunt amittere: grauius e-
 nim tormentum verissimi doloris ex scelere sibi, quam ex mor-
 te subeundum esse iudicauerunt: Itaque illud vitauerunt potius.
 Qua in laude virtutis animique magnitudinis multi etiam apud
 priscos, in Christiano autem nomine innumerabiles reperti sunt.
 Iam naturæ consilio & arte quadam mirabili sic est dispositum,
 ut animus pessimè in se constitutus, minimum sua illa mala in-
 teriora & propria sentiat, hæc exteriora & alieniora maximè: si
 autem in eo bona sit constitutio, contrario se habeat modo ad
 sentiendum, maximè illa sua, minimum hæc: quod suo naturali
 bono plenus ac refertus, omnes externos incommodorum ap-
 pulsus leuiter contemptimque accipit. His sic expositis quæ
 fuerunt præmittenda, videamus dehinc qui sit animus bene
 constitutus, & qui iure possit huius tantum vesiculi, & gaudij
 cœlestis fructum usurpare. Triplex animi bona est constitutio,
 a tribus mortalium sectis sua cuique animaduersa atque inducta.
 Vna est, quam Philosophi veteres, summis præditi ingenijs, ho-
 minibus prodidere, rationibus confirmatam & argumentis, per
 quæ quid nos ipsi essemus, & quæ in nobis præstantissima pars,
 qui actus hominum proprii, quæ beata vita ratio, eiusque ade-
 ptio, copiosissimè est demonstratum. Queniamodum in tota
 animi natura arcem obtinet ratio, cui etiam animi imperium
 est permissum: quam appetitiones inferiores colere & obser-
 uare, ad nutumque eius omnia agere debeant. Quod in quo ita
 fiat,

fiat, uti veritatis ordine legeque est præscriptum, verè eum vi-
 rum esse, fungique hominis munere atque officio: in quo au-
 tem curbarum & confusum sit, hominis hunc figuram quidem
 & debilem essentia rationem retinere, re autem vera in agendo
 non videri hominem, beatam porrò vitam in illo conservando
 ordine existere: Quem habitum animi, rectè omnia appeten-
 tis, contineat ratio, pluribus iam dudum actionibus operatio-
 nibusque exercitata atque confirmata, quæ eadem sit virtus bea-
 tæ vitæ præcipua effectrix. Hæc cum Philosophi magna, atque
 egregia hominibus traderent, argumentisque ea subtilissimè cõ-
 firmarent, omnino reliqua præclare, in eo tantum defecisse visi
 sunt, quod caput huius virtutis & beatitatis, nimis profectò de-
 bile infirmumque posuerunt: statuerunt enim summum hoc
 hominis bonum, rationis duntaxat humana arbitrio quæri, cõ-
 stitui, comprobarique debere: ut nosmetipsi essemus nobis tanti
 boni & adipiscendi auctores, & adepti iudices. Quasi verò nun-
 quam falli hominis ratio possit, aut ea non sit varietati opinio-
 num, commutationique sententiarum, prout sese variæ & diuer-
 sæ dant res, semper exposita: Quæ etiam si quod rectè semel ac-
 ceperit, in eo sit firmius constanterque permanens: sui tamen
 vnius iudicio & gratulatione contenta esse non potest, quæritq;
 semper alicui maiori & grauiori iudici seipsam ostendere & pro-
 bare, è quo & auxilium in laboribus, & firmamentum in peri-
 culis, & in re gerenda consilium, in bene gesta gratulationem, in
 omni autem cursu, actu, munereque totius vitæ, ex societate &
 communicatione omnium rerum, iucunditatem animi & læti-
 tiam sibi esse paratam intelligat. Hæc enim præcipue ex com-
 mercialio & communicatione iucunditas solet nequaquam inco-
 mitem nec idæqueam solitudini, sed societatis & communicatio-
 nis imprimis appetentem naturam hominis pleno ex bonis re-
 bus fructu lætitiæque cumulare. Nimirum philosophiæ illi &
 institutis hominibus ex illa hæc defuerunt, quæ prima spectan-
 da sunt: neque enim poterat fieri ut quum aliquis virtutem insti-
 tuisset acquirere, quòd per eam sibi ipse constaret, fieretq; in omni
 casum humanorum varietate firmior, rursus suæ ipsæ virtutis &
 caput solus & firmamentum esset. Itaque cogente natura, quæ
 in solitatio vnius iudicio, & singulari conscientia non conqui-
 escebat, requirebatque adminiculum potentius, quo niteretur,
 sustentaretque semetipsam, atque in eo melius & perfectius se
 agnosceret: qui ex philosophia nomen virtutis potius, quam
 virtutem sectati sunt, in celebritate famæ, & opinione hominũ
 suæ beatitudinis fructum, approbationemque posuerunt: lucem e-
 nim quærebant, per quam cernerent etiam semetipsos, nec po-
 tuerunt apprehendere eam quæ vera lux est: Nam & Deũ quum

cognouissent, non ut Deum tamen sunt venerari. Ergo Iudeorum natio melius erudita ad animum bono rectoque more extolendum, & firma ratione ad virtutem astrigendum, amplius addidit ipsummet Deum: cumque approbatorem virtutis & indicem, caput denique esse voluit totius humanæ felicitatis: titubantemque hominis & imbecillam per sese rationem, ad rationem illam alligauit, qua nec sapientius quisquam, nec in omni æternitate solidius esse potest: ut neque falli deinceps posset, diuinis illis præceptis edocta, neque labi in aduersis, & sibiipso diffidere, eiusdem Dei ope auxilioque munita. Sed neque Iudaica gens summam rei prorsus assequuta ipsa est: mercedem enim sibi ex Deo, mandata illius custodienti, fructus terræ potius annuos, & mortale regnum, quam immortalia, & celestia bona expetebat: ad eumque finem sese illi probabat, ut esset in frugibus suis capiundis, & in liberis familiisque propagandis fortunatior: ita veneratrix cœli effecta præmium pietatis suæ in terra requirebat: timore etiam magis quam amore ad colendum Deum mouebatur. Et sanè cum illis agebat Deus aliquantò seuerius: magnus adiutor in periculis, & beneficiorum largus donator, idem, ubi deerrassent à via recta, poenarum nihilo remissior exactor: ac denique populum illum, ex quo diuina erat progenies mundo oritura, ita tractabat, ut tanquam rudem massam paulatim perpurgaret, quò plenitudine temporis adueniente, posset formam diuinæ bonitatis & veræ pietatis melius accipere. Hoc ipsi etiam Iudeorum Principes, Patriarchæ, Scribæ, vatesq; intelligebant: etenim sciebantur, imperfectum esse, quodcunque lege eorum esset traditum, expectabantq; perfectorem, quem magni consilij angelum affuturum ex Deo, impleturumque omnia, & regnum illis perpetuum stabiliturum predicabant. Qui iam dudum quum venerit **CHRISTVS IESVS** Dominus noster, filius Dei, & eiusdem ipse cum patre diuinitatis compos, haud tamen est ab illis: nec agnitus, nec receptus: ea re quidem, quòd quum gens verorum bonorum ignara, diuitias, & opes, & terræ hereditates primarias existimaret, speciem Dei in figura humili occultam, & fructum ex eo celestium bonorum non potuit intelligere. Hunc Deum, filium Dei nos admissimus, & ei ita credidimus, ut crederemus etiam in illum: cuius aduentum, diuinamq; virtutem tegumento carnis obuolutam, in seipsa prepotentem, in nobis & nostra specie mansuetudinis, humilitatis, patientiæque magistræ, tanto concursu omnes gentes adorandam, colendam, venerandamq; suscipere, ut inter multa admiranda, quæ ab illo facta sunt, orbis ille concursus, ad contutendū filium Dei, foret mirabilior. Is itaq; **IESVS** filius Dei, Dominus noster, tertiū in nobis, longè absolutissimū, & ma-

ximè perfectam, inseruit animi constitutionem, per quam verè
 beatæ vitæ, & celestium gaudiorū fieremus participes. Nā primo
 aliquot partibus generibusq; virtutis indicatis, atq; illatis, quas
 præterita ætas, & philosophia ipsa ignorauerat, superbiam peni-
 tus excidit ex animo: æmulationis autem, & peruicaciæ, & plus
 habendi cupiditatis, tam in honore, quam in pecunia studium, i-
 ta aguarum iam hominis naturæ, vt auelli posse non videretur,
 vsq; cō elisit, charitate introducta, quam nouā, & principem cē-
 terarum, virtutē ab eo solo didicimus, vt qui prius homines tra-
 here ad se quærebant, & nicebantur omnia, iidem post libentius
 alterius commodo ob amorem Dei, quam vtilitati suæ deservi-
 rent: Atque animo hominis per has virtutes constituto & confir-
 mato, totius huius constitutionis & ordinis semetipsum caput
 custodemq; apposuit, vt in eum ipsum semper intueamur, nostra
 ad illum acta consiliaq; referamus, illius fidamus ope in aduer-
 sis, secundas nostras res cum illo gratulemur: qui sa lere non po-
 test, qui deesse non solet, qui sic est in inuando omnipotens, vt in
 parcendo etiam, & lapsis ignoscendo, sit facilis ac benignus: in
 communicando vero & versando nobiscum ita dulcis, vt fratris,
 ac penè dicam, sodalis non videantur officia in eo desiderari. A-
 mauit enim videlicet, amatq; nos, non amore medioeri, sed in-
 credibiliter: quod eo planè ostendit, quod sanguinem suum pro
 nobis non dubitauit effundere. Quem nos contra si redamaueri-
 mus, si toto eum animi sensu, voluntatis studio, affectione cordis
 fuerimus amplexi, vt illi nos probare, vni illi satisfacere, cum eo
 semper esse in omnib. dictis factisq; nostris, & in omni tēpore stu-
 deamus, tū admirabiles quædā intus in animo latitiæ: & inaudi-
 tæ existūt iucunditates: paucis illæ perceptæ: atq; intellectæ pau-
 cis. Quis negat? quando præsertim etiam virtutis & pietatis iam-
 pridem studia obsoleuerunt, sed vt si quis eas gustare vel paululū
 potuerit, percipiat statim ardorem illius sanctissimi amoris, &
 gustum suauissimæ voluptatis supra hominis sensus cogitatus-
 que existere. Iam quod in hac Christiana & prorsus absoluta be-
 ne ornati animi constitutione, per IESVM CHRISTVM facta,
 primarium maximumque est, non ille lætitiæ nostræ fructus,
 non virtutis præmia, non honorem pietatis, ad terrena & mor-
 talia voluit esse relatum, sed Deum, & semetipsum vnā cum
 Sancto spiritu Deo patri compatem, finem & præmium nobis
 proposuit: vt quum semel ad cælum nos ipsos crexissetus, bea-
 tissimam illam vitam atque immortalem spe cōplexi, nequaquā
 amplius inde ad terram declinaremus: neq; alibi mercedem fidei
 integritatisq; nostræ, quam in cælo, & Deo possidendo, cōstitue-
 remus. In quo Iudei turpiter ignari, pertinacesq; sunt: redemptio-
 nem quippe suam etiam nunc expectant, qui terrenum illis re-

gnum, & pristinam libertatem restituat: de quibus si quæramus: Age 6 Iudæi, memorate nobis quid vobis tandem boni iste, & vobis tantopere expectatus Messias est allaturus? Quid possunt quæso respondere? Si illud dicant, allaturum eum omnia ista esse, quæ iam attulit nobis CHRISTVS IESVS, studia veræ virtutis videlicet, & vere beatæ vitæ præmia, firmam aduersus Deum fidem, inter homines charitatem, adeptionem quoque postremo regni cœlestis & immortalis. Quid iam amplius illo est opus? facta sunt hæc, & monstrata, & donata, iam adita cœlestium bonorum hereditas: nequē melius præterea quippiam est quod possit dari: vixit illius nimium ociose in via ambulantis accessus, atq; aduentus superuacaneus futurus: sin autem idcirco venturus est, vt vos congreget dispersos, reducatq; in regionem vestram, & regnum illic vobis stabile posthac constituat, faciatq; fructibus terræ & copijs vos vberes ac beatos: vos vero habete vobis ista præclara dona, & terrena munera, quæ sine inuidia vlla teneatis, quando meliora ac præstantiora multo ab IESV nostro nos accepimus: Nec sanè vestra ista vnquam existimauimus digna, quæ vel ab Deo, tantopere denuntiarentur, vel ab hominibus, bene animo & virtute constitutis, tam vehementer expeterentur. Igitur vt ad Dauidem redeamus, hunc versiculum;

*Secundum multitudinem dolorum meorum in corde meo, consolationes tuæ lætificauerunt animam meam: **

SOLVS animus Christiana constitutione exornatus potest vere decantare: is enim percipit, & experitur vnus, quæ sint lætitiæ, quæ offendunt & obruunt intestinos dolores: nec sua ipsius solum fiducia conscientiaque nititur, sed habet præsentem semper adiutantem, & consolantem Deum: illudque identidem secum commemorat, Signatum est super nos lumen vultus tui Domine, dedisti lætitiā in corde meo. Nec verò Dauid hoc non intelligebat, qui ex prophetia & diuina gratia, cuius ipse sancti germinis tanquam radix esset futurus, profecto iam tum præuidebat CHRISTVM IESVM, eunIQUE gaudens venerabatur, participesque iam tum erat huius in animo Christianæ iucunditatis. Quæcumque porro de causâ isti multi & magni oriuntur in animo dolores, statim cœleste consolationis & lætitiæ præsto adest medicamentum: siue enim poenitentia commissi criminis, & læsæ Dei voluntatis acerrimo morbo doloris corripuit animum, tæque ad lachrymas, & ad confessionem peccati, petendamque veniam ab Deo compulsi, ille ipse qui salus à te est CHRISTVS IESVS adstat tibi continuo sedulus consolator, ignoscitque & reuocat in amicitiam pristinam, iubetque te benignitatis suæ considerare, vlcusque ex peccato in anima contrahitum,

oleo ultro misericordiae suae inungit. Qua ex offensione, eoque casu, qui probiores natura & voluntate sunt, tanta Dei erga se humanitate compulsi atque victi, acius saepe exiliunt ad amandum, conatuque maiore ad pietatem referuntur, lachrymisque delictum lauant, quae iam lachrymae sunt, non doloris sed voluptatis, lachrymae inquam laetiores multo, quam istorum sint risus, qui nullos unquam istiusmodi ex poenitentia dolores ad animum suum introire sunt passi. Quod si dolores extrinsecus inuecti sunt, si in re, aut in fama, aut etiam in valetudine & corpore damnum aliquod factum, & calamitas accepta est, si audita charissimorum, aut spectatae mortes, si discrimen mortis est aditum: Quid ista omnia, quid nam valere possunt ad intestinas illas laetities corrumpendas, quum animus bonis coelestibus refertus, Deoque sibi praesente ad spem certam immortalitatis erectus, haec accipiat omnia ad exercitationem atque approbationem virtutis suae: aut si obunda sit mors, breue iam iter ad migrandum in caelum aeternumque regnum cum Deo persumendum superesse sibi etiam gaudeat.

Nunquid adharet tibi sella iniquitatis formans laborem in preceptum?

Ne huius quidem versus recta videtur fuisse conuersio: est enim a Septuaginta sic scriptum.

Μη σέθενται σε θύλακες ἀνομίας ὁ παλάστιος ἔργων σου πρὸς τὴν ψυχήν σου.

Hoc est,

Ne simul adsit tibi sella iniquitatis, formans laborem in preceptum.

Et merito hic multum laborauerunt interpretes. Latini ferè illam vulgatam secuti translationem, interpretationes varias addiderunt, ingeniose nimirum & pia omnes: sed nos in eo potissimum ducimus insistendum, ut cum praeteritis apte praesentia ceterentur, quod nos curare praecipue oportet: dedimus n. ipsi huic Psalmo argumentum historiae & temporis, firmis rationibus innitentes, quod David necdum rex: Non enim inuaderetur tam vehementer in iniquitatem, quae ne vigeret, si regnum ipse tenuisset, omnis illius futura erat potestas: & is in metu ac periculo, tunc quum maxime versabatur, Saule illi omni conatu & insidijs ad mortem conquirente: aperte quoque illam eadem Nobensiu, in omnes ejus & incolas illius urbis insignem crudelitatem Sauli cernitur exprobrare. Quapropter sic se habet res, & in eodem argumento ac ratione insistere David est existimandus, ut propositam quidem habeat sibi coram Deo causam, quae illi cum rege est, sed ab humanis curis, praesentibusque cogitationibus profiliat interitum, atque euehatur spiritu ad diuina, & ea quae ventura

sunt prouideat. His sic positis, antequam nos nostram ad expositionem veniamus, exponemus prius quid Græci hic senserint, quorum est imprimis probata sententia: Ac ipsi quidem omnia mentione historiarum ac literarum, ad declarationem mysterij omnes conuersi sunt, bifariamque diuisa illorum interpretatio: Alij enim, quorum caput Helychius, sellam iniquitatis diabolum esse dicunt: sella porro magistratum sedes est: In diabolo autem, ut in sua sede & sella confidet iniquitas, quasi regnum suum atque imperium in eo obtinens: qui & ipse iudex iniquitatis est, non tanquam iniquitatem condemnans, sed iniqua potius decernens. Hic in omne Dei præceptum, ab eo custodiendo nos auertat, laborem nobis, ærumnam, difficultatemque subijcit, cogitationibus nostris amœnitatem & segnitiam, velut gratiora oblectamenta, identidem proponens. Et nimirum laborem in suo præcepto obseruando voluit inesse Deus, non ut maiore difficultate nos afficeret, sed ut maiora obseruantibus præmia impartiret: Vnus enim quisque secundum laborem suum, suam idoneam mercedem est accepturus. Hic itaque iudex iniquitatis in illo supremo iudicio nequaquam aderit: simul neque assistet summo Deo: At angeli aderunt, sed angelorum iste ut retinuerit substantiam, amisit tamen dignitatem. Quid ita vero non assistet? Quia Deus iusti iudicator est, iste iniqui. Deus cum iusticia adiungit misericordiam, tanquam bene affectus erga hominum genus, iste, qui hominis nomen maxime perosus est, cum iniquitate adhiberet & crudelitatem: quod sequentia, inquit, etiam indicant, quæ de diabolo eiusque ministris & apparitoribus sunt dicta. Symmachus, & qui cum secuti sunt, alio modo. Nam & versus hunc aliter scripserunt.

Μὴ συναφθῇς τῷ εὐεβῆς ὁ ἰσχυρὸς πλάσσει καλὴν πρῶτον καὶ ἔπειτα κακὴν. Quod latine est,

Non coniungetur tibi sella calumnia, formans miseriam per præceptum.

Hoc est, non patiere tu Deus particeps esse cum his, qui inique iudicant, & qui contrariam tuis mandatis ac legibus ferentes sententiam, quæ tu præmio videlicet decernis digna, pœna ipsi afficientes: & quæ tu pœna, ipsi præmio: illam, quæ hinc adnascitur, postea illis & aduenit, contrahunt miseriam perpetuamque calumnitatem. Sellam enim calumniæ iniquos & præposteros iudices appellauit. Hæc, ut dico, peregregia utique sunt, & summo cum ingenio ac pietate indagata: Verum nos ad nostrum argumentum pristinum reuertentes, quod usquequaque in omnibus cernitur conuenire, dicamus ad Saulem hoc primum pertinere, & in eum præcipue intentum esse, refundi deinde & dimanare in omnes.

in pœ-

in potestate cuiusq; modi cōstituti, iniquis iudicijs & calumnijs, & iurisdictione improba delectantur: quorum quidem de numero diabolus imprimis est, vel ipse potius omnium iniquorum caput. Itaque David, qui Dei opem in periculis, solatium in doloribus cōmodum sibi affuisse erat testatus, & qui omnibus fidentibus Deo simile ab illo auxilium paratum esse confirmauerat, conuersus nunc ad Deum, & causam suam, cæterorumq; qui iniuria oppressi sunt apud eum agens, rogat & orat, vt præter solatia & adiumenta, quæ ab eo plurima sperantibus in illum sunt, hoc etiam accedat, vt à prauis rectoribus, probi & innocentes quam primum liberentur, quo sincerum gaudiū, & minime interpellatam angoribus ac molestijs animi lætitiā, in Deo ipso possint retinere, quam præterrumpebat non ipsorum solum miseria & difficultas, vt qui essent quotidianis iniurijs contumelijsq; vexati, sed aliquanto etiam magis, quod vere Deum amantiū est propriū, ipsius Dei legum & præceptorum violatio, per quam Dei timor atque honor in populo quotidie leuior fiebat. Optat igitur, petitq; ab eo, vt ne patiatur sibi sellam iniquitatis assistere. Etenim populum primo quidem & maxime gubernat Deus, summumq; illi imperium in omnibus est: Sed adhibet ipse sibi postea ministratores & vicarios, muneris sui tanquam hypodidascalos, se primario magistro & præceptore, sellam suam ad ipsius tribunal apponentes, quos ipse singulis nationibus populisque præficit eisq; præscribit, vt diuinas imprimis leges & præcepta iustitiæ curent obseruari: Qui si amentia & scelere compulsi, contrariam Deo & gubernandi & iudicandi ineant viam, non iniquitate solum, sed proditione etiam, & perfidia sunt detestabiles. Sanè male atque incommode euenit populis illis, qui rectores habent, & iuri dicundo præfectos, contraria Deo ac repugnantia procurentes: Quod vbi contingit, orandus est Deus, vt ne patiatur ad tribunal iustitiæ suæ, sellam iniuriæ iniquitatisq; assistere. Porro videamus cuiusmodi ista sella sit, & quid ex ea David velit intelligi: etenim nusquam intelligemus vim & speciem primariam iniquitatis melius ac lucidius, quam in paucissimis his verbis expressam esse: vt discant etiam admirari & colere hæc sacra, qui in humanæ sapientiæ studijs operam omnem consumendam arbitrantur: formare laborem in præceptum est, cognitis & bene examinatis hominum, qui reguntur abs te, studijs & facultatibus, eas potissimum leges, eaque edicta promulgare, quæ illorum vtilitati ac commoditati maxime contraria sint, vt quum ferre onus illud non possint, neque gravitatem imperij tolerare, in eos poenarum laqueos incidunt, per quos tu deinde possis vel crudelitati vel cupiditati tuæ pastum & prædam copiosius suppeditare. Tale fuit præceptum Pharaonis

popu-

populo Iudaico, ut in opere faciundo corpora oneribus subijceret, quod qui non naviter faceret, flagris admoneretur. Item & illud, ut qui filium masculum Iudæus genuisset, continuo illum deferret ad præfectos, in flumine Nilo demergendum. Quanquā horum exemplorum plena vita est, nec eorum ex libris & verustate promenda memoria, quum videamus quotidie eos, qui lepide se magis scire furari putant, ad hæc ut plurimum edicta mandataque decurrentes, ut vel iubeant fieri aliquid, vel verent, quod in vtranque partem magno sit populis labori ac detrimento: quo aut miseri redimere ius suum pretio, aut in acerbis pœnas incidere cogantur. Quod si iniquitas illa permagna est, qua quis contra leges facit, & adversus illarum præceptum sententiamque iudicat, quanto hæc maior tetrior, exitiosior, quæ assertricem & patronam iniquitatis constituit ipsam legem: nimirum tota vis, & planè absoluta iniquitatis species his paucis verbis expressa est, ideoque illi insigne magistratus sella est attributum: ut appareat dominari hanc & principem esse. Sicut Esaias de ea scribit, Vch, inquit, qui condunt leges iniquas, & scribentes iniustitiam scripserunt: ut opprimerent in iudicio pauperes, & vim facerent causæ humilium populi mei, ut essent viduæ præda eorum, & pupillos diriperent. Viduas enim & pupillos, simpliciorum omnem populum, egentem opis alienæ atque auxilij vocat. Tales rectores & præsides, ac in vniuersum omnes eos, qui in imperio aliquo & iurisdictione positi, iure potestatis ad iniuriam abutuntur, meritò repelli optat, rogaturque David, ut eorum ne sit sedes ad domini tribunal iuncta, atque apposita: ut vicarij non sint diuinæ potestatis, quod non iustitiæ ac voluntatis Dei in populo seruanda, sed iniquitatis potius & impietatis existunt auctores. Quod idem nos rogamus, ne defectio nos teneat, pro peccatoribus dereliquentibus legem Dei: Ut qui vias Domini rectas insistere, participesque esse Deum timentium cupiunt, cum tranquillo ipsi animo, pacatoque vivere, tum gaudere ac lætari possint, leges & præcepta summi Dei, quæ ad beatam vitam, & immortalitatis præmium per laborem splendoremque virtutis directa sunt, eis legibus non interrumpi, in quibus seruilis labor, & maxima iniquitas populis est perscripta: quæ nullam aliā ad rem excogitata sunt, nisi ad illaqueandos iustos & innocentis sanguinis damnandi occasionem querendam: Sicut David clarius testatur, dicens:

Captabunt in animam iusti, & sanguinem innocentem condemnabunt.

Ita nam perspicue apparet, cuiusmodi leges istæ sint, quæ earum perversitas atque malitia: quod qui in eas committunt, iusti tamen sunt: & qui illarum sententia condemnantur, nihilominus inno-

innocentes, ac iustiores & innocentiores etiam, quam si illis parerent, & quæ leges non sunt, arbitrentur esse leges. Nam quæ legum ferendarum, quæ leges iure debeant appellari, duæ species sunt: Vna quæ æternas Dei leges imitans, veram semper iustitiam, veramque ex ea iudicandi rationem amplectitur: per quam, & quod cuiusque est, & quid cuique conueniat, semper bene perspecta ratione iudicatur: Altera, quæ ad congregandos, & eodem retinendos, quosdam hominum cœtus, quas ciuitates appellamus, inuenta est & constituta: ad quam iura ista ciuilia, & plures accommodatæ sunt ciuium constitutiones, vtriusque harum specierum suæ est iustitia, & suum ex his iusto nomen. Nam qui illam diuinam, immutabilemque custodiunt, de qua scriptum est, Iustitia tua Domine, iustitia in æternum, & lex tua veritas: hi vere, & proprie, & semper vocantur iusti: Qui vero in illa ciuili coitione hominum, conuentuque ciuium patrias leges obseruant, iusti quidem sunt, non simpliciter tamen, neque absolute, sed cum ea exceptione iusti, quatenus ex ciuitatis illius iustitias & moribus nomen iustitiæ adipiscuntur. Etenim vltuuenire hoc potest, ut non omnino ciuiles illæ leges, legibus diuinis æquatæ concordēsque sint, propter dissensionem quidem, & variam ubique gentium interpretationem iustitiæ, quæ causas cunctorum disceptabiles facit: qua in varietate multi sæpe & varij errores interceptiunt: sed tamen ut qui ciuis bonus sit, quique ex seipso perceptam atque exploratam non habeat summam iustitiæ rationem, atque illis patrijs institutis obediat, iustus non iniuria possit dici: qui si contra leges faciat, iure etiam plectitur: nam & contra commune commodum ciuitatis egisse iudicatur, & vicio atque fidei est reus, quæ se patriæ obstrinxerat, quum in ea ciuis esset adscriptus, patrias leges, & maiorum instituta obseruaturum esse. Hoc vero tertium genus legum ferendarum, quod eiusmodi est, ut non ad salutem & ad commodum ciuitatis, non ad retinendam virtutem ac dignitatem, sed ad alicuius improbiissimi questum, aut paucorum libidinem tantummodo spectet, in parte ne vlla æquitatis & iustitiæ numerandum est: Ne sinat Deus: cuius sanctis vere iustisque legibus hæc lex, vel omnium potius legum, interemptio maxime est aduersaria. Dei enim leges, & quæ illas imitantur humane constitutiones, virtute & ordine ciuitatem exornant: Hæ & vitium inferunt, & turbam præterea, ac confusionem: ex illis in animis cunctorum libertas, latitudo, fiduciaque innascitur: ex his timor, sollicitudo, desperatioque ingeneratur: illæ ad conciliandos inter se & concordia constituendos cœtus hominum inuenta sunt, istæ ad dissipandos: in quibus etiam, ut diximus, atque totius iniquitatis est collocata: paratas enim habent tendiculas bonitati, laqueos innocentiam, omneisque ad exitum, &

tus, & ad opportuna omnia loca, sic retia apponunt, vt in ea iusti etiam necesse habeant incidere, quemadmodum est scriptum, Me expectauerunt peccatores, vt perderent me. Et rursus, Posuerunt peccatores laqueum mihi. Et, Quoniam gratis absconderunt mihi interitum laquei sui, superuacue exprobrauerunt animam meam. Quod saepe Dauid ipse magno suo cum periculo fuerat expertus, quum illius vitæ insidians Saul, in omni bellico labore, vbi plurimum esset periculi, illum potissimum aduersus vim hostium maiorem opponebat: quum desponsa illi minore filia sua Michol, sponsalia ab eo & tanquam dotale munus, tot & toties præputia Philistarorum exigebat: quibus tamen ex laqueis & quotidianis vitæ insidiis, domino adiunante, non seruatus solum, sed cum laude & gloria ad populares suos fuerat reuersus, sicut ipse testatur dicens:

Et factus est mihi Dominus in refugium, & Deus meus in adiutorium spei mea.

OMNES qui in hac acie mortalis vitæ, & quotidianis operibus actionibusque versantur, si non penitus vagi animo, & dementes sint, statim de principio illud cogitant, quemadmodum possint instrumentum sibi idoneum ad traducendam commodè vitam comparare: Hoc instrumentum, tanquam fundamentum reliquæ vitæ, alij certa quadam in arte, certoque opificio posuerunt, cuius vsum & tractationem quum essent labore & industria consequuti, facile ex eo deinde, quæ ad victum cultumque corporis necessaria sunt, parare sibi possent: Alij non tam certum genus vitæ vllum, nec definitam artem spectauerunt, quam ea sibi à principio quasiuere præsidia, quæ ad omne genus viuendi variasque actiones iudicassent opportuna: qui videlicet, non hanc vel illam nominatim sectam aut artem, sed totum, & vniuersum quod vita est, animo sunt complexi: atque vt vtriusque generis exempla aliqua ponamus: Qui rem & familiam imprimis sibi proponunt, id primum curant, vt vxore, domo, agrisque comparatis, certum annuum sibi constituent vestigal, quo constituto, procreationi deinde liberorum, & amplificandis domesticis facultatibus solutiore animo vacare possint. Qui verò literarum & doctrinæ studia præcipue adiuuauerunt, in supellectili librorum conquirenda potissimum elaborant, vt illo instrumento adiumentoque conuixi, queant facilius thesauros sibi eruditionis & sapientiæ in animo congregare. Ad eandem rationem studiosi militiæ, equos sibi & arma: Agriculturam sectantes, aratra, & iugos, omneque rusticum, ad faciendum opus, instrumentum imprimis comparant: In regno autem & dominatu qui sunt, quando hi quidem ad plureis & longe periculosiores casus humana-

rum rerum sunt expositi, Vnum aut plura oppida sibi deligunt, quæ cum loco & natura munita sint, tum ipsi arte & manu efficiant munitiora: Vt in eis paratum habeant, & præsentis imperij stabilimentum, & in aduersis rebus perfugium. Iam qui in instructo & suppellectili conquirenda non e. ritum aliquod vitæ genus, sed vniuersam vitam potius spectauerunt, in varias serè ipsi quoque abiire sententias. Alij enim regum & principum gratias ac familiaritates, firmissimum esse putauerunt ad vitam, commode & tuto degendam, fundamentum: Alij nobilitatem, clientelas, cognationes: In robore corporis alij, plures in opibus & diuitijs omne præsidium vitæ collocauerunt, Quidam bonam de se famam, & opinionem populi sunt aucupati: Multi in fraude & malicia, & arte quadam, peritiâq, fallendi non parum adiumenti ad vitam commode agendam positum voluerunt: Quorum omnium tam horum, quam superiorum illorum, ac cæterorum etiam quicumque similiter his senserunt vita atque sententia, tanquam in mare vastum atq. immensum infirmo nauigio, imperito gubernatore, inutilibus armamentis se cõmittentium, in primo serè aut medio, vel certè postremo in cursu destituta & collapsa est: ea re quidem, quod quibus quasi fundamentis aut anchoris stabilire sese reliquam omnem vitam arbitrati sunt, ea ipsa lubrica & infirma sunt fundamenta: quæ vt aliquod aliquando tempus super extructiones reliquas deferant, ad extremum tamen adueniente calamitate aut morte, vnâ cum eis etiam ipsa collabuntur. Soli qui studia sua in Deo collocauerunt, hocque totius vitæ fundamentum posuere, quod vnum solidum immobile sempiternumque est: Ac deinde iidem actiones eas & illa opera, quæ huic fundamento maxime congruebant, gerere sedulo & suscipere sunt conati, vt prima & potissima spectarent in agendo quæ vera bona sunt, pietatem, iustitiâ, misericordiam, fidem: hi neque opinione & spe sua vnquam decepti sunt, & vere arcem munitissimam sibi constituerunt, quod nec mali flagellum aliquod, nec fortunæ temeritas aspirare posset: fidentesque semper & alacres, magnum hoc mare, quod laboribus & doloribus, tanquam diurnis & nocturnis fluctibus perpetuo agitat, tuto nauigio sunt traecti. Nam qui virtutem etiâ & iusticiam absque Deo complexi sunt, quod se in studio recti hominibus approbarent, licet minus errabunde quam alij hoc vitæ salo nauigauerint, nunquam tamen, neque quo cursu præcipue ferri deberent, nec quem portum tutissimum petere, sat certa ratione constituere potuerunt. Solus ergo Deus, & sola illa studia quæ cum Deo coniuncta sunt, à fortuna & casu immunia sunt, ac libera, sola inquam illa certa, sola stabilia, sola sempiterna: quæ beatos faciunt eos, quibus sunt cordi, extraque omne

illos periculum, & formidinem periculi etiam ponunt: neque faciunt solum, ut pelagus hoc vitæ turbulentum pacate iucundèque enavigetur, sed ut ad portum cum fuerimus peruecti, vitæ ibi beatæ, eximiaeque felicitis, perpetuum domicilium constituatur. Atque ut in illis artibus alijs sectisque viuendi, quarum exempla supra retulimus, quædam est in ipsis earum artium fundamentis instrumentisque fiducia, & quædam in animo cuiusque posita spes, ut dum illa salua permaneant, quæ possunt tamen amitti, non videatur reliquarum dissipatio fortunarum frangere penitus hominis animum & ad desperationem eum abijcere posse: Sic in isto Dei amoris & gratiæ fundamento tanto amplior inest spes, & latantis animi securique fiducia, quod & hoc longe vitæ præsidium præstat cæteris, & ita firmum est, ut nullis fortunæ aut temporis iniurijs vnquam possit labefactari. Forsitan dixerit aliquis, Ego in Deo quidem meas spes repono, habeoque illi fidem, bonis præmia, malis supplicia denunciante, quantumque in me est, & meæ imbecillitatis sinit fragilitas, ab illius omni offensione & iracundia caueo quam diligenter: nec intelligo tamen, quid mihi hæc pietas in hac vita prosit: nam in altera vita, quin mihi vehementer sit profutura, equidem nil dubito: interea vero dum hic sumus, dum hanc mœrorum & ærumnarum incolimus vallem, miseramque vitæ mortalis conditionem sustinemus, nunquid minus propter hanc in Deo spem mœrores & dolores ad nos perueniunt? num minus iactamur, impellimur, laboramus? num non inducti nos sæpe in laqueum, positi turbationes in dorso nostro, impositi homines super capita nostra? minusque multis improborum hominum iniurijs, aut cæteris calamitatibus sumus expositi? O quot sunt, semperque fuerunt, qui cum in Deum spes suas contulissent, ab hominibus tamen, & fortuitis sæpe casibus male accepti, tractatique fuere, neque ullam in sua munienda salute, huius tanti perfugij vim, utilitatemque senserunt. Horum sic sentientium vocibus, & ductis errore mentibus, pauca sunt respondenda: primumque dicendum, non omnes eos spes suas posuisse in Deo: quas si vere profususque posuissent, nihil ipsi vnquam præter spem & voluntatem suam fuissent passi. Quod si qui stare quum posset in littore, fluctibus & mari committere se maluit, is deinde queratur tempestatem se & nauis eam perperam esse, huiusque sui incommodi culpam in alium reijciat, agat opinor iniuriose. Sic qui a Deo longius ipsi abscedunt, seseque in humanas altius immergunt cupiditates, hi si quid postea in aliquo offenduntur, quod acerbius & ægrius ipsi ferant, inique de Deo profecto, & de sua spe irrita in Deum conqueruntur. Verum ut res tota melius intelligatur, euidentiusque pateat: quale & quantum sit istud in Deo perfugium, quando quidem in his degimus

locis,

locis, atque ei gregi præfecti sumus, quem & accendere in amorem Dei, & firmare in bona spe ac patientia cupiamus, sic aliquantum altius ordiamur: Anima hominis, ut quæ multis & præclaris viribus facultatibusque prædita, apprime est vegeta, & provida, & sagax: id semper agit, ut quod maxime semper appetit bonum suum, in eoque, ubi sit, inuestigando plurimum elaborat, aliquando id tandem inueniat & consequatur, summum videlicet illud ultimum, quod quum fuerit posita, in illo demum plena & contenta conquiescat. Hoc signum omni humane animæ propositorum est, quod naturale vocat desiderium: naturæque instinctus, & nobis in lucem æditis, agnata statim additaque appetitio: quæ quidem nos inquietos facit rursus & prorsus omnia pertentantes, si forte in id, in quod amore maxime ferimur cuiusque inuestigandi certam rationem non habemus, casu aliquo & euentu felice incidamus. Itaque quod solet contingere nouum amorem sentientibus, qui antea bene & pudice educti, tum primum patris imperio liberati sunt, ut quod adamauerunt, quodque tantopere autent ac desiderant, si id ignorent ubi sit, animi oblectandi & distrahendi causa, in varia studia ferantur, stimulari illo amore & perciti, nec possint villo in loco consistere: Item omni euenit animæ, ut natura duce, omnes appetant bonum, cuius amore & desiderio incensi rapiantur: quod quum non cognouerint ubi sit, nec qua ratione illis sit inueniendum, quærendo illud & vestigando, ad multas se, ac diuersas dedunt vitæ actiones, quodammodo explorantes, num forte insit, in eo quod delegerint studio, bonum illud quod aliquando adepti, possint animum suum placare atque explere. Itaque opes aliæ ac diuitias, honores aliæ, multi voluptatem corporis, nonnulli virtutem animi pro summo bono appetiuere: Quorum quidem superiores tres illæ sententiæ, re magis etiam quam verbis, semper reuictæ & confutatae sunt: statim enim vel paululum inuentibus sit manifestum, mali in illis nihil omnino minus quam boni esse, plenasque laborum & sollicitudinis esse eorum vitas, qui ambitioni & auaritiæ tantum seruiunt: præsertim quum nunquam sine periculo sæpe cum damno ac ignominia, semper cum timore amittendi quæ habentur charissima coniunctæ sint. Voluptatem porro corporis necessario fastidium sequitur: nec vero vlli ad dolorem & calamitatem procliuius sunt, quam qui sua studia in eis rebus reponunt, in quas magnam habet & variam fortuna potestatem. Virtus animi sola obtinet boni partem, sed ita, si caput suum recognoscat, figaturque in ipso Deo, nec ipsa velit sibi esse caput: quo vno modo tantum à præcis philosophis cognita & tractata est. Quibus tamen aspirantibus ad inueniendum veritatem, & ingenio ac ratione semetipsos adminiculantibus, verum

delabentibus ad hominum iudicia & opiniones, defuit manus Dei illos sublevantis: quam ipse maluit simplicioribus: seruis suis Abraam, Isaac, Iacobque protendere: moxque ex eadem profapia non paucis, post vero Christiano nomini generique etiam abundantius, quando non solum nos ad se studuit trahere, sed ipse vltro carne hominis suscepta, ad nos peruectus est: quodque longe ante prædixerat Hieremias, in terris visus, & cum hominibus est diuersatus. Virtus ergo ista quæ ad Deum ipsum se inclinat & applicat, eique innitui & adherere vult, purgatio est animi, omnem extra se sordem, omnem labem efficiens, & tum demum Deum inuitantis hospitio, quum nihil intus manserit immundum aut pollutum, quod tanti hospitis oculos lædat: in domum sic paratam atque ornatam quum ingreditur Deus, templumque suum sanctum illam efficit, quod facit ille quidem hilare ac libenter, tum est vere summi boni anima compos, tum nihil habet amplius quod desideret: impleta enim tota est, suosque tandiu cupitos & exoptatos amores tanta cum iucunditate complectitur, vt voluptatis, lætitiæ, beatitatis non capiat modum. Itaque totam Deo se agglutinat, illum respicit solum, soli placere vult, soloque eo plurimum & maxime contenta est, nec aliquid curæ aut cupiditatis alienæ ad cogitationes suas patitur introire: quod quantum de hac vna dulcissima cura, & beatissima cogitatione detrahit, vt conferat in alias curas, tantum sibi de perfecto illo gaudio, summaque lætitia intelligit detrahi, quamobrem non committit vt in illum errorem incidat. Hic mihi nunc dicant, qui se fatentur non intelligere molestis in rebus, cuiusmodi sit istud & quantum in Deo per fugium, quo minus dolores iniuriasque sentiant, quibus quam se turbari experiuntur & affici, verbo quasi tenus à sanctis & doctis viris censent esse usurpatum, laborantibus & periclitantibus adiutorem Deum adesse: quum si cum hominis statum, quem modo adumbrauimus, nam planè exprimere facultatis nostræ non est, diligentius cogitent, facile intelligant talibus viris aut nihil accidere omnino posse aduersi, aut si quid contingat, etiam eorum quæ durius vulgè accipi solent, præ magnitudine tamen interioris gaudij & familiaris iam beatitudinis, ne minimum quidem turbationis ac molestiæ ad illos pertinere: Atque vt apertius & planius prosequamur, Hi quum sint maximi ac verissimi boni possessores, nequaquam cum populo veniunt in certamen propter cupiditatem bonorum opinatorum, nõ diutius mouentur, non honores ambiunt, nihil moliantur tam offensivæ cuiusquam, nemini se opponunt, nihil contra perunt: tantumque abest vt aliena desideria impediant & interuertant, hisque si fallacibus & vanis implicant bonis, vt contra bonum id, quod ipsi

summum in se possident, cæteris omnibus cupiant impartire: quod quidem bonum ex eo genere est, ut distributum semper & impartitum fiat maius, neq; decerpitione vlla diuisioneq; decre-scat. Hos quis corporis morbus temperatissimam vitam agentes, aut quæ hominû inuidia humanissime conuientes, quis improborum impetus, quæ insanorum peruersitas, qui inimicorum dolores, quæ iracundiæ conabuntur peruertere? quum nihil ab eis incommodi in quempiam, nihil offensionis proficiscatur: non eorum opes alterius auaritiam, non contentiones inimicitiam, non elatio odium sit prouocatura: Quin contra potius propter fidem, & iustitiam, & religionem quam obtinēt, in amore omnibus sint, in honoreq; habeantur: fiantq; reliquis in omni turbine eorû & tempestate, quod ipsis Deus factus est, paratû perfugium: nec sine his quicquam mærorem animæ, quo intabescibat, & antiqui onus peccati deponere cupiens, aditum sibi patere arbitretur ad summum Deum. Quæ vitæ ratio atq; sententia, cum ista opinione hominû beneuolentiaq; coniuncta, nostro ordini petissimum nobis inquam sacerdotibus maxime conueniebat, si nos eam tenere & conseruare voluissimus: sed & si vique eò sit à nobis in virtute iustitiaq; profectum, ut sanctum templum suum, quod nos sumus, incolat Deus, præsensq; auxilio & ope sua nos communiat, tamen non est eius nobis defensio tam ad euitandos casus aduersos, quàm ad fortiter subeundos ferendosque parata. Hoc enim dici potest ab his, qui nisi oculis viderint Deum, è medijs nos calamitatum aut mortis periculis manu extrahentem, in tutoq; collocantem, istuc perfugium in Deo cuiusmodi sit, nequeunt intelligere, quasi verò id parum sit, roborari atq; firmari, aut impatibiles repente isti, & immortales fieri velint, qui se nosse debeant, ad mentem & corporis variâ offensionem esse natos: qui quidem indicant profecto nihilum vitæ se cupidos, & amantes corporis esse, quod ludæi etiam non intelligebant, quum fumo diurno, flammaque nocturna præeuntem agmini suo, in illa vasta solitudine Deum, quotidie cernerent, & hostium sæpe ferocissimorum impetus, quò minus Iudaico populo nocerent, suo præsentis numine ad nihilum redigentem. Veruntamen & ad hoc dicendum est, damna, incommoda, pericula, quæ his afferuntur, qui iam rotati in Deo sunt, & in illis Deus, non modo nullum ad colorem, sed ad summam lætitiā, & incredibilem animi voluptatem illis valere: sic enim maxime ipsi arbitrantur, se amorem suum, & studium suæ voluntatis, ex illis incommodis Deo approbaturus. Quòd si ijs, qui honoris & celebritatis acquirendæ causa pericula libenter appetunt, etiam aliquid pati detrimenti est incupidum, quò iustus videantur in laude hominû commemoratoneq; versari, Quid de nostris dicendum est, qui nō inane ho-

minum rumorem, non famam populi, quæ celeriter interitura est, non illa insignia honoris ventosa atque fugacia, sed perpetuitatem vitæ, sed fructum æternum felicitatis, sed adeptionem Dei & summi boni, sempiternamque cum eo coitionem sunt consequuturi? Denique quod est suauissimum, & in comparatione omnium voluptatum cunctis multò præstantius, id experiuntur, ut demerendo quotidie aliquid, & se in illis laboribus ærumnisque ostendendo, potiantur fructu & actu amoris erga Deum sui: Quod sic natura est comparatum, ut nihil omnino sit quod cupiamus ardentius, quàm ubi quempiam amauerimus, agere expeririq; omnia, quò ardorem animi, & studiū nostri erga se amoris, is ille ipse qui amatur intelligat. Hoc amore rapti olim, atq; inflammati, qui IESV CHRISTI Dei beneficia recolentes, sese totos illi, suamque omnem vitam voluntatemque deuouerant, non modo non cedebant periculis, nec infringebantur doloribus, nec formidabant res asperas, nec principum minas terroresque eximecebant, sed parati erant, alacri corde & animo, omne membrū corporis, quod impietas expetiuerat, pro nomine Domini IESV CHRISTI dare, atq; offerre: neq; hoc tantum, sed vitam etiam ipsam, sanguinemque profundere, quò dilectum sibi nomen IESV, mysteriumq; beatæ redemptionis, quod ex cruce exiit, cum salute credentium in populis & nationibus late frequentaretur. Ex eo fuerunt numero, qui quum carbonibus incensis cogerebantur pedibus nudis insistere, affirmabant nihil interesse, vitium per carbones illos, an per rosas humi sparias sibi esset ambulandum: Et qui quum flagris neruisque caderentur, dictitabant, ut triticum nili bene exculcatū & purgatum in horreo, sic animam in cælo, nisi sic excussam & perpurgatam, digne stare non posse. Quanquam ad recensendum quæ innumerabilia sunt, & ad celebrandum quæ omnem admirationem vincunt, oratio nulla suppetit. Verum si quis huiusmodi athletarum & militum summi Dei labores & certamina, quæ ab illis exantlata sunt, voluptati illis & lætitiæ, non vlli acerbitati extitisse, velit planius cognoscere, præter rerum gestarum historiam, legat etiam Apostolum, qui non tam ea quæ facta fuerant, quam in sanctis martyribus futura prospiciens, mille suppliciorum modos, & pœnarum in illis tormenta enumerat: Quorum vnus ipse etiam, & quidem præcipuus erat factus: ac ut demonstraret habuisse eos sibi illa corporis incommoda non ad dolorem animi, sed ad iucunditatem, ipse quoque cum quadam voluptate commemorat, quæ sibi aduersa & molesta accidissent, seq; libenter in imitatoribus suis prædicat gloriari, ut in se inhabitet virtus CHRISTI. Quæ nam autem virtus? Munientis, roborantis, protegentis, ac propterea præmium etiam maius donantis Dei, suis amicis
arque

atque dilectis per IESVM CHRISTVM Dominum nostrum, cuius nos in persona Deum omnipotentem maxime adamaui-
mus: nam & ille nobis in filio sui quoque erga nos amoris indicia
maxima præbuit, quanti- que nos faceret ostendit, quod vnigenum
filium suum pro nobis hominem voluit fieri: Atque is fraterna
quodam charitate quæ venisset ad nos, & tanquam vnus nostrum
esset factus, quod nos vitam perpetuam & veram felicitatem inue-
niremus, permutatione quodam modo facta, alternis quæ diuini-
tatis & humanitatis vicibus inter se nexis, non huius ipsæ vitæ la-
bores & discrimina, non inuidiam, non mortem, non sepulcrum
recusavit: De quo eiusque æqualitate cum Deo Patre & omni-
potentia, quum illa certissimum præhibent testimonium, quæ ab eo
multa & admiranda facta sunt, cæcorum illustrationes, surdorum
exauditiones, claudorum erectiones, mancorum integrationes,
Mortuorum suscitationes, ipsa eius resurrectio, in cælum palam
ascensio, mundi ad eum properantis tanta & tam noua conuer-
sio. Tum vero illa charitas CHRISTI, quæ exuberat in cordi-
bus nostris, & diffusa est, ille in Deum amor omnibus. antea igno-
ratus seculis, quo nos inflammati sumus, quo ferimur toti in il-
lum, nec vitam sine eo optabilem iudicamus, maximum & aper-
tissimum est argumentum, nos nunc quasi quodam Deo fœdere
per IESVM CHRISTVM esse coniunctos: neque tanto ardo-
re amoris conflagratos fuisse animos nostros cerè credimus,
nisi diuinitatis faces accendissent. Quam ob rem hunc IESVM
nos maxime sectemur, hunc amplexi teneamus, huic inhærea-
mus vni, animumque ei nostrum, vt habiter in eo, domicilium
exornatum ac paratum præbeamus: omnibusque nostris ratio-
nibus salutis ac perfugij in eo vno repositis, nil vereamur, vt ea
quæ extrinsecus illisa in nos fuerint incommoda atque damna,
nos admodum perturbent: Quæ si quos forte etiam sic commo-
ueant, intelligant illi quicumque turbantur, nondum etiam se
præsidium vitæ suæ in Deo penitus constituisse. Qui enim fieri
poteest, vt qui amissam aut ereptam pecuniam lamentatione &
desiderio prosequitur, non aliquam etiam nunc contineat inclu-
sam in animo auaritiæ labem? Aut si ob contumeliam ira sit ac-
census, non propter superbiam iniquo animo ferat? Nam do-
lores animi aut corporis quum mollius impatientiusque ferunt,
aperte demonstrant robur omnium virtutum fortitudinem abesse.
Quam ob rem si Deo deditus quispiam, religiosusque admo-
dum, & ab iniuria omni abstinens, in hæc incurrat incommoda,
quæ ipse ægrius ferat, agnoscat is & fateatur, superesse etiã nunc
in animo suo quod sit eiiciendum: quod quum vitium sit, nullo
illud modo fœdere & tueri vult Deus, sed facile patitur manife-
stum ipsi fieri, qui suæ constantiæ in rebus molestis periculum

tunc facit, ut intellecto vitio, quod fortasse prius ignorabat, confugiat ad medelam, templumq; illud melius verrat, quod habitaculum mundum cupit esse Spiritus sancti. Itaque non modo non conquerendum, nec expostulandum est quippiam rebus duris obtingentibus, sed gratiæ insuper Deo agenda: ille enim nos tum præcipue docet, & instruit, educitq; velut in aciem, ut claro aliquo facinore perfecto, coronam & laudem illustriorem in posterum assequamur. Et tamen ut de illis summis vereq; diuinis præmijs nunc taceamus, quæ in altera vita proposita bonis & fidelibus sunt, & omnem hominū cogitationē longè superant, ad quæ cōtendere per ignem & aquam, hoc est labores doloresq; omnes etiam est optandum, sicut scriptum est, Transiuimus per ignem & aquam, & eduxisti nos in refrigerium: ut sileamus inquam ista nunc, nonne plurima sunt auxilia & admiranda præsidia, quæ sæpe seruis suis in huius mundi periculis & calamitatibus extra ordinem affert Deus? quum eos a morte, à carcere, ab ignominia, ab inimicorum manu atq; ferro, à vi tempestatis, à similibus per multis nouo, & insperato, & inopinabili modo liberat? Quorum quidem plena & vita & historia est: sed melius secū poterit vnusquisq; recognoscere, qui nostra hæc legens animum attenderit, modo is sit qui fidem habeat in Deum, num quod ipse nouerit testimoniū, quod proferat, aut suam, aut alterius salutē manifeste Deo fuisse curę: num quod incommodum, quod prius malum & damnosum sibi existimarat, postea tempore edoctus, cognouerit bono sibi potius, quàm vlli detrimento fuisse? Quod nos quidem in nobis ipsis crebro iam experti, vere possumus maximas semper Deo agentes gratias commemorare: non enim semel aut bis, sed profecto iam sæpius mortis aut captiuitatis certo impendente nobis periculo, diuina bonitate & providentia sumus liberati. Quod non prædicaremus, si vlla ex parte meritis nostris, ac non totum potius summi Dei benignitati adscribendum esset: sumus enim ex illis etiam nos, qui ut aliquid hauserint, habuerintq; a Deo bonæ voluntatis ad recte operandum, ipsis tamen operibus & factis etiam nunc vacillant, iactamurq; humanis curis & cogitationibus, & quanquam ad litus tendimus, nequimus adhuc tamen in vado consistere. Sed quod nostra ingrata mens, & iniquitas multa, indigniores nos facit, hoc Dei præstantius erga nos & admirabile magis est beneficiū: cui perpetua obligatione reddendæ gratiæ, obstricti profecto sumus. Qui si mihi & similibus meis sui præsentis in rebus aduersis auxilij vim & utilitatem sæpe paratam esse vult: Quid faciet sanctis & electis, qui in illo & cum illo prope familiariter viuunt? Fit ergo, procul omni dubitatione, Deus illis per fugium, qui sese ad illum student applicare, & ipse illorum adiuuar, quorum est ipse Deus: hoc est, qui ipsum Deum

suum

suum & amant, & venerantur. Sicut Dauidi ipsi spes ac refugium factus est: Quem sic coniectis à Saule insidiis, ut non vitari viderentur posse, manu etiam armatorum opposita, quæ omnes circumcirca ad effugiendum clauderet exitus, è media tamen mortis periculis ereptum, incolumem toties præstitit.

Et reddet illis iniquitatem ipsorum, & in malitia eorum disperdet illos Dominus Deus noster.

Hæc ultio Domini contra penitus iniquos ita acerba & grauis est, ut eam optare ne inimicissimis quidem, non pietas solum, sed nec humanitas ipsa permittat: quando nihil est omnium malorum omnino terribilius. Nam in quibus inueterascit iniquitas, & successionem temporis, quotidianaque operum usurpatione indies fit auctior, gradumque sibi è gradu ad vltiora semper extruit, O infelicem & calamitosam istorum vitam, cæcamque penitus mentem, qui ad hoc tanti mali, extremique exitij deuenere: quam illis satius esset, nunquam fuisse natos: quanto minore suo malo, ut Dominus in Euangelio testatur, molam asinariam ad collum alligari, in mare præcipitati, ac demersi essent: quorum est vita reliquis quidem etiam pernicio-sa, ipsis autem omni morte longè tetrior. Etenim, utram tu execrationem in impios, & malorum imprecationem atrociorē esse putas, illamne Hieremiæ, quam is verbis vehementibus & violentis sic iaculatur, Da filios eorum in famem, inquiens, & deduc eos in manus gladij: Fiant vxores eorum absque liberis & viduæ, & viri earum interficiantur morte: Iuvenes eorum confodiantur gladio in prælio, audiat clamor de domibus eorum. Adducque super eos latronem: & cætera quæ sequuntur. An Dauidis, quum in L XVIII. Psalmo paucis sic esset, Appone iniquitatem super illorum iniquitatem, & non intrent in iustitiam tuam. Ego verò milies malum omneis cruciatus corporis, mortesque perferre, quam introitu ad diuinam iustitiam esse priuatus. Quid enim hoc atrocius fingi aut cogitari potest? Ut enim oculus, cuius propria est actio & naturæ eius vis ipsa ad functionem officiumque videndi cœlestis luminis participatio, si mentis & cogitationis fiat particeps, nullo unquam pacto, nulla proposita voluptate, nullo honore, nullis præmiis ad eam conditionem adducatur, ut cætera omnia accipiat, careat autem usu actuque videndi, & communicatione diuinæ lucis: contraque potius, si necesse sit, omnia in se morborum genera accipiat, omnibus tumoribus ac doloribus toleret se affici, quam bonum suum, quod est lux ipsa, lumenque deperdat: Sic anima hominis, in qua certe inest ratio ac cogitatio, si non excæcet ipsa semetipsam, nec intelligendi cognoscendi que officium mente emota vltro abijciat,

quosuis libentiùs perferat animi corporisq̃ue dolores, quàm quòd absit à bono suo, quod est illi veritas atque Deus, & à receptaculo in se boni quod in illa est iustitia atque ordo. Quòd si in illam amentiam inciderit, vt ipsas solùm tenebras iam diligat, lucemq̃; sit perosa, semperq̃ue in diuersum ab Deo longiùs excitatis, & malitiæ, & inanitatis nocte inuoluere se percipiat, vltimè eò, vt suum iam malum, suam vltimam pestem nequeat ipsa sentire, neque cognoscere, quis erit extra positus animum, vel paulum attendens, tam immitti ingenio, qui non misericordia aliqua moueatur infelicis illius animæ, summam iam & cumulatam intuens miseriam ac calamitatem? Longeq̃; cum ea infortunatiùs actum ducat, quam si esset eadem aliqua saltem ex parte iustitiæ & veritatis compos, maximis angorum cruciatibus tormentisq̃ue lacerata. Itaque lumen omnis sapientiæ Paulus, qui non ex vulgari sensu, sed vera ex ratione, hominum bona malaq̃ue perpendebat, peccata illa, quæ pœnam merita essent, pœnarum quasi caput effecit: hominesq̃ue flagitiis sceleribusq̃ue pollutos, in reprobum sensum affirmavit dari: hoc est, Deo penitus, & propterea omni bono, relinqui orbatos: quo funestius nihil, neq; exitiosius homini potest accidere. Et sanè cetera tormenta suppliciaq̃; omnia hosce etiam sequuntur: verum id cunctorum est acerbissimum, per quod illa ipsa sunt meriti, ipsum videlicet facinus atque peccatum: non quod in singularibus actibus operibusq̃ue spectatur, sed quod cum anima tota commiscetur, atque adlinitur: omniq̃ue spiritu animali penitus corrupto, atque in semet transmoto, nulli bono iam spiritui intus relinquit locum: quod quidem peccatum in Spiritum sanctum illud esse credimus, in Euangelio à Domino significatum, quod nunquam remittitur. Etenim aliud est fluctuare hominis sensum & statum, quum aliquando ad malum appellitur, interdum ad bonum se recipit, aliud est in peccati scopulo considerare: Prius illud non tam malitiæ, nec certæ obstinatiæq̃; sententiæ videtur esse, quàm fragilitatis: hoc verò posterius data iam opera in Spiritum sanctum inuehitur, indicitq̃ inimicitias, nec vllam partem illi reliquam in humana anima esse finit. Ergo illi qui in libidinem & intemperantiam vitæ toti effusi sunt, vel morbo auaritiæ immisericordiæq̃; penitus corrupti, aut qui vtrumque, quod est elegantius, iugatum inter se complexumq̃; tenuerunt, tanquam Carybdes, in freto aliquo voraginibus hiantes, aut Scyllæ famelicis canibus multis eminentibusq̃; succinctæ, ad populandum quidem & obsidendum vias atq; itinera transeuntium, omnem suam famem & rabiem edendi fraudibus & violentia armatam intenderunt: Sed isti dum metuuntur, dum fugiuntur, dum in horrore & abominatione omnibus sunt, multò ipsi tetriorem & funestio-

rem

rem degunt vitam, quàm illi ipsi, si qui eos pertimescunt: Atque iidem quum ad suas turpissimas se referunt voluptates, quum se maximè arbitrantur iucundè & suauiter viuere, aut quum iniuriis inferendis, alienisq; rapiendis soli ipsi potentes atq; opulenti esse volunt, tunc maximè reuera sunt miserabiles: iacent in lustris brutorum instar, volutantur in sordibus, ac veluti in stercore & fimmo perditì adhærescunt: oculos autem ad cælum, quod maximè est spectabile, animum ad Deum, qui maximè est amabilis, nequeunt attollere: quodque cunctorum est illis miserrimum, cauent fugiuntq; præcipuè, ne suum ipsi statum, suum morbum, suam tantam pestem possint cognoscere, nihilque aliud vehementius, quàm mali sui medicinam & sanitatis spem reformidant: itaq; non vocem vllam audiunt indicatricem veritatis, non vultus liberos ferunt, non autoritate, non exemplo, non ratione vlla permouentur: Qui si in potestatibus & iurisdictionibus etiam constituti, cœnum illud & lutum, in quo intemperantissimâ & spurcissimam degunt vitam, pauperum & impotentium sanguine potuerunt conficere: ipsique eo inquinati ac sœdati, terribiles se & meruendos plebibus suis ostendunt. Hem horum infelicem & imprimis detestandam vitæ conditionem, consiliaque perditâ, & cogitationes omni bona spe & rationis lumine orbatas. Quî enim his potest aut cœli lumen iucundum, aut consuetudo hominum grata esse & optabilis, quum illud eos detegat, atque in conspectum producat, turpitudine dedecoreq; notatos, hi verò illos execrentur, & prorsus ab illis abhorreant? Cui denique rei viuunt? Quibus cum versantur? Quam habent aut stabilitatis suæ pactionem cum casibus humanis, aut cognitionem suimet, vt non tanquam somnio quodam, sed vera aliqua ratione perfrui vita tamen, & aliquid esse in rebus videantur: quum penitus à Deo auersi sint, & Satanæ destinati: quum à veritatis luce abhorreant, in falsitatis tenebras quotidie magis inducantur? Quid est aliud, esse iumentis insipientibus comparatos? Nónne in hos scriptum est, Obscurentur oculi eorum ne videant, & dorsum eorum semper incurua? Imò inhient prædæ, spoliunt pauperes, incumbant auro quoad possunt, cultumq; & gloriam omnipotentis Dei ad simulachrum fusile conuertant, fraude, inhumanitate, immisericordiaq; delectentur: Reddet illis Deus iniquitatem illorum: hoc est, reddet iniquitatis pretium quidem, etiam quod flagitiis illorum sceleribusq; debeatur, non abluet tamen, neque purgabit eorum iniquitatem, vt manente perpetua in eis labe, supplicia illa quoque perpetua remaneant: & in malitia eorum disperdet illos Dominus Deus noster. Illos disperdet, inquit, non illorum malitiam: nam quæ malitiam peccatæ disperdunt, viles semper sunt, ac salutares: quæ verò homines

in ipsa disperdunt malitia, quasi mucronem pœnæ totius ipsam constituunt malitiam: ita ut non supplicium sit quàm ipsa supplicij causa nocentior: Etenim quos inactabit Deus æternis supplicij mortuos, hos culpa ipsa peccati, quæ quidem grauissima est pœna, inactat etiam viuos. Quam ob rem viui isti & mortui sempiternis pœnis & cruciatibus ab omnipotenti Deo inactabuntur. Quæ quum ita sint, quum in duobus extremis huius psalmi versiculis vitæque vitas, & bonorum & improborum, à Davide propositas liceat contemplari, & statum suum quenque in eis, tanquam in speculo, recognoscere, per Deum immortalem illum ipsum, qui & nobis est omnis virtutis autor, & idem peccatorum vindex est futurus: cuius voluntas salutis nostræ ipsius aduentu ad nos, & morte propter nos suscepta, planè est nobis demonstrata, atq; perspecta, si qui sunt, qui nondum etiam in totum profligati, nec contaminati vique quaq; vitio, aliquam in se etiam nunc obtinent melioris spiritus partem, nec Spiritui sancto penitus sunt rebelles, hi tandem aliquando iam cogitent, sese ab instituto itinere peccati, & illo ad mortem cursu reuocare, cursumq; suum reprehendant, & subductis diligentius intra se rationibus videant quò perueniendum deniq; sit, si illa altera pergant via, quæ ad interitum & damnationem prona ac deiecta est: & quum animaduertent, falsa se spe, & imagine boni somnuculosa illectos, prauum iter instituisse, illud etiam cogitent, quod fuerat ipsis ut assequerentur propositum, num id fortè sint aut aliquam eius partem saltem consequuti. Bonum enim, eredo, contectabantur, quod cum adepti essent, satiati tum demum animo & contento viuerent, sedatisq; omnibus sollicitudinum aculeis, curisq; placatis, lætam in posterum degerent vitam. Quid ergo pacis illis in animo auaritia, quid impietas, quid superbia, quid intemperantia, quid in proximum odium, quid liuor & obrectatio, quid deniq; vitium vllum, ipsaq; omnis iniustitia potuit conciliare? Scrutentur omnes intus latebras cogitationum suarum, excutiant sensus animi intestinos, libram & lancem ad expendendum adhibeant, plùsne illis malian boni, sollicitudinis, an pacis, molestiæ an lætiæ iniquitas ipsa auaritiaque obtulerit: Quod quum intellexerint, longè plureis ex eo causas morerendi quam lætandi esse, sese quietem appetere, nec quiescere tamen vnquam: cupere saturari, & fieri quotidie magis insatiabiles, porro autem nihil solidum tenere, nulla re sincero gaudio perfrui, nunquam soluto animo & libero esse vigilare ipsis in animo perpetuam obiurgatricem in malefactis conscientiam, quæ nullam eis propriam peccati voluptatem esse sinat: quum hæc inquam bene examinata & perpensa animaduertent omnia, abjiciant quæso tandem aliquando opera tenebrarum,

brarum, & induantur arma lucis, conuersiq; ad dominum IESUM, expandentem in cruce brachia sua; ac semetipsum totum illis aperientem, nec aspernantem illos, eo quod peccatores sint, sed ultro cupientem & affectantem trahere eos ad se, ac sese illis primū, deinde coeli regnū, quod suum ipsius est, benignissime cōmunicare: pulser vnusquisq; manibus pectora, & pristinum crimen, veteremq; errorem suū confitens, veniāq; & pacem exposcens à Deo, in hos gemitus erumpat: O tot meos ante frustra susceptos labores, O inanes curas, O infaustas sollicitudines: Quid enim ego volui mihi miser, quid paraui: Pecuniam appetui, quæ mihi habendi solum extingueret, non quæ accenderet, & illa nunc magis multo est inflammata: Alienas domos spoliaui, vt meam exornarem, & nunc ornata domus, ego dehonestatus sum. Pauperes circumueni, fraudauī, oppressi, & illi quidem coacti bona aduentitia amiserunt, ego amens sponte natiuis & proprijs sum orbatus: neq; ex omnibus his tamen aliud quippiam acquisiui, præter tristitiā quandam animi, & nubem in eo perpetui mœoris, quam excutere à me non possum, infidet enim & vrget, meumq; cor truibus curis exedit. Non vigiliæ mihi lætæ, non pacatus somnus, nō moderata insomnia: Sed cuncta hæc atrocita, formidolosa, turbulenta. Et aurum quidem atque opes extra me sunt, neque ego illis agglutinari possum: quod autem vere sum ego ipsemet corruptus, contaminatus, perditus, medicinam tanti mali non reperio. Quod enim fugiam? Ad quem me conferam? Ad diuitiās ne? At illæ mihi hoc mali sollicitudinisque contraxerunt: nec vero exinanito me intus & vacuofacto verissimis bonis, fide, iustitia, bona spe, lacunam illam animi possunt ipsæ explere. An ad homines? at hi me male oderunt, infestisque me oculis & animis intuentur: nam verba illa blanda, illæ assentationes, illi honores, quæ mihi coram subiiciuntur, plena ludibrij & delusionis sunt: Metuimur enim; non diligimur, cauēque sibi homines à perfidia nostra, atque ab auaritia, non delectantur fide, neque sperant in beneuolentia. Quid si ego ad dominum Deum, & hunc filium Dei, qui mitis & misericors semper habitus est, IESUM CHRISTUM confugiamus? Quem ne ego toties tam grauius læsi, cui fui inimicissimus, cuius contra honorem ac voluntatem plurima semper dixi atque feci? Et tamen ad hunc cōfugiendum est, nusquam enim alibi est salus. Ibo igitur, ibo: & quoniā ipsum assari, oculosq; ad eum non audeo tollere, parabo mihi precarium, hanc venerandam CRUCEM, hoc salutare lignum, hanc tabulam inquam, quam ego in vastum hoc errorū pelagus ingressus, à principio despexeram, naufragus nunc complectar, neque dinellam amplius ab ea, illa me secum deferet, ex fluctuque & falo liberabit, reddetque me Deo conseruatori meo. O bona

Crux quæ summi Dei filium morientem sustinuisti, qui idcirco in te mortuus est, ut ego possem viuere. O bona crux quæ signum sustulisti omnibus laborantib. & peccatorum onere depressis, ut inniterentur tibi, tuoq; sulci subsidio, iter hoc mortalis vitæ a lacriores conficerent. En ego supplex & iustus, accedo ad te, tuâ opem postulans, & quærens per te Domino reconciliari meo. Multa mea sunt peccata, grauius scelera, innumerabiles iniquitates, sed quibus omnibus tamen huius in æternum viuentis mortui, quem grato pondere fers, misericordia sit maior. Hic enim, hic est qui similib. mei, peccato & scelere obrutis, quod salui fieri possemus, corpus & sanguinem & vitam suam condonauit. Hic pœnas nobis debitas, pro nobis vnus excepit, huius hoc tantû & inauditum beneficium, proprie ac peculiariter fuit nostrum. Cui ego tamen ingratus & impius, inimicam gratiam retuli. O me infelicem, & omnes promeritum pœnas, illisq; iam deuorum, nisi mihi ab isto ipso quem violauit, aliqua salus sit. Inclina quæso tu eum parumper ad me, fac pedum saltem amplectendi & contrectandi potestatem, dignabitur ipse neq; complexus meos, quamquam peccatoris & polluti refugiet. O pedes, O clauis, O vulnera, O beate sanguis, accipite me, ne aspernamini mea oscula, ne repudiare meas lachrymas, meos arctos & cupidos amplexus ne repellite, dolens, mœrens, gemensq; venio ad vos, ut cum immundus sim, mundus per vos fiam. Abite à me diuitiæ, recedite pecunia male comparata, redite ad eos vnde erepta estis, satis ego diu à vobis spe fallax lactatus sum, expergiscor iam & resipisco, in vobis quærebam solatium animi & requiem, & ea in ligno erat. O Crux bona, quanta est in te ad consolandum vis, ad ferendum opem miseris facultas: leuari iam sentio me illo onere, quod grauissimum modo in anima insidebat: ab his doloribus, ab his gemitibus, ab hac lachrymarum copia & vberitate lumen optinæ spei, & lætissimæ cuiusdam iucunditatis mihi intelligo intus aperiri: quod ut tenere valeam, ut possidere, ut id in me perpetuum manere possit, tibi Crux sanctissima & pendenti in te Domino ac Deo meo omnes deuoueo posthac meæ vitæ rationes. Hæc & similia his plorantem coram Deo, suorumq; veniam delictorum exposcentem, arguentem sese peccati ac iniquitatis, humilè corde, prostratum animo, vnum in Dei misericordia auxilium repnentem, grate ac benigne accipiet, & à mortis interitu ad beatâ vitam vindicabit I E S U S C H R I S T V S dominus noster, qui cum patre & Spiritu sancto viuât & regnat Deus in secula seculorum, Amen,

F I N I S.

IACO.



IACOBI SADOLETI
EPISCOPI CARPENTO-
RACTIS IN PAVLI EPISTOLAM
ad Romanos commenta-
riorum

LIBRI TRES.

AD FRANCISCVM GALLIÆ REGEM
*Christianissimum Iacobi Sadoleti Episcopi Carpen-
toractis dedicatoria commentariorum in
Paulum Epistola.*



QVOD virorum bonorum semper esse duxi, eorumq;
qui Dei veri colentes & Christiana religionis studiosi
essent, vt cum eam ipsam religionem nostra hac etate
nouis quotidie seditionibus agitatam, & multitudine
oppugnantium vehementer laborantem cernerent, pro sua
parte quisque ad ferendam opem concurrerent: Idem ego quoque
Rex omnium maxime ac Christianissime Franciscus pro mea fa-
cultate iamdudum facere meditatus, saepe ea de cogitatione va-
riis rationibus depulsus sum. Nam nunc me ingenii mei parui-
tas, interdum tanta ista temporum perturbatio dehortata est:
nonnunquam etiam ille metus, illaq; suspicio animum meum re-
tardauit, quod intelligebam, id quod videram iam accidisse per-
multis, quodcumq; ego scripsissem, quāuis id pie ac religiose scri-
ptum esset, nō eos solum, qui palam sunt aduersarii, nam hi qui-
dem minus pertimescendi sunt, sed socios etiam mecum eiusdem
& voluntatis & sententiæ maleuolos aliquos interpretes meis
scriptis non defuturos, quo non leuiter vitio nostra etas infecta
est.

est. Postremo in tanto numero eorum, qui aut scripserunt antiquitus, aut quotidie scribunt partim sanctissimorum hominum ac doctissimorum, partim calliditate magis, & versutia quadam, quam pietate vera Christiana scripta tractantium (nam qui apertam impietatem praeseferunt, eos in doctorum numero non duco) existimaui meum nomen neque adepturum auctoritatem inter tot egregios, neque habiturum pontus ad reprimendum insolentes. Quod primum illud insignem quandam, & omniflorentem orationis copia doctrinam postulat, quam ego in me esse non agnosco. Posterius autem sine priore nullius omnino ad coercendum & comprimendum momenti est. Sed etsi tot causis, & tanquam obicibus à scribendo saepe iam deterretur; tamen reputans identidem ipse mecum omnia à nobis prorsus debere Deo, cuius caelestibus diuinisq; beneficiis non solum cum humano genere communiter, verum priuatim ego etiam, & proprie multis magnisq; saepius affectus sum, nihil sum ratus valere apud animum meum oportere, quod me ab exercenda pietatis studio retraheret. Etenim si ingenium praecipue à nobis Deus requireret, petere id videretur, quod non est nostrum: quicquid enim valemus ingenio nostrum unusquisque à Deo totum obtinemus, nullaq; nostra in ea re quidem existunt partes. Verum ille à nobis non tam ingenium quam voluntatem bonam postulat, quae aliqua ex parte est etiam nostra: hac enim & pietatem sanctitatemq; sponte colimus, & per hanc ad Deum, ipsius iuvante gratia, proxime nos adiungimus: cuius nostra Deo voluntatis oblatio cum libera nobis sit, cum aliàs semper, tum hoc tempore potissimum in honorem illa & cultum eiusdem Dei à nobis adhibenda est: temporum autem perturbatio ea ipsa est, quae hoc maxime exigit, ut in hanc curam, & studium iuvanda religionis totos nos dedamus. At coneriporò obrectationibus maleuolorum, infirmioris animi est, quae ut videatur virtus Christiana, & erga proximum charitas id posse concedere. Quod vero tam multis iisdem de rebus & scripserint olim, & quotidie scribant, detertere nos non debet. Si quidem neque ii, qui ante nos extiterunt, fuere ipsi deterrent. Quapropter cum iustiores multo, & gratiores causa sint agendi

mibi aliquid quæcessandi, non dubitavi ad extremum ea, quæ intra domesticos parietes multis diurnis, nocturnisq; lucubrationibus, multa cura, vigiliisq; elaborata mihi essent, quæ quidem ad aperiendum fidei CHRISTI mysterium, & ad doctrinam beatæ vitæ pertinerent, in vulgus publicèq; proferre, tuas præsertim secundum Deum præstantissime Rex virtute, sapientia, autoritateq; confusus. Etenim tu cum eis maioribus sis ortus, qui omnia sibi pro fidei ac religionis tutela, ac propugnatione, & facienda semper & subeunda esse duxerunt, ad hanc illorum præclarissimam mentem, cum cæteris ipse rebus quamplurimis, tum occasionebus temporum superior accessisti: fuerint licet graues sæpe antea motus, & multorum dissensionibus infesta tempora, virtusq; maiorum tuorum in illis tum temporibus spectata atq; eminens: nunquam tamen neq; tantum extitit, in Christiana fide disidium, quantum hodie extat, nec tanta virtute animiq; magnitudine obuiam itum est, quanta tu maximarum nunc nationum quæ sub ditione tua sunt & pericula eiusmodi propulsa, & mederis incommodis. Nec vero solum autoritate, & imperio, & magnitudine potestatis Christianæ fidei consulis & religioni: sed comitate etiam & hortationibus tuis facis, ut nos qui leniorem illam viam docendi scribendiq; sequimur, tua libentius causa ad hæc studia nosmet conuertamus. Meministi enim profecto, & quo tempore primum fratris mei filium officii ad te causa salutatum misi, & postea cum bis, Lugduni primò, mox Auenione eodem egomet munere apud te functus sum, mihi omnia mea studia tibi deferenti, te fuisse autorem, ut in his potissimum insisterem argumentis & literis, quæ Christianæ rei possent esse utiles: meq; opus, quod in Pauli epistolam ad Romanos in manibus tunc habebam, ocys ut absoluerem etiam hortatum esse. Quod feci sane accurate quoad potui, confectumq; librum & absolutum tuo nomini, Rex fortissime, inscripsi, ac dicaui: non id quidem spectans, ut ex illo quicquam in tuam laudem redundet, siquidem neque ex flammulis quæ è lychnis prælucescunt, Solis lumen sit clarius: Sed ut mea scripta, quod suis opibus ipsa non queunt, tui nominis gloria opinionibus legentium melius commendentur, sintq; ad cōferendas in men-

in mentibus hominum pias & sanctas rationes efficaciora. Nam quo illa splendidior titulo, aut qua grauiore ornari authoritate possunt, quam eius regis, in quo amplitudo maxime potestatis magnitudini animi nequit esse par? qui altitudinē fortuna sue, humanitatis, & liberalitatis laude superauit? cui tot & tanta adsunt à Deo bona? & quæ præterea ipso eodem adiuuante Deo sibi comparauit, plurimarum artium rerumq; scientia, multarum etiam vsus in maximis rebus & suscipiendis & administrandis animus, consilium, comitas, eloquentia. Quæ insuper omnia cunctarum domina virtutum pietate erga Deum religionēq; exornantur: quam nos in te diuinam imprimis eximiamq; virtutem Franciscæ Rex spectantes ac venerantes, cum hac tibi nunc damus, quæ adhuc nobis effecta sunt, tum alia quoque, si vita suppetitauerit, sumus daturi, ad hunc eundem religionis honorem & defensionem Christianæ veritatis pertinentia. Quandoquidem neque mihi quicquam magis conandum & contendendum est, neque tibi præstandum atque efficiendum, quàm ut incolumis cultus præpotentis Dei, & quæ sinè eo cultu constare rite non potest, iustitia, continentia, pietas, hominum mentibus & studiis iam prope dimissa, restituatur. Quod Dei primum ope, tuāq; deinde Christianissime Rex virtute aliquando factum iri sperare iure omnes & possumus & debemus.

ARGUMENTVM EPISTOLÆ.

COntentio erat orta inter Iudæos & Romanos, qui Christo erant initiati, quorum utriusque alteros contemnebant. Iudæi de operum meritis gloriabantur, quod datæ sibi legi seruiissent; & ex hoc euangelicam gratiam tanquam debitā meritis suis percepissent: quare eam nolebant dari gentibus tanquam indignis propter idololatriæ cultum & alias vitæ sordes, nisi Iudaica sacramenta susciperent. Contrà verò Romani se Iudæis præferebant propter Philosophiæ & prudentiæ humanæ studia, & propter vocationis singularem gratiam, qua Christus Iudæis verbum suum respicientibus conuerlus

uersus est ad gentes, tum etiam propter rationem imperij, quo Deus populum Romanum præ ceteris gentibus illustrasset. Quas controuersias Apostolus Paulus hac Epistola dirimere conatur, & neutros eorum sua iustitia salutem meruisse ostendit, sed utrosque grauiter peccasse. Iudæos quidem, quod per præuaricationem legis Deum nõ honorassent: Gentes verò, quod cognitum de creatione creatorem non ut Deum coluissent, sed eius gloriam in manu facta mutassent simulacra, & seruiissent creationi creatore prætermisso: Verum utrosque à Deo veniam consecutos, æquales & pares esse demonstrat. Quare eos ad pacem & concordiam & vnitatem in Ecclesia tuendam hortatur.

Meminit huius sui Commentarii in Epistolam Pauli ad Rom. Iac. Sadoletus Epistolarum lib. III. Epist. 5. & 6. lib. IV. Epist. 9. lib. V. Epist. 7. & 9. lib. IX. Epist. 9. & 10. lib. XIII. Epist. 2.

IACOBI SADOLETI EPISCOPI CAR-
pentoraëtis in Pauli Epistolam ad Romanos com-
mentariorum

LIBER PRIMVS.

SÆPE mihi cogitanti de Christianæ fidei primordiis, & ipso ortu religionis nostræ, quæ à cruce, & morte, & ab eis denique initijs profecta, quæ maxime contraria, plurimumque repugnantia humanis studijs, & opinionibus sunt, in eam nihilominus creuit amplitudinem, ut cunctum fermè terrarum orbem quodam tempore ad cultū suū, venerationemq; conuerterit: cum vis ipsa cœlestis numinis & bonitas præpotentis Dei versatur ante oculos, quæ hoc maxime mirabili, imprimisque insolito genere se ostendendi patere voluit: tum vero duas reperio virtutes, humilitatem animi videlicet, alteramque Charitatem, quarum neutrius vim cognouit antiquitas, huius præclari operis & institutrices initio fuisse, & ad hoc tempus esse conseruatrices. Atq; harum quidē, quas dicimus virtutū, & quib. laudem, ac decus & cōstitutæ, & auctæ Christianæ religionis asseribimus, hoc & ignorata apud veteres, & nobis, qui ad veram Dei cognitionem accessimus, facilis, & prompta fuit indagatio, quod illi ea, quæ gerebant, quæque meditabantur, omnia ad

opes sibi comparandas, ad cupiditatem, ad dignitatem, ad potestatem suam reuocabant, studiumque omne suum in eis cogitationibus ponebant, per quas & valere opibus præter ceteros, & excellere industria prudentiaque existimarentur. Nos vero Doctores nostri CHRISTI exemplo, monitisque edocti, in humilitate animi magnitudinem nostram, & in procuratione aliorum utilitatis posthabita nostra omnem spem adipiscendæ felicitatis posuimus. Ac nequis sacrarum imperitus rerum forte miretur, qui stent ista simul, possintque in vnum coherere, magnificari in humilitate videlicet, & in neglectu propriorum commodorum beatum esse, cum hæc pugnare potius, & inter se esse aduersaria videantur, is conuertat animum ad ea intuenda, quæ in Christo IESU Domino nostro incredibili modo facta sunt: desinet mirari profectò hanc congruere in membris discrepantiam, cum in capite ipso tantam rerum omnium maxime contrariarum concordiam inter se, consensionemque aspexerit. Etenim si quod maxime diuersum, & remotum sit in oppositione attendimus, quid est à terra, quàm cælum disiunctius: & quàm ab homine Deus? aut quid absurdius est quam velle mortem cum vita conuenire, gloriam cum dedecore, infirmitatem cum potentia? Quæ tamen in illo sic omnia coierunt, vt ad ea bona, quæ is & summa, & immortalia est adeptus, ab his extremis, & contrarijs malis fuerit gradus, vel potius ex istis illa extiterunt. Neque ipse in se tantum hæc, quæ suapte natura sunt disparata, coniunxit, sed eadem quoque in nobis voluit coniungi, vt cum ipsius ingressi vestigijs insituissemus eadem adepti bona, nouiq; ciues, & incolæ cæli effecti terram in medio astrorum collocaremus. Sed quoniam de his aliud ad dicendum dabitur tempus, satis de eis sit in præsentia dictum. Ad illas deinceps veniamus virtutes, quarum modo à nobis facta mentio est. Et si enim hoc tempore non ad nostrum scribimus arbitrium, sed in aliorum diuinitus scripta commentamur, tamen de eis aliqua præfari virtutibus, quæ præeunt nobis, & magistræ sunt ad beatam vitam non cognitione solum, atq; scientia, verum etiam vsu, & fructu comprehendendam non nihil ad id quidem, quod instituimus pertinet. Ac humilitatis quidem hoc primum & præcipuum donum est quod diuinarum notitiam rerum absque ea habere non possumus. Credere enim est necesse eum, qui ad eas velit intelligentia penetrare. At nemo id facile agit, qui sit sibi ipse confidens. Porro ceteræ artes & scientiæ istud ipsum postulant, vt qui ad eas ingressurus sit, callido is sit ingenio, atque magno, nullique rei facile assentiat, sed certam rationem in omnibus, argumentationemque requirat. Nostra vero hæc, quæ sola veram in se continet sapientiæ facultatem, sacrarum rerum, literarumque cognitio, tametsi ea summis, atque altissimis

tissimis diuinorum consiliorum mysterijs referta est, nullis tamē
 ingenijs, nisi credulis, atq; simplicibus percipiendam se præbet,
 genereq; nouo instituendi, & docendi prius persuasos vult esse se-
 ctatores sui, quam aliquid illis ipsa persuadeat: prius vt credant,
 quam doceantur: prius vt ament, quam nouerint planē, quid il-
 lud sit, quod ante omnia illis est amandum. Eadem quoq; elatos
 animos, & appetentes gloriæ imprimis aspernatur, & repellit. As-
 tuciam, audaciam, confidentiam ne intuetur quidem. Simplici-
 tatem amat, huic sese dat: hanc benignissime complectitur. Hu-
 militatem ipsam, & puros, credulosq; bonarum mentium cogita-
 tus adhibet libenter ad secreta sapientiæ suæ, omnesq; illis the-
 sauros suos ostendit, atq; offert. Ad quos qui illo fidei, & humilia-
 tatis aditu intrare meruerunt, ò semper illam quidem eximiam
 ac præstantem, sed nunc in hac ratione benigne faciendi singu-
 larem profectò, & inauditam Dei beniuolentiam erga nos, ac ve-
 re in omni genere infinitam bonitatem, quantum illic cœlesti-
 um diuitiarum, atq. opum? quantum ad explendos animos læti-
 tiæ, summæq; iucunditatis abundat, & affluit? vt cætera tunc o-
 mnia pro nihilo sunt: vt quæ ad humanam pertinent sapientiam,
 leuia cuncta, inaniaq; ducuntur: lacent tum reliquæ artes omnes,
 ac scientiæ, atq; hæc vna in pretio sola est: vna contentos animos
 facit, compotesq; summi gaudij, & omnium bonorum copia re-
 dundantes: quam tamen, vt diximus, assequi nemo potest, qui
 non per fidei ianuam ab ipsa humilitate animi fuerit intromis-
 sus. Recte enim Propheta, Nisi credideritis, non intelligetis, in-
 quit. Et Dominus Iesus fidem vbique, & ante omnia exposcens,
 regnum cœli, illi imprimis qui firmiter credit, & qui nihil in fide
 hæsitat propositum, & potestatem rerum mirabilium datam esse
 prædicabat. Atque hanc fidem, simplicitatemque mentium opti-
 marum Christiani propriam nominis, quæ ab humilitate animi,
 tãquam à semine, radicibusq; profecta, in arborem amplam cœ-
 lestis sapientiæ adolescit, atq; vberes demum fructus beatæ vitæ
 fert, Charitas est, quæ præcipue continet: Charitas fidē alit, eadē
 que spem auget, & cum hoc mortali corpore dimisso ad alteram
 illam vitæ cœlestem & immortalem nobis est transeundum: hæc
 vna fidelis semper nobis est, & perpetua comes: deductrix nostri
 in hac vita, consors, & congratulatrix in altera: Cuius contra o-
 mnem veterum seculorum sententiam proprium hoc munus, at-
 que officium est, vt de aliorum salute, commodisq. sollicita, nihil
 de se sanē, magnopere commouetur: Fraternali enim ea habet
 cum omnibus fidelibus constitutam necessitudinem. Quando-
 quidem cuncti ex eodem Deo patre profecti, ab eodem Domi-
 no Iesu Christo è seruitute redempti, Spiritus sancti eiusdem ha-
 litu regimur, ac sustinemur. Ex quo corpus vnum totius eccle-

sit compactū, conflatumq; est, vno patre, vno capite, spiritu quo-
 que vno, sed plurib. tanquam membris distinctum, atq; ornatum.
 Quo qui in corpore volunt cōiuncti esse, eodemq; vnā cū ceteris
 CHRISTI spiritu viuere, habeant illi charitatem, atq; exerceant
 necesse est: omneisq; curas suas foras tendant, nihil omnino ad
 sese, sed ad proximum omnia, & ad Deum referentes. Hoc enim
 vinculum est, hæc firma connexio Christianæ societatis, in qua v-
 niuersa tanquam in corpore suo Dei habitat spiritus, easque in
 nobis procreat virtutes, quæ maxime præclare, imprimisque ad-
 mirabiles, vt in genus, & nomen summi Dei adoptemur, efficiūt.
 Quæ cum ita sint, cum tantus sit fidei, atque humilitati apud De-
 um honos, tanta fraternæ cum omnibus coniunctionis vis, vt o-
 mnis beatæ vitæ & cognoscendæ ratio, & adipiscendæ spes no-
 bis potissimum in his posita, & constituta sit, quid est de hoc no-
 uo hæreticorum genere nobis dicendum? qui subitò exorti non
 vnā partem aliquam, sed corpus totum ecclesiæ suis dissensio-
 nibus lacerare nituntur: qui à maledicentia primo, & odio quo-
 rundam hominum ad inimicitias progressi, in eis sese finibus te-
 nere non potuerunt, longiusq; impetu iracundiæ prouecti, cum
 leges multas salutariter latas, moresque optime ab ecclesiā con-
 stitutos, tum vero non pauca fidei CHRISTI firmamenta cōuelle-
 re penitus, & disijcere sunt conati. Quorum vnā cordib. Chri-
 stianæ spiritum humilitatis aliquando immittat Deus, vt remini-
 scantur, & intelligant, non se hac ratione fraternæ charitati con-
 sulere, neq; hoc ex Deo esse, vt pax atq; concordia in ecclesiā per-
 turbetur, vnitasq; scindatur: Sed illud vere diuinum, & vere Chri-
 stianum existere, amare proximum, tueri consensionem, morem
 maiorum, tot præsertim seculis inueteratum in ecclesiā sanctum
 & salutarem ducere, eumq; cum fide, & cum humilitate custodi-
 re. Nam quod isti, & ab eis qui sunt, cū maxime omnia misceant,
 atq; confundant, libertatem sese Christianam aiunt repetere, quæ
 sit hominum traditionib. (sic enim appellant) plurimisq; im-
 positis oneribus oppressa, atque erepta, perspicuum est cognitu,
 nō hoc esse, dare operam, vt spiritus liber sit, sed vt peccato seruiat.
 Caro autem in omnem licentiam sit soluta, & libera. Neque adeo
 illi sic se obscure gerunt, vt coniecturam eorum animi & volun-
 tatis difficilem habeamus. Qui (omitto enim in præsentia, quæ
 faciunt, & fecerunt) hanc certè palam introducere sententiam,
 beatam vitam non operationibus bonis, sed sola fide erga Deum
 expetendam esse, perinde ac fidem in se velit Deus non integri-
 tatis, omnisque virtutis, sed intemperantiæ, & vitiorum esse con-
 ciliatricem. Quod si isti aut eccellente doctrina, aut nouo ali-
 quo dubitandi genere prauas opiniones in Dei populo intulif-
 sent, esset nobis quoq; accuratius fortasse aduersus illos disputan-
 dum,

dum, ipsiq; & monendi, & rogandi, vt dimissa cōtentione pugnādi, parcerent Christianę vnitati, neue suam primum, deinde aliorum etiam salutem perditum ire contenderent. Cum vero nihil attulerint de suo, sed præteritorum temporum errorib. accruatis atque collectis vniuersos repente in ecclesia Dei renouauerint, quid attinet monere velle nō ignorantes ista omnia cōuicta iamdiu, & damnata esse? Atq; vtinā tamen moneri se paterentur, piāmq; humilitatē ad audiendum, & equitatem animi afferrent ad cognoscendum: Neq; rationibus rectis, & exemplis, authoritatibusq; sanctissimorum hominum tam pertinaces animos suos opponerent. Qui si aut iram aliquam suam exaturare, aut studio certandi obniti concupierunt, tot postea concitatis in populo Dei seditionibus, tot cladibus illatis, tot detrimentis inuectis, pateat eos tandem aliquando expletos esse, remittant aliquid pertinacię, ad Deum interdum respiciant, illamq; eius admirabilem cogitent charitatem, qua adductus ipse cum filium suum in mortem propter salutem hostium, & inimicorum suorum tradiderit, non decet nos profectō illius sanctam fidem nomenq; professos, fratres, & proximos nostros in hostium numero ducere. Sed de his videat, illisq; consulat, & prouideat misericors Deus. Nobis quidem quod in illis pro Christiana charitate grauitur dolendum est in his Gallię populis, & nationibus, in quibus me quoque Deus, tale nihil merentem, in numero tamen episcoporum voluit esse, vehementer etiam atq; etiam est lætādum, quod ipsorū quidem hominū probitate etiam & religione, sed Christianissimi regis nostri Francisci imprimis virtute, & vigilantia ne parua quidē contagio illius tanti erroris in his regionibus potuit adhærescere. Cui quidem regi nil causę est profectō, quin debitum laudis testimonium præbeamus. Etsi enim ab illo longissime disiuncti, ad aulę curas, atque negotia ne aspiramus quidem, illius tamen ad nos quoque beneficia perueniunt: quę hoc mihi maiora & chariora sunt, quod non peculiaria mihi ipsi, sed omnibus Gallię populis mecum sunt communia. Pacem enim ab eo & ocium, & legum obseruantiam, & equitatem iuris obtinemus, quodq; ceterorum omniū summum est, integram, atq; inuiolatam in CHRISTO fide religionem. Ad reliquas enim ipse animi virtutes, quę in illo plurimę sunt, & præstantissimę, hanc quoque cæterarum longe principem virtutum tanquam fastigiū appositam esse voluit, vt perpetuam sibi propugnationem susceperet pro CHRISTI honore, & nomine, aduersus homines eos, qui omnia sancta & recta peruertere nituntur. Ac bellicos quidem illius labores, grauesque pugnās, in quibus varia interdum fortuna, semper autem inuicta animi illius virtus exstitit, laudabunt alij, qui ista magis extollunt, & admirantur. Nos ne in his

quidem commemorandis insistemus, quæ præclara in eo, & vere regia inesse cernimus, ut bonitatem illius, ut iustitiam, ut liberalitatem, ut magnitudinem animi pluribus verbis prosequamur. Illa mihi & prædicanda de eo, & in cælum ferenda essent, quæ ad Dei omnipotentis in illo cultum, & ad honorem religionis pertinent, si par nostra maximi Regis laudibus esse posset oratio. Attamen ne aut summi Dei beneficium non agnouisse, qui talem nobis præposuit regem, aut regis ipsius merita, & laudes silentio obtexisse, & propterea in utrunque ingrati esse videamur, utq; animus regis sua sponte in Deum, & in religionem propensus, nostra etiam prædicatione ad pietatis studium magis accendatur: Dicimus illius studio, & pietate, & sapientia esse factum, ut in tanto, & tam diffuso regno, tot populis, tot prouincijs, tanta hominum celebritate frequentibus, nusquam aut hæreticæ impietatis labes existeret, aut subito exorta, & cõspecta vindicaretur. Fuit hoc toti Galliæ salutare, Deo imprimis gratum, Regi ipsi gloriosum. Quid? in maxima nuper fame, cum sterilitate, & inopia frugum cuncta laboraret Gallia, nec inuenirent homines, pauperesque præsertim, quibus vitæ suæ subsidij opitulerentur, nonne patefecit penitus Rex omnis fontes bonitatis & liberalitatis suæ? pietateque erga Deum, & in pauperes misericordia adductus permulta hominum millia complureis menses aluit? cura, & prouidentia non assistens, quoad nouis frugibus vberior annus, copiam passim frumenti cœpit suppeditare. Nā quod ipse & artium optimarum eximius amator est, filiosq; ad eadem studia præclarissima erudit tali patre dignissimos, & tanto regno, quodq; Doctores earum ipsarum artium, & sacrarum præcipue literarum conquirat vndique, magnisq; propositis præmijs erudiendæ iuuentuti in amplissimis regni sui urbibus præficit, quibus nam ista quæso laudibus, quæ verborum vi, aut orationis copia dignè possunt extolli? Nempe hæc magna sunt, hæc immortalia, hæc diuina, quæ omnem laudem vincunt, quæ regem ipsum faciunt eminentius etiam in virtute, quam in fortuna esse magnum: ut cuncti iure, ac meritò gloriemur, quod in potestate, & in imperio maximo, maiorem tamē regem ipso regno habeamus. Verum ut conuertar ad Germaniæ principes, si qui sunt (sunt autem nonnulli, qui huic perniciosæ, & pestilenti. timæ sectæ aut aperte faueant, aut occultius animos subministrant, tantamq; Germanico populo ac nationi fortissimæ & nobilissimæ, quod in ipsis est inurant maculam) cur hi quæso talibus exemplis, cur veterum doctorum sanctissimorum hominum vita atq; doctrina? Cur Imperatoris sui CAROLI optime de Deo, & de fide catholica sentientis authoritate, perpetuo quæque ritu consentientis ecclesiæ non mouentur? ut reflectant animos ad considerationem sui, pristinaeq; suæ, & maiorum suorum reli-

religionis, quæ una recta, puraq; est, velint esse memores. An hoc sibi & laudi, & salutis magis fore existimant, si pro Christianis Lutherani appellentur? Quanquam his nos quidem, cuiuscemodî illi sunt, & quoquo modo de re Christiana meriti, placatum tamen Deum, & propitiū precamur, atq; ut ipse eis reuocatis ad intueudum lumen veritatis suæ, sanguinem, & mortem filij sui, quæ pro cunctis suscepta est, valere ipsis etiam velit ad expiationem peccatorum. De qua CHRISTI morte totoq; illo redemptionis humanæ, & diuinî consilij ad salutem nostram mysterio, etsi fides iam diu, certa q; persuasio in Christiano nomine suscepta est, tamen quoniam eius fructum isti nunc labefactare contendunt, & sanctissimis, antiquissimisque doctotibus, qui de hac re lucidius, copiosiusq; scripsere, nimis certè insolenter & superbe repudiatis, ad illos se recipiunt, qui propter altitudinem sententiarum, arcanaq; Dei consiliorum pressius, & difficilior sunt locuti, quo ipsi in illis latebrarû perfugia sibi querere, illorumq; verba ad suos sensus contorquere possint, visum nobis fuit faciendum, ut beati Pauli Apostoli epistolam ad Romanos, cuius isti in abstrusis abditisq; sensib. suæ imprimis malitiæ latibula cõstituunt, quantum nobis à Deo fuerit datum, accuratè exponeremus, quæ tota omnibus diuinitatis cognitionibus ita referta est, ut vix ad eam intelligendam mētibus humanis aditus esse videatur. Ita ad ostendendum crucis mysteriū efficax, ut quicumq; eam recte perceperit, amplius ut nobis videtur, de fide Catholica nō possit dubitare. Verum hæc nostra expositio non noua commentatio, sed veteris sermonis commemoratio recens fuerit, quem habuimus inter nos, cum Romæ etiam tum essem, ego & Iulius Sadolerus frater, qui Græce, Latineq; doctissimus, atq; in omni artium optimarum, præsertimq; philosophiæ cognitione non æqualibus suis solum, sed etiam maioribus natu longe præstans, multa quoque de sacris literis conferre sæpenumero mecum, & vel percontari de me, vel etiam disserere ipse subtilius solebat. Dabimus hoc charissimi, atq; optimi fratris nomini, ac memoriæ, ut Christianæ pietatis mysteria, quibus ille maxime semper deditus fuit, & summi doctoris cunctarum gentium scripta, atq; doctrinas, quarum altissima est explicatio, cum eo communicemus. Nec, si dialogorum morem fuerimus imitari, idcirco minus omneis sententias, verbaque persequemur. Quin aptius hoc quoque, & commodius videri poterit, si alternis diuisisq; personis suo quidq; loco & interrogabitur opportune, ubi erit aliquid dubitandum, & responditur. Sed ut ad rem, & ad propositum veniamus, cum olim Romæ diebus festis Pentecostes in hortis meis essem, quos in Quirinali colle, ad altam semitam, satis amœnos, vberesq; habebam, cumq; iam diei, & temporis calor increbresceret, cõsedi forte sub

umbra quadam, volumen Pauli epistolarum Græcum in manibus habens, eramq; in eo legendo sane quàm attentus, cum inopinato accessit ad me Iulius frater, & continuo salute data acceptaque, *NON TV*, inquit, mi frater vnquam ne ociosis quidem, festisq; diebus in ocio esse potes: etsi hoc tibi puto optatũ & suaue esse ocium, siquid legas, aut scribas, quando te ferè omne tempus principis & curiæ negotijs tribuere necesse est, in quo video sæpe quàm sis maximis occupationibus districtus. Sed nunc quidem quem nunc authorem in manibus habeas, nisi molestum est, scire sanè aueo. Facile id quidem, inquam est, Pauli enim legebam epistolas, & nosti tu quidem iampridem animum meum, quanto pereq; cupiam me ex ijs ipsis, quas narras, occupationibus exolvere, in ociumq; referre, vt in literis assiduus sim, & Deo aliquando, cui maxime debeo, soli seruiam. Sed hanc meam cupiditatem sic huius doctoris sanctissimi scripta incendunt, vt nulla alia re iam acquiescere animus meus possit. Cane enim mi frater putes hac lectione quicquam fieri posse diuinius. Assentior, inquit, neq; id mirum duco, quippe nō humana ista huius maximi Apostoli, sed diuinitus inspirata, atq; infusa est sapientia, quam ego quoq; cœpi degustare, verosque in ea intelligere beatæ vitæ repositos esse fructus, etsi meum studium aliquantum scriptorum difficultas & interpretum nonnunquam turba retardat. Atqui mi frater, quod hæc degustes, inquam, vel quod in omni genere porius literarum summo studio versere, planè mihi exploratũ est: video enim maciem, damnumq; tui corporis. Itaque in metum interdum adducor, ne minus accurate valetudini tuæ consulas quàm satis opus sit, & quàm ego velim: quod sanè facere debes mi optime frater & saluum te nobis diutius conseruare, quando nostra omnis, totiusq; familiæ nostrę spes, in te vno præcipue, & in tua expectatissima virtute, ac dignitate posita est. Tum ille, Mortis nostræ, & vitæ, inquit, vnus est dominus & moderator præpotēs Deus, cuius ego voluntati totum me addixi. Neque vero video quid tantum intersit inter viuere, & mori, dum vtrumq; recte fiat. Interea quidem dum in his locis dego, vitā illam conabor imitari, quæ in cœlo vere plena, & vere perfecta est, vt exercitatione mentis potius, quàm sensibus oblectandis viuam, quando & immortalitatem illam spero consequi, quam Deus fidelibus suis proposuit, nec id tamen meritorum meorum fiducia fretus, sed Dei ipsius clementia & bonitate. Hic ego animo non parum commotus: Maçte virtute, inquam, mi frater, pietatem enim istam tuam exosculor, teq; ita sentire vehementer gaudeo: sed tamen fieri vtrumq; meo iudicio cōmode potest, vt & Dei totus sis, & vt te nostri quoq; interdum, qui te tantũ amamus, subeat cogitatio. Et ille: Iam vero mittamus ista, inquit, & potius istud, modo quod legebas, com-
 munica

munica mecum : siquidem hoc fraternum imprimis, & tuum est velle quæcunq; habeas, ea tibi mecum communia esse. Epistolam legebam ad Romanos illam ipsam, inquã, quæ tota maximè scateret cœlestibus, abstrusisq; mysterijs. Per opportunè vero hoc, ille inquit, collecta enim iam habebam ex illa aliquot loca, de quibus sententiam tuam percontarer : at quando ocium nobis nunc quidem est, festiq; dies, & nihil aliud potius, quod agamus, gratissimum feceris mihi, inquit, si epistolam mecum vna percucureris, & totam illam fueris interpretatus. Cupio enim maiore in modum mihi de illa quid Apostolus sentiat, penitus liquere. Etsi enim plurimorum doctissimorum, eorundemq; sanctissimorum hominum scriptis, ac monumentis excussa ea sæpe, & pertractata est, quædam tamen remanet etiam nunc in mentibus nostris hæsitatio, ut nescio quid magnū ac diuinum in illa videatur delitescere, quod nondum satis comprehenderimus. Faciam equidem mi frater, inquam, id quod tu vis, neq; quicquam optimo studio tuo abnuet voluntas mea : sed tamen hoc ipso in negotio nō me confido plus profecturum ad dubitationes tuas ex animo tollendas, quàm fecerint illi, quorum tu lectione nondum planè es pacatus : nisi siquid forte scriptis, & commentationibus illorū adiutus, ac tanquam manibus in sublime elatus, procul magis conspexero : de quo non mihi, sed illis habenda erit gratia, quorum laboribus, & vigilijs est effectum, ut aliquarū iam huius epistolæ partium, nobis cognitio, & explanatio sit facilior. Non enim illi neq; in doctrina, neq; in pietate, neq; in spiritus sancti munere, ac virtute posteriores aliò quopiam tulerunt partes : sed ita voluit Deus sua arcana consilia ad cognitionem hominum dispensari, ut aliquid semper nouum scrutantibus appareret, nullaq; vnquam posset ætas, nulla decerpentium nec haurientiū multitudo diuitias consumere infinitæ sapientiæ suæ. Sed si me epistolam totam interpretari vis, id ne etiam censes, ut proferatur codex, & Apostoli verba omnia recitentur ? quod mihi videtur quidem fore necessarium. Prorsus, inquit, & cum hoc volo, tum illud imprimis abesse postulo, ut latine omnia atque ut inter ingenue eruditos maxime decet. Nam hos qui genere dicendi inaccurato, & incondito res theologicas scribere aggrediuntur, ego sanè nō prebo. Nullum enim inest in ijs scriptis veræ pietatis specimen, non ad inflammandos in amorem Dei animos vlla apposita oratio. Sed tu qui latinæ linguæ cognitionem hoc tibi chariorem sæpe esse dixisti, quod ea cum sacris literis coniuncta, Christianæ pietatis vis ad permouēdos animos & fortior fieret, & ornatior : age quæso hoc mihi da, ut quoad quidem potest, cum pietate Christiana iuncta sit latinitas. Rem honestam postulas mi frater, inquam, neque enim decet ea, quæ præclara, & admirabilia sunt,

oratione sordida coinquinare. quod in prima illa Ecclesia Apostolis & Paulo nostro imprimis, necesse minime fuit. Tunc enim signis & miraculis longe efficacius, quàm vlla possit oratione, virtus Crucis comprobabatur. Nunc vero frigescente seculo, & ardoribus illis humanorū cordium pend iam restinctis, cum miracula quoq; iam pridem propter diminutionem fidei magna ex parte fieri desita sint, aliquid virium, & caloris afferat oportet ad concitandos animos oratio. Quod nos tametsi in hoc quoque munere parum apti, tamen vt poterimus experiemur, conabimurq; in eo morem tibi gerere mi humanissime frater, nisi sicubi subiecta materies aliquam exiger à nobis magis suam, & propriam, quàm latinitati congruentem loquendi rationem. Multa enim erunt vocabula à nobis ad communem nunc vsus loquentium desectenda, quod te in optimam partem accepturum puto. Quidni accipiam, inquit, cum si possit quidem vtrunque præstari, hoc est, quod potissimum expetam: sin minus, vincat religionis causa potius, quàm Latinitatis. Hic ego, Librarium cum latino codice accersamus, inquam, qui recitet nobis verba Pauli, quibus ab illo prolatis, tum nos ad illa exponenda & declaranda id quod videbatur, nisi tibi aliud videatur melius. Tum ille imò optime, inquit, vocatoque librario & allato libro, nos quidem ambo consedimus: ille stans in hunc modum exorsus est.

Paulus seruus I E S V Christi vocatus Apostolus.

TUM EGO: Multa hic quidem, inquam, præponenda essent, mi frater de nomine gemino Pauli: is enim & Saulus: de genere, de tribu, de harum epistolarum ordine, de modo & varietate adscribendæ in illis salutis, & cur hæc ad Romanos cæteris antelata est, quæ tamen scripta non fuerit prior. Vita quoque Apostoli, & mores, & assidua peregrinatio: res quoq; gestæ, & prædicationis ipsius magnitudo, atq; vtilitas. Sed nos neq; historiam in præsentia scribere aggredimur, & hæc tamen à plerisq; interpretū egregie tractata, atque elaborata sunt, vnde cæsum possunt. Nos statum temporum duntaxat, & habitus animorum, qui quidem in his erant, ad quos scripta est hæc epistola, breuiter exponemus, vt ex ijs argumenti, sententiæque scribentis cognitio sit facilior. Nam cum Euangelij nomen in toto orbe terrarum iam increbrescere cœpisset, & diuina in eo maxime appareret vis, quod nō humanis progressibus, ij enim tardiores, & impeditiores esse solent: sed inaudito, & admirabili cursu, tanquam fulguris de cælo splendor, vox Euangelica veritatem, & salutem, & vitæ æternam annuncians, per omnes iam prouincias, & regna cucurrisset, Roma etiam, in qua ciuitate domicilium erat imperij orbis terrarū, celebre factum erat nomen **CHRISTI**, multique ex Iudeis, &

ex ciui-

ex ciuibus, incolisq; ceteris in ea vrbe verbum Dei acceperant, & Christianam fidem profitebantur. Cum Satanas is cui ista res, & noua mundi ad Deum verum conuersio mœrorem, & luctū imprimis afferebat. Siquidem ipse regnū, quod tot seculis sine molestia, aut controuersia aliqua possederat, adueniente Deo relinquere, & sese in angustum contrudere cogeatur, omnibus artibus obuiam ire cōstituit, duabusq; astutē comparatis fraudibus, altera, turbare eos, qui iam ad fidem venerant: altera, ceteros ne venirent, instituit deterrere. Ac primum Simonem quendam ē Samaria nactus, hominem magicis artibus deditū, & maleficiis infamem, coniunxit cum cum Apostolis CHRISTI in ipso penē primordio exorientis Ecclesiæ, falsa; usurpatione fidei, & baptismatis in Christianum nomen illum insinuauit. Qua adiunctione quidem & societate scelestissimi viri, cum item ipse, sicut ceteri, qui fide optima erant, Christiana appellatione vteretur, sacrificiis autem oscultis, atq; infamibus, cuiusmodi magica illa sunt sacra, nomen CHRISTI vulgò in vituperationem adduceret, tanta sanctissimum Christianæ religionis nomē in illa patratiōne miraculorum, magicarum præstigiārum calumnia consecuta est, ut anceps diu postea, assiduumq; certamen cum falsitate habuerit veritas: & hi qui extra essent, proculq; tantum aspicerent, nec interius cognoscere curarent quid in re esset, & in veritate, illo rumore infamiae adducti Christianū imprimis nomen auersarentur. Sed hunc obicem ad auertendos hominum animos ab obtutu & cognitione verū luminis, diabolica fraude oppositū, atque munitū ipse perfregit, & submouit longē Deus, veritateq; per martyrum mortes, palmasq; patefacta, lata ad salutem, fidemque venientibus complanata est via, in quam omnes postea propē gētes nationesq; inundauere. Alterū fuit Satanæ commentum, quo iam qui fidem CHRISTI ritē acceperant, ea quæ fidei sunt, minus attendentes operantesque, proposito, & spe sua cœlestis consequendi præmij frustratētur. Nam cum & Dei amor, & proximi, & voluntatū communio inter fratres, ac charitas præcipuē postuleretur, ipse pro his omnib. discordias, & dissensiones animorū, iurgiaq; litū, & contentionū conatus est introducere: idq; in principe terrarū præcipuē vrbe, spe non dubia frētus, si ibi turbare res arbitrio suo potuisset & consensionem fidelium duellere, cœtusq; disijcere, reliquas orbis terræ ciuitates, atq; provincias exemplum vrbis dominæ secuturas. Huic nunc periculo succurrere vult Paulus, legatus quidem à Deo, & Domino IESU Christo, ad veritatem Euāgelij gentib. annunciantam. Sed & ipse ita studiosus, & audax omniū salutis, ut non illum terræ, non maria, nō labores, nō ærumnæ, non minæ, nō terrores, non verbera, nō tempestatum casus, & naufragiorū, non mortis timor, non corporis dolor

dolor vnquam vel minimum retardare potuerint, quin ad eos qui ignorabant docendos, ad eos qui periclitabantur seruandos accederet, accurreret, aduolaret: non vitæ suæ vspiam, non salutem parcens, dummodo cæterorum regeret, tuereturque salutem. Porro autem hic est vase electum à Domino, in quo tantum abundauit diuinæ benignitatis gratia, primum vt penè inuitus, & reluctans ad fidem CHRISTI compulsus sit: deinde tot cœlestibus bonis refertus, ac cumulatus, vt quæ duo inter se diuersa sunt, & neque simul ea haberi, neque in alterutro separatim ab homine excelli posse videatur, ipse egregiè vtraque fuerit complexus, summam videlicet rerum diuinarum scientiam, & summam in rebus gerendis alacritatem animi, & in toto actionum genere diligentiam, industriam, ac nauitatem. Etenim si scripta eius, & doctrinam accuratius intueare, non illa in terris inuenta, sed è cœlo deprompta penitus intelligatur, in quo semper mente, & cogitatione habitauit Paulus. Sin autem sollicitudines, & arumnas, & peragrata ab eo orbis terrarum spatia, & monendi, obsecrandi, pacificandique labores, vitam denique omnem plenam agitationum, & periculorum considerandam tibi proponas, admirare profectò, quo pacto tanta cœlestis sapientiæ in eo, cui otij nihil vnquam fuit, excreuerit magnitudo. Sed nimirum aliud est, quod nominis labor, aliud quod Dei virtus & potentia facit. Ille amore Dei ardens, & charitate erga proximum inflammatus, & sine labore, ac tempore altissima Dei consilia illo aperiente cognoscebat, & in iuuando seruandoque proximo laborem sibi omnem iucundum esse ducebat: quæ eadem charitate incitatus, cum audisset Romæ inter fratres dissensiones esse, & ipse ad eos tota mente properaret, præmisit hanc epistolam, vt quoad ipse veniret, haberent illi interea monumentum hoc, & velut testimonium literis consignatum suæ & de Deo, fideq; CHRISTI sententiæ, & erga eos voluntatis. Dissentiebant porro illi ob has causas. Cum vnâ in fidem CHRISTI ciues Rom. complures conuenissent, & ex Iudæis permulti, quippe per quos CHRISTI cognitio Romam ex Iudæa fuisset deportata, eueniebat vt inter probos, integrosque multos aliqui fallaces, & versuti existerent, qui in noua religione non tam gloriam Deo, quam sibi honorem, & quæstum aucuparentur. Atque ij ex Iudæis, qui antea præsertim in lege habiti peritiores, auctoritatem legis & ciborum obseruantias, aliarumque cerimoniarum plurimum valere cupiebant, quò ipsorum etiam grauior haberetur auctoritas. Hi vt genus vtrumque in potestate haberent, cum se Apostolos etiam CHRISTI, & ab eo missos ad prædicandum Dei regnum gentibus affirmarent, primum suis Iudæis persuadebant ne à lege deficerent, & in ea cuncta obseruarent, quæ in lege

erant

erant præscripta, quasi sine illis salus esse non posset, idque etiam eos admonebant, ut gentium pollutos ritus abominarentur, neque familiari usu cum illis sese iungerent, tantummodò in nomine IESU baptizarentur, & hanc lauacri sanctissimi munditiam ad cæteras legis purgationes adjicerent, quò fierent ipsi puriores. Deinde ad gentes conuersi, inutile illis CHRISTI nomen sine legis obseruantia, & circumcisionis sacramento esse dicebant: hortabanturque ut ad ludæos se conferrent, & illorum ritibus cerimonisque imbuti, sic demum ad CHRISTVM peruenire contenderent. His vocibus erat factum, ut hesitatio primum inter fratres, deinde obreptationes occulta, post aperta dissensio existeret, quæ eruptura videbatur apertam ad seditionem, & ad defectionem à fide veri Dei, nisi diuina curante providentia Pauli virtus, & diligentia in tempore subuenisset. Nam cum gentes infuere seruituti fidem quidem CHRISTI libenter acciperent, detrectarent autem iugum legis, & propterea ludæi illas aspernarent, nec putarent dignas, quæ Deo essent cordi, quod pollutas esse dicerent, & in peccatis totas inuolutas, ipsi autem ex lege piatos sese, & mundos esse ducerent, cogebantur è contrario, qui è gentibus erant, præcipuè Romani his contumeliis permoti obijcere ludæis ignobilitatem nationis, & quod Romanorum serui iure belli effecti iniquè, atque iniuriè dominos suos auersarentur, cum etiam quatenus ageretur de CHRISTO illi indigni essent, qui ab eo diligerentur, quem cruci affigendum curassent: ipsi verò dignissimi qui eum simul atque cognouissent, statim amare, venerarique, & filium Dei confiteri cœpissent. Hic erat status tunc iam Romæ coalescentis Ecclesiæ, hæc inter illos querimonia, animorumque dissidia ambitione & malitia nonnullorum instigante Satana concitata. Quibus Paulus in præsentia mederi intendit, & prout vnaquæque postulat res, errantibus, atque infirmis mentibus opitulari. Nam & ludæos à causa quidem Dei profectos, sed superstitione aberrantes castigat, & corripit, reuocatque in rectam viam, ostendens legem præstantiore adueniente gratia inanem factam esse, solamque fidem CHRISTI ad salutem vim habere. Reliquos verò ad fidem quidem simpliciter accedentes, sed in Romanæ vrbis magnitudine, & gloria, ex qua oriundi erant, nobilitatem constituentes, & propterea aspernantes nationem ludæorum, admonet, & docet non eam esse veram nobilitatem, quæ armis, & opibus, & mundanis imperiis, sed quæ ex honore, & iudicio omnipotentis Dei acquiritur, qui cum honos generi ludæorum ab ipso Deo tributus sit, ideo non eos contemni debere, sed in pretio haberi. Ita in vtrisque & quod per superbiam in ipsis intumuerat, coercens, & deprimens: & quod per alternas contumelias

lias subsederat in æquum excitans, corpus vnum efficere conatur Ecclesiæ, sibi ipsum æquatum, & concors, & in omnibus rebus ad mutuam charitatem consentiens: quod spiritu CHRISTI totum possit viuificari, tanta vi, & copia Spiritus sancti, tanta cognitione consiliorum summi Dei rationes suas confirmans, ut non verear repetere id quod antè dixi, Quicumq; ad sensum & doctrinam maximi Apostoli diligentius intuendam, & perspicendam accesserit, neq; is animum ad contradicendum paratum, sed æquum & permittentem se veritati attulerit, nunquam cum doctore CHRISTI, nec de crucis mysterio aliquid dubitaturum. Hic Julius: Magna sunt, inquit, frater quæ polliceris, & mihi quidem vehementer expectata. Etsi enim ad animi mei confirmationem, quod quidem ad fidem Christi pertinet, nullius auctoritate, nec rationibus indigeo, magno tamen commodo, & adiumento futurum arbitror fidelibus omnibus aduersus eos, qui religionem Christianam oppugnare conantur, præsertimque Iudæos, si ea, quæ polliceris, potueris præstare. Res ipsa indicabit, inquam, tantum animus æquus sit, & veritati consultò non repugnans. Sed antequam ad exponenda Apostoli verba mi frater veniamus, id quod imprimis in hac causa est necessarium, supplices omnipotentem Deum obsecremus, ut nobis de spiritu sapientiæ suæ suppeditare dignetur, sine quo nil præclarum, & arduum ne cogitare quidem idonei sumus: illuminetq; mentes nostras, & donet eloquia casta, ut ea cessari, & pronunciare valeamus, quæ ipsi quidem accepta, & grata, cæteris salutaria esse possint. Quæcumq; enim à Deo, & ab eius sancto Spiritu non proficiscitur oratio, ea nec vim ad imprimendam in cordibus cognitionem eius ipsius Dei habere potest, nec ad bonos mores formandos auctoritatem. Ivs & æquum postulas, inquit, sicq; faciamus.

PAVLVS seruus IESV Christi vocatus Apostolus, separatus in Euangelium Dei.

Quod nomen suum Apostolus in Epistolis præponat, est id more vsitatum: quod non eodem modo in omnibus, sed variè id efficiat, huius quoq; dissimilitudinis ratio in personis eorum, ad quos scribit, & in temporibus est sita. In vna tantum ad Hebræos Epistola id prætermissum est, quod ratione factum & consilio. Quoniam enim Paulo velut legem impugnantem Iudæi erant offensiores, noluit eos à saluberrima illius epistolæ lectione, primo statim aspectu ex sui nominis inuidia dimouere.

SERVVS autem IESV Christi, ut status sui humilitatem, & se alij laborare non sibi, quæq; ipse obtineat, ab alio se habere, hoc est à Deo, non à seipso ostendat: & hoc ut tacitè coarguat falsos Apostolos, qui non Deo, sed sibi seruebant, Euangeliumq;

CHRISTI quæstui habebant, vel ad ambitionem suam referebant. Et illi quidem tales ex Iudeorum erant numero, legem Evangeliumq; miscentes, quatenus eis foret commodum, contra quos item intentum est, quod sequitur: VOCATUS APOSTOLUS, ab eodem Deo vocatus Apostolus videlicet: nam illi semetipsos Apostolos vocauerant, non decet autem sanctos, & probos ingerere se, sed vocari eos a Deo oportet, tanquam Aaron. Itaq; hoc more loquendi sæpe vitur Paulus: Vocatis, inquit, IESV CHRISTI, & vocatis sanctis, quasi nihil in nobis veræ virtutis inesse possit, nisi omne à Deo fuerit datum, & tributum. Atq; illi quidem falsi Apostoli, vt diximus, nō Deo, sed cupiditatibus suis seruebant. Paulus autem omni genere seruitutis Deo erat obstrictus. nam & eo modo seruebat, quo opus opifici, & omnia condita conditori suo, quo sensu in scriptura dicitur: Omnia seruiunt tibi. Et velut à Domino pretio sanguinis emptus, & è seruo peccati, seruus effectus iustitiæ, quemadmodum ait ille, Vt liberati à peccato, iustitiæ seruiamus. Illa quoq; ratione seruus, quod ministerium suum in Euangelio præbebat Domino: neq; ipse, sed potius in eo CHRISTVS, sua inter gentes beneficia diffundebat. Cuius simile de Moyse Deus: Moyse famulus meus mortuus est. Dominus enim per Moysen populum suum docebat, & gubernabat. Item sicut qui in bello capti sunt, victoris serui efficiuntur, sic Paulus hostis primo IESV Christi, postea diuina illius virtute captus & superatus, eius ipsius præda, & mancipium factus est. Et de seipso loquens: Ego Paulus victus IESV Christi. SEGREGATUS in Euangelium Dei, hoc est, ab aliis curis omnibus, negotiisque semotus, & huic vni opere prædicandi Euangelij totus addictus, vt ipsemet infra: Cui seruo in spiritu meo, in Euangelio filij eius. Multis quoque aliis in locis necessitatem sibi ait prædicandi Euangelij, & vae sibi, si non prædicet: & suum vnum esse hoc munus, suum negotium testatur, à Deo sibi commissum, in quod solum incumbat. Nam & ad Corinthios scribens, non se ad baptizandum, sed ad euangelizandum missum esse confirmat. In actibus quoque Apostolorum eodem modo loquendi spiritus sanctus: Segregate mihi Barnabam, & Paulum, inquit, in opus ad quod vocaui eos, quod est, liberos & vacuos ab aliis negotiis reddite. Quanquam fuit etiam Paulus seorsum à cæteris Apostolis vocatus, & in hoc munus missus. Nam cæteri Apostoli item ad Apostolatam vocati erant, & prædicandi Euangelij etiam inter gentes munus commissum a CHRISTO sibi habebant: sed vno tempore & coniunctim vniuersi, quemadmodum in Matthæo præcipue licet cognoscere. Paulus autem & separatim, & alio tempore ad illud idem officium legatus à Domino Deo est. Vocatus ergo Apostolus,

separ

separatus in Euangelium Dei, Apostolus in Euangelium, quod est missus, separatus, quod aliquantò post quam ceteri, Apostolarum, & prædicationem suscepit Euangelij, quam maximè ipse quidem inter gentes exercuit, & in hoc vnum opus fuit destinatus. Veruntamen ut authoritatem, & fidem suis dictis astruat apud eos, qui hanc Epistolam erant accepturi, & dociliores eos faciat, instituatque faciliùs, de se quidem modicè, de eo autem, qui eum misit, & de Euangelio, ad quod prædicandum erat missus, loquitur magnificentius. Nunc prædictiones, & promissiones summi Dei, illiusque benignitatem, potentiam, iustitiam, in tota Epistola, nunc virtutem, utilitatemque Euangelij annuncians. Et sanè cum Euangelium latine bonus nuncius sit, lætitiā, spem, euentumque rerum meliorum nuncians, nihil vniquam lætius, neque optatius humano generi potuit accidere, quam intelligere se in gratiam venisse cum Deo, benignitatemque illius, & in omni genere beneficentiam, quæ prius seculis omnibus sibi fuisset abscondita, tunc primum expositam, & patefactam esse: bonaque omnia, quæ ex illo tanto authore manare in nos congruum fuit, effusè, & largiter nobis ab eo data, atque donata, cognitionem veri Dei videlicet, amoremque erga illum, nostrum, & illius mutuum erga nos: qui quidem & prior à Deo declaratus nostrum postea in Deum prouocauit amorem. Sic enim Ioannes: Caritas Dei erga nos extat. Non quod nos dilexerimus Deum, sed quod ipse dilexit nos. Virtutum quoque omnium earum, quæ huic diuino amori perpetuæ sunt comites, præstabilem quandam insolitamque magnitudinem idem nobis Euangelium attulit: nec non & pacem animis, cum ipsis secum tum cum eodem Deo, adoptionis & filiorum Dei nomen, regnū cœli, vitam æternam, hanc tantam vbertatem, & penè profluentiam omnium maximorum, verissimorumque bonorum, quam Euangelium vocamus, promisit quidem nobis, & prænunciavit iam diu pater noster Deus, sed ad nos pertulit Dei filius. Segregatus itaque in Euangelium Dei.

SEPARATVS in Euangelium Dei, quod antè promiserat per Prophetas suos in scripturis sanctis de filio suo.

QVOD Euangelium, inquit, Deus promiserat per Prophetas suos multis quidem in scripturæ locis, & multipliciter de filio suo, ut cum ad Abraam dixit: In semine tuo benedicentur omnes tribus terræ. Et cum per os Iacob: Donec veniat, qui mittendus est. Et David: Mitte Dominus legillatorem, ut sciant gentes, quoniam homines sunt. Idem quoque David: O Domine bene prosperare, benedictus qui venit in nomine Domini. Et: Speciosus forma præ filiis hominum. Et: Dominus dixit ad me, filius

filius meus es tu: ego hodie genui te. Et Esaias: Egrēdiētur virga de radice. Et paulō pōst: In die illa radix Iesse, quæ stat in signum populorum, ipsum gentes deprecabuntur, & erit sepulchrum eius gloriosum. Et Propheta alter: Hic est, inquit, Deus noster. Et paulō infra: Post hæc in terris visus, & cum hominibus versatus est. Quamquam non multa magis in scriptura testimonia, quàm tota scriptura de filio Dei est testis. Qui quidem Dei filius & annunciator, datorque est Euangelij diu antè promissi, & ipsemet Euangelium. Euangelium enim Dei, inquit, quod promiserat de filio suo. Etenim vita nobis & veritas, & summum ipse IESVS Christus est bonum. Ac nunc quidem iustius hoc Euangelium, quam antea in lege veteri, nominatur. Primum, quia olim in vna tantum natione inclusum, & in ea paucis patefactum: nunc passim omnibus hominibus prædicatum, & annunciatum est. Deinde quia tunc in longum tempus differebatur eius expectatio, quæ modò omnibus hominibus est representata. De his vero, qui postea prædicauerunt Euangelium, qui illud per orbem terrarum, circum gentes, & populos annuntiauerunt, non siluit etiam scriptura. David: Dominus dabit verbum euangelizantibus virtute multa. Et Esaias: Quam speciosi pedes euangelizantium pacem? Quoniam autem filius Dei idem est, & filius hominis, ne fortè in animis legentium nascatur hesitatio, occurrit Paulus de filio suo inquitens.

Genito ex semine David secundam carnem: diffinito filio Dei, in potentia secundum spiritum sanctitatis ex resurrectione à mortuis IESVS Christo Domino nostro.

LICET enim Christus filius sit David secundum carnem, tamen minimum in eo, atq; infimum caro est, vnius autem cuiusq; reſ ratio atq; essentia non ex ignobiliore, sed ex optima in eo parte iudicanda est. Vt enim hominem non ex sensu, neq; ex vita, sed ex ratione quæ in eo pars potissima est, æstimamus, Sic CHRIS TVM ex his magis cognoscimus, quæ in eo longè præstantiora sunt. Habuit is carnem & rationem tanquam homo, quæ se etiã prima oculis nostris obtulit: sed habuit vim, & virtutem, quæ supra omnem naturam esset, tanquam Deus. Ex hac igitur parte diuiniore potius censendus est: nam illud græcè *θεοειδής*, si prædestinati conuertas, nihil alienius: Si declarati, accedas iam ad veriorem sensum: Si diffiniti, aut determinati & iudicati, totã vim verbi exprimas. Nam qui talia potuit, & valuit CHRIS TVS, etsi homo is quoque, & in carne hominis fuit, tamen ex diuinitatis virtute à nobis iudicandus est Deus. Huic etiam rationi Ioannes Euangelista consensit. Vidimus enim, inquit, gloriã eius, gloriã ut unigeniti à patre. Quem enim prius hominem existimauerat

mus, hunc postea ex virtute, & mirabilibus factis iudicamus esse Deum. Virtute autem non humana, non corporea, non ex imperio, & potestate inter homines: sed virtute ea, & potentia quæ est secundum spiritum sanctum. Est enim in scripturis iste loquendi modus, ut cum quid quale sit, volunt indicare, abstractæ in eo qualitatis nomen ponant: ut, odorem suavitatis, suauem flum charitatis, charum: de Paulo ipso **CHRISTVS**, vas electionis, id est, electum: Sic in hoc loco spiritum sanctitatis, spiritum sanctum. Validus ergo, & potens **CHRISTVS** per spiritum sanctum, atque in eo cuncta operans, diuina, mirabilique potentia, qua & resurgere ipse valuit a mortuis, & cæteris fuit ad infringendam tyrannidem mortis princeps & author. Mortis, inquam, non tamen communis huius, & corporeæ, quauquam & ista quoque è nostro mortali corpore **CHRISTO** dono ejicienda est, immortalitasque induenda: Sed illius spiritualis & perpetuæ, qua genus hominum vniuersum, nisi Dei in filio benignitas nobis subuenisset, Deo ipsi, & cælesti vitæ, æternæq. prorsus fuisset innotuum: de qua huiusmodi resurrectione in toto fidei **CHRISTO** & Euangelij mysterio præcipue semper agitur. Ac Christus quidem ipse quoad vixit inter homines, cum hisq. versatus est, docendo, & sanando, etsi filius est Dei, tamen filius hominis plerumque & a cæteris vocatus est: ut ab illo clamante **IESV** fili David miserere mei, & semetipse vocabatur. Post mortis vero, crucisque mysterium, cum in præstantiorem vitam surrexisset, moxque in cælum ascendisset, & spiritum paulò post sanctum in discipulos effudisset, toto viriusque vitæ actu & in se absoluto, & nobis demonstrato, humanis iam infirmitatibus in eo elisis, diuinisque virtutibus retentis, Filius Dei deinde frequentiore vocabulo appellatus, & iudicatus est. Atque in hoc loco æqualitas trinitatis mirificè expressa est. Si enim **CHRISTVS**, qui est virtus & potentia patris, per spiritum ipse sanctum, & in spiritu sancto potens est, vimque per eum, & potestatem suæ diuinitatis exercet, ubi sunt qui spiritum negant sanctum, parem personam cum cæteris in trinitate possidere?

Per quem accepimus gratiam, & legationem, ut obediamur fidei in omnibus gentibus super nomine eius, in quibus estis & vos vocati IESV Christi.

PER QUEM accepimus gratiam potius, quàm à quo: ut ostendat a patre per filium se accepisse gratiam, & uosquam amborum commune opus se iungat. Gratiam quidem quoniam totum a Deo est profectum, ut & idoneus ipse fieret, & factus idoneus mitteretur ad annuntiandam fidem omnibus gentibus, quò illà ab omnibus acciperetur. Etenim sic est perspicuè in **E-**

saia scriptum : Parum est, ut seruias mihi ad exasperandum
tribus Iacob, & ad conuertendum desolatos Israël: sed dedi te in
lucem gentium, ut sis salus ex me usque ad extremum terræ. Om-
nes enim qui ubique sunt, ad veri Dei cognitionem, & salutem
suam vocati sunt. Siquidem in omnem terram exiuit fidei, & A-
postolorum sonus. Non omnes tamen auscultauerunt. Sed hoc
sua illorum, non Dei culpa. Qui verd̄ audiuerunt, & paruerunt,
iis in CHRISTI nomine credere fuit necesse. Quo pacto ere-
nim fides Deo habeatur inuitanti ad veram sui cognitionem, ve-
rumque cultum, & vitam propterea æternam, cœlique regnum
promittenti, si is, qui hæc ex Deo annunciat, minimè cui creda-
tur, idoneus iudicetur? Est autem plena fides, credere in Deo
patre, & in CHRISTO Iesu. Quid autem credere? eos esse (ut
plurimum numero nunc tanquam personas duas enunciemus) qui
cœlestia ista bona & dare soli possunt, & darii fidelibus suis
sunt, quæ est potestas vnius Dei, triniq̄ue propria: nostra igitur
in Deum ipsum fides super IESU Christo & nomine sancto eius
fundata est, in ipso enim solo & per ipsum solum ad Deum nos
adiungimus. IN QUIBUS ESTIS & VOS. In quibus, inquit,
gentibus, & his, qui obedierunt fidei, estis & vos vocati IESU
Christi. Quod intelligendum est, cum hoc modo loquitur A-
postolus, vocati Apostoli, vocati Sancti, vocati IESU Chri-
sti: vocatos in his locis non in participij vi, sed nominis esse
prolatos. Hi enim sic vocati sunt, qui auscultauerunt, & pa-
ratas aures vocationi Dei præbuerunt. De quibus in Euange-
lio CHRISTVS: Nemo venit ad me, nisi pater meus tra-
xerit eum. Et rursus: Oves meæ, quæ audiunt vocem meam.

*Omnibus, qui Roma estis dilectis Dei vocatis sanctis, Gra-
tia vobis, & pax à Deo patre nostro, & Domino IESU Christo.*

VOCATIS sanctis, inquit, vocatis à IESU Christo in sancti-
tatem & puritatem, & cognitionem Dei ac filij, quæ est vita æ-
terna. Gratia autem & pax. quoniam patris gratia & benignitate
factum est, ut veniret filius ad reconciliandam pacem homini-
bus cum Deo. Pater autem noster est Deus, quia & fecit nos pri-
mò ad imaginem suam. Filius enim imago est patris, & post ar-
etioribus etiam necessitudinem vinculis in filios sibi adoptauit.

*Primum quidem gratias ago Deo meo per IESUM Chri-
stum de omnibus vobis, quoniam fides vestra annuntiatur in
 toto mundo.*

AGIT gratias Deo de aliorum bono, quod est veræ, agit au-
tem per IESUM Christum, quod est Christianæ charitatis pro-
prium, quæ tamen sola vera est: sola enim via, & unica ad Deum

CHRISTVS est: & qui aliunde ad patrem nituntur ascendere, non per ostium, vt domestici, sed per pseudotyrum, vt fures conantur ingredi. Sed & in patre, & filio, & spiritu sancto tribus videlicet personis, cum vnus sit Deus, nihil refert, cui personæ agas gratias. Per eam enim aut in ea agis Deo. Per eam, cum per CHRISTVM, aut per Spiritum sanctum Deo agis gratias. In ea, cum ipsimet agis patri. Cum ergo gratias agit Paulus CHRISTO lesu, quod eos, ad quos ipse scribebat, fideles suos effecisset, per eum nihilominus agit Deo.

Testis enim mihi est Deus, cui seruo in spiritu meo, in Evangelio filij eius, quod continenter mentionem vestri facio, semper in orationibus meis precans, si qua iam aliquando dirigat in voluntate Dei, vt veniam ad vos.

DEVS est mihi apud vos testis, cui seruo in spiritu meo, id est, in sincero & vero corde. Nam quæ fiunt in spiritu, ea verè fiunt, & ab interiore homine fiunt, quoniam spiritus ad sese, vt qui simplex est, simulatione obduci non potest, nec aliud pro alio pretendere. Sed si instituit fallere & mentiri, corpus sibi aduocet necesse est, cuius ministerio utatur ad decipiendum. Corpus enim spiritui tanquam persona est, quæ cum extraneam formam, alienamque obtrahit, interiorem, & veram non facile sinit cognosci. Quod personatis accidit, qui fallere idonei sunt, quod verè ipsi sunt intus occultantes, quod fictum fucatumque est, aspectibus objicientes. Hanc personam Iudæi ita attendebant, vt in ea sola ferè insisterent, nec quod intus erat, perspicere laborarēt. At neq; adoratio, neq; victimæ, nec oratio ipsa, vocisq; prolatio, nec frontis vultusq; demissio, flexusq; ceruicis veram seruitutem Dei indicat: possunt enim ista à contraria animi voluntate ad simulationem fallaciamque conuertri. Ipsa autem voluntas seipsam non decipit. Est enim sui optimè conscia, & cum seruit Deo, in veritate seruit. Quamobrem & hos adoratores, qui in spiritu adorarent, & in veritate, querere sibi Deum satis apertè apud Ioannem mulieri Samaritanæ disseruit Christus. Paulus igitur vt ostendat veritatem seruitoris suæ erga Deum, seruire illi sese ait in spiritu suo, quod est in interiore homine, & simul vt auctoritatem Iudaicæ legis iam enervare incipiat, quæ Deo seruiebat non in spiritu, sed in litera, & in iis operibus, quæ corporca sunt. Habet autem spiritus eiusmodi cognitionem cum Deo, vt tanquam simile simili statim coniungatur, & pateat. In eo itaq; Paulus se, inquit, seruire Deo. At in quo seruire opere? In Evangelio filij eius inquit. Quod supra dixerat Evangelium Dei de filio suo, nunc evangelium id filij appellans, videlicet illud vt demonstret, non esse

opus neque à filio patris, neque à patre filij seiunctum vllum : & simul vt innuat filium ipsum rectè Euangelium vocari. Siquidem CHRISTVS idem & monstrator nobis, duxque viæ est ad cœsum, & ipsa viâ: docens veritatem, & ipse veritas, intro mittens per ostium, & ipse ianua, sic Euangelista ipse, & Euangelium, in quo quidem Euangelio Paulus ad seruiendum Deo est constitutus. Quo etiam patet id quod antè dixerat, se ab aliis omnibus curis, & negotiis in hanc vnâ prædicationem Euangelij Dei, in qua Deo seruiat, separaturn à Deo, segregatumque fuisse.

Desidero enim videre vos, vt aliquid impertiam gratia vobis spiritualis in confirmationem vestri, hoc est vt mutuum capiam solatium in vobis per alternam fidem, & vestram, & meam.

PRIVS tanquam præbiturus illis ex se, & sua in fidem Christi constantia, ac firmitate solatium, & in eadem fide firmitatem loquens pōst mitigauit orationem, ne velut censor, & magister loqui videretur: patremque sese, & vnum de illis fecit, vt alterno fidei exemplo inquiring, ego ex vobis, vos ex me consolationem, & lætitiâ capiatis.

Nolo autem vos ignorare fratres, quòd saepe proposui venire ad vos, & vetitus sum vsque adhuc, vt fructum aliquem habeam & in vobis, sicut & in reliquis gentibus & Græcis & barbaris, & sapientibus & insipientibus debitor sum, sic quantum est in me, promptus sum & vobis, qui Roma estis, Euangelium prædicare.

CONSTITVI venire, inquit, vt fructum aliquem feram in vobis: Traiectio enim est, quam Græci *ἐπιπλοῦν*, cū trans sententiæ, verbane ponuntur, & aliis interfitis tunc demum ad ordinem reditur. In quo sanè vsu trajiciendi, & interponendi Paulus creber est. Fructum autem aliquem vt feram in vobis, si aut solatio alicui vestrum fuero, aut aliquos reddidero firmiores: aut etiam si ex numero eorum, qui nondum credunt, aliquos docuero veritatem Euangelij, & ad veram fidem conuertero. Hi enim sanctis hominibus suorum laborum, & actionum sunt fructus, si quos in aliena procuranda vtilitate percipiunt. VETITVS sum vsque adhuc, inquit, non alio opere diuerso à prædicatione Euangelij, sed hoc ipso prædicandi officio apud alios per voluntatem Dei impeditus. Non enim Paulus cum rei familiari tempus impendisset, aut cū prædia locasset, & quæ erant domi, composuisset, tum se conuertebat ad prædicationem

Euangelij. Hominum enim non Deo, sed sibi inferuentium illi sunt. Sed in hoc vno prædicandi munere totus ille & vsquequaque erat infixus, neque aliud quippiam curabat omnino, nisi ut per suum laborem, & diurnam, nocturnamq; sollicitudinem reliqui in gratia, & benevolentia cum Deo esse possent. Itaq; sicut in cæteris gentibus, inquit, omnibus doctis, & indoctis (est enim hoc illud, & Græcis, & Barbaris, & sapientibus, & insipientibus, hoc est, & simplicibus & callidis, quoniam mudi huius sapientia, calliditas potius, & versutia quædam est; sed sicut omni hominū generi, & conditioni omni in cæteris gentibus debitor sum huius prædicationis, quoniam hoc mihi datum est à Deo negotium, ut prædicem omnibus, sic & vobis quantum in me est, qui Romæ estis, cupio prædicare.

Non enim pudet me Euangelij CHRISTI: potentia enim Dei est in salutem omni credenti, & Iudæo primum, & Græco.

OMNIBVS gentibus, inquit, prædicandi Euangelij debitor sum, quod munus vsque eò non refugio, ut eo etiam glorier, quanquam Christianam secutus modestiam hoc verbo gloriandi non est vsus. Nam in infirmitatibus gloriari, & in ignominiiis, & in ærumnis proprium magis est Christianæ virtutis, sicut ipse alibi: Libenter gloriabor in infirmitatibus meis. Et: Mihi absit gloriari, nisi in cruce Domini nostri Iesu Christi. In his autem rebus, quæ quandam nobilitatem, & gloriam apud homines præ se ferunt, exultare & gloriari non est Christi cultorum. Quod si res ipsa, quam agebat Paulus, ac non ipsius humilitas modestiaq; pendatur, quid magnificentius, aut maiore erat cum gloria prædicandum, quam legatum electum esse ab omnipotente Deo ad veram felicitatem & vitam æternam omnibus gentibus annunciandam? Attamen in hoc non gloriatus est Paulus. Omnem enim gloriam rerum tantarum, & tam optandarum ad authorem Deum, & Christum referebat. Ipse verò legationis ministerium, prædicationem scilicet Euangelij non erubescerebat. At quamobrem non erubescerebat? Quia Euangelium, inquit, potentia Dei est in salutem omni credenti. Nam alias quidem potentia Dei apparuit in puniendis, & exterminandis nō tam singulis sepe hominibus, quam integris nationibus, ut in Sodomitis, & in Aegyptiis patuit, ac in ipsis quoq; Iudæis, multoq; magis in toto hominum genere diluvionibus aquarū abolendo. In conseruandis verò, & admittendis ad amicitiam sui, sic vniuersè, passimq; hominibus nusquam alibi Dei potentia, quam in Euangelio perspicua facta est. Hoc enim ipsum illud est Euangelium, quod salutem omnibus dat, quod à morte vindicat, quod immortalitatem donat, si credatur, in quo maximè sita est Dei potentia. Omnis n. illuminatio cæcotentium, directio errantium, iustificatio impiorum,

languentium quoque vegetatio, & mortuorum exuscitatio istud ipsum Euangelium est: & ipse Christus, qui idem recte, ut in his verbis ostenditur, dicitur Euangelium, in quo nimirum qui credunt, ista omnia consequuntur. Nec vero alijs in rebus, aut operibus præstantius elucet Dei omnipotentis potestas, & magnitudo, quàm in hoc Euangelio, quod solum salutem atque vitam omni credenti dat, siue ille antea Iudæus fuerit, siue Græcus. Licet enim Iudæus in lege, Græcus in sapientiæ studijs gloriatur, nec ille tamen sine fide, nec hic nisi per fidem saluus esse potest. Nam quod ait, & Iudæo primum, & Græco, primum illud antecedentiam denotat, non dignitatis, sed temporis, ut primum dicatur, id est, ante Euangelium. Vterque enim cuiusvis antea fuerit generis aut professionis, vel Iudæus videlicet, vel Græcus, non ex eo quod ante fuit, sed ex hoc quod in Euangelium credit, salutem adipiscitur. Arque hoc vno modo illud primum intelligendum est, minus fortasse apte, si ad elegantiam linguæ attendas. Sed talis fermè Paulus non tam verborum cultum, quam sententiarum vim expendens. Animaduertendum autem est Græci nomine Paulum omnem hominem comprehendere, qui sit idolorum cultui, & adorationi deditus: quasque tantum sectas hominum scripturæ sanctæ esse, Iudæos, qui verum Deum colant: & Græcos, qui falsos deos venerentur. Qua ratione & Romani, & Barbari omnes hoc quidem in loco, & in plerisque scripturæ locis sub Græcorum nomen succedunt. Nam quod paulo ante Græcos distinxit à Barbaris, id in literis, & in moribus fecit. Cum autem loquitur de sectis, Græci omnes dicuntur, qui sunt, aut fuerunt idolis dediti. Quod etiam in Matthæo, & in Ioanne, & in apostolorum actis, quâ scribitur factum esse murmur Græcorum aduersus Hebræos, ita esse cernitur, ut Græcos perspicue scriptura pro omnibus qui coluerunt, aut colunt idola accipiat, & sanè perpetuis aliquot deinde sæculis, & ad nostra fermè tempora, quoad Romani principes sedem imperij Orientis Constantinopolim tenuere, quicumque, accersebantur hoc crimine, quod cultum idolis impendissent, sed ~~idcirco~~ dicebatur accersi, ut vocabulo ipso indicaretur, non gentis, & nationis esse illud crimen, sed falsæ religionis.

Iustitia enim Dei in ipso reuelatur ex fide in fidem, sicut scriptum est, Iustus ex fide viuet.

Quod dixerat Euangelium potentiam esse Dei, in salutem omni credenti, declarare nunc nititur, & ostendere, quomodo ex Euangelio sit salus, sic breuissime rem totam exponens. Quid ita enim Euangelium potentia Dei est in salutem omni credenti? quia iustitia Dei in ipso reuelatur ex fide in fidem. Quod ut planius fiat, alio enim sensu ab Apostolo est positum, sic exponemus. Diximus

supra Euangelium esse, & cum, qui annunciat, Christum, & ea quæ à Christo annunciantur, æterna credentibus bona, quæ tamen si subtiliter inspicatur, ipsemer est Deus. Potentiam autem Dei Euangelium esse, quoniam eos qui credunt, & statim iustificat, quamvis prius impios: & excitat ad vitam, Deo antea mortuos. Quorum utrumque spiritualiter intelligendum est. Nam neque iustificatio in corpore est, sed in solo spiritu: spiritus enim & pietatem, & impietatem solus accipit, corpus tantum ministrat, & subseruit spiritui. Mortem autem & vitam utrumque & spiritus scilicet recipit, & corpus. Dei ergo virtus & potentia, quod ipsum est Euangelium, & ipse Christus, simulatque in eum quis crediderit, & statim iustificat: impium vero spirituali iustitiæ dono, & suscitatur mortuum, translatum à morte corporis vocabulo. Mors enim in corpore non quidem magis verè, sed magis communiter vulgo ab hominibus dicitur. Sed sicut corpus amissa anima huic luci, & huic vitæ defunctum est, sic animus, & spiritus amisso Deo, veræ & vitæ, & luci est mortuus. Qui si ex illis terræ mortis spiritualibus tenebris, Euangelij tuba excitatus, aurem, animumque admouerit verbo Dei, qui est Christus, fidemque habens ijs, quæ annunciantur, & illa ipsa annunciata bona, & Deum ipsum, Christumque concupierit, illique sese dederit, atque permiserit, ex mortuo repente fit viuus, & ex impio pius. Virtus igitur Dei, quæ vna facere ista potest, excitare mortuos videlicet, & iustificare impios, quod ipsum est Euangelium cum ad faciendum actum deuenit: quod contingit simulatque quis in Euangelium pura mente credit, sic iustitia. Atque id dupliciter, quod & iuste ipsa agit, & eos facit iustos, qui sese illi permittunt, & sese ad eam cum fide conferunt. At quomodo iustitia? ex vulgi enim sensu & vi vocabuli iusti illi nominantur, & illa iustitia, quæ delinquentibus poenam, bene autem meritis præmium refert. Hanc autem Dei ignoscentiam non modo non exprobrantem vetera delicta, sed etiam eos, qui illa perpetrarunt, si credere iustitiant Deo, in gratiam secum & amicitiam recipientem, misericordiam potius, aut clementiam, & benignitatem nominabimus, sicut sæpe & Paulus, & omnis scriptura nominat: Iustitiam vero proprio vocabulo nequaquam. Sed animaduertendum est iustitiam hoc loco pro toto genere virtutis poni. Est enim iustitia non semper species illa virtutis, quæ in faciendis iudicijs, & præmijs poenæ sit distribuendis tota consistit, sed verius etiam, & illustrius iustitia est vniuersa virtus, quæ in Deo potissimum huiusmodi est, qui non habet distincta genera virtutum, sed vnicam tantum in se virtutis rationem, diuiniore quodammodo in vnum simplex, atque summum virtutis partes omnes, & omnia nomina comprehendentem. Cuiusmodi ferme Deo in sacris literis iustitia attribuitur,

tur, vt cum dicitur, Iustitia tua iustitia in æternum, & lex tua veritas. Et Esaias, qua dominum inducit aspernantem ieiunia, quæ affligunt corpus, & potiora misericordiæ opera requirentem, suadentem dari panem pauperibus, errabundos recipi, nudos vestiri, & sic demum inferentem: Tunc erumpet vt aurora lumen tuum, & anteibit ante te iustitia tua. Iustitiam eo loco pro omni bonitate, humanitate, benignitateque accipit. Et alibi apud eundem Deus spiritali loquens Hierusalem, Non erit tibi amplius sol in lucem, inquit, sed dominus, & populus tuus omnes erunt iusti: quod est, omni bonitate, & innocentia præditi. Et in Euangelio: Nisi abundauerit iustitia vestra plus quam Scribarum, & Pharisæorum: hoc est, plus quam illa legis, vt vniuersa bonitas intelligatur. Item & illud: Quærite primum regnum Dei, & iustitiam eius: omnem illam virtutem, puritatemque intelligit, quæ sit regno illi, & cœlesti vitæ consentanea. Cuius quidem diuinæ, absolutæque iustitiæ, quam vniuersam bonitatem esse dicimus, indicium quoddam est, & simulacrum in hominum iustitiam, cum quis iustus ita esse dicitur, non quod res integrè, recteque diiudicet, sed quod bonitate, & innocentia inter homines est ornatus, velut generalem illam iustitiam obtinens, quod nil agit, neque molitur, quod legibus sit, aut bonis moribus contrarium. Sed Dei iustitia singulari quodam, & multo excelsiore ex genere non innocentiae solum, & integritatis, sed bonitatis, beneficentiæ, largitatis omneis numeros complectitur, diuino modo, & protus ineffabili, in ipso Deo longe eminens. In nobis vero cum Deū, & iustitiam Dei imitatione assequimur, inferiore quidem est gradu, sed tamen longe præstantior, quam vt ad eam vlla humana iustitia possit aspirare. Hæc in Deo iustitia talis est, vt solem suum iubeat oriri super bonos, & malos, quæ si iustitia illa esset minor, membrum, & pars vniuersæ virtutis, auferret solem suum malis, & illucesceret bonis. Nunc cum super omneis illum educat, & proferat, ostendit diuinam bonitatem contentam se ipsa, & dotibus suis, immoto animo, atque imperturbato aliorum errores, & delicta perferentem, omniaque ita gerentem, ac dispensantem; vt quoad quidem fieri potest, omnibus salus ex sese & gloria patriatur. Quæ qui in fide CHRISTI imitantur, eadē propè mente; eodem fini, omnibus ex sese animi perturbationibus quæ humanas cupiditates referunt, eiectis, ad illum supremum diuinæ bonitatis, & beneficentiæ gradum conantur ascendere. Sit igitur hoc nobis imprimis constitutum, Iustitiam Dei hoc loco totam esse virtutem talem, atque ex eo genere, quod in Deo esse conuenit, vel si noto magis, & communiore vocabulo est utendum, vniuersam esse bonitatem, virtutum dominam cunctarum, cuius in Deo propria semper, & perfecta est absolutio. Hæc ea ipsa Dei ius-

iustitia est, quæ in Evangelio patet, reuelataque est cum omnibus ante
 seculis fuisset abscondita. Patet inquam quoniam, & si bo-
 num esse Deum, etiam antea credebatur, bonitatisque sue ille plu-
 ra sæpe monumenta pluribus hominib. ostenderat, illius tamen
 nec Iudei bonitatem cæteris esse gentibus propositam censebant
 neque gentes tantum in Deo studium erga hominum salutem fue-
 rant ratio: ita utriusque de Deo inferius omnino, quam illius bonitas
 digna sit, existimabant. Sed etsi Iudei, atque gentes ab hoc errore
 fuissent deductæ, ampliusque de Deo, & magnificentiis iudiciū
 utraque natio fecisset, ac Iudei Deum communicassent gentibus,
 gentes vero sese Deo, & salutem suam vehementer curæ esse cre-
 didissent, tantam tamen illius, & tam immensam inenarrabilem-
 que bonitatem, tantum nostræ procurandæ elaborandæque sa-
 lutis studium, quantum ex euangelio nunc patefactum est, neutri
 unquam potuissent existimare, neque credere. Etsi enim Deus i-
 gnoscebat antea etiam peccatoribus, per ambitum tamen ope-
 rum, & sacrificiorum, per sacerdotes, & vota precantium ignosce-
 bat: nunc per fidem solam brevissimo compendio facile, & liben-
 ter omnibus ignoscit. Efflagitatus antea, atque exoratus veniam
 dabat: nunc inopinantibus nobis veniam ultro, & salutem ex Eu-
 angelio obtulit. Qui si etiam nos ad veram vitam & ad salutem
 perpetuam pro sua bonitate erat vocaturus, per filium suum nē,
 atque eundem vnicū, per imaginem potentie, & summæ glo-
 riæ suæ, atque per eius filij laborem, dolorem, ignominiam, mor-
 tem, ut id faceret inaudita quadam charitate, & amore erga nos
 potuit adduci? At quemadmodum nos vocauit? primum omnes
 nostras veteres iniurias voluntaria obliuione obtruiuit. Deinde
 cum ab eo nos penitus auersi, atque ad alias curas, aliaque studia
 planè conuersi, ipsius Dei hostes, & aduersarios nobis dominos,
 & Deos adsciuissimus, non est insectatus errorem nostrum, sed
 veluti clemens pater tunc maxime ad misericordiam, & ad amo-
 rem erga nos exarsit, cum maxime nos ab eo disunctos vellemus,
 nec contentus ad gratiam, & amicitiam suam nos reuocare, tra-
 tres omnes Iesū Christi filij sui eos, qui per fidem ad eum se con-
 tulerunt, & sibi filios adoptauit, ac fecit. Hæc est bonitas, hæc
 Dei iustitia, quæ in Evangelio reuelata est, omnis virtutis par-
 tes, æquitatem, sapientiam, humanitatem, liberalitatemque com-
 plectens, quam Euangelium nobis perfecit, totamque contulit ad
 salutem, & ad liberationem nostram. At quo pacto illa ex fide, &
 in fidem reuelata est? Nimirum quia fides erga Deum nostra huic
 iustitiæ Dei, in salute nostra sese ostendendæ, aditum, & locum,
 & occasionem aptam attulit. Aperit enim se illa, & effundit su-
 per credentes. Quæ si fides non adsit, omnes habet introitus ad
 salutem nostram prorsus interclusos. Qui ergo sese Deo dedere

per fidem, atq. permittere, hoc est, qui spem in illo suam, totamque fiduciam ponere instituunt, quæ est virtus & doctrina Evangelij propria, hos illa diuina iustitia & bonitas, non in amicos solum, sed in charos, & dilectos filios planè accipit. Quorum neutrum nobis antea neq; speratum, nec cognitum, nunc ex Evangelio utrunque est patefactum. Ita in Evangelio ex fide in Deum nostra illa infinita, & ineffabilis bonitas summi Dei insignisque iustitia apparuit, omnibusque communis, & perspicua facta est. Quomodo autem eadem patuerit in fidem, id nunc accuratè à nobis exponendum est, ut sensum omnè percipiamus Pauli sublimem, atq. altum, & maximarum rerum mysteria paucissimis verbis innuentem. Sunt enim illius hæc verba: Quòd iustitia Dei in Evangelio reuelata est ex fide in fidem. Ac ex fide quæ in quemadmodum sit reuelata diximus: simul ut enim fidem Deo habere cœpimus, quod nobis per Christum & Evangelium contigit: Sic nobis statim incipit illius bonitas, & iustitia, omnisque erga nos benignitas & beneficentia apparere. In fidem vero eadem Dei bonitas ex eodem Christo, Evangelioque se ostendit, cum facit nos Deus sui imitatores, & similes, cum eadem iustitia, & bonitate nos insignit, qua est ipse præditus, cum qualis ipse nobis factus est, & apparuit, tales nos in proximum ipsum Deum imitando, & sequendo efficimur, quod est tamen Evangelij propriū munus, atque præcipuum. Qui enim vera fide ad Deum se conferunt, hoc est, qui & spes, & rationes suas in eo collocant, his facilis est, & prompta diuinarum virtutum imitatio: ab omni enim rerum mundanarum studio isti auersi, suosque amores in bonis cœlestibus optandis, & in illa cum Deo gratia, coniunctioneque ponentes, nullis earum affectionum motibus perturbantur, quæ ex mundanis curis solent excitari, in quo similitudo summi Dei, & illius iustitiæ, ac bonitatis species elucet. Ille nullo odio, nulla offensione animi vnquam permouetur, ex eo quidem, quod nullus est iniuriæ, nullius cupiditati expositus. Nihil enim habet, quod vel sibi eripi possit, vel quod ipse alij eripere contendat: sed semetipso contentus, atq; plenus, neq; aliud quicquam extra se requirens, id mauult atq; optat, ut exuberantiam bonorum suorum, quibus ipse redundat, in alios, qui accipere idonei sint, possit effundere. Similiter & nos fide in Deum præditi & illa bona tantum attendentes, quæ ex Deo sunt, summa, & immortalia, quæ eripi nobis non possunt, quæ communicatione, & participatu plurimorum crescunt, nō diminuantur, quæ inuidiam, iniuriam, perfidiam non admittunt, imitatione eiusdem iustitiæ, & bonitatis ad Deum proximè accedimus. Ille ignouit nobis, nos cæteris ignoscimus. Iniurias ille non sentit: nos illas faciliè dimittimus. Ille nos hostes antea suos recepit, & adoptauit in filiorū nu-

mero: hos inimicis quoque nostris fratrum, & parentum officia præstamus. Ita cum imitatores Dei sumus effecti, sicut filij parentis, tunc non solum ex fide nostra illa Dei in ipso patefacta est iustitia, verum etiam ab eodem Deo in nos redundauit, ut fides in nobis non modo Dei aperuerit iustitiam, sed eadem ipsa in super diuino & incomparabili munere in nobis eisdem iustitia insignis sit facta. Imprimis enim Deus in hos qui ei confidunt, (etenim si- dem hoc loco pro ipsis fidelibus accipimus) imprimis in nos in- quam, suæ diuinæ virtutis, iustitiæque similitudinem, quod est il- lud, quod Paulus inquit, Ex fide in fidem. cum primum fides cre- dentium, prouocat Dei iustitiam, ut aperiat sese, & ostendat qua- lis, quantæque sit in ipso Deo. Deinde ipsa Dei iustitia iustos fa- cit credentes, non humanæ genere iustitiæ, sed illo diuino, & in- comparabili, quo Deus ipse iustus intelligitur & bonus. Quod & nos Dei æquanimirate, ac benignitate illa imitanda assequimur. Quod ubi nobis contigit, munere ipsius Dei, non cura, neque operatione nostra, tunc vere Deum patrem in filios ab ipso ado- ptati & nominamus, & colimus. Sumus enim illi prorsus effecti similes, illudque Evangelicum præceptum implemus, quo ad- monemur, ut simus perfecti, sicut pater in cælis noster perfectus est. Porro autem duplicem hunc actum diuinæ iustitiæ, quo & ipsa nostra ex fide sese in Deo aperit, atque ostendit, & post in ean- dem fidem, hoc est in nos, qui credimus, sui imitatione, atque exemplo se insinuat, quotidie nos in dominica oratione Deum obsecrando usurpamus, & repetimus, ut dimittat nobis debita nostra, sicut & nos dimittimus debitoribus nostris. Martyres ve- rō ipsi, tot hominum millia virtute, & factis magis comprobaue- runt: qui quod illis secerat Deus, ut filium pro eis in mortem, & crucem traderet, ipsi imitando Deo, & filios, & semetipsos in eundem cruciatum, & mortem quo confirmarent ceteros, forti- ter dederunt. Ille autem in Euangelio seruus, qui rationibus subductis, domino inuentus debitor, atque exigi iussus, lachry- mis, ac precibus impetrauit illud sibi omne nomen donari à Do- mino, ac remitti: non eadem ipse postea humanitate, & clemen- tia erga conseruum usus, id egit, ut non posset de eo dici, quod quam ipse benignitatem erga se in Domino expertus esset, ean- dem Domini imitatione in alios postea referret. Precibus enim suis flexit, ac molliuit ille quidem animus Domini sui, sed non est ipse precibus conserui delinitus. Ita in eo patuit quidem Do- mini clementia, cuiusmodi in Domino erat ex illius precibus, sed non patuit in preces, hoc est, in ipsum precantem, quatenus non ipse est Dominum in bonitate eadem, & animi mollitia imita- tus. Nam quod Dominus pepercit illi, debitumque dimisit, nul- lum in seruo id affert bonitatis argumentum. Sed tantum effe-
ctum

Etiam in eo Domini liberalitatis ostendit, totaque illa bonitas, & benignitas ad Dominum pertinet, quæ est ex precibus supplicantis serui in Domino patefacta. Si vero seruus hac erga se Domini humanitate edoctus, parem deinde ipse conferuo humanitatem exhibuisset, non solum ex illis precibus clementia Domini paruisset, sed in ipsas preces etiam, hoc est ipsum in precantem fuisset insinuata. Ac ut clarius etiam intelligamus, quantam cœlestis vim sententiæ in his paucis verbis cōstrinxerit Paulus, quæ dixit: Iustitia Dei in Euangelio reuelatur ex fide in fidem: transferamus iustitiæ verbum in nomen potentiæ perinde ut si dicamus: Potentia Dei in CHRISTO reuelata est ex fide in fidem. Nam quomodo ex fide reuelata est potentia Dei? quia præterquam in solos credentes, in alium quidem neminem mirabilia illa opera operabatur CHRISTVS. Ille enim & cæco lumen reddebat, sed confitenti se credere, & confidere, quod ab eo esset illuminandus. Et dæmones eijscebat, languoresque corporum curabat, sed eorum, qui peterent, & fidem in eo se habere dicerent. Lazarumque excitabat è mortuis quatrduanum, quoniam fidem Marthæ ita confitentis audiebat. Denique ipsemet clamabat, & palam, aperteque testabatur, Qui crederent in se, fidemque haberent, nihil esse tam arduum, nec tam naturæ insolitum, quod non in ijs facile factu esset. Hoc modo igitur ex fide virtus Dei, & potentia in patrandis miraculis ostendebatur: quæ si fides quidem non extitisset, fuisset in ipso Deo occultata, & abdita. In fidem vero eadem potentia patuit, cum discipulis ipse dixit, Si credideritis, fidemque habebitis, eadem facietis, & maiora his facietis. Neque solum dixit, sed præstitit etiam re, atque facto, ut qui ab eo fluxerunt Apostoli, ceterique discipuli, eiusdem fidei merito, qua Dei erga se mirabilem vim cognorant, ipsi deinde reliquis fierent admirabiles. Eandem enim virtutem, Dei que potentiam in curandis omnium morbis, dæmonibusque eijsciendis ipsi exhibuerunt, quam in magistro suo antea perspexerant. Ita & ex illorum fide, potentia Dei in ipso Deo manifesta facta est, & patuit in fidem; cum in illos ipsos credentes, fidemque habentes diuino beneficio ita traducta est, ut efficeret eos in eadem potentia Deo similes. Similiter igitur, atque eodem modo in Euangelio reuelata est Dei iustitia ex fide in fidem: quoniam & ex fide nostra illa in Deo patuit, & in ipsam deinde fidem, quod est in fideles ipsos eiusdem diuinæ benignitatis, & gratiæ munere, atque exemplo est translata, ut qualis est ipse Deus, tales efficerentur qui per fidem & Euangelium Deo se committere studuissent. Hanc eandem sententiam paulo infra Apostolus magis dilucide expromit, tanquam hæc verba interpretans, & hunc eundem locum alijs verbis exponens, quæ ait: NUNC VERO scortum à lege iustitia Dei mag

iustitia
Dei mag

Dei manifestata est, testificata ab lege, & à Prophetis. Iustitia
 quam Dei per fidem Iesus Christi. Atque hoc est, quod habet
 ex fide. Deinde sequitur: In omnes, & super omnes credenda
 quod iam est in fidem. Ita reuelata est iustitia Dei ex fide in hunc
 Et mox paucis interiectis verbis, declarans etiam apertius
 iungit: In declarationem iustitiæ suæ ex remissione præterito-
 rum peccatorum in tolerantia Dei, in demonstrationem iustitiæ
 suæ in hoc tempore, qualiter ipse iustus est, quod est ex fide
 lari Dei iustitiam. Quod autem sequitur: Et iustificans eum
 est ex fide Iesus v. Iam hoc est eandem iustitiam Dei in fiden-
 tiam. Ita ex fide in fidem iustitia Dei in Evangelio reuelata
 Tum I v l i v s: Arduum sanè, & difficilem locum mihi frater
 num, & facilem reddere es conatus. Etenim sæpe in horum
 borum sententia exquirenda acriter, diuque versatus, non potui
 ipse mihi satisfacere, dissimilitudine etiam opinionum ex in-
 pretibus impeditus. Nunc videre mihi videor non solum, quod
 mens Pauli sit, & quid sensus horum verborum ferat, sed non pa-
 etiam, quæ meum animum prius dubitationibus obturbaba-
 mihi patefacta fore confido. Mihi enim illud occorrebat, quod
 pacto iustitia Dei esset in Evangelio reuelata, quæ omnibus se-
 per seculis manifesta existisset, non in creatis rebus inanimis
 lum, ut in elementorum paribus momentis, ut in coelestium
 bium ordine, motuumque constantia, sed in hominibus etiam
 manisque actionibus & consilijs, in quibus qui iustitiam, & vir-
 tem melius coluissent, his semper ad suam auctoritatem; &
 potentiam patri suæ amplificandam, aduersariotumque minue-
 dam diuina vis iustitiæ propius affuisset. Quod non in rebus
 lum publicis & conuentu populorum; sed in singulis etiam ho-
 minibus sæpius accidisse monumentis testatum est. At nunc
 spicio, atque intelligo non omnino de iustitia & bonitate Dei,
 de ea, quatenus per fidem perspicua facta est, Apostolum loqui
 ut si dicamus, bonitatem quidem Dei patuisse antea in creatis
 rebus, eisdemque conseruandis. In ipso autem hominum genere
 ex fide, & in fidem ante Iesum Christum non patuisse, ut non
 iustitia, sed talis actio iustitiæ, quæ per fidem est, in Evangelio
 fuerit reuelata, quæ etiam potentia Dei esse dicitur, in salutem
 omni credenti. Quanquam enim potentiam suam, sicut & iustiti-
 am, ac bonitatem multis in rebus semper ostendit Deus: in
 hominum tamen genere ad veram, perpetuamque salutem reu-
 cando, nusquam ostendit, neque declarauit apertius. Ac patefecit
 illam ipse quidem ex Iudæorum genere non paucis, quod in Pa-
 triarchis, & Prophetis est manifestum; ac fortasse in nonnullis
 quandoque, qui ex gentibus propius se ad eius amorē, & cogni-
 tionem contulerunt. Passim vero & omnibus tam Iudæis quam

Græcis, tam doctis, quàm indoctis, ac deniq; sine vlla exceptione vniuersis, qui ad credendum modò accederent, nunquam ante Euangelium Ix s v Christi iustitia ista Dei, & inenarrabilis benignitas ac bonitas demonstrata est. Ac nimirum, vt de potentia etiam Dei ad salutem credentium aliquid dicamus, mirabilior profectò exiit redemptio nostri generis, quàm ipsa creatio. Nam creatio ordinem suum habuit, postquam semel fuerat institutus, perennem, ac ratum, quem ipsa natura inferior suscipere, & propagare in ætates, ac tempora potuit. Redemptio autè solius Dei sine alio instrumento, aut operis vicario effectus tantum est, què nullo pacto natura possit imitari. Etenim si magnum est, ac mirabile suscitare homines mortuos, & qui cursum vitæ iam confecerint, in eandem rursus vitam restituere, quod est non naturæ, sed Dei potentia opus proprium: admirabilius multo esse debet, eos qui veræ vitæ, & diuinæ luci sint mortui, & in fœtore ac sordibus peccatorum iam extrabuerint, & Deo, & ipsis viuos, ac ex nefarijs repente efficere sanctos. Hæc est igitur potentia, hæc iustitia, & bonitas summi Dei, quæ in Euangelio proposita, & demonstrata est, cum omnibus antea seculis latuisset, ex fide excita, & in fidem se imprimens, quam eandem omnibus cæterarum virtutum vocabulis, & clementiam, & benignitatem, & misericordiam, & gratiam à Paulo, atque à scripturis sanctis appellari, & tibi assentior, & iure appellatam puto. **THM 100:** Gaudeo mi frater inquam, quod me adiuuas, & laborem meum tua industria facis leuiorem, tuoque isto ingenio mirificè delector. Sed quod iustitia ista in Deo vniuersum genus sit totius virtutis, nonne etiam ea res perspicuè demonstrat? quod in animis & cordibus credentium impressa, non eos solum facit iustos ex ea parte virtutis, quæ in iudicando, & distribuendo sita est (possent enim qui eo modo iusti essent, vitijs aliquot ex alio genere laborare) sed eos vsque eò facit iustos, vt nihil illis desit, quod in vera, & eximia virtute sit expectandum: neque tamen ex vltato hominibus, & legumlatoribus genere, hæc in illis virtus existit, sed diuinius multo & magnificentius, ac vt ad eam, tanquàm ad proprium Dei donum, nulla humana virtus comparare se audeat. Etenim vt humanæ iustitiæ & eius, quæ ex lege est, cum diuina iustitia contentionem aliquam faciamus, non eiusdem modi ambæ, neque vno profectò ex genere sunt: sicut neque solis, ac lychni lumen est vniuersummodi. Sed illa Dei iustitia explodit, & eiicit humanas omnes cupiditates, neque eis apud se esse vult locum. Hominum autem iustitia affectiones, cupiditatesque neutiquam reuelat, sed eis saturandis, atque exercendis adhibet modum quandam. Possessiones enim & prædia a nobis magni æstimari vult, familias ali, vitam & corpus præcipuè defendi: Si quis iniuriam fo-

cerit, legibus illam persequamur, vim vi repellamus, honore & dignitatis maximam rationem ut ducamus, nobis permittit lex. Eadem cum diligere amicos iubet, cum socius a fratre, & indigena vetat exigi, tacite potestatem præbere nobis intelligitur, & inimicorum ulciscendorum, & scelerandorum alienigenarum. Quin etiam oculum pro oculo, dentem pro dente, membrum pro membrum eadem repeti permittit. Denique omnia eiusmodi sunt in lege, ut cupiditati quidem modus, ordoque præscribat, ne præceps ruat, ne vniuersa se effundat, non ut cupiditatem omnem ex animis tollat & affectiones omnes extirpet, quemadmodum facit iustitia Dei, quæ per fidem Christi imprimatur in nobis: quæ planè diuinum quiddam in nobis affigit, iubet terrena cuncta despicere, cœlestia concupiscere: Si quis pallium nobis eripiat, tunnicam etiam dimittere: si quis maledicat, benedicere: si colaphum infringat, maxillam alteram offerre: vult inimicos ut diligamus, ut qui nobis malefaciunt, uos benigne eis faciamus. At hoc non hominum est, sed magnificentius quiddam propemodum quàm angelorum: & tamen hæc in nobis Dei imago, & vera similitudo est: de qua CHRISTVS in Euangelio: Hæc agite, ut sitis filij patris vestri, qui est in cœlis, qui & pluit, & lucet patriter super bonos, & malos, iustos, & iniustos, nec per alienam malitiam, ac prauitatem, suam corrumpi bonitatem sinit. Hæc est Dei iustitia, quam fides CHRISTI manifestam fecit. Quæ Deum fides primò impulsit ad ignoscendum sceleratis. Ad ignoscendum ne tantum? imò vero ad eos in gratiam, & in cognationem accipiendum, ut ex hostibus faceret sibi filios. Quæ cum in nos ex eodem resiliens Deo fuerit in nobis impressa, & consignata, similes Deo erimus, & eiusdem diuinæ iustitiæ imitatores; paternamque hanc feremus Dei omnipotentis in nobis bonitatis imaginem, quam requirebat maxime, & ad eam æstuabat Paulus, cum ita scriberet ad Philipenses: Omnia pro nihilo ducō, dum CHRISTVM lucrifaciam, & inueniar in ipso non habens meam iustitiam ex lege, sed quæ per fidem CHRISTI in Deo est, iustitiam ex fide. Illam autem legis iustitiam penitus abieciat tanquam imperfectam, & degenerem, ut quæ nil tale in nobis valeat progignere. Sed ut ad Apostoli verba reuertamur, conuenit iam inter nos iustitiam non esse Dei cum hac iustitia legum ullo modo conferendam, sed usque adeo excellere, ut melius multo sit diuinam illam imitari, quàm humanam: huius iustitiæ esse authorem, sicut vberissimi fontis riuum, quàm tenuissimi riuuli fontem existere magis est optandum. Nam quod sequitur ex scripturæ testimonio, iustus ex fide uiuet, valet ad declarandum iustitiam Dei in Euangelio, non solum in ipso Deo ex fide, sed in ipsam etiam fidem perfectam esse. Qui enim per fidem ad Deum

Deum se contulit, non illius tantum iustitiam erga se, & bonitatem experitur, sed eandem in sese ab eodem Deo haurit, & est id in Abacuch Propheta scriptum, Deus enim apud illum, iustus, inquit, meus ex fide viuet. iustus scilicet quē ego efficiam iustum, non quem lex. At quo pacto iustum? ex fide, inquit, non ex fiducia legis, operum, atq; factorum. Quid autem ille ex fide tuus & Deus, iustus consequetur? vitam ait. Quid nōne in lege, & in operibus viuatur? viuatur, sed fragili & mortali vita, non illa felix, & sempiterna, in qua meam quoq; aeternitatem, & vitā imitabuntur, qui iustitiam, & bonitatē fuerint imitari. **P**L A N E ista ita sunt, Iulius inquit, sed perge quāso, in magnam enim iam non expectationem solum, sed cognitionem etiam maximarum rerum sum adductus, attendoq; diligentius, quid de hac iustitia Dei, deq; fidei potentia amplius dicturus, aut quibus argumentis vsurus Paulus sit. **O** P T I M I S atque fortissimis mi frater inquam, sed sermone aliquanto implicatius. Hic enim sanctissimus, & coniunctissimus Deo vir, vel propter altitudinem magnitudinemque cogitationum, quibus oratio par non suppetebat, vel ob humilitatem, & data opera, ac, vt ipse alio asserit loco, ne virtus Crucis vacua fiat, neque proprietatem in verbis, neque in oratione explanationem admodum est persecutus. Sed sententijs contextus, diuinorumque mysteriorum subtilissimus indagator vix locum interdum humanis ingenijs relinquit; quā ad eius sensū possit perueniri. Nos tamen adnitemur, non viribus nostris freti, sed illius fiducia, qui dixit, vt scrutaremur scripturas, quoniam ipse de eo loquuntur, illud primum admonentes, Paulum, quo illam Dei potentiam, quā in Euangelio est ad salutem omni credenti melius exprimat, eiusque fructum in genere humano euidentius ostendat, velle statum humani generis ante Euangelium, cuiusmodi esset, ante oculos nostros ponere, & quod ad gentes pertinet, & quod ad Iudaeos, licet haberent vtrique in quo confidere praeferrent, & quo gloriarentur, Graeci philosophiam, Iudaei legem. Veruntamen quantum vtrisque sua gloriatio in contrarium ceciderit, ex sequentibus fiet manifestum, mundumque totum cum suo vitio interijisset, benignitate ac gratia Dei & **C** H R I S T I, atque Euangelij virtute ad salutem, vitamque inueniendam eguisse apparebit, orditur autem primo de gentibus sic.

Reuelatur enim ira Dei e caelo in omnem impietatem & iniustitiam hominum, veritatem in iniquitate deridentium: quoniam quod cognosci de Deo potest, manifestum est in ipsis: Deus enim ipsis manifestum fecit. Inuisibilia enim eius ex creatione mundi, effectationibus ipsis intellecta perspicuntur: aeterna quoque

ipsius potentia, & diuinitas, ut sint ipsi inexcusabiles, quoniam
 noscentes Deum, non ut Deum glorificauerunt, aut gratiam illi
 habuerunt, sed insa. uati sunt in disputationibus suis, & obli-
 ratum est insipiens eorum cor, dicentes se esse sapientes, stulti fa-
 cti sunt, & mutauerunt gloriam incorruptibilis Dei in simili-
 tudine imaginis corruptibilis hominis, & volucrum, & quadru-
 pedum, & serpentium.

REVELATUR hoc loco, non eodem modo quo supra dictum
 est, reuelari iustitiam Dei in Euangelio. Nam iustitia hæc Dei,
 quæ ex fide apparuit, & in fidem patefacta, certè in Euangelio
 est, cum ante omnibus seculis fuisset oeculta. Ira autem Dei è
 cælo super omnem impietatem nō nunc primū in lucem p̄ odiri
 diu enim antea eadem ira vigeat. Sed nunc primum animadu-
 titur. Veritate enim perspecta incipit nunc demum apparere fal-
 sitas, & lucis diurnæ obtuitus nocturnarum tenebrarum dat co-
 gnitionem, quæ ipse per se non intelligerentur; hominibus præ-
 sertim assidua in obscuritate viuere assuefactis, nisi radio solis
 repente oblato illarum caligo, & excitas deprehenderetur. Sic
 veritate, & vnitatem summi Dei, & fidei vi, ac diuinæ gratiæ, iusti-
 tiæque munere hominibus oblato, fructibusque pacis, & gaudij,
 qui ex illa percipiuntur, cognitis: Nunc demum intelligitur in-
 felix, & misera illorum vita, qui flagitijs toti cōoperti, illiusmodi-
 que vitam potissimam existimantes, Dei offensionem atque iram
 aduersus se non intelligebant. Itaq; alijs idem hoc verbis ad Phi-
 lippenfes significans Paulus, Vt audiam, inquit, de vobis, quod
 steteris in vno spiritu, vna anima collaborantes fidei Euangelij nō
 territi vlla in re ab aduersarijs, quæ quidem Euangelij fides illis
 est declaratio interitus, vobis autem salutis. Atqui hoc lapsu in
 vnam penè ruinam totum hominum genus deciderat, nisi Deus
 Iudæorum stirpem sibi ipse retinuisset, & ab hac eam excitate
 mentis ad luminis sui aspectum reuocauisset, electo sibi Abraam,
 qui postea pater futurus esset multarum gentiū. Deus enim pro-
 fecto cum hæc tanta, & tam præclara opera faceret, atque ea pro-
 poneret homini intuenda, atque consideranda, voluit in illis di-
 uinitatis suæ virtutem speculantibus apparere. quā quidem pro-
 uinciam, munusque speculandi philosophia suscepit, vique inge-
 nij & rationis, & duntaxat illi nature dono subleuata, atque ad-
 iuta per quod apta nata est hominis mens ad peruestigandum
 diuinum in creandis rebus constituendisq; consilium, & poten-
 tiam Dei, & vnitatem potuit cognoscere, atque ex visibilibus in-
 telligere inuisibilia. Scriptum enim est, Cæli enarrant gloriam
 Dei, & opera manuum eius annunciat firmamentum. Ac de
 rursus

tursus, In omnem terram exiuit sonus eorum, & in fines orbis terræ verba eorū. Hoc itinere igitur, & his ductoribus ad Deum homines petūchientes, cum illius amplitudinem, maiestatemq; cognouissent, & vnum esse naturæ dominum intellexissent, cumque cum adorare, & venerari, & omni cultu glorificare deberent, repente vanitate quadam ingenij, & errore mentis cæcati vnitatem, & infinitatem illam omnipotentis Dei in plura quasi frustra discerpserūt, aliosq; sibi Deos numero complures quos falsa opinione sibi depinxerant ad colendum asciuerunt inanes, & mortuos veluti ludibria quædam humanæ vanitatis, supposita à diabolo, atque subiecta, quo is naturam nostram, factam ad imaginem summi Dei, ipse ad Brutorum sensum detractam, atq; abiectam in potestate habere posset, nec tantum mortales homines, & bestias, auesque cœli, serpentesq; terræ in honore, & in cultu Deo antetulerunt: sed horum etiam ipsorum inanimata simulacra, & imagines, ad extremum dementiæ, temeritatisq; progressi, vt quod summe mortuum esset, summe etiam viuenti, quasi in illius contumeliam opponerent. Atq; hic quidem error, & commune penè humani generis delictum à sapientibus seculi, & ab authoribus philosophiæ in mundum fuit inductum. Hi enim sunt, qui veritatem in iniustitia detinuerunt, hoc est qui intelligentes de Deo quod verū esset, summa cum illius diuinitatis iniuria falsum omne sectati sunt. Nūc videamus, quæ fuerit merces huic tanto errori, vel sceleri potius à Deo ipso relata, & tributa.

Ideo & tradidit illos Deus in desideria cordium ipsorum in iniquationem, vt dedecorent corpora sua in seipsis, qui permutarunt veritatē ipsius in falso, & coluerunt, ac seruauerunt creationi creatore prætermisso, qui est benedictus in secula, amen. Propter hoc tradidit illos Deus in affectiones dedecoris, feminaeque illorū permutauerunt naturalem vsum femineum in vsum præter naturam. Similiterq; & mares dimisso naturali vsum feminae exarserūt in appetentia sui mutua, mares in maribus turpitudinem perpetrantes, & mercedem quam oportebat erroris sui in semetipsis recipientes. Et quemadmodum non approbauerunt Deum habere in cognitione, tradidit eos Deus in improbam mentem, vt facerent, qua non decebat: repleti omni iniustitia, scortatione, prauitate, auaritia, vitio, pleni inuidia, cade, rixa, dolo, more improbo; susurriones, detractores, Deo insensi, contumeliosi, superbi, iactatores, repertores malorum, parentibus dicto non audientes, sine prudentia, sine compositione vita, sine

amore, sine fastidio, sine misericordia. Qui iustam correctionem Dei cognoscentes, quod qui talia agunt, digni morte sunt, non solum ea faciunt, sed & probando consentiunt facientibus.

VIDES mi frater quanta sylua malorum ex illo primo errore inducta in genus hominum sit ea re quod Deum quem cognovisse videbantur, repente deseruerunt, & cultum, ac gloriam, quam deferre illi debuerant, ad muta simulacra potius, & ad fictas imagines hominum, aut brutorum contulerunt. Et sanè æquum fuit, vel oportuit potius, vt Apostoli verbo utar, vt, qui tantum in Deo à veritate se remouerant, & qui tantum lumen diuinæ bonitatis non aspexerant, ne in cæteris quidem partibus, actionibusq; vitæ aut mente, aut oculis rite vterentur. Non enim fuit dignum, vt qui in Deo veritatem falsitate commutauissent, qui est summa, & prima veritas, in seipsis, qui sunt imago, & simulacrum illius veritatis, veram legem possiderent, et si Deum non honorabant, vt suum honorem colerent, sed in capite veritatis falsa opinione hallucinati, cum idola Deo præferrent, in se quoque ipsis turpitudinem, & dedecus honestati antetulerunt, vt est in Psalmo scriptum, Homo cum in honore esset comparatus est cum iumentis insipientibus. In se ipsis autem, id est, in corporibus suis. Qui enim de mundo sunt, neque Deum conditorem, & remuneratorem hominis agnoscunt, hi cum de immortalitate animi, & de cælestibus premijs nihil admodum cogitent, corpus vnum habent, quod maximè excolant, seseque totos in illo constituent, & collocant, qui cum idem opes, diuitias, lauta vestimenta, equos, argentum, familiam, cæteraque huiuscemodi, idcirco maximè expectant, vt honestiores, & præstantiores cæteris esse videantur, nimirum ridiculose erant, vel miserabiliter potius, cum ipsi omni dedecore, turpitudineq; tanquam cæco obliti, his externis rebus oculos intuentium sese putant posse perstringere. In quo & peccatum sanè illis idem est, & pœna peccati. Ita enim peccant in semetipsos, vt sese turpissimos, miserimosque ostendant.

Quapropter defensionem nullam habes o homo quicumque iudicas. in quo enim iudicas alium, teipsum condemnas. Eadem enim facis tu, qui iudicas. Nonimus enim quod iudicium Dei est secundum veritatem in eos, qui talia faciunt. Putasne hoc o homo iudicans eos, qui talia perpetrant, & ipse faciens ea, quod tu effugies iudicium Dei? An diuitias bonitatis eius, & tolerantia, & longanimitatis despicias? ignorans, quod bonitas Dei in penitentiam te deducit, secundum duritiam autem tuam, &

impor-

impoenitens cor, recondis tibi ipsi iram in diem ira, & reuelationis, & iusti iudicii Dei, qui reddet vnicuique, secundum opera eius.

DEMONSTRATA populorum omnium, qui cultum idolis impendebant, communi iactura, & clade, quodque propter peruersos cultus omnipotentis Dei in omnem turpitudinem, & dedecus cunctorum scelerum lapsi erant, eos etiam nunc acrius coarguit qui in eisdem criminibus inuoluti, cum sese ipsi non respiciant, de aliorum vita, & moribus tam facile obloquuntur, & felle liuoris maliuolentiaque suffusi, ac studiose ceteris obreptantes, proximi famam laedunt. De his enim potius est, quam de illis sermo Apostoli intelligendus, qui in magistratu, & potestate constituti legibus coguntur ad iudicandum. Illi enim legitimam iudicandi necessitatem habent, neque cum id iure faciunt, id illis vitio dari oportet. In eo potius errant, quod quæ in alijs reprehenderunt, sæpe eadem ipsi agunt. Hoc autem hominum genus, quod de altero sponte iudicat, etiam à Domino in Euangelio notatum est, & reprehensum. Qui in Matthæo: Nolite iudicare, inquit, ne iudicemini. In quo enim iudicio iudicatis, in eo iudicabimini, & qua in mensura metimini, metietur & vobis. Quid aspicias palem in oculo fratris tui? & in tuo trabem non animaduertis? Et certe hoc genus dupliciter iniustum est, quod & facit ea, quæ non decet, & iudicat eos, quos non debet. quo quidem genere criminis, ac vitij, hominum genus imprimis laborat. Nihil enim ferè promptius, nec celerius est vel cogitatione hominis ad suspicandum male de altero, vel detractio, & maledicentia, simulatque quis suspicatus est: Ita hoc crimen reliquis criminibus, quæ in hominibus multa, & magna paulò ante dicta sunt, maximum pondus, & momentum affert. Quid enim vel iniquius fieri potest, quam iudicare alterum in eo ipso, quo tu qui iudicas, damnandus es? vel improbius, quam ea agere, & perpetrare, quæ in altero damnatione digna iudicasti? Etenim satis eadem ipse agis, & perpetras, cum, quibus de altero suspicionibus ut male sentias, permouere, in eo ipso te iudicas paria facturum, si eodem loco esses. Quandoquidem si esses bonus, nihilque in te mali recognosceres, neque improbi, ne de altero quidem improbe suspicari. Ac illi quidem abs te qui iudicantur, specie quadam fortassis ignorantia, & in aduersione animi subleuari à gravitate delicti aliqua ex parte possunt. Tu vero qui eos iudicas, qui eo ipso quo iudicas, notionem, & scientiam habere te confitearis esse illud crimen dignum damnatione, quod reprehendis, cum illud idem ipse committis, qua nam defensione aduersus Deum es vsurus: cuius vnus iudicium in veritate est. Non enim leui coniectura, non suspicionibus incertis, non stu-

dio obtestandi ad iudicandum ille adducitur, id quod tu facis, & qui apertum crimen proximi, si ullam partem æquitatis haberes, & te ipse respiceres, dissimulare potius, tegereque debebas, vltro occulta patefacis, suspiciosa coarguis, dubia in multo peiorem partem interpretare. Sed certissima cognitione & peccatorum, & cordium iudicat Deus. Eius enim vnus proprium est iudicare orbem terrarum in iustitia, & populos in æquitate, qui finxit sigillatim corda hominum, qui intelligit omnia opera eorum. Tu sola iniquitate ad faciendum iudicium de altero accedis. Putasne igitur, tu qui iudicas alios, & tu ipse facis, quæ in alijs reprehendis, quod effugies iustum iudicium Dei? Cum tuum ipsius iniquum, iniustumq; iudicium proximus tuus non effugiat? An forte eius tolerantia, & longanimitate, & patientia ducere ad despiciendum ipsius bonitatem, & moram, procrastinationemq; ad animaduertendum in te negligentiam harum rerum esse putas? longe falleris profecto, si ita arbitrare. Illa te bonitas Dei, illa patientia non te inultum finit, sed spatium dat tibi aliquando respiciendi, & ad pœnitentiam, ac veniam reuertendi. Quod si non flecteris animo, nec ad perfugium misericordiæ illius te confers, sed duro corde, & pectore pœnitendi nescio diuinæ illudis tolerantia, & bonitati: erumpet, crede, in asperiores longe, & grauiorem aduersum te iram omnipotentis indignatio diuturna, expectatione collecta, & acerbata, atque in die iræ, & seueritatis eius tibi apparebit. Nouit enim ipse, & scit optime temporum mensuram, & suum cuiq; tempus, sua spatia præstituit, vltra quæ non est amplius veritatem iudicij sui, & præmium, aut pœnam pro meritis prorogaturus. Illud enim in die iræ, & reuelationis iusti Dei, quanquam de illo vltimo, generaliq; iudicio intelligi congrue potest, tamen melius refertur ad diem illum, quem singulis præstituit, vt de illis iudicium faciat Deus, qui quidem dies sæpe etiam in hac vita manifestus sit. Siue autem in hoc, siue in altero seculo, siue ad peculiare, & suum cuiusque, siue ad cunctorum vniuersum, communeq; iudicium: singulis sua constituta, & præscripta dies est, quæ ad disquisitionem antea actæ vitæ vocandi sunt, vt vel iusta seueritate Dei puniantur, si in malo se exercuerunt, vel bonitate, & clementia conferuentur, si id bonis, & sanctis operibus sunt promeriti. Est enim vnicuique Deus secundum eius opera mercedem redditurus. At quomodo redditurus? lege quæ sequuntur.

His quidem per perseverantiam operis boni & gloriam, & honorem, & incorruptibilitatem querentibus vitam æternam: his vero, qui contentiosi sunt, & non obediunt quidem veritati, obtemperant autem iniustitiæ, indignatio, & ira, compressio, &

angor

angor in omnem animam hominis perpetrantis malum. Et ludæi primum, & Græci: Gloria autem, & honor, & pax omni paranti bonum, & Iudæo primum, & Græco. Non enim personarum est differentia apud Deum. Quicumque enim sine lege peccauerunt, sine lege & peribunt, & quicumque in lege peccauerunt, per legem iudicabuntur. Non enim auditores legis iusti apud Deum sunt, sed observatores legum iustificabuntur.

REDDET, inquit, unicuique secundum opera eius, reddet inquam, his qui per boni operis perseverantiam quærunt vitam æternam, quid reddet? gloriam, & honorem, & immortalitatem, inquit. His verò, qui per conrumaciam, & studium contradicendi, contraque faciendi veritatem non audiunt, neque se illi tradunt faciles & dociles, sed iniustitiam sectantur, illiusque pravis persuasionibus potius obtemperant, indignatio adest, atque ira à summo Deo, oppressioque, & angor in omnem animam hominis malum perpetrantis, & Iudæi primum, & Græci. His quidem qui iustitiam sectantur & veritatem, præmium aderit gloriæ, vitæque immortalis. His verò, qui repugnant veritati, & se dant iniustitiæ, iam adest pœna indignationis summi Dei. Omnium enim talium anima iam oppressa angoribus, vexata sollicitudinibus, stimulis pravarum cupiditatum puncta, atque exagitata, non habet locum, ubi respirare possit, sed monstris scelerum, quæ ipsamet in se perpetrando progenuit, assidue perterrita premitur in angustum, nullumque in se sibi solatium constitutum habet, sed fallacium solamenta voluptatum interdum à corpore mutuata, post breuem illam, vanamque suavitatem, ad suos tamen mœrores intestinos redeat necesse est. Hæc, inquit, pœna iam adest omni animæ perpetranti malum, quæ non futuram gehennæ damnationem auferat, sed quæ iram Dei iam in hac vita sceleratis repræsentet: Quicumque ille fuerit, inquit, siue Iudæus antea genere, aut professione, siue Græcus, & e contrario, qui bonum operatus fuerit, & in rectè faciendo perseverantiam adhibuerit, non alium sibi finem propositum habens præter Deum, & vitam æternam, immortali hic honore, & gloria à Deo afficietur, siue ille antea Iudæus fuerit natus, siue Græcus, non enim personas Deus, sed personarum facta, meritaque discernit. Atque in hoc loco quod supra diximus, denuò repetimus. Illud, primum, non conditionis dignitatem ullam exprimere, sed notationem temporis. Antequam enim fides etiam CHRISTI reconciliationem humani generis cum conditore hominum per ipsius Dei clementiam efficeret, æstimabantur omnes apud Deum non ex nationis merito, sed ex operibus bonis.

aut malis, in quo Iudæorum leuior & labor, & ratio multò facilior fuit adipiscendi regni Dei. Legem enim habebant, qua instruebantur, sed & de gentibus, si qui veritatis vim cognouerant, & Dei amore capti illi sese in moribus, & voluntatibus suis conformauerant, ipsumq; sibi præmium, & vitam ab eo æternam depopulerat: hos Dei æquitas, & misericordia nullo modo patiebatur spe, & voto suo esse deceptos. Atq; hoc prouidè Paulus interposuit, vt Iudæorum reprimeret insolentia, ad quos mox coarguendos à reprehensione gentium erat transiiturus, vt ostenderet curæ semper fuisse Deo, quocunque è genere eos homines, qui Deum sibi ipsum, summum bonum proposuissent. Iudæi enim cum magno se à gentibus discrimine separari persuasum sibi haberent, cognitione scilicet veri Dei, & obseruantia legis, legemque maximè & semper gentibus opponerent, & superbius illa quodam modo gloriarentur, omnemque in illa spem haberent repositam, ita se gerebant perinde ac Deus propter donum legis, quod Iudæorum nationi fecerat, ipsorum esset proprius Deus, & non cum aliis gentibus se communicaret. Quorum vt hanc tantam Paulus arrogantiam contundat, idcirco legem iam enervare incipit, & omnem rationem salutis ante Euangelium quidem operibus bonis, in Euangelio autem fidei erga Deum per IESVM Christum acceptam ferri dicere. ERGO inquit IUDÆI, antequam CHRISTI fides mundo esset denunciata, non Iudæis solum, sed unicuique ex gentibus aditus in cælum per bona opera patebat, in quo video à sanctis viris esse aliquibus dubitatum. Sed vt hoc sic abeat, qui illud, quemadmodum accipiendum est? vt operibus bonis nostris, non iam gratiæ omnipotentis Dei, nostræ sit salutis spes, & immortalis vita accepta referenda.

TVMEGO: Non mediocrem communes disputationem mihi frater, sed ego quam breuissimè poterò, questionibus tuis occurrā. Neque ita, vt mea dicta sic accipi velim, quasi ea rara, fixaque sint, verum cum hac conditione, hocque pacto si auctoritate Ecclesiæ fuerint approbata, quod idem ubique, & in omnibus volo intelligi. Ac quoddam primum tuum postularum pertinet, non videtur esse dubium, quin hoc aperte decernat Paulus: Antequam virtus fidei per IESVM Christum mundo esset enunciata, licuisse veteribus illis tum Græcis, tum Iudæis, qui rectum ordinem vitæ secuti essent, & operibus bonis se excoluissent, ad cœleste præmium peruenire. Sed quæ sint opera bona, id enucleatius tradendum est. Bona opera sunt, quæ & ex bono initio oriuntur, & ad bonum finem pertendunt. Quicunque enim boni operis sui finem aut in laude hominum (id quod ex gentibus, qui excelliore animo esse videbantur, cuncti ferè faciebant)

aut in pecuniæ præmio, aut in voluptatis, aut in opportunitatibus, & commodis vitæ degendæ ponit, is, ut illud assequatur, quod postulat, veruntamen fructum operis boni deperdit, qui est vita æterna. Rursus si quis ipsam vitam æternam appetere, & ad eam omnibus suis consiliis, conatibusque contenderet, atque is opem tamen suo optato consequendo auxiliumque precaretur ab iis, quorum illius dandæ, & concedendæ non esset potestas, hoc est à falsis diis, nã iste quoque spe sua, & ratione tota falleretur. In ipso enim capite, & principio veritatis, errore lapsus in diuersum longè tenderet, quam sibi ipse ab initio proposuisset. Quid ergo est? ex utraque parte necesse est, ex capite videlicet, atque ex fine non falli eum, qui sit honorem immortalitatis adepturus, & ut petat à summo, & vero Deo, & ut quod optimum est, petat, vitam scilicet æternam. Quapropter Paulus nouum hunc, & difficilem Iudæis proponens locū, His, inquit, per boni operis perseuerantiam querentibus vitam æternam, gloriam, & honorem, & immortalitatem largiturus est Deus. Et ad Hebræos: Oportet accedentem ad Deum credere primum, quod Deus sit, & sit remunerator querentibus se. His ergo, qui ab vno Deo & omnipotente quasiuerunt vitam æternam, sui que desiderij consequendi spem in ipso illo eodem per perseuerantiam in bonis operibus posuerunt, nullo vnquā tempore, siue illi Græci, siue Iudæi extiterunt, defuit Deus. Verum ita se res ante CHRISTI fidem habebat, ut Iudæi & Græci in capite quidem discordes essent, in fine ipso consentirent. Querere enim vulgò non vitam æternam, non enim eam, neque gentes agnoscebant, neque Iudæi in lege præpositam habebant: sed fructus terræ, & vitæ commoda consecrabantur, opes, familias, liberos, regna, pacem, atque otium, & eiusmodi bona, quæ absunt nimirum à summo bono, intraque breue curriculum humanæ vitæ omnia conclusa sunt. In eo autem discrepabant, quod Iudæi ista ipsa terrena bona ab optimo tamē auctore Deo expetebant, gentes ab ementitis & falsis diis. Ex quo patet etiam alteri tux dubitationi responsio. Non enim sine eximia, & peculiari gratia Dei, si quis ex hoc communi errore se emergerat, & ad Deum verum suæ immortalitatis spem vorumque direxerat, poterat aut in tam præclaro consilio insistere, aut tanti præmij honore non falli. Ac quod ad Iudæos quidem attinet, plurimos eorum nouimus ab ipso Deo edoctos non solum de præsentis eius vi & maiestate, sed de CHRISTO futuro, ac venturis per ipsum in hominum posteritatem Dei beneficiis, multa, & magna, & mira cecidisse. De gentibus verò partim ante legem datam multis scimus à Deo in veritatem, & sanctitatem vocatos fuisse, ut Enoch, ut Noë, ut Melchisedech, ipsumque imprimis Abraham, partim post-

quam lex fuerit tradita de ipsis Græcis, si qui verum, & vnicum Deum libenter agnouerunt, eumque adorando, & colendo venerati sunt, beneficiaque ab eo, quæ essent optima, petiuerunt, illius bonitati, potentiaque confisi, credibile est illos benignitate, & clementia summi Dei, sui exitum desiderij, & honorem immortalitatis esse affecutos. Quod enim gratia iam est, & liberalitatis suæ, bonis mentibus semper occurrit Deus, & illis ostendit lumen veritatis suæ, neque in hoc munere benignitatis, & iustitiæ, suæ vnquam bonitati finem, modumque præstituit, nec in beneficiis suis dilargiendis hominem ab homine, aut Iudæum à Græco vult sibi esse eximium. Itaque Petrus in actis: Reuera percipio, inquit, quod non est personarum fautor Deus, sed in omni gente, qui operatur iustitiam, acceptus illi est. **P R O R S V S,** mihi ista probantur, inquit **V L I V S,** estque mihi abs te satisfactum, sed qui restare videbatur scrupulus huiusmodi. Quid ergo attulit fides Christi, si ante eam licebat præmium adipisci, quod sola ipsa polliceri videtur: quoniam de hac re Paulus alio loco tractaturus est, suo loco potius id abs te petam. Nunc pergamus ad reliqua.

Quicumque enim sine lege peccauerunt, sine lege & peribunt: & quicumque in lege peccauerunt, per legem iudicabuntur.

V I D E S N E xquitatem diuinæ legis, & conditionis: si enim omni peccanti siue in lege, siue extra legem, iudicium nihilominus, & damnatio est cõstitutata, necessario omni rectè facienti, siue in lege, siue extra legem, suum paratum præmium, & propositum est.

*Non enim auditores legis iusti apud Deum, sed observatores legis iustificabuntur: vbi enim gentes legem non habentes natura ea quæ sunt legis agunt, hi legem non habentes, sibi ipsi sunt lex. Qui ostendunt opus legis scriptum in cordibus suis, constante eorum conscientia, & alternis inter se ratiocinationibus accusantibus, aut etiam defendentibus in die, quando iudicabit Deus occulta hominum secundum Euangelium meum per **I E S V M** Christum.*

A M P L I V S etiam confirmatur ab Apostolo hæc ratio, aut enim legem habere, aut legem obseruare iustificat apud Deum. Si tantum habere, nihil omnino tribuendum est operibus bonis, sed solum nomen generis, & nationis valet apud Deum, omnesque prorsus Iudæi in tuto sunt, etiam qui contra Deum, & legem peccando veniunt: Græci vero funditus & omnino sunt perdiri, quamuis probi eorum aliqui, & iusti, de Deo & de iustitia Dei rectè senserint, factisque quod senserunt, id præ se tulerint, & vitam cum pietate, ac ratione honoris Dei causa totam dixerint.

hi tamen vniuersi & frustra in optimis actionibus se exercuerunt, & fide qua spem locauerant in summo Deo, falsi, atq; decepti nihilominus intèrunt, quod est à Dei veritate & iustitia remotissimum. Sin autem legis potius observatio facit iustitiam, etiam qui legem istam in tabulis non habuerunt, opera autem legis & præcepta naturæ dono, & voluntatis proposito obseruauerunt, hi apud Deum iusti sunt effecti. Legem enim quam in literis expressam non habebant, in cordibus suis scriptura meliore impressam habuerunt, & quoniam non est satis recte facere, nisi id etiam sponte, & recto consilio fiat, ideo adiecit Apostolus, Cōtestante eorum conscientia, & alternis inter se ratiocinationibus accusantibus, aut etiam defendentibus. Illud enim opus vere bonum est, quod non casu, aut tantum vsu, sed quod mente recti cōscia, post variarum disceptationes rationum diffinito consilio quis facit, in quo vno consistit virtus. Quod sequitur autem in die, quando iudicabit Deus occulta hominum, traiectio est, ad id enim retro trahitur, quod supra dictum est, quæ enim in cordibus nunc sunt scripta, hominibus occulta sunt, donec ad illius supremi iudicij diem veniatur, quo tempore vtrique illa omnibus patebunt, & palam exposita erunt. Cuius quidem iudicij denuntiatio in veteri quidem lege pluribus locis notata, à Christo autem Iesu in Evangelio clarius significata est, qui est iudicium illud pro patre Deo exerciturus, atque ideo dictum secundum Evangelium meum per Iesum Christum. Porro Pauli Evangelium idem est, quod & Christi, sed non eodem modo. Evangelij enim author Christus, minister Paulus. Sed & cunctorum, qui rite credunt in Christum, vnum atque idem, quod & Dei, & Pauli Evangelium est.

Ecce tu Iudæus cognominaris, & acquiescis legi, & gloriaris in Deo & cognoscis voluntatē, & probas quæ meliora sunt instructus ex lege, persuasusq; es te ducē esse cecorum, lumen eorum, qui in tenebris sunt, eruditorem insipientium, doctore simplicium, ut qui habeas formationē cognitionis, & veritatis in lege. At qui tu docens alterum, te ipsum non doces, qui pradicas non furandum, furaris: qui dicis non adulterandum, adulteras: qui abominaris idola, sacrilegium committis. Qui in lege gloriaris, per prauariationem legis Deum inhonestas. Nomen n. Dei propter vos vituperatur inter gentes, quemadmodum scriptum est.

Hoc scriptum est in Esaia dicente: Dominatores eius inique agunt, & iugiter tota die nomen meum blasphematur. Ezechielis quoq; est: Cum dicis dominus non propter vos ego faciam do-

mus Israel, sed propter nomen sanctum meum, quod polluitis in gentibus. Verum illud urget Apostolus, non esse legi, neque scientiæ legis, sed bonis ex legis doctrina operib. confidendū. Quamobrem Iudæi qui se Doctores aliorum, & tanquam duces cæcorum esse arbitrabantur, tumebantque fastu quodam ex scientia, & cognitione legis, cum ijs quæ ipsi nullo suo labore, sed tantum lectione diuinæ legis comparauerant admodum gloriarentur, sibi que plurimum arrogarent, cæteros autem vellent habere subiectos sibi, & veluti discipulos, & cum ea, quæ cæteris præcipiebant facienda, ipsi minime facerent, non modo nullam partem iustitiæ ex lege consequerentur, sed insuper dedecorabantur inter gentes, & legem, & authorem, ac latorem legis dominum Deum. Nam quæ ait: Qui abominatis idola, sacrilegium committitis. De sacrilegio hoc sic intelligendum est. Iudæi qui propter Dei honorem idola abominabantur, & in hoc certe honorem Deo vero habebant, rursus eundem Deum ex alia parte suis malefactis dehonestando detrahere illi conabantur, quod prius concesserant, ut quem illa veneratione, illoque cultu habuerant dignum cuius causa idola detestarentur, nunc præ suis vitijs & cupiditatibus indignum rursus ducerent, cui in bonis moribus honor, & in pijs, ac sanctis operibus haberetur. Ita abominatio idolorum, pietatis illis laudem erga Deum exhibebat. Rursus autem Dei eiusdem dehonestatio, quem alio genere criminum dedecorabant, sacrilegij eisdem notam inurebat. Sed possunt hæc verba illo etiam modo exponi: Quod Iudæi scilicet: qui idola abominabantur, & omnia, quæ honori idolorum data consecrataque essent, eadem abominatione aspernabantur, statuebantque impura, & polluta esse, neque sibi licere illa ipsa contingere, ijdem tamen hoc fas & legitimum, avaritia adducti, aut intemperantia violabant. Sæpe enim nonnulli eorum partim depeculabantur donaria deorū, partim ex ijs, quæ oblata fuerant dijs, esculentis, poculentisque vescerentur. Cum autem è sacro loco in profanum auferre sacrilegium sit, ipsi contraria quadam specie ex abominato loco, atque incesto in sacrum surripiebant, cum semetipsos illarum rerum furto, contactuque polluerent, legemque Dei, & præcepta illius præuaticando violarent, quod ipsum erat proprium Iudæis sacrilegium.

Nam circumcisio quidem prodest, si legem obserues: sin autem transgressor legis sis, circumcisio tua præputium facta est: si ergo præputium iuxta legis custodiat, nonne præputium illius in circumcisionem reputabitur, & iudicabit ex natura præputij legem complens, te per litteram & circumcisionem transgressorem legis?

legis? Non enim qui in aperto Iudæus, neque quæ in aperto in carne est, circumcisio est: sed qui in occulto est Iudæus, & circumcisio cordis in spiritu, non in litera est, cuius laus non ex hominibus est, sed ex Deo.

IAM intrat magis, ut inanes, irritosque ostendat exteriores ritus, & corporeas observationes legis fiduciamque super his, quæ habebant Iudæi, penitus infringat, quodque veræ, & Deo acceptæ religionis est proprium, ritus externos, & corporeas observationes legis omnia ad interiorem hominem, & ad spiritum cordis reducat, in quo solo est veritas. Ac circumcisionem ostendit prodesse quidem, si præcepta legis seruentur: si autem frangatur contrariis operibus, & violetur lex, nihil iam inter illiusmodi circumcisionem, & inter præputium gentium interesse. Si enim inter sit, & carnis circumcisio vim habeat iustificandi, nullum iam apud Deum virtutis & vitij, boni, & mali discrimen amplius sit, veraque vis diuinæ iustitiæ tota evanescat necesse est. Si vero hoc suscipi non potest, illud e contrario est necessarium, ut si gentes, quæ circumcisionem carnis non gerunt, corde tamen circumcisæ sint, expleantque naturæ quadam bonitate mandata legis, illarum præputium Deo pro circumcisione habeatur. Non enim qui se Iudæum profiteretur, præferretque abscissionem præputij, ille statim Iudæus est, nec carnis circumcisio, statim circumcisio, sed qui in occulto Iudæus est, ille vere est Iudæus, hoc est, qui non in carnalibus signis, sed in mente, & voluntate legem fert: qui vim legis intelligit, illique obtemperat, is Iudæus vere est. Item circumcisio cordis in spiritu non in litera vera circumcisio est. Nam circumcisio carnis signum illius est, quæ est in corde circumcisionis. Ac fallere quidem potest, & mentiri quæ in signo est circumcisio, illa autem cordis fallere, aut falli nequaquam potest. Ac ut aliquid de toto hoc ritu circumcisionis loquamur, Abraham cum per fidem, & obedientiam probatus Deo fuisset, gratiamque eius sibi iam comparauisset, non egebat ille quidem circumcisionis signo, quo apud Deum fieret gravior, sed cum circumcidi iussus est, in eo id est quaesivim, ut initium signo faceret in totam posteritatem suam, quo qui successuri spatio temporum essent, indicium gererent generis, & prosapia Abrahæ à reliquisque generibus distinguerentur, ut manifesta foret suo tempore benedictio gentium ex semine Abrahæ profectura, & simul ut circumcisionem illam signum obedientiæ patris sui Abrahæ erga Deum præ se ferrent, cuius & ipsi in obtemperando Deo esse studerent similes, circumcisioque in cute facta, in spiritu tamen magis per illam vimbram corporis quaesita est, præsertimque in populo illo, qui duris semper fuit cervicibus, ideoque in membro illo potissimum facta est

cir-

cir-

circumcisio, quod maxime aduersarium, & contumax est rationali. Hoc signo, ut diximus, non egebat Abraham. Eius enim cor a Deo humilitas, & reuerentia, & in omni parendi studio alacritas, atque obedientia signum illud anteuenerat. Sed cæteris exemplo esse est iussus, ut per corporum signum posteriores moniti ad considerandam fidem, & obedientiam Abrahæ, quam is habuit Deo, ac perinde ad eam imitandam se conferrent. Igitur in populo diu terrestri, & carneo, & ad ea, quæ terræ sunt potius semper anhelanti, valuit obseruatio; & signum circumcisionis. Vmbra enim illis, & signa pro veritate diu fuerunt. itaque illis, tanquam carnalibus terror legis, & poenæ, & sacrificia victimarum, & acerba execratio aduersus eos, qui a præceptis legis deficerent, proposita est, ut adigerentur, qui sua voluntate nollent, quacumque possessione ratione ad cultum, & obedientiam veri Dei, inuitibus facerent, quod pater eorum Abraham sponte ante fecisset. Postquam vero aduenit plenitudo temporis eius, quod omnipotentis Dei consilio ante fuerat præscriptum, & in quo fractis legis, & iustitiæ omnibus repagulis, in omne genus criminum, hominum natura collapsa erat, tunc tanquam adultum iam hominem, non puerum iam, aut impubem amplius, sed virum effectum, & ratione vitam, non sensu dirigere valentem, non minis, & supplicijs dominus, sed clementia, & humanitate voluit ad sese, & ad sui studium, amoremque reuocare. In quo multa, & magna suæ potentia, & bonitatis signa ostendit. Nam quod omnino perditos reuocauit ad vitam, præsertim facillimo genere remedij, quod in credendo Deo per IESVM Christum consistit, potentia illius fuit. Quod sibi rebelles, & maxime aduersarios recepit in gratiam, infinitam hoc eius declarauit bonitatem, coniunctam pari iustitiæ, & sapientiæ gloria. Sapientiæ, quod nullis culpis, & sceleribus a benefaciendo deductus facilem viam ostendit ad sanitatem redeundi, & opus cæterorum propè nobilissimum, quod postremum operum suorum ipsemet effecerat, vicio suo corruptum, ad maiorem etiam quam prius integritatem restituit. Iustitiæ quod cogitauit, & respexit, non quid nobis, sed quid sua immensa virtute, & benignitate esset dignum. Egit autem nobiscum, quemadmodum ante egerat cum patre nostro Abraham: iustus enim filij eius sumus, si fidei eius, quam si carnis reperiamur hæredes. Itæ enim ait Apostolus: Scitis, quod hi qui ex fide sunt, ij sunt filij Abrahæ. Porro ita egit cum eo, ut eum euocaret, iuberetque egredi ex domo, & gente, & cognatione sua, & in eas terras, quas ipse esset illi traditurus, migrare, pollicens semini eius illas æternas sedaturum, fomenque ipsum & progeniem Abrahæ sic multiplicaturum, ut numerari quondam non posset. Crediditque Abraham Deo, & reputatum est illi ad iusticiam. Etsi enim in patria prius degendo, & inter popu-

pulares,

pulares, cognatosq; viuendo, qui ad idolorum cultum deflexerant, offensam forte aliquam in Deum contraxerat, illiusque nomen, honoremq; violauerat: tamen eo ipso, quod Deo facile credidit, iustus statim est effectus. Maxima enim & potissima parte iustitiæ suscepta, minores illas iniustitias facile elisit. Est autem maxima iustitia dare honorem Deo in cultu quidem etiam, & sacrificio, & voce, gestuq; corporis Sed hæc simulari possunt. Dare autem honorem in corde, & spiritu vera est Dei omnipotentia adoratio, quæ præcipue consistit in eo, si credatur illi, & pareatur, quanquam qui credunt, qui possunt non parere? Quod ergo egit Deus cum Abraam primo, egit idem postea nobiscum. Excitauit enim nos, eduxitq; ex domo & cognatione nostra in qua ipse parum rite colebatur, hoc est ex vitijs, & peccatis nostris, & a falso cultu deorum. Sicut scriptum est: Audi filia & vide, & inclina aurem tuam, & obliuiscere populum tuum, & domum patris tui, & concupiscet rex decorem tuum. Nouamq; in vitam transtulit, quam, si illi pateamus, æternam est nobis, & immortalem traditurus. Omnia enim quæ tunc in corpore, & carneo homine humano modo facta sunt, in spiritu, & veritate in nobis diuinitus implentur. Nam nec terram Chanaan, quam semini Abrahæ in æternum se daturum pollicitus est Deus, æternam tamen tradidit. Sunt enim Iudæi carnale semen Abrahæ, iamdiu inde depulsi, atq; eiekti, nec rursus innumerabile, vt cœli stellæ, semen Abrahæ extitit, quod quidem in carne fuit deductum. Sed & nos filij fidei eius innumerabiles, & possessio terræ æterna immortalis vita est. Omnis enim Dei promissio æternitatem continens, spiritualiter intelligenda est, quoniam in solo spiritu inest æternitas. Terrena autem omnia caduca, & instabilia sunt, & ab ipso æternitatis iure perpetuo remota. Credidimus & nos Deo per Iesum Christum, & è vitâ pristina emerimus, in nouamque fuimus traditi. Fidesque ista nostra, & obedientia erga Deum, ad iustitiam nobis quoq; reputata est, in eumque statum, gradumque amicitiae, & gratiæ apud Deum sumus prouecti, in quo fuit Abraam, antequam signum circumcisionis in exemplum futuræ posteritatis acciperet. Sed nec ipse tum circumcisione propter se egebat, neque nos egemus. Per fidem enim Christi intellecto circumcisionis mysterio, & eo vete, ac spiritualiter suscepto, inanis penitus, & superuacanea facta est carnis circumcisio. Non enim amplius signum, pactumq; obediendi, & credendi, sed fidem ipsam, & obedientiam obtinemus. Neque in carne opera legis, sed in spiritu ipso gerimus, qui filij Abrahæ sumus, non per carnem, sed per fidem, in qua ne ille quidem eguit circumcisione, vt gratiam Dei acquireret. Ante enim circumcisionem illi & fides, & gratia Dei erat parata. Neque rursus signo opus nobis est, quod à cæteris gentibus

(separe,

separemur. Non enim genus vnum, & progenies vna, sed omnes vndique homines ad fidem Christi inuitati, vocatiq̃e sunt. Circuncidamur igitur nos corde, quæ est vera circuncisio, carnis autem vmbra, & signacula repudiemus. Atque vtinam recte circuncideremur, amputatisq̃e omnibus terrenis cutis, affectionibusq̃e, studio, & amore raperemur ad vnum Deum per Iesum Christum Dominum nostrum, qui exitit nobis huius diuini beneficii, gratiaq̃e largitor, vt cum maxime oppressi, & cooperti omnibus flagitijs, criminibusq̃e essemus, illamq̃e etiam iustitiam penitus amississemus, quæ in bonis operibus est sita, repente præter spem, nec opinantes ad multo maiorem, præstantioremq̃e iustitiam veniremus, vt credentes Deo, & per fidem credulitatis nostræ ipsius diuinæ iustitiæ signaculo insigniti, non hanc, illamque virtutem, sed totum, & vniuersum, quod est virtus, idque diuino propè modo, per Dei eiusdem gratiam assequeremur, vsq̃e eodē quidem, vt non reconciliati solum, tanquam amici, sed adoptati a Deo, tanquam filij summum gradum honoris, & gloriæ fuermus adepti. Sed pergamus ad reliqua. Nam quæ ait Apostolus: Cuius laus non ex hominibus est, sed ex Deo, affirmat in omnibus prorsus spiritus veritatem qui simulatione nulla semetipsum obducit, sed rectus, & simplex fertur ad ipsum Deum, seseque illi vni ostendit, & probat, neque alium extra quarit sinceritatis suæ spectatorem, aut iudicem. Caro autem contra se habet, & tota foras conuersa est, quæque in carne signa impressa, incisaue sunt, oculis hominum iudicantur, nō approbatione summi Dei. Quod si animi motus, & appetitiones, & consilia ad humanam laudem, aut cupiditatum terrenarum expletionem foras & ipsa spectant, carnem coniuncta & cum ea conflata carneum hominem efficiunt, qui totus pender extrinsecus ex hominum iudicio, non ex probatione Dei, & laude, atque is cum variū, & mutabile sit illud, ad quod se accommodat, nihil enim est opinione hominum, & popularibus studijs, neque rursus affectu cupiditatum leuius, aut inconstantius, varias & ipse species, ac formas subeat necesse est, vt simulare, vt mentiri, vt fallere, vt nunc hoc præ se ferre, tū illud continue cogatur. Qui vero in vno Deo, & vnus Dei iudicio ac voluntate fixus spiritus est, is ipse quoque rectus, & vnusmodi, eterneq̃e, & immutabilis compos veritatis, semper & vsquequaque sibi consentiens est, nec fallaciam vllam, aut vmbra, neque item fluctum varietatis admittit. Ex quo etiam patet ista recentior Maumethanorum lex, quæ ex duabus prioribus legitur Moyses, & CHRIS TI decerpta, maleque coherens neutrius vni, nec virtutem imitatur, quam prauæ, quamque peruersæ acceperit Evangelium, & a spiritali intelligentia illius auersa fuerit, quæ cū a corporalibus ad spiritalia diuini ordinis fuerit processu ad

humana

humanum genus salutari doctrina imbuendum, atque erudiendum, ipsa retro rursus a spiritu ad carnem, corpusque redacta est. Quod si illa in corporeis hisce rationem salutis esse positam putat, quid attinuit legem novam condere? & ab ea quæ Iudæorum est, vel tantulum dedecere? Quanquam de ista nihil quidem mirum est, plena etenim est tota ineptiarum, & insulsitatis. Quoque minus resipiscant, qui ex ea infatuati sunt, omnem bonarum literarum, & bonorum authorum lectionem, omnia studia artium optimarum sectatoribus suis inania ducit. Itaque fit, ut homines sua sponte carnales huius legis institutione ferrei penitus fiant, nullumque spirituale agnoscant hominis intestinum cum Deo commercium. Tum IVLIVS: Ita se res habet, ut tu dicis, inquit. Sola enim recta est intelligentia, quæ spiritualis est, neque ullam habere potest rationem, id quod in corpore fit ad salutem, & vitam æternam necessario pertrahere, nisi quatenus forte aut indicium aliquod præferat, & velut testimonium interioris hominis voluntatis, aut ad reprimendos carnales affectus valeat, quanquam hoc posterius, si ratio ipsa per se reprimat, totum videri potest superuacaneum. In signo autem atque indicio maior sæpe inest religio. Qualis apud nos baptismus est, qui eius esse virtutis perhibetur, ut absque eo ad vitam æternam non liceat aspirare. Quod & ipse testatus est CHRISTVS, Qui crediderit, inquit, & baptizatus fuerit, is saluus erit, perinde ac sine baptismo non queat quis saluus fieri. PLVRIMVM mi frater, inquam, nostræ baptismi rationi ab illa Iudæorum circuncisione interest. Illi enim in corporeo illo signo penitus inhærebant, nihilque ex eo intestinum, aut spirituale ex legis litera cogitabant. Nos hunc ex aqua baptismum sine Spiritu sancto, nos intus lauante infructuosum esse ducimus. Necessaria illis ad vitam, neque eam æternam, sed mortalem, talis erat circuncisio præputij manu videlicet facta. Quemadmodum scriptum est, quod masculinum non circuncidetur carnem præputij sui octauo die, anima illa dispereat è genere suo quoniam testamentum meum dissipauit. Nos nec tam præcisam & asperam præceptionem habuimus, nec tantam necessitatem huius per aquam baptismi agnoscimus, ut sine eo salui esse non possimus. Sæpe enim sanguine suo, sæpe ipso per se Spiritu sancto, ipsaque fide in Christum, sine aqua, & ministro baptizati ad vitam æternam sunt euecti, sicut & ille in cruce latus, & puerorum Bethleemitarum, multorumque præterea martyrum, aliorumque sanctorum res, & gesta indicant. Sed quoniam de hac eadem re aliquantò post erit disputandum, pergamus modo ad ea quæ sequuntur.

minum imminuatur, imò quo nos mendaces magis, & perfidi sumus, hoc magis fides illa Dei, & veritas elucet: sicut scriptum est, Vt iustificeris in sermonibus tuis, vt nunquam sermo tuus ò Deus sit irritus: & vincas, cum indicaris. Cum oritur disceptatio, quid ita constans tu tibi, cum qui ex aduerso tibi obstricti sunt, à fide sua ipsi deficient, nempe ideo vt tua vincat veritas, vt ipsa sola emineat, quæ non emeretur, si tibi æqua fide ab hominibus responderetur. Vincere enim est pellerè, & deijcere aduersarium, non pari cum eo Marte contendere. Vincit ergo, & eminet tum maxime Dei veritas, & iustitia, cum nobis à nostra parte neutram illarum præstantibus, ipse ambas nihilominus inuiolatas retinet, & conseruat. Atque vt est Apostolus quæstionibus dentis, & circunspiciens omnia quæ contra dici possunt, sic obijcit sibi statim, id quod & à multis fuerat oppositum, & quotidie ab amatoribus mundi opponebatur, qui ex sermonibus ansam quærentes, quo suis cupiditatibus libentius obsequerentur, verbis tamen consequi volebant, vt Deum nequaquam viderentur offendere.

Si autem iniustitia nostra Dei iustitiam commendat, quid dicemus? Num iniustus Deus, cum infert iram? secundum hominẽ loquer. Absit. Quoniam quo pacto iudicabit Deus mundum? Si enim veritas Dei meo mendacio eminentior facta est in gloriam ipsius, quid amplius velut peccator, ego iudicor, & non vt nos insinulamur, & sic vt affirmant quidam nos dicere, quod faciemus mala, vt veniant bona, quorum iudicium iustum est.

Si Iudæorum infidelitas fidem Dei magis illustrat, & mendacium hominum illius veritatem: Itemque iniquitas iustitiam, nõne maius est hoc bonum, quo amplificamus honorem, & gloriam summi Dei iniuste agendo, quam malum istud ipsum, quod est iniuste agere? hoc alij fortasse sic sentiebant, alij nouæ sectæ Christianorum tanquam ita sentienti pro magno scelere obijciebant, & vtrisque occurrit Apostolus. His quidem sic sentientibus, atque ita persuasis & reputantibus iniustam esse iracundiam Dei, qua iniquis pœnam inferat, cum illorum iniquitas eius iustitiam reddat clariorem, obuiam id hac ratione, quod si ita res se haberet, vt iniuria talibus irascereretur Deus, non posset amplius ipse mundum iudicare. Quo pacto enim iudicaret, si scelus illi pro virtute, & virtus pro scelere esset iudicanda? Alijs vero, qui hoc cultoribus Christi obijciebant, cum eos & in ea esse sententia dicerent, & quod sentiebant, re ipsa efficere, vt mala agerent, quod bona sequerentur, hoc est, vt ipsi quidem flagitijs polluerent, quod gloriâ Dei immortalis in veritate & iustitia

stitia ostenderent ampliorem, atque illo potissimum modo à Deo gratiam inirent, qui hac inquam de re Christianos accusabant, & quod de illis suspicabantur, statim assensione animi sui confirmabant inauditosque, & indefensos suæ duntaxat opinionis iudicio condemnabant, cum essent de illis, contra quos paulo supra fuerat inuectus, qui scilicet tam facile suspicantur & iudicant de altero, ait de istis ipsis iudicium iustum esse, ut iudicium accipiat hic pro damnatione, quemadmodum & alibi accipit, ut cum ad Timotheum scribit de viduis iunioribus: quæ ubi luxuriari coeperint, aduersus CHRISTVM volunt nubere habentes iudicium, quod priorem fidem abrogauerint, id est, damnationem. Ita & horum detractorum dicit condemnationem iustam esse, quasi temere quidem isti alios iudicent, ipsi autem à Deo cum veritate sint iudicandi. Nam quæ ait, Secundum hominem loquor, excusat temeritatem loquendi. Cum enim Deum tanquam reum iniustitiæ in quoddam quasi certamen deducat, id ab sese dici affirmat humano modo. Sicut ad Galatas, cum de testamento, & firmitate testamenti, in Deo dicturus est, ait, Fratres, secundum hominem loquor, id est, humanum de testamentis exemplum ad Deum transfero.

Quid ergo? antecellimus? non omnino. Ante enim accusauimus Iudaos, & Græcos omnes sub peccato esse, quomodo scriptum est? Non est iustus, ne vnus quidem, non est intelligens, non est querens Deum. Omnes declinauerunt, simul inutiles facti sunt, Non est, qui faciat bonum, non est vsque ad vnum, sepulchrum patens est guttur eorum, linguis suis dolose egerunt, venenum aspidum sub labijs eorum, quorum os execratione, & amaritudine plenum est, veloces pedes eorum ad effundendum sanguinem, Contritio & miseria in viis eorum, & viam pacis non cognouerunt, non est timor Dei ante oculos eorum.

Hoc testimonium scripturæ, quo omnes comprehendi sub peccato dicuntur, partim ex psalmis sumptum, partim ex Esaiæ est, licet in libro psalmoreum legatur hæc a Paulo facta ex David & Esaiæ dictis compositio. Aduocat autem scripturam in hanc rem, ut retundat denuo Iudaos extollentes se ex honore illo, quem habuit illis Deus, quod credidit eis oracula sua. Ipsi enim sunt, qui dicunt. Quid ergo? antecellimus? Quibus respondet, nõ omnino, id est, non prorsus antecellit is gentibus reliquis. Nam si eas paulo ante ostendimus sub peccato esse, vos quoque scriptura in eadem culpa esse coarguit.

Nouimus autem quod quaecunq; lex loquitur eis, qui in lege sunt, loquitur, ut omne os obstruatur, & obnoxius sit omnis mundus Deo, quoniam ex operib. legis non iustificabitur omnis caro coram ipso. Per legem n. cognitio peccati. Nunc vero seorsum à lege iustitia Dei manifesta facta est testificata ab lege, & à prophetis, iustitia, inquam, Dei per fidem Iesu Christi in omnes, & super omnes credentes. Nō n. est distinctio, omnes n. peccauerunt, & egent gloria Dei, ut iustificentur gratis ipsius gratia per redemptionem quæ in Christo Iesu, quem proposuit Deus placamentum per fidem in ipsius sanguine, ad demonstrationem iustitiae suæ ex remissione præteritorum peccatorum in tolerantia Dei ad demonstrationem iustitiae suæ in presenti tempore, qualiter ipse iustus est, & iustificans eum qui est, ex fide Iesu.

ALLATO ex lege testimonio, quō omnes etiam de populo Iudaico sub peccatum subiecti arguuntur, confirmat illud de Iudæis esse dictum, Quaecunq; enim loquitur lex his qui in lege sunt, id est, lege illa tenentur, & illi sunt subiecti, edicit, & loquitur. Legē videlicet appellans, sicut & sæpe alibi, scripturam veterem omnem, ut omne os, inquit obstruatur, & obnoxius sit totus mundus Deo. At quomodo omne os, si tantum lex Iudæis loquitur? Quia de gentibus satis supra est demonstratum, eas esse cum prima statim professione, qua falsos Deos & mentitam religionem confectantur, tum omnium peccatorum, ac vitiorū colluione à Deo alienas. Atq; illarum quidem facilis, & perspicua fuit accusatio. Iudæi vero qui se populum electum, gentem sanctam, genus mundum esse existimabant, qui reliquos omnes præ se & præ lege sua, veluti pollutos, contaminatosq; despiciebant, nō Apostoli verbis, sed legis testimonio redarguendi fuerunt. Ita Iudæis, Græcisq; sub peccatum omnibus conclusis obnoxius est mundus Deo, ex vno illius arbitrio totus penitus dependens, siue ille iure damnare mundum velit, siue per clementiam, & benignitatem conseruare, quoniam ex operibus legis non iustificabitur omnis caro coram ipso. Per legem enim cognitio peccati. Non solū nemo iustificatus est, inquit, omnes enim peccatorum cumulo obruti ab ea ipsa lege demonstrati sunt, in quo vitium & culpa ipsorum consistit: sed ne spes quidem est, si reuertantur ad legem, & mandata legis opere compleāt, ut sic etiam possint iustificari. Nō enim iustificanti opera legis, quæ iam est legis imbecillitas propria. Hic IULIUS: Locum sanè difficilem & diu mihi dubitatum tetigisti, inquit, quo pacto ex operibus legis nemo iustificetur, cū videatur si quis legem seruauerit diligenter, & decem illa man-

Tit. 3. data,

data, quæ duabus tabulis perscripta à Deo, vel ab Angelo Dei sunt, ac populo Israelitico per Moysen tradita, pia mente persecutus fuerit, merito illum cum Deo in gratia futurum. Sed & paulo ante quàm dixit Apostolus, Non legis auditores apud Deum, sed eos, qui legem opere seruauerint, iustificatum iri: satis aperte mihi dicere visus est, ex operib. legis iustificationem coram Deo etiam esse. Hæc ego ita quero, vt habeā aliquid quidem ipse, quod proferam, sed tamen ex te audire malim, quid sentias. **TOMI FRATER** inquam, scire quæso id quod habes, audacterq. mecum communica, quando hoc imprimis fraternum est, cogitationum quoque me tuarum sicut & mearum te participem esse. **TOMILÆ:** Faciam, inquit, quando ita me hortaris, & quod mihi videatur exponam, quod est huiusmodi, vt cum hoc propositum sibi habeat Apostolus, vt inanem & vacuam virium fide **CHRISTIANAM** inuecta ostendat esse legem, duplici id comparatione efficere conetur: Vna, qua Iudæos cum gentibus comparat, altera, qua legem cum fide in contentionem deducit, ac quod ad Iudæos, & gentes pertinet, cum esset nimia Iudæorum de lege gloriatio, per quam serui gentium cum essent, illis tamen se proponebant, perinde atq. à Deo soli habiti digni, quibus ille legislator existeret. Hanc eorum gloriam paulo supra infringere voluit Apostolus, dicens, nō ex eo gloriari eos oportere, quod legē haberent, sed inde potius, si legē opere seruarent: cū non lex, sed legis opera sint, quæ faciant iustitiam. Quod si gentes, quæ legem non habent, opera ipsæ legis impleant, verius ipsas tanquam adeptas vim iustitiæ gloriaturas, quam Iudæos, qui non in operibus legis, sed in ipsa lege scripta ponerent suam gloriam. In quo apparet subtilius inspicienti legis opera Apostolum non in illis corporeis, & carnalibus, neq. in circumcisione cutis præputij, aut horum, ac illorum esculentorum abstinentia (hæc n. gentes, quæ legem nō habebant, nullo modo nosse, neque assequi poterant) sed in sinceritate cordis, & in spiritualibus operibus intellexisse, in quibus solis vera est legis observatio, quæ in illis corporeis, tanquā signis, & imaginibus, longe degenerans tamen & simulationi obnoxia relucet. Hanc enim legis, & operum ex lege spiritualem obseruantiam habere etiam poterant ipsæ gentes, si vnus tantum Dei virtute, & veritate cognita cor suum ad cultum, imitationemq. illius, quoad homini fas est, conuertissent, cuius pietatis, & iustitiæ caput fides nihilominus & persuasio hæc fuisset, Deum vnum esse, & pie se colentibus remuneratorem existere. Ac prima quidem ista fuit inter scripturam legis, & inter opera, ab Apostolo facta comparatio, tanquam iustius ex operibus, quā ex legis dono apud Deum quis iustificetur. Quod iustificandi verbum, eo enim varie vtitur Apostolus,

non pro plena, & integra iustificatione hic accipitur, sed pro ea, quantam conferre, & tribuere lex potest: sicut etiam & publicanus, qui confessus suam indignitatē, discessit iustificatus domum suam, non ex vniuersa, absolutaq; iustitia, sed ex vna parte iustitiæ iustificatus est, quod se humilem, & peccati pœnitentem exhibuit Deo. Hoc autem in loco iustitia fidei, cum iustitia operū ex lege adducitur in contentionem, vt doceat id quod facere instituit, solam esse iustitiam fidei, & non legis, quæ vere, pleneque iustificet apud summum Deum. Ita opera quidem legis, magis quam eiusdem legis professio apta erant ad iustificandum. Simpliciter vero neque ipsa apta, sed sola ex fide iustitia est, quæ coram Deo credentes iustificat. Quare cum in exortu fidei CHRISTI Iudæi etiam qui crediderant, agrius tamen ferrent abijci, & pro nihilo haberi legem, illamque necessariam fidelibus esse dicerent, siue simulantes quæstus, & compendij sui causa, siue etiam verò ita existimantes, hoc loco, & alijs multis, his se opponens Apostolus legem omnino irritam, & opera legis cassa esse confirmat, ea re quidem, quoniā ex operibus legis nulla est carni iustificatio; vbi satis demonstrat se de eis operibus intelligere, quæ ad carnem pertinent, & corporea sunt, quæ videlicet dicit ex operibus legis non iustificari omnem carnem coram Deo, hoc est omnem carnem deditum, & carnis operibus fidem hominem. Etenim si possit haberi ex lege iustificatio, magis illa ex spiritualibus, quam ex eis, quæ in carne fiunt, operibus expectanda sit. Caro enim coram Deo comparere omnino non potest, nedum vt possit coram eo iustificari: & qui solus prodit in Dei conspectum spiritus non ex operibus carnis, sed ex suis recipit iustificationem. Commode MI FRATER, inquam, omnem hanc repugnantiam, quæ non exigua esse videbatur, ex Apostoli verbis, cum alibi ille opera legis abijcere, alibi addiscere videatur, sustulisti, scripturamque legis, minus quam opera, sed neque opera ipsa legis præ fidei iustitia multum valere ad iustificandum posuisti. Sed cernis ipse profecto, quam ex eisdem verbis nacti ansam hi, qui modo exorti fidem CHRISTI optime constitutam perturbare nituntur, opera ab sese legum remoueant, fidem solam retineant, verbo tenus, vnā illam magnificantes, opera despicientes, quod impune ipsi, & libere obtineant posse peccare: tanquam fides omnibus criminibus diluendis vna satis sit, nec solum pellendo illa, & abstergendo, cum ipsa adueniat, & suscipiatur: sed postquam etiam aduenerit, fueritque suscepta, ferendo ea, ac tolerando. Atque hi astute admodum & callide, dum obscuram, occultamque hominibus cordis sui sententiam, qua se habere fidem Deo prædicant, suis facinoribus prætendunt, imponere sese cæteris arbitrantur, & eos qui audiunt, tanti Apostoli auctoritate constringere.

Ipsi autem interea cum Deo spectatore cordium agunt familiarius, & dum imperitis hominibus exterius se venditent, Dei intus iudicium, voluntatemque contemunt. Et Apostolus quidem aperte, atque precise non vno loco posuit ex operibus legis non iustificari omnem carnem: sed quomodo hoc intelligendum sit, qui interpretari, atque exponere conati sunt, auxerunt potius quam sustulerunt difficultatem. Sunt enim adducti aliqui ut distinguere opera legis partim in ea, quæ ad ceremonias pertinerent, partim in ea, quæ ad mores. Ac ceremonias quidem tanquàm inanes ab iustificando rejicerent, mores amplecterentur, perinde quasi nos, qui verum Deum colimus, & filium Dei IESUM Christum, nihil in ceremonijs omninò momenti, & ponderis ad salutem nostram constituamus, sicut tu mi frater paulo ante, de baptismo, & de confessione quoque, ac de ieiunio, alijsque multis potest proponi. Alij vero non iustificari ex operibus legis quæquam ita exposuerunt, eo quod legis opera ad vnguem perfecit nemo. Quid si quis perficiat, num idcirco erit iustificatus? aut quomodo nemo illa perfecit, cum etiam si quis aduersus legem aliquid commiserit, indicta habeat sacrificia, & expiationes, per quas ad legis iustitiam ei liceat reuerti? At nec qui summe obseruauerit legem, ille propterea iustificatus fuerit. Quod enim nemo ex ea possit iustificari, non est id hominis meritum, sed scriptæ legis, & omnino neminem legi obtemperasse, illiusque mandata diligenter custodisse incredibile dictu est, cum præsertim scriptura non paucis de seruata legis testimonium, ut de Tobia, & de Daniele, & tribus pueris scriptum est, & in Evangelio de eo, qui petens à Domino beatæ vitæ consilium omnia se legis mandata ab incunte ætate expleuisse, est professus. Quod item de Zacharia, & Elisabethæ, & Simeone, deque ipso Ioseph est testificatum. Quare illa probabilior meo iudicio est expositio, quam tu mi frater paulo ante strictim attigisti, idcirco coram Deo non iustificare opera legis, quia lex nec menti, nec spiritui vim afferre imperando potest, sed tantum corpori, atque carni. Sui enim arbitrij semper est spiritus, caro autem præcepto, & præsentipœnæ, si imperium legis decreta, est obnoxia. Porro autem in carne, & corpore nulla coram Deo est iustificatio. Etenim qui ita præcepta legis obseruant, ut omnem illorum cultum præ se se in operibus ferant, ipsi vero intus à Deo alieni humanis tantum opinionibus, quæ exteriora intuentur, quæ sunt satisfacere, hi legi quidem iusti, de his enim solum, quæ in aperto sunt, iudicantur, lex, ipsum autem penes Deum iniqui, & iniusti iure optimo habentur. Quid si dixerit quispiam, aliqui sint, qui mandatis legis custodiendis Deo potissimum placere, moremque illi gerere student, num hi ex legis operibus iustificati erunt? cum præsertim illa

illa quoque in lege præcipiantur, vt vnum Deum colere, nomen-
que eius sanctum venerari, ipsum vero amare ex omni anima, &
ex omni corde, & in proximum quoque eadem, qua erga se be-
nevolentia affici, vnicuique sit præscriptum. **HIC IULIVS:** Non
video mi frater, inquit, quid contra dici queat: atque illud quo
pacto sustineri hunc qui ista egerit ex operibus legis non esse ef-
fectum iustum. Itaque expecto mox quid ipse dicas. **QVID DI-
CAM,** inquam? Enimvero id quod necesse est, scilicet me his
Apostoli verbis potissimum fidem habere, præsertim cum ille
idem in alijs locis confirmet. Quemadmodum scribens ad Gala-
tas, inquit: Nos cognoscentes, quod non iustificatur homo ex
operibus legis nisi per fidem **IESV CHRISTI**, & nos in **CHRIS-
TVM IESVM** credidimus, vt iustificaremur ex fide **CHRISTI**,
& non ex operibus legis, quoniam non iustificabitur ex operibus
legis omnis caro. Et rursus, si ex lege est iustitia, **CHRISTVS**
frustra mortuus est. Videtur ergo nobis ex Apostoli verbis, ne si-
vim quidem legis totam, quatenus scriptura loquitur & præse-
fert non solum operibus externis, sed intestina etiam mentis reli-
gione erga Deum quis comprehendat, sic plene, & vere iustifica-
tum cum esse. **ET ILLE:** Mirum profecto hoc, inquit, sed ex-
plana mihi quæso, qui res tibi ita se habere videatur. **AGGR-
DIAR,** inquam, sed te prius id monebo, cum anceps tibi locus in
Paulo occurrerit aliquis, quem sit difficile explanare, atq; dissol-
uere, tu nihil in eo humile, nihil vstratum, nihil terrenum vt con-
sideres, sed omnia alta, singularia, diuina, si veros eius sensus vo-
les consequi, veluti in hoc loco, cum de iustitia, & de iustificatio-
ne mentio fit, concipiendum est in animo excelsis quiddam, quã
id, quod de vi, & notione communis iustitiæ in mentibus homi-
num insitum est. Ac quod diximus nuper, cum de iustitia Dei,
quæ reuelatur in Euangelio verba faceremus, idem nunc repeti-
mus, Iustitiam non singulare genus virtutis, sed vniuersam in
Paulo sic nominari virtutem. Quam quidem in nobis humana
etiam philosophia inuenit, vt iusti illi dicantur, qui nullo pro-
sus crimine cuiusque generis, quod legibus vetitum improbatum-
que sit, impliciti sunt, neque quicquam omnino contra leges com-
mittunt. Sed vt tunc disseruimus, & nunc de integro confirma-
mus hæc humana iustitia, vniuerso videlicet genere virtutis po-
test quispiam homo ex lege, & operibus legis iustificari, coram
Deo autem nequaquam potest. Sed is potest solus, qui diuinæ iu-
stitiæ honore, atque dono ab eodem Deo fuerit illustratus. Quan-
tum autem Deus homini, & diuina ratio nostræ rationi, tantum
genus generi, & illa Dei iustitia huic legum & hominū antecel-
lit iustitiæ. Porro hanc suam iustitiam Deus, tum propter fidem,
quæ habeatur ei, exercet ipse; & adhibet erga nos, tum etiam in

ipsa fide, hoc est, in habentibus ei fidem informat, atq; imprimat. Quod paulò ante dixit Apostolus, reuelari iustitiam Dei ex fide in fidem. Neque eam potest assequi iustitiam quisquam vel legis, vel hominis ullius eruditione, disciplinaque instructus, nisi is per fidem CHRISTI ad Deum se adiunxerit. Qualis autem illa Dei iustitia sit, & quo è genere censenda, ac definienda, vñam quidem planè possemus exprimere: sed tamen de ea, vt aliquid dicamus adnitendum nobis est. Non enim desunt, qui dicant perfecta quoq; ad beatam vitam consilia in lege veteri expressa fuisse, eademq; prorsus mortalia praecepta, & Iudæis, & nobis esse: nisi quod nos gratia Dei per fidem magis adiuuamur. Sibi enim ipsis in lege, & suæ tantum opi, atque auxilio homines fuisse relictos, qui nunc in fide CHRISTI diuinæ gratiæ dono, & illustrantur magis, & ad melius Deo obtemperandum roborantur. Quod extremum vt verū sit, (certè enim paratior nobis à Deo est gratia) non tamen nobis videtur neq; de perfectionis consilij, neque de moralibus praeceptis in lege scripta Moysis tam facile esse concedendum. Sed quomodo in fide CHRISTI planè iustificemur, id quod in lege non possumus, ratio nobis, quantum adiuuerit nos Deus, altior est inuestiganda, ad quam aditus primum nobis ex Apostoli verbis sit. Qui posteaquam ostendit, omnes omninò, & Græcos naturæ, & legi Iudæos præuaticatos esse, mundumque reum totum ancipiti euentu, è Dei omnipotentis iudicio pendere, ne forte obijciat aliquis, & dicat, Redeat ergo ad Moysis legem mundus, illiusque mandata custodiat, & iustificabitur vniversus: refutat statim huiusmodi oppositionem, & diserte confirmat, neminem posse coram Deo non ex lege modo (hoc enim ante dixerat) sed ne ex operibus quidem legis, quod hic aperte pronunciat, iustificari: affertq; rationem dicti sui, Quoniam per legem, inquit, cognitio est peccati. Quasi dicat iustitiam illam, quæ acquiritur ex lege, cognitionem tantum esse peccati, ad eum finem, vt peccatum vitetur. At illa, quæ ex Deo est, iustitia, num cognitio & ipsa peccati est, eiusq; vitatio? Minime. Illa vero: Nullum enim ea cognoscit, aut saltem non animaduertit peccatum, neque in peccatis vitandis, sed in omnibus præclaris, atq; sublimibus rebus, actionibusq; tractandis, ac suscipiendis occupata tota est. Quod totum, vt videamus cuiusmodi sit, intelligamus prius in quo Moysis lex à fide CHRISTI differt. Quæ enim vtræque vñum Deum proponit colendum, atque amandum, consentiunt in idem ambæ. Vbi verò lex cultum Dei & amorem hominibus proponit, vt sit hominibus ipsis præsens, & propitiis, ad bona terræ acquirenda, & possidenda Deus, in hoc statim CHRISTI fides ab ea incipit discrepare. Fides enim sic nobis agnoscendum Deum proponit, vt omnè ex nobis amorem terrenorū bo-

norum penitus ejiciamus, atque illum vniuersum in vnū Deum
 conferamus, vt sit nobis non tam author, & donator extero-
 rum honorum Deus, quàm nostrum ipse bonum: neq; ab eo nos
 profecti ad alium finem contendamus, sed in eo ipso vno, vt fini
 nostro insistamus. Nam si in alienis ab ipso Deo bonis, & terram
 redolentibus infixæ sint vota, & desideria nostra, atque ita Deum
 nobis adsciscamus, vñ ipse dator nobis, & donator illiusmodi bo-
 norum sit, quod Moyſis lex, quatenus scripta est, semper, & præ-
 cipue hominibus proponebat, quis non intelligat potiore nobis
 tanquam Deum alterum illum esse, ad quem cupiditate po-
 tiundi anhelamus, quàm cum, à quo nostra huiusmodi cupidi-
 ti speramus subuentum, & suppeditatum iri: Et enim finis sem-
 per præpollens, & præcipua causa omnium causarum est, in eam-
 que maximè amore, & studio contendimus, vt appareat, cum
 Deum ita amamus, vt bona alia quedam ex eo consequamur, nos
 illa magis habere, quàm Deum ipsum amare, & veluti Deum po-
 tiorem nobis ducere, in quem peruenire desideria nostra, quam
 à quo illa dirigi, & ad finem deduci volumus. In hoc statu lex
 Moyſis, & filij legis eius fuerunt, vt colerent quidem, & venera-
 rentur vnum Deum, verum idcirco colerent, vt eos ipse in terrā
 expectatam deduceret, propriamque eis illius possessionem tra-
 deret, quo regno terrenarum cupiditatum in populo Israël a lege
 permissio, cum homines illa suos, patiaturs magni æstimare diui-
 tias, honores, imperiaque expetere, procreationi operam dare,
 familias augere, suum ius persequi, iniurias illatas liti, & iudicio
 vilesce, atq; his deinde in hac tanta colluuiione affectionum, &
 cupiditate rerum earum quæ certatim expetuntur, ab omnibusq;
 ambiuntur, quasdam regulas apponat, quantum, & quo pacto,
 & aduersus quos agere, querere, vindicareque sit licitum, hanc le-
 gem qui adseuerint, eiusq; mandata seruauerint, iusti fuerint illi
 quidem, sed apud homines tantum, & legi illi iusti. Apud Deum
 verò ipsum nullam veræ iustitiæ, quæ sola diuina est, laudem ob-
 tinebunt. Nam neq; Deus ipse hoc genere iustus est, vt eadem si-
 bi expetat bona, quæ homines concupiscunt: in eis verò expe-
 tendis a violatione legis, & ab iniuria omni caueat. Sed est iustus
 Deus, omnibus diuitias bonitatis suæ distribuens, nihil ipse om-
 nino infra se appetens, nullam à quoquam iniuriam, tanquam
 ipse sedatur, agnoscens. Quod faciunt eodem propè modo, in eo-
 que Deū imitantur, qui per fidem CHRISTI illius exemplo im-
 buti, neq; studio neq; cupiditate vlla inhaerescunt in terrenis, sed
 omnem vim suam amandi ac cupiendi in Deo ipso, vt fini, & suo
 vnico bono constituunt. Hi enim hanc Dei iustitiam, & bonita-
 tem æquabilem omnibus, bonum omnium expetentem, omnib;
 operam ferentem, nemini incommodū, ne inimico quidē, aut hosti
 molien.

molientem, salutarem cunctis, expertem terrenæ cupiditatis, & horum maleficia suis beneficiis obruentem, hauriunt ipso Deo donante, & largiente ampliter, & in semetipsis accipiunt, Deoq; similes effecti, quoad quidem homini fas est, humanis animorum morbis omnibus ex sese ciectis, deferunt imaginem in se omnipotentis Dei: neque regulas isti quærunt concupiscendi, sed nihil mortale, & caruicium concupiscunt omnino, tantumq; abest ut alienum quid appetant, ut ipsi vltro suimet, suarumq; rerum omnium omnibus indigentibus sint liberales. Hæc nos per fidem opera iustitiæ, longè disiuncta à legalibus iustitiis & sectari, & colere vult Paulus, ad Philipenses scribens, ut sinceri, & inoffensi simus, in diem CHRIS TI, inquit, plenique fructibus iustitiæ his, qui per IESVM Christum sunt in gloriam, & laudem Dei. His talibus iustis ut Paulus idem alio loco ait, Lex non est posita, sed ipsi magis sunt lex, quorum si reliqui regerentur arbitrio, aut si similes eorum esse vellent, inutilis in totum lex, & superuacanea existeret, quæ illis tantum dominatur, atque præscribit, qui vias carnales, & lubricas insistentes, à prolapsione omni propter metum supplicij debent cauere. At hæc minimè præclara, neque apud Deum magni momenti vim obtinentis iustitiæ est ratio, ut ex ea possit verè quisquam apud ipsum iustificari. Illa præclara est, & solida, & integra, totiusque iustitiæ vim coram Deo obtinens, quæ sibi factorum, morumque suorum exempla ex Dei virtute, atque factis iudicat esse petenda. Hoc sic posito, videamus eadè mne sint in fide CHRIS TI, quæ & in lege morum præcepta, vel ipsæ morales potius actiones, quæ & si utrobique à Deo deductæ sunt, illæ tamen legis, ad terræ præmia conuersæ sunt, nostræ & ex Deo, & in Deo constituuntur. Illæ humanam quandam iustitiam respiciunt, ut cum hominibus, & inter homines tutò, pacateque viuere liceat; & in eo tamen gratia Deo habeatur. Nostræ illius diuinæ iustitiæ eminentis, & singularis exemplo, & imitatione sunt insignes. Nam ut de liberalitate nunc, & de beneficentia potissimum loquamur, exemplumque in his virtutibus proponamus, num potest videri eodem modo fore liberalis is, qui pecuniam quidem propter alias etiam causas, & propter ipsum se maxime diligit, atque conquirat: verum tamen ita conquirat, ut neque iniuriam propterea cuiquam ullam afferat, & apud se liberalitati quoque ex illa, & opitulatio- ni egentium esse velit locum, & is, qui pecuniam non alio prorsus nomine amat, nec vllum ex ea fructu alium cognoscit, quam benignè facere cæteris, atque egenis opitulari? magnam profectò, iam oportet inter hæc duo liberalitatis genera interesse distantiam. nam qui ex illo priore genere fuerit liberalis, is pededentum, & cautè sibi semper primo prospiciens, semper suorum

commodorum potiore rationem ducens, erogabit de suis bonis pauperibus, tanquam ancipiti cura distractus, quemadmodum possit rebus suis salvis, ceterorum quoque salutis, & necessitati subuenire. Noster verò nulla illiusmodi ratione sui habita, ut qui confidens Deo alias sibi opes, alias diuitias in cœlo paratas habet, de his terrenis opibus duntaxat id cogitabit, quo pacto per eas possit incommodum, & egestatem proximo suo depellere. Deus porro qui utrique & Iudæo, & fidei in agendo opere misericordiae versatur ante oculos, quemadmodum versatur nonne per terrorem Iudæo, fidei per amorem? Quod quidem si se habere necesse est: Etenim Iudæus, qui bona terræ facit plurimi, Deumque sibi datorem illorum bonorum inuocat, & precatur, parebit Deo imperanti, & monenti, ut proximum suum ex illis bonis, cum is egerit, iuuet, & sustentet. Parebit autem ob eam causam, ne si minus illi dicto fuerit audiens, offensus, atque iratus Deus ab eis illum bonis, ad quæ ipse præcipue amore, & cupiditate labitur, abducatur, & abstrahatur. Qui est in lege Moysis, quatenus litera fert, propositus imprimis legem illam adsciscens timor, ut colant unum Deum, illique obediant: quo diutius terræ bona comedere, & tranquillè illis eos liceat frui, Deo obtemperantes. Qui si minus obtemperauerint, tum intelligant, & vereantur se & terra ipsa & fructibus terræ quibus tantoperè delectentur priuatos & spoliatos ab eodem Deo fore. Nos verò fide CHRISTI instructi, cum inopibus, & miseris subuenimus, idcirco opus misericordiae præstamus, quod confidimus illo modo summum bonum nostrum nos adepturos ipsum Deum, in quo, non in alio fini aliquo nobis proposito omne spes nostras, & omnia desideria figimus. Qui ergo possunt eadem esse moralia, si neque ex eodem iustitiæ, & bonitatis fonte depromuntur, neque ad eundem finem respiciunt? Sed in illis Iudaicis auaritia quadam semper commixta sit, quæ & in fini ipso spectatur: opes enim & bona terræ præcipue expetit, & in agendo, operandoque coniungitur, nunquam enim solutam & liberam finit progredi misericordiâ. Nobis verò & ex Deo ad operandum, faciendumque rectè profectis, & in Deum semper inuentibus, neque vspici alibi præmium actionum nostrarum constituentibus quam in eodem Deo, virtus, & iustitia non humano modo, sed diuinitus, neque ex præceptis legis, sed ex Dei exemplo, imitationeque suscepta est, quod in vna à nobis virtute dictum est, de omnibus sit eodem modo dictum. Quo etiam patet nullum perfectum consilium dari in lege, quod datur in fide. Ad terram enim tendentibus, & in terra, spe, atque amore constitutis, reputantibus ex bonis, & fructibus terræ subsidium sibi ad viuendum, & læticiam, atque expletionem animi esse euenturam, nullum insigne consi-

lium

filium dari potest, quod euadat ad perfectionem. Et si posset, nō ille, qui omnia legitima legis implese se dixerat in Euangelio audisset à Domino, si vellet perfectus esse, vt abiret, venderetque omnia, quæ haberet, & distribueret pauperibus, reuersusque se sequeretur. Hæc enim perfectio & operis, & consilij in CHRIS TO solo, & in Euangelio est: ea re quidem, quod nullus est credentibus consiliorum, & operum, nisi Deus ipsemet finis propositus, qui verò alios sineis, alia bona, ad quæ spe, & amore tenderent, sibi designauerunt: hi non modò ab imitatione diuinæ iustitiæ longè abfuerunt, sed ne ipsam quidem humanæ iustitiæ ex lege rationem cumulatè sunt adepti. Quod ergo dictum est, idq. scriptum à Paulo, quod ex operibus legis non iustificatur omnis caro coram Deo, & liberè est, & simpliciter dictum, quoniam vera iustitia ex lege non acquiritur. Nihil enim ad perfectum adduxit lex, vt idem ipse pronuntiat ad Hebræos scribens: Estq. prioris mandati abrogatio facta propter imbecillitatem eius, inquit, & inutilitatem. Sed hæc de lege veteri, vt in litera descripta est, intelliguntur. Nam si spiritaliter illam accipiamus, idem est legi illi spectatus finis, qui nobis præsens, & cognitus iam est Christus. Accipimus autem hîc iustificationem non pro remissione duntaxat peccatorum, quod nonnulli interpretati sunt, sic enim esset & in lege iustificatio, in qua pro peccato offerentibus & sacrificia illa in expiationem sui facientibus identidem à Deo dimissio peccatorum proponitur. Sed hæc est iustificatio amplior quædam, diuinorumque iustitia, quæ ex similitudine Dei ab eo in nos fidem illi habentes ducta, & deriuata est. Quam Paulus vt assequeretur, illam humanam ex lege iustitiam pro stercore sibi haberi confirmauit. Hæc demonstrata, & cognita in fide Christi iustitia legem veterem Moysis antiquauit, & sustulit. Aut enim illius omnino cerimonias, tanquam umbras abiecit, aut morum, & religionis præcepta ad sublimiorem finem erigere est conata. Si tamen antiquare est explere, atque absoluerè, quod rude antea erat, & tantummodò inchoatum. Hæc, inquam, iustitia ea ipsa est quam in Euangelio CHRISTVS turbas, & discipulos docens, exponere erat solitus, cum ita dicebat, Nisi abundauerit vestra iustitia plus, quàm illa Scribarum, & Phariseorum, hoc est, plus quàm illorum, qui ex lege, & ex legis operibus iustitiam sunt consecrati, non ingrediemini in regnum celorum. Quam eandem iustitiam ipse describebat, enucleateq. tradebat, in quibus lex deficeret, demonstrans, & quomodo Deum debeamus in ipsis diuina illa iustitia imitari vbique nobis insinuans. Per legem autem quod cognitio est peccati, ad eum finem dictum est, quoniam lex populo Hebraico lata est, quæ illi esset tanquam adhuc puero & adolefcenti pædagogus, illumque in

vnius Dei cultu contineret, præciperetque & doceret, quæ essent
 tantisper & cauenda, & fugienda, quoad tempus & opportunitas
 sanctioris præcepti adveniret, sicut ad Galatas scribit Paulus,
 Lex transgressionum causa apposita est, inquit, quoad veniret
 semen, quod fuit promissum. Porro imbecillitatis est sigillatim
 monere, & monstrare hoc, & illud deuitandum esse, & in eam
 quasi viam nos deducere, quæ omnibus periculis infesta, & ob-
 sessa difficilem ubique & anxiam habeat cautionem. Illa via est
 commoda, & longè magis nobis salutaris, quæ tutiore quadam
 semita nos sine suspitione, & metu ad optimum finem perducit.
 Proposita itaque est in lege peccati cognitio, vel ut illud, quoad
 poterat, vitaretur, ac effugeretur: vel si id minimè poterat,
 quemadmodum quidem non potuit, ad remedium præstantius
 confugeretur, quod est in Evangelio datum nobis, atque obla-
 tum. **INTELLIGO**, **IVLIVS** inquit, & nunc demum mi frater
 confiteor ignoratum mihi hunc diu in Paulo locum, aperiente
 nobis Deo, patefactum nunc planè, atque illustratum esse: & re-
 vera ita est, ut ex communibus hominum sensibus, atque ex quo-
 tidianis rerum terrenarum considerationibus nequaquam possit
 Paulus intelligi. Sed in cœlum ascendendum est, & ex diuinis
 illic virtutibus, atque consiliis huius hominis virtus, mensque
 inuestiganda, qui non iustificationem in carnis operibus, neque
 iustitiam Dei in humanis virtutibus, sed utramque in Deo, & ex
 Deo diuiniore quodam modo, supra omnem rei creatæ captum
 statuit. In nobis verò per fidem **CHRISTI** imitanda Dei natu-
 ra, & bonitate posuit, quod est maximum ipsum nobis à Deo
 beneficium. Itaque lumine hoc semel veræ intelligentiæ illato,
 non solum iste locus, sed tota ferè epistola, quæ ad Galatas scri-
 pta est, mihi videtur esse declarata. **ATQVI MI FRATER** in-
 quam, quod & hic, & ibi confirmat Paulus, iustum ex fide viue-
 re, & si de eo nobis antè est dictum: tamen dicendum aliquid et-
 iam nunc est, ut imbecillitatem legis melius comprehendamus,
 & ea quæ passim in Paulo tanquam semina diuinarum virtutum
 sparsa sunt, altosque, ac reconditos illius sensus percipere valea-
 mus. Est igitur vita quædam quæ illam fidei nostræ donatam à
 Deo, impressamque in nobis iustitiam profectò comitatur, illi
 ipsi iustitiæ dignitate par. Sicut enim iustitia illa ex Deo in no-
 bis inest, sic & vita. Et quemadmodum iustitiam ille nobis suæ
 bonitatis, iustitiæque effigiem, obsidemque erga nos opti-
 mæ voluntatis, sic & vitam præbet, imaginem suæ immortali-
 tatis. Cumque Dei illa iustitia, qua credentes sibi fidemque ha-
 bentes Deus ipse insignit, ita excellat, atque emineat, ut cum ea le-
 gis iustitia comparata humanâ istam omnem obicuret æquitate,
 iniquitatemque eam quodâ modo potius videri cogat: sic vita illa,
 quæ

quæ diuinæ comes est iustitiæ, mortalem vitā hanc morti, quam vitæ ostendit coniunctiorem. Etenim profectò bonus, & iustus est Deus, eosque, quos sui dedit esse imitatores, non solum in virtute, atque in iustitia, sed in vitæ quoque genere voluit se imitari, ut immortalitatem Deo similem assequerentur, qui similem Deo essent eius singulari beneficio, iustitiam assecuti. Atque ut ipse semper vno modo beatissimus, sic hi, qui se ad eum per Christi fidem adiunxissent, in hac quidem vita beati, in altera verò essent seipsis etiam beatiores. Proinde totus iste ordo sic rexitur, seriesque deducitur, ut nos quidem fidem erga Deum afferamus, quæ quanquam ipsa diuino munere alitur, & confirmatur in nobis, aliqua tamen est pars in ea nostræ voluntatis. Deinde ista fides Dei omnipotentis iustitiam excitat, per quam ille ut est verè bonus, non ignoscit solum ad se accedentibus, & per fidem sese illi dedentibus: sed eos eadem propè iustitia, qua est ipse præditus, & eodem genere bonitatis exornat. Tum autem sic ornatos, & effectos sanctos in gratiam, in amicitiam, in cognationem recipit, adoptatque in filiorum nomen, vitamque illis beatam, & immortalem tribuit, longè abhorrentem ab hac vita, quæ moribus, & doloribus, & periculis, quæ denique morti, & corruptioni tota addicta est. Quam quidem fragilem, ac mortalem vitam non iustitiæ illius donum, sed tantum naturæ retinemus, iustisque ea, atque iniustis promiscuè data est. Cuius etiam auferendæ, aut relinquendæ lex habet potestatem, tribuendæ verò nequaquam. Si quis enim commiserit in legem eo genere peccati, cui pœnam mortem lex ipsa sanxerit, is lege interimitur, nec habet potestatem lex pœnam illi remittendi, peccatumque condonandi. Nihil enim præter præscriptum, & constitutum novare, nec quod semel in ea sanctum est, lex commutare litera vna potest. Qui verò legem ad vnguem seruauerit, nilque in ea offenderit, quamobrem morte esse dignus censeatur, huic non noua aliqua vita donatur, sed quam ipse per sese habet, ei vita illa relinquitur, quæ est naturæ, non iustitiæ vita, ut illud tantum legis sit donare vitam, quibus non eripiat. Quod si iustitiam illam, quam intelligimus ex iustificatione, & querimus, sua certa vita consequitur, quæ non naturæ sit, sed eius ipsius iustitiæ propria, nullius aut donandæ vitæ habet lex facultatem. Igitur ne eam quidem iustitiam donare lex potest, per quam vita acquiritur præstantior. Quo perspicuum fit, non esse ex lege, neque ex operibus legis iustificationem. Atque ego hoc non planius exprime te possum, quam ipsemet Paulus, ad Galatas sic inquit: Si data esset lex, quæ posset viuificare, verè ex lege esset iustitia: sed conclusit scriptura omnia sub peccatum, ut promissio ex fide Iesu Christi daretur credentibus. Quibus ex verbis patet: quoniam
vitam

vitam dare lex nobis suo, & proprio munere non potest, ne eam quidem posse ab ea dari iustitiam, quam necessario vita illa consequitur. **P R O R S V S** tibi assentior, **I V L I V S** inquit, & quoniam de quo antea saepe dubitaueram, nunc soluto, & pacato sum animo, satis in me metipso concipiens neminem posse ex lege, neque ex operibus legis iustificari, quando altior quaedam iustitia, quam ista humana ad iustificandum quaeritur, quae vni fidei donatur à summo Deo, ut is, qui ei credit in similitudinem, ac imitationem diuinæ iustitiæ deducatur, quoniam, ut dico, inquit, hæc iam mihi percepta est iustificatio, locusque difficilis, & arduus in Paulo explanatus, peto nunc à te, ut de ipsa fide, quid ea sit, & unde tantum honoris, & gratiæ apud Deum obtineat, velis mihi explicare. Tamen enim magnam partem per me ipse, quid illa sit, quantumque valeat, intelligere mihi videor, tamen non ita mihi ipse satisfacio, ut spero abs te iri satisfactum. **R E C T E** **H O C**, inquam, mi frater exquiris, & ab hoc aditu, ac tanquam vestibulo nostræ disputationis, si dux, & monstrator nobis affuerit Deus, ad illa secreta, occultaque veniemus, in quibus positum est summum & maximum fidei **C H R I S T I** mysterium. Quare eiusdem Dei spiritum, operumque implorantes ab ipsa ordiamur verbi vi. Est enim multiplex in communibus hominum sermonibus, & in ipso quoque Paulo verbi huius significatio. Interdum enim fides est in dictis veritas, & in factis integritas, cum fictè nihil, nec simulatè agitur, aut dicitur, ex quo vltus latini sermonis ita loqui consuevit, cum quid sine dolo & fallacia factum sit, bona fide id fuisse actum. Itemque bona existimatio eorum qui negotiantur, fides appellatur, cum rectè illis res pecuniaria committi existimatur, qua fide & forensia commercia, & omnis mercatura potissimum continetur. Quod etiam latius patet in omni opinione integritatis, & iustitiæ, cum eum, qui muneri alicui, imperiæque præpositus sit, fidem suam præstaturum esse confidimus, ut cunctis affectis iniuria, & ad fidem illius confugientibus, paratum videatur esse in illius prudentia, æquitateque præsidium. In sacra scriptura aliquando fides est ipsa conscientia intus dijudicans, quid verum sit, & quid falsum, in his quæ aguntur, & quid simulatum, ac fucatum, quid sincerum, & simplex. Quo sensu Paulus: Quicquid ex fide non est, peccatum est, inquit, ex fide idem, quod ex veritate, & sinceritate conscientiae intelligens. Nonnunquam etiam fides constantia est in præstando, quod quis promiserit, ut paulò supra Paulus: Nunquid horum infidelitas fidem Dei abrogabit? hoc est, si hi non steterunt in his, quæ Deo promiserant, num item non stabit promissis suis Deus? Sed ut cetera fidei significata omittamus, quæ ad nos minus pertinent, veniamus ad id, quod nostrum est, ut fidem intelli-

gamus esse credulitatem, non eam, qua faciles sumus ad credendum, sed eam, qua credimus, qua in sententia, & facere fidem, & habere; & in ea fide esse vulgò homines loquuntur, quod est in omnibus credere, & vel persuadere aliis, vel persuasum ipsum esse. Sed nos, qui scripturarum more loquimur, fidem **C H R I S T I** cum pronunciamus, in vno hoc fidei verbo totum id intelligimus, quod est credere Deo, & **C H R I S T O**, illique confidere. Non enim fides nostra simplex est credulitas, quanquam sedes, & fundamentum fidei credere est. Sed fides in Deum plena, atque integra est, ita credere, ut confidamus, hoc est, ut non minus spei insit in ea, quam credulitatis. Etenim ea credimus, quorum magna pars ad nos ipsos pertineat, & semper confidere, credere etiam est. Credere verò ipsum non continuò confidere, ut cum credimus, Deum esse, rectum id quidem est, & necessarium, & fidei debitum. Sed tamen hoc veteres etiam Græci, gentesque ferè omnes crediderunt, nec vim propterea tamen fidei tenuere. Vbi ergo iam incipit apparere fides? cum id, quod sequitur, etiam credimus Deum fieri remuneratorem omnibus quærentibus se. Hæc nimirum à Deo remuneratio cum est à nobis credita, quoniam quidem pertinet ad nos, facit, ut confidere incipiamus Deo, & cum credulitate ipsa spem iunctam habeamus, si eum quæserimus, atque cum amore, ac desiderio ad eum fuerimus conuersi, fore nos illius bonorum, benignitatisque participes. Quod confidere utique est, & non solum Deo, sed etiam in Deum credere. Ac ut maiore cum autoritate de fide ipsa loquamur, definitionem Apostoli in medium adducamus. Qui sic ad Hebræos inquit: Fides est susceptio rerum earum, quæ sperantur, index earum, quæ non cernuntur. Hic **IULIVS**: Fidei, inquit, definitionem ex Paulo affers, quæque obscura semper habita fuerit, conflictatio omnium ferè interpretum demonstrat. Sed tu mi frater verbum illud Græcum hypostasis, quod cæteri transtulerunt substantiam, cur susceptionem conuerteris, audire ex te aueo. Certè enim verbi huius ipsius cognitio, cum ritè percepta fuerit, quasi lumen quoddam extiterit ad huiusce loci obscuritates, & tenebras illuminandas. **SUSCEPTIONEM** voco, inquam, vim, & sententiam Græci verbi secutus, quo *ὑπόστασις* non solum subsistere, hoc est, manere, atque hæere in seipso, quo sensu treis in diuinitate *ὑποστάσεις* esse dicimus, quas nos transtulimus personas: sed sustinere etiam quoddam est, & submittere, ac supponere se, siue negotium aliquod, munusve recipias, quod pro te subire, aut pro altero paratus sis, siue cuiusdam spei, aut opinionis, aut sententiæ remetipsum subicias. Atque hoc verbum alius quoque locis Apostolus: ut ad eosdem Hebræos: Cohortamini vos

aplos

ipsos per singulos dies, quoadusq; vocatur hodie, ne quis vestrum
 obdurescat ex deceptione peccati: Participes enim facti sumus
 CHRISTI, siquidem principium hypostaseos usq; ad finem fir-
 mum retinuerimus, hoc est, si permanebimus in eo, quod a nobis
 est susceptum, si non exciderimus spe, & fiducia erga Deum. Et ad
 Corinthios: Misi fratres, inquit, ut ne gloriatio nostra de nobis
 inanis sit in hac parte, ut quemadmodum dicebam, parati sitis,
 ne si forte veniant mecum Macedones, & offendant vos imparato-
 ros, rubeamus nos, ne dicamus vos in hypostasi hac gloriationis,
 quod idem est, ac in eo, quod suscepimus, ut gloriaremur de vo-
 bis. Indicat autem hæc hypostasis non leuem quandam, neque
 improviam, sed meditato consilio susceptam actionem. Ut item
 ad Corinthios: Quod loquor, non loquor secundum dominum,
 sed velut in insipientia in ista hypostasi gloriationis, quoniam
 multi gloriantur secundum carnem, & ego gloriabor. Vbi osten-
 dit se volentem, & scientem suscipere hanc provinciam glorian-
 di, quæ tamen non secundum Deum sit, sed secundum iactan-
 tiam, & gloriationem carnis. Verum omissis vocabulis ut venia-
 mus ad rem, cum fides definiatur ab Apostolo, susceptio earum
 rerum, quæ sperantur, index earum, quæ non cernuntur, sic in-
 telligamus huiusmodi definitionem, ut fides sit, vel sperare ex
 credendo; quæ oculorum visioni subiecta non sunt, hoc est, spi-
 ritualia, & æterna, vel credere sperando, quanquam fidei funda-
 mentum sit credere, tamen spes ipsa continet in se fidem, & absq;
 spe fides inanis tota est. Atq; hæc est propria fidei CHRISTI dis-
 finitio. Nam & Iudæi cum vnum esse Deum crederent, eumque
 colerent, & venerarentur, atque illi confidere se dicerent, spem-
 que in eo ponerent bonorum assequendorum: ea tamen ab eo
 sperabant bona, quæ oculis, & sensibus percipiuntur, hoc est ter-
 rena, atq; humana. Nos verò, qui & Deo credimus, & in Deum
 per unigenitum filium eius IESUM Christum ita confidimus, &
 permittimus nos Deo, ut nihil ab eo mortale, nihil interituum
 expetamus, neq; digna ista huiusmodi munera tanto authore
 esse existimemus: Sed ea potius speremus, & expectemus ab il-
 lo, quæ tribuenti, & donanti consentanea sunt, magnitudinē
 eximia, perpetuitate æterna. Est igitur vera fides CHRISTI
 & Deum, & Deo, & in Deum credere, quod est illi confidere, ut
 speres ab eo, quæ æterna bona sunt, ea porro huiusmodi, ut
 nullis sensibus comprehendantur, sed sint tota in illa fide, &
 spe, si Deo confidamus, & si eum amaverimus, expectationi
 nostræ reposita. AUDIO mi frater, IULIVS inquit, & de
 verbo hypostaseos, Christi que fide, quo pacto illud intelligen-
 dum, hæc accipienda sit, tuam sententiam probo. Sed cur Apo-
 stolus de fide CHRISTI speciatim loquens, exempla fidei

constituerit ex illis, qui longè tempus Euangelij antecesserunt, & in Abel, Enoch, Abraam, Iacob, ceterisque Patriarchis, fidem hanc, quam diffiniebat, fuisse affirmaverit, hoc est, quod cupio mihi abs te explanari. Non enim videbatur propriè fides, in illorum rebus gestis, sed in Apostolorum, & Deo credentium per Iesum Christum diffiniri. **Q**UONIAM, inquam, IULI, & ad Hebræos Paulus scribens eos in patribus suis voluit conmonefacere, ut plus haberet hortatio sua ponderis, & cum exemplum tum graue sit, si ex antiquitate depromatur, ad vetusta, & celebrata maiorum facta eos reuocauit, veteresque illi tamen, cum ea, quæ gererent, in corpore, atque in vmbra tanquam figuras, & simulacra præmitterent venturæ post aliquot secula veritatis, veritatem ipsam nihilominus tam tum spiritu sancto edocti perceperant, & sic crediderant in futurum **C**H R I S T V M, quomodo nos in eum, quem non vidimus, credidimus. Sed ut redeamus ad superiora: Fides **C**H R I S T I hoc habet peculiare in se, ut ea, quæ nec cerni oculis, neque vllò sensu percipi possunt, à Deo sola, & potissima expectemus, confidamusque illius benignitati, & veritati nos ipsius diuino munere illa assecuturos. De quibus idem iste Apostolus, Quæ oculus non vidit, & auris non audiuit, & in cor hominis non ascenderunt, prompta habet Deus diligentibus eum. Et alio loco, Brevis, levisque afflictio in nobis, inquit, æternum pondus gloriæ creat, dum non cogitamus ea, quæ videntur, sed quæ non videntur. Nam quæ videntur, ad tempus tantum sunt, quæ non videntur, æterna. Quod verò ista ipsa sperare, & concupiscere à Deo solo debeamus, quæ æterna, & inuisibilia sunt, illa ratio docet, quod hoc solum verè est Deo credere, atque confidere. Nam si ita confidamus, ac credamus, ut ista appetamus ab eo nobis dari, quæ sunt terræ bona, non vnum iam Deum, sed complureis esse Deos suscipiemus: quot enim extiterint, ex quibus nobis sit spes potiundi bonorum mortalium & caducorum, illorumque fruendi, tot nobis deos, & dominos profectò constituemus. Nam siue à populo sperandus honos fuerit, aut potestas aliqua, aut emolumentum, populus ipse nobis erit Deus, plusque illius voluntati, quam Dei opi confidemus, siue eadem postulabuntur a principe, Dei apud nos locum princeps obtinebit. Denique in amore terrenorum bonorum, qui suppeditauerit amoris nostro, cupiditatibusque suffragatus fuerit, is nostram ad se omnem conuerteret fiduciam: ex quo Iudæi, qui ad hæc terræ bona potissimum aspirabant, ad asciscendos quoque & colendos falsos deos, faciles expentuerunt, & prompti extitere. Non enim neque in rebus molestis, ac tristibus, illa bonorum spe à Deo insensibilem se sustentabant, & sæpe oblati aliunde præmiis, aut voluptatibus a Dei veritatis

ne deficiebant. Quod cum saepe alias, tum in Ieroboam precipue, & decem tribubus Israël fuit manifestum. Ille enim ut regnum sibi stabiliret, quod ex dissensione populorum ceperat, illi ut regem haberent fauentem sibi, atque propitium ferè omnes à vero Deo, & cultu Dei, temploque ipsius sancto auersi, ad ementitos Deos, & falsa idola transfugerunt. Proinde nos quoque qui fidem CHRISTI profiteamur, cum Deo nos credere, & Catholicæ Ecclesiæ enunciamus, sic debemus de nobismetipsis cogitare inanem esse fidem hanc, nisi etiam in Deo speremus, & confidamus, atque ab eo illa expectemus, quæ futura sunt immortalia bona. Itaque qui cupiditatibus rerum terrenarum, & carnis illarum dediti, & vel etiam ambitione, vel auaritia excæcati summum in his bonum, quæ sensibus comprehenduntur, & suum omne studium collocant, atque constituunt, hi fidem, quam voce usurpant, corde nullam retinent, neque Deum sibi, sed mundum dominum constituunt. Ex quo fit, ut in astutia, in malitia, in fraudando, in vlciscendo, in vim afferendo, in omnia miscendo, omnibusque modis attentando magis quam in Deo, & Dei ope fidentes, contentur ad ea peruenire, quæ peruersa opinio, corruptaque cupiditas fingit, atque constituit sibi esse bona. Est omnino aditus, & tanquam ianua ad ipsam solidam ac perfectam fidem ista animi credulitas annuentis Deo se, & CHRISTO atque Ecclesiæ credere. Sed non in eo plena fides, quandoquidem sine firma spe, atque fiducia in summum Deum fides vera non est: spes autem, & fiducia esse non potest, si hæc interitura bona potius expetimus, de illis æternis minus laboramus. Sed tamen qui suum in ista credulitate nomen professus Deo, & in nomine sancto CHRISTI baptizatus est, ad explendos fidei numeros omnes profectò sic paratior, quam is, qui ne istam quidem fidei CHRISTI nominationem æquis auribus accipit. Verum in eo tamen est fides, ut credatur, & confidatur, idque certo consilio, & deliberata fiat voluntate. Fidem enim habere etiam sperare est, & confidere. Qui verò tantummodò verbo, nulla meditata in corde ratione sese annunt credere, cum in mundo iidem multò maximam spei suæ partem fiduciæque ponant, hi non tam fidem ipsam tenere, quam ad fidem quendam introitum habere sunt existimandi. Quod si is esset Deus, qui non omnia posset, & valeret vnus, aut si quæ ab eo suis cultoribus proposita sunt, non eadem essent optima, ac præstantissima, profectò & alios deos constituere, eisque confidere, & alias res appetere hominibus foret licitum. Ut enim diximus, qui quopiam confidit, Deum sibi quodammodo illum facit, in quo suam ponit fiduciam. Sed cum & omnipotens Deus, & nihil illius donis celestibus sit præstabi-

lius, atque aded illa sola sint, quæ nobis à Deo ostenduntur, & promittuntur vera bona, ideo nec illis est quicquā à salute vera aberrantius, qui à CHRISTI fide alieni sunt, neq; iis miserius, qui fidem ipsam CHRISTI ore, verbisq; professi alias alibi spes, & alios penè Deos, quibus potius confidant, sibi proponunt, & erigunt. Quocirca sic concludamus, certam, & veram fidem esse eam, quæ ea, quæcernit oculis, manibusq; comprehendit, manifesta, & indubitata mortalis vitæ cōmoda abjicit vtrò, & segregat ab sese, ut ea, quæ sperat, & credit, adipiscatur à summo Deo, quæ quidem etiam fides hominem ex carneo & corporeo spiritualem prorsus reddit, agnoscentem cōnationem, quæ sibi cum Deo est, & ad Deum ipsum, tanquam ad suum summum bonum credendo & confidendo, illumq; imitando prorsus erectum, inq; eo solo eorum bonorū, quæ ab omni sensu remota sunt, eademque & summa & immortalia existunt, spem, atq; expectationem omnem suam assequendorum reponentem, per quam fidem postquam ita credidimus Deo, ut spem omnem nostrā, omnemque fiduciam in illo constitueremus, amoremq; erga illum nostrum his terrenarum rerum studiis atque amoribus non pateremur decerpi, neque distrahi, illæ in nobis præclaræ, atq; eximix virtutes gignuntur, quæ divinam in nobis referunt virtutum similitudinem. De quibus ad Galatas Paulus, Qui suppeditat vobis spiritum, & operatur virtutes in vobis, ex operibus legis, an ex auditu fidei id agit? & revera, cui ista sordent interitura, & mortalia, solumque is ad cælum, & ad Deum sperandis illis bonis cœlestibus erectus est, quis hunc potest, aut iustum, aut continentem, aut beneficum, & misericordem ex hoc humanarum virtutum genere æstimare? alius se multò attollit iste in omni genere virtutis, & proximè ad Deum imitatione accedit, quandoquidem promptior est illi, & paratior benefaciendi facultas, qui ea, quæ communicat cum aliis, & distribuit, parum ad se, aut nihil putat pertinere, solamque præclaræ actionis voluptatem cum Deo omnia conferens sibi retinet, operæ autem fructū, & pecuniæ in alios dispergit quàm is, qui eisdem rerum terrenarum affectionibus implicatus, quas à suo proximo incommoditates depellit, in eas ipse veretur, ne quandoq; possit incidere. Certè enim ille prior ab omni rerū harum affectione remotus genus benefaciendi singulare, & propè divinum in seipso exprimet: hic posterior, bonus tantum & iustus, inter homines habebitur. Atqui posteriorem hunc lex, illum superiorem CHRISTI fides conformat. Est enim fidei CHRISTI, ut sæpe iam diximus, negligere omnia humana, & mortalia, neq; illa nobis bona existimare, quæ hic tenentur, & possidentur, sed ad ipsa cœlestia, & nō interitura aspirare, eorumq; locare, & ponere assequendorū spem, totam

totam in Deo, & confidentiam nostram. Sed quoniam de his, multis sæpe locis ab Apostolo fit mentio, erit nobis item locus de illis alias loquendi. Nunc redeamus ad Apostoli verba, qui tãquam rationem reddiderit, cur ex operibus legis nemo iustificetur, eo quod per legem cognitio peccati, hoc est, quoniam lex nihil seipsa maius demonstrat, neq; altius, sed solam tibi notionem peccati insinuat: aliud autem est vitare humanam iniquitatem, & aliud diuinam adipisci iustitiam, longeq; diuersum, disiunctumque est nosse peccatum, & ad gratiam aspirare, subiungit: Nunc vero seorsum a lege iustitia Dei manifesta facta est, testificata ab lege, & à prophetis. Nunc inquit illa iustitia Dei, quæ sola facit vere iustos, in lucem est edita, atq; apparuit, de qua lex, & prophetae dederunt testimonium. neq; id parce, atq; anguste, sed plurimis in scripturæ locis. De qua Esaias in persona domini, Propter est salus mea vt veniat, & iustitia mea vt reueletur. Ac vt non de humana, neque de legis iustitia appareat dici, quæ in præcipiendo, aut vetando, damnando, absoluendoue tota ferè consistit, etiam subiicit: Et erit opus iustitiæ pax, & cultus iustitiæ silentiũ. Sola enim Dei est iustitia, quæ cum animorum pace, & silentio colitur, tanquam stirpes omnium cupiditatum ipsa ex animis elidens, neque vllum penitus in mentibus relinquens dissidium huiusmodi, quo pacto hoc appetendum, atque idem rursus alia ex parte fugiendum sit. Vel cum dicit huius diuinæ iustitiæ effectiones operaque demonstrans: Vocavi te in iustitia, & apprehendi manum tuam, & seruaui te, & dedi te in fœdus populi & in lucem gentium, vt aperires oculos cæcorum, & educeres de inclusione vinctos, & de domo carceris sedentes in tenebris. At hoc legis certè iustitia non facit. Hos enim ipsa potius incluserat, & vinxerat. Cui ergo esse potest dubium, talem Dei iustitiam viuificantem eos, qui in peccatis mortui sunt, & cæcos mente illuminantẽ, eam esse, quæ non in lege expressa sit, sed quæ cū fide conferta, atq; coniuncta cingulum circumdat renibus, sicut scriptum est: Et erit iustitia cingulum lumborum eius, & fides cinctorum renum eius: & hanc à prophetis, & lege testificatam, tametsi nos pauca è multis testimonia, subiecimus, quæ plurima passim in rota scriptura, & de hac ipsa iustitia, & de vniuersa pariter gentium vocatione scatent, quas huius lex iustitiæ erat excitatura, & ex illis ecclesiam sanctiorem constitutura, de qua sic aperte, & perspicue Esaias, vt hæsitati non sit locus: Vniuersi filij tui, inquit, erunt docti a domino, & multiplicabit pacem filiorum tuorum, in iustitia fundaberis. Hæc inquam Dei iustitia seorsum nunc a lege manifesta facta est, cui nihil cum lege rationis est, atque commercij. Alio n. ex genere, & ex alio ordine tota est, diuinarum virtutum videlicet in nobis creatrix, non humanarum, iusti-

ria inquam Dei manifesta facta per fidem IESU Christi in omnes, & super omnes credentes, hanc inquit, iustitiam Dei fides IESU Christi in lucem extulit. Antea enim in Deo quidem semper erat, & radios interdum suos, occulto tamen tramite in aliquorū mentes & corda iaciebat, præsertimque eorum, qui essent ex semine Abrahæ. Illud enim genus præcipue electum fuerat à Domino, ut quomodo ex eo author, & promulgator maximi mysterij edendus erat, diuino indicante spiritu prænosceretur ab eisdem, à quibus parturiebatur. Nunc vero IESU Christo docente, atque monstrante Dei illa eminens, præcellsaque iustitia in toto mundo patefacta est meridiano solis lumine multo clarius. Non solum enim nouere homines, qui IESU Christo crediderunt, illam in Deo iustitiam cuiusmodi esset, sed eam ipsi in semetipsis sunt experti. Etenim quemadmodum Deus fidem intuens eorum, qui sese ei dederunt, & credendo, fidendoque permiserunt, nullas veteres iniurias, nihil pristinae impietatis, nec iniquitatis illis exprobrauit, sed omnium præteritorum scelerum memoria statim obliterata: omnibus eos ultro affecit beneficijs, non ut liberaret tantummodo poena, & supplicio: sed etiam ut sanctos efficeret, atque iustos, quo patre Deo digni effecti, cæli hæreditatem iure adire possent: sic nos eadem Dei iustitia, eadem benignitate imbuti, atque ornati, ipsum illum, unde eam hausissemus, imitemur, nihil odio, neque iræ, nec libidini ulli tribuentes, ab eorum rerum cupiditatibus alieni, per quas perturbationes huiuscemodi in animis nostris exoriantur, ad benefaciendum tantum, & ad benemerendum intenti, quod sola fide in Deum nobis aduenire potest. Eadem enim fides per IESUM Christum tradita nobis, & insinuata, & iustitiam talem in Deo ut cognosceremus, effecit, & ut in nobis similem ab eodem Deo insitam & datam acquireremus, elargita est, quæ credentibus data est, hoc est huius ipsius fidei, & credulitatis nomine non tanquam legem habentibus, nec rursus tanquam probitate, & innocentia præditis, quippe cum nec gentes legem cognoscerent, & omnes omnino homines peccatis essent oppressi: sed data est gloriæ, & gratiæ, & beneficentiæ summi Dei. Nam si Hebræis tantum data fuisset, ubi Dei æquitas pari studio affecti ad omnes conseruandos, quos pariter creasset: Si tantum probis, & innocentibus, ubi Dei gloria? aut quis eius benignitati, & voluntariæ liberalitati fuisset locus? Data est ergo ea, & donata credentibus, qui suum nullum meritum afferunt, non enim credere, mereri est, & iidem maxime ornant, atque magnificant gloriam omnipotentis Dei. Proinde in hac communione indignitatis, & peccati, qua cuncti comprehensi erant, nulla erat prorsus distinctio, quamobrem huic potius, quam illi tribuenda esset, sed omnes pariter egebant gloria Dei, ut iustifica-

• rentur

rentur gratis eius gratia. Opus erat, inquit, ut suam gloriam ostenderet Deus, quatenus gratis, & sua innata benignitate, non ipsorum ullo merito eos iustificaret. Hæc enim est vera virtutis, & bonitatis, & divinæ iustitiæ gloria, facere omnia gratis, & propter se, neque expectare, quoad quis mereatur, sed ultro suam gratiam, & benignitatem credentibus offerre. At quo interprete, quo instrumento hoc fecit Deus, per redemptionem, inquit, quæ **CHRISTO IESU**, quem proposuit Deus placamentum per fidem, in ipsius sanguine. **TVM IULIVS**: Adhuc mi frater, inquit, quæ ab te dicta sunt de iustificatione nostra, de fide in Deum, & de ipsa Dei iustitia ita mihi inhæserunt, ut nihil habeā certius, neque firmitus, quàm ita habere se rem, neque id credulitate tantum simplici, sed clara & valida ratione adductus. Nihil enim est melius, quod attribuamus Deo, quàm eum talem esse, qualem hæc ipsa iustitia demonstrat. Quod si in Deo omne inest, quodcunque est optimum, & hoc, quod optimum est, inesse in eo necesse sanè est. Neque intueor tamen, omnibus meæ mentis viribus, & omni intentione animi circumcirca aspiciens, quid illustrius offerat, & quid magis persuadeat intelligentiæ nostræ illa tantopere laudata apud homines philosophia, cum argumentis & rationibus, quid concludit, atque firmat, quàm hæc pura, & simplex virtutem, & iustitiam & beneficentiā summi Dei summam narrans oratio. Itaque ea non me docuit solum, sed etiam vehementer accendit, ut hæc mundi bona quotidie magis, magisque despiciens in illis tantum bonis, quæ cœlestia, & æterna sunt, à Deo expetendis studium omne meum, & omnem curam reponam. Video enim non secus ac si oculis idem cernerem, neque falli nos spe nostra, si verè confidamus Deo, neque ipsum Deum à natura, à iustitia, à bonitate sua posse deficere. Unus adhuc restat scrupulus, is iste, ipse, in quo Paulus nunc versatur, nec mihi ille quidem, sed his, qui fidei **CHRISTI** libenter sæpe obtrectant, qui cum reliqua forte omnia concesserint, fidemque in Deum causam omnium virtutum in nobis assensu fuerint, nec sine ea ad gratiam posse veniri annuerint, illud tamen dicant, quod quotidie dicunt, nihil opus fuisse **CHRISTO**, nec **CHRISTI** morte, sed potuisse mundum inspirante Deo, nihilominus in hunc sensum & fidei mysterium sine **CHRISTO** peruenire, quasi hoc in nobis reprehendant, quod in istud fidei negotium, **CHRISTVM** ita admisceamus, ut absq; eo de salute & de Dei gratia penitus diffidamus. Nam quod Dei filiū facimus, quod æqualē Deo, quod virtutē Dei omnem in seipso deferentē, alia fortasse disputatio sit, neq; propria huius loci. Quod vero sine eo erga Deū fides non sit, & quod hac vna omnino ianua ad vitā sic introitus, cuperem admodū mi frater à te aliquid

proferri in medium, quod possemus horum talium molestissimis percontationibus respondendo opponere. **DIVINUM** est hoc consilium, quod quæris mi frater, diuina consideratio, quam nos homunculi non tam indagare rationib. & scrutari, quam venerari, suspicereq; debeamus. Est enim hoc fidei præcipuum & proprium, non inuestigare curiosè, quod suscipias, sed id simpliciter, & sincere credere. Veruntamen quoniã quod cū pietate agitur, nunquã ingratum id Deo, neq; infensum esse solet, ~~atque~~ **EMUS** aliqua non tã expressa in scripturis sanctis, q̃ adumbrate posita, per quæ hæc possit quæstio dissolui, Deum ante deprecantes, ut sensum nobis rectũ ita tribuat, inducatq; in omnem nos de filio suo veritatem, si eum nos verentes, & honorem ei toto animo deferentes ipsius benignitatis, & sapientiæ gloriam cupimus magnificari. **FACIAT** mi frater, inquit, nam & ipse dixit, Quæcunque poposceritis patrem in nomine meo, dabit vobis. **HAC** fide in Deum freti inquam, asseueremus primum illud, quod indubitatum, certumq; retinemus sola fide erga Deum per **IESVM** Christum posse nos saluos fieri, neque aliud nomen esse sub cœlo, ut **LUCAS** inquit, in quo salus mundo sit proposita. Quorum etiam verumque cognoscere vita est æterna, & eum, scilicet, qui misit, Deum patrem, & eum, qui missus est, **IESVM** Christum filium Dei. **ASSEVEREMUS**, inquit, neque de huius fidei constantiã vlla omnino vnquam vis nos, vllius sententia deducat. **AT QVI** inquam, huinsce persuasionis nostræ & fidei argumentum, primum illud, & quasi fundamentum totius assensionis habemus, quod euentus rerum ita habere se rem cōprobauit. Hoc n. & miracula **CHRISTI**, quæ ab eo patrata sunt plurima, & maxima indicarunt; & mors ab eodem non suscepta solum sed præuisa etiã, & sapius prænuntiata, & posteaquam obiisset tertio die a mortuis eiusdem consurrectio, ac sui viuentis discipulis ostensio: Deinde palam in cœlum tot conspecta oculis fidelium ascensio, post Spiritus sancti è cœlo discipulis missa, & dispersita in specie linguarum, & ignis donatio. Virtutes quoque maxime illis, ex eodem spiritu immissæ & inditæ sanandi ægrotos, liberandi à malis dæmonibus obsessos, mancos, & debiles integrandi, integros interdum in debilitatem iniiciendi, consistendi sine timore, & perturbatione vlla aduersus magistratus & potentes, ac feroces sæpe minas superborum hominum ac tyrannorum, in mortem sicubi opus esset, & veritatis defensio postularet, alacri animo eundi, atq; hæc omnia tot atque tanta, ut aptè, & facilè, & admirabiliter agerent, non solum vis quædam inaudita cœlestis virtutis ac sapientiæ, sed etiam omnium linguarum vsus & cognitiones illis repente è cœlo datæ. Quarum quidem virtutum, & eius, qui in Apostolis operabatur, Spiritus sancti tãtã vis extitit, ut

mundus, qui avaritiæ totus, & ambitioni, superbiæ quoque, & omnibus turpibus illecebris, deditus erat, quiq; ea sola bona intelligebat, quæ ad corpus, & ad corporeas comoditates, aut quæ ad gloriam, & laudem inter homines pertinerent, nullam autem animorû immortalitatem, nullum Dei regnum, nullam alteram vitam, & eam quidem multo potiorẽ cogitabat, stupefactus horum hominum, si illos ex mundo spectes, ignobilissimorû, & despectissimorum, si ex Deo altissimorum, & maximorum, vita, oratione, miraculis, atq; ea imprimis constantia, qua cruciatus corporum pro CHRISTO, & mortem fortiter sustinebant, conuersus repente ad Deum verum priora vitæ instituta relinqueret, & sese IESU Christo fidelem, subiectumq; traderet. Num paruum hoc tibi aut obscurum veritatis fidei nostræ argumentum videtur esse? MINIME, inquit ille, sed & illustre, & magnum, nequaquam enim sine Deo, nec sine diuino numine nouæ fidei mysterium inexpectatum præsertim, & insolens, hominumque quotidianis & communibus studiis repugnans, atque contrarium tot sanctissimorum vita & virtutibus, tot miraculis, tantarum nationum concursu & cõuersione ad puriorem vitam potuit frequentari. QUID ILLA inquam, quæ in susceptione fidei, & in Euangelio nobis præcipiuntur, eiusmodi ne sunt, vt aut plausibilia sint hominibus, aut cum aliarum legum præceptis, atque institutis videantur comparanda? Cuiusmodi sunt, quod humanæ leges his, quibus sunt latæ, non stabilitatem solum & otium, & ordinem vitæ in cõmunionem iuris, ac libertatis, sed etiam opes, imperium, potentiamq; inter finitimos conantur acquirere. Nos CHRISTI præceptis vitæq; eruditi humilitatem animi pro magnitudine, simplicitatem pro sapientia, credulitatem pro cautione, patientiam pro vlciscencia, ignobilitatem pro gloria, pro diuitijs paupertatem, pro potentia imbecillitatẽ, pro delitijs asperitatem vitæ eligimus, atq; in his spem maximi boni consequendi ponimus, quæ cæteris primo ipso aspectu molesta, difficilia, summa mala, iudicantur. Hæc ne tanta commutatio opinionû, atque rerum, tamque contrarius & discrepans à perpetuo hominum usu, & voluntatibus animorum sensus aut veritatem in se melioris vitæ retinere, aut sine Deo adipisci tantum authoritatis potuit? NE HOC quidem fieri vllò potuit modo, inquit, cum tamen nobis iam expertis, & ab IESU Christo edoctis, quantum cœlum à terra distat, tantum hæc vita, quæ oculis carneis despicibilis, & sordida, plenaque miseriæ, & stultitiæ videtur esse, illis mentis, & spiritus integrioribus oculis cœlestis lætitiæ & verissimarum iucunditatum plenam sese ostendat. NAM P E quia à mundo penitus auulsa est, & in Deo tota defixa, eumque suum possidet bonum, quod summum est in omni natura bonum.

H A C

H A C ratione ipsa inquit. **H** I C inquam **I** V L I necesse est hoc **v**e
 consideretur, quale sit, quo quid mundi dicitur esse, aut Dei. Sic
 enim pronunciamus, atq; sentimus quasi alterutrius tantum nos
 esse necesse sit, utriusque vero esse nequaquam sit licitum. **E** X P L
 C T O, inquit, quid dicas, **H** O C inquam, quod videtur repugnare
 inter se, & contrarium esse Deo servire, & mundo, sicut ipse dixit,
 Non potestis Deo servire, & Mammonæ. Id porro verbum Syro-
 rum lingua dititias significat, quarum quidem nomine omnis
 cura rerum terrenarum, omnis procuratio corporum compre-
 henditur. Sed Deus, & mundus Domini nostri sunt, non ambo
 simul, id enim fieri nequit, sed alteruter eorum, prout utri nos
 magis voluerimus dedere, illumque, quæ elegerimus Dominum
 & Deum nobis voluerimus constituere. Utri enim hæserimus po-
 tius, & in utro magis desideria nostra collocauerimus, is à nobis
 potior, & præsentior habebitur Deus: qui si mundum præopta-
 verimus Dominum, carnales homines reddemur: si Deum, spiri-
 tuales. Verum, ut opinor, distinguendum perspicue est inter spiri-
 tualem hominem, & inter carnalem, ut quod ad mysteriū **C** H R I-
 S T I pertinet, fidei nostræ rationem melius post exponamus.
 Porro fiet hoc percommode, si operationes carnis, & operatio-
 nes spiritus ex eiusdem huius Apostoli verbis in medium profere-
 mus, qui sic ad Galatas inquit, scribens. Manifesta sunt opera car-
 nis, quæ sunt hæc, Adulterium, scortatio, impuritas, petulantia,
 falsus deorum cultus, veneficium, inimicitia, iurgium, obrecta-
 tio, iracundia, rixa, seditiones, factiones, malivolentia, caedes,
 ebrietates, comestiones, & similia his, quæ vobis prædico, quæ
 admodum prædixi, quod qui talia agunt, regni Dei non erunt
 hæredes: Manifesta sunt opera carnis, inquit, quoniam carnalia,
 & corporea sensus feriunt, & à carnalibus oculis conspiciuntur:
 quæ quidem carnis opera, alia finis nobis sunt, & id, ad quod ten-
 dimus, extremum: alia sunt in his, quæ spectant, & pertinent ad
 finem. Finis corpus est, & corporis commoda, quæ in Græco epi-
 grammate satis expressa sunt, quo dicitur optimum esse bene va-
 lere, honorari pulcherrimum, suavissimum eo frui quo quis ma-
 ximè cupit. Ita valitudo, suavitas, dignitas carnalium hominum
 summa, & maxima bona sunt, & ille ex Evangelio hoc idem indi-
 cat, qui plenis domi horreis, ac cellis omnibus dicit animæ suæ,
 Anima habes bona multa reposita in plures annos, requiesce
 iam, comede, bibe, gaude. Hæc enim bona si cum pace, & sine
 dimicatione quæterentur, aut iam quæsitæ, & parta possideren-
 tur, nimirum in his humanorum in corpore votorum summa
 consisteret. Quoniam autem affectata, anhelata, aude vndique
 quæsitæ sunt, neque omnibus pariter queunt communia esse, ic-
 circo in his oppugnandis, insidiandis, contra petendis seditio-
 nes, &

nes, & rixas excitari necesse est, & reliqua mala facinora omnia
 suscipi, quæ non sponte sua, sed horum obtinendorum bonorum
 gratia perpetrantur. Ista igitur carnis opera, & qui hisce dediti
 operibus sunt, carnales homines habentur, qui omnes curas suas,
 & studia omnia ad carnem, corpusque referunt, nihil cogitatio-
 nibus rerum à sensu remotarum, nihil futurarum post hanc vi-
 tam expectationi, nihil Dei providentiæ, nihil immortalitati, ni-
 hil denique fidei erga Deum tribuentes: sed illud tantum soli-
 dum & verum tenere se arbitantes, quod manibus comprehen-
 sum sit. Atque hi tales ipsi cum sint, non modo regnum Dei, le-
 gemque recte, & ordine viuendi nullam, sed ne ius quidem vitæ
 perpetuum, & firmum possunt recipere. Moritura enim caro, &
 carnalem secum hominem in eandem mortem rapit, ipsaq; Dei
 legibus nequaquam subiecta est, idcircoque omnis eius sapien-
 tia, apud Deum stultitia est, quoq; abscedit à Deo longius, quod
 hi faciunt, qui diuitijs, & potestatibus inhiandis quotidie magis
 in mundum se inuoluunt: hoc fit terrena ista tractando, appo-
 tendoque dementior. Atque hic homo carnalis à Ioanne Evan-
 gelista notatus, qui non ex Deo, sed ex sanguinibus, & ex volun-
 tate carnis, ac viri natus est, à quo se cupiebat David liberari, cum
 instaret apud Deum, Libera me de sanguinibus Deus, Deus salu-
 tis meæ, inquit. Hic est, quæ Adam nobis primus pater proge-
 nuit postquam peccatum fecerat, & Dei dicto nõ fuerat audiens,
 cum carnem nihil etiam tum admodum appetentem, neque ar-
 rogantem sibi, sed rationi prorsus, atque menti subiectam & de-
 ditam insperata illa victoria, quam nec ipsa quidem valde concu-
 pierat, ad superbiam excitauit, in eamque extulit insolentiam, &
 temeritatem, vt maius illa deinde ius suum in homine quam ra-
 tionis semper pugnaverit esse. Quod carnis regnum mors iure
 est consecuta, quandoquidem caro cum operibus suis vitæ per-
 petuitatem non recipit, idque ab origine primi parentis pecca-
 tum vnà cum morte in nos quoque, qui sumus progenies ipsius,
 & in vniuersam posteritatem propagatum est. Huic autem car-
 nali è contrario spiritualis ille homo opponitur, qui fructus eos
 appetit, & ea sibi prima proponit, quæ sunt propria spiritus. Por-
 ro autem illa sunt, Charitas, gaudium, pax, longanimitas, beni-
 gnitas, bonitas, fides, mansuetudo, continentia. Quorum qui-
 dem omnium si ex origine, atq; ex authore illa spectentur, Deus
 eaput est. Hauriuntur enim ab eo ista omnia, & referuntur rur-
 sus ad eum. Si vero ex nostra parte, illa propter fidem nobis insi-
 nuantur, simulac primum enim considerare incipimus Deo, & præ-
 mia ab eo illa expectare velle, quæ sunt ab humanis sensibus ab-
 scōdita, statim dimissa carne ad spiritum nos reuocamus, repu-
 diatisque mundanis, & terrenis bonis causas omnes vnà excindi-
 mus se-

mus solitudinum, & cupiditatum, animoque intestinis morbis ac perturbationibus liberato pacati, atque modesti, omnibus benigne facientes, nunquam obtrecentes cuiquam, neque ad corpus velut ad finem aliquid referentes, sed omnia in Deo nostra reponentes, agimus beatam etiam in hoc seculo vitam, plenam lætitiæ, & verissimæ iucunditatis, cui nimirum vitæ neq; lex scripta, neq; mors dominatur. Immortalis enim spiritus est, & eius opera æterna. Atque hi sunt, qui per fidem nascuntur ex Deo, & filij Dei fiunt. Primum quia illi similes in omni illa divina virtute, atque iustitia contendunt fieri, tanquam filij parenti, deinde quoniam abdicato patre mûdo, & pristino repudiato terreni generis nomine in aliud nomen, & familiam aliam transeunt, velut in cœleste genus adoptati, vnamq; illam, & solam expectant hæreditatem, quam de cœlestibus bonis illis largiatur Deus. A V-DIO inquit I V L I V S, & hanc admirabilem fidei potentiam etiam atq; etiam magis nosco, cuius certè & author, & doctor fuit C H R I S T V S, de quo si aliud argumentum nullum habeamus fuisse illum filium Dei, eundemque humani generis redemptorem, hæc vna quidem ratio, mea iam sententia satis sit, quod gustum, & fructum diuinæ huius sapientiæ attulit ipse in mundum, cæcisq; hominum mentibus lumen prætulit, quod nulla nostra lucubratio, nulla ingenij vis, nullum vnquam studium potuisset inuestigare, idq; nisi ipse è sinu & gremio patris profectus ab eodem patre Deo ad nos detulisset, iaceremus adhuc omnes sine mente, & erraremus sine duce, & nullo bono consilio actiones nostras, vitamq; dirigeremus. Quamobrem perge tu quidem, ut cœpisti. Et si enim satis edoctus sum, nam persuasus semper antea fui, tamen audire etiam nunc expeto, quæ dicturus es. A T Q V I mi frater, ne alterum quidem illud argumentum silentio prætereundum est, quod Paulus ad Ephesios scribens innuit magis, quàm explicat, quæ ait: In quo habemus (C H R I S T O videlicet) redemptionem, per sanguinem ipsius, dimissionem peccatorum secundum diuitias gratiæ ipsius Dei, per quâ exuberans fuit in nos in omni sapientia, & prudentia notificando nobis mysterium voluntatis suæ ex beneplacito suo, quod proposuerat in seipso, dispensata plenitudine temporum sub vnum caput redigere omnia in C H R I S T O, quæcunq; in cœlo, & quæcunq; in terra. In seipso, id est, per C H R I S T V M constituit Deus reuocare omne ad cultum, & ad honorem sui, ut ipse esset omnium Deus; qui idem fuisset & creator, ut ne tam diuturno errore laberentur homines ponentes in mundo, & in mundanis dijs spem, & inani illa fiducia ad interitum deducti: P R Æ C L A R V M & hoc argumentum est, inquit, dignaq; imprimis Dei bonitate, & sapientia deliberatio, cuius vtrique deliberationis vnicus in omni ævo transactor &

administer fuit CHRISTVS, cuius & actio ista ipsa, & actionis
 euentus satis planè indicauit, & in tanto Dei consilio intelligen-
 do fuisse in illo diuinā sapientiam, & in exequendo, ac perficien-
 do diuinam etiam potestatem. Nunquam enim homo duntaxat si
 extitisset, aut tam alte ille sapere, aut tantum complecti potesta-
 te valuisset. At nunc quidem orbis ab eo edoctus vniuersus, quan-
 quam diuisus postea in ritus, atq; sectas: vnicum tamen omnium
 Dominum, & Deum vnum agnoscit, ac veneratur. Ipsum autem
 consilium summi Dei, quo per CHRISTVM is voluit cuncta sub
 se caput reuocare, & redigere, cum venerabile per se est. Nihil
 enim illius maiestate dignius, quam repulsa, atq; illusa inanum
 decorum turba gloriam suam æque omnibus hominibus, nationi-
 busque parefacere, in quo Iudæi sanè quàm ridicule stulti sunt,
 qui tantum cœli, terræque effectorem peculiarem suum, & pro-
 prium vocant Deum, quasi aut cæteri quoque homines non sint,
 aut si sint homines, nō tamen ab eodem Deo facti, aut creati exi-
 stant, aut si vtrunque horum ita esse suscipiatur, pacto tamen ali-
 quo & conuento Iudæis obstrictus sit Deus, non se alium præter
 eos populum in fide, & beneuolentia sua recepturum esse. Sed, ut
 dicebam, cum venerabile est per se consilium Dei, & hæc illius
 communis atque æqua erga omnes homines voluntas, cumque
 omnibus nobis commodum, & salutare (illo enim cuncti consi-
 lio ad perpetuam salutem vocati sumus) tum vero ratio, & via
 consilij illius perficiendi non modo inaudita, & noua, sed admi-
 rabilis, sed incredibilis, sed nescio vnde inuenta, atque in lucem
 educta extitit. Quid enim tam nouum, tamque præter omnium
 opinionem accidere vnquam potuit, quàm ita instrui, atque eru-
 diri homines, qui in mundo versarentur, & hæc tam varias, tam-
 que innumerabiles oculis & manibus, omni que corporis conta-
 ctu perciperent voluptates, quosque ad consecrandas corporum
 commoditates vita, ad dominandi cupiditatem natura, ad ap-
 petendam laudem animi vis quædam erectior stimularet, ut hoc
 ita constituerent, idque certissimum existimarent, si veram vi-
 tam adipisci cuperent, hæc omneis res, quæ de mundo expe-
 rantur, diuitias, scilicet, honores, voluptatesque relinquendas,
 & pro nihilo esse habendas, ut cum hæc, quæ cernimus, & tangi-
 mus dimissemus, tum ea speraremus atque expectaremus, quæ
 ab oculis, & ab omni sensu prorsus remota essent, præceptum-
 que CHRISTI adimpleremus, sic nos adhortantis, dum ait,
 Qui vult venire post me, abneget semetipsum, & tollat crucem
 suam, & sequatur me. Quando quidem repudiare, & abijcere
 mundum, vnum atque idem propemodum iudicatur, ac semet-
 ipsum exuere, atq; abnegare. Atq; hoc cum mirabile admodum,
 & nouum ex parte imperantis, ac præcipientis CHRISTI, tum
 etiam

etiam mirabilius ex eorum factis, qui paruerunt. Creditum enim est, assensum est, concursus est in hanc rationem vitæ, & sententiam, neq; id infrequente populo, sed totis generibus hominum, & nationibus. Quodque tu frater paulò ante dicebas, ratio tota viuendi in contrarias partes commutata est, ut quæ apud mundum despiciatui ducuntur, ea prima, & præcipua Christiano homini habeantur, quæ autem in mundo plurimi sunt, postrema. Sed ego nimis longe progredior, tuæq; cursum impedio orationis. Tu vero ad institutum sermonem reuertere, & pertere reliqua. **ADIVVAS** me inquam mi frater, non impedis, cum præcurris orationi meæ, viamque mihi aperis, qua facilius, & planius ad illa diuina mysteria adniti queam, quæ sunt in omnibus humanis considerationibus cæterarum longe altissima, vel potius non humana nobis, sed diuina mente, inspirationeq; traduntur, ut ego nunc ex his, quæ à te dicta sunt, sancto instante spiritu aperiri mihi sentio arcani consilij euidentius rationē, & **CHRISTI** mysterium totum patefieri. De quo idem Paulus scribens ad Colossenses perobscure mihi loqui videbatur, qua sic ait: Pro corpore **CHRISTI**, quod Ecclesia est, cuius ego factus sum minister, secundum dispensationem Dei datam mihi erga vos, ut impleam verbum Dei, mysterium absconditum a seculis & a generationibus, quod nunc manifestum factum est sanctis eius, quibus voluit Deus notificare, quæ diuitiæ sint gloriæ huius mysterij in gentibus, qui est **CHRISTVS**, in vobis spes gloriæ. Hæc, ut dicebam, Pauli verba mihi admodum abstrusa esse videbantur, cum hoc mysterium non **CHRISTI**, aut de **CHRISTO**, sed ipsummet **CHRISTVM** esse diceret, nunc intelligo planè mysteriū fidei nostræ non tam de **CHRISTO** esse, quam **CHRISTVM** ipsum: ipse etenim nostræ mysterium est fidei, & fides illa ipsa, sine qua nemini apud Deum gratiæ, neque misericordiæ diuinæ locus vllus est. Quod si quis cum admittat fidem erga Deum, **CHRISTVM** tamen rejiciat, is eam ipsam fidem, quam admittit, spernere eo ipso in quo admittit, & repudiare intelligendus est. **ATQVI INQVIT IVLIVS**, hoc quidem certe iam abstrusius est, quam ut possit per me statim percipi. Itaque attento sum animo, quorsum tandem euasura sit oratio tua. **PERCIPIES IVLII**, inquam, simul ac paulò amplius progressi fuerimus, & aliquid adiunxerimus ad ea quæ superiori oratione a nobis tractata sunt, cum noua, & mirabilia fidei Christi præcepta & opera recensentes maxime mirabamur in tam contrariis mundo, repugnantibusque sententijs, ut quod paupertatem, quod ignobilitatem, quod iacturam, quod laborē illis commodis anteponebamus, quæ sunt his è regione opposita: locum tamen habuisse, & auctoritatem sibi vindicasse hanc tam insuetam, &

alpe-

asperam, maximeque aduersantem communibus hominum sensibus sententiam Christi, Dei que voluntatem, usque eò quidem, ut mundum totum pertraheret ad sese, ipsumque a seipso deficere, & in alienam naturam quasi transire cogeret. **DICTA SUNT** illa inquit, & in his mysterij Christi maxima vis demonstrata. **Sed enim IULI** adhuc superest, inquam, maius quiddam, & potentius, quod divinam illam iustitiam, de qua saepius à nobis iam dictum est, maxime in nobis depingit, atque format: cuius iustitiæ, tantiq; cœlestis boni ac muneris fides nostra erga Deum ab ipsomet Deo nobis sola est conciliatrix. **Quidnam** illud tandem, inquit? **Id inquam**, quod non solum tolerate, ac pati, atque æquo ferre animo iniurias, iniquitates, contumelias, damna, & detrimenta cuiusque modi in animum inducimus, sed quod excelsius multo atque maius, divinæque illi iustitiæ maxime simile, ac genuinum est, etiam inimicis benefacere: bona pro malis reddere: quibus odio sumus, eos ipsos diligere: postremo quas sollicitudines, atque curas rerum humanarum nostra causa non suscipimus, eas non recusare pro aliorum salute, solatio, commoditateq; suscipere; ut hoc ipsum quod sumus, quod viuimus, non modo nemini omnino fraudi, damnoque sit: Sed etiam quod Dei summi, & præpotentis proprium imprimis est, ad commodum, & utilitatem valeat vniuersis. **Plane istud** est inquit, quo divinæ iustitiæ, & bonitatis similitudinem imitando maxime assequimur. Sed hæc mi frater nequaquam terrena cogitata sunt, verum cœlestia prorsus. Quando enim sponte ab hominis meditatione, atque cura, aut animaduersa omnino, aut siquis aliquando in eam cogitationem incidit, non irrita illico, & repudiata extiterunt? **At qui IULI** tum, inquam, cœlestia existimanda sunt, cum ad cœlum, & ad Deum sunt conuersa. Qui si Deus iustificat eos, qui à carne ad spiritum, & à mundo ad eum ipsum per fidem se recipiunt, accipitque in gratiam suam, quæ quidem gratia hære ibi non potest, ubi æstus mundanarum feruent cupiditatum, nonne necesse est ad Deum per fidem illam accedenti, per quam ipse iustificat impios, mundana hæc studia vniuersa reijcere, & in eo vno spem suæ salutis ponere? **Propterea** inquit, necesse est, sed ita, ut qui opes mundi non possident, hoc ipso gaudeant bono, quod ad sectandum viam vitæ soluti sunt, & liberi, qui vero possident, ab eis nihilominus amore, animoque diuellantur, & cum Deo conglutinentur. **Probi** istuc, inquam, sed & hoc puto te mihi concessurum, non posse ab eodem & mundum diligere, & Deum, nimium enim absunt, nimisque diuersa sunt, & ambo ista inter se, & quæ ad vtrunque ducunt curæ, studia, voluntates, quod significare solebat Dominus, cum diceret neminem duobus dominis servire posse, quod aut

unum dilecturus, alterum despecturus, aut huic adhæsurus, ab illo autem altero discessurus esset, & quod est apertius, qui animam suam diligeret, perditurum eam, & qui in hoc mundo illam odio habuisset, in vita æterna reperturum eam. **CONCEDO**, inquit, etenim quid potest contradici: **QVO QVIS** igitur, inquam, in hoc mundo tanquam in theatro aliquo, & velut spectaculi, a scenæ tragico apparatu hisce popularibus studiis & cupiditatibus se dedens maior honoribus, opibus, diuitiis, superior imperio, potestate, gloriaque existit, & quo illius incepris & conatibus fortuna magis suffragatur, ut vel inter ciues autoritate antecellat, vel in præliis, & certaminibus victor, spolia, & trophæa referat in urbem suam, maximisque cum plausu clamoribus, & gratulationibus accipiatur, hunc necesse est amantem, & studiosum rerum talium, si dictis, & confessis constare volumus, ætioribus mundo vinculis alligatum, & tanquam clavis affixum, ita implicari his terrenis bonis, & usque eo hære in mundi cupiditatibus, ut inter illas alacritates, læticias, ouationes, conuiuia a summo Deo magis magisque auertatur, & terrenis studiis illaqueatus, ac deuinctus, a spe salutis, verique boni sui magis longe absit. **QVINNI** absit, inquit, cum non ab Deo solum, sed à seipso quæque, & à bonitate naturæ sepe suæ, consilioque recto fortunæ euentus prosperi cogant deficere? Et tamen isti sunt, inquam, quæ ad mundum, & sectatores mundi homines, quorum semper multo maxima exitit multitudo, felicitatis & fortitudinis, & sapientiæ obtineant appellationem. **SUNT** inquit, sed perturbato iudicio, quando sola animi bonâ probat Deus. **MEMINISTIN** inquam, eius, quod ait Paulus? Quod stulta, & imbecilla, & quæ pro nihilo in mundo sunt, elegit Deus, ut sapientia, & fortia, & illustria mundi confunderet. Et item eius, quod in Euangelio est, quod altum in hominibus est id abominationem esse coram Deo? **MEMINI** inquit, idque mihi videtur prorsus per fidem Christi fuisse factum. **RECORDARE** igitur, quod paulò ante posuisti, cum dixisti sic posse queri, quid opus fuit Christo, & morte Christi? nonne potuit mundus Deo inspirante per fidem in eum totus iustificari? Nunquam enim tibi præcisè respondeo non potuisse, nisi forte nostri libertatem arbitrij qua hominis naturam præcipuè constare voluit Deus, idem etiam eam sub vim, & sub necessitatem redigere voluisset. Nam inspiratio illa ex Deo, si ijs, qui inspirabantur, vim allatura erât, eosque in id, quod voluisset Deus, etiam inuitos aut inopinantes omnino pertractura, non tam inspiratione, quam imperio, & potestate summi Dei ad iustificandos homines fuit opus. Sin autem suasionem duntaxat agere voluit Deus, & quos inspirabat, non vim illis atferre, sed tantum hortando

& docendo illos ad sese adducere intendebat, quemadmodum quidem in sanctis illis viris Patriarchis, & Prophetis fuit factum, non omnibus mouebat illa inspiratio, sed tantum voluntate, & consilio bono ad accipiendum paratos, qui cum perpauca existerent, quippe qui singuli per intervalla inspirabantur, non fuit diuinæ bonitatis & beneficentiæ largitatem cœlestis boni in tam exiguo numero conclusam velle. Igitur suasionem semel & doctrinam ad omnes homines, tanquam qui liberi, & suæ spontis essent, non vi, neque potestate vti voluit. Suasionem autem non per insomnia, neque per obscuras prophetarum voces, quibus erudiri pauci, & ad Deum conuertere poterant: sed illustri, & euidenti, & ea, qua oculi cunctorum, & animi maxime permouerentur, ut & qui tardi ingenio, & qui moribus agrestes, & qui opinione de se inflati essent, & qui mundo, carni quæ dediti, omnes pariter claritate, magnitudine quæ exempli admoniti, atque edocti intelligerent, si cum Deo frui immortali vita vellemus, contemnenda nobis esse terræ bona, & appetenda cœlestia. Itaque hominem unum elegit, & formauit ipse Deus, qui diuini huius documenti veritatem totam in semetipso deferret, suoque omnibus exemplo ostenderet, quantum veræ felicitatis, & gloriæ sequeretur eam vitam, quæ in terris misera, despecta quæ habeatur, dummodo illa non ingratis, neque contra animi sententiam, sed libenter ex Deo, & propter Deum suscepta esset. TUM IULIVS exclamans, mi frater, inquit, diuinum profecto hoc consilium, diuina veritas, quam quidem diuinam illam veritatem nisi patefecisset nobis Deus, ratio hominis nulla vnquam apprehendisset. At quanto lumine iam effulget bonitas & consilium misericordis Dei, & erga humanum genus beneuolentia? sed tu perge quæso, & exple auiditatem meam, qui studio feror incensus, ut ea auribus percipiam, quæ tamen propemodum mente iam præcipio. VOLENS inquam, homines Deus veritatis non ignaros solum, verum etiam negligentes, conuertere ad amorem, & desiderium sui, atque ut beneficium suum latissime diffunderet, filium suum carne humana indui voluit, qui tum verbo, & doctrina, tum ipso opere, & facto quasi manu duceret eos in adeptionem summi boni, ut cum doceret eos spernenda esse terræ bona, ferendas iniuriam iniurias, labores si res posceret, pro veritate subeundos, mortem appetendam, princeps ipse iniret eam viam, quam cæteris monstraret, qui primus in crucem tolli, primus ludibrio ab hominibus haberi, primus in omni vita, omnibus vitæ commodis, incunditatibusque destitui, non solum æquo, sed etiam læto animo perferret, ac pateretur. Qui item cum prædicaret, & annuntiaret, quanta eiusmodi vitam, quam agebat ipse vnâ,

ac docebat, plenam patientiæ videlicet, & laboris, cœlestium donorum præmia, quanta felicitatis magnitudo, quæ vita, quæ gloria sequeretur, non probasset ista hominibus in mundi cura inuolutis, nisi consurgendo ipse à mortuis, & in cœlum palam ascendendo impleta in se ostendisset, quæ cæteris pollicebatur. Illo etenim imprimis facto, illo exemplo moniti, qui & docentem illum antea audierant, & mox mortuum, suscitatumque viderant, euntemque in cœlum conspicati fuerant, pauloque post sanctum illum è Deo spiritum etiam hauserant, conuersi ad considerationem sui, spernere mundum tum maxime, & pro nihilo ea ducere, quæ terrenis hominibus prima existimantur, per fidemque in IESVM Christum ad amorem solius Dei totis animis ferri, tendereque cœperunt, cum ita statuerent, atque decernerent, quæcunque IESVS dixisset, atque egisset, ea sola vera, sancta, rataque apud Deum esse, & de eius imprimis consilio atque sententia allata in mundum fuisse, solosque ad Dei gratiam admitti posse eos, qui per fidem in IESV Christo sub potestatem ipsius Dei se sic subiecissent, ut nihil mundo iuris, aut dominatus in seiplos esse sinerent: quæ viuendi ratio & conditio ipse est Christus mysterium fidei nostræ. Nec tantum illi hoc ita senserunt, sed dimanante ab eorum cordibus, & linguis vna cum spiritus sancti auxilio illa incensa erga Deum, & proximum charitate totus penè correptus terrarum orbis eodem igne amoris in Deum conflagrauit, fidemque IESV Christi, atque adeo Christum ipsum studiose est complexus. Nunc videamus quid iam ista concludunt, ut possimus necessitatem aduentus Christi, non commodum iam duntaxat, & vtilitatem cognoscere. Nam si fidem habere Deo, hoc est, illi credere, & planè confidere, nemo satis potest, qui mundo etiam confidit, & mundi præmijs, honoribusque ducitur: nam qui per fidem quærit apud Deum iustificari, quod dignus bonis cœlestibus efficiatur, is mundum, & glorias mundi renuntiet, necesse est, quod tamen aut sua, aut parentum voce profitentur omnes, qui baptismum accipiunt, dum sese Deo dedunt, & permittunt totos, pompasque Satanæ repudiare se testantur, & penitus eas ab sese, atque ab animo suo amouere. Necesse est itaq; mundum relinquere, & mundi res omnes, cum, qui cupiat ad Deum se adiungere, quando præsertim nec iustificari potest coram Deo, hoc est, veram illam, & integram diuinæ iustitiæ vim nequit obtinere, qui mundo, & mundi bonis cupiditate, atque amore sit affixus, porro autem hoc fieri non potest, nisi credatur CHRISTO, & tanti ex illo exempli doctrina accipiatur. Igitur ille, qui sic docuit, & fecit, vnus ipse est, per cuius fidem iustificamur apud summum Deum. Atque hoc est mysterium fidei nostræ, ut spernamus mundum, & in Deo vno

spem

spem bonorum omnium constituamus, quod mysterium ipse est Christus, qui quatenus homo extirrit, quæso, quidnam aliud re vera fuit, quam contemptio mundi, atque in Deum fiducia? Ille ad hoc factus, & in hunc mundum editus, quemadmodum ipse testificatus est, ut testimonium daret veritati, idemque ipse veritas, at quæ veritas? Nempe ista, quod verè vivere est mundum abijcere, & in Deo spem totam ponere: hæc est fides, hoc mysterium, hæc sola hominis apud Deum iustificatio, in hoc salus nostra, in hoc Dei gloria, in hoc nobis cum Deo non solum pax, amorisque & amicitiae vinculum, sed cognatio etiam, consanguinitasque consistit, ut habeamus illum in patrem, cuius & mores imitanda eius bonitate iustitiaque accepimus, & hæreditatem expectamus, quæ non per mortem parentis ventura nobis sit, sed per nostram in terris quidem mortem, in cælo autem immortalitatem nos cum æterno patre in perpetuum sit coniunctura. Fuit igitur, fuit necessarium prorsus venire Christum, qui non tam doctrinam ex Deo tanti mysterij ad homines deferret, quam esset ipse illa ipsa doctrina, nec tantum documentum in seipso vitæ ex fide erga Deum, & ex contemptu mundi agenda, sed exemplum etiam vitæ gloriæque illius præberet, quæ huic tali erga Deum fidei esset proposita atque coniuncta, ut quos res aspera, & dura illa à mundo disjunctio, humanique affectus deterrent, eos resurrectio à mortuis incitaret, & in cælum ascensio, & beatæ vitæ, ac immortalis adeptio. Itaque nasci eum, & mori, & consurgere demum oportuit, ut plenum haberemus & integrum à Deo omnipotente in filio eius I s v Christo & suæ voluntatis ac benevolentiae erga nos, & nostræ, si illi obtemperavimus beatitudinis documentum. Cui quidem I s v Christo qui non credunt, hi Deo quemadmodum credent? Non enim Deus familiariter loqui nobiscum putandus est, neque Græco, Hebraicæque sermone ad nos uti, sed ut is infinitam suam potestatem per motus, & cursus cælestium orbium, ac luminum nobis explicat, sic admirabilem bonitatem suam, studiumque nostræ salutis, & immortalitatis procurandæ, hac oratione, quæ est Christus, nobis est effatus, nos per eum scilicet à mundo, ad se vocans, & spem fidemque nostram ab his terrenis auellere, & in eo ipso constituere nos edocens, ut eius sermo, & vox, & doctrina totus esset ipse Christus: Ita qui Christum à fidei erga Deum mysterio excludunt, neque hi fidem intelligentia, neque Deum complectuntur. Quod enim isti aliud habebunt iudicium, atque argumentum Dei voluntatis, & benevolentiae adversus hominum genus? Quod spei & fiduciæ suæ in Deo firmamentum? quò authore, quò doctore nitentur? ut intelligant hanc vnam esse viam, & rationem ad Dei gratiam, & ad veram vitam perven-

niendi, si mundi commoda posthabeantur, & in solo Deo summorum bonorum constituantur: nonne sit perspicuum, iamque manifestum apparet eos, qui Christo non consentiant, terrenos homines esse in mundo, carnique deditos? cum simulacrum primum à mundo se quæruat, & abstrahat, statim illi in mente, atque in fide eluceat Christus, non ut doctor solum tanti mysterij, sed ut ipse mysterium, qui cum ad Deum deducat, & quasi de manu in manum parenti suo tradat ab illo in filium, ab se in fratrem, & cohæredem regni cœlestis adoptandum, adsciscendum. Quæ igitur absurditas est rationis, atque consilij hanc tam amplam, & tam illustrem Dei præpotentis in Christo Iesu filio suo suasionem ad hominem, atque doctrinam, quemadmodum vita hinc degenda, & quo itinere in cœlum perueniendum sit, contemnere, ac repudiare? occultior alia quædam & penè singularis via exquiratur, aut quæ mentis cæcitas diurni syderis lumen ad vitæ usum non admittere, peculiare aliud lumen quærere? Significata est per Dominum Iesum via, patefacta, monstrata, quæ recta, & vnica est, per quam ad cœlum, & ad Deum ingredientibus iter sit, nec digitum solum indicata, sed ipso præeunte munita, & complanata, hanc tu non probes? & deuiam esse contendas? quæ sine errore vlla, & nullis anfractibus est, ut calles occultos quosdam & ignota diuiniticula quæras, ac perscrutere, per quæ ad Deum, & ad Deum gratiam accedas? Cum ad Deum nisi per tale fidei mysterium perueniri non possit, quod mysterium est CHRISTVS. Tu vero in ipso statim initio ab infidelitate ducas exordium? Et adhuc de CHRISTO periude ut de homine duntaxat locuti sumus, qui idem & fuit, & semper est Deus, non fons quidem & origo ipse diuinitatis, sed sempiterna manatio ex patre continenter effluens, tanquam lumen à sole, qui est eiusdem cum patre substantiæ, per quem à patre omnia facta sunt, alius quidem ille à patre, sed non alius Deus, quoniam in diuinitate, atque in essentia vna est amborum & spiritus sancti cum illis, eademque prorsus naturæ ratio, quæ sit ipsa summa, & absoluta vnititas. Sed quoniam de his dabitur aliud dicendi tempus, redeamus ad CHRISTVM, qui nisi Deum sibi perpetuo adiunctum habuisset, & si non exstitisset idem ipse & Deus simul, & homo quæro fuisset ne potius errare illum aliquando, an etiam errasset? Quis enim est homo, tanta firmitate animi, tanto virtutis robore munitus, tamque sibi admirabiliter, & inuicte constans, qui non aliquo lapsu aliquando, aliquoque deflexu ad carnis & carnis desideria protrahatur? quem nulla vnquam animi affectio, nullus cupiditatum motus perturbet? Atque ego de his loquor, qui cum Deo viuunt, & illius voluntati, ac gloriæ sunt dediti, quos (non enim semper in vna illa Dei consideratione

con-

consistere humanæ cogitationi est datum) simulatque despexerint, suspirare aut appetere aliquid mortale, ac terrenum necesse est, & ad semetipsos aliquid referre. Quod si CHRIS TVS à vitæ suæ primordio vsq; ad crucis mortem id de se præbuit specimen, vt nusquam inclinasse ad curam, & cogitationem sui, nihil sua causa omnino voluisse, nullis mundi illecebris exhilaratus fuisse, sed pro salute cæterorum cuncta dixisse, egisse, perpeßus esse intelligatur, quis cum cum talis esset, hominem solum duntaxat, ac non Deum vnà & hominem audeat existimare? Missa nunc facio miracula, missas mortuorum suscitationes, etiam quatruiduanorum, surdorum, mutorum, cæcorum redintegrationes mitto, qui in pristinum naturæ statum contra omnem naturæ vim, & consuetudinem solo verbo restituti sunt, qualia agere & posse est vnius Dei. De illa humana specie in eo loquor, quæ perfectam, & summam veritatis vim, hominis penitus à mundo, & ab omnibus mundi illecebris, & contagionibus soluti, ac liberi profectò ferre nunquam potuisset, nisi eadem cum Deo assidue conflata, copulataque fuisset. Atque hoc argumento vsus est ipsemet CHRIS TVS, cum studeret mentes Iudæorum elatione animi, malevolentiaque cæcatas ad intuum lumen veritatis conuertere. Sic in Ioanne loquens: Qui verbum meum audit, & credit ei, qui misit me, habet vitam æternam, & in iudicium non veniet, sed à morte transit ad vitam. Qui verbum meum audit, inquit, & credit ei, qui misit me, verbum ergo illius est, cui per hoc verbum credendum est, ac non tuum verbum bone I E S V, nisi tute verbum illius esses, cui vt credamus, nos hortaris, quasi Iudæis hoc insinuans. Nam tum quidem orationem de aliis rebus illis non explicabat I E S V S, neque verba apud eos faciebat, quemadmodum credendum, aut quo pacto agendum erga Deum esset, sed semetipsum credendum, noscendumq; proponebat, tanquam ipse esset Deus, & fides, & mysterium, quo verbo inquit, pater meus, qua nos doctrina, quibus præceptis melius queat instituere, ac docere, quam memetipso, mea oratione, vita, factis? Ego enim evidens Dei sermo sum, non in somniis ostentatus, neq; ambiguis prophetantium vocibus nunc prolatus, non in lege scripta adumbratus, in qua carnis opera pleraque sunt. Ego autem carnem omnem vobis abijciendam esse ostendo, & ad spiritum solum transeundum, in quo qui cum Deo viuunt coniuncti, hi in iudicium non adducuntur. Non enim legi vlli subiecti sunt, sed ipso facto habent vitam æternam. Ego, inquit, annuncio veram vitam vobis, ex Deo, vt illi credatis, Deus enim vester est, & mihi item tanquam verbo Dei credatis. Si enim somnio vt à Deo misso, si

Prophetis, si legi creditis, in quibus aut non tota, aut certe non illustris, sed obscura veritas significata est, mihi quare non creditis, qui sum vniuersa, & perspicua veritas, qui totum hoc, quod sum, doctrina vobis sum, qui meipsum nudum, atq; apertum vobis exhibeo, hominem nihil omnino de mundo haurientem, nihil meum prorsus, nihil proprium volentem, sed omnia ad Deum patrem referentem, cui ita credere debetis, vt mihi illius verbo etiam credatis. Et rursus: Mea doctrina non est mea, sed eius qui misit me, si quis voluerit voluntatem eius facere, cognoscat de doctrina, vtrum ex Deo sit, an ego à meipso loquar. Qui à semetipso loquitur, gloriam propriam quærit, qui autem quærit gloriam illius, qui misit eum, hic verax est. Si nulla, inquit, esse potest doctrina præstantior, quàm ista, qua ego hominem totum à mundo ad Deum retraho, & ipso illo autore Deo hoc me agentem, ac docentem vobis indicare confirmo, omnis in me planè est veritas, & verbum sum patris, qui non diuellor à patre, neque separor, nec me in memetipso ab illo disiunctum constituo, & me vobis finem vltimumque propono. Id enim si ita esset, nec Dei ego amplius verbum, neque in me veritas esset, & vobis hæc quæ prædico, talia non prædicarem, meamque potius quærerem, quàm alterius gloriam. Sed si quis hæc, quæ demonstro, patrem velle, & petere à vobis, voluerit experiendo cognoscere, & huius meæ doctrinæ, atque vitæ gustum aliquem percipere, statim vnà is intelliget, hanc Dei veram & doctrinā, & voluntatem esse, vt nemo ad se quicquam, sed ad ipsum Deum referat omnia, seseque vnusquisque à mundo abstrahat, & in Deo totum collocet, quod ego princeps & facio, & facturus sum, qui sum ad eam rem natus, atque factus, vt vobis, & ipsi mundo à Deo verbum sum, & sermo, & hortatio. Deo autem à mundo, & à vobis sum victima, qui iustitiam ad vos, & vitam ex ore Dei afferro. Vitam, inquam, illam, quæ in Deo est optima, eademque immortalis. Ad patrem autem refero mundi, & carnis mortem, quam in mea carne sum ipse interfector, vt vos in voluntate vestra eandem perimatis. Animam enim meam deuoui vobis meis, tantumque abest vt quicquam propriè mihi appetam, vt me totum prorsus mundo donem, atque ad eum ei à patre donatus sum, vt vitam pro his sanguinemque effundam, qui ex mundo ad Deum voluerint se transferre. Hæc Iesus & similia multa in populis illis exponens, spiritualis vitæ veram beatitudinem, & diuinitatem, naturamque suam docere illos nitebatur, qui tamen carnis impliciti illecebris, & mundi curis occupati vim illam spiritus capere non tam nequibant, quàm volebant. Torpebant enim & pigrabantur commouere se, & ex illis terrenis sordibus extollere, atque ejicere, quæ illis consuetudine

ne factæ erant perquàm suaves. Repugnabat verbo Dei hominum illorum ambitio, obſiſtebat avaritia, aduerſabatur voluptas, & qui eſt angelus Satanæ violentiſſimus, liuor & maleuolentia omnem in illis vim rectè intelligendi, & iudicandi penitus corrumpebat, cùm tamen morte poſt obita à Chriſto I E S U, & cruce, illo cœleſti ſanguine cruentata, impletoque omni noſtræ redemptionis myſterio perfracti obices, & repagula Satanæ deiecta ſunt, vicitque Dei ſermo, & factus eſt I E S U S mortuus, quàm ante mortem fuiſſet, multò potentior. Qui cùm etiam tum viuens prædicaret, & doceret, ludæiſque ſe credendum, noſcendumque offerret, nunquam eos tamen in eam animi aduerſionem potuit inferre, vt attenderent atque intelligerent, & ſi ipſe quoque ſibi aſſumere videretur diuinitatis honorem, nunquam eum tamen ſuam vllam omnino, ſed tantùm patris ſui gloriam ab illis expetere. Quemadmodum pulcherrimis, & optimis de rebus oratio aptè, commodeque pronunciata non ſuam ipſius, ſed oratoris gloriam in animis eorum, qui audiunt, conſtituit. Hoc ipſe indicat de ſe in Ioanne, ad Iudæos inquiring: Non poſſum ego facere à me ipſo quicquam, ſicut audio, iudico, & iudicatio mea iuſta eſt, quoniam non quero voluntatem meam, ſed voluntatem mittentis me patris. Et ruruſ alio loco: Ego ex me ipſo locutus non ſum, ſed qui miſit me pater, ipſe mihi mandauit, quid dicerem, & ſcio, quòd mandatum eius vita æterna eſt. Iſtud autem ipſum mandatum paulò ſuprà expoſitum fuerat, granum frumenti in terra mortuum, multum fructum ferre. Et, qui amet animam ſuam in hoc mundo, in vitam æternam eam perdere. Et, tollendam crucem, Chriſtumque ſequendum, & ſimilia. Porro quonam ſermone alio, aut quo genere orationis commodius, & aptius ad homines loqui, & voluntatem ſuam expromere potuit Deus, quàm C H R I S T O filio ſuo? qui cunctus fuit concio patris ad ſeſe vocantis homines, & eos ſibi in filios adoptare cupientis, cunctus fuit, inquam, non ſolum quod dixit, & fecit, ſed illud ipſum quoque quod Deus, & homo exitit. Quà Deus, vim & maiestatem patris in ſeipſo miraculis indicans, & voluntatem eius illis miris, & inſolitis operibus enuncians. Quà homo, in contraria omnino parte mundo ſeſe, & mundanis omnibus affectibus conſtituens, ludibriaque & ærumnas, & crucem, & mortem ſponte perferens, vt cunctis fieret palam, iam non per ambages obſcurè dictorum, nec per viſa dormientium, ſed per geſta, mores, vitamque I E S U Chriſti eos, qui ad diuinitatis præmium velint peruenire, à mundi ſpe, ac fiducia oportere eſſe remotos. Hoc diuinæ doctrinæ pulcherrimum & maximum documentum hanc ſummam veritatis vim exemplo vnius in carne hominis in poteſtate Dei mun-

do toti exhibitam, & demonstratam, Maumethanz legis sectatores, qui C H R I S T V M alioquin miris laudibus extollunt, vt cum quasi intueri, atque agnoscere velle videantur, nescio quo pacto mox hallucinati aspernantur, atque illudunt quā dedecorosum putant esse C H R I S T O, si is raptus ad mortem, & in crucem actus sit, mundani homines nimirum, nilque nisi terrenum, & carneum meditantes, vt qui inspicere non potuerint, quæ sit gloria spiritualis viri, quamque contraria existimationibus humanis. Sed illi quidem ita contagionibus mundi infecti, immerisque penitus sunt, vt videatur noua lex illis reperta, quæ eos non ab ignorantie tenebris extractos ad veritatis lucem excitaret: sed quæ vltro omne in illis lumen, omnem aciem spiritualis hebetaret, atque extingueret, penitusque eos in corpore, atque in corporeis cogitationibus intingeret, quæ primum eos ad Iudaicas redigit obseruantias, vt spem non minimam salutis in illis ponant, deinde nullam artium liberalium atque optimarum magnopere illis consecrandam proponit. Postremo ea illis præmia actæ vitæ in cælo dat, quæ sunt in hac quoque vita modestis, & probis, & sapientibus hominibus turpia. Sed vides mi frater, dum de iustificatione legis, & fidei loquimur, quam multa sumus de C H R I S T I fide persecuti, per quam solam iustificari homines apud Deum asserimus. E T I L I E: Hodierno die, mi frater, inquit, omnis mihi ignorantie caligo penitus ex animo discussa est, egoque & dei, & luci restitutus sum. Nunc enim lucent mihi planè in animo fidei nostræ mysteria, quæ antè perobscura esse videbantur, cum quod credendum erat, facile id quidem, & incunctanter crederem, submitteremque me & sanctorum patrum doctrinis, & sanctæ Ecclesiæ Catholicæ decretis: hodie verò primum quod noscendum etiam de illis fuit, Dei beneficio, vt noscam sum consecutus. Itaque quod solebat crebro vsurpari in disputationibus æqualium meorum, cum sic objiceretur, cur tanto tempore post C H R I S T V S ad seruandum hominum genus venit? quid ita tantum ante se seculorum passus est sine cognitione veritatis præterire? ei ego dubitationi nunc facilius respondeam, eos quicunque hanc vitæ sectam omni tempore secuti sunt, vt mundum, & mundi commoda, præ cælestibus commodis nihil fecerint, summumque in ipso Deo præmium sibi constituerint, per fidem illos C H R I S T I cum Deo coniunctos fuisse: hoc enim est ipsum fidei mysterium, qui C H R I S T V S est, cuius vis tota in hac inductione animi, sententiaque consistit, vt ab vno Deo præmia in cælo nostra expectemus, bona autem & blandicias mundi negligamus, & tamen quod ad personam C H R I S T I attinet, qui eius tantum hoc mysterium diuino munere habuerunt

cognitum, illis eadem bonitas Dei authorem, & caput mysterij profecto indicasse credenda est, vt vel venturum spiritu apte prospicerent, vel posteaquam venisset, etiam inauditum intelligerent, si qui extitere vsquam, hodieque existunt, ad quos hoc nondum sanctissimum CHRISTI nomen famaque peruenierit. IAM ILVD, inquam, Iuli intelligere te quoque puto, quemadmodum homines, qui prius generati mundo sunt, ex Deo rursus renascantur, & repudiato patre mundo, filij Dei fiant. Hoc est illud ipsum mysterium, quod CHRISTVS est, qui quā homo extitit, princeps in nomen & genus summi Dei adoptione est vocatus. Quatenus autem fuit, estque mysterium, in illo cuncti, & per illud honorem consequimur eundem, vt adoptati à summo Deo, & filij Dei efficiamur & appellemur. Atque hæc est generatio populi Dei, quæ nō ex Iudæis, neque ex semine Abraam carnali illo, & corporeo, sed ex semine fidei, quæ in Abraam patre nostro à principio eluxit, & in proprio verbo Dei, & ipso fidei mysterio, quod fuit IESVS Christus, ornandis & frequentandis cæli regionibus diuinitus est procreata: de qua, tamen ipsum CHRISTI mysterium omnibus ante seculis occultum extitit, vt nemini prophetarum, ac patriarcharum, sed ne angelorum quidem cuiquam consilium Dei de CHRISTO perspicue fuerit patefactum, ipsa tamen nouæ proles creatio, & sanctioris populi constitutio, ac nouæ vrbs Hierusalem ædificatio antiquitus à Deo pluribus prophetis est demonstrata. Quid enim est, quod sic loquitur Dauid? Et anima mea illi viuet, & semen meum seruiet ipsi, annuntiabitur domino generatio ventura, & annuntiabunt cæli iustitiam eius populo, qui nascetur, quem fecit Dominus. Et in Esaia Deus: Alienigenis, inquit, qui apprehendent fœdus meum, dabo eis in domo mea, & in muris meis locum, & nomen melius, quàm filijs, & filiabus, nomen sempiternum dabo illis, quod non peribit. Nōne & populo, quem Dominus facturus erat, cum diu quidem antea populus Iudæorum esset factus, & alienigenis, qui fœdus Domini apprehensuri erant, hoc est planè non Iudæis, nomen melius multo à summo Deo promittebatur spiritualibus filijs videlicet, quàm filijs terrenis, atque carnalibus, quod idem est, atque Iudæis? Qui de ipso CHRISTO Esaia, quam aperte, quamque perspicue, vt videatur penè id ipsum intueri mysterium quod nos occultum fuisse dicimus, cum sic inducit loquentem Deum, Ego suscitavi eum in iustitia, & omnes vias eius dirigam: ipse ædificabit ciuitatem meam, & captiuitatem meam dimittet, non precio, nec munere. Et rursus vim innuens futuri mysterij: Conuertit, inquit, Deus sapientes retrorsum, & scientiam eorum stultam facit, suscitatur verbum serui sui, & consilium angelorum complet. Vel, cū de nouo populo prædicat, Am-

bular;

bulare faciam cæcos per viam, quam non nouerunt, per semitas, quas non cognouerunt, calcare faciam eos, ponam tenebras ante eos in lucem, & praua in rectum. Nam quid obsecro erat ignotius, quid magis deuium ab itinere publico, quam hasce inire vitæ semitas, quæ nobis à Christo Iesu monstratæ sunt? quas nisi princeps ipse præeundo indicasset, & omnibus impedimentis, obicibusque præseptas progressu ipse suo purgasset, atque aperuisset, nemini eas non modo ingredi, sed ne dispicere quidem fuisset licitum. **ITA EST**, inquit, sed quæso mi frater, quidnam clarius esse iam potest, aut mysterio fidei, eiusque effectu, & operatione inter gentes, aut prophetarum vaticinijs ista ipsa annunciantibus? cum præsertim omnes ferè, qui à Spiritu sancto prædocti vèturum seculum cognouerunt, cum denunciarent populo Israëlítico, Iudaicoque excidium, vrbi Hierusalem vastitatem, & ruinā, solitudinem regioni, internecionem propè Hebræorum filijs, filiorumque parentibus, repente post innumerabiles illas iacturas, & calamitates, tanquam mutato choro concinant corrigentem, restituentemque omnia, & ad seculum beatius transferentē Deū, vt facile appareat hominibus non tardissimis reiecto carnali populo, alium a Deo spirituales populum institui, quo cum sædus sempiternum futurum Domino sit. **RECTE**, inquam, loqueris Iulii, sed quando, quoad est nobis à Deo traditum fidei **CHRISTI** mysterium satis aperuimus, cuius cognitio, sicut ipsa re experiete ad intelligenda Pauli sensa, quæ nimis interdum tetrusa, absconditaque videntur, mirum quantum profutura sit, videamus nunc de quo ante fuit dubitatum, quid in se momenti, aut necessitatis ad salutem consequendam baptismus habeat. Sic enim, si memoria tenes, disputabamus, non videri nobis iure derogari circumcissioni ipsi illi videlicet, quæ in præputio carnis vsurpabatur, cum in eo signo, & velut indicio suæ professionis Iudæi spem ponerēt, quando eandem nos vim ad amicitiam cum Deo, & ad salutem acquirendam in baptismo nostro, quod item signum externum est, constituimus, de quo dicendum est, baptismum eum, qui ex aqua, & chrismate sacro fiat, non esse omnino necessarium ad fidei iustitiam, & tamen quodam modo necessarium esse. Nam cum sit baptismus professio eius sectæ, quam sequi volumus, & earum rerum, quas Deo promittimus, quasi pactio quædam ore enuntiata, ac prolata, & coram Ecclesia, cœtuque fidelium testificata, per quam testificationem membrum Ecclesiæ, quæ corpus **CHRISTI** est, efficiamur, quòd omnes in vnum corpus, vt ait Paulus, baptizamur, si incidat casus, & tempus eiusmodi, vt recepto, & credito **CHRISTI** mysterio id ipsum statim facias, & opere vsurpemus, protinusque mundum re ipsa, per alienam tamen vim dimittamus, ad eum finem vtrique, vt Deum, & promissiones Dei

assequa-

assequamur, salutem absque hoc baptismo sine dubio inuenimus, sicut inuenit eam ille latro, qui pendenti **CHRISTO** in cruce, pendens ipse adhæsit. Quid enim erat opus illi, ut proficeretur Christum sequi velle, quem in reuera sequebatur? & mundum velle dimittere, quem tum maxime dimittebat? Quo in supplicio crucis, & si legibus mortem subire, ac ferre in corpore cogebarur, animi tamen liber ipsum illum animum, quem in potestate habebat, ad præbendum se **CHRISTO** comitem applicabat, proptereaque absque aqua in sanguine, & spiritu, est baptizatus. Quod item compluribus postea contingere potuit, quemadmodum de Emerentiana virgine, & Adaucto martyre monumentis est proditum, & si qui alij eiusmodi, quos in ipsa agnitione **CHRISTI** & fidei mysterium, quod intellexerant, opere statim implentes, atque ut Christo coniuncti essent, mundum, atque vitam prompto animo relinquentes, nullo alio accepto baptismo, præter hunc spirituale, & intestinum, quo nullus tamen sanctior est, ipsa Dei benignitas in gremio sue immortalitatis excepit. At qui post agnitionem mysterij, spatium habuerunt & commodum sanctissimo hoc baptismi lauacro se abluendi, & in eo profitendi, quales ipsi erga Deum esse vellent, & quo pacto hære illi, mundumque renuntiare præoptarent, si facere id neglexerunt, salutem quoque huius suam, & fidem ipsam eam, quam susceperant, prodidisse sunt existimandi. Aut enim, qui sic faciunt, per superbiam, contumaciâque contemnunt, aut agunt profecto perfidiose, qui cum sese **CHRISTO** dedere velle simulauerint, dedicationem ipsam verbis concipere, & confiteri palam non audeant, neque Deo se per baptismum, tanquam per syngrapham obligare. Ad hæc accedit, quod si mysterium intellexerunt, dum ipsi mysterij iudicia, testimoniaque non usurpant, exemplo cæteris officiunt, neque ipsi ad corpus Ecclesiæ, & **CHRISTI** se adiungunt, quod per hoc sacramentum potissimum in unitate continetur, si non intellexerunt, ne illis quidem signis, & ceremonijs doceri curant, & admoneri, ut per corporeos eiusmodi ritus ad spirituales cognitionem perueniant. Quapropter sancte, & vere ab Apostolo est dictum: Corde credi ad iustitiam, ore autem confessionem fieri ad salutem. Quippe cum fides cordis sit, quæ Deo præcipue grata homines sola credentes iustificet apud eundem Deum, oris autem confessio & fides illam cordis comprobet, & iustitiam consequet fidei, ex qua est nobis vera ex Deo vita: quæ quidem confessio nisi suscipiatur, quasi pudendum nobis mysterium esse videatur, quod gloriatione dignissimum est. Itaque ab eodem Paulo peropportune est adiectum scripturæ testimonium, sic dicentis, Quod omnis, qui credit in illum, non confundetur. De quo & dominus in Evangelio: Qui me negauerit coram hominibus, negabo eum & ego coram Deo, inquit. Atque

eadem ista in lege veteri, de circumcisione potuissent dici, quam Moyses de populi illius duritate, petuacaciaque expositulans Israelitas, ut eam in corde coram Deo adhiberent, flagitabat. Et Hieremias populum monebat, ut circumciscus esset præputium cordis coram Deo, quoddam spiritualis circumcisio illi, quæ in carne erat, circumcisioni & veritate & honore apud Deum antecederet, & tamen illam ipsam carnalem circumcisionem prætermittere non erat fas, nisi quoddam post inuictum fidei lumen circumcisio per baptismum sublata est. Baptismus autem, ut qui ad summum iam, absolutumque peruenit, factus est sempiternus. Iam de operibus mi frater, quæ aspernantur hæretici, nec ea vilius esse ad salutem momenti dicunt, quam illi salutem vna in fide volunt esse positam, nonne sublata quaestio omnis est? cum si fidei virtus, & ipsum mysterium intelligatur, nullis cum operibus malis queat fides coherere, de illis operibus loquor, quæ ex constituto fiunt, & ab animo prauo, maloque sunt profecta. Nam quin lapsu, & circubatione aliquando possit fidelis offendere, nos nihil contra dicimus habitus, propositum, deliberatioque delinquendi a vera fide remotissima sunt. Quo enim pacto reliquit mundum, & ad Deum se contulit is, qui nihilo secius mundi voluptates, & comoda omnia venatur? & quo cupiditatibus suis queat suppeditare, iræ, avaritiæque, & ipsi deseruit ambitioni? Ac nulla quidem tanta non modo est, sed ne esse quidem potest pestis, immanitasque vitiorum, nullus tantus aceruus scelerum, tam profligata, & perdita in omni flagitiorum genere voluntas, quæ simul ac per fidem CHRISTI adiunxerit se propius ad Deum, & mundum præ illius amore repudiaverit atque ipsi Deo se totam tradiderit, atque permiserit, non statim ea, atque euestigio deletis omnibus maculis illis, ulceribusque peccati pura, mundaque resplendeat, & nouæ fidei aduentu sanctificata, illam celestem induat iustitiam, per quam ad Deum proxime bonitate accedat, qua iam hausta virtute, & tanto illo munere diuinæ liberalitatis accepto quis non intelligat, nihil iam fore illi in cuncta vita propositum, nisi ut Deum imitando omnia omnibus bona faciat semper, & dicat, ab omni semper iniuria, & ab omni terrena, ac sordida abstineat cupiditate, aliorum animo æquo iniurias perferat, nihil omnino extraordinarium appetat, saluos, atque honestos velit esse omnes, etiam inimicos, cum nemine lite, nec altercatione contendat. Quoddam qui mundum nihili pendunt, his ista, quæ diximus, non solum facilia factu, verum etiam suauia, & iucunda sunt, & cum fide erga Deum ita coniuncta, ut diuelli non possint. Tu vero qui tantum tribuis fidei, ut nihil operibus bonis habendum honoris in vita, & salute adipiscenda purges, amabo de qua fide istud sentis? Nam cum ista quidem, quæ per IESUM CHRIS-

6 T V M in vnum Deum fides est, non potest oratio tua continere, siquidem illa cordis fides est, neque solum credit Deo, verum etiam vni illi ipsi confidit, ex quo sequitur omnium humanorum bonorum contemptio. Tu cum te dicis credere, & hoc vno verbo sic niteris, vt totum in eo, quantumcunque est, quod pertinet ad salutem, ponendum esse confirmes, confidas autem mundo, cui rei indicio est oratio, vita, mores denique reliqui tui, tum tantquam omni munere perfunctus, quod Deo, & fidei in Deum debitum sit, erumpas iam liber in omne genus flagitiorum? nihilque turpe ducas, quod libidini tuæ placitum sit? In mundum te totum ingurgites, & cunctis, qui tibi non assentiuntur, contumelias dicas, fortunas aliorum direptum eas, matrimonijs nefarijs illigere, seruias iracundiæ, vinolentiæ, intemperantiæ, atque ex his lustris egressus sic demum eructes verbum fidei, vt ex ea pendere vna salutis spem statuas, nec bonis operibus, & moribus tribuendum esse quicquam apud Deum disputes? Quid tam absurdum esse, aut tam abhorrens à vero potest? Quemadmodum porro Paulum attendis, cuius te dictitas & doctrinam sequi, & auctoritatem? Nonne is palam, & diserte ponit homines per fidem CHRISTI iustificari, & ea quidem illos insigniri iustitia, quæ maior omni humana virtute sit, vt fidei, iustitiæque appareat vnum, atque eundem esse constructum sempiterni vinculo fœderis consensum. Porro iustitia sine operibus bonis esse quæ potest? Nam & alio loco Paulus, Dei sumus effectio, inquit, conditi in CHRISTO IESU in operibus bonis, quibus praparauit Deus, vt in eis ambularemus. Nos vero dicamus, quod sicut fides adueniens vetera omnia crimina delet, atque diluit, vnaque satis est ad obtinendam gratiam summi Dei, sic fidem ipsam, posteaquam aduenerit, hominemque cum Deo coniunxerit, non posse eam deinde cum moribus malis coherere, propter eam causam quidem, quod nec fides sine iustitia est, & prauè agendo, recteque loquendo, non est credere id Deo, sed simulare. Ita aut iustitiam etiam non es adeptus, si fidem verbis tantum, & non corde comprehendisti, aut si eam corde, statim etiam iustitia fidem consecuta est. Porro oris confessio sic valet ad salutem, si cordis credulitas profecerit ad iustitiam. Verum de his hæcenus: non enim cognito iam fidei mysterio vlla vel minima dubitatio in his rebus amplius potest residere. Nos Deum potius precemur, horum vt hominum mentes, in eum sensum inducat, vt fidem, quam verbis profitentur, moribus, & iustitia teneant, dignique ab eodem efficiantur, quorum ad reprimendas aliorum immoderatas cupiditates, plus etiam exempli, & auctoritatis vita, quam persuasionis habeat oratio. PRECEMVR sanè Iulius, inquit, etenim Christianum hoc imprimis & nostrum est, atque illi iustitiæ,

tiz, quæ ex fide existit, maxime consentaneum. Nunc redeamus ad Apostoli verba longo quidem intervallo, sed tamen non sine magna, & necessaria ratione, illa est à nobis facta digressio. Exposuimus enim, & demonstrauius, id quod necesse imprimis fuit, quemadmodum nemo hominum apud Deum, nisi per fidem CHRISTI possit iustificari, sic enim loquitur Paulus: Nunc scorsum à lege iustitia Dei manifesta facta est, testificata ab lege, & à prophetis. Legem hic appellans veterem scripturam totam, in qua ubique elucet testimonia aduentus CHRISTI, & noui illius populi, qui in fide & iustitia cum Deo coniunctus, & sempiterno foedere cum eo copulatus, futurus erat. Iustitia, inquit, Dei per fidem IESU CHRISTI, in omnes, & super omnes credentes. Ex quibus verbis patet, non eos tantum qui se dicunt credere, sed qui sic crediderunt, ut iustitiam fidei adipiscerentur, illos IESU CHRISTI vere fideles esse. Atque ut comprimat semper Iudæorum insolentiam, qui agre admodum ferebant alios, qui extra legem essent, fieri secum socios eiusdem à Deo muneris & gratiæ, quasi quibus lex data ante esset, his solis deberetur & gratia, prosequitur Paulus, Non enim, inquit, est distinctio. At quid ita non est? aut cur Iudæus non anteponatur Græco? Quia omnes, inquit, peccauerunt, & egent gloria Dei, ut iustificentur gratis, ipsius gratia. Quia omnes, inquit, in causa pari sunt, ut nullū à se afferat quispian discrimen meriti, sed apud Deum vnusquisque peccando offenderit. Egent ergo omnes elementia, & benignitate summi Dei, cuius exercitatio in Deo, sic etiam gloriosior est, quam si in benemeritis sua præmia disperderet. Nunc enim totum quicquid est virtutis, atque boni, quod per fidem assequimur, totum, inquam, ex Deo est, & ex diuinis illius iustitiæ, bonitatisque thesauris, cuius si essemus nos aliqua ex parte nobis ipsis authores, quantum esset illud, quod ex nobis præberemus, tantum esset de Dei gloria, munificentiaque detractum. Iustificamur igitur omnes per fidem, sola illius gratia, hoc est, nullo nostro merito cuiuscumodi, ut illud donum nobis a Deo debitum esse videatur. At quo pacto iustificamur? quo pacto etiam si in posterum efficiamur iusti, veteres tamen culpas, maculasque deponimus? per redemptionem, inquit, quæ in Christo IESU. Nam Christus IESUS cum sine peccato villo esset, & tanquam peccator, nihilominus morte esset mulctatus, compensatio huiusmodi facta est, ut vetus peccatum nobis non debeat amplius exprobrari. Sæpius enim permixtum est, ut qui non peccauit, plecteretur, cur non permittatur, ut qui peccauit, à pœna sit liberatus: consilium enim, & perturbatum iam est mortis iudicium. Mortuus porro est IESUS, non suis peccatis, sed nostris, quam mortem ipse sponte suscepit, ut placato per suos dolores & cruciatus Deo, nos mortem comitem pec-

cati effugeremus. Quid autem iste I E S V S, quemadmodum hoc effecit, aut qua ratione in hanc mentem est illapsus, ut tantum amoris erga nos, & pro nobis studij, curæque susciperetur? Quoniam, inquit, hunc Deus proposuit placamentum per fidem in ipsius sanguine, Deus ipsemet inquit, non solum gratiam, & amicitiam suam instituit nobis largiri, sed per quod etiam illam mereremur, adiecit. Dedit enim nobis filium suum, à quo ipse placaretur, & omni veterum nostrarum iniuriarum memoria deleta, humano generi, per eum reconciliaretur, quod nulla per nos ratione potuit effici. Quisquis enim nostrum mortem illam suscepisset, licet pro omnibus vnus se deuouisset, idque egisset optimo animo, piaque voluntate: tamen ex infecto genere oriundus vix suam ille culpam, nedum salutem aliorum redimere potuisset. Atque in hoc maxime effulget magnitudo, & maiestas, & gloria summi Dei, qui totum expleuit nobis beneficium suum. Nec se solum placabilem, sed hostiam etiam, qua placaretur exhibuit, ut quo meriti minus nostra à parte esset, hoc magis clementiam, & bonitatem, & iustitiam illius deamaremus. Sed licet nihil ex nobis sit dignum, nihil vim aut rationem ullam meriti continens, tamen aliquid à nobis proficiscatur necesse est, in quo confidat Dei gratia, & iustitia, id porro non est operis, sed bonæ duntaxat erga Deum voluntatis, quæ solam per fidem CHRISTI contingere nobis potest. Fides enim est quæ confidit, & totam se committit Deo, quod tum sit, cum & in futurum Deo placere instituimus, & de præterito confidimus omnem ex pristinis nostris sceleribus offensionem in illa diuinâ mente penitus esse deletam, atque horum vtrunque per fidem in Christo IESU assequimur, & disciplinam videlicet agendæ ex Dei voluntate, ac imitatione vitæ, & redemptionem iamdiu meritæ per nos propter peccata nostra mortis. Quorum vtrunque in sanguine CHRISTI nobis representatum est, quod etiam ipsum subtilius est videndum, quemadmodum sanguis CHRISTI peccata nostra abluerit. Ac primum legem Moylis ita iubere cognouimus, ut sanguine semper aliquo peccata expientur, cui oportuit legi satisfacere, qua de re in epistola ad Hebræos copiose est scriptum. Sub ea enim lege dum voluit nasci CHRISTVS, illud quoque ex lege facere constituit, ut quos liberare redimereque volebat, pro his suum ipse sanguinem effunderet, suum autem, ob eam rem, ut non breuem illis, & cito interituram, sed æternam, & stabilem redemptionem inueniret. Nam sanguis victimarum, qui pro commisso, & perpetrato delicto fundebatur, susceptam quidem antea maculam abluabat, non erat autem futuræ integritatis, & innocentiae sponsor. Itaque ad eandem sæpenumero victimas, & ad eadem sacrificia erat reuertendum. Sanguis vero CHRISTI quod

Yyy

ad pec-

ad peccata vetera attinuit, legis, & sacrificij propriam expiationem fecit, quod ad ventura autem, maiore etiam mysterio omne humanum genus est complexus. Etenim gentes exteræ, quæ lege non tenebantur, & illam forsitan vim purgandi & expiandi per cruorem victimarum factam non intelligebant, hoc certe documento instructæ, eruditæque sunt, quod mors illa CHRISTI illa crux, ille sanguis cœlestis, doctrina omnibus nobis extitit, quemadmodum vitam nos quoque; & mortem ab illecebris mundi penitus disiunctam, & in Deo fixam decurrere debeamus. Itaque cum per fidem in CHRISTI sanguine Deum nobis conciliamus, si in illo sanguine, illaque CHRISTI morte nos etiam ascensione animi, voluntateque commoriamur; id est, si mundi, & vitæ huius blandimentis pro nihilo habitis bonorum omnium summam in Deo constituamus. Qui enim sic agunt, atque constituunt, illi cum CHRISTO peccatis mortui sunt; & ad fructum æternæ vitæ cum eodem postea suscitati. In illo igitur sanguine, Christi quæ morte, cum fides tota nostra, tum Dei reconciliatio, & pax nobiscum facta consistit. Sequitur autem In demonstrationem iustitiæ suæ, ex remissione præteritorum peccatorum in tolerantiâ Dei. Proposuit, inquit, IESU placamentum Deus, in cuius sanguine ipse per fidem placaretur, ut demonstraret iustitiam suam, & summam, immensamque bonitatem, per quam remisit peccata, quæ diu tolerauerat. Illa enim bonitas, illa longanimitas omnipotentis Dei in hoc quoque semper apparuit, quod pertulit, & sustinuit eos; qui peccauerunt: sustinuit autem, non ut eos grauius plecteretur, sed ut ansam & occasionem ignoscendi in illis inueniret. Huius porro perpetuæ Dei voluntatis, & clementiæ testis fuit IESVS, in quo etiam antiquis, & diu ante mortuis patribus, qui non in mundo omnia sua defixerant, sed ad Deum bonam partem cogitationum suarum direxerant, redemptio est facta. Et quoniam hoc est Pauli nationē aliquando integrā, & Ecclesiam Christi, & genus hominū interdū vniuersum, perinde ætatū gradib. diuidere, ac dispertire, ac si de singulari homine loqueretur, mundi; ætates, & tempora ætatib. hominis accommodare: sic nunc in isto loco de humano genere toto pinde, ut de homine vno loquēs, humanitatē, & tolerantiam, & bonitatem summi Dei, quæ ipse ferè iustitiā appellat, qua de re satis alijs locis est dictum, quam in singulis hominibus adhibet Deus, ut eorum peccata diu, multumque toleret, expectetque occasionem ignoscendi, atque parcendi, eandem ipsam clementiam, & bonitatem in humano genere toto adhibuit, cuius cum tot seculorum pertulisset peccata, quo tempore maxime illa perirebuerant, ad summumque peruenierant, præcidit ille tandem patientiam suam. Verum ita præcidit, ut humanū genus, quod propter delictorū, & scel

magnitudinē summo supplicio afficere debebat, summo sibi expiaret, vinceretq; beneficio. Atq; hoc est dignum Dei natura, & beneficentia, hoc illius benignitati, bonitatiq; consentaneum. Quid n. est, quod agat convenientius sibi Deus, quam vt in hunc modum tractet, atq; excipiat eos, qui prauis moribus, opinionibusque imbuti, ignari quid expediat, viam sibi ipsi muniūt ad exitum, vt sustineat eos videlicet, vt foueat, vt adiuuet, si forte velint aliquando per illius gratiam & misericordiā liberari. Hæc est illa Dei iustitia, de qua toties à nobis est dictū, quæ maxime demonstrat, atq; illustrat ipsius Dei gloriā, quam nos, qui in CHRISTVM credimus, fiduciamque nostram in Deo ponimus, per fidem veram imitamur, diuini illa generis, non humani, quam non lex, nō ius scriptum, non hominum mores, non parentum disciplina, sed fides sola nobis insinuat. Nam si velimus iustitiam interpretari in hoc loco illam, quæ habeat similitudinem legis, quæ ei, qui deliquit, nisi irrogata pœna, veniam dare non audeat, idcircoq; sanguinem CHRISTI Deus expetiuerit, vt possit illo modo quasi iuri, & legibus satisfactione facta, hominibus deinde ignoscere, videtur ex altera parte habere ista res iniustitiæ similitudinem. Qui enim æquum, iustumque sit, quò nocens absoluitur, innocentem condemnare? Quid enim dixerit quispiam, nōne CHRISTVS sanguine suo, pro cunctorum peccatis Deo satisfecit? Satisfecit enimvero, sed ista satisfactio subtilius est intelligenda. Non enim quod in exercitu sæpe fit, vt cohors, aut legio, si reliquerit locum, vel signum si amiserit, puniantur pauci, cæteri omni pœna liberati discedant, sic contigit in CHRISTO, vt plecteretur ipse, reliqui vero liberarentur omnes. Sed hi tantum liberi facti sunt, qui & mori ipsi cum CHRISTO volunt, vt sit necesse si per Christum salui esse volumus, eandem nos mortem pati, quam ipse perpeßus est: necesse sit, inquam, non eodem tamen penitus modo. Nam Christus carnem hominis peremit in cruce, tanquam peccati fomitem, vt peccatum extingueret, quod è carne totum existerat, quò nos in illa carne CHRISTI carnem etiam nostrā fide, & voluntate peremptam haberemus, peccatisq; moreremur. At hoc nemini contingere potest, nisi volenti, & Christo IESU fidem istam habenti. Sic enim nos a morte, moriens liberauit Christus, vt qui ad vitam cum illo consurgere vellet, carnem suam vnā cum illius carne crucifigerent, in quo est vniuersa redemptio, non præteritorum solum, sed futurorum etiam peccatorum. Sumus igitur hac ratione potissimum salutem consecuti, quòd volumus Christo commori, si accadat vt res, & veritas ita poscat, etiam corpore: sin id minus opus sit, semper tamen volūtate, cuius index nobis mysterij, idemq; sacramentum, baptisimus est. Carnis autem mors iudicio, & fide, & volun-

tate suscepta, hoc utiq; in se habet, quodd peccato amplius loquens
 nō est, viuitq; deinceps spiritualis iam homo, qui est ex Deo crea-
 tus, non amplius carnalis, qui ab Adam progenitus est, vt alio lo-
 co Paulus: Veritas, inquit, est in Christo Iesv, deponere vos ex
 priori modo viuendi, veterem hominem corruptum per cupidi-
 tates deceptionis, & renouari spiritu mentis vestræ, & indui nouum
 hominem ex Deo conditum, in iustitia & sanctitate verita-
 tis. Atqui tota vis in nobis mysterij, & CHRISTI est, vt cum illo
 in carne commoriamur, & cum eodem vnā in spiritu viuamus.
 neque potest quispiam ad illam veræ iustitiæ vitam cum Chri-
 sto conseruire, in quo caro peccati non ante sit occisa. Quapro-
 pter ipse Christus, qui fuit nobis exemplum, & doctrina, & De-
 patris oratio, quod in pleno, & perfecto documento conseruanda
 carnis necesse fuit, non solum voluntate, verum etiam ipsa re o-
 mnibus modis in carne est afflicta. Sic enim ipse de se in Lucā
 pronuntiavit, quodd talia oportuit pati Christum & sic intrare
 in gloriam suam. Nos vero, qui ab illa tanta perfectione, pra-
 stantiaque Iesv Christi longe absumus, satisfacimus in eo Deo,
 promptam voluntatem ad eadem perferenda asserimus. Hoc enim
 carnem in nobis iam occidere, quod facere planè non possumus,
 nisi ab amoribus mundi prius diuellamur. Vbi vero ad-
 pus ipsum adigimur, & quod fide voluntateq; concepimus, factum
 est præstandum, tunc quantum nobis dominus dederit, virium
 ferenda, & patienda incommoda sunt, dolorq; corporis subeu-
 dus, & ipsa mors toleranda. Hæc enim fides in Deum est, & Ch-
 risti imitatio, per quam aditus nobis in cælum aperitur, quem p-
 refecit & aperuit ipse Christus. Ita & Paulus in Hierusalem tran-
 surus, adhortans eos, quos in fide instruxerat, illud imprimis
 eos admonet, quod per afflictiones multas oporteat nos intro-
 ire in regnum Dei, siue in voluntate propria sic constituamus, siue
 peribibus exequamur. Et ad Corinthios, Semper mortificationem
 Domini Iesv in corpore circumferimus, inquit, vt & vita Iesv in
 corpore nostro manifesta fiat. Et iterum, Semper nos viuentes
 mortem tradimus propter Iesum, vt & vita Iesv manifesta fiat
 in mortali carne nostra, aut vestra, id est, carnis nostræ vita, qua p-
 peccato viuatur, in mortem traditur ob Iesum, cuius vim, & my-
 sterium in nobis suscipimus, vt in eadem carne ob peccatum mor-
 ti dempto, eliminatoque peccato, eadem vitæ immortalitas
 pareat, quæ in Christi Iesv carne manifesta est facta. Item quod
 mysterio Christi euidentius ad eosdem Corinthios: Quod
 Christus vnus pro omnibus mortuus est, vt qui viuunt, non
 plus sibi ipsis viuant, sed ille, qui pro ipsis mortuus & exci-
 tus est. Et ad Galatas: Christus dedit semetipsum pro peccatis nostris
 vt eripiat nos ex præsentī seculo prauo. Et alio loco: Vt Deo v-
 ino

inquit, Christo conerucifixus sum, uiuo autem non amplius ego, uiuit autem in me Christus, & qui sunt Christi, carnem crucifixerunt cū affectionibus, & cupiditatib. suis. Et eodē sensu ad Ephesios: Christū soluisse parietem septimediū inter Deum, & nos ait: quo distinebamur, & impediēbamur, ne iungi, & adhærere Deo possēmus, ipsum autē septum fuisse in carne nostra cum Deo inimicitiam, quam soluimus, cū peccato morimur. Et ut idem ipse ait: Tunc Christum addiscimus & in Christo edocemur. Et ad Titum: Christus dedit seipsum pro nobis, ut redimat nos ab omni iniquitate, & purget sibi ipsi populum acquisititium, æmulatorem bonorum operum. Et Petrus: Christus passus est pro nobis carne, inquit, ut vos eandem mentem induamini, quoniam qui passus est in carne, destitit à peccato. Ioannis quoq; illa per os domini nostri de carne Christi, quæ panis est mundi, sine quo vita esse nō potest. Et item de sanguine plena mysteriorum, & sublimitatis oratio admodum planè indicat mortē Christi non tam simplici modo peccata nostra deleri, ut in lege veteri per victimam debebantur, quanq̃ & illi quoq; ritui, & religioni satisfecit Christi immolatio, sed plenū esse mysteriū illius mortis & crucis ad nostrā liberationem, si carnē nostram, cum ipsius mortuā esse velimus, si Christū ipsum Iesum induamus, si illius affictam, & maceratam carnem saluari cibo assumpto in nostram ipsorum carnem alendam, nutriendamq; adhibeamus. Sed de vi tota rationeq; mysterij Christi quoniam satis hoc loco dictum, & fortassis alibi diceatur, pergamus ad Apostoli verba, qui bonitatem & iusticiam Dei in eo magnificans, quod remisit peccata ea tandē diu quæ tolerauerat, alium etiam modum, & tempus vnā cū modo, quo iustitia Dei declarata sit, adiungit, sic iterum repetens. Ad demonstrationem iustitiæ suæ in hoc præfenti tempore qualiter ipse iustus est, & iustificans eum, qui est ex fide Iesu, hoc secundum quod repetitur ad demonstrationem iustitiæ habet expressionem, ac si diceret, ad demonstrationem, inquam, iustitiæ suæ in hoc tempore, quo misit filium suum ad nos uidelicet, totumq; sese nobis, & amorem suum erga nos patefecit, nec tantum in eo ostendit iusticiam suam, quod remisit, ignouitq; peccata, quæ tolerauerat, sed quod de illa sua diuina, singularique iustitia bonam etiam partē in uos per fidem Christi deriuauit, ut faceret nos ad imitationem, & similitudinem sui iustos, quod idem est, quod supra dixerat ex fide in fidem. Per fidem enim eandem Christi & Dei iustitia in ipso Deo patuit, & in nobis impressa, insinuataque est.

Vbi ergo gloriatio? exclusa est: per qualem legem? operum? nequaquam, sed per legem fidei. Putamus ergo fide iustificari hominem seorsum ab operibus legis. An Iudeorum Deus solum? non

*autem & gentium? certe & gentium. Quoniam quidem vnus
Deus, qui iustificabit circumcisionē ex fide, & praputium per fi-
dem. Legem igitur abrogamus per fidem? absit, sed legem consti-
tuimus.*

EXCLUSA est, inquit, ò Iudæe gloriatio tua, qua de lege te iactas
nec per aliam legem operum, quæ sit melior tua, nanq. fieri id nō
potest, lex enim Iudæorum, vt diximus, vt quæ veri Dei notionem
præter cæteras haberet, peccatumq; , & recte factum ex illius na-
tu, & voluntate dijudicaret, sola erat idonea, quæ appellaretur
lex, nec lege alia ipsa, neq; eius opera alijs operibus poterant vin-
ci, sed exclusa est per legem fidei, dignior enim facta est fides, quæ
authore & interprete cū Deo nos coniungamus, & si minus pro-
prio vocabulo tantum vt legi operum illud legis in fide redderet.
lex fidei appellata est, quod idem est & fides, per fidem n. legis o-
pera, quantū ad acquirendam iustitiam, & Dei gratiam pertinet,
principe laude exclusa sunt, hoc etiam magis, quod ea si qua est
quæ ex lege veniat ad iustificandū cōmoditas, angustis illa finib;
circumscripta est, & clausa, & in vna tantum, neq; ea maxima na-
tione habet locum. Iudæis n. duntaxat illa lex est lata, vt si ex ope-
rib; legis solum sit iustificatio, exiguum tantum genus iustificari
cæteros omnes à iustificatione excludi necesse sit. At Deus, qui v-
nus vbique, & semper omniumq; omnino nationum idem est
Deus, nullis terminis patitur benignitatem suamq; beneficentiam
concludi. Itaq. vtitur potius fidei instrumento, quàm legis, quod
ad salutem omnium longe est communius. Nihil autem tam De-
est, q̃ omnibus esse æqualiter beneficū, atq; communem. Cui re-
si fidei instrumentum est aptius, eo semper vno vtitur Deus, quod
in qua; re est optimum. Fides porro & facilè, & generaliter o-
mnibus est exposita, vt per eam quisq. possit ad Deum sese appli-
care, atq; conferre. Itaq; ea & circumcisionem iustificat, & sine cir-
cuncisione etiam praputium. Neq; nos cū fidem legi anteponi-
mus, facimus iniuriam legi, tanquam velimus illam antiquare
sed legem potius sancimus cū ad suum finem, quod intenta illa est
eam deducimus. Siue n. lex Dei omnipotentis gratiam præcipue
exquirebat, per fidem Christi ea voti compos melius effecta est
siue Messiam suum beatioris seculi authorem expectabat, fide
Messiam illi CHRISTVM demonstravit, siue adeo in illis carnalib;
corporeisq; obseruantijs veritatem spiritus illa innuebat, spiri-
tualemq; doctrinam quodammodo parturiebat. Hæc iam innue-
sta spiritus doctrina reddita est & ipsa perfectior, atq; completior.
Non dicitur autem antiquari, neq; aboleri id quod perfectior
sicuti nec puer cum ad virilitatē perductus est, de naturæ suæ sub-
stancia amisisse quicq., sed acquisiuisse perfectionē magis est dicēdu

Quid igitur dicemus Abraam patrem nostrum inuenisse secundum carnem, si enim Abraam ex operibus fuit iustificatus, habet, quo gloriatur, sed non aduersus Deum. Quid enim ait scriptura? credidit Abraam Deo, & reputatum est ei ad iustitiam, operanti vero merces non reputatur secundum gratiam, sed secundum debitum, non operanti autem, verum credenti in eum, qui iustificat impium, reputatur fides eius in iustitiam.

R V R S V S affirmat quantum plus & gloriæ, & gratiæ acquirat apud Deum fides, quam opera, exemplo patris nostri Abraam, qui si antea etiam in operibus, & actionibus suis rectus fuit vir, & iustus (hoc enim est, quod ait: Quid dicemus Abraam patrem nostrum inuenisse secundum carnem?) id est, quam gratiam, quam laudem ex operibus carnis, humanis scilicet, & tanquam ex homine actionibus inuenisse? qui ut etiam in illis fuerit planè probus inter homines fuit, & inter illos potuit iure suo gloriari, erga Deum quidem certè nō potuit. at quamobrem non potuit? quia illius, quam agebat, exercebatq; inter homines, iustitiæ, ipse sibi erat author. Sibi enim ipse constituebat, & præscribebat, quid esset faciendum, ut æquitatem cum cæteris, & societatem conseruaret. Illaque in eo iustitia & ab humano consilio proficisccebatur, & in humanis opinionibus tota consistebat, ut nulla esset in eo Dei gloria, sed omnis & in homine, & ex hominibus gloriatio. Fides vero erga Deum, & quam Deo Abraam habuit, fecit illum, ut non suo iudicio quicquam, sed Dei consilio, atque præscripto ageret omnia. Itaq; & patriam, cognationemq; suam illo iubente deseruit, & posuit tabernacula, quibus in locis est iussus, & ad concubitus vxoris iam desperatos se retulit, & filium Deo præbuit in sacrificium, & deniq; factus est illi in omnibus obedientissimus. Quod si opera iustitiæ, quæ ab humana voluntate, consilioq; proficiscuntur, aliquam habent gloriā, quanto maiorem illa, quæ ab diuinis consilijs, & voluntatibus sunt profecta: tanto videlicet, quanto humanis virtutibus diuina virtus, iustitiæq; antecellit. Fidei ergo iustitia diuinæ non humanæ nobilitatis est, in qua & eius, qui credidit, gloriatio tota ex Deo est, & ad Deum rursus conuertitur, ut neque initium, neq; exitus huius gloriæ aliud quippiam sit, quàm ipse Deus. Gloriæ autem talis fundamentum est fides, quandoquidem in fidem solam hæc Dei excellens iustitia transmittitur. Igitur patere omnibus necesse est, quanto opere sit fides, fideiq; iustitia operibus legis, aut humanis iustitiæ actionibus anteponenda. Ac ne ambigui quicquam in considerantiū animis relinquamus, omneisq; ut euellamus dubitantū scrupulos, examinet unusquisq; secū, & cum animo intus

suo, quæ sit ista operum, & quæ fidei iustitia. Tum quantum huic
 ab illa intersit, intelliget. Operum iustitia ea est, qua quis in fac-
 tibus, & actionibus suis fidens, quod recte, atque integre cum ho-
 minibus se gesserit, collocat in illis spem cum laudis, tum salutis
 etiam suæ, ut siue ex hominibus, siue ex ipso Deo spectandum præ-
 mium sit, paratum sibi id esse confidat non alicuius dono, aut be-
 neficio, sed merito imprimis suo, quod sic Apostolus exponit.
 Operanti vero merces non computatur secundum gratiam, sed
 secundum debitum. Deberi enim mercedem sibi putat, qui ope-
 ras dedit, in quo quædam est unicuique in seipso confidentia, &
 nonnulla etiam vel tacita arrogantia, ut sibi ille admodum pla-
 ceat, quisquis est, & honorem perfuncti operis sibi meriti attri-
 buat. Dei autem omnipotentis in eo nulla clementia, & liberali-
 tatis sit gloria. Qui vero nullis suis meritis, actionibusve confi-
 sus, conferat se ad summum Deum, satis in illo statuens & pote-
 statis & benignitatis esse, ut velit, valeatque quamuis impium &
 improbum per fidem accedentem ad se iustificare, hic alio genere
 præstantioris iustitiæ probus effectus ostendit, atque illustrat ma-
 xime Dei præpotentis gloriam. Atque ille quidem primus operum
 sectator, sic adhibet in gerendis, suscipiendisque rebus iustitiam,
 quatenus tantum legi, hominibusque satisfaciat. Hic vero, ex Deo
 & ex Dei dono iustificatus illas operum, legisque iustitias tricamen-
 ta quædam terrenarum cogitationum esse putat, ut quæ nihili
 aliud sint, quam explicare in eo se velle, quod totum sit implica-
 tio, hoc est cum cupiditate, & studio in rebus terrenis hæreas, ne
 inde ut excellaris, sed quemadmodum ordine quodam, & cum ra-
 tione in illis mouearis, exquirere, hic autem iustus Dei, quem sic
 appellat Deus in Abacuc inquit, iustus meus ex fide viuet, qui
 per fidem ex Deo & iustitiam adipiscitur, & vitam diuinioris lon-
 ge modo, & maioris iustitiæ fit compos, legemque sibi gerenda
 vitæ non ex lege operum, sed ex imitatione Dei constituit. Fit enim
 ut a quo aliquid discendo perceperimus, cum id postea, quod si-
 dicimus, adhibemus in usum ipsi, atque experimur, eius, a quo id
 accepimus, studeamus esse similes, in quo doctoris nostri, & præ-
 ceptoris gloria per nos maxime amplificatur, & ostenditur. Hic
 tu Iudæe qui hanc ex fide nostri iustificationem non admittis,
 qui cunctos ad opera legis reuocas, quemadmodum constituis
 gloriam summi Dei? Accedunt gentes ut Deo sese offerant, illius
 gloriam expetentes, illius benignitati confidere paræ. Quid ai-
 tu Iudæe? frustra inquis laboratis, & adnucumini. non est hæc ad
 Deum perueniendi via, ad nos primo confugiatis oportet, & le-
 gem nostram accipiatis, carnemque præputij circumcidamini
 atque omnia legis iusta impleatis, si donum vite & gratiæ apud
 Deum queritis obtinere. Hocne est glorificare Deum? an inhi-

nitam illius maiestatem in angustum velle redigere? qui si non potest nec parcere, nec iustificare absq; lege, & victimis, vbi illius potentia? si non vult, vbi bonitas, ac beneficentia? At enim semel id ita constituit, vt sic fieret, rationemq; & modum, quo ipse placaretur, in lege instituit, nempe tum quidem tarditati tuæ cōsulens, cum tu spiritualis disciplinæ penitus expers, eiusq; in tuis primis illis rudimentis prorsus indocilis in corpore, & corporeis sensibus totus inhærebas. Quin tu recto nunc itinere fidei & humilitatis tendentes ad summum Deum in legis amplius semitas, ac diuerticula, & ad contractus operum ne coge, cunctasq; in nobis virtutis, & iustitiæ partes Dei esse sine, & non nostras, quod sic & virtus nostra perfectior, & Dei maiestas clarior, atq; augustior etiam sit, sicuti quidem fuit in patre nostro Abraam, qui non ex operibus suis, quæ fecerat, sed ex fide, quā habuit Deo, meruit iustificari. Quam præsertim in Deum fidem, non autē ex lege iustitiam sequitur beatitudo à Davide etiā tuo significata, & testata.

Quemadmodum & David dicit beatificat onem hominis, cui Deus computat iustitiam absque operibus: Beati quorum remissa sunt iniquitates, & quorum oblecta sunt peccata: beatus vir, cui non imputauerit Dominus peccatum.

Hic enim certè, qui beatus dicitur, nō ex operibus legis, quæ minimè seruauit, alioquin quomodo eguisset, vt sibi à Deo peccata remitterentur? sed ex ipsa peccatorum dimissione cōsecutus est à Deo beatitudinem, in qua adipiscenda nullas ipse suas partes attulit, nisi hanc ipsam fidem, quod credidit à Deo, etiam sine operibus misericordiam sibi posse, clementiamq; præstari, ac omnem hanc gratiā beatificationis suæ soli Deo acceptā retulit.

Beatificatio igitur ista in circumcisionem? an & in præputium? Dicimus enim quod reputata est Abraæ fides in iustitiam, quomodo ergo reputata? cum esset in circumcisione, an cum in præputio? non in circumcisione, sed in præputio, & signum accepit circumcisionis notam iustitiæ ex fide, quæ fuerat in præputio, vt esset pater omnium credentium per præputium, vt reputaretur & illis iustitiæ, & pater circumcisionis his qui non ex circumcisione solum, sed qui etiam incederent vestigiis eius fidei, quæ fuisset in præputio patris nostri Abraam.

ISTA, inquit, beatitudo, quæ ex fidei iustitiæ, & propter eiusmodi iustitiam nobis tribuitur, per quam quidem iustitiā delictis à Deo, omnium peccatorū nostrorum maculis ad illius summam voluntatem omnibus in rebus spectandam, atq; exequendam,

dam, & prompti efficitur, & habiles, quemadmodum & ipse Abraham ad parendum in cunctis Deo alacer, & paratus factus deinde est. Ista inquam, beatitudo attributa est Abraæ, cum adhuc in præputio esset, nec dum circumcisionem in se admisisset. Nam circumcisio post fidem illam iustitia iam adepta Abraæ ipsi imperata est, quæ futura esset indicium; & veluti nota illius ipsius ex fide iustitiæ, quæ Abraam Deo credens in præputio esset adeptus, nota inquam, & indicium Abraæ genus carnale à cæteris generibus discriminaturum. Quoniam enim Deus illa fide Abraæ erga se, & in his, quæ ipse eidem Abraæ promittebat, illius certa spe & fiducia adductus dignum illum effecerat, in cuius semine gratiam & cognationem suam uniuerso generi humano impertiret, quo clarius extaret suæ promissionis fides, & ad nationum, ac seculorum omnium conscientiam esset testata, illo circumcisionis voluit signo Abraæ sobolem distingui, quod quidem signum futurum esset indicium ac monumentum eius promissi, & pacti, quod cum ipso Abraam Deus pepigisset, quæ quoniam promissio illi ab Deo ob ipsius fidem & fidei iustitiam erat facta, signum non tantum pacti, sed illius ex fide iustitiæ, quæ id pactum expresse rat, facta est circumcisio. Ita signum circumcisionis fuit nota iustitiæ, qua Abraam Deo credens in præputio fuit ab eodem Deo insignitus, atque ornatus. Quod autem hic circumcisionem signum iustitiæ, in Genesi eandem signum pacti appellat, in quo libro sic scriptum est: Et circumcideris carnem præputij vestri, & erit in signum pacti inter me, & vos. Erat autem hoc pactum ex promissione Dei cum Abraam eiusmodi, vt cum hereditate terre & multiplicatione innumerabilis posteritatis id etiam illi polliceretur Deus, quod ex semine ipsius prodiret olim, in lucemque ederet, qui eandem gratiam Dei, & iustitiam, terramque reuera æternæ possessionis in omnes tribus terræ propagaturus esset, qui ubi venisset, omnibusque fuisset factum manifestum ex semine illum Abraæ secundum Dei promissionem profectum esse, Deumque præstitisse, quod fuisset pollicitus, tum sublato circumcisionis signo, quod deinde inane, & irritum futurum esset, ad eam fidem in Deum conclusus cunctorum fieret, per quam Abraam in præputio posuit, Dei amicitiam, & gratiam, insigneque ab eo donum cælestis iustitiæ consequi valuisset: Ita circumcisio, quæ signum fidei, ac iustitiæ Abraæ in seipsa fert, si non sit sub signo fides, ac iustitia, inane signum est, & quatenus pactum indicat futuri ex Deo doni, quod in semine Abraæ sanctificarentur omnes gentes, iam exhibitо dono amplius signum non est. Abraam porro ipse dupliciter factus est pater & generis sui, ac posteritatis, per circumcisionem, & humani generis totius per fidem. Pater quidem omnium credentium, cum etiā tunc in præputio esset, fidemque Deo habuisset.

vt qui-

ut quicumque item in præputio constituti similem in Deum habuissent fidem, simili apud Deum iustificarentur gratia, fidesque illis in iustitiam reputaretur. Pater autem circumcisionis, hoc est generis, & posteritatis suæ: si illud tantum signum posterius sequatur circumcisionis, carnalis tantum pater. Sin autem, quod signo illo admonentur, eiusdem fidei vestigiis, quibus ille in præputio ingressus est, velint & posterius eius incedere, verè illis patet, neque corporis solum, sed animi etiam sui, & fidei erga Deum, partemque propter eam ipsam fidem iustitiæ integram illis hæreditatem relinquens. Ex quo planè patet, fidem ubique esse & valere omnia: quod quidem ad acquirendam Dei gratiam, & ad conciliandum ab eo cœlestis iustitiæ donum ad vnumquemque hominum spectat atque pertinet, quando nec sine fide valet quicquam circumcisio, & cum fide præputium circumcisionem non desiderat.

Non enim propter legem promissio fuit Abraæ, & semini eius hæredem eum esse mundi, sed propter iustitiam fidei. Si enim qui ex lege, hi hæredes, inanis facta est fides, & vana promissio. Lex enim iram fabricatur. Nam ubi non est lex, neque ibi prævaricatio, propter hoc ex fide ut per gratiam, quo firma sit promissio omni semini, non solum quod ex lege, sed & quod ex fide Abraæ, qui est pater omnium nostrum, sicut scriptum est, Quoniam patrem multarum gentium posuit.

PROMISSIO illa, quæ facta est Abraæ a Deo, inquit, non ratione legis nec propter legem facta est, sed propter iustitiam fidei. Quia enim credidit Abraam Deo, & id reputatum est illi ad iustitiam, propterea ipsi Deus præclaram illam promissionem fecit hæredem eum fore mundi. Quæ promissio quanquam non eisdem verbis in Genesi est perscripta, ex aliis tamen verbis colligitur, quod in semine ipsius erant sanctificandæ omnes tribus terræ, atque hæc promissio non propter legem Abraæ facta est, sed propter illam fidem, quam is Deo habuisset, quod ei præcipienti, ac pollicenti in cunctis credidisset, atque obtemperasset, propterque eam iustitiam, in cuius genere, & nomine fides illa Abraæ a Deo est existimata. Ita cum Abraæ illa tum promittebat Deus, neque legem ita spectabat, ut ad eam suas promissiones dirigeret, neque posteaquam illa quæ promiserat, implevit, id est legi, & legis operibus ab eo datum, sed cum illi Abraæ fidei, atque iustitiæ, tributum tum diuinæ imprimis constantiæ & veritati. Etenim si propter legem & illa promissio tunc Abraæ facta, & post ludæorum generi eiusdem ratione legis exhibita fuisset, inanis ilicet Abraæ fides, & Dei promissio irrita extuisset. Ac quod ad Abraham pertinet, si fuisset a Deo spectata in suis

promissionibus lex, quid honoris, quid gratiæ obtinuiſſet apud
 Deum fides Abrahæ, ſi non ipſi, nec fidei eius præcipuè, ac primo,
 ſed generi, & poſteritati ipſius datum fuiſſet, ut digni tantis a
 Deo promiſſionibus haberentur, qui in legem Moyſis conſen-
 ſiſſent, & ſuum in illa nomen profeſſi, eam religioſè, & diligen-
 ter coluiſſent, quando non præuaticatoribus, ſed probis, & re-
 ctis ſuam impertitur benignitatem Deus. Quid ergo interfuit v-
 trum crederet Deo Abrahæ, necne crederet, ſi non propter ſe,
 nec propter fidem ſuam, ſed ratione legis, cuiusque poſteritatis,
 quæ ſub lege futura erat, illa à Deo fuiſſet promiſſio, enunciata?
 Deinde quam Abrahæ gratiam poſteri eius debuiſſent, dum hære-
 ditatem promiſſorum, quam accepiſſent, nõ parenti ſuo Abrahæ,
 nec fidei parentis, ſed ſuis operibus retuliſſent acceptam. Poſtere-
 mò ne credere quidem firmè Abrahæ Deo, omnemque ſuam fi-
 dem in illius promiſſis conſtituere potuiſſet, ſi legem potiſſi-
 mùm, & in lege poſteritatem ſpectaſſet illa promiſſio. Quo pa-
 cto enim quod pependiſſet ex incertis poſteriorum factis, ſpemque
 conſtantiæ, & ſtabilitatis in alienis voluntatibus ſitam habuiſſet,
 potuiſſet ab alio quopiam homine non ſuum negotium geren-
 te, nec ſtipulante ſibi ipſi tanto poſt venturum tam firmè credi,
 ut non aliqua in animo ambiguitas reſideret? non eſt autem
 eiufdem ambigere, & fidem habere. Quamobrem ſi in quo Ab-
 rahæ fidem habebat, in eo ipſo rursus dubitare cogeſſetur, neque
 fides in eo certa inerat, & quoquo modo facta eſt, cerrè illi tran-
 ſtra eſt facta promiſſio. Porro ex altera parte Dei, promiſſio Abrahæ
 facta ſi non Abrahæ ipſum, ſed poſteritatem eius imprimis ſpe-
 ctaviſſet, cauſam nullam grauem, nec dignam tanta maiestate in
 Deo habuiſſet, quamobrem ipſi Abrahæ potiſſimùm videretur
 eſſe facienda. Etenim cum quid cui promittitur, quod ſit illi in
 eius poſteritate perſolucendum, id cum præſtatur, & datur, ſi non
 eius, cui promiſſum fuit, ſed eius, qui poſt demum accipit, præ-
 cipuè habetur ratio, quis non videat inanem & vacuam rationis
 ac conſilij, leuique potiùs ac futili, quàm graui, & certo autho-
 re dignam promiſſionem illam extitiſſe? cuius nimirum ad eum
 cui fuerit facta pars omnino nulla pertineat. Deinde ſi ob legem,
 & legis cauſa facta eſt promiſſio, ob eam rem profectò facta eſt,
 ut non habentibus legem, ſed ſeruantibus ille honos haberetur,
 ac per legem magis præuaticatores effecti ſunt, qui illam adſci-
 uerunt, quoniam ubi lex, ibi eſt præuaticatio, itaque De ad-
 uerſum ſe potiùs prouocauerunt, quàm beniuolentiam, & gra-
 tiam illius promerere. Ergo in omnem partem vana reddita eſt
 Dei omnipotentis promiſſio. Enim verò in *VRVM* vanitas non
 radit, de quo eſt ſcriptum, In æternum Domine permanet ver-
 bum tuum, in ſeculum ſeculi veritas tua. Fidei ergo Abrahæ &

cum fide iustitiæ & in eo ipso, & in posteritate eius maximè persolvit D E V S, quæ parenti ipsi, & capiti generis promiserat. Ideoque ex fide, inquit Apostolus, ut totum esset gratia, ac non meriti merces, proptereaque maneret immobilis cuncto semini Abraæ Dei promissio. Quod enim gratis, & innata sua bonitate à D E O promittitur, id cum solum D E V M habeat authorem, pendeatque ab immutabili, & æterno, æternum quoque ipsum, & immutabile est. Quod verò labori, industriæ, diligentiaque proponitur, cum ex hominum pendeat consiliis, & actionibus, quæ infirmæ semper, & vacillantes sunt, incertum item ipsum, & debile nullum unquam habet perenne firmamentum stabilitatis suæ. Iam fides, quæ digna tantis honoribus à Deo efficitur, nullum ipsa ex se meriti pondus affert, sed tantum ut materia formæ, sic illa Dei gloriæ, & beneficentiæ parata, atque exposita est, ut cum fuerit à Deo divinæ iustitiæ munere insignita per eam Dei bonitas, & iustitia magis ostendatur. Quæ si fides tantum gratiæ apud Deum, & benevolentia in Abraam est assecuta, cur non item assequatur in nobis? aut quamobrem nos non multò digniores, qui hæreditatem adeamus patris nostri Abraæ, cum fidei illius filij simus propter quam fidem illi est facta promissio, quam qui cum carnis duntaxat, & generis agnoscunt parentem? Quanquam carnalis illa Iudæis cum Abraam cognatio, hunc à Deo honorem merita est, ut ad eos potissimum docendos, & conservandos Dei filius mitteretur, si fidem illa filij Dei, sine qua salus esse non potest, suscipere, & altero quoque genere consanguinitatis, quod spirituale totum, & per fidem est, Abraam patri suo coniungere se voluisset. Nam & I E S V S ipse palam attestabatur se ad eos solos missum esse, atque ut oves requireret, quæ perierant domus Israël. Matth. 10. & 15. cap. Sed cum illi patre Abraam in carne sola duntaxat gloriarentur, fidem autem patris nulla ratione admitterent, neque de spirituali genere, quod præstantius multò per fidem est, quicquam præclarum, aut sublime cogitarent, ex primo honore, atque ordine in postremum reiecti his qui per fidem filios Abraæ se faciebant, de hæreditate Dei concessere. Etenim non carnis consanguinitas prima ducenda est, sed potior multò, atque præstantior, Dei que magis naturæ similis, & proxima est spiritus cognatio, quæ per fidem ipsam adeuntibus ad Deum, & iustitiam ab eo adipiscuntibus cum ipso omnipotente Deo contrahitur, in qua nos præcipuè Abraæ filij sumus, ideoque est ei à Deo dictum, patrem illum multarum gentium fore, carnalium filiorum videlicet, aliorumque spiritualium. Porro fides est, Abraæque in nobis imitatio & spiritualis nostra ad eum propinquitas, cum id, quod egit ille, ut parentes, & domum, & patriam suam relinqueret, Deoque in alias eum regione;

giones, & ad spes alias vocanti per fidem, & obedientiam se deducendum traderet. Item nos agamus, mundumque patrem nostrum & carnales affectus omnes, presentiaque mundi bona, ab ipso Deo vocari libenter dimittamus, ac futurorum spe in ipso Deo consistentes per fidem iunitamur. Atque ut admirans intueretur huius sanctissimi, sapientissimi que doctoris sensu, & cogitationes ex summis diuinitatis consiliis esse depromptas, attende quemadmodum fidei vim, incredibilemque potentiam in paternitate Abrahæ ante oculos nostros ponat.

INSTAR eius, cui credidit Dei viuificantis mortuos, & vocantis ea que non sunt, ut si essent, qui prater spem in spe credidit, quod futurus ipse esset pater multarum gentium, secundum quod dictum, Sic erit semen tuum. Et non vacillans fide, non considerauit corpus suum iam enectum centum fere natus annos, nec enectionem vulua Sarai, sed in promissione Dei non ambegit incredulitate, sed corroboratus est fide, dans gloriam Deo, & persuasus certò, quoniam quod promiserat, potens est & facere. Ideo & reputatum est ei in iustitiam.

PATER multarum gentium, inquit, & in eo similis quodammodo Deo illi ipsi, cui credidit, quasi fides ea, quam habuit Abrahæ Deo similem cum Dei effecit. Nam cum Deus in vitam restituat mortuos, & vocet ea, quæ non sunt, haud secus ac si essent. Cum, inquit, in mortuis nihil omnino insit vitæ, & in iis, quæ non sunt nihil essentia, in Deo tamen utraque vtrumque habent, & vitam mortua, & esse non entia, ut simulatque Dei voluntas & mandatum adsit, & præstò sit, quod non erat, & reuiuifcat mortuum quod iacebat. Sic Abrahæ fides eisdem fere ingressa vestigiis, & suscitauit mortuos, & qui nequaquam erant, nec alioquin futuri fuerant, eos ut essent, fecit. Ac mortuos quidem suscitauit, quatenus ipsummet Abrahæ, qui quod ad vni generandi attineret, mortuus iam erat & natura, & corpore, sic viuificauit, ut idoneus fieret generationi, quam vegetationem prius enecti propter ætatem corporis tam validè ille hausit, ut non solum ad Isaac, sed ad alios complures postea liberos noua vis corporis fuerit propagata. Quæ verò illam innumerabilem Abrahæ posteritatem fides eadem progeniuit, totque illi nepotes, & nepotum filios, tantamque successionem & sobolem in lucem, & diem & naturam ipsam protulit, qui sine ea nulli vquam fuissent, hoc fuit in illo vocare eos, qui nusquam erant, æquè ut si fuissent. Ita Abrahæ per fidem eadem fere potuit quæ Deus per naturam. Verum ita ipse potuit, ut omnem suam tamen poten-

tiam ex Deo, & Dei erga se gratia, munificentiaq; acciperet. Nec solum in his fides Abraæ Dei virtutem est imitata, sed in illa ratione etiam, quod cum Deus creator omnium quidem hominū sit, & per illam creationem quodammodo pater, pater autem verius, atq; coniunctius eorum, qui per fidem illi sese dedentes in eoq; renascentes, ipsum eum imitari, ei obtemperare, bonorumq; eius hereditatem præcipue student sibi comparare, sic Abraam iustius multò sobolis suæ per fidem, quàm seminis per carnem habendus est pater. Ac ut demonstret quo ex genere fides Abraæ quàm firma, quàm valens, quàm præter usum & morem communis credulitatis fuerit, persequitur exponens de ipso Abraam. Qui præter spem, inquit, in spe credidit, qui cum respiciens sese, uxoremq; secum suam nullam omnino spem generandi haberet, sed in eiusmodi spe prorsus esset peremptus, Dei magnitudinē, bonitatemq; attendens, certissimam in spem venit, viuidusq; effectus in ea est, fore sibi progeniem frequentissimæ prosperitatis, eamq; spem, & erga Deum fidem corporis statim vigor ad conferendū genus, & facultas procreandi est consecuta. Non enim ambegit incredulitate ad promissionem Dei, sed omnes animi, & mentis suæ nervos ad credendum, & confidendum Deo intendit, dans illi meritam gloriam, quod non solum ex instrumento inutili pascere, & effecto posset Deus efficere quæcunq; vellet, sed etiam quod promississet, certò esset effecturus, ideoq; hæc illi fides loco iustitiæ existimata est. At quomodo iustitiæ loco? aut ut in Hebræo est, iustitia? Viderur enim ita esse scriptum, Et credidit Domino, & reputatum est illud ipsi iustitia. Quo pacto, inquam, fides Abraæ pro iustitia reputata est? Quia cum per operum iustitiam mercedem, atque honorem à Deo expectemus, fides in Abraam habita est dignior, quæ illa ex Deo præmia assequeretur, quæ humana iustitia sibi solet arrogare. Ita fides Abraæ in iustitiæ loco æstimata est, tantoque præstantioris, & nobilioris iustitiæ, quantò in his honoribus & præmiis fidei tribuendis totum & gratiæ, & liberalitati Dei summi fertur acceptum, fructumque illius beneficentiæ, & gloriæ nullum nostrum meritum, nulla quæ nobis iure debeat, merces decerpit. Hoc Abraam pater noster fecit, qui cum omnino desperasset de se & de viribus suis omneis spei suæ partes in Deo vno constituit, ut ab eo solo agnosceret quicquid acquirebat, atque ita gloriam iustam & debitam dedit Deo, neque de ea ipse quicquam humanæ suæ iustitiæ operibus imminuit, quod fuit verè credere Deo, atque confidere. Iam cum ex alio genere Dei iustitia, atque hominum sit, quantum quisque affert de humana iustitia, tantum occupat loci, quo accipiat minus de diuina, ut si ad hauriendam puro è fonte aquam accedamus, hydriamq; afferamus, in qua nonni-

nonnihil turbulentæ insit aquæ, neque purum habemus iam ampliùs, neque plenum, quod petebamus, sic fides vas ad capiendam Dei iusticiam sola idoneum, non debet alterius genere iustitiæ, nec operibus, nisi ex diuina iusticia factis, vlllo modo confidere.

NON scriptum autem propter eum solum est, quod reputatum ipsi est, sed & propter nos, quibus debet reputari credentibus in eum, qui suscitauit IESVM Christum Dominum nostrum à mortuis, qui traditus fuit propter peccata nostra, & suscitatus ob iustificationem nostri.

Quod de Abraam commemorat scriptura, inquit, non est eiusmodi, vt in eo vno debeat valere. Non enim fides propter Abraam, sed Abraam propter fidem apud Deum gratiam obtinuit, & in eiusdem honorem fidei iustificatus est. Quæ si in illo tantum fides potuit, potest etiam in nobis, vt per eam iusti, & Deo grati efficiamur, si crediderimus, videlicet & mortuum corpus a Deo denuò viuificari, & nouam prolem per fidem procreari. Atque ista Abraam in semetipso credidit. Nos in CHRISTO Iesu eadem credimus Domino nostro. Credimus enim CHRISTVM Iesum cum esset in mortem datus ob peccata nostra vt carnem peccati in nobis suæ carnis morte aboleret, atque extingueret. Ac si legis piacula etiam attendamus, vt subiret ipse supplicium pro vniuersis, lueretque suo sanguine poenam, quam populi peccata meruissent, ipseque velut hostia peccatum in se omne susciperet. Cum esset igitur mortuus propter delicta nostra, à Deo etiam patre credimus è mortuis eum excitatum post fuisse, & in vitam rursus, nec iam mortalem restitutum, vt nos quoque vnâ cum eo, peccato prius mortui, iustitiæ deinceps viuereamus. Atque hæc fides nostra vt spiritalior longè est, ita etiâ præstantior. Etenim Deus ex Abraam per fidem corporeæ generationis longam posteritatem pertexit, per fidem autè CHRISTUS infinitæ propè spiritualis generationis est author. In quo accuratè illud inspicendum est, quam alto, & recondito consilio Deus fidem illam Abræ, fidei nostræ, & corporeæ in eo signa carneasque seminis, & generis propagationes nostris spiritalibus procreationibus præmiserit, qui circumcidi voluit cunctam domum Abræ, eiusque posteritatem in eo membro, quod est natura factum, attrit utumque generationi, vt signo illo potissimum indicaretur, fidem reddidisse Abræ, quod natura iam ademerat, vt si posteriore tempore qui per carnem genus ex Abraam duxissent, ab aui suis hinc erga Deum deficerent, commoneferent illo ipsomet circumcisionis signo sanctius aliud ge-

nus & meliorem sobolem semper Deum ex fide reparaturum esse. Quod cum per I E S V M Christum & per fidem C H R I S T I, qua Deo credidimus, factum sit, nouaque spiritualis iam, non corporea proles in lucem & veritatem sit edita, hęrent adhuc tamen Iudæi in carne & preputio, nec à carnalibus possunt ad spiritualia conuerti. Credimus igitur, I E S V M Christum mortuum peccatis nostris fuisse postea à Deo è mortuis excitatum, idque ipsum fuisse mysterium nostrę redemptionis, quod & traditus fuit in mortem, donatusque mundo à Deo patre propter peccata nostra, vt diximus, & suscitatus rursus ad vitam ob iustificationem nostri, vt nos ad iustitię vitam resurgeremus. Peccatum enim in nobis mortis est, iustitia autem ex fide causa est vitę. Abstulit ergo à nobis C H R I S T V S mortē suā peccatum, & ex resurrectione suā tradidit iustitiā, vt quemadmodum ille reuixit in corpore, sic nos in spiritu ad iustitiā reuiuiscamus. Quod vtrunque alibi Apostolus: Vt mortui peccato, inquit, iustitię viuamus. Hęc enim virtus est fidei nostrę in Deum per I E S V M Christum, vt si crediderimus datum eum à patre, & donatum nobis vt mortē suā in nobis causam peccati perimeret, ipsi nos quoque peccatum in nobis interimeremus. Rursus si fidem hanc reciperemus, suscitatum eum à Deo patre suo, postquam mortis supplicio pro nobis affectus esset, & in vitam nouam, deincepsque immortalem fuisse restitutum, etiam nos cum eo in nouam vitam eiusdem beneficio D E I consurgeremus, non illam carnis pristinam, quam prius abiecissemus sponte C H R I S T O commorientes, sed in eam iustitię vitam, quę cum Deo, & cum immortalitate semper est coniuncta. Suscitatus est ergo propter iustificationem nostri, id est, vt nos fide suscitaremur ad vitam iustitię. Non enim erat satis, mortuos esse peccato, neque id solum Dei beneficentia erga nos postulabat, sed illud quoque fides nostra à Deo nobis impetravit, vt per resurrectionem C H R I S T I in ipsa Dei iustitiā perpetuò iam viuamus, in quo fides nostra fidei Abrę, vt spiritus corpori, & veritas imaginī respondere cernitur, siue adeò potius longè antecellere. Ille enim corporis, & ætatis vitio iam inhabilis ad generandum per fidem est adeptus, vt in eo membro reuiuisceret quod gignendi vim habet. Nos in ea animi parte propter carnis vitium mortui, quę iustitię & veritatis & diuini luminis particeps est, vique in se continet noscendi, & imirandi D E I, ac sese ad eum patrem per spiritum applicandi per suscitationem C H R I S T I in ea parte ipsa, & in verę rationis lumine credendo Deo, fidendoque reuiximus. Atque vt ille sterilitatem fide perdidit, fecunditatem est assecutus, sic nos peccatum extinximus, & iustitiā sumus nacti per fidem, quam in

Deo suscepimus ex morte, & resurrectione Domini nostri Iesum Christi.

IUSTIFICATI igitur ex fide pacem habemus aduersus Deum per Dominum nostrum IESUM Christum, per quem et introductionem habuimus fide in gratiam hanc, in qua insisterimus, & gloriamur in spe gloriæ Dei. Neque hoc solum, sed & gloriamur in oppressionibus, scientes, quod oppressio tolerantiam operatur, tolerantia autem probationem, probatio verò spes, spes autem non frustratur, quoniam amor Dei effusus est in cordibus nostris per Spiritum sanctum, qui datus est nobis.

POSTquam de fide, & vi fidei multa & magna sunt dicta, et nunc se confert Apostolus, ut statum nostrum in fide manentium cuiusmodi sit, ostendat: cuius verborum sententiam planè ut intelligamus, illud **CHRISTI** mysterium, de quo ante satis dictum est, in memoria est habendum, per quod perspicuum factum est fidem **CHRISTI** potissimum consistere in eo, ut mundi posthabitis bonis Deum vnum, & ipsius Dei præmia toto animo contendamus, quod mysterium quidem ipsemet fuit **CHRISTVS**. Qui enim huius cælestis verè mysterij vim mente penitus imbibebunt, hi sunt, qui per fidem **CHRISTO** in carne commorantes, in animo, & virtute ad iusticiam cum eodem sunt excitati, ne qualemcunque iusticiam, sed illam gerentem imaginem iusticiæ summi Dei. Hi ergo tales fide iustificati pacem habent cum Deo. Hostem enim Dei ipsi in se interemerunt, carnem peccati videlicet, per quam rectoribus mundi & tenebrarum harum impio ante militiæ sacramento erant obstricti, quodammodoq; in Dei contumeliam vivebant, cum accepta ab eo naturæ & rationis beneficium non ad agendas illi gratias, sed ad contemptum & ignominiam nominis eius conuerrebant, hoc perempto Dei hoste, quod nullo alio modo, quam per **CHRISTVM**, & **CHRISTI** fide fieri potuit, eadem fide iustificati per ipsum Dei filium cum Deo in gratiam sunt reconciliati. Ideoq; ait Apostolus, quod iustificati iam ex fide pacem habemus erga Deum per Dominum nostrum IESUM Christum. Neque pacati solum, & in amicitiam cum Deo copulati, sed per eundem **CHRISTVM** Dominum nostrum in hanc quoque gratiam fide peruenimus, id est de ducente, & introitum nobis operiente **CHRISTO**, in qua gratia insisteres, firmis que in ea vestigiis constituti existimus nos, atque extollimus in spe gloriæ Dei. Non solum inquit, ut cum Deo reconciliati sumus, ut nihil ab eo iam peccati, nihil incedit extimescere debeamus, sed ut etiam ab eo regnum gloriæque speremus, quæperiuimus læti, atque gaudentes. Quod

si huic spei obstare videantur, quæ ex mundo damna multa incommodaque existunt, quæ vulgus mala esse arbitratur, neque ea putat cum hac Dei amicitia, & spe celestis gloriæ convenire posse, responsione his Apostolus occurrit, exemplo quasi à gymniciis certaminibus inducto, in quibus qui se ad cursum, aut pugilatum apparant, non antequam exercitato per famem, litumque, & per labores corpore sudorem & pulverem, & solem ipsum ferre, tolerareque didicerint, ad victoriæ spem habentur idonei, sic nos, inquit, non solum extollimur spe, quod Dei gloriæ futuri sumus participes, sed in illis quoque oppressiōnis gloriā nostrā ponimus, quæ nos undique affligunt, & premunt, probè scientes, quod oppressio, atque ærumna tolerantiam in nobis confirmat, tolerantia autem efficit probationem. Vbi enim perferre & tolerare didicerimus, tunc probamur, idoneique habemur, neque a cæteris tantum, sed à nobis quoque ipsis. Ipso enim experimento percepimus esse nos ad dura, & aspera perpetienda fortes. Porro autem ipsa probatio spem alacriorem in nobis excitat, magis nos Deo etiam futuros cordi, cui nostram fidem, constantiamque in rebus molestis, aduersisq; exhibuerimus. Quæ spes profectò nobis pœnitenda non est. Non enim illudimur ab ea, non decipimur, non illa nos nequicquam ut speremus facit, quando certus, & fidelis sponsor illius est amor ille erga Deum, quem totis cordibus hausimus, & Dei item erga nos, effusus in nos per Spiritum sanctum, qui ab eodem Deo nobis datus est.

Hic IULIUS, amoris huius, inquit, vel diuini erga nos, vel nostri aduersus Deum, ex quo spei nostræ veritas demonstranda suscipitur, video causam ab Apostolo Spiritum sanctum afferri, qui Apostolis datus est, non occulto solum afflatu, sed missione manifesta, cum in flammeis linguis singulis eorum dispersus est, quo quidem Spiritu sancto certi sunt facti spem apud Deum futurorum bonorum suam nequaquam irritam, neque inanem eventuri fore. Non enim tantum habuerunt necesse credere, sed viderunt planè, & tanquam manu contractauerunt extare erga se studium, & benevolentiam summi Dei. Itaque amore ipsi vicissim aduersus Deum conflagrauerunt, spiritusque idem in illis sanctus certissimus sponsor & ipsorum fidei, & Dei erga ipsos voluntatis fuit. Nobis verò, qui in hoc mundo ita vivimus, ut quotidianis variarum præliis cupiditatum exposita sit vita nostra, qui ita stamus in fide, ut nonnunquam tamen, atque vnam ne nimium sepe carni, & cupiditati ipsi concedamus, quid polliceri potest certi iste in Deum amor nullo præsertim perspicuo Spiritus sancti dono confirmatus, aut quomodo nostra non potest spes decipi? Nam quod in hoc loco à

plerisque sanctis viris asseritur amorem hunc nobis, & spiritum simul sanctum in baptismo infundi, non mihi satisfacit, quippe multos qui videam sacramento illo initiatos, nec amorem tamen erga Deum, nec spiritus sancti ullius participes esse. **TVM** ego rem quæris Iuli cognitione dignam, locumque ipsum sanctè acutè es conspicatus; in quo percontandi occasio idonea sit. Facile enim hæsitare quis possit; vbi Apostolus cenetur valido velle quasi argumento corroborare spem nostram, quod vacua, & inanis ea esse non possit, illud præcipuè in confirmando ponere, quod non minus ipsum alia confirmatione egeat, & iure quoque illud adiecisti, si Apostolis ipsis Spiritus sanctus fuit apertè datus, ut dubitare non possent, nos non eadem, qua illi conditione ad cognitionem tanti beneficii esse vocatos, quorum imbecillitati consulendum etiam fuit, ut ea Paulo argumenta ponerentur, quæ non in præsentia solum, verum etiam ad posteros vim comprobandi, & confirmandi, quis fortè labasceret, essent habitura. Veruntamen ad Deum eundem ipsum confugientes; quod in omnibus arduis, & difficilibus quæstionibus conuenit a nobis fieri, ipsiusque clementiam & bonitatem implorantes oremus suppliciter, ut ex eodem Spiritu sancto, de quo loqui instituimus, veritatis nobis lumen ostendens sensum horum verborum, & argumenti vim, in quo permagna est fidei, & spei nostræ confirmatio, patefacere dignetur. Ac ut reuocem te sæpius mi frater ad considerationem mysterij fidei, quod est **CHRISTVS**; de quo tot & tanta dudum locuti sumus, recordaris profectò vim totam & spei, & fidei erga Deum nostræ in eo consistere, si contemptis munus huius rebus nos totos in Deo penitus constituerimus, nihil quæ duxerimus neque expetendum, neque bonum, nisi quod ab eo ipso nobis promissum, ostentatumque sit, quo fundamento posito, videamus modò de Spiritu sancto, quo ille nobis pacto immittatur, & quemadmodum is certissimus sit sponsor futuros nos compotes cœlestis à Deo gloriæ. Etenim si hoc istud ipsum, quod mysterium fidei nobis, & **CHRISTVS** ipse enunciat negligenda esse terræ bona, & appetenda cœlestia, verioris est iam, & melioris spiritus, ac rationis, quam illa sunt, quæ mundo nos, & mundanis cupiditatibus denunciant, ut cum ratiocinamur quærendas esse opes, ambiendos honores, expetendam ab hominibus gloriam, si hoc inquam quod credimus ad cælum esse, & ad Deum solum adnitendum, dumque is possideatur, & teneatur, reliqua pro nihilo ducenda, neque de mundo est, ut quod repugnat omnino, conuerſumque sit cogitationibus humanis, & spiritus tamen est, quæ ille mundi multò præstantior, ipso primo statim affatu sub-

CHRISTI diuinioris iam Spiritus incipimus esse participes, quam ut terreni homines existimari debeamus. Atque hæ sunt fores, & primus introitus ad plenam in Deum fidem, quem quidem aperuit nobis baptisumus. Hoc enim sanctum, imprimisque salutare Ecclesiæ sacramentum obices eos repellit, & disijcit, quos ad aspernandam fidem CHRISTI prauis imbuta opinionibus sibi ipsa prius præstruxerit contumacia. Sed intrandum magis est. Sequitur enim alterum Spiritus sancti donum, quo illa, quæ in veteri scriptura in corporibus, & corporum actionibus designata sunt, nos ad spiritualem intelligentiam transferimus. Qui enim aliter Rex perpetuus David, regnum sempiternum, possessio terræ finem non habitura, templum semper stabile, chori, cætusque illi canentes æternam laudem Deo queunt ritè intelligi, nisi ad spiritum, in quo solo est perpetuitas, referantur? Quid valebit circumcisio, quid sabbatorum requies, quid illa ipsa fides in Abraam, filiique eius Isaac immolatio, si non horum omnium spiritualis intelligentia sit? Quanquam quid singula commemorem, cum quæ in Iudæorum legitimis germanisque voluminibus perscripta sunt, ad eandem omnia spiritus rationem accipienda sint, quod Iudæi ipsi non viderunt, ut qui velo interposito impediabantur, illo nimirum quo Moyses legem illis promulgans os suum obtexerat, quo nos reiecto velo in faciem ipsam legislatoris aspeximus. Hoc ne inane tibi donum à Spiritu sancto nobis tributum videtur esse? MINIME verò, inquit ille, sed & insigne, & certum, ut iam ex his duobus indiciis satis nosse valeamus, Spiritum sanctum à Deo nobis datum esse. ENIMVERO IULI cum aliquotiens Paulus dicat spiritum Arrabonem nobis datum futurorum bonorum, hoc est eorum, quæ oculis non comprehenduntur, sed sunt cœlestia, & immortalia, tametsi principes illum Apostoli, ædificatores Ecclesiæ CHRISTI in flamma, & sonitu etiam acceperunt, ut sentire eum, videre, & possent, num ideo nos non sentiemus, quod cum oculis minimè cernimus, eum tamen in intimis nostris sensibus, hoc est in ipsa cognitione, atque mente illius nobis vis perspicua fiat? Nam quid est habere nos spiritum arrabonem futurorum bonorum, nisi quod cum sola spiritualia æterna sint qui spiritualia intelligat, atque optet, habere eum iam immortalitatis arrabonem? sicut ad Corinthios scribens ait Apostolus: Et enim qui sumus in tabernaculo gemimus onerati propterea quod nolumus exui, sed superindui, ut absorbeatur mortalitas à vita. Qui autem fecit nos in hoc ipsam Deus est, qui idem dedit nobis arrabonem spiritus, ut ista ipsa intelligeremus videlicet, quæ optamus. Et alio loco: Qui confirmat nos vo-

biseum in CHRISTVM, & vnxit nos Deus, qui & ob-
signauit nos, & dedit arrabonem spiritus in cordibus nostris. Et
ad Ephesios: In CHRISTO, inquit, speratis, & vos audientes
verbum veritatis Euangelium salutis vestrae, in quo & credentes
obsignati estis spiritu promissionis sancto, qui est arrabo hære-
ditatis nostrae. Certè enim is, qui intelligentiam nobis diuino-
rum veram dat spiritus, cùm idem etiam spem, & fiduciam dat
illorum quæ penes Deum sunt adipiscendorum, verè illam dare
nobis est accipiendus, vt sit idem spiritus, & doctor, & arrabo
futurorum nobis honorum: quem Ioannes spiritum vocat ve-
ritatis, eumque à mundo non posse capi affirmat, quia eum
non cognoscit mundus. Qui enim queat nosse, cùm spiritus san-
ctus nihil omnino rationis cum mundo habens, nos quoque
abstrahat & auellat ab eo, ad superioraque pertrahat: ipse autem
mundus in suis terrenis sordibus iaceat obuolutus.

PLANETA est Iulius, inquit, & hoc certè spiritu, quod infi-
ciari nemo potest, altiores efficitur, quàm vt in terrenis rebus
aut animi & mentis lumen, aut spei nostrae fructum defigamus.
QVOD IULI, inquam, cùm illas eodem spiritu adipiscimur
virtutes, quibus comparatae illae, quæ ex lege, & operibus le-
gis sunt, vsque adeò sordeant, necesse est, vt propemodum ius-
tius in vitij partem, quàm in virtutis numerari posse videantur,
cùm non ita suum cuique reddimus, vt nostrum teneamus, non
ita sumus benefici aduersus amicos, vt inimicis malum minite-
mur, non sic fauimus, & suffragamur optatis cæterorum, vt
dignitatem, & commoda, & fortunas nostras priores habea-
mus, sed diuino illo genere iustitiæ per fidem CHRISTI OR-
nati, atque repleti, quò proximè accedimus similitudine ad ip-
sam Deum in iuuando, benigneque faciendo pares omnes
ducimus, quibus cùm quippiam agendum nobis, & commu-
nicandum sit, cùm rem, operam, fidem, consilium, authorita-
temque nostram inimicis æquè, atque amicis paratam effice-
lumus, cùm omnia agimus salutis cæterorum causa, nihilque om-
nino ad nos, sed ad Deum ipsum cuncta referimus: cùm inter
humanas curas & sollicitudines rerum innumerabilium, quas
mundi æstus hominibus affert, nihil animo commouemur, sed in
omni motu, tempestateque fortunæ tanquam inter fluctus sco-
puli firmi, atque hærentes in spe Dei consistimus: cùm sic nos
gerimus, sic viuimus, sic proximos exemplo nostri erudimus, vt
præ nobis feramus speciem non terrenorum hominum, sed mor-
talium quodam modo deorum. Istane tot, ac tanta contra vici-
consuetudinemque naturæ Christianæ mentis miracula, sic enim
profectò appellanda illa sunt, abiq; manifesta spiritus sancti mi-
lione patrari posse a nobis ac effici credendum est: quæ maiorem

mihi vim habere etiam videntur, clariusque præbere documentum potentia, & benignitatis summi Dei erga nos, necnon veritatis fidei eius, quam profiteamur, quam si mortuorum corpora ad vitam reuocaremus. Siquidem longe potentius est, & maiore admiratione dignum, vniuersam hominis naturam peremptam iam inde de principio in patre nostro Adam, & tot annorum millibus in terram defossam ac conspultam excitare subito ad cælum, & ex corporea spiritualement reddere, quam vita defunctos facere ut reuiuiscant. **EST SANÆ**, inquit. Et vero illa mi frater mihi iam aperiunt aliquanto etiam euidentiorum ex his esse nobis, quam fuerit ex igne, atque flamma Apostolis, Spiritus sancti missionem. Et si illi quidem omni ratione illum hauserunt, & nimitum, quam nos, multo abundantius, sed ille ignis tunc, & flammæ splendor illis datus est, ut quem admodum qui aedificiū aliquod instrunt, & fundamentum ipsi operis explorant, & intuentur, quod deinde eorum freti fide, ac diligentia qui succedunt, confidant extructionis firmitati, sic primæ illi ecclesiæ fundamenta operis cum iaciebantur, inspicunda data sunt, ut de quo principibus illis omnibus modis fuisset compertum, id postea nos pro non dubio acciperemus. **AT QVI TVLI** de his potissimum virtutibus & potentijs loquitur Paulus, cum Galatas dehortans a susceptione legis, in cuius fuerant ritus, & obseruantias a falsis apostolis inducti. Qui igitur, inquit, suppeditat vobis spiritum, & operatur virtutes in vobis, ex operibus legis, an ex auscultatione fidei id facit? Dum enim manifestum, & commune indicium ponit virtutes eas, quibus exornantur, qui auscultant fidei, de his profecto virtutibus loqui est existimandus, quæ hominem faciunt ipsum in semetipso, quam in vllis extraordinarijs operibus & factis admirabiliorem: quanquam, ut dixi, nihil tam extra ordinem sit, quam in corpore, carneque humana Deum habere ira coniunctum, ut in omnibus dictis, atque factis diuinæ semper virtutis imago ex nobis effulgeat, quas nimirum virtutes, cum se ad fidem Christi Galatæ contulissent, erant consecuti, ut continentes, ut probi, ut æquanimirate præditi, ut iniuriarum, damnorum, contumeliarumque tolerantes, ut a mūdī, & fortunæ præmijs, honoribusque omnibus ob amorem Christi facile essent disuncti. Quarum quidem virtutum ne vmbra quidem, aut simulacrum aliquod expressius poterat lex in moribus cuiusquam, animoquē formare, ad quā rum quidem legē, cum se referrent Galatæ, præclaram illam Christi, & fidei ædificationem destinebant, vimque diuinæ iustitiæ, quæ homines in cælum rapit, & ab omni seruitute animos liberat, sub legem rursus & sub præcepta legis subiiciebant, ut fierent seipsis eo pacto inferiores. **ERGO** vix reprehensi ab Apostolo, & tanquam amentes

castigati sunt, inquit. **Q**UARTVM restat adhuc, inquam, quod est palmarium, quo spiritum iam sanctum in igne & flamma aspicias, largumque ex eo lumen ad hanc Pauli indicandam illustrandamque sententiam tuo arbitratu deriues. De amore ipso loquor quem erga Deum sic toto corde concipimus, ut exuberet largiter, & in omnes deinde proximos etiam redundet, nihilque est nobis gratum, neque iucundum sinat, quod non sit Deus. Nec vero idcirco Deum ipsum amamus, quod speremus, atque expectemus ab eo terræ bona, liberos, sedes, domicilia, fortunas, & annuos agrorum fructus in pace, atque otio fruendos. Hæc enim religio est Iudæorum propria, ob eam causam colentium Deum, ut ipsis bene sit, & ipsorum liberis in his utrique rebus, quæ ad incolumitatem, & comoda mortalis vitæ spectant. Neque rursus amore in Deum ea gratia accendimur, ut cum hic ad voluntatem nostram vixerimus, animoque & cupiditatibus varijs fuerimus obsecuti, nec quicquam nisi terrenum, & carnale cogitauerimus tum demum freti Dei misericordia, per quam peccatis nostris ac ignoscendum facilis est, ita cæli præmium ab eo expectemus, ut quicquid in hac vita nobis iucundum, & suave habitum est, idem postea in cælo & in altera illa vita nobis repræsentetur, hoc vno differens, quod tum futurum sit sempiternum. Ad hos enim finis, & hæc huiusmodi beatitudinem Maumethana tota lex inuenta est, hoc deterior etiam, quam Iudæorum, quod illa tamen Moysis lex à corporeis, & externis obseruantijs initium faciens procedebat ad spiritualia. Hæc cum in spiritualibus ipsis fidei CHRISTI auxilio positam se comperisset ad carnem, & corpus retrò reuoluta est. Verum, ut dicebam, nos non ob hæc res Deum amamus, & colimus, quod in his, quæ extra ipsum nosque sunt, indulgentiam ipsius experiamur, ac benignitatem, sed ipsummet ipsum, inquam, per se diligimus, ipsum appetimus, ipsum volumus, neque est in cælo, neque est terra, neque in voluptatibus neque in magnis honoribus, neque in bonis alijs quicquam, cuius flagremus studio, præterquam ipsius Dei. Hic amor in nobis atque hæc in cordibus nostris charitas ubi accensa fuerit, qui non intelligat conuerso more naturæ molesta fore nobis, quæ vulgo sua via ducuntur, & quæ aspera cæteris, nobis pericunda ut quod Paulus hic ait in oppressionibus, omnibusque incommodis gausuri simus, & de nostris damnis, calamitatibusque gloriari. **E**A RE QUIDEM, inquit IULIUS, quod cum maxime locum occasionemque habituri sumus approbandæ Domini no Deo nostræ erga eum fidei, eximiaque voluntatis. Et vere mihi frater, mecum ipse, & cum animo meo reputans agnosco rem ita sese habere, ut tu dicis, ut enim ad hunc gradum fidei perducti fuerimus, qui amoris, & charitatis totus est, cum sentiamus in nobis

non hominem habitare iam amplius, sed Deum; siquidem maiora etiam omnia tunc agimus, quod pro humanis viribus. Quid mirum Iulii, inquam, cum & dimidium nostri tum penitus extinctum sit, atque adeo multo maxima potius pars, quantum scilicet ex nobis mortale, & caducum ad terram conuersum est, & in eius loco subditum, quod est cœleste, & sempiternum? Etenim quod iracundum est in nobis, quod auarum, quod elatum, quod contumax, quod insidiosum, quod voluptati, molliciei, cupiditatiq; addictum, tunc euanescat totum necesse est, quibus quidem ex partibus plurima sermè natura hominis conflata est, atque ex his constat. Illud autem modicum, & nobile, & è cœlo originem ducens, quod plerunque oppressum, & redactum in angustum coarctatur, sæpe vndique & a cupiditatibus premitur, & catenatum pertrahitur illo in Deum amore excitatum, atque adiutum, vimque igneam è cœlo nactum abruptis, aut liquefactis captiuitatis suæ vinculis, non in libertatem sese modo, sed in imperium etiam vindicat, imperium autem eiusmodi, quo & reliquas partes animi in eundem secum erga Deum affectum trahat, & ipsum terrenis rebus iam deinde tanquam ad se minime pertinentibus nulla animi parte moueatur. De quo amore, & charitatis dono Paulus ad Corinthios æmulantes inter se maiora charismata, illudque præsertim linguarum excellere existimantes: Sectaminine, inquit, meliora charismata? etiam præcellentem vobis viam ostendo, sectemini charitatem, sine qua reliqua omnia dona Spiritus sancti mortua sunt. A s s e n t i o r, inquit, & certissimum habeo, cum ad hoc studium amoris aduersus Deum peruenerimus, nihil esse, quod nobis à fortuna metuendum sit, nihil, quod ab insidijs hominum, aut violentijs formidandum, maximumque hoc esse indicium intelligo Spiritus sancti intra nos tabernaculum sibi ad commorandum statuentis, cum ærumnas, & labores, & res omneis asperas non modo sine ulla mœstitia, sed cum lætitia etiam ferimus, & cum voluptate. Quemadmodum de Apostolis scriptum est, discessisse eos è conspectu concilij gaudentes, quoniam digni habitati essent, pro nomine I e s u contumeliam perpeti. Iam vero Iulii spiritus iste, de quo iamdudum loquimur, tibi ne videretur præstantior esse, & melior, quam is, qui nos assidue in terrenis curis retinet occupatos, an illum tu fortasse huic anteponis? E g o n e v t anteponam, inquit? Iam si ista essem sententia, quid me fieri posset amentius? N e m p e e r g o illum, inquam, qui nos ad cœlum & spem æternorum bonorum semper vocat, digniorem, & potioriorem, & diuiniorem esse spiritum arbitrare, q̃ eum, cuius hortatu & monitis spei nostrę in terris omnia subsidia ponimus? Non arbitror, inquit, sed intelligo certo. E a g u veriore etiam, nisi tu sine veritate præstare ali-

quid alicui, & dignius esse existimas. *MINIME*, inquit ille, puto; contraq; habeo hoc potius constitutum, cum mendax, & falsum quicquid est, infirmum id semper, & ignobile, sordidumque sit, nullam ibi præstantiam neq; dignitatem esse ubi non sit veritas. Si ergo spiritus iste ex mundo non est, & est præstantior multo, quam ille mundanus, ac veritatem omnem in se continet, cum a perit nobis fidei *CHRISTI* mysterium, mundumq; pro Deo ut derelinquamus, hortatur, cum corporea, & terrena illa opera ad spiritualem nobis intelligentiam conuertit, cum diuinis virtutibus nos exornat, cum amore in Deum totos rapit, nequaquam est pertimescendum profectò, nec vel minimum dubitandum, quod spes nostra nos fallat, quam reposuimus in bonitate, & gratia & clementia summi Dei, nos esse illum videlicet in præmium fidei nostræ, & ipsius gloriam assecuturos, cum præsertim iste amor, qui in Deum nos inflammat, vnus sit, atq; idem cum Dei amore aduersus nos, in eodem enim Spiritu sancto, qui & amor Dei est, & ipse Deus, in cordibus nostris inhabitante, & beneuolentia Dei erga nos ostenditur, & nostra inflammatur erga ipsum Deum voluntas, ira tamen ut nostrum hoc ipsum Deum quod amamus, ab ipso amore in nos Dei profectum sit. Ille enim nobis plurima nimirum, & maxima amoris sui indicia ostendit. Ille virtutes nobis dedit, ille veras intelligentias, ille animi robur ad perferenda aduersa, ille etiam quo nos sibi alienos, atq; adeo hostes in gratiam secum conciliaret, filium suum vnigenum, in mundum misit, qui demonstraret nobis ad immortalitatem iter, & beatam vitam ostenderet, non in mundi delitijs, & prosperitatibus, sed in sola fide erga Deum positam esse, quibus de rebus videamus, quid loquatur Apostolus.

AD HVC enim Christus cum essemus imbecilli, tempore opportuno pro impijs mortuus est. Vix enim pro iusto quisquam morietur. Nam pro bono forte quispiam audeat mori. Confirmat autem suum amorem in nos Deus, quòd cum adhuc peccatores nos essemus, Christus pro nobis mortuus est, multo igitur magis iustificati nunc in sanguine ipsius seruabimur per ipsam ab ira. Si n. hostes cum essemus, reconciliati fuimus Deo per mortem filij eius, multo magis reconciliati seruabimur, in vita ipsius, neq; hoc solum, verum etiā gloriam habebimus in Deo per dominum nostrum Iesum Christum, per quem nunc reconciliationem accepimus.

REVERTITVR Paulus ad id, quòd ante dixerat, quòd nunc ex fide iustificati cum pacem habeamus erga Deum sperare possumus æterna bona, atque ita sperare, ut certo illa expectemus.

idque sic se habere ex amore in nobis Dei, & ex ipso spiritu sancto probauerat, nunc alijs argumentis ex CHRISTO, & CHRISTI morte, ipsoque Dei amore erga nos idem vt comprober, aggreditur, singulis penè verbis arduas multorum questiones explanans, & dubitata dissoluens. Erant enim qui se opponerent, rationem petentes, cur non ante CHRISTVS ad hominum genus redimendum venisset. His respondet Apostolus, quia eramus imbecilli, neque tantum mysterium ferre adhuc poteramus, quando quidem hominum genus tanquam homo vnus primis temporibus ætatis suæ lacte, non firmo cibo nutriri necesse habuit, ideoque fuit non Christus populo Israëlitis, sed lex lata, quæ quasi lactis in eo alendo gereret vices. At cur nunc venit potissimum? quia tempus opportunum affuit. Vnde ista huic temporis opportunitas? huic est questioni alijs in locis ab Apostolo responsum, quoniam hoc præcipue tempore omnibus omnino hominibus in foueam interitus propter peccata delapsis magis enituit Dei omnipotentis gloria, & præstantius erga nos beneficiū. Quod si ideo datum nobis fuit, vt probiores, & iustiores, & Deo magis dediti redderemur, eo potissimum tempore dequit dari, & quo magis gratum nobis, & magis necessarium illud beneficium accideret. At quo pacto si hominum genus tunc maxime opertum, obrutumque peccatis exiit, potuit esse idoneum, & valens ad capiendum mysterium Dei? Hoc enim præterea etiam videtur posse opponi, cui nos questioni respondemus, quia tunc maxime sibi ipsum diffidens de tota spe salutis suæ, habuit necesse in Deo solo. confidere, quæ est fidei, & mysterij propria iam virtus, ipsaque Euangelij potentia, per quam vnā salui esse possumus. Nunc ad declarationē, & ad Apostoli verba veniamus, quibus ipse exaggerat indicia beneuolentiæ Dei erga nos, quod pro impijs filium morti, vt liberarentur ipsi, tradidit, quibus si adhuc hostibus vsque eo indulsit, vt filium suum vnicum mori pro eis vellet, quod eos secum redigeret in amicitiam, nunc amicis factis non modo perpetuam salutem, sed ne gloriam quidem suam est denegaturus. Atque hæc quidem in his verbis est sententia, si pro impijs enim, si pro hostibus, si pro peccatoribus filium Deus in mortem dedit: multo nunc magis eodem erga nos amore inductus pro fidelibus iam, pro iustis, pro amicis, non id modo est daturus, vt ab ira tuti simus, hoc est, ab ea pœna, quam iratus Deus peccatis nostris potis est infligere, sed vt vitam etiam filij sui illam iam immortalē, & non terrenam, gloriamque suam consequamur, idque per eundem D. N. I. C. qui sicut nobis cum Deo reconciliationis fuit author, ita erit vitæ, & gloriæ impetrator. Nam quod interpositū est (Vix enim pro iusto quisquam morietur, nam pro bono quis forsitan audeat mori) sensum istum habet, vt chari.

charitatem CHRISTI magis expendamus, inquit, qui pro impijs, & pro hostibus in mortem se dedit, ex communibus eam hominum sensibus, & affectionibus æstimemus, inter quos qui pro iusto volens mortem perferat, nullus fere inueniatur, at pro bono fortasse quis eam audentius subeat. In quibus verbis vnum vni, iustus impio, bonus hosti redditur. Sed qui pro iusto animum inducat mori, nemo reperiatur: pro bono aliquis, vt pro filio pater, amicus pro amico, seruus pro domino, quod in hostibus pro quibus morimur, ita amore & affectu cordis propensi sumus, vt bonum nostrum in illis sit. Pro iusto autem mori, in quo iudicium tantum nostrum sit, non amor præterea etiam, neque animi insignis affectio prorsus inauditum est. Christus ergo in quo neutrum extitit (nam & nobis antea nos impij, & ipsi hostes eramus) cum est mortuus pro nobis, nouam profectò quandam, & omni inauditam tempore vim amoris erga nos, in Deo patre suo & in semetipso ostendit. TUM IULIVS: Moueor, inquit, animo vehementer, cum ista ex te mi frater audio, quæ cum huius mihi maximi omnium doctoris magnitudinem mentis, admirabilemque scientiam, tum beneficium omnipotentis Dei, bonitatemque, & patientiam Iesu Christi ante oculos ponunt, iamque præclare extare video, quod tu ante promiseras, si quis ista ipsa attentius inspexerit, diligentiusque Euangelij doctrinam fuerit contemplantus, nequaquam cum villo tempore de fide Christi dubitaturum. Ita illustis, & perspicua versatur mihi ob oculos fidei nostræ veritas, multisque multarum questionum, & difficilibus serupulis per te mi frater, vel per eam potius, quæ tibi tributa est ab Domino Deo facultatem liberatus sum, qui & si non me illi quidem vel tantulum mouebant, vt vllis Ecclesiæ in decretis harentem: in eo tamen erant molesti, quod eos sæpe, quibus cum disputabam, cum hæc ipsa illi, & alia non pauca obijcerent, per quæ lumini, & veritati fidei tenebræ offundi quasi videbantur, non poteram, sicuti quidem cupiebam, ea refellere. Nunc aduersus illos, & contra omnes præterea calumniantium argutias egregiè armis spiritualibus instructus, nullum certamen deinceps pro veritate tuenda detrectaturus sum, nullius vim ingenij formidaturus. Illud tantum doleo, quod ad nos credentes iam peculiariter pertinet, ipsumque ad me imprimis, etenim qui in hac fide Christi nati, qui tanti mysterij participes, & consilij effecti, tanto veritatis lumine simulatque prodiuimus in vitam, per baptismi sacramentum illustrati fuimus, in eamque sortem diuino munere vocati, vt supra hominis naturam ad societatem, & similitudinem ipsius Dei adiungere nos queamus, quam nam ipsi Deo gratiam aut quod pietatis studium referimus? nõne multo maxima nostrorum pars ferè nunquam, nos vero qui do-

Etiores, & acutiores reliquis volumus esse, sane quam perraro in eam cogitationem deuenimus, vt statuamus nobis pie, & caste, & sobrie esse viuendum? quod tamen consilium quasi volucrē vmbra celeriter à nobis sinimus auolare, & cum sana mente eiusmodi quippiam decreuerimus, non esse nobis à Deo, & à spiritu ad carnem discedendum, repente euestigio alij facti in id ipsum nos conijcimus, quod fugere meditabamur. Quid est hoc? quæ hæc vis? qui animi error? quæ mentium caligo? Cur amor erga Deum noster, quem certè non inficiamur, in cordibus habere, cur beneficiorum ab eo acceptorum memoria, cur fides, cur spes, cur diuinum illud vitæ beatæ præmium, regniq; cœlestis, ac sempiterni expectatio nos continere in officio non potest? Tantum ne ista valet, quæ circum nos est inducta caro? Hæ terrenæ induitiæ tantum habent virium, vt me sæpenumero omnem cum Deo rationem habere meditantem è cœlo ipsæ deducant, atque eijciant, cupientemque hæere mentis, fideique complexu, in Christo Iesu meo, proturbent inde tamen, diuellantque à beata cura, & ad inquinatas ac sordidas detrahant cogitationes? Hei quàm vereor, ne ista ingenij, scientiæque facultas, quæ nobis idcirco à Deo donata est, vt ad eum facilius, amantiusque accederemus, recidat in contrarium fraudique nobis potius sit, qui quod plus intelligimus, hoc & offendimus grauius, & magis iure pledimur. **NOLI** oro te, inquam, mi frater humanæ nunc statum conditionis deslere, qui sic facti sumus, vt nequeamus in hac vitâ vllò à nobis pacto carnis molestias excutere: quippe illæ enim nobis natura agnatæ sunt, diesque, & noctes viuunt nobiscum, suosque eiusmodi habent motus, vt non solum rationi nostræ, sed ne Dei quidem voluntati sint obtemperantes. Est enim nobis comparatum ab ipsa natura perpetuū aduersus nosmetipsos certamen grauisq; & laboriosa dimicatio, cum vt Paulus ait: Concupiscat caro aduersus spiritum, & spiritus aduersus carnem, in qua assiduitate pugnandi aliquando carnem superare non mirum sit. Illam quidem Dei, & nostri prodicionem nefariam refugere debemus, vt ne carni spiritum subijciamus volentes, quo profectò nihil foret perfidiosius. Quodd si mente, & voluntate perpetuò cum Deo erimus coniuncti, quemadmodum retentis mœnibus etiam si hostis voliter in suburbijs, spes tamen salutis adhuc firma est, sic nobis hærentibus in ipso Deo quàm vehementes, & subiti cupiditatum motus possunt interdum nos quidem affligere in terram, capere autem, abducereque in seruitutem non possunt. Ad eam enim ipsam Dei gratiam, è qua paulisper excidimus, dono illius misericordiæ cito restitui mur. Itaque imagine similitudinis quadam, si tamen est fas ista sic proferre, & diuinis assimilare mortalia, Christus ipse quoque in arce

patris sui, solioq; omnipotentis Dei nihilominus permanens ad carnem accipiendam inter homines delapsus est, qui quoddam solus omnium hominum nullos unquam eius motus, nullas omnino carnis illecebras sensit repugnantes Deo & rationi, fuit hoc diuinæ in eo naturæ, & sine patre generationis proprium, ad quam nos facultatem non possumus aspirare. Sed nunc mi frater quoniam iam ad vesperum iam inclinat dies, & ista ipsa de qua iam dudum loquimur, ad curam sui nos inuitat caro, concedendum illi est, maiorq; nobis fidei nostræ, qui illam alendam, tuendamque suscepimus, quam illius iniuriarum ratio habenda. Cras, & perendie, quando festi dies sunt, persequemur reliqua. Nunc deambulemus paulisper si placet, animumque ab hac seueritate dispendi relaxemus.

LIBER SECVNDVS.

MAGNA nobis aggredientibus ad hanc rationem, exercitationemq; de Deo, & de diuinis rebus scribendi, atq; tractandi, proposita spes fuit, nos non ingenium modo, quod a Deo accepimus, nec cognitionem artium optimarum, si quam eiusdem Dei beneficio obtinemus, ad eius ipsius, vnde ista profecta sunt, honorem, & laudem grato animo conuersuros, sed cæteris etiam affectionibus animi, quæ multæ sæpe, & variæ nos à rectis consilijs proturbant, modum exiis aliquæ, & cum bona ratione concordiam esse reperturos. Quæ spes, & cogitatio nostra nos certè non fefellisset, si, ut mentem, & voluntatem habere in potestate, sic etiam imperare facilè cæteris animi partibus potuissemus. Nam cum ea, quæ sunt consilij & voluntatis in nobis, ita iam pridem Deo per nos dicata sint, ut firmiter in eo hæreant, nec videantur vlla unquam vi inde se diuisura, illam alteram partem infidam, & turbulentam, quæ in affectionum varijs permotionibus consistit, sic cum aliis sæpe, tum vero in hoc ipso munere, officioq; scribendi, incertam, fragilemque experimur, ut nomen optimi, & charissimi fratris, quod nobis sumpleramus ad animi incunditatem per eam nobis conuersum sit ad dolorem. Labefactum enim animum meum, & de constantia statu conuellit illius nobis adempti, ereptique memoria, quæ hoc etiam acrior remansit in nobis, quoddam graues nostri coelus, & post mortem eius secuta tempora sæpenumero me commouerunt, quantum mihi in illo opis, atque sub sidij ad omnes fortunæ motus fuisset ablarum. Non enim profecto meliorere aliquid in eo, neq; vilitatum amissimus, sed cum summum illud inge-

nium, quod cuncti in eo, qui id nouerant, mirabantur, ceteri propter magnitudinē famæ, atq; rei vix credibile esse arbitrabantur, ita in omni optima arte se excoluisset, vt non solum naturam, & consuetudinem reliquorum, sed nostra etiam, qui instabamus, atq; hortabamur, studia superaret, tum summus inter nos amor, summa concordia, summa communicatio rerum, consiliorumque omnium, quæ semper fuit, hanc etiam nunc vim habet in nobis, vt nequeamus, nō & incommodum nostrum tot in illo rebus iucundissimis orbat, & acerbam illius, ac immaturam mortē lugere, octauum enim annum, & vicesimum vix attigerat, cum ex hac vita migrauit, cum si velimus ea, quæ gessit, & quæ consecutus est, expendere, & numerare, nō ille propè adhuc adolescens, sed iam senex fato fuisse functus videatur. Nam vt Latinas, Græcāsque litteras à prima pueritia penitus hauserat, tum legendis, ac perdiscendis, vtriusque linguæ optimis authoribus reliquam, quoad domi mansit, consumpsit ætatem. post ad me conueniendum Romam profectus, cum cerneret genus illud vitæ, quod apud principes cum autoritate, & gratia in maximis rebus agendis, deliberandisque versatur, egregiam quandam habere ad benemerendum de plurimis facultatē, idem ipse vitæ genus, atq; eadem studia appetiuit. Fuit enim, si quisquam vnquam, ad humanitatem, ad liberalitatē, ad beneficentiam & naturæ, & voluntatē propensus. Sed vt ad res gerendas omnibus copiis, opibusque prudentiæ in omnem partem fieret paratior, ad eam sibi præcipuè comparandam incubuit, quam in omni parte, & actione vitæ plurimum valere sentiebat eloquentiā. Eam porro, tum intelligeret sine philosophia expolitam planè, atque perfectam haberi non posse, admirabili quodam, & inaudito studiorum cursu, omnia Platonis scripta, Aristotelisque perdidicit. Non enim fuit illi ingenium ex eo genere, quod laudare tantummodo & probare, sed quod admirari, & vt superius hominis facultatē, suspicere etiam solemus: memoria porro tanta, vt quæcunque audierat, legerat, aspexerat, ea vel semel notata, atque animaduersa, in promptu postea proferte semper posset. Igitur translatus ad actiones, & negotia, id de se breui tempore præbuit specimen virtutis, humanitatis, integritatis, prudentiæ, vt nulli iam maximè rei non cum ab ipso principe, tum à reliquis omnibus idoneus, & par esse iudicaretur. Sed nos hæc ipsa in eo intuentes, tum quidem & admirantes, & si in tantis coniunctissimi fratris, ad omnem virtutem processibus, gaudio efferebamur, spemque non dubiam eximie in eo dignitatis constitutam iam habebamus, tamen quod vim illam incredibilem ingenij in corpore præsertim tenui, & imbecillo, cuiusmodi illius corpus fuit, vix diuturnam fore sperare poteramus, erat quædam admixta cum illa læticia nostra animi

animi pietas, & sollicitudo, quæ me miserum tamen non sefellit. Atque ut omnia, quæ ante dixi, in fratre mei amantissimo, & mecum concordissimo, quamdiu illis perfrui licitum fuit, vitam mihi iucundam, & lætam effecerunt, se illo postea adempto, illius suauitate fraterna, illa spe, illis officiis, consuetudinibusque priuatus, acerbum habui penè omne tempus, quod secutum est. Non hoc ex Christiana veritate, ac disciplina, peccatum enim meum primus ipse confiteor, neque in hoc fratri ipsi meo par esse possum: ille enim, quoad vixit, cætera ita egit, atque suscepit, ut Deum semper omnia referret. Ego, qui planè habeo cognita talis animos, atque ita institutas in CHRISTI religione merites, qualis illa fratris mei profectò extitit, non sibi finem vitæ sed immortalitatis initium in ipsa morte acquirere. Moueor tamen, & frangor animo, neque in recordatione optimi fratris gemitu, & lachrymis temperare possum. Quando enim sibi aliud tale inueniet solatium, iam senescens ætas mea? quando erit qui mihi illum referat, in cuius item amore, & beneuolentia sicut in illo faciebam, possim conuiuiscere? Quis mihi postea illam curarum, cogitationumque communionem, & societatem simili cum fide consensioneque præstabit? Atque ut hæc omnia aliquo Dei immortalis beneficio aliquando mihi contingant, illum animum excellentem, ac singularem, illam vim inaudita virtutis, atque ingenij, quis mihi generi, nomini, familiæque nostræ restituet vnquam? ô fallaces ferè semper spes nostras, inanesque, & fluxas cogitationes, quæ cum sibi sæpe magna profuerunt, eaque certo cursu comprehendere iam, tenereque videtur, repente tanquam vmbri illusa, & irrita, nihil se solidum cætas, sed tantum sibi pœnitere reliquum esse agnoscunt, atque intelligunt, nec tamen ista omnia, ut contemnant, adducunt. Ego cum fratrem non amiserim meum, sed in eum locum promiserit Deus, in quo vnò beate, & sempiternè datur viuere, quiddam tamen, quod me angit, & vrget, nec esse sedato animum finit, quod mihi fratrem ipsum meum desideratissimum, atque optimum, dies ac noctes offert, non ad læticiam animi, quodam ut solebat, sed ad renouandum illius mortis dolorè. Quæ aliquando omnem quæso abijciamus, & in te, ô bone Iesus, omnia vitæ solaria potius constituamus. Namque hæc eas, sollicitudines rerum humanarum, si quis alius in eis se mergat, fluctibus illis ferri se pariat, quis non intelligat, non vllum eorum ad portum, sed ad calamitates vitæ, & ad naufragia perducere? Vnus est portus capiendus nobis, atque tenendus, si esse volumus salui, firma in Deo spes, & in obtemperando illius voluntati dedita nostra voluntas, quæ etiam si vehemeniore aliquo animi motu perturbatur, & exterarum rerum impulsu conce-

tur: hæere tamen in Deo parte sui potissima semper debet, neque unquam ab eo se totam dimouere. Quod si humanæ naturæ imbecillitate, nostra sæpe consilia franguntur, quæ sunt sua sponte directæ ad summum Deum, tuum est, bone IESU præbere te ignoscentem prolapsionibus nostris. An tu cum nihil antea rei tecum nobis fuisset, cum alios quosdam etiam tunc deos, alios fideis, aliam vitam intueremur, in qua quidem ratione cæci, amentesq; eramus, accessisti ultro ad nos, veritatē indicasti, peccata condonasti, vitam beatam promissisti. Nunc cum volumus, cum adiuuamur, cum laboramus, si nō omnia prorsus impleuerimus, quæ abs te ad agendam diuiniorē vitæ præcepta nobis sunt, idcirco nō aderis nobis? neq; audies vocatus? nec labentis manu sustinebis? sed corruiere potius, & allidi pati? Hem IESU bone, suscipe nos, & qui pro inimicis mortem volens subiisti, nos certè iam amicos à morte vindica. Ac ne diutius in hac cogitatione teneatur oratio nostra, cum de Dei bonitate, & clementia ad ignoscendum dubium nemini sit, nosque his de rebus pluribus locis dicturi simus, redeamus ad ea, quæ nobis instituta sunt, ut mysteria fidei CHRISTI in ipso Paulo peruestigemus. Quosum si partem aliquam, bonorum ingeniorum dignam cognitione, Deo nobis inspirante, primo libro aperuimus, alter hic qui sequitur, non inferiora continebit. Nam ut surreximus mane, ego & Iulius frater, partemque eam temporis diuinis rebus dedimus, quæ erat bono mori, & religioni debita, tum complexi manus inter nos, ducto lectore nobiscum, ad easdem umbras perreximus, & in eadem, qua pridie fueramus, consedimus exhedra. TUM IULIUS: Non dici potest, mi frater, quàm me tua hesternæ disputatio delectauerit, eis de rebus habita, quæ tamen solæ, aut præcipuè mentes bonas delectant. De Deo enim, & amore Dei erga nos, nostroque vicissim erga eum, qui audiunt, & intelligunt, nisi iidem penitus ab omni recto sensu abhorrentes sint, aucundos quosdam motus interioris lætitiæ sentiant, necesse est, nequaquam comparandos cum voluptatibus cæteris. Sed me cum alia multa affecerunt, noua mihi quidem, & antea inaudita, quæ abs te prolata sunt, tum illud admirabile, petitusque reconditum præpotentis Dei consilium; quo filium ille suum unicum, in carne hominis misit, ad perhibendum testimonium veritati, ita me cepit, ut nunc iam non credere, nec persuasus esse, sed planè tenere, & scire mihi videar, CHRISTUM esse vnum, ex quo nobis sit vita, neque aliud nomen esse sub cælo, per quod credentes, salui fieri possimus. Proinde ego hac nocte mecum cuncta ista diutius volutans, & non pauca subiiciens cogitationibus meis, scripturæ loca, præsertimque ex Ioanne: Ille enim alius professō in ipsa diuinitatis consilia se im-

merſit, illam veritatem ſpiritus, & natos ex mundo, aut ex Deo
homines, & quorum non carnis, neque viri voluntas, ſed Deus
parer eſt: tum alia permulta, quæ in eius Euangelio, tanquam
ſemina veræ, & vitæ, & ſapientiæ diſperſa ſunt, ſic percepimus omni-
probè, & enucleatè, hoc per te introitu mihi patefacto, ut quæ
antea mihi erant perobſcura, nunc lucere ea meridie clariùs,
ante oculos poſita eſſe videantur. Quod idem in Paulo mihi vi-
venturum conſido. magno enim lumine ſemel introducto, pate-
re omneis reſeſſus, & angulos quamlibet occultorum locorū ne-
ceſſe eſt. Sed tu, mi frater, intelligentiam huius myſterij, num
commentatione multa, nocturnisq; vigilijs, ac lucubrationibus
an alia quapiam ratione tibi comparavi? nam mihi quidem,
ſari licet, quod ſentio, quod cum bona venia tua dixerim, hoc
mihi hominis ingenio multo videtur maius. AN VERERIS, in-
quam, ne mihi moleſtus ſis, meumq; offendas animum, ſi hæc
quæ loquimur de Deo, & de conſilijs Dei, à meo tibi ingenio
non videantur proſecta? Non ſumus, opinor, tam inſolentes.
Novimus enim vires, & facultates noſtras. Sed cum commiſi-
mus nos Deo, toto corde, & pectore, ubi quid de talibus agen-
dum, aut diſſerendum eſt, tum quoddam mentis noſtræ ab eo illuce-
ſcit, ſic arripimus, tanquam id anteponendum longe ſit ijs, quæ
diutiffime à nobis quaſita, & inueſtigata ſunt. Quod ut magis
credas, & mirere, Deum ipſum teſtamur, cui vni dediti ſumus,
nunquam ante hunc diem in quo de his agere cœpimus, mihi
huius arcani myſterij, non modo plenam notionem, ſed ne ve-
ſtigium quidem, ad indagandum vllum in mentem veniſſe, quo
nunc repente mihi totum apparuit, ut facilè Dei donum id in-
telligatur, nec tam mea cauſa ab eo mihi tributum, quam & tu
primum mi frater, qui iſta maximè expertis, & eorum deinde
omniſum, qui ad Deum propius adiungere ſe volentes, ea, quæ
mundi ſunt, ſpernere, & repudiare ſunt parati. Nam qui in mun-
do curas, & cogitationes ſuas deſigunt, ad hæc lumina cœleſtis
ſapientiæ prorſus ſunt conniventes, tamque illa ſibi habent
nebricoſa, & obſcura, ut nos ea lucere, & clariſſima eſſe intelli-
gimus. Quorum infelix ſanè, & miſeranda eſt conditio, hoc qui-
dem etiam magis, quoddam iſti ipſi admodum ſibi ſapere, omnium
que eſſe docti, & callidi videntur: qui nobis etiam illudere ſol-
liti ſunt, quoddam perſuaſum habeamus, ea nobis præceptanda eſſe,
quæ ad manum non ſunt, quorum autem eſt præſens, & parat
poſſeſſio, ea poſthabenda eſſe conſtituamus. etenim mens illa
eſt hoc cœno, ſordibusque terrenis coinquinata, & obruta,
et rigere ſeſc ad intruendam cœleſtis ſpiritus vim nullo modo po-
ſit, nec in illo altero regno, quod à ſenſibus abſconditum puri-
tatum, & ite inſtitutus mentibus manuſcriptum eſt, partem quæ

quam sibi, aut locum designare. Qui si, ut fidei, & CHRISTI causam nunc omittamus, virili saltem animo, & consilio forent prædicti, sine vlla nimirum dubitatione, statuerent plus esse in his ponendum, quæ sempiterna promittuntur, quam illis tribuendum, quæ certo noscuntur esse interitura. Quid est enim dementius, quàm ijs considerare quenquam, & gloriari, tanquam suis, quæ sua esse non possunt, atque illa contemnere, quæ si eius fieri possent, propria illi, & perpetua semper essent? Cum vero, si fidei CHRISTI vim, & diuinæ naturæ bonitatem attentius inspicimus, neque inanis spes nostra, nec Dei fallax promissio esse possit, quis erit tam auersus à vero, qui fidem nostram, inanem, infirmamque credulitatem, ac non stabilem, singularemque sapientiam, illam autem rationem, quæ mundum magis sequitur, cognitionem certam, potius quam leuem in opinando temeritatem esse constituat? TUM IULIVS, Verissima sunt hæc, mi frater, inquit. Namque & ego fidei vim tacitus mecum contemplans, plus etiam sapientiæ in ea, quam credulitatis, videbr agnoscere, quanquam inest quidem vtrumque, sed istud magis. nam & considerare Deo, magis quàm mundo, verioris sapientiæ est, & sempiterna appetere, potius quàm mortalia, animi multo præstantioris. At enim ista a sensibus remota sunt. Quid tum? nõne & in istis curis, & cupiditatibus, quæ mundi sunt, sæpe ea, quæ possidentur, & tenentur a nobis, spe plus habendi, vel in honore, vel in pecunia erogamus, atque effundimus? certumq; quod est abijcimus, ut quod incertum, consecremur? in quo crebrò solet cupidos homines fortuna ipsa refellere. Atque hoc illis eo incommodius accidit, quodd infinitis prius sumptibus, laboribusque iactati, etiam si assequantur id, quod concupierunt, in quo sperarant, tandem se quieturos, in eo ipso maximè inducti, atque decepti, omnium curarum stimulis, & sollicitudinibus anguntur. Nostra autem fides, hoc est, IESUS CHRISTI, ea nobis sola opranda, sperandaque proponit, quorum non in adeptione solum beatitudo, & immortalitas, sed etiam in ipsa spe, atque expectatione iucunda vita consistit. Non enim pollicetur nobis quicquam exiguum, aut mediocre, neque quod cum alia re, si comparetur, ex ipsa contentione tenue, aut aspernabile queat videri, sed ipsum omnium rerum caput, naturæ totius principem, fontem lætitiæ, veritatis, immortalitatis, propria nobis possessione promittit, atque offert, cuius tam præcelsi muneris magnitudinem, si vere volumus pendere, atq; æstimare, omnis ex mundanis voluptatibus delectatio, omnis amplitudo imperij, atque honoris, cœnum nobis, & sordes præ illo videatur necesse est. Etenim omnes Deum, etiam inuiti, aut ignorantes appetimus, summumque in eo bonum nostrum, si non cogitato,

& explicito mentis consilio, at tacita naturæ cupiditate con-
ruimus. In Deo enim omnes conditi, & facti sumus, in illo &
uimus, & mouemur, quantumque ad illum contendimus appropinquare,
ad eumque nos adiungimus, tanta nobis nostrimet
eius, quo vere sumus, semper sit accessio, quæ usque ad diuini-
tis consortium nos pertrahit, deosque esse facit, ut omni mor-
litis fragilitate, morteq; calcata, in sempiternis gaudijs, hon-
ribusque viuamus. Hoc vnum prorsus, si incomparabile donu-
est, si digna Deo vox hæc, & tanti præmij in eo fidentibus, fac-
repromissio, vox, & oratio Dei ista ipsa CHRISTVS est, quo le-
cutus est nobiscum Deus, quomodo optime, & commodissimè
loqui potuit, Christi IESV videlicet exemplo, vita, sermonibus
per eum ipsum nos admonens, ut a mundi cultu, amoreq; diuulsi
omneis in se vno amores nostros poneremus. Atque hæc vera,
vnica in Deum fides est, quam sequitur diuinæ imitatio iustitiæ
cui quidem iustitiæ similis & par vita coniuncta est particeps
ipsa diuinitatis, atque eiusdem cum ea sempiternæ beatitudinis
consors, ad quam per vnum CHRISTVM est aditus. Ipse enim
est illud ipsum mysterium, quod est abnegare mundum, & in vno
Deo spem ponere, quemadmodum ipse in Ioanne attestatur
qua discipulos commendat Patri: Ego dedi eis, inquit, sermo-
nem tuum. Dedisti planè IESV bone, quippe, qui temetipsum
nobis, & saluti nostræ tradidisti. Et mundus eos odio habuit.
Quid ita vero odio habuit? quia non sunt, inquit, de mundo.
Iam enim deseruerunt, iam repudiauerunt mundum, & ideo
odio sunt apud illum, quem ipsi contempserunt. At cur de mun-
do non sunt? nonne & in mundo, & de mundo erant nati? erant
enimvero, sed ut me consequerentur, a mundo sunt diuulsi, &
que abstracti. Quia & ego, inquit, non sum de mundo, de mun-
do non sunt, sicut & ego non sum de mundo. Quid autem quæ-
hoc tantum est, non esse de mundo? & esse in hoc similem tu-
quia aliter, inquit, vere sancti esse non possunt. Sanctificatus
Pater in veritate. quæ est ista veritas? Sermo tuus, inquit, veritas
est. Quid iste sermo, quid, inquam, est? ut abnegetur mundus
& solus expetatur Deus, quandoquidem utrique simul dediti es
non possumus. Iste sermo si in seipso spectetur, & in naturæ su-
veritate pendatur, Deus ipse est, qui in CHRISTO fuit cum ho-
mine coniunctus, si in nobis vera est iustitia, & sanctitas, & vita
in nos per Christum IESVM ab eodem Deo infusa, atque tradi-
cta, in quo fidei CHRISTI diuinum planè mysterium cernitur.
Atque hic idem sermo, primò ut ex ore Dei egressus, & prolatus
est, a Deo in mundum fuit missus, qui fuit CHRISTVS. Deinde
per nos a CHRISTO in eundem mundum propagatur, ut præ-
dicantes omnibus diuinam veritatem & tanquam palmitemes

vite fructum vberem ferentes, quàm plurimos in vnum quasi corpus coagmentemus, quod vno capite CHRISTO, pluribus distinctum membris huius totum sermonis veritate, tanquam diuinitatis spiritu animetur, ac regatur. Sed ego nimium longe progredior, reque ab instituta interpretatione impedio, sed ignosces mi frater, ego enim nocturnas meas cogitationes ardore animi quodam erga Deum incitatus, quin exponerem tibi, continere sane me non potui. Fecisti planè bene, mi charissime frater, qui hesternis disputationibus nostris, extremam manum imposuisti, remque ita expolisti, vt sic demum fore perspicuum arbitrer omnib. nosse ista volentibus, fidem in Deum illam, quæ ex Deo sola sit, & quæ vna hominibus veram tradat iustitiam, commitemque iustitiæ adiungat immortalitatem, nisi in CHRISTO per CHRISTVM nequaquam haberi posse. Quapropter hoc insigni & primario fidei mysterio, Deo nobis referante, iam indicato atque monstrato, ad reliqua in ipso Paulo examinanda accedamus. Quod vt ordine instituto melius fiat, lege tu in Codice quod scriptum est.

Propter hoc, sicut per vnum hominem peccatum in mundum intrauit, & per peccatum mors, & sic in omnes homines mors conueniuit, in quo omnes peccauerunt, vsque enim ad legem peccatum erat in mundo, peccatum autem non imputatur cum non est lex. Verum regnavit mors ab Adam vsque ad Moysen etiam in eos, qui non peccassent, in similitudinem præuagationis Adam, qui est forma futuri.

CUM SUPRA dixisset Apostolus, de quo heri satis fuit disputatum, nos in CHRISTI morte, & sanguine Deo patri fuisse reconciliatos, & quod, si ille hoc pro nobis, cum adhuc essemus inimici, egerat tamè, & perpassus fuerat, vt filium in mortem pater pro nobis traderet, filius mortem eam ipsam libente animo susceperet: multo nunc magis amicis iam factis vitâ illam, quam ipse recuperasset à mortuis excitatus, immortalemque iam possideret, CHRISTVM nobis daturum esse, & communicaturum, ne Iudæus possit mirari, & forsitan hæsitare, quid nobis cum CHRISTI morte, & resurrectione sit, aut quo illa pacto pertineant ad nos: Eodem, inquit, quo peccatum, & mors Adæ in nos, hoc est, in omne hominû genus fusa est, & propagata. Sicut enim in peccato Adæ proprio, & voluntario, illiusque morte nos nulla nostra peculiari culpa, similitudine tantum illius præuagationis, comprehensû sumus, vt & peccatores simus pariter, & moriamur: sic in CHRISTI morte, & resurrectione nos nulla nostra propria virtute, & iusti coram Deo effecti sumus, & vitam

novæ huius iustitiæ comitem accepimus, purgati enim à peccatis, atque illis mortui in similitudine mortis **CHRISTI**, & in similitudine eiusdem exurrectionis ad iustitiam restituti, vitam eandem iure, quam ipse habet, consequimur. Quemadmodum enim in Adam, qui typus fuit, & forma humanæ speciei totius quæ ex eo erat oritura, impressio peccati, & mortis iniusta eodem exemplo peruasit in nos, & in totum posterum genus permanavit ut quod ab illo iudicio, & voluntate patratum fuit, id nobis postea, quatenus ex illo progeniti sumus etiam nil tale cogitantibus, naturale sit factum, quod à principio, & capite generis nostri dissimiles esse non possumus, sic in **CHRISTO**, qui typus fuit consequentium, cum hominum mors pro aliorum peccatis suscepta, vitæque mox recepta, & peccatum interemit in his omnibus, qui è Deo geniti sunt, hoc est, spirituali generatione procreati, & iustitiæ eisdem, vitamque insinuavit. Ac sicut propter Adam, non nostram nos, sed illius mortem morimur, hanc communem videlicet, quæ in nobis natura est, in illo fuit culpæ, & qua deinde culpa extitit, & facta est moriendi natura, sic propter **CHRISTVM** à mortuis excitatum non nostram vivimus, sed **CHRISTI** ipsius vitam; illam iustitiæ scilicet, quod propria illa vita **CHRISTI**, facta est fidelibus cunctis communis. Mortuus enim nobis est **CHRISTVS**, ut nos illi vivamus. Ita enim ad Corinthios, si unus pro omnibus mortuus fuit, ergo omnes fuere mortui. Et pro omnibus mortuus fuit, ut qui vivunt, non amplius sibi ipsi vivant, sed ei, qui pro ipsis mortuus est, & surrexit. In **CHRISTO** autem mors, ut non peccatum ipsius proprium, sed nostrum secuta est, ita ista vita recta, atque sancta nobis per eum tradita, non propriæ nostræ, sed divinæ in nobis per fidem iustitiæ est comes. Quod alibi Paulus innuit, sic inquit Omnia duco esse quisquilias, dum **CHRISTVM** sacrificium & réperiar in eo, non habens meam iustitiam ex lege, sed eam quæ per fidem est **CHRISTI** quæ ex Deo est, iustitiam super fide. Exemplum itaque & vis ex forma mortis, & exurrectionis **IESV** Christi similitudine eadem in nos transmissa est, sicut peccatum, & mors per similitudinem prævaricationis Adæ in nos fuit derivata. Sed sermo Apostoli inane esse existimatur in hoc loco ab ijs, qui parum attendunt hoc exemplum Adæ non ideo præmiti, ut deinde sequatur in **CHRISTO**, quæ par pari facta relatio (Nam id Paulus, aut nequaquam post, aut longo intervallo facit) sed sequi proximè dicta, & cum illis comparari. Sic enim **CHRISTVS** sanguine, & morte sua Deo reconciliauit, & per reconciliationem vitam etiam suam nobis largitus est, quemadmodum Adam peccato suo à Deo non discessit, & per peccatum mortis effectus participes. Itaque illi

duo verba, propter hoc, superioribus verbis magis adnectenda sunt, ut ita legatur, Sed etiam gloriantes in Deo per IESUM Christum Dominum nostrum, per quem reconciliationem accepimus, propter hoc, id est, quia pro nobis & suscepit mortem, & exurrexit, ut non solum quis Deo nos reconciliauerit, sed qua etiam ratione, & quo pacto id egerit, à Paulo sit expositum, & ut exemplo id confirmet. Quemadmodum, inquit, per vnum hominem peccatum, hoc est, similtas, & dissensio cum Deo, & per peccatum mors in hominum genus est transuecta. Sed tu fortasse Iuli, & de peccato, ut nostri appellant, originali, & de eius mortisque propagatione in posteritatem aliquid hoc loco audire vis. **I M M O**, inquit, & id quoque præterea, quomodo illam in patre primo generis nostri labem reparauerit, **CHRISTVS**, cum nihilo post eum minus quam antea, & moriamur, & à peccando nequeamus esse immunes. **FACIENDVM** est, inquam, ut tu vis mi frater, & quoniam horum verborum in Paulo difficilis est explanatio, cum auxilium ex Deo postulandum nobis est, tum tota res alius aliquantò repetenda. **ID QVIDEM** nobis etiam commodius fuerit, inquit, etenim quid aliud omnino quaerimus, quam intelligere? **BENESANE**: Verum videamus, quid ait scriptura, quæ Deum formasse hominem asserit è terra, gleba accepta, & inspirasse in eum flatum vitæ hortumque mox constituisse in Eden ad Orientem, in quo hominem locauerit, quem sinxisset, eduxisse quoque è terra in illo horto arborem omnem aspectu pulchram, gustatu iucundam. Porro horti in medio duas vel imprimis nobiles produxisse arbores, Arborem vitæ, cuius pomorum esus à senectute, mortisque defenderet, & arborem cognitionis boni & mali. Cum ergo posuisset hominem Deus in hoc ipso horto, ut coleret eum & custodiret, ita illi omnia fruenda in eo, possidendaque permisit, ut solam interdiceret arborem noscendi boni & mali, de cæteris inquires pomis, & nucibus cunctarum arborum vestro arbitratu comederis, ex arbore notionis boni, & mali, fructum nullum edendi causa attingetis, qua enim die cunque comederitis, morte moriemini. Hoc Dei præceptum quorsum accipiendum sit, difficilis est consideratio. Nam nec inuidisse homini Deus tam præclaram cognitionem, ut illa boni, mali que est, vlllo modo est existimandus, & quomodo ex illa cognitione mors sequatur, item est admirandum. Sed nos contentionibus omissis, breuiter quod sentimus, exponere conabimur. Est igitur bonum duplex: Vnum est summum illud, & primum, quod Deus est, cui nullum omnino malum est contrarium, siquidem ei, quod summe est, nihil è regione omnino est, quod aduersum respondeat. Alteram est bonum, cui contrarium

opponitur, ex aduerso malum. In primo illo bono, vt omnis mali experte, vita tantummodo est. In hoc altero autem bono, quod nunquam solum, neque syncerum, sed, vt sunt humana, mixtum contrario malo semper est, & vita, & mors similiter est coniuncta. Cum ergo prohibebat hominem Deus, ab esu illius pomi, in quo boni, & mali cognitio insita erat, consulebat illius saluti, mori enim cum nolebat, verum ita attemperabat voluntatem suam, vt hominem tamen, quem liberum fecerat, praecepti necessitate nollet alligare. Boni itaque illius malique cognitio, vt videtur, demonstrata homini est a Deo, vt ne in mali hominis, & mortis plagas constringeretur, cui beatorum multo fructus veri eius boni noscendi & possidendi propositus esset, cuius gustum, & suauitatem nulla ex contrario male amaritudo in vita, nullus mortis timor posset praeverttere. In quo bono aimirum, qui Deus summus est, si se homo figere, & collocare constitueret inuiolatam malis vitam, eamque immortalem fuerat adepturus. Quoniam autem dimisso principe bono, alterum id genus boni potius est confectatus, quod malum in se admixtum contineret, non mirum est, si in ea vita, quam magis appetiuit, mortem etiam contraxit, quae vitae illi necessario inerat adiuncta. Sed scrupulus rursus & dubitatio. si enim huiusce boni, malique cognitio, effectrix est mortalitatis, qui potest illa esse in Deo? cum tamen Deus in scriptura sic loquatur, Ecce Adam factus est tanquam vnus de nobis, noscens bonum, & malum, quem Dei sermonem, qui per ironiam esse prolatum voluit, hi mihi non solum Dei maiestati, sed etiam scripturae sanctae grauitati, summaeque authoritati detrahare videntur. Non enim certe, ironie id protulit, quod secutum est, vt prouideretur, ne delicto videretur, & viueret in aeternum, quo Dei decreto Adam praecepto paradiso exturbatus est. Nos autem dicamus huiusmodi boni, & mali diuersam in Deo ac nobis esse cognitionem. Deus enim principio & tanquam a causa ad cognoscendum illud, decurrit totaque mentis, & intelligentiae in Deo est cognitio, nos vero sensu, ab usu, a contactu, ab experiundo, discernendoque ad eandem nixi intelligentiam ascendimus. Porro autem non in eo quod intelligitur, sed in eo, quod sentitur bonum, hoc & malum mortis causam affert. Itaque ab ipso Deo non interdictum oculis hominis, qui se ipsi vim suam cognoscendi habent, quamquam non principem illam, neque praecipuam, quae est mentis & rationis propria, sed palato prohibitum, & gustari fuit. Id enim iam erat bonum, malumque in nos ipsos accersere, atque in sinuare si pomum comederetur. Hoc igitur bonum, quod prohibebat homini Deus in pomi esu, mortemque poenam praueficantem proponebat, mundus iste est, & mundana haec vita, quae

falsis illecta, inductaque voluptatibus veram adulterantibus speciem boni, ubi à vero & summo bono nos abstraxerit, in mœstias, & solitudines nos mergit, & in ipsam comitem mœroris denique rapit mortem. quod totum nobis accidit, quia mundi amatores effecti ab ipso Dei summi amore nos disunximus. Hoc bonum secutus Adam, qui primò à Deo, tanquam in confinio vtrorumque bonorum constitutus, & simplicis illius, atq; summi, & huius cum malo, & cum calamitate mixti, ut vtrum veller, sibi deligeret, ubi se ad Euam, hoc est ad carnem suam, & ad mundanum bonum inflexit, dimisso diuino, hancque naturæ suæ insitam conditionem esse voluit, ut mundi amator esset homo, & peccatum ipse commisit, mortemque contraxit, & nos ex se progenitos in eandem mortis, atque peccati induxit labem. Est enim in nobis etiam reluctantibus, & inuitis ingeneratus profectò iste mundi amor, & dulcedo quædam mortalis vitæ, à Deo nos distrahens, & boni illius fructum nobis diripiens, quod non summum modò, verum etiam solum bonum est. Atque hoc est peccatum originis mi frater, quod in natura nostra tantum labis induxit. quod si attentius considerare velimus, quomodo & susceptum a primo patre Adam, & in nos natura transfusum sit, mortemque acciuerit in humano genere, faciliè id possumus intelligentia percipere, ab hoc enim improbo, & Deo infenso mundi in nobis amore cum contumacia illa nascitur, quæ nos Dei imperio, & voluntati facit repugnantes, cum cupiditatum etiam in nobis, & amentium appetitionum, morborumque animi, & perturbationum omnium turba exoritur, quæ tanquam rebellis familia, dominam suam oppugnat rationem, nullamque ei partem temporis neque diurni, neque nocturni puram, & vacuam à molestia relinquit, quod quidem homini iure euenit, quando ordine turbato si nos Dei imperio minus audientes sumus, nec animum ipsi nostrum in potestate habere debeamus. Natura igitur nobis iam agnatum est, quod in parente nostro fuit voluntarium, ut & amemus mundum, & idcirco moriamur, præclaraque hæc hæreditas mortis, atque peccati ab illo parente nobis tradita est, quam necessariò sequitur à summo bono alienatio, ut quia Deum non toto corde diligimus, omnes filij iræ in natura producamur, repulsi ab oris regionibusque cœlestibus, & terræ damnaris partibus potiùs additi. Carnis enim & concupiscentiæ sectam, imperiumque sequentes, quæ ad terram nos, & ad terrena bona deripit, spemque in illis omnem, & fructum vitæ constituentes, dominum nobis mundum posthabito Deo facimus, & adoptamus. Ob quod videamus, quid dicat scriptura factum fuisse Adæ: Et emisit eum, inquit, Dominus ex paradiso voluptatis ad colendam terram, ex qua fuerat sumptus, &

eiecit Adam, & collocauit eum è regione paradisi deliciarum. Videsne mi frater totius humanæ vitæ formam, antequam Christus venisset ad nos, in his scripturæ verbis expressam esse: ex quibus intelligimus peccatum in nobis, quod hausimus ex Adam, atq; accepimus, hoc ipsum esse, quod ad propiora hæc nobis, & presentiora terræ bona delabentes, dominum mundum sequimur, Deum verum relinquimus: Deus porro ipse zelores est, neq; patitur deos alios præferri sibi, & anteponi. Ita enim inquit ad Israël: Non curuabis te ante sculptile, neq; id coles, quia ego Dominus Deus tuus, Dominus zelotes visitans iniquitatem patrum in filios. Atqui sanè qui mundum colunt, non sese curuant duntaxat ante illum, sed totos se in illum prosternunt, atq; abjiciunt, ut nullius sculptilis cultus, quàm hic mundi amor, & seruitus animi, quâ terrenis bonis sumus adstricti, Deo inferior atq; inimicior esse possit. A T T E N D O, inquit, & simul intelligere iam incipio, quid attulerit nobis Christus, & quemadmodum is commune damnum humani generis aduentu suo correxerit, qui certe auocauit nos à mundo, & ad Deum verum conuertit, docuitq; nos illo admirabili, vereq; diuino vitæ suæ cursu, ut rationes vitæ nostras non in hoc mundo, neq; in fluxis illius, & fugacibus bonis, sed in Deo & sempiterno bono omnes poneremus. Quam etiam deliberationem vitæ agendæ in baptisma profitemur. Verum mi frater scire ex te optarim, priusquam ad vltiora gradiamur, quæ fuerit futura in Adam immortalitas, si peccatum illo non admisisset, & quo pacto in nobis mors ex peccato sit producta. CUM FECISSET, inquam, hominem primum Deus, sic illum compactum esse voluit ex mente, & corpore, hoc est, ex immortalis, & ex mortali parte, ut pars tamen inferior superiori fuerit adhæsura, si in ipso fonte vitæ Deo mens primo ipsa hætere voluisset: aspectus enim ipse ad Deum, mentisque conuersio prorsus illi subiecta, & dedita, nequaquam vllam in partem sese commouens, spiritum inde illum vitæ assidue excipiebat, à quo primo facta fuerat in animam viuentem, eumque ipsa spiritum, deinde in omne corpus rectis ordinibus trans mittebat, quod totum è rationis Deo inhaerentis arbitrio dependens, nullis ipsum suis agitationibus turbatum, neque cum mente discors eodem illo Dei statu implebatur, seseque cum mente, & cum Deo vno nexu continebat, ut aditum nullum sibi mors, neque ianuam ad conuellendum illam consensionem posset inuenire: post verò mente, & ratione, per gustatum ventis arboris à Deo diuisa, & in transuersas detorta partes, cum obstructis aut declinatis meatibus illis, qui recti antea, & inter se congruentes spiritum Dei, & vitæ in totum hominem insuebant, mens primò ipsa, quæ

quam

quam suapte natura immortalis, meliorem tamen in se diuinæ
 gratiæ, quam naturæ suæ vitam amisisset, corpus quoque, quod
 sua sponte fragile, & primum in terram esset, neq; amplius medio
 intersepto cursu, vitam à Deo haurire, vt antea posset, morti con-
 cedere necesse habuit, quandoquidem nec stare ipsum valeret per
 se, neque ipsius diutius in vita sustinendi vllam amplius haberet
 ratio potestatem. Ita omnibus in homine partibus dissipatis, at-
 que conuulsis, secumque, & cum Deo discordibus effectis patefa-
 cta morti via est, omnesque sub illius potestatem postea successe-
 re. Ac duarum quidem arborum illarum, quas in paradisi medio
 à Deo productas legimus, altera fructus suos iam extulit cogni-
 tionem boni, malique videlicet, quæ est à nobis carè admodum,
 atque infelicitèr miseria primum totius vitæ, deinde ad extre-
 mum ipsa mortè comparata, alterius verò poma arboris nul-
 lum certe non ad finem à Deo producta sunt, quæ sunt vitæ ef-
 fectricia, & immortalitatis. Nihil enim frustra, nonque ad cer-
 tos fines vnquam agit Deus. Sed quoniam ita cecidit, vt seculum
 prius, & ista antecedens primi parentis vitio hominum auersio à
 summo Deo, & ad mundum, terramque conuersio arborem il-
 lam mortis & præuaricationis anteferebat, altera arbor, quæ sit
 immortalitatis nobis restitutrix filio ipsius Dei, qui nos erat à
 mundo ad Deum reuocaturus, futuroque illi seculo, in quo non
 amplius carnales sed spirituales victuri sumus, fuit profecto re-
 seruata, cuius vim, & admirabilem potestatem crux CHRISTI
 gloriosa in sememetipsam suscepit. Ea enim vitæ vera arbor est,
 propagine culturæ cœlestis illinc huc traducta, quæ filium Dei
 in se panem vitæ & immortalitatis sublatum alte mundo exhi-
 buit, quæ exportata fuit à Hierusalem eius ipsius humeris, quem
 ipsa latura erat, quò planum fieret cunctis ista animaduertenti-
 bus redemptionem humani generis non in vna Iudeorum na-
 tione conclusam, sed cuncto orbi terrarum à Deo communica-
 tam, & expositam esse, quam crucem cum esset illa terribilissimum
 antea omnibus, turpissimumque supplicium, idcirco CHRISTVS
 suscepit, vt sum diuinum mysterium penitus cõpleret, quo mun-
 di infima omnia, aspera; elegit, vt alta illius expetita; proster-
 neret, ne ad cœlum Deumque ascendere nitentibus ea forent im-
 pedimento, cunctosque commonefaceret & doceret non ample-
 stendis mundi suauitatibus, & præmijs, sed vno Deo amando at-
 que expetendo ad honorem nos immortalitatis, & ad vera vi-
 tæ bona pertinere oportere. Verum vt redeamus ad conditio-
 nem humane vitæ, quam nobis primi parentis nostri culpa con-
 stituit, eiecto, atq; exturbato ex pacato illo loco in exteriorè ter-
 ram hominè, proposuit illi Deus labores, & sudores, vitamque, vt
 geret difficilem, ac ærumnosam, mortique demum cederet, natu-
 ra lege

re lege sanxit. Igitur ille miser gratia Dei pristina, arctaque amicitia spoliatus, atque orbatus, secum ipse semper discors, agitatique metu assiduo mortis, & vitam trahens difficilem, atque duram, mox in ipsa quoque morte angelorum ferè illorum præda efficiebatur, qui grauiore errato, asperiore contumacia in ipsis suæ creationis primordijs Deo rebelles esse destiterunt, cum Deum subiit misericordia, & cogitatio eiusmodi. Liceat enim nobis, qui inter homines loquimur, & loquendo tempora producimus, de illis diuinis sine mora, & tempore consilij humano modo loqui, in illa, inquam, æterna & incommutabili mente sic misericordia locuta est. Hoccine est Deus opus tuû illud illud tuû quod vt dignitate cæteris præcelleret, manibus ipse tuis supremû effecisti? quod ad imaginem tuam confinxisti? quod inferiori mundo, & animantibus reliquis tanto cum honore præfectum voluisti? quid te cogitabas hæc cœli spatia, & has mentium sedes beatarum, frequentiores etiam, ornatioresque redditurum, & in eorum loco, qui scelere suo inexpressibili cecidissent, incolas cœli homines te facturum, in quibus animum immortalem cum mortali corpore coniunxeras non vt deterior pars meliorem obrueret, sed vt deteriori melior de sua nobilitate impertiret, quæ nunc conuersa ratio, & tota commutata est. Iacet princeps corporeæ naturæ homo à tua facie repullus in vmbra mortis, squalens, sordensque, tantum iam natus ad mœtiores, atque ad ærumnas, ne finem quidem miseriarum in ipsa sibi morte reperiens, qui hoc dignior & nobilior videtur fuisse factus, vt calamitosius deinde, turpiusque concideret. Læsit ille te, violauit, offendit, fœcor, sed tamen semetipsum grauius, nec cuiquam, quàm sibi inimicior fuit, vt certe immensam tuam bonitatem illius hæc culpa nõ debeat superare. Quod si ego è tua mente non penitus excidi, si pristinus mihi apud te manet locus, si meæ tibi semper acceptæ, & nunquam ingrata acciderunt preces, miserere ò parens æternæ operis tui, & redde illud in gratiam tuam, tuamque prius reus & potentius sit consilium, quàm hominis error, qui ea, quæ tu illi ad salutem attribueras, conuertit sibi ad perniciem. Quod si ut hæc ratio & miseri, atque afflicti hominis nõ moueat misericordia, etiam ne impium illud genus perditorum angelorum, quod tibi è regione infestum semper & aduersarium est, hæc tum opulenta præda, & triumpho deuicti, accepti generis nobilissimi es donaturus. Hac oratione commotus Deus iam peccati & iniuriæ immemor, respexit ad se, & ad bonitatem suam, sapientiæque sibi sua in consilio adhibita, damnum quod primi hominis culpa cuncto generi humano fuerat illatum, reparare constituit. Iuxta illud quidem mi frater, Iulius inquit: quippe qui non ex misericordia minor sit, quàm ex infinita virtute, & potestate sua. Sicut ad huius

huiusmodi reparationem, inquam, multa fuerunt opus. Nam cum semel à Deo, quod statutum est, nunquam postea possit, debeatue rescindi, non alterius potuit sapientiæ esse, quam diuinæ ita dirigere cursus rerum, ordinesque actionum, vt in restituendo, & in reuocando ea, quæ conuulsa, collapsaque procumbebat, nullus fieret tumultus, nulla confusio, nulla confictatio earum rerum, quæ simul stare, conuenireque non possent: sed Dei consilium solum & liquidum, non impeditum, neque anceps ad fines suos pertenderet. Itaque cum duplicem homo mortem contraxisset, & illam corporis comitem iam naturæ humanæ decretam, atque adiunctam, & duriorem, atque infeliciorem alteram qua à coniunctione & gratia summi Dei errore voluntario idem homo cecidisset, ei in vtroque opitulari constituit Deus, vt & mentem hominis ad amorem sui, studiumque retraheret, & corpus indueret, ac vestiret immortalitate. Sed hoc posterius, in quo nullæ nostræ partes sunt, totumque est Dei potestas & deliberatio, sic est à Deo institutum, atque ordinatum, vt optime, ac congruentissime institui potuit. Est enim corporum immortalitas in id tempus reiecta, quo lege expleta omnibus moriendi, quam semel legem latam rescindere non fuit fas, omnibus quoque vnà nouā ad vitam consurgendi facultas concederetur, vel excitarentur potius omnes ad immortalitatem, non ex sua voluntate, sed ex vocatione diuina, qui si vt mortem oppetissent singuli, statim in vitam restituti fuissent, clamor, & concuratio & strepitus abeuntium multorum, aliorumque redeuntium, cum autem morior in his, qui adhuc viuerent, in illis, qui iam reuixissent, exultatio & ob futuram deinde impunitatem maior ad explendum oblatas cupiditates alacritas, Dei que tuta contemptio omnia in orbe terrarum confusione, & discordia, & insolitis moribus perturbassent. Itaque sancte ac seuerè, summoque diuinæ sapientiæ consilio in vnum, atque id extremum & vltimum tempus eorum excitatione ad immortalitatem est reservata. In altera vero parte vt ad amorem Dei homo reduceretur, mundumque præ eo contemnere vt persuaderetur, quoniam in ea non solius Dei partes sunt, sed ad illius virtutem, & potestatem necessaria etiam est nostra voluntatis consensio, quæ ab ipso nobis Deo libera est attributa, multo plus negocij ad prouidendum, & laboris fuit. Non enim solum suasionibus, & monitis in eam voluntatem homo adducendus fuit, vt repudiato domino mundo, totum se Deo dederet, atque dicaret, sed & exemplis instruendus, & terroribus adigendus, & præmijs, atque honoribus fuit inuitandus, quod quidem postremum in libera natura, atque ingenua plus habere vitium, & momenti debuit. Itaque huc potissimum incubuit diuina sapientia, cumque cunctorum præmiorum, quæ sensus moueant,

præcipua videatur esse immortalitas, quæ sit cum beata vita semper coharens, atque coniuncta, huius maxime spe atque expectatione consequendæ fulciri hominem, & corroborari oportuit, ne illecebris mundi delinitus, quæ languorem, & effeminatorem semper afferunt, ab illa intentione animi deficeret, quæ esset conuersa; & directa ad vnum Deum. Igitur de principio Deus cum ipse per se à mundi initio vsque ad Moysen aliquot sibi homines delegisset, quos sponte sua, vt ceteros ad cupiditatem mundi prolabentes, in sui tamen studio, & amore retineret, lege post per Moysen promulgata & lata, prophetas per intervalla temporum misit, qui salutari fungentes legatione ad hominum genus perferrent hanc Dei erga ipsos penam clementiæ, & benignitatis voluntatem, qui tamen cum homines & ipsi essent, sæpeque in his offenderent, à quibus alios, vt cauerent, admonerant, nec verbi diuini vim, quam mortalis infirmitas non sustinebat, pleno documento hominibus enuntiarent, filius est Dei ad nos postremo missus, cuius facta verbis cum potiora etiam essent, cum nulla præcepti vis tam absoluta esse possit, vt eam non ille vita æquaret, atque expleret, facili est intellectum non eum nuncium duntaxat præcepti, verbiq; patris, sed verbum ipsummet, & præceptum patris fuisse. Quæ de re satis à nobis heri fuit dictum. Verum is in mundo apud nos constitutus, & ad eam rem natus, atque factus, vt illa nos doctrina cœlesti erudiret, mundi bona, malaque in neutram partem nobis æstimanda, sed tantum in Deo spes ponenda esse, non solum ipse mouendo, agendoque id nos docuit, verum etiam exemplo certo, atque præclaro in semetipso nobis ostendit, quanta eam vitam, quam nobis agendam proponebat, apud Deum præmia, atque ornamenta sequerentur. Surrexit itaque in nouam vitam, & corpore immortalis iam, atque impatibili effecto, in cœlum palam ascendit, regnumque sempiternum apud patrem est adeptus, aditu eodem nobis patefacto, vt si sequi illius vestigia velimus, ad eandem & regni, & immortalitatis gloriam valeamus prouehi. DIGNVM HOMINI frater, Iulius inquit, illa diuina bonitate consilium, plenaque sapientiæ, & humanitatis deliberatio. Et quidem fuit æquum, vt primum consilium Dei, quo ille erat ab initio hominem, vt is in perpetuum potius videret, fabricatus, cum de his, quæ esse possunt, quod melius est semper velit Deus, æquum inquam fuit, vt pristinum illud Dei consilium, errori, & peccato hominis præcelleret, hominique ipsi per clementiam, & benignitatem id redderet, quo sua ille culpa fuerat priuatus. ATQVI IN QVAM Iuli, si oportuit CHRISTVM Dei filium hoc ita facere, vt exurrectionem corporum futuram, ipse à mortuis prius exurgens in semetipso ceteris ostenderet,

eandem

tandem vtiq; necesse fuit prius etiam mori. AD MODVM inquit. QUID, nonne hoc oportuit fieri reuera, non imagine, & simulacro, quandoquidem nequaquam est diuinæ veritatis præstigijs vti, neque velle quenquam in errorem inducere? OPORTUIT PLANE. NVNc adhibe animum huc quæso, & rationem meam considera. Electus est, qui suscitationem corporum hominibus in suo corpore ostenderet, eosque illa spe, & expectatione tanti præmij ad Dominum Deum conuerteret, qui si ipse fuit suscitandus, mori etiam antequam suscitaretur debuit, & quidem ante mortem vitam aliquam degere. Nūc tu totum cursum hunc vitæ, mortis, resurrectionisque IESV CHRISTI itane expendis, & æstimas, vt in eo tantum spectata sit exurrectio, mors vero ipsa Christi & vita appendices duntaxat fuerint, nec aliquid ipsæ per se utilitatis & commodi humano generi ad cognoscendum Deum colendumque attulerint? QVIS hoc impius sic fateatur, inquit: cum vita, & mors CHRISTI tanto excellentiorem, quam corporis exurrexerit nobis ostenderit vitam, quanto beatius est fide, ac pietate hæere in summo Deo, quam ipso corpore immortalem viuere. Nanque & hanc corporeæ vitæ perpetuitatem, si à Deo auersa, alienaque sit, miserrimam dicere non sum dubitaturus. RECTE TV quidem mi frater, inquam, etenim hæc profecto à magnitudine, & infinitate sapientiæ est Deus, vt cum quid ager, & constituit, non extrema tantum consiliorum suorum, sed & principia, & media diuinis velit referre esse mysterijs. Sed iam comparemus, quid ad reparandum Adæ detrimentum retulerit nobis Christus. Hoc enim opinor primo abs te fuisse quæsitum. Primum dico, quod præstantissimam omnium vitam nobis retulit eam mentis, animæque videlicet, quam solam veram dicere non dubitamus, cum sumus in gratia, & amicitia cum Deo, quæ tota nobis per Adam fuerat amissa. Deinde quod immortalitatem corporum restituit, quanquam hanc quidem distulit in suū tempus optimis rationibus adductus. Sed eam certe in se ipse iam patefecit, planeque ostendit nobis non defuturam. Verum quæ illis duntaxat, qui cum pietate, & si ad Deum se contulissent, iucunda, atque optabilis, cæteris misera, atque ærumnosa esset aduentura. Nam quod solet quæri vtrum CHRISTI fides nobis originale peccatum abstulerit, abstulit nimirum ex ea parte, quatenus dissidebamus cum Deo, Deumque nobis alium & dominum mundum constituebamus, quod erat tamen in nobis omnium malorum maximum. Carpis quidem repugnantiam, & dissidium cupiditatis cum ratione, menteque reliquit, non vt ea nos obrueret, in terramque deprimeret, quod ante aduentum CHRISTI vsu veniebat, sed vt vim in nobis virtutis, tolerantiaque acquereret, præmiumque nostrum coram Deo, & laudem ex victoria nobis redderet.

deret insigniorem. Verum his iam enodatis, ut ego arbitror, & ac-
 clariorem intelligentiam adductis redeundum vobis est ad Apo-
 stoli verba, nisi tu forte aliud mauis. Hoc IPSVM, inquit, nam mi-
 hi abs te de omnibus satis est factum. CVM APOSTOLVS, inquam,
 ex morte, & exurrectione IESV CHRISTI conciliationem ad
 nos cum Deo, & salutem, ac vitam diceret esse transmissam, au-
 nequis in modo, ac ratione dicti dubitaret, subiecisset statim ex-
 emplum Adæ, qui & ipse potuisset à se peccatum & mortem in
 posteros transfundere, in hoc ipso Adæ errato aliquantum im-
 moratur, ut melius demonstrata communi calamitate generis
 nostri, quantum Deo per CHRISTVM gratiæ debeamus, liqui-
 dius etiam intelligamus. Quemadmodum, inquit, per vnum ho-
 minem peccatum in mundum ingressum est, & per peccatū mors
 & sic in omnes homines mors peruasit, in quo omnes peccave-
 runt, in vno illo homine videlicet. In Adam enim generis capite
 omnes peccauerunt, cum peccauit ille, propriūq; & voluntariū
 peccatum suum nobis commune & naturale reliquit. Quod & a-
 libi Paulus, Quemadmodum in Adam, inquit, omnes moriuntur,
 ita in CHRISTO omnes viuificabuntur. Quod si in vno illo ge-
 neris parente omnes peccauerunt, similes illi deinceps nati, atq;
 producti, peccati autem naturæ semper natura mortis apposita
 est, sicut in Adam peccauere omnes, ita & in Adam omnes mori-
 untur, eadem enim ratione, qua similes illi in peccato sumus pro-
 ducti, similes etiam in morte obeunda sumus. Vsq; enim ad le-
 gem, inquit, peccatum erat in mundo, peccatum autem non im-
 putatur, cum non est lex. At quænam ista lex? nec dubitandū di-
 citur est, quin de Moyse lege sentiat, licet à doctissimis aliter sit
 interpretatum. Nam si de lege naturæ intelligat, quonam modo
 quæso exprobrat illa hominibus peccatum, & penam peccati ir-
 rogat, quæ vno ordine omnes ad penam, & ad mortē vocat tam
 innocentes, quam noxios? Deinde quando ista naturæ lex non
 fuit, quam ante in mundo cum esset, nihilominus peccatum post
 aduentum eius primo cepit exprobrari, cum antea non expro-
 braretur. In pueris autem, quibus antequam lex rationis adueniat,
 peccata vitio non attribuuntur: Ergo in mundo Apostolus in
 pueris voluit intelligi: quod nequaquam consonat. Nos vero po-
 tius intelligamus, & ante, & post Moyse legem peccatum qui-
 dem fuisse in mundo, verum ante legem incognitum fuisse, ideo-
 que nec exprobratum vera illa exprobratione scilicet, quæ id pec-
 catum est, in quo intelligitur Dei esse offensio, qui peccati intel-
 lectus per legem primum est cognitus. Ideoque Apostolus, Per le-
 gem, inquit, est cognitio peccati. At enim fuit diu ante a Deo &
 Cain, & Sodomæ, & in diluuiū omnibus exprobratum peccatum
 ad nos de hominum iudicio, & existimatione loquimur. Nam i-

velimus Deum comprehendere, cum sit per legem cognitio peccati, sine lege Deus vel Moyses, vel natura: notionem peccati nullam habuisset, non exprobrabatur igitur peccatū cuiquam ante legem, quia nec sub vera peccati ratione cognoscebatur, neque tamen ita anguste hoc interpretandum est, ut nemo vnquam ante legem aut suum, aut alterius peccatum intellexerit, potuerunt enim id multi cognoscere, ex illis præcipue antiquioribus, qui propius ab origine, & creatione diuina cum abessent, eiusdem monitis Dei & legis vim, & peccati nosse potuerunt: sed quod in maxima multo parte neque hominum modo, verum etiam temporum vsu venerat ut peccatum ignorateretur, id pro communi sumpsit Apostolus, qui etiam caute admodum locutus est, cum dixit, non impuratur: non autem dixit, quod nemo illad impurat. Quod si occurratur ante Moyses legem etiam alias aliarum exiisse gentium leges, quæ peccata hominibus exprobrarent, eaque plecterent, iam dictum est solum id esse peccatum, in quo sit offensio omnipotentis Dei, quod ante Moyses legem ignoratum mundo fuit, in quo quidem genere vno peccati sic intelligendo & hic, & vbique insisit Apostolus: Ante legem ergo quod erat in mundo nihilominus peccatum, post legem demum coepit obiectari, namque & ante legem ab Adam vsque ad Moysen mors regnauit, quod videtur eo sensu dictum quasi ex stipendio peccati, quod est mors, ostendere velit peccatum in primo illo homine ab omnibus hominibus admissum vnâ & patratum fuisse quippe cum omnibus item mors obeunda sit, ut ab illo fuit obita, in quo firmissimum sibi è lege aduocat argumentum: Etenim si lex, inquit, quæ est a Deo omnia intelligere tradita, peccata quædam hominibus describit, eaque suscipi interdicit, & verat, quam si contra veniatur, peccatumque admittatur, mors est, non obtemperanti pœna proposita, tanquam semper peccatum necessario mors sequatur: eadem profecto ratione, sed conuerso ordine, si mors omnibus etiam ante legem illata semper est, pro aliquo utique peccato ab eodem summo Deo qui & legem & in lege mortem peccatis pœnam proposuit, illis fuit præstituta, sed non omnes peccatis proprijs certa à se susceptis voluntate offenderunt, qualia postea multa suscipi posse indicauit lex, & tamen omnes mortui sunt: ergo in vno homine, & parente primo ab omnibus communiter hominibus fuit offensum. Hoc argumentum quantum vim habeat subtiliter intuentibus facile poterit apparere. Conclusum enim certè est, omnes in vno homine homines peccauisse, etiam qui peculiare crimen in se non admisissent. Regnauit ergo mors ab Adam vsque ad Moysen, quod idem est, ac libero suo iure est perbacchata, neminem sibi eximium, cui parceret, ducens, ne ex eo quidem numero, qui ipsi ex sese pec-

eatum non perpetrassent. At tur his saltem non pepercit, qui
quit, si non proprium illorum, at originis peccatum, quod
litudine prauaricationis Adam transfulerant in sese, in ill
persecuta. Forma enim totius generis humani in Adam primi
titit, ut quod in illo contigit, quantum ad peccatum spectat,
tumque ad mortem, idem deinceps transcat in omnes. Ip
nim Adam forma futuri est, ut quod in illo factum est, in alijs
Ut & ad Philippenfes, Imitatores mei estote, & considerate
ambulantes, ut habetis formam nos, hoc est, ut quemadmodum
ego me gero, item vos geratis. Sed quid? nonne & post Moy
mors regnauit? regnauit utique. Verum illud Apostolo an
mis est propositum, ut vno parentis primi peccato omnes om
no concidisse ostendar, idque ex vna omnium morte nitari
comprobare, quæ etiam ante Moysen commune peccatum hu
mani generis vltia fuerit, ut quasi regnare sit, suo iure, libere,
suo arbitratu vsam illam fuisse, quæ postea sub lege cum que
piam legis violatorem perimebat, non tam suo iure in eo vtel
tur, quam ex præscripto agebat, hoc est ex imperio, & potes
te legis, ut regnare ante legem esset libero suo iudicio, & non
terpellato iuris sui cursu generale peccatum in hominibus
nitere post legem vero, ministrare iam legi, & seruitutem que
dam in obtemperando illi suscipere, atque contrahere. Non
si in hoc quoque loco studeamus id asserere morti domina
ri in animas simul hominum & in corpora legem primum Mo
sis obuiam esse, illiusque tyrannidem vocandis hominibus ad ho
norem, & cultum summi DEI, & ijs in bonis moribus institue
dis repressisse, dicimus & ante legem vocatos à DEO in am
rem, & cognitionem sui fuisse multos, legeque non tam subla
post peccata, quam aucta potius, multiplicataque fuisse
quod & mox Paulus, & in alijs sæpe locis repetit, atque con
firmat.

*SED NON ut delictum, sic & donum. Si enim vnus de
licto multi occiderunt, multo magis gratia Dei, & donum in
gratia vnus hominis IESU Christi, in multos abundauit. &
non sicut, per vnum qui peccauit donum. Iudicium enim ex vn
in condemnationem, Donum autem ex multis delictis in iustifi
cationem.*

ABSOLUTA priore comparatione, qua ostenderat ex
plo Adæ aduersus Iudæos obreclantes CHRISTO reconcilia
tionem cum Deo, & vitam per vnum Iesum CHRISTUM in
omnes homines transmissam esse, sicut per Adam peccatum & morte

In omnes fuerat transuecta: Nunc vtriusque factum inter se & Adæ, & CHRISTI comparare aggreditur, vtrum fuerit eorum validius, & fortius. In qua quidem contentione, gratia, offensione reperietur potentior, non numero quidem eorum, qui seruandi sunt, præ his, qui periere, suntue perituri. Non enim id nunc intendit Apostolus, nec libertatem suam cuiquam adimit, eligendi vtram velit sectam, siue interire ex prauaricatione Adæ constituat, siue seruari, ex obedientia CHRISTI. Non enim numerus eorum hic, qui aut beneficio, aut damnatione comprehenduntur, inter se confertur, sed vis, & potestas peccati atque gratiæ in comparisonem est adducta. Primoq; ex vtriusque authore, & capite delicti, ac gratiæ sit contentio, deinde ex duplicibus & gratiæ, & delicti effectibus. Ac primum, Si, inquit, vnius delicto reliqui mortui sunt, hoc est, quod ipse appellat multi, ipsa multitudo videlicet, multo magis gratia Dei, & donum, in gratia vnius hominis lesu CHRISTI in multos abundauit. In his enim verbis vis & peccati, & gratiæ, ex nobilitate, & potentia eorum, qui vtriusque authores sunt, in contentionem adducitur. Peccati enim author est homo, gratiæ, & doni Deus. Si peccatum igitur ex vnius peccato tantum ad mortem potuit, donum, & gratia ex Deo multo plus valebit. Ad quid autem sit valitura, paulo post exponet, ut nimirum regnetur in vita. Porro quantum inter Deum, & hominem interest, tantum interest inter peccati vim, & vim gratiæ. Quod autem ait, Gratia Dei & donum in gratia vnius hominis IESU CHRISTI in multos abundauit, sic est intelligendum, quod primus homo IESVS CHRISTVS hanc in se Dei gratiam, & hoc donum accepit, & in seipso omnibus, sicut Adam primus peccatum in se concepit, & in seipso omnibus. Sicut enim Adam naturam in se hominis ad carnis, & mundi amorem posthabito Deo conuerit, & in eo omnibus Adæ filijs carnalibus illa ad mundum conuersio est facta: ita homo IESVS CHRISTVS mortem carnis peccati in semetipso concipiens, eandem in omnes Dei filios spirituales immisit. At cur non spirituales homines eodem modo filij CHRISTI sicut Adæ carnales? Nempe ob eam rem, quod caput, & fons peccati, atque carnis est homo. Ideoque in carne filij Adæ sumus, gratiæ autem, & spiritus non est homo pater, sed Deus. Primus itaque Adam homo peccare per sese ipse potuit, sicuti peccauit, & ideo est contaminati generis pater, surgere autem ad gratiam per sese homo non potuit, iecircoq; illa gratiam, & iustitiam, & vitam hausit ex Deo homo CHRISTVS Iesus, & ex eodem Deo in CHRISTO nos hausimus, qui per spiritum, & obedientiam, & fructum gratiæ Dei filij effecti sumus. Atque hac cōparatione inter authores peccati, & gratiæ facta, ad comparandos effectus vtriusq; peccati, gratiæq; procedit.

Ac non sicut per vnum, qui peccauit, donum quod. Conciliu-
nim est horum verborum sensus, perinde est, vt si diceret, Ac n-
sicut peccatum, ita donum, quorum vtrumque per vnum in-
stitutum est. At quamobrem non sic? Quoniam, inquit, iudiciu-
quidem ex vno in condemnationem, donum autem ex multis
delictis in iustificationem. Hoc est, inquit, intervallum, hanc
stantia inter peccatum Adæ, & inter donum ac beneficium su-
mi Dei: quod si ex vnius iudicatione peccati omnes damnati su-
rantumque potuit peccatum vnum, vt valuerit cunctis ad damna-
tionem, quantum vim illius beneficij esse oportuit, quod non
ex illo vno peccato humani generis communi duntaxat, sed
plurimis postea peculiatibus etiam peccatis nos restituerit in ius-
titiam?

*SI ENIM vnius delicto mors regnavit per vnum, multi
magis abundantiam gratiæ, & doni iustitiæ qui ceperint in vi-
ta regnabunt per vnum IESVM Christum. Igitur sicut per
vnum delictum in omnes homines in condemnationem, sic & per
vnum iuste factum in omnes homines in iustificationem viu-
tutis. Quemadmodum enim per inobedientiam vnius hominis pecca-
tores constituti sumus multi, sic & per obedientiam vnius in
constituentur multi.*

IN EADEM insistit contentione Paulus apostolus delicti,
que doni, & quod modo contulit vim, & facultatem illorum
ter se, ex authoribus primum, ac deinde in seipsis & effectibus
eorum comparans atque inquit, quod si vnum tantum potuit
peccatum, vt omnes condemnaret, quantum plus potuit donum
quod ex plurimis peccatis ad iustitiam reuocaret? Nunc effectus
alterum vtriusque adducit in comparisonem, quod si à delicto
regnum mortis per vnum inductum est, multo magis per vnum
IESVM CHRISTVM abundantiam gratiæ, & donum iustitiæ
qui acceperint regnabunt in vita, hoc est, si tanta est inter pe-
ccati authorem, authoremque gratiæ differentia, quod vnus
eorum homo est, alter Deus, si tantum inter vim quoque & pe-
ccati & gratiæ interest, quod vno ex peccato inductum est con-
demnatio, gratia non vnum modo peccatum, verum innumera-
bilia peccata sustulit, cum fructus peccati sit mors, gratiæ vi-
ta tantum etiam intervallum inter hanc mortem, hancque vitam
esse necesse est, quantum inter illa priora interfuit, vt quantum
Deus homini, gratia peccato, tantum etiam vita hanc que ex gra-
tia Dei per iustitiam in nos fluxit, illi morti præponderet, qui
peccato vivit ex peccato vnius hominis inducta, atque hac effectum
triusq

triusque contentione facta, deinde in sequentibus verbis modum exponit, quo per Adam laesi fuimus, & quo per CHRIS-
TUM seruati, qua dicit, quod per vnus inobedientiam peccato-
res effecti sumus, & per vnus obedientiam iusti. Verum quo
pacto ex vnus inobedientia nos peccauerimus, dictum iam est,
nempe eo quod Adam à consideratione, & respectu Dei ad mun-
dum, & carnem potius conuersus, in eoque non obediens Deo,
eundem mundi amorem, & propterea in Deum inobedientiam
transmisit ad nos, à quo mundi amore CHRISTVS sua cruce,
& morte ad Deum nos reuocans subiectos ipsi Deo, & in obedi-
entia deditos omnes, qui simul mundo cum eo mori voluerunt,
effecit.

*Lex autē interuenit, vt multiplicaretur delictum, vbi autem
multiplicatum est peccatum, superabundauit gratia, vt quem-
admodum regnauit peccatum in morte, sic & gratia regnet per
iustitiam in vitam aeternam per Iesum Christum.*

Quo pauloante posuerat in comparando maiorem mul-
to potentiam fuisse gratiae, quae nos ex peccatis plurimis ad iusti-
tiam, vitamque reduxerit, quam peccati quod vnum, & per v-
num nos damnationi subiecerit, nunc id demonstrat, quo modo
ex peccatis plurimis in nobis collectis & coaceruatis vim maio-
rem suam ostenderit gratia. Quoniam, inquit, vt grauius etiam,
& copiosius peccaremus lex interueniens effecit. Ad peccatum
enim originis & naturae, quod est in amore mundi, & propter e-
am causam in imperio & dominatu carnis ac cupiditatis implici-
tum esse, accessit lex, quae hoc in nobis effecit, vt cum nihilomi-
nus carni, & cupiditatibus seruiremus; tum contumaciam quo-
que & contemptum Dei praeceptorumque eius non seruanda
lege suscipetemus, ex quo pondus maius additum est peccato.
Itemque illud ex lege nacti sumus, quod multa, quae suapte na-
tura peccata non sunt illius interdictione, aut praecepto iuben-
tis illa fieri, aut verantis peccata inueniuntur, si non ex prae-
scripto legis fuerint obseruata. Lex igitur accessit, vt multi-
plex redderetur delictum, vt inquit, ergo iccirco data lex,
vt frequentaretur etiam magis, & maiorem vim nanciscere-
tur peccatum? nequaquam illa quidem ob eam rationem, &
causam data est, sed vt peccatum potius cognosceretur. Per
legem enim cognitio peccati. Quid autem facit ista cogni-
tio? Hoc nimirum vt cognita nostra imbecillitate ad auxilium
gratiae Dei confugiamus, nostramque nullius momenti iustitiam
ducentes, illam à Deo ipso iustitiam expectamus, quae in CHRIS-
TI fide, & mortis illius dono nobis est ostentata. Proinde etiam
si dicamus ideo legem fuisse datam, vt multiplicaretur delictum,

non absurde sentiamus, dum ne in hoc tamen fini insistamus. Non enim finis, & extremum legis est, ut grauius peccetur, sed ut admissis & cognitis grauioribus peccatis, ad quæ propulsa da virtus nostra est impotens, fiducia in Deo nostra, & in ipsi gratia ac benignitate tota constituatur. Quo vno modo maxime, lex ad fidem CHRISTI fuit præparatio, ideoque luculentissimum diuino egregio beneficio data, ut genus a Deo iam inde in patre suo Abraam electum, & è quo oriturus erat CHRISTVS illorum ex lege peccatorum multiplicatione admonitum, & princeps recognosceret se, & sibi ipsi diffidens ad Deum iam humilitate, non legis opere se adiungeret. Superabundauit igitur gratia, ubi multiplicatum est peccatum apud Iudeos videlicet, in quo & ipsa gratia potentiam suam apertius indicauit, & gratiam illam nobis impertientis Dei amplior atque illustrior facta est gloria. Superabundauit autem ut quemadmodum peccatum in mortem nostram regnauerat, id est, per mortem oppressos nos tenuerat, ipsa ita nunc Dei gratia in nobis regnet per iustitiam, per quam ubi iustos nos effecerit, ab illa iustitiæ vitæ, vitam æternam, & beatam, intromittat, authore IESU CHRISTO Domino nostro, qui fuit nobis Adam iustitiæ, & vitæ immortalis sicut alter ille prior fuerat mortis.

Quid igitur dicemus? manebimus in peccato, ut gratia multiplicata sit? absit. Qui mortui sumus peccato, quomodo amplius viuemus in eo? An ignoratis quòd quotquot baptizati sumus in IESU CHRISTO, in mortem eius baptizati sumus?

ECCÈ vis baptismi & mysterium fidei nostræ, statusque eorum qui fidem CHRISTI recte amplectuntur, de quo nunc loquitur Apostolus, paulopost de statu eorum, qui viuunt in lege etiam locuturus. Cum enim CHRISTVS morte sua carnem in se perimeret, quæ in eo caro non fuit peccati, sed similitudinem carnis peccati in se pertulit: ipse enim se pro nobis fecit peccatum, ut in carne nostra peccatum perimeret. Nos qui carnem peccati vere amicti sumus, quam ex Adam infectam, & contaminatam traximus, morimur in morte CHRISTI cum baptismum accipimus, in eoque profiteamur nos Satana, & pompis eius reuocari acque abiectis, Deo soli credere, & confidere paratos. Sanam enim & pompas eius, id est, mundanas omnes spes cupiditatesque reijcere, idem est ac carnem peccati se exuere, sed CHRISTVS in similitudine quidem peccatum quod nullum habebat, in ipso extinxit, carnem in veritate, quæ tamen caro quoquo modo in homine interempra est, secum ipsa perit, & interficit peccatum. Nos similitudinè in morte carnis viutamus, in veritate peccatum in nobis interuenimus, tamen si res, tempusque ferat, &

sensio, aut declaratio veritatis sic postulet, etiam carnem reuera
 proijcere sumus obligati. Sed hoc casus & dies aliquando affert.
 Illud quidem solenne & statum omnibus est, ut in baptismo hanc
 fidem, & sectam vitæ profiteamur, quemadmodum posthabitis
 terrenis omnibus in Deo vno fidem nostram constituimus & lo-
 camus. Itaque mortui sumus peccato omnes, qui in CHRISTO
 baptizati sumus, quod si non simulate, sed vere illa est à nobis &
 corde concepta, & ore, ac verbis enunciata vitæ professio, qui
 possumus amplius manere in peccato, aut quo pacto operatio-
 nes malæ, prauæque cum fide CHRISTI hæere in nobis pos-
 sunt? Nam qui dicunt sola ex fide saluos nos fieri, neque ad salu-
 tem bonas operationes requiri, ipsi se impediunt, suum ipsi di-
 ctum resellunt, & redarguunt. Fides sola satis est ad salutem, fa-
 teor, sed ut integra sit, neque vlla sui ex parte diminuta. Fides
 porro est peccato esse mortuum, & viuere Deo: hoc est, ea quæ
 agat quisque, & quæ speret habere omnia posita in vno Deo, ne-
 que cum mundo commercij quicquam, aut nimis arctæ rationis
 contrahere, hoc enim est mortuum esse peccato. Tu vero qui
 vna in fide spem vitæ constituis, cum ab ea disiungis, & auellis
 peccati mortem, quid iam amplius fidei, quo illa merito fides
 appelletur, relinquis? nec vero illa ratio veræ rationis est parti-
 ceptis manendum esse in peccato, ut Dei benignitas, & gratia ma-
 gnificetur, siquidem ibi magis illa abundat, vbi est grauius, fre-
 quentiusque delictum. Si enim hoc ita sit, nequaquam magnifi-
 catur Dei benignitas, sed opprimitur. Illa enim in hoc sese exhi-
 bet illustrem atque amplam, diuinæque iustitiæ, & bonitatis suæ
 lumen ostendit quod aufert à nobis peccata, & iustitiam suam
 nobis iam factis fidelibus impertit. Qui vero perseverant in pec-
 cato, non modo non illustrent Dei summi beneficentiam, sed ne
 illi quidem locum, vbi se explicent, relinquunt.

Consepulti sumus igitur cum illo per baptismum in mortem,
 ut quemadmodum excitatus fuit CHRISTVS è mortuis per
 gloriam patris, sic & nos in nouitate vitæ ambulemus. Si enim
 confiti fuimus similitudini mortis illius, nempe & resurrectio-
 nis erimus. Hoc noscentes quod vetus noster homo cruci vnâ af-
 fixus fuit, ut aboleretur corpus peccati, ne quo deinceps seruire-
 mus peccato. Nam qui mortuus est, iustificatus est à peccato, si
 autem mortui sumus cum CHRISTO, credimus, quod &
 viuemus cum eo.

MAIOR etiam ac magis Apostolus vim eam sacramenti, quæ
 in baptismo est, & fidei CHRISTI mysterium declarat. Ac in
 baptismo quidem trina illa nostri in aqua immersio, rursus quæ ter

facta ex aqua emerſio, & cum CHRISTO nos ſepeliri in fide ve-
 ra trinitatis, & cum CHRISTO item reſurgere in eadem ſid-
 denorat. Sed vt videamus clariuſ ſimilitudinis noſtræ cū CHRIS-
 T O, & rerum earum, quæ inde eueniunt, conſequentiam, ſi
 conſideremus. Mors carnis, & corporis id profectò affert, vt pec-
 catum ſimul cum ea, & peccati effectrix cupiditas moriatur.
 CHRISTVS porrò in cruce mortuus eſt ſponte, ac volens, ex-
 leſte illud hominibus præbens documentum nulla eſſe mund-
 bona, quæ vere experenda ſint, quandoquidem nec vita propter
 quam bona illa ipſa mundi experantur, facienda tanti ſit, vt non
 illi longe Deus, & ſperata ex eo bona anteponantur, hoc eſt ple-
 num, & integrum fidei CHRISTI myſterium, quæ ſeſe fides
 tota in Deo, & ſpe Dei collocat, a mundo autem, & mundi bonis
 auellit, atque abſtrahit. Nos ergo qui fidem iſtam amplectimur,
 & CHRISTVM ſequi, colereq; inſtituimus, niſi in eadem ſimus,
 qua ille & volūtate, & ſententia, falſo Chriſtianum nomen uſur-
 pamus. Quid ergo? dixerit quiſpiam, num corpus & vitam abij-
 cere ſtatim debemus, vt cum CHRISTO fideles Deo inuenia-
 mur? Minimè iſtue quidem re, ſed voluntate debemus, ita eſſe
 parati, vt ſi eam à nobis Deus de poſſeſſerit, ſi nos ipſe in certa-
 men pro veritate deduxerit, ſi eſt mors noſtra fructum proximi
 ſuſcipiendæ veritatis, pietatisq; allatura, corpus noſtrum aliorum
 acerbitati facilè permittamus: ipſi vero nequaquam ægre id fe-
 rentes, ſed Deo gratias agentes, qui tantum nobis honoris vo-
 luerit habitum, pro illis ipſis Deum in ſuper deprecemur, qui no-
 ferro, & igne ad perniciem vitæ fuerint inſectati. Hæc eſt ſumm-
 fidei noſtræ, hæc viſ, hoc præpotentis Dei in ſalute noſtra conſi-
 lium. Verum non ſæpe hoc à nobis poſtulat Deus, vt re ipſa mo-
 riamur. Dies erit cuique ſua moriendi conſtitura. Voluntatem
 quæ ſum huiuſcemodi noſtram & decretum mentis noſtræ poſtu-
 lat, & ſtatuamus pro Deo, & pro ijs bonis, quæ a Deo nobis pro-
 poſita ſunt, non inuitis, ſi accidat, eſſe moriendum. Re autem &
 facto ſemper vtiq; hoc poſtulat, vt ea quæ ſequentur, carnis, &
 corporis mortem, atq; vna cum eo occidunt, & commoriantur
 cuiuſmodi eſt mundi amor, & cupiditatum regnum, & volupta-
 tum illecebræ, & auri, argenti, lautæq; ſupelleſtilis ſtudioſa com-
 paratio, honoris quoque & opum & poſtulat ambirum omnia
 proſuſ inſerant in nobis, & quanquam in carne etiam nunc vi-
 uamus, carnis tamen operibus, & electionibus ſumus mortui
 alioquin ſi iſta carnalia abijcere renuimus, ſi perſeueramus in cupidi-
 tate, & ambitione viuere, quo nam pacto probemus nos ad de-
 ſerendam vitro pro Deo vitam voluntate eſſe paratos? CHRIS-
 T V S igitur totum hoc documentum ipſe in ſe expleuit, cum
 corpus ſuum addidit morti, quo nos morti illius ſimiles facti ſu-

premar

premam quidem corporis mortem Dei arbitrio libentes reseruemus. Interim vero, quod muneris nostri, & Christiani imprimis officij est, partem illam mortis in corpore subeamus, quæ non penitus corpus sed luxum, & diffluentiam corporis, animiq; prauos motus ad corpus se accommodantis abolet in nobis, atque interficit, qua ratione quidem peccato mortui verè & dicimur, & sumus. Rursus cum CHRISTVS in carne resurrexit, illamq; recepit vitam, quæ non amplius occasura, sed futura erat in eo iam immortalis, cumq; ascendit in cælum, & ad dexteram patris confedit, alteram partem mysterij plenam, & perfectam in se nobis ipse demonstrauit, quæ præmia videlicet, & qui à Deo honores eos consequantur, qui pro Dei honore, & pro cœlestibus præmijs mundum & suauitates mundi fuerint aspernati, vt nos, qui illam adhuc vitam obtinere non possumus, obtimebimus autem postea, interim tamen ea consecretur, quæ illius vitæ propria, semperq; illi adjuncta futura sunt, innocentiam dico, iustitiam, pietatem, charitatem: nam & hæc quoq; nunquam moriuntur, fructusq; immortalis animi nostri immortales & hi sunt. Quòd si ex illa morte peccati, qua peccatum iam in nobis CHRISTO commortui interemimus, ad hanc nouam vitam iustitiæ, quæ diuini generis iustitia est, non humani, negligamus exurgere, ne ad illam quidem vitam, quæ in corpore futura apud Deum est beata, atq; immortalis magnopere aspiramus. Ex his satis patere arbitror, quod sit mysterium fidei, & quæ baptismi vis, nostraque cum CHRISTO mortis veteris hominis, hoc est, eius qui ex Adam progenitus est, & nouæ vitæ ex Deo, cum Deoque similitudo. Sicut autem CHRISTI à mortuis exurrectio gloriam Dei patris illustrem reddidit, sic nostra ex peccati morte ad nouam iustitiæ vitam excitatio non virtutibus nostris, sed eidem bonitati, & gloriæ Dei ascribenda est. Confite ergo si fuimus similitudini mortis CHRISTI, & resurrectionis erimus? hoc est, si similitudinem mortis eius in carne nostra, quatenus scilicet morimur peccato, non totam mortem ferimus, & resurrectionis illius similitudinem feremus. Nunc quidem non resurrectione tota, sed quatenus ad vitam iustitiæ resurgimus, post autem & integram resurrectionem, cum in supremo mundi iudicio reuiuiscemus, & mortem item suscipiemus integram, cum vltimum nostrum diem obibimus. Confite autem, inquit, vt non ore tantum, neq; enunciatione verborum, sed corde, menteque coniuncti, & in vnum quasi conflati cum CHRISTO ipso in mortem, & vitam simus. Nam sic quidem verus homo noster cum eo crucifixus fuerit, corpusque in nobis peccati interierit, corpus autem peccati quatenus ex eo oritur, seruetque peccatum, vt ne amplius deinceps seruiamus peccato. Nam qui mortuus est, purgatus est à peccato.

Quod si vere cum CHRISTO mortui sumus, fide & volunt
videlicet, credimus etiam, & confidimus cum eo nos victuros
hoc quidem seculo nouæ iustitiæ vitæ, in altero etiam corpore
immortali illa totius hominis gloria.

Scientes quod CHRISTVS suscitatus è mortuis, amplius
non moritur, mors illi non amplius dominatur. Quod enim
unum est peccato mortuus est semel, quod autem viuit, viuens
sic & vos existimate vos ipsos mortuos quidem esse peccato,
uentes autem Deo in CHRISTO Iesu domino nostro.

INSISTIT Apostolus, & similitudinem eandem in noua
prosequitur, per quam mortem, & vitam CHRISTI imitatione
quadam referimus. Vt enim mortem illius ab eo in corpore
acceptam nos in peccati morte, quæ pars est vniuersæ mortis
accepimus, sic eiusdem vitam vniuersam & integram, qua ipse & in
corpore & iustitia in æternum iam viuit, nos in ea parte nunc
accipimus qua iustitiæ viuatur. Ac sicut illa in eo vita iam immor-
talis est, sic in nobis non amplius moriatur iustitia, semel ille pec-
cato mortuus est nostro nimirum, & nos semel sumus mortui, ne
in id denuo incidamus, vt rursus in eo nobis sit moriendum.
Iustitiæ autem vitam, quam ipsius vitæ CHRISTI à mortuis ex-
tati imitatione suscipimus inuiolatam, & perpetuam iam tenemus,
in qua viuimus iam Deo, non peccato, aut mundo. Atque
hæc in nobis imago sit vitæ eius quam Deo viuit nunc CHRISTVS.
Ille enim ita Deo viuit, vt & in æternum cum eo viuatur.
Deus ipse sit: Nos ita in hac iustitiæ vitæ viuamus, vt ab ea non
quam discedamus, & Dei similes in illa, ac tanquam filij & no-
nemur, & simus: quæ quidem vita peccato mortuum esse &
iustitiam viuere Deo, totum est fidei nostræ mysterium, quod
CHRISTVS consilium, & sermo omnipotentis Dei, in quo
hanc vitam nobis viuere concessum est. Vbi enim non est CHRISTVS,
& non mundo, & peccato mori quempiam contingit,
que item viuere ipsi Deo.

Ne igitur regnet peccatum in mortali vestro corpore, vt
reatis illi in cupiditatibus eius, neque præbete membra vestra
arma iniustitiæ peccato, sed præbete vos ipsos Deo velut ex mortuis
viuentes, & membra vestra arma iustitiæ Deo. Peccatum enim
vobis non dominabitur. Non enim estis sub lege, sed sub gratia.

Cum peccatum regnat in nobis, nosque ei subiecti, & di-
audientes sumus, tunc exhibemus illi membra nostra, & totum
corpus, vt ad peccati nutum, atque imperium illa præsto sint. Pe-

Imperat peccatum voluntati nostræ, tanquam militi, & apparitori suo, ut ad omnes corporis cupiditates explendas membra cuncta veluti arma, & parata habeat, & quotienscunque annuerit cupiditas, capiat illa atque administrandum corpori in suis cupiditatibus accurrat: quibus quidem armis ad iniustitiam, hoc est ad omne genus sceleris & improbitatis peccatum vitur, quod nos dehortatur, ne in corpore nostro patiamur Apostolus, rursusque idem hortatur, ut exhibeamus nosmetipsos Deo, velut ex mortuis viuentes, & membra nostra arma iustitiæ eidem Deo ut sint prompta & præstò ad omne imperium Dei, qui his membris ut armis ad iustitiam, hoc est ad omne genus virtutis & probitatis est usus. Sed quod ait, velut ex mortuis viuentes, idcirco ait, quod iustitia vita animæ est, ad quam quidem iustitiam posteaquam CHRISTO à mortuis surgente nos quoque cum eo illius nouæ vitæ referendo similitudinem consurreximus. Nam & ipse surrexit ob iustificationem nostri, ut scilicet & nos ad iustitiam exurgeremus, postquam, inquam, sicut mortui fueramus peccato in CHRISTO mortuo, sic ab ipso peccato, & iniustitia per resurrectionem eiusdem tanquam à morte in vitam iustitiæ resurgiti fuimus, hanc ipsam iustitiam, & vitam, quam à Deo accepimus illi ipsi, vnde profecta est, exercere, & conseruare debemus: hoc etiam magis, quod in memoria habentes & grato recolentes animo, quã terra ex peccati morte ad cuiusmodi cum Deo, & in Deo iustitiæ vitam traducti fuerimus, ut magis agnoscere discamus beneficium omnipotentis Dei, & plus illius gratiæ tribuere obligati sumus. Velut ex mortuis igitur viuentes, id est, qui hanc nouam vitam ipsius Dei beneficio obtinemus, cum peccato nostro antè essemus ipsi mortui. Atque ideo ipsam hanc vitam illius voluntati totam subijciamus. Peccatum enim vobis non dominabitur, inquit: Non enim estis sub lege, sed sub gratia. Rationem dat, quare nobis non dominabitur peccatum: quia sub gratia sumus, & nō sub lege, quia spiritualem iam vitam viuimus in CHRISTO, non ampliùs carnalem, ex qua parte duntaxat & carnis, & corporis subiecti sumus legi. Nam ex spiritu certè illi non subijcitur. Non dubium autem est, quin dum sub gratia sumus, peccatum nobis nō dominetur, sed illud est dubiũ, quod & qui sub gratia sunt, interdum etiam peccant, ex eoque gratiam amittere videntur, & qui sub lege sunt, videntur posse non peccare. Sed semper nobis ista ut intelligamus, ad mysterium fidei reuertendum est, ex quo illa à Deo nobis adest gratia, quod Spiritu sancto nos admonente, à mundo, & mundi bonis diuisi, atque abstracti, bonum omne nostrum in Deo vno, & in eis duntaxat præmiis, quæ ab eo nobis in cælo sunt proposita.

statim

statuimus & locamus. Hæc enim ex Deo illuminatio nostra, hæc directio mentis, & voluntatis, gratiam, & iustitiam illius in nobis imprimi, ut qui veritatem tanti mysterij, non auribus hausimus solum, neque in aliena fide, atque authoritate repositam duntaxat habemus, sed corde, & mente percipimus ipsi ut aliquando etiam in peccatum prolabamur, quoniam tamen id præter animi nostri constitutum est, nunquam illud in nobis regnare, neque dominari patiamur. Qui verò sub lege Moyſis sunt, ut qui mundo, & mundi cupiditatibus sunt affixi, licet præcepta quædam habeant ex lege, quo se pacto in cupiditatibus illis gerere & gubernare debeant, tamen serui necessarii sunt peccati, quando totum etiam illud, quod lege eis est permillum, ut bona terrena magni æstiment, coram Deo quodammodo peccatum est: ex quo etiam dictum fuit à Paulo, & aliis locis dicitur, quod ex operibus legis coram Deo non est iustificatio, & item ad Philippenſes, quod cum ipse secundum iustitiam, quæ est in lege, factus esset irreprehensibilis, quæ tamen ei lucra ex ea fuissent, propter CHRIS TUM, illa arbitratus sit damnum sibi esse, & etiam nunc arbitrari sibi damnum, in quo profecto ostendit legis iustitiam coram Deo, quoniam ab radice sua in terra teneatur, peccatum potius esse. Quo enim pacto aliter damnum ea sit? nisi quod nihil tam discrepans fieri potest, neque tam dissonum, & infociabile inter se, quam & mundana appetere, & Deum simul amare. Ergo nobis iam non dominabitur peccatum, qui sub hac gratia & non sub lege amplius sumus.

Quid igitur? peccabimus, quando non sumus sub lege, sed sub gratia? Absit. Nonne scitis, quod cui exhibetis vos ipsos seruos in obediendo serui estis, cui obeditis, siue peccati in mortem, siue obedientie in iustitiam? Gratia autem Deo, quod eratis serui peccati, obedistis autem ex corde, in quam traditi fuistis formam doctrinae, liberati autem à peccato, serui facti estis iustitie.

Hæc postulatio interrogantium si peccandum est, postquam sumus sub gratia, & non sub lege Iudeorum propria est non intelligentium, quantum seruitutis & mali sit in peccato ipso, præter effectum etiam illum peccati, qui est mors, quæ maxime in lege peccantibus proponebatur, quando in fide CHRIS T I nihil nobis à Deo tam sit expositum, atque promissum, quam ignoscencia, & venia, quam illi gratiam vnam appellari existimabant: quorum etiam imbecillitatem carnalis mentis paulo post declarat Apostolus. Illi ergo cum putarent non usque eo se necesse agere Deum interprete IESU Christo ut agebat lex, nunc poenam,

pœnam, ac non veniam peccato proponebat, atque iidem ipsi carnis explorare cupiditates, seruatis formulis quibusdam, iucundum & optabile esse ducerent, hoc ipsum quærunt, num peccati liberè, atque impunè iam possit, postquam à IESU CHRISTO venia non pœna peccatoribus est allata, quorum inscitiam refellit Paulus, humanas similitudines in medium proferens, quando ad altiora capienda consilia necdum erant idonei, Absit, inquit, quòd peccare liceat sub gratia constitutis. Qui enim liceat, cum gratia ea sit, quæ ad libertatem nos duxerit, & ad iustitiæ vitam, peccatum autem sub seruitutem iniquitatis & mortis nos redigat? siquidem cui nos exhibemus seruos, in obediendo eius serui efficiamur, quatenus ei obedientiam præstamus. Ita vt habeat is, cui obediendo seruimus, in nobis potestatem, per quam ad suam naturam & voluntatem nos pertrahat. Porro peccati natura mortis effectrix est: qui ergo seruiunt per obedientiam peccato in mortem, illi seruiunt, & sub eo moriuntur. At iustitia per gratiam dat vitam. Igitur si serui vnà esse non possumus, morti & vitæ, nec peccato item possumus esse simul & iustitiæ. Seruire etenim est agere ad alienæ voluntatis, naturæque præscriptum, quod idem est ac illi, cui obedias, seruum esse, siue peccato in mortem, siue obedientiæ in iustitiam: hoc est, siue peccato obedias, ista te seruitus ex vi, naturæque peccati ad mortem detrudit, siue obedientiæ pareas, istud parere obedientiæ deducit te ad iustitiam, cum qua semper vita coniuncta est. Ferme enim vtitur hoc vocabulo Paulus iustitiæ ad sensum etiam vitæ, quoniam vita cum illa ex fide iustitia constata ita est, vt non possint inter se distrahi, sed ipse in his verbis posterioribus suo more concisus, & subterlabens, obedientiam in iustitiam, sic strictim posuit pro obedientia erga Deum in fide CHRISTI, quæ nos deducit, & vocat ad iustitiam, consequenterque ad vitam. Hoc enim par pari quod referendum erat, vt quemadmodum dixerat peccati in mortem, sic diceret iustitiæ in vitam, totum concludit in ipso iustitiæ verbo, & reliquit nostris cogitationibus intelligendum. Sed gratia, inquit, Deo sit, quòd cum antè essetis serui peccati, obedistis ex corde fidei, & CHRISTO, hoc est, quod modò dixerat obedientiæ in iustitiam secundum formam doctrinæ, quæ vobis fuit tradita, id est secundum Evangelium, eiusque doctrinam, ex quo liberi facti estis à peccato, & ad seruendum iustitiæ vocati: quo pacto ergo licitum sit peccare sub gratia, si hoc proprium in vobis est gratiæ donum, quòd vt mortem vitaretis, à peccato fuistis liberati, & subiecti facti iustitiæ, vt vitam obtineatis.

Humanum quid loquor ob imbecillitatem carnis vestrae,
quem. *quem.*

quemadmodum enim prabuistis membra vestra serua impuritati & iniquitati in iniquitatem, sic & nunc praebeate membra vestra serua iustitia in sanctificationem. Quando enim serui eratis peccati, liberi eratis iustitiae. Quem igitur fructum habebatis tunc in his, ex quibus nunc verecundamini? Finis enim illorum mors. Nunc autem liberati à peccato, & serui Dei estis, habetis fructum vestrum in sanctificationem, finem autem vitam aeternam. Pabulum enim peccati mors. Donum autem Dei, vita aeterna in CHRISTO Iesu Domino nostro.

HUMANVM quid loquitur, quoniam cum ex his, quae senserunt illi, expertique in seipsis sunt, velit eos nunc commonefacere, omittit tantisper sublimitatem mysterij mortis nostrae in CHRISTO, & cum eodem ad iustitiae vitam resurrectionis, illosque ex propriis ipsorum erratis, erratorumque doloribus, & poenitentis erudit, ut velint hanc multò potiore, quae in innocentia & sanctitate posita est, vitam constituere. Igitur hortatur eos, ut sicut ante acceptae fidei lumen praeberant membra sua serua impuritati, & iniquitati in iniquitatem, hoc est, prauo animi habitui, & voluntatis vicio, in quotidianas, & singulares iniquitatis actiones, sic nunc praebeant eadem serua iustitiae in sanctificationem, reducereque illos in memoriam eorum, quae antè perpetrare soliti erant, ex quibus pudore ipsi nunc afficerentur, tanquam illa per se turpia, & flagitiosa fuissent, quippe qui quo tempore seruiebant peccato penitusque erant illi dediti, nihil in se tunc iuris, neque imperij iustitiae esse permittebat, & ideo ab illa dicuntur fuisse liberi, quasi nihil cum iustitia rationis tunc contrahentes, neque vlla in re illi obtemperantes, & ne forrè quis interpelleret etiam in se, & ex se turpia illa fuerint, finem tamen illorum optabilem esse, quasi in his posita sit iucunda, & diuturna vita, hoc etiam excludit, inquiens finem illorum fuisse mortem, quod in omnem quidem patrem, id est, in omni genere mortis tam corporis, quam animae ita esse constat: fructum quoque illum prioris vitae inutilem & perniciosum ostendit. Nam cum ipsa illa, quae antea gerebant & sectabantur, erant ex se turpia, tum eadem approperabant, & praecipitabant mortem popularem hanc quidem, & communem omnibus, quae est corporis, animaeque diremptio, cui nihil cognatius est, quam cupiditatum, & libidinis dominatus, sed & illam animae praeterea exitiosiore, ac perpetuam, ut si maxime illa suauia, appetendaque existerent, quod nequaquam ita erat, morte tamen citò tollerentur: Ita omni ratione erant illis pudenda, & poenitenda, quod inhonesta, quod pestifera, quod incerta etiam, & cito inter-

itura essent. Nunc autem liberati à peccato, & serui facti Deo habent fructū in sanctificationem, & finem eius vitam æternam, quod optimè quadrat. Si enim ex peccato mors, ex sanctificatione profectō est vita, quæ quoniam sanctificatio procedit ex Deo secum deferens vitam, ex æterno utiq; Deo vitā quæq; æternam planè in nos traducit. Hoc etiam magis, cum donum ipsa Dei sit, ex illo totum dependens, non autem ex nobis originem ullam trahens, deceatq; dona donanti similia, & imprimis ipso digna existere, qui donat, quod quidem donū a Deo per Iesum CHRISTUM nos accepimus, & in CHRISTO Iesu illo perfruemur.

An ignoratis fratres, scientibus enim legem loquor, quoddā lex dominatur homini, quandiu viuit? Nupta enim mulier viuenti viro alligatur lege, si autem moriatur vir, soluta est à lege viri: sic igitur viuente viro adultera iudicabitur, si hæreat viro alteri: si verò moriatur vir, libera est à lege, vt non sit adultera, si hæreat viro alteri. Quare fratres mei & vos perempti estis legi per corpus Iesu Christi, quo hæreatis vos alteri ei, qui ex mortuis excitatus est, vt fructum feramus Deo.

R A T I O ista Apostoli tota intenta est ad cohortandos Iudeos, vt audacter descilcant à lege, & dicent se CHRISTO tanquam ipsi legi mortui sint, & lex ipsis. In illis enim fidei nouæ primordiis complures adhuc eorum citubabant, noscentes quidem vim, & veritatem mysteriorum Christi, sed in isto metu legis, in qua inuenerant, patresque suos & auos in eadem professos cultū Dei veri meminerant, in ancipites curas distrahebantur, vt non planè statim decernerent, quid sibi esset faciendum: hos sic hæsitantes, & ambiguos, nequaquam aspernantes fidem Christi, sed dubitantes tamen, impellit Apostolus, vt toto pectore Christum amplectantur eo, quoddā nullum amplius in eos imperium habeat lex, quippe cui ipsi mortui sunt, lex verò in eis tantum ius suum exerceat, qui in vita hac illi sunt subiecti, quod autem homine mortuo solvatur in eum imperium legis, exemplo ex ipsa lege sumpto planum facit. Est enim in lege positum, vt mulier viro nupta tota sit viri, nec alienum virum vllō modo expectet, quem si experierit, vt adultera puniatur: hoc ex lege vinculum viro mulierem obstringens, si vir moriatur, dissolutum statim est: nec ad alterum virum transiens mulier, iam est adultera amplius iudicanda. Atque hoc quod in parte quadam, & in vno præcepto legis perscriptum est, idem profectō valet in vniuersam legem, quæ siue ipsa antiquetur, siue illa qui tenentur, vita ipsi defuncti sint, solum est omne vinculum, neque amplius mortui qui iam sunt, legi ipsi subijciuntur, neque sanè refert quod est in

exemplo viri & mulieris positum, vtrius solutio & mors in eo cogitur, quando alterius vtriusque morte alter solutus est, & à vinculo legis quod ad matrimonij ius pertinet, per illius mortem liberatus, nosque cum morimur legi, lex etiam moritur nobis. Sed vt nostram hanc cum lege coniunctionem explane-
mus, ac nunc de nobis tanquam de Iudeis illis loquamur. Quem-
admodum si coniugio deuincti non sumus, nihil habet potesta-
tis in nos ea lex, quæ de coniugio est posita, & si publica non re-
dimimus, leges publicanorum non sunt nobis latae, nec quæ de
finibus regundis sunt, si agrum non possidemus, nec quæ de stil-
licidiis, si domicilio sumus priuati, sic in vniuersum eum tota
Moyssis lex regendis, & docendis hominibus lata sit, quo pacto
illis in hac vita, & in his terrenis mundanisque rebus, actioni-
bus, studiis, commerciisque sine offensione Dei versandum, a-
gendumque sit, si terrena ista omnia negligantur, & pro nihilo
pendantur, neque è corporeis, & carnalibus his curis quispiam
pendeat, iste legi profecto iam mortuus est, & lex ipsi, neuterque
cum altero quicquam amplius rei habet, nec rationis: sed qui fi-
dem Christi secuti sunt, & Christo sese totos, ac per Christum
Deo dediderunt, hisce omnibus mundi rebus & mundanis stu-
diis mortui sunt, quippe qui cuncta abiecere corporea, & repu-
diauere, solisque in cœlestibus spem suam collocauerunt, in hos
ergo imperium iam nullum, neque potestatem habet lex, solu-
tum enim est vel discissum vinculum potius corporis, & corpa-
reorum, quo antea legi tenebantur obstricti. Liberè ergo pos-
sunt sicut mulier priore viro orbata ad virum alterum, sic ipsi
per mortem Iesu Christi, in cuius omnes corpore, qui Christi
esse volumus, commortui cum illo sumus, à legis imperio liberi
effecti conferre se ad alterum eum ipsam videlicet, qui è mortuis
idecirco excitatus est, vt nos vnà cum illo quoque excitati fru-
ctum iam Deo, & non amplius legi feramus, vt seruitus deinceps
nostra in his sit, quæ sola Deo verè accepta, grataque sunt,
quæ à dedica illi voluntate, & spe eiusmet fruendi, possidendiq;
terrenis penitus abiectis studiis proficiscuntur, in quibus studij
terrenis lex imbecillitatis tantum nobis est carnisq; directrix.

*Quando enim eramus in carne, infectiones peccatorum quæ
per legem sunt, operabantur in membris nostris, vt fructum fer-
remus morti. Nunc autem soluti sumus à lege morientes in eo,
quo continebamur, vt seruiamus in nouitate spiritus, & non
retristate literæ.*

Quasi declarans, quid sit fructum ferre Deo, ostendit quid
antea erat ferre fructum morti, quando carnalem vitam seque-
bāmur,

bamur, inquit, hoc enim est quando eramus in carne, cum carnis desideria, & commoda magni aestimabamus, in quibus discriminandis, & regendis auctoritatem, & diligentiam omnem suam adhibet lex, tunc infectiones peccatorum, quæ per legem sunt, id est, illa intentio, multiplicatioque peccatorum, quæ per occasionem legis in nobis facta est, quandoquidem per legem & unumquodque peccatum maiore culpa committitur, & plura id unum peccata necessario post se sequuntur: istæ ergo infectiones, pullulationesque peccatorum operabantur in membris nostris, quod est, membra omnia nostra ad sibi succurrendum, inserviendumque aduocabant. In quo attentè inspicendum est volentibus intelligere, qua ratione lex ansam præbeat ad grauius, multipliciusque delinquendum. hoc in his paucissimis verbis ab Apostolo indicatum esse. Id porrò nos sic explicemus: Omne peccatum si nulla sit posita lex, licet peccatum sit, Deumque aut proximum dedecore, damnumque offendant, tamen si patretur, atque admittatur, neque conscientia morsus graues habebit, ut quod nulla lege reprehensum sit neque demonstratum, neque prohibitum, neque terroribus animum perturbabit, nulla illi peccato pœna in lege proposita, sed ipsum per se languens, & tacitum, atque ad fodiendas stimulis curarum mentes nostras in eterna terminabitur in sese, expletaque cupiditate, & libidine sua conquiescet, quod si accedat monitio, & doctrina alicuius grauis & auctoritatem habentis viri, qui demonstret & doceat, quam sit iniquum & turpe iniuriam proximo facere, idemque quod sit æquum & rectum commoneat: suadeat abstinere à talibus, hortetur ut in pudore, & in officio quisque permaneat: hac iam accepta cognitaque disciplina, si quis postea contra huiusmodi præcepta deliquerit, cum peccato grauiore deliquerit, quippe in quo præter facinoris culpam, quæ in facinore ipso sita est, contemptus etiam præcepti sanctioris fuerit additus, quod ipsum per se non leue est peccatum. Tum verò intus sentiet reprehensiones quasdam veluti rationis acrius ipsum obiurgantis, quod eam rem, quam prauam, & nefariam esse intelligeret, nihilominus suscepisset, neque bono in ea re consilio, sed inconsultæ potius cupiditati paruisset. Hæc intestina rationis reprehensio nata iam ex monitionibus illis, quæ doctrinam dederant, recti prauique internoscendi, & peccatum magis ut graue sit, & id magis etiam, ut intelligatur, facit: ut cum duplex quodammodo & geminatum peccatum ex simplici, atque vno sit factum, tum eius in anima infectio tanquam vibex, & verberatio quædam illa ipsa infideat conscientia obiurgatio, per quam peccatum ad nos intus perturbandos vegetius redditum est. Quod si præter doctrinam, & suasionem lex feratur, quæ pœnam peccato mortis, exi-

lij, ignominiaque proponat, nonne quot interdicta in lita sunt, tot sunt accessiones magnitudini, grauitatiq; totq; in anima ex peccato ipso oriuntur infectiones, non iam conscientia solum, sed assidui metus, sed infecta susp cum diurnis nocturnisque sollicitudinibus utgemur, cum pertimescimus, cum ut eam effugiamus, aut fraudem aliquam, aut vim etiam suscipimus, & medicamur, nec peccati admissi terrorem sine alio peccato excutere nos posse credimus. Atqui ista sunt pathemata, ut Paulus inquit, peccatorum membris nostris operantur, per quae peccatum nostris membris imperat, ut ad sibi succurrendum, & subueniendum omnia membra sint. Lingua inficiando crimina ad periculum vocatur, atque vultus simulationem suscipiunt, manus ad eundem peccatum, pedes expediuntur ad effugium, e corde omnia malitia euocantur. Atque hoc examen facinorum, & scelerum, & per legem in nobis coortum, totos nos corripit, & in salutem redigit peccati, ut perturbationibus intestinis omnia membra nostra deseruire cogantur. Quorum quidam facinorum multo maxima parte, si lex nulla exuisset, potuissent facile carere, horum nunc infectionibus vexati, atque offrufrificamus morti, quod enim amplius inuolumur in peccatum hoc ius morti maius in nosmetipsos tradimus. Atque haec peccati velut hydrae quondam multiplicatae ex vno capite multae numerosae & produxisse quodammodo videtur, & alui lex, & si legi hoc quidem non sua ipsius omnino culpa, & aliqua culpa ipsius accidit, quae non hydrae hanc tectum ad plurimos fetus educendos cupiditatem istam ipsam produxerunt ex animo, sed eam quidem cum reliquisset, transiit in aliusdam regere posse existimauit, ut non ultra quam periret, illa progrediretur. In quo & spe, & opinione ista lex praestitit. Quid enim dixerit quispiam, qui legem illam tulit, inopia consilij in hunc errorem lapsus est: minime ille verumque adeo labi potuit, sed cum ipse verbis, sententiisque legis, atque ipso sono, voceque literarum terrena, & corporalia proponisset, spiritualia sub illis, & diuina voluit intelligi, & intelligentia qui peruenissent, nucleumque iam inuentum sententiam mox abjicerent, neque in litera peccati, & mortis atrice, sed in spiritu viuificante ad Deum, & ad Dei iustitiam niterentur. Quod nos per fidem Christi verè facimus, qui in iugo legis, & literarum cupiditatis nostrae morte, hoc est Christi corpore peccati comortui, per quod corpus legi subijciebatur, & per illud in potestate legis tenebamur, ad excitatum a morte iam Christum sine prauaricationis nota confugientes, & in nouitate spiritus, cuius mysterium modò p

autem est, non amplius in vetustate literæ, quæ exauthorata, & dimissa iam obsolevit.

Quid igitur dicemus? lex peccatum est? absit, sed peccatum non cognoui, nisi per legem. Nam & cupiditatem non cognoscebam, nisi lex dixisset, Non concupisces. Occasionem autem capiens peccatum per præceptum peperit in me omnem cupiditatem. Absq; enim lege peccatum mortuum est. Ego verò vivebam absq; lege aliquando, adueniente autem præcepto peccatum requixit, & ego mortuus sum, & repertum mihi est præceptum, quod erat ad vitam, id esse ad mortem: peccatum enim occasionem capiens per præceptum decepit me, & per præceptum ipsum me peremit. Quamobrem lex quidē sancta, & præceptum sanctū, & iustum, & bonum. Quod igitur bonū mihi factum est mors & absit, sed peccatū ut appareat peccatum per bonum mihi parere mortem, ut fiat præter modū culpabile peccatum per præceptum.

Hoc est, ut ab ultimis verbis incipiamus interpretari, quoniam peccatum, quod per se si non incuserit, neq; ad supplicium vocetur, languidum, atq; iners minimè mentem atque animum meum conturbabat, aduentu legis acrius factum est, & ad inferendam mihi mortem valentius. Qua ratione manifestum fit, multiplicatum ex occasione præcepti & maius ac vehementius factum esse peccatum. Nam cū propositum Paulo sit omnibus modis elidere legem, quæ obicem, & offendiculum fidei CHRISTI opponebat, nec sinebat homines liberè, ac soluto animo ad Christum se conferre, & ante eius inutilitatem noua fide aduecta, superstitionemque declarauit, & nunc illud quoque ex ea damnum, detrimentumque monstrat, quod auctum est per eam potius, quàm diminutum peccatum, neque propterea tamen legem quis malam fuisse suscipiat, quippe quæ lata fuerit, ut remoueret peccatum, sed vitio peccantium ansam ipsa præbuit grauius asperiusque delinquendi. Nec verò video, cur tantoperè pertimescant in his verbis Pauli nonnulli sancti viri, ne arguere legem ipsi, atque eam tanquam effectricem peccati accusare videantur, non enim vim, sensumque Apostoli satis diligenter attendunt, qui quod taurè, & honestè de lege loquitur, auribus Iudæorum dat, ut ne reprehensione legis nuda, atq; aperta illi incendantur: quā verò rejicit illam, atq; condemnat, cordibus verè illorum id niritur insinuare. Nihil enim magis ab Apostolo spectatum est, quàm ut ab lege tanquam damno-
sa, inutiliq; Iudæi recedentes omne studiū pietatis in CHRISTO
vno constituent. Atque hoc nos de lege tota dicimus, noxiam

iam illam esse, & pestiferam, in CHRISTO credentibus suscipiatur, & quatenus porrecta in littera est a se feruetur, licet partes ex ea aliquot in moris nostri obsequi pergamus esse carnales, rectè translatae sint. Nam spiritus nobis, & in CHRISTO plena fide haerentibus in totum & superuacanea est lex. Non enim eadem in illa praecepta in Euangelio sunt, quando non ad eundem finem, non eadem spem utrobique sunt intenta. De quo in prioribus libris diximus. Verum eadem lex, si posthabito sono litterae ad id & mysterium verae in Deum fidei, posthabendis terrenis traducta sit, sanctam illam semper & a nobis colendamque esse praedicamus, quo uno illa modo ad finem suum transitus gradusque est, non ab eadem fide diuersa igitur lex ipsa peccatum est, inquit Paulus, sed indicatio stratioque peccati. Non enim nesciebam concupiscere, inquit, nisi lex dixisset, Non concupisces. Quod est in qua te concupiscendi a lege interdictum, nam vniuersam quae cupiditatem, alit potius, & fouet, quam abiecit lex, quae terrena bona, semper familias, & liberos, semper plures res coeli, ad vbertatem frugum hominibus proponit. Sed lex, quod iam alterius factum esset, id ab alio quopiam perfici. Nec rem inquit, nec uxorem concupisces aliter per hoc praeceptum, & interdictum legis occasionem peccatum amplificauit in me omnem concupiscentiam tuam pacto amplificauit? Quia ubi semel esset lapsa cupere errore, & incuria quadam, siue etiam malitia, quaedam ardentius, & pertinacius ad veritatem contendere sole quidem semel illa ad rapinam, & ad libidinem se proiecit, eorum deinde facinorum comitatu necesse habuit se corripere, ac praeter priorem illum contemptum legis, atque peccatorum quoque peccatorum, ut iam diximus, ingerere uam secum trahere, quibus lex occasionem praebuitur, quoniam absque lege peccatum mortuum est, inquit. Cuius? nonne & sine lege mortiferum antea peccatum enim uero, id enim & e paradiso Adae eieccio, & condempnatio Sodoma, & ipsa praecipue uindicta diluuij satis indicauerunt, ut ne de peccatis solum uoluntariis intelligamus, & malitia, & certo consilio proficiscuntur, illud ipsum peccatum quod ex patre primo Adam domesticum nobis, & naturae commune est, quod vel inuiti, vel ignorantes gerimus, ipsum inquam, peccatum nobis est ad mortem, per quod natus postolus ait, omnes filij irae sumus. Ita semper quod peccatum causa mortis, sed leni, tacitoque veneno siue tebatur, ut cum uoluptate quadam delaberemur ad

mortem autem utramque & corporis, & animæ, quoniam in utrumque inferendæ mortis peccato est potestas. At postquam aduenit lex, quæ & monstrauit, & prohibuit peccatum, poenamque illi insuper sanxit, tunc exorta sunt quamplurima ex peccato pathemata, quæ nos variis modis perturbarent, metus, fugæ, latebrarum conquisitiones, aliorum sollicitationes, fraudes, cædes, insidiæ, periuria, & omnis illa scelerum manus, quæ nocentem animum solita est comitari, instincta mœtoribus, angoribus, diurnis, nocturnisque solitudinibus, quæ cuncta arma sunt peccati, ad dominandum membris nostris, mortisq; specimen diu antè nobis, & illius vim, terroremque ostentantia, ad quam postremò mortem cum fuerit ventum, acerbior etiam illa multò, & tetriore excipimur, quam si ignari, quidnam esset peccatum, & nihil tale cogitantes ad eam sensim deuenissemus. Illo enim modo certè & quietiorem traduxissemus vitam, & fuissetus morti leniori addicti. Atqui tanta hæc acerbitas, multiplicatioque peccati occasionem, atque ansam ex lege accepit, ex lege autem Moysis, nequaquam enim de hoc dubitandum est, nec quod de lege alia loquatur Apostolus, existimandum. Sola enim ista lex veram notionem peccati afferebat. Cuius culpam, & crimen sola metiebatur ex ira, & offensione omnipotentis Dei, quod est vnum peccare verè, & scelus, culpamque suscipere. Quoniam absque lege peccatum mortuum est, inquit. Ego autem absque lege vivebam aliquando, quod intelligendum est de illa ætate, in quam ius legi adhuc nullum est, quod nec peccatum in illa, ut peccatum accipitur, & a poenis, sanctionibusque legis immunis eadem ætas est, & libera, cuiusmodi pueritia, & illa principia incuntis adolescentiæ sunt. idem enim est illa esse sine lege, & legem in ea ius non habere. Quod si ab vnius hominis statu, atque vita ad nationem totam Iudæorum, ratio similis transferenda est, id quod Apostolo est vsitatum, & frequens, ab Abraam vsque ad Moysen si populum Hebræum accipias quandiu egit, & vixit sine lege, tempus illi huius pueritiæ accommodes, quando in lege nondum eruditus, neque admonitus ex ea, quid cauendum esset, & quid sectandum, peccati vim in se nullam, neque ex eo molestiam animi sentiebat. Vivebam ergo sine lege aliquando, hoc est, securo & tranquillo animo eram, nullis intus ex peccato stimulis, morsibusque vrgebar, quippe qui peccatum non agnoscebam, fructumque hunc vitæ quietioris capiebam. At postquam aduenit præceptum, cœpitq; lex habere in me potestatem, reuixit peccatum, & ego mortuus sum. Tunc peccatum accepit vim, tunc ex agnitione ipsa, vitio tamen meo acrius & vehementius illud factum est, multisque se circum satellitibus instruxit, atque ego sum mortuus. exturbata enim

pace animi, atque angoribus, & timoribus multis introductis, criminibusque multiplicatis, atrox mihi imago mortis representata est, cepitque in me tanto ante mors vim, & ius suum exercere. Quod idem de cognitione peccati, & turbulenta propter hoc ipsum vita testatus est David, Quoniam, inquit, iniquitatem meam ego cognosco, & peccatum meum contra me est semper. Compertum est itaque præceptum legis, quod datum mihi erat ad vitam, quod ego si custodissem, vita eram habiturus, quam & ut adipiscerem, idcirco mihi fuerat traditum: id, inquam, præceptum compertum est fuisse mihi ad mortem, non ipsum quidem ex se, neque ex natura sua, sed meum vitium & peccatum, ex præcepto illo occasionem capiens decepit me, quibus enim armis utendum erat ad salutem, & quæ propter eam causam erant facta, ut ex illis ego vitam adipiscerem, ipsis illis armis peccatum me interemit. Nam præceptum quidem ad eam rem erat datum, ut tolleretur peccatum, atque ut excinderet, quod cum facere non potuisset, coegit illud increbescere, adiuncta enim resistendi contumacia, ac neglectu legis, ceterisque ad effugiendum poenam criminibus accersitis, & maius, & impotentius factum peccatum est. Proinde lex quidem sancta est, & præceptum sanctum, iustumque, & bonum, id est, sanctum ipsum quidem ex se, & bonum, & ad bonum finem pertendens, si materiem sibi commodam, & tractabilem offendisset. Sed quoniam rebellem, & contumacem reperit, non solum ordinem illi, & formam asserre non potuit, sed dedit causam quodam modo turbidius etiam, & deterius se habendi, sicut sæpenumero in cataplasmaris vsuuenit, quæ eruptionibus pituitæ in corpore imposita, cum non ad totam pituitam extenuandam vim habeant, sed illius imperum in aliqua parte corporis reprimere contentur, dant ferè causam, & motum pituitæ, ut asperius, & violentius se ejiciat. De quibus quidem cataplasmatibus, idem quod de præceptis legis dici potest bona esse illa, & salutaria, & commoda, sed ipsam tamen pituitam occasionem ex illis interimendi hominis cepisse, eam similitudine bona lex, & iusta, sanctumque præceptum, sed quia non vniuersam in animo cupiditatem excidit, aliquasque eius partes duntaxat, extinguere est conata, idcirco & commouit magis, exasperauitque cupiditatem, & occasionem illi artulit animæ maturius, acerbiusque interimendæ. Hoc sensu in Euangelio Dominus, Si non venissem, inquit, peccatum non habuissent. Quid ergo, aduentus Domini causa illis fuit peccati? Minimè per se quidem, ipse enim venerat, ut eos ab omni peccato eriperet, sed ipsorum neglectus, & contumacia, & aspernatio noscenda, amplectendæque veritatis grauius in illis peccatū ex aduentu CHRIS TI constituit. Ita non id quod bonū est, sit

eniquam mors, sed peccatum potius est, quod id bonum ad detrimentum, perniciemque conuertit, quandoquidem ipsum peccatum contra bonum stando, idque reiiciendo, & conculcando fit longe grauius, & culpabilius peccatum, quam si nullum ex aduerso bonum habuisset, contra quod tenderet, & ex cuius contentione irritatum ipsum alperius fieret.

Scimus enim quod lex spiritalis est. Ego vero carnis sum, venditus sub peccatum. nam quod operor, non cognosco. Non enim quod volo, id ago: sed quod odi, id facio. Quod si quod nolo, id facio, consensio legi, quod bona. Nunc autem non amplius ego id operor, sed quod habitat in me peccatum. Scio enim quod non habitat in me, hoc est, in carne mea, bonum. Nam velle adest mihi, facere autem honestum non reperio. Non enim quod volo, facio bonum: sed quod nolo malum id facio. Si vero, quod ego nolo, hoc facio, non iam ego id operor, sed id, quod in me habitat, peccatum.

POSTEA QUAM dixerat peccatum ex interdicto, & prohibitione legis aniam sibi acquisiuisse, per quam ipsum grauius & deterius fieret, quaestioni tacite nunc occurrit. Potuit enim occurrere aliquis, & dicere: Cur ergo peccatur in id, quod lex prohibet, aut si omnino fuerat peccandum, quid ita data lex est, quae auctura esset peccatum, & multiplicius id effectura? difficilia sane quaestio. Itaque respondet Apostolus, duasque nostri partes esse ostendit, quarum partium alteri, & probata & accepta lex sit, altera pars sit legi, & patti illi, quae cum lege facit, contumax & aduersaria. Quarum duarum partium inter se contentionem, atque pugnam exponere conatur, hominem illum exprimens, qui ante aduentum gratiae Dei, & CHRISTI, in lege Moysis fuit, is enim maxime his certaminibus & praelijs carnis aduersus mentem erat expositus. Nec sane in hoc loco legi naturae locus est, habebat illa quidem in se simulacra quaedam certaminum huiusmodi, potius quam certamina, sed veluti quae nihil ad Deum penitus referebat: ad coitionem vero quandam hominum retinendam, & conseruandam studia sua dirigebat, & quicquid non esset contra societatem communem, liberum hominibus & permissum relinquebat, admittebatque libidines, nec illa vitae oblectamenta, quae fraudi modo, & detrimento proximo non essent ab se, & ab quotidiano cultu, victuque suo reiiciebat, non est ad verum, & proprium legis nomen illa lex naturae applicanda, atque aptanda. Quapropter de lege Moysis oratio tota est. Quam quidem scimus legem, inquit, quod spiritalis est, id est, ei parti hominis edicta, & lata, quae ex mente ratione quo

consistit. Sic enim spirituale hoc loco, ut cupiditati, & sensui, quæ magis corporeæ sunt affectiones, opponitur, intelligendum est, qualis interior homo est, qui non videtur, nec tangitur, quod est proprium spiritus, ut distinguitur ab homine externo & corporeo qui iam sensationi, & oculis subiectus est. Porro autem mens, & ratio spiritualis pars hominis, quæ sensum omnem corporis effugit, verius, & dignius ipsa est homo, quam aut caro, aut qui in carne affectus sedem, & locum obtinent, cui ipsi parti potissimæ, & principi lex est præcipue lata, quæ instrueret mentem, atque erudiret genere illo scientiæ, per quod prauum illa à recto, bonum à malo, quodq; Deo gratum esset ab eo, quod ingratiū sciret, possetq; distinguere, & cum illud persequi, quod probari Deo intelligeret, tum id vitare, quod esse illi odiosum, aduersariumque arbitraretur. Spiritualis est igitur lex, quoniam huic parti lata est, quæ est longe aliena, & dissentiens à corpore, tum natura, tum etiam studiis ferè & voluntatibus, per quam partem postea etiam in sensus affectionesq; corporis dimanare legis vis & præceptum bene agendi, recteq; concupiscendi possit. Sed ut nequaquam fuit difficile vinci à lege rationem & subijci, ita illud difficilimum per rationem, & per legem, temeritatem carnis contundi, & comprimi. Obstat enim semper hic corporeus homo rationali homini, neq; illi dicto patitur audiens esse, & cum in vnam partem ab illo discedere iussus est, in aliam, & diuersam nequiter ipse contendit, quod cum facit, non ille menti eripit concordiam, & consensionem conueniendi cum lege, sed in seipso illius vim, & facultatem irritam facit, ut corporeo homini nequeat lex dominari, eo quod is & legi, & rationi contumax sit. Hunc utrunq; hominem in semetipso exprimens Apostolus, tanquam uterque loquitur, & nunc se in parte carnis, nunc in spiritus ponit, Nouimus, inquit, quod lex spiritualis est, hoc est menti, & rationi lata, & in ea imperium obtinens. Sed ego homo carneus sum, venditus sub peccatum, mancipium factus peccati, cui caro ipsa me vendidit. Illa enim tantummodo id cogitans, quo pacto posset explere cupiditates suas, reliqui hominis in me rationem nullam duxit, sed voluptatis pretio empta dedit peccato me possidendum. Itaque quod facio, non cognosco, cum ego seruo peccato, non id agnosco meum, non mei illud iudicij, non liberæ voluntatis est, non enim, quod volo, id ago, sed quod odi, id facio. Ita in utroque est vis, cum neque quod volo, id agere mihi permissum est, & ad id, quod odi, faciendum detrudor. Sed in hac tamen dissensione apparet, si id quod ago, non agere magis vellem, quod ego interior homo videlicet, & ex ea parte qua spiritualis sum consensio legi, & eam approbo, atque adscisco, tanquam bonam: quod si contra eam ipsam ago, non iam is ego sum interior homo, qui le-

gem

gem frangam, sed est peccatum illud, quod habitat in me. Peccatum quod habitat, inquit, cuius & fomes natura nobis insitus est, seminarium cupiditatum, & seditionum omnium, quod nequaquam à nobis auellere possumus, & ipsa deinde frequentatio, confirmatioque peccati, quæ peccandi consuetudine in habitum moris adducitur, etiam contra legem est, & contra mentis rationem valentior. Atque illa quidem naturalis carnei hominis ad peccatum propensio præceptum illud legis aspernatur, quod est, non concupisces. Habitus vero ipse peccandi, reliqua præterea omnia constituta legis, atque mandata confundit, & dissipat. quod cum innita, & reluctante ratione fit, quod accidit ferme in ijs, qui scientia instructi ad cognitionem boni, malique sunt, ut non prorsus ruant, neque ad delinquendum proiciant se, sed vi tacita quadam sensim eò pertrahantur, tunc est rationis & voluntatis cum habitante in carneo homine, peccato dissidium, ut voluntas quidem legem amplectatur, illique hæerere cupiat, peccatum autem & legi, & voluntati vim afferat. Non enim, inquit, in me, hoc est, in carne mea, habitat bonum. Nam si habitaret, cum ego bonum velim, agerem id etiam. Quid ita autem non ago? Quia cum id cupio agere, non inuenio viam, quæ me eò deducat, quod & vi alia quadam distrahor, & lumini mentis meæ quasdam intus tenebras offundi sentio, cum illa vaporibus, fumisque cupiditatum turbata, atque aberrans, neque consilium pristinum firmum, neque rectam semitam amplius tenere scit.

Reperio igitur legem volenti mihi facere bonum, quod mihi malum appositum est, condelector enim legi Dei, secundum internum hominem: verum aspicio aliam legem in membris meis, repugnantem legi mentis meæ, & captiuum me dedentem legi peccati, quæ est in membris meis. Miser ego homo, quis me liberabit à corpore mortis huius? Gratias ago Deo per Iesum Christum, D. N. Igitur idem ego mente quidem seruo legi Dei, carne autem legi peccati.

PER GIT eundem statum demonstrare Iudæi hominis ex lege vitam agentis, in quo ista pugna mentis, & carnis assidua est, neque villo pacto potest ad concordiam conuerti, quod in illa lege accidit, quia & si spiritum ac rationem lex instruebat: carni tamen bonam, & magnam partem relinquebat. Nam & diuitias magnificari permittebat, & connubia etiam plura non interdicebat, eaque à Domino Deo peti suadebat, quæ essent carni, corporique accommodata, atque apta, ut pluuias, ut fertilitates, ut terræ fructus, ut familiarum, & armentorum sobolem, ac denique videbatur lex ita Deum Hebræis proponere colendum,

Cccc s! non

non ut eum ipsius causa hi venerarentur, sed ut ad sua terrena op-
 rata consequenda illius maiestate, & numine abuterentur. Et si
 non hoc vitium omnino erat legis, sed error eorum, qui legem
 tantum ex verbis, & literis attendebant; eveniebat quidem illud
 necessario, ut permissio semel cupiditati regno, regi postea cupi-
 ditas, ac sustineri, uti voluisset lex minus facile posset. Reperio igitur,
 inquit, legem, quod volenti mihi agere bonum, malum ad-
 iunctum est, hunc, inquit, effectum in me legis, hanc doctrinam
 sentio, quod scio iam discernere, & distinguere in memetipso ali-
 ud esse mei, quod assentiatur legi, aliud, quod repugnet. Quod si
 non esset lex, nequaquam ego id animadvertissem, sed totus in-
 clinassent ad cupiditatis nutum. Nam recti quidem, & honesti,
 quatenus cum Deo, & ex Deo ratio illius ducenda est, incogitans
 fuisset. Distinguo itaque in memetipso, ex doctrina legis, & docen-
 te me lege, quod Dei lege delector secundum internum hominem
 rationalem, spiritualemque, videlicet, secundum autem externum &
 carneum, repugno legi mentis meae, quae eadem est, & Dei lex,
 quando ipsi quidem legi Dei, mea mens assentitur, & annuit: ho-
 mo autem in me carneus, captivum me redigit sub peccato. Nam
 quod hoc legis vocabulo, & in membris, & in peccato abusus est,
 nequaquam id est proprie dictum. Sed ut solemus dicere Mam-
 monam dominum, ac ventrem Deum, non quod aut dominus il-
 le, aut hic Deus: sed quia sunt, qui illis sese nimium subijciant ser-
 vos, sic legem membrorum, & peccati, non quia ista lex, ut quae
 est contraria omnium legum potius sit perturbatio, sed quod a mul-
 tis peccato & carni nimium inserviat. Ex lege itaque hoc didici,
 inquit, ut discernerem, & nossem, cum cupio facere bonum, ma-
 lum mihi adiacens, & appositum esse, quod iam ante alijs verbis
 dixerat, per legem scilicet esse cognitionem peccati. iam cogno-
 sco peccatum. Video pugnam, intelligo quid intersit, sed quis est
 tamen, qui me ex hac eruat, & liberet seditione, atque pugna? Quis
 est, qui huic corpori mortis, & carni peccati, hoc est, his corporis
 & carnis meae incolis peccato, ac morti silentium, pacemque im-
 ponat? Et statim tanquam hic innuens, quod paulo post apertius
 est dicturus, non esse hanc opem a lege expectandam, quoniam ea
 huius ferendi auxilij facultatem nullam habeat, & ad eum se con-
 vertens, qui solus potest iuvare, Gratias, inquit, ago Deo per Ie-
 sum Christum, D. N. Irenim hic liberat Deus, neque per legem
 tamen, sed per Iesum Christum. Nam ego quidem ut Iudaeus in
 lege spem reponens unus, atque idem cum sim, mente quidem ser-
 vus legi Dei, carne autem inservio legi peccati, ut autem per Ie-
 sum Deo servio, ne carne quidem subijctor sum peccato, & ab
 hac molestissima rixa, assiduaque contentione iam ereptus, quod
 in verbis sequentibus latius declarat.

Nulla igitur nunc condemnatio his, qui in Christo Iesu, non secundum carnem ambulant, sed secundum spiritum. Nam lex spiritus vite in Christo Iesu liberauit me à lege peccati & mortis. Quod enim impossibile erat in lege, & in quo illa impotens erat propter carnem, Deus suum ipsum filium mittens in similitudine carnis peccati, & ob peccatum condemnauit peccatum in carne, ut correctio legis impleretur in nobis, qui non secundum carnem ambulamus, sed secundum spiritum.

Hic IULIUS, Ad eum locum in Paulo venimus iam, inquit, qui & fuit antea semper, & futurus erat inexplicabilis, nisi summum fidei nostræ mysterium hesterno die nobis Deus indicasset. Nam per Deum ipsum immortalem, quid aut verbis his pressius, aut sententijs absconditis potis est quisquam cogitare, aut proficere? cum si illud vnū duntaxat hic opponatur, differi hic quidem de illa carnis rixa, quam nobis natura agnatam, & pertrahentem nos sub dominatu peccati frangere, & superare non potuit lex, quod eam CHRISTVS à nobis remouit, atque abstulit. Nullam tamen hic dari rationem, nec causam, quamobrem, & quo pacto hoc ita fuerit factum, præsertim cum experiamur quotidie fere omnes, qui in CHRISTI etiam fide Deo subiecti sumus, carnem, carnisque peccata in nobis locum habere, si hoc vnū, ut dico, hic obijciatur, quærarurque cur non idem potuerit lex, quæ & cognitionem peccati tradidit, & vitari illud præcepit, & præterea præsentem quoque pœnam non obtemperanti apposuit, quod potuit CHRISTVS, qui sine lege, sine vi, sine præsentis terrore damnationis, atque mortis tantummodo pœnam & supplicium in illum extremum diem differens, carnis tamen peccatum dicitur interemisse, qui vere, & clare respondeat, & qui in his verbis Pauli exponendis digitum rectè queat progredi, profectò nemo reperiat, nisi si quis ad respondendum accedat illius cœlestis mysterij plena notione, intelligentiaq; instructus. Itaq; video æstus, laboresq; eorum, qui hunc locum interpretari conati sunt, tanquam in medijs fluctibus manus, pedesque agitantium, quò se aliquando eximere è tanto pœlago, & vindicare in aliquam terram possint: quorum tamen sedulitas nobis non est instructuosa. Fecerunt enim illi suo labore, atque cura, ut & leuior noster labor, & vehementius in nobis studium inquirendæ, ac noscendæ veritatis existeret, verum illi partim euersti ad prædicandam magnitudinē diuini beneficii, quod quidem iure, ac merito faciunt, dignasq; in eo Deo gratias, & debita laudum præconia tribuentes, illud, quod vnū maximè noster audire, & nosse expetit animus, quodq; vnū ad dissolucendas omnes

quæ

quaestiones aptum, appositumque est, quare hoc gratia magis ex Evangelio nobis contigerit, quam ex lege, tanquam compertum omnibus praetermittunt, quod ab omnibus maximè ignoratur. Partim quandam velut rationem reddere se credunt, quòd in lege nostro ipsorum arbitrio, & nostris duntaxat viribus relictis expertes in ea eramus eius gratia, quam nobis per CHRISTVM Deus communicavit, & contulit, quasi non huius ipsius ratio sit querenda, quid ita in lege expertes suae gratiae nos voluerit Deus. Ast ego tua hesterni diei disputatione edoctus, & quòd summum mihi fidei CHRISTI mysterium id planè demonstrasti, in quo praevit nobis CHRISTVS, & perspicuè viam patefecit, ut contemneremus, relinqueremusque mundanas cupiditates, atque ea, quae sensibus percipi, & corpore contrectari possunt in minimis haberemus, appeteremus autem magis, speraremusque coelestia quae nec cerni possunt, neque tangi: atq; horum spem potiundorum, in vno Deo totam constitueremus, cum & quae hanc vitae sectam, hocque Christianae propositum voluntatis praemia sequerentur, CHRISTVS ipse resurrectione ad immortalem iam vitam, & ascensione in coelum sua nobis ostendisset: cum hoc, inquam, verissimum, altissimumque CHRISTI mysterium patefactum mihi sit, facile iam ego possim rationem reddere, cur non potuerit lex: Fides autem in CHRISTO possit temeritates, & petulantias carnis in nobis cohibere. Et enim fini commutato, & alio inducto genere sanctioris, & verioris, ac flagrantioris etiam cupiditatis pristina illa carnis cupiditas deflexa ad mundum concidat, & intereat necesse est, ut etiam si interdum quasi de improviso capti, deprehensique in delinquendo labimur, ab illo tamen proposito delinquendi, & ab omni cogitatione in terrenis rebus infixis penitus abhorreamus, atque ita vel peccatum totum nobis, vel saltem animi servitus, per quam peccato is subiectus est, sit ablata, atque erepta: quod tamen contingere nemini potest, nisi cum CHRISTO in carne commoranti, & cum eodem a mortuis excitato, in eiusdem societate spiritus mox viventi. Illud tantum ex te quaero, quam obrem Paulus hoc fidei mysterium, quod CHRISTVS est, non ita aperte ubique exposuerit, ut omnibus esset in promptu, neu necesse nobis foret per tot mysticas, & arduas verborum, rerumque intelligentias in id scrutando & inuestigando petuenire. QVONIAM inquam, Iuli id ipsum, quod fecit CHRISTVS, idem illud Paulus in semetipso retulit, atque ostendit, qui mysterium fidei, & vita docuit, & factis, ipse enim terrena item, & mundana omnia contemnendo, & quo alijs esset usus, atque saluti providendo, at salutis suae & commodorum suorum rationem nullam ducendo; tum autem tendendo ad superna, atque coelestia, illorumque spem assequendo.

tum in

rum in Deo vno collocando, planius multo cognitu, illustriusque faciebat fidei mysterium, quam si illud lingua, & verbis tantummodo explanasset. Quanquam & satis, ut mihi quidem videtur, in ipsius epistolis, & scriptis non modo iacta huius doctrinae semina, sed etiam fruges lectissimæ, & optimæ eductæ sunt: ut in his ipsis verbis, quæ modo recitata sunt, aperte patet, & perspicue, ut cum se dicit spernere omnia, quæ cernuntur, tanquam mortalia, & quæ non cernuntur, appetere, quod ea sint sempiterna, vel cum ex oppressionibus spem confirmari fidelium testatur, vel cum gloriatur incommodis, quæ pro CHRISTO plurima perpessus est, vel cum in hanc sententiam sæpe loquitur, veritatem esse in CHRISTO, deponere nos veterem hominem corruptum, secundum cupiditates, & renouari spiritu mentis, induereque nouum hominem secundum Deum conditum in iustitia, & sanctitate veritatis. Ac si verum proferre volumus, totus potius Paulus mysterij est declaratio, quam ut in eius aliquot verbis debeamus quærere, venarique mysterium. Sed ut ad ea mi frater reuertamur, quæ ad intelligentiam horum Pauli verborum, quæ tu iure difficilima esse dixisti, apta, appositæque sunt: vides profectò ipse hoc, ut tu inquis, fidei mysterio edoctus, nullo modo potuisse legem, hæc carnis vitia comprimere, iubendo, aut vetando, quæ facillime comprimat fidei virtus. Cuius impotentia, & imbecillitatis in lege illa est ratio quod lex quamuis spiritualis sit, hoc est, eius nostræ partis causa lata, quam interiori in nobis hominem dicimus, is enim spiritus est corpori dissimilimus natura, atque substantia, atque ut ipsa nobis indicaret, atque ostenderet, in quo esset error, & culpa, & peccatum, idque ut discerneremus, ac vitaremus, instrueret: tamen non usque ed fuit spiritualis, ut nos totos ad ea euocaret, quæ cognata, & propria sunt spiritus. Sed cum in carnalibus, & terrenis nos versari permitteret, spiritum, hoc est, rationem, mentemque nostram veluti ministram subiecit corpori, & carni ut in illius tantum affectionibus, motibusque dirigendis, & gubernandis esset occupata, ipsa autem ex sese nihil sibi cœleste, neque diuinum proponeret, ad quod solum contenderet, & in quo summam constitueret beatitudinis suæ. Itaque quemadmodum auriga, qui frænandis & cohibendis equis appositus est, aut gubernator, qui naui inter fluctus dirigendæ præest, nullam vnquam artem tan exquisitam, tam certam potuit reperire, qua fretus, non solum grauis tempestatum talis, sed etiam quotidiana omnium horarum pericula vitaturum se confideret, sic illi Mosaicæ contigit legi, ut dum sancto illa quidem, sed tamen terreno, humilique consilio aliorum peccatis obuiam ire vult, efficeretur ipsa magis occasio peccati, quando ad carnis vitia, atque culpas, quas tollere illa non potuit,

fuit, accessit etiam prauaricatio. Nil igitur mirum, si nequirit
 lex hominem carnalibus studijs deditum, frænare, & coercere. At
 fides CHRIS T I, quæ hominem totum excitauit à terra, & à
 mortalibus, interiturisq; bonis curandis, atque expetendis, ad
 cœlestia, & immortalia desideranda bona transulit. Vtq; hor-
 rum terrestrium sordes, ignobilitatemq; contemnens, illorum
 diuinorum præstantiam, nobilitatemq; adamaret, doctore
 Christo, persuasit, atque impulit. Quid mirum, si ea nullum pec-
 cato, & carni reliquit locum, quò illud in carne considerare, & do-
 minuari aduersus spiritum, vitamq; posset? Atque cum de Iudæo-
 rum statu, & eorum, qui legem colebant, proximè dixisset Pau-
 lus, rixamq; in illis carnis atque mentis sua ipse in persona, ante
 oculos exposuisset, nunc ad vere Christiani hominis statum, &
 conditionem demonstrandam se confert, Nulla, inquit, his
 est condemnatio, qui sunt in CHRIS T O Iesu, qui non secun-
 dum carnem ambulant, sed secundum spiritum. Nam hi neque
 legi subiecti, vt qui mundo, & carni, & terrenis omnibus mortui
 sunt, nec ius in eos lex, nec potestatem vllam obtinet iudicandi,
 atq; damnandi, sub regnum enim spiritus, & vitæ in CHRIS T O
 IESV transeunt, quam nimirum vitam, neq; dare, aut dimittere
 nobis, neque item auferre potest lex. Non enim absoluihur, ne-
 que condemnatur per legem, quicumque in spiritu ambulamur.
 Nam lex spiritus vitæ in CHRIS T O IESV, inquit, legem hic
 non suo nomine appellans, sed vocabulo abutens, vt Mosaicæ le-
 gi par verbum legis in spiritu referat, quod est Apostolo vsitatum.
 Nam viuere spiritu totum amoris est, & voluntarium vniuersique:
 legis autem est iubere, & vetare, idq; agere pro imperio, & mi-
 nas quoque ac metum pœnæ adhibere. Lex ergo spiritus vitæ in
 CHRIS T O liberauit me à lege peccati, atque mortis, id est, il-
 la spiritus vita, qua ego post obitam mortem cum CHRIS T O,
 per quam mundo, & carni sui peremptus, cum eodem mox
 CHRIS T O ad vitam iustitiæ suscitatus sum, vt viuam posthac
 Deo & non mundo: ista inquam suscitatio, per CHRIS T VM
 mihi communicata ad spirituale iam degendam vitam, libe-
 rum me reddit à lege peccati, atque mortis. Iam enim in me neq;
 peccato potestas est, nec per peccatum morti, neque adeo ipsi
 quoque Mosaicæ legi, quæ est his vtriusque posita, & vt peccatum
 nobis demonstret, videlicet atque arguat, & vt peccato mortem
 pœnam, nisi cauerimus, irroget. ab ipsa enim tota lege per hanc
 iustitiæ vitam iam sum liberatus. Sicut enim CHRIS T I mor-
 tem in carne illi obitam, ego in voluntate meâ, & in proposito
 animi imitator, quod carnem meam vnâ cum illius mortuâ pec-
 cato volo, sic & eiusdem resurrectionem imitatione assequor,
 cum ad spirituale iustitiæ vitam cum eo ipso vnâ excitor, atque

confero. Quo in statu iam mihi consistenti neque peccatum, neque mors, & propterea neque lex potest dominari. Quod enim impossibile erat in lege, & in quo illa impotens erat, propter carnem, propter carnem, inquit, impotens erat lex liberare nos a peccato, quod exprimere non potuit clarius, quam imbecillitatem propter carnem legi attribuire. Quoniam enim lex carni suum regnum, & cupiditates suas terrenas relinquebat, illas autem ipsa regere bono more duntaxat, & metu eas poenæ ex Deo, atque item ex se moderari nitebatur, ad tollendum totum ex homine peccatum, nequaquam ea virium satis habere poterat. De quo vero misso filio suo, in similitudine carnis peccati, vera quidem in carne misit filium suum Deus, sed in hoc tantum simili carni nostræ, quod insitum, inhærensque peccatum sicuti habet nostra, illa **CHRISTI** caro non habebat. Integra enim erat, neque ex Adam producta, è quo nos qui processimus, infectam peccati vitio carnem cuncti retinemus. Ita similitudinem illa in hoc quidem humanæ carnis gerebat, ac non eandem omnino carnem, in cæteris vero nihil nostra à carne neque natura, neque infirmitate illa caro differebat. Nata enim erat & ipsa, atque facta ad externas accipiendas iniurias, vnamque in eo, atque eandem cum carne nostra rationem communicabat, ad inferendas autem, & faciendas nequaquam: ad quod nostra niri's quidem prompta, & propemodum præceps semper est caro, quæ non solum extra, verum etiam intrus obrectando rationi graues assidue pugnas, & quotidiana prælia nullo iure concitat. Misso igitur in similitudine carnis peccati filio suo, & ob peccatum misso, hoc enim est, quod in Græco est scriptum, καὶ περὶ ἀμαρτίας, non enim ab eruditis potest de peccato conuerti, sed aut ob peccatum, aut pro peccato, quod tamen utrunque intellectu idem est, sicque in scripturis hæc locutio solet accipi, vt in epistola ad Hebræos ἀπὸ ἀφίης τῶν ἀμαρτιῶν καὶ ἵνα προσφέρῃ περὶ ἀμαρτίας, id est, non amplius pro peccato sacrificium. Et paulo infra: καὶ ἵνα περὶ ἀμαρτιῶν ἀπολαύσῃ τὴν δικαίαν. Et rursus: ὡς ἀποφύγει τὸ ζῆλον τοῦ σώματος περὶ ἀμαρτίας. Et apud LXX. in Esaia: τὸ δῶναι ὑμῶν ἀμαρτίας ἢ ψυχὴν ἡμῶν, ὅψεται πένθος μεγάλον: hoc est, Si datur pro peccato anima nostra. Itaque misso filio suo in similitudine carnis peccati, & pro peccato, aut ob peccatum misso, hoc est, quia peccatum erat, quia pollebat, dominabaturque peccatum, ita & missionem filij ab Deo, & modum quo modo missus, quod in carne simili huic peccatrici carni in mundum est destinatus, & causam, cur eum Deus miserit. misit enim ob peccatum, vt obuiam iret, prouideretque peccato, ne id omnia ad sese traheret, atque conuerteret, ac effectum quoque illius missionis ostendit, quod in carne sua simili carni peccati

condemnavit peccatum in carne. Illud enim peccatum, quod propter carnem irritam vim legis in nobis faciebat, nosque sanctis monitis eius, obtemperare non sinebat, illud, inquam, peccatum suscepta carne nostra, & cruci mortique addicta in carne ipse peremit, quatenus nos extinctis in carne nostra cupiditatibus deceptionis, totos ad cupiditates transtulit veritatis, ut correctio, inquit, legis impleatur in nobis. Nam & sic necesse est verbum Græcum, *διόσωμα* correctionem verti. Non enim intendebat lex nos sic dirigere, ut omisis omnibus mundanis cupiditatibus, cœlestis tantum curas, cupiditatesque, sectaremur: hoc enim non legis, sed fidei CHRISTI est proprium, nisi & ipsa lex in sensum fidei spiritualiter accipiat. Sed intendebat lex nobis in mundo, carneque versantibus, modum tamen quendam cupiditatibus, & ordinem adhibere, in quo opinione sua longe decepta fuit. Itaque hunc errorem legis, hanc diminutionem illius, tum authoritatis, tum consilij correxit in nobis fides, quæ rotos nos ex ipsa carne eiecit, atque extrulit, ut exemplo CHRISTI, & divina illius doctrinæ documento instructi in spiritu iam deinde, non in carne amplius ambularemus. De quo ad Galatas hanc distinctionem legis, & CHRISTI, Iudæi, & fidelis, ac utriusque statum breuiter ostendit. Spiritu ambulate, inquit, & cupiditatem carnis non explebitis. Atque hoc Christianum est, mox alterum, quod sequitur iam Iudaicum. Nam caro, inquit, concupiscit aduersus spiritum, spiritus aduersus carnem, opponunturque inter se, ut ne quæ velitis, ea faciatis. Videsne quod pluribus verbis paulo ante disputauit, certamen, & rixam in homine ex lege dirigente terrenas cupiditates ante oculos exponens, idem paucioribus ad Galatas verbis ab eo esse expressum? Atque ideo etiam ibidem adiecit, Quod si spiritu agimini, non estis sub legem. euaferunt enim ex lege, & imperio legis, qui dimissis carnalibus, in quibus maximè elaborat lex, ad spiritum se, & ad spirituales vitam contulerunt.

Qui enim secundum carnem sunt, ea quæ sunt carnis student: qui autem secundum spiritum, ea, quæ sunt spiritus. Nam studium carnis, mors est: studium autem spiritus, vita, atque pax. Ideo studium carnis inimicitia est in Deum. Legi enim Dei illud non subiicitur, neque adeo potest. Qui autem in carne sunt, Deo placere non possunt. Vos autem non estis in carne, sed in spiritu, si quidem spiritus Dei habitat in vobis. Si quis autem spiritum CHRISTI non habet, hic non est eius. Si vero Christus in vobis, corpus quidem mortuum est ad peccatum: spiritus autem vita, ad iustitiam.

PERGIT in eodem Apostolus insistere argumento, ut qui in spiritu sunt, & qui in carne, distinguat, & utrorumque fructum, finemque demonstret: Qui secundum carnem sunt, inquit, qui vias carnis insunt, illi ea meditantur, quæ sunt carnis, caro porrò in terram est conuersa, & prona, ergo eorum meditatio tota terrena est. Qui vero in spiritu sunt, qui ad naturam spiritus se referunt, quæ nequaquam corporea, neque sensibilis est, illi ea meditantur, quæ sunt spiritus: spiritus autem in sublime se effert, amat, & appetit cognationem suam, quæ cœlestis, & immortalis, & nuda omni corpore est: ergo horum meditatio in cœlo & Deo fixa est. Ita meditatio carnis mors est. Cum enim caro tendat & inclinēt ad ea appetenda, quæ caduca sunt, & diu stare non possunt, eaque ut cognata, & familiaria diligit, & ipsa necessario cum meditatione sua, & item illa, ab ea quæ appetuntur corruptibilia sunt, & fini, mortique addicta atque nata. Meditatio autem spiritus, quæ in cœlestibus versatur, vita est, & pax. Nam & in his hæret, quæ immortalia sunt, tanquam cognatis, in quibus & ipsa perpetuò uiuit, & pacis fructu potitur, quòd neque morsus ullos conscientiæ sentit, qui lætitiā animi, quod in voluptatibus carnis contingit, intus illi faciant amariorem, & cum summo bono ipso, nimirum Deo, pace & concordia semper iuncta est. Nihil enim vult, quod non ex ipso, & per ipsum, vel potius, quod non ipse Deus sit. Atque ideo meditatio carnis inimicitia est in DEVM: auertit enim ab eo, & ad contrarias partes reuocat, atque diuellit, quod est proprium inimicorum & eorum, qui cupiunt obesse. Contraria porrò sunt terrena cœlestibus, infima summis, inquinata mundis, caduca immortalibus. Quarum quidem deteriorum cura, & meditatio, quæ carni suæ, & peculiaris est, nec vnquam subiecta est legi Dei, neque vero etiam potest subijci, ex aduersario enim genere, & penitus alieno tota conflata est. Itaque qui in ea ipsa carnis voluntate consistunt, nequeunt Deo placere, quandoquidem hi se ad insensas Deo, & inimicas potius dant partes. Sed quod ait legi Dei non posse subijci meditationem carnis, cum de lege Moysis intelligendum est, quæ in hoc præcipuo vno opere occupata, ut carnem sibi subigeret, nunquam tamen potuit illius feram, indomitamque naturam ad mansuetudinem, modestiamque redigere: tum etiam legem Dei, ipsum illum spirituales viuendi modum, ordinemque describit, à quo etiam magis caro remota est. Vos autem estis non in carne, sed in spiritu, si quidem spiritus Dei habitat in vobis. In illis dicitur spiritus Dei habitare, quorum spiritus cum Deo, & Dei spiritu coniunctus amore fertur in Deum, ut idem velit cum Deo, & consentiēs illi sit. Spiritus enim ille Dei diuinus amor est. Porro qui huiusmodi sunt, nihil cum carne, carnisque desiderijs,

commercij, aut rationis habent, aut si habent, necesse est, ut tantum se distrahant a Deo, quantum studij, & amoris in carnis studiis conferunt. In quibus igitur habitat Dei spiritus, hi non sunt in carne iam illi quidem, sed in spiritu, qui hoc modo sponsor est nobis, & arrabo futurorum bonorum, & benevolentiae Dei summi erga nos, ut supra Paulus, & Ioannes alibi, quae dicit. In hoc scimus, quoniam Deus manet in nobis, quoniam de spiritu suo dedit nobis. Quod si quis spiritum CHRISTI non habet, hic non est eius. Nunc spiritum CHRISTI, paulo ante Dei, quoniam vnus, atque idem omnino spiritus est, & in eo tamen diuisa est erga nos operatio. Nam spiritum Dei magis agnosimus in resurrectione nostra ad iustitiam, & in fini ipso rerum diuinarum, & aeternarumque, quas petimus: CHRISTI autem spiritum, & in hoc, & item magis proprie in illo, quod carnem peccato mortuam continemus. Hac enim ex parte propria est actio in nobis spiritus CHRISTI, ex qua tamen ad illam alteram partem fit transitus, idcoque qui hunc CHRISTI spiritum non habet, is non est CHRISTI, & quod necesse praeter reactionem est, non est is Dei. Nō potest enim surgere ad vitam, & ad iustitiam qui nō prius obierit peccato carnis mortem. At qui nam est spiritus CHRISTI? & in quonam inest CHRISTVS in eo, inquit, cui corpus mortuum est propter peccatum, id est, vne peccet, mortuum est. Et ad hunc effectum non peccandi mortuum, & cui spiritus vita est propter iustitiam, quod est, qui vivit spiritualiter omni bonitati, atque virtuti, in eaque virtute Dei iustitiam, diuinamque bonitatem imitatione assequi conatur. Atque hic quoque in his verbis satis expressum est fidei CHRISTI mysterium, quanquam Apostolus compressit & suo more locutus est. Est igitur is CHRISTI, & in eo Christus est, qui corpus habet mortuum peccato, & spiritum viventem habet, non cuiuslibet curae, neque humanae cogitationi, sed assequendae, & imitandae iustitiae summi Dei, ad quam iustitiam cum resurrectione Christi is quoque consurrexit.

Si vero spiritus eius, qui excitauit IESVM è mortuis habitat in nobis, qui excitauit CHRISTVM è mortuis, vivificabit & mortalia corpora vestra per inhabitantem ipsius spiritum in vobis.

Hae accessio ad ea, quae ante dicta sunt à Paulo appositae est, ut quod de morte corporis, & de vita spiritus mentionem modo fecit, ne existimarent legentes totum esse quod in CHRISTI de a Deo nobis ostentatum sit, & propositum, quod immortales quidem spiritu, & anima futuri essemus, corpore autem mortui. Remouet statim dubitationem hanc, & futuram corporum resur-

rectionem ostendit, causamque, & rationem affert. Quod si spiritus Dei, is enim CHRISTVM Deus excitauit à mortuis, in nobis habitauerit, hoc est, si anima nostra proprium domicilium Dei fuerit, si nulla pars animæ distinet à Deo, neque in alienas curas, alienosue amores se deflexerit, se habebit omni sua cupiditate, & appetitione in summo Deo, sic enim illum in se inhabitantem continebit, cum nihil, quod non ex illo sit, spiritus noster cogitabit, aut appetet. Si igitur is Dei spiritus habitauerit in nobis, qui excitauit IESVM à mortuis, Deus is ille ipse mortalia quoque nostra corpora ad vitam excitabit per inhabitantem illum solum in nobis spiritum, qui non patietur corpora in perpetuum iacere, quando ipse Dei spiritus maiore nixu, atque vi in eorum vitamque tendit, quam ut queat in terra à corpore retineri & deprimi, ad eam autem vitam excitabit, quæ cum eodem semper Dei spiritu coherens sit futura. Nanque hæc propria futura est spiritus Dei in nostris corporibus excitatio, siquidem omnia passim humana corpora excitabuntur, neque in omnibus tamen fuerit inhabitans Dei spiritus. Verum illa corporum vulgaris excitatio immisione animæ in quodque corpus suæ faciendæ est, quæ cum per se vitam anima deferat, reuocata in corpus vitam statim suam cum illo communicabit. Sed quæ anima Deo ita coniuncta fuerit, ut spiritum suum aluerit, & conformauerit, spiritus omnipotentis Dei, seque ipsam Deo habitaculum præbuerit, illa in corpus rediens, non suam solum corpori, sed & illam spiritus Dei vitam insinuabit, atque inferet, quæ erit ipsi Deo similitudine, imitationeque propinqua. Non viuet enim modo illud corpus, sed & beate viuet, & Dei consuetudine perpetua, amicitiaque perfruatur, quod cæteris corporibus non continget, quæ fuerint animabus tantum suis absque Dei spiritu in vitam restituta, & reposita.

Quapropter fratres debitores sumus non carni, vt secundum carnem viuamus. Nam si secundum carnem viuatis, debetis mori: si autem spiritu actiones corporis perimitis, viuetis. Quotquot enim spiritu Dei ducuntur, hi sunt filii Dei. Non n. cepistis spiritum seruitutis, rursus in formidinem. Sed accepistis spiritum adoptionis, in quo clamamus abba pater. Ipse spiritus attestatur spiritui nostro, quod sumus filii Dei: si autem filii, & hæredes: hæredes quidem Dei, cohæredes autem Christi.

DEBITORES sumus, non carni, inquit, vt secundum illam viuamus, id est, nihil debemus carni, vt ad illius nutum viuere debeamus, nullo n. illa beneficio libi nos obstringit, sed inducit potius in fraudem, vt quæ interitum & mortem suis sectatoribus

offerat, debemus autem spiritui, à quo verò beneficio, summoque afficimur, quòd ab eo vitam, & immortalitatem obtinemus. Si-
 gitur volumus vivere, si nos delectat vita, huncq; vivendi fructum
 proprium, & perpetuum tenere cupimus, spiritu actiones corpo-
 ris perimamus, eas scilicet in quibus corpus spiritui repugnat. Has
 enim si interemerimus, cum hæ nobis mortem accersant & con-
 ciliant, mortem ipsam in nobis interemptam habebimus, exa-
 bitque, & eminebit spiritus vita, quæ illi semper comes, & cõjun-
 cta est, in hoc quidem seculo operatrix iustitiæ, in altero vero æ-
 ternæ beatitudinis assecutrix. Quicunq; enim, inquit, spiritu Dei
 aguntur, hi sunt filij Dei. Ecce immortalitatis & beatitudinis no-
 stræ rationem. Cum enim necesse sit, ut aut Dei spiritum habea-
 mus in nobis, aut spiritum mundi, si cum spiritu mundi confarû,
 & conspirantem spiritum nostrum habuerimus, filij mundi no-
 minabimur, & illi erimus tanquam filij patri subiecti, & obedien-
 tes, aut potius, ut domino serui parebimus, iniqua enim illius, in-
 iustaq; imperia & suscipimus, & exequemur, quod est, ut servi eni-
 rum tyranno, non ut parenti obedientium ministerium. Si vero
 spiritum nostrum cum Dei spiritu copulauerimus, patrem nobis
 vere noscemus esse Deum, etenim illius mandata, atq; imperia o-
 mnia nobis ad salutem, ad læticiam, ad vitam esse experiemur, i-
 psiusque indulgentiam erga nos intelligemus. Quæ Dei nobis-
 cum, ut patris cognatio ex fide CHRIS TI nobis peculiaris est.
 Nanque Iudæi, qui utrunque & Deum, & mundum adsciscebant;
 duosque sibi dominos confusa mente commiscebant, magis ta-
 men erant filij mundi, quam Dei. Etenim mundum quidem ama-
 bant ipsum, apperebantque eius bona, atque in illis fructum vi-
 tæ constituiebant: Dei autem metu & timore ad suas frandas
 cupiditates adducebantur. Ideo enim verebantur, & cauebant
 Deum lædere, ne ab eo terrena possessione priuarentur. Sed ta-
 men quoniam & ipsi spiritu Dei educi ex Egypto, & in solitudi-
 ne custoditi, & lege instructi sunt, ne de eis quoque intelligere-
 tur filios Dei, sicut nos sumus, item illos esse, quoniam & ipsi spi-
 ritu Dei quodammodo ducti sunt. Ideo subiunxit Apostolus, nos nō
 accepisse spiritum servitutis rursus in formidinem, sed accepisse
 spiritum adoptionis, in quo clamamus, Abba pater, qua eadem
 geminata paternæ appellationis voce, in Marco ad patrem vri-
 tur IESVS, & utrunque nomen patris est, alterum Syra, Hebræa-
 que, alterum Græca, & Latina lingua, ut Deum communem pa-
 trem omnibus esse ostendat. Ac nos quidem in quotidianis no-
 stris, ad Deum precibus primò statim effatu patrem illum inuoca-
 mus, ab ipso IESV CHRIS T O admoniti, & edocti. Sed & affe-
 ctus quidam animi est interior, qui Deum non solum nominat
 sibi, sed cognoscit etiam patrem. De quo etiam hesterno die non

pauca diximus, tamen hic quoque aliqua dicenda sunt, vt virtu-
 tem fidei nostræ, & beneficia Iesu CHRISTI sæpius nobis in me-
 moriam reducamus. Pater quidem ergo omnibus nobis Deus est,
 quatenus semen cognationis, cum illo in nobis obtinemus, quòd
 ad similitudinem ipsius fuimus creati. Sed & Adam pater est o-
 mnibus nobis, quòd naturam nostram, atq; substantiam hunc a-
 nimalem videlicet hominem totum ex illo hausimus. Est enim ita
 de eo scriptum. Et factus est primus homo Adam in animam vi-
 uentem. Homo igitur animalis, hoc est, qui anima, & vita tantum
 nititur, cuius omnia officia sunt ad eum finem, vt hanc vitam mor-
 talem custodiat, illius terreni hominis Ada, vt ipse ad Corinthios
 Paulus scribit, filius est, qui semen præstantioris suæ cognationis
 cum Deo, aut non attendens in semetipso, aut despiciens carni, &
 corpori sese ferendum totum dat, illisq; fouendis & explendis o-
 mnem diligentiam adhibet, qui huiusmodi homo morti omni-
 no addictus est, sic moriturus vt non vnquam amplius talis exur-
 gat. Sed in ipso homine post aduentum adultæ iam rationis, si di-
 uinum semen illud & cognatio cum Deo fuerit animaduersa, &
 cognita, statueritque, qui animaduernerit, Deum patrem reco-
 gnoscere, & in illo ipse suas ponere, tunc duplex illi via, & ratio
 proposita erit, vna in lege Moysis, altera in fide CHRISTI. Lex
 Moysis Deum sic patrem colentibus eum proponit, vt non ipsum
 tamen filijs, neque illius non visa, & sensibus non percepta bona,
 sed ea, quæ sentiuntur, & cernuntur ab eo opranda esse doceat,
 atque vt eorum adipiscendorum authorem sibi Deum velint esse,
 illos admonet, quem patria quadam indulgentia erga eos prædi-
 tum suscepturum illorum curam, tanquam filiorum patrem præ-
 dicat, & in promissam terram mel, & lac fluentem illos deductu-
 rum, pluuiasque illis tempestiuas, & fructus annuos producu-
 rum. Arque hic primus aditus est, atque ingressus adtribuendum
 Deo honorem, tanquam patri, propter quam causam in veteri
 scripturâ Iudæi filij Dei septennumero appellantur, & quidem ab i-
 pso imprimis Deo, vt cum ait: Ego dixi, dii estis, & filij altissimi om-
 nines. Vel cum, Ego filios genui, & exuli, & primogenitus meus
 Israel. Idem quoque Moyses ad populum arguens, & increpans,
 Deum qui te genuit, dereliquisti. Et Malachias: Deus vnus est, &
 pater omnium vestrum, quod in persona Dei Hieremias: Patrem
 vocabis me, inquit. Vel cum dominus dicit de stirpe Dauid: Ego
 ero illi in patrem, & ipse mihi in filium. Iudæi quoque CHRISTO
 de semetipsis: Nos vnum patrem habemus Deum. Ex quibus o-
 mnibus manifestum fit, eos filios Dei iam rite nominari, qui
 Deum vnum authorem suum agnoscunt, & venerantur. Sed vt
 contingit in pueris, qui etsi parentes suos nouere, illisque blandi-
 & habere honorem didicerunt: non id tamen agunt parentum

causa, neque quoddam illorum voluntati penitus velint esse obtemperantes: sed ut per cultus illos, ac blanditias aliquid earum rerum a parentibus consequantur: quas aetas illa concupiscit, propter quam causam etiam metu, & minis coercendi sunt, ne affectionibus illis inducti, in prava fortasse studia incidant, & malis moribus imbuantur: Sic accidit Iudæis, ut illum spiritum Dei, quem ad Deum unum colendum, cognoscendumque acceperant non in amore acciperent, sed in metu, & formidine, ideoque spiritum cum servitutis appellat Paulus. Amare enim vere non poterant Deum, quem idcirco amare praeferrebant, ut ea, quae magis amabant, aliena a Deo, atque diversa, per eum consequerentur, & in illis ipsis expetendis ac potiundis, quae amabant, ne gravius ruerent, proximumque saepe allicerent, poenis erant propositis, minisque coercendi. Filij ergo illi Dei, sed tanquam pueri effugiem solum Dei inchoatam, ac rudem in seipsis deferentes, qui si postquam viri facti essent, & animo, & studiis patrem voluissent imitari, atque illi penitus se conformare, & tradere, neque extra eum aliorum hereditatem bonorum ex alijs parentibus constituissent quaerere, verum & integrum nomen filiorum fuissent meriti. Non enim puerili affectu quodam, sed stabili, gratique iudicio Deum patrem percoluissent. Et quoniam ad hanc spem, huncque finem alebantur de principio ab ipso Deo, atque instituebantur, statim a primo filij vocari coepti sunt. Atque ideo Paulus conditionem nostram illorum conditione sciungens ait nos non ita accepisse spiritum Dei, ut is nobis veluti servis ad timorem, formidinemque sit, quemadmodum quidem Iudæis fuit, sed ita accepisse, ut ingenui, & liberi in filios Dei adoptati paternae unae nomen necessitudinis, & amorem, ac sanctitatem eam, quae ei nomini debeatur, susceperimus, atque ut in his adoptionibus quae inter homines legib. sunt, qui ex vno genere adoptatur, in aliud genus emancipatus a priore patre in alterius transit potestatem, nomenque novum fert, & mores, gentem sacraque commutat, sitque totus eius patris, cui se dedit adoptandus, & ex eo iam dependet, bonorumque illius expectat hereditatem: sic nos dimisso patre mundo, genus Adae reiicientes, renuimus esse animales, illamque corporeorum, & terrenorum bonorum hereditatem, quae ab genere illo nobis veniebat, repudiamus, & abijcimus, solaque ea bona expectamus, quae ex Deo, & a Deo promissa nobis sunt. Ita in novam familiam, novum nomen, novae, & aeternae hereditatis spem transducti, ubi non amplius terreni, sed caelestes, non in patrimonio corruptibili, sed in nunquam interituris bonis, spe, & desiderio, infixi sumus, tum vero Deum nobis appellamus patrem, tum optimorum filiorum charitate, & studio erga illum accensi fructus eos pietatis nostrae iam in hac vita capere incipimus, qui tali parente digni sunt. Nam hoc pe-

num amore, & spiritu altiores efficiamur, & è communibus istis humanis studiis & appetitionibus in cœlum longè eminemus, pacarique & beati nihil intra nos sentientes, quod intestinæ illi lætitiæ officiat, hæremus contenti in ipso compl. xu omnipotentis Dei. Ille verò in suo sancto Spiritu nobiscum semper est, & sese nobis demonstrat, regnumque cœli in animis repræsentat nostris. Quod ipsemet in Luca testatus Dominus est, iam intra nos & in hac vita esse, in qua quidem status nostri beatitudine, in quo animi gaudio conuersi ad Deum creatorem nostrum, & patriam illius indulgentiam erga nos, veritatemque eius bonorum, ac admirabilem fructum illorum, in nobis intelligentes, clamamus, amoris voce, atq; cordis, O pater, pater, ô verè patrium erga nos animum, atque amorem gerens. Et quidnam est præterea, quod ab optimo patre & eodem patre omnipotente aut sperare ampliùs, aut verò etiam oprare debeamus. Ergo is spiritus, qui nos in hunc sensum rapit, qui ponere nos reliquas mundi curas, & sperare in solo Deo iubet, qui bona illius nobis indicat, atq; impertit, qui beatos & contentos iam in hac vita facit, idem ille ipse Spiritus Dei sanctus, qui & ipse Deus testimonium præbet spiritui nostro indubitatum, atq; certum, quod sumus filij Dei, quando ab illo patre nostro sic tractamur, vt amantius, indulgentius, liberalius tractari nequeamus, cuius quidem spiritus diuini testimoniu spiritus noster qui illi est coniunctus, & adherens sic accipit, vt sese gerat pro filio Dei, cuius tantâ erga se experitur indulgentiam, vt præ bonis animi, quæ ex illo polli- det mundum, & mundi bona, quæcunq; lingua nuncupare, aut si- bi potest cogitatio depingere, tanquam cœnâ omnia ducat, & in vno ipso Deo etiam nunc hic viuens, & terrenis affectionibus etiam nunc pulsatus constituat summam omnis felicitatis suæ: qui si persuasus est, habetq; exploratum se filium Dei esse, tanti fide testimonij, & tot donis testimonium comprobantibus adductus, eidem testi profectò creder, se cùm filius sit, heredem quoq; Dei fore, atq; eorum bonorum heredem, quorû hereditatem maiorem suum fratrem Christum iam adisse crediderit: quæ nimirum bona ea sunt, vt surrecturus homo totus è mortuis, & futurus deinceps sit immortalis, idemque in cœlum ascensurus, & ad dexteram Dei sit confessus, vbi enim caput, ibi & corpus manere est necesse propinquum similiter, & adiunctum Deo, non quidem pari dignitatis æqualitate, sed in capitis sui maiestate. Porro autem caput nostrum est CHRISTVS. Creder ergo & confider cerè spiritus noster se ita heredem fore Dei, vt sit, coheres IESV Christi.

Siquidem vna patimur rei rna & glorificemur. Reputo e-

nim quodd non digna sunt erumna praesentis seculi, ad eam gloriam, quae in posterum nobis reuelabitur.

SI QUIDEM, inquit, nostrae fidei possessio est, velle pati cum Christo, ut ad eandem cum Christo gloriam etiam vna proueamur, ac ne nos perturbet mentio pariendo, speratamque illam tot bonorum laetitiam incommodorum coniunctione diminuat, subiungit statim sapienter, & prouidè reputare se, hoc est subducere rationem, & facere summam, quemadmodum facere soliti sunt, qui calculos, & numeros in summas colligunt, quod est perpendere ex utraque parte, & aestimare. Quid est autem, quod reputet? nempe hoc, quodd omnes huiusce seculi molestiae, omnes erumnae, incommoda omnia, quae cum Christo a nobis subeantur, non sunt idonea ad tantum promerendum, quantum illis incommodis praemium propositum est, quandoquidem collecta, & coacervata in vnum, si in contentionem futurae gloriae deducantur, illius longè magnitudine, & felicitate sint inferiora. Quodd idem ipse alio loco. Quodd nunc nos contenti excedens leuitate, inquit, aeternam excedentem grauitate gloriam comparat nobis non cogitantibus ea, quae videntur, sed quae non videntur: atque hoc est spe attollere animum, & diminuerè eadem opera laborem. Quid vero num patimur omnes cum CHRISTO qui in hanc fidem venimus? patimur enim uerò, qui scietiam non in vinculis, & plagis, & in omni corporis laceratione, ac supplicio CHRISTI fidem constanter profiteamur, neque in crucem tollimur, sicut ille fuit sublapsus, eo ipso tamen, quodd & ad ista parati animo, si accidat, sumus, & in mediis mundi cupiditatibus, atque curis sustinemus quotidie praeterea persequentium nos & dolorum, & voluptatum, atque a cogitatione Dei transducere ad se nitentium, hisque quoad licitum est, obstitimus, & repugnamus, gerimus ipsi quoque crucem nostram, & abnegantes nosmetipsos, pristinum genus nostrum toto pectore adicitur, ut efficiamur filij Dei. Et quoniam longo iam processu spiritum vehementer extulit Paulus, cumque habere testimonium Spiritus sancti, quodd filius Dei sit, disseruit, vitamque ex eo pendere vno, & bonorum Dei hereditatem, futuramque gloriam patatam illi esse dixit. Corpus autem & carnem in totum abiectis visus est, ne qui forè suspicetur nihil istam partem apud Deum honoris habituram esse, neque ad immortalitatem aspirare eam posse, ob hancque causam nec tantum futurae illi gloriae fortasse deferatur, quantum opus est, & corporis incommoda minus contemnantur, veluti quodd inique, atque iniuria his praesentibus priuetur bonis, si id in posterum fructus nullos coelestium illorum bonorum est percepturum, reuertitur Paulus ad confirmandum

dum, corpus quoque nostrum nobiscum vna futurum immortalē, & bonorum eorundem cum spiritu particeps, implicatē ille quidem, & contortē, sed tamen vt accuratē & subtiliter intuentibus, hic Pauli in hoc loco intelligatur esse sensus. Nunc eius audiamus verba.

Vehemens enim expectatio creatura reuelationem filiorum Dei expectat. Nam vanitati creatura subiecta fuit, non sponte, sed propter eum, qui subiecit in spe, quod & ipsa creatura liberabitur à seruitute corruptionis in libertatem gloria filiorum Dei.

VEHEMENS expectatio creaturæ, inquit, hoc vocabulum *κτίσις*, quod nobis cæterorum opinionem secuti creaturam transulimus, melius nostro iudicio conuerteremus fabricam, habemus quidem verbum verbo par condere, quod est græcè *κτίσις*, idque in corporeis potissimum naturis, & rebus usurpamus: sed quoniam vocabula, quæ ex eo verbo ducuntur, vt conditio, vt conditura, inciderent in alienos sensus, mentemque legentis obturbarent, conditionis loco fabricationem proferimus, cuius verbi vis cognata tamen est priori vocabulo, atque propinqua. Igitur his, vt dico, nominibus ad corporum naturam vimur, quibus creatio vt longè communior est, sic ferè etiam est spirituationis. Creare enim animas Deum rectè dicimus, condere, aut fabricari non ita dicimus. Sed quod *κτίσις* in hoc loco pro omni eo quod fabricatum à Deo est, hoc est pro cælo, terra, elementisq; accipienda sit, quorum vna cum gloria filiorum Dei sit facienda nouatio, quando ista propter hominem effecta, & fabricata, hominis ipsa quoq; conditionem in vtramq; partem sequuntur, vt & laborante eo laborent, & peccato quietura sint, multa hic & præclara dicuntur à sanctis viris, quasi nos vt adhortentur acuendas esse nobis vires animi, vt fortius certemus, quibus non pro nobis solum, sed tanquam pro aris ac focis sit etiam decertandum. Siquidem in illam perpetuam gloriam per patientiam, tolerationemq; certaminum postea introducti, & terram peccato primi hominis execrationi traditam, & cælos senio, laboriq; destinatos, de quibus scriptum est, quod omnes tanquam vestimentum veterascent, & sicut amictus mutabuntur, in nouam, & perpetuam pulchritudinem nobiscum simul restituemus. Sed ego in eam mentem inclino potius vt de fabrica corporis nostri intelligendum putem. Nam & cæli ante peccatū Adæ currere circumcirca, & se voluere instituerunt, & feracitas terræ, ac cæterarum rerum opportunitas non tam sibi, quàm nobis in laborem est versa. Atq; vt ea etiam ita se habeant, nec enim inficiamur, ne nos quidem, quin cuncta in seculorum fini, & in aduentu magni Dei nobiscum vna nouanda, & in potiore statum commutanda

sint: tamen argumenta futura immortalitatis nostra magis ex nobismetipsis, & his, quæ in nobis experimur & sentimus, ducenda sunt, quam ex alienis ac longe distitis rebus. Itaq; & hoc vocabulo Marcus in Evangelio pro hominis tantum conditione, & creatione usus est, quales & discipulis præcipit in illo, ut euntes in mundum omnem prædicent Evangelium omni creaturæ, quæ est *πᾶσι τῶν ζῴων*. In quo illud quoq; apparet & existit, quæ nobis maxime adversaria sunt ad victoriam, palmamq; contendentibus, & quæ invincibilem videntur habere vim impediendi, atq; obstanti, posse ea non difficiliter a nobis superari, quando nobiscum ipsa quoq; ad eandem gloriam immortalitatis aspirant. Sic igitur se habet verborum istorum intellectus. Vehemens enim expectatio creaturæ, hoc est fabricæ, & illius in nobis partis, quæ cõdita corporea est, ipsa quoq; expectat, ut accipiat revelationem filiorum Dei, ut particeps etiam ipsa sit, ut eandem immortalitatem communiceet. Est enim *ἀπεκχέσθαι* compositum verbum ab expectando, & capiendo, quod est quasi haurire expectando, ut accipiat. Revelationem autem, quoniam arcanum consilium Dei de electis suis in illo extremo iudicii die omnibus revelabitur, & tunc palam in mediũ omnia perferentur. Atq; hoc verbo sic positum ab Apostolo est, expectari a corpore nostro eandem immortalitatem, cuius quidem expectationis ratio communior illa sit, quod nihil est effectum, & in natura conditum, quin etiam si non ratione, & consilio, ac tacito tamen desiderio ad melius semper spectet, & moveatur. Verum cum altera statim existat questio, qui possit corpus immortalitatem appetere, quod ad ea omnia potius propensum, præcepitq; sit, quæ sunt penitus contraria immortalitati, ut est rectus Apostolus, & munus, omnia subito circumspectans, & providens, occurrat & vestigio querentibus, & antevenit, dicens istam ipsam fabricam partis sensibilis in nobis, corpus, carnemq; videlicet, non sponte sua subiectam fuisse vanitati, sed propter eius crimen, qui illam subiecit, hoc est propter Adæ crimen, qui obedientem illam primò rationi, & ex ea immortalitatem haurire in se paratam, suo peccato, & vitio deiecit ad corruptionem. Nam vanitatem hoc loco Apostolus, vana carnis desideria, & cupiditates inaneis vocat, quæ fructum, mortem & corruptionem afferunt, quas alibi cupiditates nominat deceptionis, quæ quidem efficiunt, ut vanos filios hominum, monantes filios hominum appellet scriptura, & in imagine non in veritate transire hominem confirmet. Etenim simul ut caro, quæ nullum suum habet ordinis, nec rationis lumen ab illa in primò patre nostro eum mente, & ratione concordia diuulsa est, ut quæ quod cuperet, eiusmodi id esset, cognoscere amplius ipsa potuit, neque in corpore quod cupiebat, modum sibi, & finem constituere. Sed & si

vanitati, ac corruptioni ex eo animalis homo addictus fuit; retinuit tamen sibi spem, & illud insitum, atq; occultum naturæ desiderium non abiecit, sese cum filiis Dei in pristinam aliquando nobilitatem, & veterem gratiam redintegrandum esse, vel eo etiam maiorem, quod tunc in ipso Adam in ancipiti, & lubrico positus poterat, & stare perpetuò si decreuisset & cadere, si hoc ei magis collibuisse. Posthac vero si fuerit redintegratus ac repositus, & maiorem multo, & in perpetuum stabilem gloriam est adepturus. Ab omni enim tum penitus seruitute corruptionis liberabitur: id est, ab ea terrenarum cupiditatum seruitute, quæ illum constrictum tradit corruptioni atque morti, quibus etiam in Apostolo verbis iudicatur de fabrica corporis nostri fuisse dictum. Non enim cælum, neq; terra huiusmodi corruptionis seruituti sic subiecta est, vindicabitur igitur corpus nostrum à seruitute corruptionis, & in libertatem gloriæ filiorum Dei liberabitur. Erit enim hominis animalis liberatio, accessio eius liberationis, quam ut spiritualis, & filius Dei regeneratus, videlicet ex Deo, & natus homo consequetur, quæ tunc quidem fuerit libera & secunda gloria, cum extra belli periculum, & huiusce vitæ lapsus, in exurrectione corporum propria & perpetua possidebitur.

Novimus enim quod omnis creatio consuspirat, & congemiscit usque ad præsens: neque ea solum, sed & ipsi primitias spiritus habentes, & nos ipsi in nobis ipsis suspiramus, qui adoptionem in filios expectamus redemptionem corporis nostri.

OMNIS creatio vel fabricatio in hoc loco, & in vno quoque homine totus homo, & in vniuerso tempore totum genus humanum intelligitur, quorum vtrunq; scire se, & nosse affirmat Paulus, gemere vna & suspirare huius inveniendæ immortalitatis desiderio. Ac natura quidem res sese ita habet, ut quod Paulus alio loco, suspiramus, inquit, & affectamus, nolentes quidem exui, sed superindui, ut absorbeat mortalitas à vita, quoniam sic facti, atque conflati ex anima, & corpore in vnâ rem fuimus, totum hoc quod sumus, diligamus in nobis ipsis, & incolume, ac saluum totum esse cupiamus. Neq; erit quispiam pertentans animum suum, & omneis occultos sensus mentis suæ cogitatione peragrans, quin in semetipso intelligat ferri nos amore, & studio conseruandi nos ipsos, atque ita conseruandi, ut nec partis in nobis, nec temporis iacturam aliquam libenter admittamus. Sumus quidem eo animo, si qui bene, & recte fuimus instituti, ut si alterutrum perdendum sit, corporis pati, quam animæ detrimentum præoptemus. Verum enimvero non est plena, neque integra animi nostri consolatio, si tamen amissio corporis facienda sit, hoc desiderium adipiscendæ & fruendæ immortalitatis, ita in vno quoque

quoque homine insitum est, ut neque obliuione, nec contrario studio, aut ratione vnquam vlla possit auelli, quod in alijs rebus, quas inaniter, & temere cupimus, nec possumus vilo modo adipisci, facile est providere ratione, ne cupiamus aduersus quidem totam hominis immortalitatem, quominus ea optetur, & anhelentur, non vis, non suasio, non consilium vllum, non temporis longinquitas, non studiorum diuersitas potest, non denique ratio, non cuiusquam autoritas obstaré, & prohibere. Quod studium si innatum nobis vsque eò est a natura, ut nequeat deponi, ne illud quidem simile, aut affine veri est, frustra id in nobis, & nequicquam ab eadem natura fuisse insitum. Ad hæc accedit ratio longe fortior, quæ Paulo, & nobis in Deum rite credentibus huius eiusdem rei scientiam corroboret, quod omnes, qui Deum quoquo modo cognorunt, & ab eo sunt vel inspirationibus, & nuncijs eò cælo missis vel Moysis lege instructi, atque edocti, cuncti in hanc spem terræ mandati, & in sepulchris conditi fuerunt, tanquam denuo reuicturi, neque amplius postea in mortem essent retasuri, fuerit licet Saducæorum factio quædam apud Hebræos, quæ sustulerit resurrectionem, & Paulum de eadem re Athenis differere incipientem philosophia intriserit, sintque etiam nunc quamplurimi, qui corpori vni excolendo, & saturando neglecta fide immortalitatis adhibeant curam: tamen aliud in istis lingua, atque mores, aliud mens ipsa intus, si consulatur, exclamât, præsertim si ea aliquo pacto sacrarum rerum, & rationum vel solis auditionibus fuerit imbuta. Est enim in Iob, est in Prophetis, & denique penè in omni scripturæ contextu, de resurrectione futura corporum passim plurimâ obuia testimonio. Horum porro prædicatio, & expectatio aliorum si non vana, sed vera est, ut quæ a summa Dei veritate profecta, & inspirata sit, scire iam potest Paulus, & cum Paulo omnes qui Deo fidem habemus cunctum hominum genus in hac spe fuisse corruptioni, & morti ad tempus addictum, ut extremo in tempore confurgat ad vitam, nec mortem postea amplius vnquam oppetat. Nam aut qui hoc ex Deo perceptum habuerunt, certi spei suæ, & resurrectionis, intelligentesque quid sperarent, tantisper naturæ, & morti concessere, aut si a tanto doctore non fuerunt admoniti, nullamque huiusce spei curam, nec cogitationem in animis suis volutauerunt: occultum tamen naturæ, & mutum immortalitatis desiderium abdicare a se nō potuerunt. Quare genus omne humanum, & quod mortuum est iam diu, & quod viuus, suspirat vniuersum, & anhelat ad hanc immortalitatem eamque ad totius integram hominis, nō alicuius certè in homine partis, ut & totum genus, & homo totus ad incorruptionem, & vitam recuperandam contendat. Et quoniam de animo erat persuasibilis, de corpore magis ambi-

ambiguum, alio etiam validiore inter viuos vtitur argumento, quod & animus ipse corpori, & testimonium spiritus sancti huic de corpore spei subuenit, & astipulatur. Non solum, inquit, hæc communis est totius humanæ fabricæ, creationisquæ expectatio, reuiuiscendum denuo esse, & immortalem deinceps vitam agendum, sed & illi qui spiritus primitias habuerunt, quod est intelligendum de Patriarchis, & Prophetis, in quibus primò cœpit operari spiritus sanctus, & nos ipsi in quibus idem spiritus assiduum sibi iam domicilium constituit, qui non primitias tantum, sed integram messem spiritus sancti possedimus, quibus ille non solum flatu, sed flamma, & lumine amorem, & cognitionem summa veritatis infudit, & qui adoptionem in filios Dei iam ex parte nacti pleniorē etiam posthac, & illustriorem eiusdem Dei hereditatem expectamus. Hoc enim sibi velle iam diximus *ἀπεχόμεθα*, quasi expectare interim accipiendo, nos inquam, qui plenitudinem spiritus ex Deo hausimus, quæ habemus intus omnis nobis veritatis certissimum, & sponsores, & testes: suspiramus item ipsi, & expectamus redemptionem corporum nostrorum, quod non faceremus, si hæc nostri pars, non ad obtinendam perpetuitatem, ipsa quoque nata, factaque existeret. Ac nequis hoc tantum dicat sperare esse, spe autem nostra falli, & decipi nos posse, refutat statim, sic inquit:

Spe enim seruati sumus: spes autem cum cernitur, non est spes. Quod enim cernit quis, quid etiam sperat? quod si quod non cernimus, speramus, per patientiam expectamus.

EA SPES, inquit, quæ de præterito pignus maximum nobis dedit, non se esse fallacem, vt per quam spem, salutem sumus adepti. Nam à primo cum credidimus Deo per IESVM Christum, & spes nostras a mundo auferentes, in illo omnes collocauimus, & fiximus, statim mercedem spei nostræ accepimus salutem nostram. A seruitute enim iniquitatis, & mortis ad vitam, & iusticiam Dei fuimus translati, in genusque, & nomen filiorum Dei venimus. Illa igitur spes, quæ nos, vt alter ait Apostolus, Pauli confors, atque collega, regenerauit in spem viuam, tantumque nobis honorum cum promitteret, plus etiam dedit, vt quæ dignitatem humanæ nobilitatis, quam omni vitio, & culpa contaminati homines amiserant, cum se restitutam illis polliceretur, vltro vt eos ipsos, & Dei filios effecit. Illa inquam spes, de futuro nos profecto non faller iam tot rebus, & argumentis nobis explorata, & perspecta. Sicuti non sefellit ne tunc quidem, cum ad eam nullo adhuc certo obside illius firmitatis inducti accessimus. Ac nunc posteaquam per eam nostræ illustratæ mentes, & cognita omnis veritas, commerciumque cum Deo, & cum spiritu sancto

sancto salutis, & beatitudinis nostræ nobis initum est, quid est vel quod minimum dubitemus, quin hanc quoque immortalitatem integri hominis ex corpore, animoq; constati, quam pollicetur nobis, sit præstatura? modo patientes, & etiam tolerantia expectemus, quod est proprium eorum, qui in Deo, & fide Dei firmiter hærentes, solantur spe illa expectationem suam. Namque & qui expectant patienter, & qui impatientes sunt, omnes quidem in vitam perpetuam cum corpore simul sunt resuscitandi. Sed illam solam immortalitatem, & veram vitam sentit Apostolus, quæ electis Dei futura est. Hi enim immortalem vere vitam: qui autem a Deo damnati, & repudiati fuerint, mortem potius immortalem sunt inuenturi. Spes igitur & in sperando, atque expectando patientia suscipienda nobis est, quando nec spes quidem amplius esset, si quod speramus, id iam teneremus. Atque ut animaduertas altitudinem Pauli sensorum, & quamobrem hanc spei disputationem interposuerit, perspice tute, & cum animo tuo considera, ut intelligas non esse locum calumniantibus ad hanc infirmam spem, cuius probationem in hac vita, non modo consequi, verum nec desiderare quidem possunt. Si quis enim contradicat, & asserat sperare nos vana, & expectatione nostra decipi, nempe id ita dicat, quoniam vitium spes ista vera sit, an ne falsa in hac vita cupiat experiri, argumenta quæ veritatis de hac spe ex his, quæ hic apparent, & cernuntur, ducenda esse constituat. At hoc nihil est, quod minus optari possit. Cupias enim vñ si istud cupias, & vivere, & mortuus esse. Dum enim in hac vita sumus, in ænigmate sumus, & tanquam in imagine, ac simulacro ambulamus, cuncta quæ felicitas, & beatitudo nostra spe futuræ vitæ continetur. Quid ergo optes huiusce spei sensibile argumentum, cum si hoc obtineas, quod optas, amplius ipse sensibilis non sis? Itaque spem quidem istam contemnere, & postmittere, atque ad explendos sensus totum conferre te possis. Argumentari autem contra eam ex his, quæ cernuntur, aut testimonium flagitare certum, quod illam tibi ex sensibus confirmet, nullo modo possis, quin continuo repugnantia dicas, & id quod affirmas, simul etiam inficere. Ac quemadmodum si quis marinos fluctus solidam terram cupiat esse, ita tamen, ut fluctus nihilominus sint, ipseque ab illo nauigandi moru, & gestatione non deferatur, is huius sui optati nullam stabilem & constantem habeat rationem, sed sibi met ipsi contrarius, & repugnans sit. Sic qui futuræ vitæ spem ex his quæ sensibilia sunt, volumus comprobare, hi & scire simul, & non scire quod desiderant, volumus. Quando ab omni sensu humano, isto videlicet, & mortali aut spem, aut te abesse necesse est, si huiusce spei sensum aliquem precepturus. Illa igitur tibi argumenta spei, nulli eadem faciunt,

quæ ex eadem spe ducta sunt, quam cum videamus in eis rebus, quas in hac vita possumus experiri, promissionis suæ fidem nobis præstitisse, quoddam reuocauit nos à peccati morte, & in iustitiæ vitam insinuauit, exq; aduersarijs Dei, & hostibus effecit eius filios. Cum, inquam, videamus spem nostram in Deum tot nobis & tam præclara promissa expleuisse, eandem certò confidamus ea, quæ adhuc supersunt, quæ in alteram vitam reseruata nobis sunt, etiam expleturam, cum horum præsertim, quæ iam potiti sumus, illa quæ expectamus, quali comitatus quidam, & appendices esse intelligantur. TUM IULIVS, proh Dei immortalis fidem mi frater, inquit, Quid est nobis de hoc homine dicendum? utrum eum ex humano, an ex cœlesti magis ordine statuamus? qui tantos cursus cogitationum, tantæque lucra diuinorum consiliorum in tam paucis verbis constringat, & alliget, & cum breue spatium progressus videatur, cœlum & terras & maria peragrare: Quod porro pelagus doctrinæ, quæ vis inaudita cœlestis sapientiæ non in his verbis indita, & impressa est? ostendit penè digito nos esse filios Dei, testes aduocat omni fide dignissimos: quippe illos ipsos, qui planè noscunt, intelliguntque veritatem, spiritus duos videlicet, & illum Dei, qui est ipsa veritas, & nostrum quatenus cum illo copulatus est, hoc est cum veritate Dei hærens atque coniunctus. Atque in tantam nobilitatem, gloriamque sublato, gentesque Dei cognationem, atque nomen, reuocat nos deinde ad respiciendam conditionem huius vitæ, quæ addicta sit laboribus, incommodisque persequendis, in quibus nos versari æquo animo debeamus, & ad exemplum, ac imitationem CHRISTI IESU ærumnas, & dolores hic libenter pari, ut cum illo quoque vnâ eandem postea gloriam adipiscamur. Tum deinde conuersus ad demonstrandam conditionem nostri corporis, quod fragilitati, & morti videatur relictum, immortale illud quoque forte confirmat, & in tempore reuelationis gloriæ filiorum Dei, etiam ipsum ad vitam perpetuam restituendum esse dicit, atque in vna re vtrunque rem expedit, & ut nos futuros ex omni parte ostendat immortales, & ut animum augeat, fiduciamque corroboret, posse nos corporis & carnis cupiditates vincere, cum ista quoque pars nostri in eiusdem expectatione, ac desiderio spei nobiscum, & cum spiritu nostro consentiat. Non enim pergrauis esse aduersarios, inter quos de summa rei conuenire est licitum. Atque ad hanc corporis probandam immortalitatem, huiusceque immortalitatis spem non ex his rebus, quæ cernuntur, confirmandam, cum nil heri nulla ratione possit, sed ex eadem spe adinueniendam, ut ipse spei testimonio, & certo documento sit, parsque tam adepta expectatione partis faciat fidem, tot, & tam densa aliud in alio intexit e-

guinenta, ut assequi hominis penè sensum cogitatione nostra nequeamus. Ac video equidem aliter hæc verba ab alijs exponi. Sed ego facile suscipio rationem tuam, creationemque, vel fabricam potius, ut tu vis, ac recte quidem, mihi ut videtur, de ipso tantum homine intelligo, quæ is corporeus, & sensibilis est, quam nostri quoque parrem ad immortalitatem suspirare nobiscum affirmanti Paulo credo, quippe quæ si non aperta voluntate, ac communi desiderio nature ad melius ipsa etiam moueatur, vererumque prophetarum, & sanctorum hominum dictis atque scripturis, ac præsertim APOSTOLIS, & præconibus summi DEI idem de hac re indubitam habeo. Verum illud tamen quæro de ipsa carne scilicet, deq; tota corporis natura, quæ non sit contraria, & semper inimica rationi, cum ad extremum usque spiritum nunquam ea turbare pacem animi, neque gerere bellum aduersus rationem desistat? quod si maior aduocanda est auctoritas, cur Paulus carnem concupiscere aduersus spiritum, cur idem illius se non posse stimulos, ac molestias propulsare ab sese dicat? Cur dominus illam infirmam appellauit? neque heredem regni fieri posse sæpe testatus est? Cur illa in terram, & mortem nos semper trahit? cum ad cælum, & ad vitam exurgere contendamus? Qua denique illa ratione peruenit, ut maiorem multo hominum partem suarum vanissimarum laqueis cupiditatum astrictam teneat, atque vincat? si non hoc malum est in eius natura proprium, ut opprimat semper & suo decore spoliât rationem? Quod si hoc illi natura vitium inest, quod pacto illud contrarium inesse potest, ut natura appetat etiam ipsa reuerri immortalis? VITIVM inquam, Iuli, carni inest, sed non vit est caro, nam si hoc ita esset, etiam antequam peccasset Adam vitio infecta caro, & rationi aduersaria fuisset, quod non erat ea tunc quidem antequam ad esum interdicti pomi, & neglectiorem diuini præcepti fuit deuentum. At postquam illo crimine corrupta ex pristina sua integritate decidit, ignorantia continuè tenebris cooperta tota, & ius quoddam, ac arbitrium suarum libere exequendarum appetitionum sibi stulte vindicans, eadem arrogantia nititur aduersus mentem, qua mens, & ratio primo exulit sese aduersus DEVM. Sed & sic alia effecta parentis nostri crimine, & propter primam illam culpæ labem, in præuos sensus, cupiditatesque est coniecta: insitum tamen illud nature desiderium non potuit eiecere, quin cuperet ipsa quoque particeps esse honoris, atque ut ex eidentibus in animo nostro factis atque exemplis, illud occultum in rebus quæ carent ratione, nature consilium melius comprehendamus. Vidisti ipse profecto, idque sæpius homines videri, atq; ebrietati deditos, qui cum in vno illo studio curas omnes suas, temporaque consumant, idque summum bonum in vita esse arbi-

arbitrentur, nihilo tamen minus tacitis interdum confodiuntur
stimulis, ut in media ipsa potandi alacritate, ac lætitia ipsi sibi dis-
pliceant, ac modestorum & sobriorum hominum cupiant esse si-
miles: neque à vino tamen propterea, crapulaque desistunt, sed
plenis poculis hilaritatem prouocantes, sentiant amarum quid-
dam in animo, quod suauitatem illius lætitiæ infuscer & immi-
nuat. Atque horum corrupta quidem vitio, & consuetudine ratio
pergit in ipsum dedecus, sequē in eo magis quotidie, magisque
ingurgitat, neque ea tamen sine cura, & stimulo, ac dolore tacito
potest consistere, cum id quod studet, & vult, sibi intelligat esse
exitiosum. Simile quiddam nunc in corpore, & carne ipsa cogita
inanimaduersum illi quidem, & incognitum: sed nobis, qui lu-
mine, & ratione utimur, perspicuum, & euidens. Illa enim corru-
pta, atque infecta prauitatis labe agit, & cōtendit quidem omnia,
quæ & sibi sunt ad immortalitatem aspiranti & nobis, qui pa-
cem, ac concordiam cuperemus, infesta, atque inimica: sed ta-
men dolore quodam naturæ necessario ipsa tangitur, nec intesti-
num illud desiderium amittit, quin cupiat esse compos immor-
talitatis, quod quidem desiderium, quoniam pro nobis est: vi-
tium autem carnis, ac præsens eius contaminata studium & con-
tra nos, & contra ipsam carnem pugnemus forti animo, & præ-
liemur, tanquam in vniuersum victores futuri, etiam si in aliqua
parte aliquando vitio carnis victi, peccato succumbamus. **P R O-**
30 ista, inquit Iulius, & rationem tuam accipio: sed quod resta-
re mihi etiam videtur ad dubitandum, id ex te exquirō. Etenim si
ista futuræ resurrectionis in carne quoque, & corpore expectatio
cognita Iudæis fuit, hancque eandem expectare, & cognoscere
præcipuum propè est fidei nostræ mysterium, idque impietis & al-
leuat laborem, confirmat animum, ut pugnare, & niti, & sperare
victoriam aduersus carnis vitium debeamus, quid ita illi aut resi-
stere carnis vitijs æque ut nos, non potuerunt, qua de re satis ante
est disputatum, & dictum? aut in eiusdem penè expectatione
præmij non eandem ipsi in Deum fidei viam, & rationem, quam
nos inspicere? Quanquam ego ista dum percunctor, ad illud diui-
num fidei nostræ mysteriū, quod hesternæ die nobis patefactum
est, intuens reperio statim horum, quæ percunctor, dissolutio-
nem. Illi enim sic restitutionem corporum sperabant, ut ad eas-
dem iucunditates, eademque mundi cōmoda, quæ in hac vita
faciebant maximi, redituros in altera se confiderent, vxoresque
suas, & domicilia, & agros recuperaturos. De qua illorum spe at-
que opinione etsi non palam est, neque diserte in Moyſis lege
scriptum, tamen ex interrogatione Saducæorum, quæ de septem
illis fratribus eandem vxorem deinceps ducentibus, quid in re-
surrectione corporum futurum esset, Dominum illi **I E S V M** sci-

Ecce

scitari

scitati sunt, quæ fuerit Iudæorum mens, & de futuris bonis expectatio, liquido potest intelligi. Qui igitur bona hæc corporea & terrena tanti æstimabant, ut fructum in illis perpetuæ vitæ ponerent, non poterant illa ne in hac quidem mortali vita sic contemnere, ut mentes suas ab illis ad Deum penitus auocantes facile resisterent carnis prælijs, atque oppugnationibus; id quod nos melius possumus, qui & diuelli in hac vita ab omni huius mundi iucunditate & illecebris propter Deum, & in futurum cælestia, non terrena bona expectamus. Ita illi neque fidem in Deum eandem, neq; parem firmitatē animi ad resistendum carnis cupiditatibus inuenire potuere. Nunc lege tu, quæ sequitur.

Similiter autem & spiritus coopitulatur infirmitatibus nostris. Hoc ipsum etenim, quod oraturi Deum sumus, quemadmodum oporteat, nescimus. Verum ipse spiritus intercedit pro nobis gemitibus inenarrabilibus.

HÆC PAULI sensa vnum post aliud ipsius quidem more loquendi obscuro & implicito, cum difficilia cognitu semper sunt, tum diuulsa sæpe, & interrupta, ut vix coherere possent inter se videantur. Sed nobis non tam ex verbis interdum eius quam ex spiritu, & mente facienda est interpretatio, ut in hoc loco. Quoniam enim de tolerantia, quam in illa spe futura gloriæ sustinemus, fuerat iam sæpius verbum factum, ut eam ipsam tolerantiam fortius constantiusque teneamus, alio quoque subsidio & firmamento nos instructos demonstrat spiritu nostrum, qui vota, precesque nostras ita dirigit erga Deum, ut nobis tuta, & salutaria postulemus. Atque hoc monstrato ad Deum deinde ipsum reuocat omnem nostram facultatem, & consistendi, & tolerandi. Quod ergo hic ait, similiter & spiritum opem ferre infirmitatibus nostris, in eam rationem intelligamus esse dictum, ut duplicem vim habeat. Nam quod spiritus curam suscipit infirmitatum nostrarum, id est, earum, quæ sunt ex parte carnis, & corporis, cum paulò ante positam rationē comprobat, corpus eiusdem gloriæ socium fore nobiscum. Quis enim alioquin tantam de eo curam spiritus suscipiat, ut & redemptionē illius suspirando desideret, & in infirmitatibus, ac periculis ei opituletur? tum illud quoque efficit, ut hoc quoque. fulti, munitique subsidio alacrius tolerantiam, & firmitatem resistendi capiamus. Nam quod sæpe iam Paulus totum hominem in sese alicui hominis parti componit, & tanquam de duobus in vno, & eodem loquitur, nunc hominem totum in spiritu constitutus, ut quæ dicit, Nos in nobis suspiramus expectantes redemptionem corporis nostri, nunc in corpore collocas, ut in hoc loco spiritus opitulatur infirmitatibus nostris, est hoc quodidiano loquendi more vsitatum, Spiritus igitur vitæque, facit, & con-

firmat

firmat nos ad perpetuendum, & ferendum, quandoquidem nos per patientiā expectamus, & fraternam de corpore suscipit curā, ut id ab errorum lapsionibus continendo in viam, spemque inducat iure oprandæ, atq; expectandæ immortalitatis. At qui spiritus? non enim de isto mediocris est disceptatio. Sed nos missas facientes controuersias, quoniam id tantum proferre, & effari volumus, quod nobis suppeditat, & inspirat Deus, dicamus nostrum hunc esse spiritum, quatenus is tamen ad Deum conuersus est, & totus aptus, atq; dependens ex eo, quod facere ille nō potest, nisi cum sancto spiritū sit coniunctus. Et sanē propria voluntas nostra, & ratio cum in Deo locata est, solaque spectat diuina, & immortalia, spiritus est, & eo nomine nuncupatur, quæ si deflectat ad mūdum, atq; carnem, ita caret spiritus appellatione, & nomine, ut rationis tamen, voluntatisq; retineat, sed sit carnalis, & terrena ratio. Caro porro, & spiritus vsq; eo diuersa inter se, alienaq; sunt, ut apte, proprièque loquendo in vnum nequeant coniungi. Ista ipsa igitur nostra ratio copulata cum Deo, & nihil planè volens, quod Deus ipse nolit, est, quæ opem fert infirmitatibus nostris. Nam & cum auocat nos ab eis expetendis, quæ sunt caduca, & corruptibilia, pulchrioraq; multo, & amabiliora ex Deo, quæ appetamus, proponit, nimirum illa magnum momentum affere ad constantiam animi, atq; ad virtutem in rebus variè mentem nostrā labefactantibus, seruandam nobis, ac retinendam, & plurimum in eo quoq; nobis conducit, quod desiderantibus nobis orare Deum, & petere ab eo aliqua nominatim, quæ ipsi grata sint & nobis salutaria, quoniam in hoc falli facile possumus, atq; adeo sæpenumero fallimur, ipsa ratio, quæ est non sanctus, sed sanctificatus in nobis spiritus, qui tamen sine coniunctione spiritus sancti talis esse non potest, intercedit pro nobis ad Deum gemitibus inenarrabilibus. Atq; hoc vnusquisq; in sese aliquando potuit experiri, ut cum ea optauerit, quæ sibi putaret vtilia, rationemque secum in optando consentientem habuerit, deinde vsu, euentuq; edoctus, illa esse perniciofa, vanaq; senserit, cōuertat se cum gemitu ad summum Deum, & ante illum prostratus, ac lachrymans proferat simul cum Psalmista, Deduc me Domine in semitam mandatorū tuorum, quia ipsam volui. & illud, Domine ante te omne desiderium meum, & gemitus meus à te non est absconditus. Præsertim cum & sapientissimi Regis dictum sit, Viam esse, quæ videatur homini iusta, & nouissima tamen illius tendere ad mortem. Et simile item quiddam Iesus Dominus societatem regni querentibus Zebedæi filijs responderit, nescire eos, quid peterent. Ergo cum quid à Deo nobis petitur nominatim, intenta quidem & cupida est voluntas illius adipiscendi, sed spiritus & si ipse quoque in idem studium inclinans, tamen exti-

me feceris, ne forte incidat in aliquam fraudem, & pro commode, ac salute damnum, periculumue referat, postulatione illa facta, totam rem rursus permittit Deo, & illum usurpat Domini nostri sermonem sic orantis, Pater si fieri potest, transeat a me calix iste, verum tamen fiat non quod ego volo, sed quod tu. Sic enim orando, & deprecando Deum, quod quotidie tamen in oratione dominica facimus, cum ut fiat Dei voluntas, deprecamur, iustiores ipsi, & sanctiores, & ad speciem exoptatæ gloriæ alacriores efficitur.

At qui scrutatur corda, nescit quod est studium spiritus, quoniam secundum Deum intercedit pro sanctis.

Deus qui scrutatur corda, inquit, intelligit, quod est studium spiritus, quid sibi velit, quid optet. Id enim nimirum operatur, ut obtineat nobis à Deo ea quæ sancta sunt, quæ illi placita, quæ nobis salutaria, non quæ hac aut illa cupiditate affecti nominatim postulamus. Pro sanctis autem hoc loco quadrat ad utrumque, siue quod sanctas res postulat, & pro ijs intercedit, siue pro sanctis etiam viris, qui à Deo vocati in sanctitatem, & in ea firmati diuino decreto sunt, quo de genere sanctorum ac electorum continuo facturus verba est Paulus. Sed & illud quoque attendendum ex his verbis est, quod de spiritu nostro proxime intellexerit, & non de spiritu sancto. Quod enim ait, quod Deus scrutans corda, nescit voluntatem spiritus, satis declarat se de spiritu nostri voluntate loqui, quam in suo sancto spiritu, ut noscat Deus, non necesse habet scrutari corda nostra.

Novimus autem, quod diligentibus Deum, omnia cooperantur in bonum his, qui secundum propositum vocati sunt.

Hæc iam est constans, & inuicta ratio nostræ tolerantia, & firmitatis, per quam quidem rationem omnia vertuntur nobis in bonum, quod ab omnipotente Deo ante omnia secula electi, & destinati ad potiundam hæreditatem æternæ gloriæ una cum Christo fuimus. Quoniam, inquit, Deus scit studium spiritus nostri, qui nihil vult, nec postulat ab eo, nisi quod ipsi gratum, & sibi sit ad gratiam illam, quam habet apud Deum, conservandam utile, quod est amantis, & vere diligentis Deum. Idcirco his, qui hoc modo diligunt, qui omnia sua bona ad Deum referunt, & in eo vno constituunt, quos proposuit Deus ante initia temporum efficere suos, & in illis collocare gratiā, & beneficentiam suam. Hi enim sunt, qui se totos conferunt, & insinuant in ipsum Deum, atque in illo amore, & in illa fide permanent, quod est ex Dei proposito esse vocatos. Sicut in alio loco: In Christo, inquit, lætæ hæreditatem sortiti sumus præfiniti secundum pro-

propositum eius, qui omnia operatur. His inquam talibus omnia & aduersa mundi & prospera in bonum cooperantur arctiusque cuncta constringunt necessitudinem, & amicitiam initam illis cum Deo, vt diuelli ab eo & abripi nullis periculis, neque terroribus, nulla externa vi, nulla, vt ipse mox dicturus est, humana aut angelica potentia queant. Atque hæc quidem Pauli mens. Sed nos & illud addimus, Non tantum rectè facta, aut fortiter suscepta propter Deum incommoda, sed lapsus etiam ipsos, & peccata interdum corporis his ad incrementum gratiæ proficere. Non enim eripi hi Deo semel ab eo constituti, atque electi, qui Dei nomen in frontibus suis ferant, sed tantum in se concuti, & labefactari aliquando possunt, vt vel occultum aliquod in seipsis deprehendant vitium, quod minus antea animaduuerant eiq; medeantur, vel vt humilitatem animi in magnis Dei muneribus teneant, neque se ad superbiam, & inanem animi elationem patiantur attolli, vel etiam vt casu illo admoniti, atque docti ad minus confitendum sibiipsis, & ad implorandum magis Deum reddantur diligentiores. Ita enim & Petro trina filij Dei negatio plus humilitatis in posterum, & amoris erga magistrum suum contulit, & acerbitas Pauli, qua depopulabatur CH R I S T I Ecclesiam, maius post de CH R I S T O illius testimonio pondus, & maiorem addit auctoritatem, eademque in illo effecit, vt acrior animo deinde offerret se laboribus, resisteret periculis, omniaque ad Deum, & proximum quæ pertinebant, studiosius obiret, quod veterem culpam apud Deum suam nouis quàm plurimis officiis posset delere atque extinguere. Atque horum nos duorum principum testimonio, cum innumerabilia alia se offerant, hic contenti erimus. At quid ita his vocatis Dei, ac diuinæ voluntatis proposito ad tantum decus electis in bonum omnia cooperantur? vt etiam quæ obesse & lædere nata sunt, reddantur illis comoda, atque bona, accipe rationem, & magnitudinem diuinæ prouidentiae simul attende.

Quoniam quos prænoui, & prædefiniuit conformes imaginis filij sui, vt sit ipse primogenitus in multis fratribus. Quos autem prædefiniuit, hos & vocauit, & quos vocauit, hos & iustificauit: quos autem iustificauit, hos & glorificauit. Quid igitur dicemus ad hæc? Si Deus pro nobis, quis contra nos?

Tota ratio eius, quod dixit, omnia diligentibus Deum cooperari in bonum, & aliorum etiam, quæ paulò post in hanc eandem sententiam dicturus est, ex eo nimirum dependet, quodd sic à Deo statutum fuit, & diffinitum. Namque quod attinet ad partes nostras, nihil in nobis stabile, nihil perpetuum habemus, iamque semper incertis studiis & volutatibus. At quodd fixi, atque

firmi in hoc bono heretamus, ut nunquam separemur à Dei gratia, ipsius Dei proprium donum est, propria deliberatio, statuit enim ipse aeterno ex principio, quos erat vocaturus in suam iustitiam, & gloriam, eosq; prædissiniuit, ut essent fratres, & consortes IESU Christi, quatenus homo est Christus. Nam ut homo ipse etiam adoptatus est, ipsa porro adoptio imago, est naturalis generationis, & eum, qui est naturâ filius, is qui per consensum legibus adoptatur, similitudine quadam generis imitatur. Prædissiniuit ergo Deus quos prænouerat, ut conformes essent imaginis filij sui, qui ut Deus, naturâ est Dei filius, ut homo adoptione filius. In adoptione ergo fratres futuri erant, & in hoc genere fraternitatis Christus, qui naturâ est Deo vnigenitus, in adoptione futurus erat primogenitus. Multos enim fratres adducturus erat ad Deum secum, simul & ipsos in filios Dei adoptandos curaturus. Neq; verò alia de causâ ipse in mundum venit, & cum patrem Deum naturâ haberet, hanc quoq; ex adoptione cognationem suscepit, qua is certè non egebat, nisi ut quos naturæ genere non poterat, adoptionis iure plurimos fratres haberet. Itaq; a Deo patre & ille missus, & hi prædissinuiti, ut esset cognatio ista adoptionis frequens, atq; multa, in qua & primus filiorum Dei, & inter fratres caput esset CHRISTVS. Atque hic est, quod magnum, excellensq; mysterium in tam paucis verbis innuit Apostolus, cum dicit, ut esset ipse primogenitus in multis fratribus. Nam & rationem aduentus CHRISTI, & in electorû prædissinitione consilium Dei comprehendit. SANE ITA est, inquit Iulius, & quo plus progredimur in huius hominis dictis, sententiisque expendendis, hoc maior subit animos nostros admiratio: non quidem vnde ista in eum deducta sint, sed quomodo ipse tantam ex Deo affluentiam altissimorum consiliorum capere potuerit. Sed nimirum Deus in illo arcana suæ sapientiæ hominibus aperiebat. Verum mi frater, quod tibi est hic, aut in proximè sequentibus necessariò faciendum, elige vtro in loco malis de prædissinitione ista, siue prædestinatione Dei, ac de libertate arbitrij nostri disputare; atq; differere, & vtrum nos ex nobis aliquid afferamus ad consequendam filiorum gloriam, an totum potius a Deo sic accipiamus, ut nullæ nostræ in eo partes sint. Scis enim ipse quanta, & quam difficilis sit de hac re questio. Cum si omnia prorsus ex Deo nobis sint ita diffinita ab eo, & destinata, quæ quidem spectent ad virtutem, & gratiâ adipiscendam, ut deliberationem nostram ipsa impellant, nihil omnino loci nostro arbitrio reliquum esse videatur. Sin autem e contrario metua nostra gratiam Dei anteueniant, omnem a Deo prorsus benignitatis, & clementiæ gloriam auferamus. Quorum hoc posterius ut magis impium sit, illud primum aliquando certè

tins. Ac mihi quidem sapius iam reuerso ad consideranda ea, quæ
 in utramque dicuntur partem, & rationum momenta perpen-
 denti liquere adhuc non potuit, nisi quodd Pelagianam impieta-
 tem sine ulla dubitatione detestor, qui tantum meritis nostris
 honoris tribuit, ut diuinæ gratiæ liberalitatem conetur extin-
 guere. Nihil enim arrogantius, nec quod magis superbum esse
 possit, suscipi a nobis potest, quam ita nos placere, & assentari
 nobis ipsis, ut si quid præclarum, & eximium obtineamus, id facul-
 tatib. nostris ac non beneficentiæ summi Dei feramus acceptu. Sed
 ex altera quoq. parte, & si ab ea stat doctor omnium maximus, idē-
 que grauissimus, & sanctissimus vir: tamen durum admodum mihi
 videtur, quodq. illabi non facile queat ad sensus nostros, si omni-
 no a nobis nihil sit, quod valeat ad obtinendam gratiam, in pari cō-
 ditione cunctorum ita quosdam a Deo eligi, ut ceteri in calami-
 tate, & damno destituantur. Et si enim iuste omnes rejicimur, eō
 quodd natura filij iræ sumus, tamen ut in ortum & naturam tales
 produceremur, nullæ nostræ apud Deum antea preces, nulla
 intercesserat flagitatio. Sed ipse cum sua bonitate nos lucis, na-
 turæq. participes facere instituisse, cur subito mutatus bonita-
 tem suam, occasionem nostri exitij esse voluerit, dispicere satis
 non possum. Ut iustitiam, inquit, etiā suam demonstret in iis, quos
 destituit, sicut in illis, quos eligit, ostendit bonitatem. Ac quo pa-
 cto iustitia sit, si nihil ego delinquens, in hoc ipsum creor, & pro-
 ducor in lucem, ut damnandus sim, mei; exitij, atq. damni ipsa
 Dei creatio initium, & causa sit: Deinde hancine illi in Deo ap-
 pellant iustitiā? quasi ulla in Deo præstantior iustitia sit, quam i-
 ipsa bonitas. Itaq. Greci, & doctores Latini reliqui, quib. verustas
 addidit auctoritatem, meo iudicio moderatiores, qui sic nobis
 aliquid tamen relinquunt, ut totū, quod habemus virtutis, & me-
 riti, ad Dei gratiam nihilominus referant, quorum neq; doctri-
 na illorum eruditione, qui secus sentiunt, neq; religionis sancti-
 tas sanctitate est inferior. MAGNUM, inquā, concursum acerrima-
 rum disputationū excitas mi frater, & magnū mare commoues,
 cum hanc difficilissimam omnium quætionem, & si verum fateri
 volumus, penē inexplicabilem a nobis vis tractari, & si eam qui-
 dem defugere honestè non possumus. Locus enim iste fert, & eo-
 rum expectatio, qui Paulum nosse cupiunt, hoc imprimis postu-
 lat, ut aliquid de hac ipsa re in medium proferamus, quando
 explanationem Pauli sumus professi. Verū ut statim de princi-
 pio notam tibi faciamus sententiam nostrā, nos de illorum nu-
 mero sumus, qui aliquid etiam in nobis esse positum volunt, qua-
 tenus tamen cum illis consentire sine fraude, & sine detrimento
 veræ fidei possimus. Atq. ut tu modò ipse dicebas, si in pari con-
 ditione omnium nostrū hi a Deo eligantur, alij rejiciantur, non

posse à nobis dispici, neq; animaduerti Dei iusticiam: sic illud addo, ne in eodem quidem intelligi à nobis eius sapientiam, si nulla causa, ac ratione discrimen faciente alios improbet, rejiciatq; ad interitum, alios ad salutem, & gratiam suam recipiat, cum isto agere modo, atq; operari casus potius, quam consilij esse videatur. Quanquam sic nos loquentes in illam fortasse incidimus petulantiam, vt videamur quasi è regione resistere velle Deo, & in disquisitionem illum, atq; ad iudiciũ accersere, quod nullo modo intendimus, sed prostrati animo, & corde ante ipsum, veniamque ab eo, & misericordiam poscentes, ipsum precamur supplicet, vt verba nostra ipse dirigens facultatem nobis det, quo illi tam in oratione, quam in voluntatis studio placere valeamus. Cupimus enim inuestigare, quid verũ sit, neq; id solum, sed quod cum veritate pietatem quoq; præterea erga Deum habeat coniunctam. Tibi verò mi frater, & si te assensorẽ nobiscum eiusdem sententiæ habemus: tamen dicendum erit contra assertiones nostras, sicubi tibi minùs rectè videbimur loqui, quando vnum hoc ambo adnitimur, vt quod verum sit, id comprehendamus. **FACIAM** vt iubes inquit, quamobrem aggredere ad dicendũ. **PRIMUM** hoc te rogo, inquam, num tu Pelagium quicquam sensisse rectè existimes, qui merita nostra præcurrere diuinæ gratiæ, & beneficentiæ voluit, vel prouisa ante à Deo prædisiniente electos suos, vel post operibus iam ipsis probata eidem, & cognita. **MINIME**, inquit, existimo, nec mihi videtur quicquam potuisse dici iniustus. **QUIPPE**, inquam, cum duo statim vulnera sententia ista accipiat immedicabilia, vt ego arbitror: primum quòd gratia Dei si ita sit, non est ampliùs gratia, sed debita operæ merces, nihilq; benignitati, & gloriæ summi Dei in eo est relictum: qua de re à Paulo, & à nobis hesterno die satis dictum fuit. Alterũ, quod antequam in gratia, & amicitia apud Deum simus, cœlum iam, & beatam in cœlo vitam demeremur, quod non modò colentibus Deum ritè, ac legitimè, quod duntaxat in **CHRISTO** Iesu facere hominibus datum est, verũ etiam virtutem & Dei cultum ex philosophia amplectentibus contingere est licitum. Si quidem dignitas tanti meriti non ex Deo nobis, sed à nobismet ipsis inest: quo nihil est nostræ imbecillitati incongruentius. **ITASE** res habet, inquit, & est illa superba, insolensq; sententia. **ET TAMEN** ille, inquam, nescio quid spectauit. Non enim reperiebat, quo pacto de Dei iustitia alios sibi diligente, prætereunte alios, seipsum, & cogitationes explicaret suas, nisi merita priora ex parte nostra poneret: sanè parum attendens aliam in summo principe, aliam in datis ab ipso iudicibus iustitiæ, & distributionis rationem existere, quòd illa principis solura legibus in ignoscendo, & in obligando muneribus ac beneficiis, magis quam

in puniendo, mercedemq; reddendo cum præstantior ipsa in sese est, tum principis fama, & maiestate multò dignior, qui quos accipit, quamuis perfidiosos, & improbos non supplicio statim, neque pœna, sed cum beneuolentia, & cum humanitate accipit, facitq; eos ipsi se dedentes sua comitate, eximiaq; bonitate & fideles, & probos: hanc ut dico diuinæ magnitudinis gloriam Pelagius non vidit: quam si vidisset, non omnem illius beneficentiam ad merita nostra contraxisset, neque nos tanquam alteros Deos dantes priùs illi, ut postea reciperemus, quasi exaduersum Deo constituisset: qui si tantopere hanc meritis nostris tanquam ponderibus examinatam Dei iustitiam amplexabatur, misericordiam Dei, qua liberat peccatores, quo in loco relinquebat? An si qui malè meriti de Deo sunt, hi Dei clementia & venia sæpe habentur digni, qui nihil meriti in neutram partem sunt, non eiusdem sæpe liberalitate benignitateque perfruentur? Imò verò ego hoc ampliùs dico eisdem sæpenumero esse, quibus ignoscat Deus, peccataque plurima, & culpas graues condonet, & in quos maxima monumenta conferat & gratiæ, & liberalitatis suæ, hocque esse proprium infinitæ iustitiæ, & bonitatis summi Dei, & quo illius gloria maximè lucet, atque eminet, nisi quidem conuertere se ad Deum, & veniam ab eo petere in partem meriti ponendum est. Quòd si ita est, humanæ leges omnes iniquè latæ sunt, quæ delinquentibus non veniam, quam postulant, sed pœnam, quam merentur, peccato & crimini volunt esse propositam. Verùm nos Pelagium cum sectatoribus suis relinquamus iure à sanctissimis viris fractum, atque conuictum. De illis nunc videamus, qui in contrariam, diuersamque sententiam ita discessere, nihil omnino ut in medio nobis reliquerint, nihil ut potestati nostræ, ne in voluntate quidem ipsa permiserint: sed Deo omnia prorsus ita ferri velint accepta, ut in omnibus, quæ conamur rectè, atque suscipimus, ille primus, ac solus impulsor animi nostri, conuersorque voluntatis sit, usque eò quidem, ut ipsos primos afflatus cogitationum nostrarum, non à nobis, sed à Deo pelli, & moueri putent. Quæ sanè sententia in maximas item ipsa incidit difficultates: primum, quòd non iustitiâ solùm istam in Deo distribuentem cuique, quod cuique conuenit, sed illam etiam liberalitatis, & beneficentiæ gloriam, quam maximè amplexatur, viderur imminuere. Quid enim potest esse in eo beneficio dignitatis, quod casu, non consilio datum esse videatur? Consilium autem quod? si in pari prorsus omnium causa, hi sine ratione terra illis præferuntur? At Dei voluntas summa rationum omnium est, fateor, sed summam tamen in Deo, infinitamque rationem aliquid sine ratione facere absurdum est. Non est nostrum, inquirunt, indagare tam alta: aut alia tot & tanta indaga-

mus, & querimus? Estne igitur rectum aliquid in nobis, quod nobismetipsis, ac non Deo terre debeamus acceptum: nihil earum quidem rerum, in quibus hæere iam meritum, & laus operis potest, aliquos tamen ad eas res voluntatis motus in nostra dicimus esse potestate, alioquin nostri arbitrij libertatem, quam asseris tuidem, quo in loco obtineamus? Quoniam peccare possumus, inquis, & id velle nostrum est, rectè autem velle agere non nostrum, sed ex Deo. Itane verò liberum tu arbitrium illud vocas, quod ad vnam tantum partem ita astrictum est, ut in altera iuris nihil omnino, nec facultatis obtineat? Quid autem si peccare velle possumus ex nobis, nonne etiam possumus non peccare velle ex eisdem nobis? Aut si id non potest non tam profectò possumus peccare velle quam necessariò peccare volumus. Necessitati porro quæ lex, aut quæ præscripta poena est? At enim ex contaminato genere oriundi ipsa iam natura ad interitum facti sumus, ut quos prætermittit, neque ad se reuocat Deus, ij conquirendi causam non habeant. At ego video in futuro mundi iudicio non ita laturum sententiam CHRISTVM Iesum qui illud iudicium pro patre exercebit aduersus eos, quos est damnaturus, ut ita proferat. Quandoquidem vos ex infecto genere Adæ producti estis, culpamque & vitij parentis vestri contraxistis, ob eam rem vos æternis ignibus cruciandos trado, non ita proferet: Sed quid dicit? Ite maledicti in ignem æternum, qui cum esurientem me videretis, non paucistis: cum nudum, non vestiuistis: cum infirmum, non subleuastis. At hæc non communia generis humani, sed peculiaria singularium hominum sunt peccata, quæ idcirco illis præcipue tunc exprobrabuntur, ut ne in illo acerbo cruciatu animi, & dolore audeant illi Dei implorare misericordiam, quam aliis ipsi implorantibus denegauerunt. Iam ista horum sententia omnem prorsus ad bonum arbitrij nostri consensum nobis auferentium, nonne omnia videtur reuocare ad necessitatem? nonne bonis mentibus scrupulosa est? nonne extinguit studium vigilandi, & adnitendi? animosque nostros retardat, atque deterret, ne labore, ac diligentia, quoad possumus, contendamus? Quæ etiam, his recentibus hæreticis occasionem præbuit, ut de sermo iam, non amplius de libero arbitrio audent conscribere. Impiè illi hoc quidem, ut pleraque alia, nec vereturum in eo doctorum pietatem, & sanctitatem, sed sua tantum religionis omnis euertendæ studia insequentes: veruntamen qui in autoritate sanctissimorum hominum se putent delitescere. At enim multa sunt scripturæ testimonia Deo omnia attribuentis, quibus refragari valde iniquum sit. Ego iniquum confiteor esse, & refragari scripturæ testimonio, & negare omnia attribui Deo bona oportere: & tamen idē ego hoc dico deuitata hac iniquitate non-

nihil quoque libertati nostri arbitrij loci, ac muneris reliquum
 esse. Verum quæ sunt ista tamen scripturæ testimonia, quibus ne-
 cessario assentiri debeamus? In Euangelio, inquit, CHRISTI
 est discipulos alloquentis: Non me vos elegistis, sed ego elegi vos.
 Et alibi: Nemo potest venire ad me, nisi pater meus traxerit eum.
 Et, Vobis datum est nosse regnum Dei, cæteris in parabolis, quæ
 omnia, & alia item multa declarant donum Dei esse, quicquid in
 nobis ad Deum rite conuersum est, quod nos pie, planeq; confite-
 mur. Nam & electio nostra ex Deo est, siquidem ante ille nos ele-
 git, quam in natura editi essemus, & applicatio ad CHRISTVM,
 cognitioq; regni cœlestis, & beatissimæ vitæ assequenda spes do-
 na Dei nobis sunt, & ea quidem primaria, & maxima, sed tamen
 illa nobis collata volentibus. At nos non elegimus, sed fuimus
 electi, nempe volentes, siue in præsentia tunc cum fuit facta
 electio, siue iamdiu si illa facta est ante mundi secula, quoniam
 in ea futuri voluntate præcogniti fuimus, vt pareremus vocati,
 quos enim præcognouit, hos prædistingnuit. Et quanto planior,
 ac solutior Pauli ista deductio est, ipsa etiam erga nos beneficia,
 & decretum, deliberationemq; summi Dei ad præcognitionem
 in eo futurorum reuocantis, cum quo conueniens caput Aposto-
 lorum Petrus, electos hos eosdem vocat secundum præcognitio-
 nem Dei patris in sanctificatione spiritus. Quid ergo, quod ex æ-
 terno tempore is deliberat, & eligit, causæne est in nobis, quid
 meritori tanto post sumus? minime, neque vllum nostrum ele-
 ctionem DEI de nobis prouocat meritum, sed causa diuini il-
 lius constituti, ipsius est DEI præcognitio. Quid porro præ-
 cognoscit: futuros nos ministros sui glorificandi nominis, non
 virtute nostra idoneos, non meritis, non ingenij, aut animi fa-
 cultatibus, quæ in nobis nullæ non a Deo sunt, siue illæ commu-
 ni, siue proprio beneficio nobis datæ, sed eo vno aptos, aut vt pla-
 nius etiam loquar, accommodos, quod vnum in nobis situm est,
 inductione animi videlicet ad non aspernandum, neq; repudian-
 dum mandata, & vocationes summi Dei. Hoc præcognito in no-
 bis, quod faciles ductu erimus, tum Deus sapienter vnâ, ac libera-
 liter bonum suum omnibus impertire cupiens, diuinorum suo-
 rum beneficiorum iam inde de principio nos digna constituit fo-
 re receptacula: nec tamen propterea in nobis meritum gratiam
 Dei anteuenit, sicut nec solum quidem, aut area ipsa sola accom-
 modatione sui vim habet vllam promerendi, nisi abuti vocabulo
 velimus, vt ædificiū in ea nobile extruatur. Sed illa tota est archi-
 tecti, ædificatorisq; deliberatio, cuius prouidentia, atque cura, &
 aptatur etiā magis solū, commodiusq; fit, & ipsa ædificatio cōsti-
 tuitur, atq; suscipitur: sic nostrum credere simplex illud & inchoa-
 tum, quo ad obediendum Deo incipimus inclinari, non cōiunctū
 merito.

mereri est: sed tunc meremur, cum firmati iam in bona voluntate ab ipso Deo, & in ipsius cognitionem, amoremque traducti, omnia ex illo, & propter illum agimus. At enim ista animi inductio voluntas quædam est, quam voluntatem necessario antecedit cogitatio. Sed ne sumus quidem idonei cogitare aliquid ex nobis ut ipsemet Apostolus Paulus attestatur scribens ad Corinthios. Non (inquit) quòd idonei sumus à nobis ipsis cogitare aliquid tanquam ex nobis, sed hoc totum, quod idonei habemur, ex Deo est. Quare si nec cogitare quicquam possumus nisi ex Deo, ne velle quidem quicquam sine eodem Deo possumus. Ad quod dicendum est verba ista Pauli aliam quandam spirare, deferreque sententiam, quam eam, quæ ab hisce intenta est. Non enim in illis de ipsa qualibet cogitatione sermo ita est, ut insistat Paulus, & commoretur in ea, sed de ipsis cogitandis operibus intelligit egregijs, & mirabilibus, & ad illustrandam gloriam Dei magnificis, quæ non nauare modo quisquam, sed ne cogitare quidem, nisi ex ipso Deo idoneus est. Non enim ista huiusmodi cogitatio inchoata, & rudis inceptio quædam est, animi etiam nunc molientis primos illos motus inclinationis ad Deum, & voluntatis suæ, sed cogitatio sapiens, atque magna maximarum simul, sanctissimarumque rerum & suscipiendarum, & administrandarum, quas res facetur ne idoneum quidem se esse, ut existimet à se esse profectas, hoc est non se existimare idoneum authorem illarum esse. Sed, ita enim sequitur, idoneitas nostra ex Deo est, idoneitas repetit, & non, cogitatio, quæ sit ex Deo. Quæ autem ista idoneitas? qui idoneos ministros nos fecit, inquit, noui testamenti, ut facultatem & virtutem noui testamenti prædicandi, atque publicandi à Deo se totam accepisse confiteatur. Quem Pauli sensum, qui illum locum accuratius legent, facile intelligentia consequentur. Sed est locus difficilior, in quo Paulus ad Philippenses scribens, sic loquitur: Lilecti mei sicut semper auscultauistis, non in præsentia mea solum, sed multo magis in absentia cum metu, & tremore vestram ipsorum salutem procurate. Deus enim est operans in vobis & velle, & agere pro bona voluntate, ut etiam velle nostrum appareat esse à Deo, quod nos confitemur in illis voluntatibus, quæ ad præclara Dei opera agenda incense, & paratæ sunt. Nihil enim perfectum esse à nobis potest. Sed nostra sunt initia, & cogitandi, & volendi. Atque ita nostra, ut magnam quoque partem in illis obtineat Deus. Ipsum enim necessarîo propositum nobis habemus, cum ipsum volumus, & cogitamus, ut sit ipse prius nostrarum cogitationum, voluntatisque inuitamentum, ad quem cum inclinauerimus, quod bonum propositum in nobis vocat Paulus, velle deinde, & operari, ex illo bono proposito perfectius, à Deo nobis est cum ipsius ope, & subsidio ad recte agendum, constanter-

stanterque volendum, & fulciamur, & promoueamur. Reliqua est obiectio. Cum nihil omnino in rebus natura, nisi per Deum, & ex Deo sit, quoniam nulla res est, cuius rei hoc ipsum, quod est, non proficiscatur à Deo, ne velle quidem ipsum, & cogitare in actum egredi potest, nisi author voluntatis, & cogitationis sit Deus, quod ut ita esse concedamus, sine Deo etenim nulla omnino res est, illa tamen Dei adfistentia, ut sic loquar, & concomitatio in rebus quæ sunt, non rationem causæ impellentis, sed tanquam fulturam, & subsidium rei existentis in se habet. Nos vero cum quaerimus utrum velle sit à nobis, an à Deo, id ita quaerimus, ut non voluntasne nostra in Deo nitatur, atque consistat, sed an ab ipso tantum Deo in nobis ea moueatur, nosque nullas nostras partes ad volendum afferamus, cupiamus inuestigare, atque nosse. Quis si nihil omnino ex nobis ad bonas cogitationes, & sancta consilia afferimus, neque illam primam saltem inductionem animi, quæ quasi cardo quidam voluntatis est, huc vel illuc se volueris in nostra habemus potestate, liberi profectò arbitrij non sumus, sed nos pro inanimi, aut certe pro experte rationis instrumento ad suos usus adhibet Deus, eaque item ratione, nulla est in nobis ratio promerendi. Sin autem idcirco quod nos nostrum velle, & parere Dei constituto imperioque subijcimus, omnis bona, & sancta actio in nobis producit à Deo, cuncta quidem illius actionis gloria, & omnis virtus, & omne meritum planè ex Deo est. Sed quod nisi obedientiam nos nostræ voluntatis, tanquam staminis filum diuinæ contextendi prudentiæ subiunctam teneamus, hæsurum in nobis non sit. Cuius rei signum maximum, quod in medio cursu rerum bene gerendarum auerti retro, & resilire possimus. Quod si possumus resilire, possumus etiam non resilire, & aut est utrunque in nostra potestate, aut non tam arbitrio libero, quam necessitate resiliemus. Quod si hoc ipsum, quod nolumus resilire, vel quod volumus in obedientia peristere (vnum enim atque idem utrunque est) nequaquam à nobis, sed à Deo tantum est, cum sine pœnitentia sint dona, & vocationes Dei, ut alio loco scriptura ait, qui fieri poterit, ut qui semel fuerit in bonam voluntatem inductus, resiliat postea, retroque se conuertat, nisi Deus pœniteat vocationis suæ, quod iam existimare est nefas? Est igitur aliqua nostra in actionibus rectis cum Deo vnà cooperatio, minima quidem ad agendum partem ipsa conferens, verum aliquam tamen. Quemadmodum Paulus ad Corinthios: Abundantius, quam omnes illi, laboravi, non autem ego, sed gratia Dei mecum, inquit. Et Petrus: Ideo fratres studete firmam vestram vocationem, & benedictionem efficere, hoc est, estote in obediendo constantes. Et cum legitur: Dedit eis potestatem filios Dei fieri, his qui credunt in nomine eius. Dedit eis potestatem ut fierent, inquit,

inquit, non statim fecit filios, quoniam ab eorum parte credulitatem, & voluntatem requirebat. Aut cum dicebat **CHRISTVS**, Fides tua te saluum fecit, quod mulieri dictum importunius instanti, quam præsertim initio dominas repellebat. Et, Si potes credere, omnia possibilia credenti, cum statim clamans pueri pater cum lachrymis, Credo domine, inquit, subueni incredulitati meæ. Et cum cæcitati eorum, qui non credebant, in synagoga irascebatur. Et cum dicebat, Qui sermones meos audit, & credit mittenti me. Et, Qui vult venire post me. Et, Si vis saluus fieri. Et cum paterno illo cordis affectu super Hierusalem fleuit. Cum si ciuitas illa ad credendum nullas suas partes allatura erat, non tam flere super illam opus fuit, quàm vt crederet imperare. Et ad Thessalonicenses Paulus, Dignetur vos vocatione Deus noster, & impleat omne propositum bonitatis, id est, quod bene propositis perficiat, & impleat in vobis. Quamquam de libertate arbitrij, ac motu nostræ voluntatis in nobis posito, neque certius asserere exemplum, quàm de ipso Adam possumus, qui cum nondum filius iræ esset, neque naturæ vitio ad malum impelleretur, vita tamen sibi mortemque proposita in deteriorem volens partem se demisit. Neque auctoritatem illustriorem, quàm Salomonis, qui in Prouerbijs, Hominem, inquit, à Deo fuisse relictum in manu consilij sui. Et quod euidentius adiungit, Seruatum om̃ illum mandata, si voluerit. Et item, Apposita fore illi ignem, & aquam, vitamque, & mortem ante oculos, & verum voler, atque vitio manus tenderet, id illi iri datum. Et item, Hominis sunt præparationes cordis, & à Domino est responsio linguæ, moxque adiungit, Verte ad Dominum opera tua. & confirmabuntur cogitationes tuæ, magisque item perspicitur: Cor hominis cogitabit viam suam, Dominus autem diriget gressus eius iam præter dicta, & testimonia scripturæ, quæ plurima sunt, ipse mos, ordoque catholice Ecclesiæ nõne aliquid esse à nobis, & ex voluntate nostrâ indicat? Quid enim aliud cohortationes, quid præcepta, quid minæ, quid obtestationes superiorum, & auctoritatem habentium, aut doctorum etiam nostrorum sibi volunt, nisi vt nos tanquam voluntatis nostræ dominos in meliorem, & sanctiorem conuertant partem? aut quem alium ad finem **CHRISTVS** Iesus carnem hominis assumpsit docendoque, & conuiuendo in mundo est diuersatus: Labores, ærumnas, ludibriaque pertulit: morte, & cruce affici se passus est, ac nihilominus humilitatem illam, patientiamque suam mirandis illis diuinitatis operibus interdum distinxit, nisi vt commonefaciendo, & rectum in celum iter commostrandò, hominum voluntates ad se alliceret, & per se in Deo patre collocaret? quæ si per se moueri, nisi eo iubente non poterant, cur per tot anfractus operum & laborum, ac non voce sola,

iussu

iussuque diuino mundi conuersio protinus ad Deum facta est? Verum vt aliquando finem faciamus disputandi, atq; id concludamus, quod nobis videtur æquum, confiteamur illud primum omne bonum in nobis ex Deo esse. Nec tantū cōmune hoc, & natura omnib. datum, quodd mētis, & rationis participes facti sumus totq; præterea instrumentis, ad nostrū munus obeundum ab ipso Deo locupletati, atq. ornati, hæc enim diuina esse prorsus in nobis beneficia nemo vel mediocriter sapiens dubitauit vnquam, sed de his in præsentia non agimus, de illis loquimur bonis, quæ post exortum, & constitutionem nostri à nostræ arbitrio voluntatis proficiuntur, vt hoc velimus potius, quàm illud, huic magis consilio, quàm illi acquiescamus, hoc enim proprium iam esse vniuscuiusq. opus, propria animi inductio, quæ si ad Deum, & Dei partes se desiderit, in illo genere bonorum constituitur à nobis, quæ sola vere sunt, & in sacris literis appellantur bona, in quibus diserte sanè, verèq; dicitur, omne bonum nobis à Deo esse, vt non solum actio, neq; voluntas, consiliumq; duntaxat, verum prima etiam illa cogitationis commotio, si ad sanctitatem, & fidem se conuertat, ex Deo nobis moueatur, & insit, verum alio, atq; alio modo. Nam cū Deus dupliciter causā bonarum rerum sit, vel vt eff. ctor, & ipse agens, vel vt finis, resq; desiderata, priore quidem modo quicquid facit Deus, ipse est actio, & opus eius proprium, nihilq. eò nos à nostra parte afferimus, qua ratione, per voluntatem, & constitutum omnipotentis Dei, quicquid est in nobis perfectū, & constans in amore erga ipsum, & in rebus asperis pro ipso perferendis, prosperisq. temperādis, quicquid firmitatis in bono proposito, quicquid fidei rectæq; religionis obtinemus, id totum à Deo nobis authore ita datur, vt agnoscere debeamus nos facultatibus nostris eò aspirare non potuisse, nisi Deus nos in illa gratia, & gloria ipse suis penè manibus collocauisset. Atq. hæc prædissinitio est, & vocatio à Deo, & glorificatio nostra. Sic n. ab eo electi ante constitutionem mundi fuimus, vt per illum, & ex illo omnem diuinorum bonorū copiam suo ipsius solo beneficio non meritis vllis nostris ante euntib. habituri essemus. Verū qua Deus finalis rerum causa est, & ad eum, vt ad summum bonum mentes nostræ mouentur, nostra hætenus voluntas, & cogitatio, & prima illa atq; inchoata actionum nostrarum consilia ex Deo quoq; ita sunt, vt nihilominus libera sit nobis facultas illum appetēdi, aut auersandi. Non enim tunc vt mouens, atq; impellens, author ipse est, & principium vniuersum nostræ voluntatis, sed vt appetitus: & desideratus. Magnum quidem tum quoq; momentū afferens ad inclinandum nos, atq; alliciendum, veruntamen vim non adhibens, quin possimus diuertere in partem aliam, atque desistere, neque ita imperās, vt sit necessariò nobis parendū, sed velle nostrum.

nostrum in nobis tunc est. Itaque adduci, & attrahi nos permittimus, si tamen volumus. Ex quo apparere iam arbitror, quæ sit huius difficillimæ quæstionis non improbanda solutio, quæ ideo tot doctorum mentes impeditas adhuc renuit, quod hanc finalem causam in Deo cum agente illa, &que efficiente in vnum misceuerunt, neque distinguere inter se, & separare sunt conati. Nos vero prædicamus, Deum esse in nobis omnium bonorum causam etiam voluntatum, primarumque cogitationum, sed si quæ sunt in nobis perfectiora, longiusque progressa bona, tota ea à Deo prorsus nobis existere, neque esse in illis quicquam in quo nobis assentari, aut ad partes id nostras dedere debeamus. Principia vero bonarum cogitationum, & voluntatum ex Deo ita existere, ut nostri quoque tamen arbitrij illa sint, ut cum ad ipsum tanquam expetendum, ac exoptabile bonum nosmetipsos sponte vertimus, magnam quidem vim in eo, illicitumque nos trahendi inueniamus, sed quo tamen libertas animi nostri non constringatur. Quamobrem denique illius omnipotentis nomini debitam gloriam, ac subijcimus illi corda nostra, totosque nos aptos ex eo pendere ita intelligamus, ut vitia quidem nostra sint: omne autem bonum, & omnis virtus, & omnis apta ad promerendum actio, ex illo tota sit, nullamque nostram partem in sese habeat, quicquid autem libera voluntate cogitamus atque suscipimus, id solum ita nostrum, ut magnas eius quoque partes Deo attribuamus, ut aut ab eo, aut non sine eo omnia nobis bona, etiam bonorum initia constare sit necesse. INTELLIGO, Iulius inquit, & vere mihi antea hallucinanti in hac quæstione ardua, & difficili nunc primum datur aliquid cernere, in quo oculus mentis meæ conquiescat. Video enim hanc distinctionem tuam ita conservare Deo suam gloriam incolumem, ut tamen nobis nostri libertatem arbitrij non auferat, & si illud quoque intelligo voluntatis huius nostræ Deum cum ei libeat, non modo illicitum, & inuitamentum, ut finem, sed etiam ut mouentem, & impellentem dominum esse, quod est in Paulo nostro patefactum, quem inuitum & reluctantem per vim traxit Deus, ad cognitionem sui. Atque ista quidem voluntatum & cogitationum principia voluctia se cum amore ad finem Deum, & se tanquam stamen ut tu modo dicebas, illius sapientiæ, operationique subijcientia, nimirum illa sunt, quibus à Deo in futuris sanctis tanto ante præcognitis sit iudicium ab eo, & deliberatio hos seligendi, sibi que reservandi, in quibus, & per quos suam omnipotentem gloriam in cæteros postea demonstrer, quæ iam electio, & prædestinatio causa deinceps est, non ut finis, & appetitum, sed ut agens ipsa, atque efficiens, ut tot in ipsis electis diuina beneficia cluceant. Verum reliqua etiam apud me nonnulla, de hac ipsa prædestinatione, seu prædeterminatione dubitatio est. Num

hi sic electi, & diffiniti ab ipso Deo peccare postea possint, & sese à Deo, & ab illius amore auertere? Si enim possunt, quænam est prædestinatio? Si non possunt, quò abiit tam subito conditionis nostræ infirmitas? aut quid isti mereri iam præmij, aut mercedis queunt, si nequaquam ex se, sed ex Deo in bonis, & sanctis operib. continentur? Peccare possunt, inquam, Iuli, nec imbecillitatis humanæ cōditio ad impatibilem firmitatem in illis conuersa est, atq; adeo etiam peccant, & peccabunt. Quis enim est vsq; eò in cœlum oculis animoq; intentus, qui si pedibus per terram ambulet, non offendat aliquando in aliquem lapidem? Veruntamen illis sua peccata non vsq; eò valebunt, vt ad interitum eos, & cum Deo inimicitiam deducant, semperq; ratum erit, quod à Deo de illis fuerit diffinitum. Atq; ipsi quidem ex sese, suaq; impotentia, & labi, & ruere, & pessum ire penitus possunt: neq; vt non possint, operabitur in illis Deus, neq; efficiet, vt sint ipsi ex seipsis impecabiles, verum ipse ex eubijs illos custodiens suis, & quæ ad deiiciendos illos idonea essent, sua potestate propulsans, vimque, & impetum frangens venientium tutabitur assidue electos suos, & sinet quidem eos interdū labi, vt suæ infirmitatis admoniti Dei in se gratiā maiore amore cōplectantur: capi autē, & obrui, ab seq; abduci nunquam sinet. Sic n. scriptum est: Qui habitat in adiutorio altissimi in protectione Dei cœli commorabitur. Et de Dauid suo Deus, Inueni Dauid seruum meum, oleo sancto meo unxi eū, manus enim mea auxiliabitur ei, nihil proficiet inimicus in eo, & filius iniquitatis non nocebit ei. Quid ita vero non nocebit, cum & is sit Dauid, cui possit noceri? Quoniam manus mea, inquit, opitulabitur ei. Et ad Abraam Deus, Ne timeas Abraam, ego clypeum ante te gero. In Euangelio etiam, quā dominus de Antichristo verba faciens, eius aduentum, operaq; prædicat, fraudis plena & impietatis, tot illum signis asserturum potentiam, & auctoritatem suam exponit, vt si fieri possit, erraturi etiam sint electi, tanquam illi quidem per se errare possint, sed à Deo custodiantur. Quo etiam minus hi ferendi sunt, qui ad libidines, & intemperantiam suam omnia referentes, quo ijs solutiore animo indulgent, distitit soliti sunt, si præuiderit eos Deus esse damnandos, quoniam effugere Dei præscientiam non queunt, velle sese interim his mundanis voluptatib. perfrui, ne in utroq; seculo incommoda, & mala perpeti cogantur, quasi vero non ista horum oratio factis comprobata ipsorum damnationis causa sit, aut quicquam illorum ad interitum præuidentia Dei afferat, præter solam cognitionem. Sed hæc quæ in scholis quotidie disputantur, prætermittenda nobis sunt. De meritis dicendū, cum nulla sit hominis virtus, quæ sua vi iuxta, aut tam altè aspirare ad cœli præmium possit, necesse esse Deū eundem, ad quē tendatur, tendentibus ad-

iutorem, & ducem ad semetipsum inueniendum, potiendumque existere. Nunc ad ipsam verborum Pauli expositionem reuertamur, qui confirmare illud volens, quod ante pramiserat, omnia diligentibus Deum cooperari in bonum, rationem dicti sui totam ita a Deo, & deliberatione Dei deducit, vt nescio quid paruum nobis tamen relinquit, quod est in principio positum tanquam fundamentum, & solum ad sustinenda Dei dona. Quoniam quos prae cognouit, inquit, hos & praediffiniuit, vt appareat aliquid nostri in nobis a Deo praecognitum, in quo ipse suum & pus beneficentiae collocaturus iam inde a saeculorum initio sic decernat, & statuatur, atque haec anibo ante omnia tempora. Mor autem in tempore, Quos autem praediffiniuit, hos & vocauit, & quos vocauit, hos & iustificauit. Ecce primum Dei in nobis quod appareat beneficium, & prima gratia ipsa iustificatio, per quam digni a Deo, iam deinde efficiuntur, qui ipsius gloriam mereri debeamus. Itaque subiungit statim: Quos autem iustificauit, hos & glorificauit. Non enim talem gloriam, nisi iustitiae merito nobis vindicamus. Porro ipsa iustitia Dei donum est, ergo omne meritum ex Dei munere obtinemus. Quis ergo dubitabit, cum haec ita sint, quin omnia Deum diligentibus cooptulenter in bonum? etenim si Deus pro nobis, quis contra nos? si ipse defensor, quis oppugnator noster erit? Aut si etiam oppugnabimur, quid contra diuinam omnipotentem defensionem humana, & fragilis poterit oppugnatio? Atque vt quod dixit, de electione, & glorificatione nostra, quam adhuc in spe obtinemus, ex ijs, quae iam accepimus, confirmet, sic argumentum interrogando facit.

Qui utique proprii filii parcus non fuit, sed pro nobis omnibus tradidit illum, quomodo non & cum ipso omnia nobis largietur?

Quia in re summa, & sibi omnium charissima prolixè, & largiter liberalis erga nos Deus fuit, cum vnigenitum filium suum tradidit pro nobis in hanc humanam infirmitatem & mortem, is quod sibi quicquam residui faciat, quod nobis non comunicet, nequaquam est existimandus, sed maxima concessa re etiam ea, quae minora sunt, quae illud filij donum primarium consequuntur, nobis libenter est donaturus. Qui n. filium dat, amore nostri inductus, etiam filij gloriam dabit, etiam nos pro filijs diligit, & paternam erga nos capiet voluntatem, qua haeredes nos faciet coelestium omnium suorum, immortaliumque bonorum.

Quis eriminabitur electos Dei? Deus est iustificans. Quis erit condemnans? Christus mortuus, magis autem & resurrexiss, qui
& est

Est in dextera Dei, qui & intercedit pro nobis. Quis nos separabit à dilectione Dei?

Hoc ideo dictū est, quoniā magna erat inter multos admittatio, quidnam sibi isti nouæ religionis introductores vellent, & suspicio quædam eiusmodi ducta ex communibus hominum malitijs, & cupiditatibus, aliquid eos sibi querere lucri, & autoritatis, quod fermè nouantibus res solet esse propositum, tum autem illa magicæ superstitionis inuidia, de qua heri in nostri sermonis exordio diximus, Christianum nomen exoriens grauitè afflixit. Quibus rebus fiebat, vt qui verbum fidei alioquin non aspernabantur, ad profitendam tamen eam redderetur tardiores, vel iam professam, cum pudore quodam dissimulare conarentur. Quorū timiditati ista Pauli libertas, & vis animi ardens in Deum, atq; illius amore inflammata mens alacritatem, & fiduciam addit, quasi ita arguat. Electi à Deo fuimus, & in eius iusticiam gloriamque vocati, huiusq; ipsius spei firmitatem exijs, quæ iam ab eo nobis tradita sunt, obtinemus. Qui enim proprium suum, vnigenumq; filium largitus nobis est, quo pacto non largietur cætera, quæ à tanto illius erga nos amore expectanda sunt? & nos inepto pudore quodam, metuq; ignominie apud imperitos, à predicando palam ipsius Dei nomine, & apud omnes glorificando abistemus? detrahant qui volunt de nobis licet, & gratium criminum nos infimulent, nonnullorum etiam commissorum ante forsitan & patrum, quid nobis obest vilius iam criminatio? Illa nempe peccata baptismo, & fide erga Deum abluta sunt. Deus est, qui nos iustos facit, & qui taleis nos esse iudicat. Quis alius nos iam condemnat? non moueamur vilius infimulatione, non deterreamur ignominia, quin hunc primum gratiæ Deo habendæ actum, & hanc primam vocem testem nostræ vicissim erga illum beneuolentiæ mittamus, vt palam, & libere ipsius sanctum nomē profiteamur, multa sunt fortassis proposita pericula, CHRISTVM annuntiātib; verum ea metuere non est amoris. Ille mortuus est pro nobis, in quo est absolutio à criminibus nostra, vt iam infimulatores contemnere debeamus, ille etiam magis nobis exurrexit, in quo nos sumus à Deo iustificati, ad iusticiam quippe cum illo exurreximus. Ille sedet in dextera Dei, quam eandem gloriam adituros nos confidimus. Ille apud Deum interuenit, & instat pro nobis, vt stabilis & firma sit electio nostra, & ipsius Dei de nobis prædissinitio, & cum hæc ita sint, tamēne erit quicquam, quod scrupulum nobis aliquem, dubitationēue afferat, quasi diuelli possimus ab amore omnipotentis Dei? & quidnam erit istud? Sic enim ista profert Paulus, tanquam correptus numine, & totus igne diuini amoris sit flagrans.

Afflictio: an angustia: an persecutio: an fames: an nuditas: an periculum: an gladius? quemadmodum scriptum est: Quoniam propter te in mortem tradimur tota die, reputati sumus velut oves occisionis. Sed in his omnibus superuincimus per eum, qui dilexit nos. Confusus enim sum, quod neque mors, neque vita, neque angeli, neque principatus, neque potestates, neque instantia, neque futura, neque altitudo, neque profunditas, neque vlla condita res alia poterit nos separare à dilectione Dei, quæ in Christo Iesu Domino nostro.

Hæc est firmitas à Deo electorum, & prædissinctorum inuicta, atque constans, in omni rerum humanarum turbine, vt vi nulla conuelli, neque prosterni possit, quæ tota ipsa in Dei amore statuta est, in Dei amore, inquam, inter ipsum, & nos mutuo. Sic enim semper intelligendum est, cum in veris, sanctisque amoribus alter sine altero amor esse non possit, quanquam hoc præcipuum sit in Deo, cum, sicut alio loco à nobis dictum est, eodem Spiritu sancto, qui est Dei amor, in cordibus nostris inhabitante, & ipsius amorem Dei erga nos sentimus, & ipsi erga Deum amore conflagramus, vt ab illius amore tamen amor noster exoriatur. Quocunque igitur loco de Dei amore in Paulo scriptum est, ita vt ambiguum videatur, de vtro sit intelligendum, de vtroque accipitur, quando ambo ex eodem fonte, & ex vno Spiritu sancto sunt profecti. Atque hic quidem Paulus non multitudinem solum maiorum commemorat, quæ nos à Deo videantur posse separare, neque separant tamen, sed in eo etiam magis confirmant, hoc enim est, quod ait: Sed in omnibus his superuincimus, per eum, qui dilexit nos, qui sic amore nostri inductus, & quia nos amauit, constituit, & prædissinuit, vt essemus ab eo omnino inseparabiles: hoc est enim superuincere, non modo non diuelli, sed magis etiam cum Deo, ex incommodis conglutinari. Non solum inquam calamitates, & pericula, & angustia, atque ipse gladius, quod omnium extremum est, de quo in psalmo XLIII dictum, quod propter te necamur omni die, reputati sumus vt oves occisionis, non distrahunt nos à Deo, neque auerunt, sed neque alia vlla vis, aut potestas, siue illa humana, siue cælestis sit, siue etiam tempus ipsum futurum, aut præsens, siue quæ supra sunt, siue quæ infra, siue tota hæc mundi creatio, quam videmus, siue præter hanc aliqua præterea vlla sit: confido, inquit, quod nihil horum vnquam poterit nos seîungere ab amore Dei, quem in CHRISTO Iesu Domino nostro gerimus, quod ideo addit in CHRISTO Iesu Domino nostro, quoniam sicut in ipso Deus nos elegit, & prædissinuit maiori fratri nostro, & spiritualem

familiam

familix principi futuros comites, atq; in eodem ipso, & per eundem amoris sui documenta nobis maxima tribuit: sic nos in ipso eodem CHRISTO IESU, & gratiam Deo habemus, & amorem eius agnoscimus, & Deum ipsi quoque vicissim diligimus, atque hæc Apostoli tot rerum aggregatio, quarum vis, & multitudo non tamen diuelli nos potest à beneuolentia, & coniunctione summi Dei, quasi mentis impetu quodam & excessu facta est, ad eum finem, vt demonstraret, quanta sit stabilitas diuinorum decretorum. Nam quòd angeli & principatus, alijque illi spiritus cœlestes studeant nos separare à summo Deo, ne cogitare quidem fas est, sed quòd ne possint quidem, si id studeant, verissime est dictum. Nulla enim omnino creatio creatoris consilio, vel tantulum moræ affert, nedum vt queat diuina consilia frangere, aut peruertere. Et in hoc percursu tantarum rerum id à Paulo est quæsitum, vt probet omnia diligentibus Deum cooperari in bonum, æternaque Dei decreta sanctos suos eligentis & diffusiuentis immutabilia semper esse, illiusque constituti, & decreti, quo quia à Deo in iustitiam, & gloriam selectus est, amorem semper ministrum, & conciliatorem existere, qui & Deum fecit, vt is nos sibi deligeret, & facit nos vt propter ipsum cætera omnia parui pendenda esse existimemus. Multis igitur, & præclaris habitis sermonibus, in quibus de fidei CHRISTI virtute & veritate est dictum, transit rursus ad Iudæos, & arguendos, & consolandos.

Veritatem dico in CHRISTO, non mentior, attestante mihi conscientia mea in spiritu sancto, quòd mæror mihi est magnus, & assidua lamentatio cordi meo. Optarim enim ego met anathema esse à CHRISTO pro fratribus meis, cognatis meis secundum carnem, quicunque sunt Israelita, quorum est adoptio, & gloria, & testamenta, & legislatio, & cerimonie, & promissiones, quorum sunt patres, & ex quibus est CHRISTVS, quantum ad carnem, qui est in omnibus Deus benedictus in secula. Amen.

CUM proxime amoris sui erga Deum Paulus indicia maxima exposuisset, vt quem ab illo nulla vis, nulla potestas, nullum incommodum posset auertere, nunc suæ quoque in proximum beneuolentiæ, & charitatis ingens testimoniam affert planè illud retinens, quod est in vtrâq; scriptura, & laudatum, & præceptum, vt amet quisq; proximum suum sicut seipsum. Et ad Iudæos quidem consanguineos, & fratres suos sermonem habiturus, eorumque diuitiem, per quam ad CHRISTVM conferre se requebant, & ex lege veteri in fidem nouam migrare argumentis, & re-

timonijs ipforummet scripturæ resaturus, præmunit sibi de
 principio aditum, & viam, quod ad illos coarguendos mollius, &
 minore illorum cum offensione accedat, habeatque animos ad
 audiendum paratior. Et quoniam Romæ credentiam Ecclesia
 ex utroque genere constabat, & Iudæorum, & gentium ad com-
 munem illum cœtum scribens omnibus significat, quanto ipse
 amore, quo studio procurandæ, atque oprandæ salutis feratur, &
 moueatur erga cognatos suos. In quo & prudentia Pauli ita po-
 stulabat, vt faceret illos ad discendum promiores, quando quod
 optimo animo fit, maiorem ad persuadendum affert vim minus-
 que etiam si displiceat, comurbar. Et reuera sic se res habebat, vt
 in maximo ipse dolore, mœroreque esset, quod videret genus suum
 à summo illo bono, quod ostentatum illi, & propositum impri-
 mis erat, pertinacia quadam duritiaque animi, & errore mentis
 abalienatum esse, quem suum animi dolorem magnis testibus
 confirmat CHRISTO, & conscientia, & spiritu sancto. Ac
 CHRISTVM quidem vt Deum testem aduocat. Veritatem dico
 in CHRISTO, sic enim vsurpatur in communi more loquendi.
 Veritatem in Deo loquor, quod est testem meæ veritatis facio
 Deum, in quo attestatur mihi conscientia mea, neque ea con-
 scientia, quæ alicui meæ affectioni aut odio, aut amoris præbeat
 testimonium, in quibus animi perturbationibus sæpe accidit, vt
 etiam si se errare conscientia ipsa non putet, nihilominus tamen
 erret. Sed ea conscientia, quæ in spiritu sancto veritatis testis est,
 quæ Deum sibi propositum, & illum sanctum, verumque amo-
 rem fraternæ erga proximum charitatis adiunctum habet. Quod
 porro verum est istud, quod tanta Paule confirmatione præmu-
 nis? Quod, inquit, mœror mihi est magnus, & assidua lamenta-
 tio cordi meo propter fratres meos, hoc enim adiiciendum est,
 vt plenum sensum habeamus. Deinde addit: Optauerim enim
 abdicari ipse à CHRISTO quod illi reciperentur, hoc enim est
 anathema esse à CHRISTO. Aliud enim est, Deo esse anathe-
 ma, quod consecratum, & dicatum Deo est, aliud a Deo ana-
 thema, quod est è sacro, & religioso eiectum, quo vocabulo et-
 iam nunc in ijs, qui è consortio fidelium eijciuntur, Ecclesia vi-
 tur. At vbi tuus ille amor erga CHRISTVM Paule, cui omnia
 modo posteriora longe ducebas, in quo solo inhaerebas, à quo
 nec vitam, nec mortem, nec cœlum, nec terram, nec præsentia,
 nec futura posse te abstrahere, tanta cum fide, & asseueratione
 profitebare? nisi quod rem eiusmodi postulabas, quæ in illo do-
 lore animi, & nube mœrentium cogitationum, quas pro fratri-
 bus suscepiebas tuus, sincero quidem te hoc corde optare com-
 pellebat, vt diuellerere à Deo & CHRISTO, fratrum tuorum
 causa: sed eo magis postulatio illa ad Deum te, & ad CHRI-

STVM arde constringebat. Postulabas enim, non commodum aliquod tuum, quod seorsum à Deo tibi velles adesse, sed maiorem, & celebratiorem postulabat Dei gloriam, fratresque tuos saluos, atque incolumes cupiebas, in quo sane euidentior Dei apparuisset gloria, si ad veram fidem omnes illi perducti essent. Illi enim primi à Deo fuerant filij appellati, illi in eam gloriam vocati, vt gens sancta soli, & populus electus, & Dei hereditas esse censerentur: illorum erant pactiones, & testamenta Dei, vtraque, nimirum, & primum verus illud, quo terræ illis data est, & istud secundum, quo cœli eisdem possessio est promissa. Illis data lex, & quemadmodum Deum colere rite deberent, ceremoniæ veteris religionis traditæ, & factæ promissiones ab summo Deo in eorum patribus, qui cuncti ex illo genere exiterunt: ex quo etiam genere denique fuit CHRIS TVS, quantum ad carnem attinet, qui quod ex Deo est, ipse Deus est benedictus in omne seculum. Hi ergo quibus spes tot bonorum fuerat ostentata, & ex quibus, eorumque ex scripturis, & patribus fides CHRIS TI nacta primum auctoritatem, maioribus deinde ex se, ac illustrioribus signis virtutum, & miraculorum, & sanctissimorum morum in toto terrarum orbe coruscabat, cum ipsi ad fidem minus prompte accederent, neque sibi facile illam persuaderi sinerent, obicem quendam, & offendiculum ponebant in ipso limine credendi, quod adeuntibus afferret hæitationem. Dubitabant enim nonnulli, & insistebant, cum illos ipsos, qui festinare, & ingredi, & scire ista maximè deberent, intuerentur dubitantes, atque ita nomini sancto Dei, & libero processui illius gloriæ impedimentum quoddam afferebatur. Ergo idem Dei amor, qui Paulum totum rapuerat ad se, qui nusquam eum alibi veram rationem boni sui ponere permittebat, adigebat eiusdem animi Pauli magnitudine quadam inauditi amoris, vt id interdum optaret, quod est vnum omnium maximè contrarium amoris. Nihil enim magis optat is, qui amat, quam vt mutuo ametur. At tantum Paulus in amando Deum progressus fuerat, vt pro illius magnificatione gloriæ passurus videretur æquo animo, se ab eo non redamari, & tamen quod optabat, extra omne periculum optabat. Nam vt laqueorum natura, & comprehensio eiusmodi est, vt quo effugere magis coneris, hoc illigatus arctius tenere, sic quicquid propter amorem fit, etiam si videatur ex amore velle elabi, in ipso amore tamen sit id constantius. Quid autem reuera, num hoc Paulus optabat, excidere ipse ex amore DEI, quo cognati sui in gratiam reciperentur? Hic respondendum est, ex affectu illum doloris vere hoc optasse, ex consilij, & rationis iudicio nequaquam. Nam cum affectionum natura ea sit, primum vt officiant semper consilio, & cogitationi, deinde vt in vna

re diu nunquam permancant, sit, vt ad quamcunque affectionem te dederis, illa tibi & veras res offerre, & cupiditates tuas iustas facere videatur: quæ mox si affectione extincta ad rationis iudicium reuocentur, inanes & præposteræ fuisseprehendantur. Aliud porro est ex consilio rationis, aliud ex affectionis motu aliquid optare. Stare in amore Dei Paulus, & iudicio mentis semper volebat, & cum per affectum quoque animi in eam cogitationem ferebatur, illa tunc ardentia, & magna proclamabat, Quid nos ex amore Dei abstrahet? num mors, num vita, num homines, num angeli? & cætera. In quibus memorandis paulo ante quasi in spiritu, & igne perbacchatus est. At cum illo affectu aliquantisper sedato in aliam curam eum de fratribus suis dolor, & cogitatio pertraherebat, tunc alio affectu delatus, atque incitatus, illorum salutem præoptabat, & de sua negligens esse videbatur. Contigit hoc idem Moyfi amico, & famulo Dei erga ipsum Deum, vt cum eum iratum populo, & excidium illi, interuentionemque minitantem, placare, & deprecari Moyses nitere, inueniretque difficiliorem, inter medias preces in hanc vocem prorumperet, Si dimissurus es domine iram tuam populo tuo, dimitte: sin minus, dele nomen meum de libro, quem scripsisti. In eo enim affectu tunc positus, vt de periculo suorum esset sollicitus, quorum salutem faciebat maximi, paulisper in oblivionem suæ salutis venerat, & tamen nullo periculo, quod postula-
bat, postulauit, quippe cum causa ea, propter quam id petebat, causam eidem Deo grauiorem præberet, diligendi eum magis, atque probandi. Atque idem Moyses, qui tunc pro populo ad Deum se de libro vitæ deleri postulabat, post populum pro Deo adorantem idola interficiebat. Attamen Paulus **CHRISTVM** & spiritum sanctum testem animi sui, & voluntatis aduocat, vt appareat eum vere sic sentire, & loqui. Aduocat enimvero, sed testis animi suæ, & doloris, quem de fratribus suis capit, vocat testem, quo reuera ipse vehementissime commouebatur. Quod autem mox subiungit de optato suo in quo salutem suam donare, & concedere saluti fratrum suorum paratus est, id iam non **CHRISTI**, nec spiritus sancti testimonium est, sed affectionis animi sui erga fratres indicium. Namque quod ad Iudæos attinet, omnis profecto Dei omnipotentis beneuolentia & inclinavit de principio ad illos, & deinceps semper donis, promissionibus, præcipuoque studio erga illos declarata est, sicut & testamentum omne vetus, & noua scriptura pluribus locis ostendit. Nam & **CHRISTVS** ipse aliquoties dixit, restatusque est, se tantummodo missum ad oues Israël, quæ perierant, & se non adempturum panem filijs, quem canibus proijceret. Et in Apostolorum actis: Vobis oportuit Iudæis primum prædicari regnum
Dei.

Dei, sed quoniam indignos vos facitis, ecce conuertimur ad gentes, vt Iudæi post illa Dei gratia deiectioni, cum gentes ægre ferrent, quæ Deum nunquam coluissent, in eius ipsius gratiæ, quam ipsi amiserant, possessionem vocatas, de seipsis deberent, non autem de Deo dolere, & conqueri, neque de ipsius Dei tanquam fidem sibi non præstantis gloria, fama quæ detrahere, quando is nihil earum rerum præternisisset, quæ ad docendos eos in gratiam quæ accipiendos in nomine, & fide IESU Christi filij sui forent aptæ. Nam & CHRIS TVS Dei filius ex Iudæis est secundum carnem, qui est idem alia ex natura Deus benedictus in secula. Quod hic aperte à Paulo est prelatum, nisi velimus ad similitudinem antecedentium hoc quoque accommodare, quorum sunt patres, & ex quibus CHRIS TVS, & quorum est Deus verus, quem aliæ præter Iudæos non agnoscebant nationes.

Non ita autem, quòd exciderit verbum Dei. Non enim omnes qui ex Israel, hi Israel: neque quòd sunt semen Abraæ, omnes filij. Sed in Isaac vocabitur tibi semen: hoc est non filij carnis, hi filij Dei, sed filij promissionis reputantur in semen: promissionis enim sermo iste est. Ad hoc tempus veniam, & erit Sarra filius.

Sed etsi, inquit, Iudæi magna ex parte repulsi, quibus erant promissiones factæ, & nationes aliæ in præmia vocatæ promissionum sunt, non tamen fides Dei titubauit, neque illius excidit verbum, sed in sua æterna veritate persistit. At qua ratione persistit? si reiecit quibus promiserat, eos autem vocauit, quibus promissum nullum fecerat? Quia, inquit, non carnis, sed verbi Dei filij hi sunt, qui vocantur. Non enim omnes, qui ex Israël, hi Israël sunt, nomine fortassis quidem, & vocabulo omnes appellantur Israëlitarum, & Israel, sed reuera illi sunt Israel, qui recti Dei sunt, aut quoniam huius Hebraici vocabuli vana est interpretatio, qui Deum mente cernunt, siue etiam cum Deo principes sunt. Isti ergo Israel, qui nomen factis comprobant, sed neque omnes qui semen Abraæ existunt, etiam sunt Abraæ filij, sed qui tantum ex Isaac ab Abraam fluxerunt, sic enim illi diuinitus est annuntiatum, in Isaac vocabitur tibi semen. Non enim ex Ismaele, quem ex ancilla genuit, neque item ex alijs Cheturæ filijs, qui magnarum posteritatum fuere principes, omne semen Abraæ, quod dilatatum in carne fuit, in genere, & honore filiorum comprehensum est. Quippe cum ceteros omnes ex alijs mulieribus genitos à facie Isaac, sicut dicit scriptura, Abraam separatos in alias veluti colonias dimiserit. Sed soli, qui ab Isaac in illa Dei promissione profluxerunt, filij exire & Abraæ secundum carnem, & secundum spiritum diuinæ promissionis, ac ipsius Dei filij. Qua etiam

ratione neq; ipse Esau filius Abraæ, nisi per carnem extitit, quando in illo Dei promissio non est propagata. Quacunq; ergo peruasit, & ad quoscunque peruenit Dei illa promissio Abraæ facta, hi vere filij Dei, & semen Abraæ ex promissione reputandi sunt. Nam neque Isaac filius in totum Abraæ ex carne extitit, quando effecto iam semine patris, & matris vtero, nihilque omnino illis ad generandi facultatē amplius afferentibus totam naturæ vim in eo, non tamen sine viro, & vtero sola tunc promissio Dei expleuit. Ergo ex Abraam, postea per Isaac producti magis promissionis, quam carnis filij profecto sunt existimandi, maiorq; est in promissione, quam in carne cum Abraam & cum Deo consanguinitatis coniunctio. Proinde cum Israhelitis, aut Iudæis, aut etiam Hebræis, siue quocunque nomine illa natio delectetur, promissiones à Deo factæ sunt, & adoptio in filios nunciata, terræque, & regni stabilis, & perpetua possessio, non illa nomini, & voci, sed ipsi rei factæ sunt. Porro in re multo maximam partem habet promissio. Ergo sicut ex semine, & carne Abraæ, qui producti sunt, plurimi ex ijs, & longe numero superiores ab honore filiorum Abraæ repulsi sunt, sic qui in promissione illi succedere, iustius multo, & verius filij sunt appellari. Quare nec Iudæorum reiectio, nec vocatio, adoptatioq; gentium, quicquam de verbo, & fide summi Dei diminuit, quando ab eo potissimum spectata est, non carnis ex Abraam, sed promissionis lux ad Abraam generatio. Ac ne Iudæi respondeant, se tamen non ex alijs eiectis ab Abraam filijs, sed ex ipso Isaac fuisse progenitos, qui non solum carnis, sed promissionis filius extiterit, remque, quod semper agunt, à spirituali generatione ad carnem, corpusque traducant, confutat illos procius adiecto de filijs Isaac eiusdem scripturæ notabili testimonio.

Neque hoc solum, sed & Rebecca ex vno ventrem ferens Isaac patre nostro, nondum enim genitus, neque cum fecissent quicquam bonum, aut malum, ut secundum electionem Dei propositum maneret, non ex operibus, sed ex vocante, dictum est illi, quod maior seruiet minori, sicut scriptum est, Iacob dilexi, Esau autem odio habui.

IN OMNI veteri testamento plurima posita sunt, quæ aduentum filij Dei seruaturi genus humanum, & gentium vocationem, nouamq; legem spiritus in cordibus scribendam, non in litteris, partim vaticinijs, & prædictionibus, partim figuris, partim ipsa rerum gestarum historia admonent, & ostendunt, inter quæ id quod ad futuram adoptionem gentium, repudiationemq; Iudæorum pertinebat, sæpius qui primogeniti parentibus suis fuerant, &

rant, & capite generis exclusi minoribus natu fratribus loco, & honore primi ordinis concessere, quod iudicium euident, & vaticinium semper fuit, Israel primogenitum Dei filium alteri post se genito de honore primo decessurum. Ac ne hoc fortuitum, aut obiectum cuiquam videri possit, in ipsis principibus nominis, & generis Iudæorum, Patriarchis videlicet, & ducibus omnibus fere visu contigit, ut qui primi eos parentes fecissent, patrumque nomine appellauissent, ex filiorum ipsi priorum loco exciderent, posterioresque fratres suos cernerent, in primum honorem generis accersitos, atque sublato. Nam & Abraam cum Ismaelem primum filium extulisset, Isaac secundum illi prætulit, & Isaac duobus filiis geminis vno foetu sibi natis, eum qui posterior exterrat, primum hæredem constituit. Et Iacob, non Ruben solum primogenitum, illo honore deiecit, Iudamque in eius locum induxit, sed & postea cum accessisset ad Aegyptum, senexque & oculis capus, filios Ioseph sibi in liberos adoptaret, venturaque omnibus prædiceret, formatis in modum crucis brachiis, & dextra manu supra caput Ephraim, qui minor natu erat, eique sinister astitabat polita, & sinistra supra Manassæ primogenitum Ioseph, ad dextrum latus translata, per illam crucem ordines, gradusque permutans signo clarissimo futurarum rerum ita minorem filium in benedictione antetulit, ut illo admirabili vaticinio aperitissime ostenderet posteriores Dei filios, quos crux illa distinxisset, multo maiore in honore, & gratia apud Deum futuros. Talia igitur exempla nunc proponens Paulus indignantibus Iudæis, & iniquo animo ferentibus se posteriores quodam modo à Deo habitos, & gentes esse in primum honorem gratiæ vocatas, quoniam quod de Abraam dixerat præferente Isaac Ismaeli poterat habere aliquam apud Iudæos obiectionem iure id in illis accidisse, quorum alter de ancilla natus esset, posterior de libera, sese autem omnes ex libera filio Isaac natos esse, reperit rursus rationis suæ vim in ipso, item Isaac, qui cum esset ille electus ab Abraam filius, duosque ex eadem vxore Rebecca liberos vno partu sustulisset, prius egressum in lucem ex matris utero Esau, & posterius secutum Iacob, tamen non tam is quidem sponte, quam diuina prouidentia compulsus minorem filium maiori præposuit. Ac ne humanis ista attribuerentur euentibus, hominumque forsitan autoritas parui esset, adiungit diuinum de eadem scriptura testimonium, inquit, non solum hoc factum fuisse in Abraam, & in illis duobus non de eadem matre liberis, sed etiam in his, qui ex vna matre, vnoque patre sunt editi. Namque Rebecca vxor Isaac cum ex viro vno conceptum haberet, quo quidem conceptu geminos parturiebat, atque illos inter sese in utero colluctantes sentiret, audiuit ex Domino, antequam illi in lucem prodiret.

prodissent, antequam quicquam boni fecissent, aut mali, audiuit, inquam, quodd maior seruetur minori. Et in alia scriptura Malachia Propheta idem Dominus dicit, Iacob dilexi, Esau autem odio habui, quæ sunt ab Apostolo inducta ad comprimendam alteram illam Iudæorum querelam, quæ se primò a Deo genitos, post reiectos, & gentes in primum honorem filiorum introductas non mediocriter conquerebantur, detrahere quæ tentabant de omnipotentis Dei fama, atque gloria, tanquam is iniquum quippiam, & inexpectatum egisset, ostendit enim Paulus ita solitum agere Deum, cum ipse bonum, ita factum atque rectum diuino suo consilio esse iudicat, cuius iustitiæ, & æquitatis veritatem ipse ante seculum omne cognoscat, nos postea euentis rerum edocti perspicamus. Atque ita duabus iam querimoniis Iudæorum elisis, atque abiectis, vna, quæ querebantur fidem illis promissionum à Deo non fuisse seruatum, quando eam Deus Israël præbuisset, gentibus persoluisset: in quo responsum ab Apostolo est, Israël esse semen, & filios promissionis, non generationem carnis. Altera, quæ secundos filios primis prælatos esse grauitè ferebant, quod in ipsorum principibus, & Patriarchis ostendit Paulus Deo fuisse vnitum. Nunc ad asperiores multò, & grauiorem querelam tertiam confutandam maiore apparatu se confert. Dicerent enim Iudæi, id quod & dicebant, & non sine causa dicere videbantur, Quid ergo? num nobis gentes antelatae sunt, eo quodd meliores nobis sunt? num illæ nobis iustiores, aut continentiores? Num in vno Deo colendo diligentiores? quem ipsæ non nouerunt, atque aded ne nosse quidem curauerunt, nos & nouimus, & prædicamus, & colimus, hæcne igitur gratia nobis bonorum operum relata est: vt ab his, qui solas suas cupiditates explere pro Viis sibi, & pro religione habuerunt nos, qui multa nobismetipsi facienda, patiendaque præscripsimus, qui pluribus rebus propter honorem Dei, & legis à Deo nobis latae abstinemus, in præmijs apud Deum, & in honore vincemus? Huic grauissimæ, acerbissimæque querimoniæ, quæ tota nixa est bonorum fiducia operum, in quibus Iudæi sibi multum arrogabant, responder nunc Apostolus, opera semper hominum aspernans, & gratiam Dei, gloriantique magnificans, electionem illam Dei ex ipsius deliberatione, & proposito, quo vno modo maximè rata ea, & permanens deliberatio est, ac non ex nostris operibus pendere. Itaque ante natos Iacob, & Esau, antequam boni quicquam ex illis, aut mali fuisset editum, Deum sic elegisse Iacob minorem fratrem, vt maiorem illi Esau in seruitutem dederet, & quod etiam apertius, & significantius dictum est in Propheta, antequam vterque eorum nasceretur, Iacob Deo dilectum fuisse, Esau autem odio habitum. Et quoniam huiusmodi

modi responsio ea erat, quæ in multas, & magnas incurreret difficultates, magisque exulceraret eorum dolorem, qui exposcebant de Deo, & conquerebantur, quàm leniret, ideo inlustratius Apostolus, & commoratur in ea, nunc sibi ipse obijciens, quod ab illis intelligebat iri obiectum, nunc obiecta dissolvens.

Quid ergo dicemus? num iniustitia apud Deum? absit. Moyse enim dicit: miserebor, cuius misereor, & miserabor, quemcumque misereror. Itaque non volentis neque currentis, sed miserentis est Dei.

QVID mirum, inquit, si dixi tibi electionem Dei, quam de nobis facit ex ipsius proposito, non est operibus nostris esse aptam? non est hæc iniustitia Dei, non enim habet ille, quibus præmia hominum iure debeat, quandoquidem omnes filij iuxta nascimur; nec solum parentis primi labe, & vicio, sed nostris deinde quisque peccatis peculiaribus inquinati. Nec est cur quisquam ex operibus sibi arroget, & veluti pro suo iure petat, ut honoris apud Deum, & præmiorum fiat particeps. Sed hi eliguntur, hi non eliguntur, quia horum Deus miseretur non illorum. Dei enim eligere, misereri certè est, quia nullius opera tanti sunt, ut mereantur, & non misereri Dei est rejicere, quod omnium opera magis promerentur. Quemadmodum Deus ipsemet in communi peccato filiorum Israël, qui vitulum aureum in solitudine adorauerant, Moyse dicit, se miseretur, quorum tunc miseretur, & non miseretur quorum non tum miseretur. Quanquam hoc secundum non sic disertè pronunciatum à Deo, sed ex priorè illo necessariò est intellectum. Quod si ita sit, adipisci gratiam, & dignum præmio fieri, non volentis est, neque currentis, quod à gymniciis certaminibus est inductum, & pro omni conatu rectè agendi, omni que bona operatione ponitur, sed miserentis est Dei, ut quicquid honoris, ac loci apud Deum obtinemus, non operibus id nostris, nostræque voluntati, quam hic certè Apostolus innuit esse nostram, sed Dei ipsius proposito, & misericordie tribuamus. Et rursus in alio scripturæ loco.

Dicit enim scriptura Pharaoni, quod in hoc ipsum suscitavi te, ut ostendam in te potentiam meam, & ut annuncietur nomen meum in omni terra.

Hoc est Dei iam non miserentis, atque ideo nec eligentis, quod Pharaoni contigit, quem non solum excitavit Deus, ut ostenderet se ille spectaculum toti mundo mirabilem, & potentie summæ Dei: verum etiam ad hunc ipsum finem Deus illum se excitasse testatus est, ut ostenderet ipse in eodem illo vim suam;

gloriamque nominis sui in orbe toto diffunderet. Et quoniam prior dubitatio nondum soluta est, etenim si miseretur Deus, quorum illi videtur, ceterorum verò non miseretur, nulla autem appareat huiuscemodi differentie causa, nisi sola voluntas prepotentis Dei, de duobus alterum videtur necessarìo consequi, ut aut iniustus Deus sit, huic magis quam illi sine ratione fauens, aut nostra, qui delinquimus, peccata minimè sine plectenda, quando ipso Deo volente sic perpetrata sunt, quod proxime de Pharaone scriptura videtur indicare: idcirco Apostolus iussit iterum, & sibi metipse has dubitationes opponit.

Igitur cuius vult, miseretur, & quem vult, obdurat. Dices igitur mihi: Quid etiam nunc queritur? voluntati enim eius quis resistit? Imò o homo, quis es tu ex aduerso respondens Deo? Num dices puerile ei qui si vult, cur me fecisti huiusmodi? an non habet potestatem figulus luti ex eodem mixto facienda hoc quidem in honorem vas, hoc autem in despicatum?

PRIMA ista verba Apostoli sunt concludentis ex illis scripturæ locis, quòd omnia nostra ex electione, & proposito Dei sunt, non ex operibus nostris. Quando ipse Deus, quorum vult, miseretur, & quos vult, obdurat. Nam & ipsemet Deus in Exodo Moyli dicit, Obdurans obdurabo cor Pharaonis, ut ne dimittat populum meum. Et quoniam acris obiectio exornatur, quid ergo nos pœnæ meriti sumus, cum quid delinquimus, aut cum ad cupiditates nostras toti delabimur, si Deum sic volentem tanquam authorem culpæ, & criminis habemus, cuius voluntati non possumus non parere? Hoc responsum hominum velut in indagatione, atq; ira loquentium, ipse quoq; commotus eorum petulantia Apostolus asperius refellit, ut discant modestius & reuerentius de summo authore omnium bonorum Deo, & de immensa, ac inscrutabili illius Sapiencia loqui. Tu quidam es, inquit, qui sic audacter, & superbe tanquam par pari, & nihil illi concedens respondeas Deo? An hoc modo figulum interrogant fictilia, Cur me non honestum, neq; exornatum vas, sed incomptum, despicabileq; fecisti? Nonne figuli est potestas ex eadem creta fingendi vas cuiusce modi velit, huic mens illud paratum velit esse, siue sterquiliniis? Enimvero Deus maior multò figulo est: & tu homo præ Deo luto etiam es contemprior, quæ ergo temeritas te aduersus Deum concitat? exquire potius cunctanter, & venerabunde harum rerum rationem & causam, & ostendetur tibi, quam sic proterve in reprehensionem Dei erumpas, quæ ratio ea est.

Si autem volens Deus ostendere iram, & notificare, quantum possit

possit ipse, tulit in longanimitate multa vasa ire accommodata in interitum, atque ut notificaret diuitias gloriae suae in vasa misericordiae, quae preparauit in gloriam, quos & vocauit nos non solum ex Iudeis, verum etiam ex gentibus, sicut & in Osea dicit: Vocabo non populum meum, populum meum: & non dilectam, dilectam: & erit in loco ubi dictum fuit eis, Non populus meus vos, ibi vocabuntur filij Dei venturi.

PAVLVS vt est contextus sententiis, & implicitam ferè etiam cum altera cogitationem proferens, soluere quidem incipit obiectas quæstiones, sed antequam inferat conclusionem in alteram statim probandam rationem insilit, legentibus relinquens prioris concludendi, & stabiliendi argumenti cogitationem. Erant autem querelæ, & quæstiones ab Iudeis partim, partim à quibusvis motæ, atque illatæ. Iudeorum illæ propriæ: Vna quod fidem illis eorum quæ promiserat, non videbatur præstisse Deus, cui respondit Apostolus, non omnes esse Israelitas qui dicantur Israelitæ, sed Israelitis spiritualibus, & ex verbo Dei profectis promissiones suas fecisse Deum, eisdemque illas persolvere, ac persoluisse. Altera quod cum ipsi primogeniti Dei filij iam antè exstissent, à secundis liberis venientibus in adoptionem honore, & gratia omni apud Deum vincerentur. In quo ostendit Paulus quod factum in se agere ferant, & tanquam iniquum, ac nouum conquerantur, Deum in patribus ipsorum & primis illis generis principibus omnibus ferè diu antea fecisse, vt primogenitos illorum filios principatu generis deiceret, & minores fratres in deiectorum locum substitueret. Sicut in Ismaele, & Isaac, in Esau, & Iacob, diuino consilio fuit demonstratum. Tertia iam querimonia Iudeorum grauissima illa erat, quod cum ipsi & legis iustitia edocti, & operibus bonis meriti essent, vt maiore multo in honore apud Deum esse deberent: à gentibus tamen, quæ neque iustitiam, neque legem antea cognouerant, neq; Deo vero honorem vllum habuerant, in adoptione nouæ gratiæ anteirentur. Quam illorum conquestionem refutat Apostolus ea ratione, quod non ex meritis nostris, neque ex operibus gratiæ apud Deum nobis gradus acquiratur: sed ex Dei ipsius misericordia duntaxat, & voluntate, quam rationem ex longè diuersa conditione duorum fratrum Iacob, & Esau iam inde à Deo illis destinata, antequam in lucem ij prodissent, & ex scripturæ testimonio duplici confirmat. Et hætenus quidè Iudeis nominatim est responsum. Quoniã vero postrema ista responsio nouam rursus, & perdifficilem excitabat quæstio-

nem nec illam magis à Iudæis quam à cæteris, ad eam quoque dissoluendam aggre ditur Paulus. Diceret enim quilibet: Si nihil est à nobis, & Dei omnia subiecta voluntati sunt, quid de nobis conqueritur? si minùs ipsi probi, integrique sumus, si voluptates nostras aut emolumenta illius honori, & cultui anteponi mus. Hanc objectionem primò refellit asperius arrogantiam contundens istorum, & exemplo siguli ostendens nò debere eos tam superbè in disquisitionem huiusmodi summum Deum accersere. Deinde hac etiam eam responsione dissolvit, non esse causam exprobrandi quicquam Deo, nec pravis cupiditatibus propterea indulgendi, quòd videamur id quasi necessariò sic Deo volente facere, quandoquidem non est ista culpa in Deo posita, sed in nobis. Pharaonem enim longè iam antè accommo dantem se, ut fieret vas despicationis atque iræ, & semetipsum ad interitum concinnantem, posteaquam diu, & inultum per tulerat, eiusque extremam amentiam Deus patienter expectasset, ut vidit occasionem existere aptam, qua produceret illum in me dium, & quasi in aciem atque in certamen contra se pertraheret, quò declararet omnibus in illo vim & potestatis, & magni tudinis suæ, atque item ex altera parte, ut patefaceret, notasque redderet diuitias gloriæ suæ in ea vasa misericordiæ, quæ præpa rauerat ipse ad gloriæ suæ in eos homines, qui sese quidem aptauerant ipsi, quoad in illis fuit, ut essent misericordiæ rece ptacula, aut certè non se ad iram & interitum accommodauerant. Verùm quos imprimis ipse Deus ex æterno principio ad gloriæ suæ electos, & prædissimiles præparauerat. Nam nos quidem per nosmetipsos ad gloriæ suæ non possumus præpa rari, Deo opus est & diuino auxilio, atque aded ex Deo totum est, quòd efficimur apti, per quos ille suam gloriæ omnibus hominibus ostendat, a nobis aliqua in initia quidem bonæ volun tatis, ut præparari ad misericordiæ apti simus, proficiscuntur, sed neque ea sine Deo tamen, ut antè dictum est, ipsa autem præ paratio ad ministerium diuinæ gloriæ Dei opus est, & non no strum. Igitur inquam, si fuit tum occasio Deo idonea, atque op portuna in utramque partem sic se demonstrandi, ut in illo po tentiam, & virtutem, in his gloriæ suæ & misericordiæ indi caret, quid est, quòd tu arbitreris (hoc enim deest contentiæ, ac conclusioni, & supplendum est) tuis sceleribus, & peccatis excusationem tibi ex Dei voluntate præcedendam esse non ille vult, neque creat tuum crimen, sed cum te iam profligatum pe nitus, perditumque cognoscat, excitat in medium, viturq; tan quam vase proiecto, atque iniuri, neque amplius vult ullam suam admonitionem, denunciationemve periculi vllum poenæ atque exitij metum ad penitentiam tibi aut ad spem implorati

de misericordiae valere. In quem sensum & à Deo Moyfi dictum est se obduraturum cor Pharaonis, vt ne dimitteret populum. Et in Hieremia, se occaecaturum oculos eorum, vt ne videntes viderent, & meditantes ne intelligerent, ac conuerterentur, & ipse sanaret eos. Non enim eos Deus, qui tenebrarum filij iam effecti sunt, quiq; omnem vim, & potestatem rationis, ac voluntatis suae improbitati, & libidini penitus subiecerunt ad lucem amplius, & ad salutem erigere vult, hoc est, vt conuertantur, vltius expectare: sed cum occasio adest, atq; opportunitas, qua poenam illorum ad gloriam sui nominis, & ad exemplum, doctrinamq; bonorum proficere posse intelligit, tunc productos in spectaculum, tanquam in harenam dignisq; suppliciis damnatos veluti foris objicit, vt in vtroq; appareat magnitudo gloriae suae, & in plectendo perditos, & in miserendo his, qui se paratos, & idoneos ad decipiendam misericordiam praeberint. Porro autem hi sunt, qui non ex Iudeis tantum sunt ab ipso Deo, sed ex gentibus vocati, qui non carnis, sed promissionis filij, & verè Israelitae sunt. Quod denuò aduersus Iudeos est prolatum, qui se vnos arbitrabantur Dei electione dignos, gentes autem reliquas tanquam pollutas, atque impuras ab omni Dei cura, & prouidentia opinione sua abdicabant, quam eorum opinionem Apostolus aliquot scripturae testimoniis deinceps refellit, ex Osea primum, apud quem Deus, *Vocabo nō populum meum, populum meum* inquit. Quod quidem manifestè de gentibus est dictū. Et non dilectam, dilectam congregationem, Ecclesiamq; videlicet, quam in amore non habebam, amaturus mox sum. Et erit quemadmodum dico, scilicet, *Quid autem erit? Quod quo in loco dicebatur, Non populus meus vos, in eo vocabuntur loco, non modò populus, verum etiam filij Dei viuētis.*

HIC IULIVS, etsi planus hic mihi videtur Apostoli sensus, inquit, tamen cum ad ea quae paulò antè disputata à nobis de libero arbitrio nostro, deque Dei in nobis iudicio voluntateque sunt, aliqua hic à Paulo posita aduersari videantur, peto à te, vt regrediare paulum ad haec ipsa diluenda, quae vsque eò nihil in nobis positum esse constituunt, per quod Deus hos illis in eligendo habeat potiores, vt nec ipsius Dei in discernendo, seligendoq; sapientiam, nec arbitrij nostri libertatem videantur relinquere. Etenim obsecro, quid est, quod de Iacob & Esau scriptum antequam essent geniti, antequam boni quippiam, maline fecissent, vt ex electione propositum Dei maneret, & nō ex operibus, sed ex vocante, vnum esse alteri in seruitutem fratrem datum, & alterum dilectum Deo, alterum odio habitum, nisi quod voluntatem Dei in illorum vtroq; non modò sors, & conditio vitae, sed diuersa etiam studiorum & voluntatum susceptio secuta est? Aut

quid aliud indicat, Miserebor cuius miserebor: & Non volentis est, neque currentis, sed miserentis Dei. Et rursus, Cui vult miseretur, & quem vult obdurat, nonne nos totos ita ex Deo pendere, vt nullam in partem ex libero arbitrio nostro, sed tantum impellente ipso commouere nos valeamus? Quæ quanquam mihi duriora, & multis implicita difficultatibus videntur, egoq; pristinam tuam opinionem & sententiam illam leniorem videlicet; magis probo, quæ aliquod initium nostræ voluntatis non quidem sine Deo, sed tamen nec sine nobis statuebas positum esse in nobis, tamen quoniam & ab hac parte multi stant docti homines ac probati, resq; digna consideratione graui est, proptertum feceris mihi, si adhibueris diligentiam, quo ista, quæ hic ab Apostolo aduersus liberum arbitrium dicta esse existimantur, non tamen talia omnino esse, neq; facultatem liberè quod velimus eligendi auferre nobis intelligantur. F A C I S inquam Iuli, quod discere cupientium maximè proprium est, vt nullum verbum velis in Paulo non bene examinatum ac perpensum prætereire. Nam nec ille in tantis cœlestium mysteriorum explicationibus vel vnā minimā literam in scribendo sine consideratione maxima disposuit. Sed tamen hæc, quæ hic à Paulo sunt posita, non mihi ita obstare libero nostro arbitrio videntur, vt illud tollant. Quin, & si ea Dei potestas in nobis est, quæ certè est, vt nihil absq; eo rectum, neq; nobis salutare suscipere, aut exequi possimus: tamen voluntatem nostram liberam teneamus. Vt enim paulò antè dixi, velle certè à nobis quadam ex parte est, siquidem Dei in nobis operationi & ipsi cooperamur, itemq; in nobis est moliri nonnihil atq; contendere, vt tanquam manus Deo porrigentes subleuemur ab eo primū, deinde recti constituamur. Verum ita se habet omnis nostra molitio, vt inanis, & vacua ipsa per se sit, nisi gratia Dei, misericordiaq; aduenerit, quæ illam compotem voti, atque ipsi Deo gratam faciat, & acceptabilem. Non enim est volentis, neq; currentis, sed miserentis Dei. Quod si velle, & currere nihil omnino ex nobis, sed ex Deo totum esset, non magis esset dictum miserentis esse Dei, quàm volentis: quippe cū velle decretum, & constitutum in se habeat, misereri verò opem, atque auxilium, voluntasq; Deo libera, & absoluta in se sit, misericordia verò ad illum hominem aspectum referat, cui misereatur. Etenim volentibus sibi opem & misericordiam tribui, miseretur Deus. Nam cū sub seruitute peccati nati nos simus, neque nostra ope, ex illo, nostrisq; viribus emergere, atque eiecere nosmetipsos queamus, solumus quidem ex nobis etiam & adnitimur, veruntamen ad confurgendum Dei omnipotentis ope indigemus, qui tendentes brachia ad sese, corpusque agitantés vt euoluantur, misericordia sua adiuvat, ignauos verò,

& de-

& desides, neque quicquam agentes, quamobrem debeant subleuari, in ipso luto infixos, perditosque relinquit. Nam quod Paulus sic ponit, ut secundum electionem propositum Dei maneret, non ex operibus, sed ex vocante, in hunc mi frater modum debes intelligere, atque adeò necessariò sic intelligendum est, ut quoniam, quæ ventura sunt circum electos & vocatos Dei ea à Deo prouisa, & prædiffinita iam sunt, non sit eorum euentus, atque decursus humanis actionibus permittendus, quæ fragiles, & mutabiles suapte natura si ducerent ipsæ, & regerent decreta Dei, nullum eorum stabile, & immutatum sinerent, verum quòd non mutant illa, quòd rata, firmaque sunt, quòd nullo vnquam tempore euentu suo frustrantur, hoc est non operum nostrorum, sed electionis, & vocationis, & propositi summi Dei. Ergo quæ circa duos fratres euentura Deus tantò antè prouiderat, atque uti ita euenirent, decreto ipse suo imprimis diffiniuerat, ille quidem præcognitis ambobus, sic iam tum disposuit, & diffiniuit, ut maior minori frater seruiret fratri, ipseque diligeret alterum eorum, alterum odio haberet: Verum est id ad eum quoque finem ab Apostolo inductum, ut quòd adsciscerentur gentes in filiorum nomen, ipsi autem priores filij ejicerentur, non nouam aliquam Iudæi mutationem animi, sed vetus & stabile decretum in omnipotenti Deo esse intelligerent, apud quem in decernendo, ac constituendo nullum tempus est, neque præteritum, nec futurum, sed omnia vnà, atque simul in eodem vniuersæ æternitatis momento illi sunt præsentia, quæ diffinita semel à Deo nullum tempus deinde, nulla vis, nulla nostra actio possit infringere, aut variare, quo etiam sensu dicitur se miserturum, cui iam miseretur, ut inuiolabile constitutū Dei esse perspicias. Nam quòd obdurat, quem vult, tunc quidem dicitur obdurare, cum desperatum iam hominem, & in vitio suo penitus perditum producturus in spectaculum aliquod, in quo aut seueritas Dei ad vnius poenam, cæterorumque disciplinam, aut vis, & potestas & magnitudo eiusdem aduersus superbos, & impios ostendenda sit, non patitur ampliùs moram vllam neque damnato dat locum respirandi, nec resipiscendi, quòd in Pharaone fecit, quem tamen ipsum cum se obduraturum antea prædixisset, potentemque manum suam in illo exerciturum, quot tamen modis (ò clementiam incenarrabilem) quibus castigationibus, & monitis, quanta cum patientia, & longanimitate ab illa impia voluntate deducere est conatus? quoties illi spiramenta incommodum præbuit? & tanquam illi crederet affirmanti dimissum ab eo iri populum, plectentem manum suam, & verberantem tantisper ab eo amouens, ab illa duritie animi studuit reuocare? vsque adeò alienum à Deo est, ipsiusque bonitati,

& humanitati contrarium damnare, aut nocere, aut malefacere cuiquam, nisi notipſi nobilinet illam extremam peſtem illius abalienatæ opis accerteremus. An exiſtimamus aliud eſſe cauſa, cur homines impij, & ſcelerati in hac ſæpe vita ſic ſuſtineantur? eſt hoc conſilium, & admirabilis clementia omnipotentis Dei, qui perfert prauos vt reſiſcant, ſemperq; omnibus adeſt, vt excipiat malos, ſi fortè velint, atque inſtituant boni fieri, & bonos, atque electos ſcuto veritatis, & decreti ſui circumdet, & protegat, vt ne terreantur à timore nocturno, à ſagitta volante in die, à negotio perambulante in tenebris, ab incurſu, & dæmonio meridiano. Et quoniam in natura hominum parum eſt firmitatis, non ex operibus illorum, ſed ex electionis ſuæ decreto ſtabile DEI propositum in ſuis electis glorificandis maneat. Sed ne diutiùs euagmur, redeamus iam ad Pauli verba, à quibus diſceſſimus.

IMO VERO mi frater, inquit Iulius, non hoc eſt vagari, ſed certo in loco conſiſtere, cùm iſta de Deo, & cogitamus, & loquimur, illiusque infinitam vim bonitatis & recordatione noſtra ſæpiùs, & prædicatione uſurpamus, ſed tamen tu ad inſtitutum reuertere.

Eſaias autem clamat ſuper Iſrael, ſi ſit numerus filiorum Iſrael, vt harena maris, reliquia ſaluæ ſunt. Sermonem enim conſummans, & corripiciens in iuſtitia, quoniam ſermonem compendioſum faciet Dominus in terra, & ſicut prædixit Eſaias, Si non Dominus Sabaoth reliquiſſet nobis ſemen, vt Sodoma facti eſſemus, & ſicut Gomorra ſimiliter fuiſſemus.

DVO hæc teſtimonia hic inducta ſunt, ad oſtendendum non Iſraël, nec quâ Iſraël, ſed ſolos electos Dei ſaluos eſſe, & tamen ſpiciat in illis fidei noſtræ myſterium. Dicit enim in Eſaia Dominus, Quantumuis numeroſus, & multus ſit Iſraël, non cum vniuerſum, ſed reliquias ſaluas fore, quod indicat, & denotat electorum ex Iſraël paucitatem. Quòd ſi Iſraëlis, hoc eſt populi Iſraëlicæ ſalus, & promiſſio, & gratia propria eſſet, non reliquias Iſraëlis, ſed vniuerſus Iſrael ſalutem inueniſſet. At quomodo reliquias ſaluæ? quia, inquit, Dominus eſt (hoc enim intelligendum) terminans, & corripiciens ſermonem in iuſtitia: quia, inquit, ſermo Domini omiſſis tot controuerſiis, & obſervationibus, & anſractibus Moſaicæ legis, breue faciens, quod necellè eſt ſalutis totam rationem in vna fidei iuſtitia ponet, atq; concludet. Nam legis iuſtitia, vt quæ in variis curis, & actionibus, & litibus de humanis reb. appetendis, dirigendisq; verſantur, plures ipſæ quoq; & variæ neceſſariò ſunt. Vna autè eſt ad ſalutem iuſtitia, quæ ſola
apra

apta sit, nihil omnino videlicet, tribuere rebus humanis, & ad ea sola bona, quæ cœlestia sunt, spe, & cupiditate contendendo sese omni cum fiducia totum Deo permittere, qui sermo est Domini, & ipse CHRISTVS hanc iustitiam veram, & singularem qui obtinet, quam ex sola CHRISTI fide Deo donante potest adipisci, nihil cæteris legis iustitijs indiget, neq; in tot chartis, librisq; euoluendis, sed in hoc solo fidei tenendo sacramento spem certam suæ beatitudinis retinet. De quo idem Esaias: Quoniam sermonem, inquit, compendiosum faciet dominus in terra. Ergo illi, qui ex Israel electi sunt, reliqua omni neglecta, posthabitaq; multitudine in hoc sermone breui sunt seruati, vel quod spiritu cum sancto edocti prouiderunt, & crediderunt, vel quod à Deo in eorum, qui promulgaturi illum toto orbe terrarum erant, semen & stirps sunt relictæ. De quo item Esaias, Nisi dominus Sabaoth reliquisset nobis semen, sicut Sodoma, & sicut Gomorra similiter cecidissemus. In quo indicat propheta vt esset semen eorum, qui verbum compendiosum suscepturi erant, hoc est, vt conseruarentur patres, auiq; eorum, qui fidem CHRISTI accepturi, atq; vt tanquã semen ad spem exoptatæ frugis retinerentur, iccirco cunctum reliquum Israel a Deo sustentatum fuisse. Non habet igitur Iudæus, cur tantum confidat generi, & nomini Israel, aut cur ad promissiones illas Dei tantopere attendat, quando non vt ex Israel, sed vt ex eligente, & vocante Deo quisq; salutem, & gratiam adipiscitur, ideoq; nec mirum est illam, & salutem, & gratiam etiam gentibus fuisse datam.

Quid igitur dicemus? quando gentes quæ non sectantur iustitiam, apprehenderunt iustitiam: iustitiam autem, quæ ex fide. Israel autem sectans legem iustitiæ, ad legem iustitiæ non euasit. Quid ita? quia non ex fide, sed vt ex operibus legis. Offenderunt enim in lapidem offensionis, sicut scriptum est: Ecce pono in Sion lapidem offensionis, & petram scandali, & omnis credens in eo non confundetur.

GENTES, quæ de iustitiâ minime ante laborabant, quæ solam vitam illâ rectam, & congruam esse existimabât, quæ est animo suo gerere morem, & cupiditates suas pascere: ita tamen vt cum ipsis vnâ voluptatibus incolumitatis, & valitudinis & apud præstantiores animo etiam dignitatis ratio duceretur, hæ repente fidei iustitiam, hoc est breuem illum sermonem sunt amplexæ, suasque spes omnes è terris transtulerunt in cœlum, & ad Deum penitus è modo commigrauerunt. Iudæi vero, qui legem iustitiæ sectabantur, non peruenierunt ad iustitiæ legem, quoniam in breui illo sermone non crediderunt, nec vt anteferrent illum verbosæ

Legi Moyſis in animum induxerunt : ſed in iſtis multiplicibus, & varijs legis operibus agitati, atq; iaſtati, infirmasq; , & tenues conſectari iuſtitias, quæ laborem animi, corporisq; permagnū, nullum autem fructum illuſtrem, neq; cogitationem veræ gloriæ aſſerebant, ab ipſa comprehensione veræ iuſtitix, quæ ex CHRISTI fide eſt, aberrauere. Offenderunt enim, inquit, in lapidem offendiculi, quod certè non debebant, cum ab eodem illo Eſaia tanto ante prænunciante admoniti fuiſſent, poſiturū Deum inter ipſos lapidem offenſionis, & petram ſcandali : qui & ſi eoſ eſſet à veteri lege in nouam fidem auocaturus, & ab vſitatis iudicijs, ac purgationibus, & cerimonijs legis in ſimplicem, & inauditam iuſtitiam inducturus (hoc enim erat lapidem eſſe offenſionis) quando omnis vetus mos probatus patrum, auorumq; iudicio, ac præſertim etiam authoritate Dei confirmatus, noui ritus, atque moris maiorem, illuſtrioremq; veritatem, atq; iuſtitiam non niſi à probis, & omnia æquo animo auſcultantibus hominibus finit agnoſci, vt maior multo pars contemptu, & contumacia quadam in ipſo ſtatim initio ab omni cura cognoscendi, & intelligendi ſe auertat. Sed etſi nouam, & inſolitam ſimplicis iuſtitix legem in illo breui ſermone erant audituri, ei tamen ſi credidiſſent, fidemq; CHRISTO Domino habuiſſent, nulla eos verecundia, nulla poenitentia erat exceptura. Nam & propheta idem ait, Et omnis credens in eo non confundetur.

Fratres propenſio quidem mei cordis, & deprecatio ad Deum pro Iſraeli eſt in ſalutem. Teſtimonium enim illis do, quod zelum Dei habent, ſed non ſecundum cognitionem. Ignorantes enim Dei iuſtitiam, & propriam iuſtitiam, quærentes ſtatuerè, iuſtitia Dei non ſe ſummiſerunt. Finis enim legis Chriſtus in iuſtitiam omni credenti.

RVRVS Iudæos accusaturus, qui fidem CHRISTI ſuſcipere renuebant & apud communem Romanæ eccleſiæ cœtum, in quo non pauci erant ex Iudæis credentibus cum horum ipſorum, qui crediderant, nimium tamen legis ſtudium, tum aliorum obſtinatum in non credendo animum argumentis, & authoritatibus conuellere tentaturus, ne incurrat odium, atque iram generis ſui, nèue ipſe inimico potius animo, quàm beniuola voluntate aduerſus eos videatur agere, præponit indicia. ſunt in illos beneuolentiæ, vt quicquid dicturus de eis, & in eos eſt, in bonam partem ab illis potius accipiatur. Nam & propenſo ſe corde in eos eſſe dicit, & omnem pro illis deprecationem, qua ad Deum vtarur, ad ſalutem illorum ſpectare, ac pertinere, præterea dat illis teſtimonium quod zelum Dei habeant, quod vellent ipſi quidem,

dem, ac cuperent gratum facere Deo, & sese illi adiungere, atque applicare, quæ sunt probæ, & piæ voluntatis indicia: sed errare illos ex ea parte, quod quo id pacto oporteat agi, non planè bene nouerint. Atque hæc tenus quidem non est eorum vitium, si cupiunt illi quidem, verum ignorant viam. Est enim ignorantie excusatio apud æquos, dum voluntas bona adsit, venia digna. Verum quod iam graue illorum crimen, & inexcusabilis est error, id quod ignorant, ne patiuntur quidem se doceri, vltroque docentibus, & monentibus infesti, & intractabiles sunt, quanquam hanc illorum propriam culpam profectam ab iniquitate animi, & ab contumacia non palàm, neque aperte coarguit Apostolus, sed cum modestia, & humanitate ad arguendum aggreditur: Vellent quidem DEVM, inquit, sed ignorant modum adipiscendi, quippe qui Dei iustitiam non cognoscentes, & in sua ipsorum iustitia, quam ex legis sibi operibus conantur comparare, plus fiducia ponentes, non summittunt sese iustitiæ summi DEI, hoc est, boni ipsi ex se fieri contententes, spem bonitatis suæ totam Deo non permittunt. Non enim de illo sic arbitrantur, etiam si nullam ipsi partem bonitatis attulerint: illius tamen infinita bonitate, & clementia, si de eo ita senserint, atque crediderint, se saluos futuros. Etenim finis legis CHRISTVS est, vel vt spectatus ipse, & propositus à lege, ad quem lex tota tanquam ad vltimum, summumque contenderet, vel vt legis perfectio, qui addiderit legi, quod ex se lex habere non potuit. Illa enim cum gratiam ac beneuolentiam cum Deo in multis, & magnis laboribus, sollicitudinibusque quæreretur, non gloriam in ea re DEI, sed operam, & meritum nostrum intendebat. Fides autem & CHRISTVS, id in quo lex laborabat, neque assequi poterat, ipsa omni cum facilitate, compendioque perfecit, vt non operum tantorum obitu, neque sudorum, sed sola credulitate, & fiducia in bonitate Dei salus nobis, & vita continuo pareretur. Et hæc est ipsa fidei iustitia, quæ credentibus donatur, quæ cum hominibus salutem à Deo quærentibus faciliior est, & planior, tum Dei bonitas in ea, & magnitudo ipsius gloriæ magis illustratur. Nihil enim de honore diuinæ iustitiæ, atque clementiæ labores nostri, & opera illa ratione decerpunt, quæ tum decerperent, si fructum salutis, quem percepissemus, non vniuersum Deo, sed nobis quadam ex parte acceptum referremus. Ergo in lege velle insistere, in eaque permanere longe nobiliorem, & potiorrem rationem inueniendæ salutis reijcit, & aspernatur, gloriamque Dei, & magnitudinem illius potestatis, clementiæque diminuit. Quod tu ludæ si ignoras, cur te doceri non pateris, & qui id ostendere, ac declarare tibi volunt, non eos equo animo auscultas? Finis itaque legis CHRISTVS est, ad adipiscendam veram, pte-

namque iustitiam, quæ solum credentibus datur: sudantibus autem, & laborantibus absque fide est interclusa, quando isti habere potius in seipsis volunt, quo confidant, neque inducunt animum totum Deo committere, & sese illius penitus iustitiæ, ac bonitati summittere.

Moses n. describit iustitiam ex lege, quod qui fecerit hac homo uiuet in ipsis: ex fide autem iustitia sic dicit, Ne dixeris in corde tuo, Quis ascendet in cælum, hoc est ad deducendum Christum, vel quis descendet in Abyssum, hoc est ad Christum è mortuis reducendum. Sed quid ait: prope te verbum est in ore tuo, & in corde tuo: hoc est verbum fidei, quod predicamus, quoniam si confiteberis in ore tuo dominum Iesum, & credideris in corde tuo, quod Deus ipsum excitauit è mortuis, saluus fies. Corde enim creditur ad iustitiam, ore autem confessio fit ad salutem. Dicit enim scriptura, Omnis credens in illo, non confundetur.

ITERVM hic comparat iustitiam legis cum iustitia fidei, & illam legis cum operosiore & laboriosam magis, cum Dei honori & gloriæ minus tribuentem, tum etiam haud ita veram, nec synceram esse ostendit, ut est fidei iustitia. Quæ ergo est legis iustitia? Nempe quam Moyses sic describit, postquam præceperat, quæ essent seruanda, quæ agenda, & à quibus esset abstinendum: Homo, qui hæc fecerit, inquit, uiuet in his, ut & in faciendo labor, & quod victuri essemus, non Deo id, sed labori nostro ferremus acceptum: cumque in factis, & operibus iustitiæ constitueremus, in ijs eam poneremus, quæ veritatis ex sese expertia æque ad simulationem, ac ad synceritatem sunt parata. Iustitia vero fidei, & in solo corde plena est, & fiduciam tantummodo in bonitate Dei à nobis postulat, salutisque nostræ vniuersam laudem, & gloriam vni Deo attribuit, atque hoc etsi præclarum continuo, & euident: ramen quoniam Iudæis insolitum est, ac nouum, semper in ipsis operibus, & obseruantijs legis, cura, animoque occupatis, quò illis planius id, & facilius cognitu efficiat, affert opportunissimum ex lege testimonium, in quo fidei, & iustitiæ ex fide imago quædam illustris ab eodem Moyse est expressa, Is n. in Deuteronomio, iam ad moriendum vicinus, legemque populo commendans, cum hortaretur omnes, ut sequerentur rectam viam Domini, illiusque præcepta, & mandata seruarent, cauerentque, ne præuaricatores, & exleges effecti inciderent in execrationes non seruatiæ legis, tum addit, Si forte es Deus tanquam contumaces, & minime sibi deditos eiiceret ex donata terra, ac per orbem terræ in varias gentes dispergeret, fore ut in eandem terram restitu-

rus esset illos, ac ad priora, & vberiora etiam bona reducturus, si reuersi essent ipsi ad dominum Deum suum, toto corde suo, & tota anima sua, continuoq; subiungit: Quia mandatum hoc, quod præcipio tibi Israel, hodie non occultum à te, neq; longinquū est, non in cælo est, vt dicendū tibi sit, Quis pro nobis ascēdet in cælum, & deferet illud ad nos, atq; vt audiamus efficiet? & faciemus illud. Et nec trans mare est, vt sit dicendum, Quis transfretabit pro nobis mare, & id nobis referet, facietque, vt audiamus? & faciemus illud. Nanque propinquum est tibi maxime verbum hoc, in ore tuo est, & in corde tuo, vt facias illud. Si reuersus fueris ad dominum Deum tuum, Moyses inquit, toto corde tuo, & tota anima tua, quod iam non operum, neq; laboris, sed tantummodo cordis actio quædam est, proxima illa tibi, atq; adeo insita in ipso te, vt ad eam suscipiendam, & consiciendam non è summo cæloq; detrahendum tibi quicquam, neq; trans mare accersendum sit. Hanc sententiam Moyses tanquam descriptionem, & formā veræ in CHRISTO fidei usurpans sibi Apostolus, & in CHRISTO cōstituens, fidem CHRISTI eisdem penè verbis, cuiusmodi sit demonstrat. Non enim (ait) necesse est, si CHRISTO debeas credere, vt sic dicas in corde tuo, Quis ascendet in cælum? quasi CHRISTVM inde nobis deducturus, vt credamus eius è sinu, & confortio Dei patris ad homines descensum & susceptam pro nobis ab eo hominis carnem. Aut rursus, Quis descendet in Abyssum? hoc autem, vt CHRISTVM nobis è mortuis reducat, noscamusque eius resurrectionem. Non enim tanta tibi conquisitione, nec tanta circuitione est opus. Sed quid ait fides? prope te verbum est in ore tuo, & in corde tuo. Hoc est verbum fidei quod prædicamus. Quodnam id ceddò? Quoniam si confiteberis in ore tuo dominum IESVM, & credideris in corde tuo, quod Deus eum suscitauit è mortuis, saluus fies, quo quid tibi potest esse facilius? aut promptius? Non hic labor, non opus, non diuturna, & dura quæritur inuestigatio, sed animi tantum inductio, & conuersio mentis ad credendum, & confitendum, etenim corde creditur ad iustitiam. Solum enim cor iustificationem accipit, sola vera est cordis credulitas, & fides CHRISTI si vere suscipiatur, corde suscipitur, statimque veram fidem diuina illa iustitia concomitatur, ore autem confessio fit ad salutem, eo quòd non est satis occultum, & compressum fidei verbum retinere, sed proferendum est, sed in medium producendum, vt & alios doceas, ac cohortere, & si illa actio inter immanes homines, & barbaros minus etiam libera tibi sit, non tamen nomen Dei omnipotentis & Domini IESV CHRISTI non ore tuo celebrandum, & glorificandum est, quandoquidem si eius apertam, & liberam confessionem repressam metu contineas, habeas profectò aliud quid,

quod pluris arbitrere, vel existimationem inter homines. De qua Ioannes, Magis inquit, gloriam apud homines, quam apud Deū quæsiuerunt, vel incolumitatem corporis, atq; vitam, ex qua minime verē fidem recepisti, si illa tibi aut pudenda, aut pœnitenda esse videatur, vel certe imbecillam, & infirmam illam obtines, vt non habitura sit perseuerantiæ præmium, in qua præcipue est salus, ita corde credere ad veritatem pertinet, ore autem confiteri ad perseuerantiam, & firmitatem. Quorum ex primo iustitia, sanctitasq; comparatur. In secundo salus præcipue posita est, quam quidem in confessione oris, fidei firmitatem significans scriptura per Esaiam ait: Et omnis, qui credit in illo non confundetur, quod est, intrepide, & constanter id aget, nec infamiam is apud veritatis ignaros, aut supplicium apud crudeles verebitur, sed audacter, & libere de Deo & fide CHRISTI pronuntiabit, sicut & in Euangelio CHRISTVS: Quem mei pudicum fuerit corā hominibus, inquit, eius & me pudebit corā patre meo. Quoniam autem dixit propheta, omnis qui credit in illo, non contundetur, verbum illud omnis, Apostolus contra Iudæorum opinionem & spem continuū interpretatur.

Non enim est distinctio Iudæiq;, & Græci. Idem enim dominus omnium abundans in omnes inuocantes ipsum. Omnis enim qui inuocauerit nomen Domini, saluus fiet.

Quod Iudæi arbitrabantur, gloriæque sibi ducebant Deum cœli proprium suum esse Deum, id & alibi supra, & in hoc loco Apostolus non tam ratione quidem, quæ euident ipsa quoque, & manifesta est, quam authoribus prophetis confutat, qui diuitias bonitatis Dei omnibus hominibus affatim suppetere intelligentes non restrinxerunt earum largitatem, & affluentiam in solis Iudæis. Itaque & Esaias dixit, Omnis qui credit in illo. Et Ioël, Omnis qui inuocauerit nomen eius. Quo quidem loquendi modo vterque Græcos à Iudæis non distinxit nec separauit, nec vero in lege, aut in operibus legis, sed in fide, & confessione, quæ est diuini nominis inuocatio, salutem nostram posuit, quasi duorum prophetarum coniuncto testimonio affirmans, quod ante dixerat, Corde credi ad iustitiam, ore autem confessionem fieri ad salutem.

Quomodo igitur inuocabunt, in quem non crediderunt? Quomodo autē credent in eum de quo non audierunt? Quomodo autem audient absq;, predicante? quomodo vero predicabunt, si nō missi fuerint? sicut scriptum est. Quā speciosi pedes euangelizantium pacem, euangelizantium bona? At non omnes obedierunt Euangelio. Esaias enim dicit, Domine quis credidit audi-

tui nostro? Ergo est fides ex auditu, auditus autem per verbum Dei: sed dico an non audierunt? Imò in omnem terram exiuit sonus eorum, & in fines orbis terra verba eorum.

QVOD studium Dei, zelumq; Israëlitarum habebant, paulò antè dixit Apostolus, verum non recta cognitione in eo se gerebant. Peccabant enim in pluribus. Primum quòd iustitiam fidei non accipiebant, quæ & facilius multo, quàm illa legis, & præstantior longe, ac Dei gloria dignior est. Deinde quòd Deum cunctòrum dominum ad suam ipsorum vnâ nationem contrahebant, in hoc quoque illius maiestati, & nomini derogantes, deinde quòd gentes cæteras præ se contemnebant, & veluti pollutas aspernabantur, nequaquâ ne in hoc quidem imitantes clementiam, & bonitatem summi Dei, cui se deditos esse fatebantur, qui ut suorum operum, & effectuum fructus ac commoditates, ita semetipsum omnibus propositum, atq; appetitum esse vult. Etenim ille solem suum, & sidera, & rores ac pluuias omnibus hominibus communes iubet esse. Postremò, quòd multis rebus, & indicijs testimonijsque admoniti, ea, quæ ignorabant, minimè intelligere, sed per contumaciam, & nequitiam animi ignorare velle perseuerabant. Ac superiores quidem ignorantiae venia aliqua fortassis dignæ, hæc vero postrema inexcusabilis omnino erat. Torrens igitur rationibus, argumentisque edocti totiens Prophetarum conuicti testimonijs, nequaquam adhuc dimissa contradicendi pertinacia, ut se ad omnia sigillatim opponebant: sic oppositoribus ad singula respondet Apostolus, dense, & complexè ille quidem, sed ut sit illius nobis sententia latius explicanda. Erant sanè ista omnia dubitata, quæstionesque Iudæorum aduersus Apostolos CHRISTI hortantes, ut acciperent nomen Domini, & inuocarent illud, atque in vna illa inuocatione spem maiorem salutis suæ ponerent, quàm in elaboratis, atque fucatis operibus legis, quemadmodum & à CHRISTO edocti fuerant, & ab ipsis tunc docebantur. Opponebant enim illi contra Apostolos cum alia multa quidem de lege, & operibus legis, & de Deo peculiari ipsorum Deo, Abraamque primo Iudæorum patre electo Dei, cui, & ipsius generi soli factæ essent à Deo tantarum rerum, donorumque promissiones, & similia pleraque, quæ cuncta toto decursu Apostolici sermonis vsque adhuc dissoluta sunt. Nunc illud item opponunt, quod ad cōuersionem imprimis gentium pertinet, quas sub illo verbo, Omnis Ioëlis Propheta scriptura comprehendit, quâ ille dicit, Omnis qui inuocauerit nomen Domini saluus fiet. Ad eas enim missos à Deo Apostolos Iudæi non credentes sic contradicunt, & argumentantur, se cum nec inuocari possit Dei nomen illius, in quem nō cre-

dicitur,

ditur, nec in eum credi, de quo nihil audiatur, nec audiri vero nisi prædicetur, sed nec prædicari, nisi is, qui prædicat, a Deo ipsomet huic prædicandi officio delegetur, in hoc extremo esse hæsurus, neque ante ad habendum fidem de vocatione gentium se accessuros, quam planè nouerint delegatos a Deo esse istos, qui nouæ fidei regulam nominent Euangelium. Huic enthymemati in ipso quoque extremo, & tanquam nodo dubitationis occurrit Apostolus, Esaiam statim aduocans, sic dicentem, Quam speciosi pedes Euangelizantium pacem, euangelizantium bona? Videntum enim est, inquit, quid nos tandem annunciemus, nõne pacem, non tantum inter homines, sed cum ipso Deo? nõne bona, non interitura, & fugacia, sed solida, & sempiterna? Qui porro habitus noster? quæ species annunciandi? discurremus per omnes gentes, nusquam domicilium stabile retinemus, vagamur, peragramus, in hoc vnum opus intenti, atque addicti, vt hominibus amicitiam cum Deo conciliemus, vt vitæ æternæ in omnium mentibus, ac voluntatibus, spem, desideriumq; insinuemus. Qui ergo sunt pedes euangelizantium pacem, euangelizantium bona, nisi eorum qui & pacem illam, quæ tutissima, & tranquillissima est, & bona ea quæ præstantissima omnibus hominibus annunciant, & prædicant, quiq; quod item a Prophetis prædictum est, a gentibus iam audiuntur, & ad cultum veri Dei nationes exteras adducunt, qui orbem terrarum pedibus assidue perambulantes, nullo vsquam vt proprio in loco commorantur, qui si & a Propheta pronunciati, & a Deo missi sunt, si pacis, & bonorum Euangelium prædicauerunt, si id non iam inauditum, immemoratunq; fecerunt, si fidem omnium etiam gentium ad credendum prouocauerunt, credatur iam nomen domini a Iudæis, & inuocetur. Ita quod Iudæi a primo ad postremum sic deducebant, vt in postremo ipso insisterent, arcemque inibi suæ iniquitatis & pertinaciæ facerent, ipsa illorum arce capta, & solo æquata Apostolus a postremo ad primum facili cursu probationis redarguendo peruectus est: nec tamen adhuc desistit contentio, semperq; molitur aliquid peruiacia, vt ne optimis victa rationibus acquiescat. Resistunt enim rursus Iudæi, atq; obijciunt, Si vos a Deo missi, & a Propheta prædicti Euangelium Dei annunciat, cur non credunt omnes euangelio? Quos refutat euestigio Paulus, scripturam illis prætendens, & inquires, Nõne vos Esaiam Prophetam a Deo missum admittitis? Cur ergo ille dicit, Domine quis credit auditui nostro? Quod si necesse esset ab omnibus credi, quodcunque Apostolorum, & Prophetarum præconio a Deo esset denunciatum, non sic verba illa posuisset. Atqui illi etiam minus, quam nobis credebatur. Illius enim monita, & præcepta non modo nihil quicquam Iudæis profecerunt,

verum

verum ipsi vltro præcipienti, & monenti fuere exitio, nos & multorum mentes ad cognitionem Dei trahimus, & si pro CHRISTO fide obeunda mors sit, non illam nobis exitio, sed salutis, & felicitati fore confidimus. Verum idcirco non necesse est ab omnibus credi verbum Dei, & suscipi, quia fides, & credulitas hominum arbitrij, & liberi animi est. Restabat ergo, ut qui parati ad credendum essent, præconium Euangelij auribus perciperent, ut ex auditu ipso verbi Dei fides in illis constitueretur. Cui etiam rei ample, & largiter prouisum est. Siquidem in omnem terram exiuit euangelizantium sonus, & in omnes fines terræ verba eorum, nisi forte Israel solus non audiuit, qui non modo in recentibus præconijs Apostolorum, & in Euangelistarum, verum & in prædictionibus, ac vaticinijs legis, & prophetarum tritas iam habet aures ad exaudiendum si velit, & statim intelligendum sonum Euangelij, de quo Apostolus prosequitur.

Sed dico num non cognouit Israel? primus Moyses dicit: Ego ad emulandum prouocabo vos in non gente, in gente stulta irritabo vos. Esaias autem audacter agit, & dicit: Inuentus sum iis, qui me non querebant. Manifestus factus sum iis, qui me non interrogabant. Ad Israel autem dicit: Tota die expandi manus meas ad populum non obediens, & contradicentem.

GENTES, inquit, ex hoc tempore audiuerunt, & nouerunt Euangelium, Iudæi ex priscais temporibus. Primus enim Moyses, & alter Esaias prædicant illud, atque ostendunt. Nam in Deuteronomio Deus iratus Israelitis, quod se in falsis dijs illi ad iram prouocassent, & in vanitatibus irritassent, voce Moysis sic de eodem populo pronunciat. Quod eum vicissim esset ipse in non gente ad æmulationem compulsurus, & in gente stulta ad iram prouocaturus, quod nunc eueniebat, cum & gentes à Deo in gratiam reciperentur, & eam rem Iudæi valde iniquo animo paterentur: Esaias autem apertius loquentem Deum inducit, & de gentium studio, atque applicatione ad se. De Iudæorum vero insolentia, & peruersitate sic distinguens, Inuentus sum iis qui me non querebant: Manifestus factus sum iis, qui me non interrogabant. At hoc videbantur vtrunq; Iudæi facere, & querere semper Deum scilicet, per functiones, operationesque legis, & illum illiusque mandata cognoscere. Qua de re Barachias: Beati sumus o Israel, inquit, quoniam quæ placita sunt Deo, manifesta sunt nobis. Et neutrum tamen illi effecerunt, sed gentes, quæ nullum antea laborem, nullam sollicitudinem, atq; curam ad quærendum Deum noscendumque adhibuerant, quæque in omnia contraria Deo studia diuersæ abierant, statim, & facile oblato sibi Deo se totas ad illum

ad illum contulere. Breue enim compendium verbi Dei, non longos illos logos legis didicerunt. Israel vero, qui anfractus, & circuitiones præceptorum, ac operum sectatus est, non modo ad vtilitatem & fructum summi præcepti non peruenit, qui fuit CHRISTVS, verum ne passus quidem est, ea de re admoneri se, & doceri. De quo idem apud Elaiam Dominus, Tota die expandi manus meas, inquit, quod amantis est, & paterno animi affectu in sinum, & complexum suum inuitantis Dei, imagoque in eo è cruce pendentis CHRISTI prorsus expressa. Expandi manus, inquit, ad populum non parentem & contradicentem, quod est non leuitate solum, & vecordia quadam auersum, sed per nequitiam etiam, & per contentionem mihi se opponentem. Ex quibus omnibus tum Prophetarum testimonijs, antiquæque legis autoritatibusque Euangelij præclaris, & illustribus doctrinis, atque euentis, tum gentium facilitas ac obedientia ad inueniendam Dei gratiam, tum peruersitas Iudæorum ad eandem amittendam merito valuisse cognoscitur, iureque illæ adscitæ in nomen, & genus filiorum Dei, hi eiekti, & repudiati ab eodem Deo intelliguntur, neque Israel tamen ipse ve Israel repudiatus est. Sic enim loquitur.

Dico igitur, num repulit Deus populum suum? Absit. Nam & ego Israelita sum ex semine Abraa, tribu Benjamin, non repulit Deus populum suum, quem præcognouit. Nonne scitis in Helia quid dicit Scriptura? Quemadmodum alloquitur Deum aduersus Israel, dicens? Domine Prophetas tuos occiderunt, & altaria tua euerterunt, & ego relictus sum solus, & quarunt animam meam. Sed quid dicit ei oraculum? Reliqui mihi ipsi septem millia hominum, qui non flexerunt genu simulacro Baal. Sic igitur & in hoc tempore residuum secundum electionem gratiæ fuit. Si autem gratia non iam ex operibus, quoniam gratia, non amplius est gratia. Si autem ex operibus, non iam est gratia: quoniam opus non amplius est opus.

EOSDEM Iudæos Apostolus, quos videbatur penitus à Deo repullos, atque abiectos ostendere voluisse, rursus nunc restituens, vt intelligatur non ipsum Israel, neque semen Abraæ fuisse à Deo repulsum, sed qui ex illo genere, illaque natione aduersus fidem Christi contumaces perstitissent, fiduciamque spei suæ in lege potius, & in operibus legis, quam in Dei gratia ponere perseuerassent, hos esse, qui cecidissent ex gratia, & beneuolentia summi Dei, neque amplius in promissionibus ad Abraam factis comprehensi essent, exemplo ex seipso probat. Non populum, qui antea popu-

populus Dei appellaretur, neq; semen Abraë à Deo esse eiectum, quandoquidem si ita esset, & ipse qui est ex illo semine, eiectus vna fuisset, sed de illo populo saluos fuisse, quos prænouisset Deus. Quæ quidem cognitio in eum modum accipienda est, quo vimur in scripturis. Nam si simpliciter cognoscere accipiat, omnes planè Deus cognoscit & bonos, & malos. Si vero illa cognitio animorum est coniunctio, & benevolentiae indicium, solos Deus cognoscit bonos, quem in sensum dicitur, Ego cognosco meas, & cognoscunt me meæ, & ex contrario, Discedite à me omnes operarij iniquitatis; quia ego non cognoui vos. Hac itaque ratione positum in hoc loco est: Non repulit Deus populum suum, quem præcognouit. Et supra, Quos præcognouit, hos & prædissiniuit. Ac præcognitio quidem (debet enim occurrere ipso initio statim dubitantibus, & viam facilem ad intelligendum reddere) præcognitio, inquam, Dei futuram hominum propensionem, & quasi parabilitatem quandam ad credendum, & amandum Deum prouidet. Prædissinitio vero tota gratia Dei est, neque quicquam in illa nostræ operæ inesse, aut partis intelligitur. Nam quòd ego facilis voluntate, & animo paratus ad fidem in Deum accipiendam sum, mei est illud iudicij, & mei liberi arbitrij, idque ante omnia tempora præuidit in me & præcognouit Deus. Sed hoc nihil etiam nunc est, doctòr accedat oportet, & itineris recti demonstrator, qui mihi portum salutis, & vitæ ostendat. Neque tamen hoc etiam satis. Volens enim & cupiens viam bonam insistere, & stationem tenere eam, quæ mihi felix, & tuta sit proposita, multis tamen ab ea mente periculis, multis obiectis voluptatibus, multa denique cum iucundarum, tum molestarum rerum varietate abstrahor, atq; auertor. Ergo his tot malis, tantisque discriminibus, quæ imminet in nos vndique, nosque proturbant, & auferunt, nobis ipsis opem fert Dei voluntas, & prædissinitio, quæ gratia tota est, quæ id, quod nostrum solum est, flexum mentis scilicet & inclinationem liberæ voluntatis tot diuinis muneribus vestit vndique, & cõfirmat, vt quod est ex nobis minimum quiddam sit, nec meriti rationem vlla ex parte obtineat. Illa vero Dei liberalitas, & prædissinitio integram in se contineat totius gratiæ laudem. Ista ergo prædestinatio, & Dei gratia septem illa millia virorum sibi ipsa conseruauerat, qui vel regis impij metu, vel exemplo tribulium, & popularium suorum licet bona erga Deum voluntate essent, statuam tamen Iouis adorauissent, nisi illorum imbecillos animos, & infirmas mentes gratia, & electio Dei corroborauisset, quæ gratia omnis quidem ex ipso Deo est, donumque eius liberale, & proprium, quod nullo à nostra parte merito, sed à diuina beneficentia totum proficiscitur. Sed vt redeamus ad exponendum, Non repulit Deus populum

pulum suum Israel, ut Israel, & semen Abrahæ, ut illius semen, sed gratiam Dei non agnoscentes, & in lege operibusq; pertinacius hærentes, nos nimirum repulit, qui si ex tanto hominum numero, ac frequentissima natione forsitan pauci esse videantur, regredere animo, & cogitatione ad præteritâ, & intelliges non solum in CHRISTI fide accipiendâ, sed in veteri lege seruandâ paucos tum quoque à Deo fuisse diffinitos. Etenim sic ipsemet grauitè accusanti populum Israel Helix respondit, se reliqua adhuc fecisse sibi septem millia virorû, quæ ante Iouis simulacrum genua non incuruauerint. In quo animaduerte gratiam quòd sibi ea ipse fecerat reliqua, & intuere paucitatem, quòd ex innumerabili populorum multitudine septem tantum millia salua facta sunt. Sic, inquit Paulus, in hoc tempore, quod è populo Israel ad fidem CHRISTI accessit, residuum est ex multitudine reliqua, quod per electionem gratiæ Dei effectum est saluum. Sicut enim tunc illa septem millia ope, & patrocinio suo Deus ab errore continuit: sic hoc tempore & Apostolos primum, ac discipulos reliquos, quos CHRISTVS adhuc viuens sibi ipse delegerat, & deinde post CHRISTI mortem exurrectionemq; priora illa tria millia, ac deinde alia quatuor millia, postea etiam alia quædam millia, quæ Deus præcognouerat, & sibi ipse delegerat, ac in patrocinium suum iam inde æterno ex principio susceperat per electionem diuinæ gratiæ ex innumerabili multitudine non magnus hominû numerus ad fidei, & salutis portum perducta sunt, non ex operibus ipsorum, quod quidem aduersus Iudæos opponitur. Quoniam gratia, & donum Dei nõ ex operibus est, inquit, non inquam, ex operibus est gratia, neque illa, quæ æterno ex principio eligendo, ac prædiffiniendo antecedit, nec vero quæ post productos nos in naturam protegit semper & comitatur. Nam si operib. dona Dei tu promeritus sis, euanesce statim gratia, totumque, quod tibi à Deo datur, non tibi donari ab eo, sed reddi potius videtur, in quo tu ut iustitiam & virtutem tuam constituas Dei liberalitatem, gloriamque extinguis. At hæc vera est virtus, & benignitas, & gloria summi Dei, gratis conferte munus suum, & bonitatis suæ magnitudinem in propria liberalitate, beneficentiaque constituere. Gratia porro, & opus sic inter se contraria infociabiliaq; sunt, ut si ex operibus, non iam amplius gratia sit gratia. Si autem sit gratia, opus iam amplius opus non sit. Non enim vtrunque stare potest simul, sed alterutrum tantum adesse necesse est, idque incomitatum ab altero, atque solum.

Quid igitur? quod querit Israel, hoc non est positus, electi autem positi est, reliqui vero cecati sunt, sicut scriptum est: Dedit eis Deus spiritum compunctionis, oculos ut non videant, &

aures, ut non audiant vsque in hodiernum diem. Et Dauid dicit: Fiat mensa eorum in laqueum, & in captiuitatem, & in scandalum, & in retributionem ipsis: Obscurentur oculi eorum ne videant, & dorsum illorum semper incurua.

Quid est igitur, quod concludo, & statuo: hoc, inquit, quod id quod quaerit Israel potius eo ipse non est, electio autem est potita. Ast quamobrem non potitus? nonne volebar? non conabatur? non ad Deum studio, & voluntate se ferebat? nonne hi, qui huiusmodi existunt, illi ipsi sunt, quos praecognitos antea Deus sibi ipsi solet diffinire, atque eligere peculiare? Cur ergo isti in electione non sunt comprehensi? Quoniam sibi ipsi nimium confisi sunt, quoniam & si illi Deum verum quaerere se praedicabant, illum ipsum tamen externis, atque alienis operationibus, non puro, neque humili corde quaesierunt, quae est via quaerendi, & inueniendi Dei vnica. Cuius rei cognitionem illi cum se optime tenere, & scire arbitrantur, opinione sui elati, ac tumentes, ceterorum doctrinas, & monita sunt aspernati, neque id solum, sed docentibus quoque ipsis, & recta monstrantibus infesti, inimici intractabilesque existeret, electi vero finis eius, qui quaerebatur, ab vniuerso Israel pauci homines videlicet, & ex magno numero residui, ac reliqui per gratiam Dei potiti sunt, qui cum Deum corde bono, & voluntate appetere monstrantibus viam ad eum perueniendi attento, & facili ad obtemperandum animo auscultauerunt. Non enim opinionem suam, & de seipsis, suaque scientia, ac doctrina superham persuasionem tanquam murum opposuerunt rectiora admonentibus. Sed cum & ipsi per operum legisque obseruantias, ad Deum interea niterentur breuiore sibi, & tutiore multo fidei via demonstrata, libenter, ac prompte in eam se dedere, cum illi inflatiores, sibi que ipsis maiorem in modum chari, atque iucundi in veteri instituto manerent obstinati, nec rationem ullam aduersantem opinionibus suis vel auribus modo admittere sustinerent. Etenim est hoc praecipuum, & maximum inter probas animas, prauasque discrimen, quod qui faciles ductu ad Deum sunt, ubi illum de Deo audiunt proferri verbum, exemplo attenti, doctique expectant, num quid exponatur quod ipsis queat esse doctrinae, ac emolumento, quodque in eis pietatem, & studium Dei adaugeat, idque si eiusmodi inueniant, gratantes, ac laeti in cordibus suis reponunt. Qui vero agunt secus, qui suam opinionem induci videntur sibi valde esse sapientes, ut non doceri ipsi ab ullo velint, sed alios semper docere: hi nomen Dei, quod in sermonibus usurpant, non ad ipsius Dei gloriam, sed ad suam ipsorum ambitionem, quaestumque conuertunt, ideoque maxime, in operibus

versantur exterioribus, legemque scriptam mordicus tenent, neque in illo intestino, occultoque homine vere requirunt Deum, quod si facerent, cum ipsi intus humiles essent, tum cuilibet bene suadenti ad obtemperandum parati, & dociles, sed in eo qui cernitur, oculisq; est homo expositus, quasdam tanquam Deum colentium similitudines appingunt. Cui porro externo homini inter homines ceteros se ostendenti doceri, ignominia est, castigari conuitium, refelli autem, & coargui iniuria morte acerbior. Enimvero qui tales sunt, cum videantur Deum querere, Deo tamen non potiuntur. Atque hi sunt, qui ne putentur eguisse aliorum monitis, falsum suum potius cum pertinacia defendunt, quam aliorum verum amplectuntur. Inimici omnibus a se dissentientibus, qui non modo alienam doctrinam aspernantur, & contemnunt, sed ipsos quoque doctores acerbo & capitali insequuntur odio. Quemadmodum Iudæi & in CHRISTO antea fecerunt, & tunc in Apostolis CHRISTI, ipsoq; præcipue Paulo faciebant, quos cæcatos fuisse dicit Apostolus, eo quod illa vana, & arrogans de semetipsis persuasio aciem mentis in illis, animique oculum occæcauerat. De quibus Esaias: Dedit eis Deus spiritum compunctionis, oculos ut ne viderent, & aures ut ne audirent usque in hodiernum diem. Quod postremum adiectum ab Apostolo est, usque enim eius ad ætatem Iudæi in eadem manebant cæcitate, & ignorantia. Sed & hæc ipsa Esaiæ sententia non ex vno Prophetæ loco decerpta est. Atque hic spiritum compunctionis Esaias stimulos inuidiæ, & obrectationis voluit significare, qui pungunt eos maximè, & fodiunt, quos gloriam apud homines, existimationemque querentes in eo maxime, ambitio, & lior male habet, quod quam ipsi opinionem, & laudem ab hominibus querunt, alios melius vident, non id cogitantes, neque spectantes adipisci, qui quidem stimuli eiusmodi sunt, ut oculos, & aures ad intuendam, audiendamque veritatem nequaquam suo sinant uti iudicio. Porro hos illis stimulos per occasionem dedit Deus, non dedit opera in illis iniecit, sed dum aspirat, & subuenit ope diuina conatibus eorum, qui vera cum charitate, & sinceritate prædicant verbum vitæ, idque non ad commodum, neque utilitatem propriam, sed ad audientium fructum, salutemque conuertunt. Horum ex ipsa contentione & comparatione cor æstare maleuolentia, stomachus odio repleti, ipsi rabie quadam inuidiæ, obrectationisque accendi, ut si eederent dentibus in Apostolos, ut plagis & contumelijs appeterent, seditionibusque agerent, omnia denique permiscerent, quo ne illis esset in eis ciuitatibus locus, in quibus ipsi ab incolis & questum sibi, & sapientiæ opinionem aucuparentur. Atqui tales semper Iudæi & verstioribus seculis in patres, atque Prophetas, & tem-

pore postremo in Apostolos extirere, hodieque adhuc sunt iidem illi ipsi pleni perfidiæ scilicet, & iniquitatis, quo animi morbo qui aguntur, neq; oculis rite vtuntur, neque auribus. Quod autem spiritum compunctionis hoc loco, stimulum inuidiæ denotauerit Esaias, audi & Dauid ad Dominum loquentem, Vt psallat tibi gloria mea, & non compungat. Quæ psalmographi sententia declarat gloriam eam, quæ in vnoquoque ad Deum referatur, inuidiæ stimulos non sentire. Si autem ad seipsum quis referat, sentire. Iam & de eisdem Iudæis Dauid, Fiat mensa illorum in laqueum. Quod quidem non imprecantis est, sed quæ futura sunt, prouidentis Prophetæ. Atque hæc illis mensa, bona sunt seculi, quæ illi imprimis expetunt, & quorum amore correpti incidunt in laqueum, & in captiuitatem, & in offensam, siue hic spiritualiter velimus intelligere in amissionem gratiæ summi Dei, siue etiam corporaliter, quod propter bonorum mundanorum studium, auersi à Deo, & ab eo in captiuitatem gentium, & seruitutem traditi, ne adhuc quidem oculos aperire ad perspicendum verum, nec eos attollere ad intuumdum Deum possunt.

Dico ergo: Num offenderunt vt caderent? absit, sed ipsorum casu salus est gentibus in prouocando ad emulationem ipsos. Si autem casus ipsorum, diuitia sunt mundi, & diminutio ipsorum, diuitia gentium, quanto magis plenitudo ipsorum?

CALLIDE, & sancte in verbis Apostolus licet Iudæos consolari videatur, gentibus tamen totam laudem ascribit, plectiturque alternam quandam relationē, vt & Iudæis, & gentibus conferta inter se, & communicata, fidei, & salutis vtilitas appareat. Non enim Iudæi, inquit, cum offenderunt, & in peccatum lapsi sunt, id secutum tantum est, ipsi vt caderent: sed illud magis euenit, idque à Deo magis prouitum spectatumque est, vt lapsus eorum salus mundi existeret. Nam illi & in CHRISTO IESU cruci affigendo redemptionis humanæ mysterium absoluerunt, & in sugandis, exterminandisque Apostolis fidei verbum in omnes gentes disseminauere. Errauerunt igitur, non vt ipsi caderent, sed vt ceteros illorum error conseruaret. Et rursus, quoniam illi sua culpa minus idonei effecti sunt ad agnoscendam fidei CHRISTI veritatem, cum intuerentur tanto eam studio à gentibus adscisci, & comprobari, æmulatione quadam & ipsi prouocati ad inspicendam rem, ac melius considerandam se referrent, ex quo in eos postea salus posset à gentibus redundare. Ita Iudæorū lapsus, atque error gentibus quidem recta, & ipso primo progressu profuit: à gentibus autem in Iudæos, tanquam ex repercussu resiliens, poterit prodesse. Quod si casus ipsorū, diuitia sunt mundi, si

quod illi obtrusi, & imminuti, ac tanquam bonis suis spoliati sunt id gentibus ad opitulentiam cessit: quanto magis si ipsi quoque accesserint, & ad exemplum gentium se conformauerint, vt CHRISTVM, & fidem CHRISTI illarum exemplo prouocati accipiant, hoc gentes faciet gratiæ apud Deum, & meriti locupletiores?

Vobis enim dico gentibus, in quantum quidem ego sum gentium Apostolus, ministerium meum glorifico, si qua prouocem ad æmulationem meam carnem, & seruem aliquos ex ipsis. Si enim abiectio illorum reconciliatio mundi est, quæ erit assumptio nisi vita ex mortuis? Si autem primitiæ sanctæ, & aceruus: & si radix sancta, & rami. Quod si quidam ex ramis defracti sunt, tu vero cum oleaster esses, insitus fuisti illis, particepsq; radicis, & pinguedinis oleæ factus, ne insulta ramis. Si vero insultas, non tu radicem fers, sed radix te.

QVOD tantum laudis attribuerat gentibus, & tam acriter, ac varie coarguerat Iudæos, vtrunque hunc volens ad temperamentum quoddam redigere, gentibus se restatur, ea dedisse præconia, vt quoniam ipse gentium esset destinatus Apostolus, ministerium imprimis suum cohonestaret, in quo & gentium sibi allicit beneuolentiam, quatenus earum se proprium ministrum dicit, & excusationem ad Iudæos comparat, qui non ægre debeant pari tantum cum tribuere gentibus, cum his ipse officio, & munere prædicandi sit addictus. Neque tamen omnino Iudæos suos contemni vult. Adijcit enim non solum se collaudare gentes, vt cohonestet ministerium suum, sed etiam ob eam rem, vt laudibus illis carnem suam, quod verbum affectum amantis in se habet, plusque continet, quam gentiles, quam necessarios, quam cognatos, ad æmulationem eiusdem accipiendæ fidei prouocet, si quo pacto aliquos illorū queat conuertere, & seruare. Qui si ob incredulitatem à Dei gratia repulsi, & abiecti: conciliationem tamen mundo cum Deo attulerunt, quid facient assumpti ad eandem fidem, & in Dei gratiam, ac beneuolentiā reducti? Nonne videbuntur per vos quodam quasi miraculo & Gentes velut ex mortuis iterum redditi viuentes? Quod alto profecto consilio in laudem gentium profert Apostolus, innuens vim fidei. Si illorum enim per incredulitatem abiectio vobis per fidem gratiam Dei contulit, nonne assumptio eorundem maiorem vobis gratiam eiusdem Dei afferet? cum iam hæc in vobis fidei potentiam cognituri sitis quod ex inmortuis essis facturi eos viuentes. Ac ne forte videantur dici repugnantia, si reiectio Iudæorum salus fuit mudi, qui posset idem esse rediregratio, intelligendum est, non eodem

eodem modo reiectos salutem mundi fuisse, & futuros assum-
 ptos, sed ut reiectio per occasionem locum, & accessum præbuit
 gentibus, sic per exemplum, & æmulationem fides Gentium Iu-
 daeis ut resipiscant, occasionem est allatura: quo in utroq; consi-
 lium Dei, & ex malis bona, & bona item ex bonis producentis,
 primum summumque cernitur, & ubique semper extrat ipse
 gloria, & gratia. In gentibus verò ipsis, atque Iudæis, quod ex fa-
 cto gentium exoritur ad incitationem, & prouocationem Iu-
 dæorum, id in gentibus quidem virtutis & meriti, speciem ali-
 quam præ se fert, in Iudæis autem penitus nullam. Ac ut repu-
 gnantiam, quam diximus, melius dissoluamus, non hæc assum-
 ptio huiusmodi, quæ Iudæos antè reiectos recipit, sed si illi statim
 initio ad CHRISTVM se contulissent, neque commisissent,
 quamobrem rejicerentur, saluti id, & lucro, & locupletationi
 mundi fuisset aduersatum. Incluso enim in Iudæa fidei CHRIS-
 TI mysterio, vel nequaquam, vel serius ad gentes Dei liberali-
 tas, & gratia se effudisset. Atq; his dictis, ne omnia gentibus tri-
 buere videatur, procedit Apostolus ad ornandum genus suum
 certis laudibus, quæ non in ipsos tamen, sed in patres ipsorum, &
 in honorem generis, nominisq; redundant, quod accessionem et-
 iam illorum ad fidei cultum iure amplificaturam mundi diuitias
 ostendat. Si primitiæ, inquit, generis mei sanctæ fuerunt, & acer-
 uus est sanctus, & si radix sancta, sancti & rami, duabus simili-
 tudinibus volens denotare familiam illam, quæ ex auctore generis
 probato, atq; sancto producta sit, etiam si non suis ipsa operibus
 digna inueniatur, parentum tamen causa in honore esse debere.
 Et ne gentes laudatæ à Paulo, atq; dilectæ minoris fortasse æsti-
 ment Iudæos, quàm par sit, in secunda illa similitudine radicis,
 arborisq; insitens, egregiam texit argumentationem, quamob-
 rem Iudæis deferendus honor, & natio tota in aliqua existima-
 tione habenda esse videatur. Quandoquidem illa tanquam oleæ
 arbor est, gentes verò reliquæ tanquam oleastri, quæ in veram, &
 naturalem oleam insitæ, omnem suam in melius mutatæ conditio-
 nis dignitatem ex aliena radice, & planta accipiunt. Ac sanè opor-
 tuit ex vera olea destringi ramos, si ramos alios oleastri in ea inse-
 ri decuit. Neque enim fuisset peregrinis, & adscritis furculis lo-
 cus, si naturales, & domestici in sua arbore integri permanissent.
 Veruntamen habet vim istam insitio, ut qui ex aliena arbore insi-
 ti rami sunt, radicibus, & viribus hospitæ arboris sustineantur,
 coalescantq; in eandem totius corporis qualitatem. Itaq; radix,
 & planta Hebraici generis ipsa est, quæ succum, & vim nouis sup-
 pediat ramis, ut fructum deinde illi ex sese iustitiæ per fidem
 possint efferre. Est enim radix Abraam, & David, truncus CHRIS-
 TUS, succus verò, & spiritus, fides ipsa, ac iustitia. Atq; ibi ar-

boris totius author, & propagator Deus. Non ergo contemnenda arbor in ramis suis, quæ in radice, & trunco tanto honore digna est.

Dices igitur, defracti sunt rami, ut ego insererer, probè infidelitate sunt defracti. Tu autem fide sterifisti, ne aliè sent. as, sed verere. Si enim Deus naturalibus ramis non pepercit, ne qua tibi nec parcat. Aspice igitur bonitatem, & seueritatem Dei, in cadentes quidem seueritatem, in te autem bonitatem. Si permanseris in bonitate, quoniam & tu excideris: & illi item, si non permanserint in infidelitate inserentur. Potens enim Deus est rursus inserere ipsos. Si enim tu ex naturali excisus es oleastro, & præter naturam insitus in bonam oleam, quando magis hi secundum naturam inserentur in familiari olea?

PERSTAT in similitudine insitionis, & arboris, illudq; discrimen, & iudicium summi Dei, quo Iudæos ille excidit è vera olea, & gentes ex oleastro abscissas in ipsam veram oleam inseruit. Nō Iudæis, neq; gentibus, sed fidei dicit, & infidelitati fuisse datum, ut Iudæi quorum radix, & planta bonæ arboris propria, ac domestica erat, tanquam stolones, & rami inutiles abscinderentur, propterea quod non utebantur succo trunci, atq; radicis, hoc est, in fide Abrahæ, & CHRISTI, ad Deum non nitebantur. Atque in eorum abscissorum locum translati ex oleastro furculi insererentur, qui in ipsa ingenua, & naturali olea coalescentes geniales illos succos biberent ex radice, iisq; alerentur, quos naturales prius rami respuissent, in seseq; attraherent, atq; in substantiam, ac viriditatem conuerterent suam fidei ex Abrahā, & redemptionis ex CHRISTO nutrimentum. Itaq; non est Iudæi, neq; Gentilis, sed fidei, & infidelitatis facta distinctio, quæ eadem fides mutare, & trahere conditionem illam in alternas, & contrarias partes potest. Nam & qui insiti sunt ex aliena arbore in nobiliorem arborem propter fidem, nisi hi in fide illa ipsa manserint, ipsi quoque excidentur. Causam enim cur excindantur, accersent sibi infidelitatem. Et qui propter infidelitatem è propria arbore fuere defecti, si ad fidem se contulerint, facilius etiam & melius in familiarem plantam inserentur.

Nolo enim vos ignorare fratres mysterium istud, ut ne sitis apud vosmetipsos sapientes, quod cecitas ex parte Israeli facta est usq; ad, donec plenitudo gentium introeat: & sic omnis Israel seruabitur, quemadmodum scriptum est: Veniet ex Sion liberans, & auerter impietates à Iacob. Et hoc ipsis à me pactum, quando abstulero peccata eorum.

ISRAEL

ISRAEL est populus omnis Hebræorum carnalis ex Abrahæ semine oriundus, & Israel est populus spiritualis ex fide Abrahæ progenitus, & natus: est autem caritas carnali populo Israel ex parte facta, ut introiret in semen fidei Abrahæ plenitudo gentium, & sic vniuersus spiritualis Israel, salutem adipiscatur. Nam si de carnali Israel seruando volumus intelligere, quota portio erit populi Hebraici, & vniuersi generis Iudæorum ætas illa, quæ in aduentu Heliæ extremo iam instante mundi iudicio seruabitur? Sed ut totus planè seruaretur Israel, permisit Deus Iudæos in CHRISTVM, tanquam in lapidem offendere, ut offensione illa ex suo loco pristino dimotus lapis in caput anguli discederet. Sicq; illis caritate quadam rectam viam non tenentibus, & è semita cadentibus, gentes succederent, quæ in lumine veritatis oculos melius figerent, & ad populos reliqui orbis eadem lux funderetur. Atque item deinde, ut concursus gentium ad CHRISTVM, veramq; in Deum fidem frangeret animum, & pertinaciam Iudæorum, plurimosq; eorum ad eandem fidem adduceret, alto mysterio Deus composuit, & dispensauit. Cui prouidentia, & mysterio Dei omnia sunt attribuenda, non à quopiam sibi ipsi. Non ergo nec gentes nimis glorientur, quod est, ne nimium sibi ipsæ sint sapientes, ne attribuant hoc ingenio, & intelligentiæ suæ, si in fide accipienda Iudæis ipsæ præcelluerunt. Id enim prouisum in illis, & datum à Deo est, Iudæique permitti hallucinari, ut ad gentes ipsas verum lumen accederet, neque ob eam rem valde contemnunt Iudæos. Etenim idcirco ipsæ adscitæ in gratiam, & amicitiam cum Deo sunt, ut suo exemplo Iudæis afferant studium eiusdem æmulandæ fidei, & salutis. Atque ita diuersis modis, & rationibus in utrosque misericordiam suam exercet Deus, & ut ex caritate Iudæorum gentibus lumen ostendar, & ex illuminatione gentium aditum inueniat Iudæis miserendi, atque parcendi. Nam autoritas Prophetæ Esaiæ ab Apostolo inducta, hoc sibi vult, quòd conclusio & exitus vniuersæ salutis spiritualis Israelis, Israel ipse carnalis futurus est, ut & agminis sancti arque electi, ductor Israel, & idem etiam coactor sit futurus. Namque fides primò & orta à Iudæis, & ab ipsorum non paucis suscepta est. Post cum reiectione, & repudiatione eorum, qui ex carnali Israel fidem CHRISTI non admisere, ad gentes emigrasset, rursus introductis gentibus ad eum electorū numerum, qui à Deo est præfinitus, inde in eosdem ipsos Iudæos tempore extremo est redundatura. Huius nunc & rei, & temporis facit Propheta vaticinium: Veniet ex Sion Dominus, hoc iam principium est germinantis fidei: & auertet impietates à Iacob, à spirituali auertet: quæ quidem criminum & impietatum absterfione non Iudæos solum comprehendit, verum etiam alienigenas.

qui per fidem in ipsum Israel inferentur. Deinde verò ad carnale semen iterum reuersus, non iam relinquet in omni Iacob & spiritualissimul, & carnali, quod sit amplius peccati, impietatisque auertendum. Etenim extremo illo tempore, quo ad iudicandum filius Dei venerit omnium omnino electorum numerus explebitur, neq; erit amplius macula aliqua in Iacob. Et hoc est ipsis pactum meum, dicit in eodem Propheta Dominus, quod mox Apostolus suis verbis ex persona Domini interpretatur. Quando abstulero peccata eorum, inquit, Dominus autem in Prophetâ populo suo sic loquitur: Hoc est pactum aduentus mei ad vos: id est, Tunc veniam ad vos, tunc præstabo de meo aduentu id quod nunc pacifcor, tempusque mei accessus ad vos tunc fuerit, cum non relinquam amplius in Iacob, quod debeat abstergi, cum omnium fuerit ordo, & numerus conclusus electorum, cunctusque Iacob spiritualis fuerit complexus. Cuius, vt diximus, spiritualis cæterus, verique Iacob & principium, & finis ille Iacob carnalis futurus est, quem in fine sæculorum antevertens Dominum Helias instruet, & quæ sunt salutis, ac fidei edocebit. Ac vt Apostolus vicissitudinem istam commementis ab Israel ad gentes fidei, & rursus ab eis ad Israelem reuertentis clarius ponat ante oculos, sic profequitur.

Secundum quidem Euangelium inimici propter vos, secundum autem electionem amabiles propter patres. Impenitenda enim sunt dona, & vocatio Dei. Quemadmodum enim & vos quandoq; non credidistis Deo, nunc autem consecuti misericordiam estis horum incredulitate: sic & isti nunc non crediderunt misericordie vestrae, vt & ipsi misericordiam consequantur. Conclussit enim Deus omnes in incredulitate, vt omnium misereretur.

GENVS, inquit, electum à Deo Hebræorum in ipsis patribus amabile semper est eidem Deo, neque vnquam reiecit illud, aut reppulit ab sese Deus, nisi si quos ex numero illo, nomine infidelitatis abiecit. Nam ipsam quidem nationem habuit semper in gratia, & in amore. Non enim penitet Deum beneficiorum suorum, nec vocationis vnquam suæ, quorum extitit semper nationi Iudæorum liberalis, quam seuocauit ex reliquis nationibus, vnâque sibi delegit, suisque cælestibus tum beneficiis, tum etiâ aliorum semper beneficiorum promissionibus largiter prosecutus est. Sed in hoc recente Euangelij dono, quo nullum maius, neque salutaris generi humano ab ipso Deo potuit concedi, tantisper se auelli ab suis Iudæis passus est, vt hæc singularis Deo cum illis aditum gentibus patefaceret ad consequendam apud eundem Deum misericordiam. Hic occurrat quispiam.

Quid!

Quid? nōnne Iudæos simul, & cæteras gentes eodem dono misericordiæ pariter comprehendere, & complecti Deus potuit? aut quid attinuit tantisper rejici Iudæos, quoad gentes ingrederentur? hic nos, & si fortassis audaciæ est consiliorum Dei dare velle rationem, tamen venerabundi, & timidi dicamus frustra videri potuisse summum Deum delegisse sibi propriam Iudæorum nationem, si ea, quæ illis scorsum beneficia promitteret, communiter cæteris erat præstaturus. Sed cum illi ea non reciperent, atque adeo potius aspernarentur, causam oblatam Deo honestissimam, & optimam, suam benignitatem & misericordiam in omnes homines effundendi, quod ille tamen sic futurum sua infinita sapientia prævidisset: certè quidem sic factum est, ut repellentibus Iudæis verbum CHRISTI, & illud ex suis finibus exterminantibus in reliquas orbis terræ regiones fidei veritas extenderetur. Inimici ergo Iudæi tantisper Deo dum Euangelium gentibus communicatur, verum ipsi propter se, & propter patres suos amabiles, atque ita amabiles, ut nec vocationis, hoc est, electionis, nec suorum in eam gentem beneficiorum Deum pœniteat. Ac sicut vos ô exteræ gentes, inquit, quæ antea non credebatis, neque Deo fidem habebatis, ex Iudæorum incredulitate, in infidelitatemque occasionem nactæ estis credendi, & per fidem misericordiæ à Deo consequendi, vocatæq; estis ad eundem Dei, non notitiam solum, verum etiam cognationem: sic Iudæi, qui antea Deum verum noscebant, atq; colebant, tuncq; egere minime misericordia videbantur, in infidelitatem & ipsi, incredulitatemq; delapsi sunt, ut ipsis quoq; necessaria fieret à Deo misericordia. At cuiusmodi ista infidelitas Iudæorū? quia non crediderunt vestræ misericordiæ, inquit. In quo licet intueri singulare acumen, & admirabilem sapientiā tanti Apostoli. Quid enim est hoc, quod ait, non crediderunt misericordiæ vestræ, nisi quod nō putauerunt veram esse in Deum fidem illam, veram Dei erga homines misericordiam, cuius esset gentibus, & allis nationibus copia facta, quando ipsi sibi solis, nominiq; & generi Iudæorū soli omnia Dei beneficia, & cœlestes diuitias omnes debitas esse arbitrabantur, quæ opinio peculiaris apud Deum gratiæ, & in illo Hebræorum populo arrogantia non modò in contumacibus aduersus CHRISTUM Iudæis, verum etiam in conuersis, & venientibus ad fidem longo tempore permanfit, ut vix possent credere, sibiq; persuasum habere, gentes tali diuinitus beneficio esse communicatas. Concluserit enim Deus omnes, inquit, in infidelitatem, ut omnium misereretur. Sicut & antè dictum est, Concluserit omnes sub peccatum, ut in omnibus Deus gloriam, & iusticiam suam ostenderet. Atq; hæcenus mi frater explicatis ab Apostolo fidei nostræ mysteriis, & veritate Christianæ religionis

penitus patefacta, atq; in aspectum mentibus nostris prolata statuendum nunc tibi est, vtrum aliquid putes residere posse scrupuli, & dubitationis in cordibus eorum, qui hæc ipsa attentè legerint, accurateq; considerauerint, an verò id quod ego de principio dixi, constare planè incipiat, quicumque Paulum legerit, eumq; & in manibus crebrò, & in cogitatione, ac mente assidue gesserit, itemq; dicta eius, atq; scripta non ad suas odio nonnunquam, aut amore corruptas opiniones, id quod hæretici fermè agunt, sed ad veritatem, & spiritum scribentis fuerit interpretatus, fore illum non tantum verbo & simulatione, sed pietate integra, & sanctis moribus, ac deniq; reuera Christianum.

STATUTUM iamdudum est, inquit, planeq; extat hoc imprimis doctore fidei CHRISTI, atq; magistro, omnes non modò de fide ipsa ambiguitates, & controuersias, quæ ignaros intimi mysterij interdum torquent: verùm etiam errores animi penitus fore sublato, vt cui in amore Paulus, atq; in delitiis fuerit, aut singularis illi totius vitæ munditia, atq; integritas, aut certè animus vacuus, ac liber ab intestinis vitis sit futurus. Etenim amabo te mi frater, quid est tam altum & arduum, quod iste maximus Apostolus non nobis planum, facileq; reddiderit? quid tam abditum, quod non patefecerit? tam abstrusum, quod non inuestigauerit? vt videamur nunc quidem nos in medijs ipsis diuinitatis consilijs, ambo fuisse versati. Atqui mi frater, inquam, non sic sese res habet. Sed accidit Paulo, quod solet vñ venire ijs, qui oceani maris magnitudinem magis nauigando, quam è luctore prospectando soliti sunt admirari. Nam qui vno illo aspectu tantummodò permouentur, cum oculis eorum finis nulla, sed tantùm immensitas aquarum se obijciat, concipiunt illi quidem in animo vastum quiddam, & latè se fundens, ipsaque etiam cogitatione formidolosum, sed tamen quod aliquando confici, & peragrari posse videatur, quippe quorum simplex est, & vnica admiratio. At qui se intro iniecerunt, qui longè ingressi sunt, qui per nauigauerunt, atq; in remotissimas oras, ac regiones longa nauigatione prouecti sunt, eandem semper faciem interminabilis pelagi conspexere, quoq; enixius, spe animisq; inflati contenderunt, vt contento cursu peruenirent ad vltimum, tantò illis longiora semper, & difficiliora ad conficiendum occurrerunt maris spatia: hi sunt, qui non vnā, sed plurimas concipiunt admirationes, qui sæpe etiam silentio cogitationes suas premunt, cum satis intelligant si quid de illis reb. loqui velint, nò se minimam earum rerum partem vlla oratione esse assecuturos: sic Paulus noster licet altè ingressus in cōsilia summi Dei, licet ad ea peruectus intelligendo spatia, quo nemo fortassis alius vnquā, licet adiutus, ac refectus gratia, lumine, Spiritu sancto, tamē quo

plura, maiora, præstantioraq; cognouit, quo factus est illorū altissimorum arcanorū magis particeps, hoc magis intelligens illā infinitam diuinæ mentis altitudinem nullis humanis cogitationibus posse peruestigari, in eam prorumpit meritò vocem, in quam & nos vnà cum illo adorantes Deum prorumpamus, & exclamando admirandoq; dicamus:

O altitudo diuitiarum, & sapientia, & scientia Dei, quàm inscrutabilia iudicia eius, & inuestigabiles via eius? Quis enim cognouit mentem domini? aut quis consiliarius eius fuit? aut quis prior dedit illi, & retribuetur ipsi? Quoniam ex illo, & per illum, & in illum omnia, ipsi gloria in secula. Amen.

Hic Iulius: Recte mi frater, inquit. Fons etenim est ipse omniū bonorum inexhaustus, & perennis, ante quem non est quicquam, nec post ipsum futurum est, omniaq; ex illo, & per illum sunt, atq; retinentur, ac ad eundem conuerlà, atq; intenta sunt, cui iure, & merito omnis debetur gloria, neque præterea cuiquam alij, in Christo Iesv domino nostro, & in Sancto spiritu. Amen. Nunc quoniam satis huic die datum est, surgamus deambulaturo, quod hoc hilariore faciemus animo, quod difficilimis locis huius epistolæ iam enodatis, atq; transactis crastinum diem laxiorem, & liberiores habituri sumus, in quo de Christianis duntaxat moribus quæretur. RECTE admones, inquam. Cumq; surrexissemus, finem fecimus de his rebus disputandi, ac loquendi.

Finis libri secundi.

LIBER TERTIVS.

TERTIO huius à nobis institutę disputationis die cum bene mane surrexissemus ego, & Iulius frater, iamque ad rem diuinam essemus parati, nunciatum nobis subito à statore nostro est Augustinum Triultium Cardinalem sancti Adriani, hominem summa nobilitate, summaque prudentia, tum autem his præterea ornamentis ingenij, doctrinæ, humanitatis præditum, ut ille honos, & fortunæ decora, quæ alioquin in illo perimagna erant, minorem tamen partem in eo ornando obtinerent, cum ab ostio de nobis percontatus esset, an essemus intus, aperta ianua in hortos ingressum esse, rectaque ad nos tendere, & esse vnà cū eo Gulielmū Bellaium, quem Langeū cognomine vocabamus, legatum Francisci Christianissimi regis apud Pontificem maximum. Quod ille legationis munus atque officium

officium tanta cum dignitate, elegantiaque gerebat, ut facile appareret artes eas, quas liberales dicimus, quibus ille apprime erat eruditus, ubi ad egregiam naturam se applicuerint, nihil omnino relinquere, quod desiderari debeat in eo, qui illas comprehendit. Igitur horum nos duorum amicissimorum nobis & summorum hominum aduentu improviso commoti, cum vestimenta propere sumpsissemus, ut procederemus illis obuiam, offendimus eos ad interitus viridiorum seprum iam appropinquantes. Qui simul ut nos viderunt, amiceque inter nos consalutatumus, **AVGUSTINVS**, Num tibi videmur, inquit, nomine me compellans, hodie facis mature è lecto surrexisse, dum te ipsum quæramus, cupimusque sermonum huiusmodi vestrorum esse participes, tamen si hoc quidem vereor, miserior à nobis factum sit. Nam ut tu scias, heri vesperti cum pueros tuos obuiam habuissemus, quæsissemus, quæ de eis, ubinam esses, & quid rerum gereres, ij nobis renunciarunt, te cum Iulio fratre tuo alterum iam hic diem esse, multasque quoridie diei horas secrete in disputationibus, & literis cum eo consumpsisse, & esse quoque hunc diem eidem operæ destinatum tertium, quod ubi audiuius, constituimus statim ego, & **LANGEVS** hodie summo mane huc conuenire ad te. Fecimus enim illam coniecturam, quæ si bene morem vtriusque vestrum nōscō, nos profecto non faller, ubi efferis vos, non posse ibi de rebus, nisi ad doctrinæ studia pertinentibus agi, quod & tempus hoc vacuum negocijs id de vobis polliceri videbatur, & scimus ubicunque adest Iulius, ocium ibi à literis, & silentium esse non posse. Quod si aduenimus tempore, ut aliquas saltem partes hesterni vestri sermonis excipiamus, habebimus occasione, & huic diei magnam gratiam. Sin minus, illud saltem assequemur, ut in hac amœnitate, & lætitia, quæ huic loco profecto singularis semper est, vobiscum vnà familiariter hunc conteramus diem. **TVM** ego, Vellem **Augustine**, inquam, nostris ut sermonibus non tam interfuisses tu quidem, quam præfuissem, magnis enim certè de rebus inter nos egimus, verum nos haud magni. Atqui illa tale ingenium, quale tuum est, atque istiusmodi excellens iudicium requirebant. Sumus enim in Paulo, & in altissimis illis diuinæ erga nos beneficentiæ mysterijs versati, quarum de rerum semper perstudiosum cognouimus, & si non tam fortasse ingenio in illis opus est, quàm Dei auxilio, cuius cum ex alio genere consilia, & ea longe remota sint à meditationibus humanis, absque eo ipso Deo deductore, & monitatore, ne aspirare quidem ad illa hominibus licitum est. Verum partes quidem eæ adhuc restant, quæ sunt de moribus, & quo pacto agere inter se Christianos homines, ac versari conueniat. Quarum rerum & si faciliior videtur esse explicatio, est illa tamen eiusmodi, & his referta sententijs, atque præceptis, quæ

non è philosophorum fonte, sed ex illo cœlesti manasse ac profu-
xisse intelligatur.

GAVDIO, inquit ille, ad quascunque venerim partes, & ad-
uentum gratulor. Sed tu luli nunquid bidui huius disputationem
sic præterire passus es, ut tota ea defluerit: an si recte ego te noui,
ea potius habes notata omnia, atque descripta? quæ mecum com-
municas, & in illis etiam differas interdum doctorum hominum
concilijs, quorum in pari tecum ætate, ac studio tua tamen vir-
tus, industriaque excellit.

Hic ille paulum cum erubisset, erat enim ingenuo pudore
quodam, & singulari modestia præditus, Facis tu quidem perhu-
mane semper, inquit, Triulti optime, qui ceteros libenter, & pro-
lixè laudas, tuamque istam præstantem, atque eximiam granta-
tem, & sapientiam, cuius eget semper ope, & præsidio respublica,
etiam decorandis hominibus impertis, si qui tibi videantur pau-
lo accuratius in bonis artibus insudare, quorum me esse de nume-
ro non inficior, verum maiore tamen labore, & studio, quam in-
genij facultate. Sed quod requiris ex me, num annotauerim, &
collegerim, quæ à fratre meo in disputando his diebus, exposita
sunt, non fuisse illa arbitror ex eo genere, quod contemni debue-
rit, etenim ut rem melius intelligas, scito me, cum diu, & sæpe in
Pauli ea epistola, quæ ad Romanos scripta est, scrutanda, atque
executienda fuerim versatus, nunquam tamen ante hesternum di-
em, & nudius tertius, in abstrusa illius, & intima sentia, atque con-
silia penetrare potuisse. Quod nunc nobis nostra ope si contigis-
set, mirarer. Quid enim, ut fratre meo audiente, & hoc ferente æ-
quo animo dicam, sumus nos, qui audeamus ista nobismetipsis
attribuere? Sed contigit singulari Dei beneficio, qui nisi ipse lu-
men mentibus nostris prætulisset, nunquam in tantarum consi-
deratione rerum (quæ amplitudine magis sua, quam obscuritate
caliginem animis nostris offundunt, atque obijciunt,) aut intue-
ri rectis oculis, aut stabili vestigio insistere potuissemus. Ac sunt
quidem omnia à me, quod petebas, noctium vigilijs scripta, atque
collecta, tibi que cum voles, communicabuntur, necnon & cæte-
ris harum rerum studiosis, & amantibus viris. Verum illud tamen
doleo te principijs non interfuisse, qui ad extrema accesseris.

TVM ille: Sanè vellem affuisse, inquit, sed tamen haud mul-
tum fuerit iacturæ, quando est quidem, ut te audio dicere, vnde
illa accipere statim possimus. Quid? inquit, **LANGVVS**, cum sol iam
se explicuerit, serenumque nobis, & splendidum hunc apportet
diem, sumusne passiuri, bonas horas sic præterire, ut non euesti-
gio, quæ ab his in disserendo reliqua facta sunt, audire studeamus?
nam ego quidem cupiditate cognoscendi ita incensus sum, post-
quam intellexi Paulum, & Pauli scripta vobis in manibus esse, ut
tempus

tempus omne, quod intercedit, nimium longum iudicem. Fui enim, & sum huic vni summo Apostolorum, & maximo ita semper additus, ut videar mihi plus ex huius doctoris lectione dici vnius, quam ex aliis, & diuturnis ceterorum omnium volutationibus, ac studiis operi mihi, atque praesidii ad beatam vitam comparare. Et reuera ita est, in hoc enim vno, praecipue sita sunt, quae & ad cognoscendam vim diuinæ bonitatis, & ad nostram mentem in Deo constituendam maxime sunt appositae. Sed tu, inquit, cum in me intueretur, si quid etiam nunc est, quod per te Deo, & religioni sit tribuendum, quaeso id cito persoluito, ut quam primum te nobis dedas, qui diuinæ rei quod satis sit, operari, hic te interim opprobriamur inambulantes. Quod cum constitutum, atque ita factum esset, increbescente iam die, atque sole in sylva nos contulimus. Hic ergo: Deus, inquam humanissime Triumphi, & tu Langee optime omnium creator, conditorque rerum, & solus bonorum nobis author, cum mundum hunc ex nihilo ut esses, effecisset, eumque varijs potissimum animantium frequentasset generibus, non alia profecto ratione magis adductus est, ut ita faceret, quam bonitate. Bonum enim quod non tam in ipso, quam ipsemet erat, communicare voluit, ut essent primum, quae non antea erant: deinde eiusmodi ut essent, qualia poterant esse, plenu quaeque in genere suo, atque perfecta, nihil ut eis denegatum apparet, quod eorum capere natura, & sustinere potuisset, quod tamen ipsum proprium est bonitatis. Sed hanc ille benignitatem, & variam, atque diffusam dispensationem sui boni, non ex æterno tempore rebus impertiuit, quemadmodum vetus videtur philosophia velle astruere. Sed certo quodam ex principio & res, & tempora in naturam ab eodem Deo producta sunt, alioquin non fuisset eius libera, nec voluntaria bonitas: aut quoniam esse, & videri cognata sunt, magnaque est coniunctio veritatis, & luminis, talis ea certe visa non fuisset. Cursus enim ille rerum perpetuo sibi succedentium, & à nullo primo ortu procurrentium, semperque ante se alias res habentium, non liberam potestatem eius unde illae effluunt, atque manant, sed necessitatis cuiusdam vinculis adstricta sine ulla dubitatione arguere videretur. Deus autem vnus est, cui & semper esse, & ante omnia esse conuenit soli, idque vniuersi, atque simpliciter, hoc est, non ut hoc quidem modo ante esse, illo autem minime dicendus sit, quasi natura quidem prius sit, non autem tempore, sed omnino, & sine exceptione ante omnia esse primus, ut sit post illum principium etiam temporis. Verum haec, quae forsitan reconditiora sunt, & longiorem postulant orationem, in aliud tempus reijcienda sunt. De illis dicamus, quae nostris sermonibus magis sunt coniuncta. Nam cum Deus, ut exponere coeperam, varia genera creasset animantium, eaque singula peculiaribus natu-

ris suis, atque officiis insignisset, cætera quidem omnia dimisit ab se, & in stadium vitæ, tanquam in rectam lineam deducta, cursum suum agere iussit, cuius ad finem cū peruenissent, veluti trāsactis partibus, quarum causa in naturam venerant, ad nihilū rursus conciderent. Homini autem soli mentem, & rationem dedit, per quam si ipse se respicere, & quid sui esset muneris, atq; officij existimare recte vellet, non ad anteriora semper tenderet. Is enim motus, atq; cursus ut finē spatij in se, sic & currentis intentū habeat, necesse est. Sed volueretur potius in quendā quasi orbem, & semper ad eundem Deum, vnde profectus esset, se reciperet, quod hac vna ratione agendi, & se mouendi, cū perpetuò agere, & moueri licitum est, tum vero immortalitas in eo, & beata vita continetur. Et re vera si quis acutius inspicere conetur vim, & naturam mentis ac rationis, aut si verbo ex Græco ducto magis vti placer, essentiam, is intelliget orbem illam quendam esse, non ea figura, quam oculus perspicere, sed quam intueri ratio ipsa possit. Quæ enim valentia sunt maxime, eademq; immortalia (de spiritualib. loquor, & his, quæ ab omni natura corporis secreta sunt) omnia sunt eiusmodi, ut eorum formam, atq; essentiam nullares corporea referre alia, quam circuli imago possit. Itaq; & Deum summū, atq; omnipotentem, cœlestes globi, quos sphaeras Græci dicunt, maxime referunt, ut qui illius infinitam naturam similitudine corporis quodammodo infiniti, & perpetuam, ac nunquam desinentem vim gubernantis omnia, atq; regentis perpetuitate sui motus imitantur, & ratio ipsa nostra, atq; mens, tum ex se maxime agit, atque operatur, cum in circulum agitur & versatur. Cuius rei certum indicium, quod quæ vera sunt, & salutaria animi consilia ea non aliud quippiam profectò sunt, quam processus rationis sic extra se tendentis, ad id, quod occurrerit, ut cum deliberet, si nē illud sibi suscipiendum, necne sit, quod appetit: non tamen in eo statim acquiescat, sed circumeundo prius omnia, & circumspiciendo redeat rursus ad se, orbemque totum compleat. In quo decursu toto, atque obitu si nil confragosum, aut infectum offenderit, tum libere animo, & cupiditati suæ gerat morem. Quæ quidem vna agendi, & consulendi ratio boni est iudicij, & veræ prudentiæ propria, cum qui non ita agunt, ac ut primum ab se egressi sunt, in eo protinus, quod appetierint, immorantur: hi aut levitate ridiculi sint, aut affectionum impetu effrenati, atque præcipites. Sed in hoc ipso mentis opere atque officio, magni interest tamen, quo pacto orbis agatur. Etenim si mens ipsa ex se orta sua tantum vi, & virtute niteretur, neque haberet aliud præstantius supra se, ad quod sibi cognatum, & accommodum, cum se applicuisset, fieret ipsa quodque maior, atque præstantior: recte nimirum illa ipsam se finem

rebus

rebus constitueret, & cum sibi ipsi satisfecisset, omnibus esset numeros virtutis, & sapientiæ probe confectus. Quomodo genere maiores illi veteres Italiae, atque Romani antequam Dei, & CHRIS-
STVM cognoscerent, maxime elaborauerunt, ad seipsos etenim omnia referentes, cum dignitatis, & auctoritatis, & potentiae suae primam ducerent rationem, cæteris sic imperandum esse hominibus existimauerunt, vt omnia commoda ex illis ad sese tamen reuerterentur. Atque hæc vt dico, humanæ prudentiæ ratio si potentiam, & gloriam apud homines spectes, habere speciem quandam videtur illustrem, atque amplam, & præstantibus dignam animis, quam cæteri semper omnes maiorem in modum mirati sunt, qui cum eadem assequi cuperent, non eodem tamen consilio, nec tam excelso animo ad res gerendas se contulerunt. Sed si verum hominis bonum, & vera dignitas attendatur, quoniam istiusmodi ratio sibi ipsa confidens, & vi tantum sua nixa, ab illo summo bono, qui Deus est, auellitur, & neque illum, vt principem sui boni recognoscit, neque ad eundem, vt ad finem sua consilia refert, manca ea, & imperfecta impiis existimanda est, eadem mendacij magis, quam veritatis particeps, quæ orbem quidem agere, & circumducere videatur, cum a se exorta, redeat rursus ad sese: sed quæ primam tamen, & potissimam sui boni, & suæ sapientiæ partem extra se relinquat, & neque vnde oportebat, incipiat circumagi, neque eò, quod maxime est opus, reuertatur. Alterum est genus humanæ mentis non tam superbum quidem, neque tam insolens, quam hoc, quod modo dixi, sed tota sui ratione abiectius, quod item a Deo alienum, & proficiscens ab se, nullum tamen orbem ducere, nec in rebus appetendis, aut etiam declinandis ad se rursus respicere laborat: verum recta tendit in terram, & in terrenis iniqua amentis, ac sordibus totum se prouoluit, & implicat, nihil omnino, neque ad dignitatem, neq; ad studium laudis referens, sed vnam tantum spectans illam animi voluptatem, quo pacto cupiditates suas, quæcunque illæ sint, exsaturat, atque expleat. Quod genus simile brutorum esse voluit magis quidem, quam hominum. Sed hæc duo genera quæ commemorauimus non probanda, vt considerantibus continuo apparet, a Deo ambo auulsa sunt, nullamq; cum summo bono coeunt societatem. His porro contraria altera duo, iam sanctiore consilio respiciunt ad summum Deum, sed inter se tamen præstantia, & dignitate differunt. Vnum est eorum, quia Deo ipso egredientes, & suorum ortus, principiaque bonorum illi referentes accepta, decurrunt tamen rectam lineam, neque curant ad eum ipsum, vnde profecti sunt, postea amplius reuerti, sed velut verso solo esse in aliam ciuitatem dederunt, & alteram sibi gentem ipsi adsciuerunt, tanquam è magna patria in ignobilem coloniam missi,

domicilia suarum fortunatum in terra constituunt, terreniq; ex
 cœlestibus effecti, habent quidem gratiam illam Deo, quod sibi
 ab eo dari, & donari illa existimant: ipsum tamen Deum vt sum-
 mum suum bonum, & suæ finem atque extremum beatitudinis
 non intelligunt. Qua in religione, & mente natio Iudæorum fuit,
 veri Dei colens illa quidem, & sanctum illius nomen adorans, nō
 tamen circulo se ad eundem referens, neque ipsum, vt bonū suū,
 sed vt authorem sibi mortalium horum bonorum semper vene-
 rata. Neque illa tamen in hac Dei cognitione princeps, sed & qui
 in ipsis naturæ primordiis, à creatore Deo primi producti sunt,
 quique post propius à generis humani origine abfuerit aliquot
 seculis in eā mentē constitierunt, vt à Deo peterent, quæ sibi pe-
 tenda esse arbitrarentur, & accepta illi ferrent, quæ adepti essent,
 sed vt illa tamen forent, quæ concupiebant, terrena omnia, atque
 mortalia. Post vero sensim, atque obscure hac varietate rerum tot,
 atque tantarum, quæ aut oculis cernuntur, aut à sensibus cæteris
 cum voluptate percipiuntur, animos, mentesque occupantē, & r-
 nuiuersum hominem ad se abripiente, disiunxisset se penitus à Deo
 humanum genus, omnemque illius cultum, atque memoriam in
 seipso oblitterasset, nisi admirabili suæ sapientiæ arcano præpo-
 tens Deus eximiam sibi retinuisset Iudæorum nationem, in qua,
 tanquam in materia rudi quidem adhuc, & impolita, sed tamen
 hærente quadam ex parte in cultu veri Dei, dolando ipse, & po-
 liendo exprimeret aliquando illam absolutissimam, & perfectis-
 simam humanæ mentis rationem, quæ est in eo, vt à Deo egrede-
 remur, & ad eundem Deum rursus nos conuerteremus, orbemq;
 illum conficeremus, in quo omnis virtus, & omnis sapientia, &
 omnis diuini boni possessio continetur. Hic AUGUSTINVS: Præ-
 clare tu quidem, inquit, mihi ordiri Sadolete visus es, & initium
 nostri sermonis à re magnā ducere. Hæc enim omnis oratio, si
 rite coniector, eō tendit, vt hanc summam, & absolutam homi-
 nis rationem in fide Christi solū esse intelligamus. Quippe quæ
 vna nos eō maxime reuocat, vnde sumus proiecti, atque ita iu-
 bet decurrere orbem istum, quem tu apte nimium, atq; apposite
 intulisti, vt quacunque peragemus, aut peruagemur, in ipso tamē
 principio, eodemq; fini, qui Deus est, semper voluntate, & pro-
 posito maneamus. Sed tu cur tam alte exorsus sis, aneo scire ex te.
 Non enim hæc ad mores pertinere videtur oratio, sed ad illa ar-
 cana potius, altaque mysteria, de quibus heri inter vos fuistis lo-
 cuti. QVIA INQVAM, cum de eis moribus agendum sit, quorum est
 tractatio huius sententiæ propria, præponi ista oportuit, quæ fa-
 ciliore intelligentiā sequentiū faciliorem, & simul vobis vt expo-
 nerem CHRIS TI mysteriū, quo fidei nostræ perspicua veritas
 intelligitur, idcirco illa à me inducta sunt. Namq; & de moribus

sic suscipere debetis, non esse mores nostros. ex eis generibus tractatum, quæ vel a philosophia traditæ, vel a claris, & potentibus viris in rebus gerendis antiquitus usurpatæ sunt. Et mysterium CHRISTI illam vim habet, ut eo non cognito, ne cætera quid sitis cognosci possint, quæ sunt ad fidem nobis, & ad spem adipiscendi Dei necessæria: in cuius quidem sensum mysterij, illiusque intelligentiam nos nudius tertius inopinatò venimus, cum tãquam diligentes, & seduli venatores exoptati boni odorantes vestigia, in ipsum cubile repentè diuino munere incidissemus.

Age porro, inquit ille, & ipsum hoc mysterium nobis explica, namque operæpretium quidem, ut te audio, fuerit id cognoscere, ex quo ad cognoscenda reliqua facilior aditus fiet. FACIAM equidem, quoad potero, inquam, & eundem supplex Deum deprecabor, ut qui nobis princeps ad ineundam viam hanc fuit, idem sit deductor ad conficiendam. Sed tamen ad superius argumentum redire nos oportet, ut consenciamus omnes, & confiteamur, nihil esse perfectum, nec sapiens, neque adeo veri, aut summi boni corpus, quod non hoc orbe sit circumactum, ut exeat ex ipso Deo, & rursus ad Deum redeat, totoque illo flexu, atque decursu finem, atque vltimum omnium suorum bonorum exoptet semper, atque appetat ipsum Deum.

CONFITENDUM est, inquit, ctenim quid dici potest verius! AT QUI hæc veritas, inquam, ut commemoram modò, ante aduentum, & mortem CHRISTI ignorata omnibus fuit, nisi siquos Deus occulta suæ sapientiæ vi in hanc cogitationem, mentemque iniecit, ut intelligerent huius virtutem mysterij, Christumque venturum præviderent, quod in patriarchis, & prophetis credimus fuisse factum. CREDIMVS, inquit, & certe ita factum est. EST AUTEM, inquam, huius mysterij tota vis, ut quoniam orbem illum sic agere debemus, ut nihil in medio cursu nos remoretur, quod alio fini proposito detorqueat nos à summo bono, atque impediat, quo minus intenti semper, & auidi ad Deum ipsum contendamus, in quo vno vera nobis bona, eademque immortalia statuta sunt, reliqua omnia mundi oblectamenta sic debemus tanquam prætereuntes libare, atque attingere, ut ne in illis cura, aut studio animi aliquo simus infixi, quando quidem quantum in illis amoris, diligentiaque ponimus, tantum de illa beata cura detrahimus, deque diuino amore illo diminuiamus, in quo omnis nobis spes veræ & sempiternæ felicitatis est reposita. Quod si etiam res asperæ, atque aduersæ nos urgeant, illam nobis expeditiorem, & tutiorem viam ad beatum portum perueniendi esse existimemus. Atque hoc celestis, salutareque consilium vitæ nobis mortalis in hunc modum agendæ, atque expectandæ ex Deo immortalitatis non CHRISTVS nobis docet.

Non enim sic de illo, vt de vno quodam homine, existimandum est, cuius ore, & lingua locutus nobis fuerit Deus. Hoc enim & per prophetas, & per quosuis nuncios potuit effici. Sed **CHRISTVS** ipse totus oratio est Dei loquentis nobiscum, nosque admonentis, atque docentis, vt contemnamus bona mundi, atque in se vno spes nostras constituamus. Non enim latino sermone, neque Græco, neque tursum Syra, aut Hebraica lingua loqui censendus Deus est, sed illo modo loqui, qui tantæ dignus authoritatis, & maiestatis sit, vt agendo potissimum, faciendoque, loquatur, sitque, idem in illo & actio ipsa, & oratio. Atque vt comparatione quadam notius faciam id, quod dico. Quemadmodum cæli nihil aliud profectò quam administratio Dei sunt regentis & gubernantis illo circumactu vniuersa, quippe qui neque materiam vllam habent, alioquin essent corruptibiles, neque rursus pura, & simplex forma sunt, non enim mouerentur, sed tantummodo sensibiles actus quidam diuinæ virtutis existant, nequaquam ipsi, cum aliud quiddam per se essent, ad hoc deinde officium gubernandi, munusque adhiberi, sed quod illorum effectio, & natura ipsa est gubernatio: sic **CHRISTVS** ipse vox & sermo est **DEI** patris omnipotentis, reuocantis homines ab hoc mortali seculo, & ad seipsum eos pertrahentis, simulque illis demonstrantis tanquam verbo & oratione suæ sic dura illa, & laboriosa **CHRISTI** vita, eiusdemque ad extremum cruce, atque morte ad omnium salutem, doctrinamque suscepta voluptates mundi, & vitæ huius illecebras, vt quæ falsam speciem boni, nobis obijciendo maxime à vero bono, & à Deo nos deducunt, à nobis esse præ Deo contemnendas, solamque illam vitam appetendam, quæ cuiusmodi futura sit, in resurrectione **CHRISTIANI** mortuis nobis est patefactum, quæ illis est proposita, qui in hac agenda vita **CHRISTVM** imitari, hoc est Dei verbo obtemperare voluerint, cuius voluntatis in nobis ac sententiæ baptismus professio est. Atque hoc nobis **CHRISTVS** non tam à Deo mysterium attulit, quam fuit ipse mysterium: sine quo ad Deum quicumque adiungere se cupiunt, illudere sibi met ipsi, & non tam Deum querere, quam spernere videantur. Etenim si orbis ille respectus & reuersionis in summum Deum, quem in **CHRISTO** duntaxat circumagi recte diximus, non est harere in medijs, neque ab illis nolle diuelli, sed in eo est, vt instemus, & vageamus susceptum cursum, quo exoptatum ad finem veniamus, quicumque Deo dedere se instituunt, atque hi nihilominus mundum & mundi bona complectuntur, cum falluntur opinione sua, atque iudicio, tum repugnantia certe suscipiunt. Qui vero ita Deum, & summum bonum appetunt, vt sordeat illis mundus, nulloque amore, cum eo tanquam glutino contineantur, his velignaris, atque inopinantibus per **CHRISTVM** & fidem **CHRISTI** accessus

ad Deum est. Agere enim hoc ipsum fides **C H R I S T I** est, ipseque omnino **C H R I S T V S** Dei est, hoc nos docentis, & sic ut agamus præcipientis oratio in vnius hominis ad hoc diuinitus facti, atque instituti vita, atque morte, necnon & eisdem à mortuis resurrectione, in cælumque ascensione ad omnes homines palam, tanquam clarissima voce habita, atque prolata. In quo quidem **C H R I S T O**, & humanitatem simul, & diuinitatem agnoscimus, cumque non tam doctorem huius mysterij, quam mysterium ipsummet intelligimus. De quo Paulus ad Colossenses, Oeconomiam datam mihi a Deo, in vos, inquit, ut consummarem sermonem Dei, mysterium reconditum a seculis, & generationibus, quod nunc patefactum est sanctis eius, quibus voluit **D E V S** patefacere, quæ sunt diuinitatis gloriæ mysterij huius in gentibus, qui est **C H R I S T V S**, in vobis spes gloriæ. Sed quoniam est a nobis de his rebus copiosius primo dic actum, omniaque tum demonstrata, atque dicta, quæ ad huius mysterij explanationem pertinent, quæ se meus frater habere dicit relata in volumen, atque descripta, petèris ab eo, siquid nunc à me, dum breuis volo esse, dictum sit obscurius. Hæc quidem à me idcirco præposita sunt, ut quoniam de Christianis moribus est dicendum, intelligereis eorum disciplinam & tractationem, non ex eo genere esse, quod ab se in vno quoque, aut etiam in nationibus, quibusdam ab auctore **D E O** exortum, atque egrediens in terram totum mox demersum est. Abiectum enim & sordidum imprimis est hoc genus, neque vlla in eo de moribus rectis, atque honestis ratio vera, aut cogitatio continetur, neque rursus ex genere illo existere altero, quod progrediens ab se se, & ad seipsum reuertens maxime superbum, atque elatum est, nullamque potiore ducit rationem, quam potentie, & dignitatis, & amplitudinis suæ. Quod quidem genus & si specie quadam humanæ virtutis, atque prudentiæ splendidius multo videretur, quam illud primum, hominumque oculos, & studia præcipue in se conuertit, magis tamen etiam remotum à Deo, & à summo bono est, vel potius Deo ipsi infestum, atque contrarium. Suum n. regnum quoddam separatim sibi facit, seque alterum e regione cõstituit regem, qui se illi altissimæ potestati nõ summittit, cuius voluntate, & nutu condita sunt omnia. Atque hæc est illa pestifera, tumensque superbia, quæ & angelos primum deiecit e cælo, & sepe homines prosperis rebus corruptos in eandem perniciem trahit, qui quidè in ambitu honorum, & in mundanis opibus studia, & spes suas collocauerunt. Quid ergo est. De his moribus tractaturus Paulus est, qui illi generi hominum conueniunt, quod ex Deo natū rursus se recipit ad eundem Deum, qui orbis vniuersus, ecclesiæque sapientiæ nimirum **C H R I S T V S** est, qui si ita altissus fuit a mundo, ut nihil unquam quod aut deleat in hac vita,

aut illecebris capiat, nō modo vinxerit, aut detorserit illius mentem, sed ne voluntati quidem arriserit. Vtique adeo intento ille cursu, & desixo in Deum animo ferebatur, sciens, vt Ioannes inquit, quod à Deo venit, & ad Deum vadit. Nobis quoque est filium Dei imitantibus conandum, vt quoad possumus, ab omnibus quidem mundi vitijs, & amore nimio rerum terrenarum abstinemus: sed si interdum prægrauat caro, quæ in nobis imbecilla est eadem in CHRISTO vas fuit diuinitatis, si inquam, adigimur nonnunquam carnis vitio, vt labamur, atq; offendamus, ab illis certe refugiamus inaculis, quæ animum ipsum inficiunt, penitusque eum auertunt, atque abstrahunt à summo Deo, vel etiam aduersus Deum efferunt, atq; attollunt, quo quidem genere peccati lethalius nullum est, cuiusmodi superbia est, & nimia animi confidentia. HIC AVGVSTINVS, Etsi ad ea quæ de moribus dicenda sunt, auido animo properabam, inquit, vt ad quas tractandas partes fortuitò fueram appulsus: tamen facile te paterer Sadoletè totum diem hunc in his sermonibus consumere: Ita meum animum commouet, atq; afficit, hoc quod abs te prolatum est CHRISTI mysterium, de quo à te dictum quidem est concisus, quàm tantæ rei magnitudo postulabat. veruntamen quod nobis in præsentia fuerit satis, præsertim cum habeamus vnde hauriamus largius, Siquidem hæc Iulius scriptura se diligenter persecutum esse dicit. Sed ego agnoscens clementiam & benignitatem summi Dei, qui eorum mentes qui illum cum amore quaerunt, maiore sui intelligentiâ semper refecit & illuminat, clarius intueri nunc incipio, quod antea pia tantummodo persuasione credebam, sicut enim verbo ponebatur, ita accipiebatur à nobis, vnâ spem salutis esse per fidem CHRISTI in Deum credere, nunc liquido perspicio, certum id ita esse, vt contradici non possit, planamque & perspicuam video esse veritatem, neminem omnino posse, nisi per fidem CHRISTI ad Deum se conferre, quandoquidem CHRISTVS ipse verbum Dei est, neq; eo pacto verbum, quo prædicat vetus scriptura factum esse verbum Dei ad Micheam Prophetam, vel ad Hieremiam, vel ad Ioël, quod quidem modo aliud est Dei verbum, aliud is, qui illud enunciat Propheta. Sed CHRISTVS verbum Dei ipsummet est, Dei, inquam, hoc suo ore nos docentis, si salui, & beati esse volumus, appetenda esse sempiterna bona, & contemnenda mortalia, vt sit verbum Dei, idem quod ipse Deus, in quo quidem verbo & doctrina simul sit, & actio, id est, vt id verbum, quod nos docet, idem etiam deducat in immortalem vitam. Deducat autem, non vt monstrator solum neque doctor: sed vt dicebas ipse, Paulumque in eo testem adducebas, vt huius ipsius deductionis mysterium, ipsaq; quasi deductio, cum illius sanguine & morte consecuti si-

mus, ut natura hominis quæ antea à Deo auersa & illi infensa erat, in CHRISTI corpore fuerit cum eodem Deo reconciliata, indeque tota defluxerit humani generis redemptio, carnis enim inimicitia cum Deo, quæ nos in terra fixos detinebat, rebellesque & contumaces efficiebat aduersus Deum, in CHRISTI carne per obedientiam soluta est, qui carnem ipsam primum in se, & ex se, deinde in omnibus à seruitute rerum terrenarum abstractam Deo penitus subiecit, sanguinemque & vitam suam factus Deo usque ad crucis mortem obediens, pro salute nostra effudit. Verum hanc mysterij tam sublimis veritatem nunc quidem tanquam in peristromate nobili quasi præteriens aspicio. Post vero ubi dabitur spatium ista ipsa subtilius, accuratiusque contemplandi spero omneis eius partes clare mihi, ac lucide sese ostensuras. Nunc tu Sadolete pertexe reliqua, atque has meas interpellationes æquo animo patere. QUIDNI patiar, inquam, quibus præfertim maiorem in modum delecter. Non enim me admodum laboraturum intelligo ut vobis ea tradam, quæ in animo ipse intrus habeo concepta, cum vos orationem penè meam intelligentia vestra anteueniatis, quanquam hoc quidem ingenij talis semper Triultii fuit, neque de Langeo nostro secus esse intelligo. TUM ILLE, Perge tu modo, inquit, nolique ex silentio meo conijcere quid ego intelligentia assequar, & quid non. Illud scito plane me comprobare ea, quæ abs te dicta sunt, maioraque suspicari, quam ut breui ista oratione possint exponi, tum vero expectare idem ocium, atque tempus, quo cum Triultio, & Iulio eadem ista ipsa diligentius consideremus. POST QUAM igitur, inquam, hoc primum nostri fundamentum sermonis positum à nobis est, CHRISTVM verbum esse Dei docentis nos, atque hortantis, ut cæteris posthabitis rebus omnibus, ad ipsum nos amore, cordeque adungamus, spemque cunctam beatitudinis nostræ in ipso vno constituamus, illud quoque alterum substruendum nobis est, ut de ipso amore erga nos præpotentis Dei, deque ea cura, quam pro nobis ille, & pro salute nostra suscepit, aliquid commemoremus, qui filium suum consortem solum diuinitatis, & in quo sibi maxime pater Deus placet, miserit à sinu suo, atque ex sanctissimæ virginis utero, nullo virili coitu se admiscente, sed spiritu sancto eas gerente vires, humanam speciem suscipere & induere voluit atque etiam meri, & cruci affigi sit passus, & carne illa in filio perempta, quæ a peccato omni aliena semper fuit, nos redempti in illo sanguine, & doctrinam Dei in CHRISTO imitantes, in carne nostra peccatum interiretemus, mundique, & nudi appareremus coram Deo, Christumque à mortuis exurgente, in vitam simul cum eo non corporis adhuc quidem, & si ea quoque nobis mox immortalis aduentura est, sed in vitam modo iustitiam &

veræ cum Deo amicitia, ac cognationis excitaremur, cum ut tanta à Deo beneficia acciperemus, quibus maiora esse amabo quæ possunt: nullis à parte nostra meritis, vel potius male ipsi de Deo merentes, sola eiusdem Dei bonitate, atque clementia & de erroribus nostris misericordia, sumus assecuti. **S**A **N**E ita est, Langens inquit, & ea re quidem plurimum illi debemus, ut si non impij penitus, & inhumani velimus esse, gratiam nostram, & tanti memoriam meriti nulla unquam obscurare debeat obliuio. **A**T **Q**U **I** inquam, ne aliam quidem ipse gratiam à nobis repetit, quam ut amori suo erga nos mutua ipsi voluntate respondeamus, quod ipsum nobis etiam est emolumento, atque bono. Itaque Paulus explicatis ante, atque enarratis **C**H **R**I **S**T **I**, & fidei mysterijs, de quibus biduo hoc à nobis est disputatum, huc nunc conuertitur, ut posteaquam docuit, quid de Deo, & fidei mysterio sentiendum sit, doceat etiam deinceps, quo pacto erga Deum, & propter ipsum Deum inter nos nobis sit agendum, cuius tempus esse iam videtur, uti verba audiantur.

Adhortor igitur vos fratres per miserationes Dei, ut sistatis corpora vestra hostiam viuentem, sanctam, beneplacitam Deo, rationalem cultum vestrum, & ne configuremini seculo huic, sed transformemini renouatione mentis vestra in explorando vos, quid sit, quod velit Deus bonum, & beneplacitum, & perfectum.

A **M**Y **S**T **I**C **I**S ad moralia transiturus, fratrumque imprimis contentiones ante oculos habens, quæ præcipue ex Iudæis ad **C**H **R**I **S**T **I** fidem conuersis, & tamen quæstum etiam vel ambitionem suam spectantibus oriebantur, etenim docere alios omnes, illi, & sibi auctoritatem magistrorum arrogare, legemque semper proponere, & quodammodo cæteris dominari meditabantur, quod quidem erat, non Deo, & **C**H **R**I **S**T **O**, sed mundo sese conformare, ac dedere: huic primum malo mederi vult, precibusque, & monitis erga eos agit: Dei misericordias, hoc est, quotidianas eius benignitates ad ignoscendum peccatoribus secum aduocans, per quas & prius illi salui in **C**H **R**I **S**T **O** facti, & quotidie habent ex omni facinore, & culpa paratum in Dei clementia & bonitate perfugium. Per eas igitur obtestatus ut gratos Deo tot beneficijs se ostendentes, rationalem, & verum cultum exhibeant eidem Deo, non autem hunc fucatum, & studium magis mundi quam Dei in se continentem. Quanquam hanc alteram partem obiurgatricem eorum culpæ, ne eos palam coarguere videretur, reticuit Apostolus, dissimulataque vitij mentione eos tantum in parte bona cohortatus est. Et quoniam hi, ad quos scribebat, bona pars Iudæi, aut institutis Iudæorū plerique imbuti erant

iccirco eos docens, & admonens per comparisonem quandam priorum ex lege sacrificiorum ad sanctum, & immaculatum Deo præstandum sacrificium illos hortatur. Nam in Moyſis lege vltima, quæ Deo offerebatur, vt munda eſſet, & integra, cõp̃is ab illis, qui illam offerebant, diligentia adhibebatur, primum vto corpore eſſet ſana, non ſcabiæ aut impetigine, aut ſimili aliquo morbo infecta, deinde vt non auribus mutila, non canda decurtata, non aliqua infecta notabili macula eſſet, talemq̃ue illi hoſtiam ſanctam, & mundam, & Deo acceptam arbitrabantur, atq; in corporeo illo ſacrificio Dei ſibi veniam, & gratiam reconciliare meditabantur. Nos vero qui omne ſacrum, quod Deo offerimus, abducimus à corporeis, & ad veritatem, ipſumq̃ue transferimus, illis externis victimis omiſſis, noſmetipſos Deo potiſſimum dedicamus. Hortatur igitur Apoſtolus vt ſiſtant corpora ſua, non aliena, hoc eſt non hircorum, aut vitulorum hoſtiam viuentem, non morti addictam, quod in illis vetuſtis & Moſaïcis ſacris fiebat, ſed vitæ meliori, & vegetiori paratam, quod quidem in Chriſtiano ſacrificio iure euenit. Etenim ſi tunc in aliena morte vitam ſibi quiſq; ex miſericordia Dei procurabat, quanto magis nunc ſemetipſum hoſtiam ſiſtendo, atque offerendo iuſtiore Dei miſericordia viuet? cum propius, atque interius iſta oblatio corporis ſui pariat in vnoquoque ſibi à Deo vitam, quàm poſſit diſiuncta, & aliena oblatio, eandem in illo vitam reparare. Sed hanc hoſtiam, quam offerimus Deo, corpus noſtrum videlicet, quanquam eam viuentem, & victuram nos, ludæi in vituli, aut arietis corpore morituram ſiſtebant, cæteris tamen rebus ſimiliter atq; apud illos accuratam, & ſelectam eſſe conuenit, vt ſancta ſit, & vt Deo bene accepta, quod continget, ſive illi in omni parte integram, atq; mundam, ſic nos & ab eis vitijs, quæ totum hominem occupant, & ab eis, quæ in parte aliqua ſuſcipiuntur, immūnem, ac niſi idam Deo offeremus. Atque vt oſtendat, quantum interuallum ſit inter ſacrificia ludæorum, & noſtra, ſubiungit breuiter hoſtiæ noſtræ conditionem rationalem eſſe cultum Dei, non corporalem. Quæ enim illi in corporibus mundis, & nitidis offerebant, nos in ſpiritu, & veritate ſanctitatis Deo cõſecramus. Itaq; illa læpe ſacra, & illas victimas aſpernabatur Deus, noſtrum autem ſacrificium nunquam aſpernatus eſt. Talem igitur hoſtiam ſuadet nos offerre, quæ ſit cultus Dei rationalis, non corporeus, quod rite fiet, ſi noſtra ratio in colendo Deo non ad mundum ſpectauerit, ſed ad ipſum Deum. Nam qui in ipſis quoque ſacrificijs, & cultibus omnipotentis Dei ad mundum conuerſi ſunt, laudemq; humanam ex religionis ſtudio aucupantur, hi maxime impio, & deteſtabili ſcelere veritatē in ſimulationem quærit conuertere, ſeculoq; illi maxime configurantur. Hoc eſt,

figuram

figuram huius seculi in se accipiunt, fallacem, infidam, variam, oculis tantummodo, & opinionibus seruientē, quæ cum eadem sit instabilis, transeatq; figuræ, & figmenti modo, nos quoque secum vnâ in eundem fluxum corripit, falsisq; bonis illectos, & captos veluti fluctu super fluctum, sic super merorem voluptate, & poenitentia super voluptatem vicissitudinibus varijs ante obruit, quam potuerimus, quid verum nobis bonum sit, aut in quo portu tutò consistamus, experiundo cognoscere. Etenim quid aliud est, quod ait scriptura, In imagine pertransit omnis homo. Et, dormierunt somnum suum: quodque alio loco Paulus. (Transit figura mundi huius) nisi cum hi, qui huic seculo configurantur, degerrant suam ætatē in simulacro & imagine, debere nos meritis nostræ nouatione transformari, vt vitam nostram collocemus in bono stabili, & in veritate, qui est ipse Deus? Nouari enim mens nostra recte dicitur, cum omisso hoc iam trito, & vetusto calle mundani gressus, in quo omnia ficta, & fucata transeunt, in vnus cultu, & adoratione Dei vera voluntas, & verum studiū ponitur, & sunt hæc præcepta tamen memoratis antea CHRISTI mysterijs apta, & congruentia. Quid enim aliud fides nobis CHRISTI imperat, quā vt deposito vetere homine, qui secundum mundum, & seculum hoc factus est, nouum alterum hominem ex Deo natū, & in veritate factum induamus? Sed hæc adoratio, & cultus vnus Dei nō semper vere ab hominibus, sed nonnunquam etiā specie falsa usurpatur, quod duobus fermè modis fit. Sunt enim qui terrena ista magni æstimantes, quæ seculi huius nomine denotantur, & in quibus opum, & potestatum, necnon humanarum cupiditatum, & cerraminum strepitus ingens est, & species sonora quadam oculos feriens, auribusq; eadem rinniens, cum se iidem ad visibilem Dei cultum, & venerationem conuertunt, transferunt eundem mundi sonum, atq; eandem pompam ad illius sanctum nomen inuocandum, atq; adorandum, ac cum honore ipsius Dei sui quoque nominis celebritatem esse coniunctam volunt, popularemq; ambiunt admirationē, vt existimentur in colendo Deo opulenti imprimis esse, & perliberales, quod genus cultus, & sacrificij ab illa Iudaica religione non est dissimile. Illi etenim in exteris quoq; ritibus, & sacrificijs oculos magis & sensus hominum, quàm corda ipsa feriebant, neq; in oblatione hostiarum, tam ipsi Deo, quàm legi, & ceremonijs quærebant satisfacere. Alij longe contraria, & deteriore ratione ipsum Dei humilem cultum præferentes, atq; se a mundo disunctos esse simulantes, nihilominus ficta illa religione quæstus sibi, aut rumulos ab hominibus suffurantur, quod genus in societate imprimis difficile, & morosum est. Etenim hi sunt, qui cum se sanctos, & inatculpabiles haberi velint, ceteros ipsi non desinunt

quacunque de causa accusare & reprehendere, dantq; consilium non rogati, suamque doctrinam & auctoritatem passim ingerunt: & si non continuè sit i pareatur, scelus magnum clamantes, contentionem inter fratres, & dissidia nituntur conferere. Quos omnes hortatur, & monet Apostolus, ut ne configurentur huic seculo, sed transformentur renouatione mentis in explorando, quid Deo maximè acceptum sit, qui certè illud vult quod & ab ipso profectū est, & ad eundem tendit, hoc est, ut in eo quodcunq; agitur, aut suscipitur, non aliud genus boni vllum spectetur, nisi id, quod probatū Deo, & eidem gratum intelligatur atq; acceptum, hoc est, iterum ut interpretemur, Ut in omnibus, quæ agimus, quæq; consecretamur, semper nobis ante oculos propositus sit Deus, nusquamq; ab eius nutu, & voluntate deflectamus. Illud enim verum est bonū, & vere placitū Deo, quod in eo ipso, ut sine, & solo bono consistit, neq; est labe vlla mundi adiuncta pollutum, & inquinatū, quod est proprie, ut alibi Paulus ait, sanctificatio nostra. Eam porro assequi non possumus, nisi mentem nostram in aliam formam nouemus, quæ ab huius seculi figura longe remota sit, totamq; ex ipso Deo formemus, & ex veritate, & spiritu sancto. Sicut in Psalmo scriptū est: Et spiritum rectum innoua in visceribus meis. Hoc enim ita si egerimus, statim intelliget ipsa mens nostra semet esse debere, quæ seipsam dediceret Deo, quæ sese illi offerat, vota que, & sacra, & dona Deo debita intra seipsam contineat omnia, neque hoc solum, sed omne etiam suæ pietatis præmium, omnem rationem boni sui, in vno ipso Deo collocet, atque constituat. Hoc enim est mente renouari, quod in fide CHRISTI totum positum est, veterem hominem exuere, & nouum fieri, formamque nouam spiritus & veritatis induere, quæ antiquis seculis fuit ignorata, & desciscere à vetustis, quæ mundana, & corporea scilicet sunt. Inueterascunt enim quæ sunt corporis, atque quod alibi Paulus, hoc est in nouitate spiritus, non in vetustate literæ ambulare.

Dico enim per gratiam datam mihi, cuiusq; existenti in vobis, ne plus sapiat præter id, quod oportet sapere: sed sapiat ad temperantiam, sicut vniciq; Deus impartiuit mensuram fidei. Quemadmodum enim in vno corpore membra multa habemus, membra autem omnia non eandem habent actionem: sic multi vnum corpus sumus in Christo, singuli autem inter nos membra.

Quod modo commonuit, ut ne configurarentur huic seculo, id nunc loquitur expressius ab eo fratres errore reuocans, in quibus nonnullos eorum lapsos intelligebat, qui religionem CHRISTI & professionem Christianæ humilitatis ad ambitionis studium,

dium, & ad elationem animi conferebant, quoque maiores ipsi, atque eminentiores inter fratres viderentur, cum pollicebantur de se plura, quam præstare poterant, tum autem ad suam potestatem, suumque iudicium contemptis cæteris regimen, & administrationem rerum nitebantur reuocare, quorum duo hæc vitia infesta præcipue consensio, atque concordia, ostentationis vnum, & alterum ambitus duabus præclaris rationibus Paulus castigaturus, ne in id ipse incidere arrogantia vitium, quod est in illis, reprehensus videatur, primum agit cum eis lenissime, deinde proponit se hoc docendi, monendique officium suscipere non temere, nec propter arrogantiam, sed per gratiam, quæ sibi data sit, nempe Apostolatus, & legationis à summo Deo, ut sit ipse cum vniuersi CHRISTI mysterij, tum eorum morum, qui Christianæ fidei conueniunt, omnibus hominibus, & prædicator, & doctor. Præcipit ergo ut ne quis sapere contendat plus quam oportet, sed vnusquisque hætenus sapiat, ut ne prætereat temperantentum, quod quidem temperamentum sibi quisque ex ea intus animi fiducia admetiatur, quam impartiuit illi Deus. Fidem enim hic pro fiducia posuit profecto Apostolus, quod idem & infra facturus est, quæ dicit, omne quod ex fide non est, peccatum esse, id est, omne quo quis magis se ostentat quam conscius ipse sit posse à se præstari, id peccatum esse: quippe quod crimen in se contineat, semper quidem mendacij, sæpe auaritiæ, nonnunquam etiam ambitionis. Verum hæc fiducia animi, interiorque conscientia, quæ sæpenumero propter ignorantiam, & simplicitatem eorum, inter quos versatur, efficere, & consequi multa posset non sua vi, neque veritate freta, sed illorum imbecillitate, qui faciliè inducerentur, quo quidem casu non fiducia esset, sed fraus, atque astutia, hæc, inquam, fiducia tunc demum vera rectaque est, & veram mensuram accipit, si eam accipiat à summo Deo, & sese illi approbet, ipsumque præ mentis oculis habeat. Fidere ergo nostrum, sanctum, verumque in eo potissimum existit, cum illa fiducia à Deo vnicuique dimensa est, cum est nixa veritate, cum non ex errore hominum se metitur, sed simplicius bene conscia tota ad Deum conuersa est, habetque cum sibi finem propositum, in quo humilitas animi cernitur, & illa modestiæ, ac temperantiæ virtus, quæ solis nobis, qui in CHRISTVM credimus, planè nota, animaduersa quoque est, ab hominibus verdè, qui sunt mundi, penitus ignoratur. Mundus enim qui in eo totus est, ut videatur res esse, non ut ita sit, tantum quemque postulat ingerere se, atque agere, quantum cæteris persuadere potis est, siue eos fallere, atque inducere arte valeat, siue etiam cogere, vimque asferre, semperque illi mundi opinio- nibus magni, & præstantes viri existimari sunt, qui ut superiores

cæte.

cæteris essent, quoquo modo vincere, atque efficere valuerunt. At non hoc à nobis postulat aut expectat Deus, sed omnis nos diuina ratio, & CHRIS TI Iesu Domini nostri actio, atque admonitio ad humilitatem animi, & ad paupertatem spiritus conuerit, vt summisse semper, & modicè de nobis ipsis sentiamus, sic & nos docet in Euangelio CHRIS TVS vsque ad cò de nobis nihil elatè sapere, vt cùm omnia rectè, riteq; egerimus, nihilominus inutiles nos seruos tum quoque contemnamur. Et in monte rursus ad discipulos verba faciens, beatos eos imprimis vocat, qui sunt pauperes spiritu, neque ipse tamen ea abiectioe animi esse nos vult, vt non audeamus talentum nobis creditum exercere. Ignauia enim id crimen, atque desidia, non humilitatis est, neque moderationis studium, sed vt caueamus ne supra id, quod decet, & quod oportet, & industriam nostram & operam studeamus extollere. Sapere ergo oportet ad temperantia, quod duobus modis sit, vno modo cùm in eo, quod pròfitemur, nequaquam plus promittimus, quàm quod prestare cum integritate possimus, sed tantum, quantum fides conscientia nostræ, & ex Deo ducta, dimensaq; fiducia suppeditat. Altero, cùm in nostro munere, officioq; insistimus, neq; alienas curationes inuadimus atq; usurpamus. Hoc enim vbi sit, graues ibi, acerbæq; querimonia & assidue inter fratres excitantur contentiones, corpusque Ecclesiæ discinditur, quod ad humani corporis similitudinē vno CHRIS TI spiritu vegetatum, & alitum habet tanquam membra quidem varias in se operantium facultates, sed ita inter se distinctas, vt in diuisis singulorum actionibus vna omnium communis procuretur salus. Quod si membrum vnum aliquod aliorum sibi membrorum functiones usurpare contendat, iam confusio in corpore & ordinis, & societatis fiat perturbatio. Quemadmodum ipse ad Corinthios scribit: Si totum corpus oculus, vbi auditus? si totum auditus? vbi olfactus? aut si essent omnia vnum membrum, vbi corpus? Malus ergo, & seditiosus homo ille est, qui in societate & cœtu omnia ad se, & ad suam auctoritatem conatur attrahere, cæterisq; antecellere vult, etiam in quo minime est officio a Deo ipse delectus, neq; ille seruit CHRIS TO, sed ad mundum præpostera quadam ambitione reuoluitur, regulamq; suæ facultatis non ex Deo meretur, neque ex conscientia, sed ex errore reliquorū, & elatione animi sua, a quo vitio vt maxime velint abesse, fratres suos admonet, & obtestatur Paulus.

Habentes autem dona secundum gratiam datam nobis differentia, siue prophetiam secundum portionem fidei siue ministerium, in ministerio, siue qui docet in doctrina, siue qui hortatur, in hortatione.

Hæc sine dubio dona omnia sunt Dei. Vt enim quis aptus, atque idoneus ad quamque rem magnam, præclaramque sit, Dei totum benignitati, & gratiæ ascribitur. Et dantur quidem ista à Deo, exercentur autem à nobis pro portione conscientiæ, quantum quisque ex Deo fiderit, aptumque se & commodum ad exercenda illa intelligit. Siue ergo prophetiæ donum à Deo obtinuerimus, in illa nos exerceamus, sed vsque eò, quoad conscij nobis sumus à Deo fuisse impartitum, nèue falsos illos Prophetas veteres imitemur, qui caprandæ humanæ gloriæ causa, ea prædicebant, quæ sibi incognita esse, nec ipsi quidem nesciebant. De quibus veri Prophetæ in scripturis tam grauitè conqueruntur. Quòd si prophetiam sic accipiamus, vt declarationem obscuriorum in scriptura locorum, id est, abditiorum mysteriorum reuelationem, cuiusmodi quibusdam in locis videtur accipere Paulus: in omnibus tamen eadem fidei, hoc est conscientiæ mensura adhibenda est, vt ne plus polliceamur, quam conscij nobis sumus, posse nos præstare. Sic etiam in ministerio regula eadem teneatur, præclara autem sermè est etiam exercitatio ministerij, vt fuit eleemosynis, cibusque dispartendis Stephano, & Nicanori, & aliis quinque, vt Paulo, & Timotheo in ferendis ad sanctos Hierusalem Græcorum, Macedonumque donis, atque subsidiis, vt Petro, & Ioanni per concilium Apostolorum missis ad Samaritas. Nam & egregiam comitatem eiusmodi administratio requirit, & insignem prudentiam, in qua tamen quisque tantum se exhibeat, quantum ferre idoneus est, sic & in docendo, & in exhortando fines eos quisque teneat, intra quos possit verti, nèue plus se ostendendo in vitium arrogantia, ambitionisque procurrat, idemque in suo, non in alieno versetur munere, atque officio. Atque hæc, vt diximus, dona omnino Dei sunt. Spirituales enim sunt virtutes, quæ autem sequuntur, partem in se habent nostræ etiam voluntatis, animique inductionis.

Qui impertit in simplicitate, qui patrociniatur in diligentia, qui miseretur in hilaritate, dilectio non simulata: odio habentes, quod prauum est, Agglutinati bono, fraternæ dilectione inter vos amantes, honore alius alium anteuinentes, studio impigri, spiritu feruentes, Domino seruientes, spe gaudentes, in angustia tolerantes, in oratione perseverantes, necessitatibus sanctorum communicantes, hospitalitatem sectantes.

Qui partem dat, hoc est, qui alium secum participem facit, qui rem aut consilium, aut operam suam proximo impertit, atque communicat, id agat simpliciter, & liberaliter, nèue manifi-

animumque restringat, neque astute ad se aliquid referat, sed illius tantum causa, quem ope sua subleuat, ad commodandum illi, & ad ferendum auxilium adducatur, neque spectet in eo quam minima opera, aut impensa facere id possit, sed ut quam optime illi consulat. Hoc enim est communicare, & participem facere in simplicitate, quod ea simplex, & mens est, & manus, quae aperta est. In quo genere communicandi, & imperiendi maxime ingenium, & come est, pertinetque imprimis ad simplicitatem ita communicare te alteri, ut non eo quod illum adiuues, tibi esse maior, sed quod per illum tibi occasio benignè faciendi oblata sit, gratiam quandam tu illi debere videre. Qui verò patrociniatur, diligentiam adhibeat, ut curam suscepti muneris non solum corpore, sed studio etiam animi strenuè exequatur, fidemque suam præster, siue ille sponte suscepto negotio pupillis, & viciis tutandis adsit, ægrotisque curandis, siue etiam suffragio cæcorum simili officio alieni, aut muneri sit præpositus. Sic enim omnis curatio, omnisque patrociniatio Christiano homini, Deoque ritè seruienti gerenda est, non ut ea domesticum ad commodum, sed ut ad salutem & utilitatem eorum quibus moderatur, prorsus tota conferatur. Misereri autem in hilaritate, est effectum misericordiae iucundè, hilareque præstare, qui animi habitus cum adest misereantibus, non modo hi non fugiunt miserendi tempora, sed appetunt etiam videri ea, atque insectantur. Quod si ne apud gentiles quidem illa pietas probabatur, quæ coacta erat, & mœsta, ut etiam vulgari illorum proverbio circumferretur, neminem, qui pietatem cauere, esse piū, quanto magis nobis hæc terrena bona libenter communicantibus, ut in cælo multiplicata alia, & longè præstantiora consequamur, conuenit cum voluptate, ac lætitia hanc mercem commutare, subuenireque egestatibus aliorum, ut cælestibus ipsi diuitiis reddamur affluentiores. Itaque & alibi Paulus: Non ex tristitia, inquit, aut ex necessitate; hilarem enim datorem diligit Deus. Et in Euangelio Dominus: Beati misericordes, inquit, quoniam misericordiam consequentur, & beatum cum vocat Dauid, qui respicit super egenum, & pauperem, quoniam in die mala liberabit eum Dominus. Et verè si volumus existimare, illa maxime in dando, subueniendoque hilaritas regni nobis cælestis est conciliatrix. Nullum enim graue facinus, nullum atrox delictum hæcere posse videtur in natura eiusmodi, quæ ad benignitatem, & ad misericordiam erga pauperes propensa sit, nec verò alia re magis ad imitationem Dei propè accedimus, quam miserendo, benignèque faciendo. Hæc est virtus maxime Christiani nominis propria, hæc vna nos cum Deo præcipue coniungit, hæc facit, ut verè iidem adepti, & veram ex iude iusticiam

à Deo consecuti esse videamur. Erenim quisnam alius fuit introitus, aut quod principium beneficentiae, & bonitatis Dei erga nos, simul ut sperare in eo, & considerare per IESUM Christum cepimus, quam misericordia, & per misericordiam diuinorum bonorum effuse nobis, & liberaliter facta largitio? Nos verò quo pacto eandem Dei benignitatem, & iustitiam in nosmetipsos imitando transferimus, & ex eadem diuinæ bonitatis forma sumus insigniti, si non efficiamur & ipsi misericordes? Quæ denique virtus, quod institutum vitæ, quæ actio in illo summo, seueroque iudicio in regnum, & partem electorum Dei nos introductura est, nisi quod egentium & calamitosorum in hac vita fuerimus miseri? At non cuncti diuites sumus, nec qui queamus aliorum difficultatibus subsidio esse, ne perturbare animo, affectum tuum Deus accipit, de facultatibus verè existimat, & simul in memoriam redi anuis illius ex Euangelio, quæ cum duos æreos minutos in templum contulisset, facile omnium opes, & dona superauit. Nulla est virtus, quæ quidem Christiana sit, quæ non omnibus sit communis. Nam neq; Deus ipse, qui est vnus nobis vniuersa virtus, cuiusquam est proprius Deus, sed omni in communis, quicunq; eum appetunt, voluntque. Verùm & si tanti est in homine Christiano misericordia, vt ipsa introitus quodam modo, & vestibulum ad imitandum verè Deum esse videatur, tamen & ea ipsa virtus, & ceteræ omnes in principe virtutum charitate continentur. Porro est charitas dilectio non simulata, neque tamen hoc satis. Potest enim esse etiam in malis dilectio, sed est charitas dilectio in bonis non simulata. Itaq; adiungit ad dilectionem huiusmodi, vt odio habeant prauum, non id tantum deuient & agglutinari sint bono, non solum id sectentur, hoc est, vt nunquam accedant ad malum, à bono nunquam recedant, additque vt fraterno amore inter se diligant, quandoquidem fratres iam sunt, non ex voluntate carnis, neque ex voluntate viri, quæ quidem ratione, etiam disuncti longissimè inter se, atque alieni esse possunt, sed ex eodem patre Deo renati, & progeniti, quod est sanctissimum, & maximum veræ germanitatis vinculum. Quo autem fraterna hæc necessitudinis inter eos coniunctio liuor habeatur, sapiens & salutare dar documentum, vt alium alius in honorando antecedar, quæ est concordia, & pacis arcta connexio. Namq; existimare honorem sibi potius deberi, quam alteri prestandū esse, nequaquam Christianum, neq; adeo fraternum est. Habet enim fraternitas summam æqualitatem, quam euestigio turbat, atq; infringit, qui sibi plus arrogat, quam alteri ipse paratus sit deferre. Et tamen ista superbia, & fastus quasi rudimenta prima sunt, appetere honorem ab altero libentius, quam alteri habere, quibus a C H R I S T I de nihil est alienius.

Sequi.

Sequitur ut studio impigri esse debeamus, spiritu feruētes, quæ sunt certa indicia firmati iam in bona parte habitus nostri, cum quod agimus rectum, cum voluptate id agimus, ex qua deinde quidem voluptate, ad libentius, sapius, studiosiusque id agendum nostra excitatur, accenditurque voluntas. Sed ut in his omnibus Domino seruiamus, non nostræ videlicet utilitati, neque gloriæ, sed ad Dominum Deum omnia referamus, quod si ad nos quoque aliquid referendum sit, id ex eo genere bonorum sit, quæ sperare tantummodo in hac vita, assequi vero nullo pacto, nisi sola sperandi lætitia & voluptate valeamus, istiusmodi bona sunt cœlestia, & sempiterna, quæ hæreditate patris nostri Dei in futuro seculo sumus adepturi. Ex omnibus igitur studiis operationibusque nostris, quas propter Deum illius honori, & nomini inservientes suscipimus nihil omnino ad nos quod præsens bonum afferat, sed tantummodo bonorum spem futurorum, & ex ea spe gaudium quidem præsens ac lætitiā conuertamus. Hanc porro spem consequitur tolerantia rerum difficilium, cum aut fortuitis casibus, aut hominum iniuriis oppressi, atque vexati, eadem futurorum bonorum spe, quorum per alienas iniurias eripi nobis adeptio non potest, nosmetipsos consolamur, in quo alternis quodammodo adminiculis, & patientiā ipsa spem magis confirmat, & spes fulcit, corroboratque patientiam. Nam & supra dixit, quod patientiā probationem conficit, & probatio spem. Firmius enim tunc certè speramus, cum factō in rebus aduersis nostri periculo, hic quoque intelligimus Dei opem nobis, atque auxilium ad tolerandum fortiter aduersa non defuisse. Atque ex his, quæ iam nobis præbuit, ad ea, quæ restant donanda ac largienda, obsidem cum nobis suam benevolentiam, voluntatemque dedisse. Et quoniam qui spe suffulti gaudent, illa identidem in animo voluntant, quibus sperandis, cogitandisque lætantur: ideo comitem huius quoque spei, & ex spe lætitiæ addidit orationem, in qua perseverantes sunt, qui illa eterna bona, & eorum authorem bonorum Deum adamauerunt. Sæpe enim colloqui cum eo, & desideria sua exponere illi, quem quis amet, iucundum imprimis, & optabile est, & est hæc maxime crebra, ac continens oratio. Neque solum ferre nos, & tolerare difficilia, sed in illis etiam communicare cum sanctis viris hortatur, & admonet, quasi si immunes ipsi esse possimus, nolimus id tamen, sed præoptemus magis in societate sanctorum a ruinas omnes perpeti, quam separatim liberi, & pacati vivere, quod non tantū ebriis affectu, sed etiam re ipsa, & opere præstare debemus. Hoc tacebant, qui sua omnia venundantes, præterea ad pedes Apostolorum deferrebant, qui victos, & male vexatos fideles CHRISTI, sua cura, & ope, & obsequio subleuabant, electis, & p

grinantibus comites se adiungebant, qui illos denique certare cum tortore pro CHRISTI nomine cum viderent, ultro se quoque ipsi in idem certamen listebant, atque offerebant. Iam hospitalitatis amor, diligensque sectatio ceteris antè dictis virtutibus consentanea est. In qua Lot, & Abraam egregium studium adhibuere. Abraam quidem usque eò, ut non modò venientes hospites hilare exciperet, verùm etiam ad diuertendum, & ad commorandum precibus obtestationibusque cogeret, cuius quidem humanitatis vterque eorum dignum à Deo præmium est consecutus. Atque omnes quidem adhuc commemoratæ virtutes cum præclaræ sunt, & Christianæ, & hac professione dignæ, quæ cæli tantum studium, & immortalitatis suscipit, nulli autem terrenæ curæ, neque interitura rei est affixa, tum verò, quæ sequuntur etiam magis ex intimo sacrario fidei, & religionis nostræ de promptæ sunt, nullamq; omnino habent cum vilitatis hominum virtutibus communionem.

Benedicite insectantibus vos, benedicite, & ne execramini gaudere cum gaudentibus, & flere cum flentibus: idem alius de alio vicissim sentientes: non alta spirantes, sed humilibus simul inclinati. Nè estote sapientes apud vosmetipsos. Nemini malum pro malo reddentes: procurantes honesta coram omnibus hominibus. Si fieri potest, quantum est in vobis, cum omnibus hominibus pacem seruantes. Non vosmetipsi vlciscentes dilecti, sed date locum ira: scriptum est enim, Mihi ultro, ego rependam, dicit Dominus. Si ergo esurit inimicus tuus, pasc eum: hoc enim agens, carbones ignis aceruabis in caput eius. Ne vincere à malo, sed vince in bono malum.

IAM benedicere maledicentibus; & benignum esse aduersus eos qui te insectentur, commodeque de illis, & ad illos loqui, nec non bona omnia optare iis, qui tibi mala inferant. Rursusque & gaudia tua, & mæores ita ad aliorum affectus accommodare, & flectere, ut ex illorum conuersionibus animorum, atque sensibus tua pendeat affectio, quodque communius est, & tanquam vniuersè dictum eodem erga proximum affectum animo esse, quo ipse erga semet proximus affectus sit, propriæ Christiani hominis virtutes sunt prioribus non usquequaque intellectæ seculis, quas illa per fidem CHRISTI nobis ex Deo insinuata, & ad imitationem eius suscepta iustitia palam proposuit, & demonstrauit. Neque earum vsum, & cognitionem iustitia legis tam exprimere potuit, quam adumbrare. Nam & illa dixit, si incidetis in bonum inimici tui, aut alium errantem, reducito eum; & si sub onere succumbentem aspexeris, subleuato. Ac humani-

tatis quidem officium illa inimico exhiberi voluit, ut esset ad tollendas inimicitias occasio, virtus verò Christiana est, nullum omnino habere inimicum, sed ut ira consociemus cor nostrum cum corde proximi, ut in vnum quasi cum eo sensum coeamus, quæ tamen virtus illud mysterium fidei, & CHRISTI necessario consequitur. Etenim cum eorum, quæ ex hoc mundo sunt, nihil omnino nostra magni interesse putemus, solæque illa iudicemus, & expectamus bona, quæ nobis à Deo in altera vita proposita sunt, nulla ex his rebus cupiditate immoderata, nullo impetu animi perturbamur, quò minus piam, atque inuiolatam pacem cum proximo, & fraternæ charitatem necessitudinis teneamus. Itaque & possumus iniurias insectantium placatè ferre, & illis loqui, atque optare bona, qui nos afflictos, & oppressos volunt, quando illi nihil nobis auferre possunt eorum bonorum, quæ sola nobis cetera sunt, & quæ vnicè appetenda ducimus, quinimò eos auidè cupimus ipsi respiscere, & sanam illis mentem à Domino Deo deprecamur. Ac ferre quidem conuitia, & iniurias insolentium hominum, atque inimicorum etiam Philosopherum nonnunquam est: reddere autem pro conuitiis laudationes, & beneficis maiesticia compensare, hoc non cuiusvis iam, sed Christiani tantummodò & animi, & instituti esse potest. Ita & in Matthæo Dominus, Diligite inimicos vestros, & orate pro persequentibus, & calumniantibus vos. Cum autem gaudemus cum gaudentibus, & flemus cum flentibus, omnem funditus liuorem, & malevolentiam ex animo ejiciamus, ut inuideamus omnino nemini, qui floreat, & abundet, siue virtutis laude, siue etià opibus, & apud homines auctoritate, atque fama. In quo enim maxime rationem boni ponimus, in mutuo videlicet inter nos Dei amore, atque nostro, scimus nos in eo si velimus à nemine posse superari. Nec verò ipsum hoc bonum nobis solis appetimus, sed cupimus ceteros quoque omnes illius nobiscum esse æquè participes. Atque ut animum immunem ab inuidiæ labe retinemus, facileque eodem gaudio cum gaudentibus communicamus, sic ad miseras aliorum animo frangimur, ræcoremque nostrum, & lachrymas cum moerentibus coniungimus, etenim hæc affectio imprimis naturalis est, neque Deo adversaria, sed animis digna misericordiis, qui ad subueniendum, & opitulandum calamitoso propensi sunt, qui tunc verè Christiani sunt, vereque fideles, si quas ipsi calamitates, hominumque iniurias, corporis morbos, fortunarum amissiones fortiter, & constanter in se ferunt, eas in proximo suo nequeunt in immoto animo ferre, sed ad conspectum, & sensum hominum calamitosorum misericordia collabuntur. Et sane gaudere cum gaudentibus probum, & pulchrum, sanctumque est, animique ab omni labe, & infidelitate malevolentia puri, mundique proprium. flere autem

cum flentibus perhumanum, & mite. Oportet autem nos si hæc implere rectè, & consequi omnia volumus, fingere animos nostros ex aliorum voluntatibus, atq; animis: cumque affectione nulla ipsi propter nosmetipsos perturbemur, ex alienis tamen animorum permotionibus affici, vt idem ~~ac~~ illius inter nos sentiamus, & proximorum vnusquisque prosperitates, atq; ærumnas, nihil de suis interim laborans, reputet suas. Sic enim & laticias proximorum gratulando simul cum illis, lætandoq; augebimus, & diminuemus, ac subleuabimus mœrores condolendo. Quod si hoc fiet, vt ex affectibus aliorum, non ex nostris afficiamur, omnibus aliis perturbationibus ex animo nostro excisis, atq; eiectis, duobus tantum motibus impellemur. Læritia ex proximi rebus secundis, & ex infestis misericordia. Irasci enim & inuidere, & odio habere, & cupiditate adligi, affectus sunt corū, qui sibi ipsis afficiuntur, nō proximo. Sequitur, vt ne alta nobis proponamus, ne ad magna, quæ mundi sunt, aspiremus, ne administrationes rerum publicarum, ne magistratus, honores, imperia, ne gloriam appetamus: sed in paruis, & obscuris, & ignobilibus mundi libentius consistamus, nec solum extra debemus esse humiles, sed nobis etiam ipsis & iutus exigui. Est enim hoc illi finitimum, & simile, a quo cauere nos admonet, vt nec simus nobis ipsis sapientes: id est, ne ita ipsi nobis placeamus, vt egere nos minimè aliorum consilio arbitremur. De his & alio loco scriptura, Væus, qui sibi ipsi sapiunt, & coram se ipsis sunt scientes. Hos & grauius increpat ac refellit Salomon, Vidistine, inquit, virum sapientem in oculis suis? Ipse de iniano maior, quam de eo est. Et nimirum putidi isti omnes, & molesti imprimis sunt, ac in cœtu, & conuentu ceteros fastidientes, quod præcipuè vitium consensionem aufert, & concordiam de Ecclesia. Non enim isti membrum se esse pati possunt, sed caput, vel potius ex sese corpus aliud conantur facere. Ita & pauperes vt essemus spiritu, nos hortatus est CHRISTVS. Nemini malum pro malo vt reddamus, in quo lex contraria, quæ oculum pro oculo & dentem pro dente rependi iubet: ideoq; ea nō est ad veram Dei iustitiam, quam postea fides CHRISTI consecuta est, suo munere peruecta. Nihil quidem huiusmodi omnino in Euangelio est, vt procuremus honesta coram hominibus, vt neminem exemplo malo lædamus, & exemplo bono cunctos ad virtutem, & ad iustitiam prouocemus, vt habeamus pacem cum omnibus, quantum in nobis est, hoc est, vt neque excitandis, neque alendis contentionibus, & discordiis vlla à nobis ansa, vllus fomes præbeatur. Cum omnibus verò tam fidelibus, quam etiā infidelibus, quod idem ad Corinthios, Sine offensione estote Iudæis, & gentibus, & Ecclesie Dei. Et quoniā hoc fortasse facilius factu sit, non præbere causam, neq; initium

iræ, fugereq; rixandi, & altercandi occasiones, illud quod est difficilius, nominatim interdicit, vt neq; etiam laceſſiti iniuria & prouocati de vlciscendo cogitemus. Saep enim vsu venit, vt qui discordiis causam non dederunt, offensione tamen primò accepta iram deinde, & odium diutius ipsi foueant, nutriendq; diſidia, quæ alij intulerunt. Sed vt non esse authorem diſſenſionum vulgaris prudentiæ est, sic acceptam iniuriam non persequi eminentioris virtutis. Dare igitur spatium iræ nos suadet, & concitos illos animi motus primò cohibere, deinde in totum permittere Deo, qui iustissimus ultor est eorum, qui iniuria læsi sunt. Ac cum tanta quenquam esse constantia, & firmitate animi, vt iniuria nō moueatur, maximum videri possit. Addit tamen aliud maius & multò admirabilius, vt eos ipsos inimicos nostros, qui nos laſerunt, qui damnis & ignominis nos vt afficerent, operam omnem impenderunt, inopia & necessitatibus oppressos ope nostra subleuemus, vt pascamus famelicos, vt sitientes potu recreemus, vt præstemus denique illis in egestate eorum, & penuria officia amicorum, & beneuolentium hominum. Quo quid memorari potest iam diuinius? Atque hæc sunt non documenta solum Christianæ fidei, sed monumenta etiam in nobis Dei bonitatis, quibus ad tantæ, & tam præcellæ virtutis cognitionem atque vsum, illo donante sublatis sumus, quanquam est hoc præceptum traditum idem à Salomone: & totidem penè verbis ab Apostolo relatum, vt esurientem pascamus inimicum, sicque in caput illius propus acceruemus. Quid ergo interest, quæſierit aliquis, si ex lege quoque præcepta huiusmodi habentur, aut quomodo hæc erunt Christianæ fidei propria? Illud nimirum, quod ea data illis sunt ad terrenam pacatiùs traducendam vitam, nobis ad immortalem alteram illam acquirendam, & apud illos rationem quandam prudentiæ humanæq; sapientiæ continent, apud nos diuinæ virtutis, & bonitatis. Vt enim diximus, nos non inimico tantum commodare (id enim iubet etiam interdum lex) sed inimicum vltro diligere iubemur, quod nobis, qui iniuriam nullam agnosceimus, per facile est. Illis verò mundi bona seſtanti-
bus prorsus difficilium. Et tamen in ipsa quoque veteri lege quædam interdum existunt ſcintillæ, tanquam CHRIS TV M & Euangelium patefacere volente. Sed tenues eæ, & imperfectæ, vt hoc ipsum, quod de pascendo inimico prout Salomon, Christianum planè videretur, nisi ſinis in eo appateret, non obsequium, & gratificatio erga Deum, sed ipsius inimici rubor, atque confusio, quæ etſi ratio ab Apostolo quoque per occasionem inductæ authoritatis poſita est, nō tamen verecundia in
mici, vt ſinis ab eo, sed quod placitū ſit Deo præcipue ſpectatum eſt. Igitur hæc plena, & propria fidei noſtræ præcepta ſunt, quæ non
aut r-

auribus solum percepta, sed omnibus animi sensibus comprehensa teneamus, si vere CHRISTO sumus dediti, & fideles. Quæ quis vnquam quæso inuenit Philosophus? aut quæ animis hominum sapientia insinuauit, quæ prisca literæ, qui mores, quæ rerum, aut temporum conuersio huiusmodi genus prudentiæ, huiusmodi genus virtutis, humanitatis, liberalitatis, temperantiæ, aut vsu docuit, aut præceptis, legibusque monstrauit, vt statueremus opes, facultatesque nostras inimicis æque nostris ac coniunctis & familiaribus debere esse paratas? Et tamen si vere existimare volumus, hac vna ratione maxime tolluntur discordiæ ex societate, iræ sedantur, odia placantur, firma, & fidelis consensus constituitur: ita animo ab hisce perturbationibus vacuo, atque soluto hætere planè in Deo nostra mens, & frui beato gaudio illius suauissimæ, & longe nobilissimæ contemplationis permittitur. Nam quòd addit Paulus eos, qui sic fecerint, vt pascant, & alant esurientem inimicum, prunas ignis in caput illius aceruaturus, eò pertinet, vt futurus ille sit sui ipsius obiurgator acerrimus, qui iniquitatem suam tali humanitate cognouerit remunerari. Itaque rubore, & conscientia, & morsu animi perurgebitur, maioresque ipse exiget à se poenas erroris sui, quam ad irati inimici arbitrium fuisset persolurus, quod quidem illi cedere poterit ad correctionem, emendationemque prioris sententiæ, nobis vero si qui ita egerimus, insignem ea res apud Deum gratiam, & singulare solatium iam perfectæ in nobis fidei erga Deum allatura est, ad hoc idem valet etiam quod sequitur, vt ne vincamur à malo, sed vincamus in bono malum, quod quidem maiorem semper boni, quam mali esse potentiam indicat; cum possit quidem ab alterius malo bonum nostrum non vinci, nunquam autem possit hoc, ad quod hortamur, bonum non alienum malum vincere.

Hic Langeus, Præclara nimirum, inquit, & egregia morum documenta præbet nobis Paulus. Atque vt tu modo. Sadolet dicabas, non cum aliorum legibus, institutisq; communia, sed propria nostræ fidei, atque ex sanctissimis de propria Christianæ religionis adytis, in quibus hoc video ab ipso præcipue quæri, vt omnium nostrorum consiliorum, atque factorum constans, & solida ratio, quæ ex solo Deo, & ex interiore cuique conscientiæ iudicio spectanda est, ad mundi opiniones, & studia ne prolabatur. Nam quemadmodum flumen cum peruenit in mare, amisso fluminis nomine, & natura, naturam illam accipit, qua cum permixtum iam, atque confusum est, ipsamq; simul maris subit appellationem; sic mihi videtur vereri Paulus, ne si vera virtus, & ea, quæ ex Deo suscepta est, ostentare se instituerit, & opiniones hominum & studia aucupari, proprium statim virtutis nomen amittat, sitque non amplius Christiana virtus, sed popularis. Ita-

que illam ipsam tanquam castissimam virginem ab omniū oculis aspectibusque semotam sedere domi in intimis penetralibus iubet, sua ipsam veritate, conscientiaq; contentam. Deumq; sibi vnum, & semper proponentem, cui placere soli, & se probare studeat. Omnem autem ab hominibus famam, omnem externæ commendationem laudis sedulo deuitantem, ne si fortè oculis sermonibusq; se dederit, à Deo paulatim segregata, & ex integritate sua deducta corrumpatur. Sanctum hoc consilium, & salutaris sententia profectò est, vti ita semper in veritate maneamus, ne opinionibus vanis auferamur. Sed si est liberè dicendum, quod sentio, non virilem in nobis virtutem instituere viderur Paulus, sed virginalem quandam potiùs, & timidam omneis offensusculas, & omnia vndique pericula metuentem, quæ si huiuscemodi sit, sibi quidem forsitan illa satis faciat, & sit seipsa contenta, ad commoda autem, & vtilitates aliorum parum fructus, & emolumentum afferre videatur. Atque vt quemadmodum ego intelligo, apertius vobis sententiam meam exponam. Cùm duo sint hominum genera, quæ Deo rectè seruire studeant, vnum eorum, qui in solitudinibus, aut in locis ad hanc ipsam rem factis semoti ab usu, & familiaritatibus multorum placatam sibi, & tranquillam eligunt vitam, suosq; sermones, & consilia non cum hominibus, sed cum Deo ipso conferunt. Alterum, quorum robustior est animus, & ad omneis fructus rerum humanarum subeundos, ac sustinendos aliquantò fortior, qui sese cum cæteris hominibus dedunt, qui in populo versantur, qui instrumentum illarum, quas à Deo acceperunt virtutum, non domi inclusum continent, sed præferunt ad usum, vtilitatemque communem, offeruntq; sese temporibus, atq; periculis, sæpe iracundiis aliorum, sæpe calumniis, sæpe improbitatibus, sæpe ignominis, damnisq; expositi: horum inquæ, duorum generum, & si vtrumq; sanctum est Deoque ritè seruicis, nempe ego tamè magis hoc probauerim, quod cœlestes illas ex Deo opes, quas possidet, non sepositas sibi soli, sed cunctorum vsui, & commodo vult esse propositas. Etenim mihi quidem hic viderur propius se ad Deum illum ipsum intendo, imitandoq; adiungere. Porro ipsius Dei cùm bonitas illa sit, vt ea in se primum infinita & immensa in omnium deinde hominum, atq; rerum salutem, vtilitatem, commodumq; diffundat: sic qui bonum suum reliquis impartiunt, hi mihi videntur diuinam illam bonitatem apta quadam inter homines imaginis similitudine melius referre. Atq; hos ego, vt longè aliis antepono, sic non contemno ne illos quidem, qui sese in silentium, & in solitudinem abdiderunt, roneq; ab omni iactatione populi, & tanquam in portum ex fluctibus delati, quietam, & securam ducunt vitam, ipsius quem vnum præcipue adamauerunt con-

templatione Dei perpetuò inherentes; tuta hæc & beata ratio degendæ vitæ, ac totò lux ætatis decursu pacatior longè, atque dulcior: sed quam tamen celebritate nimia illam appetentium frequentari non expediat. Etenim quid ceteris fiet, si omnes qui ad Deum statuerint se conferre, illud vnum iter, & illam ad cælum perueniendi viam fuerint ingressi: quis populum reliquum bonus author reget: quis vulgo moderabitur? quo pastore vigilant, & ad eum custodientur oves? quis aut cettare pro iustitia, aut arguere improbitatem, aut iniquitati obuiam ire, aut tueri innocentia conabitur: sint sanè sancti isti, qui ab communis vitæ strepitu, atq; concursu seiuncti sunt, qui ab mundo se abalienauerunt, suntq; ad Deum vñ mente animoq; conuersi, sint beati, sint ipsis propemodù angelis, vt dicitur, pares, ego hos nimirum illis præpono, qui versati æqualiter cum reliquis constituerunt, qui morem illum præcipue secuti sunt, quem a quotidiana consuetudine viderunt approbati, & cum externos cultus corporis, ordinemque totius vitæ similiter atq; cæteri susciperent, ac sectarentur, in veritate tamen, & integritate animi, & in ipso Deo præter ceteros permanserunt. Nec verò CHRISTVS Dominus hoc præcipuè genus, & hanc sectam hominum sese communi vitæ deditum atq; accommodatum non maiore aliquantò honore est profectus, qui cum Petrum antetulit Ioanni, iusq; eximiae illi auctoritatis, & curam, rectionemq; omnium suarum attribuit, satis palam indicauit negotiosam se, & laboriosam vitam, huic tranquillæ, feriatæq; præferre. At enim labi isti facilius, & offendere periculosius, & rapius abduci ab optimis institutis queunt fateor, sed quis est sibi ipse tam confidens, aut tam fortiter de ceteris audacterq; existimans, qui statuat hominem quocunq; è genere vitæ exstiterit, alienum a prolapsionibus, & ab offensionibus esse? fragilis est natura nostra, & voluntas infirma, vt quam nō solum impetus, & turbines externarum rerum, sed rapitæ ipsæ sepe cogitationes quatiant, atq; peruellant, quæ tamen dum in fini ipso constanter hæreat, hoc est ad Deum semper, & ad primum bonum sic directæ, in cursu ipso interdum si prolabatur, nequaquam hoc illi capitali fraudi esse debet, nam aliter, vbi, quandòue erit diuinæ misericordiæ locus? An verò ista virtus misericordiæ tanta, & tam eximia iners penitus in Deo, & vacua censenda est? Iam qua illo sui parte, aut sibi melior, potentiorq; est, aut nobis commodior, atq; communior? cum si misericors ipse non sit, nos salui esse nequeamus, sin autem nos perpetuò innocentes, illius inanis videatur esse misericordia. At ea illi præcipuam gloriam, nobis autem certio rem semper salutem præbuit, quibus nō integritate, & innocentia nostra, sed Dei clemētia semper magis est nitendū. Quam obrem nemo quidem me ab hac vita occupata, & populari illa ratione deteruerit, quod eam dicat lapsionibus, & periculis magis

expositam esse, ut enim hoc ita sit, tum fructus quidem ea certe ex
 se fert in aliorum salute procuranda vberiores, tum ipsa duplici
 Dei praesidio munita est. Nam & vim illam recte agendi, recteque
 ferendi hoc magis accipit ab summo Deo, quo ad difficiliore
 multo res, & ad duriora vitae impedimenta dimouenda conuer
 sa est: & siquid aliquando, titubauerit in cursu, errandoque deli
 querit, per eiusdem Dei misericordiam purgata, atque absterfa, sit
 splendidior, quam vlla humana accuratione aut diligentia potu
 isset splendescere. Quod si ita est, neque ego secus esse existimo,
 quaso quamam ratione Paulus, & tu cum Paulo Sadolete consen
 tiens, omnem paulo ante Dei omnipotentis cultum ita ad spiri
 tum, & ad mentem redigebatis, ut nihil prorsus externis cerimo
 niis, nihil oculis, nec auribus, nihil communibus hominum senti
 bus reliquum faceretis: an omnis omnino religio, omnis adorandi,
 venerandique Dei ceremonia in ipsis intimis, abditisque cogita
 tionibus, & in tacita sola voluntate constituenda est, neque est extra
 signum aliquod, indiciumque proferendum quod inclusam no
 stram pietatem erga Deum, ad oculos spectantium traducat, &
 deferat: Quid sibi ergo templa ista volunt, quae tanto, & tam ma
 gnifico opere ubique ferè gentium, quae Christianum nomen in ho
 nore est facta, atque ornata extant: Quid assidue in illis Deum per
 sonantium, & pro populo rogantium sacerdotum preces? quid ip
 si ordines, gradusque sacerdotum? quid arae, quidignes, quid
 vestes luculentae, & variae, atque (ut poeta inquit) auro, ostroque ri
 gentes? quas dum ad sacrificandum Deo se apparant, more solen
 ni, atque prisco induere sacerdotes solent, neque putant fas sine illis
 in mysticis sacris tractandis Deo se offerre. Cantus vero, & voces,
 & tibiae, & symphoniam chori celebrantes, tum autem minorum
 maioribus assurrectiones, inter pares mutuae ceruicū inflexiones,
 amplexus, cōprecationes, pacis oscula, quae cuncta à cōmuni Ec
 clesia non adscita modo, atque recepta: verum etiam praecepta, at
 que instituta omnibus sunt, nonne perspicue indicant cultū & re
 ligionē in summum Deum, non solum in spiritualibus, & intimis
 adorationibus, verum etiam externis in ceremoniis suscipi, & ad
 hiberi oportere? Nam illud quidem credi nullo modo potest,
 quae spiritu Dei catholica Ecclesia regatur, eam ad haec agenda,
 atque instituenda nullo bono consilio, sed inani, & irrita ratione
 fuisse motam. Ita ego novos hosce haereticos, qui nuper exorti o
 mnia perturbauerunt, non alio magis nomine esse detestandos
 censeo, quam quod rictū hunc omnem, & cōmunem Ecclesiae cō
 sentientis ceremoniam, quae in ordine quodam, & in pulcherrimo
 more sita est, suo quidque loco, & suo tempore agendi, nec non ad
 agendum sic se vnumquenque vti legibus praescriptū est, aptandi,
 atque apparandi, miscere pepius, & confundere sunt conati, ut cū
 hoc

hoc externum nostrę pietatis testimonium sustulissent, seq; ea ratione ab hominum oculis, & animaduersionibus quasi in occultum, & abditum recepissent, tum demum licentius gererent se erga Deum, atq; intestinę voluntatis arbitrium, quod iam à populi conspectibus absconditum esset, ad quas vellent, tutò cupiditates conuerteret, atq; ij tamen hæc Pauli verba nos ad interiores cultus Dei semper reuocantis, & ab externis ostentationibus auocantis suis temerarijs opinionibus prætendunt, quę equidem verba si sic præcise intelligantur, cum magnam ea profectò perturbationem morum solennium, & vñtatorum in Christiano populo paritura sint, lenius, & consideratius interpretanda censeo, rursus & alio loco, quā præcipit Paulus, vt ne sapiamus plus quam oportet, sed sapiamus ad temperamentum, nèue de nobis plus, aut de facultatibus nostris profiteamur, quàm quantum conscij sumus posse à nobis præstari, atq; vt hanc ipsam conscientiam, non opinione elata, atq; inani, sed diuina veritate metiamur, habet nimirum ista præceptio rationem illustrem & splendidam, quòd hoc semper, & imprimis prouidet Apostolus, ne ad ostentationē nostrī, & ad aucupandam populi famam delabamur, omissoq; vero Dei cultū in imaginibus vanis, atq; vmbreis insistamus. Sed tamen si, vt verbo positū est, ita nude intelligatur, multa accidere necesse est, quę sint societati hominum, & recte institutis cœtib; conuentibusq; damnoſa. Quod sic necū quæſo considerate. Ac primum totam huius Pauli sententię accipere ambiguitatē, etenim ita quæro, quam metiri iubemur ex Deo facultatū nostrarū conscientiam, utrū eam vt comparatam cū Deo ipso metiamur, an vt ad homines conuersam? Si vt erga Deum, obsecro quis nostrorū est, aut cunctorū omulno hominum, modo is à mēte sua, & à bono consilio penitus non sit derelictus, cui possit coram Deo aliquod suę facultatis, & purę, integręq; cōscientię vestigium reliquum videri? qui non in illa infinita vi, atq; virtute, si seipsum aduersus illam spectet, atque expendat omnes suos sensus, omnes intestinās animi cogitationes disperdi longe sentiat, & obrui, vnaque cum psalmo exclamet, atque proferat: Ego sum vermis, & non homo; opprobrium hominum, & abiectio plebis. Non enim cuiquam est in oculis Dei sibi iure placendi, aut de se bene existimandi locus, quòd vt aduersus solem omne lumen tenebrę sunt: sic nosmetipsos Deo si comparemus, omnis veritas humana mendacium est, & virium, atque labes omnis nostra integritas, in tanto enim intervallo, quantum inter nostram, & Dei bonitatem interest, quod profectò immensum, & imperagrabile est, quę raptoperē à Deo, & tam longe discedit ratio, ea non amplius in se ipsa consistere, sed ad contrariam rationem adiungere se videtur. Quare nemini est erga Deum de facultatibus suis, & de conscien-

tia fiducia quicquam existimandum, aut confidendum. Sin autem ut ad homines nos conuertimus, & nosmetipsos illis exhibemus, ita debemus esse cauti, ne plus de nobis alijs polliceamur quam quantum idonei sumus prestare, neue falsas in vllis de nobis opiniones excitemus, sed fiduciam nostram suscipiendi aliquid, aut promittendi ex Deo, & ex veritate conscientie meriamur. Quod magis sentire velle videtur Paulus, ne sic quidem mihi videtur ista ratio simpliciter, & vniuerse accepta posse consistere, etenim multa saepe vsu veniunt necessario, in quibus & videri meliores quam sumus, & plus ostentare, ac profiteri, quam valemus, & virtuti nostrae, & bono mori, & communi vtilitati conducit, atq; expedit. Ut verbi causa, in magistratu si quis constitutus sit, siue eum honoris gradum is obtineat, ex quo precepto tantummodo, atq; exemplo populum docere, & in viam veræ salutis inducere iubeatur, quales ferè sunt curationes Ecclesiasticæ, atq; potestates, siue etiam ius & auctoritatem habeat vindicandi in improbos, & terrore, ac metu hominum vitia, & facinorosa comprimendi, cui est potestati gladius vindicæ delictorum ab ipsis legibus datus. Quaro ego à vobis, si verumque imperium & hoc tenuerit, atq; vehemens, & illud moderatum, ac mite hac mihi regula, & ad conscientie interioris veritatem dirigere omnia, atque agere instituerit, num nam multa non videamur inuestum iri damna. & detrimenta Reipublicæ? Primum qui in Ecclesiastico ordine constitutus, aliqua se macula, & labe delicti affectum senserit, quo ore audebit ceteros moberè, atque hortari, ut se integros præbere Deo, & sacrificium iustitiæ illi studeat offerre, cum ipse ad conscientiam suam respiciens minus se idoneum doctorem vllius esse virtutis cognouerit? quis libidine aliqua contaminatus, ad castitatē, quis amore pecuniæ æstuans, ad abstinentiam, quis elatior, ad humilitatem, contumacior, ad facilitatem, iracundior, ad lenitatem alterum recte poterit hortari? aut denique, quoniam rarum omnino, & penè inauditum est hominem quenquam existere, qui non peccato aliquo proprio laboret, & ad suum, ac peculiare quodpiam vitium non sit propensus, quis reperietur tanta animi confidentia præditus, si idem Paulo assentiri voluerit, atque auscultare, qui audeat partem vllam, curamq; suscipere docendi ceteros, atque instituendi? cum etiam si buli is culpe grauioris conscius sibi ipse sit, communem tamen conditionem infirmitatis humanæ horreat, atq; eximescat necesse est, illam q; grauissimam offensionē reformidet, quæ ipsum quoq; Paulum sollicitum imprimis habebat, ne cum alijs prædicauerit, improbus ipse reperiat. Quod si ita sit, & hæc est Apostoli in hunc modum accipienda sententia, mitto reliquos gradus ordinisq; Ecclesiasticos, quibus Ecclesia tota distincta, ornataque est, tam-

est, tametsi omnes quidem illi ad exemplum, doctrinamq; bene agenda, & ad vnius Dei studium dirigenda vitæ populo cuncto propositi sunt. Sed tamē mitto ceteros, Episcopatum ipsum specimen innocentia, normam totius virtutis, magisterium fidei, pietatis, religionis, quisquam erit omnium tam impudens, tam audax, tam confidentia, temeritateq; proiectus, qui aut ipse sibi perere, aut alij gerendum, administrandumq; offerre, & suadere sustineat? quod quidem munus, & quæ curatio tanquam non ex hominū numero is sit, qui illam gerit, atq; exercet, sed tanquam Deus, qui securus periculorum suorum, alienæ salutis custodem se profiteatur, ita ceteris cōsulere intendit, quasi qui ea præditus est, ab omni ipse cura, & solitudine de se vacuus, id solum curare debeat, vt alienis morbis, & offensionibus medcatur. Ac si illud tamen reliquum factum fuisset, vt quoniam quorum flagitia aperta, manifestaquē sunt, horum in monendo, atque arguendo alios inanis est autoritas, illis saltē liceret, fasq; esset, qui labe suas occultas continere potuissent, aliorum perspicuas, & notas coërcere, atq; in docendo, ac reprehendendo, tales foris se ostendere, quales profecto intus non essent, vt grauiores authores scilicet, & meliores esse, quā reuera existerent, populo viderentur, esset tum quoque exemplo & monitioni, & doctrina superiorum erga inferiores aliquis relictus locus. Nunc vero, cum omnis huiusmodi actio, omnisque professio ad interioris conscientia fident, & regulam redacta sit, quis erit, cui non expediat, atque adeo cui non necesse sit de seipso tantum laborare, de ceteris nullam curam gerere omnino? quod si fiat, & sibi priuatim omnes consulant, Reipublicæ autem nemo, sublatus statim ordo de vita & temeritatis vindex magistratuum autoritas perempta penitus sit, ex quo necesse sit omnium legum, atq; morum interitum, & perturbationem magnam sequi. Quòd si non licitum est Christiano homini plus de se foris ostendere, quam quantum intus se valere intelligat, primum cur Episcopis, & ceteris Christianæ religionis antistitibus adiuncta est iurisdictio, cum episcopatus ipse humilitatem, & pietatem, & cultum vnius Dei, iurisdictio seueritatem, & ex seueritate metum improbis, nocentibusque requirat? Merus porro vt afferatur hominibus maleficis, facinorisque coërcantur, sepe necesse sit maiore quodam strepitu, & apparatu, quam quanta sit nostræ potestatis vis oculos spectantiū, & sensus reliquos perstringere, atque occupare. Quod maximè in prophanis imperijs intueri licet, quæ fastum, & autoritatem suam externis insignibus, atque ornamentis maxime adaugent, vt videantur hominibus formidabiliore, quibus si lex ista imponatur, vt ne se ostendant populis, nèue maiores, & robustiores, quam reuera sint, apparere egestis studeant, sapenumero eueniar

prose.

profecto, ut malorum hominum vis nullo metu coercente congregata, atq. collecta, consensione bonorum, & vi magistratuum efficiatur potentior. Sed quid ego ista sigillatim colligo, cum liceat mihi vno in loco simul complecti omnia, atque proferre? si illud dicam, quod necesse est dici, simulationem, & dissimulationem in omni vita tantam vim obtrahere, ut sine illa nec agi quicquam recte, neque ordine administrari gubernatio vlla possit. Ac de dissimulando quidem video mihi ab omnibus concedi, etiam qui sacris doctrinis instituti, & praeceptis Dei obedientes sunt. Nam cum crimina hi sua regere, occultareque iubentur, si qua forte ab se se clam suscepta sint, ea re quidem, ut ne proximum suum, quem simulata foris bonitate in officio continent, si dissimulationem deponant, delinquendi, malo exemplo insuper addant atque corrumpant. Tum vero qui egregijs virtutibus ornatos se intelligunt, suntque innocentia, & integritate insignes, contra tamen ipsi de se loqui, & veras à cæteris laudes auersari coguntur, ut ne incidant in elationis vitium, & populari gloria plusquam satis opus sit, ducantur: ex quo & illud Evangelicum recte se habere visum est, quo monemur à Domino, ut cum etiam omnia sedulo impleuerimus, dicamus tamen de nobis ipsis, quod serui sumus inutiles. Simulatio vero ad singulas pendè res si non adhibeatur, quid est tandem omnium rerum, quod possit ad opratum exitum, finemque perducere? Nullum est vitæ communis commercium, nullum pactum conuentum, nulla communicatio, nullum belli, pacisue foedus, nullum consilium. Nec vero amicitia, societatis, connubij conciliatio est vlla, quæ si simulatio penitus absit, cõcludi rite queat aut confici. Multa enim verbis simulare oportet, multa etiam factis, si ad nostrorum consiliorum rationes, & exitus cupimus peruenire. Atque ut in connubijs conciliandis, quoniam de his modo mentio facta est, eos qui interpretes sunt sponsalium paciscendorum multa nunciare citro, vltroque oportet, quæ ad mouendum, & persuadendum sunt idonea, ut de sponso, & de sponsa omnia bona loquantur, & utrorumque virtutes in maius prædicando augeant. Vitia vero si qua existunt, extenuent vehementer, aut si patiatur res, dissimulent penitus, atque tegant. Cui etiam rei munditia, elegancia, cultus, vestitusque corporis seruiunt, & lenocinantur, idque præcipue agunt, ut videantur omnia ventustiora esse, & pulchriora profecto, quam reapse sint: sic omnis tractatio, & communicatio vitæ, hominumque inter ipsos conuictus, & participatio veluti nuptiarum, conciliatio quædam est simulationum, & dissimulationum involueris quibusdam, & tanquam lenocinijs fiteata, atque illita, quæ si ad circumueniendum proximum intenta essent, equidem haud negarim improba esse, & ab ipsis legibus, maribusque

busque vindicanda. Verum cum nil confici probe, neque ex hominum usu & communis vitæ commodo tractari apte queat, si simulatio omnis absit, & dissimulatio, sitque tota personata fere vita, plus in vultu, & gestu, & omni corporis habitu de se ipsa ostendens, quam quantum intus gerat, atque possideat virium, & facultatis, nequaquam ego putarim vitio dari debere, si quis sapere plus studeat ad populum, & inter ceteros, quam fortasse sapiat sibi, vimque, & potestatem suam maiorem foris ostendat, quam reuera illa sit, atque id tamen agat cum ad salutem bonorum, tum ad terrorem, & poenam improborum, nisi Paulus nimirum hanc modestiam, temperantiamque animi, & fugam totius ostentationis illis tantum hominibus præscribar, qui aut soli, aut cum paucis in aliquem conclusum, & secretum locum se conferunt, ibique separati à populo, & ab hac vitæ agitatione communi disiuncti, Deo vni in pace, silentioque deseruiunt. In his enim plane confiteor hæc instrumenta ciuilis, & negotiosæ vitæ, quæ in simulando & dissimulando sita sunt, superuacanea penitus, & inutilia esse. Quod idem de externis censeo ceterimonijs, atque his obseruationibus, ac ritibus, qui in Ecclesia palam adhibentur, quando quidem his talibus hominibus, quos Græco vocabulo monachos, eremitasque appellamus, quorum quondam sanctitate, & frequentia Ægyptus imprimis enituisse dicitur, cum Deo vno ratio solum sit, qui puram tantummodo, & synceram postulat veritatem, omneque quod præterea est, inane, & vacuum esse ducit. Nobis vero in turba, populoque versantibus illa est vitæ ordine degendæ suscipienda ratio, ut quoniam homines sensibus ferè magis, quam intelligentia, menteque mouentur, ea inter eos rerum gerendarum instrumenta nobis aduocemus, quæ ad suadendum, & dissuadendum maiorem quandam ostentationem foris præferant, quam contineant intus veritatem, si modo oculis hominum seruire & proprium recte agendi, ordineque viuendi modum & tenere ipsi volumus, & cæteris tradere, atque insinuare.

QUA CUM DIXISSET Langeus: tum Triultius qui attentissimo animo omnem exceperat illius orationem, ad me conuersus, Quam diserte, & copiose Langeus, inquit, ea de quibus dubitabat in Paulo, oratione persecutus est, nec vero ego aliter de eo vnquam existimaui, semperque ita sensi, quicquid hic dicere instituisset, cum non modo id fortiter, atque prudenter, verum etiam ornate, doctèque esse dicturum. Noui enim excellens huius ingenium. Noui etiam studium. Quanquam hæc quidem laus cum fratribus ipsius communis est. Sunt enim omnes ex eadem disciplina ad omnem virtutis excellentiam instructi. Ex quibus video a te plurimum Sadolete diligi, maximoque opere probatum, qui mihi quoque, & omnibus mirifice probatus est, Ioan-

nem Bellaium Episcopum Baionæ, cuius præstantissimi ingenium, & virtus, & fidelitas apud regem magno iam in honore est, estque illi aditus ad omnem amplissimam dignitatem merito partectus. Sed ut de hominibus loqui omittamus, veniamus ad ea, quæ ab isto dicta sunt. Duo enim video Langee à te fuisse posita, vnum quod cultum hunc omnipotentis Dei, & obseruantiam sanctæ religionis non in spiritu tantum, & veritate, quemadmodum semper velle videtur Paulus, sed in externis quoque ritibus, & ceremonijs recte adhiberi putas, in quo ego tibi nimirum assentior, istaque signa, & indicia Christianæ pietatis, quæ ab intestina veritate egressa oculos, & sensus hominum foris impellunt, in communem Ecclesiæ morem inducta vehementissime probo, audaciamque, & temeritatem horum hereticorum coarguo qui ista perturbare, confundereque sunt conati. Alterum illud tuum est, quod cum Paulus neminem sinat in suscipiendo aliquid, aut in pollicendo plus de se profiteri, quam præstare sit idoneus, velitque ut vnusquisque à conscientia suæ lege, atque fide ne tantulum quidem discedat, tu simulationem, & dissimulationem in vita non modo commodam, atque sanctam, verum etiam necessariam esse affirmasti, quippe sine qua (sic enim es locutus) neq̃ geri, aut administrari vnquam recte, nec ad optimos exitus perducī vlla res possit, quod videri cupiam fortasse possit Pauli esse verbis, sententiæque contrarium, quarumquam de isto post video. Nunc de externis cultibus, ceremonijsque dicamus ea, quæ ad rem putamus pertinere. Non enim nesci sumus vbique ferè locorum Paulum ita conuellere, elidereque ceremonias, ut nullam omnino partem in pietate colenda, nullum eis locum relinqueret videatur. Nam & Moysis legem semper infringit, & eleuat, quæ tota firmæ est in cultibus, & ritibus ceremoniarum occupata, & totos illos mores factorum, holocausta victimarum, ornatus templorum, ac sacerdotum, cætera quoque in lege sancta, atque præscripta, cuncta propemodum rejicit, quæ quidem sunt hominum sensibus, aspectibusque exposita, cuiusmodi circumcisio est, & sabbatorum obseruatio, & ciborum, dierumque distinctio. Atque ita rejicit, ut in vno illo cultu & conuersu ad summum Deum, quo se effectori tantum suo applicat interior, & rationalis homo, omnem sitam esse ostendat veram aduersus Deum religionem, atq; fidem. Non ignoro, inquam, ista, Paulumque velut fortem athletam maximè contra legem decernisse intelligo, & illius auctoritate deiecta, alibi quā in templo, & legis ceremonijs Dei colens, & metuens homo suam esse salutem locatam intelligeret. Sed nos hanc rationem sic exponamus, ac primum illud dicamus, quod & maximè verum est, & imprimis necessariū totum hunc cultum omnipotentis Dei totam pietatis vim, ac religio-

nis, per quam homo cum Deo reuera coniunctus est, & illius numini maiestati deditus, in mente, & spiritu, & in ipsa intestina voluntate consistere. Etenim si hæc ipsa sola satis est, quæ nos cum Deo copulet, atque coniungat, cætera autem, quæ extra sunt, si ab hac mente, & voluntate deferantur, nihil omnino sunt omnia, neque quicquam, quod vilius sit momenti afferunt ad promerendam gratiam, & misericordiam summi Dei, quis dubitet, quorundam idoneum per se ad agendum aliquid, & conficiendum, alterum vero sine isto ad eandem rem præstandam nullam vim habet, quin eius, quod oporteat agi tota vis, & potestas posita in eo sit, quod solum per se ad id efficiendum est accommodum? Nec vero Paulus solum in hoc spiritu semper, & in hac veritate mentis insistit. Sed & Samaritanæ mulieri Dominus diligenter percuranti utro potius in loco adorare Deum conueniret, in monte, ne eo, in quo prisci adorauerant patres, an in templo Hierosolymis: respondit neutroibi amplius Deum adorari oportere, sed venturos adoratores, qui adoraturi eum essent in spiritu, & veritate. Quo responso planè ostendit sibi non esse cordi locorum religiones, neque rituum ceremonias, sed mentis, cordisque affectum, qui mentiri sibi ipse, & simulando suscipi non potest, ab se præcipue queri. Cui ergo rei, dixerit quispiam, ceremoniæ istæ sunt, gradusque ordinum, & cæterus templorum, & genuum flexiones, & symphonie in templis, & thuribula, aut quem pietatis fructum afferunt, si sunt à Domino, & à præcone Domini Paulo repudiata, atque abiecta? hoc enim esse arbitror, quod turbatores Ecclesiæ induxit in fraudem, vel potius fraudi illorum, & temeritati ansam præbuit, quam nacti ipsi sibi visi sunt, non tam ceremonias (has enim haud ita grauius oderunt) quàm Ecclesiam Catholicam, cui sunt inimicissimi, ornatam ceremonijs, & sese in illis insigniorem exhibentem posse euertere, ad nihilumque redigere. Quibus nos dicamus, Quod cum mens, & ratio in hoc nobiscum corpore simul conclusa sit, atque ita diuino numine copulata, ut quoad Deum idem, qui nos effecit, & condidit, hanc ipsæmet animæ, corporisque iunctionem diremerit, vinculumque mortalis vitæ dissoluerit, debeat ea interea totam hominis molem regere, & sustinere, illamque secum, in quam ipsa cunque partem se verterit, trahere, atque conuertere, nequaquam esse abhorrrens; neque alienas præ, ac religiose menti habendas ceremonias, quibus dominam suam rationem corpus tendentem ad Deum, & ad illum propius applicare se cupientem, suis & ipsum motionibus, suis compositionibus, & figuris, suo habitu, gestu subsequi conetur, quippe quod capiti, & duci suo obsecundans ad imperium illius præstito sit paratumque se exhibeat. Quod si mens nuda esset ipsa in sese, & nullo membrorum inuolucro

irretita, aut etiam si iuncta, & implicata cum corpore, sola tamen agere per se, & sine corporis adminiculo moueri, ac niti a sum-
 mum Deum posset, essent fortassis externæ corporis gestiones ad
 colendum, & venerandum Deum minus necessariae. Cum vero il-
 lis imaginibus rerum corporearum, quæ per varios sensus in ani-
 ma impressæ corporeâ semper menti, & cogitationi nostræ sug-
 gerunt naturam, ratio ipsa ita nitatur, ut quam diu in hac vita sit,
 his tanquam fundamentis, & gradibus sublata, sic deum scande-
 dere in cœlum, & se constituere in summo bono posse videatur,
 cumque illæ ipsæ imagines, quæ menti Deum contemplanti sub-
 seruiunt, eadem sint corporis, & membrorum dominæ ad ducen-
 dum illud, atque flectendum, in quam visum fuerit. partem. Quis
 est tam auersus à vero, qui has in corpore, & motu corporis ceri-
 monias, mentis iudicio, & voluntati parentes, illiusque verita-
 tem, & sinceritatem consequentes, alienas esse à pietate audeat
 dicere? cum præsertim eadem veritas, quæ animum, & volunta-
 tem erga Deum commouit, corpus vna cum voluntate, eodem
 motu impellat, vnamque ac inter se connexam secum trahat se-
 riem, & mentis Deo se summittentis, & corporis mentem tan-
 quam dominam sequentis. Quod si in omnibus plane agendis,
 tractandis, considerandisque rebus corporis consensu, & mini-
 sterio animus utitur, num in adorando, & venerando Deo illius
 tantum relinquit societatem, consensumque nihili ducet? & hac
 vna in re agenda duntaxat ab illo se segregabit? Qui etsi a Deo
 Dominus ipse corporis est creatus, corpus tamen ab eodem au-
 thore factum, atque compactum, socium secum eiusdem humili-
 tatis, & erga Deum obseruantie non debet repudiare. Iure itaque
 nos, neque id natura solum, sed consilio etiam per bono ita mo-
 tum mētis, motionibus corporis assequimur, ut siue animus pec-
 cati, & culpæ conscius prosternat se, atque abijciat coram Deo,
 corpus eundem gestum, eundemque actum subeat, atque confi-
 ciat, siue agendis pro accepto beneficio gratijs mentē ad Deum,
 cogitationemque tollamus, eandem ad Deum sublationem vul-
 tus, oculi, manusque sequantur, siue quid quoquo modo studeat
 animus, atque decernat repente, tanquam in speculo: sic in cor-
 poris motu, illud intestinum animi consilium, voluntasque cer-
 natur. Iam illæ pectorum percussiones, caput inclinationes,
 genuum inflexiones, quæ passim in communi Ecclesia adhiben-
 tur, imitationes sunt, & simulacra animi varios in se affectus erga
 Deum susipientis, quæ si falso, & per simulationem usurpaten-
 tur, essentque ementita, atque ficta, maximum nimirum hoc cri-
 men, & notaria improbitas consceleratæ mentis existeret. Sed si
 ita habet se intus res, si est voluntas conuersa rite ad Deum, si
 mens tota in ipso Deo vere collocata est, cur repellamus corpus

à pietatis huius, atque aduersus Deum venerationis consortio? quod præferunt huic rei factum natumque est, ut præceptionibus animi, & imperijs, eius opera, & ministratio semper parata sit? An cum & ipsum in partem gloriæ, & immortalitatis venturum aliquando apud Deum sit, non in hac vita cupiditatem quoque eius rei suam aliquibus signis præferet? Non gratias ager conditori suo? non illum colet, quibus poterit modis, ac venerabitur? Non est profecto ne corporis quidem ipsius humilitas, ac reuerentia Deo ipsi ingrata, qui se ita coli, atque appeti ab omnibus creatis rebus vult, quantum est in vnaquaq; re naturæ ad id faciendum, & facultatis, in quo tamen genere corpus præsertim humanum naturis cæteris antecellit, ut quod etiam si ipsum ratio non sit, domestica: tamen ratione, atque mente regatur, ac moueatur. Itaque ipsum iure spiritus sancti templum appellat Paulus, idemq; cum assiduas preces, obsecrationesque exigit, ut omni tempore fundamus ad summum Deum, nonne mentem in illis precibus è suis penetralibus sedibus egressam in vocem, & in labia iubet progredi? corporisq; sibi vsum, & ministerium aduocare? Nam quod detecto capite viros, velata coma mulieres in Ecclesia vult esse, num non ad externas iam id pertinet ceremonias? Ieiunium vero, & decimarum Deo dicatio, percussioq; peccatoris, necnon deiectus oculorum in terram, orisq; demissio, quæ sunt cuncta in publicano illo veniam sibi à Deo deprecante per Dominum Iesum CHRISTVM exposita & comprobata, nonne in corpore testimonia sunt animi cum Deo rationes suas pie conferentis? Quanquam quid ego singula colligo potius, quam illud vniuersum proloquor, cultum & venerationem summi Dei cum in anima, & in corde vere susceptus sit, etiam in corpore propè necessario suscipi: tum quia corpus animam, tanquam imago semper sequitur, tum quoniam æquum, rectumq; est, ut tota nostra creatio, quæ à Deo simul effecta, compactaque est, simul etiam auctori suo & conditori agat gratias, cum præsertim, si veritas ea, quæ animum in Deum commouit, eadem & corpus ad affectus animi imitandos moueat, non queat extraneum, neque alienum dici, quod ductum ab animo, & eadem cum illo veritate conflatum in vnam, atq; eandem conuenit operationem. Sed de his corporis gestibus, & ceremonijs, quæ sunt animi motibus, & voluntatibus adiunctiores, non tam acris fortasse apud litigiosos homines questio sit, & si hæretici prorsus eas omnes repudiassè visi sunt, cultumque & studium omnipotentis Dei, in vna tantum fidei professione posuisse: Veruntamen nō tam forte illi in his obijciendis insistant. Illæ sunt ab illis in contemptum, atq; irrisionem ceremoniæ præcipuè vocatæ, quæ longius etiam à corpore progredientes, in sacramentis Ecclesiasticis, in ordi-

nam distributionibus, in apparatu, in tempore, in cultu, & ornatu corporum, deniq; in toto isto ordine, quid, a quo, quo tempore, quòue pacto suscipi, agi, tractariq; conueniat, positae & constitutae sunt. De quibus si velim singula enucleatè persequi, diutius me deficiat. Nam & honorum gradus, omnes hi sustulerunt, ut non parem solum sacerdotem Episcopo, sed Christianum hominem quemlibet sacerdoti esse constituerint. Ex quo omnis illis non modo distinctio ordinum, sed ratio etiam, religioque consecrandi, per quam varijs modis, & ritibus ipsi ordines discernuntur, habentque diuisas inter se, & separatas potestates, penitus repudiata est, & id, quod maximè nituntur, & quò præcipuè anhelant, regale summi pontificatus sacerdotium ex Catholica Ecclesia conati sunt auferre, qua mente, & quò consilio facis ipsi de se indicant, qui leuibus quibusdam argumentis, & rationibus innixi, cum graues aliorum, & solidas rationes audire non perferant, ea temeritate, vesaniaq; feruntur, ut ingerendis còrumelijs, clamoreque profundendo maleuolentiam maximè expromant suam. Nihil enim, neq; euidentius est à CHRISTO IESU Domino nostro, nec populis fidelibus salutaris constitutum, quam ut vnus dux, & vnum caput communis Ecclesiae sit. Quod si publici còmodi ratio est ducenda, ceteros omnes in fide vna, & veritate, & bono ordine contineat, cum id quidem alia ratione nò modo recte fieri, sed omnino fieri nec possit. Si vero vis altioris mysterij attendenda est, quemadmodum corpus reliquum militantis in hoc seculo, & quasi peregrinantis Ecclesiae ad illius, quae in coelesti patria triumphat, imitationem, atq; formam distinctum, ornatumq; est, quod legitur Moyse Deum præcepisse, ut tabernaculum, omnemque ornatum tabernaculi, & apparatus ad exemplum formae illius efficeret, quae fuerat illi in monte demonstrata, quemadmodum, inquam, haec quae in terris est Ecclesia, coelestem illam Ecclesiam imagine, & simulacro in ceteris partibus referat, sic in hac caput aliquod, quod illius capiti respondeat, necessario est dandum. Non enim aliter integra, neque absoluta sit similitudo. Vt vero aut corpus hoc veluti truncum sine capite, aut illud in coelo caput duorum corporum idem, atq; vnum esse possit, vtrunq; horum non solum incongruum, abhorrrensque est, sed monstri etiam simile. Nihil autem conuenit esse diuina in rebus constituendis, atq; ornandis virtute, bonitate, prouidentiaque perfectius. Nam quod idem, qui caput est Ecclesiae coelestis CHRISTVS, terrenae etiam huius coniunctum, atq; haerens esse possit, vnaque, & eadem opera, & triumphator simul, & miles, & in via, & in patria esse intelligatur, ne concipi quidem cogitatione vlla potest. Sed nos sigillatim ista non excutimus, de vniuerso genere caeremoniarum huiusmodi loquimur, quae etiam si ab animo sunt

mo sunt remotiores, & à corpore quoque disiunctæ, ut iam aliæ, atq; extraneæ iure vocari posse videantur, nec ullam præferant illustrem, & perspicuam ad Deum se adiungendi, & illius numini rite deseruiendi necessitatem, tamen in illa semper ratione, & sententia positæ fuerunt, ut per eas rudiorum hominum, & sensu magis, quam ratione se mouentium mentes in animaduersionem summi Dei, & ad studium colendæ pietatis adducerentur. Ita duplex ordo rituum, ac ceremoniarum inductus est. Sunt enim quæ à veritate mentis profectæ ceremoniæ in corpore ipso continuæ, & in his, quæ iuncta sunt corpori suscipiantur, quas non semper pias, semper sanctas, & salutes esse dicimus. Quod genus preces, Deique inuocationes sunt, & sublationes, deiectionesque vultuum, & oculorum, & capitis, corporis, genuum flexiones, in quibus summum bonum est veritas, summum scelus, simulatio. Sunt item è contrario, quæ non magis à veritate proficiuntur, quàm aspirant, & contendunt ipsæ ad veritatem, cuiusmodi istæ iam existunt exteriores, quæ in templis, ornatusque templorum in varietate ordinum, in ritu quorundam sacerdotum, in cantibus, in vestibus, in festorum dierum celebrationibus fixæ sunt, quarum omnis tractatio, & actio ad doctrinam, & eruditionem populi sumpta, atque instituta est. Sunt enim plerique homines profecto, atque utinam non maxima multò hominum pars, qui cum suis cogitationibus excitari, atque adduci ad Deum agnoscendum, & ad illius eximiam benignitatem erga nos intelligendam, gratiasque illi pro facultate agendas non queant, his externis rebus, atque exemplis, quæ in oculos incurrunt, quæ sensibus offeruntur, pulsati sepius, & admoniti, curam, & meditationem aliquam suscipiant Christiano homine dignam. Quorum in animos, intimasque mentes hæc simulacra fidei, ac pietatis, tanquam à foribus sensuum infarcienda sunt, ut possit deinde in illis vera aliquando fides, & pietas aduersus Deum sedem sibi, & locum domicilio constituere. Hæc si me quispiam, num ad salutem sint necessaria, interroget, distinguam, & respondebo, aut de homine eo agi, qui suo ipse iudicio Dei venerationi sit deditus, & hunc hominem fatebor, etiam si nunquam in celebritate vixerit, etiam si nil horum vnquam fuerit conspicatur, in quantumvis deserta regione, in solo loco amabilem Deo, & gratum effici posse. Aut si de populo mentio habeatur, & de eo genere hominum, quod sanè plurimum, & frequentissimum est, quod affectionibus animi magis regitur, quàm consilijs, habetque sibi non quomodo rectè Deum colat, sed quemadmodum licenter, & suo arbitratu viuat præcipuè, propositum: huic ego hominum generi instabo, & contendam non solum utilia, sed necessaria etiam huiusmodi esse ceremoniarum docu-

menta, quæ per auditum, & visum animos spectantium commo-
ueant, ut Dei esse velint studiosi, ac colentes, quod vel imprimis
formæ, & simulacra diuorum ex marmore, aut ex ære ducta, aut
in tabulis, parietibusque depicta facere intelliguntur, in quæ im-
pîj homines eo intemperantius, furiosiusque debacchari sunt,
cum ea è templis, atque delubris, è locis sacris, prophanisque omni-
bus eijcerent, & abolerent, quo per illa acrius admonebantur, ut
continentiæ, & innocentia, necnon omnis patientiæ & sobrie-
tatis vellent esse memores. Sancte igitur & sapienter hæc omnia
à communi Ecclesia indicta, obseruataque esse dico. Siquidem
Christianæ proprium est pietatis non quenuquam velle sibi soli
regnum Dei querere, sed cupere reliquos omnes eiusdem se-
cum boni esse participes. Hæreticosque qui ista perturbare, &
violare ausi sunt, non modo reprehensione, verum etiam poena
dignos iudico, qui præsertim quotidianum quoque rei diuinæ sa-
crificium commutauerunt, sublatis ex illo solenni ritu partibus
quibusdam, alijsque inductis, in quo mirari satis non quæo, quid-
nam ab illis fuerit spectatû. Cerimonias despexerunt? Cur alium
ipsi ritum, & modum alium cerimonij statuere? An improba-
runt, quæ a Romanis Pontificibus statuta, & à fidelium cœtu ad-
scita ante fuerant? quæ ista tanta fuit audacia, quæ temeritas?
Quis illis hoc dedit negocij? quis potestatem, & auctoritatem
tribuit? Nõne patet, perspicuumque est consilia eiusmodi non
à Deo, neque ab amore Dei, sed à libidine esse, & ab arrogantia
profecta? Quod si passim licitum fuerit ad suum cuique arbitrium
confundere omnia, & permiscere, nõne ordine sublato, & anti-
quatis, ac conculcatis legibus omnibus, non in societate, & con-
uentu hominum, sed inter feras degere satius multo fuerit? Nam
quæ sacramenta Ecclesiæ unicuique conficere liberum esse voluerunt,
nõne sustulerunt omnes gradus? Confuderunt omnes ordines?
Cur ergo non omnibus omnia conficere erit licitum? quod si
fiat, ubi dispersita sunt dona spiritus sancti? Vbi erit oculus in
corpore, si totum sit manus? aut ubi caput, si totum eiusmodi
corpus? Verum nos ab istorum iam abeamus reprehensione, quos
nec ratio vnquam vlla edocuit, nec castigatio fecit meliores, ad
has de quibus sermo nobis est, cerimonias reuertamur. Quarum
maxima semper fuit apud Iudæos, & instituendarum accuratio,
& obseruatio institutarum. De illis loquor, quæ ad Deum agno-
scendum, meliusque colendum, tanquam ad finem referuntur,
atque ab externis sensibus in animum ingressæ, Dei in illo cu-
ras, & cogitationes aliquas excitant. Hæc enim sine dubio acce-
pta, adscitaque a Iudæis in Ecclesiam nostram translata sunt,
eandem apud illos monstrante Deo, iubente, atque præceptæ, quæ
si haberentur inutiles, nequaquam illarum profectio tanti auctori-
tate

rate doctoris quantus Deus est, ad constringendos hominum religionem animos comprobare fuissent. Itaq; & in sacris literis spiritus sanctus per Davidem nos Deum laudare iubet, neque cum in ipso duntaxat, & in diuinis virtutibus eius, rebusq; omnibus ab eodem creatis: sed & in sono tubę laudate eum, inquit, & in Psalterio, ac cithara, & in tympano ac choro, in fidibus, & tibijs, in cymbalis latitię, atque ad extremum, Omnis spiritus laudato Dominum, inquit. At enim quid ita eas tantopere refellit Paulus, omnibusque modis illarum vsum, obseruantiamque insectatur, atque redarguit? Videnda est nobis Apostoli mens, & consilium cerre hominis ratione altius. Ac cum illud quidem dici potest, quod sapenumero & a multis est dictum, idcirco argui a Paulo ceremonias, quod homines veritatis & Dei rite colendi penitus ignari non in spiritali illa, intestinaque adoratione, sed in his, quę extra posita sunt, sacrificijs, mundicijs, purgationibus, totum illius cultum & pietatem veram positam esse arbitrabantur, quos ille ab errore retrahere cum cupere, contrariam ipse viam & rationem est ingressus, vt penitus despiceret, abijceretque ceremonias, & religionis, ac fidei erga Deum veritatem in vna ipsa mente, ac voluntate constitueret. Et reuera in quibus est hic error, vt placare, & conciliare sibi Deum his externis rebus, & ritibus arbitrentur, non est in his huiusmodi religio magistra pietatis, sed incitamentum potius criminis. Licere enim tibi isti putat impune circumuenire proximum, & spoliare hospitem, & suis prauis cupiditatibus indulgere, qui iram Dei forte aliquare contra se concitaram non morore cordis, neq; poenitentia repudiationeque peccati, sed paruulo sumptu victimę, aut aspersione cineris confidunt se redempturos, quales ē numero nostrorum nonnulli etiam sunt, qui posteaquam notos omnes atque vicinos foenore expilauerunt, remque vndecunque quacunque ratione coaceruarunt, si heredem demum iusserint sacellum aliquod inædificare, statasq; in eo preces & sacrificia Deo cōstituere, purgatos se, & mundos ex hac discedere vita arbitrantur. Hac ergo quidem etiam de causa ritus legis, & ceremonias aspernabatur Paulus, sed erat ratio alia subtilior, eademq; magis efficax, quam obrem hoc illi faciendum necessario esset. Etenim si illę Iudæorum ceremonię ex eo erant genere, quod non ab intestina mentis manat veritate, sed ipsam menti veritatem potius insinuat, fuerantque illi genti præcipue ob eam rem datę, atque præceptę, vt populus ille tuapte natura durior, & terreno sensu præditus, fingeretur paulatim tanquam manu atq; illis figuris, significationibusque erudiretur, quod adueniente postea Dei filio, & perspicuam omnibus salutem, ac pietatem veram erga Deum afferente, intelligeretur statim diuinum consilium, atq; admitteretur.

Siquidem finis legis **CHRISTVS** & ritus illi, obseruantiaq; Iudæorum tanquam imagines erant futura veritatis, gens peruersa, & contumax illis ceremonijs imbuta, & assuefacta, vbi a simulacris transeundum ad veritatem, & in fini ipso conquiescendum fuit, renuit eò transduci, quò toto illo cursu superiorum temporum, apparatuque ceremoniarum contendisse videbatur. Igitur Paulus cupientissimus illorum salutis, & prauam ignorantia generis sui agrefere, omni ope infringit, labefactatque ceremonias. Quippe quas inueter non adiamento illis ad animaduertendam veritatem, sed ad eandem veritatem & cognoscendam, & accipiendam maximo potius impedimento esse, quando illi quidem sapiens Dei, & salutare in ipsis erudiendis consilium sua stultitia, pertinaciaq; peruerterent. Hæc Paulo causa, & ratio inimicitiarum aduersus legis ceremonias fuit, cum eas niteretur infringere, atque deicere, quæ aditum **CHRISTO** & fidei **CHRISTI** intercludebant. Quam etiam amentiam Iudæorum, & cecitatem illi confirmabant, qui pseudo Apostoli **CHRISTI** prædicantes eam aiebant cum ceremonijs legis iungi oportere, quos contra ubique quidem acriter, sed in epistola ad Galatas præcipue inuehitur Paulus: ostendens si circumcisio, & legis opera admittantur, inane in ad salutem fore **CHRISTVM**. Et sanè ita est, vt si via aliqua inita sit, qua perueniatur in oppidum, & cum ad moenia, portasque accesseris, retro rursus te referas, quod in itinere faciundo, non in eo, quò accedebas oppidi finem te adepturum, ad quem contendebas, existimes, stultus nimirum sis, & aut monitione, si leuis, aut conuitio etiam, si pertinax, redarguendus, sic qui ceremonijs tanquam itineribus ad **CHRISTVM** ducebantur, cum iam venissent ad vltimum, Christumque in manibus haberent, repente auersi & ad easdem se ceremonias referentes grauius a Paulo fuerunt obiurgandi, illarumque eleuandar, & despicendarum ceremoniarum, quæ se Iudæis duces ad veritatem professæ maiore illos in errore constituiebant. Hic ego vere, inquam, hoc Triulti abste dictum est, tibi que ego vehementer assentior, legis ceremonias ex genere eo fuisse, quò cum tenderet ad veritatem, inuenta mox veritate inane factum sit. Etenim illæ eiusmodi ceremoniarum non ad Deum primo, neque potissimum, sed ad **CHRISTVM** contendebant, vt cum in illo se terminassent, consumptæque essent, tum veriores deinde in eo, & sanctiores ad Deum se conuerterent. Nostra vero ex eo sunt genere, quò non flexu aliquo, sed curriculo recta ad Deum nos deducant, liqui hac tamen deductione indigeant, quæ certè pars multo maxima est. Quapropter de illis sic statuo, de eis loquor ceremonijs, quæ ad insinuandam tantummodo pietatem in Iudeos annosa communis Ecclesia constitutæ sunt, cuiusmodi varietas symphoniarum est, &

est, & cantus in templis altior, & diuitiæ, ornatusque sanorum, & sacerdotum, has ob eam rem potissimum inuentas, ut quæ ratione ciatione sua mens ad intelligendum Deum, pieque eum colendum minus adducitur, eadem hisce rebus, ac sensibus veluti manibus pulsata, & admonita, ad benignitatem summi Dei suamque ex illo animaduertendam sperandamque salutem fiat aptior, quæ certe cum edocta est, amplius harum rerum non egeret, si non maximam semper multitudinem his rebus doceri, erudiri, & esset necesse, quanquam ne illud quidem non proficit eruditio, ut quibus adminiculis in sanctas cogitationes sublatis sunt, per eadem subsidia, & veluti firmamenta in illis contineantur. Quod igitur unusquisque in optima mente erga Deum vel ponendus est, vel retinendus, iure usum huiusmodi ceremoniarum, & semper coluit, & nunc diligenter tuetur Ecclesia. Equidem recordeor haud ita multis annis cum duo doctissimi & sapientissimi viri Thomas Caietanus, & Ægidius Viterbiensis tecum una in senatū, & in istum amplissimum Cardinalium ordinem cooptati essent, suamque pristinam dignitatem, quam quemadmodum tute scis, laudibus doctrinæ, & integritatis insignem obtinebant, hoc etiam honore illustriorem fecissent, me ad eos gratulatum tunc accessisse, sermonemque inter nos protinus inductum fuisse, quid purpura ista, & amictus, & comitum stipatio ad ius, & ad causam religionis valeret, in quo videbam illos consentire, hæc ipsa ornamenta status, & dignitatis, si quis illos tantum spectet, quibus commissa sunt, inania ad pietatis fructum existere. Si vero multitudinis, & eorum, qui ut in officio contineantur, superiorum indigent cura, ratio ducenda sit, ad communem religionem conseruandam vehementer esse vtilia. Quam ego illorum sententiam, & quæ præterea de communi genere ceremoniarum, ac de illis Iudaicis quoque ritibus ab illis dicta sunt, valde tum me probare memini. Etenim cum tales ambo sint, ut etiam si rationem nullam sui dicti redderent, autoritate tamen quemuis commouere possent, tum his utebantur rationibus, & argumentis, quæ abs te modo Triulti exposita planè ad probandum valida esse & firma intelligo. Illud abs te præterea subtilius cognoui dictum, quod non iudicio solum, sed stomacho etiam quodam sancto, atque iusto adductus Paulus grauius contra legis ceremonias inuectus esset, quod illarum cultus, & obseruantias apud obstinatos Iudeorum animos intelligentiæ fidei, & communi gentium saluti non parum intelligeret obstare. **AT QVI INQVIT 1115**, si hæc vera sunt, uti certe sunt, aliquidque suscipi rectè licet, quod in seipso minus syncerum, atque verum, cæteris tamen ad veram, & sanctam conducatur utilitatem, soluta iam altera Langei questio est, quæ

ille simulationem, & dissimulationem in vita tanquam necessariam ad plurimas res gerendas esse admittendam existimat, quod tamen Paulo videatur esse contrarium. Sapere enim vnum quemque tantum, quantum solum oportet, nec plus suscipere curationis, aut negocij, quam quod probare fidei, & conscientie suae possit, quae quidem ipsa conscientia ex Deo etiam, non ex animi sui studio cuius sit dimetienda. Ad id ego praecipue existimo pertinere, ut non aliorum utilitatem, quae simulando saepe, & dissimulando a rectoribus probis, & prudentibus curanda est, sed propria cuiusque auiditatem gloriae, & ambitionem sese ostentandi, atque ingerendi hoc Pauli praeepto putem esse repressam, quandoquidem hoc ambitiosae cupiditatis genere nihil Christiana humilitati, & inter fratres concordiae, ac consensionis possit esse infestius. Nam quae ad commodum, & fructum aliorum suscipitur simulatio, siue ea ad inducendum hominum mentes in studium sanctae, & rectae religionis, siue ad eosdem ab aliquo crimine, & vicio deducendum suscepta sit, siue eadem ob rem illam, causamque sumatur, ut occultatis proprijs cuique, & peculiaribus peccatis, ne aliquo malo exemplo ceteri ad peccandum prouocentur, siue quoquo modo quis simulat, ut simulatione ea reliqui meliores, prudentioresque efficiantur. Nihil autem ex ea simulatione ad illum ipsum qui simulat, aduentitiae gloriae, utilitatisque referatur, sed sit totum illud consilium simulandi, aut dissimulandi ad æquum, ad bonum, ad commodum ceterorum, ad laudem, gloriamque Dei intentum, atque susceptum, nunquam ego simulationem cuiusmodi, aut ab Apostolo interdictam, aut Deo, & conscientiae aduersariam confitebor, quippe quam video plane non participem esse vanitatis, sed ministrā potius & comitem veritatis. Et si enim in progrediendo ea, & in agendo contrahat forsitan aliquid extrinsecus fucatae apparitionis, quo perstringat animos intuentium, eosque habere possit in potestate: tamen cum ab optimo profecta animo, ad optimum item, & ceteris salutarem contendant finem, quae in extremo & primo proba est, ne in medijs quidem degenerare est existimanda. Nec vero quicquam foras egredi falsum ex animo, aut reprehendendum potest, quod supra natura sanctum sit. Sed nihil sanctius est, nihil in omni genere Christianae virtutis praestabilius, quam procuratio alienae salutis. Ea enim charitas est & cum Deo maxima necessitudinis, bonitatisque cognatio. Quae ergo ad hanc aliorum curam amanter prouideque gerendam suscepta interdum simulatio est, non illa ex mendacio ducta, sed ex veritate orta esse intelligatur. Non igitur semper malum est simulare, sed tunc simulare malum est & pestiferum, & fugiendum, cum ipsa simulatio nequaquam alicuius, sed inuicem commodum respicit, quod est ferè cum alterius damno, iniuriaque

conjunctionum. Itaque & Dominus Iesus natura hominis assumpta, diuinitatis vim nonnunquam dissimulauit, & Petrus cum se a gentium conuictu abduxit, ne ex Iudæa hospites in ipso offenderentur: Paulus quoque noster cum Timotheum iussit circumcidi, cumque ipse ante templi ingressionem legitimis illis purgationibus se expiauit, simulauerunt omnes isti profectò, aliudque in vultu, & opere promptum habuerunt, quam in animo gererent, & in conscientia, sed simulauerunt in alienum, non in suum commodum. Idcirco neque illorum simulationi repugnauit veritas, & consilium iuandi, ac confirmandi ceteros approbatio in illis conscientia est consecuta. Quia quod agere instituerant, ut ne turbarent ceteros, in eo simulare, aut dissimulare aliquid nequaquam a Deo alienum esse duxerunt. Quare tibi assentior Langee simulationem interdum, & dissimulationem in vita rectè suscipi posse. Illud quoque difficilioris operæ, & maioris laboris esset dijudicare, vtra sit Deo gratior, & ad hominis felicitatem accommodatior, vita pacatane; & Deo in solitudine, ac silentio seruans: an quæ in negotiis occupata est, & districta, non huius ea de re agere statuo esse temporis. Est enim maximis causa illa implicita difficultatibus, multosque habet ex vtraque parte patronos, quorum nunc controuersias disceptare longum esset. Nam quoddam tu factum Domini in præponendo ceteris Apostolis Petro tecum facere arbitraris, alius tibi dictum Domini eiusdem, & tanquam decretum facile opponeret, quo is Martha de Maria sorore conquerenti, quoddam se in cura, & labore apparandi hospitij illa deseruisset, tantumque in audiendo Domino esset occupata: Respondit sororem eius Mariam optimam elegisse sibi partem, quæ illi nunquam adimenda esset. Sed, ut dixi, non intrabo altius, neque hunc diem Paulo destinatum in aliud genus disputationis conuertam, hocque libentius sermonem hunc relinquam, quoddam spero hunc cum ipsum (sic autem loquebatur me intuens) aliquando tempus, ociumque capturum, quo nobis separatim de ista ipsa re quid sentiat ipse, vel disputando, vel in scriptis tradat, atque demonstret. Quamobrem nunc quidem Iadolete reuertitor ad Paulum, & quæ iam dudum exortus es, ea nobis porro pertextito. EGO VERO, inquam, ita faciam, ac lubens. Vestris enim istis sermonibus tanquam bono cibo, ac bene condito recreatus, ad omnem nunc laborem exurgam paratior. Ac primum vobis illud proponam, Paulum tanquam dispensatorem bonum, & corpus totum Ecclesiæ concors, atque vnum retinere cupientem, suppeditantem partibus singulis, quæ cuique congrua sunt, primò fecisse verba de his, qui in societate fratrum, & in æqualium cetero pares inter se sunt, quorum nemini quidem debet plus quam ab aliis concessum sibi sit.

aut in curatione, aut in consilio dando velle sibi appetere, ne aut curiosus & molestus, aut etiam sectator inanis gloriæ esse videatur. Nunc verò etiam de iis, qui inferiores sunt, quo pacto gerere se debeant erga maiores, necnon quemadmodum maiores, & potentiores ipsi imbecillioribus se dedant, idonea præcepta tradere. Nunc lege tu, quod sequitur.

Omnis anima potestatibus excellentibus subiecta esto. Non enim est potestas nisi à Deo. Quæ autem sunt potestates, à Deo ordinate sunt. Quare oppositus potestati, Dei ordinationi obstat. Qui autem obstitit, sibiipsis iudicium capient. Principes enim non sunt terror bonorum operum, sed malorum. Vis non formidare potestatem? bonum fac, & habebis laudem ex illa. Dei enim minister est tibi in bonum: Si verò malum facias, formida. Non enim frustra gladium portat. Dei enim minister est vindex in iram malum agentis. Ideo necesse subijci, non solum propter iram: sed & propter conscientiam. Propter hoc enim & rectigalia penditis. Ministri enim Dei sunt in hoc ipsum insistentes.

OMNEM à Deo ordinatam, & constitutam potestatem vita ipsa demonstrat, quæ si non ordinibus his, & gradibus distincta esset, ut subessent alij, alij verò præessent, nec legi, quam, nec bono mori esset locus, omniaque confusa, & perturbata starent. Porro omnis ordo, & omnis bona ratio à Deo est. Sunt igitur à Deo principatus, & potestates. Atque hic de ipsis potestatibus, non de principibus est sermo. Omnis enim sancta, & commoda potestas est, non omnis princeps commodus. Nam multi quidem ad principatum per scelus, nefasque, perveniunt, & in eo, quod malè sunt adepti, flagitiosius etiam versantur. Quid ergo? Num malo principi subiecti esse debemus? Debemus nimirum, ut feramus patienter illius insolentiam, non autem ut alacriter parere illi debeamus. Etsi enim princeps improbus est, tamen sancta est potestas. Ex quo quis novos hosce hæreticos non coarguendos esse intelligat, qui hoc caput Pauli cum optimè nossent, cum cæteras quidem humanas potestates, tum verò illam, quæ præcipuè ex Deo est, pontificatus summi auctoritatem infringere sunt conati? Si enim potestas omnis à Deo est, cur non ista sit, quæ ab illo nominatim Petro fuit commissæ? Aut igitur negent Petro quicquam peculiariter à Deo fuisse commendatum, & traditum, aut si inficiari hoc non possunt, pontificatum summum fateantur potestatem esse institutam à Deo.

At enim si quid Deus Petro commisit, ipsi vni commisit, successionem autem eiusmodi commissionis ad posteros nullam voluit dimanare. Quæ ergo ista est potestas, quæ in vno homine, & cœpta, & terminata est? aut quam huiusmodi potestatem, hominum cognoscit vita? Saulcm regem primum post iudices in Israel creauit DEVS, neque mentionem successionis fecit, nunquid vnus homo rex duntaxat nominatus est? an regnum genti illi constitutum, & factum, in quo qui successerunt, eandem quam Saul potestatem omnes sunt adepti. Quod si quis regno malè, aut pontificatu vsus sit, omnino Christianæ fuit pietatis pati, atque perferre, aliorumque malitiam, vt suæ virtutis exercitationem accipere. Sed tamen si reclamandum fuit, & resistendum, homines erant notandi, non ipsæ labefactandæ, euerrendæque potestates. Vtinam quidem omnes, qui ad hunc sacrum, sanctumque honorem à Deo sunt sublati, nosse vellent, atque animaduertere, quid sui muneris officijque sit. Ipsum quidem munus, atque officium nos institutum à Deo, & credimus, & veneramur, quòd is, qui nunc gerit optimus certè Pontifex, & Religione ac pietate erga DEVM præditus, difficilimè, vt videris, potest sustinere, quando superiorum errata grauiâ Pontificum melem hanc malè hærentis Ecclesiæ, quam ipsi labefecerunt, & cuius ipsi fundamenta conuellerunt, in huius innocentissimi caput cogunt procumbere. Ita omnia vbique sunt cum domesticis dissensionibus pessimisque voluntatibus; cum bellis, atque armis violata, atque rupta: quodque dolentius deplorandum est, tanta facta est legum, & bonorum morum vastitas, vt omne propè iam fidei Religionisque in Christiana societate vestigium oppressum, aut deletum esse videatur. Hic LANGEVS iure ista, inquit, deploras Sadoletè, quæ hac nostræ ætate cuncta ferè in deterius lapsa sunt, nec dum malorum finem æternimus. Regem quidem nostrum sæpe audio loqui, quoties de his hæreticis sermo est, non se videre, cui rei, aut cui hominum vilitati ista noua factio exorta sit. Nam cæteros antè, qui nouas aliquas opiniones, & sectas in Ecclesia Dei intulerunt; bene moratos ipsos, atque castos, modestiam quandam, & temperantiam præ se tulisse, atq. aliquid omnino in commune attulisse, quod ad correctionē vitæ pertineret Hos verò, qui & contrariis morib. viuerent, & ea, quæ in fide CHRISTI, ac credulitate posita sunt nefariis, & prauis, sæpeq. antea damnatis opinionib. peruerterent, nullo modo esse ferèdōs. Itaq. acriter illos edicis, atque insequitur, nec in tanta amplitudine regionū, quantas ipse in perisio sentis esse subiectas, vllū patitur istorū sceleris & impietatis vestigiū remanere. Nam q. ad cæteros ingenuos mores attinet, nulli omnino terrarū arbitror Galliā nostrā, neq. æqui-

rate inter suos, nec humanitate aduersus hospites, neque verò erga Deum pietate, ac religione concedere. **M A G N A** inquam, ista est laus, cum totius gentis, tum imprimis Christianissimi regis nostri Francisci, cuius ego quoque imperio, & potestati subiectus sum. Namque, quemadmodum ambo nostis, Carpentoracte vrbs in Gallia prouincia, cuius quidem curam, rectionemque ciuitatis, quod ad spiritualem prouidentiam attinet, Pont. Max. voluit me gerere, ipsa quidem pontificiæ ditionis est, feliciterque sub tutela ecclesiasticæ mansuetudinis acquiescit. Sed habet suæ dioceseos partem in Gallia regno constitutam, qua occasione, quoque iure ipsi quoque regi fidelitatis sacramento sum obstrictus, gaudeoque plurimum mihi ita contigisse, vt sub duobus optimis, & clementissimis principibus illa mihi cura, & administratio spiritualis muneris gerenda sit. Non enim vereor tantis prædiis munitus, quin meum mihi certè charissimum & dilectissimum gregem ab incurusione, insidiisque luporum facillè tutari possim, præsertim cum Regis iustitia, & prouidentia, vt te memorare audio Langee, itemque omnium communi sententia fertur, in ingenuis, & rectis motibus Gallia permaneat. Ex quo illam sapientissimi hominis vocem iure probari ab omnibus intelligo, Quales in rebus publicis principes ipsi regesque sunt, tales ferè reliquos ciues esse solere. Et verè vobis, vt confitear, amicissimis mihi hominibus, iam pridem est cum ego nihil appeto, cupioque ardentius, quam me ad meam conferre Ecclesiam, atque in ea Deo perpetuò deservire, vt ibidem etiam vestra ista tranquillitate mi Langee, & humanitate Gallia perfruar. Ex qua quidem regione cum te ortum, & tam insigni morum elegantiæ prædium esse conspicio, facillè de genere vniuerso ample, honesteque existimo. Quanquam cum alios quoque complureis illinc habeo cognitos egregios & præstantes viros, de quibus sæpe, & libenter loqui soleo, tum verò vnum habeo semper in ore, quem maxime admiror, Antonium Prætorum summi senatus in Gallia principem, qui nunc Senonum Archiepiscopus est. Quo homine quid quaeso maius aut admirabilius dici, aut proferri potest? Ac mitto doctrinam in eo, iurisque ciuilibus scientiam, in qua et si est maximus: summam tamen laudem aliunde sibi, atque ex eo potius peperit, quod est ingenio, quod prudentia, quod integritate eximius, quod illius cura, & prouidentia optimo rege sic volente leges, & iura in Gallia præcipue vigent, locusque fraudibus, atque iniuriis angustior est relictus. Sed ego habeo aliud in eo, quod me maiore administratione afficiat. Homo enim prouectiore iam ætate, grauius iam diu curis, & tantis laboribus perfunctus, quantos videlicet afferre potest amplissimi regni, & tantarum rerum procurator, ne qua-

quaquam adhuc tamen neq. labori succumbit, nec oneri. Quod incredibile videri possit, nisi si quis ingenij eius, atq. animi vim, præstantiamque cognoscat, quæ ea, quæ difficilissima sunt, redigit illi facilia. Regis quidem sapientiam summopere laudo, qui italium virorum opera atque industria libenter vitur. Hoc enim mihi præcipuum semper visum est imperij firmamentum, ut ij homines adhibeantur ad gerendas, & communicandas res, qui honorem, ac fidem in vita esse primariam putent. Sed ut dicebam, veniet profecto illa dies, & aliquando dabitur illud tempus quo me ex his curis, negotiisque euolutum pacata, & tranquilla excipiet vita, licebitque operam omnem impendere optatissimis studiis, tuncque inquirere, & videre vtra vita sit præstabilior, quæ in silentio, & quiete posita est, an quæ in turba, & negotio. Quod ego exquisitiùs fortasse potero disceptare, quàm plerique, quod non tam doctrina quidem, quàm vtriusq. vitæ vsu fuero edoctus. Et quidem huic Pontifici optimo, ac prudentissimo libentissimè inservio. Quid enim illo est probius? quid mansuetius? quid dignius? quod ametur ab omnibus, atq. colatur? Verum tamen meum hinc discessum, & hanc relictionem rerum alienarum, ad meumque gregem accessum, & profectionem meam à me officij ratio, & Deus, & conscientia ipsa vehementer efflagitat. TUM TRIVLTIVS, Ecquid animaduertis, inquit, Paulum affirmare omnem oportere animam subiectam esse potestatibus excellentibus? Cur igitur de te mittendo, aut retinendo non Pontificis fuerit potestas? Et tamen non te dehortor, quin adiuvabo etiam, ut quod tantopere expetis, id tibi facile factu sit, ex tuaque sententia eueniat. Spero enim si in oculum te contuleris, aliquid per te effectum iri, quando tantopere studiorum avidus es, quod nobis quoque amantibus tui magnis licet regionibus, spatiisque disiunctis & incunditati, & timolumento esse possit. Nec Pontificem ipsum arbitror in alia futurum esse voluntate, qui ut humanissimus est, & liberalibus studiis egregiè fauens, animum istum tuum boni consulat, & in optimam certe accipiet partem. Illud tibi confirmo, si te in Galliam, & ad Ecclesiam tuam contuleris, futurum ut nec provinciarum te, nec illorum hominum poeniteat: Regi quidem optimo, & præstantissimo principi tuam etiam quietem, & tranquillitatem curare fore non dubito. Sed redeamus iam, unde sumus digressi. RECTE ADMONES, inquam, & cernis quidem Paulum in paucis his verbis cum obedientiam, & studium parendi in subiectis, tum etiam in principe modum, & rationem potestatis exprimere, ut se præsidem, & curatorem intelligat constitutum esse à Deo ad salutem, pacemque bonorum, & ad terrorem ac metum improborum. Potestas autem varia est, & multiplex. Vel enim ut paren-

parentis in filios, vel ut regis est in subiectos, quanquam ex patria quidem potestate regia illa videretur initium, originemque duxisse. In eo certe differunt inter se, quod pater, quæ per amorem facienda sunt, ut qui ab eo reguntur, probi, rectique evadant, in iis acrius se, diligentiusque exercet. Rex vero in iis quæ per potestatem, & timorem. Domini quoque in servos imperii certum est, atque in discipulos magistri, qui tamen sponte illi se subijciunt. Virorum porro in feminas naturalis quædam est potestas. Nam seniores iunioribus non imperant, sed ab illis in honore habiti, & ob ætatis reuerentiam culti ius quoddam auctoritatis, & doctrinæ in illos videntur obtinere. Has potestates legitimas, atque sanctas, à Deoque institutas qui pervertunt, ac labefactant, vel detestando aliorum imperia, maioribusque repugnando, vel illas ipsi in se prave, perniciosèque gerendo, omnes hi Dei sunt hostes, magnoque suo cum damno, atque adeo exitio opponunt se ordini, & instituto summi Dei. Est enim planè princeps Dei minister ad insudandum, & vigilandum, ut ius teneatur, & omnium ordine constituta vita sit. Atque ob eam causam & vectigal illi penditur, & tributa persoluntur, quæ principi, & regi libenter reddenda sunt. Nam quod ait, nos debere principibus esse subiectos, non solum propter iram, sed etiam propter conscientiam: Alterum dictum est, ut malum ex iracundia contempti regis vitemus, alterum, ut virtutis, & boni moris simus participes, quod assequemur, si non coacti, ut nolentes, ac repugnantes, sed tanquam edocti esse in principibus publicam utilitatem constitutam, sponte illis, & libente animo subijciemur.

Reddite igitur cunctis id, quod debetur: cui vectigal, vectigal: cui tributum, tributum: cui timorem, timorem: cui honorem, honorem. Nemini quippiam debeat is, nisi ut diligatis inter vos. Qui enim diligit alterum, legem implevit. Etenim non adulterabis, Non occides, Non furabere, Non pro testimonio mentiris, Non concupisces: & si quod aliud præceptum est, in hoc sermone comprehenditur, qui est, Diligas proximum tuum, sicut teipsum. Dilectio proximo malum non operatur. Complementum igitur legis est dilectio.

REDDITE dixit, quoniam debentur ista, non donantur, & omnia ad principes, ac potestates relata sunt, quorum ut retineatur imperium, & auctoritas, vectigalia necessaria sunt, quæ sunt certa, & annua emolumenta Reipub. Tributum vero extraordinaria coactio pecuniarum est ex aliqua nova, & adventitia ratione indicta, cum proportionè opum, & facultatum vni-

quis.

quisque contribuit. Timor autem, atque honor eidem principi debentur. Et sanè expediebat nouos docere Christianos, non esse illis libertatem, quam ex CHRISTO acceperant ad contemptum principum, & legum conuertendam. Reddi igitur illis, quæ eorum sunt, iubet, nihilque quod cuiquam debeatut teneri, præter vnum, quod eiusmodi est, vt & reddatur semper, & debeatut, quod est, vt diligamus inter nos. Mutuæ enim beneuolentiæ est hoc proprium, vt se acuat semper, vegetetque alternus amor, neque illud, quod intercurrit mutuum, refrigerescere vnquam, aut extingui sinat. Et certè qui hanc proximo beneuolentiam impendunt, legem totam obseruant, quatenus illa ad prohibendas iniurias, & offensiones lata est. Non adulterabis enim, Non occides, Non facies furtum, Non in alterius iacturam mentiri: Nihil deniq; alienum, & non tuum concupiscea. Si proximum tuum tanquam temetipsum amabis. Itaq; summa omnium huiusmodi præceptorum proximi dilectio est, in eaque completur imperium legis, quoniam qui propter amorem, bene vt sit alteri optat, non quemadmodum illum lædat, sed quo pacto illi sit utilis, & commodus, ager potius semper & cogitabit.

Et hoc cum sciatis temperis opportunitatem, quoniam hora vos iam è somno excitari. Nunc enim propius est nostra salus, quam quando credidimus. Nox præcessit, dies autem appropinquauit. Deponamus ergo opera tenebrarum, & induamur arma lucis: sicut in die honestè ambulemus. Non comessationibus, & ebrietatibus: non cubilibus, & pétulantis: non conuentione, & obreftatione: sed induamini Dominum IESVM Christum: & carnis procuracionem ne facite in concupiscentias.

TANTO, inquit, studiosius mutua inter vos charitate ametis, quando acceditis propius ad vitam alterã, in qua est nobis salus, & beata vita reposita. Est enim tempus nunc maximè aptũ, atque opportunum, iamque instat hora, vt debeamus exurgere ex somno, quando fides nostra ad exitum huius mortalitatis est propior, quam tunc cum initio suscepta est. Etenim hoc loco somnus atq; nox vitæ adhuc remissiori, & in terrenis rebus implicite comparatur, in qua somnia, & tenebræ omnia optata nostra sunt. Vt etiam si à turpibus actionibus remoti aliquam bonorum rationem sine CHRISTO tamen ducamus, somnia esse ista intelligamus, quemadmodum Iudeis illæ legis vmbre ceremonique fuerunt. Nam vera, & sola virtus in CHRISTO, & per CHRISTVM est. Sin autem omni dimissa virtutum, & bonorum morum cura, in turpitudine, & in flagitiis viuamus, in nocte, tenebrisque versamur. Nam dies, & lux in eodem tantum

CHRISTO est. Iubemur ergo si quid etiam nunc remanet in nobis noctis, & somniorum, excutere id totum, atque abjicere, surgereque velut oriente die, id est, appropinquante tempore vite beatoris, cum Deum non in enigmate amplius, neque sub involucris, sed toto contuitu nostro contemplaturi mox simus.

Cui luci & dici hæc comparata vita, non quidem nox est, si bonis, & sanctis operibus traducatur, sed diluculum potius, & auroræ prima illa prægressio diem nondum afferentis, sed annunciantis, cum qua nos excitati, ac consurgentes nosmetipsos componimus, atque adornamus, ut honestiores, ac decentiores ingrediamur. Huius enim compositionis curam dies à nobis postulat, nox remittit. Atque hic videndum est, cum Apostolus inter fidei nostræ in CHRISTVM credulitatisque initium, & inter finem, exitumque vitæ, nos tanquam in operibus carnis, & concupiscentiæ adhuc positos ad modestiam, & continentiam, & ad CHRISTVM ipsum reuocet, falsam esse illorum sententiam, qui existimauerunt, & si qui in eadem nunc opinione sunt, post acceptam fidem CHRISTI, & post baptismum nullum amplius peccatum, quod committatur, veniam, aut pacem apud Deum inuenire. Ecce enim disertè hoc loco, & palam homines edignito, & adscito iam fidei mysterio, in comestationibus, & in contentionibus implicitos excitat rursus Apostolus, & prouocat ad induendum CHRISTVM: quod profectò non faceret, si esset spes veniæ & misericordiæ post criminum nouationem peccatoribus penitus interempta. Non is est CHRISTVS setuator noster, qui tam seuerè, & asperè nobiscum agat. Non talis in eo erga nos amor, neque tam infirma, & fragilis ad opitulandum nobis diuina voluntas. Venit ille in mundum, ut saluti omnibus esset, neque semel hoc effecit, ut fraternam suam erga nos ostenderet charitatem. Non facit autem quotidie, imò diebus omnibus, neque diebus solùm, sed & horis, atque punctis, quos poenitet criminum suorum, hos de integro amplectitur, & confortes secum paterni regni nominat. Cuius tantam humanitatem, tam excellens, & singulare nostræ salutis studium iniqui sanè finimus, si non agnoscamus, si non omnis illi gratiæ, omnis beneuolentiæ, omnis officij ac studij fateamur nos debitores, nec tantum fateamur, sed quoad possumus, id quod debemus alacriter persoluamus. Non enim principi, & proximo iubemur reddere, quod debitum sit, & non reddemus Deo? Verum Nouariani, qui huius sententiæ dicuntur fuisse authores, quique potissimam in Deo virtutem benignitatis, & misericordiæ illi adimere studuerunt, poenitentiamque superuacaneam in nobis, & sine fructu veniæ inanem constituere, piè, & sapienter ab Imperatore Constantino illusi sunt, cum is iussisset illos qui talia prædicat-

dicarent scalam capere ipsos, si possent, & in cœlum solos ascendere. Nos verò cum Paulo, & cum veritate sentiamus, quo magis ad exitum vitæ accedimus, & quo lumini melioris vitæ efficiamur propiores, hoc nobis studiosius esse, enixiusque curandum, ut deposito nocturno habitu carnalium appetituum, diei, atque lucis compores reddamur, tanquam in conspectum hominum prodituri. Quod si per urbem interdiu ambulantes vestimenta ea gerimus, quibus membra nostra ab oculis intuentium obtegantur, pudorisque in ea re, & honestatis rationem summam habemus, quæ oblectro vestimenta sumemus, quæ oculis Dei nos occultent: qui quoniam intus, & in ipso corde nos cernit, nulla alia veste obregere, & velare nos valemus, quæ arceat illius conspectû à turpitudinibus nostris, præterquam pudore, & continentia, ipsaque veritate, qui est CHRISTVS. Hunc igitur ipsum depositis, & reiectis illis carnis vestibus, quæ non corporis superficiem duntaxat, sed hominem totum tegunt, atque obnubunt, comestrationibus videlicet, & petulantis, & rixis, induere penitus debemus tanquam vestimentum eiusmodi, quod nullam corporis, animæque partem, expertem honoris, & venustatis esse sinat. Quo mortuo pro nobis, quoniam & nos quoque cum illo commortui carni peccati esse debemus, idque in baptismo, & fidei sacramento sumus professi, carnis curam vllam ne geramus, quatenus ad concupiscentiam illa propensa est, hoc est, nihil illi indulgeamus præter id, quod debetur, nec auiditati illius intemperantiæque seruiamus, sed tantum ea suppeditemus, quæ ad obcundum munus communis vitæ sunt necessaria.

Imbecillum autem fide suscipite, non in disceptationes disputationum. Hic quidem fides vesci omnibus. Imbecillus verò ole-ribus vescitur. Qui vescitur, non vespentem ne aspernetur: & qui non vescitur, vespentem ne iudicet. Deus enim eum suscepit. Tu qui es, qui iudicas alienum famulum? Proprio Domino stat, vel cadit: statuetur autem. Potens enim est Deus statuere ipsum. Hic quidem iudicas diem ad diem: hic autem iudicas omnem diem. Vnusquisque in proprio sensu sibi satisfaciat. Considerans diem, Domino considerat: & non considerans diem, Domino non considerat. Qui vescitur, Domino vescitur: gratias enim agit Deo: Et qui non vescitur, Domino non vescitur, & gratias agit Deo.

SCIO horum Pauli verborum communem hanc doctorum interpretationem esse, quod cum fides CHRISTI iugum illud legis Mosaicæ laxasse videretur, & onus subleuasse, quod ut Apo-

stolus Petrus in actis, inquit, etiam antiqui patres ferre non potuerant, essentque illarum observationes & differentiarum dierum ciborumque sublatae, ut CHRISTVM iam sectantibus nihil inmundum, neque aspernabile videretur esse eorum, quae etiam asserit Deus, contingebat, ut haec persuasio, quae est nil habere diffinitum, neque discreti, neque in tempore, neque in cibo a multis susciperetur, & re, atque facto usurparetur, quam aliqui è contrario tanquam ex Iudaismo, & ab illis multis observationibus adhuc recentes exhorrescebant, duplici quidem de causa haesitantes. Primum quia longa illa opinione imbuti per huiusmodi abstinentias & observationes iustitiam, & virtutis habitum ad Deum rectius colendum acquiri, nondum ab illa voce legis, illoque imperio animum suum vacuum liberumque habebant. Deinde quod diuturno iam usu quiddam naturae simile contraxerant, ut a ceterorum esculentorum consuetudine, atque esu non possent non abhorrere. Ac prior quidem ille legis timor ad imbecillitatem fidei pertinebat, hoc autem posterius quorundam ciborum fastidium ad carnis infirmitatem, quae tamen poterat aliquo modo excusari. Nam merus ille legis in noua CHRISTI vita, reprehensione vera non carebat: Fiebat autem ut in hac voluntatum, & consuetudinum disparitate aliquae inter eos dissensiones existerent. Cum qui esculenta omnia ad vescendum admitterent, tanquam nihil in his rebus esset, quod ad diuinæ gratiae adeptionem alterutram in partem momentum aliquod afferret, neque in observationibus & discriminibus dierum, aut ciborum salus nostra, sed solum in vera fide erga Deum per Iesum Christum esset posita, illos contemnerent, qui in ea adhuc cura essent occupati, ut cibos, diesque alios susciperent, alios aspernarentur, idque imbecillitati, & inconstantiae illorum fidei ascriberent. Illi vero è contrario hos, qui omnia passim admittebant, nullamque distinguendo rationem ducebant, neque ciborum, nec temporum, intemperantes, & irreligiosos esse arbitrabantur. Quae illorum dissidia praeventuens Apostolus, ne ad dedecus illa Christianae fidei, & ad detrimentum pacis, charitatisque crumperent, huic malo mederi nititur, atque hoc ostendere non in his distinctionibus, neque in observantiis ciborum, & dierum, sed in charitate, & pace, Dei regnum consistere. Atque ipse quidem illorum partes magis amplectitur, qui in meditationibus spiritualibus viam fidei exercentes haec exteriora ne animaduertebant quidem, eademque, & paria omnia esse ducebant. Hi enim cum & libatiores & fortiores erant, profecto sum in virtute fidei multo sitiores. Sed tamen conveniebat, ut qui iam in fide robustiores erant, imbecillorum & lapsantium potius misererentur, quam per reprehensiones, & iurgia illis molesti essent. Quia etiam cum viderent

eos illa in se suspitione offendi, quod communem ciborum omnium usum magis ad intemperantiam vitæ, quam ad fidei robur illi putarent pertinere, causam illius offensionis his admittit Paulus, & hos firmiores hortatur, docetque æquius esse, ut inclinent se, & accommodent ad alienam infirmitatem, deq. illa esculentorum libertate aliquid remittant, quam insistendo in ea dent sociis causam malè de se sentiendi, grauiusque suspicandi. Quandoquidem, inquit, regnū Dei non potus est, neq. cibus, sed pax, & inter fratres charitas. Hæc est monitio Pauli ad robustos, ad imbecilles altera. Ne de his ipsi, qui omnia ut munda suscipiunt, nullumq. faciunt discrimen aut dierum, aut ciborum, tanquam de incontinentibus, & intemperatis audeant iudicare, cum hi a Domino in numerum seruorum iræ recepti sint, & Domini sit de seruis suis iudicatio, nō autem nostra. Quod si & qui cunctis vescitur, vescatur Domino, agatq. illi gratias, & qui plerisq. abstinet, Domino item abstineat, hoc est, si vterq. vtrumq. in honorem Domini agat, & in illius gratiam, laudemq. moueatur, non in abstinendo est, neq. in vescendo, sed in inferuendo Deo vera religio. Hæc mens verborum esse Pauli existimatur, & ad hunc finem tota hæc suscepta monitio, ac cohortatio, perspicuè quidem ut ostendat omnia munda mundis, latentius autem, ut etiam illud inferat legis regulas, & interdictiones de esculentis observationibusque temporum nullius ad salutem momenti existere, quando salus quidem in spiritu, & fide in Deū per IESUM Christum, tantum reposita est. Sed ego in hac potius sententia sum, quod non de abstinentiis, & observationibus legis sit sermo, sed de his, quas sibi quisque ob cupiditatis, & carnis motus comprimendos ad arbitrium suum statuit, atque præscribit, cuiusmodi multæ nunc sunt ab Ecclesia de ieiuniis, discriminibusq. temporum, ac ciborum legibus satis obseruantur indicæ. Ut autem sic intelligam illa imprimis firma, & valida ratio me mouet, quod si de differentiis esculentorum his, quæ a veteri lege statutæ sunt, oratio haberetur, nequaquam hortaretur Paulus, ac ne permetteret quidem eos, qui in fide iam robustiores delectum eduliorum omisitissent, ad eorum, qui in fide adhuc titubarent, ac Iudaicis ritibus tenerentur superstitionem inclinare. Non enim id esset alios in fide confirmare, sibiq. eos adiungere, sed ipsos potius fidei præuicari. Quo igitur pacto intelligendum est? primum ut fidem hic pro fiducia accipiamus. Etenim huius verbi in hac sententia vis à Paulo non rarò est usurpata, neque ea tamen & communi intelligentia aliena abhorrensque est. Deinde ut credere, quod Græcè *πιστεύω*, transferamus confidere. Qui ergo sibi parum confidebant, nec se facile frenare cupiditates suas, aut carni posse resistere arbitrabantur, opem sibi,

& remedium à ciborum lauriorum abſtinentiâ querebant: qui verò è contrario in fide, & amore Dei erant flagrantiores, facile illo ardore animi erga Deum inflammati, cupiditatum ſtimulos omneis obruebant, intentique, & ablati rerum diuinarum inueſtigazione nec cibos, nec tempora villa diſcernebant, parem in omnibus honorem, & gratiam Deo habebant, quod ſanè erat potentioris, & firmioris fidei iudicium. Verùm accidebat, vt in diuerſis conſiliis, & actionibus alteri de alteris minùs commodè ſuſpicarentur. Qui enim ſpiritu feruentes carnem non agnoſcebant, infirmiores illos luſtanteis aduerſus carnem, & ieiuniis, atque inediis impetum illius frangere meditanteſ quodammodo irridebant, & veluti molles, atque eneruatos habebant deſpicari, hocque agebant non vt parum fideles, aut ſpirituales, ſed vt parum prouidi, tanquam qui doctrinæ prudentioris indigerent. At illi è contrario, qui moleſtias carnis ne eſu quidem olerum duntaxat, & pomorum poterant propulſare, primum hos mirabantur ad omnia paſſim manus, oſque admouenteſ, deinde grauius etiam aliquid de eis ſuſpicabantur, nec fieri poſſe exiſtimabant, vt cum virtute, & continentia, & religione uſus omnium ciborum, & licentia iungeretur. Ita horum vterque ordo alteri ordini peccandi aduerſus fratrem, & charitatis vinculum violandi præbebat occaſionem, à quo nunc vitio eos Paulus, atque errore dimouere nititur, redigereq; in vnum ſtudet omneſ, & in conſenſu mutuo, ac fraterna ſocietate continere. Sed quid eſt Langlee, quod inceptas? Video enim ex geſtu, atque vultu habere te aliquid, quod noſtris ſermonibus putes opponendum. H A B E O enim uerò, inquit ille. Et proſectò quando de ieiuniis & obſervationibus inducta eſt mentio, aut hodierno die, magna ac diuturna animi mei dubitatione exoluat, aut nunquam alias. Etenim quodd illæ obſeruantix temporum, & ciborum, quæ præſcriptæ, & traditæ in lege Moyſis ſunt, minimum ſiue adedò nihil ad comparandam ſalutem valeant, planè perſuaſus ſum, idque iamdiu & Paulo totiens affirmanti, & fidei Chriſtianæ credidi, ſed quodd eadem mox in fide C H R I S T I, & in noſtris moribus, ac ritibus magna ex parte relatæ ſunt, quam obſecro te cauſam, aut quam habere rectam rationem iſta res poteſt. Neque ego nunc conſilium reprehendo Eccleſiæ, quam & ſemper ſincera mente veneror, & omnia eam ſanctè ac ſapienter inſtituiſſe iudico. Sed non intelligo hoc planè cuiuſmodi ſit, cupioq; id mihi explanari per te, & diſſeri. Equidè hereticos hoſce, qui ita ſuperbè, & petulanter ſpretis ipſius Eccleſiæ decretis, legibuſq; ruptis & cibos, & tempora ad ſuum arbitrium, libidinemq; reuocauere, non ſolùm accuſandos, verùm etiam deteſtandos, & cum horrore quodam eorum contagionis à cunctis, qui in fide C H R I S T I conſiſtunt,

re fugiendos esse censeo. Veruntamen inter nos, quod cum modestia, & pietate licitum sit, & quaeri de his rebus, & disputari non est incongruum. Quæro itaque de te, cum legis veteris decreta, quatenus ad differentias ciborum, & ad dierum quorundam delectus, & discrimina pertinent, mundarumque, & inquinatarum in se rerum distinctiones, necnon purgationum, & asperfusionum continent præcepta, noua CHRISTI fide abrogata, antiquataque sint, nosque ab his oneribus, & vinculis soluti, Christiana libertate perfrui debeamus, cur sanctorum patrum decretis, & Romanorum Pontificum institutis ad eadem penè, aut grauiora etiam perferenda rursus sumus redacti atque adstricti? cum si vis veræ religionis capienda sit, in vna fide erga Deum, & in spiritali nostro Dei cultu, nostræ salutis ratio posita esse intelligatur. Quid sibi ergo voluerunt summi Pontifices, antistitesque Romani? qui quasi hac re potissimum sui pontificatus memoriam ad sermones hominum commendare cuperent, addiderunt penè vnusquisque aliquid, de antiquioribus illis loquor, quo nostra seruitus in obseruandis eorum scitis, atque præceptis indies fieret grauior, & maioribus propè quàm apud Iudæos oneribus premeretur. Ac vt nonnulla, ex vetustis Iudæorum ritibus, & obseruationibus ciborum atque temporum, nec non purorum impurorumque contactuum (nam de ceremoniis supra abundè dictum est) in medium adducam, eaque cum nostris conferam moribus, festum illi diem obseruabant septimum redeuntem in orbem tempore suo semper, dieque eo ab omnibus omnino gerendis, tractandis, communicandisque rebus abstinebant, ea ratione quidem, quòd Deus item illo ipso die, cum in antecedentibus sex diebus mundum, & omnes mundi partes fabricatus esset, quietem sibi demum, & ab omni opere cessationem constituisset. Nos hoc sabbatum ipsum exauthorantes, & inter prophanos dies numerantes, diem solis, quem Dominicum appellamus, hebdomadis primum, & initium dierum consequentium pro septimo illo in honorem adduximus, ocioque, ac cessationi totum consecrauimus. Esto, sit huiusce quidem rei aliqua bona ratio, non enim minor videtur deberi honor luci huic, qua in nouam vitam exurgente à mortuis CHRISTO producti sumus, quàm illi, qua à vetere vita, & occupata cessauimus. Verum illud mihi mirari sæpe in mentem venit, quòd cum extra diem septimum, & nouarum lunarum exordia, quibus vnum diem festum singulis mensibus Iudæa tribuebat, cæteri penè omnes festi solennesque Iudæorum dies, neque numero multi, & cuncti penè in vnum collati mensẽ essent, quem illi septimum, nos septembrem appellamus. Etenim excepto Phase die festo, qui mense illis primo, hoc est apud nos, quoad ratio mensium con-

gruere potest, Martio celebrabatur, & Pentecostes, quæ post Pha-
sen die quinquagesimo colebatur, quinque celebritates reliquæ,
neque enim plures apud Iudeos existerant, in mense Septembri
erant collatæ. Nos neque mensem certum, nec moderatum die-
rum numerum diebus nostris festis videmur tribuisse. Sed cum
multos solennes, & statos dies in honorem, & memoriam rerum
earum, quas Dominus noster IESVS aut gessit pro nobis, aut
perpessus est, in varia anni tempora dispersos agamus. Damus
quidem hunc honorem DEO & Dei filio à nobis debitum, neque
tam pura, & religiosa mente à nobis quicquam, quam hosce
dies colendos, & venerandos ducimus. Addamus his & illos, quos
sanctissimæ, & immaculatissimæ virginis eius, quæ DEI filium
servata semper corporis, & animi integritate ex suo viro homi-
nibus effudit, honor à nobis, & tanti beneficii memoria requi-
rit. Principibus item Apostolorum Petro, & Paulo diem suum
concedamus, quo & ipsorum singularis ac diuina virtus, & Apo-
stolici collegij totius memoria in honore à nobis habita esse vi-
deatur. Tantum quidem præterea festorum, ociosorumque die-
rum numerum, quantum ab Ecclesia in nostros mores, & indu-
ctus est, & colitur, nonne sunt, qui arbitrentur magis ad dissolu-
tionem animorum, & corporum, quam ad ullam egregiam pie-
tatis utilitatem vim habere? quanquam sanctè quidem omnia ab
Ecclesia constituta, & optimo animo inducta fuisse non dubito.
Veruntamen euentus rerum effecit, ut nonnulli, qui detrimen-
tum, & iacturam ex nimio ocio sentiebant, consilium autem Ec-
clesiæ non ita planè perspiciebant, alium sibi ordinem ipsi, & al-
lium modum festorum colendorum dierum citra Ecclesiæ con-
sensus adliscerent, sinque huiusce consilij, atque facti approba-
tionem non ex aliorum autoritate, sed ex sua temeritate ipsi
sibi constituerent, qui ut licenter, audacterque fecerint, sicuti
quidem fecerunt, cum ad caput & ad auctoritatem Ecclesiæ de-
ferre ista omnia multò æquius sit, & opem sibi ac consilium ex il-
la petere, tamen ipso exitu rerum apparuit tantam multitudinem
factorum, feriatorumque dierum populo Christiano non minùs
ferre incommodi, quam utilitatis. Et sanè videntur, qui de his re-
bus disputant, idque agunt modeste, & temperate, intelligendi
tantum causa, non ut hæretici superbe, & intoleranter, aliquas af-
ferre rationes præ se ferentes ius & æquitatem. Aut enim, in-
quunt, opulenti & diuites homines sunt, & his talibus dierum
feriatorum numerus augendus etiam magis, quam minuendus
est, quippe qui omni tempore anni, atque in his potissimum de-
lectis, consecratisque diebus gratiarum Deo agendarum, & ex-
colendi spiritus præcipuè sunt debitores, idque nullo domi detri-
mento tutò agere possunt. Aut ex eo sunt genere, quod manibus
sibi

sibi victum, & labore corporis quaerit, quibus cum damnosa omnis cessatio, operæque vacatio sit, conveniret certe multorum pauperum, atque egentium commodo & necessitatibus prospici. Quod si omnes, qui a diurnis operis, & opificiis interdictione dierum festorum prohibentur, homines essent spirituales, menti, & contemplationi rerum diuinarum dediti, conducirer forsitan magis, utiliusque esset vacare, quam operari. Quando maior semper utilitas minori præponenda est. Nihil autem omnium rerum est utilius, quam in Deo, & in Dei beneficiorum memoria perpetuo defixum esse. Sed cum tales vulgò homines sint coelestium rudes rerum, terræque addicti, & sensibus magis, quam ratione viuentes, nonne patet, manifestumque est, hanc illos cessationem, quam facere indicunt dies, non ad meditationem rerum diuinarum, sed ad delectationem humanarum convertere? cum matutinis exceptis horis dies illis ferè in cantibus & lusibus, & in comestationibus, vinoque agantur. Sed ut abeamus à festis diebus, atque sacris, in quibus non tam onus nobis impositum, quam nimia licentia esse tradita videtur, ad illa veniamus, quæ verè, & propriè sunt onera, quorum longè maximum, & ut plerisque videtur durum, ac perdifficile ieiunium est, quod in veteri lege vno tantum singulis annis die Israelitico populo indictum, qui dies festum tabernaculorum antecedit, nos in omne tempus anni ita diffudimus, & sparsimus, ut totum penè annum in servitute vivere, & nunquam vacuo animo esse posse videamus. Ac Iudæi quidem præter illum diem ieiunii statum, atque solemnem, qui illis vnicus in toto annuo orbe a Deo seruandus propositus est, quatuor sibi præterea ieiuniorum adsciuerunt dies, quos quasi atros ipsi observant in luctum videlicet, & in priscarum memoriam calamitatum institutos. Nos verò & tridua quater in anno ieiunia, & omnium festorum dierum pridianos dies, & quadragenarium præcipuè dierum numerum coactum, & cumulatim in vnum ieiunare sumus iussi, quibus quidem quadraginta diebus, quasi exiguus iste dierum numerus esset, sex postea alij etiam adiecti sunt, ut dierum sex & quadraginta perpes, & continuatum ieiunium nobis existeret. Atque cum hæc, quæ ad ieiunium pertinent graviora nobis multò, quam populo quondam Iudaico sunt imposita: tunc verò Iudæis licitum est seruiato adusque solis occasum ieiunio, eos demum cibos adhibere, quos illis libuerit. Nobis verò in ieiunando etiam illa lex est posita, ut ab esu omnium carnium penitus abstinemus, semelque tantum cibum sumamus, idque citius meridiem, qui autem fecerit secus, cunctisque legibus ieiuniorum, dierumque festorum sextæ quoque & septimæ in hebdomadibus dici, quarum utraq. si minus seuerò illo, strictoque ieiunio, carnium tamen abstinentia, & interdictione ab Ecclesia ipsa

notata est, qui inquam, omnibus his legibus ad vnguem non paruerit, non poena adiecta est aliqua moderata, atque mitis, ut pro uidentia pastorum nobiscum agi videatur, aut lenitate, indulgentiaque parentum, sed perinde ac nostrarum iactura animarum apud rectores nostros parui momenti sit, capitalis peccati poena, & ademptione regni celestis qui contrauerit, punitur. In quo quantum lex Iudaeorum fuit tolerabilior, quae praecuari ceteris legis non animae mortem, sed corporis praestituit? Quendam in Graecia sapientem ferunt, cum leges conderet ciuibus suis, etiam mediocrium, & leuium peccatorum mortem poenam constituisse. Ex quo cum quaereretur, quid ita aequaret parua errata magnis, ut omnia iuxta mortis supplicio plectenda esse censeret, dicitur respondisse, quia tenuia etiam peccata morte digna esse existimaret, maioribus delictis grauius supplicium non inueniret. Quae dura imprimis, & aspera visa est sententia. Itaque increbuit hominum illorum prouerbio, leges illas non atramento, sed sanguine fuisse scriptas. Quantum nostri legumatores acerbius? qui cum id, quod per se, & suapte sponte non est improbum, ipsi vetando, ut vitaretur, effecissent, eam insuper poenam non obtemperantibus addiderunt, qua nulla esse possit durior, neque asperior, siquidem aeterna morte damnari deterius multo est, quam hanc mortalem vitam amittere. Haec, ut dico, disputant isti saepenumero, qui hoc ab sese iugum nimium asperae seruitutis, ut ipsi praedicant, cuperent excutere, non hi solum, qui iam excusserunt, quorum quidem scelus, & arrogantiam nulla unquam satis digna poena uleisci posse videatur. Non enim ratione, sed libidine, nec ut spiritum ab onere seruitutis subleuant, sed ut cupiditatibus obsequerentur, ad id faciendum sunt adducti. Verum nos qui Ecclesiae decretis facile obedimus, semperque illi parendum, non semper flagitandam eorum, quae ab ea decernuntur, rationem existimamus, possumus tamen causas harum rerum & rationes, & petere inter nos, & dare, non ut nouum ipsi consilium aliquod capiamus, sed vel ut reperta ratione haereticis respondeamus, qui & imperantem Ecclesiam, & nos & parentes ludibrio, & irrisui habere non desinunt: vel si quid fortasse ratio nobis monstrauerit esse corrigendum id tam ad summi Pontificis iudicium, & ad Ecclesiae auctoritatem referamus. Quod item si tibi videbitur, de hac religionum & ordinum, ut appellant, multitudine, atque turba, quae habitu amictuque vestium vario, nouis, & inter se dissimilibus institutis in unitate fidei, & simplicitate CHRISTI locum habere non debuisset videbatur, estque item ab his improbis illusa, atque reiecta, faciendum erit, ut aliquid dicas, ut posthac instructiores ad respondendum contradicentibus & magis parati esse possi-

possimus. TUM IULIUS: Sanè mihi videris Langee, inquit, tempestive admodum harum mentionem rerum intulisse, cum de his modo à Paulo ipso agatur, qui præsertim videatur in ea esse sententia, ut robustiorem fidem, & virtutem existimet eorum, qui nullo ciborum, neque temporum delectu habito, neque animi sui cura sub hæc res subiecta magis in ipso cogitando, & amplectendo Deo omnibus mentis sensibus semper sunt intenti, quibus quicquid ad vescendum offeratur, sine discrimine accipitur, euangelicumque in eo conseruatur præceptum, quo Dominus discipulos missos ad prædicandum admonuit, ut comessent, quæcunq; sibi essent apposita. Et nimirum hoc magis videretur convenire Evangelicæ, apostolicæque doctrinæ, ut nulla omnino cura neque delectus in cibis, neque discriminis in temporibus ab hominibus deq̃tis Deo duceretur, qui in contemplatione diuinarum rerum positi, cum cibos nō ad voluptatem, sed tantum ad necessitatem vitæ soliti sint accipere, illa distinguendi, & variandi solitudine interpellari non debuissent, nisi horum talium summa esset paucitas, aliorum vero, qui voluptati, atque ventri plus æquo indulgeant, maxima multitudo. Qua etiam ratione cum Romanos Pontifices, tum cōuentus eos fidelium, quos concilia vocamus, adductos fuisse puto, ut talium & ciborum, & dierum differentias, observationesque instituerent. Quorum quidem consilium, ut tu rectissime ais, debemus potius nos venerari, quam reprehendere. Quòd si aliqua tamen harum rerum ratio reddenda est, hac lege inter nos quæramus, ac disceptemus, ut quicquid nobis rectius visum fuerit, id si forte à maiorum institutis discrepauerit, nostrum semper consilium illorum sapientia iudicemus inferius. Equidem memini cum essem apud collegas tuos Triulti, eos ipsos, qui paulò antè à fratre meo nominati sunt, Ægidium Viterbiensem, & Thomam Caietanum homines eruditissimos, ibidemq; vnà adesset Laurentius Campegius collega item vester, vir ea sapientia, & grauitate vitæ, necnon in gerendis rebus consilio, magnitudineque animi, qua vos scitis, & cui in Pontificio iure, ac ciuili primas propè partes nostræ ætatis homines soliti sunt concedere, incidisse de his rebus acrem disputationem, cum hanc Thomas sententiam defenderet, probareq; adniteretur omissionem ieiunij, quæ in cōtumeliam modo præcepti non fieret, ad capitale peccatum nemini valere, quando solum illud crimen statuendum esset, quod aut de honore summi Dei detraheret, aut de commodo proximi: id est, quod Christianam charitatē, quæ & ad Deum, & ad proximum intenta est, violaret aut frangeret, quorum neutrum cum in prætermittendo ieiunio accideret, non esse id peccatum exitiabile habendum, quod charitati ipsi nequaquam officeret. Hunc opinionem Campe-

gius ad stipulabatur, hoc ab legū interpretibus defenſitatum eſſe memorans, cum ieiunium ad eam rem indiētum eſſet, vt per abſtinentiam quorundam eſculentorum fractis cupiditatibus facilis vnicuique neret virtutis; continentiaeq; exercitatio, ſiquis eam iplam continentiam iam obtineret, cuius aſſequenda cauſa fuiſſent ieiunia inſtituta, cupiditatesq; ſuas haberet in poteſtate, nō tantopere eū ad obſeruationem ieiuniorum, nec tanto eū animae periculo adſtrictum eſſe. Repugnabat acriter ex aduerſo Aegidius, & Campegio quidem reſpondebat, ſi ieiunij indiētio, ſuaſio tantum eſſet, & non praeceptum legis ſuorum ac diligens, vim habituram vtiq; eſſe eius rationem, quoniam quicquid alterius rei adpiſcenda gratia ſuadeatur, aut conſulatur, ſi ea ipla res alia quadam via & ratione obtenta ſit, recte id, quod ſuaſum ſit, praetermitti poſſe videatur: vbi vero praeceptum in imperando, & non ſuaſio ſit, ſine peccato graui praeteriri id non poſſe. Ad Thomam vero dicebat eodem modo poſſe concludi de binis hebdomadam diebus, quibus eſus carniū interdictus eſſet, ac de cæteris feſtis ſolemnibusq; diebus, qui cum eſſent ad Dei cultum inſtituti, atque dicari, dum coleretur Deus, qui quidem pura imprimis mente, & religione colitur, licitum fore ſine peccato ad ſuum cuique diurnum munus, ſuaq; officia redire. Ac multa tum quidem in omnem partem dicta diſputata ſunt, quae hominibus doctiſſimis erant in promptu, ex quibus Thomas plura, & praeclara ingenii ſui, & doctrinae monumenta iam in ſcriptis edidit, reliqui autem duo idem exiſtimantur eſſe facturi. In ſumma ab illis in eam ſententiam conueniebatur, æquum fore, vt ſummus Pontifex, cuius vniuerſa eſſet poteſtas, hunc ſcrupulum ex animis fidelium eriperet, ieiuniquae hanc legem, & conditionem ediceret, vt qui ſeruallent illud, magnis a Deo indulgentiarum, quas appellant, premiis afficerentur, qui verò non ſeruallent, dum iſdem abeſſent a contemptu, & contumacia, non propterea tamen capitalis peccari ſcelere intelligerentur obſtricti. Distinguebatur porro ab illis aliud ieiunium eſſe, aliud abſtinentiam. Ac abſtinentiam quidem in eo intelligi, cum ſtatis temporibus, & diebus a quodam eſculentorum genere, vtpote carnis abſtineretur. In ieiunio autem praeter abſtinentiam id etiam adiungi, vt ſemel in die tantum cibus caperetur. Quod quidem poſterius illi arbitrabantur recte, & tuto poſſe corrigi, ſi ſummi authoritas pontificis intercederet, ea quidem ratione, quoniam & qui illam legem ieiunij retinerent, cum darent hoc legi, vt ſemel tantum in die veſcerentur, ſux mox dabant intemperantiae & voluptati, vt ſe effuſius, atque immoderatus in epulando explerent, quos verò illa lex ieiunij non contineret, quominus in die plus quā ſemel comelliſſent, eos in graue ſuarum animarum periculum incidere, cui detri-

detrimento præberi occasionem, & sterni quodammodo ab ipsa
 lege viam, longe alienum à mansuetudine Christiana esse opti-
 mis illis viris, & dignitate omni præstantibus videbatur. Tum
 TRIVLTIVS, Mihi accidit, inquit, qua primum tempesta-
 re in hanc urbem admodum adolescens veni, ut ad salutandum
 Oliuerium Carapham Cardinalem Neapolitanum accederem,
 cuius tu Iacobe in domo & disciplina aliquot annis educatus
 es. Etenim eius ego visendi & alloquendi miro desiderio tenebar,
 de quo tot, tantaque abiens virtutis & sapientiæ, & singula-
 ris cuiusdam integritatis testimonia cognoueram. Atque is ve-
 rat humanissimus, summamque granitatem cum illa humani-
 tate coniunctam obtinebat, accepit me quidem iucunde, atque
 amanter, cum ita diceret, neminem sibi dari potuisse, cuius li-
 bentius aspectu, quam meo frueretur, id adeo & mea causa, & fa-
 milia nostra nobilissima (sic enim loquebatur) in qua lumen
 adhuc residere prisce fortitudinis affirmabat. Erat enim ut sci-
 unt, qui cum norunt, Iohanni Iacobo patrio meo, qui tunc præ-
 stantissimus rei militaris author & dux habebatur, amore, offici-
 isque coniunctus. Sed ego summi illius viri aspectu, & sermoni-
 bus tum perfruens, cum eilet cum eo vnà Nicolaus Fliscus eius-
 dem ordinis vir egregia doctrina, & authoritate, quem nuper ut
 scitis mortuum, cum gemitu, & lachrymis prosecuti sumus o-
 mnes, sensi hac de re inter eos agitari utrum istas religiosorum
 hominum societates, quas fratrum religiones vulgo nominamus
 tot iam præsertim, & tam variis, habitu, institutis, appellationi-
 busque differentes, sic permitti, & tolerari expediret Christiano
 nomini, an eas certum ad numerum, eumque exiguum redigi uti-
 lius esset. Et maparat fortè illis diebus rumor in populo prospici
 huic rei à summo pontifice, & de hac reductione in senatu actum
 iri. Atque ibi quidem leuiter inter se dissidebant, cum Oliuerius
 fortissimus semper antiquitatis defensor diceret, non fuisse bo-
 norum pontificum eos, qui sese nouis quotidie legibus obligare,
 ac supponere ad carnis motus magis coercendos, Deumque li-
 berius contemplandum sponte sua vellent, non in illorum opti-
 ma voluntate confirmare, necesseque item fuisse dari illis potesta-
 tem proprios quosdam cœtus, conuenticulaque constituendi, ha-
 bitumque & nominibus à cæteris se distinguendi, quo & ipsi inter ipsos
 nosse se possent, & à reliquis internoscerentur. Contradicebat
 Nicolaus exitum rei declarare hanc varietatem religionum Chri-
 stiano nomini commodam esse, quod & qui eorum ad ma-
 ximas diuitias peruenerant, his ferè illi iam ad alenda corpora
 diuitiis, non ad misericordiã, neque ad bonitatem vterentur, & que
 protulit inopiam ac paupertatem religiones victum sibi ostia-
 tim aut à prætereuntibus mendicarent, genus in Christia-

nos mores inducerent minimè ingenuum, neq; liberale, quippe cum quotidiana illa flagitatio & pudorem in hominibus extingueret, & authoritati religionis detraheret, & impediret etiam studia de Deo cogitandi, atq; in eius vnus contemplatione acquiescendi. Quòd si contractis, & imminutis dissimilitudinibus vna tantum monachorum, quos vocamus, religio linqueretur, qui in solitudine, & silentio, à turba, & fluctibus huius seculi semoti in inuestigando Deo præcipuè insisterent, dum illi tamen id, quod minimè faciunt, optimis literis, & studijs dare operam cogerentur: Dux verò reliquæ darentur religiones, quibus versari inter homines docendo, atque hortando, annunciare pœnitentiam, insinulare in populo sensum scripturarum, laborare, insudare, seruire publicæ vtilitati necesse esset, se iudicare multo commodius cum populo Christiano actum fore, quàm quomodo nunc agitur in tanta tot ordinum dissimilimorum differentia, & varietate. Duas autem illas idcirco se velle esse religiones aiebat, quæ negotiosam, & laboriosam perferrent vitam, vt sancta & pia æmulatione inter se alterni ordines contenderent, vt eorum maiorum, & plurium bonorum author Christiano populo existeret. Hæc cum duorum amplissimorum hominum, & in Ecclesia principum disputatio cum insueto mihi auditionum talium ad aures prima accidisset, aculeos quosdam mihi in animo reliquit, qui me postea crebro admonuerunt, vt de hisce rebus mihi meditandum, & aliquanto diligentius considerandum putarem. Itaque re sapius excussa, atque examinata possum vobis liquiddò de meo sensu pronunciare. Harum tot religionum, & tam variarum consilium si ad rationem eorum referatur, qui aut petierunt primi institui, aut qui indulserunt petentibus, & instituerunt, sanctum illud, & iustum, & imprimis graue, ac sapiens extitisse. Non enim alium ad finem tam multæ istæ fraternitates inductæ sunt, nisi vt homines illi, quos leges istæ communes, & iam vsu contritæ minus in officio continerent, arctioribus quibusdam vinculis impietatis studio, & continentia tenerentur, nouasque propterea leges sibi adsciscerent, in quas voluntaria primo inductione animi cum iurassent, earum mox seruandarum necessitate constringerentur. Consulebatur igitur hac ratione vel maximè hominum virtuti, & integritati, si humana infirmitas perpetuò manere in robore animi, & constanter, quod susceperat, nauare potuisset. Sed cum pleraque videamus nostris temporibus commutata esse, atq; inuersa, equidem æteram sententiam si liceret, & si licebit vnquam, dicam videri mihi nostræ religioni, ac Christianæ Reip. melius consultum fore, si triplex illa ordinum institutio induceretur, quæ non tam quidem de numero religiosorum diminueret, quàm varietatem, & dissimilitudi-

nem re-

nem religionum prohiberet. Quod si explanatius de hac re aliquid dicendum est, placeret admodum mihi, & mendicitatē tolli, quæ speculationi, & pudori, & opum affluentiam, quæ integritati est aduersaria. Quid ergo est potissimum, quod ego de hac re recte statui arbitrer? Illud nimirum, si habito censu huiusmodi bonorum, & facultatum, dimidiam totius summae partem, duabus illis sodalitatibus assignari viderein, quas in opere, & in negotio docendi homines, ac cohortandi versari assidue, ac laborare conueniret: Alteram vero partem dimidiam ei religioni reservari, quam tranquillam, & tacitam, Deoque, & sibi seorsum vitam agentem Græco vocabulo monasticam appellamus. Atque huius tamen silentis, atque pacatae fratrum, religiosorumque hominum cōtionis eas vellem esse leges primum, ut literis bonis in ea, & liberalibus studijs ab omnibus opera daretur, quorum studiorum, atque eruditionis exordia ducta a grammatica, & deinde in rhetoricis, dialecticisque instructa ad extremum terminarentur, in philosophia, theologiaque. Deinde ut liceret ex quolibet hominum genere parentibus liberos eò mittere in disciplinam, qui acutiores natura, & ad literas perdiscendas apti essent, indolemque ingenij bonam præ se ferrent, qui si ab ipsis præsidiis, & collegiorum rectoribus, qui recipi deberent idonei iudicarentur, cum alerentur sumptibus religionis communibus, tum autem industrie, diligenterque instituerentur ad omnem exercitationem, & studium adipiscendæ doctrinae, atque virtutis, quandoque manerent in conuentu illo, quod illis ad certum tempus esset licitū, quoad videlicet in literis & moribus probè instructi essent, eodem omnes vestitu, eodem victu, eademque prorsus vitæ regula vterentur, post vero tempore exacto liberum foret unicuique & leges sibi vitæ rectè degendæ, quas vellet, & quibus vellet in locis domicilium eligere. Etenim siquid est humani, quod præstari à nobis possit, audacter vobis confirmo hoc huiusmodi more inducto in consuetudinem, quemadmodum ex seminario acceptas arbores, & per sua deinde spatia dispositas hortos videmus, & viridia ornare, atque illustrare, sic hos ex optima disciplina educationeque profectos, & in diuersas missos vitæ functiones, eas regiones orbis terrarum, in quibus insedissent, optimis esse moribus, & præstantibus virtutibus illustraturos. Quod si id quoque accederet, ut à principibus, & à maximis regibus, summisque imprimis pontificibus prouidentia, curaque adhiberetur, ut ex horum numero potissimum eligerentur, qui præficerentur Ecclesijs, & sacerdotijs, & qui ad magnas res gerendas adhiberentur: næ ego pro certo ausim polliceri statum orbis terræ, qui nunc perturbatione legum, atque morum, omniumque concursu propemodum calamitatum collabascere videtur, estque

ruinæ,

ruinæ, & confufioni proximus, firmitatem ac stabilitatem, decetque & ordinem bene agenda vite facile recuperaturum. Sed quoniam nos hoc tempore leges non feribimus, tantumque inuimus, quid noſtræ ſententiæ, & opinionis ſit, concludamus illud Langee, quod in tua oratione poſitum fuit extremum, hos, qui hæc religionum ſectas accuſant, ſi conſilium reprehendant inſtituendarum, falſa illos ratione duci, atque aberrare. Si mores, vitiæque quorundam infeſcentur, iam hoc eſſe hominibus, non rei ipſi detrachere, in quo ego cum illis vna conſentio, ſarcor- que non pauca eſſe in abuſionem his temporibus inducta, atque prolapſa, quod quidem ad religiones attinget, quæ prudentium iudicio minime poſſint probari. illud dico, neminem, qui ſanus ſit, æquo ferre animo, ac pati inuentos eſſe homines perditos, qui annis permultis in religione cum fuiſſent, legibusque illis, quibus voluntate ſua primò ſe obligauerant, diutius paruifſent, repente mox nulla idonea de cauſa, neque expectata authoritate maiorum ipſi inde ſe proripuerint, a veterèque religionis inſtituto ipſi ſe abdicauerint, quanquam hæcenus fortaiſſis fuerit illis cõ- ceſſum, ſed vt appareret, quæ eos ratio, aut quæ amentia potius impulſiſſet, non modo ad prophanam de integro vitam, ſed ad omne genus intemperantiæ fuerint relapſi, quorum alij nefariis nuptiis ſe obligauerunt, alij dierum, & ciborum obſeruantias ſuſ- tulerunt, mandataque omnia eccleſiæ iſtaſai habuere, cuncti verò ſuperbas, & impias auerſus Deum, ipſaque Dei præcepta, quæ in humilitate animi, & erga proximum charitate præcipue conſi- ſtunt, extulerunt mentes. Hic ego: lure iſtis talibus iraceris Tri- ulti, & hominum damnas temeritatem. Sed quod ad obſeruan- tiam ieiuniorum attinet, haud ita quaquam dies multi ſunt, cum me appellauit Clemens VII. Pontif. Max. quaſiuitque ex me, quid mihi videretur de ieiuniis: num ego ea populis recte rela- xari cenſerem. Quætebat autem hæcenus, non vt percontare- tur, liceretne paſſim veſci cibis omnibus, id enim incontrouer- ſum eſt, nec dubium non licere, ſed an ſemel tantum ieiunio ve- ſci id neceſſarium eſſe exiſtimarem. Cui cum dixiſſem ieiunium e- iusmodi, quod temperatis hominibus detrimento eſſet, helluo- nibus caulam grauioris intemperantiæ afferret, quodque non mi- nus læderet prætermiſſum, quam prodeſſet ſeruatum, cum præ- fertim in tam diſſolutis morib. paruam ad continendum homi- nes vim id iam haberet, recte mihi videri, remitti poſſe, aperuit mihi ſententiam ſuam, ſeq. in eo velle propiſcere comuni Chri- ſti gregis ſaluti affirmavit. Cuius ego laudata probitate, & ele- mentia (eſt enim, vt ſciſtis, omni porſus humanitate, & bonita- te leniſſimus, eamque populorum ſibi creditorum curam gerit, quam filiorum optimus pater) tamen dixi expectandum mihi videri,

quoad

quoad peteretur ista remissio, non ut ultro illa, & inopinantibus deferretur. Quo ille responso usque adhuc retardatus est. Itaque quod ad unicam inam in die sumptionem cibi pertinet, potestis iam intelligere sententiam meam nequaquam a Thomæ Caietani sententia discrepare, qui etiam sui dictæ rationem hanc reddidit, non se arbitrari præcos illos patres prætermissione ieiuniorum voluisse homines ad capitale crimen obligare, qui præsertim paterna quadam charitate cunctis prodesse, & consulere studuissent. Sed hoc illorum ieiunandi præceptum modò absit contemptus, in eam potius partem accipi convenire, ut doceantur homines, quid recti moris sit, conducatq; ad vitæ continentiam, non ut cogantur, quæ mihi imprimis bona visa est sententia, nisi ego hoc fortasse meæ imbecillitati tribuo, qui cum malo stomacho sim, soleo equidem interdum semel tantum cibo uti, cum id meæ valetudinis ratio à me postulat. In ieiuniis autem ipsis, si accadat, ut appetam cibum, diuidere libentiùs in duo tempora soleo, ita ut in utroq; tempore me geram, quam moderate præsertim, cum mihi necesse sit ob corporis periculum à leguminibus omnino, & à salsamentis, maxima quoq; ex parte oleribus, & piscibus abstinere, quòd hæc esculentorum genera perniciosiora mihi sint. Ac sic equidem agendi veniam sum, & facultatem nominatim à Pontifice adeptus. Sed quoad autoritate Ecclesiæ, atq; Pontificis vinculum istud ieiunandi retinetur, legibus parendum censeo. De cibis autem ipsis, deq; eorum dierum peculiari abstinentia, qui bini semper in singulis hebdomadibus interpositi sunt, necnon de aliis vigiliarum, & temporum, & quadragesimæ (sic enim appellamus) diebus vix quicquam ego putem utilius, ac sanctius constitutum ab Ecclesia fuisse. Quid enim aiunt isti qui contra pugnant: legem improbatam fuisse Iudæorum, quæ tanta superstitione cibos distingueret, ut alios rejiceret, alios verò admitteret, iure ego improbatam patefacta veritate confiteor, nullaq; nobis cibos superstitione inter se differre. Itaq; omnibus passim utimur. Cur ergo aliquos aliquando repudiamus? quia rationum & temporum discrimen est, non ciborum. At hoc est, quod Paulus reprehendit, Ne quis nos iudicet in cibo, aut potu, inquiens, aut in parte diei festi, aut nouilunij, aut sabbatorum. Et rursus abjiciens decreta legis, Ne tetigeris, ne gustaris, ne contrectaris, quæ ipso pereunt abusu, inquit: alioq; item loco sub elementis mundi in seruitutem adactos nos minime esse vult. Quæ ego omnia ita esse concedo, nullamq; confiteor in escis, & potionibus ad inquinandum esse, & ad commaculandum infamam vim. Sed neque item in temporibus, quatenus ipsa per se tempora spectentur. Verum si agitur in illis memoria aliqua gestarum rerum, si & pro illis, quæ nobis læta, & salutaria diuinitus tribu-

tributa sunt, in agendis Deo gratijs dies nonnullos ponimus, quod festorum, & solennium dierum proprium est, & recordatione rerum tristium, quæ obuenerunt, aliquam speciem præ nobis mœoris ferimus, quam maximè ciborum quorundam indicat abstinentia, quis hunc optimum, & sanctissimum morem in Christiano populo indictum, indicem gratæ aduersus DEVM voluntatis, coarguere iure possit? nisi sit is, qui redarguerit, ab omni ipse hominis sensu, & humanitate remotissimus? Nulla unquam gens fuit, neq; tam corrupta, & profligata moribus, neque natura tam immanis, ac barbara, quæ non aliquas dierum quorundam religiones haberet, quos dies partim atros custodiret, partim celebraret lætos. Sed sit hic humanus mos, non tamen à bonâ ratione abhorrens, neque ijs non concedendus, qui sua laboris, & quietis tempora cum honore Dei immortalis dissipant. Nos ut longius rem aliquanto repetamus, dicimus totam istam rationem festorum, solenniumque dierum idcirco inuentam fuisse primò, in consuetudinemque adductam, ut mortalis fragilitas, quæ continenter ferre corporis laborem, & contentionem animi non potest, festos huiusmodi dies haberet, tanquam interualla, & spiramenta occupationum, atque curarum, quod necessitati primò datum, & hominem deinde sapientum providentia ad honorem deorum contulit. In quo orbis terræ communis prope fuit error, ut in opinione olim deorum homines fallerentur, quos commentitios, & falsos pro veris accipiebant. Eum porro errorem verus Deus genti ab se delectæ Iudæorum cum eripuisset, festosque agi ab illis dies in honorem sui præcepisset, remissionem illam animorum à terrenis curis humanæ infirmitati attribuit, honorem & celebritatem lætitiæ sibi, quod in nostros mores, ritusque relatum, quis iure queat reprehendere, aut condemnare? at cur ieiunamus pridianis festorum diebus? quia decet, rectumque est, quem diem tribuere debemus laudibus, & commemorationibus beneficiorum summi Dei, quæ ab eo in nos beneficia, vel in ipsomet, vel in sanctis eius collata sunt, ad eam nos diem imprimis castos, sobriosque accedere, ut experrectiore & vigilantiore animo cogitemus, quantum ipse de nobis meritis sit, quarum illi agendarum, & ferendarum gratiarum sumus debitores. Sexti vero quique, & septimi in hebdomadibus dies idcirco à cibis lautioribus, esuque carniū dirempti sunt, quò speciem habeant mœrentium, atque lugubrium, quòd illorum dierum altero in crucem sublati seruator noster est, altero iacuit sepultus, quanquam & in utroque altera præterea spectata ratio est, quoniam enim sextum illum diem tanquam Veneris sacrum in ludis, & epulis, nequitijsque omnibus gentes consumeabant, Sabbatum autem Iudæi præcipuè in honore, & in

observantia gerebant, sapienter, & pie maiores nostri eosdem ipsos dies, quos illi hilares, latosque ducerent, nobis tanquam atros habendos constituerunt, ne quos a ritibus illis, & superstitionibus auocare cuperent, eos viderentur, si essent in dierum cultu imitati, non tam auocare, quam in suis pristinis erroribus confirmare. Verum & in sabbato eadem illa concurrat, quæ in diebus festas celebritates antecedentibus ratio. Est enim hic dies diei dominico pridianus, qui imprimis status apud nos, celeberrime est. Quadraginta autem dierum ieiunium Dei omnipotentis honori ita datum est, ut quasi decimas in eo annui temporis Deo pendere instituamus. Verum id potuit diebus sex, & triginta confici: quatuor porro reliqui adiecti sunt, ad imitationem quadragenarii ieiunii, quod Dominus IESVS CHRISTVS in solitudine continens, & perpetuum servasse legitur, quod etiam antea in monte Syna à Moyse tanquam simulacrum rerum futurarum usurpatum est. Demptis enim dominicis diebus dies integros quadraginta in ieiunio isto numeramus, additi trini præterea in singulorum trium mensium spatia dies, veluti indices quaternorum temporum, quæ aut accedens sol, aut recedens anno ipso voluendo distinguit, & variat, quasi fas rectumque sit auspicari à Dei immortalis honore, & nomine temporum cunctorum initia. Verum ut à reddendis dierum rationibus abeamus, quæ sunt omnes à maioribus nostris cum inventæ sapienter, tum imprimis sancte constitutæ. Si opponatur nobis in differentiis nos insistere ciborum, & temporum, atque eo pacto Iudaicam superstitionem referre, negabimus planè utrunque, atque id profitebimur, habere nos, & ducere in observationibus nostris non dierum, neque ciborum, sed sobrietatis nostræ, ac temperantiæ, & erga summum Deum honoris rationem. Nam discrimina illa Iudæorum ad abstinentiam minimè pertinebant: hanc dico sanctam, & spirituales. Quid enim aut solidis animantium vngulis, aut etiam multitudine, aibus quoque rapacibus, & piscibus squama non contactis, cum spiritu, cum sanctitate, cum abstinentia negocij est? quæ si Iudæis vetita sunt, ut in moribus illi erudirentur, humanam redolent philosophiam, non diuinam. Sin quoniam sunt insalubria, ideo illis fuerunt interdicta, quis est, qui non intelligat Moysen Ægyptiorum artibus imbutum extitisse? Quod si id quod verius est, simulacra quædam, illæ res fuerunt, & veluti argumenta futuræ veritatis, inducta iam veritate simulacris amplius non indigemus. Iudæi ergo in cibis, & in temporibus inhærebant. Nos ad Deum, & ad spiritum omnia referimus, neque in hoc genere abstinenti, aut observandi aliud quid sequimur, nisi & ut nostrorum laborum intervalla consecremus commemorationi diuinorum beneficiorum, & nos ipsi ad reco-

lenda illa eadem Dei beneficia vigilantiores, ac paratiores per
 abstinentiam reddamur. At enim vis (inquiunt) non debuit as-
 ferri, sed cunctos suo ipsorum arbitrio oportuit permittere, quan-
 do fides CHRISTI libertatem omnibus dat, neque vult quen-
 quam veteris legis vinculo, aut eiusmodi necessitate aliqua astri-
 ctum esse. Quibus ego respondeo, ut se ita habeat res; quemad-
 modum exponunt ipsi, utrum tamen fuit æquius, & Christianæ
 mansuetudini convenientius his de rebus modeste exposulare,
 & conqueri, causamque ad caput, & ad principes Ecclesiæ defer-
 re, an ipsosmet per temeritatem, & arrogantiā nouum sibi cape-
 re consilium, sequē a communi more fidelium abscindere? Nam
 quod dicunt non se concedere, ut Ecclesiæ caput Romanus pon-
 tifex sit, omnes semper concesserunt, quicumque ante in Christia-
 no nomine fuere, exceptis paucis quibusdam, qui eo ipso nomine
 apud maiores nostros condemnati sunt. At illi stolidi, excordesque
 fuerunt, omnesque errore opinionis sunt lapsi. Vos ergo soli in
 omnibus seculis, in omnibus hominibus, vestra prædicatione es-
 stis sapientes. Quid ergo ait Salomon? Vidistini hominem, qui si-
 bi ipse sapiens videtur? spes est de stulto, quam de eo longe maior.
 Certe hanc vobis sapientiam, quam assumitis ipsi, nemo facile
 concedit. Quid potius sentiant de vobis ceteræ nationes, ego
 non dicam, varia est enim, & multiplex vituperatio, tamen si sub
 hæreticorum nomen, atque appellationem omnia crimina subi-
 re, & succedere videantur, vosque penitus amentissimi estis, si hoc
 non intelligitis. Sed ut veniam ad libertatem fidei, quæ a vobis
 proposita est, fateor CHRISTI fidem esse libertatis magistrā,
 nullisque eiusmodi legibus, nec seruitutibus eam nos astringe-
 re, quæ ad corporum cultum, curamque pertineant, sed tamen ut
 Apostolus Petrus inquit, non debet illa libertas mantellum ma-
 litie esse. Quicumque enim spiritu intentus in Deum est, huic o-
 mnia corporea, & terrea minimi momenti sunt, neque ille diem
 operosum a festo, nec escas ab escis, potionesque disceruit, quippe
 qui aliis curis, aliis studiis, contemplationibusque ducatur, sem-
 perque in sobrietate sit, & in Deo corde, cogitationeque inhe-
 reat. Atque illud quoque aditio, si tales Christi fideles, quales
 quidem esse debuerunt, existerent, non hanc futuram fuisse ne-
 cessariam legum condendarum sollicitudinem, & curam, per quā
 in officio homines, & in sobrietate continerentur, fuisset enim si-
 bi tum unusquisque lex, neque in se solum, sed in cæteris quoque
 exemplo, & doctrina moderandis habuisset auctoritatem. Sed si
 perquam sanè pauci isti sunt, qui spiritum sequantur, qui Christi
 fidem, quemadmodum quidem oportet, teneant, si maxima lon-
 ge multitudo ad carnem, corpusque delabatur, & ab his, quæ fidei
 sunt, non solum vsu, sed etiam intelligentia est remota, quid tan-

dem decuit fieri? Quæro enim abs te Luthere, qui primus hæc leges, & observantias damnare ausus es, Cum peccarent homines cum laborarent, cum ad libidines, & ad facinora proclives essent, cum epulis, vino, luxuriæ se dederent, cum verbis tantum, & voce CHRISTVM confiterentur, cætera gentium similes existerent, quid fieri fuit necesse? Sincere eos, & suo arbitratu ferri, sua libidine permittere? qui ergo non male, & perperam leges imperatoris latæ sunt, quæ delinquentibus pœnas, & summum sæpe supplicium proponunt? quas te auctore antiquari oportet, & imperatorum consilium condemnari. Astringunt enim homines servitute leges istæ, quos CHRISTVS liberos esse omnes voluit. Quam igitur vitæ spem, aut quem ordinem rerum, aut publicarum, aut etiam privatarum hominibus relinquis? Quod si in his, quæ ad societatem pertinent civilem, cœtusque hominum, quæ civitates vocamus, in officiis mutuis, & in concordia continent, necessario fuit providendum, legesque ponendæ, quæ delicta hominum pœnis comprimerent, ne facinorosis, & audacibus Respub. prædæ aut ludibrio esset, fideique CHRISTI in eo, quominus ita fieret, non est spectata, neque animadversa libertas, tibi minus iusta, aut minus idonea videbatur ratio homines ad abstinenciam, & sobrietatem legibus adigendi, quo nomen omnipotentis Dei, & ratio vera fidei nostræ, quæ in spiritus libertate, non quæ in carnis licentia posita est, etiam ab inuitis quoquo pacto coleretur. Equidem video monumentis esse traditum, primo illo inductu fidei nostræ, cum increbresceret quotidie CHRISTI nomen, hominesque ardore quodam amoris ad Deum se adiungerent, nullas huiuscemodi leges, neque conditiones rerum necessario servandarum impositas hominibus fuisse, cum ipsum studium fidei, atque Dei sit valida per se lex esset omnes a corporeis studiis ad spiritualia revocandi. Itaque & quadragesimam legimus nulla indicta lege, quæ communiter teneret omnes, tantum suo cuique arbitratu, & sua sponte observatam tunc fuisse. Qua de re in antiquis historiis est scriptum, quod in ipsis quadragesimæ ieiuniis aliæ apud alios observationes vigebant. Romani treis ante pascha hebdomadas continuato ieiunio observabant: Illyrium, & Græcia, necnon Alexandria, totaque Ægyptus hebdomadas sex, quod ieiunii tempus vocabant quadragesimam. Alii vero septem ante pascha hebdomadibus ieiunium inchoantes, primis tribus confectis duas intermittebant deinde in duas reliquas hebdomadas resumebant ieiunium, quos dierum numerum non tenentes, quadragesimam tamen id tempus appellare parum congruum etiam temporibus illis videbatur. Ciborum quoque mos, & abstinencia non omnibus par. Nam alii omnino ab animatis abstinebant, alii ex animalibus

pisces solos recipiebant, addebant alij & volucres, tanquam æ-
 reum id genus à Moyse, non terrestre fuisset iudicatum, quidam
 ne oleribus quidem utebantur, sed arido tantum vesciebantur pa-
 ne. Nonnulli panem quoque ipsum reijciebant, olera duntaxat
 adhibebant. Alij ad nonam vsque horam ieiunantes, quocun-
 que cibo post indifferenter reficiebantur. Ita variaz apud diuersos
 vigeant consuetudines. Et quoniã huius rei (est enim hoc quo-
 que in historia ascriptum) nullum verus præceptum inuenieba-
 tur, credibile fuit Apostolos hoc vniuscuiusque arbitrio liberum
 reliquisse, vt timore nemo nec necessitate, sed voluntate, & libe-
 ro corde sibi id præscriberet, quod salutare, & bonum ipse iudi-
 casset. Videmus igitur hoc vetustatis testimonio, quod circiter
 Constantini tempora, aut paulo infra literis mandatum est, quo-
 ad vis fidei in cordibus hominum fortiter versata sit, nullum tale
 præceptum abstinendi, aut ieiunandi hominibus datum, neque
 vim impositam legibus latis fuisse. Non enim tum erat causa præ-
 ciipiendi, cum equaliter omnes voluntariam moderationem, absti-
 nentiamque præstarent. Quodd si præcipere tunc opus non fuit,
 in communi illo more, & hominum bonorum, & temporum,
 concede postea necessarium fuisse, quàm homines sensum illo ti-
 more Dei, & cœlestium rerum cura soluti indulgere flagitijs, &
 in omne genus intemperantiæ dedere se coeperunt. Quibus si ali-
 qua ratione obuiam non fuisset itum, nõne ignoratio Dei, &
 gentilitas penè ipsa in Christianum nomen reuertisset? Sanctum
 igitur, & salutare fuit Ecclesiæ institutum talibus immoderatio-
 nem legibus, & licentiam coercendi, quibus etiam qui nollent,
 ad curam aliquam tamen & ad cogitationem colendi Dei adige-
 rentur. Quodd si altior quoque horum ieiuniorum ratio reddi-
 da est, & cum CHRISTI, fideique mysterio coniunctior, sic in-
 telligendum est, accessum, atque aditum ad regnum Dei, & ad
 honorem beatæ immortalitatis in eo maximè constare, si qui il-
 lød ingredi conantur, omne imprimis onus, & carnalem sarcinam
 mundanarum curarum, voluptatumque deponant, & dimissis
 terræ impedimentis ad Deum se conferant expediri, atque ala-
 cres: Quodd si gula, & palatum, & ciborum omnium suauiorum
 voluptas corporea maximè est nec solum ipsa per se vituperanda,
 sed quæ pluribus præterea indecoris, & inhonestis voluptatibus
 præbeat ortum, vt plurimarum turpitudinum sit mater, tum au-
 tem eadem in amore mundi præcipue nos contineat, spiritua-
 liumque virtutum & operationum sit inimica, necesse fuit huius-
 modi ad Deum, & ad spiritum nos inuitantibus huic errori homi-
 num, & corporeæ labi, culpæque obsistere. Itaq; & CHRISTVS
 ipse suo primus exemplo à baptismo Ioannis, tanquam ab ipsis
 foribus, adituque fidei, in cognationem Dei, & regni spem intro-
 missus,

missus, ut ceteris iter ostenderet, quâ transituri essent, qui idem regnum appetere euestigio in desertum, & ad ieiunium translatus est. Et populus Hebræorum, cum Ægyptum tanquam mundum, & regnum carnis relinqueret, atque in promissam terram, quæ figura, & simulacro cœlestem patriam referebat, iter esset facturus, ante eò quàm perueniret, atque in illis speratis, atque exoptatis sedibus collocaretur, per annos quadraginta in deserto, & retentus, & instructus, & omnibus patientiæ operibus examinatus est. Moyses quoque neque congregari cum Deo, neque tabulas accipere diuinæ legis potuit, nisi quadraginta dierum præeunte ieiunio, quem eundem numerum dierum Helias ieiunauit, ut ad montem Dei posset se conferre. Ac denique si & documenta vetustatis, & scripturæ sacræ testimonia diligentius inspiciantur, facile apparebit intuentibus, atque intelligetur hanc esse ieiunii, & abstinentiæ vim, ut ea homines maximè, & in spiritualibus virtutibus confirmet, & ad regnû cœleste obtinendum faciat aptos. Quod etiam in illo genere malorum dæmonum difficiliore ad expellendum ostendit nobis CHRISTVS, cum illud tantum eiici posse dixit in oratione, & ieiunio. Cur autem quadragenarius iste numerus potissimum spectatus sit, qui à quaternario ducitur, qui & ipse est in quaternis temporibus anni ieiunio consecratus, ut nesciam, aut, ut illud dicam, quod à plerisque dicitur, hunc numerum imprimis corporeum esse, vel ex quaternario elementorum numero, vel quòd quaternarius primus plures accipit sectiones in paria membra diuisas, quæ natura corporum propria videtur esse, verum ut magis istud nesciam, neque enim omnia scire nobis est fas, illud quidem scio, quod video hunc semper ferè numerum in tristitia, & mœroribus à scriptura adhiberi. Itaque & in ieiunio CHRISTI, & Helix, & Moysis is numerus ponitur, & in commemoratione populi in deserto, & quadraginta, in terris diebus post exurrectionem CHRISTVS, & totidem Ninivitis ad pœnitendum præscripti dies, & XL. annis desertam fore Ægyptum Ezechiel testatus est. Idemque tot dierum somnum in dextrum latus pro tribu Iuda obdormiit. Pluuiæ quoque diluuij diebus XL. in terram se effudere, ut cum tot exemplis, & monumentis antiquarum rerum videamus hunc præcipuè numerum comprimenda corporis, carnisque luxuria diuino consilio imprimis consecratum quasi fuisse, iure is in ieiunium quadagesimale relatus, & summa cum ratione indictus esse videatur. In quo sanè pudor, & moderatio veterum Romanorum Pontificum iure laudanda est, qui non domesticum quadagesimæ ieiunium, quod ipsi obseruabant, ne nimium sibi tribuere, & ad suam auctoritatem omnia retrahere viderentur, sed illud Ægyptiacum, & Alexandrinum Christiano populo indixere, sequenti

lege primum, tum ceteros deinde omnes voluere esse constri-
ctos, quæ lex voluntarium antea morem illum ieiunandi, & ab-
stinendi fluentem iam desidia, & ad luxuriam, intemperantiam-
que collabentem necessaria quadam obseruatione vinceret. Nam
quodd sancti quoque & spirituales viri his legibus comprehensi
sunt, non fuit hoc quidem consilium legis hos taleis comprehen-
dere, neque enim hi præcepti, aut admonitionis indigebant. Sed
cum lex in vniuersum posita sit, nec fieri commode queat ista di-
stinctio, æquius multo fuit paucos subici legi, quam vniuersos
sine lege viuere. Quid autem, num hi legibus tenebuntur, quibus
superuacanea est præceptio legis? tenebuntur enimvero. Eto-
nim præclarum est bono exemplo continere in officio ceteros
neq; minus necessaria probis, & rectis exercitatio virtutis, quàm
lubricis, & inconstantibus vitij interdictio. Atque ego istos re-
cte si noui, qui spiritum, non carnem diligenter excolunt, nequa-
quam vereor, quin se libenter hi sub præceptum subiecturi, & im-
perium legis non grauare accepturi sint. Non enim illi elatione
animi, & arrogantia, sed humilitate, & sobrietate sunt sapientes.
Quod si qui sunt, qui aut valetudine infirma sint, aut à pristinis
moribus ægre dimoucantur, aut etiam qui sibi indulgeri aliquã-
tum plus velint, causasque dicant quilibet, non solum graues
& necessarias, verum etiam leuiiores, vt itinerum, vt studiorum,
vt laborum. Denique qui quoquo modo remitti sibi hanc ne-
cessitatem postulent, quid est ad indulgendum his, moremque ge-
rendum Ecclesia Romana, & hac apostolica benignitate propen-
sus? quæ non modo hanc veniam poscentes, nunquam non au-
dit, sed sæpe etiam vltro nil postulantibus offert. Cuius autori-
tatem infringere, & clementiam aspernari hominum est, non li-
bertatis ius, nec veritatem fidei tutantium, sed totos se superbi,
maleuolentiaque permittentium. Verum de his quoniam satis
dictum est, ad Apostoli verba, si placet, redeamus. **REDEAMUS,**
inquit, Langeus, quando sedato iam incipio esse animo, scrupulosque mihi eos disputatio tua extraxit, qui me ante & cre-
bro, & valde stimulant. Facile enim nunc intelligo optimo ista
consilio, & à catholica Ecclesia indicta, & à populis fidelibus sus-
cepta, obseruataque fuisse, nempe quæ viris temperatis, & sponte
sua spiritum excolentibus, ingrata esse non possunt. Intemperan-
tes vero, & carneos ad aliquam habendam modestiæ, & sobrie-
ratis rationem compellunt, vt compressis per abstinentiam effu-
sis illis animorum motibus castus in hominibus mos & probus
insinuetur. Denique quod caput est, homines à terrenis, & car-
neis voluptatibus ad illa diuina, & spiritualia gaudia per hæc ab-
stinendi præcepta video reuocari. Quamobrem istos plane non
probo, qui tam proicte, & petulanter aduersus principes, author

resque Ecclesiae & contra abstinentiae decreta non verbis irruunt modò, verum etiam factis, cum praesertim, ut dieis, nemini cupienti his se legibus exolui suam ecclesiastica mansuetudo benignitatem intercludat. Et sanè ita est, ut non sint leges consilio, & sapientia latae, temere, atque ad arbitrium cuiuslibet infringendae, haecque ipsae minime, quae diuturno usu vetustatis comprobatae sunt, sed earum moderatio, si quid forte incidat nouae rationis, & temporum inclinatio sic postulet, ut mutandum aliquid in eis, aut corrigendum esse videatur, ab illis ipsis petenda, qui earum condendarum habuerint potestatem. A quibus equidem id postularem, ut saluis praeeptionibus ceteris cibum tamen ieiuniis semel tantum in die suscipi non foret necesse, cum, ut tu te respondisti, id temperatis hominibus sit detrimento, intemperantibus vero nullam vtilitatem afferat, neque enim propterea hi sunt continentiores. Quadragesimae autem tempora, quae dominicis quoque diebus in eandem abstinentiam coniectis ad dierum sex & quadraginta numerum excreuere, sic putarem moderanda, ut maneret quidem ieiunium vetus Romanum illud, quod tribus hebdomadibus ante pascha religiosissime seruabatur, idque ita praeepto, & lege sanciretur, ut graue esset crimen, & spiritualis mulcta illud violantibus, reliquos autem quinque, & viginti dies non tam metus criminis, quam meriti apud Deum spes faceret religiosos: quos ut qui possent, libentius retinerent dierum illorum abstinentiam spiritualibus donis indulgentiarum prouocari, & populis commendari putarem conuenire, hoc quidem etiam magis, quod in hac vulgo hominum insolentia, & temeritate, hisque contaminatis moribus cum contra leges & loqui, & facere iam populare esse videatur, quae ad continendos in virtute, & religione homines sanctissimo consilio reperta sunt, ea non tam nunc continere, quam ad delinquendum grauius illicitum, & causam subiicere videntur. De res tunc videbitur, inquam, alio tempore, sic accider, ut ista res veniat in disceptationem. Nunc quidem illud conpare nobis est necesse, si volumus esse hi, qui debemus, hoc est, si in Christiana humilitate, & modestia constituimus vivere, leges maiorum nostrorum a nobis diligenter esse retinendas, quas praesertim optima ab illis mente, & salutari consilio latae constet fuisse. Etenim post fidei, & charitatis erga Deum, & erga proximum praeepta, quid magis nobis praescriptum, indictumque est, & in euangeliiis, & in Paulo, quam repressio carnis, ususque ieiunii, & oratio ad Deum continens? Qui enim corpus suum in seruitutem redigebat, ne, cum aliis praedicasset, ipse incontinens reperiretur, nonne leges abstinentiae, ieiuniique praedicabat, quanquam illas tunc voluntarias, quas postea in

legem scriptam, necessitatemque relatas, si temporum nunc ratio ex parte aliqua peruellit, ac duriores, quam antea facit videri, non id est vitio legis, sed nostro attribuendum, qui si in ea cura intenti mansissemus, ut spiritu viueremus, non corpore, hoc est, ut cum Deo, non cum mundo rationes nostras duceremus, ne animaduertendi quidem, & distinguendi spatium haberemus, quo quisque ex genere cibus, aut quota diei hora sumendus esset. Sed tantum cum flagitaret corporis necessitas, ad ea, quæ prima nobis oblata essent, edenda prouocati, ut primum naturæ, & fami satisfecissemus, ad beatas statim cælestium rerum curas reuerteremur. Atqui hoc fortioris est, & constantioris fidei proprium, nullum facere discrimen in escis, & portionibus, omniaque ista paria, atque vniuersi modi ducere. Quod si cibos, qui distinguunt, ut lautioribus abstineant, veluti in inferiores habendi sunt, quanto magis, qui eos discernunt, ut exquisitissimis vrantur, hi sunt reprehendendi? Quanquam Paulo hic quidem non de intemperantibus & luxuriosis est oratio, sed de his, qui partim in cibis, & temporibus discrimen nullum faciebant ea fiducia, quod nihil fidei firmæ perniciosum in illis, neque aduersarium virtuti esse arbitrabantur, partim, qui carnis motum sentientes ad ipsam retundendam, & debilitandam carnem temporum, & ciborum obseruantias adhibebant, quos tanquam dissidentes, & imbecillos suscipi a fortioribus, & foueri, ac sustentari indicat debere. Hoc enim est, quod ait, Assumite ne fiat sectio, id est, ne dissimilitudo opinionum, ac morum dissidium aliquod gignat ac pariat, aggregate vobis illos, & si illi se erigere, atque attollere ad parem vobiscum fiduciam non possunt, inclinamini ad illos, vosque demittite, ut coeât in vnum fraterna vestra consensio. Eis vero reprehensionibus, ac disceptationibus, quæ inimicæ pacis sunt, exasperantque animos, non placant, penitus supersecrete. Non enim ligando, neque arguendo, sed pariter agendo, cumque illis vnâ abstinendo multo eos facilius in vestrum sensum, iudiciūque pertrahetis. Et qui ergo fidit posse absque periculo omnibus vesci, dissidentem is ne spernat. Et qui diffidit, ne iudicet fidentem, hoc est, illam in cibis communiter admittendis animi libertatem, ac fiduciam male ne interpreteretur. Qui enim confidit, a Deo assumptus est, hoc est per fidem, & professionem Christianam homo iam Dei factus, ad eumque aggregatus, qui videtur in eo hæere etiâ constantius, quando illius amore tectus, atque munitus, carnis lapsus, & pericula haud ita pertimescit, cuius quidem Deo iam mancipati, & traditi serui ad te nequiquā pertinet iudicatio. Siue enim steterit ille seu cader, Dominum suum habet iudicem, cui & stat, & cadit, & a quo si ceciderit, etiam restituetur. Iudicare porro diem, ad diem, inter dies & tempora discernere

vere est, iudicare omnem diem, est dies omneis pares, & eorum nullum eximium habere, quod respondet illi, quod sequitur, Qui non considerat diem, Domino non considerat. Siue enim abstinetur, siue non, siue tempora discernantur, siue paria ducantur, dum vtrumque in Dei honorem fiat, & in vtroque Deo grata habearur, in neutro est quicquam, quod iure possit reprehendi. Nam quod interponit Paulus, Vnusquisque in his animo suo satisfaciatur, minimè certè interposuisset, si de obseruantis, & ritibus Mosaicæ legis, ac non de priuatis legibus abstinendi, quas sibi quisque fert, fuisset dicendum. Illæ enim semper Christiano homini interdictæ sunt, propterque earum obseruantiam grauitè à Paulo Petrus fuit increpitus. Nec verò ex eo sunt genere, quod ad comprimendam carnis petulantiam valeat, sed quod ad superstitionem animis afferendam. Qui enim adhibet illas, vt in epistola ad Galatas est scriptum, is à CHRISTI gratia, & præmio crucis deseritur, neque simul potest idem & operum, & fidei iustitiam exhibere, considerareque sibi ipsi, & in Deo spem suæ salutis ponere.

Nemo enim nostrum sibi ipsi viuit, & nemo sibi ipsi moritur. Siue enim viuimus, Domino viuimus: siue morimur, Domino morimur. Siue ergo viuimus, siue morimur, Domini sumus. Ad hoc enim Christus & mortuus est, & surrexit, ac reuixit, vt & mortuorum, & viuentium sit Dominus. Tu verò quid iudicas fratrem tuum? Et tu quid aspernaris fratrem tuum? Omnes enim sistemur ad tribunal Christi. Scriptum est enim, viuo ego dicis Dominus: Mihi curuabitur omne genu, & omnis lingua confitebitur Deo. Itaque vnusquisque nostrum de seipso rationem dabit Deo. Ne amplius igitur inter nos iudicemus. Sed hoc iudicate potius, ne ponatis offendiculum fratri, vel scandalum.

DETERRET semper Paulus à iudicando proximo, & ab eo iudicio, quod fit in deteriorem partem. Nam bene sentire de altero, commodèque opinari, atque in melius interpretando accipere omnia, non solum Christianæ est charitatis, sed communis etiam humanitatis officium, cuiusmodi quidem iudicia de proximo facere rectè possumus. Capere autem ea, quæ fiunt, quæque dicuntur, in non bonam partem, & iudicium illis nostræ peruersæ existimationis adiungere, animi est non alienam prauitatem coarguentis, sed suam potius indicantis. Quid ita enim si ad te nihil eiusmodi quicquam pertineat, de alieno facto fers sententiam, in qua ferenda non dolore, & misericordia

commoueri, quasi alterius damnum ægrè patiari. Nam id quidem forsitan tolerabile sit, aut ascribendum etiam charitati. Sed tuam malevolentiam cura illa oblectas, perinde ac tibi accedat, quicquid bonæ de altero opinionis detrahatur. Hoc genus iudicandi de altero, maleque sentiendi cum de principio huius epistolæ grauitè confutauit Paulus, tum nullo loco, cum incidit, omittit, quin infectetur. Nec Paulus tamen magis, quàm ipsemet **CHRISTVS**. Illam enim sinceritatem Christiani animi, sanctamque simplicitatem, quæ pura semper, & integra nititur conscientia, iste curiositatis & malevolentia liuor tanquam fuligine quadam sic infuscat, ut non ampliùs queat Deus in illa, tanquam in domicilio mundo residere. Ad nostrum igitur neminem spectat iudicium tale facere de eo, qui seruus **CHRISTI** sit effectus. Est enim is non nostra, sed aliena possessio, habetque à quo iudicetur, & cuius vel lucro sit, vel detrimento concidat. Quamquam nequit Deus quidem vllum in se ex iactura nostra detrimentum accipere, sed ad amplificationem tamen gloriæ illius pertinet, plurimos esse, qui ei cum fide, & cum honore deseruiant, quorum salus, & vita lucrum est gloriæ Dei, damnantque e contrario eorum mors, atque interitus. Est enim propria hæc seruorum, quatenus serui sunt, conditio, ut nemo eorum sibi ipsi uiuat, aut moriatur, sed vtrunque agat Domino suo. Nec verò quisquam vlla pecunia emptus tam sui Domini seruus fuit, quàm nos sumus serui Iesu **CHRISTI**. Empti enim sumus pretio magno, ut Apostolus inquit, & vitam, quam viuimus, totam debemus Deo. Etenim ipse **CHRISTVS** ob hoc ipsum & mortuus est, & surrexit, ac reuixit, quo fieret Dominus mortuorum, ac viuentium. Mortuorum porro hoc loco intelligendum est, eorum, qui in hac vita stantes, ac spirantes, Deo tamen summo non spirabant, neque vivebant, quorum ipse **CHRISTVS** mortuorum suscitator secum vnà factus est. Nam & mortuus ipse est, ut isti cum eo simul commorerentur, & reuixit, ut iidem isti in nouam & incorruptam vitam restituerentur. Quod verò ad iudicandum hominum consilia, atque facta vel proba, vel secus pertinet, nemo sibi assumat hanc curam, sollicitudinemque iudicandi. Non deerit enim iudicium, cum sistendi simus omnes in nouissimo die ante tribunal **CHRISTI**, neque fideles tantum qui sumus, & erimus, verum omnes prorsus. Sic enim Dominus per **Esaiã**, Vivo ego, inquit, quæ est iurandi formula vulgata apud Hebræos, ut cum aiebant, Viuit Dominus, quoniam sic fiet, quod erat idem, ac si iuraret ille, & diceret, per **DAVID** viuentem. Ita, viuo ego vsurpatur, cum per semetipsum iurat Deus. Sed quid ait Dominus in **Esaiã**? Viuo ego, quod mihi fietur omne genu, & omnis lingua confitebitur Deo. Reddet quoque

vnusquisque tunc nostrum suorum factorum rationem, quamobrem nequaquam inter nos nunc quidem iudicemus. Illud potius agendum, & iudicandum est à quoque nostrum, ne creet quis offendiculum fratri suo, néue cum in duram suspicionem inducat. Habere videmini, in quo vos alter alterum coarguatis. Hic quidem illum, vt imbecillum, & diffidentem spernit. Ille hunc, quòd nimis eum fidere, longiusque progredi suspicatur. Amputet vestrum vnusquisque ansam, qua occasionem alteri dat malè sentiendi, tu qui confidis, de ista tua fiducia aliquid remittito, non in opinione quidem, & fide, sed in opere, ne quòd cunctis sic passim & liberè vteris, id tam videre facere, quia ipse firmus es, quam vt proximi tui infirmitas contemnatur. Tu autem e contrario, qui alterius fiduciam condemnas, plus statue in fide illius roboris, & virtutis esse ad consistendum, quam in cibis ad labefactandum, vt & tu quoque addiscas melius tibi in Domino, & in spiritualibus operibus fidere. Sic enim agendo, & remittendo vterque ordo aliquid in accommodationem alterius, stabit, & cohaerebit domus Dei, ac ædificatio, quæ fidelium est societas, in vno mutux charitatis spiritu iuncta, & coagmentata. Et cum ad omnes quidem pertinet sic facere, tum multò magis ad robustiores, hi sunt enim, qui se inclinare debent, ac summittere, vt debiles subleuent, & secum deinde attollant, quando illi sua vi attollere se non possunt.

Scio, & confisus sum in Domino Iesu, quòd nihil commune est per se: nisi reputanti aliquid commune esse, illi est commune. Si autem propter edulium frater tuus contristatur, non iam secundum charitatem ambulas, ne esu tuo illum interimas, pro quo CHRISTVS mortuus est. Ne accusetur igitur vestrum bonum. Non enim est regnum DEI esca, & potus, sed iustitia, & pax, & gaudium in Spiritu sancto. Qui enim in his seruit CHRISTO, gratus Deo est, & probatus hominibus. Proinde ea, quæ pacis sunt, sectemur, & quæ sunt ædificationis mutue. Ne propter escam dissoluas opus Dei.

Hæc est remotio scrupuli cuiusdam, & suspicionis, quam videbatur ingenerare Paulus in animis eorum, quos ad luminis, tendum se debiliorum fratrum opinioni hortabatur, cum moneret, & obsecraret, vt desisterent potius ab illo libero vsu omnium ciborum, quam fratrem imbecilliores offensum illa libertate, in culpam, & crimen malè opinandi conjicerent. Nam & si illos quoq; infirmiores est hortatus, vt ne facerent iudicium de alieno seruo, quando quidem omnes serui CHRISTI essent, néue alic-

alienum ab se, & ad Deum pertinens sibi usurparent iudicandi officium, tamen cum robustioribus hoc agit diligentius, quod eos intelligit dociles magis existere. Nam illi quidem imbecilli imprudentia labebantur, usum esculentorum, non ut erat, sed ex animi, & ingenij sui imbecillitate merientes. Vult autem hos fortiores inducere ad sese demittendum, quando hoc ipsis facilius est, quam illis infirmioribus niti ad se erigendum. Remouet ergo a verbis suis, & à monitionibus suspicionem, ne fortè videatur illos ab usu promptisuo ciborum detertere, eo quod aliqua genera esculentorum immunda, & sordida sint, quod erat in prima illa Ecclesia paulò antè ab Iudaismo egrediente vehementer suspiciosum. Non enim se inquit ea de causa facere, nam nec se arbitrari quicquam esse inquinatum, sed ut seruetur Dei ædificatio quæ est fratrum pax inter se, & concordia Spiritu sancto conflata atque conspirans. Scio equidem, inquit, & fidem habeo in CHRISTO Iesu, qui has ciborum differentias exaquant, quod nihil est commune ex se, id est, sua vi, tua natura commune. Est autem commune vsitato scripturæ vocabulo idè, quod immundum, quod gentes communia omnia, Iudæi sua selecta genera escatum, eduliorumque habebant, quorum observatio non erat cum gentibus communis. Ita in Actis Petrus, demisso è cælo linteo, in quo cuncta animantium genera continebantur, iussus mactare vulgo, & vesci. Minimè, inquit, Domine. Non enim quicquam commune, aut immundum ingreditur in os meum. Cui vox est reddita. Quod Deus mundauit, tu ne commune dixeris. Nihil igitur per se commune est. Vidit enim Deus omnia, quæ fecerat, & erant valde bona. Sed sit commune opinione sua cuique, si quis videlicet, quod commune, & immundum esse arbitrat, eo nihilominus vescatur. Hic enim sibi comparat inquinamentum, non ab esca quidem, sed ab opinione sua. Facit enim id, quod minimè existimat esse faciendum, estque ipsemet suæ conscientix aduersarius. Ne ergo Paulus quæ illos dehortatur ab illis sumendis cibis, qui debilioribus fratribus injiciunt scrupulum, facere id videatur ipsa ciborum ratione, tanquam communium, ac inquinantium, negat se quicquam existimare commune eorum, quæ in escam accipiuntur, nec reuera esse commune, nisi ei, qui reputet aliquid esse commune. Sed & si omnia rectè edulia sumi possunt, non est tamen cibi, & epularum causa frater in tristitiam, & suspicionem conjiciendus, qui in eo, quod spernitur, doleat necesse est, in quo verò alterum intuetur, sine delectu cibis omnibus vescentem, suspicatur aliquid grauius, illamque libertatem edendi non ad fidem, sed ad intemperantiam putat pertinere. Est ergo hæc illi causa sic suspicandi auferenda. Alioquin non secundum charitatem ambulas.

bulas. Porro hoc vult charitas, ut frater tibi tuus, quam cibus
 charior sit, quem si in animi hæsitationem esu tuo inducis, absti-
 ne potius ab edendo, neque eum perime, pro quo Christus mor-
 tuus est, hoc est, ne illi tribuito peccandi occasionem, qui a pec-
 catis ut extergeretur, Christus pro eo mortuus est. Et simul hic
 admonet, quantum fratris causa nos velle debeamus, cui ipse et-
 iam Christus vitæ, & sanguinis sui putauerit se debitorem. Ac
 bonum quidem est nullum adhibere delectum ad cibos, sed hoc
 bonum ex altera parte noxium esse non debet, ut obsit fratri. Plus
 enim mali est charitate violanda, quam boni in eo, si illud cibo-
 rum discrimen sustuleris. Neque enim regnum Dei esca, aut po-
 tus est, inquit, quæ magna per se non sunt neque habent vim in
 pietate, & religione admodum animaduertendam, sed regnum
 Dei iustitia, paxque est, & gaudium spirituale. Id enim est in Spi-
 ritu sancto ne hoc gaudium, quod regnum Dei est, villo pacto ad
 corpus, & ad carnem referatur. Nam qui in his, inquit, seruit
 Christo, ille & Deo acceptus est, & hominibus probatus. Qua-
 propter cedant minora maioribus, si occasio ferat, ut simul stare
 non possint. bonum est ciborum tollere differentias, nec habere
 animum occupatum in discernendo, bonum nimirum, habemus
 enim potiora in quibus melius, & sanctius curam animi pona-
 mus. Sed si frater tuus ex tua ista libertate offenditur, melius
 multò est prospicere, & consulere fratri ac charitatem retinere
 fraternam. Namque distinctio illa ciborum, atque adeò etiam
 exæquatio parum admodum pertinet ad regnum Dei. Pax au-
 tem, & charitas ipsum est Dei regnum. Abstine ergo & tu, ne tua
 indistinctio, ciborumque coæquatio sanctum hoc charitatis vin-
 culum interrumpat, ne pacem violet, neque illam humanitatem,
 quam debemus fratri, quæ quidem germana, & propria iustitiæ
 est, ac bonitatis summi Dei imitatio, inficiat, ac turbet. Ex quo
 spirituale gaudium illud corrumpatur, quod non ex cibo nasci-
 tur, sed ex concordia inter fratres, & ex charitate, quod quidem
 gaudium ex Spiritu sancto regnum etiam Dei a CHRISTO est
 appellatum, cum dixit, Regnum Dei intra vos est in hoc gaudio,
 in hac bonitate, & pace, qui Christo seruiunt, illi & Deo proba-
 ti sunt, & hominibus. Quapropter quæ pacis sunt, præcipue se-
 ctemur, retineamusque ædificationem mutuam, qua inuicem
 nos adiuuamus, ut alter alteri vicissim demus causam letandi de
 nobis, beneque suspicandi, quam ædificationem concordie, &
 consensionis exemplis mutuis iustitiæ, humanitatisque constru-
 ctam, proprium Dei opus, minime debet quisquam escarum
 causa dissoluere.

*Omnia quidem pura, sed malum homini est, qui per offen-
 sionem*

tionem vescitur. Bonum est non esse carnes, neq; bibere vinum, neq; in quo frater tuus offenditur, aut perturbatur, aut imbecillus sit. Tu fiduciam habes per teipsum. Habe in conspectu Dei. Beatus qui non iudicat semetipsum in eo, quod probat. Qui autem ambigit, si comedat, condemnatus est, quia non ex fide. Omne autem, quod non ex fide, peccatum est.

Quæ per se munda sunt, inquit, qualia quidem sunt omnia facta, & creata à summo Deo, fiunt immunda tamen si gignant, & excitent in fratris animo scrupulum, & offensionem. Nam quod ex se bonum alioquin est, illo modo fit malum, cum ex eo frater perturbatur. Itaque idem ipse ad Corinthios scribens, inquit, Si esca perturbat fratrem meum, non edam vlllo tempore carnes, ne perturbem fratrem. Quare etiam è contrario, quod per se est malum abominari, & evitare esculentorum genera quædam videlicet propter ipsa, tanquam ea strapte natura, & insita labe immunda sint, efficitur bonum, si propter eam causam vitentur, vt inde oriatur ædificatio fratris. Ac quoddè illis legis inquinamentis, quæ sunt certis generibus eduliorum attributa, nequaquam loquatur Paulus, satis ex eo perspicuum est, quod etiam vino differit bonum abstinere, à quo frater abstinet imbecillus, ratus ex eo luxuriæ fomentum subijci. Quare mens Pauli tora est, vt ostendat, & doceat in rebus quidem ipsis, quantum ad discrimen, aut æqualitatem ciborum attinet, bonum, malum; accidere, si aut per superstitionem discernantur, aut recta, & libera animi fiducia exæquentur, sed hoc bonum, malumue, quod in æquando, aut discernendo est, non tanti tamen momenti ipsum esse, vt cum maiore bono, maloue collatum non immutet naturam suam, atq; in naturam illius maioris transeat, vt superstitio discernendi & deligendi, etiam si non bona sit, quia & inanis, & cura inutili occupata, si tamen fratris contineat ædificationem, veluti bona adsciscenda sit, contraq; exæquatio bona ex sese, si legatur ex ea, & turberetur animus fratris pro mala habenda sit, & rejicienda. Siquidem paci, & charitati, commodoq; prius proximi, quam esca, & vino consulere obligati sumus. Et quo fit, vt quod non bonum ex sese est, abstinere videlicet vino, atque carnibus, efficiatur bonum, si in eo fratris salutis, & tranquillitatis animi consulatur. Et si enim tu, qui tua ipsius causa non abstines, rectè confidis, & persuasus es, nihil in carniū, viniq; usu vitij, labisq; inesse, istam tamen tui animi fiduciam tecum habe, & aduersus Deum. Actionem verò eius rei vllam suscipe, qua tuus frater offenditur, assiste, & desine. Ac beatus quidem ille est, qui expertus in semetipso, & usu iam edoctus nul-

hunc sibi genus cibi officere, neque ad luxuriam, neque ad distractionem animi à summo Deo, neque ad fratris damnum, aut offensionem in eo, quod probat, esseque rectum existimat, sine conscientie scrupulo villo veritatur. Qui verò conscius sibi ipse est, si esculentis quibuscumque liberè vescatur, aliquod sibi vnum horum incommodorum euenturum esse, si comedit is nihilominus, & vescitur, incidit in criminem, atque ea re incidit, quod non ex fide comedit, hoc est, non ex fiducia interiore, non ex libera conscientia, quæ cum reclamet, admonetque periculum esse nisi abstinence, in non abstinendo commissum iam peccatum est, quicquid enim contra iudicium conscientie committitur, in criminis, & vitij parte id numeratur, peccatumque iudicatur. Si ergo iudicat quis non se posse absq. proximi offensione carnis, & vino uti, & tamen utitur, quod non per se malum est, illi efficitur malum, quia suæ conscientie iudicio ille condemnatur. Etenim illa intima cordis approbatio, atque consensus in omnibus spectanda est, quæ si non reclamet solùm, ac dissentiat, verum hæreat modò, & titubet, quod non de illius sententia, & suasionem factum sit, vim nanciscitur criminis, ut non nequicquam antiquo proverbio usurpatum sit, non esse faciendum, quod dubites. Sanctè quoque & rectè Iob, Nunquam me in vita cor meum adhuc reprehendit, inquit, tanquam omnis cognitio, animadversioque peccati ab illo intestino mentis, conscientieque oculo sit ducenda, qui cum solus finem intueatur, quod tenditur, solus habet etiam veri, falsique, nec non recti, praviq. iudicium.

Debemus autem nos fortes imbecillitati impotentium subleuare, & non placere nobis ipsis. Quilibet enim nostrum proximo placeat in bonum ad adificationem. Etenim Christus non sibi, sed placuit, sed sicut scriptum est, Opprobria opprobantium tibi inciderunt in me. Quacunque enim antea scripta sunt, in nostram doctrinam sunt scripta, ut per patientiam, & consolationem scripturarum spem habeamus.

Hæc est charitas vera, atque plena, ut summittamus nos ad utilitatem fratris, quo illum paulatim parem nobis in virtute, & fidei firmitate faciamus. Tu potius es vino abstinere, habes autem fratrem, qui te vult quidem, sed nequit imitari, ideoq. in periculum vitæ se demittit, aut stomacho languente a pietatis reliquis operibus abducitur. Declina, & subueni fratri tuo, vinoq. & tu utere, ut illum ab illa opinione dimoueas. Aut è contrario tibi vinum non obest, obest autè fratri tuo, atq. ille putans luxuriā esse in vino, quod & Paulus ubi admonuit, iudicans ne inebriemur.

mur vino, quòd in eo est luxuria, ipse abstinere sibi cauens, te vero, qui non abstineas, miratur, & tacita sua suspitione de te male iudicat, demitte te ad fratris opinionem, vt ne causam illi prauè suspicandi afferas. Denique piorum est, & prudentum, & cum ratione bona, consilioque charitatem sectantium, non sua tantum niti sententia nec suo ipsorum solum iudicio viuere, sed accommodare sese, atque inflectere ad aliorum quoque sententiam, & iudicium, siquidem illa inflexio, ad bonum illorū, quorum voluntari te dedas, & ad illos in fide & charitate, omninoque Christianæ virtutis operibus construendos intenta, aptaque est. Atque ex hoc illi meliores, & fortiores futuri sunt, posteaque tecum vnà ad sublimiorem gradū virtutis ascensuri, vt cum eos, quasi manu traxeris in locum stabilem, atque tutum, ipse quidem nihil de firmitate tua, constantiaque perdidideris, proximo autem tuo pacatoris animi, & conscientie sedatoris furris author. Faciendum igitur nobis semper est, vt vitæ nostræ actiones, & consilia ad vtilitatem, ac salutem proximi dirigamus: nec iam studeamus nobis ipsis, quàm fratribus satisfacere. Atque vt omnia Paulus sua consilia inde maximè comprobet, vnde omnis veritas, & sapientie lumen omne est exortum, Christum exemplo inducit, quem hoc modo operatum nos imitari cuncti debeamus. Ille enim cum haberet, quare sibi merito, maximeque placeret, quòd Dei filius cum esset, pari cum patre gloria, potentiaque fruebatur, demisit tamen sese, & tradidit in conditionem longè inferiorem, factusque homo est, vt eos, qui humanæ erant conditionis, posset ad suam gloriam, regnumque perducere, descenditque ex alto, vt nos deinde attolleret in altum. Et sanè visitatum admodum Paulo est, cum suadere aliquid, aut dissuadere vult, exemplum ducere a Christo. Ad misericordiam vbi nos hortatur, Agnoscite, inquit, gratiam Domini, qui diues cum esset, pauper propter nos est effectus. Et rursus, cum ad mutuam charitatem hortatur, sicut Christus nos dilexit ait, Tolerantiam quoque contumeliarum, & insectationum, cruce, & ignominia Domini nostri saepe confirmat. Hoc quidem in loco testimonium Psalmi adducit, in quo Dauid cecinit ex persona Christi, Opprobria opprobrantium tibi ceciderunt in me. Quibus in verbis duplex Christi humilitas cernitur. Et quod cum esset Deus, cui nulla ex hominibus digna potest reddi gloria, factus est is, qui probris esset, despicationibusque subiectus, hocq; hominum causa. Et quod patris quoque tui omnipotentis Dei vicem subiit, cum submisit sese Iudeorum insolentie, & prauitati, qua illi patrem Deum & in solitudine a principio, vt primū megressi ex Aegypto, & postea terra iam parua, atque possessa diuinis saepe mandatis obrectantes, fallosque libi Deos in contumeliam

liam veri Dei adsciscientes, omnibus modis exasperare conati fuerant. Namque omnia illa gentis præposteræ conuitia, & exprobramenta, quibus aduersus Deum vti sæpe fuerant, in Christum sunt collata. Scripta portò hæc, quorum vetus, & constans tot prius sæculis authoritas, in Christo Iesu postea & in eius vita, doctrina, factisque declarata est: propter hanc causam iam diu scripta sunt, vt nos illis edocti, & confirmati in patientia & spe vitam nostram traducamus. Nam idcirco Prophetæ prædixerunt, vt postea euentus rerum, illorum prædictiones cum probasset, nos constans, & perpetuum consilium Dei duobus præclaris testimoniis cognosceremus, quorum alterum futura nobis indicaret, alterum iam facta, quæ prænunciabantur, ostenderet, nosq; ex utroq; solatium ingens in hisce mundi agitationibus adepti, & pateremur fortiter aduersa, & speraremus felicia. Felicia verò eiusmodi, in quibus non dolor, non mortis timor, non incerti casus rerum humanarum partem aut locum vllum haberent, sed quæ futura essent summa, & immortalia, qualia apud vnum Deum in altera illa vita tantum consequi licitum est. Et sane vt alio loco dictum est, spes & patientia ita se inuicem fulciunt, vt altera alteram & augeat, & sustineat. Quantò enim duriora & difficiliora propter Deum patimur, hoc meliore in spe sumus, & quo speramus alacrius, hoc sumus in perferendis rebus aduersis magis fortes.

Deus autem patientia, & consolationis det vobis idem sapere in vobis mutuò secundum Christum Iesum, vt vnanimiter in vno ore glorificetis Deum, & patrem Domini nostri Iesu Christi. Ideo suscipite inuicem vos, sicut & Christus suscepit nos in gloriam Dei. Dico autem Christum Iesum ministrum fuisse circumcisionis pro veritate Dei, ad confirmandum promissiones patrum. Gentes autem vt pro misericordia glorificarent Deum, sicut scriptum est, Propter hoc confitebor tibi in gentibus, & nomini tuo psallam. Et rursus dicit, Latamini gentes cum populo eius. Et rursus, Laudate Dominum omnes gentes, & collaudate eum omnes populi. Et item Esaias inquit, Erit radix Iesse & erectus, ad imperandum gentibus, in eo gentes sperabunt.

SCRIPTA sunt omnia, inquit, ad doctrinam nostram, vt per patientiam, & consolationem scripturarum spem habeamus. Verum hanc patientiam, & consolationem plenam habere, vt possumus, tribuat nobis Deus, vt simus inter nos concordēs, eademque sentiamus, quod idem sæpe ad Corinthios scribens illos admonet, Id ipsum dicatis omnes, inquit. Et alio loco, Idem

sentire, pacem habere. Quem tamen vnanimis concordia cō-
sensum secundum CHRISTVM Iesum esse vult. Est enim con-
sensus earundem voluntatum etiam mundanae inter homines
amicitiæ præceptum primarium. Sed nos diuina quærimus, & ad
vnum Deum omnipotentem omnia referimus. In cuius hono-
rem, & venerationem, & gloriam consentire proprium est cœle-
stis, perfectæq; amicitia. Consentire autem per Iesum Christum
in Christo Iesu, inq; ea fide, quæ à Christo nobis præcepta est.
Et est ad eum finem dictum, vt & iudæi, & gentes in eo vna con-
sentiant, quando inter se alioquin sint dissidentes. Nam siue le-
gem attendas, illa vni soli iudæorum nationi, non cæteris gen-
tibus lata est, siue Dei cultum, in eo gentes longè aberrauere.
Quod si dicatur ad legem licitum fuisse accedere etiam gentibus,
Profelytosque ex eo numero fuisse, qui se ex alienis ritibus, &
gentibus legi Mosaiæ seruandæ addixissent, idcirco ne id illi
faciebant, vt esset populo Israelitico illa superbia, qua in con-
struendo templo solos se liberos, seruilis autem opera per huius-
modi profelytos fieri debere omnia commemorabant. Non est
idoneum profectò vinculum communis concordia superbia, cui
quidem superbiae lex causam prebebat. Vera est, & sola cuncto-
rum exæquatio Christus Iesus, apud quem non est diues, nec pau-
per: Dominus, vel seruus, homo, aut scæmina, sed omnes in hono-
re pari, & gratia sunt locati. Fidei enim mysterium humilitas to-
ta est, atq; vbi de humanis agitur necessitatibus, maior pro alio,
quàm pro seipso sollicitudo, si æternæ salutis ratio ducatur, par
certè de aliis, ac de semetipso cura ac diligentia. Quo in genere
duntaxat, vitæq; instituto fides erga Deum, & charitas perfecta
inest. Est enim ipsa charitas alteri velle, ac studere illud idem,
quod sibi, neque sua quenq; causa seorsum laborare, sed curare,
vt eodem æquè labore fratri consulatur, quod aliter fieri, quàm
in Christo non potest. Qui verò inuicem se sic fouent, & ample-
ctuntur, quiq; inter se hoc pacto diligunt, vt in Deo omnes vnū,
idemque sentiant, hi Dei ministri veri sunt, & vnanimes cuncti,
vnoque ore glorificant Deum. Ab vno enim spiritu, vnaque, &
eadem omnes voluntate ad prædicandam Deo gloriam, gra-
tiamque adducuntur. Atque, vt dico, hoc in solo Christo Iesu
fas est fieri. Non enim iniuria Christus ad patrem opem ab eo
discipulis suis, & præsidium deprecans, In hoc cognoscent o-
mnes, inquit, quod tu me misisti, si fuerint vnū. Ac nemo qui-
dem potest, nisi à Deo missus, vel potius ipse Deus, hanc con-
spirantem in cordibus hominum mutuam inter ipsos volunta-
tem creare, in vnumque sic conflare, vt nemo alius alij in ea o-
mnino antecellere velit, sed omnes studeant esse pares, vel etiam
qui præstantiores virtute, prudentiaque sunt, inferiorem hī lo-
cum,

eum, & conditionem appetant. Namq; in humanis societatibus, & conuenticulis, cum illud imprimis quaeratur, ut aut vnus precipua potentia sit, aut certe ciuitas, genusque hominum certum cæteris gentibus, nationibusq; dominetur, in quo vnus aut paucorum emineat potestas, cæteri ducantur serui, Christus vnus & omnibus esse ipse par, & reliquos inter se æquales voluit esse. In hoc ergo iugo coniuncti in vnum cum gentibus Iudæi, omnis propriis vitæ prioris insignibus in communem habitum, & voluntatis, & fidei ad Dei omnipotentis gloriam cum cæteris conueniant, & in angulari lapide Christo coagmententur. Quod hoc modo optimè facturi sunt, si quemadmodum Christus tumisit, inflexitq; se ad eorū gradum, & conditionē, quos erat seruaturus, sic nos inter nos ad eorū captum deflexerimus, qui fortasse nobis fuerint infirmiores, ut cum illis primò nos constituamus pares, quo deinde illos nobiscū ad altiora opera virtutis, & fidei subleuemus. In quo est animorū consensus, & cōciliatio, quā maxime Deus à nobis postulat, & quæ per Iesum Christum nobis est demonstrata, & tradita. Etenim ille, ut compleat veritatē Dei, Iudæos ad se adducit, gentes autem in eundem cœtum vocat, ut eiusdem Dei misericordiā demonstret: Nam cum Iudæis in Abraham fuisset promissum ex eorū semine venturum, in quo gentes omnes benedicerentur, iccirco sub circumcisione CHRISTVS nasci voluit, ut seruaretur veritas factarū posteritati Abrahæ à Deo promissionū. Ut verò gentes ad cognitionem veritatis eiusdem, & ad præmium cœlestis regni vocarentur, nō promissio amplius extitit, sed Dei misericordia. Non enim ad illas, sed de illis facta fuerat olim semini Abrahæ promissio, sic vnanimi corde prorsus omnes Deum glorificaturi sunt. Iudæi, quòd veritatem illius in seruando, quæ promisit. Populi gentium, quòd eiusdem erga se misericordiam sunt laudaturi. Atque hæc tamen gentium vocatio non minùs ipsa ferè Prophetarum vaticiniis denunciata, eorūque vocitus tantò antè prædicta, quàm expectatio Iudæorum promissionis Dei extitit. Nam & David in persona CHRISTI Deum patrem alloquens, Constituens me in caput gentiū, inquit. Et paulò infra, Propter hoc confitebor tibi in gentibus, & psallam nomini tuo. Et alibi scriptura: Lætamini gentes cum populo eius. In quo consensio gentium cum Iudæis in laude, & lætitia vnus Dei nunciata est. Itemq; David, Laudate Deum omnes gentes, & ut cum Iudæis concors sit laudatio, addit, Et colaudate eum omnes populi. Rursus Esaias, Erit radix Iesse, & qui exurget ut imperet gentibus, in eo gentes sperabunt. quod aperitissimè de CHRISTO fuisse dictū, rerum exitus comprobat. Nec est terguersandi, aut calumniandi cuiquā locus. Ut ergo hîc cūcentus concordis hymni & ab vno ore, animoq; cunctorum con-

spirans, consentiensq; procedat Dei laudatio, quoniam & huius charitatis inter nos iucundissimæq; concordia, & omnium bonorum nostrorum vnus author nobis Deus est, ad eum ipsum orandum, ac precandum Deum conuertitur Paulus.

Deus autem spei impleat vos omni lætitia, & pace in credendo, vt abundetis in spe, in potentia Spiritus sancti.

DEVS spei, inquit, in quo spes nostras figimus, qui finis est noster, & extremum bonorum omnium, vel vnicum ipse bonum potius, quo aspiramus atque contendimus, quiq; nobis extitit author missione CHRISTI Iesu filij sui, vt in eo vno locaremus spes nostras, impleat vos omni lætitia, & pace, hoc est, quod dixit supra, Deus consolationis. Et verè lætitiā, pacemq; in hac vita, nisi spei huius in Deum munere habere non possumus. Nam nec læti esse illo sancto, spiritualiq; gaudio sine ipse possumus futurorum bonorum, neque habere stabilem pacem, si non à mundi huius bonis spem nostram dimoueamus, & in cælum totam transferamus. Quapropter ista in Deo spes omnis nobis est lætitiæ, pacisq; firmitas. Porro autem spes absq; fide haberi nequit. Deus ergo spei impleat vos omni lætitia, & pace in credendo, vt tantò magis abundet in vobis spes, quò firmiore fide fuerit nixa. Quorum vtrumque in vobis sit à Spiritu sancto. Est enim hæc quasi functio propria Spiritus sancti insinuandi in nos fidem, spem, amorem. In quo quidem amore præcipuè est lætitia, atque his tribus tota Christianæ religionis extractio continetur. Pater enim filium misit, vt doceremur ab eo, eumq; ipse voce è cælo edita, vt audiremus, hortatus est. Filius accessit ad nos, verboque, & exemplo nos erudit. Vim autè doctrinæ, & monitionis Spiritus sanctus ad cor nostrum, & ad intestinos animi sensus influendo accommodat, iccircoque est dictum, Qui peccauerint in Spiritum sanctum, hoc est, qui eum excluderint, qui intimos animi sensus ei non patefecerint, veniam illos non reperiuros. Et reuera parum prodest crucis, & mortis Domini nostri IESU Christi audisse mysterium, eiusque fidem, & nomen professum fuisse, si intro ad animum non allabatur vis & potentia Spiritus sancti, quæ molliat corda nostra, illaque Deo prompta, paratq; exhibeat, vt ea cum præceptis Dei fingi, iustiq; imitatione formari, tū diuino amore incendi facile possint.

Persuasus sum porro, fratres mei, & ipse ego de vobis, quòd & ipsi pleni estis bonitatis, repleti omni cognitione, valentes & alius præcipere. Audacius autem scripsi vobis fratres in aliqua parte, vt commones faciens vos propter gratiam datam mihi à Deo, vt sim minister IESU Christi erga gentes, sacrum gerens

mini

ministerium Euangelij Dei, ut sit oblatio gentium bene acceptabilis, sanctificata in Spiritu sancto.

PRVDENS Paulus & humilis, cum & doctoris officium, & præceptoris curam, diligentiamque præstitisset, partimque docuisset fidei CHRISTI mysteria, nimirum ex diuinis hausta illa consiliis, partim etiam quæ ad mores pertinent, & ad communem pacem, concordiamque sunt idonea, admonuisset, fecissetque vtrumque ob eam rem, quod egebant illi utroque, declinans nunc offensionem, excusat audaciam suam, quasi non ignorans quidem & doctos illos quoque & probos eximie esse, sed ut impleret munus à Deo sibi commissum, iccirco pro parte sua illos commonefecisset. Porro suum esse munus datum sibi à Deo per gratiã, non ob meritum, ut foret ipse minister IESU Christi, erga gentes, delectus qui illud Dei Euangelium, quod à Christo IESU è cælo deportatum, & hominibus communicatum fuisset, disseminaret ubique & spargeret, veluti sacerdos sacram curationem gerens, & diuinam rem inter homines tractans, ut quæ ex gentibus Deo futura esset oblatio, illa eidem Deo grata, optabilisque existeret, tanquam sanctificata, non in sanguine neque in aspersione cineris, aut aquæ, sed in Spiritu sancto, quæ quidem propria est, & peculiaris in fide CHRISTI mundatio. Atque ut consilium Dei de se ostendat, tanquam diploma officij, & muneris sui breuiter narrare ingreditur, quàm latè CHRISTI Euangelium prædicauerit.

Habeo igitur gloriationem in Christo Iesu in his, quæ ad Deum pertinent. Non enim audebo loqui quicquam eorum, quæ non operatus sit Christus per me ad credulitatem gentium, sermone & opere in potentia signorum, & miraculorum, in potentia Spiritus Dei, ut ab Hierusalem, & circum illam regionibus, usque ad Illyrium referserim Euangelium Christi, sic contendens euangelizare, non ubi nominatus erat Christus, ne in alienum fundamentum poncrem edificium, Sed quemadmodum scriptum est, Quibus non nunciatum fuit, de eo videbunt, Et qui non audiuerunt, intelligent. Ideoque interruptus fui sæpe, quò minùs venirem ad vos. Nunc autem non ampliùs locum habens in regionibus his, desiderium verò habens veniendi ad vos à multis iam annis, cum iter faciam in Hispaniã, accedam ad vos. Spero enim præteriens videre vos, & quod prosequimini me cūtem illuc, cum vobis priùs aliqua ex parte fuero saturatus. Nunc autem proficiscor in Hierusalem, ministrans sanctis. Placuit e-

*nim Macedonia, & Achaia communionem quandam facere im-
pauperes sanctos, qui sunt in Hierusalem. Placuit ipsis, Et sanè
illis debitores sunt, Etenim si spiritalibus illorum communica-
ta sunt gentes, debent ha & in carnalibus suppeditare eis. Hoc
igitur vbi perfecero, & consignauero illis fructum hunc, dece-
dam per vos in Hispaniam. Scio autem, quòd veniens ad vos, in
complemento benedictionis Euangelij Christi veniam.*

H A C D E suis factis prædicatio, quoniam videtur præ se ferre
quandam gloriam. Icirco Paulus quicquid gloriæ est, ad Deum
totum conuertit, nihil sibi, neq; virtuti suæ, sed omnia Deo, Chri-
stoq; tribuens, à quibus ipse minister adhibitus fuerit, Gloria, in-
quit, mea in CHRISTO Iesu est, & de eis rebus duntaxat, quæ
pertinent ad Deum. Nihil enim meum proloquor, sed quæ per
me operatus est CHRISTVS, ex quibus fides, & credulitas gen-
tium, sermone, & opere, meo quidem vt ministrantis, sed Dei vt
operantis, in potestate signorum, & miraculorum, & in virtute
Spiritus sancti excitata est. Et sanè ista opera eiusmodi sunt, vt hu-
mana sibi virtus illa nò queat adseiscere. Diuina enim planè sunt,
& potentiam indicant immensam, omniaq; valentem, quæ sunt
per Paulum à Deo ad hominum salutem gentibus administrata,
& tradita. Quibus ego Deo frater, inquit, ab Hierusalè ambiens
regiones vsq; ad Illyrium inferi passim Euangelium Christi, nò
ibi contendens prædicare, vbi iam nominatus fuisset Christus, ne
super alienum ædificarem fundamentum, sed apud eos populos,
& nationes, de quibus scripsit Esaias, Quibus non nunciatum
fuit de ipso, hi videbunt. Et qui nò audiuerunt, intelligent. Quod
ab illo Propheta prædictum est futurum, quoniam inter gentes
per Christum celebrandus esset Deus, ideoque, inquit Paulus,
hoc euangelizandi negotio sæpius recordatus sum, quò minus
cùm cupirem proficisci possem ad vos. Et respondet huius ej us-
læ conclusio præmij etiam sententiæ, quatenus & excusatione
quandam affert libertatis suæ in docendo, monendoq; & desi-
derium eos visendi præ se fert. Sed nunc, inquit, cùm nò amplius
locum habeam in his regionibus, cùm quod per me fuit facien-
dum, effectum sit, iamq; hoc negotio sim vacuus, obsequar desi-
derio annorum iam multorum meo, vt veniam ad vos, tum, cùm
iter in Hispaniam faciam. Quid est autem, Locum non habeo?
Num omnes ad fidem iam conuersi in tantis terrarum spatiis, &
salutaribus documentis plenè erant instructi? Nequaquàm omnes:
sed quos per Paulum Deus voluit conuerti, hi conuersi iam, & e-
ruditi in fidei doctrina fuerant: Sic & Dominus Paulo Corinthi
multum sibi esse in illa ciuitate populum dixit. Sed quòd in Hi-
spa-

Hispaniam profecturus, & quasi corollarium itineris sui diuersionem ad urbem Romam facturus eos se inuisurum pollicetur, nonne illis futurum erat hoc molestum tanquam exigui amoris id signum esset? Erat fortasse, verum id veretur Paulus, ne grauius accipiant, si ad eos ipse tanquam magister, & censor videatur accedere. Tunc ergo suspitioni, quæ est acrior, medetur, quod eum tanquam hospitem pergentem in alias terras, non ut assiduū doctorem essent accepturi. Et tamen illa amoris verba affert, se tunc ad suum iter in Hispaniam egressurum ipsis etiam prosequentibus, cum eorum usu, & familiaritate, quando omnino non poterit, in quo est significatio vehemens cum amoris sui, & desiderij, tum illorum virtutis, atque humanitatis, aliqua tamen ex parte fuerit ipse saturatus. Nunc autem, inquit, proficiscor Hierusalem subsidium pauperibus sanctis, qui sunt illic, à Macedonibus, & Achæis, deferens, quod subsidium communionem vocat ipse, siue ut communiter munus sanctis collatum, siue ut denotetur alterna quædam permutatio inter utrosque facta, cum isti suppeditent carnalia, & suppeditati sint spiritualibus, quod & ipse paulò post quasi interpretatur, iustum, & debitum esse demonstrans, ut sic ab istis fiat, quando ipsi adiuti in spiritualibus vicissim debent in carnalibus suppetias sanctis ferre. Hanc communionem cum illuc tulerò, & consignauero sanctis, inquit, tum decedam per vos in Hispaniam, quod deinde & fecit, ad urbem uti accederet, neque tam accederet tamen, quam traheretur: Vincit enim Hierusalem, & ad Cæsarem, ad quem prouocauerat reiectus, Romam sub custodia perductus est, in qua per biennium ex Actis Lucæ mansit, neque de eius post in Hispaniam profectio, sed de morte, & martyrio in eadem urbe plurimorum literis, & vetustatis memoria est traditum. Scio enim, inquit, cum accessero ad vos, quod in complemento benedictionis Euangelij CHRISTI accedam, hoc est: si quid deerit, si quid erit faciendum, aut intelligendum amplius, noster congressus, & aliquot dierum consuetudo, ac communicatio sermonis, & consiliorum explebit id, ac perficiet, vel fortasse melius, quod eos offendet ita cumulatō benedictione ea, quæ per Euangelium CHRISTI hominibus allata est: quæ quidem est in fide posita, & in virtutibus illis, quæ veram fidem sequuntur, ut non sit operæpretium futurum diutius apud eos commorari, quæ quasi quædam sit facti sui defensio, & ratio consilij initi, quod eos in transitu, & non data opera sit inuisurus.

Obsecro autem vos fratres per Dominum nostrum Iesum Christum, & per dilectionem spiritus, ut collaboretis mecum in deprecationibus pro me, ad Deum, quo liberer à non credentibus in Iudæa, & ut ministratio hac mea in Hierusalem grata sit

sanctis, vt in gaudio veniam ad vos per voluntatem Dei, & requiescam vobiscū. Deus autem pacis cum omnibus vobis, Amen.

R V R S V S eleuat seueritatem superiorum monitionum, ac præceptorum, tanquam nō ea scripserit indigentibus, sed vt officij sui munus impleret. Itaq; & modò excusauit audaciā, & nunc optimā suam de illis indicat opinionem, quando eorum ad Deū orationibus se iuuari cupit. Per dilectionem autem spiritus ait, quia cū ex vultu & facie Paulum nondum nossent, spiritu eum amabant, non sensu, quasi dicat, per amorem illum quo me incognitum, & non visum, mentibus tamen vestris amatis. Petit autem supplicari per eos Deo, vt ipse ab infidelibus Iudæis liberetur, quorum intelligebat acerbis, & implacabiles contra caput suum atq; vitam flagrare inimicitias, cū illi odio inexpiabili Paulū insequerentur. Quos illorū impetus, & quas acerbitates vt gentis iniquissimæ iramq; & inimicitiam nulla lege moderantis, quibus in Paulum postea grassati, atq; incitati sunt, qui nosse vult, ex Apostolorum discat actis, non ab re quidem, neq; inani metu ab illis Paulus se liberari optat, cunctorumq; sibi auxilio apud Deum aduocat preces, itemq; ab eodem Deo, & per se, & per alios obsecrando postulat, vt sedulitatem suam, & subsidium, quod ipse fert sanctis, illi, quibus id defertur, æqui, boniq; consulant, gratumq; sibi habeant Pauli ministerium. Eo enim opere confectio lætum se reuersurum ad eos, qui sunt Romæ, pollicetur, si Deo volente fuerit datum, vt cum illis conquiescat, non solum reficiendo ex labore itineris corpore, sed multò magis mente spiritualibus epulis, & gaudio fraternæ pacis, charitatisq; recreanda. Atque vt mos ei est, post obtestationes, & monita, vt Deum semper aduocet, propitiumq; precetur, illis, quos est benedixit, Deus pacis, inquit, sit cum omnibus vobis, Amen.

Commendo autem vobis Phæben sororem nostram, qua est ministra Ecclesiæ in Cenchreis, vt eam excipiat in Domino, sicut decet sanctos, & adsitis ei in quocunque vobis egerit negotio, nam & ipsa affuit multis, ac mihi ipsi. Salutate Priscam, & Aquilam, cooperarios meos in Christo Iesu, qui pro vita mea summet iugulum supposuerunt. Quibus non ego solus gratiā habeo, sed & omnes Ecclesiæ gentium. Et qua domi est apud illos congregationem. Salutate Epeneū dilectum meum, qui est primitia Achaia in Christo. Salutate Mariā, qua multum laborauit erga nos. Salutate Andronicum, & Iuniam, cognatos meos, & captiuos meos, qui sunt insignes in Apostolis, qui & ante me

fue-

fuerunt in Christo. Salutate Ampliam dilectum meum in Domino. Salutate Urbanum cooperarium nostrum in Christo, & Stachin dilectum meum. Salutate Apellem probatum in Christo. Salutate eos, qui sunt ex Aristobuli familia. Salutate Herodionem cognatum meum. Salutate eos, qui sunt ex Narcissi familia in Domino. Salutate Triphenam, & Triphosam, quæ laborant in Domino. Salutate Persiden dilectam, quæ multum laborauit in Domino. Salutate Ruffum electum in Domino, matremq; ipsius, & meam. Salutate Asyncritum, Phlegontem, Hermam, Patrobam, Mercurium, & qui cum his sunt fratres. Salutate Philologum, & Iuliam, Nereum, & sororem eius & Olympam, & qui cum his sunt omnes sanctos. Salutate inuicem vos in osculo sancto. Salutant vos Ecclesiæ Christi.

Hæc salutatio nominatim multis missa cùm humanitatem ostendit Pauli, virtutemque illorum, quibus salus missa est, tum vero nobis lumen præfert, ut intelligamus, quo pacto Christi nomen fuerat Romam allatum. Multi enim ex hoc numero Iudæi sunt, quos in illo furore persecutionis, quo Iudæi Christi discipulos ex Iudæa expulerunt, nouæque fidei surgenti, & crebrescenti illa exterminatione interitum & obliuionem posse afferri rati, illam per orbem magis terrarum disseminauerunt feceruntque iniquitate suæ iniuriæ claram inter gentes, ac illustrem, vrbs Roma ad se venientes excepit, illorumque vocibus erudiri cœpta, paulatim nomen Domini Iesu Christi didicit non aspernari. Atque hi quidem primo cum suæ gentis hominibus collocuti, quorum semper erat in vrbe magna copia quibusdam eorum persuaserunt, ut ad fidem Christi se conferrent. Deinde etiam inter natiuos Italos, aliarumque nationum homines sanctum Christi Iesu nomen vulgari, & adorari est cœptum. Cumque conuentus cunctorum gregatim fierent, coirentque in vnum Iudæi cum gentibus, lenibus a principiis exortæ erant discordiæ, quod Iudæi præsertim recens conuersi, legis nomen, & auctoritatem relinquere nō poterant: gentes vero cum se faciles Christo, docilesque præberent, legi obligari, & se addicere recusabant. Ita paulatim crescente dissensione, animi illorum inter se mutuo exasperabantur, nec tantum poterant habere auctoritatis Priscilla, & Aquila, Andronicus, & Iunius, ceterique ex Iudæa noui hospites, & aduenæ, ut comprimere penitus, & sedare valerent lites, contentionesque inter fratres commotas. Proinde alium quoque fructum illis affert ista salutatio, quod Apostoli testimonio, quod graue & sanctum apud omnes habebatur, propter sapientiam quidem etiam

& celebres virtutes Pauli, sed multo etiam magis propter conversionis modum commemoratum apud omnes, quo a CHRISTO ipse fuerat vocatus atque compulsus, illi qui recte de fide sentiebant, ceterorum opinionibus, & mentibus commendantur, quo plus in eorum sententia ponderis, & momenti apud fratres existeret. Sunt autem omnes ferè non sine aliqua insigni laude nominati. Ac Phæbe quidem fuit, quæ pertulit hanc epistolam. Priscillæ autem, & Aquilæ etiam Lucas perhibet testimonium non solum religionis, atque virtutis, verum etiam cum Paulo familiaritatis, & amicitiae, qui etiam cum illis necessitudine hospitii coniunctus fuit. Nam quod se illi pro eo morti, & periculo obiecerint, non est quidem nominatim in historia scriptum, sed argumento sunt hæc Pauli verba eos in Iudæa, cum efflueret Iudæorum in ecclesiam CHRISTI crudelitas, præcipueque Paulum illa vis furoris appeteret, hos causam fortassis Pauli, & sententiam defendentes, in discrimen capitis fuisse ipsos adductos. Magnam certe se illis gratiam debere testatur Paulus, & propter se cæteras quoque gentium Ecclesias, quæ veritatis a Paulo habere notionem nequiuissent, nisi istorum duorum opera incolumis ipse illis seruatus fuisset. Andronicum autem, & Iuliam quis afficere honore, & laude maiore possit, quam eos insignes inter Apostolos vocare? Domus porro Narcissi, illius ut opinor, qui Claudij Cæsaris libertus imprimis gratus, & potens, principio imperij Neronis Agrippinæ opera est interfectus, vel mortuo iam tunc Domino aliqua adhuc ex parte cohererebat: vel tēpus, quo scripta est hæc epistola, non exiguum ante aduentum Pauli ad urbem significat. Sed nos de his, quæ incerta nobis sunt, nihil diffinimus. Illud tenemus certò iam tum constare ex Iudæis, & gentibus ecclesiam Romæ constitisse, quæ à fugientibus ex Iudæa discipulis CHRISTI congregata primò esset. Illi enim narrandis rebus gestis Domini, & miris illius operibus prædicandis quæ præsertim etiam ipsi signis, & virtutibus comprobarent, illexerant complurium animos, ut sanctissimam illam, omniumq; saluberrimam acciperent doctrinam, quæ est Deo per Christum Iesum in sola spe, & cupiditate cœlestium præmiorum, mundanis rebus contemptis velle & adhærere, & credere. Illa in his salutationibus subiuncta est hortatio, ut saluent inuicem se in osculo sancto, quod tanquam pignus sit reconciliatæ inter omnes gratiæ, discordiæq; pacatæ, & animarum in vnum spiritum, voluntatemq; conuenientium pius consensus. Salutem illis potestè ab ecclesiis Christi quas ipse constituerat, vel per eum Christus, verbis impartit. Atq; ut non humano more terminet epistolam, sed ad Christianum reuertatur institutum, subiungit sursum salubre præceptum, ut deuant eorum consuetudinem,

qui

qui per præposteram, peruersamque doctrinam lites, & seditio-
nes inter ipsos disseminant.

*Adhortor autem vos fratres animadvertere eos, qui dissidia
& offensiones præter doctrinam, quam vos didicistis faciunt, &
declinate ab eis. Hi enim tales Domino Iesu Christo non serui-
unt, sed suo sibi ventri, & per bonum, benedicumq; sermonem
decipiunt corda minime malorum. Nam obedientia vestra in
omnes permeauit. Gaudeo igitur de eo quod in vobis est. Volo
autem vos sapientes quidem esse in bonum, simplices vero in ma-
lum. Deus autem pacis conteret Satanam, sub pedibus vestris ci-
to. Gratia Domini nostri Iesu Christi vobiscum sit.*

SOLENT enim qui sunt fraudulentiores, & vafri prætexere ho-
nestos, probosq; sermones prauitati suæ, ut cum authoritatem si-
bi, nomenq; comparauerint, tum demum effundant venenū suæ
impietatis, sibi que commoda comparent, non illis consultant,
quorum se profitentur doctores, ac magistros. Atq; hi hoc se fa-
cilis agere posse confidunt, cum sunt, & versantur inter simpli-
ciores, hoc est inter eos, qui audiunt quidem libenter omnia, quæ
ad fidem, & pietatem existimant pertinere, animum autē eorum,
qui docent, & consilij exitum haud ita perspiciunt, sed quo ipsi a-
nimo simplici, rectoq; sunt, eodē doctores suos esse præditos ar-
bitrantur, suntq; ad auscultandū, & ad parendum imprimis faci-
les. Quales nimirum isti erant, quibus Paulus annunciat obediē-
tiæ, & humilitatis ab omnibus gentib. dari testimonium. Igitur
leni eos, & sancta monitione corrigit, ut hanc quidem bonitatē
cordisq; puritatem adhibeant ad ea, quæ mala sunt, quasi totius
generis eius, quod in fraude, & malitia, & nimio amore suimet
consistit, expertes penitus, rudesq; sint, ad discernendū autem, &
distinguendū, quæ sunt bona, prudentiam sibi, & calliditatem
retineant, ut sciant segregare mala, & deuotare. Quī autem pote-
runt, dixerit aliquis, si ipsi malarum artium ignari omnino fue-
rint, illa in aliis vitia ad declinandū pernoſcere? Quia inquam,
quod bonum est, cum tenuerint, & scierint, omnem a bono, & re-
cto declinationem facillime intelligent malum esse, nec se ab ar-
ce boni consilij, vllius malo consilio patientur deijci. Satis est e-
nim contrarijs in duobus illud experiri, & nosse, quod est præstā-
tius, quandoquidem alterum, quod est inferius huius præstantio-
ris veluti discessus, & defectio quædam est. Itaq; & Dominus dis-
cipulos suos monuit, ut prudentes essent, sicut serpētes, simplices
vero ut columbæ. Et reuera nosse malum, ut malum est, præclara
est imprimis, vtilisq; scientia. Fugitur enim ab omnibus omnino
malum,

malum, cum cognoscitur. Boni autem ignorantio maximum est malorum omnium. Hæc enim facit, ut sæpe pro bonis mala accipiamus, vitamque nostram propterea acerbis, & variis mœroribus, & curis infestam habeamus. Quod si fuerimus ad intelligenda bona expectati, & callidi, scientiam mali cognoscemus illius esse fugam, & deuotionem, Deus autem pacis, inquit, conteret Satanam sub pedibus vestris ut non perurbet pacem vestram, quam & inter vos tueri, & erga Deum ipsam præcipue debetis. Pax enim erga Deum sanctitas est vitæ, per quam etiam cum hominibus dissidia, dissensionesque excluduntur. Gratia autem Domini Iesu Christi fidei donum est, perfectæ illius videlicet, quæ viuida spe, charitateque munita, & in hac vita solidam lætitiā præbet hominibus, & in altera æternam beatitudinem.

Salutant vos Timotheus cooperarius meus, & Lucius, & Iason, & Sosipater cognati mei. Saluto vos ego Terentius, qui scripsi hanc epistolam in domino. Salutat vos Caius hospes meus, & ecclesia totius. Salutat vos Erastus gubernator ciuitatis, & Quartus frater. Gratia Domini nostri Iesu Christi sit cum omnibus vobis.

Hæ interpositæ, relatæque salutationes simplicitatem illam cordium declarant, quæ Christianorum debet esse propria. Non enim ordinem lautum illum seruant, & elegantem, sed tanquam vndis quibusdam amoris feruntur, & refertuntur, idque imprimis præferunt, quod mos amantium continet, ut ne videantur posse à scribendo, quasi à colloquio charissimorum discedere. Atque ut omnis bonorum operum inceptio à Deo oriatur, & item ad Dei gloriam terminetur, subiungit tanquam basim epistolæ Christiani mysterij breuem commemorationem ad summi Dei honorem, gloriamque relatam, sic inquit.

Ei autem, qui potens est nos firmare secundum Euangelium meum, & præconium Iesu Christi per reuelationem mysterii, temporibus æterni taciti, patefacti autem nunc, & per scripturas propheticas secundum præceptum æterni Dei in obedientiam fidei in omnes gentes notificati, soli sapienti Deo per Iesum Christum, cui gloria in secula. Amen.

Hæ c alio quodam huius epistolæ loco verba à doctoribus Græcis posita leguntur, quæ nobis visa sunt in hoc fini scriptio- nis sat commode quadrare. Est autem breuis commemoratio ferè cunctorum, quæ ante dicta sunt. De hoc enim mysterio fidei potissimum est disputatum. Quod à nobis quoque strictim hic repetendum est. Etenim æternum Dei altissimi consilium iam in-

de à principio extitit, hominem imprimis nobilem creationem suam velle sibi adiungere, & participem facere liberalitatis suæ. Verum ita hoc voluit, vt tanti honoris præmium non ignauia, desidæuè proponeret, sed industriæ, & fortitudini. Itaque illum in mundum hunc inferiorem induxit, præfecitque rebus omnibus, & comitatu locuplete sensuum honestauit, quorum ductu, atque subsidio appeteret, & compararet sibi ipse ea, quæ utilia, ac salutaria esse cognouisset, deuitaretque contraria. Mentem autem in eo, & rationem natam ad dominandum, principem totius animi inseruit, quæ in ipso ortus principio ignara quodammodo sui, & vim suam non sentiens, mox processu temporis, & rerum usu condocē facta agnosceret semetipsam, illudque primum intelligeret se id potissimum in homine existere, quod colendum esset, & omnibus modis in honore habendum, quod tum quidem ipsi meritò contingeret, si nosset ipsa præcipue, & modis omnib. veneraretur, authorem, & principem, & conditorem sui Deum. Hac conditione, & natura primus homo factus & in possessionē præclarissimæ virtutis à Deo statim inductus, cum sua culpa, & crimine haud ita multo post, defecisset, menti que imperiū quod in regendis sensibus habebat, conseruare proprium neglexisset, præterito imperio omnipotentis Dei, ipse quoque est æternam in seditionem, & continens bellum cum semetipso datus, atque repulsus, sedibusque commutatis, cum è requie in laborem, è paradiso incultam in terram immigrasset, curis, sollicitudinibus, operum labore, cupiditatibus quoque variis, & turbulentis, falsis vt plurimum gaudiis, veris doloribus implicatus est, atque ita implicatus, vt exoluere se ipse, subleuareque deinceps, aut erigere ad Deum, nisi illo opem sibi afferente non posset. Non desistebat quidem Deus, quamuis rebeli homini, & ad deteriora semper procliui atque prono, humanitatem tamen, & misericordiam, & clementiam suam ostentare, nunc docendo illum, nunc adiuuando, nunc somniis, visis, oraculisq; deterrendo, multa quoque ignoscebat, alia dissimulabat, quæ quanquam crimina essent, tamen quod à summi sceleris culpa aberant, nequaquam homini tunc exprobrabantur. Sed cum corrupta hominis natura longius sese à Deo semper abduceret, cumque bonitatem omnipotentis Dei, memoriamque accepti ab eo beneficii non obliuione solum, verum contemptu etiam, & impietate obrueret, ad obruendum ipse vicissim genus nostrum illuione aquarum est adductus, quasi nouam de integro creationem instituens. Atque vt experiretur, num genus humanum, quod flecti beneficio ad colendum imprimis creatorem suum non potuisset, compressum pœna, atq; supplicio ad meliorem aliquando mentem se conuerteret, cui etiam consilio, & rationi summi Dei cum improbitas hominum aduersaretur,

saretur, omnesque ferè communi quasi constituto, atque pacto ad e mentitos, & falsos pro spei quisque suæ errore colendos Deos se conferrent, nō amplius ratus hominem temeritati suæ per-mitti penitus oportere, aliquot sibi ipse elegit ex illa prisca, & ce-lebrata antiquitate viros, quos maiore quodam conatu, & ela-rioribus suæ beneuolentiæ signis in sui nominis honore, & cultu retineter, quod potissimum Dei occulto, inscrutabiliq. iudicio parenti fidei nostræ Abraam contigit, ex quo gens deinde nata, profectaq. est, quæ lege per Moysen a Deo lata, à nationibus reliquis hac vna re distincta est, quod sola perstitit, atq. mansit in veneratione, & cultu vnus Dei, anceps illa quidem sæpe etiam, & lubrica, sed tamen quæ diuinis fulta subidiis hoc in orbe terrarū exemplum interituri non sineret, vnu. n. esse solum in cælo, & in terra hominibus colendum & adorandum Deum. Huic porro genti ita electæ a Deo, atq. adscitæ eiusmodi erat tradita lex, quæ eos quidem in terra spes suas, & suorum optata bonorū colloca-re non prohiberet, sed illos ea ipsa bona expetere, & poscere, & summo tamen Deo, atq. illi accepta referre consuefaceret, vt si ex vna parte natio illa mundana esset, & altera tamen parte existe-ret cælestis. Non enim ab vno extremorū ad contrariū extremū alterum illico transitus est, sed oportet per interiecta, & media ad finem optimū peruenire. Hac igitur lege diuturnis manente tē-porib. cum illius quoq. sensum diminui vis, & obsolescere autho-ritas cœpisset, aut si qui constantius eam retinuissent, omnia illi iam non ad sinceram veritatem, & ad intestinam animi virtutē, sed ad superstitionis cultū magis conuerterent, essentq. peccata & facinora inter homines hoc grauiora, quod obieib. prostratis, & tanquam repagulis continentia refractis, vnuerfa improbitas cateruatim se effuderat: tum vero statuit Deus bonitatis semper suæ, & misericordiæ memor maximo, & vltimo suo beneficio cū-ctum hominū genus sibi obligare, & adiungere, missoq. filio suo in carne, naturaq. hominis non solum veniam nobis ab se atq. pacem, sed patrium etiam nomen, illamq. charitatem, quæ in pa-tris affectu erga filios est innata obtulit, & pollicitus est, si nos vicissim infidos illos & turbidos mundi amores deponentes in ip-sum Deum amorem omnem nostrum, omne animi studium cō-tulissemus, neq. in his, quæ mundi sunt, sed in ijs, quæ ab ipso ma-iora nobis multo ac præstantiora proponūtur, ligere spes nostras, & cupiditate illorum flagitare instituissemus. Hic mihi nemo ob-ijciat, quid ita per hosce gradus Deus tam consiliorū suorū, quam temporum, ac non de principio statim hac opitulandi ratione v-sus sit, vt benignitate magis, quam pœna nos vinciret. Nescit n. qui talia opponit, profectō cogitare, quæ sint curricula, & pro-cessus diuinæ providentiæ, quæ in seipsa stabilis, vnaq. semper ha-

bet

bet in creatis reb. interualla, neq; se aliter ostēderet, si non distincta foret spatiis, & operib. Quid enim dixerim ego fructib. terræ habendis, cur annum tempus datum est, ac non protinus sata continuò densata sunt. Quòd si his ad pubem, frugemq; perdutendis ortus, & auctio, & maturitas est attributa, alioquin si progressus isti non fiant, & veluti gradus, neq; tempora distingui, neque cœlum conuerti sit necessarium, omnisq; & motus rerum, & varietas, & differentia fuerit sublata, si inquam, omnibus in reb. quæ sub motu naturæ sunt, quædam primum ingressiones, deinde moræ, mox reprehensiones instituti conatus, & aduersus impeditentia luctationes, cursus deinde liberior, appropagationesq; ad potiundum finem suum existunt, quæ omnes interuallis quibusdam, & velut passib. paulatim productæ, curriculum tandem omne emetiuntur, cuius stultitiæ est quærere, & sciscitari hoc in ipso Deo, cuius consilia arcanis ponderata rationib. ad opportunitates temporū dimensa, effectibus dispartita, vno tamen, atque eodem fini ad salutem hominum gradatim ab eo deprompta, & patefacta sunt? Voluit igitur Deus in extremo tempore, æterno suo ex consilio nouum, & inexpectatum beneficium hominibus afferre, vt vnigenum filium suum pro nobis vitæ mortali, & vitam illam consequentib. ærumnis, necnon ludibriis, ignominiis, morti, cruciq; addiceret, ad eum finē, vt nos præclaro illo, admirabiliq; exēplo è mundo penitus euelleret, sibiq; cōiungeret. Et quoniam durius esse hoc videbatur, tam multarū rerū iucundissimarum, quæ è terra nobis blandiūtur, tanta varietate diuelli, in Christi suscitatione ascensuq; in cœlum ostenderet, quanto maiora contemptorib. terrenorū bonorum, & in cœlo mentes suas collocantib. ac diuiniora apud Deū præmia essent proposita. Vt n. heri, & nudiustertius disputauimus, Christus ipse oratio est, & sermo Dei patris habitus ad homines, per quem veram doctrinam nacti sumus adipiscendæ salutis, & immortalitatis, si Deo ipsi credere, & fidē illi habere summi, & æterni boni nostri in animū induxerimus, quod quoniam sine Christo facere non possumus, ipse n. Dei veritas est, & Dei consilium, idemq; via nostra, atq; iter, quo ad Deum perueniamus, totū in Christo sitū est salutis hominum mysteriū. De quo quādo satis hoc biduo dictū est, illaq; à nobis, quæ inspirante Deo, plura de eo expositaq; sunt, omnia Iulius frater habere se dixit, in cōmentario relata, petetis ab eo, cū vobis libuerit, q̃ quidem ad hæc pertinet Pauli verba, patere vobis iam arbitror hoc mysterium æterno ex tempore absconditū omnib. & occultū fuisse, neq; hominib. solum, verum etiam angelis, non quin partē eius aliq̃ aliqui aliquando p̃spexerint, tum angeli, tū etiam homines, sed quod totū planè nunquam cuiquam est patefactum. Vidit Hieremias vim nouæ legis, quæ in cordibus ho-

minum

minum vocem suam, non autem in litera amplius expressura esset, Vidit Elaias ducem melioris seculi deformatum, & contemptum, suo mœrore & luctu lætitiâ ceteris, gaudiumque afferentem, Videre multi prophetarum, & patriarcharum de Christo multa, neque enim omnia hic referri est necesse, sed ut plures cõplura viderint, illud tamen fœdus inenarrabileque coniugium diuinitatis cum humanitate nemo satis videre, aut perspicere potuit vnquam. Qui vero præpotenti Deo propiores semper sunt, assidueque astant in eius conspectu angeli, potestates, & cœlestes mentes relique facili quidem illi noscebant collegam propè suū, & socium eiusdem naturæ hominem in errorem ideoque lapsum, auersumque planè à Deo, quod nimis magnam rationem terrenorum bonorum duceret, huicque malo, quod lex non fecerat, datum iri remedium à Deo præuidebant, tantam illam tamen humanitatem, tam inauditam, inusitatamque clementiam, tam incredibilem Dei erga homines amorem ne potuerunt quidem suspicari, ut filium is mitteret veluti legatum suæ voluntatis. Primū hoc quanti? Deinde ut ad mortem & ad ignominiam mitteret, hoc vero est, quod cum attendere, & considerare incipimus, si nō sumus planè ferrei, in lachrymas, & gemitus erumpamus oportet, tantūmne amorem, tantūmne de nobis studium, tantam cupiditatem, & curam salutis incolumitatisque nostræ suscepit Deus, nos ut iudicaret dignos, quorum gratia æqualem sibi filium non minorem solum angelis, sed ne potentibus quidem & claris inter homines viris parem efficeret: Cum & antea sæpe patriarchis, & prophetis, ipsoque ad nos angelorum ministerio docendos, & adiuvandos vsus esset. Verum hoc, quod postea factum, ipsa cœlestis exercitus multitudo nato in paupere tugurio Christo admirata voce sua imprimis, cantuque celebrauit, pastores mox cognouerunt, nos mortales reliqui maximo nostro cum bono, incomparabili erga nos omnipotentis Dei beneficio sensimus ante aliquot secula prophetarum vaticiniis, & prædictionibus significatum, annunciatum, promulgatum, non tamen quantum nec cuiusmodi futurum esset, potuit planè intelligi, quo quidem diuino suo munere, & filii sui exemplo nos instruit Deus, ut illi, quoad homini fas est, fieri velimus similes, vnamque in hac Dei imitatione, & similitudine, quæ ex fide iustificatio sæpe dicta Paulo est, virtutis veræ, & constantis rationem constituamus. Nam cetera quidem, quæ ex mundanis honoribus, atque laudibus vel ex ipsa etiam traduntur philosophia virtutum curricula, atque inuitamenta, neque soliditatem habent stabilem, neque ad immortalitatis præmium nos deducunt. Hæc similitudo Dei ex imitatione Iesu Christi vna sola est crepido stabilitatis nostræ, eadem inuicta seculis, immota cupiditatibus, quæ cum veluti procellæ quædam

& tem-

& tempestates vitam nostram assidue quatiant, hac fide CHRIS-
 TI sola frangi, & propulsari queunt. Firmati enim à Deo per fi-
 dem ac iustitiam, in eaque statuti, cum Christum habeamus ver-
 bum patris, viam nobis per aspera, & ardua aperientem, quam et-
 iam ipsum subeūtem videmus, atq. excipientē durissimos mundi
 casus, quo illi leuiiores deinde, & tolerabiliore in nos incidant,
 denique prætereuntem quoque nobis in cœlum, & suo illuc a-
 scēsu eodem nos vocantem, nos spe illorum cœlestium bonorum
 incitati, neque abducimur postea mundi blanditiis, nec asperita-
 tibus deterremur, quin certi, atque constantes etiam si offendi-
 mus interdum in via, & labimur, mente tamen, atque animo in
 Deo hæreamus. Hæc itaque firmitas nobis à Deo ex Euangelio
 Pauli est, quod est totum præconium Iesu Christi, in quo mysteriū
 nostræ salutis nunc demum reuelatum est, quod ex æternis secu-
 lis delituit, obscurumque permanfit, tamen Deus per prophetas
 suos aliquas eius partes in omnes mundi oras voluit promulgari,
 idcircoque effecit, vt late diffusum Iudæorum nomen, & in o-
 mnibus ferè prouinciis, ac ciuitatibus disseminata illa natio le-
 gis suæ vim, & notionem hominibus proponeret, quo Iesu Chri-
 sti futuri seruatoris testimonio prædicato vbique inter homines,
 & publicato cum ipse postea Christus aduentasset, facilius à gen-
 tibus, planiusque agnosceretur, fidesque eius, tanquam vnici filij
 Dei acciperetur. Huic igitur sic nos firmanti, & curanti, & tanto-
 pere nos amanti soli sapienti Deo honor à nobis, & gloria per Ie-
 sum Christum Dominum nostrum in seculorum sempiternas æ-
 tates, Amen. HIC TRIVLTIVS, Iure sanè, inquit, atque addeceat ita
 fieri. Solus enim & sapiens, & laudabilis est Deus, qui si etiam non
 alio nobis indicio suam beniuolentiam ostendisset, quam quod
 mundo inferiori nos præfecit, cæterorumque animantium cun-
 ctorum constituit dominos, esset tamen eius liberalitas & sapien-
 tia cum amore nobis, & cum veneratione omni recolenda. Cum
 vero humanis beneficiis non contentus, diuinæ etiam hæredita-
 tis præmium nobis proposuerit, atque id nos facilius, vt adipisci
 possemus post multa, variaque suæ prouidentia, doctrinaque in-
 dicia, filium suum vnicum postremo legauerit ad terras, morique
 eum pro nobis, & in crucem tolli permiserit, quo nos cum eo vnā
 in terrenis nostris affectibus mundo crucifixi, nihil nisi cœlestia,
 & alta cogitarem, quid possumus quæso amoris, & gratia Deo,
 quod tanto illius, & tam singulari beneficio respondeat, à nostra
 parte exhibere? Equidem angor animo non hæc vbique gentium
 cognita, & diuulgata esse, quæ disputata heri à te & nudius tertius,
 nos hodie tantum quasi delibando tractauimus, & ea tamen
 breui ipsa commemoratione perspicuam ostendunt sui luminis
 veritatem. Quid enim potest esse illustrius quam esse vnicum hūc

P p p

æternæ,

æternæ, & veræ assequendæ beatitudinis modum, si à Deo primum egressi, ad Deum item nos recipiamus? quod nostræ perpetuæ salutis mysterium totum abstrusum olim gentibus, Iudæis dimidia ex parte datum, nos integrum, & plenum in omnem partem accepimus. Dux porro, & monstrator huius mysterii solus Christus, vel potius ipse mysterium, (sic enim te exponente cognoui id quod magis, magisque deinceps animo volutans intelligo esse verissimum,) Christum ipsum doctrinam, & verbum existere patris nos monentis, & condoces facientis, si cœlestium bonorum compotes esse velimus, eius omnia præcepta nobis esse perdiscenda, hoc est Christum induendum, & quod ut iterum interpretemur, terrenarum rerum amoribus deserendis, atque abiiciendis & cœlestibus capeffendis solam Dei gratiam, & cum eo cognationem nobis esse appetendam. Cuius rei documentum nobis est ipse Christus, missus ob hoc ipsum è cœlo, & quatenus homo ad hanc ipsam rem creatus totus, atque factus, nomen ut nobis filiorum Dei, & paternam secum cœli hæreditatem tanquã charissimis fratribus communicaret. Hoc igitur ut dico, tam perspicuæ sapientiæ, & veritatis lumen, quod veluti fulgur è mediis olim regionibus terræ in omnes circumcirca rerum fines emicavit, voceque ea insonuit, ut non illa ab homine prolata vox, sed è cœlo edita planè intelligeretur, quo quidem tempore cunctæ propemodum gentes & nationes quantumvis feræ & barbaræ ad Deum sese facile, & ad Christum contulerunt, hoc, inquam, lumen nunc relanguisse vsque adeo, ut non iam firmo, & recto inruentibus oculo, sed quasi hallucinantibus apparere videatur. De his loquor, qui illud quoquo modo tamen accipiunt, & se id præferre suis actionibus profitentur, à multo maxima vero parte aut ignorari idem illud, aut etiam contemni, quis pij hominis sensu præditus gravissime potest non dolere? Cernimus Christianum nomen eò deductum esse, primum ut qui illud tenent, & norunt, verbo quidem vsurpent, re autem, atque factis omnia alia potius consecrentur, quam quæ sunt huic professioni, & nomini consentanea. Nolim equidem integris, probisque hominibus, quicunque illi sunt, & vbiunque terrarum sunt, vllam meis verbis labè, maculamque afferre. Non enim hos reprehendere, aut violare intendo, sed de communi hominum, qui se ostendunt, & offerunt more, & de vsitato genere viuendi loquor, quod in eo positum nunc est, ut videamus omneis ferè quærere, quæ sua sunt, ut Apostolus ait, non quæ Iesu Christi. Atque utinam tamen quæ sua essent verè quærerent, neque in alienis & externis rebus appetendis occuparentur vano profectò labore, dum sollicitudines suas ad eas res conferunt, quarum propria, & certa nunquam est possessio. Etenim quid magis proprium, magisque copulatum, atque hærens,

hærens, quam sibi vnusquisque? Et tamen qui hoc cogitet, & sapiat, suamque imprimis integritatem, & suimet curet incolumitatem quotus iste reperiatur? Imminemus foras penè omnes, & nostrimet obliti ad illa externa propendimus, quæ sonitu, & rumoribus complent aures nostras, falsoque splendore oculos perstringunt, quibus dum potiamur, & compotes eorum simus, exinanimus nosmetipsos veritate priorum bonorum, iustitiæque & fidei, & ipsius sæpenupero Dei, qui solus salus nostra est, cum possessione fallacium bonorum facimus commutationem. Nam quod vita plena est simulationis, insidiarum, mendacii, quod adulamur, quod vultus fingimus, quod assentamur præsentibus, absentes laceramus, quod dum ad optata nostra perueniamus non æquitatis, non concordiae, non publici commodi, non pietatis, aut charitatis, aut religionis ducimus rationem, quis non intelligat causas omnium malorum, quæ Christianam iam diu depopulata Remp. sunt, hodieque maxime & vastant, & depopulantur, in hoc errore hominum, & communis vitæ consistere? Eò enim adducti his moribus sumus, vt non amplius videamur, neque nostro consilio salui fieri posse, neque Dei ope, atque auxilio, propterea quod alterum iniustis cæcati cupiditatibus non videmus, altero sumus indigni. Itaque præter bella, & seditiones intestinas, quibus longo iam tempore laborat Christiana Resp. accessit paucis his annis grauis ista hæresis, quæ & concordiam publicam, & religionis auctoritatem aliquot in locis vehementer comminuit, metuque legum sublato, suapte sponte homines ad carnis licentiam, & ad cupiditarum studia proiectos, non solum exoluit timore, frænoque conscientiae, sed animauit etiam vltro, atque ad explendos improbos animorum affectus hortata est. Nā quid de nostro, & fidei nostræ ac religionis perpetuo hoste principe Turcarum dicam? cuius admirabiles & inauditi fortunæ cursus nonne indicant manifestò alienatum à nobis Dei animum, & abhorrentem ab vtilitatibus nostris illius voluntatem esse? vt quoniam nos, quod debemus, id minime agimus, hostis noster quicquid ipse agit, facile sibi id factu, & quasi paratum inueniat. Atque vt appareat magis, quæ sit in hac re voluntas, & quod iudicium summi Dei, potestne esse certius quicquam, quam si velimus nos, hoc est, si principes nostri in vnum consentiant, facile illum repressum ab his, in quæ imminet, quæ nobis ex amplo, & vetere Christiani nominis impetio pauca iam reliqua sunt facta, neque hoc solum, verum etiam ex illis, quæ iam diu occupat, quæ ex damnis nostris possidet, non maximo negotio eum expulsum iri? Nihil est profectò, quod patere possit magis. Quid igitur est causæ, quod non prouidetur, quod non occurritur, quod impendens cunctis exitium non attenditur? Cæci, cæci, inquam, sumus, neque

conspicimus, quid timere oporteat, quid cauere rectum sit, desertiq; a Deo, & derelicti, nec consilii capiendi, nec bonæ rationis incundæ vllam habemus facultatem. Atq; ille quidem aucto suo in immensum, amplificatoq; imperio, quod ex ruinis totum nostris coagmentauit, atq; extruxit non contentus Syria, Ægyptoque, quam paucis his annis, armis est adeptus, cum Asiam cunctā nobis antea abstulisset, Græciam occupauisset, Illyrium esset vniuersam depopulatus, munitissima recens nunc quoque Pannoniæ oppida expugnauit, imminetque regno illi, quod si ceperit, ac possederit, quanquam quo minus accipiat, nihil a nobis remedium paratum esse video, non posthac mari discretum quoquo modo hostem, sed in faucibus Italiæ habituri sumus. Recitantur quotidie in senatu ex Pannonia literæ, etenim illic legatione, vt scitis, pro summo pontifice fungitur vir nobilissimus Siculorum, idemque sine omni controuersia prudentissimus Antonius Pulleo Burgius, tuus Sadolete vetus amicus, atque hospes, de quo tibi maxime debet esse notum, tua enim istæ est curatio, tuum munus de his, quæ ad regnum illud, & legationem pertinent, pontificem quotidie consulendi, literisque accipiendis, & mittendis rerum, ac temporum consilia communicandi. Sed vt dicere institueram, leguntur in senatu crebrò literæ summum illarū nationum periculum significantes, nec tamen spem vllam ostendentes salutis, nisi forte tale quid eueniat, quo hostis ab instituto, & voluntate huiusmodi deducatur, ita illi volenti in manibus victoriam esse legati nostri renunciant. Qua in re maxime notare, & animaduerrere soleo Clementis VII. Pontif. Max. pietatem, bonitatemque, qui cum & tanto pondere auri, quam tum ab ipso effici potuit, regno illi subuenerit, & labore, cura, vigiliisque nihil prætermittat, quin omnia tentet, atque experiatur, si quid bonæ salutis collabentibus illis rebus que at asferre, tum autem vultu, aspectuque denunciat dolore animi se contabescere, neque vllam diurnæ, aut nocturnæ partem capere quietis, dignus profecto, cuius & assiduas preces ex alto Deus, & quotidiana monita, atque consilia Christiani in terris principis exaudiat. Sed videtis, quæ impedimenta sunt, flagramus in Italia bello acerbissimo, ac diuturno, duobus potentissimis regibus inter se decertantibus, qui totum robur Christiani nominis secum deserunt, quorū non meū quidem est diiudicare controuersias. Illud meum, vt de Francisco rege Christianiss. id dicam, quod aut meus in illum amor, aut meum perpetuum, & constans de ipsius virtute, & magnitudine animi iudicium me cogit dicere. Sic enim mihi persuasum habeo, si illi aliquando contigerit liberum esse ab his socialibus bellis, quæ dum res repetit suas, necessariò suscipere coactus est, hanc cum prouinciam, expeditionemque liberandæ

ab ho-

ab hostibus Christianæ Reip. & suscepturum maximo animo, & nauaturum fortiter esse, quod ut sperem adducor, non solum ex eis, quas perspicor in eo esse, virtutibus, quod honoris, quod laudis, quod eius gloriæ præcipuè cupidus est, quæ sit ad Deum ipsum, & ad Reip. commodū conuersa, sed eò etiam magis, quod ipse in sermonibus, quotidianisq; colloquiis singulare quoddam semper eius rei studium, & insignem cupiditatem præ se fert. Et enim eo est animo præditus, ut se à nemine suorum proauorum, atque maiorum, qui plures multa, & magna pro Christiana Reipub. egerunt, in hac præclara laude passurus sit superari, vtinam modò acerba istæ discordiæ, exitiabilesque contentiones, quæ tanto publico officiunt bono, Dei primùm ope, ac beneficio, tum deinde Clementis Pont. nostri consilio, qui nihil aliud dies noctesq; cogitat ad tolerabilem aliquam conditionem finiantur, paceq; & compositione quandoq; terminentur. In qua quidē cura, & labore pacificandi video te Sadolete cum in intimis rerum deliberationibus Pontifici assiduè adsis, laborare præcipuè, & præter cæteros sollicitum esse. SVM enim uerò, inquam, nec mihi quicquam est optatius, quàm intueri aliquando quiescentem Italiam, & ista ipsa arma, quæ tam faciliè vibrantur inter nos, pro propugnatiōe fidei Christi aduersus impios hostes conuersa aspicere. Habeo autem mecum eiusdem muneris, animiq; collegam, hunc, qui ætate quidem adhuc penè adolescens, ingenio, virtute, eloquentia, cum summis viris est comparandus, Benedictum Accoltum Archiepiscopum Rauennæ. Sed quàm facile sit in mediis ipsis ardoribus inimicitiarum animis contentione, iraque exasperatis sanum, & salubre valere posse consiliū, existimare ipsi per vosmetipsos potestis. Pontifex quidem optimo animo, & incredibili vrget studio, ut molliantur corda, pacisque aliqua cogitatio suscipiatur. Sed nihil adhuc profectum est, Deo, ut ego suspicor, nostris rationibus suorum perfugia auxiliorum obstruente, qui quoniam vnde ipse abest, nihil ibi omnino recti, nec commodi capi potest consilij: à nobis Triulti orandus, atq; obsecrandus est, ut populos aliquando suos benigniore oculo aspicere dignetur. F A C I V N D U M id quidem est, inquit, & fuit his aliquot annis etiam factū, cum Leone X. Pontifice maximo quinquennales illæ induciæ in omni Christiano nomine indictæ fuerunt, quo quidem tempore constare inter homines vsu rerum edoctos, & sapientes intelligebam vno illo in consilio, & in illa vna saltem ad tempus suscepta Christianorum principum concordia, salutem Christianæ Reipub. consistere. Sed ut reuertar ad Deum, cum essemus tunc in senatu, literasque omnium penè principum haberemus significantes animi mœrorem, quem ex felicitate, & victoria hostis nostri Turcæ eorum quisq; cepisset:

(etenim tempore illo Turcarum rex Syriam, atq; Aegyptum armis occupârat, vi debaturq; nouis imperiis auctus, & maiore multo quam prius, ac propè duplicata cumulatâ potentia ad inferendum nobis detrimenta, atq; clades futurâ paratior) recordor initum fuisse nobis repentè id consilium, vt in quinquennium fœdus, & amicitiam Christianis principibus indiceremus, decerneremusq; omnipotenti Deo aliquot dierum ad omnia templa, & puluinaria supplicationes, vt quando nos nostris operibus nil mereremur, sua is misericordia, & bonitate opem ferret Christianæ Reipub. eosque, qui ipsius sanctum nomen colerent tamen, atque adorarent, à potestate, & libidine crudelissimorum hostium redderet saluos, quas tum supplicationes omnibus in locis, à cunctis qui Christianam Remp. saluam cuperent, cum coniugibus, & liberis iussimus celebrari. Dixit sententiam in senatu homo omni grauitate, sapientia, autoritateq; amplissimus Antonius à Monte, qui iam diu in principibus est nostri ordinis, cui ad vnum omnes fuimus assensi, nec potuit meo quidem iudicio sapientius tum agi, quam actum fuit. Et sanè in tantis mœroris, & tristitiæ tenebris, quantæ animos cunctorum tunc occupauerant, lux quædam spei bonæ, salutisq; communis cœperat apparere, nisi illud lumen optimi consilij familiaris ista nostrarum caligo cupiditatum citò extinxisset. ASTRUCO, inquit, Iulius cùm in Gallia tunc essem, fui enim illis in locis, vt meminisse potestis, biennium, cùm Bernardus Diuicius Bibiena summi ingenij, & magni consilij vir, ex vestro Triulti ordine Cardinalis legatus ibidem summi Pontificis existeret, egoq; omnibus illis in rebus, & consiliis semper interesssem, dicam quod vidi egomet, affuiq; præsens, cùm fieret, neq; hunc clarissimum, & præstantissimum regem suæ virtutis, & gloriæ testimonio fraudabo, qui cum hac ipsa de re, induciisq; edictis, causaq; quamobrem edictæ illæ fuissent, literas, & nuncios ab vrbe accepisset, itemq; de eadem re à nobis fuisset edoctus, vehementer commotus animo, & Christianæ detrimentum religionis grauitè ferens, quam amplificata hostium potentia proximâ esse periculo intelligebat, non continuò respondit, diemq; sibi potius sumpsit ad deliberandum, quæ cùm venisset dies, essetque frequens coactum nobilissimorum procerum, & grauissimorum hominum, ornatissimorumq; consilium, pro suggestu instituit respondere: credo, vt quod erat Deo, & fidei CHRISTI oblaturus, id in cōuentu illustrium, grauiumque virosum & testatum magis, & maiore firmitate ratum esset. Atque ibi commemoratis maximis beneficiis, quæ sibi tam in seipso, quàm in maioribus suis diuinitus collata fuissent, suaq; exposita cupiditate referendæ quoad liceret, Deo gratiæ, obtulit ad extremum pollicitusq; est, si

Chri-

Christiani ceteri principes induciis assensu essent, causamq; Dei priuatis dissensionibus prauertendam esse constituissent, sese cum quadraginta millibus peditum, duobus millibus cataphractorum equitum ad bellum, atque in expeditionem aduersus Turcas iturum, neq; ante finem facturum, quam profligato bello, atque confecto, aut vitam suam quam deuoueret Deo, aut veteres prouincias, quas Christianæ iam pridem Reipublicæ impij hostes eripuissent, eidem Deo restituisset. Quo ego spectaculo nullum vnquam me arbitror maius visurum, neque magnificentius. Etenim cum virtus regis, atq; animus, illaq; mentis magnitudo, qua insigni præditus est, totam se in illo facto tunc ostendit, ac patefecit: tum verò nos in eam spem, atque opinionem omnes discessimus, vt non ampliùs de meru, aut periculo, sed de victoriis, ac triumphis cogitari à nobis putaremus oportere, quæ tamen spes, vt dixi, celeriter nobis è manibus elapsa est, quorum culpa non dico, est enim nobis positum ante oculos. Illud mæreo, grauiq; ex eo dolore animi afficior, quod iam ad omnium nostrum perniciem, & certè ad perspicuam infamiam nominis Christiani pertinet, quod ex his nostris importunissimis dissensionibus principem Turcarum impium orbis terræ affectantem vagandi quæ velit impundè, omniaq; corripienti intelligere video facultatem sibi esse concessam. TUM LANGEVS, Quæ tu luli de rege nostro palàm ab eo facta, atq; dicta vidisse te ais, ego qui illius consiliis intimus sum, totamq; eius vitam speculator, quippe qui in cubiculo semper illi sum proximus, facillè asseuerare tibi possum eo animo fuisse dicta, vt non consilium repentinò captum, sed perpetuè in eo voluntatis testis oratio illa extiterit. Atq; vtinam videre interius possetis domesticas illius actiones, & priuata studia, amaretis profectò humanitatem, liberalitatem, bonitatem, quæ etsi extra quoque, & in publicum proferunt, domi tamen, atq; intus expressiora sunt. Nam quod ad hanc in fidei hostes expeditionem pertinet, noui ego illius motus animi, & conatus, nil nisi de laude, & de gloria cogitantes, scioq; quanta is rerum magnarum flagret cupiditate gerendarum, utq; totus ad Deum, & ad studium tutandæ religionis sit conuersus. Quod quidem in hac nouarum hæresum, atq; opinionum labe à suis populis propulsanda facillè potestis animaduertere. Itaq; sperare iure debemus, si hæc illius firmata, & stabili voluntate occasionem ipsi Deus & ab his ciuilibus penè, vt ita dicam, quæ inter Christianos agitantur, dissidiis pacem, ociumq; præbuerit, futurum cum Christiani nominis in veterem potentiam, amplitudinemque vindicandi, & authorem, & principem VTINAM, inquam, Langee hoc ita fiat, sicq; iubeat ille, qui omnium potens est Deus, quem rogamus supplices, vt in consti-

tuta,

tuenda quando illi cunque fuerit visum salute nominis nostri quod certè externis, intestinisq; hostibus, sed multò etiam magis vita hominum corrupta, & contaminatis moribus grauius laborat, hanc velit propriam esse gloriam Francisci regis nostri Christianis. vt ipse electus præcipue à Deo ad hoc præclarum munus virtute, & victoria, & felicitate Christianam rempublicam stabiliat, cuius deinde gloria beneficij in vniuersa posteritate perpetua, illustrisq; sit. Cui à nobis Deo soli potenti, & sapienti, & optima semper volenti honor sit, & gloria in sempiterna secula, Amen.

Hic idem omnes cùm precati essent, Deumq; supplices cum pietate adorauissent, iamq; in Vaticanum nos ad suas quenq; de Republica curas diei tempus reuocaret, soluto cœtu discessimus.

F I N I S.

